



ਗੁਰ ਬਿਲਾਸ ਪਾਤਸ਼ਾਹੀ-੬

ਕ੍ਰਿਤ
ਭਗਤ ਸਿੰਘ



ਪਬਲੀਕੇਸ਼ਨ ਬਿਊਰੋ
ਪੰਜਾਬੀ ਯੂਨੀਵਰਸਿਟੀ, ਪਟਿਆਲਾ

ਗੁਰ ਬਿਲਾਸ ਪਾਤਸ਼ਾਹੀ-੬

ਕ੍ਰਿਤ
ਭਗਤ ਸਿੰਘ

ਸੰਪਾਦਕ
ਡਾ. ਗੁਰਮੁਖ ਸਿੰਘ



ਪਬਲੀਕੇਸ਼ਨ ਬਿਊਰੋ
ਪੰਜਾਬੀ ਯੂਨੀਵਰਸਿਟੀ, ਪਟਿਆਲਾ

©
ਪੰਜਾਬੀ ਸਾਹਿਤ ਅਧਿਐਨ ਵਿਭਾਗ
ਪੰਜਾਬੀ ਯੂਨੀਵਰਸਿਟੀ, ਪਟਿਆਲਾ

URBILAS PATSHAH—6 (*Punjabi*)

By

BHAGAT SINGH

Edited by

DR. GURMUKH SINGH

ISBN 81-7380-493-5

1997

ਪਹਿਲੀ ਵਾਰ : 550

ਮੁੱਲ : 400-00

ਪ੍ਰੋਫੈਸਰ ਰਣਬੀਰ ਸਿੰਘ, ਐਮ. ਏ. (ਅੰਗਰੇਜ਼ੀ), ਪੀ-ਐੱਚ. ਡੀ., ਰਜਿਸਟਰਾਰ, ਪੰਜਾਬੀ
ਯੂਨੀਵਰਸਿਟੀ, ਪਟਿਆਲਾ ਨੇ ਐਡਵਿਨ ਪ੍ਰੈਸ, ਪਟਿਆਲਾ ਤੋਂ ਛਪਵਾ ਕੇ ਪ੍ਰਕਾਸ਼ਿਤ
ਕੀਤੀ ।

ਦੋ ਸ਼ਬਦ

ਯੂਨੀਵਰਸਿਟੀ ਦੇ ਪੰਜਾਬੀ ਸਾਹਿਤ ਅਧਿਐਨ ਵਿਭਾਗ ਦੁਆਰਾ ਚਲਾਈ ਜਾ ਰਹੀ ਰੱਖ-ਲਿਖਤ ਸੰਪਾਦਨ ਲੜੀ ਵਿਚ ਹਥਲੀ ਪੁਸਤਕ ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਰਚਿਤ ਭਾਈ ਭਗਤ ਸਿੰਘ, ਦੀ ਸੰਪਾਦਨਾ ਹੈ। ਇਸ ਵਿਚ ਗੁਰੂ ਹਰਿਗੋਬਿੰਦ ਦੇ ਜੀਵਨ ਦਾ ਵਿਸਥਾਰਪੂਰਵਕ ਬਿਉਰਾ 21 ਅਧਿਆਵਾਂ ਵਿਚ ਦਿਤਾ ਗਿਆ ਹੈ। ਕਰਤਾ ਨੇ ਆਪਣੀ ਕਾਵਿ-ਰਚਨਾ ਵਿਚ ਵੱਖ ਵੱਖ ਛੰਦਾਂ ਦੀ ਵਰਤੋਂ ਕੀਤੀ ਹੈ ਜਿਵੇਂ ਸਵੈਯਾ, ਚੌਪਈ, ਦੋਹਰਾ, ਸੋਰਠਾ, ਕਬਿਤ, ਛਪੈ ਅਤੇ ਅੜਿਲ ਆਦਿ। ਇਸ ਕਵਿਤਾ ਦੀ ਭਾਸ਼ਾ ਬੜੀ ਸਰਲ ਤੇ ਸੁਖੈਨ ਹੈ, ਭਾਵੇਂ ਉਸ ਉਤੇ ਕਿਧਰੇ ਕਿਧਰੇ ਬ੍ਰਜੀ ਦਾ ਵੀ ਪਰਭਾਵ ਹੈ।

ਆਸ ਹੈ ਇਹ ਪੁਸਤਕ ਮਧ-ਕਾਲੀਨ ਸਾਹਿਤ ਵਿਚ ਰੁਚੀ ਰੱਖਣ ਵਾਲੇ ਵਿਦਵਾਨਾਂ ਅਤੇ ਪਾਠਕਾਂ ਲਈ ਲਾਹੇਵੰਦ ਸਾਬਤ ਹੋਵੇਗੀ।

ਪੰਜਾਬੀ ਯੂਨੀਵਰਸਿਟੀ
ਪਟਿਆਲਾ

ਜੋਗਿੰਦਰ ਸਿੰਘ ਪੁਆਰ
ਵਾਈਸ-ਚਾਂਸਲਰ

ਵਿਭਾਗੀ ਸ਼ਬਦ

ਪੰਜਾਬੀ ਸਾਹਿਤ ਅਧਿਐਨ ਵਿਭਾਗ ਦੀ ਸਥਾਪਨਾ ਦੇ ਮੁਖ ਉਦੇਸ਼ ਵਿਚ 'ਹੱਥ ਲਿਖਤ ਸੰਪਾਦਨ ਲੜੀ' ਦਾ ਵਿਸ਼ੇਸ਼ ਮਹੱਤਵ ਹੈ ਜਿਸ ਅਧੀਨ ਪੰਜਾਬੀ ਦੀਆਂ ਕਲਾਸਕੀ ਰਚਨਾਵਾਂ ਨੂੰ, ਉਪਲਬਧ ਹੱਥ ਲਿਖਤ ਖਰੜਿਆਂ ਦੇ ਆਧਾਰ ਤੇ, ਸਹੀ ਢੰਗ ਨਾਲ ਸੰਪਾਦਿਤ ਕਰਵਾ ਕੇ ਪ੍ਰਕਾਸ਼ਤ ਕਰਵਾਏ ਜਾਣ ਦੀ ਯੋਜਨਾ ਬਣਾਈ ਗਈ ਸੀ।

ਇਸ 'ਹੱਥ ਲਿਖਤ ਸੰਪਾਦਨ ਕਲਾ ਲੜੀ' ਅਧੀਨ ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ, ਰਚਿਤ ਭਾਈ ਭਗਤ ਸਿੰਘ ਦਾ ਸੰਪਾਦਨ ਡਾ. ਗੁਰਮੁਖ ਸਿੰਘ, ਭਾਸ਼ਾ ਵਿਭਾਗ, ਤੋਂ ਕਰਵਾਇਆ ਗਿਆ ਹੈ। ਡਾ. ਗੁਰਮੁਖ ਸਿੰਘ ਮਧਕਾਲੀਨ ਸਾਹਿਤ, ਖਾਸ ਕਰਕੇ ਹੱਥ ਲਿਖਤ ਸਾਹਿਤ ਨੂੰ ਵਾਚਣ ਦੀ ਚੰਗੀ ਮੁਹਾਰਤ ਰਖਦੇ ਹਨ ਜਿਸ ਕਰਕੇ ਉਨ੍ਹਾਂ ਨੂੰ ਇਹ ਕਾਰਜ ਸੌਂਪਿਆ ਗਿਆ ਸੀ।

ਇਸ ਪੁਸਤਕ ਵਿਚ ਲੇਖਕ ਨੇ ਗੁਰੂ ਹਰਿ ਗੋਬਿੰਦ ਸਾਹਿਬ ਦੇ ਜੀਵਨ ਦੇ ਹਰ ਪੱਖ ਨਾਲ ਸਬੰਧਤ ਨਿੱਕੀ ਤੋਂ ਨਿੱਕੀ ਘਟਨਾ ਨੂੰ ਵੀ ਅੱਖੋਂ ਓਹਲੇ ਨਹੀਂ ਹੋਣ ਦਿਤਾ। ਭਾਈ ਮਨੀ ਸਿੰਘ ਜੀ ਨੇ ਗੁਰੂ ਗੋਬਿੰਦ ਸਿੰਘ ਜੀ ਪਾਸੋਂ, ਗੁਰੂ ਹਰਿ ਗੋਬਿੰਦ ਸਾਹਿਬ ਦੇ ਜੀਵਨ ਸਬੰਧੀ ਜੋ ਕੁਝ ਸੁਣਿਆ ਸੀ ਉਸ ਨੂੰ ਕਥਾ ਰੂਪ ਵਿਚ ਗੁਰਦੁਆਰਾ ਨਾਨਕਸਰ ਵਿਖੇ ਸੁਣਾਇਆ ਸੀ। ਜਿਸ ਨੂੰ ਅਧਾਰ ਬਣਾ ਕੇ ਭਾਈ ਭਗਤ ਸਿੰਘ ਨੇ ਹਥਲੀ ਪੁਸਤਕ ਦੇ ਰੂਪ ਵਿਚ ਕਾਵਿ ਬਧ ਕੀਤਾ ਹੈ। ਜਿਸ ਵਿਚ ਉਸ ਨੇ ਗੁਰੂ ਹਰਿਗੋਬਿੰਦ ਸਾਹਿਬ ਦੇ ਸਮੁੱਚੇ ਜੀਵਨ ਨੂੰ ਭਾਈ ਭਗਤ ਸਿੰਘ ਵਲੋਂ ਕਾਵਿ ਬਧ ਕੀਤੇ ਖਰੜੇ ਨੂੰ ਕੁਲ ਇੱਕੀ ਅਧਿਆਵਾਂ ਵਿਚ ਵੰਡਿਆ ਹੈ।

ਇਸ ਪੁਸਤਕ ਦੀ ਸੰਪਾਦਨਾ ਕਰਨ ਸਮੇਂ ਡਾ. ਗੁਰਮੁਖ ਸਿੰਘ ਨੇ ਨਿਮਨ ਲਿਖਤ ਖਰੜਿਆਂ ਨੂੰ ਆਧਾਰ ਸਮਗਰੀ ਵਜੋਂ ਵਰਤਿਆ ਹੈ ਬੇਸ਼ਕ ਮੂਲ ਪਾਠ ਵਜੋਂ ਉਨ੍ਹਾਂ ਨੇ ਹਰਚੰਦ ਸਿੰਘ ਸੁਨਾਮ ਵਾਲੇ ਖਰੜੇ ਦੀ ਵਰਤੋਂ ਹੀ ਕੀਤੀ ਹੈ ਪਰ ਪਾਠ ਨਿਰਧਾਰਤ ਕਰਨ ਲਈ ਤੁਲਨਾਤਮਕ ਵਿਧੀ ਵਜੋਂ ਡਾ. ਸਾਹਿਬ ਨੇ ਡਾ. ਰਾਮ ਸਿੰਘ ਭੋਗਪੁਰ ਅਤੇ ਸ. ਦਲਬੀਰ ਸਿੰਘ ਮੁਹਾਲੀ ਪਾਸ ਉਪਲਬਧ ਖਰੜਿਆਂ ਦੀ ਵਰਤੋਂ ਕੀਤੀ ਹੈ।

ਵਿਦਵਾਨ ਸੰਪਾਦਕ ਵਲੋਂ ਭਾਈ ਭਗਤ ਸਿੰਘ ਦੀ ਇਸ ਰਚਨਾ ਦਾ ਪਾਠ ਨਿਰਧਾਰਤ ਕਰਨ ਦੇ ਨਾਲ ਨਾਲ ਇਸ ਦੀਆਂ ਕਾਵਿਕ ਵਿਸ਼ੇਸ਼ਤਾਵਾਂ ਸਬੰਧੀ ਵੀ ਟੀਕਾ ਟਿਪਣੀ ਕੀਤੀ ਗਈ ਹੈ। ਕਵੀ ਵਲੋਂ ਵਰਤੇ ਗਏ ਵੱਖ ਵੱਖ ਤੱਥਾਂ ਦੀ ਇਤਿਹਾਸਕਤਾ ਸਬੰਧੀ ਟਿਪਣੀ ਕਰਨ ਦੇ ਨਾਲ ਨਾਲ ਵੱਖ ਵੱਖ ਅਧਿਆਵਾਂ ਵਿਚ ਵਰਤੇ ਗਏ ਵੱਖ ਵੱਖ

ਛੰਦਾਂ ਦੀ ਵਰਤੋਂ ਸਬੰਧੀ ਵੀ ਚਾਨਣਾ ਪਾਇਆ ਗਿਆ ਹੈ। ਲੇਖਕ ਵਲੋਂ ਸਵੈਯਾ, ਚੌਪਈ ਦੋਹਰਾ, ਸੋਰਠਾ, ਕਬਿੱਤ, ਛਪੈ, ਅੜਿਲ ਅਤੇ ਸਰਵੋਚ ਆਦਿ ਛੰਦਾਂ ਦੇ ਕਾਵਿ ਰੂਪਾਂ ਦੀ ਵਰਤੋਂ ਪੂਰੀ ਸਫਲਤਾ ਸਹਿਤ ਕੀਤੀ ਗਈ ਹੈ। ਜਿਸ ਪ੍ਰਥਾਇ ਸੰਪਾਦਕ ਵਲੋਂ ਅਲੋਚਨਾਤਮਕ ਦ੍ਰਿਸ਼ਟੀ ਤੋਂ ਜਾਣਕਾਰੀ ਵੀ ਕਰਵਾਈ ਗਈ ਹੈ। ਜਿਥੋਂ ਤਕ ਪੁਸਤਕ ਦੀ ਭਾਸ਼ਾ ਦਾ ਸਬੰਧ ਹੈ, ਕਵਿਤਾ ਦੀ ਬੋਲੀ ਮੂਲ ਰੂਪ ਵਿਚ ਪੰਜਾਬੀ ਹੈ ਜੋ ਬਹੁਤ ਹੀ ਸਰਲ ਹੋਣ ਕਰਕੇ ਆਮ ਪਾਠਕ ਦੇ ਸਮਝ ਵਿਚ ਆਉਣ ਗੋਚਰੀ ਹੈ ਪਰ ਇਸ ਉਪਰ ਬ੍ਰਜ ਦਾ ਪ੍ਰਭਾਵ ਵੀ ਪ੍ਰਤੱਖ ਦਿਖਾਈ ਦਿੰਦਾ ਹੈ। ਲੇਖਕ ਨੇ ਬੋਲੀ ਹੀ ਬ੍ਰਜ ਦੇ ਪ੍ਰਭਾਵ ਵਾਲੀ ਨਹੀਂ ਵਰਤੀ ਉਸ ਨੇ ਕੁਝ ਛੰਦ ਵੀ ਉਹ ਹੀ ਵਰਤੇ ਹਨ ਜਿਹੜੇ ਪੰਜਾਬੀ ਵਿਚ ਘੱਟ ਵਧ ਹੀ ਵਰਤੋਂ ਵਿਚ ਆਏ ਹਨ ਅਤੇ ਬ੍ਰਜ ਵਿਚ ਆਮ ਪ੍ਰਚਲਤ ਹਨ।

ਸੰਪਾਦਕ ਵਲੋਂ ਇਸ ਪੁਸਤਕ ਦੀ ਸੰਪਾਦਨਾ ਪੂਰੀ ਮਿਹਨਤ ਤੇ ਲਗਨ ਨਾਲ ਕੀਤੀ ਗਈ ਹੈ। ਆਸ ਹੈ ਸਿੱਖ ਧਰਮ, ਮਧਕਾਲੀਨ ਪੰਜਾਬੀ ਸਾਹਿਤ ਤੇ ਇਤਿਹਾਸ ਵਿਚ ਰੁਚੀ ਰੱਖਣ ਵਾਲੇ ਪੰਜਾਬੀ ਪਾਠਕ, ਵਿਦਿਆਰਥੀ, ਅਧਿਆਪਕ ਤੇ ਖੋਜਾਰਥੀ ਇਸ ਦਾ ਪੂਰਾ ਪੂਰਾ ਲਾਭ ਉਠਾਉਣਗੇ।

ਪੰਜਾਬੀ ਸਾਹਿਤ ਅਧਿਐਨ ਵਿਵਾਗ
ਪੰਜਾਬੀ ਯੂਨੀਵਰਸਿਟੀ, ਪਟਿਆਲਾ।

ਮੇਵਾ ਸਿੰਘ ਸਿੱਧੂ
ਮੁਖੀ

ਤਤਕਰਾ

ਦੋ ਸ਼ਬਦ	(iii)
ਵਿਭਾਗੀ ਸ਼ਬਦ	(v)
ਭੂਮਿਕਾ	1
ਕਵੀ ਪਰਿਚਯ	1
ਰਚਨਾ ਕਾਲ	3
ਕਥਾਨਕ	5
ਕਵੀ ਦੀ ਦ੍ਰਿਸ਼ਟੀ ਵਿਚ ਗੁਰੂ ਹਰਿਗੋਬਿੰਦ ਜੀ ਦੀ ਸ਼ਖਸੀਅਤ	13
ਇਤਿਹਾਸਕ ਪੱਖ	16
ਪੌਰਾਣਿਕ ਭਾਵਨਾ	18
ਕਰਾਮਾਤ	19
ਬਿਪਰ ਸੰਸਕਾਰ	20
ਆਮ ਲੋਕ ਜੀਵਨ ਬਾਰੇ	20
ਸਾਹਿਤ ਪੱਖ	21
ਚਰਿਤ ਕਾਵਿ	21
ਯੁੱਧ ਚਿੱਤਰਣ	23
ਅਲੰਕਾਰ	25
ਛੰਦ ਵਿਧਾਨ	27
ਰਸ ਵਿਧਾਨ	29
ਸ਼ੈਲੀ	30
ਨੀਤੀ ਬਚਨ	31
ਭਾਸ਼ਾ	32
ਸੰਪਾਦਨ ਵਿਧੀ	34
ਮੂਲ ਪਾਠ	36
ਅੰਤਕਾ—1 ਅਰਥਾਵਲੀ	864
ਅੰਤਕਾ—2 ਸਹਾਇਕ ਗੰਥਾਵਲੀ	874

ਗੁਰੇ ਬਿਲਾਸ ਪਾਤਸ਼ਾਹੀ ੬ : ਵਿਸਤ੍ਰਿਤ ਪਰਿਚਯ

ਭੁਮਿਕਾ

ਪੰਜਾਬੀ ਵਿੱਚ ਬਹੁਤ ਸਾਰੇ ਗ੍ਰੰਥਾਂ ਦਾ ਵਿਗਿਆਨਕ ਸੰਪਾਦਨ ਹੋਣਾ ਲਾਜ਼ਮੀ ਹੋ ਗਿਆ ਹੈ ਕਿਉਂਕਿ ਇਹਨਾਂ ਗ੍ਰੰਥਾਂ ਦਾ ਇਤਿਹਾਸਕ, ਸਾਹਿਤਕ, ਸਭਿਆਚਾਰਕ ਤੇ ਲੋਕਯਾਨਕ ਮਹੱਤਵ ਲਗਭਗ ਸਾਰੇ ਵਿਦਵਾਨਾਂ ਨੇ ਸਵੀਕਾਰ ਕੀਤਾ ਹੈ। ਇਹਨਾਂ ਵਿੱਚ ਕਈ ਗ੍ਰੰਥ ਅਜੇ ਹੱਥ ਲਿਖਤ ਰੂਪ ਵਿੱਚ ਪਏ ਹਨ ਤੇ ਕਈ ਛਪੇ ਹੋਏ ਵੀ ਹਨ ਜਿਹਨਾਂ ਦਾ ਪਾਠ ਪ੍ਰਮਾਣਿਕ ਨਹੀਂ ਹੈ। ਅਜਿਹਾ ਇਕ ਗੌਰਵਸ਼ਾਲੀ ਗ੍ਰੰਥ ਗੁਰਬਿਲਾਸ ਪਾਤਸ਼ਾਹੀ ੬ ਹੈ ਜਿਸਦੇ ਹੱਥ ਲਿਖਤ ਖਰੜੇ ਤੇ ਪੁਰਾਣੇ ਛਪੇ ਸੰਸਕਰਣ ਉਪਲੱਬਧ ਹਨ। ਇਸ ਗ੍ਰੰਥ ਦੇ ਵਿਗਿਆਨਕ ਸੰਪਾਦਨ ਵੱਲ ਇਹ ਨਿਮਾਣਾ ਜਿਹਾ ਯਤਨ ਹੈ।

ਕਵਿ ਪਰਿਚਯ

ਪੰਜਾਬੀ ਵਿੱਚ ਅਜਿਹੇ ਪੁਰਾਤਨ ਗ੍ਰੰਥਾਂ ਦੀ ਕਮੀ ਨਹੀਂ ਜਿਹਨਾਂ ਦੇ ਕਰਤਿਆਂ ਬਾਰੇ ਕੁਝ ਪਤਾ ਨਹੀਂ ਲਗਦਾ ਤੇ ਕਈ ਗ੍ਰੰਥ ਅਜਿਹੇ ਹਨ ਜਿਹਨਾਂ ਤੇ ਕਰਤਿਆਂ ਨੇ ਆਪਣੇ ਸ਼ਰਧਾ ਪਾਤਰ ਦਾ ਨਾਂ ਦੇ ਦਿੱਤਾ ਹੈ। ਕਈ ਗ੍ਰੰਥਾਂ ਵਿੱਚ ਕਰਤਾ ਇਨ੍ਹਾਂ ਲੁਪਤ ਹੈ ਕਿ ਉਸ ਸਬੰਧੀ ਅਨੁਮਾਨ ਹੀ ਲਗਾਇਆ ਜਾ ਸਕਦਾ ਹੈ, ਅਧਿਕਾਰਿਤ ਰੂਪ ਵਿੱਚ ਕੁਝ ਨਹੀਂ ਆਖਿਆ ਜਾ ਸਕਦਾ। ਗੁਰਬਿਲਾਸ ਪਾਤਸ਼ਾਹੀ ੬ ਦੇ ਕਰਤਾ ਸਬੰਧੀ ਨਿਰਣਾ ਕਰਨਾ ਇਕ ਸਮੱਸਿਆ ਹੈ।

ਇਸ ਗ੍ਰੰਥ ਦੀ ਉਥਾਨਕਾ ਇਸ ਪ੍ਰਕਾਰ ਲਿਖੀ ਗਈ ਹੈ ਕਿ ਇਕ ਵਾਰ ਭਾਈ ਮੁਨੀ ਸਿੰਘ ਸ਼ਹੀਦ ਨਨਕਾਣਾ ਸਾਹਿਬ ਦੇ ਦੋਰਸਨ ਦੀਦਾਰ ਕਰਨ ਲਈ ਆਏ ਤਾਂ ਨਾਨਕਸ਼ਾਹ ਗੁਰਦੁਆਰੇ ਵਿੱਚ ਰਾਗੀ ਸਿੰਘ ਭਾਈ ਗੁਰਦਾਸ ਜੀ ਦੀ ਵਾਰ ਦੀ ਪਉੜੀ—ਪੰਜ ਪਿਆਲੇ ਪੰਜ ਪੀਰ ਛਠਮ ਪੀਰ ਬੈਠਾ ਗੁਰ ਭਾਈ—ਦਾ ਗਾਇਨ ਕਰ ਰਹੇ ਸਨ। ਭਾਈ ਭਗਤ ਸਿੰਘ ਨੇ ਉਹਨਾਂ ਨੂੰ ਬੇਨਤੀ ਕੀਤੀ ਕਿ ਆਪ ਕਿਰਪਾ ਕਰਕੇ ਛੇਵੇਂ ਸਤਿਗੁਰੂ ਜੀ ਦੀ ਜੀਵਨ-ਕਥਾ ਵਿਸਤਾਰ ਨਾਲ ਸੰਗਤਾਂ ਨੂੰ ਸੁਣਾਓ। ਭਾਈ ਜੀ ਨੇ ਇਹਨਾਂ ਦੀ ਬੇਨਤੀ ਮੰਨ ਲਈ ਤੇ ਨਾਨਕਸ਼ਾਹ ਗੁਰਦੁਆਰੇ ਵਿਖੇ ਕਥਾ ਆਰੰਭ ਕਰ ਦਿੱਤੀ। ਭਾਈ ਭਗਤ ਸਿੰਘ ਥਾਂ ਥਾਂ ਉਹਨਾਂ ਪਾਸੋਂ ਪ੍ਰਸ਼ਨ ਪੁੱਛਦਾ ਹੈ ਜਾਂ ਕਿਸੇ ਘਟਨਾ ਬਾਰੇ ਜਾਨਣ ਲਈ ਜਿਗਿਆਸਾ ਦਿਖਾਉਂਦਾ ਹੈ ਤਾਂ ਭਾਈ ਮੁਨੀ ਸਿੰਘ ਉਸਨੂੰ ਵਿਸਤਾਰ ਸਹਿਤ ਦੱਸਦੇ ਤੇ ਉਸ ਦੀ ਜਿਗਿਆਸਾ ਸਾਂਤ ਕਰਦੇ ਹਨ। ਇਸ ਬਾਰੇ ਇਸ ਗ੍ਰੰਥ ਵਿੱਚ ਸਪਸ਼ਟ ਲਿਖਿਆ ਹੈ :

ਮੁਨੀ ਸਿੰਘ ਜਬ ਹੀ ਕਹੀ ਭਗਤ ਸਿੰਘ ਕੋ ਗੁਾਬ ।

ਧਰਮ ਸਿੰਘ ਜੀ ਕਵਿ ਗੁਰੂ ਬੈਠੇ ਤਬੈ ਢਿਗ ਸਾਬ ॥

ਸੁਨੀ ਜੈਸ ਗੁਰ ਤਸ ਮਮ ਗਾਈ ।

ਮੋ ਪਰ ਕਿਰਪਾ ਕੀਨ ਮਹਾਈ ॥

ਇਸ ਤੋਂ ਸਪਸ਼ਟ ਹੈ ਕਿ :

(ੳ) ਭਾਈ ਮਨੀ ਸਿੰਘ ਜੀ ਨੇ ਗੁਰੂ ਹਰਿਗੋਬਿੰਦ ਜੀ ਦੀ ਜੀਵਨ ਗਾਥਾ ਸੰਗਤਾਂ ਨੂੰ ਨਾਨਕਸਰ ਗੁਰਦੁਆਰੇ ਵਿਖੇ ਸੁਣਾਈ ।

(ਅ) ਭਾਈ ਭਗਤ ਸਿੰਘ ਤੇ ਉਸਦੇ ਕਾਵਿ-ਗੁਰੂ ਭਾਈ ਧਰਮ ਸਿੰਘ ਵੀ ਕਥਾ ਸੁਣਨ ਵਾਲਿਆਂ ਵਿੱਚ ਵਿਦਮਾਨ ਸਨ । ਉਹਨਾਂ ਦੇ ਆਖਣ ਤੇ ਭਾਈ ਭਗਤ ਸਿੰਘ ਨੇ ਇਸ ਨੂੰ ਛੰਦ ਬੱਧ ਕਰਕੇ ਗੁਰ ਜਸ ਸਾਂਭਣ ਦਾ ਉਪਰਾਲਾ ਕੀਤਾ ।

ਕੁਝ ਵਿਦਵਾਨ ਇਸ ਗ੍ਰੰਥ ਦੇ ਕਰਤਾ ਸੋਹਨ ਕਵੀ ਨੂੰ ਮੰਨਦੇ ਹਨ ਜਿਸ ਦੇ ਜੀਵਨ ਬਾਰੇ ਕੁਝ ਪਤਾ ਨਹੀਂ ਲਗਦਾ । ਉਹਨਾਂ ਨੇ ਗ੍ਰੰਥ ਦੇ ਅਖੀਰ ਵਿੱਚ ਇਹ ਦੋਹਰਾ ਇਸ ਪੱਖ ਨੂੰ ਪੇਸ਼ ਕਰਨ ਲਈ ਪ੍ਰਮਾਣ ਵਜੋਂ ਦਿੱਤਾ ਹੈ :

ਪਰਤਖ ਹੋਤ ਗੁਰਦੇਵ ਕੇ ਸੇਵਕ ਸੋਹਨ ਨਾਮ ।

ਤਾਤੇ ਜਾਨੋ ਦਾਸ ਕਵਿ ਸੰਤ ਪੂਰਾ ਮਮ ਨਾਮ ॥

ਇਸ ਤਰ੍ਹਾਂ ਉਹਨਾਂ ਨੇ ਸੋਹਨ ਨੂੰ ਗੁਰ ਬਿਲਾਸ ਦਾ ਕਰਤਾ ਮੰਨ ਲਿਆ । ਇਹ ਪ੍ਰਮਾਣ ਬਹੁਤਾ ਵਿਸਵਾਸਯੋਗ ਨਹੀਂ ਹੈ ਕਿਉਂਕਿ ਪ੍ਰਾਚੀਨ ਹੱਥ ਲਿਖਤ ਪੋਥੀਆਂ ਤੇ ਪੱਥਰ ਛਾਪੇ ਵਿੱਚ ਛਪੇ ਇਸ ਗ੍ਰੰਥ ਦੇ ਅਖੀਰ ਵਿੱਚ ਇਹ ਦੋਹਰਾ ਇਸ ਤਰ੍ਹਾਂ ਉਪਲਬੱਧ ਹੈ :

ਪਰਤਖ ਹੋਤ ਗੁਰਦੇਵ ਕੇ ਸੇਵਕ ਮੋਹੇ ਨਿਨਾਮ ।

ਤਾਤੇ ਜਾਨੋ ਦਾਸ ਕਵਿ ਸੰਤ ਪੂਰਾ ਮਮ ਨਾਮ ॥

ਇਸ ਤੋਂ ਸਵੈ-ਸਪਸ਼ਟ ਹੈ ਕਿ ਸੋਹਨ ਕਵੀ ਦੀ ਕਲਪਨਾ ਨਿਰਮੂਲ ਹੈ । ਇਸ ਗ੍ਰੰਥ ਦਾ ਕਰਤਾ ਭਾਈ ਭਗਤ ਸਿੰਘ ਸਿੱਧ ਹੁੰਦਾ ਹੈ ਜੋ ਆਪਣੇ ਆਪ ਨੂੰ ਨਿਮਰਤਾ ਵੱਸ “ਦਾਸਕਵਿ” ਜਾਂ “ਬਾਲ ਕਵਿ” ਵੀ ਆਖਦਾ ਹੈ । ਮੂਲ ਪ੍ਰਤੀ ਵਿੱਚ ਲਿਖਾਰੀ ਹਰੀ ਸਿੰਘ, ਜੋ ਆਪਣੇ ਆਪ ਨੂੰ ਉਸਦੀ ਕੁਲ ਵਿਚੋਂ ਦੱਸਦਾ ਹੈ, ਇਸ ਗੱਲ ਬਾਰੇ ਸਪਸ਼ਟ ਲਿਖਦਾ ਹੈ :

ਧਰਮ ਸਿੰਘ ਗੁਰ ਆਇਸ ਦੀਨੀ ।

ਭਗਤ ਸਿੰਘ ਲਿਖਹੁ ਕਥਾ ਨਵੀਨੀ ॥

ਹਰਿ ਗੋਬਿੰਦ ਗੁਰ ਜੋਧਾ ਬਹੁ ਭਾਰੀ ।

ਕਥਾ ਲਿਖੀ ਹਿਤ ਪਰਉਪਕਾਰੀ ॥

ਭਗਤ ਸਿੰਘ ਮਮ ਪੂਰਵਜ ਜਾਨਹੁ ।

ਜਾਹਿ ਲਿਖੀ ਯਾ ਕਥਾ ਮਹਾਨਹੁ ॥

ਇਸ ਤੋਂ ਸਪਸ਼ਟ ਹੈ ਕਿ ਇਸ ਗ੍ਰੰਥ ਦਾ ਕਰਤਾ ਭਾਈ ਭਗਤ ਸਿੰਘ ਹੈ, ਸੋਹਨ ਕਵੀ ਨਹੀਂ । ਇਹ ਭਗਤ ਸਿੰਘ ਕਿਥੋਂ ਦਾ ਰਹਿਣ ਵਾਲਾ ਸੀ ? ਕੀ ਕੰਮ ਕਰਦਾ ਸੀ ? ਇਸ ਦੇ ਮਾਪੇ ਕੌਣ ਸਨ ? ਇਹ ਕਦੋਂ ਜਨਮਿਆ ਤੇ ਗੁਜ਼ਰਿਆ ? ਇਸ ਨੇ ਕਿਸੇ ਹੋਰ ਗ੍ਰੰਥ ਦੀ ਰਚਨਾ ਕੀਤੀ ? ਆਦਿ ਬਾਰੇ ਅਜੇ ਤੱਕ ਹੋਈ ਖੋਜ ਚੁੱਪ ਹੈ ।

ਗ੍ਰੰਥ ਦੇ ਅਧਿਐਨ ਤੋਂ ਭਾਈ ਭਗਤ ਸਿੰਘ ਦੀ ਸ਼ਖਸੀਅਤ ਬਾਰੇ ਗਿਆਨ ਹੁੰਦਾ ਹੈ ਕਿ :

- (ੳ) ਉਹ ਭਾਰਤੀ ਧਰਮ, ਇਤਿਹਾਸ/ਮਿਥਿਹਾਸ ਤੇ ਪੌਰਾਣਿਕ ਕਥਾਵਾਂ ਦਾ ਚੰਗਾ ਵਿਦਵਾਨ ਗਿਆਤਾ ਸੀ।
- (ਅ) ਉਸਨੂੰ ਕਾਵਿ-ਰੀਤ ਦਾ ਪੂਰਨ ਗਿਆਨ ਸੀ। ਉਸਨੇ ਕਾਵਿ ਸ਼ਾਸਤਰ ਤੇ ਛੰਦ ਸ਼ਾਸਤਰ ਦਾ ਡੂੰਘਾ ਅਧਿਐਨ ਕੀਤਾ ਹੋਇਆ ਸੀ।
- (ੲ) ਉਹ ਭਾਈ ਮਨੀ ਸਿੰਘ ਜੀ ਸ਼ਹੀਦ ਜਿਹੇ ਵਿਦਵਾਨ ਤੇ ਸ਼੍ਰੋਮਣੀ ਸਿੱਖਾਂ ਦੀ ਸੰਗਤ ਕਰਨ ਵਾਲਾ ਸਿਦਕੀ ਸਿੱਖ ਸੀ ਜਿਸ ਨੇ ਪੂਰੀ ਸ਼ਰਧਾ ਨਾਲ ਗੁਰੂ ਹਰਿਗੋਬਿੰਦ ਸਾਹਿਬ ਦੀ ਜੀਵਨ ਕਥਾ ਲਿਖ ਕੇ ਗੁਰੂ ਇਤਿਹਾਸ ਤੇ ਗੁਰੂ ਜਸ ਪ੍ਰਸਤੁਤ ਕਰਕੇ ਆਉਣ ਵਾਲੀਆਂ ਨਸਲਾਂ ਤੇ ਪਰਉਪਕਾਰ ਕੀਤਾ।
- (ਸ) ਉਸਨੇ ਨਿਮਰਤਾ ਸਹਿਤ ਗੁਰੂ ਜਸ ਕਰਦਿਆਂ ਆਪਣੇ ਆਪ ਨੂੰ ਬਾਲ ਕਵਿ ਜਾਂ ਦਾਸ ਕਵਿ ਆਖਿਆ ਹੈ। ਉਸ ਨੇ ਇਸ ਕਥਾ ਦੇ ਸ਼ੁੱਠ ਬਾਰੇ ਸਪਸ਼ਟ ਲਿਖ ਦਿਤਾ ਹੈ ਕਿ ਭਾਈ ਮਨੀ ਸਿੰਘ ਸ਼ਹੀਦ ਨੇ ਜੋ ਕਥਾ ਦਸਮ ਗੁਰੂ ਗੋਬਿੰਦ ਸਿੰਘ ਜੀ ਪਾਸੋਂ ਸੁਣ ਕੀਤੀ, ਉਹ ਕਥਾ ਸੰਗਤ ਨੂੰ ਨਾਨਕਸਰ ਗੁਰਦੁਆਰੇ ਵਿਖੇ ਸੁਣਾਈ। ਉਸ ਕਥਾ ਨੂੰ ਉਸ ਨੇ ਛੰਦਬੰਧ ਕਰਨ ਦਾ ਸੁੰਦਰ ਉਪਰਾਲਾ ਕੀਤਾ ਗਿਆ ਹੈ।
- (ਹ) ਕਵੀ ਗੁਰੂ ਸਾਹਿਬਾਨ ਨੂੰ ਅਵਤਾਰੀ ਪੁਰਖ ਮੰਨਦਾ ਹੈ ਤੇ ਉਹਨਾਂ ਦਾ ਪਿਛੋਕੜ ਦਸਦਿਆਂ ਸ੍ਰੀ ਰਾਮਚੰਦਰ ਨਾਲ ਜੋੜਦਾ ਹੈ ਜਿਹਾ ਕਿ ਦਸਮ ਗ੍ਰੰਥ ਵਿੱਚ ਸੰਕਲਿਤ ਬਚਿਤ੍ਰ ਨਾਟਕ (ਅਪਨੀ ਕਥਾ) ਵਿੱਚ ਲਿਖਿਆ ਗਿਆ ਹੈ। ਇਉਂ ਕਵੀ ਆਪਣੇ ਵਿਰਸੇ ਨਾਲ ਜੁੜਿਆ ਗੁਰੂ ਸਾਹਿਬਾਨ ਨੂੰ ਕੇਵਲ ਸਿੱਖਾਂ ਦੇ ਨਹੀਂ ਸਗੋਂ ਭਾਰਤੀ ਲੋਕਾਂ ਦੇ ਅਵਤਾਰ ਬਣਾ ਕੇ ਪੇਸ਼ ਕਰਦਾ ਹੈ ਜੋ ਉਸਦੀ ਸ਼ਰਧਾ ਤੇ ਲੰਮੀ ਨਦੀਰ ਦਾ ਸੁੰਦਰ ਪ੍ਰਮਾਣ ਹੈ।

ਰਚਨਾ-ਕਾਲ

ਗੁਰਬਿਲਾਸ ਪਾਤਸ਼ਾਹੀ ੬ ਵਿੱਚ ਲੇਖਕ ਨੇ ਖੁਦ ਇਸ ਦੇ ਰਚਨਾ-ਕਾਲ ਬਾਰੇ ਲਿਖਿਆ ਹੈ :

ਸਤਰਾ ਸੈ ਬੀਤੇ ਤਬੈ ਬਰਖ ਪਝੰਤਰ ਜਾਨ ।
ਸਾਵਨ ਮਾਸ ਇਕੀਸ ਦਿਨ ਗਏ ਸੁਖਦ ਪਹਿਚਾਨ ॥
ਸੁਦੀ ਪਖ ਦਿਨ ਪੰਚਮੀ ਸ੍ਰੀ ਗੁਰ ਕੇ ਪ੍ਰਸਾਦਿ ।
ਪਾਇ ਭੋਗ ਗੁਰ ਗਾਥ ਕਾ ਕਰ ਕਵਿਤਾ ਅਹਿਲਾਦ ॥

ਇਸ ਤੋਂ ਸਪਸ਼ਟ ਹੈ ਕਿ ਇਸ ਗ੍ਰੰਥ ਦੀ ਰਚਨਾ ਸੰਮਤ 1775 ਵਿੱਚ ਹੋਈ ਜੋ ਸੰਨ 1718 ਈਸਵੀ ਬਣਦਾ ਹੈ। ਇਹੀ ਸੰਮਤ ਇਸ ਗ੍ਰੰਥ ਦੀ ਹੱਥ ਲਿਖਤ ਪੋਥੀਆਂ ਤੇ ਪੁਰਾਤਨ ਛਪੀਆਂ ਪੋਥੀਆਂ ਤੇ ਲਿਖਿਆ ਮਿਲਦਾ ਹੈ।

ਪਰ ਇਸ ਗ੍ਰੰਥ ਵਿੱਚ ਕੁਝ ਅਜਿਹੀਆਂ ਘਟਨਾਵਾਂ ਦਾ ਜ਼ਿਕਰ ਹੈ ਜੋ ਸਿੱਖ ਰਾਜ ਕਾਲ ਸਮੇਂ ਵਾਪਰੀਆਂ, ਜਿਹਨਾਂ ਨੂੰ ਦੇਖਦਿਆਂ ਉਕਤ ਰਚਨਾ ਕਾਲ ਗਲਤ ਪ੍ਰਤੀਤ ਹੁੰਦਾ ਹੈ। ਉਹਨਾਂ ਘਟਨਾਵਾਂ ਵਿੱਚ ਕੁਝ ਪ੍ਰਮੁੱਖ ਹਨ :

- (ੳ) ਇਸ ਗ੍ਰੰਥ ਵਿੱਚ ਸੂਬਾ ਜਲੰਧਰ ਦਾ ਜ਼ਿਕਰ ਹੈ। ਇਹ ਅਦੀਨਾ ਬੇਗ ਦੀ ਜਲੰਧਰ ਦੀ ਸੂਬੇਦਾਰੀ ਤੋਂ ਪਹਿਲਾਂ ਹੋਂਦ ਵਿੱਚ ਨਹੀਂ ਸੀ ਆਇਆ। ਇਸ ਹਵਾਲੇ ਕਾਰਨ ਇਸ ਦਾ ਰਚਨਾ ਕਾਲ 1797 ਬਿਕਰਮੀ (1740 ਈਸਵੀ) ਤੋਂ ਬਾਅਦ ਦਾ ਹੋ ਜਾਂਦਾ ਹੈ।
- (ਅ) ਇਸ ਗ੍ਰੰਥ ਵਿੱਚ ਤੇਰ੍ਹਵੀਂ ਸਦੀ ਹਿਜਰੀ ਦਾ ਜ਼ਿਕਰ ਹੈ ਜੋ 1844 ਬਿਕਰਮੀ (1787 ਈ.) ਨੂੰ ਸ਼ੁਰੂ ਹੋਈ।
- (ੲ) ਇਸ ਗ੍ਰੰਥ ਵਿੱਚ ਗੁਰਦੁਆਰਾ ਬਾਬਾ ਅਟੱਲ ਦੀਆਂ ਨੌਂ ਮੰਜ਼ਲਾਂ ਦਾ ਉਲੇਖ ਹੈ। ਇਹ ਨੌਂ ਮੰਜ਼ਲਾਂ 1878 ਬਿਕਰਮੀ (1821 ਈਸਵੀ) ਵਿਚ ਮੁਕੰਮਲ ਹੋਈਆਂ ਸਨ।
- (ਸ) ਇਸ ਗ੍ਰੰਥ ਵਿੱਚ ਪਿਸ਼ਾਵਰ ਨੂੰ ਸੂਬਾ ਲਿਖਿਆ ਹੈ। ਮੁਗਲ ਹਕੂਮਤ ਸਮੇਂ ਪਿਸ਼ਾਵਰ ਨਹੀਂ ਕਾਬਲ ਸੂਬਾ ਸੀ। ਸ. ਹਰੀ ਸਿੰਘ ਨਲੂਆ ਨੇ 1891 ਬਿਕਰਮੀ (1834 ਈਸਵੀ) ਨੂੰ ਇਹ ਇਲਾਕਾ ਜਿੱਤ ਕੇ ਖਾਲਸਾ ਰਾਜ ਦਾ ਭਾਗ ਬਣਾਇਆ ਤੇ ਇਹ ਸੂਬਾ ਬਣਾਇਆ ਗਿਆ।
- (ਹ) ਇਸ ਗ੍ਰੰਥ ਵਿਚ ਮਾਣਕ ਚੌਂਕ ਦੇ ਮੇਲੇ ਦਾ ਜ਼ਿਕਰ ਹੈ ਜੋ 1891 ਬਿਕਰਮੀ ਵਿੱਚ ਲਗਣਾ ਸ਼ੁਰੂ ਹੋਇਆ।
- (ਕ) ਮਹਾਰਾਜਾ ਰਣਜੀਤ ਸਿੰਘ ਦੁਆਰਾ ਨੂਰ ਦੀ ਸਰਾਂ ਢਾਹ ਕੇ ਉਹਨਾਂ ਇੱਟਾਂ ਨਾਲ ਤਰਨਤਾਰਨ ਸਾਹਿਬ ਦੀ ਉਸਾਰੀ ਕਰਨੀ।
- (ਖ) ਇਸ ਗ੍ਰੰਥ ਵਿੱਚ ਇਹ ਉਪਦੇਸ਼ ਦਿੱਤਾ ਕਰਵਾਇਆ ਗਿਆ ਹੈ ਕਿ ਗੁਰੂ ਗ੍ਰੰਥ ਸਾਹਿਬ ਦਾ ਭੋਗ ਰਾਗਮਾਲਾ ਪੜ੍ਹ ਕੇ ਪਾਇਆ ਜਾਵੇ। ਇਸ ਤੋਂ ਜਾਪਦਾ ਹੈ ਕਿ ਇਹ ਗ੍ਰੰਥ ਉਦੋਂ ਲਿਖਿਆ ਗਿਆ ਜਦੋਂ ਰਾਗਮਾਲਾ ਦੇ ਗੁਰੂ ਗ੍ਰੰਥ ਸਾਹਿਬ ਦਾ ਹਿੱਸਾ ਹੋਣ ਜਾਂ ਨਾ ਹੋਣ ਬਾਰੇ ਵਾਦ ਵਿਵਾਦ ਚਲ ਪਿਆ ਸੀ। ਇਸ ਦਾ ਸਭ ਤੋਂ ਪਹਿਲਾਂ ਜਾਂ ਪੁਰਾਣਾ ਸੰਕੇਤ ਗੁਰਪ੍ਰਤਾਪ ਸੂਰਜ ਗ੍ਰੰਥ ਵਿਚੋਂ ਮਿਲਦਾ ਹੈ।

ਇਹਨਾਂ ਘਟਨਾਵਾਂ ਦੇ ਜ਼ਿਕਰ ਤੋਂ ਇਸ ਗ੍ਰੰਥ ਦੇ ਰਚਨਾ ਕਾਲ ਦੀ ਸੀਮਾ 1839 ਈਸਵੀ ਤੱਕ ਆ ਪਹੁੰਚਦੀ ਹੈ।

ਇਹ ਗ੍ਰੰਥ ਨਿਸਚੇ 1775 ਬਿਕਰਮੀ ਵਿੱਚੋਂ ਲਿਖਿਆ ਗਿਆ ਪਰ ਇਸ ਵਿੱਚ ਉਤਾਰਾ ਕਰਨ ਵਾਲਿਆਂ ਨੇ ਵਾਧੇ ਘਾਟ ਕੀਤੇ ਜਿਸਦਾ ਉਲੇਖ ਛਪੇ ਤੇ ਅਣਛਪੇ ਹੱਥ ਲਿਖਤ ਗ੍ਰੰਥਾਂ ਵਿੱਚ ਮਿਲਦਾ ਹੈ। “ਪ੍ਰਸੰਗ ਮੇਲਵੇ” ਲਈ ਉਤਾਰਾਕਾਰਾਂ ਨੇ ਸਾਖੀਆਂ ਲਿਖ ਕੇ ਇਸ ਵਿਚ ਪਾ ਦਿੱਤੀਆਂ ਹਨ। ਇਸ ਕਾਰਨ ਭਾਈ ਕਾਨ੍ਹ ਸਿੰਘ ਨਾਭਾ ਨੇ ਇਸ ਗ੍ਰੰਥ ਨੂੰ ਬਿਲਕੁਲ ਜਾਹਲੀ ਗਰਦਾਨਿਆਂ ਹੈ। ਆਪ ਅਨੁਸਾਰ ਅਕਾਲ ਬੁੰਗੀਏ ਭਾਈ

ਗੁਰਮੁਖ ਸਿੰਘ ਤੇ ਭਾਈ ਦਰਬਾਰਾ ਸਿੰਘ ਚੌਂਕੀ ਵਾਲੇ ਅੰਮ੍ਰਿਤਸਰ ਨਿਵਾਸੀ ਇਸ ਗ੍ਰੰਥ ਦੇ ਕਰਤਾ ਹਨ ਪਰ ਇਸ ਦੇ ਹੱਕ ਵਿੱਚ ਆਪਣੇ ਕੋਈ ਪ੍ਰਮਾਣ ਨਹੀਂ ਦਿੱਤਾ। ਜਾਪਦਾ ਹੈ ਆਪਣੇ ਭਾਈ ਕਰਮ ਸਿੰਘ ਹਿਸਟੋਰੀਅਨ ਦੀ ਟਿੱਪਣੀ ਨੂੰ ਆਧਾਰ ਬਣਾਇਆ ਹੈ। ਉਹਨਾਂ ਅਨੁਸਾਰ ਛਪਿਆ ਮਿਲਦਾ ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਅਸਲੀ ਨਹੀਂ ਹੈ। ਅਸਲੀ ਗ੍ਰੰਥ ਗੁਰੂਸਰ ਨਾਮ ਦੇ ਪਿੰਡ ਵਿੱਚ ਹੈ ਜਿਸਨੂੰ ਗੁਰੂਸਰੀਆਂ ਦੇ ਰਿਸ਼ਤੇਦਾਰ ਅਕਾਲ ਬੁੰਗੇ ਦੇ ਪੁਜਾਰੀ ਨੇ ਮਨ ਇਛੱਤ ਵਾਧੇ ਘਾਟੇ ਕਰਕੇ ਇਸ ਦੀ ਨਕਲ ਤਿਆਰ ਕਰਕੇ ਪ੍ਰਚਲਿਤ ਕਰ ਦਿੱਤਾ।

ਉਪਰੋਕਤ ਵਿਚਾਰ ਤੋਂ ਸਪਸ਼ਟ ਹੈ ਕਿ ਉਤਾਰਾ ਕਰਨ ਵਾਲਿਆਂ ਨੇ ਇਸ ਗ੍ਰੰਥ ਦੇ ਮੂਲ ਪਾਠ ਨੂੰ ਵਿਕਰਿਤ ਹੀ ਨਹੀਂ ਕੀਤਾ ਸਗੋਂ ਬਹੁਤ ਕੁਝ ਨਵਾਂ ਲਿਖਕੇ ਪਾ ਦਿੱਤਾ ਹੈ। ਜਿਨੇ ਹੱਥ ਲਿਖਤ ਉਤਾਰੇ ਮਿਲਦੇ ਹਨ ਜਾਂ ਪੁਰਾਤਨ ਛਪੇ ਇਹ ਗੁਰਬਿਲਾਸ ਦੇਖੇ ਹਨ, ਸਭ ਵਿੱਚ ਪਾਠ ਲਗਭਗ ਇਕ ਹੀ ਹੈ ਸਿਵਾਏ ਕੁਝ ਸ਼ਬਦਾਂ ਦੇ ਵਿਭਿੰਨ ਪ੍ਰਯੋਗ ਦੇ।

ਜਾਪਦਾ ਹੈ ਕਿ ਇਹਨਾਂ ਉਤਾਰਾਕਾਰਾਂ ਨੇ ਮੂਲ ਹੱਥ ਲਿਖਤ ਨੂੰ ਨਸ਼ਟ ਕਰ ਦਿੱਤਾ ਤੇ ਆਪਣੇ ਵਲੋਂ ਸੰਪਾਦਿਤ ਗ੍ਰੰਥ ਨੂੰ ਪ੍ਰਚਲਿਤ ਕਰਨ ਲਈ ਵੱਧ ਤੋਂ ਵੱਧ ਉਤਾਰੇ ਕਰਕੇ ਵੱਖ ਵੱਖ ਗੁਰਦੁਆਰਿਆਂ ਜਾਂ ਡੇਰਿਆਂ ਵਿੱਚ ਭੇਜ ਦਿੱਤੇ। ਇਹਨਾਂ ਉਤਾਰਾਕਾਰਾਂ ਤੇ ਸਮਕਾਲੀ ਜੀਵਨ ਦਾ ਅਸਰ ਹੋਣਾ ਲਾਜ਼ਮੀ ਸੀ। ਸਿਖ ਰਾਜ ਕਾਲ ਤੱਕ ਬ੍ਰਾਹਮਣੀ ਕਰਮ ਕਾਂਡ ਮੁੜ ਸਿੱਖਾਂ ਨੇ ਥੋੜ੍ਹੇ ਬਹੁਤ ਫਰਕ ਨਾਲ ਅਪਨਾ ਲਏ ਸਨ ਜਿਸ ਕਾਰਨ ਇਸ ਗ੍ਰੰਥ ਵਿੱਚ ਪੱਤਰੀ, ਮਹੂਰਤ ਭਾਗਵਤ ਕਥਾ ਆਦਿ ਦਾ ਜ਼ਿਕਰ ਵਿਸਤਾਰ ਸਹਿਤ ਮਿਲਦਾ ਹੈ।

ਇਹ ਰਚਨਾ 1775 ਬਿਕਰਮੀ ਦੀ ਹੁੰਦੀ ਹੋਈ ਵੀ ਸਿਖ ਰਾਜ ਦੇ ਸਮੇਂ ਦੀ ਜਾਪਦੀ ਹੈ ਕਿਉਂਕਿ ਵਾਧੇ ਘਾਟੇ ਬੇਅੰਤ ਹਨ। ਜਿਨ੍ਹਾਂ ਚਿਰ ਲੇਖਕ ਦੁਆਰਾ ਲਿਖਿਆ ਜਾਂ ਉਸਦਾ ਕੋਈ ਸ਼ੁੱਧ ਉਤਾਰਾ ਨਹੀਂ ਮਿਲਦਾ ਉਨ੍ਹਾਂ ਵਿਚ ਇਸਦੇ ਰਚਨਾ ਕਾਲ ਤੇ ਸ਼ੁੱਧ ਮੂਲ ਪਾਠ ਬਾਰੇ ਨਿਰਣਾ ਕਰਨਾ ਲਗਭਗ ਅੰਸਭਵ ਹੈ।

ਕਥਾਨਕ

ਗੁਰਬਿਲਾਸ ਸ਼ਬਦ ਗੁਰ ਤੇ ਬਿਲਾਸ ਦੋ ਸ਼ਬਦਾਂ ਦੇ ਸੰਯੋਗ ਤੋਂ ਬਣਿਆ ਹੈ। ਇਸ ਦਾ ਕੋਸ਼ਗਤ ਅਰਥ ਹੈ ਸਤਿਗੁਰ ਜਿਸ ਤੋਂ ਇਥੇ ਅਭਿਪ੍ਰਾਯ ਸ੍ਰੀ ਗੁਰੂ ਹਰਿਗੋਬਿੰਦ ਸਾਹਿਬ ਤੋਂ ਹੈ ਜੋ ਸਿੱਖਾਂ ਦੇ ਛੇਵੇਂ ਸਤਿਗੁਰੂ ਸਨ। ਬਿਲਾਸ ਸੰਸਕ੍ਰਿਤ ਸ਼ਬਦ ਵਿਲਾਸ ਦਾ ਪੰਜਾਬੀ ਰੂਪ ਹੈ ਜਿਸਦਾ ਅਰਥ ਹੈ ਕ੍ਰੀੜਾ, ਖੇਡ, ਲੀਲਾ ਆਦਿ। ਇਸਦਾ ਅਰਥ ਹੋਇਆ ਸ੍ਰੀ ਗੁਰੂ ਹਰਿਗੋਬਿੰਦ ਜੀ ਦੀ ਲੀਲਾ। ਇਸ ਸੰਸਾਰ ਵਿੱਚ ਮਹਾਂਪੁਰਖ ਲੀਲਾ ਕਰਨ ਲਈ ਆਉਂਦੇ ਹਨ ਤੇ ਜਦੋਂ ਜੀਅ ਕਰਦਾ ਹੈ ਆਪਣੇ ਮੂਲ ਸ੍ਰੋਤ ਪਰਮਾਤਮਾ ਵਿੱਚ ਲੀਨ ਹੋ ਜਾਂਦੇ ਹਨ। ਭਾਰਤੀ ਧਰਮ ਦਰਸ਼ਨ ਵਿੱਚ ਇਸ ਜਗਤ ਨੂੰ ਕ੍ਰੀੜਾ-ਸਥਲ ਜਾਂ ਖੇਡ/ਲੀਲਾ ਦਾ ਮੈਦਾਨ ਆਖਿਆ ਗਿਆ ਹੈ। ਗੁਰੂ ਗੋਬਿੰਦ ਸਿੰਘ ਇਸ ਜਗਤ ਵਿੱਚ ਆਉਣ ਦਾ ਪ੍ਰਯੋਜਨ 'ਜਗਤ ਤਮਾਸ਼ਾ' ਦੇਖਣਾ ਇਸੇ ਲਈ ਹੀ ਆਖਦੇ ਹਨ। ਇਹ ਗ੍ਰੰਥ ਗੁਰੂ ਹਰਿਗੋਬਿੰਦ ਜੀ ਦੀ ਜੀਵਨ ਗਾਥਾ ਹੈ।

ਪੰਜਾਬੀ ਵਿੱਚ ਗੁਰ ਬਿਲਾਸ/ਬਿਲਾਸ ਕਾਫੀ ਮਿਲਦੇ ਹਨ ਜਿਵੇਂ ਗੁਰ ਬਿਲਾਸ ਪਾਤਸ਼ਾਹੀ ਛੇਵੀਂ, ਗੁਰ ਬਿਲਾਸ ਪਾਤਸ਼ਾਹੀ ਦਸਵੀਂ, ਗੁਰ ਬਿਲਾਸ ਬਾਬਾ ਸਾਹਿਬ ਸਿੰਘ ਬੇਦੀ, ਜ਼ਿੰਦਗੀ-ਬਿਲਾਸ, ਹਰਿਨਾਮ-ਬਿਲਾਸ, ਸ਼ਹੀਦ ਬਿਲਾਸ, ਆਦਿ। ਹਿੰਦੀ ਵਿੱਚ 17-19ਵੀਂ ਸਦੀ ਵਿੱਚ ਕਾਫੀ ਮਾਤਰਾ ਵਿੱਚ ਅਜਿਹੇ ਕਾਵਿ ਗ੍ਰੰਥ ਲਿਖੇ ਗਏ ਜਿਹਨਾਂ ਨਾਲ ਬਿਲਾਸ/ਵਿਲਾਸ ਸ਼ਬਦ ਜੁੜਿਆ ਹੋਇਆ ਹੈ ਜਿਵੇਂ ਕਾਵਿ ਬਿਲਾਸ (ਪ੍ਰਤਾਪ ਸਿੰਘ) ਵਿਸ਼ਨੂ ਵਿਲਾਸ (ਲਾਲ), ਭਾਵ ਵਿਲਾਸ, ਰਸ ਵਿਲਾਸ (ਦੇਵ), ਰਾਧਾ ਕ੍ਰਿਸ਼ਨ ਬਿਲਾਸ (ਗੋਕੁਲਨਾਥ), ਰੂਪ ਵਿਲਾਸ (ਰੂਪ ਸਾਹਿ), ਆਨੰਦ ਵਿਲਾਸ (ਜਸਵੰਤ ਸਿੰਘ) ਵਿਵੇਕ ਵਿਲਾਸ (ਚੰਦਰ ਸ਼ੇਖਰ), ਸੁੰਦਰ ਵਿਲਾਸ (ਸੁੰਦਰ ਦਾਸ), ਰਾਧਿਕਾ ਵਿਲਾਸ (ਦੇਵ), ਗੋਪੀਸੈਨ ਵਿਲਾਸ, ਨਿਕੁੰਜ ਵਿਲਾਸ, ਰਾਗ ਵਿਲਾਸ, ਫੂਲ ਵਿਲਾਸ (ਨਾਗਰੀ ਦਾਸ) ਰਾਮ ਚੰਦ੍ਰ ਵਿਲਾਸ (ਨਵਲ ਸਿੰਘ); ਹਰਿ ਭਕਤਿ ਵਿਲਾਸ (ਚੰਦ੍ਰ ਸ਼ੇਖਰ), ਭਵਾਨੀ ਵਿਲਾਸ (ਦੇਵ); ਵਿਕ੍ਰਮ ਵਿਲਾਸ (ਸ੍ਰੀਪਤਿ) ਜੁਗਲ ਵਿਲਾਸ, ਭੀਮ ਵਿਲਾਸ ਆਦਿ। ਇਹਨਾਂ ਬਿਲਾਸਾਂ ਵਿੱਚ ਵਿਸ਼ੇ ਕਈ ਪ੍ਰਕਾਰ ਦੇ ਸਮਝੇ ਹੋਏ ਹਨ ਪਰ ਗੁਰਬਿਲਾਸਾਂ ਵਿੱਚ ਗੁਰੂ ਸਾਹਿਬਾਨ ਦੀ ਜੀਵਨ-ਗਾਥਾ ਸ਼ਰਧਾ ਸਹਿਤ ਅੰਕਿਤ ਕੀਤੀ ਗਈ ਹੈ।

ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਵਿੱਚ ਸ੍ਰੀ ਗੁਰੂ ਹਰਿਗੋਬਿੰਦ ਸਾਹਿਬ ਦੀ ਜੀਵਨ-ਕਥਾ 21 ਅਧਿਆਵਾਂ ਵਿੱਚ ਵੰਡ ਕੇ ਲਿਖੀ ਗਈ ਹੈ। ਅਧਿਆਵਾਂ ਦੀ ਛੰਦ ਸੰਖਿਆ ਹੈ- ਪਹਿਲਾ-202; ਦੂਜਾ-146; ਤੀਜਾ-78; ਚੌਥਾ-422; ਪੰਜਵਾਂ-242; ਛੇਵਾਂ-161; ਸਤਵਾਂ-364; ਅਠਵਾਂ-1067; ਨੌਵਾਂ-1140; ਦਸਵਾਂ-206; ਗਿਆਰਵਾਂ-154; ਬਾਰ੍ਹਵਾਂ-287; ਤੇਰ੍ਹਵਾਂ-105; ਚੌਧਵਾਂ-209; ਪੰਦਰ੍ਹਵਾਂ-191; ਸੋਲ੍ਹਵਾਂ-342; ਸਤਾਰ੍ਹਵਾਂ-439; ਅਠਾਰ੍ਹਵਾਂ-467; ਉਨ੍ਹੀਵਾਂ-649; ਵੀਹਵਾਂ-617; ਇਕੀਵਾਂ-634; ਇਹਨਾਂ ਛੰਦਾਂ ਦੀ ਕੁਲ ਸੰਖਿਆ 8122 ਹੈ। ਇਸ ਵੱਡੇ ਆਕਾਰੀ ਗ੍ਰੰਥ ਵਿੱਚ ਕਵੀ ਨੇ ਗੁਰੂ ਜੀ ਦੀ ਜੀਵਨ-ਗਾਥਾ ਅਤਿਅੰਤ ਸ਼ਰਧਾ ਨਾਲ ਲਿਖੀ ਹੈ। ਅੱਜ ਤੱਕ ਪ੍ਰਾਪਤ ਗ੍ਰੰਥਾਂ ਵਿੱਚ ਇਹ ਪਹਿਲਾ ਗ੍ਰੰਥ ਹੈ ਜਿਸ ਵਿੱਚ ਗੁਰੂ ਹਰਿਗੋਬਿੰਦ ਨੂੰ ਨਾਇਕ ਬਣਾ ਕੇ ਗੁਰ ਇਤਿਹਾਸ ਲਿਖਿਆ ਗਿਆ ਹੈ। ਬਾਦ ਵਿੱਚ ਲਿਖਣ ਵਾਲੇ ਸਾਹਿਤਕਾਰਾਂ ਤੇ ਇਤਿਹਾਸਕਾਰਾਂ ਨੇ ਇਸ ਗ੍ਰੰਥ ਨੂੰ ਸ਼੍ਰੋਤ ਵਜੋਂ ਵਰਤਿਆ ਹੈ।

ਪਹਿਲੇ ਅਧਿਆਇ ਵਿੱਚ ਕਵੀ ਨੇ (ਗੁਰੂ) ਹਰਿਗੋਬਿੰਦ ਸਾਹਿਬ ਦੇ ਪ੍ਰਕਾਸ਼ ਦੀ ਸਾਖੀ ਵਿਸਤਾਰ ਸਹਿਤ ਲਿਖੀ ਹੈ ਕਿ ਬਾਬਾ ਬੁੱਢਾ ਜੀ ਨੇ ਮਾਤਾ ਗੰਗਾ ਜੀ ਨੂੰ ਅਸੀਸ ਦਿੱਤੀ ਕਿ ਆਪ ਦਾ ਪੁੱਤਰ ਵੱਡਾ ਜੋਧਾ ਪਰਉਪਕਾਰੀ ਹੋਵੇਗਾ ਜੋ ਮੁਗਲਾਂ/ਮਲੇਛਾਂ ਦਾ ਨਾਸ ਕਰੇਗਾ।

ਦੂਜੇ ਅਧਿਆਇ ਵਿੱਚ ਗੁਰੂ ਅਰਜਨ ਦੇਵ ਜੀ ਦੇ ਵੱਡੇ ਭਰਾ ਪ੍ਰਿਥੀ ਚੰਦ ਦੀਆਂ ਸਾਜਿਸ਼ਾਂ ਦਾ ਜ਼ਿਕਰ ਹੈ ਕਿ ਕਿਵੇਂ ਉਸਨੇ ਬਾਲ (ਗੁਰੂ) ਹਰਿਗੋਬਿੰਦ ਨੂੰ ਮਰਵਾਉਣ ਲਈ ਕਮੀਨੀਆਂ ਹਰਕਤਾਂ ਕੀਤੀਆਂ ਪਰ ਅਕਾਲ ਪੁਰਖ ਨੂੰ ਇਹ ਮਨਜ਼ੂਰ ਨਹੀਂ ਸੀ। ਸਾਹਿਬ ਦੀ ਹਰ ਪ੍ਰਕਾਰ ਰੱਖਿਆ ਹੋਈ। ਇਸ ਤਰ੍ਹਾਂ ਦੀਆਂ ਸਾਜਿਸ਼ਾਂ ਤੋਂ ਬਚਣ ਤੇ ਗੁਰੂ ਅਰਜਨ ਦੇਵ ਜੀ ਨੇ ਜੋ ਸ਼ਬਦ ਉਚਾਰੇ ਉਹ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਵਿੱਚ ਸੰਕਲਿਤ ਹਨ। ਗੁਰੂ

ਹਰਿ ਗੋਬਿੰਦ ਸਾਹਿਬ ਨੂੰ ਬਚਪਨ ਵਿਚ ਮਾਤਾਂ ਨਿਕਲੀ ਤੇ ਆਪੁ ਬਾਅਦ ਵਿੱਚ ਰਾਜੀ ਹੋ ਗਏ। ਗੁਰੂ ਅਰਜਨ ਦੇਵ ਜੀ ਨੇ ਸੁਕਰਾਨੇ ਵਜੋਂ ਸ਼ਬਦ ਉਚਾਰਨ ਕੀਤਾ ਜੋ ਆਦਿ ਗ੍ਰੰਥ ਸਾਹਿਬ ਵਿੱਚ ਦਰਜ ਹੈ ਪਰ ਸਮਕਾਲੀ ਪਰਿਸਥਿਤੀਆਂ ਕਾਰਨ ਕਵੀ ਨੇ ਗੁਰੂ ਜੀ ਦੁਆਰਾ ਦੁਰਗਾਂ ਪੂਜਾ ਕਰਨ ਦਾ ਜ਼ਿਕਰ ਕੀਤਾ ਹੈ, ਜੋ ਠੀਕ ਨਹੀਂ ਹੈ।

ਤੀਸਰੇ ਅਧਿਆਇ ਵਿੱਚ ਬਾਲ (ਗੁਰੂ) ਹਰਿਗੋਬਿੰਦ ਦੀ ਸਿਖਿਆ ਸਬੰਧੀ ਵਿਸ਼ਿਸ਼ਤ ਕਥਾਵਾਂ ਹਨ। ਗੁਰੂ ਅਰਜਨ ਦੇਵ ਜੀ ਨੇ ਬਾਬਾ ਬੁੱਢਾ ਜੀ ਨੂੰ ਬਾਲਕ ਨੂੰ ਹਰ ਪ੍ਰਕਾਰ ਦੀ ਦੁਨਿਆਵੀ ਤੇ ਰੂਹਾਨੀ ਵਿਦਿਆ ਦੇਣ ਲਈ ਨਿਯੁਕਤ ਕੀਤਾ।

ਸੁਲਹੀਖਾਨ ਨਾਲ ਪ੍ਰਿਥੀ ਚੰਦ ਦੀ ਸਾਂਝ ਹੋਣ ਕਾਰਨ ਉਹ ਸ੍ਰੀ ਗੁਰੂ ਅਰਜਨ ਦੇਵ ਜੀ ਨੂੰ ਕਤਲ ਕਰਵਾਉਣ ਦੇ ਸੁਪਨੇ ਲੈ ਰਿਹਾ ਸੀ। ਇਸ ਅਧਿਆਇ ਵਿੱਚ ਹਵਾਲਾ ਮਾਤਰ ਇਸ ਗੱਲ ਦਾ ਜ਼ਿਕਰ ਹੈ।

ਤੀਸਰੇ ਅਧਿਆਇ ਵਿੱਚ ਸ੍ਰੀ ਗੁਰੂ ਅਰਜਨ ਦੇਵ ਜੀ ਦੁਆਰਾ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਜੀ ਦਾ ਸੰਪਾਦਨ ਕਰਨ ਦੀ ਕਥਾ ਵਿਸਥਾਰ ਸਹਿਤ ਕਹੀ ਗਈ ਹੈ। ਗੁਰੂ ਸਾਹਿਬ ਜਦੋਂ ਆਪਣੀ ਗੱਦੀ ਦਾ ਵਾਰਿਸ ਥਾਪਦੇ ਸਨ ਤਾਂ ਆਪਣੀ ਬਾਣੀ ਸਮੇਤ ਪਹਿਲੇ ਸਤਿਗੁਰੂ ਦੀ ਬਾਣੀ ਦੇ ਦਿੰਦੇ ਸਨ। ਇਉਂ ਗੁਰਬਾਣੀ ਦੀਆਂ ਪੋਥੀਆਂ ਗੁਰੂ ਸਾਹਿਬਾਨ ਤੇ ਕਈ ਵਾਰੀ ਉਹਨਾਂ ਦੀ ਸੰਤਾਨ ਪਾਸ ਪੁੱਜ ਜਾਂਦੀਆਂ ਸਨ। ਅਜਿਹਾ ਹੀ ਗੁਰੂ ਰਾਮਦਾਸ ਜੀ ਨੂੰ ਗੁਰਗੱਦੀ ਮਿਲਣ ਵੇਲੇ ਹੋਇਆ ਕਿ ਪੋਥੀਆਂ ਬਾਬਾ ਮੋਹਨ ਪਾਸ ਪੁੱਜ ਗਈਆਂ। ਗੁਰੂ ਅਰਜਨ ਦੇਵ ਜੀ ਨੇ ਜਦੋਂ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਦਾ ਸੰਪਾਦਨ ਕਰਨਾ ਸੀ ਤਾਂ ਇਹਨਾਂ ਪੋਥੀਆਂ ਬਿਨਾਂ ਸੰਭਵ ਨਹੀਂ ਸੀ ਪਰ ਵਾਰਿਸ ਦੇਣ ਨੂੰ ਤਿਆਰ ਨਹੀਂ ਸਨ। ਸਤਿਗੁਰੂ ਜੀ ਨੇ ਆਪ ਜਾਂ ਕੇ ਪੋਥੀਆਂ ਲਿਆਂਦੀਆਂ ਤੇ ਭਾਈ ਗੁਰਦਾਸ ਜੀ ਨੂੰ ਨਾਲ ਲਗਾ ਕੇ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਦਾ ਸੰਪਾਦਨ ਕਰਨਾ ਅਰੰਭਿਆ। ਭਗਤ ਬਾਣੀ ਬਾਰੇ ਇਸ ਕਵੀ ਨੇ ਪੈਰਾਣਿਕ ਰੰਗ ਢੰਗ ਵਾਲੀ ਕਥਾ ਲਿਖੀ ਹੈ ਕਿ ਭਗਤ ਆਪ ਸਵਰਗ ਵਿਚੋਂ ਆ ਕੇ ਆਪਣੀ ਬਾਣੀ ਲਿਖਾਉਂਦੇ ਸਨ। ਇਉਂ ਸਤਿਗੁਰੂ ਨੇ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਦਾ ਸੰਪਾਦਨ ਕਰਕੇ ਬੀੜ ਨੂੰ ਸ੍ਰੀ ਦਰਬਾਰ ਸਾਹਿਬ ਵਿੱਚ ਸਥਾਪਿਤ ਕੀਤਾ ਤੇ ਪਹਿਲੇ ਗ੍ਰੰਥੀ ਬਾਬਾ ਬੁੱਢਾ ਜੀ ਥਾਪੇ ਗਏ। ਗੁਰਬਾਣੀ ਦਾ ਇਨ੍ਹਾਂ ਸਤਿਕਾਰ ਸਤਿਗੁਰੂ ਜੀ ਕਰਦੇ ਸਨ ਕਿ ਆਪ ਹਮੇਸ਼ਾਂ ਨੀਵੀਂ ਥਾਂ ਬੈਠਦੇ ਸਨ।

ਇਸ ਅਧਿਆਇ ਵਿੱਚ ਗੁਰੂ ਅਮਰਦਾਸ ਦੇ ਜੀਵਨ ਨਾਲ ਸੰਬੰਧਿਤ ਕਥਾਵਾਂ ਵੀ ਦਰਜ ਹਨ ਜਿਵੇਂ ਉਹਨਾਂ ਦਾ ਕੌਠੇ ਵਿੱਚ ਆ ਕੇ ਅੰਦਰੋਂ ਬੰਦ ਕਰਕੇ ਬਾਹਰ ਇਹ ਲਿਖ ਕੇ ਦਰਵਾਜ਼ੇ ਤੇ ਲਗਾਉਣਾ ਕਿ ਇਹ ਦਰਵਾਜ਼ਾ ਖੋਲ੍ਹਣ ਵਾਲਾ ਨਰਕ ਵਿੱਚ ਜਾਵੇਗਾ ਪਰ ਬਾਬਾ ਬੁੱਢਾ ਜੀ ਆਦਿ ਨੇ ਸੰਨ੍ਹ ਲਾ ਕੇ ਸਤਿਗੁਰੂ ਜੀ ਨੂੰ ਮੁੜ ਪ੍ਰਗਟ ਕਰਨਾ ਆਦਿ। ਇਸੇ ਤਰ੍ਹਾਂ ਰਬਾਬੀ ਸੱਤੇ ਤੇ ਬਲਵੰਡ ਦੀ ਸਾਖੀ ਅੰਕਿਤ ਕੀਤੀ ਗਈ ਹੈ ਜਿਹਨਾਂ ਨੇ ਜਦੋਂ ਮਾਇਆ ਘੱਟ ਮਿਲਣ ਕਾਰਨ ਗੁਰੂ ਸਾਹਿਬ ਦਾ ਅਪਜਸ ਕੀਤਾ ਤਾਂ ਕੋਹੜੀ ਹੋ ਗਏ। ਸਤਿਗੁਰੂ ਨਾਰਾਜ਼ ਸਨ ਤੇ ਉਹਨਾਂ ਨੇ ਹੁਕਮ ਕਰ ਦਿੱਤਾ ਕਿ ਇਹਨਾਂ ਰਬਾਬੀਆਂ ਦੀ ਜੋ ਸਿਫਾਰਸ਼ ਕਰੇਗਾ, ਉਸਦਾ ਮੂੰਹ ਕਾਲਾ ਕਰਕੇ ਗਧੇ ਤੇ ਚੜ੍ਹਾਕੇ ਬਾਜ਼ਾਰਾਂ ਵਿੱਚ ਫੇਰਿਆ

ਜਾਵੇਗਾ ਪਰ ਲਾਹੌਰ ਵਾਸੀ ਭਾਈ ਲੱਧਾ ਪਰਉਪਕਾਰੀ ਨੇ ਇਹਨਾਂ ਨੂੰ ਬਖਸ਼ਵਾ ਦਿੱਤਾ। ਇਹ ਸ਼ਾਖੀ ਵਿਸਤਾਰ ਸਹਿਤ ਅੰਕਿਤ ਹੈ।

ਇਸੇ ਤਰ੍ਹਾਂ ਗੁਰੂ ਗ੍ਰੰਥ ਵਿੱਚ ਦਰਜ ਭੱਟ-ਬਾਣੀ ਦੇ ਰਚੇਤਾ ਭੱਟ ਵੀ ਗੁਰੂ ਅਰਜਨ ਦੇਵ ਜੀ ਪਾਸ ਆਏ। ਜੋ ਅਸਲ ਵਿੱਚ ਬ੍ਰਹਮਾਂ ਆਦਿ ਦੇਵਤੇ ਸਨ। ਇਹਨਾਂ ਬਾਰੇ ਕਵੀ ਨੇ ਵਿਸਥਾਰ ਸਹਿਤ ਪੌਰਾਣਿਕ ਢੰਗ ਨਾਲ ਲਿਖਿਆ ਹੈ। ਇਵੇਂ ਕਲਯੁਗ ਨੇ ਸੰਗਤ ਵਿੱਚ ਆਉਣ ਲਈ ਬੇਨਤੀ ਕੀਤੀ ਤਾਂ ਸਾਹਿਬ ਨੇ ਆਖਿਆ ਜਦੋਂ ਪ੍ਰਸ਼ਾਦ ਵੰਡਿਆ ਜਾਵੇਗਾ ਉਦੋਂ ਤੂੰ ਆ ਜਾਇਆ ਕਰ। ਇਸੇ ਕਰਕੇ ਪ੍ਰਸ਼ਾਦ ਵੰਡਣ ਸਮੇਂ ਬਹੁਤ ਗੋਲਾ ਗੋਲਾ ਹੁੰਦਾ ਹੈ।

ਪੰਜਵੇਂ ਅਧਿਆਇ ਵਿੱਚ ਸ੍ਰੀ ਗੁਰੂ ਹਰਿਗੋਬਿੰਦ ਜੀ ਦੇ ਵਿਆਹ ਦਾ ਵਿਸਤ੍ਰਿਤ ਵਰਣਨ ਹੈ। ਚੰਦੂ ਦੇ ਆਦਮੀ ਰਿਸ਼ਤਾ ਕਰਨ ਲਈ ਆਏ ਤੇ ਪੁਸ਼ਨ ਸਨ ਕਿ ਵਧੀਆ ਘਰ ਉਸਦੀ ਪੁੱਤਰੀ ਨੂੰ ਮਿਲ ਗਿਆ ਪਰ ਉਹ ਹੰਕਾਰੀ ਸੀ। ਉਸਨੇ ਬ੍ਰਾਹਮਣਾਂ ਨੂੰ ਤਾੜਨਾ ਕੀਤੀ ਕਿ ਤੁਸੀਂ ਚੁਬਾਰੇ ਦੀ ਇੱਟ ਮੋਰੀ ਵਿੱਚ ਲਗਾ ਆਏ ਹੋ ਤੇ ਇਸ ਤੇ ਰਿਸ਼ਤਾ ਟੁੱਟ ਗਿਆ। ਗੁਰੂ ਘਰ ਦੇ ਸਰਧਾਲੂ ਨਾਰਾਇਣ ਦਾਸ ਨੇ ਆਪਣੀ ਬੇਟੀ ਦੀ ਸ਼ਾਦੀ (ਗੁਰੂ) ਹਰਿਗੋਬਿੰਦ ਨਾਲ ਕਰਨ ਲਈ ਅਰਜ਼ ਕੀਤੀ। ਸਤਿਗੁਰੂ ਮੰਨ ਗਏ ਤੇ ਬੜੀ ਠਾਠ ਬਾਠ ਨਾਲ ਇਹ ਸ਼ਾਦੀ ਕੀਤੀ ਗਈ।

ਛੇਵੇਂ ਅਧਿਆਇ ਵਿੱਚ ਪ੍ਰਿਥੀ ਚੰਦ ਨੇ ਸੁਲਹੀ ਖਾਨ ਪਾਸ ਦੂਤ ਭੇਜਿਆ ਤੇ ਆਪਣੇ ਮਨ ਦਾ ਕਲੇਸ਼ ਚਿੱਠੀ ਵਿੱਚ ਲਿਖ ਭੇਜਿਆ। ਇਸ ਦਾ ਮੰਤਵ ਗੁਰੂ ਅਰਜਨ ਦੇਵ ਜੀ ਨੂੰ ਕਸ਼ਟ ਵਿੱਚ ਪਾਉਣਾ ਸੀ। ਪ੍ਰਿਥੀ ਚੰਦ ਨੇ ਚੰਦੂ ਨਾਲ ਵੀ ਰਾਵਤਾ ਕਾਇਮ ਕੀਤਾ। ਇਕ ਯੋਗੀ ਤਿਲਕ ਦੀ ਪ੍ਰਸੰਗਿਕ ਕਥਾ ਦਿੱਤੀ ਹੈ ਜੋ ਸਿੱਖ ਦੇ ਆਚਰਣ ਨੂੰ ਦੇਖ ਕੇ ਸਿੱਖ ਬਣਨ ਲਈ ਗੁਰੂ ਅਰਜਨ ਦੇਵ ਜੀ ਦੀ ਹਜ਼ੂਰੀ ਵਿੱਚ ਹਾਜ਼ਰ ਹੋਇਆ। ਸਿੱਖਾਂ ਦੇ ਗੁਰੂ ਤੇ ਭਰੋਸੇ ਤੇ ਸਿਦਕ ਨੂੰ ਦ੍ਰਿੜਾਉਣ ਲਈ ਪੰਡਤ ਦੀ ਮਹੂਰਤ, ਸ਼ਗਨ, ਅਪਸ਼ਗਨ ਬਾਰੇ ਵਿਚਾਰ ਆਦਿ ਨੂੰ ਨਕਾਰਨ ਲਈ ਇਕ ਲੰਮੀ ਸ਼ਾਖੀ ਅੰਕਿਤ ਕੀਤੀ ਹੈ। ਸਿੱਖੀ ਸਿਦਕ ਤੇ ਭਰੋਸੇ ਨੂੰ ਵਡਿਆਇਆ ਹੈ।

ਸੱਤਵੇਂ ਅਧਿਆਇ ਵਿੱਚ ਪ੍ਰਿਥੀ ਚੰਦ ਦੀਆਂ ਸਾਜਿਸ਼ਾਂ ਦੇ ਫਲਸਰੂਪ ਸ੍ਰੀ ਗੁਰੂ ਅਰਜਨ ਦੇਵ ਜੀ ਦੀ ਸ਼ਹੀਦੀ ਬਾਰੇ ਵਿਸਤਾਰ ਸਹਿਤ ਲਿਖਦਿਆਂ ਕਵੀ ਨੇ ਇਸ ਭਿਆਨਕ ਸਾਕੇ ਲਈ ਜਹਾਂਗੀਰ ਦੀ ਬਜਾਏ ਚੰਦੂ, ਪ੍ਰਿਥੀ ਚੰਦ ਆਦਿ ਗੁਰੂ ਵਿਰੋਧੀਆਂ ਨੂੰ ਹੀ ਦੋਸ਼ੀ ਠਹਿਰਾਇਆ ਹੈ। ਚੰਦੂ ਨੇ ਗੁਰੂ ਸਾਹਿਬ ਨੂੰ ਅਕਹਿ ਤੇ ਅਸਹਿ ਤਸੀਹੇ ਦਿਤੇ ਜਿਸ ਦੇ ਫਲਸਰੂਪ ਸਤਿਗੁਰੂ ਸਰੀਰ ਤਿਆਗ ਕੇ ਜੋਤੀ ਜੋਤਿ ਸਮਾ ਗਏ।

ਅੱਠਵੇਂ ਅਧਿਆਇ ਵਿੱਚ ਗੁਰੂ ਅਰਜਨ ਦੇਵ ਜੀ ਦੀ ਸ਼ਹੀਦੀ ਉਪਰੰਤ ਸਿੱਖਾਂ ਤੇ ਰਿਸ਼ਤੇਦਾਰਾਂ ਦੇ ਮੁਕਾਣ ਦੇਣ ਲਈ ਆਉਣ ਬਾਰੇ ਵਿਸਤਾਰ ਸਹਿਤ ਲਿਖਿਆ ਗਿਆ ਹੈ। ਗੁਰੂ ਸਾਹਿਬ ਨੂੰ ਜਦੋਂ ਗੁਰਗੱਦੀ ਸੌਂਪਣ ਲਈ ਬਾਬਾ ਬੁੱਢਾ ਜੀ ਆਦਿ ਵੱਡੇ ਸਿਦਕੀ ਸਿੱਖ ਕਾਰਵਾਈ ਕਰਨ ਲਗੇ ਤਾਂ ਆਪਣੇ ਸਪਸ਼ਟ ਆਦੇਸ਼ ਦਿਤਾ ਕਿ ਸੇਲੀ ਟੋਪੀ ਆਦਿ ਦਾ ਜ਼ਮਾਨਾ ਲੰਘ ਗਿਆ ਹੈ। ਹੁਣ ਹਥਿਆਰਬੰਦ ਹੋਕੇ ਆਪਣੀ ਰੱਖਿਆ ਕਰਨਾ ਲਾਜ਼ਮੀ ਬਣ

ਗਿਆ ਹੈ। ਬਾਬਾ ਬੁੱਢਾ ਜੀ ਨੇ ਸੋਲੀ ਟੋਪੀ ਆਦਿ ਗੁਰਿਆਈ ਦੇ ਪੁਰਾਤਨ ਚਿੰਨ੍ਹ ਤੋਸ਼ੇਖਾਨੇ ਵਿੱਚ ਰੱਖ ਦਿਤੇ ਤੇ ਆਪ ਨੂੰ ਦੋ ਤਲਵਾਰਾਂ ਪਹਿਨਾਕੇ ਦਿੱਤੀਆਂ : ਇਕ ਪੀਰੀ ਤੇ ਦੂਜੀ ਮੀਰੀ ਦੀ। ਸਤਿਗੁਰੂ ਨੇ ਸਿੱਖਾਂ ਨੂੰ ਹਥਿਆਰਬੰਦ ਹੋਣ ਤੇ ਹਥਿਆਰ, ਜੰਗੀ ਸਮਾਨ, ਹਾਥੀ, ਘੋੜੇ ਆਦਿ ਭੇਟਾ ਲਿਆਉਣ ਲਈ ਆਖਿਆ। ਮਾਝੇ ਤੇ ਦੁਆਬੇ ਦੇ ਬਹੁਤ ਸਾਰੇ ਸਿੱਖ ਆਪ ਪਾਸ ਸੈਨਾਂ ਵਿੱਚ ਹਾਜ਼ਰ ਰਹਿਣ ਲਗੇ ਜੋ ਗੁਰੂ ਤੋਂ ਆਪਣਾ ਸੀਸ ਕੁਰਬਾਨ ਕਰਨ ਲਈ ਹਮੇਸ਼ਾਂ ਤੱਤਪਰ ਰਹਿੰਦੇ ਸਨ।

ਗੁਰੂ ਸਾਹਿਬ ਜਹਾਂਗੀਰ ਪਾਸ ਉਸਦੇ ਸੱਦੇ ਤੇ ਗਏ। ਵਜ਼ੀਰ ਖਾਨ ਗੁਰੂ ਜੀ ਦਾ ਸ਼ਰਧਾਲੂ ਸੀ। ਬਾਦਸ਼ਾਹ ਨਾਲ ਕਾਫੀ ਸਮਾਂ ਇਕੱਠੇ ਰਹੇ ਤੇ ਫਿਰ ਆਪ ਨੇ ਗੁਰੂ ਪਿਤਾ ਦੇ ਕਾਤਿਲ ਚੰਦੂ ਨੂੰ ਬਾਦਸ਼ਾਹ ਪਾਸੋਂ ਲੈ ਲਿਆ। ਬਾਅਦ ਵਿੱਚ ਕੁੱਤੇ ਦੀ ਮੌਤ ਮਾਰਿਆ। ਇਸ ਅਧਿਆਇ ਵਿੱਚ ਗੁਰੂ ਹਰਿਗੋਬਿੰਦ ਜੀ ਦੇ ਹੋਏ ਵਿਆਹ ਦਾ ਵਿਸਤਾਰ ਸਹਿਤ ਵਰਣਨ ਕਵੀ ਨੇ ਕੀਤਾ ਹੈ।

ਅਕਾਲ ਤਖਤ ਦੀ ਸਿਰਜਣਾ ਪੰਜਾਬ ਦੇ ਧਾਰਮਿਕ ਤੇ ਰਾਜਨੀਤਕ ਜੀਵਨ ਵਿੱਚ ਯਾਦਗਾਰੀ ਮੌਕਾ ਸੀ ਜਿਸ ਦੇ ਨਿਰਮਾਣ ਹਿਤ ਗੁਰੂ ਹਰਿਗੋਬਿੰਦ ਸਾਹਿਬ ਨੇ ਆਦੇਸ਼ ਕੀਤਾ। ਇਹ ਅਦੁੱਤੀ ਤਖਤ ਭਾਈ ਗੁਰਦਾਸ ਅਤੇ ਬਾਬਾ ਬੁੱਢਾ ਜੀ ਦੀ ਨਿਗਰਾਨੀ ਵਿੱਚ ਸੰਪੰਨ ਹੋਇਆ। ਇਹਨਾਂ ਤੋਂ ਇਲਾਵਾ ਹੋਰ ਕਈ ਸਾਖੀਆਂ ਦਾ ਵਿਸਤ੍ਰਿਤ ਵਰਣਨ ਹੈ।

ਨੌਵੇਂ ਅਧਿਆਇ ਵਿੱਚ ਕੁਝ ਸਾਖੀਆਂ ਸੰਖੇਪ ਵਿੱਚ ਦਰਜ ਕਰਨ ਉਪ੍ਰੰਤ ਨਾਨਕ ਮਤੇ ਬਾਰੇ ਵਿਸਤ੍ਰਿਤ ਸਾਖੀ ਅੰਕਿਤ ਕੀਤੀ ਹੈ ਕਿ ਕਿਵੇਂ ਗੁਰੂ ਨਾਨਕ ਦੇਵ ਜੀ ਅਤੇ ਸਿੱਖਾਂ ਦਰਮਿਆਨ ਗੋਸ਼ਟਿ ਹੋਈ। ਗੁਰੂ ਸਾਹਿਬ ਦੇ ਸ਼ਿਕਾਰ ਖੇਡਣ ਤੇ ਮਾਸ ਖਾਣ ਬਾਰੇ ਗੁਰਮਤਿ ਦਾ ਦ੍ਰਿਸ਼ਟੀਕੋਣ ਸਪਸ਼ਟ ਕਰਨ ਲਈ ਕਵੀ ਨੇ ਗੁਰੂ ਨਾਨਕ ਦੇਵ ਜੀ ਦੀ ਕੁਰੂਕਸ਼ੇਤਰ ਵਿੱਚ ਗ੍ਰਹਿਣ ਦੌਰਾਨ ਮਾਸ ਰਿੰਨਣ ਦੀ ਸਾਖੀ ਤੇ ਗੁਰੂ ਸਾਹਿਬ ਦੁਆਰਾ ਮਾਸ ਸਬੰਧੀ ਉਚਾਰੀ ਬਾਣੀ ਦੀ ਵਿਸਤ੍ਰਿਤ ਵਿਆਖਿਆ ਕੀਤੀ ਹੈ। ਕਸ਼ਮੀਰ ਵਿੱਚ ਸ਼ਰਧਾਲੂ ਮਾਈ ਦੀ ਸ਼ਰਧਾ ਪੂਰਨ ਲਈ ਸਤਿਗੁਰੂ ਜੀ ਉੱਥੇ ਗਏ। ਮਾਈ ਵਲੋਂ ਹੱਥ ਨਾਲ ਕੱਤ ਕੇ ਤਿਆਰ ਕੀਤਾ ਚੌਲਾ ਪਹਿਨ ਕੇ ਮਾਈ ਨੂੰ ਪ੍ਰਸੰਨ ਕਰਨ ਵਾਲੀ ਸਾਖੀ ਵਿਸਤਾਰ ਸਹਿਤ ਲਿਖੀ ਗਈ ਹੈ।

ਇਸ ਅਧਿਆਇ ਵਿੱਚ ਸੋਢੀ-ਬੇਦੀ ਵੰਸ਼ ਦੀ ਉਤਪਤੀ ਬਾਰੇ ਲਿਖਦਿਆਂ ਸ੍ਰੀ ਗੁਰੂ ਨਾਨਕ ਦੇਵ ਜੀ ਦੀ ਜੀਵਨੀ ਵਿੱਚ ਮਹੱਤਵਪੂਰਨ ਸਾਖੀਆਂ ਸ਼ਰਧਾ ਸਹਿਤ ਅੰਕਿਤ ਕੀਤੀਆਂ ਹਨ। ਇਸ ਤੋਂ ਇਲਾਵਾ ਬੀਬੀ ਬੀਰੋ ਦੀ ਮੰਗਣੀ ਦੀ ਕਥਾ ਦਰਜ ਹੈ। ਕੋਲਾਂ ਦਾ ਪ੍ਰਸੰਗ ਵਿਸਤਾਰ ਸਿਉਂ ਦਸਦਿਆਂ ਉਸ ਦੀਆਂ ਮਨੋ ਕਾਮਨਾਵਾਂ ਬਾਰੇ ਬੜੇ ਸਪਸ਼ਟ ਸ਼ਬਦਾਂ ਵਿੱਚ ਕਵੀ ਨੇ ਲਿਖਿਆ ਹੈ। ਉਸਦੀ ਇੱਛਾ ਹਰ ਔਰਤ ਵਾਂਗ ਮਾਤਾ ਬਣਨ ਦੀ ਸੀ ਤਾਂ ਕਿ ਉਸ ਦਾ ਨਾਂ ਰਹਿ ਜਾਵੇ। ਸਤਿਗੁਰੂ ਨੇ ਕੋਲਸਰ ਰਚ ਕੇ ਉਸ ਦਾ ਨਾਂ ਸਦਾ ਲਈ ਕਾਇਮ ਕਰ ਦਿੱਤਾ। ਇਸ ਅਧਿਆਇ ਵਿੱਚ ਬਾਬਾ ਗੁਰਦਿੱਤਾ ਜੀ ਦੇ ਵਿਆਹ ਦਾ ਵਿਸਤ੍ਰਿਤ ਵਰਣਨ ਹੈ। ਬਾਬਾ ਬੁੱਢਾ ਜੀ ਆਦਿ ਮੁੱਖੀ ਸਿੱਖਾਂ ਨੇ ਸਤਿਗੁਰੂ ਨੂੰ ਕੋਲਾਂ ਦਾ ਤਿਆਗ ਕਰਨ ਲਈ ਬੇਨਤੀ ਕੀਤੀ ਕਿਉਂਕਿ ਜਗਤ ਵਿੱਚ ਇਹਨਾਂ ਸਬੰਧਾਂ ਕਾਰਨ

ਅਪਜਸ ਹੋ ਰਿਹਾ ਹੈ। ਸਤਿਗੁਰੂ ਨੇ ਉਹਨਾਂ ਦੀ ਗੱਲ ਮੰਨ ਲਈ। ਅਕਾਲਪੁਰਖ ਦਾ ਅਜਿਹਾ ਹੁਕਮ ਸੀ ਕਿ ਕੋਲਾਂ ਨੇ ਸਰੀਰ ਤਿਆਗ ਦਿੱਤਾ।

ਦਸਵੇਂ ਅਧਿਆਇ ਵਿੱਚ ਅੰਮ੍ਰਿਤਸਰ ਵਿਖੇ ਮੁਗਲਸ ਖਾਂ ਨਾਲ ਯੁੱਧ ਦਾ ਵਰਣਨ ਕੀਤਾ ਗਿਆ ਜਿਸ ਵਿੱਚ ਇਹ ਮਾਰਿਆ ਜਾਂਦਾ ਹੈ ਤੇ ਸਤਿਗੁਰੂ ਦੀ ਜਿੱਤ ਹੁੰਦੀ ਹੈ।

ਗਿਆਰ੍ਹਵੇਂ ਅਧਿਆਇ ਵਿੱਚ ਬੀਬੀ ਬੀਰੋ ਤੇ ਸਾਧੂ ਜਨ ਦੇ ਵਿਆਹ ਦਾ ਸੰਖਿਪਤ ਪਰ ਭਾਵ ਪੂਰਤ ਵਰਣਨ ਹੈ।

ਬਾਰ੍ਹਵੇਂ ਅਧਿਆਇ ਵਿੱਚ ਕੋਲਾਂ ਦੇ ਪੂਰਵਲੇ ਜਨਮ ਦੀ ਕਥਾ ਹੈ ਕਿ ਇਹ ਉਰਬਸੀ ਸੀ ਜੋ ਰਿਸ਼ੀ ਦੇ ਸਰਾਪ ਧਾਰਨ ਕਰਕੇ ਮਾਤ ਲੋਕ ਵਿੱਚ ਆਈ ਸੀ। ਸਤਿਗੁਰੂ ਨੇ ਉਸ ਦਾ ਉਧਾਰ ਕਰ ਦਿੱਤਾ ਤੇ ਉਹ ਮੁੜ ਇੰਦਰਲੋਕ ਨੂੰ ਚਲੀ ਗਈ।

ਤੋਰ੍ਹਵੇਂ ਅਧਿਆਇ ਵਿੱਚ ਪੈਂਦੇ ਖਾਂ ਦੇ ਮਨ ਵਿੱਚ ਉਪਜੇ ਅੰਹਕਾਰ ਕਿ ਮੈਂ ਬੜਾ ਬਲੀ ਹਾਂ! ਮੇਰੇ ਕਰਕੇ ਹੀ ਸਤਿਗੁਰੂ ਜੀ ਦੀ ਜਿੱਤ ਹੋਈ ਹੈ, ਆਦਿ! ਸਤਿਗੁਰੂ ਨੇ ਇਹ ਭਰਮ ਦੂਰ ਕਰਨ ਲਈ ਚੋਜ਼ ਕੀਤਾ। ਇਸ ਵਿਚ ਇਕ ਖਾਨ ਦਾ ਜ਼ਿਕਰ ਹੈ ਜੋ ਬਾਦਸ਼ਾਹ ਪਾਸੋਂ ਭੱਜ ਕੇ ਸਤਿਗੁਰੂ ਦੀ ਸ਼ਰਨ ਵਿਚ ਆਇਆ ਪਰ ਗੁਰੂ ਜੀ ਮੌਜ ਵਿੱਚ ਸਨ। ਇਸ ਦਾ ਆਦਰ ਨਾ ਕੀਤਾ ਇਸ ਨੇ ਤਲਵਾਰ ਖਿਚ ਲਈ ਕਿ ਸਤਿਗੁਰੂ ਨੂੰ ਮਾਰ ਦੇਵਾਂਗਾ। ਪਰ ਸਾਹਿਬ ਨੇ ਵਿਅੰਗ ਕੀਤਾ ਕਿ ਭਾਈ ਜਿਥੇ ਤੈਨੂੰ ਤਲਵਾਰ ਚਲਾਉਣੀ ਚਾਹੀਦੀ ਸੀ ਉੱਥੇ ਤਾਂ ਚਲਾਈ ਨਾ ਪਰ ਫਕੀਰਾਂ ਉਪਰ ਚਲਾਉਣ ਲਈ ਪਲ ਵਿੱਚ ਤਿਆਰ ਹੋ ਗਿਆ ਹੈ। ਉਸ ਖਾਨ ਨੂੰ ਆਪਣੀ ਗਲਤੀ ਦਾ ਅਹਿਸਾਸ ਹੋਇਆ। ਸਤਿਗੁਰੂ ਦੀ ਕਿਰਪਾ ਨਾਲ ਉਸਨੂੰ ਮੁੜ ਬਾਦਸ਼ਾਹ ਪਾਸ ਮਨਸਬਦਾਰੀ ਮਿਲ ਗਈ ਆਦਿ ਹੋਰ ਛੋਟੀਆਂ ਛੋਟੀਆਂ ਕਥਾਵਾਂ ਦਰਜ ਹਨ।

ਚੌਧਵੇਂ ਅਧਿਆਇ ਵਿੱਚ ਗੁਰੂ ਸਾਹਿਬ ਉਪਰ ਨਵਾਬ ਅਬਦੁਲ ਖਾਨ ਦੀ ਚੜ੍ਹਾਈ ਦਾ ਜ਼ਿਕਰ ਕਰਦਿਆਂ ਕਵੀ ਨੇ ਯੁੱਧ ਦੇ ਨਜ਼ਾਰੇ ਬੜੇ ਵਿਸਤਾਰ ਨਾਲ ਚਿਤਰਦਿਆਂ ਅਖੀਰ ਇਸ ਮੁਗਲ ਦੀ ਮੌਤ ਤੇ ਸਤਿਗੁਰੂ ਦੀ ਜਿੱਤ ਦਾ ਵਰਣਨ ਕੀਤਾ ਹੈ।

ਪੰਦਰ੍ਹਵੇਂ ਅਧਿਆਇ ਵਿੱਚ ਚਾਰ ਸਿੱਖਾਂ ਬਾਰੇ ਸਾਖੀਆਂ ਅੰਕਿਤ ਕਰਦਿਆਂ ਕਵੀ ਨੇ ਸਿੱਖੀ ਦੇ ਮੰਡਲਾਂ ਵਿੱਚ ਸਤਿਗੁਰੂ ਦੀ ਮਹਾਨਤਾ ਨੂੰ ਉਜਾਗਰ ਕੀਤਾ ਹੈ।

ਸੋਲ੍ਹਵੇਂ ਅਧਿਆਇ ਵਿੱਚ ਕਵੀ ਜੀ ਨੇ ਬਾਬਾ ਬੁੱਢਾ ਜੀ ਦੀ ਜੀਵਨ ਗਾਥਾ ਦਾ ਅੰਤਿਮ ਭਾਗ ਬੜੀ ਸ਼ਰਧਾ ਨਾਲ ਲਿਖਦਿਆਂ ਬਾਬਾ ਜੀ ਦੇ ਪਰਲੋਕ ਗਮਨ ਦੀ ਕਥਾ ਕਹੀ ਹੈ। ਇਸ ਉਪ੍ਰੰਤ ਬਾਬਾ ਬੁੱਢਾ ਜੀ ਦੇ ਪੁੱਤਰ ਨੂੰ ਸਤਿਗੁਰੂ ਨੇ ਬੜੇ ਪਿਆਰ ਨਾਲ ਆਪਣੇ ਅੰਗ ਸੰਗ ਰਖਿਆ। ਇਸ ਵਿਚ ਗੁਰੂ ਨਾਨਕ ਦੇਵ ਜੀ ਦੀ ਜੀਵਨ ਕਥਾ ਵਿਚੋਂ (ਗੁਰੂ) ਅੰਗਦ ਦੇਵ ਜੀ ਦੀ ਪਰਖ ਵਾਲੀ ਸਾਖੀ ਵਿਸਤਾਰ ਸਹਿਤ ਆਖੀ ਗਈ ਹੈ। ਪਰਖ ਵਿੱਚ ਪੂਰਾ ਉਤਰਨ ਤੇ ਉਹਨਾਂ ਨੂੰ ਗੁਰਿਆਈ ਦੀ ਬਖਸ਼ਿਸ਼ ਸਤਿਗੁਰੂ ਨਾਨਕ ਦੇਵ ਜੀ ਨੇ ਕੀਤੀ।

ਸਤਾਰ੍ਹਵੇਂ ਅਧਿਆਇ ਵਿੱਚ ਸੂਰਜ ਮੱਲ ਜੀ ਦੇ ਵਿਆਹ ਦੀ ਸਾਖੀ ਵਿਸਤਾਰ ਸਹਿਤ ਅੰਕਿਤ ਕਰਦਿਆਂ ਵਿਆਹ ਦੀਆਂ ਰੀਤਾਂ, ਰਸਮਾਂ, ਰਿਵਾਜ਼ਾਂ ਆਦਿ ਬਾਰੇ ਬੜੀ

ਨੀਝ ਨਾਲ ਲਿਖਿਆ ਹੈ। ਇਸ ਅਧਿਆਇ ਵਿੱਚ ਬਾਬਾ ਅੱਟਲ ਰਾਇ ਜੀ ਦੇ ਕਰਾਮਾਤ ਦਿਖਾਉਣ ਦਾ ਜ਼ਿਕਰ ਹੈ। ਬਾਬਾ ਜੀ ਨੇ ਆਪਣੀ ਖੇਡ ਦੇ ਸਾਥੀ ਮੋਹਨ ਨੂੰ ਮਰਨ ਉਪ੍ਰੰਤ ਫਿਰ ਜੀਵਤ ਕਰ ਲਿਆ ਜਿਸ ਤੇ ਸਤਿਗੁਰੂ ਹਰਿਗੋਬਿੰਦ ਜੀ ਨਰਾਜ਼ ਹੋ ਗਏ। ਬਾਬਾ ਜੀ ਨੂੰ ਹੁਕਮ ਕੀਤਾ ਕਿ ਜਾਂ ਤਾਂ ਤੁਸੀਂ ਸਰੀਰ ਛੱਡੋ ਜਾਂ ਅਸੀਂ ਛੱਡ ਜਾਂਦੇ ਹਾਂ। ਬਾਬਾ ਅੱਟਲ ਜੀ ਨੇ ਸਵੈ-ਇੱਛਾ ਨਾਲ ਸਰੀਰ ਤਿਆਗ ਦਿੱਤਾ। ਇਹ ਖਬਰ ਸੁਣਕੇ ਬਹੁਤ ਸਾਰੀ ਸੰਗਤ ਤੇ ਰਿਸ਼ਤੇਦਾਰ ਵੈਰਾਗ ਕਰਨ ਲਗੇ ਪਰ ਸਤਿਗੁਰੂ ਨੇ ਸਾਰਿਆਂ ਨੂੰ ਸੰਸਾਰ ਦੀ ਨਾਸ਼ਮਾਨਤਾ ਦਾ ਗਿਆਨ ਕਰਵਾਇਆ ਤੇ ਭਾਣੇ ਵਿੱਚ ਰਹਿਣ ਲਈ ਉਪਦੇਸ਼ ਕੀਤਾ।

ਇਸ ਅਧਿਆਇ ਵਿੱਚ ਭਾਈ ਗੁਰਦਾਸ ਜੀ ਦਾ ਅੰਹਕਾਰ ਦੂਰ ਕਰਨ ਲਈ ਗੁਰੂ ਹਰਿਗੋਬਿੰਦ ਜੀ ਨੇ ਇਕ ਕੌਤਕ ਕੀਤਾ ਕਿ ਉਹਨਾਂ ਦਾ ਸਾਰਾ ਅੰਹਕਾਰ ਜਾਂਦਾ ਰਿਹਾ। ਭਾਈ ਜੀ ਦਾ ਕਾਬਲੋਂ ਘੋੜੇ ਖਰੀਦਣ ਜਾਣ ਤੇ ਮੋਹਰਾਂ ਦੀ ਥਾਂ ਠੀਕਰੀਆਂ ਨਜ਼ਰ ਆਉਣ ਤੇ ਤੰਬੂ ਪਾੜ ਕੇ ਭੱਜਣ ਤੇ ਮੁੜ ਸਤਿਗੁਰੂ ਜੀ ਦੀ ਸ਼ਰਨ ਵਿੱਚ ਆ ਕੇ ਮੁਆਫੀ ਮੰਗਣ ਦੀ ਕਥਾ ਨੂੰ ਭਾਈ ਭਗਤ ਸਿੰਘ ਨੇ ਵਿਸਤਾਰ ਸਹਿਤ ਲਿਖਿਆ ਹੈ।

ਬਾਬਾ ਸੂਰਜ ਮੱਲ ਦੇ ਵਿਆਹ ਦੀ ਕਥਾ ਇਸ ਅਧਿਆਇ ਵਿੱਚ ਸੰਖਿਪਤ ਰੂਪ ਵਿੱਚ ਅੰਕਿਤ ਕੀਤੀ ਗਈ ਹੈ। ਇਥੇ ਬਾਰਾਤ ਵਿੱਚ ਆਏ ਸ੍ਰੀ ਗੁਰੂ ਤੇਗ ਬਹਾਦਰ ਜੀ ਦੀ ਹੋਈ ਕੁਤਮਾਈ ਦਾ ਜ਼ਿਕਰ ਹੈ।

ਅਨੁਾਰਵੇਂ ਅਧਿਆਇ ਵਿੱਚ ਮੁੱਖ ਕਥਾ ਭਾਈ ਗੁਰਦਾਸ ਜੀ ਦੇ ਜੋਤੀ ਜੋਤਿ ਸਮਾਉਣ ਬਾਰੇ ਹੈ। ਇਸ ਵਿੱਚ ਰਜਨੀ ਦੀ ਕਥਾ ਵਿਸਤਾਰ ਸਹਿਤ ਦਸੀ ਗਈ ਹੈ। ਇਉਂ ਸੁਧਾ ਸਰੋਵਰ ਪ੍ਰਗਟ ਕਰਨ ਲਈ ਪੌਰਾਣਿਕ ਕਥਾ ਵਿਸਤਾਰ ਸਹਿਤ ਆਖੀ ਗਈ ਹੈ। ਤਰਨਤਾਰਨ ਵਿਖੇ ਗੁਰ ਅਸਥਾਨ ਦੀ ਤਿਆਰੀ ਹੋ ਰਹੀ ਸੀ ਕਿ ਮੁਗਲ ਸਰਦਾਰ ਧੱਖੇ ਨਾਲ ਇੱਟਾਂ ਲੈ ਗਿਆ। ਗੁਰੂ ਅਰਜਨ ਦੇਵ ਜੀ ਨੇ ਭਵਿੱਖ ਬਚਨ ਕੀਤਾ ਕਿ ਜਦੋਂ ਖਾਲਸਾ ਪੰਥ ਪ੍ਰਗਟੇਗਾ ਤਾਂ ਇਕ ਬਲੀ ਰਾਜਾ ਇਹ ਹਵੇਲੀ ਢਾਹ ਕੇ ਗੁਰਦੁਆਰਾ ਇਹਨਾਂ ਇੱਟਾਂ ਨਾਲ ਬਣਾਵੇਗਾ। ਮਹਾਰਾਜਾ ਰਣਜੀਤ ਸਿੰਘ ਨੇ ਅਜਿਹਾ ਕੀਤਾ। ਇਸ ਅਧਿਆਇ ਵਿੱਚ ਕੁਝ ਹੋਰ ਵੀ ਛੋਟੀਆਂ ਮੋਟੀਆਂ ਸਾਖੀਆਂ ਅੰਕਿਤ ਹਨ।

ਉਨ੍ਹੀਵੇਂ ਅਧਿਆਇ ਵਿੱਚ ਮੁੱਖ ਰੂਪ ਵਿੱਚ ਦੋ ਕਥਾਵਾਂ ਹਨ। ਪਹਿਲੀ ਮਾਤਾ ਦਮੋਦਰੀ ਦਾ ਪਰਲੋਕ ਗਮਨ ਦੂਜੀ ਗੁਰੂਸਰ ਦੀ ਲੜਾਈ ਦਾ ਵਿਸਤ੍ਰਿਤ ਬਿਆਨ। ਇਸ ਅਧਿਆਇ ਵਿੱਚ ਇੱਕ ਮਹੱਤਵਪੂਰਨ ਸਾਖੀ ਭਾਈ ਬਿਧੀ ਚੰਦ ਦੁਆਰਾ ਗੁਲਬਾਗ ਤੇ ਦਿਲਬਾਗ ਦੇ ਘੋੜਿਆਂ ਦੀ ਸ਼ਾਹੀ ਅਸਤਬੱਲ ਵਿਚੋਂ ਚੋਰੀ ਕਰਨ ਬਾਰੇ ਹੈ। ਸ਼ਾਹੀ ਸੈਨਾ ਨਾਲ ਯੁੱਧ ਹੁੰਦਾ ਹੈ ਜਿਸ ਵਿਚ ਲਾਲਾ ਬੇਗ, ਕਾਸਮ ਬੇਗ ਆਦਿ ਦੀ ਮੌਤ ਤੇ ਸਤਿਗੁਰੂ ਦੀ ਵਿਜੈ ਦਾ ਵਿਸਤ੍ਰਿਤ ਬਿਆਨ ਹੈ।

ਵੀਹਵੇਂ ਅਧਿਆਇ ਵਿੱਚ ਪੈਂਦੇ ਖਾਂ ਤੇ ਉਸਦੀ ਸੈਨਾ ਦੀ ਹਾਰ ਤੇ ਪੈਂਦੇ ਖਾਂ ਦੀ ਮੌਤ ਦਾ ਜ਼ਿਕਰ ਵਿਸਤਾਰ ਸਹਿਤ ਕਵੀ ਨੇ ਕੀਤਾ ਹੈ। ਇਸ ਅਧਿਆਇ ਵਿੱਚ ਸਤਿਗੁਰੂ ਤੇਗ ਬਹਾਦਰ ਜੀ ਦੇ ਵਿਆਹ ਦੀ ਸਾਖੀ ਵਿਸਤਾਰ ਸਹਿਤ ਲਿਖੀ ਗਈ ਹੈ। ਇਸ ਤੋਂ ਇਲਾਵਾ ਕੁਝ ਹੋਰ ਵੀ ਸਾਖੀਆਂ ਦਰਜ ਕੀਤੀਆਂ ਗਈਆਂ ਹਨ ਜਿਹਨਾਂ ਦਾ ਮਨੋਰਥ ਗੁਰੂ

ਜਸ ਹੈ ।

ਇਕੀਵੇਂ ਅਧਿਆਇ ਵਿੱਚ ਗੁਰੂ ਹਰਿਗੋਬਿੰਦ ਸਾਹਿਬ ਦੇ ਪਰਲੋਕ ਗਮਨ ਦੀ ਸਾਖੀ ਦਰਜ ਹੈ । ਆਪਨੇ ਗੁਰਿਆਇ ਦਾ ਤਿਲਕ ਗੁਰੂ ਹਰਿ ਰਾਇ ਜੀ ਨੂੰ ਦਿਤਾ ਤੇ ਉਹਨਾਂ ਦੀ ਸ਼ਰਨ ਸਰਬਤ ਸੰਗਤ ਨੂੰ ਰਹਿਣ ਲਈ ਹੁਕਮ ਕੀਤਾ । ਇਸ ਅਧਿਆਇ ਵਿੱਚ ਬਾਬਾ ਬੁੱਢਾ ਸਾਹ ਦੀ ਸਾਖੀ ਅੰਕਿਤ ਕੀਤੀ ਗਈ ਹੈ । ਇਸ ਤਰ੍ਹਾਂ ਹੋਰ ਕੁਝ ਸਾਖੀਆਂ ਸੰਖਿਪਤ ਰੂਪ ਵਿੱਚ ਅੰਕਿਤ ਕੀਤੀਆਂ ਗਈਆਂ ਹਨ ।

ਇਸ ਗ੍ਰੰਥ ਦਾ ਕਥਾਨਕ ਵਿਸਤ੍ਰਿਤ ਤੇ ਵੱਡਾ ਆਕਾਰ ਵਾਲਾ ਹੈ । ਇਸ ਦੀਆਂ ਪ੍ਰਮੁੱਖ ਵਿਸ਼ੇਸ਼ਤਾਵਾਂ ਹਨ :

- (ੳ) ਹਰ ਕਥਾ/ਸਾਖੀ ਆਪਣੇ ਆਪ ਵਿੱਚ ਪੂਰੀ ਹੋਣ ਦੇ ਬਾਵਜੂਦ ਮੁੱਖ ਕਥਾ ਦਾ ਹਿੱਸਾ ਬਣੀ ਹੋਈ ਹੈ ।
- (ਅ) ਕਵੀ ਦਾ ਕੇਂਦਰ-ਬਿੰਦੂ ਨਾਇਕ ਗੁਰੂ ਹਰਿਗੋਬਿੰਦ ਹਨ ਜਿਹਨਾਂ ਦੀ ਸ਼ਖਸੀਅਤ ਨੂੰ ਉਜਾਗਰ ਕਰਨ ਵਿੱਚ ਹਰ ਪ੍ਰਾਸੰਗਿਕ ਕਥਾ ਸਹਾਈ ਸਿਧ ਹੋਈ ਹੈ ।
- (ੲ) ਕਥਾ ਵਿੱਚ ਰਸ ਹੈ ਜਿਸ ਕਾਰਨ ਪਾਠਕ/ਸ੍ਰੋਤਾ ਆਦਿ ਤੋਂ ਅੰਤ ਤੱਕ ਇਕ ਰਸ ਇਸ ਦਾ ਆਨੰਦ ਮਾਣਦਾ ਹੈ ।
- (ਸ) ਰੋਚਕਤਾ ਇਸ ਕਥਾਨਕ ਦੀ ਵੱਡੀ ਵਿਸ਼ੇਸ਼ਤਾ ਹੈ । ਕਵੀ ਨੇ ਹਰ ਕਥਾ ਨੂੰ ਅਜਿਹੇ ਢੰਗ ਨਾਲ ਬਿਆਨ ਕੀਤਾ ਹੈ ਕਿ ਰੋਚਕਤਾ ਬਣੀ ਰਹਿੰਦੀ ਹੈ ।
- (ਹ) ਕਥਾ ਸੰਖਿਪਤ ਰੱਖਣ ਲਈ ਕਵੀ ਨੇ ਹਰ ਸੰਭਵ ਯਤਨ ਕੀਤਾ ਹੈ । ਇਹ ਵੀ ਇਕ ਵਿਸ਼ੇਸ਼ਤਾ ਹੈ ਕਿ ਬੋਲੋੜਾ ਵਿਸਥਾਰ ਨਹੀਂ ਹੈ । ਜਿਨ੍ਹਾਂ ਵਿਸਥਾਰ ਕਿਸੇ ਕਥਾ ਲਈ ਅਨਿਵਾਰਯ ਜਾਪਦਾ ਹੈ; ਉਨ੍ਹਾਂ ਹੀ ਕੀਤਾ ਗਿਆ ਹੈ ।
- (ਕ) ਗੁਰੂ ਹਰਿਗੋਬਿੰਦ ਸਾਹਿਬ ਦੀ ਜੀਵਨ ਕਥਾ ਲਿਖਦਿਆਂ ਉਹਨਾਂ ਦੇ ਸ਼ਰਧਾਲੂ ਸਿੱਖਾਂ ਜਿਵੇਂ ਬਾਬਾ ਬੁੱਢਾ ਜੀ, ਭਾਈ ਗੁਰਦਾਸ ਜੀ, ਭਾਈ ਬਿਧੀ ਚੰਦ ਜੀ, ਭਾਈ ਭਾਨਾ ਜੀ ਆਦਿ ਬਾਰੇ ਵੀ ਅਧਿਕਾਰਤ ਜਾਣਕਾਰੀ ਦਿਤੀ ਗਈ ਹੈ ।
- (ਖ) ਕਥਾ ਵਿੱਚ ਖੱਪੇ ਪੂਰੇ ਕਰਨ ਜਾਂ ਕਿਸੇ ਵਿਚਾਰ ਨੂੰ ਸਪਸ਼ਟ ਕਰਨ ਲਈ ਪੂਰਵ ਵਰਤੀ ਘਟਨਾਵਾਂ ਦਾ ਬਿਆਨ ਕੀਤਾ ਗਿਆ ਹੈ ਜਿਵੇਂ ਗੁਰੂ-ਘਰ ਤੇ ਮੁਗਲ ਸਰਕਾਰ ਦੀ ਟੱਕਰ ਬਾਰੇ ਸਮਝਣ ਲਈ ਗੁਰੂ ਅਰਜਨ ਦੇਵ ਜੀ ਦੀ ਸ਼ਹੀਦੀ ਬਾਰੇ ਵਿਸਤਾਰ ਸਹਿਤ ਲਿਖਿਆ ਹੈ । ਇਸੇ ਤਰ੍ਹਾਂ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਜੀ ਦਾ ਸੰਪਾਦਨ ਕਰਨ ਸਮੇਂ ਬਾਣੀ ਇਕੱਤਰ ਕਰਨ ਬਾਰੇ ਬਾਬਾ ਮੋਹਨ ਆਦਿ ਦੀ ਕਥਾ ਬੜੇ ਵਿਸਥਾਰ ਨਾਲ ਆਖੀ ਹੈ ।
- (ਗ) ਇਸੇ ਤਰ੍ਹਾਂ ਭਵਿਖ-ਬਾਣੀ ਦੀ ਵਿਧੀ ਅਪਨਾ ਕੇ ਆਉਣ ਵਾਲੀਆਂ ਘਟਨਾਵਾਂ ਦਾ ਸੰਕੇਤ ਮਾਤਰ ਜ਼ਿਕਰ ਕਰਕੇ ਰੋਚਕਤਾ ਕਾਇਮ ਰੱਖੀ ਹੈ ।
- (ਘ) ਕਥਾ ਵਿੱਚ ਰਸ ਭਰਨ ਲਈ ਮਿਥਿਹਾਸਕ ਪਾਤਰ/ਦੇਵਤੇ ਆਦਿ ਦਾ ਆਗਮਨ ਵਿਖਾਇਆ ਹੈ । ਨਾਰਦ, ਲੱਛਮੀ, ਵਿਸ਼ਵਕਰਮਾ, ਕਾਲ, ਵਿਸ਼ਨੂੰ ਆਦਿ

ਦੀਆਂ ਉਦਾਹਰਣਾਂ ਕਾਫੀ ਹਨ।

- (ਛ) ਪ੍ਰਾਚੀਨ ਕਥਾਵਾਂ ਵਿੱਚ ਇਹ ਬਿਆਨ ਆਮ ਮਿਲਦਾ ਹੈ ਕਿ ਜਦੋਂ ਵੀ ਧਰਮ ਦੀ ਹਾਨੀ ਹੁੰਦੀ ਹੈ ਤਾਂ ਭਗਵਾਨ ਪਾਸ ਦੇਵਤੇ ਇਕੱਠੇ ਹੋ ਕੇ ਜਾਂਦੇ ਹਨ। ਧਰਤੀ ਗੁਰੂ ਦਾ ਰੂਪ ਧਾਰਨ ਕਰਦੀ ਹੈ, ਜੋ ਮਜਲੂਮ ਤੇ ਗਰੀਬ ਦਾ ਪ੍ਰਤੀਕ ਹੈ; ਅਕਾਲਪੁਰਖ ਪਾਸ ਰਖਿਆ ਲਈ ਬੇਨਤੀ ਕਰਨ ਲਈ ਜਾਂਦੇ ਹਨ। ਉਹਨਾਂ ਦੀ ਅਰਜ਼ ਸੁਣਕੇ ਉਹ ਆਪਣਾ ਅਵਤਾਰ ਭੇਜਦਾ ਹੈ ਜੋ ਅਧਰਮ ਦਾ ਨਾਸ਼ ਕਰਕੇ ਧਰਮ ਦੀ ਸਥਾਪਨਾ ਕਰਦਾ ਹੈ। ਇਸ ਗ੍ਰੰਥ ਵਿੱਚ ਵੀ ਕਥਾਨਕ ਨੂੰ ਵਿਸ਼ਵਾਸਯੋਗ ਬਣਾਉਣ ਤੇ ਆਪਣੇ ਨਾਇਕ ਨੂੰ ਅਵਤਾਰੀ ਤੇ ਸਰਬ ਸ਼ਕਤੀਮਾਨ ਵਿਖਾਉਣ ਲਈ ਕਵੀ ਨੇ ਇਹ ਵਿਧੀ ਅਪਨਾਈ ਹੈ। ਇਉਂ ਕਥਾਨਕ ਪੱਖੋਂ ਇਹ ਰਚਨਾ ਸਫਲ ਹੈ।

ਕਵੀ ਦੀ ਦ੍ਰਿਸ਼ਟੀ ਵਿਚ ਗੁਰੂ ਹਰਿਗੋਬਿੰਦ ਜੀ ਦੀ ਸ਼ਖਸੀਅਤ

ਕਵੀ ਨੇ ਗੁਰੂ ਹਰਿਗੋਬਿੰਦ ਸਾਹਿਬ ਨੂੰ ਨਾਇਕ ਬਣਾ ਕੇ ਕਾਵਿ ਰਚਨਾ ਕਰਦਿਆਂ ਸ਼ਰਧਾਲੂ ਵਾਲੀ ਦ੍ਰਿਸ਼ਟੀ ਨਾਲ ਗੁਰੂ ਸਾਹਿਬ ਦੀ ਸ਼ਖਸੀਅਤ ਨੂੰ ਪ੍ਰਸਤੁਤ ਕਰਨ ਦਾ ਯਤਨ ਕੀਤਾ ਹੈ। ਗੁਰੂ ਜੀ ਦੀ ਸ਼ਖਸੀਅਤ ਦੇ ਅਹਿਮ ਪੱਖ ਹਨ :

- (ੳ) ਗੁਰੂ ਹਰਿਗੋਬਿੰਦ ਜੀ ਅਵਤਾਰ ਹਨ ਜਿਹਨਾਂ ਨੇ ਬਚਪਨ ਵਿੱਚ ਅਵਤਾਰੀ ਪੁਰਖ ਵਾਲੀਆਂ ਗੱਲਾਂ ਕਰਕੇ ਆਪਣੇ ਆਪ ਨੂੰ ਭਾਰਤੀ ਅਵਤਾਰ ਪਰਪਰਾ ਦੀ ਲੜੀ ਦਾ ਇਕ ਮਣਕਾ ਸਿਧ ਕੀਤਾ।
- (ਅ) ਬਚਪਨ ਤੋਂ ਆਪ ਬਲੀ ਸਨ ਕਿਉਂਕਿ ਆਪ ਜੀ ਵਿੱਚ ਆਲੌਕਿਕ ਸ਼ਕਤੀਆਂ ਸਨ। ਆਪਨੇ ਥਣਾਂ ਨੂੰ ਜ਼ਹਿਰ ਲਗਾਕੇ ਆਈ ਦਾਈ ਦਾ ਸੰਘਾਰ ਉਵੇਂ ਕੀਤਾ ਜਿਵੇਂ ਕਿ ਸ੍ਰੀ ਕ੍ਰਿਸ਼ਨ ਜੀ ਨੇ ਪੂਤਨਾ ਦਾ ਕੀਤਾ ਸੀ। ਦੋਨਾਂ ਦੀ ਮੁਕਤੀ ਹੋ ਗਈ ਤੇ ਉਹ ਦੇਵਪੁਰੀ ਵਿੱਚ ਚਲੇ ਗਈਆਂ।
- (ੲ) ਗੁਰੂ ਜੀ ਜਦੋਂ ਅਜੇ ਬਾਲ ਹੀ ਸਨ ਤਾਂ ਜਾਣੀ ਜਾਣ ਸਨ। ਪ੍ਰਿਥੀ ਚੰਦ ਨੇ ਜਦੋਂ ਇਕ ਬ੍ਰਾਹਮਣ ਨੌਕਰ ਨੂੰ ਰਿਸ਼ਵਤ ਦੇ ਕੇ ਬਾਲ (ਗੁਰੂ) ਹਰਿਗੋਬਿੰਦ ਨੂੰ ਮਾਰਨ ਲਈ ਦਹੀਂ ਵਿੱਚ ਜ਼ਹਿਰ ਪਾ ਕੇ ਖਵਾਉਣ ਲਈ ਮੰਨਾ ਲਿਆ ਤਾਂ ਆਪਣੇ ਉਸ ਦੇ ਲੱਖ ਕੋਸ਼ਿਸ਼ ਕਰਨ ਤੇ ਵੀ ਦਹੀਂ ਨੂੰ ਮੂੰਹ ਨਾ ਲਗਾਇਆ। ਉਸ ਦੀ ਸਾਜਿਸ਼ ਦਾ ਪਾਜ ਖੁਲ੍ਹ ਗਿਆ।
- (ਸ) ਗੁਰੂ ਜੀ ਲੰਮੀ ਨਦਰਿ ਵਾਲੇ ਸਨ ਜਿਹਨਾਂ ਨੇ ਆਪਣੇ ਗੁਰੂ ਪਿਤਾ ਜੀ ਦੀ ਸ਼ਹੀਦੀ ਮਗਰੋਂ ਇਹ ਜਾਣ ਲਿਆ ਕਿ ਅੱਗੇ ਆਉਣ ਵਾਲੇ ਸਮੇਂ ਵਿਚ ਸਵੈ ਰੱਖਿਆ ਲਈ ਤਲਵਾਰ ਚੁਕਣੀ ਹੀ ਸਿਆਣਪ ਹੈ। ਆਪਨੇ ਦੋ ਤਲਵਾਰਾਂ ਪਾ ਕੇ ਦੁਨਿਆਵੀ ਦੇ ਰੂਹਾਨੀ ਖੇਤਰਾਂ ਵਿੱਚ ਬਰਾਬਰ ਦੀ ਕਾਰਜਸ਼ੀਲਤਾ ਨੂੰ ਉਚਿਤ ਠਹਿਰਾਇਆ।
- (ਹ) ਆਪ ਅੰਤਰਜਾਮੀ ਸਨ। ਆਪ ਸਿੱਖਾਂ ਦੇ ਮਨਾਂ ਦੀਆਂ ਜਾਣ ਲੈਂਦੇ ਸਨ ਤੇ ਉਹਨਾਂ ਨੂੰ ਸੁਭ ਕਰਮ ਕਰਨ ਲਈ ਪ੍ਰੇਰਨਾ ਦਿੰਦੇ ਸਨ।

- (ਕ) ਆਪ ਸਿੱਖਾਂ ਦੀਆਂ ਹਰ ਪ੍ਰਕਾਰ ਦੀਆਂ ਮਨੋਕਾਮਨਾਵਾਂ ਪੂਰੀਆਂ ਕਰਦੇ ਸਨ। ਜੋ ਵੀ ਸੱਚੇ ਦਿਲੋਂ ਸ਼ਰਧਾ ਨਾਲ ਮਨ ਵਿੱਚ ਚਿਤਵਦਾ ਸਤਿਗੁਰੂ ਦਇਆ ਦ੍ਰਿਸ਼ਟੀ ਨਾਲ ਉਸ ਦੀ ਕਾਮਨਾ ਪੂਰੀ ਕਰ ਦਿੰਦੇ।
- (ਖ) ਦੂਰ ਦੁਰਾਡੇ ਜਿੱਥੇ ਵੀ ਕੋਈ ਗੁਰੂ-ਨਾਮ-ਲੇਵਾ ਭੀੜ ਸਮੇਂ ਯਾਦ ਕਰਦਾ, ਆਪ ਗੁਪਤ ਰੂਪ ਵਿੱਚ ਜਾਕੇ ਸਹਾਇਤਾ ਕਰਦੇ। ਇਕ ਸ਼ਰਧਾਲੂ ਦਾ ਡੁਬਦਾ ਜਹਾਜ਼ ਆਪਨੇ ਬਚਾ ਲਿਆ ਸੀ।
- (ਗ) ਆਪ ਵਧੀਆ ਸ਼ਿਕਾਰੀ ਸਨ ਤੇ ਬਾਜ, ਕੁੱਤੇ ਆਦਿ ਲੈ ਕੇ ਸ਼ਿਕਾਰ ਕਰਦੇ ਸਨ। ਅਣਗਿਣਤ ਜਾਨਵਰਾਂ ਨੂੰ ਮਾਰਕੇ ਉਹਨਾਂ ਨੂੰ ਮੁਕਤੀ ਪ੍ਰਦਾਨ ਕਰਦੇ ਸਨ। ਸ਼ਿਕਾਰ ਦਾ ਮਨੋਰਥ ਜੀਅ-ਘਾਤ ਨਹੀਂ, ਜੀਵਾਂ ਨੂੰ ਮੁਕਤੀ ਸੀ।
- (ਘ) ਪਿਛਲੇ ਜਨਮਾਂ ਵਿੱਚ ਮਿਲੇ ਸ਼ਰਾਪ ਕਾਰਨ ਜਾਨਵਰਾਂ ਦੀ ਜੂਨ ਵਿੱਚ ਭਟਕ ਰਹੇ ਜੀਵਾਂ ਦਾ ਸੰਘਾਰ ਕਰਕੇ ਉਹਨਾਂ ਨੂੰ ਸ਼ਰਾਪ ਮੁਕਤ ਕਰਕੇ ਬੈਕੁੰਠ ਵਿੱਚ ਭੇਜ ਦਿੰਦੇ ਸਨ। ਸ਼ੇਰ, ਸੂਰ ਆਦਿ ਨਾਲ ਸੰਬਧਤ ਕਥਾਵਾਂ ਵਿੱਚ ਅਜਿਹੀਆਂ ਗੱਲਾਂ ਦਾ ਵਰਣਨ ਹੈ।
- (ਙ) ਗੁਰੂ ਸਾਹਿਬ ਉਤਮ ਭਾਂਤ ਦੇ ਦਲੇਰ ਸ਼ਿਕਾਰੀ ਸਨ। ਆਪਨੇ ਕਦੇ ਵੀ ਕਿਸੇ ਮਾਰੂ ਜਾਨਵਰ ਨੂੰ ਆਪਣੇ ਹੱਥੋਂ ਜਾਣ ਨਹੀਂ ਦਿਤਾ। ਇਕ ਵਾਰ ਸ਼ੇਰ ਨੇ ਅਚਾਨਕ ਆਪ ਤੇ ਹਮਲਾ ਕੀਤਾ ਤਾਂ ਆਪ ਨੇ ਤੁਰੰਤ ਅਜਿਹਾ ਰੰਗ ਵਿਖਾਇਆ ਕਿ ਸ਼ੇਰ ਦੇ ਦੋ ਟੋਟੇ ਕਰ ਦਿੱਤੇ।
- (ਚ) ਆਪ ਬਲਵਾਨ ਯੋਧੇ ਸਨ ਜਿਹਨਾਂ ਨੇ ਰਣ ਖੇਤਰ ਵਿਚ ਤੇਗ ਤੇ ਤੀਰਾਂ ਦੇ ਯਾਦਗਾਰੀ ਚਮਤਕਾਰ ਵਿਖਾਏ। ਦੁਸ਼ਮਣ ਨੂੰ ਵਸਾਹ ਕੇ ਨਹੀਂ ਲਲਕਾਰ ਕੇ ਮਾਰਿਆ। ਹਮੇਸ਼ਾਂ ਪਹਿਲਾਂ ਉਹਨਾਂ ਨੂੰ ਵਾਰ ਕਰਨ ਦੇ ਮੌਕੇ ਦਿੱਤੇ ਤੇ ਫਿਰ ਆਪ ਇਕ ਵਾਰ ਵਿੱਚ ਹੀ ਉਹਨਾਂ ਦੀ ਸੰਸਾਰਕ ਯਾਤਰਾ ਪੂਰੀ ਕਰ ਦਿੱਤੀ।
- (ਛ) ਯੁੱਧ ਦੇ ਮੈਦਾਨ ਵਿੱਚ ਬੀਰਤਾ ਨਾਲ ਲੜਨ ਤੇ ਸ਼ਹੀਦੀਆਂ ਪ੍ਰਾਪਤ ਕਰਨ ਵਾਲੇ ਸੰਤ ਸਿਪਾਹੀਆਂ ਦੀ ਜਿਥੇ ਉਪਮਾਂ ਕੀਤੀ, ਉਥੇ ਦੁਸ਼ਮਣ ਦੇ ਫੌਜ ਦੇ ਦਲੇਰ ਸਿਪਾਹੀਆਂ ਦੀ ਸਿਫਤ ਵੀ ਦਿਲੋਂ ਕੀਤੀ। ਜੇਕਰ ਸ਼ਹੀਦ ਹੋਏ ਆਪਣੇ ਸਾਥੀਆਂ ਦਾ ਸੰਸਕਾਰ ਕੀਤਾ ਤਾਂ ਉਥੇ ਆਪਨੇ ਜੰਗ ਵਿੱਚ ਮਾਰੇ ਗਏ ਮੁਗਲ ਸਿਪਾਹੀਆਂ ਨੂੰ ਪੂਰੇ ਸਤਿਕਾਰ ਨਾਲ ਦਫਨਾਇਆ। ਇਹ ਆਪ ਦੀ ਸਮ-ਦ੍ਰਿਸ਼ਟੀ ਦਾ ਸੁੰਦਰ ਉਦਾਹਰਣ ਹੈ।
- (ਜ) ਆਪ ਯੁੱਧ ਕਲਾ ਵਿੱਚ ਨਿਪੁੰਨ ਸਨ। ਆਪ ਸਾਰੀ ਫੌਜ ਦੀ ਵੰਡ ਇਸ ਤਰ੍ਹਾਂ ਕਰਦੇ ਸਨ ਕਿ ਲੜਾਈ, ਜੇਕਰ ਲੰਮੇ ਸਮੇਂ ਲਈ ਵੀ, ਲੜਨੀ ਪਵੇ ਤਾਂ ਸਹਿਜੇ ਹੀ ਲੜੀ ਜਾ ਸਕੇ। ਮੈਦਾਨ ਦੀ ਚੋਣ ਅਜਿਹੀ ਜੰਗੀ ਸੂਝ ਨਾਲ ਕਰਦੇ ਸਨ ਕਿ ਦੁਸ਼ਮਣ ਨੂੰ ਲੜਨਾ ਔਖਾ ਹੋ ਜਾਂਦਾ। ਜਿਵੇਂ ਪਾਣੀ ਆਦਿ ਦੇ ਸ੍ਰੋਤ ਆਪਣੇ ਕਬਜ਼ੇ ਵਿੱਚ ਰੱਖਦੇ ਸਨ।

- (ੜ) ਜਿਥੇ ਆਪ ਉੱਤਮ ਸੈਨਾਪਤੀ ਸਨ ਉਥੇ ਉਤਕ੍ਰਿਸ਼ਟ ਯੋਧਾ ਵੀ ਸਨ। ਆਪਨੇ ਮੈਦਾਨੇ-ਏ ਜੰਗ ਵਿੱਚ ਤੇਗ ਤੇ ਤੀਰ ਦੇ ਕਰਤੱਬ ਤਾਂ ਵਿਖਾਏ ਹੀ ਹਨ ਪਰ ਕਈ ਥਾਂਈਂ ਦੋਨਾਂ ਫੌਜਾਂ ਨੂੰ ਪਾਸੇ ਕਰਕੇ ਸੈਨਾ ਦੇ ਜਰਨੈਲ ਨਾਲ ਸਿੱਧਾ ਯੁੱਧ ਕਰਕੇ ਲੜਾਈ ਦੀ ਜਿੱਤ ਹਾਰ ਦਾ ਫੈਸਲਾ ਕਰਨ ਦਾ ਕਾਰਨਾਮਾ ਵੀ ਕੀਤਾ।
- (ੳ) ਆਪ ਦਾ ਆਪਣੇ ਪਰਿਵਾਰ ਨਾਲ ਬੜਾ ਸਨੇਹ ਸੀ। ਆਪ ਨੇ ਹਮੇਸ਼ਾਂ ਬੱਚਿਆਂ ਤੇ ਮਾਤਾਵਾਂ ਨਾਲ ਪਿਆਰ-ਸਤਿਕਾਰ ਭਰਿਆ ਵਰਤਾ ਕੀਤਾ ਪਰ ਜੇਕਰ ਕਿਸੇ ਪੁੱਤਰ ਨੇ ਗੁਰ ਸਿਧਾਂਤਾਂ ਦੇ ਉਲਟ ਕੋਈ ਗਲ ਕੀਤੀ ਤਾਂ ਸਜਾ ਦੇਣ ਲਗਿਆਂ ਕੋਈ ਲਿਹਾਜ਼ ਨਹੀਂ ਕੀਤਾ। ਗੁਰੂ ਪੁੱਤਰਾਂ ਨੇ ਮੌਏ ਜੀਵਾ ਦਿਤੇ, ਇਕ ਨੇ ਆਪਣੇ ਮਿੱਤਰ ਨੂੰ ਤੇ ਦੂਜੇ ਨੇ ਗਊਆਂ ਜਿਵਾ ਦਿੱਤੀਆਂ ਤਾਂ ਆਪਨੇ ਕਰੜੇ ਹੋਕੇ ਆਖਿਆ ਕਿ ਇਹ ਪਰਮਾਤਮਾ ਨਾਲ ਸਰੀਕਾ ਹੈ। ਕਰਾਮਾਤ ਹੈ। ਜਾਂ ਤਾਂ ਹੁਣ ਤੁਸੀਂ ਸਰੀਰ ਛੱਡੋ ਜਾਂ ਮੈਂ ਛੱਡਦਾ ਹਾਂ ਕਿਉਂਕਿ ਇਕ ਮਿਆਨ ਵਿੱਚ ਦੋ ਤਲਵਾਰਾਂ ਨਹੀਂ ਸਮਾਂ ਸਕਦੀਆਂ। ਗੁਰੂ ਪੁੱਤਰਾਂ ਨੇ ਸਰੀਰ ਛੱਡੇ। ਇਹ ਆਪ ਦੀ ਰੱਬੀ ਰਜ਼ਾ ਵਿੱਚ ਰਹਿਣ ਤੇ ਕਰਾਮਾਤ ਦਿਖਾਉਣ ਦੀ ਰੁਚੀ ਵਿਰੁੱਧ ਦ੍ਰਿੜ ਵਿਸ਼ਵਾਸ ਦੀ ਉਦਾਹਰਣ ਹੈ।
- (ੴ) ਭਵਿੱਖ ਬਾਣੀ ਆਮ ਕਰਕੇ ਅਵਤਾਰ ਕਥਾਵਾਂ ਦਾ ਪ੍ਰਮੁੱਖ ਲਛਣ ਹੈ। ਆਪਨੇ ਵੀ ਕਈ ਥਾਂਈਂ ਭਵਿੱਖ ਬਾਣੀ ਕਰਕੇ ਗੁਰੂ ਗੋਬਿੰਦ ਸਿੰਘ ਦੇ ਸਮੇਂ ਵਿੱਚ ਵਾਪਰਨ ਵਾਲੀਆਂ ਘਟਨਾਵਾਂ ਦਾ ਜ਼ਿਕਰ ਵੀ ਕੀਤਾ ਤਾਂ ਕਿ ਲੋਕਾਂ ਨੂੰ ਅਗਲੇ ਸਮੇਂ ਸਬੰਧੀ ਸੁਚੇਤ ਕੀਤਾ ਜਾ ਸਕੇ।
- (ੵ) ਬਾਦਸ਼ਾਹ ਜਹਾਂਗੀਰ ਤੇ ਸ਼ਾਹਜਹਾਨ ਨਾਲ ਆਪ ਦੇ ਸਬੰਧ ਸੁਖਾਵੇਂ ਰਹੇ ਕਿਉਂਕਿ ਦਰਵੇਸ਼ ਹੋਣ ਕਾਰਣ ਉਹ ਆਪ ਦਾ ਸਤਿਕਾਰ ਕਰਦੇ ਸਨ। ਬਾਅਦ ਵਿੱਚ ਉਹਨਾਂ ਨਾਲ ਯੁੱਧ ਵੀ ਹੋਏ। ਉਹਨਾਂ ਦਾ ਕਾਰਨ ਰਾਜਨੀਤਕ ਸੀ ਪਰ ਗ੍ਰੰਥਕਾਰ ਨੇ ਇਹਨਾਂ ਯੁੱਧਾਂ ਦਾ ਕਾਰਨ ਗੁਰੂ ਸਾਹਿਬ ਦੁਆਰਾ ਕਲ ਤੇ ਕਲਯੋਗਣਾ ਆਦਿ ਦੁਆਰਾ ਭੁੱਖੇ ਹੋਣ ਕਾਰਨ ਯੁੱਧ ਦੀ ਮੰਗ ਦੱਸਿਆ ਤਾਂ ਕਿ ਉਹ ਯੁੱਧ ਦੇ ਮੈਦਾਨ ਵਿੱਚ ਖੂਨ ਪੀਕੇ ਰੱਜ ਸਕਣ।
- (੶) ਆਪਨੇ ਸਾਰਾ ਜੀਵਨ ਗਊ ਗਰੀਬ ਤੇ ਬ੍ਰਾਹਮਣ ਦੀ ਰੱਖਿਆ ਲਈ ਕਈ ਯੁੱਧ ਕੀਤੇ। ਇਹਨਾਂ ਦੇ ਦੋਸ਼ੀਆਂ ਨੂੰ ਸਖ਼ਤ ਸਜ਼ਾਵਾਂ ਦਿੱਤੀਆਂ ਤੇ ਕਈ ਵਾਰ ਕਤਲ ਵੀ ਕਰ ਦਿੱਤਾ।
- (੭) ਆਪ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਦੀ ਬਾਣੀ ਦਾ ਪਾਠ ਕਰਦੇ ਤੇ ਕਰਵਾਉਂਦੇ ਸਨ ਪਰ ਨਾਲ ਹੀ ਆਪ ਹਿੰਦੂ ਧਰਮ ਗ੍ਰੰਥਾਂ ਦੀ ਕਥਾ ਵੀ ਸੁਣਦੇ ਸਨ। ਬਟਾਲੇ ਦੇ ਪੰਡਤ ਪਾਸੋਂ ਆਪਨੇ ਭਾਗਵਤ ਪੁਰਾਣ ਦੀ ਕਥਾ ਸਰਵਣ ਕੀਤੀ।
- (੮) ਆਪਨੇ ਪਹਿਲੇ, ਦੂਜੇ ਅਤੇ ਤੀਜੇ ਗੁਰੂ ਸਾਹਿਬ ਦੀ ਸੰਤਾਨ ਦਾ ਪੂਰਨ

ਸਤਿਕਾਰ ਕੀਤਾ ਤੇ ਉਹ ਵੀ ਆਪ ਨਾਲ ਅੰਤ ਤੱਕ ਮਿਲਦੇ ਵਰਤਦੇ ਰਹੇ ਤੇ ਵਿਆਹ-ਸ਼ਾਦੀਆਂ, ਮਰਨੇ-ਪਰਨੇ ਆਦਿ ਤੇ ਆਉਂਦੇ ਰਹੇ।

- (ਣ) ਆਪ ਵੱਡਿਆਂ ਦਾ ਸਤਿਕਾਰ ਕਰਦੇ ਸਨ। ਮਿਹਰਵਾਨ, ਜੋ ਆਪ ਦੇ ਤਾਏ ਪ੍ਰਿਥੀ ਚੰਦ ਦਾ ਪੁੱਤਰ ਸੀ, ਦਾ ਬੜਾ ਸਨਮਾਨ ਕਰਦੇ ਸਨ ਭਾਵੇਂ ਉਹ ਗੁਰਗੱਦੀ ਦੇ ਮੌਹ, ਮਾਇਆ ਦੇ ਲਾਲਚ ਤੇ ਸਰਕਾਰ ਦਰਬਾਰੇ ਪੁੱਛ ਪਰਤੀਤ ਹੋਣ ਕਾਰਨ ਆਪ ਨਾਲ ਰੁੱਖਾ ਵਰਤਾ ਕਰਦਾ ਰਿਹਾ ਪਰ ਆਪ ਨੇ ਉਸ ਨਾਲ ਕਦੇ ਕੋਈ ਵਧੀਕੀ ਨਾ ਕੀਤੀ। ਆਪ ਜੀ ਭਾਈ ਗੁਰਦਾਸ ਜੀ ਤੇ ਬਾਬਾ ਬੁੱਢਾ ਜੀ ਦਾ ਵੀ ਬੜਾ ਸਤਿਕਾਰ ਕਰਦੇ ਸਨ। ਗੁਰ ਪਦਵੀ ਦੇ ਧਾਰਨੀ ਹੁੰਦਿਆਂ ਹੋਇਆਂ ਵੀ ਆਪ ਇਹਨਾਂ ਮਹਾਂਪੁਰਖਾਂ ਦੇ ਚਰਨ ਛੁਹਣ ਨੂੰ ਆਪਣਾ ਅਧਿਕਾਰ ਸਮਝਦੇ ਸਨ।
- (ਤ) ਆਪ ਜੀ ਆਪਣੇ ਕੁਰਬਾਨੀ ਦੇ ਪੁੰਜ ਤੇ ਪਿਆਰ ਕਰਨ ਵਾਲੇ ਸਿੱਖਾਂ ਨਾਲ ਬੜਾ ਪਿਆਰ ਕਰਦੇ ਸਨ ਤੇ ਅਕਸਰ ਗਲ ਲਗਾ ਲੈਂਦੇ ਸਨ। ਭਾਈ ਬਿਧੀ ਚੰਦ ਆਦਿ ਸਿੱਖਾਂ ਨਾਲ ਆਪ ਦੇ ਅਜਿਹੇ ਸਬੰਧ ਸਨ।
- (ਥ) ਗੁਰੂ ਸਾਹਿਬ ਦੀ ਅਵਤਾਰੀ ਸ਼ਕਤੀ ਦਾ ਸਿੱਕਾ ਹੋਰ ਦੇਵਤੇ ਆਦਿ ਵੀ ਮੰਨਦੇ ਸਨ। ਆਪਨੇ ਗੁਰੂ ਗਰੀਬ ਦੀ ਰੱਖਿਆ ਲਈ ਯੁੱਧ ਕਰਨ ਦੀ ਯੋਜਨਾ ਬਣਾਈ ਤਾਂ ਬਵੰਜਾ ਬੀਰ ਮਨੁੱਖੀ ਜਾਮੇਂ ਧਾਰਨ ਕਰਕੇ ਆਪ ਦੀ ਫੌਜ ਵਿੱਚ ਆ ਗਏ ਤੇ ਉਹਨਾਂ ਨੇ ਜੰਗ-ਯੁੱਧਾਂ ਵਿੱਚ ਮਲੇਛਾਂ ਦਾ ਨਾਸ਼ ਕੀਤਾ। ਇਸੇ ਤਰ੍ਹਾਂ ਵਿਸ਼ਕਰਮਾ ਦੇਵਤਾ ਨੇ ਆਕੇ ਗੁਰੂ ਜੀ ਦੁਆਰਾ ਵਸਾਏ ਜਾਣ ਵਾਲੇ ਸ਼ਹਿਰਾਂ ਦਾ ਨਿਰਮਾਣ ਕੀਤਾ, ਆਦਿ।
- (ਦ) ਆਪ ਤ੍ਰੈਕਾਲ ਦਰਸੀ ਸਨ। ਕਈ ਵਾਰ ਆਪ ਤਿੰਨ ਕਾਲਾਂ ਵਿੱਚ ਵਾਪਰਨ ਵਾਲੀਆਂ ਘਟਨਾਵਾਂ ਬਾਰੇ ਸਹਿਜ ਸੁਭਾ ਦਸ ਦਿੰਦੇ ਸਨ।
- (ਧ) ਗੁਰੂ ਸਾਹਿਬ ਕਾਮਾਦਿਕ ਵਿਕਾਰਾਂ ਤੋਂ ਉਪਰ ਸਨ। ਆਪ ਔਲਾਦ ਦੇ ਚਾਹਵਾਨ ਗੁਰੂ ਕੇ ਮਹਿਲਾ ਨੂੰ ਸਤਿਨਾਮ ਦਾ ਮੰਤ੍ਰ ਲਿਖ ਕੇ ਵਿਧੀ ਅਨੁਸਾਰ ਚੂਸਣ ਲਈ ਦੇ ਦਿੰਦੇ ਸਨ ਜਿਸ ਨਾਲ ਗਰਭ ਠਹਿਰ ਜਾਂਦਾ ਸੀ। ਇਹ ਕਪੋਲ ਕਲਪਨਾ ਹੈ।

ਇਉਂ ਕਵੀ ਨੇ ਆਪਣੀਆਂ ਮਾਨਤਾਵਾਂ ਅਨੁਸਾਰ ਸਤਿਗੁਰੂ ਦੀ ਸ਼ਖਸੀਅਤ ਦਾ ਚਿਤਰਣ ਕਰਨ ਦਾ ਯਤਨ ਕੀਤਾ ਹੈ।

ਇਤਿਹਾਸਕ ਪੱਖ

ਇਸ ਗ੍ਰੰਥ ਵਿੱਚ ਸ੍ਰੀ ਗੁਰੂ ਹਰਿਗੋਬਿੰਦ ਜੀ ਦੀ ਜੀਵਨ ਗਾਥਾ ਉਹਨਾਂ ਦੇ ਪ੍ਰਕਾਸ਼ ਤੋਂ ਜੋਤੀ ਜੋਤਿ ਸਮਾਉਣ ਤੱਕ ਆਖੀ ਗਈ ਸੀ। ਆਪਣੇ ਜੀਵਨ ਦੀਆਂ ਮਹੱਤਵਪੂਰਨ ਘਟਨਾਵਾਂ ਜਿਵੇਂ ਆਪ ਨੂੰ ਮਰਵਾਉਣ ਲਈ ਪ੍ਰਿਥੀ ਚੰਦ ਦੀਆਂ ਚਾਲਾਂ, ਸੀਤਲਾ ਨਿਕਲਣੀ, ਵਿਆਹ, ਬਾਲ ਪਰਿਵਾਰ, ਯੁੱਧ, ਯਾਤਰਾਵਾਂ, ਆਦਿ ਬਾਰੇ ਵਿਸਤਾਰ ਸਹਿਤ ਲਿਖਿਆ ਸੀ। ਇਹ ਗ੍ਰੰਥ ਆਪਦੀ ਜੀਵਨੀ ਲਿਖਣ ਲਈ ਸ੍ਰੋਤ-ਗ੍ਰੰਥ ਮੰਨਿਆ ਜਾਂਦਾ ਹੈ।

ਇਸ ਵਿੱਚ ਕਾਫੀ ਗੱਲਾਂ ਇਤਿਹਾਸਕ ਪੱਖੋਂ ਠੀਕ ਨਹੀਂ ਹਨ ਜਿਵੇਂ :

- (ੳ) ਗੁਰੂ ਹਰਿਗੋਬਿੰਦ ਜੀ ਦੀ ਜਨਮ ਮਿਤੀ 21 ਹਾੜ ਪੁਖ ਨਛਤ੍ਰ 1652 ਬਿ. ਦਿਤੀ ਗਈ ਹੈ ਜੋ ਜੰਤਰੀ ਮੁਤਾਬਿਕ ਠੀਕ ਨਹੀਂ ਕਿਉਂਕਿ ਇਸ ਸਾਲ ਇਸੇ ਮਿਤੀ ਨੂੰ ਰੋਹਣੀ ਨਛਤ੍ਰ ਸੀ।
- (ਅ) ਗੁਰੂ ਹਰਿਗੋਬਿੰਦ ਸਾਹਿਬ ਨੂੰ ਜਦੋਂ ਮਾਤਾ ਨਿਕਲੀ ਤਾਂ ਕਵੀ ਨੇ ਸ੍ਰੀ ਗੁਰੂ ਅਰਜਨ ਦੇਵ ਜੀ ਨੂੰ ਦੁਰਗਾ ਪੂਜਾ ਕਰਦੇ ਵਿਖਾਇਆ ਗਿਆ ਹੈ ਜੋ ਗੁਰਬਾਣੀ ਦੀ ਭਾਵਨਾ ਵਿਰੁੱਧ ਹੈ।
- (ੲ) ਪ੍ਰਿਥੀਚੰਦ ਗੁਰੂ ਘਰ ਦੇ ਵਿਰੋਧ ਕਾਰਨ ਸਤਿਗੁਰੂ ਨੂੰ ਨੁਕਸਾਨ ਪਹੁੰਚਾਣ ਲਈ ਸ਼ਹਿਜ਼ਾਦਾ ਸਲੀਮ ਨੂੰ ਮਿਲਣ ਤੇ ਮਾਲਵੇ ਵਿੱਚ ਕੋਠਾ ਗੁਰੂ ਦਾ ਪਟਾ ਲੈਣ ਸਬੰਧੀ ਯਤਨਾਂ ਦੀ ਪੁਸ਼ਟੀ ਕਿਸੇ ਇਤਿਹਾਸਕ ਗ੍ਰੰਥ ਜਾਂ ਕਿਸੇ ਪ੍ਰਾਚੀਨ ਦਸਤਾਵੇਜ਼ ਤੋਂ ਨਹੀਂ ਹੁੰਦੀ। ਸੰਨ 1601 ਤੋਂ 1604 ਈਸਵੀ ਦੇ ਵਿਚਕਾਰ ਸਲੀਮ ਨੇ ਬਗ਼ਾਵਤ ਕੀਤੀ ਹੋਈ ਸੀ ਤੇ ਉਹ ਦਿੱਲੀ ਵਿੱਚ ਨਹੀਂ ਸੀ ਜਿਸ ਕਾਰਨ ਪ੍ਰਿਥੀ ਚੰਦ ਦਾ ਉਸ ਨਾਲ ਮੇਲ ਸੰਭਵ ਨਹੀਂ।
- (ੳ) ਕਵੀ ਨੇ ਸ੍ਰੀ ਗੁਰੂ ਹਰਿਗੋਬਿੰਦ ਜੀ ਨੂੰ ਭੰਗ ਦਾ ਸੇਵਨ ਕਰਦਿਆਂ ਵਿਖਾਇਆ ਹੈ ਜੋ ਇਤਿਹਾਸਕ ਪੱਖੋਂ ਗਲਤ ਹੈ ਕਿਉਂਕਿ ਨਾਮ-ਸਿਮਰਨ ਵਿੱਚ ਲੀਨ ਮਹਾਂ-ਪੁਰਖਾਂ ਨੂੰ ਆਨੰਦ ਪ੍ਰਾਪਤੀ ਲਈ ਕਿਸੇ ਮਾਦਕ ਵਸਤੂ ਦੇ ਸੇਵਨ ਦੀ ਜ਼ਰੂਰਤ ਨਹੀਂ ਹੁੰਦੀ।
- (ੴ) ਕਵੀ ਨੇ ਗੁਰੂ ਨਾਨਕ ਦੁਆਰਾ ਸੱਤ ਮੁੱਠਾਂ ਭੰਗ ਲੈ ਕੇ ਤੈਮੂਰ ਲੰਗ ਨੂੰ ਸੱਤ ਪਾਤਸ਼ਾਹੀਆਂ ਦਾ ਰਾਜ ਦੇਣ ਦਾ ਜ਼ਿਕਰ ਕੀਤਾ ਹੈ ਜੋ ਇਤਿਹਾਸਕ ਪੱਖੋਂ ਗਲਤ ਹੈ।
- (ਕ) ਗਵਾਲੀਅਰ ਕਿਲੇ 'ਚੋਂ ਰਿਹਾਈ ਉਪਰੰਤ ਗੁਰੂ ਹਰਿਗੋਬਿੰਦ ਦਾ ਜਹਾਂਗੀਰ ਨਾਲ ਅੰਮ੍ਰਿਤਸਰ ਆਉਣਾ ਠੀਕ ਨਹੀਂ ਜਾਪਦਾ ਕਿਉਂਕਿ ਇਸਦਾ ਜ਼ਿਕਰ ਤੱਜਿਕ-ਜਹਾਂਗੀਰੀ ਵਿੱਚ ਨਹੀਂ ਮਿਲਦਾ। ਦੂਜਾ ਜਹਾਂਗੀਰ ਕਸ਼ਮੀਰ ਜਾਂਦਾ ਹੋਇਆ ਸਰਹੰਦ ਤੋਂ ਕਲਾਨੌਰ ਗਿਆ ਜਿਥੇ ਮੀਆਂ ਮੀਰ ਨੂੰ ਮਿਲਿਆ। ਉਸ ਨੇ ਆਪ ਲਾਹੌਰ ਜਾਣ ਦੀ ਬਜਾਏ ਆਪਣੇ ਸ਼ਹਿਜ਼ਾਦੇ ਸ਼ਾਹ ਜਹਾਨ ਨੂੰ ਮੀਆਂ ਮੀਰ ਨੂੰ ਆਪਣੇ ਪਾਸ ਲਿਆਉਣ ਲਈ ਭੇਜਿਆ ਸੀ।
- (ਖ) ਗੁਰੂ ਹਰਿਗੋਬਿੰਦ ਸਾਹਿਬ ਨੇ ਜੋ ਲੜਾਈਆਂ ਮੁਗਲਾਂ ਵਿਰੁੱਧ ਲੜੀਆਂ ਉਹਨਾਂ ਦੇ ਸਾਲ ਇਸ ਰਚਨਾ ਵਿੱਚ ਸਹੀ ਨਹੀਂ ਹਨ। ਇਹ ਲੜਾਈਆਂ ਸ਼ਾਹ ਜਹਾਨ ਦੇ ਰਾਜ ਕਾਲ ਵਿੱਚ ਹੋਈਆਂ ਦੱਸੀਆਂ ਗਈਆਂ ਹਨ। ਅੰਮ੍ਰਿਤਸਰ ਦੀ ਲੜਾਈ ਦਾ ਸਾਲ 1679 ਬਿਕਰਮੀ ਦਿੱਤਾ ਹੈ ਪਰ ਇਸ ਸਮੇਂ ਜਹਾਂਗੀਰ ਰਾਜ ਕਰ ਰਿਹਾ ਸੀ। ਅਸਲ ਵਿੱਚ ਇਹ ਲੜਾਈ 1691 ਬਿਕਰਮੀ ਵਿੱਚ ਲੜੀ ਗਈ। ਇਸ ਲੜਾਈ ਦਾ ਕਾਰਨ ਬਾਦਸ਼ਾਹ ਦਾ ਬਾਜ ਹੈ ਜਿਸ ਨੂੰ ਸਤਿਗੁਰਾਂ ਨੇ ਪਕੜ ਲਿਆ ਸੀ। ਸ਼ਾਹਜਹਾਨ 1690 ਬਿਕਰਮੀ

ਤੋਂ ਪਹਿਲਾਂ ਕਦੇ ਲਾਹੌਰ ਵਿਖੇ ਨਹੀਂ ਸੀ ਆਇਆ। ਅੰਮ੍ਰਿਤਸਰ ਦੀ ਲੜਾਈ ਤੋਂ ਬਾਅਦ ਕਵੀ ਨੇ ਹਰਿਗੋਬਿੰਦਪੁਰ ਦੀ ਲੜਾਈ ਨੂੰ ਰੱਖਿਆ ਹੈ ਪਰ ਇਹ ਠੀਕ ਨਹੀਂ ਕਿਉਂਕਿ ਇਹ ਲੜਾਈ ਚੰਦੂ ਦੀ ਮੌਤ ਉਪਰੰਤ ਪਿੰਡ ਰੋਹੀਲਾ ਵਿਖੇ ਉਸਦੀ ਜਾਗੀਰ ਗੁਰੂ ਸਾਹਿਬ ਵੱਲੋਂ ਮਲਣ ਤੇ ਹੋਈ। ਇਸ ਦਾ ਸਮਾਂ 1678 ਬਿਕਰਮੀ ਬਣਦਾ ਹੈ। ਇਸੇ ਤਰ੍ਹਾਂ ਮਰਾਜ ਤੇ ਕਰਤਾਰਪੁਰ ਦੀਆਂ ਲੜਾਈਆਂ ਦੇ ਸੰਮਤ ਵੀ ਗਲਤ ਹਨ। ਇਹ ਲੜਾਈਆਂ 1668 ਤੇ 1691 ਬਿਕਰਮੀ ਵਿੱਚ ਨਹੀਂ ਸਗੋਂ 1691 ਤੇ 1692 ਬਿਕਰਮੀ ਵਿੱਚ ਹੋਈਆਂ ਸਨ। ਅਜਿਹੀਆਂ ਹੋਰ ਕਈ ਇਤਿਹਾਸਕ ਗਲਤੀਆਂ ਵੇਖੀਆਂ ਜਾ ਸਕਦੀਆਂ ਹਨ।

ਪੌਰਾਣਿਕ ਭਾਵਨਾ

ਕਵੀ ਦੇ ਅਵਚੇਤਨ ਵਿੱਚ ਪੌਰਾਣਿਕ ਭਾਵਨਾ ਸਮਾਈ ਹੋਈ ਸੀ ਜਿਸ ਕਾਰਨ ਉਸ ਨੇ ਇਸ ਇਤਿਹਾਸਕ ਕਥਾ ਨੂੰ ਪੌਰਾਣਿਕ ਰੰਗਤ ਦੇਣ ਦਾ ਯਤਨ ਕੀਤਾ ਹੈ। ਇਸ ਵਿੱਚ ਕੁਝ ਅਜਿਹੀਆਂ ਘਟਨਾਵਾਂ ਦਾ ਬਿਰਤਾਂਤ ਦਰਜ ਹੈ ਜਿਸ ਤੋਂ ਕਵੀ ਦੀ ਪੌਰਾਣਿਕ ਸਾਹਿਤ ਪ੍ਰਤੀ ਆਸਥਾ ਦਾ ਗਿਆਨ ਸਹਿਜੇ ਹੋ ਜਾਂਦਾ ਹੈ। ਕੁਝ ਘਟਨਾਵਾਂ ਹਨ :

- (ੳ) ਗੁਰੂ ਹਰਿਗੋਬਿੰਦ ਜੀ ਜਦੋਂ ਇਸ ਜਗਤ ਵਿੱਚ ਆਉਂਦੇ ਹਨ ਤਾਂ ਮਾਤਾ ਨੂੰ ਚਤਰਭੁੱਜ ਰੂਪ ਵਿੱਚ ਦਰਸ਼ਨ ਦਿੰਦੇ ਹਨ। ਫਿਰ ਉਹਨਾਂ ਦੇ ਕਹਿਣ ਤੇ ਬਾਲ ਰੂਪ ਧਾਰਨ ਕਰਦੇ ਹਨ।
- (ਅ) ਜਦੋਂ ਦਾਈ ਆਪਣੇ ਥਣਾਂ ਨੂੰ ਜ਼ਹਿਰ ਲਗਾ ਕੇ ਆਪ ਨੂੰ ਦੁੱਧ ਚੁੰਘਾ ਕੇ ਮਾਰਨ ਦਾ ਯਤਨ ਕਰਦੀ ਹੈ ਤਾਂ ਆਪ ਉਸ ਨੂੰ ਵਿਰਾਟ ਰੂਪ ਧਾਰਨ ਕਰਕੇ ਮਾਰ ਦਿੰਦੇ ਹਨ ਜੋ ਆਪ ਦੀ ਕਿਰਪਾ ਨਾਲ ਬਿਬਾਣ ਤੇ ਚੜ੍ਹ ਕੇ ਸਵਰਗ ਨੂੰ ਚਲੇ ਜਾਂਦੀ ਹੈ। ਇਨ ਬਿਨ ਕਥਾ ਸ੍ਰੀ ਕ੍ਰਿਸ਼ਨ ਜੀ ਦੇ ਜੀਵਨ ਨਾਲ ਸਬੰਧਿਤ ਹੈ ਜੋ ਕਿ ਭਾਗਵਤ ਪੁਰਾਣ ਵਿੱਚ ਵਿਸਤਾਰ ਸਹਿਤ ਅੰਕਿਤ ਕੀਤੀ ਗਈ ਹੈ।
- (ੲ) ਕਵੀ ਨੇ ਵਰਾਹ ਤੇ ਦਾਈ ਦੇ ਪੂਰਬਲੇ ਜਨਮਾਂ ਦੀਆਂ ਕਥਾਵਾਂ ਦਿੱਤੀਆਂ ਹਨ। ਪੌਰਾਣਿਕ ਸਾਹਿਤ ਵਿੱਚ ਅਜਿਹੀਆਂ ਘਟਨਾਵਾਂ ਦਾ ਜ਼ਿਕਰ ਆਮ ਹੈ।
- (ਸ) ਗੁਰੂ ਹਰਿਗੋਬਿੰਦ ਨੇ ਕਲ ਨੂੰ ਬਾਦਸ਼ਾਹ ਦੇ ਮਨ ਵਿੱਚ ਪ੍ਰਵੇਸ਼ ਕਰਨ ਲਈ ਆਖਿਆ ਤਾਂ ਕਿ ਕਲਜੋਗਣਾ ਆਦਿ ਨੂੰ ਖੂਨ ਪੀਣ ਤੇ ਮਾਸ ਖਾਣ ਲਈ ਮੌਕਾ ਪ੍ਰਦਾਨ ਕਰਨ ਲਈ ਬਾਦਸ਼ਾਹ ਗੁਰੂ ਸਾਹਿਬ ਨਾਲ ਯੁੱਧ ਕਰੇ। ਇਹ ਕਲ ਪਹਿਲਾਂ ਚੰਦੂ ਦੀ ਧੀਅ ਬਣਕੇ ਗੁਰੂ ਸਾਹਿਬ ਨਾਲ ਕਲੇਸ਼ ਦਾ ਕਾਰਣ ਬਣੀ ਸੀ।
- (ਹ) ਗੁਰੂ ਹਰਿਗੋਬਿੰਦ ਸਾਹਿਬ ਸ਼ਿਕਾਰ ਖੇਡਦੇ ਸਨ। ਬਹੁਤ ਸਾਰੇ ਜਾਨਵਰਾਂ ਨੂੰ ਮਾਰਦੇ ਸਨ। ਕਈ ਜਾਨਵਰ ਮਰਨ ਉਪਰੰਤ ਮਾਨਵ ਸਰੀਰ ਧਾਰਨ ਕਰਕੇ ਗੁਰੂ ਸਾਹਿਬ ਨੂੰ ਨਮਸਕਾਰ ਕਰਦੇ ਸਨ ਅਤੇ ਦਸਦੇ ਸਨ ਕਿ ਆਪਣੇ ਗੁਨਾਹ

ਬੰਦਲੇ ਇਹ ਜੂਨੀ ਮਿਲੀ ਸੀ ਤੇ ਸ਼ਰਾਪ ਦੇਣ ਵਾਲੇ ਨੇ ਆਖਿਆ ਸੀ ਕਿ ਕਲਯੁਗ ਵਿੱਚ ਗੁਰੂ ਨਾਨਕ ਦੀ ਛੇਵੀਂ ਜੋਤਿ ਦੁਆਰਾ ਤੇਰਾ ਉੱਧਾਰ ਹੋਵੇਗਾ।

- (ਕ) ਇਸੇ ਤਰ੍ਹਾਂ ਕੌਲਾਂ ਗੁਰੂ ਸਾਹਿਬ ਦੀ ਸੇਵਕਾ ਬਣ ਕੇ ਜੀਵਨ ਬਸਰ ਕਰਦੀ ਸੀ। ਉਰਵਸੀ ਨੂੰ ਰਿਸ਼ੀ ਦੇ ਸ਼ਰਾਪ ਕਾਰਨ ਕੌਲਾਂ ਦੇ ਰੂਪ ਵਿੱਚ ਦੁਨੀਆਂ ਵਿੱਚ ਆ ਕੇ ਸਤਿਗੁਰੂ ਜੀ ਦੀ ਸੇਵਾ ਕਰਨੀ ਪਈ। ਫਿਰ ਉਹ ਸੇਵਾ ਕਰਕੇ ਸ਼ਰਾਪ ਮੁਕਤ ਹੋ ਗਈ ਤੇ ਬੈਕੁੰਠ ਨੂੰ ਚਲੀ ਗਈ।
- (ਖ) ਗੁਰੂ ਅਰਜਨ ਦੇਵ ਜੀ ਜਦੋਂ ਹਰਿ ਮੰਦਰ ਸਾਹਿਬ ਦੀ ਉਸਾਰੀ ਕਰ ਰਹੇ ਸਨ ਤਾਂ ਵਿਸ਼ਨੂੰ ਮਾਨਵੀ ਰੂਪ ਧਾਰਨ ਕਰਕੇ ਸੇਵਾ ਕਰਨ ਲਈ ਹਾਜ਼ਰ ਹੋਇਆ। ਇਸ ਤਰ੍ਹਾਂ ਨਾਰਦ ਗੁਰੂ ਹਰਿਗੋਬਿੰਦ ਜੀ ਦੇ ਦਰਸ਼ਨ ਕਰਨ ਲਈ ਆਉਂਦਾ ਹੈ। ਜਦੋਂ ਸਤਿਗੁਰੂ ਨੇ ਨਗਰ ਦਾ ਨਿਰਮਾਣ ਕਰਨਾ ਸੀ ਤਾਂ ਵਿਸ਼ਵਕਰਮਾ ਨਗਰ ਨਿਰਮਾਣ ਲਈ ਹਾਜ਼ਰ ਹੋਇਆ।
- (ਗ) ਗੁਰੂ ਹਰਿਗੋਬਿੰਦ ਜੀ ਨੇ ਗਊ-ਗਰੀਬ-ਬ੍ਰਾਹਮਣ ਦੀ ਰਖਿਆ ਲਈ ਮੁਗਲਾਂ/ਮਲੇਛਾਂ ਨਾਲ ਯੁੱਧ ਕਰਨ ਲਈ ਯੋਜਨਾ ਬਣਾਈ ਤਾਂ ਬਵੰਜਾ ਬੀਰ ਗੁਰੂ ਸਾਹਿਬ ਦੀ ਸੈਨਾ ਵਿੱਚ ਮਾਨਵੀ ਸਰੀਰ ਧਾਰਨ ਕਰਕੇ ਯੋਧੇ ਬਣਕੇ ਆਏ ਤੇ ਹਰ ਲੜਾਈ ਵਿੱਚ ਕਮਾਲ ਦਿਖਾਇਆ।
- (ਘ) ਭਵਿਖ ਬਚਨ ਕਰਕੇ ਆਉਣ ਵਾਲੇ ਸਮੇਂ ਵਿਚ ਵਾਪਰਨ ਵਾਲੀਆਂ ਘਟਨਾਵਾਂ ਬਾਰੇ ਦੱਸਣਾ ਜਿਵੇਂ ਗੁਰੂ ਹਰਿਗੋਬਿੰਦ 7ਵੇਂ ਤੋਂ 10ਵੇਂ ਗੁਰੂ ਸਾਹਿਬਾਨ ਬਾਰੇ ਭਵਿਖ ਬਚਨ ਕਰਦੇ ਹਨ।
- (ਙ) ਆਕਾਸ਼ ਬਾਣੀ ਦੁਆਰਾ ਪਰਮ ਪੁਰਖ ਵਲੋਂ ਕਿਸੇ ਘਟਨਾ/ਦੁਰਘਟਨਾ ਬਾਰੇ ਨਾਇਕ ਨੂੰ ਦੱਸਣਾ।
- (ਚ) ਤੀਰਥ ਪ੍ਰਗਟ ਕਰਨ ਲਈ ਪ੍ਰਾਚੀਨ ਕਥਾਵਾਂ ਦਾ ਆਸਰਾ ਲਿਆ ਜਾਂਦਾ ਸੀ ਜਿਵੇਂ ਹਰਿ ਮੰਦਰ ਸਾਹਿਬ ਦੇ ਪਿਛੋਕੜ ਵਿੱਚ ਰਜਨੀ ਦੀ ਸਤਿਯੁਗ ਦੀ ਕਥਾ ਵਿਸਤਾਰ ਸਹਿਤ ਲਿਖੀ ਗਈ ਹੈ।

ਕਰਾਮਾਤ

ਗੁਰਮਤਿ ਵਿਚ ਕਰਾਮਾਤ ਨੂੰ ਕਹਿਰ ਕਹਿਰ ਆਖਿਆ ਗਿਆ ਹੈ ਕਿਉਂਕਿ ਇਹ ਕਾਰਜ ਰੱਬ ਰਜਾ ਦੇ ਉਲਟ ਹੈ ਜਾਂ ਜੋ ਕੁਦਰਤ ਦੇ ਨਿਯਮ ਹਨ ਉਹਨਾਂ ਦੇ ਉਲਟ ਹੈ। ਇਹੀ ਕਾਰਨ ਹੈ ਕਿ ਗੁਰੂ ਅਰਜਨ ਦੇਵ ਜੀ ਤੇ ਨੌਵੇਂ ਸਤਿਗੁਰੂ ਨੇ ਕੋਈ ਕਰਾਮਾਤ ਨਹੀਂ ਵਿਖਾਈ। ਸਰੀਰ ਤਿਆਗ ਦਿੱਤਾ। ਪੁਰਾਣੇ ਸਾਹਿਤ ਵਿੱਚ ਮਹਾਂਪੁਰਖ ਲਈ ਕਰਾਮਾਤੀ ਚੋਣਾ ਲਾਜ਼ਮੀ ਮੰਨਿਆ ਜਾਂਦਾ ਹੈ। ਮੁਸਲਮਾਨਾਂ ਪੀਰਾਂ ਛਕੀਰਾਂ ਵਿੱਚ ਕਰਾਮਾਤਾਂ ਵਿਖਾਉਣ ਦਾ ਰਿਵਾਜ ਆਮ ਸੀ। ਤਤਕਾਲੀਨ ਪ੍ਰਭਾਵ ਕਾਰਨ ਕਵੀ ਨੇ ਅਜਿਹੀਆਂ ਕਈ ਕਰਾਮਾਤਾਂ ਦਾ ਜ਼ਿਕਰ ਕੀਤਾ ਹੈ ਜੋ ਸਤਿਗੁਰੂ ਜਾਂ ਉਹਨਾਂ ਦੇ ਸਾਹਿਬਜ਼ਾਦਿਆਂ ਨੇ ਵਿਖਾਈਆਂ ਜਿਵੇਂ :

- (ੳ) ਸਤੇ ਬਲਵੰਡ ਨੇ ਗੁਰੂ ਸਾਹਿਬਾਨ ਦੀ ਨਿੰਦਿਆ ਕੀਤੀ ਤਾਂ ਉਹਨੂੰ ਕੋਹਤ ਹੋ ਗਿਆ ਅਤੇ ਉਹਨਾਂ ਦੀ ਰਬਾਬ ਵੀ ਅਲੋਪ ਹੋ ਗਈ ਜਿਸ ਨਾਲ ਉਹ ਕੀਰਤਨ ਕਰਿਆ ਕਰਦੇ ਸਨ। ਜਦੋਂ ਸ੍ਰੀ ਗੁਰੂ ਅਰਜਨ ਦੇਵ ਜੀ ਨੇ ਉਹਨਾਂ ਨੂੰ ਬਖਸ਼ ਦਿੱਤਾ ਤਾਂ ਅਰਸਾ ਵਿੱਚੋਂ ਰਬਾਬ ਵੀ ਵਾਪਸ ਉਹਨਾਂ ਪਾਸ ਆ ਗਈ।
- (ਅ) ਇਕ ਯੋਗੀ ਦਾ ਕੰਨ ਸਮੁੰਦਰ ਵਿੱਚ ਕਿਸੇ ਮੱਛ ਨੇ ਖਾ ਲਿਆ ਸੀ। ਜਦੋਂ ਉਹ ਸ੍ਰੀ ਗੁਰੂ ਅਰਜਨ ਦੇਵ ਜੀ ਦੀ ਸ਼ਰਣ ਵਿੱਚ ਆਇਆ ਤਾਂ ਸਤਿਗੁਰੂ ਨੇ ਉਸ ਨੂੰ ਉਹੀ ਕੰਨ ਵਾਪਸ ਦੇ ਦਿੱਤਾ।
- (ੲ) ਅਲਮਸਤ ਨੂੰ ਸੋਨੇ ਦੇ ਥਾਲ ਵਿੱਚ ਦੇਵ ਲੋਕ ਤੋਂ ਭੋਜਨ ਪ੍ਰਾਪਤ ਹੋਣਾ ਤੇ ਉਹਨਾਂ ਪੰਡਤਾਂ ਨੂੰ ਸਜਾ ਮਿਲਣੀ ਜਿਹਨਾਂ ਨੇ ਇਸ ਮਹਾਂਪੁਰਖ ਨੂੰ ਕਸ਼ਟ ਦਿੱਤਾ ਸੀ।
- (ਸ) ਗੁਰੂ ਹਰਿਗੋਬਿੰਦ ਜੀ ਨੇ ਮਾਤਾ ਜੀ ਦੇ ਕਹਿਣ ਤੇ ਜ਼ਹਿਰ ਦੇ ਕੇ ਗੁਰੂ ਸਾਹਿਬ ਨੂੰ ਮਾਰਨ ਲਈ ਕੋਸ਼ਿਸ਼ ਕਰਨ ਵਾਲੇ ਪੰਡਤ ਨੂੰ ਮੁੜ ਜੀਵਤ ਕਰ ਦਿੱਤਾ।
- (ਹ) ਇੱਕ ਗੰਗਾ ਦੇ ਸ਼ਰਧਾਲੂ ਨੂੰ ਗੁਰੂ ਸਾਹਿਬ ਦੁਆਰਾ ਸਥਾਪਤ ਤੀਰਥ ਬਾਰੇ ਸ਼ਰਧਾ ਪ੍ਰਗਟਾਉਣ ਤੇ ਤੀਰਥ ਦੀ ਮਹਾਨਤਾ ਦਰਸਾਉਣ ਲਈ ਗੁਰੂ ਅਰਜਨ ਦੇਵ ਜੀ ਨੇ ਇਹ ਕਰਾਮਾਤ ਦਿਖਾਈ ਕਿ ਉਸ ਸਿੱਖ ਦਾ ਲੋਟਾ, ਜੋਗੰਗਾ ਵਿੱਚ ਵਹਿ ਗਿਆ ਸੀ, ਇਥੇ ਸਰੋਵਰ ਵਿੱਚੋਂ ਕੱਢ ਕੇ ਸੌਂਪ ਦਿਤਾ, ਆਦਿ।

ਇਸ ਤਰ੍ਹਾਂ ਕਵੀ ਨੇ ਬਹੁਪ੍ਰਚਿਲਤ ਵਿਚਾਰਾਂ ਅਨੁਸਾਰ ਗੁਰੂ ਸਾਹਿਬ ਨੂੰ ਕਰਾਮਾਤੀ ਸ਼ਕਤੀਆਂ ਦੇ ਸੁਆਮੀ ਵਿਖਾਉਣ ਲਈ ਉਹਨਾਂ ਨਾਲ ਅਜਿਹੀਆਂ ਕਰਾਮਾਤਾਂ ਜੋੜ ਦਿੱਤੀਆਂ ਹਨ ਭਾਵੇਂ ਇਹ ਗੁਰਮਤਿ ਅਨੁਸਾਰ ਕਹਿਰ ਹੈ।

ਬਿਪਰ ਸੰਸਕਾਰ

ਕਵੀ ਤੇ ਸਮਾਜਕ ਪਰਿਸਥਿਤੀਆਂ ਦਾ ਪ੍ਰਭਾਵ ਪੈਣਾ ਕੁਦਰਤੀ ਹੈ। ਇਸ ਗ੍ਰੰਥ ਵਿੱਚ ਗੁਰੂ ਸਾਹਿਬ ਦੇ ਉਪਦੇਸ਼ਾਂ ਦੇ ਉਲਟ ਬ੍ਰਾਹਮਣੀ ਕਿਰਿਆ ਕਰਮ ਬਾਰੇ ਕਈ ਸੰਕੇਤ ਮਿਲਦੇ ਹਨ ਜਿਵੇਂ ਜਣੇਊ ਪਾਉਣਾ, ਸ਼ਗਨ, ਅਪਸ਼ਗਨ ਵਿਚਾਰਨੇ, ਭਾਗਵਤ ਪੁਰਾਣ ਦੀ ਕਥਾ ਸੁਣਨੀ, ਬਿਪਰ ਰੀਤੀ ਅਨੁਸਾਰ ਵਿਆਹ-ਸ਼ਾਦੀਆਂ ਕਰਨੀਆਂ, ਮਾਤਾ ਨਿਕਲਣ ਤੇ ਦੇਵੀ ਪੂਜਾ ਕਰਨੀ, ਆਦਿ। ਇਸ ਗ੍ਰੰਥ ਦੇ ਅਧਿਐਨ ਤੋਂ ਜਾਪਦਾ ਹੈ ਕਿ ਮਹਾਰਾਜਾ ਰਣਜੀਤ ਸਿੰਘ ਦੇ ਰਾਜ-ਭਾਗ ਸਮੇਂ ਇਹ ਬਿਪਰ-ਸੰਸਕਾਰ ਮੁੜ ਇਸ ਧਰਮ ਵਿੱਚ ਪ੍ਰਵੇਸ਼ ਕਰ ਗਏ ਸਨ।

ਆਮ ਲੋਕ ਜੀਵਨ ਬਾਰੇ

ਇਸ ਗ੍ਰੰਥ ਦੇ ਅਧਿਐਨ ਤੋਂ ਸਪਸ਼ਟ ਹੈ ਕਿ ਆਮ ਲੋਕ ਧਾਰਮਿਕ ਜੀਵਨ ਬਤੀਤ ਕਰਦੇ ਸਨ। ਪੂਜਾ ਪਾਠ ਕਰਦੇ ਸਨ। ਉਹਨਾਂ ਦੀ ਟੇਕ ਇਸ਼ਟ ਤੇ ਹੁੰਦੀ ਸੀ ਤੇ ਇਸ਼ਟ ਹਰ ਔਖੀ ਘੜੀ ਵੇਲੇ ਬਹੁੜਦਾ ਸੀ। ਜਨਮ-ਵਿਆਹ-ਮਰਨ ਆਦਿ ਦੀਆਂ ਰੀਤਾਂ ਤੇ

ਬ੍ਰਾਹਮਣੀ ਤੇ ਸਿੱਖ ਧਰਮ ਦੀਆਂ ਰੀਤਾਂ ਦਾ ਪ੍ਰਭਾਵ ਸੀ। ਜਨਮ ਸਮੇਂ ਬ੍ਰਾਹਮਣ ਆਦਿ ਨੂੰ ਦਾਨ ਦਿੱਤਾ ਜਾਂਦਾ ਸੀ। ਵਿਆਹ ਬਿਪਰ ਰੀਤੀ ਅਨੁਸਾਰ ਹੁੰਦਾ ਸੀ ਭਾਵੇਂ ਬਹੁਤੀ ਵਾਰੀ ਸਿੱਖ ਘਰਾਂ ਵਿੱਚ ਬੇਦੀ ਦੇ ਨਾਲ ਲਾਵਾਂ ਵੀ ਲਈਆਂ ਜਾਂਦੀਆਂ ਸਨ। ਮਰਨ ਦੇ ਸੰਸਕਾਰਾਂ ਤੇ ਜਿਥੇ ਬਿਪਰ ਸੰਸਕਾਰ ਭਾਰੂ ਸਨ ਉਥੇ ਮਾਰੂ ਰਾਗ ਦੇ ਸ਼ਬਦ ਵੀ ਗਾਏ ਜਾਂਦੇ ਸਨ।

ਵਿਆਹ ਦੀ ਤਿਆਰੀ ਬੜੀ ਸ਼ਰਧਾ ਨਾਲ ਕੀਤੀ ਜਾਂਦੀ ਸੀ। ਬ੍ਰਾਹਮਣ ਸਾਰੇ ਦੀ ਚਿੱਠੀ ਲੈ ਕੇ ਜਾਂਦਾ ਸੀ। ਉਸਨੂੰ ਸਤਿਕਾਰ ਤੇ ਦਾਨ ਆਦਿ ਵਜੋਂ ਕਾਫੀ ਕੁਝ ਦਿੱਤਾ ਜਾਂਦਾ ਸੀ। ਬਰਾਤ ਦੀ ਚੜ੍ਹਤ, ਸੇਵਾ ਆਦਿ ਬਾਰੇ ਕਵੀ ਨੇ ਬੜੇ ਵਿਸਥਾਰ ਨਾਲ ਲਿਖਿਆ ਹੈ। ਵਧੀਆ ਖਾਣੇ ਤੇ ਰਹਿਣ ਦਾ ਪ੍ਰਬੰਧ ਕੀਤਾ ਜਾਂਦਾ ਸੀ। ਬਰਾਤ ਰੱਬਾਂ, ਗੱਡਿਆਂ, ਘੋੜਿਆਂ ਆਦਿ ਤੇ ਚੜ੍ਹ ਕੇ ਜਾਂਦੀ ਸੀ। ਰੋਟੀ ਖਾਂਦੀ ਬਰਾਤ ਨੂੰ ਸਿੱਠਣੀਆਂ ਦਿੱਤੀਆਂ ਜਾਂਦੀਆਂ ਸਨ ਤੇ ਕਈ ਵਾਰ ਇਹ ਅਸਲੀਲ ਗਾਲਾਂ ਵੀ ਹੁੰਦੀਆਂ ਸਨ। ਵਿਆਹ ਉਪ੍ਰੰਤ ਡੋਲੀ ਤੋਰਨ ਤੋਂ ਪਹਿਲਾਂ ਧੀਆਂ ਨੂੰ ਮਾਤਾ ਪਿਤਾ ਇਹੀ ਸਿਖਿਆ ਦਿੰਦੇ ਸਨ ਕਿ ਪਤੀਬ੍ਰਤਾ ਰਹੀਂ ਤੇ ਪਤੀ ਨੂੰ ਪਰਮੇਸ਼ਵਰ ਕਰਕੇ ਪੂਜੀਂ। ਸਹੁਰਿਆਂ ਦੇ ਪਰਿਵਾਰ ਦਾ ਆਦਰ ਕਰੀਂ। ਡੋਲੀ ਤੋਰਨ ਵੇਲੇ ਮਾਤਾ, ਪਿਤਾ, ਭੈਣ, ਭਰਾ, ਰਿਸ਼ਤੇਦਾਰ ਅਕਸਰ ਰੋਂਦੇ ਸਨ। ਇਸ ਮਗਰੋਂ ਜਦੋਂ ਬਰਾਤ ਵਾਪਸ ਪੁਜਦੀ ਸੀ ਤਾਂ ਸੱਸ ਪਾਣੀ ਵਾਰ ਕੇ ਪੀਂਦੀ ਸੀ। ਖੁਸ਼ੀਆਂ ਮੰਨਾਈਆਂ ਜਾਂਦੀਆਂ ਸਨ। ਲੋਕ ਮੇਲਿਆਂ ਆਦਿ ਤੇ ਇਕੱਠੇ ਹੁੰਦੇ ਸਨ। ਰੰਗ ਮਾਣਦੇ ਸਨ। ਪੀਰਾਂ ਫਕੀਰਾਂ ਦਾ ਮਾਣ ਸਤਿਕਾਰ ਹੁੰਦਾ ਸੀ। ਉਹਨਾਂ ਦੀ ਸੇਵਾ ਕਰਨੀ ਵੱਡੇ ਭਾਗਾਂ ਦੀ ਨਿਸ਼ਾਨੀ ਸਮਝੀ ਜਾਂਦੀ ਸੀ। ਲੋਕ ਤੀਰਥ ਯਾਤਰਾ ਕਰਨ ਜਾਂਦੇ ਸਨ। ਇਹ ਪੁੰਨ ਦਾ ਕੰਮ ਜਾਣਿਆ ਜਾਂਦਾ ਸੀ। ਲੋਕ ਸਿੱਧੇ ਸਾਦੇ ਸਨ।

ਸਾਹਿਤਕ ਪੱਖ

ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਜਿਥੇ ਗੁਰੂ ਜੱਸ ਹੈ ਤੇ ਗੁਰੂ ਜੀ ਦੀ ਜੀਵਨ ਗਾਥਾ ਹੈ, ਉਥੇ ਸਾਹਿਤਕ ਪੱਖੋਂ ਚੰਗੀ ਕਿਰਤ ਹੈ। ਇਸ ਸਬੰਧੀ ਸੰਖਿਪਤ ਵਿਚਾਰ ਕਰਕੇ ਇਸ ਦੇ ਕਾਵਿ ਪੱਖ ਨੂੰ ਉਜਾਗਰ ਕਰਨ ਦਾ ਯਤਨ ਕੀਤਾ ਜਾਂਦਾ ਹੈ।

ਚਰਿਤ ਕਾਵਿ

ਭਾਰਤ ਵਿੱਚ ਮਹਾਂਪੁਰਖਾਂ ਨੂੰ ਸਤਿਕਾਰ ਭਾਵਨਾ ਨਾਲ ਦੇਖਿਆ ਜਾਂਦਾ ਹੈ ਜੋ ਇਸ ਦਿਸਦੇ ਵਸਦੇ ਜਗਤ ਵਿੱਚ ਮਨੋਰਥ ਵਿਸ਼ੇਸ਼ ਲਈ ਆਉਂਦੇ ਹਨ। ਇਸ ਦੀ ਪੂਰਤੀ ਲਈ ਕਾਰਜ ਕਰਦੇ ਹਨ। ਲਕਸ਼ ਪ੍ਰਾਪਤੀ ਲਈ ਸੰਘਰਸ਼ਸ਼ੀਲ ਰਹਿੰਦੇ ਹਨ। ਮੁੱਖ ਰੂਪ ਵਿੱਚ ਇਹ ਧਰਮ ਪ੍ਰਚਾਰ ਤੇ ਸਤਿ ਦੇ ਮਾਰਗ ਦੀ ਸੋਝੀ ਕਰਵਾਉਣ ਲਈ ਆਪਣਾ ਸਾਰਾ ਜੀਵਨ ਲਗਾ ਦਿੰਦੇ ਹਨ।

ਸ੍ਰੀ ਗੁਰੂ ਨਾਨਕ ਦੇਵ ਜੀ ਨੇ ਜੋ ਕਾਰਜ ਆਰੰਭ ਕੀਤਾ ਉਸ ਨੂੰ ਸੰਪੰਨ ਕਰਨ ਲਈ ਆਪ ਨੇ ਦਸ ਜਾਮੇ ਬਦਲੇ। ਅਜਿਹੇ ਬਲੀ ਸਤਿਗੁਰੂ ਸਾਹਿਬਾਨ ਨੂੰ ਸ਼ਰਧਾਲੂਆਂ, ਵਿਦਵਾਨਾਂ ਤੇ ਕਵੀਆਂ ਨੇ ਸ਼ਰਧਾਂਜਲੀ ਦੇਣ ਲਈ ਗ੍ਰੰਥ-ਰਚਨਾ ਕੀਤੀ। ਇਸ ਮਹਾਂਪੁਰਖ ਸਤਿਗੁਰੂ ਨੂੰ ਨਾਇਕ ਕਲਪ ਕੇ ਉਹਨਾਂ ਦਾ ਜੀਵਨ ਚਰਿਤ ਵਿਸਤਾਰ ਸਹਿਤ ਲਿਖਿਆ। ਇਸ

ਪ੍ਰਕਾਰ ਦੀ ਰਚਨਾ ਵਿੱਚ ਚਰਿਤ-ਨਾਇਕ ਪ੍ਰਤੀ ਸ਼ਰਧਾ, ਸਤਿਕਾਰ ਤੇ ਅਵਤਾਰੀ ਭਾਵਨਾ ਪ੍ਰਮੁੱਖ ਹੁੰਦੇ ਹਨ। ਮਹਾਂਪੁਰਖਾਂ ਨੂੰ ਆਉਣ ਵਾਲੀਆਂ ਪੀੜ੍ਹੀਆਂ ਸ਼ਰਧਾ ਨਾਲ ਦੇਖਦਿਆਂ “ਨਰ ਤੋਂ ਨਾਰਾਇਣ” ਬਣਾਕੇ ਪੇਸ਼ ਕਰਦੀਆਂ ਹਨ। ਉਹ ਜਨ ਸਾਧਾਰਨ ਲਈ ਆਦਰਸ਼ ਜਾਂ ਪ੍ਰਤਿਮਾਨ ਬਣ ਜਾਂਦੇ ਹਨ ਜਿਹਨਾਂ ਦੀ ਕਰਨੀ-ਕਥਨੀ ਨੂੰ ਅਪਨਾ ਕੇ ਲੋਕ ਸਤਿ ਦੀ ਪ੍ਰਾਪਤੀ ਲਈ ਸੰਘਰਸ਼ ਕਰਦੇ ਹਨ। ਉਹਨਾਂ ਦੀ ਪੂਜਾ ਹੋਣ ਲਗਦੀ ਹੈ ਤੇ ਜਦੋਂ ਕਵੀ ਅਜਿਹੇ ਮਹਾਂਪੁਰਖ ਦੀ ਜੀਵਨ ਗਾਥਾ ਲਿਖਦਾ ਹੈ ਤਾਂ ਚਰਿਤ ਕਾਵਿ ਦਾ ਜਨਮ ਹੁੰਦਾ ਹੈ।

ਸਾਹਿਤ ਵਿੱਚ ਚਰਿਤ-ਕਾਵਿ ਮੁੱਖ ਰੂਪ ਵਿਚ ਦੋ ਪ੍ਰਕਾਰ ਦੇ ਉਪਲਬਧ ਹਨ : ਧਾਰਮਕ ਮਹਾਂਪੁਰਖਾਂ/ਪੀਰਾਂ/ਫਕੀਰਾਂ/ ਗੁਰੂ ਸਾਹਿਬਾਨ ਆਦਿ ਨਾਲ ਸੰਬਧਿਤ ਤੇ ਰਾਜਾ/ ਮਹਾਰਾਜਾ/ਆਸ਼ਰਯ-ਦਾਤੇ-ਸਰਦਾਰਾਂ-ਅਮੀਰਾਂ ਵਜ਼ੀਰਾਂ ਆਦਿ ਨਾਲ ਸੰਬਧਿਤ। ਇਹਨਾਂ ਦੋਨੋਂ ਪ੍ਰਕਾਰ ਦੇ ਚਰਿਤ ਕਾਵਿ-ਗ੍ਰੰਥਾਂ ਵਿੱਚ ਨਾਇਕ ਉਪਮਾਂ ਨੂੰ ਪ੍ਰਧਾਨਤਾ ਦਿਤੀ ਜਾਂਦੀ ਹੈ।

ਭਾਰਤ ਵਿੱਚ ਚਰਿਤ ਕਾਵਿ ਲਿਖਣ ਦੀ ਪਰੰਪਰਾ ਬੜੀ ਪ੍ਰਚੀਨ ਹੈ। ਸੰਸਕ੍ਰਿਤ ਵਿੱਚ ਅਸ਼ਵਘੋਸ਼ ਦਾ ਬੁੱਧ ਚਰਿਤ, ਬਾਣ ਭੱਟ ਦਾ ਹਰਿਸ਼ ਚਰਿਤ ਕਾਫੀ ਪ੍ਰਸਿੱਧ ਹਨ। ਜੈਨ ਕਵੀਆਂ ਨੇ ਕਾਫੀ ਮਾਤਰਾ ਵਿੱਚ ਚਰਿਤ ਕਾਵਿ ਲਿਖੇ ਜਿਹਨਾਂ ਵਿੱਚ ਕੁਝ ਇੱਕ ਪ੍ਰਸਿੱਧ ਹਨ ਜਿਵੇਂ ਸ਼ਾਲਕਾ ਪੁਰਸ਼ ਚਰਿਤ, ਮਹਾਂਵੀਰ ਚਰਿਤ, ਮੁਮਤਿਨਾਥ ਚਰਿਤ, ਕੁਮਾਰਪਾਲ ਚਰਿਤ ਆਦਿ। ਡਿੰਗਲ ਤੇ ਪਿੰਗਲ ਭਾਸ਼ਾ ਵਿੱਚ ਵੀ ਕਾਫੀ ਮਾਤਰਾ ਵਿੱਚ ਚਰਿਤ ਕਾਵਿ ਲਿਖੇ ਗਏ। ਬਾਦਰ ਢਾਡੀ ਦਾ “ਵੀਰਾਯਣ”, ਭਾਉਡੇ ਵਿਆਸ ਦਾ “ਹੀਰਾਯਣ”, ਕਰਣੀਦਾਸ ਦਾ “ਸੂਰਜ ਪ੍ਰਕਾਸ਼”, ਕੇਸਵ ਦਾਸ ਦਾ “ਵੀਰ ਸਿੰਘ ਦੇਵ ਚਰਿਤ” “ਜਹਾਂਗੀਰ ਜਸ ਚੰਦ੍ਰਕਾ ; ਰਾਮ ਕਵੀ ਦਾ “ਜਯ ਸਿੰਘ ਚਰਿਤ”; ਮਾਨ ਸਿੰਘ ਦਾ “ਮਾਨ ਸਿੰਘ ਚਰਿਤ” ਆਦਿ ਪ੍ਰਸਿੱਧ ਗ੍ਰੰਥ ਹਨ ਜਿਹਨਾਂ ਵਿੱਚ ਕਵੀਆਂ ਨੇ ਆਪਣੇ ਸ਼ਰਧਾ ਪਾਤਰ ਦੀ ਅਥਾਹ ਸਿਫਤ ਕੀਤੀ ਹੈ। ਉਸ ਦੀ ਸੁੰਦਰਤਾ, ਦਾਨ ਸ਼ੀਲਤਾ, ਨਿਆਇਸ਼ੀਲਤਾ, ਵਿਵੇਕਸ਼ੀਲਤਾ ਆਦਿ ਬਾਰੇ ਵਿਸਤਾਰ ਸਹਿਤ ਲਿਖਦਿਆਂ ਉਸਨੂੰ ਸਰਵ ਗੁਣ ਸੰਪੰਨ ਮਹਾਂਪੁਰਖ ਬਣਾ ਕੇ ਪੇਸ਼ ਕਰਨ ਦਾ ਯਤਨ ਕੀਤਾ ਹੈ।

ਪੰਜਾਬ ਵਿੱਚ ਇਸ ਪ੍ਰਕਾਰ ਦੇ ਗ੍ਰੰਥ ਲਿਖਣ ਦੀ ਪਰੰਪਰਾ ਕਾਫੀ ਪੁਰਾਣੀ ਹੈ। ਸਿੱਖ ਗੁਰੂ ਸਾਹਿਬਾਨ ਨਾਲ ਸੰਬਧਿਤ ਕਾਫੀ ਚਰਿਤ ਕਾਵਿ ਗ੍ਰੰਥ ਲਿਖੇ ਗਏ ਹਨ ਜਿਵੇਂ ਗੁਰ ਬਿਲਾਸ ਪਾਤਸ਼ਾਹੀ ਛੇਵੀਂ, ਗੁਰਬਿਲਾਸ ਪਾਤਸ਼ਾਹੀ ੧੦ (ਸੁਖਾ ਸਿੰਘ ਤੇ ਕੋਇਰ ਸਿੰਘ) ਸ੍ਰੀ ਗੁਰਸੋਭਾ (ਸੈਨਾਪਤੀ), ਮਹਿਮਾ ਪ੍ਰਕਾਸ਼ (ਸਰੂਪ ਦਾਸ ਭੱਲਾ), ਗੁਰੂ ਨਾਨਕ ਬੰਸ ਪ੍ਰਕਾਸ਼ (ਸੁਖਬਸੀ ਰਾਮ ਬੇਦੀ) ਗੁਰੂ ਨਾਨਕ ਸੂਰਯੋਦੇਯ ਜਨਮ ਸਾਖੀ (ਗਣੇਸ਼ਾ ਸਿੰਘ ਬੇਦੀ), ਜਨਮਸਾਖੀ ਨਾਨਕ ਸਾਹ ਦੀ (ਸੰਤ ਦਾਸ ਛਿੱਬਰ), “ਸਿੰਘ ਸਾਗਰ” ਗੁਰਕਿਰਤ ਪ੍ਰਕਾਸ਼, (ਵੀਰ ਸਿੰਘ ਬੱਲ), ਗੁਰਪ੍ਰਤਾਪ ਸਰੂਜ ਗ੍ਰੰਥ, (ਭਾਈ ਸੰਤੋਖ ਸਿੰਘ), ਆਦਿ। ਦਸਮ ਗ੍ਰੰਥ ਵਿਚ ਵੀ ਬਚਿੱਤਰ ਨਾਟਕ, ਚੌਬੀਸ ਅਵਤਾਰ, ਚੰਡੀ ਚਰਿਤ ਆਦਿ ਰਚਨਾਵਾਂ ਇਸੇ ਕੋਟੀ ਦੀਆਂ ਹਨ। ਗੁਰ ਬਿਲਾਸ ਪਾਤਸ਼ਾਹੀ ਛੇਵੀਂ ਵੀ ਚਰਿਤ ਕਾਵਿ ਹੈ ਭਾਵੇਂ ਕਵੀ ਨੇ ਇਸ ਨੂੰ “ਪਰਬੰਧ” ਆਖਿਆ ਹੈ।

ਪ੍ਰਿਥਮਬੰਦ ਸ੍ਰੀ ਗੁਰੂ ਕੋ ਚਰਨ ਕਮਲ ਮਨ ਲਾਇ ।

ਮੁਹਿ ਇਛਾ ਪਰਬੰਧ ਕੀ ਸ੍ਰੀ ਗੁਰੂ ਕਰਹਿ ਸਹਾਇ ॥

ਕਈ ਸਥਾਨਾਂ ਤੇ ਕਵੀ ਗੁਰ ਦੇ ਚਰਿਤ ਲਿਖਣ ਦੀ ਗੱਲ ਵੀ ਕਰਦਾ ਹੈ :

- ਪਿਛਲੇ ਚਰਿਤ ਸੁ ਕਛੁਕ ਉਚਾਰੋਂ ।
- ਸੁਨਹੂੰ ਸੰਤ ਮਨ ਦੇ ਸਬੈ ਗੁਰ ਕੇ ਚਰਿਤ ਅਨੰਤ ॥
- ਭਗਤ ਸਿੰਘ ਸੁਨ ਚਰਿਤ ਰਸਾਲਾ ।
- ਹਰਿ ਗੋਬਿੰਦ ਗੁਰ ਜਸ ਕਹਉ ਬਲ ਚਰਿਤ ਸੁਖ ਖਾਨ ॥ ਆਦਿ ॥

ਅਸਲ ਵਿੱਚ ਇਹ ਪ੍ਰਬੰਧ ਕਾਵਿ ਦੇ ਕਾਵਿ ਸ਼ਾਸਤਰੀਯ ਲਛਣਾਂ ਅਨੁਸਾਰ ਨਹੀਂ ਹੈ ਜਿਸ ਕਾਰਨ ਇਸ ਗ੍ਰੰਥ ਨੂੰ ਪ੍ਰਬੰਧ ਕਾਵਿ/ਮਹਾਕਾਵਿ ਨਹੀਂ ਮੰਨਿਆ ਜਾ ਸਕਦਾ। ਇਹ ਚਰਿਤ ਕਾਵਿ ਹੈ ਕਿਉਂਕਿ ਇਸ ਦੀ ਸਮੁੱਚੀ ਕਵਿਤਾ ਚਰਿਤ ਨਾਇਕ ਸ੍ਰੀ ਗੁਰੂ ਹਰਿ ਗੋਬਿੰਦ ਜੀ ਨੂੰ ਕੇਂਦਰ ਬਿੰਦੂ ਬਣਾ ਕੇ ਲਿਖੀ ਗਈ ਹੈ। ਉਹਨਾਂ ਦੇ ਸੰਪਰਕ ਵਿਚ ਆਏ ਸ਼ਰਧਾਲੂਆਂ ਸਿਖਾਂ ਤੇ ਸੇਵਕਾਂ ਆਦਿ ਦੇ ਨਾਲ ਨਾਲ ਗੁਰੂ ਘਰ ਵਿਰੋਧੀਆਂ ਦਾ ਵੀ ਜ਼ਿਕਰ ਹੈ। ਇਸ ਗ੍ਰੰਥ ਵਿੱਚ ਕਵੀ ਨੇ ਸਾਰਾ ਜ਼ੋਰ ਸਤਿਗੁਰੂ ਦੇ ਚਰਿਤਰ ਨੂੰ ਪ੍ਰਕਾਸ਼ਮਾਨ ਕਰਨ ਤੇ ਲਗਾਇਆ ਹੈ। ਜਿਸ ਕਾਰਨ ਹੋਰ ਬੜਾ ਕੁਝ ਰਹਿ ਗਿਆ ਹੈ ਜਿਸ ਦੇ ਸਮਾਵੇਸ਼ ਨਾਲ ਇਹ ਗ੍ਰੰਥ ਪ੍ਰਬੰਧ ਕਾਵਿ ਦੀ ਕੋਟੀ ਵਿੱਚ ਆ ਜਾਂਦਾ। ਪ੍ਰਕਿਰਤੀ ਚਿੱਤਰਣ, ਵਸਤੂ ਵਰਣਨ, ਨਗਰ ਚਿਤਰਣ, ਆਦਿ ਲਗਭਗ ਨਾਂਹ ਦੇ ਬਰਾਬਰ ਹੈ। ਇਹ ਸਭ ਕੁਝ ਮਹਾ ਕਾਵਿ/ਪ੍ਰਬੰਧ ਕਾਵਿ ਲਈ ਅਨਿਵਾਰਯ ਮੰਨਿਆ ਜਾਂਦਾ ਹੈ। ਨਾਇਕ ਮਹਿਮਾ ਹੀ ਕਵੀ ਦਾ ਉਦੇਸ਼ ਹੈ ਤੇ ਇਹ ਉਸ ਨੇ ਪੂਰੀ ਸ਼ਰਧਾ ਨਾਲ ਕੀਤੀ ਹੈ। ਇਸ ਲਈ ਇਹ ਗ੍ਰੰਥ ਚਰਿਤ ਕਾਵਿ ਦੀ ਕੋਟੀ ਵਿੱਚ ਰੱਖਿਆ ਜਾਣਾ ਬਣਦਾ ਹੈ।

ਯੁੱਧ ਚਿੱਤਰਣ

ਕਵੀ ਨੇ ਗੁਰੂ ਹਰਿ ਗੋਬਿੰਦ ਸਾਹਿਬ ਅਤੇ ਮੁਗਲ ਸਰਕਾਰ ਵਿਚਕਾਰ ਹੋਏ ਯੁੱਧਾਂ ਦਾ ਵਿਸਤਾਰ ਸਾਹਿਤ ਚਿਤਰਣ ਕੀਤਾ ਹੈ। ਸੈਨਾ ਦੀ ਤਿਆਰੀ, ਅਸਤ੍ਰਾਂ-ਸ਼ਸਤ੍ਰਾਂ ਦੀ ਵਰਤੋਂ, ਯੋਧਿਆਂ ਦੇ ਰਣ ਭੂਮੀ ਵਿਚ ਕਮਾਲ, ਦੁਸ਼ਮਣ ਦੀ ਹਾਰ, ਯੋਧਿਆਂ ਦਾ ਵੀਰ ਗਤੀ ਨੂੰ ਪ੍ਰਾਪਤ ਹੋਣਾ; ਯੁੱਧ ਦੇ ਮੈਦਾਨ ਵਿੱਚ ਭਿਆਨਕ ਨਜ਼ਾਰਾ, ਕਾਵਾਂ, ਇੱਲਾਂ, ਜੋਗਨੀਆਂ ਆਦਿ ਦਾ ਮਾਸ, ਲਹੂ, ਮਿਝ ਆਦਿ ਦਾ ਭਕਸ਼ਣ ਆਦਿ ਬਾਰੇ ਕਵੀ ਨੇ ਵਿਸਤਾਰ ਸਹਿਤ ਵਰਣਨ ਕੀਤਾ ਹੈ।

ਯੁੱਧ ਲਈ ਚੜਾਈ ਤੇ ਯੁੱਧ ਦੇ ਮੈਦਾਨ ਦਾ ਚਿਤਰ :

- ਕਛੁ ਸੈਨ ਲੀਨੀ । ਨਹੀਂ ਸੰਕ ਕੀਨੀ ॥
- ਦੁਈ ਏਸ ਸੈਨਾ । ਕਰੇਂ ਲਾਲ ਨੈਨਾ ॥
- ਤਬੈ ਬਾਨ ਮਾਰੇ । ਕਈ ਸੂਰ ਡਾਰੇ ॥
- ਸੁ ਲੋਥੈ ਕਠਾਰਾ । ਬਹੀ ਲੋਹੂ ਧਾਰਾ ॥
- ਸਿਵਾ ਗੀਤ ਗਾਵੈ । ਕਿ ਮੁੰਡੈ ਬਜਾਵੈ ॥
- ਕਹੂ ਬਾਜ ਮਾਰੋ । ਕਹੂ ਪੇਟ ਫਾਰੋ ॥

ਕਹੂੰ ਰੂਹ ਛੁਟੇ । ਕਹੂੰ ਸੀਸ ਫੁਟੇ ॥
 ਨਦੀ ਸੁਣ ਪੂਰੇ । ਫਿਰੇ ਗੈਣ ਹੂਰੇ ॥
 ਛਿਤ ਦੇਹ ਲਾਗੇ । ਫਿਰੇ ਸੂਰ ਪਾਗੇ ॥

ਯੁੱਧ ਦੇ ਮੈਦਾਨ ਵਿੱਚ ਜੋਗਨੀਆਂ ਆਦਿ ਮੌਜ ਕਰ ਰਹੀਆਂ ਹਨ :

- ਉਠੇ ਚਾਵ ਡਾਯੇ ॥ ਭਖੇ ਮਾਸ ਘਾਯੇ ॥
 ਫਿਰੇ ਸਿਆਲ ਮਾਤੇ । ਕਭੀ ਨਾ ਅਘਾਤੇ ॥
 ਸੋ ਲੋਹੂ ਪੀਵੰਡੀ । ਕਿ ਜੋਗਨਿ ਹਸੰਡੀ ॥
- ਫਿਰੇ ਜੋਗਨੀ ਭੂਤ ਪ੍ਰੇਤ ਸੁ ਆਵੇ ॥
 ਭਖੇ ਮਾਸ ਲੋਹੂ ਸੋ ਤਾਰੀ ਬਜਾਵੇ ॥
- ਹੂਰਾਂ ਦੇਖਨ ਆਈਆਂ ਚੋਬਾਂ ਬਜੀਆਂ ॥
 ਮਿਲ ਮਿਲ ਸਿਵਾ ਵਧਾਈਆਂ ਆਮਖ ਖਾਇ ਕੇ ।
 ਕਾਲੀ ਮੂੰਡ ਪੁਰਾਈਆਂ ਸਿਵ ਕੋ ਹਾਰ ਨੋ ॥
 ਲੋਹੂ ਨਦੀ ਚਲਾਈਆਂ ਜੋਗਨ ਮਤੀਆਂ ॥

ਤੀਰ ਤਲਵਾਰਾਂ ਆਦਿ ਦੀ ਵਰਤੋਂ ਸੂਰਮੇ ਪੂਰੀ ਕੁਸ਼ਲਤਾ ਨਾਲ ਕਰਦੇ ਹਨ ।

ਯੁੱਧ ਵਿੱਚ ਸ਼ਸਤਰਾਂ ਦੀ ਵਰਤੋਂ ਬਾਰੇ ਕਵੀ ਨੇ ਇਉਂ ਬਿਆਨ ਕੀਤਾ ਹੈ :

ਕਰੀ ਮਾਰ ਤੀਰੰ ਬਡੰ ਯੁੱਧ ਕੀਨੋਂ ।
 ਬਡੋ ਅੰਧਕਾਰੰ ਤਿਸੇ ਖੇਦ ਦੀਨੋਂ ॥
 ਤਿਸੇ ਧਾਰ ਮਸਾਲ ਕੋ ਸੀਸ ਮਾਰਯੋ ।
 ਤਕਯੋ ਤੀਰ ਤਿਖਾ ਸੋ ਕਾਟੰ ਉਤਾਰਯੋ ॥
 ਭਯੋ ਅੰਧਕਾਰੰ ਹਨੇ ਤਾਤ ਪੂਤੰ ।
 ਪਿਤਾ ਪੂਤ ਮਾਰੇ ਖਿਲੇ ਖੇਲ ਭੂਤੰ ॥
 ਲਗੀ ਸਾਂਗ ਐਸੇ । ਸੁਤਾ ਨਾਗ ਜੈਸੇ ।
 ਸੁ ਖੈਚੰ ਨਿਕਾਰੀ । ਬਡੀ ਸੋਭ ਧਾਰੀ ॥

ਕਵੀ ਨੇ ਯੁੱਧ ਦੇ ਮੈਦਾਨ ਨੂੰ ਹੌਲੀ ਨਾਲ ਤੁਲਨਾ ਦਿੱਤੀ ਹੈ ਕਿ ਰੱਤ ਵਿੱਚ ਰੱਤੇ ਸੂਰਮੇ ਜਾਪਦਾ ਹੈ ਹੌਲੀ ਖੇਲ ਰਹੇ ਹਨ :

ਧਰੇ ਲਾਲ ਬਾਗੰ । ਮਨੋ ਖੇਲ ਫਾਗੰ ॥

ਯੁੱਧ ਦੇ ਮੈਦਾਨ ਵਿੱਚ ਭਿਆਨਕਤਾ ਦਰਸਾਉਣ ਲਈ ਸੰਗੀਤਕ ਸ਼ਬਦਾਵਲੀ ਤੇ ਅਨੁਪ੍ਰਾਸ ਅਲੰਕਾਰ ਵਰਤ ਕੇ ਸ਼ਬਦਾਂ ਦੁਆਰਾ ਭਿਆਨਕ ਵਾਤਾਵਰਣ ਸਿਰਜਿਆ ਗਿਆ ਹੈ ਜਿਵੇਂ :

ਜਾਗੜੰਦ ਜੇਠਾ ਧਾਗੜਦੇ ਧਾਵੇ ।
 ਚਾਗੜਦੇ ਚੰਕ ਸੰਮ ਸੋਭ ਪਾਵੇ ॥
 ਮਾਗੜਦੇ ਮਾੜੇ ਸਾਗੜਦੇ ਸੂਰੰ ।
 ਆਗੜਦੰਗ ਅਟਨੀ ਹਾਰੜਦੇ ਹੂਰੰ ॥

ਕਾਗੜਦੇ ਕਾਲੀ ਆਗੜਦੇ ਆਈ ॥

ਮਾਗੜਦੇ ਮੁੰਡੇ ਸੁਮਾਲੇ ਪੁਰਾਈ ।

ਚਾਗੜਦੇ ਚਲੀ ਨਦੀ ਸੁਣ ਐਸੇ ।

ਫਾਗੜਦੇ ਛੇਤ੍ਰ ਭਯੋ ਯੁੱਧ ਜੈਸੇ ॥

ਕਾਇਰ ਰਣ ਵਿਚ ਟਿਕ ਨਹੀਂ ਪਾਉਂਦੇ ਤੇ ਭਿਆਨਕ ਨਜ਼ਾਰੇ ਦੇਖਕੇ ਮੌਤ ਤੋਂ ਡਰਦੇ ਭੱਜ ਜਾਂਦੇ ਹਨ :

ਗਏ ਭਾਗ ਮੁੰਜੀ । ਜਿਨੇ ਬੋਰ ਪੁੰਜੀ ॥

ਯੋਧੇ ਮੈਦਾਨੇ ਜੰਗ ਵਿੱਚ ਆਪਣੀ ਵੀਰਤਾ ਦਾ ਪ੍ਰਦਰਸ਼ਨ ਕਰਦੇ ਹਨ ਤੇ ਵੀਰਗਤੀ ਨੂੰ ਪ੍ਰਾਪਤ ਹੁੰਦੇ ਹਨ । ਅਜਿਹੇ ਵੀਰਾਂ ਨੂੰ ਵਰਨ ਲਈ ਹੂਰਾਂ ਤਰਲੋਮੱਛੀ ਹੋਈਆਂ ਫਿਰਦੀਆਂ ਹਨ । ਕਵੀ ਨੇ ਲਿਖਿਆ ਹੈ :

—ਧਰ ਧਿਆਨ ਹੂਰ ਬਰ ਹੈ ਸੁਬੀਰ ।

ਤਾਕੇ ਨਿਹਾਰ ਲਾਜਤ ਸੁਧੀਰ ।

—ਨਿਕਸਤ ਜੋਤ ਤਿਹ ਬਦਨ ਤੇ ਸੁਰ ਸੁੰਦਰ ਤਨ ਪਾਇ ।

ਲੀਏ ਯਾਨ ਹੂਰੈਂ ਖਿਚਹਿ ਚਾਹਤ ਨਹੀਂ ਕਰਾਇ ॥

ਇਉਂ ਕਵੀ ਨੇ ਯੁੱਧ ਨੂੰ ਕਈ ਵਿਧੀਆਂ ਨਾਲ ਹਰ ਪੱਖੋਂ ਪੇਸ਼ ਕਰਨ ਦਾ ਉਪਰਾਲਾ ਕੀਤਾ ਹੈ ।

ਯੁੱਧ ਵਿੱਚ ਤੁਪਕ, ਬਰਛੀ, ਤੀਰ, ਖੰਡਾ, ਨੇਜਾ, ਭਾਲਾ, ਕਿਰਪਾਨ, ਜਮਧਰ, ਬਿਛੂਏ, ਢਾਲ ਆਦਿ ਹੱਥਿਆਰਾਂ ਤੇ ਅਸਤਰਾਂ ਸਸਤਰਾਂ ਦੀ ਵਰਤੋਂ ਕੀਤੀ ਜਾਂਦੀ ਸੀ । ਘੋੜੇ, ਹਾਥੀ, ਰਥ ਆਦਿ ਤੇ ਚੜ੍ਹਕੇ ਸੂਰਮੇ ਯੁੱਧ ਕਰਦੇ ਸਨ । ਸਰੀਰ ਦੇ ਬਚਾਅ ਲਈ ਜਰਾਬਖਤਰ, ਢਾਲ ਆਦਿ ਦੀ ਵਰਤੋਂ ਕੀਤੀ ਜਾਂਦੀ ਸੀ । ਯੁੱਧ ਸਮਾਪਤ ਹੋਣ ਤੇ ਜੇਤੂ ਆਪਣੇ ਸ਼ਹੀਦ ਹੋਏ ਸਾਥੀਆਂ ਦਾ ਅੰਤਿਮ ਸੰਸਕਾਰ ਕਰਦਾ ਸੀ ਤੇ ਦੁਸ਼ਮਣ ਦੇ ਯੋਧਿਆਂ ਦੀ ਉਹਨਾਂ ਦੇ ਧਾਰਮਕ ਵਿਸ਼ਵਾਸ ਅਨੁਸਾਰ ਅੰਤਿਮ ਰਸਮ ਪੂਰੀ ਕੀਤੀ ਜਾਂਦੀ ਸੀ ।

ਕਵੀ ਨੇ ਯੁੱਧ ਤੇ ਯੁੱਧ ਨੀਤੀ ਆਦਿ ਬਾਰੇ ਵਿਸਤਾਰ ਸਹਿਤ ਇਸ ਗ੍ਰੰਥ ਵਿੱਚ ਵਰਣਨ ਕਰਕੇ ਆਪਣੀ ਵਿਸ਼ਾਲ ਵਾਕਫ਼ੀਅਤ ਦਾ ਪ੍ਰਮਾਣ ਦਿੱਤਾ ਹੈ ।

ਅੰਲਕਾਰ ਵਿਧਾਨ

ਇਤਿਹਾਸਕ ਕਾਵਿ ਵਿੱਚ ਕਾਵਿ ਚਮਤਕਾਰ ਵਿਖਾਉਣ ਲਈ ਬੜੇ ਘੱਟ ਅਵਸਰ ਹੁੰਦੇ ਹਨ ਕਿਉਂਕਿ ਇਤਿਹਾਸ ਸਤਿ ਦੀ ਪੇਸ਼ਕਾਰੀ ਹੈ ਤੇ ਸਤਿ ਹਮੇਸ਼ਾਂ ਸਿੱਧੇ ਸ਼ਬਦਾਂ ਵਿੱਚ ਅੰਕਿਤ ਕੀਤਾ ਜਾਂਦਾ ਹੈ । ਵਿਦਵਾਨ ਕਾਵਿ ਰਚਨਾ ਨੂੰ ਇਤਿਹਾਸਕ ਪ੍ਰਮਾਣ ਮੰਨਣੋਂ ਸੰਕੋਚ ਵੀ ਕਰਦੇ ਹਨ ਕਿਉਂਕਿ ਉਹਨਾਂ ਦਾ ਵਿਚਾਰ ਹੈ ਕਵਿਤਾ ਕਵੀ ਦੀ ਕਲਪਨਾ ਬਿਨਾ ਸੰਭਵ ਨਹੀਂ ।

‘ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ’ ਇਕ ਜੀਵਨ-ਗਾਥਾ ਹੈ ਤੇ ਕਵੀ ਨੇ ਸੁਚੇਤ ਤੌਰ ਤੇ ਇਸ ਨੂੰ ਅੰਲਕਾਰਿਕ ਰੂਪ ਦੇਣ ਦਾ ਯਤਨ ਨਹੀਂ ਕੀਤਾ । ਇਉਂ ਵੀ ਜਾਪਦਾ ਹੈ ਕਿ ਕਵੀ ਦੇ ਮਨ ਵਿੱਚ ਗੁਰੂ ਜਸ ਦੀ ਭਾਵਨਾ ਬੜੀ ਪ੍ਰਬਲ ਸੀ ਜਿਸ ਕਾਰਨ ਉਸਨੇ ਘਟਨਾਵਾਂ

ਦੇ ਵਰਣਨ ਵਲ ਵਿਸ਼ੇਸ਼ ਬਲ ਦਿੱਤਾ ਹੈ ਤੇ ਬਾਕੀ ਸਭ ਕੁੱਝ ਗੌਣ ਹੀ ਰਖਿਆ ਹੈ। ਫਿਰ ਵੀ ਕਈ ਪ੍ਰਸੰਗਾਂ ਵਿੱਚ ਅਲੰਕਾਰਾਂ ਦਾ ਸਹਿਜ ਸੁਭਾ ਪ੍ਰਯੋਗ ਹੋਇਆ ਹੈ। ਕਿਸੇ ਪ੍ਰਕਾਰ ਦੀ ਕੋਈ ਉਚੇਚ ਦ੍ਰਿਸ਼ਟੀਗੋਚਰ ਨਹੀਂ ਹੁੰਦੀ। ਬਸ ਕਵੀ ਨੇ ਗਿਣੇ ਮਿਥੇ ਉਪਮਾਨ ਜਾਂ ਤਸਵੀਹਾਂ ਦੀ ਵਰਤੋਂ ਕਰਦਿਆਂ ਆਪਣੀ ਅਲੰਕਾਰ ਪ੍ਰਤੀ ਨਿਰਮੋਹ ਹੋਣ ਦੀ ਬਿਰਤੀ ਦਾ ਪ੍ਰਦਰਸ਼ਨ ਕੀਤਾ ਹੈ। ਕੁਝ ਅਲੰਕਾਰਾਂ ਦੀਆਂ ਉਦਾਹਰਣਾਂ ਦੇਖੋ :

ਅਨੁਪ੍ਰਾਸ ਅਲੰਕਾਰ

- ਦੇਸ ਦੇਸ ਕੀ ਸੰਗਤ ਆਵੈ
ਭਾਂਤਿ ਭਾਂਤਿ ਕੇ ਦਰਬ ਚੜਾਵੈ ॥
- ਦਾਸਨ ਦਾਸ ਹਮ ਪਾਇਕ
ਸਾਹਿਬ ਸਮੱਸਰ ਦਾਸ ਨਾ ਹੋਤ ॥
- ਜੈ ਜੈਕਾਰ ਸਬਨ ਤਬ ਕਰੀਯੋ ।
ਪੈਸੇ ਪਾਂਚ ਨਰੇਲ ਮੰਗਾਈ ॥
- ਬਾਰ ਬਾਰ ਬੰਦਨ ਕਰੀ ਸਤਿਗੁਰੂ ਰਜ ਸਿਰ ਧਾਰ
- ਸ੍ਰੀ ਸਤਿਗੁਰੂ ਕੇ ਸਨਮੁੱਖ ਜਾਈ ॥

ਪੁਨ ਉੱਨਤੀ ਅਲੰਕਾਰ

- ਉਠਹੁ ਉਠਹੁ ਹੇ ਗੁਰ ਕੇ ਪਿਆਰੇ
- ਗੁਰੂ ਨਾਨਕ ਬਲਿ ਬਲਿ ਤਿਸੈ ਸਦ ਸਦ ਤਿਸ ਕੁਰਬਾਨ ।

ਲੰਕੋਕਤੀ ਅਲੰਕਾਰ

- ਜੈਸੇ ਕੋ ਤੈਸਾ ਮਿਲਹਿ ਕਪਟ ਕਪਟ ਰਲ ਜਾਇ ।
- ਜੈਸ ਕੀਆ ਤੈਸਾ ਲਹਾ ਕੀਤਾ ਪਾਇਓ ਆਪ ।
- ਲਾਲ ਅਖੀਂ ਤਬ ਅਰਥ ਨਿਹਾਰੋ
- ਇੱਟ ਚੁਬਾਰੇ ਮੋਰੀ ਲਾਈ
- ਜੈਸਾ ਕੀਨ ਤੈਸਾ ਫਲ ਪਾਯੋ ॥
- ਪਾਪੀ ਸੋ ਜਮ ਧਾਮ ਸਿਧਾਯੋ ।
- ਮਧ ਚੀਥੜੇ ਲਾਲ ਪਛਾਨੋ ॥

ਯਮਕ ਅਲੰਕਾਰ

- ਆਦਿ ਗੁਰੂ ਕੀ ਮਤ ਕਹੀ ਗੁਰਦਾਸ ਭਯੋ ਗੁਰਦਾਸ ਕਹਾਇਆ ।
- ਦੇਵਤ ਦਾਨ ਤਬੈ ਗੁਰ ਜੀ ਧਨ ਪਾਇ ਸਭ ਮੁਖ ਧਨ ਉਚਾਰਾ ॥

ਰੂਪਕ ਅਲੰਕਾਰ

- ਹਾਇ ਹਾਇ ਕੀਨਾ ਤਬੈ ਸਾਹਿ ਚਿੰਤ ਦਧ ਲੀਨ
- ਸਤਿਨਾਮ ਕੀ ਸਰਿਤਾ ਬਹੀ ॥
- ਤਬ ਬੋਲਤ ਭੇ ਮੁਖ ਪੰਕਜ ਤੇ ਸਭ ਦੇਵ ਕਹੋ ਕਿਹ ਕਾਰਣ ਆਏ ।
- ਬਾਨ ਬੂੰਦ ਕੀਨੀ ਰਿਸ ਧਾਰੀ ॥

ਉਪਮਾ ਅਲੰਕਾਰ

ਹੋਇ ਸੁਚੇਤ ਚੜ੍ਹੀ ਸਭ ਸੈਨਾ ।
ਤਪਸ ਤਾਂਬੂ ਸਮ ਕੀਨੇ ਨੈਨਾ ॥

ਅਤਿਕਥਨੀ ਅਲੰਕਾਰ

- ਸ੍ਰੀ ਗੁਰੂ ਅਰਜਨ ਦੇਵਤ ਦਾਨਾ ।
ਰੰਕ ਭੂਪ ਹੋਇ ਘਰੈ ਸਿਧਾਨਾ ॥

ਉਤਪ੍ਰੇਖਯ ਅਲੰਕਾਰ

- ਬੀੜ ਨਿਕਟਿ ਮਾਤਾ ਗਈ ਦੇਖਾ ਬਨ ਤਬ ਐਸ ।
ਜਨ ਅਸੋਕਿ ਖਾਂਡਵ ਇਹੈ ਸੋਹਿ ਨੀਲ ਘਨ ਜੈਸ ॥
- ਚਲਤ ਪੰਥ ਮਨ ਹਰਖ ਅਪਾਰਾ ।
ਮਨੋ ਨਿਰਧਨੀ ਲਹਿਯੋ ਭੰਡਾਰਾ ॥
- ਏਤਾ ਧੰਨ ਸ੍ਰੀ ਗੁਰੂ ਬਰਖਾਯੋ ।
ਮੰਨਹੁ ਮੇਘ ਸਾਵਨ ਕੋ ਆਯੋ ॥
- ਦਿਨਪਤਿ ਅਯੋ ਅਪਨੇ ਬਲ ਮੈਂ ਤਬ
ਛਾਡੇਂ ਹੈ ਬਾਨ ਮਨੋ ਕਿਰਨਾਈ ।

ਦ੍ਰਿਸ਼ਟਾਂਤ ਅਲੰਕਾਰ

- ਮੋਹਰੀ ਨਿਜ ਓਰ ਲੀਨੇ ਲਾਈ ।
ਬਾਸਕ ਨਿਜ ਮਣਿ ਜਾਨੋ ਪਾਈ ।
- ਮਧ ਦੀਵਾਨ ਸੋਹਹਿ ਗੁਰ ਕੈਸੇ ।
ਬ੍ਰਹਮ ਸਭਾ ਮਹਿ ਬ੍ਰਹਮਾ ਜੈਸੇ ।
- ਸਿਖ ਸੰਗਤ ਪਾਸ ਆਵਤ ਐਸੇ ।
ਆਨੰਦ ਸਿੰਧ ਉਤਰ ਜਨ ਜੈਸੇ ।

ਵੀਪਸਾ ਅਲੰਕਾਰ

- ਚਾਪ ਚਲੇ ਸਿਖ ਐਸ ਵਿਚਾਰੀ ।
ਮਾਰੋ ਮਾਰੋ ਮਾਰ ਪੁਕਾਰੀ ॥
- ਮੇ ਪਰ ਕ੍ਰਿਪਾ ਕਰੋ ਗੁਰ ਜੈ ਜੈ ਜੈ ਅਸੁਰਾਰ ॥

ਇਉਂ ਕਵੀ ਨੇ ਕੁਝ ਅਲੰਕਾਰਾਂ ਦਾ ਸਫਲ ਪ੍ਰਯੋਗ ਕਰਕੇ ਕਾਵਿ ਸੌਂਦਰਯ ਪੈਦਾ ਕਰਨ ਦਾ ਯਤਨ ਕੀਤਾ ਹੈ। ਇਸ ਨਾਲ ਇਸ ਗ੍ਰੰਥ ਵਿੱਚ ਸਾਹਿਤਕਤਾ ਦਾ ਵਾਧਾ ਹੋਇਆ ਹੈ।

ਛੰਦ ਵਿਧਾਨ

ਪ੍ਰਾਚੀਨ ਸਾਹਿਤ ਸ਼ਾਸਤਰ ਵਿੱਚ ਛੰਦ ਨੂੰ ਕਵਿਤਾ ਦਾ ਅਨਿਖੜਵਾਂ ਅੰਗ ਮੰਨਿਆ ਹੈ। ਛੰਦ ਰਹਿਤ ਕਵਿਤਾ ਦੀ ਕਲਪਨਾ ਵੀ ਨਹੀਂ ਕੀਤੀ ਜਾ ਸਕਦੀ ਸੀ। ਛੰਦ ਕਾਵਿ

ਨੂੰ ਚਿਰੰਜੀਵਤਾ ਬਖਸ਼ਦਾ ਹੈ ਕਿਉਂਕਿ ਛੰਦ ਬੱਧ ਰਚਨਾ ਨੂੰ ਪਾਠਕ/ਸੁੱਤੇ ਯਾਦ ਕਰਕੇ ਅਗਲੀਆਂ ਪੀੜ੍ਹੀਆਂ ਨੂੰ ਦੇ ਸਕਦੇ ਹਨ। ਇਹੀ ਕਾਰਨ ਹੈ ਕਿ ਬਹੁਤ ਸਾਰੇ ਪ੍ਰਾਚੀਨ ਗ੍ਰੰਥ ਭਾਵੇਂ ਉਹ ਸਾਹਿਤ ਨਾਲ ਸਬੰਧਤ ਹਨ ਭਾਵੇਂ ਦਰਸ਼ਨ ਜਾਂ ਵੈਦਿਕ ਨਾਲ, ਛੰਦ ਵਿਚ ਹੀ ਉਪਲਬਧ ਹਨ। ਇਹੀ ਕਾਰਨ ਹੈ ਕਿ ਪੁਰਾਣੇ ਇਤਿਹਾਸਕਾਰ ਵੀ ਛੰਦਬੱਧ ਰੂਪ ਵਿਚ ਆਪਣੇ ਇਤਿਹਾਸ ਲਿਖਦੇ ਹਨ। ਮਹਿਮਾ ਪ੍ਰਕਾਸ਼, ਪ੍ਰਾਚੀਨ ਪੰਥ ਪ੍ਰਕਾਸ਼, ਸੂਰਜ ਪ੍ਰਕਾਸ਼, ਪੰਥ ਪ੍ਰਕਾਸ਼ ਆਦਿ ਪ੍ਰਮੁੱਖ ਗੁਰ ਇਤਿਹਾਸ ਕਵਿਤਾ ਵਿੱਚ ਹੀ ਹਨ।

ਪੁਰਾਤਨ ਕਾਵਿ ਵਿੱਚ ਦੋਹਾ-ਚੌਪਾਈ ਸ਼ੈਲੀ ਦਾ ਬੜਾ ਪ੍ਰਯੋਗ ਹੋਇਆ ਹੈ। ਇਸ ਨੂੰ ਕੜਵਕ ਸ਼ੈਲੀ ਵੀ ਆਖਿਆ ਜਾਂਦਾ ਹੈ। ਪਦਮਾਵਤ-ਜਇਸੀ, ਰਾਮ ਚਰਿਤ ਮਾਨਸ-ਤੁਲਸੀ ਦਾਸ ਆਦਿ ਗੌਰਵ ਗ੍ਰੰਥ ਇਸੇ ਸ਼ੈਲੀ ਵਿੱਚ ਲਿਖੇ ਗਏ ਹਨ। ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਵੀ ਇਸੇ ਸ਼ੈਲੀ ਵਿੱਚ ਲਿਖਿਆ ਗਿਆ ਹੈ ਭਾਵੇਂ ਇਸ ਵਿੱਚ ਕਈ ਥਾਈਂ ਪ੍ਰਸੰਗਵੱਸ ਜਾਂ ਅਕਾਉਪੁਣੇ ਨੂੰ ਤੋੜਨ ਲਈ ਹੋਰ ਛੰਦ ਵੀ ਵਰਤੇ ਹਨ ਜਿਵੇਂ ਬੂਲਣਾ, ਕਬਿੱਤ, ਰਸਾਵਲ ਛੰਦ, ਭੂਜੰਗ ਪ੍ਰਯਾਤ ਛੰਦ, ਕੁੰਡਲੀਆ, ਸਵੈਯਾ, ਅੜਿਲ, ਕਲਸ, ਅਜੂਬਾਛੰਦ, ਤੋਟਕ ਛੰਦ, ਸਿਰਖੰਡੀ-ਤਿਲਚੜੀਆਂ ਛੰਦ, ਭੜਥੂਆ ਛੰਦ, ਕੰਠ ਅਭੂਖਣ ਛੰਦ, ਸੋਮਰਸੀ ਛੰਦ, ਸਮਾਨਕਾ ਛੰਦ, ਪਾਧੜੀ ਛੰਦ, ਸੰਗੀਤ ਛੰਦ, ਆਦਿ।

ਇਸ ਕਵੀ ਦੀ ਛੰਦ ਤੇ ਪੂਰੀ ਪਕੜ ਹੈ। ਇਸ ਨੇ ਜਿਥੇ ਬਿਰਤਾਂਤ ਦੇਣਾ ਹੈ ਉਥੇ ਦੋਹਾ-ਚੌਪਾਈ ਦਾ ਪ੍ਰਯੋਗ ਕੀਤਾ ਹੈ। ਜਿਥੇ ਮੰਗਲ ਕਾਮਨਾ ਦੀ ਗੱਲ ਹੈ ਸਵਈਆ ਤੇ ਕਬਿੱਤ ਦਾ ਪ੍ਰਯੋਗ ਹੈ। ਜਿਥੇ ਯੁੱਧ ਵਰਣਨ ਹੈ ਉਥੇ ਛੋਟੇ ਅਕਾਰ ਵਾਲੇ ਛੰਦਾਂ ਦੀ ਵਰਤੋਂ ਕੀਤੀ ਹੈ ਜਿਵੇਂ ਸਿਰਖੰਡੀ, ਰਸਾਵਲ ਛੰਦ ਆਦਿ। ਕਵੀ ਨੇ ਭਾਵ ਪਰਿਵਰਤਨ ਹੁੰਦਿਆਂ ਹੀ ਛੰਦ ਪਰਿਵਰਤਣ ਕਰਕੇ ਆਪਣੀ ਕਾਵਿ ਕੌਸ਼ਲਤਾ ਦਾ ਪ੍ਰਮਾਣ ਦਿੱਤਾ ਹੈ।

ਕਵੀ ਨੇ ਵਾਹ ਲਗਦਿਆਂ ਛੰਦ ਸ਼ਾਸਤਰ ਦੇ ਨਿਯਮਾਂ ਦੀ ਉਲੰਘਣਾ ਨਹੀਂ ਕੀਤੀ ਪਰ ਕਈ ਥਾਈਂ ਉਤਾਰਾ ਕਰਨ ਵਾਲਿਆਂ ਦੀ ਅਣਗਹਿਲੀ ਜਾਂ ਅਗਿਆਨਤਾ ਕਾਰਨ ਜਾਂ ਗੁਰਮੁਖੀ ਲਿਪੀ ਦੀਆਂ ਆਪਣੀਆਂ ਸੀਮਾਵਾਂ ਕਰਕੇ ਛੰਦ ਦੋਸ਼ ਦ੍ਰਿਸ਼ਟੀਗੋਚਰ ਹੁੰਦੇ ਹਨ। ਕਈ ਥਾਵਾਂ ਦੇ ਛੰਦ ਦੀਆਂ ਮਾਤਰਾਵਾਂ ਘੱਟ ਵੱਧ ਹਨ। ਕਈ ਥਾਂ ਤੁਕਾਂਤ ਨਹੀਂ ਮਿਲਦਾ ਤੇ ਕਈ ਥਾਂ ਤੁਕਾਂਤ ਮਿਲਾਉਣ ਲਈ ਗਲਤ ਸ਼ਬਦ ਪ੍ਰਯੋਗ ਕੀਤਾ ਹੈ, ਜਿਵੇਂ :

- ਇਹ ਮੈਂ ਕਹਿ ਹਉ ਔਰ ਬਾਤ ਤੁਹਿ ।
ਅਕਾਲ ਪੁਰਖ ਅਵਤਾਰ ਧਰਿਓ ਜਿਹ ॥
- ਤਾਹਿ ਸਮੇਂ ਗੁਰ ਲਾਇ ਦਿਵਾਨ ਬੁਢੇ ਜੀ ਤੇ ਆਦਿ ਲੇ ਸਿਖ ਬੁਲਾਈ ।
ਅਮਰਦਾਸ ਬੁਲਾਇ ਹਮੈਂ ਦੁਹੰ ਭ੍ਰਾਤਨ ਸ੍ਰੀ ਗੁਰੂ ਅੰਗਦ ਪਾਸ ਬਿਠਾਈ ॥
- ਦਾਰਾ ਜੁਤ ਦਾਤੂ ਸੰਗ ਤੁਰਿਓ ।
ਬੜ ਆਨੰਦ ਨਿਜ ਮਨ ਮਹਿ ਧਰਿਓ ॥
- ਬੋਲਯੋ ਖਾਨ ਗੁਰੂ ਜੀ ਸੁਨੋ ।
ਮੇਰੇ ਔਗੁਨ ਕਛੂ ਨਾ ਗਿਨੋ ।

- ਸੰਗਤ ਕੋ ਆਗਯਾ ਗੁਰ ਦਈ ।
ਇਸਨਾਨ ਕਰੋ ਸਬ ਦੇਰ ਨ ਹਈ ॥

ਇਸ ਪ੍ਰਕਾਰ ਦੀਆਂ ਛੰਦ ਦੋਸ਼ ਦੀਆਂ ਹੋਰ ਕਈ ਉਦਾਹਰਣਾਂ ਉਪਲਬਧ ਹਨ । ਅਸਲ ਵਿੱਚ ਕਵੀ ਦਾ ਮੁੱਖ ਪ੍ਰਯੋਜਨ ਕਾਵਿ ਕੋਸ਼ਲਤਾ ਵਿਖਾਉਣਾ ਨਹੀਂ ਸਗੋਂ ਆਪਣੇ ਚਰਿਤ ਨਾਇਕ ਦਾ ਯਸ਼ੋਗਾਨ ਕਰਨਾ ਹੈ । ਇਸ ਲਈ ਕਵੀ ਨੇ ਆਪਣੇ ਧਿਆਨ ਦਾ ਕੇਂਦਰ-ਬਿੰਦੂ ਸਤਿਗੁਰੂ ਨੂੰ ਬਣਾਇਆ ਹੈ । ਕਾਵਿ ਸੌਂਦਰਯ ਨੂੰ ਗੌਣ ਮੰਨਿਆ ਹੈ । ਵੱਡਾ ਆਕਾਰੀ ਰਚਨਾ ਵਿੱਚ ਅਜਿਹੀਆਂ ਉਕਾਈਆਂ ਜਾਂ ਦੋਸ਼ ਮਿਲਣੇ ਸੁਭਾਵਿਕ ਹੀ ਹਨ ।

ਰਸ ਵਿਧਾਨ

ਭਾਰਤੀ ਸਾਹਿਤ ਸਾਸ਼ਤਰ ਵਿੱਚ ਰਸ ਨੂੰ ਕਾਵਿ ਦੀ ਆਤਮਾ ਮੰਨਿਆ ਗਿਆ ਹੈ । ਰਸਹੀਣ ਕਵਿਤਾ ਦੀ ਕਲਪਨਾ ਵੀ ਨਹੀਂ ਕੀਤੀ ਜਾ ਸਕਦੀ । ਭਾਈ ਭੰਗਤ ਸਿੰਘ ਨੇ ਇਸ ਗ੍ਰੰਥ ਵਿੱਚ ਮੁੱਖ ਰੂਪ ਵਿੱਚ ਸਾਂਤ ਰਸ ਦਾ ਪ੍ਰਯੋਗ ਕੀਤਾ ਹੈ ਪਰ ਪ੍ਰਸੰਗ ਵਸ ਕਈ ਸਥਾਨਾਂ ਤੇ ਹੋਰ ਰਸਾਂ ਦੀਆਂ ਉਦਾਹਰਣਾਂ ਮਿਲ ਜਾਂਦੀਆਂ ਹਨ । ਕੁਝ ਉਦਾਹਰਣਾਂ ਪੇਸ਼ ਹਨ :

ਬੀਰ ਰਸ

- ਗੁਰੂ ਬੀਰ ਧਾਏ । ਬਡੋ ਰੋਸ ਪਾਏ ॥
ਕਰੀਂ ਤੇਗ ਬਰਖਾ । ਗਏ ਜੀਤ ਕਰਖਾ ॥
- ਕੁਪਿਓ ਬੀਰ ਭਾਨੂੰ । ਲਯੋ ਘੋਰ ਖਾਨੂੰ ।
ਸੰਭਾਰੀ ਕ੍ਰਿਪਾਣੈ । ਹਣੇ ਤਾਸ ਜੁਆਣੈ ॥

ਰਦਰ ਰਸ

- ਰਿਸਾ ਖਾਨ ਸੂਰਾ । ਮਹਾਮਦ ਪੂਰਾ ।
ਬਜਾਏ ਨਿਸਾਨੰ । ਕੜਕੈ ਕ੍ਰਿਪਾਨੰ ॥
- ਤਬੈ ਪਠਾਨ ਕੋਪੀਅੰ ॥ ਸੰਭਾਰ ਪਾਣ ਰੋਪੀਅੰ ।
- ਤਬੈ ਕੋਪ ਕੈ ਭਾਨੁ ਖੰਡਾ ਚਲਾਯੋ ।
ਲਰਯੋ ਖਾਨ ਸੀਸੰ ਸੁ ਹੂਰੰ ਲੁਭਾਯੋ ॥

ਬੀਭਤਸ ਰਸ

ਤਹ ਗੀਧ ਘਨੀ ਮੰਡਰਾਇ ਰਹੀਂ ।
ਨਦ ਸ੍ਰੋਨਤ ਕੀ ਰਨ ਮੇ ਸੁ ਬਹੀਂ ।
ਰਨ ਲੋਥ ਘਨੀ ਇਕਠਾਵਤ ਹੈ ।
ਤਹ ਜੰਬਕ ਕੇਤ ਪਠਾਵਤ ਹੈ ।
ਸਿਰ ਗੁਦ ਸੁ ਮੇਦ ਲਗਾਇ ਗਨੋ
ਕਰਮਾ ਵਿਸ ਕੇਤ ਬਨਾਇ ਮਨੋ ॥

ਕਰੁਣਾ ਰਸ

ਆਵਤਿ ਪੰਥ ਵਿਰਹਿ ਗੁਰ ਪਾਏ ।
 ਜਥਾ ਭੂਪ ਬਿਨ ਸੈਨਾ ਜਾਏ ॥

 ਤਬ ਹੀ ਮਾਤਾ ਗੰਗਾ ਆਈ ।
 ਸੁਨਤ ਬਾਤ ਤਬ ਬਹੁ ਰੁਦਨਾਈ ।

 ਹਰਿ ਗੋਬਿੰਦ ਪੁਨ ਰੋਇ ਸੁਨਾਯੋ ।
 ਹੇ ਪਿਤ ਹਮਕੋ ਤਿਆਗ ਸਿਧਾਯੋ ॥

ਸਿੰਗਾਰ ਰਸ

ਸੁੰਦਰ ਵਯ ਕਿਸੋਰ ਸੁਖਦਾਈ ।
 ਸ੍ਰੀ ਗੁਰ ਦ੍ਰਿਗ ਛਬਿ ਕਹੀ ਨਾ ਜਾਈ ॥
 ਖੰਜਨ ਮੀਨ ਕੰਜ ਸੁਕਚਾਨੇ ।
 ਅਧਰ ਬਿਧੂਪ ਦਾਰਮ ਰਦ ਹਾਨੇ ॥
 ਕੀਰ ਨਾਸੰਕ ਗ੍ਰੀਵ ਦਿਖਾਵੈ ।
 ਲਾਜ ਖਾਇ ਬਨ ਮਾਹਿ ਸਿਧਾਵੈ ।

ਉਪ੍ਰੋਕਤ ਕੁਝ ਕੁ ਉਦਾਹਰਣਾਂ ਤੋਂ ਸਵੈ-ਸਪਸ਼ਟ ਹੈ ਕਿ ਕਵੀ ਨੇ ਰਸ-ਪ੍ਰਯੋਗ ਬੜੀ ਸਫਲਤਾ ਨਾਲ ਕੀਤਾ ਹੈ ।

ਸ਼ੈਲੀ

ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਗੁਰੂ ਹਰਿਗੋਬਿੰਦ ਸਿੰਘ ਜੀ ਦੀ ਜੀਵਨ-ਗਾਥਾ ਹੈ । ਇਸ ਲਈ ਇਸ ਗ੍ਰੰਥ ਵਿੱਚ ਬਿਰਤਾਂਤਕ ਸ਼ੈਲੀ ਦੀ ਪ੍ਰਧਾਨਤਾ ਹੈ । ਨੀਰਸਤਾ ਦੂਰ ਕਰਨ ਤੇ ਪ੍ਰਸੰਗ ਵਸ ਜਾਂ ਜ਼ਰੂਰਤ ਅਨੁਸਾਰ ਸੰਬੋਧਨੀ, ਪ੍ਰਸ਼ਨੋਤਰੀ, ਸੰਗੀਤਮਈ ਆਦਿ ਸ਼ੈਲੀਆਂ ਦਾ ਵੀ ਪ੍ਰਯੋਗ ਕੀਤਾ ਗਿਆ ਹੈ । ਇਹਨਾਂ ਸਬੰਧੀ ਸੰਖਿਪਤ ਰੂਪ ਵਿਚ ਵਿਚਾਰ ਕੀਤਾ ਜਾਂਦਾ ਹੈ ।

ਸੰਬੋਧਨੀ ਸ਼ੈਲੀ

- ਉਠਹੁ ਉਠਹੁ ਰੇ ਪਰਉਪਕਾਰੀ ।
ਯਾਦ ਕਰਾਈ ਕਥਾ ਅਪਾਰੀ ॥
- ਹੇ ਗੁਰ ਇਹੁ ਇਛ ਮਮ ਭਾਰੀ ।
ਹਰਿ ਗੋਬਿੰਦ ਕਾ ਜਨਮ ਸੁ ਕਹਹੁ ।
ਬਹੁਰ ਬਾਲ ਲੀਲਾ ਸੁਖ ਲਹਹੁ ॥

ਪ੍ਰਸ਼ਨੋਤਰੀ ਸ਼ੈਲੀ

- ਤਾਤੇ ਮੋਕਉ ਦਾਸ ਪਛਾਨੋ ।
ਹੇ ਗੁਰੂ ਆਗਲ ਚਰਿਤ ਬਖਾਨੋ ।

ਜੁਧ ਪਾਛ ਗੁਰ ਕੈਸ ਕਰਾਵਹਿ ।
ਕੀਰਤਪੁਰ ਕਿਹ ਭਾਂਤ ਸਿਧਾਵਹਿ ॥

ਸੰਗੀਤਮਈ ਸ਼ੈਲੀ

ਕਾਗੜਦੇ ਕੋਪੀ ਸਾਗੜਦੇ ਸੈਨਾ ।
ਭਾਗੜਦੇ ਤਿਆਗਿਯੋ ਚਾਗੜਦੇ ਚੈਨਾ ।
ਛਾਗੜਦੇ ਛੋਰੇ ਤਾਗੜਦੇ ਤੀਰੰ ।
ਮਾਗੜਦੇ ਮਾਰੇ ਦਾਗੜਦੇ ਬੀਰੰ ।
ਫਾਗੜਦੇ ਫੀਲੰ ਛਾਗੜਦੇ ਛੁਟੇ ॥
ਸਾਗੜਦੇ ਸੂਰੰ ਜਾਗੜਦੇ ਜੁਟੇ ॥
ਬਾਗੜਦੇ ਬਾਜੇ ਨਾਗੜਦੇ ਨਗਾਰੇ ।
ਜਾਗੜਦੇ ਜੋਧਾ ਮਾਗੜਦੇ ਮਾਰੇ ॥

ਦਸਮ ਗ੍ਰੰਥ ਵਿੱਚ ਇਸ ਤਰ੍ਹਾਂ ਦੀ ਸ਼ੈਲੀ ਦਾ ਕਾਫੀ ਪ੍ਰਯੋਗ ਹੋਇਆ ਹੈ ਜਿਵੇਂ :
ਸਾਗੜਦੰਗ ਸੰਖੰ ਨਾਗੜਦੇ ਨਫੀਰੰ ।
ਗਾਗੜਦੰਗ ਸੋਮਾਯ ਗਜੇ ਗਹੀਰੰ ।
ਨਾਗੜਦੰਗ ਨਗਾਰੇ ਬਾਗੜਦੰਗ ਬਾਜੇ ।
ਜਾਗੜਦੰਗ ਜੋਧਾ ਗਾਗੜਦੰਗ ਗਾਜੇ ॥

ਟੀਕਾ ਸ਼ੈਲੀ

ਕਵੀ ਨੇ ਕਈ ਸਥਾਨਾਂ ਤੇ ਗੁਰਬਾਣੀ ਦਾ ਸ਼ਬਦ ਦੇਕੇ ਉਸ ਦਾ ਟੀਕਾ/ਪਰਮਾਰਥ ਲਿਖਿਆ ਹੈ ਜੋ ਟੀਕਾ ਸ਼ੈਲੀ ਦਾ ਵਧੀਆ ਨਮੂਨਾ ਹੈ ਜਿਵੇਂ ‘ਨੇਤ੍ਰ ਪ੍ਰਕਾਸ਼ ਦੀਆਂ ਗੁਰੂਦੇਵ’ ਸ਼ਬਦ ਦੇ ਅਰਥ ਕਵੀ ਨੇ ਇਸ ਪ੍ਰਕਾਰ ਕੀਤੇ ਹਨ :

ਨੈਨ ਪ੍ਰਕਾਸ਼ ਗੁਰੂਦੇਵ ਕੀਓ ਭ੍ਰਮ ਦੂਰ ਭਯੋ ਮਨ ਮੈਂ ਸੁਖ ਪਾਯੋ ।
ਪੂਰਨ ਸੇਵ ਭਈ ਹਮਰੀ ਅਬ ਸੀਤਲਾ ਰਛ ਕਰੀ ਬਿਰਦਾਯੋ ।
ਪਾਰਬ੍ਰਹਮ ਕਰੀ ਕਿਰਪਾ ਹਮਰੇ ਸੁਤ ਨਾਨਕ ਨਾਮ ਮਹਾਂ ਰਸੁ ਪਾਯੋ ।
ਸਾਧ ਸੰਗ ਬੁਢੇ ਜੁੜ ਹੋਰੀ ਹਰੀ ਹਰਿ ਅੰਮ੍ਰਿਤ ਪਾਨ ਕੈ ਦੁਖ ਗਵਾਯੋ ॥

ਇਉਂ ਕਵੀ ਨੇ ਆਪਣਾ ਚਰਿਤ ਗ੍ਰੰਥ ਲਿਖਦਿਆਂ ਕਈ ਪ੍ਰਕਾਰ ਦੀਆਂ ਕਾਵਿ ਸ਼ੈਲੀਆਂ ਦਾ ਪ੍ਰਯੋਗ ਕਰਕੇ ਨੀਰਸਤਾ ਤੋਂ ਬਚਾਅ ਕੀਤਾ ਹੈ ਤੇ ਸਾਹਿਤਕ ਰੰਗ ਹੋਰ ਗੂਹੜਾ ਕੀਤਾ ਹੈ ।

ਨੀਤੀ ਬਚਨ

ਜੀਵਨ ਅਨੁਭਵ ਵਿੱਚ ਕੁਝ ਸਤਿ ਕਥਨ ਮਹਾਂਪੁਰਖਾਂ ਨੇ ਕੱਢੇ ਤੇ ਉਹਨਾਂ ਨੂੰ ਲੋਕ-ਸਿਆਣਪ ਵਜੋਂ ਪਰਵਾਨ ਕੀਤਾ ਗਿਆ ਹੈ । ਸਾਹਿਤਕ ਖੇਤਰ ਵਿੱਚ ਇਹਨਾਂ ਨੂੰ ਨੀਤੀ ਬਚਨ ਆਖਿਆ ਜਾਂਦਾ ਹੈ । ਭਾਈ ਭਗਤ ਸਿੰਘ ਨੇ ਕੁਝ ਅਜਿਹੇ ਬਚਨ ਇਸ ਗ੍ਰੰਥ ਵਿੱਚ ਅੰਕਿਤ ਕੀਤੇ ਹਨ, ਜਿਵੇਂ :

— ਘਰ ਫੁਟਿਓ ਨਿਹਚੈ ਅਰਿ ਘਾਯੋ ।

- ਗੁਣ ਬਿਨ ਪੂਜ ਨ ਹੋਵਈ ਨਹਿ ਵਿਦਿਆ ਬਿਨ ਮਾਨ ।
ਘੰਟ ਸਹਿਤ ਸੁੰਦਰ ਸੁਰਭ ਦੂਧ ਬਿਨਾ ਕਿਹ ਕਾਮ ।

ਭਾਸ਼ਾ

ਗੁਰੂ ਕਾਲ ਤੋਂ ਲੈ ਕੇ ਉਨੀਵੀਂ ਸਦੀ ਦੇ ਅਖੀਰ ਤੱਕ ਪੰਜਾਬ ਵਿੱਚ ਧਾਰਮਕ ਵਿਸ਼ਿਆਂ ਬਾਰੇ ਲਿਖਣ ਵਾਲੇ ਵਿਦਵਾਨਾਂ ਦੀ ਇਕ ਖਾਸ ਰੰਗ-ਰੂਪ ਵਾਲੀ ਭਾਸ਼ਾ ਸੀ ਜਿਸਨੂੰ ਸਾਧ ਭਾਸ਼ਾ, ਸਧੂਕੜੀ ਜਾਂ ਪੰਜਾਬੀ ਸ਼ਬਦਾਵਲੀ ਪ੍ਰਧਾਨ ਬ੍ਰਜਭਾਸ਼ਾ ਦਾ ਨਾਂ ਦਿੱਤਾ ਗਿਆ ਹੈ । ਇਹ ਅਜਿਹੀ ਭਾਸ਼ਾ ਹੈ ਜਿਸ ਨੂੰ ਲਗਭਗ ਸਾਰੇ ਉਤਰੀ ਭਾਰਤ ਵਿੱਚ ਯਤਨ-ਵਿਸ਼ੇਸ਼ ਬਿਨਾਂ ਬੜੀ ਅਸਾਨੀ ਨਾਲ ਸਮਝਿਆ ਜਾ ਸਕਦਾ ਹੈ ਕਿਉਂਕਿ ਇਹਨਾਂ ਗ੍ਰੰਥਾਂ ਵਿੱਚ ਵਰਤੀ ਗਈ ਸ਼ਬਦਾਵਲੀ ਲਗਭਗ ਸਾਰੇ ਖਿੱਤੇ ਵਿੱਚ ਲਿਖੇ ਜਾਣ ਵਾਲੇ ਗ੍ਰੰਥਾਂ ਨਾਲ ਮਿਲਦੀ ਜੁਲਦੀ ਹੈ । ਪੰਜਾਬ ਦੇ ਇਤਿਹਾਸਕ ਜਾਂ ਧਾਰਮਕ ਪ੍ਰਕਿਰਤੀ ਵਾਲੇ ਕਾਵਿ ਦੀ ਰਚਨਾ ਇਸ ਭਾਸ਼ਾ ਵਿਸ਼ੇਸ਼ ਵਿੱਚ ਹੋਈ ਹੈ । ਜੇਕਰ ਇਸ ਨੂੰ ਪੰਜਾਬ ਦੀ ਸਾਹਿਤਕ ਭਾਸ਼ਾ ਜਾਂ ਕੌਮੀ ਭਾਸ਼ਾ ਆਖ ਲਿਆ ਜਾਵੇ ਤਾਂ ਕੋਈ ਅਤਿਕਥਨੀ ਨਹੀਂ ਹੋਵੇਗੀ । ਜਨਮਸਾਖੀਆਂ, ਬੰਸਾਵਲੀਨਾਮਾ ਮਹਿਮਾਪ੍ਰਕਾਸ਼, ਪ੍ਰਾਚੀਨ ਪੰਥ ਪ੍ਰਕਾਸ਼, ਗੁਰਕੀਰਤ ਪ੍ਰਕਾਸ਼, ਗੁਰੂ ਨਾਨਕ ਬੰਸ ਪ੍ਰਕਾਸ਼, ਜਨਮ ਸਾਖੀ ਨਾਨਕ ਸਾਹ ਦੀ, ਆਦਿ ਗ੍ਰੰਥ ਇਸੇ ਵਿਸ਼ੇਸ਼ ਭਾਸ਼ਾ ਵਿੱਚ ਲਿਖੇ ਗਏ ਹਨ । ਗੁਰ ਬਿਲਾਸ ਪਾਤਸ਼ਾਹੀ ਛੇਵੀਂ ਵੀ ਇਸੇ ਭਾਸ਼ਾ ਵਿੱਚ ਲਿਖਿਆ ਗਿਆ ਹੈ ।

ਇਸ ਭਾਸ਼ਾ ਵਿੱਚ ਪਿੰਡਾ ਬ੍ਰਜ ਦਾ ਹੈ ਪਰ ਸ਼ਬਦਾਵਲੀ ਦੀ ਪ੍ਰਧਾਨਤਾ ਪੰਜਾਬੀ ਦੀ ਹੈ । ਇਸ ਲਈ ਇਹ ਭਾਸ਼ਾ ਆਮ ਪਾਠਕਾਂ ਦੀ ਸਮਝ ਵਿੱਚ ਆ ਜਾਣਯੋਗ ਬਣ ਗਈ ਹੈ ।

ਸੰਸਕ੍ਰਿਤ ਦੀ ਤਤਸਮ ਤੇ ਤਦਭਵ ਸ਼ਬਦਾਵਲੀ :

ਪੁਰਾਤਨ ਧਾਰਮਿਕ ਤੇ ਇਤਿਹਾਸਕ ਗ੍ਰੰਥ ਸੰਸਕ੍ਰਿਤ ਵਿੱਚ ਹਨ ਜਿਸ ਕਾਰਨ ਇਹਨਾਂ ਵਿੱਚ ਵਰਤੀ ਗਈ ਸ਼ਬਦਾਵਲੀ ਮਧਕਾਲੀਨ ਸਾਹਿਤ ਵਿੱਚ ਸਹਿਜ ਸੁਭਾ ਦਾਖਲ ਹੋ ਗਈ । ਭਾਈ ਭਗਤ ਸਿੰਘ ਭਾਰਤੀ ਸਾਹਿਤ ਦਾ ਅਧਿਐਨ ਕਰਨ ਵਾਲਾ ਸ਼ਰਧਾਲੂ ਸਿੱਖ ਸੀ ਜਿਸ ਕਾਰਨ ਸੰਸਕ੍ਰਿਤ ਦੀ ਕਾਫੀ ਸ਼ਬਦਾਵਲੀ ਇਸ ਦੀ ਭਾਸ਼ਾ ਵਿੱਚ ਦੇਖੀ ਜਾ ਸਕਦੀ ਹੈ ਜਿਵੇਂ ਪ੍ਰਿਥਮ, ਬੰਦੋ, ਚਰਨ, ਕਮਲ, ਗੁਣ, ਅਵਗੁਣ, ਅਉਤਾਰ, ਦਾਸ, ਜਸ, ਬਿਮਲ, ਕ੍ਰਿਪਾ, ਨਿਧੀ, ਦਯਾਸਿੰਧ, ਕਵਿ, ਪ੍ਰਸਾਦਿ, ਗਿਆਤਾ, ਉਦਾਰ, ਪ੍ਰਸਿੱਧ, ਧਰਮ, ਪਰਮ, ਉਪਮਾ, ਬਲਿ, ਸਿਧ, ਰਤਿਹੀਨ, ਨਮੋ, ਨਮ੍ਹ, ਬਿਨੈ, ਬਿਨਤੀ, ਰੂਪ, ਗ੍ਰੰਥ, ਬਿਅੰਤ, ਘਨਾ ਨੇਤਿ ਨੇਤਿ, ਚਤੁਰਾਨਨ, ਭਾਂਤਿ, ਅਨਗਨ, ਨਵਨੀਤ, ਦਵ੍ਰਤ, ਪਰਉਪਕਾਰ, ਗ੍ਰਿਹ, ਗ੍ਰਹਿ ਨਖਤ੍ਰ, ਲਗਨ, ਮਹੂਰਤ, ਸੁਭ, ਅਧੀਨ, ਪ੍ਰਸੰਗ, ਚਿਤ, ਚੰਦ, ਸੂਰ, ਰਵੀ, ਨਿਸਪਤਿ ਦਿਨਕਰ, ਤਮਅਰਿ, ਸਸਿ, ਏਕਾਦਸ, ਸਤਿਗੁਰ, ਸਿਖ, ਨਿਰਧਾਰ, ਅਪਾਰ, ਗਜ, ਪਿਕਬੈਨ, ਹਰਖੀ, ਪੰਥ, ਸ੍ਰਮ, ਖੇਦ, ਸੋਮ, ਸੰਤਾਪ, ਬੰਦਨ, ਚਰਣਾਮ੍ਰਿਤ, ਗਾਂਵ, ਨਗਰ, ਸਾਜ, ਅਸਵ, ਹਸਤੀ, ਲਘੁ, ਰਿਸ, ਕ੍ਰੋਧ, ਕਰੂਰ, ਰਥ, ਨਾਰਿ, ਦ੍ਰਿਸ਼ਟਾਰਾ, ਪ੍ਰਭੁਤਾਈ, ਰਰੀ, ਰਾਰ, ਸ੍ਰਾਪ, ਅਲਾਈ, ਦਾਸ, ਪਾਇਨ, ਨਾਂਗੇ, ਸਿਖਿਆ, ਭੋਜ, ਮਲੇਛ, ਬਾਗਾਂ, ਰੂਪ, ਪੂਰਖ, ਮਹਿਮਾ, ਸੁਰਗ, ਸਵਰਗ, ਪਰਿਵਾਰ, ਰੁਦਰ, ਬ੍ਰਹਮ-ਰਿਖੀ,

ਨੈਨ, ਪੀਲਾ, ਪੀਤਾਬਰ, ਮਦ, ਉਦਰ, ਕ੍ਰਿਸ਼ਨਾ ਪੱਖ, ਉਤਸਵ, ਗਿਰਾ, ਅਬਲਾ, ਵਣ
ਤ੍ਰਿਵ, ਪਰਬਤ, ਮੰਗਲ, ਕਲਯਾਣ, ਅਨਾਦਿ, ਅਚਿੰਤ, ਮਨਚਿੰਦੀਆ, ਭੀਤਰ, ਅਵਤਾਰਿਨ,
ਤਮ, ਅੰਧਕਾਰ, ਕਲਯਾਣ, ਦਿਨਪਤਿ, ਰੀਤਿ, ਪ੍ਰਸੂਤ, ਅੰਜਨ, ਦੇਵ, ਸੁਰ, ਅਸੁਰ
ਸੁਧਾਸਰ, ਦੇਵਾਂਗਨ, ਬਿਸੁਧਾ, ਦੁਸ਼ਟਾਤਮ, ਅਰਥ, ਆਹਾਰ, ਰਿਖੀ, ਧੰਨ, ਗੋ, ਗਰੇਲ,
ਸੇਸ, ਸਮ, ਨਿਜਪਦ, ਕੁਟਿਲ, ਪ੍ਰਬੀਨ, ਤ੍ਰਸਤਿ, ਅਮੋਘ, ਚਿਤਵਿਤ, ਸੁਖਸਿੰਧ, ਬਿਬਾਨ
ਸੁਜਸ, ਅਪਜਸ, ਕੀਰਤਿ, ਬਿਤ੍ਰ, ਵਿਜ, ਮ੍ਰਿਜਾਦਾ, ਉਪਲੰਭ, ਆਦਿ ।

ਅਰਬੀ ਫਾਰਸੀ ਦੀ ਤਤਸਮ ਤੇ ਤਦਭਵ ਸ਼ਬਦਾਵਲੀ :

ਮੁਸਲਮਾਨਾਂ ਦੇ ਭਾਰਤ ਵਿਚ ਪ੍ਰਵੇਸ਼ ਹੋਣ ਨਾਲ ਉਹਨਾਂ ਦੀ ਮੂਲ ਭਾਸ਼ਾ ਅਰਬੀ-
ਫਾਰਸੀ ਦੀ ਸ਼ਬਦਾਵਲੀ ਭਾਰਤੀ ਭਾਸ਼ਾਵਾਂ ਵਿੱਚ ਪ੍ਰਵੇਸ਼ ਕਰ ਗਈ । ਪੰਜਾਬੀ ਭਾਸ਼ਾ ਵੀ
ਅਪਵਾਦ ਨਹੀਂ । ਇਸ ਵਿਚ ਅਰਬੀ-ਫਾਰਸੀ ਦੇ ਅਣਗਿਣਤ ਸ਼ਬਦ ਸਮਾ ਗਏ । ਭਾਈ
ਭਗਤ ਸਿੰਘ ਨੇ ਵੀ ਕਈ ਅਰਬੀ-ਫਾਰਸੀ ਸ਼ਬਦਾਂ ਦੀ ਵਰਤੋਂ ਕੀਤੀ ਹੈ ਜਿਵੇਂ :

ਫਤੈ, ਮਨਸਬ, ਮੋਰਚਾ, ਪੀਰ, ਸੀਰਨੀ, ਮੁਹਿੰਮ, ਮੁਰੀਦ, ਬਾਦਸ਼ਾਹ, ਪਾਤਸ਼ਾਹ,
ਵਜ਼ੀਰ, ਤਲਕਾ, ਫੁਰਮਾਯਾ, ਤੁਰਕ, ਮੀਰੀ, ਪੀਰੀ, ਕਾਗਤ, ਦਾਤ, ਦਾਸ, ਤੁਰਹੀ,
ਪਠਾਨ, ਛਾਵਨੀ ਫੀਲ, ਨਜ਼ਰ, ਹੁਕਮ, ਸੁਲਤਾਨ, ਪੇਸ਼, ਯਾਦ, ਰਿਸ਼ਵਤ, ਖਾਨ,
ਚਜ਼ਾਰ, ਬੰਦਗੀ, ਪਟਾ, ਭਿਸਤ, ਹੂਰ, ਅਰਦਾਸ, ਖਾਸਾ, ਤੂਤੀ, ਜੁਰਰੇ, ਬਾਜ਼,
ਲਾਗੜ, ਜੁਹਾਰ, ਗਰੀਬ ਨਿਵਾਜ਼, ਸ਼ਹਰ, ਆਸਾ, ਜੁਲਾਹਾ, ਜੁਲਾਹੀ, ਜੋਰੂ, ਤਖਤ,
ਕਨਾਤ, ਤੰਬੂ, ਦੀਵਾਨ, ਸਿਤਾਬੀ, ਅਵਲ, ਸ਼ਿਕਾਰ, ਹਜ਼ੀਰ, ਤੁਪਕ, ਨੇਜਾ, ਦਰਵਾਜ਼ਾ,
ਤੁਰਕ, ਤੇਗ, ਰੂਹ, ਪਠਾਨ, ਪੁਸ਼ਾਕ, ਮੀਰ, ਚੀਰਾ, ਸੁਫੈਦ, ਮਸਨੰਦ, ਦਮਾਦ, ਸੂਬਾ,
ਅਫਗਾਨ, ਫਰਿਆਦ, ਮਸਾਲ, ਮਹਲ, ਮੁਰਗੀ, ਕਿਆਮਤ, ਖੁਦਾਇ, ਮੁਸਾਹਿਬ, ਗੁਲੇਲ,
ਆਦਿ ।

ਕਵੀ ਨੇ ਕਈ ਸੁੰਦਰ ਸਮਾਸ ਵੀ ਵਰਤੇ ਹਨ ਜਿਵੇਂ ਗਜਪਤਿ, ਚਰਨ-ਕਮਲ,
ਕਿਰਪਾ ਸਿੰਧ, ਦਯਾਸਿੰਧ ਕਰੁਣਾਨਿਧਾਨ, ਦਯਾਸਾਗਰ, ਸੁਖ ਸਾਗਰ ਆਦਿ ।

ਇਵੇਂ ਕਵੀ ਨੇ ਕਈ ਸ਼ਬਦਾਂ ਦੀ ਵਰਤੋਂ ਬੜੇ ਕਲਾਤਮਕ ਢੰਗ ਨਾਲ ਕੀਤੀ ਹੈ
ਜਿਵੇਂ ਸੂਰਜ ਲਈ ਰਵੀ, ਦਿਨਪਤਿ ਤਮਅਰਿ, ਦਿਨਕਰ, ਚੰਦਰਮਾ ਲਈ ਨਿਸਪਤਿ,
ਸੂਰਜਮਲ ਲਈ ਰਵਿਮਲ, ਪ੍ਰਿਥੀ ਚੰਦ ਲਈ ਪ੍ਰਿਥੀ ਸਸਿ ਆਦਿ । ਸਿੰਘ ਲਈ ਕੇਹਰ ਜਾਂ
ਨਾਹਰ ਆਦਿ ।

ਕਵੀ ਨੇ ਸ਼ਬਦ ਜੋੜਾਂ ਦੀ ਇਕਸਾਰਤਾ ਵਲ ਧਿਆਨ ਨਹੀਂ ਦਿਤਾ । ਹੋ ਸਕਦਾ ਹੈ
ਇਹ ਉਕਾਈਆਂ ਉਤਾਰਾ ਕਰਨ ਵਾਲਿਆਂ ਦੀਆਂ ਹੋਣ । ਇਕ ਸ਼ਬਦ ਕਈ ਰੂਪਾਂ ਵਿਚ
ਲਿਖਿਆ ਹੈ ਜਿਵੇਂ ਪ੍ਰਕ੍ਰਮਾ, ਪਰਿਕ੍ਰਮਾ, ਪਰਕਰਮਾ, ਪ੍ਰੀਵਾਰ, ਪਰਵਾਰ, ਪਰਿਵਾਰ,
ਦਮੋਦਰੀ-ਦਮੋਦੀ, ਨਿਸ, ਨਿਸਿ, ਸਿਧ, ਸਿਧਿ, ਕੋ ਕੋ ਕਉ, ਅਸਵ, ਅਸੂ, ਬਿਪ, ਬਿਪਰ,
ਬਿਪ੍ਰ, ਦਿਜ, ਦਿਵਜ, ਦਿਵਜ ਦੀਯੋ, ਦੀਓ, ਕਯੋ, ਕੀਯੋ, ਆਦਿ ।

ਇਸ ਗ੍ਰੰਥ ਦੀ ਭਾਸ਼ਾ ਬ੍ਰਜਭਾਸ਼ਾ ਦੇ ਰੰਗ ਰੂਪ ਵਾਲੀ ਹੁੰਦੀ ਹੋਈ ਵੀ ਪੰਜਾਬੀ ਦੇ
ਬਹੁਤ ਨੇੜੇ ਦੀ ਭਾਸ਼ਾ ਹੈ ਤੇ ਇਸ ਭਾਸ਼ਾ ਨੂੰ ਜੇਕਰ ਮਧਕਾਲੀਨ ਪੰਜਾਬੀ ਜਾਂ ਉਤਰ ਭਾਰਤ

ਦੀ ਰਾਸ਼ਟਰੀ ਭਾਸ਼ਾ ਆਖ ਲਿਆ ਜਾਵੇ ਤਾਂ ਗਲਤ ਨਹੀਂ ਹੋਵੇਗਾ।

ਸੰਪਾਦਨ ਵਿਧੀ

ੳ ਪੋਥੀ

ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ ਦਾ ਸੰਪਾਦਨ ਕਰਨ ਲਈ ਸਰਦਾਰ ਹਰਚੰਦ ਸਿੰਘ, ਸੁਨਾਮ ਪਾਸ ਸੁਰਖਿਅਤ ਗ੍ਰੰਥ ਨੂੰ ਆਧਾਰ ਪੋਥੀ ਬਣਾਇਆ ਹੈ। ਇਹ ਸੁੰਦਰ ਹੱਥ ਲਿਖਤ ਹੈ ਜਿਸ ਦੇ 390 ਪਤਰੇ ਹਨ। ਇਸ ਦਾ ਆਕਾਰ $13\frac{1}{4}'' \times 8\frac{1}{4}''$ ਹੈ। ਇਸ ਦੇ ਹਾਸ਼ੀਏ ਵਿੱਚ ਕਈ ਥਾਂਈ ਸੁਧਾਈ ਕੀਤੀ ਗਈ ਹੈ। ਹੜਤਾਲ ਫੇਰ ਕੇ ਵੀ ਕਈ ਸ਼ਬਦ ਸੁਧ ਕਰਕੇ ਲਿਖੇ ਗਏ ਹਨ। ਇਸ ਦਾ ਉਤਾਰਾ 1839 ਈਸਵੀ ਵਿੱਚ ਕੀਤਾ ਗਿਆ ਹੈ।

ਅ ਪੋਥੀ

ਇਹ ਪੋਥੀ ਡਾ. ਰਾਮ ਸਿੰਘ, ਭੋਗਪੁਰ ਪਾਸ ਸੁਰਖਿਅਤ ਹੈ। ਇਸ ਵਿਚ 410 ਪੰਨੇ ਹਨ ਤੇ ਆਕਾਰ $10\frac{1}{4}'' \times 7\frac{1}{4}''$ ਹੈ। ਹਾਸ਼ੀਆ ਰੰਗੀਨ ਲਾਈਨਾਂ ਵਾਲਾ ਹੈ। ਇਸ ਦੀ ਸੁਧਾਈ ਹੜਤਾਲ ਫੇਰ ਕੇ ਕੀਤੀ ਗਈ ਹੈ। ਇਸ ਦਾ ਉਤਾਰਾ ਕਰਨ ਨਾਲ ਗੁਰੂ ਹਰਿਗੋਬਿੰਦ ਜੀ ਦਾ ਸਰਧਾਲੂ ਭਾਈ ਕਿਰਪਾਲ ਸਿੰਘ ਹੈ। ਇਸ ਦਾ ਪਾਠ ਕਾਫੀ ਸੁਧ ਹੈ। ਕਈ ਥਾਂਈਂ ਲਿਖਾਰੀ ਪਾਸੋਂ ਸ਼ਬਦ ਲਿਖਣੇ ਰਹਿ ਗਏ ਹਨ। ਇਹ ਪੋਥੀ ਅੰਮ੍ਰਿਤਸਰ ਵਿਖੇ 1848 ਈਸਵੀ ਵਿਚ ਲਿਖੀ ਗਈ ਹੈ।

ੲ ਪੋਥੀ

ਇਹ ਪੋਥੀ ਸਰਦਾਰ ਦਲਬੀਰ ਸਿੰਘ, ਮੁਹਾਲੀ ਪਾਸ ਸੁਰਖਿਅਤ ਹੈ। ਇਸ ਦਾ ਆਕਾਰ $10'' \times 8''$ ਹੈ। ਇਸ ਦੇ 512 ਪਤਰੇ ਹਨ। ਹਾਸ਼ੀਆ ਰੰਗੀਨ ਲਾਈਨਦਾਰ ਹੈ। ਕਈ ਥਾਂਵਾਂ ਤੇ ਹੜਤਾਲ ਫੇਰਕੇ ਸੁਧਾਈ ਕੀਤੀ ਗਈ ਹੈ। ਹਾਸ਼ੀਏ ਵਿੱਚ ਔਖੇ ਸ਼ਬਦਾਂ ਦੇ ਪਰਿਯਾਸ ਲਿਖੇ ਹੋਏ ਹਨ। ਇਸ ਦਾ ਉਤਾਰਾ ਕਰਨ ਵਾਲਾ ਆਨੰਦਪੁਰ ਸਾਹਿਬ ਦਾ ਕੋਈ ਭਾਈ ਚੇਤ ਸਿੰਘ ਹੈ ਜਿਸ ਨੇ ਕਥਾ ਵਾਰਤਾ ਕਰਨ ਲਈ ਇਹ ਪੋਥੀ ਤਿਆਰ ਕੀਤੀ ਜਾਪਦੀ ਹੈ। ਲਿਖਣ ਦਾ ਕੋਈ ਸੰਨ ਸੰਮਤ ਨਹੀਂ ਹੈ ਪਰ ਅੱਖਰਾਂ ਦੀ ਬਨਾਵਟ ਤੋਂ ਇਹ ਲਗਭਗ 150 ਸਾਲ ਪੁਰਾਣੀ ਜਾਪਦੀ ਹੈ।

ਉਪਰੋਕਤ ਤਿੰਨ ਪੋਥੀਆਂ ਨੂੰ ਆਧਾਰ ਬਣਾਕੇ ਪ੍ਰਮਾਣਿਕ ਮਤਨ ਤਿਆਰ ਕਰਨ ਦਾ ਯਤਨ ਕੀਤਾ ਗਿਆ ਹੈ।

ਪੁਰਾਤਨ ਨੂੰ ਮੁੱਖ ਰੱਖਦਿਆਂ (ੳ) ਪੋਥੀ ਨੂੰ ਆਧਾਰ ਪੋਥੀ ਮੰਨਿਆ ਹੈ। ਇਸ ਦੇ ਪਾਠ ਦਾ ਮਿਲਾਨ ਦੂਸਰੀਆਂ ਪੋਥੀਆਂ ਨਾਲ ਕੀਤਾ ਹੈ। ਜੋ ਪਾਠ ਭੇਦ ਹਨ, ਉਹਨਾਂ ਨੂੰ ਫੁੱਟਨੋਟਾਂ ਵਿੱਚ ਦੇ ਦਿੱਤਾ ਹੈ। ਜੋ ਸ਼ਬਦ ਜਾਂ ਪੰਗਤੀਆਂ (ੳ) ਪੋਥੀ ਵਿਚ ਲਿਖਣੇ ਰਹਿ ਗਈਆਂ ਉਹਨਾਂ ਨੂੰ ਦੂਸਰੀਆਂ ਪੋਥੀਆਂ ਵਿੱਚੋਂ ਮੂਲ ਪਾਠ ਵਿੱਚ ਬ੍ਰੈਕਟਾਂ () ਵਿੱਚ ਲਿਖਕੇ ਸ਼ਾਮਿਲ ਕਰ ਲਿਆ ਗਿਆ ਹੈ। ਸ਼ਬਦ ਜੋੜਾਂ ਦੇ ਫਰਕ ਨਹੀਂ ਲਿਖੇ ਗਏ ਜਿਵੇਂ ਦਮੋਦਰੀ-ਦਮੋਦ੍ਰੀ ਕੋ, ਕਉ, ਕਯੋ, ਕਿਯੋ, ਕਿਉ ਪਰ ਜਿਥੇ ਸ਼ਬਦ ਰੂਪ ਵਖਰੇ ਹਨ ਉਹ ਦਿਤੇ ਗਏ ਹਨ ਜਿਵੇਂ ਅਵਤਾਰ ਔਤਾਰ, ਅਉਤਾਰ ਜਾਂ ਪ੍ਰਕਰਮਾ, ਪ੍ਰਕ੍ਰਮਾ, ਪ੍ਰਕ੍ਰਿਮਾ ਆਦਿ।

ਲਿਖਾਰੀ ਨੇ ਕਈ ਥਾਵਾਂ ਤੇ ਛੰਦ ਸੰਖਿਆ ਗਲਤ ਲਿਖ ਦਿਤੀ ਸੀ, ਉਸ ਨੂੰ ਠੀਕ ਕਰਕੇ ਲਿਖ ਦਿਤਾ ਗਿਆ ਹੈ। ਹੋਰ ਕਿਸੇ ਪ੍ਰਕਾਰ ਦਾ ਕੋਈ ਪਰਿਵਰਤਨ ਨਹੀਂ ਕੀਤਾ ਗਿਆ। ਮੂਲ ਪੋਥੀ ਵਿਚ ਅਧਿਆਵਾਂ ਦੇ ਅਰੰਭ ਵਿਚ ਅਧਿਆਇ ਸੰਖਿਆ ਨਹੀਂ ਲਿਖੀ ਹੋਈ ਸੀ, ਉਹ ਲਿਖ ਦਿਤੀ ਹੈ ਤਾਂ ਕਿ ਪਤਾ ਲਗ ਸਕੇ ਕਿਹੜਾ ਅਧਿਆਇ ਚਲ ਰਿਹਾ ਹੈ।

8-ਦਸਮੇਸ਼ ਨਗਰ,
ਪੁਲੀਸ ਲਾਈਨ ਰੋਡ, ਪਟਿਆਲਾ।

ਗੁਰਮੁਖ ਸਿੰਘ

ਅਧਿਆਇ ਪਹਿਲਾ

ੴ ਸਤਿਗੁਰ ਪ੍ਰਸਾਦਿ

ਸ੍ਰੀ ਭਗਉਤੀ ਜੀ ਸਹਾਇ । ਸ੍ਰੀ ਅਕਾਲ ਜੀ ਸਹਾਇ । ਅਬ ਗੁਰ ਬਿਲਾਸ ਲਿਖਯਤੇ ॥

ਦੋਹਰਾ

ਨਮਸਕਾਰ ਸ੍ਰੀ ਗੁਰੂ ਕੇ ਬੰਦੇ ਬਾਰੰਬਾਰ ।
ਜਾਕੀ ਕ੍ਰਿਪਾ ਕਟਾਖ ਤੇ ਉਤਰੇ ਸਾਗਰ ਪਾਰ ।

ਛਪੈ ਛੰਦ

ਪ੍ਰਿਥਮ ਬੰਦੇ ਪਾਰਬ੍ਰਹਮ ਗੁਰੂ ਨਾਨਕ ਸੁਖ ਸਾਗਰ ।
ਦੱਸਮ ਗੁਰੂ^੧ ਕੇ ਚਰਨ ਕਮਲ ਬੰਦੇ ਗੁਣ ਆਗਰ ॥
ਬਹੁਰ ਬੰਦ ਸਬ ਸੰਤ ਨਿਤ ਅਉਤਾਰ ਧਾਰਿ ਹਰਿ ।
ਅਖਰ ਦਾਤਾ ਗੁਰ ਗਿਰਾ ਪਗ ਪਰਉ ਜੋਰ ਕਰ ॥
ਇਹਿ^੨ ਦਾਨ ਦੀਜੈ ਪ੍ਰਭੂ ਹਰਿ ਗੋਬਿੰਦ ਗੁਰ ਜਸ ਕਰਨਿ ।
ਬਿਮਲ ਬੁਧ ਦੇਹੁ ਕ੍ਰਿਪਾ ਕਰ ਪਰਉ ਦਾਸ ਕਾਵਿ ਤਵਿ ਸਰਨਿ^੩ ॥ ॥ 1 ॥
ਹਰਿ ਗੋਵਿੰਦ ਗੁਰ ਰੂਪ ਕਥੇ ਕਵਿ ਪਾਰ ਨ ਪਾਵਨ ।
ਸੁੰਦਰ ਚਰਿਤ ਅਪਾਰ ਸਦਾ ਜਿਹ ਸੰਤ ਧਿਆਵਨ ॥
ਮਮ^੪ ਬੁਧ ਬਲ ਕਛ ਨਾਹਿ ਕਹੇ ਕੈਸੇ ਤਿਹ ਪਾਉ ।
ਅਹਿਨਿਸ ਇਛਾ ਰਹਿਤ ਸਦਾ ਇਨ ਕਾ ਜਸ ਗਾਉ ॥
ਬਿਮਲ ਬੁਧ ਦੀਜੈ ਪ੍ਰਭੂ ਦਾਸ ਜਾਨ ਕਰਣਾ^੫ ਧਰੋ ।
ਬਾਰ ਬਾਰ ਬੰਦ ਗੁਰ ਜਿਹ ਪ੍ਰਸਾਦਿ ਗੁਰ ਜਸ ਕਰੋ ॥ 2 ॥

ਦੋਹਰਾ

ਗੁਣਾਗਣ ਗਿਆਤਾ ਨਹੀਂ ਨਹਿ ਕਛੁ ਬੁਧ ਉਦਾਰ ।
ਪਰਮ ਸਿੰਧ ਗੁਰ ਜਸ ਭਰਾ ਕੈਸ ਉਤਰੋ^੬ ਪਾਰ ॥ 3 ॥
ਜਗਤ ਨਾਥ ਪ੍ਰਸਿਧ ਏਹ ਸਰਨਿ ਪਰੈ ਕੀ ਲਾਜ ।
ਦਾਸ ਜਾਨ ਰਛਾ ਕਰੈ ਗੁਰੂ ਗਰੀਬ ਨਿਵਾਜ ॥ 4 ॥

^੧ਅ. ਪ੍ਰੋਥੀ ਕਲਗੀਧਰ ^੨ੲ ਪੋਥੀ ਇਹੈ ^੩ਅ ਪੋਥੀ ਚਰਨ ^੪ੲ ਪੋਥੀ ਹਮਰੋ ^੫ਅ ਪੋਥੀ ਰਛਯਾ ^੬ੲ ਪੋਥੀ ਪਾਵਹੁ

ਸਵੈਯਾ

ਸ੍ਰੀ ਗੁਰੂ ਨਾਨਕ ਕੀ ਉਪਮਾ ਸਮ ਸਿੰਧ ਕੋਉ ਕਵਿ¹ ਪਾਰ ਨਾ ਪਾਵੇ ।
 ਨੇਤ ਹੀ ਨੇਤ ਸੁ ਬੇਦ ਰਟੈ ਸਦ ਸਿੰਧ ਸਭੀ ਜਿਨ ਕੇ ਬਲਿ ਜਾਵੇ ।
 ਹਉ ਸੁ ਆਜਾਨ ਮਹਾਂ ਮਤਿਹੀਨ ਕਛੁ ਗੁਣ ਕੀ ਕਵਿ ਪਾਰ ਨਾ ਪਾਵੇ ।
 ਤਾਂਤੇ ਹਉ ਚਰਨ ਨਮੋ ਗੁਰ ਕੇ ਗੁਰ ਨਾਨਕ ਜੀ ਸਦ ਰਛ ਕਰਾਵੇ ॥ 5 ॥
 ਸ੍ਰੀ ਗੁਰੂ ਅੰਗਦ ਰੂਪ ਮੁਰਾਰਿ ਕਥਾ ਸੁ ਅਪਾਰ ਕਹਾ ਲੋ² ਸੁਨਾਉ ।
 ਅਮਰ ਗੁਰੂ ਪ੍ਰਕਾਸ ਹਰੀ ਜਗੁ ਸਿੰਧ ਸਮਾਨ ਕਥਾ ਕਥ ਗਾਉ³ ॥
 ਦਾਸ ਸੁ ਰਾਮ ਗੁਰੂ ਅਭਿਰਾਮ ਸੁ ਪੂਰਨ ਕਾਮ ਕਹਾਂ ਜਸੁ ਪਾਉ ।
 ਤਾਂ ਤੇ ਹਉ ਚਰਨ ਨਮੋ ਗੁਰੂ ਕੇ ਅਵਿਲੰਬਤ ਹੂੰ ਗੁਰ ਕਾ ਜਸ ਧਿਆਉ⁴ ॥ 6 ॥

ਦੋਹਰਾ

ਸ੍ਰੀ ਗੁਰ ਅਰਜੁਨ ਦੇਵ ਕੇ ਸੁੰਦਰ ਚਰਿਤ ਅਪਾਰ ।
 ਕਛੁ ਭਾਖੋ⁵ ਜੋਈ ਕਹੇ ਮਨੀ ਸਿੰਘ ਸੁਖ ਕਾਰ ॥ 7 ॥

ਕਬਿੱਤ

ਗੁਰ ਕੇ ਪ੍ਰਸਾਦਿ ਬੁਧ ਹੋਤ ਹੈ ਪ੍ਰਗਾਸ ਜਬ,
 ਤਿਮਰ ਅਰਯਾਨ ਗੁਰ ਕਿਪਾ ਤੇ ਬਿਨਾਸ ਹੈ ।
 ਗੁਰ ਕੇ ਪ੍ਰਸਾਦਿ ਪ੍ਰੇਮ ਪ੍ਰੀਤ ਹੂੰ ਅਧਿਕ ਬਢੇ,
 ਗੁਰ ਕੀ ਕ੍ਰਿਪਾ ਤੇ ਰਿਦ ਗਿਆਨ ਕੋਨਿਵਾਸ ਹੈ ।
 ਐਸੇ ਸੁ ਗੋਵਿੰਦ ਹਰਿ ਗੁਰ ਸਦਾ⁶ ਦੁਖ ਹਰ,
 ਇਨੈ ਜਸੁ ਕਹਉ ਦਿਨ ਰੈਨ ਹੀ-ਹੁਲਾਸ ਹੈ ।
 ਗੁਰੂ ਹਰਿਰਾਇ ਜਸੁ ਮੋਹਿ ਤੇ ਨ ਕਹਿਓ ਜਾਇ,
 ਸਦਾ ਸੀਲਵੰਤ ਜਸੁ ਜਗੁ ਮਾਹਿ ਪ੍ਰਕਾਸ ਹੈ⁷ ॥ 8 ॥

ਦੋਹਰਾ

ਸ੍ਰੀ ਹਰਿ ਕ੍ਰਿਸ਼ਨ ਅਪਾਰ ਕਥ ਬਾਲ ਗੁਰੂ ਸੁਖ ਖਾਨ ।
 ਬਚਨ ਰਾਖ ਤਨ ਪਰ ਹਰਿਓ ਬਾਬਾ ਸਬਦ ਬਖਾਨ ॥ 9 ॥

ਛਪੈ

ਗੁਰੂ ਤੇਗ ਬਹਾਦਰ ਕੇ ਚਰਿਤ ਦੀਨਨਿ ਸੁਖਦਾਇਕ ।
 ਮਮ⁸ ਪਪੀਲਕਾ ਤੁਛ ਸਿੰਧ ਕੋ ਕਥ ਹਮ ਲਾਇਕ ।
 ਦਸਮ ਗੁਰੂ ਸੁਤ ਜਾਸ ਨਾਮ ਗੋਬਿੰਦ ਮ੍ਰਿਗਾਦਿ ਪਤਿ ।
 ਦੇਗ ਤੇਗ ਕੋ ਧਨੀ ਕੀਨ ਸਭ ਤੁਰਕ⁹ ਜਾਸ ਹਤਿ ।
 ਚਾਰੋ ਬਰਨ ਮਿਲਾਇ ਕਰ ਏਕ ਰੂਪ ਜਿਨ ਕਰ ਦੀਏ ।
 ਬਾਰ ਬਾਰ ਬੰਦਉ ਸਦਾ ਚਰਨ ਕਮਲ ਤਿਹ ਧਰ ਹੀਏ ॥ 10 ॥

¹ਏ ਪੋਥੀ ਜਨ, ਅ ਪੋਥੀ ਨਰ ²ਅ ਪੋਥੀ ਲਗ ³ਅ ਪੋਥੀ ਗਾਉਂ ⁴ਏ ਪੋਥੀ ਆਖੋਂ ⁵ਅ ਤੇ ਏ. ਪੋਥੀ ਗੁਰ
 ਚਰਿਤਗੋਬਿੰਦ ⁶ਅ ਪੋਥੀ ਪਰਗਾਸ ⁷ਏ ਪੋਥੀ ਮੋਹੇ ⁸ਏ ਪੋਥੀ ਮੁਗਲ

ਦੋਹਰਾ

ਪ੍ਰਿਥਮ ਸਿਮਰ ਸ੍ਰੀ ਚੰਡਕਾ ਵਰਦਾਤੀ ਸੁਖਦਾਨਿ ।
 ਮੰਗਲ ਕਰਨ ਕਿਲਵਿਖ ਹਰਨ ਸਭ ਸੰਤਨਿ ਕੇ ਪ੍ਰਾਨ ॥ 11 ॥
 ਹਰਿ ਗੋਵਿੰਦ ਗੁਰ ਜਸੁ ਕਹਉ ਮੋ ਮਨ ਬਢਿਓ¹ ਉਮਾਹ ।
 ਸਤਿਗੁਰ ਆਪ ਪੂਰਨ ਕਰਹਿ ਮੋਰ ਚਿਤ ਕੀ ਚਾਹ ॥ 12 ॥
 ਮਨੀ ਸਿੰਘ ਬਰਨਿਨ ਕਰੀ ਜੈਸ ਕਥਾ ਸੁਖਮਾਨ ॥
 ਸੋ ਪ੍ਰਸੰਗ ਬਰਨਨ ਕਰਉ ਸੁਨੋ ਸੰਤ ਧਰਿ² ਧਿਆਨ ॥ 13 ॥

ਚੌਪਈ

ਗੁਰ ਨਾਨਕ ਅਸਥਾਨ ਉਦਾਰੈ । ਨਾਨਕਸਰ ਚਿਰ ਨਾਮ ਅਪਾਰੈ ।
 ਜੋਉ ਜਾਇ ਤਹਿ ਮਜਨ ਕਰੈ । ਕਲੁਖ ਨਸਾਇ ਮੁਕਤਿ ਹੂੰ ਪਰੈ ॥ 14 ॥
 ਤਹਿ ਵਾਸੀ ਭਗਤਿ ਸਿੰਘ ਪਛਾਨ । ਮਨੀ ਸਿੰਘ ਕਾ ਸੇਵਕ ਜਾਨ ॥
 ਅਹਿ ਨਿਸ ਸਦ³ ਗੁਰ ਕਾ ਜਸ ਗਾਵੈ । ਔਰ ਬਾਤ ਤਿਹ ਚੀਤ⁴ ਨਾ ਭਾਵੈ ॥ 15 ॥
 ਏਕ ਸਮੇਂ ਮਨੀ ਸਿੰਘ ਉਦਾਰ । ਨਾਨਕਸਰ ਕੇ ਅਏ ਦੀਦਾਰ ॥
 ਸੰਗਤਿ ਸਾਥਿ ਘਨੀ ਤਿਹ⁵ ਆਈ । ਪਦ ਪੰਕਜ ਗੁਰ ਕੇਰ ਲੁਭਾਈ ॥ 16 ॥
 ਭਾਂਤਿ ਭਾਂਤਿ ਚੌਂਕੀ ਸਿਖ ਕਰੈਂ । ਗੁਰ ਨਾਨਕ ਜਸ ਮੁਖ ਤੇ ਰਹੈ ।
 ਰਾਗੀ ਮੁਖ ਤੇ ਰਾਗ⁶ ਉਚਾਰੈ । ਭਾਈ ਵਾਰ ਪੜਹਿ ਹਿਤ ਧਾਰੈ ॥ 17 ॥

ਦੋਹਰਾ

ਤਿਸੀ ਸਮੇਂ ਮਨੀ ਸਿੰਘ ਜੀ ਬੈਠੇ ਆਨੰਦ ਪਾਇ ।
 ਭਗਤ ਸਿੰਘ ਸੋਭਤਿ ਨਿਕਟ ਚਰਨ ਕਮਲ ਮਨੁ ਲਾਇ ॥ 18 ॥
 ਤਬ ਦਿਵਾਨ ਸੁੰਦਰ ਲਗੇ ਮਨੋ ਦੇਵ ਤਨ ਧਾਰ ।
 ਪਉੜੀ ਭਾਈ ਵਾਰ ਕੀ ਰਾਗੀ ਮੁਖਹੁ ਉਚਾਰ ॥ 19 ॥

ਚੌਪਈ

ਪੰਜ ਪਿਆਲੇ ਪੰਜ ਪੀਰਾਰੀ । ਛਠਮ ਪੀਰ ਬੈਠਾ ਗੁਰ ਭਾਰੀ ।
 ਅਰਜਨ ਕਾਇਆ ਪਲਟਿ ਧਰਾਈ । ਮੂਰਤਿ ਹਰਿ ਗੋਬਿੰਦ ਬਨਾਈ ॥ 20 ॥
 ਚਲੀ ਪੀੜੀ ਸੋਢ ਬੰਸਾਰੀ । ਰੂਪ ਦਿਖਾਵਨ ਵਾਰੋ ਵਾਰੀ ।
 ਦਲ ਭਜੰਨ ਗੁਰ ਸੂਰ ਅਪਾਰਾ । ਬਡ ਜੋਧਾ⁷ ਗੁਰ ਪਰ ਉਪਕਾਰਾ ।
 ਐਸ ਬਚਨ ਜਬ ਰਾਗੀ ਕਹੇ । ਭਗਤਿ ਸਿੰਘ ਮਨ ਚਿੰਤਾ ਲਹੇ ।
 ਹਾਥ ਜੋਰ ਅੰਚਰ⁸ ਗਰਿ ਡਾਰਾ । ਮਨੀ ਸਿੰਘ ਕੇ ਅਗਰ ਉਚਾਰਾ ॥ 21 ॥
 ਹੈ ਪ੍ਰਭ ਦੀਨਾ ਨਾਥ ਸਹਾਈ । ਮਮ ਮਨ ਚਿੰਤਾ ਅਧਿਕ ਬਸਾਈ ।
 ਪਾਂਚ ਗੁਰੁ ਸੁਧ ਸ਼ਾਂਤ ਰਹਾਏ । ਛਠਮ ਗੁਰ ਕਿਮ⁹ ਜੁਧ ਕਰਾਏ ॥ 22 ॥

¹ਅ ਪੋਥੀ ਉਮਗਿਓ ²ਏ ਪੋਥੀ ਲਾਇ ³ਅ ਤੇ ਏ ਪੋਥੀ ਸ੍ਵਾਸ ਸ੍ਵਾਸ ⁴ਅ ਪੋਥੀ ਮਨਹਿ ⁵ਏ ਪੋਥੀ ਤਿਨ
⁶ਅ ਪੋਥੀ ਬਾਣੀ ⁷ਅ ਤੇ ਏ ਪੋਥੀ ਬੀਰ ⁸ਅ ਪੋਥੀ ਪਲੂ ⁹ਏ ਪੋਥੀ ਕਤ

ਦੋਹਰਾ

ਨਿਜ ਮੁਖ ਅਸ¹ ਗੁਰਦਾਸ ਕਹਿਓ ਛਠਮ ਗੁਰੂ ਬਲਕਾਰ ।
 ਬਡ ਜੋਧਾ ਉਪਕਾਰ ਕਰ ਮੂਰਤਿ ਅਪਰ ਅਪਾਰ ॥ 23 ॥
 ਅਸ ਸੰਸਾ ਮੋ ਮਨ ਭਯੋ ਹੇ ਗੁਰ ਹਰੋ ਕ੍ਰਿਪਾਲ ।
 ਤ੍ਰਾਹਿ ਤ੍ਰਾਹਿ ਕਰ ਭਿਰ² ਪਰਾ ਰਛਾ ਕਰੋ ਬਿਸਾਲ ॥ 24 ॥

ਚੌਪਈ

ਮਨੀ ਸਿੰਘ ਮਨਿ ਆਨੰਦ ਪਾਯੋ । ਹੂੰ ਪ੍ਰਸੰਨ ਅਸ ਬਚਨ ਅਲਾਯੋ ।
 ਉਠਹੁ ਉਠਹੁ ਹੇ ਪਰਉਪਕਾਰੀ । ਯਾਦ ਕਰਾਈ ਕਥਾ ਅਪਾਰੀ ॥ 25 ॥
 ਕਪਟ ਤੁਮਾਰ ਸਭੀ ਮੋਹਿ³ ਜਾਨਾ । ਸੁਨੇ ਚਹੋਂ ਸਤਿਗੁਰ ਗੁਣ ਨਾਨਾ ।
 ਸੁਨ ਅਬ ਤੋ ਸਉ⁴ ਕਥਾ ਉਚਾਰੋ⁵ । ਤੁਮਰੇ ਚਿਤ ਕੋ ਭਰਮ ਨਿਵਾਰੋ⁶ ॥ 26 ॥
 ਸ੍ਰੀ ਗੋਬਿੰਦ ਸ੍ਰਿਗੋਸ ਕ੍ਰਿਪਾਲਾ । ਕਥਾ ਸੁਨਾਈ ਅਨਿਕ ਬਿਸਾਲਾ ।
 ਦਯਾ ਸਿੰਘ ਜੀ ਸੁਨ ਸੁ ਪ੍ਰੇਮਾ । ਇਕ ਚਿਤ ਦਿੜ੍ਹ ਆਸਨ ਨਿਤਨੇਮਾ ॥ 27 ॥
 ਤਿਨੈ ਕ੍ਰਿਪਾ ਕਰਿ ਮੋਹਿ ਸੁਨਾਈ । ਕਥਾ ਗੁਰ ਕੀ ਅਤਿ ਸੁਖਦਾਈ ।
 ਅਬ ਕਰਹੋਂ ਸੋ ਕਥਾ ਉਚਾਰਾ । ਭਗਤਿ ਸਿੰਘ ਸੁਨੀਏ ਨਿਰਧਾਰਾ ॥ 28 ॥

ਦੋਹਰਾ

ਗੁਰ ਨਾਨਕ ਅੰਗਦ ਗੁਰੂ⁷ ਅਮਰਦਾਸ ਗੁਣਵੰਤ ।
 ਰਾਮਦਾਸ ਪੂਰਨ ਪੁਰਖ ਜਾਂਕੀ ਕਥਾ ਬਿਅੰਤ ॥ 29 ॥
 ਤੀਨ ਪੁਤਰ ਤਿਨ ਤੇ ਭਏ ਪ੍ਰਿਥੀਆ⁸ ਬਡੋ ਬਖਾਨ ।
 ਮਹਾਂਦੇਵ ਅਰਜੁਨ ਗੁਰੂ ਕਥਾ ਜਾਂਹਿ ਸੁਖ ਖਾਨ ॥ 30 ॥

ਚੌਪਈ

ਭਗਤਿ ਸਿੰਘ ਤਬ ਬਿਨਤਿ ਉਚਾਰੀ । ਹੇ ਗੁਰ ਇਹੁ ਇਛਾ ਮਮ ਭਾਰੀ ।
 ਹਰਿ ਗੋਬਿੰਦ ਕਾ ਜਨਮ ਸੁ ਕਹੋ । ਬਹੁਰ ਬਾਲ ਲੀਲਾ ਸੁਖ ਲਹੋ ॥ 31 ॥
 ਬਹੁਰ ਕਹੋ ਕਸ⁹ ਜੁਧ ਕਰਾਯੋ । ਪਰਉਪਕਾਰ ਕੀਨ ਜਸ ਪਾਯੋ ।
 ਅਸ ਕਹਿ ਭਯੋ ਖਮੋਸ ਮਨੀਖਾ । ਮਨੀ ਸਿੰਘ ਬੋਲੇ ਅਸ ਦੀਖਾ ॥ 32 ॥
 ਗੁਰ ਅਰਜਨ ਗੁਣ ਕਛਕ ਉਚਾਰਹੁ । ਬਹੁਰੇ ਹਰਿਗੋਬਿੰਦ ਗਥ ਧਾਰਉ ।
 ਐਸ ਕਹਿ ਅੰਤਰ ਧਿਆਨ ਸੁ ਭਏ । ਗੁਰ ਕੋਤਕ¹⁰ ਸਿਮਰਨ ਸਭ ਕਏ ॥ 33 ॥

ਦੋਹਰਾ

ਗਦ ਗਦ ਹੂੰ ਮੁਖ ਕਮਲ ਤੇ ਐਸੇ ਕੀਨ ਉਚਾਰ ।
 ਭਗਤਿ ਸਿੰਘ ਸਨਮੁਖ ਸੁਨਹੋ ਇਕ ਚਿਤ ਆਸਨ ਧਾਰ ॥ 34 ॥
 ਰਾਮਦਾਸ ਪੂਰਨ ਪੁਰਖ ਸਮਾ ਅੰਤ ਨਿਜ ਜਾਨਿ ।
 ਨਿਜ ਗੁਰਿਆਈ ਤਬ ਦਈ ਅਰਜਨ ਗੁਰੂ ਪਛਾਨਿ ॥ 35 ॥

¹ਏ ਪੋਥੀ ਸ੍ਰੀ⁵ ²ਏ ਪੋਥੀ ਚਰਨਿ ³ਅ ਪੋਥੀ ਹਮ ⁴ਏ ਪੋਥੀ ਤੁਮਹਿ ⁵ਅ ਪੋਥੀ ਸੁਨਾਉ ⁶ਅ ਪੋਥੀ
 ਗਵਾਉ ⁷ਏ ਪੋਥੀ ਗੁਰ ⁸ਅ ਪੋਥੀ ਪ੍ਰਿਥੀ ਚੰਦ ⁹ਏ ਪੋਥੀ ਕਿਮ ¹⁰ਅ ਤੇ ਏ ਪੋਥੀ ਕੋ ਚਰਿਤ

ਚੌਪਈ

ਗੁਰ ਅਰਜਨ ਗੁਰਿਆਈ ਪਾਏ । ਕਿਤਕ ਦਿਵਸ ਇਹ ਭਾਂਤਿ ਬੀਤਾਏ ।
 ਰਾਮਦਾਸ ਗੁਰ ਨਿਜ ਪਦ ਪਾਯੋ । ਸ੍ਰੀ ਅਰਜਨ ਤਬ ਗੁਰੂ ਕਹਾਯੋ ॥ 36 ॥
 ਦੇਸ ਦੇਸ ਕੀ ਸੰਗਤਿ ਆਵੈ । ਭਾਂਤਿ ਭਾਂਤਿ ਕੇ ਦੂਬ ਚੜਾਵੈ ।
 ਗੁਰ ਅਰਜਨ ਕੀ ਕਥਾ ਅਪਾਰਾ । ਬਢੈ ਗ੍ਰੰਥ ਜੇ ਕਹਉ ਬਿਥਾਰਾ¹ ॥ 37 ॥
 ਪਿਛਲੇ ਚਰਿਤ ਸੁ ਕਛੁਕ ਉਚਾਰਉ । ਜਾਸ ਲਾਗੁ ਗੁਰ ਜਨਮ ਸੁਧਾਰਉ ।
 ਗੁਰ ਅਰਜਨ ਪੂਰਨ ਗੁਰ ਭਏ । ਦੁਖ ਕਲੇਸ ਸੰਗਤਿ ਕੇ ਗਏ ॥ 38 ॥
 ਕਿਤਕ ਕਾਲ ਇਹ ਭਾਂਤਿ ਬਿਤਾਯੋ । ਵੈਰ ਭਾਵ ਕਾ ਸਮਾਂ ਜੁ ਆਯੋ ।
 ਵੈਸਾਖੀ ਮੇਲਾ ਸੁਭਿ ਪਾਈ । ਦੂਰ ਦੂਰ² ਕੀ ਸੰਗਤਿ ਆਈ ॥ 39 ॥

ਦੋਹਰਾ

ਭਾਂਤਿ ਭਾਂਤਿ ਪੂਜਾ ਚੜੀ ਅਨਗਨ ਦਰਬ ਅਪਾਰ ।
 ਗੁਰ ਸਨਮੁਖ ਸਿਖ ਆਇਓ ਤੇਵਰ ਏਕ ਸੁ ਧਾਰ ॥ 40 ॥
 ਮਨ ਮਾਨਕ ਸੁੰਦਰ ਖਚੇ ਕੀਮਤ³ ਜਾਹਿ ਬਿਅੰਤ ।
 ਸੋ ਆਗੇ⁴ ਗੁਰ ਕੇ ਧਰਿਓ ਬਿਨੈ ਕੀਨ ਅਤਿਅੰਤ ॥ 41 ॥

ਚੌਪਈ

ਹੇ ਗੁਰ ਧਾਰਿ ਪ੍ਰੀਤ ਮਨ⁵ ਮਾਹੀ । ਇਹੁ ਤੇਵਰ ਆਨਿਓ ਤੁਮਿ ਪਾਹੀ ।
 ਇਸ ਕੋ ਨਿਜਿ ਮਹਲੀ ਪਹੁੰਚਯੋ । ਇਛਾ ਪੂਰਣ ਹਮਰੀ ਕਯੋ ॥ 42 ॥
 ਸਤਿਗੁਰ ਮਨ ਨਵਨੀਤ ਸਮਾਨਾ । ਤੁਰੰਤ ਦ੍ਰਵਤ ਦੁਖ ਦਾਸ ਦਿਖਾਨਾ ।
 ਤਾਂਹਿ ਇਛ ਸੋ ਐਸ ਅਲਾਯੋ । ਸੇ ਤੇਵਰ ਨਿਜ ਮਹਿਲ ਘਲਾਯੋ⁶ ॥ 43 ॥
 ਮਾਤ ਗੰਗ ਦਿਖ ਆਨੰਦ ਕੀਨੋ । ਖੁਸ਼ੀ ਤਿਹ ਸਿਖ ਕਉ ਦੀਨੋ ॥
 ਕਬ ਕਬ ਓਵਤ ਬਸਤ੍ਰ ਅਪਾਰਾ । ਦੇਵਾਗਨ ਮੋ ਹੂੰ ਦੁਖ ਧਾਰਾ ॥ 44 ॥
 ਕਿਤਕ ਮਾਸ ਜਬ ਬੀਤਤ ਭਏ । ਪਾਵਸ ਰੁਤ ਆਈ ਸੁਖ ਦਏ ।
 ਨਿਤ ਨਵੀਨੀ ਬਰਖਾ ਹੋਵੈ । ਗੋ ਦੀਨਨ ਕੇ ਸੰਕਟਿ ਖੋਵੈ ॥ 45 ॥

ਦੋਹਰਾ

ਮਾਤ ਗੰਗ ਵੀਚਾਰਿਓ ਬਸਤ੍ਰ ਸੁ ਬਹੁਤ ਸੋਲਾਂਭ ।
 ਇਨ ਕੋ ਧੂਪ ਲਗਾਇ ਕੈ ਬਹੁਰੋ ਲੀਜੋ ਸਾਂਭ ॥ 46 ॥
 ਦਾਸਨਿ ਧੂਪ ਨਿਹਾਰ ਕੈ ਬਸਤ੍ਰ ਸੁ ਦੀਨ ਡਸਾਇ ।
 ਇੰਦ੍ਰਾਨੀ ਦਿਖ ਝਲਕ ਕਉ ਮੋਹੀ ਸੁਧ ਨਹਿ⁷ ਕਾਇ ॥ 47 ॥

¹ਪੋਥੀ ਵਿਸਥਾਰਾ ²ਅ ਤੇ ਏ ਪੋਥੀ ਦੇਸ ਦੇਸ ³ਅ ਪੋਥੀ ਮੋਲ ⁴ਅ ਤੇ ਏ ਪੋਥੀ ਸਮੁਖ ⁵ਏ ਪੋਥੀ
 ਰਿਦ ⁶ਅ ਪੋਥੀ ਭਿਜਾਇਓ ⁷ਅ ਤੇ ਏ ਪੋਥੀ ਰਹੀ ਨ

ਚੌਪਈ

ਪ੍ਰਿਥੀਏ ਕੀ ਦਾਰਾ ਸੁਭ ਚਾਰ । ਤਾਹ ਸਮੇਂ ਚਿਤ ਆਨੰਦ ਧਾਰ ।
 ਕਿਸੀ ਕਾਰਜ ਮੰਦਰ ਪੈ ਚੜੀ । ਬਸਤ੍ਰ ਅਪਾਰ ਦੇਖ ਚਿਤ¹ ਸੜੀ ॥ 48 ॥
 ਦੇਖ ਝਲਕ ਬਸਤ੍ਰਨਿ ਕੀ ਨੈਨ ਨਿ । ਭਈ ਬਿਸੁਧ ਮੁਖ ਆਵ ਨ ਬੈਨਨਿ ।
 ਸਾਰੇ ਦਿਵਸ ਬਿਮਨ ਹੀ ਰਹੀ । ਪਰੀ ਰੈਨ ਪ੍ਰਿਥੀਏ ਸਿਉ ਕਹੀ ॥ 49 ॥
 ਹੇ ਪਤਿ ਜੇ ਪਿਤ ਸੇਵ ਕਮਾਵਤਿ । ਤਉ ਗੁਰਿਆਈ ਤੁਮ² ਘਰਿ ਆਵਤਿ ।
 ਐਸੇ ਤੇਵਰ ਦਰਬ ਅਪਾਰਾ । ਮਮ ਗ੍ਰਿਹ ਆਵਤਿ ਚਿਤ ਨ ਧਾਰਾ ॥ 50 ॥
 ਔਰ ਅਚਰਜ ਤੋਰ ਗ੍ਰਿਹ ਮਾਂਹੀ । ਬਜੁਰਗ ਛੀਨ ਖੁਰਦ ਗੁਰਆਈ ।
 ਕਰਮੋ ਜੀ ਅਸ ਭਾਖ ਬਿਹਾਲਾ । ਸਸ ਪ੍ਰਿਥੀਆ ਤਬ ਭਯੋ ਕ੍ਰਿਪਾਲਾ ॥ 51 ॥

ਦੋਹਰਾ

ਕਿਉਂ ਚਿਤਾ ਮਨ ਮੈਂ ਧਰੀ ਸਭੀ ਬਸਤ ਹੈ ਤੋਰ ।
 ਤਿਹ ਗ੍ਰਿਹ ਸੁਤ ਪ੍ਰਗਟਿਓ ਨਹੀਂ ਸੁਤ ਪ੍ਰਗਟੇ ਗ੍ਰਿਹ ਮੋਰ ॥ 52 ॥
 ਸੁਤ ਬਿਨ ਦਰਬ ਸੁ ਨਿਫਲ ਹੈ ਅਰਜਨ ਗੁਰ ਪਹਿਚਾਨ ।
 ਜਬ ਅਰਜਨ ਪਿਆਨਾ ਕਰੈ ਸਭੈ ਵਸਤ ਨਿਜ ਮਾਨ ॥ 53 ॥

ਚੌਪਈ

ਐਸ ਬਚਨ ਕਰੈ ਧੀਰਜ ਦੀਨੋ । ਹੋਹੁ ਸੁਚੇਤ ਚਿਤ ਨਹ ਕੀਨੋ ।
 ਮਾਤ ਗੰਗ ਕੀ ਦਾਸੀ ਨਈ । ਪ੍ਰਿਥੀਏ ਗ੍ਰਿਹ ਆਵਤ ਸੋ ਭਈ ।
 ਇਹ ਸੰਬਾਦ ਤਿਨ ਸ੍ਵਨੀ⁴ ਸੁਨਿਓ । ਕਰ ਚਿਤਾ ਤਿਨ ਮਾਥਾ ਧੁਨਿਓ ।
 ਕਰਮੋ ਜੀ⁵ ਪ੍ਰਿਥੀਏ ਕੀ ਬਾਤ । ਆਇ ਗੰਗ ਕੋ ਕਹੇ ਬਿਖਯਾਤ ॥ 55 ॥
 ਮਾਤ ਗੰਗ ਮਨ ਐਸੇ ਆਈ । ਸ੍ਰੀ ਗੁਰ⁶ ਪਹਿ ਹਮ ਬਿਨਤ ਕਰਾਈ ।
 ਸ੍ਰੀ ਗੁਰ ਅਰਜਨ ਗ੍ਰਿਹ ਜਬ ਆਏ । ਮਾਤ ਗੰਗ ਮਨ ਆਨੰਦ ਪਾਏ ॥ 56 ॥
 ਸਮਾਂ ਪਾਇ ਸਭ ਬਾਤ ਪ੍ਰਕਾਸੀ⁷ । ਜੋ ਸੁਨਿ ਆਈ ਅਪਨੀ ਦਾਸੀ ।
 ਹੇ ਪ੍ਰਭੂ ਜੇ⁸ ਨਹੀਂ ਪੁਤ੍ਰ ਹਮਾਰੇ । ਤਉ ਐਸੇ ਵਹੁ ਬਚਨ ਉਚਾਰੇ ॥ 57 ॥

ਦੋਹਰਾ

ਐਸੀ ਕ੍ਰਿਪਾ ਕਰਹੁ ਪ੍ਰਭ ਪੁਤ੍ਰ ਧਾਮ ਜਾਹਿ ਹੋਇ ।
 ਹਮ ਅਨੰਦ ਮਨ ਮਹਿ ਧਰਹਿ ਹਾਸੀ ਕਰੋ ਨ ਕੋਇ ॥ 58 ॥
 ਅਤਿ ਕ੍ਰਿਪਾਲ ਸ੍ਰੀ ਗੁਰ ਭਏ ਸ੍ਰੀ ਮੁਖ ਕੀਨ ਪ੍ਰਕਾਸ ।
 ਸ੍ਰੀ ਗੁਰ ਬੀੜ ਸੁ ਜਾਹੁ ਤੁਮ ਸਾਹਿਬ⁹ ਬੁਢੇ ਪਾਸ ॥ 59 ॥

ਚੌਪਈ

ਵਹੁ ਸੁਤ ਇਛਾ ਪੂਰੀ ਕਰੈ । ਮਨੀ ਸਿੰਘ ਜਬ ਅਸ ਬਚ ਰਹੈ ।
 ਭਗਤਿ ਸਿੰਘ ਤਬ ਬਿਨਤ ਉਚਾਰੀ । ਹੇ ਪ੍ਰਭ ਹਰੋ ਸੰਸ ਮਮ¹⁰ ਭਾਰੀ ॥ 60 ॥

¹ਅ ਪੋਥੀ ਰਿਦ ਏ ਪੋਥੀ ਮਨ ²ਅ ਤੇ ਏ ਪੋਥੀ ਤੋਹਿ ³ਅ ਤੇ ਏ ਪੋਥੀ ਕਹਿ ⁴ਅ ਪੋਥੀ ਕਾਨਨ ⁵ਅ ਤੇ ਏ ਪੋਥੀ ਅਰੁ ⁶ਅ ਪੋਥੀ ਸਤਿਗੁਰੂ ⁷ਅ ਤੇ ਏ ਪੋਥੀ ਪਰਗਾਸੀ ⁸ਅ ਪੋਥੀ ਜਉ ⁹ਅ ਤੇ ਏ ਪੋਥੀ ਬਾਬੇ ¹⁰ਅ ਪੋਥੀ ਮਹਿ

ਰਾਜ ਦੇਸ ਸਭ ਤੁਰਕ ਧਰਾਵੈ । ਸਤਿਗੁਰ ਬੀੜ ਕੈਸ ਬਿਧ ਧਾਵੈ ।
 ਜਿਹ ਠਾਂ ਮਾਤਾ ਜਾਵਨ ਕਹਿਓ । ਸਾਹਿਬ ਬੁਢਾ ਕਿਹ ਠਾਂ ਰਹਿਓ ॥ 61 ॥
 ਇਹ ਸੰਸਾ ਮੋਰਾ ਪਰਿਹਰੈ । ਅਗਯ ਜਾਨ ਮਨ ਕ੍ਰੋਧ ਨ ਕਰੈ ।
 ਮਨੀ ਸਿੰਘ ਤਬ ਭਏ ਪ੍ਰਸੰਨਾ । ਸ੍ਰੀ ਮੁਖ ਕਹਿਓ ਤਿਸੈ ਧੰਨ ਧੰਨਾ ॥ 62 ॥
 ਯਾ ਕੀ ਕਥਾ ਬਹੁਤ ਵਿਸਥਾਰਾ । ਕਹਉਂ ਸੰਕੋਚ ਸੁਨੋ ਨਿਰਧਾਰਾ ।
 ਏਕ ਸਮੇਂ ਅਕਬਰ ਬਾਦਸ਼ਾਹ^੧ । ਚਿਤੌੜ ਗੜ੍ਹ ਕੀਨੀ ਚਿਤ ਚਾਹ ॥ 63 ॥

ਦੋਹਰਾ

ਅਨਗਨ ਸੈਨਾ ਸਾਥ^੨ ਲੈ ਸੋ ਧਾਯੋ ਤਿਹ ਓਰੁ ।
 ਮੋਰਚੇ ਤਿਹ ਲਾਵਤ ਭੈਯੋ ਕੀਨ ਜੁਧ ਬਹੁ ਘੋਰ ॥ 64 ॥
 ਕਛੁ ਉਪਾਵ ਚਾਲੇ ਨਹੀਂ ਸੈਨਾ ਬਹੁ ਹਤਿ ਪਾਇ ।
 ਬਰਖ ਏਕਦਸ ਜੁਧ ਕਰਾ ਅਤਿਸੇ ਨਿਜ ਬਲੁ ਲਾਇ ॥ 65 ॥

ਚੌਪਈ

ਬਾਰ ਬਾਰ ਸੁ ਪੀਰ ਮਨਾਵੈ । ਸੁਖ ਸਰੀਨੀ ਨਿਤ ਵੰਡਾਵੈ ।
 ਗੜ੍ਹ ਚਿਤੌੜ ਸੁ ਫਤੇ ਨ ਭਯੋ । ਬਰਖ ਏਕ ਇਵ ਹੀ ਬਿਤ^੩ ਗਯੋ ।
 ਦੂਸਰ ਬਰਖ ਮੁਹਿੰਮ ਨਿਹਾਰੀ । ਅਕਬਰ ਨਿਜ ਮਨ ਚਿੰਤਾ ਧਾਰੀ ।
 ਜੋ ਉਪਾਵ ਕੋਉ ਹਮਹਿ ਬਤਾਵੈ । ਮਨ ਬਾਂਛਤ ਧਨ ਹਮ ਤੇ ਪਾਵੈ ॥ 67 ॥
 ਸਤਿਗੁਰ ਸਿਖ ਏਕ ਤਹਿ ਨੌਕਰ । ਸਨਮੁਖ ਹੁਇ ਜੋਰੇ ਦੋਉ ਕਰ ।
 ਤੁਮ ਮੁਰੀਦ ਜਿਸ ਗ੍ਰਿਹ ਕੇ ਆਇ । ਸੋ ਗੁਰੂ ਨਾਨਕ ਰੂਪ ਅਨਾਇ ॥ 68 ॥
 ਤਾਂਹਿ ਚਰਨ ਤੁਮ ਜਬੈ ਮਨਾਵਉ । ਸ੍ਰੀ ਗੁਰ^੪ ਕ੍ਰਿਪਾ ਫਤੇ ਗੜ੍ਹ ਪਾਵਉ ।
 ਤਬ ਅਕਬਰ ਗਰ ਅੰਚਰ ਡਾਰਿਓ । ਗੁਰੂ ਸਿਖ ਸਉ ਅਸ ਬੈਨ ਉਚਾਰਿਓ ॥ 69 ॥

ਦੋਹਰਾ

ਸ੍ਰੀ ਗੁਰੂ ਅਬ ਕਹਾ ਠਾਂ ਰਹੇ ਮੋ ਸੋਂ ਕਰੋ ਉਚਾਰ ।
 ਗੁਰ ਸਿਖ ਤਬ ਐਸੇ ਕਹਿਓ ਸੁਨੋ ਸਾਹ ਨਿਰਧਾਰ ॥ 70 ॥
 ਸ੍ਰੀ ਗੁਰ ਨਾਨਕ ਤਖਤ ਪਰ ਅਮਰਦਾਸ ਗੁਰ ਜਾਨ ।
 ਗੋਬਿੰਦਵਾਲ^੫ ਨਿਸ ਦਿਨ ਰਹੇਂ ਤਹਿ ਭੇਟ ਸੁਖ ਮਾਨ ॥ 71 ॥

ਚੌਪਈ

ਬਾਦਸ਼ਾਹ ਤਬ ਬਿਨਤੀ ਕੀਨੀ । ਅਤਿ ਘਿਘਿਆਨੋਂ ਹੋਇ ਅਧੀਨੀ ।
 ਬਹੁਤ ਭੇਟਿ ਦੇ ਸੋ ਸਿਖ ਤੋਰਿਓ । ਭਾਂਤਿ ਭਾਂਤਿ ਕਰ ਬਿਨੈ ਨਿਹੋਰਿਓ ॥ 72 ॥
 ਕਛੁਕ ਦਾਸ ਨਿਜ ਸੰਗ ਤਿਹ ਦੀਨੋ । ਗੁਰ ਸਿਖ ਤਬੈ ਪਿਆਨਾ ਕੀਨੋ ।
 ਕਿਤਕ ਦਿਵਸ ਮਹਿ ਪਹੁੰਚਿਓ ਤਹਾਂ । ਸ੍ਰੀ ਗੁਰ ਗੋਬਿੰਦਵਾਲ ਥੈ ਜਹਾਂ ॥ 73 ॥

^੧ਅ ਤੋ ਏ ਪੋਥੀ ਪਾਤਸ਼ਾਹ ^੨ਅ ਪੋਥੀ ਸੰਗਿ ^੩ਏ ਪੋਥੀ ਲਖ ^੪ਅ ਪੋਥੀ ਸਤਿਗੁਰ ^੫ਏ ਪੋਥੀ ਗੋਬਿੰਦਵਾਲ

ਅਮਰਦਾਸ ਸ੍ਰੀ ਗੁਰ ਕਰਤਾਰਾ¹ । ਬਾਵਲੀ ਬੈਠ ਕਢਾਵਤਿ ਕਾਰਾ ।²
 ਅਤਿ ਪ੍ਰਸੰਨ ਚਿਤਿ ਬੈਠ ਅਨੰਦ । ਮਾਨੋ ਚੜਿਓ ਦੂਜ ਕੋ ਚੰਦ ॥ 74 ॥
 ਸੋ ਸਿਖ ਆਇ ਚਰਨ ਗੁਰ ਪਰਾ । ਭੇਟਿ ਧਾਰਿ ਮਨ ਆਨੰਦ ਭਰਾ ।
 ਅੰਤਰਜਾਮੀ ਗੁਰੂ ਉਚਾਰਾ । ਚਿਰ ਸਉਂ ਆਇਓ ਹੈ ਸਿਖ ਪਿਆਰਾ ॥ 75 ॥

ਦੋਹਰਾ

ਤਬ ਸਿਖ ਅਸ ਬਿਨਤੀ ਕਰੀ ਹੈ ਪ੍ਰਭ ਦੀਨਾ ਨਾਥ ।
 ਅਕਬਰ ਪਹਿ ਨੰਕਰੀ³ ਕਰੋਂ ਦੀਨ ਭੇਟ ਮਮ ਹਾਥ ॥ 76 ॥
 ਅਕਬਰ ਅਸ ਬਿਨਤੀ ਕਰੀ ਹੈ ਪ੍ਰਭ ਕਰੋਂ ਸਹਾਇ ॥
 ਚਰਨ ਕਮਲ ਸਿਖ ਅਬ ਭਇਓ ਮਮ ਗੜ ਫਤੇ ਕਰਾਇ ॥ 77 ॥

ਚੌਪਈ

ਜੈਸੇ ਗਜ ਕੀ ਕਰੀ ਸਹਾਇ । ਦੁੱਪਤੀ ਲਾਜ ਰਖੀ ਬਿਰਦਾਇ ।
 ਤੈਸੇ ਦਇਆ ਦਾਸ ਪਰ ਕਰੋਂ । ਗੜ ਚਿਤੋੜ ਕੋ ਤੋੜ ਸੁ ਧਰੋ ॥ 78 ॥
 ਅਸ ਬਿਨਤੀ ਅਕਬਰ ਨੇ ਕੀਨੀ । ਮਹਾਰਾਜ ਅਤਿ ਹੋਇ ਅਧੀਨੀ ।
 ਸ੍ਰੀ ਮੁਖ ਭਾਖੇ ਬਚਨ ਰਸਾਲ । ਸੁਨੋ ਸਿਖ ਤੁਮ ਭਯੋ ਨਿਹਾਲ ॥ 79 ॥
 ਪਰਉਪਕਾਰ ਜਿਹ ਰਿਦੈ ਬਸਾਵੈ । ਜੀਵਨ ਮੁਕਤਿ ਸੋ ਜੁਗ ਜਸੁ ਪਾਵੈ ।
 ਜਿਹ ਛਿਨ ਬਾਵਲੀ ਕੜ ਤੁਟਿ⁴ ਜਾਈ । ਤਿਹ ਛਿਨ ਸਾਹ ਫਤੇ ਗੜ ਪਾਈ ॥ 80 ॥
 ਇਹ ਸੁਨ ਸਿਖ ਮਨ ਹਰਖ ਧਰਾਨਾ । ਚਰਨ ਬੰਦ ਗੁਰ ਕੀਨ ਪਿਆਨਾ ।
 ਦਾਸ ਸਾਥਿ ਤਿਨਿ ਕਹਿ ਸਮਝਾਈ । ਰਹਉਂ ਇਹਾਂ ਸੋ ਸਮਾਂ ਲਿਖਾਈ ॥ 81 ॥

ਦੋਹਰਾ

ਲੈ ਆਗਿਆ⁵ ਸ੍ਰੀ ਗੁਰੂ⁶ ਤੇ ਕੀਨੋ ਸਿਖ ਪਿਆਨ ।
 ਚਲਤ ਪੰਥ ਕਛੁ ਸਮ ਨਹੀਂ ਸ੍ਰੀ ਗੁਰੂ ਰਿਦੈ ਧਿਆਨ ॥ 82 ॥
 ਕਿਤਕ ਦਿਵਸ ਮੈਂ ਪਹੁੰਚਿਓ ਅਕਬਰ ਕੇ ਨਿਕਟਾਰ ।
 ਸਭ ਬ੍ਰਿਤੰਤ ਤਿਸਕੋ ਕਹਾ ਜੋ ਭਾਖਯੋ⁷ ਕਰਤਾਰ ॥ 83 ॥
 ਜਬੈ ਬਾਵਲੀ ਕੜ ਤੁਟੈ ਤਬੈ ਫਤੇ ਗੜ ਜਾਨ ।
 ਦਾਸ ਜਹਾਂ ਛਡ ਆਯੋ ਲਿਖੈ ਸਮਾਂ ਮਨ ਮਾਨ ॥ 84 ॥

ਝੂਲਨਾ ਛੰਦ

ਸਾਹ ਮਨ ਮਾਂਹ ਅਤਿ ਹਰਖ ਹੋਯੋ ਤਹਾਂ ਸੋਗ ਸੰਤਾਪ ਤਿਹ ਸਗਲ ਭਾਗੇ ।
 ਹੋਇ ਅਧੀਨ ਤਬ ਡਾਰ ਗਰਿ ਅਚਰਾ ਕੀਨ ਤਬ ਬੰਦਨਾ ਪ੍ਰੇਮ ਪਾਗੇ ।
 ਆਠ ਹੀ ਜਾਮ ਗੁਰ ਧਿਆਨ ਹਿਰਦੇ ਰਹਿਤ ਹੋਇ ਸਵਿਧਾਨ ਤਬ ਜੁਧ ਲਾਗੇ ॥
 ਜਾਮ ਦਿਨ ਰਹੇ ਤਬ ਲਗੇ ਜੁਧ ਕਰਨ ਕੋ ਰਹੇ ਸਵਿਧਾਨ ਸਭ⁸ ਰੈਨ ਜਾਗੇ ॥ 85 ॥

¹ਅ ਪੋਥੀ ਕਰਤਾਰੂ ²ਕਾਰੂ ³ੳ ਪੋਥੀ ਚਾਕਰੀ ⁴ਅ ਪੋਥੀ ਟੁਟ ⁵ੳ ਪੋਥੀ ਆਇਸ ⁶ਅ ਪੋਥੀ ਸਤਿਗੁਰੂ ⁷ੳ ਪੋਥੀ ਆਖਯੋ ⁸ਅ ਪੋਥੀ ਸਗਲ

ਦੋਹਰਾ

ਸਾਰੀ ਨਿਸ ਲਰਤੇ ਰਹੇ ਭਯੋ ਜਬੈ ਪ੍ਰਕਾਸ ॥
 ਮਿਟ ਅੰਧੇਰ ਚਾਂਦਨ ਭਯੋ ਹੂਯੋ ਮਰੀਚ ਨਿਵਾਸ ॥ 86 ॥
 ਜਬੈ ਜਾਮ ਦਿਨ ਆਇਓ ਅਕਬਰ ਹਲਾ ਕੀਨ ॥
 ਛਿਨਕਵਾਰ ਲਾਗੀ ਨਹੀਂ ਗੜ ਚਿਤੌੜ ਜਿਤ ਲੀਨ ॥ 87 ॥

ਚੌਪਈ

ਤਬ ਅਕਬਰ ਮਨ ਹਰਖਤ ਭਯੋ । ਬਾਰ ਬਾਰ ਬੰਦਨ ਗੁਰ ਕਯੋ ॥
 ਜਿਹ ਛਿਨ ਬਾਵਲੀ ਕਾ ਕੜ ਤੂਟਾ । ਸੋ ਛਿਨ ਲਿਖ ਲੈ ਦਾਸ ਪਹੂਟਾ ॥ 88 ॥
 ਕਿਤਕ ਦਿਵਸ ਮੈਂ ਦਾਸ ਸੋ ਆਏ । ਕਾਗਦ ਲਿਖਿਓ ਸੁ ਸਮਾਂ ਦਿਖਾਏ ॥
 ਸਮਝ ਏਕ ਛਿਨ ਹਰਖਤਿ ਭਯੋ । ਅਕਬਰ ਸਾਹ ਦਾਨ ਬਹੁ ਦਯੋ ॥ 89 ॥
 ਤਿਹ ਸਿਖ ਕਾ ਬਡ ਮਨਸਬ ਕੀਨੋ । ਗੁਰੂ ਓਰੁ ਤਬ ਪਿਆਨਾ ਕੀਨੋ ॥
 ਬਹੁਤ ਭੇਟਿ ਲੈ ਗੁਰ ਨਿਕਟਾਯੋ । ਚਰਨ ਕਮਲ ਗੁਰ ਕੇਰ ਲਭਾਯੋ ॥ 90 ॥
 ਸ੍ਰੀ ਗੁਰੂ ਆਗੇ ਭੇਟ ਸੁਧਰੀ । ਅੰਚਰ ਡਾਰ ਗਰਿ ਬੇਨਤੀ ਕਰੀ ॥
 ਹੇ ਸਤਿਗੁਰ ਮੋ ਕੋ ਸਿਖ ਕੀਜੈ । ਕ੍ਰਿਪਾ ਧਾਰ ਚਰਣਾਮ੍ਰਿਤ ਦੀਜੈ ॥ 91 ॥

ਦੋਹਰਾ

ਅਕਬਰ ਕੀ ਬਿਨਤੀ ਸੁਨੇ ਸਤਿਗੁਰ ਭਏ ਕ੍ਰਿਪਾਲ ॥
 ਸਿਖ ਤਿਸੀ ਛਿਨ ਕਰ ਲਯੋ ਸਤਿਗੁਰ ਦੀਨ ਦਯਾਲ ॥ 92 ॥
 ਅਕਬਰ ਪੁਨ ਬਿਨਤੀ ਕਰੀ ਤਲਕਾ ਲੇਹੁ ਪ੍ਰਭ ਏਕ ॥
 ਸੁ ਮਾ ਤਲ ਕੋ ਇਛਾ ਨਹੀਂ ਸ੍ਰੀ ਗੁਰ ਦਿਆਰ ਅਨੇਕ ॥ 93 ॥

ਚੌਪਈ

ਅਕਬਰ^੧ ਅਸ ਬਿਨਤ ਉਚਾਰੀ । ਕਛੂ ਗਾਂਵ ਪ੍ਰਭੁ ਲੰਗਰ ਡਾਰੀ ॥
 ਅਮਰਦਾਸ ਗੁਰ ਅਸ ਫੁਰਮਾਯੋ ॥ ਤੁਮਹਿ ਗਾਂਵ ਪਰ ਲੰਗਰ ਆਯੋ ॥ 94 ॥
 ਗੁਰੂ ਨਾਨਕ ਸਦ ਲੰਗਰ ਤੁਰੈ ॥ ਤਬੈ ਸਾਹ ਪੁਨ ਬਿਨਤਿ ਉਚਰੈ ॥
 ਕਛੂ ਗਾਂਵ ਬੀਬੀ ਕੋ ਦੇਵਉ ॥ ਸੌ ਨਹਿ ਬਰਜੋ ਮਮ ਸੁਖ ਲੇਵਉ ॥ 95 ॥
 ਸ੍ਰੀ ਮੁਖ ਸਿਉਗੁਰ ਕੀਨ ਉਚਾਰਾ । ਰਾਮਦਾਸ ਮਾਲਕ ਨਿਰਧਾਰਾ ॥
 ਤਿਨ ਕਉ ਦੇਹੁ ਸਾਹੁ ਅਸੁ ਚੀਨੋ ॥ ਚੋਰਾਸੀ ਗਾਂਵ ਗੁਰੂ ਕਉ ਦੀਨੋ ॥ 96 ॥
 ਰਾਮਦਾਸ ਗੁਰ ਗਾਂਵ ਸੋ ਪਾਏ । ਇਛਾ^੨ ਸਾਹ ਕੀ ਪੂਰ ਕਰਾਏ ॥
 ਮਧ ਗਾਂਵ ਗੁਰ ਬੀੜ ਰਖਾਯੋ ॥ ਗਾਂਵ ਬੀੜ ਬੁਢੇ ਸਉਪਾਯੋ ॥ 97 ॥

ਦੋਹਰਾ

ਸਾਹਿਬ ਬੁਢਾ ਜੀ ਕਰੈ ਸਭੀ ਗਾਂਵ ਕੋ ਰਾਜ ।
 ਬੀੜ ਮਾਂਹਿ ਨਿਸ ਦਿਨ ਰਹੈ ਕਰ ਘਾਹੀ ਕਾ ਸਾਜ । 98 ॥

^੧ਬ ਪੋਥੀ ਕਯੋ ^੨ਅਤੇ ਏ ਪੋਥੀ 'ਚੋ' ^੩ਅ ਪੋਥੀ ਪਾਤਸ਼ਾਹਿ ^੪ਅ ਪੋਥੀ ਅਬ ^੫ਏ ਪੋਥੀ ਮਨਸਾ

ਸਾਹਿਬ ਬੁਢਾ ਰਾਜ ਕਰ ਭਰਥ ਰਾਮ ਲਘੁ ਜੈਸ ।

ਭਗਤਿ ਸਿੰਘ ਬੰਦਨ ਕਰੀ ਸੁਨੇ ਬਚਨ ਸਭ ਐਸ ॥ 99 ॥

ਚੋਪਈ

ਮਨੀ ਸਿੰਘ ਪੁਨ ਕੀਨ ਉਚਾਰਾ । ਆਗੇ ਸੁਨੇ ਕਥਾ ਗੁਰ ਪਿਆਰਾ ।

ਗੁਰ ਅਰਜਨ ਬਚ ਮਾਨ ਸਿਧਾਰੀ । ਮਾਤ ਗੰਗ ਸੁਤ ਇਛ ਪਿਆਰੀ ॥ 100 ॥

ਦਾਸੀ ਦਾਸ ਸੰਗ¹ ਬਹੁ ਲੀਨੇ । ਹੈ ਰਥ ਸਾਜ ਪਿਆਨਾ ਕੀਨੇ ।

ਖੀਰ ਖੰਡ ਪ੍ਰਸਾਦਿ ਕਰਾਈ । ਬਹੁਤ ਸੁ ਕਾਵਰ ਸੰਗ ਚਲਾਈ ॥ 101 ॥

ਨਗਰ ਨਾਰ ਅਨਗਨ ਸੰਗ ਧਾਈ । ਪੁਤ੍ਰ ਬਚਨ ਗੁਰ ਕੇਰ ਸੁਨਾਈ ।

ਗਡੀ ਛਕੜੇ ਚਲੇ ਅਪਾਰਾ । ਉਡੀ ਧੂੜ ਕਛੁ ਨਾਹਿ ਦ੍ਰਿਸ਼ਟਾਰਾ ॥ 102 ॥

ਘੁੰਘਰੂ ਆਰਥ ਸ਼ਬਦ ਸੁਨਾਏ । ਬੁਢਾ ਸਾਹਿਬ ਐਸ ਅਲਾਏ ।

ਰਾਮਦਾਸ ਪੁਰੇ ਭਾਜੜ ਕਿਨ² ਪਾਈ । ਸਭੈ ਲੋਕ ਕਿਹ ਓਰ ਸਿਧਾਈ ॥ 103 ॥

ਦੋਹਰਾ

ਬੀੜ ਨਿਕਟਿ ਮਾਤਾ ਗਈ ਦੋਖਾ ਬਨ ਤਬ ਐਸ ।

ਜਨ ਅਸ਼ੋਕਿ ਖਾਂਡਵ³ ਇਹੈ ਸੋਹਿ ਨੀਲ ਘਨਿ ਜੈਸ ॥ 104 ॥

ਬੁਢੇ ਜੀ ਕਾ ਤੇਜ ਤਬ ਮਾਤਾ ਨੈਨ ਦਿਖਾਇਨ ।

ਅਤਹਿ ਨਿਵੜ ਬਨ ਮੈਂ ਫਿਰੇ ਪਸੂ ਜੀਵ ਇਕਠਾਨਿ ॥ 105 ॥

ਚੋਪਈ

ਸੇਬਰ ਨਿੰਬੂ ਖਜੂਰ ਅਪਾਰਾ । ਆਂਬ ਤੂਤ ਪਲਾਹ ਹਜ਼ਾਰਾ ।

ਕਹਿ ਲਉ ਗਨਉਂ ਬਨੈ ਪ੍ਰਭਤਾਈ । ਮਾਨਉਂ ਬੀੜ ਕਿ ਘੜ ਉਮਡਾਈ ॥ 106 ॥

ਮੋਰ ਸਬਦ ਬਹੁ ਭਾਂਤਨਿ ਕਰਹਿ । ਸਿੰਘ⁴ ਮ੍ਰਿਗ ਇਕਠੇ ਹੁਇ ਫਿਰਹਿ ।

ਮੋਰ ਮਾਰ ਬੈਠਾ ਇਕ ਥਾਨਾ । ਅਜਾ ਸਿੰਘ ਫਿਰਹੈ⁵ ਲਪਟਾਨਾ ॥ 107 ॥

ਬੁਢੇ ਸਾਹਿਬ ਤਬ ਪ੍ਰਭਤਾਈ । ਮਾਤਾ ਨਿਜ ਨੈਨਨਿ ਲਖ ਪਾਈ ।

ਮਾਤ ਗੰਗ ਪੁਨ ਗਈ ਸੁ ਤਹਾਂ । ਬੁਢਾ ਸਾਹਿਬ ਇਸਥਿਤ ਜਹਾਂ ॥ 108 ॥

ਪ੍ਰਸਾਦਿ ਭੇਟਿ ਧਰ ਬਿਨਤੀ ਕਰੀ । ਇਛਾ ਕਹਿ ਨਿਜ ਚਰਨਨਿ ਪਰੀ ।

ਸਾਹਿਬ ਬੁਢੇ ਅਸ ਫੁਰਮਾਈ⁶ । ਬਹੁਤ ਲੋਗ ਕਿਉ ਸੰਗ ਲਿਆਈ⁷ ॥ 109 ॥

ਦੋਹਰਾ

ਭਾਜੜ ਰੂਪ ਬਨਾਇਕੈ ਕਿਉ ਆਏ ਇਹ ਠਾਂਇ ।

ਹਮ ਸੇਵਕ ਘਾਹੀ ਬਸਉ ਬੀੜ ਰਖਉ ਚਿਤ ਲਾਇ ॥ 110 ॥

ਪੁਤ੍ਰ ਮਿਤ੍ਰ ਸਭ ਉਨਹੁ ਪੈ ਸਤਿਗੁਰ ਚਰਨ ਮਝਾਰਿ ।

ਜਾਹਿ ਤਹਾਂ ਪੂਰੀ ਕਰਹਿ ਸਭ ਕੀ ਇਛ ਮੁਰਾਰਿ ॥ 111 ॥

¹ਅ ਪੋਥੀ ਸਾਥਿ ²ਏ ਪੋਥੀ ਕੋਹਿ ³ਏ ਪੋਥੀ ਬਾਰਿਕਾ ⁴ਅ ਪੋਥੀ ਕਿਹਰ ⁵ਏ ਪੋਥੀ ਆਖਨ ⁶ਏ ਪੋਥੀ
ਫੁਰਮਾਇਓ ⁷ਏ ਪੋਥੀ ਲਿਆਇਉ

ਚੋਪਾਈ

ਐਸ ਬਚਨ ਜਬ ਕਰੇ ਪ੍ਰਕਾਸੇ । ਮਾਤਾ ਮਨ ਮਹਿ ਭਈ ਨਿਰਾਸੇ ।
 ਸੰਗ ਕੇ ਲੋਕ ਉਦਾਸ ਸੁ ਭਏ । ਸੁਤ ਇਛਾ ਸਭਹਨ ਤਜ ਦਏ ॥ 112 ॥
 ਮਾਤ ਗੰਗ ਤਬ ਕੀਨ ਪਿਆਨਾ । ਆਈ ਤਹਾਂ ਜਹਿ ਕਿਰਪਾ¹ ਨਿਧਾਨਾ ।
 ਆਇ ਬੰਦਨਾਂ ਗੁਰ ਕਉ ਕਰੀ । ਸ੍ਰੀ ਮੁਖ ਸਉ ਗੁਰ ਅਰਜਨ ਰਰੀ ॥ 113 ॥
 ਕਹੋ ਬਾਤ ਇਛਾ ਮਨ ਪਾਈ² । ਮਾਤ ਗੰਗ ਤਬ ਬਚਨ ਅ ਲਾਈ ।
 ਮਹਾਰਜ ਤੁਮ ਪ੍ਰੇਰੇ ਗਏ । ਸੁਤ ਤੋ ਰਹਾ ਸ੍ਰਾਪ ਤਿਨ ਦਏ ॥ 114 ॥
 ਸੁਤ ਨਹੀਂ ਦੀਨੋ ਭਾਜੜ ਦਈ । ਸ੍ਰੀ ਗੁਰ ਕਹਾ ਕਿਸ ਬਿਧਿ (ਤੁਮ)³ ਗਈ ।
 ਮਾਤਾ ਰਬ ਹੈ ਸਗਲ ਬਤਾਏ । ਕ੍ਰਿਪਾ ਸਿੰਧ ਸੁਨ ਬਚਨ ਅਲਾਏ ॥ 115 ॥

ਦੋਹਰਾ

ਸੰਤਨਿ ਪੈ ਨਹੀਂ ਜਾਈਏ ਕਛੂ ਭਿੰਡ ਨਿਜ ਧਾਰਿ ।
 ਸੰਤ ਖੁਸ਼ੀ ਜਿਹ ਮਨ ਧਰੈ ਸੋ ਅਬ ਸੁਨ ਪ੍ਰਕਾਰਿ ॥ 116 ॥
 ਪ੍ਰਾਤ ਸਮੇਂ ਇਨਸਾਨ ਕਰ ਗੋਹੂਨ ਖੁਦ ਰਲਾਇ ।
 ਨਿਜ ਕਰ ਸਉ ਪੀਸਨ ਕਰੋ ਪੁਨਹਿ ਪ੍ਰਸਾਦਿ ਪਕਾਇ⁴ ॥ 117 ॥

ਚੋਪਾਈ

ਭਾਜੀ ਰੁਪੇ ਲੇਵੋ ਸਾਥ । ਦੁਧ ਕੋ ਮਥੋ ਸੁ ਅਪਨੇ ਹਾਥ⁵ ।
 ਲਸੀ ਮਖਣ ਮਟਕੀ ਭਰਉ । ਸਭ ਪ੍ਰਸਾਦਿ ਨਿਜ ਸਿਰ ਧਰਉ ॥ 118 ॥
 ਨਾਂਗੇ ਪਾ ਇਨ ਏਕਲ ਜਾਵੋ । ਭਤੇਹਾਰੀ ਵੇਸ ਬਨਾਵੋ ।
 ਸੁਤ ਇਛਾ ਤਬ ਪੂਰੀ ਹੋਈ । ਯਾ ਮਹਿ ਸੰਸ ਨਹੀਂ ਅਬ ਕੋਈ ॥ 119 ॥
 ਮਾਤ ਗੰਗ ਤੈਸੀ ਬਿਧ ਕਈ । ਜੋ ਸਿਖਿਆ ਸਤਿਗੁਰ ਜੀ ਦਈ ।
 ਨਾਂਗੇ ਪਾਇ ਗਈ ਪੁਨ ਤਹਾਂ । ਸਾਹਿਬ ਬੁਢਾ ਇਸਥਿਤ ਜਹਾਂ ॥ 120 ॥
 ਆਗੇ ਬੁਢੇ ਰੁਚਿ ਉਪਜਾਇ । ਖੁਧਿਆ ਬਹੁ ਕਹਿ ਦਾਸ ਸਿਧਾਏ ।
 ਮਾਤਾ ਜਾਇ ਚਰਨ ਤਬ ਪਰੀ । ਸੋ ਮਟਕੀ ਤਿਨ ਆਗੇ ਧਰੀ ॥ 121 ॥

ਦੋਹਰਾ

ਸਾਹਿਬ ਬੁਢੇ ਅਸ ਕਹਾ ਪ੍ਰਿਥਮ ਭੋਜ ਮਮ ਦੇਹੁ ।
 ਮੁਹਿ ਖੁਧਿਆ ਲਾਗੀ ਅਧਿਕ ਪੁਨ ਮਨ ਬਾਛਤਿ⁶ ਲੇਹੁ ॥ 122 ॥
 ਭਾਜੀ ਮਿਸੀ ਰੋਟੀਆਂ ਮਖਣ ਸਾਥ ਰਲਾਇ ।
 ਪੀ ਲਸੀ ਬੁਢਾ ਤਬੈ ਮਨ ਮਹਿ ਅਤਿ ਸੁਖ ਪਾਇ ॥ 123 ॥

ਚੋਪਾਈ

ਸਾਹਿਬ ਬੁਢੇ ਬਚਨ ਅਲਾਯੋ । ਸੁਨਹੁ ਮਾਤ ਤੁਮ ਬਡ ਜਸ ਪਾਯੋ ।
 ਐਸ ਸਮੇਂ ਮਮ ਖੁਧਿਆ ਖੋਈ । ਇਛਾ ਸੁਤ ਤੁਮ ਪੂਰੀ ਹੋਈ ॥ 124 ॥

¹ਏ ਪੌਥੀ ਮਯਾ ²ਅ ਤੇ ਏ ਪੌਥੀ ਇਛ ਪੁਜਾਈ ³ਅ ਪੌਥੀ ਵਿਚੋਂ ⁴ਅ ਪੌਥੀ ਸਜਾਇ ⁵ਏ ਪੌਥੀ ਨਿਜ

⁶ਅ ਪੌਥੀ ਇਛਤਿ

ਤੁਮਰੇ ਗ੍ਰਿਹ ਪ੍ਰਗਟੇਗਾ¹ ਜੋਧਾ । ਜਾਂਕੋ ਬਲ ਗੁਨ ਕਿਨੁ ਨ ਸੋਧਾ ।
 ਰੁਪੇ ਛਕੇ ਸੁ ਜੈਸ ਮਰੇਰੇ । ਤੁਰਕ ਸੀਸ ਤੈਸੇ ਵਹੁ ਤੇਰੇ ॥ 125 ॥
 ਹਰਿਗੋਬਿੰਦ ਸੁਭ ਨਾਮ ਕਹਾਵੈ । ਬਹੁ ਮਲੇਛ ਕੋ ਮਾਰ ਗਿਰਾਵੈ² ।
 ਮੀਰੀ ਪੀਰੀ ਧਾਰ ਕ੍ਰਿਪਾਲ । ਬੈਠੇਗਾ ਸੁਭ ਤਖਤ ਅਕਾਲ ॥ 126 ॥
 ਜੋ ਨਰ ਆਇ ਦਰਸ ਤਬ ਪਾਵੈ । ਚਾਰ ਪਦਾਰਥ ਤਿਸ ਕਰ³ ਆਵੈ ।
 ਕਰੇ ਜੰਗ ਬਹੁ ਨਿਜ ਬਲ ਧਾਰਾ । ਗੋ ਦੀਨਨਿ⁴ ਰਛਾ ਹਿਤਿਕਾਰ ॥ 127 ॥

ਦੋਹਰਾ

ਸੰਮਤ ਸੋਰਹਿ ਸੈ ਤਬੈ ਇਕਵੰਜਾ ਪਰ ਜਾਨ ॥
 ਅਸੂ ਦਿਨ ਇਕੀਸਵੀਂ ਬੁਢੇ ਬਚਨ ਬਖਾਨ ॥ 128 ॥
 ਤਿਸੀ ਛਿਨੈ ਮਾਤਾ ਉਦਰ ਕੀਨੋ ਪਵਨ ਨਿਵਾਸ ॥
 ਮਾਤਾ ਮਨ ਹਰਖਤਿ ਭਈ ਚਿਤ ਮਹਿੰ ਬਢਿਓ ਹੁਲਾਸ ॥ 129 ॥

ਚੋਪਈ

ਮਨੀ ਸਿੰਘ ਤਬ ਬਚਨ ਉਚਾਰੇ । ਇਹ ਦਿਨ ਜੋ ਆਇ ਬੀੜ ਨਿਹਾਰੇ ।
 ਉਸ ਅਸਥਾਨ ਕਾ ਦਰਸਨ ਕਰੈ । ਸੁਤ ਇਛਾ ਤਿਹ ਪੂਰੀ ਪਰੈ ॥ 130 ॥
 ਅਸੂ ਦਿਨ ਇਕੀਸਵੀਂ ਆਵੈ⁵ । ਜੋ ਇਛੈ ਸੋਈ⁶ ਬਰ ਪਾਵੈ ।
 ਔ ਧਨ ਧਾਮ ਕੀ ਕਮੀ ਨ ਕੋਈ । ਉਚ ਨੀਚ ਆਵੈ ਨਰ ਜੋਈ ।
 ਬੁਢੇ ਅਸਥਾਨ ਜੋ ਮੇਲਾ ਲਾਵੈ । ਤਿਸ ਸਿਖ ਪਰ ਗੁਰ ਵਾਰਨੈ ਜਾਵੈ⁷ ।
 ਸਭ ਤੇ ਅਧਿਕ ਸੁ ਥਾਨ ਬਿਰਾਜੈ । ਉਪਮਾ ਅਧਿਕ ਦੇਖ ਦਿਵ ਲਾਜੈ ॥ 132 ॥
 ਮਾਤ ਗੰਗ ਮਨ ਆਨੰਦ ਪਾਈ । ਲੈ ਬਰ ਬੁਢੇ ਤੇ ਸੁ ਸਿਧਾਈ ।
 ਚਲਤ ਪੰਥ ਮਨ ਹਰਖ ਅਪਾਰਾ । ਮਨੋ ਨ੍ਰਿਧਨੀ⁸ ਲਹਿਯੋ ਭੰਡਾਰਾ ॥ 133 ॥

ਦੋਹਰਾ

ਨਿਜ ਗ੍ਰਿਹਿ ਮਹਿ ਪ੍ਰਾਪਤਿ ਭਈ ਅਤਿ ਚਿਤ ਹਰਖੈ ਲੀਨ ।
 ਪਰੀ ਰੈਨ ਸਤਿਗੁਰ ਅਏ ਗੁਰ ਅਰਜਨ ਸੁਖ ਦੀਨ ॥ 134 ॥
 ਸਭ ਬ੍ਰਿਤੰਤ ਗੁਰ ਕੋ ਕਹਾ ਮਾਤ ਗੰਗ ਕਰ ਜੋਰ ॥
 ਸੁਤ ਇਛਾ ਪੂਰਨ ਭਈ ਬਰ ਦੀਨੋ ਤਿਨ ਮੋਰ ॥ 135 ॥

ਕੁੰਡਲੀਆ

ਤਿਹ ਅਵਸਰ ਅਰਜਨ ਗੁਰੂ ਸੁਨ ਮਨ ਭਏ ਕ੍ਰਿਪਾਲ ॥
 ਬਾਦਰ ਬਿਤ ਬਰਖਾ ਕਰੀ ਦੀਨਨਿ ਕੀਓ⁹ ਨਿਹਾਲ ॥
 ਦੀਨਨਿ ਕੀਓ ਨਿਹਾਲ ਸ੍ਰੀ ਮੁਖ ਬਚਨ ਉਚਾਰੇ ॥
 ਦੇਖਯੋ ਸੰਤ ਪ੍ਰਤਾਪ ਐਸ ਬਿਧ ਦਾਰਿਦ ਟਾਰੇ ।

¹ਅ ਪੋਥੀ ਪ੍ਰਕਾਸ਼ ²ੲ ਪੋਥੀ ਭਗਾਵੇ ³ਅ ਪੋਥੀ ਗ੍ਰਿਹ ⁴ਅ ਤੇ ੲ ਪੋਥੀ ਬਿਪਰਨ ⁵ਅ ਪੋਥੀ ਸਾਈ
⁶ੲ ਪੋਥੀ ਮਯਾ ਕਰਾਵੈ ⁷ਅ ਪੋਥੀ ਰੰਕਨ ⁸ਅ ਪੋਥੀ ਕੀਨ

ਸਮਰਥ ਹੈ ਜਗ ਸੰਤ ਦੁਖ^੨ ਸਭ ਜਗ ਕੇ ਹਰਈ ॥
ਸੂਕੇ ਹਰੇ ਨਿਹਾਲ ਕ੍ਰਿਪਾ ਕੀ ਨਦਰਿ ਨਿਹਰਈ ॥ 136 ॥

ਸਵੇਯਾ

ਸੁਤ ਲੇਵਨਿ ਤੂੰ ਸੁ ਗਈ ਤਿਨ ਪੈ ਅਤਿ ਨਿਮ੍ਰਿਤ ਹੈ ਮਨ ਬਾਂਛਤ^੩ ਪਾਯੋ ।
ਸੀਲ ਸੰਤੋਖ ਧਰੇ ਤਨ ਰਾਜਤ ਸੰਤਨ ਅੰਤ ਕਿਨੀ ਨਹਿ ਪਾਯੋ ।
ਸੇਸ ਗਨੇਸ ਮਹੇਸ ਜਲੇਸੁਰ ਸੰਤਨ ਸੋਭ ਸਦਾ ਮੁਖ ਗਾਯੋ ।
ਸਾਹਿਬ ਬੁਢਾ ਜੀ ਹੈ ਤਪੁ ਖਾਨ ਧਰੇ ਤਨੁ ਗਿਆਨ ਸ੍ਰੀ ਮੁਖ ਗਾਯੋ ॥ 137 ॥

ਦੋਹਰਾ

ਗੰਗ ਮਾਤ ਅਰਜਨ ਗੁਰੂ ਮਨ ਮਾਹਿ ਭਏ ਪ੍ਰਸੰਨ ।
ਅਤਿ ਅਨੰਦ ਚਿਤ ਪਾਇਓ ਕਹਯੋ ਸੰਤ ਧੰਨ ਧੰਨ ॥ 138 ॥
ਬਹੁ ਸੁਖ ਸਿਉ ਅਰਜਨ ਗੁਰੂ ਬਸੇ ਆਪਨੇ ਧਾਮ ।
ਕਿਤਕ^੪ ਦਿਵਸ ਬੀਤਾਇ ਕੈ ਪੁਨ ਕੀਨੋ ਅਸ ਕਾਮ ॥ 139 ॥

ਚੌਪਈ

ਸ੍ਰੀ ਗੁਰ ਅਰਜਨ ਦੇਵ ਸੁਆਮੀ । ਸਗਲ ਘਟਾਂ ਕੇ ਅੰਤਰਜਾਮੀ ।
ਸਾਹਿਬ ਬੁਢੇ ਬਚਨ ਬਖਾਨੀ । ਭਾਜੜ ਸਤਿ ਕਰਉ ਸੋ ਬਾਨੀ ॥ 140 ॥
ਅਸ ਵਿਚਾਰ ਤਬ ਕੀਨ ਪਿਆਨਾਂ । ਵਡਾਲੀ ਓਰ ਹਰਖ ਧਰ ਨਾਨਾਂ ॥
ਨਗਰ ਲੋਕ ਸਭ ਹੀ ਸੰਗ ਲਏ ॥ ਰਾਮਦਾਸ ਪੁਰ^੫ ਛਡ ਗੁਰੂ ਸੰਗ ਗਏ ॥ 141 ॥
ਪ੍ਰਿਥੀਆ ਰਹਿਓ ਸੁ ਸਣੁ ਪਰਵਾਰਾ^੬ । ਵੈਰ ਭਾਵ ਜਿਹ ਗੁਰ ਸਿਉ ਧਾਰਾ ।
ਤਾਂਹਿ ਮੀਤ ਸੁਲਹੀ ਤਬ ਆਯੋ । ਜਹਾਂਗੀਰ ਦਿਲੀ ਸੁ ਪਠਾਯੋ ॥ 142 ॥
ਆਵਤ ਪੰਥ ਅਸ ਚਿਤ ਧਾਰਾ ॥ ਅਰਜਨ ਬਾਧ ਨਗਰ ਲੁਟ ਸਾਰਾ ।
ਰਾਮਦਾਸ ਪੁਰਾ ਤਬ ਆਇ ਨਿਹਾਰਾ । ਸੂਨਾ ਪ੍ਰਿਥੀਆ ਮਿਲਿਓ ਪਿਆਰਾ ॥ 143 ॥

ਦੋਹਰਾ

ਜਾ ਪ੍ਰਿਥੀਆ ਆਗੋ ਮਿਲਿਓ ਮੀਤ ਭਾਵ ਚਿਤ ਧਾਰਿ ।
ਤੁਮਰੇ ਡਰ ਅਰਜਨ ਭਜਿਓ ਸੁਨੋ ਮੀਤ ਨਿਰਧਾਰਿ ॥ 144 ॥
ਪ੍ਰਿਥੀਏ ਕਉ ਧੀਰਜ ਦੀਓ ਸੁਲਹੀ ਕੀਓ ਪਿਆਨ ।
ਜਬ ਆਵੈ ਤਬ ਹੀ ਹਨੋ ਸਤਿ^੬ ਬਾਤ ਮਮ ਜਾਨ ॥ 145 ॥

ਚੌਪਈ

ਅਸ ਕਹਿ ਸੁਲਹੀ ਦਿਲੀ ਗਯੋ । ਪ੍ਰਿਥੀਏ ਮਨ ਮਹਿ ਆਨੰਦ ਲਯੋ ।
ਨਗਰ ਲੋਕ ਸਭ ਆਨ ਬਸਾਏ । ਗੁਰੂ ਵਡਾਲੀ ਬੀਚ^੭ ਰਹਾਏ ॥ 146 ॥

੨੮ ਪੰਥੀ ਬੇਦ ੨ਅ ਪੰਥੀ ਇਛਤ ੩ਅ ਪੰਥੀ ਕਤੇ ੪ਅ ਤੇ ੮ ਪੰਥੀ ਪੁਰਾ ੫ਅ ਪੰਥੀ ਪ੍ਰਿਥੀਆ ਪਾਪੀ
ਰਹਿਯੋ ਸਪਰਵਾਰਾ ੬ਅ ਪੰਥੀ ਸਾਚ ੭੮ ਪੰਥੀ ਮਾਹਿ

ਸੁੰਦਰ ਧਾਮ ਰਚੇ ਸੁਖਦਾਈ ॥ ਜਾਕੀ ਪ੍ਰਭਾ ਨ ਬਰਨੀ ਜਾਈ ।
 ਗੁਰ ਅਰਜਨ ਗ੍ਰਿਹ ਸੋਹਤ ਐਸੇ । ਕਿਧੌਂ ਸਵਰਗ ਬੈਕੁੰਠ ਸੁ ਤੈਸੇ ॥ 147 ॥
 ਬਰਨ ਸੁਰੇਸ ਮਹੇਸ ਨ ਧਾਮਾਂ । ਰੀਝਤਿ ਦੇਖ ਸਭੀ ਨਰ ਬਾਮਾਂ ।
 ਗੁਰ ਅਰਜਨ ਜੀ ਜਹਾਂ ਬਸਾਏ ॥ ਸੁੰਦਰ ਕ੍ਰਪਾ¹ ਸੁ ਤਹਾਂ ਲਗਾਏ ॥ 148 ॥
 ਰਚਿਓ ਛਿਹਰਟਾ ਅਤਿ ਸੁਖਦਾਈ । ਤਿਸਕੀ ਮਹਮਾਂ ਅਧਿਕ ਵਧਾਈ² ।
 ਸ੍ਰੀ ਮੁਖ ਸਉ ਅਸ ਬਚਨ ਉਦਾਰੇ । ਇਹ ਠਾਂ ਨ੍ਹਾਇ ਸੁ ਸੁਰਗ ਸਿਧਾਰੇ ॥ 149 ॥

ਦੋਹਰਾ

ਜੋ ਇਛਾ ਮਨ ਮਹਿ ਧਰਹਿ ਈਹਾਂ ਕਰਿ ਇਸਨਾਨ ।
 ਤਤ ਕਾਲ ਫਲ ਕੋ ਲਹੇ ਤਿਸੈ ਨ ਜਮ ਕੀ ਕਾਨ ॥ 150 ॥
 ਪੁਤ੍ਰ ਹੇਤ ਨਾਰੀ ਜੋਊ ਮਾਸ ਮਾਸ ਜੋ ਨ੍ਹਾਇ ।
 ਏਕ ਬਰਸ ਮਹਿ ਸੁਤ ਲਹੈ ਸ੍ਰੀ ਮੁਖ ਅਸ ਫੁਰਮਾਇ³ ॥ 151 ॥

ਚੌਪਈ

ਕ੍ਰਿਪਾ ਸਿੰਧ ਅਸ ਬਚਨ ਅਲਾਏ । ਇਹ ਬਿਧ ਸਉ ਗ੍ਰਿਹ ਮਾਸ ਬਿਤਾਏ ।
 ਦਸਮ ਮਾਸ ਜਬ ਆਵਤਿ ਭਯੋ । ਮਾਤ ਗੰਗ ਮਨ ਆਨੰਦ ਲਯੋ ॥ 152 ॥
 ਇਹ ਮੈਂ ਕਹਿ ਹਉ ਔਰ ਬਾਤ ਤੁਹਿ । ਅਕਾਲ ਪੁਰਖ ਅਵਤਾਰ ਧਰਿਓ ਜਿਹ ॥
 ਪਾਪ ਸਕੁਲ ਪਈ ਭੂਮਿ ਵਿਚਾਰੀ । ਦੇਵਨਿਪਤਿ ਪੈ ਰੋਇ ਪ੍ਰਕਾਰੀ ॥ 153 ॥
 ਦੇਵ ਭੂਮਿ ਕਮਲਜੁ⁴ ਪਹਿ ਗਏ । ਨਿਜ ਦੁਖ ਸਭੈ ਪ੍ਰਕਾਰਤ ਭਏ ।
 ਮਲੇਛ ਜਗਤ ਬਹੁ ਪਾਪ ਕਮਾਵੈ ॥ ਧਰਮ ਅੰਸ ਕਹੂੰ ਹੋਨ ਨ ਪਾਵੈ ॥ 154 ॥
 ਕਮਲਜੁ ਕਹਾ ਹਮਤੇ ਨਹੀਂ ਸਰਈ । ਅਕਾਲਪੁਰਖ ਪਹਿ ਰਲ ਸਭ ਗਈ ।
 ਦੁਖ ਭੰਜਨ ਤਿਹ ਨਾਮ ਉਦਾਰਾ । ਸੋ ਰਛਾ ਕਰਹੈ ਕਰਤਾਰਾ ॥ 155 ॥

ਦੋਹਰਾ

ਛੀਰਸਿੰਧ ਜਾਵਤ ਭਏ ਕੀਨੀ ਬਿਨੈ ਅਪਾਰ ॥
 ਮਹਾਰਾਜ ਰਛਾ ਕਰੋ ਅਪਨੋ ਬਿਰਦ ਸੰਭਾਰ ॥ 156 ॥
 ਜਬ ਜਬ ਹਮ⁵ ਦੁਖ ਹੋਤ ਹੈ ਤਬ ਤਬ ਕਰੋ ਸਹਾਇ ।
 ਬ੍ਰਹਮਾ ਸਿਵ ਬਿਨਤੀ ਕਰੀ ਹਮਹਿ ਧੋਨ ਦੁਖ ਜਾਇ ॥ 157 ॥

ਅਕਾਲ ਪੁਰਖੋ ਬਾਚ ਦੇਵਨਿ ਪ੍ਰੀਤ

ਸਵੈਯਾ

ਸੁਨਿ ਕੈ ਸਬ ਦੇਵਨਿ ਕੀ ਬਿਨਤੀ⁶ ਤਬ ਮਧ ਅਕਾਸ ਸਰੂਪ ਦਿਖਾਏ ॥
 ਸੂਰ ਹਜਾਰ ਸਮੰ ਲਸਕੈ ਸੁ ਦਿਸਾ ਤਮ ਦੂਰ ਕਰੈ ਮੁਸਕਾਏ ।

¹ਏ ਪੌਥੀ ਖੁਹ ²ਅ ਤੇ ਏ ਪੌਥੀ ਕਥੀ ਨ ਜਾਈ ³ਅ ਪੌਥੀ ਸ੍ਰੀ ਗੁਰ ਮੁਖਹੁ ਅਲਾਇ ⁴ਅ ਤੇ ਏ ਪੌਥੀ ਬ੍ਰਹਮਾ ⁵ਅ ਪੌਥੀ ਹਮਹਿ ⁶ਅ ਪੌਥੀ ਬਿਨੀ ਏ ਪੌਥੀ ਬਿਨੈ

ਭੁਜ ਚਾਰ ਗਦਾ ਅਸ ਸੰਗ ਬਿਰਾਜਤ ਪੰਕਜ ਹਾਥ ਸੁ ਸੋਭ ਧਰਾਏ ।
ਤਬ ਬੋਲਤ ਭੇ ਮੁਖ ਪੰਕਜ ਤੇ ਸਭ ਦੇਵ ਕਹੋ ਕਿਹ ਕਾਰਣ ਆਏ ॥ 158 ॥

ਬ੍ਰਹਮੋਵਾਚ

ਪਦ ਪੰਕਜ ਤੋਹਿ ਨਮੋ¹ ਪ੍ਰਭ ਜੀ ਕੋਉ ਪਾਵਤਿ ਨਹ ਕਛੁ ਮਰਮ ਤੁਮਾਰਾ ।
ਅਮਰ ਧਰਾ ਮਨ ਦੁਖ ਭਯੋ ਜਗ ਬੰਸ ਮਲੇਛ ਬਢੀ ਸੁ ਅਪਾਰਾ ।
ਪਾਪ² ਗੋ ਘਾਤ ਕਰੈ ਸਦਹੀ ਸਭ ਛਤ੍ਰਿਨਿ ਕੋ ਨਿਜ ਦੀਨ ਸੁ ਡਾਰਾ ।
ਪਾਪ ਪ੍ਰਕਾਸ ਭਯੋ ਜਗ ਮਹਿ ਪ੍ਰਭ ਨਾਸ ਮਲੇਛ ਕਰੋ ਕਰਤਾਰਾ ॥ 159 ॥

ਚੌਪਈ

ਬ੍ਰਹਮਾ ਕੀ ਬਿਨਤੀ ਸੁਨ ਪਾਈ । ਕਾਲ³ ਪੁਰਖ ਬੋਲੇ ਸੁਖਦਾਈ ।
ਤੁਹਿ ਹਿਤ ਧਰਉ ਜਨਮ ਜਗੁ ਆਏ । ਤੁਮਰੇ ਸਤ੍ਰੁ ਦੇਉ [ਸਭ]⁴ ਖਪਾਏ ॥ 160 ॥
ਮਾਤਾ ਗੰਗਾ ਜਾਚਨ ਕੀਨੋ । ਹੁਇ ਪ੍ਰਸੰਨ ਬੁਢੇ ਵਰ ਦੀਨੋ ॥
ਸੰਤ ਬਚਨ ਸਦ ਅਟਲ ਪਛਾਨੋ । ਚਲੈ ਸੁਮੇਰ ਨ ਬਚਨ ਟਲਾਨੋ ॥ 161 ॥
ਸੁਧਾ ਸਰੋਵਰ ਨਿਕਟਿ ਵਡਾਲੀ । ਧਰਉ ਜਨਮ ਤਿਹ ਠਾਂ ਅਰਿ ਟਾਲੀ ।
ਗੁਰ ਅਰਜਨ ਕੇ ਧਾਮ ਮਝਾਰੇ । ਧਰਉ ਰੂਪ ਤੁਮ ਚਿੰਤ ਨਿਵਾਰੇ ॥ 162 ॥
ਅਸ ਕਹਿ ਅੰਤ੍ਰ ਧਿਆਨ ਸੁ ਭਏ । ਸਭ ਦੇਵਨਿ ਮਨ ਆਨੰਦ ਲਏ ।
ਕਮਲਜੁ ਧਰਨੀ ਕੋ ਸਮਝਾਈ । ਨਿਜ ਨਿਜ ਧਾਮ ਗਏ ਸੁਖ ਪਾਈ ॥ 163 ॥

ਦੋਹਰਾ

ਇਹ ਬਿਧ ਸੋ ਗਾਥਾ ਪਈ ਸੁਨੋ ਜਨਮ ਕੀ ਬਾਤ ।
ਮਾਤਾ ਗੰਗਾ ਸੁਖ ਭਯੋ ਜਾਨ ਸਮਾਂ ਬਿਖਯਾਤ ॥ 164 ॥
ਦਸਮ ਮਾਸ ਕੇ ਭੀਤਰੇ ਸੁਭ ਗ੍ਰਹਿ ਅਵਸਰ ਪਾਇ ॥
ਚਤ੍ਰਭੁਜ ਰੂਪ ਪ੍ਰਭੂ ਬੈਠ ਮਾਤਾ [ਕੋ]⁵ ਨਿਕਟਾਇ ॥ 165 ॥ ॥

ਚੌਪਈ

ਸੰਮਤ ਸੋਲਹਿ ਸਹਸ ਬਵੰਜਾ । ਹਾੜ ਇਕੀ ਨਿਸ ਆਧੀ ਮੰਝਾ ॥
ਪੁਖ ਨਿਛਤ੍ਰੁ ਸੁਧ ਗ੍ਰਹਿ ਸੁਖਦਾਈ । ਕ੍ਰਿਸਨ ਧਖ ਪ੍ਰਗਟੇ ਪ੍ਰਭ ਆਈ ॥ 166 ॥
ਮਾਤ ਉਦਰ ਤੇ ਪਵਨ ਨਿਕਸਾਨੀ । ਚਤੁਰ ਭੁਜ ਰੂਪ ਦੇਖ ਹਰਖਾਨੀ ॥
ਮੇਰੇ ਉਦਰ ਜਨਮ ਇਨ ਲਯੋ । ਚਤੁਰ ਭੁਜ ਰੂਪ ਕਹੋ ਕਿਮ ਭਯੋ ॥ 167 ॥
ਨੀਲ ਕਮਲ ਸਮ ਸੁੰਦਰ ਦੇਹਾ । ਨੈਨ ਸੁਅਰਨ ਕੰਜ ਛਬ ਲੇਹਾ ॥
ਪੀਲੇ ਪਟ ਭੁਜ ਅੰਗਦ ਧਾਰੀ । ਕੁੰਡਲ ਕਾਨਨ ਸੋਭ ਅਪਾਰੀ ॥ 168 ॥
ਗਦ ਗਦ ਮਾਤਾ ਉਸਤਤ⁶ ਕੀਨੀ । ਹੇ ਪ੍ਰਭ ਸਭ ਜਗੁ ਤੋਹਿ ਅਧੀਨੀ ।
ਬ੍ਰਹਮ ਰਖੀ ਤੁਮ ਧਿਆਨ ਨ ਪਾਏ । ਮੇਰੇ ਉਦਰ ਕਹੋ ਕਿਮ ਆਏ ॥ 169 ॥

¹ਅ ਪੋਥੀ ਨਮਾਸ

²ਦ ਪੋਥੀ ਬਿਪ੍ਰ

³ਅ ਤੇ ਦ ਪੋਥੀ ਅਕਾਲ

⁴ਅ ਪੋਥੀ 'ਚੋ'

⁵ਅ ਪੋਥੀ ਵਿਚੋ'

⁶ਅ ਪੋਥੀ ਉਪਮਾ

ਦੋਹਰਾ

ਮਾਤਾ ਕੀ ਬਿਨਤੀ ਸੁਨੀ ਬੋਲੇ ਦੀਨਾ ਨਾਥ ।
ਛੀਰ ਸਿੰਧ ਜਾਵਤ ਭਯਉ ਚਤੁਰਾਨਨਿ ਸੁਰ ਸਾਥ ॥ 170 ॥
ਬ੍ਰਹਮਾਂ ਬੀ ਬਿਨਤੀ ਕਰੀ ਬੁਢੇ ਬਚਨ ਜੋ ਕੀਨ ।
ਮਲੇਛ ਨਾਸ ਹਿਤ ਬਪੁ ਧਰਯੋ ਇਛ ਪੂਰ ਤੁਮ ਕੀਨ ॥ 171 ॥

ਚੌਪਈ

ਇਹ ਮਮ ਰੂਪ ਨਿਹਾਰਯੋ ਜੋਈ । ਸੰਤ ਦਰਸ ਫਲੁ ਜਾਨੋ ਸੋਈ ।
ਸਭ ਹੀ ਜਗ ਹੈ ਮੋਹਿ ਅਧੀਨਾ । ਮੈਂ ਸਦ ਰਹਉ ਸੰਤ ਕੇ ਦੀਨਾ ॥ 172 ॥
ਤਬ ਮਾਤਾ ਮੁਖ ਬਚਨ ਉਚਾਰੇ ॥ ਹੇ ਪ੍ਰਭ ਸਭ ਕੇ ਪ੍ਰਾਨ ਅਧਾਰੇ ॥
ਅਪ੍ਰਮਾਨ ਹੈ ਰੂਪ ਤੁਮਾਰਾ । ਨੇਤਿ ਨੇਤਿ ਜਿਹ ਬੇਦ ਉਚਾਰਾ ॥ 173 ॥
ਇਹਹਿ ਇਛੁ ਹਮ ਪੂਰਨ ਕੀਜੈ । ਭਗਤ ਦਾਨ ਸੰਤਨ ਸੰਗ ਦੀਜੈ ।
ਬਾਲ ਅੰਗ ਕੋਮਲ ਸੁਭ ਕਰੋ । ਦੇਖ ਰੂਪ ਮਮ ਅਤਿ ਹਰਖਰੋ ॥ 174 ॥
ਤਥਾ ਸਤਿ ਕਹਿ ਪ੍ਰਭੁ ਬਚਨ ਅਲਾਇ । ਸੁਨਹੁ ਮਾਤ ਤੁਮ ਨਿਜ ਮਨ ਲਾਇ ।
ਹਮਰਾ ਤੁਹ ਸੰਬਾਦ ਹੈ ਜੋਈ । ਪੜੈ ਸੁਣੈ ਯਾਕੋ ਨਰ ਕੋਈ ॥ 175 ॥

ਦੋਹਰਾ

ਸੋ ਨਰ ਪਾਵੈ ਰੂਪ ਮਮ ਯਾਮੈ ਸੰਸਾਰ ਨ ਕੋਇ ।
ਮਰਨ ਸਮੇਂ ਤਿਹ ਪੁਰਖ ਕੋ ਸਿੰਮ੍ਰਿਤ ਹਮਰੀ ਹੋਇ ॥ 176 ॥
ਅਸ ਕਹ ਨਿਜ ਮਾਇਆ ਤਜੀ ਮਾਤਾ ਮਤਿ ਭ੍ਰਮ ਲੀਨ ।
ਬਾਲ ਰੂਪ ਹੈ ਤਬ ਹਰੀ ਰੁਦਨ ਬਾਲ ਸਮ ਕੀਨ ॥ 177 ॥

ਚੌਪਈ

ਦੇਖ ਪੁਤ੍ਰ ਮਾਤਾ ਹਰਖਾਈ । ਬਾਲ ਸਬਦ ਸੁਨ ਦਾਸੀ ਧਾਈ ॥
ਘਰ ਘਰ ਭਯੋ ਕੁਲਾਹਲ ਭਾਰੀ । ਆਵਤ ਮੰਗਲ ਗਾਵਤ ਨਾਰੀ ॥ 178 ॥
ਸ੍ਰੀ ਗੁਰ ਅਰਜਨ ਸੁਨਿਓ ਜਬ ਹੀ । ਪੁਤ੍ਰ ਜਨਮ ਸੁਖ ਪਾਯੋ ਤਬਹੀ ।
ਦਾਨ ਦੀਓ ਜਿਹ ਵਾਰ ਨ ਪਾਰਾ । ਤਬ ਸੁਮੇਰ ਨਿਜ ਭੈ ਮਨ ਧਾਰਾ ॥ 179 ॥
ਮੋਕਉ ਬਾਟ ਗੁਰੂ ਜਿਨ ਦੇਈ । ਚਲੋ ਭਾਜ ਕਿਆ ਜਤਨ ਕਰੇਈ ।
ਤਾ ਸਮੇਂ ਜੋ ਨਰ ਆਵਤ ਭਯੋ । ਮਨ ਬਾਛਤ^੨ ਗੁਰ ਤੇ ਤਿਨ ਲਯੋ ॥ 180 ॥

ਸਵੈਯਾ

ਆਨੰਦ ਧਾਰ ਤਬੈ ਗੁਰ ਅਰਜਨ ਐਸੇ ਮੁਖੋ^੩ ਸੁਭ ਬਾਤ ਉਚਾਰੀ ।
ਦੇਵਨਿ ਪਛ ਸੁ ਦੀਨਨਿ ਰਛ ਧਰਾ ਦੁਖ ਟਾਰਨਿ ਸਤ੍ਰ ਸੰਘਾਰੀ ।
ਨਭ ਮੰਹਿ ਤਬ ਦੇਵ ਅਏ ਸਭ ਹੀ ਜੈ ਜੈ ਮੁਖ ਭਾਖ ਸੁ ਫੂਲਨ ਡਾਰੀ ।
ਮੰਗਲ ਹੋਹਿ ਘਰਾ ਘਰ ਮਹਿ ਉਤਰਯੋ ਅਵਿਤਾਰਨ ਕੋ ਅਵਤਾਰੀ ॥ 181 ॥

^੧ਏ ਪੋਥੀ ਸੰਕ ^੨ਪੋਥੀ ਅ ਚਾਹਤ ^੩ਏ ਪੋਥੀ ਮੁਖ ਤੇ

ਬ੍ਰਹਮ ਮੁਨੀ ਸਿਵ ਧਿਆਨ ਨ ਪਾਵਤ ਔਰ ਅਨੇਕ ਮਹਾਂ ਤਪਧਾਰੀ ।
ਬੀਨ ਲੀਏ ਜਿਹ ਖੋਜਤ ਨਾਰਦ ਸਾਰਦ ਸੰਤ ਸਿਵਾ ਮੁਖ ਚਾਰੀ ।
ਨੇਤਿ ਹੀ ਨੇਤਿ ਰਹੈ ਜਿਹ ਬੇਦ ਸੁ ਜੋਗ ਸਮਾਧ ਲਗਾਇ ਅਪਾਰੀ ।
ਮੰਗਲ ਹੋਇ ਘਰਾ ਘਰ ਮਹਿ ਉਤਰਯੋ^੧ ਅਵਤਾਰਨਿ ਕਉ ਅਵਤਾਰੀ ॥ 182 ॥

ਦੋਹਰਾ

ਬਹੁਰੋ ਤਬ ਅਰਜਨ ਗੁਰੂ ਮੁਖ ਸਿਉ ਸਬਦ ਉਚਾਰ ।
ਆਸਾ ਰਾਗ ਮਹਿ ਤਬ ਕਹਾ ਸੁਤ ਪਰਥਾਇ ਬਿਚਾਰ ॥ 183 ॥
ਭਗਤਿ ਸਿੰਘ ਐਸੇ ਕਹਯੋ ਮੋਕੋ ਸਬਦ^੨ ਸੁਨਾਇ ।
ਮੋਹਿ ਅਰਥ ਤਾਂਕਾ ਕਹੋ ਕੈਸੇ ਗੁਰੂ ਅਲਾਇ ॥ 184 ॥

ਚੌਪਈ

ਮਨੀ ਸਿੰਘ ਤਬ ਮੁਖ ਸਉ ਕਹਾ । ਇਕ ਸੋ ਇਕ ਆਸਾ ਮਹਿ ਲਹਾ ।
ਯਾਕਾ ਅਰਥ ਸੰਕੋਚ ਸੁਨੀਜੈ । ਅਰਥ ਸਮਝ ਚਿਤਿ^੩ ਭੀਤਰਿ ਲੀਜੈ ॥ 185 ॥
ਸ੍ਰੀ ਗੁਰੂ ਅਰਜਨ ਐਸ ਅਲਾਇਆ । ਸਤਿਗੁਰ ਸਾਚੇ ਪੁਤ੍ਰ ਪਠਾਇਆ ।
ਚਿਰ ਜੀਵਨ^੪ ਬੁਢੇ ਬਚ ਗਾਯੋ । ਮਾਤਾ ਉਦਰ ਨਿਵਾਸ ਕਰਾਯੋ ॥ 186 ॥
ਮਾਤਾ ਮਨ ਮਹਿ ਆਨੰਦ ਪਾਈ । ਭਗਤ ਗੋਬਿੰਦ ਕਾ ਪੁਤ੍ਰ ਲਖਾਈ ॥
ਲਿਖਿਆ ਧੁਰਕਾ ਪਰਗਟਿ ਕੀਨਾ । ਦਸ ਮਾਸੀ ਭਵ ਬਾਲਕ ਲੀਨਾ ॥ 187 ॥
ਮਿਟਿਆ ਸੋਗ ਮਹਾਂ ਸੁਖ ਪਾਵੈ । ਅਮਰ ਗੁਰੂ ਸਖੀ ਮੰਗਲ ਗਾਵੈ ।
ਅਮਰ ਗੁਰੂ ਸਾਚੈ ਮਨ ਭਾਯੋ । ਚਿਰਜੀਵ ਮੁਖ ਬਚਨ ਅਲਾਯੋ ॥ 188 ॥

ਦੋਹਰਾ

ਗੁਰ ਪੀੜੀ ਚਾਲੀ ਤਬੈ ਵਧੀ ਵੇਲ ਸੁਖ ਖਾਨ ।
ਧਰਮ ਕਲਾ ਅਬ ਹੀ ਧਰੇ ਹਰਿਗੋਵਿੰਦ ਬਲਵਾਨ ॥ 189 ॥
ਮਨ ਚਿੰਦਿਆ^੫ ਸਤਿਗੁਰ ਦੀਆ ਭਏ ਅਚਿੰਤ ਸੁਤ ਪਾਇ ।
ਗੁਰ ਅਰਜਨ ਐਸੇ ਕਹਾ ਰਹੋ ਏਕ ਲਿਵ ਲਾਇ ॥ 190 ॥

ਚੌਪਈ

ਪਿਤਾ ਉਪਰ ਜਿਉ ਬਾਲਕ ਕਰੇ ਮਾਣ । ਤਿਉ ਹਮ ਬੋਲੈ ਗੁਰ ਕੈ ਭਾਣ ।
ਗੁਝੀ ਚਨੀ ਨਾਹੀ ਬਾਤ । ਗੁਰ ਨਾਨਕ ਬੁਢੇ^੬ ਸੁਤ ਕਰ ਦਾਤ ॥ 191 ॥

ਆਸਾ ਮ. ੫^੭

ਸਤਿਗੁਰ ਸਾਚੈ ਦੀਆ ਭੇਜਿ । ਚਿਰੁ ਜੀਵਨ ਉਪਜਿਆ ਸੰਜੋਗਿ ।
ਉਦਰੈ ਮਾਂਹਿ ਆਇ ਕੀਆ ਨਿਵਾਸੁ । ਮਾਤਾ ਕੈ ਮਨਿ ਬਹੁਤ ਬਿਗਾਸੁ ॥
ਜੰਮਿਆ ਪੁਤ੍ਰ ਭਗਤੁ ਗੋਬਿੰਦ ਕਾ । ਪ੍ਰਗਟਿਆ ਸਭ ਮਹਿ ਲਿਖਿਆ ਧੁਰਕਾ ॥
ਰਹਾਉ ॥

^੧ੲ ਪੋਥੀ ਅਉਤਰਿਓ ^੨ੲ ਪੋਥੀ ਦੇਓ ^੩ਅ ਪੋਥੀ ਰਿਦ ^੪ੲ ਪੋਥੀ ਚਿਰੰਜੀਵ ^੫ਅ ਪੋਥੀ ਬਾਂਛਤ

^੬ੲ ਪੋਥੀ ਬਾਬੇ ^੭ਸ੍ਰੀ ਗੁਰੂ ਗ੍ਰੰਥ ਸਾਹਿਬ, ਪੰਨਾ 396.

ਦਸੀ ਮਾਸੀ ਹੁਕਮਿ ਬਾਲਕ ਜਨਮੁ ਲੀਆ । ਮਿਟਿਆ ਸੋਗੁ ਮਹਾਂ ਅਨੰਦੁ ਥੀਆ ।
 ਗੁਰਬਾਣੀ ਸਖੀ ਆਨੰਦੁ ਗਾਵੈ । ਸਾਚੈ ਸਾਹਿਬ ਕੈ ਮਨਿ ਭਾਵੈ ॥
 ਵਧੀ ਵੇਲਿ ਬਹੁ ਪੀੜੀ ਚਾਲੀ । ਧਰਮ ਕਲਾ ਹਰਿ ਬੰਧਿ ਬਹਾਲੀ ।
 ਮਨ ਚਿੰਦਿਆ ਸਤਿਗੁਰੂ ਦਿਵਾਇਆ । ਭਏ ਅਚਿੰਤ ਏਕ ਲਿਵ ਲਾਇਆ ॥
 ਜਿਉ ਬਾਲਕੁ ਪਿਤਾ ਉਪਰਿ ਕਰੇ ਬਹੁ ਮਾਣੁ । ਬੋਲਾਇਆ ਬੋਲੈ ਗੁਰ ਕੈ ਭਾਣਿ ।
 ਗੂੜੀ ਛੰਨੀ ਨਾਹੀ ਬਾਤ । ਗੁਰੂ ਨਾਨਕ ਤੁਠਾ ਕੀਨੀ ਦਾਤਿ ॥ 192 ॥
 ਗੁਰ ਅਰਜਨ ਇਹ ਸਬਦ ਉਚਾਰਿਓ । ਆਸਾ ਰਾਗ ਮਾਹਿੰ ਨਿਰਧਾਰਿਓ ।
 ਬਿਲਾਵਲ ਮਾਂਹਿ ਔਰ ਪੁਨ ਕਹਾ । ਬੀਸ ਤੀਨ ਪਰ ਸਬਦਿ ਸੋ ਲਹਾ ॥ 193 ॥

ਬਿਲਾਵਲ ਮਹਲਾ 5¹

ਸਗਲ ਅਨੰਦੁ ਕੀਆ ਪਰਮੇਸਰਿ ਅਪਣਾ ਬਿਰਦੁ ਸਮਾਰਿਆ ।
 ਸਾਧ ਜਨਾ ਹੋਏ ਕਿਰਪਾਲਾ ਬਿਗਸੇ ਸਭਿ ਪਰਵਾਰਿਆ ॥ 1 ॥
 ਕਾਰਜੁ ਸਤਿਗੁਰਿ ਆਪਿ ਸਵਾਰਿਆ । ਵਡੀ ਆਰਜਾ ਹਰਿ ਗੋਬਿੰਦ ਕੀ
 ਸੂਖ ਮੰਗਲ ਕਲਿਆਣ ਬੀਚਾਰਿਆ ॥ 1 ॥ ਰਹਾਉ ॥
 ਵਣਿ ਤ੍ਰਿਣ ਤ੍ਰਿਭਵਣ ਹਰਿਆ ਹੋਏ ਸਗਲੇ ਜੀਅ ਸਾਧਾਰਿਆ ॥
 ਮਨ ਇਛੇ ਨਾਨਕ ਫਲ ਪਾਏ ਪੂਰਨ ਇਛ ਪੁਜਾਰਿਆ ॥ 23 ॥

ਅਰਬ

ਸਗਲ ਅਨੰਦੁ ਪਰਮੇਸਰਿ ਕੀਨੋ । ਅਪਣਾ ਬਿਰਦ ਰਾਖ ਇਨ² ਲੀਨੋ ।
 ਸਾਹਿਬ ਬੁਢਾ ਭਏ ਕ੍ਰਿਪਾਲ । ਸੁਤ ਦੇ ਕੀਓ ਪਰਿਵਾਰ ਨਿਹਾਲ ॥
 ਅਪਣਾ ਕਾਰਜ ਜਾਨ ਸਵਾਰਾ । ਹਰਿ ਗੋਬਿੰਦ ਬਡ ਉਮਰ ਸੁਧਾਰਾ ।
 ਮੰਗਲ ਸੂਖ ਕਲਿਆਣ ਭਏ ਅਬ । ਗੁਰ ਨਾਨਕ ਕਿਰਪਾਲ³ ਭਏ ਜਬ ॥ 194 ॥

ਦੋਹਰਾ

ਵਣ ਤ੍ਰਿਣ ਸਭ ਹਰਿਆ ਭਯੋ ਸਰਬ ਜੀਅ ਸੁਖ ਪਾਇ ।
 ਮਨ ਇਛੇ [ਹਮ]⁴ ਫਲ ਦੀਏ ਸ੍ਰੀ ਗੁਰ ਨਾਨਕ ਰਾਇ । 195 ॥
 ਸਭ ਇਛਾ ਪੂਰਨ ਭਈ ਬੁਢੇ ਕੇ ਪਰਸਾਦਿ ।
 ਦੁਸਟਿ ਨਾਸ ਅਬ ਹੋਹਿਗੇ ਜਨਮਿਓ ਪੁਤ੍ਰ ਅਨਾਦਿ ॥ 196 ॥

ਚੌਪਈ

ਸੁਤ ਪ੍ਰਥਾਇ ਸਬਦਿ ਗੁਰ ਕਹੇ । ਨਾਰ ਨਾਰੀ ਮਨ ਆਨੰਦ ਲਹੇ ॥
 ਤਬ ਲਉ ਚੜਿਓ ਭਾਨ ਕਿਰਨਾਈ ॥ ਜੈਸ ਗੁਰੂ ਜਨਓਮਿ ਸੁਖਦਾਈ ॥ 197 ॥
 ਨਿਸਾ ਬੀਤ ਅੰਧੇਰ ਬਿਹਾਯੋ । ਜੈਸ ਜਨਮ ਗੁਰ ਦੁਸਟ ਖਪਾਯੋ ।
 ਬੰਦਨਵਾਰ ਬੰਧੇ ਦਰਿ ਆਈ । ਸਭ ਅਬਲਾ⁵ ਮਿਲ ਦੇਤਿ ਬਧਾਈ ॥ 198 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ, ਪੰਨਾ 806 ²ਅ ਪੋਥੀ ਤਿੰਨ ³ੲ ਪੋਥੀ ਦਯਾਲ ⁴ਅ ਪੋਥੀ ਵਿਚੋਂ ⁵ੲ ਪੋਥੀ ਸੂਰ
³ਅ ਪੋਥੀ ਨਾਰੀ

ਕਾਗਤ ਧਰਾ ਸਿੰਧ ਮਸ ਕਰੈ ॥ ਬਨਸਪਤਿ ਕਲਮ ਹਾਥ ਨਿਜ ਧਰੈ ।
 ਲਿਖੈ ਗਨੇਸ ਗਿਰਾ ਉਚਰਾਵੈ । ਤਉ ਉਤਸਵ ਕਾ ਅੰਤ ਨ ਪਾਵੈ ॥ 199 ॥
 ਭੂ ਨਭ ਮਹਿ ਭਯੋ ਮੰਗਲ ਚਾਰਾ ॥ ਸਭ ਦੇਵਨ ਮਨ ਆਨੰਦ ਧਾਰਾ ॥
 ਇਹ ਬਿਧ ਸੋ ਗੁਰ ਜਨਮ ਬਖਾਨਾ । ਕਰੀ ਦਇਆ ਜਬ ਕ੍ਰਿਪਾ ਨਿਧਾਨਾ ॥ 200 ॥

ਦੋਹਰਾ

ਹਉ ਅਜਾਨ ਥਾ ਤੁਛ ਮਤਿ ਸ੍ਰੀ ਗੁਰ ਦਯਾ ਅਪਾਰਿ ।
 ਅਪਨਾ ਕਾਰਜ ਜਾਨਿ ਪ੍ਰਭੁ ਲੀਨੋ ਆਪ ਸੁਧਾਰਿ ॥ 201 ॥
 ਜਨਮ ਕਥਾ ਬਰਨਨ ਕਰੀ ਪ੍ਰਿਥਮ ਧਯਾਇ ਸੁਖ ਪਾਇ ।
 ਬਾਲ ਚਰਿਤ੍ਰ ਆਗੇ ਕਹਉ ਸੁਨੋ ਸੰਤ ਮਨ ਲਾਇ ॥ 202 ॥
 ਇਤਿ ਸ੍ਰੀ ਗੁਰ ਬਿਲਾਸ ਸ੍ਰੀ ਹਰਿ ਗੋਬਿੰਦ ਜਨਮ ਬਰਨੰਨ ਨਾਮ ਪ੍ਰਿਥਮ ਧਿਆਇ
 ਸਮਾਪਤ ਮਸਤ ਸੁਭ ਮਸਤ ॥ ਅਫਜੂ ॥ ਬੋਲਹੁ ਜੀ ਵਾਹਿਗੁਰੂ ।

ਅਧਿਆਇ ਦੂਜਾ

ਦੋਹਰਾ

ਪ੍ਰਿਥਮ ਚਰਨ ਬੰਦਉ ਗੁਰੁ ਬਹੁਰ ਸਾਰਦਾ ਮਾਇ ।
ਬਾਲ ਬਿਨੈ ਸੁਨ ਕਰ ਕ੍ਰਿਪਾ ਮੋਰੀ ਕਰੇ ਸਹਾਇ ॥ 1 ॥
ਹਰਿ ਗੋਬਿੰਦ ਗੁਰ ਜਸ ਕਹਉ ਬਾਲ ਚਰਿਤ੍ਰ¹ ਸੁਖ ਖਾਨ ।
ਬਾਲ ਰੂਪ ਹੁਇ ਜੋ ਕਰੇ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 2 ॥

ਚੌਪਈ

ਚੜਿਓ ਸੂਰ ਜਬ ਕਛੁ ਦਿਨ ਆਯੋ । ਨਰ ਨਾਰੀ ਮਿਲ ਮੰਗਲ ਗਾਯੋ । ।
ਤੁਰਹੀ ਢੋਲ ਨਗਾਰੇ ਬਾਜੇ । ਦੇਵ ਫੂਲੋ ਕੇ ਅੰਜਨ ਸਾਜੇ ॥ 3 ॥
ਦੂਰ ਦੂਰ ਕੀ ਸੰਗਤਿ ਆਵੈ । ਦੇਹਿ ਬਧਾਈ ਅਤਿ ਸੁਖ ਪਾਵੈ ।
ਪਰਸੂਤ ਰੀਤ ਜੇਤਕ ਜਗ ਗਾਈ । ਨਰ ਅਨੁਸਾਰ ਸਭ ਮਾਤ ਕਰਾਈ ॥ 4 ॥
ਸ੍ਰੀ ਗੁਰੁ ਅਰਜਨ ਦੇਵਤ ਦਾਨਾ । ਰੰਕ ਭੂਪ ਹੁਇ ਘਰੈ ਸਿਧਾਨਾ ।
ਤਬ ਲਉ ਸਾਹਿਬ ਬੁਢਾ ਆਇਯੋ । ਸਾਬ ਭਾਈ ਗੁਰਦਾਸ ਲਿਆਯੋ ॥ 5 ॥
ਆਇ ਦਰਸ ਸ੍ਰੀ ਗੁਰ² ਕਾ ਕੀਨੋ । ਦਈ ਬਧਾਈ ਆਨੰਦ ਲੀਨੋ ।
ਗੁਰ ਅਰਜਨ ਕੋ ਬਿਨਤੀ ਕੀਨੀ । ਬਾਰੰਬਾਰ ਸੁ ਹੋਇ ਅਧੀਨੀ ॥ 6 ॥

ਦੋਹਰਾ

ਸਾਹਿਬ ਬੁਢੇ ਕਾ ਤਬੈ ਅਤਿਸੈ ਆਦਰ ਕੀਨ ।
ਸ੍ਰੀ ਗੁਰ ਅਰਜਨ ਦੇਵ ਜੀ ਅਤਿ ਚਿਤ ਹੋਇ ਅਧੀਨ ॥ 7 ॥
ਹਰਿ ਗੋਬਿੰਦ ਕਾ ਰੂਪ ਲਖ³ ਬੁਢੇ ਆਨੰਦ ਪਾਇ ।
ਕਿਧੋ ਸਸੀ ਕਿ ਦਿਨਪਤੀ ਐਸੋ ਰੂਪ ਸੁਹਾਇ ॥ 8 ॥

ਚੌਪਈ

ਸਾਹਿਬ ਬੁਢਾ ਐ ਗੁਰਦਾਸ । ਕਿਤਕ ਦਿਵਸ ਰਹੇ ਗੁਰ ਪਾਸ ।
ਪੁਨ ਲੈ ਆਗਿਆ ਦੋਉ ਸਿਧਾਏ । ਸਤਿਗੁਰ ਬੀੜ ਗਏ ਸੁਖ ਪਾਏ ॥ 9 ॥
ਸੁਧਾ ਸਰੋਵਰ ਕੇ ਨਰ ਨਾਰੀ । ਧਰ ਕੈ ਰੂਪ ਸੁ ਮੰਗਲਕਾਰੀ ।
ਜਾਇ ਵਡਾਲੀ ਦੇਹਿ ਵਧਾਈ । ਬਾਲ ਦਰਸ ਕਰ ਆਨੰਦ ਪਾਈ ॥ 10 ॥

¹ਏ ਪੋਥੀ ਚਰਿਤ ²ਅ ਪੋਥੀ ਸਤਿਗੁਰ ³ਅ ਤੇ ਏ ਪੋਥੀ ਸਿਖ

ਦੇਵਾਂਗਨ ਬਪੁ ਨਾਰਿ ਬਨਾਏ । ਸਭ ਨਾਰੀ ਮਹਿ ਮਿਲੀ ਸੁ ਆਏ ।
 ਆਨੰਦ ਬੇਸੁ ਕੋਉ ਸਿਆਨ ਨ ਕਰੈ । ਅਪਨ ਬਿਗਾਨਾ ਨਹਿ ਮਨ ਧਰੈ ॥ 11 ॥
 ਸਭ ਨਾਰੀ ਮਿਲ ਮੰਗਲ ਗਾਵੈ । ਬਾਲ ਰੂਪ ਦਿਖ ਬਲਿ ਬਲਿ ਜਾਵੈ ।
 ਮਾਤ ਗੰਗ ਮਨ ਆਨੰਦ ਪਾਈ¹ । ਬਚਨ ਕਹੇ ਸਭ ਨਾਰ ਸੁਨਾਈ² ॥ 12 ॥

ਸਵੈਯਾ

ਮਾਤ ਆਨੰਦ ਭਰੇ ਮੁਖ ਸਉ ਅਸ ਬੈਨ ਕਹੇ ਸੁਨਹੋ ਮਮ ਪਿਆਰੀ ।
 ਬੁਢੇ³ ਨਿਹਾਲ ਕੀਓ ਹਮ ਕੋ ਜਿਹਕੇ ਬਚ ਪੁਤ੍ਰ ਲਹਿਓ ਸੁਖਕਾਰੀ ।
 ਅੰਗਨ⁴ ਮੋਰ ਸੁਹਾਤ ਭਯੋ ਜਨ ਦੂਜ ਕੋ ਚੰਦ ਚੜਿਓ ਸੁਖਧਾਰੀ ।
 ਆਜ ਕੇ ਦਿਵਸ ਪੈ ਹਉ ਸਜਨੀ ਸੁ ਅਜੈ ਬਲਿ ਜਾਉਂ ਮਹਾਂ ਸੁਖ ਧਾਰੀ ॥ 13 ॥
 ਬਾਲ ਕੋ ਰੂਪ ਨਿਹਾਰ ਤਬੈ ਸਭ ਨਾਰਿ ਗਈ ਮਨ ਆਨੰਦ ਪਾਈ ।
 ਨਾਰਨਿ ਜਾਇ ਸੁਧਾਸਰ ਮਹਿ ਮੁਖ ਬਾਲਕ ਕੀ ਅਤਿ ਉਪਮਾ⁵ ਗਾਈ ।
 ਬਾਤ ਸੁਨੀ ਕਰਮੋ ਜਬ ਹੀ ਅਤਿ ਦੁਖਤ ਹੂੰ ਪਤਿ ਪਾਸ ਸੁਨਾਈ ।
 ਹੇ ਪਤਿ ਪੁਤ੍ਰ ਭਯੋ ਤਿਨਕੇ ਤੁਮਰੋ ਬਚ ਝੂਠ ਸੁ ਆਜੁ ਲਖਾਈ ॥ 14

ਸੋਰਠ

ਕਰਹਉ ਆਜ ਉਪਾਇ ਹੇ ਪਤਿ ਮਮ ਆਗਿਆ ਕਰੋ ।
 ਪ੍ਰਿਥੀਏ ਕਹਾ ਸੁਨਾਇ ਕਰੋ ਜਤਨ ਜੇ⁶ ਕਰ ਸਕੋ ॥ 15 ॥

ਦੋਹਰਾ

ਪਤਿ ਕੀ ਆਗਿਆ ਪਾਇਕੈ ਕਰਮੋਂ ਅਤਿ ਮਨ ਅੰਧ ।
 ਦਾਈ ਏਕ ਬੁਲਾਇਕੈ ਕੀਓ ਪਾਪ ਕੋ ਧੰਧ ॥ 16 ॥

ਚੌਪਈ

ਕਰਮੋਂ ਯੋਂ ਦਾਈ ਕੋ ਕਹੇ । ਮੋਰੇ ਬਚਨ ਸਾਚ ਤੁਮ ਲਹੇ ।
 ਰੁਪਯਾ ਸੌ ਤੁਮ ਹਮ ਤੇ ਲੇਵਹੁ । ਅਸਥਨ ਵਿਸ⁷ ਧਰ ਬਾਲਕ ਦੇਵਹੁ ॥ 17 ॥
 ਤੁਮਰੋ ਮਾਨ ਸਦਾ ਹਉ ਕਰਉ । ਬਾਲ ਪ੍ਰਾਨ ਜਉ ਨਿਸਚੇ ਹਰਉਂ ।
 ਧੰਨ ਕੇ ਲੋਭ ਮਾਨ ਬਚ ਲੀਨੋ । ਪਾਮਰ ਨਾਰੀ ਉਦਮ ਕੀਨੋ ॥ 18 ॥
 ਨਿਜ ਤਨ ਭੂਖਨ ਬਸਤ੍ਰ ਸਵਾਰੀ । ਅਸਥਨ ਵਿਸ ਧਰ ਤਬੈ ਸਿਧਾਰੀ ।
 ਚਲਤ ਪੰਥ⁸ ਮਨ ਗਈ ਬਿਚਾਰੇ । ਕੈਸ ਜਤਨ ਬਿਸ ਬਾਲ ਅਹਾਰੇ ॥ 19 ॥
 ਆਗੇ ਮਾਤਾ ਗੰਗ ਪ੍ਰਬੀਨ । ਚਲੀਸਾ ਨਾਇ ਹਰਖ ਮਨ ਲੀਨੁ ।
 ਦੇਵਤਿ ਦਾਨ ਬਜਤ⁹ ਬਹੁ ਬਾਜੇ । ਭਈ ਭੀਰ ਸ੍ਰੀ ਗੁਰ ਦਰਵਾਜੇ ॥ 20 ॥

ਦੋਹਰਾ

ਮਾਤ ਗੰਗ ਸੁਖ ਪਾਇਕੈ ਜਾਤ ਕਰਮ ਸਭ ਕੀਨ ।
 ਨਿਜ ਉਰ ਬਾਲਕ ਲਾਇਕੈ ਅਸਥਨ ਤਿਹ ਮੁਖ ਦੀਨ ॥ 21 ॥

¹ਅ ਪੌਥੀ ਪਾਇਓ ²ਅ ਪੌਥੀ ਸੁਨਾਇਓ ³ਅ ਪੌਥੀ ਬਾਣੀ ⁴ੲ ਪੌਥੀ ਅੰਗਨ ⁵ਅ ਤੇ ੲ ਪੌਥੀ ਸੱਭਾ ⁶ਅ ਪੌਥੀ
 ਯਦਿ ⁷ਅ ਤੇ ੲ ਪੌਥੀ ਬਿਖ ⁸ਅ ਪੌਥੀ ਮਗ ⁹ਅ ਪੌਥੀ ਵਿਚੋਂ

ਅਸਥਨ ਬਾਲ¹ ਨ ਲੇਵਈ ਮਾਤ ਚਿੰਤ ਮਨ ਪਾਇ ॥
ਬਿਰਧ ਨਾਰ ਜੋ ਥੀ ਤਹਾਂ ਤਿਨ ਕਿਉ ਕਹਾ ਸੁਨਾਇ । 22 ॥

ਚੌਪਈ

ਤਿਨੈ ਉਪਾਵ ਕਹੇ ਸੋ ਕੀਨੇ । ਤਉ ਨ ਅਸਥਨ ਬਾਲਕ ਲੀਨੇ ।
ਤਬ ਲਉ ਸੋ ਦਾਈ ਤਿਹ ਆਈ । ਆਇ ਮਾਤ ਕੋ ਦਈ² ਬਧਾਈ ॥ 23 ॥
ਮਾਤਾ ਤਿਹ ਬਡ ਆਦਰ ਦੀਨਾ । ਦਾਈ ਜਾਨ ਸੁ ਪੂਛਨ ਕੀਨਾ ।
ਬਾਲਕ ਅਸਥਨ ਲੇਵਤ ਨਾਹੀਂ । ਕਹੋ ਜਤਨ ਜੋ ਤੁਮ ਮਨ ਮਾਹੀਂ ॥ 24 ॥
ਮਾਤ ਗੰਗ ਕੋ ਭਾਖਯੋ ਦਾਈ । ਅਪਨੋ ਅਸਥਨ ਦੇਉਂ ਪਿਆਈ ।
ਜੁਗ ਜੁਗ ਜੀਵੈ³ ਬਾਲ ਤੁਮਾਰਾ । ਅਸ ਕਹਿ ਨਿਜ ਗੋਦੀ ਮਹਿ ਡਾਰਾ । 25 ॥
ਕਰ ਰਹੀ ਜਤਨ ਨ ਅਸਥਨ ਲਯੋ । ਕਛੁਕ ਕਾਲ ਇਵਹੀ ਬਿਤ ਗਯੋ ।
ਦੇਰ ਕਰਨ ਕਾ ਅਰਥ ਨਿਹਾਰਾ । ਕਛੁਕ ਪ੍ਰਾਨ ਤਿਨ ਦੇਹ ਮਝਾਰਾ ॥ 26 ॥

ਦੋਹਰਾ

ਜਾਨ ਅੰਤ ਤਿਹ ਨਾਰ ਕੋ ਸ੍ਰੀ ਗੁਰ ਅਸਥਨ ਲੀਨ ।
ਗਰਲ ਦੂਧ ਰਤ ਪ੍ਰਾਨ ਕੋ ਕਰਖ ਕ੍ਰਿਪਾ ਨਿਧ ਕੀਨ ॥ 27 ॥
ਪ੍ਰਾਨ ਬਿਨਾ⁴ ਦਾਈ ਨਿਰਖ ਮਾਤਾ ਬਿਸਮੈ ਪਾਇ ।
ਤਬੁ ਗੋਦ ਸੁਤ ਕਉ ਲੀਓ ਅਸਥਨ ਦੀਓ ਬਨਾਇ ॥ 28 ॥
ਤਬੈ ਦਾਈ ਕੀ ਦੇਹ ਤੇ ਨਿਕਸੀ ਰੂਪ⁵ ਅਪਾਰ ।
ਦੇਵਾਂਗਨ ਦਿਖ ਰੂਪ ਕੋ ਮੋਹੀ ਦੇਹ ਵਿਸਾਰ ॥ 29 ॥

ਸਵੈਯਾ

ਉਸਤਤਿ ਤਾਂਹਿ ਕਹੀ ਮੁਖ ਤੇ ਗੁਰ ਧਾਰ ਕ੍ਰਿਪਾ ਮੁਹਿ ਬੰਦ ਕਟਾਏ ।
ਪ੍ਰਿਥੀਏ ਜੇਉ ਨਾਰ ਮਹਾਂ ਦੁਸਟਾਤਮ⁶ ਤਾਂਹਿ ਸਿਖਾਇ ਬੰਨ ਵਿਹੁ ਲਾਏ ।
ਆਜ ਕ੍ਰਿਤਾਰਥ ਹਉ ਜੋ ਭਈ ਮੁਖ ਅਸਥਨ ਦੇ ਭਵ ਬੰਧ ਮਿਟਾਇ ।
ਜੋਗ ਤਪੀ ਨਹੀਂ ਪਾਵਤ ਜੋ ਪਦ ਸੋ ਪਦ ਤੋਹਿ ਕ੍ਰਿਪਾ ਕਰ⁷ ਪਾਏ ॥ 30 ॥

ਚੌਪਈ

ਅਸ ਕਹਿ ਸੋਇ ਬੈਕੰਠ ਸਿਧਾਰੀ । ਚੜ ਬਿਬਾਨ ਮਨ ਆਨੰਦ ਧਾਰੀ ।
ਮਾਤਾ ਗੰਗ ਤਿਹ ਤਨ ਦੇਖੇ । ਪਰੀ ਬਿਸੁਧ ਹੂੰ ਕੋਤਕ ਪੇਖੇ ॥ 31 ॥
ਹਰਿ ਗੋਬਿੰਦ ਗੁਰ ਮਾਤ ਦਿਖਾਨੀ । ਬੋਲੇ ਮਧਰ ਬਚਨ ਸੁਖਦਾਨੀ ।
ਉਨਹੋ ਮਾਤ ਤੁਮ ਕਸ ਬਿਸਮਾਏ । ਤਬ ਮਾਤਾ ਮੁਖ ਬਚਨ ਅਲਾਏ ॥ 32 ॥
ਕੋ ਸੀ ਨਾਰ ਕਹੋ ਕਿਮ ਆਈ । ਕਿਆ ਤੁਮ ਕਹਿਓ [ਕੁਚਹਿ]⁸ ਮੁਖ ਲਾਈ ।
ਇਹੁ ਮੇਰੇ ਮਨ ਮਹਿ ਭ੍ਰਮ ਭਯੋ । ਕਹੋ ਪ੍ਰਭੂ ਇਹ ਜੋ ਤੁਮ ਕਯੋ ॥ 33 ॥

¹ਅ ਤੇ ਏ ਪੋਢੀ ਕੋਇਰ ²ਅ ਪੋਥੀ ਦੀਓ ³ਏ ਪੋਥੀ ਚਿਰ ਜੀਵ ਹੋਇ ⁴ਅ ਪੋਥੀ ਹੀਣ ⁵ਅ ਪੋਥੀ ਜੋਤ
⁶ਅ ਪੋਥੀ ਨੀਚਤਮ ⁷ਏ ਪੋਥੀ ਤੇ ⁸ਅ ਪੋਥੀ ਵਿਚੋ

ਸ੍ਰੀ ਗੁਰ ਕਹਾ ਸੁਨੋ ਮਮ ਮਾਤਾ । ਗੰਧਰਬੀ ਇਹੁ ਤਿਆ ਬਿਖਿਆਤਾ ।
ਏਕ ਸਮੇਂ ਗਾਵਤ ਥੀ ਤਹਾਂ । ਦੇਵ ਸਭਾ ਸੁਰਪਤਿ ਥੋ ਜਹਾਂ ॥ 34 ॥

ਦੋਹਰਾ

ਸੁਕੁ ਗੁਰੁ ਬ੍ਰਿਹਸਪਤਿ ਜੋਊ ਆਯੋ ਸਭਾ ਮਝਾਰ ।
ਤਾਂ ਕੋ ਰੂਪ ਨਿਹਾਰਿ ਕੈ ਉਠੀ ਸਭਾ ਤਤਕਾਰ ॥ 35 ॥
ਸੁਰ [ਸੁਰਪਤਿ]¹ ਸਭ ਹੀ ਉਠੇ ਨਿਜ ਗੁਰ ਆਵਤ ਦੇਖ ।
ਤਬੈ ਗੰਧਰਬੀ ਨਾ ਉਠੀ ਰਾਗ ਮਾਨ ਨਿਜ ਲੇਖ ॥ 36 ॥

ਚੌਪਈ

ਬ੍ਰਹਸਪਤਿ ਕੋਪ ਕੀਨ ਅਤਿ ਭਾਰੀ । ਦੀਨੋ ਸਰਾਪ ਜਨਮ ਛਿਤਧਾਰੀ ।
ਕਰੋ ਕਰਮ ਜੀਵਨ ਦੁਖਦਾਈ । ਦਾਈ ਅਪਨੋ ਨਾਮ ਸਦਾਈ² ॥ 37 ॥
ਤਬੈ ਗੰਧਰਬੀ ਬਿਨਤ³ ਉਚਾਰੀ । ਸਰਾਪ ਕੋ ਅੰਤ ਕਹੋ ਰਿਖ ਭਾਰੀ ।
ਤਬੈ ਬ੍ਰਹਸਪਤਿ ਬਚਨ ਉਚਾਰਾ । ਗੁਰ ਅਰਜਨ ਕੇ ਧਾਮ ਮਝਾਰਾ ॥ 38 ॥
ਲੇਹ ਔਤਾਰ ਗੁਰੁ ਨਿਰੰਕਾਰੀ । ਤਿਨਕੇ ਮੁਖ ਤੁਮ ਅਸਥਨ ਧਾਰੀ ।
ਤੁਮਰੇ ਪ੍ਰਾਨ ਤਬੈ ਵੁਹ ਹਰੈ । ਸਰਾਪ ਕਾਟ ਤੁਮ⁴ ਮੁਕਤਿ ਸੁ ਕਰੈ ॥ 39 ॥
ਇਹ ਸੋ ਮੁਕਤਿ ਭਈ ਸੁਨ ਮਾਤਾ । ਗਈ ਬੈਕੁੰਠ⁵ ਨੀਕ ਧਰ ਗਾਤਾ ।
ਹਉ ਅਸਥਨ ਇਸਕਾ ਮੁਖ ਲਯੋ । ਜਾਨ ਮਾਤ ਸਮ ਨਿਜ ਪਦ ਦਯੋ ॥ 40 ॥

ਦੋਹਰਾ

ਮਾਤ ਗੰਗ ਯਉ ਸੁਨਤ ਹੀ ਉਸਤਤ ਕਰੀ ਅਪਾਰ ।
ਮਮ ਸੁਤ ਕਰ ਜਾਨਯੋ ਤੁਮਹਿ ਬਖਸੋ ਭੁਲ ਹਮਾਰ ॥ 41 ॥

ਸਵੈਯਾ

ਬਾਲ ਕੋ ਰੂਪ ਧਰਯੋ ਹਮਰੇ ਗ੍ਰਿਹ ਤੋਹਿ ਸਭੀ ਜੁਗ ਨੇਤਿ ਬਤਾਵੈ ।
ਸੰਕਰ ਅਉ ਚਤੁਰਾਨਨ ਢੂੰਢਤ ਔਰ ਤਪੀ ਬਹੁ ਧਯਾਨ ਲਗਾਵੈ ।
ਨਾਰਦ ਸਾਰਦ ਖੋਜ ਥਕੇ ਸਭ ਮਰਮ⁶ ਤੁਮਰਾ ਕੋਉ ਨਹਿ ਪਾਵੈ ।
ਸੋ ਤੁਮ ਬਾਲਕ ਰੂਪ ਬਨਾਇ ਸੁ ਦੇਖਤ ਹੋ ਮਮ ਗੋਦ ਸੁਖਾਵੈ ॥ 42 ॥

ਦੋਹਰਾ

ਸ੍ਰੀ ਗੁਰੁ⁷ ਜੀ ਤਬ ਸਮਝਿਓ ਮਾਤਾ ਮਨ ਇਹ ਗਿਆਨ ।
ਮਾਯਾ ਨਿਜ ਡਾਰੀ ਪ੍ਰਭੂ ਮਾਤ ਮੋਹ ਮਨ ਠਾਨ ॥ 43 ॥

ਚੌਪਈ

ਤਬ ਮਾਤਾ ਬਾਲਕ ਉਰ ਲਾਈ । ਦੇਵਤ ਲੋਰੀ ਅਤਿ ਸੁਖਦਾਈ ।
ਦੋਇ ਬਰਸ ਇਹੁ ਭਾਂਤਿ ਬਿਤਾਏ । ਬਾਲ ਚਰਿਤ ਗੁਰ ਅਨਿਕ ਕਰਾਏ ॥ 44 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਧਰਾਈ ³ੲ ਪੋਥੀ ਬਿਨੀ ⁴ਅ ਪੋਥੀ ਤੋਹਿ ⁵ਅ ਪੋਥੀ ਸੁਰਗ ⁶ਅ ਪੋਥੀ
ਭੇਦ ੲ ਪੋਥੀ ਰਹਸ ⁷ਅ ਪੋਥੀ ਸਤਿਗੁਰੂ ⁸ਅ ਪੋਥੀ ਦੇਵਹਿੰ

ਗੁਰ ਸਮਰਥ ਸਗਲ ਘਟਿ ਸੁਆਮੀ । ਮਮ ਕਉ ਜੀਵ ਤੁਛ ਮਤਿ ਕਾਮੀ ।
 ਸਤਿਗੁਰ ਚਰਿਤ ਸੇਸ ਨਹਿ ਪਾਵੈ । ਨੇਤਿ ਨੇਤਿ ਮੁਖ ਚਾਰ ਬਤਾਵੈ ॥ 45 ॥
 ਸੋ ਮੋਸਨ ਕਹਿ ਜਾਤ ਨ ਕੈਸੇ । ਸਾਕ ਬਨਕਿ ਮਨ ਗੁਰ ਗਨ ਜੈਸੇ ।
 ਸ੍ਰੀ ਗੁਰ ਕ੍ਰਿਪਾ ਜਨਮ ਸੁਧ ਕਾਰਨ । ਕਛੁਕ ਕਹਉ ਗੁਰ ਚਰਿਤ ਸੁਧਾਰਨ ॥ 46 ॥
 ਬਾਲ ਚਰਿਤ ਗੁਰ ਅਨਿਕ ਪ੍ਰਕਾਰਾ । ਕੀਏ ਵਡਾਲੀ ਬੀਚ ਸੁਧਾਰਾ ।
 ਏਕ ਦਿਵਸ ਅਸ [ਚਰਿਤ]¹ ਕਰਾਈ । ਸੁਨਹੁ ਸੰਤ ਸਭ ਨਿਜ ਮਨ ਲਾਈ ॥ 47 ॥

ਦੋਹਰਾ

ਕਿਸੀ ਕਾਜ ਮਹਿ ਮਾਤ ਤਬ ਭਈ ਧਿਆਨ ਮੋ² ਲੀਨ ।
 ਰਿੜ੍ਹਤ ਰਿੜ੍ਹਤ ਸ੍ਰੀ ਗੁਰ ਚਲੇ ਤਬੈ ਕਾਜ ਅਸ ਕੀਨ ॥ 48 ॥
 ਏਕ ਸਰਪ³ ਨਿਕਸਿਓ ਤਬੈ ਲਾਭੋ ਡੀਲ ਸੁਹਾਇ ।
 ਨਿਜ ਕਰ ਮਹਿ ਸ੍ਰੀ ਗੁਰ ਲਯੋ ਦੁਹੁ ਹਾਥ ਸੁਖ ਪਾਇ ॥ 49 ॥

ਚੌਪਈ

ਤਬ ਮਾਤਾ ਮੁੜ ਨੈਨ ਨਿਹਾਰਯੋ । ਹਾ ਹਾ ਕਰ ਬਡ⁴ ਸਬਦ ਪ੍ਰਕਾਰਯੋ ।
 ਦੋਰ ਮਾਤ ਬਾਲਕ ਕੋ ਗਹਾ । ਮ੍ਰਿਤਕ ਸਰਪ ਗੁਰੁ ਕਰ ਮਹਿ ਲਹਾ ॥ 50 ॥
 ਸ੍ਰੀ ਗੁਰ ਡਾਰਿ ਸਰਪ ਭੂਅ ਦੀਨਉ । ਧਰਿਓ ਰੂਪ ਤਿਹ ਤੁਰਤ ਨਵੀਨੋ ।
 ਤਬ ਮਾਤਾ ਮਨ ਬਿਸਮੇ ਪਾਈ । ਬੋਲੀ ਬਚਨ ਬਹੁਤ ਭੈ ਖਾਈ ॥ 51 ॥
 ਕੋ ਹੈ ਕਹੁ ਤੁਮ ਕਹਿ ਤੇ ਆਯੋ । ਸਰਪ ਜਨਮ [ਕਿਹ]⁵ ਕਾਰਨੁ ਪਾਯੋ ।
 ਤਬ ਤਿਨਿ ਅਪਨੀ ਕਥਾ ਉਚਾਰੀ । ਸੁਨੋ ਮਾਤ ਤੁਮ ਸੁਤ ਅਵਾਤਾਰੀ ॥ 52 ॥
 ਦ੍ਰਿਸ਼ ਕਾ ਜਨਮ ਪੂਰਬ ਮੁਹਿ ਪਾਯੋ । ਪੜ ਵਿਦਿਆ ਬਹੁ ਮਾਨ ਧਰਾਯੋ ।
 ਅਪਨੇ ਸਮ ਕਿਸੁ ਸਮਝਉ ਨਾਹੀ । ਪ੍ਰਸਨੋਤਰ⁶ ਅਨੇਕ ਕਰਾਹੀ ॥ 53 ॥

ਦੋਹਰਾ

ਏਕ ਸਮੇਂ ਨਾਰਦ ਅਏ ਮੁਨ ਹਰਿ ਭਗਤਿ ਉਦਾਰ ।
 ਤਾਂ ਸੰਗ ਬਹੁ ਉਤਰ ਕਰੇ ਤਿਸੈ ਨਿਰਾਦਰ ਧਾਰ ॥ 54 ॥
 ਐ ਤਿਨ ਕੋ ਹਾਸੀ ਕਰੀ ਹਉ ਅਪਨੇ ਹੰਕਾਰ ।
 ਤਬ ਨਾਰਦ ਜੀ ਕੋਪ ਹੂੰ ਦੀਯੋ ਸ੍ਰਾਪ ਮੁਹਿ ਭਾਰ ॥ 55 ॥

ਚੌਪਈ

ਐਸ ਸ੍ਰਾਪ ਨਾਰਦ ਤਬ ਦੀਨਾ । ਅਰੇ ਦੁਸਟ ਬਡ ਕੁਟਿਲ ਪ੍ਰਬੀਨਾ ।
 ਤੁਮਰੇ ਮਨ ਮਹਿ ਕੁਟਿਲ ਬਸਾਈ । ਕੁਟਿਲ ਜੋਨ ਧਾਰੋ ਤੁਮ ਜਾਈ ।
 ਤੁਮਰੇ ਨਿਕਟ ਨ ਕੋਉ ਆਵੈ । ਸਭੀ ਲੋਕ ਤੁਮਤੇ ਭੈ ਪਾਵੈ⁷ ।
 ਦੀਨ ਸ੍ਰਾਪ ਨਾਰਦ ਜਬ ਭਾਰੀ । ਤਬੈ ਤ੍ਰਸਤਿ ਮੁਹਿ ਬਿਨਤਿ ਉਚਾਰੀ⁸ ।

¹ਅ ਪੋਥੀ ਵਿਚੋਂ ²ਏ ਪੋਥੀ ਮਾਹਿ ³ਏ ਪੋਥੀ ਨਾਗ ⁴ਅ ਤੇ ਏ ਉਚ ⁵ਅ ਪੋਥੀ ਵਿਚੋਂ ⁶ਅ ਤੇ ਏ
 ਪੋਥੀ ਸਾਸਤਾਰਥ ⁷ਅ ਪੋਥੀ ਡਰ ਖਾਵੈ ⁸ਅ ਪੋਥੀ ਅਰਜ ਗੁਕਾਰੀ

ਸ੍ਰਾਪ ਅੰਤ ਕਹੁ ਹੇ ਮੁਨਿ ਨਾਥਾ । ਤ੍ਰਾਹਿ ਤ੍ਰਾਹਿ ਮਮ ਸਰਨਿ ਅਨਾਥਾ ।
 ਸੁਨ ਬਿਨਤੀ ਮੁਹਿ ਨਾਰਦ ਗਯਾਨੀ । ਨਿਜ ਮੁਖ ਸਉ ਪੁਨ ਕੀਨ ਬਖਾਨੀ ।
 ਸ੍ਰਾਪ ਅਮੋਘ ਜਾਨ ਤੁਮ ਭਾਈ । ਧਰੋ ਸਰਪ ਬਪ ਅਤਿ ਦੁਖਦਾਈ ।
 ਅਜੁ ਅਬਨਾਸੀ ਪ੍ਰਭ ਨਿਰੰਕਾਰ । ਗੁਰ ਅਰਜਨ ਗ੍ਰਿਹ ਹੋਈ ਅਵਤਾਰ ॥ 56 ॥

ਦੋਹਰਾ

ਗੋ ਦ੍ਰਿਜ ਕੀ ਰਛ ਨਮਿਤ ਧਰ ਹਰਿ' ਮਾਨੁਖ ਦੇਹੁ ।
 ਹਰਿ ਗੋਬਿੰਦ ਗੁਰ ਨਾਮ ਹੂੰ ਸੋ ਤੁਮ ਜੂਨ ਕਟੇਹੁ ॥ 57 ॥
 ਸੁਨ ਇਹ ਨਾਰਦ ਕੇ ਬਚਨ ਭਯੋ ਸਰਪ ਮਮ ਆਇ ।
 ਨਿਸ ਦਿਨ ਹਉ ਚਿਤਵਤਿ ਰਹਉ ਗੁਰ ਦਰਸਨ ਕਬ ਪਾਇ । 58 ॥

ਸਵੈਯਾ

ਜਾ ਗੁਣ ਪੂਰ ਰਹੀ ਅਵਨੀ ਸੁਖਸਿੰਧ ਪ੍ਰਭੂ ਤੁਮਰੇ ਗ੍ਰਿਹ ਆਯੋ ।
 ਦੀਨ ਪਛਾਨ ਦਇਆ ਚਿਤ ਠਾਨ ਦਿਆਲ ਭਏ ਤਨ ਮੋਹ ਗਾਹਾਯੋ ।
 ਪਰਸਤ ਹਾਥ ਸੁ ਪ੍ਰਾਨੁ ਤਜੈ ਮਮ ਸੁੰਦਰ ਦੇਹਿ ਸੁਰੰ ਇਹ ਪਾਯੋ ।
 ਆਦਿ ਨਾਰਾਇਣ ਹੈ ਸੁਤ ਤੋਹਿ ਧਰੇ ਬਪੁ ਮਾਨੁਖ ਚਰਿਤ ਦਿਖਾਯੋ ॥ 59 ॥

ਚੌਪਈ

ਯੋਉ ਕਹਿ ਤਿਨ ਪਰਕਰਮਾ ਕੀਨੀ । ਗੰਗ ਮਾਤ ਕੀ ਹੋਇ ਅਧੀਨੀ ।
 ਬਹੁਰੋ ਸ੍ਰੀ ਗੁਰ^੧ ਚਰਨ ਗਹਾਨੇ । ਬਾਲ ਰੂਪ ਸੁਦਰ ਸੁਖ ਖਾਨੇ ।
 ਬੰਦਨ ਕਰ ਤਬ ਚੜਿਓ ਬਿਬਾਨਾਂ । ਗਯੋ ਸੁਰਗ^੨ ਗੁਰ ਸੁਜਸ ਬਖਾਨਾ ।
 ਤਬ ਮਾਤਾ ਮਨ ਆਨੰਦ ਪਾਈ । ਸੁਤ ਕੀ ਕੀਨੀ ਬਹੁਤ ਵਡਾਈ ।
 ਸ੍ਰੀ ਗੁਰ ਸਮਝ ਮਾਤ ਮਨ ਗਿਆਨਾਂ । ਕੋਤਕ ਕਰਨੇ ਹਹਿ ਮਮ ਨਾਨਾਂ ।
 ਅਸ ਵਿਚਾਰ ਮੋਹੁ ਮਾਇਆ ਡਾਰੀ । ਗੰਗ ਮਾਤ ਤਬ ਮੁਖਹੂੰ ਉਚਾਰੀ ।
 ਅਬ ਮੇਰੋ ਸੁਤ ਪ੍ਰਭੂ ਬਚਾਯੋ । ਨਾਤਰ ਕਾਲ ਭੁਜੰਗਨ^੩ ਖਾਯੋ ।
 ਅਸ ਕਹਿ ਦੀਨੋ ਦਾਨ ਬਿਅੰਤਾ । ਕੀਨ ਵਾਰਨੇ ਗੁਰ ਅਤਿਅੰਤਾ ॥ 60 ॥

ਦੋਹਰਾ

ਨਿਜ ਮਨ ਮਹਿ ਸੁ ਵਿਚਾਰ ਤਬ ਮਾਤ ਗੰਗ ਅਸ ਕੀਨ ।
 ਅਬ ਸੁਤ ਰਛਯਾ ਪ੍ਰਭੂ ਕਰੀ ਨਗਰ ਵਾਸ ਤਜ ਦੀਨ ॥ 61 ॥
 ਸ੍ਰੀ ਗੁਰੂ ਅਰਜਨ ਦੇਵ ਜੀ ਪਰੀ ਰੈਨਿ ਗ੍ਰਿਹਿ ਆਇ ।
 ਮਾਤ ਗੰਗ ਤਬ ਜੋਰਿ ਕਰ ਬਿਨਤੀ ਕਹੀ ਸੁਨਾਇ ॥ 62 ॥

ਚੌਪਈ

ਹੇ ਪਤਿ ਅਬਿ ਸੁਤ ਪ੍ਰਭੂ ਬਚਾਯੋ । ਹਤਿਓ ਸਰਪ ਸੁਤ ਰਛ ਕਰਾਯੋ ।
 ਮਤ ਭੈ ਹੋਇ ਔਰ ਡਸ ਮਾਰਾ । ਤਾਂਤੇ ਤਜੀਏ ਠੋਰ ਸਕਾਰਾ ।

^੧ਅ ਪੋਥੀ ਪ੍ਰਭੂ ^੨ਦ ਪੋਥੀ ਸਤਿਗੁਰ ^੩ਅ ਤੇ ਦ ਪੋਥੀ ਬੇਕੁੰਨ ^੪ਅ ਪੋਥੀ ਕਾਲੇ ਨਾਗਖਤਿ

ਸ੍ਰੀ ਗੁਰ¹ ਕਹਾ ਨਹੀਂ ਭੈ ਕੋਈ । ਰਹੋ ਪ੍ਰਸੰਨਿ ਚਿੰਤ ਦੁਖ ਖੋਈ ।
 ਭਾਵੀ ਮਿਟਤ ਨਾਂਹਿ ਜਹੀ ਜਈਏ । ਤਾਂਤੇ ਗੁਨ ਗੋਬਿੰਦ ਸਦ ਗਈਏ ।
 ਸੁਧਾ ਸਰੋਵਰ ਡਰ ਹੈ ਭਾਰਾ । ਭਾਵੀ ਮੇਟਨ ਕੋ ਰਖਵਾਰਾ ।
 ਮਾਤ ਕਹਾ ਤਹਿ ਭੈ ਨਹੀਂ ਕੋਈ । ਚਲੋ ਪ੍ਰਾਤ² ਸਭ ਦੁਖ ਪ੍ਰਭ ਖੋਈ ।
 ਸ੍ਰੀ ਗੁਰ ਮਨ ਮਹਿ ਕਰੀ ਵਿਚਾਰਾ । ਨਾਰ ਸੁਭਾਵ ਇਨੈ ਭੈ ਧਾਰਾ ।
 ਅਹਿ ਕਾ ਤ੍ਰਾਸ ਕਹਿਤ ਇਨ ਹੋਈ । ਬਿਨ ਡਰ ਡਰਤ ਨਾਰ ਇਹ ਗੋਈ ॥ 63 ॥

ਦੋਹਰਾ

ਗੰਗ ਮਾਤ ਅਰਜਨ ਗੁਰੂ ਅੰਤ ਇਹੈ ਠਹਿਰਾਇ ।
 ਹੋਤਿ ਪ੍ਰਾਤ ਇਹ ਠਾਂਵ³ ਤਜ ਸੁਧਾ ਸਰੋਵਰ ਜਾਇ ॥ 64 ॥
 ਬਾਤ ਕਰਤ ਨਿਸ ਜਾਮ ਗੈ ਪੁਨ ਗੁਰ ਗਏ ਬਿਰਾਜ ।
 ਤਬ ਇਕ ਕੋਤਕ ਔਰ ਕੀਅ ਹਰਿ ਗੋਬਿੰਦ ਸਿਰਤਾਜ ॥ 65 ॥

ਸਵੈਯਾ

ਮਾਤ ਬਿਰਾਜ ਗਈ ਜਬਹੀਂ ਦਿਖ ਆਪ ਉਠੇ ਗੁਰ ਬਾਲ ਮੁਰਾਰੀ ।
 ਸੇਜ ਤੇ ਨਿੰਮ੍ਹ ਹੂੰ ਬੈਠਤ ਭੇ ਤਬ ਆਵਤਿ ਭੇ ਸਬ ਦੇਵ ਅਪਾਰੀ ।
 ਜਾਨ ਇੰਕਤ ਬਿਨੈ ਕਰੀ ਦੇਵ ਸਦਾ ਸ਼ਿਵ ਨਾਰਦ ਅੰ ਕਲ ਭਾਰੀ ।
 ਜੋਗਨੀ ਚੌਸਠ ਬੀਰ ਬਵੰਜਨ ਆਇ ਸਭੈ ਗੁਰ ਅਗ੍ਰ⁴ ਪੁਕਾਰੀ ॥ 66 ॥

ਚੌਪਈ

ਸਭ ਮਿਲ ਉਸਤਤਿ ਕਰੀ ਅਪਾਰਾ । ਹੇ ਪ੍ਰਭ ਹਰੇ ਭਾਰ ਮਹੀ⁵ ਸਾਰਾ ।
 ਬਾਲ ਰੂਪ ਜਾ ਹਿਤ ਤੁਮ ਧਾਰਿਯੋ । ਕਰੋ ਦੂਰ ਦੁਖ ਦੇਵ ਪੁਕਾਰਿਯੋ ।
 ਨੇਤਿ ਨੇਤਿ ਤੁਹਿ ਬੇਦ ਬਖਾਨੇ । ਮਰਮ ਤੁਮਾਰਾ ਕੋਊ ਨ ਜਾਨੇ ।
 ਜੋਗਨਿ ਕਹਾ ਜੁਧ ਪ੍ਰਭ ਜੀਤੋ । ਭਰੇ ਉਦਰ ਹਮ ਆਨੰਦ ਸੇ ਤੋ ।
 ਬਹੁ ਚਿਰ ਭਯੋ ਜੁਧ ਨਹ ਹੋਯੋ । ਮਰਹਿ ਭੁਖ ਹਮ ਸਭ ਸੁਖ ਖੋਯੋ ।
 ਬਾਲ ਰੂਪ ਪ੍ਰਭ ਤਬ ਮੁਸਕਾਨੇ । ਸ੍ਰੀ ਮੁਖ ਸਉ ਅਸ ਬਚਨ ਬਖਾਨੇ ।
 ਧਰੋ ਧੀਰ ਤੁਮ ਚਿੰਤ ਨ ਧਾਰੋ । ਸਨੇ ਸਨੇ ਤੁਮ ਭੂਖ ਨਿਵਾਰੋ ।
 ਹੇ ਨਾਰਦ ਤੁਮ ਜੁਧ ਉਪਾਵੋ । ਸਿਵ ਗਰ ਰੁੰਡ ਮਾਲ ਪਹਿਰਾਵੋ ॥ 67 ॥

ਦੋਹਰਾ

ਕਲ ਕੋ ਅਸ ਆਗਿਆ⁶ ਕਰੀ ਧਰੋ ਜਨਮ ਤੁਮ ਨਾਰ ।
 ਦਿਲੀ ਬੀਚ ਸੁ ਜਾਇ ਕੈ ਚੰਦੂ ਗ੍ਰਿਹ ਅਵਤਾਰ ॥ 68 ॥
 ਬੀਰ ਬਵੰਜਹਿ ਕੋ ਕਹਾ ਧਾਰੋ ਤੁਮ ਮਾਨੁਖ ਦੇਹਿ ।
 ਮੁਹਿ ਸੰਗ ਹੁਇ ਕਰ ਜੁਧ ਕਰਹੁ ਤੁਰਕ ਨਾਸ ਜਸੁ ਲੇਹੁ ॥ 69 ॥

¹ਏ ਪੌਥੀ ਸਤਿਗੁਰੂ ²ਅ ਪੌਥੀ ਸੁਭਾ ³ਅ ਪੌਥੀ ਠਹਿਰ ⁴ਅ ਪੌਥੀ ਸਮੁਖ ⁵ਅ ਪੌਥੀ ਅਵਨੀ ⁶ਅ ਪੌਥੀ ਆਇਸ

ਚੌਪਈ

ਸ੍ਰੀ ਗੁਰ ਆਗਿਆ ਸਿਰ ਪੁਰ ਧਾਰੇ । ਬਦੰਨ ਕਰ ਸਭ ਦੇਵ ਪਧਾਰੇ ।
 ਮਾਤਾ ਜਾਗ ਉਠੀ¹ ਪੁਨ ਤਬ ਹੀ । ਜਾਵਤ ਦੇਵ ਪਿਖੇ ਤਿਨ ਸਭ ਹੀ ।
 ਨਿਜ ਸੁਤ ਪਿਖਾ ਭ੍ਰਮ ਬੈਠਾਨਾ । ਭਰ ਤਬ ਅੰਕ ਪ੍ਰਯੋਕ ਪਰ ਆਨਾ ।
 ਸ੍ਰੀ ਗੁਰ ਮਾਯਾ ਮਾਤ ਭੁਲਾਈ । ਮਮ ਸੁਤ ਲੇਵਨਿ ਤਸਕਰ² ਆਈ ।
 ਮਮ ਜਾਗਤ ਦਿਖ ਗਏ ਪਲਾਏ । ਨਹਿ ਜਾਗਤਿ ਤੋ ਸੁਤ ਲੈ ਜਾਏ ।
 ਅਸ ਕਹਿ ਲੀਨੋ ਨਿਜ ਉਰ ਲਾਈ । ਜਾਗਤ ਰਹੀ ਨੀਂਦ ਨਹਿ ਪਾਈ ।
 ਤਬ ਲਓ ਨਿਸਾ ਅੰਧੇਰ ਬਿਹਾਨਾ । ਕਸਪ ਸੁਤ³ ਨਿਕਇਓ ਬਲਵਾਨਾ ।
 ਮਰੀਚ ਨਿਵਾਸ ਦੇਖ ਸਭ ਹਰਖੇ । ਕਿਰਨਾ ਮਨੋ ਨਿਸਾ ਬਹੁ ਕਰਖੇ ॥ 70 ॥

ਦੋਹਰਾ

ਮਾਤ ਗੰਗ ਸ੍ਰੀ ਗੁਰੂ ਕੋ ਕਹੀ ਬਾਤ ਸਮਝਾਇ ।
 ਤਸਕਰ ਸੁਤ ਲੇਵਨਿ ਅਏ ਮੋਰੀ ਨੀਂਦ ਬਿਹਾਇ ॥ 71 ॥
 ਮਮ ਜਾਗਤ ਦਿਖ ਕੈ ਸੋਊ ਗਏ ਛਾਡ ਸੁਤ ਚੋਰ ।
 ਇਹ ਤੇ ਅਬ ਪਿਆਨਾ ਕਰਹਿ ਸੁਨ ਬਿਨਤੀ ਪ੍ਰਭ ਮੋਰ ॥ 72 ॥

ਚੌਪਈ

ਸ੍ਰੀ ਗੁਰ ਮਨ ਮਹਿ ਕੀਨ ਬੀਚਾਰਾ । ਪ੍ਰਭ ਮਾਯਾ ਇਨ ਮਤ ਭ੍ਰਮ ਡਾਰਾ ।
 ਗੁਰ ਅਰਜਨ ਤਬ ਮੋਨ ਰਹਾਏ । ਕਵਿ ਕੀ ਬਿਨਤ ਸੁਨੋ ਚਿਤ ਲਾਏ ।
 ਸਤਿਗੁਰ ਕੋਤਕ ਕੀਨ ਅਪਾਰਾ । ਵਡਾਲੀ [ਮਾਂਝ]⁴ ਬਾਲ ਤਨ ਧਾਰਾ ।
 ਕਛੁਕ ਕਹਉ ਗੁਰ ਕਿਰਪਾ ਪਾਈ । ਸਤਿਗੁਰ ਪਿਆਨ ਸੁਧਾਸਰ ਜਾਈ ॥
 ਸੋ ਗਾਥ ਸੁਨੋ ਸਾਧ ਨਿਰਧਾਰਾ । ਭਏ ਤਿਆਰ ਗੁਰੂ ਨਿਰੰਕਾਰਾ ।
 ਰਥ ਹੈ ਬਹਿਲਾਂ ਸਾਜ ਅੰਤਤਾ । ਚੜ ਸੁਖਪਾਲ ਚਲੇ ਭਗਵੰਤਾ ।
 ਸੁਨਹਿਰੀ ਜੜਿਓ ਜੜਾਵਨਿ ਭਾਰੀ । ਤਿਹ ਰਥ ਚੜ ਤਬ ਮਾਤ ਸਿਧਾਰੀ ।
 ਹਰਿ ਗੋਬਿੰਦ ਗੁਰ ਗੋਦੀ ਲੀਨੇ । ਦਾਨ ਅਪਾਰ ਦ੍ਰਿਸ਼ਨ⁵ ਕਉ ਦੀਨੇ ॥ 73 ॥

ਦੋਹਰਾ

ਬਹਿਲਾਂ ਪਰ ਦਾਸੀ ਚੜੀ ਹੈ ਚੜ ਦਾਸ ਅਪਾਰ ।
 ਬਾਜ ਬਜਾਵਤਿ ਤਬ ਚਲੇ ਗੁਰ ਅਰਜਨ ਕਰਤਾਰ ॥ 74 ॥
 ਦੇਵਨਿ ਤਬ ਬਾਜੇ ਹਨੇ ਫੁਲਨਿ⁶ ਕੋ ਬਰਖਾਇ ।
 ਮਨ ਮਹਿ ਆਨੰਦ ਪਾਵਹੀ ਜੈ ਜੈ ਮੁਖਹੁ ਅਲਾਇ ॥ 75 ॥
 ਵਡਾਲੀ ਮਹਿ ਸਤਿਗੁਰ ਰਹੇ ਤੀਨ ਬਰਸ ਸੁਖ ਪਾਇ ॥
 ਸੁਧਾ ਸਰੋਵਰ ਪੁਨ ਅਏ ਬਾਜੇ ਅਧਿਕ ਬਜਾਇ ॥ 76 ॥

¹ਅ ਪੋਥੀ ਮਾਤ ਸੁਚੇਤ ਭਈ ²ਏ ਪੋਥੀ ਚੋਰਸੁ ³ਅ ਪੋਥੀ ਦਿਨਕਰ ਆਇ ⁴ਅ ਪੋਥੀ ਵਿਚੋਂ ⁵ਅ ਪੋਥੀ
 ਬਿਪ੍ਰਨ ⁶ਅ ਤੇ ਏ ਪੋਥੀ ਪੁਰਾਤਨ

ਸਵੇ ਜਾ

ਪੁਨ ਤਾਹਿ ਸਮੇਂ ਗੁਰ ਆਗਮ ਪੇਖ ਸੁਧਾਸਰ ਲੋਕ ਸਬੈ ਹਰਖਾਏ ।
ਆਗੇ ਹੀ ਆਇ ਮਿਲੈ ਗੁਰ ਕਉ ਸਭ ਪਾਇ ਖੁਸ਼ੀ ਤਬ ਦੇਤ ਬਧਾਏ ।
ਗੁਰ [ਬੰਦਨਿ]¹ ਕੈ ਪੁਰ ਮਾਹਿ ਧਸੇ ਤਬ ਕੋਨ ਕਵੀ ਉਪਮਾਂ ਪੁਰੇ ਗਾਏ ।
ਸੇਸ ਸੁਰੇਸ ਮਹੇਸ ਜਲੇਸ ਨਹੀਂ ਅਲਕੇਸ ਪੁਰੀ ਇਹ ਭਾਵੇ ॥ 77 ॥
ਆਨੰਦ ਧਾਰ ਕੀਏ ਹਰਖਾਰ ਚਲੇ ਦਰਬਾਰ ਗੁਰੂ ਸੁਖ ਧਾਰੀ ।
ਨਾਂਗੇ ਹੀ ਪਾਦ² ਪਿਆਨ ਕੀਓ ਤਬ ਲੀਨ ਕੜਾਹ ਅਰਦਾਸ ਅਪਾਰੀ ।
ਉਪਮਾ ਦਰਬਾਰ ਕੀ ਕੈਸੇ ਕਰਹਿ ਜਨ ਤਾਹ ਜਹਾਜ ਸੁਸਿੰਧ ਮਝਾਰੀ ।
ਪਿਖ ਦਰਬਾਰ ਸ੍ਰੀ ਗੁਰੁ ਅਰਜਨ ਬੰਦਨ ਕੀਨ ਹਰਿ ਅੰਚਰ ਡਾਰੀ ॥ 78 ॥

ਸੋਰਠਾ

ਪੁਨ ਅਰਦਾਸ ਕਰਾਇ, ਪ੍ਰਸਾਇ ਵਰਤਾਇ ਤਬ ਹੀ ਦਯੋ ।
ਗੁਰ ਅਰਜਨ ਸੁਖ ਪਾਇ, ਕੀਨ ਪਰਿਕਰਮਾ ਪ੍ਰੇਮ ਸਿਉ³ ॥ 79 ॥

ਚੋਪਈ

ਬਾਰ ਬਾਰ ਬੰਦਨ ਦਰਬਾਰ । ਗੁਰ ਅਰਜਨ ਕੀਨੀ ਹਰਖਾਰ ।
ਦੇਵਤ ਦਾਨ ਚਲੇ ਸੁਖ ਪਾਈ । ਬਡੀ ਪਰਿਕਰਮਾ ਅਤਿ ਹਰਖਾਈ ।
ਗੁਰ ਅਰਜਨ ਮਨ ਕੀਨ ਵਿਚਾਰ । ਰਾਖਨ ਮ੍ਰਿਜਾਦ ਗੁਰੂ⁴ ਕਰਤਾਰਾ ।
ਪ੍ਰਿਥਮੇ ਪ੍ਰਿਥੀਏ ਗ੍ਰਿਹ ਚਲ ਜਯੋ । ਬੰਦਨ ਕਰ ਨਿਜ ਧਾਮ ਸਿਧਯੋ ॥
ਅਸ ਵਿਚਾਰ ਪ੍ਰਿਥੀਏ ਗ੍ਰਿਹ ਆਏ । ਸਮਝ ਭ੍ਰਾਤ ਬਡ ਚਰਨ ਗਹਾਏ ।
ਭਗਤਿ ਸਿੰਘ ਤਬ ਹਾਥ ਜੁਰਾਨੇ । ਬਿਨਤੀ ਕਰੀ ਸੰਕ ਜੀਅ ਆਨੇ ।
ਹੈ ਗੁਰ⁵ ਤਿਨ ਬਡ ਵੈਰ ਕਮਾਈ । ਵਿਸ ਦੇ ਪਠੀ ਕਪਟਿ ਧਰਿ ਦਾਈ ।
ਔਰ ਅਨਿਕ ਛਲੁ ਕੀਨੁ ਅਪਾਰਾ । ਗੁਰੁ ਅਰਜਨ ਕਿਉਂ ਬੰਦਨ ਧਾਰਾ ॥ 80 ॥

ਦੋਹਰਾ

ਮਨੀ ਸਿੰਘ ਐਸੇ ਕਹਾ ਸੁਨ ਸਾਧੂ ਨਿਰਧਾਰ ।
ਸੰਤ ਗੁਰੁ ਸਮ ਚਿਤ ਸਦਾ ਕਪਟਿ ਕਰਹਿ ਨਿਰਵਾਰ ॥ 81 ॥
ਹਿਰਦੇ ਔਰ ਮੁਖ ਗੁਰੂ ਕੇ ਏਕ ਬਾਤ ਸਦ ਹੋਇ ।
ਦੁਸਟਿ ਜੀਵ ਰਿਦਿ ਕਪਟ ਧਰਿ ਮੁਖ ਮੀਠਾ ਰਹਿ ਸੋਇ⁶ ॥ 82 ॥

ਸਵੈਯਾ

ਸਾਂਤਿ ਰਿਦੇ ਗੁਰ ਅਰਜਨ ਜੀ ਤਬ ਕੀਨ ਪਰਣਾਮ ਰਿਦੇ ਹਰਖਾਏ ।
ਮਾਥਾ ਟਿਕਾਇ ਤਬੈ ਨਿਜ ਪੁਤ੍ਰਹਿ ਤੋਹਿ ਕ੍ਰਿਪਾ ਪ੍ਰਭੁ ਬਾਲਕ ਪਾਏ ।

¹ਅ ਏਥੀ ਵਿਚੋਂ ²ਦ ਏਥੀ ਪਾਇ ³ਅ ਏਥੀ ਜੁਤ ⁴ਅ ਤੇ ਏ ਏਥੀ ਮਰਯਾਦਾ ਗੁਰ ⁵ਅ ਏਥੀ ਸੰਗਿ ਗੁਰੂ
⁶ਅ ਏਥੀ ਓਇ

ਪ੍ਰਿਥੀਆ ਰਿਦ ਤਰਕੇ ਦੋਟੂਕ ਭਯੋ ਪਿਖ ਤਾਸ ਕੋ ਪੁਤ੍ਰ ਮਨੇ ਖੁਨਸਾਏ ।
ਚਿਰਜੀਵ ਰਹੇ ਮੁਖ ਬੈਨ ਕਹੇ ਮਟਕੀ ਵਿਸ ਕੀ ਮੁਖ ਘ੍ਰਿਤ ਸਹਾਏ ॥ 83 ॥

ਚੋਪਈ

ਮਾਤ ਗੰਗ ਪੁਨ ਆਈ ਤਹਾਂ । ਕਰਮੋਂ ਬਡੀ ਜਿਠਾਣੀ ਜਹਾਂ ।
ਆਇ ਮਾਤ ਤਬ ਚਰਨਨਿ ਲਾਗੀ । ਹਰਿਗੋਬਿੰਦ ਗੋਦੀ ਵਡਭਾਗੀ ।
ਹਰਿਗੋਬਿੰਦ ਕੋ ਮਾਥ ਟਿਕਾਯੋ । ਕਹਿਯੋ ਕ੍ਰਿਪਾ ਤੁਮਰੀ ਸੁਤ ਪਾਯੋ ।
ਮੁਖ ਸਉਂ ਕਰਮੋਂ ਦਈ ਬਧਾਈ । ਮਨ ਮਹਿ ਤਪੀ ਬਹੁਤ ਦੁਖ ਪਾਈ ।
ਜਰ ਬਰ ਆਠ ਟੂਕ ਹੂੰ ਗਈ । ਬਹੁ ਪ੍ਰਕਾਰ ਮਨ ਚਿੰਤਾ ਲਈ ।
ਪ੍ਰਸਪਰ ਪੂਛੀ ਕੁਸਲ ਬਹੋਰੀ । ਦਈ ਅਸੀਸ ਜੀਵ ਸੁਤ ਤੋਰੀ ।
ਪ੍ਰਿਥੀਏ ਕੀ ਗੁਰ ਆਗਿਆ ਪਾਏ । ਮਹਾਂ ਦੇਵ ਗ੍ਰਿਹਿ ਤਬ ਹੀ ਆਏ ।
ਪੁਤ੍ਰ ਸਹਤਿ ਤਬ ਬੰਦਨ ਕੀਨੀ । ਗੁਰ ਅਰਜਨ ਜੀ ਹੋਇ ਅਧੀਨੀ ॥ 84 ॥

ਦੋਹਰਾ

ਸਾਂਤ ਰਿਦੈ ਮਹਾਂਦੇਵ ਜੀ ਮਨ ਮਹਿ ਆਨੰਦ ਧਾਰ ।
ਦਈ ਬਧਾਈ ਹਰਖ ਸਉ ਵਾਰਿਓ ਦਰਬ ਅਪਾਰ ॥ 85 ॥
ਨਿਜ ਮੁਖ [ਸਿਉ]¹ ਐਸੇ ਕਹਾ ਜੀਵੈ ਤੁਮਰੇ ਤਾਤ ।
ਮਹਾਂਬਲੀ ਜੋਧਾ ਭਯੋ ਜਾਨ ਇਸੇ ਬਿਖਯਾਤ ॥ 86 ॥

ਚੋਪਈ

ਮਹਾਂ ਦੇਵ ਕੀ ਆਗਿਆ ਪਾਏ । ਗੁਰ ਅਰਜਨ ਜੀ ਨਿਜ ਗ੍ਰਿਹਿ ਆਏ ।
ਕੋਤਕ ਕੀਨੇ ਅਨਿਕ ਪ੍ਰਕਾਰਾ । ਸੋ ਮੋ ਪੈ ਨਹਿ ਜਾਤ ਉਚਾਰਾ ।
ਤੀਨ ਬਰਸ ਕਾ ਸੁਤ ਜਬ ਚੀਨੋ । ਮਾਤ ਗੰਗ ਅਸ ਉਦਮ ਕੀਨੋ ।
ਗੁਰ ਅਰਜਨ ਕੋ ਕਹਾ ਸੁਨਾਈ । ਬ੍ਰਹਮ ਭੋਜ ਕਰੀਏ ਸੁਖ ਪਾਈ ।
ਸ੍ਰੀ ਗੁਰ ਕਹਾ ਦੇਰ ਨਹੀਂ ਲਾਵੋ । ਭੋਜ ਦਰਬ² ਬਹੁ ਵਸਤੁ ਮੰਗਾਵੋ ।
ਤਬੈ ਮਾਤ ਸਭ ਵਸਤੁ ਮੰਗਾਈ । ਦੀਏ ਕੜਾਹੇ ਅਨਿਕ ਚੜਾਈ ।
ਗੁਰ ਅਰਜਨ ਜੀ ਤਬੈ ਬੁਲਾਏ । ਪ੍ਰਿਥੀਆ ਕਰਮੋਂ ਦੋਨੋ ਆਏ ।
ਮਹਾਂਦੇਵ ਜੀ ਆਪਹਿ ਆਯੋ । ਸੁਧ ਸਾਂਤ ਰਿਦ ਹਰਖ ਧਰਾਯੋ ॥ 87 ॥

ਦੋਹਰਾ

ਭਾਂਤ ਭਾਂਤ ਪਕਵਾਨ ਸਭ ਭਏ ਤਯਾਰ ਜਬ ਆਇ ।
ਤਬ ਨਿਵਤੇ ਬ੍ਰਹਮਨ³ ਸਗਲ ਮਨ ਮਹਿ ਆਨੰਦ ਪਾਇ ॥ 88 ॥
ਤਬ ਦ੍ਰਿਜ ਸਗਲ ਬੁਲਾਇ ਕੈ ਪੰਗਤ ਬਹੁਤ ਬਹਾਇ ॥
ਮਨ ਬਾਛਤ ਭੋਜਨ ਦੀਓ ਗਨਨਾਂ ਗਨੀ ਨ ਜਾਇ ॥ 89 ॥

¹ਇ ਪੋਥੀ ਵਿਚੋਂ ²ਅ ਪੋਥੀ ਮਾਇਆ ³ਅ ਤੇ ਏ ਪੋਥੀ ਬਿਪਰਨ

ਚੌਪਈ

ਹੋਇ ਸਬ ਤ੍ਰਿਪਤ ਉਠੇ ਦਿਜਰਾਈ । ਭਾਂਤਿ ਭਾਂਤਿ ਕੀ ਦਛਨਾ¹ ਪਾਈ ।
 ਮੁਖ ਸਉ ਸਭ ਦਿਜ ਐਸ ਉਚਾਰਾ । ਚਿਰ ਜੀਵੈ ਸੁਤ ਬਲੀ ਤੁਮਾਰਾ ।
 ਇਹੁ ਕਹਿ ਦਿਜ ਨਿਜ ਧਾਮ ਸਿਧਾਏ । ਤਿਨ ਬਚ ਸੁਨ ਪ੍ਰਿਥੀਏ ਦੁਖ ਪਾਏ ।
 ਬਹੁ ਸੋਭਾ ਤਬ ਦਿਖ ਨ² ਸਕਾਨੇ । ਭੋਜਨ ਲੈ ਨਿਜ ਧਾਮ ਸਿਧਾਨੇ ।
 ਭੋਜਨ ਕਰ ਮਹਾਂਦੇਵ ਸਿਧਾਯੋ । ਨਿਜ ਮਨ ਮਹਿ ਬਡ ਆਨੰਦ ਪਾਯੋ ।
 ਨਗਰ ਲੋਗ ਬਹੁ ਆਵਹਿ ਧਾਈ । ਰਾਮਦਾਸ ਗੁਰ ਵੇਲ ਵਧਾਈ ॥ 90 ॥

ਦੋਹਰਾ

ਬਹੁਤ ਨਫੀਰੀ ਤੂਤੀਆ ਬਾਜੇ ਬਜਤ ਅਪਾਰ ।
 ਕਰਮੋਂ ਸੁਨ ਚਿੰਤਾ ਕਰੀ ਚਲ ਨਿਜ ਪਤਿ ਨਿਕਟਾਰ ॥ 91 ॥
 ਹੈ ਪਤਿ ਗੰਗਾ ਸੁਤ ਭਯੋ ਅਰ ਗ੍ਰਿਹ ਦਰਬ ਅਨੰਤ ।
 ਤੁਮਹਿ ਬੰਨ ਝਨੇ ਭਏ ਕਿਆ ਕਰ ਹੈ ਭਗਵੰਤ ॥ 92 ॥

ਚੌਪਈ

ਪ੍ਰਿਥੀਏ ਕਹਾ ਚਿੰਤ ਨਹਿ ਕਰਉਂ । ਸੀਤਲਾ ਬਡੀ ਹੋਇ ਚਿਤ ਧਰਉ ।
 ਇਹ ਬਿਧ ਬਾਤ ਭਈ ਪ੍ਰਤਿ ਬਾਮਾ । ਅਬ ਸੁਨ ਗਾਥ⁴ ਗੁਰੁ ਅਭਿਰਾਮਾ ॥
 ਹਰਿ ਗੋਬਿੰਦ ਕੇ ਤੋਤਲ⁵ ਬੰਨਾਂ । ਸੁਨ ਸੁਨ ਮਾਤ ਕਰੈ ਮਨ ਚੈਨਾਂ ।
 ਕਿੰਕਨ ਨੂਪਰ ਸਬਦ ਅਪਾਰ । ਮੋਹਿਹੰ ਦੇਖ ਸਭੈ ਨਰਿ ਨਾਰ ।
 ਨੇਤਿ ਨੇਤਿ ਜਿਹ ਬੇਦ ਉਚਾਰੈ । ਸੋ ਗੁਰ ਅਰਜਨ ਅਜਰ ਵਿਹਾਰੈ ।
 ਮਾਤ ਗੰਗ ਸਭ ਕਾਜ ਤਿਆਗੇ । ਹਰਿ ਗੋਬਿੰਦ ਜਬ ਖੇਲਨ ਲਾਗੇ ।
 ਬਾਲ ਚਰਿਤ⁶ ਬਹੁ ਭਾਂਤ ਅਪਾਰਾ । ਕੀਨੇ ਹਰਿਗੋਬਿੰਦ ਕਰਤਾਰਾ ।
 ਸੇਸ ਸਹਸ ਮੁਖ ਪਾਇ ਨ ਪਾਰੋ । ਤੁਛ ਬੁਧ ਮਮ ਕੈਸ ਉਚਾਰੋ ॥ 93 ॥

ਦੋਹਰਾ

ਪਾਂਚ ਬਰਸ ਕੇ ਜਬ ਭਏ ਹਰਿ ਗੋਬਿੰਦ ਬਲਵਾਨ ।⁷
 ਠੰਢੀ ਤਬ ਨਿਕਸਤ ਭਈ ਅਤਿ ਭਾਰੀ ਦੁਖ ਖਾਨ ॥ 94 ॥
 ਤਬ ਗੁਰ ਅਰਜਨ ਦ੍ਰਿਜਨ ਕੋ ਲੀਨੋ ਤੁਰਤ ਬੁਲਾਇ ।
 ਦੁਰਗਾ ਭੇਟ ਸਭ ਹੀ ਪੜਹੁ ਕਰ ਪੂਜਾ ਮਨਿ ਲਾਇ ॥ 95 ॥

ਅਭਿਲ

ਇਹੁ ਦਿਖ ਪ੍ਰਿਥੀਏ ਮਨ ਮਹਿ ਅਤਿ ਸੁਖ ਪਾਇਓ ।
 ਅਬ ਜਾਨੋਂ ਇਹੁ ਬਾਲਕ ਠੰਢੀ ਖਾਇਓ ।

¹ਅ ਪੌਥੀ ਤਿਨ ਦਛਨ ²ਏ ਪੌਥੀ ਪਿਖ ³ਅ ਪੌਥੀ ਬਜਹਿ ⁴ਅ ਪੌਥੀ ਕਥਾ ⁵ਏ ਪੌਥੀ ਮੀਨੋ ⁶ਅ ਪੌਥੀ ਚਰਿਤ੍ਰ ⁷ਏ ਪੌਥੀ ਭਗਵਾਨ

ਜੈਸ ਕੋਉ ਨਰ ਕਰੈ ਤੈਸ ਕੋ ਪਾਵਈ ।

ਹੋ ਪਾਪੀ ਕੇ ਮਨ ਪਾਪ ਪਾਪ ਪਚ ਜਾਵਈ ॥ 96 ॥

ਚੌਪਈ

ਨਿਕਸੀ ਮਾਡਾ ਬਹੁਤ ਅਪਾਰਾ । ਨੈਨ ਢਾਪ ਨਹਿ ਨੈਨ ਨਿਹਾਰਾ ।

ਤੀਨ ਦਿਵਸ ਨਿਕਸੀ ਕੋ ਭਏ । ਬਹੁਤ ਖੇਦ ਬਾਲਕ ਤਨ ਲਏ ।

ਖੇਦ ਨਿਵਾਰ ਨਿਹਾਰ ਮੁਰਾਰਾ । ਕੌਤਕ ਕਰਹਿ ਸੁ ਨਰ ਅਨੁਸਾਰਾ ।

ਠੰਢੀ ਕੇ ਦਾਣੈ ਸਮ ਮੋਤੀ । ਨੈਨਨਿ ਪਰ ਸੋਭਤਿ ਬਡ ਜੋਤੀ ।

ਨੈਨ ਮੂੰਦ ਕਛੁ ਦਿਸਟ¹ ਨ ਆਵੈ । ਮਾਤ ਗੰਗ ਮਨ ਮਹਿ ਡਰ ਪਾਵੈ ।

ਪਾਂਚ ਦਿਵਸ ਜਬ ਭਏ ਬਿਤੀਤ । ਠੰਢੀ ਮੁੜੀ ਮਹਾਂ ਸੁਖ ਰੀਤ ।

ਬ੍ਰਹਿਮਣੁ² ਭੇਟਾ ਦੁਰਗਾ ਕੀ ਰਰਹਿੰ । ਨਿਤ ਨਵੀਨ ਹਵਨ ਕਉ ਕਰਹਿੰ ।

ਕੰਨਿਆ ਕੋ ਭੋਜਨ ਨਿਤ ਦੇਵੈ । ਭੂਖਨ ਬਸਨ ਦੇਹਿ ਸੁਖ ਲੇਵੈ ॥ 97 ॥

ਕੁੰਡਲੀਆ

ਬ੍ਰਾਹਮਣ ਕੇ ਪ੍ਰਸਾਦਿ ਤੇ ਦੁਰਗਾ ਭਈ ਪ੍ਰਸੰਨ ।

ਸਪਤ ਦਿਵਸ ਬੀਤਤ ਭਏ ਠੰਢੀ ਕਹਿ ਧੰਨ ਧੰਨ ॥

ਠੰਢੀ ਕਹਿ ਧੰਨ ਧੰਨ ਹਰਿ ਗੋਬਿੰਦ ਨੈਨ³ ਉਘਾਰੇ ।

ਦਿਖ ਹਰਖੀ ਤਬ ਮਾਤਾ ਔਰ ਦਿਖ ਸਭ ਪਰਵਾਰੇ ।

ਸ੍ਰੀ ਗੁਰੂ ਅਰਜਨ ਦੇਵ ਸ੍ਰੀ ਮੁਖ ਸਬਦ ਉਚਾਰਯੋ ।

ਨਿਜ ਸੁਤ ਕੇ ਪ੍ਰਥਾਇ ਔਰ ਸਭ ਜਗ ਕਉ ਤਾਰਯੋ ॥ 98 ॥

ਦੋਹਰਾ

ਇਕ ਸੌ ਤਿੰਨ ਪਰ ਸਬਦ ਹੈ ਗਉੜੀ ਰਾਗ ਮਝਾਰ ।

ਠੰਢੀ ਕਸਟ ਨ ਵਿਆਪਈ ਜੋ ਨਰ⁴ ਸਬਦ ਉਚਾਰ ॥ 99 ॥

ਗਉੜੀ ਮਹਲਾ ੫⁵

ਨੇਤ੍ਰ ਪ੍ਰਗਾਸੁ ਕੀਆ ਗੁਰ ਦੇਵ । ਭਰਮ ਗਏ ਪੂਰਨ ਭਈ ਸੇਵ ॥ ਰਹਾਉ ॥

ਸੀਤਲਾ ਤੇ ਰਖਿਆ ਬਿਹਾਰੀ । ਪਾਰਬ੍ਰਹਮ ਪ੍ਰਭ ਕਿਰਪਾ ਧਾਰੀ ॥ 100 ॥

ਨਾਨਕ ਨਾਮੁ ਜਪੈ ਸੋ ਜੀਵੈ । ਸਾਧਸੰਗਿ ਹਰਿ ਅੰਮ੍ਰਿਤੁ ਪੀਵੈ ॥ 101 ॥

ਅਰਥ ॥ ਸਵੈਯਾ ॥

ਨੈਨ ਪ੍ਰਗਾਸ⁶ ਗੁਰਦੇਵ ਕੀਓ ਭ੍ਰਮ ਦੂਰ ਭਯੋ ਮਨ ਮਹਿ ਸੁਖ ਪਾਯੋ ।

ਪੂਰਨ ਸੇਵ ਭਈ ਹਮਰੀ ਅਬ ਸੀਤਲਾ ਰਛ ਕਰੀ ਬਿਰਦਾਯੋ ।

ਪਾਰਬ੍ਰਹਮ ਕਰੀ ਕਿਰਪਾ ਹਮਰੇ ਸੁਤ ਨਾਨਕ ਨਾਮ ਮਹਾਂ ਰਸੁ ਖਾਯੋ⁷ ।

ਸਾਧ ਸੰਗ ਬੁਢੇ ਜੁੜ ਹੋਹੀ ਹਰੀ ਹਰਿ ਅੰਮ੍ਰਿਤ ਪਾਨ ਕੇ ਦੁਖ⁸ ਗਵਾਯੋ ॥ 102 ॥

¹ਏ ਪੋਥੀ ਨਜਰ ²ਅ ਪੋਥੀ ਦ੍ਰਿਜਜਨ ³ਅ ਪੋਥੀ ਨੇਤ੍ਰ ⁴ਏ ਪੋਥੀ ਜਨ ⁵ਸ੍ਰੀ ਗੁਰੂ ਗ੍ਰੰਥ ਸਾਹਿਬ, ਪੰਨਾ 200 ⁶ਅ ਪੋਥੀ ਪ੍ਰਕਾਸ ⁷ਏ ਪੋਥੀ ਸੁਖ ਪਾਯੋ ⁸ਅ ਪੋਥੀ ਦੁਖ

ਦੋਹਰਾ

ਐਸ ਸਬਦ ਸ੍ਰੀ ਗੁਰ ਕਹਾ ਮਨ ਮਹਿ ਆਨੰਦ ਧਾਰ ।
 ਪੂਜਨ ਕੀ ਤਿਆਰੀ ਕਰੀ ਸ੍ਰੀ ਦੁਰਗਾ¹ ਦਰਬਾਰ ॥ 103 ॥
 ਸਭ ਪਰਵਾਰ ਕੋ ਸੰਗ ਲੈ ਗੰਗ ਮਾਤ ਪਰਬੀਨ ।
 ਕਰਮੋਂ ਕੋ ਨਿਜ ਸੰਗ ਲੈ ਚਲੀ ਹਰਖ ਚਿਤ ਲੀਨ ॥ 104 ॥

ਚੌਪਈ

ਗੁਰ ਅਰਜਨ ਪ੍ਰਿਥੀਆ ਸੰਗ ਲੀਨੋ । ਆਨੰਦ ਧਾਰ ਦਾਨ ਬਹੁ ਦੀਨੋ ।
 ਬਾਜ ਬਜਾਵਤਿ ਚਲੇ ਅਪਾਰਾ । ਦੁਰਗਿਆਣੇ ਦੇਵੀ ਦਰਬਾਰਾ ।
 ਪ੍ਰਿਥੀਆ ਕਰਮੋ ਜਾਤ ਸੰਗ ਕੈਸੇ । ਸੁੰਨਾ ਗ੍ਰਿਹ ਹੋਵਤ ਹੈ ਜੈਸੇ ।
 ਇਹ ਬਿਧ ਸੋ ਜਾਵਤ ਮਨ ਮਾਰੇ । ਕਾਹੂੰ ਸਿਉਂ ਨਹੀਂ ਬੈਨ ਉਚਾਰੇ ।
 ਦੁਰਗਿਆਣੇ ਦੁਰਗਾ ਕਾ ਭੋਨ । ਦੁਰਗਾ ਬਿਪ ਪੁਜਾਰੀ ਤੋਨ ।
 ਬਾਜ ਬਜਾਵਤ ਗੁਰ ਤਹਿ ਗਏ । ਦੁਰਗਾ ਭਵਨ ਦੇਖ² ਬਿਗਸਏ ।
 ਪੂਜਾ ਨਲੇਰ³ ਸਿਉ ਦਰਬ ਅਪਾਰਾ । ਭੇਟਾ ਧਰੀ ਦੇਵਿ ਦਰਬਾਰਾ ।
 ਦੇਵੀ ਕੀ ਪਰਿਕ੍ਰਮਾ ਕੀਨੀ । ਦੇਹੁਰੇ ਕੀ ਅਤਿਸੈ ਛਬ ਚੀਨੀ ॥ 105 ॥

ਸਵੇਯਾ

ਐਸੀ ਪੂਜਾ⁴ ਤਹਾਂ ਸੋਭਤਿ ਹੈ ਸਿਵ ਕੇ ਰਿਪੁ ਕੀ ਪੂਜ ਕੇ ਦੇਖ ਲਜਾਵੈ ।
 ਸਾਮੁਹੇ ਸ਼ੇਰ ਬਿਰਾਜਤ ਸੁੰਦਰ ਦੁਸਟਨਿ ਕੋ ਮਨੋ ਮੂਲ ਪੁਟਾਵੈ ।
 ਦਾਹਨੇ ਮਾਤ ਕੇ ਲੋਕਰਾਂ ਕੂਦਤ ਛਤ੍ਰ ਸੁਵਰਨ ਕੋ ਸੀਸ ਝੁਲਾਵੈ ।
 ਮਾਤ ਕੇ ਮੰਦਰ ਕੀ ਉਪਮਾ⁵ ਤਬ ਕੋਨ ਕਵੀ ਮੁਖ ਆਖਿ ਸੁਨਾਵੈ ॥ 106 ॥

ਦੋਹਰਾ

ਬਾਰ ਬਾਰ ਬੰਦਨ ਕਰੀ ਦੀਨੋ ਦਾਨ ਅਪਾਰ ।
 ਬਾਜ ਬਜਾਵਤਿ ਤਬ ਅਏ ਸ੍ਰੀ ਗੁਰੂ ਧਾਮ ਮਝਾਰ ॥ 107 ॥

ਸ਼ਰਠਾ

ਤਬੈ ਕੜਾਹੀ ਕੀਨ ਕੰਜਕਾ ਲੀਨ ਬੁਲਾਇ ਬਹੁ ।
 ਭੂਖਨ ਚੁੰਨੀਆਂ ਦੀਨ ਬਜੇ ਬਜ੍ਯੰਤ ਸੁ ਹਰਖ ਸਿਉ ॥ 108 ॥

ਦੋਹਰਾ

ਆਨੰਦ ਸਉਂ ਸ੍ਰੀ ਗੁਰ ਜੀ⁶ ਦੀਨੋ ਦਾਨ ਅਨੰਤ ।
 ਨਾਈ ਬ੍ਰਹਮਣ ਭਿਖਕ ਸਭ ਲੀਨੋ ਦਰਬ ਬਿਅੰਤ ॥ 109 ॥

ਚੌਪਈ

ਮਿਲ ਮਿਲ ਝੁੰਡ ਤ੍ਰਿਆ ਤਬ ਆਈ । ਗੰਗ ਮਾਤ ਕੋ ਦੇਨਿ ਵਧਾਈ ।
 ਪਾਰਜਾਤ ਕੇ ਫੂਲ ਅਪਾਰੀ । ਡਾਰਹਿ ਦੇਵ ਸੁ ਅੰਜਲ ਧਾਰੀ ।

¹ਅ ਤੇ ਏ ਪੋਥੀ ਸੀਤਲਾ ²ਅ ਪੋਥੀ ਪਿਕ ³ਅ ਪੋਥੀ ਨਾਰੋਲ ⁴ਏ ਪੋਥੀ ਪੂਜਾ ⁵ਅ ਪੋਥੀ ਮਹਿਮਾ
⁶ਏ ਪੋਥੀ ਸਤਿਗੁਰੂ

ਅਤਿਸੈ ਤਹਾਂ ਕੁਲਾਹਲ ਭਯੋ । ਕਵਿ ਮੁਖ ਏਕ ਜਾਇ ਕਸ¹ ਕਹਿਓ ।
 ਇਹ ਭਈ ਪੂਰ ਔਰ ਗਥ ਕਹਉ । ਸਿਦਕ ਦਾਨ² ਤੁਮਤੇ ਮੈ ਲਹਉ ।
 ਬਜਤ ਸੁ ਬਾਜੇ ਬਹੁ ਸੁਨ ਪਾਈ । ਪ੍ਰਿਥੀਏ ਕੀ ਨਾਰੀ ਰਿਸ ਖਾਈ ।
 ਖਾਨ ਪਾਨ ਸਭ ਹੀ ਭੁਲ ਗਯੋ । ਮਾਨੋ ਇਹ ਹੈ ਸੋਕ ਭਵ ਲਯੋ³ ।
 ਪ੍ਰਿਥੀ ਚੰਦ⁴ ਕੋ ਕਹਾ ਸੁਨਾਈ । ਹੇ ਪਤਿ ਮੁਹਿ ਬਡ ਚਿੰਤਾ ਪਾਈ ।
 ਪ੍ਰਿਥਮ ਕਹਾ ਤੁਮ ਇਨ ਸੁਤ ਨਾਹੀ । ਸਭ ਕਛੁ ਆਵੈ ਮਮ ਗ੍ਰਿਹ ਮਾਂਹੀ ॥ 110 ॥

ਦੋਹਰਾ

ਸੁੰਦਰ ਸੁਤ ਦੀਨਾ ਪ੍ਰਭੂ ਦਿਖ ਇਨਕੇ ਗ੍ਰਿਹ ਮਾਂਹਿ ।
 ਮਿਥਯਾ ਬਚਨ ਸੋ ਤੁਮ ਭਏ ਫਿਰ ਦਾਈ ਹਤਿਆਇ ॥ 111 ॥
 ਬਹੁਰ ਸਰਪ ਭੈ ਹੋਇਓ ਉਲਟਿ ਤਿਸੈ ਕੋ ਘਾਇ ।
 ਠੰਢੀ ਅਬ ਨਿਕਸਤ ਭਈ ਸੋ ਭੀ ਗਈ ਬਿਹਾਇ ॥ 112 ॥

ਚੌਪਈ

ਹੇ ਪਤਿ ਅਬ ਕਿਆ ਜਤਨ ਕਰੀਜੈ । ਜਾਂਤੇ ਯਾਹਿ ਪੁਤ੍ਰ ਹਤਿ ਕੀਜੈ ।
 ਇਹੀ ਸਲ⁵ ਹਮਰੇ ਮਨ ਮਾਂਹਿ । ਹੇ ਪਤਿ ਕੈਸੇ ਸਲ ਇਹੁ ਜਾਇ ।
 ਪ੍ਰਿਥੀ ਚੰਦ ਯਉ ਬੋਲਿਓ ਬਾਮੀ । ਕਿਉਂ ਕਲਪਤਿ ਰਹੈ ਹੂੰ ਸਵਿਧਾਨੀ ।
 ਹਰਿ ਗੋਬਿੰਦ ਕੋ ਬਿਖ ਦੇ ਮਾਰਉ । ਤੋਹਿ ਸਲ ਹਉ ਤੁਰਤ ਨਿਵਾਰਉ ।
 ਹਰਿ ਗੋਵਿੰਦ ਕਾ ਏਕ ਖਡਾਵਾ । ਬ੍ਰਹਮਨ ਜਾਤ ਗੁਰੂ ਮਨ ਭਾਵਾ ।
 ਪ੍ਰਾਤ ਕਾਲ ਸਦ ਦਹੀ ਪਿਲਾਵੈ । ਗੋਦੀ ਲੈ ਹਿਤ ਧਾਰ ਖਿਲਾਵੈ ।
 ਤਾਂਕੋ ਪ੍ਰਿਥੀਏ ਨਿਕਟਿ ਬੁਲਾਯੋ । ਬਹੁਤ ਦਰਬ ਦੇ ਕਰ ਅਪਨਾਯੋ ।
 ਤਿਹ ਕੋ⁶ ਕਹਾ ਮੋਰ ਬਚ ਮਾਨੋ । ਔਰ ਤੋਹਿ ਮੈਂ ਦੇਉ ਖਜਾਨੋ ॥ 113 ॥

ਦੋਹਰਾ

ਹਰਿ ਗੋਬਿੰਦ ਬਿਖ ਦੀਜੀਏ ਪੀਸ ਦਹੀ ਵਿਚ⁷ ਪਾਇ ।
 ਭਾਵੀ ਵਸ ਦ੍ਰਿਸ ਮਾਨੀਓ ਲੋਭ ਲਹਿਰ ਡੁਬ ਜਾਇ । 114 ॥
 ਪ੍ਰਾਤ ਸਮੇਂ ਵਿਹੁ ਪੀਸ ਕੈ ਆਛੇ ਦਹੀ ਸਵਾਰਿ ।
 ਜਾਇ ਪਿਲਾਵਨ ਤਬ ਲਗੋ ਗੁਰ ਕੋ⁸ ਗੋਦੀ ਧਾਰਿ ॥ 115 ॥

ਚੌਪਈ

ਹਰਿ ਗੋਬਿੰਦ ਤਬ ਨਾਕ ਐਂਠਾਯੋ । ਨਿਜ ਕਰ ਸਉ ਦਹੀ ਦੂਰ ਹਟਾਯੋ ।
 ਹਰਿ ਗੋਬਿੰਦ ਕੇ ਹਾਥ ਗਹਾਏ । ਇਕ ਕਰ ਸਉ ਦਿਜ ਨਿਜ ਬਲ ਲਾਏ ।
 ਦੁਤੀ ਹਾਥ ਸਉ ਲਗੋ ਪਿਲਾਵਨ । ਬਾਲ ਸੋਰ ਕੀਨਾ ਬਿਲਲਾਵਨਿ ।
 ਉਚੀ ਸੁਰ ਸਿਉ ਕਰੀ ਪੁਕਾਰਾ । ਮਾਤਾ ਮਾਤਾ ਕਰਿ ਸੁ ਉਚਾਰਾ ।

¹ਅ ਪੋਥੀ ਕਿਸ ²ਅ ਪੋਥੀ ਵਿਚੋਂ ³ੲ ਪੋਥੀ ਮਾਨੋ ਸੋਕ ਅਵਤਰਤ ਭਯੋ ⁴ਅ ਤੋ ੲ ਪੋਥੀ ਪ੍ਰਿਥੀਏ
⁵ਅ ਪੋਥੀ ਬਧ ⁶ਅ ਤੋ ੲ ਪੋਥੀ ਸੂਲ ਤਿਹ ⁷ਅ ਪੋਥੀ ਤਿਸਹ ⁸ੲ ਪੋਥੀ ਗਹਿ ⁹ਅ ਪੋਥੀ ਸ੍ਰੀ ਗੁਰ

ਉਪਰ ਤੇ ਉਚੀ ਸੁਰ ਭਈ । ਸੋ ਮਾਤਾ ਸੁਵਨੀ ਸੁ ਲਈ¹ ।
 ਸਾਹਿਬਜ਼ਾਦਾ ਰੋਵਤਿ ਭਾਰੀ । ਸ੍ਰੀ ਗੁਰ ਸਿਉ ਅਸ ਬਾਤ ਉਚਾਰੀ ।
 ਤਾਂਕੀ ਸੁਧ ਲੇਵਹੁ ਮਹਾਂਰਾਜ । ਤਬ ਸਿਖ ਪਠੇ ਗਰੀਬ ਨਿਵਾਜ ।
 ਲੈ ਆਗਿਆ ਗੁਰ ਕੀ ਸਿਖ ਧਾਏ । ਦ੍ਰਿਸ਼ ਕੇ ਸਹਿਤ ਤਬੈ ਲੈ ਆਏ ॥ 116 ॥

ਦੋਹਰਾ

ਸ੍ਰੀ ਗੁਰ ਪੁਛਿਓ ਬਿਪ੍ਰ ਕੋ ਕਿਉਂ ਇਨ ਕਰੀ ਪੁਕਾਰ ।
 ਦਿਜ ਕਹਾ ਦਹੀ ਪਿਲਾਉ ਮੈਂ ਇਨਹਿ ਰੁਦਨ ਬਡ ਧਾਰ² ॥ 117 ॥
 ਦੁਖ ਨਿਜ ਕਰ ਮਹਿ ਧਾਰਕੈ ਸ੍ਰੀ ਗੁਰੂ ਲਗੇ ਪਿਲਾਨ ।
 ਹਰਿ ਗੋਬਿੰਦ ਜੀ ਨਹਿ ਪੀਓ ਨਿਜ ਕਰ ਕਰਿਓ ਹਟਾਨ ॥ 118 ॥

ਚੌਪਈ

ਏਕ ਸੁਆਨ³ ਸੁੰਦਰ ਸੁਭ ਚੰਗਾ । ਰੂਪ ਦੇਖਿ ਤਿਹ ਲਜਤਿ ਅਨੰਗਾ ।
 ਪਿਸਤਾ ਜਾਤ ਗੁਰੂ ਮਨ ਭਾਯੋ । ਪਲੰਘ ਨਿਕਟ ਸਦ ਰਹਿਤ ਸੁਹਾਯੋ ।
 ਤਾਂਕੋ ਸ੍ਰੀ ਗੁਰ ਕਹਾ ਬੁਲਾਈ । ਖਾਵੇ ਦਧਿ ਪਿਸਤੇ ਮਨ ਲਾਈ ।
 ਸਰਮਾ ਕਹਿਓ ਮੋਹਿ ਜਿਉ ਦੇਵੇ । ਯਾ ਮਹਿ ਕਯਾ ਪ੍ਰਭ ਸੰਕਾ ਲੇਵੇ ।
 ਸ੍ਰੀ ਗੁਰ ਕਹਾ ਸੰਕ ਇਹ ਧਰੈ । ਹਰਿ ਗੋਬਿੰਦ ਨਹਿ ਪੀਵਨ ਕਰੈ ।
 ਸਰਮਾ ਕਹਿਓ ਹੋਇ ਵਿਸ ਤਾਂਤੇ । ਹਰਿ ਗੋਬਿੰਦ ਨਹਿ ਪੀਵਤ ਜਾਂਤੇ ।
 ਮੈਂ ਜੋ ਪੀਵਉ ਅਬਗਤਿ ਜਾਵਉ । ਫਿਰ ਕਬ ਤੁਮਰੇ ਦਰਸਨ ਪਾਵਉ ।
 ਤੁਮਹਿ ਚਰਨ ਤੇ ਹੋਇ ਬਿਛੋਰਾ । ਤਾਂਤੇ ਪੀਵਨਿ ਹੈ ਨਹੀਂ ਮੋਰਾ ॥ 119 ॥

ਦੋਹਰਾ

ਗੁਰੁ ਅਰਜਨ ਐਸੇ ਕਹਾ ਪੀਵਹੁ ਸੰਕ ਤਿਆਗ ।
 ਤੁਮ ਜਾਵੋ ਹਮ ਲੋਕ⁴ ਕਉ ਤੁਮ ਸਮ ਕੋ ਵਡਿਭਾਗ ॥ 120 ॥
 ਮਨੀ ਪੰਚਾਨਨਿ ਤਬ ਕਹਾ ਭਗਤਿ ਸਿੰਘ ਸੁਨ ਪ੍ਰੀਤ ।
 ਸ੍ਰੀ ਗੁਰੁ ਕੇ ਕੂਕਰ ਬਿਖੈ ਕਰਾਮਾਤ ਇਹ ਰੀਤ ॥ 121 ॥

ਚੌਪਈ

ਸ੍ਰੀ ਗੁਰ ਬਚਨ ਮਾਨ ਸੋ ਸੁਆਨ । ਦਧਿ ਪੀਓ⁵ ਅਰੁ ਤਜੇ ਪ੍ਰਾਨ ।
 ਨਭ ਤੇ ਯਾਨ ਸੁੰਦਰ ਸਿਤ ਆਯੋ । ਚੜ ਸਰਮਾ ਬੈਕੁੰਠ ਸਿਧਾਯੋ ।
 ਅਵਗਿਆ ਗੁਰ ਦਿਖ ਪ੍ਰਭੂ ਦੁਖ ਲਯੋ । ਸੂਲ ਉਪਾਇ ਮਾਰ ਦ੍ਰਿਸ਼ ਦਯੋ ।
 ਅਵਨੀ ਪਰਾ ਮ੍ਰਿਤਕ ਹੁਇ ਬ੍ਰਹਮਨ । ਬਿਸਮੇ ਭਏ ਦੇਖ ਸ੍ਰੀ ਗੁਰ⁶ ਮਨ ।
 ਸੁਤ ਦ੍ਰਿਸ਼ ਕੇ ਪਰਥਾਇ ਬਿਚਾਰਾ । ਸ੍ਰੀ ਮੁਖ ਸਉ ਤਦ ਸਬਦ ਉਚਾਰਾ ।
 ਭੈਰੋਂ ਰਾਗੁ ਸਬਦਿ ਗ੍ਰਿਹ ਜਾਨੋਂ । ਜਿਸੈ ਸੁਨੈ ਵਿਖ ਦੂਰ ਪਰਾਨੋਂ ।

¹ਅ ਪੋਥੀ ਕੇ ਕਾਨਨ ਪਈ ²ਦ ਕੀਨੋਂ ਸੌਰ ਅਪਾਰ ³ਦ ਪੋਥੀ ਕੂਕਰ ⁴ਅ ਪੋਥੀ ਬੈਕੁੰਠ ⁵ਅ ਪੋਥੀ ਖਾਯੋ
⁶ਦ ਪੋਥੀ ਸਤਿਗੁਰ

ਭੈਰਉ ਮਹਲਾ ਪਾ

ਲੇਪੁ ਨ ਲਾਗੋ ਤਿਲਕਾ ਮੂਲਿ । ਦੁਸਟੁ ਬ੍ਰਾਹਮਣੁ ਮੂਆ ਹੋਇ ਕੈ ਸੂਲ ॥ 1 ॥
 ਹਰਿਜਨ ਰਾਖੇ ਪਾਰਬ੍ਰਹਮਿ ਆਪ । ਪਾਪੀ ਮੂਆ ਗੁਰ ਪਰਤਾਪਿ ॥ ਰਹਾਉ ॥
 ਅਪਣਾ ਖਸਮੁ ਜਨਿ ਆਪਿ ਧਿਆਇਆ ॥
 ਇਆਣਾ ਪਾਪੀ ਓਹੁ ਆਪਿ ਪਚਾਇਆ ॥ 2 ॥
 ਪ੍ਰਭ ਮਾਤ ਪਿਤਾ ਆਪਣੇ ਦਾਸ ਕਾ ਰਖਵਾਲਾ ।
 ਨਿੰਦਕ ਕਾ ਮਾਥਾ ਈਹਾਂ ਉਹਾਂ ਕਾਲਾ ॥ 3 ॥
 ਜਨ ਨਾਨਕ ਕੀ ਪਰਮੇਸਰਿ ਸੁਣੀ ਅਰਦਾਸਿ ।
 ਮਲੇਛੁ ਪਾਪੀ ਪਚਿਆ ਭਇਆ ਨਿਰਾਸੁ ॥ 4 ॥

ਚੌਪਈ

ਯਾਹੁ ਸਬਦ ਕਾ ਅਰਥ ਉਚਾਰਉ । ਜਸ ਮੁਹਿ ਬੁਧਿ ਸਮਝ ਚਿਤ ਧਾਰਉ ।
 ਮਨੀ ਸਿੰਘਿ ਕਹੈ ਭਗਤ ਸਿੰਘਿ ਸੁਨੋ । ਸੁਨ ਸੁਨ ਕਥਾ ਸਮਝ ਚਿਤ ਗੁਨੋ ॥ 122 ॥

ਦੋਹਰਾ

ਲੇਪ ਲਾਗ ਸਾਕੋ ਨਹੀਂ ਸੁਤ ਕੋ ਤਿਲ ਭਰ ਆਇ ।
 ਦੁਸਟਿ ਬਿਪ੍ਰ^੧ ਮਾਰਿਓ ਪ੍ਰਭੂ ਤਾਂ ਤਨ ਸੂਲ ਉਪਾਇ । 123 ॥
 ਹਰਿ ਜਨ ਰਾਖੇ ਪਾਰਬ੍ਰਹਮ ਪਾਪੀ ਮੂਓ ਸੰਤਾਪ ।
 ਜੈਸਾ ਕੀਆ ਤੈਸਾ ਲਹਾ ਕੀਤਾ ਪਾਇਉ ਆਪ ॥ 124 ॥

ਛਪੈ

ਆਪਣਾ ਖਸਮ ਧਿਆਇ ਦਾਸ ਮਨ ਆਨੰਦ ਪਾਵੈ ।
 ਅਗਯਾਨੀ ਪਾਪੀ ਹੋਇ ਤਿਸੈ ਪ੍ਰਭ ਆਪ ਖਪਾਵੈ ।
 ਮਾਤ ਪਿਤਾ ਸਮ^੨ ਪ੍ਰਭੂ ਦਾਸ ਆਪਣੇ ਰਖਵਾਲਾ ।
 ਜਨ ਕਾ ਨਿੰਦਕ ਜੋਓ ਮਾਥ^੪ ਦੁਹੂੰ ਲੋਕ ਸੁ ਕਾਲਾ ।
 ਜਨ ਕੀ ਸੁਣੀ ਅਰਦਾਸ ਗੁਰੂ ਨਾਨਕ ਪਰਮੇਸਰ ।
 ਪਾਪੀ ਪਚੇ ਮਲੇਛ ਭਇਆ ਨਿਰਾਸ ਦੁਰਹੁ ਧੁਰ ॥ 125 ॥

ਚੌਪਈ

ਐਸੇ ਸਬਦ ਗੁਰ ਜੀ ਕਹਾ । ਨਿਜ ਸੁਤ ਦਿਜ ਪਰਥਾਇ ਸੁ ਲਹਾ ।
 ਸੁਆਨ ਦੇਹ ਗੁਰ ਤਬੈ ਦਬਾਈ । ਆਛੋ ਬਸਤ੍ਰ ਓਢ ਬਨਾਈ ।
 ਇਹ ਭਈ ਪੂਰ ਔਰ ਸੁਨ ਬਾਤਾ । ਜੋ ਦਿਜ ਮੂਆ ਕੀਨ ਉਤਪਾਤਾ ।
 ਅਵਨੀ ਪਰਾ ਮ੍ਰਿਤਕ ਦਿਜ^੫ ਪਾਪੀ । ਮਾਤ ਗੰਗ ਤਿਹ ਦੇਖ ਸੰਤਾਪੀ ।
 ਤਬ ਮਾਤਾ ਮਨਿ ਦਯਾ ਬਸਾਈ । ਹਾਥ ਜੋਰ ਅਸਿ^੬ ਬਿਨੈ ਅਲਾਈ ।
 ਇਹ ਦਿਜ ਦੀਜੈ ਹੈ ਪ੍ਰਭੂ ਪ੍ਰਾਨਾਂ । ਦਯਾ ਧਾਰਿ ਹੇ ਕ੍ਰਿਪਾ ਨਿਧਾਨਾਂ ।

^੧ਸ੍ਰੀ ਗੁਰੂ ਗ੍ਰੰਥ ਸਾਹਿਬ, ਪੰਨਾ 1137 ^੨ਏ ਪੌਥੀ ਬ੍ਰਾਹਮਣ ^੩ਅ ਪੌਥੀ ਭੁਲ ^੪ਅ ਤੇ ਏ ਪੌਥੀ ਮੂੰਹ ^੫ਅ ਪੌਥੀ ਵਹ ^੬ਅ ਪੌਥੀ ਇਮ

ਸਤਿਗੁਰ ਕਹਾ ਨ ਇਸੇ ਜਿਵਯੇ । ਵਡ ਪਾਪੀ ਇਹ ਅਵਗਤ ਜਯੇ ।
ਹਰਿ ਗੋਬਿੰਦ ਕਾ ਦੋਖੀ ਭਾਰੋ । ਜੀਵਣ ਲਾਇਕ ਨਹੀਂ ਵਿਚਾਰੋ ॥ 126 ॥

ਦੋਹਰਾ

ਫਿਰ ਮਾਤਾ ਐਸੇ ਕਹਾ ਜਉ ਨ [ਜਿਵਾਵੇ]¹ ਯਾਹਿ ।
ਸਭੈ ਲੋਕ ਐਸੇ ਕਹੈਹਿ ਇਨਹਿ ਹਨਾ ਚਿਤ ਚਾਹਿ ॥ 127 ॥
ਤਾਂਤੇ ਇਸੇ ਜਿਵਾਈ ਯੇ ਜਗ ਨਿੰਦਾ ਮਿਟ ਜਾਇ ।
ਗੋ ਦਿ੍ਯ ਕੀ ਰਖਿਆ ਕਰਨ ਤੁਮਰੋ ਬਿਰਦ ਸਦਾਇ ॥ 128 ॥

ਸਵੈਯਾ

ਮਾਤ ਕਰੀ ਬਿਨਤੀ ਬਹੁ ਬਾਰ ਸੁ ਮਾਨ ਲਈ ਪ੍ਰਭੁ ਜੀ ਦੁਖ ਭੰਜਨ ।
ਸਤਿ ਨਾਮ ਕਾ ਮੰਤ੍ਰ ਪੜ੍ਹਿਓ² ਜਲ ਮਧ ਸੋ ਪਾਇ ਦੀਓ ਤਿਸਕੇ ਮੁਖ ਰੰਜਨ ।
ਪਾਨ ਸੁਧਾਕਰ ਜੀਵ ਉਠਿਓ ਦਿਜ ਰਾਮ ਉਚਾਰਤਿ ਜੋ ਦੁਖ ਭੰਜਨ ।
ਐਸੇ ਕੁਕਰਮ ਕੀਓ ਕਿ ਦਿਜਾਧਮ ਪ੍ਰਫੂਤ ਭੇ ਸ੍ਰੀ ਗੁਰੂ ਅਰਿ ਰੰਜਨ ॥ 129 ॥

ਕੁੰਡਲੀਆ

ਹਾਥ ਜੋਰ ਦਿਸ ਅਸ ਕਹਾ ਸੁਨੋ ਗਰੀਬ ਨਿਵਾਜ ।
ਹਮਰੇ ਵਸ ਕੁਛ ਹੈ ਨਹੀਂ ਭਾਵੀ ਕੀਨੇ ਕਾਜ ।
ਭਾਵੀ ਕੀਨੇ ਕਾਜ ਪ੍ਰਿਥੀ ਚੰਦ³ ਮੋਹਿ ਬੁਲਾਯੋ ।
ਦੀਨ ਦਰਬ ਕੋ ਲੋਭ ਮੋਹਿ ਤਿਨ ਚਿਤ⁴ ਭਰਮਾਯੋ ।
ਇਹ ਬਿਧ ਸਿਖਯਾ ਦੀਨ ਹਲਾਹਲ ਦਧ ਮਹਿ ਦੀਜੈ ।
ਦੇਉ ਖਜਾਨੋ ਔਰ ਮਾਨ ਬਚ ਮੇਰੇ ਲੀਜੈ ॥ 130 ॥

ਦੋਹਰਾ

ਭਾਵੀ ਮੋਹਿ ਮਤਿ ਹਿਰ ਲਈ ਲੀਓ ਬਚਨ ਤਿਹ ਮਾਨ ।
ਲੋਭ ਲਹਿਰ ਡੂਬਯੋ ਪ੍ਰਭੁ ਦਈ ਬਿਖ ਦਧਿ ਮਹਿ ਠਾਨ ॥ 131 ॥

ਕੁੰਡਲੀਆ

ਬਿਖ ਕਾਰਨ ਪ੍ਰਭ ਕਹਿ ਦੀਓ ਹੇ ਪ੍ਰਭੁ ਕ੍ਰਿਪਾ⁵ ਨਿਧਾਨ ।
ਛਿਮਾ ਭੁਲ ਹਮਰੀ ਕਰੋ [ਅਧਮਜੀਤ ਮੋਹਿਜਾਨ]⁷ ॥
ਸਰਨਾਗਤਿ ਮੁਹਿ ਜਾਨ ਸਰਨਿ ਕੀ ਲਾਜ ਸੁ ਰਾਖੋ ।
ਬਖਸੋ ਭ੍ਰਿਤ ਪਛਾਠ ਇਹੈ ਬਿਨਤੀ ਤੁਮ ਭਾਖੋ ।
ਸ੍ਰੀ ਗੁਰ ਮੁਖਹੂੰ ਉਚਾਰ ਅਵਗਿਆ ਜਿਨ ਕੀ ਕੀਨੀ ।
ਸੋਈ ਬਖਸੇ ਤੋਹਿ ਹੋਇ ਤਿਨ ਅਗੂ ਅਧੀਨੀ ॥ 132 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਪਠਿਓ ³ਦ ਪੋਥੀ ਪ੍ਰਿਥੀਏ ⁴ਅ ਪੋਥੀ ਮਨ ⁵ਅ ਤੇ ਦ ਪੋਥੀ ਗਰਲ ਕਉ
⁶ਅ ਪੋਥੀ ਕਰੁਣਾ ⁷ਅ ਤੇ ਦ ਪੋਥੀ ਵਿਚੋਂ

ਦੋਹਰਾ

ਸ੍ਰੀ ਗੁਰੂ ਕੋ ਬਚ ਮਾਨਕੈ ਹਰਿ ਗੋਬਿੰਦ ਪਗ ਲਾਗ ।
ਹਰਿ ਗੋਬਿੰਦ ਜੀ ਨਜਰ ਕਰ ਸੋਊ ਭਯੋ ਬਡਭਾਗ ॥ 133 ॥

ਚੌਪਈ

ਨਵਾਂ ਜਨਮ ਦਿਜਨੇ ਜਬ ਪਾਯੋ । ਸ੍ਰੀ ਗੁਰ ਫਿਰ ਤਿਹ ਬਚਨਿ ਅਲਾਯੋ ।
ਹੇ ਦਿਜ ਪ੍ਰਿਥੀਏ ਮੁਖ ਪਰ ਕਹੇ । ਜੋ ਤਿਨ ਕਹਾ ਸੁ ਸਭ ਹੀ ਲਹੇ ।
ਬ੍ਰਹਮਨ ਕਹਾ ਪ੍ਰਭੂ ਸਭ ਭਾਖਉ । ਤਿਸ ਕੇ ਮੁਖ ਪਰ ਛਪੀ^੧ ਨ ਰਾਖਉ ।
ਤਬ ਗੁਰ ਦਿਜ ਕਉ ਭੀਤਰ ਰਾਖਾ । ਕਿੰਕਰ ਬੋਲ ਬਚਨ ਤਿਹ ਭਾਖਾ ।
ਪ੍ਰਿਥੀ ਚੰਦ ਕੇ ਗ੍ਰਿਹ ਤੁਮ ਜਾਵੋ । ਆਦਰ ਸਉ ਤਿਹ ਮੁਹਿ ਢਿਗ^੨ ਲਯਾਵੋ ।
ਬਚਨ ਮਾਨ ਗੁਰ ਕੋ ਸਿਖ ਗਯੋ । ਆਦਰ ਸਉ ਤਿਹ ਲਯਾਵਤ ਭਯੋ ।
ਪ੍ਰਿਥੀ ਚੰਦ ਕੋ ਦੇਖ ਉਠੇ ਗੁਰੁ । ਬੰਦਨ ਕਰ ਬੈਠੇ ਆਸਨ ਪਰ ।
ਨਿਮ੍ਰਿ ਹੋਇ ਗੁਰ ਬਚਨ ਅਲਾਏ । ਬਡੇ ਭ੍ਰਾਤ ਪਿਤ ਸਮ ਜਗ ਗਾਏ ॥ 134 ॥

ਦੋਹਰਾ

ਤਾਂਤੇ ਤੁਮ ਥੇ ਪਿਤਾ ਸਮ ਬੈਰ ਭਾਵ ਕਿਮ ਧਾਰ ।
ਬੈਰ ਤੋ ਹਮਰੇ ਸਾਥ ਥਾ ਕਿਆ ਬਾਲਕ ਤੁਮ ਟਾਰ ॥ 135 ॥
ਤੁਮੈ ਦਿਵਾਈ ਬੈਰ ਕਰ ਬਾਲਕ ਬਿਖ ਦਧਿ ਸਾਥ ।
ਸੁਤ ਪਰਮੇਸਰ ਰਾਖਿਓ ਕਿਆ ਆਇਓ ਤੁਮ ਹਾਥ ॥ 136 ॥

ਸਵੇਯਾ

ਸੁਤ ਰਾਖ ਲਿਯੋ ਗੁਰ ਨਾਨਕ ਜੀ ਤੁਮਰੇ ਮੁਖ ਕਾਲਖ ਦਾਗ ਲਗਾਯੋ ।
ਭ੍ਰਮ ਅਕਾਸ ਰਹੇ ਜਬ ਲੋ ਤਬ ਲੋ ਤੁਮਰੇ ਅਪਜਸ ਭੂ ਪਰ ਛਾਯੋ ।
ਪ੍ਰਿਥੀਏ ਤਬ ਨਾਹ ਕਰੀ ਮੁਖ ਸੋਊ ਉਪਲੰਭ ਝੂਠੋ ਤੁਮ ਮੋਹਿ ਅਲਾਯੋ ।
ਵਿਖ ਕੇ ਇਹ ਦੇਨ [ਦਿਵਾਵਨ]^੪ ਮਹਿ ਨਹਿ ਹੇਤ ਹਮਹਿ ਤਿਨ ਯਉ ਮੁਖ ਗਾਯੋ ॥ 137 ॥

ਚੌਪਈ

ਗੁਰ ਅਰਜਨ ਤਬ ਬਿਪ੍ਰ ਬਲਾਯੋ । ਪ੍ਰਿਥੀਏ ਕੇ ਸਨਮੁਖ ਬੈਠਾਯੋ ।
ਜੋਉ ਬਾਤ ਪ੍ਰਿਥੀਏ ਨੇ ਭਾਖੀ । ਪ੍ਰਿਥੀਏ ਮੁਖ ਪਰ ਸੋ ਦਿਜ ਆਖੀ ।
ਜਦਪਿ ਦਿਜ ਸਾਚੇ ਕਹਿ ਦੀਨੇ । ਤਦਪਿ ਨੈਨ ਨਿਮ੍ਰ ਨਹਿ ਕੀਨੇ ।
ਪ੍ਰਿਥੀਏ ਮਨ ਮਹਿ ਅਤਿ ਰਿਸ ਖਾਈ । ਗਾਰੀ ਦਈ ਜੋਉ ਮਨ ਆਈ ।
ਕਾ ਭਯੋ ਦਿਜ ਤੇ ਝੂਠ ਕਹਾਇ । ਉਪਾਲੰਭ ਤੋਹਿ ਹਮ ਕੇ ਲਾਇ ।
ਇਹ ਸੁਨ ਹਮਰੇ ਮਨੁਆਂ ਤਾਯੋ । ਅਬ ਮੇਰੇ ਮਨ ਉਦਮ ਆਯੋ ।

^੧ਦ ਪੋਥੀ ਗੋਪ ^੨ਅ ਪੋਥੀ ਮੋ ਪਹਿ ^੩ਅ ਪੋਥੀ ਟੀਕਾ ^੪ਦ ਪੋਥੀ ਵਿਚੋ

ਐਸ ਜਤਨ ਅਬ ਰਿਚੈ ਬਿਚਾਰਉ ।¹ ਤੁਮਰੇ ਸਹਿਤ ਤੁਮਰੇ ਸੁਤ ਮਾਰਉ² ।
ਕਟਕ ਬਚਨ ਪ੍ਰਿਥੀਏ ਅਸ ਭਾਖੇ । ਸ੍ਰੀ ਗੁਰ ਕਛੁ ਮਨ ਮਹਿ ਨਹੀਂ ਰਾਖੇ ॥ 138 ॥

ਦੋਹਰਾ

ਕਿਹ ਕਾਰਨ ਦੁਖ ਕੇ ਸਹੋ ਸ੍ਰੀ ਗੁਰ³ ਐਸ ਅਲਾਇ ।
ਛੋਟੇ ਤੁਮ ਪ੍ਰਿਥੀਏ ਕਹਯੋ ਹਮ ਦੀਰਘ ਅਧਿਕਾਇ ॥ 139 ॥

ਕੁੰਡਲੀਆਂ

ਹਮ ਕੋ ਤਜ ਕਰ ਪਿਤਾ ਨੇ ਦਈ ਗੁਰਾਈ ਤੋਹਿ ।
ਔਰ ਬਾਤ ਕੋਊ ਹੈ ਨਹੀਂ ਇਹੈ ਈਰਖਾ ਮੋਹਿ ।
ਇਹੈ ਈਰਖਾ ਮੋਹਿ ਸੁਨੋ ਅਰਜਨ ਕਹੋਂ ਸਾਚੀ ।
ਗੁਰੁ ਅਰਜਨ ਤਬ ਕਹਯੋ ਪਿਖ ਕੈ ਤਿਹ ਮਤਿ ਕਾਚੀ ।
ਔਰ ਸਭੀ ਕਿਛੁ ਹੋਇ ਏਹੁ ਤੁਮ ਹਾਥ ਨ ਆਵੈ ।
ਕਰੋ ਜਤਨ ਜਬ ਅਨਿਕ ਅੰਤ ਤੁਮ ਹੀ ਪਛਡਾਵੈ ॥ 140 ॥

ਅੜਿਲ

ਕਛੁ ਨਈ ਨਹੀਂ ਭਈ ਬਾਤ ਇਹ ਚਲਤੀ ਆਈ ।
ਗੁਰ ਨਾਨਕ ਸੁਤ ਛਾਡ ਦਈ ਗੁਰੁ ਅੰਗਦ ਤਾਈ³ ।
ਜੋਊ ਕਰਹਿ ਗੁਰ ਸੇਵ ਸੋਊ ਬਰ ਨਿਸਚੈ ਪਾਵੈ ।
ਹੋ ਜੋ ਗੁਰ ਤੇ ਮੁਖ ਫਿਰੈ ਸੋਊ ਭ੍ਰਮ ਆਵੈ ਜਾਵੈ ॥ 141 ॥

ਚੌਪਈ

ਯਉ ਸੁਨ ਪ੍ਰਿਥੀਏ ਕਹਾ ਰਿਸਾਈ । ਕਾ ਭਯੋ ਜਉ ਤੁਮ ਲੀ ਗੁਰਿਆਈ ।
ਬਡੋ ਖੋਸ ਲੇਵਤ ਬਲ ਪਾਏ । ਤਬ ਤੁਮਰੋ ਕਛੁ ਨਹੀਂ ਬਸਾਏ ।
ਸੁਖ ਕੀ ਨੀਂਦ ਨ ਸੋਵਨ ਦੇਵਹਿ⁴ । ਜਬ ਬਲ ਪਰੈ ਤਬੈ ਖਸ ਲੇਵਹਿ⁵ ।
ਤੁਮਰੇ ਸਹਤ ਸੁਤੈ ਕੋ ਘਾਵਉ⁶ । ਤਉ ਪ੍ਰਿਥੀਆ ਨਿਜ ਨਾਮ ਸਦਾਵਉ⁷ ।
ਸ੍ਰੀ ਗੁਰ ਕਹਾ ਲਾਲ ਦ੍ਰਿਗ ਕਰੋ । ਕਿਆ ਕਰਹੋ ਤੁਮ ਸੇ ਨਹੀਂ ਮਰੋ ।
ਪ੍ਰਿਥੀਏ ਕਹਾ ਦਿਲੀ⁸ ਹਉ ਜਾਮਉ⁹ । ਜਹਾਂਗੀਰ ਕੋ ਜਾਇ ਸੁਨਾਵਉ¹⁰ ।
ਤਿਹ ਠਾਂ ਤੋ ਕਉ ਪਕਰ ਮੰਗਾਉ । ਸੁਤ ਦਾਰਾ ਸਣ ਖੇਦ ਦਿਵਾਉ ।
ਜਬੈ ਦੁਖਤ ਹੋ ਤੁਮਹਿ ਪੁਕਾਰੋ । ਲਾਲ ਅਖੀਂ ਤਬ ਅਰਥ ਨਿਹਾਰੋ ॥ 142 ॥

ਦੋਹਰਾ

ਬਹੁਤ ਸਪਰਧਾ ਜਬ ਬਢੀ ਭਾਖਤ ਬਚਨ ਕਠੋਰ ।
ਪ੍ਰਿਥੀਆ ਤਬ ਨਿਜ ਗ੍ਰਿਹਿ ਗਾਇਓ ਕਰੀ ਚਿੰਤ ਬਹੁ ਘੋਰ ॥ 143 ॥

¹ਏ ਪੋਥੀ ਤੁਮਹਿ ਅਰ ਤੁਮਹਿ ਸੁਤ ਕਉ ਮਾਰਉ ²ਅ ਪੋਥੀ ਸਤਿਗੁਰੂ ³ਅ ਪੋਥੀ ਗੁਰੂ ਨਾਨਕ ਸੁਤਿ ਛੋੜਿ
ਦਈ ਅੰਗਦ ਗੁਰਿਆਈ ⁴ਅ ਪੋਥੀ ਤੁਮਹਿ ਅਰ ਤੁਮਰੇ ਸੁਤ ਘਾਵਉ ⁵ਏ ਪੋਥੀ ਲਵਪੁਰ

ਯਾਹਿ ਧਯਾਇੰ ਪੂਰਣ ਭਯੋ ਜੋ ਸੁਨ ਹੈ ਮਨ ਲਾਇ ।
 ਸੀਤਲਾ ਅਰੁ ਵਿਖ ਖੇਦ ਜੋ ਤਾਕੇ ਨਿਕਟਿ ਨ ਜਾਇ ॥ 144 ॥
 ਆਗੇ ਪ੍ਰਿਥੀਆ ਜਾਇ ਗੋ ਜਿਹ ਬਿਧ ਸੁਲਹੀ ਪਾਸ ।
 ਦਿਲੀ ਜਾਇ ਮੁੜ ਗ੍ਰਿਹ ਰਚੇ ਸੋ ਗਥ ਕਰਉ ਪ੍ਰਕਾਸ ॥ 145 ॥
 ਔਰ ਗਾਥ ਇਕ ਹੋਇਗੀ ਗੁਰ ਅਰਜਨ ਦਿਜ ਸੰਗ ।
 ਹਰਿ ਗੋਬਿੰਦ ਤਬ ਟਾਰ ਹਰਿ ਪੂਰਨ ਪੜ ਪ੍ਰਸੰਗ ॥ 146 ॥
 ਇਤਿ ਸ੍ਰੀ ਗੁਰ ਬਿਲਾਸ ਬਾਲ ਚਰਿਤ੍ਰ ਪ੍ਰਿਥੀਏ ਰੋਸ ਬਰੰਨਨ ਨਾਮ ।
 ਦੁਤੀਆ ਧਯਾਇ ਸਮਾਪਤ ਮਸਤ ਸੁਭ ਮਸਤ ॥ ਬੋਲਹੁ ਜੀ ਵਾਹਿਗੁਰੂ ॥

ਅਧਿਆਇ ਤੀਜਾ

ਦੋਹਰਾ

ਸ੍ਰੀ ਗੁਰੂ ਨਾਨਕ ਚਰਨ ਕਉ ਨਮੋ ਸੁ ਮਨ ਚਿਤ ਲਾਇ ।
ਬਾਨੀ ਕਉ ਆਗਿਆ ਕਰੈ ਮੋਰੀ ਕਰੈ ਸਹਾਇ ॥ 1 ॥

ਚੌਪਈ

ਜਬ ਪ੍ਰਿਥੀਆ ਨਿਜ ਸਦਨ¹ ਸਧਾਰਯੋ । ਦਿਲੀ ਜਾਊ² ਇਹ ਮਨਿ ਧਾਰਿਯੋ ।
ਸੁਤ ਦਾਰਾ ਨਿਜ ਸੰਗ ਲੈ ਜਾਵਉ । ਅਬ ਹਉ ਇਹ ਠਾਹਰ ਨ ਬਸਾਵਉ ।
ਮਹਾਂਦੇਵ ਜਬ ਇਹ ਸੁਨ ਪਾਈ । ਪ੍ਰਿਥੀਆ ਚਲਿਓ ਨਗਰ ਤਜ ਭਾਈ ।
ਮਹਾਂਦੇਵ ਪ੍ਰਿਥੀਏ ਗ੍ਰਿਹ ਆਯੋ । ਬਡੇ ਭ੍ਰਾਂਤ ਕੇ ਪਗ ਸਿਰ ਨਿਆਯੋ ।
ਹਾਥ ਜੋਰ ਪੁਨ³ ਬਿਨਤ ਉਚਾਰੀ । ਤੁਮ ਕਹਿ ਓਰ ਸੁ ਕਰੀ ਤਿਆਰੀ ।
ਕਹੀ ਪ੍ਰਿਥੀਏ ਹਉ ਦਿਲੀ ਜਾਵਉ । ਤਹਿ ਅਰਜਨ ਕਉ ਪਕਰ ਮੰਗਾਵਉ ॥ 2 ॥

॥ ਮਹਾਂਦੇਵੋਵਾਚ ॥

ਹਮ ਛੋਟੇ ਹਰਿ⁴ ਪੁਤ੍ਰ ਸਮਾਨ । ਤੁਮ ਹੋ ਬਡੇ ਪਿਤਾ ਸਮਾਨ ।
ਤੁਮਕੋ ਲਾਇਕ⁵ ਨਹਿ ਅਸ ਬਾਤਾ । ਲਘੁ ਭਰਾਤਨਿ ਕੋ ਚਹਿ ਤੁਮ ਤ੍ਰਾਤਾ ॥ 3 ॥

ਦੋਹਰਾ

ਗੁਰਿਆਈ ਜਾਂਕੋ ਦਈ ਹੋਇ ਪਿਤਾ ਕਿਰਪਾਲ ।
ਪਿਤਾ ਐਸ ਸੁਤ ਹੋਇ ਸੋ ਕੀਏ ਬਚਨ ਨਹਿ ਟਾਲ ॥ 4 ॥

ਕੁੰਡਲੀਆ

ਤਾਂਤੇ ਦੁਇ ਕਰ ਜੋਰ ਕੈ ਲਗੋ ਚਰਨ ਤਿਹਿ ਜਾਇ ।
ਨਾਤਰ ਜਗ ਹਾਂਸੀ ਕਰੇ ਅਪਜਸ⁶ ਹੋਇ ਅਧਿਕਾਇ ।
ਅਪਜਸ ਹੁਐ ਅਧਿਕਾਇ ਮਾਨ ਬਚ ਮੇਰੇ ਭ੍ਰਾਤਾ ।
ਧਨੁ ਇਸਥਿਤ ਜਗੁ ਨਾਂਹਿ ਕਾਹਿ ਕੋ ਕਰ ਉਤਪਾਤਾ ।
ਸੁਤ ਦਾਰਾ ਧਨ ਗ੍ਰਿਹਿ ਕਛੁ ਤੁਮ ਸੰਗ ਨ ਜੈ ਹੈ ।
ਮਾਨ ਮੋਰ ਬਚ ਆਜ ਬੈਰ ਤਜ ਜਗੁ ਜਸ ਲੈ ਹੈ ॥ 5 ॥

¹ਅ ਪੱਥੀ ਭਵਨ ²ਏ ਪੱਥੀ ਤਿਨ ³ਅ ਪੱਥੀ ਲਘੁ ਭ੍ਰਾਤਾ ⁴ਅ ਪੱਥੀ ਸੋਭਤ ⁵ਅ ਪੱਥੀ ਨਿਰਾਦਰ

ਦੋਹਰਾ

ਤਬ ਪ੍ਰਿਥੀਏ ਐਸੇ ਕਹਾ ਤੁਮ ਚਲੋ ਹਮਰੇ ਸਾਥ ।
 ਗੁਰਿਆਇ ਤੁਝ ਹੋਇਗੀ ਜਹਾਂਗੀਰ¹ ਕੇ ਹਾਥ ॥ 6 ॥
 ਮੋਹ ਕੈਸ ਤੁਮ ਦੇਹੁਗੇ ਸੋ ਬਿਧ ਕਹ ਸਮਝਾਇ ।
 ਪ੍ਰਿਥੀਏ ਕਹਾ ਐਸੇ ਕਹਉ ਪਾਤਸ਼ਾਹ ਨਿਕਟਾਇ ॥ 7 ॥

ਸਵੇਯਾ

ਭ੍ਰਾਤ ਬਡੋ ਮਮ ਹਉ ਇਨ ਤੇ ਵਹੁ ਅਰਜਨ ਛੋਟੇ ਇਸੈ ਮਧ ਜਾਨੋ ।
 ਅਰਜਨ ਨਾ ਹਮ ਹੋਹਿ ਗੁਰ ਮਹਾਂਦੇਵ ਜੋ ਮਧ ਇਸੈ ਗੁਰ ਠਾਨੋ ।
 ਭੋਲਾ ਮਹੇਸ ਮਨੋ [ਅਲਕੇਸ਼]² ਧਰੇ ਸੁਭ ਦੇਸ ਸੁ ਤੋਹਿ ਬਖਾਨੋ ।
 ਮਹਾਂਦੇਵ ਕਹਿਓ ਹਮ ਨਾਂਹੀ ਗੁਰ ਜਿਨ ਦੀਨੀ ਪਿਤਾ ਹਮ ਤਾਂਹਿ ਪ੍ਰਮਾਨੋ । 8 ॥

ਸੋਰਨਾ

ਸੁਨੋ ਭ੍ਰਾਤ ਇਕ ਬਾਤ ਤੋਹਿ ਸੁਨਾਉਂ ਨੀਤਿ³ ਕੀ ।
 ਤੁਮ ਚਿਤਵਤ ਉਤਪਾਤ ਘਰ ਫੂਟੇ ਦੁਖ ਹੋਤ ਹੈ ॥ 9 ॥

ਕਬਿਤ

ਫੂਟ ਪ੍ਰਹਿਲਾਦ ਹਰਨਾਖ ਨਰਹਰਿ ਹਤਿਓ ਫੂਟਕੈ ਬਭੀਖਨ ਲੁਟਾਇ ਲੰਕ ਦਈ ਹੈ ।
 ਫੂਟ ਕਰ ਪੰਡੁ ਗਏ ਸਭੇ ਕੁਲਨਾਸ ਕਏ ਫੂਟੀ ਦੇਖੋ ਕੈਕਈ ਸੁ ਰਾਮ ਸੀਅ ਗਈ ਹੈ ।
 ਫੂਟੇ ਰਾਜ ਪੁਤ੍ਰ ਜੋਈ ਬਡੋ ਦੁਖ ਪਾਵੈ ਸੋਈ ਔਰ ਹੈ ਅਨੇਕ ਗਾਥ ਜੋਉ ਪਾਛੈ
 ਭਈ ਹੈ :
 ਮੇਲ ਕੀਏ ਹੋਤ ਸੁਖ ਫੂਟਨਿ ਤੇ ਮਹਾਂ ਦੁਖ ਤਾਤੇ ਮੇਲ ਕਰੋ ਪਾਛੈ ਭਈ ਬੀਤ
 ਗਈ ਹੈ ॥ 10

ਸਵੇਯਾ

ਤਾਂਤੇ ਹਉ ਦਾਸ ਕਰਉ ਬਿਨਤੀ ਚਿਤ ਮਹਿ ਸੁਨ ਬਾਤ ਬੁਰੇ ਜਿਨ⁴ ਮਾਨੋ ।
 ਫੂਟ ਕੇ ਹਾਥ ਨ ਲਾਗਤ ਹੈ ਦਿਨ ਚਾਰ ਕੋ ਪਾਹੁਨ ਹੈ ਜਗ ਜਾਨੋ ।
 ਬੈਰ ਕੋ ਤਿਆਗ ਬਸੋ ਸੁ ਨਿਕੇਤ ਮਾਂਹਿ ਨਾਮ ਜਪੋ ਜੋਉ ਸੰਗ ਸਿਧਾਨੋ ।
 ਤੁਮਰੇ ਹਮ ਦੇਖਤ ਦੀਨੀ ਇਸੈ ਰਾਮਦਾਸ ਗੁਰੂ ਇਨ ਸੇਵਕ ਮਾਨੋ ॥ 11 ॥

ਦੋਹਰਾ

ਇਨ ਆਪਹੁ ਨਹਿ ਲਈ ਹੈ ਦਯਾ⁵ ਧਾਰ ਗੁਰ ਦੀਨ ।
 ਇਨ ਸੇਵਾ ਕੀਨੀ ਅਧਿਕ ਤੁਮ ਹਮ ਸੇਵ ਨ ਕੀਨ ॥ 12 ॥

ਕੁੰਡਲੀਆ

ਤਬ ਪ੍ਰਿਥੀਏ ਐਸੇ ਕਹਾ ਤੂੰ ਨਹਿ ਜਾਨਤ ਬਾਤ ।
 ਅਬ ਹਉ ਈਹਾਂ ਨਹਿ ਰਹਵਉ⁶ ਜਾਉਂ ਹੋਤ ਹੀ ਪ੍ਰਾਤ ।

¹ਏ ਪੋਥੀ ਪਾਤਸ਼ਾਹਿ ²ਅ ਪੋਥੀ ਵਿਚੋਂ ³ਅ ਪੋਥੀ ਗਯਾਨ ⁴ਏ ਪੋਥੀ ਗਤ ⁵ਅ ਪੋਥੀ ਗਯਾ ⁶ਅ ਤੇ ਏ ਪੋਥੀ ਰਹਿਹੋ

ਜਾਉ ਹੋਇ ਜਬ ਪ੍ਰਾਤ ਸਾਥ ਤੁਮ ਚਲੋ ਹਮਾਰੇ ।
 ਤੁਮ ਹੋ ਸੁਧ ਮਹੇਸ ਅਰਜਨ ਪੈ ਛਲ ਬਲ ਭਾਰੇ ।
 ਵਹ ਛਲ ਨਿਸ ਦਿਨ ਕਰਹਿ ਹਮ ਭਲ ਲਾਗ ਨ ਜੀ ਕੋ ।
 ਤਾਂ ਤੇ ਚਲ¹ ਮਮ ਸਾਥ ਦੇਉ ਜਿਹ ਤੁਮ ਕੋ ਟੀਕੋ ॥ 13 ॥

ਦੋਹਰਾ

ਖਸ ਗੁਰਿਆਈ ਲਹਿ ਹਮ ਤਿਹ ਠਾਂ ਨਿਜ ਬਲ ਲਾਇ :
 ਸੁਲਹੀ ਮੇਰੇ ਮੀਤ ਹੈ ਜੋ ਬਾਦਸਾਹ ਨਿਕਟਾਇ ॥ 14 ॥

ਚੌਪਈ

॥ ਮਹਾਂਦੇਵੋਵਾਰ ॥

ਕਿਹ ਬਿਧ ਲੈਵਹਿ ਖਸ ਗੁਰਿਆਈ । ਸੋ ਬਿਧ ਮੋਕਉ ਕਹੁ ਕਹਿ² ਸਮਝਾਈ ।
 ਪ੍ਰਿਥੀਏ ਕਹਾ ਦਿਲੀ ਮਹਿ ਜਾਵਉ । ਤਿਹ ਅਰਜਨ ਕੋ ਪਕਰ ਮੰਗਾਵਉ ।
 ਕੁਛ ਨਹਿ ਚਲੈ ਇਸੇ ਬਲ ਭਾਈ । ਇਹ ਬਿਧਿ ਲੇਵਹੁ ਖਸ ਗੁਰਿਆਈ ।
 ਮਹਾਂਦੇਵ ਤਬ ਐਸ ਉਚਾਰੀ । ਕਿਉ ਓੜਕ ਕੀ ਬਾਤ ਚਿਤਾਰੀ ।
 ਵਿਸਕ ਹਮਾਰੀ ਇਹ ਸਿਉਂ ਪਰੀ । ਇਹ ਕਾਰਨ ਚਿਤ ਮਾਹਿ ਇਹ ਧਰੀ ।
 ਇਹ ਕਾਰਨ ਤੁਮ ਕੋ ਸੰਗ ਕਰਉ । ਇਸ ਸੋ ਖੋਸ ਤੁਮਹਿ ਗੁਰੂ ਕਰਹੁ ।
 ਮਹਾਂਦੇਵ ਕਹ ਨਹਿ ਮਮ ਚਾਹ । ਤੈਰੇ ਹੀ ਰਿਦ ਮਹਿ ਇਹ ਦਾਹ ।
 ਹਮ ਕੋ ਨਹਿ ਅਸ³ ਬਾਤ ਸੁਖਾਵੈ । ਕਰੋ ਸੋਇ ਜੋ ਤੁਮਹਿ ਸੁਹਾਵੈ ॥ 15 ॥

ਦੋਹਰਾ

ਐਸ ਬਚਨ ਪ੍ਰਿਥੀਏ ਸੁਨੇ ਬਹੁਤ ਕੀਓ⁴ ਮਨ ਰੋਸ ।
 ਮਹਾਂਦੇਵ ਕਉ ਅਸ ਕਹਾ⁵ ਕਹਾਂ ਗਈ ਤੁਮ ਹੋਸ ॥ 16 ॥
 ਅਰਜਨ ਕਾ ਪਖੀ ਭਯੋ ਹਮ ਜਾਨੀ ਇਹੁ ਬਾਤ ।
 ਤਾਂਹਿ ਪਖ ਮਨ ਮਹਿ ਧਰੇ ਹਮੈਂ ਕਹੋ ਉਤਪਾਤ ॥ 17 ॥

ਚੌਪਈ

ਗੁਰੂ ਅਰਜਨ ਸੰਗ ਪਖ ਹਮਾਰੈ । ਤਿਹ ਆਗਿਆ ਸਦ ਮਨ ਮਹਿ ਧਾਰੈ ।
 ਗੁਰੂ ਰਾਮਦਾਸ ਦੀਨੀ ਗੁਰਿਆਈ । ਸੋ ਹਮ ਤੇ ਨਹੀਂ ਜਾਤ ਮਿਟਾਈ ।
 ਪਿਤਾ ਅੰਸ ਸੁਤ ਜੋ ਜਗ ਮਾਹੀ । ਪਿਤਾ ਬਚਨ ਸੋ ਫੇਰੇ ਨਾਹੀ ।
 ਜੋ ਨਰ ਨਭ ਕੋ ਬਾਨ ਚਲਾਵੈ । ਉਲਟਿ ਬਾਨ ਤਿਹ ਭਾਲ⁶ ਲਗਾਵੈ ।
 ਭੂਧਰ ਕੋ ਜੋ ਮਾਰੈ ਭਾਲਾ । ਨਗ ਨਹਿ ਫੁਟੈ ਤੁਟੇ ਸਰਜਾਲਾ ।
 ਅਨਲ ਜਾਨ ਕੋ ਨਿਜ ਕਰ ਧਰੈ । ਗਹੈ ਸਰਪ ਸੋ ਅਵਿਗਤਿ ਮਰੈ ।
 ਇਹ ਬਿਧ ਤੋਰ ਮਨੋਰਥ ਆਹੀ । ਗੁਰੂ ਕੇ ਬਚਨ ਸੁ ਅਟਲ ਰਹਾਂਹੀ ।
 ਇਹੁ ਦ੍ਰਿਸਟਾਤ ਮਹਾਂਦੇਵ ਸੁਨਾਏ । ਪ੍ਰਿਥੀ ਚੰਦ⁷ ਕੇ ਮਨ ਨਹਿ ਭਾਏ ॥ 18 ॥

¹ਅ ਪੱਥੀ ਚਲਹੁ ²ਅ ਪੱਥੀ ਵਿਚੋਂ ³ਅ ਪੱਥੀ ਯਹਿ ⁴ਅ ਤੇ ਏ ਪੱਥੀ ਰਿਦ ⁵ਅ ਪੱਥੀ ਰਿਸ ਕਹਿਓ

⁶ਅ ਪੱਥੀ ਮਾਥ ⁷ਅ ਪੱਥੀ ਪ੍ਰਿਥੀਏ

ਦੋਹਰਾ

ਪ੍ਰਿਥੀ ਚੰਦ ਤਬ ਯਉ ਕਹਿਓ ਮਸਤਾਨਾ ਤੂੰ ਆਹਿ ।
ਸੋ ਬਾਤੈ ਹਮ ਕੋ ਕਹਿਓ ਜਿੰਹ ਸੁਨਿ ਲਾਗੇ ਦਾਹਿ ॥ 19 ॥

॥ ਮਹਾਂਦੇਵੋਵਾਚ ॥ ਦੋਹਰਾ ॥

ਦਾਰਾ ਸੁਤ ਮਿਲ ਘਰ ਰਹੋ ਮਾਨੋ ਬਚਨ ਹਮਾਰ ।
ਗੁਰ ਅਰਜਨ ਚਰਨੀ ਲਗੋ ਤੁਮ ਜਸ ਹੋਇ ਸੰਸਾਰ ॥ 20 ॥

ਚੌਪਈ

ਜੋ ਨਹਿ ਮਾਨਉ ਕਹਾ ਹਮਾਰਾ । ਤਾਤੇ ਦੁਖ ਪਾਵੈ ਸੰਸਾਰਾ¹ ।
ਮਹਾਂਦੇਵ ਜਬ ਐਸੇ ਕਹਿਓ । ਪ੍ਰਿਥੀਏ ਰੋਸ ਬਡੋ ਤਬ ਗਹਿਓ ।
ਕਹਿਓ ਜਾਹੁ ਤੁਮ ਇਹ ਮਤ ਭਾਯੋ । ਮਹਾਂਦੇਵ ਨਿਜ ਭਵਨ ਸਿਧਾਯੋ ।
ਜੋ ਸਿਆਨਨਿ ਕੀ ਬਾਤ ਨਾ ਮਾਨੈ । ਸੋ ਦੁਖ ਪਾਵੈ ਬੀਚ ਜਹਾਨੈ ।
ਮਹਾਂਦੇਵ ਵੀ ਬਾਤ ਨ ਮਾਨੀ । ਹੇਰੀ² ਗ੍ਰਾਮ ਚਲਿਓ ਰਿਸ ਠਾਨੀ³ ।
ਸੁਤ ਦਾਰਾ ਸਭ ਹੀ ਸੰਗ ਲੀਨੇ । ਅਤਿ ਰਿਸ ਸਾਥ ਪਿਆਨਾ ਕੀਨੇ ॥ 21 ॥

॥ ਭਗਤ ਸਿੰਘੋਵਾਚ ॥ ਦੋਹਰਾ ॥

ਹੇਰੀ² ਕਿਉਂ ਪ੍ਰਿਥੀਆ ਚਲਿਓ ਦਿਲੀ ਕਹਿਤਾ ਜਾਨ ।
ਮਨੀ ਸਿੰਘ ਜੀ ਤਬ ਕਹਾ, ਸੁਲਹੀ ਤਹਾਂ ਪਠਾਨ ॥ 22 ॥
ਸੁਲਹੀ ਕਿਉਂ ਤਿਹ ਠਾਂ ਆਯੋ ਜਹਾਂਗੀਰ ਪਠ ਤਾਂਹਿ ।
ਮਾਝੇ ਟਕੇ ਪਹੁੰਚਾਨ ਹਿਤ ਭੇਜਿਯੋ ਸੁ ਇਹੁ ਠਾਇ ॥ 23 ॥

ਚੌਪਈ

ਪਾਤਸ਼ਾਹ ਕੀ ਆਗਿਆ ਪਾਇ । ਹੇਰੀ ਛਾਵਨੀ ਲਈ ਬਨਾਇ ।
ਤਿਸੀ ਪਾਸ ਪ੍ਰਿਥੀਆ ਚਲ ਗਯੋ । ਅਤਿਸੈ ਦੁਖਤ ਚਿਤ ਮਹਿ ਭਯੋ ।
ਪ੍ਰਿਥੀਆ ਆਵਤ ਜਬੈ ਨਿਹਾਰਾ । ਸੁਲਹੀ ਉਠੁ ਬਡ ਆਦਰ ਧਾਰਾ ।
ਸੁਲਹੀ ਪੂਛਿਓ ਤਬੈ ਬਨਾਏ । ਕਿਹ⁴ ਕਾਰਨ ਆਏ ਇਹ ਠਾਏ ।
ਪ੍ਰਿਥੀਏ ਕਹਾ ਬਾਤ ਤੁਮ ਜਾਨੋ । ਗੁਰਿਆਈ ਅਰਜਨ ਕਉ ਮਾਨੋ ।
ਮੌਕਉ ਕਾਢ ਧਾਮ⁵ ਤੇ ਦੀਨੋ । ਤਖਤ ਗੁਰਿਆਈ ਤਿਸ ਨੇ ਲੀਨੋ ।
ਕਰੀ ਅਨੀਤ ਪਿਤਾ ਇਹੁ ਭਾਰੀ । ਬਡ ਸੁਤ ਹੋਤੇ ਲਘੁ ਗੁਰ ਧਾਰੀ ।
ਇਹੁ ਕਾਰਨ ਤੁਮਰੇ ਪਹਿ ਆਯੋ । ਨਿਜ⁶ ਦੁਖ ਸਭ ਹਮ ਤੁਮਹਿ ਸੁਨਾਯੋ ॥ 24 ॥

ਦੋਹਰਾ

ਸੁਲਹੀ ਤਬ ਐਸੇ ਕਹਾ ਤੁਮ⁶ ਇਹਾਂ ਰਹੋ ਸੁਖਪਾਇ ।
ਹਮ ਚਲਹਿੰ ਦਿਲੀ ਜਬੈ ਕਰਾਵਹਿੰ ਤੁਹਿ ਨਿਆਇ ॥ 25 ॥

¹ਅ ਪੋਥੀ ਪਾਵਹਿਗੋ ਭਾਰਾ ²ਅ ਪੋਥੀ ਹੇਰੀ ³ਅ ਪੋਥੀ ਜਹਾਂਗੀਰ ⁴ੲ ਪੋਥੀ ਕਿਤ ⁵ਅ ਪੋਥੀ ਨਗਰ
⁶ਅ ਪੋਥੀ ਅਪਨੋ ⁶ਅ ਪੋਥੀ ਵਿਚੋ

ਬਾਦਸ਼ਾਹ¹ ਮੌਕੇ ਦੀਓਂ ਇਹੁ ਹੇਹਰ ਇਕ ਗ੍ਰਾਮ ।
ਸੋ ਤੁਮ ਲੈ ਸੁਖ ਸਿਉਂ ਬਸੋ ਕਰ ਪੂਰਣ ਨਿਜ ਕਾਮ ॥ 26 ॥

ਚੌਪਈ

ਮੋਹਿ ਤੇ ਅਧਕ ਦਰਬ ਤੁਮ ਪਾਵੋ । ਮੰਦਰ ਔਰ ਤਲਾਵ ਬਨਾਵੋ ।
ਜੈਸੇ ਗੁਰ ਅਰਜਨ ਨੇ ਰਚਿਓ । ਤੈਸੇ ਤੁਮਹਿ ਜਾਇ ਤਹਿ ਸਚਿਓ ॥
ਤਬ ਸੁਲਹੀ ਤੇ ਪਟਾ ਲਿਖਾਯੋ । ਪ੍ਰਿਥੀਏ ਹੇਹਰ ਗ੍ਰਾਮ ਸੁ ਪਾਯੋ ।
ਔਰ ਦਰਬ ਸੁਲਹੀ ਤੇ ਲੀਨੋ । ਤਲਾਬ ਮੰਦਰ ਕਾ ਉਦਮ ਕੀਨੋ ।
ਦੀਨੇ ਆਵੇ ਬਹੁਤ ਚੜਾਈ । ਥੋਰੇ ਦਿਨੇ ਤਲਾਬ ਬਨਾਈ ।
ਮੰਦਰ ਬੀਚ ਤਲਾਬ ਬਨਾਯੋ । ਸੁਲਹੀ ਔ ਪ੍ਰਿਥੀਏ ਮਨ ਭਾਯੋ ।
ਪ੍ਰਿਥੀਏ ਕੀ ਸੰਗਤਿ ਤਹਿ ਜਾਵੈ । ਗੁਰ ਅਰਜਨ ਸਿਖ ਤਿਸ ਨ ਦਿਖਾਵੈ ।
ਦੇਸ ਦੇਸ ਕੀ ਸੰਗਤਿ ਆਈ । ਸੁਧਾ ਸਰੋਵਰ ਨਾਇ ਸਿਧਾਈ ।
ਤਹਿ ਕੋ ਕੋਊ ਨਾਮ ਨਹੀਂ ਲੇਵਹਿੰ । ਗੁਰੁ ਦਰਸਨ ਕਰ ਸਭ ਫਲ ਲੇਵਹਿੰ ।
ਸ੍ਰੀ ਅੰਮ੍ਰਿਤਸਰ ਜਹਿ ਗੁਰੁ ਕੋ ਘਰ । ਰਿਧ ਸਿਧ ਸਭ ਰਹੈ ਤਿਸ ਦਰ ॥ 27 ॥

ਦੋਹਰਾ

ਗੁਰੁ ਨਾਨਕ ਕੀ ਕ੍ਰਿਪਾ² ਤੇ ਸੰਗਤਿ ਆਇ ਅਪਾਰ ।
ਪ੍ਰਿਥੀਆ ਦਿਖ ਮਨ ਮਹਿ ਖਿਝੈ³ ਨਿਜ ਸ੍ਰਮ ਦਾਦ ਬਿਚਾਰ ॥ 28 ॥

ਕੁੰਡਲੀਆ

ਐਸ ਬਾਤ ਇਹ ਨਾਂ ਭਈ ਸੁਨ ਗੁਰ ਅਰਜਨ ਬਾਤ ।
ਸ੍ਰੀ ਗੁਰ⁴ ਇਹੈ ਬਿਚਾਰਿਓ ਹਮਰੇ ਪਿਤ ਕੋ ਤਾਤ ।
ਹਮਰੇ ਹੈ ਬਡ ਭ੍ਰਾਂਤ ਤਾਹਿਕੋ ਬੋਲ ਪਠਾਯੋ ।
ਕਰੈ ਗੁਰਾਈ ਰਾਰ ਸੋਇ ਅਬ ਤਿਸਕੋ ਦਯੋ ।
ਤੁਰਕਨ⁵ ਪੈ ਚਲ ਜਾਨਾ ਭਲੀ ਨ ਬਾਤ ਹੈ ।
ਹਮਰੇ ਪਿਤ ਕੋ ਪ੍ਰਤ ਬਡੋ ਇਹੁ ਭ੍ਰਾਂਤ ਹੈ ॥ 29 ॥

ਦੋਹਰਾ

ਦਯਾ ਸਿੰਧ⁶ ਸ੍ਰੀ ਸਤਿਗੁਰ ਬੁਲਾਯੋ ਤਬ ਗੁਰਦਾਸ ।
ਪ੍ਰਿਥੀਏ ਪਹਿ ਤਾਕੋ ਪਠਾਯੋ ਲਯਾਵੋ ਕਰ ਅਰਦਾਸ ॥ 30 ॥
ਸ੍ਰੀ ਗੁਰੂ⁷ ਕੇ ਬਚ ਮਾਨ ਕੈ ਭਾਈ ਕੀਨ⁸ ਪਿਆਨ ।
ਹੇਰੀ ਪ੍ਰਿਥੀਏ ਪੈ ਗਯੋ ਕੀਨੇ ਬਚਨ ਸਮਾਨ ॥ 31 ॥

ਕੁੰਡਲੀਆ

ਗੁਰ ਅਰਜਨ ਜੋ ਬਚ ਕਹੇ ਸਭੇ ਕਹੇ ਨਿਰਧਾਰ ।
ਪ੍ਰਿਥੀਏ ਕੋਪ ਬਢਾਇਕੈ ਦੀਨੀ ਬਹੁ ਤਬ ਗਾਰ ।

¹ਏ ਪੋਥੀ ਪਾਤਸ਼ਾਹ ²ਅ ਪੋਥੀ ਮਯਾ ³ਏ ਪੋਥੀ ਕ੍ਰਿਝੈ ⁴ਅ ਪੋਥੀ ਸਤਿਗੁਰ ⁵ਅ ਤੇ ਏ ਪੋਥੀ ਮਲੇਫਨ
⁶ਅ ਪੋਥੀ ਕ੍ਰਿਪਾਨਿਧਾਨ ⁷ਏ ਪੋਥੀ ਸਤਿਗੁਰੂ ⁸ਅ ਪੋਥੀ ਕੀਓ

ਦੀਨੀ ਬਹੁਤੀ ਗਾਰ ਭਾਈ ਕੋ ਐਸ ਅਲਾਯੋ ।
 ਪਾਛੇ ਮਾਨੀ ਨਾਹਿ ਅਬੈ ਡਰ ਮਾਨ ਪਠਾਯੋ ॥
 ਇਹ ਬਿਧ ਮੈ ਨਹਿ ਲੇਉਂ ਕਪਟਿ-ਕਰ ਬਾਤ ਬਨਾਈ ।
 ਦਿਲੀ ਪਕਰ ਮੰਗਾਇ ਤਬੈ ਲੇਵਹੁੰ ਗੁਰਿਆਈ ॥ 32 ॥
 ਬਹੁ ਬਿਨਤੀ ਭਾਈ ਕਰੀ ਪ੍ਰਿਥੀਏ ਮਾਨੀ ਨਾਹਿ ।
 ਜਹਾਂਗੀਰ¹ ਕੀ ਸਭਾ ਮਹਿ ਨਿਆਇ ਹੋਇਗੋ ਤਾਂਹਿ ।
 ਨਿਆਇ ਹੋਇਗੋ ਤਹਾਂ ਤਬੈ ਜਾਨੈਗਾ ਸੋਈ ।
 ਭਾਈ ਮਨੈ ਬਿਚਾਰ ਦੁਸਟਿ ਮਤ ਇਨ ਹੈ ਗੋਈ ।
 ਪ੍ਰਭ ਮਾਇਆ ਭਰਮਾਇ ਕਹਾ ਨਹੀਂ ਮਾਨ ਹਮਾਰਾ ।
 ਸੁੰਦਰ ਦਿਖ ਤਿਹ ਵੇਸ ਸੁ ਮੁਖ ਸਉ ਬਚਨ ਉਚਾਰਾ ॥ 33 ॥

ਅੜਿਲ

ਤਿਸਹੀ ਕੇ ਪਰਥਾਇ ਛਤੀਸਵੀਂ ਵਾਰ ਉਚਾਰੀ ।
 ਭਯੋ ਕਾਲੈ ਮੂੰਹ ਮੀਣਾ ਇਸ ਬਿਧ ਬਚਨ ਸੁਧਾਰੀ ।
 ਕੇਕੀ ਬੋਲੇ ਬੈਨ ਅਸਨ ਅਹਿ ਸੁੰਦਰ ਵੇਸ² ।
 ਹੋ ਬਿਨ ਗੁਣ ਗੁਰੁ ਸਦਾਇੰਦੇ ਕੌਣ ਕਰੇ ਅਦੇਸ ॥ 34 ॥

ਚੌਪਈ

ਐਸੇ ਬਚਨ ਅਨੇਕ ਪ੍ਰਕਾਰਾ । ਸਾਰੀ ਵਾਰ ਕਹੀ ਨਿਰਧਾਰਾ ।
 ਪੁਨ ਭਾਈ ਜੀ ਗੁਰ³ ਪਹਿ ਆਯੋ । ਨਹਿ ਮਾਨੀ ਹਮ ਰਹਿਓ ਮਨਾਯੋ ।
 ਗੁਰ ਅਰਜਨ ਤਬ ਕਹਾ ਸੁਨਾਈ । ਨੀਚ ਅਗ੍ਰ ਨਿਵਨਉ ਦੁਖਦਾਈ ।
 ਸ੍ਰੀ ਗੁਰ ਨਾਨਕ ਕਰਹਿ ਸੁ ਹੋਈ । ਔਰ ਬਾਤ ਨਹਿ ਹੋਵੈ ਕੋਈ ।
 ਅਸ ਕਹਿ ਸ੍ਰੀ ਗੁਰ ਮੋਨ⁴ ਰਹਾਏ । ਉਹਾਂ ਪ੍ਰਿਥੀਆ ਅਤਿ ਦੁਖ ਪਾਏ ।
 ਨੀਂਦ ਪਰੈ ਨਹਿ ਦਿਨ ਅਰੁ ਰਾਤੀ । ਦਾਵਾਨਲ⁵ ਇਵ ਸੁ ਲਗੇ ਛਾਤੀ ।
 ਤਬ ਲੋ ਹੁਕਮ ਸਾਹਿ ਕਾ ਆਯੋ । ਸੁਲਹੀ ਦਿਲੀ ਯਿਰ ਸਿਧਾਯੋ ।
 ਸੁਲਹੀ ਕੇ ਸੰਗ ਪ੍ਰਿਥੀਆ ਭਯੋ । ਦੁਇ ਬਰਸ ਹੋਰੀ ਰਹਿ ਗਯੋ ॥ 35 ॥

ਦੋਹਰਾ

ਦਿਲੀ ਜਾਇ ਪ੍ਰਾਪਤ ਭਯੋ ਸੁਲਹੀ ਖਾਨ ਪਠਾਨ ।
 ਅਸਵ ਫੀਲ ਬਹੁ ਨਜਰ ਦੈ ਮਿਲਿਓ ਤਬ ਸੁਲਤਾਨ ॥ 36 ॥

ਚੌਪਈ

ਸੁਲਹੀ ਮਾਝੇ ਟਕੇ ਸੁ ਤਾਰੇ । ਜਹਾਂਗੀਰ ਕੋ ਆਨੰਦ ਧਾਰੇ ।
 ਬਹੁਰੋ ਪ੍ਰਿਥੀਆ ਦੀਓ ਮਿਲਾਈ । ਨਜਰ ਇਨੈ ਉਨ ਭੋਟਿ ਦਿਵਾਈ ।

¹ਅ ਪੋਥੀ ਪਾਤਸ਼ਾਹ ²ਅ ਪੋਥੀ ਭੇਸ ³ਅ ਪੋਥੀ ਜਤਿਗੁਰ ⁴ਅ ਪੋਥੀ ਗਸਟ ⁵ਅ ਪੋਥੀ ਦਾਵ ਅਨਿਲ

ਤਾਂ ਪਰ ਪ੍ਰਿਥੀਏ ਅਰਜ ਕਰਾਈ । ਜਹਾਂਗੀਰ ਯਉ ਬਾਤ ਚਲਾਈ ।
 ਸਤਿਗੁਰ ਕੇ ਗ੍ਰਿਹ ਰਾਰ ਅਸ ਪਰੀ । ਔਰ ਤੁਛ ਨਰ ਤਬ ਕਿਆ ਕਰੀ ।
 ਗੁਰੁ ਨਾਨਕ ਗ੍ਰਿਹ ਕੇ ਹਮ ਦਾਸ । ਉਨਕਾ ਨਿਆਉਂ ਸ੍ਰੀ ਗੁਰ ਪਾਸ ।
 ਗੁਰੁ ਰਾਮਦਾਸ ਦੀਨੀ ਗੁਰਆਈ । ਸੋ ਹਮ ਤੇ ਨਹੀਂ ਜਾਤ ਮਿਟਾਈ¹ ।
 ਜੇ ਗੁਰਿਆਈ ਤੁਮਕੋ ਹੋਤੀ । ਜੀਵਤ ਦੇਵਤ ਸ੍ਰੀ ਗੁਰੁ ਜੋਤੀ ।
 ਅਬ ਤਿਨ ਕੇ ਤੁਮ ਲਾਗੋ ਪਾਈ² । ਜਹਾਂਗੀਰ ਅਸ ਬੈਨ ਸੁਨਾਈ ॥ 37 ॥

ਦੋਹਰਾ

ਬਾਦਸਾਹ ਕੇ ਬਚਨ ਸੁਣ ਪ੍ਰਿਥੀਆ ਤਪਿਓ ਬਹੋਰ ।
 ਮੁਖ ਸਿਉ ਤਬ ਐਸੋ ਕਹਾ ਨਹਿ ਜਾਵਉ ਤਿਹ ਠੌਰ ॥ 38 ॥
 ਅਤਿ ਰਿਸਾਇ ਬੋਲਯੋ ਤਬੈ ਜਹਾਂਗੀਰ ਪਤਿਸਾਹ ।
 ਸ੍ਰੀ ਗੁਰ ਦਈ ਸੁ ਤਿਨ ਲਈ ਕਿਉਂ ਤੇਰੇ ਉਰ³ ਦਾਹ ॥ 39 ॥

ਚੌਪਈ

ਪਿਤ ਕੀ ਸੇਵਨ ਹਿਤ ਸਿਉਂ ਕਈ । ਅਬ ਕਿਉਂ ਚਿੰਤਾ ਚਿਤ ਮਹਿ ਲਈ ।
 ਐਸ ਬਚਨ ਕਹਿ ਪ੍ਰਿਥੀਏ ਨਾਲ । ਪਾਤਿਸਾਹ ਲਾਗੇ ਕਹਿ ਖਿਆਲ ।
 ਜਹਾਂਗੀਰ ਕੇ ਬੈਨ ਸੁਨਾਈ । ਪ੍ਰਿਥੀਏ ਮਨ ਮਹਿ ਚਿੰਤਾ ਪਾਈ ।
 ਇਹ ਠਾਂ ਪੇਸ਼ ਨਾ ਹਮਰਾ ਗਯੋ । ਨੈਨਨ ਤਰ ਧਰ ਖੋਦਤਿ ਭਯੋ ।
 ਪ੍ਰਿਥੀਆ ਨਿਜ ਡੇਰੇ ਅਬ ਆਯੋ । ਪਾਤਿਸਾਹ ਤਬ ਤਹਾਂ⁴ ਭੁਲਾਯੋ ।
 ਡਰ ਤੇ ਅਰਜ⁵ ਨ ਕਿਨਹੂੰ ਕੀਨੇ । ਦਿਨ ਪਚਾਸ ਯਉ ਬਿਤੇ ਅਧੀਨੇ ।
 ਪ੍ਰਿਥੀ ਚੰਦ ਮਨ ਸੰਸਾ ਲੀਨੋ । ਕਬੀ ਸ਼ਾਹ ਮੁਹੇ ਯਾਦ ਨ ਕੀਨੋ ।
 ਮੁਸਾਹਿਬ ਦੋਇ ਸ਼ਾਹ ਕੇ ਭਾਰੀ । ਨਿਜ ਬ੍ਰਿਤਾਂਤ⁶ ਤਿਨ ਨਿਕਟਿ ਉਚਾਰੀ ॥ 40 ॥

ਸੋਰਠਾ

ਇਕ ਅਬਦੁਲ ਖਾਨ ਦੁਤੀ ਅਹਿੰਮਦ ਖਾਨ ਹੈ ।
 ਰਿਸ਼ਵਤ ਤਿਨੈ ਬਖਾਨ ਹਜ਼ਾਰ ਤੀਨ ਪ੍ਰਿਥੀਏ ਕਹੀ ॥ 41 ॥

ਕਬਿਤ

ਰਿਸ਼ਵਤਿ ਪਾਈ ਖਾਨ, ਚਿਤ ਹਰਖਾਈ ਨਿਜ,
 ਮੁਖ ਤੇ ਅਲਾਈ ਕਛੁ, ਚਿੰਤਾ ਨਹੀਂ ਪਾਯੋ ਹੈ ।
 ਸੁਲਹੀ ਕੋ ਸਾਥ ਲੀਨਾ ਖਾਨ ਦੁਹੁ ਪਿਯਾਨਾ ਕੀਨਾ
 ਜਾਇ ਨਿਕਟਿ ਸ਼ਾਹ ਮੁਖ ਬੰਦਗੀ ਅਲਾਯੋ ਹੈ ॥
 ਸਭਾ ਬੀਚ ਬੈਠ ਕਰ ਤੀਨੋ ਨੇ ਸਲਾਹ ਕਰ
 ਪ੍ਰਿਥੀ ਚੰਦ [ਚੰਦ]⁷ ਸਮ ਸ਼ਾਹ ਕੋ ਸੁਨਾਯੋ ਹੈ ।

¹ਅ ਪੌਥੀ ਜਾਇ ਦਿਵਾਈ ²ਏ ਪੌਥੀ ਅਬ ਤਿਨ ਕੀ ਤੁਮ ਪਰੋ ਸੁਨਾਈ ³ਏ ਪੌਥੀ ਰਿਦ ⁴ਏ ਪੌਥੀ
 ਤਿਸੈ ⁵ਅ ਪੌਥੀ ਬਿਨੈ ⁶ਅ ਪੌਥੀ ਬਿਰਥਾ ⁷ਅ ਪੌਥੀ ਵਿਚੋਂ

ਗੁਰ ਨਾਨਕ ਕੀ ਅੰਸ ਪ੍ਰਸੰਸ ਜਗ ਮਾਂਹਿ ਭਈ
 ਰਾਮਦਾਸ ਸੁਤ ਇਹਾਂ ਪ੍ਰਿਥੀਆ ਬੈਠਾਯੋ ਹੈ ॥ 42 ॥
 ਬਾਦਸ਼ਾਹ ਜਾਨੀ ਇਹੁ ਬਾਤ ਝਲ ਸਾਨੀ ਕਹੀ
 ਕਛੁ ਇਨ ਪਾਯੋ ਬਾਤ ਪਖ ਕੀ ਸੁਨਾਈ ਹੈ ।
 ਮਾਨ ਤਿਨੈ ਕੀਨੋ ਪ੍ਰਿਥੀ ਚੰਦ¹ ਕੋ ਬੁਲਾਇ ਲੀਨੋ
 ਦੀਓ ਬਡ ਮਾਨ ਮੁਖ ਐਸੇ ਫੁਰਮਾਈ ਹੈ ।
 ਦਿਲੀ ਹੂੰ ਤੇ ਚਲ ਹਮ ਜਾਂਹਿਗੇ ਲਾਹੌਰ ਜਬੈ
 ਦੁਹੁ ਭ੍ਰਾਤਨ ਕੀ ਬਾਤ ਸੁਨ ਨਿਆਵ ਪਾਈ ਹੈ ।
 ਅਬ ਉਹਾਂ ਨਹਿ ਜਾਵੇ ਗ੍ਰਾਮ ਹਮ ਤੇ ਏਕ ਪਾਤੋ
 ਤੁਮ ਰਚੋ ਘਰ ਤਹਾਂ ਜੋਉ ਤੇਰੇ ਮਨ ਆਈ ਹੈ ॥ 43 ॥

ਦੋਹਰਾ

ਗ੍ਰਾਮ ਪਟਾ ਲਿਖ ਸ਼ਾਹ ਨੇ ਦੀਨੋ [ਪ੍ਰਿਥੀਏ]² ਹਾਥ ।
 ਮੁਖ ਕਹਿਓ ਜਾਹਿ ਲਾਹੌਰ ਜਬ ਤਬ ਚਲੀਓ ਮਮ ਸਾਥ ॥ 44 ॥
 ਗ੍ਰਾਮ ਪਟਾ ਤਬ ਪਾਇਕੈ ਪ੍ਰਿਥੀਏ ਪਿਆਨਾ ਕੀਨ ।
 ਮਾਲਵੇ ਮਧ ਗ੍ਰਾਮ ਲੈ ਸੁੰਦਰ ਗ੍ਰਿਹ ਰਚ ਲੀਨ ॥ 45 ॥

ਸੋਰਠਾ

ਕੋਠਾ ਤਹਾਂ ਬਨਾਇ ਪ੍ਰਿਥੀਏ ਬੰਦਨ ਕੀਨ ਜਿੰਹ ।
 ਤਿਨ ਕੀ ਸੰਗਿਆ ਪਾਇ ਕੋਠੇ ਸੋਢੀ³ ਭਾਖੀਏ ॥ 46 ॥

ਚੌਪਈ

ਸੁਤ ਤੀਅ ਪ੍ਰਿਥੀਏ ਤਹਾਂ ਬਸਾਏ । ਸੰਗਤ ਤਿਹ ਠਾਂ ਪੂਜ⁴ ਚੜਾਏ ।
 ਐਸ ਗਾਥ ਪ੍ਰਿਥੀਏ ਕੀ ਭਾਖੀ । ਸੁਨ ਅਬ ਗੁਰ ਅਰਜਨ ਕੀ ਸਾਖੀ ।
 ਸ੍ਰੀ ਗੁਰ ਸੁੰਦਰ ਗਾਥ ਸੁਨਾਉਂ । ਤਾਂਤੇ ਗੁਰ ਸਿਖ ਸਰਬ ਰਿਝਾਉਂ ।
 ਏਕ ਸਮੇਂ ਗੁਰ ਅਰਜਨ ਦੇਵ । ਪ੍ਰਾਤ ਸਮੇਂ ਉਠ ਅਲਖ ਅਭੇਵ ।
 ਸੁਧਾ ਸਰੋਵਰ ਨਾਵਣ ਚਲੈ । ਸਾਥ ਸਿਖ ਤੁਮ⁵ ਦਲ ਜਿਹ ਦਲੇ ।
 ਪ੍ਰਿਥਮ ਕੂਪ ਗੁਰ ਕਰ ਇਸਨਾਨਾ । ਅਮੀ⁶ ਸਰੋਵਰ ਮੰਜਨ ਠਾਂਨਾਂ ।
 ਸ੍ਰੀ ਦਰਬਾਰ ਦਰਸ ਪੁਨ ਗਏ । ਬੰਦਨਾ ਕਰੀ ਪਰਿਕ੍ਰਮਾ ਕਏ ।
 ਬਹੁਰ ਪਰਿਕ੍ਰਮਾ ਬਡੀ ਸਿਧਾਰੇ । ਉਤਰ ਦਿਸ਼ਾ ਦ੍ਰਿਜ ਏਕ ਨਿਹਾਰੇ ॥ 47 ॥

ਦੋਹਰਾ

ਬਿਪ੍ਰ ਤਹਾਂ ਪੂਜਾ ਕਰੇ ਸੁਧਾ ਸਰੋਵਰ ਨਹਾਇ ।
 ਆਗੇ ਸਾਲਗਰਾਮ ਹੈ ਮਨ ਘਰ ਕਾਜ ਸਮਾਇ ॥ 48 ॥

¹ਏ ਪੋਥੀ ਪ੍ਰਿਥੀਏ ²ਅ ਪੋਥੀ ਵਿਚੋਂ ³ਏ ਪੋਥੀ ਕੋਠਾ ਗੁਰੂ ⁴ਅ ਪੋਥੀ ਭੋਟ ⁵ਅ ਪੋਥੀ ਬਹੁ ⁶ਅ
 ਪੋਥੀ ਅਗਿਓ

ਪਾਸ [ਤਿਸਹਿ]¹ ਸਤਿਗੁਰ ਗਏ ਤਿਸੈ ਨ ਬੰਧਨ ਧਾਰ ।
ਐਸ ਭਾਂਤਿ ਦਿਖ ਬਿਪ੍ਰ ਨੇ ਕੀਨੋ ਕ੍ਰੋਧ ਅਪਾਰ ॥ 49 ॥

ਚੌਪਈ

ਅੰਤਰਜਾਮੀ ਗੁਰ ਲਗ ਪਾਏ । ਕਰ ਪਰਿਕ੍ਰਮਾ ਤਿਸ ਪਹਿ ਆਏ ।
ਸ੍ਰੀ ਮੁਖ ਸਿਉ ਗੁਰ ਬਚਨ ਪ੍ਰਕਾਸਾ । ਕਿਆ ਮਨ ਆਈ ਬਿਪ੍ਰ ਸੁਪਾਸਾ ।
ਰਿਸ ਧਰ ਬਿਪ੍ਰ ਕਹਿ ਛਤ੍ਰੀ ਹੂੰ ਕਰ । ਸੀਸ ਨਿਵਾਯੋ ਨਾ ਦ੍ਰਿਸ ਪਗ ਪਰ ।
ਗੁਰਿਆਈ ਕਾ ਮਾਨ ਤੁਮਾਰੇ । ਦ੍ਰਿਸ ਅੰਠਾਕਰ ਮਾਨ ਨ ਧਾਰੇ ।
ਸ੍ਰੀ ਗੁਰ² ਕਹਾ ਬਿਪ੍ਰ ਸੁਨ ਲੀਜੈ । ਪਾਛੇ ਉਪਾਲੰਭ ਮਮ ਦੀਜੈ ।
ਤੁਹਿ ਮਨ ਥਾ ਘਰ ਕਾਜ ਸਮਾਏ । ਇਹੁ ਕਾਰਨ ਨਹਿ ਮਮ ਸਿਰ ਨਯਾਇ ।
ਬਿਪ੍ਰ ਪਰਥਾਇ ਸਬਦਿ ਗੁਰ ਕਹਾ । ਰਾਮਕਲੀ ਦਸ ਸਤ ਸੋ ਲਹਾ ।
ਸੋ ਅਬ ਕਹੋਂ ਸੰਤ ਸੁਨ ਲੀਜੈ । ਭੂਲ ਦਾਸ ਕੀ ਬਖਸ਼ ਕਰੀਜੈ ॥ 50 ॥

ਰਾਮਕਲੀ ਮਹਲਾ ੫^੩

ਮੁਖ ਤੇ ਪੜਤਾ ਟੀਕਾ ਸਹਿਤ । ਹਿਰਦੈ ਰਾਮੁ ਨਹੀ ਪੂਰਨ ਰਹਿਤ ।
ਉਪਦੇਸੁ ਕਰੇ ਕਰਿ ਲੋਕ ਦ੍ਰਿੜਾਵੈ । ਅਪਨਾ ਕਹਿਆ ਆਪਿ ਨ ਕਮਾਵੈ ॥ 1 ॥
ਪੰਡਿਤ ਬੇਦੁ ਬੀਚਰ ਪੰਡਿਤ । ਮਨ ਕਾ ਕ੍ਰੋਧੁ ਨਿਵਾਰਿ ਪੰਡਿਤ ॥ 1 ॥ ਰਹਾਉ ॥
ਆਗੈ ਰਾਖਿਓ ਸਾਲਗਿਰਾਮ । ਮਨੁ ਕੀਨੋ ਦਹ ਦਿਸ ਬਿਸ੍ਰਾਮੁ ।
ਤਿਲਕੁ ਚਰਾਵੈ ਪਾਈ ਪਾਇ । ਲੋਕ ਪਚਾਰਾ ਅੰਧੁ ਕਮਾਇ ॥ 2 ॥
ਖਟੁ ਕਰਮਾ ਅਰੁ ਆਸਣੁ ਧੋਤੀ । ਭਾਗਨਿ ਗ੍ਰਿਹਿ ਪੜੈ ਨਿਤ ਪੋਥੀ ।
ਮਾਲਾ ਫੇਰੇ ਮੰਗੈ ਬਿਭੂਤ । ਇਹ ਬਿਧਿ ਕੋਇ ਨ ਤਰਿਓ ਮੀਤ ॥ 3 ॥
ਸੋ ਪੰਡਿਤੁ ਗੁਰ ਸਬਦੁ ਕਮਾਇ । ਤ੍ਰੈ ਗੁਣ ਕੀ ਓਸੁ ਉਤਰੀ ਮਾਇ ।
ਚਤੁਰ ਬੇਦ ਪੂਰਨ ਹਰਿ ਨਾਇ । ਨਾਨਕ ਤਿਸਕੀ ਸਰਣੀ ਪਾਇ ॥ 4 ॥ 17 ॥

ਅਰਥ ॥ ਸਵੈਯਾ ॥

ਮੁਖ ਤੇ ਟੀਕਾ ਸਹਿਤ ਉਚਾਰਤ ਰਾਮ ਰਿਦੇ ਨਹੀਂ ਪੂਰਨ ਰਹਿਤ ।
ਉਪਦੇਸ ਕਰੇ ਕਰਿ ਲੋਕ ਸੁਨਾਵੈ^੪ ਕਛੁ ਨ ਕਮਾਵੈ ਆਪਨ ਕਹਿਤ ।
ਪੰਡਿਤ ਬੇਦ ਬੀਚਾਰ ਸਦਾ ਤੁਮ ਕ੍ਰੋਧ ਨਿਵਾਰ ਕਹਾਂ ਓਰ ਦਹਿਤ ।
ਅਗ੍ਰਜ^੫ ਸਾਲਗਰਾਮ ਧਰਿਓ ਤੁਮ ਮਨ ਦ੍ਰਿਸ ਤੋਰ ਦਸੋ ਦਿਸ ਬਹਿਤ ॥ 51 ॥

ਦੋਹਰਾ

ਤਿਲਕ ਚੜਾਇ ਪਾਈ ਪਰੈ ਜਗ ਲੋਗਨ ਦਿਖਰਾਇ ।
ਅੰਧ ਧੁੰਧ ਮਹਿ ਪਰ ਰਹੈ ਆਸਣ ਤਿਲਕ ਬਨਾਇ ॥ 52 ॥

¹ਏ ਪੋਥੀ ਵਿਚੋਂ ²ਏ ਪੋਥੀ ਸਤਿਗੁਰ ³ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 887 ^੪ਅ ਪੋਥੀ ਰੀਝਾਵੇ ^੫ਅ ਪੋਥੀ
ਆਗੈ

ਭਾਗਨ ਗੁਰ ਪੋਥੀ ਪੜੋ ਮਾਲਾ ਫੇਰੋ ਨੀਤ ।

ਚਿਤ ਮਹਿ ਮਾਯਾ ਚਾਹ¹ ਹੈ ਇਹ ਬਿਧ ਤਰੀਓ ਨ ਮੀਤ ॥ 53 ॥

ਚੌਪਈ

ਸੋ ਪੰਡਿਤ² ਜੋ ਗੁਰ ਬਚ ਮਾਨੈ । ਮਾਯਾ ਕੈ ਤ੍ਰੈ ਗੁਣ ਤਜਿ ਠਾਨੈ ।

ਚਤੁਰ ਬੇਦ ਰਿਦ ਨਾਮ ਬਸਾਏ । ਨਾਨਕ ਤਿਸ ਹਮ ਲਾਗੈ ਪਾਇ ।

ਤੁਮ ਪਾਹਨ³ ਕੀ ਪੂਜਾ ਕਰੋ । ਕਿਆ ਏਹ ਹਾਥ ਤੁਮਾਰੇ ਧਰੋ ।

ਝੂਠਾ ਠਾਕੁਰ ਹਮ ਨਹੀ ਮਾਨੈ । ਸਤਿ ਠਾਕੁਰ ਚੇਤਨ ਨਿਜ ਮਾਨੈ ।

ਬੋਲਾ⁴ ਬਿਪ੍ਰ ਕਹੋ ਸਮਝਾਈ । ਤੁਮਰਾ ਠਾਕੁਰ ਨਦਰਿ ਨ ਆਈ ।

ਭਾਖਾ ਬਾਣੀ ਤੁਮ ਹੈ ਕਰੀ । ਨਹਿ ਕਾਹੂੰ ਪ੍ਰਮਾਣ ਸੋ ਧਰੀ ।

ਸੰਸਕ੍ਰਿਤ ਬਾਣੀ ਹਮਰੀ ਜਾਨੋ । ਬੇਦ ਪ੍ਰਮਾਣ ਤਾਹਿ ਬਹੁ ਠਾਨੋ ।

ਸ੍ਰੀ ਗੁਰ ਅਰਜਨ ਮੁਖਹੂੰ ਉਚਾਰਾ । ਹਮਰਾ ਠਾਕੁਰ ਸਭ ਤੇ ਭਾਰਾ ॥ 54 ॥

ਦੋਹਰਾ

ਜਲ ਥਲ ਸਭ ਘਟਿ ਛਾਇਯੋ ਸਭ ਕੀ ਲੇਤਾ ਸਾਰ ।

ਆਸਣ ਜਾਂਹਿ ਬੈਕੁੰਠ ਹੈ ਘੰਟਾ ਬਜਤ ਅਪਾਰ ॥ 55 ॥

ਬਾਣੀ ਤੁਮਰੀ ਸੰਸਕ੍ਰਿਤ⁵ ਭਾਖਾ ਕਹੋ ਬਨਾਇ ।

ਭਾਖਾ ਮਾਹਿ ਜਬ ਹੀ ਕਹੋ ਤਬੈ ਸਮਝ ਕੋ ਪਾਇ ॥ 56 ॥

ਚੌਪਈ

ਭਾਖਾ ਬਿਨ ਸਹੰਸਕ੍ਰਿਤ ਨ ਜਾਨ । ਤਾਂਤੇ ਭਾਖਾ ਹੀ ਪਰਵਾਨ ।

ਇਹ ਬਿਧ ਚਰਚਾ ਕਰੀ ਅਪਾਰਾ । ਤਬ ਬ੍ਰਹਮਨ⁶ ਕਾ ਮਿਟਾ ਹੰਕਾਰਾ ।

ਸ੍ਰੀ ਗੁਰ ਬਚ ਸੁਨ ਕੋਮਲ ਭਯੋ । ਤਜ ਨਿਜ ਮਾਨ ਚਰਨ ਲਪਟਯੋ ।

ਹੇ ਗੁਰ ਮੁਝਕੋ [ਸਿਖ]⁷ ਕਰੀਜੈ । ਭੂਲ ਛਿਮਾਪਨ ਹਮਰੀ ਕੀਜੈ ।

ਗੁਰ ਅਰਜਨ ਦ੍ਰਿਸ਼ ਕੋ ਸਿਖ ਕੀਨੋ । ਸਿਖੀ ਦਾਨ ਤਾਂਹਿ ਤਬ ਦੀਨੋ ।

ਦ੍ਰਿਸ਼ ਕੀ ਗਾਥ ਸੰਪੂਰਨ ਭਈ । ਆਗੈ ਸੁਨਹੁ ਔਰ ਗਥ ਨਈ ।

ਹਰਿ ਗੋਬਿੰਦ ਚੜਿਓ ਤਨ ਤਾਪ । ਹੋਵਤ ਭਯੋ ਦੇਹ ਸੰਤਾਪ ॥

ਜਉ ਬੂਝੇ ਕਿਮ ਪੀੜਾ ਪਾਈ । ਮਾਨੁਖ ਦੇਹ ਸਵਾਗ ਧਰ ਆਈ ॥ 57 ॥

ਦੋਹਰਾ

ਸਭੈ ਜਤਨ ਕੋ ਤਿਆਗ ਕੈ ਗੁਰ ਅਰਜਨ ਕਰ ਧਯਾਨ ।

ਏਕ ਆਸਰਾ ਪ੍ਰਭੂ ਲਵੋ ਵਾਹਿਗੁਰੁ ਸੁਖ ਖਾਨ ॥ 58 ॥

ਦੋਹਰਾ

ਮੰਤ੍ਰਨ ਮਹਿ ਮਹਾਂਮੰਤ੍ਰ ਜੋ ਗੁਰੂ ਨਾਨਕ ਜੀ ਕੀਨ ।

ਸਤਿਨਾਮ ਸਤਿਵਾਰ ਪੜ ਗੁਰ ਗੁਰ ਜਨ ਸੁਖ ਲੀਨ ॥ 59 ॥

¹ਅ ਪੋਥੀ ਇਛ ²ਅ ਪੋਥੀ ਬ੍ਰਾਹਮਨ ³ਏ ਪੋਥੀ ਪਾਥਰ ⁴ਅ ਪੋਥੀ ਭਾਖਹਿ ⁵ਏ ਪੋਥੀ ਸਹਸਕ੍ਰਿਤ ⁶ਦ੍ਰਿਸ਼
⁷ਅ ਪੋਥੀ ਵਿਚੋ

ਛੰਦ

ਗੁਰੂ ਅਰਜਨ ਜਲ ਦੀਨ ਤਾਪ¹ ਤਬ ਦੂਰ ਪਰਾਯੋ ।
 ਹਰਿ ਗੋਬਿੰਦ ਪ੍ਰਸੰਨ ਦੇਖ ਗੁਰ ਐਸ ਅਲਾਯੋ ।
 ਏਕ ਤਾਪ ਕੀ ਕਹਾਂ ਤੀਨ ਇਹ ਤਾਪ ਨਿਵਾਰੇ ।
 ਸਤਿਨਾਮ ਕਾ ਮੰਤ੍ਰ ਸਦਾ ਜੋ ਰਿਦ ਮਹਿ² ਧਾਰੇ ॥ 60 ॥

ਚੌਪਈ

ਹਰ ਗੋਬਿੰਦ ਕਾ ਤਾਪ ਉਤਾਰਯੋ । ਗੁਰੂ ਅਰਜਨ ਇਹ ਸਬਦ ਉਚਾਰਯੋ ।
 ਸੋਰਠਿ ਮਹਿ ਉਣਵੰਜਵਾ ਜਾਨਉ³ । ਸ੍ਰੀ ਮੁਖ ਤੇ ਜੋ ਗੁਰੂ⁴ ਬਖਾਨਉ⁵ ।

ਸੋਰਠਿ ਮਹਲਾ ੫⁴

ਮੇਰਾ ਸਤਿਗੁਰੁ ਰਖਵਾਲਾ ਹੋਆ ।
 ਧਾਰਿ ਕ੍ਰਿਪਾ ਪ੍ਰਭੂ ਹਾਥ ਦੇ ਰਾਖਿਆ ਹਰਿ ਗੋਬਿੰਦੁ ਨਵਾਂ ਨਿਰੋਆ ॥ 1 ਰਹਾਉ ॥
 ਤਾਪੁ ਗਇਆ ਪ੍ਰਭਿ ਆਪਿ ਮਿਟਾਇਆ ਜਨ ਕੀ ਲਾਜ ਰਖਾਈ ।
 ਸਾਧ ਸੰਗਤਿ ਤੇ ਸਭ ਫਲ ਪਾਏ ਸਤਿਗੁਰ ਕੈ ਬਲਿ ਜਾਂਈ ॥ 1 ॥
 ਹਲਤੁ ਪਲਤੁ ਪ੍ਰਭ ਦੋਵੈ ਸਵਾਰੇ ਹਮਰਾ ਗੁਣੁ ਅਵਗੁਣੁ ਨ ਬੀਚਾਰਿਆ ।
 ਅਟਲ ਬਚਨੁ ਨਾਨਕ ਗੁਰ ਤੇਰਾ ਸਫਲ ਕਰੁ ਮਸਤਕਿ ਧਾਰਿਆ ॥ 2 ॥ 59 ॥

ਅਰਥ

ਮੇਰਾ ਸਤਿਗੁਰ ਰਾਖਾ ਹੋਯੋ । ਕ੍ਰਿਪਾ ਧਾਰ ਗੁਰ ਸਭ ਦੁਖ ਖੋਯੋ ।
 ਹਰਿ ਗੋਬਿੰਦ ਭਯੋ ਨਵਾਂ ਨਿਰੋਯਾ । ਗਯਾ ਤਾਪ ਤਨ ਕਾ ਦੁਖ ਖੋਯਾ ।
 ਪ੍ਰਭ ਕ੍ਰਿਪਾ⁶ ਕਰ ਚਿੰਤ ਮਿਟਾਈ । ਅਪਨੇ ਜਨ ਕੀ ਲਾਜ ਰਖਾਈ ।
 ਸਾਧ ਸੰਗਤਿ ਤੇ ਸਭ ਫਲ ਪਾਏ । ਸਤਿਗੁਰ ਕੈ ਹਉ ਬਲਿ ਬਲਿ ਜਾਏ ।
 ਹਲਤ ਪਲਤ ਪ੍ਰਭ ਦੋਵੈ ਸਵਾਰੇ । ਗੁਣ ਅਵਗੁਣ ਨਹਿ ਕੋਇ ਬਿਚਾਰੇ ।
 ਅਟਲ ਬਚਨ ਨਾਨਕ ਗੁਰ ਕਰਿਆ । ਸਫਲ ਕਰ ਅਪਨਾ ਮੁਹਿ ਸਿਰ ਧਰਿਆ ॥ 61 ॥

ਦੋਹਰਾ

ਸ੍ਰੀ ਮੁਖ ਸਬਦਿ ਉਚਾਰਿਓ ਏਹ ਸੋਰਠਿ ਕੇ ਮਾਹਿ ।
 ਤਾਪ ਨਿਕਟਿ ਨਹਿ ਆਵਈ ਜੋ ਇਸ ਸਬਦ ਸੁਨਾਹਿ ॥ 62 ॥
 ਔਰ ਸਬਦ ਬਹੁਤੇ ਕਹੇ ਗੁਰੂ ਗ੍ਰੰਥ ਕੇ ਬੀਚਿ ।
 ਤਾਪ ਹਰਨ ਸੁਖ ਕੇ ਕਰਨ ਪੜਹਿ ਉਚ ਅਰ ਨੀਚ ॥ 63 ॥

ਚੌਪਈ

ਪੁਨਿ ਪ੍ਰਭ ਜਗ⁶ ਅਰੰਭ ਸੁ ਕੀਨੋ । ਚਾਰ ਬਰਨ ਕੋ ਨਿਵਤਾ ਦੀਨੋ ।
 ਭਾਂਤਿ ਭਾਂਤਿ ਪਕਾਵਨ ਪਕਾਏ । ਜੋ ਹਮ ਤੇ ਨਹੀਂ ਜਾਤ ਗਿਨਾਏ⁷ ।

¹ਅ ਪੋਥੀ ਰੋਗੁ ²ਦ ਪੋਥੀ ਮਧ ³ਅ ਪੋਥੀ ਸਾਹਿਬੁ ⁴ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 620 ⁵ਅ ਪੋਥੀ ਗਯਾ
⁶ਅ ਪੋਥੀ ਯਗਯ ⁷ਦ ਪੋਥੀ ਬਣਾਏ

ਚਾਰ ਬਰਨ ਨਾਰੀ ਨਰ ਆਵਹਿ । ਸਾਧ ਅਤੀਤਹਿ ਗਨਤ ਨ ਪਾਵਹਿ ।
 ਮਨ ਬਾਂਛਿਤ ਭੋਜਨ ਸਭ ਲੇਵਹਿ । ਵਧੇ ਗੁਰ ਵੇਲ ਖੁਸ਼ੀ ਸਭ ਸੇਵਹਿ ।
 ਇਹ ਬਿਧਿ ਜਗ ਪੂਰੇ ਗੁਰੁ ਕੀਨਉ । ਦੀਨਨ¹ ਦਾਨ ਬਹੁਤ ਹੀ ਦੀਨਉ ।
 ਪੁਨ ਗੁਰ ਅਰਜਨ ਸੁਤ ਸੰਗ ਧਾਰਾ । ਲੈ ਪ੍ਰਸਾਦਿ ਆਏ ਗੁਰਦੁਆਰਾ ।
 ਹਾਥ ਜੋਰ ਅਰਦਾਸ ਕਰਾਈ । ਹਰਿ ਗੋਬਿੰਦ ਲੈ ਮਾਥ ਟਿਕਾਈ ।
 ਕਰ ਪ੍ਰਕਰਮਾਂ ਮਹਲੀਂ ਆਏ । ਭਾਂਤ ਭਾਂਤ ਕੇ ਮੰਗਲ ਗਾਏ ॥ 64 ॥

ਦੋਹਰਾ

ਭਾਂਤ ਭਾਂਤ ਬਾਜੇ ਬਜੇ ਆਨੰਦ ਭਯੋ ਅਪਾਰ ।
 ਦੀਨ ਦਾਨ ਬਹੁ ਪਾਵਹੀਂ ਸਤਿਗੁਰ ਕੇ ਦਰਬਾਰ ॥ 65 ॥
 ਏਹੁ ਕਥਾ² ਪੂਰਨ ਭਈ ਸੁਨੋ ਗਾਥ ਅਬ ਹੋਰ ।
 ਹਰਿਗੋਬਿੰਦ ਜੀ ਜਿਮ ਪੜੇ ਬੁਢੇ ਪੈ ਦਿਨ ਬੋਰ ॥ 66 ॥

ਸੋਰਠਾ

ਗੁਰ ਅਰਜਨ ਅਵਤਾਰ ਮਨ ਮਹਿ ਐਸ ਵਿਚਾਰਿਓ ।
 ਹਰਿਗੋਬਿੰਦ ਚਟਸਾਲ ਪੜਨ ਹੇਤ ਕਹਿ ਸੋਪੀਏ ॥ 67 ॥

ਸਵੈਯਾ

ਏਹੁ ਵਿਚਾਰ³ ਸ੍ਰੀ ਗੁਰੂ ਅਰਜਨ ਆਵਤ ਭਏ ਮਹਾਂਦੇਵ ਕੇ ਧਾਮਾ ।
 ਬੰਦਨ ਕੈ⁴ ਮੁਖ ਏਹ ਕਹਯੋ ਬਡ ਭ੍ਰਾਤ ਪਿਤਾ ਸਮ ਪੂਰਨ ਕਾਮਾ ।
 ਹਰਿਗੋਬਿੰਦ ਦਾਸ ਪਛਾਨ ਪ੍ਰਭੂ ਚਟਸਾਲ ਬਹਾਈਏ ਆਪਨ ਸਾਮਾ ।
 ਮਹਾਂਦੇਵ ਕਹਿਓ ਜਿੰਹ ਦੀਨੋਂ ਏ ਬਾਲਕ ਆਗੇ ਤੇ⁵ ਸੌਂਪ ਬੁਢਾ ਜਿੰਹ ਨਾਮਾ ॥ 68 ॥

ਕੁੰਡਲੀਆ

ਮਹਾਂਦੇਵ ਜੋ ਬਚ ਕਹੇ ਗੁਰ ਅਰਜਨ ਮਨ ਭਾਇ ।
 ਸਭ ਕੁੰਟਬ ਸੁਖ ਪਾਇਓ ਲੀਨੇ ਸਿਖ ਬੁਲਾਇ ॥
 ਲੀਨੇ ਸਿਖ ਬੁਲਾਇ ਪਾਂਚ ਗੁਰ ਅਰਜਨ ਤਬ ਹੀ ।
 ਬੁਢੇ⁶ ਪਹਿ ਪਠ ਦਯੋ ਕਹਾ ਲਿਆਵੋ ਤਿੰਹ ਅਬ ਹੀ ।
 ਹਮਰੀ ਬੰਦਨ ਧਾਰ ਜੋਰ ਕਰ ਇਹਾਂ ਲਿਆਵੋ ।
 ਮਨ ਬਾਂਛਤ ਫਲ ਹੋਇ ਤੁਮਹਿ ਜਗ ਮਹਿ ਜਸ ਪਾਵੋ ॥ 69 ॥

ਦੋਹਰਾ

ਸ੍ਰੀ ਗੁਰ ਕੇ ਬਚ ਮਾਨ ਕੈ ਸਿਖ ਤਬ [ਗਯੋ]⁷ ਧਾਇ ।
 ਆਦਰ ਸਿਉ ਲਿਆਵਤ ਭਏ ਸਾਹਿਬ ਬੁਢੇ ਜਾਇ ॥ 70 ॥

¹ਦ ਪੋਥੀ ਗ੍ਰੰਥਨ ²ਅ ਪੋਥੀ ਗਾਥਾ ³ਅ ਪੋਥੀ ਮਨਿ ਧਾਰਿ ⁴ਅ ਪੋਥੀ ਹਰਿ ⁵ਦ ਪੋਥੀ ਤਿਸਹਿ
⁶ਅ ਪੋਥੀ ਬਾਬੇ ⁷ਦ ਪੋਥੀ ਵਿਚੋਂ

ਸਾਹਿਬ ਬੁਢਾ ਜਬ ਆਏ ਗੁਰ ਅਰਜਨ ਨਿਕਟਾਰ ।
ਤਾਹਿ ਪੇਖ ਸ੍ਰੀ ਗੁਰ¹ ਉਠੇ ਕਰ ਆਦਰ ਅਧਿਕਾਰ ॥ 71 ॥

ਚੋਪਈ

ਕੁਸਲ ਆਨੰਦ ਕਹਿ ਸਤਿਗੁਰ ਬੋਲੇ । ਕਰ ਅਨੁਰਾਗ ਸਭ ਬਚਨ ਅਮੋਲੇ ।
ਪਰਉਪਕਾਰੀ ਤੁਮ ਜਗ ਆਏ । ਪਰ ਕਾਰਜ ਹਿਤ ਦੇਹ ਧਰਾਏ ॥
ਪੁਨ ਸ੍ਰੀ ਗੁਰ ਮਨ ਐਸੇ ਆਯੋ । ਮੁਹਰ² ਪਾਂਚ ਪ੍ਰਸਾਦਿ ਮੰਗਾਯੋ ।
ਸਾਹਿਬ ਬੁਢੇ ਆਗੇ ਰਾਖਯੋ । ਸ੍ਰੀ ਮੁਖ ਸਿਉ ਤਬ ਅਸ ਬਚ ਭਾਖਯੋ ।
ਪ੍ਰਸਾਦਿ ਵਰਤਾਇ ਅਬੈ ਪ੍ਰਭੂ ਲੀਜੈ । ਹਰਿ ਗੋਬਿੰਦ ਕੋ ਬਿਦਯਾ ਦੀਜੈ ।
ਪਟੀ ਪਰ ਪੈਂਤੀ ਲਿਖ ਦਯੈ । ਅਜੈ ਕਾਜ ਇਹ ਪੂਰਨ ਕਯੈ ।
ਸਾਹਿਬ ਬੁਢੇ ਬਚਨ ਉਚਾਰਾ । ਹਮ ਹਹਿ ਜਾਟ ਘਾਸ ਰਖਵਾਰਾ ॥
ਹਉ ਕਿਆ ਜਾਨਉ ਕੈਸ ਪੜਾਵੈ । ਹਮਕੋ ਪੜਨਾ ਕੁਛੁ ਨ ਆਵੈ ॥ 72 ॥

ਦੋਹਰਾ

ਯਾ ਮਹਿੰ ਸੰਸ ਨ ਕਛੁ ਕਰੋ ਤੁਮ ਜਾਨਉ³ ਸਭ ਸਾਰ ।
ਸੁਭ ਦਿਨ ਆਜ ਬਿਹਾਤ ਹੈ ਭਲੇ ਮਹੂਰਤ ਧਾਰ ॥ 73 ॥

ਕੰਡਲੀਆ

ਤਹਿ ਅਵਸਰ ਬਚ ਮਾਨ ਗੁਰੂ ਬੁਢਾ ਹੋਇ ਕ੍ਰਿਪਾਲ ।
ਪ੍ਰਸਾਦਿ ਵਰਤਾਇ ਦੀਨੋ ਤਬੈ ਪਟੀ⁴ ਲਿਖ ਤਤਕਾਲ ।
ਪਟੀ ਲਿਖ ਤਤਕਾਲ ਗੁਰ ਸੁਤ ਕੇ ਕਰ ਦੀਨੀ ।
ਹਰਿ ਗੋਬਿੰਦ ਲਿਖ ਲਈ ਤਬੈ ਸੋ ਅਖਰ ਚੀਨੀ ॥
ਕਛੁਕ ਦਿਵਸ ਮਹਿ ਪੜੀ ਸਭੈ ਬਿਦਿਆ ਤਬ ਭਾਰੀ ।
ਤਿਹ ਅਵਸਰ ਬੁਧਿ ਬਾਲ ਪੇਖ ਮਨ ਬਿਸਮੈਂ ਧਾਰੀ ॥ 74 ॥

ਚੋਪਈ

ਚੌਂਸਠ ਬਿਦਿਆ ਸਭ ਪੜ ਲਈ । ਯਾ ਮਹਿ ਬਹੁਤ ਅਵਧ ਨਹੀਂ ਭਈ ।
ਬੁਢੇ ਕਹਤ ਸੁ ਲਾਗਤ ਦੇਰ । ਗੁਰੁ ਸੁਤ ਸਮਝ ਸੁ ਪੂਛਤ ਫੇਰ ।
ਯਾ ਮੈ ਸੰਸਾ ਮਤ ਕੋ ਕੀਜੈ⁵ । ਗੁਰੁ ਸਮਰਥ ਸਮਝ ਚਿਤ ਲੀਜੈ ।
ਵਿਦਿਆ ਸਭ ਇਨ ਉਤਪਤ ਕਰੀ । ਕੌਨ⁶ ਸਿਖਾਵੈ ਇਨ ਕੋ ਨਰੀ ।
ਪੜ ਵਿਦਿਆ ਗੁਰ ਭਏ ਪ੍ਰਸੰਨ । ਬੁਢੇ ਕੋ ਭਾਖਯੋ ਧੰਨ ਧੰਨ ।
ਸਸਤ੍ਰ ਸਾਸਤ੍ਰ ਕੀ ਵਿਦਿਆ ਪਾਈ । ਹਰਿ ਗੋਬਿੰਦ ਮਨ ਅਤਿ ਹਰਖਾਈ ।
ਸਾਹਿਬ ਬੁਢੇ ਕੇ ਪਗ ਲਾਗੇ । ਗੁਰੁ ਦੀਖਿਆ ਦੀਨੀ ਹਿਤ ਪਾਗੇ ।
ਭਗਤਿ ਦਾਨ ਤਿਨ ਮਾਂਗ ਸੁ ਲੀਨਉ । ਨਿਜ ਸਰੂਪ ਆਤਮ ਰਸ ਚੀਨਉ ।

¹ਸਤਿਗੁਰੂ ²ਅ ਪੋਥੀ ਰੁਪੈ ³ਏ ਪੋਥੀ ਗਯਾਤਾ ⁴ਅ ਪੋਥੀ ਪਟੀਆ ⁵ਅ ਪੋਥੀ ਕੌਉ ⁶ਅ ਪੋਥੀ ਕਉਨ ਦ ਪੋਥੀ ਕਵਨ

ਦਾਨ ਮਾਨ ਸਤਕਾਰ ਸੁ ਕਰਿਯੋ । ਬਹੁ ਧਨ [ਧਾਨ]^੧ ਤਾਸ ਗ੍ਰਿਹ ਭਰਿਯੋ ।
ਪੁਨ ਦੀਨਨ ਦੀਓ ਦਾਨ ਅਪਾਰਾ । ਗੁਰੁ ਅਰਜਨ ਸੁਖ ਮਨ ਮਹਿ ਧਾਰਾ । 75 ।

ਦੋਹਰਾ

ਹਰਿ ਗੋਬਿੰਦ ਕੇ ਪੜ੍ਹਨ ਕੀ ਕਥਾ ਕਹੀ ਸੁਖ ਸਾਰ^੨ ।
ਸਭ ਵਿਦਯਾ ਕੋ ਫਲ ਲਹੈ ਪਢੇ ਸੁਨੇ ਹਿਤਧਾਰ ॥ 76 ॥
ਇਹ ਧਿਆਉ ਪੂਰਨ ਭਯੋ ਸੁੰਦਰ ਕਥਾ ਪ੍ਰਸੰਗ ।
ਨਿਤ ਨੇਮ ਸਿਉ ਜੋ ਪੜੇ ਹੋਤ ਸੁਧ ਜਿਮ ਗੰਗ ॥ 77 ॥
ਪੋਥੀਆਂ ਲੈਵਨ ਜਾਂਹਿਗੇ ਸ੍ਰੀ ਗੁਰੁ ਗੋਇੰਦਵਾਲ ।
ਜਗ ਤਾਰਨ ਹਿਤ ਗ੍ਰੰਥ ਕੀ ਰਚ ਹਹਿ ਬੀੜ ਬਿਸਾਲ ॥ 78 ॥

ਇਤਿ ਸ੍ਰੀ ਗੁਰ ਬਿਲਾਸ ਬਿਦਿਆ ਸਾਖੀ ਤਪ ਉਤਾਰ ਬਿਦਿਆ ਪੜਨ
ਬਰਨੰਨ ਨਾਮ ਤ੍ਰਿਤੀਯੇ ਧਿਆਇ ਸਮਾਪਤ ਮਸਤ ਸੁਭ ਮਸਤ ॥ ਵਾਹਿਗੁਰੂ ॥

ਅਧਿਆਇ ਚੌਥਾ

ਦੋਹਰਾ

ਸ੍ਰੀ ਗੁਰ ਕ੍ਰਿਪਾ ਸੁ¹ ਪਾਇ ਕੈ ਬਰਨਉ ਕਥਾ ਅਪਾਰ ।
ਜਹਾਂ ਭੂਲ ਹਮਤੇ ਪਰੀ ਲੀਜੈ ਤਾਂਹਿ ਸੁਧਾਰ ॥ 1 ॥
ਏਕ ਸਮੇਂ ਮਨ ਮਹਿੰ ਕਰਯੋ ਗੁਰ ਅਰਜਨ ਵਿਚਾਰ ।
ਬਿਪ੍ਰ ਗਾਥ ਚਿਤਵਨ ਕਰੀ ਭਾਖਾ ਕਹੀ ਉਚਾਰ ॥ 2 ॥

ਚੌਪਈ

ਗੁਰੂ ਅਰਜਨ ਮਨ ਐਸੈ ਧਾਰਯੋ । ਕਰਉ ਜਤਨ ਜਿਹ ਜਗ ਨਿਸਤਾਰਯੋ ।
ਬਾਣੀ ਗੁਰੂ ਗੁਰੂ ਹੈ ਬਾਣੀ । ਬੇਦਨ ਮਥ ਜਨ ਬੁਧਿ ਮਧਾਣੀ ।
ਚਹੁ ਖਟ ਨੌ ਕਾ ਸਾਰ ਨਿਕਾਰਾ । ਗੁਰ ਨਾਨਕ ਬਾਣੀ ਵਿਸਥਾਰਾ ।
ਦਸ ਮਹਲਾਂ ਤਕ ਰੂਪ ਹਮਾਰੇ । ਆਗੇ ਪੂਜਾ ਗ੍ਰਿਹ ਨਿਸਤਾਰੇ ।
ਤਾਂਤੇ ਸਭ ਬਾਣੀ ਇਕਠਯੋ । ਪੂਜਨੀਯ [ਸ੍ਰੀ]² ਗੁਰੂ ਗ੍ਰੰਥ ਬਨਯੋ ।
ਤਬ ਲੋ ਏਕ ਸਿਖ ਤਹਿ ਆਯੋ । ਗੁਰੂ ਅਰਜਨ ਕੋ ਸੀਸ ਨਿਵਾਯੋ ॥
ਹਾਥ ਜੋਰ ਪੁਨ ਪ੍ਰਸਨ³ ਉਚਾਰਾ । ਹਮ ਪ੍ਰਭ ਸਬਦ ਪੜਹਿ ਹਿਤ ਧਾਰਾ ।
ਭਾਈ ਕੀ ਬਾਣੀ ਹਿਤ ਲਾਏ । ਹਮ ਪੜਹਿ ਸਿਖ ਏਹ ਸੁਨਾਏ ॥ 3 ॥

ਦੋਹਰਾ

ਬਾਣੀ ਕਚੀ ਗੁਰੂ ਬਿਨ ਨਾਹ ਪੜਉ ਚਿਤ ਲਾਇ ।
ਕ੍ਰਿਪਾ ਧਾਰ ਮੁਹਿ ਹੇ ਪ੍ਰਭੂ ਗੁਰਬਾਣੀ ਸਮਝਾਇ ॥ 4 ॥
ਸ੍ਰੀ ਗੁਰ⁴ ਨਿਕਟ ਬੁਲਾਇਯੋ ਤਬ ਭਾਈ ਗੁਰਦਾਸ ।
ਸ੍ਰੀ ਮੁਖ ਸਿਉਂ ਸਭ ਹੀ ਕਹੀ ਤਾਂਹਿ ਸਿਖ ਅਰਦਾਸ ॥ 5 ॥

ਕਬਿੱਤ

ਸ੍ਰੀ ਗੁਰ ਕ੍ਰਿਪਾ ਪਾਇ ਸਿਖ ਸੁਧਿ ਕਾਇ,
ਸ੍ਰੀ ਗੁਰੂ ਬਾਣੀ ਸਿਖ ਅਬ ਤੇ ਪਛਾਨ ਹੈ ।
ਆਗੇ ਕਲੁ ਬਲ ਪਾਵੈ ਸੁਧ ਬੁਧਿ ਨਾ ਰਹਾਵੈ,
ਨਿਜ ਗੁਰਬਾਣੀ ਸਿਖ ਕੈਸੇ ਕੈਸੁ ਜਾਨ ਹੈ ।

¹ਅ ਪੋਥੀ ਕਓ ²ਅ ਪੋਥੀ ਵਿਚੋਂ ³ਏ ਪੋਥੀ ਬਿਨੈ ⁴ਅ ਪੋਥੀ ਸਤਿਗੁਰ

ਤਾਂਤੇ ਗੁਰਬਾਣੀ ਸਭ ਕੀਜੀਯੈ ਇਕੱਤ੍ਰ¹
 ਅਬ ਸੋਧ ਗੁਰਬਾਣੀ ਤਾਕੋ ਗ੍ਰੰਥ ਇਕ ਠਾਨ ਹੈ ।
 ਪੂਜਨੀਯ ਜਗ ਹੋਇ ਗੁਰੂ ਸਮ ਗ੍ਰੰਥ ਜੋਇ,
 ਪੂਜ ਕਰਹਿ ਸਿਖ ਮੁਕਤਿ ਰੂਪ ਸੁ ਜਹਾਨ ਹੈ ॥ 6 ॥

ਕੁੰਡਲੀਆ

ਤੀਰ ਬਿਪਾਸਾ² ਕੇ ਨਗਰ ਗੋਇੰਦਵਾਲ³ ਸੁ ਨਾਮ ।
 ਗੁਰੂ ਅਮਰਦਾਸ ਕੇ ਪੁਤ੍ਰ ਤਹਿ ਮੋਹਨ ਮੋਹਰੀ ਨਾਮ ॥
 ਮੋਹਨ ਮੋਹਰੀ ਨਾਮ ਸੁ ਮੋਹਨਿ ਬਸੈ ਚੁਬਾਰੇ ।
 ਚਾਰ ਗੁਰੂ ਜੋ ਆਇ ਪੋਥੀਆਂ ਤਿਹ ਨਿਕਟਾਰੇ ।
 ਕੋਉ ਜਤਨ ਕਰ ਸੋਇ ਪੋਥੀਆਂ ਲਿਆਇ ਹੈ ।
 ਕਹਿਓ ਭਾਈ ਗੁਰਦਾਸ ਹਮਹਿ⁴ ਪ੍ਰਭ ਜਾਇ ਹੈ ॥ 7 ॥

ਚੌਪਈ

ਆਪਹੂੰ ਭਾਈ ਕਹਿ ਹਉ ਜਾਵਉਂ । ਜਾਇ ਪੋਥੀਆਂ ਸੋਇ⁵ ਲਿਆਵਉਂ ।
 ਤਾਂ ਕਉ ਮਾਨ ਨਿਵਾਰਨ ਕਾਜਾ । ਬੋਲੈ ਨਹੀਂ ਗਰੀਬ ਨਿਵਾਜਾ ।
 ਭਾਈ ਗੋਇੰਦਵਾਲ ਸੁ ਗਯੋ । ਪ੍ਰਿਥਮ ਬਾਵਲੀ ਮਜਨ⁶ ਕਯੋ ।
 ਪੁਨ ਮੋਹਨ ਚੌਬਾਰੇ ਜਾਈ । ਕਰ ਰਹਿਓ ਜਤਨ ਨ ਦਈ ਦਿਖਾਈ ।
 ਸਾਰੀ ਨਿਸ ਦਰ ਠਾਂਢਾ ਰਹਾ । ਉਚ ਪੁਕਾਰਤ ਦਰਸਨ ਲਹਾ ।
 ਅਨਿਕ ਜਤਨ ਕਰ ਭਾਈ ਹਾਰਿਓ । ਮੁਹਰੀ ਜੀ ਯਉ ਬਚਨ ਉਚਾਰਿਓ ।
 ਇਹ ਤਉ ਮਸਤ ਅਲਮਸਤ ਰਹਾਹੀ । ਇਸ ਪਰ ਜੋਰ ਨ ਕਛੂ ਚਲਾਹੀ ।
 ਬਚਨ ਸੁਨਤ ਭਾਈ ਮੁੜ ਆਇਆ । ਗੁਰ ਅਰਜਨ ਪਗ ਸੀਸ ਨਿਵਾਯਾ ॥ 8 ॥

ਦੋਹਰਾ

ਤਿਹ ਠਾ ਕਾ ਬਿਰਤੰਤ ਸਭ ਭਾਈ ਕੀਨ⁷ ਉਚਾਰ ।
 ਇਹ ਸੁਨ ਬੁਢੇ ਜੀ ਕਹਾ ਹਉ ਲਯਾਵੇਂ ਤਤਕਾਰ ॥ 9 ॥
 ਕਰ ਬੰਦਨ ਸ੍ਰੀ ਗੁਰੂ⁸ ਕੋ ਬੁਢੇ ਕਿਯਾ ਪਿਆਨ ।
 ਪ੍ਰਿਥਮ ਸੁ ਪੁਰੀ ਨਿਹਾਰ ਕੈ ਬਾਵਲੀ ਕੀਓ ਸਨਾਨ ॥ 10 ॥

ਚੌਪਈ

ਬੁਢਾ ਜੀ ਮਨ ਹਰਖਤ ਭਯੋ । ਪੁਨ ਮੋਹਨ ਚੌਬਾਰੇ ਗਯੋ ।
 ਬੁਢੇ⁹ ਕੀਨੇ ਜਤਨ ਅਪਾਰਾ । ਮੋਹਨ ਦੀਨੋ ਨਹੀਂ ਦੀਦਾਰਾ ।
 ਬੁਢੇ ਜੀ ਮਨ ਕਰੀ ਸਲਾਹ । ਚੂਥੀ ਪੁਟ ਕਰ ਕੀਨੋ ਰਾਹ ।
 ਬੀਚ ਚੌਬਾਰੇ ਬੁਢਾ ਗਯੋ । ਮੋਹਨ ਜੀ ਕੋ ਦੇਖਤ ਭਯੋ ।

¹ਅ ਤੇ ਏ ਪੋਥੀ ਏਕਠੀ ²ਅ ਪੋਥੀ ਬਯਾਸਾ ³ਅ ਪੋਥੀ ਗੋਇੰਦਵਾਲ ⁴ਅ ਪੋਥੀ ਹਮਹੂੰ ⁵ਅ ਪੋਥੀ ਸਭੈ
⁶ਏ ਪੋਥੀ ਸਨਾਨ ⁷ਅ ਪੋਥੀ ਕੀਓ ⁸ਏ ਪੋਥੀ ਸਤਿਗੁਰੂ ⁹ਏ ਪੋਥੀ ਬਾਬੇ

ਪਦਮਾਸਨ ਦਿਖ ਲਗੀ ਸਮਾਧ । ਕਾਸਟ ਸਮ ਤਨ ਅਗਮ ਅਗਾਧ ।
ਰਹਿਓਂ ਹਲਾਇ ਪਗਹਿੰ ਪਰ ਰਹਯੋ । ਬੁਢੇ ਜੀ ਮਨ ਬਿਸਮਹਿ ਲਹਿਯੋ ।
ਚੂਥੀ ਪੁਟੀ ਜਬ ਸੁਨ ਪਾਈ । ਮੋਹਰੀ ਜੀ ਤਬ ਆਏ ਧਾਈ ।
ਆਇ [ਸੁ]¹ ਬਚਨ ਬੁਢੇ ਕੋ ਕਹੈ । ਇਹ ਅਲਮਸਤ ਮਸਤ ਹੀ ਰਹੈ ॥ 11 ॥

ਦੋਹਰਾ

ਮੋਹਰੀ ਮੋਹਨ ਕਉ ਤਬੈ ਬੁਢੇ ਬੰਦਨ ਕੀਨ ।
ਸੁਧਾ ਸਰੋਵਰ ਆਇਓ ਨਿਜ ਮਨ ਬਿਸਮਹਿ ਲੀਨ ॥ 12 ॥
ਜਸ ਲਵ ਕੁਸ ਕੇ ਰਾਮ ਜੀ ਭ੍ਰਾਂਤਨ ਮਾਨ ਨਿਵਾਰ ।
ਤੈਸੇ ਸਭ ਕਾ ਮਾਨ ਹਰ ਸਤਿਗੁਰ ਗਰਬ ਪ੍ਰਹਾਰ ॥ 13 ॥

ਕੁੰਡਲੀਆ

ਗੁਰ ਅਰਜਨ ਕੇ ਚਰਨ ਲਗ ਬੁਢੇ ਕੀਨ ਬਖਾਨ ।
ਆਵਹਿੰ ਕੈਸੇ ਪੋਥੀਆਂ ਖੁਲੇ ਨ ਤਿਨਕਾ ਧਿਆਨ ।
ਖੁਲੇ ਨ ਤਿਨ ਕਾ ਧਿਆਨ ਜਤਨ ਹਮ ਕਰੇ ਅਨੋਕਾ ।
ਯਉ ਸੁਨਿ ਬੁਢੇ ਬੈਠੁ ਸ੍ਰੀ ਗੁਰੁ ਧਾਰ ਬਿਬੇਕਾ ।
ਨਿਜ ਮਨ ਕੀਨ ਬਿਚਾਰ ਆਪ ਚਲ ਜਾਈਏ ।
ਸ੍ਰੀ ਸਤਿ ਗੁਰ ਕੇ² ਪ੍ਰਤਾਪ ਪੋਥੀਆਂ ਪਾਈਏ ॥ 14 ॥

ਸਵੈਯਾ

ਐਸ ਵਿਚਾਰ ਸੁਧਾਰ ਮਹੂਰਤ ਆਪ ਚਲੇ ਸੁਖ ਸਿੰਧ ਮੁਰਾਰੀ ।
ਪਹੁੰਚ ਬਿਪਾਸ ਮਹਿ ਮਜਨ ਠਾਨ ਕੈ ਬਾਵਲੀ ਨਾਇ ਬਿੰਨਤ ਉਚਾਰੀ ।
ਗੁਰ ਨਾਨਕ ਮੰਤ੍ਰ ਪੜਓ ਜਪੁਜੀ ਅਤਿ ਨਿਮਰ ਹੂੰ ਗਰਿ ਅੰਚਰ ਡਾਰੀ ।
ਗੁਰ ਨਾਨਕ ਅੰਗਦ ਅਮਰ ਗੁਰੁ ਰਾਮਦਾਸ ਜੀ [ਅਬ]³ ਪੂਰਹੂ ਇਛ ਹਮਾਰੀ ॥ 15 ॥

ਦੋਹਰਾ

ਕਰਿ ਗੁਰੁ ਕੋ ਧਯਾਨ ਤਬ ਏਕ ਮਹੂਰਤ ਕੀਨ ।
ਅਮਰ ਗੁਰੁ ਦਰਸਨ ਦੀਓ ਗੁਰੁ ਸੁਖ ਤਬ ਲੀਨ ॥ 16 ॥
ਗੁਰੁ ਅਮਰਦਾਸ ਐਸ ਕਹਾ ਮੋਹਨ ਉਪਮ⁴ ਉਚਾਰ ।
ਸੋਊ ਆਇ ਚਰਨੀ ਲਗੈ ਪੂਰੇ ਇਛ ਤੁਮਾਰ ॥ 17 ॥

ਕੁੰਡਲੀਆ

ਅਮਰ ਗੁਰੁ ਅਸ ਭਾਖ ਕੈ ਭਏ ਸੁ ਅੰਤਰ ਧਯਾਨ ।
ਗੁਰੁ ਅਰਜਨ ਮਨ ਸੁਖ ਲਯੋ ਸ੍ਰੀ ਗੁਰੁ ਬੰਦਨ ਠਾਨ ।

¹ਅ ਪੋਥੀ ਵਿਚੋਂ ²ਅ ਪੋਥੀ ਗੁਰੁ ਨਾਨਕ ³ਅ ਪੋਥੀ ਵਿਚੋਂ ⁴ਏ ਪੋਥੀ ਸਿਫਤ

ਸ੍ਰੀ ਗੁਰੂ ਬੰਦਨ ਠਾਨ ਮੋਹਨ ਕੇ ਚਲੇ ਚੁਬਾਰੇ ।
ਜਾਇ ਤਹਾਂ ਨਿਕਟਾਰ ਗਲੀ ਮਧ ਭੂਮਾ¹ ਬੈਠਾਰੇ ॥
ਕੌਤਕ ਕਹਾਂ ਨਿਹਾਰ ਸਿਖ ਬਹੁ ਬਸਤ੍ਰ ਲਿਆਏ ।
ਗਲੀਚੇ ਦਰੀ ਅਪਾਰ ਸ੍ਰੀ ਗੁਰ ਸਭੈ ਹਟਾਏ ॥ 18 ॥

ਸੋਰਠਾ

ਤੂੰਬਰ² ਹਾਥ ਸੁਧਾਰ ਗੁਰ ਅਰਜਨ ਮੁਖ ਕਮਲ ਸਿਉ ।
ਕੀਨੋ ਸਬਦ ਉਚਾਰ ਮੋਹਨ ਕੀ ਉਪਮਾ ਲੀਯੋ ॥ 19 ॥

ਗਉੜੀ ਮਹਲਾ ੫³

ਮੋਹਨ ਤੇਰੇ ਉਚੇ ਮੰਦਰ ਮਹਲ ਅਪਾਰਾ ।
ਮੋਹਨ ਤੇਰੇ ਸੋਹਨਿ ਦੁਆਰ ਜੀਉ ਸੰਤ ਧਰਮਸਾਲਾ ।
ਧਰਮਸਾਲ ਅਪਾਰ ਦੁਆਰ ਠਾਕੁਰ ਸਦਾ ਕੀਰਤਨੁ ਗਾਵਹੇ ।
ਜਹ ਸਾਧ ਸੰਤ ਇਕਤ੍ਰ ਹੋਵਹਿ ਤਹਾ ਤੁਝਹਿ ਧਿਆਵਹੇ ।
ਕਰਿ ਦਇਆ ਮਇਆ ਦਇਆਲ ਸੁਆਮੀ ਹੋਹੁ ਦੀਨ ਕ੍ਰਿਪਾਰ ।
ਬਿਨਵੰਤਿ ਨਾਨਕ ਦਰਸ ਪਿਆਸੇ ਮਿਲਿ ਦਰਸਨ ਸੁਖ ਸਾਰ ॥ 1 ॥

ਅਰਥ ॥ ਕਥਿਤ ॥

ਮੋਹਨ ਤੇਰੇ ਉਚੇ ਗ੍ਰਿਹ ਸੁਕ੍ਰ ਸਮ ਛਬ ਲੇਹਿ,
ਮੋਹਨ ਤੇਰੇ ਦੁਆਰ [ਧਰਮਸਾਲਾ]⁴ ਸਾਧ ਸੰਗਿ ਕੀ ।
ਧਰਮਸਾਲਾ ਮਾਂਹਿ ਸੁ ਗੋਪਾਲ ਜਸ ਗਾਂਹਿ ਸਦਾ,
ਉਪਮਾ ਸੁ ਰਰੇਂ ਤੇਰੇ ਜਸ ਮੰਗਿ ਕੀ ।
ਦਇਆ ਮਯਾ ਧਾਰ ਹਰਿ ਦੀਨਨ ਨਿਹਾਲ ਕਰ,
ਬਿਲਵੰਤਿ ਨਾਨਕ ਸੁ ਮੋਹ ਕਟ ਫੰਧਿ ਕੀ ।
ਦਰਸਨ ਕੀ ਇਛ ਮੇਰੀ ਉਪਮਾ ਅਪਾਰ ਤੇਰੀ,
ਦੇਖਕੈ ਚੁਬਾਰਾ ਛਬ ਲਾਜਤ ਅਨੰਗ ਕੀ ॥ 20 ॥

ਸਵੈਯਾ

ਸੁਨ ਕੇ ਗੁਰ ਵਾਕ ਸੁ ਮੋਹਨ ਜੀ ਤਬ ਖੋਲ ਬਾਰੀ ਕਛੁ ਬੈਨ ਉਚਾਰੈ ।
ਪਾਟਕ ਪਾਇ ਦੀਓ ਅਪਨੇ ਗ੍ਰਿਹ ਭ੍ਰਾਤ ਨਿਕਾਸ ਬਡੋ ਸੁਖ ਧਾਰੈ ।
ਆਪ ਗੁਰੂ ਬਨ ਹੋਯ ਨਿਲਜ ਬਡੋ ਤੁਮ ਢੀਠ ਕੋਊ ਜੁ ਨਿਹਾਰੇ ।
ਪੋਥੀਆਂ ਲੇਵਨ ਅਏ ਇਹਾਂ ਤੁਮ ਬੀਬਨ⁵ ਮਹਿ ਬੈਠੋ ਡਿੰਭ ਪਸਾਰੇ ॥ 21 ॥

ਦੋਹਰਾ

ਕਛੁਕ ਬੈਨ ਮੋਹਨ⁶ ਕਹੇ ਨਿੰਦ ਉਸਤੁਤੀ ਬਯਾਜ ।
ਸੋ ਸੁਨ ਮਨ ਸੁਖ ਪਾਇਕੈ ਪੁਨ ਬੋਲੇ ਹਰਿ ਰਾਜ ॥ 22 ॥

¹ਅ ਪੋਥੀ ਭੋਇੰ ²ਅ ਤੇ ਏ ਪੋਥੀ ਰਬਾਬ ³ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 248 ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਗਲੀਅਨ ⁶ਅ ਤੇ ਏ ਬਾਬੇ

ਸਬਦ

ਮੋਹਨ ਤੇਰੇ ਬਚਨ ਅਨੂਪ ਚਾਲ ਨਿਰਾਲੀ ।
 ਮੋਹਨ ਤੂ ਮਾਨਹਿ ਏਕੁ ਜੀ ਅਵਰ ਸਬ ਰਾਲੀ ॥
 ਮਾਨਹਿ ਤੇ ਏਕੁ ਅਲੇਖੁ ਠਾਕੁਰੁ ਜਿਨਹਿ ਸਭ ਕਲ ਧਾਰੀਆ ।
 ਤੁਧ ਬਚਨਿ ਗੁਰਕੈ ਵਸਿ ਕੀਆ ਆਦਿ ਪੁਰਖੁ ਬਨਵਾਰੀਆ ॥
 ਤੂੰ ਆਪਿ ਚਲਿਆ ਆਪਿ ਰਹਿਆ ਆਪਿ ਸਭ ਕਲ ਧਾਰੀਆ ।
 ਬਿਨਵੰਤਿ ਨਾਨਕ ਪੈਜ ਰਾਖਹੁ ਸਭ ਸੇਵਕ ਸਰਨਿ ਤੁਮਾਰੀਆ ॥ 12 ॥

ਅਰਥ ਕਥਿਤ

ਮੋਹਨ ਬਚਨ ਤੇਰੇ ਸੁਨ ਮਨ ਭਾਏ ਮੇਰੇ,
 ਚਾਲ ਹੈ ਨਿਰਾਲੀ ਤੇਰੀ ਸਦਾ ਏਕ ਮਾਨ ਹੋ ।
 ਅਵਰ ਤੁਮ ਮੋਹ ਚੂਰਾ ਠਾਕੁਰ ਅਲਖ ਪੂਜਾ,
 ਨਿਜਹਿ ਕਲ ਧਾਰੀ ਸਦਾ ਤਿਸਹੀ ਕੋ ਜਾਨਹੋ ।
 ਮੋਹਨ ਗੁਰ ਬੈਠ ਲੀਆ ਆਦਿ ਪੁਰਖ ਵਸ ਕੀਆ,
 ਅਮਰ ਗੁਰ ਜਾਇ ਈਹਾਂ ਮੋਹਨ, ਗਿਆਨਿ ਹੋ ।
 ਮੋਹਨ [ਅਬ]¹ ਸਰਨਿ ਤੇਰੀ ਪੈਜ ਰਾਖੋ ਲਾਜ ਮੇਰੀ,
 ਬਿਨਵਤ² ਨਾਨਕ ਸੁ ਲਾਗੇ ਜੋਗ ਧਿਆਨ ਹੋ ॥ 23 ॥

ਦੋਹਰਾ

ਗੁਰ ਅਰਜਨ ਕੇ ਬੈਠ ਸੁਨ ਮੋਹਨ ਭਯੋ ਕ੍ਰਿਪਾਲ³ ।
 ਮਨ ਮਹਿ ਏਹ ਵਿਚਾਰਿਓ ਕਰਉ ਕਾਜ ਤਤਕਾਲ ॥ 24 ॥

ਅਭਿਲ

ਸਮਤਾ⁴ ਬਚਨ ਸੁਨਾਇ ਮਨੈ ਸੁਖ ਪਾਇਯੋ ।
 ਗੁਰ ਬਿਖਮਤਾ ਨਾਹਿ ਸੁ ਸ਼ਾਂਤਿ ਰਹਾਇਯੋ ।
 ਤਾਂਤੇ ਦੇਰ ਤਿਆਗ ਪੋਥੀਆਂ ਦੀਜੀਯੋ ।
 ਹੋ ਨਿਜ ਮਨ ਮਹਿ ਸੁਖ ਪਾਇ ਬਡੇ ਜਸੁ ਲੀਜੀਯੋ ॥ 25 ॥

ਦੋਹਰਾ

ਗੁਰ ਅਰਜਨ ਰੂਪ ਨਿਹਾਰ ਕੈ ਮੋਹਨ ਮਨ ਸੁਖ ਪਾਇ ।
 ਚਾਰੋਂ ਗੁਰ ਕੀ ਜੋਤਿ ਜੋ ਇਸ⁵ ਮਹਿ ਰਹੀ ਸਮਾਇ ॥ 26 ॥
 ਮੋਹਨ ਜੀ ਤਬ ਹੀ ਉਠੇ ਹਾਥ ਪੋਥੀਆਂ ਧਾਰ ।
 ਤੀਜੀ ਪਉੜੀ ਤਬ ਕਹੀ ਮੋਹਨ ਜਸ ਬਿਸਥਾਰ ॥ 27 ॥

॥ ਸਬਦ ॥

ਮੋਹਨ ਤੁਧੁ ਸਤਸੰਗਤਿ ਧਿਆਵੈ ਦਰਸ ਧਿਆਨਾ ।
 ਮੋਹਨ ਜਮੁ ਨੇੜਿ ਨ ਆਵੈ ਤੁਧੁ ਜਪਹਿ ਨਿਦਾਨਾ ।

¹ਅ ਪੋਥੀ ਵਿਚੋਂ ²ਏ ਪੋਥੀ ਬਿਨੈਚੁਰੇ ³ਅ ਪੋਥੀ ਨਿਹਾਲ ⁴ਏ ਪੋਥੀ ਸਹਿਤ ⁵ਅ ਪੋਥੀ ਇਨ

ਜਮਕਾਲੁ ਤਿਨ ਕਉ ਲਗੈ ਨਾਹੀ ਜੋਇ ਇਕ ਮਨਿ ਧਿਆਵਹੇ ।
 ਮਨ ਬਚਨਿ ਕਰਮਿ ਜਿ ਤੁਧੁ ਅਰਾਧਹਿ ਸੇ ਸਭੇ ਫਲ ਪਾਵਹੇ ॥
 ਮਲ ਮੂਤ ਮੂੜ ਜਿ ਮੁਗਧ ਹੋਤੇ ਸਿ ਦੇਖਿ ਦਰਸੁ ਸੁਗਿਆਨਾ ।
 ਬਿਨਵੰਤਿ ਨਾਨਕ ਰਾਜੁ ਨਿਹਚਲੁ ਪੂਰਨ ਪੁਰਖ ਭਗਵਾਨਾ ॥ 3 ॥

ਅਰਥ ਕਥਿਤ

ਮੋਹਨ ਸਤਸੰਗਿ ਬੀਚ ਦਰਸ ਧਿਆਨ ਅਮੀ ਸੀਚ,
 ਜੁ ਜਪੈ ਤੋਹਿ ਅੰਤਕ ਬਿਲਾਇ ਹੈ ।
 ਜਮ ਕਾਲ ਲਗੈ ਨਾਹੀ ਜੋਉ ਇਕ ਮਨ ਧਯਾਹੀ,
 ਮਨ ਬਚ ਅਰਾਧੇ ਤੁਮ ਸਭੀ ਫਲ ਪਾਏ ਹੈ ।
 ਮਲ ਮੂਤ ਮੂੜ ਮੁਗਧ ਜੋਉ ਦਰਸ ਕੈ ਗਿਆਨ ਹੋਉ,
 ਰਾਜ ਤੁਧ ਨਿਹਚਲ ਗੁਰ ਨਾਨਕ ਅਲਾਇ ਹੈ ।
 ਮੋਹਨ ਤੁਮ ਪੂਰਨ ਪੁਰਖ ਭਗਵਾਨ ਸਮ ਦੀਜੈ ਦਰਸ,
 ਮੋਹਨ [ਮੋਹ]¹ ਤੇਰੇ ਜਸ ਸਦਾ ਗਾਇ ਹੈ ॥ 28 ॥

ਦੋਹਰਾ

ਮਮ ਬਿਨਤੀ² ਸੁਨੀਯੋ ਪ੍ਰਭੂ ਨਿਜ ਸੁਰਤਨ ਕੇ ਮਾਂਹਿ ।
 ਜਗ ਜਸ ਤੁਮਰੇ ਹੋਇ ਗੋ ਹਮਕੋ ਦਰਸ ਦਿਖਾਹਿ ॥ 29 ॥

ਸਵੈਯਾ

ਇਮ ਵਾਕ ਸੁਨੇ ਗੁਰੂ ਅਰਜਨ ਕੇ ਤਬ ਮੋਹਨ ਜੀ ਮਨ ਆਨੰਦ ਪਾਯੋ ।
 ਪੋਥੀਆਂ ਹਾਥ ਲੈ ਆਯੋ ਤਬੈ ਜਸ³ ਬੀਨ ਸੁਨੈ ਚਲ ਬਾਸਕ ਆਯੋ ।
 ਦੀਨੀ ਸੁ ਪੋਥੀਆਂ ਹਾਥ ਗੁਰੂ ਗੁਰ ਕੇ ਚਰਨਾਬੁਜ⁴ ਸੀਸ ਨਿਵਾਯੋ ।
 ਸ੍ਰੀ ਗੁਰ ਸੀਸ ਉਠਾਇ ਕਹਯੋ ਅਸ ਮੋਹਨ ਜੀ ਤੁਮ ਨਾਹੀ ਸੁਹਾਯੋ ॥ 30 ॥

ਦੋਹਰਾ

ਮੋਹਨ ਤਬ ਬਿਨਤੀ ਕਰੀ ਕਯੋ ਨ ਚਰਨ ਲਗ ਦੇਂਹ ।
 ਸ੍ਰੀ ਗੁਰੁ ਕਹ ਪਿਤ ਗੁਰ ਸੁਤ ਦੋਉ ਤੁਮਹਿ ਜਸ ਗੋਹ ॥ 31 ॥

ਚੌਪਈ

ਹਮਕੋ ਸੀਸ ਨਿਵਾਵਨ ਜੋਗ । ਚਰਨ ਪਰਨ ਤੁਮ ਕਉ ਸੋ ਅਜੋਗ ।
 ਮੈਂ ਗੁਰ ਗੁਰ ਕੇ ਸੁਤ ਤੁਮ ਦੋਉ । ਤੁਮਰੇ ਦਰਸਨ ਤੇ ਸੁਖ ਹੋਉ ।
 ਗੁਰੂ ਅਰਜਨ ਕੋ ਬੈਨ ਸੁਨਾਏ । ਮੋਹਨ ਮਨ ਮਹਿ ਆਨੰਦ ਪਾਏ ।
 ਮੋਹਨ ਜੀ ਯਉ ਬਚਨ ਉਚਾਰੇ । ਸੁਨ ਗੁਰ⁵ ਅਰਜਨ ਰੂਪ ਮੁਰਾਰੇ ।
 ਹਮਤੇ ਭੁਲ ਭਈ ਹੈ ਭਾਰੀ । ਹਮਰੇ ਪਰ ਪਿਤ ਕੋਪਯੋ ਭਾਰੀ ।
 ਸੋ ਸਬ ਬਾਤ ਅਬੈ ਸੁਨ ਲੀਜੈ । ਭੁਲ ਛਿਮਾਪਨ ਹਮਰੀ ਕੀਜੈ ।

¹ਅ ਪੋਥੀ ਵਿਚੋਂ ²ਏ ਪੋਥੀ ਹਮਰੀ ਬਿਨੈ ³ਅ ਪੋਥੀ ਜਿਸ ⁴ਅ ਪੋਥੀ ਚਰਨਨ ਖਰਿ ⁵ਅ ਪੋਥੀ ਸ੍ਰੀ

ਰਾਮਦਾਸ ਤੁਮ ਪਿਤਾ ਸੁਹਾਏ । ਹਮ ਪਿਤ ਕੀ ਬਹੁ ਸੇਵ ਕਰਾਏ ।
ਸੇਵਾ ਵਸ ਤਬ ਸ੍ਰੀ ਗੁਰ ਭਏ । ਅੰਤ ਸਮਾ ਨਿਜ ਪਿਖ ਬਿਗਸਏ ॥ 32 ॥

ਦੋਹਰਾ

ਗੁਰਿਆਇ ਦੇਵਨ ਲਗੇ ਰਾਮਦਾਸ ਕੋ ਆਪਿ ।
ਮੋਹਿ ਬੋਲ ਪਠਿਯੋ ਪਿਤਾ ਨਹੀਂ ਗਯੋ ਕਰਦਾਪ ॥ 33 ॥
ਮੁਝੇ¹ ਭ੍ਰਾਤ ਮੋਹਰੀ ਗਯੋ ਰਾਮਦਾਸ ਪਗ ਲਾਗ ।
ਗੁਰ ਅਮਰਦਾਸ ਰਿਧ ਸਿਧ ਦੇ ਕਹਿਓ ਪੁਤ੍ਰ ਬਡਭਾਗ ॥ 34 ॥

ਸਵੇਯਾ

ਗੁਰ ਅਮਰ ਪ੍ਰਤਖ ਹੁਤੇ ਤੁਮਰੇ ਪਿਤ ਮਸਤਕ [ਤਿਨਹਿ ਖੁਦ]² ਤਿਲਕ ਲਗਾਏ ।
ਪੰਜ ਟਕੇ ਨਰੇਲ ਧਰਿਓ ਤਿਹਿ ਆਗੈ ਅਉ ਅਮਰ ਗੁਰੁ ਤਿਹਿ ਸੀਸ ਨਿਵਾਏ ।
ਪੰਜ ਭੂਤਕ ਦੇਹਿ ਤਿਆਗ ਤਬੈ ਨਿਜ ਰੂਪ ਪਰਮ ਪਦ ਮਾਂਹਿ ਸਮਾਏ ।
ਸਮੰਤ ਸੋਰਹਿ ਸੈ ਇਕਤੀਸਵੇਂ ਭਾਦਰੋਂ ਪਖ ਰਾਕਾ ਸੁ ਸਮਾਏ ॥ 35 ॥

ਭੁਜੰਗ ਛੰਦ

ਭਯੋ ਤਾਸ ਪਾਛੈ ਗੁਰ ਰਾਮਦਾਸੰ । ਚੜ੍ਹੈ ਪੂਜ ਭਾਰੀ ਪੁਜੈ ਸੰਤ³ ਆਸੰ ।
ਤਿਸੇ ਦੇਖ ਚਿੰਤਾ ਬਢੀ ਜੀਅ ਮੇਰੇ । ਪਿਤਾ ਕੈ ਚੁਬਾਰੇ ਬਿਨਾ ਬੈਨ ਟੇਰੇ ॥ 36 ॥
ਕਰੋ ਰਛ ਮੇਰੀ ਪਰਿਯੋ ਤੋਹ ਸਾਮੰ । ਸੁਭੰ ਦੇਸ ਕੀਨੇ ਖਿਮਾ ਤਾਤ ਕਾਮੰ ।
ਐਸ ਬੈਨ ਮੋਰੇ⁴ ਸੁਨੇ ਭੀ ਦਿਆਲਾ । ਚੁਬਾਰੇ ਐਸ ਬੈਨ ਭਾਖੇ ਕ੍ਰਿਪਾਲਾ ।
ਭਯੋ ਹਉਂ ਪ੍ਰਸੰਨ ਸੁਨੋ ਪੂਤ ਮੇਰੇ । ਰਖੋ ਪਾਸ ਪੋਥੀ⁵ ਕਟੇ ਪਾਪ ਤੇਰੇ ।
ਜਬੈ ਲੈਨ ਆਵੈਂ ਸੁ ਪੋਥਯੰ ਤੁਮਾਰੇ । ਸੁਤੰ ਰਾਮਦਾਸੰ ਸੁਪਾਪੰ ਨਿਵਾਰੇ ॥ 37 ॥

ਦੋਹਰਾ

ਪਿਤਾ ਮੋਹਿ ਆਗਿਆ ਕਰੀ ਦੇਇ ਪੋਥੀਆਂ ਤਾਹਿ ।
ਬਹੁੜ ਚਰਨ ਤਾਕੇ ਪਰੋ ਸੋ ਤੁਮ ਰਛ ਕਰਾਂਹਿ ॥ 38 ॥
ਪੋਥੀਆਂ ਸਾਂਭਤ ਮੈਂ ਰਹਿਓ ਸਮਾਂ ਪਹੁੰਚਿਓ ਆਇ ।
ਚਰਨ ਪਰਨ ਮਮ ਦੀਜੀਏ ਪਰਾਂ⁶ ਭੂਲ ਬਖਸ਼ਾਇ ॥ 39 ॥

ਸੋਰਠਾ

ਸ੍ਰੀ ਮੁਖ ਯਉ ਫੁਰਮਾਇ ਜੋ ਭਾਵੈ ਸੋਇ ਕਰੋ ।
ਮੋਹਨ ਚਰਨ ਗਹਾਇ ਗੁਰੁ ਅਰਜਨ ਤਬ ਵਰ ਦੀਓ ॥ 40 ॥

ਦੋਹਰਾ

ਚੌਥੀ ਪੌੜੀ ਤਬ ਕਹੀ ਸ੍ਰੀ ਗੁਰੁ ਅਰਜਨ ਦੇਵ ।
ਅਬਨਾਸੀ ਮੋਹਨ ਸੁਜਸ ਬਰਨਨ ਕੀਨ ਅਭੇਵ ॥ 41 ॥

¹ਏ ਪੋਥੀ ਮਮ ²ਅ ਤੇ ਏ ਪੋਥੀ ਵਿਚੋਂ ³ਅ ਪੋਥੀ ਸਰਬ ⁴ਏ ਪੋਥੀ ਹਮਰੇ ⁵ਅ ਤੇ ਏ ਪੋਥੀ ਰਾਖਹੁ
ਸਾਥਿ ⁶ਏ ਪੋਥੀ ਲੋਹੁ

ਸ਼ਬਦ¹

ਮੋਹਨ ਤੂੰ ਸੁਫਲੁ ਫਲਿਆ ਸਣੁ ਪਰਵਾਰੇ ।
 ਮੋਹਨ ਪੁਤ੍ਰ ਮੀਤ ਭਾਈ ਕੁਟੰਬ ਸਭਿ ਤਾਰੇ ।
 ਤਾਰਿਆ ਜਹਾਨੁ ਲਹਿਆ ਅਭਿਮਾਨੁ ਜਿਨੀ ਦਰਸਨੁ ਪਾਇਆ ॥
 ਜਿਨੀ ਤੁਧਨੋ ਧੰਨੁ ਕਹਿਆ ਤਿਨ ਜਮੁ ਨੇੜਿ ਨ ਆਇਆ ॥
 ਬਿਅੰਤ ਗੁਣ ਤੇਰੇ ਕਥੇ ਨ ਜਾਂਹੀ ਸਤਿਗੁਰ ਪੁਰਖ ਮੁਰਾਰੇ ।
 ਬਿਨਵੰਤਿ ਨਾਨਕ ਟੇਕ ਰਾਖੀ ਜਿਤੁ ਲਗਿ ਤਰਿਆ ਸੰਸਾਰੇ ॥ 42 ॥

ਅਰਥ ॥ ਅਨੰਗ ਸੇਖਰ ਛੰਦ ॥

ਮੋਹਨ ਤੂੰ ਫਲਯੋ ਸੁਫਲ ਸਭ ਪਰਵਾਰ ਸਣਿ²,
 ਕੁਟੰਬ ਭਾਈ ਮੀਤ ਤਾਰ ਤਾਰਿਓ ਜਹਾਨ ਕੋ ।
 ਗੁਰਦਾਸ ਬੁਢੇ ਮਾਨ ਹਰਿ ਨਿਜ ਮਾਨ ਦੂਰ ਕਰ,
 ਜਿਨੀ ਦਰਸ ਪਾਯੋ ਤਹਿ ਦੁਖ ਨਨਿਦਾਨ ਕੋ ।
 ਜੋਊ ਧੰਨ ਕਹੈ ਤੋਹਿ ਅੰਤਕ ਤਿਆਗ ਓਹੁ,
 ਬਿਅੰਤ ਗੁਣ ਤੇਰੇ ਕਥੇ ਕੌਣ ਧਰ ਧਿਆਨ ਕੋ ।
 ਪੁਰਖ ਮੁਰਾਰੀ ਤੋਹਿ ਲਜ ਰਾਖੀ ਟੇਕ ਮੋਹਿ,
 ਬਿਨਵੰਤ ਨਾਨਕ ਜਿਤ ਲਗ ਨਰ ਗਿਆਨ ਕੋ ॥ 43 ॥

ਦੋਹਰਾ

ਚੋਥੀ ਪੌੜੀ ਤਾਂਹਿ ਵਰ ਗੁਰੁ ਅਰਜਨ ਤਬ ਦੀਨ ।
 ਮੋਹਨ ਸੁਨ ਗਦ ਗਦ³ ਭਯੋ ਨਿਜ ਮਨਿ ਆਨੰਦ ਲੀਨ ॥ 43 ॥
 ਗੌੜੀ ਰਾਗ ਛੰਦ ਦੂਸਰਾ ਸ੍ਰੀ ਮੁਖ⁴ ਕੀਨ ਬਖਾਨ ।
 ਮੋਹਨ ਸੁਨ ਮੁਨ ਕਰ ਗਯੋ ਤਬੈ ਤਜੀ ਸੁਭ ਸਿਆਨ ॥ 44 ॥
 ਕਰ ਨਿਜ ਮੋਹਨ ਜੋਰ ਕੈ ਐਸੇ ਕੀਓ ਉਚਾਰ ।
 ਦਾਸ ਜਾਨ ਬਿਨਤੀ ਸੁਨੋ⁵ ਤੁਮ ਗੁਰ ਰੂਪ ਮੁਰਾਰ ॥ 45 ॥

ਸਵੇਯਾ

ਦੇਹਿ ਨਿਦੇਸ ਪ੍ਰਭੂ ਹਮਕੋ ਤੁਮ ਸਾਥ ਚਲੇ ਕਛੁ ਸੇਵ ਕਮਾਵਉ ।
 ਸੇਵਕ ਔਰ ਕਢੇ ਜਸ ਕਾਰ ਸੁ ਕਾਰ ਕਢੇ ਨਿਜ ਸੀਸ ਧਰਾਵਉ ।
 ਮੋਹਿ ਨਿਹਾਲ ਦਿਆਲ ਕਰੋ ਚਰਨਾਬੁਜ⁶ ਨਿਕਟਿ ਸਦਾ ਸੁਖ ਪਾਵਉ ।
 ਗਦ ਗਦ ਹੋਇ ਰੋਮਾਂਚ ਖਰੇ ਕਹੇ ਹੇ ਪ੍ਰਭ ਜੀ ਤੁਮ ਸੰਗ ਸਿਧਾਵਉ ॥ 46 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ, ਪੰਨਾ 248 ²ਅ ਪੋਥੀ ਸਿਉ ³ਅ ਪੋਥੀ ਪ੍ਰਸੰਨ ⁴ੲ ਪੋਥੀ ਸਤਿਗੁਰੂ ⁵ਅ ਪੋਥੀ ਕਰਹੂੰ ⁶ਅ ਤੇ ੲ ਪੋਥੀ ਚਰਨ ਕਮਲ

ਚੌਪਈ

ਮੋਹਨ ਕੋ ਇਮ ਬੈਨ ਸੁਨਾਈ । ਗੁਰ ਅਰਜਨ ਮਨ ਆਨੰਦ ਪਾਈ ।
 ਸ੍ਰੀ ਮੁਖ ਅਸ ਨਿਦੇਸ ਤਿਹ ਕੀਨੀ । ਮੋਹਨ ਜੀ ਤੁਮ ਸਭ ਗੁਣ ਭੀਨੀ ।
 ਬੀਚ ਚੁਬਾਰੇ ਧਰੋ ਸਮਾਧ । ਪੂਰਨ ਪੂਰਖ ਪ੍ਰਭੂ ਆਰਾਧ ।
 ਗੁਰ ਨਾਨਕ ਕਾ ਮੰਤ੍ਰ ਉਚਾਰੋ । ਆਪ ਤਰੋ ਸਗਲੈ¹ ਕੁਲ ਤਾਰੋ ।
 ਮੋਹਨ ਅਸ ਗੁਰ ਆਇਸ ਪਾਏ । ਪਰਿਕ੍ਰਮਾ ਕਰ ਚਰਨ ਗਹਾਏ ।
 ਬੰਦਨ ਕਰ ਤਬ ਗਯੋ ਚੁਬਾਰੇ । ਲਗੀ ਸਮਾਧ ਅਖੰਡ ਅਪਾਰੇ ।
 ਸ੍ਰੀ ਗੁਰੂ ਨਾਨਕ ਮੰਤ੍ਰ ਕਮਾਵੈ । ਰਿਦੇ ਮਧ ਹਰਿ ਸਿਉਂ ਰੁਚ ਲਾਵੈ ।
 ਮੋਹਨ ਗਾਥ ਕਹੀ ਸੁਖ ਸਾਰੇ । ਮੋਹਰੀ ਕਥਾ ਸੁਨਹੁ ਰੇ ਪਿਆਰੇ ॥ 47 ॥

ਦੋਹਰਾ

ਸ੍ਰੀ ਗੁਰ ਮਨ ਸੁਖ ਪਾਇਕੈ ਲੈ ਪੁਸਤਕ ਹੁਐ ਤਿਆਰ ।
 ਮੋਹਰੀ ਜੀ ਆਏ ਤਬੈ ਬਡ ਆਨੰਦ ਚਿਤ² ਧਾਰ ॥ 48 ॥

ਸੋਰਠਾ

ਕਰੀ ਪਰਿਕ੍ਰਮਾ ਆਇ ਮੋਹਰੀ ਜੀ ਗੁਰ ਚਰਨ ਗਹਿ ।
 ਮੁਖ ਸਿਉਂ ਐਸ ਅਲਾਇ ਮਹਾਰਾਜ ਨਿਜ ਗ੍ਰਿਹ ਚਲੋ ॥ 49 ॥

ਚੌਪਈ

ਜੈਸ³ ਬਿਦਰ ਕੋ ਕੀਓ ਨਿਹਾਲ । ਤਿਸ ਗ੍ਰਿਹ ਗਏ ਤਜੇ ਸੁਖ ਪਾਲ ।
 ਔਰ ਅਨਿਕ ਗਥ ਕਹਾਂ ਸੁਨਾਉਂ । ਤੁਮਰੀ ਕ੍ਰਿਪਾ ਕੋ ਅੰਤ ਨਾ ਪਾਉਂ ।
 ਅਸ ਕਹਿ ਸ੍ਰੀ ਗੁਰ ਚਰਨ ਗਹਾਏ । ਪਰਾ ਧਰਨ⁴ ਕਛੁ ਸੁਧ ਨ ਰਹਾਏ ।
 ਕ੍ਰਿਪਾ ਸਿੰਧ ਤਬ ਭਏ ਕ੍ਰਿਪਾਲ । ਮੋਹਰੀ ਜੀ ਤੁਮ ਭਏ ਨਿਹਾਲ ॥
 ਤੁਮ ਮਾਮੇ ਹੋ ਚਰਨ ਨ ਪਰੇਉ । ਤੁਮਰੀ ਚਰਨ ਧੂਰ ਮੈਂ ਧਰੇਉ ।
 ਤਬ ਮੋਹਰੀ ਯਉ ਕਹਾ ਸੁਨਾਈ । ਹਮ ਅਕਰੂਰ ਤੁਮ ਰੂਪ ਕਨ੍ਹਾਈ ।
 ਕਹਾਂ ਦਾਸ ਅਬ ਸੇਵ ਕਮਾਵੈ । ਔਰ ਬਾਤ ਕੋ ਚਿਤ ਨ ਲਿਆਵੈ ।
 ਭਏ ਪ੍ਰਸੰਨ ਗੁਰੂ ਸੁਖਦਾਈ । ਤਿਹ ਗ੍ਰਿਹ ਗਏ ਸੁ ਆਨੰਦ ਪਾਈ ॥ 50 ॥

ਦੋਹਰਾ

ਮਾਮੀ ਕਾ ਦਰਸਨ ਕੀਓ ਚਰਨ ਬੰਦਨਾ ਕੀਨ ।
 ਕੁਸਲ ਆਨੰਦ ਪ੍ਰਫੁੱਤ ਭਏ ਸ੍ਰੀ ਗੁਰ ਪਰਮ ਪ੍ਰਬੀਨ ॥ 51 ॥
 ਮੋਹਰੀ ਕੀ ਇਸਤਰੀ⁵ ਤਬੈ ਅਤਿ ਅਨੰਦ ਚਿਤ ਧਾਰ ।
 ਬਸਤ੍ਰ ਗਹਿਨੇ ਬਹੁਤੇ ਦੀਏ ਧਨ ਬਹੁ ਕੀਨੋ ਵਾਰ ॥ 52 ॥

¹ਦ ਪੋਥੀ ਇਕੀਸ ²ਅ ਪੋਥੀ ਰਿਦ ³ਦ ਪੋਥੀ ਜਿਸ ⁴ਅ ਪੋਥੀ ਭੋ ਹਿੰ ⁵ਅ ਤੇ ਦ ਪੋਥੀ ਬਾਮਾ

ਕੁੰਡਲੀਆ

ਕੁਸਲ ਆਨੰਦ ਪੂਛਤ ਭਈ ਪੁਨ ਪ੍ਰਭ ਕੋ ਹਿਤ ਧਾਰ ।
ਗੰਗ ਸੁਖੀ ਤੁਮ ਪੁਤ੍ਰ ਸੁਖ ਔਰ ਸੁਖੀ ਪਰਵਾਰ ।
ਔਰ ਸੁਖੀ ਪਰਵਾਰ ਤੁਮਹਿ ਸੁਖ ਸਿਉਂ ਸੁਤ ਆਏ ।
ਤੁਮਰੀ ਕਿਰਪਾ^੧ ਸੰਗ ਸੁਖੀ ਸਭ ਇਮ ਗੁਰ ਗਾਏ ।
ਤੁਮ ਸਭ ਕਉ ਆਨੰਦ ਕਹੋ ਸਭ ਮੋਹਿ ਸਮਝਾਈ ।
ਨਿਜ ਗ੍ਰਿਹਿ ਸਭ ਸੁਖ ਭਾਖ ਔਰ ਤਬ ਬਾਤ ਚਲਾਈ ॥ 53 ॥

ਅੜਿਲ

ਬੀਬੀ ਭਾਨੀ ਰਾਮਦਾਸ ਸੁਖ ਪਾਇਕੈ ।
ਸੁਰ ਪੁਰ ਕੀਓ ਪਿਆਨ ਹਮਹਿ ਬਿਸਰਾਇਕੈ ॥
ਤਾਂ ਦਿਨ ਤੇ ਨਹਿ ਧਿਆਨ ਸੁ ਕਬਹੀ ਤੁਮ ਕੀਓ ।
ਹੋ ਔਰ ਧਾਮ ਕੋ ਤਿਆਗ ਸੁਧਾਸਰ ਤੁਮ ਲੀਓ ॥ 54 ॥

ਦੋਹਰਾ

ਐਸ ਭਾਖ^੨ ਰੋਵਤ ਭਈ ਮੋਹਰੀ ਜੀ ਕੀ ਬਾਮ ।
ਨਰ ਅਨੁਹਰ ਕਰਤੇ ਭਏ ਸ੍ਰੀ ਗੁਰ ਪੂਰਨ ਕਾਮ ॥
ਮੋਹਰੀ ਜੀ ਨਿਜ ਨਾਰ ਕੋ ਕਹੀ [ਗਿਆਨ]^੩ ਕੀ ਬਾਤ ।
ਸੰਤਿਨ ਕੋ ਨਹਿ ਰੋਈਐ ਜੋ ਆਪਨੇ ਗ੍ਰਿਹ ਜਾਤ ॥ 55 ॥

ਚੌਪਈ

ਸ੍ਰੀ ਗੁਰ ਕਉ ਭੀ ਕਹਾ ਸੁਨਾਈ । ਸਭ ਮਿਥਿਆ^੪ ਸੰਸਾਰ ਦਿਖਾਈ ।
ਪ੍ਰਭ ਬਿਸਾਰ ਜੇ ਮਨ ਮਤ ਲਾਗੇ । ਸੋਚੀਏ ਤਾਂਹਿ ਜੋ ਭਏ ਅਭਾਗੇ ।
ਮਿਲ ਬਿਛਰਨਿ ਨਦ ਕਾਰ ਸਮਾਨਾ । ਜਥਾ ਪੂਰ ਨਉਕਾ^੫ ਮਨ ਮਾਨਾ ।
ਤਸ ਕੁਟੰਬ ਕੋ ਮੇਲ ਪਛਾਨੀ । ਸੋਚਤ ਨਹੀਂ ਜੋਊ ਹੈ ਗਿਆਨੀ ॥ 56 ॥
ਰਾਮਦਾਸ ਗੁਰੁ ਪ੍ਰਭ ਆਗਿਆ ਪਾਏ । ਜਗ ਤਾਰਨ ਹਿਤ ਇਹੁ ਠਾਂ ਆਏ ।
ਕਰ ਕਾਰਜ ਪ੍ਰਭ ਰੂਪ ਸਮਾਨ । ਸੋਚਨਿ ਜੋਗ ਨਹੀਂ ਸੁਖ ਖਾਨ ।
ਜਥ ਮੋਹਰੀ ਯੋ ਬਚਨ ਸੁਨਾਏ । ਸਭਨਿ^੬ ਕੋ ਤਬ ਧੀਰਜ ਆਏ ।
ਬਹੁਰ ਨੰਦ ਮੋਹਰੀ ਸੁਤ ਆਯੋ । ਨਿਜ ਸੁਤ ਸੁੰਦਰ ਸੰਗ ਲਿਆਯੋ ॥ 57 ॥

ਦੋਹਰਾ

ਆਇ ਚਰਨ ਗੁਰ ਕੇ ਪਰੇ ਸ੍ਰੀ ਗੁਰ ਆਦਰ ਕੀਨ ।
ਕੁਸਲ ਛੇਮ ਪੂਛਤ ਭਏ ਸ੍ਰੀ ਗੁਰ ਪਰਮ ਪ੍ਰਬੀਨ ॥ 58 ॥

^੧ਅ ਪੱਥੀ ਗਯਾ ^੨ਅ ਪੱਥੀ ਕਹਿ ^੩ਅ ਤੇ ਏ ਪੱਥੀ ਵਿਚੋਂ ^੪ਅ ਪੱਥੀ ਝੂਠਾ ^੫ਅ ਪੱਥੀ ਬੇੜੀ ^੬ਅ ਤੇ
ਏ ਪੱਥੀ ਸਭਹਨਿ

ਸ੍ਰੀ ਗੁਰ ਕਉ ਮੋਹਰੀ ਕਹਾ ਈਹਾਂ ਰਹੋ ਪ੍ਰਭ ਆਪ ।
ਹਮ ਪ੍ਰਸੰਨ ਪਿਖ ਹੋਤ ਹਹਿ ਮਿਟੈ ਸਭਨਿ ਕੋ ਤਾਪ ॥ 59 ॥

ਚੌਪਈ

ਸ੍ਰੀ ਸਤਿਗੁਰ ਇਮ ਬਚਨ ਉਚਾਰੇ । ਤੁਮਰੀ ਆਗਿਆ¹ ਸਿਰ ਪਰ ਧਾਰੇ ।
ਅਮਰਦਾਸ ਗੁਰੂ ਕੇ ਹਮ ਦਾਸ । ਹਮਕੋ ਰਹਿਨਾਂ ਉਹਾਂ ਸੁ ਪਾਸ ।
ਮਮ ਪਿਤ ਕੋ ਗੁਰ ਆਗਿਆ ਦਈ । ਕਾਰ ਕਢਾਉ ਸੁਧਾਸਰ ਜਈ ।
ਜੋ ਹਮ ਤਹ ਠਾਂ ਕਾਰ ਕਢਾਵਹਿ । ਹਮਰੋ ਰਹਿਨਾਂ ਉਹਾਂ ਸੁਹਾਵਹਿ ।
ਈਹਾਂ ਉਹਾਂ ਭੇਦ ਨ ਕੋਈ । ਆਗੇ ਜੁ ਤੁਮ ਆ ਗਿਆ ਹੋਈ ।
ਮੋਹਰੀ ਕੇ ਯੋ ਬੈਨ ਸੁਨਾਏ । ਕ੍ਰਿਪਾ ਸਿੰਧ² ਅਤਿ ਹੀ ਹਰਖਾਏ ॥
ਪੁਨ ਮੋਹਰੀ ਕਹਯੋ ਤੀਨ ਦਿਨ ਰਹੋ । ਬਹੁਰੋ ਜਯੋ ਅਤਿ ਸੁਖ ਲਹੋ ।
ਬਚਨ ਮਾਨ ਸ੍ਰੀ ਗੁਰ³ ਤਹਿ ਰਹੇ । ਤਬ ਮੋਹਰੀ ਮਨ ਆਨੰਦ ਲਹੇ ॥ 60 ॥

ਦੋਹਰਾ

ਸੇਵਾ ਕੇ ਵਸ ਗੁਰੂ ਹੈ ਐ ਮੋਹਰੀ ਹਿਤ ਧਾਰ ।
ਭਾਂਤ ਭਾਂਤ ਚਰਚਾ ਕਰਹਿ ਸ੍ਰੀ ਗੁਰ ਰੂਪ ਮੁਰਾਰਿ ॥ 61 ॥
ਦੁਤਿਆ ਦਿਵਸ ਅਰਜਨ ਗੁਰੂ ਸੁੰਦਰ ਸੰਗ ਲਵਾਇ ।
ਬਿਪਾਸਾ⁴ ਤਟ ਜਾਵਤ ਭਏ ਦਰਸਨ ਕਰ ਹਰਖਾਇ ॥ 62 ॥

ਚੌਪਈ

ਅਮਰਦਾਸ ਜੀ ਦੇਹੁਰਾ ਜਹਾਂ । ਜਾਵਤ ਭਏ ਸ੍ਰੀ ਗੁਰ ਤਹਾਂ ।
ਕਰ ਦਰਸਨ ਪਰਿਕ੍ਰਮਾ ਕੀਨੀ । ਚਰਨ ਧੂਰ ਲਾਇ ਮਸਤਕ⁵ ਲੀਨੀ ।
ਕਛੁਕ ਕਾਲ ਤਿੰਹ ਬੈਠਤ ਭਏ । ਸੁੰਦਰ ਕੋ ਤਬ ਬਚਨ ਅਲਏ ।
ਹੇ ਸੁੰਦਰ ਤੁਮ ਬੁਧ ਅਪਾਰਾ । ਤੁਮਤੇ ਪ੍ਰਫੁਤ ਕਥਾ ਸੁਧਾਰਾ ।
ਅਮਰਦਾਸ ਨਿਜ ਧਾਮ⁶ ਚਲੇ ਜਬ । ਕੈਸੇ ਬਚਨ ਕਹਹਿ ਸ੍ਰੀ ਗੁਰੂ ਤਬ ।
ਹਾਥ ਜੋਰ ਸੁੰਦਰ ਕਹੇ ਬਚਨਾ ॥ ਮਹਾਰਾਜ ਜਾਨੋ ਸਭ ਰਚਨਾ ।
ਜਾਨ ਅਜਾਨ ਹੋਇ ਤੁਮ ਪੁਛੀ । ਸੁਨੋ ਪ੍ਰਭੁ ਕਹਿ ਹੋਉ ਗਥ ਸੂਛੀ ।
ਗੁਰ ਨਾਨਕ ਅੰਗਦ ਮਿਰਜਾਦ । ਅਮਰਦਾਸ ਗੁਰ ਰੂਪ ਅਨਾਦ ॥ 63 ॥

ਦੋਹਰਾ

ਰਾਮਦਾਸ ਕੋ ਤਿਲਕ ਜਬ ਅਮਰਦਾਸ ਗੁਰ ਦੀਨ ।
ਮੋਹਰੀ ਸੁਤ ਚਰਨੀ ਲਗੋ ਕਹੀ ਕਥਾ ਜਯੋ ਦੀਨ ॥ 64 ॥
ਸੁੰਦਰ ਸਦ ਬਨਾਇਕੇ ਸ੍ਰੀ ਗੁਰੂ ਅਗੂ ਸੁਨਾਇ ।
ਗੁਰੂ ਅਰਜਨ ਗਦ ਗਦ ਭਏ ਤਬੇ ਲਿਖਿਯੋ ਚਿਤ ਚਾਇ ॥ 65 ॥

¹ਅ ਤੇ ਏ ਪੋਥੀ ਆਇਸ ²ਅ ਪੋਥੀ ਨਿਧਾਨ ³ਅ ਪੋਥੀ ਸਤਿਗੁਰ ⁴ਅ ਤੇ ਏ ਪੋਥੀ ਬਯਾਸਾ ⁵ਅ ਪੋਥੀ ਮਾਥੇ
ਏ ਭਾਲਹਿ ⁶ਅ ਪੋਥੀ ਗ੍ਰਿਹਿ

ਰਾਗ ਰਾਮ ਕਲੀ ਸਦਾ¹ ॥

ਜਗੁ ਦਾਤਾ ਸੋਇ ਭਗਤ ਵਡਲ ਤਿਹੁ ਲੋਇ ਜੀਉ ।

ਗੁਰ ਸਬਦਿ ਸਮਾਵਏ ਅਵਰੁ ਨ ਜਾਣੈ ਕੋਇ ਜੀਉ ।

ਅਵਰੋ ਨ ਜਾਣਹਿ ਸਬਦਿ ਗੁਰ ਕੈ ਏਕੁ ਨਾਮੁ ਧਿਆਵਹੇ !

ਪਰਸਾਦਿ ਨਾਨਕ ਗੁਰੂ ਅੰਗਦ ਪਰਮ ਪਦਵੀ ਪਾਵਹੇ ।

ਆਇਆ ਹਕਾਰਾ ਚਲਣਵਾਰਾ ਹਰਿ ਰਾਮ ਨਾਮਿ ਸਮਾਇਆ ।

ਜਗਿ ਅਮਰੁ ਅਟੁਲ ਅਤੋਲੁ ਠਾਕੁਰੁ ਭਗਤਿ ਤੇ ਹਰਿ ਪਾਇਆ ॥ 1 ॥

ਹਰਿ ਭਾਣਾ ਗੁਰ ਭਾਇਆ ਗੁਰੁ ਜਾਵੈ ਹਰਿ ਪ੍ਰਭ ਪਾਸਿ ਜੀਉ ।

ਸਤਿਗੁਰ ਕਰੇ ਹਰਿ ਪਹਿ ਬੇਨਤੀ ਮੇਰੀ ਪੈਜ ਰਖਹੁ ਅਰਦਾਸਿ ਜੀਉ ।

ਪੈਜ ਰਾਖਹੁ ਹਰਿ ਜਨਹੁ ਕੇਰੀ ਹਰਿ ਦੇਹੁ ਨਾਮੁ ਨਿਰੰਜਨੋ ।

ਅੰਤਿ ਚਲਦਿਆਂ ਹੋਇ ਬੇਲੀ ਜਮਦੂਤ ਕਾਲੁ ਨਿਖੰਜਨੋ ।

ਸਤਿਗੁਰੂ ਕੀ ਬੇਨਤੀ ਪਾਈ ਹਰਿ ਪ੍ਰਭਿ ਸੁਣੀ ਅਰਦਾਸਿ ਜੀਉ ।

ਹਰਿ ਧਾਰਿ ਕਿਰਪਾ ਸਤਿਗੁਰੁ ਮਿਲਾਇਆ ਧਨੁ ਧਨੁ ਕਹੇ ਸਾਬਾਸਿ ਜੀਉ ॥ 2 ॥

ਮੇਰੇ ਸਿਖ ਸੁਣਹੁ ਪੁਤ ਭਾਈਹੋ ਮੇਰੇ ਹਰਿ ਭਾਣਾ ਆਉ ਮੈ ਪਾਸਿ ਜੀਉ ।

ਹਰਿ ਭਾਣਾ ਗੁਰ ਭਾਇਆ ਮੇਰਾ ਹਰਿ ਪ੍ਰਭੁ ਕਰੇ ਸਾਬਾਸਿ ਜੀਉ ।

ਭਗਤੁ ਸਤਿਗੁਰੁ ਪੁਰਖੁ ਸੋਈ ਜਿਸੁ ਹਰਿ ਪ੍ਰਭ ਭਾਣਾ ਭਾਵਏ ॥

ਆਨੰਦ ਅਨਹਦ ਵਜਹਿ ਵਾਜੇ ਹਰਿ ਆਪਿ ਗਲਿ ਮੇਲਾਵਏ ।

ਤੁਸੀ ਪੁਤ ਭਾਈ ਪਰਵਾਰੁ ਮੇਰਾ ਮਨਿ ਵੇਖਹੁ ਕਰਿ ਨਿਰਜਾਸਿ ਜੀਉ ।

ਧੁਰਿ ਲਿਖਿਆ ਪਰਵਾਣਾ ਫਿਰੈ ਨਾਹੀ ਗੁਰੁ ਜਾਇ ਹਰਿ ਪ੍ਰਭ ਪਾਸਿ ਜੀਉ ॥ 3 ॥

ਸਤਿਗੁਰਿ ਭਾਣੈ ਆਪਣੈ ਬਹਿ ਪਰਵਾਰੁ ਸਦਾਇਆ ।

ਮਤ ਮੈ ਪਿਛੈ ਕੋਈ ਰੋਵਸੀ ਸੋ ਮੈ ਮੂਲਿ ਨ ਭਾਇਆ ।

ਮਿਤੁ ਪੈਝੈ ਮਿਤੁ ਬਿਗਸੈ ਜਿਸੁ ਮਿਤ ਕੀ ਪੈਜ ਭਾਵਏ ।

ਤੁਸੀ ਵੀਚਾਰਿ ਦੇਖਹੁ ਪੁਤ ਭਾਈ ਹਰਿ ਸਤਿ ਗੁਰੂ ਪੈਨਾਵਏ ।

ਸਤਿਗੁਰੁ ਪਰਤਖਿ ਹੋਂਦੇ ਬਹਿ ਰਾਜੁ ਆਪਿ ਟਿਕਾਇਆ ।

ਸਭਿ ਸਿਖ ਬੰਧਪ ਪੁਤ ਭਾਈ ਰਾਮਦਾਸ ਪੈਰੀ ਪਾਇਆ ॥ 4 ॥

ਅੰਤੈ ਸਤਿਗੁਰੁ ਬੋਲਿਆ ਮੈ ਪਿਛੈ ਕੀਰਤਨੁ ਕਰਿਅਹੁ ਨਿਰਬਾਣੁ ਜੀਉ ।

ਕੇਸੋ ਗੋਪਾਲ ਪੰਡਿਤ ਸਦਿਅਹੁ ਹਰਿ ਹਰਿ ਕਥਾ ਪੜਹਿ ਪੁਰਾਣੁ ਜੀਉ ।

ਹਰਿ ਕਥਾ ਪੜੀਐ ਹਰਿ ਨਾਮ ਸੁਣੀਐ ਬੇਬਾਣੁ ਹਰਿ ਰੰਗੁ ਗੁਰ ਭਾਵਏ ।

ਪਿੰਡ ਪਤਲਿ ਕਿਰਿਆ ਦੀਵਾ ਫੁਲ ਹਰਿ ਸਰਿ ਪਾਵਏ !

ਹਰਿ ਭਾਇਆ ਸਤਿਗੁਰੁ ਬੋਲਿਆ ਹਰਿ ਮਿਲਿਆ ਪੁਰਖੁ ਸੁਜਾਣੁ ਜੀਉ ।

ਰਾਮਦਾਸ ਸੋਢੀ ਤਿਲਕੁ ਦੀਆ ਗੁਰ ਸਬਦੁ ਸਚੁ ਨੀਸਾਣੁ ਜੀਉ ॥ 5 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 923

ਸਤਿਗੁਰ ਪੁਰਖੁ ਜਿ ਬੋਲਿਆ ਗੁਰਸਿਖਾ ਮੰਨਿ ਲਈ ਰਜਾਇ ਜੀਉ ।
 ਮੋਹਰੀ ਪੁਤੁ ਸਨਮੁਖੁ ਹੋਇਆ ਰਾਮਦਾਸੈ ਪੈਰੀ ਪਾਇ ਜੀਉ ।
 ਸਭ ਪਵੈ ਪੈਰੀ ਸਤਿਗੁਰੂ ਕੇਰੀ ਜਿਥੈ ਗੁਰੂ ਆਪੁ ਰਖਿਆ ।
 ਕੋਈ ਕਰਿ ਬਖੀਲੀ ਨਿਵੈ ਨਾਹੀ ਫਿਰ ਸਤਿਗੁਰੂ ਆਣਿ ਨਿਵਾਇਆ ।
 ਹਰਿ ਗੁਰਹਿ ਭਾਣਾ ਦੀਈ ਵਡਿਆਈ ਧੁਰਿ ਲਿਖਿਆ ਲੇਖੁ ਰਜਾਇ ਜੀਉ ।
 ਕਹੈ ਸੁੰਦਰ ਸੁਣਹੁ ਸੰਤਹੁ ਸਭੁ ਜਗਤੁ ਪੈਰੀ ਪਾਇ ਜੀਉ ॥ 65 ॥

ਸਵੈਯਾ

ਆਨੰਦ ਪਾਇ ਹੀਏ [ਹੁਲਸਾਇ]¹ ਸ੍ਰੀ ਗੁਰ ਸੁੰਦਰ ਕੋ ਵਰ ਦੀਨੋ ।
 ਇਹ ਸਭ ਗ੍ਰੰਥ ਕੇ ਬੀਚ ਚੜ੍ਹੇ ਨਰ ਨਾਰਿ ਪੜ੍ਹੈ ਤੁਮਰੇ ਜਸ ਕੀਨੋ ।
 ਭ੍ਰਮ ਅਕਾਸ ਰਹੈ ਜਬ ਲੈ ਤਬ ਲੈ ਜਸ ਤੋਹਿ ਕਭੀ ਨਹੀ ਖੀਨੋ ।
 ਅੰਤ ਸਮੈ ਸਦ ਜੋਇ ਪੜ੍ਹੈ ਨਰ ਤਾਂ ਪਰ ਅੰਤਕ² ਦ੍ਰਿਸਟ ਨ ਚੀਨੋ ॥ 66 ॥

ਚੌਪਈ

ਐਸ ਬਚਨ ਕਹ ਅਗ੍ਰ ਸਿਧਾਏ । ਰਾਮਦਾਸ ਦੇਹੁਰਾ ਦ੍ਰਿਸਟਾਏ ।
 ਸ੍ਰੀ ਗੁਰੁ ਸਮਝ ਪਿਤਾ ਅਸਥਾਨਾ । ਪਰਿਕ੍ਰਮਾ ਕਰ ਦੀਨੋ ਤਹਿ ਦਾਨਾ ।
 ਕਰਿ ਬਿਨਤੀ ਪੁਨ ਗ੍ਰਿਹ ਮਹਿ ਆਏ । ਸਤਿਗੁਰੁ ਚਰਿਤ ਨ ਕੋਇ ਲਖਾਏ ।
 ਜਿਉਂ ਪੰਥੀ ਨਭ ਮਾਂਹਿ ਉਡਾਈ । ਨਭ ਕੋ ਅੰਤ³ ਨ ਕੋਊ ਪਾਈ ॥
 ਤਥਾ ਗੁਰੂ ਕੇ ਚਰਿਤ ਅਪਾਰਾ । ਸੋਸ ਬਕਤ ਨਹਿ ਪਾਵਤ ਪਾਰਾ ।
 ਦਯਾ ਸਿੰਘ ਜੀ ਐਸੇ ਕਹੀ । ਤੈਸੇ ਕਹਉ ਮੋਹਿ ਬਲਿ ਨਹੀ ।
 ਤੀਨ ਦਿਵਸ ਸ੍ਰੀ ਗੁਰ ਤਹਿ ਰਹੇ । ਸੁਧਾ ਸਰੋਵਰ ਕੋ ਪੁਨ ਚਹੇ ।
 ਮੁਹਰੀ ਜੀ ਕੋ ਕਹਾ ਸੁਨਾਈ । ਕਰੋ ਬਿਦਾ ਹਮ ਕੋ ਹਰਖਾਈ ॥ 67 ॥

ਦੋਹਰਾ

ਮਾਮਾ ਜੀ ਤੁਮ ਕ੍ਰਿਪਾ ਕਰ ਦੇਹੁ ਬਿਦਾ ਤਤਕਾਲ ।
 ਸੁਧਾ ਸਰੋਵਰ ਹਮ ਚਲਹਿ ਤੁਮ ਸਦ ਰਹੋ ਕੁਸਾਲ ॥ 68 ॥
 ਮੋਹਰੀ ਜੀ ਤਬ ਯਉ ਕਹਾ ਜੋ ਤੁਮ ਇਛਾ ਹੋਇ ।
 ਕਜੀਐ ਤਿਆਰੀ ਮਹਾਂ ਪ੍ਰਭੂ ਬਹੁਰ ਦਰਸ ਕਬ ਜੋਇ⁴ ॥ 69 ॥

ਚੌਪਈ

ਸ੍ਰੀ ਗੁਰੂ⁵ ਤਾਂ ਕੋ ਕਹਾ ਸੁਨਾਈ । ਯਾਦ ਕਰੋ ਤਬ ਆਵਉ ਧਾਈ ।
 ਪੁਨ ਮੋਹਰੀ ਕੀ ਨਾਰ ਸੁਨਾਗਰ । ਕਰੀ ਬਿਨਤਿ ਸੁਨੀਏ ਸੁਖ ਸਾਗਰ ।
 ਰਾਮ ਸਤ ਗੰਗਾ ਕੋ ਕਹੀਓ । ਅਪਨ ਜਾਨ ਹਮ ਕਓ ਚਿਤ ਚਹੀਓ ।

¹ਅ ਪੋਥੀ ਵਿਚੋਂ ²ਅ ਪੋਥੀ ਕਾਲ ³ਇ ਪੋਥੀ ਸਕੋ ⁴ਅ ਪੋਥੀ ਹੋਇ ⁵ਅ ਪੋਥੀ ਸਤਿਗੁਰੂ

ਹਰਿ ਗੋਬਿੰਦ ਕੋ ਕਰੋ ਬਿਵਾਹਿ । ਪਠੀ ਬੁਲਾਇ ਹਮੈ ਚਿਤ ਚਾਹਿ ।
ਪਾਂਚ ਸਾਤ ਦਿਨ ਅਗੂ ਬੁਲਯੋ । ਹਮ ਕੋ ਯਾਦ ਸਦਾ ਸੁਤ ਕਯੋ ।
ਤਿਨ ਤੇ ਆਗਿਆ ਸ੍ਰੀ ਗੁਰੁ ਪਾਏ । ਕਰ ਇਸਨਾਨ ਬਾਵਲੀ ਆਏ ।
ਬਹੁਰ ਚੁਬਾਰੇ ਦਰਸਨ ਪਾਯੋ । ਜਹਿ ਗੁਰੁ ਅਮਰਦਾਸ ਤਪ ਲਾਯੋ ।
ਪੁਨ ਮੋਹਰੀ ਕੋ ਕਹਾ ਸੁਨਾਈ । ਖਾਸਾ ਏਕ ਸੁ ਦੇਹ ਮੰਗਾਈ ॥ 70 ॥

ਦੋਹਰਾ

ਧਾਰਾ¹ ਪੋਥੀਆਂ ਤਾਹਿ ਮਹਿ ਚਲਉ ਸੰਗ ਸੁਖ ਮਾਨ ।
ਸਤਿ ਬਚਨ ਮੋਹਰੀ ਕਹਯੋ ਲੀਜੈ ਕ੍ਰਿਪਾ² ਨਿਧਾਨ ॥ 71 ॥

ਦੋਹਰਾ

ਨਗ ਮਾਨਕ ਜਾਮੈ ਖਚੇ ਸੁੰਦਰ ਸੋਭ ਅਪਾਰ ।
ਖਾਸਾ ਤਬੇ ਮੰਗਾਇਓ ਮੋਹਰੀ ਜੀ ਤਤਕਾਰ ॥ 72 ॥

ਚੌਪਈ

ਖਾਸਾ ਦਿਖ ਸ੍ਰੀ ਗੁਰੁ ਮਨ ਹਰਖੇ । ਦਿਪਤ ਜੋਤ ਮਾਨੋ ਤਪ ਕਰਖੇ ।
ਪੋਥੀਆਂ ਸਭੈ ਤਾਹਿ ਮਹਿ ਧਰੀ । ਹਾਥ ਜੋਰਿ ਗੁਰੁ ਬੰਦਨ ਕਰੀ ।
ਸ੍ਰੀ ਗੁਰੁ ਕੀ ਤਬ ਆਗਿਆ ਪਾਏ । ਖਾਸਾ ਸਿਖਨ ਕੰਧ³ ਉਠਾਏ ।
ਸੰਖਨ ਕੀ ਧੁੰਨਿ ਹੋਤ ਅਗਾਰਾ । ਤੁਰਹੀ ਤੂਤੀ ਬਜਤ ਅਪਾਰਾ ।
ਬਿਨ ਪਦ ਤ੍ਰਾਣ ਚਲੇ ਗੁਰ ਜਾਹੀ । ਖਾਸੇ ਸੰਗ ਅਧਿਕ ਹਿਤ ਪਾਹੀ ।
ਜਾਵਤ ਕੋਤਲ ਸੰਗ ਡੁਰਾਏ । ਸੇਵਕ ਨਾਂਗੇ ਪਾਵ ਚਲਾਏ ।
ਸਭ ਹੀ⁴ ਕਹਹਿ ਹੋਹ ਅਸਵਾਰਾ । ਮਹਾਰਾਜ ਸ੍ਰੀ ਗੁਰੁ ਕਰਤਾਰਾ ।
ਗੁਰੁ ਅੰਸ ਮੋਹਰੀ ਤੇ ਲੈ ਕੇ । ਕਹਹਿ ਜੋਰ ਕਰ ਬਿਨਤੀ ਕੈ ਕੇ ॥ 73 ॥

ਦੋਹਰਾ

ਨਿਜੁ ਪਾਲਕਿ ਰੀਤੀ ਚਲੈ ਚੜੋ ਆਪ ਮਹਾਰਾਜ ।
ਸੁਨਤ ਬਚਨ ਬੋਲਤਿ ਭਏ ਗੁਰੂ ਗਰੀਬ ਨਿਵਾਸ ॥ 74 ॥
ਚਾਰ ਗੁਰੂ ਕੋ ਰੂਪ ਇਹ ਬਡੀ ਬਿਅਦਬੀ ਹੋਇ ।
ਨਗਨ ਪਾਉ ਹੀ ਸੰਗ ਚਲਉ ਭਲੀ ਬਾਤ ਹੈ ਸੋਇ ॥ 75 ॥

ਚੌਪਈ

ਭੂਮ ਅਕਾਸ ਸੰਖ ਧੁਨ ਭਈ । ਚਿਤ ਕੀ ਚਿੰਤ ਸਗਲ ਮਿਟ ਗਈ ।
ਆਨੰਦ ਮਗਨ ਚਲੇ ਸੰਗ ਜਾਈ । ਕੋਸ ਪ੍ਰਜੋਤ ਪਹੁੰਚੇ ਆਈ ।
ਸ੍ਰੀ ਗੁਰੁ ਆਦਰ ਸਭ ਕਾ ਕਰਿਓ । ਮੋਹਰਿ ਕੇ ਪਗ ਪਰ ਸਿਰ ਧਰਿਓ ।
ਭਾਂਤ ਭਾਂਤ ਕੀ ਬਿਨਤ ਉਚਾਰੀ । ਬਿਦਾ ਕੀਏ ਸਭ ਹੀ ਨਰ ਨਾਰੀ ।

¹ਅ ਪੋਥੀ ਰਾਖਿ ²ਅ ਤੇ ਏ ਪੋਥੀ ਕਰੁਣਾ ³ਅ ਪੋਥੀ ਲੀਓ ⁴ਅ ਪੋਥੀ ਸੰਗਤਿ

ਤਬ ਮੋਹਰੀ ਧੀਰਜ ਮਨ ਕੀਨਉ । ਨਿਜ ਪੁਰ¹ ਓਰ ਪਿਆਨਾ ਕੀਨਉ ।
 ਆਦਰ ਸਿਉ ਬਿਦਿਆ ਨੰਦ² ਕੀਨਾ । ਤਿਹ ਸੁਤ ਸੁੰਦਰ ਸੰਗ ਪ੍ਰਬੀਨਾ ।
 ਸ੍ਰੀ ਗੁਰੂ ਸਭ ਕੇ ਬਿਦਾ ਕਰਾਏ । ਕਰ ਬੰਦਨ ਸੋ ਧਾਮ ਸਿਧਾਏ ।
 ਸੰਖਨਿ ਧੁਨ ਕਰ ਅਗ੍ਰ ਸਿਧਾਰੇ । ਓਰ ਖੂਡਰ [ਸ੍ਰੀ]³ ਗੁਰੂ ਨਿਰੰਕਾਰੇ ॥ 76 ॥

ਦੋਹਰਾ

ਜਬ ਖਡੂਰ ਪਹੁੰਚਤਿ ਭਏ ਸ੍ਰੀ ਗੁਰੂ ਦਿਖ⁴ ਦਰਬਾਰ ।
 ਅਨਿਕ ਭਾਂਤ ਪ੍ਰਸਾਦਿ ਲੈ ਕਰੀ ਸੁ ਅਨਿਕ ਜੁਹਾਰ ॥ 77 ॥
 ਚਾਰ ਪਰਕ੍ਰਮਾਂ ਪ੍ਰਭ ਕਰੀ ਗੁਰ ਹਰਿ ਧਾਮ ਬੀਚਾਰ ।
 ਗੁਰ ਅਰਜਨ ਬਿਨਤੀ ਕਰੀ ਗਰਿ ਮਹਿ ਅੰਚਰ ਡਾਰ ॥ 78 ॥

ਸਵੈਯਾ

ਹੋਇ ਅਧੀਨ ਕਹਿਓ ਗੁਰ ਅਰਜਨ ਹੇ ਪ੍ਰਭ ਬਿਨਤਿ ਸੁਨੋ ਚਿਤ ਧਾਰੀ ।
 ਦੇਵਹੁ ਦਾਨ ਇਹੈ ਹਮਕੋ ਨਿਸ ਬਾਸਰ ਨਾਮ ਜਪਉ ਸੁਖਕਾਰੀ ।
 ਤੁਮਰੋ ਪ੍ਰਭ ਨਾਮ ਕਿਧੋ ਤੁਲਹਾ ਭਵਸਿੰਧ⁵ ਤਰਾਵਨਿ ਜੰਤ ਅਪਾਰੀ ।
 ਤ੍ਰਾਹਿ ਸੋ ਤ੍ਰਾਹਿ ਕਰਉ ਸੁਖ ਸਾਗਰ ਦਾਸ ਅਯੋ ਗੁਰ ਸਰਨਿ ਤਿਹਾਰੀ ॥ 79 ॥

ਚੌਪਈ

ਕਰ ਬਿਨਤੀ ਗੁਰੂ ਤਹਿ ਚਲ ਗਏ । ਜਹਿ ਕਰੀਰ ਸੁੰਦਰ ਛਬ ਲਏ ।
 ਕਰ ਪਰਿਕ੍ਰਮਾਂ ਬੰਦਨ ਕੀਨੀ । ਗੁਰੂ ਅਰਜਨ ਅਤਿ ਹੋਇ ਅਧੀਨੀ ॥
 ਸ੍ਰੀ ਦਾਤੂ ਜਬ ਇਮ ਸੁਨ ਪਾਯੋ । ਗੁਰ ਅਰਜਨ ਪ੍ਰਭ ਈਹਾਂ ਆਯੋ ।
 ਇਹ ਵਿਚਾਰ ਮਨ ਮਾਂਹਿ ਠਹਿਰਾਈ । ਕਰਉ ਦਿਦਾਰ ਨ ਦੇਰ ਸੁਹਾਈ ।
 ਸ੍ਰੀ ਗੁਰ ਅੰਗਦ ਪੁਤ੍ਰ ਵਿਚਾਰੇ । ਦਾਤੂ ਨਾਮ ਇਹੈ ਨਿਰਧਾਰੇ ।
 ਆਵਤ ਦਾਤੂ ਜਬੇ ਨਿਹਾਰਯੋ । ਸ੍ਰੀ ਗੁਰੂ ਤਿਹ ਸਨਮੁਖ ਪਗ ਧਾਰਯੋ ।
 ਜਬੈ ਪੁਨਾਮ ਦਾਤੂ ਜੀ ਕਰੀ । ਤਾਂ ਕਾ ਕਰ ਗੁਰਿ ਨਿਜ ਸਿਰ ਧਰੀ ।
 ਕਰ ਸਿਉ ਕਰ ਗਹਿ ਤਹਾਂ ਲਿਆਏ । ਅਤਿ ਆਦਰ ਆਸਨ ਬੈਠਾਏ ॥ 80 ॥

ਦੋਹਰਾ

ਦਾਤੂ ਜੀ ਬੰਦਨ ਕਰੀ ਸ੍ਰੀ⁶ ਗੁਰੂ ਕਹਾ ਅਜੋਗੁ ।
 ਤੁਮ ਗੁਰ ਗੁਰ ਕੇ ਗੁਰ ਬਡੇ ਤਿਨ ਸੁਤ ਬੰਦਨ ਜੋਗੁ ॥ 81 ॥
 ਹਮ ਤੁਮ ਕੇ ਬੰਦਨ ਕਰਹਿ ਤੁਮਰੇ ਦਾਸਨਿ ਦਾਸ ।
 ਦਾਤੂ ਸੁਨ ਬੋਲਤਿ ਭਯੋ ਸੁਨੋ ਮੋਰ⁷ ਅਰਦਾਸ ॥ 82 ॥

ਚੌਪਈ

ਨਿਜ ਬ੍ਰਤੰਤ ਕਹਿ ਤੁਮਹਿ ਸੁਨਾਉ⁸ । ਤੁਮਤੇ ਅਪਨੀ ਭੂਲ ਛਿਮਾਉ ।
 ਸ੍ਰੀ ਗੁਰੂ ਅੰਗਦ ਸੁਧ ਨਰਹਰੈ । ਪਿਤਾ ਮਾਨ ਹਮ ਸੇਵ ਨ ਕਰੈ ।

¹ਅ ਪੋਥੀ ਗ੍ਰਿਹ ²ਅ ਪੋਥੀ ਆਨੰਦ ³ੲ ਪੋਥੀ ਵਿਚੋਂ ⁴ਅ ਪੋਥੀ ਪਿਖ ⁵ਅ ਤੇ ੲ ਪੋਥੀ ਸਾਗਰ ⁶ਅ ਪੋਥੀ ਤੁਮ ⁷ਅ ਪੋਥੀ ਸੁਨਹੁ ਮਮ

ਅਮਰਦਾਸ ਬਹੁ ਸੇਵ ਕਮਾਈ । ਜੋ ਸਭ¹ ਕਹਉ ਗ੍ਰੰਥ ਬਢ ਜਾਈ ।
 ਤਾਂਤੇ ਕਹਉ ਸੰਕੋਚ ਸੁਧਾਰੀ । ਸੁਨਹੁ ਪ੍ਰਭੂ ਦੀਨਨ ਦੁਖ ਟਾਰੀ ।
 ਅਮਰਦਾਸ ਅਸ ਸੇਵ ਕਮਾਈ । ਸ੍ਰੀ ਗੁਰ ਅੰਗਦ ਲਏ ਰਿਝਾਈ ।
 ਏਕ ਸਮੇਂ ਖਤ੍ਰੀ² ਇਕ ਆਯੋ । ਗੋਂਦਾ ਨਾਮ ਬਡੋ ਧਨ ਪਾਯੋ ।
 ਭੇਟ ਬਹੁਤ ਆਗੇ ਗੁਰ ਰਾਖੀ । ਸ੍ਰੀ ਗੁਰ ਅੰਗਦ ਪ੍ਰਛੀ ਸਾਖੀ ।
 ਕਿਹ ਕਾਰਨ ਤੁਮ ਈਹਾਂ ਆਏ । ਸਭ ਬ੍ਰਿਤੰਤ ਮੁਹਿ ਕਹੋ ਸੁਨਾਏ ॥ 83 ॥

ਦੋਹਰਾ

ਹਾਥ ਜੋਰ ਗੋਂਦੇ ਕਹਾ ਸੁਨਹੁ ਗਰੀਬ ਨਿਵਾਜ ।
 ਸਹਿਰ ਬਿਪਾਸਾ ਤਟ ਰਚੋਂ ਢਾਹਿ ਭੂਤ ਨਿਸ ਸਾਜ ॥ 84 ॥
 ਭੂਤ ਵਾਸ ਤਿਹ ਠਾਂ ਪ੍ਰਬਲ ਨਗਰ ਰਚਨ ਨਹਿ ਦੇਂਹੁ ।
 ਹਉ ਅਨਾਥ³ ਸਰਨੀ ਪਰਿਓ ਆਪ ਕ੍ਰਿਪਾ ਜਸ ਲੇਹੁ ॥ 85 ॥

ਚੌਪਈ

ਤਿੰਹ ਬਿਨਤੀ ਸੁਨ ਸ੍ਰੀ ਗੁਰ ਬੋਲੇ । ਧੀਰਜ ਦੈ ਸੁਭ ਬਚਨ ਅਮੋਲੇ ।
 ਹਮ ਦੁਹੁ ਭ੍ਰਾਤਨਿ ਕਉ ਤਬ ਕਹਾ । ਜਾਹੁ ਸਾਥ ਰਛਾ ਹਿਤ ਤਹਾਂ ।
 ਨਿਸਚਰ ਭੈ ਹਮ ਬਚਨ⁴ ਨ ਮਾਨਾ । ਤਬ ਤਹਿ ਭਾਖੇ ਕ੍ਰਿਪਾ ਨਿਧਾਨਾਂ ।
 ਅਮਰਦਾਸ ਪੁਰਖਾ ਤੁਮ ਜਾਵਉ । ਆਸਾ ਹਮਰਾ ਸੰਗ ਰਾਖਵਉ ।
 ਕਾਰ ਕਢੇ ਇਸ ਸਿਉ ਮਨ ਲਾਈ । ਗੋਂਦ ਨਾਮ ਪਰ ਨਗਰ ਬਸਾਈ ।
 ਅਮਰਦਾਸ ਗੁਰ ਕੇ ਬਚ ਮਾਨੇ । ਨਿਸਚਰ ਭੈ ਰਿਦ ਮਹਿ ਨਾਹੀ ਠਾਨੇ ।
 ਅਮਰਦਾਸ ਗੋਂਦੇ ਸੰਗ ਗਏ । ਕਉਤਕ ਕਰਤ ਤਹਾਂ ਸਭ ਭਏ ।
 ਸਤਿਨਾਮ ਪੜ ਜਲ ਤਿਹ ਡਾਰੀ । ਕਾਰ ਚੌਫੇਰ ਆਸੇ ਸੰਗ ਧਾਰੀ ॥ 86 ॥

ਦੋਹਰਾ

ਅਮਰਦਾਸ ਅਰਦਾਸ ਕਰ ਦੀਓ ਪ੍ਰਸਾਦਿ⁵ ਵਰਤਾਇ ।
 ਨਗਰ ਨੀਵ ਤਬ ਹੀ ਧਰੀ ਸ੍ਰੀ ਗੁਰਿ ਚਰਨ ਮੰਨਾਇ ॥ 87 ॥
 ਸ੍ਰੀ ਗੁਰ ਭੈ⁶ ਚਿਤ ਧਾਰ ਕੈ ਭੂਤ ਨ ਆਵਹਿ ਨੇਰ ।
 ਚਿੰਤਾ ਮਨ ਮਾਹਿ ਧਰਾਕਿ ਗਏ ਭਾਗ ਚੌਫੇਰ ॥ 88 ॥

ਚੌਪਈ

ਗੋਂਦਵਾਲ ਤਿੰਹ ਨਾਮ ਰਖਾਏ । ਪੁਨ ਆਏ ਸ੍ਰੀ ਗੁਰ ਪਹਿ ਧਾਏ ।
 ਸਭ [ਬ੍ਰਿਤੰਤ]⁷ ਨਿਜ ਗੁਰਹਿ ਸੁਨਾਯੋ । ਭਏ ਪ੍ਰਸੰਨ ਚਿਤ ਹਰਖਾਯੋ ।
 ਇਹ ਬਿਧ ਸੇਵਾ ਕਰੀ ਅਪਾਰਾ । ਕੋ ਕਰ ਸਕੇ ਤਾਂਹਿ ਬਿਸਥਾਰਾ ।
 ਸਵਾ ਪਹਿਰ ਨਿਸ ਜਬੈ ਰਹਾਵੈ । ਗੁਰ ਅੰਗਦ ਇਸਨਾਨ ਕਰਾਵੈ ।

¹ਅ ਪੋਥੀ ਯਦਿ ²ਅ ਤੇ ਏ ਪੋਥੀ ਸੇਵਕ ³ਅ ਪੋਥੀ ਮਮ ⁴ਅ ਪੋਥੀ ਹੁਕਮ ⁵ਏ ਪੋਥੀ ਕੜਾਹਿ ⁶ਅ ਪੋਥੀ ਸਤਿਗੁਰ ⁷ਅ ਪੋਥੀ ਵਿਚੋਂ

ਬਿਪਾਸਾ ਜਲ ਗੁਰ ਅਮਰੁ ਲਿਆਈ । ਦੋਇ ਜਾਮ ਨਿਸ ਰਹਿ ਤਬ ਜਾਈ ।
 ਦੋਇ ਕੋਸ ਪੀਛੇ ਪਦ ਜਾਇ । ਕਰ ਬੰਦਨ ਗੁਰ ਅਗ੍ਰ ਸਿਧਾਇ ।
 ਏਕ ਕੋਸ ਬਿਆਸਾ ਸਮੁਹਾਇ । ਮਨ ਗੁਰੁ ਚਰਨੋ ਮੈਂ¹ ਲਪਟਾਇ ।
 ਇਹ ਬਿਧ ਨਿਜ ਕ੍ਰਿਤ ਪ੍ਰਿਥਮੇ ਕਰੈ । ਗੁਰ ਚਾਦਰ ਦੰਤਨ ਮਲ ਹਰੈ ।
 ਤਾਹਿ ਸਕਾਇ ਬਸਤ੍ਰ ਮਹਿੰ ਧਾਰ । ਹਿਰਦੈ ਸਿਉ ਰਾਖੈ ਕਰ ਪਿਆਰ ।
 ਸਭ ਬਿਧ ਕਰ ਫਿਰ ਮਜਨ ਕਰੈ । ਬਿਪਾਸਾ ਜਲ ਗਾਗਰ ਸਿਰ ਧਰੈ ॥ 89 ॥

ਦੋਹਰਾ

ਗੁਰ ਮੰਤਰ ਜਪੁਜੀ ਪੜਤ ਆਵਤ ਪੰਥ ਮਝਾਰਿ ।
 ਏਕ ਕੋਸ ਪਰ ਆਇ ਕੈ ਪਾਵਤ ਭੋਗ ਸੁਧਾਰਿ ॥ 90 ॥
 ਧਰ ਗਾਗਰ ਤਿਹ ਠਾਂ ਤਬੈ ਸੁੰਦਰ ਭੂਮ ਦਿਖਾਇ ।
 ਸ੍ਰੀ ਗੁਰੁ ਕੋਉ ਪਰਿਨਾਮ ਤਬ ਮਨ ਚਿਤ ਕਰੈ ਬਨਾਇ ॥ 91 ॥

ਚੌਪਈ

ਅਮਰਦਾਸ ਪੁਨ ਸਿਰ ਧਰ ਗਾਗਰ । ਆਵਤ ਪੰਥ ਬਿਖੈ ਸੁਖ ਸਾਗਰ ।
 ਤਿਸੀ ਅਸਥਾਨ ਦਮਦਮਾ ਸੋਹੈ । ਜਗਤ ਕਾਮ ਪੂਰਨ ਮਨ ਮੋਹੈ ।
 ਇਹ ਬਿਧ ਅਮਰਦਾਸ ਜਲੁ ਲਿਆਵਹਿ । ਗੁਰ ਅੰਗਦ ਇਸਨਾਨ ਕਰਾਵਹਿ ।
 ਏਕ ਦਿਵਸ ਅਸ ਕੋਤਕ ਭਯੋ । ਸੋ ਮੋ ਪੈ² ਜਾਤ ਨ ਕਹਿਓ ।
 ਏਕ ਸਮੇਂ ਜਲ ਜਬੈ ਲਿਆਏ । ਆਂਧੀ ਚਲੀ ਬਹੁਤ ਭੈਦਾਏ ।
 ਪੰਥ ਸੂਝ ਨਹਿ ਰੈਨ ਅਧੋਰੀ । ਚਲਤ ਸਿਝਾਬ ਹੋਇ ਮਤਿ ਦੇਰੀ ।
 ਜੁਲਾਹੇ ਖਡੀ ਮੋਖ³ ਗਡਾਏ । ਤਹਾਂ ਗਿਰੇ ਮੁਖ ਗੁਰ ਉਚਰਾਏ ।
 ਗਾਗਰ ਜਲ ਸਿਰ ਗਿਰਨ ਨ ਦੀਨੀ । ਰਖੀ ਸਾਂਭ ਦੁਹ ਕਰ ਦ੍ਰਿੜ ਕੀਨੀ ॥ 92 ॥

ਦੋਹਰਾ

ਤਬੈ ਜੁਲਾਹੇ ਯਉ ਕਹੀ ਨਿਜ ਨਾਰੀ ਕੇ ਸਾਥ ।
 ਹਮਰੇ ਦਰ ਕੋਉ ਗਿਰਾ ਐਸੇ ਸਮੇਂ ਅਨਾਥ ॥ 93 ॥
 ਜੁਲਾਹੀ ਤਬ ਪਤਿ ਕੋ ਕਹਾ ਅਮਰੁ ਹੈ ਨਿਹਥਾਵ ।
 ਜਾਂ ਕੋਉ ਰੈਨ ਅਰਾਮ ਨਹਿ ਜਲ ਦੋਵਤ⁴ ਦੁਖ ਪਾਵ ॥ 94 ॥

ਸਵੈਯਾ

ਪਤਿ ਬਾਮ ਕਹੇ ਅਸ ਬੈਨ ਜਬੈ ਸੁਨਕੈ ਚਿਤ ਰੋਖ⁵ ਕਛੂ ਨਹਿ ਆਨੋ ।
 ਅਮਰਦਾਸ ਤਬੈ ਗੁਰ ਕੈ ਢਿਗ ਆਇ ਅਤਿ ਹੀ ਰੁਚ ਸਿਉ ਇਸਨਾਨ ਸੁ ਠਾਨੋ ।
 ਕਰਕੈ ਇਸਨਾਨ ਤਬੈ ਗੁਰ ਅੰਗਦ ਬੈਠਤ ਭੇ ਨਿਜ ਲਾਇ ਧਿਆਨੋ ।
 ਤਾਸ ਸਮੇਂ ਗੁਰ [ਮੂਰਤ]⁶ ਕੀ ਤਬ ਕਵਨ ਕਵੀ ਉਪਮਾਂ ਜੋ ਬਖਾਨੋ ॥ 95 ॥

¹ਅ ਤੇ ਏ ਪੋਥੀ ਚਰਨਨ ²ਅ ਪੋਥੀ ਹਮ ਤੇ ³ਅ ਤੇ ਏ ਪੋਥੀ ਅਡੇ ⁴ਅ ਪੋਥੀ ਲਿਆਵਤ ⁵ਅ ਤੇ ਏ ਪੋਥੀ ਰੋਸ ⁶ਅ ਪੋਥੀ ਵਿਚੋਂ

ਜਬ ਰੈਨ ਬਤੀਤ ਭਈ ਸਗਰੀ ਨਿਸਪਤਿ ਕੀ ਜੋਤਿ ਤਬੈ ਕੁਮਲਾਈ ॥
 ਦਿਨਪਤਿ ਅਯੋ ਅਪਨੇ ਬਲ ਮਹਿ ਤਬ ਛਾਡੇ ਹਹਿ ਬਾਨ ਮਨੋ ਕਿਰਨਾਈ ॥
 ਤਾਂਹਿ ਸਮੈ ਗੁਰ ਲਾਇ ਦਿਵਾਨ ਬੁਢੇ ਤੇ ਆਦਿ ਲੈ ਸਿਖ ਬੁਲਾਈ ।
 ਅਮਰਦਾਸ ਬੁਲਾਇ ਹਮਹਿ ਦੁਹੁੰ ਕ੍ਰਾਂਤਨਿ^੧ ਸ੍ਰੀ ਗੁਰੂ ਅੰਗਦ ਪਾਸ ਬਿਠਾਈ ॥ 96 ॥

ਦੋਹਰਾ

ਗੁਰੂ ਅੰਗਦ ਪੂਛਤ ਭਏ ਅਮਰਦਾਸ ਕੋ ਆਪ ।
 ਪੁਰਖਾ ਨਿਸਾ ਬ੍ਰਿਤੰਤ ਕਹੁ ਕੈਸੇ ਭਯੋ ਅਲਾਪ ॥ 97 ॥

ਕੁੰਡਲੀਆ

ਮਹਾਰਾਜ ਤੁਮ ਜਾਨਹੁ ਤੁਮ ਤੇ ਛਪੀ ਨ ਕੋਇ ।
 ਹਉ ਅਨਾਥ ਸਰਨੀ ਪਰਯੋ ਜੋ ਤੁਮ ਕਰੋ ਸੋ ਹੋਇ ।
 ਜੋ ਤੁਮ ਕਰੋ ਸੋ ਹੋਇ ਅਮਰ ਅਸ ਬੈਨ ਉਚਾਰੇ ।
 ਹਮਰੇ ਵਸ ਕਛੁ ਨਾਂਹਿ ਦਾਸ ਹਮ ਦੀਨ ਵਿਚਾਰੇ ।
 ਗੁਰ ਅੰਗਦ ਪਤਿ ਬਾਂਮ ਸੋਊ ਤਤਕਾਲ ਬੁਲਾਏ ॥
 ਜੋਲਾਹੇ ਭੈ ਖਾਇ ਪ੍ਰਭੂ ਕਿ ਨਿਕਟਿ ਸੁ ਆਏ ॥ 98 ॥

ਚੌਪਈ

ਗੁਰ ਅੰਗਦ ਅਸ ਬੈਨ ਉਚਾਰੇ । ਜੋਲਾਹੇ ਪ੍ਰਤਿ ਸੁਨਹੁ ਪਿਆਰੇ ।
 ਜੋ ਤੁਮ ਰੈਨ^੨ ਸਮੈ ਬਚ ਕਹੇ । ਸੋ ਭਾਖੋ ਕਛੁ ਭੈ ਨਹੀ ਲਹੇ ।
 ਜੁਲਾਹਾ ਗੁਰ ਪ੍ਰਤਾਪ ਕੋ ਦੇਖੇ । ਕਛੁ ਨਹੀ ਕਹੈ ਬਹੁਤ ਭੈ ਪੇਖੇ ॥
 ਸ੍ਰੀ ਗੁਰੂ ਕਹ ਚਿਤ^੩ ਭੈ ਨਹਿ ਧਾਰੇ । ਸਤਿ ਬਾਤ ਮੁਹਿ ਅਗੂ ਉਚਾਰੇ ।
 ਜੁਲਾਹੀ ਕਹਾ ਸੁ ਦੀਨ ਦਇਆਲਾ । ਪ੍ਰਿਥਮ ਭੂਲ ਛਿਮ ਮੋਹ ਕ੍ਰਿਪਾਲਾ ।
 ਮਹਾਰਾਜ ਮੋਹਿੰ ਐਸ ਅਲਾਈ ॥ ਨਿਥਾਵਾਂ ਅਮਰੂ ਰੈਨਿ ਫਿਰਾਈ ।
 ਗੁਰ ਅੰਗਦ^੪ ਸੁਨ ਗਦ ਗਦ ਭਏ । ਅਮਰਦਾਸ ਅੰਗ ਸਿਉ ਲਾ ਲਏ ।
 ਸ੍ਰੀ ਮੁਖ ਸਿਉ ਅਸ ਬਚਨ ਬਖਾਨਾਂ । ਅਮਰਦਾਸ ਜੀ ਮਾਨ ਨਿਮਾਨਾ ॥ 99 ॥

ਦੋਹਰਾ

ਨਿਥਾਵਿਆਂ ਕੀ^੫ ਥਾਂਵ ਤੂੰ ਨਿਓਟਿਆਂ ਕੀ ਤੁਮ ਓਟਿ ।
 ਜੋ ਨਰ ਤੁਮ ਦਰਸਨ ਕਰੈ ਮਿਟੈ ਪਾਪ ਤਿਹ ਕੋਟਿ ॥ 100 ॥
 ਜੋਲਾਹਨਿ ਪ੍ਰਤਿ ਸ੍ਰੀ ਗੁਰੂ ਕਹਾ ਇਹ ਗ੍ਰਿਹਿ^੬ ਤੁਮ ਛਡ ਦੇਹੁ ।
 ਗੁਰੂ ਅਸਥਾਨ ਅਬ ਇਹੁ ਭਇਓ ਔਰ ਧਾਮ ਰਚ ਲੇਹੁ ॥ 101 ॥

ਸੋਰਠਾ

ਦੀਨੋ ਦਰਬ ਅਪਾਰ ਜੋਲਾਹਨਿ ਕੋ ਗੁਰੂ ਤਬੈ ।
 ਸ੍ਰੀ ਗੁਰ ਉਪਮਾ ਉਚਾਰ ਅਤਿ ਹੀ ਸੁੰਦਰ ਗ੍ਰਿਹ ਰਚੇ ॥ 102 ॥

^੧ਅ ਪੋਥੀ ਭਾਈਅਨ ^੨ਅ ਪੋਥੀ ਨਿਸ ^੩ਅ ਪੋਥੀ ਰਿਦ ^੪ਅ ਪੋਥੀ ਸਤਿਗੁਰ ^੫ਅ ਪੋਥੀ ਕੇ ^੬ਅ ਪੋਥੀ ਗ੍ਰਾਮ

ਸਵੇਯਾ

ਗੁਰ ਅੰਗਦ ਐਸ ਉਚਾਰ ਕਈ ਇਹੁ ਮੇਖ ਕਰੀਰ ਅਬੈ ਸੁਭ ਜੋਈ ।
 ਨਰ ਨਾਰ ਜੋਉ ਇਹੁ ਦਰਸ ਕਰੈ ਫਲ ਚਾਰ ਲਹੈ ਦੁਖ ਸੰਕਟ ਖੋਈ ।
 ਪੁਨ ਐਸੇ ਨਿਦੇਸ¹ ਕਰੀ ਮੁਖ ਸਿਉ ਮਹਿ ਧਾਮ ਰਚੇ ਇਹੁ ਨਾ ਸੁਖ ਹੋਈ ।
 ਮਮ ਧਾਮ ਕੇ ਅਗੂਜ ਮੇਖ ਕਰੀਰ ਸੁ ਦਰਸਨ ਤੇ ਅਘ ਓਘਨਿ ਖੋਈ ॥ 103 ॥

ਚੌਪਈ

ਪ੍ਰਿਥਮੇਂ ਇਸਕਾ ਦਰਸਨ ਪਾਵੈ । ਬਹੁਰੇ ਹਮਰਾ ਦਰਸ ਕਰਾਵੈ ।
 ਸੋ ਨਰ² ਜਾਵੈ ਪੁਰੀ ਹਮਾਰੀ । ਯਾ ਮਹਿ ਸੰਸਾ ਨਹਿ ਨਿਹਾਰੀ ।
 ਐਸ ਬਚਨ ਸ੍ਰੀ³ ਮੁਖਹੁ ਅਲਾਏ । ਪੁਨ ਹਮ ਦੁਹੰਅਨ⁴ ਬਚ ਫੁਰਮਾਏ ।
 ਦੇਖਿ ਭ੍ਰਾਤ ਤੁਮ ਲਾਗਉ ਚਰਨੀ । ਅਮਰਦਾਸ ਕੀ ਪਰੇ ਸੁ ਸਰਨੀ ॥
 ਕ੍ਰੋਧਤ ਹੂੰ ਹਮ ਬਚਨ ਉਚਾਰੇ । ਅਮਰਦਾਸ ਕਬ ਬੰਦਨ ਧਾਰੇ ।
 ਤੁਮਰੇ ਆਗੇ ਮਾਥ ਝੁਕਾਵਹਿ । ਇਸ ਆਗੇ ਨਹੀ ਸੀਸ ਨਿਵਾਵਹਿ ।
 ਤੀਨ ਬੇਰ ਸ੍ਰੀ ਗੁਰ ਬਚ ਕਏ । ਹਮ ਨਹੀ ਮਾਨੈ ਕ੍ਰੋਧਤ ਭਏ ।
 ਸੀ ਗੁਰੁ⁵ ਕਹਾ ਤੁਮ ਸੀਸ ਨ ਨਿਆਵੈ । ਤੁਮ ਹੋ ਜੋਗ ਨ ਅਸ ਫਲ ਪਾਵੈ ॥ 104 ॥

ਦੋਹਰਾ

ਸ੍ਰੀ ਗੁਰੁ ਅੰਗਦ ਅਸ ਕਹਾ ਅਬ ਨਯਾਵਤ ਹਉ ਸੀਸ ।
 ਏਹ ਅਜਰ ਤੁਮ ਨਹਿ ਜਰੋ, ਇਹੁ ਜਰ ਹੈ ਬਖਸੀਸ ॥ 105 ॥
 ਅਸ ਕਹਿ ਮੰਗਾਇ ਨਲੇਰ ਤਬ ਪੈਸੇ ਪਾਂਚ ਧਰਾਇ ॥
 ਅਮਰਦਾਸ ਕੇ ਅਗੂ ਧਰ ਬੰਦਨ ਕੀਨ ਬਨਾਇ ॥ 106 ॥

ਚੌਪਈ

ਅਮਰਦਾਸ ਗੁਰ ਮੁਖਹੁ ਉਚਰਕੈ । ਅਪਨੀ [ਜੋਤ]⁶ ਤਾਂਹਿ ਮੁਹਿ ਧਰਕੈ ।
 ਕੁਸਾ ਡਾਰ ਨਿਜ ਰੂਪ ਸਮਾਏ । ਗੁਰ ਨਾਨਕ⁷ ਕੇ ਪਾਸ ਸਿਧਾਏ ।
 ਹਮ ਨਿਜ ਮਨ ਮਹਿ ਬਿਸਮੈਂ ਪਾਯੋ । ਭਈ ਭੂਲ ਲਖ ਸਮਾਂ ਬਿਤਾਯੋ ।
 ਮ੍ਰਿਤਕ ਕ੍ਰਿਆ ਹਮ ਸਭੈ ਸਵਾਰੀ । ਕੀਰਤਨ ਭਯੋ ਅਖੰਡ ਅਪਾਰੀ ।
 ਤਾਹ ਸਮੇ ਜੁ ਕੁਲਾਹਲ ਭਯੋ । ਰਸਨਾ ਏਕ ਜਾਤ ਨਹੀ ਕਹਿਯੋ ।
 ਤਬੈ ਸੁੰਦਰ ਬਿਬਾਨ ਬਨਾਯੋ । ਦੇਖ ਪੁਰੰਦਰ ਜਾਨ ਲੁਭਾਯੋ ।
 ਸ੍ਰੀ ਗੁਰ ਦੇਹ ਦਾਹ ਇਹਾਂ ਕੀਨੋ । ਇਹ ਕਰੀਰ ਜੋ ਗੁਰ ਕਹਿ ਦੀਨੋ ।
 ਗੁਰ ਅਰਜਨ ਤਿਹ ਬੰਦਨ ਕਰੀ । ਧੰਨ ਗੁਰੁ ਇਹੁ ਮੁਖਹੁ ਉਚਰੀ ॥ 107 ॥

ਦੋਹਰਾ

ਦਾਤੂ ਕੀ ਉਪਮਾਂ ਕਰੀ ਸ੍ਰੀ ਗੁਰ ਅਰਜਨ ਨਾਥ ।
 ਸ੍ਰੀ ਗਰ ਗਾਥ ਸੁਨਾਇਕੈ ਹਮ ਕੋ ਕੀਓ ਸਨਾਥ ॥ 108 ॥

¹ਅ ਤੇ ਏ ਪੋਥੀ ਅਦੇਸ ²ਏ ਪੋਥੀ ਜਨ ³ਅ ਪੋਥੀ ਗੁਰ ⁴ਅ ਤੇ ਏ ਪੋਥੀ ਭ੍ਰਾਤਨ ⁵ਅ ਪੋਥੀ ਸਤਿਗੁਰ
⁶ਅ ਪੋਥੀ ਵਿਚੋਂ ⁷ਅ ਤੇ ਏ ਪੋਥੀ ਆਦਿ ਗੁਰੂ

ਕਛੁ ਸੰਛੇਪ ਆਗੇ ਕਹਉ ਦਾਤੂ ਕਹਿ ਸੁਨ ਦਿਆਲ ।
ਰੈਨ ਦਿਵਸ ਕੀਰਤਨ ਭਯੋ ਐਰ ਨ ਕੋਉ ਖਿਆਲ ॥ 109 ॥

ਚੌਪਈ

ਸੰਮਤ ਸੋਲਾਂ ਸੌ ਗ੍ਰਹਿ ਜਾਨੋ । ਮਧ ਮਾਸ ਥਿਤ ਚੌਥ ਪ੍ਰਮਾਨੋ¹ ।
ਸ੍ਰੀ ਗੁਰ ਅੰਗਦ ਇਹਾਂ ਸਮਾਏ । ਜਾਹਿ ਉਪਮਾ ਬ੍ਰਹਮਾਦਿਕ ਗਾਏ ।
ਅਹਿਨਿਸ ਕੀਰਤਨ ਕਰੈ ਅਪਾਰੀ । ਗੰਧਰਬ ਜਛ ਸਭੈ ਤਨ ਧਾਰੀ ।
ਇਹ ਬਿਧ ਤੇਰਹ ਬਰਸ ਬਿਤਾਏ । ਸਭ ਸਿਖਨ ਮਿਲ ਬਚਨ ਅਲਾਏ ।
ਤਬ ਬੁਢੇ ਇਹ ਭਾਂਤ² ਬਿਚਾਰਾ । ਅਮਰਦਾਸ ਗੁਰ ਗੁਰੂ ਉਚਾਰਾ ॥
ਐਸ ਬਿਚਾਰ ਤਿਲਕ ਤਿਹ ਲੀਨੋ । ਅਮਰਦਾਸ ਗੁਰ ਮਸਤਕ ਦੀਨੋ ।
ਭਵ ਨਭ ਜੈ ਜੈ ਬਾਜ ਸੁ ਬਾਜੇ । ਅਮਰਦਾਸ ਗੁਰ ਤਖਤ ਬਿਰਾਜੇ ।
ਇਹ ਦਿਖ ਦੇਵ ਦੇਵਪਤਿ ਆਯੋ । ਡਾਰੇ ਫੂਲ ਜੈ ਮੁਖਹੁ ਅਲਾਯੋ ॥ 110 ॥

ਦੋਹਰਾ

ਐਸ ਕੁਲਾਹਲ ਦੇਖਕੈ ਮਮ³ ਮਨ ਭਯੋ ਕ੍ਰੋਧ ।
ਮਾਯਾ ਮਤਿ ਮੁਹਿ ਹਿਰ ਲਈ ਕਛੁ ਨ ਰਹਿਓ ਚਿਤ ਬੋਧ ॥ 111 ॥
ਨਿਜ ਬਲ ਸਿਉ ਮੋਹਿ ਪਗ ਲਈ ਤਾਂ ਸਿਉਂ ਈਰਖ ਧਾਰ ।
ਹਮਰੇ ਮਨ ਈਰਖ ਬਧੀ ਕੋ ਕਰਿ ਸਕੈ ਨਿਵਾਰ ॥ 112 ॥

ਸਵੈਯਾ

ਪ੍ਰਤਾਪ ਭਯੋ ਤਬਹੀ ਗੁਰਕਾ [ਅਮਰਦਾਸ]⁴ ਗੁਰੁ ਜਗ ਮਹਿ ਪ੍ਰਗਟਾਏ ।
ਸੰਗਤਿ ਆਵਤ ਵਾਰਿ ਨ ਪਾਵਤਿ ਚਾਰ ਪਦਾਰਥ ਲੈ ਘਰ ਜਾਏ ।
ਹਮਰੀ ਤਬ ਸੇਵ ਨ ਕੋਉ ਕਰੈ ਇਹ ਤੇ ਹਮ ਈਰਖ ਚਿਤ ਵਸਾਏ ।
ਅਮਰਦਾਸ ਗੁਰੂ ਮਮ ਈਸਖ ਦੇਖ ਬਿਚਾਰ ਕੀਓ ਇਹ ਠੌਰ⁵ ਤਜਾਏ ॥ 113 ॥

ਸੋਰਠਾ

ਅਮਰਦਾਸ ਗੁਰੁ ਆਪ ਗੋਇੰਦਵਾਲ⁶ ਜਾਵਤ ਭਏ ।
ਸਤਿਨਾਮ ਕਰਿ ਜਾਪ ਜੋਤਿ ਪ੍ਰਗਾਸ ਤਹਿ ਠਾਂ ਕਰੀ ॥ 114 ॥

ਦੋਹਰਾ

ਬਾਵਲੀ ਸੁੰਦਰ ਤਹਿ ਰਚੀ ਜਾਂਕੀ ਸੋਭ ਅਪਾਰ ।
ਕਥਾ ਬ੍ਰਿਧਿ ਤੇ ਹਉ ਡਰੋਂ ਕਰਹੁ ਨ ਤਿਹੋ ਬਿਸਥਾਰ ॥ 115 ॥

ਕੁੰਡਲੀਆ

ਤਿਹ ਅਵਸਰ ਪਾਵਤਿ ਭਏ ਅਮਰਦਾਸ ਗੁਰੁ ਸੋਭ ।
ਸੁਨ ਸੁਨ ਮਨ ਮੋਰੋ ਤਪੈ ਬਢੈ ਚਿਤ ਮੈ ਖੋਭ⁷ ।

¹ਚੇਤ ਸੁਦੀ ਚੌਥ ਸੰਮਤ 1609. ²ਅ ਪੌਥੀ ਬਿਧਿ ³ਅ ਤੇ ਦ ਪੌਥੀ ਹਮਰੇ ⁴ਅ ਪੌਥੀ ਵਿਚੋਂ ⁵ਅ
ਪੌਥੀ ਗ੍ਰਾਮ ⁶ਦ ਪੌਥੀ ਗੋਵਿੰਦਵਾਲ ⁷ਅ ਪੌਥੀ ਕਸ਼ਭ

ਬਚੈ ਚਿਤ ਮੈਂ ਖੋਭ ਸੰਭ ਤਿਹ ਨਿਤ ਬਧਾਵੈ ।
 ਦੇਸ ਦੇਸ ਸਿਖ ਆਇ ਪੂਜ ਅਨਗਨਤ ਚਢਾਵੈ ॥
 ਦੂਖ ਭੂਖ ਤਿਨ ਕੈ ਹਰੈ ਗੁਰੁ ਅਮਰਦਾਸ ਕਿਰਪਾਲ ।
 ਮਮ ਈਰਖ ਚਿਤ ਮਹਿ ਬਧੇ ਰਹਹੁ ਤਪਤ ਸਦ ਕਾਲ ॥ 116 ॥

ਛਪੈ

ਪ੍ਰਗਟਿ ਭਯੋ [ਪ੍ਰਤਾਪ]¹ ਅਮਰ ਗੁਰ ਸਭ ਫਲਦਾਇਕ ।
 ਸੰਗਤ ਆਇ ਅਪਾਰ ਮਾਂਗ ਬਰ ਜੋ ਜਿਹ ਲਾਇਕ ।
 ਕਿਤਕ ਕਾਲ ਚਲੇ ਗਯੋ ਪੁਨਹ ਪਖੀ ਮਮ ਜੋਈ ।
 ਹਮ ਕੋ ਕਹਿਓ ਸੁ ਆਇ ਤੁਮਹਿ ਗੁਰ ਕੇ ਸੁਤ ਹੋਈ ।
 ਜੋ ਖਤ੍ਰੀ ਕਿਹ ਠਾਂਵ ਕੇ ਆਇ ਈਹਾਂ ਗੁਰ ਹੈ ਬਨਿਓ ।
 ਜੀਵਤ ਤੁਮ ਮ੍ਰਿਤ ਹੀ ਭਏ ਐਸੇ ਕਹ ਤਿਨ ਸਿਰ ਧੁਨਿਓ ॥ 117 ॥

ਦੋਹਰਾ

ਬਚਨ ਤਿਨਹੁ ਕੇ ਬਾਨ ਸਮ ਲਗੇ ਹਿੰਦੋ² ਮੁਹਿ ਆਇ ।
 ਕ੍ਰੋਧ ਪੂਰ ਤਹਿ ਕੋ ਗਯੋ ਹਨੋ ਤਾਂਹਿ ਕੋ ਜਾਇ ॥ 118 ॥
 ਜਦਪਿ ਸੀਲ ਵਿਚਾਰ ਮੈਂ ਧਰ ਧੀਰਜ ਕਰ ਜਾਪ ।
 ਤਦਪਿ ਸੰਗ ਕੁਸੰਗ ਕੇ ਹੁਇ [ਪਾਪੀ]³ ਨਿਹਪਾਪ ॥ 119 ॥

ਚੌਪਈ

ਤੈਸੇ ਈਰਖ ਤ੍ਰਿਨਨ ਸਮਾਨਾ । ਮਮ ਮਨ ਆਗੇ ਕ੍ਰਿਪਾ ਨਿਧਾਨਾ ।
 ਘ੍ਰਿਤ ਸਮ ਤਿਨ ਕੇ ਬੈਨ ਸੁਨਾਈ ! ਕ੍ਰੋਧ ਅਗਨਿ ਤਾਯੋ ਰਿਦ ਤਾਈ ।
 ਚਲਤ ਪੰਥ⁴ ਮਨ ਐਸ ਵਿਚਾਰੋ । ਅਮਰਦਾਸ ਕੋ ਜਾਇ ਸੰਘਾਰੋ ।
 ਤਿਹ ਠਾਂ ਜਾਇ ਦੇਖ ਛਬ ਕੈਸੀ । ਮਨਹੁ [ਲੋਕਿੰਦ੍ਰ]⁵ ਇੰਦ੍ਰ ਨਹਿ ਤੈਸੀ ।
 ਲਗਿਯੋ ਦੀਵਾਨ ਗੁਰੂ ਸਮੁਹਾਈ । ਦੇਵ ਸਭਾ ਜਨ ਬਰਨ ਨ ਜਾਈ ॥
 ਰਬਾਬੀ ਕੀਰਤਨ ਕਰਹਿ ਸੁਧਾਰੀ । ਮਨਹੁ ਗੰਧੂਬ ਕਿੰਨਰ ਤਨ ਧਾਰੀ ।
 ਮਧ ਦੀਵਾਨ ਸੋਹਿ ਗੁਰ ਕੈਸੇ । ਬ੍ਰਹਮ ਸਭਾ ਮਹਿ ਬ੍ਰਹਮਾ ਜੈਸੇ ।
 ਐਸੀ ਸੋਭਾ ਮੁਹਿ ਨਹਿ ਭਾਈ । ਤਬ ਮੋਹਿ ਗੁਰ ਕਉ ਲਾਤ ਚਲਾਈ ॥ 120 ॥

ਦੋਹਰਾ

ਲਾਤ ਪ੍ਰਹਾਰ ਜਬਹੀ ਕੀਓ ਵਖਯਸਥਲ ਰਿਸ ਠਾਨ ।
 ਸਿੰਘਾਸਨ ਤੇ ਭੂਇ ਪਰੇ⁶ ਅਰਮਦਾਸ ਸੁਖ ਖਾਨ ॥ 121 ॥
 ਉਠ ਸੰਭਾਰ ਮਮ ਚਰਨ ਗਹਿ ਕਰ ਕਮਲਨ ਕੇ ਮਾਂਹਿ ।
 ਲਾਲਨਿ ਕਰ ਬੋਲਤਿ ਭਏ ਐਸੇ ਬਚਨ ਕਹ ਤਾਂਹਿ ॥ 122 ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਵਿਚੋਂ ³ਅ ਪੋਥੀ ਵਿਚੋਂ ⁴ਏ ਪੋਥੀ ਵਿਚੋਂ ⁵ਅ ਪੋਥੀ ਵਿਚੋਂ ⁶ਅ ਪੋਥੀ ਵਿਚੋਂ

ਸਵੈਯਾ

ਬਜ੍ਜੁ ਸਮਾਨ ਭਈ ਮਮ ਦੇਹਿ ਸੁ ਢੀਠ ਗਵਾਰ ਨਿਸੰਗ ਸਮਾਨਾਂ ।
 ਕੋਮਲ ਹੈ ਚਰਨੰਬੁਜ ਤੋਰ ਲਗੀ ਤੁਮ ਚੋਟ ਛਿਮੋ ਸੁਖ ਖਾਨਾ ।
 ਗੁਰੂ ਕੇ ਸੁਤ ਤੋਂਹਿ ਸੁ ਆਵਤ ਦੇਖ ਰਹਿਓ ਮੋਹਿ ਬੈਠ ਧਰੇ ਮਦ ਮਾਨਾ ।
 ਆਗੇ ਜੋ ਤੋਰ ਉਠਯੋ ਨ ਕ੍ਰਿਪਾ ਨਿਧਿ ਨੀਤ ਕਰੀ ਇਹ ਤਾੜਨ ਠਾਨਾਂ ; 123 ।
 ਜੋ ਕਿਛੁ ਸੇਵ ਕਹੋ ਸੁ ਕਰਉਂ ਮਮ ਭੂਲ ਛਿਮੋ ਨਿਜ ਦਾਸ ਪਛਾਨਉ ।
 ਦਾਸਨ ਦਾਸ ਪਛਾਨ ਕ੍ਰਿਪਾਨਿਧ ਰੋਖ ਕਛੂ ਚਿਤ ਮਾਝਾ ਨ ਆਨਉ ।
 ਤਬਹੀ ਮਮ ਏਹੁ ਬਖਾਨ ਕੀਓ ਭਲੀ ਬਾਤ ਇਹੈ ਇਹੁ ਸੇਵ ਕਮਾਨਉ ।
 ਇਸ ਠੋਰ ਕੋ ਛਾਡ ਪਿਆਨ ਕਰੋ ਇਹੁ^੧ ਡਿੰਡ ਤੁਮਾਰ ਸੁ ਨਾਂਹਿ ਸੁਖਾਨਉ ॥ 124 ॥

ਸੋਰਠਾ

ਮਮ ਪਿਤ ਕੀ ਕਰ ਸੇਵ ਛਲ ਸਿਉਂ ਗੁਰਿਆਈ ਲਈ ।
 ਗੁਰ ਥੇ ਸੁਧ ਅਭੇਵ ਤੋਹਿ ਕਪਟਿ ਜਾਨਯੋ ਨਹੀਂ ॥ 125 ॥

ਚੋਪਈ

ਮੋਹਿ ਬਚਨ ਸੁਨ ਚਿਤ ਮਹਿ ਰਾਖੇ । ਨਿੰਮੂ ਬੈਠ ਤਬ ਮੁਖ ਸਿਉ ਭਾਖੇ ।
 ਹਮ ਤੋਉ ਤੁਮਰੋ ਦਾਸ ਦਇਆਲਾ । ਜੋ ਕੁਛ ਕਹੋ ਸੁ ਕਰਉ ਕ੍ਰਿਪਾਲਾ ।
 ਪੁਨ ਦਿਨ ਲੋਪ ਨਿਸਾ ਜਬ ਆਈ । ਪ੍ਰਗਟਿ ਸਵਾਰੀ ਨਿਜ ਬਲ ਪਾਈ ।
 ਨਿਜ ਨਿਜ ਧਾਮ^੨ ਸਭੈ ਚਲ ਗਏ । ਨਿਜ ਆਸਨ ਸ੍ਰੀ ਗੁਰੁ ਸੁਖ ਲਏ ।
 ਪੁਨ ਨਿਜ ਮਨ ਮਹਿ ਕੀਨ ਵਿਚਾਰਾ । ਈਹਾਂ ਕਲਹਿ ਨਹਿ ਰਹਿਨ ਹਮਾਰਾ ।
 ਛੋਰ ਠੋਰ ਇਹੁ ਕਹਾਂ ਸਿਧਯੋ । ਜੀਵ ਜੰਤ ਜਹਿ ਕੋਊ ਨ ਪਯੋ ।
 ਅਸ ਵਿਚਾਰ ਨਿਸ ਅਰਧ ਨਿਹਾਰੀ । ਏਕਲ ਚਲਤ ਭਏ ਸੁਖ ਕਾਰੀ ।
 ਕਛੂ ਦਰਬ ਨਿਜ ਸੰਗ ਨ ਲੀਨਉ । ਬਿਨ ਪਦ ਤ੍ਰਾਨ ਪਿਆਨਾਂ ਕੀਨਉ ॥ 126 ॥

ਦੋਹਰਾ

ਪਸਚਮ ਦਿਸ ਪਿਆਨਾਂ ਕੀਓ ਛਿਨ ਮਹਿ ਪਹੁੰਚੇ ਜਾਇ ।
 ਬਾਸਰ ਕੀ ਨਗਰੀ ਉਰੇ ਸੁੰਦਰ ਭੂਮਿ ਲਖਾਇ ॥ 127 ॥
 ਧੇਨਪਾਲ ਕੋਠਾ ਤਹਾਂ ਸ੍ਰੀ ਗੁਰ ਤਾਕੋ ਚੀਨ ।
 ਤਿਹ ਦਰ ਪਰ ਐਸਾ ਲਿਖਯੋ ਸੁਨੋ ਪ੍ਰਭੂ [ਪਰਬੀਨ]^੪ ॥ 128 ॥

ਚੋਪਈ

ਇਹ ਦਰ ਜੋ ਨਰ ਆਇ ਉਪਾਰੈ । ਨਾਂਹਿ ਗੁਰੂ ਨਹਿ ਸਿਖ ਹਮਾਰੈ ।
 ਲੋਕ ਪੁਲੋਕ ਦੋਊ ਤਿਹ ਜਾਂਈ ॥ ਹਮ ਤਿਸਕੇ ਨਹਿ ਹੋਹਿ ਸਹਾਈ ॥
 ਲਿਖ ਅਸ ਦਰ ਪਰ ਚਿਣਿਓ ਸੋਈ । ਤਾਹਿ ਛਪੇ ਜਾਨੈ ਨਹ ਕੋਈ ॥
 ਪਦਮਾਸਨ ਕਰ ਲਾਇ ਸਮਾਧ । ਗੁਰੂ ਨਾਨਕ ਪਦ ਚਿਤਿ ਅਰਾਧ ।

^੧ਅ ਤੇ ਏ ਪੋਥੀ ਮਾਹਿ ^੨ਅ ਪੋਥੀ ਪਾਖੰਡ ਤੁਮਾਰ ਨਾਂਹਿ ਹਮਰਿ ਸੁਖਾਨੋ ^੩ਅ ਪੋਥੀ ਗ੍ਰਿਹ ਏ ਪੋਥੀ ਸੰਦਨ

^੪ਅ ਪੋਥੀ ਵਿਚੋ

ਚੜ੍ਹਦਿ ਦਿਵਸ ਜਸ ਰੈਣ¹ ਬਿਹਾਈ ॥ ਗੁਰ ਕਹਿ ਗਏ ਸਭੈ ਸੁਨ ਭਾਈ ।
 ਮੋਹਿ ਮਨ ਮਹਿ ਤਬ ਆਨੰਦ ਪਾਯੋ । ਦਰਬ ਸਭੈ ਅਪਨੋ ਲਖ ਪਾਯੋ ।
 ਬਸਤ੍ਰ ਗਹਿਨੇ ਅੰਗ ਬਨਾਈ । ਗੁਰੂ ਸਿੰਘਾਸਨ ਬੈਠੋ ਜਾਈ ।
 ਮੋਕਉ ਕੋਊ ਨ ਸੀਸ ਨਿਵਾਵੈ । ਸਭ ਹੀ ਸਿਖ ਦਿਖ ਪਾਸ ਸਿਧਾਵੈ ॥ 129 ॥

ਦੋਹਰਾ

ਗੁਣ ਬਿਨ ਪੂਜ ਨ ਹੋਵਈ ਨਹਿ ਵਿਦਿਆ ਬਿਨ ਮਾਨ ।
 ਘੰਟ ਸਹਿਤ ਸੁੰਦਰ ਸੁਰਭ² ਦੂਧ ਬਿਨਾਂ ਕਿਹ ਕਾਮ ॥ 130 ॥
 ਪਗਤਿ ਸਿੰਘ ਇਕ ਚਿਤ ਸੁਨੋ ਦਾਤੁ ਤਬ ਦੁਖ ਪਾਇ ।
 ਅਸ ਵਿਚਾਰ ਮਨ ਮਹਿ ਕੀਯੋ ਪੂਜਾ ਕੋਊ ਨ ਲਯਾਇ ॥ 131 ॥

ਚੌਪਈ

ਪੂਜ ਚੜਤ ਕਾਹੂ ਨਹਿ ਦੀਨੀ । ਕਿਸੀ ਸਿਖ ਨਹਿ ਬੰਦਨ ਕੀਨੀ ।
 ਤਬ ਮੋਹਿ ਮਨ ਮਹਿ ਕੀਨ³ ਬਿਚਾਰਾ । ਇਹ ਗੁਰਿਆਈ ਖੇਦ ਪਸਾਰਾ ।
 ਕਛੂ ਨ ਇਸ ਮਹਿ ਨਿਜ ਗ੍ਰਿਹ ਜਯੇ । ਜਾਇ ਆਪਨੇ ਧਾਮ ਬਹਯੇ ।
 ਅਸ ਵਿਚਾਰ ਕਰ ਧਨ ਇਕਠਾਏ । ਬੇਸਰ⁴ ਲਾਦ ਖਡੂਰ ਸਿਧਾਏ ॥
 ਘੋਰੀ ਬਿਨ ਸਭ ਹੀ ਧਨ ਲੀਨਉ । ਓਰ ਖਡੂਰ ਪਿਆਨਾ ਕੀਨਉ ।
 ਆਵਤ ਪੰਥ ਰੈਨ ਪਰ ਗਈ । ਅਏ ਚੋਰ ਤੁਮਣ ਰਿਸ ਕਈ ।
 ਸਭ ਧਨ ਲੀਨ ਬਸਤ੍ਰ ਮੁਹਿ ਛੀਨੇ । ਨਿਜ ਮਾਰਗ ਤਿਹ ਪਯਾਨਾ ਕੀਨੇ ॥ 132 ॥

ਦੋਹਰਾ

ਤਬ ਹਉ ਅਤਿ ਦੁਖ ਪਾਇਕੈ ਆਯੋ ਅਪਨਿ ਅਗਾਰ ॥
 ਚਿੰਤਾਤੁਰ ਅਤਿ ਹੀ ਭਯੋ⁵ ਬੂਡੋ ਸ਼ੋਕ ਮਝਾਰ ॥ 133 ॥
 ਮਮ ਬ੍ਰਿਤੰਤ ਐਸੇ ਭਯੋ ਤਿਹ ਠਾਂ ਕੀ ਸੁਨ ਬਾਤ ।
 ਸੰਗਤ ਸਭ ਬਯਾਕੁਲ ਭਈ ਬਿਨ ਗੁਰ ਮਨ ਉਤਪਾਤ ॥ 134 ॥

ਅਤਿਲ

ਸਿਖ ਸੰਗਤ ਇਕ ਠਾਂ ਦੀਵਾਨ ਲਗਾਇਯੋ ।
 ਨਿਜ ਨਿਜ ਬੁਧ ਅਨੁਸਾਰ ਸੁ ਭਾਖ ਸੁਨਾਇਓ ।
 ਸ੍ਰੀ ਗੁਰ ਕਿਹ ਠਾਂ ਗਏ ਸਮਝ ਨਹਿ ਕਛੂ ਪਰੈ ।
 ਹੋ [ਭਏ]⁶ ਦੁਖਤ ਬਿਨ ਗੁਰੂ ਕਿਸੂ ਕਲ ਨਹਿ ਪਰੈ ॥ 135 ॥

ਸਵੇਯਾ

ਕੋਊ ਕਹੈ ਗੁਰ ਅੰਤਰ ਧਿਆਨ ਸੁ ਕੋਊ ਕਹੈ ਨਿਜ ਲੋਕ⁷ ਸਿਧਾਯੇ ।
 ਜੋਊ ਕਹੈ ਕਹਿ ਪਿਆਨ ਕੀਓ ਗੁਰ ਦਾਤੁ ਕੇ ਬੈਨ ਸੁਨੇ ਦੁਖ ਪਾਏ ॥

¹ਅ ਪੌਥੀ ਨਿਯਾ ²ਅ ਪੌਥੀ ਕਮਲਾ ³ੲ ਪੌਥੀ ਐਸ ⁴ੲ ਪੌਥੀ ਖੱਚਰ ⁵ਅ ਪੌਥੀ ਡੁਬਯੋ ⁶ੲ ਪੌਥੀ ਵਿਚੋ
⁷ਅ ਪੌਥੀ ਸਚਖੰਡ

ਕੋਊ ਕਹੈ ਹਮ ਖਾਇ ਮਰਹਿ ਕੋਊ ਘਾਇ ਪਰਹਿ ਮੁਖ ਮਾਂਹਿ ਸੁਨਾਏ ।
 ਸਿਖ ਸੰਗਤ ਐਸ ਕਲੇਸ਼ ਕਰਹਿ ਗੁਪੀਯਾਂ ਜਿਸ ਕਾਨ੍ਹ ਬਿਨਾ ਚਿਤ ਤਾਏ ॥ 136 ॥
 ਸਭਹੀ ਮਿਲ ਏਹ ਵਿਚਾਰ ਕੀਓ ਰਮਦਾਸ ਚਲੇ ਬੁਢਾ ਜੀ ਸੁਖਦਾਈ ।
 ਚਲ ਆਗੇ ਸੁ ਤਾਹ ਪੁਕਾਰ ਕਰਹਿ ਦੁਖ ਸੋਊ ਹਰੈ ਨਿਸਚੈ ਸਮਝਾਈ ।
 ਮਿਲਕੈ ਸਭਹੀ ਤਿਤ ਕਉ ਸੁ ਚਲੇ ਤਬ ਜਾਇ ਤਹਾਂ ਮੁਖ ਉਪਮਾ ਗਾਈ ।
 ਗੁਰ ਨਾਨਕ ਅੰਗਦ ਰੂਪ ਬਿਰਾਜਤ ਉਪਮਾ ਤੁਮਰੀ ਨਿਤ ਬੇਦ ਅਲਾਈ ॥ 137 ॥
 ਭੋਟ ਪ੍ਰਸਾਦਿ ਧਰਯੋ ਤਿਹ ਅਗੂਜ¹ ਅੰਚਰ ਡਾਰ ਖਰੇ ਸਮੁਹਾਏ ।
 ਸੰਤ ਅਉਤਾਰ ਭਏ ਜਗ ਮਹਿ ਪਰ ਪੀਰ ਨਿਵਾਰਨਿ ਕੇ ਹਿਤ ਆਏ ।
 ਗੁਰ ਤੀਨ ਕੀ ਸੇਵ ਕਰੀ ਤੁਮਨੇ ਕਛੁ ਭੇਦ ਨਹੀਂ ਹਮ ਲਾਗਤ ਪਾਏ ।
 ਤ੍ਰਾਹਿ ਸੁ ਤ੍ਰਾਹਿ ਕਰੋ ਪ੍ਰਭਜੂ [ਘਿਘਿਆਇ]² ਪਰੇ ਤੁਮਰੀ ਸਰਨਾਏ ॥ 138 ॥

ਦੋਹਰਾ

ਬੁਢੇ³ ਕੇ ਚਰਨਨਿ ਪਰੀ ਸੰਗਤ ਐਸ ਅਲਾਇ ।
 ਬੁਢਾ ਜੀ ਪੂਛਤ ਭਏ ਕਾਰਨ ਕਹੋ ਸੁਨਾਇ⁴ ॥ 139 ॥
 ਸਭ ਬ੍ਰਿਤੰਤ ਸੰਗਤ ਕਹਿਓ ਗੁਰ ਬਿਨ ਭਏ ਅਧੀਨ ।
 ਕਿਧੋ ਤਿਲਕ ਕਿਹ ਦੀਜੀਐ ਕਿਧੋ ਦਰਸ ਗੁਰ ਦੀਨ ॥ 140 ॥

ਰਸਾਵਲ ਛੰਦ

ਸੁਨੇ ਬੈਨ ਐਸੇ । ਕਹੇ ਤਾਹਿ ਜੈਸੇ ।
 ਬੁਢੇ ਮੋਨ ਧਾਰੀ । ਘਟੇ ਏਕ ਸਾਰੀ ॥ 141 ॥
 ਗੁਰੂ ਦੇਖ ਲੀਨੋ । ਜਬੈ ਧਿਆਨ ਕੀਨੋ ।
 ਪੁਨੰ ਕੀ ਵਿਚਾਰੰ । ਕਹੋਂ ਜੇ ਪੁਕਾਰੰ ॥ 142 ॥
 ਕਰਾਮਾਤ ਹੋਈ । ਦੁਖੈ ਦੇਹਿ ਲੋਈ ॥
 ਐਸੀ ਭਾਂਤ ਕੀਜੈ । ਨਹੀਂ ਜਾਨ ਲੀਜੈ ॥ 143 ॥
 ਮੁਖੈ ਐਸ ਗਾਈ । ਸਭੁ ਕੋ ਸੁਨਾਈ ।
 ਸੁਨੋ ਮੋਰ ਪਿਆਰੇ । ਗੁਰੂ ਕਾਜ ਸਾਰੇ ॥ 144 ॥
 ਨਹੀਂ ਚਿੰਤ ਕੀਜੈ । ਗੁਰੂ ਨਾਮ ਲੀਜੈ ।⁵
 ਚਲੋ ਗੋਇੰਦਵਾਲੰ । ਹਮਹਿ ਸੰਗ ਚਾਲੰ ॥ 145 ॥
 ਚਲੇ ਸੰਗ ਐਸੇ । ਮੁਖੰ ਚਾਰ ਜੈਸ ।
 ਦੇਵੈ ਸੰਗਿ ਬਿੰਦੰ । ਚਲੇ ਖੀਰ ਸਿੰਧੰ ॥ 146 ॥

ਦੋਹਰਾ

ਇਹ ਬਿਧ ਸਿਉ ਬੁਢਾ ਚਲਯੋ ਸੰਗਤਿ ਕੇ ਉਠ ਸਾਥ ।
 ਗੋਇੰਦਵਾਲ ਪ੍ਰਾਪਤ ਭਏ ਕਛੁ ਇਕ ਧੀਰਜ ਸਾਥ ॥ 147 ॥

¹ਅ ਪੋਥੀ ਆਗੇ ਏ ਪੋਥੀ ਸਨਮੁਖ ²ਅ ਪੋਥੀ ਵਿਚੋਂ ³ਏ ਪੋਥੀ ਬਾਥੇ ⁴ਅ ਪੋਥੀ ਮੋਹਿ ਬਤਾਇ ⁵ਅ ਪੋਥੀ ਗੁਰੂ ਗੁਰ ਜਪੀਜੈ

ਗੁਰੂ ਚੁਬਾਰੇ ਜਾਇ ਕੈ ਬੁਢੇ ਬਿਨਤ ਉਚਾਰ ।
ਹੇ ਸਤਿਗੁਰ ਸੰਕਟ ਹਰੇ ਦੇਵਉ ਨਿਜ ਦੀਦਾਰ ॥ 148 ॥

ਚੌਪਈ

ਤਬ ਬੁਢੇ ਮਨ ਐਸੇ ਚੀਨੇ । ਗੁਰੂ ਦਰਬ ਸਭ ਦਾਤੂ ਲੀਨੇ ॥
ਘੋਰੀ ਰਹੀ ਗੁਰੂ ਕੀ ਪਿਆਰੀ । ਚੜਨ ਨ ਦੇਇ ਕਿਸੁ ਗੁਰ ਧਾਰੀ ।
ਇਹ ਕਾਰਨ ਦਾਤੂ ਛਡ ਗਯੋ । ਗੁਰੂ ਬਿਨ ਘੋਰੀ ਚੜਨ ਨ ਦਯੋ ।
ਸਭ ਸਿਉ ਬੁਢੇ ਐਸ ਉਚਾਰਾ । ਇਸ ਘੋਰੀ ਕੋ¹ ਕਰੋ ਸਿੰਗਾਰਾ ।
ਜੀਨ ਲਗਾਮ ਪਾਇ ਛਡ ਦੇਵੋ । ਜਿਹ ਇਹ ਜਾਇ ਪਾਛੇ ਲਗ ਲੇਵੋ ।
ਜੀਨ ਪਾਇ ਘੋਰੀ ਛਡ ਦਈ । ਸੰਗਤ ਮਨ ਧੀਰਜ ਕਛੁ ਭਈ ।
[ਸੁਛਤ]² ਚਲੇ ਜਨ ਅਸੂਨੀ ਆਗੇ । ਬੁਢੇ ਜੂਤ ਸਭ ਪਾਛੇ ਲਾਗੇ ।
ਚਲਤ ਚਲਤ ਘੋਰੀ ਤਹਿ ਖਰੀ । ਕਛੁਕ ਉਰੁ ਬਾਸਰ ਕੋ ਪੁਰੀ ॥ 149 ॥

ਦੋਹਰਾ

ਸ੍ਰੀ ਗੁਰੂ ਕੋਉ ਕੋਠਾ ਜਹਾ ਦਿਖ ਘੋਰੀ ਹਰਖਾਇ ।
ਤੀਨ ਪਰਕ੍ਰਮਾ ਕਰ ਪ੍ਰਿਥਮ ਪੁਨ ਘੋਰੀ ਹਿਨਨਾਇ ॥ 150 ॥
ਪੁਨ ਬੰਦਨ ਦਰ ਪਰ ਕਰੀ ਘੋਰੀ ਅਤਿ ਹੋਇ ਦੀਨ ।
ਇਹੈ ਭਾਵ ਕਵਿ ਕੇ ਬਸਿਓ ਸੁਨਹੁ ਸੰਤ ਪਰਬੀਨ ॥ 151 ॥

ਸਵੈਯਾ

ਦੂਢਤ ਹੈ ਲਛਮੀ ਪਤਿ ਕੋ ਕਿਧੋ ਖੋਜਤ ਵਿਦਿਆ ਬ੍ਰਹਮੇ ਕੋ ਆਈ ।
ਕਿਧੋ ਸਾਰਸ੍ਵਤੀ ਗਨਪਤਿ ਨਿਹਾਰਤ ਹੈ, ਅਸੂਨੀ ਪਤਿ ਖੋਜਨ ਆਈ ।
ਜੀਵ ਸੁ³ ਬ੍ਰਹਮ ਮਿਲਾਪ ਕੇ ਹੇਤ ਕਿਧੋ ਸੁਤਿ ਹੈ ਮੁਖਚਾਰ ਪਠਾਈ ।
ਮੋਹ ਜਰੇ ਪਟ ਹਹਿ ਨਰ ਕੇ ਉਰ ਤੈਸੇ ਜਰੇ ਪਟ ਦੇਹਿ ਦਿਖਾਈ ॥ 152 ॥

ਦੋਹਰਾ

ਤਬ ਘੋਰੀ ਠਾਢੀ ਭਈ ਸਭ ਕੋ ਦੀਏ ਦਿਖਾਇ ।
ਮੋ ਪਤਿ ਗਰ ਸੋਭਤ ਇਹਾ ਇਸ ਮਹਿ ਦੇਖੋ ਜਾਇ ॥ 153 ॥
ਸੰਗਤ ਸਭ ਹਰਖਤ ਭਈ ਦੇਖ ਗੁਰੂ ਕੀ ਸਾਰ ।
ਬੁਢੇ ਤਬ [ਅਛਰ]⁴ ਪੜੇ ਜੋ ਦਰ ਲਿਖੇ ਮੁਰਾਰਿ ॥ 154 ॥

ਚੌਪਈ

ਬੁਢੇ ਸਭ ਕਉ ਕਹਾ ਸੁਨਾਈ । ਅਖਰ ਲਿਖੇ ਗੁਰੂ ਸੁਨ ਭਾਈ ।
ਜੋਉ ਆਇ ਇਹੁ ਦਰ ਕਉ ਪਾਰੈ । ਨਾ ਹਮ ਗੁਰ ਨਹਿ ਸਿਖ ਹਮਾਰੈ ।

¹ਅ ਪੋਥੀ ਬ ²ਅ ਪੋਥੀ ਵਿਚੋਂ ³ੲ ਪੋਥੀ ਘਰੁ ⁴ਅ ਪੋਥੀ ਵਿਚੋਂ

ਹਲਤ ਪਲਤ ਤਿੰਹ ਨਹੀ ਸਹਾਈ । ਜੋ ਸਿਖ ਹਮਰਾ ਬਚਨ ਹਟਾਈ ।
 ਸੰਗਤ ਭਈ ਬਿਸਮ ਸੁਨ ਬਾਤਾ । ਗੁਰ ਬਿਨ ਭਯੋ ਬਡੋ ਉਤਪਾਤਾ ।
 ਸਭ ਸੰਗਤ ਗਰਿ ਅੰਚਰ ਡਾਰੀ । ਬੁਢੇ ਕੀ ਮੁਖ ਉਪਮ ਉਚਾਰੀ¹ ।
 ਤੁਮਹਿ ਕ੍ਰਿਪਾ ਕਰ [ਕੋਤਕ]² ਕਏ । ਕੀਨੋ ਜਤਨ ਗੁਰੂ ਲਭ ਲਏ ।
 ਤੁਮਹੀ ਅਬ ਕੋ ਜਤਨ ਕਰੀਜੈ । ਜਿਹ ਬਿਧਿ ਹਮ ਗੁਰ ਦਰਸਨ ਦੀਜੈ ।
 ਬੁਢੇ ਮਨ ਵਿਚਾਰ ਤਬ ਕਯੋ । ਗੁਰ ਬਚ ਦਰ ਖੋਲਨ ਨਹੀ ਧਯੋ ॥ 155 ॥

ਦੋਹਰਾ

ਇਹ ਦਰ ਛੋਡ ਐਸੇ ਕਰਉ ਪਾਛੇ ਸੰਨ ਲਗਾਇ ।
 ਸ੍ਰੀ ਗੁਰ ਕੇ ਚਰਨਨਿ ਪਰਉ ਅਪਨੀ ਭੂਲ ਛਿਮਾਇ ॥ 156 ॥
 ਚਰਨ ਬੰਦ ਮਨ ਗੁਰੂ ਕੇ ਬੁਢੇ ਤਬ ਅਸ ਕੀਨ ।
 ਸੰਨ ਲਾਇ ਪੂਰਬ ਦਿਸਾ ਸ੍ਰੀ ਗੁਰ³ ਦਰਸਨ ਲੀਨ ॥ 157 ॥

ਸੋਰਠਾ

ਪਰ ਧੀਰਜ ਉਰ ਮਾਂਹਿ ਤਬ ਪਰਵੇਸ ਭੀਤਰ ਕੀਓ ।
 ਦੇਖੇ ਸ੍ਰੀ ਗੁਰ ਤਾਂਹਿ ਧਿਆਨ ਦ੍ਰਿਸਟ [ਮਹਿਮਾ]⁴ ਅਵਧ ॥ 158 ॥

ਸਵੇਯਾ

ਦੇਖ ਸਮਾਧ ਭਈ ਗੁਰ ਕੀ ਤਬ ਐਸ ਵਿਚਾਰ ਮਨਹਿ ਠਹਿਰਾਯੋ ।
 ਨਾਰਦ ਸਾਰਦ ਪਤਿ ਨਹੀਂ ਘਟ ਜੋਨ⁵ ਨਹੀਂ ਇਹ ਭਾਂਤ ਧਿਆਯੋ ।
 ਕਪਲ ਚਵਨ ਰਿਖੀ ਕੰਨ ਜੀ ਤਪ ਹੀ ਪੁਨ ਐ ਰਿਖ ਸੰਭ ਨਹੀ ਅਸ ਭਾਯੋ ।
 ਐਰ ਨਹੀ ਉਪਮਾ ਉਪਜੈ ਪਿਖ ਐਸ ਸਮਾਧ ਇਹੀ ਮੁਖ ਗਾਯੋ ॥ 159 ॥
 ਭਗਤ ਸਿੰਘ ਬੁਢੇ ਅਤਿ ਨਿੰਮ੍ਰਿਤਿ ਹੂੰ ਗੁਰ ਕੇ ਪਦ ਨੀਰਜ⁶ ਬੰਦਨ ਧਾਰੀ ।
 ਸਮਾਧ ਵਿਰਾਮ ਭਈ ਗੁਰ ਕੀ ਗੁਰ ਐਸ ਕਹਿਓ ਆਯੋ ਕਿਉਂ ਬਚ ਟਾਰੀ ।
 ਬਢੇ ਕਹਿਓ ਬਚ ਰਾਖ ਪ੍ਰਭੂ ਹਮ ਸੰਨ ਲਗਾਇ ਅਏ ਕਰ ਬਾਰੀ ।
 ਵਿਆਕੁਲ ਸੰਗਤ ਸਿਖ ਭਏ ਤੁਮ ਆਨ ਛਪੇ ਜਗ ਮੋਂ ਤਮ ਡਾਰੀ ॥ 160 ॥

ਚੌਪਈ

ਬੁਢੇ ਕੀ ਉਪਮਾਂ ਗੁਰੂ ਕੀਨੀ । ਪਰਉਪਕਾਰ ਬਡੋ ਤੁਮ ਲੀਨੀ ।
 ਈਰਖ ਅਗਨਿ ਮਾਂਹਿ ਜਗ ਭਾਰੀ । ਧੀਰਜ ਗਿਆਨ ਸਭੈ ਹਨਿ ਡਾਰੀ ।
 ਤ੍ਰਿਸਨਾ ਐ ਆਸਾ ਦੁਖਦਾਈ । ਪੂਰਨ ਰਾਜ ਤ੍ਰਿਲੋਕੀ ਪਾਈ ।
 ਕਾਮਾਦਿਕ ਜਗ ਸੁਰ ਅਪਾਰਾ । ਬ੍ਰਹਮਾਦਿਕ ਜੀਤਾ ਜਗ ਸਾਰਾ ।
 ਸਮਾਂ ਘੋਰ ਕਲਜੁਗ ਕਾ ਆਯੋ । ਮਾਨ ਤਿਸੀ ਡਰ ਆਨ ਛਿਪਾਯੋ ।
 ਤਬ ਬੁਢੇ ਅਸ ਬਚਨ ਉਚਾਰੇ । ਸਭ ਕੋਤਕ ਤੁਮਰੇ ਬਿਸਥਾਰੇ ।

¹ਅ ਪੋਥੀ ਮਹਿਮਾ ਗਾਈ ²ਦ ਪੋਥੀ ਵਿਚੋਂ ³ਅ ਪੋਥੀ ਸਤਿਗੁਰੂ ⁴ਦ ਪੋਥੀ ਵਿਚੋਂ ⁵ਦ ਪੋਥੀ ਕੋਨ ⁶ਅ ਪੋਥੀ ਪੰਕਜ

ਤੁਮ ਪਰਮੇਸਰ ਜਬ ਉਪਜਾਵੋ । ਤੁਮ ਅਖੇਦ ਖੇਦ ਨਹਿ ਪਾਵੋ ।
ਅਪਨੀ ਲੀਲਾ ਆਪ ਨਿਹਾਰੋ । ਦੇਖ ਸ੍ਰਿਸ਼ਟਿ ਨਿਜ ਆਨੰਦ ਧਾਰੋ ॥ 161 ॥

ਦੋਹਰਾ

ਸੰਗਤ ਸਭ ਤੁਮਰੀ ਪ੍ਰਭੂ ਤਿਨ ਕੋ ਦਰਸ ਦਿਖਾਇ ।
ਸਭ ਆਸਾ ਪੂਰਨ ਕਰੋ ਜੋ ਜਿਹ ਕੈ ਮਨ ਭਾਇ ॥ 162 ॥
ਸ੍ਰੀ ਮੁਖ ਤਬ ਐਸੇ ਕਹਾ ਖੋਲ ਅਬੈ ਦਰ ਦੇਹੁ ।
ਸੰਗਤ ਕੋ ਆਗਿਆ ਕਰੋ ਈਹਾਂ¹ ਦਰਸ ਸਭ ਲੇਹੁ ॥ 163 ॥

ਚੌਪਈ

ਬੁਢੇ ਮਨ ਮਹਿ ਆਨੰਦ ਪਾਯੋ । ਸ੍ਰੀ ਧਰ ਉਠੇ ਗੁਰੂ ਗੁਨ ਗਾਯੋ ।
ਖੋਲਿਓ ਦਰ ਗੁਰੁ ਆਗਿਆ ਪਾਏ । ਸੰਗਤਿ ਤਬ ਭਾਈ ਦ੍ਰਿਸ਼ਟਾਏ ।
ਸੰਗਤਿ ਸੁਨ ਬੁਢੇ ਕੀ ਆਗਿਆ । ਆਵਤ ਭਈ ਪ੍ਰੇਮ ਰਸ ਪਾਗਿਆ ।
ਹੁਮ ਹੁਮਾਇ ਸਭ ਆਈ ਤਹਾਂ । ਅਮਰਦਾਸ ਗੁਰ ਬੈਠੇ ਜਹਾਂ ।
ਚੜੀ ਭੇਟ ਅਨਗਿਨਤ ਅਪਾਰਾ । ਲਗੇ ਅੰਬਾਰ ਨ ਪਾਇ ਸਮਾਰਾ ॥
ਸੰਗਤ ਕੋ ਗੁਰ ਕਹਾ ਸੁਨਾਈ । ਹੋਇ ਕ੍ਰਿਪਾਲ ਗੁਰੂ ਸੁਖਦਾਈ ।
ਇਹ ਉਪਕਾਰ ਬੁਢੇ ਜੀ ਕੀਨਾ । ਖੇਦ ਬਡੋ ਨਿਜ ਤਨ ਪਰ ਲੀਨਾ ।
ਜੋਇ ਸੰਨ ਕਾ ਦਰਸਨ ਦੇਖੇ । ਜਮਦੁਆਰ ਸੋ ਬਹੁਰ ਨ ਪੇਖੇ ॥ 164 ॥

ਦੋਹਰਾ

ਤਬ ਸੰਨ ਕਾ ਦਰਸਨ ਕੀਓ ਸੰਗਤ ਮਨ ਹਰਖਾਇ ।
ਬੁਢੇ ਤਬ ਬਿਨਤੀ ਕਰੀ ਸ੍ਰੀ ਗੁਰੂ ਪਗ ਲਪਟਾਇ ॥ 165 ॥
ਗੋਇੰਦਵਾਲ ਪ੍ਰਭ ਜੂ ਚਲਉ ਹੂੰ ਘੋੜੀ ਅਸਵਾਰ ।
ਬਚਨ ਮਾਨ ਸ੍ਰੀ ਗੁਰ² ਉਠੇ ਬਾਹਰ ਦੀਓ ਦੀਦਾਰ ॥ 166 ॥

ਚੌਪਈ

ਤਬੈ ਅਸ੍ਰੁਨੀ ਗੁਰ ਪਗ ਲਾਗੀ । [ਸਨਮੁਖ]³ ਖੜੀ ਤਬੈ ਬਡਭਾਗੀ ।
ਹਾਥ ਫੇਰ ਸ੍ਰੀ ਗੁਰ ਸੁਖ ਪਾਯੋ । ਗੁਰ ਨਾਨਕ ਉਰ ਮਾਂਹਿ ਧਿਆਯੋ ।
ਭਏ ਸਵਾਰ ਸੁ ਦੀਨ ਦਿਆਲਾ । ਸੰਗਤ ਹਰਖ ਗਯੋ ਦੁਖ ਕਾਲਾ ।
ਚਲਤ ਚਾਲ ਘੋਰੀ ਛਬ ਪਾਵੈ । ਤਾਂਕੀ ਉਪਮਾਂ ਕਹੀ ਨ ਜਾਵੈ ।
ਭੇਟ ਦਰਬ⁴ ਬਹੁ ਭਈ ਇਕਠਾਏ । ਸ੍ਰੀ ਗੁਰ ਪਾਛੈ ਲਾਦ ਚਲਾਏ ।
ਭਾਈ ਗੁਰਦਾਸ ਲਗਾਮ ਕਰ ਧਾਰੀ । ਸਾਥ ਹੀ ਚਲੇ ਸੁ ਚਰਨ ਨਿਹਾਰੀ ।
ਸਿਖ ਸੰਗਤ ਪਾਸ ਆਵਤ ਐਸੇ । ਆਨੰਦ ਸਿੰਧ ਉਛਰ ਜਨ ਜੈਸੇ ।
ਇਹ ਬਿਧਿ ਦੀਨਾਨਾਥ ਸੁਆਮੀ । ਗੋਂਦਵਾਲ⁵ ਪਹੁੰਚੇ ਸੁਖਧਾਮੀ ॥ 167 ॥

¹ਅ ਪੋਥੀ ਯਾਂਹਿ ²ਅ ਤੇ ਏ ਪੋਥੀ ਸਤਿਗੁਰੂ ³ਅ ਪੋਥੀ ਵਿਚੋਂ ⁴ਅ ਪੋਥੀ ਮਾਯਾ ⁵ਅ ਪੋਥੀ ਗੋਇੰਦਵਾਲ

ਦੋਹਰਾ

ਸਭ ਕੀ ਬਿਨਤ ਨਿਹਾਰਕੇ ਸ੍ਰੀ ਗੁਰ ਅਤਿ ਸੁਖ ਪਾਇ ।
ਗੁਰਯਾਈ ਤਖਤ ਬੈਠਤ ਭਏ ਸ੍ਰੀ ਗੁਰੂ ਪਾਦ ਮਨਾਇ ॥ 168 ॥
ਨਭ ਭੂਅ ਮਹਿ ਜੈ ਜੈ ਭਯੋ ਸ੍ਰੀ ਗੁਰ ਤਖਤ ਬਿਰਾਜ ।
ਬਾਜੇ ਤਬ ਮੰਗਲ ਬਜੇ ਗਈ ਚਿੰਤ ਸਭ ਭਾਜ ॥ 169 ॥

ਚੌਪਾਈ

ਮਨ ਇਛਤ ਬਰ ਗੁਰੂ ਤੇ ਪਾਏ । ਬਿਦਾ ਭਈ¹ ਸੰਗਤ ਗੁਨ ਗਾਏ ।
ਬੁਢਾ ਜੀ ਗੁਰੂ ਆਗਿਆ ਪਾਏ । ਰਾਮਦਾਸ ਓਰ ਪਯਾਨ ਸਿਧਾਏ ।
ਜਦਪਿ ਲਾਤ ਰੋਗ ਦੁਖ ਦਾਈ । ਤਦਪਿ ਗਯੋ ਨ ਹਉ ਸਰਨਾਈ ।
ਬਹੁਤ ਕਾਲ ਜਬ ਇਮ ਬਿਤ ਗਯੋ । ਲਾਤ ਰੋਗ ਮੋਹਿ ਕਉ ਦੁਖ ਦਯੋ ।
ਅਮਰਦਾਸ ਸ੍ਰੀ ਗੁਰ ਬਡਭਾਗੇ । ਜੋਤੀ ਜੋਤ ਸਮਾਵਨ ਲਾਗੇ ।
ਹੁਇ ਨਿਲਜ ਹਉ ਤਿੰਹ ਠਾਂ ਗਯੋ । ਬਿਨਤੀ ਕਰਤ ਤਹਾਂ ਅਸ ਭਯੋ ।
ਮਹਾਰਾਜ ਮਮ² ਛਿਮਾ ਕਰੀਜੈ । ਲਾਤ ਰੋਗ ਕੋ ਦੂਰ ਕਰੀਜੈ ॥
ਅਮਰਦਾਸ ਸ੍ਰੀ ਮੁਖਹੁ ਉਚਾਰੇ । ਰਾਮਦਾਸ ਸੁਤ ਚਿੰਤਾ ਡਾਰੇ ॥ 170 ॥

ਦੋਹਰਾ

ਅਮਰਦਾਸ ਗੁਰੂ ਕੇ ਬਚਨ ਨਿਸ ਦਿਨ ਰਹਉ ਚਿਤਾਰ ।
ਮੋਰ³ ਕ੍ਰਿਤਾਰਥ ਕਰਨ ਹਿਤ ਤੁਮ ਪ੍ਰਭ ਦੀਓ ਦੀਦਾਰ ॥ 171 ॥
ਗੁਰ ਨਾਨਕ ਅੰਗਦ ਤੁਹੀ ਅਮਰਦਾਸ ਰਾਮਦਾਸ ।
ਤਾਂਤੇ ਹਉ ਚਰਨੀ ਲਗਉ ਪੂਰਹਿ ਮੋਰੀ ਆਸ ॥ 172 ॥

ਚੌਪਾਈ

ਸ੍ਰੀ ਗੁਰੁ ਅਰਜਨ ਕਹਾ ਸੁਨਾਈ । ਕਰੋ ਜੋਇ ਤੁਮਰੇ ਮਨ ਭਾਈ ।
ਦਾਤੂ ਤਬ ਗੁਰ ਪਗ ਲਪਟਾਯੋ⁴ । ਸ੍ਰੀ ਗੁਰ ਕਰ ਤਿਹ ਲਾਤ ਫਿਰਾਯੋ ।
ਲਾਤ ਰੋਗ ਤਿੰਹ ਛਨ ਭਯੋ ਨਾਸਾ । ਦਾਤੂ ਕੇ ਮਨ ਭਯੋ ਹੁਲਾਸਾ ।
ਪੂਰਨ ਭਯੋ ਦਾਤੂ ਸੰਬਾਦਾ । ਜੋਉ ਪੜੈ ਦੁਖ ਮਿਟੈ ਬਿਬਾਦਾ⁵ ।
ਤਬ ਲੋ ਲੋਪੁਰ⁶ ਸੰਗਤ ਆਈ । ਕਹੁ ਸੰਬਾਦਤ ਕਥਾ ਵਧਾਈ ।
ਤਾਂਤੇ ਰੈਨ ਕਥਾ ਨਹਿ ਭਾਖੀ । ਚੜ੍ਹਯੋ ਦਿਵਸ ਸੁਨੀਏ ਗੁਰ ਸਾਖੀ ।
ਗੁਰ ਅਰਜਨ ਜੀ ਅਤਿ ਸੁਖ ਪਾਏ । ਦਾਸੂ ਕੇ ਦਰਸਨ ਕੋ ਆਏ ।
ਕੋਠੇ ਮਹਿ ਤਿਸ ਲਗੀ ਸਮਾਧ । ਏਕ ਅਖੰਡ ਤਿੰਹ ਬ੍ਰਿਤ ਅਗਾਧ ॥ 173 ॥

ਦੋਹਰਾ

ਗੁਰ ਅਰਜਨ ਚਰਨੀ ਪਏ ਦਾਸੂ ਕੇ ਸੁਖ ਪਾਇ ।
ਦੁਤੀਆ ਰੂਪ ਧਰ ਤਾਂਹਿ ਸਿਉ ਦੀਓ ਦਰਸ ਹਰਖਾਇ ॥ 174 ॥

¹ਗ੍ਰਿਹ ਕ ਮਈ ²ਅ ਤੇ ਏ ਪੋਥੀ ਮੋਹਿ ³ਅ ਪੋਥੀ ਮੋਰਿ ⁴ਅ ਤੇ ਏ ਪੋਥੀ ਦਾਤੂ ਪਦ ਪੰਕਜ ਲਿਪਟਾਯੋ
⁵ਅ ਪੋਥੀ ਬਿਬਾਧਾ ⁶ਅ ਪੋਥੀ ਤਬ ਲਾਹੋਤ ਤੇ

ਸਮਾਧ ਵਿਰਾਮ ਦਾਸੂ ਭਯੋ ਸ੍ਰੀ ਗੁਰ ਦਰਸਨ ਦੇਖ ।
ਜੋ ਸਰੂਪ ਰਿਦ ਦੇਖਿਓ¹ ਸੋ ਇਹ ਰੂਪ ਅਲੇਖ ॥ 175 ॥

ਚੌਪਾਈ

ਦਾਸੂ ਤਬ ਗੁਰ ਚਰਨੀ ਪਰਿਯੋ । ਗੁਰ ਅਰਜਨ ਕਰ ਕਰ ਤਿੰਹ ਫਰਿਯੋ ।
ਤੁਮ ਗੁਰ ਗੁਰ ਕੇ ਪੁਤ੍ਰ ਅਪਾਰਾ । ਜੋਗੁ ਨਹੀਂ ਤੁਮ ਬੰਦਨ ਧਾਰਾ ।
ਦਾਸੂ ਤਬ ਅਸ ਬਿਨਤ ਉਚਾਰੀ । ਤੁਮ ਹੋ ਗੁਰੁ ਨਾਨਕ ਅਵਤਾਰੀ ।
ਅੰਗਦ ਅਮਰ ਤੁਹੀ ਰਾਮਦਾਸ । ਗੁਰ ਅਰਜਨ ਅਬ ਭਯੋ ਪ੍ਰਕਾਸ ॥
ਸਮਾਧ ਮਾਂਹਿ ਜੋ ਰੂਪ ਨਿਹਾਰਿਯੋ । ਸੋਉ ਰੂਪ ਤੁਮਹਿ ਦ੍ਰਿਸਟਾਰਿਯੋ ।
ਐਸੇ ਕਹਿ ਗੁਰ ਕੇ ਪਗ ਲਾਗਾ । ਮਨ ਕਲੇਸ ਤਤ ਛਿੰਨ ਸਭ ਭਾਗਾ ।
ਪੁਨ ਦਾਸੂ ਅਸ ਬਿਨਤ² ਉਚਾਰੀ । ਸਮਾਧ ਬਹੁਤ ਮਮ ਕੀਨ ਮੁਰਾਰੀ ।
ਮੇਰੀ ਇਹ ਪ੍ਰਭ ਪੂਰਹਿ ਆਸਾ । ਜਾਵਉਂ ਅਬ ਗੁਰ ਨਾਨਕ ਪਾਸਾ ॥ 176 ॥

ਦੋਹਰਾ

ਗੁਰ ਅਰਜਨ ਜੀ ਤਬ ਕਹਾ ਕੁਛ ਦਿਨ ਰਹਿ ਹਹਿ ਪ੍ਰਾਨ ।
ਬਹੁਰ ਜੋਰ ਗੁਰ ਜੋਤਿ ਮਹਿ ਮਿਲੈ ਨਾ ਮਨ ਸੰਸਾ ਮਾਨ ॥ 177 ॥
ਐਸੇ ਬਚ ਕਹਿ ਸਤਿਗੁਰੂ ਤਾਂਤੈ ਵਿਦਿਆ ਪਾਇ ।
ਕਰੀਰ ਜਾਇ ਬੰਦਨ ਕਰੀ ਪੁੰਨ ਦਰਬਾਰ ਸੁ ਜਾਇ ॥ 178 ॥

ਚੌਪਾਈ

ਗੁਰੁ ਅਰਜਨ ਜੀ ਬਿਨਤ³ ਉਚਾਰੀ । ਹੈ ਪ੍ਰਭ ਗੁਰੁ ਅੰਗਦ ਸੁਖਕਾਰੀ ।
ਦਾਸ ਜਾਨ ਪ੍ਰਭ ਕਿਰਪਾ ਧਰੋ । ਅਪਨੇ ਕਾਜ ਆਪ ਪ੍ਰਭ ਕਰੋ ।
ਅਸ ਕਹਿ ਚਰਨ ਬੰਦਨਾਂ ਕੀਨੀ । ਕਰ ਪਰਿਕ੍ਰਮਾਂ ਹੋਇ ਅਧੀਨੀ ।
ਕਰ ਪ੍ਰਣਾਮ ਚਲਨੈ ਚਿਤ ਲਏ । ਤਬ ਦਾਸ ਬਹੁ ਬਿਨਤੀ ਕਏ ।
ਮਹਾਰਾਜ ਤੁਮ ਇਹ ਠਾਂ ਰਹੋ । ਸੁਧਾ ਸਰੋਵਰ ਸਮ ਇਹ ਲਹੋ ।
ਸ੍ਰੀ ਗੁਰੂ⁴ ਤਾਂ ਕਉ ਧੀਰ ਬੰਧਾਏ । ਖਾਸਾ ਸਾਜ ਚਲੇ ਸੁਖ ਪਾਏ ।
ਰਾਗੀ⁵ ਕੀਰਤਨ ਕਰਹਿ ਅਪਾਰਾ । ਬਾਜੇ ਅਨਿਕ ਸੁਮੰਗਲ ਚਾਰਾ ।
ਏਕ ਕੋਸ ਦਾਸੂ ਸੰਗ ਆਯੋ । ਦੇ ਧੀਰਜ ਗੁਰ ਤਾਂਹਿ ਹਟਾਯੋ⁶ ॥ 179 ॥

ਦੋਹਰਾ

ਨਗਨ ਚਰਨ ਸ੍ਰੀ ਗੁਰੂ ਚਲੇ ਖਾਸਾ ਕੰਧ ਉਠਾਇ ।
ਪੰਥ ਚਰਿਤ ਸੁੰਦਰ ਅਧਿਕ ਕਹਉ ਗ੍ਰੰਥ ਬਢ ਜਾਇ ॥ 180 ॥
ਸੁਧਾ ਸਰੋਵਰ ਕੋਸ ਦੁਇ ਜਾਮ ਦਿਵਸ ਰਹਿਓ ਆਇ ।
ਕ੍ਰਿਪਾ ਸਿੰਧ ਸ੍ਰੀ ਮੁਖ ਕਹਿਯੋ ਇਹ ਠਾਂ ਸੋਚ ਕਰਾਇ ॥ 181 ॥

¹ਅ ਪੋਥੀ ਪੋਖਿਓ ²ਅ ਤੇ ਏ ਪੋਥੀ ਬਿਨੀ ³ਅ ਤੇ ਏ ਪੋਥੀ ਬਿਨੀ ⁴ਅ ਪੋਥੀ ਸਤਿਗੁਰੂ ⁵ਏ ਪੋਥੀ
ਰਬਾਬੀ ⁶ਅ ਪੋਥੀ ਫਿਰਾਯੋ

ਦੋਹਰਾ

ਡੇਰਾ ਤਹ ਕਰ ਸ੍ਰੀ ਗੁਰੂ¹ ਸਭੈ ਸੋਚ ਤਬ ਕੀਨ ।
ਮਜਨ ਕਰ ਬੈਠੇ ਪ੍ਰਭ ਕਛਕ ਧਯਾਨ ਮਹਿ ਲੀਨ ॥ 182 ॥

ਸਵੇਯਾ

ਤਿਹ ਨਾਂ ਗੁਰ ਆਗਮ ਕੋ ਸੁਨ ਕੈ ਹਰਿ ਗੋਬਿੰਦ ਮਨ ਆਨੰਦ ਪਾਏ ।
ਭਾਈ ਗੁਰਦਾਸ ਬੁਢਾ ਧਰ ਸੰਗ ਸੁਧਾਸਰ ਸਿਖ ਸਭੈ ਸੰਗਿ ਧਾਏ ।
ਬਿਨਾਂ ਪਦ ਤ੍ਰਾਨ ਪਿਆਨ ਕੀਓ ਹਰਿ ਗੋਬਿੰਦ ਗੁਰ ਕੇ ਸਮੁਹਾਏ ।
ਜਾਇ ਪ੍ਰਨਾਮ ਕਰੀ ਗੁਰ ਕੋ ਗੁਰ ਕੇ ਪਦ ਪੰਕਜ ਸਿਉਂ ਲਪਟਾਏ ॥ 183 ॥
ਪ੍ਰਫੁੱਤ ਭੇ ਤਬ ਹੀ ਗੁਰ ਅਰਜਨ ਕੁਸਲ ਆਨੰਦ ਸਭੈ ਮਨ ਲਾਈ ।
ਬੁਢੇ ਗੁਰਦਾਸ ਕਹਿਓ ਕਰ ਜੋਰ ਸੁ ਤੋਰ ਕ੍ਰਿਪਾ ਸਭ ਆਨੰਦ ਪਾਈ ॥
ਫੂਲ ਪ੍ਰਸਾਦਿ ਲਏ ਸਿਖ ਸੰਗਤ ਆਵਤ ਭੇ ਮਨ ਹਰਖ ਧਰਾਈ ।
ਆਇ ਪ੍ਰਣਾਮ ਕਰੀ ਗੁਰ ਕੋ ਸੁਰ ਪੋਥੀ ਆਨ ਪ੍ਰਸਾਦਿ ਚੜਾਈ ॥ 184 ॥

ਦੋਹਰਾ

ਸੰਗਤ ਕੋ ਧੀਰਜ ਦੀਓ ਸ੍ਰੀ ਗੁਰ ਹੋਇ ਕ੍ਰਿਪਾਲ ।
ਸ੍ਰੀ ਮੁਖ ਤਬ ਆਗਿਆ ਕਰੀ ਚਲੇ ਅਬੈ ਤਤਕਾਲ ॥ 185 ॥
ਅਰਧ ਜਾਮ ਦਿਨ ਜਬ ਰਹਾ ਸ੍ਰੀ ਗੁਰੁ ਭਏ ਤਿਆਰ ।
ਕਮਰ ਬਾਂਧ ਸ੍ਰੀ ਗੁਰੁ ਉਠੇ² ਮੂਰਤ ਸ੍ਰੀ ਕਰਤਾਰ³ ॥ 186 ॥

॥ ਭੁਜੰਗ ਪ੍ਰਯਾਤ ਛੇਦ ॥

ਪੁੰਨ ਸੰਖ ਹੋਈ ਮਹਾਂ ਨਾਦ ਬਾਜੇ । ਇਕ ਓਰੰ ਭਾਈ ਗੁਰੂ ਜੀ ਬਿਰਾਜੇ ।
ਦੁਤੀ ਓਰ ਬੁਢਾ ਸੋਭੈ ਹਰਿ ਗੋਬਿੰਦ । ਲਿਓ ਖਾਸਾ ਕੰਧੈ ਮਨੈ ਕੈ ਆਨੰਦ ॥ 187 ॥
ਬਿਨਾ ਪਾਦ ਤ੍ਰਾਨ ਚਲੇ ਚਾਰ ਚਿਤ੍ਰੰ । ਸੂ ਤੂਤੀ ਨਗਾਰੇ ਬਜਾਏ ਬਚਿਤ੍ਰੰ ।
ਭਯੋ ਹੈ ਅਨੰਦ ਮਨੋ [ਬਿਯਾਹ]³ ਜੈਸੇ । ਕਹੋ ਮੇ ਨ ਆਵੇ ਕਥਹੁ ਤਾਂਹ ਕੈਸੇ ॥ 188 ॥

ਚੋਪਾਈ

ਆਨੰਦ ਮਗਨ ਭਏ ਨਰ ਨਾਰੀ । ਸੁਧਾ ਸਰੋਵਰ ਸੰਗਤ ਸਾਰੀ ।
ਮਧ ਅਕਾਸ ਸਰ ਆਨੰਦ ਪਾਈ । ਫੂਲਹਿ ਫੂਲਜ ਮੁਖਹੁ ਅਲਾਈ ।
ਦਿਹ ਬਿਧਿ ਸੁਧਾ ਸਰੋਵਰ ਆਏ । ਅਤਿ ਆਨੰਦ ਸ੍ਰੀ ਗੁਰ ਮਨ ਪਾਏ ।
ਖਾਸੇ ਸਹਿਤ ਪਰਿਕ੍ਰਮਾ ਕੀਨੀ । ਅਥਿਤ ਦਾਨ ਬਰਖਾ ਸਮ ਦੀਨੀ ।
ਸੁਧਾ ਸਰੋਵਰ ਤਟ ਸੁਖ ਧਾਰੀ । ਪੂਰਬ ਦਿਸ ਨਿਜ ਬੜਾ⁴ ਨਿਹਾਰੀ ।
ਤਿਹ ਨਾਂ ਖਾਸਾ ਗੁਰ ਰਖਿ ਦੀਨੋ । ਪਰਿਕ੍ਰਮਾ ਕਰ ਪੁਨ ਬੰਦਨ ਕੀਨੋ ।
ਕੁਛਕ ਕਾਲ ਬੈਠੇ ਤਹਿ ਜਾਈ । ਅਥਿਯੋ⁵ ਸੂਰ ਪੁਨ ਨਿਸ ਪ੍ਰਗਟਾਈ ।
ਤਬ ਭਾਈ ਸੋ ਕਹਾ ਸੁਨਾਏ । ਖਾਸੇ ਨਿਕਟ ਰਹੋ ਸੁਖ ਪਾਏ ॥ 189 ॥

¹ਪੋਥੀ ਅ ਤੇ ਏ ਕੀਓ ਸਤਿਗੁਰੂ ²ਅ ਪੋਥੀ ਸ੍ਰੀ ਰਾਮਚੰਦ੍ਰ ਅਵਤਾਰ ³ਅ ਪੋਥੀ ਵਿਚੋਂ ⁴ਅ ਤੇ ਏ ਪੋਥੀ ਇਕ ⁵ਅ ਪੋਥੀ ਅਜਤਿਓ

ਦੋਹਰਾ

ਹਰਿ ਗੋਬਿੰਦ ਕੋ ਨਾਲ¹ ਲੈ ਸ੍ਰੀ ਗੁਰ ਗਏ ਦਰਬਾਰ ।
 ਪ੍ਰਸਾਦਿ ਭੇਟ ਆਗੇ ਧਰੀ ਕੀਨੀ ਬਿਨਤ ਅਪਾਰ ॥ 190 ॥
 ਬੇਦ² ਪਰਿਕ੍ਰਮਾ ਕਰ ਗੁਰੂ ਪੁਨ ਪ੍ਰਭ ਬੰਦਨ ਕੀਨ ।
 ਨਿਜ ਮਹਿਲੀ ਸ੍ਰੀ ਗੁਰ ਗਏ ਨਿਜ ਮਨ ਆਨੰਦ ਲੀਨ ॥ 191 ॥

ਚੌਪਾਈ

ਸ੍ਰੀ ਗੁਰ ਅਰਜਨ ਭਏ ਕ੍ਰਿਪਾਲਾ । ਸਭ ਪਰਿਵਾਰ ਕੀਓ ਨਿਹਾਲਾ ॥
 ਕੁਸਲ ਖੇਮ ਪ੍ਰਭ ਪ੍ਰਫੁਲ ਕੀਨੋ । ਪ੍ਰੇਮ ਪ੍ਰੇਮ ਸਭਹਨ ਕਹ ਦੀਨੋ ।
 ਗੰਗ ਮਾਤ ਗੁਰ ਚਰਨੀ ਲਾਗੀ । ਹਰਿ ਗੋਬਿੰਦ ਮਾਤਾ ਬਡ ਭਾਗੀ ।
 ਮੁਹਰੀ ਨਾਰਿ ਸੰਦੇਸ ਗੁਰ ਕਹੇ । ਸੁਨ ਮਾਤਾ ਮਨ ਆਨੰਦ ਲਹੇ ।
 ਗੁਰ ਅਰਜਨ ਤਬ ਭੋਜਨ ਕੀਨਾ । ਪਲੰਘ ਪੌਢ ਮਨ ਆਨੰਦ ਲੀਨਾ ।
 ਹਰਿ ਗੋਬਿੰਦ ਜੀ ਨਿਕਟ ਬਿਰਾਜੇ । ਕੋਟ ਕਾਮ ਦਿਖ ਛਬ ਕੋ ਲਾਜੇ ।
 ਜਾਮ ਨਿਸਾ ਰਹਿ ਗਈ³ ਗੁਰ ਜਾਗੇ । ਗੁਰ ਨਾਨਕ ਕੇ ਰਸ ਮੋ ਪਾਗੇ ।
 ਸਭੀ ਸੰਚ ਮੁਖ ਮਜਨ ਕੀਨਾ । ਦੀਨਾ ਨਾਥ ਪ੍ਰਭੂ ਪਰਬੀਨਾ ।
 ਪ੍ਰਿਥਮ ਕ੍ਰਪ ਪਰ ਮਜਨ ਕੀਨਾ । ਕਰ ਸਨਾਨ ਸੁਧਾਸਰ ਸੁਖ ਲੀਨਾ ।
 ਬੈਠੇ ਤਹਾਂ ਧਿਆਨ ਲਗਾਏ । ਅਜਪਾ ਜਾਪ ਗੁਰ ਮੰਤ੍ਰ ਧਿਆਏ ॥ 192 ॥

ਦੋਹਰਾ

ਨਿਸਾ ਗਈ ਰਵਿ ਆਇਓ ਭਈ ਲੋਅ⁴, ਸੰਸਾਰ ।
 ਸ੍ਰੀ ਦਰਬਾਰ ਬੰਦਨ ਕਰੀ ਸ੍ਰੀ ਗੁਰ ਰੂਪ ਮੁਰਾਰਿ ॥ 193 ॥
 ਬੜੀ ਪਰਿਕ੍ਰਮਾ ਕਰ ਪ੍ਰਭੂ ਆਏ ਬੜੇ ਸੁਖ ਖਾਨ ।
 ਪੋਥੀਅਨ ਕੋ ਬੰਦਨ ਕਰੀ ਸ੍ਰੀ ਗੁਰ ਕਿਰਪਾ ਨਿਧਾਨ ॥ 194 ॥

ਸਵੈਯਾ

ਸਤਿ ਗੁਰ ਲਾਇ ਦੀਵਾਨ ਤਬੈ ਅਤਿ ਆਨੰਦ ਸਿਉ ਇਹ ਭਾਂਤ ਅਲਾਈ ।
 ਭਾਈ ਗੁਰਦਾਸ ਸੁਨੋ ਚਿਤ ਦੇ ਅਬ ਸਤਿ ਰਚਉ ਭਵ ਸਿੰਧ ਤਰਾਈ ।
 ਗ੍ਰਿਥ ਜਹਾਜ ਕਰਉ ਇਨ ਪੋਥੀਅਨ ਪੜੈ ਸੁਨ ਹੈ ਨਰ ਜੋ ਦਰਸਾਈ ।
 ਮ੍ਰਿਤ ਜੰਮਣ ਤਾਹਿ ਮਿਟੈ ਨਰ ਕੋ ਪੁਨ ਅੰਤ ਸਮੇਂ ਗੁਰ ਸਿਮ੍ਰਿਤ ਪਾਈ ॥ 195 ॥

ਚੌਪਈ

ਉਤਮ ਠੋਰ ਇਕੰਤ⁵ ਨਿਹਾਰਉ । ਜਹਾ ਬੈਠ ਕੇ ਬੀੜ ਸੁਧਾਰਉ ।
 ਦੁਇ ਕਰ ਜੋੜ ਕਹਾ ਗੁਰਦਾਸ । ਹੇ ਪ੍ਰਭ ਮੋਰ ਸੁਨੋ ਅਰਦਾਸ ।

¹ਏ ਪੋਥੀ ਸਾਥਿ ²ਏ ਪੋਥੀ ਚਾਰ ³ਅ ਪੋਥੀ ਰਹਿਤੀ ⁴ਅ ਤੇ ਏ ਪੋਥੀ ਭਯੋ ਪ੍ਰਗਾਮ ⁵ਏ ਪੋਥੀ ਏਕਾਂਤ

ਉਤਮ ਠੌਰ ਹੋਇ ਹੈ ਸੋਈ । ਕ੍ਰਿਪਾ ਸਿੰਧ ਕੋ ਭਾਵੈ ਜੋਈ ।
 ਸ੍ਰੀ ਮੁਖ ਕਹਾ ਚਲੇ ਅਬ ਭਾਈ । ਸੁੰਦਰ ਠੌਰ ਇਕੰਤ ਦਿਖਾਈ ।
 ਸ੍ਰੀ ਗੁਰ ਚਲੇ ਹਰਖ ਚਿਤ ਧਾਰੇ । ਸਾਥ ਬੁਢਾ ਗੁਰਦਾਸ ਪਧਾਰੇ ।
 ਸੇਵਕ ਕਛੁਕ ਸਾਥ ਗੁਰ ਚਲੇ । ਧੀਰਜ [ਗਿਆਨਵਾਨ]¹ ਮਨ ਭਲੇ ।
 ਜਹ ਤਹ ਸ੍ਰੀ ਗੁਰ ਠੌਰ ਨਿਹਾਰੈ । ਮਨ ਭਾਵਤ ਨਹਿ ਕਹੀਂ ਦਿਖਾਰੈ ।
 ਏਕ ਠੌਰ ਸ੍ਰੀ ਗੁਰ ਮਨ ਭਾਈ । ਗਾੜੋ ਬਨ ਸੁੰਦਰ ਸੁਖਦਾਈ ॥ 196 ॥

ਦੋਹਰਾ

ਪੀਪਰ² ਬੇਰੀ ਤਹਿੰ ਘਨੀ ਜੰਡ ਕਰੀਰ ਅਪਾਰ ।
 ਨਿਵੜ ਛਾਵ ਸੁੰਦਰ ਘਨੀ ਠੌਰ ਇਕੰਤ ਨਿਹਾਰ ॥ 197 ॥
 ਮੈਦਾਨ ਮਧ ਬਨ ਤਾਸ ਕੋ ਛਪੜੀ ਨਿਕਟ ਨਵੀਨ ।
 ਸ੍ਰੀ ਗੁਰੂ ਮਨ ਹਰਖਤਿ ਪਏ ਪੰਚਬਟੀ ਸਮ ਚੀਨ ॥ 198 ॥

ਕੁੰਡਲੀਆ

ਤਬ ਗੁਰਦਾਸ ਕੋ ਗੁਰ ਕਹਾ ਇਹ ਅਕੰਤ³ ਅਸਥਾਨ ।
 ਭਾਈ ਦਿਖ ਹਰਖਤ ਭਯੋ ਭੂਮ ਸੁ ਏਕ ਸਮਾਨ ।
 ਸੁੰਦਰ ਕ੍ਰਿਪਾ ਨਿਧਾਨ ਠੌਰ ਯਾ ਸਮ ਨਹੀਂ ਕੋਈ ।
 ਦਰਸਨ ਤੇ ਦੁਖ ਜਾਂਹਿ ਸਾਂਤ ਦਿਖ ਮਨ ਕੋ ਹੋਈ ।
 ਪੰਚਬਟੀ ਸਮ ਠੌਰ ਸ੍ਰੀ ਗੁਰ ਮੁਖਹੂੰ ਅਲਾਈ ।
 ਤੰਬੂ ਇਹੁ ਮੈਦਾਨ ਲਾਇ ਸੁੰਦਰ ਸੁਖਦਾਈ ॥ 199 ॥

ਸਵੈਯਾ

ਸੇਵਕ ਬੋਲ ਨਿਦੇਸ ਕਰੀ ਪ੍ਰਭੁ ਤੰਬੂ ਕਨਾਤ ਇਹਾਂ ਤੁਮ ਲਾਏ ।
 ਹਮ ਆਵਣਿ ਆਗੇ ਤਿਆਰ ਕਰੋ ਤੁਮ ਹੋਇ ਪਵਿਤ੍ਰ ਰਿਦੇ ਸੁਖ ਪਾਏ ।
 ਕਰ ਸੋ ਕਰ ਧਾਰ ਤਬੈ ਗੁਰਦਾਸ ਕੋ ਆਪ ਗੁਰੂ [ਸਿਖ]⁴ ਸਿੰਧ ਸਿਧਾਏ ।
 ਬੰਦਨ ਕੈ⁵ ਗੁਰ ਪੋਥੀਆਨ ਨਿਕਟਿ ਸੁ ਬੈਠਤ ਭੈ ਮਨ ਮਹਿ ਹਰਖਾਏ ॥ 200 ॥
 ਪੁਨ ਖਾਸ ਚੋਫੇਰ ਸੁ ਚਾਰੋ ਲਗੇ ਸੁ ਗੁਰੂ ਗੁਰ ਪੁਤ੍ਰ ਬੁਢਾ ਘਰ ਭਾਈ ॥
 ਧੁਨ ਸਖੈਨ ਕੀ ਸੁ ਅਪਾਰ ਭਈ ਮਿਲ ਦੇਵ ਬਧੂ ਸਭ ਦੇਖਨ⁶ ਆਈ ।
 ਸੰਗਤ ਭੀਰ ਘਨੀ ਸੁ ਭਈ ਉਪਮਾ ਕਵਿਕੇ ਮਨ ਮਹਿ ਏਹ ਆਈ ।
 ਰਾਮ ਕੋ ਜਨਮ ਸੁਨਿਯੋ ਪੁਰ ਬਾਸਿਨ ਨਾਰ ਨਰੈ ਜਨ ਦੇਤ ਵਧਾਈ ॥ 201 ॥

ਦੋਹਰਾ

ਅਤਿ ਅਨੰਦ ਤਬ ਹੀ ਭਏ ਕਿਹ ਮੁਖ ਕਹਉਂ ਬਖਾਨ ।
 ਤਿਸੀ ਠੌਰ ਪ੍ਰਾਪਤ ਭਏ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 202 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਬਟੁਅਰ ³ਅ ਪੋਥੀ ਏਕੰਤ ਏ ਪੋਥੀ ਏਕਾਂਤ ⁴ਅ ਪੋਥੀ ਵਿਚੋਂ ⁵ਏ ਪੋਥੀ ਕਰਿ
⁶ਅ ਪੋਥੀ ਮੇਖਨ

ਤੰਬੂ ਕਨਾਤ ਆਗੇ ਲਗੀ [ਅਤਿ]¹ ਸੁੰਦਰ ਸੋਭ ਅਪਾਰ ।
ਖਾਸਾ ਤਬ ਤਿੰਹ ਠਾਂ ਧਰਿਓ ਸ੍ਰੀ ਗੁਰ ਰੂਪ ਮੁਰਾਰਿ ॥ 203 ॥

ਚੌਪਾਈ

ਸ੍ਰੀ ਗੁਰ ਅਰਜਨ ਮਨ ਹਰਖਾਏ । ਸੁੰਦਰ ਤਹਾਂ ਦੀਵਾਨ ਲਗਾਏ ।
ਜਾਮ ਏਕ ਦਿਨ ਜਬ ਹੀ ਰਹਾ । ਸ੍ਰੀ ਗੁਰ ਤਬ ਸੰਗਤ ਕੋ ਕਹਾ ।
ਜੋ ਛਪੜੀ ਕੀ ਕਾਰ ਕਢਾਵੈ । ਜਨਮ ਮਰਨ ਕੋ ਸੰਸ ਮਿਟਾਵੈ ।
ਸੰਗਤ ਸਿਖ ਸਭੈ ਉਠ ਪਾਏ । ਕਾਰ² ਕਢਹਿ ਨਿਜ ਸੀਸ ਉਠਾਏ ।
ਜਾਮ ਏਕ ਤਹਿ ਕਾਰ³ ਕਢਾਨੀ । ਪੁਨ ਸ੍ਰੀ ਗੁਰ ਕੋ ਬੰਧਨ ਠਾਨੀ ।
ਸਭ ਸੰਗਤ ਮਿਲ ਉਪਮ ਉਚਾਰੀ । ਮਹਾਰਾਜ ਸਾਹਿਬ ਅਵਤਾਰੀ ॥
ਯਾਹਿ ਨਾਮ ਸ੍ਰੀ ਮੁਖਹੁ ਉਚਾਰੋ । ਸਬ ਸੰਗਤ ਕਾ ਸੰਸ ਨਿਵਾਰੋ ।
ਸੰਗਤ ਕੀ ਬਿਨਤੀ ਸੁਨ ਪਾਈ । ਗੁਰ ਅਰਜਨ ਜੋ ਸਭ ਸੁਖਦਾਈ ॥ 204 ॥

ਦੋਹਰਾ

ਬੁਢੇ ਕੋ ਸ੍ਰੀ ਗੁਰ ਕਹਾ ਤੀਰਥ ਨਾਮ ਉਚਾਰ ।
ਭਾਈ ਜੀ ਬੁਢੇ ਕਹੀ ਤੁਮ ਹੀ ਕਹੋ ਮੁਰਾਰਿ ॥ 205 ॥
ਸ੍ਰੀ ਮੁਖਤੇ ਸ੍ਰੀ ਗੁਰੁ ਕਹਾ ਪੰਚਬਟੀ ਸਮ ਠੋਰ ।
ਤਹਾਂ ਰਾਮ ਕਛੁ ਦਿਨ ਰਹੇ ਈਹਾਂ ਗ੍ਰੰਥ ਸਿਰਮੋਰ ॥ 206 ॥

ਚੌਪਾਈ

ਰਾਮ ਗ੍ਰੰਥ⁴ ਮਹਿ ਭੇਦ ਸੁ ਨਾਹੀ⁴ । ਰਾਮ ਨਾਮ ਪ੍ਰਗਟ ਯਾ ਮਾਂਹੀ ।
ਤਾਤੇ ਯਾ ਤੀਰਥ ਕਉ ਨਾਮਾ । ਰਾਮ ਸਰੋਵਰ ਸਦ ਸੁਖ ਧਾਮਾਂ ।
ਤਿਨੀ ਪ੍ਰਥਾਇ ਸਬਦ ਗੁਰ ਕਹਾ । ਗਉੜੀ ਰਾਮ ਪਛਾਨਵੇ ਲਹਾ ।
ਭਗਤ ਸਿੰਘ ਸੁਨ ਬਡ ਸੁਖ ਪਾਈ । ਗਦ ਗਦ ਹੈ ਪੁਲਕਾਵਲ ਆਈ ।

ਰਾਗ ਗਉੜੀ ਮਹਲਾ ੫⁵

ਨਿਤਪ੍ਰਤਿ ਨਾਵਣੁ ਰਾਮ ਸਰਿ ਕੀਜੈ । ਝੋਲਿ ਮਹਾ ਰਸੁ ਹਰਿ ਅੰਮ੍ਰਿਤੁ ਪੀਜੈ ।
॥ ਰਹਾਉ ॥
ਨਿਰਮਲ ਉਦਕੁ ਗੋਬਿੰਦ ਕਾ ਨਾਮ । ਮਜਨੁ ਕਰਤ ਪੂਰਨ ਸਭਿ ਕਾਮ ॥ 1 ॥
ਸੰਤ ਸੰਗਿ ਤਹ ਗੋਸਟਿ ਹੋਇ । ਕੋਟਿ ਜਨਮ ਕੇ ਕਿਲਵਿਖ ਖੋਇ ॥ 2 ॥
ਸਿਮਰਹਿ ਸਾਧ ਕਰਹਿ ਆਨੰਦੁ । ਮਨ ਤਨਿ ਰਵਿਆ ਪਰਮਾਨੰਦੁ ॥ 3 ॥
ਜਿਸਹਿ ਪਰਾਪਤਿ ਹਰਿ ਚਰਣ ਨਿਧਾਨ । ਨਾਨਕ ਦਾਸ ਤਿਸਹਿ ਕੁਰਬਾਨ ॥ 4 ॥

¹ਦ ਪੋਥੀ ਵਿਚੋਂ ²ਅ ਤੇ ³ਏ ਪੋਥੀ ਗਾਰਿ ⁴ਅ ਪੋਥੀ ਸਤਿਗੁਰੂ ⁵ਅ ਪੋਥੀ ਬਿਬ ਨਹਿ ਭਾਈ ⁶ਸ੍ਰੀ ਗੁਰੂ ਗ੍ਰੰਥ
ਸਾਹਿਬ ਪੰਨਾ 198

ਚੌਪਾਈ

ਹਾਥ ਜੋਰ ਪੁਨ ਬਿਨਤ ਉਚਾਰੀ । ਮਨੀ ਸਿੰਘ ਆਗੇ ਸੁਖ ਧਾਰੀ ।
 ਮਹਾਰਾਜ ਮਮ¹ ਸਮਝ ਨ ਪਯੋ । ਅਰਥ ਸਬਦ ਕਾ ਭਾਖ ਸੁਨਯੋ ।
 ਯੋਂ ਕਹਿ ਪਰਾ ਚਰਨ ਲਪਟਾਈ । ਮਨੀ ਸਿੰਘ ਤਬ ਕਹਿਓ ਸੁਨਾਈ ।
 ਉਠਹੁ ਉਠਹੁ ਹੇ ਗੁਰ ਕੇ ਪਿਆਰੇ । ਸ੍ਰੀ ਗੁਰ ਜਸੁ ਸੁਨੀਏ ਬਿਸਥਾਰੇ । 207 ।

ਦੋਹਰਾ

ਸੰਗਤ ਕੀ ਬਿਨਤੀ ਸੁਨੀ ਬੋਲੇ ਦੀਨ ਦਿਆਲ ।
 ਸਭ ਸੰਗਤ ਇਕ ਚਿਤ ਸੁਨ ਸ੍ਰੀ ਗੁਰੁ ਭਏ ਕ੍ਰਿਪਾਲ ॥ 208 ॥
 ਯਾਕਾ ਅਰਥ ਸੰਕੋਚ ਸਿਉ ਕਰਉਂ ਸੁਨਉਂ ਨਿਰਧਾਰ ।
 ਅਰਥ ਅਨਿਕ ਹਹਿ ਯਾਹਿ ਕੇ ਆਸਾ ਅਪਰ ਅਪਾਰ ॥ 209 ॥

ਕਬਿੱਤ

ਨਿਤ ਪ੍ਰਤਿ ਨਾਵਣ ਸੁ ਕੀਜੈ ਰਾਮ ਸਰ ਪਰ ਝੋਲ ਅੰਮ੍ਰਿਤ ਸੁ ਪਾਨ ਕਰ ਲੀਜੀਏ ।
 ਨਿਰਮਲ ਉਦਕ ਗੋਬਿੰਦ ਨਾਮ ਪੂਰ ਸਦਾ ਮਜਨ ਕੋ ਫਲ ਪੂਰ ਕਾਮ ਕੋ ਕਰੀਜੀਏ ।
 ਸੰਤਨ ਕੋ ਸੰਗ ਬੀੜ ਗ੍ਰੰਥ ਸੁ ਨਵੀਨ ਹੋਇ ਜਹਿ ਕੇ ਦਰਸ ਅਘ ਦੂਰ ਕਰ ਦੀਜੀਏ ।
 ਸਿਮਰਹੁ ਸਾਧ ਸੁ ਆਨੰਦ ਮਨ ਪਰਮਾਨੰਦ ਰਾਮਸਰ ਨਿਕਟ ਸਗਲ ਸ੍ਰਮ ਛੀਜੀਏ ॥
 210 ॥

ਦੋਹਰਾ

ਜਿਹ ਪ੍ਰਾਪਤਿ ਸੋਊ ਲਹੈ ਇਹੁ ਸਰ ਪਰਮ ਨਿਧਾਨ ।
 ਗੁਰੁ ਨਾਨਕ ਬਲਿ ਬਲਿ ਤਿਸ ਸਦ ਸਦ ਤਿਸ ਕੁਰਬਾਨ ॥ 211 ॥
 ਇਸਨਾਨ ਸਮੈ ਨਰ ਜੋ ਪੜੈ ਯਾਹਿ ਸਬਦ ਹਿਤ ਧਾਰ ॥
 ਰਾਮਸਰ ਕੇ ਇਸਨਾਨ ਕਾ ਫਲ ਹੋਵੈ ਦੁਖਟਾਰ ॥ 212 ॥

ਚੌਪਾਈ

ਮਨੀ ਸਿੰਘ³ ਪੁਨ ਕਥਾ ਉਚਾਰੀ । ਭਗਤਿ ਸਿੰਘ ਸੁਨੀਏ ਨਿਰਧਾਰੀ ।
 ਅਥਿਓ ਦਿਨੇਸ ਨਭੈ ਨਿਸ ਆਈ । ਸਭ ਸੰਗਤ ਨਿਜ ਘਰੈ⁴ ਸਿਧਾਈ ।
 ਸ੍ਰੀ ਗੁਰ ਅਰਜਨ ਤਹਾਂ ਰਹਾਏ । ਹਰਿ ਗੋਬਿੰਦ ਨਿਜ ਮਹਿਲ ਮੋਂ ਆਏ ।
 ਭਾਈ ਗੁਰਦਾਸ ਬੁਢਾ ਤਹਿ ਰਹੇ । ਗੁਰ ਕੈ ਚਰਨ ਨਿਕਟ ਸੁਖ ਲਹੇ ॥
 ਕ੍ਰਿਪਾ ਸਿੰਧ⁵ ਕੀ ਆਗਿਆ ਪਾਏ । ਸੇਵਕ ਸ੍ਰੀ ਗੁਰੁ ਨਿਕਟ ਰਹਾਏ ।
 ਨਾਨਾ ਭਾਂਤਿ ਪ੍ਰਸਾਦ ਬਨਾਏ । ਨਿਪੁੰਨ ਸੁਆਰ ਗੁਰ ਢਿਗ⁶ ਲਯਾਏ ।
 ਸ੍ਰੀ ਸਤਿਗੁਰੁ ਤਬ ਭੋਜਨ ਕੀਨੋ । ਭਾਈ ਸਹਿਤ ਸੇਵਕ ਸੁਖ ਲੀਨੋ ।
 ਘਰੀ ਚਾਰ ਨਿਸ ਜਬੈ ਬਿਹਾਈ । ਸ੍ਰੀ ਗੁਰ ਕਉ ਸੁ ਇਕੰਤ ਦਿਖਾਈ ॥ 213 ॥

¹ਅ ਪੱਥੀ ਮੋਹਿ ²ਅ ਪੱਥੀ ਮਜਨ ³ਅ ਪੱਥੀ ਕੇਹਰ ⁴ਅ ਤੇ ਦ ਪੱਥੀ ਗ੍ਰਿਹਿ ⁵ਅ ਪੱਥੀ ਨਿਧਾਨ ⁶ਅ ਪੱਥੀ ਨਿਕਟ

ਦੋਹਰਾ

ਭਾਈ ਜੀ ਬਿਨਤੀ ਕਰੀ ਸ੍ਰੀ ਗੁਰ ਦੀਨ ਦਿਆਲ ।
 ਚੰਦ ਕਿਰਨ ਨਹਿ ਪਹੁੰਚ ਹੈ ਗਾੜੋ ਬਨ ਕ੍ਰਿਪਾਲ ॥ 214 ॥
 ਪੁਨ ਸ੍ਰੀ ਮੁਖ ਤਬ ਗੁਰ ਕਹਾ ਸੁਨ ਭਾਈ ਨਿਰਭਾਰ ।
 ਤੀਨ ਲੋਕ ਮਹਿ ਯਾਹ ਸਮ ਠੋਰ ਨ ਕੋਊ¹ ਨਿਹਾਰ ॥ 215 ॥

ਚੌਪਾਈ

ਪੁਨ ਸ੍ਰੀ ਸਤਿਗੁਰ ਤਹਾਂ ਬਿਰਾਜੈ । ਨਿਰਖ ਸੋਭ ਨਿਸ ਪਤਿ ਮਨ ਲਾਜੈ ।
 ਤੀਨ ਪਹਿਰ ਨਿਸ ਜਬੈ ਬਿਹਾਈ । ਜਾਗੇ ਗੁਰ ਸਭ ਕੋ ਸੁਖਦਾਈ ।
 ਸਭੀ ਸੋਚ ਕਰ ਕੀਨ ਸਨਾਨਾ । ਗੁਰ ਨਾਨਕ ਕਾ ਪੁਨ ਧਰ ਧਿਆਨਾ ।
 ਜੁਗਲ ਘਰੀ ਨਿਸ ਜਬੈ ਰਹਾਈ । ਦਯਾ ਸਿੰਧ ਕੇ ਮਨ ਇਹੁ ਆਈ ॥
 ਬੋਲ ਹਜ਼ੂਰ ਬੁਢਾ ਗੁਰਦਾਸ । ਤਿਨ ਕੋ ਮੁਖ ਤੇ ਕੀਓ ਪ੍ਰਗਾਸ ।
 ਬੁਢੇ ਕਉ ਆਗਿਆ ਅਸ² ਦੀਨੀ । ਸਤਿ ਬਚਨ ਹਮਰੇ ਚਿਤ ਚੀਨੀ ।
 ਸਭ ਸੰਗਤ ਕੋ ਜਾਇ ਉਚਾਰੈ । ਇਹ ਠਾਂ ਨਹਿ ਆਵੈ ਹਰਿ ਪਿਆਰੈ ॥
 ਸੁਧਾ ਸਰੋਵਰ ਦਰਸਨ ਕਰੈ । ਇਹ ਠਾਂ ਆਵਨ ਕੋਊ ਨ ਰੈ ॥ 216 ॥

ਦੋਹਰਾ

ਤੁਮ ਭੀ ਤਿਹ ਠਾਂ ਹੀ ਰਹੋ ਸੁਧਾ ਸਰੋਵਰ ਜਾਇ ।
 ਇਹੁ ਠਾਂ ਤੁਮ ਨਹੀਂ ਆਵਨਾਂ ਦੇਹਿ ਦਰਸ ਹਮ ਆਇ ॥ 217 ॥
 ਬਚਨ ਮਾਨ ਬੁਢਾ ਗਯੋ ਸੁਧਾ ਸਰੋਵਰ ਓਰ ।
 ਸੰਗਤ ਕਉ ਬੁਢੇ ਕਹੇ ਸ੍ਰੀ ਗੁਰੁ [ਬਚਨ]³ ਬਹੋਰ ॥ 218 ॥

ਚੌਪਾਈ

ਤਬ ਲੈ ਚੜਯੋ ਦਿਵਸ ਨਿਸ ਗਈ । ਸਭੈ⁴ ਸ੍ਰਿਸਟਿ ਤਬ ਹਰਖਤਿ ਭਈ ।
 ਰਹੋ ਸ੍ਰੀ ਗੁਰੁ ਅਰੁ ਗੁਰਦਾਸ । ਔਰ ਸਿਖ ਨਹੀਂ ਆਵੇ ਪਾਸ ।
 ਸੇਵਕ ਦੂਰ ਕਨਾਤ ਬਿਠਾਏ । ਸ੍ਰੀ ਗੁਰੁ ਨਿਕਟ ਨਾ ਕੋਊ ਜਾਏ ।
 ਤਬ ਸ੍ਰੀ ਗੁਰ ਅਸ ਮੁਖਹੂੰ ਉਚਾਰੈ । ਸੁਨ ਭਾਈ ਗੁਰਦਾਸ ਪਿਆਰੈ ।
 ਰਚੋ ਬੀੜ ਗੁਰੁ ਗ੍ਰਿਥ ਅਪਾਰਾ । ਗੁਰਮੁਖਿ ਅਖਰਨਿ⁵ ਮਹਿ ਸੁਖਧਾਰਾ ।
 ਮਮ ਭਾਖਉ ਤੁਮ ਲਿਖੋ ਬਨਾਏ । ਚਾਰ ਗੁਰੂ ਬਾਣੀ ਸੁਖ ਪਾਏ ।
 ਪੋਥੀਆਂ ਇਹ ਗੁਰ ਬੇਦ ਸੁ ਬਾਣੀ । ਹਮ ਲਯਾਏ ਤੁਮ ਪਹਿ ਇਕਠਾਣੀ ।
 ਜਥਾ ਸਮਝ ਅਸਥਾਨ ਬਨਾਏ । ਹਮ ਭਾਖਯੋ⁶ ਤੁਮ ਲਿਖੋ ਬਨਾਏ ॥ 219 ॥

¹ਏ ਪੋਥੀ ਅਵਰ ²ਅ ਪੋਥੀ ਯਹਿ ³ਅ ਪੋਥੀ ਵਿਚੋਂ ⁴ਏ ਪੋਥੀ ਸਗਲੀ ⁵ਅ ਤੇ ਏ ਪੋਥੀ ਅਛਰਨਿ
⁶ਅ ਪੋਥੀ ਲਿਵਾਵਹਿ

ਦੋਹਰਾ

ਤਉ ਗੁਰਦਾਸ ਬਿਨਤੀ ਕਰੀ ਸੁਨ ਗੁਰ ਦੀਨ ਦਯਾਲ ।
 ਤੁਛ ਜੀਵ ਮਮ ਅਲਪ ਬੁਧ ਕੈਸੇ ਲਖਉਂ ਕ੍ਰਿਪਾਲ ॥ 220 ॥
 ਸਤਿਗੁਰ ਕੀ ਬਾਣੀ ਅਗਮ ਕਹਾਂ ਤੁਛ ਮਮ ਜੀਵ ।
 ਨਤਿ ਨਤਿ ਕਮਲਜ¹ ਕਹੈ ਪਰੈ ਨ ਗਣਪਤਿ ਸੀਵ ॥ 221 ॥

ਚੌਪਾਈ

ਮੋਹਿ ਅਜਾਨ ਕੈਸੇ ਤਿੰਹ ਜਾਨਹੂੰ । ਇਹ ਅਖਰ ਨਹ ਭੇਦ ਪਛਾਨਹੂੰ ।
 ਅਸ ਕਹ ਪਰਾ ਚਰਨ ਲਪਟਾਈ । ਦਯਾ ਸਿੰਧ ਤਬ ਅਸ ਫੁਰਮਾਈ ॥
 ਤੁਮ ਕਉ ਸਮਝ ਐਸ ਬਿਧ ਹੋਈ । ਜਥਾ ਦੇਖੀਏ ਬਾਲਕ ਕੋਈ ।
 ਮਾਤ ਪਿਤਾ ਤਿਹ ਸਦਨ ਮਝਾਰੇ । ਵਹਿ ਅੰਛਣ ਖੇਲਤ ਹਰਖਾਰੇ ॥
 ਪੂਛੇ ਆਇ ਬਾਲ ਨਰ ਕੋਈ । ਤੁਮ ਗ੍ਰਿਹਿ ਮਹਿ ਬੋਲਤ ਕਹਿ ਸੋਈ ।
 ਬਾਲ ਬਚਨ ਸੁਨ ਬੋਲਤ ਐਸੇ । ਭੀਤਰ ਤੇ ਸੁਨੀਏ ਬਚ ਜੈਸੇ ।
 ਇਹੁ ਮਮ ਮਾਤਾ ਇਹੁ ਮਮ ਤਾਤ । ਇਹ ਮਮ ਭਾਈ ਹਿਤ ਬਖਯਾਤ ।
 ਸਭ ਕੁਟੰਬ ਕਉ ਨਾਮ ਬਤਾਵੈ । ਤਿਸ ਜਨ ਮਨ ਪ੍ਰਤੀਤ ਤਬ ਆਵੈ ॥ 222 ॥

ਦੋਹਰਾ

ਇਹ ਬਿਧ ਸਿਉ ਤੁਮ ਸਮਝਹੁ ਚਾਰ ਗੁਰੂ ਪਰਤਾਪ ।
 ਅਬ ਉਦਮ ਮਨ ਮੋ ਧਰੋ ਗੁਰੂ ਨਾਨਕ ਕਰ ਜਾਪ ॥ 223 ॥
 ਤਬ ਭਾਈ ਬੰਦਨ ਕਰੀ ਸ੍ਰੀ ਗੁਰ ਚਰਨ ਮਝਾਰ ।
 ਪ੍ਰਥਮ ਸੁ ਪੋਥੀ ਖੋਲ ਕੈ ਸ੍ਰੀ ਗੁਰ ਕੀਨ² ਦਿਦਾਰ ॥ 224 ॥

ਚੌਪਾਈ

ਕ੍ਰਿਪਾ ਦ੍ਰਿਸ਼ਟਿ³ ਸ੍ਰੀ ਗੁਰੂ ਜਬ ਜੋਈ । ਤੀਨ ਕਾਲ ਕੀ ਸੋਝੀ ਹੋਈ ।
 ਤਤ ਕਾਲ ਪਤਰੇ ਰਚ ਲੀਨੇ । ਏਕ ਤਾਵ ਕੇ ਚਾਰ ਸੁ ਕੀਨੇ ।
 ਪ੍ਰਥਮ ਬੰਦਨਾ ਗੁਰੂ ਕੋ ਧਾਰੀ । ਗੁਰੂ ਨਾਨਕ ਕੇ ਚਰਨ ਮਝਾਰੀ ।
 ਗੁਰੂ ਅਰਜਨ ਜੀ ਭਾਖ ਸੁਨਾਵਹਿੰ । ਜਥਾ ਜੋਗੁ ਬਾਣੀ ਜਹਿ ਪਾਵਹਿੰ ।
 ਪ੍ਰੀਤ ਧਾਰ ਗੁਰਦਾਸ ਲਿਖਾਰੀ । ਚਰਨ ਕਮਲ ਗੁਰ ਕੇ ਮਨ⁴ ਧਾਰੀ ।
 ਸਿਰੀ ਰਾਗ ਪੂਰਨ ਕੀਓ ਦਿਖੇ । ਭਗਤ ਸਬਦ ਪਾਛੇ ਤਬ ਲਿਖੇ ।
 ਦੋਇ ਜਾਮ ਗੁਰ ਤਾਂਹਿ ਬਿਤਾਵਹਿੰ । ਬਹੁਰੋ ਸ੍ਰੀ ਦਰਬਾਰ ਸੁ ਆਵਹਿੰ ।
 ਸੰਗਤ ਕੋ ਆਇ ਦਰਸਨ ਦੇਈ । ਪੂਰ ਮਨੋਰਥ ਸਭਹੀ ਲੋਈ ॥ 225 ॥

ਦੋਹਰਾ

ਜਾਮ ਦਿਵਸ ਜਬ ਹੀ ਰਹੈ ਫਿਰ ਜਾਵੈ ਤਿਤ ਓਰ ।
 ਜਾਇ ਸਬਦ ਸ੍ਰੀ ਮੁਖ ਰਹੈ ਲਿਖ ਭਾਈ ਕਰ ਜੋਰ ॥ 226 ॥

¹ਏ ਪੋਥੀ ਬ੍ਰਹਮਾ ²ਅ ਪੋਥੀ ਕੀਓ ³ਅ ਤੇ ਏ ਪੋਥੀ ਨਦਰਿ ⁴ਅ ਪੋਥੀ ਰਿਦ

ਇਹ ਬਿਧਿ ਸਿਉਂ ਨਿਤ ਪ੍ਰਤਿ ਕਰਹਿ ਕ੍ਰਿਪਾ ਸਿੰਧ ਸੁਖ ਰੂਪ ।
ਰੈਣ ਦਿਵਸ ਤਿਹ ਠਾਂ ਰਹਿੰ ਰਾਮਸਰ ਭੂਮ¹ ਅਨੂਪ ॥ 227 ॥

ਚੌਪਾਈ

ਸ੍ਰੀ ਗੁਰ ਤੰਬੂ ਤੇ ਕਛੂ ਦੂਰੇ । ਤੰਬੂ ਔਰ ਲਗੋ ਅਤਿ ਰੂਰੇ ।
ਤਹਾਂ ਭਾਈ ਜੀ ਰੈਨ² ਬਸਾਵੈ । ਪ੍ਰਾਤ ਸਮੇਂ ਇਸਨਾਨ ਸੁ ਪਾਵੈ ॥
ਪੁਨ ਸ੍ਰੀ ਗੁਰ ਕੇ ਨਿਕਟ ਪਧਾਰੈ । ਕਰ ਬੰਦਨ ਗੁਰ ਉਪਮਾ ਉਚਾਰੈ ।
ਪੁਨ ਸ੍ਰੀ ਗੁਰ ਕੀ ਆਗਯਾ ਪਾਏ । ਬੈਠਤ ਸ੍ਰੀ ਗੁਰ ਕੇ ਨਿਕਟਾਇ ।
ਬਹੁਰ ਬੰਦਨਾ ਪੋਥੀਅਨ ਕਰਹਿੰ । ਬਾਣੀ ਕਾ ਪੁਨ ਉਦਮ ਕਰਹਿੰ ।
ਜਥਾ ਜੋਗ ਗੁਰੁ ਆਪ ਦਸਾਹੀਂ । ਭਾਈ ਲਿਖਤ ਤੋਨ ਸਮਝਾਈ ।
ਇਹ ਬਿਧਿ ਸਿਉ ਕਰ ਨਿਤ³ ਬਿਵਹਾਰਾ । ਭਾਈ ਜੀ ਅਰ ਗੁਰ ਕਰਤਾਰਾ ।
ਏਕ ਦਿਵਸ ਗੁਰ ਚਰਿਤ ਬਿਚਾਰੇ । ਤਰੈ ਸੁਖੰਨ ਸਿੰਧ ਨਰ ਪਾਰੇ ॥ 228 ॥

ਦੋਹਰਾ

ਦੋਇ ਜਾਮ ਦਿਨ ਜਾਨਕੈ ਸੁਧਾ ਸਰੋਵਰ ਆਇ ।
ਸੰਗਤ ਕੋ ਦਰਜਨ ਦੀਓ ਭੁਗਤਿ ਜੁਗਤਿ⁴ ਵਰਤਾਇ ॥ 229 ॥
ਜਾਮ ਦਿਵਸ ਜਬ ਹੀ ਰਹਿਓ ਗਏ ਰਾਮਸਰ ਆਪ ।
ਬਾਵਨ ਅਖਰੀ ਤਬ ਰਚੀ ਸ੍ਰੀ ਮੁਖ ਸ੍ਰੀ ਗੁਰ ਜਾਪ ॥ 230 ॥

ਚੌਪਾਈ

ਸ੍ਰੀ ਮੁਖ ਤਾਂ ਕੀ ਉਪਮਾ⁵ ਕਹੀ । ਗਉੜੀ ਰਾਗ ਮਧ ਇਹ ਲਹੀ ।
ਤੀਨ ਲੋਕ ਮਹਿ ਜੋ ਨਰ ਪੜੈ । ਜਨਮ ਜਨਮ ਅਘ ਛਿਨ ਮਹਿ ਸੜਹਿੰ ।
ਆਦਿ ਅੰਤਿ ਜੋ ਕਹਾ ਸਲੋਕ । ਸ੍ਰੀ ਗੁਰ ਮਹਿਮਾਂ ਕਹਿ ਦੁਹੰ ਲੋਕ ।
ਆਦਿ ਅੰਤ ਗੁਰ ਏਕ ਸਮਾਨਾ । ਜਿਹ ਆਸ੍ਰਿਤ ਜਗੁ ਸਿੰਧ ਤਰਾਨਾਂ ।
ਸ੍ਰੀ ਗੁਰ ਮੁਖ ਤਿੰਹ ਵਾਕ ਅਲਾਵਹਿੰ । ਲਿਖਤ ਪੋਨ ਸਮ⁶ ਭਾਈ ਜਾਵਹਿ ।
ਅਤਿ ਪ੍ਰਸੰਨ ਮਨ ਭਾਈ ਹੋਇ । ਸ੍ਰੀ ਮੁਖ ਸੁਨੇ ਲਿਖੇ ਦੁਖ ਖੋਇ ।
ਬਾਵਨ ਅਖਰੀ ਭੋਗ ਗੁਰ ਪਾਯੋ । ਦਿਨ ਪਤਿ ਲੋਪ ਨਿਸਾਗਮ ਪਾਯੋ ।
ਭਾਈ ਜੀ ਨਿਜ ਡੇਰੇ ਆਏ । ਸ੍ਰੀ ਗੁਰ ਨਿਜ ਸੇਜਾ ਸੁਖ ਪਾਏ ॥ 231 ॥

ਦੋਹਰਾ

ਜਾਮ ਨਿਸਾ ਜਬ ਹੀ ਗਈ ਮਨ ਵਿਚਾਰ ਗੁਰ ਕੀਨ ।
ਸਮਾ ਘੋਰ ਕਲ ਆਇਓ⁷ ਸਭ ਨਰ ਵਿਖਿਅਨ ਲੀਨ ॥ 232 ॥
ਏਕ ਘਰੀ ਨਹਿ ਹਰਿ ਭਜੈ ਨਹਿੰ ਧਨ ਦਾਨ ਕਰੇਹਿੰ ।
ਅਤਿ ਅਚਰਜ ਮੋ ਮਨ ਭਯੋਂ ਮੁਕਤਿ ਕੈਸ ਬਿਧ ਲੇਹਿੰ ॥ 233 ॥

¹ਅ ਪੋਥੀ ਧਰਤ ²ਅ ਤੇ ਏ ਪੋਥੀ ³ਅ ਪੋਥੀ ਰੋਜ ⁴ਅ ਪੋਥੀ ਰਿਧਿ ਸਿਧਿ ਏ ਪੋਥੀ ਜੋਗਿ ਜੁਗਤਿ ⁵ਅ ਪੋਥੀ ਮਹਿਮਾ ⁶ਏ ਪੋਥੀ ਗਰੂਤਿ ⁷ਅ ਪੋਥੀ ਕਲਯੁਗ ਅਯੋ

ਚੌਪਾਈ

ਸਿੰਮ੍ਰਿਤ ਸ਼ਾਸਤ੍ਰ ਬੇਦ ਬਖਾਨੇ । ਚਵੀ ਹਜ਼ਾਰ ਸ਼ਾਸ ਨਰ ਪਾਨੇ ।
 ਅਸ ਉਪਾਵ ਕਰੀਏ ਕੋਊ ਤਾਂਤੇ । ਸ਼ਾਸ ਸਫਲ ਹੋਵਹਿ ਸਭ ਯਾਂਤੇ ।
 ਅਸ ਵਿਚਾਰ ਪ੍ਰਭ ਨਿੰਦਾ ਪਾਈ । ਪਰਉਪਕਾਰ^੧ ਗੁਰੂ ਸੁਖਦਾਈ ।
 ਤੀਨ ਜਾਮ ਨਿਸ ਜਬੈ ਬਿਹਾਨੀ । ਜਾਗੈ ਕ੍ਰਿਪਾ ਸਿੰਧ ਗੁਰ ਗਿਆਨੀ ।
 ਪ੍ਰਿਥਮ ਸੋਚ ਗੁਰ ਮਜਨ ਕਰਾਏ । ਪੁਨ ਗੁਰਦਾਸ ਕੀ ਓਰ ਸਿਧਾਏ ।
 ਤਾਂਕੋ ਸੰਗ ਲੈ ਸ੍ਰੀ ਗੁਰ ਆਏ । ਰਾਮ ਸਰੋਵਰ^੨ ਅਤਿ ਸੁਖ ਪਾਏ ।
 ਤਿਹੰ ਠਾਂ ਦੁਹੰਅਨ ਮਜਨ ਕੀਨੋ । ਸ੍ਰੀ ਗੁਰੁ ਅਰ ਭਾਈ ਸੁਖ ਲੀਨੋ ।
 ਸਰ ਈਸਾਣ ਕੋਣ ਇਕ ਬੇਰੀ । ਗੁਰ ਅਰਜਨ ਨਿਜ ਨੈਨਨ ਹੇਰੀ ॥ 234 ॥

ਦੋਹਰਾ

ਤਾਂਹਿ ਤਰੇ ਬੈਠਤ ਭਏ ਕ੍ਰਿਪਾ ਸਿੰਧ ਸੁਖ ਪਾਇ ।
 ਤਬ ਭਾਈ ਬੈਠਤ ਭਯੋ ਸਨਮੁਖ ਭੂਮ ਬਨਾਇ ॥ 235 ॥
 ਕ੍ਰਿਪਾ ਸਿੰਧ ਬੋਲਤ ਭਏ ਸੁਨ ਭਾਈ ਗੁਰਦਾਸ ।
 ਸਮਾਂ ਘੋਰ ਕਲ ਆਇਓ ਕਰ ਕੋਊ ਜਤਨ^੩ ਪ੍ਰਕਾਸ ॥ 236 ॥

ਚੌਪਾਈ

ਸ੍ਰੀ ਗੁਰ ਬਚਨ ਸੁਨਤ ਗੁਰਦਾਸ । ਹਾਥ ਜੋਰ ਇਮ ਕਰਿ ਅਰਦਾਸ ।
 ਗਰੀਬ ਨਿਵਾਜ ਨਾਮ ਪ੍ਰਭ ਤੋਰਾ । ਕਲਜੁਗ ਨੇ ਪਾਯੋ ਅਤਿ ਜੋਰਾ ।
 ਤਾਂਤੇ ਕ੍ਰਿਪਾ ਐਸ ਪ੍ਰਭ ਕਰੀਯੈ । ਜਾਂਤੇ ਜਨਮ ਸਫਲ ਨਰ ਰੀਯੈ ।
 ਸ੍ਰੀ ਗੁਰ ਸ੍ਰੀ^੪ ਮੁਖ ਭਾਖੇ ਬਚਨਾਂ । ਸੁਨ ਭਾਈ ਜਿਮ ਨਰ ਕੀ ਰਚਨਾ ॥
 ਪੁੰਨ ਪਾਪ ਈਹਾਂ ਜੋਊ ਕਮਾਵੈ । ਤਿਸ ਕੈ^੫ ਫਲ ਜਾਇ ਆਗੇ ਪਾਵੈ ॥
 ਪੁੰਨ ਅਧਿਕ ਸੁਰ ਦੇਹਿ ਸਵਾਰੈ । ਪਾਪ ਅਧਿਕ ਤਾਮਸੁ ਬਪੁ ਧਾਰੈ ।
 ਪਾਪ ਪੁੰਨ ਮਿਸ੍ਰਿਤ ਜਬ ਹੋਈ । ਮਾਤ ਉਦਰ ਨਰ ਤਨ ਧਰ ਸੋਈ ।
 ਅਤਿ ਮਲੀਨ ਵਿਸਟਾ ਮਹਿ ਵਾਸਾ । ਉਲਟੋ ਰਹੈ ਨਾਭ ਮੁਖ ਗ੍ਰਾਸਾ ॥ 237 ॥

ਦੋਹਰਾ

ਅਨਿਕ ਦੁਖ ਤਿਹ ਠਾਂ ਧਰੈ ਜਾਕੋ ਵਾਰ ਨਾ ਪਾਰ ।
 ਜਠਰਾਗਿਨ ਸਾੜੇ ਪ੍ਰਬਲ ਬੁਢੇ ਦੁਖ ਤਨ ਧਾਰ ॥ 238 ॥
 ਸਹੰਸੂ^੬ ਜਨਮ ਸੁਧ ਹੋਇ ਤਬ ਪਾਪ ਪੁੰਨ ਜੋ ਕੀਨ ।
 ਸੋ ਵਿਚਾਰ ਲਜਾ ਮਰੈ ਤਬ ਭਗਵਤ ਹੁਇ ਦੀਨ ॥ 239 ॥

^੧ਅ ਤੇ ਏ ਪੋਥੀ ਪਰੋਪਕਾਰ ^੨ਅ ਪੋਥੀ ਰਾਮਸਰ ਮਹਿ ^੩ਅ ਪੋਥੀ ਕੋਈ ^੪ਅ ਪੋਥੀ ਸਤਿਗੁਰੂ ^੫ਏ ਪੋਥੀ
 ਤਾਕਉ ^੬ਅ ਪੋਥੀ ਲਾਖ

ਚੌਪਾਈ

ਤੁਹੀ ਤੁਹੀ ਤਬ ਮੁਖਹੁ ਉਚਾਰੈ । ਹੇ ਪ੍ਰਭ ਕਾਟੋ ਖੇਦ¹ ਹਮਾਰੇ ।
 ਨਾਮ ਅਧਾਰ ਦੇਹਿ ਤਹਿ ਰਹੈ । ਜਨਰਾਗਿਨ ਤਾਂਤੇ ਨਹੀਂ ਦਹੈ ।
 ਸ੍ਵਾਸ ਸ੍ਵਾਸ ਤੁਹੀ ਤੁਹੀ ਉਚਾਰੈ । ਹੇ ਪ੍ਰਭ ਛਿਮਹੁ ਭੂਲ ਇਹੁ ਵਾਰੈ ।
 ਤਬ ਤਕਰਾਰ ਇਸੇ ਇਹੁ ਕਰੈ । ਕਾਢੋ ਪ੍ਰਭੁ ਦੇਹਿ ਮਮ ਜਰੈ ।
 ਸ੍ਵਾਸ ਸ੍ਵਾਸ ਤਵ ਨਾਮ ਉਚਾਰੈ । ਔਰ ਕਛੁ ਚਿਤ ਮਾਂਝ ਨ ਧਾਰੈ ।
 ਬਡੋ ਖੇਦ ਸਿਉ ਨਰ ਭਵ ਪਾਵੈ । ਆਇ ਈਹਾਂ ਜਸ ਤਾਂਹਿ ਭੁਲਾਵੈ ।
 ਚਵੀ ਹਜਾਰ ਸਵਾਰ ਨਰ ਲੇਈ । ਸੋ ਸਭ ਸ੍ਵਾਸ ਬਿਰਥੇ ਕਰ ਦੇਈ ।
 ਨਿਸ ਦਿਨ ਮਾਯਾ ਕੈ ਮਦ ਮਾਤਾ । ਜਪੈ ਨ ਤਾਂਹਿ ਗਰਭ ਜੋ ਤ੍ਰਾਤਾ ॥ 240 ॥

ਦੋਹਰਾ

ਤਾਂਤੇ ਜਤਨ ਕੋ² ਕੀਜੀਏ ਸ੍ਵਾਸ ਸਫਲ ਜਿਹ ਹੋਇ ।
 ਜਾਹਿ ਪਠੇ ਫਲ ਕੋ ਲਹੈ ਸ੍ਵਾਸ ਸਫਲ ਸਭ ਸੋਇ ॥ 241 ॥
 ਨਿਸ ਬਿਤੀਤ ਤਬ ਲੋ ਭਈ ਚੜੇ ਭਾਨ ਸੁਖ ਪਾਇ ।
 ਕ੍ਰਿਪਾ ਸਿੰਧ ਪ੍ਰਸੰਨ ਹੋਇ ਸ੍ਰੀ ਮੁਖ ਅਸ³ ਫੁਰਮਾਇ ॥ 242 ॥

ਚੌਪਾਈ

ਤਬ ਗੁਰ ਮੁਖ ਸੁਖਮਨੀ ਉਚਾਰੀ । ਮਣਿਨ ਮਾਲ ਮਾਨੋ ਉਰ ਧਾਰੀ ।
 ਚਵੀ ਹਜਾਰ ਅਛਰ ਇਹ ਧਰੇ । ਯਾਕੀ ਉਪਮਾ ਸ੍ਰੀ ਮੁਖ ਰਰੇ ॥
 ਚਾਰ ਪੌੜੀਆਂ ਅੰਤ ਜੋ ਧਾਰੀ । ਤਾਂ ਕੇ ਮਧ ਗੁਰ ਉਪਮ ਬਿਥਾਰੀ ।
 ਇਛਾ ਤਿਹ ਸਭ ਪੂਰਨ ਹੋਈ । ਪ੍ਰਧਾਨ ਪੁਰਖ ਨਰ⁴ ਸਭਨੀ ਲੋਈ ।
 ਉਚ ਅਸਥਾਨ ਸਭਨ ਤੇ ਪਾਵੈ । ਜਨਮ ਮਰਨ ਤੇ ਸੋ ਰਹਿ ਜਾਵੈ ।
 ਖੇਮ ਸਾਤਿ ਤਿਹ ਰਿਧ ਸਿਧ ਹੋਈ । ਨਿਰਮਲ ਬੁਧ ਗਯਾਨ ਮਲ ਧੋਈ ।
 ਜਪ ਤਪ ਜੋਗ ਧਯਾਨ ਦਮ ਜੋਉ । ਚਾਰ ਬੇਦ ਸ਼ਾਸਤ੍ਰਨਿ ਫਲ ਹੋਉ ।
 ਰਾਜਸੂਇ ਹੈ ਮੇਧ ਫਲ ਹੋਈ । ਜਨਮ ਬੀਚ ਨਹਿ ਆਵੈ ਸੋਈ ॥ 243 ॥

ਦੋਹਰਾ

ਪ੍ਰਾਤ ਸਮੇਂ ਜੋ ਸੁਖਮਨੀ ਪੜੈ ਕੋਉ ਹਿਤ ਧਾਰ ।
 ਤਾਕੇ ਫਲ ਸਭਹੀ ਲਹੈ ਸੁਨੈ ਲਹੈ ਫਲ ਚਾਰ ॥ 244 ॥
 ਉਚ ਨੀਚ ਜਨ ਜੇ ਪੜੈ ਕਾਲ ਨਿਕਟਿ ਨਹਿ ਆਇ ।
 ਅੰਤ ਸਮੇਂ ਸਿੰਮ੍ਰਿਤ ਸੁ ਗੁਰ ਪਰਮ ਧਾਮ ਪੁਨ ਪਾਇ⁵ ॥ 245 ॥

¹ਅ ਤੇ ਏ ਪੋਥੀ ਦੁਖ ²ਅ ਪੋਥੀ ਪ੍ਰਭੁ ³ਅ ਤੇ ਏ ਪੋਥੀ ਯਾਹਿ ⁴ਅ ਪੋਥੀ ਪੁਰਖ ⁵ਅ ਤੇ ਏ ਪੋਥੀ ਕਉ
 ਜਾਇ

ਚੌਪਾਈ

ਸੁਖਮਨੀ ਫਲੁ ਐਸ ਉਚਾਰਾ । ਕ੍ਰਿਪਾ ਸਿੰਧ ਕੀਆ ਪਰ ਉਪਕਾਰਾ ।
 ਬਹੁਰੋ ਭਾਈ ਜੀ ਐਸ ਉਚਾਰੀ । ਭਗਤ ਸਿੰਘ ਸੁਨੀਏ ਹਿਤ ਧਾਰੀ ।
 ਰਾਮਸਰ ਨਿਕਟਿ ਇਹ ਬੇਰ ਬਿਰਾਜੈ । ਜਿਹ ਤਰ ਸ੍ਰੀ ਗੁਰ ਆਸਨ ਛਾਜੈ ।
 ਸੁਖਮਨੀ ਜਿਹ ਠਾਂ ਬੈਠ ਉਚਾਰੀ । ਜੋਉ ਦਰਸ ਕਰਹਿ ਨਰ ਨਾਰੀ ।
 ਸੁਖਮਨੀ ਫਲ ਤਿਹ ਪ੍ਰਾਪਤਿ ਸੇਵੈ । ਚਾਰ ਪਦਾਰਥ ਘਰ ਹੀ ਲੇਵੈ ।
 ਬੇਰੀ ਪਾਪ ਤਾਹਿ ਨਿਬੇਰੀ ਜਾਨੈ । ਜਾਂਕੇ ਦਰਸ^੧ ਸਗਲ ਅਘ ਹਾਨੈ॥ 246 ॥

ਦੋਹਰਾ

ਭਗਤਿ ਸਿੰਘ ਸ੍ਰੀ ਗੁਰ ਕਿਹੀ ਭਾਈ ਲਿਖੀ ਬਨਾਇ ।
 ਸੁਖਮਨੀ ਕੋ ਫਲ ਮੇਰ ਸਮ ਸ੍ਰੀ ਮੁਖ ਕਹਿਓ ਸੁਨਾਇ ॥ 247 ॥
 ਸ੍ਰੀ ਗੁਰ ਕੋ ਇਹ ਬਿਰਦ ਹੈ ਜਿਉਂ ਤਿਉਂ ਦਾਸ ਉਧਾਰਿ ।
 ਦਾਸ ਦੁਖ ਨਹਿ ਦਿਖ ਸਕਹਿ ਕਰਹਿ ਤਾਹਿ ਭਵਪਾਰਿ ॥ 248 ॥

ਸਵੈਯਾਂ

ਸ੍ਰੀ ਗੁਰ ਚਰਿਤ ਦਿਖਾਵਨ ਹੇਤ ਮਹਾਂ ਸੁਖ ਕੇਤ ਸੁ ਬਯੋਤ ਬਨਾਯੋ ।
 ਰਾਗ ਸੁ ਗਉੜੀ ਮਹਿ ਧਾਰ ਪ੍ਰਭੂ ਜੀ ਨੇ ਪਾਇਕੈ ਭੋਗ ਗੁਰੂ ਹਰਖਾਯੋ ।
 ਵਾਰਾਂ ਲਿਖਾਇ ਗੁਰੂ ਸੁਖ ਪਾਇਕੈ ਭਗਤਨਿ ਕੇ ਪੁਨ ਸਬਦ ਲਿਖਾਯੋ ।
 ਬਿਸਮੈ ਮਨ ਪਾਇ ਸੁ ਭਾਈ ਲਿਖੈ ਹਰਿ ਮਾਯਾ ਜਬੈ ਮਨ ਤਾਂਹਿ ਭੁਲਾਯੋ ॥ 249 ॥

ਦੋਹਰਾ

ਤਬ ਭਾਈ ਚਿੰਤਾ ਕਰੈ ਮਨ ਮਹਿ ਐਸ ਵਿਚਾਰ ।
 ਚਤਰ^੨ ਗੁਰ ਬਾਣੀ ਰਚੀ ਪਰਮ ਆਪ ਉਚਾਰ ॥ 250 ॥
 ਬਹੁਰ ਸਬਦ ਸ੍ਰੀ ਮੁਖ ਕਹਿਹਿ ਭਗਤ ਨਾਮ ਧਰ ਦੇਹਿ ।
 ਆਪ ਰਰਹਿ ਹਮਰੂ ਲਿਖਹਿ ਭਗਤ ਨ ਕੋ ਦ੍ਰਿਸ਼ਟਹਿ^੩ ॥ 251 ॥

ਚੌਪਾਈ

ਸ੍ਰੀ ਸਤਿਗੁਰ ਤਿਹ ਮਨ ਕੀ ਜਾਨੀ । ਮਾਯਾ ਭ੍ਰਮਾਯੋ ਮਨ ਅਨਮਾਨੀ ।
 ਪੁਨ ਭਾਈ ਕੋ ਆਗਯਾ ਕੀਨੀ । ਪ੍ਰਾਤ ਸਮੇਂ ਆਵੇ ਮਤ ਭੀਨੀ ।
 ਦੋਇ ਘਰੀ ਆਗੇ ਹੀ ਆਵੇ । ਬੈਠ ਕਨਾਤ ਬਾਹਰ ਸੁਖ ਪਾਵੇ ।
 ਭੀਤਰ ਤੁਮਹਿ ਬੁਲਾਵਹਿ^੪ ਜਬਹੀ । ਹਮਰੇ ਨਿਕਟਿ ਆਉ ਤੁਮ ਤਬਹੀ ।
 ਸਤਿ ਬਚਨ ਭਾਈ ਯੋ ਗਾਯੋ । ਲੈ ਆਗਯਾ ਨਿਜ ਡੇਰੇ ਆਯੋ ।
 ਪ੍ਰਾਤ ਸਮੇਂ ਸੁ ਘਰੀ ਦੁਇ ਆਗੇ । ਇਸਨਾਨ ਕੀਓ ਭਾਈ ਵਡਭਾਗੇ ।
 ਪੁਨ ਸ੍ਰੀ ਗੁਰ ਕੇ ਢਿਗ^੫ ਚਲ ਗਯੋ । ਕਨਾਤ ਬਾਹਰ ਜਾਇ ਬੈਠਤ ਭਯੋ ।
 ਭੀਤਰ ਸ੍ਰੀ ਗੁਰ ਚਰਚਾ ਕਰਹਿ । ਭਗਤਨਿ ਸਾਥ ਹਰਖ ਮਨ ਧਰਹਿ ॥ 252 ॥

^੧ਅ ਪੋਥੀ ਧਖਹਿ ^੨ਅ ਪੋਥੀ ਚੌਥੇ ਏ ਪੋਥੀ ਚਤੁਰਥ ^੩ਅ ਤੇ ਏ ਪੋਥੀ ਕੋਈ ਨਦਹੀ ਆਇ ^੪ਅ ਪੋਥੀ ਪੁਕਾਰਹਿ ^੫ਅ ਪੋਥੀ ਨਿਕਟਿ

੩ ਗਿਰਦਾਸ ਚੌਲੀ ਚੌਲੀ
ਦੋਹਰਾ

੦੬੧

ਕਨਾਤ ਬਾਹਰ ਬੈਠੇ ਤੁਹਾ ਭਾਈ ਮੋਨਾ ਸੁ ਧਾਰ ॥
ਨਿਕਸ ਕਨਾਤ ਤੇ ਜਬ ਚੌਲੀ ਭਗਤ ਸੁਰਪ ਅਪਾਰ ॥ 253 ॥
ਪ੍ਰਥਕ ਪ੍ਰਥਕ ਸੁਰਹੀਨ ਕੀਓ ਭਾਈ ਕੀਓ ਪ੍ਰਨਾਮ ॥
ਨਿਜ ਨਿਜ ਨਾਮ ਕੋ ਕਹਿਤ ਗਏ ਸੁਭੇ ਨਿਜ ਧਾਮ ॥ 254 ॥

ਚੌਪਈ

ਤਬ ਭਾਈ ਮਨ ਬਿਸਮੈ ਪਾਈ ॥ ਭਗਤ ਨਾਮ ਕਵਿ ਕਹਿਤ ਸੁਨਾਈ ॥
ਕਬੀਰ ਤਿਲੋਚਨ ਬੇਨੀ ਜਾਨੈ ॥ ਨਾਮ ਚੋਵ ਰਵਿਦਾਸ ਪਛਾਣੈ ॥
ਫਰੀਦ ਧੰਨਾ ਭੀਖਨ ਜੈਦੇਵਾ ॥ ਪ੍ਰੀਤਾ ਸਾਨਾ ਸੈਣ ਸੁ ਭੇਵਾ ॥
ਪਰਮਾ ਨੰਦਾ ਰਾਮ ਨੰਦ ਗਏ ॥ ਸੁਰਦਾਸ ਪਦ੍ਮਿਨੀ ਦੇ ਭਏ ॥
ਪੰਦਰਾਂ ਨਾਮ ਭਗਤਿ ਏ ਕਹੇ ॥ ਆਗੇ ਸੋਨੇ ਔਰ ਸੁਖ ਲਹੇ ॥

ਠੰਢੇ

ਸੰਮਨ ਮੂਸਨ ਔਰ ਜਮਾਲ ॥ ਮਸਕਨ ਚਾਰ ਭਏ ਨਿਹਾਲ ॥
ਇਹ ਕਾਰਨ ਗੁਰ ਰੂਪ ਦਿਖਾਏ ॥ ਦਾਸ ਚਿਤ ਭਜ ਗਹਿਨ ਨ ਪਾਏ ॥
ਸਭੈ ਭਗਤ ਦੇਖੇ ਗੁਰਦਾਸ ॥ ਤਬ ਮਾਯਾ ਮਨ ਭਾਈ ਉਦਾਸ ॥ 255 ॥

ਦੋਹਰਾ

ਭਾਈ ਮਨ ਬਿਸਮੈ ਭਏ ਨਿਜ ਅਪਾਰ ॥ ਨਾਮ ਨ ਉਠੇ ਭਜ ਉਠੇ ਚਨ ਚੰਦੀ ॥
ਕ੍ਰਿਪਾ ਸਿੰਧ ਆਗਿਆ ਕਰੀ ਆਵ ਨਿਕਟ ਹਮਾਰ ॥ 256 ॥
ਤਬ ਭਾਈ ਭੀਖਨ ਗਏ ਸੀ ਗੁਰ ਕੇ ਸਮਗਾਇ ॥ ਭਾਈ ਚੌਲੀ ਚੌਲੀ ਚੌਲੀ ॥
ਗਰਿ ਅੰਚਰ ਬਿਨਤੀ ਕਰੀ ਸੀ ਗੁਰ ਪਗ ਲਪਟਾਇ ॥ 257 ॥

ਸੁਫਲਾ

ਦੀਨ ਹੈ ਭਾਈ ਕਰੀ ਉਪਮਾ ਤਮਹੀ ਗਹਿ ਕਸ ਤ ਕਸ ਪਛਾਰਯੋ ॥
ਤੁਮ ਹੀ ਰਘਬੀਰ ਹੈ ਰਾਵਨ ਮਾਰ ਬਭਾਖਨ ਔਰ ਸੰਗੀਵ ਉਬਾਰਯੋ ॥
ਤੁਮਹੀ ਹਰਨਾਖਸ ਕਉ ਉਰ ਫਾਰ ਕੇ ਰੂ ਨਰਸਿੰਘ ਪ੍ਰੇਲਾਦ ਉਬਾਰਯੋ ॥
ਪਤਿਤ ਅਨੇਕ ਉਧਾਰ ਕਰੈ ਤੁਮ ਭੂਲ ਭਿਖਾਰਯੋ ॥ 258 ॥

ਚੌਪਈ

ਗਯੋ ਭਰਮ ਬਿਨਤੀ ਸੁਨ ਬਲ ॥ ਦਯਾ ਸਿੰਘ ਸੁਖਸਿੰਘ ਅਡਲੇ ॥
ਜੋ ਮਾਗੇ ਸੋਈ ਬਰ ਦੇਵਹੁ ॥ ਸੋ ਰੁਚੇ ਹੋਇ ਭਾਈ ਤੁਮ ਲਵਹੁ ॥
ਸ੍ਰੀ ਗੁਰ ਕੋ ਤਬ ਬਚਨ ਸੁਨਾਏ ॥ ਭਾਈ ਬਲਯੋ ਅਤਿ ਸੁਖ ਪਾਏ ॥
ਮਹਾਰਾਜ ਕ੍ਰਿਪਾ ਅਸ ਕੀਜੈ ॥ ਭਗਤ ਭਾਈ ਦਰਸਨ ਮੋਹਿ ਦੀਜੈ ॥

ਉਠੇ ਨ ਤੀਠੇ ਧੀਮ ਨਿਧਿ ॥ ਸਿਧੇ ਮਸ ਏ ਏ ਪ੍ਰੀਤੀ ਰਾਵਤ

ਅ ਪੋਥੀ ਮਸਟ ॥ ਅ ਪੋਥੀ ਰਾਮਾਨੰਦ ॥ ਅ ਪੋਥੀ ਰਿਦੁ ਪੋਥੀ ਅਨਿ ॥ ਅ ਪੋਥੀ ਅਧਿਕਾਰ ॥ ਅ ਪੋਥੀ
ਸਤਿਗੁਰ ॥ ਅ ਪੋਥੀ ਗੁਰਦਾਸ ॥ ਅ ਪੋਥੀ ਯਹਿ

ਜਥਾ ਭਿਖੇ ॥ ਏਕੀ ॥ ਭਿਖੇ ॥ ਭਿਖੇ ॥ ਭਿਖੇ ॥ ਭਿਖੇ ॥ ਭਿਖੇ ॥ ਭਿਖੇ ॥ ਭਿਖੇ ॥

ਜਸ ਤੁਮ ਚਰਚਾ ਕਰੋ ਬਨਾਈ । ਸੋ ਸਭੋ ਸੁਨਉ ਗੁਰੂ ਸੁਖਦਾਈ ।
 ਆਵਤ ਜਾਤ ਦ੍ਰਿਸ਼ਟਿ^੧ ਮੋਹ ਪਰੈ । ਤਥਾ ਸਤ ਬਚਨ ਸ੍ਰੀ ਗੁਰ ਕਰੈ ।
 ਕ੍ਰਿਪਾ ਸਿੰਧ ਪੁਨ ਸਬਦਿ ਉਚਾਰੇ^੨ । ਭਾਈ ਲਿਖੇ ਦੇਰ ਨਹਿ ਧਾਰੇ^੩ ।
 ਸਭ ਰਾਗਿਨ ਕੀ ਕਥਾ ਸੁਨਾਉ । ਬਢੈ ਕਥਾ ਬਹੁਤ ਡਰ ਪਾਉ ॥ 259 ॥

ਦੋਹਰਾ

ਅਤਿ ਸੁਖ ਸੋ ਭਾਈ ਲਿਖੋ ਸ੍ਰੀ ਗੁਰ ਮੁਖਹੁ ਉਚਾਰ ।
 ਭਗਤਿ ਸਬਦ ਪਾਛੈ ਲਿਖੇ ਸਨਮੁਖ ਦੇਹਿ ਦਿਦਾਰ ॥ 260 ॥
 ਰਾਮਕਲੀ ਸੁਭ ਰਾਗ ਮਹਿ ਆਨੰਦ ਲਿਖ ਸੁਖ ਖਾਨ ।
 ਸੁੰਦਰ ਸਦ ਪਾਛੈ ਲਿਖਯੋ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 261 ॥

ਸੋਰਠਾ

ਭਗਤ ਸਿੰਘ ਇਕ ਗਾਥ ਗੁਰੂ ਗ੍ਰੰਥ ਕੀ ਜੋ ਸੁਨੈ ।
 ਸ੍ਰੀ ਗੁਰੂ ਕਰੈ ਸਨਾਥ ਰੰਕ ਭੂਪ ਤਤ ਛਿਨ ਕਰੈ ॥ 262 ॥

ਚੌਪਾਈ

ਜਿਹ ਨਰ ਕਉ ਜਗ ਕੋਉ ਨ ਜਾਨੇ । ਨਾਮ ਜਪਤ ਸੇ ਚਹੁ ਕੁੰਟ ਮਾਨੇ ।
 ਸਤਾ ਅਰੁ ਬਲਵੰਤ ਮਿਰਾਸੀ । ਤਾਂਕੀ ਕਟੀ^੨ ਗੁਰੁ ਭਵ ਫਾਸੀ ।
 ਤਿਨਹਿ ਵਾਰ ਗੁਰ ਉਪਮ^੩ ਉਚਾਰੀ । ਸ੍ਰੀ ਗ੍ਰੰਥ ਮਹਿ ਲਿਖ ਗੁਰ ਧਾਰੀ ।
 ਰਾਮਕਲੀ ਦੁਇ ਵਾਰ ਲਿਖੀ ਜਬ । ਤਾਂ ਪਾਛੈ ਸੋ ਵਾਰ ਲਿਖੀ ਤਬ ।
 ਇਹ ਸੁਨ ਭਗਤਿ ਸਿੰਘ ਬਿਸਮਾਯੋ । ਸੰਸਾ ਧਰ ਮੁਖ ਬੈਨ ਸੁਨਾਯੋ ॥
 ਮਨੀ ਸਿੰਘ ਕੀ ਉਪਮਾ ਕਰੀ । ਹੋ ਗੁਰ ਤੁਮ ਹੋ ਸੰਸੈ ਹਰੀ ।
 ਮੇਰੋ ਮਨ ਅਸ ਸੰਸਾ ਭਯੋ । ਡੂੰਮ ਨਾਮ ਐਸੇ ਤੁਮ ਲਯੋ ।
 ਤਿਨੇ ਵਾਰ ਸੋ ਕੈਸ ਉਚਾਰੀ । ਕੈਸੇ ਗੁਰੂ ਗ੍ਰੰਥ ਲਿਖ ਧਾਰੀ ॥ 263 ॥

ਦੋਹਰਾ

ਫੋਰ ਕਥਾ ਸਭ ਹੀ ਕਹੋ ਹੇ ਪ੍ਰਭ ਦੀਨਾਨਾਥ ।
 ਤੁਮ ਕ੍ਰਿਪਾਲ ਸੁਆਮੀ ਸਦਾ ਹੰਉ ਤੁਮ ਦਾਸ ਅਨਾਥ ॥ 264 ॥
 ਭਗਤ ਸਿੰਘ ਕੀ ਬਿਨਤਾ^੪ ਸੁਨ ਮਨੀ ਸਿੰਘ ਗੁਨ ਗਾਨ ।
 ਹੁਇ ਪ੍ਰਸੰਨ ਬੋਲਤ ਭਏ ਪਰਮ ਪ੍ਰੀਤਿ ਤਿਹ ਜਾਨ ॥ 265 ॥

ਚੌਪਾਈ

ਭਗਤ ਸਿੰਘ ਤੁਮਰੇ ਸਮ ਕੋਈ । ਤੀਨ ਲੋਕ ਮਹਿ ਹੋਇ ਨ ਹੋਈ ।
 ਸਤਿਗੁਰੁ ਉਪਮ ਸੁਨਨ ਕੀ ਚਾਹਾ । ਤੁਮਰੇ ਮਨ ਮਹਿ ਅਧਿਕ ਉਮਾਹਾ ।

^੧ਅ ਪੋਥੀ ਨਜਰਿ ^੨ਅ ਤ ਏ ਪੋਥੀ ਕਾਟੀ ^੩ਏ ਪੋਥੀ ਸਿਫਤ ^੪ਅ ਪੋਥੀ ਅਰਜ

ਅਬ ਸੋ ਕਥਾ ਸੁਨੋ ਮਨ ਲਾਈ । ਕਹੀ ਸੁ ਵਾਰ ਮੁਕਤਿ ਜਿਮਿ ਪਾਈ ।
 ਬਡੋ ਭ੍ਰਾਤ ਬਲਵੰਡ ਪ੍ਰਮਾਨੋ¹ । ਸਤਾ ਤਾਕੋ ਅਨੁਜੁ ਪਛਾਨੋ ।
 ਧਨ ਬਿਨ ਦੁਹੂ ਭ੍ਰਾਤ ਦੁਖ ਪਾਯੋ । ਬਲਵੰਡ ਤਬ ਕਿਹ ਦੇਸ ਸਿਧਾਯੋ ।
 ਸਤਾ ਰਹਯੋ ਗੁਰੂ ਨਿਕਟਾਰੇ । ਗੁਰ ਅਰਜਨ ਤਿਹ ਖੇਦ² ਨਿਵਾਰੇ ।
 ਸਤਾ ਗੁਰ ਢਿਗ ਕੀਰਤਨ ਕਰੈ । ਜੋ ਚਾਹੈ ਸੋਈ ਕਰ ਪਰੈ ॥
 ਦੇਸ ਦੇਸ ਫਿਰ ਬਡ ਦੁਖ ਪਾਯੋ । ਬਲਵੰਡ ਅੰਤ ਸਤਿਗੁਰ ਢਿਗ³ ਆਯੋ ॥ 266 ॥

ਦੋਹਰਾ

ਸ੍ਰੀ ਗੁਰ ਕੀ ਉਪਮਾ ਕਰੀ ਬਲਵੰਡ ਕਬਿਤ ਬਨਾਇ ।
 ਸ੍ਰੀ ਸਤਿਗੁਰ ਤਿਹਿ ਧੀਰਜ ਦੇ ਐਸੇ ਕਹਿਓ ਸੁਨਾਇ ॥ 267 ॥
 ਇਤਰ ਬੈਨ ਤੁਮ ਨਾ ਰਹੋ ਮੁਹਿ ਆਗਿਆ ਇਹ ਮਾਨ ।
 ਮਿਲ ਸਤੇ ਕੀਰਤਨ ਕਰੋ ਸੁਨੋ ਰਾਇ ਬੁਧ ਵਾਨ ॥ 268 ॥

ਚੌਪਾਈ

ਰਾਇ ਬਲਵੰਡ ਤਿਹ ਨਾਮ ਉਚਾਰਾ । ਬਹੁ ਧਨ ਦੀਨੋ ਤਾਹਿ ਮੁਰਾਰਾ ।
 ਰਾਇ ਬਲਵੰਡ ਹਰਖ ਅਤਿ ਭਯੋ । ਆਗਯਾ ਧਨ ਲੈ ਧਾਮ ਨਿਜ ਗਯੋ ॥
 ਦੋਹੂ ਭ੍ਰਾਤ ਮਿਲ ਰੁਚ ਸਿਉ ਗਾਵਹਿ । ਕਰ ਕੀਰਤਨ ਬਡ ਸੋਭਾ ਪਾਵਹਿ ।
 ਕਿਤਕ ਕਾਲ ਇਹ ਭਾਂਤ ਬਿਤਾਯੋ । ਬਿਆਹ ਸਮਾਂ ਭਗਨੀ⁴ ਤਿਹ ਆਯੋ ।
 ਦੁਹੂ ਭ੍ਰਾਤ ਗੁਰ ਕੇ ਢਿਗ ਜਾਈ । ਗੁਰ ਅਰਜਨ ਕੀ ਉਪਮਾ ਸੁਨਾਈ ।
 ਪਾਛੇ ਗੁਰ ਕੇ ਐਸ ਅਲਾਯੋ । ਨਿਕਾਹਿ ਬਹਿਨ ਕਾ ਪ੍ਰਭ ਜੀ ਆਯੋ ।
 ਕਰ ਕ੍ਰਿਪਾ ਗੁਰ ਦਰਬ ਸੁ ਦਯੋ⁵ । ਦਾਸ ਜਾਨ ਹਮ ਕਾਰਜ ਕਯੋ⁶ ।
 ਸ੍ਰੀ ਗੁਰ ਕਹਾ ਧੀਰ ਤੁਮ ਧਾਰੋ । ਗੁਰ ਨਾਨਕ ਕਾ ਅਲਖ⁷ ਭੰਡਾਰੋ ॥ 269 ॥

ਦੋਹਰਾ

ਪ੍ਰਾਤ ਕਾਲ ਪੂਜਾ ਚੜੈ ਸਭ ਹੀ ਦਰਬ⁸ ਤੁਮਾਰ ।
 ਗੁਰ ਅਰਜਨ ਜੀ ਅਸ ਕਹਿਓ ਕਾਰਜ ਲੇਵੋ ਸਾਰ⁹ ॥ 270 ॥
 ਦੁਹੂਅਨ ਮਨ ਧੀਰਜ ਭਯੋ ਗੁਰ ਕੇ ਬੈਨ ਸੁਨਾਇ ।
 ਗੁਰ ਜਸ ਕਹਿ ਗ੍ਰਿਹ ਕਉ ਗਏ¹⁰ ਕਰਿਯੋ ਅਰੰਭ ਸੁ ਜਾਇ ॥ 271 ॥¹⁰

ਸਵੈਯਾ

ਹੋਤ ਪਰਾਤ ਭਯੋ ਜਬ ਹੀ ਤਬ ਸ੍ਰੀ ਗੁਰ ਦਰਸਨ ਕੋ ਸਿਖ ਆਏ ।
 ਸਤ ਏਕ ਰੁਪਯਾ ਸੁ ਭੇਟ ਧਰੀ ਸਭ ਹੀ ਸਿਖ ਸੰਗਤ ਹੂੰ ਇਕਠਾਏ ।
 ਸੁਖ ਸਿੰਧ ਬੁਲਾਇ ਤਬੈ ਦੁਹੂ ਭ੍ਰਾਤਿਨ ਦੀਨੇ ਸੋਊ ਤਿਨ ਲੈ ਦੁਖ ਪਾਏ ।
 ਸ੍ਰੀ ਗੁਰੂ ਅਗ੍ਰ ਵਗਾਇ ਦੀਏ ਹਮ ਲੇਵਤਿ ਨਾ ਤੁਮ ਹਾਸ ਕਰਾਏ ॥ 272 ॥

¹ਅ ਤੇ ਏ ਪੋਥੀ ਤੁਮ ਜਾਨੋ ²ਏ ਪੋਥੀ ਭ੍ਰਾਤ ³ਅ ਪੋਥੀ ਪਹਿ ⁴ਅ ਤੇ ਏ ਪੋਥੀ ਪੁਤ੍ਰੀ ⁵ਅ ਪੋਥੀ ਦੀਜੈ ⁶ਅ ਪੋਥੀ ਕੀਜੈ ⁷ਅ ਪੋਥੀ ਅਮੁਕ ⁸ਅ ਤੇ ਏ ਪੋਥੀ ਧਨ ਮਾਲ ⁹ਏ ਪੋਥੀ ਸਵਾਰ ¹⁰ਅ ਤੇ ਏ ਪੋਥੀ ਅਰੰਭਿਓ ਕਾਰਜ ਜਾਇ

ਗੁਰ ਬਿਲਾਸ ਪਾਤਸ਼ਾਹੀ ੬—ਸ ਗੁਰੂ ਗ੍ਰੰਥ ਸਾਹਿਬ ਜੋ ਭਾਖ

ਸ੍ਰੀ ਗੁਰੂ ਪ੍ਰੀਤਸਿੰਘ ਫੌਰ ਦੀਏ ਮੁਖ ਏਹੁ ਕਹਿਓ ਤੁਮ ਲੇਹੁ ਪਿਆਰੇ ॥
ਜੇਤਾ ਚਾਹੁ ਧਨ ਤੇਤਾ ਮਿਲੇ ਅਤਿ ਨਿਮਤ੍ਰੇ ਹੁ ਗੁਰ ਬੰਨੇ ਉਚਾਰੇ ॥
ਰੁਪਯਾ ਸਤ ਲੇ ਸੋਊ ਧਾਮ ਗੁਰੇ ਅਰੁ ਨਿਦਰੁ ਭੁ ਗੁਰ ਕੇ ਦਰਬਾਰੇ ॥
ਜਾਵਹਿ ਨਾਹਿ ਗੁਰੂ ਢਿਗ ਆਜੁ ਤੇ ਕਾਰਜ ਨਾਹਿ ਕਉ ਹਮ ਸਾਰੇ ॥ 273 ॥

ਦੋਹਰਾ

ਸ੍ਰੀ ਗੁਰ ਕੇ ਢਿਗ ਨਹਿ ਗੁਰੇ ਅਗਲੇ ਦਿਵਸੁ ਵਿਚਾਰ ॥
ਗੁਰ ਅਰਜਨ ਤਬ ਸਿਖ ਪਨੇ ਲਿਆਵੇ ਤਾਹਿ ਸੁਧਾਰ ॥ 274 ॥
ਗੁਰੂ ਆਗਿਆ ਸਿਖਨਿ ਕਹੀ ਚਲੇ ਡੇਰੁ ਕੋ ਤਿਆਗ ॥
ਯਾਦ ਕਰਹਿ ਤੁਮ ਕੋ ਗੁਰੂ ਤਰਤ ਚਲੇ ਬਡਾ ਭਾਗ ॥ 275 ॥

ਚੌਪਾਈ

ਰਾਇ ਬਲਵੰਡ ਸੁਤੇ ਭਯੋ ਕੰਡਾਨ ਗੁਰੂ ਢਿਗ ਚਾਉਦਾ ਸੁਨ ਕਿੰਝੀ ਬਲਵੰਡੀ ॥
ਲਗੇ ਦੀਵਾਨ ਕੀਰਤਨ ਧਰਮ ਕਰਹਿ ਗੁਰੂ ਗੁਰੂ ਬੰਨੇ ਅਗਲੇ ਦਿਵਸ ॥
ਹਮ ਬਿਨੇ ਪ੍ਰਸਾਦਿ ਨਾ ਕੋਈ ਧਿਆਇ ਤੇ ਨੀਰੀ ਜਾਵਨੀ ਹਮ ਹੋਈ ॥
ਜਤਨ ਅਨੇਕ ਸਿਖੇ ਕੰਗਦਾਰੇ ਨਾਨਕਾਨਾਹਿ ਢਿਗ ਬਿਚਲਾਉ ਚਲੇ ਨਾਨਕ ॥
ਨਾਂਹ ਆਏ ਭਯੋ ਸਿਖ ਹਉਨਿਆਈ ਸਭ ਬੰਨੇ ਤੇਤਾ ਗੁਰੂ ਹਿ ਸੁਨਾਏ ॥
ਸ੍ਰੀ ਗੁਰ ਔਗ ਸਿਖ ਪਨਾ ਦੀਏ ਨਲਿਆਰੇ ਤਾਹਿ ਸਾਲਾਹੁ ਸੁਣੀਓ ॥
ਬਚਨ ਮਾਨ ਗੁਰੂ ਕੇ ਸਿਖ ਧਾਏ ॥ ਬਲਵੰਡ ਸਤੇ ਕੀਰਤਨ ਸਮਝ ਆਇ ॥
ਸਾਲੋ ਧਰਮ ਸਾਲ ਬੰਨੇ ਕਢਾਏ ॥ ਭਾਗਨ ਗੁਰੂ ਬਡਾ ਸੰਗ ਆਇ ॥ 276 ॥

ਦੋਹਰਾ 276

ਤਹਾਂ ਜਇ ਸਿਖਨ ਕਹਾ ਚਲੇ ਗੁਰੂ ਕੀ ਪਾਸ ॥
ਯਾਦ ਕਰਹਿ ਤੁਮ ਕਉ ਗੁਰੂ ਬੰਨੇ ਕਹੇ ਉਦਾਸ ॥
ਬਲਵੰਡ ਸਤੇ ਤਬ ਕਹਾ ਕਰੇ ਜਤਨ ਨਾ ਕੋਢ ॥
ਹਮ ਤਉ ਅਬ ਜਾਵਹਿ ਨਗੀ ਸਤਿਗੁਰੂ ਕੀ ਓਠੀ ॥ 277 ॥

ਅਭਿਲਾਸ

ਇਸ ਸੁਨ ਤਿਨਾ ਕੋ ਬੈਨਾ ਸਿਖੇ ਮੁੜ ਆਇਯਾ ॥
ਬੈਨ ਕਹੈ ਜੋ ਤਿਨੇ ਸੁ ਗੁਰੂ ਹਿ ਸੁਨਾਇਯੀ ॥
ਮਹਾਰਾਜ ਨਹਿ ਮਾਨੈ ਮੁੜ ਗੇਵਰਿ ਜਤਿ ॥
ਹੈ ਤਾਕੋ ਸਨ ਅਭਿਮਾਨ ਕਿ ਗਾਵਹਿ ਨਾਗੀ ॥ 278 ॥

ਸਿਸੁਨੈ ਸਿਖ ਕੋ ਬੈਨਾ ਗੁਰੂ ਮਲ ਧਾਰਿਯੀ ॥
ਸ 'ਚਲਾਇ' ਤਾਹਿ ਲਿਕੇਤ ਸੁ ਮਨੀਹ ਵਿਚਾਰਿਯੀ ॥

ਤੀਸ

ਜੈਸੇ ਦੁਜੋਧਨ ਨਿਕਟ ਗਏ ਥੇ ਕ੍ਰਿਸਨ ਬਰ ।
ਹੋ ਨਹਿ ਮਾਨੇ ਥੇ ਬੈਨ ਰਾਜ ਕੋ ਮਾਨ ਧਰ¹ ॥ 280 ॥

ਚੌਪਾਈ

ਤੈਸੇ ਸ੍ਰੀ ਗੁਰੁ ਤਹਾਂ ਸਿਧਾਏ । ਬਲਵੰਡ ਸਤੇ ਗ੍ਰਿਹਿ ਗੁਰ ਆਏ ।
ਆਗੇ ਬੈਠ ਰਹੇ ਧਰ ਮਾਨ । ਸ੍ਰੀ ਗੁਰੁ ਕੋ ਨਹਿ ਆਦਰ ਠਾਨ ।
ਬੈਠ ਸ੍ਰੀ ਗੁਰੁ² ਬਚਨ ਅਲਾਏ । ਕਾਰਨ ਕੋਨ³ ਤੁਮਹਿ ਰਿਸ ਖਾਏ ।
ਜਿਤਨੋ ਦਰਬ ਚਹੁ ਅਬ ਲੇਵੇ । ਗੁਰ ਨਾਨਕ ਭੰਡਾਰ ਅਭੇਵੇ ॥
ਬਲਵੰਡ ਕਹਾ ਹਮ ਕਛੁ ਨ ਦੇਖਾ । ਤੁਮ ਭਾਖਤ⁴ ਭੰਡਾਰ ਅਲੇਖਾ ।
ਸਹੰਸੂ ਰੁਪਯਾ ਲਗੇ ਬਿਵਾਹਾ । ਤਮ ਦੀਓ ਸਤ ਏਕ ਉਮਾਹਾ ।
ਤੁਮਰੇ ਸਾਥ ਨਹੀਂ ਹਮ ਜਾਵਹਿ । ਔਰ ਜਗਤ ਤੇ ਮਾਂਗ ਲਿਆਵਹਿ ।
ਸ੍ਰੀ ਗੁਰ ਕਹਾ ਕ੍ਰੋਧ⁵ ਨਹੀਂ ਧਾਰੋ । ਗੁਰ ਨਾਨਕ ਕੇ ਬੈਨ ਚਿਤਾਰੋ ॥ 281 ॥

ਦੋਹਰਾ

ਭਗਤ ਸਿੰਘ ਪੂਛਤ ਭਯਾ ਹੇ ਪ੍ਰਭ ਕਿਆ ਬਚ ਭਾਖ ।
ਗੁਰ ਨਾਨਕ ਕਿਆ ਬਚ ਕਹੈ ਸੋਊ⁶ ਸੁਨਾਵੇ ਸਾਖ ॥ 282 ॥
ਮਨੀ ਸਿੰਘ ਐਸੇ ਕਹਾ ਸੁਨਹੁ ਸਿਖ ਨਿਰਧਾਰ ।
ਏਕ ਸਮੇਂ ਜਾਵਤ ਭਏ ਰਾਵੀ ਤਟ ਨਿਰੰਕਾਰ ॥ 283 ॥

ਚੌਪਾਈ

ਏਕ ਅਨੀਹ ਰੂਪ ਗੁਰੁ ਨਾਨਕ । ਰਾਵੀ ਤਟ [ਬੈਠੇ]⁷ ਸੁਖ ਖਾਨਕ ।
ਦਾਲ ਡੂਮ ਸਾਥ ਮਰਦਾਨੇ । ਦੁੰਢਤ ਆਏ ਗੁਰੁ ਨਿਕਟਾਨੇ ।
ਮਰਦਾਨੇ ਕੋ ਤਬ ਗੁਰੁ ਕਹਾ । ਰਬਾਬ ਬਜਾਵੇ ਰਾਗ ਸੁ ਗਹਾ ।
ਰਬਾਬ ਬਜਾਯੋ ਤਿੰਹ ਬਡ ਭਾਗੇ । ਆਪ ਦਾਲੇ ਸਿਉ ਗਾਵਨਿ ਲਾਗੇ ।
ਘੜੀ ਜੁਗਲ ਦਿਨ ਜਬੈ ਰਹਾਈ ॥ ਆਸਾ ਰਾਗਨੀ ਸ੍ਰੀ ਗੁਰ ਗਾਈ ।
ਸੁਨਤ ਰਾਗ ਪੰਛੀ ਮ੍ਰਿਗ ਮੋਹੈ । ਬੈਰ ਭਾਵ ਨਿਜ ਮਨ ਨਹੀਂ ਜੋਹੈ ॥
ਮਾਨ ਕੀਓ ਮਰਦਾਨੇ ਦਾਲੇ । ਮ੍ਰਿਗ ਪੰਛੀ ਮੋਹ ਹਮ ਖਿਆਲੇ ।
ਗੁਰੁ ਨਾਨਕ ਤਬ ਮੋਨ⁸ ਸੁਧਾਰੀ । ਦਾਲੇ ਕਹਿਓ ਮੋਨ⁸ ਕਿਮ ਸਾਰੀ ॥ 284 ॥

ਦੋਹਰਾ

ਸ੍ਰੀ ਗੁਰੁ ਨਾਨਕ ਤਬ ਕਹਾ ਤੁਮੈ ਮਾਨ ਅਬ ਕੀਨ ।
ਮਾਨ ਸਹਿਤਿ ਕਲਿਆਨ ਨਹਿ ਕਰੋ ਜਤਨ ਚਿਤ ਚੀਨ ॥ 285 ॥
ਤਬ ਦੁਹੰਅਨ ਬਿਨਤੀ ਕਰੀ ਹੇ ਪ੍ਰਭ ਬਖਸ਼ ਦਿਆਲ ।
ਸ੍ਰੀ ਗੁਰ ਨਾਨਕ ਤਬ ਕਹਾ ਲਿਖਾ ਇਹੀ ਬਿਧ ਭਾਲ ॥ 286 ॥

¹ਅ ਪੌਥ ਮਧ ²ਏ ਪੌਥੀ ਸਤਿਗੁਰੁ ³ਅ ਪੌਥੀ ਕਹਿ ⁴ਅ ਪੌਥੀ ਉਚਰਹਿ ⁵ਅ ਪੌਥੀ ਰਿਸ ⁶ਏ ਪੌਥੀ ਹਮਰਿ
⁷ਅ ਪੌਥੀ ਵਿਚੋਂ ⁸ਅ ਪੌਥੀ ਮਸਟ

ਚੋਪਾਈ

ਪੰਚਮ ਦੇਹ ਜਥੈ ਮੈ ਧਰਹੂੰ । ਕੋਤਕ ਅਨਿਕ ਜਗਤ [ਮਹਿ]¹ ਕਰਹੂੰ ।
 ਰਾਗ ਮਾਨ ਤਬ ਭੀ ਤੁਮ ਕਰਹੋ । ਬਹੁਤ ਨਿਰਾਦਰ ਹਮਰਾ ਧਰਹੋ ।
 ਜੈਸੇ ਮਾਨ ਅਥੈ ਤੁਮ ਕੀਨਾ । ਇਸ ਤੇ ਅਧਿਕ ਕਰੋ ਰਿਸ ਲੀਨਾ ।
 ਪ੍ਰਿਥਮੈ ਪਠਹੁ ਸਿਖ ਤੁਮ ਪਾਸ । ਬਹੁਰ ਕਰਹੁ ਅਪਨੀ² ਅਰਦਾਸ ।
 ਬਚ ਹਮਰੇ ਤੁਮ ਮਾਨਹੁ ਨਾਹੀਂ । ਪੁਨ ਪਛਤਾਇ ਸਰਨਿ ਤੁਮ ਪਾਹੀ ।
 ਕਥਾ ਬਡੀ ਸੰਕੋਚ³ ਬਖਾਨੀ । ਬੋਰੇ ਮਹਿ ਤੁਮ ਜਾਨਹੁ ਗਿਆਨੀ ।
 ਸੋ ਦਾਲੇ ਬਲਵੰਡ ਬਪ ਪਾਯੋ । ਮਰਦਾਨਾ ਸਤਾ ਹੂੰ ਆਯੋ ।
 ਮਸੇਰ ਭ੍ਰਾਤ ਦਾਲਾ ਮਰਦਾਨਾ । ਸਕੇ ਭ੍ਰਾਤ ਇਹ ਠਾਂ ਹਮ ਜਾਨਾ ॥ 287 ॥

ਸੋਰਠਾ

ਸ੍ਰੀ ਗੁਰ ਨਾਨਕ ਰੂਪ ਗੁਰੁ ਅਰਜਨ ਪਰਤਖ ਹਰਿ ।
 ਹਰਿਤ ਦਾਸ ਤਮ ਕ੍ਰੂਪ ਜਾਸ ਕ੍ਰਿਪਾ ਸੋਊ ਲਖੈ ॥ 288 ॥

ਦੋਹਰਾ

ਯਾਦ ਕਰਾਏ ਬਚਨ ਸੋ ਗੁਰ ਅਰਜਨ ਸੁਖ ਖਾਨ ।
 ਭਾਵੀ ਵਸ ਮਾਨੇ ਨਹੀਂ ਗੁਰੁ ਕੀ ਨਿੰਦਾ ਠਾਨ ॥ 289 ॥
 ਗੁਰੁ ਨਾਨਕ ਜਗ ਮਹਿ ਭਏ ਬਾਲਾ ਸੰਗ⁴ ਸੁਜਾਨ ।
 ਮਰਦਾਨੇ ਕੇ ਸਬਦ ਤੇ ਸੋਭਾ ਬਡੀ ਮਹਾਨ ॥ 290 ॥

ਚੋਪਾਈ .

ਅੰਗਦ ਅਮਰ [ਗੁਰੂ]⁵ ਰਾਮਦਾਸ । ਕੀਰਤਨ ਤੇ ਜਗ ਭਯੋ ਪ੍ਰਗਾਸ ।
 ਤੁਮਰੇ ਨਿਕਟ ਹਮ ਕੀਰਤਨ ਕਰਹਿ । ਗੁਰੂ ਗੁਰੂ ਤੋ ਕਉ ਜਗੁ ਰਰਹਿ ।
 ਗੁਰ ਅਰਜਨ ਨਿਜ ਨਿੰਦਾ ਸੁਨਕੇ । ਕਛੁ ਨ ਕੋਧ ਉਪਜਿਓ ਤਨ ਮਨ ਕੈ ।
 ਗੁਰੂ ਨਾਨਕ ਕੀ ਨਿੰਦਾ ਸੁਨੇ । ਕੋਪ ਉਪਜਿਓ ਅਤਿ ਹੀ ਮਨੇ ।
 ਸ੍ਰੀ ਗੁਰ ਉਠ ਤਹਾਂ ਤਬ ਆਏ । ਥੜੇ ਬੈਠ ਜਿਸ ਕਾਰ ਕਢਾਏ ।
 ਥੜੇ ਬੈਠ ਦੀਵਾਨ ਲਗਾਯੋ । ਨਿਜ ਸਿਖਨ ਕਉ ਬਚਨ ਸੁਨਾਯੋ ।
 ਵਹਿ ਨਹੀਂ ਆਵਹਿ ਮਦ ਕੇ ਮਾਤੇ । ਤੁਮ ਹੀ ਕਰੋ ਰਾਗ⁶ ਅਬ ਤਾਤੇ ।
 ਵਿਦਿਆ ਰਾਗ ਸਭੀ ਤੁਮ ਪਾਵਹੂੰ । ਤਿਨਕਾ ਤੁਮ ਸਭ ਮਾਨ ਗਵਾਵਹੂੰ ॥ 291 ॥

ਦੋਹਰਾ

ਤਬ ਸਿਖਨ ਕੀਰਤਨ ਕਰਯੋ⁷ ਸਤਿਗੁਰ ਕੇ ਬਚ ਮਾਨ ।
 ਆਗੇ ਸਮਝ ਨ ਰਾਗ ਕੀ ਗੁਰ ਬਚ ਪਰੀ ਸਿਆਨ ॥ 292 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਨਿਜ ਆਇ ³ਅ ਪੋਥੀ ਸੰਖੇਪ ⁴ਅ ਪੋਥੀ ਸਾਥ ⁵ਅ ਤੇ ਏ ਪੋਥੀ ਵਿਚੋਂ
⁶ਅ ਪੋਥੀ ਕੀਰਤਨ ⁷ਅ ਤੇ ਏ ਪੋਥੀ ਕੀਓ

ਚੌਦਸ ਵਿਦਿਆ ਰਿਦੇ ਮਹਿ ਰਾਗ ਰੂਪ ਤਿੰਹ ਚਾਲ ।
ਗੁਰ ਆਗੇ ਕੀਰਤਨ ਕਰਹਿ ਪੁਨ ਗੁਰ ਹੋਹਿ ਕ੍ਰਿਪਾਲ ॥ 293 ॥

ਚੌਪਾਈ

ਪਟਣੇ ਤੇ ਸੰਗਤਿ ਤਬ ਆਈ । ਸ੍ਰੀ ਗੁਰ ਕੀ ਚਰਨੀ ਲਪਟਾਈ ।
ਆਇ ਪੂਜਾ ਗੁਰ ਆਗੇ ਠਾਨੀ । ਪੁਨ ਸੰਗਤ ਅਸ ਬੋਲੀ ਬਾਨੀ ।
ਬਲਵੰਡ ਔ ਸਤਾ ਕਹਾ ਸਿਧਾਏ । ਕੀਰਤਨ ਕਰਹਿ ਸਿਖ ਮਨ ਲਾਏ ।
ਸ੍ਰੀ ਗੁਰੁ ਇਹ ਬਾਤ ਉਚਾਰੀ । ਵਹਿ ਫਿਟ ਗਏ ਮਾਨ ਮਦ ਮਾਰੀ ।
ਅਬ ਤਿਨਕੇ ਜੋਊ ਮਸਤਕਿ¹ ਲਾਗੇ । ਤਿਨ ਕਉ ਦੁਖ² ਹੋਵੇ ਬਡ ਆਗੇ ।
ਤਿਨਕੀ ਅਰਜ ਜੋਊ ਸਿਖ ਕਰਹਿ । ਤਾਹਿ ਸਜਾਇ ਐਸ ਹਮ ਧਰਹਿ ।
ਮੂੰਹ ਕਾਲਾ ਕਰ ਸੀਸ ਮੁੰਡਾਵਹਿ³ । ਗਰਧਭ⁴ ਚਾੜ ਸੁ ਨਗਰ ਫਿਰਾਵਹਿ ।
ਐਸੇ ਬਚਨ ਸ੍ਰੀ ਗੁਰ ਕੇ ਸੁਨੇ । ਸਭ ਸੰਗਤ ਨਿਜ ਮਸਤਕ ਧੁਨੇ ॥ 294 ॥

ਦੋਹਰਾ

ਸ੍ਰੀ ਗੁਰ ਕੇ ਇਹ ਬਚਨ ਸੁਨ ਤਿਨ ਮੁਖ ਲਗੇ ਨ ਲੋਗੁ ।
ਤਬਹੀ [ਤਿਨ]⁴ ਤਨ ਫਿਟ ਗਏ ਸ੍ਰਵਯੋ ਤਾਹਿ ਬਡ ਰੋਗੁ ॥ 295 ॥
ਰੋਸ ਗ੍ਰਸਤਿ ਬਯਾਕੁਲ ਭਏ ਭਯੋ ਰਬਾਬ ਸੁ ਲੋਪ ।
ਮਾਂਗਨ ਜਾਵਹਿ ਜਿਸੈ ਗ੍ਰਿਹ ਆਗੇ ਹੋਵੇ ਕੋਪ ॥ 296 ॥

ਸਵੈਯਾ

ਸਾਹਿਬ ਸਿਉ ਜੋਊ ਮਾਨ ਕਰੈ ਦੁਖ ਸੋਇ ਭਰੈ ਇਮ ਬੇਦ ਬਖਾਨੇ ।
ਦੁਯੋਜਨ ਮਾਨ ਕੀਓ ਸ੍ਰੀ ਕ੍ਰਿਸ਼ਨ ਸਿਉ ਦੇਹ ਸਮੇਤ ਸਭੈ ਕੁਲ ਹਾਨੇ ।
ਆਪ ਮਨਾਵਨ ਗੇ ਸੁਖ ਸਿੰਧ ਨ ਮਾਨਤ ਭੇ ਮਨੁ ਰਾਗ ਗੁਮਾਨੇ ।
ਲਾਇਕ ਐਸ ਸਜਾਇ ਭਏ ਤਨ ਫਟਿ ਗਯੋ ਕੋਊ ਭੀਖ ਨ ਠਾਨੇ ॥ 297 ॥
ਅਤਿ ਹੀ ਦੁਖ ਪਾਇ ਦੋਊ ਪਛਤਾਇ ਸਹੀ ਗੁਰ ਕੋ ਪਰਮੇਸਰ ਜਾਨਿਯੋ ।
ਹਾਰ ਰਹੇ ਬਿਨਤੀ ਕਰਿ ਅਰਜ ਸੁ ਕੌਨ ਕਰੈ ਗੁਰ ਕਾ ਭੈ ਮਾਨਿਯੋ ॥
ਮੂੰਡ ਮੁੰਡਾਇ ਕਰਹਿ ਮੂੰਹ ਕਾਲੋ ਜੁ ਅਰਜ ਕਰੇ ਗੁਰ ਬੈਨ ਬਖਾਨਯੋ ।
ਤਬਹੀ ਖਿਸਿਆਇ ਮਹਾਂ ਦੁਖ ਪਾਇ ਸੁ ਸ਼ੋਕ ਕੇ ਸਿੰਧ⁵ ਭਏ ਗਲਤਾਨਯੋ ॥
॥ 298 ॥

ਦੋਹਰਾ

ਤਬੈ ਦੋਹੁ ਚਿੰਤਾ ਕਰੀ ਅਰਜ ਨ ਕੋਊ ਉਚਾਰਿ ।
ਮਾਨੁਖ ਕਰਿ ਜਾਨਯੋ ਹਮਹਿ ਸ੍ਰੀ ਗੁਰ ਰੂਪ ਮੁਰਾਰਿ ॥ 299 ॥
ਔਰ ਜਤਨ ਅਬ ਕੋ ਨਹੀ ਲਧਾ ਰਹੈ ਲਾਹੌਰ ।
ਪਰਉਪਕਾਰੀ ਨਾਮ ਤਿੰਹ ਚਲਹਿ ਤਿਸੀ ਕੀ ਓਰ ॥ 300 ॥

¹ਅ ਤੇ ਏ ਪੋਥੀ ਮਾਥੇ ²ਅ ਪੋਥੀ ਕਸਟ ³ਏ ਪੋਥੀ ਖਰਪਰਿ ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਸਾਗਰ

ਚੌਪਾਈ

ਬਲਵੰਡ ਸਤਾ ਦੋਉ ਚਲੇ । ਓਰ ਲਾਹੌਰ ਰੋਗ ਬਡ ਦਲੇ ।
 ਜਾਵਤ ਪੰਥ ਸੁ ਐਸ ਵਿਚਾਰਿਹੰ । ਭਾਈ ਲਧਾ ਪਰਉਪਕਾਰੀਹੰ ।
 ਭਾਈ ਗੁਰਦਾਸ ਕਹਾ ਨਿਰਧਾਰੀ । ਭਾਈ ਲਧਾ ਪਰਉਪਕਾਰੀ ।
 ਤਾਂਤੇ ਹਮ ਕਉ ਸੋ ਬਖਸਾਵੈ । ਕ੍ਰਿਪਾ ਸਿੰਧ ਕਾ ਦਰਸ ਕਰਾਵੈ ।
 ਪੰਥ ਰੈਨ ਬਸ ਪਹੁੰਚੇ ਤਹਾਂ । ਭਾਈ ਲਧੇ ਕਾ ਘਰ¹ ਜਹਾਂ ।
 ਜੋਉ ਸਿਖ ਤਿਨ ਨੇਤ੍ਰੀ ਜੋਵੈ । ਬਚਨ ਮਾਨ ਗੁਰ ਅੰਚਰ ਲੇਵੈ ।
 ਭਾਈ ਲਧੇ ਜਬ ਇਮ ਸੁਨ ਪਾਏ । ਬਲਵੰਡ ਸਤਾ ਮੁਹਿ ਗ੍ਰਿਹ [ਹਹਿ]² ਆਏ ।
 ਤਬ ਕਿਵਾਰ ਨਿਜ ਦਰ ਕਉ ਦੀਨੋ । ਬਚਨ ਮਾਨ ਗੁਰ ਕਉ ਸੁਖ ਲੀਨੋ ॥ 301 ॥

ਦੋਹਰਾ

ਤਬ ਦੁਹੰਅਨ³ ਬਿਨਤੀ ਕਰੀ ਹਮਰੀ ਕਰੋ ਸਹਾਇ ।
 ਤ੍ਰਾਹਿ ਤ੍ਰਾਹਿ ਕਹਿ ਪਦ ਗਹੇ ਪਰਉਪਕਾਰ ਕਰਾਇ ॥ 302 ॥
 ਪਰਉਪਕਾਰੀ ਨਾਮ ਤੁਮ ਸੁਨ ਆਏ ਤੁਮ ਪਾਸਿ ।
 ਨਾਮ ਲਾਜ ਪਾਲੋ ਪ੍ਰਭੂ ਹਮਰੀ ਕਰਿ ਅਰਦਾਸ ॥ 303 ॥

ਚੌਪਾਈ

ਖੋਲੋ ਦਰ ਹਮ ਅਰਜ⁴ ਸੁਨਾਈ । ਪਰਉਪਕਾਰ ਕਰੋ ਮਨ ਲਾਈ ।
 ਤਬ ਲਧੇ ਮਨ ਇਹ ਵਿਚਾਰਾ । ਸਭ ਤੇ ਅਧਿਕ ਸੁ ਪਰਉਪਕਾਰਾ ।
 ਖੋਲ ਕਿਵਾੜ ਭੀਤਰ ਬੈਠਾਏ । ਸੰਸਾ ਤਜਹੁ ਸੁ ਧੀਰ ਧਰਾਏ ।
 ਤੁਮਰੇ ਹਿਤ ਮੈਂ ਜਤਨ ਸੁ ਕਰਹੂੰ । ਮੂੰਹ ਕਾਲਾ ਕਰ ਗਰਧਬ ਚੜ੍ਹਹੂੰ ।
 ਮੂੰਡ ਮੂੰਡਾਇ ਮੋਰ ਕਿਆ ਜਾਵੈ । ਸਫਲ ਦੇਹ ਜੋ ਪਰ ਹਿਤ ਲਾਵੈ ।
 ਮੂੰਡੇ ਬਾਲ ਹੋਇ ਮੁਖ ਖੋਵਹੁ । ਬਖਸ਼ਾਇ ਗੁਰੂ ਤੇ ਤੁਮ ਦੁਖ ਖੋਵਹੁ ।
 ਐਸੇ ਕਹਤਿ ਰੈਨ ਤਹਿ ਸੋਏ । ਭਈ ਪ੍ਰਭਾਤ ਤਯਾਰ ਤਬ ਹੋਏ ।
 ਪ੍ਰਥਮੇ⁵ ਲਧੇ ਮੂੰਡ ਮੂੰਡਾਯੋ । ਮੂੰਹ ਕਾਲਾ ਕਰ ਗੁਰੂ ਮਨ ਧਯਾਯੋ ॥ 304 ॥

ਦੋਹਰਾ

ਗਰਧਬ ਏਕ ਮੰਗਾਇਕੈ ਚੜਿਓ ਸੁ ਗੁਰੂ ਚਿਤਾਰ ।
 ਪਾਛੈ ਦੋਲ ਬਜਾਇਓ ਦੇਖੈ ਲੋਕ ਹਜਾਰ ॥ 305 ॥
 ਰੈਨ ਪੰਥ ਬਸ ਆਇਓ ਸੁਧਾਸਰ ਕੇ ਨਿਕਟਾਇ ।
 ਪ੍ਰਿਥਮ ਪਰਿਕ੍ਰਮਾ ਨਗਰ ਕੀ ਲਧੈ ਕਰੀ ਬਨਾਇ ॥ 306 ॥

ਚੌਪਾਈ

ਬਾਜਤ ਦੋਲ ਗਧੇ⁶ ਅਸਵਾਰਾ । ਨਗਰ ਪ੍ਰਵੇਸ ਅਯੋ ਗੁਰ ਦਵਾਰਾ ।
 ਕੋਤਕ ਦੇਖ ਸਭੈ ਨਰ ਨਾਰੀ । ਲਧੇ ਕੀ ਮੁਖ ਉਪਮ ਉਚਾਰੀ ॥

¹ਅ ਪੋਥੀ ਘਰ ²ਅ ਤੇ ਏ ਪੋਥੀ ਵਿਚੋਂ ³ਅ ਪੋਥੀ ਰਬਾਬੀਅਨ ⁴ਅ ਪੋਥੀ ਬਿਨੀ ⁵ਅ ਪੋਥੀ ਪ੍ਰਾਤਹਿ ⁶ਅ ਪੋਥੀ ਖਰਹਿ

ਪਰ ਹਿਤ ਐਸ ਜਤਨ ਜਉ ਕੀਨੋ । ਹਾਂਨ ਲਾਭ ਚਿਤ ਰੰਚ ਨ ਚੀਨੋ ।
 ਸੁਧਾ ਸਰੋਵਰ ਲਧਾ ਗਯੋ । ਬੜੇ ਸੁਨੇ ਸ੍ਰੀ ਗੁਰ ਹਰਖਾਯੋ ॥
 ਢੋਲ ਬਜਾਵਤ ਤਬ ਤਹਿ ਆਯੋ । ਢੋਲ ਸਬਦ ਸ੍ਰੀ ਗੁਰ ਸੁਨ ਪਾਯੋ ।
 ਪੂਛਤ ਭਏ ਕੌਨ ਇਹੁ ਆਵੈ । ਬਾਜਤ ਢੋਲ ਭੀਰ ਬਡ ਪਾਵੈ ।
 ਤਬ ਲੋ ਲਧਾ ਗੁਰ ਨਿਕਟਾਯੋ । ਗਰਧਬ ਪਰ ਠਾਢਾ ਸਮੁਹਾਯੋ ।
 ਮੂੰਹ ਕਾਲਾ ਕੀਓ^੧ ਮੂੰਡ ਮੁੰਡਾਈ । ਸ੍ਰੀ ਗੁਰ ਉਪਮਾ ਕਰੀ ਬਨਾਈ ॥ 307 ॥

ਸਵੈਯਾ

ਹੇ ਕਰੁਨਾਨਿਧ^੨ ਹੇ ਸੁਖ ਸਾਗਰ ਆਚੁਤ ਹੇ ਬਿਨਤੀ ਸੁਨ ਲਯੋ ।
 ਭੂਲ ਛਿਮੋ ਹਮਰੀ ਪ੍ਰਭ ਆਪਹਿ ਦਾਸ ਅਯੋ ਤੁਮਰੀ ਸਰਨਯੋ ।
 ਮਾਨ ਲਏ ਪ੍ਰਿਥਮਹਿ ਬਚ ਆਪਕੇ ਅਰਜ ਕਰਹੁ ਇਨਹੁ ਸੁਖ ਦਯੋ ।
 ਐਰ ਸਜਾਇ ਜੋ ਹੋਇ ਪ੍ਰਭੂ ਸੋਈ ਮੁਹਿ ਕਰੋ ਕਛੁ ਦੇਰ ਨ ਕਯੋ ॥ 308 ॥
 ਸ੍ਰੀ ਗੁਰ ਦੇਖ ਵੈਰਾਗ ਕੀਓ ਨਿਜ ਨੈਨਨਿ ਤੇ ਅਤਿ ਨੀਰ ਬਹਾਯੋ ।
 ਮੋਰ^੩ ਬਧੀ ਸੁ ਫੁਡਾਵਤ ਭਗਤ ਤੇ ਮਧ ਦੀਵਾਨ ਸ੍ਰੀ ਮੁਖ ਗਾਯੋ ॥
 ਐਸੇ ਉਚਾਰ ਗੁਰੁ ਕਰਤਾਰ ਗਧੇ^੪ ਤੇ ਉਤਾਰ ਸਨਾਨ ਕਰਾਯੋ ॥
 ਇਸਨਾਨ ਕਰੇ ਲਧੇ ਸੁਖ ਮਾਨ ਸ੍ਰੀ ਗੁਰ ਪਾਇਨ ਸਿਉ ਲਪਟਾਯੋ ॥ 309 ॥

ਦੋਹਰਾ

ਸ੍ਰੀ ਗੁਰ ਤਬ ਪੂਛਤ ਭਏ ਕਾਰਨ ਕਹੋ ਸੁਨਾਇ ।
 ਜਾਂ ਕਾਰਨ ਐਸਾ ਕੀਓ ਕੋਊ ਨ ਸਕੈ ਕਰਾਇ ॥ 310 ॥
 ਹਾਥ ਜੋਰ ਲਧੇ ਕਹਾ ਤੁਮਤੇ ਛਪੀ^੫ ਨ ਕੋਇ ॥
 ਸਤੇ ਐ ਬਲਵੰਡ ਕੀ ਭੂਲ ਛਿਮਾਪਨ ਹੋਇ ॥ 311 ॥

ਚੋਪਾਈ

ਸ੍ਰੀ ਮੁਖ ਸਿਉਂ ਤੁਮ ਐਸ ਅਲਾਏ । ਜੋ ਸਿਖ ਇਨਕੀ ਅਰਜ ਕਰਾਏ ।
 ਮੂੰਹ ਕਾਲਾ ਤਿੰਹ ਮੂੰਡ ਮੁੰਡਾਵਉ । ਚਾੜ ਗਧੇ^੬ ਤਿੰਹ ਨਗਰ ਫਿਰਾਵਉ ।
 ਪ੍ਰਿਥਮਹਿ ਤੁਮਰੇ ਬਚਨ ਕਮਾਏ । ਪਾਛੇ ਇਨਕੀ ਅਰਜ ਸੁਨਾਏ ।
 ਅਤਿ ਪ੍ਰਸੰਨ ਭਏ ਕ੍ਰਿਪਾ ਨਿਧਾਨਾ । ਪਰਉਪਕਾਰੀ ਲਧਾ ਜਾਨਾ ।
 ਸ੍ਰੀ ਗੁਰ ਲਧੇ ਕੋ ਤਬ ਕਹਾ । ਐਸ ਖੇਦ ਕਾਹੇ ਤੁਮ ਲਹਾ ।
 ਤੁਮਰੇ ਬਚਨ ਬਖਸ਼ ਹਮ ਦੇਤੇ । ਖੇਦ ਲਹੇ ਕਾਹੇ ਤੁਮ ਏਤੇ ।
 ਅਬ ਤਿਨ ਕੋ ਤੁਮ ਲੇਹੁ ਬੁਲਾਈ । ਲਧੇ ਮਾਨੁਖ ਦੀਓ ਪਠਾਈ ।
 ਆਗਿਆ ਸੁਨ ਦੋਊ ਤਬ ਆਏ । ਅਤਿ ਨਿੰਮਰ ਗਰਿ ਅੰਚਰ ਪਾਏ ॥ 312 ॥

^੧ਅ ਪੋਥੀ ਕਰਿ ^੨ਏ ਪੋਥੀ ਨਿਧਾਨ ^੩ਅ ਪੋਥੀ ਹਮਰੀ ^੪ਅ ਤੇ ਏ ਪੋਥੀ ਗ੍ਰਧਬ ^੫ਏ ਪੋਥੀ ਗੁਪਤ ^੬ਅ ਪੋਥੀ ਖਰਹਿ

ਦੋਹਰਾ

ਬਲਵੰਡ ਸਤਾ ਧਰ ਪਰੇ ਸਨਮੁਖ ਗੁਰੂ ਹਿਤਧਾਰ ।
 ਕਪਟਿ ਮਾਨ ਸਭ ਹੀ ਤੇਜਯੋ ਭਏ ਸੁਧ ਤਿੰਹ ਵਾਰ ॥ 313 ॥
 ਸ੍ਰੀ ਗੁਰ ਸ੍ਰੀ ਮੁਖ ਤਬ ਕਹਾ ਜੋ ਲਧੇ ਮੁਖ ਭਾਖ ।
 ਤੁਮਹਿ ਹਮ ਬਖਸ਼ਯੋ ਅਬੈ ਪਰਉਪਕਾਰੈ ਸਾਖ¹ ॥ 314 ॥

ਚੌਪਾਈ

ਤਬ ਲਧੇ ਪੁਨ ਬਿਨਤ ਉਚਾਰੀ । ਇਨਕੋ ਬਖਸ਼ ਪ੍ਰਭੂ ਦੁਖ ਟਾਰੀ ।
 ਦੇਹ ਅਰੋਗ ਇਨਕੀ ਅਬ ਕਯੋ । ਗਾਵਹਿ ਸ਼ਬਦ² ਰਬਾਬ ਦਵਯੈ ।
 ਸ੍ਰੀ ਗੁਰ ਕਹਾ ਨਿੰਦ ਗੁਰ ਕੀਨੀ । ਦੇਹ ਰੋਗ ਤਾਂਤੇ ਇਨ ਲੀਨੀ ।
 ਜਿੰਹ ਮੁਖ ਸਿਉਂ ਗੁਰ ਨਿੰਦਾ ਕਰੀ । ਤਾਤੋ³ ਉਪਮ ਕਰਹਿ ਦੁਖ ਟਰੀ ।
 ਤਬ ਦੋਨਹੂੰ ਕਉ ਲਧੇ ਕਹਾ । ਤੁਮਰੋ ਰੋਗ ਅਬੈ ਸਭ ਦਹਾ ।
 ਦੁਖ ਭੰਜਨ ਇਸਨਾਨ ਸੁ ਕਰੋ । ਗੁਰ ਨਾਨਕ ਬਿਸਨ ਏਕ ਚਿਤ ਧਰੋ ।
 ਪਾਚੋ ਗੁਰ ਕੀ ਉਪਮਾਂ ਗਾਵੋ । ਭਿੰਨ ਭਿੰਨ ਕਰ ਸਭੈ⁴ ਧਿਆਵੋ ।
 ਦੁਖ ਭੰਜਨ ਤਿਨ ਮਜਨ ਕੀਨਾ । ਬਲਵੰਡ ਸਤੇ ਆਨੰਦ ਲੀਨਾ ॥ 315 ॥

ਦੋਹਰਾ

ਸ੍ਰੀ ਗੁਰ ਸਨਮੁਖ ਆਇਕੈ ਕੀਨੀ ਵਾਰ ਉਚਾਰ ।
 ਰਾਮਕਲੀ ਸੁਭ ਰਾਗ ਮਹਿ ਪਉੜੀ ਅਸਟ ਸੁਧਾਰ ॥ 316 ॥
 ਸ੍ਰੀ ਗੁਰ ਨਾਨਕ ਜਸ ਕਹਾ ਪਉੜੀ ਚਾਰ ਸੁ ਆਦਿ ।
 ਬ੍ਰਹਮ ਰੂਪ ਵਰਨਨ ਕਰੇ ਸ੍ਰੀ ਗੁਰ ਰੂਪ ਅਨਾਦਿ ॥ 317 ॥

ਚੌਪਾਈ

ਅੰਗਦ ਅਮਰਦਾਸ ਰਾਮਦਾਸ । ਇਕ ਇਕ ਪਉੜੀ ਜਸ ਪਰਕਾਸ਼ ।
 ਇਕ ਪਉੜੀ ਮਹਿ ਉਪਮ ਉਚਾਰੀ । ਗੁਰ ਅਰਜਨ ਪਰਤਖ ਨਿਹਾਰੀ ।
 ਭਗਤ ਸਿੰਘ ਤਬ ਬਿਨਤੀ ਕਰੀ । ਮਹਾਰਾਜ ਮੇਰੇ ਪ੍ਰਭ ਹਰੀ ।
 ਕੋਊ ਕਹੇ [ਅਮਰ]⁵ ਗੁਰੁ ਆਗੇ । ਕਰੀ ਵਾਰ ਇਨ ਅਤਿ ਅਨੁਰਾਗੇ ।
 ਰਾਮਦਾਸ ਆਗੇ ਕੋਊ ਭਾਖੇ । ਤੁਮ ਭਾਖਤ ਹੋ ਅਰਜਨ ਸਾਖੇ ।
 ਇਹ ਭਰਮ ਹਰਉ ਦਾਸ ਮਮ ਜਾਨੀ । ਮਨੀ ਸਿੰਘ ਤਬ ਬੋਲੇ ਬਾਨੀ ।
 ਕਪੌਲਕ ਕਹਹਿ ਪ੍ਰਮਾਣ ਨ ਕੋਈ । ਪ੍ਰਤਖ ਪ੍ਰਮਾਣ ਜਾਣ ਇਹ ਹੋਈ ।
 ਅਸਟਮ ਪਉੜੀ ਉਸਤਤ ਕਰੀ । ਗੁਰ ਅਰਜਨ ਕੀ ਹਿਤ ਸਿਉਂ ਭਰੀ ॥ 318 ॥

¹ਅ ਪੋਥੀ ਸਾਬ ²ਦ ਪੋਥੀ ਕਰਹਿ ਕੀਰਤਨ ³ਦ ਪੋਥੀ ਤਿਸ ⁴ਦ ਪੋਥੀ ਤਿਨਹਿ ⁵ਅ ਪੋਥੀ ਵਿਚੋ

ਦੋਹਰਾ

ਪ੍ਰਤਖ ਬੈਠੇ ਅਰਜਨ ਗੁਰੁ ਇਹ ਬਚ ਪ੍ਰਗਟਿ ਉਚਾਰ ।
ਤਾਂਤੇ ਗੁਰ ਅਰਜਨ ਨਿਕਟਿ ਕਹੀ ਵਾਰ ਨਿਰਧਾਰ ॥ 319 ॥
ਕ੍ਰਿਪਾ ਸਿੰਧ^੧ ਹਰਖਤਿ ਭਏ ਸੁਨੀ ਵਾਰ ਸੁਖ ਖਾਨ ।
ਤਤਕਾਲ ਤਬ ਹੀ ਲਿਖੀ ਸ੍ਰੀ ਗ੍ਰੰਥ ਮਹਿ ਆਨ ॥ 320 ॥

ਸੋਰਠਾ

ਪਾਛੇ ਭਯੋ ਅਲੋਪ ਰਬਾਬ ਗੁਰੂ ਰਿਸ ਦੇਖ ਕੈ ।
ਪੁਨ ਆਯੋ ਧਰ ਓਪ ਬਲਵੰਡ ਸਤਾ ਹਰਖ ਭੇ ॥ 321 ॥

ਚੌਪਾਈ

ਬਲਵੰਡ ਸਤੈ ਭਈ ਦੇਹ ਅਰੋਗ । ਭਯੋ ਕੰਠ ਕੋਕਲ ਸਮ ਜੋਗ ।
ਉਪਮ ਵਾਰ ਕੀ ਸ੍ਰੀ ਗੁਰ ਕੀਨੀ । ਕਸਟਿ ਨਿਵਾਰਨ ਅਤਿ ਸੁਖ ਦੀਨੀ ।
ਜਿਹ ਨਰ ਕੋ ਬਡ ਰੋਗ ਦੁਖਾਵੈ । ਯਾਹਿ ਪੜੈ^੨ ਦੁਖ ਦੂਰ ਪਰਾਵੈ ।
ਔਰ ਕਸਟ ਕਉ ਰਹਿਨ ਨ ਪਾਈ । ਪੜੈ ਵਾਰ ਜੋ ਨੇਮ ਧਰਾਈ ।
ਆਗੇ ਕਥਾ ਅਨੇਕ^੩ ਪ੍ਰਕਾਰਾ । ਬਧੈ ਗ੍ਰੰਥ ਜੋ ਕਹਹੂੰ ਸੁਧਾਰਾ ।
ਡੂਮ ਵਾਰ ਤੁਮ ਪ੍ਰਛੀ ਸਾਖੀ । ਭਗਤ ਸਿੰਘ ਮੈਂ ਤੋ ਕਉ ਆਖੀ ॥ 322 ॥

ਦੋਹਰਾ

ਭਗਤਿ ਸਿੰਘ ਗੁਰ ਕੋ ਬਿਰਦ ਸੇਵਕ ਸਦਾ ਸਹਾਇ ।
ਪੈਜ ਭਗਤਿ ਜੁਗ ਜੁਗ ਰਖੈ ਬੰਧੀ ਭਗਤਿ ਛੁਡਾਇ ॥ 323 ॥
ਲਧੇ ਕੀ ਉਪਮਾ ਕਰੀ^੪ ਮਧ ਦੀਵਾਨ ਗੁਰ ਆਪ ।
ਲਧੇ ਵਸ ਮੋ ਕਉ ਕੀਓ ਪਰਉਪਕਾਰ ਪ੍ਰਤਾਪ ॥ 324 ॥

ਸਵੈਯਾ

ਪਰਉਪਕਾਰ ਔ ਨਾਮ ਕੇ ਤੁਲ ਨਹੀਂ ਜਗ ਤੀਰਥ ਤਪ ਤਾਪ ਕਰਾਰੇ ।
ਪਰਉਪਕਾਰ ਕਰੋ ਨ੍ਰਿਪ ਬਿਕ੍ਰਮ ਤਾਹਿ ਭਨਹਿ ਜਗ ਮਹਿ ਜਸ ਸਾਰੇ ।
ਪਰਉਪਕਾਰ ਨ ਨਾਮ ਜਪੈ ਨਰ ਪੁੰਡ ਬਖਾਨ ਬਿਨਾ ਪਸੁਆਰੇ ।
ਸਫਲ ਜਨਮ ਤਿਸਹੀ ਜਗ ਮਹਿ ਜੋਊ ਨਾਮ ਜਪੈ ਚਿਤ ਪਰਉਪਕਾਰੇ ॥ 325 ॥

ਅੜਿਲ

ਲਧਾ ਗੁਰ ਨਿਕਟਾਇ ਰਹਿਓ ਸੁਖ ਪਾਇਕੈਂ ।
ਕਿਤਕ ਦਿਵਸ ਕਰ ਪ੍ਰੇਮ ਸੁ ਖੇਦ ਗਵਾਇਕੈ ।
ਪੁਨ ਲਧੇ ਅਸ ਭਾਖ ਦਯਾ^੫ ਪ੍ਰਭ ਕੀਜੀਏ ।
ਹੋ ਦਾਸਨ ਦਾਸ ਪਛਾਨ ਬਿਦਾ ਪ੍ਰਭ ਦੀਜੀਏ ॥ 326 ॥

^੧ਅ ਪੋਥੀ ਨਿਧਿ ^੨ਅ ਤੋ ਦ ਪੋਥੀ ਪਠੈ ^੩ਅ ਪੋਥੀ ਅਨਿਕ ^੪ਅ ਪੋਥੀ ਕਹੀ ^੫ਅ ਤੋ ਦ ਪੋਥੀ ਗਯਾ

ਚੌਪਾਈ

ਲਧਾ ਸ੍ਰੀ ਗੁਰ ਵਿਦਿਆ ਕੀਨੋ । ਅਤਿ ਪ੍ਰਸੰਨ ਹੁਇ ਬਡ ਸੁਖ ਲੀਨੋ ।
 ਚਰਨ ਬੰਦਨਾ ਪਰਿਕ੍ਰਮਾ ਕਰੀ । ਸ੍ਰੀ ਗੁਰੁ ਕੀ ਲਧੇ ਸੁਖ ਭਰੀ ।
 ਮਥਾ ਟੇਕ ਦਰਬਾਰ ਜੀ ਆਯੋ । ਪੁਨ ਲਾਹੌਰ ਕੀ ਓਰ ਸਿਧਾਯੋ ।
 ਇਹ ਠਾਂ ਸਤਿਗੁਰ ਕਰਹਿ ਉਪਾਈ । ਜੋ ਉਚਰਿਹਿ ਭਾਈ ਲਿਖ ਜਾਈ ॥
 ਕਹਹੁ ਰਾਗ ਸਭ ਕਥਾ ਬਧਾਏ । ਤਾਂਤੇ ਕਰਿ ਸੰਕੋਚ ਸੁਨਾਏ ।
 ਬਸੰਤ ਰਾਗ ਲਿਖ ਵਾਰ ਉਚਾਰੀ । ਤੂੰ ਪੌੜੀ ਹੀ ਰਚੀ ਮੁਰਾਰੀ ।
 ਭਗਤ ਸਿੰਘ ਤਬ ਸੰਸਾ ਕੀਨਾ । ਤੂੰ ਪਉੜੀ ਕਿਸੈ ਵਾਰ ਨ ਚੀਨਾ ।
 ਮਨੀ ਸਿੰਘ ਇਹੁ ਕਹਾ ਸੁਨਾਏ । ਸ੍ਰੀ ਗੁਰੁ ਚਰਿਤ ਨ ਕੋਇ ਲਖਾਏ ॥ 327 ॥

ਦੋਹਰਾ

ਜਬੈ ਵਾਰ ਸ੍ਰੀ ਮੁਖ ਰਚੀ ਪਉੜੀ ਤੂੰ ਸੁਖ ਖਾਨ ।
 ਲਾਂਗੀ ਤਤ ਛਿਨ^੨ ਆਇ ਕੇ ਐਸੇ ਕੀਓ ਬਖਾਨ ॥ 328 ॥
 ਪ੍ਰਸਾਦਿ ਤਿਆਰ ਅਬੈ ਭਯੋ ਆਯੋ ਜੀਉ^੩ ਮਹਾਰਾਜ ॥
 ਦੇਖ ਪ੍ਰਸਾਦ ਤਬੈ ਉਠੇ ਆਪਿ ਗਰੀਬ ਨਿਵਾਜ ॥ 329 ॥

ਚੌਪਾਈ

ਤੂੰ ਪੌੜੀ ਇਹ ਹੇਤ ਰਹਾਈ । ਔਰ ਬਾਤ ਗੁਰ ਕੇ ਮਨ ਆਈ ।
 ਦੋਇ ਪਹਿਰ ਭਾਈ ਈਹਾਂ ਰਹੈ । ਬਾਣੀ ਬਹੁਰ ਜਾਇ ਨਿਜ ਕਹੈ ।
 ਦੋਇ ਪਉੜੀ ਇਨ ਸਾਥ ਮਿਲਾਈ । ਬਸੰਤ ਮਾਂਹਿ ਗਾਵੈ ਸੁਖ ਪਾਈ ।
 ਬਹੁਰ ਗੁਰੁ ਕੀ ਗੁਰ ਹੀ^੪ ਜਾਨੈ । ਕੌਨ ਸੰਦੇਹਿ ਚਿੰਤ ਮਹਿ ਠਾਨੈ ।
 ਗੁਰਬਾਣੀ ਦੁਇ ਜਾਮ ਲਿਖਾਈ । ਬਹੁਰ ਲਿਖਹਿ ਬਾਣੀ ਨਿਜ ਭਾਈ ।
 ਗੁਰਬਾਣੀ ਕੀ ਛਾਯਾ ਧਾਰੈ । ਵਾਰ ਕਬਿਤ ਸੁ ਪ੍ਰਗਟਿ ਉਚਾਰੈ ।
 ਇਹ ਮਮ ਕਥਾ ਔਰ ਸੁਨ ਲੀਜੈ । ਭਗਤ ਸਿੰਘ ਅਸਥਿਰ ਚਿਤ ਕੀਜੈ ।
 ਲਧਾ ਜਬ ਲਾਹੌਰ ਘਰ^੫ ਗਯੋ । ਸ੍ਰੀ ਗੁਰ ਜਸ ਤਹਿ ਬਰਨਤ ਭਯੋ ॥ 330 ॥

ਦੋਹਰਾ

ਚਾਰ ਭਗਤਿ ਤਿਹ ਠਾਂ ਰਹਿਹਿ ਕਾਨਾ ਛਜੂ ਜਾਨ ।
 ਸਾਹ ਹੁਸੈਨ ਪੀਲੋ ਭਗਤ ਮਨ ਮਹਿ ਭਗਤਿ ਗੁਮਾਨ । 331 ।
 ਲਧੇ ਸਿਉ ਪ੍ਰਫੁਤ ਭਏ ਕਹੁ ਨਿਜ ਗੁਰ ਕੀ ਬਾਤ ।
 ਕਿਆ ਰਹਿਣੀ ਕਿਆ ਕਰਤ ਹੈ ਤੁਮ ਦੇਖਯੋ ਬਿਖਯਾਤ ॥ 332 ॥

^੧ਅ ਪੌਥੀ ਤਿੰਨ ^੨ਅ ਤੇ ਏ ਪੌਥੀ ਤਬਹੀ ^੩ਅ ਪੌਥੀ ਗੁਰੂ ^੪ਏ ਪੌਥੀ ਸਤਿਗੁਰ ^੫ਅ ਤੇ ਏ ਪੌਥੀ ਗ੍ਰਿਹ

ਅਧਿਆਇ ਚੌਥਾ

। ਏਸ ਚਮ ਚਿ ਏਮਨਸ, ਲੇਭ ਜਿ 'ਲੋਨਾ ਜਸਾ'।

141

॥ ੨੬੬ ॥ 'ਏਏ ਚਿ ਏਨ ਨ ਏਏ ਚੀਨ ਏਲਾਮ ਚਿ ਏਏ ਚੀਨ

ਚੁਪਾਈ

। ਨਏ ਚਾਏ ਚਾਏ ਚਾਏ ਚੀਨ ਚੀਨ ਚਿ ਏਏ ਚੀਨ

ਲਧੇ ਕਹਾ ਸਾਂਤ ਚਿਯ ਚਾਏ ॥ ਨਏ ਚਾਏ ਚਾਏ ਚੀਨ ਚੀਨ ਚਿ ਏਏ ਚੀਨ
ਗੁਰ ਬਾਣੀ ਕਾ ਗ੍ਰਿਥ ਬਨਾਯੋ ॥ ਤਾ ਚਾਏ ਚਾਏ ਜਹਾਜ ਸੁਹਾਯੋ ॥

ਤਾਪੁ

ਸਭ ਭਗਤਨਿ ਕੇ ਸਬਦ ਲਿਖਾਏ ॥ ਨਿਸਕਾਮਿ ਤਾਪੁ ਚਾਏ ਚਾਏ ॥
ਇਹ ਸੁਨ ਤਿਨਾ ਕੋ ਪੁਨ ਕੀਨਾ ਚਾਏ ਚਾਏ ॥ ਚੀਨ ਲੇਭ ਨਏ ਚੀਨ ਚੀਨ
ਤਾਂਤੇ ਸਬਦ ਲਿਖੇ ਗੁਰ ਤੇਰੇ ॥ ਚਾਏ ਚਾਏ ਚੀਨ ਪਾਠ ਨਹਿ ਸੋਰੇ ॥ ਏ ਨਸਿ ਚਾਏ
ਚਾਰਹੁ ਨਿਜ ਮਨ ਏਹ ਵਿਚਾਰੀ ॥ ਸੁਧਾ ਸਰੋਵਰ ਚਲਾਹਿ ਨਿਹਾਰੀ ॥
ਅਸ ਵਿਚਾਰ ਚਾਰਹੁ ਚਾਏ ॥ ਨਏ ਚਾਏ ਨਿਸਕਾਮ ਪੁਰ ਚਾਏ ਚਾਏ ॥ ਲੇਭ
ਸ੍ਰੀ ਗੁਰ ਉਠੇ ਚੇਖ ਤਿਨ ਆਵਤ ॥ ਪੁਸਪਰ ਬੰਦਨ ਕੋਰ ਸੁਖ ਪਾਵਤ ॥ 333 ॥

। ਓਏਏ ਸਾਭਸ ਜਨੀ ਚਾਏ ਚਾਏ ॥ ਓਏਏ ਚਾਏ ਚਾਏ ਚਾਏ ਜਿ

॥ ੩੩੪ ॥ ਚਾਏ ਚਾਏ ਚਾਏ ਚਾਏ ਚਾਏ ਚਾਏ ਚਾਏ ਚਾਏ ਚਾਏ ਚਾਏ

ਬਡ ਕਿਰਪਾ ਹਮ ਪਰ ਕਰੀ ਦੀਓ ਦਾਸ ਚਾਏ ਵਾਰ ॥ 334 ॥

ਕਾਨਾ ਤਬ ਬੋਲਤਿ ਭਯੋ ਇਹਾ ਕੀਰਣ ਚਮ ਚਾਏ ਚਾਏ ਚਾਏ ਲਿਛ 'ਨਪੁ ਮਾਯਾ
ਰਚਯੋ ਗ੍ਰਿਥ ਤੁਮ ਚਮ ਸੁਨਯੋ ਚਾਏ ਚਾਏ ਸਬਦ ਲਿਖਾਏ ॥ ਚਾਏ ਚਾਏ ਚਾਏ ਨਾਏ

॥ ਚਾਏ ਚਾਏ ਚਾਏ ਜਨੀ ਚਾਏ ਚਾਏ ਜਾਨ ਨ ਹੋਈ ॥

ਚੁਪਾਈ

॥ ੩੩੬ ॥ ਚਨ ਚਿ ਏਏ ਨ ਜਪੁ ਏਏ ਜੋ ਚੀਨੀ ਨਏ ਚਾਏ ਚਾਏ

ਦੇਹ ਗੇਹ ਤਿਨਕੇ ਨਹਿ ਕੋਈ ॥ ਕਹਾ ਕਏ ਨਰ ਜਾਨ ਨ ਹੋਈ ॥

ਤਾਪੁ

ਤਿਨਕੇ ਤੁਮ ਇਹ ਸਬਦ ਲਿਖਾਏ ॥ ਹਮ ਚੀਵਤ ਨਹਿ ਬੋਲ ਪੁਨਾਏ ॥

ਹਮਰੀ ਬਾਣੀ ਨਹਿ ਚੁਕਾਵਹੁ ॥ ਤੁਮ ਪੁਮਾਣ ਗ੍ਰਿਥ ਕਸ ਪਾਵਹੁ ॥

ਸ੍ਰੀ ਗੁਰ ਕਹਾ ਬਾਣੀ ਨਿਜ ਰਹੇ ॥ ਪ੍ਰਿਥਕ ਪ੍ਰਿਥਕ ਜਿਓ ਇਛਾ ਧਰੇ ॥

ਕਾਨੇ ਮੁਖ ਅਸ ਬਾਣੀ ਕਹੀ ॥ 'ਓਹੀ ਰੁ ਮੇਂ ਓਹੀ ਸੁਹੀ' ॥

ਸ੍ਰੀ ਗੁਰ ਕਹਾ ਪੁਮਾਣ ਨ ਬੀਨਾ ॥ ਭਗਤਿ ਪ੍ਰਥ ਇਹ ਜਗੁ ਸੁਖ ਦੇਨਾ ॥

ਕਾਨੇ ਕਹਾ ਹਮ ਬੰਨ੍ਹ ਗੁਟਾਏ ॥ ਯਾਂਤ ਤੁਮ ਬਡ ਲਹੁ ਸੁਜਾਏ ॥

ਸ੍ਰੀ ਗੁਰ ਕਹਾ ਦੇਰ ਬਿਰ ਨਾਹੀ ॥ ਤੁਮ ਭੀ ਮਰ ਪ੍ਰਭ ਕੋ ਮਾਹੀ ॥ 336 ॥

॥ ੩੩੬ ॥ ਏਏ ਚਾਏ ਚਾਏ ਲਿਖਾਏ ॥ ਚਾਏ ਚਾਏ ਲਿਖਾਏ ਚਾਏ

ਚੁਪਾਈ

ਕਾਨੇ ਤਬ ਐਸੀ ਚਿਤੀ ਜਾਨੋ ਜੋਗ ਅਭਯਾਸ ਚਾਏ

ਕਾਲ ਨਿਕਟ ਆਵੈ ਨਹੀ ਦਸਾਈ ਚਾਏ ਚਾਏ ਚਾਏ ਚਾਏ ਚਾਏ ਚਾਏ

ਪੀਲੋ ਕੋ ਆਗਯਾ ਕਰੀ ਚਾਏ ਚਾਏ ॥ ਚਾਏ ਨਪੁ ਚਲੇਏ ਚਿਨੀਏਏ

ਨਿਜ ਬਾਣੀ ਤੁਮ ਭੀ ਕਹੋ ਪੀਲੋ ਕਹਾ ਸੁਨਾਇ ॥ 338 ॥

ਈਸਾਮ ਚਿਧ ਏ ਏ ਨਾ ਨੰਭਾ ਚਿਧ ਨਾ ਚਿਨੀ ਚਿਧ ਨਾ ਚਰਚਉ ਚਿਧ ਏ ਚੀਲਮੀ ਚਿਧ ਨਾ

¹ਅ ਪੋਥੀ ਤਿਨਹਿ ²ਏ ਪੋਥੀ ਯੁਤ ³ਅ ਤੇ ਏ ਪੋਥੀ ਮਿਲਾਇ ⁴ਅ ਪੋਥੀ ਤਾਂਤੇ ⁵ਅ ਤੇ ਏ ਪੋਥੀ ਮਾਰਗ

“ਅਸਾਂ ਨਾਲੋਂ ਸੇ ਭਲੇ^੧ ਜਨਮਤ ਹੀ ਮਰ ਜਾਤ ।
 ਬਿਖੈ ਕੀਚ ਆਲੂਦ ਨਹਿ ਭਏ ਨ ਜਗ ਕੀ ਤਾਤ” । 339 ॥
 ਜੀਵਤ ਹੀ ਹਰਿ^੨ ਕਉ ਲਹਹਿ^੧ ਸਤਿਗੁਰ ਭਾਖੇ ਬੈਨ ।
 ਛਜੂ ਤਬ ਬੋਲਤਿ^੩ ਭਯੋ ਮਨਹੁ ਮਾਨ ਕੋ ਐਨ ॥ 340 ॥

ਚੌਪਾਈ

“ਕਾਗਦ ਕੀ ਜੇ ਹੋਵੈ ਨਾਰੀ । ਵਿਸ ਗੰਦਲ ਅਰ ਜਾਨ ਕਟਾਰੀ ।”
 ਸ੍ਰੀ ਗੁਰੂ ਕਹਾ ਬੈਨ ਭਲ ਨਾਹੀ^੧ । ਗ੍ਰਿਸਤੀ^੨ ਪੰਥ ਰਚਯੋ ਜਗ ਮਾਹੀ^੩ ।
 ਸਾਹ ਹੁਸੈਨ ਤਬ ਕਹਾ ਸੁਨਾਈ । ਬੋਲਣ ਦੀ ਇਹ ਠਾਂ ਜਾ ਨਾਹੀ ।
 ਚੁਪ ਵੇ ਅੜਿਆ ਚੁਪ ਕਰ ਜਾਇ । ਤਬ ਸਤਿਗੁਰੁ ਬੋਲੇ ਹਰਖਾਇ ।
 ਭਲਾ ਕਹਿਓ ਰਖ ਚੁਪ ਮੁਦਾਮਾਂ । ਚਾਰੋ ਚਲੇ^੪ ਆਪਨੇ ਧਾਮਾਂ ।
 ਕਾਨਾਂ ਰਥ ਪਰ ਚੜ ਕੈ ਆਯੋ । ਰਥ ਚੜ ਸੋ ਲਾਹੌਰ ਕੋ ਧਾਯੋ ।
 ਸ੍ਰੀ ਸਤਿਗੁਰ ਬਚ ਯਾਦ ਧਰਾਏ । ਦਸਮ ਦੁਆਰ ਨਿਜ ਸਵਾਸ ਚੜਾਏ ।
 ਤੀਨੋ ਭਗਤਿ ਤੁਰੇ ਸੰਗ ਜਾਵਹਿ^੫ । ਕਾਨਾ ਰਥ ਪਰ ਚਿਤ ਗਰਬਾਵਹਿ ॥ 341 ॥

ਦੋਹਰਾ

ਅਗਮ ਪੈਨ^੧ ਚਾਲੀ ਤਬੈ ਜਬੈ ਕੜਛ ਖੜਕਾਇ ।
 ਕਾਨੇ ਸਿਰ ਚਕ ਤਰ ਅਯੋ^੨ ਮਰਯੋ ਮਿਝ ਨਿਕਸਾਇ ॥ 342 ॥
 ਤੀਨੋ ਅਸ ਪ੍ਰਾਪਤ ਭਏ ਨਿਜ ਗ੍ਰਿਹ ਧਾਮ ਲਾਹੌਰ ॥
 ਮਹਾਂ ਪੁਰਖਨ ਸਿਉ ਜੋ ਅੜੈ ਪੁਜੈ ਨ ਕਿਤ ਹੀ ਠੰਰ ॥ 343 ॥

ਚੌਪਾਈ

ਪ੍ਰਭਾਤੀ ਰਾਗੁ ਭੋਗੁ ਗੁਰ ਪਾਏ । ਤੀਹ ਰਾਗ ਭੇ ਪੂਰ ਸੁਹਾਏ ।
 ਭਗਤ ਸਿੰਘ ਤਬ ਅਰਜ ਸੁਨਾਈ । ਸਭ ਰਾਗਨਿ ਦੇਹੁ ਨਾਮ ਬਤਾਈ ।
 ਮਨੀ ਸਿੰਘ ਕਹਾ ਸੁਨਹੁ ਪਿਆਰੇ । ਭਿੰਨ ਭਿੰਨ ਸੁਨ ਰਾਗ ਸੁਧਾਰੇ ।
 ਸ੍ਰੀ ਰਾਗ ਪੁਨ ਮਾਝ ਪਛਾਨੋ । ਗਉੜੀ ਆਸਾ ਗੁਜਰੀ ਜਾਨੋ ।
 ਦੇਵ ਗੰਧਾਰ ਬਿਹਾਗ ਅਨੂਪ । ਵਡਹੰਸ ਸੋਰਠਿ ਧਨਾਸਰੀ ਰੂਪ ।
 ਜੈਤਸਿਰੀ ਟੋਡੀ ਬੈਰਾੜੀ । ਤਿਲੰਗ ਸੂਹੀ ਬਿਲਾਵਲ ਗਾੜੀ ।
 ਗੌਡ ਰਾਮਕਲੀ ਐ ਨਟ ਧਾਰੀ । ਮਾਲੀ ਗੌੜਾ ਮਾਰੂ ਤੁਖਾਰੀ ।
 ਕੇਦਾਰਾ ਭੈਰੋਂ ਬਾਸੰਤ । ਸਾਰੰਗ ਮਲਾਰ ਕਾਨੜਾ ਸੰਤ ॥ 344 ॥

ਦੋਹਰਾ

ਕਲਯਾਨ ਪ੍ਰਭਾਤੀ ਵਿੰਸ ਦਸ ਕਹੇ ਰਾਗ ਪ੍ਰਗਟਾਇ ।
 ਸਹੰਸਕ੍ਰਿਤੀ ਸਲੋਕੁ ਪੁਨ ਆਗੇ ਲਿਖੇ ਬਨਾਇ । 345 ॥

^੧ਅ ਪੋਥੀ ਮਿਲਹਿ ^੨ੲ ਪੋਥੀ ਉਚਰਤ ^੩ਅ ਪੋਥੀ ਗ੍ਰਿਹੀ ^੪ਅ ਪੋਥੀ ਗਵਨੇ ^੫ਅ ਤੇ ੲ ਪੋਥੀ ਮਾਰੂਭਿ

ਮਨੀ ਸਿੰਘ ਕੇ ਬਚਨ¹ ਸੁਨ ਭਗਤ ਸਿੰਘ ਇਮ ਆਖ² ।
ਸਲੋਕ ਸਹਿਸਕ੍ਰਿਤ ਕਿਮ ਲਿਖੇ ਸੋਊ ਸੁਨਾਵਹੁ ਸਾਖ ॥ 346 ॥

ਚੌਪਾਈ

ਮਨੀ ਸਿੰਘ ਕਹਿ ਕਥਾ ਨਵੀਨ । ਬਡ ਬਿਸਥਾਰ ਯਾਹਿ ਕਾ ਚੀਨ ।
ਕਰ ਸੰਕੋਚ ਸੁ ਤੁਮਹਿ ਸੁਨਾਉ । ਤਾਂਤੇ ਤੁਮਰਾ ਰਿਦਾ ਸਿਰਾਉ ।
ਏਕ ਸਮੇਂ ਪੰਡਿਤ ਦੋ ਆਏ । ਕਾਂਸੀ ਤੇ ਬਡ ਗੁਨੀ ਸੁਨਾਏ ।
ਕ੍ਰਿਸ਼ਨ ਲਾਲ ਹਰਿਲਾਲ ਸੁ ਨਾਮ । ਦੋਊ ਭ੍ਰਾਤ ਸੁੰਦਰ ਸੁਖ ਧਾਮ ।
ਆਵਤ ਪੰਥ ਏਹੁ ਮਨ ਧਾਰੀ । ਗੁਰ ਨਾਨਕ ਥੇ ਰੂਪ ਮੁਰਾਰੀ ।
ਤਾਸ³ ਤਖਤ ਅਰਜਨ ਗੁਰੂ ਸੋਹਤਿ । ਦੇਖ ਪ੍ਰਤਾਪ ਸੁਨੇ ਮਨ ਮੋਹਤਿ ।
ਯੋਂ ਸੁਨ ਗੁਰੁ ਅਰਜਨ ਢਿਗ ਆਏ । ਚਰਨ ਬੰਦ ਮਨ ਮਹਿ ਸੁਖ ਪਾਏ ।
ਬਹੁ ਆਦਰ ਤਿਨਕਾ ਗੁਰ ਕੀਨੋ । ਲੀਏ ਬਠਾਇ ਨਿਕਟਿ ਸੁਖ ਦੀਨੋ ॥ 347 ॥

ਦੋਹਰਾ

ਸ੍ਰੀ ਸਤਿਗੁਰੁ ਪੂਛਤ ਭਏ ਕਹ ਤੇ ਆਵਨ ਕੀਨ ।
ਦੋਊ ਭ੍ਰਾਤ ਬੋਲਤਿ ਭਏ ਹੇ ਪ੍ਰਭ ਤੁਮ ਸਭ ਚੀਨ ॥ 348 ॥
ਤਦਪਿ ਪੁਛਯੋ ਕਰ ਕ੍ਰਿਪਾ ਕਾਂਸੀ ਤੇ ਹਮ ਆਇ ।
ਦਰਸ ਤੁਮਾਰੇ ਹਿਤ ਅਏ ਜਸ ਸੁਨਿਓ ਅਧਿਕਾਇ⁴ ॥ 349 ॥

ਚੌਪਾਈ

ਏਕ ਸਮੇਂ ਨਾਨਕ ਨਿਰੰਕਾਰੀ । ਕਾਂਸੀ ਗਏ ਗੁਰੁ ਸੁਖ ਧਾਰੀ ।
ਮੁਹਿ ਦਾਦੇ ਸਿਓ ਸੰਗਤ ਭਈ । ਅਨਿਕ ਭਾਂਤ ਕੀ ਚਰਚਾ ਕਈ ॥
ਬਹੁਰ ਉਪਦੇਸ਼ ਗੁਰੂ ਜੀ ਕੀਨੋ । ਚਾਰ ਸਲੋਕ ਪਠੇ ਸੁਖ ਦੀਨੋ ।
ਸੋ ਸਲੋਕ ਹਹਿ ਕੰਠ ਹਮਾਰੇ । ਸੁਨੋ ਪ੍ਰਭੁ ਹਮ ਕਹਿਹੁ ਸੁਧਾਰੇ⁵ ।
ਪੜ ਪੁਸਤਕ ਅਰੁ ਸੰਧਿਆ ਬਾਦ⁶ । ਇਹ ਬਿਧ ਭਾਖੇ ਰੂਪ ਅਨਾਦਿ ।
ਆਪ ਕ੍ਰਿਪਾ ਕਰ ਅਵਰ ਸੁ ਕਹਹੁ । ਜਾਂਤੇ ਮੁਕਤਿ ਪਦਾਰਥ ਲਹਹੁ ।
ਚਾਰ ਸਲੋਕ ਲਿਖੇ ਗੁਰੁ ਸੋਊ । ਸ੍ਰੀ ਮੁਖ ਕਹਾ ਸੁਨੋ ਤੁਮ ਦੋਊ ।
ਸ੍ਰੀ ਮੁਖ ਕਰੇ ਸਲੋਕ ਬਖਾਨ । ਸਤਾਹਠ⁷ ਸਹਿਸਕ੍ਰਿਤੀ ਮਾਹਿ ਜਾਨ ॥ 350 ॥

ਦੋਹਰਾ

ਕਤੰਚ ਮਾਤਾ ਤੇ ਆਦਿ ਲੈ ਗਾਥਾ ਦੀਓ ਸੁਨਾਇ ।
ਦੋਊ ਭ੍ਰਾਤ ਆਨੰਦ ਭਰੇ ਰਹੇ ਚਰਨ ਲਪਟਾਇ ॥ 351 ॥
ਸੋ ਸਲੋਕ ਗੁਰੂ ਗ੍ਰੰਥ ਲਿਖ ਬਿਪ੍ਰਨਿ⁸ ਦਏ ਸੁਨਾਇ ।
ਆਪਨਿ ਦੇਸ ਕਲਿਆਨ ਹਿਤ ਪੰਡਤਨਿ ਲਿਖੇ ਬਨਾਇ ॥ 352 ॥

¹ਅ ਪੋਥੀ ਸੁਖਨ ²ਅ ਤੇ ਦ ਪੋਥੀ ਭਾਖ ³ਏ ਪੋਥੀ ਤਾਹਿ ⁴ਅ ਤੇ ਦ ਪੋਥੀ ਬਹੁ ਭਾਇ ⁵ਅ ਪੋਥੀ ਉਚਾਰੇ
⁶ਇਹਨਾਂ ਸਲੋਕਾਂ ਦਾ ਸੁਧ ਪਾਠ ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਦੇ ਪੰਨਾ 1353 ਦਰਜ ਹੈ । ⁷ਸ੍ਰੀ ਗੁਰੂ ਗ੍ਰੰਥ
ਵਿਚੋਂ ਇਹ ਸਲੋਕ 1353 ਤੋਂ 1360 ਦੇ ਦਰਜ ਹਨ ⁸ਅ ਪੋਥੀ ਦ੍ਰਿਸ਼ਨਹ

ਰਾਮ ਹੋਇ ਰਾਵਣ ਹਤਿਓ ਭੁੱਖਸੀਨਾਭੀਤਯਾਨ ਨਾ ॥੩॥੧॥੧॥ ਘੋਸੀ ਨਿਮ

ਬੁਹੀ ਸੰਕਰ ਹੈ ਕਾਂਸੀ ਜਾਇ । ਤਾਰਕਸਿੰਘੁ ਕਹੈ ਸੁਨਾਇ ।

ਤਮ ਚਤੁਰਾਨੁਸਾਰੀ ਉਪਸੰਦਾਸਾ ਵਿਸ਼ਨੂੰ ਚਾਇਤ੍ਰਿਪਾਲੇਸ਼ਵਰ ਜੀ ੮੪

ਅਜ ਅਥਿਨਾਸੀ ਰੂਪ ਤੁਸਰਾ ਬਾ ਫ਼ਰੋਰਿਛਾ। ਸਾਗੀ ਖ਼ਰਤਲਾਛੀ। ਲਾਲ ਨਸ਼ੀ

ਜੇ ਇਛਾ ਸੀ ਕਿ ਇਸ ਦੌਰਾਨ ਧਾਤੂ ਜੇਕਰ ਮਾਂਗਣੀ ਹੋ ਜਾਵੇ ਤਾਂ ਜਲਦੀ ਹਟਾ ਦਿੱਤਾ ਜਾਵੇ।

॥ १४६ ॥ ਨੇਤਿ ਖਸ ਤੀਠਨੀ ਤੀਠ ~~ਦੁਰੁਖ~~ । ਨੇਤਿ ਚਾਢ ਅਨਈ ਚਤਾਕਾ ਟੁਭ

ਕਾਂਸੀ ਕਉ ਜਾਵਤ ਭਏ ਸੀ ਗੁਰੂ ਬਿਨਾਝ ਜਲਾਇ ਪਾ ੩੬੫੬੫ ॥ ੬੬੬੬੬ ॥ ਸਿ

ਸਭੈ ਭਗਤ ਆਵਤ ਭਏ ਸੀ ਗੁਰੀ। ਕੇ ਮਨਿ ਕਟਿ ਨਿਸ ॥ ੩੫੬ ॥ ਸਭ ਜੋਗਪੁ ਪੀਤਏ

ਗਰ ਅਰਜਨ ਕਉ ਬੰਦਨ ਕੀਨੇ । ਭੈਣ ਭਗਤ ਅਧਿਕ ਸੁਖ ਲੀਨੇ ।

ਭਗਤਨ ਕਾ। ਗੰਗਰ ਅਦਰ ਕਾਨਿ। ਸਥਾ ਸੰਗ ਸਭ ਅਸਨ ਦਾਨਿ। ੯੫ ਯਮ

ਕਿਪਾ ਸਿੰਧ ਅਤਿਸ਼ਯ ਧੰਨੀ। ਤਾਦਾ ਕਲੁ ਅਸ ਕਹਾ ਸਨਾਈ।

ਦੇਖਹਿ ਹਮ ਲੋਕਾਵੈ ਸਬ ਪਾਵੈ । ਸਤਿ ਬਚਨ ਭਾਈ ਪ੍ਰਗਟੈ ॥੧੭॥

॥ ०८६ ॥ ਨਾਮ ਯੋਗਿ ਦਿਖੀਸਤੈ ਠਾਢਾਇ । ਨਾਮ ਭਲੈਸ ਚਿਤ ਮਮੁ ਸਿ

ਸਿਖ ਪਸੰਨ ਸਤਿਗੁਰ ਬਏ ਭਗਤ ਸਭੈ ਸੁਰਖਾਇ^ਓ ।

ਸੀ ਮਖ ਤਬ ਸੀ ਗਰ ਕਹਾ ਭਾਈ ਕੇ ਸਖ ਪਾਇ ॥ 358 ॥

ਨਿਜ ਬਾਣੀ ਚਾਖੋ ਤਮਹਿ ਗਰੁ ਗਿਥ ਜੀ ਮਾਧਿ ॥ ੨੬ ॥

ਨਰ ਨਾਰੀ ਜੋਏ ਪ੍ਰਭੂ ਮਕਤਿ ਭਗਤਿ ਫਲ ਪਾਇ ॥ 359 ॥

॥ ८८ ॥ श्रीगणेशाय नमः ॥ श्रीगणेशाय नमः ॥ श्रीगणेशाय नमः ॥ श्रीगणेशाय नमः ॥

[illegible]

ਚੌਪਾਈ

ਹਾਥ ਜੋਰ ਭਾਈ ਹੁਇ ਦੀਨ । ਭਾਖੇ ਬਚਨ ਨਿੰਮਰ ਆਧੀਨ ।
 ਸਾਹਿਬ ਤਖਤ ਸੇਵਕ ਤੁਮ ਲਾਇਕ । ਦਾਸਨ ਦਾਸ ਦਾਸ ਹਮ ਪਾਇਕ ।
 ਕਹਾ¹ ਪਟਬੀਜਨ ਕਹਾ¹ ਰਵਿ ਜੋਤਿ । ਸਾਹਿਬ ਸਮਸਰ ਦਾਸ ਨ ਹੋਤਿ ।
 ਗੁਰੁ ਬਾਣੀ ਸਮਸਰ ਕਿਮ ਪਾਵੈ । ਸੇਵਕ ਬਾਣੀ ਅਲਪ ਕਹਾਵੈ ।
 ਤੀਨ ਬੇਰ ਸ੍ਰੀ ਮੁਖ ਬਚ ਕਹਾ । ਭਾਈ ਅਲਪ ਤਾਂਹਿ ਕੋ ਲਹਾ ।
 ਅਤਿ ਪ੍ਰਸੰਨ ਸ੍ਰੀ ਸਤਿਗੁਰੁ ਹੋਏ । ਦੀਨੋ ਵਰ ਭਾਈ ਰੁਚ ਜੋਏ ।
 ਭਾਈ ਜੀ ਸੁਨੀਏ ਨਿਰਧਾਰ । ਤੁਮਰੀ ਬਾਣੀ ਅਪਰ² ਅਪਾਰ ।
 ਮਨਹੁ ਗ੍ਰੰਥ ਕੀ ਟੀਕਾ ਭਯੋ । ਯਾਹਿ ਪੜੇ ਦੁਖ ਸਗਲਾ ਗਯੋ ॥ 360 ॥

ਦੋਹਰਾ

ਜੀਵ ਟੁਟੇ ਕੋ ਮੇਲ ਹੈ ਤੁਮ ਬਾਨੀ ਨਿਰਧਾਰ ।
 ਸਿਖੀ ਪ੍ਰਾਪਤ ਹੋਇ ਤਿੰਹ ਜੋਊ ਪੜੇ ਹਿਤ ਧਾਰ ॥ 361 ॥
 ਜਨਮ ਮਰਨ ਸੰਸਾ ਮਿਟੈ ਤੁਮ ਬਾਣੀ ਪਰਤਾਪ ।
 ਐਸੇ ਕਹ ਦਸਖਤ ਕਰੇ ਤਿਸੀ ਆਦਿ ਗੁਰ ਆਪ ॥ 362 ॥

ਚੌਪਾਈ

ਗੁਰੁ ਅਰਜਨ ਪੁਨ ਕਹਾ ਸੁਨਾਈ । ਸੁਨਹੁ ਸ੍ਰਵਨ ਦੇ ਬਚ ਮਮ³ ਭਾਈ ।
 ਵਾਰ ਚਲੀਸ ਰਚੋ ਤੁਮ ਪੂਰੀ । ਜਾਕੇ ਪੜੇ ਹੋਇ ਭ੍ਰਮ ਦੂਰੀ ॥
 ਕਵਿਤ ਰਚੋ ਪੰਜ ਸੈ ਛਿਪੰਜਾ । ਜਾਕੇ ਪੜਹਿ ਮਿਟੈ ਮਨ ਡੰਝਾ ।
 ਸੁਨ ਭਾਈ ਗੁਰ ਚਰਨਨਿ ਪਰਿਓ । ਬਡ ਆਨੰਦ ਚਿਤ ਅਪਨੇ ਧਰਿਓ ।
 ਕਰ ਚਰਚਾ ਸਭ ਭਗਤ ਸਿਧਾਏ । ਬਹੁਰੋਂ ਬੇਦ ਦੇਹ ਧਰ ਆਏ ।
 ਭਗਤ ਸਿੰਘ ਤਬ ਬਿਨਤੀ ਕਾਏ । ਕਾਂਕੀ ਦੇਹਿ ਬੇਦ ਧਰ ਆਏ ॥
 ਮਨੀ ਸਿੰਘ ਤਿੰਹ ਸੰਕ ਮਿਟਾਈ । ਬਿਪ੍ਰ⁴ ਦੇਹ ਬਦਨ ਥੀ ਪਾਈ ।
 ਤਾਂਕੀ ਕਥਾ ਬਹੁਤ ਵਿਸਤਾਰਾ । ਕਾਂਸੀ ਮਹਿ ਕੀਏ ਚਰਿਤ ਅਪਾਰਾ ॥ 363 ॥

ਦੋਹਰਾ

ਏਕ ਸਮੈ ਕੀਓ ਤਿਨੈ ਅਧਿਕ ਮਾਨ ਰਿਦ ਬੇਦ ।
 ਨਭ ਬਾਨੀ ਤਬਹੀ ਭਈ ਬਿਨ ਗੁਰੁ ਮਿਟੈ ਨ ਖੇਦ ॥ 364 ॥
 ਬੇਦ ਬਿਸਮ ਪਾਵਤ ਭਏ ਕੀਨ ਬਿਨੈ ਹੁਇ ਦੀਨ ।
 ਮਹਾਰਾਜ ਆਗਯਾ ਕਰਹੁ ਕਹਾਂ ਗੁਰੁ ਹਮ ਚੀਨ ॥ 365 ॥

¹ਅ ਪੋਥੀ ਕਹਿ ਉਡਗਨ ਕਹਿਹ ²ਅ ਪੋਥੀ ਅਗਮ ³ਅ ਪੋਥੀ ਹਮ ⁴ਅ ਪੋਥੀ ਦ੍ਰਿਜਨ

ਚੌਪਾਈ

ਨਭ ਬਾਨੀ ਤਬ ਕਹਾ [ਸੁਨਾਈ]¹ । ਧਰੋ ਜਨਮ ਜਗੁ ਮਹਿ ਤੁਮ ਜਾਈ ।
 ਚਤਰ ਚਤਰ ਤੁਮ ਰੂਪ ਸੁ ਧਾਰੋ । ਬਿਪ੍ਰ ਦੇਹਿ ਧਰਿ ਕਾਜ ਸਵਾਰੋ ।
 ਜਿਹ ਕੇ ਮਿਲੇ ਸ਼ਾਂਤਿ ਮਨ ਆਵੈ । ਸੋ ਗੁਰੁ ਕਰਹੁ ਖੇਦ ਸਭ ਜਾਵੈ ।
 ਚਤੁਰਾਨਨਿ² ਕੋ ਕਹਾ ਸੁਨਾਏ । ਜਾਵੋ ਧਰ ਇਨ ਰਛ ਕਰਾਏ ॥
 ਜਬ ਲੋ ਰਹੇ ਬੇਦ ਧਰ ਮਾਹੀ । ਤਬ ਲੋ ਰਹੇ ਇਨੈ ਨਿਕਟਾਹੀ ।
 ਤਬ ਬਾਨੀ ਅਸ ਕਹਿ ਅਰ ਗਾਈ । ਬੇਦ ਬ੍ਰਹਮੇ ਜੁਤ ਬਿਸਮੈ ਪਾਈ ॥
 ਧਰੇ ਰੂਪ ਪੁਨ ਜਗ ਮੇ ਆਇ । ਚਾਰ ਚਾਰ ਨਰ ਤਨ ਕੋ ਪਾਇ ।
 ਏਕ ਰੂਪ ਚਤੁਰਾਨਨ³ ਕੀਨੋ । ਰਛਾ ਕਰ ਸਭ ਕੋ ਸੁਖ ਦੀਨੋ ॥ 366 ॥

ਦੋਹਰਾ

ਆਗਯਾ ਸਭ ਮਾਨਤ ਭਏ ਕਮਲਜ ਕੀ ਸੁਖ ਮਾਨ ।
 ਭਗਤ ਸਿੰਘ ਇਨ ਸਭਨ ਕੇ ਕਰਹੂੰ ਨਾਮ ਬਖਾਨ ॥ 367 ॥
 ਭਿਖੇ ਬਪੁ ਬ੍ਰਹਮਾ ਧਰਯਾ ਬੁਧ ਬਿਦਯਾ ਪਰਬੀਨ ।
 ਚਾਰ ਚਾਰ ਬੇਦਨਿ ਧਰੇ ਸੁੰਦਰ ਬਪ ਦ੍ਰਿਜ ਕੀਨ ॥ 368 ॥

ਚੌਪਾਈ

ਚਾਰ ਦੇਹਿ ਸ਼ਾਮ ਬੇਦ ਕੀ ਗਾਈ । ਮਥਰਾ ਹਰਿਬੰਸ ਜਾਲਪ ਬਲ ਪਾਈ ।
 ਰਿਗ ਬੇਦਹਿ ਚਾਰੇ ਬਪ ਧਾਰੇ । ਕਲਸਹਾਰ ਜਲਣ ਨਲ ਚਾਰੇ ।
 ਦਲ ਸਲ ਜਲ ਬਲ ਕਹਾਏ । ਜੁਜਰ³ ਬੇਦ ਬਪ ਚਾਰ ਬਨਾਏ ।
 ਕੀਰਤ ਗੋਇੰਦ ਦਾਸ ਸਦਰੰਗ । ਅਥਰਬਣ ਬੇਦ ਚਾਰ ਦੇਹਿ ਅੰਗ ।
 ਭਿਖੇ ਦੇਹ ਕਮਲਜ ਕਉ ਪਾਈ । ਸਭ ਤੇ ਅਧਿਕ ਭਯੋ ਸੁਖਦਾਈ ।
 ਬਿਪ੍ਰ ਦੇਹ ਸੰਗਯਾ ਭਵ ਪਾਏ । ਸਤਿਗੁਰ ਕਉ ਖੋਜਹਿ ਹਰਖਾਏ ॥
 ਢੂੰਢਤ ਗੁਰੁ ਜਗਤ ਮੇ ਫਿਰਹਿ । ਸ਼ਾਂਤਿ ਨ ਪਾਵਹਿ ਬਿਨ ਗੁਰ ਕਰਹਿ ।
 ਜੋਗੀ ਸੰਨਿਆਸਨ ਕੇ ਗਏ । ਬ੍ਰਹਮਚਾਰੀ ਤਪਸੀ ਦਿਖਲਏ ॥ 369 ॥

ਦੋਹਰਾ

ਬਰਸ ਏਕ ਜਗ ਮਹਿ ਫਿਰੇ ਸਭੀ ਪੰਥ ਦਿਖ ਆਇ ।
 ਸਾਂਤਿ ਪ੍ਰਦੈ ਸੁਖਸਿੰਧ⁴ ਗੁਰੁ ਕਹੂੰ ਨ ਨੈਨਨਿ ਪਾਇ ॥ 370 ॥
 ਸੁਧਾ ਸਰੋਵਰ ਮਹਿ ਅਏ ਫਿਰਤ ਫਿਰਤ ਸਭ ਦੇਸ ।
 ਗੁਰੁ ਅਰਜਨ ਜੀ ਜਬ ਪਿਖੇ ਭਈ ਸ਼ਾਂਤਿ ਚਿਤ ਏਸ ॥ 371 ॥

¹ਅ ਪੌਥੀ ਵਿਚੋਂ ²ਅ ਪੌਥੀ ਬ੍ਰਹਮਾ ³ਅ ਤੇ ਏ ਪੌਥੀ ਅਯੁਰਵੇਦ ⁴ਏ ਪੌਥੀ ਸਾਗਰ

॥ ਰਸਾਵਲ ਛੰਦ ॥

ਭਿਖੇ ਬੈਨ ਸੋਏ । ਗੁਰੂ ਦਰਸ ਹੋਏ । ਸਭੈ ਪਾਪ¹ ਜਾਂਹੀ । ਮਨੈ ਸਾਂਤ ਪਾਂਹੀ ॥
 ਐਸ ਬੈਨ ਗਾਏ । ਗੁਰੂ ਪਾਸ ਆਏ । ਦਿਖਾ ਰੂਪ ਆਗੇ । ਮਹਾਂ ਜੋਤ ਜਾਗੇ ॥373॥
 ਮਹਾਂ ਮਾਇ ਦੇਖੀ । ਮਲੈ ਪਾਦ ਲੇਖੀ । ਸੁਭੇ ਸੇਖ ਸਾਂਈ । ਗੁਰੂ ਸੋਭ ਪਾਈ ॥374॥
 ਬਡੀ ਜੋਤ ਸੋਹੇ । ਸਭੈ ਦੇਖ ਮੋਹੇ । ਪਰੇ ਪਾਦ ਕੰਜ । ਮਨੈ ਖੇਦ ਭੰਜੰ ॥ 375 ॥

ਦੋਹਰਾ

ਪੁਨ ਉਸਤਤਿ ਗੁਰੁ ਕੀ ਕਰੀ ਮਹਾਂ ਬਿਸ਼ਨ² ਦਿਖ ਰੂਪ ।
 ਸਭ ਮਿਲ ਅਸ ਭਾਖਤ ਭਏ ਤੁਹੀਂ ਜਗਤ ਗੁਰੁ ਭੂਪ ॥ 376 ॥

॥ ਭੁਜੰਗ ਛੰਦ ॥

ਅਜੰਨਮ ਰੂਪ ਅੰਜ ਆਪ ਹੋਏ । ਰਚੇ ਜੀਵ ਜੰਤ ਅੰਸ ਨਾਹਿ ਕੋਏ ।
 ਬਿਸ਼ਨ ਰੂਪ ਹੋਕੇ ਕਰੋ ਰਛ ਪਾਲੰ । ਤੁਮੀ ਸੰਭੂ ਹੋਕੇ ਕਰੋ ਜੀਵ ਕਾਲੰ ॥ 377 ॥
 ਇਦਾਂਨੀ ਧਰਯੋ ਰੂਪ ਸੁੰਦ੍ਰ ਅਪਾਰੀ । ਪਰਹਿੰ ਤੋਂਹ ਪਾਦੋ ਹੋਰ ਮੋਹ ਭਾਰੀ ।
 ਤੁਹੀਂ ਰਾਮ ਹੋਕੇ ਦੰਸਗ੍ਰੀਵ ਮਾਰਯੋ । ਤੁਹੀ ਕਾਨ ਹੋ ਕੰਸ ਕੇਸੀ ਬਿਦਾਰਯੋ ॥378॥
 ਅਲੇਪੰ ਸਦਾ ਲੇਪ ਲਾਗੈ ਨ ਕੋਈ । ਕਟੇ ਤਾਂਹਿ ਜਾਲੰ ਤੁਮੈ ਦਾਸ ਜੋਈ ।
 ਪ੍ਰਭੋ ਤੋਹਿ ਅੰਤ ਹਮੈ ਨਾਹਿ ਪਾਯੋ । ਸਦਾ ਨੇਤਿ ਨੇਤਿ ਤੁਮਹਿ ਰੂਪ ਗਾਯੋ ॥ 379 ॥

ਦੋਹਰਾ

ਇਹ ਬਿਧ ਉਸਤਤਿ ਕਹਿ ਸਭੈ ਪਰੇ ਚਰਨ ਪਰ ਆਇ ।
 ਦਯਾ ਸਿੰਧੂ ਸ੍ਰੀ ਮੁਖ ਕਹਾ ਮਾਂਗੋ ਬਰ ਰੁਚ ਪਾਇ ॥ 380 ॥

ਚੌਪਾਈ

ਭਿਖੇ ਤਬ ਅਸ ਬੈਨ ਉਚਾਰੈ । ਸਭ ਕੀ ਇਛਾ ਇਹੀ ਮੁਰਾਰੈ ।
 ਇਨ ਸਭ ਕੋ ਪ੍ਰਭ ਸਿਖ ਕਰੀਜੈ । ਗੁਰ ਦੀਖਯਾ ਦੇ ਸ਼ਾਂਤਿ ਮਨ ਕੀਜੈ ।
 ਸ੍ਰੀ ਗੁਰ ਕਹਾ ਸੁਨਹੁ ਚਿਤ ਲਾਏ । ਬੇਦ ਦੇਹ ਧਰ ਤੁਮ ਹੋ ਆਏ ।
 ਸ੍ਰੀ ਭਗਵਤ ਜਸ ਇਹ ਠਾਂ ਰਹੇ । ਗੁਰੁ ਨਾਨਕ ਕਾ ਜਸ ਉਚਰੇ ।
 ਤਿਨੈ ਕਹਾ ਇਹ ਸਮਝ ਨ ਪਾਵਹਿ । ਕਿਹ ਬਿਧ ਉਸਤਤ³ ਗੁਰ ਕੀ ਗਾਵਹਿ ।
 ਆਪ ਸਮਝਾਇ ਚਾਲ ਹਮ ਦੇਵੇ । ਹੇ ਸਤਿਗੁਰ ਗਤਿ ਅਲਖ ਅਭੇਵੇ ॥
 ਬੀਸ ਸਵਯੇ ਸ੍ਰੀ ਮੁਖ ਰਹੇ । ਗੁਰ ਨਾਨਕ ਜਸ ਬਰਨਨ ਕਰੇ ।
 ਸਮਝ ਚਾਲ ਤਿੰਹ ਜਗ ਪ੍ਰਗਟਾਯੋ । ਗੁਰੁ ਨਾਨਕ ਜਸ ਪ੍ਰਿਥਮੇ ਗਾਯੋ ॥ 381 ॥

ਦੋਹਰਾ

ਸ੍ਰੀ ਗੁਰੁ ਨਾਨਕ ਜਸ ਕਹਾ ਸਵਯੇ ਗੁਰ ਕੇ ਮਾਂਹਿ ।
 ਧਾਰ ਪ੍ਰੀਤ ਜੋ ਨਰ ਪੜਹਿ³ ਭੁਗਤਿ ਮੁਕਤਿ ਫਲ ਪਾਂਹਿ ॥ 382 ॥

¹ਅ ਪੱਥੀ ਅਘ ²ਅ ਪੱਥੀ ਬ੍ਰਹਮ ³ਅ ਤੇ ਏ ਪੱਥੀ ਮਹਿਮਾ ਪਠਹਿ

ਗੁਰ ਅੰਗਦ ਕਾ ਜਸ ਕਹਾ ਸਵੈਯੇ ਦਸ ਪ੍ਰਗਟਾਇ ।
ਭਗਤ ਗਿਆਨ ਤਿੰਹ ਉਰ ਬਸੈ ਜੋਉ ਪੜੈ ਚਿਤ ਲਾਇ ॥ 383 ॥

ਚੋਪਾਈ

[ਅਮਰਦਾਸ]¹ ਕਾ ਜਸ ਸੁਖ ਕੰਦਾ । ਬਾਈ ਸਵੈਯੇ ਰਹੈ ਅਨੰਦਾ ।
ਸ੍ਰੀ ਗੁਰੁ ਰਾਮਦਾਸ ਜਗੁ ਸੁਆਮੀ । ਸਾਠ ਸਵੈਯੇ ਪੂਰਨ ਕਾਮੀ ।
ਮੁਕਤ ਜੁਗਤਦਾਇਕ ਗੁਰ ਸੂਰਾ । ਗੁਰ ਅਰਜਨ ਕਾ ਜਸ ਜਗ ਰੂਰਾ ।
ਬੀਸ ਏਕ ਸਵੈਯੇ ਗੁਨ ਗਾਏ । ਇਕ ਸੌ ਬਾਈ ਭੇ ਸਮੁਦਾਏ ।
ਇਹ ਬਿਧ ਸਭਨੇ ਜਸ ਪ੍ਰਗਟਾਯੋ² । ਸਭੀ ਭਟ ਮਨ ਆਨੰਦ ਪਾਯੋ ।
ਔਰ ਉਪਮ ਬਹੁ ਭਾਂਤ ਉਚਾਰੀ । ਗੁਰ ਪਗ ਪਰੇ ਸੁ ਮਾਨ ਨਿਵਾਰੀ ।
ਅਤਿ ਪ੍ਰਸੰਨ ਭਏ ਕ੍ਰਿਪਾ ਨਿਧਾਨਾ । ਲਿਖੇ ਸਵੈਯੇ ਗ੍ਰਿਥ ਮਨ ਮਾਨਾ ।
ਮਨ ਇਛਤ ਸਭ ਕੋ ਵਰ ਦੀਨੋ । ਕੀਨ ਸਿਖ ਭ੍ਰਮ ਤਿਨ ਕਾ ਛੀਨੋ ॥ 384 ॥

ਦੋਹਰਾ

ਬਾਰ ਬਾਰ ਬੰਦਨ ਕਰੀ ਸ੍ਰੀ ਗੁਰੁ ਆਗਯਾ ਪਾਇ ।
ਸਭੀ ਭਾਟ ਵਿਦਿਆ ਭਏ ਸ੍ਰੀ ਗੁਰੁ ਪਾਦ ਮਨਾਇ ॥ 385 ॥
ਵਾਰ ਵਧੀਕ ਸਲੋਕ ਲਿਖ ਮੁੰਦਾਵਣੀ ਔਰ ਲਿਖਾਇ ।
ਤਤਕਰਾ ਲਿਖ ਸਭ ਗ੍ਰਿਥ ਕਾ ਭੋਗ ਗ੍ਰਿਥ ਜੀ³ ਪਾਇ ॥ 386 ॥

ਚੋਪਾਈ

ਤਬ ਲੋ ਰਾਗ ਸਭੀ ਇਕਠਾਏ । ਗੁਰੁ ਅਰਜਨ ਕੇ ਸਨਮੁਖ ਆਏ ।
ਕ੍ਰਿਪਾਸਿੰਧ ਉਸਤਤਿ ਕਰੀ । ਭਾਂਤ ਭਾਂਤ ਮਨ ਆਨੰਦ ਭਰੀ ।
ਉਸਤਤਿ ਕਰ ਗੁਰੁ ਪਗ⁴ ਲਪਟਾਏ । ਦਯਾ ਸਿੰਧ ਪੂਛਿਓ ਮਨ ਲਾਏ ।
ਨਿਜ ਆਵਨ ਕਾ ਕਾਰਨ ਕਹੋ । ਤਿਨੈ ਕਹਾ ਤੁਮ ਸਭ ਕਿਛ ਲਹੋ ।
ਹਮ ਜਗ ਮੈ ਅਤਿ ਹੀ ਦੁਖ ਪਾਏ । ਆਏ ਤਕਿ ਤੁਮਰੀ ਸਰਨਾਇ ।
ਇਹ ਬਿਧ ਹਮ ਜਗੁ ਮਹਿ ਦੁਖ ਪਾਵਹਿ । ਪੁਤ੍ਰੀ ਸਾਥ ਪਿਤਾ ਨਰ ਗਾਵਹਿ ।
ਔਰ ਸਨੁਖਾ ਸਾਥ ਸਸੁਰਾਰੇ । ਪੂਤ ਮਾਤ ਕਰਹਹਿ ਇਕ ਠਾਰੇ ।
ਸਮਝ ਨ ਪ੍ਰਾਤ ਸਮਾ ਮਧਿਆਨਾ । ਵਿਪਰਜੇ ਗਾਵਹਿ ਧਾਰ ਗੁਮਾਨਾ ॥ 387 ॥

ਦੋਹਰਾ

ਤਾਂਤੇ ਜਤਨ ਕੋਉ ਅਸ ਕਰੇ ਹੇ ਪ੍ਰਭ ਦੀਨਾ ਨਾਥ ।
ਭਿੰਨ ਭਿੰਨ ਸਭ ਕੋ ਲਿਖੋ ਹਮ ਸਭ ਕਰਹੁ ਸਨਾਥ ॥ 388 ॥
ਰਾਗਨਿ ਕੀ ਬਿਨਤੀ ਸੁਨੀ ਗੁਰ ਅਰਜਨ ਸੁਖ ਖਾਨ ।
ਰਾਗ ਮਾਲ ਤਬ ਹੀ ਲਿਖੀ ਭੋਗ ਤਾਂਹਿ ਪਰ ਠਾਨ ॥ 389 ॥

¹ਅ ਪੋਥੀ ਵਿਚੋਂ ²ਅ ਤੇ ਏ ਪੋਥੀ ਮਹਿਮਾ ਗਾਯੋ ³ਅ ਪੋਥੀ ਕੋ ⁴ਅ ਪੋਥੀ ਚਰਨ

ਚੌਪਾਈ

ਕੋਹੈ ਰਾਗ ਖਟ ਤੀਹ ਸੰਗ ਨਾਰੀ । ਅਸਟਿ ਅਸਟਿ ਸੁਤ ਕਹੈ ਉਚਾਰੀ ।
 ਅਠਤਾਲੀ ਸੁਤ ਸਭ ਕੇ ਭਏ । ਅਤਿ ਅਨੰਦ ਮਨਿ ਰਾਗਨਿ ਲਏ ॥
 ਸ੍ਰੀ ਗੁਰ ਭੋਗ ਗ੍ਰੰਥ ਜੀ ਪਾਯੋ । ਭਾਂਤਿ ਭਾਂਤਿ ਪਰਸਾਦਿ ਕਰਾਯੋ ।
 ਕੜਾਹ ਪ੍ਰਸਾਦਿ ਸੁ ਭਯੋ ਬਿਅੰਤਾ । ਆਗਯਾ ਕਰੀ ਗੁਰੁ ਭਗਵੰਤਾ ।
 ਹੁਮ ਹੁਮਾਇ ਸੰਗਤ ਸਭ ਆਈ । ਰਾਮਸਰੈ ਮਨ ਆਨੰਦ ਪਾਈ ।
 ਸ੍ਰੀ ਗੁਰ ਸਨਮੁਖ ਕਲਜੁਗ ਆਯੋ । ਉਸਤਤਿ ਕਰੀ ਅਨਕ ਮਨ ਲਾਯੋ ।
 ਬਹੁਰੋ ਕਹਾ ਪ੍ਰਭੂ ਸੁਖ ਸਾਗਰ । ਬਿਨਤੀ ਹਮੈ ਸੁਨੋ ਗੁਨ ਆਗਰ ।
 ਰਚਯੋ ਗ੍ਰੰਥ ਭਵ ਸਿੰਧ ਜਹਾਜ । ਹਮੈ ਕਲਿਆਨ ਕਰੋ ਮਹਾਰਾਜ ॥ 390 ॥

ਦੋਹਰਾ

ਗ੍ਰੰਥ ਪਾਠ ਜਹਾਂ ਪ੍ਰੇਮ ਸਿਉਂ ਕਰਹਿਹ ਸਿਖ ਉਚਾਰ ।
 ਤਹਾਂ ਰਹਿਨ ਹਮਾਰਾ ਨਹੀਂ ਤਜਉ ਠੋਰ ਤਤਕਾਰ ॥ 391 ॥
 ਸੰਗਤ ਮੇਂ ਆਵਨਿ ਪ੍ਰਭੂ ਕਿਸੀ ਕਾਲ ਹਮ ਦੇਹੁ ।
 ਹਉਂ ਅਨਾਥ ਸਰਨੀ ਪਰਿਓ ਕ੍ਰਿਪਾ ਸਿੰਧ ਰਖ ਲੇਹੁ ॥ 392 ॥

ਚੌਪਾਈ

ਤਿਹ ਬਿਨਤੀ ਸੁਨ ਸ੍ਰੀ ਗੁਰ ਬੋਲੇ । ਸੁਨੋ ਕਲੂ ਤੁਮ ਬਚਨ ਅਮੋਲੇ ।
 ਨਿਰ ਵਿਕਲਪ ਜਾਹਿੰ ਸੰਗਤ ਹੋਵੇ । ਤਾਕੋ ਤੁਮ ਨਹੀਂ ਨੈਨਨ ਜਾਵੇ ।
 ਜਬ ਕੜਾਹ ਸੰਗਤ ਮਹਿ ਆਵੈ । ਤਿਹ ਛਿਨ ਤੁਮ ਭੀ ਦਰਸਨ ਪਾਵੈ ।
 ਜਬ ਲਗ ਵਰਤਤ ਰਹੈ ਕੜਾਇ । ਤਬ ਲੋ ਵਾਸ ਕਰੋ ਤੁਮ ਤਾਹਿ ॥
 ਭਯੋ ਪ੍ਰਸੰਨ ਕਲੂ ਮਨ ਮਾਂਹੀ । ਮਨੋ ਰੰਕ ਜਿਮ ਨਵ ਨਿਧੀ ਪਾਹੀ ।
 ਸ੍ਰੀ ਗੁਰ ਕੀ ਸਿਖ ਆਗਯਾ ਪਾਏ । ਕੜਾਹ ਪ੍ਰਸਾਦਿ ਲਗੇ ਵਰਤਾਏ ।
 ਸਮਾਂ ਜਾਨ ਕਲਜੁਗ ਤਹਿ ਆਯੋ । ਦੇਖ ਪ੍ਰਭੂ ਮਨ ਮਹਿ ਮੁਸਕਾਯੋ ।
 ਕੜਾਹ ਸਾਸ ਕਲਜੁਗ ਚਲ ਆਵੈ । ਸੰਗਤ ਮਹਿ ਗੋਗਾ ਪੜ ਜਾਵੈ ॥ 393 ॥

ਦੋਹਰਾ

ਅਬ ਲੋ ਬਾਤ ਪ੍ਰਤਖ ਏਹਿ ਦੇਖਹੁ ਸਮਝ ਵਿਚਾਰ ।
 ਪ੍ਰਸਾਦਿ ਵਰਤਾਇ ਤਬੈ ਦਯੋ ਸੰਗਤ ਕੋ ਤਿੰਹ ਵਾਰ ॥ 394 ॥
 ਗਰ ਸਿਖ ਬੰਨੋ^੧ ਅਯੋ ਸੰਗਤ ਸਾਥ ਅਪਾਰ ॥
 ਮਾਂਗਟ ਵਾਸੀ ਤਾਹਿ ਕੀ ਦਰਸਨ ਗੁਰੂ ਨਿਹਾਰ ॥ 395 ॥

ਚੌਪਾਈ

ਕਾਰ ਭੋਟ ਆਗੈ ਗੁਰ ਧਾਰੀ । ਕਰੀ ਬਿਨਤ ਗਰਿ ਅੰਚਰ ਡਾਰੀ ।
 ਸ੍ਰੀ ਗੁਰ ਸਭ ਕਾ ਆਦਰ ਕੀਨੋ । ਮਨ ਇਛਤ ਸਭ ਕੋ ਵਰਦੀਨੋ ।

^੧ਅ ਪੋਥੀ ਭਾਈ ਬੰਨੋ ਆਇਓ

ਬੰਨੋ ਕੋ ਨਿਜ ਸਿਖ ਗੁਰ ਜਾਨਾਂ । ਸ੍ਰੀ ਗੁਰ¹ ਤਾਕੋ ਬਚਨ ਬਖਾਨਾ ॥
 ਲਾਹੌਰ ਬੀਚ ਬੰਨੋ ਤੁਮ ਜਾਵੋ । ਸ੍ਰੀ ਗ੍ਰੰਥ ਕੀ ਜਿਲਤ ਬਨਾਵੋ² ॥
 ਕਾਰੀਗਰ³ ਇਹ ਠਾਂ ਅਬ ਨਾਹੀਂ । ਸਮਾਂ ਪਾਇ ਸਭ ਇਹਾਂ ਰਹਾਹੀ ॥
 ਹਾਥ ਜੋਰ ਬੰਨੋ ਤਬ ਕਹਾ । ਏਕ ਬੇਨਤੀ ਮੇਰੀ ਪ੍ਰਭ ਅਹਾ ।
 ਹੁਕਮ ਹੋਇ ਤੋਉ ਮਾਂਗਟ ਜਾਵਹਿ । ਸੰਗਤ ਕਉ ਦਰਸਨ ਕਰਵਾਵਹਿ ॥
 ਗੁਰ ਤਬ ਕਹਾ ਏਕ ਨਿਸ ਬਸਨਾਂ । ਤਿਨ ਹੋ ਕਰਾ ਜੋਉ ਗੁਰ ਰਸਨਾ ॥ 396 ॥

ਦੋਹਰਾ

ਏਕ ਰੈਨ ਖਾਰੇ ਰਹੇ ਦੁਤੀਆ ਟਿਕੇ ਜੰਡੋਰੇ ਆਇ ।
 ਸਿਖ ਸੰਗਤਿ ਦਰਸਨ ਕਰੀਓ ਮਨ ਮਹਿ ਅਤਿ ਸੁਖ ਪਾਇ ॥ 397 ॥
 ਗੁਰੁ ਗ੍ਰੰਥ ਕੀ ਚੜ੍ਹਤ ਮਹਿ ਕਹੀ ਸਿਖ ਕੀ ਬਾਤ ।
 ਭਗਤ ਸਿੰਘ ਅਬ ਸੋ ਸੁਨਹੁ ਗੁਰੁ ਕਹੀ ਜਿਹ ਭਾਂਤਿ ॥ 398 ॥

ਚੌਪਾਈ

ਤੁਰਕ ਰਾਜ ਬਹੁ ਦਿਨ ਨਹੀਂ ਬਹਿਨਾ । ਜਿਤਕ ਜਰੂਰ ਹੋਇ ਤਿਤ ਰਹਿਨਾ ।
 ਸਨਿ ਬਚਨ ਬੰਨੋ ਮੁਖ ਗਾਈ । ਭਯੋ ਤਯਾਰ ਚਲਯੋ ਸੁਖ ਪਾਈ ॥
 ਸੈਂਚੀਆਂ ਲੈ ਗੁਰ ਚਰਨ ਮਨਾਏ । ਸੰਗਤ ਚਲੀ ਸਾਥ ਅਧਿਕਾਏ⁴ ।
 ਤਬ ਬੰਨੋ ਮਨ ਮਾਹਿ ਇਹ ਆਈ । ਦੁਤੀਆ ਸਰੂਪ ਗ੍ਰੰਥ ਜੀ ਪਾਈ ॥ 399 ॥

ਦੋਹਰਾ

ਸੁਧਾ ਸਰੋਵਰ ਤੇ ਚਲਯੋ ਮਨ⁵ ਮਹਿ ਕੀਓ ਵਿਚਾਰ ।
 ਗ੍ਰੰਥ ਜਹਾਜ ਸਤਿਗੁਰ ਰਚਯੋ ਭਈ ਜਿਲਤ ਇਕ ਵਾਰ ॥ 400 ॥
 ਗੁਰ ਗ੍ਰੰਥਿ ਭਯੋ ਤਬ ਲਿਖੈ ਕਉ ਸੰਗਤ ਕੈਸ ਕਰਾਇ ।
 ਤਾਂਤੇ ਜਤਨ ਐਸਾ ਕਰਹੁ ਤਾਰੋ ਦੇਸ ਬਨਾਇ ॥ 401 ॥

ਚੌਪਾਈ

ਸ੍ਰੀ ਗੁਰ ਕਹਾ ਰੈਨ ਇਕ ਰਹੀਓ । ਆਵਤ ਜਾਵਤ ਬੀਚ ਨ ਬਹੀਓ ।
 ਪੰਥ ਰੈਨ ਕਛੁ ਭਾਖੀ ਨਾਹੀਂ । ਤਾਂਤੇ ਜਤਨ ਕਰਹੁ ਮਗ ਮਾਹੀ ॥
 ਭੇਜ ਸਿਖ ਕਾਗਜ ਮੰਗਵਾਏ ॥ ਪਤੇ ਰਚੇ ਅਧਿਕ ਚਿਤ ਲਾਏ ॥
 ਸੰਗਤ ਕਉ ਇਹ ਆਗਯਾ ਦਈ ॥ ਪਾਂਚ ਕੋਸ ਕੀ ਮੰਜਲ ਕਈ ॥
 ਸੰਗਤ ਸਿਖ ਲਿਖੇ ਮਨ ਲਾਈ । ਰੈਨ ਦਿਵਸ ਨਹਿ ਬਿਲਮ⁶ ਲਗਾਈ ।
 ਜਾਵਤ ਜਾਵਤ ਸਭ ਲਿਖ ਲਯੋ । ਜਾਇ ਲਾਹੌਰ ਭੋਗ ਤਬ ਪਯੋ ॥
 ਬਾਣੀ ਕਛੁਕ ਵਧੀਕ ਲਿਖਾਈ । ਸਿਖਨਿ ਤੇ ਸੋ ਪੋਥੀ ਪਾਈ ॥
 ਸਾਰੰਗ ਸਬਦ ਸੂਰ ਕਾ ਗਾਯੋ । ਤਹਿ ਤੁਕ ਏਕ ਸਾਰਾ ਇਹਾਂ ਪਾਯੋ ॥ 402 ॥

¹ਅ ਪੋਥੀ ਸਤਿਗੁਰ ²ੲ ਪੋਥੀ ਬੰਧਾਵੋ ³ਅ ਪੋਥੀ ਜਿਲਦਸਾਜ ⁴ੲ ਪੋਥੀ ਹਰਖਾਇ ⁵ਅ ਤੇ ੲ ਪੋਥੀ
 ਚਿਤ ⁶ਅ ਪੋਥੀ ਬਿਲੰਭ

ਦੋਹਰਾ

ਛਾਡ ਮਨ ਹਰਿ ਬਿਮੁਖਨਿ ਕੋ ਸੰਗ ਸਬਦ ਲਿਖ ਲੀਨ ।
 ਮੀਰਾਂ ਬਾਈ ਸਬਦ ਪੁਨ ਔਰ ਲਿਖੇ ਚਿਤ ਚੀਨ ॥ 403 ॥
 ਮਨੁ ਹਮਾਰੋ ਬਾਧਿਓ ਗੁਨ ਮਾਰੂ ਸਬਦਿ ਲਿਖਾਇ ।
 ਜਿਤ ਦਰ ਲਖ ਮਹਿਮਦਾ ਸਲੋਕ ਤੀਨ ਲਿਖ ਪਾਇ ॥ 404 ॥

ਚੌਪਾਈ

ਬਾਇ ਆਤਸ ਸੋਲਾਂ ਸਲੋਕ । ਰਤਨਮਾਲ ਲਿਖ ਲਈ ਅਲੋਕ ॥
 ਰਾਹ ਮੁਕਾਮ ਦੀ ਸਾਖਿ¹ ਲਿਖਾਈ । ਰਾਗ ਮਾਲ ਪਾਛੇ ਲਿਖ ਪਾਈ ॥
 ਦੁੰਹੁ ਗ੍ਰਿਥ ਕੀ ਜਿਲਤ ਬਨਾਈ । ਚਲੇ ਗੁਰੂ ਪਹਿ ਦੇਰ ਨ ਲਾਈ ॥
 ਜਿਲਤ ਬਨਾਇ ਸੁ ਆਵਤ ਭਏ । ਸ੍ਰੀ ਗੁਰ ਚਰਨ ਕਮਲ ਮਨ ਦਏ ॥ 405 ॥

ਦੋਹਰਾ

ਆਵਤਿ ਦੇਖ ਗੁਰੁ ਗ੍ਰਿਥ ਕੋ ਉਠੇ ਪ੍ਰਭੁ ਹਰਖਾਇ ।
 ਕਰ ਬੰਦਨ ਸ੍ਰੀ ਗ੍ਰਿਥ ਕੋ ਬੈਠੇ ਢਿਗ ਤਬ ਆਇ ॥ 406 ॥
 ਦੋਇ ਗ੍ਰਿਥ ਜੀ ਦੇਖ ਕੈ ਸ੍ਰੀ ਮੁਖ² ਕੀਨ ਉਚਾਰ ।
 ਭਾਈ ਬੈਨ ਕਿਆ ਕੀਓ ਕਹੋ ਸਤਿ ਨਿਰਧਾਰ ॥ 407 ॥

ਚੌਪਾਈ

ਬੰਨੋ ਕਹਾ ਪ੍ਰਭੁ ਤੁਮ ਜਾਨਹੁ । ਸੰਗਤ ਹਿਤ ਮੋਹਿ ਉਦਮ ਠਾਨਹੁ ।
 ਪਰਉਪਕਾਰ ਗੁਰ ਤਹਿ ਦਿਖਰਾਏ । ਦਸਖਤ ਕਰੇ ਸੁ ਪ੍ਰਭ ਸੁਖਦਾਏ ।
 ਸ੍ਰੀ ਮੁਖ ਕਹਾ ਬੀੜ ਦੋ ਭਈ । ਇਕ ਗੁਰਦਾਸ ਇਕ³ ਬੰਨੋ ਕਈ ।
 ਗੁਰਦਾਸ ਬੀੜ ਪਰ ਦਸਖਤ ਕਰੇ । ਸੰਮਤ ਲਿਖਯੋ ਅਧਿਕ ਸੁਖ ਭਰੇ ।
 ਸੰਮਤ ਸੋਲਾਂ ਸੈ ਸੁਖ ਕਾਰੀ । ਇਕਸਠ ਤਾਕੋ ਉਪਰ ਧਾਰੀ ।
 ਭਾਦੋਂ ਸੁਦਿ ਏਕਮ ਸੁਖਦਾਈ । ਸ੍ਰੀ ਗ੍ਰਿਥ ਭਯੋ ਪੂਰ ਸੁਹਾਈ ।
 ਤਤਕਰੇ ਮਹਿ ਸੰਮਤ ਲਿਖ ਧਾਰਾ । ਦਯਾ ਸਿੰਧ ਕੀਆ⁴ ਪਰਉਪਕਾਰਾ ।
 ਬੰਨੋ ਕਉ ਅਸ ਬਚ ਫੁਰਮਾਏ ! ਤਾਰੋ ਦੇਸ ਸੁ ਆਨੰਦ ਪਾਏ ॥ 408 ॥

ਦੋਹਰਾ

ਮਮ ਆਗਿਆ ਸਬਹੀ ਸੁਨੋ ਸਤਿ ਬਾਤ ਨਿਰਧਾਰ ।
 ਗ੍ਰਿਥ ਗੁਰੂ ਸਮ ਮਾਨੀਓ ਭੇਦ ਨ ਕੋਊ ਬਿਚਾਰ ॥ 409 ॥
 ਜੋਊ ਗ੍ਰਿਥ ਇਸ ਥੋਂ ਲਿਖੇ ਸੋਧਉ ਇਸੈ ਬਨਾਇ ॥
 ਗੁਰਦਾਸ ਬੀੜ ਤੇ ਜੋ ਲਿਖੇ ਤਾਂਤੇ ਸੋਊ ਸੁਧਾਇ ॥ 410 ॥

¹ਅ ਪੌਥੀ ਹਕੀਕਤ ²ਅ ਤੇ ਦ ਪੌਥੀ ਸਤਿਗੁਰੂ ³ਅ ਪੌਥੀ ਦੁਈ ⁴ਅ ਪੌਥੀ ਕੀਓ

ਚੌਪਾਈ

ਸ੍ਰੀ ਸਤਿਗੁਰ ਦਿਖ ਲਗੋ ਦਿਵਾਨਾ । ਬੁਢੇ ਆਦਿਕ ਸਭ ਇਕ ਠਾਨਾ ।
 ਹਰਿ ਗੋਬਿੰਦ ਕਉ ਕਹਾ ਸੁਨਾਈ ! ਆਗਿਆ ਮੋਰ^੧ ਸੁਨਹੁ ਚਿਤ ਲਾਈ ।
 ਸਾਹਿਬ ਬੁਢੇ ਬਚਨ ਬਖਾਨਾ । ਤੁਮ ਕਰਨੇ ਜੁਧ ਮਹਾ ਭੈਆਨਾ ।
 ਗ੍ਰਿੰਥ ਬੀਚ ਹਮ ਜੋਇ ਲਿਖਾਈ । ਬਾਈ ਵਾਰ ਸੁਨਹੁ ਮਨ ਲਾਈ ।
 ਮਨ ਪਸੰਦ ਸੁਨ ਵਾਰ ਜੁ ਪਾਵੋ । ਤਬੈ ਧੁਨਾਂ ਤੁਮ ਤਾਹਿ ਚੜਾਵੋ ।
 ਬਾਨੀ ਔਰ ਨਹੀਂ ਤੁਮ ਕਰਨੀ । ਸਤਿ ਬਚਨ ਸੁਨ ਹੋ ਮਮ ਸ੍ਰਵਨੀ ।
 ਦੀਨ ਹੇਤ ਜੋ ਸੀਸ ਉਤਾਰੇ । ਚਾੜੇ ਬਾਣੀ ਮੁਖਹੁ ਉਚਾਰੇ ।
 ਔਰ ਕਿਸੀ'ਕੀ ਚੜੇ ਨ ਬਾਣੀ । ਸਤਿ ਬਚਨ ਹਮਰੇ ਤੁਮ ਜਾਣੀ ॥ 411 ॥

ਦੋਹਰਾ

ਗੁਰੁ ਗ੍ਰਿੰਥ ਕਲਜੁਗ ਭਯੋ ਸ੍ਰੀ ਗੁਰੁ ਰੂਪ ਮਹਾਨ ।
 ਦਸ ਪਾਤਿਸ਼ਾਹੀਆਂ ਰੂਪ ਇਹ ਗੁਰੁ ਗ੍ਰਿੰਥ ਜੀ ਜਾਨ ॥ 412 ॥
 ਗੁਰ ਦਰਸ ਜਿਹ ਦੇਖਨਾਂ ਸ੍ਰੀ ਗ੍ਰਿੰਥ ਦਰਸਾਇ ।
 ਬਾਤ ਕਰਨਿ ਗੁਰ ਸਿਉ ਚਹੈ ਪੜੈ ਗ੍ਰਿੰਥ ਮਨ ਲਾਇ^੨ । 413 ॥

ਚੌਪਾਈ

ਆਗਿਆ^੩ ਔਰ ਸੁਨੋ ਮਨ ਲਾਇ । ਸਭ ਹੀ ਮਨ ਧਾਰੋ ਸੁਖ ਪਾਇ ।
 ਪਾਛੇ ਚਲੀ ਰੀਤ ਇਹ ਆਈ । ਮਿਰਤਕ ਪਾਛੇ ਐਸ ਕਰਾਈ ।
 ਗਰੜ ਪੁਰਾਨ ਪਢਾਵਤ ਕੋਊ । ਔਰ ਪੁਰਾਨ ਪੜਨ ਮਤ ਲੋਊ ।
 ਬੇਦ ਪੁਰਾਨ ਅਬ ਸਭ ਮਥ ਲੀਨੇ । ਸਭ ਕਾ ਸਾਰ ਗ੍ਰਿੰਥ ਜੀ ਕੀਨੇ ।
 ਮ੍ਰਿਤ ਪਾਛੇ ਇਹ ਰੀਤ ਸੁ ਕਰੇ । ਗੁਰੁ ਗ੍ਰਿੰਥ ਕਾ ਪਾਠ ਸੁ ਧਰੇ ।
 ਪਾਵੇ ਭੋਗ ਰਾਗ ਮਾਲਾ ਕੋ ਪੜ । ਛਿਨ ਮਹਿ ਪਾਪ ਜਾਹਿ ਤਾਂਕੇ ਸੜ ।
 ਕੜਾਹ ਪ੍ਰਸਾਦਿ ਤਿਹ ਨਮਿਤ ਕਰਾਵੇ । ਨਰਕ^੪ ਦੁਆਰ ਕੋ ਸੋ ਨਹਿ ਜਾਵੇ ।
 ਪਾਛੇ ਮ੍ਰਿਤਕ ਐਸ ਬਿਧ ਕਰੇ । ਜੀਵਤ ਜਤਨ ਐਸ ਬਿਧ ਧਰੇ ॥ 414 ॥

ਦੋਹਰਾ

ਧਾਰ ਪ੍ਰੇਮ ਗੁਰ ਗ੍ਰਿੰਥ ਕਾ ਪਾਠ ਕਰੈ ਮਨ ਲਾਇ ।
 ਰਾਗ ਮਾਲ ਪੜ ਪ੍ਰੇਮ ਸਿਉ ਭੋਗ ਜਪੁਜੀ ਤੇ ਪਾਇ ॥ 415 ॥
 ਕੜਾਹ ਕਰਾਵੇ ਹਰਖ ਸਿਉ ਕੋਟਿ ਜਗ ਫਲ ਚੀਨ ।
 ਸਭ ਸੰਗਤ ਸੁਨ ਬੈਨ^੫ ਗੁਰਿ ਚਿਤ ਮਹਿ ਧਰਿ ਲੀਨ ॥ 416 ॥

^੧ਅ ਤੇ ਏ ਪੋਥੀ ਆਇਸ ਹਮਰੀ ^੨ਅ ਪੋਥੀ ਪਾਠਾਤਰ

ਜੋ ਸਿਖ ਗੁਰ ਦਰਸਨ ਕੋ ਚਾਹੇ ॥ ਦੇਖ ਗ੍ਰਿੰਥ ਵਿਚਾਰੇ ਜਾਹੇ ॥

ਜੋ ਚਾਹਤ ਕਰ ਗੁਰ ਸੰਗ ਬਾਤ ॥ ਪੜੈ ਗ੍ਰਿੰਥ ਬੀਚਾਰੇ ਸਾਬ ॥

^੩ਏ ਪੋਥੀ ਆਇਸ ^੪ਅ ਪੋਥੀ ਜਗ ^੫ਅ ਪੋਥੀ ਬਚਨ

ਜੋ ਇਛਾ ਕੋਊ ਕਰੈ ਸੋ ਸਭ ਪੂਰਨ ਹੋਇ ।
ਸ੍ਰੀ ਮੁਖ ਤੇ ਐਸੇ ਕਹਾ ਜਾਨ ਲੇਹੁ ਸਭ ਕੋਇ ॥ 417 ॥

ਚੌਪਾਈ

ਸ੍ਰੀ ਮੁਖ ਬਹੁਰ ਕਰੈ ਅਸ ਬੈਨਾ । [ਰਾਮਸਰ]¹ ਤਟ ਉਤਰ ਸੁਖ ਦੇਨਾ ।
ਰਚੀ ਬੀੜ ਇਹ ਠਾਂ ਮਨ ਲਾਈ । ਉਪਮ ਠਾਂਵ ਕੀ ਕਹੀ ਨਾ ਜਾਈ ।
ਬਹੁ ਦੁਖ ਤਪਤ ਇਹਾਂ ਜੋ ਆਵੈ । ਦੇਖਤ ਦਰਸ ਸਾਂਤਿ ਹੁਇ ਜਾਵੈ ।
ਭਾਦੋਂ ਸੁਦਿ ਏਕਮ ਜੋ ਹੋਈ । ਕਰੈ ਦਰਸ ਜੋ ਮਨ ਚਿਤ ਕੋਈ ।
ਗ੍ਰਿਥ ਭੋਗ ਕਾ ਫਲ ਤਿਹ ਹੋਵੈ । ਜਨਮ ਮਰਨ ਅਘ ਸੰਕਟਿ ਖੋਵੈ ।
ਇਹ ਅਸਥਾਨ ਕੀ ਉਪਮ ਮਹਾਂਨਾਂ । ਗੁਰੁ ਗ੍ਰਿਥ ਬੀੜ ਜਿਹ ਠਾਨਾਂ ।
ਸਭ ਦਿਵਾਨ ਸ੍ਰੀ ਮੁਖ ਸੁਨ ਬੈਨਾ । ਬੰਦਨ ਕਰ ਪਾਯੋ ਅਤਿ ਚੈਨਾ ।
ਪੁਨ ਬੰਨੋ ਨੇ ਦੋਏ ਕਰ ਜੋਰੇ । ਆਗਯਾ ਦੇਹੁ ਜਾਉਂ ਗ੍ਰਿਹ ਓਰੇ ॥ 418 ॥

ਦੋਹਰਾ

ਲੈ ਆਗਯਾ ਸ੍ਰੀ ਗੁਰੂ ਤੇ ਬੰਨੋ ਉਦਮ ਕੀਨ ।
ਪਾਲਕੀ ਨਿਜ ਮੰਗਾਇ ਗੁਰੁ [ਗੁਰੂ]² ਗ੍ਰਿਥ ਧਰ ਦੀਨ ॥ 419 ॥
ਨਿਜ ਦੇਸੈ ਮਾਂਗਟ ਗਯੋ ਕਰਹੂੰ ਨ ਕਥਾ ਬਿਥਾਰ ।
ਗ੍ਰਿਥ ਬਢਨ ਤੇ ਹਉਂ ਡਰੋਂ ਸੂਖਮ ਕਰਿਓ ਉਚਾਰ ॥ 420 ॥

ਚੌਪਾਈ

ਏਕ ਗ੍ਰਿਥ ਜੀ ਤਹਾਂ ਸਿਧਾਯੋ । ਈਹਾਂ ਧਿਆਇ ਪੂਰਨ ਕਵਿ ਗਾਯੋ ।
ਗ੍ਰਿਥ ਬੀੜ ਧਿਆਇ ਪੂਰਨ ਭਯੋ । ਜੋਊ ਪੜੈ³ ਤਾਂਕਾ ਦੁਖ ਗਾਯੋ ।
ਭਗਤ ਸਿੰਘ ਤਿਹ ਫਲੁ ਅਧਿਕਾਈ । ਜੋਊ ਧਿਆਇ ਪੜਹੈ ਮਨ ਲਾਈ ॥
ਗ੍ਰਿਥ ਭੋਗ ਕੇ ਫਲੁ ਕੋ ਪਾਵੈ । ਜਨਮ ਬੀਚ [ਉਹ]⁴ ਬਹੁਰ ਨਹਿ ਆਵੈ ॥ 421 ॥

ਦੋਹਰਾ

ਆਗੇ ਇਹ ਕਥ ਹੋਇਗੀ ਗੁਰੂ ਗ੍ਰਿਥ ਅਸਥਾਨ ।
ਹਰਿ ਗੋਬਿੰਦ ਕੇ ਬਿਆਵ ਕੀ ਹੁਇ ਹੈ ਕਥਾ ਮਹਾਨ ॥ 422 ॥
ਇਤਿ ਸ੍ਰੀ ਗੁਰ ਬਿਲਾਸੇ ਸ੍ਰੀ ਗ੍ਰਿਥ ਸਾਹਿਬ ਜੀ ਕੀ ਬੀੜ
ਬਰਨੰਨ ਨਾਮ ਚਤੁਰਥੇ ਧਿਆਇ ਸਮਾਪਤ ਮਸਤ ਸੁਭ ਮਸਤ ॥ 4 ॥ ਅਫਜੂ ॥
॥ ਬੋਲਹੁ ਜੀ ਵਾਹਿਗੁਰੂ ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਵਿਚੋਂ ³ਅ ਪੋਥੀ ਪਠੈ ⁴ਅ ਪੋਥੀ ਵਿਚੋਂ

ਅਧਿਆਇ ਪੰਜਵਾਂ

ਦੋਹਰਾ

ਸ੍ਰੀ ਗੁਰੂ ਨਾਨਕ ਕੋ ਨਮੋ ਤਾਂਹਿ ਚਰਨ ਉਰਧਾਰ ।
ਕਥਾ ਸੁ ਪੰਚਮ ਧਿਆਇ ਕੀ ਬਰਨਨ ਕਰਉ ਅਪਾਰ ॥ 1 ॥
ਕ੍ਰਿਪਾ ਸਿੰਧ ਸ੍ਰੀ ਸਤਿਗੁਰੂ ਗੁਰ ਅਰਜਨ ਸੁਖ ਖਾਨ ।
ਸਭ ਕੋ ਨਿਕਟਿ ਬੁਲਾਇ ਕੈ ਲਾਯੋ ਤਥੈ ਦੀਵਾਨ ॥ 2 ॥

ਚੌਪਾਈ

ਗੁਰਦਾਸ ਬੁਢਾ ਸਭ ਹੀ ਇਕਠਾਏ । ਗੁਰ ਅਰਜਨ ਤਬ ਬਚਨ ਸੁਨਾਏ ।
ਕਹੋ ਵਿਚਾਰ ਸਭੈ ਅਸਥਾਨਾ । ਜਹਾਂ ਗ੍ਰੰਥ ਅਸਥਾਪਨ ਠਾਨਾ ।
ਬੁਢੇ ਕਹਾ ਆਪ ਪ੍ਰਭ¹ ਜਾਨੋ । ਤੁਮਤੋ ਪ੍ਰਭ ਜੀ ਕਵਨ ਸਿਆਨੋ ।
ਸ੍ਰੀ ਗ੍ਰੰਥ ਲਾਇਕ ਦਰਬਾਰਾ । ਔਰ ਅਸਥਾਨ ਨਾ ਕੋਈ ਮੁਰਾਰਾ ।
ਇਹ ਸੁਨ ਸ੍ਰੀ ਗੁਰ ਭਯੋ ਅਨੰਦਾ । ਮਾਨੋ ਦਿਖਯੋ ਦੂਜ ਕਉ ਚੰਦਾ ।
ਸ੍ਰੀ ਦਰਬਾਰ ਕੀ ਉਪਮ ਉਚਾਰੀ । ਇਹ ਸਮ ਨਹੀ ਤਿਲੋਕੀ² ਸਾਰੀ ।
ਸਮ ਜਹਾਜ ਬਨ ਹੈ ਦਰਬਾਰ । ਤਰਹਿ ਜੀਵ ਭਵ ਸਿੰਧ³ ਅਪਾਰ ।
ਨਿਤ ਨੂਤਨ ਮੰਗਲ ਇਹਾਂ ਹੋਵੈ । ਇਹ ਦਰਸਨ ਅਘ ਸਗਲੇ ਖੋਵੈ ॥ 3 ॥

ਦੋਹਰਾ

ਸਾਹਿਬ ਬੁਢਾ ਜੀ ਸੁਨੋ ਮਹਿਮਾਂ ਅਪਰ ਅਪਾਰ ।
ਪਰਤਖ ਰੂਪ ਰਾਮਦਾਸ ਕੋ ਸੋਭਤ ਸ੍ਰੀ ਦਰਬਾਰ ॥ 4 ॥
ਹਰਿਮੰਦਰ ਹਰਿ ਰੂਪ ਹੈ ਲਛਮੀ ਚਰਨ ਬਸਾਇ ।
ਜੋਉ ਸਰਨਿ ਇਹ ਕੀ ਪੜੈ ਦਾਰਦ⁴ ਰਹੈ ਨ ਕਾਇ ॥ 5 ॥

ਚੌਪਾਈ

ਦਯਾ ਸਿੰਧ ਭਾਖੈ⁵ ਪੁਨ ਬੈਨਾਂ । ਇਹਾਂ ਰਹੈ ਸਭ ਹੀ ਹਮ ਰੈਨਾ ।
ਪ੍ਰਾਤ ਕਾਲ ਚਲੀਏ ਦਰਬਾਰਾ । ਅਸਥਾਪਨ ਗੁਰੂ ਗ੍ਰੰਥ ਅਵਤਾਰਾ ।
ਭੂਮਾਸੰਨ ਸਭ ਤਹਾਂ ਬਿਰਾਜੈ । ਗੁਰ ਗ੍ਰੰਥ ਮੰਜੀ ਪਰ ਰਾਜੈ⁶ ।
ਦਿਨ ਪਤਿ ਅਥਿਓ ਰੈਨ ਪਰ ਆਈ । ਨਖਯਤ੍ਰਨਿ ਸਿਉ ਮਿਲ ਸੋਭਾ ਪਾਈ ॥

¹ਅ ਪੋਥੀ ਗੁਰ ²ਅ ਤੇ ਏ ਪੋਥੀ ਸ੍ਰਿਸਟਿ ³ਅ ਪੋਥੀ ਸਾਗਰ ⁴ਅ ਪੋਥੀ ਕਸਟ ⁵ਅ ਤੇ ਏ ਪੋਥੀ ਉਚਰੇ

⁶ਅ ਪੋਥੀ ਸਾਜੇ

ਭੂਮਾਸਨ ਸਤਿਗੁਰ ਜੀ ਕੀਨੋ । ਗੁਰੂ ਗ੍ਰੰਥ ਅਦਬ ਚਿਤ ਲੀਨੋ ॥
 ਨਿਜ ਨਿਜ ਆਸਨ ਸਭ ਹੀ ਬੈਠੇ । ਦਯਾ ਸਿੰਧ ਮਨ ਐਸੀ ਪੈਠੇ ।
 ਨਿਜ ਮਨ ਏਹੁ ਵਿਚਾਰਤ ਭਏ । ਗੁਰੂ ਗ੍ਰੰਥ ਸੇਵਕ ਕਿੰਹੁ ਕਏ ।
 ਬੇਦੀ ਸੋਚੀ ਕਉ ਦੇਉ ਸੇਵਾ । ਬੰਸ ਉਚ ਮਾਨੈ ਨਿਜ ਭੇਵਾ ॥ 6 ॥

ਦੋਹਰਾ

ਚਾਰ ਗੁਰੂ ਸੇਵਾ ਕਰੀ ਪਾਯੋ ਪਰਮ ਨਿਧਾਨ ।
 ਸੇਵਕ ਕੀ ਇਹ ਬਸਤ ਹੈ ਸ੍ਰੀ ਮੁਖ ਕੀਓ ਬਖਾਨ ॥ 7 ॥
 ਗੁਰੂ ਗ੍ਰੰਥ ਸੇਵਾ ਨਿਪੁੰਨ ਜੋ ਸੇਵਾ ਸੁਖ ਕਾਰ ।
 ਸੋ ਅਸਥਾਪਨ ਕੀਜੀਏ ਸੇਵਕ ਸ੍ਰੀ ਦਰਬਾਰ ॥ 8 ॥

ਚੌਪਾਈ

ਕਰਤ ਵਿਚਾਰ ਏਹੁ ਠਹਿਰਾਈ । ਬੁਢਾ ਜੀ¹ ਸੇਵਾ ਨਿਪੁੰਨਾਈ ।
 ਗੁਰ ਨਾਨਕ ਇਨ ਦਰਸਨ ਕਰੇ । ਸੇਵਾ ਮੈਂ ਅਤਿ ਹਿਤ ਇਹ ਧਰੇ ॥
 ਅਸੁ² ਵਿਚਾਰ ਸ੍ਰੀ ਗੁਰੂ ਬਿਰਾਜੈ । ਕ੍ਰਿਪਾ ਸਿੰਧ ਦੀਨਨ ਸੁਖ ਸਾਜੈ ।
 ਤੀਨ ਜਾਮ ਨਿਸ ਜਬੈ ਬਿਹਾਨੀ । ਜਾਗੇ ਦਯਾ ਸਿੰਧ ਸੁਰ ਗਯਾਨੀ ।
 ਭਾਈ ਗੁਰਦਾਸ ਸਭੈ ਸਿਖ ਜਾਗੇ । ਸਾਹਿਬ ਬੁਢਾ ਗੁਰ ਰਸ ਪਾਗੇ ॥
 ਪ੍ਰਿਥਮ ਸੋਚ ਸਭ ਹੀ ਗੁਰ ਕੀਨੋ । ਰਾਮਸਰੈ ਮਜਨ ਪੁਨ ਕੀਨੋ ।
 ਮਜਨ ਕੀਓ ਸਭਨਿ ਤਿੰਹ ਵਾਰਾ । ਰਾਮਸਰੈ ਮਧ ਲਹਿ ਫਲ ਚਾਰਾ ।
 ਤਰੇ ਬੇਰ [ਸ੍ਰੀ]³ ਗੁਰ ਲਾਇ ਧਿਆਨਾ । ਕਛੁਕ ਕਾਲ ਬੈਠੇ ਸੁਖ ਖਾਨਾ ॥ 9 ॥

ਦੋਹਰਾ

ਜੁਗਲ ਘਰੀ ਨਿਸ ਜਬ ਰਹੀ ਉਠੇ ਗੁਰੂ ਸੁਖ ਪਾਇ ।
 ਸ੍ਰੀ ਮੁਖ ਤਬ ਆਗਿਆ ਕਰੀ ਚਲੋ ਸਭੈ ਹਰਿ ਧਿਆਇ ॥ 10 ॥
 ਬੁਢੇ ਕਉ ਸ੍ਰੀ ਗੁਰੂ ਕਹਾ ਸੀਸ ਆਪਨੇ ਧਾਰ ।
 ਗੁਰੂ ਗ੍ਰੰਥ ਜੀ ਪ੍ਰੇਮ ਸਿਉਂ ਮਨ ਮਹਿ ਸਤਿ⁴ ਵਿਚਾਰ⁴ ॥ 11 ॥

ਚੌਪਾਈ

ਸਤਿ ਬਰਨ ਮੁਖ ਤੇ ਉਚਰਾਇ । ਗੁਰੂ ਗ੍ਰੰਥ ਸਿਰ ਲਯੋ ਉਠਾਇ ।
 ਸ੍ਰੀ ਗੁਰੂ ਚੋਰ ਆਪ⁵ ਕਰ ਧਾਰਿਓ । ਬਜੈ ਸੰਖ ਧੁਨ ਅੰਤ ਨ ਪਾਰਿਯੋ ॥
 ਸਾਹਿਬ ਬੁਢਾ ਆਗੇ ਕੀਨਾ । ਤਿੰਹ ਪਾਛੇ ਸਤਿਗੁਰ ਸੁਖ ਲੀਨਾ ।
 ਗਾਵਨ ਰਾਗੀ ਸਬਦਿ ਅਪਾਰਾ । ਬੁਢੇ ਆਗੇ ਭਾਟ ਪਧਾਰਾ ।
 ਔਰ ਸਿਖ ਸਭ ਪਾਛੇ ਲਾਗੇ । ਗੁਰੂ ਗ੍ਰੰਥ ਕੇ ਪਗ ਰਜ ਪਾਗੇ ।
 ਹਰਿ ਗੋਬਿੰਦ ਜੀ ਸੋਹਿਤ ਸੰਗਾ । ਲਖੇ⁶ ਰੂਪ ਲਜ ਕੋਟਿ ਅੰਨਗਾ ।

¹ਅ ਪੋਥੀ ਬਹੁ ਸੇਵ ਕਮਾਈ ²ਅ ਪੋਥੀ ਯਹਿ ³ਅ ਤੇ ਏ ਪੋਥੀ ਵਿਚ ⁴ਅ ਪੋਥੀ ਪ੍ਰਭੂ ਉਚਾਰ ⁵ਏ ਪੋਥੀ ਆਪਨ ⁶ਅ ਪੋਥੀ ਪੇਖ

ਪ੍ਰੰਨ ਸੰਖਨਿ ਕੀ ਹੋਤ ਅਪਾਰਾ । ਇਹ ਬਿਧ ਪਹੁੰਚੇ ਸ੍ਰੀ ਦਰਬਾਰਾ ।
ਗੁਰੂ ਗ੍ਰੰਥ ਅਸਥਾਪਨ ਕੀਨਉ । ਪੂਰਬ ਦਿਸ ਹਰਿ ਮੰਦਰ ਚੀਨਉ ॥ 12 ॥

ਦੋਹਰਾ

ਏਕ ਘਰੀ ਨਿਸ ਜਬ ਰਹੀ ਸ੍ਰੀ ਗੁਰ ਆਗਿਆ ਪਾਇ ।
ਸਾਹਿਬ ਬੁਢੇ ਅਦਬ ਸਿਉਂ ਖੋਲਯੋ ਗ੍ਰੰਥ ਬਨਾਇ ॥ 13 ॥
ਆਪ ਚਵਰ ਸ੍ਰੀ ਗੁਰ ਕਰਹਿ ਬੁਢੇ ਲਈ ਅਵਾਜ ।
ਏਕ ਚਿਤ^੧ ਸੰਗਤਿ ਸੁਨੇ ਸਭ ਮਨ ਸਾਂਤ ਬਿਰਾਜ ॥ 14 ॥

ਚੌਪਾਈ

ਏਹੁ ਅਵਾਜ ਗ੍ਰੰਥ ਗੁਰ ਆਈ । ਸੁਨ ਗੁਰ ਸਿਖ ਮਨ ਅਨੰਦ ਪਾਈ ।
ਸੰਤ^੨ ਕੇ ਕਾਰਜ ਆਪ ਖਲੋਆ । ਕਾਰ ਕਢਨ ਹਿਤ ਕਾਮਾ ਹੋਆ ।
ਭਗਤ ਸਿੰਘ ਸੁਨ ਸੰਸਾ ਪਾਯੋ । ਹੇ ਪ੍ਰਭ ਕਿਹ ਪਰਥਾਇ ਸੁਨਾਯੋ ।
ਯਾਕਾ ਅਰਥ ਕਹੋ ਸੁਖ ਪਾਏ । ਕਾਰ ਕਢਨ ਹਿਤ ਕਿਮ ਪ੍ਰਭ ਆਏ ।
ਮਨੀ ਸਿੰਘ ਮਨ ਆਨੰਦ ਪਾਯੋ । ਧੰਨ ਧੰਨ ਬਚ ਮੁਖਹੂੰ ਅਲਾਯੋ ।
ਪੁਰਾਤਨ ਪੂਛੀ ਬਾਤ ਸਿਧਾਰੀ । ਸੁਨਹੁ ਸਿਖ ਤੁਮ ਪਰਉਪਕਾਰੀ ।
ਕਹਉ^੩ ਸੰਕੋਚ^੪ ਸੁਨਹੂੰ ਮਨ ਲਾਈ । ਭਾਖਉ^੫ ਅਰਥ ਕਥਾ ਬਧ ਜਾਈ ।
ਏਕ ਸਮੇਂ ਗੁਰ ਅਰਜਨ ਦੇਵਾ । ਕਾਰ ਕਢਾਵਤ ਅਲਖ ਅਭੇਵਾ ॥ 15 ॥

ਦੋਹਰਾ

ਕਾਰ ਕਢਾਵਤ ਭਏ ਬੇ ਕਛੁਕ ਦਿਵਸ ਤਿਹ ਵਾਰ ।
ਮਹਾਂ ਬਿਸ਼ਨ ਭਗਵੰਤ ਜੋ ਮਨ ਮਹਿ ਕੀਨ ਵਿਚਾਰ ॥ 16 ॥
ਮਹਾਂ ਮਾਯਾ ਜੋ ਲਛਮੀ ਤਾਂ ਸਿਉਂ ਕਹਾ ਸੁਨਾਇ ।
ਰਾਮਦਾਸ ਗੁਰ ਰੂਪ ਮਮ ਯਾ ਮਾਹਿ ਭੇਦ ਨ ਪਾਇ ॥ 17 ॥

ਚੌਪਾਈ

ਤਿਨ ਸੁਤ ਗੁਰ ਅਰਜਨ ਸੁਖਕਾਰੀ । ਮੋਹਿ ਸਰੂਪ ਸੋ ਪ੍ਰਗਟ ਨਿਹਾਰੀ ।
ਬਨਾਵਨ ਮਮ^੬ ਮੰਦਰ ਹੈ ਲਾਗਾ । ਸੁਧਾ ਸਰੋਵਰ ਅਤਿ ਵਡਭਾਗਾ ॥
ਚਲੋ ਤਾਂਹਿ ਹਮ ਜਾਇ ਨਿਹਾਰਹਿ । ਕੈਸੇ ਕਰਹਹਿ ਪਰਉਪਾਰਹਿ ।
ਲਛਮੀ ਜੁਤ ਆਏ ਭਗਵੰਤਾ । ਗਾਵਤ ਜਸ ਜਿਹ ਬੇਦ ਅਨੰਤਾ ।
ਪ੍ਰਭੁ ਕਹਾ ਲਛਮੀ ਸੁਨ ਬੈਨਾਂ । ਇਹ ਸਰੂਪ ਦਰਸਨ ਨਹਿ ਦੈਨਾਂ ।
ਭਗਵੰਤ ਮਜੂਰ ਵੇਸ ਕਰ ਲਯੋ । ਲਛਮੀ ਭੀ ਔਰੇ ਬਪ ਕਯੋ ।
ਏਕ ਠੌਰ ਲਛਮੀ ਬੈਠਾਈ । ਕੋਤਕ^੭ ਕੀਓ ਆਪ ਜਗ ਸਾਂਈ ॥
ਕੰਧੇ ਕਹੀ ਟੋਕੀ ਸਿਰ ਧਾਰੇ । ਇਹ ਬਿਧ ਬਨਿਓ ਮਜੂਰ ਮੁਰਾਰੇ ॥ 18 ॥

^੧ਅ ਪੌਥੀ ਸਤਿਗੁਰੂ ^੨ਅ ਤੇ ਏ ਪੌਥੀ ਇਕਮਨ ^੩ਅ ਪੌਥੀ ਸੰਤਾਂ ^੪ਅ ਪੌਥੀ ਸੰਖੇਪ ^੫ਅ ਤੇ ਏ ਪੌਥੀ ਹਮ

^੬ਅ ਪੌਥੀ ਕਰਤਵ

ਦੋਹਰਾ

ਮਜ਼ੂਰਨ ਤੇ ਤਬ ਸੋ ਗੁਨੀ ਕਦੈ [ਕਾਰ]¹ ਭਗਵੰਤ ।
 ਟੋਕਰੀ ਜਾਵਤ ਨਹਿ ਲਖੈ ਕੈਸੇ ਛਪੈ ਅਨੰਤ ॥ 19 ॥
 ਅਗਨਿ ਛਪੈ ਜਿਸ ਛਾਰ ਮਹਿ ਤੈਸੇ ਰੂਪ ਛੁਪਾਇ ।
 ਭਗਤਿ ਹੇਤ ਭਗਵੰਤ ਨੇ ਕੋਤਕ ਕੀਨੋ ਆਇ ॥ 20 ॥

ਕਵਿਓ ਵਾਚ ॥ ਸਵੈਯਾ ॥

ਜਾਂਹਿ ਧਿਆਨ ਧਰੇ ਨਿਸ ਬਾਸਰ ਖੋਜ ਫਿਰੇ ਸਭ ਅੰਤ² ਨ ਪਾਯੋ ।
 ਸਿਧ ਸਮਾਧਿ ਲਗਾਇ ਰਹੇ ਰਿਖ ਨਾਰਦ ਸਾਰਦ ਧਿਆਨ ਨ ਆਯੋ ।
 ਨੇਤਿ ਹੀ ਨੇਤਿ ਰਹੇ ਨਿਸ ਬਾਸਰ ਬੇਦ ਬਿਅੰਤ ਨ ਅੰਤ ਲਖਾਯੋ ।
 ਸੋ ਭਗਵੰਤ ਭਯੋ ਵਸ ਸੰਤ ਮਜ਼ੂਰ ਧਰੇ ਬਪੁ ਕਾਰ ਕਢਾਯੋ ॥ 21 ॥

ਚੌਪਾਈ

ਗੁਰ ਅਰਜਨ ਦਿਖ ਬਿਸਮੇ ਪਾਯੋ । ਇਹ ਮਜ਼ੂਰ ਨੌਤਨ ਹੈ ਆਯੋ ।
 ਯਾ ਕੇ ਤਨ [ਛਾਯਾ]³ ਨਹਿ ਪਰੈ । ਇਹ ਭਗਵੰਤ ਔਰ ਨਹਿ ਨਰੈ ।
 ਤਬ ਭਗਵੰਤ ਕੀ ਉਸਤਤ ਗਾਏ । ਦਸਵਾਂ ਛੰਦ ਸੂਹੀ ਉਚਰਾਏ ।

ਸੂਹੀ ਮਹਲਾ ੫ ਛੰਦ⁴

ਸੰਤਾਂ ਕੇ ਕਾਰਜਿ ਆਪਿ ਖਲੋਇਆ ਹਰਿ ਕੰਮ ਕਰਾਵਣਿ ਆਇਆ ਰਾਮ ।
 ਧਰਤਿ ਸੁਹਾਵੀ ਤਾਲ ਸੁਹਾਵਾ ਵਿਚਿ ਅੰਮ੍ਰਿਤ ਜਲੁ ਛਾਇਆ ਰਾਮ ।
 ਅੰਮ੍ਰਿਤ ਜਲੁ ਛਾਇਆ ਪੂਰਨ ਸਾਜੁ ਕਰਾਇਆ ਸਗਲ ਮਨੋਰਥ ਪੂਰੇ ।
 ਜੈ ਜੈ ਕਾਰੁ ਭਇਆ ਜਗ ਅੰਤਰਿ ਲਾਥੇ ਸਗਲ ਵਿਸੂਰੇ ।
 ਪੂਰਨ ਪੁਰਖ ਅਚੁਤ ਅਬਿਨਾਸੀ ਜਸੁ ਵੇਦ ਪੁਰਾਣੀ ਗਾਇਆ ।
 ਆਪਨਾ ਬਿਰਦੁ ਰਖਿਆ ਪਰਮੇਸਰਿ ਨਾਨਕ ਨਾਮੁ ਧਿਆਇਆ ॥

ਅਰਥ ॥ ਚੌਪਾਈ ॥

ਸਤੰਨ ਕਾਰਜ ਆਪ ਖਲੋਆ । ਕੰਮ ਕਰਾਵਣ ਕਾਮਾਂ ਹੋਆ ।
 ਅਚੁਤ ਪੁਰਖ ਬੇਦ ਜਿਸ ਗਾਵੈ । ਆਪਨਾ ਬਿਰਦ ਆਪ ਇਹੁ ਭਾਵੈ ।
 ਭਗਵੰਤ ਸੁਨੀ ਉਸਤਤ ਸੁਖ ਪਾਏ । ਆਨੰਦ ਵਸ ਹੁਇ ਦੇਹਿ ਭੁਲਾਏ ।
 ਸ੍ਰੀ ਜੁਤ ਚਤਰ ਭੁਜ ਰੂਪ ਬਨਾਯੋ । ਗੁਰੁ ਅਰਜਨ ਕਉ ਗਰਿ ਮਾਹਿ ਲਾਯੋ⁵ ।
 ਜੁਗਤਿ ਸਭੀ ਭਗਵੰਤ ਸਿਖਾਈ । ਹਰਿ ਮੰਦਰ ਇਹ ਭਾਂਤਿ ਬਨਾਈ ॥ 22 ॥

ਦੋਹਰਾ

ਹਰਿ ਮੰਦਰ ਕੇ ਚਾਰ ਦਰ ਸੁੰਦਰ ਰਚਿਓ ਅਪਾਰ ।
 ਤਲਾਵ ਮਧ ਮੰਦਰ ਰਚੇ ਕਰਹੁ ਪੁਲ ਸੁਖ ਧਾਰ ॥ 23 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਭੇਦ 'ਅ ਪੋਥੀ ਵਿਚੋਂ' ³ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 783. ⁴ਅ ਤੇ ਦ ਪੋਥੀ ਅੰਕਿ ਮਿਲਾਯੋ

ਇਹ ਮੰਦਰ ਮਮ ਰੂਪ ਹੈ ਹਰਿ ਮੰਦਰ ਇਹ ਨਾਮ ।
ਰਿਧਿ ਸਿਧਿ ਇਹ ਠਾਂ ਰਹੈ ਨਿਸ ਦਿਨ ਆਠੋ ਜਾਮ ॥ 24 ॥

॥ ਛੰਤ ਕੀ ਦੂਜੀ ਪਉੜੀ ॥¹

ਨਵ ਨਿਧਿ ਰਿਧਿ ਸਿਧਿ ਦੀਨੇ ਕਰਤੇ ਤੋਟਿ ਨ ਆਵੈ ਕਾਈ ਰਾਮ ।
ਖਾਤ ਖਰਚਤ ਬਿਲਛਤ ਸੁਖੁ ਪਾਇਆ ਕਰਤੇ ਕੀ ਦਾਤਿ ਸਵਾਈ ਰਾਮ ।
ਦਾਤਿ ਸਵਾਈ ਨਿਖੁਟਿ ਨ ਜਾਈ ਅੰਤਰਜਾਮੀ ਪਾਇਆ ।
ਕੋਟਿ ਬਿਘਨ ਸਗਲੇ ਉਠਿ ਨਾਠੇ ਦੁਖੁ ਨ ਨੇੜੇ ਆਇਆ ।
ਸਾਂਤਿ ਸਹਜ ਆਨੰਦ ਘਨੇਰੇ ਬਿਨਸੀ ਭੂਖ ਸਬਾਈ ।
ਨਾਨਕ ਗੁਣ ਗਾਵਹਿ ਸੁਆਮੀ ਕੇ ਅਸਚਰਜੁ ਜਿਸੁ ਵਡਿਆਈ ਰਾਮ ॥

ਅਰਥ ॥ ਚੌਪਾਈ ॥

ਵਾਇ ਕੋਨ ਰਿਧਿ ਸਿਧੀ ਬਾਵੈ । ਨਿਸ ਦਿਨ ਅੰਤਰ ਕਬੀ ਨ ਪਾਵੈ ।
ਲਛਮੀ ਕਉ ਹਰਿ ਕਹਾ ਸੁਨਾਏ । ਇਹਾਂ ਨਿਵਾਸ ਕਰੇ ਹਰਖਾਏ ।
ਸਤਿ ਬਰਨ ਲਛਮੀ ਮੁਖ ਗਾਈ । ਸ੍ਰੀ ਗੁਰ ਸ੍ਰੀ ਮੁਖ ਅਸ ਉਚਰਾਈ ॥

॥ ਛੰਦ ਕੀ ਤੀਜੀ ਪਉੜੀ ॥

ਜਿਸਕਾ ਕਾਰਜੁ ਤਿਨ ਹੀ ਕੀਆ ਮਾਣਸੁ ਕੀਆ ਵੇਚਾਰਾ ਰਾਮ ।
ਭਗਤਿ ਸੋਹਨਿ ਹਰਿ ਕੇ ਗੁਣ ਗਾਵਹਿ ਸਦਾ ਕਰਹਿ ਜੈਕਾਰਾ ਰਾਮ ॥
ਗੁਣ ਗਾਇ ਗੋਬਿੰਦ ਅਨੰਦ ਉਪਜੇ ਸਾਧ ਸੰਗਤਿ ਸੰਗਿ ਬਨੀ ।
ਜਿਨਿ ਉਦਮੁ ਕੀਆ ਤਾਲ ਕੇਰਾ ਤਿਸਕੀ ਉਪਮਾ ਕੀਆ ਗਨੀ ।
ਅਠਸਠਿ ਤੀਰਥ ਪੁੰਨ ਕਿਰਿਆ ਮਹਾਂ ਨਿਰਮਲ ਚਾਰਾ ।
ਪਤਿਤ ਪਾਵਨੁ ਬਿਰਦੁ ਸੁਆਮੀ ਨਾਨਕ ਸ਼ਬਦ ਅਧਾਰਾ ॥

॥ ਕਵਿ ਵਾਚ ॥ ਅਰਥ ॥ ਚੌਪਾਈ ॥

ਜਿਸਕਾ ਕਾਰਜ ਤਿਨ ਹੀ ਕੀਆ । ਮਾਨਸ ਕਾਜਾ ਵੇਚਾਰਾ ਜੀਆ ।
ਪੁੰਨ ਭਗਵਤ ਅਸੁ^੨ ਮੁਖਹੁ ਸੁਨਾਏ । ਅਠਸਠਿ ਤੀਰਥ ਇਹੁ ਪਗ ਲਾਏ ।
ਤਬ ਭਗਵਤ ਗੁਰ ਕਰ ਕਰ ਧਾਰੇ । ਜੁਗਤ ਬਤਾਵਤਿ ਫਿਰੇ ਅਪਾਰੇ ।
ਹਰਿ ਮੰਦਰ ਪਛਮਿ ਦਿਸ ਜਾਈ । ਗੁਰੂ ਗ੍ਰੰਥ ਕਉ^੩ ਠਾਵ ਬਤਾਈ ।
ਹਰਿ ਮੰਦਰ ਮੇਰੇ ਅਸਥਾਨਾ । ਤੋਹਿ ਨਿਵਾਸ ਈਹਾਂ ਪਰਵਾਨਾ ॥ 25 ॥

ਦੋਹਰਾ

ਨਿਸ ਦਿਨ ਤੁਮ ਇਹ ਠਾਂ ਰਹੋ ਸਨਮੁਖ ਮੋਹਿ ਸੁਹਾਇ ।
ਤੁਮਰੋ ਸੁਤ ਤੁਮ ਨਿਕਟਿ ਹੀ ਮੇਰੇ ਤਖਤ ਬਨਾਇ ॥ 26 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨੇ 783-84 ^੨ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 784 ^੩ਅ ਪੋਥੀ ਇਮ

ਨਿਸ ਦਿਨ ਹਉਂ ਇਹੁ ਠਾਂ ਰਹਉ ਹਰਿ ਮੰਦਰ ਸੁਖ ਧਾਰ ।
ਕਥਾ ਕੀਰਤਨ ਅਧਾਰ ਕਲ ਹੁਇ ਹੈ ਅਪਰ ਅਪਾਰ ॥ 27 ॥

ਚੌਪਾਈ

ਸ੍ਰੀ ਗੁਰ ਹਰਿ ਉਪਮਾਂ ਮੁਖ ਗਾਈ । ਭਗਤਿ ਵਛਲ ਪ੍ਰਭੁ ਸਦਾ ਸਹਾਈ ।
ਗੁਣ ਨਿਧਾਨ ਮੇਰਾ ਪ੍ਰਭ ਕਰਤਾ । ਉਸਤਤਿ ਨੇਤਿ ਬੇਦ ਜਿਹ ਰਰਤਾ ॥

॥ ਛੰਤ ਕੀ ਚੌਥੀ ਪਉੜੀ ॥¹

ਗੁਣ ਨਿਧਾਨ ਮੇਰਾ ਪ੍ਰਭ ਕਰਤਾ ਉਸਤਤਿ ਕਉਨੁ ਕਰੀਜੈ ਰਾਮ ।
ਸੰਤਾ ਕੀ ਬੇਨੰਤੀ ਸੁਆਮੀ ਨਾਮੁ ਮਹਾ ਰਸੁ ਦੀਜੈ ਰਾਮ ।
ਨਾਮੁ ਦੀਜੈ ਦਾਨੁ ਕੀਜੈ ਬਿਸਰੁ ਨਾਹੀ ਇਕ ਖਿਨੋ ।
ਗੁਣ ਗੋਪਾਲ ਉਚਰੁ ਰਸਨਾ ਸਦਾ ਗਾਈਐ ਅਨਦਿਨੋ ॥
ਜਿਸੁ ਪ੍ਰੀਤਿ ਲਾਗੀ ਨਾਮ ਸੇਤੀ ਮਨੁ ਤਨੁ ਅੰਮ੍ਰਿਤ ਭੀਜੈ ॥
ਬਿਨਵੰਤਿ ਨਾਨਕ ਇਛੁ ਪੁੰਨੀ ਪੇਖਿ ਦਰਸਨੁ ਜੀਜੈ ॥ 4 ॥

ਚੌਪਾਈ

ਸੁਨ ਭਗਵਤ ਮਨ ਆਨੰਦ ਪਾਯੋ । ਪਕਰ ਭੁਜਾ² ਗੁਰੁ ਗਰਿ ਸਿਉਂ ਲਾਯੋ ।
ਮਿਲ ਗੁਰ ਸਿਉ ਅਤਿ ਆਨੰਦ ਪਾਏ । ਸ੍ਰੀ ਭਗਵਤ ਭਏ ਲੋਪ ਤਦਾਏ ॥
ਪ੍ਰਭ ਆਗਿਆ ਗੁਰ ਸਿਰ ਪਰ ਧਾਰੀ । ਨਿਜ ਅਸਥਾਨ ਗੁਰ ਤਹਾਂ ਸਵਾਰੀ ।
ਤਖਤ ਕਥਾ ਕਹਉਂ ਅਗੂ ਸੁਧਾਰਾ । ਇਸ ਕਾਰਨ ਇਹ ਸਬਦ ਉਚਾਰਾ ।
ਸੁਨ ਅਵਾਜ਼ ਸੰਗਤ ਸੁਖ ਲੀਨੋ । ਬੁਢੇ ਪਾਠ ਜਪੁਜੀ ਕਾ ਕੀਨੋ ।
ਸਭ ਸੰਗਤ ਧੰਨਿ ਧੰਨਿ ਉਚਾਰੈ । ਬੁਢੇ ਕੀ ਉਪਮਾ ਵਿਸਥਾਰੈ ॥ 28 ॥

ਸੋਰਠਾ

ਸ੍ਰੀ ਗੁਰ ਅਰਜਨ ਨਾਥ ਦੇਖ ਰੂਪ ਸ੍ਰੀ ਗ੍ਰੰਥਿ ਕੋ ।
ਮਨ ਮਹਿ ਭਏ ਸਨਾਥ ਅਤ ਅਨੰਦ ਗਦ ਗਦ ਭਏ ॥ 29 ॥

ਦੋਹਰਾ

ਨਿਕਸ ਦਰਬਾਰ ਸਨਮੁਖ ਖਰੇ ਉਸਤਤ ਕੀਨ ਉਚਾਰ ।
ਖੀਰ³ ਸਿੰਧ ਕੋਉ ਤਿਆਗ ਕੈ ਇਹ ਠਾਂ ਅਏ ਮੁਰਾਰ ॥ 30 ॥

ਸਵੈਯਾ

ਜਿਹ ਨਾਮ ਲੀਏ ਅਘ ਬਿੰਦੁ ਟਰਹਿ ਭਵ ਸਾਗਰ ਤੇ ਨਰ ਪਾਰ ਉਤਾਰੇ ।
ਜਿਹ ਨਾਮ ਲੀਏ ਜਲ ਸੈਲ ਤਰੇ ਭਵ ਫੰਧ ਮਿਟੇ ਨਹਿ ਰੰਚਕ ਬਾਰੇ ।
ਸੋਈ ਮੁਰਾਰਿ ਬਨਯੋ ਨਿਰਧਾਰ ਸ੍ਰੀ ਰਾਮਦਾਸ ਗੁਰੂ ਦਰਬਾਰੇ ।
ਤਾਂਹਿ ਸਰੂਪ ਗ੍ਰੰਥਿ ਬਿਰਾਜ ਗੁਰੂ ਕਲ ਮਹਿ ਜਗ ਕੋ ਨਿਸਤਾਰੇ ॥ 31 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 784 ²ਅ ਪੋਥੀ ਬਾਰੇ ³ਅ ਪੋਥੀ ਛੀਰ

ਯਾਹਿ ਕੇ ਤੁਲ ਨਹੀਂ ਜਗ ਮਹਿ ਸੁਰ ਮਹਿ ਸੋ ਲੋਕ ਪੁਰੀ ਨ ਕੁਬੇਰਾ ।
ਕਮਲਜ¹ ਬਰਨ ਨਹੀਂ ਤੁਲ ਪਾਵਤ ਸ੍ਰੀ ਪਤ ਧਾਮ ਸਮਾਨ ਨ ਚੇਰਾ ।
ਕਾਂਸੀ ਦੁਆਰਕਾ ਗਯਾ ਸਮ ਨਾਹਿਨ ਭਗਵੰਤ ਕਹਿਓ ਇਹ ਧਾਮ ਹੈ ਮੇਰਾ ।
ਤੁਲ ਨਾ ਪਾਵਤਿ ਯਾਹਿ ਕੇ ਕੋਇਕ ਯਾ ਸਮ ਧਾਮ ਇਹੀ ਹਮ ਹੇਰਾ ॥ 32 ॥

ਚੌਪਾਈ

ਕਰ ਉਸਤਤ ਗੁਰ ਬੰਦਨ ਧਾਰੇ । ਦਰਬਾਰ ਬਾਹਰ ਬੈਠੇ ਹਰਖਾਰੇ ।
ਭਗਤ ਸਿੰਘ ਤਬ ਪ੍ਰਸਨ ਸੁ ਕੀਨੋ । ਬਾਹਰ ਬੈਠਨਿ ਕਿਉਂ ਗੁਰ ਲੀਨੋ ॥
ਮਨੀ ਸਿੰਘ ਕਹਿ ਸੁਨ ਗੁਰ ਰੀਤ । ਗੁਰ ਅਰਜਨ ਮਨ ਧਾਰ ਪ੍ਰਤੀਤ ॥
ਪਰਿਕ੍ਰਮਾਂ ਬੰਦਨ ਬਾਹਿਰ ਕਰਹਿ । ਭੀਤਰ ਨਿਜ ਪਦ ਕਦੇ ਨ ਧਰਹਿ ॥
ਸ੍ਰੀ ਗੁਰ ਅਚੁਤ ਧਾਮ ਬਿਚਾਰੈ । ਕਰਹਿ ਅਦਬ² ਰਹਿਹਿ ਬਾਹਰ ਵਾਰੇ ।
ਭਗਤ ਸਿੰਘ ਗੁਰ ਚਰਿਤ ਅਨੰਤਾ । ਜਨਮ ਸਫਲ ਹਿਤ ਬਰਨਤ ਸੰਤਾ ।
ਬੁਢੇ ਪੂਛਯੋ ਸ੍ਰੀ ਗੁਰ ਪਾਸ । ਹੇ ਪ੍ਰਭੁ ਮੋਹਿ ਸੁਨੋ ਅਰਦਾਸ ॥
ਗੁਰੂ ਗ੍ਰੰਥਿ ਰੈਨ ਜਹਿ ਬਸੈ । ਸ੍ਰੀ ਮੁਖ ਕਹੋ ਸੰਸ ਮੁਹਿ ਨਸੈ ॥ 33 ॥

ਦੋਹਰਾ

ਗੁਰੁ ਅਰਜਨ ਸ੍ਰੀ ਮੁਖ ਕਹਾ ਸੁਨੋ ਰੀਤਿ ਹਿਤ ਧਾਰ ।
ਅਚੁਤ ਗੁਰ ਦਰਬਾਰ ਇਹ ਗ੍ਰੰਥਿ ਸਰੂਪ ਮੁਰਾਰ ॥ 34 ॥
ਡੇਢ ਜਾਮ ਨਿਸ ਜਾਇ ਜਬ ਸੋਹਿਲਾ ਪੜਿ ਚਿਤ ਲਾਇ ।
ਗ੍ਰੰਥਿ ਵਸੈ ਜਿਹ ਠਾਂ ਵਿਖੇ ਸੋਊ ਸੁਨੋ ਸੁਖਦਾਇ ॥ 35 ॥

ਚੌਪਾਈ

ਸ੍ਰੀ ਭਗਵਤ ਕੀ ਆਗਿਆ³ ਪਾਏ । ਰਚੀ ਕੋਠੜੀ ਹਮ ਅਪਨਾਏ ।
ਤਹਿ ਨਿਵਾਸ ਗੁਰ ਗ੍ਰੰਥਿਹਿ ਕਰੋ । ਸਗਰੀ ਰੀਤਿ ਇਹੋ ਚਿਤ ਧਰੋ ।
ਸ੍ਰੀ ਦਰਬਾਰ ਕਰਾਇ ਇਸਨਾਨਾ । ਨਵੀਨ ਪੁਸ਼ਾਕ ਸਿੰਘਾਸਨ ਥਾਨਾ ।
ਸਦਾ ਘ੍ਰਿਤ ਕੀ ਜੋਤਿ ਜਗਾਵੇ । ਇਹ ਬਿਧ ਕਰ ਸੇਵਾ ਫਲ ਪਾਵੇ ।
ਏਕ ਜਾਮ ਨਿਸ ਜਬ ਰਹਿ ਜਾਏ । ਰਾਗੀ ਆਇ ਵਾਰ ਈਹਾਂ ਲਾਏ ।
ਜੁਗਲ⁴ ਘੜੀ ਜਬ ਨਿਸ ਰਹਿ ਜਾਵੇ । ਗੁਰੂ ਗ੍ਰੰਥਿ ਜੀ ਪੁਨਿ ਹਿਆਂ ਆਵੇ ।
ਲੈ ਆਵਾਜ਼ ਜਪੁਜੀ ਕਾ ਪਾਠ । ਹਜਾਰੈ ਸ਼ਬਦ ਗੁਰੂ ਸਿਉਂ ਗਾਠ ॥
ਸਾਰੋ ਦਿਵਸ ਸੁ ਕੀਰਤਨ ਹੋਵਹਿ । ਕਬਹੂੰ ਕਥਾ ਸੰਤ ਸੰਗਿ ਜੋਵਹਿ ॥ 37 ॥

ਦੋਹਰਾ

ਅਸਿ ਮ੍ਰਿਜਾਦ ਦਰਬਾਰ ਕੀ ਸ੍ਰੀ ਮੁਖ ਕੀਨੋ⁵ ਉਚਾਰ ।
ਬੁਢੇ ਔ ਸੰਗਤ ਸੁਨੀ ਲਈ ਹਿਰਦੈ ਮਹਿ ਧਾਰ ॥ 37 ॥

¹ਅ ਪੌਥੀ ਬ੍ਰਹਮਾ ²ਏ ਪੌਥੀ ਆਦਰ ³ਏ ਪੌਥੀ ਆਇਸ ⁴ਅ ਤੇ ਏ ਪੌਥੀ ਦੋਇ ⁵ਅ ਪੌਥੀ ਸਤਿਗੁਰੂ ਕੀਓ

ਜਾਮ ਏਕ ਨਿਸ ਜਬ ਗਈ ਕੀਰਤਨ ਹੋਤ ਬਿਅੰਤ ॥
ਕਾਨੜੇ ਕੀ ਚੌਕੀ ਭਈ ਸ੍ਰੀ ਗੁਰੁ ਸੁਨਹਿ ਅਨੰਤ ॥ 38 ॥

ਚੌਪਾਈ

ਡੇਢ ਜਾਮ ਨਿਸ ਜਬੈ ਬਿਹਾਈ । ਕੀਰਤਨ¹ ਸੋਹਿਲਾ ਪੜਿਓ ਤਦਾਈ ।
ਕਰਿ ਅਰਦਾਸ ਬੁਢੇ ਸੁਖ ਪਾਯੋ । ਗੁਰੁ ਗ੍ਰਿਥ ਜੀ ਸੀਸ ਉਠਾਯੋ ॥
ਸ੍ਰੀ ਗੁਰ ਕਰ ਮਹਿ ਚੌਰ² ਸੁਹਾਯੋ । ਸੰਖਨਿ ਕੀ ਧੁਨ ਅਤਿ ਛਬਿ ਪਾਯੋ ।
ਪੁਲ ਉਪਰ ਤੇ ਇਹ ਬਿਧ ਜਾਵਹਿ । ਖੀਰ ਸਿੰਧ ਮਹਿ ਸਿਹਜ ਬਿਛਾਵਹਿ ।
ਭਗਵੰਤ³ ਨਿਦੇਸ਼ ਰਚਿਓ ਜੋ ਧਾਮਾ । ਗੁਰ ਅਰਜਨ ਕੋ ਕਰ ਬਿਸ੍ਵਾਮਾ ।
ਸਭ ਨਿਸ ਈਹਾਂ ਬਿਸ੍ਵਾਮਹਿ ਪਾਵਹਿ । ਨਿਜ ਮਹਲੀਂ ਗੁਰ ਕਬੈ ਸੁ ਜਾਵਹਿ ।
ਭਗਤਿ ਸਿੰਘ ਸੁਨ ਕੋਠੀੜੀ ਸੋਈ । [ਕਲਪ]⁴ ਬ੍ਰਿਛ ਸਮ ਜਗ ਮਾਹਿ ਹੋਈ ।
ਗੁਰੁ ਗ੍ਰਿਥ ਕਾ ਵਾਸਾ ਭਯੋ । ਜਾਂਹਿ ਪੇਖ ਦੁਖ ਸਗਲਾ ਗਯੋ ॥ 39 ॥

ਦੋਹਰਾ

ਨਵੀਨ ਪਲੰਘ ਗੁਰ ਆਪਨੋ ਦੀਨੋਂ ਤਬੈ ਡਸਾਇ ।
ਸੇਜ ਬੰਦ ਕਸ ਪ੍ਰੇਮ ਸਿਉਂ ਗ੍ਰਿਥ ਬਿਸਰਾਮ ਕਰਾਇ ॥ 40 ॥
ਭੂਮ ਸੈਨ ਨਿਤ ਪ੍ਰਤਿ ਕਰਹਿ ਗੁਰੁ ਗ੍ਰਿਥ ਕੇ ਪਾਸ ।
ਗੁਰੁ ਗ੍ਰਿਥ ਭਗਵੰਤ ਸਮ ਜਾਨਹਿ ਕਰ ਅਰਦਾਸ ॥ 41 ॥

ਕਵਿਯੋ ਵਾਰ ॥ ਸਵੈਯਾ ॥

ਜਗ ਤਾਰਨ ਹੋਤ ਨਿਕੇਤ ਰਚਿਓ ਗੁਰੁ ਗ੍ਰਿਥ ਕੋ ਧਾਮ ਮਹਾਂ ਛਬ ਪਾਏ ।
ਨਰ ਨਾਰ ਜੋਉ ਇਹ ਦਰਸ ਕਰੈ ਲਛਮੀ ਪੈ ਪੁਤ ਕੀ ਇਛ ਪੁਰਾਏ ।
ਗੁਰ ਕੋ ਜਸ ਲਾਲਚ ਏਸ ਕਰਹੁ ਭਵ ਫੰਧ ਮਿਟੈ ਮਨ ਸੁਧ ਕਰਾਏ ॥
ਔਰ ਕੂਛ ਨਹਿ ਇਛ ਧਰਉਂ ਮਨ ਤੇ [ਗੁਰੁ]⁵ ਹਰਿਗੋਬਿੰਦ ਕੇ ਗੁਨ ਗਾਏ ॥ 42 ॥

ਦੋਹਰਾ

ਗੁਰੁ ਗ੍ਰਿਥ ਜੀ ਕੀ ਕਥਾ ਭਈ ਸੰਪੂਰਨ ਆਇ ।
ਆਗੈ ਹਰਿ ਗੋਬਿੰਦ ਕੇ ਬਯਾਹ ਕੀ ਕਥਾ ਕਹਉਂ ਹਰਖਾਇ ॥ 43 ॥
ਭਗਤ ਸਿੰਘ ਗਦ ਗਦ ਭਯੋ ਸੁਧਾ ਕਥਾ ਕਰ ਪਾਨ ।
ਐਸੇ ਬਚ ਤਬ ਕਹਿਤ ਭਯੋ ਮਮ ਹਰਯੋ ਅਗਯਾਨ ॥ 44 ॥

ਚੌਪਾਈ

ਕ੍ਰਿਤ ਕ੍ਰਿਤ ਆਜ ਭਯੇ ਹਉ ਭਾਰੀ । ਸੁਨੀ ਕਥਾ [ਗੁਰੁ]⁶ ਕੀ ਦੁਖ ਟਾਰੀ ।
ਅਮੀ ਕਥਾ ਸੁਨ ਤ੍ਰਿਪਤ ਨ ਆਵੈ । ਅਧਕਿ ਅਧਕਿ ਗੁਰ ਬਧਤੀ ਜਾਵੈ ।
ਹਰਿ ਗੋਬਿੰਦ ਬਿਆਹ ਬਿਵਹਾਰੂ । ਕਹੋ ਕਥਾ ਪ੍ਰਭ ਜੀ ਸੁਖ ਸਾਰੂ ॥
ਭਗਤ ਸਿੰਘਹਿ ਅਧਿਕਾਰੀ ਪਾਏ । ਮਨੀ ਸਿੰਘ ਮਨ ਮਹਿ ਸੁਖ ਪਾਏ ।

¹ਇਹ ਅ ਤੇ ਏ ਪੋਥੀ ਕੀਰਤਿ ²ਅ ਪੋਥੀ ਚਵਰ ³ਅ ਪੋਥੀ ਪ੍ਰਭੂ ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਵਿਚੋਂ
⁶ਅ ਪੋਥੀ ਵਿਚੋਂ

ਕਰਨ ਲਾਗੇ ਗੁਰ ਕਥਾ ਅਪਾਰਾ । ਜਿੰਹ ਪੜ ਸੁਨੇ ਹੋਇ ਜੈਕਾਰਾ¹ ॥
 ਹਰਿ ਗੋਬਿੰਦ ਨੋ ਬਰਸ ਬਿਤਏ । ਕਛੁਕ ਸਿਆਮ ਸੁੰਦਰ ਛਬਿ ਛਏ ।
 ਭੁਜ ਅੰਗਦ ਕੰਕਨ ਕਰਿ ਸੋਹੇ । ਕੰਠ ਮਾਲ ਮੁਕਤਾ ਮਨ² ਮੋਹੈ ।
 ਰਿਸਟ ਪੁਸਟ ਤਨ ਅਤਿ ਛਬਿ ਛਾਜਤ । ਕੋਟਿ ਕਾਮ ਦਿਖ ਮਨ ਮਹਿ ਲਾਜਤ ।
 ਪੂਰ ਇੰਦ ਸਮ ਬਚਨ ਪ੍ਰਕਾਸੇ । ਕ੍ਰਿਪਾ ਦ੍ਰਿਸਟਿ ਤਮ ਦਾਸਨ ਨਾਸੇ ।
 ਨੈਨ ਕਮਲ ਸਮ ਖਿਰੇ ਰਹਾਹੀ । ਖੰਜਨ ਮੀਨ ਦੇਖ ਸੁਕਚਾਹੀ ॥ 45 ॥

ਦੋਹਰਾ

ਸੰਖ ਗ੍ਰੀਵ ਬਿੰਬਾ ਅਧਰ³ ਸੁੰਦਰਤਾ ਕੀ ਖਾਨ ।
 ਸੁੰਦਰਤਾ ਸਭ ਜਗਤ ਕੀ ਦੇਖ ਰੂਪ ਸੁਕਚਾਨ ॥ 46 ॥
 ਸ਼ਸਤ੍ਰ ਅਸਤ੍ਰ ਤਨ ਬਾਂਧ ਕੇ ਸੁੰਦਰ ਕਮਰ ਕਸਾਇ ।
 ਸ਼ਿਕਾਰ⁴ ਖੇਲ ਬਨ ਮਹਿ ਕਰਹਿ ਸਭੇ ਨਿਵੇਦੇ ਆਇ ॥ 47 ॥

ਚੌਪਾਈ

ਮਹਾਂ ਬਿਸਨ ਭਗਵੰਤ ਅਪਾਰਾ । ਕੋਤਕ ਕਰੈ ਜਗਤ ਸੁਖਕਾਰਾ ।
 ਹਰਿ ਗੋਬਿੰਦ ਨਰ ਦੇਹਿ ਸਵਾਰੀ । ਦਿਖ ਮੋਹਤਿ ਸਗਲੇ ਨਰ ਨਾਰੀ ।
 ਗੁਰ ਅਰਜਨ ਦਿਖ ਆਨੰਦ ਨ ਮਾਵਤਿ । ਮਾਤ ਗੰਗ ਪਿਖ ਬਲਿ ਬਲਿ ਜਾਵਤਿ ।
 ਇਹ ਬਿਧ ਕਥਾ ਗੁਰੂ ਕੀ ਭਈ । ਅਬ ਸੋ ਸੁਨਹੁੰ ਕਲਹਿ ਜਿਮ ਪਈ ।
 ਪਾਛੇ ਹਰਿ ਗੋਬਿੰਦ ਸੁਖਦਾਈ । ਕਲ ਕੋ ਆਗਯਾ ਕਹੀ ਬਨਾਈ ॥
 ਦਿਲੀ ਚੰਦੂ ਗ੍ਰਿਹ ਭਵ ਪਾਵੇ । ਕਲਹਿ ਵਧਾਇ ਬਹੁਰ ਗ੍ਰਿਹ ਜਾਵੇ ।
 ਸੋ ਕਲ ਸ੍ਰੀ ਗੁਰੁ ਆਗਯਾ ਪਾਏ । ਚੰਦੂ ਕੇ ਗ੍ਰਿਹ ਜਨਮੀ⁵ ਜਾਏ ।
 ਚੰਦੂ ਪੁਤ੍ਰੀ ਤਿਹ ਨਾਮ ਸਦਾਯੋ । ਸੁੰਦਰ ਰੂਪ ਅਧਕ ਜਗ ਗਾਯੋ ॥ 48 ॥

ਦੋਹਰਾ

ਸਪਤ ਬਰਸ ਕੀ ਜਬ ਭਈ ਕੰਨਯਾ ਰੂਪ ਅਪਾਰ ।
 ਚੰਦੂ ਨਾਰੀ ਕਹਿਤ ਭੀ ਪਤਿ ਏਕਾਂਤ ਨਿਹਾਰ ॥ 49 ॥
 ਵਰ ਲਾਇਕ ਪੁਤ੍ਰੀ ਭਈ ਘਰ ਵਰ ਸੁੰਦਰ ਹੋਇ ।
 ਉਚੀ ਕੁਲ ਜਗ ਜਸ ਪ੍ਰਗਟਿ ਕਰੀਏ ਸਗਾਈ ਸੋਇ ॥ 50 ॥

ਚੌਪਾਈ

ਭਲੀ ਬਾਤ ਚੰਦੂ ਮਨ ਮਾਨੀ । ਬੋਲ ਬਿਪ ਬੁਧ ਬਰ ਬਾਨੀ ।
 ਤਿਨ ਕਉ ਇਹ ਬਿਧ ਕਹਾ ਸੁਨਾਏ । ਕੰਨਯਾ ਸਮ ਖੋਜਹੁ⁶ ਵਰ ਜਾਏ ।
 ਮੈਂ ਦਿਵਾਨ ਪਤਿਸ਼ਾਹੀ ਭਾਰਾ । ਮੈਂ⁷ ਸਮਾਨ ਕੋ ਹੋਇ ਉਜਾਰਾ ।
 ਉਚੀ ਕੁਲ ਸੁੰਦਰ ਦਿਖ ਵਰ ਕੋ ॥ ਕਰਉ ਸਗਾਈ ਤਹਿ ਦਿਖ ਘਰ ਕੋ ।

¹ਏ ਪੋਥੀ ਨਿਸਤਾਰਾ ²ਅ ਤੇ ਏ ਪੋਥੀ ਗਲਿ ³ਅ ਪੋਥੀ ਓਸਟ ⁴ਏ ਪੋਥੀ ਅਖੰਦ ⁵ਅ ਪੋਥੀ ਪ੍ਰਗਟੀ
⁶ਅ ਪੋਥੀ ਦੇਖਹੁ ⁷ਅ ਤੇ ਏ ਪੋਥੀ ਹਮ

ਏਕ ਬਿਪ੍ਰ ਵਰ ਦੂਜੋ ਨਾਈ । ਚਲੈ ਚੰਦੂ ਕੀ ਆਗਿਆ ਪਾਈ ।
 ਚੰਦੂ ਸੰਬਲ ਦਈ ਅਪਾਰ । ਚਲੈ ਦੋਉ ਮਨ ਆਨੰਦ ਧਾਰ ।
 ਦੇਸ ਦਿਸ ਫਿਰ ਵਰ ਕਹੀਂ ਨ ਪਾਯੋ । ਨਿਜ ਮਨ ਤਿਨ ਬਢੀ ਹੀ ਦੁਖ ਪਾਯੋ ।
 ਵਰ ਘਰ ਸੁੰਦਰ ਦ੍ਰਿਸ਼ਟ ਨ ਆਵੈ । ਇਕਠੀ ਬਾਤ ਕਹੀ ਨ ਦਿਖਾਵੈ ॥ 51 ॥

ਸੋਰਠਾ

ਦੇਖੇ ਫਿਰ ਸਭ ਦੇਸ ਸੁੰਦਰ ਘਰ ਵਰ ਰੰਕ ਸਮ ।
 ਘਰ ਧਨ ਦੁਖ ਨਹਿ ਲੇਸ਼ ਵਰ ਕਰੂਪ ਦਿਖ ਸਮ ਧਰੈ ॥ 52 ॥

ਦੋਹਰਾ

ਸੁਧਾ ਸਰੋਵਰ ਪੁਨਹਿ ਸੋ ਅਏ ਖੇਦ ਤਨ ਪਾਇ ।
 ਗੁਰੁ ਗ੍ਰਿਥ ਕੀ ਕੋਠੜੀ ਸ੍ਰੀ ਦਰਬਾਰ ਸਮੁਹਾਇ ॥ 53 ॥
 ਗੁਰ ਅਰਜਨ ਬੈਠੇ ਤਹਾਂ ਸੁੰਦਰ ਲਗੇ ਦਿਵਾਨ ।
 ਦੋਉ ਤਹਿ ਆਵਤ ਭਏ ਮਨ ਮਹਿ ਅਤਿ ਚਿੰਤਾਨ ॥ 54 ॥

ਚੌਪਾਈ

ਗੁਰੁ ਕੀ ਪ੍ਰਭਾ^੧ ਦੇਖ ਹਰਖਾਏ । ਕਿਛੁ ਧੀਰਜ ਨਿਜ ਮਨ ਮਹਿ ਪਾਏ ।
 ਦੀਪਮਾਲ ਮੇਲੇ ਤੇ ਕਛੁ ਦਿਨ । ਪਾਛੇ ਆਵਤ ਸੰਗਤਿ ਅਨਗਨ ॥
 ਪੂਜਾ ਚੜਤ ਅਨੇਕ ਪ੍ਰਕਾਰਾ । ਬਸਤਰ ਭੂਖਨ ਕਈ ਹਜ਼ਾਰਾ ।
 ਔਰ ਦਰਬ ਕੀ ਗਨਤ ਨ ਆਵਤ । ਜੋ ਦੇਖੈ ਸੋਈ ਹਰਖਾਵਤ ।
 ਬਪੂ ਨਾਈ ਮਨ ਦੇਖ ਵਿਚਾਰੀ । ਇਹ^੨ ਸਮ ਘਰ ਨਹੀਂ ਜਗਤ ਮਝਾਰੀ ।
 ਉਚੀ ਕੁਲ ਘਰ ਦਰਬ ਅਪਾਰਾ । ਏਕ ਪੁਤ੍ਰ ਨਿਹ ਖੇਦ ਨਿਹਾਰਾ ॥
 ਇਹੁ ਦੋਉ ਮਨ ਏਹੁ ਬਿਚਾਰੈ । ਹਰਿ ਗੋਬਿੰਦ ਆਏ ਤਿੰਹ ਵਾਰੈ ।
 ਖੇਲ ਸ਼ਿਕਾਰ ਅਏ ਮੁਸਕਾਵਤ । ਅਤਿ ਬਡਿ ਛਬਿ ਤਨ ਤੇਜ ਸੁ ਪਾਵਤਿ ॥ 55 ॥

ਦੋਹਰਾ

ਦੇਖ ਤੇਜ ਸਭ ਹੀ ਉਠੇ ਸੰਗਤ ਹਰਖ ਅਪਾਰ ।
 ਹਰਿ ਗੋਬਿੰਦ ਬੰਦਨ ਕਰੀ ਸਤਿਗੁਰ ਕਉ ਤਿੰਹ^੪ ਵਾਰ ॥ 56 ॥
 ਗੁਰੁ ਅਰਜਨ ਕੇ ਨਿਕਟ ਤਬ ਬੈਠੇ ਹਰਿ ਗੋਬਿੰਦ ।
 ਇਉ ਸੋਭਤ ਭੇ ਸਭਾ ਮਾਹਿ ਜਿਉ ਤਾਰਨ^੫ ਮਹਿ ਚੰਦ ॥ 57 ॥
 ਹਰਿ ਗੋਬਿੰਦ ਕੋ ਬੰਦਨਾ ਸੰਗਤ ਕੀਨ ਅਪਾਰ ॥
 ਤਬੈ ਦੋਉ ਬਿਸਮੈ^੬ ਭਏ ਗੁਰ ਸੁਤ ਰੂਪ ਨਿਹਾਰ ॥ 58 ॥

^੧ਅ ਪੋਥੀ ਅਤਿ ਦ ਪੋਥੀ ਬਹੁ ^੨ਅ ਪੋਥੀ ਸੋਭਾ ^੩ਅ ਪੋਥੀ ਇਸ ^੪ਅ ਪੋਥੀ ਤਿੰਨ ^੫ਦ ਪੋਥੀ ਉਡਗਨ
^੬ਅ ਅਤੇ ਦ ਪੋਥੀ ਹਰਖਤ

ਚੌਪਾਈ

ਨਾਈ ਬਿਪ੍ਰ ਦੇਖ ਹਰਖਾਯੋ । ਸੁੰਦਰ ਵਰ ਅਸ ਕਹੀ ਨ ਪਾਯੋ ।
 ਸੰਗਤਿ ਸਿਉ ਤਿਨ ਪ੍ਰਫੁਨ ਕੀਨੋ । ਕਵਨ ਜਾਤ ਕਹਿ ਪੂਤ ਨਵੀਨੋ ।
 ਗੁਰੂ ਸੁਤ ਸੰਗਤ ਕੀਨ ਉਚਾਰਾ । ਸੋਢੀ ਬੰਸ ਪੂਜ ਜਗ ਸਾਰਾ ।
 ਇਮ ਸੁਨ ਦੁਹੁ ਹਰਖ ਮਨ ਕੀਨਾ । ਵਰ ਘਰ ਲਾਇਕ¹ ਇਹੁ ਹਮ ਬੀਨਾ ।
 ਚੰਦੂ ਕੀ ਪੁਤਰੀ ਜਸਵੰਤੀ । ਜਗ ਮਾਤਾ ਹੈ ਹੈ ਦੁਖਹੰਤੀ ।
 ਅਸ ਵਿਚਾਰ ਦਿਲੀ ਕਉ² ਗਏ । ਕਛੁਕ ਦਿਨਨ ਜਾਇ ਪ੍ਰਾਪਤਿ ਭਏ ।
 ਨਾਈ ਬਿਪ੍ਰ ਹਰਖ ਮਨ ਧਾਰੇ । ਚੰਦੂ ਗ੍ਰਿਹ ਤਬ ਦੋਉ ਸਿਧਾਰੇ ।
 ਹਰਖਤ ਦਿਖ ਤਬ ਚੰਦੂ ਕਹਾ । ਕਹੋ ਸਤਿ ਬਰ ਕੈਸੇ ਲਹਾ ॥ 59 ॥

ਦੋਹਰਾ

ਬਿਪ੍ਰ ਬਚਨ ਐਸੇ ਕਹਾ ਤੁਮ ਪੁਤ੍ਰੀ ਬਡ ਭਾਗ ।
 ਜਗਤ ਪੂਜ ਮਾਤਾ ਬਨੈ ਸਭ ਗੁਨ ਪੂਰ ਸੁਹਾਗ ॥ 60 ॥
 ਨਗਰ ਦੇਸ ਸਭ ਸਹਿਰਹੂੰ ਢੂੰਢ ਥਕੇ ਹਮ ਸੋਇ ।
 ਲਾਇਕ ਵਰ ਨਹਿ ਦੇਖਿਓ ਤੁਮ ਪੁਤ੍ਰੀ ਕੇ ਕੋਇ ॥ 61 ॥

ਚੌਪਾਈ

ਫਿਰਤ ਫਿਰਤ ਹਮ ਬਹੁ ਦੁਖ ਲਏ । ਸੁਧਾ ਸਰੋਵਰ ਪੁਨ ਚਲ ਗਏ ।
 ਸ੍ਰੀ ਗੁਰ ਅਰਜਨ ਤਹਾਂ ਸੁਹਾਵੈ । ਪ੍ਰਬਲ ਤੇਜ ਬਡ ਪੂਜ ਚੜਾਵੈ ।
 ਤਿੰਹ ਸੁਤ ਸੁੰਦਰ ਰੂਪ ਅਪਾਰਾ । ਕਿਧੋ ਬਿਸਨ ਰਵਿ ਹੈ ਤਨ ਧਾਰਾ ।
 ਸਾਹਿਬਜ਼ਾਦਾ ਨੌ ਬਰਸ ਕੇ ਭਏ । ਹਰਿ ਗੋਬਿੰਦ ਤਹਿ ਨਾਮ ਅਲਏ ।
 ਸੁੰਦਰ ਵਰ ਹਮ ਨੈਨ ਨਿਹਾਰਾ । ਧੰਨ ਭਾਗ ਹਮ ਰਿਦੈ ਵਿਚਾਰਾ ।
 ਇਹ ਸੁਨ ਚੰਦੂ ਹਰਖ ਨ ਲੀਨੇ । ਕਹਿਤ ਭਯੋ ਤੁਮ ਠੀਕ³ ਨ ਕੀਨੇ ।
 ਿਟ⁴ ਚੁਬਾਰੇ ਮੋਰੀ ਲਾਈ । ਕਹਾਂ ਭਯੋ ਜਉ ਪੂਜ ਕਰਾਈ ।
 ਦੇਸ ਮੁਲਕ ਨਹਿ ਰਾਜ ਦਿਵਾਨ । ਫਕਰ ਪੂਜ ਆਈ ਹਰਖਾਨ ॥ 62 ॥

ਦੋਹਰਾ

ਪੂਜ ਚੜੀ ਮਨ ਹਰਖ ਹੁਇ ਨਹਿ ਪੂਜਾ ਤਬ ਦੇਖ ।
 ਪਤਿਸ਼ਾਹੀ ਦੀਵਾਨ ਹਉ ਤੁਮ ਕਿਆ ਧਰੀ ਉਮੇਦ ॥ 63 ॥
 ਚੁਬਾਰੇ ਸਮ ਹਉ ਜਗਤ ਜਸ ਵਹਿ ਮੋਰੀ ਸਮ ਜਾਨ ।
 ਤੁਮਹਿ ਚਿਤ ਇਹੁ ਕਿਆ ਪਰੀ ਮੋ ਤੇ ਅਧਿਕ ਬਖਾਨ ॥ 64 ॥

ਚੌਪਾਈ

ਜਗਤ ਰੀਤਿ ਸਭ ਹੀ ਨਰ ਕਰੇ । ਗ੍ਰਿਸਤੀ ਬਿਪ੍ਰ ਅਧੀਨੇ ਅਹੇ ।
 ਰਾਜਾ ਰੰਕ ਕਿਧੋ ਕਉ ਹੋਈ । ਬਿਪ੍ਰ ਅਧੀਨ ਜਾਨ ਸਭ ਕੋਈ ।

¹ਅ ਪੋਥੀ ਯੋਗ ²ਅ ਪੋਥੀ ਹਸਤਨਾਪੁਰ ³ੲ ਪੋਥੀ ਯੋਗ ⁴ਅ ਪੋਥੀ ਈਟ ⁵ਅ ਤੇ ੲ ਪੋਥੀ ਦੁਨੀ

ਤਾਂਤੇ ਮੈਂ¹ ਤੁਮਰੇ ਆਧੀਨਾ । ਜੋ ਤੁਮ ਕਰਹੁ ਮਾਨ ਸੋ ਲੀਨਾ ।
 ਚੁਬਾਰੇ ਇਟ ਮੋਰੀ ਨਹਿ ਸੋਹੈ । ਜੋ ਤੁਮ ਕਰਹਿ [ਮਾਨੀ]² ਹਮ ਓਹੈ ।
 ਇਹੁ ਕਹਿ ਸਗਨ ਤਾਂਹਿ ਕਰ ਦੀਨੋ । ਬਹੁਤ ਦਰਬ ਦੇ ਬਿਦਿਆ ਕੀਨੋ ।
 ਨਾਈ ਬਿਪੁ ਸਗਨ ਤਬ ਪਾਏ । ਸੁਧਾ ਸਰੋਵਰ ਤਰਫ ਸਿਧਾਏ ।
 ਯਾਹਿ ਕਥਾ ਔਰ ਸੁਨੋ ਤੁਮ ਪਿਆਰੇ । ਭਗਤ ਸਿੰਘ ਗੁਰੂ ਚਰਿਤ ਅਪਾਰੇ ।
 ਜੋ ਚੰਦੂ ਮੁਖ ਏਹੁ ਅਲਾਈ । ਇਟ ਚੁਬਾਰੇ ਮੋਰੀ ਲਾਈ ॥ 65 ॥

ਦੋਹਰਾ

ਤੀਨ ਬੇਰ ਚੰਦੂ ਕਹਾ ਮਨ ਮਹਿ ਧਾਰ ਗੁਮਾਨ ।
 ਚੁਬਾਰੇ ਸਮ ਮਮ ਅਹਾ ਵਹੁ ਮੋਰੀ ਸਮਾਨ ॥ 66 ॥
 ਦਿਲੀ ਕੀ ਸੰਗਤਿ ਸਭੈ ਮਿਲ ਬੈਠੀ ਇਕ ਠੋਰ ।
 ਇਹੁ ਪਾਪੀ ਐਸੇ ਬਕਯੋ ਲਿਖਹਿ ਸ੍ਰੀ ਗੁਰੂ ਓਰ ॥ 67 ॥

ਚੌਪਾਈ

ਸਭ ਸੰਗਤਿ ਮਿਲ ਅਸ ਠਹਿਰਾਏ । ਪਾਤੀ ਦੇ ਕੋਊ ਦੂਤ ਪਠਾਏ ।
 ਪਾਤੀ ਮਹਿ ਬਹੁ ਬਿਨਤ ਲਿਖਾਈ । ਮਹਾਰਾਜ ਤੁਮ ਸਦਾ ਸਹਾਈ ।
 ਮਹਾਰਾਜ ਤੁਮ ਸਭ ਹੀ ਜਾਨਹੁ । ਜਗਤ ਬੀਚ ਕੀ ਨਹੀਂ ਪਛਾਨਹੁ ।
 ਇਹ ਚੰਦੂ ਪਾਪੀ ਬਡ ਮਾਨਾਂ । ਤੁਮ ਕਉ ਮੋਰੀ ਇਟ ਬਖਾਨਾ ।
 ਆਪ ਚੁਬਾਰੇ ਇਟ ਜਨਾਯੋ³ । ਗੁਰੂ ਨਿੰਦਕ ਇਸ ਹਮਹਿ ਲਖਾਯੋ ।
 ਮਹਾਰਾਜ ਹਮ ਭਾਖਹਿ ਬੈਨਾਂ । ਇਸ ਪਾਪੀ ਕਾ ਸਾਕ ਨ ਲੈਨਾਂ ।
 ਸੰਗਤ ਕਉ ਇਹੁ ਦਾਨ ਸੁ ਦੀਜੈ । ਇਸ ਪਾਪੀ ਸਿਉਂ ਮੇਲ ਨ ਕੀਜੈ ॥
 ਸਗਾਈ ਤੁਮਹਿ ਪ੍ਰਵਾਹ ਨ ਆਹੀ । ਆਵੈ ਅਨਿਕ ਅਧਿਕ ਸੁਖ ਪਾਹੀ ॥ 68 ॥

ਦੋਹਰਾ

ਇਹ ਬਿਧ ਸਿਉ ਪਾਤੀ ਲਿਖੀ ਸੰਗਤ ਦੂਤ ਪਠਾਇ ।
 ਬਹੁ ਮਾਇਆ ਤਾਂਕੋ ਦਈ [ਚਲਯੋ]⁴ ਦੂਤ ਹਰਖਾਇ ॥ 69 ॥
 ਅਹਿਨਿਸ ਜਾਵਤ ਦੂਤ ਸੋ ਪੰਥ ਦੇਰ ਨਹਿ ਧਾਰ ।
 ਬਿਪੁ ਗਾਥ ਅਬ ਸੋ ਸੁਨਹੁ ਪਹੁੰਚੇ ਹਰਖ ਅਪਾਰ ॥ 70 ॥

ਚੌਪਾਈ

ਰਹੇ ਜਾਮ ਦਿਨ ਦੋਊ ਆਏ । ਸੁਧਾ ਸਰੋਵਰ ਚਿਤ ਹਰਖਾਏ ।⁵
 ਸ੍ਰੀ ਗੁਰ ਅਰਜਨ ਥੜੇ ਬਿਰਾਜਤ । ਦਿਖ ਬਿਰੰਚ ਸ਼ਿਵ ਮਨ ਮਹਿ⁶ ਲਾਜਤ ।
 ਨਾਈ ਬਿਪੁ ਦੋਊ ਢਿਗ ਗਏ । ਦਯਾ ਸਿੰਧ ਕਉ ਬੰਧਨ ਕਏ ।
 ਆਦਰ ਕਰ ਪੂਛੀ ਗੁਰ ਬਾਤ । ਕਹਿਤੇ ਆਯੋ ਦ੍ਰਿੜ ਬਿਖਯਾਤ ।

¹ਅ ਪੋਥੀ ਹਮ ²ਅ ਪੋਥੀ ਵਿਚੋਂ ³ਅ ਪੋਥੀ ਅਲਾਯੋ ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਬਿਸਮਾਏ ⁶ਅ ਤੇ ਏ ਪੋਥੀ ਭੀਡਰ

ਹਾਥ ਜੋਰ ਦ੍ਰਿਸ਼ ਕਹਾ ਸੁਨਾਏ । ਇਹ ਨਮਿਤ ਹਮ ਪ੍ਰਭ ਜੀ ਆਏ ।
 ਪਾਤਸ਼ਾਹੀ ਦੀਵਾਨ ਪਛਾਨਹੁ । ਚੰਦੂ ਨਾਮ ਤਾਂਹਿ ਕਾ ਜਾਨੋ ।
 ਤਿਨ ਪੁਤ੍ਰੀ ਕੀ ਪਠੀ ਸਗਾਈ । ਤੁਮਰੇ ਸੁਤ ਕਉ ਬਿਨਤ ਅਲਾਈ ।
 ਅੰਗੀਕਾਰ ਕਰੋ ਸੁਖ ਸਾਥਾ । ਜਾਨ ਗਏ ਸਭ ਨਾਥ ਅਨਾਥਾ ॥ 71 ॥

ਦੋਹਰਾ

ਕ੍ਰਿਪਾ ਸਿੰਧ ਧੀਰਜ ਦੀਓ ਤਿਨ ਕੋ ਕਹਾ ਸੁਧਾਰ ।
 ਬਸੋ ਰੈਨ¹ ਤੁਮ ਪ੍ਰਾਤ ਕਉ ਭਲੀ ਕਰੈ ਕਰਤਾਰ ॥ 72 ॥
 ਸਿਖ ਸਾਥ ਤਿਨਕੇ ਪਠੇ ਡੇਰਾ ਦੀਓ ਬਨਾਇ ।
 ਖਾਨ ਪਾਨ ਕੀ ਸੇਵ ਸੁ² ਕੀਨੀ ਬਹੁ ਅਧਿਕਾਇ ॥ 73 ॥

ਚੌਪਾਈ

ਪੁਰੀ ਰੈਨ ਤਬ ਸ੍ਰੀ ਗੁਰ ਆਏ । ਨਿਜ ਮਹਿਲੀ ਮਨ ਆਨੰਦ ਪਾਏ ।
 ਸਭ ਕੁਟੰਬ ਕਉ ਕਹਾ ਸੁਨਾਈ । ਹਰਿ ਗੋਬਿੰਦ ਕਉ ਆਈ ਸਗਾਈ ।
 ਨਾਮ ਨਾਮ [ਤਿਨਕਾ]³ ਗੁਰ ਕਹਾ । ਸਭ ਕੁਟੰਬ ਸੁਨ ਆਨੰਦ ਲਹਾ ।
 ਤਾਤ ਕਾਲ ਤਬ ਢੋਲ ਧਰਾਯੋ । ਮਿਲ ਵਰ ਨਾਰੀ ਮੰਗਲ ਗਾਯੋ ।
 ਭਾਂਤ ਭਾਂਤ ਕੇ ਬਜੇ ਸੁ ਬਾਜੇ । ਸਭ ਕੇ ਮਨ ਮਹਿ ਆਨੰਦ ਛਾਜੇ ।
 ਸਾਰੀ ਨਿਸ ਭਯੋ ਮੰਗਲ ਭਾਰੀ । ਭਾਗਵੰਤਿ ਤਰਨੀ ਹਰਖ ਅਪਾਰੀ ।
 ਨਰ ਨਾਰੀ ਮਨ ਏਹੁ ਵਿਚਾਰੈ । ਚੜ੍ਹੇ ਦਿਵਸ ਕਬ ਹਮ ਸਭ ਨਾਰੈ ।
 ਹਰਿ ਗੋਬਿੰਦ ਕਉ ਨੈਨ ਨਿਹਾਰੇ । ਸਗਾਈ ਤਿਲਕ ਵਡੀ ਛਬਿਵਾਰੈ ॥ 74 ॥

ਦੋਹਰਾ

ਇਹ ਬਿਧ ਰੈਨ ਬਿਤੀਤ ਕਰ ਹਮਕੋ ਇਹੈ ਸੁਹਾਇ ।
 ਚੜ੍ਹੇ ਦਿਵਸ ਹਮ ਦੇਖਹਿ ਮਸਤਕ ਤਿਲਕ ਲਗਾਇ ॥ 75 ॥
 ਗੰਗ ਮਾਤ ਆਨੰਦ ਵਸ ਦੇਵਤ ਦਾਨ ਅਪਾਰ ।
 ਦਾਨ ਲੇਤ ਜੋ ਹਰਖ ਸਿਉਂ ਬਾਂਟਤ ਅਗ੍ਰ ਸੁਧਾਰ ॥ 76 ॥

ਚੌਪਾਈ

ਇਹ ਬਿਧ ਮੰਗਲ ਰੈਨ ਅਪਾਰਾ । ਭਯੋ ਪ੍ਰਾਤਿ ਰਵਿ ਕਿਰਨ ਪਸਾਰਾ ।
 ਨਰ ਨਾਰਿਨ ਮਨ ਆਨੰਦ ਪਾਯੋ । ਗਾਵਤ ਮੰਗਲ ਗੀਤ ਸਹਾਯੋ ।
 ਗੁਰ ਅਰਜਨ ਮਨ ਹਰਖ ਸੁਧਾਰੇ ।⁴ ਬਿਪ੍ਰ ਜੋਤਕੀ ਲੀਨ ਹਕਾਰੇ ।
 ਜਗਤ ਰੀਤਿ ਪੂਛੀ ਤਿਹ ਵਾਰਾ । ਤਬੈ ਜੋਤਕੀ ਬਚਨ ਉਚਾਰਾ ।
 ਦਿਵਸ⁵ ਆਜ ਉਤਮ ਪ੍ਰਭ ਜਾਨੋ । ਮਘਰ ਸੁਦੀ ਸਪਤਮੀ ਮਾਨੋ ॥
 ਸਾਤ ਘੜੀ ਦਿਨ ਚੜ੍ਹੇ ਨਿਹਾਰੋ । ਝੋਲੀ ਸਗਨ ਤਬੈ ਤੁਮ ਧਾਰੋ ।

¹ਅ ਪੋਥੀ ਗਤ ²ਅ ਪੋਥੀ ਤਿਨ ³ਅ ਤੇ ਏ ਪੋਥੀ ਵਿਚੋਂ ⁴ਅ ਪੋਥੀ ਅਪਾਰੇ ⁵ਅ ਤੇ ਏ ਪੋਥੀ ਸਮਾ

ਤਬੈ ਆਰੰਭ ਸਤਿ ਗੁਰੂ ਜੀ ਕੀਨੋ । ਅਨਸਨ ਵਸਤ ਮੰਗਾਇ ਸੁ ਲੀਨੋ ।
ਸਭੈ ਪੈਂਚ ਸਿਖ ਸੰਗਤ ਆਏ । ਸੁਨ ਸਗਨ ਮਨ ਮਹਿ ਹਰਖਾਏ ॥ 77 ॥

ਦੋਹਰਾ

ਸਭੈ ਆਇ ਇਕਠੇ¹ ਭਏ ਮਨ ਮਹਿ ਆਨੰਦ ਅਪਾਰ ॥
ਤਬੈ ਬੁਲਾਯੋ ਬਿਪ੍ਰ ਸੋ ਨਾਈ ਜੁਤ ਤਿਹਵਾਰ ॥ 78 ॥
ਗਨਕ ਚੌਕ ਪੂਰਨ ਲਗੇ ਹਰਿ ਗੋਬਿੰਦ ਸੁਖ ਖਾਨ ।
ਪਹਿਰ ਨਵੀਨ ਪੁਸ਼ਾਕ ਕੋ ਪਟੜੀ ਪਰ ਪਗ ਠਾਨ ॥ 79 ॥

ਚੌਪਾਈ

ਇਤਨੇ ਮਾਂਹਿ ਦੂਤ ਸੋ ਆਯੋ । ਬੰਦਨ ਸ੍ਰੀ ਗੁਰੂ ਕਉ ਸੋ ਅਲਾਯੋ ।
ਪੁਨਾ ਦੂਤ ਮੁਖ ਏਹੁ ਉਚਾਰੀ । ਏਕ ਬਾਤ ਪ੍ਰਭ² ਸੁਨਹੂੰ ਹਮਾਰੀ ।
ਸ੍ਰੀ ਗੁਰੂ ਉਠੇ ਇਕਾਂਤ ਸਿਧਾਏ । ਦੂਤ ਬੰਦਨਾ ਕਰੀ ਬਨਾਏ ।
ਦੂਤ ਹਾਥ ਸੋ ਪਾਤੀ ਦੀਨੀ । ਵਾਚੀ ਗੁਰੂ ਅਧਿਕ ਮਨ ਚੀਨੀ ।
ਦੂਤ ਕਹੇ ਪੁਨ ਬੈਨ ਅਪਾਰਾ । ਚੰਦੂ ਪਾਪੀ ਪ੍ਰਭੂ ਬਿਚਾਰਾ ।
ਏਕ ਸਿਖ ਅਲਮਸਤ ਦਿਵਾਨਾ । ਸ੍ਰੀ ਗੁਰੂ³ ਸ਼ਬਦ ਸੁ ਮਗਨ ਰਹਾਨਾ ।
ਤ੍ਰਿਕਾਲਗਤਾ ਤਾਂਕੋ ਭਾਰੀ⁴ । ਗੁਰੂ ਪ੍ਰੇਮ ਰਤ ਮੋਨ ਸੁਧਾਰੀ ।
ਤਬ ਵਹਿ ਬੋਲ ਉਠਯੋ ਮੁਖ ਮਾਹੀ । ਛਪੀ ਬਾਤ ਇਹੁ ਰਹਿਣੀ ਨਾਹੀ ॥ 80 ॥

ਦੋਹਰਾ

ਤਿੰਹ ਪਾਪੀ ਮਤਿ ਮੰਦ ਕੀ ਸਗਾਈ ਪ੍ਰਭੂ ਨ ਲੇਹੁ ।
ਆਪ ਚੁਬਾਰੇ ਇਟ ਬਣੈ ਹਮ ਕਹਿ ਮੋਰੀ ਏਹੁ ॥ 81 ॥
ਇਹੁ ਕੂਕਰ⁵ ਮਤਿ ਮੰਦ ਕੋ ਸਾਕ ਪ੍ਰਭੂ ਜੀ ਤਿਆਗ ।
ਸਿਖ ਸੰਗਤਿ ਬਿਨਤੀ ਕਹੈ ਆਨ ਸਿਖ ਰਸ ਪਾਗ ॥ 82 ॥

ਚੌਪਾਈ

ਹਾਥ⁶ ਕਮਲ ਗੁਰੂ ਧੀਰਜ ਦੀਨੋ । ਰਹੋ ਮੋਨ ਹਮ ਐਸੇ ਕੀਨੋ ।
ਤਬ ਅਲਮਸਤ ਮੋਨ ਮੁਖ ਧਾਰੀ । ਦੂਤ ਬਾਤ ਸੁਨ ਉਠੇ ਮੁਰਾਰੀ ।
ਸੰਗਤਿ ਉਠੀ ਗੁਰੂ ਜੀ ਆਈ । ਨਿਜ ਆਸਨ ਬੈਠ ਸੁਖ ਪਾਈ ।
ਗਨਕ ਕਹਾ ਪ੍ਰਭ ਆਗਯਾ⁷ ਦੀਜੈ । ਸਗਨ ਰੀਤਿ ਅਬ ਹੀ ਕਰ ਲੀਜੈ ।
ਕਮਲ ਬਦਨ ਗੁਰੂ ਅਸ ਫੁਰਮਾਏ । ਇਨ ਕੀ ਸਮਸਰ ਨਹਿ ਹਮ ਪਾਏ ।
ਸਗਾਈ ਨਹੀਂ ਇਹੁ ਜੋਗ ਹਮਾਰੇ । ਚੁਬਾਰੇ ਕੀ ਇਟ ਚਹੀਐ ਚੁਬਾਰੇ ।
ਹਮ ਮੋਰੀ ਮੋਰੀ ਮਿਲ ਜਹੀ । ਚੁਬਾਰੇ ਸਿਉ⁸ ਹਮ ਸਮਸਰ ਨਾਹੀਂ ।
ਗੁਰ ਗ੍ਰਿਹ ਮਾਨ ਨਿਮਾਨੈ ਦੇਵਹਿ । ਮਾਨੀ ਬਹੁਤ ਸਜਾਇ ਸੁ ਲੇਵਹਿ ॥ 83 ॥

¹ਅ ਪੱਥੀ ਇਕਤ੍ਰ ²ਅ ਪੱਥੀ ਗੁਰੂ ³ਅ ਤੇ ਦ ਪੱਥੀ ਸਤਿਗੁਰ ਤ੍ਰਿਕਾਲ ਕਾ ਗਯਤਾ ਭਾਰੀ ⁴ਅ ਪੱਥੀ ਸੂਕਰ ⁵ਅ ਤੇ ਦ ਕਰ ⁶ਅ ਪੱਥੀ ਆਇਸ ⁷ਦ ਪੱਥੀ ਕੇ

ਦੋਹਰਾ

ਮੌਰੀ ਸਮ ਸੁ ਅਨਾਥ ਜੋ ਹਮ ਕਉ ਮਿਲ ਹੈ ਆਇ ।
 ਪਾਹਨ ਚੌਬਾਰਾ ਤਿਸੈ ਮਿਲੇ ਸੀਸ ਪਟਕਾਇ ॥ 84 ॥
 ਤੀਨ ਬੇਰ ਮੁਖ ਕਵਲ ਤੇ ਸ੍ਰੀ ਗੁਰੂ ਨਾਂਹ ਕਰਾਇ ।
 ਤਬੈ ਨਾਰਿ ਨਰ ਬਿਸਮ ਭਏ ਕਰੀ ਚਿੰਤ ਅਧਿਕਾਇ ॥ 85 ॥

ਚੌਪਾਈ

ਸਭੈ ਨਾਰਿ ਨਰ ਚਿੰਤਾ ਪਾਇ । ਹੇ ਬਿਧ ਕਿਆ ਇਹੁ ਬਯੋਤ ਬਨਾਇ ।
 ਫਲੀ ਬੇਲ ਫੂਲਨਿ ਫੁਲਵਾਰੀ । ਕੈਸੀ ਬਿਧ ਅਬ ਕਰੀ ਦੁਖਾਰੀ ।
 ਨਾਈ ਬਿਪ੍ਰ ਦੋਊ ਬਿਸਮਾਨੇ । ਕੀਨ ਅਧੋ ਮੁਖ ਚਿੰਤਾ ਠਾਨੈ ।
 ਕਵਿ ਕੇ ਭਾਵ ਇਹੈ ਮਨ ਆਯੋ । ਬਨਜਾਰੇ ਜਨ¹ ਘਾਟਾ ਪਾਯੋ ।
 ਰਹੈ ਬੈਠ ਤਨ ਚਿੰਤਾ ਧਾਰੀ । ਮਨਹੁ ਚਿੰਤ ਲੀਨੋ ਤਨ ਧਾਰੀ² ।
 ਨੌਕਾ ਮਨਹੁ ਮਲਾਹ ਡੁਬਾਨੀ । ਇਹੁ ਬਿਧ ਚਿੰਤ ਦੁਹੁ ਮਨ ਠਾਨੀ ।
 ਸਿਖ ਸੰਗਤ ਸਭ ਪਰੈ ਨਿਹਾਰਹਿ³ । ਕਿਆ ਕੌਤਕ ਇਹੁ ਕਰਿਓ ਮੁਰਾਰਹਿ⁴ ।
 ਸਿਖ ਸੰਗਤ ਸਭ ਮੌਨ ਧਰਾਏ । ਪ੍ਰਸਪਰ ਦਿਖਹਿ⁵ ਨ ਬੈਨ ਅਲਾਏ ॥ 86 ॥

ਦੋਹਰਾ

ਹਰਿ ਗੋਬਿੰਦ ਸੋਭਤ ਤਹਾਂ ਪਟੜੀ ਪਰ ਪਗ ਧਾਰ ।
 ਉਪਮਾ ਕਿਆ ਕਵਿ ਮੁਖ ਕਹੈ ਸ੍ਰੀ ਗੁਰ ਰੂਪ ਮੁਰਾਰਿ ॥ 87 ॥
 ਸਾਂਤ ਰੂਪ ਪਟੜੀ ਭਈ ਧੀਰਜ ਪਗ ਪਰ ਠਾਨ ।
 ਸੁਰ ਨਰ ਨਾਰਿ ਮੋਹਬੇ ਨਮਿਤ ਬੈਠਾ ਮਨਹੁ ਗਿਆਨ ॥ 88 ॥

ਚੌਪਾਈ

ਬਿਸਮੈ ਭਏ ਨਗਰ ਨਰ ਨਾਰੈ । ਕੋਉ ਨ ਕਾਹੁ ਬਾਤ ਉਚਾਰੈ ।
 ਏਕ ਸਿਖ¹ ਠਾਢੀ² ਭਯੋਂ । ਆਨੰਦ ਸਹਿਤ ਨਿੰਮ੍ਰਿਤ ਭਵ ਲਯੋ ।
 ਡਲੇ ਕਉ ਵਾਸੀ ਅਭਿਰਾਮ । ਨਰਾਇਣ ਦਾਸ ਖਤੀ ਤਿੰਹ ਨਾਮ ।
 ਗਰਿ ਅੰਚਰ ਮੁਖ ਬਾਤ ਅਲਾਈ । ਹਉਂ ਅਨਾਥ ਪ੍ਰਭ ਤੁਮ ਸਰਨਾਈ ।
 ਸਪਤ³ ਬਰਸ ਮਮ ਕੰਨਯਾ ਹੋਈ । ਪ੍ਰਭੂ ਦਰਬ ਗ੍ਰਿਹ ਮੋਹਿ ਨ ਕੋਈ ।
 ਸਗਾਈ ਮਮ ਕੰਨਯਾ ਲੀਜੈ । ਦਾਸੀ ਹਰਿ ਗੋਬਿੰਦ ਕੀ ਕੀਜੈ ।
 ਯੋਂ ਸੁਨ ਗੁਰੂ ਅਰਜਨ ਸੁਖ ਪਾਯੋ । ਧੰਨ ਜਨਮ ਤਿੰਹ ਮੁਖਹੁ ਅਲਾਯੋ ।
 ਸ੍ਰੀ ਗੁਰੂ ਗਨਕ ਕੋ ਆਗਯਾ⁴ ਦਈ । ਕਰੋ ਰੀਤਿ ਅਬ ਦੇਰ ਨ ਭਈ ॥ 89 ॥

ਦੋਹਰਾ

ਗੁਰੁ ਨਿਦੇਸ⁵ ਸੁਨ ਬ੍ਰਿਪ ਤਕ ਸੁਭ ਜੇਵ ਕਰ ਧਾਰ ।
 ਕਰ ਪੂਜਾ ਗੁਰੂ ਪੁਤ੍ਰ ਗਰਿ ਲਾਗੋ ਪ੍ਰੇਰਤ ਡਾਰ ॥ 90 ॥

¹ਅ ਪੋਥੀ ਜਿਸ ²ਅ ਤੇ ਏ ਪੋਥੀ ਅਵਤਾਰੀ ³ਅ ਪੋਥੀ ਉਠਤ ਤਬ ⁴ਅ ਪੋਥੀ ਸਾਤ ⁵ਅ ਪੋਥੀ ਆਇਸ
⁶ਅ ਪੋਥੀ ਆਦੇਸ

ਹਰਿ ਗੋਬਿੰਦ ਕਹਯੋ ਹਮ ਗਰਹਿ ਜੰਵੁ ਹਰਿ ਅਸਿ ਪਾਇ ।
 ਕੁਲ ਪ੍ਰੋਹਤ ਕੁਲ ਰੀਤਿ ਕਹਿ ਪਾਯੋ ਗਰਿ ਹਰਖਾਇ ॥ 91 ॥
 ਗ੍ਰਿਹ ਪੂਜਾ ਕਰਵਾਇ ਕੈ ਜਗਤ ਰੀਤਿ ਸੁਖ ਪਾਇ ।
 ਝੋਲੀ ਸਗਨ ਪਾਯੋ ਤਬੈ ਵਧਾਈ ਗੁਰਹਿ ਸੁਨਾਇ ॥ 92 ॥
 ਨਰਾਇਨ ਦਾਸ ਨਿਜ ਧਾਰ ਕਰ ਤਿਲਕ ਕੀਨ ਤਬ ਭਾਲ ।
 ਹਰਿ ਗੋਬਿੰਦ ਕੇ ਹਰਖ ਸਿਉ ਆਨੰਦ ਵਸੇ ਉਤਾਲ ॥ 93 ॥
 ਨਰਾਇਨ ਦਾਸ ਬੈਠਤਿ ਭਯੋ ਨਿਜ ਮਨ ਮਹਿ ਸੁਖ ਪਾਇ ।
 ਸਿਖ ਸਖਾ ਹਰਖਤ ਭਏ ਚਿਤ ਮਹਿ ਹਰਖ ਨ ਮਾਇ ॥ 94 ॥
 ਔਰ ਉਠਿਓ ਆਨੰਦ ਵਸ ਹਰੀ ਚੰਦ ਤਿੰਹ ਨਾਮ ।
 ਜਾਤ [ਲਾਬਾ]¹ ਖਤ੍ਰੀ ਸੁਖਦ ਪੁਰ ਰਮਦਾਸ ਜੁ ਧਾਮ ॥ 95 ॥
 ਹਾਥ ਜੋੜ ਬਿਨਤੀ ਕਰੀ ਹੇ ਪ੍ਰਭ ਦੀਨਾ ਨਾਥ ।
 ਪਤਿਤ ਪਾਵਨ ਤੂ ਨਾਮ ਹੈ ਸ਼ਰਨੀ ਅਯੋ ਅਨਾਥ ॥ 96 ॥

ਚੌਪਾਈ

ਦੋਇ ਬਰਸ ਮਮ ਪੁਤ੍ਰੀ ਭਈ । ਹਰਿ ਗੋਬਿੰਦ ਦੀ ਦਾਸੀ ਕਈ ।
 ਅੰਗੀਕਾਰ ਸਗਾਈ ਕੀਜੈ । ਇਹੈ ਦਾਨ ਮੋ ਕਉ ਪ੍ਰਭ² ਦੀਜੈ ।
 ਗੁਰ ਅਰਜਨ ਤਿੰਹ ਧੀਰ ਧਰਾਯੋ । ਗਨਕ ਸਗਨ ਝੋਲੀ ਮਹਿ ਪਾਯੋ ॥
 ਹਰਿ ਚੰਦ ਤਿਲਕ ਭਾਲ ਮਧ ਕੀਨਾ । ਅਤਿ ਅਨੰਦ ਨਿਜ³ ਮਨ ਮਹਿ ਲੀਨਾ ।
 ਏਕ ਛੰਡ ਭਈ ਦੋਇ ਸਗਾਈ । ਨਾਈ ਬਿਪ੍ਰਹਿ ਅਤਿ ਦੁਖ ਪਾਈ ।
 ਔਰ ਸਭੈ ਨਰ ਹਰਖਤ ਭਏ । ਦਯੋ ਦਰਬ ਜਨ ਘਰ ਮਹਿ ਆਏ ।
 ਬਿਪ੍ਰ ਬੰਦ ਗੁਰ ਆਗਿਆ ਪਾਏ । ਹਰਿ ਗੋਬਿੰਦ ਜੀ ਉਠ ਹਰਖਾਏ ।
 ਜਾਇ ਮਾਤ ਕੇ ਚਰਨੀ ਲਾਗੇ । ਕਰਯੋ ਅਨੰਦ ਮਾਤ ਰਸ ਪਾਗੇ ॥ 97 ॥

॥ ਸੋਰਠਾ ॥

ਆਨੰਦ ਵਸ ਭਈ ਮਾਤ ਗਦ ਗਦ ਸਵਰ ਬੋਲਤ ਭਈ ।
 ਚਿਰ⁴ ਜੀਵਹੁ ਮੁਹਿ ਤਾਤ ਸਦਾ ਹਰਖ ਤੁਮ ਚਿਤ ਰਖੋ ॥ 98 ॥

ਦੋਹਰਾ

ਮਿਲ ਅਬਲਾ ਸਭ ਹਿਤ ਸਮੇਂ ਦੀ ਬਧਾਈ ਆਇ ।
 ਹਰਿ ਗੋਬਿੰਦ ਬਪੁ ਦੇਖਕੈ ਲੋਚਨ ਤ੍ਰਿਪਤਿ ਨ ਪਾਇ ॥ 99 ॥
 ਹਰਿ ਗੋਬਿੰਦ ਆਵਤ ਭਏ ਦਿਵਾਨ ਮਧ ਸੁਖ ਮਾਨ ।
 ਗੁਰ ਅਰਜਨ ਕੇ ਨਿਕਟਿ ਹੀ ਬੈਠੇ ਕ੍ਰਿਪਾ ਨਿਧਾਨ ॥ 100 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਗੁਰ ³ਏ ਪੋਥੀ ਤਿਨ ⁴ਅ ਪੋਥੀ ਸਦ

ਚੌਪਾਈ

ਪਤਾਸੇ ਮਿਸਰੀ ਗਰੀ ਅਨੰਤਾ । ਬਦਾਮ ਛੁਹਾਰੇ ਪਰੇ ਨ ਅੰਤਾ ।
 ਇਛ ਪੂਰ ਦੀਨੋ ਵਰਤਾਈ । ਭਈ ਭੀਰ ਤਿੰਹ ਨਾਂ ਅਧਿਕਾਈ ॥
 ਸ੍ਰੀ ਗੁਰ^੧ ਲਾਗ ਸਭਨਿ ਕਉ ਦੀਨੇ ॥ ਦਾਨ ਮਾਨ ਕਰ ਪੂਰਨ ਕੀਨੇ ।
 ਬਾਜੇ ਬਜਤ ਅਨੇਕ ਪ੍ਰਕਾਰਾ । ਮਾਨੋ ਚਰੀ ਅਨੰਦਹਿ ਧਾਰਾ ।
 ਦਾਸ ਨਰਾਇਣ ਬਿਨਤ ਉਚਾਰੀ । ਹੇ ਪ੍ਰਭ ਕ੍ਰਿਪਾ ਸਿੰਧ ਅਵਤਾਰੀ ।
 ਸਾਹਾ ਅਬੈ ਸ਼ਿਤਾਬੀ ਲੀਜੈ । ਕਛੂ ਕਾਜ ਮਹਿ ਬਿਲਮ ਨ ਕੀਜੈ ।
 ਸ੍ਰੀ ਗੁਰ ਦ੍ਰਿਜ ਕੋ ਕਹਾ ਸੁਨਾਏ । ਸੋਧਹੁ ਸਾਹਾ ਅਬੈ ਬਨਾਏ ।
 ਗਨਕ ਨਖਯਤ੍ਰ ਗ੍ਰਹਿ ਸਭ ਜੋਈ । ਦਯਾ ਸਿੰਧ ਕਉ ਐਸੇ ਗੋਈ ॥ 101 ॥

ਦੋਹਰਾ

ਸਾਹਾ ਸੁਭ ਪ੍ਰਭ ਜੀ ਸੁਨੋ ਮਾਘ ਦਿਵਸ ਗ੍ਰਹਿ ਪਾਇ ।
 ਦੋਇ ਮਾਸ ਅਬ ਬੀਚ ਹੈ ਸੁਨਤਿ ਸਭੇ ਹਰਖਾਇ ॥ 102 ॥
 ਨਾਰਾਇਣ ਦਾਸ ਮਾਨਤ ਭਯੋ ਸ੍ਰੀ ਗੁਰ ਭਲੀ ਉਚਾਰ ॥
 ਸਿਖ ਸੰਗਤ ਹਰਖਤ ਭਏ ਨਾਰੀ ਹਰਖ ਅਪਾਰ ॥ 103 ॥

ਚੌਪਾਈ

ਗੁਰ ਅਰਜਨ ਮਨ ਏਹ ਵਿਚਾਰਾ । ਨਾਈ ਬ੍ਰਿਪ ਭਯੋ ਖੇਦ^੨ ਅਪਾਰਾ ।
 ਮੰਗਲ ਸਮੇਂ [ਖੇਦ]^੩ ਨਹਿ ਚਹੀਯੇ । ਕਛੂ ਦਰਬ ਇਨ ਕਉ ਭੀ ਦਈਯੇ ।
 ਦਯੋ ਦਰਬੈ ਗੁਰ ਤਿਨੈ ਨ ਲੀਨਾ । ਚਿੰਤਾਤੁਰ^੪ ਹੋਇ ਪਿਆਨਾ ਕੀਨਾ ।
 ਦਿਲੀ ਕਉ ਸੋ ਜਾਵਤ ਭਏ । ਸ੍ਰੀ ਗੁਰ ਸਭ ਹੀ ਰੁਖਸਤ ਕਏ ।
 ਨਰਾਇਣ ਦਾਸ ਗੁਰ ਆਗਿਯਾ ਪਾਏ । ਡਲੇ ਤਰਫ ਪਿਆਨ ਕਰਾਏ ।
 ਜਾਇ ਕੁਟੰਬ ਸੋ ਬਾਤ ਸੁਨਾਈ । ਸਭ ਹਰਖੇ ਅਤਿ ਆਨੰਦ ਪਾਈ ॥ 104 ॥

ਦੋਹਰਾ

ਗੁਰ ਅਰਜਨ ਸੁਖ ਪਾਇਕੈ ਮਹਾਂ ਦੇਵ ਲੈ ਸਾਥ ।
 ਹਰਿਗੋਬਿੰਦ ਤਿਹ ਮਾਤ ਕਉ ਸੰਗ ਲੈ ਦੀਨਾ ਨਾਥ ॥ 105 ॥
 ਸ੍ਰੀ ਦਰਬਾਰ ਦਰਸਨ ਚਲੇ ਕੜਾਹ ਪਰਸਾਦ ਅਰਦਾਸ ।
 ਅਥਿਤ ਦਾਨ ਕਰਤੇ ਚਲੋ ਮਨ ਮੋ^੫ ਅਧਿਕ ਹੁਲਾਸ ॥ 106 ॥

ਚੌਪਾਈ

ਭਈ ਭੀਰ ਸ੍ਰੀ ਗੁਰ ਸੰਗ ਭਾਰੀ । ਆਨੰਦ ਪੁਲਕ ਸਭੇ ਨਰ ਨਾਰੀ ।
 ਇਹ ਬਿਧ ਪਹੁੰਚੇ ਸ੍ਰੀ ਦਰਬਾਰਾ । ਭੇਟ ਪ੍ਰਸਾਦ ਸੁ ਆਗੇ ਧਾਰਾ ।
 ਕਰ ਬੰਦਨ ਪਰਿਕ੍ਰਮਾਂ ਕੀਨੀ । ਸ੍ਰੀ ਗੁਰ ਅਰਜਨ ਹੋਇ ਅਧੀਨੀ ।
 ਗੁਰੂ ਗ੍ਰੰਥ ਕੀ ਕੋਠੀ ਆਏ । ਹਾਥ ਜੋਰ ਸਭ ਸੀਸ ਨਿਵਾਏ ।

^੧ਅ ਪੌਥੀ ਸਤਿਗੁਰ ^੨ਅ ਪੌਥੀ ਦੁਖ ^੩ੲ ਪੌਥੀ ਵਿਚੋਂ ^੪ਅ ਪੌਥੀ ਉਦਾਸ ^੫ਅ ਤੋ ਏ ਮਾਹਿ

ਸ੍ਰੀ ਗੁਰ ਅਰਜਨ ਆਪ ਤਹਿ ਰਹੇ । ਸਭ ਕੁਟੰਬ ਕਉ ਧਾਮ ਸਿਧਏ ।
ਇਹ ਭਈ ਪੂਰ ਕਥਾ ਸੁਖਦਾਈ । ਦਿਲੀ ਗਾਥ [ਅਬ]¹ ਸੁਨਹੁ ਮਨ ਲਾਈ ।
ਦਿਵਜ ਨਾਈ ਜਬ ਦਿਲੀ ਗਏ । ਤਤ ਛਿਨ ਚੰਦੂ ਸਨਮੁਖ ਭਏ ।
ਮੁਖ ਕੁਮਲਾਨੇ ਦ੍ਰਿਸ਼ਟੀ ਪਏ । ਬਨ ਮਹਿ ਮਨੋ ਲੁਟ ਕਿਨ ਲਏ ॥ 107 ॥

ਦੋਹਰਾ

ਚੰਦੂ ਤਬ ਪੁਛਤ ਭਯੋ ਕਿਮ ਭਏ ਮੁਖਹੁ ਮਲੀਨ ।
ਸਤਿ ਬਾਤ ਤਤ ਛਿਨ ਕਹਹੁ ਸਗਾਈ ਕੀਨ ਨ ਕੀਨ ॥ 108 ॥
ਤਿਨੈ ਕਹਾ ਤੁਮ ਗਰਬ ਯੁਤ ਕੀਨੋ ਮੁਖਹੁ ਉਚਾਰ ।
ਉਨ ਮੋਰੀ ਨਿਜ ਉਚ ਕਹਾ ਵਹਿ ਸਬ ਜਾਨਨਿਹਾਰ ॥ 109 ॥

ਚੌਪਾਈ

ਬਿਪ੍ਰ ਬੂਝ ਸੁਭ ਸਮਾਂ ਕਢਾਏ । ਦੂਲਹੁ ਪਟੜੀ ਚਰਨ ਧਰਾਏ ।
ਤਬ ਲੋ ਪਾਤੀ ਕਹਿ ਤੇ ਆਈ । ਜਾਨ [ਨਾ]² ਪਰੀ ਜੁ ਕਿਸੂ ਪਠਾਈ ।
ਮਸਤਾਨਾ ਸਿਖ ਬੋਲਿਓ ਬੈਨਾ । ਸਗ³ ਕਿਰਾੜ ਕਾ ਸਾਕ ਨ ਲੈਨਾ ।
ਭਏ ਦੋਇ ਤੁਮ ਸਾਕ ਨਿਵਾਰੈ । ਕਹਾ ਚੁਬਾਰੇ ਟਕਰ ਮਾਰੈ ।
ਬਿਪ੍ਰ ਬੈਨ ਸੁਨ ਮਨ ਖੁਨਸਾਯੋ । ਪਾਤੀ ਦੈ ਤਬ ਦੂਤ ਪਠਾਯੋ ॥
ਪ੍ਰਿਥਮ ਅਧੀਨਗੀ ਬੈਨ ਲਿਖਾਏ । ਬਡੇ ਲੋਕ ਬਹੁ ਬਿਆਹ ਕਰਾਏ ।
ਭਏ ਦੁਇ ਤੁਮ ਇਹ ਭੀ ਕੀਜੈ । ਭੂਮ⁴ ਗਾਮ ਕਛੁ ਹਮ ਤੇ ਲੀਜੈ ।
ਤੁਮਤੇ ਮੁੜਯੋ ਕਉ ਸਾਕ ਨਾ ਲੇਵੈ । ਇਹ ਕਾਰਜ ਹਮ ਅਰਜ ਕਰੇਵੈ ॥ 110 ॥

ਦੋਹਰਾ

ਨਾਤਰ ਹਮੈ ਕੂਕਰ ਕਹਿਓ ਤੁਮਰੇ ਸਿਖ ਸੁਨਾਇ ।
ਕੂਕਰਿ ਹੋਇ ਤੁਮਕੋ ਮਿਲਉ ਸਮਾ ਬਿਤੇ⁵ ਪਛਤਾਇ ॥ 111 ॥
ਕਈ ਕਾਜ ਆਧੀਨ ਹਮ ਪਤਿਸਾਹੀ ਦੀਵਾਨ ।
ਮਾਨਹੁ ਤਉ ਸੁਖ ਪਾਇ ਹਉ ਨਹਿ ਤਉ ਮ੍ਰਿਤ ਪਛਾਨ ॥ 112 ॥

ਚੌਪਾਈ

ਇਮ ਲਿਖ ਦੀਨੋ ਦੂਤ ਪਠਾਈ । ਕਛੁਕ ਦਿਵਸ ਮਹਿ ਪਹੁੰਚਓ ਆਈ ।
ਦੂਤ ਪ੍ਰਤਿਕਾ ਗੁਰ ਅਇ⁶ ਦੀਨੀ । ਲਗੋ ਦਿਵਾਨ ਸਗਲ ਲਖ ਲੀਨੀ ।
ਸ੍ਰੀ ਗੁਰ ਵਾਚੀ ਪ੍ਰਗਟਿ ਸੁਨਾਇ । ਪਾਛੇ ਸ੍ਰੀ ਗੁਰ ਏਹੁ ਅਲਾਇ ।
ਸੁਨੋ ਦੂਤ ਤੁਮ ਜਾਇ ਉਚਾਰੋ । ਹਮ ਅਧੀਨ ਸਿਖਨ ਉਰ ਧਾਰੋ ।
ਸਿਖ ਬਚਨ ਕਹਿ ਸਾਕ ਨ ਲੀਜੈ । ਹੋਨੀ ਹੋਇ ਅਬੈ ਨਹੀਂ ਕੀਜੈ ।
ਚਲੈ ਸੁਮੇਰ ਸੁ ਧਰੁਹੁ ਚਲਾਵੈ । ਗੁਰ ਸਿਖ ਬੈਨ ਕਬੀ ਨਾ ਹਟਾਵੈ ।

¹ਅ ਪੋਥੀ ਵਿਚੋਂ ²ਅ ਪੋਥੀ ਵਿਚੋਂ ³ਅ ਪੋਥੀ ਗਏ ⁴ਏ ਪੋਥੀ ਦਾਜ ⁵ਅ ਪੋਥੀ ਗਏ ⁶ਅ ਪੋਥੀ
ਕਉ

ਨਗਰ ਭੂਮ ਨਹਿ ਚਾਹ ਹਮਾਰੀ । ਗਰਬੀ ਖਪੈ ਆਪ ਸ੍ਰਮਧਾਰੀ ।
ਕੂਕਰ ਸਮ ਕੂਕਤ¹ ਧਰਮਾਨਾ । ਖੇਦ ਪਾਇ ਹਤਿ ਹੂੰ ਤਿਹ ਪ੍ਰਾਨਾ ॥ 113 ॥

ਦੋਹਰਾ

ਐਸ ਬਚਨ ਸੁਨ ਗੁਰੂ ਕੇ ਚਲਿਓ ਦੂਤ ਤਬ ਧਾਇ ।
ਜਾਇ ਚੰਦੂ ਕਉ ਸਭ ਕਹੀ ਸ੍ਰੀ ਗੁਰ ਨਹੀਂ ਕਰਾਇ ॥ 114 ॥
ਸੁਨਤ ਬੈਨ ਚਿੰਤਾ ਕਰੀ ਚੰਦੂ ਰਿਸ ਮਨ ਧਾਰ ।
ਨਿਜ ਮਨ ਏਹੁ ਵਿਚਾਰਿਓ ਕਰਹੁ ਤਿਸੈ ਸੰਘਾਰ ॥ 115 ॥

ਚੌਪਾਈ

ਇਹ ਭਈ ਪੂਰ ਔਰ ਸੁਨ ਗਾਥਾ । ਸ੍ਰੀ ਗੁਰੁ ਅਰਜਨ ਨਾਥ ਅਨਾਥਾ ।
ਮਹਾ ਦੇਵ ਕੇ ਗ੍ਰਿਹਿ ਚਲ ਗਏ । ਵਿਵਾਹ ਦਿਵਸ ਅਬ ਨੇਰੇ ਅਏ ।
ਮੰਘਰ ਗਯੋ ਪੋਹ ਅਬ ਆਯੋ । ਕਰਿ ਸਲਾਹ ਇਕ ਸਿਖ ਪਠਾਯੋ ।
ਪ੍ਰਿਥੀਏ ਸਿਉਂ ਤੁਮ ਜਾਇ ਸੁਨਾਵਉ । ਰਹਿਓ ਮਾਸ ਤਤ ਛਿਨ ਇਹਾਂ² ਆਵਉ ।
ਮਿਹਰਵਾਨ³ ਤੁਮਾਰਾ ਸੁਤ ਜੈਸੇ । ਹਰਿ ਗੋਬਿੰਦ ਕਉ ਜਾਨਹੁ ਤੈਸੇ ।
ਆਗੇ ਪਾਛੇ ਰਿਸ ਉਪਜੈ ਜਉ । ਮਰਨੇ ਪਰਨੇ ਮਿਲ ਬੈਠਹਿ ਤਉ ।
ਤਾਂਤੇ ਜਗ ਕੀ ਰੀਤਿ ਵਿਚਾਰਉ । ਆਇ ਸਿਤਾਬ⁴ ਵਿਵਾਹ ਨਿਹਾਰਉਂ ।
ਦੈ ਪਾਤੀ ਸਿਖ ਤਬ ਪਠ ਦੀਨਾ । ਚਲਿਓ ਧਾਇ ਮਾਲਵ ਦਿਸ ਚੀਨਾ ॥ 116 ॥

ਦੋਹਰਾ

ਮਾਲਵ ਮਹਿ ਕੋਠਾ ਰਚਿਓ ਪ੍ਰਿਥੀਏ ਧਾਮ ਸੁਧਾਰ ।
ਤਹਾਂ ਸਿਖ ਪ੍ਰਾਪਤਿ ਭਯੋ ਕੀਨੀ ਜਾਇ ਜੁਹਾਰ ॥ 117 ॥
ਸਭੁ ਬ੍ਰਿਤਾਂਤ ਸ੍ਰੀ ਗੁਰੂ⁵ ਕਉ ਦੀਨੋ ਤਾਂਹੀ ਸੁਨਾਇ ।
ਬਾਰ ਬਾਰ ਬੰਦਨ ਕਰੀ ਭਾਜੀ ਅਗੂ ਧਰਾਇ ॥ 118 ॥

ਚੌਪਾਈ

ਪ੍ਰਿਥੀਏ ਭਾਜੀ ਦਈ ਹਟਾਇ । ਪੁਨ ਮੁਖ ਸਿਉ ਯਾਹਿ ਬੈਨ ਸੁਨਾਇ ।
ਹਮ⁶ ਤਿਸਕਾ ਕਯਾ ਸਾਕ ਰਹਾਯੋ । ਹੁਇ ਨਿਲਜ ਜਿਨ ਤੁਮਹਿ ਪਠਾਯੋ ।
ਐਸ ਕਹਾ ਤਹਾਂ ਨਹਿ ਜਾਉ । ਬਾਦਸ਼ਾਹ ਪੈ ਪਕਰ ਮੰਗਾਉਂ ।
ਦੀਵਾਨ ਸਾਬ ਤਿਨ ਬਾਦ ਰਚਾਯੋ⁷ । ਹਮਰਾ ਜਾਨਾ ਨਹੀਂ ਸੁਹਾਯੋ ।
ਕਠੋਰ ਬੈਨ ਕਛੁ ਔਰ ਅਲਾਏ । ਕੀਓ ਕੋਪ ਸਿਖ ਪਿਆਨ ਕਰਾਏ ।
ਆਇ ਬਾਤ ਸਭ ਗੁਰਹਿ ਸੁਨਾਈ । ਗੁਰ ਅਰਜਨ ਸੁਨ ਮੋਨ ਰਹਾਈ ।
ਪੋਖ ਮਾਸ ਜਬ ਅਰਧ ਬਿਹਾਨਾ । ਜਗਤ ਰੀਤਿ ਕਰ ਕ੍ਰਿਪਾ ਨਿਧਾਨਾ ।
ਤਨ ਕਰ ਰੀਤਿ ਜਗਤ ਕੀ ਕਰਹਿ । ਮਨ ਕਰ ਸਦਾ ਅਲੇਪ ਨਰਹਰਹਿ ॥ 119 ॥

¹ਅ ਪੋਥੀ ਭੌਕਤ ²ਅ ਪੋਥੀ ਇਤਿ ³ੲ ਪੋਥੀ ਮਨੋਹਰਦਾਸ ⁴ਅ ਪੋਥੀ ਅਵਸਯ ⁵ਅ ਤੇ ੲ ਪੋਥੀ ਸਤਿਗੁਰੂ ⁶ਅ ਪੋਥੀ ਹਮਰ ⁷ਅ ਪੋਥੀ ਸਰ ਵਧਾਯੋ

॥ ਕਬਤੁ ਬਾਚ ॥ ਸਵੈਯਾ ॥

ਜਿਉ ਜਲ ਕਮਲ ਅਲੇਪ ਰਹੇ ਜਲ ਜਿਉ ਮੁਰਗਾਈ ਕਉ ਪੰਖ ਨ ਭੀਜੈ ।
ਪੈਨ ਸਦਾ ਸਭ ਸੰਗ ਵਹੈ ਪੁਨ ਆਪ ਅਲੇਪ ਨ ਸੰਗ ਰਹੀਜੈ ॥
ਤੈਯੇ ਗੁਰ ਜਗ ਰੀਤਿ ਕਮਾਵਤ ਮਾਨਸ [ਕੈ]¹ ਜਗ ਮੂਖ ਪਿਖੀਜੈ ।
ਗੁਰੁ ਕੀ ਪਦਕੀ ਰਜ ਨੈਨਿਨ ਜਾਂਹਿ ਪਰ ਚਖ ਮਾਂਹਿ ਸੁ ਸੁਧ ਲੀਖੀਜੈ ॥ 120 ॥

ਸੋਰਠਾ

ਸ੍ਰੀ ਗੁਰ ਅਰਜਨ ਦੇਵ ਕਛੂ ਚਿੰਤ ਚਿਤ ਨਹ ਕਰੈ ।
ਸਦਹੀ ਅਲਖ ਅਭੇਵ ਸਵਾਂਗ ਪੂਰ ਕ੍ਰਿਤ ਕਰਤ ਹਰਿ ॥ 121

ਦੋਹਰਾ

ਕਰਿ ਸਲਾਹ ਸ੍ਰੀ ਸਤਿਗੁਰੁ ਭਾਜੀ ਦਈ ਪਠਾਇ ।
ਗੋਇੰਦਵਾਲ ਮੋਹਰੀ ਸਦਨ ਸਭ ਕੋ [ਪਠਯੋ]² ਬੁਲਾਇ ॥ 122 ॥
ਦੁਤੀਆ ਸਿਖ ਤਬ ਭੇਜਯੋ ਮਉ ਕੀ ਓਰ ਵਿਚਾਰ ।
ਭਾਜੀ ਦੇ ਐਸੇ ਕਹਯੋ ਲਯਾਵੋ ਸਭਨ ਸੁਧਾਰ ॥ 123 ॥

ਚੌਪਾਈ

ਪੁਨਾ ਸਿਖ ਇਕ ਲੀਨ ਬੁਲਾਈ । ਦੈ ਭਾਜੀ ਇਹ ਭਾਂਤ ਸਿਖਾਈ ।³
ਦਾਤੂ ਗ੍ਰਿਹ ਤੁਮ ਜਾਹ ਖਡੂਰ । ਜੁਤ ਕੁਟੰਬ ਲਿਆਵੋ ਸੁਖ ਪੂਰ ।
ਸ੍ਰੀ ਗੁਰੁ ਤੇ ਬਿਦਿਆ ਸਿਖ ਪਾਏ । ਚਲੇ ਆਪ ਨਿਜ ਪੰਥ ਸੁਹਾਏ ।
ਪਾਛੇ ਸ੍ਰੀ ਗੁਰੁ ਆਨੰਦ ਪਾਯੋ । ਮਹਾਂ ਦੇਵ ਕਉ ਨਿਕਟਿ ਬੁਲਾਯੋ ।
ਮਹਾਂ ਦੇਵ ਆਵਤ ਗੁਰ ਦੇਖਾ । ਉਠ ਆਦਰ ਗੁਰੁ ਕੀਨ ਬਿਸੇਖਾ ।
ਪੂਛੇ ਜਗਤ ਰੀਤਿ ਤਿਹ ਪਾਸਾ । ਸ੍ਰੀ ਗੁਰ ਅਰਜਨ ਕਰ ਅਰਦਾਸਾ ।
ਮਹਾਂਦੇਵ ਅਸ⁴ ਰੀਤਿ ਬਖਾਨੀ । ਗੁਰੁ ਪੁੰਗਵ ਸਭ ਮਨ ਮਹਿ ਮਾਨੀ ।
ਬੋਲ ਦਾਸ ਗੁਰੁ ਆਗਯਾ ਕੀਨੇ । ਜੇ ਸੇਵਾ ਮਹਿ ਨਿਪੁੰਨ ਪ੍ਰਬੀਨੇ ॥ 124 ॥

ਦੋਹਰਾ

ਤੂਤੀ ਆਦਿਕ ਬਾਜ⁵ ਜੋ ਸਭ ਦਰ ਬਜਹਿ ਅਪਾਰ ।
ਮਿਠਾਈ [ਬਹੁ]⁶ ਭਾਂਤ ਕੀ ਲੀਜਉ ਅਬੈ ਸੁਧਾਰ ॥ 125 ॥
ਚੰਦੋਏ ਪੁਨ ਅੰਛਣ ਸਜਉਂ ਸੁੰਦਰ ਸੋਭਾ ਦਾਇ ।
ਔਰ ਕਨਾਤ ਤੰਬੂ ਰਚਉਂ ਜਹਾਂ ਬਾਨ ਸੁਭ ਪਾਇ ॥ 126 ॥

ਚੌਪਾਈ

ਏਕ ਵਾਰ ਸਭ ਆਗਯਾ ਦਏ । ਸੇਵਕ ਚਤਰ ਜਾਨ ਸਭ ਗਏ ।
ਨਿਜ ਨਿਜ ਕਾਰਜ ਸੇਵਕ ਧਾਏ । ਜਸ ਚਾਹੀਏ ਤਿਉ ਬਯੋਤ ਬਨਾਏ ।

¹ਅ ਪੋਥੀ ਵਿਚੋਂ ²ਅ ਪੋਥੀ ਵਿਚੋਂ ³ਦ ਪੋਥੀ ਬਤਾਈ ⁴ਅ ਪੋਥੀ ਜਿਸ ⁵ਦ ਪੋਥੀ ਸਾਜ ⁶ਅ ਪੋਥੀ ਵਿਚੋਂ

ਬਾਜੰਤੀਅਨ ਕਉ ਕਹਾ ਬੁਲਾਈ । ਬਾਜ ਬਜਾਵਹੁ ਸਭ ਮਨ ਲਾਈ ।
 ਤਬ ਵਹੁ ਨਿਤ ਪ੍ਰਤਿ ਬਾਜ ਬਜਾਵਹਿ । ਸਭ ਰਾਗਨਿ ਜੁਤ ਧੁਨ ਉਪਜਾਵਹਿ ।
 ਅਨਿਕ ਕੜਾਹੇ ਦੀਏ ਚੜਾਈ । ਭਾਂਤਿ ਭਾਂਤਿ ਕੀ ਰਚੀ^੧ ਮਿਠਾਈ ।
 ਬਹੁਰ ਚੰਦੋਆ ਐਸਾ ਤਨਿਓ । ਜਾਂਤੇ ਇੰਦ੍ਰ ਗਰਬ ਕੋ ਹਨਿਓ ।
 ਜਰੀ ਰਚਯੋ ਛਾਲਰ ਦਧ ਜਾਏ । ਸਵਰਨ ਚੋਬ ਮਾਨਕ ਨਗ ਲਾਏ ।
 ਸੁੰਦਰਤਾ ਨਹਿ ਜਾਇ ਬਖਾਨੀ । ਬਡੇ ਬਿਲੰਦ ਇੰਦ੍ਰ ਘਨ ਮਾਨੀ ॥ 127 ॥

ਦੋਹਰਾ

ਕਪਟਿ ਨਾਰੀਅਨਿ ਵੇਸ^੨ ਕਰ ਦੇਵਾਂਗਨਿ ਸਭ ਆਇ ।
 [ਮਾਤ]^੩ ਗੰਗ ਆਦਰ ਕਰੈ ਆਨੰਦ ਵਸ ਅਧਿਕਾਇ ॥ 128 ॥
 ਸਭ ਨਾਰੀ ਸੁਰ ਨਾਰ ਜੁਤ ਗਾਵਤ [ਮੰਗਲ]^੪ ਬੈਨ ।
 ਆਨੰਦ ਵਸਿ ਕਛੁ ਸਿਆਨ ਨਹਿ ਮ੍ਰਿਗ ਸਾਵਕ ਜਿਹ ਨੈਨ ॥ 129 ॥

ਚੌਪਾਈ

ਪੁਨ ਆਨੰਦ ਮਨ ਦਾਸਨਿ ਪਾਏ । ਕਰ ਕਾਰਜ ਗੁਰੁ ਨਿਕਟਿ ਸਿਧਾਏ ।
 ਦਯਾ ਸਿੰਧ ਕੋ ਆਇ ਸੁਨਾਯੋ । ਮਹਾਰਾਜ ਸਭ ਬਯੋਤ ਬਨਾਯੋ ।
 ਇਹ ਬਿਧ ਮੰਗਲ ਹੋਤ ਅਪਾਰਾ । ਦਸ ਦਿਨ ਪੋਖ ਰਹਾ ਸੁਖ ਕਾਰਾ ।
 ਗੋਂਦਵਾਲ^੫ ਤੇ ਮੋਹਰੀ ਆਯੋ । ਦਾਰਾ ਜੁਤ ਮਨ ਆਨੰਦ ਪਾਯੋ ।
 ਸੁੰਦਰ ਸਹਿਤ ਨੰਦ^੬ ਜੀ ਆਏ । ਅਤਿ ਪ੍ਰਸੰਨ ਮਨਿ ਆਨੰਦ ਪਾਏ ।
 ਖਡੂਰ ਨਿਕਟਿ ਜਬ ਆਵਤ ਭਏ । ਆਗੇ ਦਾਤੂ ਤਿਆਰੀ ਕਏ ।
 ਦਾਰਾ ਜੁਤ ਦਾਤੂ ਸੰਗ ਤੁਰਿਓ । ਬਡ ਆਨੰਦ ਨਿਜ ਮਨ ਮਹਿ ਧਰਿਓ ।
 ਪੰਥ ਬੀਚ ਮਿਲ ਐਸ ਉਚਾਰੈ । ਹਰਿ ਗੋਬਿੰਦ ਕਬ ਨੈਨ ਨਿਹਾਰੈ ॥ 130 ॥

ਦੋਹਰਾ

ਸੁਧਾ ਸਰੋਵਰ ਸਭ ਅਏ ਕੀਨ ਕ੍ਰਪ ਇਸ਼ਨਾਨ ।
 ਅਮੀ ਮਧ ਮਜਨ ਕੀਓ ਦਰਬਾਰ ਬੰਦਨਾਂ ਠਾਨ ॥ 131 ॥
 ਪੁਨ ਮਨ ਆਨੰਦ ਧਾਰ ਕੈ ਗੁਰ ਮਹਿਲੀ ਸਭ ਜਾਇ ।
 ਗੁਰ ਅਰਜਨ ਬੰਦਨ ਕਰੀ ਸਭਨਿ ਬਨਾਇ ਬਨਾਇ ॥ 132 ॥

ਚੌਪਾਈ

ਸ੍ਰੀ ਗੁਰ ਸਬ ਕਾ ਆਦਰ ਕੀਨੋ । ਜਥਾ ਜੋਗ ਸਭ ਆਸਨ ਦੀਨੋ ।
 ਗੁਰਦਾਸ ਬੁਢੇ ਤਬ ਬਿਨਤ ਉਚਾਰੀ । ਮੋਹਰੀ ਜੀ ਕਉ ਬੰਦਨ ਧਾਰੀ ।
 ਪੁਨ ਦਾਤੂ ਕਉ ਕੀਨ ਪ੍ਰਨਾਮਾ । ਆਨੰਦ ਵਸ ਨਿਜ ਭਾਖਯੋ ਨਾਮਾ ।
 ਮਹਾਂਦੇਵ ਜੀ ਤਬ ਹੀ ਆਏ । ਸਭ ਕੋ ਬੰਦਨ ਕੀਨ ਬਨਾਏ ॥

^੧ਓ ਅ ਪੋਥੀ ਬਨੀ ^੨ਅ ਤੇ ਏ ਪੋਥੀ ਭੋਖ ^੩ਅ ਪੋਥੀ ਵਿਚੋਂ ^੪ਅ ਪੋਥੀ ਵਿਚੋਂ ^੫ਅ ਤੇ ਏ ਪੋਥੀ ਗੋਂਦਿਵਾਲ

^੬ਅ ਪੋਥੀ ਆਨੰਦ

ਪ੍ਰਸਪਰ ਕਰਯੋ ਪ੍ਰਣਾਮ ਅਪਾਰਾ । ਮਾਨੋ ਚਲੀ ਅਨੰਦਹਿ ਧਾਰਾ ।
 ਤਬ ਲੈ ਆਏ ਹਰਿ ਗੋਬਿੰਦ । ਸੁੰਦਰ ਮੁਖ ਜਿਮ ਪੂਰਨ ਚੰਦ ।
 ਤਬੈ ਪ੍ਰਣਾਣ ਸਭਨਿ ਕਉ ਕਰਿਓ । ਪ੍ਰਿਥਕਿ [ਪ੍ਰਿਥਕ]¹ ਚਰਨਨਿ ਸਿਰ ਧਰਿਓ ।
 ਮੋਹਰੀ ਨਿਜ ਉਰ ਲੀਨੇ ਲਾਈ । ਬਾਸਕ ਨਿਜ ਮਣਿ ਜਾਨਉ ਪਾਈ ॥ 133 ॥

ਦੋਹਰਾ

ਅਤਿ ਆਨੰਦ ਸਭਹਨਿ ਕੀਓ ਕਉ ਕਰ ਸਕੇ ਉਚਾਰ ।
 ਦਾਤੂ ਮੁਹਰੀ ਕੀ ਤ੍ਰਿਆ ਗਈ ਗੰਗ ਨਿਕਟਾਰ ॥ 134 ॥
 ਪ੍ਰਸਪਰ ਅਤਿ ਹੀ ਪ੍ਰੇਮ ਸਿਉਂ ਮਿਲੀ ਸੋ ਭੁਜਾ² ਪਸਾਰ ।
 ਹਰਿ ਗੋਬਿੰਦ ਜੀ ਕਹਿ ਗਏ ਪ੍ਰਫੁਲ੍ਲ ਮੋਹਰੀ ਨਾਰ ॥ 135 ॥

ਚੌਪਾਈ

ਮਾਤ ਗੰਗ ਕਹਿ ਪਿਤ ਨਿਕਟਾਰੇ । ਅਬੈ ਗਏ ਹਰਿ ਕਰਨਿ ਜੁਹਾਰੇ ।
 ਮਾਤਾ ਕੇ ਮਨ ਕੀ ਤਬ ਜਾਨੀ । ਹਰਿ ਗੋਬਿੰਦ ਆਏ ਸੁਖ ਖਾਨੀ ।
 ਮੋਹਰੀ ਨਾਰ ਹਰਖ ਦਿਖ ਪਾਏ । ਮਸਤਕ ਚੁੰਮ ਗੋਦੀ ਬੈਠਾਏ ।
 ਹਰਿ ਗੋਬਿੰਦ ਬੰਦਨਿ ਅਲਾਈ । ਦਈ ਅਸੀਸ ਸਭਨਿ ਸੁਖ ਪਾਈ ।
 ਇਹ ਬਿਧ ਮੰਗਲ ਹੋਤਿ ਅਪਾਰਾ । ਕੌਨ ਕਵੀ ਸਭ ਕਹਿ ਵਿਸਥਾਰਾ ।
 ਪੋਖ ਦਿਵਸ ਜਬ ਦੋਇ ਸੁ ਰਹੇ । ਮਉਕਾ ਮੇਲ ਸੁਸਰ ਗੁਰ ਅਏ ।
 ਕ੍ਰਿਸ਼ਨ ਚੰਦ ਤਿਨ ਨਾਮ ਸੁਧਾਰਾ । ਧਨਵੰਤੀ ਨਾਮ ਤਾਂਹਿ ਕੀ ਦਾਰਾ³ ।
 ਸਭ ਕੁਟੰਬ⁴ ਕਉ ਸਾਥ ਲਯਾਏ । ਹਰਖਤ ਸੁਧਾ ਸਰੋਵਰ ਆਏ ॥ 136 ॥

ਦੋਹਰਾ

ਸ੍ਰੀ ਗੁਰ⁵ ਅਰਜਨ ਦੇਵ ਜੀ ਆਯੋ ਸੁਸਰ ਸੁਨਾਇ ।
 ਆਗੇ ਹੁਇ ਬੰਦਨ ਕਰੀ ਜਗਤ ਰੀਤਿ ਸੁਖ ਪਾਇ ॥ 137 ॥
 ਹਰਿ ਗੋਬਿੰਦ ਪੁਨ ਬੰਦਨਾ ਕੀਨੀ ਚਰਨ ਮਝਾਰ ।
 ਤਬ ਅਸੀਸ ਦੁਹੁਅਨ ਦਈ ਚਿਰ ਜੀਵੈ ਸੁਖ ਨਾਰ ॥ 138 ॥

ਚੌਪਾਈ

ਕ੍ਰਿਸ਼ਨ ਚੰਦ ਰਹਯੋ ਗੁਰ ਨਿਕਟਾਰੀ । ਧਨਵੰਤੀ ਤਬ ਗ੍ਰਿਹ ਸਿਧਾਰੀ ।
 ਆਵਤ ਮਾਤ ਗੰਗ ਸੁਨ ਪਾਈ । ਆਗੇ ਹੁਇ ਤਬ ਦਈ ਬਧਾਈ ।
 ਪ੍ਰਸਪਰ ਮਿਲੀ ਸੁ ਆਨੰਦ ਪਾਏ । ਕੌਨ ਕਵੀ ਜੋ ਉਪਮਾ ਗਾਏ ।
 ਨਿਤਿ ਨੂਤਨ ਬਹੁ ਮੰਗਲ ਹੋਈ । ਭਏ ਰੰਕ ਭੂਪਤ ਧਨ ਸੋਈ ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਬਾਹੋਂ ³ਅ ਪੋਥੀ ਨਾਗ ⁴ਦ ਪੋਥੀ ਪਰਿਵਾਰ ⁵ਅ ਪੋਥੀ ਸਤਿਗੁਰੂ

ਛਿਅ ਰਸ ਛਤੀ ਪ੍ਰਕਾਰ ਕੇ ਭੋਜਨ । ਸੌਇ ਦੇਇ ਜੈਸਾ ਕਹੈ ਜੋ ਜਨ ।
 ਚੜਿਓ ਮਾਘ ਸੁੰਦਰ ਰੁਤ ਛਾਈ । ਆਤਸ਼ਬਾਜੀ ਸਬ¹ ਭਾਂਤ ਮੰਗਾਈ ।
 ਪ੍ਰਥਮ ਚਲਾਇ ਦੇਖ ਸਭ ਲੇਹੀ । ਦੇਖ ਭਲੀ ਅੰਦਰ ਰਖ ਲੇਹੀ ।
 ਸਰਗਸਤ ਅਯੋ ਜਨ ਰਵਿ ਛਬਿ ਛਾਏ । ਸਵਰਨ ਰਚਤ ਨਗ ਮਾਣਿਕ ਲਾਏ ॥139॥

ਦੋਹਰਾ

ਸਭ ਸਮਾਨ ਇਕਠਾ ਕਰੇ ਜਗਤ ਰੀਤਿ ਕਰਵਾਇ ।
 ਤਯਾਰੀ ਸਭ ਸ੍ਰੀ ਗੁਰੂ ਕਰੀ ਸੁੰਦਰ ਜੰਵ ਬਨਾਇ ॥ 140 ॥
 ਪ੍ਰਥਮ ਦਰਬਾਰ ਬੰਦਨ ਕਰੀ ਬਹੁਰੋ ਪਯਾਨ ਕਰਾਇ ।
 ਜੰਵ ਬੀਚ ਮੁਖ ਜਿਉ ਚਲੇ ਕਵਿ ਤਿਨ ਨਾਮ ਸੁਨਾਇ ॥ 141 ॥

ਚੌਪਾਈ

ਮਾਘ ਪਾਂਚ ਦਿਨ ਗਏ ਪਿਆਨਾ । ਰਵਿ ਦਿਨ³ ਸੁਭ ਨਖਯਤ੍ਰ ਗੁਰ ਠਾਨਾ ।
 ਅਰਧ ਜਾਮ ਦਿਨ ਜਥੈ ਰਹਾਯੋ । ਸਭ ਜਨੇਤ ਗੁਰੁ ਪਿਆਨ ਕਰਾਯੋ ।
 ਪਾਲਕੀ ਮਹਿ ਬੈਠੇ ਗੁਰ ਹਰਖਤ । ਮੇਘ ਸਮਾਨ ਬਿਤ ਬਹੁ ਬਰਖਤ ।
 ਹੈ ਉਪਰ ਹਰਿ ਗੋਬਿੰਦ ਰਾਜਤ⁴ । ਦਿਖ ਮੋਹੈ ਅਬਲਾ ਰਤਿ ਲਾਜਤ ।
 ਕਵਿ ਕੇ ਭਾਵ ਐਸ ਮਨ ਆਯੋ । ਖਟ ਮੁਖ ਬਾਹਨ ਸਮ ਸੁ ਨਚਾਯੋ ॥
 ਸਯਾਮ ਮੇਘ ਸਮ ਸੁੰਦਰ ਰੂਪਾ । ਮੋਰੇ ਪ੍ਰਭੂ ਜਗਤ ਗੁਰ ਭੂਪਾ ।
 ਵਿਆਹ ਬਸਨ ਗੁਰ ਪੀਤ ਬਨਾਇ । ਮਨੋ ਛਟਾ ਘਨ ਮਾਂਹਿ ਸੁਹਾਏ ।
 ਪਵਨ ਬੇਗ ਜਬ ਬਸਤ੍ਰ ਹਲਾਵੈ । ਬਿਸਨ ਗਰੜ ਸਮ ਬੇਗ ਸੁ ਪਾਵੈ ॥ 142 ॥

ਦੋਹਰਾ

ਮਹਾਂਦੇਵ ਅਰ ਕ੍ਰਿਸ਼ਨ ਚੰਦ ਮੋਹਰੀ ਸੁਤ ਸੁਭ ਸਾਥ ।
 ਨਿਜ ਨਿਜ ਹਹਿ ਰਾਜਤ ਭਏ ਦੇਵਤ ਦਾਨ ਅਨਾਥ । 143 ।
 ਗੁਰਦਾਸ ਬੁਢਾ ਸਯੋਦਨ⁵ ਚੜੇ ਸਭ ਸੋਭਾ ਭਰਪੂਰ ।
 ਦਾਤ੍ਰ ਜੀ ਰਥ ਔਰ ਚੜ ਚਲੇ ਬਜਾਵਤ ਤੂਰ ॥ 144 ॥

ਚੌਪਾਈ

ਪੁਰ ਬਾਹਰ ਭਈ ਇਕਠ ਬਰਾਤ । ਅਧਿਕ ਬਰਾਤ ਰੂਪ ਬਖਯਾਤ ।
 ਮੇਘ ਸਮਾਨ ਧਨੈ ਵਰਖਾਏ । ਰੰਕ ਭੂਪ ਹੋਈ ਘਰਹਿ ਸਿਧਾਏ ।
 ਆਨੰਦ ਮੰਗਨ ਬਰਾਤ ਸਿਧਾਵਤ । ਛੈਲ ਛਬੀਲੇ ਅਸਵ ਨਚਾਵਤ ॥
 ਸੁਲਤਾਨ ਵਿੰਡ ਤਬ ਡੇਰਾ ਕੀਨਾ । ਸਬ ਬਰਾਤ ਮਨ ਆਨੰਦ ਲੀਨਾ ॥

¹ਅ ਪੋਥੀ ਬਹੁ ²ਅ ਤੇ ਏ ਪੋਥੀ ਇਕਤ੍ਰ ³ਅ ਪੋਥੀ ਆਇਤਵਾਰ ⁴ਏ ਪੋਥੀ ਸਾਜਤ ⁵ਅ ਤੇ ਏ ਪੋਥੀ ਰਥ ਪਰ

ਵਿਵਾਹ ਸਮਗ੍ਰੀ ਜੋ ਸੰਗ ਆਈ । ਮਹਾਂਦੇਵ ਕਉ ਸਭ ਸੌਂਪਾਈ ।
 ਬਸੇ ਰੈਨ ਉਠ ਪ੍ਰਾਤਿ ਸਿਧਾਏ । ਖਡ੍ਗ ਪਹੁੰਚ ਦਿਨ ਜਾਮ ਰਹਾਏ ।
 ਤਬ ਬਰਾਤ ਤਹਿ ਡੇਰਾ ਕੀਨਾ । ਦਰਬਾਰ ਦਰਸ¹ ਮਨ ਆਨੰਦ ਲੀਨਾ ।
 ਸ੍ਰੀ ਗੁਰ ਹਰਿਗੋਬਿੰਦ ਲੇ ਸਾਥ । ਸ੍ਰੀ ਦਰਬਾਰ ਟੇਕਿਓ ਮਾਥ ॥ 145 ॥

ਦੋਹਰਾ

ਸਭ ਬਰਾਤ ਕੀ ਹਰਖ ਸਿਉਂ ਦਾਤੂ ਸੇਵਾ ਕੀਨ ।
 ਬਸੇ ਰੈਨ ਤਹਿ ਅਨੰਦ ਸਿਉ² ਚਲੇ ਪ੍ਰਾਤ ਸੁਖ ਲੀਨ ॥ 146 ॥
 ਅਰਧ ਜਾਮ ਦਿਨ ਕਉ ਚੜੇ ਗੋਂਦਵਾਲ ਨਿਕਟਾਇ ॥
 ਧਨ ਬਰਖਾਵਤ ਹਰਖ ਸਿਉਂ ਡੇਰਾ ਕੀਨ ਬਨਾਇ ॥ 147 ॥

ਚੌਪਾਈ

ਸ੍ਰੀ ਗੁਰੁ ਬਾਵਲੀ ਕਰ ਇਸਨਾਨਾ । ਜਾਇ ਚੁਬਾਰੇ ਬੰਦਨ ਠਾਨਾਂ ।
 ਪੁਨ ਮੋਹਨ ਕੋ ਬੰਦਨ ਕੈ³ ਕੈ । ਲੀਓ ਸਾਥ ਅਤਿ ਹੀ ਹਰਖੈ ਕੈ ।
 ਹਰ ਗੋਬਿੰਦ ਕਾ ਰੂਪ ਨਿਹਾਰੇ । ਮੋਹਨ ਤਨ ਮਨ ਹਰਖ ਸੁਧਾਰੇ ।
 ਸਭ ਸਥਾਨ ਕੇ ਦਰਸਨ ਕਰਕੇ । ਸ੍ਰੀ ਗੁਰੁ ਅਏ ਬਰਾਤ ਸੁਖ ਧਰਕੈ ।
 ਤਹਿ ਮੋਹਰੀ ਸਭ ਸੇਵਾ ਕਰੀ । ਜਥਾ ਜੋਗ ਸਭ ਕੀ ਹਿਤ ਭਰੀ ।
 ਮੋਹਨ ਸਿਉਂ ਗੁਰ ਸਭ ਕਹਿ ਦੀਨੀ । ਗ੍ਰਿਥ ਬੀੜ ਜਿਹਿ ਬਿਧ ਰਚ ਲੀਨੀ ।
 ਸਭ ਪ੍ਰਸੰਗ ਗੁਰੁ ਤਾਂਹਿ⁴ ਸੁਨਾਯੋ । ਤੁਮਰੀ ਕ੍ਰਿਪਾ ਤੇ ਜਹਾਜ਼⁵ ਬਣਾਯੋ ।
 ਸਭੀ ਕਥਾ ਜੇ ਕਹਉਂ ਸੁਧਾਰੀ । ਬਾਢੇ ਗ੍ਰਿਥ ਹੋਇ ਭੈ, ਭਾਰੀ ॥ 148 ॥

ਦੋਹਰਾ

ਤਹਿ ਬਰਾਤ ਸੁਖ ਸਿਉ ਬਸੀ ਭਏ ਪ੍ਰਾਤ ਕੀਅ ਪਯਾਨ ।
 ਸ੍ਰੀ ਗੁਰ ਸਾਥ [ਹਰਖ]⁶ ਚੜਾਇਯੋ ਮੋਹਨ ਬੰਦਨ ਠਾਨ ॥ 149 ॥
 ਬਾਜ ਬਜਾਵਤ ਤਬ ਚਲੀ ਬਰਾਤ ਬਡੀ ਛਬ ਧਾਰ ।
 ਹਰਿ ਗੋਬਿੰਦ ਕਾ ਰੂਪ ਲਖ ਮੋਹੈ ਪੰਥ ਨਰ ਨਾਰਿ ॥ 150 ॥

ਚੌਪਾਈ

ਲਾਂਘ ਬਿਪਾਸਾ ਬਾਜ ਬਜਾਏ । ਪਹੁੰਚ ਸੁਲਤਾਨ ਪੁਰੇ ਸੁਖ ਪਾਏ ।
 ਜਾਮ ਦਿਵਸ ਤਬ ਲੋ ਰਹਿਓ ਆਈ । ਕੀਨ ਸਨਾਨ ਬੇਰ ਹਰਖਾਈ ।
 ਸ੍ਰੀ ਗੁਰੁ ਬੇਰ ਕਾ ਦਰਸਨ ਕੀਨੋ । ਸੁਤ ਸਮੇਤ ਮਨ ਆਨੰਦ ਲੀਨੋ ।
 ਗੁਰੁ ਨਾਨਕ ਹਟੀ ਜਹਿ ਕੀਨੀ । ਤਿਹ ਠਾਂ ਦਰਸ ਕੀਓ ਸੁਖ ਲੀਨੀ ॥

¹ਅ ਪੋਥੀ ਪੋਖ ²ਦ ਪੋਥੀ ਯੁਤ ³ਅ ਤੇ ਦ ਪੋਥੀ ਕਰਿ ⁴ਅ ਤੇ ਦ ਪੋਥੀ ਸਤਿਗੁਰੂ ⁵ਅ ਪੋਥੀ ਬੇਵਟ ⁶ਅ ਪੋਥੀ ਵਿਚੋ

ਸੰਤ ਘਾਟ ਕਾ ਦਰਸਨ ਕੀਨੋ । ਕਥਾ ਬਿਧ ਸੰਕੋਚ ਸੁ ਲੀਨੋ ।
 ਔਰ ਅਸਥਾਨ ਮਹਲ ਗੁਰੁ ਕੇਰਾ । ਲੇਖਾ ਕੀਓ ਥਾਨ ਪ੍ਰਭ ਹੇਰਾ ।
 ਬਸੈ ਰੈਨ ਅਤਿਸੈ ਸੁਖ ਪਾਏ । ਪ੍ਰਾਤ^੧ ਬਰਾਤ ਪਿਆਨ ਕਰਾਏ ।
 ਏਕ ਕੋਸ ਡਲਾ ਜਬ ਰਹਾ । ਡੇਰਾ ਕੀਓ ਸਭਨਿ ਸੁਖ ਲਹਾ ॥ 151 ॥

ਦੋਹਰਾ

ਪੁਤ੍ਰੀਵੰਤਿ ਕੀ ਅਬ ਕਥਾ ਸੁਨੋ ਅਧਿਕ ਚਿਤਲਾਇ^੨ ।
 ਰਿਧਿ ਸਿਧਿ ਵਾਸਾ ਕੀਓ ਸਭ ਕਛੁ ਲੀਓ ਬਨਾਇ ॥ 152 ॥
 ਸੁੰਦਰ ਮੰਦਰ ਤਹਿ ਰਚੇ ਮਿਠਾਈ ਅਨਿਕ ਪ੍ਰਕਾਰ ।
 ਕਿਉਂ ਨ ਹੋਇ ਜਹਿ ਜਗਿ ਪ੍ਰਭੁ ਰਚਯੋ ਬਿਆਹ ਸੁਖਕਾਰ ॥ 153 ॥

ਚੌਪਾਈ

ਭਗਤਿ ਸਿੰਘ ਸੁਨ^੩ ਪ੍ਰਛਨ ਕੀਨੋ । ਰਿਧਿ ਸਿਧਿ ਵਾਸਾ ਕਿਮ ਲੀਨੋ ।
 ਅਗ ਜਾਨ ਜਿਨ ਰਿਸ ਉਪਜਾਵੈ । ਕਿੰਕਰ^੪ ਜਾਨ ਕਥਾ ਪ੍ਰਗਟਾਵੈ ।
 ਬਡ ਆਨੰਦ ਮਨੀ ਸਿੰਘ ਪਾਯੋ । ਭਗਤ ਸਿੰਘ ਕਉ ਧੰਨ ਅਲਾਯੋ ।
 ਤੁਮ ਜੈਸੇ ਪ੍ਰਛੀ ਇਹੁ ਗਾਥਾ । ਦਯਾ ਸਿੰਧ ਤੈਸੇ ਸੁਖ ਸਾਥਾ ॥ 154 ॥

ਦੋਹਰਾ

ਸ੍ਰੀ^੫ ਗੋਬਿੰਦ ਮ੍ਰਿਗਾਦਿ ਪਤਿ ਪਰਮ ਧੀਰ ਰਣ ਜਾਨ ।
 ਤਿਨ ਆਗੇ ਪ੍ਰਛਨ ਕੀਓ ਦਯਾ ਸਿੰਧ ਸੁਖ ਮਾਨ ॥ 155 ॥

ਚੌਪਾਈ

ਜਿਹ ਬਿਧ ਸ੍ਰੀ ਗੁਰੁ ਤਾਹਿ ਸੁਨਾਈ । ਤਿਨਹਿ ਕ੍ਰਿਪਾ ਕਰ ਮੋਹਿ ਅਲਾਈ ।
 ਸੋ ਪ੍ਰਸੰਗ ਸਭ ਤੋਹਿ ਸੁਨਾਉ । ਸ੍ਰੀ ਗੁਰ ਕਿਰਪਾ ਅਧਿਕ ਸੁਖ ਪਾਉ ।
 ਨਰਾਇਣ ਦਾਸ ਰੰਕ ਦੁਖ ਭਰੈ । ਮਹਾਂ ਲਛ ਕੀ ਪੂਜਾ ਕਰੈ ।
 ਕਿਤਕ ਕਾਲ ਜਬ ਪੂਜਾ ਕੀਨੀ । ਭਈ ਪ੍ਰਸੰਨ ਲਛਮੀ ਚੀਨੀ ॥ 156 ॥

ਦੋਹਰਾ

ਮਾਂਗਹੁ ਵਰ ਜੋ ਪੁਤ੍ਰੁ ਰੁਚ ਐਸੇ ਕੀਨ ਉਚਾਰ ।
 ਨਾਰਾਇਣ ਕਰਿ ਜੋਰ ਕੈ ਕੀਨੀ ਪ੍ਰਥਮ ਜੁਹਾਰ ॥ 157 ॥

ਚੌਪਾਈ

ਬਹੁਰੋ ਮਨ ਕੀ ਕਹੀ ਸੁਨਾਇ । ਮੋਰੇ ਗ੍ਰਿਹ ਤੁਮ ਸਦਾ ਰਹਾਇ ।
 ਤਥਾ ਸਤਿ ਬਚਨ ਮਹਾਂ ਲਛ^੬ ਕਹੇ । ਤੁਮ ਇਛਾ ਪੂਰੇ ਯੋ ਕਹੇ ।
 ਮੋਰੇ ਪ੍ਰਭੁ ਸ੍ਰੀ ਭਗਵੰਤਾ । ਲੀਓ ਅਵਤਾਰ ਮਹੀ ਸੁਖ ਸੰਤਾ ।
 ਮੋਹ ਨਿਦੇਸ਼ ਏਹੁ ਪ੍ਰਭ ਕੀਨੇ । ਤੀਨ ਰੂਪ ਤੁਮ ਧਰੋ ਨਵੀਨੇ ॥ 158 ॥

^੧ਅ ਪੋਥੀ ਸੁਬਹ ^੨ਏ ਪੋਥੀ ਮਨਿ ਏ ਪੋਥੀ ਹਿਤ ^੩ਏ ਪੋਥੀ ਭਾਈ ^੪ਅ ਪੋਥੀ ਦਾਸਿ ^੫ਅ ਪੋਥੀ ਗੁਰੂ ^੬ਅ ਪੋਥੀ ਲਛਮੀ

ਦੋਹਰਾ

ਸੁਆਮੀ ਕਾ ਬਚ ਮਾਨ ਕੈ ਤੁਮ ਗ੍ਰਿਹਿ ਜਨਮੋ ਆਇ ।
ਦੋਇ ਰੂਪ ਔਰਹਿ ਧਰਹੁੰ ਸੁੰਦਰ ਸੁਖ ਉਪਜਾਇ ॥ 159 ॥

ਚੌਪਾਈ

ਯੋ ਕਹ ਲੋਪ ਮਹਾਂ ਲਛ ਭਈ । ਦਾਸ ਨਰਾਇਣ ਚਿੰਤਾ ਗਈ ।¹
ਤਿਸ ਗ੍ਰਿਹਿ ਜਨਮ ਮਹਾਂ ਲਛ ਪਾਯੋ । ਮਾਯਾ ਡਾਰ ਸੁ ਤਾਂਹਿ ਭੁਲਾਯੋ ।
ਲਛਮੀ ਕਰ ਤਾਂਕੋ ਨਹੀ ਜਾਨੈ । ਨਿਜ ਪੁਤ੍ਰੀ ਕਰ ਤਾਂਕੋ ਮਾਨੈ ।
ਡਲੇ ਸਹਿਤ ਲਛ ਭਵ ਪਾਈ । ਔਰ ਠੌਰ ਦੋ ਸਕਤਿ ਰਹਾਈ ॥ 160 ॥

ਦੋਹਰਾ

ਸੁਧਾ ਸਰੋਵਰ ਏਕ ਧਰ ਦੁਤੀ ਮਡਾਲੀ ਧਾਰ ।
ਪਾਂਚ ਤੀਨ ਪਾਛੇ ਬਰਖ ਲੀਨੋ ਜਗ ਅਵਤਾਰ ॥ 161 ॥

ਚੌਪਾਈ

ਮਹਾਂ ਲਛ ਬਰਸ ਸਤ ਕੀ ਭਈ । ਨਾਰਾਇਣ ਦਾਸ ਸਗਾਈ ਕਈ ।
ਜਾਨ ਵਿਵਾਹ ਸਮਾ ਸੁਖਦਾਈ । ਮਹਾਂ ਲਛ ਪਹਿ ਰਿਧਿ ਸਿਧਿ ਆਈ ।
ਅਨਿਕ ਨਦੇਸ ਰਚੇ ਸੁਖ ਸਾਰੇ । ਲਛਮੀ ਕੀ ਦਾਸੀ ਸੁਖ ਧਾਰੇ ।
ਦਾਸ ਨਰਾਇਣ ਇਮ ਸੁਨ ਪਾਈ । ਬਡੀ ਜਨੇਤ ਕੋਸ ਪਰਿ ਆਈ ॥ 162 ॥

ਦੋਹਰਾ

ਪੁਰ ਜਨ ਪਰ ਜਨ ਬੋਲ ਕੈ ਐਸੇ ਕਹਾ ਸੁਨਾਇ² ।
ਸਜ ਗਜ ਰਥ ਹੈ ਤੁਰਤ ਤੁਮ ਜਹੁ ਬਰਾਤ ਸਮੁਹਾਇ ॥ 163 ॥

ਚੌਪਾਈ

ਸਜ ਸਜ ਗਜ ਰਥ ਹੈ ਸੁਖਦਾਈ । ਰਿਧਿ ਸਿਧਿ ਲੀਨ ਜੁ ਪ੍ਰਿਥਮ ਬਨਾਈ ।
ਹੁਇ ਅਗਵਾਨ ਤਿਹ ਪਰ ਚੜ ਧਾਏ । ਤਬ ਬਰਾਤ ਬਹੁ ਬਾਜ ਬਜਾਏ ।
ਕੋਪਰ ਕਨਕ ਕਲਸ ਬਹੁ ਧਾਰਾ । ਭਾਂਜਨ ਲਲਤ ਅਨੇਕ ਪ੍ਰਕਾਰਾ ।
ਭਾਂਤ ਭਾਂਤ ਤਾਂ ਮਹਿ ਪਕਵਾਨਾ । ਫਲ ਅਨੇਕ ਨਹਿ ਜਾਂਹਿ ਬਖਾਨਾ ।
ਭੂਖਨ ਬਸਨ ਜੁ ਰੂਪ ਸੁਹਾਏ । [ਹਰਖ]³ ਸਹਿਤ ਸੋ ਭੇਟ ਪਠਾਏ ।
ਦਧ ਚਿਰਵਾ ਉਪਹਾਰ ਸੁਧਾਰਾ । ਕਾਵਰ ਭਰ ਭਰ ਚਲੇ ਕਹਾਰਾ ॥ 164 ॥

ਦੋਹਰਾ

ਆਵਤ ਦਿਖ ਅਗਵਾਨ ਕੋ ਬਰਾਤ ਮਨੈ ਸੁਖ ਪਾਇ ।
ਹਰਖ ਬਜਾਏ ਬਾਜ ਸਭਿ ਦਹ ਦਿਸ ਸੁਖ ਉਪਜਾਇ ॥ 165 ॥

¹ਅ ਪੋਥੀ ਖਈ ²ਅ ਪੋਥੀ ਸਮਝਾਇ ³ਅ ਪੋਥੀ ਵਿਰੋ

ਚੋਪਾਈ

ਪਰਸਪਰ ਵਾਗ ਮੇਲ ਇਮ ਧਾਏ । ਆਨੰਦ ਸਿੰਧ ਮਨਹੂੰ [ਉਛਲਾਏ]¹ ।
 ਨਭ ਮਹਿ ਸੁੰਦੀ ਮੰਗਲ ਗਾਵਹਿ । ਹਰਖ ਧਾਰ ਸੁਰ ਦੁੰਦਭ ਵਾਵਹਿ ।
 ਜਾਇ ਪ੍ਰਨਾਮ ਗੁਰੁ ਕਉ ਕੀਨੀ । ਅਗਵਾਨਨਿ ਅਤਿ ਹੋਇ ਅਧੀਨੀ ।
 [ਸਭੀ]² ਵਸਤ ਗੁਰ ਆਗੇ ਰਾਖੀ । ਦੀਨ ਬਹੁਤ ਹੋਇ ਬਿਨਤੀ ਭਾਖੀ ॥ 166 ॥

ਦੋਹਰਾ

ਧਾਰ ਪ੍ਰੇਮ ਸ੍ਰੀ ਗੁਰ ਲਈ ਤਤਛਿਨ ਦੈ ਵਰਤਾਇ ।
 ਹੁਇ ਤਯਾਰ ਸਭ ਹੀ ਚਲੇ ਪੁਰ ਕਉ ਬਡ ਛਬ ਪਾਇ ॥ 167 ॥

ਚੋਪਾਈ

ਹਰਖ ਬ੍ਰਾਤ ਤਬ ਸਾਥ ਨਿਸਾਨਾ । ਆਮਦ ਕਰੀ ਅਧਿਕ ਮਨ ਮਾਨਾ ।
 ਏਤਾ ਧਨ ਸ੍ਰੀ ਗੁਰ ਬਰਖਾਯੋ । ਮਨਹੂੰ ਮੇਘ ਸਾਂਵਨ ਕਉ ਆਯੋ ।
 ਇਹ ਬਿਧਿ ਪੁਰ ਪ੍ਰਵੇਸ਼ ਤਬ ਕੀਨੋ । ਆਛੀ ਠੋਰ ਸੁ ਡੇਰਾ ਦੀਨੋ ।
 ਪੁਰ ਬਰਾਤ ਲਛ ਸੁਨਿ ਆਈ । ਨਿਜ ਮਹਿਮਾ ਕਛੁ ਪ੍ਰਗਟ ਜਨਾਈ ॥ 168 ॥

ਦੋਹਰਾ

ਰਿਧਿ ਸਿਧਿ ਸਭੇ ਬੁਲਾਇ ਕੈ ਐਸੇ ਕਹਾ ਸੁਧਾਰਿ ।
 ਜਾ ਪਹੁਨਾਈ ਤੁਮ ਕਰਉ ਮਮ³ ਸੁਆਮੀ ਕਰਤਾਰ ॥ 169 ॥

ਚੋਪਾਈ

ਰਿਧਿ ਸਿਧਿ ਸਭ ਸੁਖ ਤਬੇ ਸੁਧਾਰੇ । ਜੇ ਦੇਵਨ ਨਹਿ ਨੈਨ ਨਿਹਾਰੇ ।
 ਬਰਾਤਨ ਨਿਜ ਮੰਦਰ ਤਬ ਭੂਲੇ । ਸਭ ਸੁਖ ਭੂਲੇ ਨਿਜ ਅਨਕੂਲੇ ।
 ਨਾਰਾਇਣ ਦਾਸ ਕਉ ਕਰੇ ਬਖਾਨੀ । ਸ੍ਰੀ ਗੁਰ ਲਛ ਮਹਿਮਾ ਪਹਿਚਾਨੀ ।
 ਦੇਖ ਹੇਤ ਸ੍ਰੀ ਗੁਰ ਹਰਖਾਏ । ਮਿਲਨੀ ਸਮਾ ਤਬੇ ਨਿਕਟਾਏ ॥ 170 ॥

ਦੋਹਰਾ

ਜਗਤ ਰੀਤਿ ਪ੍ਰਿਥਮੈ ਕਰੀ ਬਹੁਰੋ ਪਠੇ ਬੁਲਾਇ ।
 ਨਾਰਾਇਣ ਦਾਸ ਸ੍ਰੀ ਗੁਰੂ⁴ ਕੋ ਮਿਲਨੀ ਹੇਤ ਸਦਾਇ ॥ 171 ॥

ਚੋਪਾਈ

ਬਾਜ ਬਜਾਵਤ ਸ੍ਰੀ ਗੁਰ ਆਏ । ਦਾਸ ਨਾਰਾਇਣ ਅਗ੍ਰ ਸਿਧਾਏ ।
 ਜਰੀ ਜੀਨ ਸੰਗ ਅਸਵ ਲਵਾਏ । ਭੂਖਨ ਬਸਤ੍ਰ ਅਨੇਕ ਧਾਰਾਏ ।
 ਬਹੁਤ ਅਸਰਫੀ ਉਪਰ ਧਾਰੇ । ਮਿਲੇ ਪਰਸਪਰ ਭੁਜਾ ਪਸਾਰੇ ।
 ਦਾਸ ਨਾਰਾਇਣ ਐਸੇ ਕਹਾ । ਹਉ ਸੇਵਕ ਤੁਮ ਸੁਆਮੀ ਅਹਾ ॥ 172 ॥

ਦੋਹਰਾ

ਭੇਟਾ ਆਗੈ ਰਾਖ ਕੈ ਗਰ ਮਹਿ ਅੰਚਰ ਪਾਇ ।
 ਨਾਰਾਇਣ ਦਾਸ ਅਤਿ ਨਿਮਰ ਹੁਇ ਪਰਿਯੋ ਚਰਨ ਗੁਰੂ⁵ ਜਾਇ ॥ 173 ॥

¹ੲ ਪੰਥੀ ਵਿਚੋਂ ²ਅ ਪੰਥੀ ਵਿਚੋਂ ³ੲ ਪੰਥੀ ਹਮ ⁴ਅ ਤੇ ੲ ਪੰਥੀ ਸਤਿਗੁਰੂ ⁵ਅ ਪੰਥੀ ਪ੍ਰਭੂ

ਚੌਪਾਈ

ਸਭ ਬਰਾਤ ਮਨ ਬਿਸਮਹਿੰ ਪਾਈ । ਹਮਰੀ ਸੇਵ ਕਰੀ ਚਿਤ ਲਾਈ ।
ਗੁਰ ਅਰਜਨ ਉਠਾਇ ਤਹਿ ਲੀਨਾ । ਬਹੁ ਧੀਰਜ ਦੇ ਠਾਢਾ ਕੀਨਾ ।
ਦਾਸ ਨਰਾਇਣ ਘਰਹਿੰ ਸਿਧਾਯੋ । ਗੁਰ ਅਰਜਨ ਜਨਵਾਸੈ¹ ਆਯੋ ।
ਨਾਰਾਇਣ ਦਾਸ ਕੋ ਬਿਪ੍ਰਨ ਕਹਾ ॥ ਗੋ ਧੂਲਿ ਬਿਮਨ ਬੇਲਾ ਹਮ ਲਹਾ ॥ 174 ॥

ਦੋਹਰਾ

ਨਰਾਇਣ ਦਾਸ ਤਬ ਹੀ ਪਠੇ ਬਿਪ੍ਰ ਸ੍ਰੀ² ਗੁਰ ਪਾਸ ।
ਸ੍ਰੀ ਗੁਰ ਪੈ ਜਾਵਤ ਭਏ ਧਰ ਰਿਦਿ ਬਹੁਤ ਹੁਲਾਸ ॥ 175 ॥

ਚੌਪਾਈ

ਅਸੀਰਬਾਦ ਮੁਖ ਬਿਪ੍ਰਨ ਗਾਂਉ । ਭਯੋ ਸਮੈ ਅਬ ਧਰੀਏ ਪਾਂਉ ।
ਸੁਨ ਬਰਾਤ ਚਿਤ ਹਰਖ ਸੋ ਪਾਯੋ । ਬਾਜਨਿ ਬਜੇ ਨਿਸ਼ਾਨ ਸੁਹਾਯੋ ।
ਆਸਤਬਾਜੀ ਚਲਤਿ ਬਹੁ ਭਾਰੀ । ਹਵਾਈ ਬਹੁ ਨਭ ਓਰ ਸਿਧਾਰੀ ।
ਮਾਨਹੁ ਪਠੀ ਦੇਵਨਿ ਕੋਉ ਪਾਤੀ । ਸ੍ਰੀ ਗੁਰ ਕੇ ਹੁਇ ਆਵ ਬਰਾਤੀ ॥ 176 ॥

ਦੋਹਰਾ

ਅਸਤਬਾਜੀ ਆਗੇ ਚਲਤ ਪਾਛੇ ਚਲਤ³ ਬਰਾਤ ।
ਪੁਰ ਨਰ ਨਾਰੀ ਇਹੁ ਕਹਹਿੰ ਬਡੇ ਭਾਗ ਇਹ ਰਾਤ ॥ 177 ॥

ਚੌਪਾਈ

ਹਰਿਗੋਬਿੰਦ ਦੂਲਹੁ ਸੁਖ ਸਦਨਾ । ਘੋਰੀ⁴ ਚਰੇ ਮਾਨ ਮਦ ਕਦਨਾ ।
ਰਵਿ ਸਮ ਤੇਜ ਸਰਗਸਤ ਝੁਲਾਵੈ । ਪੁਰ ਨਰ ਨਾਰਿ ਦੇਖ ਬਲ ਜਾਵੈ ।
ਸੁੰਦਰ ਛਬ ਦਿਖ⁵ ਰਤਿ ਪਤਿ ਮੋਹੈ । ਮੋ ਤੇ ਅਧਿਕ ਸੁਰ ਛਬ ਸੋਹੈ ।
ਇਹ ਬਿਧ ਸਿਉਂ ਪਹੁੰਚੇ ਸੁਖ ਪਾਈ । ਨਾਰਾਇਣ ਦਾਸ ਮੰਦ੍ਰ ਸੁਖਦਾਈ ॥ 178 ॥

ਦੋਹਰਾ

ਜਗ ਮ੍ਰਿਜਾਦ ਕਰਕੈ ਤਬੈ ਬੇਦੀ ਧਰੀ ਬਨਾਇ ।
ਬਿਪ੍ਰ ਬੰਦ ਬੈਠਤ ਭਏ ਸ੍ਰੀ ਗੁਰ ਮਨ ਸੁਖ ਪਾਇ ॥ 179 ॥

ਚੌਪਾਈ

ਦਯਾ ਸਿੰਧ ਗੁਰ ਅਰਜਨ ਦੇਵ । ਜਗਤ⁶ ਰੀਤਿ ਸਭ ਕਰੀ ਅਭੇਵ ।
ਨਾਈ ਬਿਪ੍ਰ ਲਾਗ ਜਿਹ ਕੇਰੋ । ਸ੍ਰੀ ਗੁਰ ਅਰਜਨ ਤਬੈ ਨਿਬੋਰੋ ।
ਹਰਿ ਗੋਬਿੰਦ ਤਬ ਲਾਵਾਂ ਲੀਨੀ । ਪਾਨ ਗ੍ਰਹਿਣ ਬਿਧ ਸਭ ਹੀ ਕੀਨੀ ।
ਸੁਰ ਤਰਨੀ ਅਬਲਾ ਮਿਲ ਗਾਵਤਿ । ਮੰਗਲ ਗੀਤ ਅਧਿਕ ਛਬ ਪਾਵਤ ॥ 180 ॥

¹ਅ ਪੋਥੀ ਤ੍ਰਿਯ ²ਏ ਪੋਥੀ ਸਤਿ ³ਅ ਪੋਥੀ ਰਸਨੇ ⁴ਅ ਤੇ ਏ ਪੋਥੀ ਅਫਵ ⁵ਅ ਪੋਥੀ ਸਿਖ ⁶ਅ ਜਗ ਕੀ

ਦੋਹਰਾ

ਬਿਆਹ ਕਥਾ ਕਹਿ ਤਕ ਕਰਹੁ ਭੂਰ ਦਾਨ ਗੁਰ ਦੀਨ ।
ਨਰਾਇਣ ਦਾਸ ਸ੍ਰੀ ਗੁਰੂ ਜੀ ਬਡੋ ਹਰਖ ਚਿਤ ਕੀਨ ॥ 181 ॥

ਚੌਪਾਈ

ਲਾਗ ਅਧਿਕ ਤਬ ਦੁਹ ਦਿਸ ਦੀਨਾ । ਵਿਵਾਹ ਪੂਰ ਗੁਰ ਪਿਆਨਾ ਕੀਨਾ ।
ਹਰਿ ਗੋਬਿੰਦ ਜੀ ਤਹਿ ਠਹਿਰਾਏ । ਦਿਖ ਨਾਰੀ ਮਨ ਮਹਿ ਸੁਖ ਪਾਇ ।
ਸ੍ਰੀ ਗੁਰ ਆਸਤਬਾਜੀ ਚਲਾਵਤਿ । ਜਨਵਾਸੇ ਆਇ ਹਰਖਾਵਤਿ ।
ਡੇਰੇ ਆਇ ਬੈਠ ਤਿਹ ਕਾਲਾ । ਸ੍ਰੀ ਗੁਰੁ ਅਰਜਨ ਜੀ ਸੁਖ ਪਾਲਾ ॥ 182 ॥

ਦੋਹਰਾ

ਦੋਇ ਜਾਮ ਨਿਸ ਜਬ ਗਈ ਭੋਜਨ ਭਯੋ ਤਿਆਰ ।
ਨਰਾਇਣ ਦਾਸ ਤਬਹੀ [ਪਠੇ]¹ ਪ੍ਰੋਹਤ ਗੁਰੁ ਨਿਕਟਾਰ ॥ 183 ॥

ਚੌਪਾਈ

ਤਿਨੈ ਜਾਇ ਯੋ ਬਚਨ ਸੁਨਾਇ । ਭੋਜਨ ਤਯਾਰ ਚਲੇ ਸੁਖ ਪਾਇ ।
ਸਭ ਬਰਾਤ ਸੁਨ ਬਾਜ ਬਜਾਇ । ਪਾਕਸਾਲ ਜਹਿ ਤਿਹ ਚਲ ਆਇ ।
ਭੋਜਨ ਕਰਨ ਜਬੈ ਗੁਰ ਲਾਗੇ । ਗਾਰੀ ਅਬਲਾ ਦੇਤ ਅਨੁਰਾਗੇ ।
ਮਧੁਰ ਮਧੁਰ ਸੁਰ ਨਾਰੀ ਗਾਰੀ । ਦੇਨ ਸੁਨੈ ਗੁਰ ਹਰਖ² ਅਪਾਰੀ ॥ 184 ॥

ਦੋਹਰਾ

ਨਾਨਾ³ ਬਿਧ ਭੋਜਨ ਕੀਓ ਸਭ ਬਰਾਤ ਸੁਖ ਪਾਇ ।
ਪੁਨ ਡੇਰੇ ਆਵਤ ਭਏ ਬਾਜੇ ਅਨਿਕ ਬਜਾਇ ॥ 185 ॥

ਚੌਪਾਈ

ਕਹੀ ਸੰਕੋਚ ਜਾਨ ਬਹੁ ਲੀਜੈ । ਭੂਲ ਛਿਮਾਪਨ ਮੇਰੀ ਕੀਜੈ ।
ਬੀਤੀ ਰੈਨ ਪ੍ਰਾਤ⁴ ਪ੍ਰਗਟਾਯੋ । ਸੋਚ ਬਰਾਤ ਸਨਾਨ ਸੁ ਪਾਯੋ ।
ਸ੍ਰੀ ਗੁਰ ਬੈਠੇ ਲਾਇ ਦੀਵਾਨ । ਜੋ ਆਵਤ ਸੋ ਪਾਵਤ ਦਾਨ ।
ਸਭ ਸੰਗਤ ਤਬ ਹੁਐ ਇਕਠਾਈ । ਡਲੇ ਕੀ ਸ੍ਰੀ ਗੁਰ ਪਹਿ ਆਈ ॥ 186 ॥

ਦੋਹਰਾ

ਗਰਿ ਅੰਚਰ ਬਿਨਤੀ ਕਰੀ ਧਰੀ ਭੇਟ ਅਨਪਾਰ⁵ ।
ਸ੍ਰੀ ਗੁਰ ਬਹੁ ਆਦਰ ਕੀਓ ਸੰਗਤਿ ਕਉ ਤਿਹ ਵਾਰ ॥ 187 ॥

ਚੌਪਾਈ

ਪੁਨ ਸੰਗਤ ਅਸ ਬਿਨਤ ਅਲਾਈ । ਮਹਾਰਾਜ ਦੀਨਨਿ ਸੁਖਦਾਈ ।
ਇਹ ਠਾਂ ਤੀਰਥ ਕੋਉ ਸਵਾਰਉ । ਜਹਾਂ ਨਾਇ ਹੁਇ ਪਤਿਤ ਉਧਾਰਉ ।

¹ਅ ਪੌਥੀ ਵਿਚੋਂ ²ਅ ਪੌਥੀ ਹਸਹਿ ³ੲ ਪੌਥੀ ਬਹੁ ⁴ਅ ਪੌਥੀ ਦਿਨਕਰ ⁵ਅ ਪੌਥੀ ਅਪਾਰ

ਸੰਗਤ ਕੀ ਇਹ ਬਿਨਤ ਸੁਨੈ ਕੇ । ਸ੍ਰੀ ਗੁਰ ਉਠੇ ਹਰਖ ਚਿਤ [ਕਰਿ]¹ ਕੈ ।
ਪੂਰਬ ਦਿਸ ਕੁਛ ਦੂਰ ਸੁਹਾਯੋਂ । ਬਾਵਲੀ ਟਕ ਸ੍ਰੀ ਗੁਰ ਲਾਯੋ ॥ 188 ॥

ਦੋਹਰਾ

ਪ੍ਰਿਥਮ ਟਕ ਤਿਹ ਲਾਇਓ ਸ੍ਰੀ ਗੁਰ ਕਹੀ ਗਹਾਇ ।
ਪਾੜ ਬਹੁਤ ਸੰਗਤ ਕੀਓ ਤਿਸੀ ਦਿਵਸ ਹਰਖਾਇ ॥ 189 ॥

ਚੋਪਾਈ

ਗੋਬਿੰਦ ਜੀ ਕਾ ਰੂਪ ਨਿਹਾਰੇ । ਪੁਰ ਨਾਰੀ ਮਨ ਐਸ ਵਿਚਾਰੇ ।
ਹੇ ਸਖਿ ਇਨਕਾ ਰੂਪ ਅਪਾਰਾ । ਭਾਗ ਵਡੇ ਹਮ ਦਰਸ ਨਿਹਾਰਾ ॥
ਜੈਸ ਦਮੋਦਰੀ ਰੂਪ ਅਨੰਤਾ । ਹੇ ਅਲਿ ਦੂਲਹੁ ਅਧਿਕ ਬਿਅੰਤਾ ।
ਇਹ ਜੋੜੀ ਜੁਗ ਚਾਰ ਸੋ ਜੀਵੈ । ਦਮੋਦਰੀ ਮਾਤ ਅਧਿਕ ਸੁਖ ਥੀਵੈ ॥ 190 ॥

ਦੋਹਰਾ

ਇਹ ਬਿਧ ਸੁਖ ਪਾਵਤ ਅਧਿਕ ਬਰਾਤ ਰਹੀ ਦਿਨ ਤੀਨ ।
ਸੰਗਤ ਸ੍ਰੀ ਗੁਰ ਅਗ੍ਰ ਹੁਇ ਬਿਨਤੀ ਬਹੁਰੇ ਕੀਨ ॥ 191 ॥

ਚੋਪਾਈ

ਮਹਾਰਾਜ ਹਮ ਪਾੜ ਪੁਟਾਯੋ । ਤੁਮ² ਆਗਯਾ ਸਿਉ ਚਕ ਬਨਾਯੋ ।
ਸ੍ਰੀ ਗੁਰ ਕਹਾ ਚਕ ਧਰਿ ਦੀਜੈ । ਇਹ ਕਾਰਜ ਮੋ³ ਬਿਲਮ ਨਾ ਕੀਜੈ ।
ਸੰਗਤ ਸਾਥ ਸ੍ਰੀ ਗੁਰੁ ਜੀ ਗਏ । ਬਾਵਲੀ ਪਾੜ ਪਰ ਠਾਢੇ ਭਏ ।
ਕਰ ਅਰਦਾਸ ਗੁਰੂ ਚਕ ਰਖਾਏ । ਪਾਂਚ ਇਟ ਤਿੰਹ ਨਿਜ⁴ ਕਰ ਲਾਏ⁴ ॥ 192 ॥

ਦੋਹਰਾ

ਭਾਈ ਸਾਲੋ ਕਉ ਤਬ ਕਹਾ ਸ੍ਰੀ ਗੁਰ ਬੋਲ ਹਜੂਰ ।
ਬਾਵਲੀ ਟਹਿਲ ਕਰਾਇ ਕੈ ਪੁਨ ਆਵੈ ਸੁਖ ਪੂਰ ॥ 193 ॥

ਚੋਪਾਈ

ਜੋ ਇਹ ਬਾਵਲੀ ਮਜਨ ਕਰੈ । ਜਨਮ ਜਨਮ ਕੇ ਪਾਤਕ ਟਰੈ ।
ਪੁਤ੍ਰ ਹੇਤਿ ਜੋ ਨਾਰੀ ਨਾਵੈ । ਏਕ ਬਰਸ ਮਹਿ ਸੰਤਤਿ⁵ ਪਾਵੈ ।
ਨਿਮਨੇਮ ਜੋ ਕਰੈ ਸਨਾਨਾਂ । ਰਿਧਿ ਸਿਧਿ ਗ੍ਰਿਹ ਵਾਸਾ ਠਾਨਾਂ ।
ਸ੍ਰੀ ਮੁਖ ਐਸ ਮਹਾਤਮ ਕਹਾ । ਸਭ ਸੰਗਤ ਸੁਨ ਆਨੰਦ ਲਹਾ ॥ 194 ॥

ਦੋਹਰਾ

ਪੁਨ ਬਰਾਤ ਮਹਿ ਗੁਰ ਅਏ ਭਏ ਤਿਆਰ ਸੁਖ ਪਾਇ ।
ਪੁਰ ਨਰ ਨਾਰੀ ਬਿਕਲ ਭੇ ਸ੍ਰੀ ਗੁਰ ਪਯਾਨ ਸੁਨਾਇ ॥ 195 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਤੋਹਿ ³ਅ ਤੇ ਏ ਪੋਥੀ ਮਹਿ ⁴ਅ ਪੋਥੀ ਆਪਿ ਲਗਾਏ ⁵ਅ ਪੋਥੀ ਬੇਟਾ

ਚੌਪਾਈ

ਦਾਸ ਨਰਾਇਣ ਦਾਜ ਧਰਾਯੋ । ਦਯਾ ਸਿੰਧ ਕੋ ਬੋਲ ਪਠਾਯੋ ।
ਸ੍ਰੀ ਗੁਰ ਜੁਤ ਬਰਾਤ ਤਿੰਹ ਆਈ । ਆਨੰਦ ਸਿਉ ਬਡ ਬਾਜ ਬਜਾਈ ।
ਨਿਰਖ ਖਟ¹ ਸਰ ਹਰਖਤ ਭਏ । ਦੇਖ ਭਟ ਸਭ ਉਚ ਸੁਨਏ ।
ਹੈ ਇਕਵੰਜਾ ਤੇਤੀ ਧੋਨਾ । ਭੂਖਨ² ਕਰੀ³ ਰੂਪ ਸਮ ਸੈਨਾ ॥ 196 ॥

ਦੋਹਰਾ

ਮਹਿਖ ਇਕਵੰਜਾ ਪੁਨ ਦਈ ਭੂਖਨ ਅੰਗ ਬਨਾਇ ।
ਤੇਵਰ ਪਾਟੁ ਪਾਂਚ ਸੈ ਜਿਨ ਕੀਮਤ ਅਧਿਕਾਇ³ ॥ 197 ॥

ਚੌਪਾਈ

ਔਰ ਪੈਨਾਵਨੀ ਅਨਿਕ ਪ੍ਰਕਾਰਾ । ਭੂਖਨ ਸਹਿਤ ਨ ਆਵਤ ਪਾਰਾ ।
ਭਾਂਡੇ ਅਧਿਕ ਸੁ ਖਟ ਧਰੇ ਹੈਂ । ਔਰ ਵਸਤ ਕਉ ਭਾਖ ਕਰੇ ਹੈਂ ।
ਪਾਂਚ ਸੈ ਅਸ਼ਰਫੀ ਤਾ ਮੈ ਧਰੀ । ਦਾਸ ਨਰਾਇਣ ਬਿਨਤੀ ਕਰੀ ।
ਮਹਾਰਾਜ ਮੋਹਿ ਕਛੂ ਨ ਦੀਨੋ । ਅਪਨਾ ਕਾਜ ਆਪ ਤੁਮ ਕੀਨੋ ॥ 198 ॥

ਦੋਹਰਾ

ਸਭੀ ਖਟ ਇਕਠੀ ਕਰੀ ਕੰਨਯਾ ਵਰ ਇਕ ਠਾਇ ।
ਪੁਨਹਿ ਮਣਸ ਰੋਦਨ ਕਰਾ ਸਭ ਨਰ ਨਾਰਿ ਹਿਤਾਇ ॥ 199 ॥

ਚੌਪਾਈ

ਡੋਲਾ ਬਹੁਰ ਕਹਾਰ ਲਿਆਏ । ਜੜਤ ਜੜੇ ਭੂਖਨ ਜਿਹ ਛਾਏ ।
ਮਿਲ ਅਬਲਾ ਸਭ ਰੁਦਨ ਕਰਾਵੈ । ਦਮੋਦਰੀ ਕਉ ਨਿਜ ਕੰਠ ਲਗਾਵੈ ।
ਮੰਗਲ ਜਾਨ ਦ੍ਰਿਗ ਨੀਰ ਹਟਾਏ । ਕੰਨਯਾ ਡੋਲੇ ਬੀਚ ਬਹਾਏ ।
ਕਹਾ ਮਾਤ ਪੁਤ੍ਰੀ ਚਿਤ ਕਰੀਓ । ਪਤਿ ਪਰਮੇਸ਼ਵਰ ਸਮ ਚਿਤ¹ ਧਰੀਓ ॥ 200 ॥

ਦੋਹਰਾ

ਹਰਿ ਗੋਬਿੰਦ ਤਬ ਸਾਸ ਕੇ ਲਾਗੇ ਚਰਨੀ ਜਾਇ⁵ ।
ਬਹੁ ਸਿਖਯਾ ਤਿਸ ਨੇ ਦਈ ਪੁਨ ਅਸੀਸ ਮੁਖ ਗਾਇ ॥ 201 ॥

ਚੌਪਾਈ

ਹਰਿ ਗੋਬਿੰਦ ਪੁਨ ਅਸਵ ਬਿਰਾਜੈ । ਦੇਖ ਅਸਵ ਖਗ ਨਾਇਕ ਲਾਜੈ ।
ਨਿਜ ਨਿਜ ਬਾਹਨ ਸਭੇ ਚੜਾਏ । ਪਾਲਕੀ ਮੋਹਨ ਗੁਰੂ ਬੈਠਾਏ ।
ਚਲੀ ਬਰਾਤ ਅਧਿਕ ਛਬ ਪਾਵੰਤ । ਡੋਲੇ ਪਰ ਬਹੁ ਧਨ ਬਰਖਾਵੰਤ ।
ਪ੍ਰਸਪਰ ਸਬਹੀ ਬਾਤ ਉਚਾਰੀ । ਐਸ ਬਰਾਤ ਨ ਨੈਨ ਨਿਹਾਰੀ ॥ 202 ॥

¹ਦ ਪੋਥੀ ਦਾਜ ²ਅ ਪੋਥੀ ਭੂਖਣ ਪਾਏ ³ਅ ਤੇ ਦ ਪੋਥੀ ਕਹੀਨ ਜਾਇ ⁴ਅ ਪੋਥੀ ਰਿਦ ⁵ਅ ਤੇ ਦ ਪੋਥੀ ਧਾਇ

ਦੋਹਰਾ

ਮੰਗਤਿ ਸਭ ਭੂਪਤਿ ਭਏ ਦਾਰਦ ਦੀਓ ਗਵਾਇ ।
ਬਿਦਾ ਕਰਨ ਜੋ ਅਏ ਥੇ ਸ੍ਰੀ ਗੁਰ ਤਿਨੈ ਹਟਾਇ ॥ 203 ॥

ਚੌਪਾਈ

ਨਾਰਾਇਣ ਦਾਸ ਕਉ ਕਹਾ ਸੁਨਾਇ । ਪਾਛੇ ਫਿਰੋ¹ ਅਧਿਕ ਸੁਖ ਪਾਇ ।
ਹਾਥ ਜੋੜ ਤਿਨ ਬਿਨਤੀ ਧਾਰੀ । ਛਿਮਾ ਭੁਲ ਪ੍ਰਭ ਏਹੁ ਹਮਾਰੀ ।
ਮੋਹਿ ਅਨਾਥ ਤੁਮ ਬੋਲ ਪਠਾਯੋ । ਦਾਸੀ ਕਉ ਨਹੀਂ ਉਹਾਂ ਪਠਾਯੋ ।
ਸ੍ਰੀ ਗੁਰੁ ਤਿਹ ਅਸੁ ਆਖਨ ਕੀਨਾ । ਇਹ ਰੀਤੀ ਥੀ ਬਿਆਹ ਪ੍ਰਬੀਨਾ ।
ਐਸੇ ਕਹਿ ਗੁਰ ਬਿਦਿਆ ਭਏ । ਪੁਨ ਮੋਹਨ ਕਉ ਬੰਦਨ ਬਏ² ॥ 204 ॥

ਦੋਹਰਾ

ਸਭ ਕਉ ਪੁਨ ਬੰਦਨ ਕਰੀ ਹਰਿ ਗੋਬਿੰਦ ਦੇ ਪਯਾਰ ।
ਹਰਿ ਗੋਬਿੰਦ ਬੰਦਨ ਕਰੀ ਜਾਨ ਤਾਂਹਿ ਸੁਸੁਰਾਰ ॥ 205 ॥

ਚੌਪਾਈ

ਦਾਸ ਨਰਾਇਣ ਘਰੈ ਸਿਧਾਯਉ । ਅਗੂ ਬਰਾਤ ਚਲੀ ਸੁਖ ਪਾਯਉ ।
ਵਾਰ ਸਸੀ³ ਇਮ ਕੀਓ ਪਿਯਾਨਾ । ਪੁਰ ਸੁਲਤਾਨ ਪਹੁੰਚ ਸੁਖ ਮਾਨਾ ।
ਅਰਧ ਜਾਮ ਦਿਨ ਜਬ ਹੀ ਰਹਿਓ । ਬ੍ਰਾਤ ਬੇਰ ਗੁਰ ਡੇਰਾ ਪਹਿਓ ।
ਬੇਰਾਦਿਕ ਗੁਰੁ ਥਾਨ ਸੁਹਾਏ । ਸ੍ਰੀ ਗੁਰ ਤਤਛਿਨ ਸਭ ਦਰਸਾਏ ॥ 206 ॥

ਦੋਹਰਾ

ਬਸੇ ਰੈਨ ਸੁਖ ਸਿਉਂ ਤਹਾਂ ਪ੍ਰਾਤ ਪਿਆਨ ਕਰਾਇ ।
ਗੋਂਦਵਾਲ⁴ ਪਹੁੰਚਤਿ ਭਏ ਜਾਮ ਦਿਵਸ ਰਹਿਓ ਆਇ ॥ 207 ॥

ਚੌਪਾਈ

ਉਤਮ ਠੌਰ ਗੁਰੁ ਡੇਰਾ ਪਾਯੋ । ਸਭ ਬਰਾਤ ਮਨ ਆਨੰਦ ਬਧਾਯੋ ।
ਪੁਨਹਿ ਬਾਵਲੀ ਮਜਨ ਕੀਨੋ । ਸਭ ਅਸਥਾਨ ਗੁਰੁ ਦਰਸਨ ਲੀਨੋ ।
ਮੋਹਰੀ ਜੀ ਸਭ ਸੇਵ ਕਰਾਈ । ਇਛ ਪੂਰ ਸਭ ਕੀ ਮਨ ਦਯਾਈ ।
ਅਤਿ ਆਨੰਦ ਸਿਉ ਰੈਨ ਬਸਾਏ । ਪ੍ਰਾਤ ਸਮੇਂ ਗੁਰੁ ਪਯਾਨ ਕਰਾਏ ॥ 208 ॥

ਦੋਹਰਾ

ਮੋਹਨ ਕਉ ਸ੍ਰੀ ਗੁਰ ਕਹਾ ਹਾਥ ਜੋੜ ਇਮ ਬੈਨ ।
ਹੋਇ ਇਛ ਇਹ ਠਾਂ ਰਹੁ ਸੁਖ ਸਿਉਂ ਅਪਨੇ ਐਨ⁵ ॥ 209 ॥

ਚੌਪਾਈ

ਮੋਹਨ ਕਹਾ ਸੁਨਹੁ ਸੁਖ ਸਾਗਰ । ਰਚਯੋ ਜਹਾਜ ਗ੍ਰੰਥ ਜੀ [ਆਗਰ]⁶ ।
ਪਾਵਨ ਅਮੀ ਸਰੋਵਰ ਕੀਨੋ । ਜਹਿੰ ਦਰਸ ਦੁਖ ਸਗਲਾ ਚੀਨੋ ।

¹ਏ ਪੋਥੀ ਮੁੜੇ ²ਅ ਪੋਥੀ ਕਏ ³ਏ ਪੋਥੀ ਸੋਮ ⁴ਅ ਤੇ ਏ ਪੋਥੀ ਗੋਇੰਦਵਾਲ ⁵ਅ ਪੋਥੀ ਮਨ ਧਰਿ ਚੈਨ

⁶ਅ ਪੋਥੀ ਵਿਚੋਂ

ਐਈ ਦਯਾ ਹਮੈ ਪਰ ਕਰੋ । ਚਲਉਂ ਸਾਥ ਨੇਤ੍ਰੀ ਦ੍ਰਿਸਟਰੋ ।
ਜਾਨ ਪ੍ਰੀਤ ਗੁਰੁ ਸਾਥ ਚੜਾਏ । ਚਰਚਾ ਕਰਤ ਪੰਥ ਸੁਖ ਪਾਏ ॥ 210 ॥

ਦੋਹਰਾ

ਮੋਹਰੀ ਆਦਿ ਬਰਾਤ ਸਭ ਨਿਜ ਨਿਜ ਅਸਵ ਚੜਾਇ ।
ਖਡੂਰ ਨਿਕਟਿ ਆਵਤ ਭਏ ਬਾਜੇ ਅਧਿਕ ਬਜਾਇ ॥ 211 ॥

ਚੌਪਾਈ

ਸ੍ਰੀ ਗੁਰ ਆਗੇ ਬਿਨਤੀ ਕੀਨੀ । ਦਾਤੂ ਜੀ ਅਤਿ ਹੋਇ ਅਧੀਨੀ ।
ਈਹਾਂ ਨਿਵਾਸ ਪ੍ਰਭੂ ਅਬ ਕੀਜੈ । ਜਾਈਐ ਪ੍ਰਾਤ ਹਮੈ ਸੁਖ ਦੀਜੈ ।
ਤਿਹ ਬਿਨਤੀ ਸੁਨ ਪ੍ਰਭੂ ਮੁਸਕਾਏ । ਬਚਨ ਮਾਨ ਤਿਹ ਡੇਰਾ¹ ਪਾਇ¹ ।
ਹਰਿ ਗੋਬਿੰਦ ਜੁਤ ਗੁਰ ਸੁਖ ਲੀਨੋ । ਸ੍ਰੀ ਦਰਬਾਰ ਆ ਦਰਸਨ ਕੀਨੋ ॥ 212 ॥

ਦੋਹਰਾ

ਸਭ ਬਰਾਤ ਦਰਸਨ ਕਰਾ ਸ੍ਰੀ ਦਰਬਾਰ ਸੁਖ ਪਾਇ ।
ਦਾਤੂ ਜੀ ਸੇਵਾ ਕਰੀ ਅਤਿਸੈ ਮਨ ਚਿਤ ਲਾਇ ॥ 213 ॥

ਚੌਪਾਈ

ਦਾਤੂ ਕੀ ਬਹੁ ਸੇਵ ਦਿਖਾਏ । ਸ੍ਰੀ ਗੁਰ ਅਰਜਨ ਮਨ ਹਰਖਾਏ ।
ਬਸੀ ਰੈਨ ਸੁਖ ਸਾਥ ਬਰਾਤ । ਬਾਜੈ ਕੂਚ ਬਜਾਏ ਪ੍ਰਾਤ ॥
ਦਾਤੂ ਜੁਤ ਕਰ ਜੇਵ ਪਿਆਨਾ । ਨਿਜ ਨਿਜ ਬਾਹਨ ਸਭ ਸੁਖ ਮਾਨਾ ।
ਮੋਹਨ ਸ੍ਰੀ ਗੁਰ ਚਰਚਾ ਕਰਹਿ । ਪਾਲਕੀ ਮਧ ਦੋਉ ਸੁਖ ਭਰਹਿ ॥ 214 ॥

ਦੋਹਰਾ

ਅਸਵ ਦੋਰਾਵਤ ਜਾਤ ਕੋ, ਕੋ ਰਥ ਚਲੈ ਭਜਾਇ ।
ਹਰਿ ਗੋਬਿੰਦ ਹੈ ਪਵਨ ਸਮ ਕੁਦਤ ਚਾਲ ਦਿਖਾਇ ॥ 215 ॥

ਸਵੈਯਾ

ਸਰ ਅਮ੍ਰਿਤ ਤੀਰ ਬਰਾਤ ਅਈ [ਧੁਨ]² ਬਾਜਨ ਕੀ ਤਬ ਹੋਤ ਅਪਾਰਾ ।
ਤੂਤੀ ਮ੍ਰਿਦੰਗ ਸੁ ਭੇਰ ਗਰੂਰ ਸੁ ਬਜਾਤਿ ਭੇ ਕੁਛ ਨਾਹੀ ਸੁਮਾਰਾ ।
ਨਭ ਮੇ ਸੁਰ ਜੇਤੇ ਸੁ ਜੈ ਜੈ ਕਰਹਿ ਸੁਭ ਮੰਗਲ ਰੂਪ ਭਯੋ ਜਗ ਸਾਰਾ ।
ਜਨ ਭੂਮ ਅਕਾਸ ਕੇ ਬਾਦ ਮਿਲੇ ਬਲ ਜਾਵਤਿ ਦੇਵ ਸੁ ਫੂਲਨਿ ਡਾਰਾ ॥ 216 ॥

ਦੋਹਰਾ

ਅਰਧ ਜਾਮ ਦਿਨ ਜਬ ਰਹਾ ਗੁਰੁ ਅਰਜਨ ਸੁਖ ਸਾਥ ।
ਕੀਓ ਪ੍ਰਵੇਸ਼ ਅਰਦਾਸ ਕਰ ਪੁਰ ਮਹਿ ਦੀਨਾ ਨਾਥ ॥ 217 ॥

¹ਅ ਪੋਥੀ ਰਾਤ ਟਿਕਾਏ ²ਅ ਪੋਥੀ ਵਿਚੋਂ

ਚੌਪਾਈ

ਮਹਾਂਦੇਵ ਮੋਹਰੀ ਤੇ ਲੈ ਕੇ । ਜੇਉਂ ਸੁਖ ਬਰਾਤ ਸੁਖ ਕੈ ਕੈ ।
ਧਨ ਬਰਖਾਵਤਿ ਚਲੇ ਨ ਪਾਰਾ । ਮਾਨੋ ਚਲੀ ਧਨੈ ਕੀ ਧਾਰਾ ।
ਜਿਉਂ ਜਿਉਂ ਬਾਜੇ ਅਧਕ ਬਜਾਵਹਿ । ਤਿਉਂ ਤਿਉਂ ਬਰਖਾ ਧਨ ਬਰਖਾਵਹਿ ।
ਇਹ ਬਿਧ ਸਭ ਹੀ ਆਨੰਦ ਪਾਇ । ਸ੍ਰੀ¹ ਗੁਰੁ ਕੇ ਮਹਿਲੀ ਨਿਕਟਾਏ ॥ 218 ॥

ਦੋਹਰਾ

ਗੰਗ ਮਾਤ ਜਬ ਹੀ ਸੁਨੇ² ਬਾਜੇ ਬਜਤ ਬਰਾਤ ।
ਆਨੰਦ ਵਸ ਉਮਗਤ ਭਈ ਅੰਗਨ ਮਹਿ ਨ ਸਮਾਤ ॥ 219 ॥

ਚੌਪਾਈ

ਮੁਹਰੀ ਦਾਤੂ ਨਾਰ ਸੁ ਲੈ ਕੇ । ਔਰ ਸਖੀ ਅਪਨੀ ਸੰਗ ਕੈ ਕੈ ।
ਪੁਰ ਨਾਰੀ ਪੁੰਗਵ ਸਭ ਲੀਨੇ । ਮੰਗਲ ਸਾਜ ਗੰਗ ਸਭ ਕੀਨੇ ।
ਨੀਰ ਕੰਮਡਲ ਨਿਜ ਕਰਿ ਧਾਰੀ । ਮਾਤ ਸਦਨ ਦਰ ਓਰ ਸਿਧਾਰੀ ।
ਹਰਿ ਗੋਬਿੰਦ ਸੰਗ ਮਹਲ ਲਵਾਏ । ਆਇ ਮਾਤ ਨਿਕਟੈ ਸਿਰ ਨਯਾਏ ॥ 220 ॥

ਦੋਹਰਾ

ਗੰਗ ਮਾਤ ਸੁਖ ਪਾਇ ਕੇ ਕੀਓ ਪਾਨ ਜਲ ਵਾਰ ।
ਅਧਿਕ ਵਾਰਨੇ ਤਬ ਕਰੇ ਸਭ ਅਬਲਨਿ³ ਤਿਹ ਹਾਰ ॥ 221 ॥

ਚੌਪਈ

ਗੰਗ ਮਾਤ ਸਭ ਰੀਤਿ ਕਰਾਈ । ਪੂਛ ਨਾਰਿ ਮਨ ਆਨੰਦ ਪਾਈ ।
ਗੁਰ ਅਰਜਨ ਸਭ ਕੀ ਸੁਧ ਲੀਨੇ । ਜਥਾ ਜੋਗ ਸਭ ਕਉ ਸੁਖ ਦੀਨੇ ।
ਪਰੀ ਰੈਨ ਸਭਹੀ ਸੁਖ ਪਾਏ । ਸ੍ਰੀ ਗੁਰ ਨਿਕਟਿ ਸੁ ਤਹਾ ਬਸਾਏ ।
ਭਯੋ ਪ੍ਰਾਤ ਦਿਖ ਰੈਨ ਬਿਹਾਈ । ਮੋਹਨ ਕਉ ਗੁਰ ਕਹਾ ਸੁਨਾਈ ॥ 222 ॥

ਦੋਹਰਾ

ਚਲ ਦਰਬਾਰ ਦਰਸਨ ਕਰੋ ਔਰ ਕਰੋ ਇਸ਼ਨਾਨ ।
ਮੋਹਨ ਸੁਨ ਹਰਖਤਿ ਭਯੋ ਤਤ ਛਿਨ ਕੀਓ ਪਿਆਨ ॥ 223 ॥

ਚੌਪਾਈ

ਮਹਾਂਦੇਵ ਬੁਢੇ ਤੇ ਲੈ ਕੈ । ਸ੍ਰੀ ਗੁਰ ਸਭ ਕਉ ਨਿਜ ਸੰਗ ਕੈਕੈ ।
ਬਾਤੈ⁴ ਕਰਤ ਮੋਹਨ ਸਿਉ ਆਇ । ਪ੍ਰਿਥਮ ਕੂਪ ਇਸ਼ਨਾਨ ਕਰਾਏ ।
ਪੁਨ ਅੰਮ੍ਰਿਤ⁴ ਮਹਿ ਕੀਓ ਇਸ਼ਨਾਨਾ । ਦਿਖ ਮੋਹਨ ਮਨ ਆਨੰਦ ਠਾਨਾ ।
ਸ੍ਰੀ ਗੁਰ ਕਉ ਤਿਨ ਕਹਾ ਸੁਨਾਏ । ਹੈ ਪ੍ਰਭ ਇਸ ਇਛਾ ਹਮ ਆਏ ॥ 224 ॥

¹ਅ ਤੇ ਏ ਪੋਥੀ ਸਤਿ ²ਅ ਪੋਥੀ ਪਿਖੇ ³ਅ ਪੋਥੀ ਸਾਰਨਿ ⁴ਅ ਪੋਥੀ ਅਸਿਓ

ਦੋਹਰਾ

ਐਸੇ ਕਹਿ ਤਬ ਕਾਰ ਕੀ ਪੋਟ ਸੀਸ ਨਿਜ ਧਾਰ ।
ਪਾਂਚ ਪੋਟ ਤਬਹੀ ਕਢੀ ਮੋਹਨ ਜੀ ਹਰਖਾਰ ॥ 225 ॥

ਚੌਪਾਈ

ਮੋਹਨ ਕਉ ਇਹ ਬਿਧ ਗੁਰ ਦੇਖੇ । ਨਿਜ ਮਨ ਹਰਖਤਿ ਭਏ ਬਿਸੇਖੇ ।
ਆਨੰਦ ਮਗਨ ਪੋਟਿ ਸਿਰ ਧਾਰੀ । ਪਾਵਨ ਪਤਿਤ ਬਿਰਦ ਜਿੰਹ ਭਾਰੀ ।
ਸਤਿਗੁਰੁ ਕਉ ਇਹ ਬਿਧ ਦਿਖ ਪਾਏ । ਸਭ ਨੇ ਕਾਰ ਕਢੀ ਮਨ ਲਾਏ ।
ਕਰ ਸਨਾਨ ਪੁੰਨ ਦਾਨ ਸੁ ਕੀਨੋ । ਅਥਿਤ ਦਾਨ ਮਨ ਇਛਤ ਲੀਨੋ ॥ 223 ॥

ਦੋਹਰਾ

ਸ੍ਰੀ ਗੁਰ ਮੋਹਨ ਹਰਖ ਸਿਉਂ ਸਭ ਕਉ ਸੰਗ ਲਵਾਇ ।
ਸ੍ਰੀ ਦਰਬਾਰ ਦਰਸਨ ਚਲੇ ਮਨ ਮਹਿ ਹਰਖ ਨ ਮਾਇ ॥ 227 ॥

ਚੌਪਾਈ

ਜਾਇ ਪ੍ਰਸਾਦਿ ਭੇਟ ਧਰ ਆਗੇ । ਬਿਨਤੀ ਸਭਨ ਕਰੀ ਰਸ ਪਾਗੇ ।
ਚਾਰ [ਪਰਿਕ੍ਰਮਾ] ^੧ ਪ੍ਰਿਥਮੇ ਕਰੀ । ਚਰਨ ਧੂਰ ਨਿਜ ਮਸਤਕ ਧਰੀ ॥
ਦਰਬਾਰ ਮਧ ਸ੍ਰੀ ਗੁਰ ਸੁਖ ਪਾਯੋ । ਗੁਰੁ ਗ੍ਰੰਥ ਸਭ ਕਉ ਦਰਸਾਯੋ ।
ਆਦਿ ਅੰਤ ਗੁਰੁ ਗ੍ਰੰਥ ਦਿਖਾਵੈ । ਮੋਹਨ ਮਨ ਮਹਿ ਬਡ ਸੁਖ ਪਾਵੈ ॥ 228 ॥

ਦੋਹਰਾ

ਮੋਹਰੀ ਸੁਤ ਹਰਖ ਧਰਿ ਦਾਤੂ ਦਿਖ ਹਰਖਾਇ ।
ਔਰ ਸਭੈ ਹਰਖਤਿ ਭਏ ਗੁਰੁ ਗ੍ਰੰਥ ਦਰਸਾਇ ॥ 229 ॥

ਚੌਪਾਈ

ਪੁਨ ਮੋਹਨ ਇਹ ਭਾਂਤ ਅਲਾਯੋ । ਸ੍ਰੀ ਦਰਬਾਰ ਬੈਕੁੰਠ ਸੁਹਾਯੋ ।
ਮੋਹਨ ਕਉ ਦਿਖ ਅਤਿ ਸੁਖ ਭਯੋ । ਇਹ ਤਉ ਤੁਮ ਬੈਕੁੰਠ ਹੀ ਠਯੋ ॥
ਭਗਵੰਤ ਕਥਾ ਗੁਰੁ ਤਾਂਹਿ ਸੁਨਾਈ । ਹਰਿ ਮੰਦਰ ਹਰਿ ਰੂਪ ਸੁਹਾਈ ।
ਸੁਨ ਮੋਹਨ ਮਨ ਆਨੰਦ ਲੀਨਾ । ਬਾਰ ਬਾਰ ਬੰਦਨ ਤਿੰਹ ਕੀਨਾ ॥ 230 ॥

ਦੋਹਰਾ

ਗੁਰ ਅਰਜਨ ਜੀ ਯੋਂ ਕਹਾ ਤੋਹ ਕ੍ਰਿਪਾ ਮਹਾਰਾਜ ।
ਜਗਤ ਜੀਵ ਕੇ ਮੁਕਤ ਹਿਤ ਬਨਿਓ ਗ੍ਰੰਥ ਜਹਾਜ ॥ 231 ॥

ਚੌਪਾਈ

ਪੜੈ^੩ ਸੁਣੈ ਜੋ ਨਰ ਮਨ ਲਾਈ । ਕੇਵਲ ਜੋ ਨਰ ਦਰਸਨ ਪਾਈ ।
ਸੋ ਨਰ ਮੁਕਤਿ ਹੋਇ ਭਵ ਮਾਂਹੀ । ਜਨਮ ਮਰਣ ਮਿਟ ਸੰਸਾ ਨਾਂਹੀ ।

^੧ੲ ਪੰਥੀ ਵਿਚੋਂ ^੨ਅ ਪੰਥੀ ਇਮ ^੩ਅ ਤੇ ੲ ਪੰਥੀ ਪਠੈ

ਸ੍ਰੀ ਮੁਖ ਭਗਵਤਿ ਐਸ ਬਚ ਕਹੇ । ਮੋਹ ਦਰਸ ਜਿਹ ਇਛਾ ਅਹੇ ॥
ਪ੍ਰਾਤ ਦਰਬਾਰ ਗ੍ਰੰਥ ਗੁਰੁ ਆਵੈ । ਤਬ ਹਮਰਾ ਵਹੁ ਦਰਸਨ ਪਾਵੈ ॥ 232 ॥

ਦੋਹਰਾ

ਜਪ ਤਪ ਸੰਜਮ ਜਸ ਉਰ ਪ੍ਰੇਮ ਦਰਸ ਕੀ ਚਾਹਿ ।
ਸੋ ਭਗਵਤ ਦਰਸਨ ਕਰੇ ਮਿਟੇ ਮਿਰਤ ਭਵ ਤਾਹਿ ॥ 233 ॥

ਚੌਪਾਈ

ਗੁਰੁ ਅਰਜਨ ਕੇ ਸੁਨ ਇਮ ਬੈਨਾਂ । ਮੋਹਨ ਮਨ ਪਾਯੋ ਹੈ ਚੈਨਾ ।
ਕਰ ਬੰਦਨ ਪੁਨ ਕੀਨ ਪਿਆਨਾਂ । ਬਡੀ ਪਰਿਕ੍ਰਮਾ ਕ੍ਰਿਪਾ ਨਿਸ਼ਾਨਾਂ ।
ਕਰਿ ਪਰਿਕ੍ਰਮਾ [ਮਨਿ]¹ ਸੁਖ ਪਾਇ । ਗੁਰੁ ਮਹਿਲੀਂ ਤਬ ਸਭੈ ਸਿਧਾਏ ।
ਗੰਗ ਮਾਤ ਮਨ ਮਹਿ ਸੁਖ ਪਾਈ । ਪੁਤ੍ਰ ਸਨੁਖਾ ਸੁ ਸੰਗ ਲਵਾਈ ॥ 234 ॥

ਦੋਹਰਾ

ਸਭ ਅਬਲਨ ਕਉ ਸੰਗ ਲੈ ਮੰਗਲ ਦ੍ਰਵ ਲੈ ਸੰਗ ।
ਸ੍ਰੀ ਦਰਬਾਰ ਦਰਸਨ ਚਲੀ ਹਰਖਤ ਮਾਤਾ ਗੰਗ ॥ 235 ॥

ਚੌਪਾਈ

ਆਗੇ ਬਾਜੇ ਅਧਿਕ ਬਜਾਵਤ । ਪਾਛੇ ਅਬਲਾ² ਮੰਗਲ ਗਾਵਤ ।
ਜਾਇ ਦਰਬਾਰ ਬੇਨਤੀ ਕਰੀ । ਪ੍ਰਸਾਦ ਭੇਟ ਬਹੁ ਆਗੇ ਧਰੀ ।
ਹਰਿ ਗੋਬਿੰਦ ਕਉ ਮਥਾ ਟਿਕਾਯੋ । ਸਹਿਤ ਮਹਿਲ ਕੇ ਅਤਿ ਸੁਖ ਪਾਯੋ ।
ਪੁਨ ਗਾਵਤ ਨਿਜ ਮਹਿਲੀ ਆਈ । ਸਭ ਅਬਲਾ ਮਨ ਮਹਿ ਹਰਖਾਈ ॥ 236 ॥

ਦੋਹਰਾ

ਕਥਾ ਬ੍ਰਿਧ ਤੇ ਅਤਿ ਡਰਹੁ ਕਹ ਲਗ ਕਰਹੁ ਬਖਾਨ ।
ਅਸ਼ਟਿ³ ਦਿਵਸ ਸਭ ਹੀ ਰਹੇ ਮਨ ਮਹਿ ਅਤਿ ਸੁਖ ਮਾਨ ॥ 237 ॥

ਚੌਪਾਈ

ਵਿਦਾਇਗੀ ਸਭ ਕਉ ਸਤਿਗੁਰ ਦੀਨੀ । ਜਥਾ ਜੰਗ ਲਾਇਕ ਜੋ ਚੀਨੀ ।
ਕ੍ਰਿਸਨ ਸਸੀ⁴ ਸਹਿ ਨਾਰ ਸਿਧਾਯੋ । ਗ੍ਰਿਹਿ ਕਉ ਗਯੋ ਅਧਿਕ ਸੁਖ ਪਾਯੋ ॥
ਮੋਹਰੀ ਨਿਜ ਪ੍ਰਵਾਰ ਸੰਗ ਲੈਕੇ । ਕੀਓ ਪਿਆਨ ਅਧਿਕ ਸੁਖ ਪੈਕੇ ।
ਦਾਤ੍ਰ ਜੀ ਪੁਨ ਕੀਨ ਪਿਆਨਾ । ਨਾਰੀ ਪੁਤ੍ਰ ਸਹਿਤ ਸੁਖ ਮਾਨਾਂ ॥ 238 ॥

ਦੋਹਰਾ

ਪਾਛੇ ਮੋਹਨ ਸਿਉਂ ਗੁਰੁ ਅਧਿਕ ਹੇਤ ਉਪਜਾਇ ।
[ਗੁਰਬਾਣੀ]⁵ ਕੀ ਪੋਥੀਆਂ ਮੋਹਨ ਕਉ ਸੋਊਪਾਇ ॥ 239 ॥
ਮੋਹਨ ਕਹਿਓ ਰਾਖੋ ਪ੍ਰਭੂ ਗਏ ਗੁਰ ਖਾਸੇ ਧਾਰ ।
ਤਿਸ ਕੋ ਬੀਚ ਬਹਾਲ ਕੇ ਵਿਦਾ ਕੀਓ ਹਰਖਾਰ ॥ 240 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਨਾਹੀ ³ਏ ਪੋਥੀ ਆਠ ⁴ਏ ਪੋਥੀ ਜੰਦ ⁵ਅ ਪੋਥੀ ਵਿਚੋਂ

ਚੌਪਾਈ

ਭਯੋ ਧਿਆਇ ਪੂਰਨ ਸੁਖਦਾਈ । ਪੜੈ ਸੁਣੈ ਜੋ ਕੋ ਮਨ ਲਾਈ ।
 ਦੁਖ ਦਰਿਦ੍ਰ ਤਾਕਾ ਸਭ ਭਾਜੈ । ਮੰਗਲ ਸਦਾ ਸਦਨ¹ ਤਿਹ ਛਾਜੈ ।
 ਕਵਿ ਬਿਨਤੀ ਸੰਗਤ ਸੁਨ ਲੀਜੈ । ਭੂਲ ਛਿਮਾਪਨ ਹਮਰੀ ਕੀਜੈ ।
 ਅਧਿਕ ਉਨ ਅਛਰ ਜਹਿ ਪਾਵੋ । ਧਾਰ ਕ੍ਰਿਪਾ ਤੁਮ ਤਾਹਿ ਬਨਾਵੋ ॥ 241 ॥

ਦੋਹਰਾ

ਆਗੇ ਕਥਾ ਸੁ ਹੋਇਗੀ ਸੁਲਹੀ ਮ੍ਰਿਤੁ ਕਉ ਪਾਇ ।
 ਪ੍ਰਿਥੀਏ ਚੰਦੂ ਮੇਲ ਭਨ ਜੋਗੀ ਸਿਖ ਕਥਾਇ ॥ 242 ॥
 ਇਤਿ ਸ੍ਰੀ ਗੁਰ ਬਿਲਾਸ ਗ੍ਰੰਥੇ ਗੁਰ ਹਰਿ ਗੋਬਿੰਦ ਜੀ ਕਾ ਵਿਆਹ ਵਰਨੰਨ ਨਾਮ
 ਪੰਚਮੇ ਧਿਆਇ ਸਮਾਪਤ ਮਸਤੁ ਸੁਭ ਮਸਤੁ ॥ ਬੋਲਹ ਜੀ ਵਾਹਿਗੁਰੂ ॥

¹ਅ ਤੇ ਏ ਪੋਥੀ ਗ੍ਰਿਹ

ਅਧਿਆਇ ਛੇਵਾਂ

ਦੋਹਰਾ

ਪ੍ਰਿਥਮ ਚੰਦ ਸ੍ਰੀ ਗੁਰੁ ਕਉ ਚਰਨ ਕਮਲ ਮਨ ਲਾਇ ।
ਮੁਇ ਇਛਾ ਪਰਬੰਧ ਕੀ ਸ੍ਰੀ ਗੁਰ ਕਰਹਿ ਸਹਾਇ ॥ 1 ॥
ਜਬ ਭਾਜੀ ਸਤਿਗੁਰ ਪਠੀ ਪ੍ਰਿਥੀਏ ਕੇ ਨਿਕਟਾਰ ।
ਜੋਉ ਕਥਾ ਪਾਛੇ ਭਈ ਸੋਉ ਸੁਨੋ ਹਿਤ ਧਾਰ ॥ 2 ॥

ਚੌਪਾਈ

ਪ੍ਰਿਥੀਏ ਭਾਜੀ ਦਈ ਹਟਾਇ । ਪਾਛੇ ਰਿਸ¹ ਮਨ ਮਹਿ ਉਪਜਾਇ ।
ਪਠਯੋ ਦੂਤ ਸੁਲਹੀ ਕੇ ਪਾਸ । ਨਿਜ ਹਵਾਲ ਇਮ ਲਿਖ ਅਰਦਾਸ ।
ਤੇਰੇ ਕਹੇ ਮੀਤ ਹਮ ਆਏ । ਦਿਲੀ ਬਾਦਸ਼ਾਹ ਨਿਕਟਾਏ ।
ਗ੍ਰਾਮ ਕ੍ਰਿਪਾ ਤੋਰੀ ਹਮ ਪਾਯੋ । ਕੋਠਾ ਪੂਜਾ ਕਉ ਸੁ ਬਨਾਯੋ ॥ 3 ॥

ਦੋਹਰਾ

ਪਰ ਕਾਰਜ ਨਹਿ ਕੋ ਭਯੋ ਵੈਰੀ ਸਬਲ² ਪਰਾਇ ।
ਤਿਹ ਗ੍ਰਿਹ ਮੰਗਲ ਹੋਤਿ ਹਹਿ ਸਾਦੀ ਪੁਤ੍ਰ ਕਰਾਇ ॥ 4 ॥

ਚੌਪਾਈ

ਅਵਰ ਬ੍ਰਿਤੰਤ ਅਨੇਕ ਲਿਖਾਯੋ । ਪਾਤੀ ਦੈ ਕਰ ਦੂਤ ਪਠਾਯੋ ।
ਪ੍ਰਾਪਤਿ ਦਿਲੀ ਦੂਤ ਸੋ ਭਯੋ । ਸੁਲਹੀ ਸਨਮੁਖ ਤਤ ਛਿਨ ਗਯੋ ।
ਕਰ ਬੰਦਨ ਪਾਤੀ ਤਿਹ ਦਈ । ਅਤਿ ਹਰਖਤ ਹੁਇ ਸੁਲਹੀ ਲਈ ।
ਵਾਚਤ ਪਾਤੀ ਮਨ³ ਖੁਨਸਾਯੋ । ਮੁਖ ਸਿਉਂ ਇਹ ਬਿਧ ਬੈਨ ਸੁਨਾਯੋ ॥ 5 ॥

ਦੋਹਰਾ

ਸੁਨ ਦੂਤ ਐਸੇ ਕਹੇ ਪ੍ਰਿਥੀਏ ਕਉ ਸਮਝਾਇ ।
ਪਾਛੇ ਕੀ ਪਾਛੇ ਰਹੀ ਅਬ ਹਉ ਕਰਉਂ ਉਪਾਇ ॥ 6 ॥

ਚੌਪਾਈ

ਬਾਦਸ਼ਾਹ ਕਉ ਜਾਇ ਸੁਨਾਵਉ । ਕਛੁ ਕਾਰਜ ਕਹਿ ਆਗਯਾ ਪਾਵਹੁ ।
ਨਿਜ ਕਰ-ਤਾਂਕਾ ਕਰਉਂ ਉਪਾਈ । ਅਰਜਨ ਹਤਿ⁴ ਪ੍ਰਿਥੀਏ ਗੁਰਿਆਈ ।

¹ਅ ਪੱਥੀ ਕ੍ਰੋਧ ²ਅ ਤੇ ਏ ਪੱਥੀ ਬਲੀ ³ਅ ਪੱਥੀ ਰਿਦ ⁴ਅ ਪੱਥੀ ਸਾਰ

ਹੋਵੈ ਤਬ ਸ਼ਾਂਤਿ ਮਨ ਹਮਾਰੇ । ਮਿਤ੍ਰ ਹੋਤਿ ਪ੍ਰਭੂ^੧ ਕਰਹੁ ਸੰਘਾਰੇ ।
ਐਸੇ ਲਿਖ ਕਰ ਦੂਤ ਪਠਾਯੋ । ਤਾਤਕਾਲ ਪ੍ਰਿਥੀਏ ਪਹਿ ਆਯੋ ॥ 7 ॥

ਦੋਹਰਾ

ਦੂਤ ਆਇ ਸਭਹੀ ਕਹਾ ਸੁਲਹੀ ਕਾ ਬਿਰਤੰਤ ।
ਪ੍ਰਿਥੀਆ ਸੁਨ ਹਰਖਤ ਭਯੋ ਜਿਮ ਬਲਿ ਪਸੁ ਗਰਬੰਤ ॥ 8 ॥

ਚੌਪਾਈ

ਇਹ ਹਉ ਬੋਰੀ ਬਾਤ ਸੁਨਾਉ । ਭਗਤ ਸਿੰਘ ਤੁਮ ਕਉ ਹਰਖਾਉ^੨ ।
ਕੋਧ ਬਚਨ ਸੁਲਹੀ ਜਬ ਕਹੇ । ਦਿਲੀ ਸੰਗਤ ਸੁਨ ਚਿਤ ਦਹੇ ॥
ਸਭ ਬ੍ਰਿਤੰਤ ਕੀ ਲਿਖ ਅਰਦਾਸ । ਭੇਜੀ ਦਯਾ ਸਿੰਧ ਗੁਰ ਪਾਸ ।
ਮਹਾਰਾਜ ਪਾਤੀ ਯਹਿ ਬਕੈ । ਮਾਰਨ ਸਿਆਲ^੩ ਸਿੰਘ ਕਉ ਤਕੈ ॥ 9 ॥

ਦੋਹਰਾ

ਦੈ ਪਾਤੀ ਸੰਗਤ ਤਬੈ ਪਠਯੋ ਦੂਤ ਗੁਰ ਪਾਸ ।
ਦਿਨਨਿ ਮਹਿ ਪਹੁੰਚਤ ਭਯੋ ਲੀਏ ਦੂਤ ਅਰਦਾਸ ॥ 10 ॥

ਚੌਪਾਈ

ਲਗਯੋ ਦੀਵਾਨ ਅਧਿਕ ਵਿਸਤਾਰਾ । ਕੀਰਤਨ ਹੋਤਿ ਅਖੰਡ^੪ ਅਪਾਰਾ ॥
ਵਿਵਾਹ ਸਮਗ੍ਰੀ ਬਨਤ ਅਨੰਤਾ । ਸਭ ਦਿਸ ਬਾਜੈ ਬਜਤ ਬਿਅੰਤਾ ।
ਮੰਗਲ ਦੇਖ ਦੂਤ ਹਰਖਾਨਾ । ਸ੍ਰੀ ਗੁਰ ਕਉ ਤਬ ਬੰਦਨ ਠਾਨਾ ।
ਫਿਰ ਸਤਿਗੁਰ ਕਉ ਪਾਤੀ ਦੀਨੀ । ਸੰਗਤ ਕੀ ਬਹੁ ਬਿਨਤੀ ਕੀਨੀ ॥ 11 ॥

ਦੋਹਰਾ

ਸੰਗਤ ਕੀ ਬਿਨਤੀ ਸੁਨੀ ਪਾਤੀ ਪੜੀ ਸੁਧਾਰ ।
ਗੁਰੁ ਨਿਕਟਿ ਜੋ ਸਿਖ ਥੇ ਤਿਨ ਇਮ ਕੀਓ ਉਚਾਰ ॥ 12 ॥

ਚੌਪਾਈ

ਹੇ ਪ੍ਰਭ ਤੁਰਕ ਰਾਜ ਬਲ ਪਾਯੋ । ਸੁਲਹੀ ਚਾਹੈ ਇਹ ਦਿਸ ਆਯੋ ।
ਸੁਲਹੀ ਪਾਪੀ ਬਡ ਦੁਖਦਾਈ । ਮੇਲ ਧਾਰ ਲੇਹੁ ਸਮਾਂ ਬਿਤਾਈ ।
ਨਾਤਰ ਪ੍ਰਿਥੀਆ ਲੇਹੁ ਮਿਲਾਏ । ਆਗੇ ਜੋ ਪ੍ਰਭੂ ਕੇ ਮਨ ਭਾਏ ।
ਸ੍ਰੀ ਗੁਰ ਉਤਰ ਕਛੂ ਨ ਕੀਨੋ । ਸੁਲਹੀ ਬਾਤ ਸੁਨੋ ਜਿਮ ਖੀਨੋ ॥ 13 ॥

ਦੋਹਰਾ

ਜਹਾਂਗੀਰ ਬਾਦਿਸ਼ਾਹ ਕੇ ਸੁਲਹੀ ਜਾ ਨਿਕਟਾਇ ।
ਸਮਾਂ ਜਾਨ ਮੁਖ ਸਿਉ^੫ ਕਹਾ ਟਕੇ ਲਿਆਵਉ^੬ ਜਾਇ ॥ 14 ॥

^੧ਅ ਤੇ ਏ ਪੋਥੀ ਗੁਰਿ ^੨ਅ ਪੋਥੀ ਮੂਸਾ ਏ ਪੋਥੀ ਗੀਦੜ ^੩ਅ ਪੋਥੀ ਬੇਅੰਤ

ਚੌਪਾਈ

ਲੈ ਆਗਯਾ¹ ਤਬ ਕੀਨ ਪਿਆਨਾ । ਪ੍ਰਿਥੀਏ ਓਰ ਚਲਯੋ ਰਿਸ ਠਾਨਾਂ ।
ਸੰਗਤ ਔਰ ਸੁ ਦੂਤ ਪਠਾਯੋ । ਜਬ ਸੁਲਹੀ ਇਹ ਦਿਸ ਕਉ ਆਯੋ ।
ਆਇ ਗੁਰੂ ਸਿਉ ਬਾਤ ਉਚਾਰੀ । ਜਿਹ ਬਿਧ ਸਿਉ ਨਿਜ ਨੈਨ ਨਿਹਾਰੀ ।
ਸੁਨਤ ਸਿਖ ਜੇ ਗੁਰੂ ਨਿਕਟਾਰੇ । ਹਾਥ ਜੋਰ ਗਰਿ ਅੰਚਰ ਡਾਰੇ ॥ 15 ॥

ਦੋਹਰਾ

ਸਭ ਸਿਖਨ ਮਿਲ ਯੋਂ ਕਹਾ ਹੇ ਪ੍ਰਭ ਦੀਨਾ² ਨਾਥ ।
ਵਹਿ ਪਾਪੀ ਆਯੋ ਇਧਰ ਦੂਤ ਸੁਨਾਈ ਗਾਥ ॥ 16 ॥

ਚੌਪਾਈ

ਹੇ ਪ੍ਰਭ ਜੀ ਕਛੁ ਕਰੋ ਉਪਾਈ । ਜਾਂਤੇ ਏਹ ਖੇਦ ਮਿਟ ਜਾਈ ।
ਰਹੇ ਮੋਨ ਗੁਰੂ ਕਛੁ ਨ ਭਾਖਤ । ਬਾਰ ਬਾਰ ਬਿਨਤੀ ਸਿਖ ਰਾਖਤ ।
ਹੇ ਪ੍ਰਭ ਹਮਰੇ ਮਨ ਭ੍ਰਮ ਪਾਯੋ । ਕਰੋ ਕ੍ਰਿਪਾ ਜਿਮ ਤਾਂਹਿ ਹਟਾਯੋ ।
ਬਾਰ ਬਾਰ ਸੰਗਤ ਜਬ ਕਹਾ । ਭੇ³ ਕ੍ਰਿਪਾਲ ਗੁਰੂ ਅਸ ਬਚ ਲਹਾ ॥ 17 ॥

ਦੋਹਰਾ

ਸੰਗਤ ਮਨ ਧੀਰਜ ਧਰੋ ਸ੍ਰੀ ਗੁਰ⁴ ਕਰਹਿ ਸਹਾਇ ।
ਈਹਾਂ ਦੁਸ਼ਟਿ ਆਵੈ ਨਹੀਂ ਤਹਾਂ ਮਰੇ ਦੁਖ ਪਾਇ ॥ 18 ॥

ਚੌਪਾਈ

ਕਮਲ ਬਦਨ ਸ੍ਰੀ ਗੁਰ ਕੇ ਬੈਨਾਂ । ਸੁਨ ਸਿਖਨ ਮਨ ਪਾਯੋ ਚੈਨਾਂ ।
ਹਰਖ ਦੂਤ ਦਿਲੀ ਕਉ ਧਾਏ । ਸੰਗਤ ਸਿਉਂ ਜਾਇ ਬੈਨ ਸੁਨਾਏ ।
ਸੰਗਤ ਸੁਨ ਅਮੋਘ ਗੁਰੂ ਬੈਨਾਂ । ਸੁਲਹੀ ਮਰੈ ਧਰਯੋ ਮਨ ਚੈਨਾਂ ।
ਪ੍ਰਿਥੀਏ ਸੁਨਿਓ ਸੁਲਹੀ ਆਯੋ । ਹਰਖਤ ਆਗੇ ਲੈਨ⁵ ਸਿਧਾਯੋ ॥ 19 ॥

ਦੋਹਰਾ

ਸੁਲਹੀ ਪ੍ਰਿਥੀਆ ਮਿਲਤ ਭਏ ਮਨ ਮਹਿ ਅਤਿ ਸੁਖ ਪਾਇ ।
ਸੁਲਹੀ ਕਾ ਆਦਰ ਕੀਓ ਪ੍ਰਿਥੀਏ ਮਨ ਹਰਖਾਇ ॥ 20 ॥

ਚੌਪਾਈ

ਨਿਜ ਬ੍ਰਿਤੰਤ ਸਭ ਤਾਂਹਿ ਸੁਨਾਯੋ । ਸੁਨੋ ਮੀਤ ਮੋਹਿ ਬਡ ਦੁਖ ਪਾਯੋ ।
ਸੁਲਹੀ ਕਹਾ ਚਿੰਤ ਨਹੀਂ ਧਾਰੋ । ਪਾਛੇ ਕੀ ਚਿਤ ਨਾਹਿ ਸੰਭਾਰੋ ।
ਹਮਰੇ ਬਚਨ ਮਾਨ ਇਹੁ ਲੀਜੈ । ਮੈਂ ਤਿਹ ਮਾਰਉਂ ਤੁਮ ਸੁਖ ਕੀਜੈ ।
ਔਰ ਕਠੋਰ ਬਚਨ ਮੁਖ ਕਹੇ । ਸੁਨ ਪ੍ਰਿਥੀਆ ਮਨ ਆਨੰਦ ਲਹੇ ॥ 21 ॥

¹ਅ ਪੋਥੀ ਆਇਸ ²ਅ ਪੋਥੀ ਹਮਰੇ ³ਅ ਪੋਥੀ ਹੋਇ ⁴ਅ ਤੇ ਏ ਪੋਥੀ ਪ੍ਰਭੂ ਜੀ ⁵ਅ ਪੋਥੀ ਮਿਲਨ

ਦੋਹਰਾ

ਕਛੁਕ ਦਿਵਸ¹ ਸੁਲਹੀ ਰਹਿਓ ਪ੍ਰਿਥੀਏ ਕੇ ਨਿਕਟਾਇ ।
ਤਾਂਹਿ ਦਿਖਾਏ ਆਪਨੇ ਪ੍ਰਿਥੀਏ ਗ੍ਰਿਹ ਸਮੁਦਾਇ ॥ 22 ॥

ਚੌਪਾਈ

ਪ੍ਰਿਥੀਏ ਬਹੋਰੋ ਕੀਨ ਉਚਾਰਾ । ਸੁਨੇ ਮੀਤ ਤੁਮ ਜਤਨ ਹਮਾਰਾ ।
ਕਛੁ ਮੰਦਰ ਇਹ ਭਏ ਤਿਆਰ । ਆਵੇ ਚਾੜੇ ਔਰ ਅਪਾਰ ।
ਚਲੇ ਸੋਇ ਤੁਮ ਕਉ ਦਿਖਲਾਵਹੁ । ਭਏ ਤਯਾਰ ਪਕੇ ਦ੍ਰਿਸ਼ਟਾਵਹੁ ।
ਸੁਲਹੀ ਸੁਨ ਬਚ ਭਯੋ ਸੁਚੇਤ । ਪ੍ਰਿਥੀਏ ਸੰਗ ਆਵੇ ਦਿਖ ਹੇਤ ॥ 23 ॥

ਦੋਹਰਾ

ਪੁਤ੍ਰ ਮੀਤ ਨਿਜ ਸੰਗ ਲੈ ਸੁਲਹੀ ਕੀਓ ਪਿਆਨ ।
ਪ੍ਰਿਥੀਏ ਕਰ ਨਿਜ ਕਰ ਗਹਿਓ ਚਲਿਓ ਅਧਿਕ² ਸੁਖ ਮਾਨ ॥ 24 ॥

ਚੌਪਾਈ

ਸੁਲਹੀ ਪ੍ਰਿਥੀਆ ਮਨ ਸੁਖ ਪਾਏ । ਆਵਾ ਏਕ ਦੇਖ ਹਰਖਾਏ³ ।
ਪ੍ਰਿਥੀਆ ਲਾਗੇ ਲਘੁ ਸੰਕਾ ਕਰ । ਸੁਲਹੀ ਜਾਇ ਚੜਿਓ [ਆਵੇ ਪਰਿ]⁴ ।
ਪੁਤ੍ਰ ਮੀਤ ਨਿਜ ਸੰਗਿ ਲਵਾਏ ॥ ਆਵੇ ਚੋਟੀ ਚੜਿਓ ਸੁ ਜਾਇ ।
ਭਗਤ ਸਿੰਘ ਅਸ ਕੌਤਕ ਭਯੋ । ਕੇਰੀ ਮਧ ਧਸਕ ਸੋ ਗਯੋ ।
ਕਮਰ ਬੀਚ ਤਿਹ ਪਰਸ ਸੁਹਾਯੋ । ਗਿਰਤ ਉਛਲ ਤਿਹ ਕੰਠ ਲਗਾਯੋ ।
ਮੂੰਡ ਰੁੰਡ ਤੇ ਨਿਆਰਾ ਭਯੋ । ਧਸ ਕਰ ਦਿਖ ਨ ਜਾਨ ਕਹਿ ਗਯੋ ॥ 25 ॥

ਦੋਹਰਾ

ਪੁਤ੍ਰ ਮਿਤ੍ਰ ਸਭਹੀ ਧਸੇ ਕੇਰੀ ਤਪਤ ਮਝਾਰ ।
ਪ੍ਰਿਥੀਆ ਦਿਖ ਬਿਸਮਹਿ⁵ ਭਯੋ ਕਿਆ ਕੀਨੋ ਕਰਤਾਰ ॥ 26 ॥

ਚੌਪਾਈ

ਭਗਤ ਸਿੰਘ ਗੁਰ ਬਚਨ ਉਚਾਰੇ । ਗ੍ਰਿਥ ਬੀਚ ਸੁਨੀਏ ਨਿਰਧਾਰੇ ।
ਜੈਸਾ ਕਰੇ ਸੁ ਤੈਸਾ ਪਾਵੇ । ਅਭਿਮਾਨੀ ਕੀ ਜੜ ਸਰਪਰ ਜਾਵੇ ।
ਆਦਿ ਅੰਤ ਗੁਰੁ ਜਾਨਨਿਹਾਰਾ । ਸ੍ਰੀ ਗੁਰ ਅਰਜਨ ਰੂਪ ਮੁਰਾਰਾ ।
ਸੁਲਹੀ ਪ੍ਰਥਾਇ ਸਬਦਿ ਬਖਾਨਾ । ਆਗੇ ਹੀ ਗੁਰੁ ਕ੍ਰਿਪਾ ਨਿਧਾਨਾ ॥ 27 ॥

ਦੋਹਰਾ

ਭਗਤਿ ਸਿੰਘ ਬਿਨਤੀ ਕਰੀ ਹੇ ਪ੍ਰਭ ਸੰਹਿ ਸੁਨਾਇ ।
ਗੁਰੁ ਸਬਦਿ ਕਿਹ ਠਾ ਕਹਾ ਸੁਲਹੀ ਕੇ ਪਰਥਾਇ ॥ 28 ॥

¹ਅ ਪੌਥੀ ਸਮਾਂ ²ਅ ਪੌਥੀ ਬਹੁ ³ਅ ਪੌਥੀ ਬਿਸਰਾਇ ⁴ਅ ਪੌਥੀ ਵਿਚੋਂ ⁵ਅ ਪੌਥੀ ਵਿਆਕੁਲ

ਚੌਪਾਈ

ਮਨੀ ਸਿੰਘ ਕਹਿ ਸੁਨਹੁ ਸਿੱਖ ਇਕ ਸੌ ਤਿੰਨ ਪਰ ਜਾਨ ।
ਬਿਲਾਵਲ ਮਹਿ ਸ੍ਰੀ ਗੁਰ ਕਹਾ ਕਹੋਂ ਅਰਥ ਤਿੰਹ ਮਾਨ ॥ 29 ॥

॥ ਬਿਲਾਵਲ ਮਹਲਾ ੫ ॥¹

ਸੁਲਹੀ ਤੇ ਨਾਰਾਇਣ ਰਾਖੁ ।

ਸੁਲਹੀ ਕਾ ਹਾਥੁ ਕਹੀ ਨ ਪਹੁਚੈ ਸੁਲਹੀ ਹੋਇ ਮੂਆ ਨਾਪਾਕ ॥ 1 ॥ ਰਹਾਉ ॥
ਕਾਢਿ ਕੁਠਾਰੁ ਖਸਮਿ ਸਿਰੁ ਕਾਟਿਆ ਖਿਨ ਮਹਿ ਹੋਇ ਗਇਆ ਹੈ ਖਾਕੁ ।
ਮੰਦਾ ਚਿਤਵਤ ਚਿਤਵਤ ਪਚਿਆ ਜਿਨਿ ਰਚਿਆ ਤਿਨਿ ਦੀਨਾ ਧਾਕੁ ॥ 1 ॥
ਪੁਤ੍ਰ ਮੀਤ ਧਨੁ ਕਛੂ ਨ ਰਹਿਓਸੁ ਛੋਡਿ ਗਇਆ ਸਭ ਭਾਈ ਸਾਕੁ ।
ਕਹੁ ਨਾਨਕ ਤਿਸੁ ਪ੍ਰਭ ਬਲਿਹਾਰੀ ਜਿਨਿ ਜਨ ਕਾ ਕੀਨੋ ਪੂਰਨ ਵਾਕੁ ॥ 104 ॥

ਅਰਥ ॥ ਛਪੈ ॥

ਸੁਲਹੀ ਤੇ ਨਾਰਾਇਣ ਹਮਰੀ ਰਛਾ ਕੀਜੈ ।
ਪਹੁਚ ਨ ਸੁਲਹੀ ਹਾਥ ਹੋਇ ਨਾਪਾਕ ਮਰੀਜੈ ।
ਕਾਢਯੋ ਤਹਾ ਕੁਠਾਰ ਪ੍ਰਭੁ ਤਿਹ ਖਾਕੁ ਰਲਾਯੋ ।
ਮੰਦਾ ਚਿਤਵਤ ਪਚਯੋ ਰਚਯੋ ਜਿਨ ਤਿਨੈ ਖਪਾਯੋ ।
ਪੁਤ੍ਰ ਮੀਤ ਨਹਿ ਧਨ ਰਹਾ ਭਾਈ ਸਾਕੁ ਛਡ ਜਾਇ ਹੈਂ ।
ਕਹੁ ਨਾਨਕ ਜਨ ਕੇ ਪ੍ਰਭੁ ਪੂਰਨ ਵਾਕੁ ਕਰਾਇ ਹੈਂ ॥ 30 ॥

ਦੋਹਰਾ

ਭਗਤ ਸਿੰਘ ਐਸੇ ਕਹਾ ਸ੍ਰੀ ਗੁਰ ਸਬਦ ਬਖਾਨ ।
ਆਦਿ ਅੰਤ ਗਯਾਤਾ ਪ੍ਰਭੁ ਯਾ ਮੈ ਸੰਸ ਨ ਠਾਨ ॥ 31 ॥

ਚੌਪਾਈ

ਦਿਖ² ਪ੍ਰਿਥੀਆ ਮਨ ਮਹਿ ਬਿਸਮਾਯਓ । ਚਿੰਤਾਤੁਰ ਹੋਇ ਨਿਜ ਗ੍ਰਿਹਿ ਆਯਓ ।
ਆਇ ਸਦਨ ਅਸ ਕਰੇ ਵਿਚਾਰਾ । ਮੋਕਉ ਦੁਖ ਅਬ ਭਯੋ ਅਪਾਰਾ ।
ਮੁਹਿ ਸਹਾਇ³ ਸੁਲਹੀ ਥਾ ਆਇਆ । ਧਸ ਆਵੇ ਜਮ ਸਦਨ ਸਿਧਾਇਆ ।
ਅਬ ਉਪਾਇ ਮੈਂ ਕੈਸੇ ਕਰਹੂੰ । ਜਾਕਰ ਨਿਜ ਮਨ ਧੀਰਜ ਧਰਹੂੰ ॥ 32 ॥

ਦੋਹਰਾ

ਨਿਸ ਦਿਨ ਯਾਹਿ ਚਿੰਤਾ ਕਰੈ ਪ੍ਰਿਥੀਆ ਅਤਿ ਹੂੰ ਦੀਨ ।
ਤਬ ਲੈ ਚੰਦੂ ਸੁਨਤ ਭਯੋ ਵਿਵਾਹ ਗੁਰ ਸੁਤ ਕੀਨ ॥ 33 ॥

ਚੌਪਾਈ

ਨਿਜ ਮਨ ਮਹਿ ਬਡ ਸੋਕ⁴ ਧਰਾਯੋ । ਚਾਹੈ ਇਨ ਘਰ ਫੋਟਕ ਪਾਯੋ ।
ਜਦਪਿੰ ਸੁਨਯੋ ਸੁਲਹੀ ਕਉ ਮਰਨਾ । ਪ੍ਰਿਥੀਏ ਰਿਸ ਤਦਪਿ ਯਾਹਿ ਕਰਨਾ ।

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 825. ²ਅ ਪੌਥੀ ਪਿਖ ³ਅ ਪੌਥੀ ਹਮਰੇ ਹਿਤ ⁴ਅ ਤੇ ਏ ਪੌਥੀ ਰੋਸ

ਸੁਨੋ ਦੂਤ ਤੁਮ ਬੈਨ ਹਮਾਰੇ । ਪ੍ਰਿਥੀਏ ਪਾਸ ਜਾਹੁ ਨਿਰਧਾਰੇ ।
ਪਾਤੀ ਲਿਖੀ ਮੁਖਹੂੰ ਅਸ ਕਹੇ । ਤੁਮਰੋ ਭਾਤ ਮੋਹਿ ਰਿਦ ਕਹੇ ।
ਮਮ ਪੁਤ੍ਰੀ ਕੀ ਛੋਰ ਸਗਾਈ । ਕੀਨੋ ਐਰ ਬਯਾਹ ਉਮਗਾਈ ॥ 34 ॥

ਦੋਹਰਾ

ਪਾਤਿਸ਼ਾਹੀ ਦੀਵਾਨ ਹਉਂ ਸਮਝਉਂਗਾ ਤਿਸ ਨਾਰ ।
ਐਸੇ ਬਚਨ ਸੁ ਕੋਪ ਕੇ ਕਹੇ ਅਨੇਕ ਪ੍ਰਕਾਰ ॥ 35 ॥

ਚੌਪਾਈ

ਚਲਯੋ ਦੂਤ ਪ੍ਰਿਥੀਏ ਪਹਿ ਆਯੋ । ਦੈ ਪਾਤੀ ਸੰਦੇਸ ਸੁਨਾਯੋ ।
ਪੜ ਪਾਤੀ ਸੁਨ ਤਾਂਹਿ ਸੰਦੇਸਾ । ਪ੍ਰਿਥੀਏ ਮਨਿ ਕਿਯਾ¹ ਹਰਖ ਪ੍ਰਵੇਸਾ ।
ਕਛੁ ਧੀਰਜ ਨਿਜ ਮਨ ਮਹਿ ਆਯੋ । ਪੁਨਹਿ ਦੂਤ ਕੋ ਬਚਨ ਸੁਨਾਯੋ ।
ਸੁਨੋ ਦੂਤ ਅਸ ਜਾਇ ਉਚਾਰੋ । ਹਮ ਤਿਸਕਾ ਬਡ ਬੈਰ ਬਿਚਾਰੋ ॥ 36 ॥

ਦੋਹਰਾ

ਮੋਹਿ ਗ੍ਰਿਹ ਤੇ ਕਾਢਿਓ ਤਿਸੈ ਲੀਨੋ ਦਰਬ ਭੰਡਾਰ ।
ਮੋਰੀ ਭੀ ਰਖਯਾ ਕਰੋ ਸ਼ਰਨੀ ਅਯੋ² ਤੁਮਾਰ ॥ 37 ॥

ਚੌਪਾਈ

ਲਿਖ ਪਾਤੀ ਯਹਿ ਬਾਤ ਸੁਨਾਈ । ਚਲਯੋ ਦੂਤ ਤਿੰਹ ਆਗਯਾ ਪਾਈ ।
ਚੰਦੂ ਨਿਕਟਿ ਦੂਤ ਜਬ ਗਯੋ । ਕਰ ਬੰਦਨ ਪੁਨ ਭਾਖਤ ਭਯੋ ।
ਸਭ ਸੰਦੇਸ ਪ੍ਰਿਥੀਏ ਕਾ ਕਹਾ । ਸੁਨ ਚੰਦੂ ਮਨ ਆਨੰਦ ਲਹਾ ।
ਨਿਜ³ ਮਨ ਮਹਿ ਤਿਨ ਐਸ ਵਿਚਾਰੀ । ਘਰ ਫੁਟਯੋ ਅਬ ਕਰਉਂ ਸੰਘਾਰੀ ॥ 38 ॥

ਦੋਹਰਾ

ਪਠਯੋ ਦੂਤ ਤਬ ਦਰਬ ਦੇ ਪ੍ਰਿਥੀਏ ਕੇ ਨਿਕਟਾਰ ।
ਪ੍ਰਿਥੀਏ ਸਿਉ ਐਸੇ ਲਿਖਯੋ ਆਵਹੁ ਨਿਕਟ ਹਮਾਰ ॥ 39 ॥

ਚੌਪਾਈ

ਦੂਤ ਆਇ ਧਨ⁴ ਪ੍ਰਿਥੀਏ ਦੀਨੋਂ । ਕਰਯੋ ਸਮੋਧ ਬਹੁਤ ਹਿਤ ਕੀਨੋਂ ।
ਤੁਮ ਪ੍ਰਤਿ ਚੰਦੂ ਅਸ ਬਚ ਭਾਖੋ । ਮਨ ਮਾਹਿ ਤੁਮ ਕਛੁ ਚਿੰਤ ਨਾ ਰਾਖੋ ।
ਚੰਦੂ ਨਿਕਟਿ ਸਿਤਾਬੀ ਚਲੋ । ਤਾਂ ਸਿਉ ਮਿਲ ਨਿਜ ਵੈਰੀ ਦਲੋ ।
ਧੰਨ ਗ੍ਰਿਹ ਰਾਖ ਦੂਤ ਸੰਗ ਧਾਯੋ । ਪ੍ਰਿਥੀਆ ਹਰਖਤ ਤੁਰਤ ਸੁ ਆਯੋ ॥ 40 ॥

ਦੋਹਰਾ

ਪ੍ਰਿਥੀਆ ਚੰਦੂ ਕਉ ਮਿਲਯੋ ਅਤਿ ਹਿਤ ਮਨ ਧਾਰ ।
ਚੰਦੂ ਬਹੁ ਆਦਰ ਕੀਓ ਮਿਲਯੋ ਸੁ ਭੁਜਾ⁵ ਪਸਾਰ ॥ 41 ॥

¹ਅ ਪੋਥੀ ਵਡਿ ²ਅ ਪੋਥੀ ਪੜਿਓ ³ਅ ਪੋਥੀ ਯਧਨੋ ⁴ਅ ਤੇ ਏ ਪੋਥੀ ਦਰਬ ⁵ਅ ਪੋਥੀ ਬਾਹੇ

ਚੌਪਾਈ

ਦੋਉ ਪਾਪਿ ਮਤਿ ਧਰ ਇਕਠਾਏ । ਇਕ ਆਸਨ ਬੈਠੇ ਹਰਖਾਏ ।
ਨਿਜ ਦੁਖ ਪ੍ਰਿਥੀਏ ਰੋਇ ਸੁਨਾਯੋ । ਸੁਨ ਚੰਦੂ ਤਿਹੰ ਧੀਰ ਧਰਾਯੋ ।
ਪਰਸਪਰ ਕੀਨੋ ਮ੍ਰਿਤਾਚਾਰਾ । ਪਾਗ ਵਟਾਇ ਹਰਖ ਮਨ ਧਾਰਾ ।
ਬਹੁਰ ਚੰਦੂ ਕੀਨ ਉਚਾਰੀ । ਸੁਨੋ ਮੀਤ ਤੁਮ ਬਾਤ ਹਮਾਰੀ ॥ 42 ॥

ਦੋਹਰਾ

ਸਗਾਈ ਪੁਤ੍ਰੀ ਕੀ ਪਠੀ ਤਾਂਕੇ ਸਦਨ ਮਝਾਰ ।
ਪੁਠੀ ਮੋੜ ਮੋਕਉ ਤਿਨਹਿ ਕੂਕਰ¹ ਕੀਨ ਉਚਾਰ ॥ 43 ॥

ਚੌਪਾਈ

ਔਰ ਠੌਰ ਸੁਤ ਲੀਓ ਵਿਵਾਹੇ । ਇਹ ਸੁਨਕੈ ਮੋਰੇ ਮਨ ਦਾਹੇ ।
ਕਹਿ ਪ੍ਰਿਥੀਆ ਤਿਹ ਮਾਨ ਗੁਰਾਈ । ਆਖ ਤਰੈ ਨਹਿ ਕਿਸੇ ਲਿਆਈ ।
ਕਹਿ ਚੰਦੂ ਤਿਹ ਮਾਨ ਨਿਵਾਰਹੁ । ਗੁਰ ਅਹੰਕਾਰੀ ਤਿਸੈ ਸੰਘਾਰਹੁ ।
ਬਾਦਸ਼ਾਹ ਕਉ [ਹਉ]² ਕਰਉ ਤਯਾਰ । ਚਲ ਲਾਹੌਰ ਤਿਹ ਕਰਹੁ ਸੰਘਾਰ ॥ 44 ॥

ਦੋਹਰਾ

ਚਿੰਤ ਤਿਆਗ ਤੁਮ ਗ੍ਰਿਹਿ ਬਸੋ ਕਰਉ ਗੁਰੁ ਜਗ ਤੋਹਿ ।
ਜਬ ਤਾਹਿ ਸੰਘਾਰਹਉ ਪਰੈ ਸ਼ਾਂਤਿ ਤਬੈ ਮੋਹਿ ॥ 45 ॥

ਚੌਪਾਈ

ਬਾਰ ਬਾਰ ਯਾਹਿ ਦੁਸ਼ਟਿ ਉਚਾਰੇ । ਸੁਨ ਪ੍ਰਿਥੀਆ ਆਨੰਦ ਮਨ ਧਾਰੇ ।
ਚੰਦੂ ਧਨ ਪ੍ਰਿਥੀਏ ਕਉ ਦਯੋ । ਬਿਦਾ ਹੋਇ ਪ੍ਰਿਥੀਆ ਗ੍ਰਿਹਿ ਅਯੋ ।
ਪ੍ਰਿਥੀਏ ਚਿੰਤਾ ਦੂਰ ਗਵਾਈ³ । ਨਿਸਚੈ ਅਬ ਲੇਵਹੁ⁴ ਗੁਰਿਆਈ ।
ਸੁਲਹੀ ਕੇਵਲ ਹੇਤਿ ਹਮਾਰੇ । ਚੰਦੂ ਨਿਜ ਹਿਤ ਤਾਹਿ ਸੰਘਾਰੇ ॥ 46 ॥

ਦੋਹਰਾ

ਚੰਦੂ ਪ੍ਰਿਥੀਏ ਮੇਲ ਕੀ ਕਹੀ ਕਥਾ ਪ੍ਰਗਟਾਇ ।
ਭਗਤ ਸਿੰਘ ਸਿਖ ਕੀ ਕਥਾ ਸੁਨਹੁ ਅਧਿਕ ਚਿਤ ਲਾਇ ॥ 47 ॥

ਚੌਪਾਈ

ਸ੍ਰੀ ਗੁਰੁ ਤਾਰੇ ਸਿਖ ਅਨੰਤ । ਕੌਨ⁵ ਕਵੀ ਜੋ ਭਾਖੇ ਅੰਤ ।
ਨਖਿਯਤੁ ਗਨੈ ਤਰੰਗ ਗਗਨ ਜਾਵੈ । ਗੁਰੁ ਸਿਖ ਤਾਰੇ ਅੰਤ ਨ ਪਾਵੈ ।
ਦਯਾ [ਜਨਮਜ]⁶ ਅਰ ਪਤਿ ਕ੍ਰਿਪਾ ਕਰ । ਮੋਹ ਸੁਨਾਈ ਸੁਨੋ ਹਰਖ ਧਰ ।
ਗੁਰ ਅਰਜਨ ਕੇ ਨਿਕਟਿ ਰਹਾਵੈ । ਗੁਰਮੁਖ ਨਾਮ ਬਹੁ ਸੇਵ ਕਮਾਵੈ ।

¹ਅ ਪੋਥੀ ਸੂਕਰ²ਅ ਪੋਥੀ ਵਿਚੋ³ਅ ਪੋਥੀ ਹਟਾਈ⁴ਅ ਤੇ ਏ ਖੋਲ੍ਹ⁵ਅ ਪੋਥੀ ਕਵਨ⁶ਅ

ਪੋਥੀ ਵਿਚੋ

ਹਾਥ ਜੋਰ ਤਿਨ ਐਸ ਉਚਾਰਾ । ਦਯਾ ਸਿੰਧ ਤੁਮ ਰੂਪ ਮੁਰਾਰਾ ।
 ਹੇ ਪ੍ਰਭ ਜੀ ਮੁਹਿ ਕਰੋ ਬਖਾਨਾ । ਗੁਰ ਕਾ ਭਾਣਾ ਜਿਨ ਸਿਖ ਮਾਨਾ ।
 ਸਨਮੁਖ ਸਿਖ ਜੋ ਰਹਤ ਅਪਾਰਾ । ਦਰਸ ਕਰਾਵੋ ਮੋਹਿ ਮੁਰਾਰਾ ।
 ਕਹਤ ਐਸ ਕਛੁ ਦਿਨ ਚਲ ਗਏ । ਸ੍ਰੀ^੧ ਗੁਰ ਉਤਰ ਕਛੁ ਨ ਦਏ ।
 ਅਧਿਕ ਪ੍ਰੇਮ ਤਿਹ ਸ੍ਰੀ ਗੁਰ ਦੇਖਾ । ਏਕ ਦਿਵਸ ਇਮ ਕਹਾ ਅਲੇਖਾ ।
 ਸਨਮੁਖ ਸਿਖ ਭਿਖਾਰੀ ਨਾਮਾਂ । ਜਪੈ ਗੁਰੂ ਗੁਰ ਆਠੋਂ ਜਾਮਾਂ ॥ 48 ॥

ਦੋਹਰਾ

ਗੁਜਰਾਤ ਮਾਂਹਿ ਸੋ ਬਸਤ ਹੈ ਗੁਰ ਬਿਨ ਸਵਾਸ ਨ ਜਾਇ ।
 ਪ੍ਰਭ ਭਾਣਾ ਤਿਹ ਮਨ ਬਸੈ ਤੁਮ ਜਾ ਦਰਸ ਦਿਖਾਇ ॥ 49 ॥

ਚੌਪਾਈ

ਗੁਰਮੁਖ ਸ੍ਰੀ ਗੁਰ ਆਗਯਾ ਪਾਏ । ਗੁਜਰਾਤ ਓਰ ਚਲਿਓ ਹਰਖਾਏ ।
 ਚਲਤ ਪੰਥ^੨ ਮਨ ਐਸ ਵਿਚਾਰੀ । ਸ੍ਰੀ ਮੁਖ ਤਾਂਕੀ ਉਪਮ ਉਚਾਰੀ ॥
 ਦੇਖਹੁ ਰਹਿਤ ਕੈਸ ਤਿਹ ਹੋਈ । ਐਸ ਵਿਚਾਰਤ ਪਹੁੰਚਿਓ ਸੋਈ ।
 ਗੁਜਰਾਤ ਬੀਚ ਭਿਖਾਰੀ ਸਦਨਾ । ਪ੍ਰਭੁਤ ਗਏ ਧਾਰ ਦੁਖ ਕਦਨਾ ॥ 50 ॥

ਦੋਹਰਾ

ਗੁਰਮੁਖ ਆਗੇ ਦੇਖਿਓ ਤਿਹ ਘਰ ਪੁਤ੍ਰ ਵਿਵਾਹ ।
 ਅਬਲਾ ਮੰਗਲ ਗਾਵਹਿ ਮਨ ਮਹਿ ਬਢਯੋ ਉਮਾਹ ॥ 51 ॥

ਚੌਪਾਈ

ਭਿਖਾਰੀ ਦੇਖਿਓ ਕਿਰਤ ਕਮਾਵਤ । ਸਤਰੰਜੀ ਟੁਟੀ ਗੰਢ ਲਾਵਤ ।
 ਜਾਇ ਪ੍ਰਨਾਮ^੩ ਕਰੀ ਤਬ ਗੁਰਮੁਖ । ਦਰਸਨ ਦੋਹਿ ਪਠਯੋ ਗੁਰ ਸਨਮੁਖ ॥
 ਭਿਖਾਰੀ ਉਠ ਬਹੁ ਆਦਰ ਕੀਨਾ । ਚਰਨ ਬੰਦ ਤਿਹ ਆਸਨ ਦੀਨਾ ।
 ਭਿਖਾਰੀ ਗ੍ਰਿਹ ਕਾਰਜ ਲਪਟਾਯੋ^੪ । ਗੁਰਮੁਖ ਦੇਖ ਅਧਿਕ ਬਿਸਮਾਯੋ ॥ 52 ॥

ਦੋਹਰਾ

ਤਿਹ ਮਨ ਕੀ ਤਬ ਜਾਨ ਕੈ ਐਸ ਭਿਖਾਰੀ ਕੀਨ ।
 ਗੁਰਮੁਖ ਕਰ ਨਿਜ ਕਰ ਗਹਿਓ ਬਡੋ ਹਰਖ ਚਿਤ ਲੀਨ ॥ 53 ॥

ਚੌਪਾਈ

ਵਿਵਾਹ ਸਮਗ੍ਰੀ ਤਾਂਹਿ ਦਿਖਾਈ । ਬਸਤੁ ਸਸਤੁ ਜੋ ਬਨਤ ਬਨਾਈ ।
 ਭੂਖਨ ਸੁਤ ਤੀਅ ਕੇਰ ਅਪਾਰਾ । ਕਛੁ ਘੜੇ ਕਛੁ ਘੜਤ ਸੁਨਾਰਾ ।
 ਆਗੇ ਚਲ ਪੁਨ ਔਰ ਦਿਖਾਈ । ਜਹਿ ਕੋਠਾ ਥਾ ਭਰਾ ਮਿਠਾਈ ।
 ਆਗੇ ਕੁਠੜੀ ਮਾਂਹਿ ਦਿਖਾਵਾ । ਮ੍ਰਿਤਕ ਸਾਜ ਜੋ ਕਰ ਇਕਠਾਵਾ ॥ 54 ॥

^੧ਅ ਪੋਥੀ ਸਤਿ ^੨ਅ ਪੋਥੀ ਮਗ ^੩ਅ ਤੋ ਏ ਪੋਥੀ ਕੁਹਾਰ ^੪ਅ ਤੋ ਏ ਪੋਥੀ ਉਲਕ੍ਰਯੋ

ਦੋਹਰਾ

ਖਫਨ ਆਦਿਕ ਸਾਜ ਸਭ ਤਿਹਾਂ ਠਾਂ ਧਰੇ ਬਨਾਇ ।
ਗੁਰਮੁਖ ਦਿਖ ਅਸਚਰਜ ਹੂੰ ਪੁਛਯੋ ਮਨ ਬਿਸਮਾਇ ॥ 55 ॥

ਚੌਪਾਈ

ਕਿਹ ਕਾਰਜ ਇਹੁ ਮ੍ਰਿਤਕ ਸਮਾਜਾ । ਧਰਯੋ ਈਹਾਂ ਮੋਕਉ¹ ਕਹੁ ਕਾਜਾ ।
ਭਿਖਾਰੀ ਕਹਾ [ਕਛੂ]² ਦਿਵਸ ਬਿਹਾਵਹਿ । ਪੁਨ ਤੋਂਕਉ ਸਭ ਬਾਤ ਸੁਨਾਵਹਿ ॥
ਐਸੈ ਕਹ ਤਿਹ ਠਾਂ ਚਲਿ ਆਏ । ਜਹਿ ਸਤਰੰਜੀ ਕਉ ਗਠ ਲਾਏ ।
ਗੁਰਮੁਖ ਕਹਾ ਇਸੈ ਕਿਯਾ ਕਰੋ । ਭਿਖਾਰੀ ਕਹਾ ਇਹ ਭੀ ਦਿਹ ਧਰੋ ॥ 56 ॥

ਦੋਹਰਾ

ਗੁਰਮੁਖਿ ਮਨਿ ਬਿਸਮਹਿ ਭਯੋ ਇਹ ਗੁਰ ਉਪਮਾ ਉਚਾਰ ।
ਇਹੁ ਤਉ ਕਾਰਜ ਗ੍ਰਿਹ ਪਰਿਯੋ³ ਧੰਧੇ ਰੂਪ ਨਿਹਾਰ ॥ 57 ॥

ਚੌਪਾਈ

ਗੁਰਮੁਖਿ ਕੀ ਬਹੁ ਸੇਵਾ ਕਰੀ । ਭਿਖਾਰੀ ਮਨਿ ਅਤਿਸੈ ਹਿਤ ਧਰੀ ।
ਪਰੀ ਰੈਨ ਪੁਨ ਦਿਵਸ ਚੜਾਯੋ । ਭਿਖਾਰੀ ਸਾਜ ਸਭੈ ਇਕਠਾਯੋ ।
ਜਨੇਤ ਬਣਾਇ ਬਿਆਹ ਸੁਤ ਕਯੋ । ਵਿਵਾਹ ਹਰਖ ਕਰ ਆਵਤ ਭਯੋ ।
ਆਨੰਦ ਬਾਜੇ ਬਜਤ ਅਪਾਰਾ । ਗਾਵਤ ਤਰਨੀ ਮੰਗਲ ਚਾਰਾ ॥ 58 ॥

ਦੋਹਰਾ

ਸੁਤ ਵਿਵਾਹ ਆਯੋ ਜਬੈ ਭਿਖਾਰੀ ਸਦਨ ਮਝਾਰ ।
ਉਪਜ ਸੂਲ ਸੁਤ ਮ੍ਰਿਤ ਹੂੰ ਅਬਲਾ ਰੁਦਨ ਉਚਾਰ ॥ 59 ॥

ਚੌਪਾਈ

ਜੇ ਅਬਲਾ ਥੀ ਮੰਗਲ ਗਾਵਤ । ਤੇ ਸਭ ਰੋਦਨ ਉਚ ਸੁਨਾਵਤ ।
ਭਿਖਾਰੀ ਸੋਈ ਬਿਬਾਨ ਕਢਾਈ । ਜੋ ਆਗੇ ਤਿਨ ਧਰਿਯੋ ਬਨਾਈ ।
ਸੋ ਬਿਬਾਨ ਖਫਨ ਸੋ ਪਾਯੋ । ਮਿਤ੍ਰ ਕ੍ਰਿਆ ਕਰ ਦਾਹ ਕਰਾਯੋ ॥
ਸੋਹਲਾ ਪੜ ਪ੍ਰਸਾਦਿ ਵਰਤਾਈ । ਜਿਉ ਗੁਰ ਨਾਨਕ ਰੀਤਿ ਚਲਾਈ ।
ਪ੍ਰਚਾਵਣੀ ਕਉ ਥੇ ਜੇ ਨਰ ਆਏ । ਤਰੇ ਤਾਹਿ ਸ਼ਤਰੰਜੀ ਪਾਏ⁴ ।
ਦਿਖ ਗੁਰਮੁਖ ਮਨ ਬਿਸਮਹਿ ਭਯੋ । ਕਿਆ ਕੌਤਕ ਇਹੁ ਪ੍ਰਭ ਜੀ ਕਯੋ ॥ 60 ॥

ਦੋਹਰਾ

ਪ੍ਰਚਾਵਣੀ ਕਰ ਸਭ ਲੋਕ ਗਏ ਅਪਨੇ ਸਦਨ ਮਝਾਰ ॥
ਤਬ ਲੋ ਨਿਸ ਆਵਤ ਭਈ ਲੋਪ ਦਿਵਸ ਤਿਹ ਵਾਰ ॥ 61 ॥

¹ਅ ਪੋਥੀ ਬਤਉ ²ਅ ਪੋਥੀ ਵਿਚੋਂ ³ਅ ਪੋਥੀ ਫਸਯੋ ⁴ਅ ਪੋਥੀ ਬਿਛਾਏ

ਚੌਪਾਈ

ਭਿਖਾਰੀ ਕਉ ਇਕਾਂਤ ਦਿਖ ਪਾਏ । ਗੁਰਮੁਖ ਤਬ ਯਹਿ ਬੈਠ ਸੁਨਾਏ ।
ਜੇ ਤੁਮ ਪੁਤ੍ਰ ਮਿਤ੍ਰ ਕਉ ਜਾਨਤ । ਵਿਵਾਹ ਜਤਨ ਕਾਹੇ ਹਿਤ ਠਾਨਤ ॥
ਵਿਵਾਹ ਕਰਨ ਕੀ ਜੇ ਥੀ ਚਾਹਾ । ਸੁਤ ਕੀ ਉਮਰ ਗੁਰੁ ਤੇ ਪਾਹਾ ।
ਗੁਰਮੁਖ ਜਬ ਇਹ ਭਾਂਤ ਬਖਾਨੇ । ਭਿਖਾਰੀ ਉਤ੍ਰ ਦੀਉ^੧ ਸੁਜਾਨੇ ॥ 62 ॥

ਦੋਹਰਾ

ਗ੍ਰਿਹ ਸੁਤ ਧਨ ਤ੍ਰਿਅ ਜੋ ਅਹੇ ਸਭ ਮਿਥਿਯਾ ਜਗ ਜਾਨ ।
ਝੂਠਾ ਹੀ ਇਨ ਮਹਿ ਰਚੇ ਸਭ ਏ ਬੰਧਨ ਮਾਨ^੨ ॥ 63 ॥

ਚੌਪਾਈ

ਝੂਠ ਸਮਗ੍ਰੀ ਇਹ ਜਗ ਜਾਨਉ । ਇਨਕੇ ਹੇਤ ਜਤਨ ਕਿਆ ਠਾਨਉ ।
ਸਿਖੀ ਸਿਦਕ ਭਰੋਸਾ ਦਾਨ । ਗੁਰੁ ਤੇ ਮੰਗੀਐ ਨਾਮ ਨਿਧਾਨ ।
ਸਦ ਅਨੰਦ ਗੁਰ ਭਾਣੇ ਕਰੀਏ । ਜੋ ਗੁਰ ਭਾਣਾ ਸਤਿ ਵਿਚਰੀਐ ।
ਜਿਸ ਕੀ ਵਸਤ ਸੋਇ ਜਉ ਲੇਵੈ । ਭਾਣੇ ਗੁਰ ਸਿਖ ਹਰਖ ਧਰੇਵੈ ॥ 64 ॥

ਦੋਹਰਾ

ਔਰ ਬਾਤ ਇਨ ਕੀ ਸੁਨੋ ਭਯੋ ਮ੍ਰਿਤ ਜਿਹ ਹੇਤਿ ।
ਪੂਰਬ^੩ ਜਨਮ ਮੁਹਿ ਪੁਤ੍ਰ ਜੋ ਤਪਸੀ ਤਪਹਿ ਨਿਕੇਤ ॥ 65 ॥

ਚੌਪਾਈ

ਬਨ ਮਹਿ ਸਦਾ ਰਹੈ ਤਪ ਲੀਨਾ । ਮਨ ਇੰਦ੍ਰੈ ਸਭ ਹੀ ਦ੍ਰਿੜ ਕੀਨਾ ।
ਜਬ ਖੁਧਿਆ ਤਿਹ ਤਨ ਤਪਤਾਵੈ । ਨਗਰ ਏਕ ਗ੍ਰਿਹ ਮਾਂਗ ਅਘਾਵੈ ।
ਬਹੁਰੋ ਕਰਨ ਜਾਇ ਤਪ ਲਾਗੇ । ਔਰ ਕਿਸੀ ਤੇ ਕਛੂ ਨ ਮਾਂਗੇ ।
ਏਕ ਦਿਵਸ ਨਗਰੀ ਮਹਿ ਆਯੋ । ਭੋਜਨ ਕਰ ਤਿਹ ਉਦਰ ਭਰਾਯੋ ॥ 66 ॥

ਦੋਹਰਾ

ਉਦਰ ਪੂਰ ਜਬ ਨਿਕਸਿਓ ਤਪਸੀ ਮਨ ਸੁਖ ਪਾਇ ।
ਤਿਸੀ ਗਲੀ ਬੇਸਵਾ^੪ ਸਦਨ ਆਇ ਖੜੀ ਸਮੁਹਾਇ ॥ 67 ॥

ਚੌਪਾਈ

ਬਸਤ ਭੂਖਨ ਰੂਪ ਅਪਾਰੀ । ਮਾਨਹੁ ਰਤਿ ਰੰਭਾ ਉਰ ਧਾਰੀ ।
ਦਿਖ ਤਪਸੀ ਤਿਹ ਮੋਹਤਿ ਭਯੋ । ਮਿਲਨ ਤਾਂਹਿ ਤ੍ਰਿਅ ਕਉ ਚਿਤ ਕਯੋ ।
ਬੇਸਵਾ ਤਪਸੀ ਰੂਪ ਨਿਹਾਰਾ । ਚਾਹਤ ਤਾਂਕੇ ਕਰਉ ਭਤਾਰਾ ।
ਲੋਕ ਲਾਜ ਕਰ ਦੋਉ ਥਾਕੇ । ਮਨਸਾ ਪੂਰਨ ਭਈ ਨ ਵਾਂਕੇ ॥ 68 ॥

^੧ਅ ਪੋਥੀ ਕਰਯੋ ^੨ਅ ਅਤੇ ਦ ਪੋਥੀ ਫਾਸ ਸਮਾਨ ^੩ਅ ਪੋਥੀ ਪਾਛਲ ^੪ਅ ਪੋਥੀ ਕੰਦਲੀ

ਦੋਹਰਾ

ਪਰਸਪਰ ਲੋਚਨ ਤਾਂਹਿ ਕੇ ਭਏ ਮੋਹਤ ਤਿਹੰ ਵਾਰ ।
ਮਾਨੋ ਨਾਗਨਿ ਛੁਹਿ ਗਈ ਦੁਹੰ ਨ ਦੇਹਿ ਸੰਭਾਰ ॥ 69 ॥

ਚੌਪਾਈ

ਤਪਸੀ ਮੋਹਤ ਬਨ ਮਹਿ ਗਯੋ । ਨਿਜ ਕੁਟੀਆ ਜਾਇ ਮਿਰਤਕ ਭਯੋ ।
ਬੇਸਵਾ ਭੀ ਨਿਜ ਗ੍ਰਿਹ ਮ੍ਰਿਤ ਪਾਈ । ਤਪਸੀ ਮਿਲਨ ਵਾਸਨਾ ਧਾਈ ।
ਤਪ ਪ੍ਰਭਾਵ ਤਪਸੀ ਥਾ ਜੋਈ । ਹਮਰੇ ਗ੍ਰਿਹ ਆ ਸੁਤ¹ ਭਯੋ ਸੋਈ ।
ਪਾਇ ਜਨਮ ਗੁਰ ਦਰਸ ਨਿਹਾਰੀ । ਭਯੋ ਮੁਕਤ ਸੰਦੇਹ ਨਿਵਾਰੀ ॥ 70 ॥

ਦੋਹਰਾ

ਤਪਸੀ ਦਰਸ ਪ੍ਰਤਾਪ ਤੇ ਜਨਮ ਬੇਸਵਾ ਆਇ ।
ਸਿਖਨ ਗ੍ਰਿਹ ਪੁਤ੍ਰੀ ਭਈ ਬਹੁਰ ਮਿਲੀ ਤਿਹਿ ਆਇ ॥ 71 ॥

ਚੌਪਾਈ

ਪੂਰਬ ਜਨਮ ਇਛਾ ਦੁਹੰ ਕੀਨੀ । ਪਰਸਪਰ ਮਿਲੇ ਹੋਤ ਅਤਿ ਲੀਨੀ ।
ਭਯੋ ਵਿਰਕਤ ਚਿਤ ਅਬ ਸੋਈ । ਇਸਤ੍ਰੀ ਮਿਲਤ ਮਿਤ੍ਰਕ ਅਬ ਹੋਈ ।
ਸੁਤ ਭਯੋ ਮੁਕਤਿ ਜੁ ਤਿਆ ਰਹਾਈ । ਸਿਖਨ ਕੀ ਇਹ ਸੇਵ ਕਰਾਈ ।
ਕਰ ਸੇਵਾ ਸੋ ਮੁਕਤੀ ਪਾਵੈ । ਗੁਰ ਪ੍ਰਸਾਦਿ ਭਵ ਮਰਨ ਮਿਟਾਵੈ ॥ 72 ॥

ਦੋਹਰਾ

ਆਪਣੇ ਕੌਤਕ ਆਪ ਹੀ ਸਤਿਗੁਰ ਹਰਖ ਦਿਖਾਇ ।
ਤਾਂਤੇ ਗੁਰ ਭਾਣੇ ਸਦਾ ਰਹੇ ਹਰਖ ਗੁਨ ਗਾਇ ॥ 73 ॥

ਚੌਪਾਈ

ਭਿਖਾਰੀ ਨੇ ਇਮ ਬੈਨ ਸੁਨਾਏ । ਭਾਈ ਗੁਰਮੁਖ ਮਨ² ਸੁਖ ਪਾਏ ।
ਬਾਰੰਬਾਰ ਬੰਦਨਾ ਕਰੀ । ਚਰਨ ਧੂਰਿ ਤਿਹ ਮਸਤਕ ਧਰੀ ॥
ਬਹੁਰ ਕਹਿਓ ਜੈਸੇ ਗੁਰ ਕਹਾ । ਅਸ ਸਨਮੁਖ ਹਮ ਨੇਤ੍ਰੀ ਲਹਾ ।
ਬਹੁਰ ਭਿਖਾਰੀ ਬਚਨ ਅਲਾਏ । ਸਨਮੁਖ ਅਛਰ ਚਾਰ ਲਗਾਏ ॥ 74 ॥

ਦੋਹਰਾ

ਅਬ ਸੰਸਾ ਪ੍ਰਾਪਤ ਭਯੋ ਮੋਕਉ ਗੁਰ ਪ੍ਰਸਾਦਿ ।
ਗੁਰੁ ਭਾਣੇ ਸਭ ਹੀ ਮਿਲਹਿ ਕਰਉ ਗੁਰੁ ਗੁਰ³ ਜਾਪ ॥ 75 ॥

ਚੌਪਾਈ

ਸੁਨ ਮਨ ਗੁਰਮੁਖ ਆਨੰਦ ਪਾਯੋ । ਵਿਦਾ ਪਾਇ ਗੁਰ ਓਰ ਸਿਧਾਯੋ ।
ਧੰਨ ਗੁਰੁ ਧੰਨ ਸਿਖ ਸੁਖ ਗਾਵਤ । ਚਲਿਓ ਪੰਥ ਗੁਰਮੁਖ ਸੁਖ ਪਾਵਤ ।

¹ਅ ਤੇ ਏ ਪੋਥੀ ਪ੍ਰਗਟਯੋ ²ਅ ਪੋਥੀ ਰਿਦਿ ³ਅ ਪੋਥੀ ਸਤਿਗੁਰੁ

ਸ੍ਰੀ ਗੁਰ ਕੇ ਆਇ ਪਗ ਲਪਟਾਯੋ । ਧੰਨ ਧੰਨ ਗੁਰ ਮੁਖਹੂੰ ਅਲਾਯੋ ।
ਸ੍ਰੀ ਗੁਰ ਪੂਛੀ ਸੁਖ ਸੇ ਆਏ । ਸਿਖ ਸਨਮੁਖ ਕੋ ਦਰਸਨ ਪਾਇ ॥ 76 ॥

ਦੋਹਰਾ

ਤਬ ਗੁਰਮੁਖ ਕਰ ਜੋਰ ਕੈ¹ ਸਭ ਹੀ ਕਹਿਓ ਸੁਨਾਇ ।
ਜੋ ਪ੍ਰਸੰਗ ਤਿਹ ਠਾ ਭਯੋ ਪੁਨਹਚਰਨ² ਲਪਟਾਇ ॥ 77 ॥

ਚੌਪਾਈ

ਭਏ ਪ੍ਰਸੰਨ ਸ੍ਰੀ ਗੁਰ ਸਵਾਮੀ । ਦਯਾ ਸਿੰਧ ਗੁਰੁ ਅੰਤਰਜਾਮੀ ।
ਸ੍ਰੀ ਮੁਖ ਕਹਾ ਮਾਂਗ ਰੁਚ ਜੋਈ । ਜੋ ਮਾਂਗੋ ਅਬ ਦੇਵਹੂੰ ਸੋਈ ।
ਹਾਥ ਜੋਰੁ ਗੁਰਮੁਖ ਤਬ ਕਹਾ । ਹੇ ਪ੍ਰਭ ਜੈਸੀ ਭਿਖਾਰੀ ਲਹਾ ।
ਸਿਖੀ ਸਿਦਕ ਭਰੋਸਾ ਦੀਜੈ । ਨਾਮ ਦਾਨ ਇਹ ਚਾਰੋ ਕੀਜੈ ॥ 78 ॥

ਦੋਹਰਾ

ਭਾਣਾ ਜਸ ਮਾਨਯੋ ਪ੍ਰਭੁ ਭੇਖਾਰੀ ਸੁਖ ਪਾਇ ।
ਤਸ ਭਾਣਾ ਮੋ ਮਨ ਬਸੈ ਹੇ ਗੁਰ ਕਰੋ³ ਸਹਾਇ ॥ 79 ॥

ਚੌਪਾਈ

ਸਤਿ ਬਚਨ ਸ੍ਰੀ ਮੁਖ ਤਬ ਕਹੇ । ਸੁਨ ਗੁਰਮੁਖ ਮਨ ਆਨੰਦ ਲਹੇ ।
ਇਹ ਬਿਧ ਤਾਰੇ ਸਿਖ ਅਪਾਰਾ । ਗੁਰ ਅਰਜਨ ਸੁਨਈਏ ਨਿਰਧਾਰਾ ॥ 80 ॥

ਦੋਹਰਾ

ਇਹੁ ਪ੍ਰਸੰਗ ਪੂਰਨ ਭਯੋ ਸਿਖ ਗਾਥ ਸੁਖ ਪਾਇ ।
ਜੋਗੀ ਗਥ ਆਗੇ ਸੁਨਹੁ ਮਨ ਮਹਿ ਸੁਖ ਉਪਜਾਇ ॥ 81 ॥

ਚੌਪਾਈ

ਸੰਕਰਗੜ⁴ ਇਕ ਨਗਰ ਅਪਾਰਾ । ਦਬਾਬੈ ਮੇ ਸੁਨੀਏ ਨਿਰਧਾਰਾ ।
ਇਕ ਜੋਗੀ ਤਿਹ ਠਾਂਵ ਬਾਸਾਵੈ । ਸਦਾ ਸੰਭੁ ਕੀ ਪੂਜ ਕਰਾਵੈ ।
ਬਹੁਤ ਕਾਲ ਤਿਨ ਪੂਜਾ ਕਰੀ । ਸ਼ਿਵ ਦਰਸਨ ਕੀ ਇਛਾ ਧਰੀ ।
ਤਿਹ ਪੂਜਾ ਦਿਖ ਸ਼ਿਵ ਹਰਖਾਏ । ਭੇ ਪ੍ਰਤਖ ਸ਼ਿਵ ਸਨਮੁਖ ਆਏ ॥ 82 ॥

ਦੋਹਰਾ

ਹੁਇ ਪ੍ਰਸੰਨ ਸ਼ਿਵ ਯੋ⁵ ਕਹਾ ਮਾਂਗਹੁ ਸੁਤ ਰੁਚਿ ਹੋਇ ।
ਵਰ ਮਨ ਇਛਤ ਲੇਹੁ ਤੁਮ ਤੋ ਕਉ ਦੇਵਉ ਸੋਇ ॥ 83 ॥

ਚੌਪਾਈ

ਤਬ ਜੋਗੀ ਇਮ ਬੈਨ ਅਲਾਏ । ਜੋ ਪ੍ਰਸੰਨਿ ਤੁਮ ਸੁਆਮੀ ਭਾਏ ।
ਤਉ ਇਹੁ ਵਰ ਪ੍ਰਭੁ ਮੋ ਕਉ ਦੀਜੈ । ਇਛਾ ਪੂਰ ਹਮਾਰੀ ਕੀਜੈ ।

¹ਏ ਪੋਥੀ ਕਰਿ ²ਅ ਪੋਥੀ ਪਗਹਿ ³ਅ ਪੋਥੀ ਕਰਹੋ ⁴ਏ ਪੋਥੀ ਗੜ ਸੰਕਰ ⁵ਅ ਪੋਥੀ ਇਉ

ਜੋ ਨਰ ਹਮਰਾ ਦਰਸਨ ਪਾਵੈ । ਏਕ ਬਰਸ ਵਹੁ ਸੁਰਗ ਭੁਗਾਵੈ ।
ਤਥਾ ਸਤਿ ਬੈਨ ਸਿਵ ਮੁਖੋ ਅਲਾਏ । ਭਏ ਲੋਪ ਵਰ ਜੋਗੀ ਪਾਏ ॥ 84 ॥

ਦੋਹਰਾ

ਪ੍ਰਗਟ [ਗਾਥ]¹ ਜਗ ਮਹਿ ਭਈ ਜੋਗੀ ਯਹਿ ਵਰ ਪਾਇ ।
ਨਰ ਨਾਰੀ ਆਵਤ ਭਏ ਜੋਗੀ ਦਰਸਨ ਪਾਇ ॥ 85 ॥

ਚੌਪਈ

ਜੋਗੀ ਪ੍ਰਭੁਤਾ ਅਧਿਕ ਵਧਾਈ । ਨਿਸ ਦਿਨ ਦੁਆਰੇ ਭੀਰ ਰਹਾਈ ।
ਦੂਰ ਦੂਰ ਨਰ ਨਾਰੀ ਆਵਹਿ । ਜੋਗੀ ਕਾ ਆ ਦਰਸਨ ਪਾਵਹਿ
ਕਰ ਦਰਸਨ ਮਨ ਐਸ ਅਲਾਵਹਿ । ਏਕ ਬਰਸ ਹਮ ਸੁਰਗ ਭੁਗਾਵਹਿ ।
ਜਉ ਕੋਊ ਆਵੈ ਦਰਸਨ ਕਰੇ । ਜੋਗੀ ਸੁਰਗ ਬਰਸ ਮੁਖ ਰਹੈ ॥ 86 ॥

ਦੋਹਰਾ

ਸੰਕਰਗੜ ਨਰ ਨਾਰਿ ਜੋ ਸਭਨ ਦਰਸ ਤਬ ਕੀਨ ।
ਸਵਰਗ ਬਰਸ ਹਮ ਭੋਗ ਹਹਿ ਨਿਜ ਮਨ ਦ੍ਰਿੜਤਾ ਲੀਨ ॥ 87 ॥

ਚੌਪਈ

ਤਿਲਕ ਨਾਮ ਖੜੀ ਸੁਭ ਚਾਰਾ । ਸੰਕਰਗੜ ਮਹਿ ਕਰਿ ਬਿਵਹਾਰਾ ।
ਨਿਰਧਨੁ ਸਦ ਹੀ ਹਾਟ ਚਲਾਵੈ । ਗੁਰੁ ਨਾਨਕ ਕਾ ਧਿਆਨ ਲਾਗਾਵੈ ।
ਸਭ ਲੋਗਨ ਮਨ ਏਹੁ ਵਿਚਾਰਾ । ਜੋਗੀ ਨਹੀਂ ਇਨ ਨੈਨ ਨਿਹਾਰਾ ।
ਔਰ ਸਭੈ ਦਰਸਨ ਕਰ ਆਏ । ਸਵਰਗ² ਬਰਸ ਮਨ ਇਛਤ ਪਾਏ ॥ 88 ॥

ਦੋਹਰਾ

ਚਲਤ ਬਾਤ ਇਹ ਠਾਂ ਗਈ ਜੋਗੀ ਕੇ ਨਿਕਟਾਇ ।
ਔਰ ਸਭੈ ਦਰਸਨ ਕੀਓ ਤਿਲਕ ਨ ਦਰਸਨ ਆਇ ॥ 89 ॥

ਚੌਪਈ

ਜੋਗੀ ਸੁਨ ਮਨ ਬਿਸਮੈ ਪਾਯੋ । ਮਾਨੁਖ³ ਤਿਸਕੀ ਓਰ ਪਠਾਯੋ ।
ਜਾਇ ਤਿਨੈ ਅਸ ਬਾਤ ਉਚਾਰੀ । ਬੁਲਾਇਓ ਜੋਗੀ ਕਰੋ ਤਿਆਰੀ ।
ਕਹਾ ਤਿਲਕ ਜੋ ਦਰਸਨ ਕਰੈ । ਬਰਸ ਏਕ ਸਵਰਗ ਦ੍ਰਿਸ਼ਟਰੈ ।
ਸਵਰਗ ਇਛ ਹਮਰੇ ਮਨ ਨਾਹੀਂ । ਕਿਹੋ ਕਾਰਣ ਹਮ ਤਿਸ ਪਹਿ ਜਾਹੀਂ ॥ 90 ॥

ਦੋਹਰਾ

ਐਸੈ ਸੁਨ ਨਰ ਮੁੜ ਗਯੋ ਜੋਗੀ ਕੇ ਨਿਕਟਾਰ ।
ਮਹਾਰਾਜ ਐਸੇ ਕਹੇ ਸਵਰਗ ਨ ਇਛ⁴ ਹਮਾਰ ॥ 91 ॥

¹ਅ ਪੌਥੀ ਵਿਚੋਂ ²ਅ ਪੌਥੀ ਬੈਕੁੰਨ ³ਅ ਤੋਂ ਏ ਪੌਥੀ ਏਕ ਦਾਸਿ ⁴ਅ ਪੌਥੀ ਕਾਮ

ਚੌਪਾਈ

ਤਬ ਜੋਗੀ ਨਰ ਔਰ ਪਠਾਯੋ । ਸੋ ਭੀ ਸੁਨ ਐਸੇ ਮੁੜ ਆਯੋ ।
 ਤਬ ਜੋਗੀ ਨਰ ਤ੍ਰਿਤੀਆ ਪਠਾਇਸ । ਇਹ ਬਿਧ ਤਾਂਕੋ ਬਚਨ ਸਿਖਾਇਸ ।
 ਬਰਸ ਔਰ ਨਰ ਸੁਰਗ ਭੁਗਾਵਹਿ । ਇੰਦ੍ਰ ਰਾਜ ਹਮ ਤੋਹਿ ਦਿਵਾਵਹਿ ।
 ਆਇ ਦਰਸ ਤੁਮ ਹਮਰਾ ਪਾਵਹੁ । ਬਨੋ ਸ਼ੰਕ੍ਰ ਤੁਮ ਸੁਰਗ ਭੁਗਾਵਹੁ ॥ 92 ॥

ਦੋਹਰਾ

ਤਿਲਕ ਪਾਸ ਸੋ ਨਰ ਅਯੋ ਐਸੇ ਕਹਾ ਸੁਨਾਇ ।
 ਤੋਹਿ ਪੁਰੰਦਰ ਕਰਤ ਹੈ ਜੋਗੀ ਦਰਸਨ ਪਾਇ ॥ 93 ॥

ਚੌਪਾਈ

ਤਿਲਕ ਤਬੈ ਯੇ^੧ ਬਾਤ ਉਚਾਰੀ । ਸੁਰਗ ਰਾਜ ਨਹਿ ਚਾਹ ਹਮਾਰੀ ।
 ਸੁਰਗ ਰਾਜ ਜੋ ਮਨ ਮਹਿ ਲਿਆਵਉ । ਤਬ ਜੋਗੀ ਕਾ ਦਰਸਨ ਪਾਵਉ^੨ ।
 ਹਮਰੋ ਜਾਨ ਧਾਮ ਗੁਰੁ ਕੇਰੇ । ਕਈ ਸੁਰਗ ਜਿਹ ਚਰਨ ਬਸੇਰੇ ।
 ਜੋਗੀ ਦਰਸ ਸਵਰਗ ਨਰ ਪਾਵਹਿ । ਇਹ ਤੇ ਹਮ ਨਹੀਂ ਦਰਸਨ ਜਾਵਹਿ ॥ 94 ॥

ਦੋਹਰਾ

ਤਿਲਕ ਬਚਨ ਐਸੇ ਸੁਨੇ ਤ੍ਰਿਤੀਆ ਪੁਰਖ ਫਿਰ ਆਇ ।
 ਜੋਗੀ ਪ੍ਰਤਿ ਐਸੇ ਕਹਾ ਨਹੀਂ ਸੁ ਦਰਸ ਦਿਖਾਇ^੩ ॥ 95 ॥

ਚੌਪਾਈ

ਜੋਗੀ ਮਨ ਮਹਿ ਇਹ ਵਿਚਾਰੇ । ਨਹਿ ਆਵਹਿ ਵਹੁ ਨਿਕਟ ਹਮਾਰੇ ।
 ਕਯਾ ਮਨ ਤਾਂਕੇ ਆਈ ਬਾਤ । ਹਮ ਚਲ ਦੇਖਹਿ ਤਿਹ ਬਖਯਾਤ ॥
 ਤਬ ਜੋਗੀ ਆਪਨਿ ਚਲ ਆਵਾ । ਆਇਓ ਜੋਗੀ ਤਿਲਕ ਸੁਨਾਵਾ ।
 ਕਿਵਾੜ ਹਟੀ ਕੇ ਤਬ^੩ ਜੜ ਦੀਨੇ^੪ । ਭੀਤਰ ਬੈਠ ਧਯਾਨ ਗੁਰ ਕੀਨੇ ॥ 96 ॥

ਦੋਹਰਾ

ਤਬ ਜੋਗੀ ਆਵਤ ਭਯੋ ਦੇਖੇ ਜੜੇ ਕਿਵਾੜ ।
 ਤਹਾਂ ਬੈਠ ਮੁਖ ਸਿਉਂ ਕਹਾ ਹਮ ਕਉ ਦੇਹੁ ਦਿਦਾਰ ॥ 97 ॥

ਚੌਪਾਈ

ਤਿਲਕ ਭੀਤਰ ਤੇ ਬਾਤ ਸੁਨਾਈ । ਤੁਮਰੇ ਦਰਸ ਸੁਰਗ ਨਰ ਜਾਈ ।
 ਸੁਰਗ ਭੋਗ ਨਹਿ ਚਾਹ ਹਮਾਰੇ । ਹਮ ਜਾਨਾ ਗੁਰ ਪੁਰੀ ਅਪਾਰੇ ।
 ਸ਼ਿਵ ਕੇ ਬਚਨ ਨਾਕ ਤੁਮ ਦਰਸਨ । ਤਾਂਤੇ ਕਰਹਿ ਨ ਦਰਸਨ ਪਰਸਨ ।
 ਦੁਹ ਬੇੜੀ ਕਉ ਪਾਰ ਨ ਪਰਈ । ਇਕ ਬੇੜੀ ਨਿਸਚੈ [ਨਰ]^੪ ਤਰਈ ॥ 98 ॥

^੧ਏ ਪੋਥੀ ਇਸ ^੨ਅ ਪੋਥੀ ਕਉ ਆਇ ^੩ਅ ਤੇ ਏ ਪੋਥੀ ਬੰਦ ਕਰ ਲੀਨੇ ^੪ਅ ਪੋਥੀ ਵਿਚੋ

ਦੋਹਰਾ

ਹਉਂ ਸ੍ਰੀ ਗੁਰ ਕਉ¹ ਸਿਖ ਹੂੰ ਸ੍ਰੀ ਗੁਰ ਦਰਸਨ ਜਾਉ ।
ਤਬ ਜੋਗੀ ਪ੍ਰਫਤ ਭਯੋ ਕਹੁ ਨਿਜ ਗੁਰ ਕਉ ਨਾਉਂ ॥ 99 ॥

ਚੌਪਾਈ

ਤਿਲਕ ਕਹਾ ਪ੍ਰਭ ਅੰਤਰ ਜਾਮੀ । ਸ੍ਰੀ ਗੁਰ ਨਾਨਕ ਨਾਉਂ ਸੁਆਮੀ ।
ਜੋਗੀ ਕਹਾ ਬਸਤ ਕਿੰਹੁ ਠੋਰੇ । ਖੋਲ੍ਹੇ ਦਰ ਦਰਸਨ ਕਰਹਿ ਤੋਰੇ ।
ਨਿਜ ਗੁਰ ਦਰਸ ਭਾਵਨੀ ਜਾਨੀ । ਦਰ ਖੋਲ੍ਹਯੋ ਅਰੁ ਬੰਦਨ ਠਾਨੀ ।
ਕਹਾ ਜੋਗੀ ਤੁਮ ਨਿਸਚਾ ਭਾਰੀ । ਕਿਹੁ ਠਾਂ [ਤੁਮ]² ਗੁਰ ਅਹੈ ਸੁਚਾਰੀ ॥ 100 ॥

ਦੋਹਰਾ

ਜੀਵਤ ਹੈ ਅਬ ਸਤਿ ਕਹੋ ਤੁਮ ਗੁਰ ਨਾਨਕ ਜੋਇ ।
ਤਿਲਕ ਕਹਾ ਤਿਹੁ³ ਕਾਲ ਮਹਿੰ ਵਯਾਪਕ ਸਭ ਘਟਿ ਸੋਇ ॥ 101 ॥

ਚੌਪਾਈ

ਗੁਰੁ ਨਾਨਕ ਨਿਜ⁴ ਧਾਮ ਸਿਧਾਏ⁴ । ਗੁਰ ਅਰਜਨ ਤਿੰਹੁ ਤਖਤ ਸੁਹਾਏ ।
ਸੁਧਾ ਸਰੋਵਰ ਹੈ ਪਰਤਖਯ । ਸੁਨ ਜੋਗੀ ਸਿਖਨ ਕਰ ਰਖਯ ।
ਕਹਿ ਜੋਗੀ ਮੁਹਿ ਦਰਸ ਕਰਾਵਹੁ । ਜਿਨ ਪਰ ਨਿਸਚਾ ਐਸ ਧਰਾਵਹੁ ।
ਤਿਲਕ ਕਹਾ ਚਲ ਸਾਥ ਹਮਾਰੇ । ਕਰ ਦਰਸਨ ਦੁਖ ਮਿਟਹਿ ਤਿਹਾਰੇ ॥ 102 ॥

ਦੋਹਰਾ

ਭਗਤ ਸਿੰਘ ਗੁਰ ਸਿਖ ਕੀ ਨਿਰਮਲ ਬੁਧ ਅਪਾਰ ।
ਤਿਲਕ ਜੋਗੀ ਕਉ ਸਾਥ ਲੈ ਚਲਿਓ ਗੁਰ ਦਰਸਾਰ ॥ 103 ॥

ਚੌਪਾਈ

ਸੁਧਾਸਰ ਨਿਕਟ ਦੋਉ ਚਲ ਆਏ । ਤਬ ਜੋਗੀ ਅਸ ਬੈਠ ਅਲਾਏ ।
ਤਿਲਕ ਬਾਤ ਮੁਹਿ ਏਹੁ ਸੁਨਾਵਹੁ । ਕੇਤੀ ਅਵਸਥਾ ਗੁਰ ਕੀ ਪਾਵਹੁ ।
ਤਿਲਕ ਕਹਾ ਸਭ ਉਨ ਕੇ ਹਾਥਾ । ਜੇਤੀ ਚਹਹਿ ਕਰਹਿ ਜਗਨਾਥਾ ।
ਬਵੰਜਾ ਬਰਖ ਉਮਰ ਅਬ ਭਈ । ਸੁਨ ਜੋਗੀ ਮੁਖ ਏਹੁ ਅਲਈ ॥ 104 ॥

ਦੋਹਰਾ

ਸਾਢੇ ਤਿੰਨ ਸੈ ਬਰਖ ਕੀ ਉਮਰਾ ਮੋਹਿ ਸੁਹਾਇ ।
ਬਾਲਕ ਆਗੇ ਜਾਇ ਹਮ ਕੈਸੇ ਸੀਸ ਨਿਵਾਇ ॥ 105 ॥

ਚੌਪਾਈ

ਹਮ ਪਰੰਤੂ ਚਲ ਇਹੁ ਠਾਂ ਆਏ । ਚਰਚਾ ਕਰਹਿ ਕਨਾਤ ਤਨਾਏ ।
ਬਾਲਕ ਕਾ ਦਰਸਨ ਕਿਆ ਕਰਹਿ । ਕਿਆ ਸਿਧਾਂਤ [ਚਰਚਾ]⁵ ਲਖ ਪਰਹਿ ।

¹ਅ ਪੋਥੀ ਨਾਨਕਹਿ ²ਅ ਪੋਥੀ ਵਿਚੋਂ ³ਏ ਪੋਥੀ ਤ੍ਰੈਕਾਲ ⁴ਅ ਪੋਥੀ ਪ੍ਰਭੂ ਜੋਤਿ ਸਮਾਏ ⁵ਏ ਪੋਥੀ ਵਿਚੋਂ

ਭਗਤ ਸਿੰਘ ਗੁਰ ਅਰਜਨ ਸੁਆਮੀ । ਘਟਿ ਘਟਿ ਕੇ ਪ੍ਰਭੁ ਅੰਤਰਜਾਮੀ ॥
ਜੋਗੀ ਮਨ ਕੀ ਬਾਤ ਵਿਚਾਰੀ । ਆਗੇ ਤਨੀ ਕਨਾਤ ਅਪਾਰੀ ॥ 106 ॥

ਦੋਹਰਾ

ਸੂਧਾ ਸਰੋਵਰ ਤਟ ਥੜਾ ਤਹਿ ਬੈਠੇ ਗੁਰ ਆਇ ।
ਜੋਗੀ ਤਿਲਕ ਆਵਤ ਭਏ ਦਈ ਕਨਾਤ ਤਨਾਇ¹ ॥ 107 ॥

ਚੌਪਾਈ

ਕਨਾਤ ਭੀਤਰ ਜੋਗੀ ਬੈਠਾਯੋ । ਤਿਲਕ ਗੁਰਾਂ ਕੇ ਪਗ ਲਪਟਾਯੋ ।
ਜਥਾ ਸਕਤ ਭੇਟਾ ਧਰ ਆਗੇ । ਬਿਨਤੀ ਕਰੀ ਪ੍ਰੇਮ ਸਿਉ ਤਾਗੇ ।
ਸ੍ਰੀ ਗੁਰ ਪ੍ਰਛੀ ਕੁਸਲ ਅਨੰਦਾ । ਸਿਖ ਕਹਿਓ ਤੁਹਿ ਕ੍ਰਿਪਾ ਮੁਕੰਦਾ ।
ਪੁਨਹਿ ਤਿਲਕ ਮੁਖ ਬਚਨ ਸੁਨਾਯੋ । ਜੋਗੀ ਪ੍ਰਭ ਤੁਮ ਦਰਸਨ ਆਯੋ ॥ 108 ॥

ਦੋਹਰਾ

ਗੁਰੁ ਅਰਜਨ ਸ੍ਰੀ ਮੁਖ ਕਹਾ ਕਹੁ ਜੋਗੀ ਸੁਖ ਸਾਥ ।
ਕ੍ਰਿਪਾ ਧਾਰ ਇਹ ਠਾਂ ਅਏ ਹਮ ਕਉ ਕੀਓ ਸਨਾਥ ॥ 109 ॥

ਚੌਪਾਈ

ਪ੍ਰਿਥਮੇ ਜੋਗੀ ਬਚਨ ਕਹੇ ਇਹ । ਤੁਮ ਸਰੁਤ ਜੁਤ ਮੁੰਦ੍ਰਾ ਕਾਟਿਓ ਕਿਹ ।
ਸੁਨ ਜੋਗੀ ਮਨ ਬਿਸਮੈ ਪਾਯੋ । ਹਮ ਕੋ ਇਨ ਨਹੀਂ ਕਬੈ ਦਿਖਾਯੋ ।
ਕਾਟਾ ਸਰੁਤ² ਹਮਰਾ ਲਖ ਲੀਨੋ । ਪੂਰਨ ਪੁਰਖ ਸਤਿ ਹਮ ਚੀਨੋ ।
ਜੋਗੀ ਮਨ ਮਹਿ ਏਹ ਵਿਚਾਰੀ । ਮੁਖ ਸਿਉ ਇਹ ਬਿਧ ਗਾਥ ਉਚਾਰੀ ॥ 110 ॥

ਦੋਹਰਾ

ਹੇ ਪ੍ਰਭ ਸਰੁਤ ਕੀ ਬਾਤ ਅਬ ਕਹਉ ਜੈਸ ਬਿਧ ਹੋਇ ।
ਏਕ ਸਮੇਂ ਸੁ ਜਹਾਜ ਮਹਿ ਚੜਯੋ ਜਾਇ ਦਧ ਜੋਇ ॥ 111 ॥

ਚੌਪਾਈ

ਚੜਯੋ ਜਹਾਜ ਸਿੰਧ⁴ ਮਹਿ ਭਾਰੀ । ਮਛ ਅਟਕਾਯੋ ਨਿਜ ਬਲ ਧਾਰੀ ।
ਕਰ ਰਹੇ ਜਤਨ ਨਹਿ ਤੁਰੇ ਜਹਾਜਾ । ਲੰਗਰ ਡਾਰ ਬਹੁ ਕੀਏ ਕਾਜਾ ।
ਸੌਦਾਗਰ ਪ੍ਰਛਯੋ ਤਿਹ ਕਾਲਾ । ਪੰਡਿਤ ਕਹੁ ਜੋ ਜਤਨ ਉਤਾਲਾ ।
ਗਨਕ ਬਿਦਾਰ ਤਬੈ ਯੋ ਕਹਿਓ । ਬਲੀ ਦੇਨ ਨਰ ਈਹਾਂ ਚਹਿਓ ॥ 112 ॥

ਦੋਹਰਾ

ਸਭ ਸਹਾਇ ਜੁਤ ਨਰ ਤਹਾਂ ਮੋਹਿ ਸਹਾਇ ਨ ਕੋਇ ।
ਮੋ ਕਉ ਗਹਿ ਡਾਰਨ ਲਗੇ ਨਿਚਚੈ ਦਧ ਮਹਿ ਸੋਇ ॥ 113 ॥

¹ਅ ਪੋਥੀ ਲਗਾਇ ²ਅ ਪੋਥੀ ਕਾਨ ³ਅ ਤੇ ਏ ਪੋਥੀ ⁴ਅ ਪੋਥੀ ਸਾਗਰ

ਚੌਪਾਈ

ਆਰਤ ਹੂੰ ਮੁਹਿ ਬਿਨਤ ਉਚਾਰੀ । ਹੇ ਭਗਵਤਿ ਹਉ ਸ਼ਰਨ ਤੁਹਾਰੀ ।
 ਦੋਪਤੀ ਗਜ ਜਿਮਿ ਭਏ ਸਹਾਈ । ਤਿਮ ਮੋਕੋ ਰਾਖਹੁ ਜਦੁਰਾਈ ।
 ਮਮ ਆਰਤ ਅਸ ਬੈਨ ਉਚਾਰਾ । ਤਿਨ ਗਿਹ ਮੋ ਕਉ ਦੁਧ ਮਹਿ ਡਾਰਾ ॥
 ਮੁਹ ਸਰੁਤ ਜੁਤ ਮੁਦ੍ਰਾ ਮਛ ਕਾਟਾ । ਪ੍ਰਭ ਚਤੁਰ ਭੁਜ ਜਹਾਜ ਮਹਿ ਸਾਂਟਾ ॥ 114 ॥

ਦੋਹਰਾ

ਇਹ ਬਿਧ ਸਰੁਤ ਮੇਰਾ ਪ੍ਰਭੁ ਤਿਹ ਠਾਂ ਮਛ ਕਟਾਇ ।
 ਚਤੁਰਭੁਜ ਰੂਪ ਮੁਰਾਰ ਨੇ ਮੋਰੀ^੨ ਕਰੀ ਸਹਾਇ ॥ 115 ॥

ਚੌਪਾਈ

ਕਰ ਅੰਬੁਜ ਗੁਰੁ ਸਰੁਤ ਤਿੰਹ ਲੀਨਾ । ਕਨਾਤ ਬਾਹਰ ਤਬ ਨਿਜ ਕਰ ਕੀਨਾ ।
 ਸ੍ਰੀ ਮੁਖ ਇਹ ਬਿਧ ਬਚਨ ਸੁਨਾਹੀ । ਜੋਗੀ ਇਹ ਸਰੁਤ ਤੋਰ ਕਿ ਨਾਹੀ ।
 ਦਿਖ ਜੋਗੀ ਮਨ ਬਿਸਮਹਿ ਪਾਯੋ । ਬਾਹਰ ਹੂੰ ਗੁਰੁ ਪਗ ਲਪਟਾਯੋ ॥
 ਗੁਰੁ ਕੀ ਉਸਤਤ ਬਹੁ ਬਿਧ ਕੀਨੀ । ਚਤੁਰਭੁਜ ਗੁਰੁ ਰੂਪ ਮਨ ਚੀਨੀ ॥ 116 ॥

ਦੋਹਰਾ

ਰਾਮ ਕ੍ਰਿਸ਼ਨ ਵੈਰਾਹ ਤੁਮ ਨਰਹਰਿ ਪੁਨ ਧਰਿ ਰੂਪ ।
 ਅਬ ਪ੍ਰਤਖਯ ਅਰਜਨ ਗੁਰੁ ਹਰਯੋ ਮੋਹ ਤਮ ਕ੍ਰੂਪ ॥ 117 ॥

ਚੌਪਾਈ

ਮੋ ਕਉ ਅਪਨੀ ਸ਼ਰਨਿ ਪਛਾਨੋ । ਕਰੋ ਸਿਖ^੩ ਨਿਜ ਦਾਸ ਸੁ ਮਾਨੋ ।
 ਜੋਗੀ ਕੇ ਇਮ ਬੈਨ ਸੁਨਾਏ । ਭਏ ਪ੍ਰਸੰਨ ਪ੍ਰਭੁ ਮੁਸਕਾਏ ।
 ਸ੍ਰੀ ਮੁਖ ਕਹਾ ਮਾਂਗ ਰੁਚ ਜੋਈ । ਲੀਜੈ ਵਰ ਮਨ ਇਛੋ ਜੋਈ ।
 ਮਾਂਗਯੋ ਵਰ ਜੋਗੀ ਰੁਚ ਪਾਈ । ਜਸ ਦ੍ਰਿੜਤਾ ਇਹੁ ਸਿਖ ਮਨ ਆਈ ॥ 118 ॥

ਦੋਹਰਾ

ਤਸ ਦ੍ਰਿੜਤਾ ਸਿਖੀ ਪ੍ਰਭੁ ਏਹ ਵਰ ਮੋਕਉ ਦੇਹ ।
 ਤਥਾ ਸਤਿ ਸ੍ਰੀ ਗੁਰ ਕਹਾ ਹਰਖਿਓ ਸੁਨ [ਕਰਿ]^੪ ਏਹ ॥ 119 ॥

ਚੌਪਾਈ

ਜੋਗੀ ਸ੍ਰੀ ਗੁਰ ਆਗਯਾ ਲੈ ਕੇ । ਚਲਿਓ ਭਵਨ ਨਿਜ ਆਨੰਦ ਕੈਕੇ ।
 ਤਿਲਕ ਗੁਰੂ ਕੇ ਪਗ ਸਿਰ ਲਾਯੋ । ਲੈ ਆਗਿਆ ਨਿਜ ਧਾਮ ਸਿਧਾਯੋ ।
 ਜੋਗੀ ਤਿਲਕ ਦੋਉ ਤਬ ਚਲੇ । ਗੁਰ ਜਸ ਗਾਵਤ ਆਨੰਦ ਭਲੇ ।
 ਦੋਉ ਨਗਰ ਨਿਜ ਪ੍ਰਾਪਤਿ ਭਏ । ਸ੍ਰੀ ਗੁਰ ਜਸ ਤਹਿ ਬਤਨਨ ਕਏ ॥ 120 ॥

^੧ਦ ਪੋਥੀ ਸੰਭੂ ^੨ਅ ਪੋਥੀ ਹਮਰੀ ^੩ਅ ਤੇ ਏ ਪੋਥੀ ਦਾਸ ^੪ਅ ਪੋਥੀ ਵਿਚੋ

ਦੋਹਰਾ

ਜੋਗੀ ਦਰਸ ਜੋ ਆਇ ਹੈ ਤਾਂਕੋ ਗੁਰ ਸਿਖ ਕੀਨ ।
ਗੁਰੁ ਮੰਤ੍ਰ ਤਿੰਹ ਦੇਇ ਹਰਿ ਜੋਗੀ ਹਰਖ ਸੁ ਲੀਨ ॥ 121 ॥

ਚੌਪਾਈ

ਭਗਤ ਸਿੰਘ ਜੋਗੀ ਕਥ ਪੂਰੀ । ਜਾਂਹਿ ਸੁਨੇ ਸਭ ਹੀ ਭ੍ਰਮ ਦੂਰੀ ।
ਐਰ ਕਥਾ¹ ਸੁਨਹੁ ਚਿਤ ਲਾਈ । ਗੁਰੁ ਅਰਜਨ ਕੀ ਸਭ ਸੁਖਦਾਈ ।
ਕਾਂਸੀ ਤੇ ਇਕ ਪੰਡਿਤ ਆਯੋ । ਗੁਪਾਲ ਰਾਇ² ਤਿੰਹ ਨਾਮ ਸੁਹਾਯੋ ।
ਸ੍ਰੀ ਗੁਰ ਮਹਿਮਾ ਸੁਨ ਕੈ ਆਵਾ । ਦਰਸਨ ਕਰ ਅਤਿ ਹੀ ਸੁਖ ਪਾਵਾ ॥ 122 ॥

ਦੋਹਰਾ

ਦਯਾ ਸਿੰਧ ਸ੍ਰੀ ਮੁਖ ਕਹਾ ਪੰਡਿਤ ਕਥਾ ਸੁਨਾਇ ।
ਬ੍ਰਹਮ¹ ਪੁਰਾਨ ਕੀ ਪ੍ਰੀਤਿ ਸਿਉ ਪੰਡਿਤ ਸੁਨ ਸੁਖ ਪਾਇ ॥ 123 ॥

ਚੌਪਾਈ

ਜਨਮ ਸਫਲ ਨਿਜ ਪੰਡਿਤ ਮਾਨਾ । ਜਸ ਲਾਇਕ ਕਾਰਜ ਮੁਹਿ ਠਾਨਾ ॥
ਲਾਗਉ ਕਥਾ ਕਰਨ ਮਨ ਲਾਈ । ਸ੍ਰੀ ਗੁਰੁ ਸੁਨਹਿ ਨੇਮ ਨਿਤ ਪਾਈ ॥
ਜਗ ਉਪਕਾਰ ਕਥਾ ਨਿਤ ਸੁਨਹਿ । ਬਡਨ ਰੀਤਿ ਸਭਹੀ ਜਗ ਗੁਨਹਿ ।
ਭਗਤ ਸਿੰਘ ਜਸ ਰਾਮ ਅਵਤਾਰ । ਸ੍ਰੀ ਵਸਿਸ਼ਟ ਤੇ ਸੁਨਹਿ ਜੁ ਸਾਰ ॥ 124 ॥

ਦੋਹਰਾ

ਤੈਸ ਕਥਾ ਸ੍ਰੀ² ਗੁਰ ਸੁਨਹਿ ਜਗ ਜੀਵਨ ਕੇ ਹੇਤ ।
ਬੇਦ ਸ਼ਾਸਤ੍ਰ ਇਨਕੇ ਕਰੇ ਸ੍ਰੀ ਗੁਰ ਗਿਆਨ ਨਿਕੇਤ ॥ 125 ॥

ਚੌਪਾਈ

ਹੇਤ ਕਥਾ ਨਿਤ ਨੇਮ ਧਰਾਯੋ । ਤਬ ਲਉ ਭਾਈ ਸਾਲੋ ਆਯੋ ।
ਆਇ ਗੁਰੁ ਕੇ³ ਪਗ ਲਪਟਾਨਾਂ । ਬਹੁ ਆਦਰ ਤਿਹ ਸ੍ਰੀ ਗੁਰ ਠਾਨਾਂ ।
ਬਹੁਰ ਸਾਲੋ ਕੀਨ ਉਚਾਰ । ਬਾਵਲੀ ਭਈ ਤੁਮ ਕ੍ਰਿਪਾ ਤਿਆਰ ।
ਧੰਨ ਸਾਲੋ ਕਹਿ ਕ੍ਰਿਪਾ ਨਿਧਾਨਾ । ਅਨੰਨ ਭਗਤ ਗੁਰ ਸਿਖ ਮਹਾਨਾਂ ॥ 126 ॥

ਦੋਹਰਾ

ਪੰਡਿਤ ਸੁਨ ਅਨੰਨ ਬਚ ਸਿਖ ਪ੍ਰੀਤਿ ਗੁਰੁ ਉਚਾਰ ।
ਹਉ ਅਨੰਨ ਗਾਥਾ ਕਹਉ ਢਿਗ ਨਿਤ ਵਿਚਾਰ ॥ 127 ॥

ਚੌਪਾਈ

ਪੰਡਿਤ ਮਨ ਮਹਿ ਏਹ ਵਿਚਾਰੀ । ਕਥ ਪਰਤਾਵਾ ਲੇਹੁ ਸੁਧਾਰੀ ।
ਪੰਡਿਤ ਮਨ ਕੀ ਸ੍ਰੀ ਗੁਰ ਜਾਨੀ । ਭਗਤ ਸਿੰਘ ਸਭ ਘਟ ਗੁਰ ਗਯਾਨੀ ।

¹ਅ ਪੌਥੀ ਗਾਥ ²ਏ ਪੌਥੀ ਦਾਸ ³ਅ ਤੇ ਏ ਪੌਥੀ ਭਾਗਵਤ ⁴ਅ ਪੌਥੀ ਸਤਿ ⁵ਅ ਪੌਥੀ ਸਤਿਗੁਰਹਿ

ਪੰਡਿਤ ਪੁਰਾਣ ਭੋਗ ਭੀ ਪਾਯੋ । ਸੁਨ ਕਰ ਸ੍ਰੀ ਸਤਿ ਗੁਰ ਹਰਖਾਯੋ ।
ਪੰਡਿਤ ਕਉ ਧਨ ਦੀਓ ਅਪਾਰਾ । ਪਾਇ ਦਰਬ¹ ਪੰਡਿਤ ਸੁਖ ਧਾਰਾ ॥ 128 ॥

ਦੋਹਰਾ

ਬਹੁਰੋ ਸ੍ਰੀ ਮੁਖ ਕਮਲ ਤੇ ਸ੍ਰੀ ਗੁਰੁ ਕਹਾ ਸੁਨਾਇ ।
ਪੋਥੀ ਔਰ ਵੇਦਾਂਤ ਕੀ ਪੰਡਿਤ ਲੇਹੁ ਮੰਗਾਇ ॥ 129 ॥

ਚੌਪਾਈ

ਹਰਖ ਧਾਰ ਪੰਡਿਤ ਯੋ ਕਹਾ । ਕਾਂਸੀ ਮਧ ਪ੍ਰਭੁ ਸੋ ਅਹਾ ।
ਆਗਯਾ ਹੋਇ ਜਾਇ ਲੈ ਆਵਹਉ² । ਵੇਦਾਂਤ ਗ੍ਰੰਥ ਹਉ ਤੁਮਹਿ ਸੁਨਾਵਉ³ ।
ਸ੍ਰੀ ਗੁਰ ਕਹਾ ਦੇਰ ਨਹਿ ਕਯੈ । ਜਾਇ ਸਿਤਾਬ ਸੋਈ ਲੈ ਅਯੈ ।
ਪੰਡਿਤ ਸੁਨ ਮਨ ਆਨੰਦ ਪਾਯੋ । ਸੋਧ ਮਹੂਰਤ ਸੁਭ ਦਿਨ ਪਾਯੋ ॥ 130 ॥

ਦੋਹਰਾ

ਨਖਯਤੁ ਸੁਭ ਲਗਣ ਔ ਮਹੂਰਤ ਭਲੋ ਨਿਹਾਰ ।
ਜਾਇ ਗੁਰ ਜੀ ਕਉ ਕਹਾ ਅਬ ਹਉ ਭਯੋ ਤਿਆਰ ॥ 131 ॥

ਚੌਪਾਈ

ਪੰਚ ਸੈ ਰੁਪਯਾ⁴ ਪੰਡਿਤ ਦੀਨਾ । ਸ੍ਰੀ ਗੁਰੁ ਤਿਹ ਕਉ ਬਿਦਿਆ ਕੀਨਾ ।
ਲਗਨ ਸੋਧ ਪੰਡਿਤ ਕਰ ਪਿਆਨਾ । ਪੁਰ ਬਾਹਰ ਗਰਧਬ ਸਮੁਹਾਨਾ ।
ਗਧੇ ਸ਼ਬਦ ਸੁਨ ਬਿਪ੍ਰ ਮੁੜ ਆਯੋ । ਆਇ ਗੁਰ ਕੇ ਪਾਸ ਬੈਠਾਯੋ ।
ਪ੍ਰਫੁੱਤ ਭੇ ਗੁਰ ਕਿਮ ਮੁੜ ਆਈ । ਪੰਡਿਤ ਗਰਧਬ ਸ਼ਬਦ ਸੁਨਾਏ ॥ 132 ॥

ਦੋਹਰਾ

ਤਬ ਮੁਸਕਾਇ ਸ੍ਰੀ ਗੁਰੁ ਕਹਾ ਤੁਮ ਨਿਜ ਕਹਤ ਅਨੰਨ ।
ਬਹੁਰ ਲਗਨ ਦਿਖ ਤੁਮ ਤੁਰੇ ਮੁੜਿਓ ਗਧੇ ਧਰ ਜੰਨ ॥ 133 ॥

ਚੌਪਾਈ

ਤਾਂਤੇ ਲਗਨ ਸਭ ਮਿਥਯਾ⁵ ਜਾਨੇ । ਗਧੇ ਬਚਨ ਤੁਮ ਸਤਿ ਪਛਾਨੇ ।
ਅਬ ਦੇਖੋ ਸਿਖਨ ਵਡਿਆਈ । ਅਨੰਨ ਭਗਤ ਦ੍ਰਿੜਤਾ ਇਨ ਆਈ ।
ਸ੍ਰੀ ਮੁਖ ਤੇ ਅਬ ਗੁਰੂ ਉਚਾਰੇ । ਸੁਨੇ ਸਿਖ ਤੁਮ ਬਚਨ ਹਮਾਰੇ ॥
ਸ੍ਰੀ ਗੁਰ ਨਾਨਕ ਰੂਪ ਮੁਰਾਰਿ । ਸਿੰਗਲਾ ਦੀਪ ਗਏ ਇਕ ਵਾਰਿ ॥ 134 ॥

ਦੋਹਰਾ

ਪ੍ਰਾਣ ਸੰਗਲੀ ਕੀ ਤਹਾਂ ਪੋਥੀ ਰਚੀ ਬਨਾਇ ।
ਜਾਇ ਸਿਖ ਕੋਉ ਲਿਆਵਈ ਯਾ ਮਹਿ ਦੇਰ ਨ ਲਾਇ ॥ 135 ॥

¹ਅ ਤੇ ਏ ਪੋਥੀ ਮਾਯਾ ²ਅ ਪੋਥੀ ਦਮੜਾ ³ਅ ਤੇ ਏ ਪੋਥੀ ਝੁੱਠੇ

|

ਚੌਪਾਈ

ਇਹ ਸੁਨ ਪੈੜਾ ਉਠ ਹਰਖਾਏ । ਹੇ ਪ੍ਰਭ ਆਗਯਾ¹ ਮੋਹਿ ਕਰਾਏ ।
ਸ੍ਰੀ ਗੁਰੁ ਕਹਿ ਇਹ ਗੀਤਿ ਸਿਧਾਵਉ । ਗੁਰੁ ਨਾਨਕ ਕਾ ਜਾਪ ਜਪਾਵਉ² ।
ਤ੍ਰਿਆ ਰਾਜ ਛਲ ਨਿਕਟਿ ਨ ਆਵੇ । ਗੁਰੁ ਨਾਨਕ ਤੁਹਿ ਰਛ ਕਰਾਵੇ ।
ਨਿਰਧਨ ਏਕ ਸਿਖ ਤਹਿ ਆਇਓ³ । ਪੈਸੇ ਪਾਂਚ ਸੁ ਭੇਟ ਧਰਾਯੋ ॥ 136 ॥

ਦੋਹਰਾ

ਰਿਧਿ ਸਿਧਿ ਤਿਹ ਕਰ ਦਈ ਪੈਸੇ ਨਿਜ ਕਰ ਲੀਨ ।
ਸੰਬਲ ਹਿਤ ਅਤਿ ਹਰਖ ਸਿਉ ਪੈੜੇ ਕਉ ਗੁਰ ਦੀਨ ॥ 137 ॥

ਚੌਪਾਈ

ਰਾਹ ਮੁਕਾਮ ਸਾਥ ਲਿਖ ਦਈ । ਪੈੜੇ ਕਉ ਗੁਰ ਬਿਦਿਆ ਕਈ ।
ਪੈੜੇ ਗੁਰ ਪਗ ਸੀਸ ਨਿਵਾਯੋ । ਕਰ ਅਰਦਾਸ ਸੁ ਤਬੈ ਸਿਧਾਯੋ ।
ਦਿਖ ਪੰਡਿਤ ਮਨ ਬਿਸਮੈ ਪਾਯੋ । ਸ੍ਰੀ ਗੁਰ ਤਾਕਉ ਬਚਨ ਸੁਨਾਯੋ ।
ਸਿਖ ਅਨੰਨ ਪੰਡਿਤ ਦਿਖ ਐਸੇ । ਗੁਰੁ ਥਿਤ ਵਾਰ ਜਾਨ ਨਹਿ ਕੈਸੇ ॥ 138 ॥

ਦੋਹਰਾ

ਤੋ ਕਉ ਸੰਬਲ ਪਾਂਚ ਸੈ ਇਸ ਕਉ ਪੈਸੇ ਪਾਂਚ ।
ਹਰਖ ਬਦਨ ਪਯਾਨਾ ਕੀਓ ਅਨੰਨ ਜਾਨ ਇਹ ਸਾਚ ॥ 139 ॥

ਚੌਪਾਈ

ਏਕ ਭਰੋਸਾ ਪ੍ਰਭ ਕਾ ਪਾਏ । ਤਯਾਗ ਲਗਨ ਅਰਦਾਸ ਕਰਾਏ ।
ਗੁਰ³ ਕਰ ਨਿਸਚਾ³ ਪੈੜਾ ਧਰਯੋ । ਗੁਰੁ ਜਸ ਬਰਤਨ ਪੰਥ ਸੁਹਾਯੋ ।
ਪੈਸੇ ਪਾਂਚ ਕਿ ਰਿਧਿ ਸਿਧਿ ਦਈ । ਖਾਵਤ ਖਰਚਤ ਤੋਟਿ ਨ ਪਈ ।
ਇਹ ਬਿਧ ਪੈੜਾ ਤਹਾ ਸਿਧਾਰੀ । ਸਿੰਗਲਾ ਦੀਪ ਰਾਜ ਜਹਿ ਨਾਰੀ ॥ 140 ॥

ਦੋਹਰਾ

ਪੈੜੇ ਕਉ ਦਿਖ ਕੈ ਤ੍ਰਿਆ ਜੰਤ੍ਰ ਮੰਤ੍ਰ ਬਹੁ ਕੀਨ ।
ਗੁਰ ਨਾਨਕ ਜਸ ਇਨ ਕਹਿਓ ਸਭ ਭਈ ਚਰਨੀ ਦੀਨ⁴ ॥ 141 ॥

ਚੌਪਾਈ

ਕਛੁ ਦਿਨ ਪੈੜਾ ਤਿਹ ਠਾਂ ਰਹਾ । ਤ੍ਰਿਆ ਰਾਨੀ ਸੇਵਾ ਸੁਖ ਲਹਾ ।
ਪੈੜੇ ਪੋਥੀ ਬਹੁਰੋ ਮਾਗੀ । ਪ੍ਰਾਨਸੰਗਲੀ ਦਿਹੁ ਵਡਭਾਗੀ ।
ਤ੍ਰਿਆਨਿ ਰਾਨੀ ਪੋਥੀ ਦੀਨੀ । ਦੀਨ ਭਾਂਤ ਹੂੰ ਬਿਨਤੀ ਕੀਨੀ ।
ਸ੍ਰੀ ਗੁਰ ਨਾਨਕ ਥੇ ਜਬ ਆਏ । ਦੇਇ ਪੋਥੀ ਇਮ ਬਚਨ ਸੁਨਾਏ ॥ 142 ॥

¹ਅ ਪੋਥੀ ਆਇਸ ²ਅ ਪੋਥੀ ਕਉ ³ਅ ਤੋ ਏ ਪੋਥੀ ਗੁਰੁ ਭਰੋਸਹਿ ⁴ਅ ਪੋਥੀ ਅਧੀਨ

ਦੋਹਰਾ

ਹਮਰੋ ਸਿਖ ਇਹਾਂ ਆਇ ਹੈ ਤੁਮਰੋ ਛਲ ਨਹੀ ਖਾਇ ।
ਪੋਥੀ ਤਾਕਉ ਦੀਜੀਓ ਸੋ ਤੁਮ ਮੁਕਤ ਕਰਾਇ ॥ 143 ॥

ਚੌਪਾਈ

ਜੰਤੂ ਮੰਤ੍ਰ ਕਰ ਹਮ ਦਿਖਲਯੋ । ਤੁਮ ਪਰ ਹਮਰਾ ਬਲੁ ਨਹੀਂ ਪਯੋ ।
ਤਾਂਤੇ ਪੋਥੀ ਇਹੁ ਤੁਮ ਲੇਵੋ । ਮੁਕਤਿ ਦਾਨ ਹਮ ਕੋ ਅਬ¹ ਦੇਵੋ ।
ਪੈੜੇ ਤਾਂ ਕਉ ਕਹਾ ਸੁਨਾਏ । ਸ੍ਰੀ ਗੁਰੁ ਕਿਰਪਾ ਮੁਕਤਿ ਤੁਮ ਪਾਏ ।
ਸੁਨਤ ਤਿਆ ਮਨ ਆਨੰਦ ਪਾਯੋ । ਬਹੁਤ ਦਰਬ ਦੇ ਵਿਦਾ ਕਰਾਯੋ ॥ 144 ॥

ਦੋਹਰਾ

ਲੈ ਪੋਥੀ ਬਹੁ ਦਰਬ ਕਉ ਪੈੜੇ ਧਯਾਨ ਲਗਾਇ ।
ਗੁਰੁ ਨਾਨਕ ਸਿਮਰਨਿ ਕੀਓ ਛਿਮ ਮਹਿ ਪਹੁੰਚਿਓ ਆਇ ॥ 145 ॥

ਚੌਪਾਈ

ਆਇ ਪ੍ਰਣਾਮ ਗੁਰੁ ਕਉ ਕਰੀ । ਬਾਰੰਬਾਰ ਹਰਖ ਮਨ ਧਰੀ ।
ਅਪਾਰ ਦਰਬ ਗੁਰ ਆਗੇ ਧਰਿਓ । ਧਰ ਪੋਥੀ ਆਗੇ ਹਰਖਰਿਓ ।
ਗੁਰ ਅਰਜਨ ਪਿਖ ਭਏ ਕਿਰਪਾਲ । ਭਾਖਯੋ ਪੈੜਾ ਭਯੋ² ਨਿਹਾਲ ।
ਪੰਡਿਤ ਕਉ ਗੁਰੁ ਕਹਾ ਸੁਨਾਏ । ਅਨੰਨ ਭਗਤ ਅਸ ਰੀਤਿ ਸਦਾਏ ॥ 146 ॥

ਦੋਹਰਾ

ਭਗਤ ਸਿੰਘ ਗੁਰਦਾਸ ਜੀ ਪੈੜੇ ਅਉ ਦ੍ਰਿਜ ਭਾਇ ।
ਅਨੰਨ ਭਗਤਿ ਕੇ ਕਵਿਤ ਦੋ ਚਾਰ ਚਾਰ ਰਿਖ ਗਾਇ ॥ 147 ॥
ਆਦਿ ਅੰਤ ਪੋਥੀ ਦਿਖੀ ਸ੍ਰੀ ਗੁਰ ਕੀਨ ਵਿਚਾਰ ।
ਜੋਗ ਸਾਧਨਾ³ ਇਸ ਵਿਖੈ ਕਲ ਨਰ ਸਕਿਹੈ ਨ ਧਾਰ ॥ 148 ॥

ਚੌਪਾਈ

ਸੁਧਾ ਸਰੋਵਰ ਮਾਂਹਿ ਦਈ ਡਾਰੇ । ਦਿਖ ਸਭ ਹੀ ਨਰ ਬਿਸਮਹਿ ਧਾਰੇ ।
ਪੰਡਿਤ ਪ੍ਰਫਿਓ ਪ੍ਰਭ ਕਿਰਪਾਲਾ । ਬਡੇ ਯਤਨ ਸਿਉ ਆਈ⁴ ਦਿਆਲਾ ।
ਸੁਧਾ ਸਰੋਵਰ ਤੁਮ ਦਈ ਡਾਰੇ । ਸ੍ਰੀ ਗੁਰ ਤਾਕੋ ਬਚਨ ਉਚਾਰੇ ।
ਅਨੰਨ ਭਗਤਿ ਹਿਤ ਕੌਤਕ ਕੀਨੋ । ਸੋ ਦਿਖਾਇ ਡਾਰੀ ਸੁਖ ਲੀਨੋ ॥ 149 ॥

ਦੋਹਰਾ

ਜੋਗ ਸਾਧਨਾ ਥੀ ਲਿਖੀ ਤੁਛ ਜੀਵ ਕਲ ਹੋਇ ।
ਇਹੁ ਵਿਚਾਰ ਅਤਿਸੈ ਕਠਿਨ ਧਾਰ ਨ ਸਾਕੈ ਕੋਇ ॥ 150 ॥
ਬਿਤ੍ਰੰਤ ਸਭ ਅਗੂ ਹੀ ਗੁਰੁ ਨਾਨਕ ਜੀ ਗਾਇ ।
ਸਾਰ ਕਾਢ ਸੂਹੀ ਲਿਖਯੋ ਜੋਗੁ ਨ ਬਿੰਬਾ ਪਾਇ ॥ 151 ॥

¹ਅ ਪੋਥੀ ਤੁਮ ²ਅ ਪੋਥੀ ਹੋਰ ³ਅ ਪੋਥੀ ਬਿਧੀ ਹਹਿ ⁴ਅ ਤੇ ਏ ਪੋਥੀ ਪਹੁੰਤੀ

ਸੂਹੀ ਮਹਲਾ ੧^੧

ਜੋਗੁ ਨ ਖਿੰਥਾ ਜੋਗੁ ਨ ਡੰਡੈ ਜੋਗੁ ਨ ਭਸਮ ਚੜਾਈਐ ।
 ਜੋਗੁ ਨ ਮੁੰਡੀ ਮੁੰਡ ਮੁੰਡਾਇਐ ਜੋਗੁ ਨ ਸਿੰਝੀ ਵਾਈਐ ।
 ਅੰਜਨ ਮਾਹਿ ਨਿਰੰਜਨਿ ਰਹੀਐ ਜੋਗੁ ਜੁਗਤਿ ਇਵ ਪਾਈਐ ॥ ੧ ॥
 ਗਲੀ ਜੋਗੁ ਨ ਹੋਈ ।
 ਏਕ ਦਿਸ੍ਟਿ ਕਰਿ ਸਮਸਰਿ ਜਾਣੈ ਜੋਗੀ ਕਹੀਐ ਸੋਈ ॥ ਰਹਾਉ ॥
 ਜੋਗੁ ਨ ਬਾਹਰਿ ਮੜੀ ਮਸਾਣੀ ਜੋਗੁ ਨ ਤਾੜੀ ਲਾਈਐ ।
 ਜੋਗੁ ਨ ਦੇਸਿ ਦਿਸੰਤਰਿ ਭਵਿਐ ਜੋਗੁ ਨ ਤੀਰਥਿ ਨਾਈਐ ।
 ਅੰਜਨ ਮਾਹਿ ਨਿਰੰਜਨਿ ਰਹੀਐ ਜੋਗੁ ਜੁਗਤਿ ਇਵ ਪਾਈਐ ॥ ੨ ॥
 ਸਤਿਗੁਰੁ ਭੇਟੈ ਤਾਂ ਸਹਸਾ ਤੂਟੈ ਧਾਵਤੁ ਵਰਜਿ ਰਹਾਈਐ ।
 ਨਿਝਰੁ ਝਰੈ ਸਹਜ ਧੁਨਿ ਲਾਗੈ ਘਰ ਹੀ ਪਰਦਾ ਪਾਈਐ ।
 ਅੰਜਨ ਮਾਹਿ ਨਿਰੰਜਨਿ ਰਹੀਐ ਜੋਗੁ ਜੁਗਤਿ ਇਵ ਪਾਈਐ ॥ ੩ ॥
 ਨਾਨਕ ਜੀਵਤਿਆ ਮਰਿ ਰਹੀਐ ਐਸਾ ਜੋਗੁ ਕਮਾਈਐ ।
 ਵਾਜੇ ਬਾਝਹੁ ਸਿੰਝੀ ਬਾਜੈ ਤਿਉ ਨਿਰਭਉ ਪਦੁ ਪਾਈਐ ।
 ਅੰਜਨ ਮਾਹਿ ਨਿਰੰਜਨਿ ਰਹੀਐ ਜੋਗੁ ਜੁਗਤਿ ਤਉ ਪਾਈਐ ॥ ੪ ॥

ਚੌਪਾਈ

ਪੰਡਿਤ ਔਰ ਬਾਤ ਸੁਨ ਲੀਜੈ । ਅੰਮ੍ਰਿਤਸਰ ਜੋ ਮਜਨ ਕੀਜੈ ।
 ਜਪੈ ਨਾਮ ਪੁਨ ਧਿਆਨ ਲਗਾਵੈ । ਪਦਵੀ ਜੋਗੁ ਸੋਊ ਨਰ ਪਾਵੈ ।
 ਜੈਸੇ ਸਿੰਧ^੧ ਮਹਿ ਰਤਨ ਅਪਾਰਾ । ਹੀਰੇ ਮੋਤੀ ਅਨਿਕ ਪ੍ਰਕਾਰਾ ।
 ਮਰਨ ਮਾਂਡ ਟੁਬੀ ਜੋ ਲਾਵੈ । ਨਿਸਚੈ ਦਰਬ ਅਨਿਕ ਵਹੁ ਪਾਵੈ ॥ 152 ॥

ਦੋਹਰਾ

ਤੈਸੇ ਸੁਧਾ ਸਰੋਵਰੇ ਜੋ ਨਰ ਕਰੇ ਇਸਨਾਨ ।
 ਜਪ ਤਪ ਜੋਗੁ ਬੈਰਾਗ ਜਗੁ ਨਿਸਚੈ ਪਾਵੈ ਗਿਆਨ ॥ 153 ॥

ਚੌਪਾਈ

ਯਾਂ ਮਹਿ ਸੰਸਾ ਧਰਉ ਨ ਕੋਈ । ਰਾਹ ਮੁਕਾਮ ਸਾਖੀ ਅਬ ਹੋਈ ।
 ਆਗੇ ਹੀ ਗੁਰੁ ਕਹੀ ਉਚਾਰ । ਪਠਿਓ ਸਿਖ ਅਬ ਸਮਾਂ ਬਿਚਾਰ ।
 ਪੰਡਿਤ ਕਉ ਆਤਿਸੈ ਧਨ ਦੇਕੈ । ਵਿਦਾ ਕੀਓ ਗੁਰ ਆਨੰਦ ਕੈ ਕੈ ।
 ਚਰਨਾਂਬੁਜ^੨ ਗੁਰ ਸੀਸ ਨਿਵਾਯੋ । ਪੰਡਿਤ ਕਾਂਸ਼ੀ ਓਰ ਸਿਧਾਯੋ ॥ 154 ॥

ਦੋਹਰਾ

ਪੰਡਿਤ ਕਾਂਸ਼ੀ ਜਾਇ ਕੇ ਗੁਰ ਜਸ ਕੀਓ ਅਪਾਰ ।
 ਜੋਊ ਸੁਨੈ ਨਿਹਚੈ ਧਰੈ ਸ੍ਰੀ ਗੁਰ ਧੰਨ ਉਚਾਰ ॥ 155 ॥

^੧ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 730 ^੨ਅ ਪੋਥੀ ਜਿਮ ਸਾਗਰ ^੩ਅ ਤੇ ਏ ਪੋਥੀ ਚਰਨਕੰਵਲ

ਇਹ ਬਿਧ ਤਾਰੇ ਸਿਖ ਬਹੁ ਗੁਰ ਅਰਜਨ ਕਿਰਪਾਲ ।
ਭਾਈ ਜੀ ਕਛੁ ਹਰਿ ਲਿਖੇ ਜੋ ਸਿਖ ਬੁਧੁ ਬਿਸਾਲ ॥ 156 ॥

ਚੌਪਾਈ

ਦਸ ਇਕ ਵਾਰ ਪੌੜੀ ਦਸ ਅਠ ਤੇ । ਬਿੰਸ ਅਸ਼ਟਿ ਤਕ ਦਸ ਪੌੜੀ ਤੇ ।
ਕਹੇ ਨਾਮ ਗਿਣ ਮੁਖ ਸਿਖ ਭਏ । ਔਰ ਅਪਾਰ ਗਨਤ ਕੋ ਕਏ ।
ਕਾਗਦ ਦੀਪ ਸਿੰਧ ਮਸ ਕੀਜੈ । ਬਨਰਾਜ ਕਲਮ ਬਾਨੀ ਕਹਿ ਲੀਜੈ ।
ਲਿਖੇ ਗਨੇਸ਼ ਰੈਨ ਦਿਨ ਲਾਈ । ਗੁਰੁ ਸਿਖ ਤਾਰੇ ਅੰਤੁ ਨ ਪਾਈ ॥ 157 ॥

ਦੋਹਰਾ

ਗੁਰਦਾਸ ਕਹੇ ਜੇ ਨਾਮ ਕਛੁ ਤਿਨਕੀ ਕਥਾ ਸੁਨਾਉ ।
ਬਾਢੇ ਗ੍ਰੰਥ ਕਥਾ ਕਹੇ ਗਾਂਥ ਅੰਤ ਨਹਿ ਪਾਉ ॥ 158 ॥

ਚੌਪਾਈ

ਭਗਤ ਸਿੰਘ ਗੁਰ ਕਥਾ ਅਪਾਰਾ । ਤਾਰੇ ਸਿਖ ਨ ਆਵੈ ਪਾਰਾ ।
ਛਠਮ ਧਿਆਇ ਜੋ ਪੜੇ ਸੁਨਾਵੈ । ਸਤਰੂ ਭੈ ਤਿਹਿ ਨਿਕਟ ਨ ਆਵੈ ।
ਕਵਿ ਬਿਨਤੀ ਸੰਗਤ ਕੇ ਆਗੇ । ਦੇਵੋ ਵਰ ਮੋ ਕਉ ਰਸ ਪਾਗੇ ।
ਬਿਮਲ ਬੁਧ ਗੁਰ ਚਰਨ ਸਨੇਹੁ । ਹੁਇ ਕ੍ਰਿਪਾਲ ਸੰਗਤ ਵਰ ਦੇਹੁ ॥ 159 ॥

ਦੋਹਰਾ

ਤੁਛ ਬੁਧ ਮੁਹਿ ਸਮਝ ਕੇ ਭੂਲ ਛਿਮਾਂ ਕਰ ਲੇਹੁ ।
ਅਧਿਕ ਉਨਿ ਜਹਿ ਹੋਇ ਕਛੁ ਅਛਰ ਭਹਿ ਧਰਿ ਦੇਹੁ ॥ 160 ॥
ਮਹਾਂਦੇਵ ਪਯਾਨਾਂ ਕਹਉ ਪ੍ਰਿਥੀਆ ਅਗਲੇ ਧਿਆਇ ।
ਜੋਤੀ ਜੋਤ ਸਮਾਇੰਗੇ ਗੁਰੁ ਅਰਜਨ ਸੁਖ ਪਾਇ ॥ 161 ॥

ਇਤਿ ਸ੍ਰੀ ਗੁਰ ਬਿਲਾਸ ਜੋਗੀ ਕੀ ਸਾਖ ਸਿਖਨਿ ਕੀ ਸਾਖ ਸੁਲਹੀ ਮਿਤ੍ਰ ਚੰਦੂ
ਪ੍ਰਿਥੀਏ ਮੇਲ ਬਰਨੰਨ ਨਾਮ ਖਸ਼ਟਮੋ ਧਿਆਇ ਸਮਾਪਤ ਮਸਤ ਸੁਭ ਸਸਤ ॥ 6 ॥ ਬੋਲਹ
ਜੀ ਵਾਹਿਗੁਰੁ ॥

ਅਧਿਆਇ ਸਤਵਾਂ

ਦੋਹਰਾ

ਚਰਨ ਕਮਲ ਗੁਰ ਕੇ ਨਮੋ ਬਿਮਲ ਬੁਧ ਵਰ ਧਾਇ ।
ਆਗੇ ਕਥਾ ਬਰਨਨ ਕਰਉ ਸੁਨੈ ਸੰਤ^੨ ਮਨ ਲਾਇ ॥

ਚੌਪਾਈ

ਏਕ ਸਮੇਂ ਗੁਰ ਅਰਜਨ ਦੇਵ । ਬੈਠੇ ਕਿਸੀ ਖਿਆਲ ਅਭੇਵ ।
ਮਹਾਂਦੇਵ ਗੁਰੁ ਨਿਕਟਿ ਸੁਆਯੋਂ । ਕਰ ਆਦਰ ਗੁਰ ਤਾਹਿ ਬਿਠਾਯੋਂ ॥ 2 ॥
ਸ੍ਰੀ ਗੁਰ ਕਹਾ ਕਿਹੰ ਕਾਰਜ ਆਏ । ਮਹਾਂਦੇਵ ਯੋ ਭਾਖ^੩ ਸੁਨਾਏ ।
ਨਿਜ ਇਛਾ ਤੁਮ ਭਾਖ ਸੁਨਾਵਉਂ । ਜੋ ਪ੍ਰਭ ਤੁਮਰੀ ਆਗਿਆ ਪਾਵਉਂ ॥ 3 ॥

ਦੋਹਰਾ

ਗੋਂਦਵਾਲ^੧ ਦਰਸਨ ਕਰਉ ਜਿਸ ਦਿਨ ਹੋਇ ਸਰਾਧ ।
ਅਮਰਦਾਸ ਕਾਰਨ ਕਰਨ ਪੂਰਨ ਪੁਰਖ ਅਰਾਧ ॥ 4 ॥

ਚੌਪਾਈ

ਗੁਰ ਅਰਜਨ ਮੁਖ ਏਹੁ ਅਲਾਏ । ਭਲੀ ਬਾਤ ਤੁਮ ਯਾਦ ਕਰਾਏ ।
ਹਮ ਭੀ ਚਲਹਿ ਸਾਥ ਤੁਮਾਰੇ । ਪਾਂਚ ਦਿਵਸ ਅਜੇ ਮਾਹਿ ਨਿਹਾਰੇ ।
ਨਿਹਾਰੇ ਦਿਵਸ ਜੋ ਕੀਨ ਪਿਆਨਾ । ਮਹਾਂਦੇਵ ਅਰੁ ਗੁਰ ਸਭ ਗਯਾਨਾ ।
ਪ੍ਰਿਥਮ ਦਿਵਸ ਖਾਡੂਰ ਰਹਾਏ । ਦਰਸ ਦਰਬਾਰ ਦਾਤੁ ਸੰਗ ਲਿਆਏ ॥ 5 ॥

ਦੋਹਰਾ

ਚੌਥੇ ਦਿਨ ਪ੍ਰਾਪਤ ਭਏ ਗੋਂਦਵਾਲ^੧ ਸੁਖ ਪਾਇ ।
ਮੋਹਰੀ ਆਦਿਕ ਬੰਸ ਗੁਰੁ ਸਭ ਸੁਨ ਆਏ ਧਾਇ ॥ 6 ॥

ਚੌਪਾਈ

ਸਭ ਹੀ ਮਿਲੇ ਮਨ ਆਨੰਦ ਪਾਯੋਂ । ਸ੍ਰੀ ਗੁਰ ਡੇਰਾ ਸਦਨ ਕਰਾਯੋਂ ।
ਸ੍ਰੀ ਗੁਰ ਬਾਵਲੀ ਕੀਓ ਇਸਨਾਨਾਂ । ਸਭ ਸਥਾਨ ਗੁਰੁ ਬੰਦਨ ਠਾਨਾਂ ॥ 7 ॥
ਪੁਨਯਾ ਦਿਨ ਭਯੋ ਯਗ ਅਪਾਰਾ । ਸੰਗਤ ਆਈ ਵਾਰ^੪ ਨਾ ਪਾਰਾ^੪ ।
ਨਾਨਾ ਰਸ ਭੋਜਨ ਵਰਤਾਏ । ਮਹਾਂਦੇਵ ਪਿਖ ਆਨੰਦ ਪਾਏ ॥ 8 ॥

^੧ਅ ਪੋਥੀ ਸੰਗਤ ^੨ਅ ਤ ਏ ਪੋਥੀ ਆਖ ^੩ਅ ਪੋਥੀ ਗੋਂਦਵਾਲ ^੪ਅ ਪੋਥੀ ਬੇਸੁਮਾਰਾ

ਸ੍ਰੀ ਗੁਰ ਮਹਾਂਦੇਵ ਕਉ ਕਹਾ । ਅਮਰਦਾਸ ਗੁਰ ਦਰਸ ਜੋ ਚਹਾ ।
ਪੂਰ ਬਣਾ ਕੇ ਜਗ ਸੁ ਆਵੈ । ਨਿਸਚੈ ਦਰਸਨ ਗੁਰੁ ਕਉ ਪਾਵੈ ॥ 9 ॥

ਦੋਹਰਾ

ਭਗਤ ਸਿੰਘ ਜਗੁ ਪੂਰ ਹੂੰ [ਗਈ]¹ ਸੰਗਤ ਨਿਜ ਧਾਮ ।
ਗੁਰ ਅਰਜਨ ਤਿਹ ਠਾਂ ਰਹੇ ਪਿਖ ਕੌਤਕ ਅਭਿਰਾਮ ॥ 10 ॥

ਚੌਪਾਈ

ਪੂਰਨਿਮਾ ਪਾਛੇ ਤੀਜ ਥਿਤ ਦਿਨ । ਬਾਵਲੀ ਨਾਇ ਬੈਠ ਗੁਰ ਅਰਜਨ ।
ਜਾਮ ਏਕ ਦਿਨ ਜਬੈ ਰਹਾਈ । ਗੁਰ ਕੇ ਨਿਕਟ ਮਹਾਂਦੇਵ ਅਈ ॥ 11 ॥
ਗੁਰੁ ਅਰਜਨ ਏਕਾਂਤਿ ਦੇਖਾਏ । ਨਿਮ੍ਰਿਤ ਬਚ ਮਹਾਂਦੇਵ ਅਲਾਏ ॥
ਭੂਲ ਛਿਮਾਂ ਪ੍ਰਭ ਕੀਜੈ ਮੋਹਿ । ਭਾਈ ਕਰਿ ਜਾਨਤ ਥਾ ਤੋਹਿ ॥ 12 ॥

ਦੋਹਰਾ

ਮਾਨੁਖ ਕਰਿ ਜਾਨਤ ਰਹਾ ਗੁਰ ਕਰ ਤੋਹਿ ਨ ਜਾਨ ।
ਤੁਮ ਮਾਯਾ ਮਮ ਛਾਇਯਉ ਮਨਿ ਬੁਧਿ ਸਭਿ ਹੀ ਗਯਾਨ ॥ 13 ॥

ਚੌਪਾਈ

ਸਮਾਂ² ਅੰਤ² ਅਬ ਮੇਰਾ ਆਯੋ । ਦੇਹੁ ਗਿਆਨ ਹਰ ਅਪਨੀ ਮਾਯੋ ।
ਯਹਿ ਕਹ ਗੁਰ ਚਰਨੀ ਲਪਟਾਨਾ । ਹੁਇ ਪ੍ਰਸੰਨ ਗੁਰ ਤਾਂਹਿ ਉਠਾਨਾ ॥ 14 ॥
ਮਹਾਂਦੇਵ ਇਹ ਭਾਂਤ ਸੁਨਯੋ । ਦੇਹਿ ਸੰਜੋਗ ਕਰਮ ਤੇ ਪਯੋ ।
ਤੰਗ ਦੇਹ ਮਹਿ ਪ੍ਰੀਤਿ ਨ ਧਾਰੇ । ਜਾਨ ਐਸ ਗ੍ਰਿਹਿ ਜੈਸ ਮੁਰਾਰੇ ॥ 15 ॥

ਦੋਹਰਾ

ਜਗ ਜੀਵ ਮਾਯਾ ਲੀਏ ਦੁਖ ਸੁਖ ਨਿਜ ਕਰ ਜਾਨ ।
ਅਗਯਾਨ ਨੀਂਦ ਤਾਕਉ ਭਈ ਗ੍ਰਿਹਿ ਮਮ ਪੁਤ੍ਰ ਬਖਾਨ ॥ 16 ॥

ਚੌਪਾਈ

ਸਰੁਤਿ ਨੇਸਟਿ ਬ੍ਰਹਮ ਗੁਰ ਪਯੋ । ਤਾਂਹਿ ਉਧਾਰ ਬਚਨ ਤਿਹ ਹਯੋ ।
ਚਤੁਸੈਵ ਸਾਧਨ ਪ੍ਰਥਮਹਿ ਕਰੇ । ਅੰਤਹਿ ਸੁਧ ਗਯਾਨ ਗੁਰ ਧਰੇ ॥ 17 ॥
ਸਾਖੀ ਬ੍ਰਹਮ ਤਗ [ਸਭ]³ ਜਾਨਤ । ਤਤ੍ਵ ਅਸਿ ਮਹਾ ਵਾਕ ਬਖਾਨਤ ।
ਗੁਰੁ ਨਾਨਕ ਬਚ ਭਾਖੇ ਏਹਾ । ਜਿਨ ਜਾਤਾ ਸੋ ਤਿਸਹੀ ਜੇਹਾ ॥ 18 ॥

ਦੋਹਰਾ

ਤਾਂਤੇ ਭਰਮ ਬਿਹਾਇਕੈ ਆਤਮ ਸਤਿ ਪਛਾਨ ।
ਅਸਤਿ ਦੇਹਿ ਜਗ ਜਾਨ ਉਰ ਸ੍ਰੀ ਗੁਰ ਦੀਓ ਗਿਆਨ ॥ 19 ॥

¹ਅ ਪੌਥੀ ਵਿਚੋਂ ²ਅ ਪੌਥੀ ਅੰਤਕਾਲ ³ਅ ਪੌਥੀ ਵਿਚੋਂ

ਚੌਪਾਈ

ਮਹਾਂਦੇਵ ਨਿਜ ਸਾਖੀ ਜਾਨੋ । ਸਤਿਯਾਤਮ ਜਗ ਮਿਥਯਾ ਮਾਨੋ ।
 ਮਹਾਂਦੇਵ ਸੁਨ ਗੁਰ ਕੇ ਬੈਨਾ । ਮਿਟਿਓ [ਭ੍ਰਮ]¹ ਰਿਦ ਆਯੋ ਚੈਨਾ ॥ 20 ॥
 ਭਗਵੰਤ ਸੁਧ ਗੁਰੁ ਰੂਪ ਨਿਹਾਰਾ । ਮਹਾਂਦੇਵ ਪੁਨ ਬਚਨ ਉਚਾਰਾ ।
 ਹੇ ਗੁਰੁ ਤੁਮ ਰਵਿ ਬਚ ਕਿਰਨਾਕਰ । ਰਿਦ ਬਿਗਾਸ ਅਗਯਾਨ ਤਿਮਰ ਹਰ ॥ 21 ॥

ਦੋਹਰਾ

ਤੁਮ ਪ੍ਰਤਾਪ ਭ੍ਰਮ ਮੋਹਿ ਮਿਟਯੋ ਸਾਖੀ ਬ੍ਰਹਮ ਲਖਾਉ ।
 ਐਸ ਕ੍ਰਿਪਾ ਮੋ ਪਰ ਕਰਹੁ ਗੁਰ ਨਾਨਕ ਪਹਿ ਜਾਉਂ ॥ 22 ॥

ਚੌਪਾਈ

ਗੁਰ ਅਰਜਨ ਸੁਨ ਗਦ ਗਦ ਭਏ । ਮਹਾਂਦੇਵ ਤੁਮ ਸਭ ਦੁਖ ਹਏ ।
 ਆਠ ਪਹਿਰ ਤੁਮਰੇ ਹੈ ਸਵਾਸਾ । ਕਰੋ ਜਤਨ ਜਾਵਹੁ ਗੁਰ ਪਾਸਾ ॥ 23 ॥
 ਅਮਰਦਾਸ ਗੁਰ ਜਸਹਿ ਨਿਕੇਤਿ । ਰਚੀ ਬਾਵਲੀ ਮੁਕਤੀ ਹੇਤਿ ।
 ਪੌੜੀ ਅਸੀ ਚਾਰ ਸਵਾਰ । ਮਹਾਤਮ ਸ੍ਰੀ ਮੁਖ ਕੀਨ ਉਚਾਰ ॥ 24 ॥

ਦੋਹਰਾ

ਚੌਰਾਸੀ ਪਾਠ ਜਪੁਜੀ ਕਰੈ ਜੋ ਨਰ ਕਰ ਇਸਨਾਨ ।
 ਗੁਰੁ ਨਾਨਕ ਪਹਿ ਜਾਇ ਹੈ ਯਾ ਮਹਿ ਸੰਸ ਨ ਠਾਨ² ॥ 25 ॥

ਚੌਪਾਈ

ਪਾਠ ਕਰੈ ਇਕ ਇਕ ਚਿਤ ਸੁਧ ਨਰ । ਚੌਰਾਸੀ ਤਹਿ ਮਿਟਹਿ ਜਨਮ ਮਰ ।
 ਜਪੁਜੀ ਪਾਠ ਸੁਧ ਤੁਮ ਕਰੋ । ਗੁਰ ਨਾਨਕ ਪਦ ਨਿਸਚੈ ਧਰੋ ॥ 26 ॥
 ਮਹਾਂਦੇਵ ਕਹਿ ਇਹੁ ਮਹਿ ਕਰਉਂ । ਮੇਰੀ ਬਿਨਤਿ ਸ੍ਰਵਨ ਮਹਿ ਧਰਉ ।
 ਸ੍ਰੀ ਗੁਰੁ ਕਉ ਇਹ ਧਾਮ ਅਪਾਰਾ । ਮੁਹਿ ਅਸਥਾਨ ਨ ਕੋਇ ਸਵਾਰਾ ॥ 27 ॥

ਦੋਹਰਾ

ਮੋਹਿ ਮ੍ਰਿਤ ਤਨ ਦਾਹ ਕੈ ਭਸਮ ਬਿਪਾਸਾ ਪਾਇ ।
 ਸ੍ਰੀ ਗੁਰ ਕਹਾ ਐਸੇ ਕਰਹਿ ਮਹਾਂਦੇਵ ਹਰਖਾਇ ॥ 28 ॥

ਚੌਪਾਈ

ਤਬ ਲਉ ਚੜਿਓ ਸੂਰ ਜਗ ਰਾਈ । ਮਹਾਂਦੇਵ ਗੁਰ ਆਗਯਾ ਪਾਈ ।
 ਕਰ ਇਸਨਾਨ ਪਾਠ ਤਬ ਲਾਗਾ । ਗੁਰ ਨਾਨਕ ਕੇ ਰਸ ਮਹਿ ਪਾਗਾ ॥ 29 ॥
 ਸਾਤ ਪਹਿਰ ਮਹਿ ਪਾਠ ਕਰੇ ਸਭ । ਸਨਾਨ ਚੌਰਾਸੀ ਸਤਿ ਚਿਤ ਤਬ ।
 ਉਪਰ ਪੌੜ ਪਰ ਧਰ ਨਿਜ ਸੀਸਾ । ਪਾਯੋ ਭੋਗ ਧਯਾਨ³ ਹਰਿ ਈਸਾ ॥ 30 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਸੰਕ ਨ ਮਾਨ ³ਅ ਤੇ ਏ ਪੋਥੀ ਬਯਾਸਾ ⁴ਅ ਪੋਥੀ ਰਿਦੈ

ਗੁਰੁ ਅਰਜਨ ਕਾ ਧਰਿ ਰਿਦ ਧਯਾਨਾ । ਮਹਾਂਦੇਵ ਜੀ ਤਯਾਗੇ ਪ੍ਰਾਨਾ ।
ਅੰਤ ਸਮੇਂ ਚਾਰੋਂ ਗੁਰੁ ਆਏ । ਗੁਰੁ ਨਾਨਕ ਤੇ ਆਦਿ ਸੁਹਾਏ ॥ 31 ॥

ਦੋਹਰਾ

ਮਹਾਂਦੇਵ ਕਉ ਸੰਗ ਲੈ ਗੁਰੁ ਨਾਨਕ ਕਰਤਾਰ ।
ਅਪਨਿ ਧਾਮ ਜਾਵਤਿ ਭਏ ਜਪੁਜੀ ਬਲ ਸੁਖ ਸਾਰ ॥ 32 ॥

ਚੌਪਾਈ

ਗੁਰੁ ਅਰਜਨ ਇਹੁ ਰੀਤਿ ਕਰਾਈ । ਕੁਸ਼ਾ ਡਾਰ ਦੇਹਿ ਤਿਹ ਪਾਈ ॥
ਚਾਦਰ ਪਾਇ ਪੁਸ਼ਪ¹ ਪੁਨ ਡਾਰੇ । ਨਿਕਟਿ ਬੈਠ ਗੁਰ ਸਬਦਿ ਉਚਾਰੈ ॥ 33 ॥
ਬਲਵੰਡ ਸਤੇ ਕਹਾ ਬੁਲਾਈ । ਆਸਾ ਵਾਰ ਪੜੇ ਮਨ ਲਾਈ ।
ਇਸੀ ਨਮਿਤ ਤੋਹਿ ਸੰਗ ਲਯਾਏ । ਲਗੇ ਪੜਨ ਗੁਰੁ ਆਗਯਾ ਪਾਏ ॥ 34 ॥

ਦੋਹਰਾ

ਮੁਹਰੀ ਆਦਿਕ ਬੰਸ ਗੁਰੁ ਆਵਤਿ ਭਏ ਤਹਿ ਵਾਰ ।
ਕੀਰਤਨ ਭਯੋ ਅਖੰਡ ਤਬ ਕੋ ਕਰ ਸਕੇ ਉਚਾਰ ॥ 35 ॥

ਚੌਪਾਈ

ਨਿਸਾ ਬਿਹਾਇ ਦਿਵਸ ਚੜ੍ਹ ਆਯੋ । ਆਸਾ ਵਾਰ ਭੋਗ ਤਬ ਪਾਯੋ ।
ਮੁਹਰੀ ਦਾਤੂ ਹੁਇ ਇਕਠਾਏ । ਮ੍ਰਿਤਕ ਕ੍ਰਿਆ ਗੁਰੁ ਪ੍ਰਿਥਮ ਕਰਾਏ ॥ 36 ॥
ਬਹੁਰ ਕਰਾਯੋ ਦੇਹਿ ਇਸ਼ਨਾਨਾਂ । ਨਰ ਅਨੁਹਰ ਗੁਰੁ ਰੋਦਨ ਠਾਨਾਂ ।
ਗੁਰੁ ਕਉ ਦਿਖ ਸਭ ਹੀ ਰੁਦਨਾਏ । ਪਿਖ ਮੋਹਨ ਸਭ ਧੀਰ ਧਰਾਏ ॥ 37 ॥

ਦੋਹਰਾ

ਧਰ ਧੀਰਜ ਸ੍ਰੀ ਸਤਿਗੁਰੁ ਸੁੰਦਰ ਯਾਨ ਬਨਾਇ ।
ਮਹਾਂਦੇਵ ਤਨ ਪਾਇ ਕੈ ਲੀਨੋ ਕੰਧ ਉਠਾਇ ॥ 38 ॥

ਚੌਪਾਈ

ਬਲਵੰਡ ਸਤੇ ਕਉ [ਗੁਰਿ]² ਵਰਮਾਈ । ਵਡਹੰਸ ਵਾਰ ਪ੍ਰਿਥਮੈ ਪੜ ਭਾਈ ।
ਬਹੁੜੇ ਮਾਰੂ ਡਖਣੇ ਵਾਰ । ਆਗੇ ਹੋਇ ਮੁਖ ਕਹੁੰ ਉਚਾਰ ॥ 39 ॥
ਇਹ ਬਿਧ ਭਯੋ ਚਲਾਣਾ ਭਾਰੀ । ਸਭੀ ਦੇਵ ਨਭ ਨੈਨ ਨਿਹਾਰੀ ।
ਡਾਰ ਫੂਲ ਸੁਰ ਮਨ ਹਰਖਾਏ । ਸੰਖਨਿ ਕੀ ਧੁਨ ਬਹੁ ਛਬ ਪਾਏ ॥ 40 ॥

ਦੋਹਰਾ

ਵਾਹਿਗੁਰੁ³ ਕਹ ਜਾਤ ਸਭ ਧਨ ਗ੍ਰਿਹ ਪ੍ਰੀਤਿ ਵਿਸਾਰ ।
ਮਨਹੁ ਜੀਵ ਕੀ ਆਸ ਨਹਿ ਸਭ ਰਿਦ ਬ੍ਰਹਮ ਵਿਚਾਰ ॥ 41 ॥
ਬਲਵੰਡ ਸਤੇ ਤਬ ਲਗੇ ਪਾਯੋ ਭੋਗ ਦੁਹਿ ਵਾਰ ।
ਤੀਰ ਬਿਪਾਸਾ ਕੇ ਤਬੈ ਉਤਮ ਠੌਰ ਨਿਹਾਰ ॥ 42 ॥

¹ਅ ਪੌਥੀ ਫੁਲ ²ਅ ਪੌਥੀ ਵਿਚੋਂ ³ੲ ਪੌਥੀ ਸਤਿਨਾਮ

ਚੌਪਾਈ

ਚੰਦਨ ਕੀ ਗੁਰੁ ਚਿਤਾ ਬਨਾਈ । ਉਪਰ ਮਹਾਂਦੇਵ ਦੇਹਿ ਪਾਈ ।
 ਲਾਂਬੂ ਸ੍ਰੀ ਗੁਰ ਨਿਜ ਕਰ ਲਾਯੋ । ਸਗਲ ਰੀਤਿ ਗੁਰ ਆਪ ਕਰਾਯੋ ॥ 43 ॥
 ਮੋਹਰੀ ਦਾਤੂ ਲਾਇ ਦੀਵਾਨ । ਕੀਰਤਨ ਸੁਨਤ ਪ੍ਰੀਤਿ ਮਨ ਮਾਨ ।
 ਕਪਾਲ ਕ੍ਰਿਆ ਕਰ ਗੁਰੂ ਨਹਾਏ । ਦੈ ਤਿਲਾਂਜਲ ਦੀਵਾਨ ਮਹਿ ਆਏ ॥ 44 ॥

ਦੋਹਰਾ

ਉਠੇ ਸਭੈ ਗੁਰੁ ਦੇਖਕੇ ਮਧ ਦੀਵਾਨ ਬੈਠਾਇ ।
 ਰਬਾਬੀ ਪੌੜੀ ਲਾਇ ਤਬ ਸੋਹਿਲਾ ਸਿਖ ਸੁਨਾਇ ॥ 45 ॥

ਚੌਪਾਈ

ਕਰ ਅਰਦਾਸ ਕੜਾਹ¹ ਵਰਤਾਯੋ । ਪੁਨ ਸਭ ਨੇ ਇਸਨਾਨ ਕਰਾਯੋ ।
 ਸਭ ਮਿਲ ਆਏ ਸਦਨ ਮਝਾਰਾ । ਪ੍ਰਚਾਣਵੀ ਕਰ ਭਵਨ ਸਿਧਾਰਾ ॥ 46 ॥
 ਦੁਤੀਅ ਦਿਵਸ ਗੁਰੁ ਪੁਸ਼ਪ² ਚੁਣਾਏ । ਗੰਗਾ ਕੋ ਸਿਖ ਖਾਸ ਪਠਾਏ ।
 ਸਭ ਹੀ ਭਸਮ ਬਿਪਾਸਾ ਡਾਰੀ । ਕਰ ਇਸਨਾਨ ਪੁਨ ਆਏ ਮੁਰਾਰੀ ॥ 47 ॥

ਦੋਹਰਾ

ਸਭ ਸਥਾਨ ਕਾ ਦਰਸ ਕਰ ਸਭ ਤੇ ਵਿਦਿਆ ਪਾਇ ।
 ਬਲਵੰਡ ਸਤਾ ਸੰਗ ਲੈ ਸ੍ਰੀ ਗੁਰ ਪਿਆਨ ਕਰਾਇ ॥ 48 ॥

ਚੌਪਾਈ

ਸੁਧਾ ਸਰੋਵਰ ਸ੍ਰੀ ਗੁਰੁ ਆਏ । ਗੁਰੁ ਗ੍ਰਿਥ ਕਾ ਪਾਠ ਕਰਾਏ ।
 ਗ੍ਰਿਥ ਭੋਗ ਤੇਰਵੇਂ ਦਿਨ ਪਾਯੋ । ਮਹਾਂਦੇਵ ਕੇ ਨਮਿਤ ਸੁਹਾਯੋ ॥ 49 ॥
 ਕੜਾਹ³ ਪੁਸ਼ਾਕ ਚੜਾਇ ਦਰਬਾਰਾ । ਮਹਾਂਦੇਵ ਕੇ ਨਮਿਤ ਸੁਧਾਰਾ ।
 ਸਮੰਤ ਸੋਰਾਂ ਸੈ ਰਿਖ ਜਨਮੰ । ਹਾੜ ਚੋਥ ਜਾਨੋ ਇਹੁ ਮਨਮੰ ॥ 50 ॥
 ਸਸ ਖਟੁ ਰੁਤ ਨੈਨ ਮਹਿ ਜਾਨਉ । ਭਾਦਰੋਂ ਚੋਥ ਚਲਾਣਾ ਠਾਨਉ ।
 ਪਚਵੰਜਾ ਬਰਸ ਮਾਸ ਦੋਇ ਪਰ । ਉਮਰਾ ਮਹਾਂਦੇਵ ਭੋਗੀ ਧਰ [ਪਰ]⁴ ।

ਦੋਹਰਾ

ਮਹਾਂਦੇਵ ਕੀ ਮ੍ਰਿਤ ਕਥਾ ਭਗਤ ਸਿੰਘ ਇਮ ਭਾਖ ।
 ਇਕ ਚਿਤ ਹੁਇ ਆਗੇ ਸੁਨਹੁ ਪ੍ਰਿਥੀਏ ਕੀ ਮ੍ਰਿਤ ਸਾਖ ॥ 52 ॥

ਚੌਪਾਈ

ਭਗਤ ਸਿੰਘ ਪ੍ਰਿਥੀਏ ਦੁਖ ਪਾਈ । ਪਾਤੀ ਚੰਦੁ ਓਰ ਪਠਾਈ ।
 ਐਸੇ ਲਿਖਯੋ ਮੀਤ ਤੁਮ ਕਹਾ । ਮਾਰਉਂ ਤਾਹਿ ਬੈਰ ਸਭ ਲਹਾ ॥ 53 ॥

¹ਅ ਪੋਥੀ ਪ੍ਰਸਾਦ ²ਅ ਤੇ ਏ ਪੋਥੀ ਫੂਲ ³ਅ ਪੋਥੀ ਪ੍ਰਸਾਦ ⁴ਅ ਪੋਥੀ ਵਿਚੋਂ

ਕਰਹੁ ਗੁਰੁ ਤੋਹਿ ਐਸ ਉਚਾਰਯੋ । ਅਬ ਸੋ ਕਾਰਜ ਦੀਓ ਬਿਸਾਰਯੋ ।
ਐਸੇ ਲਿਖ ਕੇ ਦੂਤ ਪਠਾਯੋ । ਲੈ ਪਾਤੀ ਚੰਦੂ ਪਹਿ ਆਯੋ ॥ 54 ॥

ਦੋਹਰਾ

ਲੈ ਪਾਤੀ ਚੰਦੂ ਤਬੈ ਪੜ ਮਨ ਮਾਹਿ ਬਿਚਾਰ ।
ਪੁਨਾ ਦੂਤ ਕਉ ਅਸ ਕਹਾ ਕਹੈ ਬਾਤ ਨਿਰਧਾਰ ॥ 55 ॥

ਚੌਪਾਈ

ਰਾਤ ਦਿਨਸ ਹਮਰੇ ਮਨ ਬਾਤਾ । ਭੁਲਤੀ¹ ਨਾਹੀਂ ਦਿਨੁ ਅਰ ਰਾਤਾ ।
ਪਾਤਿਸ਼ਾਹ ਕਉ ਸਾਥ ਲਿਆਵਉਂ । ਚਲ ਲਾਹੌਰ² ਤਿਸ ਨਾਸ ਕਰਾਵਉਂ ॥ 56 ॥
ਜਬ ਗੁਰਿਆਈ ਤੋਹਿ ਦਿਵਾਂਉਂ । ਤਉ ਅਪਨੇ ਮਨ ਧੀਰਜ ਪਾਵਉਂ ।
ਯੋਂ ਸੁਨ ਬਚਨ ਦੂਤ ਤਬ ਧਾਯੋ । ਆਇ ਪ੍ਰਿਥੀਏ ਕਉ ਭਾਖ ਸੁਨਾਯੋ ॥ 57 ॥

ਦੋਹਰਾ

ਪ੍ਰਿਥੀਏ ਸੁਨ ਧੀਰਜ ਕੀਓ ਚੰਦੂ ਜਤਨ ਬਿਚਾਰ ।
ਉਪਾਵ ਕਉ ਨਹਿ ਬਨ ਪਰੈ ਚਿੰਤਾ ਮਨਹਿ ਅਪਾਰ ॥ 58 ॥

ਚੌਪਾਈ

ਨਿੰਦਕ ਐਸੀ ਰੀਤਿ ਕਰਾਈ । ਨਿਸਦਿਨ ਨਿੰਦਾ ਮਾਹਿ ਰਹਾਈ ।
ਕਰਤ ਬਿਚਾਰ ਏਹੁ ਮਨਿ ਆਈ । ਪਾਤਿਸ਼ਾਹ ਕਉ ਜਾਇ ਸੁਨਾਈ ॥ 59 ॥
ਹਜ਼ਰਤ ਤੁਹਿ ਨਿੰਦਾ ਜਗ ਹੋਈ । ਹਮ ਤੇ ਸੁਨੀ ਜਾਤ ਨਹਿ ਸੋਈ ।
ਬਾਦਸ਼ਾਹ ਪੁਛਿਯੋ ਕਯਾ ਨਿੰਦਾ । ਮੋਹਿ ਕਾਰਜ ਕੋ ਕੀਨ ਨਾ ਮੰਦਾ ॥ 60 ॥

ਦੋਹਰਾ

ਕਾਰਜ ਤੁਮ ਕਉ ਨਹਿ ਕਰਯੋ ਪੈ ਯੋਂ ਲੋਕ ਸੁਨਾਇ ।
ਪਰੰਪਰਾ ਬਾਦਿਸ਼ਾਹ ਕੀ ਰੀਤਿ ਇਹੀ ਚਲੀ ਆਇ ॥ 61 ॥

ਚੌਪਾਈ

ਪਾਛੇ ਬਦਸ਼ਾਹੁ ਏਹੁ ਬਿਧ ਕਰਹਿ । ਜਾਇ ਕਸ਼ਮੀਰ ਹਰਖ ਮਨ ਧਰਹਿ ।
ਕੇਸਰ ਹੋਲੀ ਤਹਾਂ ਖਿਲਾਵਹਿ । ਅਤਰ ਅੰਬੀਰ ਗੁਲਾਲ ਉਡਾਵਹਿ ॥ 62 ॥
ਕਬੀ ਨ ਖੇਲੀ ਤੁਮ ਤਹਿ ਜਾਈ । ਇਹੁ ਨਿੰਦਾ ਤੁਮਰੀ ਜਗੁ ਗਾਈ ।
ਕਹਿਆ ਸ਼ਾਹ ਕਰੈ ਅਬ ਸੋਈ । ਜਾਤੇ ਨਿੰਦਾ ਜਗੁ ਨਹਿ ਹੋਈ ॥ 63 ॥

ਦੋਹਰਾ

ਬਹੁ ਦਲ ਦਿਲੀ ਛਡਿ ਕੈ ਕਛੁ ਸੈਨਾ ਸੰਗ ਧਾਰ ।
ਬਾਦਿਸ਼ਾਹ ਪਿਆਨਾ ਕੀਓ ਚੰਦੂ ਹਰਖ ਅਪਾਰ ॥ 64 ॥

¹ਏ ਪੋਥੀ ਭੁਲਹਿ ²ਅ ਪੋਥੀ ਲਵਪੁਰ ³ਅ ਪੋਥੀ ਪਰ

ਚੌਪਾਈ

ਚੰਦੂ ਚਿਤ ਮਹਿ ਬਹੁ ਦੁਖ ਪਾਵੈ । ਨਿਜ ਪੁਤ੍ਰੀ ਜਬ ਹੀ ਦ੍ਰਿਸ਼ਟਾਵੈ¹ ।
 ਪੁਤ੍ਰੀ ਕਲਹਿ ਬਹਤ ਦੁਖ ਦੇਵੈ । ਸੀਘਰ ਨਾਸ ਜਾਂਹਿ ਤੇ ਲੇਵੈ ॥ 65 ॥
 ਦਿਖ ਪੁਤ੍ਰੀ ਚੰਦੂ ਦੁਖ ਲੀਨੋਂ । ਬਾਦਿਸ਼ਾਹ ਸੰਗ ਪਯਾਨਾ ਕੀਨੋਂ ॥
 ਪਾਤਿਸ਼ਾਹ ਕਬ ਗਜ² ਅਸਵਾਰ । ਕਬ ਹੈ ਚੜੇ ਇਛ ਚਿਤ ਧਾਰ ॥ 66 ॥

ਦੋਹਰਾ

ਰਸਤੇ ਕੂਚ ਮੁਕਾਮ ਕਰ ਨਿਜ ਇਛਾ ਸੁਖ ਪਾਇ ।
 ਤੀਰ ਬਿਪਾਸਾ ਕੇ ਅਏ ਹਯ ਪਰ ਸ਼ਾਹ ਚੜਾਇ ॥ 67 ॥

ਚੌਪਾਈ

ਅਸਵ ਛਾਲ ਉਚੀ ਕਛੁ ਕਈ । ਗਿਰਯੋ ਸ਼ਾਹ ਐਸੀ ਬਿਧ ਭਈ ।
 ਕਛੁਕ ਮਰੋੜ³ ਲਾਤ ਕਉ ਆਈ । ਹਾਹਾਕਾਰ ਸੁ ਕਰੈ ਲੁਕਾਈ ॥ 68 ॥
 ਬਾਦਸ਼ਾਹ ਚੰਦੂ ਪ੍ਰਤਿ ਕਹਿਓ । ਕਿਸ ਕਾਰਨ ਹਮ ਇਹੁ ਦੁਖ ਲਹਿਓ ।
 ਜਨਮ ਕਿਤਾਬ ਮੋਰ ਦਿਖ ਲੇਵਹੁ । ਦੁਖ ਕਾ ਹੋਤ ਮੋਰਿ ਕਹਿ ਦੇਵਹੁ ॥ 69 ॥

ਦੋਹਰਾ

ਹਾਥ ਜੋਰ ਚੰਦੂ ਕਹਾ ਤੁਮ ਅਸ ਭਾਖਤ ਮੋਹਿ ।
 ਚੋਰ ਕਿਤਾਬ ਸੋ ਲੈ ਗਏ ਹਮ ਡਰ ਕਹਹਿ ਨ ਤੋਹਿ ॥ 70 ॥

ਚੌਪਾਈ

ਬਾਦਸ਼ਾਹ ਤਬ ਏਹੁ ਅਲਾਏ । ਹਮਰੇ ਰਾਜ ਚੋਰ ਕਹਿ ਪਾਏ ।
 ਸਿੰਧ ਕੰਧਾਰ ਰਾਜ ਹਮ ਹਏ । ਜਾਰ ਚੋਰ ਕਉ ਨਾਉ ਨ ਪਏ ॥ 72 ॥
 ਚੰਦੂ ਕਹਾ ਰਾਜ ਅਸ ਹੋਈ । ਤੁਮਰੇ ਰਾਜ ਚੋਰ ਨਹਿ ਕੋਈ ।
 ਗੁਰੁ ਨਾਨਕ ਆਸਨ ਅਬ ਅਰਜਨ । ਰਾਖੈ ਚੋਰ ਨਿਕਟ ਵਹਿ ਨਿਸ ਦਿਨ ॥ 73 ॥

ਦੋਹਰਾ

ਕਰਾਵਤ ਚੋਰੀ ਅਧਿਕ ਸੋ ਹਿਰੈ⁴ ਸੁ ਦਰਬ ਅਪਾਰ ।
 ਕਿਤਾਬ ਸਾਥ ਬਹੁ ਧਨ ਗਯੋ ਹੈ ਤਿਸਿ ਸਦਨਿ ਮਝਾਰਿ ॥ 74 ॥

ਚੌਪਾਈ

ਸੁਧਾ ਸਰੋਵਰ ਪੂਜ ਕਰਾਵੈ । ਐਸੇ ਚੋਰੀ ਨਿਤ ਕਰਾਵੈ ।
 ਕਹਾ ਸ਼ਾਹ ਇਮ ਨਹੀਂ ਉਚਾਰੋ । ਪੀਰ ਸੋਇ ਹਮਰੇ ਪੁਰਸਾਰੋ ।
 ਸਾਤ ਮੁਸ਼ਟਿ⁵ ਭਾਂਗ ਕੀ ਲੀਨੀ । ਗੁਰ ਨਾਨਕ ਪਾਤਿਸ਼ਾਹੀ ਦੀਨੀ ।
 ਅਸ ਬਖਸੀਸ ਜਿਸ ਘਰ ਤੇ ਹੋਈ । ਤਿਸ ਚੋਰ ਕਹਿ ਪਾਪੀ ਹੋਈ ॥ 75 ॥

¹ਅ ਪੌਥੀ ਪੇਖਾਵਹਿ ²ਅ ਪੌਥੀ ਹਸਤੀ ³ੲ ਪੌਥੀ ਚੋਟ ⁴ਅ ਪੌਥੀ ਲੂਟਹਿ ⁵ੲ ਪੌਥੀ ਮੁਠੀ

ਦੋਹਰਾ

ਨਿਜ ਅੰਗੁਲ ਮੁਖ ਮਹਿ ਧਰਿ ਐਸੇ ਕਹਿ ਤਬ ਸਾਹ ।
ਗੁਰੁ ਸਦਨ ਧਨ ਅਲਖ ਹੈ ਤਾਂਕੋ ਕਯਾ ਪਰਵਾਹ ॥ 76 ॥

ਚੌਪਾਈ

ਜਬੇ ਸਾਹ ਮੁਖ ਅੰਗੁਲ ਡਾਰੀ । ਲਾਤ ਪੀਰ ਤਬ ਦੂਰ ਨਿਵਾਰੀ ।
ਚੰਦੂ [ਕਹਾ]¹ ਸਾਹ ਸੁਨ ਲੀਜੈ । ਗੁਰੁ ਨਾਨਕ ਅਸ ਕਾਰਜ ਕੀਜੈ ॥ 77 ॥
ਇਸ ਮਹਿ ਈਰਖ ਕਪਟਿ ਘਨੇਰਾ । ਬਡੇ ਭ੍ਰਾਤ ਕਾਢਯੋ ਤੁਮ ਹੇਰਾ ।
ਬਾਦਸ਼ਾਹ ਐਸੇ ਤਬ ਕਹਾ । ਮਾਨੁਖ ਭੇਜ ਸਭ ਸੁਧ ਲਹਾ ॥ 78 ॥

ਦੋਹਰਾ

ਹਮਹਿ ਬਡੇ ਪਾਛੇ ਦਏ ਗਾਵ ਚੌਰਾਸੀ ਜਾਇ ।
ਹੋਇ ਇਛ ਲਹੈ ਔਰ ਅਬ ਚੌਰੀ ਨਾਂਹ ਕਰਾਇ ॥ 79 ॥

ਚੌਪਾਈ

ਜਹਾਂਗੀਰ ਮੁਖ ਐਸ ਅਲਾਯੋ । ਸੁਲਬੀ ਦੁਸ਼ਟਿ ਸੂਵਨ ਸੁਨ ਪਾਯੋ ।
ਸੁਲਹੀ ਕੇਰ ਭਤੀਜਾ ਜਾਨੋ । ਚਾਚੈ ਵੈਰ ਤਾਂਹਿ ਉਰ ਆਨੋ ॥ 180 ॥
ਚੰਦੂ ਸਾਥ ਸਲਾਹ ਰਲਾਈ । ਜਹਾਂਗੀਰ² ਕਉ ਕਹਾ ਸੁਨਾਈ ।
ਆਗਿਆ ਮੋਹਿ ਕਰੋ ਤਾਂਹਿ ਜਾਉ । ਜਿਮ ਤੁਮ ਕਹਹੁ ਤਿਵੈ ਕਰ ਆਉ ॥ 81 ॥

ਦੋਹਰਾ

ਬਾਦਸ਼ਾਹ ਐਸੇ ਕਹਾ ਹਮਰੀ ਦਿਸ ਕਰ ਜੋਰ ।
ਲੰਗਰ ਖਰਚ ਸੁ ਅਧਿਕ ਹੈ ਲੀਜੈ ਗ੍ਰਾਮ ਸੁ ਹੋਰ ॥ 82 ॥

ਚੌਪਾਈ

ਚੌਰੀ ਨਿੰਦ ਹੋਇ ਜਗੁ ਸਾਰੇ । ਨਹੀਂ ਬਨੈ ਸ੍ਰੀ ਗੁਰੂ ਹਮਾਰੇ ।
ਅਬ ਹਮ ਚਲਹਿ ਸੁ ਬੀਚ ਲਾਹੌਰ । ਤੁਮ ਗੁਰੁ ਪੂਛ ਆਵਓ ਤਿਹ ਠੌਰ ॥ 83 ॥
ਜਹਾਂਗੀਰ ਲਾਹੌਰ ਸਿਧਾਯੋ । ਸੁਲਬੀ ਸ੍ਰੀ ਗੁਰ ਓਰ ਪਠਾਯੋ ।
ਸੁਲਬੀ ਦੁਸ਼ਟਿ ਏਹੁ ਮਨ ਆਨੀ ॥ ਲੈਵਉ ਬੈਰ ਚਾਚੇ ਮਨ ਮਾਨੀ ॥ 84 ॥

ਦੋਹਰਾ

ਪਾਤਿਸ਼ਾਹਿ ਮੋਹਿ ਕਿਆ ਕਹੈ ਜੋ ਕਿਛੁ ਹੋਇ ਸੁ ਹੋਇ ।
ਮੁਹਿ ਪਿਤ ਭ੍ਰਾਤਾ ਤਿਸ ਹਨੀ ਮਾਰਉ ਅਬ ਹੀ ਸੋਇ ॥ 85 ॥

ਚੌਪਾਈ

ਭਗਤ ਸਿੰਘ ਅਸ ਰੀਤਿ ਬਿਧਾਤਾ । ਸੰਤਨ ਪਰ ਜੋ ਕਰਿ ਉਤਪਾਤਾ ।
ਜੋ ਨਰ ਨਭ ਕਉ ਬਾਨ ਚਲਾਵੈ । ਉਲਟਾ ਤਾਂਕੋ ਭਾਲ ਲਗਾਵੈ ॥ 86 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਬਾਦਸ਼ਾਹਿ

ਸੁਲਬੀ ਪਾਪੀ ਜਾਤ ਸੁ ਰੋਹਾ । ਸਯਦ ਅਗਰ ਮਿਲੇ ਇਹੁ ਜੇਹਾ ।
 ਸੁਲਹੀ ਕੀ ਨੋਕਰੀ ਕਰ ਆਏ । ਦਾਮ ਇਨਹੂੰ ਕੇ ਪਲੇ ਨ ਪਾਏ ।
 ਜਾਣ ਭਤੀਜਾ ਸੁਲਹੀ ਕੇਰਾ । ਸੁਲਬੀ ਪਕਰਿਓ ਕਰੀ ਨ ਦੇਰਾ ।
 ਪਕਰ ਅਸਵ ਤੇ ਤਰੇ ਉਤਾਰਯੋ¹ । ਦੇਵਹੁ ਧਨ ਜੇ ਪ੍ਰਾਨ ਉਬਾਰਯੋ ॥ 88 ॥

ਦੋਹਰਾ

ਸੁਲਬੀ ਤਬ ਐਸੇ ਕਹਾ ਲਾਹੌਰ ਜਾਇ ਧਨ ਲੇਹੁ ।
 ਹਮ ਕਉ ਕਛੁ ਮਲੂਮ ਨਹਿ ਚੰਦੂ ਤੁਮ ਕਉ ਦੇਹੁ ॥ 89 ॥

ਚੌਪਾਈ

ਸਯਦ ਸੁਨ ਮਨ ਮਹਿ ਰਿਸ ਧਾਰੀ । ਫਾਰਯੋ ਉਦਰ ਸੁ ਜਮਧਰ ਮਾਰੀ ।
 ਸੁਲਬੀ ਸਾਥ ਤੁਰਕ ਕਉ ਆਏ । ਸਯਦ ਤਾਂਕਉ ਏਹੁ ਸੁਨਾਏ ।
 ਨੋਕਰੀ ਹੇਤਿ ਹਮਹਿ ਇਸ ਮਾਰਾ ॥ ਜਿਨ ਲਰਨਾ ਸੋ ਆਉ ਅਗਾਰਾ ॥ 90 ॥
 [ਤੁਰਕਨਿ ਕਹਾ ਕਾਹੇ ਹਮ ਮਰਹਿ ॥ ਪਾਪੀ ਸੰਗਿ ਅਗਨਿ ਮੈ ਸਲਹਿ]²
 ਤਿਨੈ ਕਹਾ ਅਬ ਇਨ ਤੇ ਹੋਈ । ਸਯਦਨਿ ਸਾਥ ਲਰੈ ਨਹਿ ਕੋਈ ॥ 91 ॥

ਦੋਹਰਾ

ਸੁਲਬੀ ਹੈ ਸਯਦਨਿ ਲਯੋ ਚਲੇ ਪੰਥ ਨਿਜ ਪਾਇ ।
 ਤੁਰਕ ਸੋਊ ਜਾਵਤਿ ਭਏ ਚੰਦੂ ਕੇ ਨਿਕਟਾਇ ॥ 92 ॥

ਚੌਪਾਈ

ਤਬ ਲੋ ਸ਼ਾਹ ਲਾਹੌਰੇ ਗਯੋ । ਨਿਜ ਮਹਿਲੀ ਜਾ ਪ੍ਰਾਪਤ ਭਯੋ ।
 ਚੰਦੂ ਮਨ ਮਹਿ ਏਹੁ ਵੀਚਾਰੇ । ਸੁਲਬੀ ਨਿਸਚੈ ਤਾਂਕੋ ਮਾਰੇ ॥ 93 ॥
 ਤਬ ਲੋ ਤੁਰਕ ਜਾਇ ਨਿਕਟਾਏ । ਸੁਲਬੀ ਕਾ ਮਰਨਾ ਪ੍ਰਗਟਾਏ³ ।
 ਚੰਦੂ ਸੁਨ ਮਨ ਮਹਿ ਬਿਸਮਾਯੋ । ਬਾਦਿਸ਼ਾਹ ਕੇ ਨਿਕਟਿ ਸਿਧਾਯੋ ॥ 94 ॥

ਦੋਹਰਾ

ਜਹਾਂਗੀਰ ਪ੍ਰਫੁਨ ਕੀਓ ਸੁਲਬੀ ਅਜੇ ਨ ਆਇ ।
 ਚੰਦੂ ਸਭ⁴ ਬ੍ਰਿਤਾਂਤ ਕਹਿ ਜਿਹ ਬਿਧ ਮਰਿਯੋ ਤਾਂਹਿ ॥ 95 ॥

ਚੌਪਾਈ

ਪਾਤਸ਼ਾਹਿ ਯੋ ਬੈਨ ਸੁਨਾਏ । ਜੋ ਨਿਦੋਸ਼ ਕਉ ਦੋਸ਼ਹਿ ਲਾਏ ।
 ਗੁਰੁ ਪੀਰ ਪਰ ਦੋਸ਼ਹਿ ਧਰਹਿ । ਪਹੁੰਚ ਨ ਸਕੈ ਬੀਚ ਹੀ ਮਰਹਿ ॥ 96 ॥
 ਝੂਠੋ ਦੋਸ਼ ਲਗਾਯੋ ਤਾਂ ਕਉ । ਹਮ ਹਹਿ ਸੇਵਕ ਸਦ ਹੀ ਜਾਂਕਉ ।
 ਜੋ ਤੁਮ ਭੇਜਯੋ ਪੈਂਡਿ ਹਤਾਯੋ । ਗੁਰੁ ਨਿਕਟ ਵਹਿ ਜਾਨ ਨ ਪਾਯੋ ॥ 97 ॥

¹ਅ ਪੋਥੀ ਗਿਰਾਯੋ ²ਅ ਤੇ ਏ ਪੋਥੀ ਵਿਚੋਂ ³ਅ ਪੋਥੀ ਬਤਲਾਏ ⁴ਅ ਪੋਥੀ ਤਹਿ

ਦੋਹਰਾ

ਪਾਤਿਸ਼ਾਹ ਕਉ ਬੈਨ ਸੁਨ ਚੰਦੂ ਨਿਜ ਗ੍ਰਿਹ ਆਇ ।
ਅਤਿ ਵਯਾਕੁਲ¹ ਮਨ ਮਹਿ ਭਯੋ ਕਤਹੂੰ ਨ ਧੀਰਜ ਪਾਇ ॥ 98 ॥

ਚੌਪਾਈ

ਏਕ ਦਿਵਸ ਚੰਦੂ ਮਨ ਆਈ । ਜਹਾਂਗੀਰ ਕਉ ਜਾਇ ਸੁਨਾਈ ।
ਹਜ਼ਰਤਿ ਪ੍ਰਿਥੀਏ ਕਉ ਤੁਮ ਰਹਾ । ਜਾਹਿ ਲਾਹੌਰ² ਨਿਆਵ ਤੁਮ ਕਰਾ ॥ 99 ॥
ਅਬ ਤੁਮ ਆਏ ਤਹਾਂ ਬੁਲਾਵਉ । ਦੁਹ ਕਾ ਆਪ ਨਿਆਵ ਕਰਾਵਉ ।
ਕਹਾ ਸ਼ਾਹ ਗੁਰ ਆਪਹਿ ਆਵਹਿ । ਨਹਿ ਹਮ ਤਿਨ ਕਉ ਬੋਲ ਪਠਾਵਹਿ ॥ 100 ॥

ਦੋਹਰਾ

ਮਾਨੁਖ ਤੁਮ ਪਠਨੋਂ ਨਹੀਂ ਸ੍ਰੀ ਗੁਰੁ ਕੇ ਨਿਕਟਾਰ ।
ਪਤੀਆ ਪ੍ਰਿਥੀਏ ਕਉ ਪਠੋਂ ਇਛਾ ਹੋਇ ਤੁਮਾਰ ॥ 101 ॥

ਚੌਪਾਈ

ਸੁਨ ਚੰਦੂ ਮਨ ਆਨੰਦ ਪਾਯੋ । ਦੈ ਪਾਤੀ ਇਕ ਦੂਤ ਪਠਾਯੋ ।
ਪ੍ਰਿਥੀਏ ਪ੍ਰਤਿ ਚੰਦੂ ਲਿਖ ਐਸੇ । ਆਵੋ ਮੀਤ ਦੇਰ ਨਹਿ ਕੈਸੇ ॥ 102 ॥
ਧਾਇ ਦੂਤ ਪ੍ਰਿਥੀਏ ਪਹਿ ਗਯੋ । ਚੰਦੂ ਕਾ ਸੰਦੇਸਾ [ਜਾਇ]³ ਦੁਯੋਂ ।
ਪੜ ਪਾਤੀ ਸੁਨ ਤਾਂਹਿ ਸੰਦੇਸਾ । ਪ੍ਰਿਥੀਏ ਮਨ ਮਹਿ ਹਰਖ ਪ੍ਰਵੇਸਾ⁴ ॥ 103 ॥

ਦੋਹਰਾ

ਮਿਹਰਵਾਨ ਸੁਤ ਛਾਡ ਤਹਿ ਪ੍ਰਿਥੀਏ ਕੀਓ ਪਿਆਨ ।
ਨਿਜ ਮਨ ਮਹਿ ਐਸੇ ਧਰਯੋ ਮੀਤ ਕਾਜ ਮੁਹਿ ਠਾਨ ॥ 104 ॥

ਚੌਪਾਈ

ਸਾਥ ਦਾਸ ਐ ਸਿਖ ਅਪਾਰਾ । ਚਲਤ ਪੰਥ ਸੀਘਰ ਸੁਖ ਧਾਰਾ ।
ਤਾਰਨਤਰਨ ਨਿਕਟ ਜਬ ਆਏ । ਤਬ ਸਿਖਨਿ ਅਸ ਬੈਨ ਅਲਾਏ ॥ 105 ॥
ਹੇ ਪ੍ਰਭ ਏਹੁ ਤੀਰਥ ਤੁਮ ਕੇਰੋ । ਕਰਹਿ ਇਸ਼ਨਾਨ ਦਰਸ ਇਹ ਹੇਰੋ ।
ਕਹਿ ਪ੍ਰਿਥੀਆ ਛਪੜੀ ਕਹਿ ਨਾਵਹਿ । ਚਲ ਤੀਰਥ ਤੁਮ ਅਪਨਿ ਦਿਖਾਵਹਿ ॥ 106 ॥

ਦੋਹਰਾ

ਹਮਰੋ ਤੀਰਥ ਔਰ ਹਹਿ ਹੈਹਰਿ ਅਪਰ ਅਪਾਰ ।
ਤਹਾਂ ਨਾਇ ਜਉ ਸਿਖ ਹਮ [ਅਰੁ]⁵ ਤਿਹ ਕਰੈ ਦਿਦਾਰ ॥ 107 ॥

ਚੌਪਾਈ

ਐਸੇ ਕਹਤ ਪਾਸ ਚਲ ਗਏ । ਗੁਰੁ ਦੁਆਰੇ ਕੇ ਦਰਸਨ ਭਏ ।
ਇਹ ਬਿਧ ਹੋਹਰੀ ਪ੍ਰਾਪਤਿ ਭਇਆ । ਕਰ ਦਰਸਨ ਮਨ ਆਨੰਦ ਲਇਆ ॥ 108 ॥

¹ਅ ਪੋਥੀ ਦੁਖੀਯਾ ²ਏ ਪੋਥੀ ਲਵਪੁਰ ³ਅ ਪੋਥੀ ਵਿਚੋਂ ⁴ਅ ਤੇ ਏ ਪੋਥੀ ਬਸੇਖਾ ⁵ਅ ਪੋਥੀ ਵਿਚੋਂ

ਕਹਿ ਪ੍ਰਿਥੀਆ ਇਹੁ ਤੀਰਥ ਸਾਚਾ । ਔਰ ਜਿਤੇ ਜਗੁ ਮੇ ਸਭ ਕਾਚਾ ।
ਐਸੇ ਕਹਿਤ ਰੈਨ ਪਰ ਗਈ । ਦਿਨਪਤਿ¹ ਲੋਪ ਨਿਸਾਪਤਿ ਅਈ ॥ 109 ॥

ਦੋਹਰਾ

ਪ੍ਰਿਥੀਏ ਮਨ ਈਰਖ ਅਧਿਕ ਕੀਨ ਸੈਨ ਸੁਖ ਸਾਥ ।
ਦੋਇ ਜਾਮ ਨਿਸ ਜਬ ਗਈ ਉਪਜ ਸੂਲ ਰਿਦ ਮਾਥ ॥ 110 ॥

ਚੌਪਾਈ

ਭਗਤਿ ਸਿੰਘ ਜਦਪਿ ਰਿਸ ਠਾਨੋ । ਤਦਪਿ ਰਾਮਦਾਸ ਸੁਤ ਜਾਨੋ ।
ਮਰਨ ਕਾਲ ਤਾਕੋ ਦ੍ਰਿਸਟਾਵਾ । ਤਬ ਪ੍ਰਿਥੀਏ ਇਸ਼ਨਾਨ ਕਰਾਵਾ ॥ 111 ॥
ਦਾਸ ਤਬੈ ਨਿਜ ਨਿਕਟਿ ਬੁਲਾਏ । ਤਾਕੋ ਪ੍ਰਿਥੀਏ ਇਹੁ ਸਮਝਾਏ ।
ਸੁਨੋ ਸਿਖ ਤੁਮ ਬੈਨ ਹਮਾਰੇ । ਅਬ ਹਮ ਚਲੇ ਪੁਲੋਕ ਮਝਾਰੇ ॥ 112 ॥

ਦੋਹਰਾ

ਹਮਰੋ ਦਾਹ ਇਹ ਠਾਂ ਕਰਹੁ ਔਰ ਸੁਨਹੁ ਮਨ ਲਾਇ ।
ਹਮੈ ਐਸ ਜਿਹ ਠਾਂ ਮਰੈ ਕਰਹੁ ਦਾਹੁ ਇਹਾਂ ਆਇ ॥ 113 ॥

ਚੌਪਾਈ

ਹਮਰੀ ਅੰਸ ਦਾਹ ਇਹਾਂ ਜੋਈ । ਮਰੇ ਨਿਕਟ ਆਇ ਹੈ ਸੋਈ ।
ਮਿਹਰਵਾਨ ਕਉ ਜਾਇ ਸੁਨਯੋ । ਮ੍ਰਿਤ ਕ੍ਰਿਤ ਪ੍ਰਿਥਮਹਿ ਮਮ ਕਯੋ ॥ 114 ॥
ਜਿ ਰੋ ਬਾਦਿਸ਼ਾਹ ਨਿਕਟਾਵੈ । ਹਮਰੋ ਬਦਲਾ ਜਿਉ ਤਿਉ ਪਾਵੈ ॥
ਐਸੇ ਕਹਿਤ ਭੂਮ ਕੀਓ ਸੈਨਾ । ਸਿਖ ਬੁਲਾਵਹਿ ਰਹੈ ਨ ਬੈਨਾ ॥ 115 ॥

ਦੋਹਰਾ

ਮਰਨ ਕਾਲ ਪ੍ਰਿਥੀਏ ਤਬੈ ਮਨ ਮਹਿ ਐਸ ਲਿਆਇ ।
ਗੁਰਿਆਈ ਮਮ ਪਾਇ ਹੋ [ਗੁਰਿ]³ ਸਿਉ ਵੈਰ ਕਮਾਇ ॥ 116 ॥

ਚੌਪਾਈ

ਏਹ ਵੈਰ ਮਨ ਪ੍ਰਿਥੀਏ ਠਾਨਾਂ । ਤਬ ਲੋ ਤਿਸਨੇ ਤਜੇ ਪਰਾਨਾਂ ।
ਜਮ ਗਨ ਤਾਂਹਿ ਲੈਨ ਕਉ ਆਏ । ਗੁਰਿ ਸੁਤ ਜਾਨ ਬਹੁਤ ਭੈ ਪਾਏ ।
ਹਰਿ ਗਣਿ ਕਹਾ ਸੁਨੋ ਤੁਮ ਭਾਈ । ਇਹ ਗੁਰਿ ਸੁਤ ਗੁਰਿ ਕੇ ਢਿਗ⁴ ਜਾਈ ।
ਤਹਿ ਠਾਂ ਜਉ ਗੁਰ ਆਗਯਾ ਕਰਈ । ਨਿਸਚੈ ਬਾਤ ਸੋਇ ਇਹ ਧਰਈ ॥ 118 ॥

ਦੋਹਰਾ

ਪ੍ਰਿਥੀਏ ਕਉ ਤਬ ਲੈ ਗਏ ਰਾਮ ਗਣ ਆਪਨੇ ਸਾਥ ।
ਭਗਤਿ ਸਿੰਘ ਇਸ ਬੀਚ ਹੀ ਔਰ ਸੁਨਹੁ ਇਕ ਗਾਥ ॥ 119 ॥
ਪ੍ਰਿਥੀਏ ਪਹਿ ਜਬ ਹੀ ਪਠਿਯੋ ਮਨਾਵਨ ਕਉ ਗੁਰਦਾਸ ।
ਪ੍ਰਿਥੀਆ ਨਹਿ ਮਾਨਤ ਭਯੋ ਅਯੋ ਨ ਸ੍ਰੀ ਗੁਰਿ ਪਾਸ ॥ 120 ॥

¹ਅ ਪੋਥੀ ਦਿਨਕਰ ²ਅ ਪੋਥੀ ਸੁਰਗ ³ਅ ਤੇ ਏ ਪੋਥੀ ਵਿਚੋਂ ⁴ਅ ਪੋਥੀ ਪਾਸ

ਚੌਪਾਈ

ਗੁਰ ਅਰਜਨ ਤਬ ਸਬਦ ਉਚਾਰਯੋ । ਪ੍ਰਥਾਇ ਪ੍ਰਿਥੀ ਕੇ ਅਗ੍ਰ ਸੁਧਾਰਯੋ ।
ਕਹਉ ਸੰਛੇਪ ਸੁਨਹੁ ਮਨਿ ਲਾਈ । ਭਾਖਉ ਅਰਥ ਕਥਾ ਵਧ ਜਾਈ ॥ 121 ॥
ਧਨਾਸਰੀ ਪੰਚ ਦਸ ਸਬਦ ਬਖਾਨਾ । ਐਸੇ ਕਹਿ ਗੁਰ ਕ੍ਰਿਪਾ ਨਿਧਾਨਾ ।
ਸਵੈਯੇ ਮਾਂਝ ਅਰਥ ਇਹ ਕਹਹੂੰ । ਸਬਦ ਪਾਠ ਕਰ ਸਬ ਸੁਖ ਲਹਹੂੰ ॥ 122 ॥

॥ ਧਨਾਸਰੀ ਮਹਲਾ ੫ ॥¹

ਹਰਿ ਹਰਿ ਲੀਨੇ ਸੰਤ ਉਬਾਰਿ ।
ਹਰਿ ਕੇ ਦਾਸ ਕੀ ਚਿਤਵੈ ਬੁਰਿਆਈ ਤਿਸਹੀ ਕਉ ਫਿਰਿ ਮਾਰਿ ॥ 1 ॥ ਰਹਾਉ ॥
ਜਨ ਕਾ ਆਪਿ ਸਹਾਈ ਹੋਆ ਨਿੰਦਕ ਭਾਗੇ ਹਾਰਿ ।
ਭ੍ਰਮਤ ਭ੍ਰਮਤ ਉਹਾਂ ਹੀ ਮੂਏ ਬਾਹੁੜਿ ਗ੍ਰਿਹਿ ਨ ਮੰਝਾਰਿ ॥ 1 ॥
ਨਾਨਕ ਸਰਣਿ ਪਰਿਓ ਦੁਖ ਭੰਜਨ ਗੁਨ ਗਾਵੈ ਸਦਾ ਅਪਾਰਿ ।
ਨਿੰਦਕ ਕਾ ਮੁਖੁ ਕਾਲਾ ਹੋਆ ਦੀਨ ਦੁਨੀਆ ਕੇ ਦਰਬਾਰਿ ॥੨॥ ੧੫ ॥

ਅਰਥ ॥ ਸਵੈਯਾ ॥

ਹਰਿ ਪ੍ਰਭ ਸੰਤ ਉਬਾਰ ਲੀਏ ਹਮ ਵੈਰ ਕੀਓ ਤਿਨ ਬਿਧਿ ਖਪਾਯੋ ।
ਆਪ ਸਹਾਇ ਕਰੀ ਜਨ ਕੀ ਗੁਰ ਨਿੰਦਕ ਹਾਰ ਕੈ ਭਾਜ ਸਿਧਾਯੋ ॥
ਭ੍ਰਮਤੇ [ਭ੍ਰਮਤੇ]² ਮ੍ਰਿਤ ਪਾਇ ਉਹਾਂ ਸੁ ਸੁਧਾਸਰ ਬਹੁਰ ਨਹੀਂ ਵਹੁ ਆਯੋ ॥
ਨਾਨਕ ਸਰਨਿ ਪਰੇ ਦੁਖ ਭੰਜਨ ਰੈਨ ਦਿਨਾਂ ਜਸ ਤਾਂਹਿ ਅਲਾਯੋ ॥ 123 ॥

ਦੋਹਰਾ

ਮੂੰਹ ਕਾਲਾ ਨਿੰਦਕ ਭਯੋ ਦੀਨ ਦੁਨੀ ਦਰਬਾਰ ।
ਗੁਰੁ ਅਰਜਨ ਅਸ ਕੁਪਤ ਹੈ ਕੀਨੋ ਸਬਦਿ ਉਚਾਰ ॥ 124 ॥

ਚੌਪਾਈ

ਭਗਤ ਸਿੰਘ ਪੁਨ³ ਸੰਸਾ ਨਾਨਾਂ । ਹੇ ਪ੍ਰਭ ਇਹੁ ਜੋ ਬਚਨ ਬਖਾਨਾ ।
ਦੁਨੀਆ ਮਹਿ ਅਪਜਸ⁴ ਤਿਹੋ ਭਯੋ । ਕਿਮ ਕਾਲਾ ਮੁਖ ਆਗੇ ਕਹਯੋ ॥ 125 ॥
ਮਨੀ ਸਿੰਘ ਕਹੇ ਸੁਨਹੁ ਪਿਆਰੇ । ਦਯਾ ਸਿੰਧ ਜਬ ਬਚਨ ਉਚਾਰੇ ।
ਪ੍ਰਿਥੀਏ ਕੋ ਨਿਜ ਸੰਗ ਲਵਾਏ । ਹਰਿ ਗਣ ਗੁਰੁ ਨਾਨਕ ਨਿਕਟਾਏ ॥ 126 ॥

ਦੋਹਰਾ

ਭੀਤਰ ਪੈਠਨਿ ਨਹਿ ਮਿਲਯੋ ਗੁਰ ਨਾਨਕ ਕੇ ਧਾਮ ।
ਗਣਿਨ ਜਾਇ ਬਿਨਤੀ ਕਰੀ ਹੇ ਪ੍ਰਭ ਪੂਰਨ ਕਾਮ ॥ 127 ॥

ਚੌਪਾਈ

ਲਗੇ ਦੀਵਾਨ ਅਧਿਕ ਵਿਸਥਾਰਾ । ਚਾਰ ਗੁਰੁ ਬੈਠੇ ਸੁਖ ਧਾਰਾ ।
ਸ੍ਰੀ ਚੰਦ ਅਰੁ ਲਖਮੀਦਾਸ । ਦਾਸੁ ਮਹਾਂਦੇਵ ਗੁਰ ਪਾਸ ॥ 128 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 674 ²ਅ ਪੌਥੀ ਵਿਚੋਂ ³ਅ ਪੌਥੀ ਤਬ ⁴ਅ ਪੌਥੀ ਅਪਕੀਰਤ

ਹਰਿ ਗਣ ਨੇ ਜਾਇ ਬੈਠ ਸੁਨਾਯੋ । ਹੇ ਪ੍ਰਭ ਜੀ ਪ੍ਰਿਥੀਆ ਚਹੈ ਆਯੋ ।
ਹਮ ਤੁਮਰੇ ਹਰਿ ਆਗਿਆਕਾਰੀ । ਹੁਕਮ ਹੋਇ ਸੋ ਕਰਹਿ ਵਿਚਾਰੀ ॥ 129 ॥

ਦੋਹਰਾ

ਸੁਨ ਗੁਰੁ ਨਾਨਕ ਜੀ ਕਮਾ ਮੂੰਹ^੧ ਕਾਲਾ ਤਿਹ ਆਇ ।
ਮਾਨੁਖ ਤਨ ਕਉ ਪਾਇਕੇ ਗੁਰ ਸਮ ਵੈਰ ਕਮਾਇ ॥ 130 ॥

ਦੋਹਰਾ

ਤੀਨ ਜਨਮ ਪ੍ਰਿਥਵੀ ਧਰੈ ਤਉ ਇਸ ਕੀ ਕਲਿਆਨ ।
ਵੈਰ ਭਾਵ ਤਜ ਗੁਰੁ ਭਜੈ ਸ੍ਰੀ ਮੁਖ ਕੀਨ ਬਖਾਨ ॥ 131 ॥

ਚੌਪਾਈ

ਮਹਾਂਦੇਵ ਤਬ ਬਿਨਤਿ ਉਚਾਰੇ । ਹੇ ਗੁਰ ਛਿਮਉ^੨ ਭੂਲ ਤੁਮ ਬਾਰੇ ।
ਜਾ ਕਰ ਮਿਲੈ ਸ਼ਿਤਾਬੀ ਆਇ । ਗੁਰ ਨਾਨਕ ਸੁਨ ਬਹੁਰ ਅਲਾਏ ॥ 132 ॥
ਮਰਨ ਕਾਲ ਇਸ ਏਹੁ ਚਿਤਾਰਾ । ਗੁਰੁ ਸਿਉ^੩ ਲੇਹੁ ਵੈਰ ਮਨ ਧਾਰਾ ॥
ਅੰਤਕਾਲ ਜੋ ਸਿੰਮ੍ਰਿਤਿ ਆਵੈ । ਤੈਸੇ ਜਾਇ ਜਨਮ ਸੋ ਪਾਵੈ ॥ 133 ॥

ਦੋਹਰਾ

ਏਕ ਜਨਮ ਇਸ ਬੀਤਿਓ ਦੋਇ ਦੇਹ ਧਰ ਹੋਰ ।
ਬਹੋਰੁ ਮਾਨ ਮਿਟਾਇ ਕੈ ਆਵੈ ਹਮਰੀ ਓਰ ॥ 134 ॥

ਚੌਪਾਈ

ਪ੍ਰਿਥੀਆ ਤਹਿ ਤੇ ਦੀਓ ਹਟਾਇ^੪ । ਦੋਇ ਜਨਮ ਬਹਰੇ ਸੋ ਪਾਇ ।
ਐਸੇ ਕਾਲਾ ਮੁਖ ਤਿਹ ਭਯੋ । ਗੁਰੁ ਨਾਨਕ ਕੇ ਨਿਕਟ ਨ ਗਯੋ ॥ 135 ॥
ਦੋਇ ਜਨਮ ਆਗੇ ਸੋ ਪਾਏ । ਕਛੂ ਫਰਕ ਤਿਹ ਨਾਮ ਸੁਨਾਏ ॥
ਧੀਰਮਲ ਰਾਮਰਾਇ ਪਛਾਨਹੁ । ਪ੍ਰਿਥੀਆ ਜਨਮ ਧਰੈ ਇਹੁ ਮਾਨਹੁ ॥ 136 ॥

ਦੋਹਰਾ

ਉਪ੍ਰੰਤਿ ਸੁ ਗੁਰੁ ਕੀ ਅਗਮ ਗਤਿ ਜਨ ਤੇ ਲਖੀ ਨ ਜਾਇ ॥
ਜੋ ਚਾਹ ਹੈ ਸੋਈ ਕਰੈ ਆਗੇ ਕਥਾ ਸੁਨਾਇ ॥ 137 ॥

ਚੌਪਾਈ

ਜਬ ਪ੍ਰਿਥੀਏ ਤਨ ਤਯਾਗੇ ਪ੍ਰਾਨਾ^੫ । ਦੇਖ ਦਾਸ ਤਬ ਰੁਦਨ ਸੁ ਠਾਨਾ ।
ਕੀਓ ਦਾਹ ਪੁਨ ਪੁਸ਼ਪ^੬ ਚੁਨਾਏ । ਮਿਹਰਵਾਨ ਪਹਿ ਦਾਸ ਸਿਧਾਏ ॥ 138 ॥
ਦਾਸਨ ਜਾਇ ਬ੍ਰਿਤੰਤ ਸੁਨਾਵਾ । ਮਿਹਰਵਾਨ ਸੁਨ ਰੁਦਨ ਕਰਾਵਾ ।
ਔਰ ਪਰਵਾਰ ਸੁਨਤ ਰੁਦਨਾਯੋ । ਮਾਨਹੁ ਕੀਰਨ ਵਾਸਾ ਪਾਯੋ ॥ 139 ॥

^੧ਅ ਪੋਥੀ ਮੁਖ ^੨ਏ ਪੋਥੀ ਬਖਸ਼ੋ ^੩ਅ ਪੋਥੀ ਛਿਟਕਾਇ ^੪ਅ ਪੋਥੀ ਫੂਲ

ਦੋਹਰਾ

ਮ੍ਰਿਤ ਕ੍ਰਿਆ ਸਭ ਹੀ ਕਰੀ ਮਿਹਰਵਾਨ ਮਨ ਲਾਇ ।
ਗਰੜ ਪੜਾਯੋ ਦਰਬ ਦੇ ਤੇਰਵੇ ਪਾਗ ਬੰਧਾਇ ॥ 140 ॥

ਚੌਪਈ

ਬਹੁਰੋ ਦਾਸਨ ਕਹਾ ਸੁਨਾਏ । ਤੋਇ ਪਿਤਾ ਯਹ ਬਚਨ ਅਲਾਏ ।
ਗੁਰ ਅਰਜਨ ਤੇ ਬਦਲਾ ਲੇਵੋ । ਹੇ ਸੁਤ ਹਮ ਕਉ ਇਹ ਸੁਖ ਦੇਵੋ ॥ 141 ॥
ਦਾਸਨਿ ਜਬ ਬਚ ਐਸੇ ਭਾਖੇ । ਮਿਹਰਬਾਨ ਸੁਨ ਮਨ ਮਹਿ ਰਾਖੇ ।
ਬਰਖਹੂੰ ਕੀ ਗਿਨਤੀ ਸੁਨ ਭਾਈ । ਪ੍ਰਿਥੀਏ ਉਮਰਾਂ ਜੇਤੀ ਪਾਈ ॥ 142 ॥

ਦੋਹਰਾ

ਸਮੰਤ ਸੋਰਾ ਸੈ ਭਏ ਬਰਸ ਪਾਂਚ ਪੁਨ ਗਾਇ ।
ਰਿਖ ਦਿਵਸ ਅਸੂ ਗਏ ਜਨਮ ਸੁ ਪ੍ਰਿਥੀਏ ਪਾਇ । 143 ॥
ਸੰਮਤ ਸਸਿ ਖਟ ਰੁਤ ਮਾਹਿ ਤੀਨ ਬਰਸ ਪੁਨ ਜਾਨ ।
ਦਿਨ ਵਿਸਾਖ ਬਿੰਸੇਕ ਮਹਿ ਮਰਣਾ ਪ੍ਰਿਥੀਏ ਠਾਨ ॥ 144 ॥

ਚੌਪਈ

ਪ੍ਰਿਥੀਏ ਮ੍ਰਿਤ ਚੰਦੂ ਸੁਨ ਪਾਈ । ਨਿਜ ਮਨ ਮਾਹਿ ਬਡ¹ ਸੋਕ ਧਰਾਈ ।
ਸੁਲਹੀ ਮਰਿਓ ਸੁ ਸਲਬੀ ਮਾਰਾ । ਪ੍ਰਿਥੀਏ ਹਤਿ ਏਹ ਨਹੀਂ ਵਿਚਾਰਾ ।
ਜਾਣੈ ਨਹਿ ਗੁਰ ਕੀ ਪ੍ਰਭਤਾਈ । ਪਾਪੀ² ਮਨ ਮਹਿ ਪਾਪ ਬਸਾਈ ।
ਬਾਦਿਸ਼ਾਹ ਕਉ ਜਾਇ ਸੁਨਾਯੋ । ਗੁਰ ਅਰਜਨ ਇਹ ਠਾਂ ਨਹਿ ਆਯੋ ॥ 146 ॥

ਦੋਹਰਾ

ਪਾਤਿਸ਼ਾਹ ਐਸੇ ਕਹਾ ਘਟਿ ਘਟਿ ਜਾਨਨਹਾਰ ।
ਗੁਰ ਸ੍ਰੀ ਆਪਹਿ ਆਇ ਹਰਿ ਮੋਹਿ ਭਰੋਸਾ ਭਾਰ ॥ 147 ॥

ਚੌਪਈ

ਭਗਤ ਸਿੰਘ ਗੁਰ ਕਥਾ ਸੁਨੀਜੈ । ਗੁਰ ਅਰਜਨ ਜੋ ਕਾਰਜ ਕੀਜੈ ।
ਬਾਦਿਸ਼ਾਹ ਕੀ ਮਰਜੀ ਜਾਨੀ । ਦਯਾ ਸਿੰਧ ਗੁਰ ਅਰਜਨ ਗਯਾਨੀ ॥ 148 ॥
ਕੋਠੜੀ ਗੁਰੂ ਗ੍ਰੰਥ ਜੀ ਆਇ । ਗੁਰ ਅਰਜਨ ਬੈਠੇ ਸੁਖ ਪਾਏ ।
ਸਾਹਿਬ ਬੁਢਾ ਲੀਓ ਬੁਲਾਇ । ਭਾਈ ਗੁਰਦਾਸ ਭੀ ਸਾਥ ਸਦਾਇ ॥ 149 ॥

ਦੋਹਰਾ

ਏਹੁ ਦੋਉ ਬੈਠਿਤ ਭਏ ਸ੍ਰੀ⁴ ਗੁਰੂ ਕੇ ਨਿਕਟਾਨ ।
ਹਰਿ ਗੋਬਿੰਦ ਜੀ ਪੁਨ ਅਏ ਸ੍ਰੀ ਗੁਰੂ ਮਨ ਕੀ ਜਾਨ ॥ 150 ॥

¹ਅ ਪੋਥੀ ਬਹੁ ²ਅ ਤੇ ਏ ਪੋਥੀ ਨੀਚ ³ਅ ਪੋਥੀ ⁴ਅ ਪੋਥੀ ਸਤਿ

ਚੌਪਈ

ਗੁਰ ਅਰਜਨ ਅਸ ਰੀਤਿ ਕਰਾਈ । ਪੈਸੇ ਪਾਂਚ ਨਾਰੇਲ ਮੰਗਾਈ ।
ਬੁਢੇ ਕਉ ਗੁਰੁ ਕਹਾ ਸੁਨਾਇ । ਹਰਿ ਗੋਬਿੰਦ ਕਉ ਤਿਲਕ ਲਗਾਇ ॥ 151 ॥
ਸੁਨ ਬੁਢੇ ਪੁਨ ਬਚਨ ਉਚਾਰਾ । ਕਿਆ ਕੌਤਕ ਕਰਹਿ ਹੋ ਕਰਤਾਰਾ ।
ਜੋਤੀ ਜੋਤਿ ਸਮਾਵਣ ਲਾਗੈ ॥ ਤਉ ਸੁਤ ਤਿਲਕ ਦੇਤਿ ਬਡਭਾਗੇ ॥ 152 ॥

ਦੋਹਰਾ

ਅਜੇ ਦਰਸ ਸੰਗਤਿ ਕਰੈ ਹੈ ਗੁਰੁ ਤੋਰ ਕਿਰਪਾਲ ।
ਕੈਸ ਬਚਨ ਭਾਖਹੁ ਪ੍ਰਭੁ ਹਮ ਕਉ ਅਚਰਜ ਖਿਆਲ ॥ 153 ॥

ਚੌਪਈ

ਸ੍ਰੀ ਗੁਰੁ ਕਹਾ ਏਹ ਸੁਨ ਲੀਜੇ । ਹਮਰੋ ਦੇਹਿ ਅੰਤ ਦਿਸ਼ਟੀਜੈ¹ ।
ਲਾਹੌਰ ਸੀਸ ਦੇਣੇ ਹਮ ਜਾਹੀ । ਉਹਾ ਤੇ ਹਮ² ਆਵਣ ਨਾਹੀ ॥ 154 ॥
ਤਾਂਤੇ ਅਬ ਹੀ ਮਾਥ ਟਿਕਾਵਹੁ । ਤੁਮ ਇਨ ਮਸਤਕਿ ਤਿਲਕ ਲਗਾਵਹੁ ।
ਗੁਰਦਾਸ ਕਹਾ ਸਿਰ ਕਾ ਹਿਤ ਦੀਜੈ । ਹੇ ਪ੍ਰਭ ਮੋਹਿ ਉਚਾਰਨ ਕੀਜੈ ॥ 155 ॥

ਦੋਹਰਾ

ਸ੍ਰੀ ਗੁਰ ਅਰਜਨ ਡੁਬ ਕਹਾ ਸੀਸ ਦੇਨ ਇਹ ਭਾਇ ।
ਗੁਰੁ ਨਾਨਕ ਮੁਖ ਕਮਲ ਸਿਉ ਏਕ ਸਮੇ ਪ੍ਰਗਟਾਇ ॥ 156 ॥

ਚੌਪਈ

ਇਸ ਕਾਰਨ ਕੀ ਗਾਥ ਅਗੰਮ । ਪੜਤ ਸੁਨਤ ਜਿਹ ਮਿਟੈ ਜਨਮ ।
ਏਕ ਸਮੇ ਗੁਰ ਨਾਨਕ ਦੇਵ । ਪ੍ਰਭ ਅਬਿਨਾਸੀ ਅਲਖ ਅਭੇਵ ॥ 157 ॥
ਕਾਰਨ ਕਰਨ ਜਗਤ ਕੇ ਤਾਰਨ । ਜਨਮ ਮਰਨ ਕੇ ਸੰਕਟਿ ਟਾਰਨ ॥
ਮਕੇ ਗਏ ਚਰਿਤ⁴ ਬਹੁ ਕਰੇ । ਕੌਨ ਕਵੀ ਜੋ ਸਭ ਕਹਿ ਧਰੇ ॥ 158 ॥

ਦੋਹਰਾ

ਐਸੇ ਭਾਰਤ ਜਗਤ ਕਉ ਵਿਚਰਤ ਦੀਪ ਮਝਾਰ ।
ਕਾਬਲ ਕੀ ਧਰਤੀ ਗਏ ਗੁਰ ਨਾਨਕ ਕਰਤਾਰ ॥ 159 ॥

ਚੌਪਈ

ਗਰੀਬ ਨਿਵਾਜ਼ ਤਾਂਹਿ ਕਉ ਜਾਨੋ । ਕੀਟੀ ਹਸਤੀ ਕਰੈ ਪ੍ਰਮਾਨੋ ।
ਐਸੇ ਗੁਰੁ ਨਾਨਕ ਕਿਰਪਾਲ । ਲਖੇ ਨ ਜਾਹੀ ਜਾਂਹਿ ਖਿਆਲ ॥ 160 ॥
ਰਹਹਿ ਨਿਚਿਤ ਸਦਾ ਸੁਖ ਸਾਗਰ । ਅਹੈ ਸੂਰ ਸਮ ਜਗਤ ਉਜਾਗਰ ।
ਨਿਜ ਇਛਾ ਬਿਚਰਤ ਮਨ ਮਾਹੀ । ਮਰਦਾਨਾ ਬਾਲਾ ਸੰਗਿ ਸੁਹਾਹੀ ॥ 161 ॥

¹ਅ ਪੋਥੀ ਜਾਣੀਜੈ ²ਏ ਪੋਥੀ ਮੁੜਿ ³ਮ ਪੋਥੀ ⁴ਅ ਪੋਥੀ ਕੌਤਕ

ਦੋਹਰਾ

ਅਯਾਲੀ ਤਹਿ ਚਾਰਤ ਫਿਰੈ ਗਾਡਰ ਅਰਨ ਅਪਾਰ ।

ਤਾਂ ਸਿਉ ਗੁਰੁ ਪ੍ਰਫੁਤ ਭਏ ਲੀਨੋਂ ਨਿਕਟ ਹਕਾਰ ॥ 162 ॥

ਚੌਪਈ

ਹੇ ਨਰ ਅਪਨਾ ਨਾਮ ਸੁਨਾਵਹੁ । ਕਿਹ ਠਾਂ ਰਹੋ ਕਿ ਕਿਰਤ ਕਮਾਵਹੁ ।

ਅਜਾਪਾਲ¹ ਆਇ ਬੰਦਨ ਕੀਨੀ । ਖੁਲੇ ਕਪਾਟ ਦਰਸ ਜਬ ਲੀਨੀ ॥ 163 ॥

ਭਾਖਯੋ ਪ੍ਰਭ ਜੀ ਨਾਮ ਤੁਮਾਰਾ । ਖੁਦਾ ਕੀ ਜਾਤ ਲੀਓ ਅਵਤਾਰਾ ।

ਨਾਮ ਤਿਨੈ ਜੋਊ ਮੀਰ ਫਕੀਰਾ । ਕਿਆ ਮਮ ਨਾਮ ਤੁਛ ਜਗੁ ਕੀਰਾ ॥ 164 ॥

ਦੋਹਰਾ

ਤਿਮਰ ਨਾਮ ਮੇਰੋ ਪ੍ਰਭੁ ਕਾਬਲ ਮਾਹਿ ਬਸਾਉਂ ।

ਗਾਡਰ ਚਾਰੋਂ ਨਗਰ ਕੀ ਸੁਖ ਸਿਉ ਕਾਲ ਬਿਤਾਉਂ ॥ 165 ॥

ਚੌਪਈ

ਸੁਨ ਗੁਰੁ ਨਾਨਕ ਭਏ ਕਿਰਪਾਲਾ । ਐਸੇ ਭਾਖੋ ਬਚਨ ਦਿਆਲਾ ।

ਸ਼ਰਧਾ ਭਗਤਿ ਬਨੈ ਸੁਖਦਾਈ । ਪ੍ਰਭ ਹੈ ਦੀਨਨ ਸਦਾ ਸਹਾਈ ॥

॥ ਤਿਮਰੋ ਵਾਚ ॥

ਤੁਛ ਭੇਟ ਲਿਆਵੋ ਲੈ ਲੀਜੇ । ਭਾਖੋ ਪ੍ਰਭ ਨਹਿੰ ਬਿਲਮ² ਕਰੀਜੇ ।

ਸ੍ਰੀ ਗੁਰੁ ਕਹਾ ਇਛਾ ਜੋ ਤੇਰੀ । ਦੇਵਹਿ ਸੋਇ ਨ ਸੰਸਾ ਹੇਰੀ ॥ 167 ॥

ਦੋਹਰਾ

ਤਬੈ ਤਿਮਰ ਐਸੇ ਕਹਾ ਇਹ ਠਾਂ ਹੀ ਠਹਿਰਾਇ ।

ਨਗਰ ਜਾਇ ਹਮ ਲਯਾਇ ਹਹਿ ਸੁੰਦਰ ਭੇਟ ਬਨਾਇ ॥ 168 ॥

ਚੌਪਈ

ਐਸੇ ਕਹਿ ਤਬ ਤਿਮਰ ਸਿਧਾਯੋ । ਨਗਰ ਜਾਇ ਕੇ ਭਾਗ ਲਿਆਯੋ ।

ਅਯੋ ਭੇਟ ਗੁਰ ਆਨੰਦ ਠਾਨਾ । ਨਿਜ ਪਲਾ ਤਿਹ ਅਗੂ ਧਰਾਨਾ ॥ 169 ॥

ਭਾਂਗ ਮੁਸ਼ਟਿ ਇਕ ਜਬ ਤਿਨ ਡਾਰੀ । ਗੁਰੁ ਨਾਨਕ ਇਹ ਬਚਨ ਉਚਾਰੀ ।

ਇਕ ਪਤਿਸਾਹੀ ਤੋਂ ਕਉ ਦਈ । ਤਿਮਰ ਸੁਨਤਿ ਮਨ ਮਹਿ ਹਰਖਾਈ ॥ 170 ॥

ਦੋਹਰਾ

ਐਸੇ ਮੁਸ਼ਟਾਂ ਭਾਗ ਕੀ ਤਿਮਰ ਸਾਤ ਜਬ ਪਾਇ ।

ਸਤਿ ਪਤਿਸਾਹੀ ਸਾਥ ਹੀ ਸ੍ਰੀ³ ਗੁਰੁ ਮੁਖਹੂੰ ਅਲਾਇ ॥ 171 ॥

ਚੌਪਈ

ਮਨ ਮਹਿ ਤਿਮਰ ਸੁਨਤ ਸੁਖ ਪਾਏ । ਨਿਮ੍ਰਤ ਹੁਇ ਪੁਨ ਬਿਨਤ ਅਲਾਏ ।

ਹੇ ਗੁਰ ਸੈਨਾ⁴ ਬਿਤ ਨ ਕੋਈ । ਮੁਹਿ ਪਤਿਸਾਹੀ ਕੈਸੇ ਹੋਈ ॥ 172 ॥

¹ਅ ਪੋਥੀ ਅ'ਜੜੀ ²ਅ ਪੋਥੀ ਬਿਲੰਭ ³ਅ ਪੋਥੀ ਸਤਿ ⁴ੲ ਪੋਥੀ ਫੌਜ

ਸ੍ਰੀ ਗੁਰੁ ਕਹਿ ਭ੍ਰਮ ਰੰਚ ਨ ਧਾਰੋ । ਸਨੇ ਸਨੇ ਸਭ ਹੋਇ ਵਿਚਾਰੋ ।
ਬੇਹੁ ਨਿਕਟਿ ਤੁਮਰੇ ਜਉ ਆਹੀ । ਇਹੁ ਠਾਂ ਵਾੜਾ ਰਚ ਚਿਤ ਚਾਹੀ ॥ 173 ॥

ਦੋਹਰਾ

ਇਸ ਠੌਰ ਗਾਡਰ ਰਹਿਹੁ ਤੁਮਰੀ ਜੇਤਕ ਹੋਇ ।
ਇਹਾਂ ਦਰਬ ਅਨਗਨ ਮਿਲੇ ਪਾਛੇ ਕਰਿ ਮਨ ਜੋਇ ॥ 174 ॥

ਚੌਪਈ

ਸੁਨਤ ਤਿਮਰ¹ ਮਨ ਆਨੰਦ ਪਾਯੋ । ਚਰਨ ਕਮਲ ਗੁਰੁ ਕੇ ਸਿਰ ਨਿਆਯੋ ।
ਉਸਤਤਿ ਕੀਨਿ ਅਧਿਕ ਮਨ ਲਾਈ । ਹੇ ਪ੍ਰਭ ਤੁਮ ਦੀਨਨਿ ਸੁਖਦਾਈ ॥ 175 ॥
ਮੋਹਿ ਨੀਚ ਕਉ ਕੋਇ ਨ ਜਾਨੇ । ਪਤਿਸ਼ਾਹੀ ਦੇ ਪ੍ਰਗਟਿ ਜਹਾਨੇ ।
ਰਾਜ ਮੁਹੰਮਦ ਨਿਜ ਕੁਲ ਦਯੋ । ਹਮਰੀ ਕੁਲ ਮਹਿ ਰਾਜ ਨ ਭਯੋ ॥ 176 ॥

ਦੋਹਰਾ

ਚੁਗਤੇ ਹਮ ਕੁਲ ਕੇ ਬੜੇ ਅਧਮ ਮੁਹੰਮਦ ਜਾਹਿ ।
ਤਾਂਹਿ ਤਿਆਗ ਦੀਓ ਰਾਜ ਤਬ ਅਪਨੀ ਕੁਲ ਮਨ ਮਾਹਿ ॥ 177 ॥

ਚੌਪਈ

ਗਰੀਬ ਨਵਾਜ ਨ ਤਉ ਸਮ ਕੋਈ । ਤੀਨ ਭਵਨ² ਮਹਿ ਹੋਇ ਨ ਹੋਈ ।
ਦੀਨਾ ਨਾਥ ਪ੍ਰਭੂ ਸੁਖ ਸਾਗਰ । ਤੁਹੀ ਅਲਾਹੀ ਰੂਪ ਉਜਾਗਰ ॥ 178 ॥
ਏਕ ਬਚਨ ਕਿਆ ਉਪਮਾਂ ਕਰਉ³ । ਆਯੁਤ ਰਸਨਾ ਅੰਤ ਨ ਧਰਉ ।
ਅਸ ਕਹ ਚਰਨ ਕਮਲ ਲਪਟਾਯੋ । ਸ੍ਰੀ ਗੁਰ ਨਾਨਕ ਧੀਰ ਧਰਾਯੋ ॥ 179 ॥

ਦੋਹਰਾ

ਹੈ ਕ੍ਰਿਪਾਲ ਸ੍ਰੀ ਗੁਰ ਕਹਾ ਦੋ ਦਿਨ ਨਿਕਟਿ ਤੁਮਾਰ ।
ਰਹਿ ਹਹਿ ਤੁਮ ਉਦਮ ਕਰਉ ਵਾੜਾ ਲੇਹੁ ਸਵਾਰ ॥ 180 ॥

ਚੌਪਈ

ਤਿਮਰ ਸ੍ਰੀ ਗੁਰ ਆਗਿਆ ਪਾਏ । ਵਾੜੇ ਕਾਰਨ ਬਨ ਮਹਿ ਜਾਏ ।
ਤਹਿ ਤੇ ਢੀਂਗਰ ਕਾਟ ਲਿਆਯੋ । ਵਾੜੇ ਹਿਤ ਯਉ⁴ ਬਯੋਤ ਬਨਾਯੋ ॥ 181 ॥
ਪਾਛੇ ਬਾਲਾ ਮਨਿ ਬਿਸਮਾਨਾ⁵ । ਕਿਆ ਕੋਤਕ ਇਹ ਮੁਖਹੁ ਬਖਾਨਾ ।
ਕਰਿ ਵਿਚਾਰ ਪੁਨ ਬਿਨਤ ਸੁਨਾਈ । ਤੁਮਰੀ ਗਤਿ ਗੁਰ ਲਖੀ ਨ ਜਾਈ ॥ 182 ॥

ਦੋਹਰਾ

ਕਬ ਕਬ ਸ੍ਰੀ ਮੁਖ ਸਿਉ⁶ ਕਹਹੁ ਧਰਨੇ⁷ ਦਸ ਅਵਤਾਰ ।
ਪ੍ਰਗਟਿ ਪੰਥ ਪਾਛੇ ਕਰਉ⁸ ਦੇਵਉ ਰਾਜ ਅਪਾਰ ॥ 183 ॥

¹ਅ ਪੋਥੀ ਅ ਜੜੀ ²ਅ ਪੋਥੀ ਲੋਗਨ ³ਅ ਪੋਥੀ ਭਯੋ ਹੈਰਾਨਾ ⁴ਅ ਤੇ ਏ ਪੋਥੀ ਲੈਨੇ

ਚੌਪਈ

ਪੰਥ ਪ੍ਰਗਟਿ ਪ੍ਰਭ ਕੈਸੇ ਕਰਿ ਹੋ । ਤਾਹਿ ਰਾਜ ਦੈ ਕਸ ਹਰਖਤ ਹੋ ।
 ਤੁਮ ਪਤਿਸਾਹੀ ਇਸ ਕਉ ਦੀਨੀ । ਸ੍ਰੀ ਮੁਖ ਸੇਤਿ ਹਰਖ ਤਹਿ ਕੀਨੀ ॥ 184 ॥
 ਸੁਨ ਗੁਰ ਨਾਨਕ ਏਹ ਅਲਾਈ । ਭਲੀ ਬਾਤ ਤੁਮ ਯਾਦ ਕਰਾਈ ।
 ਇਹ ਤਉ ਅਬ ਨਹੀਂ ਮੁੜ ਹੈ ਕੈਸੇ । ਕਹਉਂ ਯਤਨ ਅਉਰਹਿ ਇਕ ਐਸੇ ॥ 185 ॥
 ਸਾਤ ਮੁਸਟਿ ਭਾਂਗ ਇਨ ਇਨ ਦੈਕੇ । ਸਤਿ ਪਤਿਸਾਹੀ ਲੀਨ ਸੁਖ ਪੈ ਕੈ ।
 ਤੈਸੇ ਸਾਤ¹ ਸੀਸ ਨਿਜ ਦੇਵਹੂੰ । ਤਉਂ ਪਤਿਸਾਹੀ ਇਨ ਤੇ ਲੇਵਹੂੰ ॥ 186 ॥
 ਦਸਮ ਰੂਪ ਧਾਰਹੂੰ ਬਲਿਕਾਰੀ । ਪ੍ਰਗਟਿ ਪੰਥ ਇਨ ਕਰਹੂੰ ਸੰਘਾਰੀ ।
 ਮਰਦਾਨੇ ਪੁਨ ਅਰਜ ਸੁਨਾਈ । ਹੇ ਪ੍ਰਭ ਕੋ ਕੋ ਸੀਸ ਦਿਵਾਈ ॥ 187 ॥
 ਸ੍ਰੀ ਗੁਰ ਕਹਿ ਪੰਚਮ ਬਪ ਲੇਵਉਂ । ਪ੍ਰਿਥਮ ਸੀਸ ਇਸ ਹੀ ਹਿਤ ਦੇਵਉਂ ॥ 188 ॥

ਦੋਹਰਾ

ਅਸਟਮ ਗ੍ਰਿਹਿ ਪੁਨ ਧਾਰ ਬਪੁ ਦੇਵਉਂ ਸੀਸ ਉਤਾਰ ।
 ਦਸਮ ਰੂਪ ਕੇ ਚਾਰ ਸੁਤ ਦੇਵਉਂ ਇਹ ਹਿਤ ਵਾਰ ॥ 189 ॥

ਚੌਪਈ

ਗੁਰ ਨਾਨਕ ਕੇ ਬਚ ਇਹ ਭਾਂਤਾ । ਬਾਲ ਮਰਦਾਨੇ ਸੁਨੇ ਬਿਖਯਾਤਾ ।
 ਤਬ ਲਉ ਤਿਮਰ ਗੁਰੁ ਨਿਕਟਾਯੋ । ਹੇ ਗੁਰ ਢੀਂਗਰ ਇਕਠ ਕਰਾਯੋ ॥ 190 ॥
 ਜਿਹ ਠਾਂ ਕਹਉ ਰਚਉਂ ਤਿੰਹ ਵਾੜਾ । ਢੀਂਗਰ ਲਾਇ ਬਹੁਤ ਅਤਿ ਗਾੜਾ ।
 ਗੁਰੁ ਨਾਨਕ ਤਿੰਹ ਠੌਰ ਬਤਾਈ । ਤਿਹ ਠਾਂ ਰਚਿਓ ਅਧਿਕ ਸੁਖ ਪਾਈ ॥ 191 ॥

ਦੋਹਰਾ

ਗਾਡਰ ਤਹਿ ਰਾਖਤ ਭਯੋ ਤਿਮਰ ਮਨੈ ਸੁਖ ਪਾਇ ।
 ਇਕ ਦਿਨ ਸਨਮੁਖ ਬੈਠ ਸੋ ਗੋਡੇ ਚਰਨ ਟਿਕਾਇ ॥ 192 ॥

ਚੌਪਈ

ਦਿਖ ਬਾਲੇ ਮਨ² ਕਰੋਧ ਸੁ ਆਯਉ³ । ਛਟੀ ਸਾਥ ਤਿੰਹ ਚਰਨ ਹਟਾਯਉ ।
 ਮੁਖਤੇ ਭਾਖਯੋ ਲੰਛੀ ਲਾਤਾ । ਗੁਰ ਸਨਮੁਖ ਬੈਠਯੋ ਬਿਖਯਾਤਾ ॥ 193 ॥
 ਬਾਲੇ ਬਚਨ ਅਮੋਘ ਸੁਨਾਈ । ਤਿਮਰ ਲਾਤ ਕਉ ਲਾਂਭ ਜਨਾਈ ।
 ਤਿਮਰ ਬਿਨੈ ਗੁਰੁ ਆਗੇ ਕੀਨੀ । ਹਾਥ ਜੋੜ ਅਤਿ ਹੋਇ ਅਧੀਨੀ ॥ 194 ॥

ਦੋਹਰਾ

ਖੁਦਾਵੰਦ ਅਪਰਾਧ ਮੋਹਿ³ ਛਿਮਾਂ ਕਰਉ ਇਹ ਵਾਰ ।
 ਤਬ ਗੁਰ ਤਾਂ ਸਿਉ ਯਾ ਕਹਿਓ ਸ਼ਕਤਿ ਨ ਮੋਹਿ ਨਿਵਾਰ ॥ 195 ॥

¹ਅ ਪੋਥੀ ਸਪਤ ²ਅ ਪੋਥੀ ਰਿਸ ਉਪਜਾਯੋ ³ਅ ਤੇ ਏ ਪੋਥੀ ਮਮ

ਚੋਪਈ

ਬਚਨ ਅਮੋਘ ਦਾਸ ਕੇ ਜਾਨੋ । ਸਾਹਿਬ ਦਾਸ ਅਧੀਨ ਪਛਾਨੋ ।
ਲਾਤ ਲੰਝ ਤੁਮਰੀ ਸਦ ਰਹੈ । ਤਿਮਰ ਲੰਝ ਤੋ ਕਉ ਜਗੁ ਕਹੈ ॥ 196 ॥
ਸਿੰਧ ਕੰਧਾਰ ਰਾਜ ਸਭ ਤੇਰੇ । ਦੁਹਾਈ ਤਿਮਰ ਲੰਝ ਤਿੰਹ ਹੋਰੇ ।
ਬੇਹੁ ਮਾਹਿ ਦੋਲਤ ਜਉ ਚਾਹੀ । ਸੋ ਪ੍ਰਾਪਤਿ ਹੋਵੈ ਸੁਖ ਪਾਹੀ ॥ 197 ॥

ਦੋਹਰਾ

ਐਸੇ ਕਹਿ ਸ੍ਰੀ ਸਤਿਗੁਰ¹ ਤਹਿ ਤੇ ਕੀਨ ਪਿਆਨ ।
ਤਿਮਰ ਲੰਝ ਤਿਹ ਠਾਂ ਰਹਿਓ ਗੁਰੁ ਮੂਰਤਿ ਧਰ ਧਿਆਨ ॥ 198 ॥

ਚੋਪਈ

ਪੁਨ ਕੋਤਕ ਇਹ ਠਾਂ ਇਕ ਭਯੋ । ਗਾਡਰ ਪੈਰ ਧਸਕ ਬੇਹ ਗਯੋ ।
ਤਿਮਰ ਲੰਝ ਇਹ ਅਚਰਜ ਦੇਖੇ । ਖੋਦੀ ਧਰਨਿ ਬਹੁਤ ਧਨ ਪੇਖੇ ॥ 199 ॥
ਸ੍ਰੀ ਗੁਰੁ ਕਉ ਧੰਨ ਧੰਨ ਉਚਾਰਾ । ਸਤਿ² ਪੀਰ ਇਹੁ ਸਹੀ ਨਿਹਾਰਾ ।
ਗੁਰੁ ਨਾਨਕ ਗਤਿ ਅਪਰ ਅਪਾਰਾ । ਕਹਿ ਤਕ ਭਾਖਉ³ ਨਹੀਂ ਸੁਮਾਰਾ ॥ 200 ॥

ਦੋਹਰਾ

ਇਸੀ ਹੇਤਿ ਭਾਈ ਸੁਨਹੁ ਅਬ ਹਮ ਚਲਹਿ ਲਾਹੌਰ ।
ਪ੍ਰਿਥਮ ਸੀਸ ਤਹਿ ਦੇਵਹਉ⁴ ਆਵਨਿ ਨਹੀਂ ਬਾਹੌਰ ॥ 201 ॥

ਚੋਪਈ

ਹਰਿ ਗੋਬਿੰਦ ਸੁਨ ਅਨਮਨ ਭਏ । ਗੁਰੁ ਅਰਜੁਨ ਬਰ ਐਸੇ ਦਏ ।
ਤੁਮਨੇ ਕਰਨੇ ਕਾਜ ਅਨੇਕਾ । ਬਦਲਾ ਲੇਵਨਿ ਤੁਰਕਨਿ ਛੇਕਾ ॥ 202 ॥
ਪੁਨ ਭਾਈ ਜੀ ਬਿਨਤੀ ਕਈ । ਕੇਤੇ ਹੋਇ ਸਾਹ ਕਿਤ ਭਈ ।
ਗੁਰੁ ਅਰਜਨ ਬਚ ਐਸੇ ਗੋਈ । ਭਏ ਚਾਰ ਸਿਯਮ ਆਗੇ ਹੋਈ ॥ 203 ॥
ਅਸ⁵ ਕਹਿ ਗੁਰ ਅਰਜਨ ਸੁਖ ਪਾਯੋ । ਪੈਸੇ ਪਾਂਚ ਨਰੇਲ ਮੰਗਾਯੋ ।
[ਯਹਿ ਦੇਖ ਬਢੇ ਮਨ ਬਿਸਮਾਯੋ ॥ ਗੁਰ ਕੀ ਗਤਿ ਕਹ ਲਖੀ ਨ ਜਾਯੋ ॥]⁴ ॥ 204 ॥
ਹਾਥ ਜੋਰ ਧਰ ਸੀਸ ਨਿਵਾਯੋ । ਹਰਿ ਗੋਬਿੰਦ ਆਗੇ ਸੁਖ ਪਾਯੋ ॥ 205 ॥
ਹਰਿ ਗੋਬਿੰਦ ਕਉ ਗੁਰੁ ਅਲਾਵਾ । ਸਾਹਿਬ ਬੁਢੇ ਤਿਲਕ ਕਰਾਵਾ ।
ਹਰਿ ਗੋਬਿੰਦ ਕਉ ਗੁਰ ਸਿਖ ਦਈ । ਗੁਰ ਨਾਨਕ ਜਉ ਆਦੋ ਕਈ ॥ 206 ॥

ਦੋਹਰਾ

ਗੁਰੁ ਨਾਨਕ ਅੰਗਦਿ ਕਹੀ ਅੰਗਦਿ ਅਮਰਿ ਬਖਾਨ ।
ਅਮਰਦਾਸ ਦਾਮਦਾਸ ਕਉ ਸਿਖਯਾ ਦਈ ਸੁਜਾਨ⁵ ॥ 207 ॥

¹ਅ ਪੋਥ ਗੁਰ ਨਾਨਕ ²ਅ ਤੇ ਦ ਪੋਥੀ ਕਾਮਿਲ ³ਅ ਪੋਥੀ ਇਮ ⁴ਅ ਪੋਥੀ ਵਿਚੋਂ ⁵ਅ ਤੇ ਦ ਪੋਥੀ ਮਹਾਨ

ਚੌਪਈ

ਰਾਮਦਾਸ ਗੁਰੁ ਹੋਇ ਕਿਰਪਾਲ । ਦੇ ਸਿਖਯਾ ਮੋਹਿ ਕੀਓ ਨਿਹਾਲ ।
ਸੋ ਸਿਖਯਾ ਸੁਨਹੁ ਮਨ ਲਾਈ ॥ ਰਿਦ ਮਹਿ ਧਰਹੁ ਬਹੁ ਸੁਖ ਪਾਈ ॥ 208 ॥
ਸਵਾ ਪਹਿਰ ਨਿਸ ਰਹਿ ਤਬ ਜਾਗੋ । ਕਰਿ ਇਸਨਾਨ [ਨਾਮ]¹ ਰਸ ਮਹਿ ਪਾਗੋ ।
ਕਥਾ ਕੀਰਤਨ ਸਿਉ ਧਰੋ ਪ੍ਰੀਤਿ । ਸਾਸ ਸਾਸ ਹਰਿ ਜਸ ਧਰਿ ਚੀਤਿ ॥ 209 ॥

ਦੋਹਰਾ

ਸਤਿ ਸੰਗਤ ਨਿਸ ਦਿਨ ਕਰਉ ਅਪਨਾ ਆਪ ਮਿਟਾਇ ।
ਨਿਮਰ ਬਚਨ ਸਭ ਕਉ ਕਹੋ ਜਉ ਸਭ ਕੇ ਮਨ ਭਾਇ ॥ 210 ॥

ਚੌਪਈ

ਗੁਰੁ ਮੰਤ੍ਰ ਸਭ ਕਉ ਤੁਮ ਦੇਵਹੁ । ਸਤਿਨਾਮ ਜਪ ਅਲਖ ਅਭੇਵਹੁ ।
ਮਿਥਯਾ ਜਗਤ ਜਾਨ ਚਿਤ ਲੀਜੇ । ਇਹੁ ਸਿਖਯਾ ਰਿਦ ਧਾਰਨ ਕੀਜੇ ॥ 211 ॥
ਹਰਿ ਗੋਬਿੰਦ ਗੁਰੁ ਸਿਖਯਾ ਧਾਰੀ । ਗੁਰੁ ਅਰਜਨ ਜਉ ਪ੍ਰਗਟ ਉਚਾਰੀ ।
ਸ੍ਰੀ ਗੁਰੁ ਜੀ ਪੁਨ ਏਹੁ ਉਚਾਰਾ । ਭਾਈ ਗੁਰਦਾਸ ਸੁਨਹੁ ਨਿਰਧਾਰਾ ॥ 212 ॥

ਦੋਹਰਾ

ਹਰਿ ਗੋਬਿੰਦ ਗੁਰੁ ਰੂਪ ਮਮ ਸਹੀ ਸਤਿ ਰਿਦ ਜਾਨ ।
ਹਰਿ ਗੋਬਿੰਦ ਢਿਗ ਤੁਮ ਰਹਹੁ ਹਮਰੋ ਬਨੈ ਪਿਆਨ ॥ 213 ॥

ਚੌਪਈ

ਐਸੇ ਕਹਿ ਗੁਰ [ਜੀ]² ਕੀਨ ਪਿਆਨਾ । ਸਾਥ ਸਿਖ ਲੈ ਪਾਂਚ ਸੁਜਾਨਾ ।
ਤਿਨ ਕੇ ਨਾਮ ਸੁਨਹੁ ਮਨ ਲਾਈ । ਬਿਧੀਆ ਜੇਠਾ ਪੈੜਾ ਭਾਈ ॥ 214 ॥
ਲੰਗਾਹ ਪਿਰਾਣਾਂ ਪਾਂਚਉ ਭਏ । ਗੁਰੁ ਅਰਜਨ ਸੰਗ ਅਪਨੇ ਲਏ ।
ਸੁਧਾ ਸਰੋਵਰ ਮਜਨ ਕੀਨਉ । ਪੁਨ ਦਰਬਾਰ ਦਰਸ ਕਰ ਲੀਨਉ ॥ 215 ॥

ਦੋਹਰਾ

ਗੁਰ ਅਰਜਨ ਪਿਆਨਾ ਕੀਓ ਪਾਚੋਂ ਸਿਖ ਲਵਾਇ ।
ਗੁਰਦਾਸ ਬੁਢਾ ਗੋਬਿੰਦ ਹਰਿ ਵਿਦਾ ਕਰਨ ਸੰਗ ਜਾਇ ॥ 216 ॥

ਚੌਪਈ

ਪੁਰ ਬਾਹਰ ਜਬਹੀ ਗੁਰ ਗਏ । ਰਾਮਦਾਸ ਪੁਰੇ ਕਉ ਬੰਦਨ ਕਏ ।
ਗੁਰਦਾਸ ਬੁਢੇ ਕਉ ਕਹਾ ਸੁਨਾਈ । ਹਰਿ ਗੋਬਿੰਦ ਕੇ ਪਾਸ³ ਰਹਾਈ ॥ 217 ॥
ਹਰਿ ਗੋਬਿੰਦ ਕਉ ਬਚਨ ਬਖਾਨੋ । ਬੁਢਾ ਗੁਰ ਨਾਨਕ ਸਮ ਜਾਨੋ ।
ਹਰਿ ਗੋਬਿੰਦ ਗੁਰ ਬਚਨ ਸੁਨੈ ਕੇ । ਪਰੇ ਚਰਨ ਤਿੰਹ ਗਦਿ ਗਦਿ ਹੂ ਕੇ ॥ 218 ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਵਿਚੋਂ ³ਅ ਸੋਥੀ ਸੰਗਿ

ਦੋਹਰਾ

ਗੁਰਦਾਸ ਬੁਢਾ ਸ੍ਰੀ ਗੁਰੂ ਕੇ ਚਰਨੀ ਲਗੇ ਤਿਹੂੰ ਵਾਰ ।
ਗੁਰ ਅਰਜਨ ਉਪਦੇਸ ਸੁਨ ਸਭ ਹੀ ਭਏ ਨਿਹਾਰ ॥ 219 ॥

ਚੌਪਈ

ਦੇਹਿ ਅਨਿਤ ਨਿਤ ਸਦ ਨਾਹੀਂ : ਜਨਮ ਮਰਨ ਦੋਹੂੰ ਇਸ ਮਾਂਹੀ ।
ਆਤਮ ਸਤਿ ਸਦਾ ਅਬਿਨਾਸੀ । ਅਜ ਅਨਹਾਦ ਸਭੈ ਘਟਿ ਵਾਸੀ ॥ 220 ॥
ਤਿਹੂੰ ਆਤਮ ਕਉ ਸਤਿ ਵਿਚਾਰਉਂ । ਦੇਹ ਅਨਿਤ ਸਦਾ ਨਿਰਧਾਰਉਂ ।
ਅੰਗ ਸੰਗ ਤੁਮਰੇ ਮੈ ਰਹਉਂ । ਸਦਾ ਸੁਖੀ ਤਨ ਦੁਖ ਨਹੀਂ ਲਹਉਂ ॥ 221 ॥

ਦੋਹਰਾ

ਸੁਨ ਗੁਰ ਬਚਨ¹ ਧੀਰਜ ਲਹਯੋ ਗੁਰਦਾਸ ਬੁਢੇ ਮਨ ਆਇ ।
ਗੁਰ ਅਰਜਨ ਪਿਆਨਾ ਕੀਓ ਇਨ ਕਉ ਵਿਦਾ ਕਰਾਇ ॥ 222 ॥

ਚੌਪਈ

ਹਰਿ ਗੋਬਿੰਦ ਜੀ ਸਾਥ ਲਵਾਏ । ਗੁਰਦਾਸ ਬੁਢਾ ਗੁਰ ਮਹਲੀ ਆਏ ।
ਲਾਹੌਰ ਓਰ ਗੁਰੂ ਅਰਜਨ ਗਏ । ਪਾਂਚ ਸਿਖ ਸੰਗ ਅਪਨੇ ਲਏ ॥ 223 ॥
ਸੁਨਉ ਔਰ ਇਕ ਸਿਖ ਕੀ ਬਾਤਾ । ਗੁਰ ਕਉ ਚਿਤਵੈ ਦਿਨ ਅਰ ਰਾਤਾ ।
ਸਧੂ ਬੀਚ ਲਾਹੌਰ ਬਸਾਵੈ । ਪਰਜਾਪਤਿ ਸਦ ਹੀ ਗੁਰ ਧਿਆਵੈ ॥ 224 ॥

ਦੋਹਰਾ

ਨਿਸ ਦਿਨ ਸਧੂ ਯਾ ਕਹੈ ਮੌਰੇ ਪ੍ਰਭ ਇਹਾਂ ਆਇ ।
ਕ੍ਰਿਤ ਕ੍ਰਿਤ ਗੁਰ ਮੋਂ ਕਉ ਕਰਹਿ ਇਛਾ ਮੋਹਿ ਪੁਰਾਇ² ॥ 225 ॥

ਚੌਪਈ

ਇਹ ਇਛਾ ਨਿਜ ਮਨ ਮਹਿੰ ਧਾਰੈ । ਮੌਰੇ ਗੁਰ ਈਹਾਂ ਦੇਇ ਦੀਦਾਰੈ ।
ਗੁਰ ਅਰਜਨ ਤਿਹੂੰ ਮਨ ਕੀ ਜਾਨੀ । ਸੁਨੋ ਸਿਖ ਗੁਰ ਘਟਿ ਘਟਿ ਗਯਾਨੀ ॥ 226 ॥
ਪੰਥ ਚਰਿਤ ਕਰ ਅਨਿਕ ਪਰਕਾਰਾ । ਖਾਸੇ ਚਢੇ ਚਿਤ ਹਰਖਾਰਾ ।
ਦੁਤੀਅ ਦਿਵਸ ਗੁਰ ਪਹੁੰਚ ਲਾਹੌਰ । ਸੁਨ ਸਧੂ ਆਯਉ ਤਹਿ ਦੌਰ ॥ 227 ॥

ਦੋਹਰਾ

ਸਧੂ ਗੁਰ ਚਰਨੀ ਲਗਉ ਮਨਉ ਦੇਹ ਧਰ ਹੇਤ ।
ਸਧੂ³ ਗ੍ਰਿਹਿ ਕਉ ਲੈ ਚਲਯੋ ਗੁਰ ਅਰਜਨ ਜਸੁ ਕੇਤ ।
ਸ੍ਰੀ ਗੁਰ ਉਤਰੇ ਜਾਇ ਤਹਿ ਧੀਰਜ ਦੀਓ ਅਪਾਰ ।
ਸਧੂ ਤਕ ਉਸਤਤਿ ਕਰੀ ਸ੍ਰੀ ਗੁਰ ਰੂਪ ਨਿਹਾਰ⁴ ॥ 228 ॥

¹ੲ ਪੋਥੀ ਉਪਦੇਸ ²ਅ ਪੋਥੀ ਪੁਜਾਇ ³ੲ ਪੋਥੀ ਨਿਜ ⁴ਅ ਤੋ ੲ ਪੋਥੀ ਮੁਰਾਰਿ

॥ ਭੁਜੰਗ ਪ੍ਰਯਾਤ ਛੇਦ ॥

ਤੁਸੀਂ ਰਾਮ ਹੋ ਕੇ ਸਭੀ ਦ੍ਰਸ਼ਟ ਮਾਰੇ । ਭਏ ਦਾਸ ਜੋਉ ਸੁ ਪਾਰੇ ਉਤਾਰੇ ।
ਤੁਮੀ ਕ੍ਰਿਸ਼ਨ ਭ੍ਰਾਂਤ ਬਨਯੋ ਕੈਸ ਮਾਰਯੋ । ਗਏ ਬਿਦਰ ਗ੍ਰਹਿ ਜਸੇ ਚੰਦ ਚਾਰਯੋ ।
ਨਹੀਂ ਅੰਤ ਆਵੈ ਤੁਹੀਂ ਹੈ ਮੁਰਾਰੀ । ਕਥੈ ਬੇਦ ਨੇਤੰ ਰਟੈ ਮੁਖਚਾਰੀ ।
ਥਕੀ ਸੇਸ ਬਾਨੀ ਨਹੀਂ ਅੰਤ ਆਵਹਿ । ਮਮ ਸਾਰਖੇ ਜੀਵ ਕਿਆ ਗੰਮ¹ ਪਾਵਹਿ

॥ 229 ॥

ਦੋਹਰਾ

ਗੁਰ ਨਾਨਕ ਅੰਗਦ ਤੁਸੀਂ ਅਮਰ ਗੁਰੂ ਬਪ ਤੋਇ ।
ਰਾਮਦਾਸ ਅਰਜਨ ਗੁਰੂ ਇਛ ਪੂਰ ਪ੍ਰਭ ਮੋਹਿ ॥ 230 ॥
ਬਿਦਰ ਸਦਨ ਜੈਸੇ ਗਏ ਕ੍ਰਿਸ਼ਨ ਦਾਸ ਨਿਜ ਜਾਨ ।
ਤੈਸੈ ਹਮ ਕੋ ਤਾਰਿ ਲਉ ਹੇ ਗੁਰ ਕਿਰਪਾ ਨਿਧਾਨ ॥ 231 ॥

ਚੌਪਈ

ਐਸੇ ਕਹਿ ਗੁਰ ਚਰਨੀ ਪਰਿਓ । ਗੁਰ ਅਰਜਨ ਕਰ² ਤਿਹ ਸਿਰ ਧਰਿਓ ।
ਬਹੁ ਆਦਰ ਦੈ ਭਏ ਕ੍ਰਿਪਾਲ । ਭਾਖਯੋ ਸਧੂ ਭਯੋ ਨਿਹਾਲ ॥ 232 ॥
ਯਾਦ ਕੀਏ ਤੁਮਰੇ ਹਮ ਆਏ । ਗੁਰੂ ਨਾਨਕ ਜੀ ਰਛ ਕਰਾਏ ।
ਪੁਨ ਸਧੂ ਕਰ ਪ੍ਰੀਤਿ ਅਪਾਰਾ । ਲੈ ਗਏ ਗੁਰ ਕਉ ਭਵਨ ਮਝਾਰਾ ॥ 233 ॥
ਆਛੋ ਨੌਤਨ ਪਲੰਘ ਡਸਾਯੋ । ਸ੍ਰੀ ਗੁਰੂ ਕਉ ਤਿਹ ਪਰ ਬੈਠਾਯੋ ।
ਪੁਨ ਸਿਖਨ ਪ੍ਰੀਤਿ ਕੀ ਅਰਦਾਸ । ਲਯਾਉਂ ਪਲੰਘ ਜੇ ਕਰੋ ਨਿਵਾਸ ॥ 234 ॥

ਦੋਹਰਾ

ਲੈ ਆਗਯਾ ਸਫ ਡਾਰ ਕੈ ਉਪਰ ਬਸਤ੍ਰ ਬਿਛਾਇ ।
ਕਰ ਬਿਨਤੀ ਸਧੂ ਤਬੈ ਤਿਨ ਪਰ ਲੀਏ ਬੈਠਾਇ ॥ 235 ॥

ਚੌਪਈ

ਅਥਿਯੋ ਸੂਰ ਪੁਨ ਨਿਸ ਪ੍ਰਗਟਾਈ । ਨਿਛਤ੍ਰਨਿ ਸਿਉ ਮਿਲ ਸੋਭਾ ਪਾਈ ।
ਤਬ ਲਉ ਭੋਜਨ ਭਯੋ ਤਿਆਰ । ਨਾਨਾ ਰਸ ਸੌ ਰੂਪ ਅਪਾਰ ॥ 236 ॥
ਹਾਥ ਜੋਰ ਸਧੂ ਤਬ ਕਹਾ । ਪ੍ਰਸਾਦਿ ਤਿਆਰ ਪ੍ਰਭੂ ਜੀ ਅਹਾ ।
ਸੁਨਤ ਉਠੇ ਗੁਰ ਦੇਰ ਨ ਲਾਈ । ਚੌਕੀ ਪਰ ਬੈਠੇ ਸੁਖ ਪਾਈ ॥ 237 ॥

ਦੋਹਰਾ

ਭੋਜਨ ਗੁਰ ਆਗੈ ਧਰਯੋ ਸਧੂ ਜਲ ਕਰ ਸੇਵ ।
ਸਧੂ ਤ੍ਰਿਅ ਬਯੋਜਨ³ ਕਰੈ ਹਰਖੇ ਸਤਿਗੁਰ ਦੇਵ ॥ 238 ॥

ਚੌਪਈ

ਪ੍ਰੀਤਿ ਸਾਥ ਭੋਜਨ ਗੁਰੂ ਪਾਯੋ । ਪ੍ਰੇਮ ਸਹਿਤ ਕਰ ਭਾਵ ਬਨਾਯੋ ।
ਕੀਨ ਚੁਲੀ ਨਿਜ ਪਲੰਘ ਸੁਹਾਏ । ਗੁਰ ਨਾਨਕ ਚਰਚਾ ਮਨ ਲਾਏ ॥ 239 ॥

¹ਅ ਪੌਥੀ ਅੰਤਿ ²ਅ ਤੇ ਦ ਪੌਥੀ ਹਥ ³ਅ ਪੌਥੀ ਪਯਾ

ਦੀਨਾ ਨਾਥ ਬਿਰਾਜਤ ਭਏ । ਸਧੂ ਚਾਪੀ ਸੇਵਾ ਬਹੁ ਕਏ¹ ।
ਤਾਂਕੀ ਤ੍ਰਿਅ ਤਬ ਬੀਜੰਨ ਕਰੈ । ਪ੍ਰੀਤਿ ਭਾਵ ਨਿਜ ਮਨ ਮਹਿ ਧਰੈ ॥ 240 ॥

ਦੋਹਰਾ

ਸਧੂ ਤ੍ਰਿਅ ਗੁਰੁ ਰੂਪ ਲਖ² ਮਨ ਮਹਿ ਏਹੁ ਚਿਤਾਇ ।
ਸ੍ਰੀ ਗੁਰ ਕ੍ਰਿਪਾ ਕਰਹਿ ਜਉ ਆਵਾ ਦੇਹਿ ਪਕਾਇ ॥ 241 ॥

ਚੌਪਈ

ਗੁਰ ਅਰਜੁਨ ਤਿਹ ਮਨ ਕੀ ਜਾਨੀ । ਬੋਲੇ ਕਹੁ ਕਿਆ ਮਨ ਮਹਿ ਆਨੀ ।
ਨਿਜ ਇਛਾ ਤਿਨ ਭਾਖ ਸੁਨਾਈ । ਆਵਾ ਕ੍ਰਿਪਾ ਤੋਹਿ ਪਕਾਈ ॥ 242 ॥
ਸਧੂ ਤ੍ਰਿਅ ਕਉ ਕਹਾ ਸੁਨਾਏ । ਝੂਠੋ ਬਚ ਕਿਆ ਮਨ ਮਹਿ ਲਯਾਏ ।
ਮੰਗੀਏ ਗੁਰ ਤੇ ਨਾਮ ਪ੍ਰਗਾਸ । ਭਰੋਸਾ ਸਿਖੀ ਭਾਵ ਸੁ ਦਾਸ ॥ 243 ॥

ਦੋਹਰਾ

ਝੂਠਾ ਧਨ ਕਿਆ ਚਿਤਵਿਓ ਸ੍ਰੀ ਗੁਰੁ ਕਿਰਪਾ ਅਪਾਰ ।
ਸ੍ਰੀ ਗੁਰ³ ਸੁਨ ਹਰਖਤ ਭਏ ਤਿਹ ਧੰਨ ਧੰਨ ਕੀਓ ਉਚਾਰ ॥ 244 ॥

ਚੌਪਈ

ਸਧੂ ਕਉ ਗੁਰ ਏਹੁ ਅਲਾਈ । ਤੁਮਰਾ ਨਿਸਚਾ ਐਸੋ ਭਾਈ ।
ਜੁਗ ਬਿਹਾਰ ਭੀ ਕਰਨੇ ਚਹੀਏ । ਅਰਥ ਪਰਮਾਰਥ ਦੋਨਹੂੰ ਲਹੀਏ ॥ 245 ॥
ਹਮ ਤੁਮ ਗੁਰੁ ਨਾਨਕ ਗ੍ਰਿਹਿ ਸੇਵਕ । ਭਾਖੀ ਰੀਤਿ ਤਾਂਹਿ ਸੁਨੀਏ ਚਿਤ ਇਕ ।
ਚਤਰ ਬਰਨ ਕਉ ਭੋਜਨ ਕਰੋ । ਪ੍ਰੀਤਿ ਭਾਵ ਨਿਜ ਮਨ ਮਾਹਿ ਧਰੋ ॥ 246 ॥

ਦੋਹਰਾ

ਗੁਰੁ ਨਾਨਕ ਗ੍ਰਿਹ ਸਿਖ ਬਚ ਅਚਲ ਅਚਲ ਨਿਹਾਰ ।
ਭੋਜਨ ਕਰ ਅਰਦਾਸ ਕਰ ਕਰਹਿ⁴ ਸੁ ਕਾਜ ਤੁਮਾਰ ॥ 247 ॥

ਚੌਪਈ

ਸੁਨ ਸਧੂ ਮਨ ਮਾਹਿ ਸੁਖ ਪਾਯੋ । ਸ੍ਰੀ ਗੁਰੁ ਸੁੰਦਰ ਜਤਨ ਬਤਾਯੋ ।
ਤਮ ਅਰਿ ਚੜਿਓ ਨਿਸਾ ਕੁਮਲਾਈ । ਸਧੂ ਭੋਜਨ ਬਯੋਤ ਬਨਾਈ ॥ 248 ॥
ਪਾਇਸ ਤਬੈ ਕੜਾਹ⁵ ਸਵਾਰੇ । ਛਤੀਹ ਪ੍ਰਕਾਰ ਖਟ ਰਸ ਤਿਹ ਵਾਰੇ ।
ਕਰ ਤਿਆਰ ਭੋਜਨ ਸੁਖ ਪਾਯਉ । ਸਧੂ ਗੁਰੁ ਕਉ ਜਾਇ ਸੁਨਾਯਉ ॥ 249 ॥

ਦੋਹਰਾ

ਚੌਕੀ ਪਰ ਆਸਨ ਭਰਯੋ ਸ੍ਰੀ ਗੁਰੁ ਤਹਾਂ ਬਿਠਾਇ ।
ਸਿਖ ਸੰਗਤਿ ਆਈ ਘਨੀ ਪੰਗਤ ਦਈ ਬਹਾਇ⁶ ॥ 250 ॥

¹ਅ ਤੇ ਏ ਪੌਥੀ ਕਰਤ ਸੁ ਭਏ ²ਅ ਪੌਥੀ ਪਿਖ ³ਅ ਪੌਥੀ ਸਤਿਗੁਰੂ ⁴ਏ ਪੌਥੀ ਪੂਰਹਿ ⁵ਅ ਪੌਥੀ ਪ੍ਰਸਾਦ ⁶ਅ ਤੇ ਏ ਪੌਥੀ ਬਨਾਇ

ਚੋਪਈ

ਬਹੁਰੋ ਲਖੂ ਗੁਰ ਸਿਖ ਆਯੋ । ਭੀਤਰ ਗ੍ਰਿਹਿ ਨਹਿ ਪੈਠਨ ਪਾਯੋ ।
 ਸ੍ਰੀ ਗੁਰ ਪ੍ਰੇਰ ਤਾਹਿ ਮਨ ਦਯੋ । ਲਖੂ ਹਟ ਕਰ ਬੈਠਿਤ ਭਯੋ ॥ 251 ॥
 ਭੀਤਰ ਭੋਜਨ ਜਬ ਵਰਤਾਯੋ । ਸ੍ਰੀ ਗੁਰੁ ਸੰਗਤਿ ਹਰਖਤਿ ਪਾਯੋ ।
 ਕਰ ਭੋਜਨ ਸੰਗਤ ਅਰਦਾਸ । ਇਹ ਬਿਧ ਮੁਖ ਸਿਉ ਬਚਨ ਪ੍ਰਗਾਸ ॥ 252 ॥

ਦੋਹਰਾ

ਆਵਾ ਸਧੂ ਕਾ ਅਬੈ ਨਿਸਚੈ ਪਕਾ ਹੋਇ ।
 ਬਾਹਰ ਲਖੂ ਅਸ ਕਹਾ ਕਚਾ ਰਹਿਓ¹ ਸੋਇ ॥ 253 ॥

ਚੋਪਈ

ਲਖੂ ਬਚਨ ਸੰਗਤ ਸੁਨ ਪਾਏ । ਆਗੇ ਗੁਰੋ ਕੇ ਬਿਨਤ ਅਲਾਏ ।
 ਹੇ ਪ੍ਰਭ ਸਿਖ ਅਨਾਥ ਦਿਖਾਵੈ । ਕਚਾ ਆਵਾ ਮੁਖਹੁ ਅਲਾਵੈ ॥ 254 ॥
 ਸਧੂ ਕਉ ਗੁਰੁ ਕਹਾ ਸੁਨਾਈ । ਜਾਇ ਸਿਖ ਕਉ ਲਯਾਵੈ ਭਾਈ ।
 ਸਧੂ ਜਾਇ ਤਾਹਿ ਲੈ ਆਯੋ । ਘੁੰਮਤ ਲਖੂ ਗੁਰ ਨਿਕਟਾਯੋ ॥ 255 ॥

ਦੋਹਰਾ

ਲਖੂ ਸ੍ਰੀ ਗੁਰ ਰੂਪ ਪਿਖ ਮਨਹਿ ਬਹੁਤ ਸੁਖ ਪਾਇ ।
 ਗਦ ਗਦ ਹੂੰ ਤਬ ਦੰਡਵਤ ਸ੍ਰੀ ਗੁਰ ਪਗ ਲਪਟਾਇ ॥ 256 ॥

ਚੋਪਈ

ਲਖੂ ਕਉ ਤਬ ਗੁਰੁ ਉਠਾਯੋ । ਬਹੁ ਆਦਰ ਸਿਉ ਨਿਕਟ² ਬਹਾਯੋ ।
 ਸਧੂ ਕਉ ਗੁਰ ਅਸ ਫੁਰਮਾਈ । ਲਖੂ ਭੋਜਨ ਦੇਵਹੁ ਲਯਾਈ ॥ 257 ॥
 ਸਧੂ ਲਖੂ ਕੇ ਪਗ ਧੋਏ । ਪ੍ਰਸਾਦਿ ਧਰਯੋ ਅਤਿ ਨਿਮਰ ਹੋਏ ।
 ਕਰ ਭੋਜਨ ਲਖੂ ਹਰਖਾਨਾ । ਸ੍ਰੀ ਗੁਰੁ ਤਾਂ ਕਉ ਬਚਨ ਬਖਾਨਾ ॥ 258 ॥

ਦੋਹਰਾ

ਭਾਇ ਲਖੂ ਕਰ ਦਯਾ ਆਵਾ ਯਾਹਿ ਪਕਾਇ ।
 ਮੌਰੇ ਵਸ ਕਛੂ ਹੈ ਨਹੀਂ ਲਖੂ ਇਹੁ ਅਲਾਇ ॥ 259 ॥

ਚੋਪਈ

ਗੁਰੁ ਨਾਨਕ ਪ੍ਰੇਰੇ ਮਮ ਕਹਾ । ਆਵਾ ਕਚਾ ਨਿਸਚੈ ਲਹਾ ।
 ਔਰ ਜਤਨ ਅਬ ਕਹਉ ਵਿਚਾਰੀ । ਇਹਾਂ ਬਰਸਾਤ ਲਗੈਗੀ ਭਾਰੀ ॥ 260 ॥
 ਪਿੱਲੀ ਇਟ ਪਕਾ ਮੁਲ ਪਾਵੈ । ਸਾਰੋ ਆਵਾ ਤੁਰਤ ਵਿਕਾਵੈ ।
 ਸੁਨ ਸਧੂ ਮਨ ਮਹਿ ਸੁਖ ਪਾਯੋ । ਗੁਰੁ ਸਿਖ ਕੀ ਮਹਿਮਾ³ ਅਤਿ ਗਾਯੋ ॥ 261 ॥

¹ਏ ਪੋਥੀ ਸਸੀ ²ਅ ਪੋਥੀ ਪਾਜਿ ³ਅ ਤੇ ਏ ਪੋਥੀ ਉਪਮਾ

ਦੋਹਰਾ

ਭਗਤ ਸਿੰਘ ਜਿਸ ਰਾਮ ਦਿਖ ਜਲ ਬਿਨ ਰਿਖ ਦੁਖ ਪਾਇ ।
ਰਿਖ ਤਪਸੀ ਪਗ ਧੋਇਕੈ ਨਿਜ ਚਰਨਾ ਜਲ ਪਾਇ ॥ 262 ॥

ਚੌਪਈ

ਤਿਨ ਕਰ ਸਿਉ ਜਲ ਸੁਧ ਨ ਭਯੋ । ਰਾਮ ਸਹਿਤ ਰਿਖ ਅਤਿ ਦੁਖ ਲਯੋ ।
ਜਾਂਕੇ ਰਿਖ ਨਾਹਿ ਨੇਰੇ ਆਵੈ । ਨਿਜ ਪਲਾ ਨਹਿ ਕਬੈ ਛੁਹਾਵੈ ॥ 263 ॥
ਜਾਨ ਭੀਲਨੀ ਨੀਚ ਤਿਆਗੀ । ਸੇਵਕ ਰਾਮ ਸੋਊ ਬਡਭਾਗੀ ।
ਤਾਂਕੇ ਧੋਇ ਰਾਮ ਪਗ ਪਾਏ । ਨਦੀ ਨੀਰ ਤਬ ਸੁਧ ਦਿਖਾਏ ॥ 264 ॥

ਦੋਹਰਾ

ਰਿਖ ਤਪਸੀ ਕਾ ਮਾਨ ਹਿਰਿ¹ ਨਿਜ ਤੇ ਅਧਿਕ ਜਨਾਇ ।
ਸੇਵਕ ਮਹਿਮਾਂ ਰਾਮ ਜੀ ਗਰੀਬ ਨਿਵਾਜ ਸੁਭਾਇ ॥ 265 ॥

ਚੌਪਈ

ਤੈਸੇ ਕੌਤਕ ਸ੍ਰੀ ਗੁਰ ਕੀਨੋ । ਸੇਵਕ ਅਧਿਕ ਵਡਾਈ ਦੀਨੋ ।
ਸੰਗਤ ਸ੍ਰੀ ਗੁਰ ਕਉ ਤਬ ਕਹਾ । ਹੇ ਗੁਰ ਹਮ ਇਹੁ ਅਚਰਜ ਲਹਾ ॥ 266 ॥
ਸੰਗਤ ਤੁਮ ਪਕਾ ਮੁਖ ਗਾਯੋ । ਇਨ ਕਹਿ ਕਢਾ ਬਚਨ ਹਟਾਯੋ ।
ਸ੍ਰੀ ਗੁਰ² ਸ੍ਰੀ ਮੁਖ ਬਚਨ ਉਚਾਰੇ । ਅਚਲ ਬਚਨ ਸਿਖਨਿ ਹਮ ਧਾਰੇ ॥ 267 ॥

ਦੋਹਰਾ

ਮਮ ਪ੍ਰਤਿਗਯਾ ਬਾਂਧਹੁ ਦੇਵੈ ਦਾਸ ਛਡਾਇ³ ।
ਦਾਸ ਪ੍ਰਤਿਗਯਾ ਮੋਹਿਤੇ ਕਬਹਿ ਨ ਛੋਰੀ ਜਾਇ ॥ 268 ॥

ਚੌਪਈ

ਇਹੁ ਬਿਧ ਸ੍ਰੀ ਗੁਰ ਬੈਨ ਸੁਨਾਏ । ਸਿਖ ਸੰਗਤ ਮਨ ਮਹਿ ਸੁਖ ਪਾਏ ।
ਕਰ ਬੰਦਨ ਨਿਜ ਧਾਮ ਸਿਧਾਏ । ਸ੍ਰੀ ਗੁਰੁ ਕੀ ਉਪਮਾਂ ਮੁਖ ਗਾਏ ॥ 269 ॥
ਗਰੀਬ ਨਿਵਾਜ ਗੁਰ ਕਉ ਜਾਨਾ । ਸਭ ਸੰਗਤ ਮਨ ਨਿਸਚਾ ਠਾਨਾ ।
ਲਖੂ ਗੁਰ ਕਉ ਬੰਦਨ ਕੈਕੈ । ਗਯੋ ਧਾਮ ਅਤਿ ਹੀ ਹਰਖੈ ਕੇ ॥ 270 ॥

ਦੋਹਰਾ

ਦੋਇ ਜਾਮ ਦਿਨ ਜਬ ਗਯੋ ਸ੍ਰੀ ਗੁਰ ਕਰ ਬਿਸ੍ਰਾਮ ।
ਸਧੂ ਤ੍ਰਿਅ ਯੁਤ ਸੇਵ ਕਰ ਲੈ ਬੀਜੰਨ ਅਭਿਰਾਮ ॥ 271 ॥

ਚੌਪਈ

ਤਬ ਲੋ ਰਹਿਓ ਜਾਮ ਦਿਨ ਆਈ । ਘੋਟਿ ਸਰਦਾਈ ਗੁਰੁ ਪਾਨ ਕਰਾਈ ।
ਸੋਚ ਕਰਨ ਹਿਤ ਗੁਰੂ ਸਿਧਾਏ । ਪਾਂਚ ਸਿਖ ਨਿਜ ਸੰਗ ਲਵਾਏ ॥ 272 ॥

¹ਅ ਪੋਥੀ ਤੋਰ ਏ ਪੋਥੀ ਤੋੜਿ ²ਅ ਤੇ ਏ ਪੋਥੀ ਸਤਿਗੁਰੂ ³ਅ ਪੋਥੀ ਛਡਾਇ

ਪੁਰ ਬਾਹਰ ਜਬ ਸ੍ਰੀ ਗੁਰ ਗਏ । ਚੰਦੂ ਦੁਸ਼ਟਿ ਕੀ ਨਜਰੀ ਪਏ ।
ਦਿਖਾ¹ ਪਾਪੀ ਮਨ ਮਹਿ ਖੁਨਸਾਈ । ਤਨ ਮਨ ਤਾਂਕੇ ਆਗ ਲਗਾਈ ॥ 273 ॥

ਦੋਹਰਾ

ਤਿਸੀ ਸਮੇਂ ਜਾਵਤ ਭਯੋ ਪਾਤਿਸਾਹਿ ਨਿਕਟਾਇ ।
ਜਾਇ ਅਰਜ ਐਸੀ ਕਰੀ ਸੁਨਹੁ ਸਾਹ ਗੁਰ ਆਇ ॥ 274 ॥

ਚੌਪਾਈ

ਤੁਮ ਕਉ ਤਿਆਗ ਸਦਨ ਕੁਮਿਆਰਾ । ਤਿਨ ਕੇ ਰਹੇ ਮਾਨ ਜੀ ਧਾਰਾ ।
ਕਹਾ ਸਾਹ ਸਬ ਉਨਕੇ ਧਾਮਾਂ । ਗਰੀਬ ਨਿਵਾਜ਼ ਤਿਨਹੋ ਕਾ ਨਾਮਾ ॥ 275 ॥
ਚੰਦੂ ਸੁਨ ਮਨ ਮਹਿ ਵਿਸ ਖਾਈ । ਹਿੰਦੂ ਉਪਮਾਂ ਸਾਹ ਕਰਾਈ ।
ਦੀਨ ਆਪਨਾ ਦੀਓ ਬਿਸਾਰੇ । ਹਿੰਦੂ ਗੁਰੁ ਕੀ ਉਪਮ ਉਚਾਰੇ ॥ 276 ॥

ਦੋਹਰਾ

ਸਭ ਕਉ ਐਸ ਸਿਖਾਇਕੇ ਚੰਦੂ ਏਹੁ ਅਲਾਇ ।
ਬਾਦਿਸ਼ਾਹ² ਜਿਮ ਯਾ ਕਹੇ ਗੁਰ ਕਉ ਲਯਾਵੋ ਜਾਇ ॥ 277 ॥

ਚੌਪਾਈ

ਖਾਂ ਵਜ਼ੀਰ ਭੇਜਿਯੋ ਗੁਰ ਪਾਸਾ । ਜਾਇ ਲਿਆਵਉ ਕਰ ਅਰਦਾਸਾ ।
ਬਾਦਿਸ਼ਾਹ ਹੁਕਮ ਅਸ ਦਯੋ । ਖਾਨ ਵਜ਼ੀਰ ਗੁਰੂ ਢਿਗ ਪਯੋ ॥ 278 ॥
ਸਭੀ ਸੋਚ ਕਰ ਸ੍ਰੀ ਗੁਰ ਆਏ । ਸਧੂ ਗ੍ਰਿਹਿ ਬੈਠੇ ਸੁਖ ਪਾਏ ।
ਚਰਚਾ ਗੁਰ ਸਿਖਨ ਸਿਉ ਕਰੇ । ਚਰਿਤਿ ਗੁਰੁ ਨਾਨਕ ਰਿਦ ਧਰੈ ॥ 279 ॥

ਦੋਹਰਾ

ਖਾਂ ਵਜ਼ੀਰ ਤਬ ਅਗੂ ਗੁਰੁ ਪਹਿਲਾ³ ਭੇਟ ਚਢਾਇ ।
ਆਪਨਿ ਬੰਦਗੀ ਬਹੁ ਕਰੀ ਪਾਛੇ ਕਹਾ ਸੁਨਾਇ ॥ 280 ॥

ਚੌਪਾਈ

ਸੇ ਪ੍ਰਭ ਸਾਹ ਬੇਨਤੀ ਕਰੀ । ਬਾਰੰਬਾਰ ਹਰਖ ਚਿਤ ਧਰੀ ।
ਤੁਮ ਕਉ ਅਪਨੇ ਨਿਕਟਿ ਬੁਲਾਯੋ । ਆਗੇ ਜਉ ਤੁਮਰੇ ਮਨ ਭਾਯੋ ॥ 281 ॥
ਸ੍ਰੀ ਮੁਖ ਕਹਾ ਹੇਤ ਇਹੁ ਧਾਏ । ਚਲਉ ਚਲਹਿ ਨਹੀਂ ਦੇਰ⁴ ਸੁਹਾਏ ।
ਪਾਂਚ ਸਿਖ ਜਉ ਗੁਰ ਸੰਗ ਲੀਨੇ । ਖਾਂ ਵਜ਼ੀਰ ਸੰਗ ਪਿਆਨਾ ਕੀਨੇ ॥ 282 ॥

ਦੋਹਰਾ

ਬਾਦਿਸ਼ਾਹ ਜਬ ਹੀ ਸੁਨਯੋ ਸ੍ਰੀ ਗੁਰ ਅਏ ਮੁਰਾਰ ।
ਜਾਨ ਪੀਰ ਨਿਜ ਤਖਤ ਤੇ ਆਸਨ ਉਚ ਸਵਾਰ ॥ 283 ॥

¹ਅ ਪੌਥੀ ਪਿਥ ²ਅ ਪੌਥੀ ਪਾਦਸਾਹ ³ਏ ਪੌਥੀ ਪ੍ਰਥਮੇ ⁴ਅ ਪੌਥੀ ਬਿਲੰਭ

ਚੌਪਈ

ਆਵਤ ਗੁਰ [ਦਿਖ]¹ ਉਠਿਓ ਸਾਹਾ । ਉਠਿਓ ਨ ਚੰਦੂ ਗਰਬੈ ਮਾਹਾ ।
 ਸਭੈ ਉਠੇ ਧਰ ਹਰਖ ਅਪਾਰੀ । ਸ੍ਰੀ ਗੁਰ ਕੇ ਪਗ ਬੰਦਨ ਧਾਰੀ ॥ 284 ॥
 ਉਚਾਸਨ ਨਿਜ ਤਖਤ ਸੁਹਾਏ । ਕਰ ਆਦਰ ਗੁਰ ਤਹਾਂ ਬੈਠਾਏ ।
 ਪੂਛਯੋ ਸਾਹ ਕੁਸਲ ਗੁਰ ਆਏ । ਕਰੀ ਦਯਾ ਨਿਜ ਦਾਸ ਜਨਾਏ ॥ 285 ॥

ਦੋਹਰਾ

ਸ੍ਰੀ ਗੁਰ ਪ੍ਰਛੀ ਕੁਸਲ ਤਿਹ ਕਹੀ ਸਾਹ ਹੁਇ ਦੀਨ ।
 ਤੁਮਰੀ ਕਿਰਪਾ ਤੇ ਪ੍ਰਭੂ ਨਿਸ ਦਿਨ ਆਨੰਦ ਕੀਨ² ॥ 286 ॥

ਚੌਪਈ

ਪੁਨਿਹ ਸਾਹ ਕਹਿਤ ਦੋ ਕਰ ਜੋਰੇ । ਸੁਨੀਏ ਪੀਰ ਪ੍ਰਸਨ ਇਹੁ ਮੋਰੇ ।
 ਬਡਾ ਰਾਮ ਹੈ ਅਹੋ ਖੁਦਾਇ । ਮਕਾ ਬਡਾ ਕਿ ਤੀਰਥ ਰਾਇ ॥ 287 ॥
 ਪੂਜਾ ਬਡੀ ਕਿ ਬਡੀ ਨਿਮਾਜ । ਬਡੀ ਕਤੇਬ ਕੇ ਬੇਦ ਅਵਾਜ਼ ।
 ਨੀਲ ਸੁਪੇਦ ਦੋਇ ਭਲ ਕਵਨ । ਹਿੰਦੂ ਤੁਰਕ ਮੁਖਯ ਕੋ ਗਵਨ ॥ 288 ॥

ਦੋਹਰਾ

ਬਢੇ ਭਿਸਤ³ ਕੈ ਸਵਰਗ ਹੈ ਕਹੋ ਪੀਰ ਨਿਰਧਾਰ ।
 ਐਸੇ ਬਚ ਸੁਨ ਸਾਹ ਕੇ ਸ੍ਰੀ ਗੁਰ ਸਬਦ ਉਚਾਰ ॥ 289 ॥
 ਭਗਤ ਸਿੰਘ ਐਸੇ ਕਹਾ ਮੁਹਿ ਇਹੁ ਸੰਸਾ ਆਹਿ ।
 ਗੁਰ ਗ੍ਰੰਥ ਕੀ ਬੀੜ ਕਰ ਪੁਨ ਗੁਰੁ ਸਬਦ ਸੁਨਾਇ ॥ 290 ॥

ਚੌਪਈ

ਮਨੀ ਸਿੰਘ ਕਹਿ ਅਸ ਨਹਿ ਹੋਈ । ਸ੍ਰੀ ਗੁਰੁ ਜਾਨਨਹਾਰ ਸੁ ਜੋਈ ।
 ਪਾਛੇ ਬੀੜ ਨ ਸਬਦ ਅਲਾਯੋ । ਆਗੇ ਕਹਿਓ ਜੋਊ ਸੋਇ ਸੁਨਾਯੋ ।

॥ ਰਾਮਕਲੀ ਮਹਲਾ 5 ॥⁴

ਕੋਈ ਬੋਲੈ ਰਾਮ ਰਾਮ ਕੋਈ ਖੁਦਾਇ ।
 ਕੋਈ ਸੇਵੈ ਗੁਸਈਆਂ ਕੋਈ ਅਲਾਹਿ ॥ ੧ ॥
 ਕਾਰਣ ਕਰਣ ਕਰੀਮ ।
 ਕਿਰਪਾ ਧਾਰਿ ਰਹੀਮ ॥ ਰਹਾਉ ॥
 ਕੋਈ ਨਾਵੈ ਤੀਰਥਿ ਕੋਈ ਹਜ ਜਾਇ ।
 ਕੋਈ ਕਰੈ ਪੂਜਾ ਕੋਇ ਸਿਰੁ ਨਿਵਾਇ ॥ ੨ ॥
 ਕੋਈ ਪੜੈ ਬੇਦ ਕੋਈ ਕਤੇਬ ।
 ਕੋਈ ਓਢੈ ਨੀਲ ਕੋਈ ਸੁਪੇਦ ॥ ੩ ॥

¹ੲ ਪੱਖੀ ਵਿਚੋਂ ²ਅ ਪੱਖੀ ਲੀਨ ³ਅ ਤੇ ੲ ਪੱਖੀ ਬਹਿਸਤ ⁴ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ ੪੪੬.

ਕੋਈ ਕਹੈ ਤੁਰਕੁ ਕੋਈ ਕਹੈ ਹਿੰਦੂ ।
 ਕੋਈ ਬਾਂਛੇ ਭਿਸਤੁ ਕੋਈ ਸੁਰਗਿੰਦੂ ॥ ੪ ॥
 ਕਹੁ ਨਾਨਕ ਜਿਨਿ ਹੁਕਮੁ ਪਛਾਤਾ ।
 ਪ੍ਰਭ ਸਾਹਿਬ ਕਾ ਤਿਨਿ ਭੇਦੁ ਜਾਤਾ ॥ ੫ ॥
 ਰਾਮਕਲੀ ਗ੍ਰਿਹ ਸਬਦ ਅਲਾਵਾ ॥ ਸ਼ਾਹ ਪ੍ਰਸ਼ਨ ਕਾ ਉਤ੍ਰ ਸੁਨਾਵਾ ॥
 ਸਬਦ ਅਰਥ ਜਾਨ ਸਬ ਲੀਜੈ । ਭਗਤਿ ਸਿੰਘ ਸੰਕੋਚ ਸੁਨੀਜੈ ॥ 292 ॥

ਦੋਹਰਾ

ਕੋਈ ਬੋਲੇ ਰਾਮ ਮੁਖ ਕੋਈ ਕਹੇ ਖੁਦਾਇ ।
 ਸੇਵ ਗੁਸਾਈ^੧ ਕੋ ਕਰੈ ਕੋਈ ਜਪੈ ਅਲਾਇ ॥ 293 ॥

ਚੋਪਾਈ

ਕਾਰਣ ਸਭ ਹੀ ਕਰੈ ਕਰੀਮ । ਕ੍ਰਿਪਾ ਧਾਰਿ ਤਿਹ ਦੇਖ ਰਹੀਮ ।
 ਕੋਈ ਤੀਰਥ ਹਜ ਸਿਧਾਵੈ । ਕੋ ਨਿਮਾਜ ਕੋ ਪੂਜ ਕਰਾਵੈ^੧ ॥ 294 ॥
 ਕੋਈ ਬੇਦ ਕਤੇਬ ਕਉ ਰਚੈ । ਕੋਈ ਨੀਲ ਸੁਪੇਦ ਕੋ ਧਰੈ ।
 ਕੋਈ ਤੁਰਕ ਕੋਈ ਕਹੇ ਹਿੰਦੂ । ਕੋਈ ਭਿਸਤ ਬਾਂਛੈ ਸੁਰਗਿੰਦੂ ॥ 295 ॥

ਦੋਹਰਾ

ਗੁਰੁ ਨਾਨਕ ਐਸੋ ਕਹਾ ਹੁਕਮ ਪਛਾਤਾ ਜਾਹਿ ।
 ਪ੍ਰਭ ਸਾਹਿਬ ਕਾ ਭੇਦ ਜੋ ਨਿਸਚੈ ਜਾਨਯੋ^੨ ਤਾਹਿ ॥ 296 ॥
 ਸ਼ਾਹ ਗੁਰੂ ਕੇ ਬਚਨ ਸੁਨ ਪਖ ਪਾਤ ਨਹਿ ਕੋਇ ।
 ਦੁਹ ਕੇ ਸਾਂਝੇ ਜਾਨ ਕੈ ਪੀਰ ਸੁ ਨਿਸਚੈ ਗੋਇ ॥ 297 ॥

ਚੋਪਾਈ

ਡਾਰਿ ਅੰਚਰ ਗੁਰਿ ਪਗ ਪਰਿ ਪਰਿਓ । ਛਿਮੋ ਭੁਲ ਮੁਖ ਐਸੇ ਰਰਿਓ ।
 ਤਬ ਲਉ ਅਥਿਓ ਸੂਰ ਨਿਸ ਆਈ । ਬਾਦਿਸ਼ਾਹ ਤਬ ਏਹ ਅਲਾਈ ।
 ਤੁਰਕ ਜਨਮ ਹੈ ਮੋਹਿ ਸਰੀਰ । ਸੇਵਾ ਤੋਹਿ ਨ ਹੋਵਹਿ ਪੀਰ ।
 ਸਭ ਨਿਵਾਸ ਹੈਹਿ ਪ੍ਰਭੂ ਤੁਮਾਰੇ । ਜਹਿ ਇਛਾ ਤਹਿ ਰਹਹੁ ਸੁਖਾਰੇ ॥ 299 ॥
 ਸ੍ਰੀ ਗੁਰੁ ਤਬ ਨਿਜ ਮਾਇ ਡਾਰੀ । ਬਾਦਿਸ਼ਾਹ ਮਤ ਮਹਿ ਭਰਮ ਧਾਰੀ ।
 ਚੰਦੂ ਕਹੇ ਸ਼ਾਹ ਕਉ ਬੈਨਾ । ਸ੍ਰੀ ਗੁਰ ਰਹਹਿ ਹਮਾਰੈ ਐਨਾ^੩ ॥ 300 ॥
 ਹਮ ਖਤ੍ਰੀ ਇਨ ਸੇਵ ਕਰਾਵਉ । ਕਹਾ ਸ਼ਾਹ ਨਿਜ ਸੰਗ ਲੈ ਜਾਵਉ ।
 ਪਾਂਚ ਸਿਖ ਯੁਤ ਗੁਰ ਸੰਗਿ ਲੈ ਕੇ । ਚੰਦੂ ਗਯੋ ਸਦਨ ਸੁਖ ਪੈ ਕੇ ॥ 301 ॥

ਦੋਹਰਾ

ਤਬੈ ਦੁਸ਼ਟਿ ਗ੍ਰਿਹਿ ਜਾਇਕੈ ਕੀਨੋ ਐਸ ਉਪਾਇ ।
 ਸਿਖ ਪਾਂਚੋ ਕਉ ਕੈਦ ਕਰਿ ਗੁਰ ਕਉ ਇਹੁ ਆਲਾਇ ॥ 302 ॥

^੧ਅ ਪੋਥੀ ਕਮਾਵੈ ^੨ਅ ਤੇ ਏ ਪੋਥੀ ਲਖਯੋ ^੩ਅ ਪੋਥੀ ਗ੍ਰਿਹਮਾ

ਚੌਪਈ

ਤੁਮ ਕੂਕਰ¹ ਮੁਹਿ ਕੀਨ ਉਚਾਰਾ । ਸੋ ਫਲ ਲੇਹੁ ਤਬ ਤਤਕਾਰਾ ।
ਬਡੀ ਦੇਗ ਜਲ ਤਪਤ ਕਰਾਏ । ਪਾਛੇ ਇਹ ਬਿਧ ਬੈਨ ਸੁਨਾਏ । 303 ।
ਸਗਾਈ ਮਮ ਪੁਤ੍ਰੀ ਕੀ ਲੀਜੈ । ਨਹੀਂ ਤਉ ਇਸ ਮਹਿ ਬੈਠਨਿ ਕੀਜੈ ।
ਰਹੇ ਮੌਨ ਗੁਰ ਜਲਹਿ ਬੈਠਾਏ । ਸੀਤਲ ਗੰਗਾ ਸਮ ਸੋ ਪਾਏ ॥ 304 ॥

ਦੋਹਰਾ

ਦੇਗ ਮਾਂਹਿ ਬੈਠੇ ਪ੍ਰਭੂ ਤਰੇ ਸੁ ਅਗਨ ਜਰਾਇ ।
ਆਠ ਪਹਿਰ ਐਸੇ ਕੀਓ ਜਲ ਨ ਤਾਪਨ ਪਾਇ ॥ 304 ॥

ਚੌਪਈ

ਦੁਤੀਅ ਦਿਵਸ ਪਾਪੀ ਯਾਹਿ ਕੀਓ । ਪਾਂਚੇ ਸਿਖ ਨੇਤ੍ਰੀ ਦ੍ਰਿਸ਼ਟੀਓ ।
ਚਾਹੇ ਧਰਤੀ ਉਲਟੀ ਕਰਹਿ । ਗੁਰੁ ਕੀ ਆਗਯਾ ਨਹਿ ਯੋ ਡਰਹਿ ॥ 306 ॥
ਬਾਰੂ ਅਧਿਕ ਤਪਤ² ਕਰਵਾਈ । ਸ੍ਰੀ ਗੁਰ ਤਿੰਹ ਪਰ ਦੀਏ ਬਠਾਈ ।
ਉਪਰ ਤਪਤ ਰੇਤ ਸਿਰ ਡਾਰੇ । ਸ੍ਰੀ ਗੁਰ ਮੌਨ ਨ ਬਚਨ ਉਚਾਰੇ ॥ 307 ॥

ਦੋਹਰਾ

ਬਾਰੂ ਸੀਤਲ ਹੂ ਹੈ ਗੁਰ ਤਨ ਜਬੈ ਲਗਾਇ ।
ਆਠ ਪਹਿਰ ਐਸੇ ਕੀਓ ਪਾਪੀ ਜਤਨ ਬਨਾਇ ॥ 308 ॥

ਚੌਪਈ

ਪੁਨ ਪਾਪੀ ਮਨ ਏਹ ਬਿਚਾਰੀ । ਬੋਲਤ ਨਾਹੀਂ ਮੌਨ ਇਨ ਧਾਰੀ ।
ਲੋਹ ਤਪਤ ਕਰ ਤਰੇ ਧਰਾਵਉਂ । ਨਹਿ ਬੋਲੈ ਤਉ ਉਪਰ ਬਿਠਾਵਉਂ ॥
ਤਪਤ ਤਾਬ੍ਰ ਸਨ ਲੋਹ ਕਰਾਏ । ਤ੍ਰਿਤੀ ਦਿਵਸ ਯਾਹਿ ਕਹਾ ਸੁਨਾਏ ।
ਅਜੈ ਸਗਾਈ ਕਉ ਮਨ³ ਲੀਜੈ । ਨਾਂਤਰ ਲੋਹ ਚਰਣ ਧਰ ਦੀਜੈ ॥ 309 ॥

ਦੋਹਰਾ

ਗੁਰ ਨਾਨਕ ਕਉ ਜਾਪ ਜਪੁ ਗੁਰ ਅਰਜੁਨ ਸੁਖ ਪਾਇ ।
ਤਪਤ ਤਾਮ੍ਰ ਸਮ ਲੋਹ ਜਉ ਤਾਂ ਪਰ ਬੈਠੇ ਜਾਇ ॥ 310 ॥

ਚੌਪਈ

ਸੀਤਲ ਲੋਹ ਤਬੈ ਹੁਇ ਆਈ । ਬਾਰ ਨ ਬਾਕਨ ਗੁਰ ਕਉ ਪਾਈ ।
ਤਰੇ ਦੁਸ਼ਟ⁴ ਰਹੇ ਅਗਨ ਜਲਾਇ । ਸ੍ਰੀ ਗੁਰ ਬੈਠੇ ਮਨ ਸੁਖ ਪਾਇ ॥ 311 ॥
ਤ੍ਰਿਤਯਾ ਦਿਨ ਯਾਹਿ ਪਾਪੀ ਕੀਨਉ । ਅਪਨੇ ਮਨ ਮਹਿ ਐਸੇ ਚੀਨਉਂ ।
ਐਰ ਜਤਨ ਇਹ ਬੋਲਤ ਨਾਹੀਂ । ਹਿੰਦੂ ਸੌਹ ਜੋ ਸੋਇ ਕਰਾਹੀਂ ॥ 312 ॥

¹ਅ ਪੋਥੀ ਸੂਕਰ ²ਅ ਪੋਥੀ ਗਰਮ ³ਅ ਤੇ ਏ ਪੋਥੀ ਲੈ ⁴ਏ ਪੋਥੀ ਨੀਚੁ

ਦੋਹਰਾ

ਗੋਕਾ ਚਰਮ ਉਤਾਰ ਕੈ ਯਾਕੋ ਤਨ ਦਿਹੁ ਛਾਇ ।
ਤਬ [ਸਗਾਈ]¹ ਮਾਨ ਹੈ ਧਰਮ ਹੇਤ ਡਰਪਾਇ ॥ 313 ॥

ਚੌਪਈ

ਗੋਕਾ ਕਚਾ ਚਰਮ ਉਤਾਰਯੋ । ਆਨ ਅਗ੍ਰ ਸ੍ਰੀ ਗੁਰ ਕੈ ਡਾਰਿਓ ।
ਹੁਇ ਸਨਮੁਖ ਪਾਪੀ ਤਬ ਕਹਾ । ਮਾਨ ਸਗਾਈ ਨਹਿ ਦੁਖ ਮਹਾ ॥ 314 ॥
ਸ੍ਰੀ ਗੁਰ ਕਹਿ ਇਸਨਾਨ ਹਮ ਕਯੋ । ਪਾਂਚ ਸਿਖ ਹਮਰੇ ਸੰਗ ਦਯੋ ।
ਚੰਦ੍ਰ ਸੁਨ ਮੁਖ ਮਹਿ ਸੁਖ ਪਾਯੋ । ਬੋਲੇ ਅਬ ਬਚ ਮੋਰ ਮਨਾਯੋ ॥ 315 ॥

ਦੋਹਰਾ

ਕਛੁ ਮਾਨੁਖ ਅਪਨੇ ਦੀਏ ਗੁਰ ਕੇ ਸੰਗਿ ਸੁਧਾਰ ।
ਪਾਂਚ ਸਿਖਨ ਕਉ ਸੰਗ ਲੈ ਸਤਿਗੁਰ ਚਲੇ ਮੁਰਾਰ ॥ 316 ॥

ਚੌਪਈ

ਨਿਜ ਮਾਨੁਖ² ਕਉ ਚੰਦ੍ਰ ਭਾਖਯੋ । ਕਛੁ ਨ ਕਹੋ ਨਜਰ ਮਹਿ ਰਾਖਯੋ ।
ਰਾਵੀ ਓਰ ਗੁਰ ਕਰਾ ਪਿਆਨਾ । ਜੇਠੇ ਆਦਿ ਸਿਖ ਗੁਨਵਾਨਾ ।
ਕਛੁਕ ਦੂਰ ਚੰਦ੍ਰ ਨਰ ਜਾਵਹਿ । ਜਾਂਹਿ ਨ ਨਿਕਟਿ ਗੁਰੂ ਭੈ ਖਾਵਹਿ ।
ਸ੍ਰੀ ਗੁਰ ਰਾਵੀ ਕੀਓ ਇਸਨਾਨਾ । ਸਿਖ ਭੀ ਪਾਂਚੇ ਮਜਨ ਠਾਨਾ ॥ 318 ॥

ਦੋਹਰਾ

ਜਪੁਜੀ ਪੜ੍ਹ³ ਸੁਖਮਨੀ ਪੜ੍ਹ ਪੁਨ ਵਡਹਸੰਹਿ ਵਾਰ ।
ਮਾਰੂ ਡਖਣੇ ਵਾਰ ਪੜ੍ਹ ਸ੍ਰੀ ਮੁਖ ਬਚਨ ਉਚਾਰ ॥ 319 ॥

ਚੌਪਈ

ਸੁਨਹੁ ਸਿਖ ਤੁਮ ਮੇਰੇ ਪ੍ਰਾਨਾ । ਸਤਿ ਬਚਨ ਇਹੁ ਹਮਰੋ ਜਾਨਾ ।
ਹਮ ਅਬ ਜੋਤੀ ਜੋਤਿ ਸਮਾਵਹਿ । ਪਾਛੇ ਕਰੋ ਤੁਮਹਿ ਬਤਾਵਹਿ⁴ ॥ 320 ॥
ਹਮਰੀ ਦੇਹ ਨ ਦਾਹ ਕਰਾਵਉਂ । ਜਪੁਜੀ ਪੜ੍ਹਤ ਨਦੀ ਮਹਿ ਜਾਵਉਂ ।
ਜਪੁਜੀ ਭੋਗ ਜਹਾ ਤੁਮ ਪਾਵਉਂ । ਤਬੈ ਦੇਹ ਪਰਵਾਹ ਕਰਵਾਉਂ ॥ 321 ॥

ਸੋਰਠਾ

ਹਰਿ ਗੋਬਿੰਦ ਗੁਰੁ ਪਾਸ ਬਹੁਰ ਜਾਇ ਸਭ ਹੀ ਕਹੋ ।
ਕਰਿਓ ਪੁਨਾ ਅਰਦਾਸ ਬਹੁ ਤੁਰਕਨ ਕਉ ਜੁਧ ਕਰ ॥ 322 ॥

ਚੌਪਈ

ਯਾਮੈ ਏਕ ਰਬਾਬੀ ਆਯੋ । ਦੁਤਾਰਾ ਹਾਥ ਅਨਾਥ ਸੁਹਾਯੋ ।
ਆਇ ਬੰਦਨਾ ਗੁਰ ਕਉ ਕੀਨੀ । ਸ੍ਰੀ ਗੁਰ ਤਿਸ ਕਉ ਆਗਯਾ ਦੀਨੀ ॥ 323 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਦਾਸਨ ³ਅ ਅਤੇ ਏ ਪੋਥੀ ਅਰੁ ⁴ਅ ਪੋਥੀ ਸੁਨਾਵਹਿ

ਮਾਰੂ ਸਬਦ ਪੜੋ ਮਨ ਲਾਏ । ਜੇਠੇ ਤੇ ਕਛੁ ਦਰਬ ਦਿਵਾਏ ।
ਪੁਨ ਇਸ਼ਨਾਨ ਗੁਰੂ ਜੀ ਕੀਨਾ । ਜਪੁਜੀ ਬਹੁਰ ਪੜਾ¹ ਰਸ ਲੀਨਾ ॥ 324 ॥

ਦੋਹਰਾ

ਗੁਰ ਅਰਜਨ ਜਪੁਜੀ ਪੜਾ ਪਾਇ ਭੋਗ ਤਿੰਹ ਵਾਰ ।
ਚਾਰਉ ਗੁਰੂ ਆਵਤਿ ਭਏ ਕੀਨੋ ਇਹੁ ਉਚਾਰ ॥ 325 ॥

ਚੌਪਈ

ਜਨਮ ਸਫਲ ਅਰਜਨ ਗੁਰ ਤੇਰਾ । ਕੀਨੋ ਬਚਨ ਸਫਲ ਤੁਮ ਮੋਰਾ ।
ਕਰਾਮਾਤ ਥੀ ਕਹਰ ਨ ਦੀਨੀ । ਪ੍ਰਿਥਮ ਸੀਸ ਦੈ ਖੇਦ ਨ ਲੀਨੀ ॥ 326 ॥
ਗੁਰੂ ਨਾਨਕ ਅਸ ਬਚਨ ਉਚਾਰਾ । ਧੰਨ ਧੰਨ ਤੁਮ ਜਗ ਕਉ ਤਾਰਾ ।
ਅਬ ਸੁਖ ਸਿਉ ਨਿਜ ਧਾਮਹਿ ਆਵਉ । ਅਚਲ ਅਮਰ ਨਿਜ ਆਸਨ ਪਾਵਉ ॥ 327 ॥
ਗੁਰ ਅਰਜਨ ਨਿਜ ਦੇਹਿ ਤਜਾਏ । ਚਾਰਉ ਗੁਰਨ ਕੇ ਸੰਗ ਸਿਧਾਏ ।²
ਦੇਵਨ ਹਰਖ ਦੁੰਦਭੀ ਦੀਨੀ । ਫੂਲ ਬਰਖਾਵਤਿ ਉਸਤਵ ਕੀਨੀ ॥ 328 ॥
ਦੇਵ ਪੁਰੀ ਮਹਿ ਉਤਸਵ ਭਯੋ । ਅਬ ਦੁਸ਼ਟਨਿ ਕੋਉ ਨਾਸ ਸੁ ਕਯੋ ।
ਇਹ ਬਿਧ ਅਪਨੇ ਧਾਮ ਪਧਾਰੇ । ਗੁਰੂ ਅਰਜਨ ਜੀ ਰੂਪ ਮੁਰਾਰੇ ॥ 329 ॥

ਦੋਹਰਾ

ਬਿਧੀਆ ਆਦਿਕ ਸਿਖ ਮਿਲ ਪ੍ਰਿਥਮ ਵਿਰਾਗ ਕਰਾਇ ।
ਬਹੁਰ ਰਬਾਬੀ ਕਉ ਕਹਾ ਤੁਮ ਮਾਰੂ ਸਬਦ ਅਲਾਇ³ ॥ 330 ॥

ਚੌਪਈ

ਮਾਰੂ ਸਬਦ ਰਬਾਬੀ ਗਾਵਹਿ । ਵਾਹਿਗੁਰੂ ਧੁਨ ਸਿਖ ਸੁਨਵਹਿ ।
ਤਬ ਲਉ ਚੰਦੂ ਪਾਪੀ ਆਯੋ⁴ । ਜਰੇ ਬਦਨ ਯੇ ਬੈਨ ਅਲਾਯੋ ॥ 331 ॥
ਤੁਮ ਕਉ ਐਸੇ ਨਿੰਦਾ ਆਈ । ਰਾਵੀ ਤਟ ਪਰ ਬਹੁ [ਸੁਖ]⁵ ਪਾਈ ।
ਮੋਕਉ ਨਿੰਦਾ ਕਬੀ ਨਾ ਆਵੈ । ਕੁਆਰੀ ਕੰਨਯਾ ਦਿਖ ਦੁਖ ਆਵੈ ॥ 332 ॥

ਦੋਹਰਾ

ਤਬ ਬਿਧੀਏ ਐਸਾ ਕਹਾ ਕਯਾ ਬੋਲਤ ਮਤਿ ਮੰਦ ।
ਜੋਤੀ ਜੋਤਿ ਸਮਾਇ ਗੁਰੂ ਗਏ ਚਾੜ ਅਬ ਚੰਦ ॥ 333 ॥

ਚੌਪਈ

ਸੁਨ ਪਾਪੀ ਮਨ ਮਹਿ ਬਿਸਮਾਯੋ । ਪਾਛੇ ਮੁੜ ਨਿਜ ਸਦਨ ਸਿਧਾਯੋ ।
ਪਾਛੇ ਸਿਖਨ ਕੀਓ ਉਪਾਵਾ । ਸ੍ਰੀ ਗੁਰੂ ਦੇਹਿ ਇਸ਼ਨਾਨ ਕਰਾਵਾ ॥ 334 ॥
ਬਹੋਰੁ ਜਪੁਜੀ ਪੜਤ ਸਿਧਾਏ । ਰਾਵੀ ਮਹਿ ਗੁਰ ਦੇਹਿ ਉਠਾਏ ।
ਜਬੈ ਭੋਗ ਜਪੁਜੀ ਕਾ ਪਾਯੋ । ਸ੍ਰੀ ਗੁਰੂ ਤਬੈ ਪ੍ਰਵਾਹ ਕਰਾਯੋ ॥ 335 ॥

¹ਅ ਪੋਥੀ ਪਗ ²ੲ ਪੋਥੀ ਮਮਨਾਏ ³ਅ ਪੋਥੀ ਸੁਨਾਇ ⁴ਅ ਪੋਥੀ ਮੁਖ ਕਾਲੈ ⁵ਅ ਪੋਥੀ ਵਿਚੋ

ਦੋਹਰਾ

ਭਗਤ ਸਿੰਘ ਸੰਮਤ ਸੁਨੋ ਸੋਰਹਿ ਸੈ ਸਠ ਜਾਨ ।
ਤੀਨ ਓਰ ਪਰ ਜੇਠ ਸੁਦਿ ਚੌਥ ਬਿਡ ਪਰਮਾਨ ॥ 336 ॥

ਚੌਪਈ

ਤਿਸ ਦਿਨ ਜੋਤੀ ਜੋਤਿ ਸਮਾਏ । ਗੁਰੁ ਅਰਜੁਨ ਨਿਜ ਆਸਨ ਪਾਏ ।
ਪਾਚੋਂ ਸਿਖਨਿ ਕਰ ਇਸਨਾਨਾ । ਸੁਧਾ ਸਰੋਵਰ ਓਰ ਸਿਧਾਨਾ ॥ 337 ॥
ਆਵਤਿ ਪੰਥ^੧ ਵਿਰਹਿ ਗੁਰੁ ਪਾਏ । ਜਥਾ ਭੂਪ ਬਿਨ ਸੈਨਾ ਜਾਏ ।
ਜਸ ਦੂਲਹਿ ਬਿਨ ਜਾਇ ਬਰਾਤਾ । ਰਵਿ ਬਿਨ ਦਿਨ ਨਿਸ ਸਸਿ ਬਿਨ ਰਾਤਾ ॥ 338 ॥

ਦੋਹਰਾ

ਐਸ ਦੁਖਤਿ ਮਨ ਸਿਉ ਆਇ ਪਾਂਚ ਸਿਖ ਦੁਖ ਪਾਇ ।
ਹਰਿ ਗੋਬਿੰਦ ਨਿਜ ਮਹਿਲ ਥੇ ਪਰੇ ਚਰਨ ਪਰ ਆਇ ॥ 339 ॥

ਸੋਰਠਾ

ਪੂਛਯੋ ਤਦ ਗੁਰਦਾਸ ਸਭੈ ਬਾਤ ਬਿਧੀਏ ਕਈ ।
ਕੀਨੋ ਰੁਦਨ ਪ੍ਰਕਾਸ ਧੀਰਜ ਰਹਿਓ ਨ ਕਿਸੀ ਮਨ ॥ 340 ॥

ਚੌਪਈ

ਤਬ ਹੀ ਮਾਤਾ ਗੰਗਾ ਆਈ । ਸੁਨਤ ਬਾਤ^੨ ਤਬ ਬਹੁ ਰੁਦਨਾਈ ।
ਸੁਧਾ ਸਰੋਵਰ ਪੁਨ ਸਭ ਅਏ । ਕਰ ਇਸਨਾਨ ਤਿਲਾਂਜਲੀ ਦਏ ॥ 341 ॥
ਹਰਿ ਗੋਬਿੰਦ ਪੁਨ ਰੋਇ ਸੁਨਾਯਉ । ਹੇ ਪਿਤ ਹਮ ਕੋ ਤਿਆਗ ਸਿਧਾਯਉ ।
ਗੁਰੁ ਗ੍ਰਿਥ ਕੀ ਕੋਠੀ ਆਏ । ਅਤਿ ਹੀ ਰੁਦਨ ਭਯੋ ਤਿਹ ਠਾਏ ॥ 342 ॥

ਦੋਹਰਾ

ਅਕਾਲ ਪੁਰਖ ਇਮ ਸਮਝ ਕੈ ਹਰਿ ਗੋਬਿੰਦ ਨਿਜ ਰੂਪ ।
ਸੋਕ ਨਿਵਾਰਨਿ ਹੇਤ ਅਬ ਅਏ ਜਗਤ ਪਤਿ ਭੂਪ ॥ 343 ॥

ਚੌਪਈ

ਜੋ ਪ੍ਰਭ ਸਿਵ ਮੁਨ ਧਿਆਨ ਨ ਆਵੈ । ਨੇਤ ਨੇਤ ਜਿਹ ਬੇਦ ਬਤਾਵੈ ।
ਸੋ ਭਗਵੰਤ ਧਰ ਰੂਪ ਅਪਾਰਾ । ਹਰਿ ਗੋਬਿੰਦ ਕਉ ਬਚਨ ਉਚਾਰਾ ॥ 344 ॥
ਕਹੋ ਸੋਕ ਤੁਮ ਕਾ ਕਾ ਕਰੋ । ਸਭ ਤਨ ਪੰਚ ਭੂਤਕ ਚਿਤ ਧਰੋ ।
ਦੇਹ ਮਿਥਯਾ ਆਤਮ ਸਤਿ ਜਾਨਉ । ਮਿਥਯਾ ਸੋਕ ਕਾਹਿ ਹਿਤ ਠਾਨਉ ॥ 345 ॥

ਦੋਹਰਾ

ਸਤਿ ਚਿਤ ਆਨੰਦ ਰੂਪ ਥੇ ਗੁਰ^੩ ਅਰਜੁਨ^੩ ਕਰਤਾਰ ।
ਦੁਰਲਭ ਤਾਂ ਕਾ ਦਰ ਸਥਾ ਮਿਥਯਾ ਸਭ ਸੰਸਾਰ ॥ 346 ॥

^੧ਅ ਤੇ ਦ ਪੰਥੀ ਮਗਿ ^੨ਅ ਪੰਥੀ ਕੋਤਕ ^੩ਅ ਤੇ ਦ ਪੰਥੀ ਸ੍ਰੀ ਸਤਿਗੁਰੂ

ਚੌਪਈ

ਜੇ ਪਿਤ ਕਉ ਤੁਮ ਤਨ ਪਰਿਚਾਨੋ । ਤਨ ਮਿਥਯਾ ਯਾਹਿ ਸੰਤ ਬਖਾਨੋ ।
ਜਨਮ ਮ੍ਰਿਤ¹ ਸਭ ਤਨ ਮੇ ਪਯੋ । ਕ੍ਰਪ ਟਿਡ ਸਮ ਤਿਹ ਗਤਿ ਹਯੋ ॥ 347 ॥
ਜਉ ਪਿਤ ਕੇ ਸਤਯਾਤਮ ਜਾਨੋ । ਆਤਮ ਕਬੀ ਮ੍ਰਿਤ ਨਹੀਂ ਮਾਨੋ ।
ਆਤਮ ਅਚਲ ਸਦਾ ਅਬਿਨਾਸੀ । ਅਜਰ ਅਲਖ ਸਦਾ ਸੁਖ ਰਾਸੀ ॥ 348 ॥

ਦੋਹਰਾ

ਅਸ ਭਗਵੰਤਿ ਕੇ ਬਚਨ ਸੁਨ ਪੁਨ ਤਿਹ ਰੂਪ ਦਿਖਾਇ ।
ਗੁਰਦਾਸ ਬੁਢਾ ਗੋਬਿੰਦ ਹਰਿ ਅਗੰਮ ਗਯਾਨ ਮਨ ਪਾਇ ॥ 349 ॥

ਚੌਪਈ

ਭਗਵੰਤ ਦਰਸ ਇਨ ਚਾਰੋ ਪਾਯੋ । ਭਯੋ ਗਿਆਨ ਮਨ ਸੋਕ ਮਿਟਾਯੋ ।
ਸ੍ਰੀ ਭਗਵੰਤ ਕਉ ਬੰਦਨ ਕੀਨੀ । ਇਨ ਚਾਰੋ ਮਿਲ ਹੋਇ ਅਧੀਨੀ ॥ 350 ॥
ਅਕਾਲ ਪੁਰਖ ਪੁਨਿ ਬਚਨਿ ਉਚਾਰੈ । ਹਰਿ ਗੋਬਿੰਦ ਸੁਨੀਐ ਨਿਰਧਾਰੈ ॥
ਤੁਮ² ਹਮਰੇ ਮਹਿ³ ਭੇਦ ਨ ਕੋਈ । ਤੋਹਿ ਅਵਤਾਰ ਹੇਤ ਇਹ ਹੋਈ ॥ 351 ॥

ਦੋਹਰਾ

ਤੋਰ ਪਿਤਾ ਕਉ ਬਚ ਕਹੇ ਪਾਛੇ ਮੁਹਿ ਇਹ ਭਾਇ ।
ਸੁਤ ਤੁਮਰਾ ਤੁਮਰੇ ਨਿਕਟਿ ਮੋਰੋ ਤਖਤ ਬਨਾਇ ॥ 352 ॥

ਚੌਪਈ

ਔਰ ਸੰਤ ਬਚ ਅਟਲ ਪਛਾਨਉ । ਬੁਢੇ ਮੁਝ ਮਹਿ ਭੇਦ ਨ ਮਾਨਉ ।
ਪ੍ਰਿਥਮੇ ਇਹ ਥਾਂ ਤਖਤ ਸਵਾਰੋ । ਮੀਰੀ ਪੀਰੀ ਅਸਿ³ ਦੋ ਧਾਰੋ ॥ 353 ॥
ਹਰਿ ਗੋਬਿੰਦ ਤਬ ਬੈਠ ਸੁਨਾਏ । ਨਾਮ ਲਾਜ ਪ੍ਰਭ ਤੁਮੇ ਬਨਾਏ ॥
ਅਕਾਲ ਪੁਰਖ ਸੁਨ ਆਨੰਦ ਪਾਯੋ । ਇਹ ਬਿਧਿ ਸ੍ਰੀ ਮੁਖ ਬਚਨ ਅਲਾਯੋ ॥ 354 ॥

ਦੋਹਰਾ

ਰਾਮ ਕ੍ਰਿਸ਼ਨ ਤੇ ਆਦਿ ਲੈ ਪਾਛੇ ਜੋ ਅਵਤਾਰ ।
ਜੈਸੇ ਉਨ ਰਾਕਸ਼ ਹਨੇ ਤੈਸੇ ਤੁਮ ਇਨ ਮਾਰ ॥ 355 ॥

ਚੌਪਈ

ਤਾਂਤੇ ਇਹ ਠਾਂ ਤਖਤ ਸਵਾਰਉ । ਮੇਰੇ ਨਾਮ ਤਾਂਹਿ ਮਹਿ ਧਾਰਉ ।
ਤਖਤ ਅਕਾਲ ਨਾਮ ਤਿਹ ਕੀਜੈ । ਤਾਂਹਿ ਬੈਠ ਪਿਤ ਬਦਲਾ ਲੀਜੈ ॥ 356 ॥
ਮੀਰੀ ਪੀਰੀ ਦੋਉ ਧਾਰੋ । ਧਰਾ ਭਾਰ ਸਭ ਦੂਰ ਨਿਵਾਰੋ ।
ਅਸ ਕਹਿ ਪ੍ਰਭ ਭਏ ਅੰਤਰ ਧਿਆਨਾ । ਤਬ ਸਭ ਮਨ ਮਹਿ ਬਿਸਮਹਿ ਠਾਨਾ ॥ 357 ॥

¹ਦੁ ਪੋਥੀ ਮਰਨ ²ਅ ਤੇ ਦ ਪੋਥੀ ਹਮ ਬੀਰ ³ਅ ਪੋਥੀ ਤੇਗ

ਦੋਹਰਾ

ਧੰਨ ਧੰਨ ਭਗਵੰਤਿ ਕਉ ਸਭ ਮਿਲ ਕੀਨ [ਉਚਾਰ]¹ ।
ਸ਼ੋਕ ਪੀਰ ਪ੍ਰਭ ਦਰਸ ਦੇ ਸਭਹੀ ਦਈ ਨਿਵਾਰ ॥ 358 ॥

ਚੌਪਈ

ਭਗਤ ਸਿੰਘ ਇਹ ਮੈ ਸੁਨ ਬਾਤਾ । ਚੰਦੂ ਮਨ ਉਪਜਯੋ ਉਤਪਾਤਾ ।
ਗੁਰੁ ਅਰਜੁਨ ਕੀ ਮ੍ਰਿਤ ਨਿਹਾਰੀ । ਇਕ ਦਿਨ ਗਯੋ ਸ਼ਾਹ ਨਿਕਟਾਰੀ ॥ 359 ॥
ਬਾਦਿਸ਼ਾਹ ਕਉ ਐਸੇ ਕਹਾ । ਹਿਮ ਬਹੁ ਢਰੀ ਸਸਾਂ² ਨਹੀਂ ਰਹਾ ।
ਗ੍ਰੀਖਮ ਰੁਤ ਕਸ਼ਮੀਰ ਨਾ ਜਾਵਉ । ਦਿਲੀ ਮਹਿ ਚਲ ਅਤਿ ਸੁਖ ਪਾਵਉ ॥ 360 ॥

ਦੋਹਰਾ

ਗੁਰ ਮਾਯਾ ਮਤਿ ਸ਼ਾਹ ਕੀ ਹਰੀ ਸਮਝ ਨਹਿ ਪਾਇ ।
ਦਿਲੀ ਕਉ ਪਯਾਨਾ ਕੀਓ ਤੁਰਤਹਿ ਦੇਰ ਨ ਲਾਇ ॥ 361 ॥
ਭਗਤ ਸਿੰਘ ਇਸ ਧਿਆਇ ਕਾ ਸੁਨੀਏ ਫਲ ਨਿਰਧਾਰ ।
ਅੰਤ ਸਮੇਂ ਜੋ ਸਿਖ ਸੁਨੈ ਜਾਵੇ ਸ੍ਰੀ ਗੁਰ ਦੁਆਰ ॥ 362 ॥

ਚੌਪਈ

ਆਗੇ ਸੁਨਹੁ ਕਥਾ ਇਹੁ ਆਵੈ । ਹਰਿ ਗੋਬਿੰਦ ਗੁਰੁ ਤਖਤ ਬਨਾਵੈ ।
ਸਾਖੀ ਦੋਇ ਸਿਖ ਕੀ ਹੋਵੈ । ਦ੍ਰਿੜ ਨਿਸਚਾ ਜਾਂਕੇ ਮਨ ਜੋਵੈ ॥ 363 ॥
ਬਹੁਰੋ ਚੰਦੂ ਨਾਸ ਕਰੈਗੇ । ਹਰਿ ਗੋਬਿੰਦ ਪਿਤ ਵੈਰ ਧਰੈਗੇ ।
ਅੰਮ੍ਰਿਤਸਰ ਵਿਵਾਹ ਪੁਨ ਕਰਹਿ । ਹਰਿ ਗੋਬਿੰਦ ਦਾਸਨ ਦੁਖ ਹਰਹਿ ॥ 364 ॥
ਇਤਿ ਸ੍ਰੀ ਗੁਰ ਬਿਲਾਸ ਮਹਾਂਦੇਵ ਪ੍ਰਿਥੀਆ ਸ੍ਰੀ ਗੁਰੁ ਅਰਜਨ ਦੇਵ ਜੀ ਜੋਤੀ ਜੋਤਿ
ਸਮਾਣੇ ਨਾਮ ਬਰਨੰਨ ਨਾਮ ਸਪਤਮੋ ਧਿਆਇ ਸਮਾਪਤ ਮਸਤੁ ਸੁਭ ਮਸਤੁ ॥ ਬੋਲਹੁ ਸ੍ਰੀ
ਵਾਹਿਗੁਰੂ ॥

¹ਅ ਪੋਥੀ ਵਿਚੋ ²ਅ ਤੇ ਏ ਪੋਥੀ ਮਗਿ

ਅਧਿਆਇ ਅੱਠਵਾਂ

ਦੋਹਰਾ

ਚਰਨ ਕਮਲ ਗੁਰੁ ਕੇ ਨਮੋ ਮੋਰੀ ਕਰਹਿ ਸਹਾਇ ।
ਹਰਿ ਗੋਬਿੰਦ ਜਸ ਕਰਨ ਕੀ ਬਿਮਲ ਬੁਧਿ ਮੁਹਿ ਆਇ ॥ 1 ॥

ਚੌਪਾਈ

ਤੁਛ ਮਨੀਖਾ ਕਵਿ ਕੀ ਜਾਨਉ । ਸੰਗਤ ਦਿਖ ਨਹਿ ਹਾਂਸੀ ਠਾਨਉ ॥
ਸਰਿਤਾ ਵਕ੍ਰਤ ਚਲੈ ਅਪਾਰੀ । ਜਲ ਯੁਤ ਸੋਹਤਿ ਦਿਖਿ ਹਰਖਾਰੀ ॥ 2 ॥
ਤਾਂਤੇ ਤੁਮ ਭੀ ਸੁਨ ਹਰਖਾਵੋ । ਗੁਰੁ ਕਥਾ ਰਸ ਇਸ ਮੋ^੧ ਪਾਵੋ ॥
ਭਗਤ ਸਿੰਘ ਇਮ ਪ੍ਰਸਨ ਅਲਾਯੋ । ਅਕਾਲ ਤਖਤ ਕੈਸੇ ਸੁ ਬਨਾਯੋ ॥ 3 ॥

ਦੋਹਰਾ

ਮਨੀ ਸਿੰਘ ਗਦ ਗਦ ਭਏ ਕੀਨੋ ਇਹ ਉਪਕਾਰ ।
ਭਗਤ ਸਿੰਘ ਇਕ ਚਿਤ ਸੁਨਹੁ ਸੁੰਦਰ ਕਥਾ ਅਪਾਰ ॥ 4 ॥

ਚੌਪਾਈ

ਸਾਹਿਬ ਬੁਢੇ ਐਸ ਉਚਾਰਾ । ਜਗਤ ਰੀਤਿ ਗੁਰੁ ਕਰਉ ਸੁਧਾਰਾ ।
ਹਰਿ ਗੋਬਿੰਦ ਗੁਰੁ ਰੀਤਿ ਕਰਾਈ । ਗੁਰੁ ਗ੍ਰਿਥ ਕਾ ਪਾਠ ਧਰਾਈ^੨ ॥ 5 ॥
ਚੌਕੀ ਸਬਦ ਰਬਾਬੀ ਗਾਵਹਿ । ਪ੍ਰਚਾਵਣੀ ਕਰਨ ਬਹੁਤ ਨਰ ਆਵਹਿ ।
ਗੋਂਦਵਾਲ^੩ ਖਡੂਰ ਤੇ ਆਏ । ਬਹੁ ਡਲੇ ਤੇ ਹੁਇ ਇਕਠਾਏ ॥ 6 ॥

ਦੋਹਰਾ

ਮੁਕਾਨ ਹੇਤ ਸਭ ਹੀ ਅਏ ਜਗਤ ਰੀਤਿ ਜੋ ਆਹਿ ।
ਸੁਧਾ ਸਰੋਵਰ ਤਬ ਅਏ ਸਭ ਹੀ ਪੁਨ ਰੁਦਨਾਇ ॥ 7 ॥

ਚੌਪਾਈ

ਮੋਹਰੀ ਆਦਿਕ ਜੋ ਨਰ ਆਏ । ਹਰਿ ਗੋਬਿੰਦ ਤਹਿ ਗਿਆਨ ਸੁਨਾਏ ।
ਮੁਕਾਨ ਤ੍ਰਿਆ ਜੇਤੀ ਥੀ ਆਈ । ਮਾਤ ਗੰਗ ਤਿਹ ਗਯਾਨ ਸੁਨਾਈ ॥ 8 ॥
ਗੁਰੁ ਗ੍ਰਿਥ ਕੀ ਕੋਠੀ ਮਾਹੀ । ਸਾਹਿਬ ਬੁਢਾ ਪਾਠ ਸੁਨਾਹੀ ।
ਸ੍ਰੀ ਗੁਰੂ ਕੀਰਤਨ ਸੁਨੈ ਅਪਾਰਾ । ਜਗਤ ਰੀਤਿ ਸਭ ਕਰਤ ਸੁਧਾਰਾ ॥ 9 ॥

^੧ਅ ਪੋਥੀ ਮਾਹਿ ^੨ਦ ਪੋਥੀ ਰਖਾਈ ^੩ਅ ਤੇ ਦ ਪੋਥੀ ਗੋਂਦਵਾਲ

ਦੋਹਰਾ

ਇਹ ਬਿਧ ਬਾਰਹਿ ਦਿਵਸ ਤਬ ਭੇ ਬਿਤੀਤ ਸੁਖ ਸੰਗਿ ।
ਸੰਗ੍ਰਾਦ ਹਾੜ ਬੁਧ ਤੇਹਰਵਾਂ ਆਯੋ ਬਹੁਤ ਉਮੰਗਿ ॥ 10 ॥

ਚੌਪਾਈ

ਗੁਰੂ ਗ੍ਰਿਥ ਕੀ ਕੋਠੀ ਆਗੇ । ਲਗੇ ਦਿਵਾਨ ਅਧਿਕ ਰਸ ਪਾਂਗੇ ।
ਅੰਮ੍ਰਿਤਸਰ ਕੇ ਪੈਂਚ ਸਭ ਆਏ । ਭਯੋ ਸਮਾਜ ਸਭੀ ਇਕਠਾਏ ॥ 11 ॥
ਕਰਤ ਗੁਰਦਾਸ ਚਵਰ ਕਰ ਧਾਰਾ । ਸਾਹਿਬ ਬੁਢਾ ਪਾਠ ਉਚਾਰਾ ॥
ਆਗੇ ਚੌਕੀ ਧਰਿਓ ਕੜਾਹ । ਗਾਵਤ ਰਾਗੀ ਸਬਦਿ ਉਮਾਹ ॥ 12 ॥

ਦੋਹਰਾ

ਲੈ ਆਗਯਾ ਸਭ ਕੀ ਤਬੈ ਬੁਢੇ ਪਾਯੋ ਭੋਗ ।
ਰਾਗ ਮਾਲ ਪੜ ਪ੍ਰੇਮ ਸਿਉਂ ਗ੍ਰਿਥ ਗੁਰੂ ਜੀ ਜੋਗੁ ॥ 13 ॥

ਚੌਪਾਈ

ਪੁਨਹੁ ਰੁਮਾਲ ਗ੍ਰਿਥ ਪਰ ਪਾਯੋ । ਸਭ ਸੰਗਤ ਨੇ ਸੀਸ ਝੁਕਾਯੋ¹ ॥
ਜਰੀ ਪੁਸ਼ਾਕ ਅਮੋਲਕ ਚੀਨੀ । ਸਾਹਿਬ ਬੁਢੇ ਕਉ ਗੁਰੂ ਦੀਨੀ ॥ 14 ॥
ਔਰ ਸਿਖਨਿ ਕਉ ਦਈ ਅਪਾਰਾ । ਰਾਗੀ ਰਬਾਬੀ ਜੋ ਦ੍ਰਿਸ਼ਟਾਰਾ ।
ਰੀਤਿ ਗੁਰੂ ਨਾਨਕ ਜੋ ਆਹੀ । ਮਸੰਦ ਲਯਾਏ ਸੁਖ ਕੇ ਤਾਹੀ ॥ 15 ॥

ਦੋਹਰਾ

ਗੁਰੂ ਮੰਤ੍ਰ ਪੌਥੀ ਜੋਉ ਸੇਲੀ ਟੋਪੀ ਸਾਥ ।
ਮਾਲਾ ਮੰਜੀ ਪਾਂਚ ਏ ਧਰ ਤਿਨ ਨਿਵਾਯਉ ਮਾਥ ॥ 16 ॥

ਚੌਪਾਈ

ਹਰਿ ਗੋਬਿੰਦ ਦਿਖ ਮਨ ਮੁਸਕਾਏ । ਬੁਢੇ ਜੀ ਕਉ ਬੈਨ ਅਲਾਏ ।
ਇਹ ਮਸੰਦ ਕਿਆ ਰਾਖਯੋ ਆਗਰ । ਬੁਢਾ ਕਹਿ ਸੁਨੀਏ ਸੁਖਸਾਗਰ² ॥ 17 ॥
ਤੁਮਤੇ ਬਾਤ ਨਾ ਕੋਈ ਛਪਾਈ ॥ ਗੁਰੂ ਨਾਨਕ ਇਹ ਰੀਤਿ ਚਲਾਈ ॥
ਇਨ ਕਰ ਗੁਰਿਆਈ ਕਉ ਧਾਰਹਿ । ਬਾਹਰ ਗੁਰੂ ਹੋਇ ਜਗੁ ਨਿਸਤਾਰਹਿ ॥ 18 ॥

ਦੋਹਰਾ

ਹਰਿ ਗੋਬਿੰਦ ਜੀ ਤਬ ਕਹਿਓ ਸੁਨ ਬੁਢਾ ਜੀ ਬੈਨ ।
ਕਾਲ³ ਪੁਰਖ ਬਚ ਕਿਆ ਕਰੇ ਸਭ ਘਟ ਜਿਸ ਕਉ ਐਨ ॥ 19 ॥

ਚੌਪਾਈ

ਜਉ ਬਦਲਾ ਪਿਤ ਸੇਲੀ ਪਯੈ । ਤਉ ਹਮ ਸੇਲੀ ਸੀਸ ਧਰਯੈ ।
ਸਸਤ੍ਰ ਧਾਰ ਜੇ ਬਦਲਾ ਪਾਵਹਿ । ਸਸਤ੍ਰ ਧਰਨਿ ਹਮ ਕਉ ਬਨ ਆਵਹਿ ॥ 20 ॥

¹ਏ ਪੌਥੀ ਨਿਵਾਯੋ ²ਅ ਪੌਥੀ ਰਤਾਨਗਰ ³ਅ ਤੇ ਏ ਪੌਥੀ ਅਕਾਲ

ਰਵਿ^੧ ਬੰਸੀ ਹਮ ਛਤ੍ਰੀ ਜਾਤਿ । ਹਮ ਕਉ ਸਦਹੀ ਜੁਧ ਸੁਹਾਤਿ ।
ਕਾਲ ਪੁਰਖਬਰ ਐਸੇ ਕਹੇ । ਆਗੇ ਜਉ ਤੁਮ ਇਛਾ ਅਹੇ ॥ 21 ॥

ਦੋਹਰਾ

ਸ੍ਰੀ ਗੁਰੂ ਕੇ ਯਾਹਿ ਬਚਨ ਸੁਨ ਹਰਖ ਬੁਢੇ ਮਨ ਲੀਨ ।
ਮੁਖ ਸਿਉ^੨ ਐਸੇ ਬਚਨ ਕਹਿ ਹਮ ਭਗਵਤਿ ਤੁਮ ਦੀਨ ॥ 22 ॥

ਚੌਪਾਈ

ਪ੍ਰਭ ਆਗਯਾ ਤੁਮ ਧਾਰਨ ਕੀਜੇ । ਇਨ ਕਉ ਇਕਠੇ ਕਹੀ ਧੀਰਜੈ ।
ਸ੍ਰੀ ਗੁਰੂ ਮੁਖ ਤੇ ਅਸ ਬਚ ਭਾਖੇ । ਤੋਸੇਖਾਨੇ ਇਹੁ ਦਿਹੁ ਰਾਖੇ ॥ 23 ॥
ਚਾਰ ਅਵਤਾਰ ਔਰ ਹਮ ਧਰਨੇ । ਕੰਤਕ ਅਨਿਕ ਜਗਤ ਮਾਹਿ ਕਰਨੇ ।
ਸੈਲੀ ਲਾਇਕ ਸੇਲੀ ਧਰੈ ॥ ਲਾਇਕ ਸਸਤ੍ਰ ਸਸਤ੍ਰ ਕਰਿ ਫਰੈ ॥ 24 ॥

ਦੋਹਰਾ

ਸਸਤ੍ਰ ਅਸਤ੍ਰ ਅਬ ਧਾਰਹੁ ਪਿਤ ਬਦਲੇ ਕੇ ਹੇਤੁ ।
ਭੂਮਿ ਭਾਰ ਸਭ ਦੂਰ ਕਰਿ ਕਹਿ ਬਚ ਪ੍ਰਭ ਜਸ ਕੇਤ ॥ 25 ॥

ਚੌਪਾਈ

ਅਸ ਕਹਿ ਤੋਸੇਖਾਨੇ ਰਾਖੇ । ਸੇਲੀ ਪੋਥੀ ਪਾਂਚ ਜੁ ਭਾਖੇ ।
ਸਾਹਿਬ-ਬੁਢੇ ਕਰ ਅਰਦਾਸ । ਪਾਗ ਦਈ ਗੁਰ ਕਉ ਰਹਿਰਾਸ ॥ 26 ॥
ਸ੍ਰੀ ਗੁਰੂ ਪਾਗ ਬਧੀ ਨਿਜ ਸੀਸ । ਦਿਖ ਸਭਹੀ ਜਾਨੈ ਨਿਜ ਈਸ ।
ਮੋਹਰੀ ਦਾਤੁ ਆਦਿਕ ਸਭ ਆਏ । ਪਗੜੀ ਸਭਨੇ ਦਈ ਬੰਧਾਏ ॥ 27 ॥

ਦੋਹਰਾ

ਰਾਗੀ ਤਬ ਆਨੰਦ ਪੜ ਕੜਾਹ ਦੀਓ ਵਰਤਾਇ ।
ਮਨ ਮਸੰਦ ਬਿਸਮਹਿ ਭਏ ਰੀਤਿ ਗੁਰੂ ਉਲਟਾਇ ॥ 28 ॥

ਚੌਪਾਈ

ਨਿਜ ਨਿਜ ਧਾਮ ਸਭੀ ਤਬ ਗਏ । ਮਸੰਦ ਮਾਤ ਗੰਗਾ ਪਹਿ ਅਏ ।
ਸੁਨਹੁ ਮਾਤ ਤੁਮ ਸੁਤ ਕਿਆ ਕਹੀ । ਰੀਤਿ ਗੁਰੂ ਨਾਨਕ ਨਹਿ ਧਰੀ ॥ 29 ॥
ਭਾਖਤ ਸਸਤ੍ਰ ਧਰਹੁ ਤਨ ਮਾਹੀ । ਸੰਗਿ ਨ ਸੈਨ ਮੁਲਖ ਕੋਉ ਨਾਹੀ ।
ਮਾਤ ਕਹਾ ਇਸ ਨਰ ਨਹੀ ਜਾਨਉ । ਸਤਿ ਪਰਮੇਸ਼ੁਰ ਨਿਸਚੈ ਮਾਨਉ ॥ 30 ॥

ਦੋਹਰਾ

ਜਾਂਕੇ ਬਚ^੩ ਪ੍ਰਗਟ ਭਏ ਤਿਹ ਬਚ ਜੁਧ ਕਰਾਇ ।
ਅਕਾਲ ਪੁਰਖ ਆਗਯਾ ਦਈ ਯਾ ਮਹਿ ਸੰਸ ਨ ਪਾਇ^੩ ॥ 31 ॥

^੧ਅ ਪੋਥੀ ਸੂਰ ^੨ਅ ਪੋਥੀ ਵਰਿ ^੩ਏ ਪੋਥੀ ਕਾਇ

ਚੌਪਾਈ

ਸੁਨੇ ਮਸੰਦਨ [ਮਨ]¹ ਧੀਰਜ ਪਾਯੋ । ਜਾਨੇ ਗੁਰੁ ਕੇ ਚਰਿਤ ਸੁਹਾਯੋ ।
ਜੇਠ ਬਿਤ ਚੌਥ ਦਿਨ ਪਿਆਨਾ । ਦੈਤ ਗੁਰੂ ਦਿਨ ਸ੍ਰੀ ਗੁਰੂ ਠਾਨਾ ॥ 32 ॥
ਹਾੜ ਪ੍ਰਿਥਮ ਏਕਮ ਬਿਤ ਮਾਹੀ । ਹਰਿ ਗੋਬਿੰਦ ਗੁਰੂ ਪਾਗ ਬੰਧਾਹੀ ।
ਹੁਕਮ ਨਾਵੇਂ ਦਿਨ ਦੁਤੀਅ ਲਖਾਏ । ਸ੍ਰੀ ਗੁਰੂ ਦੇਸਨਿ ਦੇਸ ਪਠਾਏ ॥ 33 ॥

ਦੋਹਰਾ

ਐਸੇ ਬਚਨ ਯਾ ਮਹਿ ਲਿਖੇ ਭੇਟ ਸਸਤ੍ਰੁ ਹੈ ਲਿਆਇ ।
ਪਖ ਦਿਵਸ ਆਇ ਸਭ ਯਾ ਮਹਿ ਦੇਰ ਨ ਲਾਇ ॥ 43 ॥

ਚੌਪਾਈ

ਇਹ ਬਿਧ ਦੀਏ ਮਸੰਦ ਪਠਾਈ । ਦੇਸ ਦੇਸ ਮਹਿ ਖਬਰ ਜਨਾਈ ।
ਹਾੜ ਪਚੰਮੀ ਕਉ ਦਿਨ ਜਾਨ । ਸ੍ਰੀ ਗੁਰੂ ਉਦਮ ਕੀਨ ਮਹਾਨ ॥ 35 ॥
ਗੁਰਦਾਸ ਬੁਢੇ ਕਉ ਲੈ ਨਿਜ ਸਾਥ । ਤਖਤ ਅਰੰਭ ਕਰਿ ਦੀਨਾ ਨਾਥ ॥
ਜਹ ਭਗਵਤ ਥੀ ਆਗਿਆ ਦਈ । ਤਹਾਂ ਅਰੰਭ ਸਤਿ ਗੁਰੂ ਜੀ ਕਈ ॥

ਦੋਹਰਾ

ਰਵਿ ਦਿਨ ਪਚੰਮ ਬਿਤ ਲਗਨ ਉਤਮ ਸਮਾ ਵਿਚਾਰਿ ।
ਅਤਿ ਮੰਗਲ ਸਿਉ ਸਤਿਗੁਰੂ ਬਾਜੇ ਅਧਿਕ ਸੁਧਾਰਿ ॥ 37 ॥
ਕਰ ਅਰਦਾਸ ਸ੍ਰੀ ਸਤਿਗੁਰੂ ਪੁਨ ਪ੍ਰਸਾਦਿ ਵਰਤਾਇ ।
ਪ੍ਰਿਥਮ ਨੀਵੇਂ ਸ੍ਰੀ ਗੁਰੂ ਰਖੀ ਅਬਚਲ ਤਖਤ ਸੁਹਾਇ ॥ 38 ॥

ਚੌਪਾਈ

ਕਿਸੀ ਰਾਜ ਨਹਿ ਹਾਥ ਲਗਾਯੋ । ਬੁਢੇ ਐ ਗੁਰਦਾਸ ਬਨਾਯੋ ।
ਖਚਤ ਰੇਖਤਾ ਤਖਤ ਅਕਾਰ । ਬਨਾਯੋ ਕਣਕ ਉਚ ਨਿਰਧਾਰ ॥ 39 ॥
ਸ੍ਰੀ ਗੁਰੂ ਦਿਖ ਇਹ ਬਚਨ ਉਚਾਰਾ । ਸਮਾ ਪਾਇ ਇਹੁ ਬਨੈ ਅਪਾਰਾ ।
ਸੁੰਦਰ ਸਵਰਨ ਬਡੀ ਛਬਿ ਪਾਵੈ । ਦੇਖ ਤਾਹਿ ਬੈਕੁੰਠ³ ਲਜਾਵੈ ॥ 40 ॥

ਦੋਹਰਾ

ਇਹ ਬਿਧ ਤਖਤ ਬਨਾਇਓ ਸ੍ਰੀ ਗੁਰੂ ਅਪਨੈ ਹਾਥ ।
ਜਨੁ ਜਹਾਜ ਜਗੁ ਤਰਨ ਕਉ ਰਚਯੋ ਸੁ ਦੀਨਾ ਨਾਥ ॥ 41 ॥

ਸਵੇਯਾ

ਦੇਸਨਿ ਦੇਸ ਨਿਦੇਸ ਸੁਨੀ ਗੁਰੂ ਆਵਤਿ ਭਏ ਸਭ ਸੂਰ ਅਪਾਰਾ ।
ਸਸਤ੍ਰੁ ਅਸ੍ਰੁ ਲੀਏ ਗੁਰੂ ਭੇਟਿ ਸੁ ਚਾਹ ਭਰੇ ਮਨ ਮਾਂਹਿ ਉਦਾਰਾ ।
ਹਾੜ ਬਿਤੀਤ ਭਯੋ ਦਿਨ ਬਿੰਸ ਸੁ ਸੰਗਤਿ ਆਇ ਗੁਰੂ ਨਿਕਟਾਰਾ ।
ਦਸਰਥੀ ਜਸ ਤਿਲਕ ਕੇ ਹੇਤ ਅਏ ਸਭ ਭੂਪ ਲੈ ਦਰਬ ਅਪਾਰਾ ॥ 42 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਭਾਈ ³ਅ ਤੇ ਦ ਪੋਥੀ ਸੂਰਗ

ਕੁੰਡਲੀਆ

ਸਾਹਿਬ ਬੁਢੇ ਅਸ ਕਹਾ ਸੁਨਹੁ ਪ੍ਰਭ ਸੁਖ ਪਾਇ ।
 ਸੁਤਰੀ ਔਰ ਨਿਸਾਨ ਕਉ ਢਾਢੀ ਲੇਹੁ ਮੰਗਾਇ ।
 ਢਾਢੀ ਲੇਹੁ ਮੰਗਾਇ ਰਹੈ ਸੁਰ ਸਿੰਘ ਗੁਰ ਸਦਨਾ ।
 ਅਬਦੁਲ ਤਾਕਾ ਨਾਮ ਤਾਂਹਿ ਮਨ ਮੋਹੁ ਸੁ ਮਦਨਾ ।
 ਬੁਢੇ ਬਚ ਸੁਨ ਸਿਖ ਪਠਯੋ^੧ ਗੁਰੁ ਪ੍ਰਭ ਸੁਖ ਪਾਇ ।
 ਸੁਤਰੀ ਨਿਸਾਨ ਮੰਗਾਯੋ ਅਬਦੁਲ ਲੀਓ ਮੰਗਾਇ ॥ 43 ॥

ਅੜਿਲ

ਅਕਾਲ ਪੁਰਖ ਤਬ ਆਯੋ ਬਹੁ ਸੁਖ ਪਾਇਕੈ ।
 ਭਾਈ ਬੁਢੇ ਗੁਰ ਕਉ ਦਰਸ ਦੇ ਆਇ ਕੇ ।
 ਮੁਖ ਸਿਉਂ ਭਾਖੈ ਬੈਨ ਦੇਰ ਨਹਿ ਠਾਨੀਏ ॥
 ਹੋ ਦਸਮੀ ਥਿਤਿ ਰਵਿਵਾਰ ਅਮੋਲਕ ਜਾਨੀਏ ॥ 44 ॥
 ਭਗਤ ਸਿੰਘ ਦਸ ਖੜੋਸ ਦਿਨ ਗਏ ਹਾੜ ਕੇ ।
 ਦਸਮੀ ਥਿਤੀ ਉਦਾਰ ਮਹੂਰਤ ਗਾੜ ਕੇ ।
 ਆਗਯਾ ਪ੍ਰਭ ਕੀ ਮਾਨ ਗੁਰੁ ਸੁਖ ਪਾਇਯੋ ।
 ਹੋ ਸੁੰਦਰ ਪਹਿਰ ਪੁਸ਼ਾਕ ਸੋ ਬਯੋਤ ਬਨਾਇਯੋ ॥ 45 ॥

ਦੋਹਰਾ

ਦਰਸ ਹੇਤ ਸੰਗਤਿ ਖੜੀ ਆਇ ਤਬੈ ਸਮੁਹਾਇ ।
 ਪੂਜਾ ਹਮ ਚਾੜਹਿ ਤਬੈ ਜਬ ਗੁਰ ਤਖਤ ਸੁਹਾਏ ॥ 46 ॥

ਸਵੈਯਾ

ਪੀਤ ਪੁਸ਼ਾਕ ਧਰੀ ਸੁਖ ਸਾਗਰ ਅਰੁ ਕਲਗੀ ਗੁਰ ਸੀਸ ਸੁਹਾਏ ।
 ਔ ਭੁਜ ਅੰਗਦ ਸੋਹਤਿ ਹੈ ਫੁਨਿ ਪੀਠ ਪੈ ਚਰਮ^੨ ਧਰੀ ਛਬ ਪਾਏ ।
 ਦੋ ਅਸਿ ਲੈ ਭਗਵੰਤ ਤਬੈ ਗੁਰ ਕੇ ਗਰਿ ਡਾਰ ਦੀਏ ਹਰਖਾਏ ।
 ਮੀਰੀ ਕੀ ਮੀਰ ਔ ਪੀਰੀ ਕੀ ਪੀਰ ਸੁ ਦੋਊ ਧਰੀ ਭਗਵੰਤ ਅਲਾਏ ॥ 47 ॥

ਚੌਪਾਈ

ਇਹ ਬਿਧ ਸਸਤ੍ਰੁ ਸਭੈ ਤਨ ਧਾਰੈ । ਹਰਿ ਗੋਬਿੰਦ ਗੁਰ ਮਨ ਹਰਖਾਰੈ ।
 ਤਖਤ ਬੰਦਨਾਂ ਕਰ ਮਨ ਲਾਈ । ਬੈਠੇ ਤਖਤ ਨਿਕਟ ਹਰਖਾਈ^੩ ॥ 48 ॥
 ਕਹਿ ਭਗਵੰਤ ਯਾ ਪਰ ਪਗ ਧਾਰੋ । ਬੈਠ ਤਖਤ ਨਿਜ ਸਤ੍ਰੁਨ ਮਾਰੋ ।
 ਸ੍ਰੀ ਗੁਰ ਕਹਿ ਹਮ ਤੁਮਰੇ ਦਾਸ । ਹਮ ਕਉ ਸੇਵ ਬਨੇ ਅਰਦਾਸ ॥ 49 ॥

^੧ਅ ਪੋਥੀ ਭੋਜਯੋ ^੨ਅ ਪੋਥੀ ਢਾਲ ^੩ਅ ਪੋਥੀ ਗੁਰਜਾਈ

ਦੋਹਰਾ

ਕਹਿ ਭਗਵੰਤ ਨਿਜ ਮੋਹਿ ਮਹਿ ਭੇਦ ਕਛੂ ਨਹਿ ਚੀਨ ।
ਅਕਾਲ ਤਖਤ ਇਹ ਨਾਮ ਕਰ ਤੋਹਿ ਨਾਮ ਨਹਿ ਕੀਨ ॥ 50 ॥

ਚੌਪਾਈ

ਜਬ ਲਗ ਤੁਮ ਦੇਹ ਧਾਰ ਸੁਹਾਵੇ ॥ ਤਬ ਲਗ ਤੁਮ ਯਾਂ ਪਰ ਛਬਿ ਪਾਵੇ ।
ਪਾਛੇ ਸਸਤ੍ਰ ਰੂਪ ਮੁਹਿ ਜਾਨੋ ॥ ਮਮ ਪੂਜਾ ਕੀ ਇਹ ਠਾਂ ਮਾਨੋ ॥ 51 ॥
ਐਸੇ ਕਹਿ ਗੁਰ ਭੁਜਾ ਗਹਾਏ । ਅਕਾਲ ਪੁਰਖ ਮਨ ਮਹਿ ਹਰਖਾਏ ।
ਸ੍ਰੀ ਗੁਰ ਉਪਰ ਤਖਤ ਬਹਾਯੋ । ਸੁਰ ਨਰ ਜੈ ਜੈ ਕਾਰ ਬੁਲਾਯੋ ॥ 52 ॥

ਦੋਹਰਾ

ਬੀਰਾਸਨ ਬੈਠੇ ਗੁਰੂ ਪ੍ਰਭੂ ਤਿਲਕ ਤਬ ਕੀਨ ।
ਸਿਖ ਸੰਗਤ ਐਸੇ ਲਖਯੋ ਸਾਹਿਬ ਬੁਢੇ ਦੀਨ ॥ 53 ॥
ਬਹੁ ਮੰਗਲ ਤਬਹੀ ਭਯੋ ਸ੍ਰੀ ਗੁਰੂ ਰੂਪ ਦਿਖਾਇ ।
ਦਾਸ ਕਵੀ' ਉਸਤਤਿ ਕਰੀ ਪਾਂਚ ਸਵੈਯੇ ਗਾਇ ॥ 54 ॥

ਸਵੈਯਾ

ਸੋਹਤਿ ਸੀਸ ਧਰੇ ਕਲਗੀ ਰਵਿ ਕੀ ਪ੍ਰਭਤਾ ਜਿਹ ਦੇਖ ਲਜਾਵੈ ।
ਜਿਗਾ ਗੁਰੂ ਮਸਤਕ ਛਬ ਪਾਵਤ ਦੇਖ ਸਸੀ ਮਨ ਮੈ ਖੁਨਸਾਵੈ ।
ਮੁਖ ਮੰਡਲ ਕੀ ਛਬ ਕੈਸੇ ਕਹਉਂ ਸਮ ਪਾਵਕ ਕੋਇ ਨ ਨੈਨ ਦਿਖਾਵੈ ।
ਸੁੰਦਰ ਐਸੇ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਕੈ ਬਲ ਜਾਵੈ ॥ 55 ॥
ਬੀਰ ਬੀਰਾਸਨਿ ਸੋਹ ਨਿਧਾਸਨ ਪੰਕਜ ਹਾਥ^੨ ਸੁ ਬਾਨ ਫਿਰਾਵੈ ।
ਕੰਠ ਬਿਖੈ ਅਸਿ ਦੋਇ ਬਿਰਾਜਤ ਚਰਮ ਸੁ ਸੁੰਦਰ ਪੀਠ ਸੁਹਾਵੈ ।
ਬਾਵੇਂ ਹੀ ਹਾਥ ਬਿਖੈ ਧਨ ਰਾਜਤ ਦੇਖ ਗਾਂਡੀਵ ਮਨੈ ਸੁਕਚਾਵੈ ।
ਸੁੰਦਰ ਐਸੇ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਕੈ ਬਲ ਜਾਵੈ ॥ 56 ॥
ਸੁੰਦਰ ਪੀਤ ਦੁਕੁਲ ਸੁਹਾਵਤ ਦੇਖ ਛਟਾ ਮਨ ਮਹਿ ਖੁਨਸਾਵੈ ॥
ਸਾਜਲ ਮੇਘ ਸਮਾਨ ਤਨੂ ਪਿਖ ਰੰਚ ਸਿਯਾਮ ਗੁਰੂ ਤਨ ਭਾਵੈ ।
ਰਾਮ ਕ੍ਰਿਸ਼ਨ ਸਮਾਨ ਬਿਰਾਜਤ ਗੁਰੂ ਨਿਜ ਦਾਸਨਿ ਘਾਮ^੩ ਮਿਟਾਵੈ ।
ਸੁੰਦਰ ਐਸੇ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਕੈ ਬਲ ਜਾਵੈ ॥ 57 ॥
ਜਾਂ ਚਤੁਰਾਨਨ^੪ ਖੋਜਤ ਹਰਿ ਕਛੁ ਅੰਤ ਨ ਨੇਤਹਿ ਨੇਤ ਸੁਨਾਵੈ ।
ਸੋ ਭਗਵੰਤ ਭਯੋ ਵਸਿ ਸੰਤ ਬਿਰਾਜ ਕੈ ਤਖਤ ਮਹਾ ਛਬ ਪਾਵੈ ।
ਸੰਗਤ ਸਿਖ ਨਿਹਾਲ ਕੀਏ ਗੁਰ ਕੋਟਿ ਰਵੀ ਲਖ ਤੇਜ ਲਜਾਵੈ ।
ਸੁੰਦਰ ਐਸੇ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਕੈ ਬਲ ਜਾਵੈ ॥ 58 ॥

^੧ਅ ਤੇ ਦ ਪੋਥੀ ਭਟ ^੨ਅ ਤੇ ਦ ਪੋਥੀ ਹਸਤਕਮਲ ^੩ਅ ਪੋਥੀ ਤਪਤ ^੪ਅ ਪੋਥੀ ਬ੍ਰਹਮਾ

ਆਗੇ ਜੁ ਸਿਖ ਅਪਾਰ ਖੜੇ ਗੁਰ ਦਰਸਨ ਦੇਖਨ ਕਉ ਅਕੁਲਾਵਹਿ ।
ਬ੍ਰਹਮ ਮੁਨੀ ਸ਼ਿਵ ਧਯਾਨ ਨ ਪਾਵਤ ਸੋਊ ਧਰਾ ਪ੍ਰਭ ਤਖਤ ਸੁਹਾਵਹਿ ।
ਦੀਨ ਦਿਆਲ ਸਦਾ ਕਿਰਪਾਲ ਸੁ ਦਾਸ ਨਿਹਾਲ ਕਰੈ ਗੁਨ ਗਾਵਹਿ ।
ਸੁੰਦਰ ਐਸੇ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਕੈ ਬਲ ਜਾਵਹਿ ॥ 59 ॥

ਦੋਹਰਾ

ਕਵਿ ਉਸਤਤਿ ਗੁਰ ਕੀ ਕਰੀ ਇਹ ਇਛਾ ਮੁਹਿ ਪੂਰ ।
ਤੁਮਰੇ ਗੁਨ ਨਿਸਦਿਨ ਕਹਉ^੧ ਮਨ ਵਿਖੇਪ^੨ ਕਰ ਦੂਰ ॥ 60 ॥
ਅਬਦੁਲ ਢਾਢੀ ਦੇਖ ਛਬਿ ਸ੍ਰੀ ਗੁਰ ਤਖਤ ਸੁਹਾਇ ।
ਸਨਮੁਖ ਹਵੈ ਠਾਢਾ ਭਯੋ ਪੌੜੀ ਜਸ ਪ੍ਰਗਟਾਇ ॥ 61 ॥

ਪਉੜੀ

ਸਚਾ ਤਖਤ ਸੁਹਾਯੋ ਸ੍ਰੀ ਗੁਰੂ ਪਾਇ ਕੈ ।
ਛਬ ਬਰਨੀ ਨਹਿ ਜਾਇ ਕਹਉ^੧ ਕਿਆ ਗਾਇ ਕੈ ।
ਰਵਿ ਸਸਿ ਭਏ ਮਲੀਨ ਸੁਦਰਸ ਦਿਖਾਇ ਕੈ ।
ਸ੍ਰੀ ਗੁਰ ਤਖਤ ਬਿਰਾਜੈ ਪ੍ਰਭੁ ਧਿਆਇ ਕੈ ।
ਮੀਰ ਅਬਦੁਲ ਐ ਨਥਾ ਜਸ ਕਹੇ ਬਨਾਇ ਕੈ ॥ 62 ॥

ਦੋਹਰਾ

ਅਸਿ ਉਸਤਤਿ ਢਾਢੀ ਕਰੀ ਸੁਨ ਗੁਰ ਭਏ ਕ੍ਰਿਪਾਲ ॥
ਸ੍ਰੀ ਗੁਰ ਬਚ ਐਸੇ ਕਹੇ ਢਾਢੀ ਭਯੋ ਨਿਹਾਲ ॥ 63 ॥

ਚੌਪਾਈ

ਪੁਨ ਢਾਢੀ ਕਉ ਬਚਨ ਸੁਨਾਏ । ਰਹੋ ਨਿਕਟ ਹਮਰੇ ਸੁਖ ਪਾਏ ।
ਵਾਰ ਸਭੀ ਸੂਰਨ ਕੀ ਗਾਵਉ । ਠਾਢੇ ਆਗੇ ਨਿਤ ਸੁਨਾਵਉ ॥ 64 ॥
ਸਤਿ ਬਚਨ ਢਾਢੀ ਮਨ ਲੀਨੇ । ਸੰਗਤ ਕਉ ਗੁਰੂ ਆਗਿਆ ਦੀਨੇ ।
ਹੁਮ ਹੁਮਾਇ ਸੰਗਤਿ ਸਭਿ ਆਈ । ਹੋ ਪਟ ਸਸਤ੍ਰ ਸੁ ਪੂਜ ਚੜਾਈ ॥ 65 ॥

ਦੋਹਰਾ

ਤੁਰੰਗ ਅਨਿਕ ਬਹੁ ਰੰਗ ਕੇ ਸਸਤ੍ਰ ਕੀਮ^੩ ਜਿਹ ਭਾਰ ।
ਤਾਂਹਿ ਸਮੇ ਪੂਜਾ ਚੜੀ ਕੋ ਕਵਿ ਸਕੇ ਉਚਾਰ ॥ 66 ॥

ਚੌਪਾਈ

ਪਾਛੇ ਸ੍ਰੀ ਗੁਰੂ ਆਗਯਾ ਦੀਨੇ । ਬਵੰਜਾ ਬੀਰ ਬਪੁ ਧਰੇ ਨਵੀਨੇ ।
ਛੀਪੋ ਝੀਵਰ^੩ ਔਰ ਤਖਾਨ । ਨਾਈ ਗ੍ਰਿਹ ਉਤਰੇ ਸਭ ਆਣ ।
ਸੋ ਗੁਰ ਆਗੇ ਖਰੇ ਨਿਹਾਰੇ । ਗਰੀਬ ਨਿਵਾਜ ਬਿਰਦ ਜਿਹ ਭਾਰੇ ।
ਸਿਖ ਕਉ ਕਹਾ ਪੂਛਹੁ ਇਨ ਜਾਏ । ਕੌਨ ਦੇਸ ਕਿਹ ਕਾਰਨ ਆਏ ॥ 67 ॥

^੧ਅ ਤੋ ਏ ਪੋਥੀ ਕਲੇਸ ^੨ਅ ਪੋਥੀ ਮੂਲ ^੩ਅ ਤੋ ਏ ਪੋਥੀ ਮਹਿਰੇ

ਦੋਹਰਾ

ਜਾਇ ਸਿਖ ਪ੍ਰਫੁਲਨ ਕਰਾ ਕੌਨ ਹੇਤ ਤੁਮ ਆਇ ।
ਦਰਸ ਹੇਤ ਆਏ ਇਹਾਂ ਯੋ ਸਭ ਕਹਾ ਸੁਨਾਇ ॥ 68 ॥

ਚੌਪਾਈ

ਮਾਝੇ ਔਰ ਦੁਆਬੇ ਵਾਸੀ । ਕਿਸੀ ਜਨਮ ਮਾਲਵ ਸੁਖ ਰਾਸੀ ।
ਚਾਰ ਸਹਿਸ¹ ਸੂਰਾ ਬਲਕਾਰੀ । ਸਕਤਿ ਨ ਗਹੀ ਬੀਰ ਤਨ ਧਾਰੀ ॥ 69 ॥
ਸਭ ਤਿਹ ਸਿਖ ਕਉ ਐਸ ਅਲਾਵਹਿ । ਨਹਿ ਢਿਗ ਦਰਬ ਜਉ ਪੂਜ ਚੜ੍ਹਾਵਹਿ ।
ਹਮ ਅਨਾਥ ਸਿਰ ਭੇਟਾ ਕੀਨੇ । ਦਯਾ ਸਿੰਧ ਕਉ ਯੋਂ ਕਹਿ ਦੀਨੇ ॥ 70 ॥

ਦੋਹਰਾ

ਸੁਨਿ ਸਿਖ ਤਾਕੇ ਬਚਨ ਕੋ ਆਯੋ ਗੁਰੁ ਨਿਕਟਾਇ ।
ਦਰਸ ਹੇਤਿ ਆਏ ਪ੍ਰਭੂ ਸੀਸਨ ਭੇਟ ਚੜ੍ਹਾਇ ॥ 71 ॥

ਚੌਪਾਈ

ਬੀਰ ਬਵੰਜਾ ਗੁਰੁ ਨੇ ਜਾਨੇ । ਮੁਖ ਸਿਉ ਯਾਂ ਬਿਧਿ ਬਚਨ ਬਖਾਨੇ ।
ਸਭ ਕੋ ਲਿਆਵੇ ਨਿਕਟ ਬੁਲਾਈ । ਲਿਯਾਯੋ ਬੋਲ ਸੁ ਤੀਬਰ² ਜਾਈ ॥ 72 ॥
ਸਭ ਆਇ ਚਰਨ ਬੰਦਨਾ ਕੀਨੀ । ਚਾਰ ਸਹਸ ਸਭ ਹੋਇ ਅਧੀਨੀ ।
ਪੁਨ ਨਿੰਮ੍ਰਿ ਤਿਨ ਬਚਨ ਉਚਾਰੇ । ਸੀਸ ਭੇਟ ਪ੍ਰਭੂ ਹਮਹਿ ਪੁਕਾਰੇ ॥ 73 ॥

ਦੋਹਰਾ

ਦੀਨ ਹੇਤ ਸਿਰ ਦੇਹਿੰਗੇ ਐਸ ਬਾਤ ਦ੍ਰਿੜ ਕੀਨ ।
ਚਾਰ ਸਹਿਸ ਸੂਰਾ ਬਲੀ ਕ੍ਰਿਪਾ ਸਿੰਧੁ ਮਨ ਚੀਨ ॥ 74 ॥

ਚੌਪਾਈ

ਮੁਖ ਸਿਉ ਧੰਨ ਧੰਨ ਬਚਨ ਉਚਾਰੇ । ਦੀਏ ਅਸਵ ਪੁਨ ਸਸਤ੍ਰ ਅਪਾਰੇ ।
ਚਾਰ ਸਹਿਸ ਹੈ ਦੀਏ ਅਮੋਲਾ । ਇਛਾਚਾਰੀ ਸੂਰ ਅਡੋਲਾ ॥ 75 ॥
ਬਿਧਿਆ ਪੈੜਾ ਔਰ ਪਿਆਣਾ । ਚੌਥਾ ਜੇਠਾ ਕਹੋ ਬਖਾਣਾ ।
ਸਹਸ ਸਹਸ ਤਾਬਿਆ³ ਇਨ ਦੀਏ । ਚਾਰੋ ਸਿਖ ਸੈਨਾਪਤੀ ਕੀਏ ॥ 76 ॥

ਦੋਹਰਾ

ਭਗਤ ਸਿੰਘ ਮੰਗਲ ਬਢੇ ਸੁਤਰੀ ਬਜਤ ਨਿਸ਼ਾਨ ।
ਦੇ ਦਰਸਨ ਕ੍ਰਿਤ ਕ੍ਰਿਤ ਕਰਹਿ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 77 ॥

ਚੌਪਾਈ

ਸਭ ਕੌਤਕ ਭਗਵੰਤ ਦਿਖਾਯੋ । ਗੁਰੁ ਢਿਗ ਬੈਠ ਨ ਕਿਸੀ ਲਖਾਯੋ ।
ਕਾਲ⁴ ਪੁਰਖ ਭੇ ਅੰਤਰਿ ਧਿਆਨਾ । ਹਰਿਗੋਬਿੰਦ ਗੁਰ ਬੰਦਨ ਠਾਨਾ ॥ 78 ॥

¹ਅ ਪੌਥੀ ਹਜਾਰ ²ਅ ਪੌਥੀ ਤਬਹੀ ³ਅ ਤੇ ਏ ਪੌਥੀ ਅਧੀਨ ⁴ਅ ਪੌਥੀ ਅਕਾਲ

ਦੋਇ ਜਾਮ ਦਿਨ ਅਯੋ ਨਿਹਾਰੀ । ਉਠੇ ਪ੍ਰਭੂ ਸਾਹਿਬ ਅਵਤਾਰੀ ।
ਜਾਇ ਮਾਤ ਪਗ ਨਿਯਾਯੋ ਸੀਸਾ । ਗੰਗ ਮਾਤ ਬਹੁ ਦਈ ਅਸੀਸਾ ॥ 79 ॥

ਦੋਹਰਾ

ਭਗਤ ਸਿੰਘ ਪ੍ਰਫਨ ਕੀਓ ਹੇ ਪ੍ਰਭੂ ਮੋਹਿ ਸੁਨਾਇ ।
ਨਿਤ ਕੋਤਕ ਕੈਸੇ ਕਰਹਿ ਸ੍ਰੀ ਗੁਰ ਦੀਨ ਸਹਾਇ ॥ 80 ॥

ਚੌਪਾਈ

ਮਨੀ ਸਿੰਘ ਕਹਿ ਚਰਿਤ ਅਪਾਰਾ । ਹਰਿਗੋਬਿੰਦ ਯੋ ਕਰਹਿ ਮੁਰਾਰਾ ।
ਚੌਕੀ ਪਾਂਚ ਸ਼ਬਦ ਕੀ ਸੁਨੈ । ਪਾਛੇ ਗੁਰੂ ਨਾਨਕ ਜਸ ਗੁਨੈ ॥ 81 ॥
ਰਹੀ ਜਾਮ ਨਿਸਿ ਆਸਾ ਵਾਰ । ਕਰ ਇਸ਼ਨਾਨ ਸੁਨਤ ਹਿਤ ਧਾਰ ।
ਪਾਛੇ ਅਰਧ ਜਾਮ ਦਿਨ ਆਏ । ਚੌਕੀ ਆਨੰਦ ਸੁਨ ਮਨ ਲਾਏ¹ ॥ 82 ॥

ਦੋਹਰਾ

ਸਵਾ ਜਾਮ ਦਿਨ ਕੇ ਚੜੇ ਚੌਕੀ ਤ੍ਰਿਤਿਆ ਸੁਨਾਇ ।
ਚਰਨ ਕਮਲ ਕੀ ਪ੍ਰੇਮ ਸਿਉ ਪੁਨ ਪਰਸਾਦਿ ਛਕਾਇ ॥ 83 ॥
ਚਾਰ ਘੜੀ ਬਿਸ੍ਵਾਮ² ਕਰ ਸਤਿਨਾਮ ਕਰ ਧਿਆਨ ।
ਡੇਢ ਜਾਮ ਦਿਨ ਕੇ ਰਹੇ ਸਤਿਗੁਰੁ ਕਰੇ ਪਯਾਨ ॥ 84 ॥

ਚੌਪਾਈ

ਚਾਰ ਸਹਸ ਸੂਰਾ ਸੰਗ ਲੈ ਕੇ । ਬਾਜ ਕੁਹੀ ਜੁਰੇ ਸੰਗਿ ਕੈਕੇ ।
ਬਨੈ ਜਾਂਹਿ ਸੰਗ ਸਵਾਨ ਅਪਾਰਾ । ਇਹ ਬਿਧ ਸ੍ਰੀ ਗੁਰੁ ਖੇਲ ਸ਼ਿਕਾਰਾ ॥ 85 ॥
ਭਗਤਿ ਸਿੰਘ ਕਹਿ ਜੋ ਗੁਰੁ ਭਏ । ਖੇਡ ਸ਼ਿਕਾਰ ਨ ਕਾਹੂੰ ਗਏ ।
ਮਨੀ ਸਿੰਘ ਕਹਿ ਸੰਸ ਨਾ ਧਾਰੋ । ਯਾ ਕਾ ਉਤਰ ਯਹੀ³ ਬਿਚਾਰੋ ॥ 86 ॥

ਦੋਹਰਾ

ਪਾਂਚ ਗੁਰੂ ਕੇ ਸਿਖ ਜੋ ਜਿਨੈ ਗਯਾਨ ਨਹਿ ਆਇ ।
ਬਹੁਰ ਤਿਨਹਿ ਨਿੰਦਾ ਕਰੀ ਮ੍ਰਿਗ ਪੰਖੀ ਤਨ ਪਾਇ ॥ 87 ॥

ਚੌਪਾਈ

ਸਸਤ੍ਰ ਸਾਥ ਤਿਹ ਕਰ ਕਲਯਾਨਾ । ਹਰਿਗੋਬਿੰਦ ਗੁਰੁ ਕ੍ਰਿਪਾ ਨਿਧਾਨਾ ।
ਜੀਵਤ ਜੋ ਸਿਖ ਗੁਰੁ ਪਹਿ ਆਵੈ । ਸਬਦਿ ਵਿਚਾਰ ਦੇ ਮੁਕਤਿ ਕਰਾਵੈ ॥ 88 ॥
ਇਹ ਬਿਧ ਖੇਲਹਿ ਨਿਤ ਸ਼ਿਕਾਰਾ । ਪਸੂ ਪੰਖੀ ਕਰ ਮੁਕਤਿ ਅਪਾਰਾ ।
ਬਹੁਰੋ ਅਰਧ ਜਾਮ ਦਿਨ ਰਹੈ । ਸ੍ਰੀ ਗੁਰੁ ਅਕਾਲ ਤਖਤ ਪਰ ਬਹੈ ॥ 89 ॥
ਸੋਦਰ ਚੌਕੀ ਲਾਇ ਦੀਵਾਨ । ਚਤੁਰਥ ਸੁਨੈ ਅਧਿਕ ਸੁਖ ਮਾਨ ।
ਪਚੰਮ ਚੌਕੀ ਕਾਨੜਾ ਗਾਵਹਿ । ਸੋਹਿਲਾ ਸੁਨ ਬਿਸ੍ਵਾਮ ਸੁ ਪਾਵਹਿ ॥ 90 ॥

¹ਅ ਪੋਥੀ ਲਿਗਸਾਏ ²ਅ ਪੋਥੀ ਆਰਾਮ ³ਅ ਤੋ ਦ ਪੋਥੀ ਸਹੀ

੬

ਦੋਹਰਾ

ਇਹ ਬਿਧਿ ਨਿਤ ਬਿਵਹਾਰ ਗੁਰੁ ਕਰਹਿ ਸਦਾ ਸੁਖ ਖਾਨ ।

ਜਾਸ ਨਾਮ ਕੇ ਲੇਤ ਹੀ ਕਾਲ ਦੂਤ ਛਡ^੧ ਜਾਨ ॥ 91 ॥

ਤਖਤ ਪੂਜ ਕਰਬੇ ਨਮਿਤ ਗੁਰਦਾਸ ਭਾਈ ਠਹਿਰਾਇ ।

ਨਿਤ ਕਰਾਇ ਇਸਨਾਨ ਸੋ ਪੁਸ਼ਪ ਸੁੰਗਧ ਲਗਾਇ ॥ 92 ॥

ਚੌਪਾਈ

ਹਰਿਗੋਬਿੰਦ ਗੁਰੁ^੨ ਪਰ ਉਪਕਾਰੀ । ਢਾਢੀ ਅਬਦੁਲ ਲੀਓ ਹਕਾਰੀ ।

ਇਹ ਬਿਧ ਤਾ ਕਉ ਬਚਨ ਸੁਨਾਏ । ਸੁਨਾਵੇ ਵਾਰ ਅਧਿਕ ਮਨ ਲਾਏ ॥ 93 ॥

ਸੋਦਰ ਪਾਛੇ ਧਰ ਚਿਤ ਪ੍ਰੇਮਾ । ਠਾਢਾ ਹੁਇ ਆਗੇ ਨਿਤ ਨੇਮਾ ।

ਬਚਨ ਗੁਰੂ ਕੇ ਸਤਿ ਕਰ ਮਾਨੇ । ਵਾਰ ਸੁਨਾਵੇ ਨਿਤ ਸੁਖ ਠਾਨੇ ॥ 94 ॥

ਦੋਹਰਾ

ਨਿਤ ਵਾਰ ਸ੍ਰੀ ਗੁਰੁ ਸੁਨਹਿ ਪੁਨ ਮਨ ਮਹਿ ਅਸ ਲਯਾਇ ।

ਕਰਉਂ ਸੋਇ ਜਗਿ ਰੀਤਿ ਅਬ ਜੋ ਬਿਧਿ ਔਰ ਕਰਾਇ ॥ 95 ॥

ਪਾਈ

ਅਕਾਲ ਤਖਤ ਇਹ ਜਗ ਮਹਿ ਭਯੋ । ਹੋਇ ਅਖੈ^੩ ਜੋ ਇਹ ਠਾਂ ਦਯੋ ।

ਤਾਂਤੇ ਇਹੈ ਚਲਾਵਉਂ ਰੀਤਿ । ਗੁਰੁ ਅਰਜਨ ਹਿਤ ਵੇਉਂ ਸੁ ਪ੍ਰੀਤਿ ॥ 96 ॥

ਮਨ ਮਹਿ ਸ੍ਰੀ ਗੁਰੁ ਏਹੁ ਵਿਚਾਰਾ । ਪੁਨ ਬੁਢੇ ਕਉ ਬਚਨ ਉਚਾਰਾ ।

ਹੈ ਪੁਸ਼ਾਕ ਪਿਤ ਕੇ ਹਿਤ ਦਯੋ । ਜਗਤ ਰੀਤਿ ਸਭ ਕੀਨੀ ਚਹਯੋ ॥ 97 ॥

ਦੋਹਰਾ

ਪ੍ਰਿਥਮੈ ਪੂਜ ਚੜਾਈਐ ਇਹ ਠਾਂ ਤਖਤ ਅਕਾਲ ।

ਪਾਛੈ ਸ੍ਰੀ ਦਰਬਾਰ ਜੀ ਰਹੈ ਰੀਤਿ ਤਿੰਨ^੪ ਕਾਲ ॥ 98 ॥

ਸ੍ਰੀ ਗੁਰੁ ਕੇ ਇਮ ਬੈਨ ਸੁਨ ਬੁਢੇ ਕੀਨ ਉਚਾਰ ।

ਜੋਉ ਕਰਉ ਸੋਉ ਭਲੇ ਤੁਮ ਜਗੁ ਰੀਤਿ ਅਗਾਰ ॥ 99 ॥

ਚੌਪਾਈ

ਜੋ ਕਿਛੁ ਕਰਓ ਭਲੋ ਹੈ ਸੋਈ । ਕਹ ਗੁਰੁ ਕਰ ਭਗਵੰਤ ਸੋ ਹੋਈ ।

ਇਤਨੇ ਮਹਿ ਪ੍ਰਭ ਜੀ ਪ੍ਰਗਟਾਯੋ । ਬੁਢੇ ਸ੍ਰੀ ਗੁਰੁ ਦਰਸਨ ਪਾਯੋ ॥ 100 ॥

ਭਗਵੰਤ ਚਰਨ ਬੰਦਨਾ ਕੀਨੀ । ਬੁਢੇ ਸ੍ਰੀ ਗੁਰੁ ਹੋਇ ਅਧੀਨੀ ।

ਮਹਾਂਕਾਲ^੫ ਤਬ ਬਚਨ ਉਚਾਰੇ । ਭਲੀ ਬਾਤ ਤੁਮ ਮਨ ਮਹਿ ਧਾਰੇ ॥ 101 ॥

ਦੋਹਰਾ

ਸ਼ਾਂਤ ਰੂਪ ਹੈ ਮੈ^੬ ਰਹਹੂੰ ਹਰਿ ਮੰਦਰ ਕੈ ਮਾਹਿ ।

ਰਜੋ ਰੂਪ ਇਹ ਠਾਂ ਰਹਉ ਅਕਾਲ ਤਖਤ ਸੁਖ ਪਾਇ ॥ 102 ॥

^੧ਅ ਪੌਥੀ ਭਜ ^੨ਅ ਪੌਥੀ ਸਤਿਗੁਰ ^੩ਅ ਪੌਥੀ ਅਕਸੈ ^੪ਅ ਤੇ, ਏ ਪੌਥੀ ਤ੍ਰੈ ^੫ਅ ਤੇ ਏ ਪੌਥੀ ਅਕਾਲਪੁਰਖ

^੬ਅ ਪੌਥੀ ਹਉ

ਚੌਪਾਈ

ਤਖਤ ਪੂਜ ਤੁਮ ਪ੍ਰਿਥਮੇ ਕਰੋ । ਸਵਾਈ ਹਰਿ ਮੰਦਰ ਤੇ ਧਰੋ ।
 ਪਾਛੇ ਹਰਿ ਮੰਦਰ ਪੁਜਾਵੇ । ਤੁਮ ਕਉ ਦਿਖ ਸਭ ਹੀ ਮਨੁ ਲਾਵੇ ॥ 103 ॥
 ਯਹਿ ਕਹਿ ਪ੍ਰਭ ਭਏ ਅੰਤਰ ਧਿਆਨਾ । ਹਰਿ ਗੋਬਿੰਦ ਗੁਰ ਉਦਮ ਠਾਨਾ ।
 ਜਬ ਗੁਰੁ ਪ੍ਰਿਥਮੈ ਤਖਤ ਸੁਹਾਯੋ । ਦਖਣ ਤੇ ਇਕ ਹਸਤੀ ਆਯੋ ॥ 104 ॥

ਦੋਹਰਾ

ਹਸਤੀ ਜਰੀ ਪੁਸ਼ਾਕ ਲੈ ਅਸ ਅਰੁ ਚਰਮ ਬੰਦੂਕ ।
 ਔਰ ਤੁਨੀਰ ਖਤੰਗ ਯੁਤ ਪੰਚਮ ਧਨੁਖ ਅਚੂਕ ॥ 105 ॥

ਚੌਪਾਈ

ਔਰ ਕੜਾਹ ਗੁਰ ਬਹੁਤ ਕਰਾਯੋ । ਸਾਹਿਬ ਬੁਢਾ ਸੰਗਿ ਲਵਾਯੋ ।
 ਇਹ ਪੂਜਾ ਸਭ ਤਖਤ ਚੜਾਈ । ਹਰਿ ਗੋਬਿੰਦ ਗੁਰੁ ਪਿਤ ਹਿਤ ਲਾਈ ॥ 106 ॥
 ਕਰ ਅਰਦਾਸ ਭਾਈ ਗੁਰਦਾਸ । ਸਭੀ ਪੂਜ ਰਾਖੀ ਨਿਜ ਪਾਸ ।
 ਕੜਾਹ ਪੁਸ਼ਾਦਿ ਦੀਓ ਵਰਤਾਈ । ਸੁਰ ਨਰ ਜੈ ਜੈ ਕਾਰ ਸੁਨਾਈ¹ ॥ 107 ॥

ਦੋਹਰਾ

ਹਸਤੀ ਢਾਢੀ ਕੋ ਦੀਓ ਭਾਈ ਜੀ ਜੁਤ ਸਾਜ ।
 ਆਯੁਧ ਰਾਖੇ ਪਾਸ ਨਿਜ ਜਾਨ ਗਰੀਬ ਨਿਵਾਜ ॥ 108 ॥

ਚੌਪਾਈ

ਸ੍ਰੀ ਗੁਰੁ ਪੁਨ ਦਰਬਾਰ ਸੁਹਾਏ । ਹੈ ਪੁਸ਼ਾਕ ਜੁਤ ਤਹਾਂ ਚੜਾਏ ।
 ਪੁਸ਼ਾਦ ਵਰਤਾਇ ਗੁਰੁ ਬੰਦਨ ਧਾਰ ॥ ਦਰਸਨ ਡੇਉਚੀ ਕੀਓ ਦਿਦਾਰ ॥ 109 ॥
 ਬਹੁਰ ਆਇ ਗੁਰ ਤਖਤ ਸੁਹਾਈ । ਇਸ ਬਿਧ ਰੀਤੀ ਸਕਲ ਕਰਾਈ ।
 ਸ੍ਰੀ ਮੁਖ ਸਿਉ ਅਸ ਬਚਨ ਉਚਾਰੇ । ਸੁਨਹੁ ਸਿਖ ਸਭ ਹੀ ਗੁਰੁ ਪਿਆਰੇ ॥ 110 ॥

ਦੋਹਰਾ

ਗੁਰੁ ਸਿਖ ਜੋ ਕਿਹ ਠਾਂ ਮਰੇ ਜਗਤ ਕ੍ਰਿਆ ਨਹਿ ਹੋਇ ।
 ਤਾਂਹਿ ਨਮਿਤਿ ਦੇਵੈ ਇਹਾਂ ਤਿੰਹ ਪਾਛੈ ਹੋਇ ਜਾਇ ॥ 111 ॥

ਚੌਪਾਈ

ਕੜਾਹ² ਪੁਸ਼ਾਕ ਤਾਂਹਿ ਹਿਤ ਦੇਵੈ । ਹੋਇ ਅਖੈ³ ਸੁਖ ਸਿਉ ਫਲ ਲੇਵੈ ।
 ਜਥਾ ਸ਼ਕਤ ਜੋ ਪੂਜ ਚੜਾਈ । ਤਖਤ ਅਕਾਲ ਸੋ ਬਡ ਫਲ ਪਾਈ ॥ 112 ॥
 ਡੇਉਚੀ ਪੂਜਾ ਤਖਤ ਚੜਾਵੈ । ਪੁਨ ਦਰਬਾਰ ਕੀ ਪੂਜ ਕਰਾਵੈ ।
 ਸੋ ਨਰ ਮੁਕਤਿ ਤਬੈ ਹੁਇ ਜਾਇ । ਪਰਮ ਧਾਮ ਸ੍ਰੀ ਗੁਰੁ ਕਾ ਪਾਇ ॥ 113 ॥

¹ਅ ਪੋਥੀ ਅਲਾਈ ²ਅ ਪੋਥੀ ਪੁਸ਼ਾਦ ³ਅ ਤੇ ਏ ਪੋਥੀ ਅਕਸੈ

ਚੌਪਾਈ

ਭਗਤ ਸਿੰਘ ਮਨ ਮਾਂਹਿ ਵਿਚਾਰੋ । ਜੇ ਦਿਨ ਕਾ ਹਉਂ ਚਰਿਤ ਉਚਾਰੋ ।
 ਬਢੈ ਗ੍ਰਿਥ ਸੇਸ ਗਥ ਗਾਏ । ਤਉ ਭੀ ਅੰਤ ਨ ਤਾਕਾ ਪਾਏ ॥ 114 ॥
 ਤਾਂਤੇ ਸੁਨਹੁ ਸੰਕੋਚ ਬਖਾਨੀ । ਅਗਮ ਚਰਿਤ ਗੁਰ ਕੇ ਪਹਿਚਾਨੀ ।
 ਦੀਪਮਾਲ ਕਾ ਮੇਲਾ ਆਯੋ । ਨਰ ਨਾਰੀ ਮਨ¹ ਆਨੰਦ ਪਾਯੋ¹ ॥ 115 ॥
 ਆਯੁਤ ਹੈ ਤਬ ਚੜੇ ਅਮੋਲਾ । ਸੋਹਤ ਸ੍ਰੀ ਗੁਰ ਤਖਤ ਅਡੋਲਾ ।
 ਬਸਤਰ ਧੰਨ ਕੀ ਗਨਤਿ ਨ ਆਵੇ । ਮਨ ਬਾਂਛਾ ਕਰ ਪੂਜ ਚੜਾਵੇ ॥ 116 ॥
 ਮਾਯਾ ਹਾਥ ਨ ਗੁਰੂ ਛੁਹਾਈ । ਆਗੈ ਪੂਜ ਚੜੈ ਬਹੁ ਆਈ ।
 ਲਗੇ ਦੀਵਾਨ ਅਧਿਕ ਵਿਸਤਾਰਾ । ਕੀਰਤਨ ਹੋਤ ਅਖੰਡ ਅਪਾਰਾ ॥ 117 ॥

ਦੋਹਰਾ

ਗੁਰ ਦਰਸਨ ਕਉ ਦੇਖ ਕੈ ਸਿਖ ਸੰਗਤਿ ਹਰਖਾਇ ।
 ਤਨ ਮਨ ਧਨ ਵਾਰਹਿ ਸਭੀ ਦੇਖ ਰੂਪ ਬਲ ਜਾਇ ॥ 118 ॥

ਚੌਪਾਈ

ਸੁੰਦਰ ਵਯ ਕਿਸ਼ੋਰ ਸੁਖ ਦਾਈ । ਸ੍ਰੀ ਗੁਰ ਦ੍ਰਿਗ² ਛਬਿ ਕਹੀ ਨ ਜਾਈ ।
 ਖੰਜਨ ਮੀਨ ਕੰਜ ਸਕੁਚਾਨੇ । ਅਧਰ ਗੁਲਾਬੀ ਪੁਸ਼ਪ ਸਮਾਨੇ ।
 ਕੀਰ ਨਾਸੰਕ ਗ੍ਰੀਵ ਦਿਖਾਏ । ਲਾਜ ਖਾਇ ਬਨ ਮਾਂਹਿ ਸਿਧਾਏ ।
 ਸਿੰਧੁ ਪੁਤ੍ਰ ਗੁਰ ਬਦਨ ਦਿਖਾਈ ॥ ਭਯੋ ਲੋਪ ਮੁਖ ਦੁਤ ਦ੍ਰਿਸ਼ਟਾਈ ॥ 120 ॥

ਦੋਹਰਾ

ਦੁਆਦਸ ਰਵਿ ਗੁਰ ਰੂਪ ਲਖ ਮਨ ਮਹਿ ਬਹੁ ਸੁਕੁਰਾਇ ।
 ਕੋਟ ਭਾਨ ਕਰਤਾ ਪ੍ਰਭੂ ਮਹਿਮਾ³ ਕਹੀ ਨ ਜਾਇ ॥ 121 ॥

ਚੌਪਾਈ

ਸੰਗਤਿ ਦੇਖ ਰੂਪ ਗੁਰ ਐਸਾ । ਮਨ ਮਹਿ ਕੀਨੋ ਹਰਖ ਪ੍ਰਵੇਸਾ ।
 ਤਿਲੋਕਾ ਸਿਖ ਏਕ ਤਬੈ ਆਯੋ । ਚਰਨ ਕਮਲ ਗੁਰ ਸੀਸ ਨਿਵਾਯੋ ॥ 122 ॥
 ਹਾਥ⁴ ਜੋੜ ਤਿਨ ਬਿਨਤਿ ਸੁਨਾਈ । ਹੇ ਗੁਰ ਮੁਹਿ ਉਪਦੇਸ਼ ਕਰਾਈ ।
 ਗੁਰ ਕਹਾ ਸਤਿਨਾਮ ਰਿਦ ਧਾਰੋ । ਸਬ ਜੀਵਓਂ ਪਰ ਦਯਾ ਵਿਚਾਰੋ ॥ 123 ॥

ਦੋਹਰਾ

ਸਰਬ ਭੂਤ ਆਤਮ ਪਿਓ ਕਿਸੀ ਦੁਖਾਵੇ ਨਾਹਿ ।
 ਯਾ ਸਮ ਭਗਤਿ ਨ ਹੋਰ ਹੈ ਧਰੋ ਸਤਿ ਰਿਦ ਮਾਂਹਿ ॥ 124 ॥

ਚੌਪਾਈ

ਤਿਲੋਕੇ ਸੁਨਿਓ ਗੁਰ ਉਪਦੇਸਾ । ਰਿਦੇ ਧਾਰ ਤਬ ਕਰੀ ਆਦੇਸਾ ।
 ਗੁਰ ਬੰਦਨ ਕਰ ਘਰੀ⁵ ਸਿਧਾਨਾ । ਗਜਨੀ ਓਰ ਸੁ ਕੀਓ ਪਿਆਨਾ ॥ 125 ॥

¹ਅ ਪੋਥੀ ਮਿਲਿ ਮੰਗਲ ਗਾਯੋ । ²ਅ ਪੋਥੀ ਨੈਨ ³ਅ ਤੇ ਏ ਪੋਥੀ ਉਪਮਾ ⁴ਅ ਪੋਥੀ ਦੋਇ ਕਰ ⁵ਏ ਪੋਥੀ ਗ੍ਰਿਹ

ਗਜਨੀ ਰਾਜ ਮੁਗਲ ਕਾ ਜਾਨੋ । ਤਿਲੋਕਾ ਤਿੰਹ ਨੌਕਰ ਪਰਮਾਨੋ ।
ਪਸਾਚ ਰੁਪੈ ਰੁਜੀਨਾ ਸੋ ਪਾਵਤ । ਤਿਲੋਕਾ ਨੌਕਰਿ ਅਧਿਕ ਕਮਾਵਤ ॥ 126 ॥

ਦੋਹਰਾ

ਬਾਹਰ ਬਨ ਮਹਿ ਜਾਇ ਕੈ ਖੇਲੈ ਮੁਗਲ ਸ਼ਿਕਾਰ ।
ਨਿਤ ਨੇਮ ਐਸਾ ਕਰੇ ਤਿਲੋਕਾ ਸਾਥ¹ ਬਿਹਾਰ ॥ 127 ॥

ਚੌਪਾਈ

ਏਕ ਦਿਵਸ ਗਯੋ ਮੁਗਲ ਸ਼ਿਕਾਰਾ । ਚਲੇ ਸਾਥ ਸਭ ਸੂਰ ਹਜਾਰਾ ।
ਤਿਲੋਕਾ ਭੀ ਤਾਂਕੇ ਸੰਗ ਗਯੋ । ਦੇਖ ਮ੍ਰਿਗੀ ਕਉ ਆਗੇ ਭਯੋ ॥ 128 ॥
ਤਿਲੋਕੇ ਤਮਕ ਤੇਗ ਤਿੰਹ ਝਾਰੀ । ਗਰਭ ਸਹਿਤ ਮ੍ਰਿਗਨੀ ਭੀ² ਮਾਰੀ ।
ਤਾਂਹਿ ਉਦਰ ਤੋਂ ਬਚ ਗਿਰਾਏ । ਨਿਕਸ ਤੜਫ ਤਿੰਹ ਪ੍ਰਾਨ ਤਜਾਏ ॥ 129 ॥

ਦੋਹਰਾ

ਤਿਲੋਕਾ ਦਿਖ ਬਿਸਮੈ ਭਯੋ ਨਿਜ ਮਨ ਧ੍ਰਿਗੈ ਉਚਾਰ ।
ਗੁਰੁ ਕਾ ਬਚਨ ਬਿਸਾਰਿਓ³ ਰੇ ਜੜ ਮੂੜ ਗਵਾਰ ॥ 130 ॥

ਚੌਪਾਈ

ਗੁਰ ਕਾ ਬਚਨ ਦਯਾ ਰਿਦ ਧਾਰੋ । ਸਰਬ ਭੂਤ ਆਤਮ ਦ੍ਰਿਸ਼ਟਾਰੋ ।
ਸੋ ਵਿਸਾਰ ਤੋਹਿ ਮਨ ਤੇ ਦੀਨਾ । ਸੋ ਤਿਆਗ ਹਿੰਸਾ ਕਉ ਕੀਨਾ ॥ 131 ॥
ਤਾਂਤੇ ਤੇਗ ਰਖਹੁ ਨਹਿ ਪਾਸਾ । ਹੋਵਤਿ ਤੇਗ ਜੀਵ ਹੋਇ ਨਾਸਾ ।
ਕਾਸ਼ਟ⁴ ਤੇਗ ਮਿਆਨ ਮਧ ਡਾਰੀ । ਮੂਠ ਲੋਹ ਤਿੰਹ ਸਾਥ ਸਵਾਰੀ ॥ 132 ॥

ਦੋਹਰਾ

ਗੁਰੁ ਗੁਰੁ ਨਿਸ ਦਿਨ ਜਪੈ ਵਡ ਭੈ ਮਨ ਮਹਿ ਧਾਰ ।
ਮੁਗਲ ਮਾਨ ਤਾਂਕਾ ਕਰੈ ਸਭ ਤੇ ਅਧਿਕ ਵਿਚਾਰ ॥ 133 ॥

ਚੌਪਾਈ

ਏਕ ਦਿਵਸ ਕਿਨ⁵ ਚੁਗਲੀ ਖਾਈ । ਮੁਗਲ ਪਾਸ ਜੀਅ ਵੈਰ ਧਰਾਈ ।
ਪਚਾਸ ਰੁਪਏ ਇਹ ਪਾਵਤ ਰੋਜ । ਤਿਲੋਕਾ ਅਤਿ ਹੀ ਰਾਖਤ ਓਜ ॥ 134 ॥
ਕਾਸ਼ਟ⁴ ਤੇਗ ਮੂਠ ਧਰ ਲੋਹਾ । ਸਹੀ ਸਤਿ ਹਮ ਨੇਤ੍ਰੀ ਜੋਹਾ ।
ਕਹਾ ਮੁਗਲ [ਸੇ]⁶ ਕੈਸੇ ਮਾਨਉ । ਤੇਰੇ ਕਹਿਓ ਸਾਚ ਨਹਿ ਜਾਨਉ ॥ 135 ॥

ਦੋਹਰਾ

ਤਿਸੀ ਚੁਗਲ ਐਸੇ ਕਹਾ ਪਹਿਲੇ ਲਾਇ ਦੀਵਾਨ ।
ਪੁਨਿਹਿ ਤੇਗ ਸਭ ਕੀ ਪਿਥੋ ਪਾਛੇ ਤਾਂਹਿ ਦਿਖਾਨ ॥ 136 ॥

¹ਅ ਪੋਥੀ ਸੰਗਿ ²ਅ ਤੇ ਦ ਪੋਥੀ ਓਹ ³ਅ ਪੋਥੀ ਭੂਲਾਯੋ ⁴ਅ ਪੋਥੀ ਲਕਰੀ ⁵ਦ ਪੋਥੀ ਅਹਿ ⁶ਅ ਪੋਥੀ ਵਿਚੋਂ

ਚੌਪਾਈ

ਕਾਸ਼ਟ ਅਸ ਜਬ ਤਾਂਕੀ ਪਾਵੇ । ਤਬ ਨੌਕਰੀ ਤੇ ਤਾਂਹਿ ਹਟਾਵੇ ।
ਮੁਹਿ ਝੂਠਾ ਜੇ ਚਟੀ ਲਈਏ । ਕਰੋ ਬਿਤਰਫ ਨ ਪਾਸ ਰਖਈਏ ॥ 137 ॥
ਮੁਗਲ ਮਾਨ ਲਾਯੋ ਦੀਵਾਨ । ਬੋਲੇ ਸਭੈ ਸੂਰੇ ਧਰ ਧਿਆਨ ।
ਬੈਠੇ ਸਭ ਜੋਧੇ ਤਿੰਹ ਆਈ । ਤਬੈ ਮੁਗਲ ਨਿਜ ਤੇਗ ਦਿਖਾਈ ॥ 138 ॥

ਦੋਹਰਾ

ਮੁਗਲ ਬਹੁਰ ਦੇਖਨ ਲਗੋ ਸਭ ਕੀ ਤੇਗ ਪਛਾਨ ।
ਦੇਖੀ ਅਸ ਬਹੁ ਜੋਧ ਕੀ ਰਹੇ ਕਛੁਕ ਜਬ ਆਨ ॥ 139 ॥

ਚੌਪਾਈ

ਤਿਲੋਕੇ ਦਿਖ¹ ਮਨ ਮਹਿੰ ਭੈ ਖਾਯੋ । ਗੁਰੂ ਨਾਨਕ ਕਉ ਮਨ ਕਰੈ² ਧਿਆਇਓ ।
ਪਾਂਚ ਗੁਰੂ ਕਾ ਲੈ ਮੁਖ ਨਾਮ ॥ ਛਠੇ ਗੁਰੂ ਕਉ ਕੀਯੋ ਪ੍ਰਨਾਮ ॥ 140 ॥
ਹੇ ਗੁਰ ਤੁਮਰੋ ਸੁਨ ਉਪਦੇਸ਼ । ਮ੍ਰਿਗਨੀ ਹਤਿ ਮਨ ਪਾਇ ਕਲੇਸ਼ ।
ਦੁਯਾ ਧਾਰ ਕਾਸ਼ਟ ਅਸ ਪਾਈ । ਜਾਨ ਦਾਸ ਅਬ ਹੋਹੁ ਸਹਾਈ ॥ 141 ॥

ਦੋਹਰਾ

ਦੁੱਪਤੀ ਗਜ ਰਛਾ ਕਰੀ ਸੰਕਟ ਤਾਂਹਿ ਦਿਖਾਇ ।
ਅਬ ਸੰਕਟ ਹਮ ਪਰ ਭਯੋ ਮੇਰੀ³ ਕਰਹੁ ਸਹਾਇ ॥ 142 ॥

ਚੌਪਾਈ

ਮੁਗਲ ਤੇਗ ਜਬ ਸਭ ਦਿਖ ਪਾਈ । ਤਿਲੋਕੇ ਕਉ ਤਬ ਕਹਾ ਸੁਨਾਈ ।
ਮਿਸ੍ਰੀ⁴ ਅਪਨਿ ਦਿਖਾਵਹੁ ਕੈਸੀ । ਤਿਲੋਕੇ ਕਹਾ ਕਰੈ ਗੁਰ ਜੈਸੀ ॥ 143 ॥
ਸਤਿਨਾਮ ਕਹਿ ਤੇਗ ਨਿਕਾਰੀ । ਉਤਮ ਅਸ ਜਿੰਹ ਕੀਮਤ ਭਾਰੀ ।
ਤਿਲੋਕੇ ਦਿਖ ਧੰਨ ਗੁਰ ਕਉ ਕਹਾ । ਮੁਗਲ ਤੇਗ ਦਿਖ ਬਡ ਸੁਖ ਲਹਾ ॥ 144 ॥

ਦੋਹਰਾ

ਮੁਗਲ ਰੋਜ ਦੂਨਾ ਕੀਓ ਤਿਲੋਕੇ ਕਾ ਸਦ ਏਕ ।
ਜਾਂਹਿ ਚੁਗਲ ਨਿੰਦਾ ਕਰੀ ਤਾਂਹਿ ਰੋਜ ਦੀਓ ਛੇਕ ॥ 145 ॥

ਚੌਪਾਈ

ਮੁਗਲ ਤਾਂਹਿ ਤੇ ਚਟੀ ਲੀਨੀ । ਬਹੁਤ ਸਜਾਇ ਤਾਂਹਿ ਕਉ ਦੀਨੀ ।
ਮੂੰਹ ਕਾਲਾ ਕਰ ਦੀਓ ਹਟਾਈ । ਬਹੁਰ ਨ ਨਿੰਦੈ ਕਾਹੂ ਤਾਈ ॥ 146 ॥
ਤਿਲੋਕਾ ਪੁਨ ਗੁਰ ਢਿਗ ਆਯੋ । ਧੰਨ ਧੰਨ ਕਹਿ ਪਗ ਲਪਟਾਯੋ ।
ਰਾਖੀ ਭੇਟ ਅਧਿਕ ਗੁਰੂ ਆਗੇ । ਉਸਤਤ ਕਰੀ ਬਹੁਤ ਰਸ ਪਾਗੇ ॥ 147 ॥

¹ਅ ਪੋਥੀ ਪਿਖ ²ਏ ਪੋਥੀ ਮਾਹਿ ³ਅ ਪੋਥੀ ਹਮਾਰੀ ⁴ਅ ਪੋਥੀ ਤੇਗ

ਦੋਹਰਾ

ਤੁਮ ਤਿਲੋਕ ਕਰਤਾ ਪ੍ਰਭੂ ਦਾਸ ਭੀਰ ਜੋਹਿ ਹੋਇ ।
ਤਹਿ ਸਹਾਇ ਜਿਉ ਤਿਉ ਕਰੋ ਜਿਹ ਰਾਖਾ ਨਹਿ ਕੋਇ ॥ 148 ॥

ਚੌਪਾਈ

ਕਹਿ ਪਰਾ¹ ਚਰਨ ਪਰ ਆਏ । ਹਰਿਗੋਬਿੰਦ ਗੁਰ ਧੀਰ ਧਰਾਏ ।
ਸ੍ਰੀ ਗੁਰੁ ਕਹਾ ਦਯਾ ਅਸ ਭਾਈ । ਦਯਾ ਦੇਖ ਗੁਰ ਕਰੇ ਸਹਾਈ ॥ 149 ॥
ਤਿਲੋਕਾ ਤਬ ਗੁਰੁ ਆਗਯਾ ਲੈ ਕੇ । ਨਿਜ ਘਰ ਗਯੋ ਸੁ ਆਨੰਦ ਕੈਕੈ ।
ਔ ਇਕ ਸਿਖ ਕਟਾਰੂ ਆਯੋ । ਕਾਬਲ ਵਾਸੀ ਤਿਸੈ ਸੁਹਾਯੋ ॥ 150 ॥

ਦੋਹਰਾ

ਆਇ ਚਰਨ ਗੁਰ ਕੇ ਪਰਾ ਅਤਹੀ ਬਿਨਤਿ ਸੁਨਾਇ ।
ਹੇ ਗੁਰ ਮੋਹਿ ਕਲਿਆਨ ਕਉ ਪਰਾ ਸਰਨ ਤੁਮ ਆਇ ॥ 151 ॥

ਚੌਪਾਈ

ਕਾਬਲ ਕਾ ਸੂਬਾ ਜੋ ਭਾਰੀ । ਸੋਪੀਂ ਧੜਵਾ ਮੋਹਿ ਤਿੰਨ ਸਾਰੀ ।
ਅਹਿਨਿਸ ਤਾਕੀ ਸੇਵ ਕਮਾਵਉਂ । ਕਰਹੁ ਉਪਦੇਸ਼ ਜਿਉ ਮੁਕਤੀ ਪਾਵਉ ॥ 152 ॥
ਕਹਾ ਗੁਰੂ ਸਿਖਨ ਕਹਿ ਸੇਵੋ । ਸਤਿਨਾਮ ਜਪੁ ਮੁਕਤੀ ਲੇਵੋ ।
ਕਟਾਰੂ ਸੁਨ ਮਨਹਿ ਸੁਖ ਪਾਯੋ । ਲੈ ਨਿਦੇਸ਼ ਗ੍ਰਿਹ ਓਰ ਸਿਧਾਯੋ ॥ 153 ॥

ਦੋਹਰਾ

ਗੁਰੂ ਗੁਰੂ² ਅਹਿ ਨਿਸ ਜਪੈ ਸਿਖਨ ਸੇਵ ਕਮਾਇ ।
ਪੈਸੋ ਪੰਜ ਤਾਂ ਕਉ ਸੁਨਉ ਵਟਾ ਘਟ ਸੁ ਆਇ ॥ 154 ॥

ਚੌਪਾਈ

ਕਟਾਰੂ ਮਗਨ ਗੁਰੂ ਰਸ ਭਯਓ । ਵਟਾ ਘਟ ਲਖਤ ਨਹਿ ਭਯਓ ।
ਕਿਸੀ ਨੀਚ ਚੁਗਲੀ ਜਾ ਖਾਈ³ । ਸੂਬੇ ਕਉ ਇਹੁ ਕਹਾ ਸੁਨਾਈ ॥ 155 ॥
ਕਟਾਰੂ ਆਪਕਾ ਜੋ ਧੜਵਾਈ । ਵਟਾ ਘਟਿ ਘਟਿ ਹੀ ਪਾਈ ।
ਸੂਬਾ ਸੁਨ ਮਨ ਮਹਿ ਖੁਨਸਾਯੋ । ਤੁਰਤ ਕਟਾਰੂ ਪਕੜ ਮੰਗਾਯੋ ॥ 156 ॥

ਦੋਹਰਾ

ਵਟਾ ਹੋਰ ਮੰਗਾਇਓਂ ਨਗਰ ਤੋਲ ਜਿਹ ਪੂਰ ।
ਤਾਸਿਉਂ ਜਬ ਤੋਲਨ ਲਗੋ ਕਟਾਰੂ ਚਿਤ ਚਕ ਚੂਰ ॥ 157 ॥

ਚੌਪਾਈ

ਕਟਾਰੂ ਮਨ ਤਬ ਅਤਿ ਭੈ ਮਾਨਾ । ਸ੍ਰੀ ਗੁਰੂ ਕਾ ਤਬ ਕੀਓ ਧਿਆਨਾ ।
ਹੇ ਗੁਰ ਕਰਹੁ ਸਹਾਇ ਹਮਾਰੀ । ਪਾਵਨ ਪਤਿਤ ਬਿਰਦ ਤੁਮ ਭਾਰੀ ॥ 158 ॥

¹ਅ ਪੋਥੀ ਗਿਰਾ ²ਅ ਤੇ ਦ ਪੋਥੀ ਸਤਿਨਾਮੁ ³ਅ ਪੋਥੀ ਲਾਈ

ਇਹ ਠਾਂ ਹਰਿ ਗੋਬਿੰਦ ਗੁਰ ਸੁਆਮੀ । ਬੈਠੇ ਤਖਤ ਸੁ ਅੰਤਰਜਾਮੀ ।
ਏਕ ਗਰੀਬ ਸਿਖ ਤਬ ਆਯੋ । ਪੈਸੇ ਪਾਂਚ ਸੁ¹ ਭੇਟ ਚੜਾਯੋ ॥ 159 ॥

ਦੋਹਰਾ

ਹਾਥ² ਕਮਲ ਸ੍ਰੀ ਗੁਰੂ ਜੀ ਸੋ ਪੈਸੇ ਗਹਿ ਲੀਨ ।
ਦਾਏ ਸਿਉਂ³ ਬਾਏਂ ਕਰਹਿ ਬਾਏ ਦਾਏ ਕੀਨ ॥ 160 ॥

ਚੌਪਾਈ

ਦਿਖ ਦੀਵਾਨ ਸਭਹੀ ਬਿਸਮਾਯੋ । ਸਾਹਿਬ ਬੁਢੇ ਬੈਨ ਸੁਨਾਯੋ ।
ਹੇ ਪ੍ਰਭ ਇਹ ਕਿਆ ਕੌਤਕ ਕਰਹੋ । ਆਗੇ ਮਾਇਆ ਹਾਥ ਨ ਧਰਹੋ ॥ 161 ॥
ਕਸ ਕਿਰਪਾ ਇਹੁ ਸਿਖ ਪਰ ਕਰੇ । ਪੈਸੇ ਜਾਂਹਿ ਅਪਨਿ ਕਰ ਧਰੇ ।
ਸ੍ਰੀ ਗੁਰ ਕਹਿ ਸਿਖ ਬੜ ਜਸ ਲੀਨੋ । ਪਰ ਉਪਕਾਰ ਸਿਖ ਪਰ ਕੀਨੋ ॥ 162 ॥

ਦੋਹਰਾ

ਕਟਾਰੂ ਕਾਬਲ ਮਹਿ ਰਹੈ ਤਿਹ ਠਾਂ ਧੜਵ ਕਮਾਇ ।
ਵਟਾ ਤਿਹ ਪੂਰਾ ਕੀਓ ਪੈਸੇ ਘੰਸ ਚੜਾਇ ॥ 163 ॥

ਚੌਪਾਈ

ਬੁਢੇ ਸੁਨ ਯਹ ਕੀਨ ਉਚਾਰ । ਧੰਨ ਗੁਰੂ ਗੁਰਸਿਖ ਉਦਾਰ ।
ਤਿਹ ਠਾਂ ਵਟਾ ਪੂਰਾ ਭਯੋ । ਦਿਖ ਸੂਬੇ ਮਨ ਮਹਿ ਸੁਖ ਲਯੋ ॥ 164 ॥
ਕਟਾਰੂ ਮਨਸਬ ਅਧਿਕ ਕਰਾਯੋ । ਤੋਸ਼ੇਖਾਨਾਂ ਸਭ ਸੋਪਾਯੋ ।
ਦਈ ਸਜਾਇ ਚੁਗਲ ਕਉ ਭਾਰੀ । ਬਹੁਰ ਨ ਕਾਹੂੰ ਨਿੰਦ ਉਚਾਰੀ ॥ 165 ॥
ਹੇ ਪ੍ਰਭ ਤੁਮ ਮੁਹਿ⁴ ਕਰੀ ਸਹਾਇ । ਗਰੀਬ ਨਿਵਾਜ ਤੋਹਿ ਬਿਰਦਾਇ ।
ਯਾ ਕਹਿ ਚਰਣਹਿ ਮਸਤਕ ਧਰੀ । ਗੁਰ ਕੀ ਚਰਨ ਧੂਰ ਸਿਰ ਪਰੀ ॥ 166 ॥
ਨਿਜ ਕਰ ਸਿਉਂ ਗੁਰਿ ਧੀਰਜ ਦੀਨਉਂ । ਕਟਾਰੂ ਤੇ ਸਿਖ ਪੂਛਨ ਕੀਨਉਂ ।
ਸਭ ਬ੍ਰਿਤੰਤ ਤਿਨ ਅਪਨ ਸੁਨਾਯੋ । ਸੁਨ ਸਿਖਨਿ ਮਨ ਨਿਸਚਾ ਆਯੋ⁵ ॥ 167 ॥

ਦੋਹਰਾ

ਕਛੁ ਦਿਨ ਗੁਰ ਕੇ ਢਿਗ ਰਹਿਓ ਕਟਾਰੂ ਬਹੁ ਸੁਖ ਪਾਇ ।
ਪੁਨ ਆਗਯਾ ਲੈ ਗੁਰੂ ਕੀ ਕਾਬਲ ਓਰ ਸਿਧਾਇ ॥ 168 ॥

ਚੌਪਾਈ

ਤਬ ਲੋ ਪੋਖ ਮਾਸ ਬੀਤਾਯੋ । ਅਯੋ ਬਸੰਤ ਮਾਘ ਸੁਖਦਾਯੋ ।
ਢਾਢੀ ਅਬਦੁਲ ਵਾਰ ਉਚਾਰੈ । ਹਰਿ ਗੋਬਿੰਦ ਗੁਰ ਸੁਨ ਹਰਖਾਰੈ ॥ 169 ॥
ਸ੍ਰੀ ਗੁਰ ਦੀਨੋ ਦਰਬ ਅਪਾਰਾ । ਪੁਨ ਸ੍ਰੀ ਮੁਖ ਸੋ ਬਚਨ ਉਚਾਰਾ ।
ਗੁਰੂ ਗ੍ਰੰਥ ਮਹਿ ਬਾਈ ਵਾਰ । ਤਾਂਕੀ ਪੁਨ ਤੁਮ ਕਰਹੁ ਉਚਾਰ ॥ 170 ॥

¹ਅ ਪੌਥੀ ਤਹਿ ²ਅ ਪੌਥੀ ਕਰ ³ਅ ਤੇ ⁴ਪੌਥੀ ਮਮ ⁵ਅ ਪੌਥੀ ਮਹਿ ਬਿਸਮਾਯੋ

ਦੋਹਰਾ

ਸਤਿ ਬਚਨ ਢਾਢੀ ਕਹੇ ਨਬੂ ਢਢ ਬਜਾਇ ।

ਅਬਦੁਲ ਹਾਥ ਰਬਾਬ ਲੈ ਠਾਢਾ ਗੁਰੁ ਸਮੁਹਾਇ ॥ 171 ॥

ਚੌਪਾਈ

ਸ੍ਰੀ ਗੁਰ ਤਖਤ ਅਕਾਲ ਸੁਹਾਏ । ਬੁਢੇ ਆਦਿਕ ਨਿਕਟਿ ਬੈਠਾਏ ।

ਅਧਿਕ ਵਿਥਾਰ ਦਿਵਾਨ ਲਗਾਯੋ । ਦੇਖ ਪੁਰੰਦਰ ਮਨ ਸਕੁਚਾਯੋ ॥ 171 ॥

ਭਿੰਨ ਭਿੰਨ ਸਭ ਵਾਰ ਉਚਾਰੀ । ਢਾਢੀ ਅਬਦੁਲ ਬਲ ਛਬਿ ਧਾਰੀ ।

ਧੁਨ ਜੁਤ ਬਾਈ ਵਾਰ ਸੁਨਾਈ । ਦੋਇ ਮਾਸ ਮਹਿ ਨਿਜ ਮਨ ਲਾਈ ॥ 173 ॥

ਦੋਹਰਾ

ਲਾਇ ਪ੍ਰੇਮ ਸ੍ਰੀ ਗੁਰੁ ਸੁਨਤ ਦੇਤ ਬਿਤ¹ ਨਿਤ ਤਾਂਹਿ ।

ਚੜਿਓ ਚੇਤ ਸ੍ਰੀ ਗੁਰੁ ਜੀ ਮਨ ਮਹਿ ਧਰਾ ਉਮਾਂਹਿ ॥ 174 ॥

ਚੌਪਾਈ

ਬਾਈ ਵਾਰ ਕੀ ਧੁਨ ਸੁਨਬਾਈ । ਨੌ ਧੁਨ ਉਪਰ ਵਾਰ ਚੜਾਈ ।

ਕਰੇ ਯਾਦ ਗੁਰ ਅਰਜਨ ਬੈਨਾ । ਮਨ ਪਸੰਦ ਚਾੜੋ ਮਨ ਚੈਨਾ ॥ 175 ॥

ਅਬ ਜੋ ਗੁਰੁ ਕੇ ਮਨ [ਮਹਿ]² ਭਾਈ । ਹਰਿ ਗੋਬਿੰਦ ਧੁਨ ਸੋਇ ਚੜਾਈ ।

ਭਗਤ ਸਿੰਘ ਕਹਿ ਮੋਹਿ ਸੁਨਾਵੋ । ਕੋ ਧੁਨ ਚਾੜੀ ਵਾਰ ਅਲਾਵੋ ॥ 176 ॥

ਦੋਹਰਾ

ਮਨੀ ਸਿੰਘ ਕਹਿ ਸੁਨੋ ਸਿਖ ਤੋ ਸਮ ਧੰਨ ਨ ਕੋਇ ।

ਗੁਰੁ ਚਰਿਤ ਸੁਨ ਇਛ ਜਾਂਹਿ ਨਿਸ ਦਿਨ ਐਸੀ ਹੋਇ ॥ 177 ॥

ਚੌਪਾਈ

ਚੇਤ੍ਰ ਸੁਦੀ ਸਪਤਮੀ ਜਾਨਉਂ । ਹਰਿ ਗੋਬਿੰਦ ਗੁਰ ਉਦਮ ਠਾਨਉਂ ।

ਕਰ ਇਸਨਾਨ ਮੰਤ੍ਰ ਜਪ ਕੀਨਉਂ । ਗੁਰਦਾਸ ਬੁਢੇ ਕੋ ਉਦਮ ਦੀਨਉਂ ॥ 178 ॥

ਕਰ ਇਸਨਾਨ ਸਭ ਇਕਠਾਏ । ਦਿਵਾਨ ਲਾਇ ਨਿਸ ਜਾਮ ਰਹਾਏ ।

ਸ੍ਰੀ ਗੁਰੁ ਤਬ ਗੁਰਦਾਸ ਕੋ ਕਹਾ । ਲਿਆਵੋ ਗੁਰੁ ਗ੍ਰੰਥ ਸੁਖ ਲਹਾ ॥ 179 ॥

ਦੋਹਰਾ

ਗੁਰੁ ਗ੍ਰੰਥ ਕੀ ਕੋਠੜੀ ਭਾਈ ਤਹਿ ਤੇ ਲਯਾਇ ।

ਗੁਰੁ ਗ੍ਰੰਥ ਧਰ ਤਖਤ ਪਰ ਸਭ ਨਿਜ ਸੀਸ ਝੁਕਾਇ ॥ 180 ॥

ਚੌਪਾਈ

ਹਰਿ ਗੋਬਿੰਦ ਢਿਗ ਤਖਤ ਬਠਾਏ । ਤਖਤ ਗ੍ਰੰਥ ਗੁਰੁ ਸੋਭਾ ਪਾਏ ।

ਭਾਈ ਕਉ ਗੁਰੁ ਯਹ ਵਰਮਾਈ । ਖੋਲੋ ਗ੍ਰੰਥ ਗੁਰੁ ਮਨ ਲਾਈ ॥ 181 ॥

¹ਅ ਪੌਥੀ ਦਰਬ ²ਅ ਪੌਥੀ ਵਿਚੋਂ

ਖੋਲ ਗ੍ਰੰਥ ਜੀ ਸੀਸ ਨਿਵਾਵਾ । ਭਾਈ ਗੁਰਦਾਸ ਬਡੇ ਸੁਖ ਪਾਵਾ ।
ਰਾਗੀ ਗਾਵਤ ਆਸਾ ਕੀ ਵਾਰ । ਲਗਉ ਦਿਵਾਨ ਅਧਿਕ ਬਿਸਤਾਰ¹ ॥ 182 ॥

ਦੋਹਰਾ

ਸਾਹਿਬ ਬੁਢੇ ਕੀ ਤਬੈ ਸ੍ਰੀ ਗੁਰੂ ਆਗਿਆ ਪਾਇ ।
ਨੌ ਧੁਨਿ ਚਾੜੀ ਵਾਰ ਕੀ ਸੁਨੇ ਸੋਇ ਚਿਤ ਲਾਇ ॥ 183 ॥

ਕਬਿੱਤੁ

ਮਲਕ ਮੁਰੀਦ ਸੁਰ ਚੰਦ੍ਰਹੜਾ ਜੁਧ ਪੂਰ,
ਤਾਕੀ ਧੁਨ ਸੁਨ ਵਾਰ ਮਾਝ ਕੀ ਚੜਾਈ ਹੈ ।
ਕਮਾਲਰਾਇ ਧਾਰ ਕ੍ਰੋਧ ਮੌਜ ਦੀਨ ਜਿਉ ਕੀਨੋ ਜੁੱਧ
ਤਾਕੀ ਧੁਨਿ ਸੁਨਿ ਵਾਰ ਗਉੜੀ ਕੀ ਲਿਖਾਈ ਹੈ ।
ਟੁੰਡੇ ਅਸ ਭਯੋ ਜਸ ਕੀਨੋ ਬਡੇ ਜੁੱਧ ਰਸ
ਧਨ ਸੁ ਅਪਾਰ ਤਾਂਹਿ ਆਸਾ ਵਾਰ ਪਾਈ ਹੈ ।
ਸਿੰਕਦਰ ਸੋ ਬਡੇ ਬਲ ਬ੍ਰਾਹਮ ਸੋ ਜੁਧ ਭਲ
ਤਾਂ ਕੀ ਧੁਨ ਬੈਰੀ² ਦਲ ਗੁਜਰੀ ਧਰਾਈ ਹੈ ॥ 184 ॥

ਸਵੈਯਾ

ਸੁਨ ਕੈ ਧੁਨਿ ਔਰ ਲਲਾ ਬਹਿਲੀਮ ਕੀ ਹੈ ਵਡਹੰਸ ਕੇ ਮਾਂਹਿ ਚੜਾਈ ।
ਜੋਧ ਸੁ ਵੀਰ ਭਯੋ ਰਣ ਧੀਰ ਪੂਰਬਾਣੀ ਸਿਉ ਰਸ ਰੁਦ੍ਰ ਮਚਾਈ ।
ਸੋ ਧੁਨ ਰਾਮਕਲੀ ਸੁਭ ਰਾਗ ਮਹਿ ਹੋਇ ਦਿਆਲ ਗੁਰੂ ਜੀ ਲਿਖਾਈ ।
ਮਹਿਮੇ ਹਸਨੇ ਜਿਮ ਜੁਧ ਕੀਓ ਧੁਨ ਸੁੰਦਰ ਸਾਰੰਗ ਵਾਰ ਧਰਾਈ ॥ 185 ॥

ਸੋਰਠਾ

ਧੁਨ ਰਾਣੇ ਕੈਲਾਸ ਮਾਲਦੇਵ ਜਿਮ ਜੁਧ ਕੀਓ ।
ਤਿਹ ਧੁਨ ਗੁਰੂ ਪ੍ਰਕਾਸ ਮਲਾਰ ਵਾਰ ਪੈ ਸੋ ਲਿਖੀ ॥ 186 ॥

ਦੋਹਰਾ

ਮੂਸੇ ਵਾਰ ਕੀ ਧੁਨ ਸੁਨੀ ਸ੍ਰੀ ਗੁਰੂ ਮਨ ਹਰਖਾਇ ।
ਵਾਰ ਕਾਨੜੇ ਪਰ ਲਿਖੀ ਸੋ ਧੁਨ ਗੁਰੂ ਪ੍ਰਗਟਾਇ ॥ 187 ॥

ਚੌਪਾਈ

ਭਗਤ ਸਿੰਘ ਇਹ ਨੌ ਧੁਨ ਚਾੜੀ । ਜਾਂ ਕੀ ਲਿਖੀ ਬ੍ਰਿਤ ਸਚ ਗਾੜੀ ।
ਸ੍ਰੀ ਗੁਰ ਨੌ ਧੁਨ ਮੁਖਹੂੰ ਉਚਾਰੀ । ਭਾਈ ਲਿਖੀ ਗ੍ਰੰਥ ਹਿਤ ਧਾਰੀ ॥ 188 ॥
ਸਭ ਸਿਖਨ ਮੁਖ ਧੰਨੁ ਧੰਨੁ ਗਾਯੋ । ਗੁਰਦਾਸ ਬੁਢੇ ਸੁਨ ਅਤਿ ਸੁਖ ਪਾਯੋ³ ।
ਜੁਗਲ ਘੜੀ ਨਿਸ ਜਬੈ ਰਹਾਈ । ਗੁਰੂ ਗ੍ਰੰਥ ਸੰਤੋਖਯੋ ਭਾਈ ॥ 189 ॥

¹ਅ ਪੋਥੀ ਹਿਤਧਾਰ ²ਅ ਪੋਥੀ ਆਰਿ ³ਅ ਤੇ ਏ ਪੋਥੀ ਹਰਖਾਯੋ

ਤਬ ਸ੍ਰੀ ਗ੍ਰੰਥ ਜੀ ਸੀਸ ਧਰਾਯੋ । ਬੁਢਾ ਸ੍ਰੀ ਦਰਬਾਰ ਸਿਧਾਯੋ ।
ਸ੍ਰੀ ਗੁਰੁ ਉਪਰ ਤਖਤ ਸੁਹਾਇ । ਸੁਨਤ ਵਾਰ ਆਸਾ ਮਨ ਲਾਇ ॥ 190 ॥

ਦੋਹਰਾ

ਪਾਇ ਭੋਗ ਤਬ ਵਾਰ ਕਾ ਰਾਗੀ ਆਨੰਦ ਲੀਨ ।
ਚੜ੍ਹਯੋ ਦਿਵਸ ਕਾਰਜ ਲਗੈ ਨਿਜ ਨਿਜ ਅਤਿ ਹਿਤ ਕੀਨ ॥ 191 ॥

ਚੌਪਾਈ

ਨਿਤ ਨੂਤਨ ਅਸ ਮੰਗਲ ਹੋਵੈ । ਗੁਰੂ ਦਰਸ ਦਿਖ ਸਭ ਦੁਖ ਖੋਵੈ ।
ਤਖਤ ਗੁਰੂ ਕਾ ਦਰਸਨ ਪਾਵੈ । ਮਰਨ ਕਾਲ ਗੁਰੂ ਸਿੰਮਿਤ ਆਵੈ ॥ 192 ॥
ਅਕਾਲ ਪੁਰਖ ਕਾ ਰੂਪ ਸਹਾਯੋ । ਗੁਰੂ¹ ਤਖਤ ਅਕਾਲ ਬਨਾਯੋ ।
ਨਿਤ ਦਰਸਨ ਜੋ ਯਾ ਕਾ ਕਰੈ । ਪੁਸ਼ਪ ਸੁੰਗਧ ਪੂਜ ਯਾ ਧਰੈ ॥ 193 ॥

ਦੋਹਰਾ

ਅਕਾਲ ਪੁਰਖ ਕੇ ਧਾਮ² ਕੋ ਦੇਹ ਤਿਆਗ ਸੋ ਜਾਇ ।
ਤਾਹਿ ਜਮੋਂ ਕਾ ਭੈ ਨਹੀਂ ਪ੍ਰਭ ਕੈ ਰੂਪ ਸਮਾਇ ॥ 194 ॥

ਚੌਪਾਈ

ਭਗਤ ਸਿੰਘ ਇਹ ਕਥਾ ਉਚਾਰੀ । ਤਖਤ ਗਾਥ ਜਗ ਮਹਿ ਸੁਖਕਾਰੀ ।
ਚੰਦੂ ਗਾਥ² ਅਬੈ ਸੁਨ ਐਸੇ । ਸ੍ਰੀ ਗੁਰੁ ਨਾਸ ਕਰੈ ਤਿੰਹ ਜੈਸੇ ॥ 195 ॥
ਇਹ ਠਾਂ ਸ੍ਰੀ ਗੁਰੁ ਆਨੰਦ ਕਰਹਿ । ਖੇਲ ਸ਼ਿਕਾਰ ਨਾ ਕਾਹੂੰ ਡਰਹਿ ।
ਤਿਹ ਠਾਂ ਚੰਦੂ ਅਤਿ ਦੁਖ ਪਾਵੈ । ਕੁਆਰੀ ਕੰਨਯਾ ਜਬ ਦ੍ਰਿਸ਼ਟਾਵੈ ॥ 196 ॥
ਰਿਣੀ ਕੁਆਰੀ ਪਿਤ ਸਿਰ ਬੈਰੀ । ਇਨ ਨੈਨਹਿ ਨਹਿ ਨਿੰਦਾ ਹੇਰੀ ।
ਏ ਤੀਨੋਂ ਹੀ ਚੰਦੂ ਮਾਂਹਿ । ਇਕਠੀ ਕੈਸੇ ਨਿੰਦਾ ਪਾਹਿ ॥ 197 ॥

ਦੋਹਰਾ

ਰਿਣੀ ਗੁਰੂ ਕਾ ਸੋ ਭਯੋ ਗੁਰੁ ਅਰਜੁਨ ਸੰਘਾਰ ।
ਕੁਆਰੀ ਕੰਨਯਾ ਘਰ ਤਿਸੈ ਬੈਰੀ ਗੁਰੂ ਮੁਰਾਰ ॥ 198 ॥

ਚੌਪਾਈ

ਜਬ ਲਾਹੌਰ ਤੇ ਚੰਦੂ ਗਯੋ । ਦਿਲੀ ਜਾਇ ਬਡੋ ਦੁਖ ਲਯੋ ।
ਬਡ ਦੁਖ ਸਿਉ ਖਟ ਬਰਖ ਬਿਤਾਏ । ਜਤਨ ਨਾ ਕੋਊ ਮਨ ਮਹਿ ਪਾਏ ॥ 199 ॥
ਕਰਤ ਵਿਚਾਰ ਏਹੁ ਮਨ ਆਈ । ਗੁਰੁ ਢਿਗ ਪਾਤੀ ਦੇਉ ਪਠਾਈ ।
ਪਾਪੀ ਲਿਖੀ ਪ੍ਰਤਿਕਾ ਐਸੇ । ਘਟ ਵਿਖ ਭਰਾ ਘ੍ਰਿਤ ਮੁਖ ਜੈਸੇ ॥ 200 ॥

¹ਅ ਪੌਥੀ ਸਤਿਗੁਰ ²ਅ ਤੇ ਏ ਪੌਥੀ ਦੇਸ ਕਥਾ

ਦੋਹਰਾ

ਬਹੁ ਅਧੀਨਗੀ ਬਚ ਲਿਖੇ ਹੇ ਗੁਰ ਤੁਮਰੋ ਸਾਕ ।
ਇਸ ਕਉ [ਗ੍ਰਿਹਿ]¹ ਦਾਸੀ ਕਰੋ ਜਾਨ ਸਤਿ ਮੁਹਿ ਵਾਕ ॥ 201 ॥

ਚੌਪਾਈ

ਨਾਤਰ ਹਰਿ ਗੋਬਿੰਦ ਸੁਨ ਬਾਤਾ । ਤੁਮਰੇ ਪਿਤ ਕੀਨੇ ਉਤਪਾਤਾ ।
ਮੋਕਉ ਕੂਕਰ² ਕੀਨ ਬਖਾਨ । ਸੋ ਫਲ ਪਾਯੋ ਸੁਨੋ ਸੁਜਾਨ ॥ 202 ॥
ਅਬ ਤੁਮ ਮਾਨ ਬਡ ਸੁਖ ਪਾਵੋ । ਨਹੀਂ ਤੋ ਤੁਮ ਭੀ ਦੁਖ ਸੰਗਿ ਜਾਵੋ ।
ਯਾ ਪਾਤੀ ਲਿਖ ਦੂਤ ਪਠਾਯੋ । ਕਿਤਕ ਦਿਵਸ ਮਹਿ ਸੋ ਚਲ ਆਯੋ ॥ 203 ॥

ਦੋਹਰਾ

ਆਗੈ ਸ੍ਰੀ ਗੁਰੁ ਤਖਤ ਪਰ ਬਡ ਸੋਭਾ ਛਬ ਦੇਤ ।
ਜੋ ਆਵਤ ਗੁਰੁ ਸਰਨ ਤਕ ਮਨ ਬਾਂਛਤ ਫਲ ਲੇਤ ॥ 204 ॥

ਚੌਪਾਈ

ਜੁਗਲ ਘਰੀ ਦਿਨ ਰਹਿਤ ਨਿਹਾਰਾ । ਸੋਦਰ ਚੌਂਕੀ ਹੋਤ ਅਪਾਰਾ ।
ਦੂਤ ਦੇਖ ਗੁਰੁ ਕੀ ਪ੍ਰਭਤਾਈ । ਬੰਦਨ ਕਰੀ ਬਹੁਤ ਮਨ ਲਾਈ ॥ 205 ॥
ਬਹੁੜ ਪਾਤੀ ਗੁਰੂ ਕੋ ਦੀਨੀ । ਹੇ ਪ੍ਰਭ ਚੰਦੂ ਬਿਨਤੀ ਕੀਨੀ ।
ਲੈ ਪਾਤੀ ਗੁਰੁ ਤਬੈ ਪੜਾਈ । ਸਗਲ ਸਭਾ ਕਉ ਉਚ ਸੁਨਾਈ ॥ 206 ॥

ਦੋਹਰਾ

ਪੜ੍ਹ³ ਪਾਤੀ ਮਨ ਰਿਸ ਅਈ ਸ੍ਰੀ ਗੁਰੁ ਕਹਾਂ ਸੁਨਾਇ ।
ਸੁਨਹੁ ਦੂਤ ਮੁਹਿ ਬੈਨ ਤੁਮ ਸਭਹੀ ਤਾਂਹਿ ਸੁਨਾਇ ॥ 207 ॥

ਚੌਪਾਈ

ਸਾਂਤ ਰੂਪ ਗੁਰੁ ਅਰਜਨ ਦੇਵਾ । ਪਾਪੀ ਨੇ ਨਹਿ ਜਾਨਯੋ ਭੇਵਾ ।
ਤੁਮ ਕੂਕਰ ਸਮ ਭੌਂਕਨ ਕਰਉ । ਹਮ ਤੁਮਰੋ ਨਹਿ ਭੈ ਮਨਿ ਧਰਉ ॥ 208 ॥
ਡੰਡੇ⁴ ਮਾਰ ਹਤਹਿ ਤੁਹਿ ਪ੍ਰਾਨਾ । ਤਬ ਜਾਨਹੁਗੇ ਅਬ ਨਹੀਂ ਜਾਨਾ ।
ਤਬ ਲਗ ਕੂਕਰ ਭੌਂਕ ਡਰਾਵੈ । ਜਬ ਲਗ ਡੰਡਾ ਸਿਰ ਨਹੀਂ ਖਾਵੈ ॥ 209 ॥

ਦੋਹਰਾ

ਆਗੇ ਡੰਡਾ ਸਿਰ ਪੜੇ ਤਬ ਭੌਂਕਨ ਮਿਟ ਜਾਇ ।
ਤੈਸੇ ਤੂੰ ਕੂਕਰ ਅਹੈ ਹਮ ਕਰ ਡੰਡਾ ਹਤਾਇ ॥ 210 ॥

ਚੌਪਾਈ

ਐਸ ਬਚਨ ਗੁਰ ਕੇ ਸੁਨ ਪਾਏ । ਚਲੇ ਦੂਤ ਦਿਲੀ ਮਹਿ ਆਏ ।
ਚੰਦੂ ਕੋ ਸਭ ਬਾਤ ਸੁਨਾਈ । ਸ੍ਰੀ ਗੁਰੁ ਜੈਸੇ ਮੁਖਹੁ ਅਲਾਈ ॥ 211 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਸੂਕਰ ³ਅ ਪੋਥੀ ਪਠ ⁴ਅ ਤੇ ਏ ਪੋਥੀ ਛਿਤਰ

ਔਰ ਕਹੀ ਗੁਰ ਤਖਤ ਬਨਾਯੋ । ਰਾਖ ਸੈਨ ਪਤਿਸ਼ਾਹ ਕਹਾਯੋ ।
ਢਾਢੀ ਕੀ ਨਿਤ ਵਾਰਾਂ ਸੁਨਹਿ । ਚੜਤੀ ਪੂਜ ਜਾਤ ਨਹਿ ਗਨਹਿ ॥ 212 ॥

ਦੋਹਰਾ

ਸੁਨ ਚੰਦੂ ਅਤਿਹੀ ਦੁਖਿਓ ਤਖਤ ਜੁ ਕਹਾਯੋ ਬਨਾਇ ।
ਏਹ ਬਾਤ ਮਨ ਮਹਿ ਧਰੀ ਕਹਹੂੰ ਸ਼ਾਹ ਸਿਉਂ ਜਾਇ ॥ 213 ॥

ਚੌਪਾਈ

ਜਾਨ ਇਕੰਤ ਸਮਾ ਚਲ ਗਯੋ । ਬੰਦਨ ਕਰ ਕੈ ਬੈਠਿਤ ਭਯੋ ।
ਪਾਤਿਸ਼ਾਹ ਤਿੰਹ ਆਦਰ ਕੀਨੋ । ਨਿਕਟ ਬਹਾਇ ਮਾਨ ਬਹੁ ਦੀਨੋ ॥ 214 ॥
ਗੁਰੁ ਅਰਜਨ ਮਾਯਾ ਬੀ ਡਾਰੀ ॥ ਤਾਂਤੇ ਗੁਰ ਕੀ ਬਾਤ ਬਿਸਾਰੀ ।
ਸਮਾ ਪਾਇ ਮਾਯਾ ਭ੍ਰਮ ਗਯੋ । ਤਬ ਚੰਦੂ ਸਿਉਂ ਪ੍ਰਫੁਟਿ ਭਯੋ ॥ 215 ॥

ਦੋਹਰਾ

ਪ੍ਰਿਥਮ ਬਾਤ ਕਛੁ ਦੇਸ ਕੀ ਚੰਦੂ ਕਹੀ ਬਨਾਇ ।
ਪੀਛੇ ਯਾਹਿ ਭਾਖਤ ਭਯੋ ਹੁਕਮ ਤਉ ਕਹਉਂ ਸੁਣਾਇ ॥ 216 ॥

ਚੌਪਾਈ

ਅਚਰਜ ਬਾਤ ਏਹ ਸੁਨ ਪਾਈ । ਹੁਕਮ ਹੋਇ ਤਉਂ ਦੇਉਂ ਸੁਨਾਈ ।
ਕਹਾ ਸ਼ਾਹ ਸਭ¹ ਭਾਖ ਸੁਨਾਵਹੁ । ਕਿਆ ਸੰਕਾ ਮਨ ਮਹਿ ਤੁਮ ਪਾਵਹੁ ॥ 217 ॥
ਕਹਿ ਚੰਦੂ ਹਜਰਤ ਸੁਨ ਐਸੇ । ਅਲੋਕਿਕ ਕਥਾ ਸੁਨੀ ਮੋਹਿ ਜੈਸੇ ।
ਗੁਰ ਅਰਜਨ ਥੇ ਤੁਮ ਪਹਿ ਆਏ । ਆਬ ਲਾਗ ਸੁਰ² ਲੋਕ ਸਿਧਾਏ ॥ 218 ॥

ਦੋਹਰਾ

ਜਹਾਂਗੀਰ ਜਬ ਹੀ ਸੁਨਾ ਗੁਰ ਅਰਜਨ ਤਨ ਤਿਆਗ ॥
ਮੁਖ ਡਰ ਅੰਗੁਲ ਆਪਨੋ ਕੀਨੋ ਬਹੁ ਵੈਰਾਗ ॥ 219 ॥

ਚੌਪਾਈ

ਬਾਦਸ਼ਾਹ ਮੁਖ ਬਚਨ ਉਚਾਰੇ ॥ ਸ੍ਰੀ ਗੁਰੁ ਥੇ ਸੁਖ ਰੂਪ ਅਪਾਰੇ³ ।
ਤੂੰ ਤਿਨ ਕਉ ਨਿਜ ਗ੍ਰਿਹਿ ਲੈ ਗਯੋ । ਬਹੁਰ ਸੰਦੇਸਾ ਹਮਹਿ ਨਾ ਦਯੋ ॥ 220 ॥
ਇਹੁ ਅਭ ਭਯੋ ਪਾਪ ਸਿਰ ਤੇਰੇ । ਦੋਸ ਨਾ ਕਛੁ ਯਾਹਿ ਮੈ ਮੇਰੇ ।
ਅਨਿਕ ਇਲਾਜ ਖਬਰ ਜੋ ਹੋਈ । ਜਤਨ ਨਾ ਚਲੈ ਖਬਰ ਬਿਨ ਕੋਈ ॥ 221 ॥

ਦੋਹਰਾ

ਆਬ ਲਾਗ ਤਿਨ ਕਉ ਭਈ ਚੰਦੂ ਬਹੁਰ ਸੁਨਾਇ ।
ਤਿਹ ਸੁਤ ਗੁਰਿਆਈ ਲਈ ਮਸਤਕ ਤਿਲਕ ਚੜਾਇ ॥ 222 ॥

¹ਅ ਪੋਥੀ ਤੁਮ ²ਅ ਤੇ ਏ ਪੋਥੀ ਪਰ ³ਅ ਪੋਥੀ ਮੁਰਾਰੇ

ਚੌਪਾਈ

ਹਰਿ ਗੋਬਿੰਦ ਨਿਜ ਨਾਮ ਰਖਾਯੋ । ਸੁਧਾ ਸੁਰੇਵਰ ਤਖਤ ਬਨਾਯੋ ।
ਸ਼ਾਹ ਤਖਤ ਸਦ ਹੈ ਚਲ ਆਏ । ਕਬੀ ਗਦਾਇ¹ ਨ ਤਖਤ ਬਨਾਏ ॥ 223 ॥
ਇਨ ਪੁਨ ਰਾਖੀ ਸੈਨ ਅਪਾਰੀ । ਭਾਖਤ ਬਦਲਾ ਲੇਵਹੁ ਭਾਰੀ ।
ਹਮਰੋ ਪਿਤ ਤੈ ਸ਼ਾਹ ਸੰਘਾਰਯੋ । ਮਾਰਉਂ ਤਿਸੈ ਬੈਰ ਇਹ ਧਾਰਯੋ ॥ 224 ॥

ਦੋਹਰਾ

ਏਹੁ ਬਾਤ ਸੁਨ ਤਾਹਿ ਕੀ ਮੋ ਮਨ ਕਉ ਨ ਸੁਹਾਇ ।
ਮਾਨੁਖ ਪਠ ਤਾਂਤੇ ਤਿਸੇ ਲਈਏ ਨਿਕਟ² ਬੁਲਾਇ ॥ 225 ॥

ਚੌਪਾਈ

ਬਾਦਸ਼ਾਹ ਪੁਨ ਬਾਤ ਸੁਨਾਈ । ਸਾਚੋ ਤਖਤ ਤਿੰਨਹੁ ਕਾ ਭਾਈ ।
ਜਾਸ ਤਖਤ ਤੇ ਇਹ ਸਭ ਭਏ । ਰਾਜ ਭੂਮਿਕਾ ਹਮ ਕਉ ਦੇਏ ॥ 226 ॥
ਤਖਤ ਭੂਮਿ ਤੇ ਇਹ ਬਿਰ ਨਾਂਹੀਂ । ਸਾਚੋ ਤਖਤ ਪੀਰ³ ਕਉ ਆਹੀ ।
ਤੈ ਜੁ ਕਹੀ ਗੁਰੁ ਰਾਖੀ ਸੈਨਾ । ਭਾਖਤ ਵੈਰ ਪਿਤਾ ਹਮ ਲੈਨਾ ॥ 227 ॥

ਦੋਹਰਾ

ਸੋਇ ਪਾਪ ਮੋਹਿ ਨਹਿ ਕੀਓ ਤੂਹਿ ਤਹਿ ਪਿਤਾ ਸੰਘਾਰ ।
ਮਾਨੁਖ ਤੁਮ ਭੇਜਯੋ ਨਹੀਂ ਧ੍ਰਿਗ ਤਹਿ ਕੀਨ ਉਚਾਰ ॥ 228 ॥

ਚੌਪਾਈ

ਮਾਨੁਖ ਪਠ ਹਮ ਤਾਂਹਿ ਬੁਲਾਵਿਹ । ਨਹੀਂ ਤਉ ਸ੍ਰੀ ਗੁਰ ਆਪਹਿ ਆਵਹਿ ।
ਹਿੰਦੂ ਹੋਇ ਤੁਹਿ ਐਸੀ ਕਈ । ਗੁਰੁ ਸੰਘਾਰ ਖਬਰ ਨਹਿ ਦਈ ॥ 229 ॥
ਬਿਰਥਾ ਹਮ ਸਿਰ ਦੋਸ ਲਗਾਏ । ਹੇ ਪਾਪੀ ਕਿਉ ਐਸ ਕਰਾਏ ।
ਚੰਦੂ ਕਹਾ ਦੋਸ ਮੋਹਿ ਨਾਹੀਂ । ਪੁੰਨੀ⁴ ਐਧ ਮ੍ਰਿਤ ਤਿਸ ਆਹੀ ॥ 230 ॥

ਦੋਹਰਾ

ਚੰਦੂ ਕਹਿ ਹੋਣੀ ਪ੍ਰਬਲ ਜਾਂਤੇ ਬਚਯੋ ਨ ਕੋਇ ॥
ਉਚ ਨੀਚ ਜਗ ਜੋ ਭਏ ਹੋਣੀ ਕੇ ਵਸਿ ਹੋਇ ॥ 231 ॥

ਚੌਪਾਈ

ਹਰੀ ਚੰਦ ਜਨਮੇਜਾ ਰਾਜਾ । ਔਰ ਕੇਕੇਈ ਕੀਨ ਕੁਕਾਜਾ ।
ਹੋਣੀ ਕ੍ਰਿਸ਼ਨ ਕੰਸ ਕਉ ਮਾਰੇ । ਹੋਣੀ ਪਾਂਡਵ ਕੁਰੂ ਸੰਘਾਰੇ ॥ 232 ॥
ਬ੍ਰਹਮਾ ਬਿਸ਼ਨ ਸ਼ਿਵ ਹੋਣੀ ਹਾਥ । ਹੋਣੀ ਜਾਨ ਸਭਨ ਕੇ ਸਾਥ ।
ਅਜੀਤ ਨਾ ਹੋਣੀ ਤੇ ਕੋਉ ਰਹਾ । ਏਕ ਅਕਾਲ ਬਿਨਾ ਸਬ ਦਹਾ ॥ 233 ॥

ਦੋਹਰਾ

ਅਕਾਲ ਰੂਪ ਸ੍ਰੀ ਸਤਿਗੁਰੂ ਚਹਹਿ ਤਾਂ ਦੇਇ ਮਿਟਾਇ ।
ਬਾਦਸ਼ਾਹ ਐਸੇ ਕਹਾ ਅਬ ਹੋਣੀ ਤੁਹਿ ਖਾਇ⁵ ॥ 234 ॥

¹ਅ ਤੇ ਏ ਪੋਥੀ ਫਕੀਰ ²ਅ ਪੋਥੀ ਪਾਸ ³ਅ ਪੋਥੀ ਗੁਰੂ ⁴ਅ ਪੋਥੀ ਪੁੰਨੀ ⁵ਏ ਪੋਥੀ ਖਪਾਇ

ਚੌਪਾਈ

ਹੋਣੀ ਕੇ ਵਸ ਚੰਦੂ ਭਯੋ । ਕਰੈ ਪਾਪ ਮਨ ਭੈ ਨਹਿ ਕਯੋ ।
 ਬਹੁਰ ਸਾਹ ਕਉ ਕਹਾ ਸੁਨਾਈ । ਮਾਨੁਖ ਪਠਿ ਗੁਰ ਲੇਹੁ ਬੁਲਾਈ¹ ॥ 235 ॥
 ਕਹਾ ਸਾਹਿ ਤੁਮ ਨਿਜ ਘਰ ਜਾਵੋ । ਬਹੁਰ ਨ ਹਮ ਕੋ ਬਾਤ ਸੁਨਾਵੋ ।
 ਚੰਦੂ ਚਿੰਤਤ ਸਦਨ ਸਿਧਾਯੋ । ਖਾਂ ਵਜੀਰ ਤਬ ਸਾਹਿ ਬੁਲਾਯੋ ॥ 236 ॥

ਦੋਹਰਾ

ਖਾਂ ਵਜੀਰ ਆਵਤ ਭਯੋ ਕਿੰਚ ਬੇਗ ਲੈ ਸਾਬ ।
 ਆਇ ਬੰਦਗੀ ਤਿਨ ਕਹੀ ਨਿਜ ਮਾਥੇ ਧਰਿ ਹਾਬ ॥ 237 ॥

ਚੌਪਾਈ

ਬਹੁ ਆਦਰ ਤਿਹ ਕੀਨੋ ਸਾਹ । ਬਹੁਰੋ ਸਾਹ ਕਰੀ ਮੁਖ ਹਾਹ ।
 ਖਾਂ ਵਜੀਰ ਤਬ ਪੂਛਤ² ਭਯੋ । ਹਜ਼ਰਤ ਹਾਹ ਕੈਸ ਮੁਖ ਕਹਿਓ ॥ 238 ॥
 ਸਾਹ ਗੁਰੂ ਕੀ ਬਾਤ ਸੁਨਾਈ । ਬੀਤ ਬਰਖ ਖਟ ਅਬ ਸੁਨ ਪਾਈ ।
 ਖਾਂ ਵਜੀਰ ਤਬ ਹਾਹ ਉਚਾਰੀ । ਗੁਰ ਅਰਜਨ ਬੇ ਰੂਪ ਮੁਰਾਰੀ ॥ 239 ॥

ਦੋਹਰਾ

ਹਮ ਕਉ ਭੀ ਸੁਧ ਨਹਿ ਕਰੀ ਜਉ ਤਿਹ ਕਰਤ ਦਿਲਾਜ ।
 ਅਲਹਿ ਭਾਵੀ ਪ੍ਰਬਲ ਹੈ ਸੁਨੋ ਸਾਹ ਸਿਰਤਾਜ ॥ 240 ॥

ਚੌਪਾਈ

ਅਬ ਤਿਹ ਸੁਤ ਕਉ ਦੇਵੋ ਮਾਨ । ਜਾਨ ਤਾਂਹਿ ਗੁਰ ਰੂਪ ਸੁਜਾਨ ।
 ਕਹਾ ਸਾਹ ਹਮਰੇ ਮਨ ਐਸੇ । ਭਾਖੋ ਬਾਤ ਤੁਮੈ ਮਨ ਜੈਸੇ ॥ 241 ॥
 ਤਾਂਤੇ ਤੁਮ ਸ੍ਰੀ ਗੁਰ ਪਹਿ ਜਾਵਉ । ਮੋਹਿ ਓਰਿ ਬਹੁ ਬਿਨਤਿ ਸੁਨਾਵਉ ।
 ਆਗਿਆ ਹੋਇ ਦਾਸ ਚਲ ਆਵੈ । ਆਵਤ ਤੁਮ ਪਹਿ ਦੇਰ³ ਨਾ ਲਾਵੈ ॥ 242 ॥

ਦੋਹਰਾ

ਨਾਤਰ ਗੁਰ ਕਿਰਪਾ ਕਰਿਹਿ ਪਾਵਨ ਸਦਨ ਕਰਾਇ ।
 ਜੀਵ ਜੰਤ ਤਾਰਨ ਨਮਿਤ ਇਹ ਠਾਂ ਸ੍ਰੀ ਗੁਰ ਆਇ ॥ 243 ॥

ਚੌਪਾਈ

ਬਿਨਤੀ ਕਰੋ ਜਾਇ ਐਸੇ ਤੁਮ । ਹਮਰੀ ਓਰ ਧਰੋ ਮਾਥਾ ਭੁਮ ।
 ਖਾਂ ਵਜੀਰ ਤਬ ਪਿਆਨਾ ਕੀਨੋ । ਕਿੰਚ ਬੇਗ ਅਪਨੇ ਸੰਗਿ ਲੀਨੋ ॥ 244 ॥
 ਮਾਰਗ ਚਲਹਿ ਧਿਆਨ ਗੁਰ ਕੇਰਾ ॥ ਚਿਤਿ ਮਹਿ ਹਰਖ ਕਬਹਿ ਗੁਰ ਹੇਰਾ ।⁴
 ਕਛੁਕ ਸੈਨ ਲੈ ਸੰਗ ਸਿਧਾਯੋ । ਚਲਤ ਪੰਥ ਅੰਮ੍ਰਿਤਸਰ ਆਯੋ ॥ 245 ॥

ਦੋਹਰਾ

ਸ਼ਿਕਾਰ ਖੇਡ ਸ੍ਰੀ ਗੁਰੁ ਅਏ ਬੈਠੇ ਤਖਤ ਸੁਹਾਇ ।
 ਚੁਟਕੀ ਸਰ ਫੇਰੇ ਪ੍ਰਭੂ ਭਾਵ ਇਹੈ ਕਵਿ ਪਾਇ ॥ 246 ॥

¹ਅ ਪੋਥੀ ਸਦਾਈ ²ੲ ਪੋਥੀ ਕਹਿਤ ³ਅ ਤੇ ੲ ਪੋਥੀ ਬਿਲਮ ⁴ਅ ਪੋਥੀ ਵਿਚੋਂ

ਚੋਪਾਈ

ਸ੍ਰੀ ਗੁਰੁ ਕਰ ਮਹਿ ਬਾਨ¹ ਫਿਰਾਵਹਿ । ਸਤ੍ਰੁ ਦਿਖ ਜਾਨਉਂ ਭੈ ਖਾਵਹਿ ।
 ਖਿਰੇ ਬਦਨ ਬੈਠੇ ਬੀਰਾਸਨ । ਇੰਦ੍ਰ ਮਨੋ ਬੈਠੇ ਸਿੰਘਾਸਨ ॥ 247 ॥
 ਕਮਲ ਸਮਾਨ ਬਦਨ ਛਬ ਪਾਈ । ਸਿਖ ਚੰਹੁ ਦਿਸ ਜਲ ਨਿਧਿ² ਨਿਆਈ ।
 ਔਰ ਭਾਵ ਕਵਿ ਕੇ ਮਨ ਆਯੋ । ਸਸੀ ਨਿਛਤ੍ਰਨ ਮਾਹਿ ਸੁਹਾਯੋ ॥ 248 ॥

ਦੋਹਰਾ

ਔਰ ਭਾਵ ਕਵਿ ਕੇ ਭਯੋ ਬਦਨ ਮੰਯਕ ਦਿਖਾਇ ।
 ਬਾਦਰ ਕਾਰੇ ਰੂਪ ਧਰ ਘੇਰਾ ਕੀਨੋ ਆਇ ॥ 249 ॥

ਚੋਪਾਈ

ਉਪਮਾ ਮੁਖ ਕਬ ਭਾਖੀ ਜਾਇ । ਚੌਕੀ ਸੰਦਰ ਗੁਰੂ ਸੁਨਾਇ ।
 ਖਾਂ ਵਜੀਰ ਤਬ ਸੁਨਮੁਖ ਆਯੋ । ਭੇਟਾ ਧਰ ਬਹੁ ਸੀਸ ਨਿਵਾਯੋ ॥ 250 ॥
 ਬਾਰ ਬਾਰ ਬਹੁ ਬੰਦਨ ਕਰੀ । ਚਰਨ ਧੂਰ ਨਿਜ ਮਾਥੈ ਧਰੀ ।
 ਬਹੁਰ ਸ਼ਾਹਿ ਕੀ ਬਿਨਤ ਉਚਾਰੀ । ਸੀਸ ਭੂਮ³ ਧਰ ਬਾਰੰਬਾਰੀ ॥ 251 ॥

ਦੋਹਰਾ

ਬਹੁਰ ਸ਼ਾਹ ਦਿਸ ਤੇ ਕਹਾ ਹੇ ਪ੍ਰਭ ਇਹ ਅਰਦਾਸ ।
 ਜਉ ਆਗਿਆ ਮੋ ਕਉ ਕਰਉ ਤਉ ਆਵਉ ਤੁਮਰੇ ਪਾਸ ॥ 252 ॥

ਚੋਪਾਈ

ਨਹੀਂ ਤਉ ਸਿਖ ਸੰਗਤਿ ਨਿਸਤਾਰੋ । ਆਇ ਇਹਾਂ ਨਿਜ ਦਰਸ ਦਿਖਾਰੋ ।
 ਜਾਨਹੁ ਆਪਨਾਂ ਮੋ ਕਉ ਦਾਸ । ਪਾਵਨ ਸਦਨ ਕਰੋ ਸੁਖ ਰਾਸ ।
 ਜਹਾਂਗੀਰ⁴ ਯੋ ਬਿਨਤ ਸੁਨਾਈ । ਹੇ ਗੁਰੂ ਦਰਸ ਦੇਹ ਮੁਹਿ ਆਈ ।
 ਸ੍ਰੀ ਗੁਰ ਕਹਾ ਰੈਨ ਤੁਮ ਰਹੋ । ਪ੍ਰਾਤ ਬਾਤ ਕਾ ਉਤਰ ਕਹੋ ॥ 253 ॥

ਦੋਹਰਾ

ਖਾਂਨ ਪਾਨ ਤਾਂਕੋ ਦੀਓ ਡੇਰਾ ਤਿਸੈ ਕਰਾਇ ।
 ਰਹਿਰਾਸ ਭੋਗ ਸੁਨ ਸ੍ਰੀ ਗੁਰੁ ਸਭ ਕਉ ਕਹਾ ਸੁਨਾਇ ॥ 254 ॥

ਚੋਪਾਈ

ਜਾਇ ਧਾਮ ਫਿਰ ਤੁਰਤੈ ਆਵਹੁ । ਨਿਜ ਨਿਜ ਸਭੈ ਸਲਾਹ ਬਤਾਵਹੁ ।
 ਬਾਦਸ਼ਾਹ ਮੁਹਿ ਨਿਕਟ ਬੁਲਾਯੋ । ਜਾਵਨ ਬਨੈ⁵ ਕਿ ਨਹੀਂ ਸੁਹਾਯੋ ॥ 255 ॥
 ਇਹ ਸੁਨ ਨਿਜ ਨਿਜ ਗ੍ਰਿਹ ਸਿਧਾਏ । ਨਿਜ ਮਨ ਗਿਨਤੀ ਸਭ ਹੀ ਪਾਏ ।
 ਚਾਰ ਘਰੀ ਨਿਸ ਜਬੈ ਬਿਹਾਈ । ਆਏ ਸਭੈ ਗੁਰੂ ਨਿਕਟਾਈ ॥ 256 ॥

¹ਏ ਪੋਥੀ ਸਰਹਿ ²ਅ ਤੇ ਏ ਪੋਥੀ ਸਾਗਰ ਕੀ ³ਅ ਪੋਥੀ ਭੋਇ ⁴ਅ ਤੇ ਏ ਪੋਥੀ ਬਾਦਸ਼ਾਹਿ ⁵ਅ ਪੋਥੀ ਚਤਯੋ

ਦੋਹਰਾ

ਬੁਢੇ ਆਦਿਕ ਸਭ ਅਏ ਮਾਤਾ ਲੀਓ ਬੁਲਾਇ ।
ਦੀਵਾਨ ਆਇ ਲਾਗਉਂ ਸਭਨ ਸ੍ਰੀ ਗੁਰੁ ਕਹੀ ਸੁਨਾਇ ॥ 257 ॥

ਚੌਪਾਈ

ਪ੍ਰਿਥਮ ਮਸੰਦਨ ਸਿਉ ਕਹਿ ਐਸੇ । ਭਾਖੇ ਨਿਜ ਨਿਜ ਮਤ ਤੁਮ ਜੈਸੇ ।
ਕੋ ਭਾਖੈ ਪ੍ਰਭ ਤਹਾਂ ਨ ਜਾਇ । ਸ੍ਰੀ ਗੁਰ ਆਗੇ ਤਹਾਂ ਹਤਾਇ ॥ 258 ॥
ਕਉ ਕਹੈ ਕਿਹ ਠਾਂ ਭਜ ਜਯੈ । ਦਿਲੀ ਓਰ ਚਰਨ ਜਿਨ ਦਯੈ ।
ਸਭ ਮਸੰਦ ਐਸੇ ਹੀ ਗਾਯੋ । ਬੁਢੇ ਕੋ ਗੁਰ ਬਚਨ ਸੁਨਾਯੋ ॥ 259 ॥

ਦੋਹਰਾ

ਗੁਰਦਾਸ ਬੁਢਾ ਜੀ ਤੁਮ ਕਹਹੁ ਮਾਤ ਸਲਾਹਿ ਰਲਾਇ ।
ਤਿਨ ਆਗੇ ਐਸੇ ਕਹਾ ਜੋ ਕੁਛ^੧ ਤੁਮਹਿ^੨ ਰਜਾਇ ॥ 260 ॥

ਚੌਪਾਈ

ਪ੍ਰਭ ਦਰਸ ਕਉ ਤਿਨ ਗਨ ਗਯਾਨਾ । ਇਹ ਬਿਧ ਸਿਉਂ ਤਿਨ ਬਚਨ ਬਖਾਨਾ ।
ਹੇ ਗੁਰ ਸੰਗਤਿ ਕਰਉਂ ਨਿਹਾਲ । ਚੰਦੂ ਮਾਰੋ ਕਰਉਂ ਬਿਹਾਲ ॥ 261 ॥
ਤੁਮ ਕਉ ਜਾਵਨ ਹੀ ਬਨਿ ਆਵੈ । ਆਗੇ ਜੋ ਤੁਮਰੇ ਮਨ ਭਾਵੈ ।
ਸ੍ਰੀ ਗੁਰ ਭਲੀ ਬਾਤ ਇਹ ਮਾਨੀ । ਕਰੈ ਪਿਆਨਾ ਏਹਾ ਮਨ ਠਾਨੀ ॥ 262 ॥

ਦੋਹਰਾ

ਨਿਜ ਨਿਜ ਗ੍ਰਿਹਿ ਸਭ ਹੀ ਗਏ ਸ੍ਰੀ ਗੁਰੁ ਆਗਿਆ^੨ ਪਾਇ ।
ਬਿਤੀ ਰੈਨ ਦਿਨ ਪਤਿ ਚੜਿਓ ਕਮਲ ਜਗਤ ਸੁਖ ਪਾਇ ॥ 263 ॥

ਚੌਪਾਈ

ਖਾਂ ਵਜੀਰ ਤਬ ਗੁਰ ਢਿਗ^੩ ਆਯੋ । ਸ੍ਰੀ ਗੁਰੁ ਤਿਸੈ ਧਿਆਨ ਸੁਨਾਯੋ ।
ਜਾਤਿ ਤਿਆਰੀ ਕੀਨੀ ਤਾਂਹਿ । ਮਨ ਮਹਿ ਤਾਂਕੇ ਭਯੋ ਉਮਾਹਿ ॥ 264 ॥
ਨਿਜ ਸੂਰਨ ਕਉ ਪ੍ਰਭੂ ਫੁਰਮਾਯੋ । ਤਯਾਰੀ ਕਰੋ ਨ ਦੇਰ ਸੁਹਾਯੋ ।
ਬੁਢੇ ਕਉ ਸ੍ਰੀ ਗੁਰ ਫੁਰਮਾਇ । ਸੇਵਾ ਤੁਮ ਦਰਬਾਰ ਕਰਾਇ ॥ 265 ॥

ਦੋਹਰਾ

ਆਇਸ ਯੋਂ ਗੁਰਦਾਸ ਕਉ ਸ੍ਰੀ ਗੁਰੁ ਕਹੀ ਸੁਨਾਇ ।
ਤਖਤ ਪੂਜ ਤੁਮ ਹੀ ਕਰੋ ਨਿਸ ਦਿਨ ਆਪ ਰਹਾਇ ॥ 266 ॥

ਚੌਪਾਈ

ਇਮ ਕਹਿ ਗੁਰੁ ਕੜਾਹ^੪ ਕਰਾਏ । ਲੈ ਆਗੇ ਦਰਬਾਰ ਸਿਧਾਏ ।
ਬੰਧਨ ਕੈ ਪਰਕ੍ਰਮਾ ਕੀਨੋ । ਕੜਾਹ^੪ ਵਰਤਾਇ ਹਰਖ ਬਹੁ ਲੀਨੋ ॥ 267 ॥

^੧ਅ ਤੇ ਏ ਪੋਥੀ ਪ੍ਰਭੂ ^੨ਅ ਪੋਥੀ ਆਇਸ ^੩ਅ ਪੋਥੀ ਨਿਕਟਿ ^੪ਅ ਪੋਥੀ ਪ੍ਰਸਾਦ

ਪੁਨਾ ਤਖਤ ਅਰਦਾਸ ਕਰਾਈ । ਕੜਾਹ ਵਰਤਾਇ ਹਰਖ ਮਨ ਪਾਈ ।
ਬਹੁਰ ਮਾਤ ਕੇ ਪਗ ਸਿਰ ਨਯਾਏ । ਦਈ ਅਸੀਸ ਮਾਤ ਗਰਿ¹ ਲਾਏ ॥ 268 ॥

ਦੋਹਰਾ

ਦਹੀ ਮਾਤ ਗੁਰ ਕਉ ਦਯੋ ਹੈ ਸੁਤ ਪਾਨ ਕਰਾਇ ।
ਪੰਚ ਗੁਰੂ ਸੁਤ ਤੋਂਹਿ ਤਨ ਨਿਸ ਦਿਨ ਕਰਹਿ ਸਹਾਇ ॥ 269 ॥

ਚੌਪਾਈ

ਕਰ ਬੰਦਨ ਗੁਰ ਕਰਿਯੋ ਪਯਾਨਾ । ਰਵਿ ਦਿਨ² ਚੌਥ ਥਿਤ ਸੁਭ ਜਾਨਾ ।
ਦੋਇ ਦਿਨ ਮਾਘ ਮਾਸ ਕੇ ਗਏ । ਅਸਵਾਰ ਅਸੂ ਪਰਗੁਰ ਜੀ ਭਏ ॥ 270 ॥
ਭਏ ਸਗੁਨ ਸਭ ਮੰਗਲਕਾਰੀ । ਬਾਲਕ ਘਟਿ ਜੁਤ ਆਈ ਨਾਰੀ ।
ਭਏ ਸਗਨ ਸਭ ਹੀ ਇਕਠਾਏ ॥ ਭਾਖੇ ਸਭੇ ਗ੍ਰਿਥ ਬਢ ਜਾਏ ॥ 271 ॥

ਦੋਹਰਾ

ਖਾਂ ਵਜ਼ੀਰ ਕਉ ਸੰਗਿ ਲੈ ਔਰ ਸੈਨ ਨਿਜ ਸਾਥ ।
ਹਰਖਤ ਬਾਜ ਬਜਾਇ ਕੈ ਚਾਲੇ ਦੀਨਾ ਨਾਥ ॥ 272 ॥

ਚੌਪਾਈ

ਤਾਂ ਦਿਨ ਏਕ ਕੋਸ ਪਰ ਡੇਰਾ । ਦਯਾ ਸਿੰਧ ਕੀਨੋ ਥਲ ਹੇਰਾ ।
ਸੁਧਾ ਸਰੋਵਰ ਕੋ ਸਿਖ ਆਵਹਿ । ਭਈ ਭੀਰ ਗੁਰ ਦਰਸਨ ਪਾਵਹਿ ॥ 273 ॥
ਗੁਰਦਾਸ ਬੁਢਾ ਬਿਦਿਆ ਹਿਤ ਆਏ । ਸੋ ਨਿਸਿ ਸ੍ਰੀ ਗੁਰ ਪਾਸ ਰਹਾਏ ।
ਭਯੋ ਪ੍ਰਾਤ ਗੁਰ ਆਗਯਾ ਕੀਨੀ । ਏਕ ਸਹਸ³ ਸੈਨਾ ਸੰਗ ਦੀਨੀ ॥ 274 ॥

ਦੋਹਰਾ

ਗੁਰਦਾਸ ਬੁਢੇ ਕਉ ਯਾ ਕਹਾ ਸਭ ਬਿਧ ਰਹੋ ਸੁਚੇਤ ।
ਸੈਨਾ ਕਉ ਐਸੇ ਕਹਾ ਇਨ ਆਗਿਆ ਧਰਿ ਹੇਤ ॥ 275 ॥

ਚੌਪਾਈ

ਲੈ ਆਗਯਾ ਅੰਮ੍ਰਿਤਸਰ ਆਏ । ਗੁਰਦਾਸ ਬੁਢਾ ਗੁਰ ਪਗਿ ਸਿਰ ਨਯਾਏ ।
ਔਰ ਸਿਖ ਜੋ ਦਰਸਨ ਆਏ । ਕਰ ਆਦਰ ਗੁਰ ਸਭੈ ਹਟਾਏ ॥ 276 ॥
ਤੀਨ ਸਹਸ ਸੈਨਾ ਸੰਗ ਲੈਕੇ । ਦਯਾ ਸਿੰਧ ਗੁਰ ਆਨੰਦ ਕੈ ਕੇ ।
ਦਿਲੀ ਕੀ ਦਿਸ ਕਿਓ ਪਿਆਨਾ । ਬਸਤ ਪੰਥ ਸਿਖ ਤਾਰਨ ਨਾਨਾ ॥ 277 ॥

ਦੋਹਰਾ

ਜੇਠੇ ਆਦਿਕ ਪਾਂਚ ਸਿਖ ਲੀਨੇ ਸ੍ਰੀ ਗੁਰੂ ਸਾਥ ।
ਪੰਥ ਚਰਿਤ ਅਨਗਨ ਕਰਤ ਪਹੁੰਚੇ ਦੀਨਾ ਨਾਥ ॥ 278 ॥

¹ਅ ਤੇ ਏ ਪੋਥੀ ਅੰਤ ²ਅ ਪੋਥੀ ਆਇਤਬਾਰ ³ਅ ਪੋਥੀ ਹਜ਼ਾਰ

ਚੌਪਾਈ

ਪੰਥ ਚਰਿਤ ਜਉਂ ਸਭੀ ਉਚਾਰੋ । ਬਾਢੈ ਗ੍ਰਿਥ ਹੋਇ ਭੈ ਭਾਰੋ ।
ਤਾਂਤੇ ਪੰਥ ਕਥਾ ਨਹੀਂ ਭਾਖੀ ॥ ਦਿਲੀ ਕੀ ਅਬ ਸੁਨਿ ਗੁਰ ਸਾਖੀ ॥ 279 ॥
ਕ੍ਰਿਸ਼ਨ ਘਾਟ ਬਲਭ ਇਕ ਰਹੈ । ਮਜਨੂੰ ਨਾਮ ਸੰਤ ਸੁਖ ਲਹੈ ।
ਏਕ ਕੋਸ ਦਿਲੀ ਤੇ ਜਾਨਉਂ । ਤਿਹ ਠਾਂ ਬਸ ਗੁਰ ਕਰੈ ਧਿਆਨਉ ॥ 280 ॥

ਦੋਹਰਾ

ਅਹਿ ਨਿਸ ਗੁਰ ਕਉ ਧਿਆਨ ਤਿਹ ਕਬ ਆਵਹਿ ਮਮ¹ ਨਾਥ ।
ਮੋਸੇ ਅਧਮ ਉਧਾਰ ਹਿਤ ਇਹ ਠਾਂ ਦੀਨਾ ਨਾਥ ॥ 281 ॥

ਚੌਪਾਈ

ਘਟਿ ਘਟਿ ਜਾਨਨਹਾਰ ਸੁਆਮੀ । ਤਿਹ ਠਾਂ ਪਹੁੰਚੇ ਅੰਤਰਜਾਮੀ ।
ਮਜਨੂੰ ਸੁਨਿਓ ਸ੍ਰੀ ਗੁਰ² ਆਏ । ਅਤਿ ਅਨੰਦ ਵਸਿ ਮੂਰਛ ਪਾਵੇ ॥ 282 ॥
ਤਬ ਲਗ ਸ੍ਰੀ ਗੁਰ ਪਹੁੰਚੇ ਤਹਾਂ । ਦੇਖ ਦਰਸ ਸੁਖ ਉਪਜਿਓ ਮਹਾਂ ।
ਚਰਨ ਕਮਲ ਗੁਰ ਸੀਸ ਨਿਵਾਯੋ । ਮਜਨੂੰ ਮਨ ਤਨ ਬਡ ਸੁਖ ਪਾਯੋ ॥ 283 ॥

ਦੋਹਰਾ

ਜੋ ਚਾਹਤ ਥਾ ਸੋ ਭਯੋ ਮਜਨੂੰ ਮਨ ਸੁਖ ਪਾਇ ।
ਦਯਾ ਸਿੰਧ ਧੀਰਜ ਦੀਓ ਨਿਜ ਕਰ ਤਾਂਹਿ ਉਠਾਇ ॥ 284 ॥

ਚੌਪਾਈ

ਤਿਸੀ ਠੌਰ ਡੇਰਾ ਗੁਰ ਕੀਨਉਂ । ਉਤਰੀ ਸੈਨ ਮਹਾਂ ਸੁਖ ਲੀਨਉਂ ।
ਖਾਂ ਵਜੀਰ ਕਉ ਗੁਰ ਫੁਰਮਾਏ । ਦੇਹੁ ਸੰਦੇਸ਼ ਸ਼ਾਹ ਸਿਉ³ ਜਾਏ ॥ 285 ॥
ਖਾਂ ਵਜੀਰ ਗੁਰ ਆਗਿਆ ਪਾਈ । ਗਯੋ ਸ਼ਾਹ ਪਹਿ ਦੇਰ ਨ ਲਾਈ ।
ਬੰਦਗੀ ਪਾਤਿਸ਼ਾਹ ਕਉ ਕਰੀ । ਦੋਊ ਹਾਥ ਨਿਜ ਸਿਰ ਪਰ ਧਰੀ ॥ 286 ॥

ਦੋਹਰਾ

ਕਹਿ ਵਜੀਰ ਗੁਰ ਆਵਨਾ ਬਾਦਿਸ਼ਾਹ ਪਹਿ ਜਾਇ ।
ਜਮਨਾ ਤਟ⁴ ਮਜਨੂੰ ਸਦਨ ਡੇਰਾ ਕੀਨੋ ਆਇ ॥ 287 ॥

ਚੌਪਾਈ

ਬਾਦਿਸ਼ਾਹ ਸੁਨ ਸੀਸ ਨਿਵਾਓ । ਖਾਂ ਵਜੀਰ ਕਉ ਇਹੁ ਫੁਰਮਾਯਓ ।
ਸੁਭਹਿ ਹੋਤ ਗੁਰੁ ਕਉ ਲੈ ਅਯਓ । ਬਿਨਤੀ ਬਹੁਤ ਬੇਰ ਮਮ ਕਯਓ ॥ 288 ॥
ਖਾਂ ਵਜੀਰ ਤਬ ਨਿਜ ਗ੍ਰਿਹਿ ਗਯਓ । ਅਰਧ ਜਾਮ ਦਿਨ ਤਬ ਹੀ ਰਹਿਓ ।
ਦਿਲੀ ਕੀ ਸੰਗਤ ਸਭ ਧਾਈ । ਆਏ ਗੁਰੁ ਸੁਨ ਆਨੰਦ ਪਾਈ ॥ 289 ॥

¹ਏ ਪੋਥੀ ਮੰਹਿ ²ਅ ਪੋਥੀ ਹਰਿ ਜੀ ³ਅ ਪੋਥੀ ਕਉ ⁴ਅ ਪੋਥੀ ਨਿਕਟ

ਦੋਹਰਾ

ਆਇ ਦਰਸ ਗੁਰ ਕਾ ਕੀਯੋ ਜਥਾ ਸਕਤਿ ਧਰ ਪੂਜ ।
ਗਰਿ ਅੰਚਰ ਬਿਨਤੀ ਕਰੈ ਜਾਨ ਸਸੀ ਗੁਰ ਦੂਜ ॥ 290 ॥

ਚੌਪਾਈ

ਸੋਦਰ ਚੌਕੀ ਭਈ ਅਪਾਰਾ । ਸਭ ਇਕਠਾਏ ਸਿਖ ਹਜਾਰਾ ।
ਗੁਰੁ ਅਰਜਨ ਕਾ ਰੂਪ ਚਿਤਾਰ । ਸੰਗਤਿ ਬਿਸਮ ਦਿਖ ਗੁਰੂ ਉਚਾਰ ॥ 291 ॥
ਸ੍ਰੀ ਗੁਰੂ ਥੇ ਸਤਿ ਚਿਤ ਅਬਿਨਾਸੀ । ਜਨਮ ਮਰਨ ਕੀ ਕਾਟਹਿ ਫਾਸੀ ।
ਤਾਰਨ ਹਿਤ ਜਗ ਇਹ ਠਾਂ ਆਏ । ਬਹੁੜ ਆਪਨੇ ਰੂਪ ਸਮਾਏ ॥ 292 ॥

ਦੋਹਰਾ

ਸਤਿਗੁਰ ਸਦ ਹੀ ਸੰਗਿ ਹਹਿ ਚਿੰਤਾ ਕਰਹੁ ਨ ਕੋਇ ।
ਸੰਗਤਿ ਸੁਨਿ ਹਰਖਤ ਭਈ ਗੁਰੂ ਬਚਨ ਕਹੇ ਜੋਇ ॥ 293 ॥

ਚੌਪਾਈ

ਰਹਿਰਾਸ ਭੋਗ ਸਭ ਹੀ ਸਿਖ ਪਾਏ । ਤਬੈ ਨਗਾਰੇ ਬਹੁਤ ਬਜਾਏ ।
ਸੰਗਤਿ ਗਈ ਸੁ ਨਿਜ ਨਿਜ ਧਾਮ । ਮਨ ਧਰ ਰੂਪ ਗੁਰੂ ਘਨ ਸਯਾਮ ॥ 294 ॥
ਕਰ ਭੋਜਨ ਸਭ ਹੀ ਕੀਓ ਸੈਨਾ । ਨਿਜ ਨਿਜ ਡੇਰੇ ਪਾਇ ਸੁ ਚੈਨਾ ।
ਜਾਨ ਇਕੰਤ ਗੁਰੂ ਪਹਿ ਆਯੋ । ਮਜਨੂੰ ਗੁਰੂ ਪਗ ਸੀਸ ਨਿਵਾਯੋ ॥ 295 ॥

ਦੋਹਰਾ

ਇਹ ਜਗ ਸਾਚ ਕਿ ਝੂਠ¹ ਹੈ ਮਜਨੂੰ ਪ੍ਰਸਨ ਕਰਾਇ ।
ਝੂਠ ਕਹੋ ਤਉ ਭਾਸ ਹੈ ਸਤਿ² ਕਹੋ ਮਰ ਜਾਇ ॥ 296 ॥

ਚੌਪਾਈ

ਸ੍ਰੀ ਗੁਰੂ ਉਤਰ ਤਾਕਾਂ ਦੀਨਾ । ਧਰ ਅੰਗੁਲ ਦ੍ਰਿਗ ਦੋ ਸਸਿ ਚੀਨਾ ।
ਤਾਂਕੀ ਦ੍ਰਿਸ਼ਟਿ ਸੁ ਦੁਇ ਸਸਿ ਆਵੈ । ਔਰ ਸਭੈ ਸਸਿ ਏਕ ਦਿਖਾਵੈ ॥ 297 ॥
ਤੈਸ ਮੋਹ ਭ੍ਰਮ ਜਿਸ ਦ੍ਰਿਗ ਛਾਯੋ । ਤਾਕੋ ਸਤਿ ਜਗਤ ਦ੍ਰਿਸ਼ਟਾਯੋ ।
ਗੁਰ ਪਗ ਰਜ ਜਿਹ ਕੀਨਉ ਅੰਜਨ । ਭ੍ਰਮ ਨਿਵਾਰ ਮਨ ਮੋਹ ਸੁ ਗੰਜਨ ॥ 298 ॥

ਦੋਹਰਾ

ਸੁਪਨ ਸ੍ਰਿਸਟ ਸਮ ਜਗਤ ਕਉ ਸੋ ਨੇਤ੍ਰੀ ਦ੍ਰਿਸ਼ਟਾਇ ।
ਸਤਯਾਤਮ ਨਿਜ ਰੂਪ ਲਖ³ ਰਜ ਸਮ ਜਗਤ ਬਿਲਾਇ ॥ 299 ॥

ਚੌਪਾਈ

ਸੁਨ ਮਜਨੂੰ ਭ੍ਰਮ ਦੂਰ ਨਿਵਾਰੀ । ਗੁਰ ਪਗੁ ਰਜ ਅੰਜਨ ਦ੍ਰਿਗ ਧਾਰੀ ।
ਦਸਮ ਦੁਆਰ ਨਿਜ ਰੂਪ ਲਖਾਯੋ । ਧੰਨ ਧੰਨ ਸ੍ਰੀ ਗੁਰ ਕਉ ਗਾਯੋ ॥ 300 ॥

¹ਅ ਪੌਥੀ ਮਿਥਯਾ ²ਅ ਪੌਥੀ ਸਾਚ ³ਅ ਪੌਥੀ ਪਿਖ

ਨਿਸ ਬਹਾਇ ਗੁਰ ਕਰਿ ਇਸ਼ਨਾਨਾ । ਅਜਪਾ ਜਾਪੁ ਕੋ ਕਰ ਚਿਤ ਧਿਆਨਾ ।
ਸ੍ਰੀ ਗੁਰ ਸੁੰਦਰ ਲਾਇ ਦੀਵਾਨ । ਬੈਠੇ ਸੰਗਤ ਮਹਿ ਕ੍ਰਿਪਾ ਨਿਧਾਨ ॥ 301 ॥

ਦੋਹਰਾ

ਕੜਾਹ ਪ੍ਰਸਾਦਿ ਅਨਗਨ ਲੀਏ ਸੰਗਤਿ ਅਈ ਅਪਾਰ ।
ਦਿਲੀ ਕੇ ਵਾਸੀ ਸਭੈ ਆਏ ਸਿਖ ਕਈ ਹਜਾਰ ॥ 302 ॥

ਚੌਪਾਈ

ਆਨੰਦ ਕੀ ਚੌਕੀ ਜਬ ਹੋਵੈ । ਸਿਖ ਸੰਗਤਿ ਦੁਖ ਮਨ ਕੇ ਖੋਵੈ ।
ਤਬ ਲੋ ਖਾਂ ਵਜੀਰ ਚਲ ਆਯੋ । ਆਇ ਸਮੁਹਿ ਗੁਰ ਸੀਸ ਨਿਵਾਯੋ ॥ 303 ॥
ਮੁਖ ਸਿਉਂ ਕਹਾ ਯਾਦ ਕਰਿ ਸ਼ਾਹ । ਦਰਸਨ ਕੀ ਤਾਂਕੇ ਮਨ ਚਾਹਿ ।
ਹੇ ਗੁਰ ਚਲਹੁ ਕਿਰਪਾ ਧਾਰੇ । ਹਰਿ ਗੋਬਿੰਦ ਯੋਂ ਬਚਨ ਉਚਾਰੇ ॥ 304 ॥

ਦੋਹਰਾ

ਭੋਗ ਸੁਨਹਿ ਚਲਹਹਿ ਤਹਾਂ ਸੰਗਤ ਦਰਸ ਦਿਖਾਇ ।
ਕੀਰਤਨ ਹੋਵਤ ਸੁਨਤ ਹੈ ਪੁਨਿਹ ਪ੍ਰਸਾਦਿ ਵਰਤਾਇ ॥ 305 ॥

ਚੌਪਾਈ

ਖਾਂ ਵਜੀਰ ਤਬ ਬਿਨਤੀ ਕਰੀ । ਹਮ ਭੀ ਤੁਮ¹ ਗ੍ਰਿਹਿ ਕੇ ਸਿਖ ਹਰੀ¹ ।
ਹਮ ਕਉ ਭੀ ਦੇਵੋ ਪਰਸਾਦਿ । ਪੁਨਹਿ ਸ਼ਾਹਿ ਹਿਤ ਦੇਵੋ ਯਾਦ ॥ 306 ॥
ਏਕ ਥਾਲ ਗੁਰ ਤਾਂਕੇ ਦਯੋ । ਦੁਤੀ ਥਾਲ ਹਿਤ ਸ਼ਾਹ ਪਠਯੋ ।
ਲੈ ਕੜਾਹ ਤਬ ਗਯੋ ਵਜੀਰ । ਸੁਨਹੋ ਸਿਖ ਬਡੇ ਮਤ ਧੀਰ ॥ 307 ॥

ਦੋਹਰਾ

ਅਪਨ ਥਾਲ ਗ੍ਰਿਹਿ ਰਾਖਯੋ ਗਯੋ ਸ਼ਾਹਿ ਨਿਕਟਾਇ² ।
ਬਾਦਿਸ਼ਾਹ ਹਮਾਮ ਤੇ ਤਬ ਹੀ ਨਿਕਸਿਓ ਨ੍ਹਾਇ ॥ 308 ॥

ਚੌਪਾਈ

ਬਾਦਿਸ਼ਾਹ ਕਉ ਰੁਚ ਉਪਜਾਈ । ਖਾਣਾ ਹੋਇ ਕਛੂ ਮੁਖ ਪਾਈ ।
ਖਾਂ ਵਜੀਰ ਤਬ ਹੀ ਢਿਗ ਆਯੋ । ਦੇਖ ਸ਼ਾਹ ਤਿਨ ਐਸ ਅਲਾਯੋ ॥ 309 ॥
ਆਏ ਗੁਰ ਤਿਨ ਕਹਾ ਉਚਾਰਿ । ਆਏ ਹਉਂ ਸ੍ਰੀ ਗੁਰ ਕਰਤਾਰਿ ।
ਪੁਨਾ ਸ਼ਾਹ ਕਹਿ ਇਹ ਕਿਆ ਲਾਯੋ । ਕਹਿ ਵਜੀਰ ਹਿਤ ਤੁਮਹਿ ਪਠਾਯੋ ॥ 310 ॥

ਦੋਹਰਾ

ਇਹ ਪ੍ਰਸਾਦਿ ਭੇਜਯੋ ਗੁਰੂ ਤੁਹਿ ਹਿਤ ਸੁਨੀਏ ਸ਼ਾਹਿ ।
ਪਾਤਿਸ਼ਾਹਿ ਕਹਿ ਦੇਹੁ ਮੁਹਿ ਮੁਖ ਪਾਵਉ ਚਿਤ ਚਾਹਿ ॥ 311 ॥

¹ਅ ਪੌਥੀ ਤੁਮਰੇ ਸਿਖ ਹਹਿ ਹਰਾ ²ਅ ਪੌਥੀ ਕੇ ਪਾਹਿ

ਚੌਪਾਈ

ਜਬੈ ਕੜਾਹ ਸਾਹ ਸੁਖ ਪਾਯੋ । ਗੁਰੂ ਨਾਨਕ ਕਉ ਧੰਨ ਸੁਨਾਯੋ¹ ।
 ਮੁਖ ਸਿਉਂ ਕਹਾ ਬਿਧੁ ਗੁਰ ਹੋਵਹਿ । ਅਸ ਪ੍ਰਸਾਦਿ ਜਾਂਕੋ ਰੁਚ ਜੋਵਹਿ ॥ 312 ॥
 ਕਹਿ ਵਜੀਰ ਬਾਣੀ ਤਿੰਹ ਐਸੀ । ਜੈਸੋ ਕੜਾਹ ਜਾਨ ਮਨ ਤੈਸੀ ।
 ਜਬੈ ਤਖਤ ਪਰ ਬੈਠੋ ਸਾਹ । ਕਹਾ ਵਜੀਰ ਤੂੰ ਗੁਰ ਪਹਿ ਜਾਹ ॥ 313 ॥

ਦੋਹਰਾ

ਖਾਂ ਵਜੀਰ ਜਾਵਤ ਭਯੋ ਆਏ ਗੁਰੂ ਅਗਾਰ ।
 ਸਾਹ ਪਾਸ ਜਾਵਤ ਭਏ ਪਾਂਚ ਸਿਖ ਸੰਗ ਧਾਰ ॥ 314 ॥

ਚੌਪਾਈ

ਸ੍ਰੀ ਗੁਰੂ ਕਉ ਉਠ ਦਿਖਯੋ ਸਾਹ । ਸਭਾ ਉਠੀ ਚਿਤ ਧਰਿ ਉਤਸਾਹ ।
 ਬਹੁ ਨਿਮ੍ਰਤ ਹੂੰ ਪਗ² ਸਿਰ ਨਯਾਯੋ । ਜਹਾਂਗੀਰ ਬਹੁ ਬਿਨਉ ਸੁਨਾਯੋ ॥ 315 ॥
 ਅਪਨ ਤਖਤ ਤੇ ਉਚ ਬਨਾਏ । ਸਿੰਘਾਸਨ ਗੁਰ ਤਾਂਹਿ ਬੈਠਾਏ ।
 ਪਾਸ ਤਾਂਹਿ ਨਿਜ ਤਖਤ ਬਨਾਯੋ । ਤਾਂ ਪਰ ਜਹਾਂਗੀਰ ਸਮੁਹਾਯੋ ॥ 316 ॥

ਦੋਹਰਾ

ਮਨ ਮਹਿ ਸਾਹ ਵਿਚਾਰਿਓ ਗੁਰ ਪੰਚਮ ਥੇ ਦੇਵ ।
 ਤਾਸ ਤਖਤ ਬੈਠਿਯੋ ਗੁਰੂ ਅਬ ਕਛੁ ਪਰੀਖਯਾ ਲੇਵ ॥ 317 ॥

ਦੋਹਰਾ

ਐਸੇ ਨਿਜ ਮਨ ਧਾਰ ਕੇ ਕੀਨੋ ਪ੍ਰਸਨ³ ਉਚਾਰ ।
 ਮੋ ਮਨ ਇਹ ਸੰਸਾ ਪਰਿਯਓ ਦੀਜੈ ਪੀਰ ਨਿਵਾਰ ॥ 318 ॥

ਚੌਪਾਈ

ਪਾਰਬ੍ਰਹਮ⁴ ਕਉ ਹਿੰਦੂ ਧਿਆਵਹਿ । ਮੁਸਲਮਾਨ ਅਲਹ ਕਉ ਗਾਵਹਿ ।
 ਔਰ ਅਨੰਤ ਵਾਦ ਕੀ ਬਾਤਾ । ਇਹ ਦੁਹ ਮਹਿ ਜਾਨੋ ਵਿਖਯਾਤਾ ॥ 319 ॥
 ਮੁਕਤਿ ਦੋਇ ਮਹਿ ਹੋਇ ਕਿ ਨਾਹੀਂ । ਇਹੁ ਮਨ ਮੇਰੇ ਸੰਸਾ ਆਹੀ ।
 ਤੁਮ ਗੁਰ ਹੋਵਤ ਸੰਸ ਨਾ ਰਹੈ । ਬੇਦ ਕਤੇਬ ਏਹੋ ਕਿਆ ਕਹੈ ॥ 320 ॥

॥ ਸ੍ਰੀ ਗੁਰੋਵਾਚ ॥ ਦੋਹਰਾ

ਕਛੁ ਭੇਦ ਯਾ ਮਹਿ ਨਹੀਂ ਜਲਵੀਚੀ ਸਮਜਾਨ ।
 ਅਗਯਾਨ ਭੇਦ ਭ੍ਰਮ ਭਾਸ ਹੈ ਵਾਸਤਵ ਏਕ ਸਮਾਨ ॥ 321 ॥

ਅਭਿਲ

ਇਸ ਹੀ ਕੇ ਪਰਥਾਇ ਸੁ ਸਬਦ ਉਚਾਰਿਓ ।
 ਗੁਰ ਅਰਜਨ ਸੁਖ ਖਾਨ ਸੰਸ ਕਟਿ ਜਾਰਿਯੋ ।

¹ਅ ਤੇ ਦ ਪੋਥੀ ਅਲਾਯੋ ²ਅ ਪੋਥੀ ਚਰਨ ³ਦ ਪੋਥੀ ਸੰ ਕਾ ⁴ਅ ਪੋਥੀ ਪਰਮਾਤਮਾ

ਰਾਮਕਲੀ ਪੈਤਾਲੀ ਸਬਦ ਸੁਨਾਇਓ ।
ਹੋ ਦੁੰਦ ਸਬਦ ਕਰ ਹਾਨ ਏਕ ਪ੍ਰਗਟਾਇਓ ॥ 322 ॥

ਰਾਮਕਲੀ ਮੁਹਲਾ 5¹

ਕਾਰਨ ਕਰਨ ਕਰੀਮ । ਸਰਬ ਪ੍ਰਤਿਪਾਲ ਰਹੀਮ ।
ਅਲਹ ਅਲਖ ਅਪਾਰਾ ਖੁਦਿ ਖੁਦਾਇ ਵਡ ਬੇਸੁਮਾਰ ॥ 1 ॥
ਓਨਮੋ ਭਗਵੰਤ ਗੁਸਾਈ । ਖਾਲਕੁ ਰਵਿ ਰਹਿਆ ਸਰਬ ਠਾਈ ॥ ਰਹਾਉ ॥
ਜੰਗਨਾਥ ਜਗ ਜੀਵਨ ਮਾਧੋ । ਭਉ ਭਜੰਨ ਰਿਦ ਮਾਹਿ ਅਰਾਧੋ ।
ਰਿਖੀ ਕੇਸ ਗੋਪਾਲ ਗੋਵਿੰਦ । ਪੂਰਨ ਸਰਬਤ੍ਰ ਮੁਕੰਦ ॥ 2 ॥
ਮਿਹਰਵਾਨ ਮਉਲਾ ਤੂਹੀ ਏਕ । ਪੀਰ ਪੈਕਾਂਬਰ ਸੇਖ ।
ਦਿਲਾਂ ਕਾ ਮਾਲਕੁ ਕਰੇ ਹਾਕੁ । ਕੁਰਾਨ ਕਤੇਬ ਤੇ ਪਾਕੁ ॥ 3 ॥
ਨਾਰਾਇਣ ਨਰਹਰ ਦਇਆਲ । ਰਮਤ ਰਾਮ ਘਟ ਘਟ ਅਧਾਰ ।
ਬਾਸੁ ਦੇਵ ਬਸਤ ਸਭ ਠਾਇ । ਲੀਲਾ ਕਿਛੁ ਲਖੀ ਨ ਜਾਇ ॥ 4 ॥
ਮਿਹਰ ਦਇਆ ਕਰਿ ਕਰਨੈਹਾਰ । ਭਗਤਿ ਬੰਦਗੀ ਦੇਹਿ ਸਿਰਜਨਣਹਾਰ ।
ਕਹੁ ਨਾਨਕ ਗੁਰਿ ਖੋਏ ਭਰਮ । ਏਕੋ ਅਲਹੁ ਪਾਰਬ੍ਰਹਮ ॥ 5 ॥

ਇਸਕਾ ਪਰਮਾਰਥ ॥ ਕਬਿੱਤ ॥

ਕਾਰਨ ਕਰੀਮ ਔ ਰਹੀਮ ਕੋਊ ਭਾਖਤ ਹੈ
ਅਲਖ ਖਦਾਇ ਬੇਸੁਮਾਰ ਕੋਊ ਗਾਇ ਹੈ ।
ਗੁਸਾਈ ਭਗਵੰਤ ਸਾਖ ਜੰਗਨਾਥ ਮਾਧੋ ਭਾਖ
ਰਿਖੀ ਕੇਸੋ ਔ ਗੁਪਾਲ ਗੋਬਿੰਦ ਅਲਾਇ ਹੈ ।
ਮਿਹਰਵਾਨ ਮੌਲਾ ਕਹਿਹਿ ਪੀਰ ਸੇਖ ਕੋਊ ਲਹੈ
ਮਾਲਕ ਦਿਲਾਂ ਕਾ ਏਕ ਵਾਕੋ ਕੋਊ ਧਿਆਇ ਹੈ ।
ਨਰਾਇਣ ਨਰ ਹਰ ਭੇਵ ਰਮਤ ਰਾਮ ਬਾਸਦੇਵ
ਲੀਲਾ ਕੌਨ ਲਹੈ ਮਿਹਰ ਦਯਾ ਕੋਊ ਪਾਇ ਹੈ ॥ 324 ॥

ਦੋਹਰਾ

ਭਗਤਿ ਬੰਦਗੀ ਏਕ ਹੈ ਜਿਹ ਗੁਰ ਭਰਮ ਨਿਵਾਰ ।
ਪਾਰਬ੍ਰਹਮ ਅਲਾਹ ਕਾ ਏਕ ਰੂਪ ਰਿਦਧਾਰ ॥ 325 ॥
ਕਬੀਰ ਤ੍ਰਿਲੋਚਨ ਜੈਸ ਤਨ ਉਤਮ ਮਧਮ ਗਾਇ ।
ਵਾਸਤਵ ਰੂਪ ਸੋ ਏਕ ਹਹਿ ਚਾਰਹੂੰ ਬੇਦ ਅਸ ਗਾਇ ॥ 326 ॥

ਅੜਿਲ

ਜਹਾਂਗੀਰ¹ ਤਬ ਸੁਨ ਕੈ ਅਸ ਗੁਰ ਬੈਨ ਕੋ ।
 ਗੁਰ ਮੂਰਤ ਰਿਦ ਧਾਰ ਸਫਲ ਕਰ ਨੈਨ ਕੋ ।
 ਧੰਨ ਧੰਨ ਮੁਖ ਭਾਖ ਚਰਨ ਲਪਟਾਯੋ ।
 ਹੋ ਸਤਿ ਪੀਰ ਨਿਜ ਜਾਨ ਸੁ ਭੇਦ ਗਵਾਇਯੋ ॥ 327 ॥
 ਪੁਨਹਿ ਸ਼ਾਹ ਨੇ ਕਹਿਯੋ ਦਾਸ ਮੁਹਿ ਜਾਨੀਐ² ।
 ਕਿਲਾ ਕੋਟ ਨਿਜ ਜਾਨ³ ਸੁ ਡੇਰਾ ਠਾਨੀਐ ।
 ਸ੍ਰੀ ਗੁਰ ਭਾਖੇ ਬੈਨ ਯਾਦ ਕਰਿ ਆਇ ਹਉਂ ।
 ਹੋ ਮੁਹਿ ਸੰਗਿ ਸੈਨ ਅਪਾਰ ਸੁ ਤਹਾ ਰਹਾਇ ਹਉਂ ॥ 328 ॥

ਦੋਹਰਾ

ਬਹੁ ਬਾਤੇਂ ਇਹ ਬਿਧ ਭਈ ਦੋਇ ਜਾਮ ਦਿਨ ਆਇ ।
 ਸਭਾ ਉਠੀ ਜੁਤ ਸ਼ਾਹ ਕੇ ਸ੍ਰੀ ਗੁਰੁ ਪਯਾਨ ਕਰਾਇ ॥ 329 ॥

ਚੌਪਾਈ

ਪਾਂਚ ਸਿਖ ਕਉ ਸਾਥ ਲਯਾਏ । ਕ੍ਰਿਪਾ ਸਿੰਧ ਨਿਜ ਡੇਰੇ ਆਏ ।
 ਕਛੁਕ ਕਾਲ ਕੀਨੋ ਬਿਸੁਆ । ਪੁਨ ਗੁਰ ਉਠੇ ਲੇਤ ਗੁਰ⁴ ਨਾਮਾ ॥ 330 ॥
 ਜਾਮ ਦਿਵਸ ਜਬ ਰਚਿਓ ਦਿਖਾਈ । ਦਯਾ ਸਿੰਧ ਸਭ ਸੋਚ ਕਰਾਈ ।
 ਠੌਰ ਇਕਾਂਤ ਜਮਨ ਤਟ ਜਾਇ । ਦੀਨਾ ਨਾਥ ਬੈਠਹਿ ਹਰਖਾਇ ॥ 331 ॥

ਦੋਹਰਾ

ਸਮਾ ਇਕਾਂਤ ਨਿਹਾਰ ਕੇ ਪਾਂਚ ਸਿਖ ਸਮੁਹਾਇ ।
 ਜੇਠੇ ਆਦਿਕ ਗਯਾਨਮਯ ਪਰ ਹਿਤ ਪ੍ਰਸ਼ਨ ਕਰਾਇ ॥ 332 ॥

ਚੌਪਾਈ

ਕਹਿ ਬਿਧੀਆ ਬਿਨਤੀ ਇਕ ਮੋਰੀ । ਭਾਖਉ ਜਉ ਨਦੇਸ਼ ਪ੍ਰਭ⁵ ਤੋਰੀ ।
 ਕਹਿ ਗੁਰ ਕਹੋ ਜੁ ਸੰਸ ਧਰਾਯੋ । ਹਮ ਤੁਮ ਤੇ ਕਛੁ ਨਾਹੀ ਛਪਾਯੋ ॥ 333 ॥
 ਕਹਿ ਬਿਧੀਆ ਪਾਛੇ ਗੁਰ ਭਏ । ਸਬਦ ਭਾਖ ਉਤਰ ਤਿਨ ਦਏ ।
 ਰਚਿਓ ਗ੍ਰਿਥ ਭਵ ਸੇਤ ਅਪਾਰਾ । ਤੁਮ ਤਿਨ ਕਾ ਹੀ ਸਬਦ ਉਚਾਰਾ ॥ 334 ॥

ਦੋਹਰਾ

ਸ੍ਰੀ ਮੁਖ ਤੇ ਨਾ ਉਚਾਰਿਓ ਨਵੀਨ⁶ ਸਬਦ ਸੁਖਮਾਨ ।
 ਇਹੁ ਸੰਸਾ ਹਮ ਕਉ ਭਯਾ ਹੇ ਗੁਰ ਕ੍ਰਿਪਾ ਨਿਧਾਨ ॥ 335 ॥

ਕੰਡਲੀਆ

ਗੁਰ ਅਰਜਨ ਆਗਿਆ ਦਈ [ਬਾਣੀ]⁷ ਨਹੀਂ ਉਚਾਰ ।
 ਪੁਨ ਚਾੜਹੁ ਤੁਮ ਹਰਖ ਸਿਉਂ ਹਮ ਸੋ ਮਨ ਮਹਿ ਧਾਰ ।

¹ਅ ਪੌਥੀ ਬਾਦਸ਼ਾਹ ²ਅ ਪੌਥੀ ਮਾਨੀਐ ³ਅ ਤੇ ਏ ਪੌਥੀ ਮਾਨ ⁴ਅ ਤੇ ਏ ਪੌਥੀ ਪ੍ਰਭ ⁵ਅ ਪੌਥੀ ਗੁਰ ⁶ਏ ਪੌਥੀ ਨਯਾ ⁷ਅ ਪੌਥੀ ਵਿਚੋਂ

ਹਮ ਸੌ ਮਨ ਮਹਿ ਧਾਰ ਵਾਰ ਸੁਨ ਧੁਨਾ ਚੜਾਈ ।
ਬਾਣੀ ਨਹੀਂ ਉਚਾਰ ਸਬਦ ਇਹੁ ਹੇਤੁ ਸੁਨਾਈ ।
ਕਹਿ ਜੇਠਾ ਕਰ ਜੋਰ ਦਾਸ ਹਿਤ ਬਾਣੀ ਕੀਜੈ ।
ਤੀਨ ਬੇਰ ਅਸ ਭਾਖ ਦਾਨ ਗੁਰ ਹਮ ਕਉ ਦੀਜੈ ॥ 336 ॥

ਦੋਹਰਾ

ਸ੍ਰੀ ਗੁਰ ਹਰਿ ਗੋਬਿੰਦ ਜੀ ਭਏ ਕ੍ਰਿਪਾਲ ਅਪਾਰ ।
ਹਉ ਤੁਮਰੇ ਆਧੀਨ ਹੂੰ ਕਹੋ ਸੋਊ ਸੁਖ ਸਾਰ ॥ 337 ॥

ਚੌਪਾਈ

ਅਬ ਹੈ ਗੁਰ ਅਰਜਨ ਕੀ ਆਗਿਆ । ਬਾਣੀ ਕਰੋ ਨ ਤੁਮ ਇਹੁ ਮਾਂਗਿਆ ।
ਬਚ ਤੁਮਰੇ ਬਾਣੀ ਉਚਰਾਵਉਂ । ਦਸਮ ਰੂਪ ਧਰ ਸੰਸ ਮਿਟਾਵਉਂ ॥
ਬਾਬਾ ਗੁਰਦਿਤਾ ਸੁਤ ਮੋਰਾ । ਤਿੰਹ ਸੁਤ ਧੀਰ ਮਲ ਬੁਧ ਘੋਰਾ ।
ਤਿਸ ਪਹਿ ਪਠੋ ਸਿਖ ਤਿਨ ਵਾਰ । ਮਾਂਗੋ ਗ੍ਰਿਥ ਦਰਸ ਹਿਤ ਧਾਰ ॥ 338 ॥

ਦੋਹਰਾ

ਕਟਕ¹ ਬਚਨ ਬਹੁ ਭਾਖ ਹੈ ਗ੍ਰਿਥ ਨਾ ਦੇਵੈ ਸੋਇ ।
ਧਾਰ ਬੈਰ ਕਹਿ ਗ੍ਰਿਥ ਰਚ ਜਉ ਗੁਰ ਆਪਹਿ ਹੋਇ ॥ 339 ॥

ਸਵੈਯਾ

ਸੁਨਿ ਕੈ ਹਮ ਤਾਂਹਿ ਕੇ ਬੈਨਨ ਕੋ ਗੁਰ ਗ੍ਰਿਥ ਕੋ ਆਦਿ ਤੇ ਅੰਤ ਉਚਾਰਉਂ ।
ਅਛਰ ਕੋ ਇਕ ਭੇਦ ਰਹੇ ਨਹੀਂ ਔਰ ਸਰੂਪ ਵਹੀ ਸੋ ਉਤਾਰਉਂ ।
ਕਾਂਸੀ ਰਚੋ ਤਿਹ ਮਾਲਵ ਦੇਸ ਮਹਿ ਮੂੜ ਪੜੈ ਹੁਇ ਬੁਧ ਉਦਰਾਉਂ ।
ਨਾਂਉ ਦਮਾਦਮਾ ਤਾਂਹਿ ਧਰਉ ਸੋਊ ਪਾਵਨ ਬੀੜ ਕਉ ਨਾਮ ਸਵਾਰਉਂ ॥ 340 ॥

ਦੋਹਰਾ

ਜਬ ਜੇਠੇ ਬਿਨਤੀ ਕਰੀ ਹੈ ਗੁਰ ਗ੍ਰਿਥ ਉਚਾਰ ।
ਨਉਤਨ ਬਾਣੀ ਨਹਿ ਰਚੀ ਮਿਲੀ ਗ੍ਰਿਥ ਨਿਰਧਾਰ ॥ 341 ॥

ਚੌਪਾਈ

ਭਗਤਿ ਸਿੰਘ ਤਬ ਗੁਰ ਭੇ ਦਿਆਲਾ । ਇਹ ਬਿਧ ਭਾਖੇ ਬਚਨ ਰਸਾਲਾ ।
ਜੇਠਾ ਬੈਨ ਅਮੋਘ ਤੁਮਾਰੇ । ਕਰਹੁ ਸਤਿ ਸੁਨਹੁ ਨਿਰਧਾਰੇ ॥ 342 ॥
ਏਸ ਜਨਮ ਰਚ ਸਬਦ ਨਾ ਹੋਈ । ਪਿਤਾ ਪੂਤ ਮਹਿ ਭੇਦ ਨਾ ਕੋਈ ।
ਮੁਹਿ ਸੁਤ ਤੇਗ ਬਹਾਦਰ ਪੰਚਮ । ਜਾਂਕੇ ਦਰਸ ਮਿਟਹਿ ਭਵ ਦੁਖ ਜਮ ॥ 343 ॥

ਦੋਹਰਾ

ਮਮ ਸੁਤ ਜੇਸਟ ਹੋਇ ਹੈ ਗੁਰਦਿਤਾ ਸੁਖਮਾਨ ।
ਤਿਹ ਸੁਤ ਹੋਵੈ ਹਰੀ² ਰਾਇ ਤਿੰਹ ਸਪਤਮ ਗੁਰ ਠਾਨ ॥ 344 ॥

¹ਅ ਪੋਥੀ ਕਟੂ ²ਅ ਤੇ ਦ ਪੋਥੀ ਹਰਿ

ਚੌਪਾਈ

ਤਾਂਕਉ ਜਬ ਗੁਰਿਆਈ ਦੇਵਉ । ਸਾਂਤ ਸੀਲ ਹੁਇ ਅਲਖ ਅਭੇਵਉ ।
ਤਿਹ ਸੁਤ ਹਰੀ ਕ੍ਰਿਸ਼ਨ ਲਘੁ ਹੋਵੈ । ਅਸਟਮ ਗੁਰ ਹੁਇ ਜਨ ਦੁਖ ਖੋਵੈ ।
ਧਰਮ ਹੇਤ ਸੋ ਦਿਲੀ ਆਵੈ । ਬਾਲ ਗੁਰੂ ਜਨ ਖੇਦ ਮਿਟਾਵੈ ।
ਇਹਾਂ ਤੁਰਕ ਕਉ ਦਰਸ ਨ ਦੇਇ । ਇਛ ਪੂਰ ਸੰਗਤ ਕੀ ਲੇਇ ॥ 345 ॥

ਦੋਹਰਾ

ਸੁਨਿ ਸੰਗਤ ਕੀ ਬਿਨੈ¹ ਕਉ ਅੰਤ ਬੈਨ ਇਹੁ ਭਾਖ ।
ਬਾਬਾ ਬਕਾਲੇ ਬਸੈ ਸੁਨਹੁ ਸੰਤ ਚਿਤ ਰਾਖ ॥ 346 ॥

ਚੌਪਾਈ

ਧਰਮ ਹੇਤ ਨਿਜ ਪ੍ਰਾਣ ਤਜਾਵਹਿ । ਹਰੀ ਕ੍ਰਿਸ਼ਨ ਨਿਜ ਰੂਪ ਸਮਾਵਹਿ ।
ਤਬ ਸੰਗਤਿ ਗੁਰ ਬਿਨ ਦੁਖ ਪਾਇ । ਢੂੰਢਤ ਏਕ ਲੁਬਾਣਾ ਆਇ ।
ਇਹੁ ਹੈ ਕਥਾ ਬਹੁਤ ਵਿਸਥਾਰਾ । ਥੋਰੇ ਮਹਿ ਸਮਝਹੁ ਬੁਧ ਵਾਰਾ ।
ਤੇਗ ਬਹਾਦਰ ਤਬ ਗੁਰ ਹੋਈ । ਨਵਮ ਗੁਰੂ ਜਨ ਕੇ ਦੁਖ ਖੋਈ ।
ਤਿਹ ਮੁਖ ਦੁਆਰਾ ਉਚਰਉ² ਬਾਣੀ । ਰੂਪ ਵੈਰਾਗ ਸਾਰ ਚੰਹੁ ਜਾਣੀ ।
ਨਵ ਨਵ ਖਟ ਕਾ ਕਾਢੇ ਸਾਰ । ਉਚਰੋ ਸ਼ਬਦ ਗ੍ਰੰਥ ਅਨੁਸਾਰ ॥ 347 ॥

ਦੋਹਰਾ

ਸਬ ਰਾਗਨ ਕੇ ਹਹਿ ਕਹੇ ਉਨਸਨ ਸ਼ਬਦ ਉਚਾਰ ।
ਭਿੰਨ ਭਿੰਨ ਗਿਨਤੀ ਸੁਨੋ ਸ਼ਬਦਨਿ ਕੀ ਨਿਰਧਾਰ ॥ 348 ॥

ਚੌਪਾਈ

ਗਉੜੀ ਰਾਗ ਨੋ ਆਸਾ ਏਕ । ਦੇਵ ਗੰਧਾਰੀ ਤੀਨ ਧਰ ਟੇਕ ।
ਔਰ ਬਿਹਾਗ ਏਕ ਹੀ ਜਾਨਹੁ । ਦੁਆਦਸ ਸੌਰਠ ਕੇ ਪਹਿਚਾਨਹੁ ।
ਧਨਾਸਰੀ ਚਾਰ ਜੈਤਸਿਰੀ ਤੀਨ ॥ ਟੋਡੀ ਏਕ ਤਿਲੰਗ ਤਿਨ ਕੀਨ ।
ਬਿਲਾਵਲ ਰਾਮਕਲੀ ਔ ਮਾਰੂ । ਤੀਨ ਤੀਨ ਤਿਨ ਸ਼ਬਦ ਉਚਾਰੂ ॥ 349 ॥

ਦੋਹਰਾ

ਪਾਂਚ ਸ਼ਬਦ ਬਾਸੰਤ ਕੇ ਸਾਰੰਗ ਚਾਰ ਬਖਾਨ ।
ਜੈ ਜੈ ਵੰਤੀ ਰਾਗਣੀ ਚਾਰ ਸ਼ਬਦ ਸੁਖ ਮਾਨ ॥ 350 ॥

ਚੌਪਾਈ

ਸੁਨਿ ਬਿਧੀਆ ਜਬ ਸ਼ਬਦ ਉਚਾਰੇ । ਉਰੰਗਜੇਬ³ ਪਤਿਸਾਹ ਬਿਚਾਰੇ ।
ਜਗ ਮਹਿ ਬਡੋ ਕਰੈ ਉਤਪਾਤ । ਗੋ ਦਿਜ ਕਾ ਵਹੁ ਕਰ ਹੈ ਘਾਤ ।
ਦ੍ਰਿਵਜ ਛਤ੍ਰੀ ਕਾ ਧਰਮ ਉਤਾਰੈ । ਜੰਵੁ ਤੌਰ ਦੀਨ ਨਿਜ ਧਾਰੈ ।
ਸਵਾ ਮਣਿ ਜੰਵੁ ਲਹਿ ਕਸ਼ਮੀਰ । ਤਬ ਛਤ੍ਰੀ ਦਿਜ ਹੋਇ ਅਧੀਰ ॥ 351 ॥

¹ਉ ਪੋਥੀ ਅਰਜ ²ਅ ਪੋਥੀ ਕਰਹੁ ³ਅ ਤੇ ਏ ਪੋਥੀ ਔਰੰਗਜੇਬ

ਦੋਹਰਾ

ਤਬ ਪਰਜਾ ਦੁਖ ਪਾਇ ਕੈ ਹਰਿ¹ ਪੈ ਕਰੈ ਪੁਕਾਰ ।
ਤੇਗ ਬਹਾਦਰ ਸਤਿ ਗੁਰੁ ਹੋਇ ਸੰਗਤਿ ਪਰਿ ਦਿਆਰ ॥ 352 ॥

ਚੌਪਾਈ

ਤਿਲਕ ਜੰਵੁ ਰਾਖਨ ਕੇ ਹੇਤ ॥ ਲਯੋ ਉਤਾਰ² ਧਰਮ ਕੇ ਸੇਤ ।
ਇਹ ਬਿਧਿ ਮਨ ਮਹਿ ਬਯੋਤ ਬਨਾਇ । ਸ੍ਰੀ ਤੇਗ ਬਹਾਦਰ ਦਿਲੀ ਆਇ ।
ਪਾਂਚ ਸਿਖ ਕਉ ਸਾਥ ਲੈ ਜਾਵਹਿ । ਔਰੰਗਜ਼ੇਬ ਕੇ ਨਿਕਟ ਸਿਧਾਵਹਿ ।
ਕਹਿ ਬਿਧੀਆ ਗੁਰ ਆਪਹਿ ਆਇ । ਕਿਧੋਂ ਗੁਰੁ ਕੋ ਸ਼ਾਹ ਬੁਲਾਇ ॥ 353 ॥

ਦੋਹਰਾ

ਪੂਰਨ ਸਤਿਗੁਰ ਯੋਂ ਕਹਿਓ ਸੁਨ ਬਿਧੀਏ ਕੀ ਬਾਤ ।
ਬਡੋ ਪੁਤ੍ਰ ਹਰਿ ਰਾਇ ਕਉ ਰਾਮਰਾਇ ਬਿਖਯਾਤ ॥ 354 ॥

ਚੌਪਾਈ

ਸ਼ਾਹ ਨਿਕਟ ਸੋ ਪਹਿਲੇ ਆਵੈ । ਕਰਾਮਾਤ ਬਹੁ ਸ਼ਾਹ ਦਿਖਾਵੈ ।
ਸ਼ਾਹਿ ਨਿਕਟ ਪੁਨ ਚੁਗਲੀ ਖਾਇ । ਹਰਿ ਕ੍ਰਿਸ਼ਨ ਕਉ ਨਿਕਟਿ ਬੁਲਾਇ ।
ਕਰਾਮਾਤ ਤਾਂ ਤੇ ਭੀ ਮਾਂਗੈ । ਦਰਸਨ ਦੇਇ ਸੋਇ ਤਨ ਤਿਆਗੈ ।
ਇਹੁ ਭੀ ਕਥਾ ਬਹੁਤ ਬਿਸਤਾਰ । ਕਹਹੂੰ ਤਉ ਬਾਢੇ ਗ੍ਰਿਥ ਅਪਾਰ³ ॥ 355 ॥

ਦੋਹਰਾ

ਧਰਮ ਹੇਤੁ ਸਿਰ⁴ ਦੇਨ ਜਬ ਸ੍ਰੀ ਤੇਗ ਬਹਾਦਰ ਆਇ ।
ਚੁਗਲੀ ਖਾਵੈ ਸ਼ਾਹ ਪਹਿ ਰਾਮਰਾਇ ਪੁਨ ਜਾਇ ॥ 356 ॥

ਚੌਪਾਈ

ਸੁਨਹੁ ਸ਼ਾਹਿ ਐਸੇ ਸੁਨਿ ਪਾਯੋ । ਤੇਗ ਬਹਾਦਰ ਇਹ ਠਾਂ ਆਯੋ ।
ਤਾਂਹਿ ਬੁਲਾਇ ਲੇਹ ਕਰਾਮਾਤ । ਇਹ ਅਬ ਗੁਰੁ ਹੋਯੋ ਬਖਯਾਤ ।
ਸ੍ਰੀ ਗੁਰ ਕੋ ਤਬ ਸੋਊ ਬੁਲਾਵੈ । ਔਰੰਗਜ਼ੇਬ ਇਹ ਬਾਤ ਚਲਾਵੈ ।
ਸ਼ਾਹੁ ਤਬੈ ਮਾਂਗੇ ਕਰਾਮਾਤ । ਸ਼ਾਹਿਬ ਗ੍ਰਿਹ ਗੁਰ ਕਹਿ ਅਸ ਬਾਤ ॥ 357 ॥

ਦੋਹਰਾ

ਬੰਦੀ ਖਾਨੇ ਪਾਇ ਹੈ ਗੁਰ ਕਉ ਤਬ ਪਾਤਸ਼ਾਹਿ ।
ਪਾਂਚ ਸਿਖ ਕਉ ਸਾਥ ਹੀ ਪਾਵੈ ਕੈਦ ਕੇ ਮਾਂਹਿ ॥ 358 ॥

ਚੌਪਾਈ

ਤਿਹ ਠਾਂ ਕੈਦ ਸ਼ਾਹਿ ਕੀ ਪਾਇ । ਬਾਣੀ ਰਚਉਂ ਵੈਰਾਗ ਧਰਾਇ ।
ਵੈਰਾਗ ਗਯਾਨ ਮਹਿ ਰਚਉਂ ਸਲੋਕ । ਜਬ ਤ੍ਰਿਵੰਜਾ ਹਰਤਾ ਸ਼ੋਕ ।

¹ਅ ਪੋਥੀ ਪ੍ਰਭੂ ²ਅ ਤੇ ਦ ਪੋਥੀ ਅਉਤਾਰ ³ਅ ਪੋਥੀ ਅਰਕਾਰ ⁴ਅ ਤੇ ਦ ਪੋਥੀ ਸੀਸ

ਤਬ ਸੰਗਿ ਸਿਖਨ ਕਉ ਇਮ ਕਹੋ । ਜਾਵੇ ਤੁਮ ਜਿਤ ਇਛਾ ਲਹੋ ।
ਤਬੈ ਸਿਖ ਵਹੁ ਬਚਨ ਉਚਾਰਿਹਿ । ਪਕਰੇਂ ਤੁਰਕ ਮੋਹਿ ਸ੍ਰਮ ਧਾਰਹਿ ॥ 359 ॥

ਦੋਹਰਾ

ਤਬ ਸਤਿਗੁਰ ਐਸੇ ਕਹਯੋ ਤੁਰਕ ਨਾ ਦੇਖੈ ਕੋਇ ।
ਜਾਵਹੁ ਜਾਹਿ ਇੱਛਾ ਤੁਮਹਿ ਜਿਤ ਨਿਤ ਤੁਮਰੀ ਹੋਇ ॥ 360 ॥

ਚੌਪਾਈ

ਚਾਰ ਸਿਖ ਤਬ ਤੁਰਤ ਸਿਧਾਵਹਿ । ਏਕ ਸਿਖ ਮਮ¹ ਨਿਕਟ ਰਹਾਵਹਿ ।
ਤਾਂਕਉ ਕਹੋ ਨਾ ਜਾਵੇ ਸੋਇ । ਰਹੇ ਨਿਕਟ ਮਮ ਇਕ ਚਿਤ ਹੋਇ ।
ਤਬ ਸਲੋਕ ਹਉ ਕਰਉਂ ਉਚਾਰ । ਸੰਗ ਸਖਾ ਸਭ ਭਏ ਨਿਆਰ ।
ਏਕ ਟੇਕ² ਰਘੁਪਤਿ ਕੀ ਰਹੀ । ਔਰ ਆਸ ਸਬ ਜਨ ਕੀ ਬਹੀ ॥ 361 ॥

ਦੋਹਰਾ

ਬਲੁ ਛੁਟਕਿਓ ਬੰਧਨ ਪਰੇ ਕਛੁ ਨ ਹੋਤ ਉਪਾਇ ।
ਕਹੁ ਨਾਨਕ ਅਬ ਓਟ ਹਰਿ ਗਜ ਜਿਉ ਹੋਹੁ ਸਹਾਇ ॥ 362 ॥

ਚੌਪਾਈ

ਜਸ ਸਲੋਕ ਇਹ ਭਾਂਤ ਅਲਾਇ । ਭਗਵੰਤ ਦਰਸ ਦੇਵੈ ਤਬ ਆਇ ॥
ਅਸ਼ਟ ਗੁਰ ਪ੍ਰਭ ਕੇ ਸੰਗ ਆਵਹਿ । ਏਕ ਰੂਪ ਸਬਹੀ ਦ੍ਰਿਸ਼ਟਾਵਹਿ ।
ਤਬ ਭਗਵੰਤ ਮੁਖ ਬਚਨ ਅਲਾਇ । ਬਲ ਹੋਆ ਬੰਧਨ ਛੁਟ³ ਜਾਇ ।
ਸਭ ਉਪਾਵ ਹਹਿ ਹਾਥ ਤੁਮਾਰੇ । ਨਿਜ ਸਹਾਇ ਨਿਜ ਕਰੋ ਸੁਧਾਰੇ ॥ 363 ॥

ਦੋਹਰਾ

ਪ੍ਰਭੁ ਬਚਨ ਐਸੇ ਕਹਿ ਤਬ ਹਮ ਕਉ ਸਮਝਾਇ ।
ਪੁਨ ਭਾਖੋ ਮਮ ਸੰਗ ਹਹਿ ਅਪਨੇ ਧਾਮ ਸਿਧਾਇ ॥ 364 ॥

ਚੌਪਾਈ

ਐਸੇ ਪ੍ਰਭ ਕੇ ਬਚਨ ਸੁਨਾਵਉਂ । ਤਬ ਹਉ ਸਿਖ ਕੋ ਐਸ ਅਲਾਵਉਂ ।
ਜਬ ਹਉ ਅਪਨ ਨਿਵਾਵਉਂ ਸੀਸ । ਮਾਰੋ ਤੇਗ ਨਾ ਧਰੋ ਕਸੀਸ ॥
ਤਬੈ ਸਿਖ ਵੈ ਏਹੁ ਉਚਾਰੇ । ਗੁਰ ਕੇ ਹਤੇ ਪਾਪ ਹੈ ਭਾਰੇ ।
ਤਬੈ ਗੁਰੁ ਕਹਯੋ ਪਾਪ ਨਹਿ ਕੰਈ । ਗੁਰ ਕੈ ਨਿਕਟਿ ਵਾਸ ਤੁਹਿ ਹੋਈ ॥ 365 ॥

ਦੋਹਰਾ

ਤਬੈ ਸਿਖ ਐਸੇ ਕਹਿਓ ਮੋਹਿ ਤੁਰਕ ਦੁਖ ਦੇਹਿ ।
ਕਹੋ ਤੋਹਿ ਨਿਜ ਸੰਗ ਹੀ ਲੇਵਹੁ ਸੀਸ ਇਕਠੇਇ ॥ 366 ॥

¹ਅ ਪੋਥੀ ਮੋਹਿ ²ਅ ਤੇ ਏ ਪੋਥੀ ਓਟ ³ਅ ਪੋਥੀ ਟੁਟ

ਚੌਪਾਈ

ਅਸ ਕਹਿ ਕਰੇ ਸਲੋਕ ਉਚਾਰ । ਅਗੂ ਨੈਨ ਭਗਵੰਤ ਨਿਹਾਰ ।
 ਰਾਮ ਨਾਮ ਉਰ¹ ਲਯੋ ਪਰੋਇ । ਜਾਕੇ ਸਮ ਜਗ ਮਹਿ ਨਹੀਂ ਕੋਇ ॥ 367 ॥
 ਜਿਹ ਸਿਮਰਤ ਸੰਕਟ ਮਿਟ ਜਾਹਿ । ਦਰਸ ਤੁਹਾਰੋ ਪ੍ਰਭ ਜੀ ਪਾਹਿ ।
 ਐਸ ਭਾਖ ਗੁਰ ਸੀਸ ਨਿਵਾਵੈ । ਸੁਨ ਬਿਧਿਆ ਸਿਖ ਤੇਗ ਚਲਾਵੈ ॥ 368 ॥

ਦੋਹਰਾ

ਜੋ ਗੁਰ ਕੇ ਪਹਿਰੂ ਹੁਤੇ ਤਿਨ ਕੀ ਤੇਗ ਗਵਾਇ ।
 ਗੁਰੁ ਕਉ ਹਤ ਨਿਜ ਪ੍ਰਾਨ ਤਜ ਗੁਰੁ ਹੀ ਸੰਗ ਸਿਧਾਇ ॥ 369 ॥
 ਤਿਲਕ ਜੰਵੁ ਕਉ ਰਾਖ ਕੇ ਦੀਨੋ ਸੀਸ ਉਤਾਰ ।
 ਹੈ ਹੈ ਇਹ ਲੋਕੈ ਭਯੋ ਸੁਰਗਿ ਲੋਕ ਜੈਕਾਰ ॥ 370 ॥
 ਸਤਾਰਾਂ ਸੈ ਬਤੀਸ ਮੈ ਮਘਰ ਸੁਦੀ ਤਤ ਜਾਨ ।
 ਨਵਮ ਗੁਰੁ ਤਜ ਦੇਹ ਕੋ ਸੁਰ² ਪੁਰ ਕਰੈ ਪਯਾਨ ॥

ਚੌਪਾਈ

ਗੁਰ ਕੇ ਸੰਗ ਸਿਖ ਵਹੁ ਜਾਵੈ । ਭਾਖਉ ਗ੍ਰਿਥਿ [ਅਤਿ]³ ਬਢ ਜਾਵੈ ।
 ਨਵਮ ਗੁਰੁ ਤਜ ਦੇਹ ਸਿਧਾਏ । ਇਸ ਸਮਤ ਬੈਕੁੰਠ ਸਿਧਾਏ ।
 ਦੇਹੁ ਦੇਹੁਰਾ ਦਿਲੀ [ਮਾਹਿ]⁴ ਹੋਵੈ । ਸੰਗਤਿ ਤਾਂਹਿ ਦਰਸ ਦੁਖ ਖੋਵੈ ।
 ਸੁਨ ਜੇਠਾ ਸਿਰ ਜਾਵੈ ਤਹਾਂ । ਪੁਰ ਆਨੰਦ ਗੁਰ ਦਸਵਾਂ ਜਹਾਂ ॥ 371 ॥

ਦੋਹਰਾ

ਭਗਤ ਸਿੰਘ ਕਹਿ ਸੀਸ ਗੁਰੁ ਕੋਨ ਤਹਾਂ ਲੈ ਜਾਇ ।
 ਮਨੀ ਸਿੰਘ ਕਹਿ ਛਠਮ ਗੁਰੁ ਐਸੇ ਬਚਨ ਸੁਨਾਇ ॥ 372 ॥

ਚੌਪਾਈ

ਜਬੈ ਸਿਖ ਤਰਵਾਰ ਚਲਾਵੈ । ਤਬੈ ਸੀਸ ਨਭ ਓਰ ਸਿਧਾਵੈ ।
 ਦਿਲੀ ਮਾਂਹਿ ਸਿਖ ਇਕ ਰਹੈ । ਆਗਯਾ ਰਾਮ ਨਾਮ ਤਿਹ ਕਹੈ ।
 ਗੁਰੁ ਨਿਸਚਾ ਤਿਹ ਮਨ ਮਹਿ ਆਵੈ । ਅਹਿਨਿਸ ਜਪੁ ਗੁਰੁ ਮੰਤ੍ਰ ਧਿਆਵੈ ।
 ਕਰ ਸਨਾਨ⁵ ਗ੍ਰਿਹਿ ਬੈਠੇ ਸੋਇ । ਗੁਰੁ ਧਿਆਨ ਮਹਿ ਤਤਪਰ ਹੋਇ ॥ 373 ॥

ਦੋਹਰਾ

ਸੁਨ ਬਿਧਿਆ ਗੁਰ ਸੀਸ ਤਬ ਤਾਕੇ ਅਗੂ ਪਰਾਇ ।
 ਰਾਖ ਥਾਲ ਗੁਰ ਸੀਸ ਕਉ ਉਪਰ ਬਸਤ੍ਰ ਪਾਇ ॥ 374 ॥

ਚੌਪਾਈ

ਬਾਨੀ ਤਬ ਅਕਾਸ ਕੀ ਹੋਈ । ਇਹ ਗੁਰ ਸੀਸ ਨਾ ਦੇਖੈ ਕੋਈ ।
 ਜਬੈ ਲੈਨ ਗੁਰ ਕਾ ਸਿਖ ਆਵੈ । ਦੇਵਹੁ ਤਾਂਹਿ ਨ ਕੋਉ ਜਨਾਵੈ ।

¹ਅ ਤੇ ਏ ਪੋਥੀ ਰਿਦ ²ਅ ਪੋਥੀ ਪ੍ਰਭੂ ³ਅ ਪੋਥੀ ਵਿਚੋਂ ⁴ਅ ਪੋਥੀ ਵਿਚ ⁵ਅ ਪੋਥੀ ਇਸਨਾਨ

ਗੁਰ ਕੇ ਧਾਮ ਵਾਸ ਤੁਹਿ ਹੋਈ । ਯਾ ਮਹਿ ਸੰਸਾ ਧਰਉ ਨ ਕੋਈ ।
ਬਾਨੀ ਮੋਨ ਭਈ ਅਸ ਗਾਇ । ਆਗਯਾ ਰਾਮ ਸੁਨਿ ਸੀਸ ਨਿਵਾਇ ॥ 375 ॥

ਦੋਹਰਾ

ਨਿਜ ਗ੍ਰਿਹਿ ਦੇਹਿ ਕਿਵਾਰ ਕਉ ਧੂਪ ਸੁਦੀਪ ਜਗਾਇ ।
ਮਾਰੂ ਰਾਗ ਉਚਾਰ ਹੈ ਇਕ ਚਿਤ ਧਯਾਨ ਲਗਾਇ ॥ 376 ॥

ਚੌਪਾਈ

ਇਸ ਮਹਿ ਔਰ ਕਥਾ ਸੁਨਿ ਭਾਈ । ਦਸਮ ਗੁਰੂ ਕੀ ਅਤਿ ਸੁਖਦਾਈ ॥
ਅੰਤਰਜਾਮੀ ਤਬ ਹੀ ਜਾਨੀ । ਨਵਮ ਗੁਰੂ ਜਿਮ ਕੀਨ ਪਿਆਨੀ ।
ਸੀਸ ਲੇਨ ਹਿਤ ਸਿਖ ਪਠਾਯੋ । ਆਗਿਆ ਰਾਮ ਕਾ ਸਦਨ ਬਤਾਯੋ ।
ਸਿਖ ਜਬੈ ਦਿਲੀ ਮਹਿ ਗਯੋ । ਸੀਸ ਗੁਰੂ ਕਾ ਸਿਖ¹ ਤੇ ਲਯੋ ॥ 377 ॥

ਦੋਹਰਾ

ਇਹ ਬਿਧ ਸਿਖ ਗੁਰ ਸੀਸ ਲੈ ਪਹੁੰਚਿਓ ਗੁਰੂ ਢਿਗ ਆਇ ।
ਆਗੇ ਆਏ ਦਸਮ ਗੁਰੂ ਚੌਕੀ ਸਬਦ ਕਰਾਇ ॥ 378 ॥
ਇਹ ਬਿਧਿ ਗਾਵਤ ਸਬਦ ਕਉ ਕੀਓ ਦਾਹ ਗੁਰ ਸੀਸ ।
ਤਾਸ ਸਿਖ ਕਉ ਸਤਿਗੁਰੂ ਬਹੁ ਬਿਧ ਦਈ ਅਸੀਸ ॥ 379 ॥

ਚੌਪਾਈ

ਸੀਸ ਦੇਹੁਰਾ ਤਹਾਂ ਬਨਾਯੋ । ਤੇਗ ਬਹਾਦਰ ਸਮ ਪੂਜਾਯੋ ।
ਪੁਨ ਗੋਬਿੰਦ ਸਿੰਘ ਪੂਛਿਓ ਤਾਂਹਿ । ਦਿਲੀ ਕੀ ਸਿਖ ਬਾਤ ਸੁਨਾਇ ।
ਕਹਿਓ ਸਿਖ ਗੁਰ ਕਹੀ ਨ ਜਾਈ । ਤੀਨ ਦਿਵਸ ਗੁਰ ਦੇਹਿ ਰਹਾਈ ।
ਕਹਿ ਗੁਰ ਸਿਖ ਨ ਕੋਈ ਤਹਾਂ । ਕਹਿ ਸਿਖ ਗੁਰ ਤੁਮਰੇ ਸਿਖ ਮਹਾਂ ॥ 380 ॥

ਦੋਹਰਾ

ਰਾਮ ਰਾਇ ਐਸੇ ਕਹਾ ਜੀਵਤ ਕਛੂ ਨ ਦੇਇ ।
ਮਿਰਤ ਸੀਸ ਗੁਰ ਲੋਪਯੋ² ਕਰਾਮਾਤ ਅਸ ਹੋਇ ॥ 381 ॥

ਚੌਪਾਈ

ਢੰਢੋਰਾ ਤਬ ਬਦਿਸਾਹ ਦਿਵਾਯੋ । ਤਿੰਹ ਡਰ ਕਿਸੀ ਨਾ ਦਾਹ ਕਰਾਯੋ ।
ਰਾਮਰਾਇ ਕਹਿ ਗੁਰ ਸਿਖ ਭਾਰੇ । ਕਰਾਮਾਤ ਕਉ ਆਇ ਦਿਖਾਰੇ ॥ 382 ॥

ਦੋਹਰਾ

ਤੀਨ ਦਿਵਸ ਪਾਛੈ ਪ੍ਰਭੂ ਰਾਮਰਾਇ ਕੀਓ ਦਾਹ ।
ਮੋਨ ਸਿਖ ਸਬਹੀ ਰਹੇ ਪ੍ਰਗਟਿ ਨ ਰੋਯੋ ਕਾਹ ॥ 383 ॥

¹ਅ ਪੌਥੀ ਤਿਸ ²ਅ ਪੌਥੀ ਲੋਪ ਭਯੋ

ਚੌਪਾਈ

ਮਾਨ ਸਾਹ ਭੈ ਗੁਪਤ ਰਹਾਏ । ਇਹ ਕਾਰਨ ਨਾ ਕੋਉ ਸਮੁਹਾਏ^੧ ।
 ਸੁ ਗੁਰੁ ਗੋਬਿੰਦ ਸਿੰਘ ਰਿਸ ਧਾਰੇ । ਸ੍ਰੀ ਮੁਖ ਸਿਉਂ ਅਸ ਬੈਨ ਉਚਾਰੇ ।
 ਐਸਾ [ਪੰਥ]^੨ ਅਬਹਿ ਪ੍ਰਗਟਾਵੇ । ਬੀਚ ਸਹੰਸ ਨਹ ਏਕ ਛਪਾਵੇ ।
 ਐਸੀ ਮੁਹਰ ਸੀਸ ਤਿਨ ਧਾਰਉਂ । ਜਯੋ ਸਯਾਲਨ ਮਹਿ ਸਿੰਘ ਵਿਚਾਰਉਂ । 384 ।

ਦੋਹਰਾ

ਐਸੇ ਕਹਿ ਦਸਵੇਂ ਗੁਰੁ ਕਮਲ ਬਦਨ ਕਰ ਫੇਰ ।
 ਐਸ ਪੰਥ ਪਰਗਟ ਕੀਓ ਤੁਰਕ^੩ ਮਾਰ ਲੈ ਘੇਰ ॥ 385 ॥
 ਪੁਨ ਮਾਲਵ ਧਰ ਜਾਇ ਕੈ ਕਾਂਸੀ ਤਹਾਂ ਬਨਾਇ ।
 ਨਾਮ ਧਰਿਓ ਤਿਹ ਦਮਦਮਾ ਮੁਕਤਿ ਭੁਗਤਿ ਫਲਦਾਇ ॥ 386 ॥

ਚੌਪਾਈ

ਤਹਾਂ ਆਦਿ ਗੁਰੁ ਗ੍ਰਿੰਥ ਉਚਾਰੋ । ਨਵਮ ਗੁਰੂ ਬਾਨੀ ਸੰਗ ਧਾਰੋ ।
 ਉਣਸਠ ਸਬਦ ਸਲੋਕ ਸਤਵੰਜਾ । ਪੜੇ ਵੈਰਾਗ ਲਹੈ ਹਤ ਡੰਜਾ ॥ 387 ॥
 ਦਮਦਮਾਂ ਕਾਂਸੀ ਸਮ ਦੁਖ ਖੋਵੇ । ਬਹੁ ਬੁਧ ਸੁਧ ਲਿਖਾਰੀ ਹੋਵੇ ।
 ਬੀੜ ਦਮਦਮੀ ਜਗ ਪ੍ਰਗਟਾਵੇ । ਪੜੇ ਲਿਖੇ ਸੋ^੪ ਜਨਮ ਨ ਆਵੇ ॥ 388 ॥

ਦੋਹਰਾ

ਤੁਮਰੇ ਬਚ ਬਾਣੀ ਕਰੂੰ ਨਵਮ ਗੁਰੂ ਅਸ ਧਾਰ ।
 ਦੁਤੀ ਗ੍ਰਿੰਥ ਰਚ ਛੰਦ ਮਹਿ ਦਸਮ ਨਾਮ ਨਿਰਧਾਰ ॥ 389 ॥

ਚੌਪਾਈ

ਦਸਮ ਰੂਪ ਜਬ ਅਪਨਾ ਧਰਉਂ । ਇਹ ਬਿਧ ਚਰਿਤ^੫ ਜਗਤਿ ਅਤਿ ਕਰਉਂ ।
 ਭਗਤ ਸਿੰਘ ਪਰ ਹੇਤ ਦਿਖਾਏ । ਹੁਇ ਕ੍ਰਿਪਾਲ ਗੁਰ ਬਚਨ ਸੁਨਾਇ ॥ 390 ॥
 ਸੁਨ ਗੁਰ ਬਚ ਬਿਧੀਏ ਤੇ ਆਦਿ । ਭ੍ਰਮ ਨਿਵਾਰ ਲਖ ਰੂਪ ਅਨਾਦ ।
 ਅਰਧ ਜਾਮ ਦਿਨ ਤਬੈ ਰਹਾਯੋ । ਸੋਦਰ ਚੋਕੀ ਮਹਿ ਮਨ^੬ ਲਾਯੋ ॥ 391 ॥

ਦੋਹਰਾ

ਸਾਹਿ ਨਿਕਟ ਜਾਵਹਿ ਗੁਰੂ ਜਬ ਸਾਹ ਕਰਹਿ ਯਾਦ ।
 ਪੁਨ ਸ਼ਿਕਾਰ ਖੇਲਹਿ ਪ੍ਰਭੂ ਪਰਸੋਤਮ ਮਿਰਜਾਦ ॥ 392 ॥

ਚੌਪਾਈ

ਪਾਂਚ ਦਿਵਸ ਇਹ ਭਾਂਤਿ ਬਿਤਾਇਸ । ਸ਼ਿਕਾਰ ਖੇਡ ਹਿਤ ਸਾਹਿ ਸਿਧਾਇਸ ।
 ਸਾਹਿ ਸੈਨ ਸੰਗ ਲਈ ਅਪਾਰਾ । ਕੁਹੀ ਸੁ ਜੁਰੈ ਸੁਆਨ ਹਜ਼ਾਰਾਂ ॥ 393 ॥
 ਸ੍ਰੀ ਗੁਰ ਅਗ੍ਰ ਸ਼ਿਕਾਰ ਖਿਲਵਾਹਿ । ਬਨ ਕੇ ਜੀਵ ਜੰਤ ਬਹੁ ਘਾਵਹਿ ।
 ਸਾਹ ਭੇਟ ਸ੍ਰੀ ਗੁਰ ਸਿਉਂ ਭਈ । ਦੇਖ ਸਾਹਿ ਮਨ ਚਿੰਤਾ ਲਈ ॥ 394 ॥

^੧ਅ ਤੇ ਏ ਪੋਥੀ ਕੋ ਸਨਮੁਖ ਆਏ ^੨ਅ ਪੋਥੀ ਵਿਚੋਂ ^੩ਅ ਪੋਥੀ ਮਲੇਛ ^੪ਅ ਤੇ ਏ ਪੋਥੀ ਮੁਕਤੀ ਪਾਵੇ

^੫ਅ ਪੋਥੀ ਕੌਤਕ

ਦੋਹਰਾ

ਸ੍ਰੀ ਗੁਰੂ ਮਾਰਤ ਜੀਵ ਕਉ ਦਯਾ ਨਾ ਮਨ ਮਹਿ ਧਾਰ ।
ਹਿੰਸ ਧਰਮ ਇਹ ਸਾਹਿ ਕਉ ਦਯਾ ਪੀਰ ਗੁਰ ਸਾਰ ॥ 395 ॥

ਭੁਜੰਗ ਪ੍ਰਯਾਤ ਛੰਦ

ਮਨ ਐਸ ਗੋਈ ਮੁਖ ਐਸ ਗਾਈ । ਚਲੇ ਪੀਰ ਆਗੇ ਘਨੇ ਜੀਵ ਘਾਈ ।
ਗੁਰੁ ਬੈਠ ਮਾਨੇ ਚਲੇ ਸਾਹ ਸੰਗੀ । ਚਲੀ ਸੈਨ ਐਸੇ ਸੁ ਗੰਗਾ ਤਰੰਗੀ ॥ 396 ॥
ਕਿਤੇ ਪਾਸ ਪੇਲੇ ਕਿਤੇ ਤੇਗ ਝਾਰਹਿ । ਕਿਤੇ ਮਾਰ ਬੰਦੂਕ ਜੀਵੇ ਸੰਘਾਰਹਿ ।
ਬਨ ਮਧ ਖੇਲਿਓ ਸੁ ਐਸੇ ਸ਼ਿਕਾਰਾ । ਆਯੋ ਭੀਮ ਸਿੰਘ ਬਲੀ ਭਭਕਾਰਾ ॥ 397 ॥
ਭਜੀ ਸੈਨ ਸਾਰੀ ਹਰੀ ਤ੍ਰਾਸ ਖਾਏ । ਗੁਰੁ ਸੈਨ ਠਾਢੀ ਨਹੀਂ ਪਾਛੇ ਧਾਏ ।
ਧਰਿਓ ਸਾਹ ਭੈ ਕਉ ਗੁਰੂ ਕਉ ਸੁਨਾਯੋ । ਕਰੋ ਰਛ ਮੋਰੀ ਬਲੀ ਸਿੰਘ ਆਯੋ
॥ 398 ॥

ਦੋਹਰਾ

ਸਾਹ ਬੈਠ ਸ੍ਰੀ ਗੁਰੂ ਸੁਨੇ ਉਤਰੇ ਹੈ ਭੂਆ¹ ਆਇ ।
ਢਾਲ ਹਾਥ ਜਮਧਰ ਲਯੋ ਚਲੇ ਸਿੰਘ ਸਮੁਹਾਇ ॥ 399 ॥

ਚੌਪਾਈ

ਗੁਰੂ ਸੈਨ ਮੁਖ ਗੁਰੂ ਉਚਾਰੈ । ਸਾਹ ਖੜੇ ਗੁਰੂ ਓਰ ਨਿਹਾਰੈ ।
ਏਕਲ ਸ੍ਰੀ ਗੁਰੂ ਧਾਏ ਐਸੇ । ਦਸਰਬੀ ਰਾਵਨ ਪਰ ਜੈਸੇ ॥ 400 ॥
ਗੁਰੂ ਕਉ ਦੇਖ ਸਿੰਘ ਦੌਰਾਯੋ । ਸ੍ਰੀ ਸਤਿਗੁਰੂ ਕੇ ਸਨਮੁਖ ਆਯੋ ।
ਆਇ ਚੋਟ ਸ੍ਰੀ ਗੁਰੂ ਕਉ ਮਾਰੀ । ਬਾਏਂ ਹਾਥ ਗੁਰੂ ਢਾਲ ਸੰਭਾਰੀ ॥ 401 ॥

ਦੋਹਰਾ

ਦਾਏਂ ਹਾਥ ਜਮਧਰ ਲਈ ਸ੍ਰੀ ਗੁਰੂ ਤਹਿ ਉਰ ਫਾਰ ।
ਸਿੰਘ ਮ੍ਰਿਤ ਭੂ ਪਰ ਪਰਾ ਜੈ ਜੈ ਕੀਨ ਉਚਾਰ ॥ 402 ॥

ਚੌਪਾਈ

ਉਤਰ ਸਾਹ ਗੁਰੂ ਕੇ ਢਿਗ ਆਯੋ । ਦਿਖ ਕੇਹਰ³ ਮਨ ਮਹਿ ਬਿਸਮਾਯੋ ।
ਕੇਹਰ ਬਪੁ ਤੇ ਤਨ ਪ੍ਰਗਟਾਨਾ । ਸੁਰ ਸੁੰਦਰ ਨਹਿ ਜਾਤ ਬਖਾਨਾ ॥ 403 ॥
ਗੁਰੂ ਉਪਰ ਸੁਰ ਕੀਨੀ ਬਰਖਾ । ਪੁਸ਼ਪਨ ਕੀ ਧਾਰਿਯੋ ਮਨ ਹਰਖਾ ।
ਨਭ ਤੇ ਉਤਰਯੋ ਸੁੰਦਰ ਯਾਨਾ । ਤਿਹ ਸੁਰ ਗੁਰੂ ਕਉ ਬੰਦਨ ਠਾਨਾ ॥ 404 ॥

ਦੋਹਰਾ

ਕਰ ਬੰਦਨ ਗੁਰੂ ਕਉ ਤਬੈ ਯਾਨ ਮਧ ਬੈਠਾਇ ।
ਚਲਯੋ ਭਿਸਤ⁴ ਕਉ ਸਾਹ ਦਿਖ ਤਾਂਕੋ ਕਹਾ ਸੁਨਾਇ ॥ 405 ॥

¹ਅ ਪੋਥੀ ਧਰਿ ²ਅ ਤੇ ³ਅ ਪੋਥੀ ਰਾਮਚੰਦ੍ਰ ⁴ਅ ਪੋਥੀ ਸਿੰਘ ⁵ਅ ਪੋਥੀ ਬਬਰ ⁶ਅ ਪੋਥੀ ਸੂਰਗ

ਚੌਪਾਈ

ਕੋ ਹੋ ਨਰ ਤੁਮ ਕਹਾ ਸਿਧਾਰਿਓ । ਕੈਸ ਪਾਪ ਕੇਹਰ ਬਪੁ ਧਾਰਿਓ ।
ਨਿਜ ਬ੍ਰਿਤੰਤ ਸਭ ਭਾਖਨ ਕੀਜੈ । ਕਹਹੁ ਪੁੰਨ ਜਿਹ ਮੁਕਤੀ ਲੀਜੈ ॥ 406 ॥

ਸੁਰੋਬਾਰ

ਸੁਨਹੁ ਸਾਹ ਧੰਨ ਤੇ ਕਉ ਆਹੀ । ਐਸ ਪੀਰ ਜਾਂਕੇ ਜਗ ਮਾਹੀ ।
ਅਮਰਦਾਸ ਗੁਰ ਕੈ ਨਿਕਟਾਰ । ਹਉਂ ਅਕਬਰ ਸੰਗ ਥਾ ਇਕ ਬਾਰ ॥ 407 ॥

ਦੋਹਰਾ

ਮਸੇਰ ਭ੍ਰਾਤ ਤੁਹਿ ਤਾਤ ਕਉ ਹਉ ਬਲ ਬੁਧਿ ਅਪਾਰ ।
ਤੋਹਿ ਪਿਤਾ ਸੰਗਿ ਮੈ ਗਯੋ ਦਿਨ ਇਕ ਗੁਰ ਨਿਕਟਾਰ ॥ 408 ॥

ਚੌਪਾਈ

ਗੋਂਦਵਾਲ^੧ ਪਿਤ ਤੇਰਾ ਗਯੋ । ਅਪਾਰ ਭੇਟ ਤਹਿ ਰਾਖਤ ਭਯੋ ।
ਇਹ ਦਿਖ ਮਮ ਮਨ ਰਿਸ ਉਪਜਾਈ । ਹਿੰਦੂ ਗੁਰੁ ਕਉ ਪੂਜ ਚੜਾਈ ॥ 409 ॥
ਬਹੁ ਨਿੰਦਾ ਹਮ ਗੁਰ ਕੀ ਕਰੀ । ਸਿੰਘ ਦੇਹ ਇਹ ਕਾਰਨ ਧਰੀ ।
ਭਯੋ ਮੁਕਤ ਗੁਰ ਦਰਸਨ ਪਾਯੋ । ਗੁਰ ਪ੍ਰਤਾਪ ਭਵ ਪੰਥ ਮਿਟਾਯੋ ॥ 410 ॥

ਦੋਹਰਾ

ਸੁਨਹੁ ਸਾਹ ਸਤਿ ਸਿਖ ਮਮ ਸੰਤਿ ਜਾਨ ਗੁਰ ਪੀਰ ।
ਐਸ ਭਾਖ ਜਾਵਤ ਭਯੋ ਭਿਸਤ ਓਰ ਧਰਿ ਧੀਰ ॥ 411 ॥

ਚੌਪਾਈ

ਸ੍ਰੀ ਗੁਰ ਸਾਹ ਦ੍ਰਿਸ਼ਟਿ ਵਹੁ ਆਯੋ । ਔਰ ਕਿਸੀ ਨਹਿ ਨੈਨ ਲਖਾਯੋ ।
ਭਗਤ ਸਿੰਘ ਗੁਰੂ ਚਰਿਤ ਦਿਖਾਏ । ਤਬੈ ਸਾਹ ਮਨ ਨਿਹਚਾ ਪਾਏ ॥ 412 ॥
ਹਾਥ ਜੋਰ ਗੁਰੁ ਕੇ ਪਗ^੨ ਪਰਾ । ਗੁਰੂ ਬਖਸ਼ ਸੰਸ ਹਮ ਹਰਾ ।
ਇਹ ਬਿਧ ਬਨ ਮਹਿ ਖੇਲ ਸਿਕਾਰਾ । ਸਾਹ ਆਪਨੋ ਧਾਮ ਸਿਧਾਰਾ ॥ 413 ॥

ਦੋਹਰਾ

ਨਿਜ ਡੇਰੇ ਆਵਤ ਭਏ ਹਰਿਗੋਵਿੰਦ ਸੁਖ ਖਾਨ ।
ਕੋਤਕ ਕਰਤ ਅਪਾਰ ਨਿਤ ਸ੍ਰੀ ਗੁਰੂ ਕ੍ਰਿਪਾ ਨਿਧਾਨ ॥ 414 ॥

ਸੋਰਠਾ

ਸੰਗਤ ਭਈ ਨਿਹਾਲ ਸ੍ਰੀ ਗੁਰੂ ਰੂਪ ਨਿਹਾਰ ਕੇ ।
ਸ੍ਰੀ ਗੁਰੂ^੩ ਸਦਾ ਕ੍ਰਿਪਾਲ ਇਛ ਪੂਰਿ ਸਬ ਕੀ ਕਰਹਿ ॥ 415 ॥

ਚੌਪਾਈ

ਦੁਤੀ ਦਿਵਸ ਤਬ ਸਾਹ ਪਠਾਯੋ । ਖਾਂ ਵਜੀਰ ਗੁਰੁ ਕੈ ਨਿਕਟਾਯੋ ।
ਆਪ ਸ੍ਰੀ ਗੁਰੁ ਈਹਾਂ ਨ ਆਵਹਿ । ਆਇ ਆਪ ਹਮ ਦਰਸਨ ਪਾਵਹਿ ॥ 416 ॥

^੧ਅ ਪੋਥੀ ਗੋਬਿੰਦਵਾਲ ^੨ਅ ਤੇ ਏ ਪੋਥੀ ਚਰਨੀ ^੩ਅ ਪੋਥੀ ਸਤਿਗੁਰ

ਖਾਂ ਵਜੀਰ ਤਬ ਗੁਰ ਪਹਿ ਆਇ । ਕਹੀ ਬਾਤ ਸਭ ਹੀ ਸਮਝਾਇ ।
ਤਬੈ ਸ਼ਾਹ ਗੁਰ ਕੈ ਢਿਗ ਆਯੋ । ਕ੍ਰਿਪਾ ਸਿੰਧ ਕਾ ਦਰਸਨ ਪਾਯੋ ॥ 417 ॥

ਦੋਹਰਾ

ਗਰਿ ਅੰਚਰ ਕਉ ਡਾਰ ਕੈ ਸਦ¹ ਪਾਂਚ ਰੁਪਯਾ ਧਾਰ ।
ਮੁਖ ਸਿਉਂ ਅਸਿ ਬਿਨਤੀ ਕਰੀ ਰਛ ਰਛ² ਕਰਤਾਰ ॥ 418 ॥

ਚੌਪਾਈ

ਬਹੁ ਆਦਰ ਗੁਰ ਤਾ ਕੋ ਦਯੋ । ਸਾਹਿ ਬਿਨੈ ਕਰ ਪਯਾਨਾ ਕਯੋ ।
ਐਸੇ ਸਾਹਿ ਨਿਤ ਚਲਿ ਆਵੈ । ਪਾਂਚ ਸਦ¹ ਰੋਜ ਸੋ ਪੂਜ ਚੜਾਵੈ ॥ 419 ॥
ਦਿਖ ਚੰਦੂ ਮਨ ਮੋ³ ਰਿਸ ਖਾਈ । ਪਰ ਤਾ ਕਿਉਂ ਵਸ ਕਛੁ ਨ ਚਲਾਈ ।
ਅਸਟ ਦਿਵਸ ਯੋ ਬੀਤਤ ਭਏ । ਨੌਮੇ ਦਿਵਸ ਸਾਥ ਤਹਿ ਕਏ ॥ 420 ॥

ਦੋਹਰਾ

ਚੰਦੂ ਸਾਥ ਲਵਾਇਕੈ ਅਯੋ ਸ਼ਾਹ ਗੁਰ ਪਾਸ ।
ਗੁਰ ਆਗੇ ਪੂਜਾ ਧਰੀ ਪੁਨਾ ਕੀਨੀ ਅਰਦਾਸ ॥ 421 ॥

ਚੌਪਾਈ

ਦਿਖ ਚੰਦੂ ਮਨ ਮਹਿ ਖੁਨਸਾਯੋ । ਸ੍ਰੀ ਗੁਰ ਤਿਹ ਮਨ ਤਬ ਭ੍ਰਮਾਯੋ ।
ਚਾਹਤ ਚਰਿਤ ਅਨਿਕ ਬਿਸਥਰਉਂ । ਬੰਧ ਜੀਵ ਕਉ ਮੋਚਨ ਕਰਉਂ ॥ 422 ॥
ਭਗਤ ਸਿੰਘ ਪੁਨ ਸੰਸ ਅਲਾਯੋ । ਹੇ ਪ੍ਰਭ ਬੰਧ ਮੁਕਤਿ ਕਿਮ ਗਾਯੋ ।
ਮਨੀ ਸਿੰਘ ਕਹਿ ਤੁਮ ਗ੍ਰਸ ਜੀਵਾ । ਗੁਰ ਚਰਿਤ ਸੁਨ ਮਿਟ ਦੁਖ ਸੀਵਾ ॥ 423 ॥

ਦੋਹਰਾ

ਕਛੁ ਯਹਿ ਕਾਰਣ ਔਰ ਹੈ ਗੁਵਾਲਯੋਰ ਮਹਿ ਜਾਨ ।
ਬੰਦੀਖਾਨੇ ਪਰੇ ਨ੍ਰਿਪ ਜਾਚਤ ਕ੍ਰਿਪਾ ਨਿਧਾਨ ॥ 424 ॥

ਚੌਪਾਈ

ਆਏ ਗੁਰੂ ਤਿਨਹਿ ਸੁਨ ਪਾਏ । ਇਮ ਜਾਚਤ ਗੁਰ ਬੰਧ ਕਟਾਏ ।
ਸੁਇਨੀ ਪੁਰ ਹਰਦਾਸ ਧਿਆਏ । ਸ੍ਰੀ ਗੁਰ ਕਬ ਮੋਹੇ ਦਰਸ ਦਿਖਾਏ ॥ 425 ॥
ਤਿਹ ਮਨ ਕੀ ਜਾਨੀ ਗੁਰੁ ਬਾਤਾ । ਚੰਦੂ ਮਨ ਅਤਿ ਭ੍ਰਮ ਧਰ ਜਾਤਾ ।
ਕਰ ਬੰਦਨ ਤਬ ਸ਼ਾਹ ਸਿਧਾਯੋ । ਚੰਦੂ ਚਲਿ ਆਪਨੇ ਗ੍ਰਿਹਿ ਆਯੋ ॥ 426 ॥

ਦੋਹਰਾ

ਮਨ ਮਹਿ ਕਰਤ ਉਪਾਵ ਕੋ ਤਿਸੈ ਅਧਿਕ ਤਨ ਦਾਹ ।
ਅਵਲ ਪੂਛ ਨਜ਼ਮ ਦੇ ਬੈਠ ਤਖਤ ਪੁਨ ਸ਼ਾਹ ॥ 427 ॥

¹ਦ ਪੋਥੀ ਸਤ ²ਅ ਪੋਥੀ ਰਛਯਾ ਕਰਹੁ ³ਦ ਪੋਥੀ ਮਾਹਿ

ਚੌਪਾਈ

ਪਰੀ ਰੈਨ ਤਾਕੇ ਗ੍ਰਿਹਿ ਗਯੋ । ਰਿਸਵਤ ਪਾਂਚ^੧ ਸਹਸ ਤਿੰਹ ਦਯੋ ।
 ਧਨ ਦੇ ਕਰਿ ਪੁਨ ਬਿਨਤਿ ਅਲਾਈ । ਨਜ਼ੁਮੀ ਤੁਮ ਮਮ^੨ ਕਰਹੁ ਸਹਾਈ ॥ 428 ॥
 ਨਜ਼ੁਮੀ ਕਹਯੋ ਕਹੋ ਸੋ ਕਰਉ । ਤੁਮਰੇ ਕਹੋ ਨਾਇ ਹਉ ਟਰਉ ।
 ਚੰਦੂ ਕਹੀ ਬਾਤ ਤਿਹ ਐਸੀ । ਪਾਪੀ ਕੇ ਮਨ [ਮਾਹਿ]^੩ ਥੀ ਜੈਸੀ ॥ 429 ॥

ਦੋਹਰਾ

ਜਬੈ ਸਾਹ ਪੂਛਨ ਕਰਹਿ ਤੁਮਤੇ ਤਖਤ ਬਠਾਇ ।
 ਤਬ ਤੁਮ ਨਿਜ ਸਿਰ ਫੇਰਕੇ ਮੁਖ ਤੇ ਨਾਹਿ ਕਰਾਇ ॥ 430 ॥

ਚੌਪਾਈ

ਜਬੈ ਸਾਹ ਫਿਰ ਬਾਤ ਅਲਾਈ । ਭਾਖਹੁ ਸਤੀ ਸਾੜ ਹੈ ਆਈ ।
 ਹਰਿ ਗੋਵਿੰਦ ਸੋਢੀ ਕਉ ਹੋਈ । ਰਹੇ ਗੁਵਾਲੇਯਰ ਭਜਨ ਕਰ ਸੋਈ ।
 ਤੁਮਰੇ ਹਿਤ ਤਉ ਖੇਦ ਮਿਟਾਵੈ ॥ ਨਹਿ ਤਉ ਬਹੁਤ ਖੇਦ ਪ੍ਰਗਟਾਵੈ ।
 ਨਜ਼ੁਮੀ ਮਾਨ ਲਈ ਰਿਦ ਧਾਰ । ਚੰਦੂ ਕਹਾ ਦਰਬ ਦੇਉ ਭਾਰ ॥ 431 ॥

ਦੋਹਰਾ

ਨਜ਼ੁਮੀ ਕਉ ਬਹੁ ਲੋਭ ਦੈ ਚੰਦੂ ਆਯੋ ਧਾਇ ।
 ਸਾਰੀ ਨਿਸ ਤੜਫਤ ਰਹਿਯੋ ਨੀਂਦ ਪਰੀ ਨਹਿ ਆਇ ॥ 432 ॥

ਚੌਪਾਈ

ਭਯੋ ਭੋਰ^੪ ਚੰਦੂ ਤਹਿ ਗਯੋ । ਸਾਹ ਨਿਕਟ ਜਾਇ ਪ੍ਰਾਪਤ ਭਯੋ ।
 ਸਾਹ ਨਜ਼ੁਮੀ ਕਉ ਤਬ ਕਹਾ । ਬੈਠਉ ਤਖਤ ਭਾਖ ਸੁਖ ਲਹਾ ॥ 433 ॥
 ਨਜ਼ੁਮੀ ਤਬ ਨਿਜ ਸੀਸ ਹਲਾਯਉ । ਸਾਹ ਕਹਾ ਕਿਹ ਖੇਦ ਜਨਾਯਉ ।
 ਆਗੇ ਖੇਦ ਕਰੋ ਨਹਿ ਐਸਾ । ਅਬ ਨਜ਼ੁਮ ਦੇਖਿਯਉ ਤੁਮ ਕੈਸਾ ॥ 434 ॥
 ਨਜ਼ੁਮੀ ਸਾੜ ਸਤੀ ਕਹਿ ਆਈ । ਪੂਛ ਸਾਹ ਕਿਹ ਜਤਨ ਮਿਟਾਈ ।
 ਕਹ ਨਜ਼ੁਮਿ ਸੋਢੀ ਕਉ ਹੋਈ । ਹਰਿ ਗੋਵਿੰਦ ਨਾਮ ਪੁਨ ਸੋਈ ॥ 435 ॥

ਦੋਹਰਾ

ਚਾਲੀ ਦਿਵਸ ਗੁਲੇਰ ਮਹਿ ਕਰੇ ਜਾਪ ਤੁਹਿ ਹੇਤੁ ।
 ਤਬੈ ਖੇਦ ਤੁਮਰੋ ਮਿਟੇ ਨਹਿ ਭਾਰੀ ਦੁਖ ਲੇਤ ॥ 436 ॥

ਕੁੰਡਲੀਆ

ਤਬੈ ਸਾਹ ਚਿੰਤਾ ਕਰੀ ਅਸ ਸੋਢੀ ਕਹਿ ਹੋਇ ।
 ਜਾਇ ਜਾਪੁ ਮਮ^੫ ਹਿਤ ਕਰੈ ਖੇਦ ਮਿਟਾਵੈ ਸੋਇ ।
 ਖੇਦ ਮਿਟਾਵੈ ਸੋਇ ਕਹੋ ਅਸ ਨਰ ਕਹਿ ਹੋਈ ।
 ਦੇਵਉ ਦਰਬ ਅਪਰ ਭਾਖ ਨਰ ਐਸਾ ਜੋਈ ।

^੧ਅ ਪੋਥੀ ਹਜਾਰ ^੨੮ ਪੋਥੀ ਮੋਹਿ ^੩ਅ ਪੋਥੀ ਵਿਚੋਂ ^੪ਅ ਪੋਥੀ ਪ੍ਰਾਤਹਿ ^੫ਅ ਪੋਥੀ ਗੋਰੇ

ਕਹਿ ਚੰਦੂ ਤੁਮ ਪਾਸ ਪੀਰ ਗੁਰੂ ਜਾਂਕੋ ਆਖੋ ।
ਹਰਿ ਗੋਬਿੰਦ ਤਹਿ ਨਾਮ ਜਗਤ ਸੋਢੀ ਤਿੰਹ¹ ਭਾਖੋ ॥ 437 ॥

ਸਵੈਯਾ

ਸੁਨਿਕੈ ਇਸ ਤਾਹਿ ਕੇ ਬੈਨਨ ਕਉ ਪੁਨ ਸਾਹਿ ਕਹੀ ਸੋਈ ਪੀਰ ਗੁਸਾਈ ।
ਗੁਰੂ ਨਾਨਕ ਕੋ ਇਹ ਤਖਤ ਬਿਰਾਜਤ ਨਾਨਕ ਨਾਮ ਸੁ ਆਪ ਸਦਾਈ ।
ਸੁਆਹੀ ਕਹਾ ਇਹ ਨਾਨਕ ਨਾਂਹਿ ਸੋ ਬੇਦੀ ਭਏ ਸੋਢੀ ਇਹ ਗਾਈ ।
ਹਰਿ ਗੋਵਿੰਦ ਨਾਮ ਕਹੈ ਜਗ ਯਾਹਿ ਕੋ ਸੋਈ ਅਬੈ ਇਹ ਜਾਪ ਕਰਾਈ ॥ 438 ॥

ਦੋਹਰਾ

ਸੁਨ ਚੰਦੂ ਕੇ ਬੈਨ ਕਉ ਗੁਰ ਮਾਯਾ ਭਰਮਾਇ ।
ਕਹਾ ਸਾਹਿ ਹਮ ਭੇਜਹਿ ਕਰੈ ਜਾਪ ਤਿੰਹ ਜਾਇ ॥ 439 ॥

ਚੌਪਾਈ

ਤਬੈ ਸਾਹ ਗੁਰ ਕੈ ਢਿਗ ਗਯੋ । ਭੇਟ ਰਾਖ ਯਾਹਿ ਭਾਖਤ² ਭਯੋ ।
ਹੇ ਗੁਰੂ ਕਰੋ ਸਹਾਇ ਹਮਾਰੀ । ਜਾ ਗੁਲੀਏਰ ਤਾਪ ਜਪੁ ਧਾਰੀ ॥ 440 ॥
ਚਾਲੀ ਦਿਨ ਤੁਮ³ ਤਾਂਹਿ ਰਹਾਵਹੁ । ਬਹੁਰ ਨਿਕਟ ਹਮਰੇ ਪ੍ਰਭੁ ਆਵਹੁ ।
ਨਜ਼ਮੀ ਸਾਢ ਸਤੀ ਕਹਿ ਆਈ । ਇਹ ਕਾਰਨ ਗੁਰੂ ਤਹਿ ਪਠਾਈ ॥ 441 ॥

ਦੋਹਰਾ

ਤਬੈ ਸਾਹਿ ਕਉ ਗੁਰੂ ਕਹਾਂ ਤੋਹਿ ਖੇਦ ਨਹਿ ਕੋਇ ।
ਸਾੜ ਸਤੀ ਜਾ ਕਉ⁴ ਅਈ ਕਾਲ ਤਿਸੀ ਕਉ ਹੋਇ ॥ 442 ॥

ਚੌਪਾਈ

ਹਮਰੇ ਗਏ ਖੇਦ ਮਿਟ ਜਾਇ । ਚਾਲੀ ਦਿਨ ਹਮ ਤਹਾਂ ਰਹਾਇ ।
ਇਹ ਕਹਿ ਸ੍ਰੀ ਗੁਰ ਭਏ ਤਿਆਰ । ਪਾਂਚ ਸਿਖ ਸੰਗਿ ਅਪਨੇ ਧਾਰ ॥ 443 ॥
ਸੈਨਾ ਕਉ ਗੁਰ ਆਇਸ ਦਈ । ਰਹਹੁ ਈਹਾਂ ਤੁਮ ਚਿੰਤੁ ਨ ਕਈ ।
ਲਿਖ ਪਰਵਾਨਾ ਤਾਂਹਿ ਪਠਾਯੋ । ਆਗੇ ਗੁਰ ਸੁਭ ਠੌਰ ਬੈਠਾਯੋ ॥ 444 ॥

ਦੋਹਰਾ

ਹਰਿਦਾਸ ਓਰ ਪਾਤੀ ਲਿਖੀ ਚੰਦੂ ਰਿਸ਼ਵਤ ਭਾਖ ।
ਪਾਂਚ ਸਹਿਸ⁵ ਤੁਹਿ ਦੇਇ ਹਉ⁶ ਗੁਰੂ ਜਹਿਰ ਦੇਹਿ ਤਾਖ ॥ 445 ॥

ਚੌਪਾਈ

ਪਾਤਿਸ਼ਾਹ ਕਾ ਲਿਖਯਾ ਆਯੋ । ਹਰਿਦਾਸ ਵਾਚ ਮਨ ਮਹਿ ਸੁਖ ਪਾਯੋ ।
ਚੰਦੂ ਕੀ ਪਾਤੀ ਪੁਨਿ ਆਈ । ਸੋਈ ਵਾਚ ਤਿੰਹ ਮਨ ਦੁਖ ਆਈ ॥ 446 ॥

¹੬ ਪੌਥੀ ਤਿਨ ²ਅ ਪੌਥੀ ਅਖਾਤ ³੬ ਪੌਥੀ ਗੁਰ ⁴ਅ ਪੌਥੀ ਹਜਾਰ

ਦੋਹਰਾ

ਭਗਤ ਸਿੰਘ ਹਰਿਦਾਸ ਕਉ ਜਮਾਦਾਰ¹ ਗੜ ਜਾਨ ।
ਆਗੇ ਕਰਤ ਧਿਆਨ ਗੁਰ ਆਵਹਿੰ ਕ੍ਰਿਪਾ ਨਿਧਾਨ ॥ 447 ॥

ਚੌਪਾਈ

ਪਾਂਚ ਸਿਖ ਸੰਗਿ ਅਪਨੇ ਧਾਰ । ਸ੍ਰੀ ਗੁਰ ਗਏ ਸੁ ਤਹਾਂ ਮੁਰਾਰ ।
ਹਰਿਦਾਸ ਦੇਖ ਮਨ ਮਹਿ ਸੁਖ ਪਾਯੋ । ਚਰਨੰਬੁਜ² ਮਨ ਮਹਿ ਲਪਟਾਯੋ ॥ 448 ॥
ਸ੍ਰੀ ਗੁਰ ਕਹਾ ਸੁਨਹੁ ਮਨ ਜੈਸੀ ॥ ਕਹਿ ਹਰਿਦਾਸ ਮੈਂ ਕਹੋ ਨਾ ਕੈਸੀ ।
ਚੰਦੂ ਪਾਤੀ ਜੋਇ ਲਿਖ ਪਠਾਈ । ਦਿਖਾਇ ਗੁਰੁ ਕਉ ਅਗਨਿ ਜਲਾਈ ॥ 449 ॥

ਦੋਹਰਾ

ਆਛੋ ਪਲੰਘ ਡਸਾਇਕੈ ਸ੍ਰੀ ਗੁਰੁ ਤਹਾਂ ਬਠਾਇ ।
ਹਰਿਦਾਸ ਸੇਵ ਗੁਰ ਕੀ ਕਰੈ ਇਕ ਚਿਤ ਨਿਜ ਮਨ ਲਾਇ ॥ 450 ॥

ਚੌਪਾਈ

ਬੰਦੀ ਨ੍ਰਿਪ ਦਿਖ ਗੁਰੁ ਹਰਖਾਇ । ਧਰ ਮਨ ਮਹਿ ਅਬ ਬੰਧ ਕਟਾਏ ।
ਰੁਪਏ ਪੰਜ ਸੈ ਸ਼ਾਹ ਪਠਾਵਹਿ । ਸ੍ਰੀ ਗੁਰੁ ਭੋਜਨ ਤਾਂਹਿ ਕਰਾਵਹਿ ॥ 451 ॥

ਦੋਹਰਾ

ਬੰਦੀ ਖਾਨੇ ਜੋ ਪਰੇ ਤਾਂਕੋ ਦੇਤ ਖਵਾਇ ।
ਅੰਗੀਕਾਰ ਨ ਗੁਰੁ ਕਰਹਿ ਐਸੇ ਨਿਤ ਕਰਾਇ ॥ 452 ॥

ਚੌਪਾਈ

ਤਬ ਜੇਠੇ ਯੋ ਬਿਨਤਿ ਉਚਾਰੀ । ਹੇ ਗੁਰ ਤੁਮ ਨਹਿ ਭੋਜਨ ਧਾਰੀ ।
ਸ੍ਰੀ ਮੁਖ ਕਹਾ ਕਿਰਤ ਕਰ ਲਿਆਵਉ । ਸੋ ਭੋਜਨ ਹਮ ਕਉ ਕਰਵਾਵਉ ॥ 453 ॥
ਸਿਖਨ ਮਾਨ ਬਾਤ ਸੋ ਲਈ । ਆਗਿਆ ਗੁਰੁ ਹਰਿਦਾਸ ਕਉ ਦਈ ।
ਆਇ ਜਾਇ ਸਿਖ ਨਾਂਹਿ ਹਟਾਵਉ³ । ਤਿਨ ਕਹਿ ਜੋ ਇਹ ਇਛ ਕਰਾਵਉ ॥ 454 ॥

ਦੋਹਰਾ

ਭਗਤ ਸਿੰਘ ਸੁ ਨਿਦੇਸ ਲੈ ਗੁਰ ਕੀ ਧਾਰੇ ਜਾਇ ।
ਕਿਰਤਿ ਨਿਸਾ ਸਾਰੀ ਕਰੈ ਠਠਿਆਰ⁴ ਹਾਟ ਪੁਨ ਆਇ ॥ 455 ॥

ਚੌਪਾਈ

ਜੋ ਕੁਛ ਕ੍ਰਿਰਤ ਰੋਜ ਕਰ ਲਿਆਵਹਿ । ਆਇ ਦਿਵਸ ਪ੍ਰਸਾਦਿ ਕਰਾਵਹਿ ।
ਸੋ ਪ੍ਰਸਾਦਿ ਸ੍ਰੀ ਸਤਿਗੁਰ ਕਰਹਿ । ਪਾਂਚ ਸਿਖ ਸੋਊ ਮੁਖ ਧਰਹਿ ॥ 456 ॥
ਬੰਦੀ ਨ੍ਰਿਪ ਮਨ ਮਹਿ ਸੁਖ ਪਾਯੋ । ਆਛੋ ਭੋਜਨ ਨਿਤ ਕਰਾਯੋ ॥
ਸਭ ਭਾਂਖਹਿ ਗੁਰੁ ਈਹਾ ਰਹਾਇ । ਹਮ ਭੋਜਨ ਇਹ ਨਿਤ ਖਵਾਇ ॥ 457 ॥

¹ੲ ਪੋਥੀ ਕਿਲੇਦਾਰ ²ਅ ਪੋਥੀ ਚਰਨਕਮਲ ³ੲ ਪੋਥੀ ਲੋਹਾਰ

ਦੋਹਰਾ

ਬਾਦਿਸ਼ਾਹ ਐਸੇ ਪਠੇ ਦਿਖ ਗੁਰੁ ਖੇਦ ਨ ਪਾਇ ।
ਚੰਦੂ ਐਸੇ ਕਹਿਤ ਹੈ ਮਾਰੋ ਜ਼ਹਿਰ ਦਵਾਇ¹ ॥ 458 ॥

ਚੌਪਾਈ

ਹਰਿਦਾਸ ਸੇਵ ਗੁਰੁ ਕੀ ਬਹੁ ਕਰੇ । ਨਿਸ ਦਿਨ ਗੁਰ ਆਯਸ ਅਨੁਸਰੇ ।
ਇਹ ਬਿਧ ਚਾਲੀ ਦਿਵਸ ਬਿਤਾਇ । ਦਯਾ ਸਿੰਧ ਭਾਖੈ ਪ੍ਰਗਟਾਇ ॥ 459 ॥
ਪੁਨ ਜੇਠਾ ਮਨ ਮਹਿ ਜੋ ਲਯਾਇ । ਬਤਾਲੀ ਦਿਵਸ ਸੁ ਗਏ ਵਿਲਾਇ ।
ਬਾਦਸ਼ਾਹ ਨਹਿ ਗੁਰੁ ਮਿਲਾਇ । ਰਾਜ ਸਾਜ ਮਦ ਤਿੰਹ ਮਨ ਆਇ ॥ 460 ॥

ਦੋਹਰਾ

ਐਸੀ ਬਾਤ ਬਿਚਾਰ ਕੈ ਲੀਨ ਪਿਰਾਣਾ ਸੰਗ ।
ਬਨ ਕੇਹਰ ਦੋਨ ਚਲੇ ਆਧੀ ਨਿਸ ਸੁਭ ਰੰਗ ॥ 461 ॥

ਚੌਪਾਈ

ਰੰਗ ਮਹਿਲ ਮਹਿ ਸ਼ਾਹ ਕੀ ਸੈਨਾ । ਪਲੰਘ ਡਸਾਇ ਧਾਰ ਸੁਖ ਐਨਾ ।
ਪਹਿਰੇ ਗਿਰਦ ਸੁ ਖਰੇ ਅਪਾਰਾ । ਮਖੀ² ਕੀ ਨਾਹਿ ਗੰਮਿ ਬਿਚਾਰਾ ॥ 462 ॥
ਤਬ ਕੇਹਰ ਤਹਿ ਪ੍ਰਾਪਤਿ ਭਏ । ਸ਼ਾਹ ਉਦਰ ਕੇਹਰ ਪ੍ਰਗਟਏ ।
ਹਾਇ ਹਾਇ ਤਬ ਸ਼ਾਹ ਪੁਕਾਰੀ । ਹਰਿ ਗੋਬਿੰਦ ਗੁਰ ਸ਼ਰਨਿ ਤੁਮਾਰੀ ॥ 463 ॥

ਦੋਹਰਾ

ਤਬੈ ਗੁਰੁ ਪ੍ਰਾਪਤਿ ਭਏ ਦੀਨੇ ਸ਼ੇਰ³ ਹਟਾਇ ।
ਕੇਹਰਿ ਮੁਖ ਐਸੇ ਕਹਾ ਤਬ ਤੋਕਉ ਛਡਿ ਜਾਇ ॥ 464 ॥

ਚੌਪਾਈ

ਨਿਸਾ ਬਿਹਾਇ ਭੋਰ ਪ੍ਰਗਟਾਯੋ । ਸ਼ਾਹਿ ਨਜ਼ਮੀ ਨਿਕਟ ਬੁਲਾਯੋ ।
ਭਾਖੀ ਬਾਤ ਸਿੰਘ ਭਯ ਦੀਨੋ । ਸਾਰੀ ਰੈਨ ਸੈਨ ਨਹਿ ਕੀਨੋ ॥ 465 ॥
ਹਰਿ ਗੋਬਿੰਦ ਮਮ⁴ ਕਰੀ ਸਹਾਇ । ਨਾਂਤਰ ਸਿੰਘ ਮੋਹਿ ਹਤਿ ਜਾਇ ।
ਨਜ਼ਮੀ ਕਹੀ ਸ਼ਾਹ ਸਿਉ⁵ ਬਾਤਾ । ਸੁਪਨ ਬਾਤ ਝੂਠੀ ਨਹਿ ਸਾਚਾ ॥ 466 ॥

ਦੋਹਰਾ

ਸਾਰੇ ਦਿਨ ਚਿੰਤਤ ਰਹਯੋ ਪਰੀ ਰੈਨ ਤਬ ਆਇ ।
ਕਨਾਤ ਲੋਹ ਗਿਰਦੇ ਧਰੀ ਤਬੈ ਸ਼ਾਹ ਅਪੁਨਾਇ ॥ 467 ॥
ਅਰਧ ਨਿਸਾ ਜਾਵਤ ਭਈ ਅਏ ਸਿੰਘ⁵ ਰਿਸ ਧਾਰ ।
ਸ਼ਾਹਿ ਉਦਰ ਠਾਢੇ ਭਏ ਕੀਨੋ ਬਚਨ ਉਚਾਰ ॥ 468 ॥

¹ਅ ਪੋਥੀ ਖਵਾਇ ²ਅ ਪੋਥੀ ਚੀਟੀ ³ਅ ਤੇ ਏ ਪੋਥੀ ਸਿੰਘ ⁴ਅ ਪੋਥੀ ਮੋਹਿ ⁵ਅ ਤੇ ਏ ਪੋਥੀ ਕੇਲੇ

ਚੌਪਾਈ

ਤੁਮ ਗੁਰ ਕਉ ਦੀਓ ਖੇਦ ਮਹਾਇ । ਤੂੰ ਦਿਨ ਉਪਰ ਗਏ ਵਿਹਾਇ ।
 ਤੁਮ ਕਉ ਰਾਜ ਮਾਨ ਬਹੁ ਭਯੋ । ਸ੍ਰੀ ਗੁਰੁ ਕਉ ਨਹਿ ਨਿਕਟ ਬੁਲਯੋ ॥ 469 ॥
 ਬਾਦਿਸ਼ਾਹ ਤਬ ਅਤਿ ਦੁਖ ਪਾਯੋ । ਸ੍ਰੀ ਗੁਰੁ ਕਉ ਤਬ ਨਾਮ ਅਲਾਯੋ ॥
 ਕਹਾ ਪੀਰ ਮਮ¹ ਕਰੋ ਸਹਾਇ । ਨਾਤਰ ਕੇਹਰਿ ਮੋਹਿ ਹਤਾਇ² ॥ 470 ॥

ਦੋਹਰਾ

ਸ੍ਰੀ ਗੁਰੁ ਤਬ ਪ੍ਰਗਟ ਭਏ ਕੇਹਰਿ ਦਏ ਨਿਵਾਰ ।
 ਐਸ ਬੰਦਗੀ ਲੋਕ ਕਉ ਤੁਮ ਦੇਵੋ ਦੁਖ ਭਾਰ ॥ 471 ॥

ਚੌਪਾਈ

ਭਏ ਲੋਪ ਗੁਰ ਐਸ ਅਲਾਇ । ਤਬ ਕੇਹਰ ਸੋ ਪ੍ਰਗਟ ਸੁਨਾਇ ।
 ਤੋ ਕਉ ਲੀਨੋ ਗੁਰੁ ਉਬਾਰ ॥ ਨਾਤਰ ਕਰਤੇ ਤੋਹਿ ਸੰਘਾਰ ॥ 472 ॥
 ਪ੍ਰਾਨਨਿ ਪਿਆਰੇ ਜੇ ਨਿਜ ਜਾਨੋ । ਗੁਰੁ ਸਦਾ ਵਹੁ ਦੇਰ ਨਾ ਠਾਨੋ ।
 ਨਾਤਰ ਕਾਲ ਰੈਨ ਹਤ ਤੋਹਿ । ਨਿਸਚੈ ਸ਼ਾਹ ਸੁਨਹੁ ਬਦ ਮੋਹਿ ॥ 473 ॥

ਦੋਹਰਾ

ਐਸੇ ਕਹਿ ਕੇਹਰ ਗਏ ਸ਼ਾਹਿ ਬਡੋ ਦੁਖ ਪਾਇ ।
 ਚੰਦੁ ਔਰ ਨਜ਼ਮ ਕਉ ਲੀਨੋ ਨਿਕਟ ਬੁਲਾਇ ॥ 474 ॥

ਚੌਪਾਈ

ਨਜ਼ਮੀ ਕਉ ਚੰਦੁ ਸਿਖਲਾਯੋ । ਗਏ ਸ਼ਾਹ ਪੈ ਦੇਰ ਨ ਲਾਯੋ ।
 ਸ਼ਾਹਿ ਬਾਤ ਸਭ ਦਈ ਸੁਨਾਇ । ਨਜ਼ਮੀ ਕਉ ਜਉ ਨਿਜ ਦੁਖ ਪਾਇ ॥ 475 ॥
 ਨਜ਼ਮੀ ਕਹਾ ਸੁਪਨ ਇਹ ਜਾਨਉ । ਅਵਰ ਰੋਗ ਕਉ ਲਛਣ ਮਾਨਉ ।
 ਸੁਬਹ ਹੋਤ ਤਾਬੀਬ³ ਬੁਲਯੋ । ਹਜ਼ਰਤ ਸੁਨਹੁ ਇਲਾਜ ਕਰਯੋ ॥ 476 ॥

ਦੋਹਰਾ

ਭਗਤ ਸਿੰਘ ਤਬ ਭੋਰ ਦਿਖ ਲਏ ਤਬੀਬ ਬੁਲਾਇ ।
 ਨਾੜੀ ਦੇਖਹਿ ਸ਼ਾਹ ਕੀ ਰੋਗ⁴ ਨ ਕੋਊ ਪ੍ਰਗਟਾਇ ॥ 477 ॥

ਚੌਪਾਈ

ਇਹ ਠਾਂ ਐਸ ਤਹਾਂ ਜੋ ਭਈ । ਦਯਾ ਸਿੰਧ ਇਮ ਕੋਤਕ ਕਈ ।
 ਜੇਠੇ ਕਉ ਗੁਰੁ ਕਹਾ ਉਜਾਗਰ । ਭਰ ਲਿਆਵਉਂ ਤੁਮ ਗੰਗਾ ਸਾਗਰ ॥ 478 ॥
 ਜਮਨਾ ਤੇ ਜੇਠਾ ਭਰ ਲਿਆਓ । ਪੁਨਾ ਸ੍ਰੀ ਗੁਰੁ ਬਚਨ ਅਲਾਯਓ ।
 ਇਹ ਜਲ ਤੁਮ ਜਮਨਾ ਮਹਿ ਡਾਰ । ਪੁਨ ਆਵੋ ਚਲ ਨਿਕਟ ਹਮਾਰ ॥ 479 ॥

¹ਅ ਪੋਥੀ ਮੋਹਿ ²ਅ ਤੇ ਏ ਪੋਥੀ ਹੈ ਖਾਇ ³ਅ ਪੋਥੀ ਹਕੀਮ ⁴ਏ ਪੋਥੀ ਮਰਜ

ਦੋਹਰਾ

ਜੇਠਾ ਸੌ ਜਲ ਡਾਰ ਕੈ ਆਯੋ ਸ੍ਰੀ¹ ਗੁਰੁ ਪਾਸ ।
ਕਹਿ ਗੁਰੁ ਜਬ ਤੁਮ ਲਿਆਇਓ ਘਟਿਓ ਜਲ ਨਹਿ ਮਾਸ ॥ 480 ॥

ਚੌਪਾਈ

ਬਢੀ ਨ ਜਮਨਾ ਜਲ ਡਾਰਨ ਤੇ । ਗੁਰ ਸਮਰਥ ਜਾਨ ਕਾਰਨ ਤੇ ।
ਗੁਰੁ ਕੇ ਗ੍ਰਿਹਿ ਬਲ ਸਿੰਧ ਸਮਾਨ । ਤੁਮ ਬਲ [ਲੋਟੇ]² ਜਲ ਸਮ ਠਾਨ ॥ 481 ॥
ਤੁਮ ਤਨ ਸਿਉਂ ਬਲ ਨਾਹਿ ਸਮਾਵਹਿ । ਕਰਾਮਾਤ ਤੁਮ ਸ਼ਾਹਿ ਦਿਖਾਵਹਿ ।
ਕਹਿ ਜੇਠਾ ਸੰਗਤਿ ਦੁਖ ਪਾਯੋ । ਤੁਮ ਬਿਨ ਜਗ ਮਹਿ ਤਮ ਪ੍ਰਗਟਾਯੋ ॥ 482 ॥

ਦੋਹਰਾ

ਸੰਗਤ ਹਿਤ ਕੀਨੋ ਪ੍ਰਭ ਹਮ ਕਉ ਛਿਮਾ ਕਰਾਇ ।
ਦਯਾ ਸਿੰਧ ਕਹਿ ਕਰੋ ਤੁਮ ਤੋਕੋਉ ਜੋਇ ਸੁਹਾਇ ॥ 483 ॥

ਚੌਪਾਈ

ਤਬ ਜੇਠੇ ਯੋ ਕੌਤਕ ਕੀਨੋ । ਤਬੀਬ ਰੂਪ ਸੁੰਦਰ ਧਰ ਲੀਨੋ ।
ਝੋਲੀ ਧਾਰ ਕੰਧ ਨਿਜ ਲਈ । ਵੈਦ ਹਕੀਮ ਸਬਦ ਅਸ ਕਹੀ ॥ 484 ॥
ਅਸੇ ਭਾਖ ਦੁਆਰ ਸ਼ਾਹ ਜਾਈ । ਆਇ ਨਿਕਟਿ ਸ਼ਾਹਿ ਬਾਤ ਅਲਾਈ ।
ਜਾਇ ਤਿਨੈ ਇਹ ਭਾਂਤ ਅਲਾਯੋ । ਹਜ਼ਰਤ ਸੁਨਹੁ ਵੈਦ ਇਕ ਆਯੋ ॥

ਦੋਹਰਾ

ਆਗੇ ਆਏ ਵੈਦ ਬਹੁ ਤਾ ਕੋ ਲੀਓ ਬੁਲਾਇ ।
ਜੇਠੇ ਕਾ ਆਦਰ ਕੀਓ ਤਬੈ ਸ਼ਾਹਿ ਅਧਿਕਾਇ ॥ 486 ॥

ਚੌਪਾਈ

ਬਾਦਿਸ਼ਾਹ ਨਿਜ ਹਾਥ ਦਿਖਾਯੋ । ਤਬ ਜੇਠੇ ਤਿੰਹ ਹਾਥ ਹਟਾਯੋ ।
ਤਬੀਬ ਕੈਸ ਜੋ ਹਾਥ ਦਿਖਾਵੈ । ਸੂਰਤ ਦੇਖ ਨਾ ਰੋਗ ਲਖਾਵੈ³ ॥ 487 ॥
ਸੂਰਤ ਦਿਖ ਮਮ⁴ ਰੋਗ ਪਛਾਨਾ ॥ ਬਾਤ ਇਕੰਤ ਸੁਨਹੁ ਨਿਜ ਕਾਨਾ ।
ਜਾਇ ਇਕੰਤ ਬਾਤ ਸੁਨ ਸ਼ਾਹ । ਕਹਿ ਜੇਠਾ ਤੁਮ ਕਸਮ ਅਲਾਹ ॥ 488 ॥

ਦੋਹਰਾ

ਕੇਹਰ ਤੁਮ ਨਿਸ ਭੈ ਦੀਓ ਅਰ ਮਰਦਨ ਤਨ ਕੀਨ ।
ਕਾਲ ਰੂਪ ਕੇਹਰ ਦੋਉ ਗੁਰੁ ਰਾਖ ਤੋਹਿ ਲੀਨ ॥ 489 ॥

ਚੌਪਈ

ਸ੍ਰੀ ਗੁਰੁ ਰੂਪ ਅਲਾਹੀ ਜਾਨ । ਕਾਲ ਸਦਾ ਤਿੰਹ ਆਗਿਆ ਮਾਨ ।
ਤਾਂਤੇ ਗੁਰੁ ਕਉ ਤੁਰਤ ਬੁਲਾਯੋ ॥ ਯਾ ਮਹਿ ਸ਼ਾਹ ਦੇਰ ਨਹਿ ਕਯੋ ॥ 490 ॥

¹ਅ ਪੌਥੀ ਸਤਿ ²ਅ ਪੌਥੀ ਵਿਚੋਂ ³ਅ ਪੌਥੀ ਜਨਾਵੇ ⁴ਅ ਤੇ ਏ ਪੌਥੀ ਹਮ

ਨਾਂਤਰ ਕੇਹਰ ਆਜ ਹਤਾਵਹਿੰ । ਸਮਾ ਬਿਤੇ ਫਿਰ ਹਾਥ ਨ ਆਵਹਿੰ ।
ਤਬੈ ਸਾਹਿ ਤਿੰਨ ਬੰਦਨ ਠਾਨੀ । ਮਨ ਮੇਰੇ ਕੀ ਤੁਮ ਸਭ ਜਾਨੀ ॥ 491

ਦੋਹਰਾ

ਐਸ ਭਾਖ ਗਹਿ ਚਰਨ ਕਉ ਸਾਹਿ ਬਿਨੈ ਬਹੁ ਕੀਨ ।
ਕਹਿ ਜੇਠਾ ਚਹਿ ਪ੍ਰਾਨ ਜਉ ਮਾਨ ਬਾਤ ਮਮ^੧ ਲੀਨ ॥ 492 ॥

ਚੌਪਾਈ

ਕਹਾ ਸਾਹਿ ਅਬ ਡੇਰ ਨਾ ਲਾਵਉ^੨ ॥ ਸਤਿਗੁਰ ਨਿਕਟ ਨਰ ਅਬੈ ਪਠਾਵਉ^੩ ।
ਮਨਸਬਦਾਰ ਤਬ ਏਕ ਬੁਲਾਯੋ । ਸਮਝਾਇ ਬਾਤ ਗੁਰ ਨਿਕਟਿ ਪਠਾਯੋ ।
ਤਿਨਹਿ ਜਾਇ ਬਹੁ ਬੰਦਨ ਕੀਨੀ । ਸ੍ਰੀ ਗੁਰੁ ਕਉ ਅਤਿ ਹੋਇ ਅਧੀਨੀ ।
ਭਾਖਯੋ ਬਹੁਰ ਯਾਦ ਕਰ ਸਾਹ । ਦਰਸਨ ਕੀ ਮਨ ਬਢੀ ਉਮਾਹ ॥ 493 ॥

ਦੋਹਰਾ

ਬੰਦਗੀ ਤੁਮ ਇਹ ਠਾਂ ਕਰਹੁ ਅਬ ਆਵਹੁ ਮਮ ਪਾਸ ।
ਅਤਿ ਅਧੀਨ ਹੋਇ ਭੂਪਤੀ^੪ ਇਮ ਕੀਨੀ ਅਰਦਾਸ ॥ 494 ॥

ਸ੍ਰੀ ਗੁਰੇ ਵਾਚ ॥ ਚੌਪਾਈ ॥

ਹਮ ਇਹ ਠਾਂ ਅਤਿਸੈ ਸੁਖ ਪਾਯੋ । ਗੁਰੁ ਨਾਨਕ ਚਰਨਨ ਮਨ ਲਾਯੋ ।
ਹਮ ਅਨੰਦ ਸਿਉ^੫ ਇਹ ਠਾਂ ਰਹਹੁ । ਐਸੇ ਜਾਇ ਸਾਹ ਸਿਉ ਕਹਹੁ ॥ 496 ॥
ਸੋ ਨਰ ਸਾਹਿ ਨਿਕਟ ਤਬ ਆਯੋ । ਗੁਰੁ ਕਾ ਸਭੀ ਸੰਦੇਸ ਸੁਨਾਯੋ ।
ਬਹੁਰ ਸਾਹ ਨਰ ਸੋਇ ਪਠਾਵਾ । ਤੁਮ ਬਿਨ ਪ੍ਰਭੂ ਸਾਹ ਦੁਖ ਪਾਵਾ ॥ 497 ॥

ਦੋਹਰਾ

ਬਹੁਰੋ ਨਰ ਗੁਰ ਪੈ ਅਯੋ ਭਾਖੀ ਬਿਨਤੀ^੬ ਅਪਾਰ ।
ਸ੍ਰੀ ਗੁਰ ਕਹਿ ਇਕ ਠਾਂ ਰਹੋ ਨਿਜ ਮਨ ਆਨੰਦ ਧਾਰ ॥ 498 ॥

ਚੌਪਾਈ

[ਏਹ]^੭ ਸੁਨਕੈ ਨਰ ਸੋ ਮੁੜ ਆਯੋ । ਆਵਹਿ ਨਹਿ ਗੁਰ ਐਸ ਅਲਾਯੋ ।
ਬਾਦਸ਼ਾਹਿ ਜੇਠੇ ਕਉ ਰਰਾ । ਕਹ ਵੈਦ ਅਬ ਕੈਸੇ ਕਰਾ ॥ 499 ॥
ਕਹਿ ਜੇਠਾ ਜੇ ਪ੍ਰਾਨ ਪਿਆਰੇ । ਗੁਰ ਬੁਲਾਵੋ ਦੇਰ ਨਾ ਧਾਰੇ ।
ਖਾਂ ਵਜੀਰ ਤਬ ਸਾਹਿ ਬੁਲਾਯੋ । ਬਿਨੈ ਭਾਖ ਗੁਰ ਨਿਕਟ ਪਠਾਯੋ ॥ 500 ॥

ਦੋਹਰਾ

ਖਾਂ ਵਜੀਰ ਤਬ ਜਾਇ ਕੈ ਗਰਿ ਅੰਚਰ ਨਿਜ ਡਾਰ ।
ਅਤਿ ਅਧੀਨ ਬਿਨਤੀ ਕਰੀ ਮਾਥ ਭੂਮਿ^੮ ਪਰ ਧਾਰ ॥ 501 ॥

^੧ਅ ਪੌਥੀ ਮੰਹਿ ^੨ਏ ਪੌਥੀ ਪਾਤਸ਼ਾਹਿ ^੩ਅ ਪੌਥੀ ਅਰਜ ^੪ਅ ਪੌਥੀ ਵਿਚੋਂ ^੫ਏ ਪੌਥੀ ਅਵਨੀ

ਚੌਪਾਈ

ਬਹੁਰੋ ਗੁਰ ਕਉ ਐਸ ਅਲਾਯੋ । ਬਾਦਸ਼ਾਹਿ ਪ੍ਰਭ ਤੋਹਿ ਬੁਲਾਯੋ ।
 ਪਰਾ ਅੰਧੋਰ ਜਗਤ ਮਹਿ ਭਾਰੀ । ਤੁਮ ਬਿਨ ਸੁਨ ਹੈ ਪੀਰ ਮੁਰਾਰੀ ॥ 502 ॥
 ਕਹਾ ਗੁਰੁ ਮਨ ਲਾਗ ਅਭੇਵੇ । ਇਹਾਂ ਸ਼ਾਹਿ ਮਮ ਰਹਿਨ ਨ ਦੇਵੇ ।
 ਸੁਨੋ ਵਜੀਰ ਤਬੀ ਹਮ ਜਾਵਹਿ । ਜਉ ਬਾਧੇ ਸਭ ਦੁਖੀ ਛੁਡਾਵਹਿ ॥ 503 ॥

ਦੋਹਰਾ

ਬੰਦੀ ਨਿਪ ਜੇਤਕ ਪਰੇ ਸਭ ਕਉ ਪ੍ਰਿਥਮ ਛੁਡਾਇ ।
 ਕਹੋ ਬਾਤ ਇਮ ਸ਼ਾਹਿ ਸਿਉ ਤਉ ਤੁਮਰੇ ਪਹਿ ਆਇ ॥ 504 ॥

ਚੌਪਾਈ

ਖਾਨ ਵਜੀਰ ਸ਼ਾਹਿ ਢਿਗਾ ਆਇ । ਬਾਤ ਗੁਰੂ ਕੀ ਦਈ ਸੁਨਾਇ ।
 ਕੀਨ ਵੈਦ ਕਉ ਸ਼ਾਹ ਉਦਾਰ । ਕੋੜ ਲਾਖ ਕੀ ਢਾਕ ਹਜ਼ਾਰ ॥ 505 ॥
 ਜੇ ਸਭ ਛੋਰਹਿ ਰੋਕਹਿ ਦੇਸ । ਸੁਨਹੁ ਵੈਦ ਮਮ ਹੋਇ ਕਲੇਸ ।
 ਕਹਿ ਜੇਠਾ ਜਉ ਪ੍ਰਾਨ ਤਜਾਵਉ । ਛਾਤੀ ਧਰ ਕੁਛ ਸੰਗ ਨ ਪਾਵਉ ॥ 506 ॥

ਦੋਹਰਾ

ਪੁਤ੍ਰ ਮੀਤ ਗ੍ਰਿਹ ਦੇਸ ਜੋ ਇਹੁ ਠਾਂ ਹੀ^੨ ਰਹਿ ਜਾਇ ।
 ਕਛੁ ਸੰਗਿ ਚਾਲੈ ਨਹੀਂ ਕਾਹੇ ਪ੍ਰਾਨ ਗਵਾਇ ॥ 507 ॥

ਚੌਪਾਈ

ਤਾਂਤੇ ਸਭੀ ਬੰਦ ਤਜ ਦੀਜੈ । ਗੁਰੂ ਬੁਲਾਇ ਦਰਸ ਅਬ ਲੀਜੈ ।
 ਭਗਤ ਸਿੰਘ ਸਾਚੇ ਕੇ ਬੈਨ । ਬੇਧਤ ਰਿਦੈ ਆਵ ਨਹੀਂ ਚੈਨ ॥ 508 ॥
 ਜੇਠੇ ਕਉ ਇਮ ਬੈਨ ਸੁਨਾਏ । ਜਹਾਂਗੀਰ^੩ ਕੇ ਮਨ ਕਉ ਭਾਏ ।
 ਖਾਂ ਵਜੀਰ ਕਉ ਸ਼ਾਹਿ ਅਲਾਇ । ਛੋਰ ਬੰਦ ਸਭ ਪੀਰ ਲਿਆਇ ॥ 509 ॥

ਦੋਹਰਾ

ਖਾਂ ਵਜੀਰ ਜਾਵਤ ਭਯੋ ਸ੍ਰੀ ਗੁਰ ਕੇ ਨਿਕਟਾਇ ।
 ਲਘੂ ਸੰਕਾ ਕਹਿ ਸ਼ਾਹ ਕਉ ਜੇਠਾ ਪਿਆਨ ਕਰਾਇ ॥ 510 ॥

ਚੌਪਾਈ

ਵੈਦ ਰੂਪ ਤਜ ਗੁਰ ਪਹਿ ਆਯੋ । ਖਾਂ ਵਜੀਰ ਕੇ ਅਗ੍ਰ ਸੁਹਾਯੋ^੪ ।
 ਦਯਾ ਸਿੰਧ ਤਬ ਦਿਖ ਮੁਸਕਾਏ । ਜਨਾਵਤ ਐਸ ਕਾਜ ਕਰ ਆਏ ॥ 511 ॥
 ਤਬ ਜੇਠਾ ਗੁਰੁ ਚਰਨੀ ਲਾਗਾ । ਬੈਠਹੁ ਨਿਕਟ ਗੁਰੂ ਰਸ ਪਾਗਾ ॥
 ਤਬ ਲਉ ਖਾਂ ਵਜੀਰ ਚਲਿ ਆਯਓ । ਆਇ ਗੁਰੂ ਕੇ ਪਹਿ ਲਿਪਟਾਯੋ ॥ 512 ॥

^੧ਏ ਪੋਥੀ ਪਹਿ ^੨ਅ ਪੋਥੀ ਸਭਿ ^੩ਅ ਤੇ ਏ ਪੋਥੀ ਬਾਦਸ਼ਾਹਿ ^੪ਅ ਪੋਥੀ ਸੁਹਾਇਓ

ਦੋਹਰਾ

ਬਹੁਰ ਕਹਾ ਸ੍ਰੀ ਗੁਰੁ ਕਉ ਸਭੀ ਬੰਧ ਛਡ ਦੇਹੁ ।
ਗਰੀਬ ਨਿਵਾਜ ਤਵ ਬਿਰਦ ਹੈ ਪ੍ਰਭੂ ਕਾਜ ਜਸ ਲੇਹੁ ॥ 513 ॥

ਕਵਿਯੋ ਵਾਚ ॥ ਸਵੈਯਾ ॥

ਹਰਿ ਦਾਸ ਕਉ ਸਾਥ ਲੀਏ ਸੁਖ ਸਾਗਰ ਛੋਰਤ ਭਏ ਨ੍ਰਿਪ ਬੰਦ ਬਿਸਾਲਾ ।
ਕਰ ਪੰਕਜ ਮਹਿ ਨਵਲਾਸ ਗਹੀ ਗੁਰ ਚੁੰਦਤ ਭਏ ਸਭ ਹੀ ਤਹਿ ਆਲਾ ।
ਕੋ ਨਾ ਰਹੇ ਬੰਦਿ ਮਾਹਿ ਪਰਯੋ ਮਨ ਐਸ ਵਿਚਾਰਤ ਦੀਨ ਦਯਾਲਾ ।
ਜਨਕ ਉਧਾਰ ਕੀਏ ਜਿਮ ਪਾਤਕ ਕਾਢ ਕੈ ਨਰਕ ਮਲੀਨ ਕਰਾਲਾ ॥ 514 ॥
ਬਹੁ ਬਰਸਨ ਕੇ ਨ੍ਰਿਪ ਬੰਦ ਪਰੈ ਤਨੁ ਛੀਨ ਮਲੀਨ ਮਹਾਂ ਸ੍ਰਮ ਧਾਰੇ ।
ਗੁਰੁ ਕੇ ਪਦ ਪੰਕਜ ਦੇਖਤ ਹੀ ਅਘ ਓਘ ਸਭੇ ਨਰ ਕੇ ਕਟਿ ਡਾਰੇ ।
ਸਿੰਧ ਜਰਾਜਸ ਬੰਧ ਲੀਏ ਨ੍ਰਿਪ ਰਾਮ ਕੇ ਭ੍ਰਾਤ ਸੁ ਕੀਨ ਉਧਾਰੇ ॥
ਤੈਸ ਗੁਰੁ ਨ੍ਰਿਪ ਛੋਰ ਦੀਏ ਸਭ ਗੁਰ ਕੇ ਸਮ ਕੋਨ ਕਰੇ ਉਪਕਾਰੇ ॥ 515 ॥

ਦੋਹਰਾ

ਰੰਕ ਭੂਪ ਕਉ ਛੋਰ ਕੈ ਸ੍ਰੀ ਮੁਖ ਐਸ ਅਲਾਇ ।
ਹਰਿਦਾਸ ਸੁਨਹੁ ਨ੍ਰਿਪ ਸਾਥ ਲੈਂ ਮਮ ਡੇਰੇ ਤੁਮ ਜਾਇ ॥ 516 ॥

ਚੌਪਾਈ

ਜਬ ਹਰਿਦਾਸ ਐਸ ਸੁਨ ਪਾਯੋ । ਲੈ ਨ੍ਰਿਪ ਗੁਰੁ ਕੇ ਡੇਰ ਸਿਧਾਯੋ ।
ਅਰਧ ਜਾਮ¹ ਨਿਸ ਜਬੈ ਰਹਾਨਾ । ਦਯਾ ਸਿੰਧ ਤਬ ਕੀਨ ਪਿਆਨਾ ॥ 517 ॥
ਖਾਂ ਵਜੀਰ ਕਉ ਸਾਥ ਲਵਾਇ । ਪਾਂਚ ਸਿਖ ਨਿਜ ਸੰਗਿ ਧਰਾਇ ।
ਦੀਨਾ ਨਾਥ ਸਾਹ ਢਿਗ ਆਯੋ । ਉਠਯੋ ਸਾਹਿ ਮਨ ਹਰਖ ਧਰਾਯੋ ॥ 518 ॥

ਦੋਹਰਾ

ਗਰਿ ਅੰਚਰ ਕਉ ਡਾਰ ਕੈ ਪਰਾ ਚਰਨ ਗੁਰੁ ਦੌਰ ।
ਤ੍ਰਾਹਿ ਤ੍ਰਾਹਿ ਭਾਖਤ ਭਯੋ² ਬਖਸ ਭੂਲ ਪ੍ਰਭ ਮੋਰ ॥ 519 ॥

ਚੌਪਾਈ

ਤਖਤ ਅਪਨ ਤੇ ਉਚ ਸਹਾਈ । ਚੰਦਨ ਚੌਕੀ ਸਾਹ ਡਸਾਈ ।
ਕਰ ਬੰਦਨ ਗੁਰੁ ਤਾਂਹਿ ਬੈਠਾਏ । ਅਗ੍ਰਜ ਭੇਟਾ ਧਰੀ ਮਹਾਏ ॥ 520 ॥
ਸ੍ਰੀ ਸਤਿਗੁਰ ਧੀਰਜ ਬਹੁ ਦੀਨੋ । ਨਿਜ ਕਰ ਸਾਹ ਦਿਲਾਸਾ ਕੀਨੋ ।
ਦਾਈਂ ਭੁਜ ਜਾਮਾ ਸੁਖ ਸਾਥ । ਪਾਛ ਹਟਾਏ ਬਾਂਏ ਹਾਥ ॥ 521 ॥

ਦੋਹਰਾ

ਹਟ ਜਾਮੇ ਕੀ ਬਾਹ ਕਉ ਸਿਮਰਨਾ³ ਅਗ੍ਰਹ ਆਇ ।
ਅਮੋਲਕ ਦਿਖ ਬਹੁ ਸਿਮਰਨਾ ਬਿਨਤੀ ਤਾਂਹਿ ਕਰਾਇ ॥ 522 ॥

¹ਅ ਪੋਥੀ ਪਹਰ ²ਅ ਤੇ ਏ ਪੋਥੀ ਬਿਨਤੀ ਕਰਹਿ ³ਅ ਪੋਥੀ ਮਾਲਾ

ਚੌਪਾਈ

ਸੁਨਹੁ ਪੀਰ ਇਹ ਬਹੁਤ ਅਪਾਰਾ । ਕਪੂਰ ਸਿਮਰਨਾ ਤੁਮ ਕਰ ਧਾਰਾ ।
 ਆਜ ਤਲਕ ਹਮ ਦਿਖਾ ਨ ਐਸੇ । ਕੀਮਤ ਭਾਰ ਤੋਹਿ ਕਰ ਜੈਸੇ ॥ 523 ॥
 ਮਣਕਾ ਏਕ ਹੋਇ ਜੇ ਕੋਈ ॥ ਹਮਕੋ ਦੇਹੁ ਕ੍ਰਿਪਾ ਕਰ ਸੋਈ ।
 ਅਮਾਮ ਸੁ ਤਸਬੀ¹ ਕਾ ਮਮ ਕਰਉ² । ਪਰੋ ਯਾਦ ਜਬ ਤਿਹ ਕਉ ਧਰਉ³ ॥ 524 ॥

ਦੋਹਰਾ

ਕ੍ਰਿਪਾ ਸਿੰਧ ਐਸੇ ਕਹਾ ਇਹੁ ਤੁਮ ਧਾਰੋ ਹਾਥ ।
 ਮੁਮਾਰਖ ਏਹੁ ਤੁਮ ਕਉ ਪ੍ਰਭੂ ਕਹਾ ਸ਼ਾਹ ਸੁਖ ਸਾਥ ॥ 525 ॥

ਚੌਪਾਈ

ਐਸਾ ਮਨਕਾ ਹੋਇ ਜੇ ਕੋਈ । ਹਮ ਕਉ ਦੇਹੁ ਕ੍ਰਿਪਾ ਕਰ² ਸੋਈ ।
 ਸ੍ਰੀ ਗੁਰੁ ਭਾਖੇ ਬਚਨ ਅਤੋਲਾ । ਇਸ ਥੀਂ ਸੁੰਦਰ ਬਹੁਤ ਅਮੋਲਾ ॥ 526 ॥
 ਅਨੰਤਰੀ ਮਾਲਾ ਅਤਿ ਛਬਿ ਪਾਵਤਿ । ਗੁਰੁ ਅਰਜਨ ਕੇ ਕੰਠ ਸੁਹਾਵਤਿ ।
 ਸੋ ਗੁਰੁ ਤੁਮਰੇ ਨਿਕਟ ਜੋ ਆਏ । ਮਾਲਾ ਤੁਮਰੇ ਸਦਨ ਰਹਾਏ ॥ 527 ॥

ਦੋਹਰਾ

ਤਬ ਮਾਯਾ ਗੁਰ ਕੀ ਭਈ ਬਾਦਸ਼ਾਹਿ ਭ੍ਰਮ ਜਾਇ ।
 ਇਸੀ ਹੇਤ ਤੁਮ ਕਉ ਪ੍ਰਭੂ ਲੀਨੋ ਨਿਕਟ ਬੁਲਾਇ ॥ 528 ॥

ਚੌਪਾਈ

ਚੰਦੂ ਮੋ ਕੋਉ ਐਸ ਸੁਨਾਯੋ ॥ ਸ੍ਰੀ ਗੁਰੁ ਸੁੰਦਰ ਤਖਤ ਬਨਾਯੋ ।
 ਰਾਖੀ ਸੈਨ ਕਹਿ ਮੁਖ ਬੈਨਾ । ਪਿਤਾ ਸ਼ਾਹਿ ਹਤ ਬਦਲਾ ਲੈਨਾ ॥ 529 ॥
 ਸੁਨਹੁ ਪੀਰ ਮਮ ਪਾਪ ਨਾ ਚੀਨੋ । ਚੰਦੂ ਗ੍ਰਿਹਿ ਗੁਰ ਵਾਸਾ ਲੀਨੋ ।
 ਚਾਰ ਘੜੀ ਦਰਸਨ ਕਾ ਚੋਰ । ਸੁਨਹੁ ਪੀਰ ਮੈਂ ਜਾਨ ਨ ਹੋਰ ॥ 530 ॥

ਦੋਹਰਾ

ਕਹਾ ਗੁਰੁ ਰਹੁ ਮੋਨ ਤੁਮ ਦੁਖਤ ਨੋਰ ਕਛ ਛੋਰ ॥
 ਚੰਦੂ ਤੇ ਪ੍ਰਛਨ ਕਰਓ ਜਉ ਤਿਨ ਕੇ ਗ੍ਰਿਹਿ ਹੋਰ ॥ 531 ॥

ਚੌਪਾਈ

ਚੰਦੂ ਕਉ ਤਬ ਸ਼ਾਹ ਅਲਾਯੋ । ਕਰ ਆਦਰ ਪੁਨ ਬਚਨ ਸੁਨਾਯੋ ॥
 ਐਸਾ ਮਣਕਾ ਜੋ ਇਕ ਹੋਈ ॥ ਲਿਆਵੋ ਨਿਕਟ³ ਹਮਾਰੇ ਸੋਈ ।
 ਚੰਦੂ ਕਹਾ ਚਾਹਿ ਚਿਤ ਲੀਜੈ । ਏਕ ਛੋਡ ਪੰਚਾਸ ਮੰਗੀਜੈ ।
 ਐਸੇ ਕਹਿ ਨਿਜ ਸਦਨ ਪਧਾਰਾ । ਤੋਸ਼ਾਖਾਨਾ ਨਿਜ ਦਿਖ ਹਾਰਾ ॥ 532 ॥

¹ਅ ਤੇ ਏ ਪੋਥੀ ਮਾਲਹਿ ²ਅ ਪੋਥੀ ਨਿਧਿ ³ਅ ਤੇ ਏ ਪੋਥੀ ਪਾਸ

ਪਾਛੇ ਸ੍ਰੀ ਗੁਰੂ ਬਾਤ¹ ਅਲਾਈ¹ । ਮਾਲਾ ਇਸ ਕੇ ਸਦਨ ਰਹਾਈ ।
 ਤੁਮ ਕਹਿ ਇਕ ਪਚਾਸ ਉਨ ਗਾਏ । ਸੁਨਤ ਸਾਹ ਰਿਸ ਐਸ ਧਰਾਏ ॥ 533 ॥
 ਲਾਗ ਦੇਰ ਨ੍ਰਿਪ ਦਾਸ ਪਠਾਏ । ਚੰਦੂ ਪਕੜ ਸਾਹ ਪੈ ਲਿਆਏ ।
 ਚੰਦੂ ਕਹਾ ਢੂੰਢ ਹਮ ਹਾਰਾ । ਮਣਕਾ ਅਸ ਨਹਿ ਸਦਨ ਮਝਾਰਾ ॥ 534 ॥

ਦੋਹਰਾ

ਸੁਨਹੁ ਸਾਹ ਪਰ ਮੇਲ ਕੋ ਜਹਿ ਤਹਿ ਹੋਇ ਮੰਗਾਇ ।
 ਬਿਲਮ ਕਰੋ ਕਛੁ ਦਿਵਸ ਕੀ ਜਿਤ ਕਿਤ ਢੂੰਢ ਲਿਆਇ ॥ 535 ॥

ਚੌਪਾਈ

ਸਾਹ ਗੁਰੂ ਕੀ ਓਰ ਨਿਹਾਰਾ । ਕ੍ਰਿਪਾ ਸਿੰਧ² ਰਿਸ ਬਚਨ ਉਚਾਰਾ ।
 ਦੁਖਤ ਥਾਵ ਕਉ ਨਾਂਹ ਹਲਾਵਉ । ਹਮਰੀ ਓਰ ਕਤਿ ਸਾਹਿ ਦਿਖਾਵਉ ॥ 536 ॥
 ਹਮਰਾ ਤੁਮ ਦਰਗਾਹੇ ਲੇਖਾ । ਯਯਦਾ³ ਕਰੇ ਚਰਿਤ ਜਹਿ ਦੇਖਾ ।
 ਇਹਾ ਕਛੁ ਹਮ ਤੋਹਿ ਨਾਂ ਕਹੀਯੋ । ਬੋਲਤ ਕਾਹਿ ਮੰਨ⁴ ਹੋ ਰਹੀਯੋ ॥ 537 ॥

ਦੋਹਰਾ

ਗੁਰੂ ਦਰਸਨ ਪ੍ਰਤਾਪ ਤੇ ਭਗਤ ਸਿੰਘ ਦਿਖ ਸਾਹਿ ॥
 ਨੈਨ ਅਗ੍ਰ ਦਰਗਾਹਿ ਤਬ ਕਉ ਦੁਖ ਸੁਖੀ ਰਹਾਇ ॥ 538 ॥

ਚੌਪਾਈ

ਐਸੇ ਦੇਖ ਸਾਹ ਭੈ ਖਾਯੋ । ਕੰਪਤ ਤਨ ਨਿਜ ਤਖਤ ਗਰਾਯੋ ।
 ਗਹਿ ਅੰਚਰ ਗਹਿ ਹੋਇ ਸਵਿਧਾਨਾ । ਗੁਰ ਸਨਮੁਖ ਯੋ ਬਚਨ ਬਖਾਨਾ ॥ 539 ॥
 ਸੁਨੋ ਪੀਰ ਮਮ⁵ ਦਾਸ ਪਛਾਨਹੁ । ਦਾਸਨ ਦਾਸ ਦਾਸ ਨਿਜ ਮਾਨਹੁ ।
 ਜੇ ਹਮਤੇ ਪ੍ਰਭ ਲੇਖਾ ਲੇਨਾ । ਈਹਾਂ ਲੇਹੁ ਤਹਿ ਦੁਖ ਨਹੀਂ ਦੇਨਾ ॥ 540 ॥

ਦੋਹਰਾ

ਜੇ ਅਉਗਨ ਕੁਛ ਕੀਓ ਹਮ ਤੇ ਮਮ⁵ ਦੇਹੁ ਸਜਾਇ ।
 ਜੇ ਚੰਦੂ ਕਛੁ ਪਾਪ ਕਰ ਤਉ ਇਹ ਦੇਖ ਧਰਾਇ ॥ 541 ॥

ਚੌਪਾਈ

ਜਾਹਿ ਪਾਪ ਤੁਮ ਪੀਰ ਕਰਾਨਾ । ਤਾਕੋ ਦੁਖ ਦੇਵੋ ਅਬ ਨਾਨਾ ।
 ਫਾਂਸੀ ਤੇਗ ਕੰਠ ਹਤ ਕੀਜੈ । ਜੋ ਮਨ ਆਵੈ ਸੋ ਦੁਖ ਦੀਜੈ ॥ 542 ॥
 ਸ੍ਰੀ ਗੁਰੂ ਕਹਿ ਦਰਗਾਹ ਜਬ ਜਾਵਉ । ਯਯਦਾ ਨਿਕਟ ਨਿਆਇ ਕਰਾਵਉ ॥
 ਚੰਦੂ ਜਹਿ ਤੁਮ ਪਾਪ ਕਰਾਯਉ । ਤਾਂ ਕਉ ਯਯਦਾ ਦੇਖ ਧਰਾਯਉ ॥ 543 ॥

ਦੋਹਰਾ

ਤਬੇ ਸਾਹ ਬਿਨਤੀ ਕਰੀ ਹੋ ਪ੍ਰਭ ਇਸ ਠਾਂ ਲੇਹੁ ।
 ਦਰਗਾਹਿ ਤਹਾਂ ਖੁਦਾਇ ਕੀ ਪੀਰ ਦੁਖ ਨਹੀਂ ਦੇਹੁ ॥ 544 ॥

¹ਅ ਤੇ ਏ ਪੋਥੀ ਆਖਿ ਸੁਨਾਈ ²ਅ ਪੋਥੀ ਨਿਧਾਨ ³ਅ ਪੋਥੀ ਪ੍ਰਭੂ ⁴ਅ ਤੇ ਏ ਪੋਥੀ ਮਸਟ ⁵ਅ ਤੇ ਏ ਪੋਥੀ ਮੋਹਿ

ਚੌਪਾਈ

ਦਿਆ¹ ਸਿੰਧ ਪੁਨ ਬਾਤ ਅਲਾਈ । ਬੈਠੋ ਤਖਤ ਸਾਹਿ ਤੁਮ ਆਈ ।
 ਹਮ ਨੇਤ੍ਰੀ ਨਹਿ ਕਛੂ ਦਿਖਾਯਓ । ਪਕਰੈ ਸੋ ਜਿਹ ਖੇਦ ਧਰਾਯਓ ॥ 545 ॥
 ਕਹਾ ਸਾਹ ਅਵਲ ਗਹਿ ਲੀਜੈ । ਪਾਛੈ ਚਰਨ ਤਖਤ ਮਮ ਦੀਜੈ ।
 ਜੇਠੇ ਕਉ ਗੁਰੁ ਬਚਨ ਅਲਾਯੋ । ਕੈਸ ਮੋਨ ਧਰੁ ਬੈਠ ਰਹਾਯੋ ॥ 546 ॥

ਦੋਹਰਾ

ਜਾਸ ਖੇਦ ਗੁਰ ਕਉ ਦਯੋ ਤਾਕੋ ਕਿਉ ਨ ਗਹਾਇ ।
 ਜੇਠਾ ਬਿਧੀਆ ਹਰਖ ਸਿਉ ਤਬ ਗੁਰ ਬਚਨ ਸੁਨਾਇ ॥ 547 ॥

ਚੌਪਾਈ

ਉਠੇ ਕ੍ਰੋਧ ਧਰਿ ਤੁਰਤ ਅਪਾਰਾ । ਕਾਲ ਨੇਮਿ ਜਸ ਹੰਨੂ ਬਿਦਾਰਾ ।
 ਤੈਸੇ ਚੰਦੂ ਕਉ ਗਹਿ ਲੀਨੋ । ਲਾਤ ਮੁਸਟ ਹਨ ਬਹੁ ਦੁਖ ਦੀਨੋ ॥ 548 ॥
 ਤਿਸੀ ਬੇਰ ਤਿਹ ਮੁਸਕ ਬੰਧਾਈ । ਪਨਹੀ ਤਾਂਹਿ ਸੀਸ ਬਹੁ ਲਾਈ ।
 ਕਹਿ ਜੇਠਾ ਕੂਕਰ ਟੁਕ ਧਾਰੀ । ਅਸ ਕਹਿ ਪਨਹੀ ਤਹਿ ਮੁਖ ਮਾਰੀ ॥ 549 ॥

ਦੋਹਰਾ

ਸਾਹ ਤਖਤ ਬੈਠਤ ਭਯੋ ਸ੍ਰੀ ਗੁਰੁ ਆਇਸ ਪਾਇ ।
 ਤਬ ਲੋ ਨਿਸ ਆਵਤ ਭਈ ਦੀਪਕ ਅਧਿਕ ਜਗਾਇ ॥ 550 ॥

ਚੌਪਾਈ

ਗੁਰੁ ਸਾਹਿ ਸਿਉਂ ਬਚਨ ਬਖਾਨਾ । ਅਬ ਨਿਜ ਡੇਰੇ ਕਰਹੁ ਪਿਯਾਨਾ ।
 ਉਠਯੋ ਸਾਹ ਪ੍ਰਭ ਜੋ ਤੁਮ ਭਾਵਹਿ । ਸੁਬਹ ਹੋਤ ਹਮ ਤੁਮ ਪੈ^੩ ਆਵਹਿ ॥ 551 ॥
 ਦੀਨਾ ਨਾਥ ਕੀਨ ਤਬ ਪਿਆਨਾ । ਸ੍ਰੀ ਮੁਖ ਸਿਉਂ ਅਸ ਬਚਨ ਬਖਾਨਾ ।
 ਜੋ ਪਨਹੀ ਚੰਦੂ ਸਿਰ ਮਾਰੈ । ਬਿਨ ਸੰਦੇਹ ਗੁਰ ਧਾਮ ਸਿਧਾਰੈ ॥ 552 ॥

ਦੋਹਰਾ

ਭਗਤ ਸਿੰਘ ਸੰਗਤ ਸੁਨੇ ਸ੍ਰੀ ਗੁਰ ਕੇ ਅਸ ਬੈਨ ।
 ਪਨਹੀ ਮਾਰ ਲੁਕਾਇ ਕੈ ਮਤਿ ਇਹ ਦੇਖੈ ਨੈਨ ॥ 553 ॥

ਚੌਪਾਈ

ਦਿਲੀ ਕੇ ਬਜਾਰ ਚਲ ਆਵਤ । ਪਨਹੀ ਅਧਿਕ ਸੀਸ ਤਿੰਹ ਲਾਵਤ ।
 ਮਾਨੋ ਪਨਹੀ ਨਜ਼ਰ ਧਰੇਈ । ਭੂਲ ਨ ਜਾਇ ਚੋਟ ਸਿਰ ਕੋਈ ॥ 554 ॥
 ਏ ਬਿਧਿ ਦੀਨੋ ਦੂਖ^੪ ਅਪਾਰਾ । ਤਬ ਆਏ ਗੁਰ ਡੇਰ ਮੰਝਾਰਾ ।
 ਗੁਰੁ ਸੈਨ ਸੂਰੇ ਜੇ ਭਾਰੀ । ਪਾਪੀ ਦਿਖ ਪਨਹੀ ਬਹੁ ਮਾਰੀ ॥ 555 ॥

¹ਅ ਪੋਥੀ ਕ੍ਰਿਪ ਨਿਧਿ ^੨ਦ ਪੋਥੀ ਜਿਸ ^੩ਦ ਪੋਥੀ ਗ੍ਰਿਹਿ ^੪ਅ ਪੋਥੀ ਕਸਟ

ਦੋਹਰਾ

ਪੈਛਾੜੀ ਹੈ ਸਿਉ ਬਾਂਧਯੋ ਗੁਰ ਦੋਖੀ ਤਿਹ ਚੀਨ ।
ਰਾਖੇ ਨਿਕਟ ਬੈਠਾਇ ਬਹੁ ਜੇਠੇ ਤਕੜੇ ਕੀਨ ॥ 556 ॥

ਚੌਪਾਈ

ਆਸਨ ਪਰ ਤਬ ਗੁਰੂ ਸੁਹਾਏ । ਆਇ ਭੂਪ ਸਭ ਚਰਨ ਲਗਾਏ¹ ।
ਸ੍ਰੀ ਗੁਰ ਤਹਿ ਕੀਨਾ ਸਨਮਾਨਾ । ਸ੍ਰੀ ਮੁਖ ਸਿਉ ਤਬ ਬੈਠ ਬਖਾਨਾ ॥ 557 ॥
ਜੋ ਚੰਦੂ ਸਿਰ ਪਨਹੀ ਮਾਰੇ । ਪਾਂਚ ਪਨਹੀ ਹਨ ਸੁਰਗ ਸਿਧਾਰੇ ।
ਸੁਨਤ ਭੂਪ ਸਿਖ ਸਭ ਹੀ ਧਾਏ । ਪਨਹੀ ਪਾਂਚ ਪਾਂਚ ਸਭ ਲਾਏ ॥ 558 ॥

ਸੋਰਠਾ

ਜਹਾਂਗੀਰ ਦੀਵਾਨ ਚੰਦੂ ਕਉ ਤਬ ਜਾਨ ਕੈ ।
ਮਾਰ ਭੂਪ ਸਭ ਆਨ ਮਨਹੁ ਭੇਟ ਪਾਛਲ ਧਰਹਿ ॥ 559 ॥

ਚੌਪਾਈ

ਗੁਰ ਦੋਖੀ ਬਹੁ ਖੇਦ ਧਰਾਵੈ । ਰਹੇ ਮੋਨ ਕਛੁ ਮੁਖ ਨ ਅਲਾਵੈ ।
ਜਾਮ ਨਿਸਾ ਤਬ ਭਈ ਬਿਤੀਤ । ਭੋਜਨ ਕਰ ਗੁਰ ਮਨ ਭਵਜੀਤ ॥ 560 ॥
ਕੀਨ ਸੈਨ ਨਿਸ ਸਗਲ ਬਿਹਾਈ । ਕਸਪ ਸੁਤ² ਨਿਜ ਤਖਤ ਸੁਹਾਈ ।
ਅਰਧ ਜਾਮ ਦਿਨ ਜਬ ਹੀ ਆਯੋ । ਤਬੈ ਸ਼ਾਹ ਗੁਰ ਕੇ ਨਿਕਟਾਯੋ ॥ 561 ॥

ਦੋਹਰਾ

ਚੰਦੂ ਤੀਯ ਸੁਤ ਸਾਥ ਲੈ ਆਯੋ ਸ਼ਾਹਿ ਗੁਰ ਪਾਸ ।
ਧਰ ਪੂਜਾ ਬਿਨਤੀ ਕਰੀ ਸੁਨਹੁ ਪੀਰ ਅਰਦਾਸ ॥ 562 ॥

ਚੌਪਾਈ

ਚੰਦੂ ਸੁਤ ਤੀਯ ਤੁਮ ਪੈ ਆਯੋ । ਭਾਵੈ ਇਨ ਸੰਗਿ ਕਰਿ ਮਨ ਭਾਯੋ ।
ਸ੍ਰੀ ਗੁਰ ਕਹਾ ਇਨੈ ਛਡਿ ਦੀਜੈ । ਇਨਕੇ ਵਸ ਨਹਿ ਜੋ ਗਹਿ ਲੀਜੈ ॥ 563 ॥
ਦਯਾ ਸਿੰਧ ਤਬ ਦੀਏ ਛਡਾਇ । ਚਲੇ ਦੌਰ ਜਨ ਫਾਸ ਕਟਾਇ ।
ਕ੍ਰਿਪਾਸਿੰਧ ਸਭ ਭੂਪ ਬੁਲਾਏ । ਦੋਇ ਸੰਹਸ ਸਤ ਤੀਨ ਗਿਨਾਏ ॥ 564 ॥

ਦੋਹਰਾ

ਪੂਛ ਭੂਪ ਜਿਹ ਦੇਸ ਕਉ ਹੈ³ ਪੁਸ਼ਾਕ ਤਹਿ ਦੇਹਿ ।
ਦਇਆ ਸਿੰਧ ਤਹਿ ਰਾਜ ਕਾ ਤਿਲਕ ਭਾਲ ਤਹਿ ਕੇਇ ॥ 565 ॥

ਸੋਰਠਾ

ਸਿਰੋਪਾਇ ਅਸ ਦੇਇ ਕ੍ਰਿਪਾ ਸਿੰਧ ਨਿਜ ਪਾਸ ਤੇ ।
ਬਹੁਰ ਚਰਿਤ ਅਸ ਕੇਇ ਭਗਤ ਸਿੰਘ ਇਕ ਚਿਤ ਸੁਨੋ ॥ 566 ॥

¹ਅ ਤੇ ਪੋਥੀ ਗਹਾਇ ²ਅ ਪੋਥੀ ਦਿਨਕਰਿ ਆਇ ³ਅ ਪੋਥੀ ਅਸੁ

ਚੌਪਾਈ

ਤਿਸੀ ਭੂਪ ਕੀ ਭੁਜਾ ਗਹਾਇ । ਜਹਾਂਗੀਰ¹ ਕੇ ਹਾਥ ਗਹਾਇ ।
 ਸ੍ਰੀ ਮੁਖ ਭਾਖੇ ਤੁਮਰਾ ਸ਼ਾਹੁ । ਇਸਕੀ ਆਗਿਆ ਮਾਂਹਿ ਰਹਾਹੁ ॥ 567 ॥
 ਪਰਵਾਨਾ ਤਬ ਸ਼ਾਹ ਕਰ ਦੇਵੈ । ਤਾਸ ਦੇਸ ਕਉ ਦੇਰ ਨਾ ਹੋਵੈ ।
 ਧਨ ਧਨ ਭਾਖਤ ਭੂਪ ਸਿਧਾਏ । ਹਰਿ ਗੋਬਿੰਦ ਗੁਰ ਕਾ ਜਸ ਗਾਏ ॥ 568 ॥

ਦੋਹਰਾ

ਚਲਨ ਸਮੇਂ ਤਿੰਹ ਭੂਪ ਕਉ ਐਸੇ ਗੁਰੁ ਅਲਾਇ ।
 ਸਤਿਨਾਮ ਰਿਦ ਮਹਿ ਧਰੋ ਆਗਯਾ ਸ਼ਾਹ ਕਰਾਇ ॥ 569 ॥

ਚੌਪਾਈ

ਗੁਰੁ ਚਰਨ ਲਗ ਭੂਪ ਸਿਧਾਏ । ਨਿਜ ਨਿਜ ਦੇਸ ਗੁਰੁ ਜਸ ਗਾਏ ।
 ਠੌਰ ਠੌਰ ਗੁਰ ਜਸ ਪ੍ਰਗਟਾਇਓ । ਜੈ ਜੈ ਜਸ² ਭੂਅ ਅੰਬਰ ਛਾਯੋ ॥ 570 ॥
 ਸਭੈ ਭੂਪ ਜਬ ਬਿਦਾ ਕਰਾਏ । ਪਾਛੇ ਸ੍ਰੀ ਗੁਰੁ ਬਚਨ ਅਲਾਏ ।
 ਸੁਨੋ ਸ਼ਾਹ ਆਇਸ ਮਮ ਕਰਹੂੰ । ਸੁਧਾ ਸਰੋਵਰ ਪਿਆਨਾ ਧਰਹੂੰ ॥ 571 ॥

ਦੋਹਰਾ

ਤਬੈ ਸ਼ਾਹਿ ਬਿਨਤੀ ਕਰੀ ਹਮ ਚਾਲਹਿੰ ਕਸ਼ਮੀਰ ।
 ਆਗੇ ਪਾਪੀ ਮੋੜਿਓ ਮੋ ਕਉਂ ਪ੍ਰਭ ਰਨਧੀਰ ॥ 572 ॥

ਚੌਪਾਈ

ਰਹੋ ਆਜ ਤੁਮ ਸੁਬਾਇ ਸਿਧਯੋ । ਮੋਕਉ ਅਪਨੇ ਸੰਗਿ ਲਿਜਯੋ ।
 ਇਮ ਕਹਿ ਜਹਾਂਗੀਰ ਤਬ ਗਯੋ । ਨਿਜ ਮਹਲੀਂ ਜਾਇ ਪ੍ਰਾਪਤਿ ਭਯੋ ।
 ਤਬ ਹਰਿਦਾਸ ਗੁਰ ਚਰਨੀ ਪਰਾ । ਦਯਾ ਸਿੰਧ ਤਹਿ ਧੀਰਜ ਧਰਾ ।
 ਸਤਿਨਾਮ ਉਪਦੇਸ਼ ਕਰਾਯੋ । ਸਿਖ ਸੰਗਤਿ ਕੀ ਸੇਵ ਕਮਾਯੋ ॥ 573 ॥

ਦੋਹਰਾ

ਗੁਰ ਉਪਦੇਸ਼ ਰਿਦ ਧਾਰ ਕੈ ਗੁਰ ਕੇ ਚਰਨ ਗਹਾਇ ।
 ਹਰਿਦਾਸ ਤਬੈ ਪਿਆਨਾ ਕੀਓ ਗੁਰ ਮੂਰਤਿ ਰਿਦ ਪਾਇ ॥ 574 ॥

ਸੋਰਠਾ

ਸ੍ਰੀ ਗੁਰ ਜਾਨ ਪਿਆਨ ਦਿਲੀ ਕੀ ਸੰਗਤਿ ਅਈ ।
 ਸਭ ਭੇਟਾ ਸੁਖਮਾਨ ਗੁਰ [ਉਪਦੇਸ਼]³ ਸਭਿ ਕੋ ਕੀਓ ॥ 575 ॥

ਦੋਹਰਾ

ਸਿਖ ਸੰਤ ਕੀ ਸੇਵ ਕਰਿ ਸਤਿਨਾਮ ਰਿਦ ਧਿਆਇ ।
 ਸੁਨਿ ਉਪਦੇਸ਼ ਵਿਦਾ ਭਈ ਸੰਗਤਿ ਸਭ ਇਕਠਾਇ ॥ 576 ॥

¹ਅ ਤੇ ਏ ਪੋਥੀ ਪਾਤਿਸਾਹਿ ²ਅ ਪੋਥੀ ਕਾਰ ³ਅ ਪੋਥੀ ਵਿਚੋਂ

ਚੌਪਾਈ

ਪਾਛੇ ਬਿਧੀਏ ਬਿਨਤਿ ਉਚਾਰੀ । ਦਯਾਸਿੰਧ ਏ ਪਰਉਪਕਾਰੀ ।
ਸੁਤ ਨਾਰੀ ਪਾਪੀ ਤਜ ਦਏ । ਚਹੀਏ ਮੂਲ ਨਾਸ ਤਿੰਹ ਕਏ ॥ 577 ॥

॥ ਸ੍ਰੀ ਗੁਰੋ ਵਾਚ ॥

ਜੇ ਸੂਰੋ ਬਲਿਕਾਰ ਧਰਾਵਹਿ । ਨਾਰੀ ਪਰ ਨਹਿ ਹਾਥ ਉਠਾਵਹਿ ।
ਬਹੁ ਤੁਰਕਨ ਸਿਉਂ ਇਹ ਸੁਤ ਮਾਰੋ । ਰੁਹੇਲੇ ਗਾਂਵ ਕਰ ਜੁਧ ਅਪਾਰੋ ॥ 578 ॥

ਦੋਹਰਾ

ਤੁਮਰੇ ਦੇਖਤ ਹਉਂ ਕਰਹੁ ਨਿਜ ਕਰ ਯਾਂਹਿ ਸੰਘਾਰ ।
ਭਗਤ ਸਿੰਘ ਐਸੇ ਕਹਾ ਕ੍ਰਿਪਾ ਸਿੰਧ ਹਿਤ ਧਾਰ ॥ 579 ॥

ਚੌਪਾਈ

ਲੋਪਿਓ ਰਵਿ^੧ ਨਿਸ ਕਾਲੀ ਆਈ । ਨਿਸਚਰ^੨ ਫਿਰੈ ਸਮਾ ਨਿਜ ਪਾਈ ।
ਨਿਸ ਭਈ ਨਾਸ ਦਿਨ ਪ੍ਰਗਟਾਯੋ । ਸ੍ਰੀ ਸਤਿਗੁਰ ਤਬ ਪਿਆਨ ਕਰਾਯੋ ॥ 580 ॥
ਜਹਾਂਗੀਰ ਤਬ ਆਯਸ ਦੀਨੋ । ਸੁਤ ਨਾਰੀ ਸੰਗਿ ਪਯਾਨਾ ਕੀਨੋ ।
ਵੀਰਵਾਰ ਤ੍ਰੋਦਸ ਥਿਤ ਜਾਨੋ । ਜਾਮ ਦਿਵਸ ਗੈ ਪਯਾਨਾ ਠਾਨੋ ॥ 581 ॥

ਦੋਹਰਾ

ਮਜਨੂੰ ਕਉ ਧੀਰਜ ਦਯੋ ਕ੍ਰਿਪਾ ਸਿੰਧ ਸੁਖ ਸਾਥ ।
ਹੈ^੪ ਸ੍ਵਾਰ ਹੈ ਤਬ ਚਲੇ ਸ੍ਰੀ ਗੁਰ ਦੀਨਾ ਨਾਥ ॥ 582 ॥

ਚੌਪਾਈ

ਤਬ ਜੇਠੇ ਮਨ ਐਸੇ ਆਈ । ਮਤ ਗੁਰ ਸਨਮੁਖ ਚੰਦੂ ਪਾਈ ।
ਦਯਾ ਧਾਰ ਗੁਰ ਯਾਹਿ ਛੁਡਾਵੈ । ਪਾਛੇ ਹਮ ਕਉ ਨਾਂਹਿ ਚਲਾਵੈ ॥ 583 ॥
ਇਮ ਕਹਿ ਸੰਗਰਿ ਤਿਹ ਗਰਿ ਭਾਰੀ । ਜਿਉਂ ਚੰਡਾਲ ਕੂਕਰ ਰਖਵਾਰੀ ॥
ਸੋ ਕੂਕਰ ਮਹਿ ਯਾਹਿ ਚਲਾਵੈ । ਕੂਕਰ ਸਮ ਚਾਲੈ ਦੁਖ ਪਾਵੈ ॥ 584 ॥

ਦੋਹਰਾ

ਇਹ ਬਿਧ ਸ੍ਰੀ ਗੁਰ ਪਿਆਨ ਕਰ ਕੂਚ ਮੁਕਾਮ ਕਰਾਇ ।
ਪੰਥ ਚਲਤ ਸਿਖਿ ਤਾਰ ਬਹੁ ਦੇਖ ਬਿਆਸਾ ਆਇ ॥ 585 ॥

ਸੋਰਠਾ

ਸ੍ਰੀ ਗੁਰ ਕਥਾ ਅਪਾਰ ਪੰਥ ਚਲਤ ਜੇ ਸਭ ਕਹਉਂ ।
ਬਾਢੇ ਗ੍ਰੰਥ ਅਪਾਰ ਦਾਸ ਕਵੀ ਕਹ ਮਨ ਡਰਤ ॥ 586 ॥

ਚੌਪਾਈ

ਤੀਰ ਬਿਪਾਸਾ ਡੇਰਾ ਪਾਯੋ । ਤਉ ਨਿਸ ਆਗਮ ਪ੍ਰਗਟਾਯੋ ।
ਸ੍ਰੀ ਗੁਰ ਨਿਕਟ ਰਾਮ ਧੁਨ ਹੋਵੈ । ਹੋਤ ਨਿਹਾਲ ਨੈਨ ਜੋ ਜੋਵੈ ॥ 587 ॥

^੧ਅ ਤੇ ਏ ਪੋਥੀ ਇਸਿ ^੨ਅ ਪੋਥੀ ਸੂਰ ^੩ਅ ਤੇ ਏ ਪੋਥੀ ਪ੍ਰੇਤ ^੪ਅ ਪੋਥੀ ਅਸ੍ਰ

ਭਿੰਨ ਭਿੰਨ ਸਭ ਸੂਰ¹ ਬੁਲਾਏ । ਦਯਾ ਸਿੰਧ ਸਭ ਕੀ ਸੁਧ ਪਾਏ ।
ਨਿਤ ਹੀ ਮਾਰ ਚੰਦੂ ਕਉ ਹੋਵੈ । ਪਨਹੀ ਕੀ ਮਾਰੈ ਬਹੁ ਜੋਵੈ ॥ 588 ॥

ਦੋਹਰਾ

ਕੂਕਰ ਸਾਥ ਚੰਡਾਲ ਕਰ ਟੁਕਰਾ ਦੇਵਤ ਤਾਂਹਿ ।
ਬਿਧੀਆ ਜੇਠਾ ਐਸ ਕਹਿ ਹੇ ਕੂਕਰ ਅਬ ਖਾਹਿ ॥ 589 ॥

ਚੌਪਾਈ

ਐਸ ਰੋਜ ਤਹਿ ਦੇਤ ਸਜਾਇ । ਜਾਮ ਨਿਸਾ ਤਹਿ ਗਈ ਬਿਹਾਇ ।
ਕੀਰਤ² ਸੋਹਿਲਾ ਗੁਰੂ ਸੁਨਾਏ । ਨਿਜ ਨਿਜ ਡੇਰੈ ਸਭੈ ਸਿਧਾਏ ॥ 590 ॥
ਪਲੰਘ ਬੈਠ ਗੁਰ ਧਿਆਨ ਲਗਾਯੋ । ਚਰਨ ਗੁਰੂ ਨਾਨਕ ਮਨ ਆਯੋ ।
ਇਹ ਠਾਂ ਭਈ ਔਰ ਸੁਨਿ ਭਾਈ । ਜਹਾਂਗੀਰ³ ਜਬ ਚਰਿਤ ਕਰਾਈ ॥ 591 ॥

ਦੋਹਰਾ

ਮਨ ਮਹਿ ਸ਼ਾਹ ਵਿਚਾਰਿਓ ਸ੍ਰੀ ਗੁਰ ਰੂਪ ਅਪਾਰ ।
ਐਸੇ ਜੋਬਨ ਪਾਇ ਕੇ ਕੈਸੇ ਰਹਿਤ ਵਿਚਾਰ ॥ 592 ॥

ਚੌਪਾਈ

ਜਬ ਕੇ ਨਿਕਟ ਪੀਰ ਮਮ ਆਏ । ਨਿਜ ਨੈਨਨਿ ਤ੍ਰਿਯ ਨਾਂਹਿ ਲਖਾਏ ।
ਮੋ ਤੇ ਇਕ ਦਿਨ ਰਹਿਓ ਨ ਜਾਇ । ਨਿਜ ਨਾਰੀ ਸਦ ਸੰਗਿ ਧਰਾਇ ॥ 593 ॥
ਚੇਤ੍ਰ ਗੁਰ ਦਿੱਲੀ ਤੇ ਪਿਆਨਾ । ਪੀਰ ਹਮਾਰੇ ਸੰਗ ਸੁਹਾਨਾ ।
ਦਿਵਸ ਇਕਾਦਸ ਸੰਗ ਰਹਾਏ । ਪੀਰ ਨਾਰਿ ਕੇ ਸੰਗਿ ਨ ਪਾਏ ॥ 594 ॥

ਦੋਹਰਾ

ਨਿਜ ਨਾਰੀ ਤਾਂਤੇ ਪਠਉਂ ਪੀਰ ਪਰੀਛਾ ਪਾਇ ।
ਐਸੇ ਜੋਬਨ ਰੂਪ ਧਰਿ ਕੈਸੀ ਕ੍ਰਿਤਿ⁴ ਕਮਾਇ ॥ 595 ॥

ਚੌਪਾਈ

ਜਹਾਂਗੀਰ ਮਨ ਐਸ ਵਿਚਾਰੀ । ਨਿਜ ਬੇਗਮ ਸਭ ਲੀਨ ਹਕਾਰੀ ।
ਸੁੰਦਰ ਸਾਤ ਤਹਾਂ ਤੇ ਕਾਢੀ । ਜੋਬਨ ਰੂਪ ਅਧਿਕ ਜੇ ਬਾਢੀ ॥ 596 ॥
ਤਾਂਕੋ ਸ਼ਾਹ ਕਹਾ ਸਮਝਾਇ । ਕਰਿ ਸਿੰਗਾਰ ਤੁਮ ਤਿਹਾਂ ਠਾ ਜਾਇ ।
ਜਹਾਂ ਪੀਰ ਤੁਮ ਤਾਂਹਿ ਸਿਧਾਵਹੁ । ਹਾਵ ਭਾਵ ਕਰ ਤਾਂਹਿ ਰਿਝਾਵਹੁ⁵ ॥ 597 ॥

ਦੋਹਰਾ

ਆਇਸ ਸੁਨ ਪਤਿਸ਼ਾਹ ਕੀ ਬੇਗਮ ਮਨ ਹਰਖਾਇ ।
ਨਵਸਤ⁶ ਸਾਜ ਸਿੰਗਾਰ ਕਉ ਸਾਤੋ ਹੀ ਸੁਖ ਪਾਇ ॥ 598 ॥

¹ਅ ਤੇ ਏ ਪੌਥੀ ਬੀਰ ²ਅ ਪੌਥੀ ਕੀਰਤਨਿ ³ਅ ਪੌਥੀ ਪਾਤਸ਼ਾਹਿ ⁴ਅ ਪੌਥੀ ਕਰਮ ⁵ਅ ਤੇ ਏ ਪੌਥੀ
ਭਰਮਾਵਤੁ ⁶ਅ ਪੌਥੀ ਸੋਲਹਿ

ਚੌਪਾਈ

ਕਰ ਸਿੰਗਾਰ ਸਾਤੋ ਹੀ ਆਈ । ਜਹਾਂਗੀਰ ਕੇ ਨਿਕਟ ਸੁਹਾਈ ।
 ਕਰ ਬੰਦਨ ਤਬ ਚਾਲੀ ਐਸੇ । ਕਾਮ ਨਾਰ ਨਾਰਦ ਪਰ ਜੈਸੇ ॥ 599 ॥
 ਜੇ ਸਸਿ ਸੂਰਜ ਨਾਹਿ ਨਿਹਾਰੀ । ਤੇ ਬੇਗਮ ਗੁਰ ਓਰ ਪਧਾਰੀ ॥
 ਐਸ ਭਾਵ ਕਵਿ ਕੇ ਮਨ ਆਯੋ । ਕਾਮ ਨਾਰਿ ਬਹੁ ਰੂਪ ਬਨਾਯੋ ॥ 600 ॥

ਦੋਹਰਾ

ਸਸੀ ਦੇਖ ਲਜੀ ਧਰੀ ਧਰਿ ਬਾਦਰ ਮੁਖ ਲੋਪ ।
 ਪ੍ਰਕਾਸ ਭਯੋ ਤਹਿ ਬਦਨ ਕਾ ਫੈਲੀ ਦਿਹ ਦਿਸ ਓਪ ॥ 601 ॥

ਚੌਪਾਈ

ਸੁਰ ਕੰਨਯਾ ਜਨ ਨਾਗਨ ਨਾਰੀ । ਜਨ ਰੰਭਾ ਉਰਬਸੀ ਪਧਾਰੀ ।
 ਕਿਧਹੁ ਜਛ ਕਿੰਨਰ ਕੀ ਬਾਮਾ । ਸਾਤ ਰੂਪ ਧਰ ਚਲਿ ਅਭਿਰਾਮਾ ॥ 602 ॥
 ਭੂਮ ਪਰ ਇਨ ਚਰਨ ਦਿਖਾਈ । ਗੁਲ ਸਮ ਭਏ ਬਡੀ ਛਬ ਪਾਈ ।
 ਖੋੜਸ ਵਰਖਨ ਕੀ ਸਭ ਨਾਰੀ । ਸੂਰਜ ਲਖੀ^੧ ਨ ਚੰਦ ਨਿਹਾਰੀ ॥ 603 ॥

ਦੋਹਰਾ

ਐਸੇ ਸੁੰਦਰ ਰੂਪ ਧਰਿ ਗਈ ਸਾਤ ਗੁਰ ਪਾਸ ।
 ਨੈਨਨਿ ਸੈਨ ਚਲਾਇ ਕੈ ਬਿਨਤੀ ਕਰਿ ਅਰਦਾਸ ॥ 604 ॥

ਚੌਪਾਈ

ਆਗੇ ਸ੍ਰੀ ਗੁਰ ਧਿਆਨ ਲਗਾਏ । ਬੈਠੇ ਸ਼ਿਵ ਜਹਿ ਦੇਖ ਲਜਾਏ ।
 ਨਾਰੀ ਨੂਪਰ^੨ ਧੁਨਿ ਸੁਨ ਪਾਈ । ਮੁਖ ਤੇ ਅੰਚਰ ਦੀਓ ਹਟਾਈ ॥ 605 ॥
 ਕੋਟ ਭਾਨ ਸਮ ਬਦਨ ਪ੍ਰਕਾਸ਼ । ਨਾਰ ਪ੍ਰਕਾਸ਼ ਸਸੀ ਦਿਖ ਨਾਸ਼ ।
 ਹਾਵ ਭਾਵ ਬਹੁ ਬੇਗਮ ਕੀਨੇ । ਸ੍ਰੀ ਗੁਰ ਦ੍ਰਿਸ਼ਟ ਕਬੂ ਨਹਿ ਚੀਨੇ ॥ 606 ॥

ਦੋਹਰਾ

ਭਗਤ ਸਿੰਘ ਐਸੇ ਤਬੈ ਸ੍ਰੀ ਗੁਰੂ ਬਚਨ ਅਲਾਇ ।
 ਐਸੋ ਸਾਚ [ਸਿੰਗਾਰ]^੩ ਕਰਿ ਪੁਤ੍ਰੀ ਪਾਇ ਖੁਦਾਇ ॥ 607 ॥

ਚੌਪਾਈ

ਤਾਂਤੇ ਪੁਤ੍ਰੀ ਸਾਚ ਅਲਾਵਹੁ । ਨਿਸ ਦਿਨ ਸਾਚ ਸਿੰਗਾਰ ਬਨਾਵਹੁ ।
 ਅਪਨਾ ਭਰਤਾ^੪ ਸਮਝ ਖੁਦਾਇ । ਅਹਿਨਿਸ ਤਾਂਕੀ ਸੇਵ ਕਮਾਇ ॥ 608 ॥
 ਯਾ ਸਮ ਔਤ ਜਗਤ ਫਲ ਨਾਹੀ । ਨਾਰੀ ਸੁੰਦਰ ਸੁਨ ਸੁਖ ਪਾਹੀ ।
 ਐਸੇ ਗੁਰ ਕੇ ਬਚਨ ਸੁਨਾਇ । ਔਰ ਦਰਸ ਸ੍ਰੀ ਗੁਰ ਕਉ ਪਾਇ ॥ 609 ॥

^੧ਅ ਪੋਥੀ ਪਿਖਿ ^੨ਅ ਪੋਥੀ ਘੁੰਗਰੂ ^੩ੲ ਪੋਥੀ ਵਿਚੋਂ ^੪ਅ ਪੋਥੀ ਮਾਲਕ

ਦੋਹਰਾ

ਕਾਮ ਭਾਵਨਾ ਛਾਡਿ ਸਭ ਰਿਦੇ ਧਿਆਨ ਕਉ ਪਾਇ ।
ਸਤਿ ਪੀਰ ਗੁਰੁ ਜਾਨ ਕੇ ਪਰੀ ਚਰਨ ਲਪਟਾਇ ॥ 610 ॥

ਚੌਪਾਈ

ਗਾਛਹੁ¹ ਪੁਤ੍ਰੀ ਗੁਰੁ ਅਲਾਯੋ । ਸਾਤੋ ਬੇਗਮ ਪਯਾਨ ਕਰਾਯੋ ।
ਆਇ ਸਾਹ ਕਉ ਬਾਤ ਅਲਾਇ । ਸਤਿਗੁਰੁ ਹਰਿ ਰੂਪ ਖੁਦਾਇ ॥ 611 ॥
ਦੇਖ ਰੂਪ ਹਮ ਸਭੀ ਲੁਭਾਈ । ਪੀਰ ਦ੍ਰਿਸ਼ਟ ਹਮ ਓਰ ਨਹਿ ਪਾਈ ।
ਪੁਤ੍ਰੀ ਭਾਖ ਕੀਨ ਉਪਦੇਸਾ । ਸਤਿ ਪੀਰ ਇਹ ਹਰੋ ਅੰਦੇਸਾ ॥ 612 ॥

ਦੋਹਰਾ

ਜਹਾਂਗੀਰ² ਤਬ ਹੀ ਸੁਨੇ ਸਤਿ ਬੇਗਮ ਕੇ ਬੈਨ ।
ਅਤਿ ਆਨੰਦ ਮਨ ਮਹਿ ਕੀਓ ਦਰਸ ਪੀਰ ਚਹਿ ਨੈਨ ॥ 613 ॥

ਚੌਪਾਈ

ਜਹਾਂਗੀਰ ਨਿਜ ਅਉਗੁਨ ਜਾਨਾ । ਉਪਰ ਪੀਰ ਸੰਸ ਹਮ ਠਾਨਾ ।
ਹੇ ਖੁਦਾਇ ਨਿਸ ਕਰਉ ਬਤੀਤ । ਬਖਸ਼ਾਵਉ³ ਗੁਰ ਤੇ ਧਰ ਪ੍ਰੀਤ ॥ 614 ॥
ਗੁਰ ਗੁਨ ਗਾਵਤ ਨਿਸਾ ਬਿਹਾਈ । ਦੋਇ ਘਰੀ ਨਿਸ ਤਬੈ ਰਹਾਈ ।
ਨਗਨ ਪਾਇ ਗਰਿ ਅੰਚਰ ਡਾਰਿਓ । ਜਹਾਂਗੀਰ ਸ੍ਰੀ ਗੁਰਹਿ ਸਿਧਾਰਿਓ ॥ 615 ॥

ਦੋਹਰਾ

ਆਗੈ ਲਗੋ ਦੀਵਾਨ ਬਹੁ ਸ੍ਰੀ ਗੁਰ ਮਧ ਸੁਹਾਇ ।
ਗਾਵਤ ਆਸਾ ਵਾਰ ਕਉ ਰਾਗੀ ਰਾਗੁ ਉਠਾਇ ॥ 616 ॥

ਸੋਰਠਾ

ਜਹਾਂਗੀਰ ਤਹਿ ਜਾਇ ਹੋਇ ਅਧੀਨ ਬੈਠਤ ਭਯੋ ।
ਪਾਛੈ ਦੂਰ ਹਟਾਇ ਸੁਨਤ ਸਬਦ ਧਰ ਪਰੇਮ⁴ ਕਉ ॥ 617 ॥

ਚੌਪਾਈ

ਆਸਾ ਵਾਰ ਭੋਗ ਤਬ ਪਾਯੋ । ਨਿਸ ਬਿਤੀਤ ਰਵਿ ਤੇਜ ਧਰਾਯੋ ।
ਉਠ ਗੁਰ ਬਚਨ ਸਾਹ ਤਬ ਲਾਗਿਓ । ਰਾਜ ਮਾਨ ਮਦ ਸਭ ਹੀ ਤਿਆਗਿਓ ॥ 618 ॥
ਉਸਤਤਿ ਗੁਰ ਕੀ ਕੀਨ ਅਪਾਰੀ । ਖੁਦ ਖੁਦਾਇ ਤੁਮ ਪੀਰ ਮੁਰਾਰੀ ।
ਅਲਹ ਤੁਹੀ ਤੁਹੀ ਭਗਵੰਤਾ । ਬਖਸ਼ੋ ਭੂਲ ਕਰੀ ਹਮ ਜੰਤਾ ॥ 619 ॥

ਦੋਹਰਾ

ਐਸ ਭਾਖ ਚਰਨੀ ਪਰਾ ਸ੍ਰੀ ਗੁਰ ਭਏ ਦਇਆਲ ।
ਨਿਜ ਕਰ ਤਾਂਹਿ ਉਠਾਇ ਕੈ ਭਾਖੇ ਬਚਨ ਕ੍ਰਿਪਾਲ⁴ ॥ 620 ॥

¹ਅ ਪੋਥੀ ਜਾਹਗੁ ²ਅ ਤੇ ਏ ਪੋਥੀ ਬਾਦਸਾਹਿ ³ਅ ਪੋਥੀ ਪ੍ਰੀਤਿ ⁴ਅ ਤੇ ਏ ਪੋਥੀ ਰਸਾਲ

ਚੌਪਈ

ਮਾਂਗਉ ਵਰ ਜੋ ਇਛਾ ਤੋਰੀ । ਕਹਿਯੋ ਸ਼ਾਹ ਇਹ ਇਛਾ ਮੋਰੀ ।
 ਪ੍ਰਿਥਮੈ ਭੂਲ ਛਮਾਪਨ ਕੀਜੈ । ਬਹੁਰੋ ਪੀਰ ਇਹੈ ਵਰ ਦੀਜੈ ॥ 621 ॥
 ਗੋਇੰਦਵਾਲ ਕਾ ਦਰਸਨ ਪਾਵਹੁ । ਪਾਛੈ ਤਾਰਨ ਤਰਨ ਦਿਖਾਵਹੁ ।
 ਬਹੁਰੋ ਤੁਮ ਸੰਗ ਸੁਧਾ ਸਰੋਵਰ । ਦਰਸ ਤਖਤ ਸੁਰ ਦੇਖ ਸਰੋਵਰ ॥ 622 ॥

ਦੋਹਰਾ

ਬਹੁਰ ਪੀਰ ਮਮ ਸੰਗ ਹੁਇ ਚਾਲਉ ਆਪ ਲਾਹੋਰ ।
 ਸੁਨੋ ਪੀਰ ਮਮ¹ ਇਛ ਯਹਿ ਤੁਮ ਸਭ ਕੇ ਸਿਰਮੋਰ ॥ 623 ॥

ਚੌਪਈ

ਤਥਾ ਸਤਿ ਬਚਨ ਗੁਰ ਕੀਨ ਉਚਾਰਾ । ਸੁਨਤ ਸ਼ਾਹਿ ਮਨ ਆਨੰਦ ਧਾਰਾ ।
 ਉਤਰ ਬਿਪਾਸਾ ਆਏ ਤਹਾਂ । ਗੋਇੰਦਵਾਲ ਗੁਰ ਕਉ ਥਲ ਜਹਾਂ ॥ 624 ॥
 ਕਰ ਡੇਰਾ ਤਹਿ ਕੀਨ ਇਸਨਾਨਾ । ਬਾਵਲੀ ਮਧ ਹਰਖ ਗੁਰ ਠਾਨਾ ।
 ਬਾਦਸ਼ਾਹ² ਪੁਨ ਮਜਨ ਕੀਨੋ । ਦਿਖੀ ਬਾਵਲੀ ਮਨ ਸੁਖ ਲੀਨੋ ॥ 625 ॥

ਦੋਹਰਾ

ਸਬ ਸਥਾਨ ਗੁਰ ਪੂਜ ਧਰ ਦਰਸਨ ਕੀਨੋ ਜਾਇ ।
 ਬਾਦਸ਼ਾਹ ਭੇਟਾ ਧਰੈ ਗੁਰ ਸੰਗਿ ਦਰਸ ਕਰਾਇ ॥ 626 ॥

ਚੌਪਈ

ਦਰਸਨ ਕਰ ਗੁਰ ਡੇਰੇ ਆਏ । ਕੁਸਲ ਪ੍ਰਸੰਨ ਗੁਰ ਸਭ ਕੀ ਪਾਏ ।
 ਬਸੈ ਰੈਨ ਪੁਨ ਪ੍ਰਾਤ ਸਿਧਾਏ । ਤਾਰਨ ਤਰਨ ਸਭੀ ਚਲ ਆਏ ॥ 627 ॥

ਦੋਹਰਾ

ਗੁਰ ਸਥਾਨ ਪੂਜਾ ਧਨੀ ਸ੍ਰੀ ਗੁਰ ਅਨਗਨ ਸ਼ਾਹ ।
 ਬਾਰ ਬਾਰ ਬੰਦਨ ਕਰੀ ਧਾਰਿਓ ਸ਼ਾਹਿ ਉਮਾਹ ॥ 628 ॥

ਚੌਪਈ

ਅਰ ਸੁਖ ਸਿਉਂ ਤਿਹ ਰੈਨ ਬਸਾਏ । ਨਾਇ ਪ੍ਰਾਤ ਤਬ ਪਯਾਨ ਕਰਾਏ ।
 ਜਾਮ ਦਿਵਸ ਗਏ ਆਏ ਤਹਾਂ । ਸੁਧਾ ਸਰੋਵਰ ਸੁੰਦਰ ਜਹਾਂ ॥ 629 ॥
 ਗੁਮਟਾਲੇ ਜੂਹ ਡੇਰਾ ਕੀਨੋ । ਅਨਗਨ ਸੈਨਾ ਸਾਜ ਪ੍ਰਬੀਨੋ ।
 ਖਾਂ ਵਜ਼ੀਰ ਕਉ ਸ਼ਾਹ ਅਲਾਇ । ਗੁਰ ਸੰਗ ਜਾਇ ਚਰਿਤ ਦਿਖਿ³ ਆਇ ॥ 630 ॥

ਦੋਹਰਾ

ਲੈ ਆਇਸ ਤਬ ਸ਼ਾਹ ਕੀ ਪਾਂਚ ਸਿਖ ਸੰਗਿ ਲੀਨ ।
 ਖਾਂ ਨਜ਼ੀਰ ਕਉ ਸਾਬ ਲੈ ਗੁਰੂ ਪਿਆਨਾ ਕੀਨ ॥ 631 ॥

¹ਅ ਪੋਥੀ ਮੋਹਿ ²ਅ ਤੇ ਏ ਪੋਥੀ ਜਾਹਿਗੀਰ ³ਅ ਪੋਥੀ ਪਿਖਿ

ਚੌਪਈ

ਸ੍ਰੀ ਗੁਰ ਜੇਠਾ ਅਗ੍ਰ ਪਠਾਯੋ । ਬਹੁ ਕੜਾਹਿ¹ ਤਿਨ ਆਨ ਕਰਾਯੋ ।
 ਨਿਕਟ ਪੁਰੇ ਕੇ ਜਬ ਗੁਰ ਗਾਏ । ਉਤਰੇ ਹੈ ਤੇ ਭ੍ਰਮ ਤੁਰਾਏ ॥ 632 ॥
 ਗੁਰ ਕਉ ਦੇਖ ਸਬੀ ਹੋਇ ਪਯਾਏ । ਖਾਂ ਵਜੀਰ ਦਿਖ ਸਭ ਮਰਜਾਏ ।
 ਧਰ ਕੜਾਹੁ¹ ਆਗੇ ਤਿਹ ਆਏ । ਅਕਾਲ ਤਖਤ ਗੁਰ ਦਰਸਨ ਪਾਏ ॥ 633 ॥

ਦੋਹਰਾ

ਅਰਦਾਸ ਭੇਟ ਤਬ ਗੁਰ ਧਰੀ ਬੰਦਨ ਕੀ² ਮਨ ਲਾਇ ।
 ਗੁਰਦਾਸ ਤਬੈ ਅਰਦਾਸ ਕਰ ਲਗੇ ਚਰਨ ਗੁਰ ਆਇ ॥ 634 ॥

ਚੌਪਈ

ਕੁਸਲ ਅਨੰਦ ਗੁਰ ਪੁਛੀ ਤਾਹਿ । ਬਹੁਰੇ ਚਾਲੈ ਧਾਰ ਉਮਾਹਿ ।
 ਕੜਾਹ ਪੂਜ ਦਰਬਾਰ ਚੜਾਈ । ਤਹਿ ਬੁਢੇ ਅਰਦਾਸ ਕਰਾਈ ॥ 635 ॥
 ਪਰਸਪਰ ਦੋਉ ਚਰਨੀ ਲਾਗੇ । ਬੁਢਾ ਗੁਰ ਚਰਨ ਰਸ ਪਾਗੇ ।
 ਪਰਕਰਮਾ ਕਰ ਗੁਰ ਆਏ ਤਹਾਂ । ਗੰਗ ਮਾਤ ਗੁਰ ਮਹਲੀ ਜਹਾਂ ॥ 636 ॥

ਦੋਹਰਾ

ਮਾਤਾ ਕੇ ਚਰਨੀ ਲਗੇ ਮਾਤ ਲੀਨ ਓਰ³ ਲਾਇ ।
 ਆਨੰਦ ਸਿਉ ਸੁਤ ਤੁਮ ਅਏ ਪ੍ਰੇਮ ਨਾ ਚਿਤਿ ਸਮਾਇ ॥ 637 ॥

ਚੌਪਈ

ਭਗਤ ਸਿੰਘ ਗੁਰ ਮਹਿਲੀ ਰਹੇ । ਖਾਂ ਵਜੀਰ ਕਉ ਐਸੇ ਕਹੇ ।
 ਜਾਇ ਸਾਹਿ ਕਉ ਐਸ ਸੁਨਾਵਹੁ । ਭੋਰ ਹੋਤ ਤੁਮ ਇਹ ਨਾਂ ਆਵਹੁ ॥ 638 ॥
 ਵਜੀਰ ਸਾਹਿ ਕੇ ਨਿਕਟ ਸਿਧਾਯੋ । ਗੁਰ ਕਉ ਸਭ ਬਿਰਤੰਤ ਸੁਨਾਯੋ ।
 ਹੋਤ ਪ੍ਰਾਤ ਆਪੋ ਪਾਤਿਸ਼ਾਹ । ਕਰਾਇਓ ਅਨਗਨ ਤਬੈ ਕੜਾਹ ॥ 639 ॥

ਦੋਹਰਾ

ਬੈਠੇ ਗੁਰ ਦਰਬਾਰ ਤਬ ਸੁਨਤ ਸਬਦ ਮਨ ਲਾਇ ।
 ਬਲਵੰਡ ਸਤਾ ਧੁਨ ਰਾਗ ਕੀ ਮੁਖ ਸਿਉ⁴ ਸੁੰਦਰ ਗਾਇ ॥ 640 ॥

ਚੌਪਈ

ਆਯੋ ਸਾਹ ਗੁਰੁ ਸੁਨ ਪਾਇਓ । ਜੇਠੇ ਕਉ ਤਿਹ ਅਗ੍ਰ ਪਠਾਇਓ ।
 ਜੇਠੇ ਸਾਥ ਸਾਹ ਚਲਿ ਆਇ । ਅਕਾਲ ਤਖਤ ਬਹੁ ਪੂਜ ਚੜਾਇ ॥ 641 ॥
 ਕੜਾਹ ਚਾੜ ਬਹੁ ਬੰਦਨ ਕੀਨੀ । ਦਰਸ ਤਖਤ ਕਰ ਆਨੰਦ ਚੀਨੀ ।
 ਪੁਨ ਦਰਬਾਰ ਗਰਿ ਅੰਚਰ ਡਾਰਿ । ਗਯੋ ਸਾਹ ਅਤਿਸੈ ਹਿਤਧਾਰਿ ॥ 642 ॥

¹ਅ ਪੌਥੀ ਪ੍ਰਸਾਦ ²ਦ ਪੌਥੀ ਕੀਓ ³ਅ ਤੇ ਦ ਪੌਥੀ ਅੰਕਿ

ਦੋਹਰਾ

ਮੁਹਰ ਪਾਂਚ ਸੈ ਪੂਜ ਧਰ ਪੁਨਾ ਕੜਾਹਿ ਧਰਾਇ ॥
 ਬੰਦਨ ਕਰ ਬੈਠਤ ਭਯੋ ਬਲਵੰਡ ਸਤੇ ਨਿਕਟਾਇ¹ ॥ 643 ॥
 ਬਾਦਸ਼ਾਹ ਤਬ ਸ਼ਬਦ ਸੁਨਿ ਦੀਨਾ ਦਰਬ ਅਪਾਰ ।
 ਬਲਵੰਡ ਸਤੇ ਕਉ ਤਿਹ ਸਮੈ ਗੁਰ ਕਉ ਬੰਦਨ ਧਾਰ ॥ 644 ॥

ਚੌਪਈ

ਬਲਵੰਡ ਸਤੇ ਤਬ ਪਾਯੋ ਭੋਗ । ਉਚੀ ਸੁਰ ਗੁਰ ਧਾਰਨ ਜੋਗ ।
 ਕਰ ਬੰਦਨ ਗੁਰ ਤਬੈ ਸਿਧਾਏ । ਜਹਾਂਗੀਰ ਨਿਜ ਸੰਗਿ ਲਵਾਏ ॥ 645 ॥
 ਤਖਤ ਓਰ ਜਬ ਗੁਰ ਪਗ ਧਾਰੇ । ਜਹਾਂਗੀਰ² ਤਬ ਬਿਨਤ ਉਚਾਰੇ ।
 ਚਲੋ ਪੀਰ ਮਾਤਾ ਨਿਕਟਾਇ । ਪਰੀ ਭੂਲ ਮਮ ਛਿਮਾ ਕਰਾਇ ॥ 646 ॥

ਦੋਹਰਾ

ਜਸ ਮਾਤਾ ਤੁਮਰੀ ਪ੍ਰਭੂ ਤਸ ਮਾਤਾ ਮਮ ਚੀਨ ।
 ਗੁਰ ਅਰਜਨ ਕੀ [ਓਰ]³ ਤੇ ਮਾਤ ਬੁਲਾਵਨ ਕੀਨ ॥ 647 ॥

ਚੌਪਈ

ਸ੍ਰੀ ਗੁਰ ਬਚਨ ਸ਼ਾਹਿ ਕਾ ਮਾਨਾ । ਗੁਰ ਮਹਿਲੀ ਤਬ ਕੀਨ ਪਯਾਨਾ ।
 ਜਹਾਂਗੀਰ ਯੋ ਆਗਯਾ ਕਰੀ । ਸਾਬ ਲੋਕ ਜੋ ਅਪਨੇ ਧਰੀ ॥ 648 ॥
 ਇਹ ਠਾਂ ਕਿਸੀ ਹਟਾਵਹੁ ਨਾਹੀ । ਪੀਰ ਧਾਮ ਏਹ ਜੋਰ ਨ ਚਾਹੀ ॥
 ਇਹ ਬਿਧਿ ਗੁਰ ਸੰਗਿ ਸ਼ਾਹਿ ਸਿਧਾਯੋ । ਨਗਰ ਲੋਕ ਕਉ ਨਾਹਿ ਹਟਾਯੋ ॥ 649 ॥

ਦੋਹਰਾ

ਜਾਇ ਮਾਤ ਚਰਨੀ ਲਗਾ ਮੁਹਰ ਪਾਂਚ ਸੈ ਧਾਰ ।
 ਖਿਮਾ ਮਾਤ ਮਮ ਕੀਜੀਏ ਮੁਖ ਸਿਉ ਕੀਨ ਉਚਾਰ ॥ 650 ॥

ਚੌਪਈ

ਮਾਤ ਸਮੀਪ ਗੁਰੁ ਛਬਿ ਪਾਵਤ । ਮਾਤ ਮੁਹਰ ਸਭ ਦਾਨ ਕਰਾਵਤ ।
 ਸੇਵਕ ਸ਼ਾਹ ਔਰ ਜਉ ਦੀਨਾ । ਮੁਹਰ ਦਾਨ ਮਾਤਾ ਤਬ ਕੀਨਾ ॥ 651 ॥
 ਕਹਾ ਸ਼ਾਹ ਗੁਰ ਅਰਜਨ ਦੇਵ । ਰੂਪ ਸਮਾਏ ਅਲਖ ਅਭੇਵ ।
 ਇਸ ਮੈ ਦੋਸ ਮਾਤ ਮਮ⁴ ਨਾਹੀ । ਕੀਨੀ ਔਰ ਦੁਸ਼ਟ ਫਲ ਪਾਹੀ ॥ 652 ॥

ਦੋਹਰਾ

ਜਾਂਹਿ ਦੁਸ਼ਟ ਅਉਗਨ ਕੀਓ ਤਾਂਕੋ ਗੁਰ ਗਹਿ ਲੀਨ ।
 ਸਜਾਇ ਅਧਿਕ ਤਾਂਕੋ ਦਈ ਸਮ ਕੂਕਰ ਸੰਗ ਕੀਨ ॥ 653 ॥

¹ਅ ਤੇ ਏ ਪੋਥੀ ਕੋ ਪਾਹਿ ²ਅ ਪੋਥੀ ਬਾਦਸ਼ਾਹਿ ³ਅ ਪੋਥੀ ਵਿਚੋਂ ⁴ਅ ਪੋਥੀ ਮੋਹੇ

ਚੌਪਾਈ

ਇਮ ਕਹਿ ਜੁਗ ਤਬ ਸੀਸ ਨਿਵਾਯੋ । ਤਬ ਮਾਤਾ ਜੀ ਬਚਨ ਅਲਾਯੋ ।
ਗੁਰ ਗ੍ਰਿਹ ਸਾਥ ਵੈਰ ਜੋ ਪਾਵੈ । ਹਲਤ ਪਲਤ ਨਿਜ¹ ਦੋਇ ਗਵਾਵੈ ॥ 654 ॥
ਗੁਰ ਚਰਨਨ ਸੰਗਿ ਨਿਤ ਕਰ ਪ੍ਰੀਤਿ । ਸੁਨੋ ਸਾਹ ਰਿਦ ਧਾਰੋ ਨੀਤ ।
ਸ੍ਰੀ ਗੁਰ ਜਨਮ ਮਰਨ ਮਹਿ ਨਾਹੀ² । ਸਮਝ ਦੇਖ ਅਪਨੇ ਮਨ ਮਾਂਹੀ³ ॥ 655 ॥

ਦੋਹਰਾ

ਚਾਰ ਦਿਵਸ ਕਾ ਜੀਵਨਾ ਨਰ ਦੇਹੀ ਕਉ ਪਾਇ ।
ਮੂਰਖ ਜਨ ਨਹੀ⁴ ਸੇਵ ਕਰ ਗੁਰ ਸਿਉ ਵੈਰ ਕਰਾਇ ॥ 656 ॥

ਚੌਪਈ

ਸੁਨਹੁ ਸਾਹਿ ਗੁਰੁ ਤੋਰ ਸਹਾਈ । ਲੋਕ ਪੁਲੋਕ ਵਿਖੈ ਸੁਖਦਾਈ ।
ਯਾ ਸੁਨ ਮਾਤਾ ਕੇ ਤਬ ਬੈਨਾ । ਜਹਾਗੀਰ² ਮਨ ਆਯੋ ਚੈਨਾ ॥ 657 ॥

॥ ਸ਼ਾਹੋਵਾਚ ॥

ਇਹੁ ਇਛਾ ਮਮ ਮਾਤ ਪਰਾਵਹੁ । ਸ੍ਰੀ ਗੁਰ ਕਉ ਮਮ³ ਸੰਗਿ ਪਠਾਵਹੁ ।
ਲਾਹੌਰ ਰਹਹਿ ਹਮ ਸੰਗਿ ਸਿਧਾਇ । ਕਸ਼ਮੀਰ ਜਾਇ ਹਉ ਤਤ ਛਿਨ ਆਇ ॥ 658 ॥

ਦੋਹਰਾ

ਜੈਸ ਪਿਤਾ ਮੋਰਾ ਰਹੈ ਅਮਰਦਾਸ ਗੁਰ ਪਾਸ ।
ਗੋਇੰਦਵਾਲ ਨਿਸ ਦਿਨ ਰਹੈ ਸੇਵਾ ਕਰ ਅਰਦਾਸ ॥ 659 ॥

ਚੌਪਈ

ਤੈਸੇ ਮੈਂ ਫਿਰ ਇਹ ਠਾਂ ਰਹਉ । ਸੁਧਾ ਸਰੋਵਰ ਮੈਂ ਸੁਖ ਲਹਉ ।
ਗੁਰੁ ਕੈ ਮਾਤ ਕਹਾ ਸਮਝਾਇ । ਲਾਹੌਰ ਸਾਹਿ ਕੇ ਸੰਗਿ ਸਿਧਾਇ ॥ 660 ॥
ਸ੍ਰੀ ਗੁਰ ਮਾਤ ਬਚਨ ਤਬ ਮਾਨਾ । ਕਰਿ ਬੰਦਨ ਤਬ ਕੀਨ ਪਯਾਨਾ ।
ਕਰ ਬੰਦਨ ਤਬ ਸਾਹਿ ਸਿਧਾਯੋ । ਗੁਰ ਕੈ ਸੰਗਿ ਤਖਤ ਢਿਗ ਆਯੋ ॥ 661 ॥

ਦੋਹਰਾ

ਕਰ ਬੰਦਨ ਬੈਠੇ ਪ੍ਰਭੂ ਉਪਰ ਤਖਤ ਸੁਹਾਇ ।
ਸਾਹਿ ਤਖਤ ਢਿਗ ਬੈਠਿਓ ਢਾਢੀ ਸੁਨਮੁਖ ਆਇ ॥ 662 ॥

ਚੌਪਈ

ਗੁਰ ਸਨਮੁਖ ਢਾਢੀ ਭਯਾ ਠਾਢਾ । ਵਾਰ ਉਚਾਰਤ ਅਤਿ ਰਸ ਬਾਢਾ ॥
ਹੈ ਪੁਸ਼ਾਕ ਗੁਰੂ ਤਾਂਹਿ ਦਿਵਾਓ । ਔਰ ਦਰਬ ਧਰ ਹਰਖ ਮੁਹਾਇਓ ॥ 663 ॥
ਬਾਦਸ਼ਾਹ ਦੀਓ ਦਰਬ ਅਪਾਰਾ । ਜੋਰ ਹਾਥ ਪੁਨ ਕੀਨ ਉਚਾਰਾ ।
ਸੁਨੋ ਪੀਰ ਮਮ ਆਗਯਾ ਹੋਇ । ਕਰਾਵਹੁ ਟਹਲ ਰਿਦੈ ਮਮ ਜੋਇ ॥ 664 ॥

¹ਅ ਪੋਥੀ ਵਹਿ ²ਮ ਤੇ ਏ ਪੋਥੀ ਬਾਦਸ਼ਾਹ ³ਏ ਪੋਥੀ ਹਮ

ਦੋਹਰਾ

ਲਾਹੌਰ ਸ਼ਹਿਰ ਜੈਸੇ ਬਸੇ ਸੁੰਦਰ ਰਚੀ ਪਨਾਹਿ ।
ਤੈਸੇ ਸ਼ਹਿਰ ਵਸਾਇ ਇਹ ਕਰਹਿ ਵਾਸ ਚਿਤ ਚਾਹਿ ॥ 665 ॥

ਚੌਪਈ

ਤਖਤ ਠੌਰ ਇਤ ਖੂਬ ਬਨਾਵਹੁ । ਸੁਨੇ ਪੀਰ ਜੋ ਆਗਯਾ ਪਾਵਹੁ ।
ਕਹਾ ਗੁਰ ਅਬ ਨਾਹਿ ਸੁਹਾਵੈ । ਸਮਾ ਪਾਇ ਇਹ ਅਧਿਕ ਬਨਾਵੈ ॥ 666 ॥
ਅਰਧ ਜਾਮ ਦਿਨ ਜਬੈ ਰਹਾਯੋ । ਲੈ ਆਗਯਾ ਤਬ ਸ਼ਾਹ ਸਿਧਾਯੋ ।
ਡੇਰੇ ਜਾਇ ਸ਼ਾਹਿ ਸੁਖ ਪਾਇ । ਸਭ ਬੇਗਮ ਕਉ ਐਸੇ ਅਲਾਇ ॥ 667 ॥

ਦੋਹਰਾ

ਜਾਇ ਮਾਤ ਕਾ ਦਰਸ ਕਰ ਲੇ ਪੂਜਾ ਨਿਜ ਸੰਗਿ ।
ਸਭ ਬੇਗਮ ਜਾਵਤ ਭਈ ਮਨ ਮਹਿ ਧਾਰ ਉਮੰਗ ॥ 668 ॥

ਚੌਪਈ

ਦਮੋਦਰੀ ਗੰਗ ਮਾਤ ਪਹਿ ਆਇ । ਬੇਗਮ ਪੂਜਾ ਧਰੀ ਮਹਾਇ¹ ।
ਬਿਨੈ ਭਾਖ ਗੁਰੁ ਉਸਤਤਿ ਗਾਈ । ਕਹਾ ਮਾਤ ਗੁਰੁ ਐਸੇ ਮਾਈ ॥ 669 ॥
ਨਾਰ ਧਰਮ ਪਤਿ ਸੇਵਾ ਕਰੋ । ਔਰ ਕਿਸੀ ਪੈ ਨਦਰਿ ਨਾ ਧਰੋ ।
ਦਮੋਦਰੀ ਕੇ ਇਮ ਬਚਨ ਸੁਨਾਇ । ਬੇਗਮ ਗਈ ਹਰਖ ਮਨਿ ਪਾਇ ॥ 670 ॥

ਦੋਹਰਾ

ਗੁਰੁ ਮਾਤ ਗੁਰੁ ਮਹਿਲ ਕੀ ਉਸਤਤਿ ਕੀਨ ਬਨਾਇ ।
ਸ਼ਾਹਿ ਸੁਨਤ ਸੁਖ ਪਾਇਆ ਇਸ ਬਿਧਿ ਦਿਵਸ ਬਿਹਾਇ ॥ 671 ॥
ਸ਼ਹਿ ਤਬੈ ਪਯਾਨਾ ਕੀਓ ਸ੍ਰੀ ਗੁਰ ਕਉ ਹਿਤ ਧਾਰ ।
ਐਸੇ ਸੁਨ ਸੁਖ ਪਾਇ ਕੈ ਸ੍ਰੀ ਗੁਰ ਭਏ ਤਿਆਰ ॥ 672 ॥
ਸਹਸ² ਸੂਰ ਜੇ ਥੇ ਰਹੇ ਤਿਨ ਕਉ ਸੰਗਿ ਲਵਾਇ ।
ਤੀਨ ਸਹਿਸ ਜੋ ਸੰਗ ਥੇ ਇਹ ਠਾਂ ਸੋ ਸੋ ਪਾਇ ॥ 673 ॥
ਪ੍ਰਥਮ ਦਰਸ ਦਰਬਾਰ ਕਰਿ ਪੁਨਾ ਤਖਤ ਅਰਦਾਸ ।
ਕਰ ਬੰਦਨ ਪੁਨ ਮਾਤ ਕਉ ਚਲੇ [ਸ੍ਰੀ]³ ਗੁਰ ਸੁਖਰਾਸ ॥ 674 ॥

ਚੌਪਈ

ਪਾਂਚ ਸਿਖ ਕਉ ਸੰਗ ਲਵਾਯੋ । ਸ਼ਾਹ ਸੰਗਿ ਗੁਰ ਪਯਾਨ ਕਰਾਯੋ ।
ਬਲਵੰਡ ਸਤਾ ਗੁਰ ਨਿਜ ਸੰਗਿ ਲੀਨੋ । ਖੇਦ ਚੰਦੂ ਕੋ ਬਿਧੀਏ⁴ ਦੀਨੋ ॥ 675 ॥
ਪਹੁੰਚ ਲਾਹੌਰ ਦੂਤੀ ਦਿਨ ਜਾਏ । ਜਹਾਂਗੀਰ ਨਿਜ ਧਾਮ ਸਿਧਾਏ ।
ਮੁਜੰਗੀ ਡੇਰਾ ਸ੍ਰੀ ਗੁਰ ਪਾਯੋ । ਆਛੋ ਸੁੰਦਰ ਠੌਰ ਤਕਾਯੋ ॥ 676 ॥

¹ਅ ਪੌਥੀ ਅਧਿਕਾਇ ²ਅ ਤੇ ਦ ਪੌਥੀ ਹਜਾਰ ³ਅ ਤੇ ਦ ਪੌਥੀ ਵਿਚੋਂ ⁴ਅ ਪੌਥੀ ਬਹੁਬਿਧ

ਦੋਹਰਾ

ਪਾਂਚ ਸਿਖ ਕਉ ਇਮ ਕਹਾ ਸ੍ਰੀ ਗੁਰੁ ਕਿਰਪਾ ਨਿਧਾਨ ।
ਲੈ ਪ੍ਰਸਾਦਿ ਤਿਹ ਠਾਂ ਚਲੇ ਜਹਿ ਠਾਂ ਗੁਰੁ ਅਸਥਾਨ ॥ 677 ॥

ਚੌਪਈ

ਪਾਂਚੋ ਸਿਖ ਹਰਖ ਤਬ ਪਾਯੋ । ਅਨਗਨ ਤਬੈ ਪ੍ਰਸਾਦਿ ਮੰਗਾਯੋ ।
ਧਾਰ ਪ੍ਰੇਮ^੧ ਗੁਰ ਆਏ ਤਹਾਂ । ਰਾਮਦਾਸ ਗੁਰੁ ਜਨਮੇ ਜਹਾਂ ॥ 678 ॥
ਕਰ ਬੰਦਨ ਪ੍ਰਸਾਦਿ ਚੜਾਇ । ਧਰਮਸ਼ਾਲ ਪੁਨ ਗੁਰ ਕੀ ਆਇ ।
ਰਾਮਦਾਸ ਗੁਰੁ ਕੀ ਸੋ ਜਾਨੋ । ਧਰ ਪ੍ਰਸਾਦਿ ਤਿਹ ਬੰਦਨ ਠਾਨੋ ॥ 679 ॥

ਦੋਹਰਾ

ਪੁਨਾ ਬਾਵਲੀ ਗੁਰ ਅਏ ਰਾਮਦਾਸ ਰਚਿ ਜੋਇ ।
ਮਜਨ ਕਰ ਬਿਨਤੀ ਕਰੀ ਧਰ ਪ੍ਰਸਾਦਿ ਸੁਖ ਸੋਇ ॥ 680 ॥

ਚੌਪਈ

ਪਾਂਚ ਸਿਖ ਕਉ ਗੁਰੁ ਅਲਾਏ । ਗੁਰ ਅਰਜਨ ਜੀ ਜਹਾਂ ਸਮਾਏ ।
ਤਿੰਹ ਸਥਾਨ ਕਾ ਦਰਸ ਕਰਾਵਹੁ । ਜਿੰਹ ਠਾਂ ਸ੍ਰੀ ਗੁਰ ਚਰਿਤ ਦਿਖਾਵਹੁ ।
ਮਾਨ ਬਾਤ ਗੁਰੁ ਕੀ ਤਹਿ ਗਏ । ਸ੍ਰੀ ਗੁਰ ਜਾਇ ਦਰਸ ਤਹਿ ਕਏ ।
ਧਰਿ ਪ੍ਰਸਾਦਿ ਪਰਕਰਮਾ ਕੀਨੀ । ਹਰਿ ਗੋਬਿੰਦ ਗੁਰੁ ਹੋਇ ਅਧੀਨੀ ॥ 681 ॥

ਦੋਹਰਾ

ਪੁਨ ਸ੍ਰੀ ਗੁਰ ਨਿਜ ਹਾਥ ਸਿਉ ਤਿੰਹ ਠਾਂ ਰਚਿ ਅਸਥਾਨ ।
ਪੁਨ ਲੰਗਾਹ ਕੋ ਇਮ ਕਹਾ ਸ੍ਰੀ ਗੁਰੁ ਕਿਰਪਾ ਨਿਧਾਨ ॥ 682 ॥

ਚੌਪਈ

ਤੁਮ ਇਹ ਥਾਂ ਰਹੁ ਸੇਵ ਕਰਾਈ । ਸੁਹਨੀ^੨ ਦੇ ਪੁਨ ਦੀਪ ਜਗਾਈ ।
ਸਮਾਂ ਪਾਇ ਇਹ ਸੁੰਦਰ ਹੋਵੇ । ਕਰੈ ਸੇਵ ਜੋ ਸਭ ਦੁਖ ਖੋਵੈ ॥ 683 ॥
ਸੁਦੀ ਜੇਨ ਚੋਬ ਜੋ ਆਵੇ । ਇਹੁ ਸਥਾਨ ਕਾ ਦਰਸਨ ਪਾਵੇ ।
ਕਰ ਪ੍ਰਸਾਦਿ ਪੁਨ ਜੋੜ ਕਰਾਇ । ਚਾਰ ਪਦਾਰਥ ਸੋ ਨਰ^੩ ਪਾਇ ॥ 684 ॥

ਦੋਹਰਾ

ਭਗਤ ਸਿੰਘ ਗੁਰ ਕੇ ਬਚਨ ਐਸੇ ਸੁਨਤ ਲੰਗਾਹ ।
ਧਾਰਿ ਪ੍ਰੇਮ ਤਿੰਹ ਠਾਂ ਰਹਿਓ ਸੇਵਾ ਹਿਤ ਚਿਤਿ ਚਾਹਿ ॥ 685 ॥

ਚੌਪਈ

ਐਸੇ ਕਹਿ ਗੁਰ ਤਬੈ ਸਿਧਾਏ । ਚਾਰ ਸਿਖ ਕੋ ਸਾਥ ਲਵਾਏ ।
ਸ੍ਰੀ ਸਤਿਗੁਰ ਨਿਜ ਡੇਰੇ ਆਇ । ਤਬ ਲੈ ਸੰਗਤਿ ਆਈ ਧਾਇ ॥ 686 ॥

^੧ਅ ਪ੍ਰੇਮੀ ਪ੍ਰੀਤਿ ^੨ਦ ਪ੍ਰੇਮੀ ਝਾੜੁ ^੩ਅ ਪ੍ਰੇਮੀ ਸਿਖ

ਸਿਖ ਸੰਗਤ ਲਾਹੌਰ ਕੀ ਜੋਈ । ਪ੍ਰਸਾਦਿ ਭੇਟ ਲੈ ਆਈ ਸੋਈ ।
ਆਇ ਚਰਨ ਤਉ ਗੁਰ ਕੇ ਪਰੇ । ਭਾਂਤ [ਭਾਂਤ]¹ ਕੀ ਬਿਨਤੀ ਕਰੇ ॥ 687 ॥

ਦੋਹਰਾ

ਸਭ ਸੰਗਤ ਬਿਨਤੀ ਕਰੀ ਹੈ ਗੁਰ ਏਹ ਭਲਿ ਕੀਨ ।
ਚੰਦੂ ਦੁਸ਼ਟ ਗੁਰ ਖੇਦ ਦੇ ਤਾਂਕੋ ਤੁਮ ਗਹਿ ਲੀਨ ॥ 688 ॥

ਚੌਪਈ

ਜੀਵਤ ਯਾਹਿ ਛਾਡਿ ਭਲ ਨਾਹੀ । ਐਸ ਦੁਸ਼ਟ ਮਾਰੇ² ਹੀ ਚਾਹੀ ।
ਸ੍ਰੀ ਮੁਖ ਕਹਾ ਭੋਗ ਇਹ ਕੀਤਾ । ਸਮਾ ਪਾਇ ਹੁਇ ਪ੍ਰਾਨ ਬਤੀਤਾ ॥ 689 ॥
ਸੰਗਤਿ ਗੁਰ ਕੀ ਆਗਯਾ ਪਾਇ । ਗ੍ਰਿਹ ਕਉ ਗਈ ਗੁਰੂ ਗੁਨ ਗਾਇ ।
ਪਾਂਚ ਪਾਂਚ ਪਨਹੀ ਸਿਖ ਮਾਰਹਿ । ਪਨਹੀ ਮਾਰ ਨਿਜ ਭੋਨ³ ਸਿਧਾਰਹਿ ॥ 690 ॥

ਦੋਹਰਾ

ਚੰਦੂ ਅਤਿ ਦੁਖ ਪਾਇਯੋ ਤੜਫਤ ਪਰੇ ਨ ਚੈਨ ।
ਕਿਰਮ ਦੇਹ ਮਹਿ ਬਹੁ ਪੜੇ ਦ੍ਰਿਸ਼ਟਿ ਨ ਆਵੈ ਨੈਨ ॥ 691 ॥

ਚੌਪਈ

ਨਿਤ ਪ੍ਰਤਿ ਸ਼ਾਹ ਗੁਰ ਪੈ ਆਵੇ । ਕਰੇ ਦਰਸ ਬਹੁ ਭੇਟ ਚੜਾਵੇ ।
ਸੰਗਤਿ ਆਇ ਦਰਸ ਗੁਰ ਕਰੈ । ਪਾਵਤ ਸੋ ਜਉ ਇਛਾ ਧਰੈ ॥ 692 ॥
ਇਹ ਬਿਧਿ ਪੰਦਰਹਿ ਦਿਵਸ ਬਿਤਾਏ । ਚੰਦੂ ਖੇਦ⁴ ਨਰਕ ਸਮ ਪਾਏ ।
ਤਬ ਜੇਠੇ ਅਸ ਬਾਤ ਬਿਚਾਰੀ । ਨਗਰ ਫਿਰਾਹਿ ਫੇਰ ਦੁਖ ਭਾਰੀ ॥ 693 ॥

ਦੋਹਰਾ

ਬਿਧੀਆ ਜੇਠਾ ਤਾਂ ਸਮੈ ਮਨ ਮਹਿ ਐਸ ਵਿਚਾਰ ।
ਕਹਿ ਚੰਡਾਲ ਕਉ ਸਾਥ ਲੈ ਕੂਕਰ ਸੰਗਰੀ ਡਾਰ ॥ 694 ॥

ਚੌਪਈ

ਚੰਦੂ ਸੁਆਨ⁵ ਡਾਰ ਗਰਿ ਫਾਹੀ । ਪਨਹੀ ਮਾਰਤ ਚਲੈ ਤਦਾਹੀ ।
ਖਾਵਤ ਕੀੜੇ ਤੁਰਿਓ ਨ ਜਾਇ । ਮੁਖ ਕਾਲਾ ਕਰਿ ਪਨਹੀ ਲਾਇ ॥ 695 ॥

ਦੋਹਰਾ

ਭਗਤ ਸਿੰਘ ਯੋ ਫੇਰ ਕੈ ਸਾਰੋ ਸ਼ਹਿਰ ਤਦਾਇ ।
ਰੇਤ ਤਪਾਵਸ ਜਸ ਤੇ ਤਿਸੀ ਹਾਟ ਢਿਗ ਆਇ ॥ 696 ॥

ਸੋਰਠਾ

ਸੋ ਉਠਿਓ ਰਿਸਧਾਰ ਸਨਮੁਖ ਦੋਖੀ ਦੇਖ ਗੁਰ ।
ਤਪਤ ਕੜਛ ਉਰ ਮਾਰ ਚੰਦੂ ਕਉ ਅਤਿ ਕੋਪ ਸਿਉ ॥ 697 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਮਾਰਯੋ ³ਅ ਤੇ ਏ ਪੋਥੀ ਸਦਨ ⁴ਅ ਪੋਥੀ ਕਸਟ ⁵ਅ ਤੇ ਏ ਪੋਥੀ ਕੁਤੇ

ਚੌਪਈ

ਲਾਗਤ ਕੜਛੇ ਭੂਮਿ ਗਰਾਯੋ । ਆਂਦ੍ਰਾ ਨਿਕਸ ਤਬੈ ਤੜਫਾਯੋ ।
 ਤੜਫਤ ਚੰਦ੍ਰ ਐਸ ਉਚਾਰਾ । ਹਰਿ ਗੋਬਿੰਦ ਮਮ ਅਵਗਤਿ ਮਾਰਾ ॥ 698 ॥
 ਐਸੇ ਕਹਿ ਦੁਖ ਧਰਿਓ ਨਾਨਾ । ਭਗਤ ਸਿੰਘ ਤਹਿ ਨਿਕਸੇ ਪ੍ਰਾਨਾ ।
 ਭਯਾਨਕ ਜਮ ਨਭ ਤੇ ਸੁਰ ਆਏ । ਪਾਰਖਦ ਸੁੰਦ੍ਰ ਬਿਬਾਨ ਲਿਆਏ ॥ 699 ॥

ਦੋਹਰਾ

ਜਮ ਗਨ ਕਹ ਇਹੁ ਡਾਰੀਏ ਮਹਾਂ ਨਰਕ ਜਹਿ ਭਾਰ ।
 ਗੁਰ ਭਗਵੰਤ ਕਉ ਖੇਦ ਦੇ ਕੀਨ ਪਾਪ ਰਿਸ ਧਾਰ ॥ 700 ॥

ਚੌਪਈ

ਤਬ ਪਾਰਖਦ ਯਹ ਬਚਨ ਉਚਾਰੇ । ਬਧਿਕ ਕੋਨ ਕਰਮ ਕਰ ਤਾਰੇ ।
 ਰਾਵਨ ਰਿਸ ਕਰਿ ਰਾਮ ਉਚਾਰਾ । ਪਰਮ ਧਾਮ ਤਬ ਸੋਇ ਪਧਾਰਾ ॥ 701 ॥
 ਇਨ ਦੇਖੇ ਗੁਰ ਅਰਜੁਨ ਦੇਵ । ਬੈਰ ਭਾਵ ਰਿਦਿ ਧਾਰ ਅਭੇਵ ।
 ਛਟਮ ਗੁਰੂ ਕਉ ਸਦਾ ਧਯਾਵੈ । ਬੈਰ ਭਾਵ ਧਰ ਨੀਂਦ ਨਾ ਪਾਵੈ ॥ 702 ॥
 ਅੰਤ ਸਮੇਂ ਗੁਰ ਨਾਮ ਉਚਾਰਾ । ਪਰਮ ਧਾਮ ਤਬ ਸੋਇ ਪਧਾਰਾ ॥
 ਪੰਚਮ ਗੁਰੂ ਕਉ ਦਰਸਨ ਕਰਿਯੋ । ਹਰਿ ਗੋਬਿੰਦ ਮੁਖ ਉਚਰਤ ਮਰਿਯੋ ॥ 703 ॥

ਦੋਹਰਾ

ਐਸੇ ਸੁਨਿ ਜਮ ਗਨ ਗਏ ਚੰਦ੍ਰ ਯਾਨ ਬੈਠਾਇ ।
 ਗੁਰ ਜਸ ਗਾਵਤ ਤਬ ਗਯੋ ਬੈਕੁੰਠ ਓਰ ਸੁਖ ਪਾਇ ॥ 704 ॥

ਚੌਪਈ

ਭਗਤ ਸਿੰਘ ਤਹਿ ਦੇਹ ਗਹਾਇ । ਰਾਵੀ ਮਹਿ ਤਹਿ ਦਈ ਬਹਾਇ ।
 ਸਭੀ ਸਿਖ ਸ੍ਰੀ ਗੁਰੁ ਪੈ ਆਏ । ਚੰਦ੍ਰ ਮ੍ਰਿਤ ਕੈ ਬੈਨ¹ ਸੁਨਾਏ ॥ 705 ॥
 ਸ੍ਰੀ ਮੁਖ ਸਿਉ ਤਬ ਗੁਰੁ ਉਚਾਰਾ । ਜੈਸਾ ਕਿਯੋ ਤੈਸਾ ਦੁਖ ਧਾਰਾ ।
 ਭਲਾ ਭਯਾ ਤਹਿ ਪ੍ਰਾਨ ਬਿਲਾਏ । ਖੇਦ² ਮਿਟਾਏ ਨਰਕ ਅਬ ਜਾਏ ।
 ਜੇਠਾ ਕਹਿ ਅਸ ਪਾਪੀ ਭਾਰਾ । ਕੈਸੇ ਜਾਵੈ ਸੁਰਗ³ ਮਝਾਰਾ ।
 ਕਹਿ ਗੁਰ ਜੋ ਰਿਸ ਧਾਰ ਧਿਆਵੈ । ਅਣਖ ਆਲਸ ਗੁਰ ਨਾਮ ਅਲਾਵੈ ॥ 706 ॥

ਦੋਹਰਾ

ਪਤਿਤ ਪਾਵਨ ਗੁਰ ਬਿਰਦ ਹੈ ਤਾਕੀ ਮੁਕਤਿ ਕਰਾਇ ।
 ਇਨ ਪੁਨ ਅਰਜਨ ਦੇਵ ਕਾ ਕੀਓ ਧਿਆਨ ਤਹਿ ਆਇ ॥ 707 ॥

ਚੌਪਈ

ਇਹ ਕਾਰਨ ਇਹ ਸੁਰਗ ਸਿਧਾਯਓ । ਸੁਨਿ ਸਿਖਨ ਤਬ ਸੀਸਿ ਨਿਵਾਇਓ ।
 ਜਹਾਂਗੀਰ ਤਬ ਗੁਰ ਪਹਿ ਆਇ । ਚੰਦ੍ਰ ਮੂਓ ਸੁਨਤ ਹਰਖਾਇ⁴ ॥ 708 ॥

¹ਅ ਪੌਥੀ ਕੀ ਖਬਰ ²ਅ ਪੌਥੀ ਕਸਟ ³ਪੌਥੀ ਬੈਕੁੰਠ ⁴ਅ ਪੌਥੀ ਬਿਗਸਾਇ

ਮੁਖ ਸਿਉਂ ਕਹਾ ਦੁਸ਼ਟ ਇਹ ਮਾਰਿਓ । ਗੁਰ ਸਿਉ ਕੋਇ ਨ ਫਿਰ ਰਿਸ ਧਾਰਿਓ ।
ਗਾਵਤ ਸਤਾ ਔਰ ਬਲਵੰਡ । ਸੁਨਤ ਸ਼ਾਹ ਮਨ ਮਹਿ ਸੁਖ ਮੰਡ ॥ 709 ॥

ਦੋਹਰਾ

ਬਲਵੰਡ ਸਤੇ ਕਉ ਦਰਬ ਦੇ ਗਯੋ ਸ਼ਾਹਿ ਨਿਜ ਧਾਮ ।
ਭਗਤ ਸਿੰਘ ਇਹ ਮੈਂ ਸੁਨਉ ਕਥਾ ਔਰ ਅਭਿਰਾਮ ॥ 710 ॥

ਚੌਪਈ

ਮਿਹਰਵਾਨ ਪ੍ਰਿਥੀਏ ਕਾ ਤਾਤ । ਸ਼ਾਹਿ ਨਿਕਟ ਆਯੋ ਧਰ ਪਾਤ ।
ਕਰ ਰਹਯੋ ਜਤਨ ਸ਼ਾਹਿ ਨਹਿ ਮਾਨੀ । ਚੰਦੂ ਸੁਤ ਕਉ ਕੀਨ ਮਿਲਾਨੀ ॥ 711 ॥
ਸ਼ਾਹਿਜਹਾਂ ਸਿਉ ਜਾਇ ਮਿਲਾਯਓ । ਚੰਦੂ ਸੁਤ ਸਭ ਖੇਦ ਸੁਨਾਯਉ ।
ਸ਼ਾਹਿਜਹਾਂ ਕਹਿ ਕਰਉਂ ਸਹਾਇ । ਪਿਤਿ ਕਉ ਤੇਰੀ ਅਰਜ ਸੁਨਾਇ ॥ 712 ॥

ਦੋਹਰਾ

ਇਹ ਬਾਤ ਐਸੀ ਭਈ ਜਹਾਂਗੀਰ ਸੁਤ ਧਾਰ ।
ਆਇ ਪੂਜ ਗੁਰ ਅਗਰ ਧਰ ਮੁਖ ਸਿਉ ਕੀਨ ਉਚਾਰ ॥ 713 ॥

ਚੌਪਈ

ਸੁਨੋ ਪੀਰ ਮਮ ਸੰਗਿ ਸਿਧਾਵਹੁ । ਕਸ਼ਮੀਰ ਦੇਸ ਫਿਰ ਇਹ ਠਾਂ ਆਵਹੁ ।
ਕਹ ਗੁਰ ਅਵਲ ਬਚਨ ਸੁਨਾਇ । ਅਏ ਲਾਹੌਰ ਸੰਗ ਸੁਖ ਪਾਇ ॥ 714 ॥
ਸੁਖ ਸਿਉ ਤੁਮ ਜਾਵੋ ਕਸ਼ਮੀਰ । ਇਹਾਂ ਰਹਹਿ ਹਮ ਧਰ ਮਨ ਧੀਰ ॥
ਜਹਾਂਗੀਰ ਪੁਨ ਬਿਨਤਿ ਅਲਾਇ । ਮਮ ਸੁਤ ਕੀ ਇਹ ਬਾਂਹ¹ ਗਹਾਇ ॥ 715 ॥

ਦੋਹਰਾ

ਮੇਰੇ ਸਮ ਇਸ ਪਰ [ਪ੍ਰਭੂ]² ਕ੍ਰਿਪਾ ਅਪਨੀ ਕਰੇਹੁ ।
ਅਰ ਲਾਹੌਰ ਕਾ ਹੁਕਮ ਸਬ ਪੀਰ ਆਪ ਤੁਮ ਲੇਹੁ ॥ 716 ॥

ਚੌਪਈ

ਕਹਿ ਗੁਰ [ਸ਼ਾਹਿ]³ ਜੈਸੇ ਰਹੁ ਮੋਸੇ । ਸੁਨੋ ਸ਼ਾਹ ਹਮ ਤੈਸੇ ਤੋਸੇ ।
ਜੋ ਸੈ ਇਹ ਮਮ ਸਾਥ ਰਹਾਵੈ । ਤੈਸੇ ਰਹੁ ਕ੍ਰਿਆ ਭੁਜਾ ਗਹਾਵੈ ॥ 717 ॥
ਔਰ ਫਕਰ ਹਮ ਹੁਕਮ ਨਾ ਕਰਹਿ । ਨਗਰ ਹੁਕਮ ਤੇਰਾ ਸੁਤ ਧਰਹਿ ।
ਕਰ ਬੰਦਨ ਤਬ ਸ਼ਾਹ ਸਿਧਾਯਓ । ਸੁਤ ਸੰਗਿ ਲੈ ਅਪਨੇ ਗ੍ਰਿਹ ਆਯਓ ॥ 718 ॥

ਦੋਹਰਾ

ਜਹਾਂਗੀਰ ਸੁਤ ਸਿਉ ਕਹਾ ਆਗਿਆ ਪੀਰ ਮਨਾਇ ।
ਕਸ਼ਮੀਰ ਓਰ ਪਿਆਨਾ ਕੀਓ ਵਿਸਾਖ ਅਰਧ ਸੁਖ ਪਾਇ ॥ 719 ॥

¹ਅ ਪੋਥੀ ਭੁਜਾ ²ੲ ਪੋਥੀ ਵਿਚੋਂ ³ਅ ਪੋਥੀ ਵਿਚੋਂ

ਚੌਪਈ

ਜਹਾਂਗੀਰ ਕਸ਼ਮੀਰ ਸਿਧਾਯਓ । ਸ੍ਰੀ ਗੁਰ ਮਿਹਰਵਾਨ ਸੁਨ ਆਯਓ ।
ਪੈਰਾਣਾ ਅਰੁ ਪੈੜਾ ਦੋ ਭਾਈ । ਸ੍ਰੀ ਗੁਰ ਤਾਂਕੇ ਨਿਕਟ ਪਠਾਈ ॥ 720 ॥
ਮਿਹਰਵਾਨ ਕੇ ਨਿਕਟ ਪਧਾਰੋ । ਮੁਖ ਸਿਉਂ ਭਾਖੇ ਬਚਨ ਉਚਾਰੋ ।
ਸ੍ਰੀ ਗੁਰ ਐਸੇ ਬਚਨ ਉਚਾਰੇ । ਹਮਰੇ ਤੁਮਰੇ ਪਿਤਾ ਸਿਧਾਰੇ ॥ 721 ॥

ਦੋਹਰਾ

ਬੈਰ ਭਾਵ ਕੋ ਤਯਾਗ¹ ਕੈ ਸੁਨੋ ਭ੍ਰਾਤ ਹਿਤ ਧਾਰ ।
ਹਮ ਤੁਮ ਰਲ ਸੁਖ ਭੋਗੀਐ ਅਪਨੇ ਸਦਨ ਮੰਝਾਰ ॥ 722 ॥

ਸੋਰਠਾ

ਤਾਂਕੇ ਬਚਨ ਸੁਨਾਇ ਮਿਹਰਵਾਨ ਰਿਸ ਪਾਇਕੈ ।
ਸਤ੍ਰਨ ਸੁਲਾ ਕਰਾਇ ਬਾਤਨ ਮੇਲ ਨ ਹੋਇਗੋ ॥ 723 ॥

ਚੌਪਈ

ਪੈੜੇ ਕਹਾ ਕ੍ਰੋਧ² ਨਹਿ ਧਾਰੋ । ਸ੍ਰੀ ਗੁਰ ਕਉ ਹਰਿ ਰੂਪ ਬਿਚਾਰੋ ।
ਸੇਸ ਨਿਸੇਸ ਦਿਨੇਸ ਧਿਆਵੈ । ਬੁਧੇਸ ਜਾਸ ਗੁਨ ਸੁਰੈ ਸੁਨਾਵੈ ।
ਪ੍ਰਭੂ ਰੂਪ ਗੁਰ ਰਿਦੈ ਬਿਚਾਰਉ । ਕਰੋ ਸ਼ਾਤ ਗੁਰ ਨਿਕਟ ਪਧਾਰਉ ।
ਪੈੜੇ ਕੇ ਇਮ ਬੈਨ ਸੁਨਾਏ । ਮਿਹਰਵਾਨ³ ਮਨ ਕ੍ਰੋਧ ਧਰਾਏ ॥ 724 ॥

ਦੋਹਰਾ

ਅਰਜੁਨ ਕਉ ਹੈ ਮਾਰਿਓ ਚੰਦੂ ਅਤਿ ਦੁਖ ਦੇਇ ।
ਦਿਨ ਕਉ ਬਾਂਧ ਗੁਲੇਰ ਮਹਿ ਤਬ ਪ੍ਰਭੂਤਾ ਕਹਿ ਗੋਇ ॥ 725 ॥

ਚੌਪਈ

ਨੈਨ ਅਗੂ ਮਮ ਅਬ ਉਠ ਜਾਇ । ਜੇ ਨਿਜ ਪ੍ਰਾਨ ਪਿਆਰੇ ਪਾਇ ॥
ਐਸੇ ਸੁਨ ਪੈੜਾ ਉਠ ਆਯੋ । ਗੁਰ ਕਉ ਸਭ ਬਿਰਤੰਤ ਸੁਨਾਯੋ ॥ 726 ॥
ਸ੍ਰੀ ਗੁਰ ਕਹਾਂ ਚਲਓ ਹਮ ਜਾਵਹਿ । ਬੜੇ ਭਾਈ ਕਉ ਆਖ ਮਨਾਵਹਿ ।
ਅਸ ਕਹਿ ਚਾਰ ਸਿਖ ਕਉ ਲਏ । ਕਿੰਕਰ ਔਰ ਸਾਥ ਗੁਰ⁴ ਭਏ ॥ 727 ॥

ਦੋਹਰਾ

ਹਰਿਗੋਬਿੰਦ ਗੁਰ ਨਿਜ ਗਏ ਮਿਹਰਵਾਨ ਕੇ ਪਾਸ ।
ਆਗੇ ਦੇਖਿਓ ਪਲੰਘ ਪਰ ਬੈਠ ਮਾਨ ਕੀ ਰਾਸ ॥ 728 ॥

ਚੌਪਈ

ਸਿਖ ਸੰਗਤਿ ਤਿਹ ਬੈਠ ਚੌਫੇਰੇ । ਸ੍ਰੀ ਗੁਰ ਗਏ ਲਾਇ ਨਹਿ ਦੇਰੇ ।
ਮਿਹਰਵਾਨ ਸੰਗਤਿ ਕਉ ਰਹੇ । ਉਸ ਬੰਦਨ ਤੁਮ ਕੋਇ ਨ ਕਰੇ ॥ 729 ॥

¹ਅ ਤੇ ਏ ਪੌਥੀ ਮਾਰਕੇ ²ਅ ਪੌਥੀ ਰਿਸ ³ਏ ਪੌਥੀ ਮਨੋਹਰਦਾਸ ⁴ਏ ਪੌਥੀ ਬਹੁ

ਜਾਇ ਗੁਰ ਤਿਨ ਚਰਨ ਗਹਾਏ । ਧਰ ਪ੍ਰਸਾਦਿ ਕਰਿ ਬਿਨਤ ਮਹਾਏ ।
ਮਿਹਰਵਾਨ ਪ੍ਰਸਾਦਿ ਹਟਾਯੋ । ਸਤਿ ਅਸਤਿ ਨ ਕੁਛ ਮੁਖ ਗਾਯੋ ॥ 730 ॥

ਦੋਹਰਾ

ਮਿਹਰਵਾਨ ਡਰ ਮਾਨ ਕੈ ਬਿਨੈ ਨ ਕੀਨੀ ਕਾਹਿ ।
ਭੂਮਾਸਨ ਬੈਠੇ ਗੁਰੂ ਮਨ ਮਹਿ ਅਧਿਕ ਉਮਾਹਿ ॥ 731 ॥

ਚੌਪਈ

ਬਿਧੀਏ ਗੁਰ ਕਉ ਕਹਾ ਸੁਣਾਇ । ਬੈਠੇ ਪਲੰਘ ਪ੍ਰਭੂ ਤੁਮ ਆਏ ।
ਸ੍ਰੀ ਗੁਰ ਕਹਾ ਬਡੋ ਏਹ ਭ੍ਰਾਤਾ । ਏਹ ਪਲੰਘ ਹਮ ਭੂਮਿ¹ ਸੁਹਾਤਾ ॥ 732 ॥
ਇਹ ਕਹਿ ਗੁਰ ਪੁਨ ਜੋਰੇ ਹਾਥ । ਕਹੇ ਬਚਨ ਪ੍ਰਭ ਦੀਨਾ ਨਾਥ ।
ਸੁਨੋ ਭ੍ਰਾਤ ਤੁਮ ਕੋਪ ਗਵਾਵਉ । ਚਲੋ ਨਿਕੇਤੇ² ਆਪ ਸੁਖ ਪਾਵਉ ॥ 733 ॥

ਦੋਹਰਾ

ਤੁਰਕ ਨਿਕਟ ਤੁਮ ਜਾਇ ਕੇ ਦਾਦ ਕਰੋ ਏਹ ਹੇਤ ।
ਜਉ ਭਾਖਉ ਸੋਈ ਕਰਉ ਤਵ ਬਡ ਬੁਧਿ ਨਿਕੇਤ ॥ 734 ॥

ਕੁੰਡਲੀਆ

ਤੇਰੇ ਪਿਤ ਮਮ ਪਿਤਾ ਸਿਉਂ ਕਰਿਓ ਵੈਰ ਅਪਾਰ ।
ਵੇਹ ਦੋਨੋਂ ਇਛਾ ਗਏ ਤੁਮ ਕਤ ਕਰਹੋ ਰਾਰ ।
ਤੁਮ ਕਤ ਕਰਹੋ ਰਾਰ ਵੈਰ ਤਜ ਖਿਮਾ ਕਰਾਵਉ ।
ਚਲੋ ਭਵਨ³ ਮਝਾਰ ਸਦਾ ਹੋ ਸੇਵ ਕਰਾਵਉ ।
ਮਿਹਰਵਾਨ ਸੁਨ ਬੈਨ ਗੁਰੂ ਕੋ ਬਿਲਖ ਉਚਾਰਾ ।
ਬਾਤ ਨਾ ਕਰੋ ਪ੍ਰਬੋਧ ਪਿਤਾ ਮਮ ਭਵਨਿ ਨਿਕਾਰਾ ॥ 735 ॥

ਅੜਿਲ

ਮਮ ਪਿਤਿ ਅੰਤਿ ਉਚਾਰ ਲੇਹੁ ਤੁਮ ਬਦਲਾ ਭਾਰੀ ।
ਪਿਤਾ ਪੁਤਰ ਤਬ ਜਾਨ ਜਬੈ ਤੁਹਿ ਕਰਉ ਸੰਘਾਰੀ ।
ਸ਼ਾਹਜਹਾਂ⁴ ਮਮ ਓਰ ਤੋਹਿ ਤੇ ਕੈਸ ਡਰਾਉਂ ।
ਹੋ ਤੈਸੇ ਭਵਨ ਨਿਕਾਰ ਤੋਹ ਹਤ ਰਿਦਾ ਸਿਰਾਉਂ ॥ 736 ॥
ਕਟਕ ਬਚਨ ਕਹਿ ਔਰ ਗੁਰ ਨਹਿ ਮਨ ਮਹਿ ਧਾਰੇ ।
ਧਰ ਧੀਰਜ ਗਹਿ ਚਰਨ ਸ੍ਰੀ ਮੁਖ ਬਚਨ ਉਚਾਰੈ ।
ਕੋਧ ਪਾਪ ਕਰ ਮੂਲ ਭ੍ਰਾਤ ਬਡ ਐਸ ਨ ਕੀਜੈ ।
ਹੋ ਹਮ ਕਉ ਦਾਸ ਪਛਾਨ ਭਵਨ ਬਿਤ⁵ ਸਭ ਹੀ ਲੀਜੈ ॥ 737 ॥

¹ਅ ਪੋਥੀ ਪਗੰਤ ²ਦ ਪੋਥੀ ਸਦਨ ³ਅ ਪੋਥੀ ਸਦਨ ⁴ਅ ਤੇ ਦ ਪੋਥੀ ਬਾਦਸ਼ਾਹ ⁵ਅ ਪੋਥੀ ਧਨ

ਦੋਹਰਾ

ਮਿਹਰਵਾਨ ਕਹਿ ਕਟਕ¹ ਬਚ ਕਬਜ ਤੇਗ ਗਹਿ ਹਾਥ ।
ਦੁਸ਼ਨਾਮ ਦੇਤ ਤਬ ਗੁਰੂ ਕਉ ਸ੍ਰੀ ਗੁਰ ਟੇਕਹਿ ਮਾਥ ॥ 738 ॥

ਚੌਪਈ

ਦਿਖ ਜੇਠੇ ਮਨ ਕੋਪ ਧਰਾਯੋ । ਸ੍ਰੀ ਗੁਰ ਨੈਨਨ ਸੈਨ ਹਟਾਯੋ ।
ਭਗਤਿ ਸਿੰਘ ਜਬ ਅਤਿ ਰਿਸ ਧਾਰੀ । ਮਿਹਰਵਾਨ² ਗਹਿ ਤੇਗ ਨਿਕਾਰੀ ॥ 739 ॥
ਬੰਦਨ ਕਰ ਤਬ ਗੁਰੂ ਸਿਧਾਏ । ਸੰਗ ਸਿਖ ਲੈ ਡੇਰੇ ਆਏ ।
ਸਦਾ ਸ਼ਾਂਤ ਚਿਤ ਗੁਰੂ ਰਹਾਵਹਿ । ਸੁਪਨੇ ਕ੍ਰੋਧ ਨਾ ਮਨ ਮਹਿ ਲਿਆਵਹਿ ॥ 740 ॥

ਦੋਹਰਾ

ਭਗਤ ਸਿੰਘ ਏਹੁ ਰੀਤਿ ਹੈ ਬਡਿਓਂ ਕੀ ਨਿਰਧਾਰ ।
ਧੀਰਜ ਧਰਹਿ ਨ ਕ੍ਰੋਧ ਧਰ ਜਾਨ ਸਮਾ ਬਲਿਕਾਰ ॥ 741 ॥
ਥੋਰੇ ਮਹਿ ਗਰਬਾਤ ਹੁੰ ਤੁਛ ਜੀਵ ਮਤਹੀਨ ।
ਬਡੋ ਪੁਰਖ ਬੰਦਨ ਕਰੈ ਤਬ ਨਿਜ ਕਉ ਬਡ ਚੀਨ ॥ 742 ॥

ਚੌਪਈ

ਮਿਹਰਵਾਨ ਤਸ ਗੁਰ ਕਉ ਜਾਨੋ । ਕਰ ਬੰਦਨ ਗੁਰ ਤਿੰਹ ਰਸ ਠਾਨੋ ।
ਇਹੁ ਮੋਹਿ ਕਥਾ ਔਰ ਸੁਨ ਪਾਈ । ਦਯਾ ਸਿੰਘ ਜਿਮ ਮੋਹਿ ਸੁਨਾਈ ॥ 743 ॥
ਜਬ ਗੁਰੂ ਆਏ ਡੇਰ ਮਝਾਰਾ । ਤਬ ਪੈੜੇ ਇਮ ਪ੍ਰਸ਼ਨ ਉਚਾਰਾ ।
ਹੇ ਗੁਰ ਤੋ ਸਨਿ ਅਤਿ ਰਿਸ ਧਾਰਾ । ਤੁਮ ਭਾਖਤ ਬਡ ਭ੍ਰਾਤ ਹਮਾਰਾ ॥ 744 ॥
ਬਡੋ ਭ੍ਰਾਤ ਕਹਿ ਤੁਮ ਗਹਿ ਚਰਨਾ । ਉਸ ਭਾਖੇ ਤੁਮ ਸਿਉ ਕਟ ਬਚਨਾ ।
ਬੈਰ ਭਾਵ ਕਾ ਕਾਰਨ ਕਹੋ । ਜਾਇ ਵੈਰ ਤਾਕਾ ਰਿਦ ਦਹੋ ॥ 745 ॥

ਦੋਹਰਾ

ਪਿਰਾਣੇ ਭੀ ਬਿਨਤੀ ਕਰੀ ਹੇ ਪ੍ਰਭ ਇਹੁ ਬਡ ਸੰਸ ।
ਤੁਮ ਗ੍ਰਿਹ ਮਹਿ ਐਸੀ ਭਈ ਤੁਮ ਸਭ ਕੇ ਅਵਤੰਸ ॥ 746 ॥
ਪਿਰਾਣੇ ਪੈੜੇ ਕੀ ਗੁਰੂ ਬਿਨਤੀ ਐਸ ਸੁਨਾਇ ।
ਸ੍ਰੀ ਮੁਖ ਸਿਉਂ ਭਾਖੇ ਬਚਨ ਕਾਰਨ ਯਾਹਿ ਮਹਾਇ ॥ 747 ॥

ਚੌਪਈ

ਪੈੜਾ ਕਾਰਨ ਯਾਹਿ ਅਪਾਰਾ । ਕਹਉਂ ਸੰਕੋਚ ਸਮਝ ਬਿਸਤਾਰਾ ।
ਭਗਤ ਸਿੰਘ ਗੁਰ ਐਸ ਅਲਾਯੋ । ਪਾਛਲ ਗੁਰ ਕਉ ਚਰਿਤ ਮਹਾਯੋ ॥ 748 ॥

॥ ਸਤਿ ਗੁਰੋਵਾਚ ॥

ਰਾਮਦਾਸ ਗੁਰੂ ਕੇ ਤ੍ਰੈ³ ਤਾਤ । ਪ੍ਰਿਥੀਆ ਮਹਾਦੇਵ ਬਖਯਾਤ ।
ਛੋਟੇ ਅਰਜੁਨ ਦਾਦਕ ਗਏ । ਲਾਹੌਰ ਬੀਚ ਨਿਜ ਪਿਤਾ ਪਠਾਏ ॥ 749 ॥

¹ਅ ਪੱਥੀ ਕਟੂ ²ਅ ਤੇ ਏ ਪੱਥੀ ਮਨੋਹਰਦਾਸ ³ਏ ਪੱਥੀ ਤਿੰਨ

ਦੋਹਰਾ

ਭਗਤ ਸਿੰਘ ਬਿਨਤੀ ਕਰੀ ਕਿਹ ਕਾਰਨ ਤਿੰਹ ਜਾਇ ।
ਮਨੀ ਸਿੰਘ ਕਹਿ ਸੁਨੋ ਸਿਖ ਅਗਮ ਕਥਾ ਰਸਦਾਇ¹ ॥ 750 ॥
ਸਤਿਗੁਰੁ ਗੁਰੂ ਰਾਮਦਾਸ ਕੇ ਤਾਏ ਕਾ ਸੁਤ ਭ੍ਰਾਤ ।
ਸਾਹ ਸਹਾਰੀ ਨਾਮ ਥਾ ਉਤਮ ਮਨ ਰਿਦ ਸ਼ਾਂਤ ॥ 751 ॥

ਚੌਪਈ

ਤਾਂਕੇ ਸੁਤ ਕਾ ਭਯੋ ਵਿਆਹ । ਬਸੈ ਲਾਹੌਰ ਸੁ ਧਾਰਿ ਉਮਾਹ ।
ਲੈ ਭਾਜੀ ਅੰਮ੍ਰਿਤਸਰ ਆਇਓ । ਰਾਮਦਾਸ ਕੇ ਨਿਕਟ ਸੁਹਾਇਓ ॥ 752 ॥
ਸ੍ਰੀ ਗੁਰ ਜਾਨਤ ਤਾਂਹਿ ਬਡਾਈ । ਹੁਇ ਅਗ੍ਰਜ ਬਹੁ ਮਾਨ ਧਰਾਈ ।
ਸ੍ਰੀ ਗੁਰ ਤਾਂਕੇ ਚਰਨ ਗਹਾਏ । ਸਹਾਰੀ ਕਹਿ ਨਹਿ ਐਸ ਸੁਹਾਏ ॥ 753 ॥

ਦੋਹਰਾ

ਤੁਮ ਹੋ ਸਭ ਜਗ ਕੇ ਗੁਰੂ ਹਮ ਸੰਸਾਰੀ² ਲੋਕ ।
ਹਮ ਕਉ ਬਨਤ ਨ ਬੰਦਨਾ ਤੁਮ ਹਰਤਾ ਭਵ ਸ਼ੋਕ ॥ 754 ॥

ਚੌਪਈ

ਸ੍ਰੀ ਗੁਰੁ ਕਹਿ ਤੁਮਹੋ ਵਡ ਭਾਈ । ਤਾਂਤੇ ਗੁਰੁ ਕਹਿ ਸੁਨੋ ਸਹਾਈ ।
ਗੁਰੁ ਕੇ ਅਗ੍ਰਜ ਭਾਜੀ ਰਾਖੀ । ਹਾਥ ਜੋਰ ਅਸ ਬਿਨਤੀ ਭਾਖੀ ॥ 755 ॥
ਭਤੀਜੇ ਕਾ ਤੁਮ ਰਚਿਓ ਵਿਆਹ । ਚਾਲੋ ਮਮ ਸੰਗਿ ਧਾਰ ਉਮਾਹ ।
ਇਸ ਕਾਰਜ ਮਹਿ ਦੇਰ ਨ ਲਾਵੋ । ਆਪਨ ਕਾਜ ਆਪ ਸੁਧਰਾਵੋ ॥ 756 ॥

ਦੋਹਰਾ

ਸ੍ਰੀ ਗੁਰੁ ਤਬ ਭਾਜੀ ਲਈ ਮੁਖ ਸਿਉਂ ਕੀਨ ਉਚਾਰ ।
ਹਮਰੋ ਜਾਵਨ ਨਹਿ ਬਨੈ ਸੁਨੀਏ ਸਤਿ ਵਿਚਾਰ ॥ 757 ॥

ਚੌਪਈ

ਅਮਰਦਾਸ ਗੁਰੁ ਗੈ ਨਿਜ ਧਾਮ । ਤਾਂਹਿ ਵਿਛੋਹ ਰਿਦ ਅਭਿਰਾਮ ॥
ਸਹਾਰੀ ਕਹਿ ਨਿਜ ਪੁਤ੍ਰ ਪਠਯੋ । ਇਛਾ ਪੂਰ ਹਮਾਰੀ ਕਯੋ ॥ 758 ॥
ਮਾਨ ਬਚਨ ਗੁਰੁ ਪੁਤ੍ਰ ਬੁਲਾਏ । ਤੀਨੋ ਚਲ ਗੁਰੂ ਕੇ³ ਨਿਕਟਾਏ³ ।
ਕਰ ਬੰਦਨ ਬੈਠੇ ਢਿਗ ਆਇ । ਸਹਾਰੀ ਕਉ ਤਬ ਭਯਾ ਲਖਾਇ ॥ 759 ॥

ਦੋਹਰਾ

ਤਾਂਕੇ ਪਗ ਤੀਨੋ ਪਰੈ ਤਿਹਿ ਕਰ ਧਾਰਿਯੋ ਸੀਸ ।
ਚਿਰ ਜੀਵੋ ਸੁਤ ਹਰਖ ਸਿਉ ਮੁਖ ਸਿਉਂ ਦਈ ਅਸੀਸ ॥ 760 ॥

¹ਅ ਪੌਥੀ ਮਨ ਲਾਇ ²ਅ ਪੌਥੀ ਦੁਨਿਆਵੀ ³ਅ ਪੌਥੀ ਮਹਿ ਆਏ

ਚੌਪਈ

ਪ੍ਰਿਥਮੈ¹ ਪ੍ਰਿਥਏ ਕਉ ਗੁਰ ਕਹਾ । ਤਾਏ ਸੰਗਿ ਜਾਹੁ ਸੁਖ ਲਹਾ ।
 ਦੇਖ ਵਿਵਾਹ ਭ੍ਰਾਤ ਕਾ ਜਾਇ । ਆਗੇ ਪ੍ਰਿਥੀਆ ਐਸ ਅਲਾਇ ॥ 761 ॥
 ਹਮਰੇ ਜਾਵਨ ਕੈਸੇ ਹੋਈ । ਵਿਲਮ ਨ ਵਿਹਲ ਭੇਜ ਤਹਿ ਕੋਈ ।
 ਤੀਨ ਬੇਰ ਗੁਰੁ ਕਹਾ ਪਧਾਰੇ । ਪ੍ਰਿਥੀਆ ਕਟ ਬਚ ਅਗ੍ਰ ਉਚਾਰੇ ॥ 762 ॥

ਦੋਹਰਾ

ਮਹਾਂਦੇਵ ਕਉ ਪੁਨ ਕਹਾ ਸ੍ਰੀ ਗੁਰੁ ਤੁਮ ਤਹਿ ਜਾਇ ।
 ਵਹਿ² ਐਧੂਤ ਅਲਮਸਤ ਥਾ ਰਹਿਯੋ ਮੋਨ ਸੁਖ ਪਾਇ ॥ 763 ॥

ਚੌਪਈ

ਅਰਜੁਨ ਕਉ ਗੁਰ ਪੁਨਾ ਅਲਾਇ । ਤੁਮ ਤਾਏ ਕੇ ਸੰਗਿ ਸਿਧਾਇ ।
 ਅਰਜੁਨ ਮਾਨ ਤਿਸੈ ਬਚ ਲਏ । ਕਰ ਬੰਦਨ ਤਬ ਪਯਾਨਾ ਕਏ ॥ 764 ॥
 ਚਲਤ ਸਮੇਂ ਗੁਰੁ ਐਸ ਅਲਾਯੋ । ਬੁਲਾਏ ਬਿਨ ਨਾਹਿ ਇਹ ਠਾਂ³ ਆਯੋ ।
 ਅਰਜੁਨ ਸੁਨ ਬਚ ਰਿਦੈ ਧਰਾਇ । ਸਹਾਰੀ ਮਲ ਤਾਏ ਸੰਗਿ ਸਿਧਾਇ ॥ 765 ॥

ਦੋਹਰਾ

ਇਹ ਕਾਰਨ ਅਰਜੁਨ ਗਏ ਲਾਹੌਰ ਬੀਚ ਸੁਖ ਧਾਰ ।
 ਭਗਤ ਸਿੰਘ ਕਰ ਚਰਿਤ ਬਹੁ ਤਿਹ ਠਾਂ ਰਹੇ ਮੁਰਾਰ ॥ 766 ॥
 ਦੋਇ ਬਰਸ ਬੀਤਤ ਭਏ ਸ੍ਰੀ ਗੁਰ ਯਾਦ ਨ ਕੀਨ ।
 ਗੁਰ ਅਰਜੁਨ ਅਰਦਾਸ ਲਿਖ ਸ੍ਰੀ ਗੁਰੁ ਪੈ ਪਠ ਦੀਨ ॥ 767 ॥
 ਮਾਝ ਰਾਗ ਸਤ ਸ਼ਬਦ ਸੋ ਪਠਿਓ ਧਾਰ ਵਿਚਾਰ ।
 ਭਗਤ ਸਿੰਘ ਸੰਕੋਚ ਸੁ ਸੁਨੇ ਅਰਥ ਅਨੁਰਾਗ ॥ 768 ॥

ਮਾਝ ਮਹਲਾ ੫ ਚਉਪਦੇ ਘਰੁ⁴

ਮੇਰਾ ਮਨੁ ਲੋਚੈ ਗੁਰ ਦਰਸਨ ਤਾਂਈ । ਬਿਲਪ ਕਰੇ ਚਾਤ੍ਰਕ ਕੀ ਨਿਆਈ ।
 ਤ੍ਰਿਖਾ ਨਾ ਉਤਰੈ ਸਾਂਤਿ ਨਾ ਆਵੈ ਬਿਨੁ ਦਰਸਨ ਸੰਤ ਪਿਆਰੇ ਜੀਉ ॥ 1 ॥
 ਹਉ ਘੋਲੀ ਜੀਓ ਘੋਲਿ ਘੁਮਾਈ ਗੁਰ ਦਰਸਨ ਸੰਤ ਪਿਆਰੇ ਜੀਉ ॥ ਰਹਾਉ ॥

ਦੋਹਰਾ

ਪ੍ਰਿਥਮੇ ਪਉੜੀ ਇਹੁ ਲਿਖੀ ਤੋ⁵ ਬਿਨ ਰਹਿਆ ਨ ਜਾਇ ।
 ਜਿਉਂ ਪੰਕਜ ਰਵਿ ਕੇ ਬਿਨਾ ਜਲ ਬਿਨ ਮੀਨ ਮਰਾਇ ॥ 769 ॥

ਸਵੈਯਾ

ਗੁਰ ਦਰਸਨ ਕਉ ਮਨ ਲੋਚਤ ਹੈ ਸਮ ਚਾਤ੍ਰਕ ਕਉ ਧਰ ਦੂਖ ਅਪਾਰਾ ।
 ਦਰਸਨ ਬੂੰਦ ਕੀ ਇਛ ਧਰੂ ਤ੍ਰਿਖ ਨਾਹੀਂ ਮਿਟੈ ਰਿਦ ਸਾਂਤਿ ਨ ਧਾਰਾ ।

¹ਅ ਪੋਥੀ ਪਹਲੇ ²ਏ ਪੋਥੀ ਓਹ ³ਅ ਪੋਥੀ ਵਾਪਸ ⁴ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 96 ⁵ਅ ਪੋਥੀ ਤੁਮ

ਸੰਤ ਪਿਆਰ ਮਹਾ ਸੁਖ ਧਾਰ ਨੈ ਖੇਦ¹ ਮਿਟੈ ਪੁਨ ਤੋਹਿ ਦਿਦਾਰਾ ।
ਘੋਲੀ ਹੂੰ ਘੋਲ ਘੁਮਾਇ ਤੁਮਹਿ ਪਰ ਦਰਸਨ ਸੰਤ ਗੁਰੁ ਨਿਸਤਾਰਾ ॥ 770 ॥

ਦੋਹਰਾ

ਗੁਰੁ ਅਰਜਨ ਪੌੜੀ ਲਿਖੀ ਪਠੀ [ਏਕ]² ਸਿਖ ਕੇ ਹਾਥ ।
ਸੁਧਾ ਸਰੋਵਰ ਸਿਖ ਅਯੋ ਜਹ ਗੁਰ ਦੀਨਾ ਨਾਥ ॥ 771 ॥
ਗੁਰੁ ਰਾਮਦਾਸ ਨਿਜ ਮਹਿਲ ਤੇ ਪ੍ਰਿਥੀਆ ਦਰਿ ਬੈਠਾਇ ।
ਪ੍ਰਿਥੀਏ ਤਬ ਦਿਖ ਸਿਖ ਕਉ ਪ੍ਰਛਿਓ ਕਹ ਤੇ ਆਇ ॥ 772 ॥

ਚੌਪਾਈ

ਸਬ ਬ੍ਰਿਤੰਤ ਦੀਓ ਸਿਖ ਸੁਨਾਇ । ਪੁਨ ਅਰਦਾਸ ਪ੍ਰਿਥੀਏ ਪੈ ਆਇ ।
ਪੜ ਪਾਤੀ ਪ੍ਰਿਥੀਏ ਮਨ ਆਇਓ । ਦਿਖ ਅਰਦਾਸ ਸਤਿਗੁਰ ਲੁਭਾਇਓ ॥ 773 ॥
ਤਿਰਕ ਹਰਖ ਮਸਤਕ ਤਹਿ ਧਰੇ । ਤਾਂਤੇ ਗੁਰੁ ਸਨਮੁਖ ਨਹਿ ਕਰੇ ।
ਅਸ ਵਿਚਾਰ ਨਿਜ ਖੀਸੇ ਪਾਈ । ਸਿਖ ਕਉ ਐਸੇ ਕਹਿ ਸਮਝਾਈ ॥ 774 ॥

ਦੋਹਰਾ

ਭੀਤਰ ਜਾਇ ਪੁਨ ਆਇ ਕੇ ਪ੍ਰਿਥੀਏ ਕਹਾ ਸੁਨਾਇ ।
ਸ੍ਰੀ ਗੁਰੁ ਸੁਨ ਆਨੰਦ ਕੀਓ ਕਹੋ ਕੁਸਲ ਤੁਮ ਜਾਇ ॥ 775 ॥

ਚੌਪਾਈ

ਪ੍ਰਿਥੀਏ [ਬਚਿ]³ ਸੁਨਿ ਸਿਖ ਸਿਧਾਯੋ । ਗੁਰੁ ਅਰਜਨ ਕੇ ਨਿਕਟ ਸੁ ਆਯੋ ।
ਆਇ ਬਾਤ ਸਭਿ ਦਈ ਸੁਨਾਇ । ਅੰਤਰਜਾਮੀ ਸਭੀ ਲਖਾਇ ॥ 776 ॥
ਸ੍ਰੀ ਗੁਰੁ ਉਤਰ ਨਾਹਿ ਪਠਾਯੋ । ਅਤਿ ਵੈਰਾਗ ਗੁਰੁ ਅਰਜਨ ਪਾਯੋ ।
ਪਉੜੀ ਦੂਜੀ ਕੀਨ ਉਚਾਰ । ਭਗਤ ਸਿੰਘ ਸੁਨੀਏ ਨਿਰਧਾਰ ॥ 777 ॥
ਤੇਰਾ ਮੁਖ ਸੁਹਾਵਾ ਜੀਉ ਸਹਿਜ ਧੁਨਿ ਬਾਣੀ । ਚਿਰੁ ਹੋਆ ਦੇਖੇ ਸਾਰੰਗ ਪਾਣੀ ।
ਧੰਨੁ ਸੁ ਦੇਸੁ ਜਹਾਂ ਤੂੰ ਵਸਿਆ ਮੇਰੇ ਸਜਣ ਮੀਤ ਮੁਰਾਰੇ ਜੀਉ ॥ 2 ॥
ਹਉ ਘੋੜੀ ਜੀਉ ਘੋਲਿ ਘੁਮਾਈ ਗੁਰੁ ਸਜਣ ਮੀਤ ਮੁਰਾਰੇ ਜੀਉ ॥ 1 ॥ ਰਹਾਓ ॥⁴

ਕੁੰਡਲੀਆ

ਤੇਰਾ ਮੁਖ ਸੁਹਾਵਾ ਪ੍ਰਭੂ ਬਾਣੀ ਸਹਜ ਸੁਭਾਇ ।
ਦਰਸਨ ਦੇਖੇ ਚਿਰ ਭਯੋ ਸਾਰੰਗ ਪਾਨ ਮਹਾਇ ।
ਸਾਰੰਗ ਪਾਣ ਮਹਾਇ ਧੰਨ ਜਹ ਦੇਸ ਬਸਾਵਓ ।
ਸਜਣ ਮੀਤ ਮੁਰਾਰ ਦਾਸਿ ਕਉ ਨਿਕਟ ਬੁਲਾਵਉ ।
ਹਉ ਜੀ ਘੋਲ ਘੁਮਾਇ ਗੁਰੁ ਜੀ ਤੁਮਰੇ ਰੂਪ ਪਰ ।
ਗੁਰੁ ਸਜਣ ਮੀਤ ਪਿਆਰੇ ਦਰਸਨ ਦੇਹ ਵਰ ॥ 778 ॥

¹ਅ ਤੇ ਏ ਪੋਥੀ ਕਸਟ ²ਅ ਪੋਥੀ ਵਿਚੋਂ ³ਅ ਪੋਥੀ ਵਿਚੋਂ ⁴ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 96

ਅੜਿਲ

ਲਿਖ ਪਾਤੀ ਤਬ ਐਸ ਸਿਖ ਪਠਾਇਓ ।
 ਤੈਸੇ ਪ੍ਰਿਥੀਆ ਅਗੂਜ ਤਾਂਹਿ ਮਿਲਾਇਓ ।
 ਸੋ ਭੀ ਲੈ ਅਰਦਾਸ ਡਾਰ ਨਿਜ ਖੀਸੇ ਮਾਹੀ ।
 ਹੋ ਉਤ੍ਰ ਨ ਦੀਨੋ ਕੋਈ ਦਯੋ ਸਿਖ ਪਾਛ ਹਟਾਈ ॥ 779 ॥

ਦੋਹਰਾ

ਤਬੈ ਸਿਖ ਜਾਵਤ ਭਯੋ ਗੁਰ ਅਰਜਨ ਕੇ ਪਾਸ ।
 ਸਭ ਬ੍ਰਿਤੰਤ ਗੁਰੁ ਕੋ ਕਹਿਯੋ ਲੈ ਪ੍ਰਿਥੀਏ ਅਰਦਾਸ ॥ 780 ॥

ਚੋਪਈ

ਗੁਰ ਅਰਜਨ ਮਨ ਐਸ ਵਿਚਾਰਾ । ਜਾਨ ਦੀਨ ਗੁਰ ਮੋਹਿ ਵਿਸਾਰਾ ।
 ਅਤਿਹ ਪ੍ਰੇਮ ਧਰ ਪਉੜੀ ਗਾਈ । ਸੁਨ ਪੈੜਾ ਤ੍ਰਿਤੀਆ ਸੁਖ ਪਾਈ ।
 ਇਕ ਘੜੀ ਨ ਮਿਲਤੇ ਤਾਂ ਕਲਿਜੁਗੁ ਹੋਤਾ ।
 ਹੁਣਿ ਕਦਿ ਮਿਲੀਐ ਪ੍ਰਿਅ ਤੁਧੁ ਭਗਵੰਤਾ ।
 ਮੋਹਿ ਰੈਣਿ ਨ ਵਿਹਾਵੈ ਨੀਂਦ ਨ ਆਵੈ ਬਿਨੁ ਦੇਖੇ ਗੁਰ ਦਰਬਾਰੈ ਜੀਉ ॥
 ਹਉ ਘੋਲੀ ਜੀਉ ਘੋਲਿ ਘੁਮਾਈ ਤਿਸੁ ਸਚੇ ਗੁਰ ਦਰਬਾਰੈ ਜੀਉ ॥¹

ਚੋਪਈ

ਏਕ ਘੜੀ ਨਹਿ ਮਿਲਹਿ ਪਿਆਰਾ । ਤਬ ਕਲਜੁਗੁ ਹੋਵੇ ਦੁਖ ਭਾਰਾ ।
 ਹੁਣ ਕਦਿ ਮਿਲੀਐ ਪ੍ਰਿਅ ਭਗਵੰਤਾ । ਕਰੋ ਦਯਾ ਸ੍ਰੀ ਗੁਰੁ ਦੁਖ ਹੋਤਾ ॥ 781 ॥

ਦੋਹਰਾ

ਮੋਕਉ ਰੈਨ ਵਿਹਾਇ ਨਹਿ ਨੈਨ ਨੀਂਦ ਨਹਿ ਹੋਤ ।
 ਦੇਖੇ ਬਿਨ ਦਰਬਾਰ ਗੁਰ ਜਿਹੋ ਸੋਭਾ ਸੁੰਦਰ ਜੋਤ ॥ 782 ॥
 ਹਉ ਘੋਲੀ ਹਉ ਘੋਲ ਪਰ ਤਿਤ ਸਾਚਾ ਦਰਬਾਰ ।
 ਦਾਸ ਜਾਨ ਕ੍ਰਿਪਾ ਕਰੋ ਮੋਕਉ ਦੇਹੋ ਦਿਦਾਰ ॥ 783 ॥

ਚੋਪਈ

ਐਸੇ ਲਿਖ ਸਿਖ ਕਉ ਸਮਝਾਯੋ । ਜਾਵਹੁ ਸ੍ਰੀ ਗੁਰ ਦੇਸ ਸੁਹਾਯੋ ।
 ਰਾਮਦਾਸ ਗੁਰ ਕਉ ਅਰਦਾਸ । ਦੀਜੋ ਕਰ ਬਿਨਤੀ ਸੁਖ ਰਾਸ ॥ 784 ॥
 ਤਬੈ ਸਿਖ ਦਧਸੁਤ ਸਰ ਆਯੋ । ਪ੍ਰਿਥੀਆ ਆਗੇ ਨਾਹਿ ਬੈਠਾਯੋ ।
 ਤਤ ਛਿਨ ਸਿਖ ਗੁਰੂ ਪੈ ਜਾਇ । ਕਰ ਬੰਦਨ ਗੁਰ ਕਉ ਮਨ ਲਾਇ ॥ 785 ॥

ਦੋਹਰਾ

ਅਰਦਾਸ ਦਈ ਸ੍ਰੀ ਗੁਰ² ਕਉ ਸ੍ਰੀ ਮੁਖ ਵਾਚੀ ਆਪ ।
 ਗੁਰ ਅਰਜਨ ਕਾ ਪ੍ਰੇਮ ਦਿਖ³ ਨਖ ਸਿਖ ਪ੍ਰੀਤਿ ਬਿਆਪ ॥ 786 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨੇ 96-97 ²ਅ ਪੋਥੀ ਸਤਿਗੁਰੂ ³ਅ ਤੇ ਦ ਪੋਥੀ ਪਿਖ

ਚੌਪਈ

ਰਾਮਦਾਸ ਗੁਰ ਸਨਮੁਖ ਪਾਯੋ । ਸਾਹਿਬ ਬੁਢਾ ਨਿਕਟ¹ ਬੁਲਾਯੋ ।
 ਸ੍ਰੀਮੁਖ ਕਹਾ ਲਾਹੌਰ ਤੁਮ ਜਾਇ । ਗੁਰ ਅਰਜਨ ਕਉ ਸੰਗਿ ਲਿਆਇ ॥ 787 ॥
 ਬੁਢਾ ਜੀ ਤਹਿ ਤੁਰਤ ਸਿਧਾਯੋ । ਗੁਰ ਅਰਜਨ ਕਉ ਜਾਇ ਲਿਆਯੋ ।
 ਅੰਚਰ ਡਾਰ ਗੁਰ ਅਰਜਨ ਦੇਵ । ਪਰਾ ਚਰਨ ਗੁਰ ਜਾਨ ਅਭੇਵ ॥ 788 ॥

ਦੋਹਰਾ

ਦਯਾ ਸਿੰਧ ਆਦਰ ਦੀਓ ਅਰਜਨ ਕਉ ਅਧਿਕਾਇ ।
 ਮਨ ਮਹਿ ਧਾਰਿਓ ਪ੍ਰੇਮ ਕਉ ਸ੍ਰੀ ਮੁਖ ਐਸ ਅਲਾਇ ॥ 789 ॥

ਚੌਪਈ

ਹੇ ਸੁਤ ਬਹੁ ਚਿਰ ਤਹਾ ਰਹਾਏ । ਅਰਦਾਸ ਪਠੀ ਤੁਮ ਏਹ ਲਖਾਏ ।
 ਤ੍ਰਿਤੀ ਅੰਕ ਨਹਿ ਪਾਛ ਮਿਲਾਇ । ਪੁਨ ਅਗੂਜ ਕਉ ਨਾਹਿ ਦਿਖਾਇ ॥ 790 ॥
 ਕਹੇ ਅਰਜਨ ਤੁਮ ਜਾਨੋ ਸੁਆਮੀ । ਸਭ ਘਟਿ ਘਟਿ ਕੇ ਅੰਤਰਜਾਮੀ ।

॥ ਸ੍ਰੀ ਗੁਰ ਵਾਚ ॥

ਹੇ ਸੁਤ ਪਰਮਾਰਥ ਏਹ ਬਾਤ । ਵਿਵਹਾਰਕ ਯਹਿ ਆਦਿ ਕਹਿ ਤਾਤ ॥ 791 ॥

॥ ਗੁਰ ਅਰਜਨੋ ਵਾਚ ॥

ਦਾਸ ਪਠੀ ਦਇ ਪਾਤੀ ਆਦਿ । ਤੁਮ ਘਟ ਸੁਆਮੀ ਪ੍ਰਭੂ ਅਨਾਦਿ ।
 ਅੰਤਰ ਧਿਆਨ ਗੁਰੂ ਲਖ ਲੀਨੋ । ਪ੍ਰਿਥੀਏ ਨਿਕਟਿ ਸਿਖ ਪਠ ਦੀਨੋ ॥ 792 ॥

ਦੋਹਰਾ

ਸ੍ਰੀ ਮੁਖ ਸੇ ਐਸੇ ਕਹਾ ਜੈਸੇ ਤਾਸ ਲਿਆਇ ।
 ਤਬੈ ਸਿਖ ਜਾਵਤ ਭਯੋ ਪ੍ਰਿਥੀਏ ਕੇ ਨਿਕਟਾਇ ॥ 793 ॥
 ਭਾਦੋ ਮਾਸ ਸੁ ਘਾਮ ਅਤਿ ਰਹਿਓ ਜਾਮ ਦਿਨ ਜਾਮ ।
 ਉਪਰ [ਭੂਪ]² ਸੋ ਪ੍ਰਿਥੀਆ ਸੀਤਲ ਜਲਹਿ ਇਸਨਾਨ ॥ 794 ॥

ਚੌਪਈ

ਤਬੈ ਸਿਖ ਪ੍ਰਿਥੀਏ ਪਹਿ ਗਯੋ । ਕਰ ਬੰਦਨ ਅਸ ਭਾਖਤ ਭਯੋ ।
 ਚਲੋ ਸ੍ਰੀ ਗੁਰੂ ਤੋਹਿ ਬੁਲਾਯੋ । ਮੋਕੈ ਸੀਘਰ ਗੁਰਹਿ ਪਠਾਯੋ ॥ 795 ॥
 ਕਹਿ ਪ੍ਰਿਥੀਆ ਅਪਨੇ ਗ੍ਰਿਹਿ ਜਾਇ । ਪਹਿਰ ਪੁਸ਼ਾਕ ਚਲਉ ਸੁਖ ਪਾਇ ।
 ਕਹਾ ਸਿਖ ਬਹੁਰੋ ਘਰ ਜੈਯੇ । ਪ੍ਰਿਥਮੈ ਸ੍ਰੀ ਗੁਰ ਦਰਸਨ ਕਯੋ ॥ 796 ॥

ਦੋਹਰਾ

ਸਿਖ ਸੰਗਿ ਪ੍ਰਿਥੀਆ ਭਯੋ ਆਯੋ ਸ੍ਰੀ ਗੁਰ ਪਾਸ ।
 ਦੂਰਹੁ ਸੀਸ ਨਿਵ ਇਕੇ ਬੈਠੇ ਧਾਰ ਹੁਲਾਸ ॥ 797 ॥

¹ਏ ਪੋਥੀ ਪਾਲਿ ²ਅ ਪੋਥੀ ਵਿਚੋ

ਚੋਪਈ

ਪ੍ਰਿਥੀਏ ਕਉ ਗੁਰ ਐਸ ਅਲਾਈ । ਪ੍ਰਿਥੀ ਚੰਦ ਸੁਨੀਏ ਮਨ ਲਾਈ ।
 ਬਿਬ¹ ਅਰਦਾਸ ਜੋ ਆਗੇ ਆਇ । ਕਹਿ ਠਾਂ ਲਿਆਵੋ ਦੇਰ ਨ ਲਾਇ ॥ 798 ॥
 ਪ੍ਰਿਥੀਏ ਕਹਾ ਖਬਰ ਮੁਹਿ ਨਾਹੀ । ਕਿਆ ਮਮ ਕਾਜ ਤਾਸ ਕੇ ਮਾਹੀ² ।
 ਤੀਨ ਬੇਰ ਗੁਰ ਕਹਾ ਸੁਨਾਇ । ਲੇਹੁ ਵਿਚਾਰ ਨਾ ਕੂਰ ਬੁਲਾਇ³ ॥ 799 ॥

ਦੋਹਰਾ

ਧਾਰ ਕ੍ਰੋਧ ਪ੍ਰਿਥੀਏ ਕਹਾ ਮਮ ਕਾਰਜ ਕਿਹ ਕਾਜ ।
 ਸੌਹੁ ਮੋਹਿ ਤੁਹਿ ਚਰਨ ਕੀ ਇਨ ਸਿਉ ਮੋਰਾ ਸਾਜ ॥ 800 ॥

ਅੜਿਲ

ਸੁਨੇ ਤਾਂਹਿ ਕੇ ਬੈਨ ਗੁਰ ਖੁਨਸਾਇਓ⁴ ।
 ਸੁਵਨ ਲਾਗ ਇਕ ਸਿਖ ਕਉ ਐਸ ਅਲਾਇਓ ।
 ਤੁਮ ਪ੍ਰਿਥੀਏ ਗ੍ਰਿਹਿ ਜਾਇ ਕਹੋ ਇਸਨਾਨ ਕਰ ।
 ਹੋ ਪ੍ਰਿਥੀਆ ਗੁਰ ਢਿਗ ਜਾਇ ਸੁ ਜਾਮਾ ਦੇਹੁ ਵਰ ॥ 801 ॥
 ਸੁਨਤ ਗੁਰੁ ਕੇ ਬੈਨ ਸਿਖ ਚਲ ਆਇਓ ।
 ਪ੍ਰਿਥੀਏ ਕੀ ਜਹਿ ਦਾਰਾ ਐਸ ਅਲਾਇਓ ।
 ਪ੍ਰਿਥਮ ਬੰਦਨਾ ਕੀਨ ਬਹੁਰ ਕਹਿ ਜਾਮਾ ਦੀਜੈ ।
 ਹੇ ਪ੍ਰਿਥੀਆ ਚਲ ਗੁਰੁ ਪਾਸ ਕਛੁ ਨਹੀ ਵਿਲਮ ਕਰੀਜੈ ॥ 802 ॥

ਦੋਹਰਾ

ਸਹਿਜ ਸੁਭਾਇ ਕਰਮੋ ਉਠੀ ਗਹਿ ਜਾਮਾ ਤਿੰਹ ਦੀਨ ।
 ਹਾਨ ਲਾਭ ਨਹਿ ਕਛੁ ਲਖੀ ਭਾਵੀ ਜੋ ਚਹਿ ਕੀਨ ॥ 803 ॥

ਕੁੰਡਲੀਆ

ਲੈ ਜਾਮਾ ਆਵਤ ਭਯੋ ਸਿਖ ਸ੍ਰੀ ਗੁਰ ਪਾਸ ।
 ਸੈਨ ਸਮਝ ਗੁਰ ਲੋਪ ਕਰ ਬੰਗਲਧਰ ਬੁਧ ਰਾਸ ।
 ਬਗਲੰ ਧਰ ਬੁਧ ਰਾਸ ਸ੍ਰੀ ਗੁਰ ਲਾਇ ਦਿਵਾਨਾ ।
 ਮਹਾਦੇਵ ਥੀ ਆਦਿ ਅਏ ਗੁਰ ਕ੍ਰਿਪਾ ਨਿਧਾਨਾ ।
 ਸਾਹਿਬ ਬੁਢਾ ਬੈਠ ਭਾਈ ਸਭ ਸਿਖ ਸੁਹਾਏ ।
 ਪ੍ਰਿਥੀਏ ਕੋ ਫਿਰ ਐਸ ਸ੍ਰੀ ਗੁਰ ਬੈਨ⁵ ਅਲਾਏ ॥ 804 ॥

ਚੋਪਈ

ਅਜੇ ਸਮਝ ਮਨ ਦੇਖ ਵਿਚਾਰਾ । ਦਿਖਾਇ ਪਤ੍ਰਿਕਾ ਧਰ ਸੁਖ ਭਾਰਾ ।
 ਲੈ ਜਾਮਾ ਤਿਹ ਅਗੁ ਧਰਾਯਓ । ਕਾਢੋ ਤੁਮ ਕਰਿ ਗੁਰਿ ਅਲਾਯਓ ।
 ਬਾਰ ਬਾਰ ਕਾ ਹਿਤ ਤੁਮ ਕਹੋ । ਜਹਾਂ ਹੋਇ ਤਾਂਤੇ ਤੁਮ ਗਹੋ⁶ ॥ 805 ॥

¹ਅ ਤੇ ਏ ਪੌਥੀ ਦੋਇ ²ਅ ਪੌਥੀ ਤਾਈ ³ਅ ਪੌਥੀ ਅਲਾਇ ⁴ਅ ਪੌਥੀ ਰਿਸ ਖਾਇਓ ⁵ਏ ਪੌਥੀ ਬਚਨ
⁶ਅ ਪੌਥੀ ਲਹੋ

ਦੋਹਰਾ

ਪੁਨ ਪ੍ਰਿਥੀਆ ਕਹਿ ਕਾਢ ਤਉ ਜੇਬ ਮਧ ਜਿਹ ਡਾਰ ।
ਸ੍ਰੀ ਗੁਰ ਤਬ ਕਾਢੋ ਤੁਰਤ ਪ੍ਰਿਥੀਏ ਤਬ ਦਿਖਾਰ ॥ 806 ॥

ਚੌਪਈ

ਲੈ ਪਾਤੀ ਗੁਰ ਐਸ ਅਲਾਯੋ । ਕਿਆ ਗੁਰਮੁਖ ਭਲਿ ਨਜਰੀ ਆਯੋ ।
ਤੋ ਸਮ ਮੀਣਾ ਕੋਇ ਨ ਭਯੋ । ਐਸੋ ਅਪਜਸ ਕਾਹਿ ਨ ਲਯੋ ॥ 807 ॥
ਸਭ ਕਉ ਸ੍ਰੀ ਗੁਰੁ ਕਹਾ ਸੁਨਾਈ । ਯਾ ਸਮ ਮੀਣਾ ਨਾਹਿ ਦਿਖਾਈ ।
ਭਗਤ ਸਿੰਘ ਮੀਣੇ ਭਏ ਸੋਚੀ । ਪ੍ਰਿਥੀਏ ਐਸ ਬਚਨ ਗੁਰ ਛੋਡੀ ॥

ਦੋਹਰਾ

ਸਾਹਿਬ ਬੁਢੇ ਕਉ ਦਈ ਸ੍ਰੀ ਗੁਰੁ ਪਾਤੀ¹ ਹਾਥ ।
ਤਾਂਹਿ ਵਾਚ ਸੁਖ ਪਾਇਓ ਲਖੀ ਪ੍ਰੀਤਿ ਗੁਰ ਸਾਥ ॥

ਚੌਪਈ

ਤੈ ਪਉੜੀ ਨਿੰਮ੍ਰਿਤ ਸੁਖਦਾਇ । ਰਾਮਦਾਸ ਗੁਰੁ ਬਹੁੜ ਪੜਾਇ ।
ਨਿਜ ਮਨ ਮਹਿ ਗੁਰ ਐਸ ਬਿਚਾਰੀ । ਗੁਰਿਆਈ ਧਨ ਗੁਰੁ ਨਾਨਕ ਭਾਰੀ ॥
ਇਹ ਲਾਇਕ ਅਰਜੁਨ ਅਬ ਭਯੋ । ਨਿੰਮ੍ਰਿਤ ਸੇਵਾ ਮਹਿ ਮਨ ਦਯੋ ।
ਪ੍ਰਿਥੀਏ ਕੇ ਕਟ² ਬੈਨ ਬਿਚਾਰ । ਬੁਢੇ ਕਉ ਗੁਰ ਕੀਨ ਉਚਾਰ ॥

ਦੋਹਰਾ

ਤੁਮ ਗੁਰੁ ਨਾਨਕ ਰੂਪ ਹੋ ਦੇਖੋ ਮਨ ਧਰਿ ਧਿਆਨ ।
ਗੁਰਿਆਇ ਅਜਰ ਰੂਪ ਹੈ ਲਾਇਕ ਅਰਜੁਨ ਮਾਨ ॥ 808 ॥

॥ ਕੁੰਡਲੀਆ ॥

ਜੋ ਲਾਇਕ ਅਰਜਨ ਭਯੋ ਤਉ ਤੁਮ ਤਿਲਕ ਕਰਾਇ ।
ਸ੍ਰੀ ਗੁਰੁ ਕੇ ਇਮ ਬਚਨ ਸੁਨ ਬੁਢੇ ਕਹਾ ਸੁਨਾਇ ।
ਬੁਢੇ ਕਹਾ ਸੁਨਾਇ ਸ੍ਰੀ ਗੁਰ ਨਾਨਕ ਤੇਰਾ ।
ਚਾਰ ਰੂਪ ਤੁਮ ਭਏ ਪੇਖ³ ਮਨ ਹਰਖਤ ਮੇਰਾ ।
ਏਹੁ ਸੇਵਕ ਕੀ ਚੀਜ ਹੈ ਕੋਈ ਨ ਈਰਖ ਪਾਇ ।
ਕਰ ਸੇਵਾ ਸੋਈ ਲਹੈ ਸ੍ਰੀ ਗੁਰੁ ਹਰਖ ਧਰਾਇ ॥ 809 ॥

ਚੌਪਈ

ਬੁਢੇ ਬਚਨ ਸੁਨ ਗੁਰ ਸੁਖ ਪਾਯੋ । ਪੈਸੇ ਪਾਂਚ ਨਰੇਲ ਮੰਗਾਯੋ ।
ਗੁਰ ਅਰਜਨ ਕੇ ਅਗੂ ਧਰਾਇ । ਟੇਕਿਓ ਮਾਥ ਸੁ ਆਨੰਦ ਪਾਇ ॥ 810 ॥

¹ਅ ਪੋਥੀ ਪੜ੍ਹਕਾ ²ਅ ਪੋਥੀ ਕਟੁ ³ਅ ਪੋਥੀ ਨਿਰਖ

ਗੁਰ ਅਰਜਨ ਕੇ ਭਾਲ ਮੰਝਾਰਾ । ਸਾਹਿਬ ਬੁਢੇ ਤਿਲਕ ਸਵਾਰਾ ।
ਜੈ ਜੈਕਾਰ ਸਭਨ¹ ਤਬ ਕਰਿਯੋ । ਇਖ ਪ੍ਰਿਥੀਆ ਮਨ ਜਰ ਬਰ ਗਰਿਯੋ ॥ 811 ॥

ਦੋਹਰਾ

ਮਾਤਾ ਭਾਨੀ ਹਰਖ ਸੁਨ ਦੇਖ ਹਰਖ ਗੁਰਦਾਸ ।
ਮਹਾਂਦੇਵ ਤੂਸਨ ਭਯੋ ਬੁਢੇ ਬਚਨ ਪ੍ਰਕਾਸ ॥ 812 ॥

ਸਵੇਯਾ

ਬੁਢੇ ਉਚਾਰ ਕੀਓ ਗੁਰ ਕਉ ਤਿੰਨ ਚਰਨ ਭਏ ਤਿਹ ਕੇ ਸੁਖਦਾਈ ।
ਚਤਰਥ ਚਰਨ ਗਏ ਇਹ ਕੇ ਸੰਗ ਪੂਰਨ ਸਬਦ ਸੁ ਹੋਤ ਸੁਹਾਈ ॥
ਸ੍ਰੀ ਗੁਰ ਆਨੰਦ ਪਾਇ ਕਹਾ ਗੁਰ ਅਰਜਨ ਕਉ ਪਗ ਚੋਬ ਮਿਲਾਈ ।
ਗੁਰ ਕੇ ਬਚ ਮਾਨ ਲਏ ਗੁਰ ਅਰਜਨ ਆਨੰਦ ਪਾਇ ਹੀਏ ਹੁਲਸਾਈ ॥ 813 ॥

॥ ਗੁਰ ਅਰਜਨੋ ਵਾਚ ॥

ਭਾਗੁ ਹੋਆ ਗੁਰਿ ਸੰਤ ਮਿਲਾਇਆ । ਪ੍ਰਭੁ ਅਬਿਨਾਸੀ ਘਰ ਮਹਿ ਪਾਇਆ ।
ਸੇਵ ਕਰੀ ਪਲੁ ਚਸਾ ਨ ਵਿਛੁੜਾ ਜਨ ਨਾਨਕ ਦਾਸ ਤੁਮਾਰੇ ਜੀਉ ॥
ਹਉ ਘੋਲੀ ਜੀਉ ਘੋਲਿ ਘੁਮਾਈ ਜਨ ਨਾਨਕ ਦਾਸ ਤੁਮਾਰੇ ਜੀਉ ॥ ਰਹਾਉ ॥³

॥ ਛਪੇ ॥

ਭਏ ਭਾਗ ਅਬ ਪੂਰ ਗੁਰ ਸੁਭ ਸੰਤ ਮਿਲਾਇਆ ।
ਦੂਢਨ ਕਤਿਹ ਨ ਜਾਇ ਗੁਰ ਨਿਜ ਘਰ ਮਹਿ ਪਾਇਆ ।
ਕਰੋ ਸੇਵ ਦਿਨ ਰੈਨ ਚਸਾ ਪਲ ਵਿਸਰਉਂ ਨਾਹੀਂ ।
ਜਾਨ ਸੰਗਿ ਸੇਵ ਕਮਾਉਂ ਇਛ ਮੇਰੇ ਮਨ ਮਾਹੀ ।
ਬਲ ਬਲ ਹਉ ਬਲਿ ਬਲ ਭਯੋ ਜੀਉ ਪਿੰਡ ਸਭ ਵਾਰਿਓ ।
ਨਾਨਕ ਦਾਸਨ ਦਾਸ ਪਿਖ ਆਪ ਕ੍ਰਿਪਾ ਕਰ ਤਾਰਿਓ ॥ 814 ॥

ਦੋਹਰਾ

ਸੁਨ ਪਉੜੀ ਸੁਖ ਪਾਇਓ ਰਾਮਦਾਸ ਗੁਰ ਧਾਰ ।
ਅਤਿ ਅਨੰਦ ਧਰਿ ਮਨ ਵਿਖੇ ਸ੍ਰੀ ਗੁਰ ਕੀਨ³ ਉਚਾਰ ॥ 815 ॥
ਗੁਰ ਨਾਨਕ ਕੇ ਸਬਦ ਸਿਉਂ ਮਿਲਯੋ ਸਬਦ ਯਹਿ ਤੋਰ ।
ਨਿੰਮ੍ਰਿਤ ਬਹੁ ਬਾਨੀ ਰਚੇ ਮਾਨ ਆਗਿਆ ਮੋਰ ॥ 816 ॥

ਚੋਪਈ

ਸ੍ਰੀ ਗੁਰ ਅਰਜਨ ਸੁਨਿਓ ਬੈਨ । ਰਿਦ ਮਹਿ ਪਾਯੋ ਆਨੰਦ ਐਨ ।
ਭਗਤ ਸਿੰਘ ਸੁਨ ਸੰਸ ਕਰਾਇ । ਹੇ ਪ੍ਰਭ ਐਸੇ ਮੋਹ ਸੁਨਾਇ ॥ 817 ॥

¹ਅ ਤੇ ਏ ਪੋਥੀ ਸੰਗਤਿ ²ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 97. ³ਅ ਪੋਥੀ ਕਹਿਓ

ਚਤਰਥ ਪਉੜੀ ਆਗੇ ਕਹੀ । ਗੁਰਿਆਈ ਪਾਛੇ ਸੁਖ ਲਹੀ ।
ਤੁਮ ਭਾਖਤ ਹੋ ਪਾਛ ਉਚਾਰੀ । ਹੇ ਗੁਰ ਹਰੇ ਸੰਸਾ ਏਹ ਭਾਰੀ ॥ 818 ॥

ਦੋਹਰਾ

ਮਨੀ ਸਿੰਘ ਕਹ ਯਾ ਮਹਿ ਸੰਸ ਨ ਕੋਈ ਪਾਇ ।
ਗੁਰਿਆਈ ਧਾਰੇ ਬਿਨਾਂ ਨਾਨਕ ਨਾਹਿ ਕਹਾਇ ॥ 819 ॥
ਨਾਨਕ ਨਾਹਿ ਤੈ ਚਰਨ ਮਹਿ ਚੌਥੇ ਨਾਨਕ ਹੋਇ ।
ਤਾਂਤੇ ਪ੍ਰਥਮ ਧਰ ਤਿਲਕ ਕਉ ਪਉੜੀ ਪਾਛੇ ਸੋਇ ॥ 820 ॥

ਚੌਪਈ

ਤਿਲਕ ਸਮੇਂ ਪਉੜੀ ਕਹਿ ਭਾਈ । ਘਰ ਕੀ ਬਸਤ ਸੁ ਘਰੈ ਰਹਾਈ ।
ਭਗਤ ਸਿੰਘ ਗੁਰ ਅਰਜੁਨ ਭਾਲ । ਸੋਭਤ ਤਿਲਕ ਸੂਰ ਜਨ ਬਾਲ ॥ 821 ॥
ਕਵਲ ਸੰਤ ਸਭ ਦਿਖ ਹਰਖਾਏ । ਕੁਮਦਨ ਸਮ ਪ੍ਰਿਥੀਆ ਦੁਖ ਪਾਏ ।
ਬੁਢੇ ਕਉ ਪ੍ਰਿਥੀਆ ਕਹਿ ਐਸੇ । ਭਲੀ ਬਾਤ ਨਹਿ ਤੁਮ ਚਹਿ ਜੈਸੇ ॥ 822 ॥

ਦੋਹਰਾ

ਜਗਤ ਰੀਤਿ ਦੇਖੀ ਨਹੀਂ ਕਿਆ ਤੁਮਰੀ ਮਤ ਹੋਇ ।
ਤੁਮ ਗੁਰ ਨਾਨਕ ਕਹਿਤ ਦਿਖ ਰੀਤਿ ਨਾ ਮਨ ਮਹਿ ਕੋਇ ॥ 823 ॥
ਦੀਰਘ^੧ ਸੁਤ ਕੇ ਬੈਠਿਆਂ ਕਹਿ ਲਘੁ ਧਰੇ ਸਮਾਜ ।
ਤੁਮ ਪਿਤ ਸਿਉਂ ਰਲ ਅਬ ਕੀਓ ਬੈਠੇ ਮੋਹਿ ਕੁਕਾਜ ॥ 824 ॥

ਚੌਪਈ

ਕਿਆ ਹੁਆ ਇਹ ਤਿਲਕ ਕਰਾਯੋ । ਕੀਓ ਤੁਮਾਰ ਮੋਹਿ ਨਹਿ ਭਾਯੋ ।
ਅਪਨੇ ਬਲ ਗੁਰਿਆਈ ਲੇਵਹੁ । ਇਹ ਬਾਲਕ ਪੈ ਰਹਨ^੨ ਨਾ ਦੇਵਹੁ ॥ 825 ॥
ਮੋ ਤੋਉ ਧਨ ਦੈ ਕਾਜ ਸਵਾਰਉਂ । ਚਾਹੋਂ ਯਹ ਬਾਰਕ ਕਉ ਮਾਰਉਂ ।
ਔਰ ਕਟਕ ਬਚ ਅਨਕ ਅਲਾਏ । ਸੋ ਮੋ ਪੈ ਨਹਿ ਜਾਤ ਸੁਨਾਏ ॥ 826 ॥

ਦੋਹਰਾ

ਭਾਦ੍ਰੋ ਸੁਧ ਏਕਮ ਦਿਵਸ ਤਿਲਕ ਕੀਨ ਕਰਤਾਰ ।
ਸੁਨ ਪੈੜਾ ਦਿਖ ਪ੍ਰਿਥੀਏ ਕਰੀ ਐਸ ਤਬੈ ਰਾਰ ॥ 827 ॥

ਚੌਪਈ

ਪ੍ਰਿਥੀਆ ਮਨ ਮਹਿ ਅਤਿ ਰਿਸ ਪਾਏ । ਸ੍ਰੀ ਗੁਰ ਕਉ ਕਟਾ^੩ ਬਚਨ ਸੁਨਾਏ ।
ਸ੍ਰੀ ਗੁਰ ਤਾਕੋ ਬਚਨ ਸੁਨਾਏ । ਸਬਦ ਉਚਾਰਿਓ ਮਨ ਰਿਸ ਪਾਏ ॥ 828 ॥

^੧ਅ ਤੋ ਏ ਪੋਥੀ ਸੰਕਾ ^੨ਅ ਪੋਥੀ ਜੇਠੇ ^੩ਅ ਪੋਥੀ ਟਿਕਨ ^੪ਏ ਪੋਥੀ ਮੰਦ

ਸਾਰੰਗ ਸਪਤਮ ਸ਼ਬਦ ਬਖਾਨਾ । ਰਾਮਦਾਸ ਗੁਰ ਮਯਾ ਨਿਧਾਨਾ ।
ਭਗਤ ਸਿੰਘ ਸੁਨੀਏ ਸੰਕੋਚ । ਜਾਕੇ ਪੜੇ ਮਿਟੈ ਭਵ ਸੋਚ ॥ 829 ॥¹

ਛਪੇ¹

ਕਾਹੇ ਝਗਰਤ ਪੂਤ ਬਾਪ ਸੰਗ ਪਾਪ ਅਪਾਰਾ ।
ਜਿਨ ਜਾਣ ਕੀਨੋ ਬਡੇ ਤਾਸ ਸਿਉਂ [ਝਗਰਤ]² ਦੁਖ ਭਾਰਾ ।
ਜਿਸ ਧਨ ਕਾ ਕਰ ਮਾਨ ਸੰਗਿ ਨਹਿ ਕਾਹੂੰ ਚਾਲੈ ।
ਤਿਆਗ ਬਹੁਰ ਪਛੁਤਾਇ ਕਛੂ ਨਹਿ ਬਾਧੈ ਪਾਲੈ ।
ਜੋ ਤੁਮਰੇ ਹੋਵੈ ਪ੍ਰਭੂ ਤਾਹਿ ਜਾਪ ਮਨ ਮਹਿ ਕਰੈ ।
ਗੁਰ ਨਾਨਕ ਬਚ ਜੇ ਸੁਨੋ ਸਭ ਕਲੇਸ ਮਨ ਕਾ ਹਰੈ ॥ 830 ॥

ਦੋਹਰਾ

ਸੁਨ ਪੈੜਾ ਪ੍ਰਿਥੀਏ ਕਹਾ ਭਾਖੋ ਕਿਆ ਉਪਦੇਸ਼ ।
ਗੁਰਿਆਈ ਇਸ ਕਉ ਦਈ ਮੋ ਕਉ ਧਰੋ ਕਲੇਸ ॥ 831 ॥
ਸੁਨ ਪ੍ਰਿਥੀਏ ਕੇ ਬੈਨ ਕਉ ਸ੍ਰੀ ਮੁਖ ਕੀਨ ਉਚਾਰ ।
ਸੂਹੀ ਗ੍ਰਿਹ ਸੋ ਜਾਨੀਏ ਸੁਨੋ ਅਰਥ ਨਿਰਧਾਰ ॥ 832 ॥

॥ ਸ੍ਰੀ ਗੁਰੋ ਵਾਚ ਸਵੇਯਾ ॥

ਤਿਨ ਅੰਤਰ ਹਰਿ ਅਰਾਧ ਕੀਆ ਗੁਰ ਅਰਜੁਨ ਕੇ ਧੁਰ ਲਿਖਤ ਲਿਲਾਰਾ ।
ਐਸ ਕਹਾ ਪ੍ਰਿਥੀਏ ਰਿਸ ਕੈ ਦਿਖ ਯਾਹ ਕਾ ਭਾਲ ਕਟਹੂੰ ਅਸ ਧਾਰਾ ।
ਈਰਖਾ ਤਾਂਹਿ ਕੀ ਕੇਸ ਕਰੇ ਜਿਸ ਅੰਕ ਕਰੇ ਭਗਵੰਤ ਮੁਰਾਰਾ ।
ਅਪਨੇ ਮਨ ਕਉ ਗੁਰ ਐਸਿ ਕਹਾ ਮਨ ਧਿਆਇ ਹਰੀ ਸਭ ਦੂਖ ਨਿਵਾਰਾ ॥ 833 ॥

ਦੋਹਰਾ

ਜਨਮ ਜਨਮ ਦੁਖ ਜਾਤ ਹੈ ਰੇ ਮਨ ਹਰਿ ਹਰਿ ਧਿਆਇ ।
ਕਹਿ ਪ੍ਰਿਥੀਆ ਮਨ ਕਉ ਕਹੋ ਮੋਕਉ ਕਹੁ ਸਮਝਾਇ ॥ 834 ॥

¹ਅ ਪੱਥੀ ਵਿਚ ਛੇਦ ਨੰ: 829 ਮਗਰੋਂ ਇਹ ਸ਼ਬਦ ਦਰਜ ਹੈ :

ਕਾਹੇ ਪੂਤ ਝਗਰਤ ਹਉ ਸੰਗਿ ਬਾਪ ॥

ਜਿਨ ਕੇ ਜਣੇ ਬਡੀਰੇ ਤੁਮ ਹਉ ਤਿਨ ਸਿਉ ਝਗਰਤ ਪਾਪ ॥

ਜਿਸ ਧਨ ਕਾ ਤੁਮ ਗਰਬ ਕਰਤ ਕਉ ਸੋ ਧਨੁ ਕਿਸਹਿ ਨ ਆਪ ॥

ਖਿਨ ਮਹਿ ਛੋਡਿ ਜਾਇ ਬਿਖਿਆ ਰਸ ਤਉ ਲਾਗੈ ਪਛੁਤਾਪ ॥

ਜੋ ਤੁਮਰੇ ਪ੍ਰਭ ਹੋਤੇ ਸੁਆਮੀ ਹਰਿ ਤਿਨ ਕੇ ਜਾਪਹੁ ਜਾਪ ॥

ਉਪਦੇਸੁ ਕਰਤ ਨਾਨਕ ਜਨ ਤੁਮ ਕਉ ਜਉ ਸੁਨਹੁ ਤਉ ਜਾਇ ਸੰਤਾਪ ॥ 2 ॥

(ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ 1200)

²ਅ ਪੱਥੀ ਵਿਚੋਂ

ਹਉ ਇਹ ਸੁਤ ਤੁਮਰੇ ਭਏ ਹਮ ਕਉ ਤਜਾ ਇਹ ਦੀਨ ।
ਪ੍ਰਭੁ ਸੇਵ ਇਨ ਬਹੁ ਕਰੀ ਤਿਲਕ ਧਰੋ ਤਿਹ ਕੀਨ ॥ 835 ॥

ਚੌਪਈ

ਧੁਰ ਭਗਤਾਂ ਕਉ ਬਖਸੀਸ ਭੰਡਾਰ । ਅੰਮ੍ਰਿਤ ਨਾਮ ਭਗਤ ਨਿਸਤਾਰ ।
ਮੂਰਖ ਹੋਇ ਜੋ ਰੀਸ ਕਰਾਵੈ । ਹਲਤ ਪਲਤ ਨਿਜ ਦੋਇ ਗਵਾਵੈ ॥ 836 ॥
ਕਿਆ ਸੇਵਾ ਕਰ ਤੋਹਿ ਰਿਝਾਯੋ । ਦੋਇ ਬਰਸ ਬੀਤੇ ਪਰ ਆਯੋ ।
ਹਉ ਤੁਹਿ ਕਾਰਜ ਸਭੀ ਸਵਾਰਉ । ਬਾਹਰ ਭੀਤਰ ਹਿਤ ਚਿਤ ਧਾਰਉ ॥ 837 ॥

ਦੋਹਰਾ

ਸੇ ਭਗਤ ਸੇ ਸੇਵਕ ਜਿਨ ਹਰਿ ਨਾਮ ਪਿਆਰ ।
ਮੋਕਉ ਪ੍ਰਾਪਤ ਨਾਹਿ ਕਿਛੁ ਤੂੰ ਇਨ ਸੇਵਾ ਧਾਰ ॥ 838 ॥
ਜੇ ਸੇਵਾ ਇਨ ਕੀ ਕਰਹਿ ਤਉ ਹਰਿ ਪ੍ਰਾਪਤ ਹੋਇ ।
ਹਉ ਦੀਰਘ ਲਘੂ ਸੇਵ ਹਉ ਔਰ ਉਪਾਵ ਨ ਕੋਇ ॥ 839 ॥

ਚੌਪਈ

ਜੋ ਅਰਜੁਨ ਸੰਗ ਈਰਖ ਧਾਰ । ਇਹ ਨਿੰਦਕ ਕੇ ਸਿਰ ਪਰ ਛਾਰ ।
ਜਿਸ ਘਰ ਵਰਤੀ ਜਾਣ ਸੋਈ । ਰੀਤਿ ਗੁਰੂ ਨਾਨਕ ਅਸ ਹੋਈ ॥ 840 ॥
ਪੁਤ੍ਰ ਰਹੇ ਸੇਵਕ ਗੁਰਿਆਈ । ਤਿਹ ਸੁਤ ਛਾਡਿ ਅਮਰ ਗੁਰ ਪਾਈ ।
ਤਾਂਕੇ ਸੁਤ ਭੀ ਪਾਸ ਰਹਾਏ । ਹਮ ਪਰ ਕਿਰਪਾ ਕੀਨ ਮਹਾਏ ॥ 841 ॥

ਦੋਹਰਾ

ਬਖੀਲੀ ਕਰ ਪਾਈ ਨਹੀਂ ਚੰਹੁ ਪੀੜੀ ਮਧ ਆਦਿ ।
ਗੁਰ ਕੀ ਇਨ ਸੇਵਾ ਕਰੀ ਲਈ ਧਾਰ ਮਿਰਜਾਦ ॥ 842 ॥

ਚੌਪਈ

ਬਹੁਤ ਕ੍ਰੋਧ ਪ੍ਰਿਥੀਏ ਮਨ ਪਾਯੋ । ਕਟਕ^੩ ਬੈਨ ਗੁਰ ਪਾਸ ਅਲਾਯੋ ।
ਸੁਨ ਗੁਰ ਕਟਕ ਬੈਨ ਤਹਿ ਕੇਰੇ । ਭਾਖਿਯੋ ਮੁਖ ਨਹਿ ਲਾਗੋ ਮੇਰੇ ॥ 843 ॥
ਕਹ ਪ੍ਰਿਥੀਆ ਤੁਮ ਭੀ ਨਹਿ ਲਾਗਯੋ । ਤਿਆਗ ਮੋਹਿ ਹਉ ਤੁਮਹਿ ਤਿਆਗਯੋ ।
ਐਸੋ ਕਹ ਨਿਜ ਭਵਨ ਪਧਾਰਾ । ਮਨ ਮਹਿ ਈਰਖ ਧਾਰ ਅਪਾਰਾ ॥ 844 ॥

ਦੋਹਰਾ

ਤਬ ਲੋ ਨਿਸ ਆਵਤ ਭਈ ਸੂਰਜ ਨਦਰ ਨ ਆਇ ।
ਸ੍ਰੀ ਗੁਰ ਐਸ ਬਿਚਾਰ ਮਨ ਯਹ ਅਸਥਲ^੧ ਤਜ ਜਾਇ ॥ 845 ॥

ਚੌਪਈ

ਜਾਮ ਨਿਸਾ ਰਹਿ ਕੀਨ ਇਸਨਾਨਾ । ਰਾਮ ਦਾਸ ਗੁਰ ਕ੍ਰਿਪਾ ਨਿਧਾਨਾ ।
ਗੁਰ ਨਾਨਕ ਚਰਨਨ ਮਨ ਲਾਯੋ । ਸਾਹਿਬ ਬੁਢਾ ਗੁਰ ਨਿਕਟਾਯੋ ॥ 846 ॥

ਗੁਰਦਾਸ ਸੁਨਾ ਗੁਰ ਅਰਜਨ ਆਏ । ਬੰਦਨ ਕਰਿ ਗੁਰ ਨਿਕਟ¹ ਬਠਾਏ ।
ਪੁਨ ਮਾਤਾ ਭਾਨੀ ਜੀ ਆਈ । ਆਇ ਗੁਰੁ ਕੇ ਪਗ ਲਪਟਾਈ ॥ 847 ॥

ਸ੍ਰੀ ਗੁਰੋਵਾਰ ॥ ਦੋਹਰਾ ॥

ਇਹੁ ਠਾਂ ਈਰਖ ਕਰਤ ਹੈ ਪ੍ਰਿਥੀਆ ਅਤਿ ਮਤਿ ਹੀਨ ।
ਗੋਇੰਦਵਾਲ ਤਾਤੇ ਚਲਉ ਚਲਉ² ਸੰਗ ਪ੍ਰਿਥੀਨ ॥ 848 ॥

ਚੌਪਈ

ਤਬ ਲੋ ਜੁਗਲ ਘਰੀ ਨਿਸ ਰਹੀ । ਮਾਨ ਗੁਰੁ ਬਚ ਬਹੁ ਸੁਖ ਲਹੀ ।
ਗੁਰ ਅਰਜਨ ਮਾਤਾ ਲੈ ਸਾਥ । ਕੀਨ ਪਿਆਨਾਂ ਦੀਨਾ ਨਾਥ ॥ 849 ॥
ਗੁਰਦਾਸ ਬੁਢਾ ਗੁਰਿ ਕੋ ਸੰਗ ਭਏ । ਸੁਨ ਪੈੜਾ ਪਾਂਚਉ ਸੁਖ ਲਏ ।
ਬਿਤ ਦੂਜ ਤੁਰਤਹਿ ਪਹੁੰਚਾਏ । ਗੋਇੰਦਵਾਲ ਧਰ ਹਰਖ ਮਹਾਏ ॥ 850 ॥

ਦੋਹਰਾ

ਦੋਇ ਘਰੀ ਦਿਨ ਕੇ ਰਹੇ ਪਹੁੰਚੇ ਅਤਿ² ਸੁਖ ਪਾਇ ।
ਕੀਨ ਚੌਬਾਰੇ ਬੰਦਨਾਂ ਪੁਨਹੁ ਬਾਵਲੀ ਆਇ ॥ 851 ॥

ਚੌਪਈ

ਮੋਹਨ ਮੋਹਰੀ ਤਬ ਲੋ ਆਏ । ਪ੍ਰਸਪਰ ਮਿਲੇ ਸੁ ਹਰਖ ਧਰਾਏ ।
ਮੋਹਰੀ ਤਬ ਨਿਜ ਗ੍ਰਿਹ ਲੈ ਗਯੋ । ਬਡ ਅਨੰਦ ਸਭਹਨ ਮਨ ਭਯੋ ॥ 852 ॥
ਭਾਨੀ ਮਾਤ ਮਾਤ ਮਿਲ ਚੋਈ । ਕੁਸਲ ਪ੍ਰਸੰਨ ਕਰ ਆਨੰਦ ਚੋਈ ।
ਪੁਨ ਪ੍ਰਿਥੀਏ ਜੋ ਰਾਰ ਕਰਾਈ । ਭਾਨੀ ਮਾਤਾ ਮਾਤ ਸੁਨਾਈ ॥ 853 ॥

ਦੋਹਰਾ

ਸੁਨ ਪ੍ਰਿਥੀਏ ਕੀ ਰਾਰ ਕਉ ਮੋਹਰੀ ਮਨ ਦੁਖ ਪਾਇ ।
ਮੋਹਨ ਸਿਉ² ਐਸੇ ਕਹਾ ਅਉਗਨ ਕੀਨ ਮਹਾਇ ॥ 854 ॥

ਚੌਪਈ

ਰਾਰ ਮਾਂਹਿ ਕਛ ਪਯੈ ਨਾਹੀ² । ਜੋ ਕੁਛ ਹੈ ਸੇਵਾ ਕੇ ਮਾਹੀ ।
ਰਾਮਦਾਸ ਸੇਵਾ ਕਰ ਲਈ । ਹਮ ਕਰ ਰਾਰ ਨਿਆਰੇ ਭਈ ॥ 855 ॥
ਸੁਨ ਪੈੜਾ ਚਰਚਾ ਬਹੁ ਹੋਈ । ਬਾਢੇ ਗ੍ਰਿਥ ਜੇ ਭਾਖਉ ਸੋਈ ।
ਕਰ ਭੋਜਨ ਕੀਨਾ ਬਿਸਰਾਮ । ਗੁਰ ਅਰਜਨ ਮੂਰਤ ਅਭਿਰਾਮ ॥ 856 ॥

ਦੋਹਰਾ

ਤਾਂਕਉ ਦਿਖ ਮਾਮੇ ਦੋਉ ਪੁਨ ਨਾਨੀ ਹਰਖਾਇ ।
ਬੁਢੇ ਅਰੁ ਗੁਰਦਾਸ ਕੇ ਨਿੰਦਾ ਨੈਨ ਨ ਪਾਇ ॥ 857 ॥

¹ਅ ਪੋਥੀ ਪਾਸ ²ਅ ਪੋਥੀ ਤਹਿ

ਚੌਪਈ

ਰਾਮਦਾਸ ਗੁਰ ਕੇ ਢਿਗ ਰਹੇ । ਚਰਚਾ ਕਰਤ ਅਨਿਕ ਸੁਖ ਲਹੇ ।
ਤਬ ਲੋ ਰਹੀ ਜਾਮ ਨਿਸ ਆਇ । ਸ੍ਰੀ ਗੁਰ ਉਠੇ ਹਰਖ ਮਨ ਪਾਇ ॥ 858 ॥
ਮੋਹਨ ਮੋਹਰੀ ਐ ਗੁਰਦਾਸ । ਗੁਰ ਅਰਜੁਨ ਬੁਢਾ ਪਰਗਾਸ ।
ਭਾਨੀ ਮਾਤਾ ਸਭ ਸੰਗ ਧਾਰ । ਬਾਵਲੀ ਆਏ ਗੁਰੂ ਮੁਰਾਰ ॥ 857 ॥

ਦੋਹਰਾ

ਰਾਮਦਾਸ ਗੁਰ ਨਾਯ ਕੈ ਬੈਠੇ ਧਿਆਨ ਲਗਾਇ ।
ਗੁਰ ਕਾ ਮੰਤ੍ਰ ਜਪੁਜੀ ਪੜਿਓ ਜਾਕੀ ਸੋਭ ਮੁਹਾਇ ॥ 860 ॥

ਚੌਪਈ

ਪੁਨ ਗੁਰ ਸੁੰਦਰ ਲਾਇ ਦੀਵਾਨ । ਆਸਾ ਵਾਰ ਸੁਨੀ ਸੁਖ ਮਾਨ ।
ਸੂਰਜ ਰਿਸਮਾਂ¹ ਜਬੈ ਦਿਖਾਈ । ਆਸਾ ਵਾਰ ਭੋਗ ਤਬ ਪਾਈ ॥ 861 ॥
ਰਾਮਦਾਸ ਗੁਰ ਮੌਲ ਝੁਕਾਯੋ । ਸ੍ਰੀ ਮੁਖ ਸਿਉ ਤਬ ਐਸ ਅਲਾਯੋ ।
ਸਿਖ ਸੰਗਤ ਸਭ ਹੀ ਮਮ ਪਿਆਰੇ । ਸਤਿ ਬਚਨ ਇਹੁ ਜਾਨ ਹਮਾਰੇ ॥ 862 ॥

ਦੋਹਰਾ

ਅੰਤ ਸਮਾ ਮੇਰਾ ਭਯੋ ਗੁਰ ਨਾਨਕ ਪਹਿ ਜਾਇ ।
ਤੁਮ ਸਿਖਯਾ ਮੇਰੀ ਸੁਨਹੁ ਕਰੋ ਸਭੀ ਸੁਖ ਪਾਇ ॥ 863 ॥

ਚੌਪਈ

ਗੁਰ ਨਾਨਕ ਅੰਗਦ ਸੁਖ ਖਾਨ । ਅਮਰਦਾਸ ਗੁਰ ਰੂਪ ਮਹਾਨ ।
ਤਹਾਂ ਤਖਤ ਗੁਰਿਆਈ ਭਾਰਾ । ਅਪਨ ਰੂਪ ਗੁਰ ਅਰਜੁਨ ਧਾਰਾ ॥ 864 ॥
ਚਤਰ ਗੁਰ ਜੋ ਦਰਸਨ ਚਾਹੇ । ਸੋ [ਗੁਰ] ਅਰਜੁਨ ਦੇਖੇ ਸੁਖ ਪਾਹੇ ।
ਗੁਰ ਅਰਜੁਨ ਕੀ ਪੂਜਾ ਕਰੋ । ਗੁਰ ਨਾਨਕ ਸਮੀ ਭੇਦ ਨਾ ਧਰੋ ॥ 865 ॥

ਦੋਹਰਾ

ਸ੍ਰੀ ਮੁਖ ਐਸ ਉਚਾਰ ਕੈ ਪੁਨ ਗੁਰ ਅਰਜਨ ਬਾਂਹ ।
ਮੋਹਨ ਮੋਹਰੀ ਹਾਥਿ ਧਰਿ ਸੋਪੀ ਧਾਰ ਉਮਾਹ ॥ 866 ॥

॥ ਕੁੰਡਲੀਆ ॥

ਬੁਢੇ ਪੁਨ ਗੁਰਦਾਸ ਕਉ ਸ੍ਰੀ ਗੁਰਿ ਬਾਂਹ ਗਹਾਇ ।
ਦੇਖ ਬਿਸਮ ਸਭ ਹੀ ਭਏ ਕਾਹੂੰ ਬੈਨ ਨਾ ਆਇ ।
ਕਾਹੂੰ ਬੈਨ ਨਾ ਆਇ ਗੁਰ ਤਬ ਸਿਖਯਾ ਦੀਨੀ ।
ਅਰਜੁਨ ਕਉ ਇਹ ਭਾਂਤ ਨਾਮ ਨਿਸ ਦਿਨ ਦ੍ਰਿੜ ਚੀਨੀ ।
ਸਤਿਨਾਮ ਉਪਦੇਸ਼ ਕਰ ਮਨ ਨੀਵਾਂ ਰਿਸ ਜਾਇ ।
ਉਠ ਪ੍ਰਭਾਤ ਮਜਨ ਕਰੋ ਸਤਿਨਾਮ ਮਨ ਲਾਇ ॥ 867 ॥

¹ਅ ਪੌਥੀ ਰਵਿ ਕਿਰਣਾ ²ਅ ਪੌਥੀ ਵਿਚੋਂ ³ਅ ਤੇ ਏ ਪੌਥੀ ਤਿਨ ਗੁਰੂ ਨਾਨਕ

॥ ਛਪੈ ॥

ਪੁਨ ਮਮ ਰੂਪ ਪਛਾਨ ਟਹਲ ਕਰਿ ਸੁਧਾ ਸਰੋਵਰ ।
 ਮੁਕਤ ਭਗੁਤ ਫਲਦਾਇ ਜਾਨ ਸੁਰ ਦੇਵ ਤਰੋਵਰ ॥
 ਗੁਰ ਅਰਜੁਨ ਸਿਖ ਧਾਰ ਬਹੁਰ ਮਾਤਾ ਪਗ ਲਾਗੀ ।
 ਕਿਆ ਆਇਸ ਪ੍ਰਭ ਮੋਹਿ ਕਹਾ ਭਾਨੀ ਰਸ ਪਾਗੀ ।
 ਕਛੂ ਦਿਵਸ¹ ਤਨ ਸਵਾਸ ਹਨ ਰਹੇ ਇਹਾ ਮਨ ਸੁਖ ਲਹੀ ।
 ਬਹੁਰ ਮਿਲਉ ਮਮ ਆਇ ਕੇ ਕਛੂ ਭੇਦ ਜਾਨਹੁ ਨਹੀਂ ॥ 868 ॥

ਦੋਹਰਾ

ਐਸੇ ਗੁਰ ਕਹਿ ਸਭਨ ਕਉ ਧਾਰਿਓ ਮਨ ਸੁਖ ਰਾਸ ।
 ਤਬ ਭਗਵੰਤ ਗੁਰ ਤੀਨ ਗੁਰ ਆਏ ਮਧ ਅਕਾਸ ॥ 869 ॥

ਚੋਪਈ

ਸੁਨ ਪੈੜਾ ਚਾਰੇਂ ਇਕ ਜੋਤੀ । ਕਹਾ ਬਚਨ ਗੁਰ ਕਉ ਸੁਖ ਹੋਤੀ ।
 ਧੰਨ ਧੰਨ ਤੋਕਉ ਜਗਿ ਮਾਹੀ । ਕੀਨ ਚਰਿਤ ਜਹਿ ਲਗ ਸੁਖ ਪਾਹੀ ॥ 870 ॥
 ਪਤਿਤ ਉਧਾਰ ਅਨਿਕ ਤੁਮ ਕੀਨੇ । ਜਗਤ ਬੀਚ ਭਾਰੀ ਜਸ ਲੀਨੇ ।
 ਅਬ ਚਲੋ ਨਿਜ ਧਾਮ² ਮੰਝਾਰੇ । ਰਾਮਦਾਸ ਸੁਨ ਹਰਖ ਅਪਾਰੇ ॥ 871 ॥

ਦੋਹਰਾ

ਨਮੋ ਨਮੋ ਭਗਵੰਤ ਕੇ ਰਾਮਦਾਸ ਗੁਰ ਕੀਨ ।
 ਦਸਮ ਦੁਆਰ ਨਿਜ ਰੂਪ ਧਰ ਸੈਨ ਸੁਖ ਸਿਉਂ ਲੀਨ ॥ 872 ॥
 ਸੁਨ ਪੈੜਾ ਇਹ ਭਾਂਤ ਗੁਰ ਅਪਨੇ ਰੂਪ ਸਮਾਇ ।
 ਤੀਨ ਗੁਰ ਸਿਉਂ ਮਿਲ ਤਬੈ ਅਪਨੇ ਧਾਮ ਸਿਧਾਇ ॥ 873 ॥

॥ ਝੂਲਨਾ ਛੰਦ ॥

ਤੀਨ ਗੁਰ ਸਾਥ ਰਾਮਦਾਸ ਹਰਿ ਧਾਮ ਗਏ ਦੇਵ ਹਰਖੇ ਤਬੈ ਪੁਸ਼ਪ ਡਾਰੀ ।
 ਰਹਸ ਸੁਰ ਦੇਵ ਮਨ ਮਾਂਹਿ ਕੀਨੋ ਘਨੋ ਜੈਤ ਮੁਖ ਜੈਤ ਕਹਿ ਸੋਕ ਟਾਰੀ ।
 ਛਤ੍ਰ ਗੁਰ ਤਖਤ ਨਿਜ ਦੇਇ ਗੁਰ ਅਰਜੁਨ ਧਾਮ ਆਏ ਜਸ ਜਗਤ ਧਾਰੀ ।
 ਕਹੈ ਕਵਿ ਹਰਖ ਇਹ ਭਾਂਤ ਦੇਵਨ ਕਰਯੋ ਬ੍ਰਹਮ ਸ਼ਿਵ³ ਉਸਤਤੀ ਕੀਨ⁴ ਭਾਰੀ ।

ਦੋਹਰਾ

ਸੁਨ ਪੈੜਾ ਇਹ ਭਾਂਤ⁴ ਗਏ ਰਾਮਦਾਸ ਗੁਰ ਧਾਮ ।
 ਪਾਛੇ ਕੀ ਗਾਥਾ ਸੁਨਹੁ ਜੋ ਕੀਨੀ ਅਭਿਰਾਮ ॥ 875 ॥

ਅੜਿਲ

ਨਿਸਾ⁵ ਨਾਸ ਰਵਿ ਆਯੋ ਹਰਖ ਬਢਾਇ ਕੇ ।
 ਕੀਰਤਨ ਭਯੋ ਅਪਾਰ ਦੇਵ ਕਰ ਆਇ ਕੇ ।

¹ਅ ਪੱਥੀ ਰੋਜ ²ਅ ਪੱਥੀ ਸਦਨ ³ਅ ਪੱਥੀ ਜਸ ਗਾਯਓ ⁴ਏ ਪੱਥੀ ਬਿਧਿ ⁵ਅ ਤੇ ਦ ਪੱਥੀ ਰਾਤ

ਗੁਰ ਅਰਜਨ ਇਸਨਾਨ ਬਾਵਲੀ ਧਾਰਿਓ ।
ਹੋ ਸਭ ਕੀ ਆਇਸ ਪਾਇ ਬਿਓਤ ਸਵਾਰਿਓ ॥ 876 ॥

ਚੌਪਈ

ਰਾਮਦਾਸ ਗੁਰ ਤਨ ਇਸਨਾਨਾ । ਸਭ ਕੀ ਆਇਸ ਲੈ ਗੁਰ ਨਾਨਾ ।
ਸੁੰਦਰ ਤਬੈ ਬਿਬਾਨ ਬਨਾਯੋ । ਕਰ ਅਰਦਾਸ ਤਨ ਤਾਂ ਮਹਿ ਪਾਯੋ ॥
ਗੁਰ ਅਰਜਨ ਮੋਹਰੀ ਅਰੁ ਮੋਹਿਨ । ਸਾਹਿਬ ਬੁਢਾ ਧਰ ਕਾਂਧੇ ਤਨ ।
ਗੁਰਦਾਸ ਤਬੈ ਕਰ ਚਵਰ ਫਿਰਾਵੈ । ਭਾਈ ਸੰਖ ਧੁਨ ਯਾਨ ਸੁਹਾਵੈ ॥ 878 ॥

ਦੋਹਰਾ

ਵਡਹੰਸ ਵਾਰ ਪ੍ਰਿਥਮੈਂ ਪੜੋ ਪੁਨ ਮਾਰੂ ਪੜ ਵਾਰ ।
ਰਾਗ ਰਬਾਬੀ ਅਧਿਕ ਤਹਿ ਕਰੈ ਸੁਰੰ ਬਿਸਤਾਰ ॥ 879 ॥

ਚੌਪਈ

ਬਿਆਸਾ ਤਟ ਅਬ ਐਸੇ ਆਏ । ਰਚੀ ਚਿਖਾ ਬਡ ਉਚ ਸਹਾਏ ।
ਚੰਦਨ ਚਿਖਾ ਰਚੀ ਇਹ ਭਾਇ । ਤਾਂ ਪਰ ਸ੍ਰੀ ਗੁਰ ਦੇਹ ਧਰਾਇ¹ ॥ 880 ॥
ਗੁਰ ਅਰਜਨ ਤਬ² ਲਾਬੂ ਲਾਯੋ³ । ਨਰ ਅਨਹਰ ਦ੍ਰਿਗ ਨੀਰ ਬਹਾਯੋ ।
ਭਾਈ ਬੁਢਾ ਲਾਇ ਦੀਵਾਨ । ਸੁਨਤ ਸਬਦ ਮਾਰੂ ਧਰ ਧਿਆਨ ॥ 881 ॥

ਦੋਹਰਾ

ਸਾਹਿਬ ਬੁਢੇ ਇਮ ਕਹਾ ਅਲਾਣੀ⁴ ਪੜੋ ਸੁਹਾਇ ।
ਰਬਾਬੀ ਰਾਗ ਮਿਲਾਇ ਕੈ ਪੜੀ ਅਧਿਕ ਚਿਤ ਲਾਇ ॥ 882 ॥

ਚੌਪਈ

ਕਪਾਲ ਕ੍ਰਿਯਾ ਕਰੀ ਸ੍ਰੀ ਗੁਰ ਆਏ । ਕਰ ਇਸਨਾਨ ਦ੍ਰਿਗ ਨੀਰ ਬਹਾਏ ।
ਦਿਵਾਨ ਮਧ ਬੈਠੇ ਗੁਰ ਆਏ । [ਸੋਕਾਤਰ ਸੰਗਤਿ ਦਰਸ ਦਿਖਾਏ]⁴ ।
ਦਿਵਾਨ ਮਧ ਬੈਠੇ ਗੁਰ ਆਇ । ਰਬਾਬੀ ਭੋਗ ਸਬਦ ਕਾ ਪਾਇ ॥ 883 ॥
ਰਬਾਬੀ ਕੋ ਧਨ ਦੀਨ ਅਪਾਰਾ । ਕੀਰਤਨ ਸੋਹਲਾ ਬਹੁਰ ਉਚਾਰਾ ।
ਕੜਾਹਿ⁵ ਵਰਤਾਇ ਸਭ ਹੀ ਗ੍ਰਿਹਿ ਆਏ । ਪ੍ਰਚਾਵਨੀ ਕਰ ਨਿਜ ਧਾਮ ਸਿਧਾਏ ॥ 884 ॥

ਦੋਹਰਾ

ਸੋਲਾਂ ਸੈ ਅਠਤੀਸ ਮਹਿ ਭਾਦੋਂ ਸੁਦਿ ਥਿਤ ਤੀਜ ।
ਤਨ ਤਜ ਅਪਨੇ ਧਾਮ ਗੇ ਸ੍ਰੀ ਗੁਰ ਪਰਮ ਅਜੀਜ ॥ 885 ॥

ਚੌਪਈ

ਸੁਨ ਪੈੜਾ ਕੀਰਤਨ ਬਹੁ ਹੋਵੈ । ਭਾਂਤ ਭਾਂਤ ਚੋਕੀ ਦੁਖ ਖੋਵੈ ।
ਤੀਨ ਦਿਵਸ ਇਹੁ ਭਾਂਤ ਬਿਤਾਏ । ਦਿਵਸ ਚਾਉਬੋ ਪ੍ਰਿਥੀਆ ਆਏ ॥ 886 ॥

¹ਅ ਪੋਥੀ ਰਖਾਇ ²ਅ ਤੇ ਏ ਪੋਥੀ ਅਗਨਿ ਦਿਖਾਯੋ ³ਅ ਪੋਥੀ ਅਲਾਹਣੀਆ ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਪ੍ਰਸਾਦਿ

ਮਹਾਂਦੇਵ ਤਾਕੇ ਸੰਗਿ ਆਇ । ਆਗੇ ਸ੍ਰੀ ਗੁਰ ਪੁਸ਼ਪ ਚੁਨਾਇ ।
ਦਿਖ ਪ੍ਰਿਥੀਆ ਮਨ ਮਹਿ ਖੁਨਸਾਯੋ । ਕ੍ਰੋਧ ਪੂਰ ਇਹੁ ਭਾਂਤ ਅਲਾਯੋ ॥ 887 ॥

ਦੋਹਰਾ

ਮੋਹਨ ਮੋਹਰੀ ਕਉ ਕਹਾ ਬਡੋ ਪਾਪ ਇਹ ਕੀਨ ।
ਵਿਖ ਖਵਾਇ ਪਿਤ ਮਾਰਿਓ ਤਿਲਕ ਦੋਇ ਦਿਨ ਲੀਨ ॥ 888 ॥

ਚੌਪਈ

ਇਹੁ ਬਿਧਿ ਹੋਤ ਗੁਰੂ ਜਗ ਨਾਹੀਂ । ਪਿਤਾ ਮਾਰ ਬਡ ਪਾਪ ਧਰਾਹੀ ।
ਮੋਹਰੀ ਪ੍ਰਿਥੀਏ ਕਉ ਸਮਝਾਇ । ਕਰੋ ਖਿਮਾ ਮਨ ਕ੍ਰੋਧ ਮਿਟਾਇ ॥ 889 ॥
ਕਹਿ ਪ੍ਰਿਥੀਆ ਕੈਸੇ ਰਿਸ ਜਾਇ । ਪਿਤ ਘਾਤੀ ਨਿਜ ਅਰਿ ਸਮੁਹਾਇ ।
ਗੁਰ ਅਰਜੁਨ ਤਬ ਚਰਨੀ ਲਾਗੋ । ਦਾਸ ਜਾਨ ਕਰ ਬੈਰ ਤਿਆਗੋ ॥ 890 ॥

ਦੋਹਰਾ

ਤਉ ਭੀ ਪ੍ਰਿਥੀਏ ਕੋਪ ਮਨ ਪੜਾ ਭੂਮ ਅਗਯਾਨ ।
ਗੁਰ ਅਰਜੁਨ ਮਨ ਰਿਸ ਨਹੀਂ ਸਦਾ ਸੀਲ ਸੁਖ ਖਾਨ ॥ 891 ॥

ਚੌਪਈ

ਇਹ ਬਿਧ ਬਾਰਹ ਦਿਵਸ ਬਿਤਾਏ । ਤ੍ਰਿਓਦਸ ਦਿਵਸ ਸਮਾਂ ਜਬ ਆਏ ।
ਕਹਿ ਗੁਰ ਪ੍ਰਿਥੀਏ ਕਉ ਪਗ ਦੀਜੈ । ਮਹਾਂਦੇਵ ਦਿਖ ਮੋਨ ਰਹੀਜੈ ॥ 892 ॥
ਜੋ ਸੰਗਤ ਦਰਸਨ ਕਉ ਆਵੈ । ਪ੍ਰਿਥੀਏ¹ ਨਿਕਟ ਨ ਕੋਈ ਜਾਵੈ ।
ਗੁਰੂ ਅਰਜੁਨ ਕੀ ਪੂਜ ਕਰਾਇ । ਮਹਿ ਇਛਤ ਵਰ ਲੈ ਗ੍ਰਿਹਿ ਜਾਇ ॥ 893 ॥

ਦੋਹਰਾ

ਸੁਧਾ ਸਰੋਵਰ ਆਇਓ ਪ੍ਰਿਥੀਆ ਧਰਿ ਮਨਿ ਮਾਨ ।
ਰਾਮਦਾਸ ਪਗ ਮੋਹਿ ਲਈ ਅਬ ਗੁਰ ਭਯੋ ਜਹਾਨ ॥ 894 ॥

ਚੌਪਈ

ਸ੍ਰੀ ਗੁਰ ਅਰਜੁਨ ਤਹਾਂ ਰਹਾਏ । ਇਹ ਬਿਧ ਸਿਉ ਕਛ ਦਿਵਸ ਬਿਤਾਏ ।
ਮਾਤਾ ਭਾਨੀ ਜੀ ਤਨ ਤਿਆਗ । ਥਿਤ ਪੰਚਮੀ ਗੁਰ ਰਸ ਪਾਗ ॥ 895 ॥
ਦਾਹ ਆਦਿ ਕਿਰਿਆ ਸਭ ਕਰੀ । ਤੇਰਵੇਂ ਆਦਿ ਪਾਛ ਜੋ ਰਰਹੀ ।
ਸੁਧਾ ਸਰੋਵਰ ਗੁਰ ਪੁਨ ਆਇ । ਸੁਨ ਪੈੜਾ ਐਸੇ ਰਿਸ ਖਾਇ ॥ 896 ॥

ਦੋਹਰਾ

ਔਰ ਬੈਰ ਅਨਗਨ ਕੀਏ ਪ੍ਰਿਥੀਏ ਸ੍ਰੀ ਗੁਰ ਸਾਥ ।
ਮਿਹਰਵਾਨ² ਸੁਤ ਤਾਂਹਿ ਕਉ ਧਾਰ ਬੈਰ ਕੀ ਗਾਥ ॥ 897 ॥

¹ਏ ਪ੍ਰਿਥੀ ਮੀਣੋ ²ਅ ਤੇ ਏ ਪ੍ਰਿਥੀ ਮਨੋਹਰਦਾਸ

ਤਬ ਪੈੜੇ ਬੰਦਨ ਕਰੀ ਭਗਤ ਸਿੰਘ ਸੁਨ ਐਸ ।
 ਦਯਾ ਸਿੰਧ ਮੋ ਸੋ ਕਹਾ ਹਮ ਭਾਖਾ ਤੁਹਿ ਜੈਸ ॥ 898 ॥
 ਭਗਤ ਸਿੰਘ ਇਹ ਮੈ ਕਥਾ ਸੁੰਦਰ ਔਰ ਸੁਨਾਇ ।
 ਬਲਵੰਡ ਸਤਾ ਤਬ ਦੇਹ ਤਜਿ ਗੁਰ ਨਾਨਕ ਪਹਿ ਜਾਇ ॥ 899 ॥

ਚੋਪਈ

ਬਲਵੰਡ ਸਤਾ ਮਨ¹ ਮਹਿ ਸੁਖ ਧਰਹਿ । ਹਰਿਗੋਬਿੰਦ ਢਿਗ ਕੀਰਤਨ ਕਰਹਿ ।
 ਏਕ ਦਿਵਸ ਬਹੁ ਕੀਰਤਨ ਕੀਨੋ । ਗੁਰ ਬਪੁ ਦੇਖ ਹਰਖ ਮਨ ਲੀਨੋ ॥ 900 ॥
 ਅੰਤ ਸਮਾ ਅਪਨਾ ਦ੍ਰਿਸ਼ਟਾਯੋ । ਸ੍ਰੀ ਗੁਰ ਨਾਨਕ ਬੋਲ ਪਠਾਯੋ ।
 ਸ੍ਰੀ ਚੰਦ ਪੁਨ ਲਖਮੀਦਾਸ । ਮਹਾਂਦੇਵ ਦਾਸੁ ਸੁਖਰਾਸ ॥ 901 ॥

ਦੋਹਰਾ

ਗੁਰੁ ਨਾਨਕ ਲੇਵਨ ਪਠੇ ਏਹੁ ਚਾਰੋਂ ਤਬ ਆਇ ।
 ਬਲਵੰਡ ਸਤੇ ਕਉ ਦਰਸ ਦੇ ਐਸੇ ਕਹਾ ਸੁਨਾਇ² ।

ਚੋਪਈ

ਗੁਰ ਨਾਨਕ ਜੀ ਤੁਮਹਿ ਬੁਲਾਯੋ । ਸ੍ਰਾਪ ਪੂਰ ਜਸ ਤੋਰ ਮਹਾਯੋ ।
 ਬਲਵੰਡ ਸਤੇ ਤਿੰਹ ਬੰਦਨ ਧਾਰ । ਹਰਿ ਗੋਬਿੰਦ ਕਉ ਕੀਓ ਦੀਦਾਰ³ ॥ 903 ॥
 ਗੁਰ ਮੂਰਤਿ ਮਨ ਮਹਿ ਦ੍ਰਿੜ ਕੀਨੀ । ਸਤਿਨਾਮ ਕਹਿ ਬਪੁ ਤਜ ਦੀਨੀ ॥
 ਬਲਵੰਡ ਮਰਦਾਨੇ ਕਾ ਤਨ ਪਾਯੋ । ਸੁਰ ਸੁੰਦਰ ਅਤਿ ਰੂਪ ਸੁਹਾਯੋ ॥ 904 ॥

ਦੋਹਰਾ

ਦਾਲੇ ਬਪੁ ਸਤੇ ਲੀਓ ਸੁੰਦਰ ਦੇਵ ਅਪਾਰ ।
 ਲਲਤ ਯਾਨ ਦੋਉ ਚੜੈ ਗੁਰ ਸੁਤ ਸੰਗਿ ਸਿਧਾਰ ॥ 905 ॥

ਚੋਪਈ

ਗੁਰੁ ਨਾਨਕ ਕੇ ਧਾਮ ਸਿਧਾਏ । ਦਾਲਾ ਮਰਦਾਨਾ ਹਰਖਾਏ ।
 ਆਗੇ ਦੇਖੀ ਸਭਾ ਅਪਾਰਾ । ਪੰਚ ਗੁਰ ਬੈਠੇ ਨਿਰਧਾਰਾ ॥ 906 ॥
 ਗੁਰ ਸੁਤ ਗੁਰੁ ਕੈ ਨਿਕਟ ਸੁ ਜਾਏ । ਅਯੋ ਮਰਦਾਨਾ ਕਹਿਆ ਸੁਨਾਏ ।
 ਇਨ ਦੋਹਨ ਬਹੁ ਬੰਦਨ ਕੀਨੀ । ਪੰਚ ਗੁਰ ਪੈ⁴ ਹੋਇ ਅਧੀਨੀ ॥ 907 ॥

ਦੋਹਰਾ

ਗੁਰ ਨਾਨਕ ਆਦਰ ਕੀਓ ਮਰਦਾਨੇ ਕਉ ਜਾਨ ।
 ਮਮ ਪ੍ਰੀਤਮ ਆਯੋ ਅਬੈ ਭਾਖਿਓ ਕ੍ਰਿਪਾ ਨਿਧਾਨ ॥ 908 ॥

ਚੋਪਈ

ਸ੍ਰਾਪ ਮੇਟ ਮਰਦਾਨਾ ਆਯੋ । ਦਾਲਾ [ਜਾ]⁵ ਸੰਗ ਸੁਹਾਯੋ ।
 ਦੋਹਨ ਕਉ ਆਸਨ ਗੁਰ ਦੀਨੋ । ਬੈਠੇ ਧਾਰ ਹਰਖ ਸੁਖ ਲੀਨੋ ॥ 909 ॥

¹ਅ ਪੋਥੀ ਰਿਦ ²ਦ ਪੋਥੀ ਅਲਾਇ ³ਅ ਪੋਥੀ ਜੁਹਾਰ ⁴ਅ ਪੋਥੀ ਪਾਹਿ ⁵ਅ ਪੋਥੀ ਵਿਚੋ

ਪਾਛੇ ਹਰਿ ਗੋਬਿੰਦ ਕਰ ਐਸੇ । ਮ੍ਰਿਤਕ ਤਨ ਕ੍ਰਿਯਾ ਥੀ ਜੈਸੇ ।
ਰਬਾਬੀ ਬਾਬਕ ਨਿਕਟ ਬੁਲਾਯੋ । ਤਿਨ ਕਉ ਸਭ ਕਹਿ ਸਮਝਾਯੋ ॥ 910 ॥

ਦੋਹਰਾ

ਮ੍ਰਿਤ ਰੀਤਿ ਜੋ ਤੋਹਿ ਮਾਹਿ ਕਰੋ ਸੋਇ ਮਨ ਲਾਇ ।
ਬਾਬਕ ਸ੍ਰੀ ਗੁਰ ਬੈਨ ਸੁਨ ਕੀਨ ਰੀਤਿ ਸੋ ਭਾਇ ॥ 911 ॥

ਚੌਪਈ

ਬਲਵੰਡ ਸਤੇ ਕੀ ਦੇਹ ਉਠਾਇ । ਰਾਵੀ ਤਟ ਦਾਬੀ¹ ਹਿਤ ਲਾਇ¹ ।
ਕਬਰ ਬਨਾਇ ਆਇ ਪੁਨ ਤਹਾਂ । ਹਰਿ ਗੋਬਿੰਦ ਗੁਰ ਇਸਥਿਤ ਜਹਾਂ ॥ 912 ॥
ਕੀਰਤਨ ਤਾਂਹਿ ਗੁਰੂ ਮਨ ਲਾਯੋ । ਨੈਨਨ ਨੀਰ ਰੁਮਾਲ ਹਟਾਯੋ ।
ਬਾਬਕ ਕਉ ਪੁਨ ਇਮ ਫੁਰਮਾਇ । ਕੀਰਤਨ ਕਰਹੁ ਰਬਾਬ ਬਜਾਇ ॥ 913 ॥

ਦੋਹਰਾ

ਬਾਬਕ ਤਬ ਕੀਰਤਨ ਕਰੇ ਸੁੰਦਰ ਲਗਯੋ ਦਿਵਾਨ ।
ਕਵਿ ਬਿਨਤੀ ਗਾਥਾ ਅਧਿਕ ਕਹਿ ਤਕ ਲਿਖਹੁ² ਅਜਾਨ³ ॥ 914 ॥

ਚੌਪਈ

ਇਹ ਇਕ ਕਥਾ ਔਰ ਸੁਣ ਭਾਈ । ਤਬੈ ਕਲਾ ਗੁਰ ਕੇ ਨਿਕਟਾਈ ।
ਚੰਦੂ ਪੁਤ੍ਰੀ ਕਾ ਤਨ ਤਿਆਗਿ । ਚੰਦੂ ਹਤਿ ਆਈ ਵਡਭਾਗਿ ॥ 915 ॥
ਹਰ ਗੋਬਿੰਦ ਤਬ ਦਿਖ ਮੁਸਕਾਇ । ਸ੍ਰੀ ਮੁਖ ਐਸੇ ਬਚਨ ਅਲਾਇ ।
ਹੇ ਕਲ ਸਭ ਕਾਰਜ ਕਰ ਆਇ । ਕਹਿ ਕਲ ਪ੍ਰਭ ਤੇਰੇ ਬਲਿ ਪਾਇ ॥ 916 ॥

ਦੋਹਰਾ

ਜੋ ਆਗਿਆ ਮਮ ਅਬ ਕਰਹੁ ਸੋਇ ਕਰਉ⁴ ਹਿਤ³ ਲਾਇ ।
ਸ੍ਰੀ ਮੁਖ ਕਹਿ ਬਾਸਾ ਕਰੋ ਸ਼ਾਹਜਹਾਂ ਰਿਦ ਜਾਇ ॥ 917 ॥

ਸਵੈਯਾ

ਜਾਹਿ ਬਿਰੋਧ ਬਸੈ ਮਨ ਮਹਿ ਸੁਇ ਕਾਜ ਕਰੋ ਤੁਹਿ ਜੁਧ ਅਘਾਉ⁵ ।
ਖਪਰ ਤੋਹਿ ਭਰਹੁ ਤਹਿ ਸੁਨ ਕੋ ਪ੍ਰਿਤਮਾ ਤਿਨ ਕੀ ਸਭ ਜੁਧ ਖਪਾਉ⁵ ।
ਐਸ ਕਰਉ⁵ ਪ੍ਰਭ ਜੈਸ ਕਹੋ ਤੁਮ ਵਿਲਮ ਤਿਆਗ ਅਜੈ ਹਮ ਜਾਉ⁵ ।
ਬੰਦਨ ਕੈ ਤਬ ਜਾਤ ਭਈ ਕਲ ਸ਼ਾਹਜਹਾਂ ਮਨ ਵਾਸ ਠਹਿਰਾਉ⁵ ॥ 918 ॥

ਦੋਹਰਾ

ਸ਼ਾਹਜਹਾਂ⁴ ਕੇ ਮਨ ਵਿਖੇ ਕਲ ਵਾਸਾ ਠਹਿਰਾਇ ।
ਕਛੂ ਦਿਨ ਬੀਤੇ ਯਾਹ ਮੈ ਤਬ ਸੰਗਤ ਬਹੁ ਆਇ ॥ 919 ॥

¹ਅ ਤੇ ਦ ਪੋਥੀ ਤਿਨ ਕਬਰ ਬਨਾਇ ²ਦ ਪੋਥੀ ਕਰਹੁ ਬਖਾਨ ³ਅ ਪੋਥੀ ਚਿਤ ⁴ਦ ਪੋਥੀ ਪਾਤਿਸਾਹਿ

ਚੌਪਈ

ਕਾਬਲ ਕੀ ਸੰਗਤ ਬਹੁ ਆਈ । ਅਨਗਨ ਪੂਜਾ ਆਇ ਚੜਾਈ ।
 ਭਗਤ ਸਿੰਘ ਗੁਰ ਦਰਸ ਨਿਹਾਰ । ਬਲਿ ਬਲਿ ਸੰਗਤ ਭਈ ਅਪਾਰ ॥ 920 ॥
 ਤਬ ਲੋ ਏਕ ਸਿਖ ਚਲ ਆਯੋ । ਅਗਰ ਅੰਚਰ ਠਾਢਾ ਸਮੁਹਾਯੋ ।
 ਤਾਕਾ ਮਨ ਦਲਗੀਰ ਦਿਖਾਇ । ਹਰਿ ਗੋਬਿੰਦ ਬੋਲੇ ਮੁਸਕਾਇ ॥ 921 ॥

ਦੋਹਰਾ

ਕਿਆ ਚਿੰਤਾ ਤੋ ਕਉ ਭਈ ਕਹੁ ਸਿਖ ਪ੍ਰਗਟਾਇ ।
 ਤਹਾਂ ਸਿਖ ਬਿਨਤੀ ਕਰੀ ਹੇ ਗੁਰ ਚਿੰਤ ਮਹਾਇ ॥ 922 ॥

ਚੌਪਈ

ਹੇ ਗੁਰ ਕਾਬੁਲ ਮਾਂਹਿ ਬਸਾਵਉਂ । ਸਭ ਦੇਸਨ ਮਹਿ ਖੋਪ ਚਲਾਵਉਂ ।
 ਤਿਹ ਠਾਂ ਮਮ¹ ਐਸੇ ਸੁਨ ਪਾਇ । ਸਸਤ੍ਰੁ ਹੈ² ਜੋ ਗੁਰ ਢਿਗ ਲਿਆਇ ॥ 923 ॥
 ਤਾਂ ਪਰ ਸ੍ਰੀ ਗੁਰ ਹੋਤ ਦਿਆਲ । ਹਰਿ ਗੋਬਿੰਦ ਗੁਰ ਕਰਤ ਨਿਹਾਲ ।
 ਯੋ ਸੁਨਕੇ ਹਮ ਖੋਜਤ ਭਯੋ । ਅਸ੍ਰੁ ਵਲਾਇਤ ਤੇ ਅਸ੍ਰੁ ਲਯੋ ॥ 924 ॥

ਦੋਹਰਾ

ਲਾਖ ਮੋਲ ਤਾਂਕਾ ਦੀਓ ਮਲੰਨਬਰ ਪਰ ਪਾਇ ।
 ਇਹ ਬਿਧ ਅਸ੍ਰੁ ਲੁਕਾਇ ਕੈ ਤੁਮਰੇ ਹਿਤ ਗੁਰ ਲਿਆਇ ॥ 925 ॥

ਚੌਪਈ

ਸ਼ਾਹਿਜਹਾਂ ਦਿਖ ਛੀਨ ਲਯੋ ਹੈ । ਹਮ ਤੁਮ ਨਾਮ ਲੀਓ ਕਹਿ ਕੋ ਹੈ ।
 ਐਸੇ ਸਿਖ ਕੇ ਬਚਨ ਸੁਨਾਇ । ਭਗਤ ਸਿੰਘ ਗੁਰ ਐਸ ਅਲਾਇ ॥ 926 ॥
 ਤੁਮਰੀ ਇਛ ਪੂਰਨ ਸਭ ਹੋਈ । ਕਰੋ ਖੇਦ ਨਹ ਮਨ ਮਾਹਿ ਕੋਈ ।
 ਗੁਰ ਕਾ ਹੈ ਗੁਰ ਕੇ ਢਿਗ ਆਵੈ । ਔਰ ਕਿਸੀ ਪੈ ਰਹਨ³ ਨਾ ਪਾਵੈ ॥ 927 ॥

ਦੋਹਰਾ

ਤਾਂਹਿ ਸਿਖ ਧੀਰਜ ਦੀਓ ਦੁਇ ਦਿਨ ਗਏ ਵਿਲਾਇ ।
 ਤੀਨ ਚਰਣ ਠਾਢਾ ਭਯੋ ਦਾਣਾ ਘਾਸ ਨ ਖਾਇ ॥ 928 ॥

ਚੌਪਈ

ਸ਼ਾਹਿਜਹਾਂ ਦਿਖ ਮਨ ਬਿਸਮਾਯੋ । ਅਸਵ ਚਰਨ ਇਕ ਬਹੁਤ ਲੰਛਾਯੋ ।
 ਮੋਹਿ ਰਾਜ ਐਸੋ ਹੈ ਨਾਹੀਂ । ਅਬ ਇਹ ਦਾਣਾ ਘਾਸ ਨਾ ਖਾਹੀ ॥ 929 ॥
 ਭਯੋ ਰੋਗ ਅਬ ਉਠਿਓ ਨ ਜਾਇ । ਮੁਕਉ ਘੋੜਾ⁴ ਮ੍ਰਿਤ ਦਿਖਾਇ ।
 ਰੁਸਤਮ ਖਾਂ ਕਾਜ਼ੀ ਤਬ ਆਯੋ । ਸ਼ਾਹਿਜਹਾਂ ਤਬ ਤਾਂਹਿ ਸੁਨਾਯੋ ॥ 930 ॥

¹ਅ ਪੋਥੀ ਹਮ ²ਅ ਤ ਏ ਪੋਥੀ ਅਸ੍ਰੁ ³ਅ ਪੋਥੀ ਟਿਕਨ ⁴ਅ ਤੇ ਏ ਪੋਥੀ ਅਸ੍ਰੁ

ਦੋਹਰਾ

ਤਬ ਕਾਜੀ ਹਯ ਦੇਖਿਓ ਜਾ ਕੀ ਕੀਮ ਅਪਾਰ ।
ਮਨਿ ਧਰਿ ਮੁਖ ਐਸੇ ਕਹਾ ਸਾਹ ਅਸ੍ਰੁ ਦੁਖ ਭਾਰ ॥ 931 ॥

ਚੌਪਈ

ਸਾਹਜਹਾਂ ਕਾਜੀ ਕਉ ਦੀਨੋ । ਕਰ ਇਲਾਜ ਤੁਮ ਰਾਖ ਪ੍ਰਬੀਨੋ ।
ਤਬ ਕਾਜੀ ਮਨ ਮਾਹਿ ਸੁਖ ਪਾਯੋ । ਅਸਵ ਲਏ ਨਿਜ ਧਾਮ ਸਿਧਾਯੋ ॥ 932 ॥
ਜਿਹ ਠਾਂ ਬੈਠੇ ਲਾਇ ਦੀਵਾਨ । ਦਯਾ ਸਿੰਧ ਗੁਰ ਕ੍ਰਿਪਾ ਨਿਧਾਨ ।
ਲੈ ਕਾਜੀ ਹੈ ਅਗ੍ਰੁ ਸਿਧਾਯੋ । ਦੇਖ ਅਸਵ ਗੁਰ ਕਉ ਹਿਨਨਾਯੋ ॥ 933 ॥

ਦੋਹਰਾ

ਪੁਕਾਰਤ ਮਮ ਰਛਿਆ ਕਰਹੁ ਜਾਵਤ ਸਿਖ ਦਿਖਾਇ ।
ਸ੍ਰੀ ਗੁਰ ਕਉ ਤਬ ਹੀ ਕਹਾ ਇਹ ਘੋਰਾ ਪ੍ਰਭੁ ਜਾਇ ॥ 934 ॥

ਚੌਪਈ

ਸ੍ਰੀ ਸਤਿਗੁਰ ਐਸੇ ਸੁਨ ਪਾਯੋ । ਤਬ ਕਾਜੀ ਕਉ ਨਿਕਟ ਬੁਲਾਯੋ ।
ਪੂਛਾ ਕਹਿਤੇ ਘੋਰਾ ਆਨਾ । ਤਬ ਕਾਜੀ ਅਸ ਬਚਨ ਬਖਾਨਾ ॥ 935 ॥
ਸਾਹਿਜਹਾਂ ਕਹਿਤੇ ਹੈ ਲੀਨੋ । ਦੁਖੀ¹ ਜਾਨ ਤਿਨ ਮੋਕਉ ਦੀਨੋ ।
ਸ੍ਰੀ ਗੁਰ ਕਹਾ ਕਾਮ ਕਿਹ ਤੋਰਾ । ਲੇਵਉ ਮੋਲ ਮਾਨ ਬਚ ਮੋਰਾ ॥ 936 ॥

ਦੋਹਰਾ

ਕਹ ਕਾਜੀ ਇਹ ਮੋਲ ਬਹੁ ਲਾਖ ਕੀਮ ਕਉ ਆਯ ।
ਅਬੈ ਮੋਲ ਤਿਹ ਚਰਨ ਕਾ ਆਗੇ ਜੋ ਤੁਮ ਦਾਇ ॥ 937 ॥

ਚੌਪਈ

ਬੀਸ ਸੰਹਸ੍ਰ² ਕਹਾ ਗੁਰ ਲੀਜੈ । ਇਹ ਘੋਰਾ ਕਾਜੀ ਮੋਹਿ ਦੀਜੈ ।
ਰੋਗੀ ਜਾਨ ਦੀਨ ਹੈ ਕਾਜੀ । ਨਿਜ ਮਨ ਮੈ ਤਬ ਹੋਇਓ ਰਾਜੀ ॥ 938 ॥
ਕਾਜੀ ਅਪਨੇ ਧਾਮ ਸਿਧਾਨਾ । ਹਯਸ਼ਾਲਾ ਹੈ³ ਗੁਰੂ ਬੰਧਾਨਾ ।
ਕਰ ਕ੍ਰਿਪਾ ਗੁਰ ਹਾਥ ਫਿਰਾਯੋ । ਪੂਰਬ ਵਤ ਘੋਰਾ ਹੋ ਆਯੋ ॥ 939 ॥

ਦੋਹਰਾ

ਦਾਣਾ ਘਾਸ ਅਤਿ ਹਰਖ ਸਿਉ ਖਾਯੋ ਹੈ ਸੁਖ ਪਾਇ ।
ਚਤਰਥ ਦਿਨ ਭੋਜਨ ਦੀਓ ਸ੍ਰੀ ਗੁਰ ਕੇ ਨਿਕਟਾਇ ॥ 940 ॥

ਚੌਪਈ

ਕਾਜੀ ਪੁਤ੍ਰੀ ਕੋਲਾਂ ਤਿਹ ਨਾਮ । ਸਸਿ⁴ ਬਦਨੀ ਸੂਰਤ ਅਭਿਰਾਮ ।
ਕਾਜੀ ਧਾਮ ਨਿਕਟ ਗੁਰ ਡੇਰਾ । ਅਟਾ ਝਰੋਖੇ ਬੈਠ ਸੁ ਹੋਰਾ ॥ 941 ॥

¹ਅ ਪੌਥੀ ਰੋਗੀ ²ਅ ਪੌਥੀ ਹਜ਼ਾਰ ³ਅ ਪੌਥੀ ਅਸ੍ਰੁ ⁴ਅ ਪੌਥੀ ਚੰਦ੍ਰ

ਸ੍ਰੀ ਗੁਰ ਤਾਂ ਕਉ ਕਹਾ ਸੁਨਾਇ । ਸਿਖ ਸੰਗਤ ਬੈਠੇ ਗੁਨ ਗਾਇ ।
ਤਹਿ ਦੇਖਤ ਸਭ ਕਾ ਮਨ ਮੋਹਿਯੋ । ਦੈ ਕਿਵਾੜ ਬਾਰੀ ਨਹਿ ਜੋਹਿਯੋ ॥ 942 ॥

ਦੋਹਰਾ

ਗੁਰ ਕੀ ਛਬਿ ਦੇਖਤ ਰਹੈ ਕੋਲਾਂ ਮਨ ਲਲਚਾਇ¹ ।
ਕਛੁ ਦਿਵਸ ਐਸੇ ਗਏ ਕਾਜੀ ਗੁਰ ਪਹਿ ਆਇ ॥ 943 ॥

ਚੌਪਈ

ਕਾਜੀ ਕਹਾ ਰੁਪਏ ਦੀਜੈ । ਕਰੋ ਵਿਲਮ ਸ੍ਰੀ ਗੁਰ ਕਹਿ ਲੀਜੈ ।
ਦੋਇ ਚਾਰ ਦਿਨ ਕਾਜੀ ਆਯੋ । ਬਹੁਰ ਕ੍ਰੋਧ ਯੁਤ ਐਸ ਅਲਾਯੋ ॥ 944 ॥
ਬਦਮਾਦੀ ਹੁਇ ਅਬ ਧਨ ਲੇਵਓ । ਤੁਹਿ ਮੂਜੀ ਪੈ ਰਹਨ ਨ ਦੇਵਉ² ।
ਬੁਢੇ ਕਹਿਆ ਬਦਮਾਦੀ ਜੋਈ । ਪੁਨ ਮੂਜੀ ਜੋ ਮਾਲੁਮ ਹੋਈ ॥ 945 ॥

ਦੋਹਰਾ

ਕਛੁ ਦਿਨ ਗਏ ਦਿਖਾਇ ਹਉਂ ਬਦਮਾਦੀ ਕੋ ਹੋਇ ।
ਐਸੇ ਸੁਨ ਕਾਜੀ ਕਹਾ ਤੋ ਕਉ ਮਿਲਯੋ ਨ ਕੋਇ ॥ 946 ॥

ਚੌਪਈ

ਕਹ ਗੁਰ ਸਾਹ ਅਸਵ ਜਸ ਲੀਨਾ । ਮੋਲ ਤੈਸ ਤੋ ਕਉ ਹਮ ਦੀਨਾ ।
ਕਹਿ ਕਾਜੀ ਕਉ ਛੋਡਹੁ ਨਾਹੀ । ਦੇਖੋ ਕੈਸੇ ਮੋਲਿ ਰਹਾਈ ॥ 947 ॥
ਐਸੇ ਕਹਿ ਰਿਸ ਧਾਮ ਸਿਧਾਰਾ । ਪਾਛੇ ਕਾਹੂ ਬਚਨ ਉਚਾਰਾ ।
ਜਹਾਂਗੀਰ ਕਸ਼ਮੀਰ ਸੁ ਜਾਯੋ । ਤਿਹੁ ਠਾਂ ਮਰ ਗੁਰ ਧਾਮ³ ਸਿਧਾਯੋ ॥ 948 ॥

ਦੋਹਰਾ

ਤਿਹ ਕੁਪਾ ਰੁੜਿਓ ਸੁਨਾ ਸਾਹਜਹਾਂ ਕੇ ਪਾਸ ।
ਕੁਪਾ ਟੁਟਿਓ ਤੇਲ ਗਿਰ ਸ੍ਰੀ ਮੁਖ ਕੀਨ ਪ੍ਰਕਾਸ ॥ 949 ॥

ਚੌਪਈ

ਅਬ ਯਾਸੋ ਨਹਿ ਬਨੇ ਹਮਾਰੀ । ਤਾਂਤੇ ਚਲਹੁ ਦੇਰ ਕਤ ਧਾਰੀ ।
ਸਹਸ ਸੂਰ ਕਉ ਕਹਾ ਸੁਨਾਇ । ਸੁਧਾ ਸਰੋਵਰ ਤਤ ਛਿਨ ਜਾਇ ॥ 950 ॥
ਸੇਵਕ ਸਿਖ ਸਭੀ ਪਠ ਦੀਨੇ । ਚਾਰ ਸਿਖ ਅਪਨੇ ਸੰਗ ਲੀਨੇ ।
ਗੁਰ ਆਗਿਆ ਲੈ ਸਭੀ ਸਿਧਾਏ । ਤਤ ਛਿਨ ਸੁਧਾ ਸਰੋਵਰ ਆਏ ॥ 951 ॥

ਦੋਹਰਾ

ਸੁੰਦਰ ਅਸ੍ਰੁ ਕੁਮੈਦ ਸੋ ਤਾਂ ਪਰ ਹੋਇ ਸਵਾਰ ।
ਕੋਲਾਂ ਦਿਖ ਬਿਨਤੀ ਕਰੀ ਸ੍ਰੀ ਗੁਰ ਜਾਨ ਤਿਆਰ ॥ 952 ॥

¹ਅ ਪੌਥੀ ਬਿਸਮਾਇ ²ਅ ਤੋ ਦ ਪੌਥੀ ³ਅ ਪੌਥੀ ਬਹਿਸਤ

ਚੌਪਈ

ਤਰੇ ਭਵਨ ਬਾਰੀ ਸੋ ਆਇ । ਕੋਲਾਂ ਬਿਨਤੀ ਅਧਿਕ ਅਲਾਇ ।
 ਇਛ ਪੂਰ ਤੁਮ ਸਭ ਕੀ ਕਰਹੁ । ਉਚ ਨੀਚ ਮਨ ਨਾ ਉਚਰਹੁ ॥ 953 ॥
 ਇਛ ਪੂਰ ਹਮਰੀ ਪ੍ਰਭ ਕੀਜੈ । ਦਇਆ ਧਾਰ ਅਪਨੇ ਸੰਗਿ ਲੀਜੈ¹ ।
 ਸੁਨ ਬਿਨਤੀ ਗੁਰ ਭੁਜਾ ਗਹਾਈ । ਭਗਤ ਸਿੰਘ ਨਿਜ ਬੋਲੇ ਪਾਈ ॥ 954 ॥

॥ ਕੁਲੀਡਆ ॥

ਜਾਮ ਨਿਸਾ ਜਬ ਹੀ ਗਈ ਕੀਨਾ ਸ੍ਰੀ ਗੁਰ ਪਯਾਨ ।
 ਚਾਰ ਸਿਖ ਨਿਜ ਸੰਗਿ ਲੈ ਛੋਡ ਸੰਗਿ ਸੁਖ ਮਾਨ ।
 ਛੋਡ ਸੰਗ ਸੁਖਮਾਨ ਸਸੀ² ਆਕਾਸ਼ ਅਪਾਰਾ ।
 ਸਨੈ ਸਨੈ ਪ੍ਰਭ ਚਲਹਿ ਪੰਥ ਗੁਰ ਕਥਾ ਸੁਧਾਰਾ ।
 ਜਬੈ ਜਾਮ ਨਿਸ ਰਹੀ ਸ੍ਰੀ ਗੁਰ ਬਚਨ ਅਲਾਯੋ ।
 ਬਿਧਿਆ ਅਬ ਕਿਤ ਕੋਸ ਸੁਧਾਸੁਰ ਇਹ ਤੇ ਰਹਾਯੋ ॥ 955 ॥

ਦੋਹਰਾ

ਸਪਤ ਕੋਸ ਇਹ ਤੇ ਪ੍ਰਭੁ ਬਿਧੀਏ ਕਹਾ ਸੁਨਾਇ ।
 ਸ੍ਰੀ ਗੁਰ ਤਹਿ ਬੈਠਤ ਭਏ ਪਲਾਹਿ ਤਲੈ ਸੁਖ ਪਾਇ ॥ 956 ॥
 ਕਛਕ ਦੂਰ ਤਹਿ ਗਾਵ ਹੈ ਮਾਦੋ ਕੇ ਬੈਰਾੜ ।
 ਤਾਹ ਮਧ ਅਸਥਾਨ ਸੋ ਚਹੁੰ ਦਿਸ ਬਨ ਅਤਿ ਗਾੜ ॥ 957 ॥

ਚੌਪਈ

ਭਗਤ ਸਿੰਘ ਤਹਿ ਥੜਾ ਬਨਾਯੋ । ਧੇਨ³ ਚਾਰ ਬਾਰਕ ਸੁਖ ਪਾਯੋ ।
 ਤਾ ਪਰ ਸ੍ਰੀ ਗੁਰ ਆਸਨ ਡਾਰ । ਬੈਠੇ ਨਿਜ ਮਨ ਆਨੰਦ ਧਾਰ ॥ 958 ॥
 ਤਿਸੀ ਨਿਕਟ ਪੀਪਰ ਤਰ ਹੋਇ । ਬੈਠਿ ਕੋਲਾਂ ਗੁਰ ਛਬਿ [ਦ੍ਰਿਗ]⁴ ਜੋਇ ॥
 ਪਲਾਹ ਸਾਥ ਬਾਧਿਓ ਹਯ ਪਾਸ । ਸ੍ਰੀ ਗੁਰ ਮੁਖ ਸਿਉ ਬੈਨ ਪ੍ਰਕਾਸ ॥ 959 ॥

ਦੋਹਰਾ

ਦੇਖੋ ਜਲ ਜੇਠਾ ਕਹੀ ਕਰੀਏ ਤਹਿ ਇਸਨਾਨ ।
 ਕਹਿ ਜੇਠਾ ਜਲ ਔਰ ਨਹਿ ਇਹ ਹੈ ਕ੍ਰਿਪਾ ਨਿਧਾਨ ॥ 960 ॥

ਚੌਪਈ

ਸੋ ਮਥਿਓ ਇਹ ਮਝੀ ਸਾਥ । ਇਮ ਸੁਨ ਬੋਲੇ ਦੀਨਾ ਨਾਥ ।
 ਉਤਮ ਜਲ ਏਹੁ ਗੁਰਸਰ ਭਾਰੀ । ਏਹ ਮਜਨ ਸਭ ਸੰਕਟ ਟਾਰੀ ॥ 961 ॥
 ਐਸੇ ਕਹਿ ਗੁਰ ਕੀਨ ਇਸਨਾਨਾ । ਪੁਨ ਚਾਰਹੁ ਸਿਖ ਮਜਨ ਠਾਨਾ ।
 ਦਿਖ ਕੋਲਾਂ ਕੀਨੋਂ ਇਸਨਾਨ । ਪੀਪਰ ਤਰ ਬੈਠੀ ਗੁਰਿ ਧਿਆਨ ॥ 962 ॥

¹ਅ ਤੇ ਏ ਪੋਥੀ ਮਹਿ ਦਾਸੀ ਕੀਜੈ ²ਅ ਪੋਥੀ ਚੰਦ੍ਰ ³ਅ ਪੋਥੀ ਗਉ

ਦੋਹਰਾ

ਬਹੁਰੋ ਸ੍ਰੀ ਗੁਰ ਹਰਖ ਧਰਿ ਤੀਰਥ ਉਪਮ ਕਰਾਇ ।
ਨਾਮ ਗੁਰ ਸਰ ਇਹੁ ਭਯੋ ਸਭ ਕੀ ਇਛ ਪਰਾਇ ॥ 963 ॥

ਚੌਪਈ

ਐਸੇ ਕਹਿ ਨਿਜ ਲਾਇ ਧਿਆਨਾ । ਚਰਨ ਗੁਰੂ ਨਾਨਕ¹ ਮਨ ਠਾਨਾ ।
ਜਬ ਪ੍ਰਭਾਤ ਸਮਾ ਹੁਇ ਆਯੋ । ਸ੍ਰੀ ਗੁਰ ਤਬੇ ਪਯਾਨ ਕਰਾਯੋ ॥ 964 ॥
ਕੋਲਾਂ ਨਿਜ ਬੇਲੇ ਤਬ ਕਏ । ਸੁਧਾ ਸਰੋਵਰ ਕੈ ਢਿਗ ਅਏ ।
ਤਬ ਗੁਰ ਅਸ੍ਰੈ ਤੇ ਉਤਰਾਏ । ਪੈੜੇ ਕਉ ਗੁਰ² ਬਚਨ ਅਲਾਏ ॥ 965 ॥

ਦੋਹਰਾ

ਕੋਲਾਂ ਕੇ ਸੰਗਿ ਜਾਹੁ ਤੁਮ ਤਿਹ ਠਾਂ ਚਾਇ ਬਹਾਇ ।
ਦਧਸੁਤ ਤੇ ਦਖਨ ਦਿਸਾ ਬੋਹੜ ਤਲੇ ਸੁਖ ਪਾਇ ॥ 966 ॥

ਚੌਪਈ

ਤਿਸੀ ਅਸ੍ਰੁ ਪਰ ਤਾਹਿ ਚੜਾਯੋ । ਪੈੜਾ ਤਿਸਹੀ ਓਰ ਸਿਧਾਯੋ ।
ਲੈ ਪ੍ਰਸਾਦਿ ਗੁਰ ਤਿਹ ਠਾਂ ਆਇ । ਅਕਾਲ ਪੁਰਖ ਜਹਿ ਤਖਤ ਦਿਖਾਇ ॥ 967 ॥
ਪੁਨ ਦਰਬਾਰ ਕਾ ਦਰਸਨ ਚੀਨੀ । ਧਰ ਪ੍ਰਸਾਦਿ ਪਰਕਮਾਂ ਕੀਨੀ ।
ਫਿਰ ਮਾਤਾ ਕੇ ਚਰਨੀ ਲਾਗੇ । ਮਾਤਾ ਅਸੀਸ ਦਈ ਰਸ ਪਾਗੇ ॥ 968 ॥
ਮਾਤ ਦਮੋਦਰੀ ਪੁਨ ਪਗ³ ਲਾਗੀ । ਸ੍ਰੀ ਗੁਰ ਕੈ ਅਤਸੈ ਬਡਭਾਗੀ ।
ਬਹੁਰ ਆਇ ਗੁਰ ਤਖਤ ਸੁਹਾਏ । ਬੁਢੇ ਆਦਿਕ ਸਭ ਮਿਲਿ ਆਏ ॥ 969 ॥

ਦੋਹਰਾ

ਸਸ ਖਟ ਰਿਤ ਗੁਰ ਸੰਮਤੋ ਜੇਨ ਤੀਜ ਸੁਖ ਖਾਨ ।
ਲੈ ਕਾਜੀ ਕੀ ਪੁਤ੍ਰਕਾ ਆਏ ਕਿਰਪਾ ਨਿਧਾਨ ॥ 970 ॥

ਸੋਰਠਾ

ਬਹੁਰ ਮਿਲੈ ਸਭ ਆਇ ਗੁਰੂ ਮਾਨ ਸਭ ਕਾ ਕਰਹਿ ।
ਕਵਿ ਕੀ ਇਛਾ ਪੁਰਾਇ ਅਪਨੋ ਬਿਰਦ ਸੰਭਾਰ ਪ੍ਰਭੁ ॥ 971 ॥

ਚੌਪਈ

ਭਗਤ ਸਿੰਘ ਤਬ ਪੈੜਾ ਆਯੋ । ਕੋਲਾਂ ਤਜਿ ਗ੍ਰਿਹ ਗੁਰ ਅਲਾਯੋ ।
ਆਇ ਬੰਦਨਾਂ ਗੁਰ ਕਉ ਕੀਨੀ । ਤਖਤ ਦਰਸ ਕਰ ਆਨੰਦ ਲੀਨੀ ॥ 972 ॥
ਬਿਧੀਏ ਕਉ ਗੁਰ ਯਹ ਫੁਰਮਾਇ । ਤਹ ਕੋਲਾਂ ਗ੍ਰਿਹ ਹੇਤ ਬਨਾਇ ।
ਲੈ ਬਿਧੀਏ ਧਨ ਸਦਨ ਬਨਾਯੋ । ਬੋਹੜ ਤਰ ਸੁੰਦਰ ਸੁਖਦਾਯੋ ॥ 973 ॥

¹ਅ ਪੋਥੀ ਆਇ ਗੁਰੂ ²ਅ ਤੇ ਏ ਪੋਥੀ ਤਿਨਿ ³ਅ ਤੇ ਏ ਪੋਥੀ ਚਰਨਨ

ਦੋਹਰਾ

ਕਛੂਅਕ ਦਿਵਸ ਬਿਤਾਇ ਕੈ ਤਾਹਿ ਢਿਗ ਕੂਪ ਲਗਾਇ ।
ਕੋਲਾਂ ਹਿਤ ਤਹਿ ਨਾਮ ਲਿਖ ਸ੍ਰੀ ਗੁਰ ਸਭ ਸੁਖਦਾਇ ॥ 974 ॥

ਚੌਪਈ

ਏਕ ਦਿਵਸ ਗੁਰ ਆਨੰਦ ਧਾਰ । ਬੈਠੇ ਉਪਰ ਤਖਤ ਮੁਰਾਰ ।
ਕੀਨ ਬਿਨੈ¹ ਭਾਈ ਗੁਰਦਾਸ । ਹੇ ਪ੍ਰਭ ਮੋਰ ਸੁਨੋ ਅਰਦਾਸ ॥ 975 ॥
ਅਮੀ ਸਾਥ ਤਖਤ ਇਸਨਾਨ । ਨਿਤ ਕਰਾਵਉ ਤਿਹ ਤੇ ਆਨ ।
ਹੇ ਗੁਰ ਐਸੀ ਕਿਰਪਾ ਕਰੋ । ਤਖਤ ਨਿਕਟ ਸਰ ਪ੍ਰਗਟ ਕਰੋ ॥ 976 ॥

ਦੋਹਰਾ

ਹਰਿਗੋਬਿੰਦ ਤਤ ਛਿਨ ਉਠੇ ਬਿਨਤੀ ਤਾਹਿ ਸੁਨਾਇ ।
ਤਖਤ ਨਿਕਟ ਪਸਚਮ ਦਿਸਾ ਨਿਜ ਕਰ ਕਹੀ ਸਹਾਇ ॥ 977 ॥

ਚੌਪਈ

ਹਾੜ ਤਿਥ ਦਿਨ ਸਸੀ ਪਛਾਕੋ । ਦਯਾ ਸਿੰਧ ਅਸ ਉਦਮ ਠਾਨੋ ।
ਪ੍ਰਥਮ ਟਕ ਅਪਨੇ ਕਰਿ ਲਾਯੋ । ਇਹ ਅਕਾਲ ਸਰ ਮੁਖਹੂੰ ਅਲਾਯੋ ॥ 978 ॥
ਦੋਇ ਮਾਸ ਮਾਹਿ ਭਯੋ ਤਿਆਰ । ਭਾਦ੍ਰੋਂ ਅਰਥ ਸੁ ਸੋਭ ਅਪਾਰ ।
ਸ੍ਰੀ ਮੁਖ ਤੇ ਐਸੇ ਫੁਰਮਾਇ । ਅਕਾਲ ਸਰ ਤਖਤ ਇਸਨਾਨ ਕਰਾਇ ॥ 979 ॥

ਦੋਹਰਾ

ਸੁਧਾ ਸਾਧ ਦਰਬਾਰ ਕਾ ਕੀਜੈ ਨਿਤ ਇਸਨਾਨ ।
ਇਹ ਅਕਾਲ ਸਰ ਕਲਪਤਰ² ਇਛ ਪੂਰ ਸੁਖ ਖਾਨ ॥ 980 ॥

ਅੜਿਲ

ਸ੍ਰੀ ਗੁਰ ਐਸ ਅਲਾਇ ਹਰਖ ਬਹੁ ਪਾਇਓ ।
ਕੀਨੇ ਚਰਿਤ ਅਪਾਰ ਕਵੀ ਚਹਿ ਗਾਇਓ ।
ਨਿਜ ਬਲ ਬੁਧ ਕਾ ਹੀਨ ਕਹੋ ਕਸ ਪਾਇ ਹੈ ।
ਹੋ ਕਵਿ ਮਨ ਭਾਰ ਭਰੋਸ ਗੁਰੂ ਬਲ ਜਾਇ ਹੈ ॥ 981 ॥

ਸਵੈਯਾ

ਏਕ ਸਮੇਂ ਗੁਰ ਆਨੰਦ ਧਾਰ ਸ਼ਿਕਾਰ ਚੜੇ ਸੰਗਿ ਸੈਨ ਲਵਾਏ ।
ਅਸ੍ਰੁ ਕੁਮੈਦ ਬਡੀ ਛਬ ਪਾਵਤ ਜਾਹਿ ਪਿਖੇ ਖਗਰਾਜ ਲਜਾਏ ।
ਭਾਲ ਜਿਗਾ ਸਮ ਸੂਰ ਬਿਰਾਜਤ ਸੁੰਦਰ ਬਾਜ ਲੀਏ ਕਰ ਬਾਏ ।
ਦਾਸ ਕਵੀ ਭਨ ਪੰਜ ਕਉ ਮਾਰ ਕੈ ਐਸ ਸਰੂਪ ਬਸੋ ਸੁਖ ਪਾਏ ॥ 982 ॥

¹ਅ ਪੌਥੀ ਅਰਜ ²ਅ ਤੇ ਏ ਪੌਥੀ ਕਲਪਥ੍ਰਿਛ

ਓਰ ਵਡਾਲੀ ਚਲੇ ਸੁਖ ਸਾਗਰ ਸਾਥ ਸੁਆਨ ਸਸਾ ਮ੍ਰਿਗ ਘਾਏ ।
ਤਨ ਕਉ ਤਜ ਕੈ ਸੋਈ ਸੂਰਗ ਚਲੇ ਸੁਖ ਸਾਗਰ ਜਾਹਿ ਕਉ ਬਾਨ ਲਗਾਏ ।
ਦੁੰਢ ਥਕਿਓ ਤਹਿ ਲੋਕਨ ਮਹਿ ਅਸ ਦੀਨ ਦਯਾਲ ਪ੍ਰਭੂ ਨਹਿ ਪਾਇ ।
ਤਾਤੇ ਸੁ ਸੰਗਤ ਤੇ ਕਵਿ ਮਾਂਗਤ ਐਸੇ ਪ੍ਰਭੂ ਰਿਦ ਵਾਸ ਕਰਾਏ ॥ 983 ॥

ਦੋਹਰਾ

ਭਗਤ ਸਿੰਘ ਤਬ ਖੇਡ ਕੇ ਸ੍ਰੀ ਗੁਰ ਅਧਿਕ¹ ਸ਼ਿਕਾਰ ।
ਸੁਧਾ ਸਰੋਵਰ ਕੋ ਹਟੇ ਕਾਜੀ ਅਗੂ ਨਿਹਾਰ ॥ 984 ॥

ਚੌਪਈ

ਆਵਤ ਕਾਜੀ ਅਗੂ ਨਿਹਾਰਾ । ਸ੍ਰੀ ਗੁਰ ਤਾਹਿ ਮਾਨ ਬਹੁ ਧਾਰਾ ।
ਕਾਜੀ ਕਹਾ ਰੁਪਯੇ ਦੀਜੈ । ਸ੍ਰੀ ਗੁਰ ਕਹਾ ਨਗਰ ਚਲਿ ਲੀਜੈ ॥ 985 ॥
ਤਾ ਕਉ ਸ੍ਰੀ ਗੁਰ ਸੰਗਿ ਲਵਾਈ । ਕੌਤਕ ਕਰ ਕੌਲਾ ਗ੍ਰਿਹਿ ਆਈ ।
ਕਰ ਆਦਰ ਕਾਜੀ ਬੈਠਾਯੋ । ਬੈਠੇ ਆਪ ਪ੍ਰਭੂ² ਸੁਖ ਪਾਯੋ ॥ 986 ॥

ਦੋਹਰਾ

ਏਕ ਸਿਖ ਕਉ ਅਸ ਕਹਾ ਕਹੁ ਭੀਤਰ ਅਸ ਜਾਇ ।
ਰੁਪਏ ਦੇਨੇ ਅਸੂ ਕੇ ਤਤ ਛਿਨ ਬੈਲੀ ਲਿਆਇ³ ॥ 987 ॥

ਚੌਪਈ

ਕੌਲਾਂ ਨਿਕਟ ਸਿਖ ਚਲ ਗਯੋ । ਕਹ ਬੰਦਨ ਅਸ ਭਾਖਤ ਭਯੋ ।
ਸ੍ਰੀ ਗੁਰ ਕਹਾ ਰੁਪਏ ਲਯਾਵੇ । ਅਸੂ ਕੇ ਦੇਨੇ ਦੇਰ ਨ ਲਾਵੇ ॥ 988 ॥
ਕੌਲਾਂ ਸੁਨਤ ਰੁਪਯੇ ਲੀਨੇ । ਬੈਲੀ ਬਹੁ ਧਰ ਸੰਗ ਪ੍ਰਬੀਨੇ ।
ਆਇ ਬੰਦਨਾ ਗੁਰੁ ਕਉ ਕੀਨੀ । ਕੌਲਾਂ ਅਤਸੈ ਹੋਇ ਅਧੀਨੀ ॥ 989 ॥

ਦੋਹਰਾ

ਕਹਿ ਕੌਲਾਂ ਧਨ ਲੇਹੁ ਪ੍ਰਭੂ ਸ੍ਰੀ ਗੁਰੁ ਕਹਿ ਇਹ ਦਾਇ ।
ਕਾਜੀ ਦਿਖ ਜਰ ਬਰ ਗਯੋ ਧਰਨੀ ਵੇਲ⁴ ਨ ਪਾਇ ॥ 990 ॥

ਚੌਪਈ

ਕਾਜੀ ਉਠਿਓ ਕ੍ਰੋਧ ਮਨ ਪਾਏ । ਸ੍ਰੀ ਗੁਰੁ ਕਉ ਅਸ ਬੈਨ ਸੁਨਾਏ ।
ਤੂੰ ਹਮਰਾ ਬੈਰੀ ਕਬ ਭਯੋ । ਹਰੀ ਸੁਤਾ ਮੋਕਉ ਦੁਖ ਦਯੋ ॥ 991 ॥
ਸ਼ਾਹਜਹਾਂ ਕੇ ਨਿਕਟ ਪੁਕਾਰਓ । ਤਿਹ ਸੈਨਾ ਲੈ ਤੋਹਿ ਸੰਘਾਰਉ⁵ ।
ਸ੍ਰੀ ਗੁਰ ਕਹਾ ਦਰਬ ਨਿਜ ਲੀਜੈ । ਪਾਛੈ ਜੋ ਚਾਹੇ ਸੋ ਕੀਜੈ ॥ 992 ॥
ਕਹ ਕਾਜੀ ਧਨ ਕੈਸੇ ਲੇਉਂ । ਮੋਕਉ ਦੁਖ ਤੋ ਕਉ ਦੁਖ ਦੇਉ ।
ਅੰਚਰ ਗਹਿ ਗੁਰੁ ਕਹਿ ਧਨ ਲੀਜੈ । ਤੀਨ ਬੇਰ ਰਿਨ ਨਾਹਿ ਰਖੀਜੈ ॥ 993 ॥

¹ਅ ਪੌਥੀ ਬਹੁਤ ²ਅ ਤੇ ਏ ਪੌਥੀ ਸਤਿਗੁਰ ³ਅ ਪੌਥੀ ਪੜ੍ਹਾਇ ⁴ਅ ਪੌਥੀ ਗਰਕ ⁵ਏ ਪੌਥੀ ਅਰਹਉ

ਸਰੋਠਾ

ਮੈਂ ਕਉਂ ਨਾਂਹਿ ਗਹਾਇ ਕਹ ਕਾਜੀ ਧਨ ਛੋਡਿਓ ।
ਸ੍ਰੀ ਗੁਰ ਤਬੈ ਤਜਾਇ ਕ੍ਰੋਧ ਪੂਰ ਕਾਜੀ ਕਹਾ ॥ 994 ॥

ਦੋਹਰਾ

ਕਾਜੀ ਕਹ ਧਨ ਲੇਹੁ ਹਉ ਬਾਦਸ਼ਾਹ ਢਿਗ^੧ ਜਾਇ ।
ਐਸੇ ਕਹਿ ਪਿਆਨਾ ਕੀਓ ਕ੍ਰੋਧ ਪੂਰ ਦੁਖ ਪਾਇ ॥ 995 ॥

ਚੌਪਈ

ਕਰ ਕੌਤਕ ਗੁਰ ਤਿਹ ਠਾਂ ਆਏ । ਬੈਠੇ ਤਖਤ ਅਧਿਕ ਹਰਖਾਏ ।
ਕਾਜੀ ਪੰਥ ਦੇਰ ਨਹ ਲਾਈ । ਚਲਤ ਨਿਸਾ ਭਾਰੀ ਦੁਖ ਪਾਈ ॥ 996 ॥
ਗਯੋ ਲਾਹੌਰ ਕਛੂ ਦਿਨ ਆਯੋ । ਸ਼ਾਹਜਹਾਂ^੨ ਢਿਗ ਰੋਇ ਸੁਨਾਯੋ ।
ਮੌਰੀ ਸੁਤਾ ਗੁਰੂ ਹਿਰ ਲੀਨੀ । ਭਾਖਿਓ ਸ਼ਾਹ ਸ਼ੌਰ ਕਿਆ ਚੀਨੀ ॥ 997 ॥

ਦੋਹਰਾ

ਖਾਂ ਵਜ਼ੀਰ ਬੈਠੇ ਨਿਕਟ ਕਹੀ ਬਾਤ ਸਮਝਾਇ ।
ਸੁਣੋ ਸ਼ਾਹ ਕਛੂ ਬਾਤ ਨਹਿ ਰਹੇ ਮੋਨ^੩ ਸੁਖ ਪਾਇ ॥ 998 ॥

ਚੌਪਈ

ਇਨ ਨਿਜ ਕੰਨਯਾ ਰਾਖ ਕੁਆਰੀ । ਜੋਬਨ ਖੌੜਸ ਮਦਨ ਦੁਖਾਰੀ ।
ਗ੍ਰਿਹ ਕੋ ਛੋਡ ਭ੍ਰਮਤ ਕਹਿ ਜਾਈ । ਬਹੁਰੋ ਸੁਧਾ ਸਰੋਵਰ ਆਈ ॥ 999 ॥
ਦਿਖ ਗੁਰ ਕੀਨੀ ਦਯਾ^੪ ਅਪਾਰ । ਅਤਿ ਸੁੰਦਰ ਗ੍ਰਿਹ ਦੀਓ ਸਵਾਰ ।
ਭਾਖਤ ਬਾਤ ਲਾਜ ਬਹੁ ਆਵੇ । ਸੁਨੋ ਸ਼ਾਹ ਕਛੂ ਕਹਾ ਨ ਜਾਵੇ ॥ 1000 ॥

ਦੋਹਰਾ

ਨਿਕਸ ਗਈ ਕਾਜੀ ਸੁਤਾ ਬਨੈ ਨਾ ਹਮ ਕਉ ਭਾਖ ।
ਅਸ ਨਜ਼ੀਰ ਕੇ ਬਚਨ ਸੁਨ ਸ਼ਾਹ ਮੋਨ ਮਨ ਰਾਖ ॥ 1001 ॥

ਚੌਪਈ

ਕਾਜੀ ਦੁਖਤ ਸੁ ਨਿਜ ਗ੍ਰਿਹ ਆਯੋ । ਖੁਦਾਇ ਖੇਦ ਬਡ ਮੋਹ ਦਿਖਾਯੋ ।
ਪੁਤ੍ਰੀ ਕਾਢ ਗੁਰੂ ਲੈ ਗਯੋ । ਸ਼ਾਹ ਨਿਆਵ ਨ ਹਮਰੋ ਕਯੋ ॥ 1002 ॥
ਇਹ ਠਾਂ ਸ੍ਰੀ ਗੁਰ ਆਨੰਦ ਧਾਰ । ਨਿਤ ਪ੍ਰਤਿ ਖੇਲਹਿ ਅਧਿਕ ਸ਼ਿਕਾਰ ।
ਦੀਪਮਾਲ ਕਾ ਮੇਲਾ ਆਯੋ । ਨਰ ਨਾਰੀ ਮਨ ਮਹਿ ਸੁਖ ਪਾਯੋ ॥ 1003 ॥

ਦੋਹਰਾ

ਦੇਸ ਦੇਸ ਸੰਗਤ ਆਈ ਕਹਿ ਤਕਿ ਕਰਉ ਬਖਾਨ ।
ਹਰਿ ਗੋਬਿੰਦ ਗੁਰ ਤਖਤ ਪਰ ਸੋਭਿਤ ਕਿਰਪਾ ਨਿਧਾਨ ॥ 1004 ॥

^੧ਏ ਪੋਥੀ ਪਹਿ ^੨ਅ ਪੋਥੀ ਪਾਤਸ਼ਾਹਿ ^੩ਅ ਪੋਥੀ ਮਸਟ ^੪ਏ ਪੋਥੀ ਗਯਾ

ਅੜਿਲ

ਭਾਂਤ ਭਾਂਤ ਚੜ੍ਹ ਪੂਜਾ ਅਗ੍ਰਜ ਆਯਕੈ ।
ਸਭ ਕੀ ਇਛਾ ਪੂਰ ਦਰਸ ਸੁਖ ਪਾਇਕੈ ॥
ਸ੍ਰੀ ਫੇਰ ਗੁਰ ਕਟਾਖ ਦੇਖ ਤਬ ਖੜੇ ਪਠਾਨਾ ।
ਹੇ ਪਠਿਓ ਸਿਖ ਅਸ੍ਰੁ ਕਹਾ ਤਾਂਹਿ ਕਹ ਕੀਨ ਪਯਾਨਾ ॥ 1005 ॥

ਕੁੰਡਲੀਆ

ਜਾਇ ਸਿਖ ਪ੍ਰਛਿਓ ਤਿਸੈ ਕਹਤੈ ਆਵਨ ਕੀਨ ।
ਮੀਰ ਬਡੇ ਆਏ ਈਹਾਂ ਦਰਸਨ ਹਿਤ ਚਿਤ ਚੀਨ ।
ਦਰਸਨ ਹਿਤ ਚਿਤ ਚੀਨ ਸੰਗਿ ਸਿਖ ਤਾਂਕੋ ਲਿਆਯੋ ।
ਗੁਰ ਸਨਮੁਖ ਭਏ ਠਾਂਢ ਸਿਖ ਤਹ ਨਗਰ ਬਤਾਯੋ ।
ਸ੍ਰੀ ਗੁਰ ਬਹੁਰ ਅਲਾਇ ਸੰਗਿ ਤੁਮ ਜਾਤਕ ਜੋਈ ।
ਕਿਹ ਕਉ ਸੁਤ ਕਹਿ ਰਹੇ ਨਾਮ ਕਿਆ ਇਸ ਕੋ ਹੋਈ ॥ 1006 ॥

ਦੋਹਰਾ

ਐਸ ਬੈਨ ਗੁਰ ਕੇ ਸੁਨੇ ਪਠਾਨ ਹਰਖ ਮਨ ਪਾਇ ।
ਮਾਤ ਪਿਤਾ ਇਹ ਭਿਸਤਗੇ¹ ਹਮਰੇ ਨਿਕਟ ਰਹਾਇ ॥ 1007 ॥

ਚੌਪਈ

ਮੀਰ ਬਡੇ ਹਮਰੇ ਗ੍ਰਿਹਿ ਜਾਨੋ । ਖਵਾਰੀ ਮੋਹਿ ਪੁਤ੍ਰ ਇਹ ਮਾਨੋ ।
ਪੈਂਦੇ ਖਾਂ ਯਾ ਕਉ ਹੈ ਨਾਮ । ਬੁਧ ਅਪਾਰ ਰੂਪ ਅਭਿਰਾਮ ॥ 1008 ॥

ਸ੍ਰੀ ਗੁਰੋਵਾਚ

ਜੇ ਕੋ ਨੌਕਰ ਰਾਖੇ ਯਾਹ । ਨੌਕਰੀ² ਕਰੈ ਅਧਿਕ ਚਿਤ ਚਾਹ ।
ਕਹਿ ਪਠਾਨ ਜੇ ਗੁਰੂ ਰਖਾਵਹਿ । ਨੌਕਰੀ ਕਰੇ ਅਧਿਕ ਸੁਖ ਪਾਵੈ ॥ 1009 ॥

ਦੋਹਰਾ

ਪੈਦੇ ਖਾਂ ਕਉ ਰਾਖਿਓ ਸ੍ਰੀ ਗੁਰ ਨੌਕਰ ਜਾਨ ।
ਪਾਂਚ ਰੁਪਏ ਰੋਜ ਕਰ ਸ੍ਰੀ ਗੁਰ ਮਯਾ³ ਨਿਧਾਨ ॥ 1010 ॥

ਚੌਪਈ

ਖੌੜਸ⁴ ਬਰਸ ਉਨ ਕਛੂ ਭਯੋ । ਸ੍ਰੀ ਗੁਰ ਤਾਂਹਿ ਮਾਨ ਬਹੁ ਦਯੋ ।
ਦੋਇ ਰੁਪਏ ਤਿਹ ਕਰ ਦੀਨੇ । ਖੁਰਾਕ ਰੋਜ ਬਲਿ ਧਰੇ ਪ੍ਰਬੀਨੇ ॥ 1011 ॥
ਯਾ ਸੰਗਿ ਕਰਨੇ ਅਨਿਕ ਬਿਲਾਸਾ । ਇਹੁ ਮਿਲ ਬਹੁ ਪਾਪੀ ਹੁਇ ਨਾਸਾ ।
ਇਹੁ ਬਿਧ ਮੇਲਾ ਭਯੋ ਅਪਾਰ । ਕੌਨ ਕਵੀ ਜੋ ਸਕੇ ਉਚਾਰ ॥ 1012 ॥

¹ਅ ਪੋਥੀ ਬਹਿਸਤਗੇ ²ਅ ਪੋਥੀ ਕਾਰਜ ³ੲ ਪੋਥੀ ਕ੍ਰਿਪਾ ⁴ਅ ਪੋਥੀ ਸੋਲਹਿ

ਦੋਹਰਾ

ਮਨ ਇਛਾ ਕਉ ਪਾਇ ਕੈ ਸਭ ਸੰਗਤ ਗਈ ਧਾਮ ।
ਸੁਨੋ ਸੰਤ ਗੁਰ ਚਰਿਤ ਬਹੁ ਅਧਿਕ ਅਧਿਕ ਅਭਿਰਾਮ ॥ 1013 ॥
ਜਾਹਿ ਦਿਸਾ ਮਨ ਜਾਤ ਹੈ ਰਹਿਤ ਤਹਾਂ ਉਰਝਾਇ ।
ਕੋ ਗੁਰ ਕਾਹਿ ਤਿਆਗ ਕਰਿ ਸਭੈ ਚਰਿਤ ਅਧਿਕਾਇ ॥ 1014 ॥

ਚੌਪਈ

ਤਾਂਤੇ ਕਹਹੁੰ ਕਥਾ ਬਿਸਥਾਰਾ । ਸ੍ਰੀ ਗੁਰ ਸੁੰਦਰ ਚਰਿਤ ਅਪਾਰਾ ।
ਸ੍ਰੀ ਗੁਰੁ ਕਿਰਪਾ ਕਰਹਿੰ ਮਹਾਇ । ਪੈਦੇ ਖਾਂ ਹਰ ਹਰਖ ਧਰਾਇ ॥ 1015 ॥
ਇਹ ਬਿਧ ਸੋ ਦੁਇ ਮਾਸ ਬਿਤਾਏ । ਆਯੋ ਪੱਖ ਸੁੰਦਰ ਸੁਖਦਾਏ ।
ਗੰਗ ਮਾਤ ਕੇ ਮਨ ਮਾਹਿ ਆਈ । ਗੁਰ ਕਉ ਬਚ ਤੁਮ ਵੇਲ ਵਧਾਈ ॥ 1016 ॥

ਦੋਹਰਾ

ਮਨ ਮੈ ਐਸ ਬਿਚਾਰ ਕੈ ਸ੍ਰੀ ਗੁਰ ਕੇ ਢਿਗ ਜਾਇ ।
ਮਾਤ ਗੰਗ ਐਸੋ ਕਹਾ ਸੁਨਹੁ ਪੁਤ੍ਰ ਮਨ ਲਾਇ ॥ 1017 ॥

ਚੌਪਈ

ਮਨ ਮੇਰੇ ਮੈਂ^੧ ਇਛਾ ਆਈ । ਤੁਮਰੇ ਸੁਤ ਦੇਖਹੁੰ ਸੁਖ ਪਾਈ ।
ਪਾਛੇ ਸ੍ਰੀ ਗੁਰ ਐਸ ਉਚਾਰਾ । ਵਧੇ ਵੇਲ ਜਗ ਮੈਂ^੧ ਸੁਖਕਾਰਾ ॥ 1018 ॥
ਮਮ ਦੇਖਤ ਤਾਂਤੇ ਅਸ ਕਰੋ । ਹੋਇ ਪੁਤ੍ਰ ਤਾਂਤੇ ਤੁਮ ਧਰੋ ।
ਮਾਤਾ ਕੇ ਇਮ ਬੈਨ ਸੁਨਾਏ । ਹਰਿ ਗੋਬਿੰਦ ਗੁਰ ਐਸ ਅਲਾਏ ॥ 1019 ॥

ਦੋਹਰਾ

ਸੁਨੋ ਮਾਤ ਤੁਮਰੇ ਬਚਨ ਕਰਹੁੰ ਸਤਿ ਸੁਖਖਾਨ ।
ਪਾਂਚ ਪੁਤ੍ਰ ਹੋਇ ਸਦਨ^੨ ਮੈਂ^੨ ਸਨੇ ਸਨੇ ਸੁਖ ਮਾਨ ॥ 1020 ॥

ਚੌਪਈ

ਸੀਲ ਖਾਨ ਕੰਨਯਾ ਇਕ ਹੋਵੈ । ਪੁਤ੍ਰੀ ਬਿਨ ਜਗ ਗ੍ਰਿਹਸਤ ਵਿਗੋਵੈ ।
ਜਬ ਐਸੇ ਬਚ ਸ੍ਰੀ ਗੁਰ ਕਹੇ । ਮਾਤ ਗੰਗ ਸੁਨ ਆਨੰਦ^੩ ਲਹੇ^੩ ॥ 1021 ॥
ਮਾਤ ਦਮੋਦ੍ਰੀ ਤਬ ਚਲ ਆਈ । ਕਰ ਬੰਦਨ ਬੈਠੀ ਸੁਖ ਪਾਈ ।
ਲਿਖ ਦੀਨੋ ਸਤਿਗੁਰ ਸਤਿਨਾਮ । ਸ੍ਰੀ ਗੁਰ ਜਨ ਸਭਾ ਅਭਿਰਾਮ ॥ 1022 ॥

ਦੋਹਰਾ

ਸ੍ਰੀ ਮੁਖ ਸੇ ਐਸੇ ਕਹਾ ਕਰਿ ਮਜਨ ਸੁਚ ਦੇਹ ।
ਗੁਰੁ ਨਾਨਕ ਕਾ ਧਿਆਨ ਧਰ ਚੂਸੋ ਇਕ ਚਿਤ ਲੇਇ ॥ 1023 ॥

^੧ਅ ਪੱਥੀ ਮਹਿ ^੨ਅ ਤੇ ਏ ਪੱਥੀ ਹਮਰੇ ਗ੍ਰਿਹ ^੩ਅ ਤੇ ਏ ਪੱਥੀ ਹਰਖਤ ਭਏ

ਚੌਪਈ

ਮਾਤ ਦਮੋਦਰੀ ਮਨ ਹਰਖਾਈ । ਲੇ ਮੰਤ੍ਰ ਅਪਨੇ ਗ੍ਰਿਹਿ ਆਈ ।
 ਕਰ ਮਜਨ ਇਕ ਚਿਤ ਸੁ ਹੋਇ । ਗੁਰ ਨਾਨਕ ਪਗਿ ਨਿਜ ਮਨ ਬੋਇ ॥ 1024 ॥
 ਸੇਲੀ ਟੋਪੀ ਜੁਤ ਕਰ ਧਿਆਨਾ । ਗੁਰ ਨਾਨਕ ਬਪੁ ਅਤਿ ਸੁਖ ਮਾਨਾ ।
 ਸਤਿਨਾਮ ਮੰਤ੍ਰ ਸੁਖ ਧਾਰਿਓ । ਕੀਯੋ ਤੈਸ ਜਸ¹ ਮੁਖਹੁ ਉਚਾਰਿਓ ॥ 1025 ॥

ਦੋਹਰਾ

ਪੋਖ ਮਾਸ ਦਿਨ ਦ੍ਰੈ ਗਏ ਸੋ ਗੁਰ ਦਿਨ ਬਿਤ ਦੂਜ ॥
 ਨਿਵਾਸ ਕੀਨ ਮਾਤਾ ਉਦਰ ਸਭੀ ਜਗਤ ਜਿਹ ਪੂਜ ॥ 1026 ॥

ਚੌਪਈ

ਮਤ੍ਰੰ ਚੂਸਤ ਭਯੋ ਅਧਾਨਾ । ਮਾਤ ਦਮੋਦਰੀ ਅਤਿ ਸੁਖ ਮਾਨਾ ।
 ਗੰਗ ਮਾਤ ਦਿਖ ਮਨ ਸੁਖ ਪਾਏ । ਬਹੁ ਸੁਖ ਸਿਉ ਦੁਇ ਮਾਸ³ ਬਿਤਾਏ ॥ 1027 ॥
 ਫਲਗੁਨ ਆਯੋ ਅਤਿ ਸੁਖਕਾਰੀ । ਹਰੀ ਚੰਦ ਤਬ ਉਦਮ ਧਾਰੀ ।
 ਨਿਜ ਪੁਤ੍ਰੀ ਕਾ ਰਚਿਓ ਵਿਵਾਹ । ਨਿਜ ਮਨ ਮੈ ਧਰਿ ਅਧਿਕ ਉਛਾਹ⁴ ॥ 1028 ॥

ਦੋਹਰਾ

ਸੁਭ ਗ੍ਰਿਹਿ ਸਭ ਸੋਧ ਕੈ ਪਠਿਓ ਬਿਪ੍ਰ ਸੁਖ ਪਾਇ ।
 ਮਾਤ ਗੰਗ ਕੇ ਨਿਕਟ ਤਬ ਕਰੀ ਬਿਨਤ ਅਧਿਕਾਇ ॥ 1029 ॥

ਚੌਪਈ

ਬਿਪ੍ਰ ਮਾਤ ਕੇ ਨਿਕਟ ਸਿਧਾਯੋ । ਨਗਰ ਬੀਚ ਕਛੂ ਦੇਰ ਨ ਲਾਯੋ ।
 ਆਇ ਮਾਤ ਕਉ ਬਾਤ ਸੁਨਾਈ । ਵਿਸਾਖ ਪ੍ਰਿਥਮ ਸਾਹਾ ਸੁਖ ਪਾਈ ॥ 1030 ॥
 ਸੁਨ ਮਾਤਾ ਮਨ ਆਨੰਦ ਧਾਰੀ । ਦਾਨ ਦੀਨ ਬਿਪ੍ਰੰ⁵ ਕਉ ਭਾਰੀ ।
 ਕਰ ਆਇਸ ਬਹੁ ਬਾਜ ਬਜਾਈ । ਗਾਵਤ ਅਬਲਾ ਹਰਖ ਧਰਾਈ ॥ 1031 ॥

ਦੋਹਰਾ

ਸੁਨਹੁ ਸੰਤ ਕਹਿ ਤਕ ਕਹਹੂੰ ਜੇ ਸੁਖ ਭਯੋ ਅਪਾਰ ।
 ਮਾਤਾ ਸਿਉ ਗੁਰ ਪੂਛ ਕੈ ਕਾਰਜ ਸਭੇ ਸੁਧਾਰ ॥ 1032 ॥

ਚੌਪਈ

ਦੈ ਭਾਜੀ ਨਿਜ ਸਿਖ ਪਠਾਯੋ । ਨਿਜ ਨਾਨਕ ਕਉ ਬੋਲ ਘਲਾਯੋ ।
 ਪੁਨ ਡਲੇ ਸਸੁਰਾਰੇ ਤੋਰਿਓ । ਦੈ ਭਾਜੀ ਸਿਖ ਲਿਆਇ ਨਿਹੋਰਿਓ ॥ 1034 ॥
 ਗੋਇੰਦਵਾਲ ਖਡੂਰ ਪਠਾਇ । ਦੈ ਭਾਜੀ ਕਹਿ ਤਾ ਕਉ ਲਿਆਇ ।
 ਸੁਨਤ ਵਿਵਾਹ ਸਭੇ ਚਲ ਆਏ । ਆਇ ਦਰਸ ਸ੍ਰੀ ਗੁਰ ਕਾ ਪਾਇ ॥ 1035 ॥

¹ਅ ਪੋਥੀ ਜਿਮ ²ਅ ਪੋਥੀ ਦੋਇ ³ਅ ਤੇ ਏ ਪੋਥੀ ਮਾਹ ⁴ਅ ਪੋਥੀ ਉਮਾਰ ⁵ਅ ਪੋਥੀ ਵਿਜਨਹਿ

ਦੋਹਰਾ

ਵਿਵਾਹ ਸਮਗ੍ਰੀ ਸਭ ਰਚੀ ਜਗਤ ਰੀਤਿ ਜੋ ਹੋਇ ।
ਬਾਜੀ ਅਸਤ ਮੰਗਾਇ ਬਹੁ ਅਵਰ ਵਸਤ ਬਹੁ ਜੋਇ ॥ 1036 ॥

ਕਬਿੱਤ

ਜੋ ਜਗਤ ਰੀਤਿ ਹੋਈ ਕੀਨਿ ਗੁਰ ਆਪ ਸੋਈ
ਕਮੀ ਕਹ ਕੌਨ ਜੰਹਿ ਪ੍ਰਭੂ ਕਉ ਵਿਵਾਹ ਹੈ ।
ਬਾਜੇ ਬਹੁ ਬਜਤ ਭਾਰੀ ਅਤਿ ਹਰਖਤ ਨਰ ਨਾਤੀ
ਦੇਵਤਿਆ ਆਇ ਮਨ ਧਾਰਤੀ ਉਮਾਹ ਹੈ ।
ਸਾਹੇ ਚਿਠੀ ਆਇ ਸੁਨ ਮਾਤ ਹਰਖਾਇ
ਦੀਓ ਦਾਨ ਸੁਖ ਪਾਇ ਰੰਕ ਭੂਪ ਸੁਖ ਪਾਹੁ ਹੈ ।
ਸਭੀ ਰੀਤਿ ਕੀਨ ਜਾਨ ਲੇਹੁ ਪ੍ਰਬੀਨਿ ਤੁਮ
ਕੀਜੀਏ ਤਿਆਰੀ ਸੁ ਬਰਾਤ ਚਿਤ ਚਾਹੁ ਹੈ ॥ 1037 ॥

ਦੋਹਰਾ

ਵਿਵਾਹ ਬਸਤ੍ਰ ਸ੍ਰੀ ਗੁਰ ਧਰੇ ਪੀਤਾਂਬਰ ਸੁਖ ਪਾਇ ।
ਬਰਾਤ ਤਿਆਰ ਤਤਛਿੰਨ ਭਈ ਬਾਜੇ ਅਧਿਕ ਬਜਾਇ ॥ 1038 ॥

ਚੌਪਈ

ਵਿਸਾਖ ਪ੍ਰਥਮ ਤਬ ਚੜੀ ਬਰਾਤਾ । ਨਗਰ ਬੀਚ ਸੁੰਦਰ ਸਜ ਗਾਤਾ ।
ਪਾਵਸ ਸਮ ਬਰਖਾ ਧਨ ਹੋਈ । ਤਾਂ ਦਿਨ ਰਹਿਓ ਰੰਕ ਨਹਿ ਕੋਈ ॥ 1039 ॥
ਹਰੀ ਚੰਦ ਅਗਵਾਨ ਪਠਾਏ । ਜੰਨ ਵਾਸਾ ਦੀਨੋ ਸੁਖ ਪਾਏ ।
ਸ੍ਰੀ ਗੁਰ ਘੋਰੀ ਚਤਰ ਸੁਹਾਵਤ । ਕੋਟ ਰਵੀ ਜਹਿੰ ਦੇਖ ਲਜਾਵਤ ॥ 1040 ॥

ਦੋਹਰਾ

ਸਿਰਗਸਤ ਫਿਰੈ ਗੁਰ ਸੀਸ ਤਬ ਚਪਲਾ ਸਮ ਛਬਿ ਧਾਰ ।
ਭਵਨ ਬੁਲਾਯੋ ਗੁਰੂ ਕਉ ਕੀਨ ਰੀਤਿ ਜਗ ਸਾਰ ॥ 1041 ॥

ਸੈਵਯਾ

ਰੀਤਿ^੧ ਕਰਾਇ ਗੁਰੂ ਸੁਖ ਪਾਇ ਸੁ ਆਵਤ ਭਏ ਜੰਨ ਵਾਸ ਮੰਝਾਰੇ ।
ਦੁਇ ਦਿਸ ਆਨੰਦ ਜੋਇ ਭਯੋ ਕਹਿ ਕੌਨ ਕਵੀ ਜਹਿੰ ਬੁਧ ਉਚਾਰੇ ।
ਦੇਖ ਨਿਸਾ ਸੁਖ ਪਾਇ ਮਹਾਂ ਸੁ ਬੁਲਾਇ ਪਠੇ ਮਿਲਨੀ ਹਿਤ ਧਾਰੇ ।
ਬਾਜ ਬਜਾਇ ਬਰਾਤ ਉਠੀ ਤਬ ਅਗੂ ਚਲੈ ਸੁਖ ਪਾਇ ਅਪਾਰੇ ॥ 1042 ॥

ਦੋਹਰਾ

ਬਾਜੀ ਅਸਤ ਚਲਾਇ ਬਹੁ ਪਾਛੇ ਮਿਲਨੀ ਕੀਨ ।
ਸਾਹਿਬ ਬੁਢੇ ਹਰੀ ਚੰਦ ਗੁਰੂ ਪਿਤਾ ਸਮ ਚੀਨ ॥ 1043 ॥

ਚੌਪਈ

ਮਿਲਨੀ ਮਹਿ ਦੀਓ ਦਰਬ¹ ਅਪਾਰਾ । ਹਰੀ ਚੰਦ ਨਿਜ ਭੋਨ² ਸਿਧਾਰਾ ।
 ਬਰਾਤ ਜਥੈ ਜਨ ਵਾਸੈ ਆਵਤ । ਅਗੂਜ ਬਾਜੀ ਅਸਤ ਚਲਾਵਤ ॥ 1044 ॥
 ਬਹੁਰੋ ਭੋਜਨ ਹੇਤ ਬੁਲਾਏ । ਚਲੀ ਬਰਾਤ ਅਧਿਕ ਸੁਖ ਪਾਏ ।
 ਪਟ ਪਾਂਵੜੇ ਸੁ ਅਗੂ ਧਰਾਵਹਿ । ਹਰਖਤ ਤਾਂ ਪਰ ਚਰਨ ਟਿਕਾਵਹਿ ॥ 1045 ॥
 ਇਹ ਬਿਧ ਆਏ ਭਵਨ ਮੰਝਾਰਾ । ਬੈਠੇ ਆਨੰਦ ਧਾਰ ਅਪਾਰਾ ।
 ਖਟ ਰਸ ਭੋਜਨ ਅਗੂ ਧਰਾਏ । ਭੋਜਨ ਕਰਨ ਲਗੇ ਸੁਖ ਪਾਏ ॥ 1046 ॥

ਦੋਹਰਾ

ਮਧੁਰ ਮਧੁਰ ਧੁਨ ਤਬ ਤ੍ਰਿਆ ਗਾਰੀ³ ਦੇਤ ਅਪਾਰ ।
 ਸਨੈ ਸਨੈ ਭੋਜਨ ਕਰਹਿ ਸੁਨਿ ਮਨ ਆਨੰਦ ਧਾਰ ॥ 1047 ॥

ਚੌਪਈ

ਕਰ ਭੋਜਨ ਜਨ ਵਾਸੇ ਆਏ । ਲਾਵਾਂ ਸਮਾ ਭਯੋ ਸੁਖ ਦਾਏ ।
 ਹਰਿਗੋਬਿੰਦ ਗੁਰ ਲਾਵਾਂ ਲੀਨੀ । ਸੁਭ ਗ੍ਰਿਹ ਬੈਠੇ ਪਤਿ ਕਉ ਚੀਨੀ ॥ 1048 ॥
 ਦੀਓ ਲਾਗ ਜਗ ਰੀਤਿ ਕਰਾਈ । ਗੁਰ ਬਪੁ ਦੇਖ ਸਭੇ ਹਰਖਾਈ ।
 ਤੀਨ ਦਿਵਸ ਇਹ ਭਾਂਤ ਬਿਤਾਏ । ਚਤੁਰਥ ਦਿਵਸ ਪਿਆਨ ਕਰਾਏ ॥ 1049 ॥
 ਦਾਜ ਲੀਓ ਜਿਹ ਵਾਰ ਨ ਪਾਰਾ । ਭੂਖਨ ਬਸਨ ਸੁ ਅਨਿਕ ਪ੍ਰਕਾਰਾ ।
 ਭੂਖਨ ਧੋਨ ਸਾਜ ਹੈ ਦੀਨੇ । ਹਰੀ ਚੰਦ ਬਹੁ ਬਿਨਤੀ ਕੀਨੇ ॥ 1050 ॥

ਦੋਹਰਾ

ਮਹਾਰਾਜ ਨਹ ਕਛੁ ਦੀਓ ਦਾਸ ਦੀਨ ਸਮ ਜਾਨ ।
 ਅਸ ਕਹ ਤਯਾਰੀ ਤਬ ਕਰੀ ਕਛੁ ਦੇਰ ਨਹਿ ਠਾਂਨ ॥ 1051 ॥
 ਹਰੀ ਚੰਦ ਡੋਲਾ ਤਬੇ ਸੁੰਦਰ ਲੀਓ ਮੰਗਾਇ⁴ ।
 ਨਿਜ ਪੁਤ੍ਰੀ ਤਬ ਨਾਨਕੀ ਤਾਂ ਮਹਿ ਦਈ ਬਹਾਇ ॥ 1052 ॥

ਚੌਪਈ

ਹਰੀ ਚੰਦ ਹਰ ਦੇਈ ਨਾਰੀ । ਮਿਲੀ ਸੁਤਾ ਸਿਉਂ ਅਤਿ ਹਿਤ ਧਾਰੀ ।
 ਦੀਨ ਸਿਖਯ ਪਤਿ ਕੀ ਕਰਿ ਸੇਵਾ । ਪਰਮੇਸ਼ਵਰ ਸਮ ਜਾਨ ਅਭੇਵਾ ॥ 1053 ॥
 ਇਹ ਕਹ ਸੁਤਾ ਬਹੁਰ ਉਰ ਲਾਈ । ਦੈ ਸਿਖਯਾ ਨਿਜ ਭਵਨ⁵ ਸਿਧਾਈ ।
 ਧਨੁ ਬਰਖਾ ਵਤ ਆਇ ਬਰਾਤਾ । ਗੁਰੁ ਮਹਿਲੀ ਸੁਨ ਹਰਖਤ ਮਾਤਾ ॥ 1054 ॥

ਦੋਹਰਾ

ਬਹੁ ਅਬਲਾ ਕਉ ਸੰਗ ਧਰ ਮਾਤ ਭਵਨ ਦਰ ਆਇ ।
 ਆਨੰਦ ਸਿਉ ਜਲ ਵਾਰ ਕੈ ਪੀਓ ਅਧਿਕ ਹਰਖਾਇ ॥ 1055 ॥

¹ਅ ਤੇ ਏ ਪੌਥੀ ਧਨ ²ਅ ਪੌਥੀ ਸਦਨ ³ਅ ਪੌਥੀ ਸਿਠਨੀ ⁴ਅ ਪੌਥੀ ਮੰਗਵਾਇ ⁵ਅ ਪੌਥੀ ਸਦਨ

ਚੌਪਈ

ਮਾਤਾ ਦੀਨੋਂ ਦਾਨ ਅਪਾਰਾ । ਦੇਖ ਸੁ ਨੁਖਾ ਹਰਖ ਚਿਤ ਧਾਰਾ ।
ਸ੍ਰੀ ਦਰਬਾਰ ਬਹੁਰ ਗੁਰੁ ਆਏ । ਲੈ ਪ੍ਰਸਾਦਿ ਕਰ ਬਿਨਤ ਮਹਾਏ ॥ 1056 ॥
ਪੁਨਾ ਤਖਤ ਅਰਦਾਸ ਕਰਵਾਈ । ਸ੍ਰੀ ਗੁਰ ਰੀਤਿ ਜਗਤ ਠਹਿਰਾਈ ।
ਜੋ ਵਿਸਾਖ ਕੇ ਮੇਲੇ ਆਏ । ਕੈ ਸੰਗਿ ਤਿਨ ਸੰਗਤ ਹਰਖਾਏ ॥ 1057 ॥

ਦੋਹਰਾ

ਧਾਰੇ ਬਸਤ੍ਰ ਵਿਆਹ ਕੇ ਸ੍ਰੀ ਗੁਰੂ¹ ਰੂਪ ਅਪਾਰ ।
ਸੰਗਤ ਦਿਖ ਹਰਖਤ ਭਈ ਮਨ ਇਛਤ ਸੁਖ ਧਾਰ ॥ 1058 ॥

ਚੌਪਈ

ਦਾਨ ਮਾਨ ਕਰ ਵਿਦਿਆ ਕੀਨੋਂ । ਜੋਉ ਮੇਲ ਆਯੋ ਸੁਖ ਦੀਨੋਂ ।
ਗੰਗ ਮਾਤ ਪਿਤ ਮਾਤ ਸਿਧਾਏ । ਮਾਉ ਕੀ ਅਤ੍ਰਿਰ ਅਧਿਕ ਸੁਖ ਪਾਏ ॥ 1058 ॥
ਦਮੋਦਰੀ ਮਾਤ ਪਿਤਾ ਸੁਖ ਪਾਇ । ਡਲੇ ਓਰ ਚਲੈ ਹਰਖਾਇ ।
ਗੋਇੰਦਵਾਲ ਖਡੂਰ ਤੇ ਆਏ । ਮੋਹਰੀ ਦਾਤੂ ਭਵਨ ਸਿਧਾਏ ॥ 1060 ॥

ਦੋਹਰਾ

ਸੰਮਤ ਸੋਰਹਿ ਸੈ ਭਏ ਉਪਰ ਸਤਰ ਜਾਨ ।
ਵਿਸਾਖ ਪ੍ਰਥਮ ਵਿਵਾਹ ਕਰ ਸ੍ਰੀ ਗੁਰੂ ਮਯਾ ਨਿਧਾਨ ॥ 1061 ॥

ਚੌਪਈ

ਭਯੋ ਧਿਆਇ ਪੂਰਨ ਸੁਖਦਾਈ । ਪੜੇ ਸੁਨੈ ਯਾਕੋ ਮਨ ਲਾਈ ।
ਜੋ ਇਛਾ ਨਿਜ ਮਨ ਮੈ ਲਿਆਵੈ । ਯਾਹ [ਪਠੇ]² ਨਿਹਚੈ ਫਲ ਪਾਵੈ ॥ 1062 ॥
ਭਗਤ ਸਿੰਘ ਗਾਥਾ ਸੁਖਦਾਈ । ਦਯਾ ਸਿੰਧ³ ਜਸ ਮੋਹਿ ਸੁਨਾਈ ।
ਤਾਂਤੇ ਕਛਕ ਕਹੀ ਤੁਮ ਆਗੇ । ਜਾਨ ਲੇਹੁ ਸਭ ਹੀ ਰਸ ਪਾਗੇ ॥ 1063 ॥

ਸੋਰਠਾ

ਕਵਿ ਕੋ ਸਮਝ ਅਜਾਨ ਕਵਿ ਜਨ ਹਾਸੀ ਜਿਨ ਕਰੋ ।
ਅਪਨੋ ਬਿਰਦ ਪਛਾਨ ਭੂਲ ਖਿਮਾਪਨ ਕੀਜੀਏ ॥ 1064 ॥

ਚੌਪਈ

ਸੁਨੋ ਸੰਤ ਆਗੇ ਕਥ ਆਵਹਿ । ਸ੍ਰੀ ਗੁਰੂ ਨਾਨਕ ਮਤੇ ਸਿਧਾਵਹਿ ।
ਬਾਬਾ ਗੁਰਦਿਤਾ ਭਵ ਲੇਈ । ਮਧ ਚਰਿਤ ਗੁਰੁ ਅਗਨਤ ਭੇਈ ॥ 1065 ॥
ਕਸ਼ਮੀਰ ਜਾਇ ਪੁਨ ਕਰਹਿ ਵਿਵਾਹੁ । ਚਾਰਹੁ ਸੁਤ ਕੰਨਿਆ ਭਵ ਪਾਉਂ ।
ਵਿਵਾਹ ਗੁਰਦਿਤੇ ਬਾਬੇ ਜਾਨਹੁ । ਗੰਗ ਮਾਤ ਪੁਨ⁴ ਅੰਤ ਬਖਾਨਹੁ ॥ 1065 ॥

¹ਅ ਪੋਥੀ ਸਤਿਗੁਰੂ ²ਅ ਪੋਥੀ ਵਿਚੋਂ ³ਅ ਤੇ ਏ ਪੋਥੀ ਕ੍ਰਿਪਾਨਿਧਾਨਿ ⁴ਅ ਪੋਥੀ ਕਾ

ਦੋਹਰਾ

ਸਰਬ ਭਾਖ ਗਾਥਾ ਬਹੁਰ ਕੋਲਾਂ ਹਿਤ ਸਰ ਕੋਲ ।

ਨਾਰਦ ਸਾਖੀ ਹੋਇ ਪੁਨ ਗੁਰੁ ਆਇਸ ਧਰ ਮੋਲ ॥ 1066 ॥

ਸੁੰਦਰ ਗਾਥਾ ਹੋਇਗੀ ਅਗ੍ਰਜ ਅਨਿਕ ਪ੍ਰਕਾਰ ।

ਇਛ ਪੂਰ ਕਵਿ ਕੀ ਕਰਹੁ ਸੰਗਤ ਪਤਿਤ ਉਧਾਰ ॥ 1067 ॥

ਇਤਿ ਸ੍ਰੀ ਗੁਰ ਬਿਲਾਸ ਅਕਾਲ ਤਖਤ ਰਤਨ ਚੰਦੁ ਹਿਤ । ਸ੍ਰੀ ਗੁਰੁ ਕੋ ਵਿਵਾਹ
ਵਰਨਨ ਨਾਮ ਅਸ਼ਟਮੋਂ ਧਿਆਇ ॥ ਬਲੋਹੁ ਵਾਹਿਗੁਰੂ ॥

ਅਧਿਆਇ ਨੌਵਾਂ

ਦੋਹਰਾ

ਨਮੋ ਨਮੋ ਸ੍ਰੀ ਗੁਰੂ ਕਉ ਸਭ ਘਟਿ ਕਰਹਿ ਸਹਾਇ ।
ਹਰਿ ਬਾਹਨ ਚੰਡੀ ਨਮੋ ਤਮਚਰ ਵਿਘਨ ਕਟਾਇ ॥ 1 ॥
ਭਗਤ ਸਿੰਘ ਗਾਥਾ ਸੁਨਹੁ ਜਿਹਿ ਗੁਰੁ ਕਰੇ ਸਹਾਇ ।
ਨਾਨਕ ਮਤਾ ਜਾਵਹਿ ਗੁਰੂ ਅਲਮਸਤ ਇਛ ਫਲਦਾਇ ॥ 2 ॥

ਭਗਤ ਸਿੰਘ ਵਾਚ ॥ ਚੌਪਾਈ ॥

ਅਲਮਸਤ ਕੌਨ ਪ੍ਰਭ ਕਾ¹ ਦੁਖ ਭਯੋ । ਨਾਨਕ ਮਤੇ ਕੈਸ ਵਹੁ ਗਯੋ ।
ਨਾਨਕ ਮਤਾ ਕਾਹੈ ਕਉ ਥਾਨਾ । ਕਾ ਹਿਤ ਸ੍ਰੀ ਗੁਰ ਕੀਨ ਪਯਾਨਾ ॥ 3 ॥
ਸਭੀ ਗਾਥ ਕਹੀਐ ਸਮਝਾਇ । ਦਾਸ ਜਾਨ ਜਿਨ ਕ੍ਰੋਧ ਧਰਾਇ ॥

ਮਨੀ ਸਿੰਘ ਵਾਚ

ਧੰਨ ਧੰਨ ਤੋਹਿ² ਬੁਧ ਉਦਾਰ । ਤੁਮ ਬਿਨ ਕੌਨ ਕਰੇ ਉਪਕਾਰ ॥ 4 ॥
ਕਥਾ ਗੁਰ ਕੀ ਅਤਿ ਫਲਦਾਯਕ । ਸੁਖ ਦੈਨੀ ਸੰਸੇ ਭ੍ਰਮ ਘਾਇਕ ।
ਅਲਮਸਤ ਗਾਥ ਭਾਖਉ ਸੁਨ ਲੀਜੈ । ਅਪਨੋ ਚਿਤ ਇਕਾਗਰ ਕੀਜੈ ॥ 5 ॥

ਦੋਹਰਾ

ਕਮਲੀਆ ਪ੍ਰਥਮੇ ਨਾਮ ਤਿਹ ਗੁਰ ਨਾਨਕ ਢਿਗ ਜਾਇ ।
ਕਰਤਾਰਪੁਰ ਬੈਠੇ ਪ੍ਰਭੂ ਰਾਵੀ ਤਟ ਸੁਖ ਪਾਇ ॥ 6 ॥

ਚੌਪਾਈ

ਆਇ ਕਮਲੀਆ ਗੁਰ ਪਗ ਲਾਗਾ । ਸਤਿਨਾਮ ਲੈ ਗੁਰ ਰਸ ਪਾਗਾ ।
ਸ੍ਰੀ ਗੁਰ ਤਾਂ ਪਰ ਭਏ ਕ੍ਰਿਪਾਲਾ । ਧਰਿਓ ਨਾਮ ਅਲਮਸਤ ਦਯਾਲਾ ॥ 7 ॥
ਬਰੰ ਬਰੂਹ ਗੁਰ ਤਾ ਪਰ ਭਏ । ਮਾਂਗੋ ਜਉ ਤੁਮ ਇਛਾ ਕਏ ।
ਅਲਮਸਤ ਕਹਾ ਨਿਜ ਦਰਸਨ ਦੀਜੈ । ਇਛਾ ਇਹੁ ਮਮ³ ਪੂਰਨ ਕੀਜੈ ॥ 8 ॥

ਦੋਹਰਾ

ਤੀਨ ਬੇਰ ਸ੍ਰੀ ਮੁਖ ਕਹਾ ਮਾਂਗੋ ਜੋ ਰੁਚ ਤੋਹਿ ।
ਤਿਨੈ ਇਛ ਅਪਨੀ ਕਹੀ ਦੇਹੁ ਦਰਸ ਪ੍ਰਭ ਮੋਹਿ ॥ 9 ॥

¹ਅ ਪੋਥੀ ਕਯਾ ²ਅ ਤੇ ਏ ਪੋਥੀ ਤੋਰਿ ³ਅ ਤੇ ਏ ਪੋਥੀ ਹਮਰੀ

ਚੌਪਈ

ਤਥਾਸਤ ਬੈਨ ਗੁਰ ਕੀਨ ਉਚਾਰਾ । ਤੀਨ ਬੇਰ ਦੁਗਨੇ ਫਲ ਧਾਰਾ ।
ਛਠਮ ਰੂਪ ਕਾ ਦਰਸਨ ਕਰੋ । ਰਹੇ ਤੋਊ ਤਨ ਚਿਰ ਤਕ ਧਰੋ ॥ 10 ॥
ਗੁਰ ਨਾਨਕ ਕੇ ਬਚਨ ਸੁਨਾਇ । ਅਲਮਸਤ ਹਰਖ ਅਪਨੇ ਮਨ ਪਾਇ ।
ਪੰਚ ਗੁਰੂ ਕਾ ਦਰਸਨ ਪਾਯੋ । ਜਨਮ¹ ਭਯੋ ਗੁਰ ਛਟਮ ਸੁਨਾਯੋ ॥ 11 ॥

ਦੋਹਰਾ

ਜਨਮ ਨਾਮ ਗੁਰ ਕਾ ਸੁਨਿਓ ਦਰਸਨ ਕੀ ਚਿਤ ਚਾਹਿ ।
ਗੁਰ ਨਾਨਕ ਰਸ ਮਗਨ ਹੁਇ ਤੀਰਥ ਕਰਨ ਗਮਾਹਿ ॥ 12 ॥

ਚੌਪਈ

ਸੰਤ ਦਰਸ ਤੀਰਥ ਬਹੁ ਕੀਨੇ । ਦੇਦ੍ਹ ਸਥਾਨ ਸਭੈ ਤਿੰਹ ਚੀਨੇ ।
ਤਾਰਤ ਫਿਰਤ ਆਏ ਪੁਨ ਤਹਾਂ । ਦਧ ਤਟ ਜਗਨ ਨਾਥ ਹੈ ਜਹਾਂ ॥ 13 ॥
ਦਰਸਨ ਕਰ ਮਨ ਮਹਿ ਸੁਖ ਪਾਯੋ । ਜਗਨ ਨਾਥ ਤੇ ਦੂਰ ਰਹਾਯੋ ।
ਸੀਤ ਕਾਲ ਨਿਸ ਅਗਨ ਜਲਾਈ । ਕਾਹੁ ਸੈ ਨਹੀਂ ਬਾਤ ਅਲਾਈ ॥ 14 ॥

ਦੋਹਰਾ

ਗੁਰ ਨਾਨਕ ਕੇ ਰਸ ਵਿਖੇ ਅਲਮਸਤ ਮਸਤ ਸਦ ਜਾਨ ।
ਕਾਹੁ ਨਹਿ ਆਦਰ ਕੀਓ ਭੋਜਨ ਜਲ ਕੋਉ ਆਨ ॥ 15 ॥

ਚੌਪਈ

ਪਾਂਡੇ ਕੀਨ ਰੀਤਿ ਤਬ ਐਸੇ । ਨਿਤ ਨੇਮ ਤਿਨ ਕਾ ਥਾ ਜੈਸੇ ।
ਸਵਰਨ² ਥਾਲ ਭਰਿ ਭੋਜਨ ਪਾਇ । ਜਗਨਨਾਥ ਮੰਦਰ ਧਰ ਜਾਇ ॥ 16 ॥
ਦੈ ਕਿਵਾੜ ਨਿਸ ਜਾਮ ਬਿਤਾਏ । ਨਿਜ ਨਿਜ ਗ੍ਰਿਹ ਗਏ ਅਤਿ ਸੁਖ ਪਾਏ³ ।
ਆਧੀ ਨਿਸਾ ਜਬੈ ਚਲ ਗਈ । ਅਲਮਸਤ ਰਿਦੈ ਤਬ ਖੁਧਿਆ ਭਈ ॥ 17 ॥

ਦੋਹਰਾ

ਬੋਧ ਬਿਚਾਰਿਓ ਮਨ ਵਿਖੇ ਮਮ ਸਵਾਮੀ ਕਾ ਦਾਸ ।
ਸਖਾ ਮੋਹ ਖੁਧਿਆ ਭਈ ਸੇਵਕ ਕੋਇ ਨ ਪਾਸ ॥ 18 ॥

ਚੌਪਈ

ਜਗਨ ਨਾਥ ਕਿੰਕਰ ਬਪੁ ਕੀਨੋ । ਸਵਰਨ¹ ਥਾਲ ਕਰ ਅਪਨੇ ਲੀਨੋ ।
ਅਲਮਸਤ ਅਗ੍ਰ⁴ ਰਾਖਯੋ ਤਹਿ ਜਾਇ । ਪੁਨ ਤੈਸੇ ਨਿਜ ਥਾਨ ਸੁਹਾਇ ॥ 19 ॥
ਕਰ ਭੋਜਨ ਮਨ ਮਹਿ ਸੁਖ ਪਾਯੋ । ਅਲਮਸਤ ਗੁਰ ਕਾ ਜਸ ਗਾਯੋ ।
ਕਾਹੁ ਨਰ ਸੋ ਥਾਲ ਦਿਖਾਵਾ । ਰਹਾਯੋ ਮਨ⁵ ਅਪਨੇ ਗ੍ਰਿਹ ਆਵਾ ॥ 20 ॥

¹ਅ ਪੌਥੀ ਅਵਤਾਰ ²ਅ ਪੌਥੀ ਜੋਇਨ ³ਅ ਪੌਥੀ ਹਰਖਾਏ ⁴ਅ ਤੇ ਏ ਪੌਥੀ ਆਗੇ ⁵ਅ ਪੌਥੀ ਮਸਟ

ਦੋਹਰਾ

ਅਲਮਸਤ ਵਿਚਾਰਿਓ ਮਨ ਵਿਖੇ ਥਾਲ ਡਾਰ ਦਧ ਜਾਇ ।
ਪੁਨ ਤੈਸੇ ਬੈਠੇ ਤਹਾਂ ਜਾਮ ਨਿਸਾ ਰਹਿ ਆਇ ॥ 21 ॥

ਚੌਪਈ

ਜਬ ਪਾਂਡੇ ਮੰਦਰ ਢਿਗ ਆਏ । ਖੋਲ ਕਿਵਾੜ ਦਰਸ ਪ੍ਰਭ ਪਾਏ ।
ਸਵਰਨ ਥਾਲ ਤਿਨ ਦੇਖਯੋ ਨਾਹੀਂ । ਚਿੰਤਾ ਭਈ ਅਧਿਕ ਮਨ ਮਾਹੀਂ ॥ 22 ॥
ਕਹ ਨਰ ਮੋ¹ ਸਿਉ ਦੇਖਿਓ ਤਹਾਂ । ਏਕ ਦਿਵਾਨਾ ਬੈਠਿਓ ਜਹਾਂ ।
ਪਾਂਡੇ ਆਇ ਤਹਾਂ ਨਿਕਟਾਰਾ । ਤਾਕੋ ਗਹਿ ਦੈ ਖੇਦ ਅਪਾਰਾ ॥ 23 ॥

ਦੋਹਰਾ

ਮਸਤ ਕਹਾ ਦੁਖ ਦੇਤ ਕਿਉ ਤਿਨੈ ਕਹਾ ਤੁਮ ਚੋਰ ।
ਠਾਕਰ ਮੰਦ੍ਰ ਤੇ ਹਰਿਓ ਸਵਰਨ ਥਾਨ ਦਿਖ ਮੋਰ ॥ 24 ॥

ਚੌਪਈ

ਇਤਨੇ ਮਹਿ ਸੂਰਜ ਪ੍ਰਗਟਾਯੋ । ਖੇਦ ਸੰਤ ਕਉ ਅਧਿਕ ਧਰਾਯੋ ।
ਗਏ ਸਿੰਧ ਤਟ ਸਭ ਇਕਠਾਏ । ਦਧ ਮਹਿ ਅਨਗਨ ਥਾਲ ਦਿਖਾਏ ॥ 25 ॥
ਸੀਤ ਜਾਨ ਤਹਿ ਪਰੇ ਨ ਕੋਈ । ਪਕਰ ਮਸਤ ਡਾਰਿਓ ਤਹਿ ਜੋਈ ।
ਕਾਢ ਥਾਲ ਤਾਕੋ ਤਬ ਦੀਨਾ । ਗੁਰ ਰਸ ਮਗਨ ਖੇਦ² ਨਹਿ ਲੀਨਾ ॥ 26 ॥

ਦੋਹਰਾ

ਕਨਕ³ ਥਾਲ ਕਉ ਹਾਥ ਲੈ ਪਾਂਡੇ ਹਿਯ ਹਰਖਾਇ ।
ਮੰਦਰ ਸ੍ਰੀ ਜਗਨਾਥ ਹਿਤ ਧਾਏ ਸੀਘਰ ਆਇ ॥ 27 ॥

ਚੌਪਈ

ਆਗੇ ਬੋਧ ਹੀਏ ਰਿਸ ਕੀਨੋ । ਮੋਹਿ ਸਖੇ ਕਉ ਇਨ ਦੁਖ ਦੀਨੋ ।
ਲਾਤ ਮੁਸਟ ਕਉ ਕਰੇ ਪ੍ਰਹਾਰਾ । ਤਿਹ ਇਨ ਕੋ ਕਛ ਨਾਹਿ ਵਿਗਾਰਾ ॥ 28 ॥
ਤਾਂਤੇ ਇਨ ਕਉ ਤਾੜਨ ਕੀਜੈ । ਬਹੁਰੇ ਖੇਦ ਕਾਹਿ ਨਹਿ ਦੀਜੈ ।
ਐਸ ਵਿਚਾਰ ਕਿਵਾੜ ਦਿਵਾਏ । ਪਿਖ ਪੰਡੇ ਮਨ ਅਤਿ ਬਿਸਮਾਏ ॥ 29 ॥

ਦੋਹਰਾ

ਅਵਲ ਜਤਨ ਅਨੇਕ ਕਰ ਖੁਲੈ ਨਾਹਿ ਕਿਵਾੜ ।
ਬਹੁਰ ਆਰਤ ਹੋਇ ਸਭ ਕੀਨੀ ਉਚ⁴ ਪ੍ਰਕਾਰ ॥ 30 ॥

ਚੌਪਈ

ਹੇ ਪ੍ਰਭ ਭੁਲ ਖਿਮਾਪਨ ਕੀਜੈ । ਔਗੁਨ ਭਯੋ ਆਪਿ ਕਹਿ ਦੀਜੈ ।
ਸਵਾਮੀ ਕਹਾ ਸਖਾ ਮਮ ਪਿਆਰਾ । ਕੀਨ ਪਾਪ ਤੁਮ ਤਾ ਕੋ ਮਾਰਾ ॥ 31 ॥

¹ਅ ਪੋਥੀ ਮੋਹਿ ²ਅ ਪੋਥੀ ਕਸਟ ³ਅ ਤੇ ਏ ਪੋਥੀ ਸੋਇਨ ⁴ਅ ਪੋਥੀ ਕੂਕ

ਤਾਂਤੇ ਹਮ ਤੇ ਛਿਮਾ ਨ ਹੋਵੇ । ਜਾਇ ਸਰਨ ਪਰਿ ਸੋ ਦੁਖ ਖੋਵੈ ॥
ਆਤਰ ਹੋਇ ਪਾਂਡੇ ਸਭ ਧਾਏ । ਢੂੰਢ ਮਸਤ ਪਦ¹ ਆਨ ਗਹਾਏ ॥ 32 ॥

ਸਵੈਯਾ

ਅੰਚਰ ਡਾਰਿ ਸਭੈ ਬਿਨਤੀ ਕਰਿ ਹੇ ਪ੍ਰਭ ਭੂਲ ਖਿਮਾਪਨ ਕੀਜੈ ।
ਆਪ ਕੋ ਨਾ ਹਮ ਭੇਦ ਲਖਯੋ ਕਛੁ ਆਰਤ ਜਾਨ ਅਭੈ ਪਦ ਦੀਜੈ ।
ਸੰਤ ਸੁਨੋ ਕਛੁ ਵੈਰ ਹੀਏ ਨਹਿ ਮਸਤ ਕਹਾ ਮਨ ਆਨੰਦ ਲੀਜੈ ।
ਬੈਨ ਸੁਨੇ ਮਨ ਆਨੰਦ ਕੇ ਢਿਗ ਮੰਦਰ ਜਾਇ ਪ੍ਰਭੁ ਪਰਸੀਜੈ ॥ 33 ॥

ਦੋਹਰਾ

ਮਨ ਮਹਿ ਐਸ ਵਿਚਾਰਿਓ ਚਲੋ ਨੌਰ ਇਹੁ ਤਿਆਗ ।
ਮਸਤ ਸਿਧਾਯੋ ਮਗਨ ਹੁਇ ਗੁਰ ਨਾਨਕ ਰਸ ਪਾਗ ॥ 34 ॥

ਚੌਪਈ

ਜਹਿ ਸਿਧਨ ਕਾ ਮਾਨ ਗਵਾਯੋ । ਸ੍ਰੀ ਗੁਰ ਨਾਨਕ ਤੇਜ ਧਰਾਯੋ ।
ਕਰ ਗੋਸ਼ਟਿ ਸਿਧਨ ਸਿਉ ਭਾਰੀ । ਨਾਨਕ ਮਤਾ ਸੋਇ ਸੁਖ ਕਾਰੀ ॥ 35 ॥
ਆਗੇ ਗੋਰਖ ਮਤਾ ਕਹਾਯੋ । ਨਾਨਕ ਮਤਾ [ਨਾਮ]² ਰਖਾਯੋ ।
ਅਲਮਸਤ ਜਾਨ ਗੁਰ ਕਉ ਥਲ ਆਵਾ । ਹਰਿਓ ਤਹਾਂ ਮਨ ਮਾਹਿ ਸੁਖ ਪਾਵਾ ॥ 36 ॥

ਦੋਹਰਾ

ਸਿਧ ਈਰਖਾ ਬਹੁ ਕਰਹਿ ਦੇਵਹਿ ਖੇਦ ਅਪਾਰ ।
ਨਿਸ ਕਉ ਆਂਧੀ ਬਹੁ ਕਰਹਿ ਪਾਥਰ ਬਰਖਾ ਧਾਰ ॥ 37 ॥

ਚੌਪਈ

ਗੁਰ ਨਾਨਕ ਕਾ ਪੀਪਰ ਜੋਈ । ਜਾਰਿਓ ਸਿਧ ਵੈਰ ਕਰਿ ਸੋਈ ।
ਇਹ ਬਿਧ ਪਾਯੋ ਖੇਦ ਅਪਾਰਾ । ਭਗਤ ਸਿੰਘ ਅਲਮਸਤ ਪੁਕਾਰਾ ॥ 38 ॥
ਹੇ ਗੁਰ ਨਾਨਕ ਕਰੋ ਸਹਾਇ । ਛਠਮ ਰੂਪ ਧਰਿਓ ਤੁਮ ਆਇ ।
ਦਰਸਨ ਇਹ ਠਾ ਮੋ ਕਉ ਦੀਜੈ । ਕਰ ਸਹਾਇ ਇਛ ਪੂਰਨ ਕੀਜੈ³ ॥ 39 ॥

ਦੋਹਰਾ

ਭਗਤ ਸਿੰਘ ਦੁਖ ਦੇਖ ਤਹਿ ਨਿਜ ਮਨ ਮਹਿ ਦੁਖ ਪਾਇ ।
ਸ੍ਰੀ ਗੁਰ ਕਉ ਇਹੁ ਬਿਰਦ ਹੈ ਜਹਿ ਤਹਿ ਕਰਹਿ ਸਹਾਇ ॥ 40 ॥

ਚੌਪਈ

ਦਯਾ ਸਿੰਘ ਜਸ ਮੋਹੁ ਸੁਨਾਈ । ਮਸਤ ਗਾਥ ਮੋਹਿ ਤੈਸ ਅਲਾਈ ।
ਸਤਿਗੁਰ ਮਨ ਨਵਨੀਤ ਸਮਾਨਾ । ਤੁਰਤ ਦ੍ਰਵਤ ਦੁਖ ਦਾਸ ਦਿਖਾਨਾ ॥ 41 ॥
ਐਸੇ ਗੁਰ ਕਉ ਜੋ ਨਰ ਤਿਆਗੇ । ਈਹਾਂ ਖੇਦ ਨਰਕ⁴ ਤਹਿ ਆਗੇ ।
ਇਹੁ ਮੈਂ ਸੁਨੀਏ ਸੁੰਦਰ ਗਾਥਾ । ਕੀਨੋ ਔਰ ਗੁਰੂ ਸੁਖ ਸਾਥਾ ॥ 42 ॥

¹ਏ ਪੰਥੀ ਚਰਨ ²ਅ ਪੰਥੀ ਵਿਚੋ ³ਅ ਤੇ ਏ ਪੰਥੀ ਮੋਹਿ ਇਛ ਪੂਰੀਜੈ ⁴ਅ ਪੰਥੀ ਦੋਜਕ

ਦੋਹਰਾ

ਮਾਤ ਦਮੋਦਰੀ ਕੀ ਰਹੈ ਬਹਿਨ ਡਰੋਲੀ ਮਾਂਝ ।

ਰਾਮੋ ਨਾਮ ਸੁ ਬਡੀ ਥੀ ਯਾਦ ਪ੍ਰਾਤ ਕਰ ਸਾਂਝ ॥ 43 ॥

ਕਥਿਤ

ਪਤਿ ਤਿਹ ਸ਼ਾਂਤਿ ਧਰ ਸਾਂਈ ਦਾਸ ਨਾਮਵਰ,

ਗੁਰ ਕੋ ਭਗਤ ਘਰ ਕਰੈ ਗੁਰ ਗਿਆਨ ਕੋ ।

ਨੌ ਨਿਕੇਤ ਰਚੇ ਦੇਵ ਵਰ ਕਿਧੋ ਸੁਰਦੇਵ,

ਲਾਜਤ ਅਨੰਗ ਰਵਿ ਮਾਨੋ ਤੇਜ ਭਾਨ ਕੋ ।

ਪਤ ਬਾਮ ਬਾਤ ਕਰ ਪਲੰਘ ਡਹਾਯੋ ਘਰ,

ਕਰੈ ਗੁਰ ਵਾਸ ਕਰ, ਆਏ ਗੁਰ ਆਨਕੋ ।

ਪ੍ਰੇਮ ਕੇ ਪ੍ਰਵਾਹ ਪਰ, ਦੋਉ ਐਸੇ ਬਾਤ ਕਰ,

ਦੇਹ ਧਰ ਤਿਆਗ ਸਭੀ, ਗੁਰ ਕਰ ਿਆਨਕੋ ॥ 44 ॥

ਸਵੈਯਾ

ਰਾਮੋ ਜਾਨ ਤਬੀ ਮਨ¹ ਮੈ ਇਹੁ ਲਛ ਸਮਾਨ ਦਮੋਦਰੀ ਮਾਈ ।

ਸੇਵਕ ਭਾਵ ਰਹੇ ਮਨ ਮਹਿ ਪਤ ਕੋ ਗੁਰ ਅਰਜੁਨ ਗਿਆਨ ਦ੍ਰਿੜਾਈ ॥

ਹਰਿ ਗੋਵਿੰਦ ਨਿਤ ਧਿਆਨ ਕਰੇ ਨਿਸ ਬਾਸਰ ਤਾਂਹਿ ਨ ਔਰ ਸੁਹਾਈ ।

ਧੁਪ ਸੁਦੀਪ ਕਰੈ ਸਦ ਬੰਦਨ ਪਲੰਘ ਗੁਰੂ ਕਬ ਆਨ ਸੁਹਾਈ ॥ 45 ॥

ਦੋਹਰਾ

ਅਹਿਨਿਸ ਇਛਾ ਮਨ ਰਹੈ ਕਬ ਆਵੇ ਮਮ² ਨਾਥ ।

ਗਰੀਬ ਪਰਸਤੋ ਨਾਮ ਤਿਹ ਔ ਸੁਨ ਦੀਨਾ ਨਾਥ ॥

ਕਥਿਤ

ਸੁਖ ਤਜ ਗੁਰ ਭਜ ਜਵਰ ਤਨ ਦੁਖ ਸਜ ਪਤਿ ਤ੍ਰਿਆ ਰਸ ਰਜ ਗੁਰ ਗੁਨ ਗਾਇ ਹੈ ।

ਪ੍ਰੇਮ ਕਰ ਦੁਖ ਤਨ ਸੂਮ ਦੁਹ ਅਤਿਮਨ, ਕਹੈ ਕਬਿ ਚਿੰਦ ਘਨ ਹਮ ਹਰਖਾਇ ਹੈ ।

ਧਰਮ ਸੁਤ ਤਿਯ ਵਰ, ਸੂਮ ਕਮ ਚਿਤ ਕਰ ਗਜ ਗ੍ਰਾਹ ਰਛਧਰ ਹਮਨ ਸਹਾਇ ਹੈ ।

ਵਿਰਹ ਤਨ ਅਹਿ ਨਿਸ ਬਿਨ ਪ੍ਰਭ ਕਹ ਕਿਸ ਰਛ ਜਿਸ ਕਿਸ ਕਰ ਅਸ ਸੁ ਅਲਾਇ

ਹੈ ॥ 47 ॥

ਦੋਹਰਾ

ਪ੍ਰੇਮ ਮਗਨ ਦੋਨੋ ਭਏ ਰਹੀ ਨ ਦੇਹ ਸੰਭਾਰ ।

ਪ੍ਰੇਮ ਤਾਪ ਤਨ ਤਾਇਓ ਕੀਨੀ ਦੁਹੂ³ ਪੁਕਾਰ ॥ 48 ॥

ਤਿਯ ਭਾਖਤ ਪਤਿ ਚਲ ਤਹਾਂ ਪਤਿ ਕਹਿ ਤਾਂਹਿ ਨ ਜਾਇ ।

ਹਮ ਜੁਤ ਤਾਰਹਿ ਦੇਸ ਕਉ ਸ੍ਰੀ ਗੁਰ ਇਹ ਠਾਂ ਆਇ ॥ 49 ॥

ਭਗਤ ਸਿੰਘ ਪ੍ਰੇਮੀ ਸਦਾ ਪ੍ਰੀਤਮ ਪਰ ਧਰ ਮਾਨ ।

ਪ੍ਰੀਤਮ ਪ੍ਰੇਮੀ ਦੇਖ ਦਿਸ ਜਾਵੈ ਤਿਆਗ ਸਿਆਨ ॥ 50 ॥

¹ਅ ਪੋਥੀ ਰਿਦ ²ਅ ਪੋਥੀ ਮੋਹਿ ³ਦ ਪੋਥੀ ਤਿਨਹਿ

ਚੌਪਾਈ

ਲਿਖ ਪਾਤੀ ਗੁਰ ਨਿਕਟ ਪਠਾਈ । ਹੇ ਗੁਰ ਹਮ ਕਉ ਦਾਸ ਲਖਾਈ ।
 ਦੇਹ ਦਰਸ ਪ੍ਰਭ ਦੇਰ ਨ ਠਾਨੋ । ਵਤਸਲ ਦਾਸ ਬਿਰਦ ਪਹਿਚਾਨੋ ॥ 51 ॥
 ਦਾਸ¹ ਜਾਨ ਦਰਸਨ ਹਮ ਦੀਜੈ । ਇਛ ਪੂਰ ਕਰ ਜਸ ਬਡ ਲੀਜੈ ।
 ਰਾਮੋ ਬਿਨਤੀ ਅਧਿਕ ਲਿਖਾਈ । ਦਰਸਨ ਬੈਹਿਨ ਦੀਜੈ ਮਮ² ਆਈ ॥ 52 ॥

ਦੋਹਰਾ

ਅਦਿ ਸ਼ਬਦ ਤੂੰ ਈਸਰੀ ਦਯਾ ਸਿੰਧ ਕੀ ਨਾਰ ।
 ਪ੍ਰਾਨ ਬਿਨਾਸਨ ਕਛੂ ਹੈ ਦੈ ਦਰਸਨ ਮਮ ਤਾਰ ॥ 53 ॥

ਚੌਪਈ

ਯਾ ਪਾਤੀ ਲਿਖ ਦੂਤ ਪਠਾਯੋ । ਸੁਧਾ ਸਰੋਵਰ ਤਤ ਛਿਨ ਆਯੋ ।
 ਆਗੇ ਸ੍ਰੀ ਗੁਰ ਅੰਤਰਜਾਮੀ । ਨਿਜ ਮਹਿਲੀ ਬੈਠੇ ਸੁਖਧਾਮੀ ॥ 54 ॥
 ਤਤ ਛਿਨ ਅਯੋ ਦੂਤ ਗੁਰ ਆਗੇ । ਕਰ ਬਿਨਤੀ ਮਨ ਮਹਿ ਸੁਖ ਪਾਗੇ ।
 ਕਰ ਦਰਸਨ ਪੁਨ ਪਾਤੀ ਦੀਨੀ । ਸ੍ਰੀ ਗੁਰ ਹਰਖਤ ਨਿਜ ਕਰ ਲੀਨੀ ॥ 55 ॥

ਦੋਹਰਾ

ਵਾਚ ਪਤ੍ਰਿਕਾ ਹਰਖ ਧਰ ਦਮੋਦੀ ਸੁਨ ਹਰਖਾਇ ।
 ਪ੍ਰੇਮ ਤਾਪ ਸੁਨ ਤਾਹਿ ਕੋ ਧੰਨ ਗੁਰ ਹਾਸ ਕਰਾਇ ॥ 56 ॥

ਕੁੰਡਲੀਆ

ਮਾਤ ਦਮੋਦੀ ਕੋ ਤਬੈ ਸ੍ਰੀ ਗੁਰ ਕੀਨ ਉਚਾਰ ।
 ਯਾਦ ਕੀਓ ਤਿਨ ਮੋਹ ਕੋ ਤੁਮਰੇ ਸਾਥ ਨ ਪਿਆਰ ।
 ਤੁਮਰੇ ਸਾਥ ਨ ਪਯਾਰ ਬੈਹਿਨ ਤੁਮ ਭਾਖਤ ਮੋਰੀ ।
 ਤਿਨੈ ਪ੍ਰੀਤਿ ਕਰ ਤਿਆਗੇ ਪ੍ਰੀਤਿ ਤੁਮ ਰਾਖਤ ਹੋਰੀ ।
 ਘਨੀ ਪ੍ਰੀਤਿ ਮਮ ਸਾਥ ਮਾਤ ਕਹਿ ਤਾਹ ਕੀ ।
 ਮੋਹ ਵਿਡੰਬਨ ਨਾਹਿ ਦਾਸ ਵਹ ਨਾਹਿ ਕੀ ।

ਅੜਿਲ

ਸੁਨੇ ਮਾਤ ਕੇ ਬੈਨ ਗੁਰ ਸੁਖ ਪਾਇਓ ।
 ਬਰੰ ਬ੍ਰਹ ਬਚ ਭਾਖ ਮਾਤ ਸੋ ਗਾਇਓ ।
 ਜੋ ਤੁਮ ਭਏ ਕ੍ਰਿਪਾਲ ਆਗਿਆ ਮੋਹਿ ਕਰ ।
 ਹੋ ਬਡੀ ਬੈਹਿਨ ਕਾ ਦਰਸਨ ਕਰ ਤਹਿੰ ਦੁਖ ਹਰ ॥ 58 ॥

ਦੋਹਰਾ

ਯਾਦ ਕੀਓ ਤੁਮ ਕਉ ਪ੍ਰਭੂ ਦੈ ਦਰਸ ਦੁਖ ਕਾਟ ।
 ਤਥਾਸਤ ਬਚ ਗੁਰ ਗਾਇਓ ਫੇਰ ਜਾ ਕੇ ਨਾਯੋ ਮਾਤ ਲਿਲਾਟ ॥ 59 ॥

¹ਅ ਪੋਥੀ ਕਿਕਰ ²ਅ ਪੋਥੀ ਹਮ

ਚੌਪਈ

ਗੰਗ ਮਾਤ ਕਉ ਗੁਰੂ ਸੁਨਾਯੋ । ਪਾਤੀ ਆਈ ਬੋਲ ਪਠਾਯੋ ।
 ਤੇਰ ਸੁਨਖਾ ਬੈਹਿਨ ਵਡ ਜੋਈ । ਪਤਿ^੧ ਜੁਤ ਪ੍ਰੇਮ ਤਾਪ ਤਨ ਹੋਈ ॥ 60 ॥
 ਤਿਨੇ ਪ੍ਰੇਮ ਲਿਖਿਓ ਅਤਿਅੰਤਾ । ਆਗਿਆ ਤੁਮਰੀ ਚਹੁ ਦੁਖ ਹੰਤਾ ।
 ਕਹਾ ਮਾਤ ਜਗ ਮਾਹਿ ਏਹ ਭਾਵੈ । ਪ੍ਰੇਮੀ ਮਿਲ ਗੁਰ ਕਉ ਸੁਖ ਪਾਵੈ ॥ 61 ॥

ਦੋਹਰਾ

ਤਾਂਤੇ ਤਿਨਕੋ ਦਰਸ ਦੇ ਹੈ ਗੁਰ ਕਰੋ ਨਿਹਾਲ ।
 ਦੁਖ ਨਿਵਾਰ ਤੁਹਿ ਨਾਮ ਹੈ ਸਦਾ ਸਦਾ ਕਿਰਪਾਲ ॥ 62 ॥
 ਭਗਤ ਸਿੰਘ ਤਪ ਗਿਆਨ ਤੇ ਪਰੇ ਪ੍ਰੇਮ ਪਹਿਚਾਨ ।
 ਸਦਾ ਪ੍ਰੇਮ ਵਸ ਗੁਰ ਰਹਿ ਜਾਨਹਿ ਨਾਂਹਿ ਧਿਆਨ ॥ 63 ॥

ਚੌਪਈ

ਤਾਂਹਿ ਪ੍ਰੇਮ ਗੁਰੂ ਕਾ ਮਨ^੨ ਹਰਯੋ । ਦੁਤੀ ਮਸਤ ਰੰਗ ਕਰਖਨ ਧਰਿਯੋ ।
 ਮਾਨੋ ਦੋ ਰੰਗ ਸੰਪਟ ਭਈ । ਮਧ ਦਰਸ ਗੁਰ ਮਾਣਕ ਲਈ ॥ 64 ॥
 ਮਗਨ ਹੋਇ ਗੁਰ ਐਸ ਅਲਾਯੋ । ਸੁਨਹੁ ਮਾਤ ਤੁਮ ਐਸ ਕਰਾਯੋ ।
 ਸਨੁਖਾਂ ਸਾਥ ਲੀਏ ਤੁਮ ਜਯੋ । ਜਾਹਿ ਤਹਾਂ ਇਛ ਪੂਰਨ ਕਯੋ ॥ 65 ॥
 ਨਾਨਕ ਮਤੇ ਦਰਸ ਮੋਹਿ ਜਾਵਹੁ । ਤਿਸੀ ਪੰਥ^੩ ਤੁਮਰੇ ਪਹਿ ਆਵਹੁ ।
 ਮਾਤ ਗੁਰੂ ਕੇ ਬਚਨ ਸੁਨਾਏ । ਕੀਨ ਤਿਆਰੀ ਅਤਿ ਹਰਖਾਏ ॥ 66 ॥

ਦੋਹਰਾ

ਸਨੁਖਾਂ ਦੁਇ ਸੰਗ ਮਾਤ ਲੈ ਦਾਸੀ ਦਾਸ ਅਪਾਰ ।
 ਬਚਨ ਮਾਨ ਪਿਆਨਾ ਕੀਓ ਭਲੇ ਮਹੂਰਤ ਧਾਰ ॥ 67 ॥

ਚੌਪਈ

ਦਰਬਾਰ ਬੰਦਨਾ ਮਾਤਾ ਕਰੀ । ਅਰਧ ਵਿਸਾਖ ਹਰਖ ਮਨ ਧਰੀ ।
 ਸੁੰਦਰ ਰਥ ਚੜ ਕੀਨ ਪਯਾਨਾ । ਸਾਥ ਸਨੁਖਾਂ ਹਰਖ ਧਰ ਨਾਨਾ ॥ 68 ॥
 ਦਾਸੀ ਬਹਿਲਾਂ ਦਾਸ ਤੁਰੰਗਾ । ਚਲੇ ਮਾਤ ਸੰਗਿ ਧਾਰ ਉਮੰਗਾ ।
 ਤਾਰਨ ਤਰਨ ਪ੍ਰਿਥਮ ਦਿਨ^੪ ਵਾਸਾ । ਕਰ ਮਜਨ ਕੀਨੀ ਅਰਦਾਸਾ ॥ 69 ॥

ਦੋਹਰਾ

ਕਰ ਪਯਾਨ ਤਹਿ ਤੈ ਤਬੈ ਪੰਥ ਰੈਨ ਬਸ ਸੋਇ ।
 ਚਤਰਥ ਦਿਨ ਪਹੁੰਚੇ ਤਹਾਂ ਮਨ ਮਹਿ ਆਨੰਦ ਹੋਇ ॥ 70 ॥

ਚੌਪਈ

ਆਗੇ ਰਾਮੋ ਇਮ ਸੁਨ ਪਾਈ । ਸਨੁਖਾਂ ਸਹਤ ਮਾਤਾ ਜੀ ਆਈ ।
 ਅਤਿ ਅਨੰਦ ਧਰ ਆਗੇ ਦੌਰੀ । ਪ੍ਰੇਮ ਚਾਖ ਮਦ ਮਾਨੋ ਬੋਰੀ ॥ 71 ॥

^੧ਅ ਤੇ ਦ ਪੋਥੀ ਨਾਹ ^੨ਅ ਪੋਥੀ ਰਿਦ ^੩ਅ ਪੋਥੀ ਰਾਗ ^੪ਏ ਪੋਥੀ ਕੀਓ

ਦੌਰ ਮਾਤ ਕੇ ਪਗ ਲਪਟਾਈ । ਮਾਨੋ ਰੰਕ ਸੁ ਨਉ ਨਿਧਿ ਪਾਈ ।
ਮਾਤਾ ਧੀਰਜ ਦੀਨ ਅਪਾਰਾ । ਅੰਕ ਮਾਲ ਧਰ ਬਾਰੰਬਾਰਾ ॥ 72 ॥

ਦੋਹਰਾ

ਬਹੁਰ ਦਮੋਦਰੀ ਮਾਤ ਕੇ ਗਹੇ ਚਰਨ ਹਰਖਾਇ ।
ਮਾਤ ਸੀਸ ਗਹਿ ਅੰਕ ਧਰ ਆਨੰਦ ਕੁਸਲ ਅਲਾਇ ॥ 73 ॥

ਚੌਪਈ

ਬਹੁਰੋ ਰਾਮੋ ਧੀਰ ਧਰਾਈ । ਮਾਤ ਨਾਨਕੀ ਅੰਕ ਮਿਲਾਈ ।
ਸੀਸ ਹਾਥ ਧਰਿ ਐਸ ਅਲਾਯੋ । ਅਟਲ¹ ਸੁਹਾਗਨ ਖੇਦ ਰਹਾਯੋ ॥ 74 ॥
ਤਬ ਅਨੰਦ ਧਰ ਨਿਜ ਗ੍ਰਿਹਿ ਆਈ । ਜਿਉ ਨਕੇਤਿ ਨਵੀਨ ਸੁਹਾਈ ।
ਤਿਹ ਠਾਂ ਡੇਰਾ ਦੀਓ ਬਨਾਇ । ਕਿਆ ਉਪਮਾ ਕਵਿ ਗ੍ਰਿਹਿ ਕੀ ਗਾਇ ॥ 75 ॥

ਦੋਹਰਾ

ਸਾਂਈ ਦਾਸ ਗ੍ਰਿਹ ਜੋ ਰਹੇ ਹਰਿ ਗੋਬਿੰਦ ਕੇ ਹੇਤ ।
ਤਾ ਸਮਸਰ ਪਾਵੇ ਨਹੀਂ ਸੁਰਪਤ ਕੇਰ ਨਿਕੇਤ ॥ 76 ॥
ਪਲੰਘ ਡਸਾਇ ਸੁ ਤੀਨ ਤਬ ਧਰ ਪ੍ਰਸਾਦਿ ਗੁਰ ਤਾਹਿੰ ।
ਸਾਂਈ ਦਾਸ ਪਗ ਧੂਰ ਮੋ ਲੇਟਤ ਭਯੋ ਸੁਹਾਇ ॥ 77 ॥

ਚੌਪਈ

ਤ੍ਰਿਯਾ ਜਾਇ ਤਬ ਐਸ ਅਲਾਈ । ਹੇ ਪ੍ਰਭ ਉਠੋ ਮਾਤ ਬਡ ਆਈ ।
ਸੁਨਤ ਬਚਨ ਹੋਯੋ ਸਵਧਾਨ । ਪਿਆਰੀ ਆਏ ਕ੍ਰਿਪਾ ਨਿਧਾਨ ॥ 78 ॥

ਦੋਹਰਾ

ਕਹ ਦਾਰਾ ਗੁਰ ਆਯ ਹਹਿ ਪਾਛੇ ਮਾਤਾ ਆਇ ।
ਮੋਹ ਬਚਨ ਤਹਿ ਸੰਗ ਹੈ ਚਲੇ ਦਰਸ ਤੁਮ ਪਾਇ ॥ 79 ॥

॥ ਛਪੈ ॥

ਤਬ ਪਤਿ ਕੀਨ ਉਚਾਰ ਸਫਲ ਜਗ ਜਨਮ ਤੁਮਾਰਾ ।
ਇਛ ਪੂਰ ਕਰ ਤੋਹਿ ਦਰਸ ਦੇ ਬੈਹਿਨ ਸੁਧਾਰਾ ।
ਹਮ ਅਵਗੁਣ ਭਰੂਪਰ ਦੇਖ ਗੁਰੁ ਮੋਹਿ ਭੁਲਾਏ ।
ਤੁਮ ਪਿਆਰੀ ਸੁਖ ਪਾਇ ਇਛ ਮਮ ਨਾਹਿ ਪੁਜਾਏ ।
ਕਹ ਦਾਰਾ ਪਤਿ ਧੀਰ ਧਰਿ ਕਛ ਦਿਨ ਪਾਛੈ ਆਇ ਹਹਿੰ ।
ਚਲੋ ਦੇਰ ਤਜ ਦਰਸ ਕਰ ਮਾਤ ਉਠੋ ਸੁਖ ਪਾਯ ਹਹਿੰ ॥ 80 ॥

ਅੜਿਲ

ਗਰਿ ਅੰਚਰ ਪ੍ਰਸਾਦਿ ਮਾਤ ਢਿਗ² ਲਿਆਇਯੋ ।
ਮਾਤ ਦਰਸ ਸੁਖ ਪਾਇ ਚਰਨ ਲਪਟਾਯੋ ।

¹ਅ ਪੋਥੀ ਸਦ ²ਅ ਪੋਥੀ ਪਾਸ

ਗੰਗ ਧੀਰ ਬਹੁ ਦੀਨ ਕਹਯੋ ਕਰ ਜੋਰ ਕਰ ।
 ਹੋ ਮਾਤ ਗੁਰੂ ਕਥ ਆਇ ਕਹੋ ਮੁਹਿ ਹਰਖ ਧਰ ॥ 81 ॥
 ਕਹਿਯੋ ਮਾਤ ਧਰ ਧੀਰ ਗੁਰੂ ਭੀ ਆਇ ਹਰਿੰ ।
 ਨਾਨਕ ਮਤੇ ਕੀ ਇਛਾ ਤਿਹ ਠਾਂ ਜਾਇ ਹਰਿੰ ॥
 ਤਿਸੀ ਪੰਥ ਫਿਰ ਇਹ ਠਾਂ ਦਰਸਨ ਦੇਹ ਹਰਿੰ ।
 ਹੋ ਸੁਨਤ ਧੀਰੁ ਮਨ ਪਾਇ ਗੁਰੂ ਸੁਖ ਲੇਹੁ ਹਰਿੰ ॥ 82 ॥

ਦੋਹਰਾ

ਸਾਂਈਂ ਦਾਸ ਮਨ ਹਰਖ ਹੁਇ ਬਹੁਰ ਚਰਨ ਲਪਟਾਇ ।
 ਗੁਰੁ ਮਹਿਲ ਲਖ ਮਾਤ ਸਮ ਆਨੰਦ ਧਾਰ ਮਹਾਇ ॥ 83 ॥

ਚੌਪਈ

ਇਹ ਬਿਧ ਗਾਥਾ ਭਈ ਅਪਾਰਾ । ਭਾਖਓਂ ਕਥਾ ਗ੍ਰੰਥ ਬਢਵਾਰਾ ।
 ਗੰਗ ਮਾਤ ਸੁਖ ਸਿਉਂ ਪਹੁੰਚਾਈ । ਡਰੋਲੀ ਮਾਝ ਰਹੀ¹ ਸੁਖਪਾਈ ॥ 84 ॥
 ਏਕ ਦਾਸ ਗੁਰੁ ਨਿਕਟ ਪਠਾਯੋ । ਤਤ ਛਿਨ ਦਾਸ ਗੁਰੂ ਪੈ ਆਯੋ ।
 ਸਭ ਬ੍ਰਿਤੰਤ ਗੁਰੁ ਕੋ ਕਹ ਦੀਨੋ । ਸ੍ਰੀ ਗੁਰੁ ਹਰਖ ਸੁਨਤ ਚਿਤ ਲੀਨੋ ॥ 85 ॥

ਦੋਹਰਾ

ਮਸਤ ਦਿਸਾ ਚਿਤਵਨ ਕਰੀ ਸ੍ਰੀ ਗੁਰੁ ਭਏ ਤਿਆਰ ।
 ਜੇਠ ਦੂਜ ਦਿਨ ਅਹਿਪਤੀ ਦਾਸ ਰਛ ਕਰਤਾਰ ॥ 86 ॥
 ਕੋਲਾਂ ਗ੍ਰਿਹਿ ਗੁਰ ਜਾਤ ਭਏ ਧੀਰਜ ਤਾਕੋ ਦੀਨ ।
 ਨਾਨਕ ਮਤੇ ਸੁ ਦਰਸ ਕਰ ਆਵਹਿ ਤੁਹਿ ਢਿਗ ਦੀਨ ॥ 87 ॥
 ਕਹਿ ਕੋਲਾਂ ਜਸ² ਇਛ ਤੁਮ ਮੋ ਬਲਿ ਨਾਹੀਂ ਜਾਨ ।
 ਸੇਵ ਹਿਤ ਤਬ ਦਾਸ ਦੇ ਧੀਰਜ ਦੇ ਸੁਰ ਮਾਨ ॥ 88 ॥
 ਗੁਰਦਾਸ ਬੁਢੇ ਕਉ ਸੌਂਪ ਕੇ ਨਮਰ ਸੈਨ ਸੁਧ ਹੇਤ ।
 ਅਰਧ ਸਹੰਸਰ ਸੰਗ ਲੈ ਚਲੇ ਸੋ ਮਯਾ³ ਨਿਕੇਤ ॥ 89 ॥
 ਦਰਬਾਰ ਤਖਤ ਕਉ ਬੰਦਨਾ ਕੀਨਾ ਬਹੁਰ ਪਿਆਨ ।
 ਦਾਸ ਪ੍ਰੇਮ ਮਨ ਕਰਖਿਯੋ ਚਾਲੇ ਕ੍ਰਿਪਾ ਨਿਧਾਨ ॥ 90 ॥

ਚੌਪਈ

ਪੰਥ ਗਾਥ ਬਹੁ ਕਥਾ ਬਧਾਵੈ । ਕਵਿ ਮਨ ਭਾਰ ਖੇਦ ਕਉ ਪਾਵੈ ।
 ਤਾਂਤੇ ਪੰਥ ਕਥਾ ਨਹਿ ਭਾਖੀ । ਭਾਈ ਕਰ੍ਹੇ ਸੁਨੀਯੇ ਗੁਰ ਸਾਖੀ ॥ 91 ॥
 ਕਰ੍ਹੇ ਮਾਂਝ ਪਿੰਗਲ ਦ੍ਰਿਗ ਹੀਨਾ । ਰਹੇ ਸਦਾ ਗੁਰ ਕੇ ਰਸ ਲੀਨਾ ।
 ਮਨ ਮਹਿ ਚਾਹਤ ਚਲਯੋ ਨ ਜਾਵੈ । ਨੇਤ੍ਰ ਅੰਧ ਨਹਿ ਪੰਥ ਦਿਖਾਵੈ ॥ 92 ॥

¹ਅ ਪੋਥੀ ਟਿਕੀ ²ਦ ਪੋਥੀ ਜੋ ³ਅ ਪੋਥੀ ਕ੍ਰਿਪਾ

ਦੋਹਰਾ

ਇਛਾ ਮਨ ਏ ਭਾਂਤ ਕਰਿ ਸਭ ਘਟਿ ਕੀ ਗੁਰ ਜਾਨ ।
 ਦਰਸ ਦਾਸ ਕੋ ਦੇਹਿਗੇ ਸ੍ਰੀ ਗੁਰੁ ਮਯਾ ਨਿਧਾਨ ॥ 93 ॥
 ਸ੍ਰੀ ਗੁਰ ਮਨ ਕੀ ਜਾਨ ਕਰ ਪਹੁੰਚੇ ਤਿਹ ਠਾਂ ਆਇ ।
 ਪਿੰਗਲ ਸੁਨ ਚਰਨਨ ਪਰਾ ਤ੍ਰਾਹਿ ਤ੍ਰਾਹਿ ਸੁ ਅਲਾਇ ॥ 94 ॥
 ਸ੍ਰੀ ਗੁਰ ਕਹ ਉਠ ਪ੍ਰਾਨ ਪ੍ਰੇ ਕਹ ਪ੍ਰਭ ਚਰਨ ਨ ਛੋਰ ।
 ਨੈਨ ਅਮੀ ਰਜ ਚਰਨ ਕੀ ਬਡੇ ਭਾਗ ਭਏ ਮੋਰ ॥ 95 ॥

ਚੌਪਈ

ਜਬੈ ਚਰਨ ਰਜ ਨੇਤ੍ਰ ਡਾਰੀ । ਭਏ ਸੁਧ ਦ੍ਰਿਗ ਜੋਤ ਅਪਾਰੀ ।
 ਹਰਿ ਗੋਬਿੰਦ ਕਾ ਰੂਪ ਲਖਾਯੋ । ਅਤਿ ਆਨੰਦ ਨਿਜ ਮਨ ਮਾਹਿ ਪਾਯੋ ॥ 96 ॥
 ਤਾ ਸਮ ਆਨੰਦ ਭਯੋ ਜੁ ਤਾਕੋ । ਕਾਹੁ ਗਮ ਨਹਿ ਜੋ ਗਿਨ ਸਾਕੋ ।
 ਪਿੰਗਲ ਸ੍ਰੀ ਗੁਰ ਦਰਸ ਨਿਹਾਰਾ । ਕਪਾਟ ਖੁਲੇ ਭ੍ਰਮ ਦੂਰ ਨਿਵਾਰਾ ॥ 97 ॥

ਦੋਹਰਾ

ਸ੍ਰੀ ਗੁਰ ਕੀ ਉਸਤਤੀ ਕਰੀ ਸੁਨਹੁ ਸੰਤ ਮਨ ਲਾਇ ।
 ਪ੍ਰੇਮ ਮਗਨ ਹੋਯੋ ਤਬੈ ਐਸੇ ਬਚਨ ਅਲਾਇ ॥ 98 ॥

ਭੁਜੰਗ

ਭੰਵੇ ਪਾਰ ਦਾਸੰ ਕਰੋ ਬੇਦ ਗਾਵੈ । ਨਿਤੰ ਨੇਤਿ ਬੇਦੰ ਨਹੀਂ ਅੰਤ ਪਾਵੈ ।
 ਤੁਹੀ ਰਾਮ ਰੂਪੰ ਸੁਭੀਖੰ ਉਧਾਰੈ । ਨਰੰ ਸਿੰਘ ਹੂੰ ਦਾਸ ਦੋਖੀ ਬਿਦਾਰੈ ॥ 99 ॥
 ਸਦਾ ਦਾਸ ਪਿਆਰੇ ਪ੍ਰਭੂ ਦੀਨ ਦਿਆਲਾ । ਬਸੋ ਦਾਸ ਅੰਗਦ ਰਿਦੇ ਤੋਰ ਆਲਾ ।
 ਸਭੀ ਰੂਪ ਧਾਰੇ ਤੁਮੇ ਦੀਨਾ¹ ਹੇਤੰ । ਹਰੇ ਭਾਰ ਮੋਰਾ ਨਹੀਂ ਪਾਇ ਭੇਤੰ ॥ 100 ॥
 ਮੰਮ ਮੂੜ ਜੰਤ ਜਸੰ ਕੈਸ ਗਾਵਹੂੰ । ਤੁਹੀ ਤੰਤ ਰੂਪੰ ਨਹੀਂ ਤਾਂਹਿ ਪਾਵਹੂੰ ॥
 ਪ੍ਰਭੂ ਮੋਹਿ ਇਛਾ ਬੰਸੰ ਹੀਯ ਮੋਰੇ । ਐਸ ਬੈਨ ਭਾਖੇ ਜੁਗੰ² ਹਾਥ ਜੋਰੇ ॥ 101 ॥

ਦੋਹਰਾ

ਕ੍ਰਿਪਾ ਸਿੰਧ ਹਰਖਤ ਭਏ ਬਰੰਬ੍ਰਹ ਕਹ ਤਾਂਹਿ ।
 ਮਾਂਗੋ ਬਰ ਜੋ ਚਾਹ ਤੋ ਮਨ ਮੈ ਧਾਰ ਉਮਾਹਿ ॥ 102 ॥

ਚੌਪਈ

ਪਿੰਗਲ ਕਹਿ ਦਰਸਨ ਮਮ ਦੀਜੈ । ਰਿਦੈ ਵਾਸ ਇਛੁ ਪੂਰਨ ਕੀਜੈ ।
 ਤੀਨ ਬੇਰ ਗੁਰ ਮਾਂਗ ਅਲਾਈ । ਤਾਂਹਿ ਦਰਸ ਕੀ ਇਛੁ ਸੁਨਾਈ ।
 ਸ੍ਰੀ ਗੁਰ ਕਹਾ ਦਰਸ ਤੁਮ ਕਰੋ । ਤੀਨ ਰੂਪ ਹਮਰੇ ਦ੍ਰਿਗ ਧਰੋ ।
 ਇਹ ਮਮ ਰੂਪ ਨਵਮ ਦਰਸਾਵਹੋ । ਦਸਮ ਰੂਪ ਦਿਖ ਦੇਹ ਤਜਾਵਹੋ ॥ 103 ॥

¹ਅ ਪੋਥੀ ਧਰਮ ²ਦ ਪੋਥੀ ਢੋਇ

ਦੋਹਰਾ

ਬਹੁਰ ਧਾਮ ਗੁਰ ਜਾਇ ਹੋ ਸੁਨ ਪਿੰਗਲ ਸੁਖ ਮਾਨ ।
ਹਾਥ ਜੋਰ ਬਿਨਤੀ ਕਰੀ ਸ੍ਰੀ ਗੁਰ ਮਯਾ¹ ਨਿਧਾਨ ॥ 104 ॥

ਚੌਪਈ

ਮਮ ਦਿੰਗ ਕਰੋ ਅੰਧ ਸੁਖ ਪਾਵਉ । ਤੋਹਿ ਦੇਖ ਨਹਿ ਔਰ ਦਿਖਾਵਉ ।
ਸ੍ਰੀ ਗੁਰ ਕਹਾ ਨੈਨ ਤੁਮ ਧਾਰੋ । ਸਭੀ ਵਿਸ੍ਵ ਹਰਿ ਰੂਪ ਨਿਹਾਰੋ ।
ਅਸ ਕਹਿ ਕੀਨੋ ਤਹਿ ਉਪਦੇਸਾ । ਸਤਿਨਾਮ ਰਿਦ ਮਾਂਹਿ ਪਰਵੇਸਾ ।
ਪਿੰਗਲ ਸਤਿਨਾਮ ਰਿਦ ਆਯੋ । ਸੁਧ ਸ਼ਾਂਤ ਹੁਇ ਮਨ ਸੁਖ ਪਾਯੋ ॥ 105 ॥

ਦੋਹਰਾ

ਜੇਠੇ ਆਦਿਕ ਚਾਰ ਸਿਖ ਤਾਂ ਸਿਉਂ ਚਰਚਾ ਕੀਨ ।
ਪਿੰਗਲ ਨਿਸ਼ ਜਾਗਤ ਰਹਯੋ ਸਤਿਗੁਰ ਕੇ ਰਸ ਲੀਨ ॥ 106 ॥
ਤੀਨ ਦਿਵਸ ਗੁਰ ਤਹਿ ਰਹੇ ਅਤਿ ਆਨੰਦ ਸੁਖ ਧਾਰ ।
ਬਹੁਰੋ ਕੀਨ ਪਿਆਨ ਗੁਰ ਭਗਤ ਸਿੰਘ ਸੁ ਮੁਰਾਰ ॥ 107 ॥
ਪੰਥ ਚਰਿਤ ਗੁਰ ਕਰਤ ਬਹੁ ਗੰਗ ਕੀਨ ਇਸਨਾਨ ।
ਚਰਨ ਗੁਰ ਲਖ ਜਾਨਵੀ ਨਿਜ ਪਾਵਨ ਜੀਅ ਜਾਨ ॥ 108 ॥

ਸੋਰਠਾ

ਦੀਨੋ ਦਾਨ ਅਪਾਰ ਬਿਪ੍ਰਨ² ਕਉ ਸ੍ਰੀ ਗੁਰ ਕਹਾ ।
ਭੋਜਨ ਵਾਰ ਨ ਪਾਰ, ਦੇਤ ਅਸੀਸੈ ਮੁਦਤ ਮਨ ॥ 109 ॥

ਚੌਪਈ

ਤੀਨ ਦਿਵਸ ਗੰਗਾ ਤਟ ਰਹੇ । ਹਰਿ ਗੋਬਿੰਦ ਗੁਰ ਆਨੰਦ ਲਹੇ ।
ਕਰ ਮਜਨ ਪੁਨ ਕੀਨ ਪਯਾਨਾ । ਨਾਨਕ ਮਤੇ ਓਰ ਸੁਖ ਮਾਨਾ ।
ਹਾੜ ਪ੍ਰਿਥਮ ਦਿਨ ਤਹ ਪਹੁੰਚਾਏ । ਨਾਨਕ ਮਤੇ ਦਰਸ ਗੁਰ ਪਾਏ ।
ਸੁਨ ਅਲਮਸਤ ਸ੍ਰੀ ਗੁਰ ਆਯੋ । ਅਤਿ ਆਨੰਦ ਨਿਜ ਮਨ ਮੋ³ ਪਾਯੋ ॥ 110 ॥

ਦੋਹਰਾ

ਗੁਰੁ ਨਾਨਕ ਸਮ ਦੇਖਯੋ ਕੀਨੀ ਉਸਤੁਤ ਅਪਾਰ ।
ਸੇਵਕ ਕੇ ਨਿਸਤਾਰ ਹਿਤ ਹੋ ਗੁਰ ਦੀਨ ਦਿਦਾਰ ॥ 111 ॥
ਸ੍ਰੀ ਗੁਰ ਤਹਿ ਕੁਸਲ ਬੁਝੀ ਤਹਿ ਕਹਿ ਕ੍ਰਿਪਾ ਤੁਮਾਰ ।
ਸਿਧ ਖੇਦ ਪੀਪਰ ਜਰਯੋ ਹੈ ਪ੍ਰਭ ਸਰਨ ਉਬਾਰ ॥ 112 ॥

ਸਵੈਯਾ

ਧੀਰ ਦੀਓ ਤਿਨਕੋ ਕਰ ਪੰਕਜ ਨੀਰ ਕਮੰਡਲ ਪੂਰ ਮੰਗਾਯੋ ।
ਸਤਿਨਾਮ ਕੋ ਮੰਤ੍ਰ ਉਚਾਰ ਕੀਯੋ ਜਲ ਡਾਰ ਦੀਓ ਭਵ ਪੀਪਰ ਆਯੋ ।

¹ਅ ਧੋਬੀ ਕ੍ਰਿਪਾ ²ਅ ਧੋਬੀ ਦ੍ਰਿਸ਼ਨ ³ਅ ਤੇ ਏ ਧੋਬੀ ਮਾਂਹਿ

ਟਾਸ ਔ ਪਾਤ ਹਰੇ ਸਭ ਅੰਗਨ ਦੇਖਕੈ ਮਸਤ ਰਿਦੇ ਹਰਖਾਯੋ¹ ।
 ਘੋਰ ਕੈ ਕੁੰਕਮ ਛਿਰਕ ਦੀਓ ਸਬ ਪੀਪਰ ਪਾਤਨ ਮਹਿ ਲਪਟਾਯੋ ॥ 113 ॥
 ਸ੍ਰੀ ਮੁਖ ਐਸ ਉਚਾਰ ਕੀਓ ਏਹ ਛੀਟ ਰਹੇ ਸਦਹੀ ਸੰਗ ਪਾਤਾ ।
 ਮਸਤ ਅਚਲ ਰਹੈ ਧਰ ਉਪਰ ਸ਼ਾਂਤਪ੍ਰਦੀ ਜਿਹ ਆਵਨ ਸਾਤਾ ।
 ਪੀਪਰ ਇਹ ਗੁਰ ਨਾਨਕ ਕੋ ਜਿਹ ਦਰਸਨ ਕੈ ਅਘ [ਪਾਪ]² ਬਿਨਾਤਾ ।
 ਕਰ ਜੋਰ ਕਰੀ ਬਿਨਤੀ ਬਿਧੀਏ ਪ੍ਰਭ ਮੋਹ ਕਹੋ ਕਿਹੰਤੇ ਉਤਪਾਤਾ ॥ 114 ॥

ਦੋਹਰਾ

ਹਰਿ ਗੋਬਿੰਦ ਬਿਨਤੀ ਸੁਨੀ ਸ੍ਰੀ ਮੁਖ ਕੀਨ ਉਚਾਰ ।
 ਕਥਾ ਬ੍ਰਿਧ ਬੋਰੀ ਸੁਨਹੁ ਯਾ ਮਾਹਿ ਅਧਿਕ ਵਿਥਾਰ³ ॥ 115 ॥

ਚੌਪਈ

ਏਕ ਸਮੇਂ ਗੁਰ ਨਾਨਕ ਦੇਵ । ਚਰਚਾ ਕੀਨੀ ਅਲਖ ਅਭੇਵ ।
 ਸਿਧ ਈਰਖਾ ਮਨ ਮਹਿ ਪਾਈ । ਨਿਜ ਮਾਯਾ ਤਬ ਪ੍ਰਗਟ ਦਿਖਾਈ ।
 ਕੋ ਮ੍ਰਿਗਾਨੀ ਧਾਰ ਉਡਾਯੋ । ਕੋਊ ਅਗਨ ਮੁਖ ਸਰਪ ਧਰਾਯੋ ।
 ਕਿਨ ਪਾਥਰ ਕੀ ਬਰਖਾ ਧਾਰੀ । ਰਹੇ [ਹਾਰ]⁴ ਗੁਰ ਅਚਲ ਨਿਹਾਰੀ ॥ 116 ॥

ਦੋਹਰਾ

ਸਿਧ ਸਭੀ ਇਕਠੇ ਭਏ ਮਾਯਾ ਕੀਨ ਪ੍ਰਕਾਸ ।
 ਕੁੰਭ ਪਿਤਾ ਸਮ ਪਰ ਤਬੈ ਭ੍ਰਮੀ ਧੀਰ ਹੁਇ ਨਾਸ ॥ 117 ॥

ਚੌਪਈ

ਇਹੁ ਪੀਪਰ ਤਰ ਕ੍ਰਿਪਾ ਨਿਧਾਨਾਂ । ਬੈਠੇ ਉਡਿਓ ਰਹਿਤ ਰਿਸ ਮਾਨਾਂ ।
 ਕਰ ਪੰਜਾ ਗੁਰ ਯਾ ਪਰ ਲਾਯੋ । ਪਾਤ ਪਾਤ ਪੰਜਾ ਦਰਸਾਯੋ ॥ 118 ॥
 ਭ੍ਰਮਤ ਧਰਾ ਨਗ ਸਗਲ ਉਡਾਵੈ । ਪੀਪਰ ਕਉ ਨਹਿ ਪਾਤ ਹਲਾਵੈ ॥
 ਹਾਰ ਸਿਧ ਸਭ ਚਰਨੀ ਲਾਗੈ । ਭੂਲ ਛਿਮਾਇ ਪ੍ਰੇਮ ਰਸ ਪਾਗੈ ॥ 119 ॥

ਦੋਹਰਾ

ਇਸੀ ਹੇਤ ਨਾਨਕ ਮਤਾ ਨਾਨਕ ਨਾਮ ਧਰਾਇ ।
 ਚਾਰ ਤਰਫ ਧਰ ਫਟ ਗਈ ਭ੍ਰਮ ਅਚਲ ਇਹ ਭਾਇ ॥ 120 ॥

ਚੌਪਈ

ਤਾਂ ਦਿਨ ਤੇ ਜੋ ਪਾਤ ਉਗਾਵੈਂ । ਗੁਰੁ ਨਾਨਕ ਪੰਜਾ ਦ੍ਰਿਸਟਾਵੈਂ ।
 ਮਸਤ ਸਾਥ ਅਬ ਈਰਖ ਕੀਨੀ । ਜਾਰਯੋ ਪੀਪਲ ਮਤ ਕੇ ਹੀਨੀ ॥ 121 ॥
 ਗੁਰੁ ਨਾਨਕ ਅਬ ਹਰਿਆ ਕੀਨੋ । ਕੁੰਮਕ ਛੀਟ ਪਾਤ ਇਹੁ ਛੀਨੋ ।
 ਅਬ ਭੇ ਕੁੰਕਮ ਛੀਟ ਦਿਖਾਵੈਂ । ਕਰੈ ਦਰਸ ਨਰ ਜਨਮ ਨ ਆਵੈ⁵ ॥ 122 ॥

¹ਏ ਪੌਥੀ ਸੁਖ ਪਾਯੋ ²ਅ ਪੌਥੀ ਵਿਚੋਂ ³ਅ ਪੌਥੀ ਵਿਸਥਾਰ ⁴ਅ ਪੌਥੀ ਵਿਚੋਂ ⁵ਅ ਤੇ ਏ ਪੌਥੀ ਤੇ ਭਵ ਨਹਿ ਪਾਵੈ

ਦੋਹਰਾ

ਬਿਧੀਏ ਤਬ ਬੰਦਨ ਕਰੀ ਮਨ ਮਹਿ ਹਰਖ ਅਪਾਰ ।
ਮਸਤ ਹਰਖ ਧਰਿ ਮਨ ਵਿਖੇ ਜੈ ਜੈ ਕੀਨ ਉਚਾਰ ॥ 123 ॥

ਕਲਸ

ਹਾਥ ਜੋਰਿ ਕਹਿਯੋ ਅਰੂਪਾ । ਇਛਾ ਮਾਯਾ ਰਚੋ ਅਨੂਪਾ ।
ਤੀਨ ਦੇਵ ਚੌਦਸ ਪੁਰ ਗਾਮੀ । ਆਪ ਅਲੇਪ ਰਹੋ ਤੁਮ ਸੁਆਮੀ ॥ 124 ॥

ਤਿਭੰਗੀ ਛੰਦ

ਲੀਲਾ ਕਰ ਸਵਾਮੀ ਪੂਰਨ ਕਾਮੀ ਜਗ ਕੀ ਰਖਯਾ ਧਾਰਤ ਹੋ ।
ਪੰਕਜ ਸੁਤ ਪਾਲੋ ਸੰਕਰ ਕਾਲੋ ਨਟ ਸਮ ਕੌਤਕ ਸਾਰਤ ਹੋ ।
ਨਾਰਦ ਮੁਨ ਤੋਰਾ ਪਾਇ ਨ ਓਰਾ ਦਾਸ ਖੇਦ ਹਿਤ ਦੇਹ ਧਰ ਹੋ ।
ਲੀਲਾ ਜਗ ਧਾਰੋ ਖੇਦ ਨਿਵਾਰੋ ਨਿਰੰਕਾਰ ਬਖੁ ਆਪ ਕਰਹੋ ॥ 125 ॥

ਦੋਹਰਾ

ਤੁਰਾਤੀਤ ਪ੍ਰਭ ਸੰਤ ਜੋ ਕਛਕ ਝਲਕ ਸੀ ਪਾਇ ।
ਅਮੀ ਪਾਨ ਕਰ ਨਾਮ ਤਹੁ ਜਗ ਸੰਕਟ ਮਿਟ ਜਾਇ ॥ 126 ॥

ਚੌਪਈ

ਪੰਚਮ ਰੂਪ ਗੁਰ ਤੁਮਹੀ ਪਾਯੋ । ਅਬ ਇਹੁ ਸੁੰਦਰ ਰੂਪ ਬਨਾਯੋ ।
ਤ੍ਰਾਹ ਤ੍ਰਾਹ ਮਮ ਰਛਾ ਕੀਜੈ । ਸਿਦਕ ਚਰਨ ਰਜ ਮੋ ਕਉ ਦੀਜੈ ॥ 127 ॥
ਇਮ ਕਹ ਪਰਾ ਚਰਨ ਲਪਟਾਈ । ਹਰਿਗੋਬਿੰਦ ਗੁਰ ਤਾਹਿ ਉਠਾਈ ।
ਮੁਖ ਸਿਉਂ ਕਹਾ ਮਾਂਗੁ ਰੁਚ ਜੋਈ । ਕਛੁ ਅਦੇਇ ਨਾ ਹਮੋ ਤੇ ਹੋਈ ॥ 128 ॥

ਦੋਹਰਾ

ਮਸਤ ਕਹਾ ਤੁਮਰੀ ਕ੍ਰਿਪਾ¹ ਚਾਹ ਰਹੀ ਨਹਿ ਕੋਇ ।
ਏਕ ਆਸ ਤੈ ਚਰਨ ਕੀ ਸਿਦਕ ਪ੍ਰਾਪਤ ਹੋਇ ॥ 129 ॥
ਤਬ ਗੁਰੂ ਕਹੈ ਸੁ ਐਸ ਭਵ ਸਕਲ ਸਿਧ ਸੁਖ ਪਾਇ ।
ਤਬ ਸਿਧ ਸੁਨ ਗੁਰੁ ਆਇਯੋ ਅਏ ਸੁ ਬਲਿ ਅਤਿ ਪਾਇ ॥ 130 ॥
ਆਇ ਅਧਿਕ ਮਾਯਾ ਰਚੀ ਪਾਬਰ ਵਰਖਾ ਹੋਇ ।
ਆਂਧੀ ਅਤਿ ਭੈ ਦੇਵਈ ਗੁਰੁ ਢਿਗ ਆਇ ਨ ਜੋਇ ॥ 131 ॥
ਮਾਨ ਹਾਰ ਚਰਨੀ ਲਗੇ ਦਯਾ² ਸਿੰਧ ਕੇ ਆਇ ।
ਗੁਰ ਨਾਨਕ ਸਮ ਰੂਪ ਲਖ ਸਭੋ ਸਿਧ ਹਰਖਾਇ ॥ 132 ॥
ਪ੍ਰਸਨ ਕੀਨ ਕਿਹ ਪੰਥ ਤੁਮ ਅਏ ਸੁ ਕਹਿ ਬਲਿ ਜਾਨ ।
ਕਿਆ ਸਿਖਯਾ ਦੈ ਤਾਰਹੋ ਤਬ ਗੁਰ ਐਸ ਬਖਾਨ ॥ 133 ॥

¹ਅ ਪੋਥੀ ਮਯਾ ਏ ਨਦਰਿ ²ਅ ਪੋਥੀ ਕ੍ਰਿਪਾ

ਚੌਪਈ

ਪੰਥ ਅਕਾਲ ਹੁਕਮ ਕੇ ਆਏ । ਅਕਾਲ ਬਸ ਧਾਮ ਪੂਤ ਕਹਾਏ ।
ਸਤਿਨਾਮ ਦੇ ਸਿਖਨ ਤਾਰਉ । ਸਭੀ ਪੰਥ ਇਨ ਕੈ ਪਗ ਡਾਰਉਂ ॥ 134 ॥
ਕਹਾ ਸਿਧ ਦਰਸਨ ਮਮ ਲੀਜੈ । ਸਭ ਤੇ ਹੋਇ ਅਧਿਕ ਸੁਖ ਲੀਜੈ ।
ਕਹ ਗੁਰੁ ਦਰਸਨ ਸ੍ਰੀ ਅਕਾਲ । ਚਾਹੇ ਧਾਰਿਓ ਤਾਂਹਿ ਬਿਸਾਲ ॥ 135 ॥

ਦੋਹਰਾ

ਸਿਧ ਹੋਇ ਤੁਮ ਮਾਨ ਧਰਿ ਸ੍ਰੀ ਗੁਰੁ ਗਰਬ ਪ੍ਰਹਾਰ ।
ਇਹੁ ਬਿਧ ਬਹੁ ਚਰਚਾ ਭਈ ਭਗਤ ਸਿੰਘ ਨਿਰਧਾਰ ॥ 136 ॥

ਚੌਪਈ

ਤਬ ਗੋਰਖ ਗੁਰੁ ਪਗ ਲਪਟਾਯੋ । ਛਿਮੇ ਭੂਲ ਅਸ ਮੁਖਹੂੰ ਅਲਾਯੋ ।
ਸ੍ਰੀ ਗੁਰੁ ਕਹਾ ਮਸਤ ਪਗ ਲਾਗੋ । ਛਿਮੈ ਤੋਹਿ ਈਰਖ ਮਦਿ ਤਿਆਗੋ ॥ 137 ॥
ਮਸਤ ਚਰਨ ਸੁਭਹੀ ਸਿਧ ਪਰੇ । ਤ੍ਰਾਹ ਤ੍ਰਾਹ ਮੁਖ ਤੇ ਬਚ ਰਰੇ ।
ਗੁਰ ਆਗਯਾ¹ ਕਰ ਮਸਤ ਖਿਮਾ ਧਰ । ਕਹਿ ਗੁਰੁ ਬਹੁਰ ਨ ਈਰਖ ਮਨ ਧਰ ॥ 138 ॥

ਦੋਹਰਾ

ਕਹਿ ਗੋਰਖ ਸਭ ਸਿਧ ਸਿਉਂ ਅਬ ਤੇ ਈਰਖ ਤਿਆਗ ।
ਯਾਹ ਨੌਰ ਕਰ ਬੰਦਨਾ ਤਬ ਹੋਵਉ ਬਡ ਭਾਗ² ॥ 139 ॥

ਚੌਪਈ

ਸਿਧ ਮਾਨ ਬਚ ਗੋਰਖ ਲੀਨੇ । ਗੁਰ ਆਇਸ ਲੈ ਪਯਾਨਾ ਕੀਨੇ ।
ਏ ਬਿਧ ਸਭੀ ਸਿਧ ਜਬ ਗਏ । ਮਸਤ ਭਾਰ ਆਨੰਦ ਲਹੇ ॥ 140 ॥
ਏਕ ਮਾਸ ਗੁਰੁ ਤਾਂਹਿ ਰਹਾਏ । ਪਾਵਨ ਕੀਨੇ ਚਰਿਤ ਮਹਾਏ ।
ਸ਼ਿਕਾਰ ਖੇਡ ਜੋ ਜੀਵ ਹਤਾਨੇ । ਭਏ ਮੁਕਤ ਭਵ ਸੰਸ ਮਿਟਾਨੇ ॥ 141 ॥

ਦੋਹਰਾ

ਕਿਛੁ ਦਿਨ ਸਾਵਨ ਕੇ ਗਏ ਸ੍ਰੀ ਗੁਰ ਕੀਨ³ ਪਯਾਨ ।
ਮਸਤ ਤਬੈ ਬਿਨਤੀ ਕਰੀ ਸੁਨੀਏ ਕ੍ਰਿਪਾ ਨਿਧਾਨ ॥ 142 ॥

ਚੌਪਈ

ਗੁਰ ਨਾਨਕ ਆਗਿਆ ਮਮ ਹੋਈ । ਛਨਮ ਰੂਪ ਤੁਮਰੇ ਦੁਖ ਖੋਈ ।
ਕਰ ਦਰਸਨ ਬਹੁਰੋ ਤਨ ਤਿਆਗਯੋ । ਜਾਹਿ ਧਾਮ ਗੁਰ ਕੇ ਰਸ ਪਾਗਯੋ ।
ਅਬ ਦਰਸਨ ਕੀਨਾ ਗੁਰ ਤੋਰਾ । ਸਫਲ ਮਨੋਰਥ ਹੋਇਆ⁴ ਮੋਰਾ ।
ਤਾਂਤੇ ਅਛਤ ਤੁਹ ਤਨ ਤਿਆਗਉਂ । ਆਗੇ ਜੋ ਆਇਸ ਤਿਤ ਲਾਗਉਂ ॥ 143 ॥

¹ਅ ਪੋਥੀ ਆਯਾਸ ²ਅ ਪੋਥੀ ਭਵ ਪਾਰਿ ³ੲ ਪੋਥੀ ਕੀਓ ⁴ਅ ਪੋਥੀ ਭਯੋ ਹੈ

ਦੋਹਰਾ

ਹਰਿਗੋਬਿੰਦ ਹਰਖਤ ਕਹਾ ਤੀਨ ਬਰਖ ਹੂੰ ਸਾਸ ।
ਰਹੋ ਹਰਖ ਧਰ ਸੇਵ ਕਰਿ ਪੁਨ ਜਾਵੇ ਗੁਰਿ ਪਾਸ ॥ 144 ॥

ਚੌਪਈ

ਇਹ ਠਾਂ ਧੂੰਆਂ ਧੁਖੈ ਤੁਮਾਰਾ । ਸੋ ਸੁਨ ਮਸਤ ਹਰਖ ਮਨ ਧਾਰਾ ।
ਦੈ ਧੀਰਜ ਗੁਰ ਕੀਨ ਪਯਾਨਾ । ਮਸਤ ਹਰਖ ਧਰ ਬੰਧਨ ਠਾਨਾ ।
ਹੋਇ ਸਵਾਰ ਗੁਰ ਤਬੈ ਸਿਧਾਏ । ਅਰਧ ਸਹਸ ਨਿਜ ਸੈਨ ਲਵਾਏ ।
ਚਲਤ ਪੰਥ ਸਿਖ ਤਾਰ ਅਨੇਕਾ । ਸਤਿਨਾਮ ਕੀ ਧਰਿ ਮਨ ਟੇਕਾ ॥ 145 ॥

ਦੋਹਰਾ

ਗੰਗ ਤਟ ਆਏ ਪ੍ਰਭੁ ਕਛੁਕ ਦਿਵਸ ਕਰਿ ਵਾਸ ।
ਮਜਨ ਕਰ ਦੈ ਦਾਨ ਬਹੁ ਬਿਧੀਏ ਕਰਿ ਅਰਦਾਸ ॥ 146 ॥

ਚੌਪਈ

ਪ੍ਰਭ ਜੀ ਗੰਗਾ ਉਤਪਤ¹ ਕੈਸੇ । ਸੋ ਮੋਹ ਕਹੋ ਕ੍ਰਿਪਾ ਕਰ ਤੈਸੇ ।
ਸ੍ਰੀ ਮੁਖ ਕਹਾ ਭਗੀਰਥ ਆਨੀ । ਤਾਰਨ ਪਿਤ੍ਰੁ ਹੋਤ ਸੁਖਮਾਨੀ ॥ 147 ॥
ਸਰਬ ਕਥਾ ਗੁਰ ਤਾਹਿ ਸੁਨਾਈ । ਜੇ ਸਭ ਕਹਉ ਗ੍ਰੰਥ ਬਢ ਜਾਈ ।
ਸੁਨ ਬਿਧੀਏ ਮਨ ਆਨੰਦ ਪਾਯੋ । ਹਰਿ ਗੋਬਿੰਦ ਕੇ ਪਗ ਲਪਟਾਯੋ ॥ 148 ॥

ਦੋਹਰਾ

ਅਸ਼ਟ ਦਿਵਸ ਤਹਿ ਠਾਂ ਰਹੇ ਕੀਨੇ ਚਰਿਤ² ਅਪਾਰ ।
ਦਾਨ ਭੋਜ ਬ੍ਰਿਪਨ ਦੀਓ ਜਾਕੋ ਵਾਰ ਨ ਪਾਰ ॥ 149 ॥

ਚੌਪਈ

ਸ੍ਰੀ ਸਤਿਗੁਰ ਪੁਨ ਕੀਨ ਪਿਆਨਾ । ਤੀਰਥ ਥਾਨ ਓਰ ਧਰ ਧਿਆਨਾ ।
ਸ੍ਰੀ ਗੁਰ ਤੀਰਥ ਜੰਗਮ ਭਾਰੀ । ਕਹਿ ਕਵਿ ਚਲਿਤ ਖੇਦ ਜਨ ਟਾਰੀ ॥ 150 ॥
ਜਹ ਕਰ ਪਾਂਡਉ ਜੁਧ ਮਚਾਈ । ਸੋ ਥਾਨੈ³ ਲਖ ਗੁਰ ਢਿਗ ਆਈ ।
ਤਹ ਠਾਂ ਸ੍ਰੀ ਗੁਰ ਮਜਨ ਕੀਨੋ । ਦਾਨ ਬਹੁਤ ਬ੍ਰਿਪਨ ਕੋ ਦੀਨੋ ॥ 151 ॥
ਸ੍ਰੀ ਮੁਖ ਉਪਮਾ ਕਰੀ ਅਪਾਰਾ । ਕੁਰਖੇਤਰ ਕਾ ਤੀਰਥ ਭਾਰਾ ।
ਇਮ ਸੁਨ ਸੈਨ ਸਭੀ ਮਜਨਾਏ । ਦਿਜਨ ਦਾਨ ਮਨਿ ਇਛਤ ਪਾਏ ॥ 152 ॥

ਦੋਹਰਾ

ਬਹੁਰੇ ਬਿਨ ਪਦ ਤ੍ਰਾਨ ਕੈ ਗੁਰ ਗਰਿ ਅੰਚਰ ਡਾਰ ।
ਲੈ ਪ੍ਰਸਾਦਿ ਤਿਤ ਕੋ ਚਲੈ ਸਾਥ ਸਿਖ ਨਿਰਧਾਰ ॥ 153 ॥

¹ਅ ਪੋਥੀ ਜਨਮਤ ²ਅ ਪੋਥੀ ਕਰਤ ³ਏ ਪੋਥੀ ਸਥਾਨ

ਚੌਪਈ

ਜਹਿੰ ਗੁਰ ਨਾਨਕ ਕਾ ਅਸਥਾਨਾ । ਚਲੇ ਦਰਸ ਹਿਤ ਕ੍ਰਿਪਾ ਨਿਧਾਨਾ ।
ਪਹੁੰਚੇ ਤਹਾਂ ਸੁ ਅਤਿ ਸੁਖ ਪਾਯੋ । ਕਰਿ ਦਰਸਨ ਮਨਿ ਹਰਖ ਧਰਾਯੋ ॥ 154 ॥
ਪ੍ਰਸਾਦਿ ਭੇਟ ਗੁਰ ਅਗੂ ਧਰਾਈ । ਕੀਨ¹ ਬਿਨੈ¹ ਰਜ ਮਸਤਕ ਲਾਈ ।
ਪ੍ਰਕਰਮਾਂ ਕਰ ਪੁਨ ਬੈਠੇ ਤਹਾਂ । ਮਨ ਮਹਿ ਆਨੰਦ ਉਪਜਯੋ ਮਹਾਂ ॥ 155

ਦੋਹਰਾ

ਤਬ ਜੇਠੇ ਬਿਨਤੀ ਕਰੀ ਹੇ ਗੁਰ ਮੋਹਿ ਸੁਨਾਇ ।
ਗੁਰ ਨਾਨਕ ਨਿਰੰਕਾਰ ਬਪੁ ਇਹਾਂ ਕਵਨ ਹਿਤ ਆਇ ॥ 156 ॥

ਚੌਪਈ

ਦਯਾ ਧਾਰ ਕਹੀਏ ਸਭ ਗਾਥਾ । ਗੋਪ² ਰਖੋ ਜਿਨ ਨਾਥ ਅਨਾਥਾ ।
ਸ੍ਰੀ ਸਤਿਗੁਰ ਬਿਨਤੀ ਸੁਨ ਤਾਂਕੀ । ਕਥਾ ਮਾਝ ਰੁਚ ਅਟਕੀ ਜਾਂਕੀ ॥ 157 ॥
ਸ੍ਰੀ ਮੁਖ ਕਹਾ ਕਥਾ ਬਹੁ ਜਾਨੋ । ਬੋਰੀ ਕਹਉ ਅਧਿਕ ਪਹਿਚਾਨੋ ।
ਸ੍ਰੀ ਗੁਰ ਨਾਨਕ ਤਾਰਤ ਦੇਸਾ । ਗਏ ਸੁਮੇਰ ਇਛ ਕੇ ਭੇਸਾ ॥ 158 ॥

ਦੋਹਰਾ

ਰਿਖਅਨ³ ਸਿਉਂ ਕੀਨੀ ਪ੍ਰਭੂ ਚਰਚਾ ਅਨਿਕ ਪ੍ਰਕਾਰ ।
ਐਸੇ ਕਹਾ ਇਕ ਮੁਨੀ ਨੇ ਅਯੋ ਗ੍ਰਹਿਨ ਰਵਿ ਭਾਰ ॥ 159 ॥

ਚੌਪਈ

ਕੁਰਖੇਤ੍ਰ ਮਜਨ ਫਲ ਭਾਰਾ । ਸਿਧ ਮੁਨੀ ਇਮ ਕੀਨ ਉਚਾਰਾ ।
ਰਿਖਿ ਮੁਨਿ ਸਿਧ ਸਭੇ ਤਹਿ ਆਏ । ਕੁਰਖੇਤ੍ਰ ਦਰਸਨ ਮਜਨਾਏ ॥ 160 ॥

ਦੋਹਰਾ

ਤਬ ਬਾਲੇ ਬਿਨਤੀ ਕਰੀ ਹੇ ਪ੍ਰਭ ਤਹਿੰ ਕਰ ਨਾਨ ।
ਬਿਨੈ ਮਾਨ ਗੁਰ ਤਾਂਹਿ ਲੈ ਆਏ ਯਹ ਅਸਥਾਨ ॥ 161 ॥
ਚਾਰ ਬਰਨ ਆਏ ਇਹਾਂ ਜੇਠਾਂ ਭੀਰ ਅਪਾਰ ।
ਜੋਗੀ ਤਪਸੀ ਜਟਾਧਰ ਰਿਖ ਮੁਨਿ ਵਾਰ ਨ ਪਾਰ ॥ 162 ॥

ਚੌਪਈ

ਕੁਰਖੇਤਰ ਮਹਿ ਕਰਕੇ ਨਾਨਾ । ਕਹਯੋ ਸੁ ਬਚ ਬਾਲੇ ਕਉ ਮਾਨਾ ।
ਮਛੀ ਮਾਸ ਲਿਆਵਹੁੰ ਜਾਏ । ਬਾਲਾ ਆਗਿਆ ਮਾਨਿ ਸਿਧਾਏ ॥ 163 ॥

ਦੋਹਰਾ

ਤਬੈ ਗ੍ਰਹਿਨ ਭਾਰੀ ਲਗਯੋ ਲੁਕਯੋ ਰਵੀ ਤਮ ਹੋਇ ।
ਗੁਰ ਆਇਸ⁴ ਤਬ ਹੀ ਕਰੀ ਦਈ ਅਗਨ ਤਹਿੰ ਜੋਇ ॥ 164 ॥

¹ਅ ਪੋਥੀ ਕਰਿ ਅਰਦਾਸ ²ਅ ਤੇ ਏ ਪੋਥੀ ਗੁਪਤ ³ਅ ਪੋਥੀ ਰਿਖਿ ਮੁਨਿ ਅ ਪੋਥੀ ਆਗਯਾ

ਸੋਰਠਾ

ਸੁਨ ਐਸੇ ਰਿਸ ਕੀਨ ਸੰਨਿਆਸੀ ਆਏ ਤਹਾਂ ।
ਭਾਖਯੋ ਰੇ ਮਤ ਹੀਨ ਐਸ ਸਮੇਂ ਐਸੀ ਕਰੋ ॥ 166 ॥

ਚੌਪਈ

ਤਿਨ ਤੇ ਨਾਨੂੰ ਦਿਜ¹ ਧਰ ਮਾਨਾ । ਕ੍ਰੋਧ ਪੂਰ ਅਸ ਬਚਨ ਬਖਾਨਾ ।
ਤੁਮ ਜਗ ਗੁਰ ਹੋਇ ਐਸ ਕਰਾਵੋ । ਅਵਤਾਰੀ ਨਿਜ² ਨਾਮ ਸਦਾਵੋ ॥ 167 ॥
ਹੈ ਸੰਕਟ ਰਵਿ ਤੁਮ ਧਰਿਯੋ ਮਾਸਾ । ਰੀਤਿ ਬੁਰੀ ਕੀਨੀ ਪਰਕਾਸਾ ।
ਐਸ ਸਮੇਂ ਨਰ ਕਰਹੈ ਦਾਨਾ । ਮਜਨ ਕਰ ਪਾਵਹਿ ਫਲ ਨਾਨਾ ॥ 168 ॥

ਦੋਹਰਾ

ਕਿਆ ਤੁਮਰੀ ਮਤ ਕਉ ਭਯੋ ਧਰਯੋ ਮਾਸ ਇਹ ਵਾਰ ।
ਕ੍ਰੋਧ ਪੂਰ ਜੇਠਾ ਸੁਨਹੂੰ ਸਭ ਦਿਜਨ ਕੀਨ ਉਚਾਰ ॥ 169 ॥

ਚੌਪਈ

ਗੁਰ ਨਾਨਕ ਸੁਨ ਦਿਜ ਕੇ ਬੈਨਾ । ਰਿਸ ਨਹਿ ਕੀਨ ਸ਼ਾਂਤ ਸੁਖ ਐਨਾ ।
ਪ੍ਰਥਾਇ ਤਾਂਹਿ ਗੁਰ ਕੀਨ ਉਚਾਰਾ । ਸਲੋਕ ਮਲਾਰ ਮਾਂਹਿ ਨਿਰਧਾਰਾ ॥ 170 ॥
ਦਸ ਪੰਦਰਹ ਜੇਠਾ ਸੋ ਜਾਨ । ਅਰਥ ਸੰਕੋਚ ਸੁਨਹੁ ਧਰ ਧਿਆਨ ।
ਤਾਂਕੇ ਮਾਨ ਨਿਵਾਰਨ ਹੇਤਾ । ਭਾਖੇ ਬਚ ਗੁਰ ਕ੍ਰਿਪਾ ਨਿਕੇਤਾ ॥ 171 ॥

ਦੋਹਰਾ

ਸਭ ਜਗ ਮਾਸ ਅਧੀਨ ਹੈ ਮਾਸ ਤਜਯੋ ਨਹ ਜਾਇ ।
ਸੁਨ ਪਾਂਡੇ ਇਹੁ ਮਾਸ ਕੀ ਉਤਪਤ ਜਗਤ ਦਿਖਾਇ³ ॥ 172 ॥

ਕਬਿਤ

ਮਾਤ ਤਨ ਮਾਸ ਨਰ, ਮਾਸ ਮਧ ਵਾਸ ਧਰ,
ਨਾਭ ਮੁਖ ਮਾਸ ਕਰ, ਹਡ ਚਮ ਮਾਸ ਹੈ ।
ਮਾਸ ਹੀ ਜਨੰਮ ਪਾਇ, ਕੁਚ ਮੁਖ ਮਾਸ ਲਾਇ
ਜੀਭ ਮੁਖ ਮਾਸ ਸਭ, ਮਾਸ ਮਧ ਸ੍ਵਾਸ ਹੈ ।
ਬਡਾ ਹੋਇ ਵਿਯਾਹ ਕਰ, ਮਾਸ ਹੀ ਲਿਆਇ ਘਰ,
ਅਗ੍ਰ ਸੁਤ ਮਾਸ ਸਭ, ਮਾਸ ਸਭੇ ਸਾਕ ਹੈ ।
ਸ੍ਰੀ ਗੁਰ ਸੁ ਮਿਲੈ ਜਾਹਿ, ਹੁਕਮ ਪਛਾਨੈ,
ਤਾਹਿ ਆਪ ਨਹਿ ਛੂਟ ਕੋਉ, ਬਚਨ ਵਿਨਾਸ ਹੈ ॥ 173 ॥

ਸਵੈਯਾ

ਮਾਸ ਹੀ ਮਾਸ ਕਹਹਿ ਨਰ ਮੂਰਖ ਗਿਆਨ ਧਿਆਨ ਨਹੀਂ⁴ ਚਿਤ ਜਾਣੇ ।
ਕਾਹੇ ਕਉ ਮਾਸ ਐ ਸਾਗ ਕਹੈ ਜਗ ਪਾਪ ਕਹੈ ਕਿਹ ਮਾਹਿ ਸਮਾਣੇ ।

¹ਏ ਪੋਥੀ ਬਿਪ੍ਰ ਤਿਹ ²ਅ ਪੋਥੀ ਅਪਨੋ ³ਅ ਤੇ ਏ ਪੋਥੀ ਦ੍ਰਿਸ਼ਟਾਇ ⁴ਅ ਪੋਥੀ ਨਾਹੀ

ਮਾਰੇ ਗੈਡਹਿ ਤੁਮ ਹੋਮ ਕਰੋ ਮੁਖ ਭਾਖਤ ਹੈ ਜਗ ਦੇਵੀ ਕੀ ਬਾਣੈ ।
ਮਾਸ ਕੋ ਤਿਆਗ ਕਬੀ ਨਾ ਧਰੋ, ਕਰ ਰੈਨ ਕੋ ਮਾਸ ਸਭੇ ਤੁਮ ਖਾਣੇ ॥ 174 ॥

ਦੋਹਰਾ

ਜਗਤ¹ ਲੋਕ ਭਰਮਾਇ ਹੈ ਅਪਨੋ ਡਿਭੁ² ਪਸਾਰ ।
ਗਿਆਨ ਧਿਆਨ ਤੁਮਰੇ ਨਹੀਂ ਅੰਧੇ ਅੰਧ ਨਿਹਾਰ ॥ 175 ॥
ਅੰਧੇ ਸੋ ਕਿਆ ਭਾਖਨਾ ਕਹਨਾ ਬੂਝ ਨਾ ਹੋਇ ।
ਅੰਧੇ ਸੇਈ ਨਾਨਕਾ ਲੋਇਨ ਰਿਦੈ ਨ ਹੋਇ ॥ 176 ॥

ਚੌਪਈ

ਮਾਤ ਪਿਤਾ ਕੀ ਰਕਤ ਨਿਪੰਨੇ । ਮਛੀ ਨਾਸ ਮਹਾਂ ਧਰਿ ਜੰਨੇ ।
ਇਸਤ੍ਰੀ ਪੁਰਖ ਮਾਸ ਮਿਲ ਹੋਇ । ਪੜ ਕੈ ਥਾਕੈ ਗਿਆਨ ਨ ਜੋਇ ॥ 177 ॥
ਸਭੇ ਮਾਸ ਜੰਮੇ ਨਰ ਭਾਂਡੇ । ਨਿਜ ਕਉ ਚਤ੍ਰ ਕਹਾਵੈ ਪਾਂਧੇ ।
ਬਾਹਰ ਕਾ ਮਾਸ ਕਹਤ ਤੁਮ ਮੰਦਾ । ਭਲੇ ਮਾਸ ਘਰ ਕੋ ਬਹੁ ਗੰਦਾ ॥ 178 ॥

ਦੋਹਰਾ

ਜੀਅ ਜੰਤ ਸਭ ਮਾਸ ਤੇ ਮਾਸ ਵੇਸੇਰਾ ਪਾਇ ।
ਤਜ ਗ੍ਰਿਹ ਤਜ ਮੂੜ ਨਰ ਅੰਧ ਗੁਰੂ ਜਿਹ ਗਾਇ ॥ 179 ॥

ਕਥਿਤ

ਪੁਰਾਨ ਤੇ ਕਤੇਬ ਜੁਗ ਚਾਰ ਜਗ ਕਾਜ ਮਾਂਹਿ
ਮਾਸ ਹੀ ਵਿਵਾਹ ਮਧ ਉਤਮ ਅਲਾਇ ਹੈ ।
ਪਾਤਿਸ਼ਾਹਿ ਨਰ ਨਾਰ ਮਾਸ ਹੀ ਤੇ ਭਵ ਧਾਰ
ਜਾਰ ਜੇਉ ਨਰਕ ਦੁਆਰ ਦਾਨ ਕਾਹੋ ਪਾਇ ਹੈ ।
ਨਰਕ ਦੇਤ ਨ ਕਲੇਸ਼, ਤਬ ਐਸੇ ਕਹਿ ਹੇਤ
ਕਹੋ ਔਰ ਨਰ ਮਤਿ ਆਪਨ ਕਮਾਇ ਹੈ ।
ਪਾਂਡੇ ਤੁਮ ਜਾਨ ਨਹੀਂ ਮਾਸ ਕਾਹਿ ਵਸਿ ਪਾਇ
ਤੋਇ ਉਤਪਤਿ ਸਭ ਜਗ ਦੀ ਸੁਨਾਇ ਹੈ ॥ 180 ॥

ਦੋਹਰਾ

ਤੋ ਯਹੁ ਅੰਨ ਕਪਾਹ ਹੈ ਤੋਏ ਬਹੁਤ ਵਿਕਾਰ ।
ਸੰਨਿਆਸੀ ਸੋ ਛੋਡੇ ਸਭੀ ਨਾਨਕ ਕਹੈ ਵਿਚਾਰ ॥ 181 ॥

ਚੌਪਈ

ਜਬ ਜੇਠਾ ਗੁਰ ਐਸ ਅਲਾਯੋ । ਤਬ ਪਾਂਡੇ ਸਭ ਮਾਨ ਗਵਾਯੋ ।
ਗੁਰ ਨਾਨਕ ਕੇ ਚਰਨੀ ਲਾਗੇ । ਨਿਮ੍ਰੀਭੂਤ ਮਾਨ ਕਉ ਤਿਆਗੋ ॥ 182 ॥

¹ਅ ਪੋਥੀ ਦੁਨੀ ²ਅ ਤੋ ਏ ਪੋਥੀ ਦੰਭ

ਗੁਰ ਨਾਨਕ ਦਿਖ ਬਾਲੇ ਓਰ । ਭਾਖਯੋ ਸੁਭ ਦਿਖ ਕੁੰਨੀ ਫੋਰ ।
 ਬਾਲੇ ਕੁੰਨੀ ਭੂਮ ਗਿਰਾਈ । ਕਛੂ ਨ ਮਾਸ ਦਿਖ ਬਿਸਮਹਿੰ ਪਾਈ ॥ 183 ॥
 ਮੁਖ ਸਿਉਂ ਤ੍ਰਾਹਿ ਤ੍ਰਾਹਿ ਦਿਜ¹ ਗਾਏ । ਕਰੋ ਸਿਖ ਪ੍ਰਭ ਖਿਮਾ ਕਰਾਏ ।
 ਕੀਨ ਸਿਖ ਗੁਰ ਮੰਤਰ ਦੀਨੋ । ਸਤਿਨਾਮ ਲੈ ਦਿਜ² ਸੁਖ ਚੀਨੋ ॥ 184 ॥

ਦੋਹਰਾ

ਦਿਜ ਸੰਨਿਆਸੀ ਵਿਦਾ ਭਏ ਗੁਰੂ ਸਿਧ ਦ੍ਰਿਸਟਾਇ ।
 ਸੁਣ ਜੇਠਾ ਇਹ ਹੇਤ ਪ੍ਰਭ ਸ੍ਰੀ ਗੁਰ ਇਹ ਠਾਂ ਆਇ ॥ 185 ॥

ਚੌਪਈ

ਭਗਤ ਸਿੰਘ ਏਹ ਕਥਾ ਸੁਨਾਈ । ਜੇਠੇ ਕਉ ਗੁਰ ਆਨੰਦ ਪਾਈ ।
 ਪੁਨ ਅਸਥਾਨ ਕੀ ਉਪਮ ਉਚਾਰੀ । ਜੋਉ ਦਰਸ ਕਰੈ ਨਰ ਨਾਰੀ ।
 ਪਰੇ ਸ਼ਾਂਤ ਮਨ ਬਾਂਛਤ ਪਾਵੈ । ਇਹ ਦਰਸਨ ਅਘ ਓਘ ਨਸਾਵੈ ।
 ਇਮ ਕਹਿ ਬਹੁਰ ਬੰਦਨਾ ਧਾਰੀ । ਹਰਿ ਗੋਬਿੰਦ ਗੁਰ ਰੂਪ ਮੁਰਾਰੀ ॥ 186 ॥

ਦੋਹਰਾ

ਭਗਤ ਸਿੰਘ ਤਹ ਠਾਂ ਰਹੇ ਪਾਂਚ ਦਿਵਸ ਸੁਖ ਪਾਇ ।
 ਭਾਦ੍ਰੋਂ ਥਿਤ ਪਯਾਨਾ ਕੀਓ ਤਹਿ ਤੇ ਹਰਖ ਧਰਾਇ ॥ 187 ॥

ਚੌਪਈ

ਸਨੈ ਸਨੈ ਗੁਰ ਪੰਥ³ ਚਲਾਵਹਿੰ । ਪਾਵਨ ਸੁੰਦਰ ਚਰਿਤ ਕਰਾਵਹਿੰ ।
 ਪੰਥ ਕਥਾ ਯਦਿ ਸਭੀ ਅਲਾਵਉਂ । ਕਥਾ ਬਧਨ ਤੇ ਅਧਿਕ ਡਰਾਵਉਂ ॥ 188 ॥
 ਕਛ ਦਿਨਿ ਅਸੂ ਗਏ ਨਿਹਾਰ । ਡਰੋਲੀ ਪਹੁੰਚੇ [ਸ੍ਰੀ]⁴ ਗੁਰੂ ਮੁਰਾਰ ।
 ਸਾਂਈ ਦਾਸ ਅਗੂ ਸੁਨ ਪਾਯੋ । ਦਯਾ ਸਿੰਧ ਗੁਰ ਹਮਰੇ ਆਯੋ ॥ 189 ॥

ਦੋਹਰਾ

ਜਸ ਚਾਤ੍ਰਕ ਚਹ ਬੰਦੂ ਕਉ ਤੈਸ ਦਰਸ ਕੀ ਚਾਹ ।
 ਪ੍ਰੇਮ ਮਗਨ ਠਾਂਢੋ ਭਯੋ ਮਨ ਮਹਿੰ ਧਾਰ ਉਮਾਹ ॥ 189 ॥

ਚੌਪਈ

ਪ੍ਰੇਮ ਮਗਨ ਗੁਰ ਸਮੁਹ ਚਲਾਯੋ । ਮਨੋ ਰੰਗ ਮਦ ਬਹੁਤ ਪਿਆਯੋ ।
 ਗਿਰ ਗਿਰ ਪਰਤ ਦੇਹ ਸੁਧ ਨਾਹੀਂ । ਮਨੋ ਪ੍ਰੀਤਿ ਇਹ ਤੇ ਭਵ ਪਾਹੀ ॥ 190 ॥
 ਬੈਠੋ ਪੰਥ ਪ੍ਰੇਮ [ਮਹਿ]¹ ਲੀਨਾ । ਲਾਗ ਸਮਾਧ ਰੰਗ ਰਸ ਭੀਨਾ ।
 ਹਰਿ ਗੋਬਿੰਦ ਤਤ ਛਿਨ ਤੋਂ ਆਏ । ਉਠਹੁ ਉਠਹੁ ਗੁਰ ਸ਼ਬਦ ਅਲਾਏ ॥ 191 ॥

ਦੋਹਰਾ

ਭਗਤ ਸਿੰਘ ਵਹੁ ਪ੍ਰੇਮ ਮਾਂਹਿ ਭਯੋ ਸਿਲਾ ਸਮ ਜਾਨ ।
 ਤਾਕਉ ਸੁਧ ਤਨ ਹੂੰ ਨਹੀਂ ਸ੍ਰੀ ਮੁਖ ਉਠਹੁ ਬਖਾਨ ॥ 192 ॥

¹ਅ ਪੋਥੀ ਬਿਪ੍ਰ ²ੲ ਪੋਥੀ ਤਿਨ ³ੲ ਪੋਥੀ ਰਾਗ ⁴ਅ ਪੋਥੀ ਵਿਚੋਂ ⁵ੲ ਪੋਥੀ ਵਿਚੋਂ

ਚੌਪਈ

ਸ੍ਰੀ ਗੁਰ ਪ੍ਰੇਮ ਦੇਖ ਤਹਿ ਵਾਰਾ । ਚਲਯੋ ਨੀਰ ਦ੍ਰਿਗ ਅਤਿ ਛਬਿ ਧਾਰਾ ।
 ਏਕ ਰੂਪ ਤਹ ਸਮ ਹਰਖਾਯੋ । ਦੁਤੀ ਰੂਪ ਤਹ ਰਿਦ ਦਿਖਰਾਯੋ ॥ 195 ॥
 ਉਠਯੋ ਚੌਕ ਸੋਵਤ ਜਨ ਜਾਗਾ । ਸ੍ਰੀ ਸਤਿਗੁਰਿ ਕੇ ਚਰਨੀ ਲਾਗਾ ।
 ਤ੍ਰਾਹ ਤ੍ਰਾਹ ਮੁਖਿ ਬਚਨ ਉਚਾਰਾ । ਹੇ ਗੁਰ ਤੁਮ ਹੋ ਰੂਪ ਮੁਰਾਰਾ ॥ 196 ॥

ਦੋਹਰਾ

ਹਰਿ ਗੋਵਿੰਦ ਗੁਰ ਹਰਖ ਹੋਇ ਡਾਰ ਭੁਜਾ ਗਰਿ ਲਾਇ ।
 ਤੀਨ ਕਾਲ ਸੋਝੀ ਪਰੀ ਸਾਂਈ ਦਾਸ ਤਦਾਇ¹ ॥ 197 ॥
 ਤਬ ਗੁਰ ਕੀ ਉਸਤਤ ਕਰੀ ਪਰਮ ਬ੍ਰਹਮ ਬਪੁ ਜਾਨ ।
 ਮਹਾ ਮਾਯਾ ਤੇ ਪਰੇ ਹੋ ਹੈ ਗੁਰ ਮਯਾ ਨਿਧਾਨ ॥ 198 ॥

ਭੁਜੰਗ

ਦਯਾ ਕਾਰ ਰੂਪ ਭਏ ਸੰਤ ਭਾਰੀ । ਜਪੈ ਨਾਮ ਤੇਰਾ ਨਹੀਂ ਅੰਤ ਧਾਰੀ ।
 ਤੁਹੀ ਲੰਕ ਈਸੰ ਹਤਯੋ ਰਾਮ ਦੇਹੀ । ਧਰੇ ਰਾਜ ਦਾਸੰ ਸੁਰੰ ਰਛ ਕੇਹੀ ।
 ਨਹੀਂ ਅੰਤ ਆਵੈ ਪਰੇ ਤੋਹਿ ਰੂਪਾ । ਜਗੈ ਜੋਤ ਤੇਰੀ ਦਿਪੈ ਜਗ ਭੂਪਾ ।
 ਜਹਾਂ ਭੀਰ ਹੋਈ ਕਟੀ ਦਾਸ ਭਾਰੀ । ਸਦਾ ਦੀਨ ਹੇਤੋ ਅਨੂਪ ਮੁਰਾਰੀ ॥ 199 ॥
 ਸਦਾ ਬੇਦ ਧਾਰੋ ਰਟੈ ਮੁਖਚਾਰੀ । ਪ੍ਰਭੂ ਨੇਤਿ ਨੇਤਿ ਨਾਹੀ ਵਾਰ ਪਾਰੀ ।
 ਕਰੋ ਲੀਲਾ² ਭਾਰੀ ਧੁਰੋ ਰੂਪ ਆਏ । ਦਿਖੇ ਖੇਦ ਦਾਸੰ ਨ ਕੋਈ ਲਖਾਏ ॥ 200 ॥
 ਸਿਵੇ ਸੇਸ ਹਾਰੇ ਨਹੀਂ ਅੰਤ ਪਾਯੋ । ਸਦਾ ਧਿਆਨ ਬੀਰੰ ਜਸੰ ਤੋਰ ਗਾਯੋ ।
 ਸਦਾ ਦੀਨ ਪਿਆਰੇ ਕਰੋ ਰਛ ਮੋਰੀ । ਪਰੋ ਸਾਸ ਸਾਮੰ ਦਯਾ ਸਿੰਧ ਤੋਰੀ ॥ 201 ॥

ਦੋਹਰਾ

ਗੁਰ ਨਾਨਕ ਅੰਗਦ ਤੁਹੀ ਅਮਰ ਦਾਸ ਬਪੁ ਤੋਰ ।
 ਰਾਮ ਦਾਸ ਅਰਜੁਨ ਗੁਰੂ ਇਛ ਪੂਰ ਪ੍ਰਭੂ ਮੋਰ ॥ 202 ॥

ਚੌਪਈ

ਭਗਤ ਸਿੰਘ ਅਸ ਉਸਤਤ ਗਾਏ । ਪਰਾ ਚਰਨ [ਮਨਿ]³ ਪ੍ਰੇਮ ਧਰਾਏ ।
 ਬਾਰੰ ਬਾਰ ਗੁਰ ਕੀਨ ਉਚਾਰਾ । ਮਾਂਗੋ ਇਛ ਤੁਮਹਿ ਜੋ ਧਾਰਾ ॥ 203 ॥
 ਸਾਂਈ ਦਾਸ ਕਹਿ ਰਿਦੈ ਵਸਾਇ । ਨਿਸ ਦਿਨ ਅੰਤਰ ਕਬੀ ਨ ਪਾਇ ।
 ਚਰਨਨ ਰਹੇ ਤੁਹਾਰੇ ਚਿਤਾ । ਮਨ ਸਾਹਿ ਬਧੇ ਪ੍ਰੇਮ ਕਉ ਬਿਤਾ ॥ 204 ॥

ਦੋਹਰਾ

ਤਥਾਸਤਿ ਬਚਨ ਕਹਿ ਗੁਰੂ ਤਾਕੋ ਕਰ ਕਰ ਧਾਰ ।
 ਜਾਇ ਮਾਤ ਚਰਨੀ ਲਗੇ ਕੀਨ ਬਿਨੈ ਤਿੰਹ ਵਾਰ ॥ 205 ॥

¹ਅ ਪੋਥੀ ਛਿੰਨ ਮਾਂਹਿ ²ਅ ਤੇ ਏ ਪੋਥੀ ਲੀਲਾ ³ਅ ਪੋਥੀ ਵਿਚੋਂ

ਚੌਪਈ

ਗੰਗ ਮਾਤ ਮਨ ਆਨੰਦ ਪਾਯੋ । ਧਾਰ ਪ੍ਰੇਮ ਸੁਤ ਗਰਿ^੧ ਸਿਉ ਲਾਯੋ^੨ ।
 ਦਮੋਦਰੀ ਮਾਤ ਨਾਨਕੀ ਆਈ । ਹਰਿ ਗੋਬਿੰਦ ਕੇ ਪਗ ਲਪਟਾਈ ॥ 206 ॥
 ਪੁਨ ਰਾਮੋ ਆ ਚਰਨੀ ਲਾਗੀ । ਕੀਨ ਬਿਨੈ ਅਤਿਸੈ ਵਡਭਾਗੀ ।
 ਸ੍ਰੀ ਸੁਖ ਧੀਰਜ ਦੀਨ ਅਪਾਰਾ । ਸਾਂਈ ਦਾਸ ਪੁਨ ਬਿਨਤ ਉਚਾਰਾ ॥ 207 ॥

ਦੋਹਰਾ

ਮਾਨ ਬਿਨੈ ਪੁਨ ਤਹਿ ਕੀ ਉਪਰ ਪਲੰਘ ਸੁਹਾਇ ।
 ਰਾਮੋ ਪਤਿ ਦਿਖ ਹਰਖ ਧਰਿ ਆਨੰਦ ਹੀਏ ਨ ਮਾਇ ॥ 208 ॥

ਚੌਪਈ

ਅਤਿ ਸੁਖ ਸਿਉ ਅਹਿਨਿਸ ਤਹਿ ਜਾਈ । ਪ੍ਰੇਮ ਪੁਲਕ ਕਛੁ ਖਬਰ^੩ ਨਾ ਪਾਈ ।
 ਸ੍ਰੀ ਗੁਰ ਸੁੰਦਰ ਚਰਿਤ ਅਪਾਰਾ । ਮਾਤਾ ਜੁਤ ਦਿਖ ਹਰਖ ਸੁਧਾਰਾ ॥ 209 ॥
 ਅਤਿ ਆਨੰਦ ਕਛੁ ਕਹਾ ਨ ਜਾਇ । ਭਗਤ ਸਿੰਘ ਬਹੁ ਦਿਵਸ ਬਤਾਇ ।
 ਬਹੁ ਮੰਗਲ ਸੂਨ ਦ੍ਰਿਗ ਬਾਈ । ਫੁਰਕੈ ਅੰਗ ਮਾਤ ਸੁਖ ਧਾਈ ॥ 210 ॥

ਦੋਹਰਾ

ਮਾਤ ਦਮੋਦਰੀ ਅੰਗ ਸੁਭ ਫੁਰਕਹਿ ਬਾਏ ਜਾਨ ।
 ਭਾਖਤ ਹੇ ਅਲਿ^੪ ਸੁਖ ਭਯੋ ਮਮ ਮੰਗਲ ਗ੍ਰਿਹ ਆਨ ॥ 211 ॥

ਸਵੈਯਾ

ਮਾਤ ਇਸ਼ਨਾਨ ਸੁ ਪਾਤਿ ਕਰਹਿ ਗੁਰ ਮੂਰਤ ਧਿਆਨ ਧਰਹਿ ਮਨ ਮਾਂਹੀ ।
 ਦੇਵਤਿ ਦਾਨ ਅਤਿਥਨ ਕਉ ਸਜਨੀ ਸੁਤ ਆਗਮ ਮੋਹਿ ਸੁਹਾਹੀ ।
 ਅਤਿ ਆਨੰਦ ਸਿਉ ਤਬ ਰੈਨ ਪਰੀ ਮੰਮ ਮਾਤ ਨਜੀਕ ਰਹੀ ਸੁਖ ਪਾਹੀ ।
 ਸੁੰਦਰ ਜਾਨ ਸੁਭਾ ਅਭਿਰਾਮ ਸਵਾ ਨਿਸ ਜਾਮ ਰਹੀ ਸੁਖ ਪਾਹੀ ॥ 212 ॥

ਦੋਹਰਾ

ਸਸ ਖਟ ਸਤਰ ਸੰਮਤ ਮੰਗਲ ਸਮਾ ਦਿਖਾਇ ।
 ਮਹੂਰਤ ਸੁਭ ਆਗਮ ਭਯੋ ਮਾਤ ਹਰਖ ਮਨ ਪਾਇ ॥ 213 ॥
 ਕਤਕ ਵਸ ਦਿਨ ਕ੍ਰਿਤਕਾ ਜਾਨ ਨਿਛਤੁ ਭਾਰ ।
 ਰਾਕਾ ਤਿਥ ਸਸ ਪੁਤ੍ਰ ਅਹਿ ਸੁਭ ਗ੍ਰਹਿ ਮੰਗਲਕਾਰ ॥ 214 ॥

ਸਵੈਯਾ

ਜਨਮ ਭਯੋ ਸੁਤ ਕਉ ਤਬ ਹੀ ਗੁਰ ਨਾਨਕ ਕੇ ਸਮ ਰੂਪ ਅਪਾਰਾ ।
 ਸੇਲੀ ਧਰੇ ਗਲ ਬਿਰਧ ਤਨੁ ਸੁਭ ਟੋਪੀ ਬਿਰਾਜਤ ਸੀਸ ਸੁਧਾਰਾ ।
 ਜੋ ਬਪੁ ਧਾਰ ਨਿਹਾਲ ਕਰੈ ਜਨ ਸੋ ਬਪੁ ਆਜ ਦਿਖੈ ਕਰਤਾਰਾ ।
 ਬਿਸਮਹਿ ਮਨ ਆਨੰਦ ਪਾਇ ਤਬੈ ਮੁਖ ਮਾਤ ਦਮੋਦੀ ਕੀਨ ਉਚਾਰਾ ॥ 215 ॥

^੧ਅ ਪੌਥੀ ਅੰਗ ਲਗਾਇਓ ^੨ਅ ਪੌਥੀ ਸੁਰਤਿ ^੩ਅ ਪੌਥੀ ਸਖੀ

ਦੋਹਰਾ

ਹੇ ਗੁਰ ਕਿਆ ਕੋਤਕ ਕੀਓ ਦਿਖ ਲਜਾ ਮਨ ਆਇ ।
ਆਇ ਗੁਰੂ ਬਪੁ ਬਿਰਧ ਧਰ ਕਹਹੋ ਤੁਹ ਸਮੁਹਾਇ ॥ 216 ॥

ਚੌਪਈ

ਮਾਤ ਗੰਗ ਮਨ ਬਿਸਮਹਿੰ ਪਾਈ । ਬਿਧ ਪੁਤ੍ਰ ਭਵ ਸੁਨਿਓ ਨ ਕਾਈ ।
ਸਭੈ ਮਾਤ ਮੁਖ ਅੰਗਰ ਪਾਯੋ । ਗੁਰ ਨਾਨਕ ਤਬ ਬਚਨ ਅਲਾਯੋ ॥ 217 ॥

ਸੁਨ ਮਾਤ ਤੁਮ ਜਾਚਨ ਕੀਨਾ । ਸਤਿਨਾਮ ਮੁਖ ਚੂਸ ਪ੍ਰਬੀਨਾ ।
ਤਿਹਤੇ ਅਪਨਾ ਰੂਪ ਦਿਖਾਯੋ । ਅਬ ਜੋ ਕਹਹੋ ਧਰਹੋ ਸੁਖ ਪਾਯੋ ॥ 218 ॥

ਦੋਹਰਾ

ਮਾਤ ਦਮੋਦਰੀ ਅਸ ਕਹਾ ਕਰੋ ਬਾਲ ਸੁਭ ਅੰਗ ।
ਬਾਲ ਅੰਗ ਗੁਰ ਜੀ ਧਰਾ ਹਰਖ ਮਾਤ ਦਿਖ ਗੰਗ ॥ 219 ॥

ਚੌਪਈ

ਮਾਤ ਦਮੋਦਰੀ ਮਨ ਹਰਖਾਈ । ਸੋਲੀ ਗਰਿ ਬਡਾ ਸੋਭਾ ਪਾਈ ।
ਮੰਗਲ ਗਾਇ ਉਠੀ ਬਹੁ ਨਾਰੀ । ਦਿਖ ਬਾਰਕ ਕੀ ਉਪਮ ਉਚਾਰੀ ॥ 220 ॥

ਹਰਿ ਗੋਬਿੰਦ ਗੁਰ ਤਤ ਛਿਨ ਆਏ । ਬਾਲਕ ਸੁਨਿ ਮਨਿ ਮਹਿੰ ਸੁਖ ਪਾਏ ।
ਮਾਤ ਗੰਗ ਸੁਭ ਕਥਾ ਸੁਨਾਈ । ਬਿਧ ਰੂਪ ਜਸ ਪੁਤ੍ਰ ਧਰਾਈ ॥ 221 ॥

ਦੋਹਰਾ

ਹਰਿ ਗੋਬਿੰਦ ਸੁਨ ਹਰਖ ਧਰਿ ਸ੍ਰੀ ਮੁਖ ਕੀਨ ਉਚਾਰ ।
ਪ੍ਰਥਮੇ ਬਾਬੇ ਬਪੁ ਕੀਓ ਸਭ ਜਨ ਮੰਗਲ [ਅੰ ਹਿਤ]^੨ ਕਾਰ ॥ 222 ॥

ਚੌਪਈ

ਤਾਂਤੇ ਨਾਮ ਇਸੈ ਸੁਖਦਾਈ । ਬਾਬਾ ਗੁਰਦਿਤਾ ਪ੍ਰਗਟਾਈ ।
ਇਹ ਬਾਲਕ ਬਾਬੇ ਗੁਰ ਦੀਨਾ । ਤਾਂਤੇ ਨਾਮ ਇਹੀ ਹਮ ਚੀਨਾ ॥ 223 ॥

ਭਾਖ ਨਾਮ ਦੀਓ ਦਰਬ ਅਪਾਰਾ । ਸਾਂਈ ਦਾਸ ਦਰਬ ਬਹੁ ਵਾਰਾ ।
ਜੋ ਨਰ ਨਾਰੀ ਦੇਤ ਬਧਾਈ । ਹਰਖਤ ਮਨੁ ਬਾਂਛਤ^੩ ਫਲ ਪਾਈ ॥ 224 ॥

ਦੋਹਰਾ

ਚੜਿਓ ਦਿਵਸ ਸੁਖ ਸਿਉ ਤਬ ਆਨੰਦ ਭਯੋ ਅਪਾਰ ॥
ਮਾਤ ਗੰਗ ਰਾਮੋ ਤਬਹਿ ਵਾਰਤ ਦਰਬ ਹਜਾਰ ॥ 225 ॥

ਸਵੇਯਾ

ਬੰਦਨਵਾਰ ਤਬੈ ਬੰਦਹੀਂ ਦਰ ਆਬ ਕੋ ਮੋਲ ਧਰਿਓ ਸੁਖ ਪਾਈ ।
ਬਾਜ ਬਜੈ ਅਤਿ ਹੀ ਛਬ ਪਾਵਤ ਮੰਗਲ ਗਾਵਤ ਨਾਰ ਸੁਹਾਈ ।

¹ਅ ਪੋਥੀ ਬਹੁ ²ਅ ਤੇ ਏ ਪੋਥੀ ਵਿਚੋਂ ³ਅ ਪੋਥੀ ਇਛਤ

ਕੁਕੰਮ ਗੰਧ ਲਗਾਇ ਸਭੀ ਪਟ ਆਇ ਤ੍ਰਿਯਾ ਤਬ ਦੇਤ ਬਧਾਈ ।
ਤਾ ਦਿਨ ਮੰਗਲ ਜੋਇ ਭਯੋ ਕਵਿ ਹਾਰ ਪਰੇ ਕਛੁ ਭਾਖ ਨ ਜਾਈ ॥ 226 ॥

ਦਹਰਾ

ਬਡਾ ਅਨੰਦ ਤਾ ਦਿਨ ਭਯੋ ਕਹ ਲਗ ਕਰਓ ਬਖਾਨ ।
ਮਾਤ ਦਮੋਦੀ ਸਭ ਕਰੀ ਜਗਤ ਰੀਤਿ ਸੁਖ ਮਾਨ ॥ 227 ॥
ਕਥਾ ਬ੍ਰਿਧ ਥੋੜੀ ਕਹੀ ਗਏ ਮਾਸ ਖਟ² ਬੀਤ ।
ਦੇਸ ਦੇਸ ਸੰਗਤ ਅਈ ਸ੍ਰੀ ਗੁਰ ਪਦ³ ਧਰ ਪ੍ਰੀਤਿ ॥ 228 ॥

ਚੌਪਈ

ਮੇਲਾ ਭਯੋ ਵਿਸਾਖੀ ਭਾਰੀ । ਕਰ ਦਰਸਨ ਫਲ ਪਾਏ ਚਾਰੀ ।
ਹਰਿ ਗੋਬਿੰਦ ਗੁਰਦਾਸ ਕ੍ਰਿਪਾਲ । ਸਭ ਸੰਗਤ ਕਉ ਕੀਓ ਨਿਹਾਲ ॥ 229 ॥
ਚੜੀ ਪੂਜ ਜਿਹ ਵਾਰ ਨਾ ਪਾਰਾ । ਮਨ ਬਾਂਛਤ ਫਲ ਸੰਗਤ ਧਾਰਾ ।
ਸ੍ਰੀ ਸਤਿਗੁਰ ਕੀ ਆਗਿਆ ਪਾਈ । ਸੰਗਤ ਨਿਜ ਨਿਜ ਧਾਮ ਸਿਧਾਈ ॥ 230 ॥

ਦੋਹਰਾ

ਭਗਤ ਸਿੰਘ ਉਸ ਦਿਨਸ ਤੇ ਮੇਲਾ ਭਯੋ ਅਪਾਰ ।
ਵਿਸਾਖੀ ਕੀ ਸੰਗਤ ਅਈ ਜਾ ਕਉ ਵਾਰ ਨ ਪਾਰ ॥ 231 ॥
ਵਿਸਾਖੀ ਬਿਤ ਜਬ ਜੇਠ ਭਾ ਨਭ ਰਵਿ ਤੇਜ ਧਰਾਇ ॥
ਮਧ ਦਿਵਸ ਲਖ ਘਾਮ ਅਤਿ ਸ੍ਰੀ ਗੁਰ ਮੰਚ ਸੁਹਾਇ ॥ 232 ॥
ਸਾਂਈ ਦਾਸ ਤਹਿ ਚਾਪਿ ਬਯੰਜਨ ਮਧਰ ਸੁਧਾਰ ।
ਬਯੰਜਨ ਕਰ ਤਬ ਤਾਂਹਿ ਤ੍ਰੀ⁴ ਜਾਨ ਈਸ ਕਰਤਾਰ ॥ 233 ॥
ਅਤਿ ਆਨੰਦ ਧਰਿ ਗੁਰੂ ਜੀ ਗੁਰ ਕੇ ਚਰਿਤ ਸੁਨਾਇ ।
ਭਾਖਤ ਅੰਤਰ ਧਿਆਨ ਹੁਇ ਕਛੁਕ ਕਾਲ ਸੁਖ ਪਾਇ ॥ 234 ॥

ਅੜਿਲ

ਏਕ ਸੁਦਾਗਰ ਲਾਦ ਜਹਾਜ ਚਲਾਇਓ ।
ਅਗੇਜ ਦੀਰਘ ਮਛ ਤਿਨੈ ਅਟਕਾਇਓ ।
ਕੀਨੇ ਜਤਨ ਅਨੇਕ ਪੀਰ ਫਕੀਰ ਮਨਾਏ ।
ਹੋ ਚਾਲ ਨ ਜਬੈ ਜਹਾਜ ਸ਼ਾਹਿ ਬਡ ਖੇਦ ਧਰਾਏ ॥ 235 ॥

ਸਵੈਯਾ

ਪ੍ਰਛਤ ਕੀਨ ਤਬੇ ਸਭ ਕਉ ਅਬ ਮੋਹ ਉਪਾਇ ਕਹੋ ਸੁਖਦਾਈ ।
ਸਿਖ ਹੋਤੁ ਗੁਰੁ ਨਾਨਕ ਕਉ ਇਕ ਤਾਂਹਿ ਕਹੀ ਸੁਨੀਏ ਮਨ ਲਾਈ ।

¹ਅ ਪੋਥੀ ਅਤਿ ²ਅ ਤੇ ਏ ਪੋਥ ਛੇ ³ਅ ਪੋਥੀ ਚਰਨਨ ⁴ਅ ਤੇ ਏ ਪੋਥੀ ਤ੍ਰੀਯ

ਛਨਮ ਗੁਰੂ ਗੁਰ ਨਾਨਕ ਕੇ ਸਮ ਭੇਟ ਮਨਹੁ ਤਹਿ ਧਿਆਨ ਕਰਾਈ ।
 ਸੋਦਾਗਰ ਅੰਜਰ ਜੋਰ ਕਹੀ ਤੁਮ ਭੀ ਬਿਨਤੀ ਕਹੀਏ ਹਰਖਾਈ ॥ 237 ॥
 ਮੁਹਰ ਸੰਹਸਰ¹ ਪਾਂਚ ਮਨੀ ਗੁਰ ਭੇਟ ਸੁਦਾਗਰ ਈਸ ਧਰਾਏ ।
 ਬਿਨਤੀ ਹੁਇ ਨਿੰਮ੍ਰਿਤ ਐਸੇ ਕਰੀ ਗਜ ਸੰਕਟ ਹੈ ਗੁਰ ਜੈਸ ਕਟਾਏ ।
 ਤੈਸ ਸਹਾਇ ਕਰਹੁ ਹਮਰੀ ਹਮ ਜਾਨ ਅਨਾਥ ਕਰੋ ਸਰਨਾਏ ।
 ਗੁਰ ਕਾ ਇਕ ਚਿਤ ਧਿਆਨ ਕੀਓ ਕਰ ਜੋਰ ਕੇ ਸਿਖ ਬਿਨੀ ਅਧਿਕਾਏ ॥ 238 ॥

ਦੋਹਰਾ

ਤਾਂਕੋ ਸੰਕਟ ਦੇਖਕੇ ਭਗਤ ਸਿੰਘ ਗੁਰਦੇਵ ।
 ਕਥਾ ਸੁਨਾਵਤ ਮੋਨ ਧਰਿ ਚਾਲੈ ਤਾਂਹਿ ਅਭੇਵ ॥ 239 ॥

ਸਵੈਯਾ

ਸੁਦਾਗਰ ਹੋਇ ਬਿਮੰਨ ਪਰਾ ਗੁਰ ਧਿਆਨ ਕੀਓ ਸਭ ਆਸ ਮਿਟਾਈ ।
 ਸਿਖ ਕਉ ਗੁਰ ਦਰਸਨ ਆਨ ਦੀਓ ਤਿਨ ਦੇਖ ਕਹਾ ਅਬ ਭੀਰ ਕਟਾਈ ।
 ਕੰਧ ਲਗਾਇ ਘਟ ਤਬ ਆਪਨੋ ਤੋਰ ਜਹਾਜ ਤਿਸੈ ਦੁਖ ਘਾਈ ।
 ਰਿਦ ਸਿਖ ਐ ਸਾਹ ਆਨੰਦ ਭਏ ਕਾ ਜੁਗ ਜਾਹਜ ਕੈ ਬੀਚ ਬਿਤਾਈ ॥ 240 ॥
 ਸੋ ਸਾਂਈ ਦਾਸ ਕਰੀ ਬਿਨਤੀ ਗੁਰ ਅਗੂਜ ਗਾਥ ਪ੍ਰਭੂ ਮੋ² ਸੁਨਾਏ ।
 ਅਬ ਤਉ ਵਹ ਦੂਰ ਜਹਾਜ ਗਯੋ ਨਿਜ ਦਾਸ ਕੋ ਦੁਖ ਸਭੀ ਤੁਮ ਘਾਏ ।
 ਆਵਹੁ ਹੇ ਸੁਖ ਪੂਰ ਪ੍ਰਭੂ ਤੁਮ ਈਸ ਕਹੋ ਮਮ ਗਾਥ ਸੁਹਾਏ ।
 ਤਉ ਗੁਰ ਚੌਕ ਸੁਨ ਨੈਨ ਉਘਾਰ ਕਹਾ ਗਮ ਐਸੇ ਭਈ ਕਿਹ ਤੇ ਬਲ ਪਾਏ ॥ 241 ॥

ਦੋਹਰਾ

ਸਾਂਈ ਦਾਸ ਬਿਨਤੀ ਕਰੀ ਪਦ ਪੰਕਜ³ ਰਜ ਤੋਹ ।
 ਜਬ ਅੰਜਨ ਮਮ ਦ੍ਰਿਗ ਕੀਓ ਸੁਧ ਭਈ ਸਬ ਮੋਹ ॥ 242 ॥

ਚੌਪਈ

ਸ੍ਰੀ ਸਤਿਗੁਰ ਪੁਨ ਐਸ ਅਲਾਯੋ । ਮਾਂਗੋ ਜੋ ਤੁਮਰੇ ਮਨ ਭਾਯੋ ।
 ਸਾਂਈ ਦਾਸ ਕਹਿ ਰਿਦ ਬਸਾਵਉ । ਚਰਨ ਕਮਲ ਤੁਮਰੇ ਮਨ ਲਾਵਉ⁴ ॥ 243 ॥
 ਤਬਾਸਤਿ ਬਚ ਗੁਰ ਕੀਨ ਉਚਾਰਾ । ਪੁਨ ਰਾਮੋ⁵ ਕੀ ਓਰ ਨਿਹਾਰਾ ।
 ਮਾਂਗੋ ਜੋ ਇਛਾ ਰਿਦ ਤੋਰੇ । ਤਿਨ ਕਹਿ ਜੋ ਮਾਂਗਿਓ ਪਤਿ ਮੋਰੇ ॥ 244 ॥

ਦੋਹਰਾ

ਮੋਕਉ ਭੀ ਅਨਕੂਲ ਹੈ ਪਤਿ ਸਮ ਪ੍ਰੀਤਿ ਉਦਾਰ ।
 ਦੀਜੈ ਪ੍ਰਭ ਜੀ ਦਯਾ⁶ ਕਰ ਸ੍ਰੀ ਮੁਖ ਤੈਸ ਉਚਾਰ ॥ 245 ॥

¹ਏ ਪੋਥੀ ਹਜਾਰ ²ਅ ਪੋਥੀ ਮੋਹਿ ³ਅ ਤੇ ਏ ਪੋਥੀ ਚਰਨ ਕਮਲ ⁴ਅ ਪੋਥੀ ਮਯਾ

ਚੌਪਈ

ਭਗਤ ਸਿੰਘ ਇਹ ਕਥਾ ਸੁਹਾਈ । ਦਯਾ ਸਿੰਧ ਕੀ ਤੋਹਿ ਸੁਨਾਈ ।
 ਐਸੇ ਸ੍ਰੀ ਗੁਰ ਚਰਿਤ ਅਨੰਤਾ । ਕਿਨੇ¹ ਜਾਕਉ ਪਾਇ ਨ ਅੰਤਾ² ॥ 246 ॥
 ਮਾਸ ਮਾਸ ਮੋ ਕਰ ਉਤਸ਼ਾਹਾ । ਬਾਬੇ ਗੁਰਦਿਤੇ ਕਾ ਚਾਹਾ ।
 ਸੁੰਦਰ ਰੂਪ ਦੇਖ ਹਰਖਾਵੈ । ਸਭ ਮਾਤਾ ਦਿਖ ਬਲਿ ਬਲਿ ਜਾਵੈ ॥ 247 ॥

ਦੋਹਰਾ

ਸਭੀ ਦੇਵ ਮਿਲ ਸਕ੍ਰ ਸਿਉ ਮੁਖ ਸਿਉ ਐਸ ਅਲਾਇ ।
 ਭਾਗ ਬਡੇ ਇਹ ਭੂਮ ਕੇ ਜਹ ਗੁਰ ਵਾਸ ਕਰਾਇ ॥ 248 ॥
 ਭਗਤ ਸਿੰਘ ਕੋਤਕ ਕੀਏ ਸ੍ਰੀ ਗੁਰ ਤਾਂਹਿ ਅਪਾਰ ।
 ਚਰਿਤ ਗੁਰ ਜਾਨੈ ਗੁਰੂ ਪਾਇ ਸੇਸ ਨਹਿ ਪਾਰ ॥ 249 ॥

ਚੌਪਈ

ਸੁਧਾ ਸਰੋਵਰ ਕੀ ਸੁਨ ਗਾਥਾ । ਯਾਦ ਕਰੈ ਸਭ ਹੀ ਹਿਤ ਸਾਥਾ ।
 ਕੋਲਾਂ ਨਿਸ ਦਿਨ³ ਕਰੈ ਧਿਆਨ । ਕਬ ਆਵਹਿ ਗੁਰ ਕ੍ਰਿਪਾ ਨਿਧਾਨ ।
 ਸਾਹਿਬ ਬੁਢਾ ਕਰ ਗੁਰ ਯਾਦ । ਕਬ ਆਵਹਿ ਸੁਖ ਸਿੰਧ ਅਨਾਦ ।
 ਪੁਨ ਬੁਢੇ ਇਕ ਰੀਤਿ ਬਿਚਾਰੀ । ਜਿਹ ਉਦਮ ਫਲ ਪਾਏ ਚਾਰੀ ॥ 251 ॥

ਦੋਹਰਾ

ਬੁਢੇ ਤਬ ਗੁਰਦਾਸ ਕਉ ਐਸੇ ਕੀਨ ਉਚਾਰ ।
 ਸੁਧਾ ਸਰੋਵਰ ਗਿਰਦ ਹੁਇ ਚੌਕੀ ਕਰੇ ਸੁਧਾਰ ॥ 252 ॥

ਚੌਪਈ

ਭਲੀ ਬਾਤ ਭਾਈ ਮਨ ਮਾਨੀ । ਤਾਂ ਦਿਨ ਬਿਤ ਇਕਾਦਸੀ ਜਾਨੀ ।
 ਨਿਮਾਣੀ ਅਗੂਜ ਬੁਢਾ ਹੋਯੋ । ਬੰਦਨ ਕਰਿ ਗੁਰ ਰਸ ਮਨ ਪੋਯੋ ॥ 253 ॥
 ਸਾਹਿਬ ਬੁਢਾ ਹੋਯੋ ਆਗੇ । ਗਾਵਤ ਸਬਦ ਪ੍ਰੇਮ ਰਸ ਪਾਗੇ ।
 ਪਾਛੇ ਭਾਈ ਸਬਦ ਉਚਾਰਤ । ਭਈ ਭੀਰ ਸੁਖ ਮਨ ਮਹਿ ਧਾਰਤ ॥ 254 ॥

ਦੋਹਰਾ

ਰਹਿਰਾਸ ਕੇ ਭੋਗ ਪਾਛੇ ਅਰਧ ਜਾਮ ਨਿਸ ਜਾਇ ।
 ਪਰਕ੍ਰਮਾ ਕਰ ਦੀਰਘ ਲਘੂ ਦਰਬਾਰ ਭੋਗ ਪੁਨ ਪਾਇ ॥ 255 ॥

ਚੌਪਈ

ਅਰਦਾਸ ਸਮੇਂ ਦੇਵਨ ਸੁਖ ਪਾਈ । ਭਲੀ ਰੀਤਿ ਬੁਢੇ ਠਹਿਰਾਈ ।
 ਰਹੈ ਅਚਲ ਰੀਤਿ ਇਹ ਭਾਰੀ । ਇਹ ਦਰਸਨ ਅਘ ਸੰਕਟ [ਸਭ]⁴ ਟਾਰੀ ॥ 256 ॥

¹ਅ ਪੋਥੀ ਕੋਇ ਨ ਪਾਇ ਸਕੈ ਤਿਹ ਅੰਤਾ ²ਅ ਪੋਥੀ ਦਿਵਸਰਤ ³ਅ ਪੋਥੀ ਵਿਚੋਂ

ਐਸੇ ਭਾਖ ਫੂਲ ਬਰਖਾਏ । ਸੁਨ ਬੁਢਾ ਭਈ ਹਰਖਾਏ ।
ਸੋ ਨਿਸ ਸਾਰੀ ਜਾਗਾ ਕੀਨੋ । ਬਡ ਆਨੰਦ ਅਪਨੇ ਮਨ ਲੀਨੋ ॥ 257 ॥

ਦੋਹਰਾ

ਨਿਤ ਨੇਮ ਐਸੋ ਕਰਹਿ ਚੌਂਕੀ ਗਿਰਦ ਕਰਾਇ ।
ਪੁਨ ਮਨ ਸਭਨ¹ ਵਿਚਾਰਿਓ ਸ੍ਰੀ ਗੁਰ ਇਹਾਂ ਨ ਆਇ ॥ 258 ॥

ਚੌਪਈ

ਹਰਿ ਗੋਬਿੰਦ ਤਿਹ ਠਾਂ ਉਰਝਾਏ । ਲਾਗਿਓ ਮਨ ਹਮ ਦੀਨ ਭੁਲਾਏ ।
ਯਾਤੇ ਕਰੀਏ ਕੋਊ ਉਪਾਇ । ਪਰਹਿ ਚਰਨ ਹਮ ਗੁਰ ਕੇ ਧਾਇ ॥ 259 ॥
ਕਹ ਬੁਢਾ ਬਿਨਤੀ ਅਰਦਾਸ । ਲਿਖ ਪਠੀਏ ਸ੍ਰੀ ਗੁਰ ਕੇ ਪਾਸ ।
ਅਸ ਵਿਚਾਰ ਬਹੁ ਬਿਨਤ ਲਿਖਾਈ । ਪਠਿਓ ਦੂਤ ਗੁਰੂ ਨਿਕਟਾਈ ॥ 260 ॥

ਦੋਹਰਾ

ਸਿਖ ਤਬੈ ਜਾਵਤ ਭਯੋ ਸ੍ਰੀ ਗੁਰ ਕੇ ਨਿਕਟਾਇ ।
ਹਾਥ ਜੋਰ ਬਿਨਤੀ ਕਰੀ ਬਾਰੰਬਾਰ ਸੁਹਾਇ ॥ 261 ॥

ਚੌਪਈ

ਸਿਖ ਅਰਦਾਸ ਗੁਰੂ ਕੋ ਦੀਨੀ । ਭਿੰਨ ਭਿੰਨ ਸਭ ਬਿਨਤੀ ਕੀਨੀ ।
ਅਤਿ ਅਨੰਦ ਗੁਰ ਮਨ ਮਹਿ ਪਾਯੋ । ਪੁਲਕਿਓ ਤਨ ਬਡ ਪ੍ਰੇਮ ਲਿਖਾਇਓ ॥ 262 ॥
ਸਾਂਈ ਦਾਸ ਕਉ ਨਿਕਟ ਬੁਲਾਇ । ਸ੍ਰੀ ਮੁਖ ਕਹੀ ਬਾਤ ਸਮਝਾਇ ।
ਦੀਪ ਮਾਲ ਮੇਲਾ ਅਬ ਆਯੋ । ਆਇਸ ਦੇਹੁ ਧਿਆਨ ਕਰਾਯੋ ॥ 263 ॥

ਦੋਹਰਾ

ਸਾਂਈ ਦਾਸ ਬਿਨਤੀ ਕਰੀ ਕੈਸ ਕਹਹੁ ਪ੍ਰਭ ਜਾਇ ।
ਮੋਕਉ ਦਰਸਨ ਦੇਹ ਫਿਰ ਮਾਨਹੁ ਤੋਰ ਰਜਾਇ ॥ 264 ॥

ਚੌਪਈ

ਸ੍ਰੀ ਗੁਰ ਕਹਾ ਬਹੁਰ ਭੀ ਆਉਂ । ਬਹੁ ਚਿਰ ਤੁਮਰੇ ਨਿਕਟ ਰਹਾਉਂ ।
ਅਬ ਚਿਰ ਭਯੋ ਤਹਾਂ ਤੇ ਆਏ । ਸੁਧਾ ਸਰੋਵਰ ਦਰਸਨ ਪਾਏ ॥ 265 ॥
ਗੁਰ ਆਗਿਆ ਤਬ ਦਈ ਤਿਆਰ । ਗੰਗ ਮਾਤ ਸੁਤ ਆਨੰਦ ਧਾਰ ॥
ਸਜ ਰਬ ਖਾਸੇ ਕੀਨ ਪਯਾਨਾ । ਬਾਹਨ ਅਨਿਕ ਨ ਜਾਤ ਬਖਾਨਾ ॥ 266 ॥

ਦੋਹਰਾ

ਰਾਮੋ ਮਿਲ ਸਭ ਮਾਤ ਕੇ ਸ੍ਰੀ ਗੁਰ ਕੇ ਪਗ ਲਾਗ ।
ਗੁਰ ਆਇਸ ਲੈ ਧਾਮ ਚਲਿ ਪਤਿ ਜੁਤ ਅਤਿ ਬਡ ਭਾਗ ॥ 267 ॥

¹ੲ ਪੋਥੀ ਸਭੀ

ਚੌਪਈ

ਮਾਤ ਦਮੋਦੀ ਖਾਸੇ ਰਾਜਤ । ਬਾਬਾ ਗੋਦੀ ਜਾਂਹਿ ਬਿਰਾਜਤ ।
 ਮਾਤ ਨਾਨਕੀ ਗੰਗਾ ਮਾਤ । ਚੜ੍ਹ ਰਥ ਸੁੰਦਰ ਭਾਰ ਸੁਹਾਤ ॥ 268 ॥
 ਕੁਮੈਤ ਅਸਵ ਪਰ ਗੁਰ ਕਰਤਾਰਾ । ਮੋਹਤ ਪੰਥ ਜੁ ਨੈਨ ਨਿਹਾਰਾ ।
 [ਬਸਤ]¹ ਪੰਥ ਪੁਨ ਕੀਨ ਸਨਾਨਾ । ਤਾਰਨ ਤਰਨ ਹਰਖ ਧਰਿ ਨਾਨਾ ॥ 269 ॥

ਦੋਹਰਾ

ਮਾਥ ਟਿਕਾਯੋ ਪੁਤ੍ਰ ਕਉ ਕੀਨਾ ਪ੍ਰਾਤ² ਪਿਯਾਨ ।
 ਸੁਧਾ ਸਰੋਵਰ ਐਸ ਸੁਨ ਆਏ ਕ੍ਰਿਪਾ ਨਿਧਾਨ ॥ 270 ॥

ਚੌਪਈ

ਨਰ ਨਾਰੀ ਸਭ ਹਰਖਤ ਧਾਏ । ਅਗੂਜ ਚਲਿ ਗੁਰੁ ਦਰਸਨ ਪਾਏ ।
 ਸਾਹਿਬ ਬੁਢਾ ਭਾਈ ਆਯੋ । ਪੁਰ ਬਾਹਰ ਗੁਰੁ ਦਰਸਨ ਪਾਯੋ ।
 ਸੁਧਾ ਸਰੋਵਰ ਸੰਗਤ ਆਈ । ਹੁਮ ਹੁਮਾਇ ਕਛ ਵਾਰ ਨ ਪਾਈ ।
 ਸ੍ਰੀ ਗੁਰ ਧਾਮ ਰੂਪ ਬਹੁ ਲੀਨੋ । ਇਛ ਪੂਰ ਸਭ ਦਰਸਨ ਦੀਨੋ ॥ 271 ॥

ਦੋਹਰਾ

ਸਾਹਿਬ ਬੁਢੇ ਚਰਨ ਪਰ ਸ੍ਰੀ ਸਤਿ ਗੁਰ ਬੰਦਨ ਕੀਨ ।
 ਕੁਸਲ ਆਨੰਦ ਪੂਛਨ ਕੀਓ ਬਡ ਸੁਖ ਮਨ ਮਹਿ ਲੀਨ ॥ 272 ॥

ਚੌਪਈ

ਪੁਰ ਪ੍ਰਵੇਸ ਕਰ ਧਨ ਬਰਖਾਯੋ । ਗੁਰ ਸੁਤ ਉਪਰ ਆਨੰਦ ਪਾਯੋ ।
 ਅਗੂਜ ਬਾਜੇ ਬਜਤ ਅਪਾਰਾ । ਬੋਲ ਨਕੀਬ ਹਰਖ ਮਨ ਪਾਰਾ ॥ 273 ॥
 ਲੈ ਪ੍ਰਸਾਦਿ ਤਖਤ ਵਿਗ ਆਏ । ਹਰਿ ਗੋਬਿੰਦ ਸੁਤ ਮਾਥ ਟਿਕਾਏ ।
 ਪੁਨ ਦਰਬਾਰ ਬੰਦਨਾ ਕੀਨੀ । ਮਾਥ ਟਿਕਾਇ ਪੁਤ੍ਰ ਸੁਖ ਲੀਨੀ ॥ 274 ॥

ਦੋਹਰਾ

ਬੁਢੇ ਅਰ ਗੁਰਦਾਸ ਕੇ ਪੁਨ ਪਗਿ ਮਾਥ ਟਿਕਾਇ ।
 ਦੇਖ ਰੂਪ ਤਹਿ ਹਰਖ ਧਰ ਧੰਨ ਧੰਨ ਮੁਖਹੁ ਅਲਾਇ ॥ 275 ॥

ਚੌਪਈ

ਸ੍ਰੀ ਸਤਿਗੁਰ ਪੁਨ ਮਹਲੀ ਆਏ । ਬਡ ਆਨੰਦ ਨਿਜ ਮਨ ਮਹਿ ਪਾਏ ।
 ਰਾਮਦਾਸ ਪੁਰ ਕੇ ਸਭ ਜਨ ਆਇ । ਗੁਰ ਸੁਤ ਰੂਪ ਦੇਖ³ ਹਰਖਾਇ ॥ 276 ॥
 ਦੇਤ ਵਧਾਈ ਵਾਰ ਨ ਪਾਰਾ । ਆਦਰ ਦੇਵਤ ਮਾਤ ਸੁਧਾਰਾ ।
 ਅਤਿ ਅਨੰਦ ਨਿਜ ਮਨ ਮੈ ਪਾਯੋ । ਰਸਨਾ ਏਕ ਜਾਇ ਨਹਿ ਗਾਯੋ ।

¹ਅ ਪੋਥੀ ਵਿਚੋਂ ²ੲ ਪੋਥੀ ਭੋਰ ³ਅ ਪੋਥੀ ਪੋਖਿ

ਦੋਹਰਾ

ਭਗਤ ਸਿੰਘ ਨਿਸੰ ਜਾਨ ਕੇ ਚੌਂਕੀ ਚੜੀ ਅਪਾਰ ।
 ਦੇਖ ਪ੍ਰਭੂ ਸੁਖ ਪਾਇਓ ਸ੍ਰੀ ਮੁਖ ਕੀਨ ਉਚਾਰ ॥ 278 ॥
 ਰਹੇ ਰੀਤਿ ਜੁਗ ਚਾਰ ਏ ਜੋ ਬੁਢੇ ਠਹਿਰਾਇ ।
 ਐਸ ਭਾਖ ਅਗੂਜ ਭਏ ਸ੍ਰੀ ਮੁਖ ਸਬਦ ਅਲਾਇ ॥ 279 ॥

ਸਵੈਯਾ

ਧਾਰਤ ਭਏ ਪ੍ਰਣ ਐਸ ਪ੍ਰਭੂ ਜਬ ਲੋ ਕਰ ਵਾਸ ਇਹਾ ਚੜ ਸਾਥਾ ।
 ਐ ਬਖਸਿੰਦ ਸਚਾ ਗੁਰੁ ਨਾਨਕ ਜਾਉ ਕਹੀ ਬਖਸ਼ਹਿ ਮਮ ਨਾਥਾ ।
 ਦਰਸ ਕਰੈ ਨਰ ਚੌਂਕੀ ਆਯ ਜੋ ਚਰਨਹ ਧੂਰ ਲਗਾਇ ਸੁ ਮਾਥਾ ।
 ਭਵ ਸੰਕਟ ਤੇ ਨਰ ਛੂਟ ਪਰੇ ਵਹੁ ਨਾਹਿ ਪਰੇ ਜਮ ਕੇ ਕਬ ਹਾਥਾ ॥ 290 ॥

ਦੋਹਰਾ

ਐਸੇ ਕਹ ਚੌਂਕੀ ਚੜਹਿ ਸ੍ਰੀ ਗੁਰ ਬਡ ਛਬਿ ਲੀਨ ।
 ਪਾਇ ਭੋਗ ਮਹਿਲੀ ਗਏ ਬਰਨਤ¹ ਕਥਾ ਨਵੀਨ ॥ 281 ॥

ਚੌਪਈ

ਬਹੁ ਸੁਖ ਸਿਉ ਕਛੁ ਦਿਵਸ ਬਿਤਾਏ । ਦੀਪਮਾਲ ਮੇਲਾ ਢਿਗ ਆਏ ।
 ਦੇਸ ਦੇਸ ਕੀ ਸੰਗਤ ਆਈ । ਪੂਜਾ ਚੜੀ ਨਾ ਗਿਨਤੀ ਕਾਈ ॥ 282 ॥
 ਸੰਗਤ ਇਛ ਪਾਇ ਮਨ ਕੇਰੀ । ਵਿਦਾ ਭਈ ਦਰਸਨ ਗੁਰ ਹੇਰੀ ।
 ਕਬ ਕਬ ਕੋਲਾ ਪੈ ਗੁਰੁ ਜਾਵਹਿ¹ । ਦੈ ਦਰਸਨ ਗੁਰ ਧੀਰ ਧਰਾਵਹਿ ॥ 283 ॥

ਦੋਹਰਾ

ਭਗਤ ਸਿੰਘ ਗੁਰ ਅਨੰਦ ਸਿਉ² ਗਏ ਮਾਸ ਖਟ ਬੀਤ ।
 ਵਿਸਾਖੀ ਮੇਲਾ ਅਧਿਕ ਦਿਖ ਸੰਗਤ ਕੈ ਧਰ ਪ੍ਰੀਤਿ ॥ 284 ॥

ਚੌਪਈ

ਜਬ ਵਿਸਾਖ ਅਹਿ ਦਿਵਸ ਬਿਤਾਏ । ਦਾਸ ਪ੍ਰੇਮ ਗੁਰ ਮਨ ਮਹਿ ਪਾਏ ।
 ਸਾਹਿਬ ਬੁਢੇ ਕਉ ਸਭ ਸੌਂਪ । ਦਈ ਸੈਨ ਰਖਿਆ ਕਰ ਚੌਂਪ ।
 ਭਗਤ ਸਿੰਘ ਕੁਛ ਸੈਨਾ ਲੈ ਕੈ । ਚਾਰ ਸਿਖ ਅਪਨੇ ਸੰਗ ਕੈ ਕੈ ।
 ਕਰ ਬੰਦਨ ਗੁਰ ਕੀਨ ਪਿਆਨਾ । ਕਸ਼ਮੀਰ ਓਰ ਦੁਖ ਦਾਸ ਦਿਖਾਨਾ ॥ 286 ॥

ਦੋਹਰਾ

ਭਗਤ ਸਿੰਘ ਚਿਤਵਨ ਕੀਓ ਕੌਨ ਦਾਸ ਕਸ਼ਮੀਰ ।
 ਤਾਂ ਕੋ ਦੇਖ ਸੁ ਦੁਖ ਭਯੋ ਕਹੋ ਕਥਾ ਧਰ ਧੀਰ ॥ 287 ॥

¹ਅ ਪੌਥੀ ਕਬਹੂੰ ²ਏ ਪੌਥੀ ਯੁਤ

ਚੌਪਈ

ਮਨੀ ਸਿੰਘ ਸੁਨ ਮਨ ਸੁਖ ਪੋਯੋ । ਗਦ ਗਦ ਸਵਰ ਉਤਕੰਠਾ ਹੋਯੋ ।
 ਰਿਦੈ ਸਿੰਧ ਮਨ ਬੋਰ ਉਚਾਰਾ । ਸੁਨੋ ਸਿਖ ਇਹ ਚਲਿਤ ਅਪਾਰਾ ॥ 288 ॥
 ਤਾਂਹਿ ਪ੍ਰੇਮ ਮੁਖ ਕਹਿਯੋ ਨ ਜਾਈ । ਭਾਗਭਰੀ ਬਸਹਿ ਤਹਿ ਇਕ ਮਾਈ ।
 ਤਿਹਿ ਨਿਸਚਾ ਗੁਰੂ ਉਪਰ¹ ਆਯੋ । ਸੁਪਨੇ ਹੂੰ ਨਹਿ ਅਉਰ ਲਖਾਯੋ ॥ 289 ॥

ਦੋਹਰਾ

ਭਗਤ ਸਿੰਘ ਬਹੁਰੋ ਕਹਾ ਕਿਹ ਨਿਸਚਾ ਅਸ ਦੀਨ ।
 ਮਨੀ ਸਿੰਘ ਕਹ ਯਾਦ ਮਹਿ ਕਛੂ ਸੰਸ ਨਹਿ ਕੀਨ ॥ 290 ॥

ਚੌਪਈ

ਮਾਧੋ ਸੋਢੀ ਤਹਿ ਠਾਂ ਜਾਈ । ਗੁਰ ਸਿਖੀ ਕੀ ਰੀਤਿ ਚਲਾਈ ।
 ਗੁਰ ਅਰਜਨ ਕੀ ਆਗਯਾ ਲੈ ਕੇ । ਮਾਧੋ ਗਯੋ ਤਹਾਂ ਸੁਖ ਪੈ ਕੇ ॥ 291 ॥
 ਤਿੰਹ ਉਪਦੇਸ਼ ਮਾਈ ਕਉ ਕੀਨਾ । ਸਤਿਨਾਮ ਮੁਖ ਅੰਮ੍ਰਿਤ ਕੀਨਾ ।
 ਮਾਧੋ ਅਗ੍ਰਜ ਬਿਨਤ ਉਚਾਰੀ । ਹਾਥ ਜੋਰ ਮਾਈ ਨਿਰਧਾਰੀ ॥ 292 ॥

ਦੋਹਰਾ

ਮੋਹਿ ਦਰਸ ਗੁਰ ਦੇਹਿੰਗੇ ਮਾਧੋ ਕਹਾ² ਸੁਨਾਇ ।
 ਗੁਰ ਅਰਜਨ ਨਿਜ ਧਾਮ ਗਏ ਤਿੰਹ ਸੁਤ ਇਹ ਠਾਂ ਆਇ ॥ 293 ॥

ਚੌਪਈ

ਸ੍ਰੀ ਗੁਰੁ ਹਰਿ ਗੋਬਿੰਦ ਤਿੰਹ ਨਾਮ । ਸਿਮਰਨ ਕਰੇ ਪੂਰਨ ਤਿੰਹ ਕਾਮ ।
 ਦਿਵਸ ਬਿਤਾਇ ਕਛੁਕ ਤਨ ਤਯਾਗਾ । ਗੁਰ ਕੇ ਧਾਮ ਗਯੋ ਬਡ ਭਾਗਾ ॥ 294 ॥
 ਭਾਗੋ ਬਿਰਹਿ ਪਾਹਿ ਮਨ ਮਾਹਿ । ਨਿਸ ਦਿਨ ਧਯਾਨ ਗੁਰੂ ਮਨ ਲਾਹਿ ।
 ਸੂਤ ਕਾਤ ਸੁੰਦਰ ਇਕ ਰੇਜਾ । ਮਾਤ ਉਣਾਯੋ ਪ੍ਰੇਮ ਸਮੇਜਾ ॥ 295 ॥

ਦੋਹਰਾ

ਬਹੁਰੋ ਤਾਂਹਿ ਧੁਆਇ ਕੈ ਮਨ ਮਹਿ ਐਸ ਅਲਾਇ³ ।
 ਇਹ ਕਾ ਜਾਮਾ ਕੰਠ ਗੁਰ ਜਬ ਪਹਿਰਹਿ ਸੁਖ ਪਾਇ ॥ 296 ॥

ਚੌਪਈ

ਮੇਰੇ ਹਾਥ ਸਫਲ ਤਬ ਹੋਈ । ਕਬ ਗੁਰੁ ਓਢਹਿੰ ਮਮ ਦੁਖ ਖੋਈ ।
 ਖਾਨ ਪਾਨ ਨਹਿ ਤਾਂਹੇ ਸੁਹਾਵੈ । ਦਯਾ ਸਿੰਧ ਕਉ ਯਾਦ ਕਰਾਵੈ ॥ 297 ॥
 ਗੁਰੁ ਗੁਰੁ ਕਰੇ ਨ ਅੰਤਰ ਪਾਯੋ । ਅੰਤ ਸਮਾਂ ਮਾਈ ਕਾ ਆਯੋ ।
 ਸਭੈ ਦੇਵ ਮਾਈ ਢਿਗ ਆਯੋ । ਪ੍ਰਿਥਕ ਪ੍ਰਿਥਕ ਸਭ ਟਾਣਾ ਸੁਨਾਯੋ ॥ 298 ॥

¹ਅ ਪੋਥੀ ਸਤਿਗੁਰ ਪਰ ²ਅ ਪੋਥੀ ਕਹਯੋ ³ਅ ਪੋਥੀ ਧਿਆਇ

ਇੰਦਰੋਵਾਚ

ਚਲੋ ਸੁਰਗ ਸੁਖ ਭੋਗ ਅਪਾਰਾ । ਤਹਿ ਠਾਂ ਖੇਦ ਨਾ ਕੋਇ ਨਿਹਾਰਾ ।
ਮਾਈ ਕਹਾ ਤਾਂਹਿ ਨਾਂਹਿ ਜਾਉ । ਗੁਰੁ ਕੇ ਧਾਮ ਨਿਵਾਸ ਸੁ¹ ਪਾਉ ॥ 299 ॥

ਦੋਹਰਾ

ਸਸ ਸੂਰਜ ਸਭ ਹੀ ਕਹਾ ਹਾਰ ਮਦਨ ਬਿਲਲਾਇ ।
ਨਿਜ ਨਿਜ ਮਹਿਮਾ ਅਤਿ ਕਰੀ ਮਾਈ ਨਹਿ ਲਲਚਾਇ ॥ 300 ॥

ਚੌਪਈ

ਪੁਨਾ ਕੁਬੇਰ ਬਰਨ ਅਸ ਗਾਇ । ਚਲੋ ਪੁਰੀ ਮਮ² ਅਤਿ ਸੁਖ ਦਾਇ ।
ਤਿਹ ਠਾਂ ਰਹੋ ਤੋਹਿ ਸਭ ਪਾਇਕ । ਮਾਈ ਕਹਾ ਨਾਂਹਿ ਹਮ ਲਾਇ ॥ 301 ॥
ਈਰਖ ਸਦਾ ਤੋਰ ਪੁਰ ਮਾਂਹੀ । ਜਹਿੰ ਈਰਖ ਤਹਿੰ ਜਾਵਹੂੰ ਨਾਂਹੀ ।
ਪਰਮ ਧਾਮ ਗੁਰ ਕਾ ਸੁਖਦਾਇ । ਜਾਉ ਛਨਮ ਗੁਰ ਦਰਸਨ ਪਾਇ ॥ 302 ॥

ਬ੍ਰਹਮੋ ਵਾਚ ॥ ਦੋਹਰਾ ॥

ਬ੍ਰਹਮ ਲੋਕ ਚਾਲਉ ਅਬੇ ਸੁੰਦਰ ਯਾਨ ਚੜਾਇ ।
ਤਹਾਂ ਮ੍ਰਿਤ ਕਉ ਭੈ ਨਹੀਂ ਭੋਗੋ ਭੋਗ ਮਹਾਇ ॥ 303 ॥

ਚੌਪਈ

ਅਨਿਕ ਪੁੰਨ ਨਰ ਜਗਤ ਕਰਾਵੈ । ਮਮ ਪੁਰ ਵਾਸ ਜਤਨ ਬਡ ਪਾਵੈ ।
ਤੋਕੋ ਲੇਵਨ ਆਯੋ ਆਪ । ਤਹ ਠਾਂ ਚਲਉ ਮੇਟ ਸੰਤਾਪ ॥ 304 ॥
ਮਾਈ ਕਹਾ ਕਾਜ ਮਮ ਨਾਹੀਂ । ਪੁਰੀ ਤੋਰ ਦੁਖ ਭਾਰ ਦਿਖਾਈ ।
ਹਉ ਤਉ ਪਰਮ ਧਾਮ ਗੁਰ ਜਾਵਉਂ । ਗੁਰ ਨਾਨਕ ਕਾ ਦਰਸਨ ਪਾਵਉਂ ॥ 305 ॥

ਸ਼ਿਵੋ ਵਾਚ ॥ ਦੋਹਰਾ ॥

ਸਦਾ ਕਾਲ ਮਮ ਹਾਥ ਹੈ ਤੁਮ ਚਲ ਪੁਰੀ ਹਮਾਰ ।
ਰਵਿ ਸੁਤ³ ਕਉ ਤਹ ਭੈ ਨਹੀਂ ਭੋਗੋ ਭੋਗ ਅਪਾਰ ॥ 306 ॥

ਚੌਪਈ

ਸਭ ਤੇ ਅਧਿਕ ਤਹਾ ਸੁਖ ਜਾਨ । ਚਲੋ ਪੁਰੀ ਮਮ ਸੰਸ ਨਾ ਠਾਨ ।
ਮਾਈ ਕਹਾ ਬਚਨ ਗੁਰ ਐਸੇ । ਮਾਧੋ ਕਹਿਤ ਅਹੈ ਸੁਨ ਜੈਸੇ ॥ 307 ॥
ਸਰਪਰ ਸੰਕ੍ਰਪੁਰੀ ਮਰ ਜਾਵੈ । ਬ੍ਰਹਮ ਪੁਰੀ ਥਿਰ ਨਾਹਿ ਰਹਾਵੈ ।
ਸੰਭੂਪੁਰੀ ਕਾ ਹੋਇਗਾ ਕਾਲਾ । ਔਰ ਪੁਰੀ ਸਭ ਬਿਨਸ ਬਿਹਾਲਾ ॥ 308 ॥

ਦੋਹਰਾ

ਤਾਂਤੇ ਪੁਰੀ ਨ ਜਾਇ ਹਉਂ ਤੁਮਰੀ ਅਤਿ ਦੁਖਦਾਇ ।
ਅਚਲ ਧਾਮ ਗੁਰ ਕਾ ਸਦਾ ਤਹਾਂ ਵਾਸ ਹਉ ਪਾਇ ॥ 309 ॥

¹ ਅ ਪੋਥੀ ਸੁਖ ²ਅ ਪੋਥੀ ਮਾਈ ³ਅ ਪੋਥੀ ਜਮਰਾਜ

ਸੋਰਠਾ

ਸਭ ਸੁਰ ਬਹੁਰ ਵਿਚਾਰ ਹਮਰੋ ਕਹਿਓ ਨ ਮਾਨ ਹੈ ।
ਸ੍ਰੀ ਪਤ ਜੋ ਯਹ ਵਾਰ ਆਵੇ ਤਉ ਬਚ ਮਾਨ ਤਹ ॥ 310 ॥

ਚੌਪਈ

ਸਭ ਦੇਵਨ ਮਿਲ ਬਿਨੇ ਉਚਾਰੀ । ਆਏ ਵਿਸਨ ਤਹਾਂ ਗਿਰਧਾਰੀ ।
ਕਰ ਬੰਦਨ ਸੁਰ ਐਸ ਅਲਾਯੋ । ਨਿਸਚਾ ਭਾਰ ਯਾਹ ਮਨ ਪਾਯੋ ॥ 311 ॥
ਰਹੇ ਭ੍ਰਮਾਇ ਭਰਮਹਿ ਨਹਿ ਮਾਈ । ਕਰੋ ਜਤਨ ਤੁਮ ਜੇ ਭਰਮਾਈ ॥
ਮਾਨ ਬਿਨੀ^੧ ਸੁਰ ਵਿਸਨ ਅਲਾਯੋ । ਹੋਇ ਸਨਮੁਖ ਮਾਈ ਜਸ ਗਾਯੋ ॥ 312 ॥

ਦੋਹਰਾ

ਬਡੇ ਪੁੰਨ ਕਰ ਭੂਮ ਪੈ ਤੁਮ ਸਮ ਭਯੋ ਨ ਕੋਇ ।
ਮੁਕਤ ਰੂਪ ਨਿਸਚੈ ਭਈ ਸੰਸਾਰਹਿਓ ਨ ਕੋਇ ॥ 313 ॥

ਚੌਪਈ

ਬਿਕੁੰਠ ਮਾਹਿ ਸੁੰਦਰ ਗ੍ਰਿਹ ਮੇਰੇ । ਲਾਇਕ ਭਏ ਆਜ ਵਹੁ ਤੇਰੇ ।
ਕਰੇ ਜਤਨ ਜੋਗੀ ਨਹਿ ਪਾਵੈ । ਅਚਲ ਧਾਮ ਦੁਖ ਦ੍ਰਿਸ਼ਟਿ ਨਾ ਆਵੈ ॥ 314 ॥
ਕਹ ਸੁਰ ਸ੍ਰੀ ਪਤਿ ਤੋਹਿ ਅਲਾਇ । ਕਿਉਂ ਨ ਜਹੁ ਤੁਮ ਖੇਦ^੨ ਮਿਟਾਇ ।
ਸ੍ਰੀ ਪਤ ਲੈਨ ਤੋਹਿ ਕਉ ਆਏ । ਨੇਤਿ ਨੇਤਿ ਜਿਹ ਬੇਦ ਅਲਾਏ ॥ 315 ॥

ਮਾਈ ਵਾਚ ॥ ਦੋਹਰਾ ॥

ਹੋ ਸੁਰ ਸ੍ਰੀ ਪਤ ਧਾਮ ਜੋ ਸਭ ਜਨਕ ਉ ਸੁਖਦਾਇ ।
ਕੈਸ ਕਰੋ ਮਨ ਹਠ ਪਰਾ ਗੁਰੁ ਕੇ ਬਚਨ ਸੁਨਾਇ ॥ 316 ॥

ਚੌਪਈ

ਕੋਟ ਬੈਕੁੰਠ ਦ੍ਰਿਸ਼ਟ ਜਹ ਮਾਂਹੀ । ਐਸ ਧਾਮ ਗੁਰੁ ਛੱਡੋ ਨਾਹੀਂ ।
ਜਬ ਗੁਰ ਆਵਹਿ ਜਾਮਾ ਧਾਰ । ਬੈਠ ਪਲੰਘ ਮਮ ਦੇਹ ਦੀਦਾਰ ॥ 317 ॥
ਤਬ ਹਉਂ ਕਰਉਂ ਦੇਹ ਨਿਜ ਤਿਆਗ । ਜਾਂਉ ਧਾਮ ਗੁਰੁ ਕੇ ਬਡ ਭਾਗ ।
ਧੰਨ ਧੰਨ ਤਬ ਬਿਸਨ ਉਚਾਰਾ । ਸ੍ਰੀ ਗੁਰਦੇਵ ਆਇ [ਦੇਹ]^੩ ਦੀਦਾਰਾ ॥ 318 ॥

ਦੋਹਰਾ

ਐਸੇ ਕਹ ਸਭ ਹੀ ਗਏ ਨਿਜ ਨਿਜ ਗ੍ਰਿਹ ਅਸਰਾਰ ।
ਭਾਗਭਰੀ ਨਿਸ ਦਿਨ ਕਰੇ ਸ੍ਰੀ ਗੁਰ ਨਾਮ ਉਚਾਰ ॥ 319 ॥

ਚੌਪਈ

ਭਗਤ ਸਿੰਘ ਕਾਰਨ ਇਹ ਜਾਨੋ । ਕਸ਼ਮੀਰ ਓਰ ਗੁਰ ਪਯਾਨਾ ਠਾਨੋ ।
ਭਗਤ ਸਿੰਘ ਸੁਨ ਸੀਸ ਝੁਕਾਯੋ । ਧੰਨ ਧੰਨ ਮਾਈ ਕਉ ਗਾਯੋ ॥ 320 ॥

^੧ਏ ਧੰਬੀ ਅਰਜ ^੨ਅ ਧੰਬੀ ਕਸਟ ^੩ਏ ਧੰਬੀ ਵਿਚੋਂ

ਪੁਨਾ ਬਿਨੈ ਕਰ ਤਾਂਹਿ ਉਚਾਰ । ਕੈਸੇ ਸ੍ਰੀ ਗੁਰ ਦੀਓ ਦਿਦਾਰ ॥
ਮਨੀ ਸਿੰਘ ਕਹੇ ਸ੍ਰੀ ਗੁਰ ਸਵਾਮੀ । ਤਾਂਹਿ ਪ੍ਰੇਮ ਲਖ ਅੰਤਰਜਾਮੀ ॥ 321 ॥

ਦੋਹਰਾ

ਸਭੀ ਜਤਨ¹ ਕਉ ਤਯਾਗ ਕੇ ਕਛੁਕ ਸੂਰ ਲੀਏ ਸਾਥ ।
ਸਾਤ ਦਿਵਸ ਕਸ਼ਮੀਰ ਮਹਿ ਪਹੁੰਚੇ ਦੀਨਾ ਨਾਥ ॥ 322 ॥

ਸੋਰਠਾ

ਮਾਈ ਸੁਨ ਧਰ ਧੀਰ ਪ੍ਰੇਮ ਪੁਲਕ ਠਾਢੀ ਭਈ ।
ਸੁਧ ਨ ਰਹੀ ਸਰੀਰ ਸ੍ਰੀ ਗੁਰ ਦਰਸ ਨਿਹਾਰ ਕੈ ॥ 323 ॥

ਚੌਪਈ

ਗੁਰੁ ਕੇ ਚਰਨ ਪਰੀ ਲਪਟਾਇ । ਧੰਨ ਧੰਨ ਮੁਖ ਹਰਖਤ ਗਾਇ ।
ਹੇ ਪ੍ਰਭ ਮੂੜ ਮੋਹਿ ਦਾਸੀ ਜਾਨ । ਕੈਸੇ ਉਪਮਾ ਕਰਉ² ਬਖਾਨ ॥ 324 ॥
ਅਪ੍ਰੇਮੇਉ ਹੈ ਰੂਪ ਤੁਮਾਰਾ । ਸੇਸ ਬੇਦ ਜਹਿ ਕਰੇ ਉਚਾਰਾ ।
ਅਜ ਅਨਵਦ ਮਾਯਾ ਤੇ ਪਰੇ । ਕਰ ਇਛਾ ਲੀਲਾ ਪੁਨ ਕਰੇ ॥ 325 ॥

ਦੋਹਰਾ

ਰਿਖ ਮੋਨੀ ਤਾਪਸ ਜੁਈ ਅੰਤ ਨ ਤੁਮਰਾ ਪਾਇ ।
ਮਹਾ ਮੂੜ ਹੋਇ ਸੇਵਕੋ ਕੈਸੇ ਉਪਮਾ ਗਾਇ ॥ 326 ॥

ਚੌਪਈ

ਅਸ ਕਹ ਬਹੁਰ ਚਰਨ ਲਪਟਾਈ । ਸ੍ਰੀ ਗੁਰ ਕਹਾ ਬਹੁਰ ਮੁਸਕਾਈ ।
ਹਮਰੇ ਹਿਤ ਜੋ ਬਸਤ੍ਰ ਉਣਾਇਓ । ਦੇਵਹ ਕੈਸ ਬਿਲਮਨ ਲਾਯੋ ॥ 327 ॥
ਮਾਈ ਹਰਖ ਕਹਾ ਪ੍ਰਭ ਲੀਜੈ । ਇਛਾ ਪੂਰ² ਹਮਾਰੀ ਕੀਜੈ ।
ਕਾਢ ਪਟਾਰ ਤੇ ਗੁਰ ਕਰ ਦੀਨੋ । ਆਨੰਦ ਭਾਰ ਅਪਨੇ ਚਿਤ ਲੀਨੋ ॥ 328 ॥
ਸ੍ਰੀ ਗੁਰ ਜਾਮਾ ਤਾਂਹਿ ਸਿਵਾਯੋ । [ਓਚਿਓ]³ ਅੰਕ ਅਧਿਕ ਛਬਿ ਪਾਯੋ ।
ਭਾਂਤ ਭਾਂਤ ਨਿਜ ਤਿਆਗ ਪੁਸ਼ਾਕ । ਜੈਸੇ ਬਿਦਰ ਕਉ ਖਾਯੋ ਸਾਗ ॥ 329 ॥

ਦੋਹਰਾ

ਜੈਸ ਭੀਲਨੀ ਬੇਰ ਕਉ ਪ੍ਰੇਮ ਜਾਨ ਮੁਖ ਪਾਇ ।
ਤੈਸੇ ਮਾਈ ਪ੍ਰੇਮ ਲਖ ਸ੍ਰੀ ਗੁਰ ਗਰਿ ਪਹਿਰਾਇ ॥ 330 ॥

ਚੌਪਈ

ਮਾਈ ਦੇਖ ਹਰਖ ਮਨ ਪਾਯੋ । ਇਛ ਪੂਰ ਮਨ ਮਹਿ ਸੁਖ ਪਾਯੋ ।
ਗੁਰ ਸਨਮੁਖ⁴ ਟਿਕਾਯ ਦ੍ਰਿਗ ਲਾਇ । ਭੂਮ ਸੈਨ ਕੀਨੋ ਹਰਖਾਇ ॥ 331 ॥

¹ਅ ਪੋਥੀ ਕਾਰਜਹਿ ²ਅ ਪੋਥੀ ਪੂਰੀ ³ਅ ਪੋਥੀ ਵਿਚੋਂ ⁴ਅ ਪੋਥੀ ਚਰਨਨ

ਦਰਸਨ ਕਰਤ ਦੇਹ ਤਬ ਤਿਆਗੀ । ਕ੍ਰਿਪਾ ਸਿੰਧ ਕੇ ਰਸ ਮਹਿ ਪਾਗੀ ।
ਗੁਰੁ ਨਾਨਕ ਤਬ ਲੈਣ ਪਠਾਏ । ਜੁਗਲ ਕੁਮਾਰ ਦਾਸ ਸੰਗ ਆਏ ॥ 332 ॥

ਦੋਹਰਾ

ਮਹਾਂ ਦੇਵ ਮਿਲ ਚਾਰਹੋ ਮਾਈ ਕੇ ਨਿਕਟਾਇ ।
ਸੁੰਦਰ ਯਾਨ ਚੜਾਇ ਕੇ ਚਲੇ ਗੁਰੁ ਗੁਨ ਗਾਇ ॥ 333 ॥

ਸੋਰਠਾ

ਭਗਤ ਸਿੰਘ ਬਡ ਭਾਗ ਮਾਈ ਸਮ ਨਹਿ ਕੋ ਭਯੋ ।
ਗੁਰੁ ਦਰਸ ਤਨ ਤਿਆਗ ਬਹੁਰ ਧਾਮ ਗੁਰੁ ਕੇ ਚਲੀ ॥ 334 ॥

ਚੌਪਈ

ਸਵਰਗ ਨਿਕਟ ਜਬ ਯਾਨ ਪਧਾਰਾ । ਜੈ ਜੈ ਸਭ ਸੁਰ ਕੀਨ ਉਚਾਰਾ ।
ਭਾਖਤ ਜਸ ਫੂਲਨ ਕੀ ਬਰਖਾ । ਕੀਨੇ ਦੇਵ ਧਾਰ ਮਨ ਹਰਖਾ ॥ 335 ॥
ਪੁਨ ਬ੍ਰਹਮਾ ਸਿਵ ਧਾਮ ਦਿਖਾਯੋ । ਅਗ੍ਰਜ ਜੈ ਜੈ ਸ਼ਬਦ ਅਲਾਯੋ ।
ਪੁਨਾ ਬੈਕੁੰਠ ਗਈ ਵਹੁ ਮਾਈ । ਸ੍ਰੀ ਗੁਰ ਜਾਹਿ ਨਿਵਾਸ ਕਰਾਈ ॥ 336 ॥
ਕੋਟ ਭਾਨ ਸਮ ਯਾਨ ਸੁਹਾਵਾ । ਬੈਕੁੰਠ ਲੋਕ ਦਿਖ ਮਨ ਬਿਗਸਾਵਾ¹ ।
ਕਹਾ ਬਿਸਨ ਮਾਈ ਵਹੁ ਜਾਨ । ਸ੍ਰੀ ਗੁਰ ਪ੍ਰੇਮ ਯਥਾਰਥ ਗਿਆਨ ॥ 337 ॥

ਦੋਹਰਾ

ਸਭ ਮਿਲ ਜੈ ਜੈ ਕਾਰ ਕਹ ਮਾਈ ਅਗ੍ਰ ਸਿਧਾਇ ।
ਧਾਮ ਦਿਖਾਯੋ ਹੈ ਤਹਾਂ ਸ੍ਰੀ ਗੁਰ ਧਾਮ ਪਰਾਇ ॥ 338 ॥

ਚੌਪਈ

ਮਾਈ ਧਾਮ ਗੁਰ ਕੇ ਗਈ । ਪਰਮ ਧਾਮ ਦਿਖ ਹਰਖਤ ਭਈ ।
ਗੁਰੁ ਨਾਨਕ ਕੇ ਪਗ ਲਪਟਾਈ । ਪਾਂਚ² ਗੁਰ ਕਾ ਦਰਸਨ ਪਾਈ ॥ 339 ॥
ਗੁਰੁ ਢਿਗ ਮਾਧੋ ਦੇਖ ਬਿਠਾਨਾ । ਚਰਨ ਬੰਦ ਤਿਹ ਅਤਿ ਸੁਖ ਮਾਨਾ ।
ਮੁਖ ਸਿਉ ਮਾਈ ਬਚਨ ਸੁਨਾਯੋ । ਤੇਰੀ ਕ੍ਰਿਪਾ ਧਾਮ ਗੁਰ ਪਾਯੋ ॥ 340 ॥
ਅਤਿ ਆਨੰਦ ਧਰਿ ਤਹਾਂ ਰਹਾਇ । ਪਾਛਲ ਕਥਾ ਸੁਨਉ ਮਨ ਲਾਇ ।
ਹਰਿ ਗੋਬਿੰਦ ਮੁਖ ਕੀਨ ਉਚਾਰ । ਬਾਬਕ ਸੁਨੋ ਐਸ ਨਿਰਧਾਰ ॥ 341 ॥

ਦੋਹਰਾ

ਮਾਰੂ ਡਖਣੇ ਵਾਰ ਪੜ ਭਾਗ ਭਰੀ ਦੇ ਹੇਤ ।
ਜਟਾਉ ਰੀਤਿ ਜੈਸੇ ਕਰੀ ਦਾਸ ਰਖੀ ਜਸ ਕੇਤ ॥ 342 ॥
ਚਿਖਾ ਬੀਚ ਤਨ ਤਾਂਹਿ ਧਰ ਨਿਜ ਕਰ ਲਾਂਬੂ ਲਾਇ ।
ਬਹੁਰ ਤਿਲਾਂਜਲਿ ਗੁਰ ਕਰੀ ਭਗਤ ਵਛਲ³ ਬਿਰਦਾਇ ॥ 343 ॥

¹ਅ ਪੋਥੀ ਹਰਖਾਵਾ ²ਅ ਤੇ ਬ ਪੋਥੀ ਪਾਂਚਹੁੰ ³ਅ ਪੋਥੀ ਬਤਸਲ

ਚੌਪਈ

ਧੰਨ ਜਨਮ ਮਾਈ ਕਾ ਜਾਨੋ । ਭਗਤ ਸਿੰਘ ਗੁਰ ਦਰਸਨ ਦਾਨੋ ।
ਬਹੁਰੇ ਧਾਮ ਗੁਰੂ ਕੇ ਗਈ । ਨਿਜ ਕਰ ਫੀਤਿ ਗੁਰੂ ਤਹਿੰ ਕਈ ॥ 344 ॥
ਪਾਵਨ ਪਤਿਤ ਗੁਰੂ ਸਮਨਾਹੀ । ਦੇਖਯੋ ਖੋਜ ਤਿਹੂੰ ਪੂਰ ਮਾਹੀ ।
ਭਈ ਪੂਰ ਮਾਈ ਕੀ ਗਾਥਾ । ਪੜੇ ਸੁਨੇ ਗੁਰ ਕਰਹਿੰ ਸਨਾਥਾ ॥ 345 ॥

ਸਵੈਯਾ

ਜਾਂ ਚਤਰਾਨਨ ਸੇਸ ਤੇ ਆਦਿਕ ਸੰਕਰ ਐ ਮੁਨ ਖੋਜਤ ਸਾਰੇ ।
ਨਾਰਦ ਸਾਰਦ ਚੰਦਤ ਹਹਿੰ ਲਛਮੀਪਤਿ ਧਿਆਨ ਸਦਾ ਚਿਤ ਧਾਰੇ ।
ਸੋ ਪ੍ਰਭ ਪ੍ਰੇਮ ਅਧੀਨ ਭਯੋ ਤਨ ਭਾਗਭਰੀ ਕ੍ਰਿਤ ਕੀਨ ਅਪਾਰੇ ॥
ਐਸ ਗੁਰੂ ਕਵਿ ਖੇਦ ਨਿਵਾਰ ਸੋ ਪੂਰਹ ਇਛ ਕਰੋ ਦੁਖ ਟਾਰੇ ॥ 346 ॥

ਦੋਹਰਾ

ਭਗਤ ਸਿੰਘ ਤਹਿ ਠਾਂ ਰਹੇ ਸ੍ਰੀ ਗੁਰੂ ਮਾਸ ਵਿਸਾਖ ।
ਕਛੁਕ ਦਿਵਸ ਗਏ ਜੇਨੂ ਕੇ ਕੀਨ ਚਲਨ ਅਭਿਲਾਖ ॥ 347 ॥
ਤਹਾਂ ਚਰਿਤ ਅਨਗਨ ਕਰੇ ਕਹੇ ਹੋਤ ਬਿਸਥਾਰ ।
ਸਤਿਨਾਮ ਕਉ ਮੰਤ੍ਰੁ ਦੈ ਦਿਜ ਸਿਖ ਅਨਿਕ ਉਧਾਰ ॥ 348 ॥

ਚੌਪਈ

ਤਹਿਤੇ ਕੀਨੋ ਸ੍ਰੀ ਗੁਰ ਪਿਆਨਾ । ਨਾਘਤ ਕੋਹਿ ਦੂਣ ਪਿਖ ਨਾਨਾ ।
ਇਛਾ ਬਾਰ ਚਰਸ ਕੀ ਲਾਗੀ । ਬਰਨਤ ਕਥਾ ਗੁਰੂ ਰਸ ਪਾਗੀ ॥ 349 ॥
ਜਿਹ ਜਿਹ ਸ੍ਰੀ ਗੁਰੂ ਰੈਨ ਬਸਾਏ । ਭਾਖਉਂ ਕਥਾ ਗ੍ਰੰਥ ਬਢ ਜਾਏ ।
ਹਾਫਸਵਾਦ ਕੀਨ ਗੁਰ ਡੇਰਾ । ਪੂਰ ਨਿਕਟਾਇ ਠਰ ਸਭ ਹੇਰਾ ॥ 350 ॥

ਦੋਹਰਾ

ਏਕ ਸਿਖ ਤਬ ਆਇਕੈ ਕੀਨੀ ਸੇਵ ਅਪਾਰ ।
ਸ੍ਰੀ ਗੁਰੂ ਕੋ ਮਨ ਹਿਰ ਲਯੋ ਸੇਵਾ ਵਸ ਕਰਤਾਰ ॥ 351 ॥

ਸਵੈਯਾ

ਤਾਂਹਿ ਕਰੀ ਬਿਣਤੀ ਗੁਰੂ ਅਰਜ ਸਿਖ ਕਰੋ ਮਮ¹ ਦਾਸ ਪਛਾਨੋ ।
ਜਾਨ ਅਨਾਥ ਸਨਾਥ ਕਰੋ ਮਮ ਦੇਹ ਸੁ ਮੰਤਰ ਜੋ ਭਵ ਹਾਨੋ ॥
ਤਾਂਹਿ ਬਿਨੈ ਸੁਨ ਆਨੰਦ ਪਾਇ ਕ੍ਰਿਪਾਲ ਭਏ ਗੁਰ ਐਸ ਬਖਾਨੋ ।
ਸੰਤ ਐ ਸਾਧ ਕੀ ਸੇਵ ਕਰੋ ਸਤਿਨਾਮ ਕੋ ਮੰਤ੍ਰੁ ਦੀਓ ਤਿਹ ਕਾਨੋ ॥ 352 ॥

ਅੜਿਲ

ਸਿਖ ਮੰਤ੍ਰੁ ਸੁਨ ਕਾਨ ਐਸ ਮੁਖ ਗਾਇਯੋ ।
ਮਮ ਮਤਿ ਮੂੜ ਗਵਾਰ ਭੇਦ ਨਹਿ ਪਾਇਓ ।

¹ਅ ਪੋਥੀ ਮੋਹਿ

ਯਾਕੈ ਅਰਥ ਸੁਨਾਵੇ ਅਪਨੀ ਦਯਾ¹ ਸਿਉਂ ।
ਹੋ ਮਿਟੈ ਭਰਮ ਮਨ ਭੇਦ ਭਾਰ ਤੁਮ ਮਯਾ² ਸਿਉਂ ॥ 353 ॥

ਕੁੰਡਲੀਆ

ਕਰਮਚੰਦ ਜਬ ਦੀਨ ਹੈ ਐਸੇ ਬਚਨ ਅਲਾਇ ।
ਸ੍ਰੀ ਗੁਰ ਸੁਨ ਗਦ ਗਦ ਭਏ ਸ੍ਰੀ ਮੁਖ ਅਸ ਫੁਰਮਾਇ ।
ਸ੍ਰੀ ਮੁਖ ਅਸ ਫੁਰਮਾਇ ਅਰਥ ਇਹ ਜਾਨ ਬਿਅੰਤਾ ।
ਜਥਾ ਬੁਧ ਮਮ ਆਇ ਕਹਉਂ ਜਸ ਭਾਖਤ ਸੰਤਾ ।
ਤੀਨ ਕਾਲ ਮਹਿ ਸਤਿ ਸੁ ਸਤਿ ਹੀ ਜਾਨਹੋ ।
ਨਾਮ ਰੂਪ ਨਹਿ ਜਾਹਿ ਨਾਮ ਤਹ ਮਾਨਹੋ ॥ 354 ॥

ਦੋਹਰਾ

ਜਪੁਜੀ ਅਰਥ ਸੁਨਾਯੋ ਭਗਤ ਸਿੰਘ ਥਾਂ ਤਾਹਿ ।
ਤੀਨ ਦਿਵਸ ਮਹਿ ਗੁਰੂ ਜੀ ਮਨ ਮਹਿ ਧਾਰ ਉਮਾਹਿ ॥ 355 ॥

ਚੌਪਈ

ਕਰਮ ਚੰਦ ਸੁਨ ਆਨੰਦ ਪਾਯੋ । ਜਨਮ ਮਰਨ ਕਾ ਸੰਸ ਮਿਟਾਯੋ ।
ਬਹੁਰ ਸ੍ਰੀ ਮੁਖ ਬਚਨ ਬਖਾਨੋ । ਅਰਥ ਯਾਹਿ ਗੁਰ ਨਾਨਕ ਜਾਨੋ ॥ 356 ॥
ਹਮ ਹਹਿ ਜੰਤ ਦਾਸ ਤਿਹ ਕੇਰੇ । ਗੁਹਯ³ ਅਰਥ ਇਹ ਜਾਨ ਘਨੇਰੇ ।
ਐਸੇ ਸੁਨ ਵੁਹ ਗੁਰਿ ਪਗ ਲਾਗਾ । ਭਗਤ ਸਿੰਘ ਅਤਿਸੈ ਬਡ ਭਾਗਾ ॥ 357 ॥
ਜੇਠੇ ਬਿਧੀਏ ਬਿਨਤ ਉਚਾਰੀ । ਹੇ ਪ੍ਰਭ ਕ੍ਰਿਪਾ ਸਿੰਧ ਅਵਤਾਰੀ ।
ਹਮ ਨਿਜ ਸ੍ਰਵਨੀ ਐਸ ਸੁਨਾਯੋ । ਬਾਲ ਜਨਮ ਗੁਰ ਨਾਨਕ ਪਾਯੋ ॥ 358 ॥

ਦੋਹਰਾ

ਸੋ ਅਸਥਾਨ ਕਿਹ ਠਾਂ ਪ੍ਰਭੂ ਤਾਕੋ ਦਰਸ ਦਿਖਾਇ ।
ਸ੍ਰੀ ਗੁਰ ਕਹਿ ਚਾਲੇ ਤਹਾਂ ਮੇਲਾ ਭਯੋ ਮਹਾਇ ॥ 359 ॥

ਚੌਪਈ

ਨਿਮਾਨੀ ਮੇਲਾ ਤਹਿ ਠਾਂ ਭਾਰਾ । ਹੋਵਤ ਸੰਗਤ ਆਇ ਅਪਾਰਾ ।
ਤਾ ਮਾਹਿ ਰਹੇ ਅਸਟ⁴ ਦਿਨ ਜਾਨੋ । ਐਸੇ ਕਹਿ ਗੁਰ ਕੀਨ ਪਿਆਨੋ ॥ 360 ॥
ਕਰਮਚੰਦ ਦਿਖ ਬਿਨੀ⁵ ਉਚਾਰੀ । ਹੇ ਪ੍ਰਭ ਚਲਉ ਸੰਗ ਸੁਖ ਧਾਰੀ ।
ਸ੍ਰੀ ਗੁਰ ਕਹਾ ਸੰਗ ਰਹੁ ਭਾਈ । ਕਰੋ ਸੇਵ ਗੁਰ ਸਿਖ ਮਨ ਲਾਈ ॥ 361 ॥

ਦੋਹਰਾ

ਐ ਸਥਾਨ ਇਹ ਠੋਰ ਰਚ ਕਰਹੁ ਸੇਵ ਸੁਖ ਪਾਇ ।
ਜੋਊ ਦਰਸ ਇਛਾ ਕਰੈ ਸੋ ਫਲ ਲੇਹੁ ਦੁਖ ਜਾਇ ॥ 362 ॥

¹ਅ ਪੌਥੀ ਮਯਾ ²ਅ ਤੇ ਏ ਪੌਥੀ ਦਯਾ ³ਅ ਪੌਥੀ ਮੂਹਜੇ ⁴ਅ ਪੌਥੀ ਆਠ ⁵ਏ ਪੌਥੀ ਬਿਨਤ

ਚੌਪਈ

ਐਸੋ ਕਹਿ ਗੁਰੁ ਕੀਨ ਪਿਆਨਾ । ਤਲਵੰਡੀ ਓਰ ਹਰਖ ਧਰ ਨਾਨਾ ।
 ਕਰਮ ਚੰਦ ਤਹਿ ਰਚਿ ਅਸਥਾਨ । ਗੁਰ ਸਮ ਪੂਜ ਕਰੇ ਸੁਖ ਮਾਨ ॥ 363 ॥
 ਬਸਤ ਪੰਥ ਗੁਰ ਪਹੁੰਚੇ ਤਹਾਂ । ਗੁਰ ਨਾਨਕ ਭਵ ਲੀਨੋ ਜਹਾਂ ।
 ਪ੍ਰਸਾਦ ਭੇਟ ਧਰ ਦਰਸਨ ਕੀਨੋ । ਹਰਿ ਗੋਬਿੰਦ ਗੁਰ ਅਤਿ ਸੁਖ ਲੀਨੋ ॥ 364 ॥

ਦੋਹਰਾ

ਬਿਧੀਏ ਜੇਠੇ ਹਰਖ ਹੁਇ ਬੰਦਨ ਕਰ ਮਨ ਲਾਇ ।
 ਕ੍ਰਿਪਾ ਸਿੰਧ ਢਿਗ ਬੈਠ ਕੇ ਬਿਨਤੀ ਬਹੁਰ ਅਲਾਇ ॥ 365 ॥

ਚੌਪਈ

ਹੇ ਗੁਰ ਹਮਰੇ ਮਨ ਭ੍ਰਮ ਪਾਯੋ । ਗੁਰ ਨਾਨਕ ਅਬਿਨਾਸੀ ਗਾਯੋ ।
 ਕੌਨ ਹੇਤ ਇਹ ਨਾਂ ਭਵ ਲੀਨੋ । ਕੌਨ ਬੰਸ ਜਸ ਪ੍ਰਗਟ ਕੀਨੋ ॥ 366 ॥
 ਅਵਲ ਕਹੋ ਜਨਮ ਕਾ ਹੇਤ । ਬਾਹੁਰ ਸੰਸ ਕਹਿ ਕ੍ਰਿਪਾ ਨਿਕੇਤ ॥
 ਅਸ ਕਹਿ ਸ੍ਰੀ ਗੁਰ ਕੇ ਪਗ ਲਾਗੇ । ਗੁਰੁ ਨਾਨਕ ਕੇ ਰਸ ਮਹਿ ਪਾਗੇ ॥ 367 ॥

ਦੋਹਰਾ

ਕ੍ਰਿਪਾ ਸਿੰਧ ਹਰਖਤ ਭਏ ਬਿਨਤੀ ਤਾਹਿ ਸੁਨਾਇ ।
 ਸ੍ਰੀ ਮੁਖ ਅਸ ਫੁਰਮਾਇਓ ਸੁਨ ਬਿਧੀਆ ਮਨ ਲਾਇ ॥ 368 ॥

ਸਵੇਯਾ

ਭਗਤ ਸਿੰਘ ਸ੍ਰੀ ਗੁਰ ਐਸ ਕਹਿਯੋ ਭਵ ਹੇਤ ਸੁਨੇ ਜਿਹਤੇ ਭਵ ਪਾਯੋ ।
 ਪਾਪ ਪ੍ਰਸਿਧ ਭਯੋ ਜਗ ਮੈ ਨਰ ਧਰਮ ਤਿਆਗ ਅਨਰਥ ਕਮਾਯੋ ।
 ਧਰਮ ਉਡਿਓ ਧਰ ਪੰਥ ਤਬੈ ਜਗ ਦੁਸ਼ਟ ਬਧੈ ਦਿਜ¹ ਧੇਨ ਹਤਾਯੋ ।
 ਨਾਮ ਐ ਦਾਨ ਕੀ ਲੇਸ ਨਹੀਂ ਛਤ੍ਰੀ ਧਰਮਾਤਮਾ ਨਾਹਿ ਰਹਾਯੋ ॥ 369 ॥
 ਡੋਲ ਧਰਾ ਤਬ ਪਾਇ ਮਹਾਂ ਤਬ ਧੌਲ ਸੁ ਧਰਮ ਮਹਾਂ ਦੁਖ ਪਾਯੋ ।
 ਧੌਲ ਕਹਾ ਅਬ ਜਾਉਂ ਰਸਾਤਲ ਪਾਪ ਕੋ ਭਾਰ ਨਾ ਮੋਹ ਸਹਾਯੋ ।
 ਕੋਇ ਨ ਰਖਕ ਸਾਧ ਬਿਨਾ ਜਗ ਸਾਧ ਨਹੀਂ ਇਮ ਰੋਇ ਸਨਾਯੋ ।
 ਕੌਨ ਸਹਾਇ ਕਰੇ ਹਮਰੀ ਅਬ ਧੌਲ ਧਰਾ ਬਡ ਖੇਦ ਜਨਾਯੋ ॥ 370 ॥
 ਧੇਨ ਧਰਾ ਬਪੁ ਧਾਰ ਤਬ ਸੁਰ ਅਗ੍ਰਜ ਰੋਇ ਕੈ ਬੈਨ ਸੁਨਾਯੋ ।
 ਤਾਹਤੇ ਪੀਰ ਮਿਟਾਤ ਨਹੀਂ ਮਿਲ ਬ੍ਰਹਮ ਕੇ ਧਾਮ ਗਏ ਦੁਖ ਗਾਯੋ ।
 ਚਤਰਾਨਨ² ਸਾਥ ਭਯੋ ਦਿਵ ਕੇ ਸ਼ਿਵ ਕਉ ਸੰਗ ਲੈ ਮੁਖ ਐਸ ਅਲਾਯੋ ।
 ਨਾਹ ਸ੍ਰੀ ਜਹ ਤਹਿ ਚਲਿਏ ਸਬ ਮਾਨ ਭਲੀ ਤਹਿ ਪਿਆਨ ਕਰਾਯੋ ॥ 371 ॥
 ਜਾਇ ਪ੍ਰਕਾਰ ਕਰੀ ਚਤਰਾਨਨ² ਅਗ੍ਰਜ ਐਸ ਸੁ ਸ੍ਰੀਪਤਿ ਗਾਯੋ ।
 ਸਦ ਹੀ ਸਦ ਖੇਦ ਮਿਟਾਤ ਪ੍ਰਭੂ ਤੁਮ ਤਾਹ ਤੇ ਧਰਮ ਸੁ ਈਸਰ ਨਾਯੋ ।

¹ਅ ਪੋਥੀ ਬਿਪੁ ²ਅ ਪੋਥੀ ਬ੍ਰਹਮਹਿ

ਲਛਮੀ ਪਤਿ ਸਾਥ ਗਯੋ ਸੁਰ ਕੈ ਸੁ ਬਿਚਾਰਤ ਭਏ ਪ੍ਰਭੁ ਕਾਹਿ ਬਸਾਯੋ ।
 ਠੌਰ ਸਭੀ ਪਰ ਪੂਰ ਕਹਾ ਸਿਵ ਪ੍ਰੇਮ ਪ੍ਰਤਖ ਜੁਗੋ ਜੁਗ ਗਾਯੋ ॥ 372 ॥

ਦੋਹਰਾ

ਬ੍ਰਹਮਾ ਵਿਸ਼ਨ ਸ਼ਿਵ ਉਸਤਤੀ ਕੀਨੀ ਅਨੇਕ^੧ ਪ੍ਰਕਾਰ ।
 ਅਕਾਲ ਪੁਰਖ ਤਬ ਪ੍ਰਗਟ ਹੋਇ ਸ੍ਰੀ ਮੁਖ ਕੀਨ ਉਚਾਰ ॥

ਚੌਪਈ

ਹੇ ਸੁਰ ਕਹਿ ਹੇਤ ਕਹੁ ਆਏ । ਕਾਹਿ ਖੇਦ^੨ ਤੁਮਰੇ ਮਨ ਪਾਏ ।
 ਕਹਾ ਬਿਸਨ ਪ੍ਰਭ ਸਭ ਹੀ ਜਾਨੋ । ਤੁਮ ਤੇ ਕੋਇ ਨ ਜਗ ਮਾਹਿ ਛਾਨੋ ॥ 374 ॥
 ਧਰਮ ਰਹਿਤ^੩ ਧਰਨੀ ਦੁਖ ਪਾਯੋ । ਪ੍ਰਚੁਰ ਪਾਪ ਜਗ ਦਾਨ ਲੁਪਾਯੋ ।
 ਯਗ ਦਾਨ ਬਿਨ ਸੁਰ ਦੁਖ ਪਾਵਹਿ । ਬਧੈ ਦੁਸ਼ਟ ਸੁਰ ਧੀਰ ਮਿਟਾਵਹਿ ॥ 375 ॥
 ਧਰਨੀ ਸਵਰ ਜਹ ਪੀੜਾ ਹੋਈ । ਤੁਮ ਕਾਟੀ ਕਰ ਕ੍ਰਿਪਾ ਸੋਈ ।
 ਰਾਵਨ ਖੇਦ ਦੀਓ ਤੁਮ ਮਾਰਾ । ਜੁਗ ਜੁਗ ਭਗਤ ਵਛਲ ਕਰਤਾਰਾ ॥ 376 ॥
 ਤ੍ਰਾਹਿ ਤ੍ਰਾਹਿ ਸਰਨੀ ਸੁਰ^੪ ਆਏ । ਹੇ ਪ੍ਰਭ ਰਖਿਆ ਕਰੋ ਮਹਾਏ ।
 ਬਿਸਨ ਬਿਨੈ ਸੁਨ ਅਤਿ ਮੁਸਕਾਨੇ । ਸ੍ਰੀ ਮੁਖ ਸੁੰਦਰ ਬਚਨ ਬਖਾਨੇ ॥ 377 ॥

ਦੋਹਰਾ

ਹੇ ਸੁਰ ਮਨ ਧੀਰਜ ਧਰਹੁ ਕਰ ਹਉ ਭਾਰ ਨਿਵਾਰ ।
 ਆਪ ਰੂਪ ਧਰ ਪ੍ਰਗਟ ਹਉ ਕਾਲੂ ਗ੍ਰਿਹ ਔਤਾਰ^੫ ॥ 378 ॥

ਕੁੰਡਲੀਆ

ਗੁਰ ਨਾਨਕ ਨਿਜ ਨਾਮ ਧਰ ਸਭ ਜਗ ਕਰਹਿ ਉਧਾਰ ।
 ਪਤਿਤ ਸੁ ਪਾਵਨ ਹੋਹਿਗੇ ਤਹਿ ਕਉ ਨਾਮ ਉਚਾਰ ।
 ਜਪੈ ਨਾਮ ਨਰ ਨਾਰਿ ਦਾਨ ਬਹੁ ਜਗ ਕਰਾਵਹਿ ।
 ਧਰੋ ਧੀਰ ਮਨ ਮਾਂਹਿ ਖੇਦ ਤੁਮ ਸਗਲ ਮਿਟਾਵਹਿ ।
 ਐਸ ਭਾਖ ਭਏ ਮੌਨ ਪ੍ਰਭੁ ਕੀ ਸੁਨਤ ਸੁ ਰਾਰੀ ।
 ਬਿਸਨ ਪ੍ਰਭੁ ਕੀ ਬਾਤ ਸਬਨ ਸੁਨ ਸੋਕ ਨਿਵਾਰੀ ॥ 379 ॥

ਦੋਹਰਾ

ਧਰਨੀ ਕਉ ਧੀਰਜ ਦੀਓ ਗਏ ਸੁਰ ਨਿਜ ਧਾਮ ।
 ਬਿਧੀਆ ਪ੍ਰਭ ਕਉ ਬਿਰਦ ਹੈ ਪੁਰ ਦਾਸ ਸਦ ਕਾਮ ॥ 380 ॥

ਚੌਪਈ

ਸ੍ਰੀ ਗੁਰੁ ਨਾਨਕ ਭਵ [ਪ੍ਰਥਾਇ]^੬ । ਬਿਧੀਆ ਪੌੜੀ ਭਾਈ ਗਾਇ ।
 ਪ੍ਰਥਮ ਵਾਰ ਮਹਿ ਪੌੜੀ ਕਹੀ । ਪੜਤ ਸੁਨਤ ਜਨ ਕੇ ਦੁਖ ਦਹੀ ॥ 381 ॥

^੧ਅ ਪੌਥੀ ਅਨਿਕ ^੨ਅ ਪੌਥੀ ਕਸਟ ^੩ੲ ਪੌਥੀ ਬਿਹੀਨ ^੪ਅ ਪੌਥੀ ਰਸ ਅ ਪੌਥੀ ਅਵਤਾਰ ^੫ਅ
 ਪੌਥੀ ਵਿਚੋਂ

ਅਕਾਲ ਪੁਰਖ ਸੁਰ ਬਿਨੈ ਬਿਚਾਰੀ । ਜਗ ਮਹਿ ਦੇਖ ਪਾਪ ਅਨਪਾਰੀ ।
 ਸੂਦਰ ਦਿਜ ਕੇ ਕਰਮ ਕਮਾਵਤ । ਦਿਜ ਸੂਦਰ ਕੀ ਕ੍ਰਿਤ ਕਰਾਵਤ ॥ 382 ॥
 ਮਾਤ ਪਿਤਾ ਕੀ ਸੇਵ ਨ ਜਾਨੇ । ਨਿਜ ਨਾਰੀ ਸਮ ਗੁਰੂ ਪਛਾਨੇ ।
 ਬੇਚ ਬੇਦ ਦਿਜ ਕਰਤ ਅਹਾਰਾ । ਜਹ ਤਹ ਭਯੋ ਪਾਪ ਪਰਚਾਰਾ ॥ 383 ॥
 ਸੰਕਰ ਵਰਨ ਸਭੀ ਨਰ ਹੋਏ । ਧਰਮਚਾਰ ਪਗ ਕਹੂ ਨ ਜੋਏ ।
 ਗੁਰ ਪਤਨੀ ਗਮਨੈ ਮਦ ਮਾਤੇ । ਜਗ ਮਹਿ ਹੋਵਤ ਬਹੁ ਉਤਪਾਤੇ ॥ 384 ॥

ਦੋਹਰਾ

ਛਤ੍ਰੀ^੧ ਜਗ ਮਹਿ ਨਾਹਿ ਕੋ ਦਿਖ ਧਰਨੀ ਦੁਖ ਪਾਇ ।
 ਅਕਾਲ ਪੁਰਖ ਨਿਜ ਰੂਪ ਤਬ ਧਾਰਿਓ ਜਗਤ ਮਾਹਿ ਆਇ ।

ਸਵੈਯਾ

ਸੁਨੀ ਪੁਕਾਰ ਦਾਤਾਰ ਪ੍ਰਭੂ ਗੁਰ ਨਾਨਕ ਜਗ ਮਾਹਿ ਪਠਾਯਾ ।
 ਸੰਮਤ ਸੋਮ ਔ ਤਤ ਮਿਲੈ ਦ੍ਰਿਗ ਰੁਤ ਸਭੇ ਜਗ ਮੰਗਲ ਛਾਯਾ ।
 ਕਤਕ ਮਾਸ ਕੇ ਅਰਧ ਗਏ ਥਿਤ ਪੂਰਨ ਮਾਸ ਮਹਾਂ ਸੁਖਦਾਯਾ ।
 ਜਾਨ ਸਸੀ ਸੁਤ ਵਾਰ ਭਲੇ ਨਿਸ ਜਾਮ ਸਵਾ ਹਰਿ ਰੂਪ ਦਿਖਾਯਾ ॥ 385 ॥

ਦੋਹਰਾ

ਨਿਛਤਰ ਅਨੁਰਾਧਾ ਭਲੇ ਸਭ ਗ੍ਰਹਿ ਨਿਜ ਅਸਥਾਨ ।
 ਸੁਨ ਜੇਠਾ ਭਵ ਪਾਇਓ ਗੁਰ ਨਾਨਕ ਸੁਖ ਖਾਨ ॥ 386 ॥

ਸਵੈਯਾ

ਪਾਪ ਅੰਧੇਰ ਮਿਟੈ ਤਬ ਹੀ ਗੁਰ ਨਾਨਕ ਜੀ ਜਬ ਹੀ ਭਵ ਪਾਯੋ ।
 ਨਭ ਮਾਹਿ ਸੂਰ ਆਨੰਦ ਬਾਜ ਹਨੇ ਤਬ ਅੰਜਲ ਧਾਰ ਕੈ ਫਲ ਡਰਾਯੋ ।
 ਦੀਨ ਕੀ ਰਛ^੨ ਕਰੀ ਗੁਰ ਨਾਨਕ ਧੋਇ ਕੈ ਦਾਸਨ ਚਰਨ ਪਿਆਯੋ ।
 ਬੇਦ ਹਰੇ ਪਗ ਧਰਮ ਕੋ ਚਾਰ ਸੁ ਬਰਨ ਮਿਲਾਇ ਕੇ ਏਕ ਦਿਖਾਯੋ ॥ 387 ॥

ਦੋਹਰਾ

ਗੁਰ ਨਾਨਕ ਕਥ^੩ ਅਗਮ ਹੈ ਪਾਤਕ ਅਨਿਕ ਉਧਾਰ ।
 ਗੁਰ ਪੀਰ ਜਗ ਮਹਿ ਭਏ ਪੂਜੇ ਸਭੀ ਸੰਸਾਰ ॥ 388 ॥

ਚੌਪਈ

ਅਕਾਲ ਪੁਰਖ ਸਭ ਆਦਿ ਪਛਾਨੋ । ਮਹਾਂ ਮਾਯਾ ਤਹ ਇਛਾ ਜਾਨੋ ।
 ਤਹ ਤੇ ਬਿਸਨ ਕਮਲ ਚਤਰਾਨਨ । ਅਤ੍ਰੀ ਕਸਪ ਲਵ ਸੰਭੂ ਮਨ ॥ 389 ॥
 ਇਖਵਾਕ ਭਯੋ ਰਘ ਅਜ ਪਰਧਾਨਾ । ਤਿਹ ਤੇ ਦਸਰਥ ਅਤਿ ਬਲਵਾਨਾ ।
 ਜੇ ਸਭ ਤਿਨਕੀ ਕਥਾ ਸੁਨਾਉ । ਗ੍ਰੰਥ ਬਢਣ ਤੇ ਅਧਿਕ ਡਰਾਉ^੪ ॥ 390 ॥

^੧ਅ ਪੋਥੀ ਖਤ੍ਰੀ ^੨ਅ ਤੇ ਏ ਪੋਥੀ ਰਛਯਾ ^੩ਅ ਪੋਥੀ ਗਾਥਾ

ਤਿਹ ਸੁਤ ਭਏ ਰਾਮ ਅਵਤਾਰਾ । ਕੌਨ ਕਥੇ ਹਰਿ ਚਰਿਤ ਅਪਾਰਾ ।
ਤਹ ਸੁਤ ਭਏ ਦੋਇ ਜਗ ਮਾਂਹੀ । ਲਵ ਕੁਸ ਭਾਰੀ ਬਹੁ ਬਲ ਪਾਹੀ ॥ 391 ॥

ਦੋਹਰਾ

ਭੋਗ ਭ੍ਰੰਮ ਨਿਜ ਧਾਮ ਕਉ ਗਏ ਰਾਮ ਅਵਤਾਰ ।
ਸੀਯ ਸੁਤ ਪੁਨ ਰਾਜਾ ਭਏ ਦੋਉ ਭ੍ਰਾਤ ਬਲਿ ਧਾਰ ॥ 392 ॥

ਸਵੇਯਾ

ਮਦਰ ਦੇਸ ਕੋ ਭੂਪ ਹੁਤੋ ਇਕ ਤਾਂਹਿ ਸੁਤਾ ਦੁਇ ਰੂਪ ਅਪਾਰਾ ।
ਸੋਇ ਬਰੀ ਦੋਇ ਭ੍ਰਾਤ ਤਬੈ ਪੁਰ ਬਾਂਧ ਲਏ ਤਹ ਨੌਰ ਮੰਝਾਰਾ ।
ਬਾਂਧ ਕਸੂਰ ਕੁਸੂ ਅਤਿ ਸੁੰਦਰ ਰਾਜ ਕੋ ਸਾਜ ਸੁ ਤਾਂਹਿ ਸਵਾਰਾ ।
ਐਰ ਲਾਹੌਰ¹ ਲਉ ਰਚ ਆਪਨ ਰਾਜ ਸਥਾਨ ਬਡੀ ਛਬਿ ਵਾਰਾ ॥ 393 ॥
ਦੋਇ ਪੁਰੀ ਅਤਿ ਸੁੰਦਰ ਰਾਜਤ ਅਮਰ ਪੁਰੀ ਦਿਖ ਅੰਕ ਲਜਾਵੈ ।
ਰਾਜ ਕੀਓ ਸੁਖ ਮਾਨ ਤਹਾਂ ਯਗ ਦਾਨ ਕਰੈ ਅਸ ਕੌਨ ਗਨਾਵੈ ।
ਅੰਤ ਕਉ ਕਾਲ ਕੇ ਜਾਲ ਫਸੇ ਪੁਤ੍ਰ ਪੌਤ੍ਰ ਭਏ ਤਰ ਰਾਜ ਸੁਹਾਵੈ ।
ਹੋਤ ਭਏ ਜੁਗ ਚਾਰ ਜੋਉ ਅਸ ਕੌਨ ਕਵੀ ਗਨਿ ਤਾਂਹਿ ਸੁਨਾਵੈ ॥ 394 ॥
ਸੰਗਤ ਕੀ ਰਜ ਪਾਇ ਦਿੰਗ ਕਵਿ ਭਾਖਤ ਹੂੰ ਸੁਨੀਯੋ ਮਨ ਲਾਈ ।
ਬਿਧੀਆ ਤਿਹ ਬੰਸ ਅਪਾਰ ਭਈ ਤਹ ਮਾਂਹਿ ਭਏ ਨ੍ਰਿਪ ਦੋਇ ਸੁਹਾਈ ।
ਕਾਲ ਰਾਇ ਭਯੋ ਲਵ ਵੰਸ ਵਿਖੇ ਕਾਲਕੇਤ ਪੁਨਾ ਕੁਸ ਅੰਸ ਕਹਾਈ ।
ਬੰਸ ਅਪਾਰ ਬਢਾ ਤਿਨ ਕਾ ਜੁਧ ਹੋਤ ਭਯੋ ਦੁਹ ਮਾਂਹਿ ਸਮਾਈ ॥ 395 ॥

ਦੋਹਰਾ

ਕਾਲਕੇਤ ਚੜ ਨਗਰ ਤੇ ਕੀਨੇ ਜੁਧ ਅਪਾਰ ।
ਕਾਲਰਾਇ ਲਵ ਅੰਸ ਜੋ ਮਾਰ ਲਾਹੌਰ ਨਿਕਾਰ ॥ 396 ॥

ਚੌਪਈ

ਕਾਲ ਰਾਇ ਮਨ ਮਹਿ ਦੁਖ ਲਯੋ । ਭਾਜ ਸਨੌਢ ਦੇਸ ਮਾਹਿ ਗਯੋ ।
ਸਨੌਢ ਭੂਪ ਤਹ ਕੀਨਾ ਮਾਨਾ । ਦੀਨ ਸੁਤਾ ਪੁਨਾ ਬਚਨ ਬਖਾਨਾ ॥ 397 ॥
ਹਮਰੀ ਸੈਨਾ ਸਭ ਸੰਗਿ ਧਾਰੋ । ਨਿਜ ਅਰਿ ਸਿਉ ਨਿਜ ਬੈਰ ਸੰਭਾਰੋ ।
ਕਛੁਕ ਕਾਲ ਪੁਨ ਤਹਾਂ ਬਸਾਇ । ਉਪਜਯੋ ਪੁਤ੍ਰ ਧਾਮ ਸੁਖਦਾਇ ॥ 398 ॥

ਦੋਹਰਾ

ਸੋਢੀ ਰਾਇ ਤਾਂਕੋ ਧਰਯੋ ਜਾਨ ਨਾਮ ਸੁਖ ਕਾਰ ।
ਸੋਢ ਬੰਸ ਭਇਆ ਤਾਂਇ² ਤੇ ਸੁਨ ਜੇਠਾ ਜਗ ਸਾਰ ॥ 399 ॥

¹ਏ ਪੋਥੀ ਲਵਪੁਰ ²ਅ ਪੋਥੀ ਤਿਸਹਿ

ਚੌਪਈ

ਸੋਢੀ ਰਾਇ ਸੈਨ ਸੰਗਿ ਲੈ ਕੇ । ਧਾਯੋ ਨਿਜ ਪਿਤ ਬੈਰ ਚਿਤੈ ਕੈ ।
 ਲਾਹੌਰ ਕਸੂਰ ਜੁਧ ਕਰੈ¹ ਭਾਰੀ । ਕਾਲਕੇਤ ਕਉ ਬੰਸ ਨਿਕਾਰੀ ॥ 400 ॥
 ਪਾਛੇ ਕੁਸ ਕੀ ਐਸ ਬਲ ਪਾਈ । ਲਵੀ ਅੰਸ ਸਭ ਮਾਰ ਗਵਾਈ ।
 ਲਵ ਅੰਸ ਅਬ ਨਿਜ ਬਲ ਪਾਯੋ । ਕੁਸੁ ਐਸ ਕਉ ਮਾਰ ਭਗਾਯੋ ॥ 401 ॥
 ਜੇਤੇ ਬਚੇ ਪ੍ਰਾਨ ਲੈ ਧਾਏ । ਕਾਸੀ ਗਏ ਭਾਗ ਦੁਖ ਪਾਏ ।
 ਪੜੀ ਤਹਾਂ ਵਿਦਿਆ ਮਨ ਲਾਈ । ਚਤਰਬੇਦ ਪਠ ਮਨ ਸੁਖ ਪਾਈ ॥ 402 ॥

ਦੋਹਰਾ

ਘਨੇ ਬਰਖ ਤਹ ਠਾਂ ਰਹੇ ਪੜੇ ਬੇਦ ਮਨ ਲਾਇ ।
 ਬੇਦ ਪਾਠ ਬੇਦੀ ਭਏ ਜਗ ਮਾਹਿ ਬੰਸ ਮਹਾਇ ॥ 403 ॥

ਚੌਪਈ

ਪਾਛੇ ਸੋਢੀ ਰਾਇ ਬਿਚਾਰੀ । ਭੂਮ ਰਾਜ ਦਿਨ ਚਾਰ ਨਿਹਾਰੀ ।
 ਅਸ ਵਿਚਾਰ ਲਿਖ ਦੂਤ ਪਠਾਏ । ਬੈਰ ਭਾਵ ਕੀ ਲੇਸ ਗਵਾਇ ॥ 404 ॥
 ਚਲਯੋ ਦੂਤ ਕਾਸੀ ਮਹਿ ਆਯੋ । ਸਭ ਬੇਦੀ ਕਉ ਭੇਤ ਸੁਨਾਇਯੋ ।
 ਮਦਰ ਦੇਸ ਬੇਦੀ ਸਭ ਆਏ । ਕੀਨ ਪ੍ਰਨਾਮ ਨਿਪੈ ਮਨ ਲਾਏ ॥ 405 ॥

ਦੋਹਰਾ

ਨਿਪੈ ਬੇਦ ਤਾਂਤੇ ਸੁਨੇ ਸੁੰਦਰ ਸਭਾ ਬਨਾਇ ।
 ਪੜਨ² ਬੇਦ ਬੇਦੀ ਲਗੇ ਉਚੀ ਸੁਰ ਸੁਖ ਪਾਇ ॥ 406 ॥

ਚੌਪਈ

ਸਯਾਮ ਜੁਜਰ ਦੁਇ ਬੇਦ ਸੁਨਾਏ । ਪੜਿ ਰਿਗ ਵੇਦ ਭਾਵ ਕਰ ਪਾਏ ।
 ਅਥਰਬਨ ਬੇਦ ਜਬ ਤਾਂਹ ਸੁਨਾਯੋ । ਰੀਝ ਭੂਪ ਨਿਜ ਮੌਲ ਝੁਕਾਯੋ ॥ 407 ॥
 ਰਾਜ ਸਾਜ ਸਭ ਹੀ ਤਿਨ ਦੀਨਾ । ਜੋਗ ਭੇਸ ਆਪਨ ਤਪ ਲੀਨਾ ।
 ਘਨੇ ਲੋਗ ਤਬ ਹੋਰਨ ਲਾਗੇ । ਪ੍ਰਭੂ ਪ੍ਰੇਮ ਧਨ ਧਾਮ ਤਿਆਗੇ ॥ 408 ॥

ਦੋਹਰਾ

ਜੋਗ ਭੇਸ ਤਨ ਧਾਰ ਕੇ ਚਲੇ ਲਵੀ ਬਨ ਓਰ ।
 ਪਾਇ ਰਾਜ ਬੇਦੀ ਤਬ ਭਾਖੇ ਬਚਨ ਬਹੋਰ ॥ 409 ॥

ਕੁੰਡਲੀਆ

ਰਾਜ ਸਾਜ ਬੇਦੀ ਲੀਓ ਮਨ ਮਹਿ ਅਤਿ ਸੁਖ ਪਾਇ ।
 ਤਾਂ ਕਉ ਬਰ ਐਸਾ ਦੀਓ ਸੁਨ ਬਿਧੀਆ ਮਨ ਲਾਇ ॥

¹ਅ ਪੋਥੀ ਕੀਨੋ ²ਅ ਪੋਥੀ ਪਠਨ

ਸੁਨ ਬਿਧੀਆ ਮਨ ਲਾਇ ਬੈਨ ਅਸ ਬੇਦੀ ਗਾਏ ।
 ਚਤ੍ਰ¹ ਬੇਦ ਸੁਨ ਰਾਜ ਮੋਹ ਤੁਮ ਦੇ ਹਰਖਾਏ ।
 ਤੀਨ ਜਨਮ ਹਮ ਕਲ ਮਾਹਿ ਜਬ ਹੀ ਪਾਹਿੰਗੇ ।
 ਜਗਤ ਪੂਜ ਕਰ ਗੁਰੂ ਤੋਹਿ ਨਹਿਰਾਇੰਗੇ ॥ 410 ॥

ਦੋਹਰਾ

ਜਬ ਕਲ ਮਹਿ ਹਮ ਆਇ ਹਹਿ ਗੁਰੂ ਨਾਨਕ ਬਪੁ ਧਾਰ ।
 ਚਤ੍ਰ ਗੁਰੂ ਤੋਕਉ ਕਰਉ ਸੁਨ ਸੋਚੀ ਹਰਖਾਰ ॥ 411 ॥

ਚੌਪਈ

ਸੋਚੀ ਭੇਸ ਜੋਗ ਕਉ ਲੀਨੋ । ਬੇਦੀ ਰਾਇ ਰਾਜ ਜਗ ਕੀਨੋ ।
 ਚਤ੍ਰਸਾਲ ਸੁਤ ਤਾਕਾ ਜਾਨ । ਸਭੀ ਜਗਤ ਜਿਹ ਮਾਨਤ ਆਨ ॥ 412 ॥
 ਤਿੰਹ ਸੁਤ ਲੋਪ ਰਾਇ ਤਿਹਿ ਨਾਮ । ਸਾਹਣਮਲ ਤਿਹ ਸੁਤ ਅਭਿਰਾਮ ॥
 ਜਿਹ ਸੁਤ ਕਾਲ ਭਯੋ ਉਦਾਰਾ । ਜਿਹਿ ਲਗ ਪਾਵਨ ਕੁਲ ਭਯੋ ਸਾਰਾ ॥ 413 ॥

ਦੋਹਰਾ

ਸਭ ਜਗ ਮਹਿ ਜਬ ਤਮ ਭਯੋ ਧਰਮ ਨ ਜਾਨੈ ਕੋਇ ।
 ਜਨਮ ਗੁਰੂ ਨਾਨਕ ਭਯੋ ਭਈ ਜਗਤ ਮਹਿ ਲੋਇ ॥ 414 ॥

ਚੌਪਈ

ਆਇ ਅੰਤ ਪ੍ਰਭ ਏਕ ਰੂਪ । ਜਾਕੈ ਦਰਸ ਮਿਟੈ ਤਮ ਕੂਪ ।
 ਗੁਰ ਨਾਨਕ ਤੇ ਅੰਗਦ ਜਾਨ । ਅੰਗਦ ਅਮਰ ਦਾਸ ਪਹਿਚਾਨ ॥ 415 ॥
 ਜਬ ਵਰਦਾਨ ਸਮਾ ਵਹੁ ਆਯੋ । ਰਾਮਦਾਸ ਤਬ ਗੁਰੂ ਕਹਾਯੋ ।
 ਏਕ ਰੂਪ ਸਭ ਹੀ ਪਹਚਾਨੋ । ਯਾ ਮਹਿ ਭੇਦ ਨ ਰੰਚ ਪ੍ਰਮਾਨੋ² ॥ 416 ॥
 ਸੂਰਜ ਵੰਸ ਸਭੀ ਜਗ ਜਾਨੈ । ਜਾਕੀ ਆਨ ਤਿੰਹ ਪੁਰ ਮਾਨੈ ।
 ਕਹੀ ਸੰਕੋਚ ਬੰਸ ਕੀ ਗਾਥਾ । ਬਿਧੀਆ ਜਾਨ ਗੁਰ ਸਭ ਗਾਥਾ ॥ 417 ॥

ਦੋਹਰਾ

ਬਿਧੀਏ ਜੇਠੇ ਬੰਦਨਾ ਕੀਨ ਬਿਨੈ ਮਨ ਲਾਇ ।
 ਭਗਤ ਸਿੰਘ ਮਨ ਹਰਖ ਸਿਉਂ ਗੁਰ ਕੇ ਪਗ ਲਪਟਾਇ ॥ 418 ॥
 ਪੁਨ ਦਰਬਾਰ ਬੰਦਨ ਕਰੀ ਗੁਰ ਨਾਨਕ ਅਸਥਾਨ ।
 ਬਹੁਰ ਦਰਸ ਤਿਤ ਕਉ ਚਲੇ ਜਹਾ ਬ੍ਰਿਛ ਸੁਖ ਮਾਨ ॥ 419 ॥

ਚੌਪਈ

ਜਾਇ ਬ੍ਰਿਛ ਕਾ ਦਰਸਨ ਪਾਯੋ । ਅਤਿ ਆਨੰਦ ਸਭ ਕੇ ਮਨ ਆਯੋ ।
 ਹਾਥ ਜੋੜ ਪੈੜੇ ਇਮ ਭਾਖੀ । ਹੇ ਪ੍ਰਭ ਯਾਹ ਸੁਨਾਵਉ ਸਾਖੀ ॥ 420 ॥

¹ਏ ਪੌਥੀ ਚਾਰ ²ਅ ਪੌਥੀ ਕਹਿ ਮਾਨੋ

ਗੁਰ ਨਾਨਕ ਇਹ ਠਾਂ ਕਿਮ ਆਏ । ਛਾਇਆ ਇਸਥਿਰ ਕੈਸ ਰਹਾਏ ।
ਔਰ ਸਰਪ ਕਾ ਕੈਸ ਅਸਥਾਨਾ । ਦਯਾ¹ ਧਾਰ ਕਹੁ ਕ੍ਰਿਪਾ ਨਿਧਾਨਾ ॥ 421 ॥

ਦੋਹਰਾ

ਸੁਨ ਪੈੜੇ ਕੀ ਬਿਨਤੀ ਭਗਤ ਸਿੰਘ ਗੁਰ ਦਿਆਲ ।
ਭਾਖੇ ਬਚ ਪੈੜਾ ਸੁਨਹੁ ਜਾਨਹੁ ਕਥਾ ਰਸਾਲ ॥ 422 ॥

ਚੌਪਈ

ਏਕ ਸਮੇਂ ਗੁਰੁ ਨਾਨਕ ਦੇਵ । ਮਹਿਖੀ² ਚਾਰਤ ਅਏ ਅਭੇਵ ।
ਤਾਹਿ ਛੰਡ ਯਾਹਿ ਤਰ ਆਏ । ਕੀਨ ਸੈਨ ਦ੍ਰਿਗ ਨਿੰਦ੍ਰਾ ਪਾਏ ॥ 423 ॥
ਚੜੇ ਦਿਵਸ ਕਛ ਕੀਨਾ ਸੈਨਾ । ਰੂਪ ਦੇਖ ਗੁਰ ਲਾਜਤ ਮੈਨਾ ।
ਵਣਾ ਬ੍ਰਿਛ ਮਨ ਮਹਿ ਸੁਖ ਪਾਈ । ਛਾਯਾ ਦੇਖ ਗੁਰੁ ਉਰਝਾਈ ॥ 424 ॥

ਦੋਹਰਾ

ਔਰ ਬਿਰਛ ਜੇਤੇ ਉਤੇ ਤਹਿ ਛਾਯਾ ਪਲਟਾਨ ।
ਛਾਯਾ ਇਹੁ ਥਿਰ ਤਰੁ ਰਹੀ ਥਿਰ ਗੁਰੁ ਕ੍ਰਿਪਾ ਨਿਧਾਨ ॥ 835 ॥

ਸਵੈਯਾ

ਜਬ ਹੀ ਰਵਿ ਤੇਜ ਪ੍ਰਧਾਨ ਭਯੋ ਤਰੁ ਪਾਤਨ ਮਹਿ ਜਨ ਰੂਪ ਦਿਖਾਏ ।
ਧਾਰ ਕੈ ਓਟ ਮਨੋ ਤਰੁ ਕੀ ਮਿਸਤਾਂਹਿ ਕਿਧੋ ਰਵਿ ਦਰਸਨ ਪਾਏ ।
ਕਿਨਕੇ ਰਵਿ ਐਸ ਪ੍ਰਕਾਸ ਮੁਖਾ ਬੰਜ ਜਾਨ ਮਣੀ ਬਹੁ ਰੂਪ ਬਨਾਏ ।
ਔਰ ਸੁਭਾਵ ਭਯੋ ਕਵਿ ਕੇ ਰਵਿ ਦੇਖ ਗੁਰ ਬਹੁ ਰੂਪ ਬਨਾਏ ॥ 426 ॥

ਕਬਿੱਤ

ਸੇਸ ਸਿਹਜਧਾਰ ਜੋਈ ਰਾਮ ਲਘ ਭ੍ਰਾਤ ਹੋਈ,
ਮਾਰ ਇੰਦਰਜੀਤ ਨੇਤਿ ਨੇਤਿ ਸਦਾ ਗਾਵਨੋ ।
ਸੋਈ ਈਹਾਂ ਆਯੋ ਨਿਜ ਸਮਾ ਤਾਹਿ ਪਾਯੋ ਦੇਖ,
ਰੂਪ ਬਿਸਮਾਯੋ ਗਿਰਦ ਕੁੰਡਲ ਸੁ ਪਾਵਨੋ ।
ਸਭੀ ਫਣ ਚਾਏ ਮੁਖ ਪੰਕਜ ਸੁਹਾਏ ਜਨ,
ਲਾਗ ਘਾਮ ਆਏ ਮਮ ਸੇਵਾ ਨਾ ਬਿਹਾਵਨੋ ।
ਗੁਰ ਨਾਨਕ ਸਮਾਧ ਨਿਜ ਰੂਪ ਮਾਹਿ ਅਗਾਧ ਲਾਗੀ,
ਨੇਤਿ ਨੇਤਿ ਸੇਸ ਫਣ ਚਾਈਕੈ ਅਲਾਵਨੋ ॥ 427 ॥

ਦੋਹਰਾ

ਬਿਤਯੋ ਦਿਵਸ ਪੈੜਾ ਸੁਨੋ ਪਰੀ ਨਿਸਾ³ ਗੁਰ ਸੈਨ ।
ਤੀਨ ਕਾਲ ਨਿੰਦ੍ਰਾ ਨਹੀਂ ਪ੍ਰਭੂ ਗਿਆਨ ਘਨ ਐਨ ॥ 428 ॥

¹ਅ ਪੋਥੀ ਮਯਾ ²ਏ ਪੋਥੀ ਪਸੁ ³ਅ ਪੋਥੀ ਰਾਤ੍ਰ

ਸਵੈਯਾ

ਰੈਨ ਬਿਤੀਤ ਭਈ ਇਹ ਰੀਤਿ ਪ੍ਰਭਾਤ ਭਯੋ ਰਵਿਤੇਜ ਹਰਾਯੋ ।
 ਰਾਇ ਬੁਲਾਰ ਸਵਾਰ ਕੈ ਸੈਨ ਕੋ ਆਨੰਦ ਪਾਇ ਸ਼ਿਕਾਰ ਸਿਧਾਯੋ ।
 ਯਾਹ ਵਣੇ ਢਿਗ ਆਇ ਤਬੈ ਨਿਜ ਦਾਸਨ ਕੋ ਤਿਨ ਬੈਨ ਅਲਾਯੋ ।
 ਦੇਖਹੁ ਕੌਨ ਬਿਰਾਜ ਰਹਿਯੋ ਜਿਹਿ ਮਧ ਉਦਿਆਨ ਤਰੇ ਤਰੁ ਆਯੋ ॥ 429 ॥

ਦੋਹਰਾ

ਸੇਸ ਦ੍ਰਿਸ਼ਟ ਪਰਿਓ ਨਹੀਂ ਕਾਹੂ ਕੇ ਤਿਹ ਵਾਰ ।
 ਦਾਸ ਦੇਖ ਐਸੇ ਕਹਾ ਸੁਨੋ ਸ਼ਾਹਿ ਨਿਰਧਾਰ ॥ 430 ॥

ਚੌਪਈ

ਕਾਲੂ ਬੇਦੀ ਕਾ ਸੁਤ ਜਾਨੋ । ਸੁਨਤ ਰਾਇ ਅਸ ਬਚਨ ਬਖਾਨੋ ।
 ਨਾਂਹਿ ਜਗਾਵੋ ਚਲੀਏ ਆਗੇ । ਗਏ ਸ਼ਿਕਾਰ ਖੇਡ ਮਹਿ ਪਾਗੇ ।
 ਸ਼ਿਕਾਰ ਖੇਡ ਦਿਨ ਜਾਮ ਰਹਾਯੋ । ਰਾਇ ਪੈਂਡਾ¹ ਫਿਰ ਤਿਸ ਹੀ ਆਯੋ ।
 ਦਿਖ ਆਗੇ ਨਿੰਦਾ ਹੀ ਪਾਈ । ਔਰ ਸਰਪ ਫਣ ਮੁਖ ਪਰ ਛਾਈ ॥ 432 ॥
 ਧਾਰ ਬਡੋ ਭੈ ਰਾਇ ਅਲਾਯੋ । ਕਾਲੂ ਸੁਤ ਜਨ ਨਾਗ ਚਬਾਯੋ² ।
 ਕਹਾ ਦਾਸ ਕਉ ਦੇਖਹੁ ਜਾਇ । ਆਵੈ ਪ੍ਰਾਨ ਕਿ ਗਏ ਬਿਲਾਇ ॥ 433 ॥
 ਸਰਪ ਤ੍ਰਾਸ ਕਰਿ ਜਾਹਿ ਨਾ ਨੇਰੇ । ਦੂਰਹੁ ਦਾਸ ਦ੍ਰਿਸ਼ਟ ਕਰ ਹੇਰੇ ।
 ਸ੍ਰੀ ਗੁਰ ਨਿਜ ਕਰ ਤਬੈ ਹਲਾਯੋ । ਦਾਸ ਦੇਖ ਅਸ ਬੈਨ ਅਲਾਯੋ ॥ 434 ॥

ਦੋਹਰਾ

ਜੀਵਿਤ ਹੈ ਦਾਸਨ ਕਹਾ ਸੁਨਤ ਰਾਇ ਸੁਖ ਪਾਇ ।
 ਉਤਰੁ ਅਸਵ ਠਾਢਾ ਭਯੋ ਗੁਰੁ ਚਰਨ ਤਰ ਆਇ ॥ 435 ॥
 ਦਿਖ ਛਾਯਾ ਠਾਢੀ ਤਹਾਂ ਸੇਸ ਛਾਇ ਫਣ ਐਸ ।
 ਅਮੀ ਰੂਪ ਮਨ ਜਾਨ ਕੈ ਕੀਨ ਰਛ ਤਿਨ ਜੈਸ ॥ 436 ॥

ਚੌਪਈ

ਮਾਨੋ ਸਿੰਧ ਖੀਰ ਜਗ ਭਯੋ । ਸੇਸ ਸਾਇ ਗੁਰ ਨਿਜ ਪਦ ਲਯੋ ।
 ਬਿਸਮਹਿ ਰਾਇ ਅਧਿਕ ਮਨ ਪਾਈ । ਠਾਢਾ ਜਾਮ ਰਹਾ ਉਰਝਾਈ ॥ 437 ॥
 ਜਨ ਨਿਸਾ ਨਿਜ ਧਾਮ ਸਿਧਾਯੋ । ਗੁਰ ਗੁਨ ਗਾਵਤ ਪੰਥ ਸੁਹਾਯੋ ।
 ਜਾਨ ਗੁਰ ਕਉ ਅਜ ਅਬਿਨਾਸੀ । ਕਟੀ ਰਾਇ ਭਵ ਸੰਕਟ ਫਾਂਸੀ ॥ 438 ॥

ਅੜਿਲ

ਜਾਇ ਆਪਨੇ ਧਾਮ ਰਾਇ ਸੁਖ ਪਾਇਯੋ ।
 ਪਠੇ ਦਾਸ ਨਿਜ ਕਾਲੂ ਸੁ ਨਿਕਟ ਪਠਾਇਯੋ ।

¹ਅ ਪੌਥੀ ਮਗ ²ਅ ਤੇ ਏ ਪੌਥੀ ਡਸਾਇਓ

ਕਾਲੂ ਬਡ ਭੈ ਧਾਰ ਜਾਇ ਕਿਆ ਕੀਜੀਐ ।
 ਹੋ ਮੋਕਉ ਤੁਰਤ ਬੁਲਾਇ ਖੇਦ ਕੋ ਦੀਜੀਐ ॥ 439 ॥
 ਕਾਲੂ ਬਡ ਭੈ ਧਾਰ ਰਾਇ ਪੈ ਆਇਓ ।
 ਕਹਾ ਰਾਇ ਸੁਤ ਤੇਰੇ ਖੇਦ ਗਵਾਇਯੋ ।
 ਸਹੀ ਸਤਿ ਹਮ ਕੀਨ ਉਜਾੜਾ ਭਾਰ ਕਰ ।
 ਹੇ ਬਹੁ ਦਿਨ ਜਏ ਬਿਤੀਤ ਨ ਦੇਵਹੁ ਤਾਂਹਿ ਭਰ ॥ 440 ॥

ਕੁੰਡਲੀਆ

ਕਾਲੂ ਸੁਨ ਭੈ ਧਾਰਿਯੋ ਭਯੋ ਚਿੰਤ ਮਨ ਲੀਨ ।
 ਹਸਿਯੋ ਰਾਇ ਤਬ ਦੇਖਕੇ ਕਹਾ ਚਿੰਤ ਨਹਿ ਕੀਨ ।
 ਕਹਾ ਚਿੰਤ ਨਹਿ ਕੀਨ ਤੋਰ ਸੁਤ ਬਲੀ ਅਪਾਰਾ ।
 ਸਹੀ ਸਰੂਪ ਖੁਦਾਇ ਆਜ ਹਮ ਨੈਨ ਨਿਹਾਰਾ ॥
 ਤੁਮ ਸੁਤ ਕਰ ਨਹਿ ਜਾਨ ਪਰਮ ਪਰਮੇਸਰ ਸੋਈ ।
 ਕਾਲੂ ਬਡ ਸੁਖ ਪਾਇ ਅਯੋ ਗ੍ਰਿਹਿ ਚਿੰਤਾ ਖੋਈ ॥ 441 ॥

ਦੋਹਰਾ

ਗੁਰੁ ਨਾਨਕ ਇਹਤੇ ਉਠੇ ਗਏ ਸਦਨ ਸੁਖ ਪਾਇ ।
 ਤਾ ਦਿਨ ਤੇ ਇਹੁ ਵਣੇ ਕੀ¹ ਅਸਥਿਰ ਛਾਇ ਰਹਾਇ ॥ 442 ॥
 ਸਥਾਨ ਸੇਸ ਏਹੁ [ਤੇ ਦਿਨ]² ਤੇ ਕਰੇ ਦਰਸ ਨਰ ਨਾਰਿ ।
 ਰਵਿ ਸੁਤ ਨੇਰ ਨ ਆਵਈ ਜੀਵਤ ਲਹਿ ਫਲ ਚਾਰ ॥ 443 ॥

ਚੌਪਈ

ਸੁਨ ਪੈੜੇ ਤਬ ਬੰਦਨ ਕੀਨੋ । ਬਿਧੀਏ ਜੇਠੇ ਆਨੰਦ ਲੀਨੋ ।
 ਕਰ ਬੰਦਨ ਤਹਿ ਤਰੁ ਸੁਖ ਪਾਇ । ਕ੍ਰਿਪਾ ਸਿੰਧ ਨਿਜ ਡੇਰੇ ਆਇ ॥ 444 ॥
 ਲਾਲੂ ਅੰਸ ਗੁਰੂ ਢਿਗ ਆਈ । ਆਇ ਗੁਰ ਕੇ ਪਗ ਲਪਟਾਈ ।
 ਰਾਇ ਬੁਲਾਰ ਐਸ ਥੀ ਜੋਈ । ਕਾਰ ਭੇਟ ਲੈ ਆਈ ਸੋਈ ॥ 445 ॥
 ਸ੍ਰੀ ਗੁਰ ਮਾਨ ਸਬਨ ਕਾ ਕੀਨਾ । ਮਨ ਬਾਂਛਤ ਸਭ ਕਉ ਫਲ ਦੀਨਾ ।
 ਸੁਨ ਗੁਰ ਕੋ ਸੰਗਤ ਬਹੁ ਆਈ । ਦੇਸ ਦੇਸ ਮਾਹਿ ਖਬਰ ਜਨਾਈ ॥ 446 ॥

ਦੋਹਰਾ

ਭਗਤ ਸਿੰਘ ਮੋਲਾ ਭਯੋ ਤਹ ਨਾਂ ਵਾਰ ਨ ਪਾਰ ।
 ਸਫਲ ਦਰਸ ਗੁਰ ਕਾ ਕਰਹਿ ਚਾੜਹਿ³ ਪੂਜ ਹਜ਼ਾਰ ॥ 447 ॥

ਸਵੈਯਾ

ਕੌਤਕ ਕੀਨ ਅਪਾਰ ਤਹਾਂ ਗੁਰ ਭਾਖਤ ਹੋਇ ਬਡੋ ਬਿਸਤਾਰਾ ।
 ਸੰਗਤ ਪਾਇ ਸਭੀ ਮਨ ਬਾਂਛਤ ਦੇਖ ਦੀਦਾਰ ਗੁਰੂ ਸੁਖਕਾਰਾ ।

¹ਅ ਪੋਥੀ ਤਰੁ ²ਅ ਤੋ ਏ ਪੋਥੀ ਵਿਚੋਂ ³ਏ ਪੋਥੀ ਭੋਟਹਿ

ਭਾਗ ਬਡੇ ਤਹ ਸੰਗਤ ਕੇ ਪ੍ਰਤੱਖ ਗੁਰੂ ਜਹਿ ਦਰਸ ਨਿਹਾਰਾ ।
ਹਰਿ ਗੋਬਿੰਦ ਤੇ ਬਿਨ ਕੋਇ ਕਰੈ ਦੁਖ ਫਾਸ ਕਟੀ ਜਗ ਜੀਵ ਹਜ਼ਾਰਾ ॥ 448 ॥

ਦੋਹਰਾ

ਨਾਨਕਸਰ ਮਜਨ ਕੀਓ ਦਰਸ ਗੁਰੂ ਦਰਬਾਰ ।
ਲੈ ਆਯਸ ਨਿਜ ਧਾਮ ਕੋ ਸੰਗਤ ਗਈ ਤਿਹ ਵਾਰ ॥ 449 ॥

ਚੌਪਈ

ਸ੍ਰੀ ਗੁਰ ਚਰਿਤ ਤਹਾਂ ਬਹੁ ਕੀਨੇ । ਅਤਿ ਆਨੰਦ ਨਿਜ ਦਾਸਨ ਦੀਨੇ ।
ਜਹਾਂ ਭੂਲ ਕਵਿ ਤੇ ਲਖ ਲੀਜੈ । ਸੰਗਤ ਤਹ ਤੁਮ ਧਰ ਬਲਿ ਦੀਜੈ ॥ 450 ॥
ਨਾਨਕਸਰ ਗੁਰ ਕੀਨ ਇਸਨਾਨਾ । ਨਮੋ ਕੀਨ ਗੁਰ ਨਾਨਕ ਥਾਨਾ ।
ਵਿਦਿਆ ਪਾਇ ਮਾਨ ਸਭ ਦੈ ਕੇ । ਚਾਰ ਸਿਖ ਸੰਗ ਸੈਨਾ ਲੈ ਕੇ ॥ 451 ॥

ਸੋਰਠਾ

ਸ੍ਰੀ ਗੁਰ ਕੀਨ ਪਿਆਨ ਪੰਥ ਚਰਿਤ ਬਹੁਤੇ ਕੀਏ ।
ਕੋ ਕਵਿ ਕਰੇ ਬਖਾਨ ਅਗਮ ਗੁਰੂ ਕਥ ਜਾਨੀਏ ॥ 452 ॥

ਚੌਪਈ

ਭਗਤ ਸਿੰਘ ਗੁਰੂ ਮਹਿਲੀ ਆਏ । ਡੇਰਾ ਕੀਨ ਅਧਿਕ ਹਰਖਾਏ ।
ਪਨਹੀ ਆਸਾ ਤਹ ਗੁਰ ਕੇਰਾ । ਹਰਿ ਗੋਬਿੰਦ ਗੁਰ ਦਰਸਨ ਹੇਰਾ ॥ 453 ॥
ਹੁਤੇ ਸਿਖ ਜੇ ਗੁਰ ਤਹ ਆਏ । ਕ੍ਰਿਪਾ ਸਿੰਧ ਕਾ ਦਰਸਨ ਪਾਏ ।
ਕਹ ਬਿਧੀਆ ਪ੍ਰਭ ਮੋਹਿ ਸੁਨਾਵਉ । ਪਨਹੀ ਆਸਾ ਕਾਹਿ ਅਲਾਵਉ ॥ 454 ॥

ਦੋਹਰਾ

ਦਯਾ ਸਿੰਧ ਐਸੇ ਕਹਾ ਭਗਤ ਸਿੰਘ ਸੁਨ ਬੈਨ ।
ਗੁਰ ਅਰਜਨ ਦਰਸਨ ਆਏ ਗੁਰ ਨਾਨਕ ਸੁਖ ਐਨ ॥ 455 ॥

ਚੌਪਈ

ਦਰਸਨ ਕਰ ਇਹ ਠਾਂ ਗੁਰ ਆਏ । ਇਹ ਠਾਂ ਗੁਰ ਸਿਖ ਰਹਿਤ ਮਹਾਏ ।
ਭਾਈ ਕਿਦਾਰਾ ਏਕ ਉਦਾਸੀ । ਜਾਕੀ ਕਟੀ ਗੁਰੂ ਭਵ ਫਾਂਸੀ ।
ਅਨਿੰਨ ਭਗਤ ਗੁਰ ਕਾ ਸੋ ਜਾਨੋ । ਗੁਰ ਬਿਨ ਔਰ ਨ ਮਨ ਮਹਿ ਆਨੋ ।
ਤਾਂਕੋ ਰੋਗ ਹਜ਼ੀਰਾ ਮਾਰੀ । ਮਗਨ ਗੁਰੂ ਰਸ ਖੇਦ¹ ਅਪਾਰੀ ॥ 456 ॥

ਦੋਹਰਾ

ਜਾਮ ਨਿਸਾ ਜਬਹੀ ਗਈ ਆਯੋ ਗੁਰ ਨਿਕਟਾਇ ।
ਕੀਨ ਸੈਨ ਆਗੇ ਪ੍ਰਭੂ ਬੈਠ ਚਰਨ ਤਰ ਆਇ ॥ 457 ॥

¹ਅ ਪੋਥੀ ਕਸਟ

ਚੌਪਈ

ਭਾਈ ਗੁਰਦਾਸ ਸਿਖ ਬਹੁ ਬੈਠੈ । ਇਕ¹ ਚਿਤ ਇੰਦ੍ਰੀ ਸਗਲ ਇਕੈਠੈ ।
 ਭਾਈ ਕਿਦਾਰੇ ਬਿਨਤ ਉਚਾਰੀ । ਸੁਨ ਭਾਈ ਤਨ ਖੇਦ ਅਪਾਰੀ ॥
 ਭਾਈ ਕਹਾ ਗੁਰੂ ਕੇ ਆਗੇ । ਬਿਨਤੀ ਕਰੇ ਰੋਗ ਸਭ ਭਾਗੇ ।
 ਕੇਦਾਰੇ ਕਹਾ ਝੂਠ² ਤਨ ਜਾਨੈ । ਤਾ ਹਿਤ ਕੀ ਗੁਰੂ ਬਿਨੈ ਬਖਾਨੈ ॥ 459 ॥

ਦੋਹਰਾ

ਆਬ ਪਤਾਸਾ ਜੈਸ ਤਨ ਬਚ ਅਮੋਘ ਗੁਰ ਐਸ ।
 ਪਾਮਰ ਫਰਨ ਹਿਤ ਚਹੈ ਮਹਾ ਯੁਧ ਜੜ ਜੈਸ ॥ 460 ॥

ਚੌਪਈ

ਧੰਨ ਧੰਨ ਭਾਈ ਤਬ ਗਾਯੋ । ਅਸ ਨਿਸਚਾ ਤੁਮਰੇ ਮਨ ਪਾਯੋ ।
 ਗੁਰ ਕੀ ਪਨਹੀ ਅੰਗ ਛੁਹਾਵਉ । ਤਤ ਛਿਨ ਰੋਗ ਹਜੀਰ ਮਿਟਾਵਉ ॥ 461 ॥
 ਬਚਨ ਮਾਨ ਤਹ ਪਨਹੀ ਉਠਾਈ । ਅੰਗ ਕਿਦਾਰੇ ਅਪਨੇ ਲਾਈ ।
 ਛੁਹਤ ਰੋਗ ਸਭੇ ਹਤ ਗਯੋ । ਮਾਨੋ ਰੋਗ ਸੁਪਨੇ [ਭੀ]³ ਨਹਿ ਭਯੋ ॥ 462 ॥

ਦੋਹਰਾ

ਅਰਧ ਸੁ ਨਿੰਦ੍ਰਾ ਗੁਰ ਤਬੇ ਉਠੇ ਐਸ ਮੁਖ ਗਾਇ ।
 ਸਰਬ ਰੋਗ ਹਰਿ ਨਾਮ ਪ੍ਰਭ ਕਲ ਮਹਿ ਭਾਰ⁴ ਉਪਾਇ ॥ 463 ॥

ਚੌਪਈ

ਕੇਦਾਰਾ ਗੁਰ ਪਗ ਲਪਟਾਯੋ । ਸ੍ਰੀ ਮੁਖ ਕਹਾ ਕੈਸ ਦੁਖ ਪਾਯੋ ।
 ਕਿਦਾਰੇ ਕਹਾ ਖੇਦ ਕੋਈ ਨਾਂਹੀ । ਤੁਮ ਦਰਸਨ ਅਘ ਓਘ ਨਸਾਂਹੀ ॥ 464 ॥
 ਰੋਗ ਹਜੀਰ ਭਯੋ ਤਨ ਆਇ । ਤੁਮ ਪਨਹੀ ਪ੍ਰਭ ਦੀਓ ਮਿਟਾਇ ।
 ਅਸ ਕਹ ਬਹੁਰ ਗੁਰ ਪਗ ਲਾਗਾ । ਭਗਤ ਸਿੰਘ ਗੁਰ ਕੇ ਰਸ ਪਾਗਾ ॥ 465 ॥

ਦੋਹਰਾ

ਅਤਿ ਕ੍ਰਿਪਾਲ ਗੁਰ ਹੋਤ ਭਏ ਲੈ ਆਸਾ ਨਿਜ ਹਾਥ ।
 ਤਾਂ ਸਿਉ ਪਨਹੀ ਉਠਾਇਕੈ ਭਾਖਿਓ ਦੀਨਾ ਨਾਥ ॥ 466 ॥

ਚੌਪਈ

ਆਸਾ ਪਨਹੀ ਲੇਹੁ ਪਿਆਰੇ । ਧਰੋ ਸਦਾ ਨਿਸਚਾ ਮਨ ਧਾਰੇ ।
 ਰੋਗ ਹਜੀਰ ਗ੍ਰਸਤ ਜੋ ਆਵੈ । ਛੁਹਤ ਯਾਹ ਪੀਰ⁵ ਮਿਟ ਜਾਵੈ ॥ 467 ॥
 ਸੁਨਤ ਕਿਦਾਰੇ ਮਨ ਸੁਖ ਪਾਯੋ । ਆਸਾ ਪਨਹੀ ਲੈ ਗ੍ਰਿਹ ਆਯੋ ।
 ਤਾਂ ਦਿਨ ਤੇ ਲੈ ਪਲੰਘ ਸਵਾਰ । ਰਾਖੇ ਕਰ ਪੂਜਾ ਦੁਖ ਟਾਰ ॥ 468 ॥

¹ਅ ਪੋਥੀ ਮਨਿ ²ਅ ਤੇ ਏ ਪੋਥੀ ਮਿਥਯਾ ³ਅ ਪੋਥੀ ਵਿਚੋਂ ⁴ਅ ਪੋਥੀ ਏਕ ⁵ਅ ਪੋਥੀ ਰੋਗ

ਦੋਹਰਾ

ਭਗਤ ਸਿੰਘ ਪੈੜਾ ਸੁਨੋ ਪ੍ਰਗਟ ਬਾਤ ਜਗਿ ਮਾਹਿ ।
ਸਪਰਸ ਯਾਹਿ ਜੋ ਤਨ ਕਰੈ ਰੋਗ ਹਜ਼ੀਰ ਮਿਟਾਇ ॥ 469 ॥

ਚੌਪਈ

ਸੁਨ ਬਿਧੀਏ ਮਨ ਮਾਹਿ ਸੁਖ ਪਾਯੋ । ਚਰਨਾਬੁਜ¹ ਗੁਰ ਕੇ ਲਪਟਾਯੋ ।
ਬਸੈ ਰੈਨ ਕਰ ਪ੍ਰਾਤ ਪਿਆਨਾ । ਪੰਥ ਚਰਿਤ ਗੁਰ ਕੀਨੇ ਨਾਨਾ ॥ 470 ॥
ਇਹ ਮੈਂ ਕਥਾ ਔਰ ਸੁਨ ਭਾਈ । ਸੁੰਦਰ ਤੇ ਸੁੰਦਰ ਅਧਿਕਾਈ ।
ਏਕ ਮੰਡਿਆਲੀ ਨਗਰ ਉਦਾਰਾ । ਸੁਨਾ ਸੀਰ ਤਿੰਹ ਛਬਿ ਲਖ ਹਾਰਾ ॥ 471 ॥

ਦੋਹਰਾ

ਕਛਕ ਦੂਰ ਰਾਵੀ ਵਗੈ ਤੀਨ ਕੋਸ ਪਰ ਜਾਨ ।
ਦੁਆਰਾਕਾ ਖਤੀ ਤਹਿ ਰਹੈ ਮਰਵਾਹਾ ਪਹਿਚਾਨ ॥ 472 ॥

ਚੌਪਈ

ਭਾਗਨ ਨਾਮ ਨਾਰਿ ਤਿਹ ਪਿਆਰੀ । ਪਤਿਬ੍ਰਤਾ ਸੇਵਾ ਕਰ ਭਾਰੀ ।
ਸੰਤਾਨ ਨਾਹਿ ਧਨ ਅਧਿਕ ਦੁਖਾਇ । ਨਿਸ ਦਿਨ ਚਿੰਤਾ ਕਰੈ ਮਹਾਇ ॥ 473 ॥
ਸਰਵਰ ਸੇਵ ਸਦਾ ਵਹੁ ਕਰੇ । ਦੇਵਹੁ ਸੁਤ ਕੰਨਯਾ ਬਚ ਰਰੇ ।
ਜਬ ਲਛਮੀ ਦੀਨਾ ਵਰਦਾਨਾ । ਨਾਰਾਇਨ ਦਾਸ ਕਉ ਪਾਛ ਮਹਾਨਾ ॥ 474 ॥
ਤਾਕੇ ਬਚ ਨਾਰਦ ਸੁਨ ਪਾਏ । ਬੀਨ ਲੀਏ ਜਹ ਤਹ ਗੁਨ ਗਾਏ ।
ਬਿਚਰਤ ਨਗਰ ਮੰਡਿਆਲੀ ਆਯੋ । ਗੁਰ ਸਿਖ ਭੇਸ ਧਾਰ ਸੁਖ ਪਾਯੋ ॥ 475 ॥
ਦੁਆਰਕੇ ਕੇ [ਤਬ]² ਸਦਨ ਪਧਾਰਾ । ਤਿਨ ਕੀਨੀ ਬਹੁ ਸੋਭ ਅਪਾਰਾ ।
ਨਾਰਦ ਕਹਾ ਮਾਂਗ ਰੁਚ ਜੋਈ । ਤੋਕਉ ਦੇਹੁ ਆਜ ਮੈਂ ਸੋਈ ॥ 476 ॥

ਦੋਹਰਾ

ਤਬ ਦੋਉ ਹਰਖਤ ਭਏ ਨਰ ਨਾਰੀ ਸੁਖ ਪਾਇ ।
ਹਾਥ ਜੋਰ ਅਤਿ ਦੀਨ ਹੁਇ ਮੁਖ ਤੇ³ ਬੈਨ ਸੁਨਾਇ³ ॥ 477 ॥

ਚੌਪਈ

ਹੇ ਪ੍ਰਭੂ ਘਣੋਂ ਦਰਬ ਗ੍ਰਿਹ ਮਾਂਹੀ । ਸੁਤ ਨਹਿ ਭਯੋ ਭਾਰ ਦੁਖ ਪਾਂਹੀ ।
ਸੁਤ ਅਥਵਾ ਕੰਨਯਾ ਗ੍ਰਿਹ ਹੋਵੈ । ਸਰਲ ਦਰਸ ਮੇਰਾ ਦੁਖ ਖੋਵੈ ॥ 478 ॥
ਨਾਰਦ ਕਹਾ ਬੈਨ ਸੁਨ ਲੀਜੈ । ਕੰਨਯਾ ਹੋਇ ਭਾਰ ਸੁਖ ਥੀਜੈ ।
ਹੋਵਹੁ ਤੁਮ ਗੁਰ ਕੇ ਸਿਖ ਜਾਈ । ਨਿਸਚੈ ਤੁਮਰੀ ਪੀਰ ਮਿਟਾਈ ॥ 479 ॥

ਦੋਹਰਾ

ਸੁਧਾ ਸਰੋਵਰ ਵਸਤ ਹਰਿ ਗੁਰ ਅਰਜੁਨ ਸੁਖ ਖਾਨ ।
ਜਾਇ ਸਿਖ ਤਿੰਹ ਕੇ ਬਨਉ ਔਰ ਸੁਨਹੁ ਨਿਜ ਕਾਨ ॥ 480 ॥

¹ਏ ਪੋਥੀ ਚਰਨ ਕਮਲ ²ਅ ਪੋਥੀ ਵਿਚੋਂ ³ਅ ਪੋਥੀ ਐਸ ਅਲਾਇ

ਚੌਪਈ

ਸ੍ਰੀ ਜਨਮ ਤੁਮਰੇ ਗ੍ਰਿਹ ਲੇਵੇ । ਆਦਿ ਸ਼ਕਤਿ ਪ੍ਰਭ ਜਾਨ ਅਭੇਵੇ ।
 ਹਰਿ ਗੋਬਿੰਦ ਕਉ ਦੀਜੋ ਸੋਈ । ਆਦਿ ਪ੍ਰਭ ਵਹੁ ਦੁਖ ਸਭ ਖੋਈ ॥ 481 ॥
 ਨਾਰਦ ਐਸੇ ਕਹਤ ਸਿਧਾਯੋ । ਪਤਿ ਨਾਰੀ ਮਨ ਮੋ^੧ ਸੁਖ ਪਾਯੋ ।
 ਤਾਂ ਦਿਨ ਤੇ ਗੁਰੁ ਕੇ ਸਿਖ ਹੋਈ । ਕੰਨਯਾ ਭਈ ਸਭੇ ਦੁਖ ਖੋਈ ॥ 482 ॥
 ਲਛਮੀ ਕੀ ਮਾਯਾ ਭਰਮਾਏ । ਨਾਰਦ ਬਚ ਵਹੁ ਦੀਨ ਭੁਲਾਏ ।
 ਪੁਤ੍ਰੀ ਕਰ ਜਾਨਹਿ ਮਨ ਮਾਹੀ^੨ । ਦੇਖ ਰੂਪ ਅਤਿ ਬਲਿ ਬਲਿ ਜਾਹੀ^੩ ॥ 483 ॥

ਦੋਹਰਾ

ਬਰਸ ਇਕਾਦਸ ਕੀ ਭਈ ਪੁਤ੍ਰੀ ਰੂਪ ਅਪਾਰ ।
 ਭਗਤ ਸਿੰਘ ਚਿੰਤਾ ਕਰੈ ਦੁਆਰਕਾ ਭਾਗਨ ਨਾਰ ॥ 484 ॥

ਚੌਪਈ

ਹੇ ਪਤਿ ਜਹ ਸੁੰਦਰ ਬਰ ਹੋਈ । ਸਗਾਈ ਕਰ ਜਹ ਖੇਦ ਨ ਕੋਈ ।
 ਬਰ ਲਾਇਕ ਨਿਜ ਪੁਤ੍ਰੀ ਜਾਨੋ । ਯਾਮੈ ਦੇਰ ਨਾ ਰੰਚਕ ਠਾਨੋ ॥ 485 ॥
 ਤਬ ਨਾਰਦ ਧਰ ਰੂਪ ਸੁ ਆਯੋ । ਸੁੰਦਰ ਰਵਿ ਤਨ ਤੇਜ ਧਰਾਯੋ ।
 ਗੁਰ ਸਿਖ ਜਾਨ ਬੰਦਨਾ ਧਾਰੀ । ਹਰਖ ਹੋਇ ਦੁਆਰਕਾ ਜੁਤ ਨਾਰੀ ॥ 486 ॥
 ਭਾਖੋ ਬਚਨ ਕ੍ਰਿਪਾ ਕਰ ਜੈਸੇ । ਕਾਹੂ ਪਰ ਕੀਨੀ ਨਹਿ ਐਸੇ ।
 ਜੈਸ ਕ੍ਰਿਪਾ ਤੁਮ ਮੋ ਪਰ ਕਰੀ । ਪਾਵਨ ਸਦਨ ਕੀਨ ਰਜ ਧਰੀ ॥ 487 ॥

ਦੋਹਰਾ

ਮਹਾਰਾਜ ਬਿਨਤੀ ਸੁਮਹੁ ਮਨ ਮਹਿ ਧਰੋ ਨ ਔਰ ।
 ਭਾਖੋ ਵਰ ਲਾਇਕ ਸੁਤਾ ਹੋਇ ਕੌਨ ਵਹ ਠੌਰ ॥ 488 ॥

ਸੋਰਠਾ

ਨਾਰਦ ਕਹਿ ਧਰ ਧੀਰ ਤੋਰ ਸੁਤਾ ਸੁਖ ਖਾਨ^੨ ਹੈ ।
 ਆਦਿ ਸ਼ਕਤਿ ਰਘਬੀਰ ਉਤ੍ਰੀ ਵਰ ਯਾਕਾ ਸੁਨੋ ॥ 489 ॥
 ਪਰਮ ਬ੍ਰਹਮ ਗੁਰ ਦੇਉ ਉਤਰੇ ਭਾਰ ਨਿਵਾਰ ਹਿਤ ।
 ਧਰਨੀ ਕਉ ਸੁਖ ਦੇਉ ਹਰਿਗੋਬਿੰਦ ਗੁਰ ਨਾਮ ਹੈ ॥ 490 ॥

ਚੌਪਈ

ਆਦਿ ਸ਼ਕਤਿ ਏ ਤਾਕੀ ਨਾਰੀ । ਦੀਜੈ ਤਹਿ ਗਰਿ ਅੰਚਰ ਡਾਰੀ ।
 ਕਹ ਦਾਰਾ ਕਹਿ ਠਾਂ ਗੁਰਦੇਵਾ । ਨਾਰਦ ਕਹ ਸਭ ਠੌਰ ਅਭੇਵਾ ॥ 491 ॥
 ਦਰਸਨ ਕਰ ਤਲਵੰਡੀ ਆਏ । ਅਬ ਡੇਰਾ ਗੁਰ ਮਟਵੀ ਪਾਏ ।
 ਤਿਸੀ ਠੌਰ ਤੁਮ ਰੋਕੋ ਭਾਈ । ਪਠੋ ਬਿਪ੍ਰ^੩ ਕਰ ਸਗਨ ਧਰਾਈ ॥ 492 ॥

^੧ਅ ਪੋਥੀ ਮਾਹਿ ^੨ਏ ਪੋਥੀ ਰੂਪ ^੩ਅ ਪੋਥੀ ਦ੍ਰਿਵਜ

ਨਾਰਦ ਬਚ ਦਵਾਰੇ ਮਨ ਭਾਏ । ਕਰ ਸਲਾਹ ਦਿਜ ਤਬੈ ਪਠਾਏ ।
ਤਹ ਤੇ ਨਾਰਦ ਕੀਨ ਪਯਾਨਾ । ਸ੍ਰੀ ਗੁਰੂ ਓਰਿ ਧਾਰਿ ਸੁਖ ਮਾਨਾ ॥ 493 ॥

ਦੋਹਰਾ

ਪੰਥ ਚਰਿਤ ਗੁਰ ਕਰਤ ਬਹੁ ਤਾਰਤ ਸਿਖ ਅਪਾਰ ।
ਮਟਵੀ ਤੇ ਦਖਨ ਦਿਸਾ ਡੇਰਾ ਕੀਨ ਸੁਧਾਰ ॥ 494 ॥

ਸਵੈਯਾ

ਨਾਰਦ ਆਇ ਲਗਿਯੋ ਪਦ ਪੰਕਜ¹ ਹੇ ਪ੍ਰਭ ਮੋਰਿ ਬਿਨੈ ਸੁਨ ਲੀਜੈ ।
ਆਵਹਿ ਬਿਪ੍ਰ ਪ੍ਰਭੂ ਤਮਰੇ ਤਿਹ ਕਾਰਜ ਮੋ ਕਛੁ ਡੇਰ ਨਾ ਕੀਜੈ ।
ਹੇ ਕਰਨਾਨਿਧ ਹੇ ਜਗ ਕੇ ਪ੍ਰਭ ਅਚੁੱਤ ਦਾਨ ਇਹੀ ਮਾਮ ਦੀਜੈ ।
ਭਾਰ ਨਿਵਾਰਨ ਕਉ ਧਰਨੀ ਜਹ ਤੇ ਅਸੁਰਾਰ ਧਰੇ ਸੁਖ ਦੀਜੈ ॥ 495 ॥

ਦੋਹਰਾ

ਤਥਾ ਸਤਿ ਬਚਨ ਸ੍ਰੀ ਗੁਰੂ ਕਹੇ ਨਾਰਦ ਬਚਨ ਸੁਨਾਇ ।
ਸਨੈ ਸਨੈ ਹਰ ਭਾਰ ਕਉ ਸੁਭ ਸੁਰ ਕਸਟ ਮਿਟਾਇ ॥ 496 ॥

ਚੌਪਈ

ਐਸੇ ਬਚ ਸੁਨ ਨਾਰਦ ਤਬ ਗਯੋ । ਸਗਨ ਲੀਏ ਦ੍ਰਿਸ ਆਵਤ ਭਯੋ ।
ਅਸੀਰਬਾਦ ਮੁਖ ਪ੍ਰਿਥਮ ਉਚਾਰੀ । ਉਸਤਤਿ ਕੀਨ ਪ੍ਰਭੂ ਗਿਰਧਾਰੀ ॥ 497 ॥
ਦਵਾਰੇ ਪੁਤ੍ਰੀ ਪਠੀ ਸਗਾਈ । ਗਰਿ ਅੰਚਰ ਧਰਿ ਬਿਨਤ ਸੁਨਾਈ ।
ਦਾਸੀ ਨਿਜ ਚਰਨਨ ਕੀ ਕੀਜੈ । ਗਰੀਬ ਨਿਵਾਜ ਦਾਸ ਸੁਖ ਦੀਜੈ ॥ 498 ॥

ਦੋਹਰਾ

ਬਿਪ੍ਰ ਬੁਲਾਏ ਗੁਰੂ ਜੀ ਪੁਰ ਤੇ ਉਤਮ ਜਾਨ ।
ਮਹੂਰਤ ਭਲੋ ਸੁਧਾਇਕੈ ਕੀਨ ਰੀਤਿ ਸੁਖ ਮਾਨ ॥ 499 ॥

ਚੌਪਈ

ਹਾੜ ਸਤਾਈ² ਦਿਵਸ ਬਿਤਾਯੋ । ਭਈ ਸਗਾਈ ਦ੍ਰਿਸ ਸੁਖ ਪਾਯੋ ।
ਸਾਵਨ ਰਿਖ ਦਿਜ ਕਹਾ ਸੁਨਾਇ । ਫੇਰੇ ਲੀਜੈ ਪ੍ਰਭੂ ਬਨਾਇ ॥ 500 ॥
ਸ੍ਰੀ ਗੁਰੂ ਮਾਨ ਦਾਨ ਬਹੁ ਕੀਨੋ । ਤਾਸ ਬਿਪ੍ਰ ਕਉ ਬਿਦਾ ਸੁ ਕੀਨੋ ।
ਜਾਇ ਬਿਪ੍ਰ ਸਭ ਕਹੀ ਸੁਨਾਇ । ਦਵਾਰੇ ਮਨ ਮਹਿ ਹਰਖ ਧਰਾਇ ॥ 501 ॥

ਦੋਹਰਾ

ਬਹੁ ਉਦਮ ਮਨ ਮੋ³ ਕੀਓ ਮੰਗਲ ਸਾਜ ਬਨਾਇ ।
ਜਗਤ ਰੀਤਿ ਜੇਤਕ ਹੁਤੀ ਨਾਰੀ ਮੰਗਲ ਗਾਇ ॥ 502 ॥

¹ਅ ਪੌਥੀ ਗੁਰ ਚਰਨੀ ²ਅ ਪੌਥੀ ਬੀਸਸਤ ³ਅ ਤੇ ਏ ਪੌਥੀ ਮਹਿ

ਚੌਪਈ

ਪਾਛੇ ਸ੍ਰੀ ਗੁਰੁ ਐਸ ਅਲਾਯੋ । ਵਿਵਾਹ ਹਮਾਰਾ ਬਿਧੀਆ ਆਯੋ ।
 ਵਿਵਾਹ ਸਮਗ੍ਰੀ ਈਹਾ ਨਾ ਹੋਈ । ਬਾਜੀ ਅਸਤ ਲਿਆਵੈ ਕੋਈ ॥ 503 ॥
 ਐਸੇ ਸੁਨ ਬਿਧੀਆ ਤਬ ਧਾਯੋ । ਜਾਇ ਲਾਹੌਰ ਸਾਜ ਸਭ ਲਿਆਯੋ ।
 ਬਾਜੀ ਅਸਤ ਸ੍ਰਿਗਸਤ ਅਪਾਰਾ । ਦਿਖਾ ਹਰਖੇ ਸ੍ਰੀ ਗੁਰ ਕਰਤਾਰਾ ॥ 504 ॥

ਦੋਹਰਾ

ਭਗਤ ਸਿੰਘ ਤਹ ਠਾਂ ਕਰੇ ਕੋਤਕ ਅਨਿਕ ਪ੍ਰਕਾਰ ।
 ਬਚੈ ਗ੍ਰੰਥ ਗਾਥਾ ਕਰਉਂ ਦ੍ਰਿਜ ਕਉ ਗੁਰੂ ਹਕਾਰ ॥ 505 ॥
 ਤਾਂਕਉ ਸ੍ਰੀ ਮੁਖ ਅਸ ਕਹਾ ਰਚਓ ਥਾਨ ਇਹ ਠੌਰ ।
 ਤੋਰ^੧ ਬੰਸ ਸੁਖ ਪਾਇ ਹੈ ਯਾਹਿ ਪੂਜ ਸਿਰ ਮੋਰ ॥ 506 ॥

ਚੌਪਈ

ਔਰ ਦਰਸ ਜੋ ਕਰੇ ਨਰ ਨਾਰੀ । ਮੰਗਲ ਸਦਨ ਪੁਤ੍ਰ ਪੈਚਾਰੀ ।
 ਐਸ ਭਾਖ ਗੁਰ ਕੀਨ ਪਿਆਨਾ । ਬਿਪ੍ਰ ਰਚਿਓ ਤਰ ਠੌਰ ਸਥਾਨਾ ॥ 507 ॥
 ਸਾਵਣ ਬੇਦ ਦਿਨ ਰਵਿ ਜਾਨੋ । ਪ੍ਰੇਮ ਪੁਲਕ ਗੁਰ ਪਿਆਨਾ ਠਾਨੋ ।
 ਅਤਿ ਉਤਕੰਠਾ ਅਗ੍ਰ ਦੁਆਰਾ । ਕਬ ਦੇਵਹਿ ਗੁਰੁ ਆਇ ਦੀਦਾਰਾ ॥ 508 ॥

ਦੋਹਰਾ

ਸ੍ਰੀ ਸੁਤਾ ਤਹਿ ਸਦਨ ਮਾਹਿ ਕਮੀ ਨ ਕੋਨੇ ਕਾਜ ।
 ਤੀਨ ਲੋਕ ਪਤਿ ਪੁਨ ਅਏ ਨਿਜ ਵਿਵਾਹ ਕਰ ਸਾਜ ॥ 509 ॥

ਸਵੈਯਾ

ਸਾਜ ਕੇ ਸੈਨ ਚੜੈ ਰਬ ਸ੍ਰੀ ਗੁਰ ਪੰਥ ਨਿਸਾ ਬਸ ਪ੍ਰਾਤ ਪਿਆਨਾ ।
 ਅਸਵ ਕ੍ਰਮੈਦ ਬਡੀ ਛਬਿ ਪਾਵਤ ਚਾਲਤ ਚਾਲ ਧਰਾ ਸੁਖ ਨਾਨਾ ।
 ਕੋਨ ਕਹਉ ਉਪਮਾ ਮੁਖ ਤੇ ਪਿਖ ਮਾਰਗ ਐ ਖਗਰਾਜ ਲਜਾਨਾ ।
 ਲਹਿਰ ਅਨੰਗ ਕਿ ਗੰਗ ਪਧਾਰ ਯਾ ਸਮ ਅਸ ਇਹੀ ਮਨ ਮਾਨਾ ॥ 510 ॥
 ਸਵੇਤ ਪੁਸ਼ਾਕ ਧਰੀ ਗੁਰ ਸੁੰਦਰ ਝੀਨ ਮਹਾਂ ਛਬ ਕੋਨ ਉਚਾਰੇ ।
 ਗੰਗ ਸਸੀ ਸੁਤ ਸਿੰਧ ਨਹੀਂ ਜਨ ਚੰਪਕ ਕੋਤਕੀ ਫੂਲ ਸੁ ਧਾਰੇ ।
 ਮੋਹ ਰਹੈ ਛਬਿ ਐਸ ਨਿਹਾਰ ਕੇ [ਪੰਥ]^੨ ਕੇ ਲੋਕ ਸਭੀ ਦੁਖ ਟਾਰੇ ।
 ਆਯੁਧ ਅੰਗ ਬਿਰਾਜ ਬਡੀ ਛਬਿ ਬਾਦਰ ਸੇਤ ਮੇ ਪੰਥ ਸੁਕਾਰੈ ॥ 511 ॥

ਸੋਮਰਾਜੀ ਛੰਦ

ਸੁਨੇ ਨਗਰ ਮਾਂਝ ਗੁਰ ਨੇਰ ਆਏ । ਸਜੇ ਭਾਰੇ ਤਾਜੀ ਅਗ੍ਰ^੪ ਲੇਨ ਧਾਏ ।
 ਤਜੀ ਕ੍ਰਿਤ ਲੋਕ ਨਹੀਂ ਔਰ ਭਾਵੈ । ਮਿਲੀ ਦੇਵ ਨਾਰੀ ਤ੍ਰਿਯਾ ਗੀਤ ਗਾਵੈ ॥ 512 ॥

^੧ਅ ਪੌਰੀ ਪਿਖ ^੨ਅ ਪੰਥੀ ਤੋਹਿ ^੩ਅ ਪੰਥੀ ਵਿਚੋਂ ^੪ਅ ਤੇ ਏ ਪੰਥੀ ਅ ਗੇ

ਦੋਹਰਾ

ਸ੍ਰੀ ਗੁਰ ਬਾਜ ਬਜਾਇ ਬਹੁ ਦੇਵਤ ਦਾਨ ਅਪਾਰ ।
ਨਗਰ ਨਿਕਟ ਪੂਰਬ ਦਿਸਾ ਡੇਰਾ ਕੀਨ ਸੁਧਾਰ ॥ 513 ॥

ਚੌਪਈ

ਅਤਿ ਅਨੰਦ ਬਸ ਰਹਿਓ ਨ ਜਾਈ । ਦੁਆਰਾ ਲਗੋ ਚਰਨ ਲਪਟਾਈ ।
ਕਰ ਦਰਸਨ ਮਨ ਮਹਿ ਸੁਖ ਪਾਯੋ । ਵਾਰ ਵਿਤ ਗੁਰ ਪੁਰ ਬਰਖਾਯੋ ॥ 514 ॥
ਧਾਰ ਅਨੰਦ ਨਿਜ ਸਦਨ ਪਧਾਰਾ । ਹਰਖਤ ਬਿਹਬਲ ਸਿਥਲ ਉਦਾਰਾ ।
ਭਾਰ ਵਸਤ ਗੁਰ ਨਿਕਟ ਪਠਾਈ । ਜੋ ਜਿਹਿ ਇਛ ਸੋਈ ਤਿਨ ਪਾਈ ॥ 515 ॥

ਦੋਹਰਾ

ਦੋਇ ਦਿਵਸ ਆਗੇ ਅਏ ਸ੍ਰੀ ਗੁਰ ਲਖ ਤਹ ਪ੍ਰੀਤਿ ।
ਜਾਮਵੰਤ ਹਰਿ ਰਾਖ ਮਨ ਗਏ ਕਾਜ ਗੁਰ ਰੀਤਿ ॥ 516 ॥

ਸਮਾਨਕਾ ਛੰਦ

ਬੀਤੇ ਦਿਵਸ ਬਿਬ ਜਬੈ । ਸੁ ਹਰਖ ਧਾਰ ਕੈ ਤਬੈ ।
ਪਠੇ ਗੁਰੁ ਬੁਲਾਇ ਕੇ । ਚਲੇ ਸੁ ਬਾਜ ਵਾਯਕੈ ।
ਗੁਰੁ ਸਵਾਰ ਅਸਵਨੀ । ਚਲੈ ਡਰਾਇਕੈ ਧਨੀ ।
ਸੁਚੰਡ ਤੇਜ ਯੋਂ ਲਸੈ । [ਪ੍ਰਚੰਡੁ]¹ ਤੇਜ ਕੋ ਹਸੈ ॥ 518 ॥

ਸਵੇਯਾ

ਜਾਮ ਰਹਿਓ ਦਿਨ ਆਇ ਜਬੈ ਇਮ ਸਾਜ ਬਰਾਤ ਚੜੇ ਜਗ ਸਾਈ ।
ਪਾਵਸ ਮਹਿ ਬਿਤ ਕੀ ਵਰਖਾ ਜਨ ਆਇਤ ਮਹਿ ਘਨ ਮੇਘ ਬਸਾਹੀਂ ।
ਰੰਕ ਭਏ ਨਿਪ ਦਾਨ ਕੋ ਪਾਇ ਕੈ ਦੇਵ ਬਹੂ ਮਿਲ ਦੇਖਨ ਆਈ ।
ਬਿਧੀਏ ਦਵਾਰ ਕਰੀ ਮਿਲਨੀ ਗੁਰ ਧਾਮ ਗਏ ਸਭ ਰੀਤਿ ਕਰਾਈ ॥ 519 ॥
ਗੁਰ ਕਉ ਬਰ ਦੇਖ ਸਭੈ ਅਬਲਾ ਪਿਖ ਭਾਗਣ ਸਾਸ ਗੁਰੁ ਹਰਖਾਈ ।
ਬਹੁਰ ਬਰਾਤ ਅਏ ਸੁਖ ਸਿੰਧ ਸੁ ਬਿਪ੍ਰ ਅਯੋ ਪੁਰ ਰੀਤਿ ਕਰਾਈ ।
ਜਾਨ ਗੋ ਧੂਰ ਸਮਾ ਅਤਿ ਸੁੰਦਰ ਜਾਤ ਚਲੈ ਗੁਰ ਬਾਜ ਬਜਾਈ ।
ਸੀਸ ਸ੍ਰਿਗਸਤ ਅਪਾਰ ਲਸੈ ਰਵਿ ਕੀ ਪ੍ਰਭੂਤਾ ਜਨ ਦੇਖ ਲਜਾਈ ॥ 520 ॥

ਅੜਿਲ

ਬੇਦੀ ਧਰੀ ਬਨਾਇ ਜਹਾਂ ਹਰਖਾਇ ਕੈ ।
ਬੰਧ ਬਿਪ੍ਰ² ਕੇ ਚਰਨ ਬੈਠ ਗੁਰ ਜਾਇ ਕੈ ।
ਕੀਨ ਰੀਤਿ ਸਭ ਤਾਂਹਿ ਅਧਿਕ ਸੁਖ ਪਾਇਯੋ ।
ਹੋ ਲਾਵਾਂ ਲੀਨ ਸੁਧਾਰ ਤ੍ਰਿਯਾ³ ਮੁਖ ਗਾਇਯੋ ॥ 521 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਦ੍ਰਿਸ਼ ³ਅ ਤੇ ਏ ਪੋਥੀ ਨਾਰਿ

ਦੋਹਰਾ

ਸੰਮਤ ਸੌਰਹ ਸੈ ਭਏ ਔਰ ਬਹਤੁ ਜਾਨ ।
ਲਾਵਾਂ ਸਾਵਣ ਰਿਖ ਦਿਨੇ ਲੀਨੀ ਕ੍ਰਿਪਾ ਨਿਧਾਨ ॥ 522 ॥

॥ ਛਪੈ ॥

ਅਧਿਕ ਲਾਗ ਕਰ ਰੀਤਿ ਗੁਰੂ ਜੀ ਤਹਿ ਰਹੇ ।
ਬਿਧੀਏ ਜੇਠਾ ਹਰਖ ਬਾਜ ਅਸਤੰ ਲਹੇ ।
ਪੁਨ ਭੋਜਨ ਸਭ ਕੀਨ ਗਾਇ ਬਹੁ ਮੰਗਲ ਨਾਰੀ ।
ਮਧੁਰ ਮਧੁਰ ਸੁਰ ਤਰਨੀ ਦੇਵਤ ਅਧਿਕ ਸੁ ਗਾਰੀ ।
ਸਨੈ ਸਨੈ ਭੋਜਨ ਕਰੈ ਬਰਾਤ ਹਰਖ ਮਨ ਪਾਇ ਕੈ ॥
ਗਾਰੀ ਮੰਗਲ ਰੂਪ ਲਖ ਸੁਨਤ ਸਭੀ ਹਰਖਾਇ ਕੈ ॥ 523 ॥

ਦੋਹਰਾ

ਕਰ ਭੋਜਨ ਸੁਖ ਪਾਇਕੈ ਜਨਵਾਸੈ ਪੁਨ ਆਇ ।
ਭਗਤ ਸਿੰਘ [ਸੰਗਤ]¹ ਅਧਿਕ ਮੋ ਤੇ ਕਹਿਓ ਨ ਜਾਇ ॥ 524 ॥

॥ ਪਾਧੜੀ ਛੰਦ ॥

ਇਹੁ ਭਾਂਤ ਹਰਖ ਹੋਇਓ ਅਪਾਰ । ਰਹੇ ਦਿਵਸ ਪਾਂਚ ਤਹਿ ਠਾਂ ਮੁਰਾਰ ।
ਤਬ ਦੀਨ ਦਾਜ ਦਵਾਰੇ ਅਨੰਤ । ਬਹੁ ਬਿਨੈ ਭਾਖ ਮਮ ਕੀਟ ਜੰਤ ॥ 525 ॥
ਪੁਨ ਮਣਸ ਖਟ ਡੋਲਾ ਸੁਧਾਰ । ਕੀਨਾ ਵਿਰਾਗ ਮਨ ਮਹਿ ਅਪਾਰ ।
ਪੁਤ੍ਰੀ ਸੁ ਅੰਕ ਭਾਗਣ ਮਿਲਾਇ । ਦੀਨੀ ਸੁ ਸਿਖ ਭਾਰੀ ਰਦਾਇ ॥ 526 ॥

ਦੋਹਰਾ

ਮਿਲ ਮਰਵਾਹੀ ਅੰਕ ਸਭ ਅਬਲਾ ਐਸ ਅਲਾਇ ।
ਕਤ ਸਿਰਜੀ ਬਿਧਨਾ ਤ੍ਰਿਯਾ ਪਰ ਵਸ ਸਦਾ ਰਹਾਇ ॥ 527 ॥

ਚੌਪਈ

ਇਹੈ ਭਾਵ ਕਵਿ ਕੈ ਮਨ ਆਯੋ । ਹਰਖ ਬਿਰਹ ਜਨਵਾਸਾ ਪਾਯੋ ।
ਧਨ ਵਰਖਾਵਤ ਤਹਿ ਗੁਰ ਆਏ । ਜਹਿ ਬਰਾਤ ਉਤ੍ਰੀ ਹਰਖਾਏ ॥ 528 ॥
ਸ੍ਰੀ ਗੁਰ ਕਹਾ ਬਿਲਮ ਕਛ ਕੀਜੈ । ਡੋਲਾ ਇਸੀ ਠੌਰ ਧਰ ਦੀਜੈ ।
ਦਰਸਨ ਕਾਜ ਸਿਖ ਮਮ ਪਿਆਰਾ । ਆਇ ਉਤਾਇਲ ਕਰਉ ਦੀਦਾਰਾ ॥ 529 ॥

ਦੋਹਰਾ

ਐਸੇ ਬਚ ਗੁਰ ਕਹਤ ਭਏ ਤਬ ਲੋ ਆਯੋ ਲੰਗਾਹ ।
[ਦਰਸ ਗੁਰੂ]² ਕੀ ਇਛ ਜਿਹ ਮਨ ਮਹਿ ਅਧਿਕ ਉਮਾਹ ॥ 530 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਵਿਚੋਂ

ਸਵੇਯਾ

ਪੀਤ ਪੁਸ਼ਾਕ ਧਰੇ ਗੁਰ ਰਾਜਤ ਲਾਜਤ ਦੇਖ ਛਟਾ ਘਟ ਕਾਰੀ ।
 ਲਾਗ ਲੰਗਾਹ ਗੁਰੂ ਪਗ ਕਉ ਅਤਿ ਆਨੰਦ ਪੂਛਤ ਹੇ ਸੁਖਕਾਰੀ ।
 ਭਾਖ ਲੰਗਾਹ ਪ੍ਰਭੂ ਆਨੰਦ ਹੈ ਗੁਰ ਤੋਰ ਮਯਾ ਕਰ ਸੰਕਟ ਟਾਰੀ ।
 ਏਕ ਭਯੋ ਉਪਾਤ ਲਾਹੌਰ ਸੁ ਦੁਸ਼ਟ ਕੀਓ ਦੁਸ਼ਾਤਮ ਭਾਰੀ ॥ 531 ॥

ਦੋਹਰਾ

ਕ੍ਰਿਪਾ ਸਿੰਧ ਪੁਨ ਅਸ ਕਹਾ ਕਹੀਯੋ ਸੋ ਉਤਪਾਤ ।
 ਕਹ ਲੰਗਾਹ ਕਾਜੀ ਤਹਾਂ ਕੀਨ ਪਾਪ ਬਿਖਯਾਤ ॥ 532 ॥

ਚੋਪਈ

ਲੋਪ ਬਾਵਲੀ ਗੁਰ ਕੀ ਕੀਨੀ । ਢਾਹਿ ਡਾਰ ਹਡਿ¹ ਪੂਰਨ ਕੀਨੀ ।
 ਉਪਰ ਅਪਨੇ ਸਦਨ ਬਨਾਏ । ਦੇਵਤ ਮੋ ਕਉ ਖੇਦ ਮਹਾਏ ॥ 533 ॥
 ਕਾਜੀ ਬਾਦਿਸ਼ਾਹ ਕਾ ਜਾਨ । ਹਟਕਤ ਨਾਹਿ ਕੋਇ ਨਰ ਆਨ ।
 ਪਾਪੀ ਕੀਨ ਬਡੋ ਉਤਪਾਤਾ । ਹਟਕਤ ਆਇ ਸਿਖ ਕਰ ਘਾਤਾ ॥ 534 ॥

ਦੋਹਰਾ

ਮਾਰ ਸਿਖ ਘਾਏ ਤਹਾਂ ਮੁਖ ਸਿਉ ਐਸ ਅਲਾਇ ।
 ਤੋਰ ਗੁਰੂ ਮਮ ਸੁਤਾ ਹਰ ਤਾਕੋ ਤੁਮ ਫਲ ਪਾਇ ॥ 535 ॥

ਚੋਪਈ

ਐਸ ਕਹਾ ਗੁਰ ਪਗ ਲਪਟਾਯੋ । ਸ੍ਰੀ ਮੁਖ ਸਿਉ ਅਸ² ਬਚਨ ਅਲਾਯੋ² ।
 ਗੁਰੂ ਬਾਵਲੀ ਸਦ ਬਿਰ ਜਾਨੋ । ਤਿਸੀ ਦੁਸ਼ਟ ਕਾ ਮੂਲ ਪੁਟਾਨੋ ॥ 536 ॥
 ਗਰ ਕਾ ਸਿਖ ਐਸ ਪ੍ਰਗਟਾਵੈ । ਤਿਸੀ ਮੂਲ ਹਨ ਪ੍ਰਗਟ ਕਰਾਵੈ ।
 ਸਿਖ ਸਿਉ³ ਕਰੋ ਸੇਵ ਤੁਮ ਜਾਈ । ਤੁਮਰੀ ਓਰ ਨਾ ਦੁਸ਼ਟ³ ਦਿਖਾਈ ॥ 537 ॥

ਦੋਹਰਾ

ਗੁਰ ਆਇਸ ਧਰ ਸੀਸ ਪਰ ਬਹੁਰ ਗੁਰੂ ਪਗ ਲਾਗ ।
 ਬਿਧੀਏ ਆਦਿਕ ਸਭਨ ਕੇ ਲਗੋ ਚਰਨ ਤਬ ਭਾਗ ॥ 538 ॥
 ਗਯੋ ਲੰਗਾਹ ਲਾਹੌਰ ਕੋ ਗੁਰ ਮੂਰਤ ਰਿਦ [ਧਾਰਿ]⁴ ।
 ਪੁਨ ਦਵਾਰੇ ਬੰਦਨ ਕਰੀ ਸੁਨਓ ਪ੍ਰਭੂ ਕਰਤਾਰ ॥ 539 ॥
 ਮੋਹਿ ਦਰਸ ਕਬ ਦੇਹੁਗੇ ਸ੍ਰੀ ਗੁਰ ਕਹਾ ਸੁਨਾਇ ।
 ਮੋਹਿ ਰੂਪ ਇਹੁ ਸਿਸਪਾ ਕਰੈ ਦਰਸ ਸੁਖ ਪਾਇ ॥ 540 ॥

ਸੋਰਠਾ

ਨਾਮ ਚੁਟਾਲਾ ਯਾਹ ਜੋਉ ਦਰਸ ਇਛਾ ਕਰੈ ।
 ਮਨਸਾ ਪੂਰ ਵਿਵਾਹ ਚਾਰ ਪਦਾਰਥ ਪਾਇ ਸੋ ॥ 541 ॥

¹ਅ ਪੌਥੀ ਮਲ ²ਅ ਪੌਥੀ ਇਮ ਥਾਤ ਚਲਾਯੋ ³ੲ ਪੌਥੀ ਨੀਚ ⁴ੲ ਪੌਥੀ ਵਿਚੋ

ਚੌਪਈ

ਜਾਨ ਸੁਸਰ ਕੀਨੋ ਸਨਮਾਨਾ । ਦਵਾਰੇ ਕਾ ਗੁਰ -ਕ੍ਰਿਪਾ ਨਿਧਾਨਾ ।
 ਬਹੁਰ ਸਾਸ ਕਉ ਨਮੋ ਉਚਾਰੀ । ਬਾਜ ਬਜਾਵਤ ਚਲੇ ਮੁਰਾਰੀ ॥ 542 ॥
 ਰਾਵੀ ਲਾਘ ਕੀਨ ਤਬ ਡੇਰਾ । ਕ੍ਰਿਪਾ ਸਿੰਧ ਸੁੰਦਰ ਥਲ ਹੇਰਾ ।
 ਤਹ ਠਾਂ ਗੁਰੂ ਨਾਨਕ ਕੀ ਬੇਰੀ । ਬੈਠੇ ਗ੍ਰਾਮ ਸ੍ਰੀ ਗੁਰੂ ਹੇਰੀ ॥ 543 ॥
 ਕਰ ਦਰਸਨ ਮਨ ਮਹਿ ਸੁਖ ਪਾਯੋ । ਬਿਧੀਆ ਪੈੜਾ ਅਗ੍ਰ ਪਠਾਯੋ ।
 ਦਾਜ ਸੰਗ ਦੇ ਸੁਧਾ ਸਰੋਵਰ । ਭਾਖੀ ਕੁਸਲ ਕਹੋ ਸਭ ਕੋ ਵਰ ॥ 544 ॥

ਦੋਹਰਾ

ਬਿਧੀਆ¹ ਪਾਈ ਨਿਦੇਸ¹ ਗੁਰ ਪੈੜਾ ਸਾਥ ਲਵਾਇ ।
 ਸੁਧਾ ਸਰੋਵਰ ਆਇ ਕੈ ਕਰਿ ਬੰਦਨ ਮਨ ਲਾਇ ॥ 545 ॥

ਸਵੈਯਾ

ਗੁਰ ਕੀ ਸੁਧ ਦੇਤ ਭਏ ਸਭ ਕਉ ਪੁੰਨ ਮਾਤ ਕੇ ਜਾਇ ਲਗੇ ਪਗ ਦੋਉ ।
 ਦਾਜ ਦੀਓ ਪਿਖ ਮਾਤ ਅਨੰਦਤ ਪੁਤ੍ਰ ਵਿਵਾਹ ਸੁਨੇ ਦੁਖ ਖੋਉ ।
 ਬਾਜ ਬਜਾਵਨ ਕੀ ਕਰ ਆਯਸ ਪਾਵਤ ਦਾਨ ਸੁ ਆਵਤ ਜੋਉ ।
 ਆਜ ਕੇ ਦਿਵਸ ਕੋ ਹਉ² ਬਲਿ ਜਾਵਤ ਜਾਂ ਕਰ ਤੇ ਸੁਤ ਆਵਨ ਹੋਉ ॥ 546 ॥

ਚੌਪਈ

ਇਹ ਠਾਂ ਆਵਨ ਭਯੋ ਅਪਾਰਾ । ਤਾਂਹਿ ਰੈਨ ਬਸ ਗੁਰੂ ਮੁਰਾਰਾ ।
 ਕੀਨ ਪਿਆਨ ਸੈਨ ਚਲ ਐਸੇ । ਗੰਗ ਤਰੰਗ ਅਨੰਦਤ ਜੈਸੇ ॥ 547 ॥
 ਸੁਧਾ ਸਰੋਵਰ ਕੈ ਢਿਗ ਆਏ । ਚੜੇ ਜਾਮ ਦਿਨ ਬਾਜ ਬਜਾਏ ।
 ਆਗਮ ਪੇਖ ਸ੍ਰੀ ਗੁਰ ਆਵਾ । ਉੜਦੁ ਬੀਬੀ ਗੰਧ ਸਿੰਚਾਵਾ ॥ 548 ॥

ਦੋਹਰਾ

ਧਨ ਬਰਖਾਵਤ ਅਧਿਕ ਹੀ ਸ੍ਰੀ ਗੁਰ ਕੀਨ ਪ੍ਰਵੇਸ ।
 ਪੁਸ਼ਪ ਮਾਲ ਕਰਿ ਧਾਰ ਕੈ ਨਰ ਨਾਰੀ ਅਦੇਸ ॥ 549 ॥

ਚੌਪਈ

ਸ੍ਰੀ ਗੁਰ ਅਗ੍ਰ ਨਕੀਬ² ਬੁਲਾਵੈ । ਭਾਟ ਉਚ ਸੁਰ ਕਵਿਤ ਸੁਨਾਵੈ ।
 ਸੁਤਰੀ ਸੁੰਦਰ ਬਜੈ ਨਿਸਾਨਾ । ਦੇਖ ਅਧਿਕ ਛਬ ਅਤਿ ਸੁਖ ਮਾਨਾ ॥ 550 ॥
 ਪੁਰ ਨਰ ਨਾਰੀ ਸਭ ਹਰਖਾਏ । ਸ੍ਰੀ ਗੁਰ ਸੁੰਦਰ ਰੂਪ ਦਿਖਾਏ ।
 ਦੇਖ ਰੂਪ ਹਰਖੀ ਸਭ ਨਾਰੀ । ਗੰਗ ਮਾਤ ਦਰ ਓਰ ਪਧਾਰੀ ॥ 551 ॥

ਦੋਹਰਾ

ਸ੍ਰੀ ਗੁਰ ਉਪਰ ਵਾਰ ਕੈ ਮਾਤ ਕੀਨ ਜਲ ਪਾਨ ।
 ਬਹੁਰ ਹਰਖ ਮਨਿ ਪਾਇ ਬਹੁ ਦੀਨ³ ਦਾਨ ਸੁਖ ਮਾਨ ॥ 552 ॥

¹ਅ ਅਤ ਏ ਪੋਥੀ ਪਾਏ ਆਦੇਸ ²ਅ ਪੋਥੀ ਭਟ ³ਅ ਪੋਥੀ ਦੀਓ

ਚੌਪਈ

ਭੀਤਰ ਸਦਨ ਕੀਨ ਪ੍ਰਵੇਸ਼ਾ । ਗਾਵਤ ਅਬਲਾ ਕਰਤ ਆਦੇਸ਼ਾ ।
 ਦੋਉ ਮਹਲ ਗੁਰੁ ਕੇ ਪਗ ਲਾਗੀ । ਸਦਾ ਗੁਰਨ ਕੇ ਰਸ ਮਹਿ ਪਾਗੀ ॥ 553 ॥
 ਸੁਧਾ ਸਰੋਵਰ ਕ੍ਰਿਪਾ ਨਿਧਾਨਾ । ਪੁਨਹ ਜਾਇ ਕੀਨਾ ਇਸਨਾਨਾ ॥
 ਪ੍ਰਸਾਦ ਭੇਟ ਧਰ ਬੰਦਨ ਕੀਨੋ । ਤਖਤ ਦਰਬਾਰ ਹਰਖ ਮਨ ਲੀਨੋ ॥ 554 ॥

ਦੋਹਰਾ

ਬੁੱਢੇ ਅਰੁ ਗੁਰਦਾਸ ਕਉ ਮਿਲੇ ਪ੍ਰਭੂ ਹਰਖਾਇ ।
 ਬਹੁਰੋ ਕੋਲਾਂ ਗ੍ਰਿਹ ਅਏ ਤਹ ਸੁਧ ਧੀਰ ਧਰਾਇ ॥ 555 ॥

ਚੌਪਈ

ਬਹੁਰ ਆਇ ਗੁਰ ਤਖਤ ਸੁਹਾਇ । ਦਰਸਨ ਹੇਤ ਸਿਖ ਬਹੁ ਆਇ ।
 ਪੈਂਦੇ ਥਾਂ ਬਹੁਰੋ ਚਲ ਆਯੋ । ਕ੍ਰਿਪਾ ਸਿੰਧ ਕੇ ਪਗਿ ਲਪਟਾਯੋ ॥ 556 ॥
 ਸ੍ਰੀ ਗੁਰ ਮਾਨ ਤਾਂਹੇ ਬਹੁ ਕੀਨਾ । ਮਨ ਇਛਤ ਸੁਖ ਦਾਸਨ ਦੀਨਾ ।
 ਇਹ ਬਿਧ ਕੀਨੇ ਚਰਿਤ ਅਪਾਰਾ । ਭਗਤ ਸਿੰਘ ਕਿਛ ਵਾਰ¹ ਨਾ ਪਾਰਾ ॥ 557 ॥

ਦੋਹਰਾ

ਆਯੋ ਮਾਸ ਅਸੂ ਸੁਖਦ ਦਿਵਸ ਇਕਾਦਸ ਜਾਨ ।
 ਜਾਮ ਨਿਸਾ ਜਬ ਹੀ ਰਹੀ ਸ੍ਰੀ ਗੁਰ ਕੀਨ ਸਨਾਨ ॥ 558 ॥

ਚੌਪਈ

ਬੈਠ ਧਿਆਨ ਸਹਜ ਸੁਖ ਪਾਯੋ । ਮਾਤ ਦਮੋਦ੍ਰੀ ਸਮਾਂ ਲਖਾਯੋ ।
 ਅੰਧਕਾਰ ਸੁਤ ਜੁਤ ਢਿਗ ਆਏ । ਦਯਾ ਸਿੰਧ ਕੇ ਪਗ ਲਪਟਾਏ ॥ 559 ॥
 ਦੇਖ ਰੂਪ ਸੁਤ ਪ੍ਰਭ ਮੁਸਕਾਏ । ਕਯਾ ਇਛਾ ਇਮ ਬਚਨ ਅਲਾਏ ।
 ਕਹਾ ਮਾਤ ਕ੍ਰਿਪਾ ਪ੍ਰਭ ਕੀਜੈ । ਪੁਤ੍ਰੀ ਦਾਨ ਮੋਹ ਕਉ ਦੀਜੈ । ॥ 560 ॥

ਦੋਹਰਾ

ਬਿਨੇ ਸੁਨਤ ਹਰਖੇ ਪ੍ਰਭੂ ਤਥਾਸਤ ਬਚਨ² ਉਚਾਰ ।
 ਸਤਿਨਾਮ ਕੋ ਮੰਤ੍ਰ ਲਿਖ ਦੀਨਾ ਆਨੰਦ ਧਾਰ ॥ 561 ॥
 ਕਹੀ ਰੀਤਿ ਬਿਧ ਐਸ ਕਰ ਮਜਨ ਕਰ ਨਿਜ ਧਿਆਨ ।
 ਪਰਮ ਸ਼ਕਤਿ ਜੋਈ ਸ਼ਕਤੀ ਤਾਂਕਾ ਰੂਪ ਸੁਹਾਨ ॥ 562 ॥
 ਮਾਤ ਦਮੋਦ੍ਰੀ ਸੁਨਤ ਤਬ ਹਰਖਤ ਭਈ ਅਪਾਰ ।
 ਸਤਿਨਾਮ ਲੈ ਚੂਸਿਯੋ ਧਿਆਨ ਸ਼ਕਤਿ ਕਉ ਧਾਰ ॥ 563 ॥
 ਪਵਨ ਉਦਰ ਇਸਥਿਤ ਭਈ ਮਾਤਾ ਕੇ ਤਬ ਆਇ ।
 ਭਗਤ ਸਿੰਘ ਦਸ ਮਾਸ ਬਹੁ ਸੁਖ ਸਿਉਂ ਗਏ ਬਿਤਾਇ³ ॥ 564 ॥

¹ਅ ਤੇ ਏ ਪੰਥੀ ਅੰਤ ²ਅ ਪੰਥੀ ਕਹਾ ³ਅ ਤੇ ਏ ਪੰਥੀ ਬਿਹਾਇ

ਪ੍ਰਸੂਤ ਸਮਾਂ ਜਬ ਆਇਓ ਮੰਗਲ ਹੋਤ ਅਪਾਰ ।
ਮਾਤ ਅੰਗ ਫੁਰ ਕੈ ਸੁਖਦ ਸੂਚਨ ਆਨੰਦ ਭਾਰ ॥ 565 ॥

ਸਵੇਯਾ

ਚੰਡ ਪ੍ਰਚੰਡ ਧਰਯੋ ਤਨ ਸੁੰਦਰ ਆਯੁਧ ਅੰਗ ਬਿਰਾਜਤ ਭਾਰੀ ।
ਭਾਲ ਸਸੀ ਪਿਖ ਨੈਨ ਪ੍ਰਕਾਸਤ ਕਾਟ ਨਿਸਾ ਤਮ ਦੂਰ ਨਿਵਾਰੀ ।
ਸੁੰਭ ਨਿਸੁੰਭ ਹਤੇ ਜਿਨ ਦਾਨਵ ਰਾਜ ਦੀਓ ਸੁਖ ਸੋ ਅਸਰਾਰੀ ।
ਸੋਈ ਬਨਾਇ ਮਹਾਂ ਤਨਾ¹ ਸੁੰਦਰ ਲੀਨ ਔਤਾਰ ਪ੍ਰਭੂ ਬਚ ਸਾਰੀ ॥ 566 ॥

ਦੋਹਰਾ

ਮਾਤ ਦਮੋਦੀ ਉਦਰ ਤੇ ਪਵਨ ਨਿਕਸ ਦਿਖ ਨੈਨ ।
ਮਹਾਂ ਜੋਤ ਆਯੁਧ ਧਰੋ ਮਨੋ ਰੂਪ ਕੋ ਐਨ ॥ 567 ॥
ਨਮੋ ਨਮੋ ਮਾਤਾ ਕਰੀ ਚੰਡ ਪ੍ਰਚੰਡ ਲਖਾਇ ।
ਕੈਸ ਜਨਮ ਮੋਰੋ ਲੀਓ ਕਹੋ ਬਾਤ ਸਮਝਾਇ ॥ ॥ 568 ॥

। ਚੰਡਕੋਵਾਚ ਮਾਤ ਸੋ ।

ਦਯਾ ਸਿੰਧ ਆਗਿਆ ਕਰੀ ਤੋਹਿ ਮੰਤ੍ਰ ਕੇ ਸਾਥ ।
ਤੁਮ ਯਾਚਨ ਮੇਰਾ ਕੀਓ ਦਾਸੀ ਜਾਨ ਅਨਾਕ ॥ 569 ॥

ਚੌਪਈ

ਇਹ ਤੇ ਅਪਨਾ ਰੂਪ ਦਿਖਾਯੋ । ਖੋਜ ਥਕੇ ਨਰ ਹਾਥ ਨ ਆਯੋ ।
ਅਬ ਹਉਂ ਪੁਤ੍ਰੀ ਭਈ ਤੁਹਾਰੀ । ਪ੍ਰਭੂ ਕੀ ਆਇਸ² ਸਿਰ ਪਰ ਧਾਰੀ ॥ 570 ॥
ਮਾਤਾ ਹਰਖ ਕਹਾ ਸੁਨ ਲੀਜੈ । ਪੁਤ੍ਰੀ ਬਾਲ ਅੰਗ ਸਬ ਕੀਜੈ ।
ਤਤ ਛਿਨ ਬਾਲ ਅੰਗ ਕਰ ਲੀਨੈ । ਸੁਤਾ ਸਮਾਨ ਰੁਦਨ ਤਬ ਕੀਨੈ ॥ 571 ॥
ਔਰ ਚਿਹਨ ਨਹਿ ਕੋਇ ਰਹਾਯੋ । ਭਾਲ ਸਸੀ ਰਹਿ ਅਤਿ ਛਬ ਛਾਯੋ ।
ਦਮੋਦੀ ਮਾਤ ਹਰਖ ਬਹੁ ਕੀਨਉ । ਦਾਨ ਅਪਾਰ ਦ੍ਰਿਜਨ³ ਕਉ ਦੀਨਉ ॥ 572 ॥

ਦੋਹਰਾ

ਜਾਮ ਨਿਛਤਰ ਕ੍ਰਿਤਕਾ ਲਗਨ ਬ੍ਰਿਖ ਪਹਿਚਾਨ ।
ਸਸਿ ਰੁਤ ਸੰਮਤ ਵਾਰ ਗੁਰ ਸਾਵਨ ਮਾਸ ਪ੍ਰਮਾਨ ॥ 573 ॥
ਦਿਵਸ ਇਕਾਦਸ ਕੇ ਗਏ ਰਹੀ ਜਾਮ ਨਿਸ ਆਇ ।
ਮੰਗਲਦਾਯਕ ਜਾਨ ਗ੍ਰਿਹਿ ਜਨਮ ਸੁਤਾ ਗ੍ਰਿਹ ਪਾਇ ॥ 574 ॥

ਸਵੇਯਾ

ਮਾਤ ਆਨੰਦ ਕੀਓ ਮਨ ਮਹਿ ਸੁਨ ਕੈ ਗੁਰ ਦੇਵ ਪ੍ਰਭੂ ਹਰਖਾਏ ।
ਐਸ ਬਿਚਾਰ ਕਰੀ ਮਨ ਮਹਿ ਭਵ ਚੰਡ ਲੀਓ ਮਿਸ ਦੁਸਟ ਖਪਾਏ ।

¹ਅ ਤੇ ਦ ਪੋਥੀ ਦੇਹ ²ਅ ਤੇ ਦ ਪੋਥੀ ਅ ਗਯਾ ³ਅ ਪੋਥੀ ਰਿਖੂ

ਮਾਤ ਸੁ ਗੰਗ ਆਨੰਦ ਕੀਓ ਪਿਖ ਨਾਮ ਧਰਯੋ ਬਲ ਰੂਪ ਦਿਖਾਏ ।
ਵੀਰੋ ਸੁ ਨਾਮ ਵਿਚਾਰ ਕਹਯੋ ਸੁਖ ਹੋਤ ਭਯੋ ਕਹਿ ਕੋਨ ਸੁਨਾਏ ॥ 575 ॥

ਦੋਹਰਾ

ਚੜਯੋ ਦਿਵਸ ਮਾਤਾ ਸਭੀ ਦੇਖ ਰੂਪ ਹਰਖਾਇ ।
ਦੇਤ ਦਾਨ ਅਤਿ ਆਨੰਦ ਸਿਉ ਗਯੋ ਸੁ ਬਰਖ ਬਿਤਾਇ ॥ 576 ॥

ਚੌਪਈ

ਏਕ ਦਿਵਸ ਬਹੁ ਸੰਗਤ ਆਈ । ਭਈ ਭੀਰ ਬਹੁ ਪੂਜ ਚੜਾਈ ।
ਮਨ ਇਛਤ ਵਰ ਸੰਗਤ ਪਾਯੋ । ਗਈ ਧਾਮ ਸਭ ਖੇਦ ਮਿਟਾਯੋ ॥ 577 ॥
ਮਾਤ ਮਰਵਾਹੀ ਕੇ ਮਨ ਆਇ । ਮਨ ਬਾਂਛਤ ਸੰਗਤ ਵਰ ਪਾਇ ।
ਗੁਰ ਅਗੂਜ ਹਉ ਬਿਨਤੀ ਕਰਉਂ । ਏਕ ਪੁਤ੍ਰ ਲੈ ਬਡ ਸੁਖ ਧਰਉਂ ॥ 578 ॥

ਦੋਹਰਾ

ਭਾਦੋਂ ਪਾਂਚ ਖਟ ਦਿਨ ਗਏ ਸੁਧਾ ਸਰੋਵਰ ਨਾਇ ।
ਮਾਤ ਮਰਵਾਹੀ ਕੇ ਸਦਨਿ ਦਯਾ ਸਿੰਧ ਗੁਰੁ ਆਇ ॥ 579 ॥

ਚੌਪਈ

ਮਾਤਾ ਬਿਨਤੀ ਕੀਨ ਅਪਾਰਾ । ਹੇ ਪ੍ਰਭੂ ਦਯਾ ਸਿੰਧ ਕਰਤਾਰਾ ।
ਇਛਾ ਹਮਰੀ [ਪੂਰਨ]¹ ਕੀਜੈ । ਏਕ ਪੁਤ੍ਰ ਹਮਰੇ ਗ੍ਰਿਹ ਦੀਜੈ ॥ 580 ॥
ਸ੍ਰੀ ਗੁਰ ਬਿਨਤ ਸੁਨੀ ਹਰਖਾਏ । ਸ੍ਰੀ ਮੁਖ ਸੁੰਦਰ ਬਚਨ ਸੁਨਾਏ ।
ਹਮਰੇ ਪੁਤ੍ਰ ਧਾਮ ਅਸ ਹੋਵੈ । ਪ੍ਰਗਟ ਬੰਸ ਜਗ ਜਨ ਦੁਖ ਖੋਵੈ ॥ 581 ॥

ਦੋਹਰਾ

ਸਤਿਨਾਮ ਕਉ ਲਿਖ ਦੀਓ ਮੰਤਰ ਯੋ ਸਮਝਾਇ ।
ਕਰ ਮਜਨ ਰਵਿ ਸਨਮੁਖ ਚੂਸੋ ਯਾਹਿ ਬਨਾਇ ॥ 582 ॥

ਚੌਪਈ

ਸੁਨ ਮਾਤਾ ਮਨ ਆਨੰਦ ਪਾਯੋ । ਕਰ ਸਨਾਨ² ਸਬ ਬਯੋਤ ਬਨਾਯੋ ।
ਹੋਇ ਸਨਮੁਖ ਰਵਿ ਮੰਤ੍ਰ ਜਪਾਨਾ । ਪਵਨ ਉਦਰ ਤਬ ਬਾਸਾ ਠਾਨਾ ।
ਰਵਿ ਅਹਿ ਅਰਥ ਜਾਮ ਤਬ ਆਯੋ । ਭਯੋ ਅਧਾਨ ਮਾਤ ਸੁਖ ਪਾਯੋ ।
ਗੰਗ ਮਾਤ ਪਿਖ ਆਨੰਦ ਪਾਏ । ਪੰਚ ਮਾਸ ਸੁਖ ਸੰਗ ਬਿਤਾਏ ।
ਐਸੇ ਗੁਰ ਕੇ ਚਰਿਤ ਅਪਾਰੀ । ਮਨੀ ਸਿੰਘ ਸੁਨੀਏ ਸੁਖ ਧਾਰੀ ॥ 584 ॥

ਦੋਹਰਾ

ਮਾਘ ਮਾਸ ਸੁੰਦਰ ਅਯੋ ਖੋੜਸ³ ਦਿਵਸ ਬਿਤਾਇ ।
ਸ਼ਿਕਾਰ ਖੇਡ ਆਏ ਪ੍ਰਭੂ ਨਿਜ ਮਹਲੀ ਸੁਖ ਪਾਇ ॥ 585 ॥

¹ਅ ਪੋਥੀ ਵਿਚੋਂ ²ਅ ਤੇ ਏ ਪੋਥੀ ਇਸਨਾਨ ³ਅ ਪੋਥੀ ਸੋਲਹਿ

ਚੌਪਈ

ਅਰਧ ਜਾਮ ਦਿਨ ਤਬੈ ਰਹਾਨਾ । ਧਰ ਆਨੰਦ ਪ੍ਰਭ ਬੈਠ ਮਹਾਨਾ ।
ਮਾਤ ਨਾਨਕੀ ਤਬ ਢਿਗ ਆਈ । ਹਾਥ ਜੋਰ ਅਤਿ ਬਿਨਤ ਅਲਾਈ ॥ 586 ॥
ਦਮੋਦਰੀ ਮਰਵਾਹੀ ਪਰ ਜੈਸੇ । ਕ੍ਰਿਪਾ ਕਰੋ ਮੇ ਪਰ ਭੀ ਤੈਸੇ ।
ਬਿਨੀ ਸੁਨਤ ਪ੍ਰਭ ਭਏ ਦਿਆਲਾ । ਸ੍ਰੀ ਮੁਖ ਭਾਖੇ ਬਚਨ ਰਸਾਲਾ ॥ 587 ॥

ਦੋਹਰਾ

ਤੀਨ ਪੁਤ੍ਰ ਤੁਮਰੇ ਸਦਨ ਸਨੇ ਸਨੇ ਭਵ ਪਾਇ ।
ਰਾਜ ਭਾਗ ਤੁਮਰੇ ਰਹੇ ਸਮੇ ਪਾਇ ਸੁਖਦਾਇ ॥ 588 ॥

ਚੌਪਈ

ਐਸੇ ਭਾਖ ਮੰਤ੍ਰ ਲਿਖ ਦੀਨੋ । ਸਤਿਨਾਮ ਦੂਸਨ ਤਿਨ ਕੀਨੋ ।
ਮਾਤ ਨਾਨਕੀ ਉਦਰ ਬਸਾਈ । ਆਇ ਪਵਨ ਮਨ ਆਨੰਦ ਪਾਈ ॥ 589 ॥
ਭਯੋ ਅਧਾਨ ਹਰਖ ਮਨ ਪਾਏ । ਮਰਵਾਹੀ ਦਸ ਮਾਸ ਬਿਤਾਏ ।
ਬਾਮ ਅੰਗ ਸੁਭ ਵੁਰਕਨ ਲਾਗੇ । ਮੰਗਲ ਅਧਿਕ ਦਿਖਾਰਤ ਆਗੇ ॥ 590 ॥

ਦੋਹਰਾ

ਹਾੜ ਇਕਾਦਸ ਦਿਨ ਗਏ ਸੋਮਵਾਰ ਸੁਖਦਾਇ ।
ਅਰਧ ਜਾਮ ਦਿਨ ਕੇ ਚੜੇ ਪਵਨ ਉਦਰ ਨਿਕਸਾਇ ॥ 591 ॥
ਮਾਤ ਮੂਰਛਾ ਤਨ ਭਈ ਆਯੋ ਰਵਿ ਤਨ ਧਾਰ ।
ਬੈਠੋ ਮਾਤਾ ਕੇ ਨਿਕਟ ਸ੍ਰੀ ਗੁਰ ਕੈ ਬਚ ਸਾਰ ॥ 592 ॥

ਚੌਪਈ

ਮਾਤ ਮੂਰਛਾ ਜਬੈ ਬਿਹਾਈ । ਮਹਾ ਜੋਤ ਰਵਿ¹ ਅਗ੍ਰ ਦਿਖਾਈ ।
ਭਈ ਚਕਤ ਮੁਖ ਐਸ ਅਲਾਯੋ । ਕੋ ਤੂੰ ਕਹੋ ਜਨਮ ਕਸ ਪਾਯੋ ॥ 593 ॥
ਹਉ ਰਵਿ ਯਾਦ ਕੀਨ ਤੁਮ ਮੋਕਉ । ਆਇਸ ਦਈ ਸ੍ਰੀ ਗੁਰ ਤੋਕਉ ।
ਜੋ ਮਾਤਾ ਅਬ ਆਇਸ ਕੀਜੈ । ਸੋਈ ਕਰਉ ਮਾਨ ਚਿਤ ਲੀਜੈ ॥ 594 ॥

ਦੋਹਰਾ

ਤਬ ਮਾਤਾ ਮੁਖ ਸਿਉਂ ਕਹਾ ਕਰੋ ਬਾਲ ਸਮ ਅੰਗ ।
ਬਾਲ ਅੰਗ ਤਬ ਕੀਨ ਰਵਿ ਲਾਜਤ ਦੇਖ ਅਨੰਗ ॥ 595 ॥

ਚੌਪਈ

ਗੰਗ ਮਾਤ ਸੁਨ ਤਤ ਛਿਨ ਆਈ । ਦੇਖ ਪੁਤ੍ਰ² ਸਬ ਬਾਤ ਸੁਨਾਈ ।
ਭਈ ਚਕਤ ਮਨ ਆਨੰਦ ਪਾਯੋ । ਬਜਤ ਬਾਜ ਬਹੁ ਮੰਗਲ ਗਾਯੋ ॥ 596 ॥
ਮਾਤ ਨਾਨਕੀ ਸੁਨ ਹਰਖਾਈ । ਗੰਗ ਮਾਤ ਗੁਰ ਕੇ ਢਿਗ ਆਈ ।
ਸਭ ਬ੍ਰਿਤਾਂਤ ਸ੍ਰੀ ਗੁਰਹਿ ਸੁਨਾਯੋ । ਪ੍ਰਭੂ ਜਾਇ ਸੁਤ ਦਰਸਨ ਪਾਯੋ ॥ 597 ॥

¹ਅ ਪੋਥੀ ਸੂਰਯ ²ੲ ਪੋਥੀ ਸੁਤਹਿ

ਦੋਹਰਾ

ਮਹਾ ਜੋਤ ਦਿਖ ਪੁਤ੍ਰ ਕੀ ਸ੍ਰੀ ਗੁਰ ਕੀਨ ਉਚਾਰ ।
ਸੁਨੋ ਮਾਤ ਅਵਤਾਰ ਏਹ ਸੂਰਜ ਧਰਿਯੋ ਸੁਧਾਰ ॥ 598 ॥

ਚੌਪਈ

ਸੂਰਜ ਮਲ ਤਾਂਤੇ ਇਹ ਨਾਮਾ । ਪਰਮ ਜੋਤ ਸੂਰਤ ਅਭਿਰਾਮਾ ।
ਗੰਗ ਮਾਤ ਸੁਨ ਆਨੰਦ ਆਯੋ । ਦੀਓ ਦਾਨ ਅਤਿ ਹਰਖ ਧਰਾਯੋ ॥ 599 ॥
ਆਂਬ ਮੌਰ ਧਰਿ ਬੰਦਨ ਵਾਰੇ । ਬਾਂਧ ਬਹੁਤ ਅਤਿ ਗਾਵਤ ਨਾਰੇ ।
ਕੀਨ ਰੀਤਿ ਜਗ ਦਾਨ ਕਰਾਏ । ਪਾਂਚ ਮਾਸ ਸੁਖ ਸੰਗ ਬਿਤਾਏ ॥ 600 ॥

ਦੋਹਰਾ

ਮਾਤ ਨਾਨਕੀ ਹਰਖ ਮਨਿ ਵਾਸ ਅੰਗ ਫੁਰਕਾਇ ।
ਬਹੁ ਮੰਗਲ ਸੂਚਨ ਭਏ ਲਖਯੋ ਪੁਤ੍ਰ ਭਵ ਪਾਇ ॥ 601 ॥

ਚੌਪਈ

ਅਰਧ ਜਾਮ ਦਿਨ ਜਥੈ ਰਹਾਯੋ । ਮਘਰ ਖੇੜਸ ਦਿਵਸ ਬਿਤਾਯੋ ।
ਨਿਕਸੀ ਪਵਨ ਪੁਤ੍ਰ ਭਵ ਲੀਨਾ । ਸਸਿ ਰੁਤ ਸੰਮਤ ਦਿਨ ਤਤ ਚੀਨਾ ॥ 602 ॥
ਵਿਸਾਖਾ ਜਾਨ ਨਿਛਤ੍ਰ ਆਯੋ । ਤਹ ਛਿਨ ਸੁੰਦਰ ਸੁਤ ਭਵ ਪਾਯੋ ।
ਇੰਦ ਤਾਤ ਦਿਨ ਦਿਖ ਹਰਖਾਨੀ । ਮਾਤ ਨਾਨਕੀ ਪੁਲਕਤ ਬਾਨੀ ॥ 603 ॥

ਦੋਹਰਾ

ਪੇਖ ਪੁਤ੍ਰ ਸੁਖ ਪਾਇਯੋ ਮਾਤ ਨਾਨਕੀ ਅਪਾਰ ।
ਗੰਗ ਮਾਤਾ ਆਈ ਤਥੈ ਸੁਨਿ ਸੁਤ ਕੀਨ ਦੀਦਾਰ ॥ 604 ॥

ਚੌਪਈ

ਗੰਗ ਮਾਤ ਦਿਖ¹ ਰੂਪ ਸੁਹਾਯੋ । ਬਡ ਅਨੰਦ ਨਿਜ ਮਨ ਮਹਿ ਪਾਯੋ ।
ਗੰਗ ਮਾਤ ਕੈ ਮਨ ਕੀ ਜਾਨ । ਆਏ ਸ੍ਰੀ ਗੁਰ ਮਯਾ ਨਿਧਾਨ ॥ 605 ॥
ਦੇਖਯੋ ਗੁਰ ਸੁਤ ਰੂਪ ਅਪਾਰਾ । ਸ੍ਰੀ ਮੁਖ ਕੀਨਾ ਬਚਨ ਉਚਾਰਾ ।
ਅਣੀਵੰਤ ਇਹ ਮਾਤ ਲਖੀਜੈ । ਬਡਜੋਧਾ ਕਿਆ ਉਪਮਾ ਕੀਜੈ ॥ 606 ॥

ਦੋਹਰਾ

ਅਣੀ ਰਾਇ ਤਾਂਤੇ ਤਿਸੈ ਭਯੋ ਨਾਮ ਸੁਖ ਖਾਨ ।
ਭਗਤ ਸਿੰਘ ਇਹ ਭਾਂਤ ਵਚ ਭਾਖੇ ਕ੍ਰਿਪਾ ਨਿਧਾਨ ॥ 607 ॥

ਸੋਰਠਾ

ਗੰਗ ਮਾਤ ਸੁਨ ਨਾਮ ਬਡ ਅਨੰਦ² ਮਨ ਮਹਿ ਕੀਓ ।
ਔ ਹਰਖੀ ਸਭ ਬਾਮ ਮਾਤ ਨਾਨਕੀ ਹਰਖ ਬਹੁ ॥ 608 ॥

¹ਅ ਪੋਥੀ ਪਿਖ ²ੲ ਪੋਥੀ ਹਰਖ

ਸਵੈਯਾ

ਮੰਗਲ ਸਾਜ ਸਭੇ ਸਭਹੀ ਦਰ ਚੰਦਨ ਸਿਉ ਛਿਰਕੈ ਗ੍ਰਿਹ ਸਾਰੇ ।
 ਬੰਦਨ ਵਾਰ ਬਧੇ ਦਰ ਉਪਰ ਬਾਜ ਬਜਾਇ ਬਡੇ ਸੁਖ ਧਾਰੇ ।
 ਦਿਨ ਦੀਓ ਬਹੁ ਬਿਪ੍ਰਨ ਕਉ ਉਪਮਾ ਤਹਿ ਕੀ ਕਵਿ ਦਾਸ ਉਚਾਰੇ ।
 ਜੈਸ ਭਯੋ ਭਵ ਦਾਸਰਥੀ ਦ੍ਰਿਸ਼ ਦਾਨ ਕਉ ਦੇਖ ਸੁ ਮੇਰ ਚਿਤਾਰੇ ॥ 609 ॥

ਦੋਹਰਾ

ਸੁਨੋ ਸੰਤ ਮੰਗਲ ਅਧਿਕ ਕਹ ਤਕ ਕਰਉਂ ਉਚਾਰ ।
 ਬਰਖ ਬੀਤ ਆਨੰਦ ਸਿਉ ਦੀਨੋ ਦਾਨ ਅਪਾਰ ॥ 610 ॥

ਚੌਪਈ

ਭਗਤ ਸਿੰਘ ਮੰਗਲ ਬਹੁ ਜਾਨੋ । ਭਾਖਉਂ ਥੋਰੀ ਅਧਿਕ ਪਛਾਨੋ ।
 ਬਹੁ ਸੁਖ ਮਾਤ ਨਾਨਕੀ ਪਾਵੈ । ਪੁਤ੍ਰ ਦੇਖ ਨਿਜ ਬਲ ਬਲ ਜਾਵੈ ॥ 611 ॥
 ਹਿਮ ਰਿਤੁ ਪੋਖ ਮਾਸ ਤਬ ਆਯੋ । ਸੁਰ ਗੁਰ ਦਿਵਸ ਨਿਸਾ ਜੁ ਬਿਤਾਯੋ ।
 ਪ੍ਰਾਤਕਾਲ ਗੁਰ ਕੀਨ ਦਿਸਨਾਨਾ । ਬੈਠੇ ਲਾਇ ਰੂਪ ਨਿਜ ਧਿਆਨਾ ॥ 612 ॥

ਦੋਹਰਾ

ਗੁਰੁ ਨਾਨਕ ਪਦ ਕਮਲ ਮਹਿ ਲਾਗ¹ ਸਮਾਧ ਅਖੰਡ ।
 ਮਾਤ ਨਾਨਕੀ ਤਬ ਅਈ ਧਰ ਗੋਦੀ ਸੁਤ ਚੰਦ ॥ 613 ॥

ਚੌਪਈ

ਕ੍ਰਿਪਾ ਸਿੰਧ ਕੇ ਪਗ ਲਪਟਾਈ । ਅਤਿ ਅਧੀਨ ਹੁਇ ਬਿਨੈ ਅਲਾਈ ।
 ਬਿਨੈ ਸੁਨਤ ਗੁਰ ਨੈਨ ਉਘਾਰੈ ! ਦੇਖ ਪੁਤ੍ਰ ਧਰਿ ਹਰਖ ਅਪਾਰੇ ॥ 614 ॥

ਦੋਹਰਾ

ਸ੍ਰੀ ਮੁਖ ਕਹਾ ਸੁ ਮਾਂਗ ਰੁਚ ਜੋ ਇਛਿਤ ਸੋ ਪਾਵ ।
 ਮਾਤ ਨਾਨਕੀ ਹਰਖ ਸਿਉਂ ਕਹਿ ਤੁਮ ਸਭ ਸੁਖ ਦਾਵ ॥ 615 ॥
 ਤੁਮਰੇ ਬਚ ਤੈ ਪੁਤ੍ਰ ਕੇ ਦੀਜੇ ਪੁਤ੍ਰ ਮੁਰਾਰ ।
 ਸਤਿਨਾਮ ਮਤ੍ਰ ਦੀਓ ਲਿਖ ਗੁਰ ਕੀਨ ਉਚਾਰ ॥ 616 ॥

ਚੌਪਈ

ਦੀਨ ਮੰਤ੍ਰ ਪੁਨ ਰੀਤਿ ਉਚਾਰੀ । ਕਰਇ ਸਨਾਨ ਇਕ ਚਿਤ ਸੁਧਾਰੀ ।
 ਧਿਆਨ ਗੁਰੂ ਨਾਨਕ ਕਾ ਕਰੋ । ਸੰਪੂਰਨ ਮੰਤ੍ਰ ਅਪਨੇ ਮੁਖ ਧਰੋ ॥ 617 ॥
 ਕਰ ਬੰਦਨ ਪੁਨ ਮਾਤ ਸਿਧਾਰੀ । ਹਰਖਤ ਅਪਨੇ ਸਦਨ ਮਝਾਰੀ ।
 ਕਰ ਬੰਦਨ ਮਨ [ਮਾਹਿ]² ਸੁਖ ਪਾਯੋ । ਗੁਰ ਨਾਨਕ ਕਾ ਧਿਆਨ ਲਗਾਯੋ ॥ 618 ॥

¹ਅ ਪੋਥੀ ਲਾਗਯੋ ²ਅ ਪੋਥੀ ਵਿਚੋਂ

ਦੋਹਰਾ

ਸੇਲੀ ਟੋਪੀ ਜੁਤ ਕੀਓ ਗੁਰ ਨਾਨਕ ਕਾ ਧਿਆਨ ।
ਮੰਤ੍ਰ ਪਾਨ ਤਤ ਛਿਨ ਕੀਓ ਗੁਰੂ ਨਾਨਕ ਸੁਖ ਮਾਨ ॥ 619 ॥

ਚੌਪਈ

ਸੂਚਨ ਗਰਭ ਤਾਹਿ ਛਿਨ ਹੋਯੋ । ਇਸਥਿਤ ਪੋਨ ਉਦਰ ਦੁਖ ਖੋਯੋ ।
ਗੰਗ ਮਾਤ ਪਿਖ ਆਨੰਦ ਪਾਏ । ਅਰਧ ਮਾਸ ਗ੍ਰਹ ਮਾਸ ਬਿਤਾਏ ॥ 620 ॥

ਦੋਹਰਾ

ਇਮ ਕਹ ਕਥਾ ਸੁ ਅਨਿਕ ਬਿਧ ਅਨਦਿਨ ਬੀਤ ਸੁਖਾਰ ।
ਕਾਤਕ ਮਾਸ ਸੁ ਸੁਭ ਵਿਖੇ ਅਯੋ ਦੀਪ ਸੁਖ ਕਾਰ ॥ 621 ॥
ਦੇਸਿ ਦੇਸਿ¹ ਸੰਗਤ ਅਈ ਕਹਿ ਤਕ ਕਰਉਂ ਬਖਾਨ ।
ਪੁਲਕਗਾਤ ਸੰਗਤ ਸਬੀ ਅਈ ਕਰਤ ਗੁਰ ਧਿਆਨ ॥ 622 ॥

ਸੈਵਯਾ

ਸੰਗਤ ਆਇ ਘਨੀ ਅਤਿ ਹੀ ਗੁਰੁ ਦਰਸਨ ਚਾਹਿ ਉਮੰਗ ਅਪਾਰਾ ।
ਤਖਤ ਅਕਾਲ ਬਿਰਾਜਤ ਭਏ ਗੁਰੁ ਸੇਤ ਧਰੇ ਪਟ ਦੇਤ ਦਿਦਾਰਾ ।
ਆਯੂਧ ਅੰਗ ਬਡੀ ਛਬਿ ਪਾਵਤ ਭੂਖਨ ਧਾਰ ਅਪਾਰ ਮੁਰਾਰਾ ।
ਅਗ੍ਰਜ ਭੇਟ ਅਪਾਰ ਚੜੀ ਬਹੁ ਭੂਖਨ ਆਯੂਧ ਲਲਤ ਹਜਾਰਾ ॥ 623 ॥

ਅੜਿਲ

ਪਾਛੇ ਏਕਮ ਜਾਨ ਏਕ ਦਿਨ ਆਇਓ ।
ਲਾਗੋ ਅਧਿਕ ਦਿਵਾਨ ਹਰਖ ਬਹੁ ਪਾਇਓ ।
ਸੰਗਤ ਸਭ ਮਾਨ ਬਾਂਛਤ ਬਰ ਕਉ ਪਾਵਹੀ ।
ਹੋ ਕਹ ਤਕ ਕਰਉਂ ਉਚਾਰ ਨਾ ਗਨਨਾ ਆਵਹੀ ॥ 624 ॥
ਤਬ ਬਾਬਾ ਗੁਰਦਿਤਾ ਗੁਰ ਢਿਗ ਆਇਓ ।
ਬੰਦ ਗੁਰੂ ਕੇ ਚਰਨ ਬੈਠ ਹਰਖਾਇਓ ।
ਦਾੜਮ ਅਧਰਬਿ ਧੂਪ ਸਕੁਚਾਇ ਹੈ ।
ਹੋ ਪੰਕਜ² ਖੰਜਨ ਮੀਨ ਨੈਨ ਮੁਰਝਾਇ ਹੈ ॥ 625 ॥

ਦੋਹਰਾ

ਕੰਬ ਕੀਰ ਲਜਾ ਧਰੈ ਬਦਨ ਮੰਯਕ ਲਜਾਨ ।
ਸੁੰਦਰ ਤਾਕੀ ਅਵਧ ਲਖ ਗੁਰ ਸੁਤ ਰੂਪ ਮਹਾਨ ॥ 626 ॥

ਚੌਪਈ

ਦੇਖ ਰੂਪ ਸਭ ਕਾ ਮਨ ਹਰਿਓ । ਇਕ ਟਕ ਪੋਖ ਸਭੀ ਦੁਖ ਟਰਿਓ ।
ਰਾਮਾ ਖਤ੍ਰੀ ਜਾਤ ਸਰੀਨ । ਵਟਾਲੇ ਵਸੇ ਜਾਨ ਪ੍ਰਬੀਨ ॥ 627 ॥

¹ਏ ਪੋਥੀ ਪਤਦੇਸ ²ਅ ਪੋਥੀ ਕਵਲ

ਦੇਖ ਰੂਪ ਮਨ ਅਨੰਦ ਧਰਾਯੋ । ਉਠਿਓ ਹਰਖ ਗਰਿ ਅੰਚਰ ਪਾਇਓ ।
ਤ੍ਰਾਹਿ ਤ੍ਰਾਹਿ ਕਰਿ ਬਿਨਤ ਉਚਾਰੀ । ਹੇ ਪ੍ਰਭ ਆਯੋ ਸਰਨ ਤੁਮਾਰੀ ॥ 628 ॥

ਦੋਹਰਾ

ਕ੍ਰਿਪਾ ਸਿੰਧ ਕਹਿ ਕਿਆ ਕਹੋ ਕਿਆ ਇਛ ਮਨ ਤੋਰ ।
ਹਉ ਅਨਾਥ¹ ਰਾਮੇ ਕਹਾ ਭਾਰ ਮਨੋਰਥ ਮੋਰ ॥ 629 ॥
ਕੰਨਿਆ ਮਮ ਖਟ² ਬਰਖ ਕੀ ਹਮ ਕਉ ਜਾਨ ਅਨਾਥ ।
ਦਾਸੀ ਨਿਜ ਸੁਤ ਕੀਜੀਏ ਪ੍ਰਭ ਮੋਹਿ ਦੀਨਾ ਨਾਥ ॥ 630 ॥

ਚੌਪਈ

ਸਗਾਈ ਮਮ ਪੁਤ੍ਰੀ ਕੀ ਲੀਜੈ । ਦਾਸੀ ਗੁਰਦਿਤੇ ਕੀ ਕੀਜੈ ।
ਸ੍ਰੀ ਗੁਰ ਸੁਨ ਮਨ ਮਹਿ ਸੁਖ ਪਾਯੋ । ਤਾਸ ਸਿਖ ਕਉ ਧੰਨ ਅਲਾਯੋ ॥ 631 ॥
ਬਿਧੀਆ ਮਾਤਾ ਨਿਕਟ ਪਠਾਯੋ । ਸਭ ਸੰਦੇਸ ਤਿੰਹ ਜਾਇ ਸੁਨਾਯੋ ।
ਗੰਗ ਮਾਤ ਸੁਨ ਮਨ ਸੁਖ ਪਾਈ । ਮੁਖ ਸਿਉਂ ਕਹਾ ਨ ਦੇਰ ਸੁਹਾਈ ॥ 632 ॥

ਦੋਹਰਾ

[ਲਛਮੀ]³ ਆਈ ਸਦਨ ਮਹਿ ਕੀਜੈ ਕਾਜ ਸੁਧਾਰ ।
ਦਮੋਦਰੀ ਭੀ ਐਸੇ ਕਹਾ ਸ੍ਰੀ ਗੁਰ ਜਾਨਨਹਾਰ ॥ 633 ॥

ਸਵੇਯਾ

ਮੰਗਲ ਮਾਤ ਅਪਾਰ ਕੀਓ ਘਰ ਮੰਗਲ ਬੋਲ ਕੈ ਨਾਰ ਸੁ ਗਾਈ ।
ਮਾਤ ਸੰਦੇਸ ਕਹਾ ਬਿਧੀਏ ਗੁਰ ਕੋ ਸੁਨ ਕੈ ਪ੍ਰਭੁ ਆਨੰਦ ਪਾਈ ।
ਬੁਲਾਇ⁴ ਲੀਓ ਦ੍ਰਿਜ ਉਤਮ ਏਕ ਸੁ ਸੋਧ ਸਮਾ ਸਭ ਰੀਤਿ ਕਰਾਈ ।
ਰੀਤਿ ਕਰੀ ਜਗ ਜੋਇ ਹੁਤੀ ਦਿਖ ਰਾਮਾ ਸਬੈ ਤਨੁ ਨਾਹਿ ਸਮਾਈ ॥ 634 ॥

ਦੋਹਰਾ

ਤਬ ਰਾਮਾ ਮਨ ਹਰਖ ਕੈ ਨਿਜ ਕਰ ਬਾਬੇ ਭਾਲ ।
ਕੀਨ ਤਿਲਕ ਹਰਖੇ ਸਭੀ ਬਾਜੇ ਬਜਤ ਉਤਾਲ ॥ 635 ॥

ਚੌਪਈ

ਬਹੁਰ ਛੁਹਾਰਾ ਮੁਖ ਮਹਿ ਦੀਨੋ । ਜੈ ਜੈ ਕਾਰ ਸਭਨ ਤਬ ਕੀਨੋ ।
ਬਾਟ ਪ੍ਰਸਾਦਿ ਛੁਹਾਰੇ ਗਰੀ । ਤਖਤ ਬੰਦਨਾ ਹਰਖਤ ਧਰੀ ॥ 636 ॥
ਉਠੇ ਪ੍ਰਭੁ ਸਭ ਚਰਨ ਲਗਾਏ । ਅਪਨੇ ਅਪਨੇ ਡੇਰ⁵ ਸਿਧਾਏ ।
ਸ੍ਰੀ ਗੁਰ ਲੀਨੋ ਸੁਤ ਕਉ ਸਾਥ । ਆਏ ਮਹਲੀ ਦੀਨਾ ਨਾਥ ॥ 637 ॥

ਦੋਹਰਾ

ਦੇਖ ਮਾਤ ਹਰਖੀ ਤਬੈ ਸੁਤ ਕਉ ਕੰਠ⁶ ਲਗਾਇ ।
ਦੀਯੋ ਦਾਨ ਗਾਵਤ ਤਬੈ ਅਬਲਾ ਹਰਖ ਧਰਾਇ ॥ 638 ॥

¹ਅ ਪੋਥੀ ਗਰੀਬ ²ਅ ਤੇ ਏ ਪੋਥੀ ਛਹਿ ³ਅ ਪੋਥੀ ਵਿਚੋਂ ⁴ਅ ਤੇ ਏ ਪੋਥੀ ਮੰਗਵਾਇ ⁵ਅ ਪੋਥੀ ਸਦਨਿ
⁶ਅ ਪੋਥੀ ਅੰਕਿ

ਚੌਪਈ

ਕੋਕਲ ਕੰਠ ਮਧੁਰ ਸੁਰ ਗਾਵਹਿ । ਸਾਰੀ ਨਿਸ ਦਿਗ ਨੀਂਦ ਨ ਪਾਵਹਿ ।
 ਦੇਤ ਬਧਾਈ ਪੁਰ ਕੀ ਨਾਰੀ । ਇਹ ਜੋਰੀ ਜੀਵੈ ਜੁਗ ਚਾਰੀ ॥ 639 ॥
 ਤਾਂ ਦਿਨ ਜੈਸ ਕਲਾਹਲ ਭਯੋ । ਸੇਸ ਸਹਸ ਮੁਖ ਜਾਤ ਨਾ ਕਹਯੋ ।
 ਤੁਛ ਜੀਵ ਕਵਿ ਕੈਸ ਅਲਾਵੈ । ਪਟਬੀਜਨ¹ ਰਵਿ ਸਮਸਰ ਪਾਵੈ ॥ 640 ॥

ਦੋਹਰਾ

ਭਗਤ ਸਿੰਘ ਮੰਗਲ ਭਯੋ ਦਿਵਸ ਚਾਰ ਅਧਿਕਾਇ ।
 ਗੰਗ ਮਾਤ ਸ੍ਰੀ ਗੁਰੂ ਕਉ ਬਾਰ ਬਾਰ ਸਮਝਾਇ ॥ 641 ॥

ਚੌਪਈ

ਭਈ ਸਗਾਈ ਸੁਤ ਕੀ ਜੈਸੇ । ਹੇ ਪ੍ਰਭੂ ਕਰਹੁ ਸੁਤਾ ਕੀ ਤੈਸੇ ।
 ਵਰ ਲਾਇਕ ਸੁੰਦਰ ਗ੍ਰਿਹ ਜਹਾਂ । ਕਰਹੁ ਵਿਚਾਰ ਪ੍ਰਭੂ ਜੀ ਤਹਾਂ ॥ 642 ॥
 ਮਾਤ ਦਮੋਦਰੀ ਭੀ ਕਹ ਕੈਸੇ । ਗੰਗ ਮਾਤ ਭਾਖੇ ਬਚ ਜੈਸੇ ।
 ਤਥਾਸਤ ਬਚਨ ਗੁਰ ਕੀਨ ਉਥਾਇ । ਖਿਰੇ ਬਦਨ ਛਬਿ ਕਹੀ ਨ ਜਾਇ ॥ 643 ॥

ਦੋਹਰਾ

ਆਇ ਤਖਤ ਬੈਠੇ ਪ੍ਰਭੂ ਥਿਤ ਪੰਚਮੀ ਜਾਨ ।
 ਕਰ ਦਰਸਨ ਸੰਗਤ ਸਭੀ ਬਿਦਾ ਹੋਤ ਸੁਖ ਮਾਨ ॥ 644 ॥

ਚੌਪਈ

ਅਧਿਕ ਦਿਵਾਨ ਲਗੇ ਤਬ ਆਇ । ਭਗਤ ਸਿੰਘ ਛਬਿ ਕਹੀ ਨ ਜਾਇ ।
 ਮਾਤਾ ਕੇ ਗੁਰ ਬੈਨ ਚਿਤਾਰ । ਦੇਖਤ ਸਭ ਕੀ ਓਰ ਮੁਰਾਰ ॥ 645 ॥
 ਅਤਿ ਅਨਾਥ ਮਲਿਨਾਬਰ ਧਾਰੇ । ਦੇਖਿਓ ਬਾਲਕ ਰੂਪ ਅਪਾਰੇ ।
 ਕਾਕੋ ਸੁਤ ਗੁਰ ਮੁਖਹੂੰ ਅਲਾਯੋ । ਕਾਹਿ ਨਗਰ ਤੇ ਇਹ ਠਾ ਆਯੋ ॥ 646 ॥

ਦੋਹਰਾ

ਹਾਥ ਜੋਰ ਤਾਂਕੇ ਪਿਤਾ ਇਮ ਕੀਨੀ ਅਰਦਾਸ ।
 ਜਾਤ ਖੋਸਲੇ ਹਉਂ ਬਸਉ ਮਲੇ ਪ੍ਰਭ ਕੀ ਆਸ ॥ 647 ॥

ਚੌਪਈ

ਧਰਮਾ ਮੇਰੇ ਨਾਮ ਮੁਰਾਰਾ । ਇਹੁ ਸੁਤ ਮੇਰਾ ਦਾਸ ਤੁਮਾਰਾ ।
 ਸਾਧੂ ਯਾਹਿ ਨਾਮ ਪਹਿਚਾਨੋ । ਨਿਜ ਦਾਸਨਿ ਕਾ ਦਾਸ ਪਛਾਨੋ ॥ 648 ॥
 ਸਪਤ ਬਰਖ ਕਾ ਬਾਲਕ ਜਾਨ । ਹਰਖੇ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ।
 ਬਿਪ੍ਰ ਬੂਝ ਤਬ ਦੀਨ ਛੁਹਾਰਾ । ਦੇਖ ਸਬਨ ਮਨ ਬਿਸਮੈ ਧਾਰਾ ॥ 649 ॥

¹ਅ ਪੰਥੀ ਉਡਗਾਨਿ ਸਮ

ਦੋਹਰਾ

ਹਾਥ ਜੋਰ ਧਰਮੇ ਕਹਾ ਤੁਛ ਜੀਵ ਹਉ ਦਾਸ ।
 ਸਗਾਈ ਬਨੈ ਸ ਕੈਸ ਬਿਧ ਤੁਮ ਸੁਆਮੀ ਸੁਖ ਰਾਸ ॥ 650 ॥
 ਕ੍ਰਿਪਾ ਸਿੰਧ ਕਹਿ ਕਿਉ ਡਰਤ ਤੁਮ ਸੁਤ ਸਿਵ^੧ ਅਵਤਾਰ ।
 ਪਿਤ੍ਰੀ ਤੁਮ ਤਾਰੇ ਸਭੀ ਗ੍ਰਿਹ ਮਹਿ ਅਨਿਕ ਸੁਸਾਰ ॥ 651 ॥
 ਨਿਜ ਪੁਤ੍ਰੀ ਕੀ ਗੁਰੂ ਜੀ ਕਰੀ ਸਗਾਈ ਤਾਹਿ ।
 ਜਗਤ ਰੀਤਿ ਜੇਤਕ ਹੁਤੀ ਮਨ ਮਹਿ ਧਾਰ ਉਮਾਹਿ^੨ ॥ 652 ॥

ਚੌਪਈ

ਤਬ ਧਰਮੇ ਮਨ ਆਨੰਦ ਪਾਯੋ । ਲੈ ਆਯਸ ਨਿਜ ਨਗਰ ਸਿਧਾਯੋ ।
 ਸਭ ਸੰਗਤ ਮਨ ਬਿਸਮੈ ਪਾਈ । ਸਾਹਿਬ ਬੁਢਾ ਕਹਿ ਸਮਝਾਈ ॥ 653 ॥
 ਬਾਲ ਰੰਕ ਨਹਿ ਸਿਵ ਅਵਤਾਰ । ਧਰਿਯੋ ਭੂਮ ਪ੍ਰਭੂ ਆਇਸ ਧਾਰ ।
 ਸੁਨਤ ਸਭੀ ਮਨ ਧੀਰਜ ਪਾਏ । ਗੁਰ ਆਇਸ ਲੈ ਧਾਮ ਸਿਧਾਏ ॥ 654 ॥

ਦੋਹਰਾ

ਗੁਰ ਆਇਸ ਧਰ ਸੀਸ ਪੈ ਰਾਮਾ ਮਨ ਸੁਖ ਪਾਇ ।
 ਸਹਿਰ ਵਟਾਲੇ ਕਉ ਗਯੋ ਆਪਨ ਧਾਮ ਹਰਖਾਇ^੩ ॥ 655 ॥

ਚੌਪਈ

ਕ੍ਰਿਪਾ ਸਿੰਧ ਨਿਜ ਮਹਲੀ ਆਏ । ਜਾਤ ਨਾਮ ਤਹਿ ਮਾਤ ਸੁਨਾਏ ।
 ਮਾਤ ਨਾਮ ਸੁਨ ਮਨ ਸੁਖ ਪਾਯੋ । ਭਈ ਸਗਾਈ ਮੰਗਲ ਗਾਯੋ ॥ 656 ॥
 ਮਾਤ ਦਮੋਦਰੀ ਇਮ ਸੁਨ ਲੀਨਾ । ਜਾਤਕ ਰੰਕ ਸਾਕ ਪ੍ਰਭ ਕੀਨਾ ।
 ਭਈ ਰੈਨ ਜਬ ਸ੍ਰੀ ਗੁਰੁ ਆਏ । ਹਾਥ ਜੋਰ ਬਚ ਮਾਤ ਅਲਾਏ ॥ 657 ॥

ਦੋਹਰਾ

ਰੰਕ ਪੁਤ੍ਰ ਘਰ ਬਿਤ ਨਹੀਂ ਅੰਬਰ ਧਾਰ^੪ ਮਲੀਨ ।
 ਮੋਰੇ ਮਨ ਸੰਸਾ ਭਯੋ ਕੈਸ ਸਾਕ ਤੁਮ ਕੀਨ ॥ 658 ॥

ਚੌਪਈ

ਸ੍ਰੀ ਗੁਰ ਕਹਾ ਰੰਕ ਨਹਿ ਜਾਨੋ । ਮਧ ਚੀਥੜੇ ਲਾਲ ਪਛਾਨੋ ।
 ਸਿਵ ਅਵਤਾਰ ਭਯੋ ਜਗ ਮਾਹੀ । ਪੂਰਬ ਨਾਰ ਸੁਤਾ ਤੁਮ ਆਹੀ ।
 ਭਗਤ ਸਿੰਘ ਤਬ ਸੰਸਾ ਕੀਨਾ । ਸਿਵ ਅਵਤਾਰ ਕੈਸ ਕਰ ਲੀਨਾ ।
 ਮਨੀ ਸਿੰਘ ਕਹੁ ਸੁਨਹੁ ਪਿਆਰੇ । ਜਬ ਥੇ ਬਾਲਕ ਰੂਪ ਮੁਰਾਰੇ ॥ 660 ॥

ਦੋਹਰਾ

ਨਾਰਦ ਸਿਵ ਮਿਲ ਜੋਗਨੀ ਅਏ ਬਵੰਜਾ ਬੀਰ ।
 ਬਾਲ ਰੂਪ ਆਇਸ ਦਈ ਸਭ ਤੁਮ ਧਰੋ ਸਰੀਰ ॥ 661 ॥

^੧ਅ ਪੋਥੀ ਰੁਦ੍ਰ ^੨ਅ ਤੇ ਏ ਕਹਿ ਚਾਹਿ ^੩ਏ ਪੋਥੀ ਸੁਖ ਪਾਇ ^੪ਅ ਪੋਥੀ ਪਹਿਰ

ਚੌਪਈ

ਬੀਰ ਸਭੀ ਸੂਰਨ ਤਨ ਪਾਏ । ਸ਼ਿਵ ਅਵਤਾਰ ਧਰਾ ਜਗਿ ਆਏ ।
ਨਾਰਦ ਸਦਾ ਦੁਪਾਸੀ ਭਯੋ । ਇਮ ਸੁਨ ਮਾਤ ਮਨ ਭ੍ਰਮ ਗਯੋ ॥ 662 ॥

ਦੋਹਰਾ

ਭਗਤ ਸਿੰਘ ਸ੍ਰੀ ਗੁਰ ਕਥਾ ਗੁਰ ਜੀ ਜਾਨਨਹਾਰ ।
ਜਨਮ ਸਫਲ ਨਿਜ ਕਰਤ ਹਉਂ ਸਿੰਧ ਬੁੰਦ ਲੈ ਧਾਰ ॥ 663 ॥
ਮੰਗਲ ਭਯੋ ਸੁ ਕਹਉਂ ਕਸ ਆਗਲ ਚਰਿਤ ਸੁਨਾਇ ।
ਪੂਰਨ ਭਏ ਸੁ ਮਾਸ ਦਸ ਮਾਤ ਨਾਨਕੀ ਆਇ ॥ 664 ॥
ਮੰਗਲ ਸੁਭ ਤਬ ਮਾਤ ਕਉ ਬਾਮ ਅੰਗ ਫੁਰਕਾਇ ।
ਗੰਗ ਮਾਤ ਮਰਵਾਹੀਯ ਆਈ ਨਿਕਟ ਸੁਹਾਇ ॥ 665 ॥
ਸੋਰਹਿ ਸੈ ਰਿਖ ਦਿਨ ਗਏ ਸੰਮਤ ਕਤਕ ਮਾਸ ।
ਰਾਕਾ ਸਸ ਸੁਤ ਵਿਸੇ ਦੁਇ ਅਨੁਰਾਧਾ ਸੁਖ ਰਾਸ ॥ 666 ॥

ਚੌਪਈ

ਸਾਤ ਘੜੀ ਨਿਸ ਜਬੈ ਰਹਾਈ । ਪਵਨ ਨਿਸਰ ਮਾਤਾ ਮੁਰਝਾਈ ।
ਗੁਰੂ ਨਾਨਕ ਬਪੁ ਅਪਨਾ ਧਾਰ । ਬੈਠੇ ਮਾਤਾ ਨਿਕਟ ਮੁਰਾਰ ॥ 667 ॥
ਮਾਤ ਨਾਨਕੀ ਦੇਹ ਸਭਾਰੀ । ਦੇਖ ਅਗੂ ਗੁਰ ਰੂਪ ਮੁਰਾਰੀ ॥
ਮੁਖ ਅੰਚਰ ਧਰਿ ਐਸ ਅਲਾਯੋ । ਅਜ ਅਬਿਨਾਸੀ ਤੁਹ ਸਭ ਗਾਯੋ ॥ 668 ॥

ਦੋਹਰਾ

ਕੈਸ ਉਦਰ ਮੇਰੇ ਪ੍ਰਭੂ ਲੀਨ ਜਨਮ ਔਤਾਰ¹ ।
ਬੇਦ ਬ੍ਰਹਮ ਨਿਜ ਬੇਦ ਕਹਿ ਸਭਤੇ ਪਰੇ ਮੁਰਾਰਿ ॥ 669 ॥
ਮਾਤ ਗੰਗ ਗੁਰ ਧਿਆਨ ਮਨ ਸੁਧ ਰੂਪ ਗੁਰ ਜਾਨ ।
ਯਹ ਕੌਤਕ² ਲਖ ਪ੍ਰਭੂ ਕੋ ਮਨ ਮਾਹਿ ਬੰਦਨ ਠਾਨ ॥ 670 ॥

ਚੌਪਈ

ਸੁਨਹੁ ਮਾਤ ਜਾਤੇ ਭਵ ਪਾਯੋ । ਸ੍ਰੀ ਗੁਰ ਤੋਕੋ ਬਚਨ ਅਲਾਯੋ ।
ਮੰਤ੍ਰ ਪਾਨ ਕਰ ਧਿਆਨ ਸੁਧਾਰਾ । ਕੀਨਾ ਤੁਮ ਇਹ ਹੇਤ ਦਿਦਾਰਾ ।
ਮਹਾਂ ਮੰਤਰ ਸਤਿਨਾਮ ਪਛਾਨੋ । ਬਿਧਿਯੁਤਿ ਇਕ ਚਿਤ ਨਿਜ ਕਰ ਧਿਆਨੋ ।
ਪ੍ਰਗਟੈ ਸੋਇ ਸੰਸ ਕਉ ਨਾਂਹੀ । ਦੇਖ ਵਿਚਾਰ ਸੰਸ ਮਨ ਮਾਂਹੀ ॥ 672 ॥

ਦੋਹਰਾ

ਜੋ ਆਇਸ ਮਾਤਾ ਕਰੋ ਅਬ ਸੋ ਕਰਉ ਸੁਧਾਰ ।
ਐਸੇ ਕਹਿ ਮੁਖ ਮੌਨ ਧਰਿ ਸੁੰਦਰ ਰੂਪ ਅਪਾਰ ॥ 673 ॥

¹ਅ ਪੋਥੀ ਅਵਤਾਰ ²ਅ ਤੋ ਦ ਪੋਥੀ ਚਰਿਤ

ਚੋਪਈ

ਮਾਤ ਨਾਨਕੀ ਹਰਖ ਅਲਾਯੋ । ਹੇ ਪ੍ਰਭ ਕਰੋ ਜੈਸ ਮੁਹ ਭਾਯੋ !
 ਬਾਲ ਅੰਗ ਕੀਜੈ ਸੁਖਦਾਈ । ਲਲਿਤ ਰੂਪ ਸਭ ਕਉ ਸੁਖਦਾਈ^੧ ॥ 674 ॥
 ਪੁਨ ਮੋਕਉ ਦੀਜੈ ਸੁਖ ਧਾਮੀ । ਸੁਤ ਕਰ ਤੋਹਿ ਨ ਜਾਨਉ^੨ ਸੁਆਮੀ ।
 ਪਰਮ ਈਸ^੩ ਬਪੁ ਤੋਹਿ ਨਿਹਾਰਉ^੪ । ਤਥਾਸਤਿ ਬਚਨ ਗੁਰ ਕੀਨ ਉਚਾਰਉ ॥ 675 ॥

ਦੋਹਰਾ

ਬਾਲ ਅੰਗ ਬਹੁਰੋ ਕਰੇ ਰਤਿ ਪਤਿ ਦੇਖ ਲਜਾਇ ।
 ਔਰ ਚਿਹਨ ਨਹਿ ਕੋ ਰਹਿਓ ਸੇਲੀ ਟੋਪੀ ਭਾਇ ॥ 676 ॥

ਅੜਿਲ

ਲਲਿਤ ਬੈਨ ਮੁਖ ਬੋਲ ਬਾਲ ਤਨੁ ਧਾਰਿਓ ।
 ਨਿਜ ਮਨ ਲਾਗਿ ਸਮਾਧ ਸੁ ਮਾਤ ਨਿਹਾਰਿਓ ।
 ਬਾਲ ਰੰਮਯ ਕੀ ਖਾਨ ਗੰਗ ਸੁਖ ਪਾਇਓ ।
 ਹੋ ਮਾਤ ਨਾਨਕੀ ਹਰਖ ਨਾ ਜਾਤ ਬਤਾਇਓ ॥ 677 ॥

ਸਵੈਯਾ

ਗਾਇ ਉਠੀ ਅਬਲਾ ਮਨਿ ਆਨੰਦ ਮੰਗਲ ਭਾਰ ਭਯੋ ਸੁਖਦਾਈ ।
 ਦਾਨ ਸੰਕਲਪ ਕੀਓ ਮਨ ਮਹਿ ਦੇਉ ਪ੍ਰਾਤ ਭਯੋ ਮਨ ਮਹਿ ਠਹਿਰਾਈ ।
 ਮਾਤ ਨਿਦੇਸ਼ ਕਰੀ ਬਹੁ ਬਾਜਨ ਦੇਵ ਪੁਰੀ ਬਹੁ ਬਾਜ ਬਜਾਈ ।
 ਤਾ ਸਮ ਮੰਗਲ ਭੂਰਿ ਭਯੋ ਅਬਲਾ ਪੁਰ ਕੀ ਮਿਲ ਦੇਤ ਬਧਾਈ ॥ 678 ॥

ਦੋਹਰਾ

ਨਿਸ ਬਹਾਇ ਰਵਿ ਆਇਯੋ ਦਹਿ ਦਿਸ ਕਿਰਨਾ ਛਾਇ ।
 ਜਸ ਗੁਰ ਸੁਤ ਕਾ ਜਨਮ ਸੁਨ ਨਭ ਭੂ ਮੰਗਲ ਗਾਇ ॥ 679 ॥

ਚੋਪਈ

ਕ੍ਰਿਪਾ ਸਿੰਧ ਸੁਨ ਅਤਿ ਸੁਖ ਪਾਯੋ । ਸਾਹਿਬ ਬੁਢਾ ਸਾਥ ਲਵਾਯੋ ।
 ਆਏ ਨਿਜ ਮਹਿਲੀ ਹਰਖਾਇ । ਮਾਤ ਵਧਾਈ ਅਗ੍ਰ ਸੁਨਾਇ ।
 ਸਾਹਿਬ ਬੁਢੇ ਦਈ ਵਧਾਈ । ਗੰਗ ਮਾਤ ਕਉ ਹਰਖ ਧਰਾਈ ।
 ਬਾਲ ਰੂਪ ਗੁਰ ਨੈਨ ਨਿਹਾਰਾ । ਪੂਰਬ ਮਾਤ ਪ੍ਰਸੰਗ ਉਚਾਰਾ ॥ 681 ॥
 ਦਯਾ ਸਿੰਧ ਸੁਨ ਦੇਖ ਸਰੂਪਾ । ਲਾਗ ਸਮਾਧ ਅਖੰਡ ਅਨੂਪਾ ।
 ਦਿਖ ਸਮਾਧ ਬੁਢੇ ਮਨ ਆਈ । ਸਿਵ ਕੁੰਭਜ ਜਹਿ ਦੇਖ ਲਜਾਈ ॥ 682 ॥

ਦੋਹਰਾ

ਗੰਗ ਮਾਤ ਬਹੁਰੋ ਕਹਾ ਹੋ ਸੁਤ ਸੁਤ ਕਾ ਨਾਮ ।
 ਧਰਉ ਆਪ ਜੋ ਭਾਇ ਮਨ ਤੁਮ ਸਭ ਪੂਰਨ ਕਾਮ ॥ 683 ॥

^੧ਅ ਤੇ ਏ ਪੋਥੀ ਦਿਖਰਾਏ। ^੨ਅ ਪੋਥੀ ਪਰਮੇਸ਼ੁਰ

ਸ੍ਰੀ ਗੁਰੋਵਾਚ ॥ ਚੌਪਾਈ ॥

ਸੁਨੇ ਮਾਤ ਇਹ ਰੂਪ ਅਪਾਰਾ । ਸਮਾਧ ਅਚਲ ਕੇਰਾ¹ ਸੁਖ ਧਾਰਾ ।
ਸੇਲੀ ਟੋਪੀ ਸੋਹਤਿ ਐਸੇ । ਕਾਲੀ ਨਾਗ ਸਸੀ ਪਹਿ ਜੈਸੇ ॥ 684 ॥
ਸਮਾਧ ਅਟਲ ਯਾਹ ਮਨ ਭਾਈ । ਤਾਂਤੇ ਨਾਮ ਅਟਲ ਸੁਹਾਈ ।
ਪ੍ਰਥਮੇ ਰੂਪ ਬਾਬੇ ਕਾ ਪਾਯੋ । ਤਾਂਤੇ ਬਾਬਾ ਅਟਲ ਰਹਾਯੋ ॥ 685 ॥

ਦੋਹਰਾ

ਸਾਹਿਬ ਬੁਢਾ ਹਰਖ ਪੁਨ ਸਭੀ ਮਾਤ ਹਰਖਾਇ ।
ਦਾਨ ਦੀਨ ਗੁਰ ਦ੍ਰਿਜਨ ਕਉ ਮਨ ਬਾਛਤ ਜੋ ਆਇ ॥ 686 ॥

ਚੌਪਈ

ਦਾਨ ਦੀਨ ਤਬ ਮਾਤ ਅਪਾਰਾ । ਆਨੰਦ ਭੂਰ ਸਭਨਿ ਮਨ ਧਾਰਾ ।
ਮੰਗਲ ਅਧਿਕ ਜਾਨ ਚਿਤ ਲੀਜੈ । ਕਵਿ ਕੀ ਭੂਲ ਛਿਮਾਪਨ ਕੀਜੈ ॥ 687 ॥
ਤੀਨ ਤਾਤ ਕੰਨਿਆ ਗਥ ਭਾਖੀ । ਸੁਨੇ ਮਾਤ ਕੋਲਾਂ ਕੀ ਸਾਖੀ ।
ਕੋਲਾਂ ਮਾਤ ਐਸ ਸੁਨ ਪਾਯੋ । ਮਾਤ ਨਾਨਕੀ ਸੁਤ ਉਪਜਾਯੋ² ॥ 688 ॥

ਦੋਹਰਾ

ਧਾਰ ਪ੍ਰੇਮ ਮਨ ਮੋ ਗਈ ਕੋਲਾਂ ਗੁਰ ਕੇ ਧਾਮ³ ।
ਗੰਗ ਮਾਤ ਕੇ ਚਰਨ ਪਰ ਜਾਇ ਕੀਨ ਪਰਨਾਮ⁴ ॥ 689 ॥

ਚੌਪਈ

ਗੰਗ ਮਾਤ ਬਹੁ ਆਦਰ ਕੀਨੋ । ਕੁਸਲ ਪ੍ਰਸੰਨ ਕਰ ਸਭ ਸੁਖ ਲੀਨੋ ।
ਗੁਰ ਕੇ ਮਹਲ ਤੀਨ ਬਡਭਾਗੀ । ਕੋਲਾਂ ਬਹੁਰ ਤਾਂਹਿ ਪਗ ਲਾਗੀ ॥ 690 ॥
ਹਰਖਤ ਸਭ ਕਉ ਦਈ ਵਧਾਈ । ਤਿਨੈ ਮਾਨ ਕੀਨਾ ਅਧਿਕਾਈ ।
ਚਾਰੋ ਸੁਤ ਕੰਨਯਾ ਸਸਿ ਭਾਲ । ਕੋਲਾਂ ਦਿਖ ਮਨ ਭਈ ਨਿਹਾਲ ॥ 691 ॥

ਦੋਹਰਾ

ਬਡ ਆਨੰਦ ਮਨ ਮਹਿ ਕੀਓ ਮੁਖ ਸਿਉ ਕੀਨ ਉਚਾਰ ।
ਚਿਰ ਜੀਵਉ ਚਾਰ ਸੁਵਨ ਸੁੰਦਰ ਤੇਜ ਅਪਾਰ ॥ 692 ॥

ਚੌਪਈ

ਬਹੁਰ ਬਹੁਰ ਨਿਜ ਉਰ ਸਿਉ ਲਾਵੈ । ਗੁਰ ਸੁਤ ਰੂਪ ਦੇਖ ਉਰਝਾਵੈ ।
ਬਾਬਾ ਅਟਲ ਰੂਪ ਬਡ ਸੋਹੈ । ਬਾਲ ਮਾਸ ਦੁਇ ਰਤਿ ਪਤਿ ਮੋਹੈ ॥ 693 ॥
ਕੋਮਲ ਤਨ ਛਬ ਕਹੀ ਨ ਜਾਈ । ਅਵਲ ਕੋਲਾਂ ਦਿਖ ਹਰਖਾਈ ।
ਨਿਜ ਮਨ ਮਹਿ ਬਹੁਰੋ ਅਸ ਧਾਰੀ । ਮੋਰੇ ਸੁਤ ਨਹਿ ਖੇਦ ਅਪਾਰੀ ॥ 694 ॥

¹ਏ ਪੋਥੀ ਮਾਹਿ ²ਅ ਪੋਥੀ ਪ੍ਰਗਟਾਯੋ ³ਅ ਤੇ ਏ ਪੋਥੀ ਸਤਿਗੁਰ ਕੇ ਪਾਸ ⁴ਅ ਤੇ ਏ ਪੋਥੀ ਅਰਦਾਸ

ਦੋਹਰਾ

ਚਰਨ ਲਾਗਿ ਸਭ ਕੈ ਤਬੇ ਮਨ ਮਹਿ ਚਿੰਤ ਅਪਾਰ ।
ਮੁਖਹੂੰ ਬਧਾਈ ਭਾਖ ਕੈ ਆਈ ਸਦਨ ਮਝਾਰ ॥ 695 ॥

ਸਵੈਯਾ

ਚਿੰਤ ਕਰੀ ਨਿਜ ਐਸ ਰਿਦੈ ਮਮ ਤਯਾਗ ਦੀਓ ਗੁਰ ਜਾਨ ਮਲੀਨੀ ।
ਮੋਹ ਭਯੋ ਭਵ ਤੁਰਕਨ¹ ਕੈ ਗ੍ਰਿਹ ਐਸ ਵਿਚਾਰ ਗੁਰੂ ਚਿਤ ਚੀਨੀ ।
ਜਾਂਹਿ ਕੈ ਪੁਤ੍ਰ ਨਹੀਂ ਭਵ ਮਹਿ ਸ੍ਰਮ ਪਾਇ ਘਨੋ ਸਮ ਬਾਂਝ ਅਧੀਨੀ ।
ਭੋਗ ਬਿਨਾ ਸੁਤ ਹੋਤ ਨਹੀਂ ਇਹ ਜੀਵਨ ਤੇ ਮ੍ਰਿਤ ਉਤਮ ਕੀਨੀ² ॥ 696 ॥
ਜੇਕਰ ਭੋਗ ਨਹੀਂ ਕਰਤੇ ਗੁਰ ਕਾਹੇ ਤੇ ਪੁਤ੍ਰ ਸੁ ਚਾਰ ਉਪਾਈ ।
ਔਰ ਸੁਤਾ ਸ੍ਰਸਿ ਸੀ ਉਪਜੀ ਮਨ ਐਸ ਚਿਤਾਰ ਘਨੀ ਮੁਰਝਾਈ ।
ਵਿਚਾਰ ਕਰੀ ਬਿਬ ਭਾਂਤ ਰਿਦੈ ਸੁਤ ਪਾਇ ਕਿਧੋਂ ਤਨ ਨਾਸ ਕਰਾਈ ।
ਐਸ ਸੁ ਤਾਹਿ ਕਉ ਸੋਕ ਭਯੋ ਅਤਿ ਕਲਪ ਸਮਾਂ ਤਹਿ ਜਾਮ ਬਿਤਾਈ ॥ 697 ॥
ਰੈਨ ਪਰੀ ਦੁਖ ਪਾਇ ਮਹਾਂ ਘਟਿਕਾ ਜੁਗ ਕੇ ਸਮ ਨਾਹਿ ਬਿਹਾਵੈ ।
ਚਾਰੋ ਹੀ ਜਾਮ ਬਿਹਾਲ ਰਹੀ ਬਿਰਹਾਨਲ ਭਾਰ ਰਿਦੈ ਉਪਜਾਵੈ ।
ਦਾਸੀ ਬੁਲਾਏ ਨ ਬੋਲੈ ਤਬੈ ਨ ਕਿਸੀ ਬਿਰਥਾ ਚਿਤ ਆਧਿ ਸੁਨਾਵੈ ।
ਕਾਹੂ ਤੇ ਖੇਦ³ ਮਿਟਾਤ ਨਾਹੀਂ ਸੁਖ ਸਿੰਧ ਪ੍ਰਭੂ ਦੁਖ ਆਨ ਮਿਟਾਵੈ ॥ 698 ॥

ਦੋਹਰਾ

ਬਿਰਹ ਤਪਤ ਕੋਲਾਂ ਭਈ ਰਹੀ ਨ ਦੇਹ ਸੰਭਾਰ ।
ਭਗਤ ਸਿੰਘ ਸ੍ਰੀ ਗੁਰੂ ਕੀ ਗਾਥਾ ਸੁਨਓ ਅਪਾਰ ॥ 699 ॥

ਸਵੈਯਾ

ਪ੍ਰਾਤ ਇਸਨਾਨ ਕਰੈ ਨਿਤ ਨੇਮ ਸੁ ਜਾਇ ਦਰਬਾਰ ਸੁ ਵਾਰ ਸੁਨਾਵੈ ।
ਸੁਖਮਨੀ ਕੋ ਪਾਠ ਕਰੈ ਬਹੁਰੋ ਨਿਤ ਨੇਮ ਸੁ ਤਖਤ ਪੈ ਦਰਸ ਦਿਖਾਵੈ ॥
ਤਾ ਦਿਨ ਭੀਰ ਅਪਾਰ ਭਈ ਮੇਲਾ ਮਾਘੀ ਭਯੋ ਸਿਖ ਸੰਗਤ ਆਵੈ ।
ਮਾਘ ਦੁਤੀ ਦਿਨ ਆਨੰਦ ਧਾਰਿ ਪ੍ਰਭੂ ਨਿਜ ਦਾਸਨ ਖੇਦ ਮਿਟਾਵੈ ॥ 700 ॥

॥ ਛਪੈ ॥

ਪ੍ਰਭੂ ਧਾਰ ਪ੍ਰਨ ਐਸ ਪਾਠ ਕਰ ਬੋਲ ਨ ਬੈਨਾ ।
ਐ ਕਰ ਕਾਜ ਨਾ ਕੋਇ ਸਦਾ ਸੁਖ ਸਿੰਧ ਅਚੈਨਾ ।
ਸੁਨੀ ਵਾਰ ਸੁਖ ਪਾਇ ਤਖਤ ਪ੍ਰਭ ਆਨ ਸੁਹਾਏ ।
ਲਗੇ ਸੁਖਮਨੀ ਪਾਠ ਪ੍ਰਭੂ ਨਿਜ ਧਿਆਨ ਧਰਾਏ ।
ਅਰਧ ਜਾਮ ਦਿਨ ਜਬ ਅਯੋ ਵਿੰਸ ਅਸਟ ਪਦ ਪਾਠ ਕਰ ।
ਕੋਲਾਂ ਬਿਰਹ ਅਪਾਰ ਕਰ ਕਰਖ ਲੀਨ ਮਨ ਪ੍ਰੇਮ ਧਰ ॥ 701 ॥

¹ਅ ਪੋਥੀ ਮਗਲਨ ਏ ਨਲਛਨ ²ਅ ਪੋਥੀ ਚੀਨੀ ³ਅ ਪੋਥੀ ਕਸਟ

ਸੋਰਠਾਂ

ਅਪਨਉ ਪ੍ਰਨ ਸੁ ਮਿਟਾਇ ਕਰਤ ਪਾਠ ਸ੍ਰੀ ਗੁਰ ਉਠੇ ।
ਭਗਤ ਵਤਸਤਾ ਗਾਇ ਦਾਸ ਖੇਦ¹ ਪਾਵੈ ਨਾਹੀਂ ॥ 702 ॥

ਚੋਪਈ

ਕੌਲਾਂ ਗ੍ਰਿਹ ਗੁਰ ਕੀਨ ਪਿਆਨਾ । ਤਤ ਛਿਨ ਤਿਆਗ ਦੇਰ ਸੁਖ ਦਾਨਾ ।
ਆਗੇ ਦੇਖੀ ਲੋਟਤ ਧਰਨੀ । ਵਿਰਹਾ ਦਸਾ ਤਿਹ ਜਾਇ ਨ ਬਰਨੀ ॥ 703 ॥
ਬੈਠੇ ਨਿਕਟ ਭੋਗ ਤਹਿ ਪਾਈ । ਸੁਖਮਨਿ ਸੁਖ ਕੀ ਥਾਨ ਸੁਹਾਈ ।
ਸ੍ਰੀ ਮੁਖ ਕਹਾ ਕੈਸ ਦੁਖ ਪਾਵਹੁ । ਪਿਆਰੀ ਕਹੁ ਨਾ ਕਾਹਿ ਲੁਟਾਵਹੁ ॥ 704 ॥

ਕੌਲਾਂ ਵਾਚ ॥ ਚੋਪਾਈ ॥

ਹੇ ਪ੍ਰਭ ਮੇ ਕੋਉ ਖੇਦ ਅਪਾਰਾ । ਕੈਸੇ ਕਹਉ ਨ ਬਨੈ ਉਚਾਰਾ ।
ਤਦਿਪੀ ਕਹਉ ਸੁਨੇ ਮਨ ਲਾਈ । ਦੀਨੋ ਮਮ² ਨਿਜ ਦੀਨ ਗਵਾਈ ॥ 705 ॥
ਅੰਚਰ ਪਕਰ ਲੀਓ ਮਮ ਤੋਰਾ । ਭਯੋ ਨਾ ਕਾਜ ਕਛੂ ਜਗ ਮੋਰਾ ।
ਜਾਨ ਤੁਰਕਨੀ³ ਮੋਹਿ ਭੁਲਾਇ । ਕਬੀ ਨ ਸਿਵ ਅਰਿ ਤੇਜ ਮਿਟਾਇ ॥ 706 ॥

ਦੋਹਰਾ

ਬਿਤੇ ਬਰਖ [ਗ੍ਰਿਹ]⁴ ਅਈ ਕੀਨੇ ਤੁਮ ਬਿਖ ਬਿਯਾਹ ।
ਮੋਕਉ ਕੈਸ ਭੁਲਾਇਓ ਭਯੋ ਇਹੀ ਤਨ ਦਾਹ ॥ 707 ॥

॥ ਸ੍ਰੀ ਗੁਰੋਵਾਚ ॥

ਕੌਲਾਂ ਖੇਦ ਨਾ ਕੀਜੀਏ ਮਨ ਮਹਿ ਧਰੋ ਵਿਚਾਰ ।
ਮਦਨ ਤਪਤ ਤੇ ਜਗਤ ਮਹਿ ਪਾਵਹਿ ਖੇਦ ਅਪਾਰ ॥ 708 ॥

ਸਵੈਯਾ

ਜੋ ਜਨ ਨਾਰ ਅਧੀਨ ਭਏ ਸਦ ਲੰਪਟ ਨਾਰ ਕਰੈ ਮਦ ਪਾਨਾ ।
ਮੈਥੁਨ ਜਾਨ ਕਰੈ ਘਟ ਕਾ ਸ੍ਰਮ ਪਾਇ ਘਨੋ ਯਮ ਤਾੜਤ ਨਾਨਾ ॥
ਖਿਰਕੀ ਯਮ ਧਾਮ ਰਚੀ ਅਬਲਾ ਸੰਗ ਯਾਹਿ ਮਿਲੇ ਦੁਖ ਹੋਤ ਮਹਾਨਾ ।
ਯਾਹੀ ਉਤਮ ਜਗ ਮੈ ਜਨ ਜਾਨੋ ਨਾਰ ਕੈ ਭੋਗ ਤਜੈ ਸੁਖ ਮਾਨਾ ॥ 709 ॥

॥ ਕੌਲਾਂ ਵਾਚ ॥

ਜੇ ਜਗ ਨਾਰ ਕੇ ਸੰਗ ਮਿਲੇ ਦੁਖ ਹੋਵਤ ਐਸ ਕਹੋ ਕਸ ਕੀਜੈ ।
ਰਾਮ ਐ ਕ੍ਰਿਸ਼ਨ ਭਏ ਜਗ ਮਹਿ ਸੁਤ ਹੋਇ ਘਨੇ ਪ੍ਰਭੂ ਔਰ ਸੁਨੀਜੈ ।
ਚਾਰ ਸੁ ਪੁਤ੍ਰ ਭਏ ਤੁਮਰੇ ਪੁਨ ਕੰਨਯਾ ਭਈ ਮਮ ਐਸ ਕਹੀਜੈ ।
ਭੋਗ ਬਿਨਾ ਸੁਤ ਹੋਤ ਨਹੀਂ ਬਿਨ ਭੋਗ ਕਹੋ ਜਗ ਕੰਨ ਰਹੀਜੈ ॥ 710 ॥

¹ਅ ਪੱਥੀ ਦੁਖ ²ਅ ਪੱਥੀ ਹਮ ³ਏ ਪੱਥੀ ਮਲੇਛਨਿ ⁴ਅ ਪੱਥੀ ਵਿਚੋਂ

ਸ੍ਰੀ ਗੁਰੋਵਾਰ ॥ ਸਵੈਯਾ ॥

ਜੇ ਜਗ ਮੂਢ^੧ ਅਧੀਨ ਤ੍ਰਿਯਾ ਨਰ ਰਾਮ ਹਰੀ ਕਹਿ ਕੇਲ ਮਚਾਯੋ ।
 ਸੁਧਾ ਸਦਾ ਸਤਿਨੰਦ ਪਰਾਤਮ ਤਾਂਹਿ ਕਉ ਲੇਪ ਨਾ ਰੰਗ ਦਿਖਾਯੋ ।
 ਵਸਤ ਵਿਚਾਰ ਕਰੇ ਨਰ ਜੇ ਨਿਜ ਰੂਪ ਅਨੰਦ ਕੀਓ ਸੁਖ ਪਾਯੋ ।
 ਸੁਪਨੇ ਸਮ ਜਾਨ ਸਭੀ ਜਗ ਕੋ ਦੁਖ ਖਾਨ ਤ੍ਰਿਯਾ ਦਿਖ ਨੇਹੁ ਮਿਟਾਯੋ ॥ 711 ॥

ਗੁਰ ਨਾਨਕ ਸੁਧ ਪਰਮਾਤਮਾ ਜੀ ਇਹੁ ਰੀਤਿ ਕਰੀ ਸੁਨੀਏ ਮਨ ਲਾਈ ।
 ਸਤਿਨਾਮ ਕੋ ਮੰਤ੍ਰ ਉਚਾਰ ਕੀਓ ਤਹਿ ਚੂਸ ਭਏ ਸੁਤ ਭੋਗ ਮਿਟਾਈ ।
 ਇਹ ਕਾਰਨ ਮੈਥਨ^੨ ਨਾਹਿ ਕਰਉ^੩ ਮਮ ਮੰਤ੍ਰ ਦੀਓ ਸੁਤ ਬੇਦ^੩ ਉਪਾਈ ।
 ਤਾਂਹਿ ਤੇ ਧੀਰ ਧਰੋ ਮਨ ਮਹਿ ਤੁਮ ਮੈਥਨ ਬਾਤ ਤਜੋ ਸੁਖਦਾਈ ॥ 712 ॥

ਦੋਹਰਾ

ਦਸਮ ਰੂਪ ਤਕ ਹਉਂ ਸੁਨਉਂ ਮੈਥਨ ਨਾਰਿ ਤਿਆਗ ।
 ਸਾਹਿਬ ਬੁਢੇ ਅੰਸ ਜੋ ਤਜੈ ਸੋਇ ਵਡਭਾਗ ॥ 713 ॥

ਕੌਲਾਂਵਾਰ ॥ ਚੌਪਈ ॥

ਸਾਹਿਬ ਬੁਢਾ ਕੈਸ ਤਿਆਗੈ । ਤਾਂਕੀ ਅੰਸ ਨਾ ਜਗ ਮਹਿ ਪਾਗੈ ।
 ਤਾਂਤੇ ਨਾਮ ਕਹੋ ਮਮ ਜਾਨੋ । ਕੀਨਾ ਤਿਆਗ ਭੋਗ ਸੁਖ ਮਾਨੋ ॥ 714 ॥

ਸ੍ਰੀ ਗੁਰੋ ਵਾਰ

ਭੇਟ ਗੁਰੂ ਨਾਨਕ ਸੋ ਹੋਈ । ਸਾਹਿਬ ਬੁਢਾ ਸਭ ਦੁਖ ਖੋਈ ।
 ਗੁਰ ਨਾਨਕ ਸਮ ਮੰਤ੍ਰ ਸੁ ਦੇਵੈ । ਉਪਜਿਓ ਸੁਤ ਭਾਰੀ ਸੁਖ ਲੇਵੈ ॥ 715 ॥

ਸੌਰਠਾ

ਤਹਿ ਸੁਤ ਭਾਨਾ ਜਾਨ ਉਪਜਯੋ ਉਪਜੈ ਔਰ ਸੁਨ ।
 ਸਾਹਿਬ ਸ੍ਵਨ ਬਖਾਨ ਸਾਹਿਬ ਚਤੁਰ ਲਾਲ ਹੁਇ ॥ 715 ॥

ਦੋਹਰਾ

ਸਾਹਿਬ ਝੰਡਾ ਪੰਜਵਾਂ ਹੁਇ ਹੈ ਜਗ ਜਸਕੇਤ ।
 ਸਾਹਿਬ ਗੁਰਦਿਤਾ ਖਸਟ ਉਪਜਯੋ ਭਵ ਨਿਧ ਸੇਤ ॥ 717 ॥

ਚੌਪਈ

ਨਵਮ ਗੁਰੂ ਕੇ ਸੰਗ ਸਿਧਾਵੈ । ਦਿਲੀ ਗੁਰ ਸੰਗ ਪਿਆਨ ਕਰਾਵੈ ।
 ਸਾਹਿਬ ਰਾਮ ਕੌਰ ਸੁਤ ਤਾਕਾ । ਉਪਜੈ ਹੋਇ ਬਡੋ ਜਸ ਜਾਕਾ ॥ 718 ॥
 ਦਸਮ ਗੁਰੂ ਸੰਗ ਚਰਿਤ ਕਰਾਵੈ । ਪਾਵਨ ਅਧਿਕ ਕੈਸ ਕੋ ਗਾਵੈ ॥
 ਤਾਂਹਿ ਖਿਤਾਬ ਅੰਸ ਗੁਰ ਕਰੈ । ਕੌਲਾਂ ਸੁਨਹੁ ਨਾਮ ਇਹੁ ਧਰੈ ॥ 719 ॥

^੧ਅ ਪੌਥੀ ਮੁਗਧ ^੨ਅ ਤੇ ਦ ਪੌਥੀ ਭੋਗ ^੩ਅ ਪੌਥੀ ਚਾਰ

ਦੋਹਰਾ

ਸਾਹਿਬ ਰਾਮ ਸੁ ਕੌਰ¹ ਜੀ ਗੁਰਬਖਸ਼ ਸਿੰਘ ਤਹਿ ਨਾਮ ।
ਦਸਮ ਗੁਰੁ ਜਾਕਾ ਧਰਹਿ ਪੂਰਨ ਹੁਇ ਹੈ ਕਾਮ ॥ 720 ॥

ਚੌਪਈ

ਸਪਤ ਰੂਪ ਇਹੁ ਭੋਗ ਨਾ ਕਰਹਿ । ਸਤਿਨਾਮ ਮੰਤ੍ਰ ਮੁਖਿ ਧਰਹਿ ।
ਆਗੇ ਸੰਕਰ ਬਰਨ ਉਪਾਵਹਿ । ਕਲ ਕੇ ਜੀਵ ਸਾਥਿ ਮਿਲ ਜਾਵਹਿ ॥ 721 ॥
ਪੁਨ ਦਸ ਰੂਪ ਜੋਉ ਹਮਰੇ ਹੋਈ । ਕਰੇ ਨ ਭੋਗ ਅਸਰ ਮਿਲ ਸੋਈ ।
ਤਾਤੇ ਭੋਗ ਇਛ ਤੁਮ ਤਿਆਗਉ । ਉਠਹੁ ਗੁਰੁ ਨਾਨਕ ਰਸ ਪਾਗਹੁ ॥ 722 ॥

ਦੋਹਰਾ

ਬਚਨ ਸੁਨਤ ਕੋਲਾਂ ਉਠੀ ਭਈ ਸੁਧ ਤਿਹ ਵਾਰ ।
ਕਾਮ ਭਾਵਨਾ² ਮਿਟੀ ਸਭ² ਮੁਖ ਸਿਉਂ ਕੀਨ ਉਚਾਰ ॥ 723 ॥

ਚੌਪਈ

ਹੇ ਪ੍ਰਭ ਕੀਨੋ ਪਰ ਉਪਕਾਰਾ । ਕਾਮ ਅਗਨ ਤੇ ਰਾਖ ਮੁਰਾਰਾ ।
ਇਛਾ ਏਕ ਰਹੀ ਮਨ ਮਾਂਹੀ । ਜਗ ਮਾਂਹਿ ਨਾਮ ਪੁਤ੍ਰ ਬਿਨ ਨਾਂਹੀ ॥ 724 ॥
ਤਾਤੇ ਮੰਤ੍ਰ ਮੋਹਿ ਮੁਖ ਦੀਜੈ । ਕਿਧਉ ਜਤਨ ਕਛ ਔਰ ਕਰੀਜੈ ।
ਜਾਤੇ ਨਾਮ ਰਹੈ ਜਗ ਮੋਰਾ । ਜਗ ਮਹਿ ਹੋਇ ਬਡੋ ਜਸ ਤੋਰਾ ॥ 725 ॥

ਦੋਹਰਾ

ਕਹਾ ਗੁਰ ਏਹ ਪੁਤ੍ਰ ਜੋ ਦੇਖਤ ਹਮਰੇ ਚਾਰ ।
ਉਤਮ ਜਿਨ ਕਉ ਨਾਮ ਹਹਿ ਕਰਿ ਹਹਿ [ਮੁਖਹੁ]³ ਉਚਾਰ ॥ 726 ॥

ਅੜਿਲ

ਤੁਮਰਾ ਸੁਤ ਹੁਇ ਐਸ ਸਭੀ ਜਗ ਜਾਨ ਹੈ ।
ਬਾਲਕ ਬਿਰਧ ਜੁਆਨ ਸੁ ਮੁਖਹੁ ਬਖਾਨ ਹੈ ।
ਜਾਨੈ ਉਚ ਸੁ ਨੀਚ ਨਾਰ ਜੋ ਹੋਇ ਗੋ ।
ਹੋ ਸਭ ਕਰ ਫਲ ਤਿਸ ਮਾਂਹਿ ਤੋਰ ਸੁਤ ਹੋਇਗੋ ॥ 727 ॥

ਚੌਪਈ

ਤੁਮਰਾ ਸੁਤ ਸਰ ਪਰਗਟ ਕਰਹੋਂ । ਨਾਮ ਕੋਲਸਰ ਤਾਕਾ ਧਰਹੋਂ ।
ਕੋਲਾਂ ਸੁਨਤ ਅਧਿਕ ਹਰਖਾਈ । ਸ੍ਰੀ ਸਤਿਗੁਰੁ ਕੈ ਪਗ ਲਪਟਾਈ ॥ 728 ॥
ਚਰਚਾ ਕਰਤ ਜਾਮ ਦਿਨ ਆਯੋ । ਬੁਢੇ ਕਉ ਗੁਰ ਐਸ ਅਲਾਯੋ ।
ਸਾਹਿਬ ਬੁਢਾ ਅਰ ਗੁਰਦਾਸ । ਆਏ ਤਹਾਂ ਜਹਿ ਸੁਖ ਕੇ ਰਾਸ ॥ 729 ॥

¹ਅ ਪੋਥੀ ਕੋਇਰ ²ਅ ਤੇ ਦ ਪੋਥੀ ਮਿਟ ਗਈ ³ਅ ਪੋਥੀ ਵਿਚੋਂ

ਦੋਹਰਾ

ਬੁਢੇ ਕੌ ਸ੍ਰੀ ਗੁਰ ਕਹੀ ਇਛਾ ਕੌਲਾਂ ਕੇਰ ।
ਇਹ ਬਾਂਛਾ¹ ਸੁਤ ਨਾਮ ਹਿਤ ਕਰੋ ਸਰੰ ਸੁਖ ਹੇਰ ॥ 730 ॥

ਚੌਪਈ

ਸਾਹਿਬ ਬੁਢੇ ਕੀਨ ਉਚਾਰਾ । ਜੋ ਤੁਮ ਕਰੋ ਭਲੇ ਸੰਸਾਰਾ ।
ਸੁਨਤ ਉਠੇ ਪਟ ਕਟਿ ਕਸ ਸੁਆਮੀ । ਭਗਤ ਸਿੰਘ ਗੁਰ ਅੰਤਰਜਾਮੀ ॥ 731 ॥
ਬੋਹੜ ਤਰੂ ਪੂਰਬ ਦਿਸ ਹੋਇ । ਕਰ ਪੰਕਜ ਗੁਰ ਕਹੀ ਖਲੋਇ ।
ਸਤਿਨਾਮ ਕਹਿ ਟਕ ਲਗਾਯੋ । ਨਾਮ ਕੋਲਸਰ ਮੁਖਹੂੰ ਅਲਾਯੋ । 732 ॥

ਦੋਹਰਾ

ਮਾਘੀ ਕੀ ਸੰਗਤ ਅਈ ਸ੍ਰੀ ਗੁਰ ਦੇਖ ਉਦਾਰ ।
ਕਾਰ ਕਰੈ ਜੋ ਯਾਹਕੀ ਲਹੈ ਸਾਰ ਫਲ ਚਾਰ ॥ 733 ॥

ਚੌਪਈ

ਹੁਮ ਹੁਮਾਇ ਸੰਗਤ ਸਭ ਧਾਈ । ਕਾਰ ਪੋਟ² ਸਭ ਸੀਸ ਉਠਾਈ ।
ਸ੍ਰੀ ਮੁਖ ਤਾਕੀ ਉਪਮ ਉਚਾਰੀ ॥ ਜੋਉ ਇਸਨਾਨ ਕਰੈ ਨਰ ਨਾਰੀ ॥ 734 ॥
ਜੋ ਇਛਾ ਧਰਿ ਕਰੈ ਇਸਨਾਨਾ । ਇਛਾ ਪੂਰ ਧਾਰ ਸੁਖ ਨਾਨਾ ।
ਪੁਤ੍ਰ ਹੇਤ ਜੋ ਇਸਤਰੀ ਨਾਵੈ । ਏਕ ਬਰਸ ਮਹਿ ਸੁਤ ਉਪਜਾਵੈ ॥ 735 ॥

ਦੋਹਰਾ

ਔਰ ਇਛਿਯਾ ਜੋ ਕਰੈ ਲਹੈ ਸੋਇ ਸੁਖਦਾਇ ।
ਭਗਤ ਸਿੰਘ ਇਹ ਭਾਂਤ ਵਚ ਸ੍ਰੀ ਗੁਰ ਮੁਖਹੂੰ ਅਲਾਇ ॥ 736 ॥

ਸਵਯਾ

ਦੀਨ ਦਇਆਲ ਕ੍ਰਿਪਾਲ ਭਏ ਪ੍ਰਭ ਐਸ ਉਚਾਰ ਕੀਓ ਮੁਖ ਬੈਨਾ !
ਤੀਰਥ ਕੋਟ ਕਰੇ ਜਗ ਮਾਹਿ ਤਪ ਦਾਨ ਕੀਏ ਫਲ ਬੇਦ ਅਧੈਨਾ ।
ਯਾਹ ਇਸਨਾਨ ਤੇ ਸੋਇ ਲਹੈ ਨਰ ਔਰ ਸੁਨੋ ਕਵਲਾ³ ਧਰ ਚੈਨਾ ।
ਜਬ ਲੋ ਇਹ ਭੂਮ ਆਕਾਸ਼ ਰਹੈ ਤਬ ਲੋ ਰਹਿ ਨਾਮ ਸਦਾ ਸੁਖ ਦੈਨਾ ॥ 737 ॥

ਦੋਹਰਾ

ਸਮਾ ਪਾਇ ਪਕਾ ਬਨੈ ਸ੍ਰੀ ਮੁਖ ਕੀਨ ਉਚਾਰ ।
ਕਹਿ ਕਵਿ ਬੋਹੜ ਉਪਮਾ ਗੁਰੂ ਭਾਖੀ ਅਧਿਕ ਸੁਧਾਰ ॥ 738 ॥

ਸਵਯਾ

ਬੋਹੜ ਕੰਠ ਅਖੈ ਬਟ ਹੈ ਸਮ ਕਲਪਤਰੂ ਮਨ ਇਛਤ ਦੇਵੇ ।
ਦੀਪ ਜਗਾਇ ਨਿਤਾ ਪ੍ਰਤਿ ਜੋ ਨਰ ਪੂਜ ਕਰ ਮਨ ਬਾਂਛਤ ਲੇਵੇ ।

¹ਅ ਪੋਥੀ ਇਛਾ ²ਅ ਤੇ ਏ ਪੋਥੀ ਭੋਟ ³ਅ ਪੋਥੀ ਕਉਲਾਂ ਏ ਪੋਥ ਕੌਲਾਂ

ਅਰ ਉਚਾਰ ਕਹਾ ਕਰੀਏ ਜਮ ਪੰਥ ਅੰਧੇਰ ਨ ਦ੍ਰਿਸ਼ਟ ਪਰੇਵੇ ।
ਲਛਮੀ ਤ੍ਰਿਯ ਪੁਤ੍ਰ ਕੀ ਇਛ ਕਰੈ ਨਰ ਪਾਵਤ ਸੋ ਨਹਿੰ ਸੰਸ ਧਰੇਵੇ ॥ 739 ॥

ਦੋਹਰਾ

ਤੀਰਥ ਬੋਹੜ ਉਪਮ¹ ਸੁਨ ਬੁਢਾ ਐ ਗੁਰਦਾਸ ।
ਸਭ ਸੰਗਤ ਹਰਖਤ ਭਈ ਕੋਲਾਂ ਅਧਿਕ ਹੁਲਾਸ ॥ 740 ॥

ਅੜਿਲ

ਭਗਤ ਸਿੰਘ ਬਹੁ ਆਨੰਦ ਤਾ ਦਿਨ ਹੋਇਓ ।
ਦੁਤੀ ਦਿਵਸ ਤਬ ਮਾਘ ਸੁਦੀ ਸੁਖ ਪੋਇਓ ।
ਥਿਤ ਪੰਚਮੀ ਵਾਰ ਸਸੀ ਪਹਿਚਾਨੀਏ ।
ਹੋ ਕੀਨੋ ਸਰ ਪ੍ਰਗਟਾਇ ਉਪਮਾ ਬਹੁ ਜਾਨੀਏ ॥ 741 ॥
ਪੁਨ ਕੋਲਾਂ ਕਉ ਧੀਰਜ ਸ੍ਰੀ ਗੁਰ ਧਾਰਿਯੋ ।
ਬਲਿ ਬਲਿ ਕਵਿ ਗੁਰ ਉਪਰ ਮੋਹ ਸਵਾਰਿਓ ।
ਮਹਾਂ ਮੂੜ ਮਤਿ ਹੀਨ ਸੁ ਅਪਨੀ ਦਇਆ ਸਿਉਂ ।
ਹੋ ਪਾਵਨ ਪਤਿਤ ਕਰਾਇ ਦਾਸਿ ਕਰਿ ਮਯਾ ਸਿਉਂ ॥ 742 ॥

ਦੋਹਰਾ

ਸਾਹਿਬ ਬੁਢੇ ਕਾ ਪ੍ਰਭੂ ਕਰ ਪੰਕਜ² ਗਹਿ ਲੀਨ ।
ਜਾਮ ਦੋਇ ਦਿਨ ਆਇ ਤਬ ਤਹਿੰਤੇ ਪਿਆਨਾ ਕੀਨ ॥ 743 ॥

ਚੌਪਈ

ਆਇ ਤਖਤ ਪ੍ਰਭ ਬੰਦਨ ਕੀਨੋ । ਬੈਠੇ ਹਰਖ ਅਧਿਕ ਮਨ ਲੀਨੋ ।
ਕਥਾ ਬਿਸਾਲ ਕੋਲਸਰ ਭਾਈ । ਪੂਰਨ ਭਈ ਅਧਿਕ ਸੁਖਦਾਈ ॥ 744 ॥
ਕਥਾ ਵਿਵਾਹ ਅਗ੍ਰ ਸੁਨ ਪਿਆਰੇ । ਸ੍ਰੀ ਗੁਰੁ ਕੀਨਾ ਜੈਸ ਸੁਧਾਰੇ ।
ਕਰੀ ਸਗਾਈ ਰਾਮੇ ਜਬਹੀ । ਪਾਯੋ ਹਰਖ ਭਾਰ ਮਨ ਤਬਹੀ ॥ 745 ॥

ਦੋਹਰਾ

ਸਹਿਰ ਵਟਾਲੇ ਜਾਇ ਕੈ ਅਪਨੇ ਭਵਨ³ ਮਝਾਰ ।
ਸਭ ਬ੍ਰਿਤਾਂਤ ਨਿਜ ਨਾਰ ਕੋ ਕੀਨੋ ਹਰਖ ਉਚਾਰ ॥ 746 ॥

ਚੌਪਈ

ਸੁਨ ਸੁਖਦੇਈ ਬਹੁ ਸੁਖ ਪਾਯੋ । ਪਤਿ ਕੋ ਧੰਨ ਧੰਨ ਬਚਨ ਅਲਾਯੋ ।
ਮਮ ਪੁਤ੍ਰੀ ਕੇ ਭਾਗ ਅਪਾਰਾ । ਇਹੁ ਮਿਸ ਸ੍ਰੀ ਗੁਰੁ ਦੇਹਿ ਦ੍ਰਿਦਾਰਾ ॥ 747 ॥
ਸਭ ਪਰਿਵਾਰ ਸੁਨ ਹਰਖ ਧਰਾਇ । ਜਗਤ ਰੀਤਿ ਕੀਨੀ ਸੁਖ ਪਾਇ ।
ਸਭ ਪੁਰ ਜਨ ਇਮ ਹਰਖ ਧਰਾਵੈ । ਸੁਨ ਵਿਵਾਹ ਸ੍ਰੀ ਗੁਰੁ ਕਰਿ ਆਵੈ ॥ 748 ॥

¹ਅ ਪੋਥੀ ਕੀਰਤਿ ²ਟ ਪੋਥੀ ਕਮਲ ³ਅ ਪੋਥੀ ਸਦਨ

ਦੋਹਰਾ

ਸਫਲ ਨੈਨ ਹਮ ਹੋਹਿਗੇ ਪੁਰ ਜਨ ਐਸ ਅਲਾਇ ।
ਤੀਨ ਮਾਸ ਸੁਖ ਸਿਉ ਬਿਤੇ ਅਯੋ ਮਾਘ ਸੁਖਦਾਇ ॥ 749 ॥

ਚੌਪਈ

ਰਾਮੇ ਮਨ ਮਹਿ ਕੀਨ ਬਿਚਾਰਾ । ਨਿਜ ਨਾਰੀ ਸਿਉ ਬਚਨ ਉਚਾਰਾ ।
ਪਿਆਰੀ ਸੁਨੋ ਮੋ ਮਨ [ਮਹਿ]¹ ਆਵੈ । ਪ੍ਰਾਨ ਵਿਸਾਸ ਨ ਕੋਊ ਪਾਵੈ ॥ 750 ॥
ਤਾਂਤੇ ਕੀਜੈ ਸੁਤਾ ਵਿਵਾਹੁ । ਮੋਰੇ ਮਨ ਮਹਿ ਅਧਿਕ ਉਮਾਹੁ ।
ਸੁਨ ਸੁਖਦੇਈ ਐਸ ਅਲਾਯੋ । ਪਤਿ ਕਾਰਜ ਨਹਿ ਦੇਰ ਸੁਹਾਯੋ ॥ 751 ॥

ਦੋਹਰਾ

ਦਰਸ ਕਰੋ ਸ੍ਰੀ ਗੁਰੂ ਕਾ ਪੂਰਨ ਇਛ ਕਰਾਇ ।
ਬਾਬਾ ਗੁਰਦਿਤਾ ਨਾਮ ਜਿਹ ਸੋ ਇਹ ਸੁਤਾ ਸੁਭਾਇ ॥ 752 ॥

ਚੌਪਈ

ਪਰਸਪਰ ਹਰਖ ਦੁਹੁ ਮਨ ਪਾਯੋ । ਸਭ ਪਰਵਾਰ ਨਿਜ ਬੋਲ ਪਠਾਯੋ ।
ਪੂਛ ਸਲਾਹਿ ਤਾਹਿ ਭਲ ਗਾਈ । ਉਤਮ ਦ੍ਰਿਜ ਤਬ ਬੋਲ ਪਠਾਈ ॥ 753 ॥

ਦੋਹਰਾ

ਰਾਮੇ ਦ੍ਰਿਜ ਕੋ ਬੰਦਨਾ ਕੀਨੀ ਧਰਿ ਪਰਸਾਦਿ ।
ਮੁਖ ਸਿਉ ਕਹਿ ਸਾਹਾ ਕਹੋ ਸੁੰਦਰ ਜਗ ਮ੍ਰਿਜਾਦ ॥ 754 ॥
ਬਾਬਾ ਗੁਰਦਿਤਾ ਪੁਤ੍ਰ ਗੁਰੂ ਜਾਕਾ ਰੂਪ ਅਪਾਰ ।
ਨਤੀ² ਨਾਮ ਸੁ ਮਮ ਸੁਤਾ ਹੇ ਦਿਜ ਕਹੋ ਬਿਚਾਰ ॥ 755 ॥

ਚੌਪਈ

ਸੁਨਤ ਨਾਮ ਦਿਜ ਆਨੰਦ ਪਾਯੋ । ਸੋਧ ਦਿਵਸ ਮੁਖ ਐਸ ਅਲਾਯੋ ।
ਵਿਸਾਖ ਇਕੀਸ ਦਿਵਸ ਸੁਖਦਾਈ । ਸਾਹਾ ਕਹਿਯੋ [ਬਿਪ੍ਰ]³ ਹਰਖਾਈ ॥ 756 ॥
ਸੁਨਤ ਸਭੀ ਮਨਿ ਆਨੰਦ ਕੀਨੋ । ਸ੍ਰੀ ਗੁਰ ਨਿਕਟ ਬਿਪ੍ਰ ਪਠਿ ਦੀਨੋ ।
ਸਾਹਾ ਲਿਖਿਤ ਬਹੁ ਬਿਨਤ ਲਿਖਾਈ । ਆਯੋ ਵਿਪ੍ਰ ਸਤਿਗੁਰ ਨਿਕਟਾਈ ॥ 757 ॥

ਦੋਹਰਾ

ਬੈਠੇ ਸ੍ਰੀ ਗੁਰ ਤਖਤ ਪੈ ਸਭ ਸੋਭਾ ਜਸੁ ਕੇਤ ।
ਅਸੀਰਵਾਦ ਲੇ ਦ੍ਰਿਜ ਕਹਾ ਹੇ ਪ੍ਰਭ ਕ੍ਰਿਪਾ ਨਿਕੇਤ ॥ 758 ॥

ਚੌਪਈ

ਸ੍ਰੀ ਗੁਰ ਦਿਜ ਕਾ ਆਦਰ ਕੀਨੋ । ਨਿਕਟ ਬੈਠਾਇ ਭਾਰ⁴ ਸੁਖ ਦੀਨੋ ।
ਪੁਨਾ ਪੂਛ ਕਿਸ ਚਿਸ ਤੇ ਆਏ । ਹਾਥ ਜੋਰ ਦ੍ਰਿਜ ਬਿਨਤ ਅਲਾਏ ॥ 759 ॥

¹ਅ ਪੋਥੀ ਵਿਚੋਂ ²ਅ ਤੇ ਏ ਪੋਥੀ ਅਨੰਤੀ ³ਅ ਪੋਥੀ ਵਿਚੋਂ ⁴ਅ ਤੇ ਏ ਪੋਥੀ ਅਧਿਕ

ਹੇ ਪ੍ਰਭ ਤੀਨ ਲੋਕ ਕੇ ਗਿਆਤਾ । ਨਰ ਅਨਹਰ ਮਾਹਿ ਪੂਛੋ ਗਾਥਾ ।
ਰਾਮੇ ਪ੍ਰਭੂ ਜੀ ਮੋਹਿ ਪਠਾਯੋ । ਸ਼ਹਿਰ ਵਟਾਲੇ ਤੇ ਚਲ ਆਯੋ ॥ 760 ॥

ਦੋਹਰਾ

ਚਰਨ ਕਮਲ ਨਿਜ ਕੈ ਪ੍ਰਭੂ ਰਾਮੇ ਬਿਨਤ ਲਿਖਾਇ ।
ਪੁਨ ਵਿਵਾਹ ਨਿਜ ਸੁਤਾ ਕਾ ਸਾਹਾ ਪਠਿਓ ਸੁਧਾਇ ॥ 761 ॥

ਚੌਪਈ

ਐਸੇ ਕਹਿ ਦਿਜ ਪਾਤੀ ਦਈ । ਆਪ ਸ੍ਰੀ ਗੁਰੁ ਧਰ ਸੁਖ ਲਈ ।
ਤਾ ਮਹਿ ਸਾਹਾ ਐਸ ਲਿਖਾਯੋ । ਬਿਸਾਖ ਇਕੀਸ ਅਤਿ ਸੁਖ ਪਾਯੋ ॥ 762 ॥
ਅੰਗੀਕਾਰ ਵਾਚ ਗੁਰ ਕੀਨਾ । ਬੁਢੇ ਆਦਿ ਹਰਖ ਬਹੁ ਲੀਨਾ ।
ਕੋਊ ਨਰ ਸੁਨ ਮਹਲੀ ਆਯੋ । ਹਰਖਤ ਸਾਹਾ ਆਨ ਸੁਨਾਯੋ ॥ 763 ॥

ਦੋਹਰਾ

ਮਾਤ ਦਮੋਦਰੀ ਮਾਤ ਬਡ¹ ਸੁਨ ਕਰ ਆਨੰਦ ਧਾਰ ।
ਆਨੰਦ ਵਸ ਤਿਹ ਪੁਰਖ ਕਉ ਦੀਨੋ ਦਾਨ ਅਪਾਰ ॥ 764 ॥

ਚੌਪਈ

ਪਾਇ ਦਰਬ ਨਰ ਦਾਰਦ² ਖੋਯੋ । ਗਯੋ ਸਦਨ ਨਿਜ ਆਨੰਦ ਹੋਯੋ ।
ਸੇਵਕ ਸਿਖ ਬਿਪ੍ਰ ਕੀ ਸੇਵਾ । ਆਏ ਮਹਿਲੀ ਪ੍ਰਭੂ ਅਭੇਵਾ ॥ 765 ॥
ਆਗੇ ਹਰਖ ਮਾਤ ਸਭ ਧਾਈ । ਪੂਛਿਓ ਕਹ ਤੇ ਪਾਤੀ ਆਈ ।
ਸ੍ਰੀ ਮੁਖ ਕਹਾ ਸੁਨੋ ਮਨ ਲਾਏ । ਰਾਮੇ ਸਾਹਾ ਪਠਿਓ ਲਿਖਾਏ ॥ 766 ॥

ਦੋਹਰਾ

ਵਿਸਾਖ ਬਿੰਸ ਸਸ ਜਾਨ ਸੁਭ ਤੀਨ ਮਾਸ ਮਧੁ ਜਾਨ ।
ਬਹੁ ਮੰਗਲ ਉਦਮ ਕਰੋ ਮਾਤ ਨਿਦੇਸ ਬਖਾਨ ॥ 767 ॥

ਅੜਿਲ

ਮਾਤ ਗੰਗ ਸੁਨ ਮਨ ਆਨੰਦ ਪਾਇਓ ।
ਹਰਖਤ ਕੀਨ ਬਖਾਨ ਨਾ ਦੇਰ ਲਗਾਇਓ ।
ਸੁਨਤ ਪ੍ਰਭੂ ਸੁਖ ਪਾਇ ਦਮੋਦਰੀ ਹਰਖ ਧਰ ।
ਹੋ ਮੰਗਲ ਕੀਨ ਅਪਾਰ ਕਹਾ ਲੋ ਕਹਾ ਵਰ ॥ 768 ॥

ਸਵੈਯਾ

ਗਾਵਤ ਗੀਤ ਸੁ ਨਾਰ ਨਿਸੀ ਤਹਿ ਬਾਜਨ ਕੀ ਧੁਨ ਹੋਤ ਅਪਾਰਾ ।
ਬਾਜਤ ਢੋਲ ਤ੍ਰਿਯਾ ਮੁਸਕਾਵਤ ਆਵਤ ਗਾਵਤ ਗੀਤ ਸੁਧਾਰਾ ।
ਦੇਵਤੀਆ ਬਪੁ ਨਾਰ ਕਰੀ ਮਿਲ ਆਇ ਕਰੈ ਗੁਰ ਗੀਤ ਉਚਾਰਾ ।
ਪ੍ਰਾਤ ਸ੍ਰੀ ਗੁਰ ਬੈਠ ਕਹਿਯੋ ਸਭ ਸੋਜੁ ਕਰੋ ਇਕਤਰ ਅਪਾਰਾ ॥ 769 ॥

¹ਅ ਪੰਥੀ ਬਹੁ ²ਅ ਤੇ ਏ ਪੰਥੀ ਦਰਿਦ੍ਰ

ਸੋਰਠਾ

ਅਨਿਕ ਕੜਾਹੇ ਚਾੜ੍ਹ ਬਹੁ ਪਕਵਾਨ ਸੁ ਕਾਢਿਓ ।
ਕਰ ਦ੍ਰਿਸ ਮਾਨ ਅਪਾਰ ਦੀਨ ਦਰਬ ਕਰ ਬਿਦਾ ਤਬ ॥ 770 ॥

ਚੌਪਈ

ਚਤੁਰਥ ਦਿਨ ਗੁਰ ਭਸੁਰ ਭੋਰਿਓ । ਦਾਨ ਮਾਨ ਦੇ ਹਰਖ ਨਿਹੋਰਿਓ ।
ਆਨੰਦ ਭਾਰ ਬਿਪ੍ਰ ਮਨ ਪਾਯੋ । ਸਹਿਰ ਵਟਾਲੇ ਓਰ ਸਿਧਾਯੋ ॥ 771 ॥
ਜਾਇ ਸਦਨ ਰਾਮੇ ਕੇ ਤਬਹੀ । ਕਹੀ ਬਾਤ ਇਹ ਠਾਂ ਕੀ ਸਬਹੀ ।
ਸੁਨਤ ਸਭੀ ਮਨ ਆਨੰਦ ਪਾਯੋ । ਤੁਰਤਹਿ ਬਿਯੋਤ ਬਿਵਾਹ ਬਨਾਯੋ ॥ 772 ॥

ਦੋਹਰਾ

ਸੰਕੋਚ ਕਥਾ ਕਹਿ ਤਾਂਹਿ ਕੀ ਕਹੇ ਹੋਤ ਬਿਸਤਾਰ ।
ਥੋਰੇ ਤੇ ਬਹੁ ਜਾਨੀਓ ਕਵਿ ਕਉ ਛਿਮਾ ਵਿਚਾਰ ॥ 773 ॥

ਚੌਪਈ

ਇਹ ਠਾਂ ਸ੍ਰੀ ਗੁਰ ਐਸੇ ਕੀਨੀ । ਗੰਗ ਮਾਤ ਕੀ ਆਗਿਆ ਲੀਨੀ ।
ਪ੍ਰਥਮੇ ਸ੍ਰੀ ਗੁਰ ਭਾਜੀ ਲੈ ਕੇ । ਤਖਤ ਦਰਬਾਰ ਬੰਦਨਾ ਕੈ ਕੇ ॥ 774 ॥
ਭਾਜੀ ਦੇ ਪੁਨ ਸਿਖ ਪਠਾਏ । ਗੋਇੰਦਵਾਲ ਖਡੂਰ ਸੁਹਾਏ ।
ਡਲੈ ਮੌਸ ਡਰੋਲੀ ਜਾਨ । ਪ੍ਰਭ ਭੋਜੇ ਮੰਡਯਾਲੀ ਮਾਨ ॥ 775 ॥

ਦੋਹਰਾ

ਭਾਜੀ ਸਭ ਦਿਸ ਤੋਰਕੈ ਬਾਂਟੀ¹ ਨਗਰ ਮੰਝਾਰ ।
ਹਰੀ ਚੰਦ ਕੇ ਸਦਨ ਮਹਿ ਪਠੀ ਸੁ ਹਰਖ ਅਪਾਰ ॥ 776 ॥

ਚੌਪਈ

ਨਿਤ ਨੂਤਨ ਬਹੁ ਮੰਗਲ ਹੋਵੈ । ਗਾਵਨ ਅਬਲਾ² ਬਹੁ ਸੁਖ ਪੋਵੈ ।
ਬਿਧੀਏ ਆਦਿ ਮੁਖ ਜੋ ਦਾਸਾ । ਤਿਨਕੋ ਆਇਸ ਕੀਨ ਪ੍ਰਕਾਸਾ ॥ 777 ॥
ਬਾਜੀ ਅਸਤ ਸਹਸ ਕੀ ਲੀਜੈ । ਔਰ ਸਮਗਰੀ ਇਕਠੀ-ਕੀਜੈ ॥
ਹੁਤੋ ਚਤਰ ਥੋਰੇ ਮੋ ਜਾਨੀ । ਭਗਤ ਸਿੰਘ ਬਿਧੀਆ ਬਡ ਗਿਆਨੀ ॥ 778 ॥

ਦੋਹਰਾ

ਮਾਨੁਖ ਪਠ³ ਬਿਧੀਏ ਤਬੈ ਸਭੀ ਵਸਤ ਇਕਠਾਇ ।
ਬਾਜੀ ਅਸਤ ਮੰਗਾਇ ਬਹੁ ਭਾਂਤ ਭਾਂਤ ਬਹੁ ਭਾਇ ॥ 779 ॥

ਅੜਿਲ

ਸੁੰਦਰ ਰਵਿ ਸਮ ਤੇਜ ਸਿਰਗਸਤ ਬਨਾਇਓ ।
ਭਾਂਤ ਭਾਂਤ ਪਕਵਾਨ ਨ ਜਾਤ ਗਨਾਇਓ ।

¹ਅ ਪੰਥੀ ਬਾਂਇਓ ²ਅ ਤੇ ਏ ਪੰਥੀ ਨਾਰੀ ³ਏ ਪੰਥੀ ਭੋਜਿ

ਬਾਜੇ ਬਜਤ ਅਪਾਰ ਨਿਤ ਪ੍ਰਤਿ ਨੇਮ ਸਿਉਂ ।
ਹੋ ਤੰਬੂ ਅਧਿਕ ਕਨਾਤ ਲਗਾਈ ਪ੍ਰੇਮ ਸਿਉਂ ॥ 780 ॥

ਦੋਹਰਾ

ਭਾਂਤ ਭਾਂਤ ਮੰਗਲ ਭਏ ਕਹਿ ਤਕ ਕਰਉਂ ਉਚਾਰ ।
ਜਗਤ ਰੀਤਿ ਜੇਤਕ ਹੁਤੀ ਕੀਨੀ ਆਪ ਸੁਧਾਰ ॥ 781 ॥

ਚੌਪਈ

ਆਨੰਦ ਸਿਉ ਦੁਇ ਮਾਸ ਬਿਤਾਏ । ਚੜਿਓ ਵਿਸਾਖ ਅਧਿਕ ਸੁਖ ਦਾਏ ।
ਮੋਹਰੀ ਦਾਤੂ ਜੀ ਤਬ ਆਯੋ । ਨਾਰੀ ਸੁਤ ਸੰਗ ਹਰਖ ਧਰਾਯੋ ॥ 782 ॥
ਕ੍ਰਿਪਾ ਸਿੰਧ ਤਬ ਕੀਨਾ ਮਾਨਾ । ਜਾਨ ਪਿਤਾ ਸਮ ਬੰਦਨ ਠਾਨਾ ।
ਵਿਸਾਖ ਦਿਵਸ ਜਬ ਤੀਨ ਬਿਹਾਯੋ । ਦਾਸ ਨਰਾਇਨ ਜੁਤ ਤਿਯ ਆਯੋ ॥ 783 ॥
ਆਨ ਸਰਸ ਗੁਰ ਚਰਨ ਗਹਾਏ । ਹੁਇ ਆਗੇ ਕਰ ਬਿਨੇ ਮਹਾਏ ।
ਅਤਿ ਆਦਰ ਸੋ ਨਿਕਟ ਬਹਾਯੋ । ਦਾਸ ਨਰਾਇਨ ਆਨੰਦ ਪਾਯੋ ॥ 784 ॥

ਦੋਹਰਾ

ਦਯਾ ਕੌਰ ਤਾਂਕੀ ਤ੍ਰਿਯਾ ਮਨ ਮਹਿ ਆਨੰਦ ਧਾਰ ।
ਗੁਰ ਮਹਲੀ ਤਤ ਛਿਨ ਅਈ ਪੁਲਕ ਅੰਗ ਸੁਖ ਕਾਰ ॥ 785 ॥

ਚੌਪਈ

ਮਾਤ ਦਮੋਦਰੀ ਇਮ ਸੁਨ ਪਾਇ । ਮਮਾ ਮਾਤਾ ਬਡ ਹਰਖਤ ਆਇ ।
ਆਗੇ ਹੁਇ ਤਬ ਦਈ ਬਧਾਈ । ਆਨੰਦ ਧਰ ਤਿਹ^੨ ਅੰਕ ਧਰਾਈ^੩ ॥ 786 ॥
ਗੰਗ ਮਾਤ ਕਉ ਬੰਦਨ ਕੀਨੀ । ਦਯਾ ਕੌਰ ਬਡ ਆਨੰਦ ਲੀਨੀ ।
ਤਬ ਲੋ ਕ੍ਰਿਸ਼ਨ ਚੰਦ ਧਨਵੰਤੀ । ਆਏ ਹਰਖਤ ਅਤਿ ਜਸਵੰਤੀ ॥ 787 ॥

ਦੋਹਰਾ

ਕ੍ਰਿਸ਼ਨ ਚੰਦ ਗੁਰ ਢਿਗ ਗਯੋ ਸ੍ਰੀ ਗੁਰ ਬੰਦਨ ਕੀਨ ।
ਧੰਨਵੰਤੀ ਮਿਲ ਸਭ ਮਾਤ ਸਿਉ ਹਰਖ ਬਧਾਈ ਦੀਨ ॥ 788 ॥

ਚੌਪਈ

ਤਬ ਲੋ ਦਵਾਦਸ ਦਿਵਸ ਬਿਤਾਯੋ । ਸਾਈ ਦਾਸ ਰਾਮੋ ਜੁਤ ਆਯੋ ।
ਪ੍ਰੇਮ ਸੀਲ ਦੋਨੋ ਸੁਖਦਾਈ । ਪੁਲਕ ਗਾਤ ਛਬ ਕਹੀ ਨਾ ਜਾਈ ॥ 789 ॥
ਸ੍ਰੀ ਗੁਰ ਮਹਲੀ ਪਗ^੧ ਲਪਟਾਏ । ਕਹੀ ਬਧਾਈ ਮੁਖਹੁ ਅਲਾਏ ।
ਦਯਾ ਸਿੰਘ ਬਹੁ ਧੀਰ ਧਰਾਯੋ । ਨਿਜ ਕਰ ਸਿਉਂ ਤਿਹ ਸੀਸ ਉਠਾਯੋ ॥ 790 ॥

ਦੋਹਰਾ

ਰਾਮੋ ਮਿਲ ਨਿਜ ਬਹਿਨ ਸਿਉਂ ਆਨੰਦ ਭੁਜਾ ਪਸਾਰ ।
ਦਈ ਬਧਾਈ ਹਰਖ ਧਰਿ ਸਭ ਕੋ ਬੰਦਨ ਧਾਰ ॥ 791 ॥

^੧ਅ ਪੌਥੀ ਮੋਹਿ ^੨ਅ ਤੇ ਦ ਪੌਥੀ ਗਲੇ ਲਗਾਈ ^੩ਦ ਪੌਥੀ ਚਰਨ

ਸੋਰਠਾ

ਦਵਾਰਾ ਭਾਗਣ ਆਇ ਨਗਰ ਮੰਡਯਾਲੀ^੧ ਤੇ ਤਬੈ ।
ਸ੍ਰੀ ਗੁਰ ਮਾਨ ਧਰਾਇ ਜਾਨ ਸੁਸਰ ਆਦਰ ਕੀਓ ॥ 792 ॥

ਚੌਪਈ

ਭਾਗਣ ਮਨ ਮਹਿ ਆਨੰਦ ਪਾਈ । ਸਭੀ ਮਾਤ ਕਉ ਦਈ ਬਧਾਈ ।
ਮਿਲ ਮਰਵਾਹੀ ਆਨੰਦ ਧਾਰ । ਜਾਨ ਮਾਤ ਧਰ ਹਰਖ ਅਪਾਰ ॥ 793 ॥
ਮਾਤ ਨਾਨਕੀ ਆਨੰਦ ਪਾਵੈ । ਜੋ ਆਵੈ ਤਹ ਮਾਨ ਧਰਾਵੈ ।
ਕੋਕਲ ਕੰਠ ਗਾਇ ਬਹੁ ਨਾਰੀ । ਮਿਲ ਕੈ ਝੰਡ ਅਧਿਕ ਸੁਖ ਕਾਰੀ ॥ 794 ॥

ਦੋਹਰਾ

ਨਿਤ ਨੂਤਨ ਮੰਗਲ ਭਯੋ ਮੋ ਤੇ ਕਹਿਯੋ ਨ ਜਾਇ ।
ਮਮ ਜਿਹਬਾ ਸੇਸ^੨ ਕਥਾ ਬਹੁ ਹੋਤ ਵਿਕਾਰ ਮਹਾਇ ॥ 795 ॥
ਉਤਮ ਜਨ ਜੇ ਜਗਤ ਮਾਹਿ ਸੁਨਤ ਏਕ ਬਹੁ ਜਾਨ ।
ਸੰਕੋਚ ਕਥਾ ਤੈਸੇ ਕਹਉ ਲੀਜੋ ਅਧਿਕ ਪਛਾਨ ॥ 796 ॥

ਸਵੈਯਾ

ਰੀਤਿ ਕਰੀ ਜਗ ਜੇਤ ਹੁਤੀ ਦ੍ਰਿਵਜ ਭੋਜਨ ਪਾਵਤ ਦਾਨ ਅਪਾਰਾ ।
ਦੇਵਤੀਆ ਬਪੁ ਨਾਰਿ ਬਨਾਇ ਜੁ ਗਾਵਤ ਹਰਖ ਸਹਿਤ ਬਹੁ ਰਾਗ ਸੁਧਾਰਾ ।
ਕਾਹੂ ਸਿਆਨ ਨ ਮਾਤ ਕਰੈ ਵਸ ਆਨੰਦ ਵਾਰਤ ਬਿਤ ਹਜਾਰਾ ।
ਦੂਰ ਤੇ ਦੂਰ ਸੁ ਆਇ ਘਨੇ ਜਨ ਪੁਤ੍ਰ ਵਿਵਾਹ ਗੁਰੂ ਸੁਖ ਕਾਰਾ ॥ 797 ॥

ਦੋਹਰਾ

ਤੀਨ ਦਿਵਸ ਤਬ ਲੋ ਰਹੇ ਮੰਗਲ ਹੋਤ ਅਪਾਰ ।
ਗੁਰੁ ਆਇਸ ਸਬ ਸਿਉਂ ਕਰੀ ਕੀਜੈ ਬ੍ਰਾਤ ਤਿਆਰ ॥ 798 ॥

ਸਵੈਯਾ

ਆਇਸ ਐਸ ਸੁਨੀ ਗੁਰੁ ਕੀ ਤਬ ਬਾਜਤ ਭੇ ਅਤਿ ਬਾਜ ਅਪਾਰਾ ।
ਅੰਬਾਰ ਕਰੀ ਸਜ ਸੁੰਦਰ ਹੈ ਰਥ ਉਤਮ ਪਾਲਕੀ ਸੋਭ ਸੁਪਾਰਾ ।
ਰੈਨ ਪਰੀ ਪ੍ਰਭਾਤ^੩ ਭਯੋ ਦਿਨ ਮਾਸ ਬਿਤੀਤ ਸੁ ਵਿਸੰਤ ਸਾਰਾ ।
ਸਾਤ ਸੁ ਸੰਜੁਤ ਬਿਪ੍ਰ ਬੁਲਾਇਕੈ ਤਯਾਰ ਬਰਾਤ ਬਜਾਇ ਨਗਾਰਾ ॥ 799 ॥
ਧਾਰ ਪੁਸ਼ਾਕ ਗੁਰੂ ਸੁਤ ਸੁੰਦਰ ਪੀਤ ਭਲੇ ਪਟ ਅੰਗ ਬਿਟਾਜੈ ।
ਭੂਖਨ ਅੰਗ ਬਡੀ ਛਬਿ ਪਾਵਖ ਦੇਖ ਸਸੀ ਮੁਖ ਪੰਕਜ ਲਾਜੈ ।
ਗਾਵਤ ਭੀ ਅਬਲਾ ਮਿਲ ਸੁੰਦਰ ਕਾਮ ਤਿਯਾ ਪਿਖ ਲਾਜ ਸਮਾਜੈ ।
ਧਾਰ ਪੁਸ਼ਾਦਿ ਪ੍ਰਭੂ ਦਰਬਾਰ ਸੁ ਧਾਰ ਬਿਨੀ ਸੁਤ ਸੰਗ ਸੁ ਛਾਜੈ ॥ 800 ॥

^੧ਅ ਪੋਥੀ ਮੰਡਾਲੀ ^੨ਅ ਪੋਥੀ ਇਕ ^੩ਅ ਤੇ ਦ ਪੋਥੀ ਪੁਨ ਪ੍ਰਾਤ

ਦੋਹਰਾ

ਤਖਤ ਬੰਦਨਾ ਕਰ ਪ੍ਰਭੂ ਸੁਤ ਕਉ ਮਾਥ ਟਿਕਾਇ ।
ਨਿਜ ਨਿਜ ਬਾਹਨ ਸਭ ਚੜੈ ਜਾਮ ਦਿਵਸ ਤਬ ਆਇ ॥ 801 ॥

ਚੌਪਈ

ਸ੍ਰੀ ਗੁਰ ਭਏ ਤੁਰੰਗ ਅਸਵਾਰ । ਕਿਆ ਉਪਮਾ ਕਵਿ ਸਕੈ ਉਚਾਰ ।
ਬਾਬਾ ਗੁਰਦਿਤਾ ਸੁਖਦਾਈ । ਘੋਰੀ ਚੜੈ ਜਬੈ ਹਰਖਾਈ ॥ 802 ॥
ਬੀਬੀ ਵੀਰੋ ਤਤ ਛਿਨ ਆਇ । ਹਰਖਤ ਆਗੇ ਬਾਗ ਗਹਾਇ ।
ਭਾਰ ਮੋਲ ਕੰਠਾ ਦਧ ਜਾਏ । ਬਾਬੇ ਦੀਨੇ ਹਰਖ ਧਰਾਏ ॥ 803 ॥
ਲੈ ਕੋਠਾ ਬੀਬੀ ਹਰਖਾਇ । ਚਿਰ ਜੀਵੋ ਮੁਖ ਕਹਾ ਸੁਨਾਇ ।
ਦਮੋਦਰੀ ਮਾਤ ਗੰਗ ਮਰਵਾਹੀ । ਮਾਤ ਨਾਨਕੀ ਬਹੁ ਸੁਖ ਪਾਈ ॥ 804 ॥

ਦੋਹਰਾ

ਬਰਾਤ ਬਿਦਾ ਕਰ ਨਾਰ ਬਹੁ ਗਾਵਤ ਮੰਗਲ ਬੈਨ ।
ਹਰਖ ਧਾਰ ਪਾਛੇ ਅਈ ਹਰਖਤ ਅਪਨੇ ਐਨ ॥ 805 ॥

ਸਵੈਯਾ

ਅਗੂ ਬਰਾਤ ਪਿਆਨ ਕੀਓ ਸਮ ਪਾਵਸ¹ ਕੇ ਧਨ ਬਰਖ ਅਪਾਰਾ ।
ਲਾਘ ਪੁਰੀ ਇਕ ਠਾਇ ਭਲੀ ਕਵਿ ਭਾਖਤ ਨਾਮ ਸੁਨੋ ਨਿਰਧਾਰਾ ।
ਮੋਹਰੀ ਪਾਲਕੀ ਸਾਜ ਸੁਹਾਵਤ ਨੰਦ ਤਿਸੈ ਸੁਤ ਅਸੂ ਸੁਆਰਾ ।
ਔਰ ਰਥੋ [ਮਹਿ] ਦਾਤੂ ਬਿਰਾਜਤ ਚੰਦ ਹਰੀ ਰਥ ਹੋਰ ਨਿਹਾਰਾ ॥ 806 ॥
ਕ੍ਰਿਸ਼ਨ ਸਸੀ ਪੁਨ ਦਾਸ ਨਰਾਇਨ ਸੁੰਦਰ ਸਾਜ ਚੜੈ ਗਜ ਸੋਹਤ ।
ਦਵਾਰਾ ਸੁ ਅਸੂ ਸੁਆਰ ਭਯੋ ਛਬ ਭਾਰ ਭਈ ਦਿਖ ਦੇਵ ਬਿਮੋਹਤ ।
ਸਾਂਈ ਦਾਸ ਵਿਚਾਰ ਕਰੀ ਮਮ ਕੈਸ ਕਰਾਂ ਚੜ ਯਾਨ ਸੁਰੋਹਿਤ ।
ਰਕਾਬ ਗਹੀ ਗੁਰ ਅਸਵਹਿੰ ਕੀ ਪਗ ਪੰਕਜ ਨੈਨ ਚਲੈ ਮਗ ਜੋਹਤ ॥ 807 ॥

ਦੋਹਰਾ

ਬੁਢੇ ਅਰੁ ਗੁਰਦਾਸ ਕਉ ਸ੍ਰੀ ਗੁਰ ਕਹਾ ਸੁਨਾਇ ।
ਦਰਬਾਰ ਤਖਤ ਸੇਵਾ ਕਰੋ ਰਹੋ ਇਹਾਂ ਸੁਖ ਪਾਇ ॥ 808 ॥

ਚੌਪਈ

ਕਰ ਬੰਦਨ ਸੋ ਪਾਛ ਹਟਾਏ । ਬਰਾਤ ਹਰਖ ਬਹੁ ਬਾਜ ਬਜਾਏ ।
ਛੈਲ ਛਬੀਲੇ ਅਸੂ ਨਚਾਵੈ । ਦਿਖ ਬਰਾਤ ਸੁਰ ਬਲਿ ਬਲਿ ਜਾਵੈ ॥ 809 ॥
ਚਲਤ ਬਰਾਤ ਪਾਇ ਸੁਖ ਐਸੇ । ਗੰਗ ਤੁਰੰਗ ਅਨੰਗਤ ਜੈਸੇ ।
ਸਾਂਈ ਦਾਸ ਮਨ ਮਹਿ ਸੁਖ ਪਾਵੈ । ਦੇਖ ਚਰਨ ਗੁਰ ਬਲਿ ਬਲਿ ਜਾਵੈ ॥ 810 ॥

¹ਅ ਪੋਥੀ ਬਰਧਾ

ਦੋਹਰਾ

ਭਗਤ ਸਿੰਘ ਗੁਰ ਦੇਖ ਦਿਖ ਸਾਂਈ ਦਾਸ ਇਹ ਭਾਇ ।
ਉਤ੍ਰ ਅਸ੍ਰ ਆਏ ਤਹਾਂ ਕਹਾ ਚੜ੍ਹਹੁ ਸੁਖ ਪਾਇ ॥ 811 ॥

ਅੜਿਲ

ਸਾਂਈ ਦਾਸ ਕਰ ਬੰਦਨ ਐਸ ਅਲਾਇਓ ।
ਹੂਜੋ ਆਪ ਸਵਾਰ ਮੋਹਿ ਨਹਿ ਭਾਇਓ ।
ਹਉਂ ਸੇਵਕ ਪਦ ਪੰਕਜ ਚਲਉਂ ਨਿਹਾਰ ਮਗ ।
ਹੋ ਤੁਮ ਸਵਾਮੀ ਮਮ ਦਾਸ ਕਾਹ ਪ੍ਰਭ ਮੋਹ ਨ੍ਰਗ ॥ 812 ॥

ਸਵੈਯਾ

ਬੈਠ ਸੁਨੇ ਰਸ ਰੀਤਿ ਭਰੇ ਪ੍ਰਭ ਪ੍ਰੇਮ ਧਰੇ ਤਹਿ ਅੰਕ¹ ਲਗਾਯੋ ।
ਸੁੰਦਰ ਸਾਜ ਕਰੀ ਜਹਿ ਛਾਜਤ ਤਾ ਪਰ ਬੈਠ ਸੁ ਤਹਿ ਬਹਾਯੋ ।
ਰਾਜਤ ਮਧ ਅਪਾਰ ਦੋਉ ਜਨ ਪਾਰਥ ਐ ਬ੍ਰਿਜ ਨਾਥ ਸੁਹਾਯੋ ।
ਬਾਲ ਕਵੀ ਕਹਿ ਸੰਤ ਸੁਨੇ ਮਧ ਤੀਨ ਪੁਰੀ ਪ੍ਰਭ ਐਸ ਨ ਪਾਯੋ ॥ 813 ॥
ਕੌਤਕ ਪੰਥ ਅਪਾਰ ਕੀਏ ਕਵਿ ਭਾਖਤ ਨੌਰ ਇਸੇ ਬਰਮਾਵੈ ।
ਬਰਾਤ ਅਪਾਰ ਅਪਾਰ ਕਥਾ ਸਭ ਮੂੜ ਕਵੀ ਕਛੁ ਭੇਦ ਨਾ ਪਾਵੈ ।
ਬੈਠ ਰਹੇ ਮਮ ਆਇ ਮੁਖਬੰਜ ਆਪ ਕ੍ਰਿਪਾ ਕਰ ਗਾਥ ਅਲਾਵੈ ।
ਜਾਹਿ ਸੁਨੇ ਮਨ ਹੋਤ ਸੁ ਆਨੰਦ ਸਾਰ ਸੁਖ ਭਵ ਦੁਖ ਮਿਟਾਵੈ ॥ 814 ॥

ਦੋਹਰਾ

ਕਹਾਂ ਲਗ² ਬਰਨਨ ਕਰਹੂੰ ਮੰਗਲ ਪੰਥ ਅਪਾਰ ।
ਉਚੇ ਕੇ ਸੁਭ ਗ੍ਰਾਮ ਲਖ ਡੇਰਾ ਕੀਨ ਸੁਧਾਰ ॥ 815 ॥

ਚੋਪਈ

ਸੁਧ ਰਵਿ ਦਿਨ ਪ੍ਰਭ ਕੀਨ ਪਯਾਨਾ । ਡੇਰਾ ਕਰ ਤਿਹਿ ਕ੍ਰਿਪਾ ਨਿਧਾਨਾ ।
ਤਹਿ ਸਥਾਨ ਗੁਰੂ ਨਾਨਕ ਕੇਰਾ । ਸਬ ਬਰਾਤ ਜੁਤ ਦਰਸਨ ਹੇਰਾ ॥ 816 ॥
ਸਾਂਈ ਦਾਸ ਗੁਰ ਭੁਜਾ³ ਗਹਾਨੀ । ਕਰ ਪ੍ਰਕਰਮਾ ਬੰਦਨ ਠਾਨੀ ।
ਕਰ ਬੰਦਨ ਬੈਠੇ ਨਿਕਟਾਇ । ਸਾਂਈ ਦਾਸ ਤਬ ਬਿਨੈ ਅਲਾਇ ॥ 817 ॥

ਦੋਹਰਾ

ਦੀਨ ਦਯਾਲ ਮੋ ਕਉ ਕਹਉ ਇਹੁ ਕਾਕੋ ਅਸਥਾਨ ।
ਕਿਹਿ ਨਮਿਤ ਇਹ ਠਾਂ ਅਏ ਹੋ ਪ੍ਰਭ ਕ੍ਰਿਪਾ ਨਿਧਾਨ ॥ 818 ॥

ਸਵੈਯਾ

ਤਾਹਿ ਬਿਨੈ ਸੁਨ ਦੀਨ ਦਯਾਲ ਕ੍ਰਿਪਾਲ ਭਏ ਬਚ ਐਸ ਅਲਾਏ ।
ਆਪ ਮੁਰਾਰ ਪ੍ਰਭੁ ਕਰਤਾਰ ਸ੍ਰੀ ਗੁਰ ਨਾਨਕ ਤੇਜ ਮਹਾਏ ।

¹ਅ ਪੋਥੀ ਕੰਠ ²ਅ ਪੋਥੀ ਤਕ ³ਅ ਤੇ ਏ ਪੋਥੀ ਬਾਂਹਿ

ਸਾਂਤ ਕਰਾਇ ਪੁਜਾਇ ਦਿਜੋਤਮ ਧਾਰ ਭਲੇ ਪਟ ਪੀਤ ਸੁਹਾਏ ।
ਸੁਲਤਾਨ ਪੁਰੰ ਚਲ ਆਏ ਇਹਾਂ ਨਿਜ ਹੇਤ ਵਿਵਾਹ ਇਸਨਾਨ ਕਰਾਏ ॥ 819 ॥

ਦੋਹਰਾ

ਵਿਵਾਹ ਵਸਤੂ ਇਹ ਠੋਰ ਧਰ ਬਹੁਰ ਬਟਾਲੇ ਜਾਇ ।
ਸਾਂਈ ਦਾਸ ਜੋ ਦਰਸ ਕਰ ਇਹ ਠਾਂ ਜਨਮ ਨ ਆਇ ॥ 820 ॥

ਚੌਪਈ

ਸਾਂਈ ਦਾਸ ਸੁਨ [ਮਾਥ ਝੁਕਾਯੋ]¹ । ਅਤਿ ਆਨੰਦ ਨਿਜ ਮਨ ਮਹਿ ਪਾਯੋ ।
ਵਿਵਾਹ ਸਾਜ ਜੇਤਕ ਸੰਗ ਆਵਾ । ਬਿਧੀਏ ਕਉ ਗੁਰ ਸਭ ਸੌਂਪਾਵਾ ।
ਬਹੁ ਸੁਖ ਸਿਉ ਤਿਹ ਰੈਨ ਬਸਾਏ । ਪ੍ਰਾਤ ਬਰਾਤ ਨਿਸ਼ਾਨ ਬਜਾਏ ।
ਚਲੇ ਹਰਖ ਧਰ ਬਡ ਛਬਿ ਹੋਈ । ਹੋਤ ਨਿਹਾਲ ਦਰਸ ਕਰ ਜੋਈ ॥ 821 ॥

ਦੋਹਰਾ

ਜਹਾਂ ਬੈਠ ਗੁਰ ਬੈਠ ਹਹਿ ਚਲਤ ਜਹਾਂ ਚਲ ਜਾਇ ।
ਸਾਂਈ ਦਾਸ ਸਮ ਭੋਰ ਕੈ ਗੁਰ ਪਦ² ਕਮਲ ਲੁਭਾਇ ॥ 822 ॥

ਸੋਰਠਾ

ਜਾਮ ਦਿਵਸ ਜਬ ਆਇ ਕੋਸ ਵਟਾਲਾ ਅਗੂ ਦਿਖ ।
ਡੇਰਾ ਕੀਓ ਬਨਾਇ ਕ੍ਰਿਪਾ ਸਿੰਧ ਅਤਿ ਹਰਖ ਸਿਉਂ ॥ 823 ॥

ਸਵੇਯਾ

ਬਾਜ ਬਰਾਤ ਕੇ ਕਾਨ ਸੁਨੇ ਤਬ ਲੋਕ ਪੁਰੀ ਮਨ ਮਹਿ ਉਮਗਾਏ ।
ਭਾਰੀ ਆਨੰਦ ਕੀਓ ਮਨ ਮਹਿ ਸੁਨ ਬ੍ਰਾਤ ਅੰਈ ਗੁਰ ਸੰਗ ਸੁਹਾਏ ।
ਆਵਹਿੰਗੇ ਗੁਰ ਦਰਸ ਕਰਹਿ ਹਮ ਦਰਸਨ ਤੇ ਅਘ ਓਘ ਨਸਾਏ ।
ਗਾਵਤ ਨਾਰਿ ਬਿਚਾਰ ਕਰਹਿ ਅਲਿ³ ਭਾਗ ਵਡੇ ਹਮ ਦਰਸਨ ਪਾਏ ॥ 824 ॥

ਦੋਹਰਾ

ਬਡ ਆਨੰਦ ਰਾਮੇ ਕੀਓ ਸਜੋ ਸਾਜ ਸੁਖ ਸਾਥ ।
ਅਗੂ ਉਡੀਕਤ ਐਸ ਹੀ ਕਬ ਆਵਹਿੰ ਸਮ ਨਾਥ ॥ 825 ॥

ਚੌਪਈ

ਪਟ ਭੂਖਨ ਭਾਂਜਨ ਪਕਵਾਨਾ । ਦਧ ਚਿਰਵਾ ਨਹਿ ਜਾਤ ਬਖਾਨਾ ।
ਘਨੀ ਨਕਾਵਰ ਲਾਦ ਚਲਾਈ । ਅਗਵਾਨ ਹਾਥ ਉਪਹਾਰ ਪਠਾਈ ॥ 826 ॥
ਨਿਤ ਕ੍ਰਿਆ ਗੁਰ ਠਾ ਏਹੁ ਕਰਹਿ । ਬੈਠੇ ਪਟ ਭੂਖਨ ਤਨ ਧਰਹਿ ।
ਬਜਾਵਤ ਬਾਜ ਦੇਖ ਅਗਵਾਨਾ । ਬ੍ਰਾਤ ਹਰਖ ਨਿਜ ਹਨੈ ਨਿਸ਼ਾਨਾ ॥ 827 ॥

¹ਅ ਪੌਥੀ ਵਿਚੋਂ ²ਏ ਪੌਥੀ ਚਰਨ ³ਅ ਪੌਥੀ ਸਖੀ

ਦੋਹਰਾ

ਜਾਮ ਦਿਵਸ ਤਬ ਲੋ ਰਹਾ ਲਗੇ ਚਲਨ ਅਗਵਾਨ ।
ਧਰ ਭੇਟਾ ਬਿਨਤੀ ਕਰੀ ਚਾਲਹੁ ਕ੍ਰਿਪਾ ਨਿਧਾਨ ॥ 828 ॥

ਸਵੈਯਾ

ਧੀਰ ਦਈ ਪ੍ਰਭੁ ਭੇਟ ਲਈ ਸਭ ਬਾਂਟ ਦਈ ਮਨੋ ਆਨੰਦ ਪਾਯੋ ।
ਬਾਹਨ ਸਾਜ ਬਰਾਤ ਚੜੀ ਨਿਜ ਮੰਗਲ ਬਾਜ ਅਨੇਕ ਬਜਾਯੋ ।
ਕਲਿਤ ਅੰਬਾਰ ਬਿਰਾਜ ਪ੍ਰਭੁ ਢਿਗ ਨਾਰ ਖਵਾਹਰੀ ਨਾਹ ਸੁਹਾਯੋ ।
ਸੁੰਦਰ ਐਸ ਸਰੂਪ ਕੇ ਉਪਰ ਦਾਸ ਕਵੀ ਪਿਖ ਮੋਲ¹ ਝੁਕਾਯੋ ॥ 829 ॥

ਦੋਹਰਾ

ਭਗਤ ਸਿੰਘ ਤੇ ਲਾਗੀਆਂ ਆਮਦਨ ਹੋਤ ਅਪਾਰ ।
ਰੰਕ ਭੂਪ ਅਨਗਨ ਭਏ ਦਾਰਦ ਸਗਲ ਕਉ ਟਾਰ ॥ 830 ॥

ਚੌਪਈ

ਪਾਵਸ ਸਮ ਬਰਖਾ ਧਨ ਹੋਈ । ਰਹਾ ਨ ਰੰਕ ਪੁਰੀ ਮਹਿ ਕੋਈ ।
ਨਗਰ ਪ੍ਰਵੇਸ਼ ਕੀਨ ਸੁਖ ਪਾਯੋ । ਨਰ ਨਾਰੀ ਦਿਖ² ਅਨੰਦ ਧਰਾਯੋ ॥ 831 ॥
ਬਹੁ ਸੋਭਾ ਦਾਇਕ ਸੋ ਸਦਨਾ । ਰਤ ਪਤਿ ਸਕ੍ ਮਾਨ ਦਿਖ ਕਦਨਾ ।
ਧਾਰ ਬਿਨੇ ਡੇਰਾ ਤਹਿ ਦੀਨੋ । ਯੁਤ ਬਰਾਤ ਗੁਰ ਹਰਖਤ ਕੀਨੋ ॥ 832 ॥

ਦੋਹਰਾ

ਦੇਖ ਦੇਵ ਤਾਂ ਦਿਵਸੁ ਪੁਰ ਉਪਮਾਂ ਮੁਖਹੂੰ ਉਚਾਰ ।
ਹਮਤੇ ਉਤਮ ਨਗਰ ਜਨ ਤਨ ਧਰਿ ਪ੍ਰਭੁ ਦਿਦਾਰ ॥ 833 ॥

ਚੌਪਈ

ਰਾਮੇ ਅਨਗਨ ਦਰਬ³ ਪਠਾਯੋ । ਜੋ ਜਿਹ ਇਛ ਸੋਈ ਤਿਹ ਪਾਯੋ ।
ਦਿਵਸ ਬਿਹਾਯ ਚੈਨ ਤਬ ਆਈ । ਮਿਲਨੀ ਹਿਤ ਗੁਰ ਪਠੇ ਬੁਲਾਈ ॥ 834 ॥
ਸ੍ਰੀ ਗੁਰ ਚਲੇ ਮੁਖੀ ਸੰਗ ਲੀਨੇ । ਬਾਜ ਬਜਾਇ ਹਰਖ ਬਹੁ ਕੀਨੇ ।
ਬਾਜੀ ਅਸਤ ਚਲੰ ਘਨ ਆਗੇ । ਚਲਤ ਬਰਾਤ ਸੰਗ ਸੁਰ ਪਾਗੇ ॥ 835 ॥

ਦੋਹਰਾ

ਬਹੁ ਹਵਾਇ ਨਭ ਕਉ ਚਲੀ ਮਨੋ ਬੁਲਾਵਨ ਦੇਵ ।
ਆਵਹੁ ਦੇਰ ਲਗਾਇ ਕਤ ਮਿਲਨੀ ਕਰਤ ਅਭੇਵ ॥ 836 ॥

ਅੜਿਲ

ਗਰਿ ਅੰਚਰ ਧਰਿ ਰਾਮਾ ਅਗ੍ਰ ਸਿਧਾਯੋ ।
ਭੂਖਨ ਪਟ ਹੈ ਦਾਸੀ ਭੇਟਾ ਲਿਆਇਓ ।

¹ਅ ਤੇ ਏ ਪੋਥੀ ਮਾਥ ²ਅ ਪੋਥੀ ਪਿਖ ³ਅ ਪੋਥੀ ਧਨ ਧਾਨ

ਕਹਿ ਦਿਜ ਮਿਲ ਗੁਰ ਅੰਕ ਦੇਰ ਨਹਿ ਠਾਨੀਏ ।
 ਹੋ ਰਾਮੇ ਕੀਨ ਉਚਾਰ ਦਾਸ ਮਮ ਜਾਨੀਏ ॥ 837 ॥
 ਤੀਨ ਲੋਕ¹ ਪਤਿ ਸਵਾਮੀ ਸ੍ਰੀ ਗੁਰ ਜਾਨ ਕੈ ।
 ਧਰ ਭੇਟਾ ਗੁਰ ਆਗ ਚਰਨ ਸਿਰ ਠਾਨ ਕੈ ।
 ਦਯਾ ਸਿੰਧ ਨਿਜ ਕਰ ਸਿਉ ਸੀਸ ਉਠਾਇਓ ।
 ਹੋ ਕਰ ਠਾਂਢਾ ਸਮੁਹਾਇ ਸੁ ਧੀਰ ਧਰਾਇਓ ॥ 838 ॥

ਦੋਹਰਾ

ਹਰਖਿ ਸਦਨ ਰਾਮਾ ਗਯੋ ਸ੍ਰੀ ਗੁਰ ਪਾਛ ਹਟਾਇ ।
 ਬਾਬ ਰਾਜਤ ਅਸਵਨੀ ਸਰਗਸਤ ਛਟਾ ਛਬਿ ਪਾਇ ॥ 839 ॥

ਚੌਪਈ

ਰੀਤਿ ਹੇਤ ਤਬ ਸਦਨ ਬੁਲਾਏ । ਬਾਬਾ ਗਯੋ ਹਰਖ ਮਨ ਪਾਏ ।
 ਅਬਲਾ ਦੇਖ ਰੂਪ ਸੁਖ ਪਾਯੋ । ਧੰਨ ਧੰਨ ਨਿਜ ਮੁਖਹੂੰ ਅਲਾਯੋ ॥ 840 ॥
 ਹ ਅਲੀ ਨਤੀ ਨਾਹਿ ਰੂਪ ਅਪਾਰਾ । ਤਿੰਹ ਲਾਇਕ ਬਿਧਿ ਆਹਿ ਸਵਾਰਾ ।
 ਇਹੁ ਜੋਰੀ ਜੁਗ ਚਾਰ ਰਹਾਵੈ । ਦੇਖ² ਨਾਰ ਅਸ ਬਲ ਬਲ ਜਾਵੈ ॥ 841 ॥

ਦੋਹਰਾ

ਬਾਜੀ ਆਤਸ ਚਲਾਇ ਬਹੁ ਜਨ ਵਾਸੇ ਗੁਰ ਆਇ ।
 ਬਾਬਾ ਰੀਤਿ ਕਰਾਇ ਗ੍ਰਿਹ ਆਯੋ ਹਰਖ ਧਰਾਇ ॥ 842 ॥

ਸਵੈਯਾ

ਦੁੰਹੁ ਦਿਸ ਆਨੰਦ ਭਾਰੀ ਭਯੋ ਨਿਸ ਜਾਮ ਬਿਤੀਤ ਭਈ ਸੁਖਦਾਈ ।
 ਭੋਜਨ ਹੇਤ ਬੁਲਾਇ ਪਠੇ ਗੁਰ ਬਾਜ ਬਜਾਇ ਚਲੇ ਸੁਖ ਪਾਈ ।
 ਪਾਵੜ ਪਾਟ ਪੜੇ ਬਹੁ ਅਗ੍ਰਜ ਬਾਜੀ ਸੁ ਅਸਤ ਚਲੇ ਸੁਖ ਪਾਈ ।
 ਭੋਜਨ ਲਾਗੇ ਜਬੈ ਕਰਨੇ ਸੁਰ ਨਾਰਿ ਤੀਆ ਬਹੁ ਗਾਰਿ ਅਲਾਈ ॥ 843 ॥
 ਭੋਜਨ ਆਨੰਦ ਪਾਇ ਕੀਓ ਤਬ ਆਵਤ ਭਏ ਨਿਜ ਡੇਰ ਮਝਾਰਾ ।
 ਪੁਨ ਬਹੁਰ ਬੁਲਾਵਨ ਬਿਪ੍ਰ³ ਅਯੋ ਪ੍ਰਭੂ ਜਾਨ ਵਿਵਾਹ ਸਮਾ ਸੁਖਕਾਰਾ ।
 ਆਨੰਦ ਬਾਜ ਬਜਾਇ ਚਲੇ ਦਿਜ ਬੰਦਨ ਕੈ ਗ੍ਰਿਹ ਬੈਠ ਮੁਰਾਰਾ ।
 ਰੀਤਿ ਕਰੀ ਜਗ ਜੋਈ ਹੁਤੀ ਗੁਰ ਲਾਗ ਸਮਾਜ ਸਭੀ ਤਿੰਹ ਬਾਰਾ ॥ 844 ॥

ਦੋਹਰਾ

ਬਾਬੇ ਗੁਰਦਿਤੇ ਤਬੈ ਲਾਵਾਂ ਕੀਨ ਸੁਧਾਰ ।
 ਗਾਵਤ ਅਬਲਾ ਬਿਰਹਿ ਸਿਉ ਪੁਤ੍ਰੀ ਭਈ ਨਿਹਾਰ ॥ 845 ॥

¹ਅ ਤੇ ਦ ਪੋਥੀ ਭਵਨ ²ਅ ਪੋਥੀ ਪੋਖਿ ³ਦ ਪੋਥੀ ਦ੍ਰਿਜ

ਸੋਰਹਿ ਸੈ ਰਿਖ ਵਸੁ ਗਏ ਸੰਮਤ ਵਰਖ ਸੁ ਦੀਨ ।
ਵਿਸਾਖ ਰੁਦ੍ਰ ਦਿਜ ਦਿਨ ਸਸੀ ਲਾਵਾ ਬਾਬੇ ਲੀਨ ॥ 846 ॥

ਚੌਪਈ

ਦਾਨ ਮਾਨ ਬਿਪ੍ਰਨ¹ ਕੋ ਦੈ ਕੈ । ਉਠੇ ਪ੍ਰਭੂ ਮਨ ਆਨੰਦ ਕੈ ਕੈ ।
ਬਾਬਾ ਰਹਿਓ ਸਦਨ ਸੁਖ ਪਾਏ । ਕ੍ਰਿਪਾ ਸਿੰਧ ਜਨ ਵਾਸੇ ਆਏ ॥ 847 ॥
ਜਾਂਝੀ ਸਭਿ ਮਨ ਆਨੰਦ ਪਾਵੈ । ਐਸ ਹਰਖ ਨਹਿ ਕਹੂੰ ਅਲਾਵੈ ।
ਚੜ੍ਹਯੋ ਦਿਵਸ ਬਾਬਾ ਜੀ ਆਯੋ । ਦਧ ਸੁਤ ਸੇਹਰਾ ਬੀਚ ਸੁਹਾਯੋ ॥ 848 ॥

ਦੋਹਰਾ

ਕਿਆ ਉਪਮਾ ਭਾਖੇ ਕਵੀ ਮੋਹ ਕਾਨ ਬਪੁ ਦੇਖ ।
ਜਾਨ ਸਯਾਮ ਨਿਜ ਗੌਰ ਇਹ ਸ੍ਰੀ ਗੁਰ ਪ੍ਰਤ੍ਨ ਅਲੇਖ ॥ 849 ॥

ਅੜਿਲ

ਸਭਿ ਬਰਾਤ ਨਿਜ ਮਨ ਮਹਿ ਆਨੰਦ ਪਾਇਯੋ ।
ਦਯਾ² ਸਿੰਧ ਬਚ ਸੁੰਦਰ ਐਸ ਅਲਾਇਯੋ ॥
ਚਾਲਓ ਦਰਸਨ ਹੇਤ ਚਲੇ ਸੁਖ ਪਾਇ ਕੈ ।
ਹੋ ਕੀਨ ਬੰਦਨਾ ਜਾਇ ਤਹਾਂ ਸੁਖ ਪਾਇ ਕੈ ॥ 850 ॥
ਧਰ ਪ੍ਰਸਾਦਿ ਗੁਰ ਸੁਤ ਕਉ ਮਾਥ ਟਿਕਾਯੋ ।
ਸਾਂਈ ਦਾਸ ਕਰ ਪੰਕਜ ਹਾਥ ਗਹਾਯੋ ।
ਕਰ ਬੰਦਨ ਤਹਿ ਬੈਠ ਹਰਖ ਬਹੁ ਪਾਇ ਮਨ ।
ਹੋ ਰਾਮੋ ਪਤਿ ਕਰਿ ਬਿਨਤ ਸੁਨੈ ਸੁਖ ਸਿੰਧ ਘਨ ॥ 851 ॥

ਚੌਪਈ

ਹੇ ਪ੍ਰਭੂ ਕਾ ਕੋ ਇਹੁ ਅਸਥਾਨ । ਕਹ ਨਮਿਤ ਹੇ ਕ੍ਰਿਪਾ ਨਿਧਾਨ ।
ਭਏ ਕ੍ਰਿਪਾਲ ਗੁਰ ਐਸ ਅਲਾਯੋ । ਭਗਤਿ ਸਿੰਘ ਸੰਕੋਚ ਸੁਨਾਯੋ ।
ਮੂਲਾ ਚੋਣਾ ਚੰਦੋ ਨਾਰੀ । ਤਾਕਾ ਗ੍ਰਿਹਿ ਜਾਨੈ ਸੁਖ ਕਾਰੀ ।
ਗੁਰ ਨਾਨਕ ਜੀ ਕੀਨ ਵਿਵਾਹਿ । ਇਤੀ ਠੌਰ ਮਨ ਆਨੰਦ ਪਾਹਿ ॥ 852 ॥

ਦੋਹਰਾ

ਬੇਦ ਬੇਦ ਤਤ ਸਤ ਭਲੇ ਸੰਮਤ ਵਰਖ ਪ੍ਰਮਾਨ ।
ਬਿੰਸ ਬੇਦ ਦਿਨ ਜੇਠ ਕੇ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 853 ॥

ਅੜਿਲ

ਸਾਂਈ ਦਾਸ ਸੁਨ ਮਨ ਮਹਿ ਆਨੰਦ³ ਪਾਇਓ ।
ਗਰਿ ਅੰਚਰ ਧਰ ਗੁਰ ਪਗ ਮੌਲ ਝੁਕਾਇਓ ।

¹ਅ ਪੋਥੀ ਵਿਜਨ ²ਅ ਤੇ ਏ ਪੋਥੀ ਕ੍ਰਿਪਾ ³ਅ ਤੇ ਏ ਪੋਥੀ ਹਰਖ

ਪੁਨ ਸਬ ਬੰਦਨ ਕੀਨ ਹਰਖ ਮਨ ਪਾਇਕੈ ।
ਹੋ ਜਨ ਵਾਸੇ ਚਲ ਆਇ ਬਾਜ ਬਹੁ ਵਾਇਕੈ ॥ 854 ॥

ਸਵੈਯਾ

ਮੰਗਲ ਹੋਤ ਅਪਾਰ ਤਹਾਂ ਵਹੁ ਪਾਵਤ ਦਾਨ ਜੋਈ ਚਲਿ ਆਵੈ ।
ਮਾਂਗਨ ਕੀ ਨਹਿ ਇਛ ਕਰੈ ਪੁਨ ਪਾਇਕੈ ਦਾਨ ਦਰਿਦ੍ਰ ਮਿਟਾਵੈ ।
ਦਾਸਰਥੀ ਮਨ ਆਨੰਦ ਪਾਇ ਕੈ ਦੀਨ ਦਯਾਲ ਪ੍ਰਭੁ ਦਰਸਾਵੈ ।
ਭੋਜਨ ਜਾਨ ਸਮਾ ਸਭ ਸੁੰਦਰ ਧਾਰ ਬਿਨੈ ਸੁਖ ਸਿੰਧ ਬੁਲਾਵੈ ॥ 855 ॥

ਦੋਹਰਾ

ਸਮੇਂ ਸਮੇਂ ਮੰਗਲ ਅਧਿਕ ਬੀਤਿਓ ਦਿਨ ਨਿਸ ਆਇ ।
ਸਭ ਬਰਾਤ ਭੋਜਨ ਕੀਓ ਕੀਨ ਸੈਨ ਸੁਖ ਪਾਇ ॥ 856 ॥

ਕਬਿੱਤ

ਰਹੀ ਨਿਸ ਜਾਮ ਸੁਖ ਸਿੰਧ ਅਭਿਰਾਮ, ਕੀਨ ਮਜਨ ਅਕਾਮ, ਚਿਤ ਘਨ ਮਨ ਲਾਵਨੋ ।
ਪੰਕਜ ਸਮਾਨ, ਜਲ ਜਗ ਤੇ ਨਿਆਰ ਜਾਨ, ਕੋਤਕ ਦਿਖਾਨ ਹਿਤ, ਚਰਤ ਕਰਾਵਨੋ ।
ਸਦਾ ਏਕ ਰਸ, ਨਿਜ ਰੂਪ ਮੇਂ ਸਮਾਧ ਲਾਗੀ, ਕਰੈ ਰਛ ਦਾਸ ਬਿਰਦ
ਜਾਹਿ ਪਤਿਤ ਪਾਵਨੋ ।
ਐਸੇ ਹਹਿ ਕ੍ਰਿਪਾਲ ਪ੍ਰਭੁ ਕਥਾ ਹੈ ਰਸਾਲ ਜਾਂਕੀ ਬਸੋ ਕਵਿ ਰਿਦੈ ਐਸ
ਤੋਰ ਜਸ ਗਾਵਨੋ ॥ 857 ॥

ਦੋਹਰਾ

ਚੜਿਯੋ ਦਿਵਸ ਸ੍ਰੀ ਗੁਰ ਕਹਿਹਿ ਭਗਤ ਸਿੰਘ ਇਮ ਬੈਨ ।
ਸਜ ਬਾਹਨ ਸਭਹੀਂ ਚਲੋ ਦਰਸਨ ਆਚਲ ਲੈਨ ॥ 858 ॥

ਸਵੈਯਾ

ਬਾਹਨ ਸਾਜ ਅਨੇਕ ਤਬੈ ਸੁਖ ਪਾਇ ਬਰਾਤ ਚਲੀ ਗੁਰ^੨ ਸੰਗਾ ।
ਸਾਂਈ ਦਾਸ ਕਉ ਸਾਥ ਲੀਏ ਪ੍ਰਭ ਪਾਲਕੀ ਮਾਹਿ ਬਿਰਾਜ ਉਮੰਗਾ ।
ਨਾਨੇ ਸਾਥ ਗੁਰੂ ਸੁਤ ਸੁੰਦਰ ਸੁਵਾਰ ਕਰੀ ਪਿਖ ਕੈ ਜਿਹ ਲਾਜ ਅਨੰਗਾ ।
ਬਾਹਨ ਆਪਨ ਆਪ ਸਭੀ ਜਨ ਚਾਲਤ ਚਾਲ ਸੁ ਗੰਗ ਤਰੰਗਾ ॥ 859 ॥

ਦੋਹਰਾ

ਅਤਿ ਆਨੰਦ ਸਿਉ ਜਾਤ ਭਏ ਅਚਲ ਸੁ ਸੁਭ ਅਸਥਾਨ ।
ਧਰ ਪ੍ਰਸਾਦਿ ਸੁਤ ਸਾਥ ਲੈ ਸ੍ਰੀ ਗੁਰ ਬੰਦਨ ਠਾਨ ॥ 860 ॥

ਚੌਪਈ

ਸਭ ਬਰਾਤ ਤਿਹ ਮਜਨ ਕੀਨੋ । ਕਰ ਦਰਸਨ ਮਨ ਮਹਿ ਸੁਖ^੩ ਲੀਨੋ ।
ਸਾਂਈ ਦਾਸ ਪੁਨ ਬਿਨਤ ਅਲਾਈ । ਹੋ ਪ੍ਰਭ ਮੋਹ ਕਹੋ ਸਮਝਾਈ ॥ 861 ॥

ਕਾਕੋ ਇਹ ਉਤਮ ਅਸਥਾਨਾ । ਕਹਿ ਕਾਰਨ ਇਹ ਕ੍ਰਿਪਾ ਨਿਧਾਨਾ ।
ਸ੍ਰੀ ਗੁਰ ਹਰਖ ਕਹਾ ਸੁਨਿ ਪਿਆਰੇ । ਇਹੁ ਮਹਿ ਜਾਨੋ ਕਥਾ ਅਪਾਰੇ ॥ 862 ॥

ਦੋਹਰਾ

ਬੋਰ ਕਹੇ ਬਹੁ ਜਾਨੀਯੋ ਭਗਤ ਸਿੰਘ ਸੰਕੋਚ ।
ਪੜਤ ਸੁਨਤ ਸੰਕਟ ਮਿਟੈ ਕਥਾ ਗੁਰੂ ਭਵ ਮੋਚ ॥ 863 ॥
ਗੁਰ ਨਾਨਕ ਅਸਥਾਨ ਇਹੁ ਸਭ ਫਲਦਾਯਕ ਬੋਰ ।
ਸਾਂਈ ਦਾਸ ਕਾਰਨ ਸੁਨਉ ਤੀਨ ਭਵਨ ਗੁਰ ਹੋਰ ॥ 864 ॥
ਉਦਾਸ ਭੇਸ ਸੁੰਦਰ ਲੀਏ ਆਏ ਪੁਰ ਕਰਤਾਰ ।
ਕਾਲੂ ਪਿਤਰੋ ਮਾਤ ਦਿਖ ਬਿਨਤੀ ਕੀਨ ਉਚਾਰ ॥ 865 ॥

ਸਵੈਯਾ

ਤਾਹਿ ਬਿਨੈ ਸੁਨ ਭੇਖ ਉਦਾਸ ਉਤਾਰ ਦਿਓ ਗ੍ਰਿਹ ਅੰਬਰ ਧਾਰੇ ।
ਮੰਜੀ ਤੇ ਬੈਠ ਨਿਹਾਲ ਕਰਹਿ ਜਨ ਆਇਸ¹ ਪਾਲਨ ਪੁਤਰ ਵਿਚਾਰੇ ।
ਅੰਗਦ ਕੈ ਸਿਰ ਹਾਥ ਦੀਓ ਪੁਨ ਸੋਦਰ ਆਰਤੀ ਰੀਤਿ ਸਵਾਰੇ ।
ਸੁੰਦਰ ਜਾਪ ਪ੍ਰਭਾਤ ਉਚਾਰਤ ਗੁਰਮੁਖਿ ਬੇਦ ਅਥਰਬਨ ਤਾਰੇ ॥ 866 ॥

ਦੋਹਰਾ

ਮਰਦਾਨੇ ਬਾਲੇ ਬਿਨੈ ਕਰੀ ਚਲੋ ਪ੍ਰਭੂ ਕਿਹ² ਠੋਰ ।
ਅਚਲ ਗੁਰੂ ਨਾਨਕ ਕਹਾ ਆਏ ਸਿਧ ਸਿਰਮੌਰ ।
ਚਲਉ ਦਰਸ ਤਿਹ ਕੀਜੀਏ ਅੰਗਦ ਬਾਲਾ ਸੰਗ ।
ਸਾਂਈ ਦਾਸ ਚਾਰੋ ਅਏ ਇਹ ਠਾਂ ਧਾਰ ਉਮੰਗ ॥ 868 ॥

ਕਬਿੱਤ

ਮੇਲਾ ਸ਼ਿਵਰਾਤ ਜਾਨ, ਆਏ ਗੁਰ ਹਰਖ ਠਾਨ,
ਤੀਨ ਲੋਕ ਦਰਸ ਕਰ ਲਛਮੀ ਚੜਾਇ ਹੈ ।
ਦੇਖ ਰਿਧਿ ਸਿਧਿ ਜੋਗੀ, ਮਨ ਮਹਿ ਰਿਸ਼ਕ ਧਰੀ,
ਭਗਤੀਏ ਸੁ ਰਾਸ ਕਈ ਲੋਟਾ ਜੋਗੀ ਚਾਇ ਹੈ ।
ਤਾਂਹਿ ਰਾਸ ਭੂਲ ਗਈ ਮਾਂਹਿ ਸੁਰਤ ਲੋਟੇ ਭਈ
ਬਾਬਾ ਜਾਣੀ ਜਾਣ ਕਾਢ ਜਾਂਹਿ ਤੇ ਲੁਕਾਏ ਹੈ ।
ਗੋਰਖ ਨਾ ਬੋਲ ਬੈਠ ਔਰ ਸਿਧ ਲਾਲ ਐਨ
ਦੇਖ ਕੈ ਚਰਿਤ ਮਨ ਮਾਂਹਿ ਖੁਨਸਾਇ ਹੈ ॥ 869 ॥

ਦੋਹਰਾ

ਖਾਇ ਖੁਨਸ ਜੋਗੀ ਸਭੈ ਗੋਸ਼ਟਿ ਹੋਤ ਮਿਲਾਇ ।
ਭੰਗਰ ਨਾਥ ਐਸੇ ਕਹਾ ਕਿਉਂ ਕਾਂਜੀ ਪਯ³ ਪਾਇ ॥ 870 ॥

¹ਅ ਪੋਥੀ ਆਗਯਾ ²ਅ ਪੋਥੀ ਕਿਸ ³ਅ ਤੇ ਏ ਪੋਥੀ ਦੁਧ

ਛਪੈ ਛੰਦ

ਕਿਉਂ ਕਾਂਜੀ ਪਯ ਪਾਏ ਫੀਟ ਪਯ ਮਾਖਨ ਖੋਯੋ ।
 ਦੀਨਾ ਛੋਡਿ ਉਦਾਸਿ ਵਤ ਸੰਸਾਰੀ ਹੋਯੋ ।
 ਕਹੁ ਨਾਨਕ ਸੁਨ ਭੰਗਰ ਨਾਥ ਮਾਂਉਂ ਕੁਚਜੀ ਤੇਰੀ ।
 ਭਾਂਡਾ ਧੋਇ ਨ ਫੂਲ ਸੜੈ ਸੁਨ ਸਿਖਿਆ ਮੇਰੀ ।
 ਹੁਇ ਅਤੀਤ¹ ਗ੍ਰਿਹ ਤਿਆਗ ਕੈ ਫਿਰ ਗ੍ਰੇਹੀ ਮਾਂਗਨ ਕਰੇ ।
 ਹੋਏ ਭੀ ਖਕ² ਘਰਿ ਘਰਿ ਫਿਰਹੁ ਬਿਨ ਦਿਤੇ ਕਿਆ ਕਰ ਧਰਹੁ ॥ 871 ॥

ਦੋਹਰਾ

ਭਗਤ ਸਿੰਘ ਏਹ ਗ੍ਰਿਹਸਤ ਕੇ ਭਾਈ ਕਹ ਪਰਥਾਇ ।
 ਕਬਿਤ ਤੀਨ ਸੈ ਦਿਨਾਖਟ ਸਾਂਈ ਦਾਸ ਏਹ ਭਾਇ ॥ 872 ॥

ਸਵੇਯਾ

ਜੈਸ ਸਭੀ ਨਦ ਤਾਲ ਵਡੇ ਦਧ ਮੇਰ ਸੁਮੇਰ ਬਡੋ ਜਗ ਜਾਨੈ ।
 ਬਨਾਸਪਤੀ ਮਧ ਚੰਦਨ ਦੀਰਘ ਧਾਂਤਨ ਮਾਝ ਬਡੋ ਹਰ ਜਾਨੈ ।
 ਪੰਖਨ ਹੰਸ ਮ੍ਰਿਗ ਸ਼ਰਦੂਲਹਿ ਰਾਗ ਸ੍ਰੀ ਸੰਗ ਪਾਰਸ ਮਾਨੈ ।
 ਗਿਆਨ ਮੈਂ ਗਿਆਨ ਧਿਆਨ ਮੈਂ ਧਿਆਨ ਸੁ ਧਰਮ ਮੈਂ ਧਰਮ ਗ੍ਰਿਹਸਤ ਪ੍ਰਧਾਨੈ
 ॥ 873 ॥

ਦੋਹਰਾ

ਸਭ ਤੇ ਉਤਮ ਗ੍ਰਿਹਸਤ ਹੈ ਸਾਂਈ ਦਾਸ ਚਿਤ ਜਾਨ ।
 ਗੁਰ ਨਾਨਕ ਜਬ ਇਮ ਕਹਾ ਜੋਗੀ ਸੁਨ ਰਿਸ ਠਾਨ ॥ 874 ॥

ਸ਼ਰਠਾ

ਹੁਇ ਜੋਗੀ ਇਕਠਾਇ ਮਾਰ ਕਿਲਕ ਉਚੇ ਗਜੈ ।
 ਖਟ ਦਰਸ਼ਨ ਦੁਖਦਾਇ ਕਲਜੁਗ ਨਾਨਕ ਆਇਓ ॥ 875 ॥

ਚੰਪਈ

ਧਾਰ ਸਿਧ ਰਿਸ ਅਵਖਧਿ ਬਾਲੀ । ਤੰਤ੍ਰ ਮੰਤ੍ਰ ਬੋਲ ਕਰਾਲੀ ।
 ਸਿੰਘ ਬਾਘ ਪਗ ਧਾਰ ਉਡਾਵੈ । ਨਾਗ ਪਵਨ ਅਰ ਅਗ³ ਬਰਸਾਵੈ ॥ 876 ॥
 ਭੰਗਰ ਨਾਥ ਨਭ ਤਾਰੇ ਤੋਰੇ । ਕਰ ਮ੍ਰਿਗਾਨੀ ਤਲੇ ਨਾ ਬੋਰੇ ।
 ਸਿਧ ਈਰਖਾ ਅਗਨ ਲਗਾਈ । ਇਹ ਬਿਧ ਮਾਇਆ ਅਧਿਕ ਦਿਖਾਈ ॥ 877 ॥

ਦੋਹਰਾ

ਸਗਲ ਧਰਾ ਸਮ ਚਕ ਫਿਰੈ ਸਿਧ ਤੰਤ੍ਰ ਚੋਫੇਰ ।
 ਸਾਂਈ ਦਾਸ ਇਹ ਭੂਮਿ ਥਿਰ ਪਦ ਪੰਕਜ ਗੁਰ ਹੇਰ ॥ 878 ॥

¹ਅ ਪੋਥੀ ਫਕੀਰ ²ਅ ਪੋਥੀ ਤਿਖਾਰੀ ³ਅ ਪੋਥੀ ਅਗਨਿ

ਛਪੈ

ਹਾਰ¹ ਸਿਧ ਬਲਿ ਲਾਇ ਕਹਾ ਨਾਨਕ ਸੁਨ ਲੀਜੈ ।
 ਹਮ ਦੀਨੀ ਕਰਾਮਾਤ ਤੁਮਹਿ ਕਛ ਹਮ ਕਉ ਦੀਜੈ ।
 ਵਸਤ ਸੁ ਐਸੀ ਗੁਰ ਕਹਾ ਮਮ² ਪਾਸ ਨ ਕਾਈ ।
 ਬਿਨ ਸੰਗਤ ਸਤਿਸੰਗ ਓਟ ਹਰਿ ਧਾਰ ਨ ਰਾਈ ।
 ਸਾਂਈ ਦਾਸ ਪੁਨ ਤੰਤ੍ਰ ਕਰ ਜੰਤ੍ਰ ਸਿਧ ਕਰ ਝੜਪਾਏ ।
 ਸਬਦ ਗੁਰ ਤਿੰਹ ਲੋਪ ਬਲਿ ਭਾਰ ਸਰਨਿ ਹਰਿ ਗੁਰ ਲਏ ॥ 879 ॥

ਦੋਹਰਾ

ਬਹੁਰ ਸਿਧ ਮੁਖ ਸਿਉਂ ਕਹਾ ਕਛੁ ਬਲ ਹਮਹਿ ਦਿਖਾਇ ।
 ਸਲੋਕ ਮਾਝ ਕੀ ਵਾਰ ਮਾਂਹਿ ਦਿਸ ਵਸੁ ਪ੍ਰਭੂ ਸੁਨਾਇ ॥ 880 ॥
 ਸੰਕੋਚ ਅਰਥ ਤਾਂਕਾ ਸੁਨੋ ਸਾਂਈ ਦਾਸ ਸੁਖ ਧਾਰ ।
 ਭਗਤ ਸਿੰਘ ਬਹੁ ਜਾਨੀਏ ਸ੍ਰੀ ਗੁਰ ਕਥਾ ਅਪਾਰ ॥ 881 ॥

ਸਵੈਯਾ

ਵਨੀ ਪਟ ਹਿਵੈ ਘਰ ਬਾਧਨ ਸੋ ਕਰ ਭੋਜਨ ਸਾਰ ਜਲੰ ਦੁਖ ਪੀਜੈ ।
 ਧਰਤੀ ਸੁ ਹਾਂਕ ਚਲਾਇ ਬਡੇ ਬਲ ਟੰਕ ਅਕਾਸ਼ ਕਉ ਤੋਲਨ ਕੀਜੈ ॥
 ਦੀਰਘ ਏਡ ਨਾ ਮਾਉਂ ਕਹੀ ਤਬ ਆਪਨ ਦੇਸ ਸਭੀ ਨਥ ਲੀਜੈ ।
 ਏਵਡ ਤਾਣ ਭਏ ਮਨ ਮਹਿ ਪੁਨ ਭਾਖ ਕੈ ਔਰ ਤੇ ਐਸ ਕਰੀਜੈ ॥ 882 ॥

ਦੋਹਰਾ

ਸਾਹਿਬ ਸਮਸਰ ਨਾਹਿ ਇਹ ਸੁਨ ਸਿਧੋ ਸਭ ਕੂਰ ।
 ਕਹੁ ਨਾਨਕ ਸੁਖ ਨਾਮ ਮਹਿ ਔਰ ਸਭੀ ਬਲ ਧੂਰ ॥ 883 ॥

ਚੌਪਈ

ਭਗਤ ਸਿੰਘ ਇਸ ਕੈ ਪਰਥਾਇ । ਭਾਈ ਟੀਕਾ ਕਰੀ ਬਨਾਇ ।
 ਪ੍ਰਿਥਮ ਵਾਰ ਦੇਖਓ ਮਨ ਲਾਈ । ਜਬ ਸਲੋਕ ਇਹ ਸਿਧ ਸੁਨਾਈ ॥ 884 ॥
 ਮਾਨ ਛਾਡ ਬਚ ਸਿਧ ਅਲਾਏ । ਨਾਨਕ ਕਹੋ ਨਾਮ ਕਿਮ ਪਾਏ ।
 ਅਤਿ ਅਧੀਨ ਸਭ ਸਿਧ ਦਿਖਾਇ । ਸਾਂਈ ਦਾਸ ਸ੍ਰੀ ਮੁਖਹੂੰ ਅਲਾਇ ॥ 885 ॥

ਦੋਹਰਾ

ਗੁਰ ਨਾਨਕ ਸਭ ਸਿਧ ਸਿਉ ਗੋਸਟ ਕੀਨ ਸੁਧਾਰ ।
 ਰਾਮਕਲੀ ਸੁਭ ਰਾਗ ਮਹਿ ਗੋਸਟਿ ਸਿਧ ਵੀਚਾਰ ॥ 886 ॥
 ਸਾਂਈ ਦਾਸ ਬਿਨਤੀ ਕਰੀ ਹੇ ਪ੍ਰਭ ਮੋਹਿ ਸੁਨਾਇ ।
 ਗੁਰ ਨਾਨਕ ਕੈਸੇ ਕਰੀ ਗੋਸਟਿ ਸਿਧ ਤਦਾਇ ॥ 887 ॥

¹ਅ ਪੋਥੀ ਬਕੇ ²ਅ ਪੋਥੀ ਹਮਰੇ

ਚੌਪਈ

ਸੁਨੇ ਬਚਨ ਸਮ ਅਮੀ¹ ਰਸਾਨਾ । ਭਾਖੇ ਕਥਾ ਯਾਹਿ ਮਹਿ ਨਾਨਾ ।
 ਸਮਾ ਵਿਵਾਹ ਲਾਗ ਬਹੁ ਦੇਰੀ । ਸੁਧਾ ਸਰੋਵਰ ਕਹੋ ਘਨੇਰੀ ॥ 888 ॥
 ਇਹ ਸੁਨ ਸਾਂਈ ਦਾਸ ਸੁਖ ਪਾਯੋ । ਦਯਾ ਸਿਧ ਪੁਨ² ਐਸ ਅਲਾਯੋ ।
 ਕਰ ਗੋਸ਼ਟਿ ਸਿਧ ਬਹੁ ਹਰਖਾਈ । ਸ਼ਬਦ ਸਾਂਤ ਸਭ ਕੇ ਮਨ ਆਈ । 889 ॥

ਦੋਹਰਾ

ਪਰਮ ਬ੍ਰਹਮ ਬਪੁ ਜਾਨ ਕੈ ਗੁਰ ਨਾਨਕ ਕਰਤਾਰ ।
 ਗੋਰਖ ਮਿਲ ਸਭ ਸਿਧ ਸਿਉ ਉਸਤਤਿ ਕੀਨ ਉਚਾਰ ॥ 890 ॥

ਸਵੈਯਾ

ਤੋਹਿ ਕੋ ਨੇਤਿ ਭਨੇ ਸਭ ਬੇਦ ਸਰੂਪ ਅਭੇਵ ਅਨਾਦ ਤੁਮਾਰਾ ।
 ਸਿਧ ਸਭੀ ਹਮ ਮਾਨ ਭਰੇ ਕਰਿ ਸਾਂਤ ਪ੍ਰਭੂ ਤੁਮ ਖੇਦ ਨਿਵਾਰਾ ।
 ਪੁਰਖ ਪ੍ਰਕਾਸ਼ ਭਯੋ ਜਗ ਮਹਿ ਤਮ ਮੋਟ ਕੀਓ ਪ੍ਰਕਾਸ਼ ਉਦਾਰਾ ।
 ਧੰਨ ਸੁ ਧੰਨ ਪ੍ਰਭੂ ਤੁਮ ਕਉ ਬਹੁ ਔਗੁਨ ਕੀਨ ਤਯਾਗ ਹਮਾਰਾ ॥ 891 ॥

ਤੋਹਰਾ

ਐਸੋ ਕਹਿ ਚਰਨੀ ਪਰੇ ਸਿਧ ਸਾਂਤ ਮਨ ਪਾਇ ।
 ਗਏ ਗੁਰ ਕਰ ਚਰਿਤ ਬਹੁ ਜਗ ਮਹਿ ਕੋਨ ਨ ਗਾਇ ॥ 892 ॥

ਚੌਪਈ

ਸਾਂਈ ਦਾਸ ਇਹ ਹੇਤ ਸਥਾਨਾ । ਗੁਰ ਨਾਨਕ ਕਾ ਸੋਭ ਮਹਾਨਾ ।
 ਤਾਂ ਦਿਨ ਜੋ ਨਰ ਨਾਰੀ ਆਵੈ । ਕਰ ਦਰਸਨ ਫਲ ਚਾਰਹੁ ਪਾਵੈ ॥ 893 ॥
 ਸਾਂਈ ਦਾਸ ਮਨ ਮਹਿ ਸੁਖ ਪਾਯੋ । ਸਭ ਬਾਰਾਤ ਜੂਤ ਮਾਥ ਟਿਕਾਯੋ ।
 ਸਵਾ ਜਾਮ ਦਿਨ ਤਬ ਲੋ ਆਇ । ਸ੍ਰੀ ਗੁਰ ਭੋਜਨ ਖਟ ਰਸ ਪਾਇ ॥ 894 ॥
 ਤੀਨ ਦਿਵਸ ਮੰਗਲ ਹੁਇ ਭਾਰੀ । ਠੌਰ ਠੌਰ ਮਿਲ ਗਾਵਤ ਨਾਰੀ ।
 ਪਿਆਨ ਬੇਦ³ ਅਹਿ ਪ੍ਰਭੂ ਸੁਨਾਯੋ । ਇਹ ਸੁਨ ਪੁਰ ਜਨ ਬਹੁ ਦੁਖ ਪਾਯੋ ॥ 895 ॥
 ਕਬ ਇਹ ਠਾਂ ਸ੍ਰੀ ਗੁਰ ਫਿਰ ਆਵਹਿ । ਹੇ ਅਲਿ ਹਮ ਕਬਿ ਦਰਸਨ ਪਾਵਹਿ ।
 ਗਹੁ ਤਿਆਗ ਰਿਦ ਪੋਤ ਭਰਾਵਉ । ਗੁਰ ਸੁਤ ਸੁੰਦਰ ਰੂਪ ਦਿਖਾਵਉ ॥ 896 ॥

ਦੋਹਰਾ

ਤਿਆਗ ਪਲਕ ਦੇਖਹਿ ਸਭੈ ਪੁਰ ਜਨ ਮਿਲ ਨਰ ਨਾਰਿ ।
 ਧਰਿਓ ਦਾਜ ਰਾਮੇ ਤਬੈ ਮਨ ਮਹਿ ਹਰਖ⁴ ਅਪਾਰ ॥ 897 ॥

ਸੋਰਠਾ

ਹੈ ਸੁਰਭੀ ਪਟ ਦੀਨ ਭਾਂਜਨ ਭੂਖਨ ਲਲਿਤ ਬਹੁ ।
 ਜਾਨਓ ਅਧਿਕ ਪ੍ਰਬੀਨ ਕਰਹੁ ਕਥਾ ਕਹਿ ਤਲਕ ਸੈਂ ॥ 898 ॥

¹ਏ ਪੋਥੀ ਅੰਮ੍ਰਿਤ ²ਅ ਤੇ ਏ ਪੋਥੀ ਇਸ ਸਮਝਾਯੋ ³ਅ ਪੋਥੀ ਚੌਥੇ ⁴ਅ ਤੇ ਏ ਪੋਥੀ ਆਨੰਦ

ਚੌਪਈ

ਬੋਲ ਬਰਾਤ ਪੁਨ ਖਾਟ ਦਿਖਾਈ । ਦੇਖ ਦੇਵ ਮਨ ਬਿਸਮਹਿੰ ਪਾਈ ।
 ਕਿਸੀ ਦਰਬ ਕੀ ਗਨਤ ਨਾ ਆਵੈ । ਦਿਖ ਬਰਾਤ ਮਨ ਮਹਿੰ ਹਰਖਾਵੈ ॥ 899 ॥
 ਹੁਇ ਅਧੀਨ ਗਰਿ ਅੰਚਰ ਪਾਇ । ਰਾਮੇ ਬਿਨਤੀ ਅਧਿਕ ਅਲਾਇ ।
 ਮਹਾਰਾਜ ਮਮ ਕਛੂ ਨਾ ਦੀਨੋ । ਆਪਨ ਕਾਜ ਆਪ ਤੁਮ ਕੀਨੋ ॥ 900 ॥

ਦੋਹਰਾ

ਐਸ ਭਾਖ ਚਰਨੀ ਪਰਾ ਸ੍ਰੀ ਗੁਰ ਕਹਿ ਸਮਝਾਇ ।
 ਸੁੰਦਰ ਡੋਲਾ ਆਇ ਕਰ ਅਧਿਕ ਸੁ ਜੜਤ ਜੜਾਇ ॥ 901 ॥

ਚੌਪਈ

ਨਤੀ¹ ਮਾਤ ਬਿਰਹ ਸੁਖ ਦੇਈ । ਪੁਨ ਪੁਨ ਗੋਦ ਸੁਤਾ ਕੋ ਲੇਈ ।
 ਦੇ ਸਿਖਿਆ ਬਹੁ ਧੀਰ ਧਰਾਯੋ । ਮਿਲ ਅਬਲਾ ਬਹੁ ਰੁਦਨ ਉਪਾਯੋ ।

ਦੋਹਰਾ

ਭਗਤ ਸਿੰਘ ਤਾ ਦਿਨ ਸੁਨਹੁ ਕੈਸੇ ਧੀਰਜ ਹੋਇ ।
 ਦੇਖ ਅਵਸ ਦ੍ਰਿਗ ਨੀਰ ਭਰ ਮੋਟ ਧੀਰ ਦਿਖ ਰੋਇ ॥ 903 ॥

ਚੌਪਈ

ਬਾਬੇ ਕੋ ਦੈ ਧੀਰ ਅਪਾਰਾ । ਸਬ ਅਬਲਾ ਚਲਿ ਸਦਨ ਮਝਾਰਾ ।
 ਡੋਲਾ ਕੰਧ ਕਹਾਰ ਉਠਾਯੋ । ਸ੍ਰੀ ਗੁਰ ਉਪਰ ਧਨ ਵਰਖਾਯੋ ॥ 904 ॥
 ਨਭ ਭੂਅ ਬਾਜੇ ਅਧਿਕ ਬਜਾਵਹਿੰ । ਮਿਲ ਨਭ ਸੁੰਦਰੀ ਮੰਗਲ ਗਾਵਹਿੰ ॥
 ਏਕ ਕੋਸ ਰਾਮਾ ਸੰਗਿ ਆਯੋ । ਹਟੇ ਪਾਛ ਗੁਰ ਮੁਖਹੁ ਅਲਾਯੋ ॥ 905 ॥

ਦੋਹਰਾ

ਹੁਇ ਅਧੀਨ ਚਰਨੀ ਪਰਾ ਰਾਮੇ ਕਹਾ ਸੁਨਾਇ ।
 ਛਿਮਹੁ ਭੂਲ ਨਿਜ ਦਾਸ ਲਖ ਪਠਿਓ ਤੋਹਿ ਬੁਲਾਇ ॥ 906 ॥

ਚੌਪਈ

ਦੈ ਧੀਰਜ ਗੁਰ ਪਾਛ ਹਟਾਯੋ । ਰਾਮਾ ਹਰਖਤ ਨਿਜ ਗ੍ਰਿਹ ਆਯੋ² ॥
 ਸ੍ਰੀ ਗੁਰ ਕੀਨਾ ਅਗੂ ਪਿਆਨਾ । ਬਾਜ ਬਜਾਇ ਧਾਰ ਸੁਖ ਨਾਨਾ ॥ 907 ॥
 ਅਰਧ ਜਾਮ ਦਿਨ ਜਾਨ ਅਸੇਖਾ । ਦਧਸੁਤ ਸਰ ਪ੍ਰਭ ਕੀਨ ਪ੍ਰਵੇਸ਼ਾ ।
 ਪੁਰ ਨਰ ਨਾਰ ਹਰਖ ਸਭ ਧਾਇ । ਬਰਾਤ ਬਾਜ ਤਬ ਅਧਿਕ ਬਜਾਇ ॥ 908 ॥

ਦੋਹਰਾ

ਗੁਰ ਮਹਿਲੀ ਤਤ ਛਿਨ ਅਏ ਪੀਓ ਪਾਨ ਜਲ ਵਾਰ ।
 ਮਾਤ ਦਮੋਦਰੀ ਹਰਖ ਸਿਉ³ ਵਾਰਿਓ ਦਰਬ ਅਪਾਰ ॥ 909 ॥

¹ਅ ਪੋਥੀ ਅਨੰਤੀ ²ਅ ਪੋਥੀ ਅਪਨੇ ਸਦਨ ਸਿਧਾਯੋ

ਚਪਈ

ਦੇਖ ਸੁਨੁਖਾ ਮਾਤ ਸੁਖ ਪਾਯੋ । ਸਸਿ ਬਦਨੀ ਬਡ ਰੂਪ ਸੁਹਾਯੋ ।
ਗਾਵਤੀ ਭੋਨ¹ ਜਲਜ ਮੁਖ ਨਾਰੀ । ਸਹਿਤ ਸਨੁਖਾ ਨਕੇਤ ਪਧਾਰੀ ॥ 910 ॥
ਔਰ ਮੇਲ ਨਾਰੀ ਬੀ ਜੋਤੀ । ਵਾਰੈ ਦਰਬ ਹਰਖ ਧਰ ਤੇਤੀ ।
ਦਿਖ ਬਾਬੇ ਕਾ ਰੂਪ ਅਪਾਰਾ । ਗਾਵਤ ਤਰਨੀ ਆਨੰਦ ਧਾਰਾ ॥ 911 ॥

ਦੋਹਰਾ

ਹਰਿ ਗੋਬਿੰਦ ਗੁਰੁ ਹਰਖ ਸਿਉ ਆਗੇ ਧਰਿ ਪ੍ਰਸਾਦਿ ।
ਅਰਦਾਸ ਤਖਤ ਕਰ ਬੰਦਨਾ ਪਰਸੋਤਮ ਮਰਜਾਦ ॥ 912 ॥

ਚੋਪਈ

ਸਾਂਈ ਦਾਸ ਕਰ ਹਾਥ ਗਹਾਏ । ਬਰਾਤ ਸਹਿਤ ਦਰਬਾਰ ਸਿਧਾਏ ।
ਧਰ ਪ੍ਰਸਾਦਿ ਸਬ ਬੰਦਨ ਕੀਨੋ । ਕਰ ਪਰਿਕਰਮਾ ਆਨੰਦ ਲੀਨੋ ॥ 913 ॥
ਮਿਲ ਬੁਢੇ ਕਉ ਆਨੰਦ ਪਾਏ । ਆਸੀਨ ਅਕਾਲ ਤਖਤ ਪਰ ਆਏ ।
ਤਹਿ ਭਾਈ ਕਉ ਕੁਸਲ ਅਲਾਯੋ । ਸੋਦਰ ਭੋਗ ਸੁ ਦੀਪ ਜਗਾਯੋ ॥ 914 ॥

ਦੋਹਰਾ

ਬਿਧੀਏ ਕਉ ਸ੍ਰੀ ਗੁਰੁ ਕਹਾ ਸਭ ਬਿਰਾਤ ਸੁਧ ਲੇਹੁ ।
ਜਥਾ ਕੋਇ ਇਛਾ ਕਰੈ ਤੈਸ ਤਾਂਹਿ ਫਲ ਦੇਹੁ ॥ 915 ॥

ਅੜਿਲ

ਬਿਧੀਆ ਆਇਸ ਪਾਇ ਗਯੋ ਸੁਖ ਪਾਇਕੈ ।
ਸਭ ਬਰਾਤ ਕਰ ਸੇਵ ਭਾਰ ਮਨ ਲਾਇ ਕੈ ;
ਤਬ ਲੋ ਅਬਦੁਲ ਢਾਢੀ ਗੁਰ ਢਿਗ² ਆਇਓ ।
ਹੋ ਪ੍ਰਭ ਆਗਿਆ ਧਰ ਮਨ ਮਹਿ ਅਤਿ ਸੁਖ ਪਾਇਓ ॥ 916 ॥

ਕੁੰਡਲੀਆ

ਗੁਰ ਉਸਤਤਿ ਕੀ ਵਾਰ ਤਬ ਢਾਢੀ ਮੁਖਹੁ ਅਲਾਇ ।
ਦਯਾ ਸਿੰਧਿ ਤਬ ਹਰਖ ਕੈ ਬਹੁ ਧਨ ਦੀਨ ਤਦਾਇ ।
ਬਹੁ ਧਨ ਦੀਨ ਤਦਾਇ ਉਠੇ ਪੁਨ ਹਰਖ ਸੁਧਾਰਾ ।
ਮਹਿਲੀ ਆਇ ਨਿਦੇਸ ਸ੍ਰੀ ਮੁਖਿ ਐਸ ਉਚਾਰਾ ।
ਸਭੀ ਮਾਤ ਇਕਠਾਇ ਗੁਰ ਕੀ ਆਗਿਆ ਪਾਈ ।
ਸੁਨਖਾ ਸੰਗ ਸੁਖ ਧਾਰ ਦਰਸ ਦਰਬਾਰ ਕਰਾਈ ॥ 917 ॥

ਦੋਹਰਾ

ਧਾਰ ਭੋਟ ਪ੍ਰਸਾਦ ਬਹੁ ਤਖਤ ਪੁਨਾ ਦਰਬਾਰ ।
ਕਰ ਬੰਦਨ ਮਹਲੀ³ ਅਏ ਗਾਵਤ ਗੀਤ ਸੁੰਭਾਰ³ ॥ 918 ॥

¹ਏ ਪੋਥੀ ਸਦਨ ²ਅ ਪੋਥਿ ਪਾਹਿ ³ਅ ਪੋਥੀ ਹਰਬਾਰ

ਚੌਪਈ

ਤਬ ਲੋ ਗਈ ਜਾਮ ਨਿਸ ਜਾਨੋ । ਭਗਤ ਸਿੰਘ ਗੁਰ ਭੋਜਨ ਠਾਨੋ ।
 ਕੀਨ ਸੈਨ¹ ਸਭ ਸ੍ਰਮਹਿ ਗਵਾਯੋ । ਸਭੀ ਮੇਲ ਮਨਿ ਆਨੰਦ ਪਾਯੋ ॥ 919 ॥
 ਮਿਲ ਮਿਲ ਕਹੈ ਰਹੈ ਹਮ ਈਹਾ । ਕਰਹਹਿ ਕਾਜ ਸਦਨ ਹਮ ਕੀਹਾ ।
 ਪਾਂਚ ਦਿਵਸ ਸੁਖ ਸੰਗ ਬਿਤਾਏ । ਸ੍ਰੀ ਗੁਰ ਸਭ ਕਉ ਵਿਦਾ ਕਰਾਏ ॥ 920 ॥

ਦੋਹਰਾ

ਦਾਤੂ ਮੋਹਰੀ ਨਾਰਿ ਜੁਤ ਸੁਤ ਸੰਗ ਵਿਦਾ ਕਰਾਇ ।
 ਗੋਇੰਦਵਾਲ ਖਡੂਰ ਕਉ ਸ੍ਰੀ ਗੁਰ ਮਨ ਠਹਿਰਾਇ ॥ 921 ॥
 ਕਰਿ ਬੰਦਨ ਗੁਰ ਹਰਖ ਸੇ ਨਰਾਯਨ ਦਾਸ ਜੁਤ ਨਾਰਿ ।
 ਅਧਿਕ ਮਾਨ ਦੇ ਤੋਰਿਓ ਡਲੇ ਕਉ ਤਬ ਸਾਰ ॥ 922 ॥

ਚੌਪਈ

ਗੋਪੀ ਪਤਿ ਸਸਿ ਨਾਰੀ ਸੰਗ । ਵਿਦਾ ਕੀਨ ਸੋ ਔਰ ਉਮੰਗ ।
 ਵਿਦਾ ਕੀਨ ਜੁਤ ਅਬਲਾ ਦੁਆਰਾ । ਓਰ ਮੰਡਯਾਲੀ ਗੁਰ ਸਸੁਰਾਰਾ ।
 ਸਾਂਈ ਦਾਸ ਕਉ ਕਹਾ ਸੁਨਾਇ । ਬਲਭ ਅਪਨੇ ਸਦਨ² ਸਿਧਾਇ ।
 ਸਾਂਈ ਦਾਸ ਕਹਿ ਪ੍ਰਭ ਸੁਨਿ ਲੀਜੈ । ਕਹਾਂ ਜਾਉਂ ਉਤਰ ਮਮ ਦੀਜੈ ॥ 924 ॥

ਕੁੰਡਲੀਆ

ਮਮ ਗ੍ਰਿਹਿ ਹੋਇ ਨ ਜਗਤ ਮਹਿ ਗੁਰੁ ਪਦ ਪੰਕਜ ਤਿਆਗ ।
 ਕਹਾਂ ਜਾਉ ਪ੍ਰਭ ਔਰ ਸੁਨ ਗੋਸ਼ਟ ਮਹਿ ਮਨ ਲਾਗ ॥
 ਗੋਸ਼ਟਿ ਮਹਿ ਮਨ ਲਾਗ ਬੈਨ ਪ੍ਰਭ ਅਪਨ ਚਿਤਾਰੋ ।
 ਗੋਸ਼ਟ ਸਿਧ ਸੁਨਾਇ ਪ੍ਰਭੁ ਮਮ ਖੇਦ ਨਿਵਾਰੋ ॥
 ਭਰੇ ਰੀਤਿ ਰਸ ਪ੍ਰੇਮ³ ਪ੍ਰਭੁ ਸੁਨ ਕਿੰਕਰ ਬੈਨਾ ।
 ਭਗਤ ਸਿੰਘ ਸੁਖ ਪਾਇ ਪ੍ਰਭੁ ਸੁਖ ਸਿਧ ਅਚੈਨਾਂ ॥ 925 ॥

ਦੋਹਰਾ

ਗੋਸ਼ਟਿ ਸਿਧ ਸੰਕੋਚ ਸਿਉ ਸ੍ਰੀ ਗੁਰ ਅਰਥ ਸੁਨਾਇ ।
 ਦਿਵਸ ਪਾਂਚ ਮਾਂਹਿ ਹਰਖ ਧਰ ਸੰਸਾ ਦੀਨ ਮਿਟਾਇ⁴ ॥ 926 ॥

ਚੌਪਈ

ਸਾਂਈ ਦਾਸ ਸੁਖ ਪਾਇ ਅਪਾਰਾ । ਸੁਨਤ ਅਰਥ ਭ੍ਰਮ ਸਗਲ ਨਿਵਾਰਾ ।
 ਕ੍ਰਿਪਾ ਸਿੰਧ ਕੇ ਪਗੁ ਲਪਟਾਇਓ । ਧੰਨਯ ਧੰਨਯ ਨਿਜ ਮੁਖਹੁ ਅਲਾਯੋ ॥ 927 ॥
 ਕਥਾ ਵਿਵਾਹ ਕਹੀ ਸੁਖ ਸੰਗਾ । ਪਾਵਨ ਜਾਨ ਜਗਤ ਜਿਮ ਗੰਗਾ ।
 ਮਜਨ ਪਾਨ ਹਰਤ ਬਹੁ ਪਾਪਾ । ਪੜਤ ਸੁਨਤ ਜਿਹ ਮਿਟੈ ਸੰਤਾਪਾ ॥ 928 ॥

¹ਅ ਤੇ ਦ ਪੋਥੀ ਆਰਾਮ ²ਅ ਪੋਥੀ ਨਗਰ ³ਅ ਪੋਥੀ ਪ੍ਰੀਤਿ ⁴ਦ ਪੋਥੀ ਬਿਲਾਇ

ਦੋਹਰਾ

ਭਗਤ ਸਿੰਘ ਅਗ੍ਰਹ ਸੁਨਹੁ ਮਾਤ ਗੰਗ ਨਿਜ ਧਾਮ ।
ਗੁਰ ਅਰਜਨ ਢਿਗ ਜਾਇ ਜਿਮ ਕਥਾ ਅਧਿਕ ਅਭਿਰਾਮ ॥ 929 ॥

ਸ਼ੋਰਠਾ

ਮਿਹਰਾ ਨਾਮ ਬਖਾਨ ਅਨਿੰਨ ਭਗਤ ਗੁਰ ਕਾ ਸਦਾ ।
ਬਸੈ ਬਕਾਲੇ ਜਾਨ ਤੀਰ ਬਿਪਾਸਾ ਪ੍ਰੇਮ ਸਿਉ ॥ 930 ॥

ਚੌਪਈ

ਸੁਧਾ ਸਰੋਵਰ ਸੋ ਚਲ ਆਯੋ । ਅਨਿੰਨ ਭਗਤ ਬਹੁ ਪੂਜ ਚੜਾਯੋ ।
ਮੋਲਾ ਭਯੋ ਵਿਸਾਖੀ ਜਾਨੋ । ਮਧ ਦਿਵਸ ਹਰਖਤ ਬਹੁ ਠਾਨੋ ॥ 931 ॥
ਤਖਤ ਪ੍ਰਭੂ ਧਰ ਭੇਟ ਅਪਾਰਾ । ਕਰਿ ਦਰਸਨ ਮਿਹਰੇ ਸੁਖ ਧਾਰਾ ।
ਪੁਨ ਭੇਟਾ ਲੈ ਮਹਿਲੀ ਗਯੋ । ਗੰਗ ਮਾਤ ਕਾ ਦਰਸਨ ਕਯੋ ॥ 932 ॥

ਦੋਹਰਾ

ਵਿਵਾਹ ਸਮਾ ਸੁਖ ਹੋਤ ਬਹੁ ਮਾਤਾ ਬੈਠ ਆਨੰਦ ।
ਭਗਤ ਸਿੰਘ ਹਰਖਤ ਸਭੀ ਜੈਸ ਦੇਖ ਦ੍ਰਿਗ ਚੰਦ ॥ 933 ॥

ਚੌਪਈ

ਧਰੀ ਪੂਜ ਮਾਤਾ ਕੇ ਆਗੇ । ਮਿਹਰੇ ਬਿਨੈ ਕੀਨ ਰਸ ਪਾਗੇ ।
ਮਾਤਾ ਕਹਾ ਮਾਂਗ ਰੁਚ ਜੋਈ । ਤੋ ਕਉ ਦੇਹੁ ਭਾਖ ਮਮ ਸੋਈ ॥ 934 ॥
ਮਿਹਰਾ ਮਨ ਮਹਿ ਅਤਿ ਸੁਖ ਪਾਵੈ । ਹਾਥ ਜੋਰ ਹੋਇ ਦੀਨ ਅਲਾਵੈ ।
ਮਮ ਗ੍ਰਿਹਿ ਮਾਤ ਨਵੀਨ ਬਨਾਯੋ । ਇਸੀ ਹੋਤ ਇਹ ਠਾਂ ਚਲ ਆਯੋ ॥ 935 ॥

ਦੋਹਰਾ

ਹਮਰੇ ਮਨ ਮਾਤਾ ਸੁਨਹੁ ਗੁਰ ਢਿਗ ਬਿਨੈ ਕਰਾਉਂ ।
ਦੇਖ ਤੇਜ ਭਾਖਯੋ¹ ਨਹੀਂ ਭਾਰੀ ਚਿੰਤ ਧਰਾਉਂ ॥ 936 ॥

ਚੌਪਈ

ਮਾਤਾ ਇਹੀ ਦਾਨ ਮਮ ਦੀਜੈ । ਪਾਵਨ ਸਦਨ ਮੋਹਿ ਚਲ ਕੀਜੈ ।
ਕ੍ਰਿਪਾ ਸਿੰਧ ਕਉ ਸੰਗਿ ਲਵਾਇ । ਇਹ ਇਛਾ ਮਮ ਮਾਤ ਪੁਰਾਇ ॥ 937 ॥
ਬੈਠ ਤਥਾ ਸਤਿ ਮਾਤ ਉਚਾਰੇ । ਅਬ ਨਹਿ ਜਾਵਨ ਬਨੈ ਸੁਧਾਰੇ ।
ਬਾਬੇ ਕਾ ਅਬ ਹੋਤ ਵਿਵਾਹੁ । ਕਛੁ ਦਿਨ ਗਏ ਪੂਰ ਮਨ ਮਾਹੁ² ॥ 938 ॥

ਦੋਹਰਾ

ਪਾਛੇ ਤੁਮ ਢਿਗ ਆਇ ਹੋਂ ਗੁਰੁ ਕਉ ਸੰਗ ਲਵਾਇ ।
ਜਾਇ ਸਦਨ ਸੁਖ ਸਿਉਂ ਬਸਹੁ ਚਿੰਤ ਕਰਹੁ ਨਾ ਕਾਇ ॥ 939 ॥

¹ਅ ਤੇ ਏ ਪੋਥੀ ਬੋਲਯੋ ²ਅ ਤੇ ਏ ਪੋਥੀ ਚਾਹੁ

ਚੌਪਈ

ਮਿਹਰੇ ਸੁਨਤ ਭਾਰ ਸੁਖ ਲੀਨੋਂ । ਕਰ ਬੰਦਨ ਤਬ ਪਿਆਨਾ ਕੀਨੋਂ ।
 ਨਿਸ ਦਿਨ ਯਾਦ ਪ੍ਰਭੂ ਕਉ ਕਰੈ । ਨੈਂਨੀ ਨੀਂਦ ਨਾਹਿ ਛਿਨ ਪਰੈ ॥ 940 ॥
 ਸਮਝ ਦਸਾ ਮਾਤਾ ਜੀ ਤਾਂਕੀ । ਦਰਸ ਮਾਂਹਿ ਰੁਚ ਅਟਕੀ ਜਾਂਕੀ ।
 ਅੰਤ ਸਵਾਸ ਪੁਨ ਅਪਨੇ ਜਾਨ । ਗੁਰ ਪੈ ਬਿਨਤੀ ਕੀਨ ਮਹਾਨ ॥ 941 ॥

ਦੋਹਰਾ

ਹੇ ਸੁਤ ਤੁਮਰੋ ਦਾਸ ਇਕ ਬਸਹਿ ਬਕਾਲੇ ਮਾਝ ।
 ਦਰਸ ਇਛ ਨਿਸ ਦਿਨ ਕਰਹਿ ਨੀਂਦ ਨ ਪਰਹੈ ਸਾਝ ॥ 942 ॥

ਚੌਪਈ

ਤਹਿ ਚਲ ਦਰਸ ਦਾਸ ਕਉ ਦੀਜੈ । ਦਾਸ ਵਸਤ ਇਛ ਪੂਰਨ ਕੀਜੈ ।
 ਮਾਤਾ ਜੀ ਇਮ ਬੈਨ ਸੁਨਾਇ । ਅੰਤਰਜਾਮੀ ਸਭੀ ਲਖਾਇ ॥ 943 ॥
 ਮੁਖ ਸਿਉਂ ਕਹਾ ਸਤਿ ਬਚ ਮਾਤਾ । ਚਲਹੁ ਤੁਮਾਰੇ ਸੰਗਿ ਪਰਾਤਾ ।
 ਨਿਸ ਬਿਹਾਇ ਰਵਿ ਕਿਰਨ ਪਸਾਰੀ । ਦਯਾ ਸਿੰਧ ਕਰ ਤਬੈ ਤਿਆਰੀ ॥ 944 ॥

ਦੋਹਰਾ

ਸਭ ਕੁਟੰਭ ਕੋ ਛੋਡਕੈ ਚਾਰ ਸਿਖ ਕਛੁ ਦਾਸ ।
 ਅਲਪ ਸੂਰ¹ ਨਿਜ ਸੰਗ ਲੈ ਸਾਂਈ ਦਾਸ ਸੁਖ ਰਾਸ ॥ 945 ॥
 ਗੰਗ ਮਾਤ ਕਉ ਸੰਗ ਲੈ ਤਖਤ ਬੰਦਨਾ ਧਾਰ ।
 ਬਕਾਲੇ ਜਾਨਾ ਕੀਓ ਸ੍ਰੀ ਗੁਰ ਪਰ² ਉਪਕਾਰ ॥ 946 ॥
 ਦੁਆਦਸ ਦਿਨ ਗਏ ਜੇਠ ਕੇ ਭਗਤ ਸਿੰਘ ਸੁਖ ਪਾਇ ।
 ਤਤਕਾਲ ਚਾਲੇ ਪ੍ਰਭੂ ਇਛਾ ਸਿਖ ਪੁਰਾਇ ॥ 947 ॥

ਚੌਪਈ

ਅਗੂਜ ਮਿਹਰੇ ਐਸ ਸੁਨਾਯੋ । ਕ੍ਰਿਪਾ ਸਿੰਧ ਮਾਤਾ ਜੁਤ ਆਯੋ ।
 ਮਨ ਮਹਿ ਆਨੰਦ ਧਰਾ ਮਹਾਨਾ । ਮਨੋ ਸਿੰਧ ਰਸ ਪ੍ਰੇਮ ਭੁਬਾਨਾ ॥ 948 ॥
 ਉਠਯੋ ਹਰਖ ਕਰ ਦੋਰਿਓ ਆਗੇ । ਮਾਨਹੁ ਪ੍ਰੇਮ ਕੁਸਲ ਧਰ ਬਾਗੇ ।
 ਗਰਿ ਅੰਚਰ ਧਰ ਪਗ [ਗੁਰਹਿ]³ ਲਾਗਾ । ਤ੍ਰਾਹਿ ਤ੍ਰਾਹਿ ਕਰ ਅਤਿ ਰਸ ਪਾਗਾ
 ॥ 949 ॥

ਕੁੰਡਲੀਆ

ਕਰ ਪੰਕਜ ਗੁਰ ਧੀਰ ਦੈ ਸਨਮੁਖ ਠਾਢਾ ਕੀਨ ।
 ਸ੍ਰੀ ਮੁਖ ਆਨੰਦ ਕੁਸਲ ਕਹਿ ਤੋਰ ਦਯਾ ਦੁਖ ਛੀਨ ।
 ਤੋਰ ਦਯਾ ਦੁਖ ਛੀਨ ਦੀਨ ਮਮ ਦੀਨ ਦਿਦਾਰਾ ।
 ਅਪ੍ਰੇਮਅ ਅਨਪਾਰ ਪ੍ਰਭੂ ਤੁਮ ਰੂਪ ਅਪਾਰਾ ।

¹ਅ ਪੋਥੀ ਬੀਰ ²ਅ ਪੋਥੀ ਹਿਤ ³ਅ ਪੋਥੀ ਵਿਚੋਂ

ਮਹਿਮਾ ਕਹੀ ਨ ਜਾਇ ਨੀਚ ਗੁਰ ਤੋਹਿ ਉਧਾਰਿਓ ।
ਪਾਤਕ¹ ਅਨਿਕ ਨਿਵਾਰ ਤਾਹਿ ਸਮ ਮੋ ਕੋ ਤਾਰਿਓ ॥ 950 ॥

ਦੋਹਰਾ

ਐਸ ਕਹਿ ਚਰਨੀ ਲਗੋ ਬਹੁਰ ਮਾਤ ਪਗ ਲਾਗ ।
ਪ੍ਰੇਮ ਰੂਪ ਮੋਹਰਾ ਭਯੋ ਭਗਤ ਸਿੰਘ ਵਡਿਭਾਗ ॥ 951 ॥

ਚੌਪਈ

ਬਹੁ ਉਸਤਤਿ ਮਾਤਾ ਕੀ ਕੀਨੀ । ਪੁਲਕ ਅੰਗ ਆਨੰਦ ਮੋਹਿ ਲੀਨੀ ।
ਗੰਗ ਮਾਤ ਬਹੁ ਧੀਰਜ ਦੀਨੋ । ਆਯੋ ਸਦਨ ਭਾਰ ਸੁਖ ਲੀਨੋ ॥ 952 ॥
ਜੋ ਗ੍ਰਿਹਿ ਰਚਯੋ ਨਵੀਨ ਬਨਾਇ । ਤਾਂ ਮਹਿ ਡੇਰਾ ਦੀਨ ਸੁਹਾਇ ।
ਮਿਹਰੇ ਸੇਵਾ ਕੀਨ ਅਪਾਰਾ । ਦਯਾ ਸਿੰਧ ਕਰ ਕੋਨ ਸੁਮਾਰਾ ॥ 953 ॥

ਦੋਹਰਾ

ਸੁਤ ਨਾਰੀ ਜੁੜ ਪ੍ਰੇਮ ਧਰ ਨਿਸ ਦਿਨ ਸੇਵ ਕਮਾਇ ।
ਬਢੇ ਗੰਥ ਗਾਥਾ ਲਿਖਹੁ ਕਵਿ ਕਉ ਖੇਦ ਜਨਾਇ ॥ 954 ॥

ਚੌਪਈ

ਇਛ ਪੂਰ ਮਿਹਰੇ ਨਿਜ ਪਾਈ । ਗੁਰ ਯੁਤ ਦਰਸ ਮਾਤ ਕੇ ਆਈ ।
ਸ੍ਰੀ ਸਤਿਗੁਰ ਕੇ ਚਰਿਤ ਅਪਾਰਾ । ਤੀਨ ਦਿਵਸ ਬਸ ਅਧਿਕ ਸੁਧਾਰਾ ॥ 955 ॥
ਚਤੁਰਥ ਦਿਨ ਮਾਤਾ ਲਖ ਪਾਯੋ । ਪ੍ਰਾਨ ਅੰਤ ਮੋਰਾ ਅਬ ਆਯੋ ।
ਡੇਢ ਜਾਮ ਨਿਸ ਜਬੈ ਰਹਾਈ । ਗੰਗ ਮਾਤ ਧਰ ਹਰਖ ਮਹਾਈ ॥ 956 ॥

ਦੋਹਰਾ

ਦਯਾ ਸਿੰਧ ਕਉ ਅਸ² ਕਹਾ, ਪ੍ਰਾਨ ਅੰਤ ਮਮ ਜਾਨ ।
ਦਾਹ ਥਾਨ ਕੀਜੈ ਨਹੀਂ ਕਰ ਜਿਮ ਕ੍ਰਿਪਾ ਨਿਧਾਨ ॥ 957 ॥

ਚੌਪਈ

ਜਪੁਜੀ ਪੜਤ ਦਾਗ ਜਲ ਦੀਜੈ । ਹੇ ਸੁਤ ਐਸ ਕ੍ਰਿਆ ਤੁਮ ਕੀਜੈ ।
ਹਉ ਜਾਵਹੁ ਗੁਰ ਕੇ ਨਿਕਟਾਈ । ਦਯਾ ਸਿੰਧ ਪ੍ਰਭ ਮੋਹਿ ਬੁਲਾਈ ॥ 958 ॥

ਦੋਹਰਾ

ਹਰਿ ਗੋਬਿੰਦ ਖਚ ਸਤਿ ਕਹਿ ਵਾਹਿਗੁਰੂ ਮੁਖ ਗਾਇ ।
ਗੰਗ ਮਾਤ ਜਪੁਜੀ ਪੜਿਓ³ ਇਕ ਚਿਤ ਧਿਆਨ ਧਰਾਇ ॥ 959 ॥

ਚੌਪਈ

ਸੁਖਮਨੀ ਪਾਠ ਮਾਤ ਪੁਨ ਕੀਨੋ । ਭਗਤ ਸਿੰਘ ਪੁਨ ਆਨੰਦ ਲੀਨੋ ॥
ਸਾਂਈ ਦਾਸ ਬਿਧੀਏ ਥੀਂ ਆਇ । ਮਿਹਰੇ ਯੁਤ ਦਿਖ ਭਏ ਬਿਸਮਾਦਿ⁴ ॥ 960 ॥

¹ਅ ਪੋਥੀ ਪਾਪ ²ਏ ਪੋਥੀ ਇਸ ³ਏ ਪੋਥੀ ਪਠਿਯੋ ⁴ਅ ਪੋਥੀ ਹਰਖਾਇ

ਪਾਇ ਭੋਗ ਧਰ ਕੁਸਾ ਡਸਾਇ । ਮਾਤ ਸੈਨ ਕਰ ਪ੍ਰਾਨ ਬਿਲਾਇ ।
ਗੁਰੁ ਅਰਜਨ ਕੇ ਨਿਕਟ ਪਧਾਰੀ । ਜੈ ਸੁਰ ਨਾਰਨ ਕੀਨ ਉਚਾਰੀ ॥ 961 ॥

ਦੋਹਰਾ

ਜੇਠ ਦਿਸਾ ਗ੍ਰਹਿ ਅਹਿ ਗਏ ਸੁਦੀ ਚੌਥ ਸਸ ਵਾਰ ।
ਗੰਗ ਮਾਤ ਜਗ ਪਿਆਨ ਕੈ¹ ਗੁਰ ਕੇ ਨਿਕਟ ਪਧਾਰ ॥ 962 ॥

ਚੌਪਈ

ਸਾਤ ਘਰੀ ਨਿਸ ਜਾਨ ਮੁਰਾਰਾ । ਬਾਬਕ ਕਉ ਗੁਰ ਬਚਨ ਉਚਾਰਾ ।
ਸੰਗ ਮਿਲਾਇ ਸਬਦ ਪੜ ਮਾਰੂ । ਆਸਾ ਵਾਰ ਪੜੇ ਸੁਖ ਧਾਰੂ ॥ 963 ॥
ਭਾਖਾ ਸਬ ਬਾਬਕ ਪੜ ਤੈਸੇ । ਦਯਾ ਸਿੰਧ ਭਾਖੇ ਬਚ ਜੈਸੇ ।
ਤਾਂ ਛਿਨ ਸਭਾ ਐਸ ਦ੍ਰਿਸ਼ਟਵੈ । ਇਹ ਸਮੁਦਾਇ ਬਿਰਹਿ ਜਨ ਗਾਵੈ ॥ 964 ॥

ਦੋਹਰਾ

ਪਾਇ ਭੋਗ ਬਾਬਕ ਤਬ ਭਯੋ ਭੋਰ ਰਵਿ ਆਇ ।
ਕਰੀ ਰੀਤਿ ਜਗ ਮ੍ਰਿਤ ਜੋ ਸੁੰਦਰ ਯਾਨ ਬਨਾਇ ॥ 965 ॥

ਚੌਪਈ

ਕਰ ਮਜਨ ਪੁਨ ਮਾਤ ਸਨਾਨਾ । ਨਰ ਅਨੁਹਰ ਕਛੁ ਰੋਦਨ ਠਾਨਾ ।
ਮਿਹਰੇ ਮੁਖ ਸਿਉਂ ਬਚਨ ਉਚਾਰਾ । ਹੇ ਪ੍ਰਭ ਕਰੋ ਇਹਾਂ ਸਿਸਕਾਰਾ ॥ 966 ॥
ਸ੍ਰੀ ਗੁਰ ਕਹਾ ਮਾਤ ਬਚ ਗਾਏ । ਬੀਚ ਬਿਪਾਸਾ ਦਾਗ ਦਿਵਾਏ² ।
ਤਾਂਤੇ ਕੰਧ ਬਿਬਾਨ ਧਰ ਲੀਜੈ । ਬਿਪਾਸਾ ਓਰ ਪਿਆਨਾ ਕੀਜੈ ॥ 967 ॥

ਦੋਹਰਾ

ਸਾਂਈ ਦਾਸ ਗੁਰ ਏਕ ਦਿਸ ਬਿਧੀਆ ਜੇਠਾ ਆਨ ।
ਪਿਰਾਣਾ ਪੈੜਾ ਕੰਧ ਪਰ ਬਹੁ ਛਬਿ ਬਨੀ ਬਿਬਾਨ ॥ 969 ॥

ਚੌਪਈ

ਮਿਹਰਾ ਉਪਰ ਚੌਰ ਫਿਰਾਵੈ । ਬਡ ਛਬਿ ਭਈ ਨਾ ਬਰਨੀ ਜਾਵੈ ।
ਬਾਬਕ ਕਉ ਗੁਰ ਐਸ ਅਲਾਇ । ਵਡਹੰਸ ਵਾਰ ਹੁਇ ਅਗ੍ਰ ਸੁਨਾਇ ॥ 969 ॥
ਪੁਨ ਮਾਰੂ ਪੜ ਡਖਣੇ ਵਾਰ । ਬਾਬਕ ਪੜੇ ਤੈਸ ਹਿਤ ਧਾਰ ।
ਘਨੀ³ ਭੀਰ ਤਾ ਸਮ ਸੰਗ ਹੋਈ । ਸਿਖ ਸੰਗਤ ਗੁਰ ਕੇ ਰਸ ਧੋਈ ॥ 970 ॥

ਦੋਹਰਾ

ਜੇਠ ਦਿਸਾ ਗ੍ਰਹਿ ਅਹਿ ਗਏ ਸੁਦੀ ਚੌਥ ਸਸਿ ਵਾਰ ।
ਗੰਗ ਮਾਤ ਜਗ ਪਿਆਨ ਕੈ ਗੁਰ ਕੇ ਨਿਕਟ ਪਧਾਰ ॥ 971 ॥

¹ਅ ਤੇ ਏ ਪੋਥੀ ਕਰਿ ²ਅ ਪੋਥੀ ਬੁਰਦ ਕਰਾਏ ³ਏ ਪੋਥੀ ਬਹੁਤ

ਚੌਪਈ

ਭਾਖ ਸਤਿ ਬਾਬਕ ਪੜ ਤੈਸੇ । ਦਯਾ ਸਿੰਧ ਭਾਖੇ ਬਚ ਜੈਸੇ ।
ਤਾ ਛਿਨ ਸਭਾ ਐਸ ਦ੍ਰਿਸ਼ਟਾਵੈ । ਇਹ ਸਮੁੰਦਾਇ ਬਿਰਹ ਜਨ ਗਾਵੈ ॥ 972 ॥

ਦੋਹਰਾ

ਤੀਰ ਬਿਪਾਸਾ ਜਾਇ ਕੈ ਭੋਗ ਵਾਰ ਕਾ ਪਾਇ ।
ਯਾਨ ਭੂਮਿ¹ ਪੈ ਰਾਖਯੋ ਸ੍ਰੀ ਗੁਰ ਬੰਨ ਅਲਾਇ ॥ 973 ॥

ਚੌਪਈ

ਕਰ ਮਜਨ ਤਨ ਮਾਤ ਉਠਾਵਹੁ । ਜਪੁਜੀ ਪੜਤ ਨਦੀ ਮਹਿ² ਜਾਵਹੁ ।
ਜਹਾ ਭੋਗ ਪਾਵਉ ਤਨ ਤਯਾਗਾ । ਆਵਹੁ ਬਹੁਰ ਪਾਛ ਬਡ ਭਾਗਾ ॥ 974 ॥
ਅਸ ਕਹਿ ਪ੍ਰਭੂ ਦੀਵਾਨ ਲਗਾਯੋ । ਮਿਹਰਾ ਅਪਨੀ ਠੌਰ ਸਿਧਾਯੋ ।
ਕਰ ਮਜਨ ਚਾਰਹੁ ਸੁਖ ਪਾਇ । ਗੰਗ ਮਾਤ ਤਨ ਕੰਧਿ ਉਠਾਇ ॥ 975 ॥

ਦੋਹਰਾ

ਬੀਚ ਬਿਪਾਸਾ ਜਾਤ ਭਏ ਜਪੁਜੀ ਪੜਤ ਤਦਾਇ ।
ਪਾਇ ਭੋਗ ਤਨ ਛੋਡਿਓ ਕਰਿ ਬੰਦਨ ਮਨ ਲਾਇ ॥ 976 ॥
ਚਾਰਹੁ ਮੁਖ ਗੁਰ ਢਿਗ ਅਏ ਕਰ ਬੰਦਨ ਨਿਕਟਾਇ ।
ਬਾਬਕ ਭੋਗ ਸੁ ਪਾਇਓ ਬਾਟ ਪ੍ਰਸਾਦਿ ਕੜਾਹਿ ॥ 977 ॥
ਤਬ ਗੁਰ ਮਾਰਗ ਜਾਤ ਭਏ ਬਾਕਾਲੇ ਕੇ ਪਾਸ ।
ਬਸੈ ਰੈਨ ਬਚ ਭਾਖਤੇ ਪੁਨ ਸ੍ਰੀ ਗੁਰ ਪ੍ਰਕਾਸ ॥ 978 ॥
ਹੇ ਬਲਭ ਮਿਹਰਾ ਸੁਨਹੁ ਹਮ ਕੋ ਜਾਨ ਤਿਆਰ ।
ਸੁਧਾ ਸਰੋਵਰ ਜਾਇ ਕੈ ਸਭਹੀ ਰੀਤਿ ਸੁਧਾਰ ॥ 979 ॥

ਚੌਪਈ

ਇਛ ਪੂਰ ਤੁਮਰੀ ਅਬ ਹੋਈ । ਆਇਸ ਦੀਜੈ ਨਿਜ ਸੂਮ ਖੋਈ ।
ਮਿਹਰੇ ਕਹਾ ਮੋਹਿ ਮਨ ਐਸੇ । ਕਰੋ ਚਰਿਤ ਤਿਹ ਠਾ ਤੁਮ ਜੈਸੇ ॥ 980 ॥

ਦੋਹਰਾ

ਤੈਸੇ ਕਰਮੋ ਢਿਗ ਚਰਿਤ ਅਸ ਕਹਿ ਪਾਇ ਲਗਾਇ³ ।
ਤਬ ਗੁਰ ਕਹਿ ਸੁਨ ਮਿਹਰ ਸਸਿ⁴ ਤੁਮ ਹੀ ਧੀਰ ਧਰਾਇ ॥ 981 ॥

ਚੌਪਈ

ਮਮ ਸੁਤਿ ਉਪਜ ਨਵਮ ਗੁਰ ਹੋਇ । ਮੋਹਿ ਰੂਪ ਲਖ ਭੇਦ ਨਾ ਕੋਇ ।
ਗੰਗ ਮਾਤ ਜਹਿ ਪ੍ਰਾਨ ਬਿਲਾਈ । ਬੰਨ ਭਾਲ ਤਹਿ ਤਿਲਕ ਕਰਾਈ ॥ 972 ॥

¹ਅ ਪੋਥੀ ਅਵਨਿ ²ਦ ਪੋਥੀ ਮਧ ³ਅ ਤੇ ਦ ਪੋਥੀ ਚਰਨ ਗਹਾਇ ⁴ਅ ਪੋਥੀ ਚੰਦ

ਦੋਹਰਾ

ਤੋ ਲਉ ਤੁਮਰੀ ਰਹੋਗੀ ਦੇਹੀ ਅਤਿ ਸੁਖ ਪਾਇ ।
ਭਗਤ ਸਿੰਘ ਗੁਰੁ ਗ੍ਰਿਹ ਸੁਨਹੁ ਤਿਹ ਠਾਂ ਤਿਲਕ ਧਰਾਇ ॥ 983 ॥

ਚੌਪਈ

ਮੰਜੀ ਤਹਾਂ ਪ੍ਰਗਟ ਸੁਖਦਾਯਕ । ਕਰ ਦਰਸਨ ਦੁਖ ਦਾਰਦ ਘਾਇਕ ।
ਮਿਹਰੇ ਕਹਾ ਭਾਇ ਪ੍ਰਭ ਕੀਜੈ । ਸਿਦਕ ਚਰਨ ਰਜ¹ ਮੋ ਕਉ ਦੀਜੈ ॥ 984
ਦੀਨ ਮਾਨ ਗੁਰੁ ਕੀਨ ਪਯਾਨਾ । ਸਾਂਈ ਦਾਸ ਧਰ ਸੰਗਿ ਸੁਜਾਨਾ ।
ਬਾਬਕ ਬਿਧੀਏ ਥੀਂ ਸੰਗ ਲੀਨੇ । ਬਰਨਤ ਕਥਾ ਪੰਥ ਰਸ ਭੀਨੇ ॥ 985 ॥

ਦੋਹਰਾ

ਤਿਸੀ ਦਿਵਸ ਪਹੁੰਚੇ ਪ੍ਰਭੂ ਸੁਧਾ ਸਰੋਵਰ ਆਇ ।
ਗੰਗ ਮਾਤ ਕੀ ਬਾਤ ਸੁਨ ਅਏ ਲੋਕ ਸਮੁਦਾਇ² ॥ 986 ॥

ਚੌਪਈ

ਰਹਾ ਜਾਮ ਦਿਨ ਕੀਨ ਇਸਨਾਨਾ । ਕੂਪ ਸਰੋਵਰ ਅਮੀ ਨਿਧਾਨਾ ।
ਅਰਦਾਸ ਕਰਾਇ ਤਖਤ ਦਰਬਾਰ । ਪੁਨਾ ਬੈਠ ਗੁਰ ਤਖਤ ਮੁਰਾਰ ॥ 987 ॥
ਬੁਢਾ ਭਾਈ ਸਿਖ ਸਬਾਏ । ਗੰਗ ਮਾਤ ਕੀ ਓਰ ਬੁਲਾਏ ।
ਪੁਰ ਕੇ ਲੋਕ ਸਭੀ ਮਿਲਿ ਆਇ । ਗੁਰੁ ਕੋ ਮਾਤਾ ਓਰ ਬੁਲਾਇ ॥ 988 ॥

ਦੋਹਰਾ

ਸ੍ਰੀ ਗੁਰ ਸਭ ਕੋ ਧੀਰ ਦੈ ਉਪਜ ਬਿਨਸ ਜਗ ਜਾਇ ।
ਰਾਮ ਕ੍ਰਿਸ਼ਨ ਪਾਛੇ ਭਏ ਗਏ ਸੁ ਨਹੀਂ ਦਿਖਾਇ ॥ 989 ॥

ਚੌਪਈ

ਗੁਰ ਮਹਿਲੀਂ ਪੁਰ ਕੀ ਤ੍ਰਿਯ ਜਾਵੈ । ਉਚੀ ਸਰੁ ਸਿਉਂ ਰੁਦਨ ਉਠਾਵੈ³ ॥
ਸਭੀ ਮਾਤ ਆਗੇ ਰੁਦਨਾਈ । ਮਾਨੋ ਕੀਰਨਵਾਸਾ ਪਾਈ ॥ 990 ॥
ਨਿਸ ਜਾਨ ਮਹਿਲੀਂ ਪ੍ਰਭੁ ਗਏ । ਕੀਓ ਨਿਵਾਰ ਰੁਦਨ ਨਹੀਂ ਕਏ ।
ਆਗਮ ਧਰਮ ਰੀਤਿ ਇਹ ਗਾਈ । ਮ੍ਰਿਤ ਪਾਸ ਜਿਨ ਰੁਦਨ ਉਠਾਈ ॥ 991 ॥
ਇਹ ਕੇ ਰੁਦਨ ਪਾਏ ਦੁਖ ਸੋਈ । ਆਗੇ ਸਰਤਾ ਪ੍ਰਾਪਤ ਹੋਈ ।
ਤਾਂ ਤੇ ਉਤਮ ਜੇ ਜਗੁ ਨਾਰੀ । ਕਰੇ ਨਾ ਰੁਦਨ ਧੀਰ ਮਨ ਧਾਰੀ ॥

ਦੋਹਰਾ

ਜਪ ਤਪ ਪ੍ਰਾਣੀ ਹਿਤ ਕਰੇ ਤੇ ਫਲ ਸਿਉ ਸੁਖ ਪਾਇ ।
ਆਦਿ ਈਸਰੀ ਮਾਤ ਮਮ ਧਰੋ ਧੀਰ ਗੁਨ ਗਾਇ ॥

¹ਅ ਤੇ ਏ ਪੋਥੀ ਪੂਰੀ ²ਅ ਪੋਥੀ ਅਕੁਲਾਇ ³ਅ ਪੋਥੀ ਕੀਰਨ ਪਾਵੈ

ਚੌਪਈ

ਇਮ ਸੁਨਿ ਕੈ ਸਭ ਧੀਰ ਧਰਾਯੋ । ਬਿਤੀ ਰੈਨ ਰਵਿ ਆਇ ਸੁਹਾਯੋ ।
 ਸ੍ਰੀ ਗੁਰ ਤਖਤ ਰਾਜ ਸੁਖ ਰਾਸ । ਸ੍ਰੀ ਮੁਖ ਕਹਾ ਸੁਨੋ ਗੁਰਦਾਸ ॥ 992 ॥
 ਗੁਰ ਗ੍ਰੰਥ ਕਾ ਪਾਠ ਕਰਾਵਹੁ । ਸ੍ਰੀ ਮਾਤਾ ਹਿਤ ਰੀਤਿ ਠਹਿਰਾਵਹੁ ।
 ਕਰਨ ਪਾਠ ਲਾਗੇ ਤਬ ਭਾਈ । ਕੋਠੜੀ ਗੁਰੂ ਗ੍ਰੰਥ ਮਨ ਲਾਈ ॥ 993 ॥
 ਭੇਜ ਸਿਖ ਸਭ ਹੀ ਦਿਸਾ ਖਬਰ ਕੀਨ ਕਰਤਾਰ ।
 ਗੋਇੰਦਵਾਲ ਖੰਡੂਰ ਮੋ¹ ਡਲੇ ਨਿਜ ਸਸੁਰਾਰ ॥ 994 ॥

ਚੌਪਈ

ਸਨਤ ਖਬਰ ਸਭਹੀ ਚਲ ਆਏ । ਮਾਤਾ ਪਿਆਨਾ ਸੁਨ ਬਿਸਮਾਏ ।
 ਮੰਡਿਆਲੀ ਦੁਆਰਾ ਯੁਤ ਦਾਰਾ । ਆਯੋ ਮਨ ਮਹਿ ਚਿੰਤਾ ਧਾਰਾ ॥ 995 ॥
 ਗੁਰ ਮਹਿਲੀ ਮੈਂ ਰੁਦਨ ਉਠਾਯੋ । ਸ੍ਰੀ ਗੁਰ ਸਭ ਕੋ ਧੀਰ ਧਰਾਯੋ ॥
 ਲੈ ਨਿਦੇਸ ਭਾਈ ਗੁਰਦਾਸ । ਗ੍ਰੰਥ ਭੋਗ ਪਾਯੋ ਸੁਖਰਾਸ ॥ 996 ॥
 ਜਰੀ ਪੁਸ਼ਾਕ ਸੁ ਦਰਬ ਅਪਾਰਾ । ਭਾਈ ਕਉ ਤਬ ਦੀਨ ਮੁਰਾਰਾ ।
 ਬੁਢੇ ਪਾਗ ਗੁਰੂ ਕਉ ਦੀਨੀ । ਆਪਨੇ ਸਸਿ ਗੁਰਹਿ² ਧਰ ਲੀਨੀ ॥ 997 ॥

ਦੋਹਰਾ

ਮੋਹਰੀ ਦਾਤੂ ਨੇ ਦਈ ਕ੍ਰਿਸ਼ਨ ਸਸੀ ਧਰ ਪਾਗ ।
 ਹਰੀ ਚੰਦ ਦੁਆਰੇ ਸੋਈ ਧਨ ਸੋ ਅਤਿ ਅਨੁਰਾਗ ॥ 998 ॥

ਚੌਪਈ

ਪੁਨਾ ਕੜਾਹ ਵਰਤਾਇ ਅਨੰਤਾ । ਅਰਦਾਸ ਕਰਾਈ ਤਖਤ ਬਿਅੰਤਾ ।
 ਰਾਜ ਸਾਜ ਤਖਤ ਬਹੁ ਦੀਨਓ । ਸਿਰੋਪਾਉ ਤਹਿ ਤੇ ਪ੍ਰਭ ਲੀਓ ।
 ਭੂਖਨ ਭਾਂਜਨ ਬਸਤ ਅਪਾਰਾ । ਹੈ ਯੁਤ ਦੀਨੋ ਸ੍ਰੀ ਦਰਬਾਰਾ ।
 ਕੜਾਹਿ ਵਰਤਾਇ ਪਾਗ ਗੁਰ ਲੈ ਕੇ । ਬੈਠੇ ਆਦਿ ਤਖਤ ਸੁਖ ਪੈ ਕੇ ॥ 999 ॥

ਦੋਹਰਾ

ਬਸੈ ਰੈਨ ਜੇਤਕ ਅਏ ਭੋਰ ਹੋਤ ਸੁਖ ਪਾਇ ।
 ਲੈ ਆਇਸ ਨਿਜ ਨਿਜ ਗਏ ਸ੍ਰੀ ਗੁਰ ਕੇ ਗੁਨ ਗਾਇ ॥ 1000 ॥
 ਸਾਂਈ ਦਾਸ ਕਉ ਨਾਰ ਜੁਤ ਦੈ ਗੁਰ ਧੀਰ ਅਪਾਰ ।
 ਵਿਦਾ ਕੀਨ ਗੁਰ ਪ੍ਰੇਮ ਸਿਉਂ ਗਯੋ ਰੂਪ ਰਿਦ ਧਾਰ ॥ 1001 ॥
 ਭਗਤ ਸਿੰਘ ਅਸ ਚਰਿਤ ਕਰ ਹਾੜ ਗਏ ਦਿਨ ਪਾਂਚ ।
 ਥਿਤ ਇਕਾਦਸੀ ਜੋੜ ਲਗ ਸ੍ਰੀ ਗੁਰ ਧਾਰ ਸੁ ਸਾਂਤ ॥ 1002 ॥
 ਜਾਮ ਨਿਸਾ ਜਬ ਹੀ ਰਹੀ ਸ੍ਰੀ ਗੁਰ ਕੀਓ ਇਸਨਾਨ ।
 ਗੁਰ ਨਾਨਕ ਪਦ ਕਮਲ ਮਹਿ ਬੈਠੇ ਲਾਇ ਧਿਆਨ ॥ 1003 ॥

¹ਅ ਪੋਥੀ ਮਾਹਿ ²ਅ ਤ ਦ ਸਤਿਗੁਰ

ਚੌਪਈ

ਮਾਤ ਨਾਨਕੀ ਕਾ ਮਨ ਪ੍ਰੇਰਿਓ । ਆਇ ਮਾਤ ਗੁਰ ਦਰਸਨ ਹੇਰਿਓ ।
ਹਾਥ ਜੋਰ ਗੁਰ ਪਗ^੧ ਲਪਟਾਈ । ਹੁਇ ਅਧੀਨ ਅਤਿ ਬਿਨੈ ਅਲਾਈ ।
ਉਘਾਰ ਦਿਗੰਚਲ ਪ੍ਰਭ ਅਲਾਯੋ । ਮਾਂਗੋ ਕਿਆ ਤੁਮਰੇ ਮਨ ਆਯੋ ।
ਕਹਾ ਨਾਨਕੀ ਜਾਨਹੂੰ ਸੁਆਮੀ । ਘਟਿ ਘਟਿ ਕੇ ਤੁਮ ਅੰਤਰਜਾਮੀ ॥ 1005 ॥

ਦੋਹਰਾ

ਮੇਰੇ ਮਨ ਇਛਾ ਪ੍ਰਭ ਤੁਮ ਬਚ ਕਹੇ ਉਦਾਰ ।
ਰਾਜ ਭਾਗ ਤੁਮਰੇ ਰਹੇ ਤੀਨ ਪੁਤ੍ਰ ਸੰਸਾਰ ॥ 1006 ॥

ਚੌਪਈ

ਤਾਂਤੇ ਐਸੀ^੨ ਕ੍ਰਿਪਾ ਕੀਜੈ^੩ । ਸੁਤ ਗੁਰੀਆਈ ਲਾਇਕ ਦੀਜੈ ।
ਜਾਂਕੇ ਗ੍ਰਿਹ ਜਗ ਕੀ ਵਡਿਆਈ । ਸੋ ਸਿਯਾਮ ਸੁਤ ਦੇਹ ਗੁਸਾਈ ।
ਤਥਾ ਸਤਿਗੁਰ ਮੁਖਹੂੰ ਅਲਾਏ । ਧਰੋ ਧੀਰ ਸੁਤ ਬਲਿ ਉਪਾਏ ॥ 1007 ॥
ਸਤਿਨਾਮ ਮੰਤਰ ਲਿਖ [ਤਿਹ]^੪ ਦੀਨੋ । ਕਰ ਮਜਨ ਚੂਸੋ ਸੁਖ ਲੀਨੋ ।
ਗੁਰੁ ਕੀ ਆਇਸ ਮਨ ਮਹਿ ਧਾਰੀ । ਮਾਤ ਨਾਨਕੀ ਹਰਖਤ ਭਾਰੀ ॥ 1008 ॥

ਦੋਹਰਾ

ਮਾਤ ਨਾਨਕੀ ਨਾਇ ਕੈ ਗੁਰ ਕੋ ਧਿਆਨ ਧਰਾਇ ।
ਸਤਿਨਾਮ ਇਕ ਚਿਤ ਹੁਇ ਚੂਸਿਓ ਪਹਿਰ ਬਿਹਾਇ ॥ 1009 ॥

ਚੌਪਈ

ਚੂਸਨ ਸਿਉ ਭਯੋ ਗਰਭ ਮਹਾਨਾ । ਇਸਥਿਰ ਪਵਨ ਭਈ ਸੁਖ ਜਾਨਾ ।
ਪਾਂਚ ਮਾਸ ਬੀਤੇ ਸੁਖ ਸੰਗਾ । ਕੋਤਕ ਕੀਨੇ ਪ੍ਰਭੁ ਅਭੰਗਾ ॥
ਦੀਪ ਮਾਲ ਮੇਲਾ ਬਹੁ ਹੋਯੋ । ਸੰਗਤ^੪ ਦਰਸ ਸਗਲ ਦੁਖ ਖੋਯੋ ।
ਦਿਵਸ ਪੰਚਮੀ ਪ੍ਰਭੁ ਬਿਚਾਰ । ਬੈਠੇ ਲਾਇ ਦੀਵਨ ਅਪਾਰ ॥ 1010 ॥

ਦੋਹਰਾ

ਬੁਢੇ ਆਦਿ ਗੁਰਦਾਸ ਲਉ ਸੰਗਤ ਸਭਿ ਇਕਠਾਇ ।
ਸਾਹਿਬ ਬੁਢੇ ਕਉ ਪ੍ਰਭੁ ਸ੍ਰੀ ਗੁਰ ਬਚਨ ਅਲਾਇ ॥ 1011 ॥
ਤੁਮਰੇ ਬਚ ਬਹੁ ਜੁਧ ਕੇ ਸਮ ਅਯੋ ਨਿਰਧਾਰ ।
ਜਬ ਲਗ ਮਾਤਾ ਤਨ ਰਹਾ ਰਹੋ ਮੋਨ^੫ ਬਿਨ ਰਾਰ ॥ 1012 ॥

ਚੌਪਈ

ਤਾਂਤੇ ਮਮ^੬ ਬਿਨਤੀ ਸੁਣਿ ਲੀਜੈ । ਭੰਗ ਮ੍ਰਿਜਾਦ ਸਭੈ ਕਰ ਦੀਜੈ ।
ਤੁਮ ਗੁਰਦਾਸ ਬੀੜ ਬਸ ਜਾਈ । ਇਮ ਸੁਨਿ ਭਾਈ ਬਿਨੈ ਅਲਾਈ ।

^੧ਅ ਤੇ ਏ ਪੌਥੀ ਚਰਨ ^੨ਅ ਪੌਥੀ ਮਯਾ ਕਰੀਜੈ ^੩ਅ ਪੌਥੀ ਵਿਚੋਂ ^੪ਏ ਪੌਥੀ ਸਿਖਨ ^੫ਅ ਪੌਥੀ ਮਸਟ

^੬ਅ ਤੇ ਏ ਪੌਥੀ ਮੋਹਿ

ਚੌਕੀ ਸਬਦ ਰੀਤਿ ਦਰਬਾਰ । ਭੰਗ ਕੈਸ ਹੂੰ ਪ੍ਰਭੂ ਮੁਖਹੂੰ ਉਚਾਰ ।
ਸ੍ਰੀ ਮੁਖ ਕਹਾ ਸ੍ਰੀ ਗੁਰ ਸਵਾਮੀ । ਗੁਰ ਅਰਜਨ ਹਰਿ ਅੰਤਰਜਾਮੀ ॥ 1013 ॥
ਮੁਖ ਸੁਉ ਅਬਚਲ ਨੀਵੈ ਅਲਾਈ । ਤਬ ਸਿਖਨ ਬਹੁ ਬਿਨੈ ਅਲਾਈ ।
ਹੇ ਪ੍ਰਭ ਤੁਮ ਬਚ ਐਸ ਉਚਾਰਾ । ਇਹੁ ਮੁਖ ਚੂਨਾ ਭੀਤਰ ਗਾਰਾ ॥ 1014 ॥

ਦੋਹਰਾ

ਮਸੰਦ ਟਹਿਲ ਕਰ ਕਪਟ ਕੀ ਤੁਮ ਬਚ ਅਬਚਲ ਗਾਇ ।
ਸ੍ਰੀ ਗੁਰ ਕਹਿ ਸੰਸਾ ਨਹੀਂ ਅਬਚਲ ਫੇਰ ਬਨਾਇ ॥ 1015 ॥

ਚੌਪਈ

ਮਸੰਦਨ ਗਾਰਾ ਕਪਟ ਲਗਾਯੋ । ਹਨਾ ਮੂਲ ਨਿਜ ਖੇਦ ਧਰਾਯੋ ।
ਤੁਰਕ ਬਿਅਦਬੀ ਮੰਦਰ ਕਰਹਿ । ਕਛੁ ਨ ਕਿਰਕ ਰਿਦੈ ਮਹਿ ਧਰਹਿ ।
ਭਾਈ ਸੁਨੋ ਸਮਾ ਵਹੁ ਆਯੋ । ਹਨਾ ਮੂਲ ਨਿਜ ਖੇਦ ਧਰਾਯੋ ।
ਜੋ ਮਲੇਛ ਦ੍ਰਿਜ¹ ਧੋਨ ਹਤਾਵਹਿ । ਬਿਅਦਬੀ ਕਰਹਿ ਨਾ ਸੰਕ ਧਰਾਵਹਿ ॥ 1017 ॥

ਦੋਹਰਾ

ਕਰੋ ਜੁਧ ਤਾਕੋ ਹਨੈ ਧਰਾ ਭਾਰ ਮਿਟ ਜਾਇ ।
ਤਾਂਤੇ ਨੌਰ ਤਿਆਗ ਤੁਮ ਨਿਜ ਨਿਜ ਸਭੈ ਸਿਧਾਇ ॥ 1018 ॥

ਸੋਰਠਾ

ਬਿਨਤੀ ਬਹੁਰ ਉਚਾਰ ਭਾਈ ਦੋ ਕਰ ਜੋਰ ਕੈ ।
ਫਿਰ ਕਥਿ ਰੀਤਿ ਸਵਾਰ ਮਹਾਰਾਜ ਸੰਸਾ ਹਰੇ² ॥ 1019 ॥

ਸ੍ਰੀ ਗੁਰੇ ਵਾਰ ॥ ਦੋਹਰਾ ॥

ਹਰਿ ਮੰਦਰ ਅਰ ਤਖਤ ਕਉ ਢਾਇ ਤੁਰਕ ਸਿਰ ਧਾਰ ।
ਦਸਮ ਰੂਪ ਧਾਰਹੂੰ ਜਬੈ ਫਿਰ ਸਬ ਰੀਤਿ ਸਵਾਰ ॥ 1020 ॥

ਚੌਪਈ

ਅਵਲ ਨੀਵ ਮਸੰਦ ਨਿਵਾਰਉ । ਬਹੁ ਦੁਖ ਦੇ³ ਗੁਰ ਦੋਖੀ ਮਰਾਉਂ ।
ਗੁਰ ਕੋ ਸਿਖ ਐਸ ਸੁਚ ਹੋਈ । ਅਬਚਲ ਨੀਵ ਧਾਰ ਪੁਨ ਸੋਈ ॥ 1021 ॥
ਹਰਿ ਮੰਦਰ ਪੁਨ ਤਖਤ ਸਵਾਰਹਿ । ਚੌਕੀ ਰੀਤਿ ਸਬਦ ਸਭ ਧਾਰਹਿ ।
ਕਛੁਕ ਕਾਲ ਅਬਿ ਰੀਤਿ ਨਾ ਹੋਈ । ਗੁਰ ਇਛਾ ਅਸ ਸੰਸ ਨਾ ਕੋਈ ॥ 1022 ॥

ਦੋਹਰਾ

ਭਗਤ ਸਿੰਘ ਐਸੇ ਸੁਨਤਿ ਸਭੈ ਮੰਨ ਮਨ ਧਾਰ ।
ਭਾਈ ਬੁਢੇ ਬੰਦਨਾ ਕੀਨੀ ਭਏ ਤਿਆਰ ॥ 1023 ॥

¹ਅ ਪੋਥੀ ਬਿਪ੍ਰ. ²ਏ ਪੋਥੀ ਕਟੇ ³ਅ ਤੇ ਏ ਪੋਥੀ ਤਫ਼ਪਾਇ

ਬੀੜ ਓਰ ਬਿਬਕ ਜਾਤ ਭਏ ਸੰਗਤਿ ਨਿਜ ਨਿਜ ਥਾਇ ।
ਰੀਤੀ ਅਨਥਾ ਸਭ ਕਰੀ ਸ੍ਰੀ ਗੁਰ ਕਉ ਅਸ ਭਾਇ ॥ 1024 ॥

ਚੌਪਈ

ਭਗਤ ਸਿੰਘ ਗੁਰ ਅਰਜਨ ਦੇਵ । ਬੁਢੇ ਕਉ [ਸੌਂਪੀ]¹ ਜੋ ਸੇਵ ।
ਗੁਰੂ ਗ੍ਰੰਥ ਕੀ ਦਈ ਮਿਟਾਇ । ਸਾਹਿਬ ਬੁਢਾ ਬੀੜ ਸਿਧਾਇ ॥ 1025 ॥
ਐਸੇ ਸ੍ਰੀ ਗੁਰ ਚਰਿਤ ਧਰਾਏ । ਸੁਨਤ ਸਭੈ ਜਹਿ ਪਾਪ ਬਿਲਾਇ ।
ਭਾਈ ਸੇਵ ਤਖਤ ਕੀ ਧਰੇ । ਦਈ ਮਿਟਾਇ ਔਰ ਸਿਖ ਕਰੇ ।
ਕ੍ਰਿਪਾ ਸਿੰਧ ਸਦ ਰਹੈ ਹੁਲਾਸਾ । ਪ੍ਰਭੁ ਕੋ ਕੋਇ ਨ ਲਖੇ ਬਿਲਾਸਾ ॥ 1025 ॥

ਦੋਹਰਾ

ਘਨੀ² ਅਸੂਆ ਪੁਰ ਭਈ ਦੇਸ ਦੇਸ ਸੁਨ ਪਾਇ ।
ਤੁਰਕ ਸੁਤਾ ਗੁਰ ਗ੍ਰਿਹਿ ਧਰੀ³ ਪਿਤ ਕੀ ਰੀਤਿ ਮਿਟਾਇ ॥ 1026 ॥

ਸਵੇਯਾ

ਤੇਜ ਅਪਾਰ ਲਸੈ ਪ੍ਰਭ ਕੋ ਜਨ ਕੋਇ ਨਾ ਭਾਖ ਸਕੈ ਸਮੁਹਾਈ ।
ਨਿੰਦ ਅਪਾਰ ਭਈ ਜਗ ਮਹਿ ਗ੍ਰਸ ਮੋਹਿ ਪਿਸਾਚ ਬਡੇ ਦੁਖਦਾਈ ।
ਰੂਪ ਰਿਦੈ ਗੁਰ ਕੋ ਜਹਿ ਰਾਜਤ ਸੰਸ ਬਿਹਾਇ ਨਾ ਖੇਦ ਧਰਾਈ ।
ਆਗਤ [ਮਾਸ]⁴ ਬਿਤੀਤ ਭਏ ਸਿਖ ਸੰਗਤਿ ਦੇਸਨ ਦੇਸ ਤੇ ਆਈ ॥ 1027 ॥

ਦੋਹਰਾ

ਵਿਸਾਖੀ ਕਾ ਮੇਲਾ ਭਯੋ ਆਵਤ ਵਾਰ ਨ ਪਾਰ ।
ਸ੍ਰੀ ਗੁਰ ਤਖਤ ਬਿਰਾਜ ਕੈ ਸਭ ਕੋ ਦੇਤ ਦਿਦਾਰ ॥ 1028 ॥
ਮਨ ਵਾਛਤ ਫਲ ਪਾਵਹੀ⁵ ਸੰਗਤਿ ਗੁਰ ਢਿਗ ਆਇ ।
ਭਾਈ ਬੁਢਾ ਨਾਹਿ ਲਿਖ ਸੰਗਤਿ ਪ੍ਰਸਨ ਕਰਾਇ ॥ 1029 ॥

ਚੌਪਈ

ਮਹਾਰਾਜ ਭਾਈ ਔ ਜਾਨੋ । ਬੁਢਾ ਕਹਾਂ ਗਏ ਅਨਮਾਨੋ ।
ਤਬ ਗੁਰ ਕਹਹਿ ਬੀੜ ਹੈ ਭਾਈ । ਭੰਗ ਮ੍ਰਿਜਾਦ ਤਾਹਿ ਕੀ ਆਈ ॥ 1030 ॥

ਦੋਹਰਾ

ਹਮ ਕਰਨੇ ਹਹਿ ਜੁਧ ਬਹੁ ਅਬ ਨਹਿ ਰੀਤਿ ਸੁਹਾਇ⁵ ।
ਔਰ ਸਿਖ ਸੇਵਾ ਕਰਹਿ ਚੌਕੀ ਸਬਦ ਮਹਾਇ ॥ 1031 ॥
ਸੁਨ ਸੰਗਤਿ ਪ੍ਰਭ ਕੇ ਬਚਨ ਆਇਸ ਪਾਇ ਸਿਧਾਇ ।
ਪਾਂਚ ਦਿਵਸ ਮਧੁ ਕੇ ਗਏ ਫਰਕ ਅੰਗ ਸੁਖਦਾਇ ॥ 1032 ॥

¹ਅ ਪੋਥੀ ਵਿਚ ²ਅ ਪੋਥੀ ਅਤਿ ਏ ਪੋਥੀ ਬਹੁ ³ਅ ਪੋਥੀ ਰਖੀ ⁴ਅ ਪੋਥੀ ਵਿਚੋਂ ⁵ਏ ਪੋਥੀ ਪ੍ਰਗਾਇ

ਸਵਾ ਜਾਮ ਦਿਨ ਜਬ ਰਹਾ ਲਗੋ ਵਿਸਾਖਾ ਆਇ ।
ਪਵਨ ਨਿਕਸ ਸੁਤ ਭਵ ਲਯੋ ਸੁੰਦਰ ਸੋਭ ਮੁਹਾਇ ॥ 1033 ॥

ਚੌਪਈ

ਮਿਲ ਮਿਲ ਤ੍ਰਿਯਾ ਪੁਰੀ ਕੀ ਆਵੈ । ਦੇਤ ਬਧਾਈ ਮੰਗਲ ਗਾਵੈ ।
ਭਯੋ ਭੋਰ ਧਰ ਬੰਦਨ ਵਾਰੇ । ਦੀਓ ਦਾਨ ਤਹਿ ਵਾਰ ਨ ਪਾਰੇ ॥ 1034 ॥

ਦੋਹਰਾ

ਗੁਹਿ ਰਿਖ ਆਗਮ ਸਸਿ ਮਿਲੇ ਸਮੰਤ ਮਾਸ ਵਿਸਾਖ ।
ਗਏ ਪਾਂਚ ਦਿਨ ਭਵ ਲਯੋ ਭਗਤ ਸਿੰਘ ਚਿਤ ਰਾਖ ॥ 1035 ॥
ਚੜਿਓ ਦਿਵਸ ਗੁਰ ਜੀ ਸੁਨਯੋ ਜੇਠੇ ਬਿਧੀਏ ਸੰਗ ।
ਆਏ ਮਹਲੀ ਗਾਵਹੀ ਤ੍ਰਿਯਾ ਧਾਰ ਆਨੰਦ ॥ 1036 ॥
ਤਬ ਗੁਰ ਸਿਸ ਕਉ ਬੰਦਨਾ ਕੀਨੀ ਅਤਿ ਹਿਤ ਲਾਇ ।
ਬਿਧੀਆ ਕਹਿ ਕਸ ਬੰਦਨ ਕੀ ਕਹੋ ਮੋਹਿ ਸਭ ਭਾਇ ॥ 1037 ॥
ਤਬ ਗੁਰੁ ਕਹਿ ਇਹ ਗੁਰ ਭਏ ਪਾਂਚ ਸੁਤਨ ਮਹਿ ਜਾਨ ।
ਦੀਨ ਰਛ ਸੰਕਟ ਹਰੈ ਸਦਾ ਯਹੀ ਪਹਿਚਾਨ ॥ 1038 ॥

ਚੌਪਈ

ਤੇਗ ਬਹਾਦਰ ਨਾਮ ਸੁ ਗਾਯੋ । ਤਾਹਿ ਨਾਮ ਸ੍ਰੀ ਮੁਖਹੂੰ ਅਲਾਯੋ ।
ਸੁਨਤ ਮਾਤ ਸਭ ਹੀ ਹਰਖਾਨੀ । ਨਾਮ ਕਹਿਓ ਗੁਰ ਪੁਲਕਤ ਬਾਨੀ ॥ 1039 ॥

ਦੋਹਰਾ

ਦਾਨ ਦੀਓ ਬਹੁ ਦਿਜਨ¹ ਕੋ ਮੰਗਲ ਹੋਤ ਅਪਾਰ ।
ਪਾਂਚ ਦਿਵਸ ਸੁਖ ਸਿਉ ਗਏ ਦਮੋਦਰੀ ਮਾਤ ਬਿਚਾਰ ॥ 1040 ॥
ਹਾਥ ਜੋਰ ਬਿਨਤੀ ਕਰੀ² ਸ੍ਰੀ ਗੁਰ ਕੇ ਨਿਕਟਾਇ ।
ਕੋਨਿਆ ਦਿਖ ਅਹਿ ਬਰਸ ਕੀ ਸਾਹਾ ਪਠਿਓ ਸੁਧਾਇ ॥ 1041 ॥

ਚੌਪਈ

ਬਿਨੈ ਮਾਤ ਕੀ ਇਮ ਸੁਨ ਪਾਈ । ਦਯਾ ਸਿੰਧ ਕੇ ਮਨ ਮਹਿ ਭਾਈ ।
ਸਿੰਘਾ ਪ੍ਰੋਹਤ ਤੁਰਤ ਬੁਲਾਯੋ । ਸੋਧੇ ਸਾਹਾ ਮੁਖਹੂੰ ਅਲਾਯੋ ।
ਵੀਰੋ ਨਾਮ ਸੁਤਾ ਕਾ ਜਾਨੋ । ਦੂਲੋ ਸਾਧੂ ਨਾਮ ਪਛਾਨੋ ।
ਨਾਮ ਸੁਨਤ ਦ੍ਰਿਜ ਧਾਰ ਉਮਾਹਾ । ਗੁਹਿ ਸੁਭ ਲਗਨ ਖੋਜ ਦਿਖ ਸਾਹਾ ॥ 1042 ॥

ਦੋਹਰਾ

ਜੇਠ ਛਬੀਸਵੀ ਮੁਖ ਕਹਾ ਗੁਹਿ ਸੁਭ ਲਗਨ ਮਿਲਾਇ³ ।
ਸਾਹੇ ਪਾਤੀ ਲਿਖ ਦਈ ਮਾਤ ਗੁਰੂ ਮਨ ਭਾਇ ॥ 1043 ॥

¹ਅਪ੍ਰੋਬੀ ਬਿਪ੍ਰਨ ²ਅ ਤੇ ਏ ਪੋਬੀ ਕਹੀ ³ਏ ਪੋਬੀ ਗਨਾਇ

ਚੌਪਈ

ਦੇ ਸਾਹਾ ਗੁਰ ਦ੍ਰਿਸ਼ ਕੇ ਤੋਰਿਓ । ਭਾਂਤ ਭਾਂਤ ਕਰ ਬਿਨੈ ਨਿਹੋਰਿਓ ।
 ਸਿੰਘਾ ਪਾਤੀ ਲੀਏ ਸਿਧਾਇਓ । ਮਲੇ ਓਰ ਭਾਰ ਸੁਖ ਪਾਇਓ ॥ 1044 ॥
 ਚਾਰ ਦਿਵਸ ਮਹਿ ਪਹੁੰਚਿਓ ਤਹਾਂ । ਸੁੰਦਰ ਗ੍ਰਿਹਿ¹ ਧਰਮੇ ਕਾ ਜਹਾਂ ।
 ਦਿਜ ਪੈ ਛਾਨ ਤਿਨ ਕੀਨਾ ਮਾਨਾ । ਪ੍ਰਫਿਓ ਆਨੰਦ ਕ੍ਰਿਪਾ ਨਿਧਾਨਾ ॥ 1045 ॥

ਦੋਹਰਾ

ਹਾਥ ਜੋਰ ਸਿੰਘੇ ਕਹਾ ਸਾਹਾ ਪਠਿਓ ਸੁਧਾਇ ।
 ਜੇਠ ਵਿੰਸ ਖਟ ਜਾਨ ਸੁਭ ਸੁਨ [ਧਰਮਾ]² ਹਰਖਾਇ ॥ 1046 ॥

ਚੌਪਈ

ਨਿਜ ਨਾਰੀ ਸਿਉਂ ਸੋਇ ਸੁਨਾਯੋ । ਨੰਦ³ ਕੋਰ ਸੁਨ ਆਨੰਦ ਪਾਯੋ ।
 ਹੋਤ ਬਧਾਈ ਬਾਜ ਬਜਾਵੈ । ਮਿਲ ਤਰੁਨੀ ਬਹੁ ਮੰਗਲ ਗਾਵੈ ॥ 1047 ॥
 ਏਕ ਦਿਵਸ ਦ੍ਰਿਸ਼ ਤਹਾਂ ਰਹਾਯੋ । ਨੰਦ ਕੋਰ³ ਮਨ ਆਨੰਦ ਛਾਯੋ ।
 ਪਾਂਚ ਦਿਵਸ ਮੋਹਿ ਪਹੁੰਚਿਓ ਆਇ । ਸੁਧਾ ਸਰੋਵਰ ਗੁਰ ਨਿਕਟਾਇ ॥ 1048 ॥

ਦੋਹਰਾ

ਸਬ ਸੰਦੇਸ ਤਿਨ ਕਉ ਕਹਾ ਸੁਨ ਗੁਰ ਆਇਸ ਦੀਨ ।
 ਘਨੀ ਵਸਤ ਪਠ ਸਰਬ ਕਉ ਸ੍ਰੀ ਗੁਰ ਏਕਨ ਕੀਨ ॥ 1049 ॥
 ਭੇਰੀ ਦੁੰਭ ਧੁਨਿ ਭਈ ਮੰਗਲ ਗਾਵਤ ਨਾਰ ।
 ਬਹੁ ਬਿਤਾਨ ਸੋਹੈ ਤਬੈ ਬੰਦਨ ਵਾਰ ਅਪਾਰ ॥ 1050 ॥
 ਚਾੜ ਕੜਾਹੇ ਅਨਿਕ ਹੀ ਬੂੰਦੀ ਬਹੁ ਪਕਵਾਨ ।
 ਭਾਂਤ ਭਾਂਤ ਸ੍ਰੀ ਗੁਰ ਰਚੇ ਜੇ ਬਿਧ ਨਹਿ ਸਿਆਨ ॥ 1051 ॥

ਚੌਪਈ

ਕੋਠੇ⁴ ਬਹੁ ਪਕਵਾਨ ਭਰਾਏ । ਨਿਤ ਪ੍ਰਤਿ ਮੰਗਲਿ ਹੋਤ ਮਹਾਏ ।
 ਕਛੂ ਅਚਰਜ ਨ ਮਨ ਮਹਿ ਕਹਿਯੋ । ਸ੍ਰੀ ਸਤਿਗੁਰ ਮਹਿਮਾ ਚਿਤ ਚਹੀਯੋ ।
 ਵਸਾਖ ਬਤੀਤ ਜੇਠ ਪੁਨ ਆਯੋ । ਮਾਤ ਦਮੋਦਰੀ ਅਤਿ ਸੁਖ ਪਾਯੋ⁵ ।
 ਹੁਇ ਅਧੀਨ ਬਹੁ ਬਿਨੈ ਅਲਾਇ । ਕ੍ਰਿਪਾ ਸਿੰਧੁ ਆਗੇ ਇਹ ਭਾਇ ॥ 1052 ॥

ਦੋਹਰਾ

ਬੋਰੇ ਦਿਨ ਪ੍ਰਭ ਜੀ ਰਹੇ ਭਾਜੀ ਪਠ ਸਭਿ ਓਰ ।
 ਗੋਇੰਦਵਾਲ ਖੰਡੂਰ ਪੁਨ ਡਰੋਲੀ ਡਲੇ ਤੋਰ ॥ 1053 ॥
 ਤਬ ਗੁਰ ਉਤਰ ਨਾਦੀਓ ਤੀਨ ਬੋਰ ਬਚ ਮਾਤ ।
 ਅਤੰਜਾਮੀ ਗੁਰ ਤਬੈ ਲਖ ਮਾਤਾ ਮਨ ਸਾਤ ॥ 1054 ॥

¹ਅ ਤੇ ਦ ਪੋਥੀ ਸਦਨ ²ਅ ਪੋਥੀ ਵਿਚੋਂ ³ਅ ਪੋਥੀ ਆਨੰਦ ⁴ਦ ਪੋਥੀ ਸਦਨੇ ⁵ਅ ਪੋਥ ਹੁਲਸਾਯੋ

ਚੌਪਈ

ਦਯਾ ਸਿੰਧ ਮਨ ਐਸ ਵਿਚਾਰੀ । ਪ੍ਰਭ ਕਰ ਜਾਨਤ ਮੋਹਿ ਨਰ ਨਾਰੀ ।
ਹਮ ਕਰਿ ਜੁਧ ਈਸ ਨਰ ਜਾਨੈ । ਪਰਮੇਸਰ ਸਮ ਮੋਕਉ ਮਾਨੈ ।
ਤਾਂਤੇ ਐਸ ਜਤਨ ਅਬ ਕੀਜੈ । ਆਪ ਲੁਕਾਇ ਜਗਤ ਸੁਖ ਦੀਜੈ ।
ਮੋਕਉ ਨਰ ਜਾਨੈ ਨਰ ਨਾਰੀ । ਅਸ ਕਰਨਾਕਰ ਬਾਤ ਬਿਚਾਰੀ ॥ 1055 ॥

ਸਵੈਯਾ

ਖਾਨ ਕੋ ਪਾਸ ਰਖੈ ਹਰਿ ਜੀ ਜੋਈ ਕਾਜ ਕਰੈ ਤੇਹਿ ਸੰਗ ਰਹਾਵਹਿ ।
ਕੋਲ ਸੁਤਾ ਗ੍ਰਿਹ ਜਾਤ ਨਿਤਾ ਪ੍ਰਤਿ ਔਰ ਕਛੁ ਮਨ ਰੰਗ ਨਾ ਭਾਵਹਿ ।
ਲੋਕ ਬਿਚਾਰ ਕਰਹਿ ਨਿਸ ਬਾਸਰ ਕੈਸ ਵਿਚਾਰ ਪ੍ਰਭੂ ਮਨ ਆਵਹਿ ।
ਉਤਮ ਸੇਵ ਕੀ ਰੀਤਿ ਮਿਟਾਇ ਕੈ ਨੀਚ ਮਲੇਛ ਸਦਾ ਮੁਖ ਲਾਵਹਿ ॥ 1056 ॥

ਚੌਪਈ

ਪੁਰ ਜਨ ਪਰ ਜਨ ਐਸ ਅਲਾਈ । ਕੁਲ ਕੀ ਰੀਤਿ ਗੁਰ ਨਹਿ ਭਾਈ ।
ਰਚਿਓ ਸਦਨ ਸੁਤਾ ਕੀ ਵਿਆਹ । ਕਹੀ ਨਾ ਭਾਜੀ ਪੇਠ ਚਿਤ ਚਾਹ ॥ 1057 ॥
ਪੈਦੇ ਖਾਂ ਕੋਲਾਂ ਡਾਰ ਜਾਦੂ । ਕੀਓ ਵਸ ਗੁਰ ਭਹਿਓ ਵਿਖਾਦੂ ।
ਪੂਰੀ ਦੇਸ ਬਹੁ ਨਿੰਦਾ ਹੋਈ । ਤਮ ਗ੍ਰੰਥ ਕਰੈ ਮੂੜ ਨਰ ਜੋਈ ॥ 1058 ॥
ਬਿਧੀਆ ਆਦਿ ਸੁਧ ਮਨ ਵਾਰੇ । ਕਰਹਿ ਨ ਸੰਸ ਈਸ ਸੁਖਕਾਰੇ ।
ਔਰ ਸਿਖ ਮਨ ਮਹਿ ਦੁਖ ਪਾਵਹਿ । ਗੁਰ ਨਿੰਦਾ ਸੁਨ ਅਤਿ ਸੁਮ ਪਾਵਹਿ¹ ॥ 1059 ॥
ਤਾਂ ਮੋ ਪਾਂਚ ਸਿਖ ਰਸ ਰਾਤੇ । ਕਰਤ ਵਿਚਾਰ ਹੋਤ ਗੁਰ ਤਾਂਤੇ ।
ਚਿੰਤ ਸਿੰਧ ਗਲਤਾਨ ਸੁ ਭਏ । ਭਾਈ ਬੁਢੇ ਕਉ ਬਚ ਕਏ ॥ 1060 ॥
ਤਹਿ ਪਾਂਚੋ ਕੇ ਨਾਮ ਸੁਨਾਇ । ਕ੍ਰਿਸ਼ਨਾ ਤੀਰਥ ਤਖਤੁ ਗਾਇ ॥
ਨਿਹਾਲੂ ਔਰ ਤਿਲੋਕਾ ਜਾਨੈ । ਦਯਾ ਸਿੰਧ ਗੁਰ ਪ੍ਰੇਮੀ ਮਾਨੈ ॥ 1061 ॥

ਦੋਹਰਾ

ਭੋਰ ਹੋਤ ਪਾਂਚੋ ਚਲੇ ਚੜੇ ਜਾਮ ਦਿਨ ਜਾਇ ।
ਪਹੁੰਚੇ ਦਰਸਨ ਬੀੜ ਕਰ ਕਛੁਕ ਸਾਤ ਮਨ ਪਾਇ ॥ 1062 ॥

ਚੌਪਈ

ਬੁਢੇ ਭਾਈ ਕੇ ਪਗ ਬੰਦੇ । ਪਾਂਚੋ ਮਨਿ [ਮਹਿ]² ਧਾਰ ਆਨੰਦੇ ।
ਸਾਹਿਬ ਬੁਢੇ ਕੀਨੋ ਮਾਨਾ । ਕੁਸਲ ਪੂਛ ਪ੍ਰਭ ਕ੍ਰਿਪਾ ਨਿਧਾਨਾ ॥ 1063 ॥
ਪਾਂਚੋ ਮੋਨ ਚਿੰਤ ਮਨ ਮਾਂਹੀ । ਭਾਈ ਕਹਾ ਕੈਸ ਸੁਮ ਪਾਈ ॥
ਕ੍ਰਿਸ਼ਨੇ ਕਹਾ ਖੇਦ ਹਮ ਪਾਏ । ਤਮ ਦੋਉ ਇਹ ਨਾਂ ਚਲ ਆਏ ॥ 1064 ॥

¹ਅ ਪੋਰੀ ਬਿਲਲਾਵਹਿ ²ਟ ਪੋਰੀ ਵਿਚੋ

ਦੋਹਰਾ

ਗੁਰ ਕੀ ਨਿੰਦਾ ਕਰਤ ਨਰ ਹਮੇ ਤੇ ਸੁਨੀ ਨ ਜਾਇ ।
ਕਿਆ ਨਿੰਦਾ ਬੁਢੇ ਕਹਾ ਕਿਸਨੇ ਕਹਾ ਸੁਨਾਇ ॥ 1065 ॥

ਚੌਪਈ

ਤੁਮ ਤੋ ਤਿਆਗ ਨੀਚ ਮੁਖ ਲਾਵਹਿ । ਪੈਦੇ ਖਾਂ ਕੋਲਾਂ ਗ੍ਰਿਹ ਜਾਵਹਿ ।
ਰੀਤਿ ਤਿਆਗ ਕੁਲ ਐਸੇ ਕਹੇ । ਇਹ ਪ੍ਰਥਾਇ ਕਹੈ ਬਚ ਕਹੈ ॥ 1066 ॥

ਦੋਹਰਾ

ਜਾਨ ਵਿੰਸ ਰਵਿ ਵਾਰ ਮਹਿ ਪੌੜੀ ਕੀਨ ਉਚਾਰ ।
ਬਿੰਸ ਵੇਦ ਪਹਿਚਾਨਿ ਸੁਨਹੁ ਅਰਥ ਨਿਰਧਾਰ ॥ 1067 ॥

ਸਵੇਯਾ

ਅਜ ਆਪ ਜਰੈ ਨਿਸ ਬਾਸਰ ਪੂਰਨ ਬ੍ਰਹਮ ਜਨਾਵਤ ਨਾਹੀ ।
ਸਾਚ ਲੁਕਾਇ ਲੁਕੈ ਜਗਿ ਨਾਹਿਨ ਛਾਰ ਲੁਕੀ ਅਗਨੀ ਪ੍ਰਗਟਾਹੀ ।
ਐਸ ਸੰਗਧ ਲੀਏ ਅਲਿ ਗੁਜੰਤ ਰੰਚਕ ਗੰਧ ਧਰੇ ਮੁਖ ਮਾਹੀ ।
ਤੈਸ ਗੁਰ ਸਿਖ ਮੋਹੇ ਰਹੇ ਗੁਰ ਚਰਿਤ ਅੰਗਮ ਨ ਗੰਮ ਪਰਾਹੀ ॥ 1068 ॥

ਦੋਹਰਾ

ਔਰ ਰੀਤਿ ਪਾਛਲਾ¹ ਸੁਨੇ ਪਾਂਚ ਗੁਰੂ ਜੋ ਕੀਨ ।
ਇਹ ਵੀ ਰੀਤਿ ਅੰਗਮ ਹੈ ਕਹੋ ਮਿਲੀ ਚਿਤ ਚੀਨ ॥ 1069 ॥

ਛਪੈ

ਧਰਮਸਾਲ ਕਰ ਬੈਠ ਥਾਨ ਇਕ ਨਾਹੀਂ ਟਿਕਾਯੋ ।
ਦੀਰਘ ਗਹ ਕਰਮਾਤ ਫਿਰੇ ਨਰਿ ਨਾਰ ਡਰਾਯੋ ।
ਪਾਤਸ਼ਾਹਿ ਘਰ ਆਇ ਚੜਾ ਗੜ ਸਾਹਿ ਚੜਾਯਾ ।
ਮੰਜੀ ਬਹਿ ਸੰਤੋਖ ਸੁਆਨ ਸਿਕਾਰ ਖਿਲਾਯਾ ।
ਬਾਣੀ ਕਹ ਸੁਣ ਗਾਂਵਦੇ ਐਸ ਰੀਤ ਪਾਛੇ ਭਈ ।
ਇਹ ਕਥਾ² ਗਾਇ ਸੁਨਿ ਹੈ ਜੁਈ ਉਲਟ ਰੀਤਿ ਜਗ ਮਹਿ ਕਈ ॥ 1070 ॥

ਦੋਹਰਾ

ਸਮਰਥ ਗੁਰੂ ਕ੍ਰਿਸ਼ਨਾ ਸੁਨੋ ਜੋ ਚਾਹੇ ਸੋ ਹੋਇ ।
ਪੁਨਾ ਤਖਤ ਬਿਨਤੀ ਕਰੀ ਕੈਸ ਸਾਂਤ ਮਮ ਹੋਇ ॥ 1071 ॥

ਚੌਪਈ

ਚਲੋ ਆਪ ਤਹਿ ਗੁਰ ਨਿਕਟਾਇ । ਤੁਮਰੇ ਬਚ ਗੁਰੂ ਕੇ ਮਨ ਭਾਇ ।
ਸ੍ਰੀ ਗੁਰੂ ਤਯਾਗ ਤਾਹਿ ਕਾ ਕਰਹਿ । ਪ੍ਰਤੀਤਿ ਮੋਹਿ ਬਚ ਤੁਮ ਨਹਿ ਟਰਹਿ ॥ 1072 ॥

¹ਅ ਪੋਥੀ ਪੁਰਾਤਨ ²ਅ ਤੇ ਬ ਪੋਥੀ ਗਾਥਾ

ਬੁਢੇ ਭਾਈ ਕਹਾ ਸੁਨਾਇ । ਕਰੋ ਸੋਇ ਜੋ ਤੁਮ ਮਨ ਭਾਇ ।
ਚਰਚਾ ਭਈ ਜਾਮ ਬਹੁ ਤਹਾਂ । ਆਯੋ ਜਾਮ ਦ੍ਰਿਗ ਤਪ ਰਵਿ ਮਹਾਂ ॥ 1073 ॥

ਦੋਹਰਾ

ਪ੍ਰੇਮ ਮਗਨ ਸਾਤਹੁ ਚਲੇ ਸੁਧਾ ਸਰੋਵਰ ਓਰ ।
ਕਛੁ ਘਾਮ ਬਯਾਪੈ ਨਹੀਂ ਅਮੀ ਪ੍ਰੇਮ ਰਿਦ ਘੋਰ ॥ 1074 ॥

ਚੌਪਈ

ਪੰਥ ਚਲਤ ਗੁਰ ਚਰਚਾ ਕਰਹਿ । ਸਨੇ ਸਨੇ ਆਗੇ ਪਗ ਧਰਹਿ ।
ਅਮੀ¹ ਸਰੋਵਰ ਪਹੁੰਚ ਸੁਜਾਨਾ । ਕੂਪ ਨਾਇ ਰਿਖ ਕਰਯੋ ਇਸਨਾਨਾ ॥ 1075 ॥
ਤਖਤ ਬੰਦ ਦਰਸਨ ਦਰਬਾਰ । ਕੀਨਾ ਆਨੰਦ ਮਨ ਮਹਿ ਧਾਰ ।
ਪੁਰ ਜਨ ਮਿਲੇ ਸਭੀ ਤਹਿ ਆਏ । ਕੀਨ ਬਿਨੈ ਗੁਰ ਖੇਦ² ਮਿਟਾਏ ॥ 1076 ॥

ਦੋਹਰਾ

ਬੁਢੇ ਤਬ ਪੂਛਨ ਕੀਓ ਗਏ ਕਹਾਂ ਗੁਰ ਦੇਵ ।
ਹਾਥ ਜੋਰ ਸਿਖਨ ਕਹਿਓ ਜਾਨਤ ਆਪ [ਅਭੇਵ]³ ॥ 1077 ॥

ਚੌਪਈ

ਅਬਹੀ ਹੇਤ ਸਿਕਾਰ ਸਿਧਾਏ । ਚਾਟੀ ਵਿੰਡ ਕੀ ਜੂਹ ਮਹਾਏ ।
ਬੁਢਾ ਭਾਈ ਪਾਂਚ ਪਿਆਰੇ । ਸੁਨਤ ਐਸ ਤਹਿ ਓਰ ਪਧਾਰੇ ॥ 1078 ॥
ਭਗਤ ਸਿੰਘ ਗੁਰ ਮਨ ਕੀ ਜਾਨ । ਬੈਠਾ ਬੁਢਾ ਕਰ ਗੁਰੁ ਧਿਆਨ ।
ਕਛੁਕ ਦੂਰ ਰਾਮਸਰ ਤੇ ਜਾਨੋ । ਗਾੜੋ ਬਨ ਸਚ ਜਾਨ ਟਿਕਾਨੋ ॥ 1079 ॥

ਦੋਹਰਾ

ਤਿਲੋਕਾ ਤਖਤੁ ਅਗੂ ਗੁਰੁ ਪਠੇ ਕਰੋ ਸੁਧ ਜਾਇ ।
ਦੋਉ ਚਾਲੇ ਹਰਖ ਸਿਉ ਰਹੇ ਜਾਮ ਦਿਨ ਆਇ ॥ 1080 ॥

ਚੌਪਈ

ਦੁੰਦਤ ਭਏ ਦੁਈ ਮਨ ਲਾਈ । ਗਾੜੋ ਬਨ ਕਛੁ ਨਦਰ ਨਾ ਆਈ ।
ਸ੍ਰੀ ਗੁਰੁ ਸਭ ਘਟਿ ਅੰਤਰਜਾਮੀ । ਆਯੋ ਬਹੁਰ ਪਾਸ ਸੁਖ ਧਾਮੀ ॥ 1081 ॥
ਦੁਰਹੁ ਦੇਖ ਸਿਖ ਢਿਗ⁴ ਧਾਏ । ਪਗ ਪੰਕਜ ਗੁਰੁ ਕੇ ਲਪਟਾਏ ।
ਮੁਖ ਤੇ ਨਿਮ੍ਰਿਤ ਬਚਣ ਸੁਨਾਯੋ । ਬੁਢਾ ਭਾਈ ਪਗ ਲਪਟਾਯੋ ॥ 1082 ॥

ਚੌਪਈ

ਪਰਸਪਰ ਲਪਟ ਤਹਾਂ ਸੁਖ ਪਾਯੋ । ਮੁਖ ਸਿਉਂ ਆਨੰਦ ਕੁਸਲ ਅਲਾਯੋ ।
ਬੈਠੇ ਗੁਰੁ ਸੂਰ ਸਬ ਆਏ । ਬਿਧੀਏ ਆਦਿ ਬੈਠ ਹਰਖਾਇ ॥ 1083 ॥

¹ਅ ਪੋਥੀ ਅਮ੍ਰਿਤ ²ਅ ਪੋਥੀ ਕਸਟ ³ਅ ਪੋਥੀ ਵਿਚੋਂ ⁴ਦ ਪੋਥੀ ਨਿਕਟ ਸੁ

ਹਾਥ ਜੋਰ ਗੁਰੂ ਕਹਾ ਸੁਨਾਇ । ਪਰਤ ਘਾਮ ਰਵਿ ਤੇਜ ਮਹਾਇ ।
ਕੋਨ ਹੇਤ ਤੁਮ ਆਵਤ ਭਯੋ । ਸਾਧਰ ਕਰੋ ਬਿਲਮ ਕਿਉਂ ਕਯੋ ॥ 1084 ॥

ਦੋਹਰਾ

ਹਾਥ ਜੋਰ ਬੁਢੇ ਕਹਾ ਸਭ ਘਟਿ ਜਾਨਨਹਾਰ ।
ਭਗਤ ਵਤਸ ਤਵ ਨਾਮ ਹੈ ਦਾਸਨ ਖੇਦ ਨਿਵਾਰ ॥ 1085 ॥

ਚੌਪਈ

ਤੀਨ ਕਾਲ ਨਹਿ ਲੇਪ ਤੁਮਾਰੇ । ਸਚਾ ਸੁਧ ਬਪੁ ਰੂਪ ਤੁਮਾਰੇ ।
ਨਰ ਲੀਲਾ ਦਿਖ ਨਿੰਦਾ ਹੋਈ । ਕਰਤ ਮੂੜ ਨਰ ਜਗ ਮਹਿ ਜੋਈ ।
ਇਹ ਹਹਿ ਸਿਖ ਤੁਮਾਰੇ ਦਾਸ । ਨਿੰਦਾ ਭਲੀ ਇਨ੍ਹੈ ਦੁਖ ਰਾਸ ।
ਵਸ ਨਹਿ ਚਲੈ ਹਟਕ ਨਰ ਲੀਜੈ । ਭਗਤ ਵਤਸ^੧ ਇਨ੍ਹੈ ਰੋਛਾ ਕੀਜੈ ॥ 1087 ॥

ਸ੍ਰੀ ਗੁਰੋ ਵਾਚ ॥ ਦੋਹਰਾ ॥

ਜੋ ਆਇਸ ਮੋਕਉ ਕਰੋ ਕਰਹੁ ਸੋਇ ਨਿਰਧਾਰ ।
ਸਾਹਿਬ ਬੁਢੇ ਅਸ ਕਹਾ ਕੀਜੇ ਤਯਾਗ ਮੁਰਾਰ ॥ 1088 ॥

ਚੌਪਈ

ਕੋਲਾਂ ਤਯਾਗ ਕਰੋ ਹੋ^੨ ਸੁਆਮੀ । ਮਿਟੈ ਨਿੰਦ ਇਹ ਪੂਰਨ ਕਾਮੀ ।
ਬਿਧੀਏ ਆਦਿ ਸੂਰ ਸਿਖ ਜੇਤੇ । ਸਭ ਮਿਲ ਕਹਿਹ ਬਚਨ ਧਰ ਹੋਤੇ ।
ਮਾਨਨਜੋਗ ਬੁਢੇ ਕੇ ਬੰਨਾਂ । ਕਹਤ ਸਾਖ ਹੇ ਪ੍ਰਭ ਸੁਖ ਐਨਾਂ ।
ਬਾਨੀ ਭਈ ਅਕਾਸ ਤਦਾਏ । ਸਾਹਿਬ ਬੁਢਾ ਸਾਚ ਅਲਾਏ ॥ 1090 ॥

ਦੋਹਰਾ

ਸੁਨ ਚਕ੍ਰਤ ਸ੍ਰੀ ਗੁਰ ਭਏ ਚਹੁ ਦਿਸ ਦਿਸ ਪਸਾਰ ।
ਹਿਰਦੈ ਹਰਖ ਗੁਰ ਕੇ ਭਯੋ ਮੁਖ ਸਿਉ^੩ ਬੈਨ ਉਚਾਰ ॥ 1091 ॥

ਚੌਪਈ

ਮਾਨੋ ਸਭਾ ਬਿਬੇਕ ਸਥਾਈ । ਬਿਬੇਕ ਬਚਨ ਕਹਿ ਮੋਹਿ ਸੁਨਾਈ ।
ਤਦ ਅੰਤਰ ਬਾਨੀ ਨਭ ਹੋਈ । ਇਹ ਹਮ ਉਤਮ ਨਰ^੧ ਨਾ ਕੋਈ ।
ਤੀਰਥ ਰਚੇ ਈਹਾਂ ਸੁਖ ਧਾਰ । ਜਹ ਮਜਨ ਪਯੋ ਫਲ ਚਾਰ ।
ਨਭ ਬਾਨੀ ਸ੍ਰੀ ਗੁਰ ਸੁਨਿ ਭਾਈ । ਸਕਲ ਸਭਾ ਜੁਤ ਮਨ ਹਰਖਾਈ ।

ਦੋਹਰਾ

ਦਯਾ ਸਿਧ ਕਰ ਜੋਰ ਕੈ ਸ੍ਰੀ ਮੁਖ ਬਚਨ ਉਚਾਰ ।
ਸਾਹਿਬ ਬੁਢਾ ਜੀ ਸੁਨਹੁ ਸਤਿ ਬਚਨ ਨਿਰਧਾਰ ॥ 1093 ॥

^੧ਅ ਪੋਥੀ ਵਛਲ ^੨ਅ ਪੋਥੀ ਗੁਰੂ ^੩ਅ ਪੋਥੀ ਥਾਇ

ਚੌਪਈ

ਤੁਮ ਬਚ ਕੋਲਾਂ ਤਿਆਗ ਸੁਨਾਏ । ਵਸਅਹਿ ਤਾਤ ਨਾ ਪ੍ਰਾਨ ਰਹਾਏ ।
 ਕਰਹੂੰ ਤਿਆਗ ਭੋਰ ਚਿਤ ਧਾਰੇ । ਤੁਮ ਨਿਦੇਸ ਸਦ ਸੀਸ ਹਮਾਰੇ ॥ 1094 ॥
 ਆਇਸ ਔਰ ਮੋਹਿ ਕਰ ਜੋਈ । ਤਤ ਛਿਨ ਕਰਹੂੰ ਬਿਲਮ ਨਹੀਂ ਕੋਈ ।
 ਬੁਢੇ ਭਾਈ ਧੰਨ ਧੰਨ ਗਾਯੋ । ਸਭ ਸਿਖਨ ਮਨ ਆਨੰਦ ਪਾਯੋ ॥ 1055 ॥

ਦੋਹਰਾ

ਸਾਹਿਬ ਬੁਢੇ ਪੁਨ ਕਹਾ ਤੀਰਥ ਰਚਾ¹ ਇਹ ਠੋਰ ।
 ਬਾਨੀ ਨਭ ਆਇਸ ਦਈ ਤਜੋ ਬਿਲਮ ਸਿਰ ਮੌਰ ॥ 1096 ॥

ਚੌਪਈ

ਕਸ ਪਟ ਕਟਿ ਪ੍ਰਭੂ ਅੰਤਰਜਾਮੀ । ਦਯਾ ਸਿੰਧ ਸਾਹਿਬ ਸੁਖ ਧਾਮੀ ।
 ਉਠੇ ਜਾਮ ਅਹਿ ਅਰਥ ਰਹਾਯੋ । ਏਕਾਦਸ ਕਰ ਪਰਮ ਸੁਹਾਯੋ ॥ 1097 ॥
 ਸੋ ਪ੍ਰਭ ਲੀਨ ਹਾਥ ਨਿਜ ਧਾਰ । ਦਖਨ ਦਿਸ ਹੁਇ ਨਿਕਟ ਮੁਰਾਰ ।
 ਸਤਿਨਾਮੁ ਕਹਿ ਟੇਕ ਲਗਾਯੋ । ਸਰ ਬਿਬੇਕ ਮੁਖ ਨਾਮ ਧਰਾਯੋ² ॥ 1098 ॥

ਦੋਹਰਾ

ਸੁਨਤ ਨਾਮ ਹਰਖੇ ਸਭੀ ਪੁਨ ਗੁਰ ਕੀਨ ਉਚਾਰ ।
 ਕਾਰ ਕਵੈ ਜੋ ਯਾਹਿ ਕੀ ਉਤਮ ਫਲ ਲਹਿ ਚਾਰ ॥ 1099 ॥

ਅੜਿਲ

ਬੁਢੇ ਭਾਈ ਹਰਖ ਸਕਲ ਜਨ ਪਾਇਓ ।
 ਕਢੀ ਕਾਰ ਸਿਰ ਪੋਟ ਗੁਰੂ ਗੁਨ ਗਾਇਓ ।
 ਸ੍ਰੀ ਗੁਰੂ ਉਪਮ ਉਚਾਰ ਯਗ ਤਪ ਦਾਨ ਜੋ ।
 ਹੋ ਉਤਮ ਲਹੈ ਬਿਬੇਕ ਕਰ ਇਸ਼ਨਾਨ ਜੋ ॥ 1100 ॥
 ਹਠੀ ਤਪੀ ਸਿਖ ਵਾਸਾ ਇਹ ਠਾ ਲੈਹਿਗੇ ।
 ਅਗਨ ਪੰਚ ਤਨ ਤਾਇ ਮਾਨ ਤਜ ਦੈਹਿਗੇ ।
 ਕਰ ਮਜਨ ਤਨ ਤਿਆਗ ਈਹਾਂ ਨਰ ਆਇ ਜੋ ।
 ਪਰਮ ਧਾਮ ਕਉ ਜਾਇ ਭੋਗ ਜਪ ਪਾਇ ਜੋ ॥ 1101 ॥

ਦੋਹਰਾ

ਸਨੇ ਸਨੇ ਪਕਾ ਬਨੈ ਸਮਾ ਪਾਇ ਬਹੁ ਭਾਇ ।
 ਸੂਕੇ ਥਲ ਜਨ ਕਮਲ ਹੈ [ਸਰ]³ ਬਿਬੇਕ ਸੁਖਦਾਇ ॥ 1102 ॥
 ਭਗਤ ਸਿੰਘ ਤਾਂ ਦਿਨ ਸੁਨੇ ਥਿਤ ਸਤਮੀ ਜਾਨ ।
 ਜੇਨ ਵਦੀ ਦਿਨ ਵਿੰਸ ਦੁਇ⁴ ਸੁਰ ਗੁਰੂ ਰੁਚ ਸੁਖ ਖਾਨ ॥ 1103 ॥

¹ਅ ਤੋ ਏ ਪੋਥੀ ਰਚਹੁ ²ਅ ਤ ਏ ਪੋਥੀ ਅਲ ਯੋ ³ਅ ਪੋਥੀ ਵਿਚੋ ⁴ਏ ਪੋਥੀ ਬਾਈਸ

ਸਵੈਯਾ

ਤੀਰਥ ਕੰਠ ਸਥਾਨ ਪ੍ਰਭੂ ਤਹਿ ਰਾਜਤ ਓਰ ਗਿਰੰ ਸੁਖਦਾਈ ।
ਜਾਹਿ ਕੇ ਦਰਸ ਕੀਯੇ ਭ੍ਰਮ ਭਾਜਤ ਤੀਰਥ ਨਾਇ ਸਭੈ ਦੁਖ ਘਾਈ ।
ਸਿੰਧ ਦਯਾ ਤਹਿ ਕੀ ਉਪਮਾ ਪ੍ਰਭ ਆਪ ਕਹੀ ਬਹੁ ਭਾਂਤ ਬਨਾਈ ।
ਦਰਸ ਇਸਨਾਨ ਕੀਏ ਨਰ ਸੰਕਟ ਜੋਨ ਨਾ ਪਾਵਤ ਭੂਲ ਪਰਾਈ ॥ 1104 ॥

ਚੌਪਈ

ਭਗਤ ਸਿੰਘ ਜੇਤਕ ਪ੍ਰਭ ਸੈਨਾ । ਕਢੀ ਕਾਰ ਰਿਦ ਪੁਲਕਤ ਐਨਾ ।
ਅਥਯੋ ਸੂਰ ਪੁਨ ਨਿਸ ਪ੍ਰਗਟਾਏ । ਉਠੇ ਗੁਰੁ ਸਿਖਨ ਸੁਖਦਾਏ ।
ਬੁਢੇ ਕਰ ਗੁਰ ਕਰ ਗਹਿ ਲੀਨੋ । ਸਭ ਸਿਖਨ ਯੁਤ ਪਿਆਨਾ ਕੀਨੋ ।
ਚਰਚਾ ਕਰਤ ਪੰਥ ਬਹੁ ਆਏ । ਸੁਧਾ ਸਰੋਵਰ ਦਰਸਨ ਪਾਏ ॥ 1105 ॥

ਦੋਹਰਾ

ਦਰਬਾਰ ਤਖਤ ਬੰਦਨ ਕਰੀ ਬੁਢੇ ਭਾਈ ਸੰਗ ।
ਅਕਾਲ ਤਖਤ ਸ੍ਰੀ ਗੁਰ ਰਹੇ ਮਨ ਮਹਿ ਅਧਿਕ ਉਮੰਗ ॥ 1106 ॥

ਚੌਪਈ

ਪੂਰਨ ਭਈ ਗਾਥ ਸੁਖਦਾਈ । ਸਰ ਬਿਬੇਕ ਫਲ ਯਾਹਿ ਮਹਾਈ ।
ਕੌਲਾਂ ਗਾਥ ਅਲਪ ਸੁਨ ਲੀਜੈ । ਭਗਤ ਸਿੰਘ ਮਨ ਰੋਕਨ ਕੀਜੈ ॥ 1107 ॥
ਨਿਸਾ ਬਿਹਾਇ ਭੋਰ ਪ੍ਰਗਟਾਯੋ । ਦਯਾ ਸਿੰਧ ਅਸ ਬਿਯੋਤ ਬਨਾਯੋ ।
ਸੁੰਦਰ ਰਥ ਪ੍ਰਭੂ ਤੁਰਤ ਮੰਗਾਏ । ਏਕਲ ਕੌਲਾਂ ਸਦਨ ਸਿਧਾਏ ॥ 1108 ॥

ਦੋਹਰਾ

ਧੀਰਜ ਬਹੁ ਤਾਂਕੋ ਦੀਓ ਪੁਨ ਅਸ ਬਚਨ ਉਚਾਰ ।
ਜਸ ਜੀਵਨ ਹੈ ਜਗਤ ਮਹਿ ਅਪਜਸ ਮ੍ਰਿਤ ਨਿਹਾਰ ॥ 1109 ॥
ਮੁੜ ਲੋਕ ਅਪਜਸ ਕਰਹਿ ਭੇਦ ਨ ਜਾਨਹਿ ਕੋਇ ।
ਰਾਮ ਭੀਲਨੀ ਬਾਤ ਜਿਮ ਤਸ ਤੁਮ ਜਗ ਮੋਂ ਹੋਇ ॥ 1110 ॥

ਚੌਪਈ

ਤੁਮਰੇ ਤਨ ਵਸ ਦਿਵਸ ਪਰਾਨਾ । ਮਾਨ ਬਚਨ ਮਮ ਕਰੋ ਪਿਆਨਾ ।
ਪੁਰ ਕਰਤਾਰ ਜਹੁ ਮਮ ਪਿਆਰੀ । ਰਥ ਅਰੂੜ ਸਭ ਖੇਦ ਨਿਵਾਰੀ ॥ 1111 ॥

॥ ਕੌਲਾਂ ਵਾਚ ॥

ਪ੍ਰਾਨ ਬਿਹਾਇ ਚਿੰਤ ਮਮ ਨਾਹੀ । ਬਿਰਹਿ ਪ੍ਰਭੂ ਤੁਮ ਸਾਹਿਯੋ ਨ ਜਾਹੀ ।
ਪ੍ਰਾਨ ਅੰਤ ਦਰਸਨ ਮਮ ਦੀਜੈ । ਬਿਰਦ ਸੰਭਾਰ ਪ੍ਰਭੂ ਸੁਖ ਦੀਜੈ ॥ 1112 ॥

¹ਅ ਪੋਥੀ ਮ ਹਿ ²ਅ ਤੇ ਏ ਪੋਥੀ ਕਸਟ ³ਅ ਪੋਥੀ ਮੋਹਿ

ਤਬ ਗੁਰ ਭਨ ਅਸ ਹੀ ਸੁਖ ਹੋਵੈ । ਜਪੋ ਜਾਪ ਨਾਨਕ ਦੁਖ ਖੋਵੈ ।
ਮਾਨ ਬਚਨ ਕੋਲਾਂ ਬਡਭਾਗੀ । ਹੋਇ ਨਿਮਰ ਗੁਰ ਕੇ ਪਗ ਲਾਗੀ ॥ 1113 ॥

ਦੋਹਰਾ

ਗੁਰ ਮੂਰਤ ਰਿਦ ਧਾਰ ਕੈ ਰਬ ਅਰੂੜ ਕਰ ਪਿਆਨ ।
ਅਲਪ ਦਾਸ ਨਿਜ ਸੰਗਿ ਲੈ ਪ੍ਰੇਮ ਮਗਨ ਮਨ ਧਿਆਨ ॥ 1114 ॥

ਸਵੈਯਾ

ਨੀਰ ਬਿਨਾ ਜਿਮ ਮੀਨ ਸੁ ਤੜਪਤ ਤੇਲ ਬਿਹੀਨ ਸਿਖਾ ਕੁਮਲਾਈ ।
ਚੰਦ ਚਕੋਰ ਬਿਰਹਿ ਜਿਮ ਸੋਹਤ ਨੀਰਜ ਸੂਰ ਬਿਨਾਂ ਦੁਖ ਪਾਈ ।
ਕੰਤ ਬਿਨਾ ਜਿਮ ਨਾਰ ਦੁਖਾਂਤਰ ਨਾਹਿ ਬਿਨਾ ਪ੍ਰਤਨਾ ਮੁਰਛਾਈ ।
ਤੈਸ ਵਿਰਹਿ ਗੁਰ ਕੇ ਮਗ ਜਾਵਤ ਨੀਰਜ ਨਾਮ ਗੁਰੂ ਮੁਖ ਗਾਈ ॥ 1115 ॥

ਦੋਹਰਾ

ਦਰਸ ਲਾਗ ਇਸਥਿਤ ਰਹਿ ਹੈ ਕੋਲਾਂ ਦ੍ਰਿੜ ਤਨ ਪ੍ਰਾਨ ।
ਪਹੁੰਚੀ ਪੁਰ ਕਰਤਾਰਿ ਮਹਿੰ ਅਹਿਨਿਸ ਕਰ ਗੁਰ ਧਿਆਨ ॥ 1116 ॥

ਚੋਪਈ

ਕੋਲਾਂ ਵਿਦਾ ਜਬੈ ਗੁਰ ਕੀਨੀ । ਨਰ ਨਾਰੀ ਪਿਖ ਆਨੰਦ ਲੀਨੀ ।
ਸ੍ਰੀ ਗੁਰ ਤਖਤ ਬਰਾਜੇ ਆਇ । ਪੁਰ ਜਨ ਮਿਲ ਗੁਰ ਕਾ ਜਸ ਗਾਇ ॥ 1117 ॥
ਬੁਢੇ ਜੁਤ¹ ਪ੍ਰਭ ਸਦਨ ਪਧਾਰੇ । ਮੰਗਲ ਹੋਵਤ ਵਾਰ ਨਾ ਪਾਰੇ ।
ਤੀਨ ਦਿਵਸ ਰਹਿ ਬਯਾਹ ਮਝਾਰੀ । ਸਭ ਹਰਖਤ ਅਬਲਾ ਦੇ ਗਾਰੀ ॥ 1118 ॥
ਇਹ ਅਬ ਸੁੰਦਰ ਕਥਾ ਸੁਨੀਜੇ । ਨਾਰਦ ਜੀ ਭਾਰੀ ਸੁਖ ਲੀਜੇ ।
ਸੁਰ ਮੰਡਲ ਮਿਲ ਕੀਨ ਬਿਚਾਰਾ । ਉਰਝੇ ਗ੍ਰਿਹਸਤ ਗੁਰੂ ਕਰਤਾਰਾ ॥ 1119 ॥

ਚੋਪਾਈ

ਜਦਪਿ ਸੁਰ ਉਤਮ ਤਨ ਪਾਏ । ਤਦਪਿ ਭੀਰੂ ਸਦਾ ਰਹਾਏ ।
ਸਭ ਮਿਲ ਨਾਰਦ ਕੋ ਸਮਝਾਯੋ । ਕਹੋ ਸੰਦੇਸ ਗੁਰੂ ਢਿਗ ਜਾਯੋ ॥ 1120 ॥
ਹੇ ਪ੍ਰਭ ਸੁਰ ਰਛਾ ਅਬ ਕੀਜੈ । ਹਤੋ ਦੁਸ਼ਟ ਸੁ ਦਿਜ ਸੁਖ ਦੀਜੈ ।
ਮਾਤਾ ਪ੍ਰਾਨ ਅੰਤ ਪ੍ਰਾਨ ਧਾਰੇ । ਹਨੋ ਦੁਸ਼ਟ ਦ੍ਰਿੜ² ਧੋਨ ਹਤਾਰੇ ॥ 1121 ॥

ਦੋਹਰਾ

ਸੋ ਪ੍ਰਭ ਪੂਰਨ ਪ੍ਰਾਨ ਭਯੋ ਗਯੋ ਸੁ ਵਰਖ ਅਲਾਇ ।
ਹੇ ਗੁਰ ਦੇਰ³ ਨ ਕੀਜੀਏ ਹਨੋ ਦੁਸ਼ਟ ਦੁਖਦਾਇ ॥ 1122 ॥
ਤਬ ਨਾਰਦ ਗੁਰ ਪੈ ਅਯੋ ਪਰੀਖਾ ਹਿਤ ਬਚ ਕੀਨ ।
ਮੁਨੀ ਰੂਪ ਧਾਰਿ ਕੈ ਤਬੈ ਅਰਧ ਜਾਮ ਦਿਨ ਦੀਨ ॥ 1123 ॥

¹ਅ ਪੋਥੀ ਸਹਿਤ ²ਅ ਪੋਥੀ ਬਿਪ ³ਏ ਪੋਥੀ ਬਿਲੰਭ

ਭਗਤ ਸਿੰਘ ਨਾਰਦ ਅਯੋ ਕਰੀ ਡੰਡ ਪੁਨਾਮ ।
ਕੀਨ ਪ੍ਰਸਨ ਗੁਰ ਅਗ੍ਰੁ ਹੋਇ ਕਹੋ ਕਵਨ ਤੁਮ ਧਾਮ ॥ 1124 ॥

ਚੋਪਈ

ਕੌਨ ਭੇਖ ਕਿਆ ਰੂਪ ਤੁਮਾਰਾ । ਕੌਨ ਕੁੰਟਬ ਮਾਤ ਪਿਤ ਬਾਰਾ ।
ਸਖਾ ਪੁਤ੍ਰ ਕਹੁ ਕੌਨ ਤੁਮਾਰੇ । ਕਹਿ ਪਦ ਪੂਜੋ ਗੰਧ ਸਿੰਚਾਰੇ ॥ 1125 ॥
ਦਯਾ ਸਿੰਧ ਸੁਨਕੈ ਮੁਸਕਾਏ । ਦੈ ਉਤਰ ਭ੍ਰਮ ਤਾਂਹਿ ਬਿਹਾਏ ।
ਅਤਿ ਅਨੰਦ ਭਾਈ ਮਨਿ ਪਾਯੋ । ਕੀਨ ਉਚਾਰ ਕਵਿਤ ਤਦਾਯੋ ॥ 1126 ॥

ਦੋਹਰਾ

ਜੋ ਉਤਰ ਸ੍ਰੀ ਗੁਰ ਦਯੋ ਕਵਿਤ ਮਾਂਝ ਕਹਿ ਸੋਇ ।
ਜਾਨ ਤੀਨ ਸੈ ਤੀਨ ਪਰ ਸਮਝ ਅਰਥ ਬਹੁ ਸੋਇ ॥ 1127 ॥

ਚੋਪਈ

ਸੁਰ ਨਾਰਦ ਰਿਖ ਰਚਨ ਹਮਾਰੇ । ਸਾਧ ਸੰਗਿ ਮਮ ਸਦਨ ਅਪਾਰੇ ।
ਭੇਖ ਰੂਪ ਸੰਤਨ ਸੰਗਿ ਜਾਨੋ । ਮਾਤਾ ਪਿਤਾ ਮਮ ਸੰਤਿ ਬਖਾਨੋ ॥ 1128 ॥
ਕੁੰਟਬ ਸਖਾ ਸੁਤ ਸਰਬ ਨਿਧਾਨਾ । ਜੀਵਨ ਪ੍ਰਾਨ ਸਾਧ ਸੰਗਿ ਮਾਨਾ ।
ਧੂਪ ਦੀਪ ਸੰਤਨ ਸੰਗ ਪੂਜੋ । ਭੋਗ ਰੰਗ ਰਸ ਜਾਨ ਨ ਦੂਜੋ ॥ 1129 ॥

ਦੋਹਰਾ

ਸਾਧ ਸੰਗ ਸੁਖ ਸਰਬ ਮਮ ਸੋਭਾ ਉਪਮ ਅਨੂਪ ।
ਸੁਨ ਨਾਰਦ ਮੁਨਿ ਹਰਖਯੋ ਹਰਿਯੋ ਮੋਹ ਤਮ ਕੂਪ ॥ 1130 ॥
ਬਹੁ ਉਸਤਤਿ ਗੁਰ ਕੀ ਕਹੀ ਸੁਰ ਬਿਨਤੀ ਪੁਨ ਗਾਇ ।
ਹਨੋ ਦੁਸ਼ਟ¹ ਪ੍ਰਭ ਤੇਜ ਧਰ ਯਾ ਮਹਿ ਦੇਰ ਨ ਲਾਇ ॥ 1131 ॥

ਚੋਪਈ

ਸ੍ਰੀ ਗੁਰ ਕਹਿ ਚਿੰਤਾ ਨਹਿ ਕੀਜੈ । ਸੁਰ ਸੰਦੇਹ² ਕੋ ਧੀਰਜ ਦੀਜੈ ।
ਰਹੈ ਰੈਨ ਦਿਨ ਜੁਧ ਮਝਾਰਾ । ਹਨੇ ਦੁਸ਼ਟ ਦਿਜ ਧੋਨ ਹਤਾਰਾ ॥ 1132 ॥

ਦੋਹਰਾ

ਸਨੇ ਸਨੇ ਹਰ ਭਾਰ ਕੋ ਸੁਰ ਬਿਪ੍ਰਨ ਸੁਖ ਦੇਇ ।
ਸੁਨ ਨਾਰਦ ਨਭ ਮਹਿ ਗਯੋ ਸੁ ਕਹਯੋ ਸੁਰਨ ਸੰਦੇਹ ॥ 1133 ॥

ਚੋਪਈ

ਅਥਯੋ ਸੂਰ ਨਿਸਾ ਪ੍ਰਗਟਾਈ । ਦਯਾ ਸਿੰਧ ਕਰ ਚਰਿਤ ਮਹਾਈ ।
ਨਿਸਾ ਬਿਹਾਇ ਭੋਰ ਪ੍ਰਗਟਾਯੋ । ਭਾਈ ਬੁਢੇ ਮਨ ਸੁਖ ਪਾਯੋ ॥ 1134 ॥

¹ਅ ਪੋਥੀ ਮਲੇਵੁ ²ਅ ਤੇ ਏ ਪੋਥੀ ਸਮੂਹ

ਗੁਰ ਆਇਸ¹ ਲੈ ਦੋਇ ਪਧਾਰੇ । ਬੀੜ ਓਰ ਗੁਰ ਆਇਸ ਧਾਰੇ ।
ਦਾਸਨ ਦਾਸ ਦਾਸ ਕਵਿ ਜਾਨੋ । ਬਿਨਤੀ ਮਮ ਮੰਗਤ ਪਹਿਚਾਨੋ ॥ 1135 ॥

ਦੋਹਰਾ

ਛਿਮਉ ਭੂਲ ਮੋਰੀ ਪ੍ਰਭੂ ਜਾਨ ਦਾਸ ਜੜ ਜੀਵ ।
ਸਾਧ ਸੰਗ ਸ੍ਰਵਨੀ ਸੁਨਾ ਪਰਮ ਦਯਾ ਕੀ ਸੀਵ ॥ 1136 ॥

ਕਹਿਤ ਨਾਮ ਕਵਿ ਆਪਨੋ ਲਾਜਤ ਅਧਿਕ ਸੁ ਜਾਨ ।
ਬਰਨਤ ਸਾਹਿਬ ਨਾਮ ਕੋ ਕੈਸੇ ਨਾਮ ਬਖਾਨ ॥ 1137 ॥

ਬਾਰ ਬਾਰ ਮੋਰੀ ਬਿਨੈ ਦਾਸਨ ਦਾਸ ਪਛਾਨ ।
ਖੇਦ ਨਿਵਾਰੋ ਮੋਹਿ ਮਨ ਦੀਜੈ ਗੁਰ ਜਸ ਦਾਨ ॥ 1138 ॥

ਏਹ ਧਯਾਇ ਪੂਰਨ ਭਯੋ ਪੜੈ ਸੁਨੇ ਚਿਤ ਧਾਰ ।
ਅਛਤ ਫਲ ਤਨ ਚਾਰ ਲਹਿ ਗੁਰ ਕੇ ਧਾਮ ਪਧਾਰ ॥ 1139 ॥

ਸੁਨੋ ਸੰਤ ਆਗੇ ਕਥਾ ਮੁਗਲਸ ਖਾਨ ਸੰਘਾਰ ।
ਬਹੁ ਤੁਰਕਨ ਕਉ ਹਤ ਕਰਹਿ ਸ੍ਰੀ ਗੁਰ ਜੁਧ ਮਝਾਰ ॥ 1140 ॥

ਇਤਿ ਸ੍ਰੀ ਗੁਰ ਬਿਲਾਸ ਗ੍ਰੰਥੇ ਬਿਬੇਕ ਸਰ ਰਚਨ ਕੋਲਾਂ ਤਯਾਗ ਮਾਤਾ ਚਾਲਾਣਾ
ਜੁੱਧ ਤਿਆਰੀ ਔਰ ਅਨਕ ਚਰਿਤ ਬਰਨਨੋ ਨਾਮ ਨਵਮੋ ਧਿਆਇ ਸੰਪੂਰਨ ॥

¹ਏ ਪੌਥੀ ਆਗਯਾ

ਅਧਿਆਇ ਦਸਵਾਂ

ਸਵੈਯਾ

ਬੰਦਨ ਕੈ ਕਰਿ ਜੋਰ ਦੋਉ ਗੁਰ ਨਾਨਕ ਜੀ ਪਦ ਕੰਜ ਉਦਾਰੇ ।
ਕੀਟ ਮ੍ਰਿਗਿੰਦ ਕੀਏ ਸੁਖ ਸਿੰਧ ਅਵਿਸਨ ਸਿੰਧ ਜੈਸ ਪ੍ਰਗਟਾਰੇ ।
ਐਸ ਗੁਰੁ ਦਸਵਾ ਬਲਵਾਨ ਪਦਾਰਜ ਗੰਧ ਸਭੀ ਦੁਖ ਹਾਰੇ ।
ਸੰਪਟ ਹਾਥਨ ਮੋ ਸੁਖ ਸਿਉ ਕਵਿ ਸੰਗਤ ਪਾਦ ਸਹਾਇਤ ਧਾਰੇ ॥ 1 ॥

ਦੋਹਰਾ

ਸਾਰਦ ਮਾਤਾ ਬਿਮਲ ਮਤ ਬਾਰੰਬਾਰ ਪ੍ਰਨਾਮ ।
ਗੁਰੁ ਜਸ ਸਿੰਧ ਸਮਾਨ ਹੈ ਤੁਲਹਾ ਤੁਮਾਰੇ ਨਾਮ ॥ 2 ॥
ਪਰਮ ਚੰਡਿ ਗੁਰ ਸੁਤਾ ਕਾ ਬਰਨਉਂ ਵਿਆਹ ਪ੍ਰਸੰਗ ।
ਸਿੰਧ ਤਾਂਹਿ ਜਸ ਬੈਨ ਮੁਖ ਕਹਤ ਕਥਾ ਪ੍ਰਸੰਗ ॥ 3 ॥

ਚੌਪਈ

ਭਗਤ ਸਿੰਘ ਸੁਨ ਚਰਿਤ ਰਸਾਲਾ । ਹਰ ਗੋਬਿੰਦ ਗੁਰ ਕੀਨ ਕ੍ਰਿਪਾਲਾ¹ ।
ਭਾਈ ਬੁਢਾ ਜਬੈ ਸਿਧਾਏ । ਪਾਛੇ ਸ੍ਰੀ ਗੁਰੁ ਜੈਸ ਕਰਾਏ ॥ 4 ॥
ਬੈਠ ਇੰਕਤ ਏਕਲੇ ਜਾਈ । ਕੋਇ ਨ ਨਿਕਟ ਦਾਸ ਤਬ ਭਾਈ ।
ਨਾਰਦ ਪਠੀ ਕਲਾ ਨਿਜ ਨਾਰੀ । ਆਇ ਗੁਰੁ ਢਿਗ ਬੰਦਨ ਧਾਰੀ ॥ 5 ॥

ਦੋਹਰਾ

ਖੁਲੇ ਬਾਲ ਬਿਸਾਲ ਤਨ ਦੀਰਘ ਭੁਜ ਪਦ ਜਾਨ ।
ਝੁੰਡ ਜੋਗਨੀ ਸੰਗਿ² ਮਿਲ ਜੈ ਜੈ ਕੀਨ ਬਖਾਨ ॥ 6 ॥

ਸਵੈਯਾ

ਮੁਸਕਾਇ ਕਛੁ ਮੁਖ ਪੰਕਜ ਕੋਮਲ ਬੈਨ ਕਹੇ ਕਿਸ ਹੇਤ ਤੂੰ ਆਈ ।
ਤਾਹਿ ਬਿਨੈ ਕਰ ਐਸ ਕਹਾ ਪ੍ਰਭ ਮੋਹਿ ਸੁਨਹੁ ਪਤਿ ਤਾਂਹਿ ਪਠਾਈ ।
ਆਇਸ ਲੈ ਤੁਮਰੀ ਸੁਖ ਸਾਗਰ ਅਗ੍ਰਹ ਕਾਜ ਕੀਏ ਅਰਿ ਘਾਈ ।
ਔਰ ਤੁਰੰਗ ਅਪਾਰ ਲੀਓ ਅਬ ਆਇਸ ਹੋਇ ਕਰਉਂ ਮਨ ਲਾਈ ॥ 7 ॥

¹ਅ ਪੌਥੀ ਬਿਸਾਲਾ ²ਅ ਪੌਥੀ ਸਾਥ

ਦੋਹਰਾ

ਦਯਾ¹ ਸਿੰਧ ਹਰਖੈ ਤਬੈ ਸੁਨ ਕਲਹਾ ਕਉ ਬੈਨ ।
ਕਰ ਪੰਕਜ ਮੁਖ ਫੇਰ ਕੈ ਕੀਨੋ ਬਚਨ ਸੁਐਨ ॥ 8 ॥

॥ ਭੁਜੰਗ ਪ੍ਰਯਾਤ ਛੰਦ ॥

ਕਹੇ ਬੈਨ ਐਸੇ ਕਰੋ ਬਾਤ ਸੋਈ । ਹਨੋ ਦੁਸਟ ਦੋਖੀ ਜਿੰਤ ਜੁਧ ਹੋਈ ।
ਦਿਨੰ ਤੀਨ ਯਾ ਮਹਿ ਨਹੀਂ ਦੇਰੀ ਕੀਜੈ । ਰਿਦੇ ਸ਼ਾਹ ਵਾਸਾ ਅਬੈ ਜਾਇ ਕੀਜੈ ॥9॥
ਰਿਦਾ ਪ੍ਰੇਰ ਤਾਕਾ ਖਿਲੇ ਜੋ ਸ਼ਿਕਾਰਾ । ਗਹੋ ਬਾਜ ਬਾਂਕਾ ਮਚੇ ਜੁਧ ਭਾਰਾ ।
ਕਲਾ ਬੈਨ ਮਾਨੇ ਤਦੋਂ ਤਾਹਿ ਧਾਈ । ਬਸੀ ਸਾਹਿ ਐਨੋਂ ਰਿਦੇ ਖੋਭ ਪਾਈ ॥ 10 ॥

ਦੋਹਰਾ

ਕਲਾ ਕੀਨ ਨਾਰਦ ਤਬੈ ਸੰਗਤ ਪ੍ਰੇਰੀ ਜਾਇ ।
ਅਹਿ ਨਿਸ ਚਾਲੇ ਖੋਭ ਮਨ ਕਬ ਗੁਰ ਦਰਸਨ ਪਾਇ ॥ 11 ॥

ਚੌਪਈ

ਸ੍ਰੀ ਗੁਰ ਰਚੇ ਬਿਯਾਹ ਮਹਿ ਭਾਰੀ । ਜਾਨ ਕਮਲ ਸਮ ਲੇਪ ਨ ਧਾਰੀ ।
ਤਨ ਕਰ ਰੀਤਿ ਰਿਦੈ ਨਿਜ ਰੂਪਾ । ਸਦਾ ਅਟਲ ਟਲ ਨਾਹਿ ਅਨੂਪਾ ॥ 12 ॥
ਬਿਆਹ ਮਹਿ ਤੀਨ ਦਿਨ ਤਬ ਰਹੇ । ਨਰ ਨਾਰਨਿ ਮਨ ਆਨੰਦ ਲਹੇ ।
ਜਿਤਕ ਜਗਤ ਕੀ ਰੀਤਿ ਸੁ ਆਈ । ਤੇਲ ਬਟਨਾਦਿਕ ਸਭੈ ਕਰਾਈ ॥ 13 ॥

ਦੋਹਰਾ

ਕਾਬਲ ਕੀ ਸੰਗਤ ਅਈ ਮਨ ਮਹਿ ਚਾਹਿ² ਅਪਾਰ ।
ਜਾਇ ਦਰਸ ਅਬ ਹਮ ਕਰਹਿ ਕ੍ਰਿਪਾ ਸਿੰਧ ਕਰਤਾਰ ॥ 14 ॥
ਬੁੰਗਾ ਤਖਤ ਅਕਾਲ ਜੀ ਸੁੰਦਰ ਤਖਤ ਅਕਾਲ ।
ਸ੍ਰੀ ਸਤਿਗੁਰ ਤਹਿ ਬੈਠ ਕਰ ਮਨ ਮਹਿ ਭਏ ਕ੍ਰਿਪਾਲ ॥ 15 ॥

ਕਬਿੱਤ

ਰਾਮ ਦਾਸ ਪੁਰ ਆਈ ਕਾਬਲ ਕੇ ਸਿਖ ਧਾਈ,
ਸਭੇ ਗੁਰ ਦਰਸਨ ਕੀ ਚਾਹ ਚਿਤ ਭਰੀ ਹੈ ।
ਬਜ੍ਜ ਲਾਲ ਹੀਰਨ ਔ ਮੁਹਰਨ ਕੇ ਥਾਲ ਭਰੇ
ਡਾਲੀ ਬਹੁ ਮੇਵਨ ਕੀ ਭੇਟ ਆਗੇ ਧਰੀ ਹੈ ।
ਆਨੰਦ ਮਗਨ ਭਯੋ ਚਿਤ ਕਉ ਕਲੇਸ ਗਯੋ
ਅੰਚਰ ਸੂ ਗਰਿ ਡਾਰ ਬਿਨੈ ਬਹੁ ਕਰੀ ਹੈ ।
ਮੋਹ ਮਾਯਾ ਜਾਲ ਸਬ ਸਿਖਨ ਕੋ ਦੂਰ ਕਰਯੋ
ਸਤਿਗੁਰ ਕ੍ਰਿਪਾਲ ਨਿਹਾਲ ਸੰਗਤ ਸਭ ਕਰੀ ਹੈ ॥ 16 ॥

¹ਅ ਤੇ ਏ ਪੋਥੀ ਕ੍ਰਿਪਾ ²ਦ ਪੋਥੀ ਇਛ

ਦੋਹਰਾ

ਪ੍ਰਭ ਜੀ ਐਸ ਵਿਚਾਰਿਓ ਕੌਤਕ ਕਰਯੋ ਉਦਾਰ ।
ਛੂਧਾਵਾਨ ਸੰਗਤ ਸਬੈ ਜਾਮ ਦੁ ਦਿਵਸ ਨਿਹਾਰ ॥ 17 ॥
ਦਮੋਦਰੀ ਪਰ ਮਾਯਾ ਡਾਰੀ ਜਾਤੇ ਬਚਨ ਨ ਮਾਨ ।
ਦਯਾ ਸਿੰਧ ਪ੍ਰਭ ਕੌਤਕੀ ਸਾਹਿਬ ਸਕਲ ਜਹਾਨ ॥ 18 ॥

ਚੌਪਈ

ਨਿਕਟ ਬੋਲ¹ ਤਬ ਸਿਖ ਇਕ ਲੀਨੋਂ । ਕਹ ਸੰਦੇਸ ਮੰਦਰ ਪਠ ਦੀਨੋਂ ।
ਮਾਤ ਦਮੋਦਰੀ ਪੈ ਚਲ ਆਯੋਂ । ਜੋ ਗੁਰ ਕਹਾ ਸੁ ਤਿਨੈ² ਸੁਨਾਯੋਂ ॥ 19 ॥
ਮਾਤਾ ਜੀ ਜਬ ਯੋ ਸੁਨ ਪਾਵਾ । ਸ੍ਰੀ ਸਤਿਗੁਰ ਪਕਵਾਨ ਮੰਗਾਵਾ ।
ਮਾਤਾ ਜੀ ਤਬ ਕਹਿਯੋ ਸੁਨਾਇ । ਸਗਨ ਕੀਏ ਬਿਨ ਦੀਓ ਨ ਜਾਇ ॥ 20 ॥

ਦੋਹਰਾ

ਜਗ ਕੀ ਏ ਮਰਜਾਦ ਹੈ ਸੁਨੀਏ ਦੀਨ ਦਿਆਲ ।
ਸਗਨ ਕਰਉਂਗੀ ਮੈ ਜਬ ਤਬ ਦੇਵਹੂੰ ਤਤਕਾਲ ॥ 21 ॥

ਚੌਪਈ

ਤਬੇ ਸਿਖ ਫਿਰ ਗੁਰ ਪਹਿ ਆਯੋਂ । ਮਾਤਾ ਕਹਿਓ ਸੁ ਤਾਂਹਿ ਸੁਨਾਯੋਂ ।
ਫਿਰ ਗੁਰ ਕਹਿਓ ਸਿਖ ਕਉ ਧਾਈ । ਜਾਇ ਸਿਤਾਬ ਲਿਆਉ ਮਿਠਾਈ ॥ 22 ॥
ਮਾਤਾ ਜੀ ਫਿਰ ਕਛੂ ਨ ਦੀਨੋਂ । ਸ੍ਰੀ ਸਤਿਗੁਰ ਮਨ ਕੋਪ ਸੁ ਕੀਨੋਂ ।
ਤੀਜੀ ਬੇਰ ਸਿਖ ਚਲ ਗਯੋਂ । ਮਾਤਾ ਜੀ ਇਮ ਉਤਰ ਦਯੋਂ ॥ 23 ॥

ਦੋਹਰਾ

ਦੋਇ ਬਿਆਹ ਮਹਿ ਦਿਨ ਰਹੇ ਆਵਤ ਜੰਵ ਅਪਾਰ ।
ਅਬੇ ਮਿਠਾਈ ਬਾਂਟ ਕੇ ਕਿਆ ਦੇਵਹਿੰ ਤਿਸ ਬਾਰ ॥ 24 ॥

ਚੌਪਈ

ਸਤਿਗੁਰ ਮਨ ਮੋ³ ਕ੍ਰੋਧਿਤ ਭਏ । ਐਸ ਬਚਨ ਤਬ ਭਾਖਤ ਭਏ ।
ਤੁਮ ਸਿਖਨ ਨਹਿ ਦੀਨ ਮਠਾਈ । ਖਾਵੈਗੇ⁴ ਸੁ ਮਲੇਛ⁴ ਬਨਾਈ ॥ 25 ॥
ਕਿਰਪਾ ਸਿੰਧ ਮਨ ਐਸ ਵਿਚਾਰੇ । ਸਿਖ ਮੋਕਉ ਪ੍ਰਾਨਨ ਤੇ ਪਿਆਰੇ ।
ਸਿਖ ਏਕ ਹਲਵਾਈ ਆਯੋਂ । ਭਾਂਤ ਭਾਂਤ ਪਕਵਾਨ ਲਿਆਯੋਂ ॥ 26 ॥
ਦਯਾ ਸਿੰਧ ਮਨ ਹਰਖ ਸੁ ਲੀਨੋਂ । ਸਭ ਸਿਖਨ ਕਉ ਬਾਂਟ ਸੁ ਦੀਨੋਂ ।
ਦੋਇ ਜਾਮ ਦੋਇ ਘਰੀ ਰਹਯੋਂ ਦਿਨ । ਸਤਿਗੁਰ ਵਿਦਾ ਕੀਨ ਤਬ ਸਿਖਨ ॥ 27 ॥
ਨਿਜ ਨਿਜ ਆਸੂਮ⁵ ਜਾਤ ਸੁ ਭਏ । ਸਤਿਗੁਰ ਪੌਢ ਪਲੰਘ ਤਬ ਗਏ ।
ਦੋਇ ਘਰੀ ਵਿਸਰਾਮ ਕੀਓ ਜਬ । ਦੀਨਾ ਨਾਥ ਉਠੇ ਹਰਖਤ ਤਬ ॥ 28 ॥

¹ਅ ਪੋਥੀ ਬੁਲਾਇ ²ਅ ਪੋਥੀ ਮਾਤ ³ਅ ਪੋਥੀ ਮਾਹਿ ⁴ਅ ਤੇ ਏ ਪੋਥੀ ਮੁਗਲ ⁵ਅ ਪੋਥੀ ਸਦਨ

ਦੋਹਰਾ

ਕ੍ਰਿਪਾ ਸਿੰਧ ਅਤਿ ਕੌਤਕੀ ਕੌਤਕ ਕੀਨ ਅਪਾਰ ।
ਸੇਸ ਸਹਸ ਜਿਹਵਾ ਧਰੀ ਤਉ ਨਾ ਪਾਯੋ ਪਾਰ ॥ 29 ॥

ਸਵੈਯਾ

ਹਰਿ ਗੋਬਿੰਦ ਵਿਚਾਰ ਕੀਓ ਮਨ ਮਹਿ ਅਬ ਦੁਸ਼ਟਨ ਕੀ ਜੜ ਕਾਟ ਸੁਟਾਂਉ ।
ਤੁਰਕ ਸੰਘਾਰ ਉਬਾਰ ਸੁ ਸਿਖਨ ਮੇਧ ਕਾ ਭਾਰ ਸੁ ਆਜ ਹਟਾਂਉ ।
ਦਾਸਰਥੀ ਜਿਮ ਰਾਖਸ਼¹ ਮਾਰ ਮਲੇਛ ਸੰਘਾਰ ਸਭੀ ਸੁ ਗਟਾਂਉ ।
ਸਸਤ੍ਰ ਧਾਰ ਸ਼ਿਕਾਰ ਚੜੇ ਗੁਰ ਸਾਥ ਕੇ ਸੁੰਦਰ ਠਾਟ ਠਟਾਂਉ ॥ 30 ॥

ਦੋਹਰਾ

ਘੋਰੇ ਪਰ ਸਤਿਗੁਰ ਚੜੇ ਸਸਤ੍ਰ ਅਸਤ੍ਰ ਗਹਿ ਹਾਥ ।
ਕਰ ਦਾਹਨ ਬਾਜ ਬਿਰਾਜਹੀ ਸਭੈ ਸੂਰ ਭਏ ਸਾਥ ॥ 31 ॥

ਚੌਪਈ

ਸਤਿਗੁਰ ਤਲੇ ਬਾਜ ਸੁਭ ਕਰਨੀ । ਅਗ੍ਰ ਵਿਚਰਤ ਧਰਤ ਪਗ ਧਰਨੀ ।
ਨਾਨਾ ਗੁਨ ਨਹਿ ਜਾਤ ਬਖਾਨੇ । ਨਿਡਰ ਪਵਨ ਜਨ ਰਹੈ ਉਡਾਨੇ ॥ 32 ॥
ਕਹੀ ਸੁ ਜੁਹੀ ਜੁਰੇ ਘਨੇ । ਚੀਤੇ ਸੁਆਨ ਨ ਜਾਈ ਗਨੇ ।
ਸਭੇ ਸੂਰ ਲੀਏ ਬਾਜ ਅਪਾਰ । ਐਸੇ ਸਤਿਗੁਰ ਚੜੇ ਸ਼ਿਕਾਰ ॥ 33 ॥

ਦੋਹਰਾ

ਗੁਮਟਾਲੇ ਕੀ ਜੂਹ ਮਹਿ ਖੇਲਤ ਆਪ² ਸ਼ਿਕਾਰ ।
ਜੀਵ ਜੰਤ ਮਾਰੇ ਸਭੇ ਗਏ ਸੁ ਸੁਰਗ ਸਿਧਾਰ ॥ 34 ॥

ਚੌਪਈ

ਚੀਤੇ ਸੁਆਨ ਸੁ ਮਿਰਗ ਮਾਹਾਏ । ਕੁਹੀ ਬਾਜ ਪੰਛੀ ਗਹਿ ਲਿਆਇ ।
[ਰੁਚਰ]³ ਸੁ ਤਨ ਧਰਿ ਚੜੇ ਬਿਬਾਨਾ । ਕ੍ਰਿਪਾ ਸਿੰਧ ਜਹਿ ਮਾਰੇ ਬਾਨਾ ॥ 35 ॥
ਏ ਬਿਧਿ ਖੇਲਿਓ ਬਹੁਤ ਸ਼ਿਕਾਰਾ । ਮਾਰੇ ਰੀਛ ਰੋਝ ਝੰਖਾਰਾ ।
ਮਾਨੁਖ ਬਪੁ ਕਰ ਅੰਗੀਕਾਰ । ਸੂਮਤ ਭਏ ਸਤਿਗੁਰ ਕਰਤਾਰ ॥ 36 ॥
ਤਬੈ ਸਿਖ ਸਿਉ ਕਹਿਯੋ ਬੁਝਾਇ । ਈਹਾਂ ਛਾਵ ਨ ਦ੍ਰਿਸ਼ਟੀ ਆਇ ।
ਹਾਥ ਜੋਰ ਸਿਖ ਐਸ ਉਚਾਰਯੋ । ਦੁਇ ਪੀਪਰ ਮਹਾਰਾਜ ਨਿਹਾਰਯੋ ॥ 37 ॥
ਜਰੇ ਸੁ ਪੀਪਰ ਨਜਰ ਨ ਆਵਹਿ । ਭਸਮੀ ਭੂਤ ਸਭੀ ਹੋਇ ਜਾਵਹਿ ।
ਅਬ ਵਹ ਪੀਪਰ ਜਰੇ ਦ੍ਰਿਸ਼ਟਾਹੀ । ਗੁਮਟਾਲੇ ਹਦ ਪੀਪਰ ਨਾਹੀ ॥ 38 ॥

ਦੋਹਰਾ

ਈਹਾਂ ਗਾਥ ਐਸੇ ਭਈ ਸੁਨਹੁ ਸੰਤ ਨਿਰਧਾਰ ।
ਸਾਹਿਜਹਾਂ ਜੁ ਲਾਹੌਰ ਤੇ ਖੇਲਨ ਚੜਿਓ⁴ ਸ਼ਿਕਾਰ ॥ 39 ॥

¹ਅ ਤੇ ਏ ਪੋਥੀ ਅਸੁਰ ²ਅ ਪੋਥੀ ਗੁਰੂ ³ਅ ਪੋਥੀ ਵਿਚੋਂ ⁴ਏ ਪੋਥੀ ਚਲਿਓ

ਚੌਪਈ

ਖੇਲਤ ਸ਼ਿਕਾਰ ਦੂਰ ਚਲ ਆਯੋ । ਸ਼ਾਹਿਜਹਾਂ ਮਨ ਐਸੇ ਭਾਯੋ ।
ਪੰਛੀ ਦੇਖਯੋ ਏਕ ਸੁਕਾਬ । ਬਾਜ ਸਪੰਦ ਛੁਟਿਯੋ ਕਰ ਦਾਬ ॥ 40 ॥
ਤ੍ਰਿਪਤ ਬਾਜ ਵਹਿ ਚੋਟ ਨ ਕਰਹੀ । ਦੌਰ ਦੌਰ ਪੰਛੀ ਕਉ ਧਰਹੀ ।
ਸ਼ਾਹਿਜਹਾਂ ਗਯੋ ਆਪ ਲਾਹੌਰ । ਮੀਰ ਸ਼ਿਕਾਰ ਦੌਰੇ ਬਾਜੌਰ ॥ 41 ॥

ਦੋਹਰਾ

ਆਵਤ ਬਾਜ ਨਿਹਾਰਿਓ ਸੁੰਦਰ ਪੰਛੀ ਸਾਬ ।
ਦੁਸ਼ਟ ਮੂਲ ਹਰ ਸ੍ਰੀ ਗੁਰ ਛੋਡਿਓ ਬਾਜ ਸੁ ਹਾਬ ॥ 42 ॥

॥ ਭੁਜੇਗ ਛੰਦ ॥

ਤਬੈ ਬਾਜ ਦਉਰਿਓ ਦਯਾ ਸਿੰਧ ਕੇਰੋ । ਹਨੀ ਚੁੰਚ ਤੀਛੀ ਲਯੋ ਤਾਸ ਘੇਰੋ ।
ਦਉ ਬਾਜ ਬੈਠੇ ਸੁਕਾਬੰ ਕ ਮਾਰੇ । ਸਿਖੰ ਦੌਰ ਲੀਨੇ ਸੁ ਹਾਬੰ ਮਝਾਰੇ ॥ 43 ॥

ਦੋਹਰਾ

ਸੁੰਦਰ ਬਾਜ ਨਿਹਾਰਿਓ ਸ੍ਰੀ ਗੁਰ ਭਏ ਕ੍ਰਿਪਾਲ ।
ਬਾਜ ਪਕਰ ਨਿਜ ਕਰ ਲੀਯੋ ਸਿਖ ਕਉ ਕਹਯੋ ਨਿਹਾਲ ॥ 44 ॥
ਮੀਰ ਸ਼ਿਕਾਰ ਅਏ ਤਬੇ ਭਾਲਤ ਬਾਜ ਬਿਹਾਲ ।
ਸਤਿਗੁਰ ਪਹਿ ਬਿਨਤੀ ਕਰੀ ਬਾਜ ਦੇਹ ਤਤਕਾਲ ॥ 45 ॥

ਚੌਪਈ

ਕ੍ਰਿਪਾ ਸਿੰਧ ਤਬ ਐਸ ਉਚਾਰਾ । ਚੋਰੀ ਲੀਨ ਨਾ ਬਾਜ ਤੁਮਾਰਾ ।
ਹਮ ਪੈ ਭੇਜਿਓ ਸ੍ਰੀ ਅਕਾਲ । ਕਤ ਕਉ ਤੁਮ ਅਤਿ ਭਏ ਬਿਹਾਲ ॥ 46 ॥
ਮੀਰ ਸ਼ਿਕਾਰ ਬੋਲ ਕ੍ਰਿਪਾ ਬੈਨਾ । ਬਾਦਸ਼ਾਹ ਦਿਲੀ ਜਹ ਐਨਾ ।
ਤਾਂਕੋ ਬਾਜ ਤੁਰਤ ਹਮ ਦੀਜੈ । ਬ੍ਰਿਥਾ ਕਸਟ^੧ ਨਹਿੰ ਤਨ ਪਰ ਲੀਜੈ ॥ 47 ॥
ਦਯਾ ਸਿੰਧ ਬੋਲੇ ਤਬ ਬਚਨਾ । ਦਿਲੀ ਪਤਿ ਪੈ ਗਏ ਨ ਜਚਨਾ ।
ਐ ਤਿਸਕੀ ਹਮ ਕਾਨ ਨਾ ਕਰਹਿੰ । ਏਕ ਅਕਾਲ ਟੇਕ ਮਨ ਧਰਹਿੰ ॥ 48 ॥
ਮੀਰ ਸ਼ਿਕਾਰ ਤਬ ਭਏ ਬਿਹਾਲ । ਦੌਰ ਲਹੌਰ ਗਏ ਤਤਕਾਲ ।
ਪਾਤਸ਼ਾਹਿ ਆਗੇ ਭਏ ਨਾਂਢੇ । ਨਿਕਸ ਨ ਬਚਨ ਕ੍ਰੋਧ ਕੇ ਬਾਢੇ ॥ 49 ॥
ਹਜ਼ਰਤ ਬਾਜ ਗੁਰੂ ਗਹਿ ਲੀਨੋ । ਹਮ ਕਉ ਤ੍ਰਾਸ ਬਹੁਤ ਦੁਖ ਦੀਨੋ ।
ਤੁਮਰੋ ਭੈ ਤਿਨ ਨੈਕ ਨਾ ਕਯੋ । ਪਕਰ ਬਾਜ ਹਮ ਕਉ ਦੁਖ ਦਯੋ ॥ 50 ॥

ਦੋਹਰਾ

ਬਾਦਸ਼ਾਹ ਧੀਰਜ ਦਯੋ ਨਿਜ ਸੈਨੀ ਕਰ ਹਾਬ ।
ਸੈਨ ਬੁਲਾਈ ਆਪਨੀ ਬਹੁਤ ਕ੍ਰੋਧ ਕੇ ਸਾਬ ॥ 51 ॥

^੧ਏ ਪੋਥੀ ਕਰੁਧ ^੨ਅ ਤੇ ਏ ਪੋਥੀ ਖੇਦ

ਏਕ ਪਠਾਨ ਸੂਰਾ ਹੁਤੋ ਮੁਗਲਸ ਖਾਂ ਤਿਹੰ¹ ਨਾਮ ।
ਹਾਥ ਜੋੜ ਠਾਢਾ ਭਯੋ ਬਾਦਿਸ਼ਾਹ ਕੇ ਕਾਮ ॥ 52 ॥

ਚੌਪਈ

ਬਾਦਿਸ਼ਾਹ ਆਗਿਆ ਮੁਹਿ ਦੀਜੈ । ਅਪਨੀ ਸੈਨ ਸਾਥ ਮੁਹਿ ਕੀਜੈ ।
ਜਾਇ ਗੁਰੂ ਸਿਉਂ ਜੁਧ ਮਚਾਵਉਂ² । ਸਭ ਕੋ ਮਾਰ³ ਬਾਜ ਗਹਿ ਲਿਆਵਉਂ ॥ 53 ॥
ਸਪਤ ਸਹਸ ਸੂਰ ਮਮ ਸੰਗਾ । ਔਰ ਸੈਨ ਮੁਹਿ ਦੇਹ ਅਭੰਗਾ ।
ਮੁਗਲਸ ਖਾਂ ਕੇ ਬੈਨ ਸੁਨੇ ਜਬ । ਭਯੋ ਪ੍ਰਸੰਨ ਬਾਦਿਸ਼ਾਹਿ ਤਬ ॥ 54 ॥
ਸਿਰੁਪਾਉ ਤਾਂਕੋ ਤਬ ਦੀਨੋ । ਨਿਜ ਸੂਰੇ ਦੇ ਬਿਦਾ ਸੁ ਕੀਨੋ ।
ਇਹ ਬਿਧਿ ਚੜ੍ਹਯੋ ਖਾਨ ਹੰਕਾਰ । ਈਹਾਂ ਸਾਹਿਬ ਖੇਲ ਸਿਕਾਰ ॥ 55 ॥

ਦੋਹਰਾ

ਦੋਇ ਘਰੀ ਦਿਨ ਰਹਾ ਲਖ ਅਏ ਸੁ ਪੁਰ ਰਮਦਾਸ ।
ਕ੍ਰਿਪਾਸਿੰਧ ਆਗਿਆ ਕਰੀ ਸੂਰ ਸਜੋ ਸਬ ਸਾਜ ॥ 56 ॥
ਸ੍ਰੀ ਸਤਿਗੁਰ ਬੈਠਤ ਭਏ ਬੁੰਗੇ ਤਖਤ ਅਕਾਲ ।
ਸੋਦਰ ਸੁਨਿ ਰਹਿਰਾਸ ਕਉ ਜਾਪ ਸੁ ਕੀਨ ਕ੍ਰਿਪਾਲ ॥ 57 ॥

ਅੜਿਲ

ਸੁੰਦਰ ਲਗਿਓ ਦੀਵਾਨ ਬਹੁਤ ਮਨ ਭਾਵਹੀ ।
ਮਨ ਬਾਂਛਾ ਜੋ ਕਰੈ ਸਭੈ ਫਲ ਪਾਵਹੀ ।
ਸਤਿਗੁਰ ਫੇਰਤ ਬਾਨ ਸੁ ਚੁਟਕੀ ਧਾਰਕੈ ।
ਹੋ ਚਾਹਤ ਕਰਿਓ ਨਿਦਾਨ ਮਲੇਛੁ ਸੰਘਾਰ ਕੈ ॥ 58 ॥

ਦੋਹਰਾ

ਹਰਿ ਗੋਬਿੰਦ ਹਰਖਤ ਭਏ ਧੂਪ ਸੁ ਦੀਪ ਜਗਾਇ ।
ਸਸਤ੍ਰਨ ਕੀ ਪੂਜਾ ਕਰਹਿ ਮਨ ਮਹਿ ਹਰਖ ਬਢਾਇ ॥ 59 ॥
ਏਕ ਘਰੀ ਪੂਜਾ ਕਰੀ ਦਯਾ ਸਿੰਧ ਰਣਧੀਰ ।
ਫਿਰ ਤਹਿਤੇ ਬਾਨੀ ਭਈ ਹਨੋ ਦੁਸ਼ਟ ਕੋ ਬੀਰ ॥ 60 ॥

ਚੌਪਈ

ਸਤਿਗੁਰ ਕੀਰਤਨ ਸੁਣਨੇ ਲਾਗੇ । ਸਭੈ ਸਿਖ ਗੁਰ ਰਸ ਮੈ³ ਪਾਗੇ ।
ਕ੍ਰਿਪਾ ਸਿੰਧ ਤਬ ਆਗਿਆ ਕਰੀ । ਸਭੇ ਸੁਚੇਤ ਰਹੋ ਨਿਜ ਘਰੀ ॥ 61 ॥
ਚਾਰ ਘਰੀ ਨਿਸ ਬਿਤਤੀ⁴ ਜਬੈ । ਪ੍ਰਸਾਦਿ ਤਯਾਰ ਲਾਂਗਰੀ ਤਬੈ ।
ਰਾਗੀ ਭੋਗ ਸਬਦ ਕਾ ਪਾਯੋ । ਕ੍ਰਿਪਾ ਸਿੰਧ ਮਨ ਹਰਖ ਬਢਾਯੋ ॥ 62 ॥

ਦੋਹਰਾ

ਭੋਜਨ ਕੀਨਾ ਗੁਰੂ ਜੀ ਮਨ ਮਹਿ ਹਰਖ ਬਢਾਇ ।
ਪੁਨ ਕੀਰਤ ਸੋਹਲਾ ਸੁਣਿਓ⁵ ਆਨੰਦ ਚਿਤ ਅਧਿਕਾਇ ॥ 63 ॥

¹ਏ ਪੋਥੀ ਤਿਸ ²ਅ ਪੋਥੀ ਹਨਿ ਏ ਪੋਥੀ ਹਤਿ ³ਅ ਪੋਥੀ ਮਾਹਿ ⁴ਅ ਪੋਥੀ ਗਮਨੀ ⁵ਏ ਪੋਥੀ ਪਠਿਯੋ

ਕ੍ਰਿਪਾ ਸਿੰਧ ਨਿਜ ਮਹਲ ਗਏ ਸੁੰਦਰ ਪਲੰਘ ਬਿਰਾਜ ।
ਦਾਸਨਿ ਤਥੈ ਸੁ ਸਿਰ ਠਾਂਢੋ ਬਿਜੰਨ ਕਰਤੇ ਭਾਜ ॥ 64 ॥

ਕਬਿੱਤ

ਸਤਿਗੁਰ ਸਿਖਨ ਕੇ ਸੀਸ ਪਰ ਹਾਥ ਧਰਯੋ ਸੁਭ ਘਰੀ ਜਾਨ ਇਨੀ ਉਦਮ ਉਠਾਯੋ ਹੈ ।
ਕੋਟ ਪਰਮਾਨ ਆਈ ਕਿਲੇ ਭੀਤ ਮਨ ਭਾਈ ਛਾਤ ਕੇ ਨਮਿਤ ਬਲੇ ਬਹੁਤ ਲਜਾਯੋ ਹੈ ।
ਤਖਤ ਬਨਾਯੋ ਹੈ ਸੁ ਕ੍ਰਿਪਾ ਸਿੰਧ ਮਨ ਭਾਯੋ ਤਹਾਂ ਕਰੈ ਜੋ ਦੀਦਾਰ ਭਵ ਸਿੰਧ
ਸੋ ਲੰਘਾਯੋ ਹੈ ।

ਮਹਿਮਾ ਕਹੀ ਨਾ ਜਾਇ ਤੁਛ ਮਤਿ ਮੇਰੀ ਆਹਿ ਗੁਰ ਕਉ ਤਖਤ ਪਿਖ ਬਾਸਵ
ਲੁਭਾਯੋ ਹੈ ॥ 65 ॥

ਦੋਹਰਾ

ਕਿਤਕ ਸਿਖ ਡੇਰਾ ਕਰਹਿ ਤਿਸੀ ਦੁਰਗਾ¹ ਕੇ ਬੀਚ ।
ਪਵਨ ਬੁਹਾਰਤ ਆਪ ਤਹਿ ਬਾਸਵ ਅੰਮਿਤ ਸੀਚ ॥ 66 ॥

ਚੌਪਈ

ਸਤਿਗੁਰ ਚਰਿਤ ਸੁ ਐਸੇ ਕਰੇ । ਅਬ ਸੁਨਿ ਤਾਕੀ ਬਾਤ ਜੁ ਅਰੇ ।
ਮੁਗਲਸ ਖਾਂ ਤਬ ਹੀ ਚੜ ਅਯੋ । ਅਤੀ ਕੋਪ ਸਿਉ ਮਨ ਭਰਮਯੋ ॥ 67 ॥
ਸਭੀ ਸਿਖ ਮਿਲ ਬੈਠੇ ਤਹਾਂ । ਧਰਮਸਾਲ ਗੁਰੁ ਕੀ ਥੀ ਜਹਾਂ ।
ਸਭ ਸਿਖਨ ਮਨਿ ਐਸ ਬਿਚਾਰਾ । ਸਤਿਗੁਰ ਘਟਿ ਘਟਿ ਜਾਨ ਅਪਾਰਾ² ॥ 68 ॥
ਹਮਰੋ ਧਰਮ ਭੇਦ ਸਭ ਦੀਜੈ । ਕ੍ਰਿਪਾ ਸਿੰਧ ਚਾਹੋ ਸੋ ਕੀਜੈ ।
ਯਹਿ ਮਲੇਛ ਕਾ ਨਾਸ ਕਰੈਗੇ । ਹਮਰੈ ਚਿਤ ਸੰਤਾਪ ਹਰੈਗੇ ॥ 69 ॥

ਦੋਹਰਾ

ਸੰਧਯਾ ਸਮੇਂ ਵਿਚਾਰ ਅਸ ਵਾਸੀ ਸਿਖ ਲਾਹੋਰ ।
ਨਿਜ ਬਿਨਤੀ ਪਤੀਆ ਲਿਖੀ ਦਯਾਸਿੰਧ ਕੀ ਓਰ ॥ 70 ॥

॥ ਝੁਲਨਾ ॥

ਦੂਤ ਤੁਮ ਦੋਰ ਬਿਧ ਜਾਇ ਸ੍ਰੀ ਗੁਰੁ ਕਹੁ ਚੜ੍ਹਯੋ ਮਲੇਛ³ ਸੰਗ ਸੂਰ ਲੀਨਾ ।
ਆਪ ਪਕਰਿ ਹਥਿਆਰ ਤਿਆਰ ਹੋਇ ਲਰਨ ਕੇ ਤਾਂਹਿ ਤੇ ਜੁਧ ਕਾ ਮਤਾ ਕੀਨਾ ।
ਚੜੀ ਸੈਨ ਮਲੇਛ ਨਹਿ ਡਰਤ ਹੈ ਕਿਸੀ ਤੇ ਜਾਨ ਸਭ ਬਾਤ ਤੁਮ ਨਾਥ ਦੀਨਾ ।
ਤੁਮੇ ਆਪ ਪ੍ਰਬੀਨ ਨਹਿ ਹੀਨ ਬਲ ਕਿਸੀ ਤੇ ਲਿਖੀ ਵਹਿ ਬਾਤ ਜੋ ਦ੍ਰਿਸ਼ਟ ਚੀਨਾ ॥
71 ॥

ਚਲਯੋ ਤਬਿ ਧਾਇ ਅਤਿ ਪਉਨ ਕੇ ਬੇਗ ਸਿਉ ਘਰੀ ਚਾਰ ਤਬ ਜਾਮ ਹੁਇ ਕੇ
ਰਹਾਇ ।

ਅਤਿ ਰੈਨ ਅੰਧੇਰ ਕਛੁ ਦਿਸ਼ਟ ਨਹਿ ਆਵਤੋ ਪੜਤ ਗੁਰੁ ਮੰਤ੍ਰ⁴ ਕਛੁ ਭੈ ਨ ਪਾਈ ।

¹ਅ ਤੇ ਏ ਪੰਥੀ ਗੜ੍ਹ ²ਅ ਤੇ ਏ ਪੰਥੀ ਜਾਨ-ਹਾਰਾ ਅ ਪੰਥੀ ਮੁਗਲ ³ਅ ਪੰਥੀ ਬਾਨੀ

ਅਗੂ ਸ੍ਰੀ ਸਤਿਗੁਰ ਜਾਇ ਪਾਤੀ ਧਰੀ ਕਹੇ ਜੋ ਸਿਖ ਬਚ ਮੁਖ ਅਲਾਈ ।
ਬਾਤ ਸੁਨੰਤ ਅਨੰਤ ਮਨ ਮਾਹਿ ਚਿਤਵਨ ਕਰੀ ਨਾਮ ਐਸੇ ਸੁਹਾਈ ॥ 72 ॥

ਦੋਹਰਾ

ਸਰਬ ਕਾਮ ਪੂਰਨ ਕੀਏ ਤਿਸੀ ਦੂਤ ਕੇ ਆਪ ।
ਸਭ ਬਿਧ ਜਾਨਨਹਾਰ ਪ੍ਰਭੁ ਘਟਿ ਘਟਿ ਰਹੇ ਬਯਾਪ ॥ 73 ॥
ਸਾਹਿਜਹਾ¹ ਪਾਤੀ ਲਿਖੀ ਮੁਗਲਸ ਖਾਂ ਕੀ ਓਰ ।
ਬਾਜ ਸਹਿਤ ਲਿਆਵਉ ਈਹਾਂ ਸ੍ਰੀ ਗੁਰ ਸਭ ਸਿਰਮੌਰ ॥ 74 ॥

ਭੁਜੰਗ

ਚੜਿਓ ਆਪ ਖਾਨੰ ਮਹਾਂ ਕੋਪ ਧਾਰੇ ।
ਲਈ ਸੰਗ ਸੈਨਾ ਸੁ ਮਾਰੋਂ ਉਚਾਰੇ ।
ਬਡੀ ਰੈਨ ਆਂਧੀ ਖੁਰੰ ਧੂਰ ਉਠੀ ।
ਮਨੋ ਫਾਗ ਖੇਲੈ ਪਿਸਾਚੀ ਕਰੂਠੀ ॥ 75 ॥

ਸਵੇਯਾ

ਤਬ ਬਾਨੀ ਅਕਾਸ ਭਈ ਨਭ ਤੇ ਸੁ ਮਲੇਛਨ ਸੋ ਤਿਨ ਬਾਤ ਉਚਾਰੀ ।
ਤੁਮ ਜੰਬਕ ਜੂਥ ਇਕਤ੍ਰ ਭਏ ਕਤ ਛੇਰਤ ਹੋ ਅਤਿ ਸਿੰਘ² ਸੁਧਾਰੀ ।
ਪ੍ਰਾਨ ਸਿਉ ਪ੍ਰਾਨ ਨਹੀਂ ਤੁਮਰੀ ਗੁਰੁ ਕੇਹਰ ਸੰਗ ਕਰੋ ਕਤ ਰਾਰੀ ।
ਲਾਖ ਸਿਆਲ ਭਗੇ ਪਲ ਮਹਿ ਮ੍ਰਿਗਰਾਜ ਜਬੈ ਬਨ ਦੇਤ ਦਿਖਾਰੀ ॥ 76 ॥

ਦੋਹਰਾ

ਬਾਨੀ ਸੁਨਤ ਅਕਾਸ ਕੀ ਕੀਨਾ ਕ੍ਰੋਧ ਮਲੇਛ ।
ਆਯੋ ਕਾਲ ਨਾ ਹਟਤ ਹੈ ਅੰਤ ਨ ਲੇਵਤ ਸੇਖ ॥ 77 ॥
ਦੋਇ ਜਾਮ ਨਿਸ ਬੀਤ ਜਬ ਰਾਮ ਦਾਸ ਪੁਰ ਆਇ ।
ਸਭੇ ਬੈਠ ਮਿਲ ਮੰਤ੍ਰ ਕਰਿ ਦਾਰੂ ਬਾਟ ਧਰਾਇ ॥ 78 ॥

ਦੋਹਰਾ

ਸਿਖ ਗੁਰੂ ਕੇ ਜੋ ਰਹਹਿ ਨਵੀਨ ਦੁਰਗ ਕੇ ਮਾਹਿ ।
ਨਿਕਟ ਜਾਇ ਸ੍ਰੀ ਗੁਰੂ ਕੇ ਅਸ ਬਚ ਭਾਖੇ ਤਾਹਿ ॥ 79 ॥

ਚੋਪਾਈ

ਮਹਾਰਾਜ ਅਬ ਕਰੋ ਉਪਾਈ । ਸੈਨਾ ਬਡੀ ਮਲੇਛ [ਕੀ]³ ਆਈ ।
ਕ੍ਰਿਪਾਸਿੰਧ ਤਬ ਐਸ ਉਚਾਰੀ । ਆਕੀ ਗੜ ਤੁਮ ਕਰੋ ਸਵਾਰੀ ॥ 80 ॥
ਮਹਾਰਾਜ ਉਚਾ ਨਹੀਂ ਕੋਟ । ਲਗਹਿ ਧਾਰ ਹਮ ਕਿਸ ਕੀ ਓਟ ।
ਦਾਰੂ ਤੋਪ ਨਹੀਂ ਹਮ ਸੰਗਾ । ਕ੍ਰਿਪਾ ਸਿੰਧ ਤੁਮ ਬਚਨ ਅੰਭਗਾ ॥ 81 ॥

¹ਅ ਤ ਏ ਪੋਥੀ ਬਾਦਸ਼ਾਹਿ ²ਏ ਪੋਥੀ ਕੋਹਰ ³ਅ ਪੋਥੀ ਵਿਚੋਂ

ਦੀਨਾਨਾਥ ਕਰੇ ਅਸ ਬੈਨਾ । ਮਨ ਮੇ ਹੈ ਕਿ ਨਹੀਂ ਤੁਮ ਚੈਨਾ ।
ਲੋਹ ਕੋਟ ਭੀਤਰ ਹਮ ਕੀਨੀ । ਸਭੈ ਦੁਸ਼ਟ ਮਤ ਕਰ ਹੈ ਛੀਨੀ ॥ 82 ॥

ਸੋਰਠਾ

ਬਲੇ ਤੋਪ ਹਮ ਕੀਨ ਪੂਰ ਪੂਰ ਮਾਰੋ ਤਿਸੈ ।
ਸਿਛਿਆ^੧ ਅਸ ਗੁਰ ਦੀਨ ਅੰਗ ਸੰਗ ਤੁਮਰੇ ਬਸਉਂ ॥ 83 ॥

॥ ਭੁਜੰਗ ਪ੍ਰਯਾਤ ਛੰਦ ॥

ਤਬ ਦੋਰ ਆਕੀ ਮਹਾਂ ਕੋਟ ਕੀਨੋ । ਬਲੇ ਤੋਪ ਕੀਨੋ ਗੁਰੂ ਬੈਨ ਦੀਨੋ ।
ਤਬੈ ਪੂਰ ਪੂਰੇ ਸਿਖ ਤੋਪ ਛੋਡੀ । ਮਛੇਲੀ ਸੁ ਸੈਨਾ ਚੜੀ ਹੋਇ ਕੋਡੀ ॥ 84 ॥
ਭਯੋ ਤੋਨ ਠਾ ਜੰਗ ਭਾਰੀ ਮਹਾਨ । ਸਮਾ ਰੈਨ ਆਧੀ ਸਮੇਂ ਨ ਸਮਾਨੰ ।
ਤਬੈ ਦੋਰ ਸੈਨਾ ਕਰਯੋ ਅਸ ਹਲਾ । ਸਭੈ ਤੋਪ ਲੇਵੋ ਇਨੇ ਕੋਟ ਮਲਾ ॥ 85 ॥

ਦੋਹਰਾ

ਸਿਖਨ ਐਸ ਵਿਚਾਰਿਓ ਆਈ ਸੈਨ ਅਪਾਰ ।
ਗੁਰ ਮਹਿਲੀ ਇਹੁ ਜਾਇ ਜਿਨ ਰੋਕੋ ਜਾਇ ਸੁਧਾਰ ॥ 86 ॥
ਕਰ ਬੰਦਨ ਗੁਰ ਤਖਤ ਕੋ ਨਿਕਸ ਬਾਹਰ ਭਏ ਠਾਂਢ ।
ਸੈਨ ਮਲੇਛੀ ਦੇਖ ਕੈ ਸਿਖਨ ਕੋਪ ਸੁ ਬਾਢ ॥ 87 ॥

ਚੌਪਈ

ਚਾਪ ਚਲੈ ਸਿਖ ਐਸ ਵਿਚਾਰੀ । ਮਾਰੋ ਮਾਰੋ ਮਾਰ ਪੁਕਾਰੀ ।
ਐਸਾ ਜੁਧ ਭਯੋ ਤਹਿ ਖਾਨਾ । ਜੋਗਨਿ ਪੀਵਤ ਰੁਧਰ ਮਹਾਨਾ ॥ 88 ॥
ਭੂਤ ਪਿਸਾਚ ਦੇਹੰ ਕਿਲਕਾਰੀ । ਸ਼ਿਵ ਗਨ ਗਾਜਤ ਬੀਰ ਬੇਤਾਰੀ ।
ਨਭ ਮਹਿ ਸੁੰਚਰਿ ਨਿਰਤ ਸੁ ਕਰਹੀ । ਜੁਧ ਸੁਯੋਬਰ ਸੂਰਾ ਪਰਹੀ ॥ 89 ॥
ਇਹ ਬਿਧ ਭਯੋ ਤਹਾਂ ਸੰਗ੍ਰਾਮਾ । ਪਹੁੰਚੇ ਸੂਰ ਸੂਰ ਕੇ ਧਾਮਾ ।
ਸਤਿਗੁਰ ਸਿਖ ਸਹੀਦ ਹੋ ਗਏ । ਸੈਨ ਮਲੇਛੀ ਹਰਖਤ ਭਏ ॥ 90 ॥

ਦੋਹਰਾ

ਡੇਢ ਪਹਿਰ ਨਿਸ ਰਹਿ ਗਈ ਤਮ ਅਤਿ ਗਾੜਾ ਹੋਇ ।
ਬੀਥਨ ਮਹਿ ਭੂਲੇ ਫਿਰਹਿ ਪੈਂਡ ਨ ਸੂਝੇ ਕੋਇ ॥ 91 ॥

ਚੌਪਈ

ਕ੍ਰਿਪਾ ਸਿੰਧ ਤਬ ਬਚਨ ਉਚਾਰੇ । ਸਭੀ ਸੂਰ ਕਉ ਲੇਹੋ ਹਕਾਰੇ ।
ਪੰਚ ਸੂਰ ਗੁਰ ਕੈ ਸਿਰਮੌਰ । ਇਕ ਸਿਖ ਭੇਜਿਓ ਗੁਰ ਕੀ ਠੌਰ ॥ 92 ॥
ਤਿਨਕੇ ਨਾਮ ਕਹਉਂ ਸੁਨ ਪਿਆਰੇ । ਭਾਈ ਬਿਧੀਆ ਸੂਰ ਅਪਾਰੇ ।
ਭਾਈ ਪਿਰਾਣਾ ਸੂਰਾ ਭਾਰੀ । ਮਲਕ ਜਾਤੀ ਭਾਨੂੰ ਸੁ ਅਪਾਰੀ ।

ਪੈਦੇ ਖਾਂ ਸਮ ਸੂਰ ਨ ਕੋਈ । ਕ੍ਰਿਪਾ ਸਿੰਧ ਕੇ ਨਿਕਟਿ ਖਲੋਈ ।
 ਮਹਾਰਾਜ ਆਗਿਆ ਮਮ ਦੀਜੈ । ਨਿਜ ਮਨ ਚਿੰਤ ਕਛੂ ਨਹਿ ਕੀਜੈ ॥ 94 ॥
 ਦਯਾਸਿੰਧ ਨਿਜ ਸੂਰ ਸਿਧਾਰੇ । ਆਦਰ ਸਿਉ ਨਿਜ ਨਿਕਟ¹ ਬਿਠਾਰੇ ।
 ਕ੍ਰਿਪਾ ਸਿੰਧ² ਤਬ ਬੈਠ ਇਕੰਤਾ । ਤਿਨ ਸਿਉਂ ਪ੍ਰਫਿਓ ਸਤਿਗੁਰ ਮੰਤਾ ॥ 95 ॥
 ਲੋਹ ਕੋਟ ਮਮ ਸਿਖ ਜੋ ਰਹੇ । ਤੇ ਤਨ ਤਿਆਗ ਧਾਮ ਗੁਰ ਗਏ ।
 ਜੋ ਅਬ ਜਤਨ ਕਹੋ ਸੋ ਕਰੀਐ । ਨਿਜ ਮਨ ਬੀਰ ਬਿਲੰਬ ਨਾ ਧਰੀਐ ॥ 96 ॥

ਦੋਹਰਾ

ਕ੍ਰਿਪਾ ਸਿੰਧ ਕੇ ਬਚਨ ਸੁਨ ਹਰਖਤ ਭਏ ਸਭ ਬੀਰ ।
 ਸੂਰਜ ਪੈ ਕਿਆ ਬਲ ਕਰਹਿ ਜਿਉਂ ਉਲੂਕ ਗਨ ਧੀਰ ॥ 97 ॥

ਚੌਪਈ

ਮਹਾਰਾਜ ਤੁਮਰੋ ਬਲ ਪਾਈ । ਮਾਰਹਿ ਹਮ ਸੁ ਮਲੇਛ³ ਬਨਾਈ ।
 ਕਹਉ ਤ ਦਿਲੀ ਜੰਗ ਮਚਯੋ । ਕਹੋ ਲਾਹੌਰ ਲੂਟ ਘਰ ਲਯੋ ॥ 98 ॥
 ਸੈਨਾ ਸਭੀ ਮਲੇਛੀ ਹਨੋ । ਨਿਜ ਮਨ ਭੀਤਰ ਭੈ ਨਹਿ ਗਨੋ ।
 ਪੰਚ ਸੂਰ ਭਾਖੇ ਅਸ ਬਚਨਾ । ਸਤਿਗੁਰ ਐਸ ਬਿਚਾਰੀ ਰਚਨਾ ॥ 99 ॥

ਦੋਹਰਾ

ਧੀਰਜ ਸਿਉ ਹਮ ਮਾਰਨੇ ਸਭੇ ਮਲੇਛ ਬਨਾਇ ।
 ਅਬ ਈਹਾਂ ਤੇ ਨਿਕਸ ਕੈ ਲਰਹਿ ਮਦਾਨ⁴ ਸੁ ਜਾਇ⁴ ॥ 100 ॥
 ਕ੍ਰਿਪਾ ਸਿੰਧ ਬਚ ਭਾਖਿਓ ਸਭਿ ਸੂਰਨ ਕੇ ਸਾਥ ।
 ਹੁਇ ਸੁਚੇਤ ਸਭ ਹੀ ਚਲੇ ਸਸਤ੍ਰ ਅਸਤ੍ਰ ਗਹਿ ਹਾਥ ॥ 101 ॥
 ਨਿਜ ਰਸਨਾ ਤੇ ਭਾਖਿਓ ਸਤਿਗੁਰ ਦੀਨਾ ਨਾਥ ।
 ਰਾਮਸਰਹ ਕਉ ਤੁਮ ਚਲੋ ਕਛੂ ਨ ਲੀਜੈ ਸਾਥ ॥ 102 ॥

ਚੌਪਈ

ਸਤਿਗੁਰ ਮਨ ਮੋ ਐਸ ਵਿਚਾਰੀ । ਈਹਾਂ ਜੁਧ ਨਾ ਬਨੈ ਅਪਾਰੀ ।
 ਮੰਦਰ ਮਹਿ ਨਹਿ ਬਨੈ ਸੁ ਜੁਧਾ । ਜਾ ਮਦਾਨ ਮੋ ਹਨੋ ਸੁਕ੍ਰਧਾ ॥ 103 ॥

॥ ਸੰਕਰ ਛੇਦ ॥

ਅਬ ਨਿਕਸ ਇਹਾਂ ਤੇ ਚਲਹਿ ਹਮ ਰਾਮਸਰ ਅਸਥਾਨ ।
 ਕੁਟੰਬ ਸਭ ਕਉ ਤੋਰਿਓ ਸੰਗਿ ਸੂਰ⁵ ਦੀਨ⁵ ਮਹਾਨ ।
 ਆਗਿਆ ਸੁ ਤਬ ਐਸੇ ਕਰੀ ਕਛ ਧਨ ਨਾ ਲੇਵਉ ਹਾਥ ।
 ਯਹਿ ਭਾਖ ਦਧ ਸੁਤ ਸਰ ਚਲੈ ਪੰਜ ਸੂਰ ਨਿਜ ਸਾਥ ॥ 104 ॥
 ਪ੍ਰਿਥਮ ਆਏ ਤਖਤ ਬੁੰਗੇ ਬੰਦਨਾ ਬਹੁ ਬਾਰ ।
 ਆਗਿਆ ਲੀਨ ਅਕਾਲ ਤੇ ਸੁ ਮਲੇਛ ਕਰ ਸੰਘਾਰ ॥

¹ਅ ਪੋਥੀ ਪਾਸਿ ²ਅ ਤੇ ਏ ਪੋਥੀ ਸੁਖ ਸਾਗਰ ³ਅ ਪੋਥੀ ਮੁਗਲ ⁴ਅ ਪੋਥੀ ਸੂਰਣ ਮਹਿ ਜਾਇ

⁵ਅ ਤੇ ਏ ਪੋਥੀ ਸੂਰ ਦੀਓ

ਨਮਸਕਾਰ ਨਿਸਾਨ ਕਉ ਤਬ ਕੀਨ ਸਤਿਗੁਰ ਜਾਇ ।
ਬਹੁਰੋ ਪ੍ਰਕਰਮਾ ਕਉ ਚਲੇ ਮਨ ਮਹਿ ਸੁ ਹਰਖ ਧਰਾਇ ॥ 105 ॥

ਚੌਪਈ

ਦੁਖਭੰਜਨ ਤਬ ਬੇਰ ਦਿਖਾਨੇ । ਭਏ ਪ੍ਰਸੰਨ ਨੈਨ ਬਿਸਮਾਨੇ ।
ਤਹਾਂ ਇਸਨਾਨ ਕੀਨ ਮਨ ਮਾਨਾ । ਬਸਤ੍ਰ ਪਹਿਰ ਨਵ ਕ੍ਰਿਪਾ ਨਿਧਾਨਾ ॥ 106 ॥
ਬਹੁਰ ਚਲੇ ਸਤਿਗੁਰ ਦਰਬਾਰਾ । ਸਦਾ ਦਰਸ ਮਨ ਚਾਹਿ ਅਪਾਰਾ ।
ਬੇਦ ਪਰਕ੍ਰਮਾ ਕਰ ਹਰਿ ਮੰਦਰ । ਉਸਤਤਿ ਕੀਨ ਦਯਾ ਨਿਧਿ ਸੁੰਦਰ ॥ 107 ॥

ਸਵੈਯਾ

ਬੰਦਤ ਹਉ ਗੁਰ ਨਾਨਕ ਕਉ ਜਿਨ ਕੇ ਬਲ ਤੇ ਹਮਹੂੰ ਸੁਖ ਪਾਵਹਿ ।
ਸੰਕ੍ਰ ਅੰ ਚਤੁਰਾਨਨਿ ਲੋ ਜਿਹੰ ਢੂਢਤ ਨੀਤਿ ਸਮਾਧ ਲਗਾਵਹਿ ।
ਗੁਰ ਅੰਗਦ ਨਮੋ ਕਰਵਉਂ ਹਿਤ ਸਿਉ ਪੁਨ ਅਮਰ ਗੁਰੂ ਜਿਨ ਅੰਤ ਨਾ ਆਵਹਿ ।
ਰਾਮਦਾਸ ਗੁਰੂ ਹਰਿ ਰੂਪ ਭਏ ਗੁਰੂ ਅਰਜੁਨ ਅੰਤ ਨ ਕੋਇ ਲਖਾਵਹਿ ॥ 108 ॥

ਦੋਹਰਾ

ਹਾਥ ਜੋੜ ਖਸਟਮ ਗੁਰੂ ਬਿਨਤੀ ਐਸ ਸੁਧਾਰ ।
ਹਮ ਪਰ ਕਿਰਪਾ ਕਰਹੁ ਗੁਰੂ ਜੈ ਜੈ ਜੈ ਅਸੁਰਾਰ ॥ 109 ॥

ਛਪੈ

ਚਰਨ ਸਰਨ ਭਵ ਹਰਨ ਦੀਨ ਬੰਧਵ ਸੁਖ ਦਾਯਕ ।
ਪਤਿਤ ਪਵਿਤ੍ਰਹਿ ਕਰਤ ਸਕਲ ਬਾਤਨ ਪ੍ਰਭੂ ਲਾਯਕ ।
ਤੁਮ ਸਰ ਔਰ ਉਦਾਰ ਤੀਨ ਭਵਨਿਨ¹ ਮੈਂ ਨਾਹੀਂ ।
ਬਿਜੈ ਦਾਨ ਮੁਹਿ ਕਰਉ ਇਹੀ ਲੋਚਾ ਮਨ ਮਾਹੀ ।
ਮਲੇਛ ਨਾਸ ਚਿਤ ਧਰਤ ਹਉਂ ਕਰਨਾ ਕਰਿ ਪੂਰਨ ਕਰਹੁ ।
ਜੈ ਭਗਵੰਤ ਅਨੰਤ ਗੁਰ ਸੇਵਕ ਮਸਤਕ ਕਰ ਧਰਹੁ ॥ 110 ॥

ਦੋਹਰਾ

ਇਸ ਪ੍ਰਕਾਰ ਬਿਨਤੀ ਕਰੀ ਬਿਜੈ ਚਿਤ² ਕਰਿ ਆਸ ।
ਬਰੰ ਬਰੂਹ ਬਾਨੀ ਭਈ ਹਰਿਮੰਦਰ ਪ੍ਰਕਾਸ ॥ 111 ॥

ਸੌਰਠਾ

ਹੋਹੁ ਸੁ ਚਿਤ ਮਤ ਧੀਰ ਬਿਜੈ ਹੋਇ ਤੁਮਰੀ ਸਦਾ ।
ਬਲੀ ਜਗਤ ਮਹਿ ਬੀਰ ਤੁਮਰੇ ਸਮ ਨਹਿ ਕੋ ਭਯੋ ॥ 112 ॥

ਚੌਪਈ

ਅਬ ਤੁਮ ਕਰੋ ਮਲੇਛ³ ਸੰਘਾਰਾ । ਅਰੈ ਨ ਕੋਉ ਸੂਰ ਅਪਾਰਾ ।
ਤੁਮਰੋ ਪੌਤਾ ਹੁਇ ਬਲਵਾਨਾ । ਸਭ ਮਲੇਛ ਕਾ ਕਰੈ ਨਿਦਾਨਾ ॥ 31 ॥

¹ਅ ਪੋਥੀ ਲੋਕਨਿ ²ਅ ਪੋਥੀ ਰਿਦ ³ਅ ਤੇ ਏ ਤੁਰਕ

॥ ਭੁਜੰਗ ਛੰਦ ॥

ਭਈ ਐਸ ਬਾਨੀ ਮਹਾਂ ਪ੍ਰੇਮ ਧਾਰੇ । ਭਈ ਮੋਨ ਬਾਨੀ ਸੁ ਆਪ ਮਝਾਰੇ ।
ਸੁਨੀ ਐਸ ਬਾਨੀ ਗੁਰੂ ਦੀਨ ਨਾਥਾ । ਤਬੈ ਪ੍ਰੇਮ ਸਿਉ ਆਪ ਨਾਯੋ ਸੁ ਮਾਥਾ ॥ 114 ॥

ਦੋਹਰਾ

ਹਰਿ ਗੋਵਿੰਦ ਤਤ ਛਿਨ ਚਲੇ ਸਤਿਗੁਰ ਆਗਿਆ ਧਾਰ ।
ਆਗਿਆ ਕੀਨੀ ਸਿਖ ਕਉ ਲਿਆਉ ਤੁਰੰਗ ਹਮਾਰ ॥ 115 ॥

ਚੌਪਈ

ਕੁਮੈਤ ਰੂਪ ਤਾਜੀ ਸੁਭ ਸੰਗਾ । ਚਲਤ ਬਾਜ ਜਿਮ ਗੰਗ ਤਰੰਗਾ ।
ਲਾਹੌਰ ਜਾਇ ਕਾਜੀ ਬੀ ਆਨਾ । ਸ੍ਰੀ ਸਤਿਗੁਰ ਨਿਜ ਕ੍ਰਿਪਾ ਨਿਧਾਨਾ ॥ 116 ॥
ਸਤਿਗੁਰ ਭਏ ਤਾਹਿ ਅਸਵਾਰਾ । ਸਿਖੀ ਨਿਤ ਜਿਮ ਚਾਲ ਅਪਾਰਾ ।
ਪੰਚ ਸੂਰ ਪਹੁੰਚੇ ਸੰਗ ਜਾਈ । ਸਰ ਮਹਿਮਾ ਚਿਤ ਰਾਮ ਬਸਾਈ ॥ 117 ॥

ਦੋਹਰਾ

ਗੁਰ ਅਰਜਨ ਜੀ ਬੈਠ ਜਹਿ ਬਾਧੀ ਬੀੜ ਗ੍ਰੰਥ ।
ਜਿਹ ਪ੍ਰਸਾਦ ਸਭ ਜਗ ਤਰੈ ਚਲ ਹੈ ਨਿਰਮਲ ਪੰਥ ॥ 118 ॥
ਗੁਰ ਮੰਜੀ ਕਰ ਬੰਦਨਾ ਸਤਿਗੁਰ ਹਰੀ ਗੋਬਿੰਦ ॥
ਜਾਇ ਪ੍ਰਕਾਸੇ ਸੈਨ ਨਿਜ ਜਿਮ ਨਿਛਤ ਪਤਿ ਚੰਦ ॥ 119 ॥

ਚੌਪਈ

ਸਤਿਗੁਰ ਸਾਰ ਸਭਨ ਕੀ¹ ਲੀਨੀ । ਨਿਜ ਨਿਜ ਸਾਰ ਸਭਨ ਕਹਿ ਦੀਨੀ ।
ਬੀਬੀ ਵੀਰੋ ਜੀ ਨਹਿ ਆਈ । ਗੁਡੀਆ ਕਾਰਨ ਅਟਕ ਰਹਾਈ ॥ 120 ॥
ਜੋ ਕੋਈ ਮਨ ਸੰਕਾ ਕਰੈ । ਨਿਜ ਮਾਤਾ ਕਉ ਸਾਥਨ ਧਰੈ ।
ਨਿਜ ਮਾਤਾ ਮਨ ਐਸ ਵਿਚਾਰੀ । ਔਰ ਮਾਤ ਕੈ ਸੰਗਿ ਪਧਾਰੀ ।
ਇਹ ਭ੍ਰਮ ਸਿਉ ਬੀਬੀ ਠਹਿਰਾਈ । ਆਇ ਸੁਧ ਅਬ ਈਹਾਂ ਪਾਈ ।
ਕ੍ਰਿਪਾ ਸਿੰਧ ਤਬ ਐਸ ਉਚਾਰੀ । ਜਾਵੈ ਕੋ ਸੂਰਾ ਬਲਕਾਰੀ ॥ 121 ॥
ਕੁਲ ਪ੍ਰਹਤ ਸਿੰਘਾ ਜਹ ਨਾਮਾ । ਬਾਬਕ ਰਬਾਬੀ ਹੈ ਨਿਹਕਾਮਾ ।
ਕ੍ਰਿਪਾ ਸਿੰਧ ਤਬ ਬਚਨ ਉਚਾਰੈ । ਸੋ ਆਏ ਗੁਰ ਕੋ ਨਿਕਟਾਰੈ ॥ 122 ॥
ਬੀਬੀ ਕੋ ਲਿਆਵਹੁ ਤੁਮ ਜਾਈ । ਦੋਉ ਮੁਗਲ ਕਾ ਭੇਸ ਬਨਾਈ ।
ਦੋਹਨ² ਕਹਿਯੋ ਗਰੀਬ ਨਿਵਾਜਾ । ਨਿਸਾਨੀ ਦੇਹੁ ਦਿਖਾਵਨ ਕਾਜਾ ॥ 123 ॥

ਦੋਹਰਾ

ਦਯਾਸਿੰਧ ਤਬ ਸਿਮਰਨੀ³ ਦੀਨੀ ਤਿਨ ਕੇ ਹਾਥ ।
ਯਾਹਿ ਦਿਖਾਵਉ ਜਾਇ ਤੁਮ ਆਵਹਿ ਤੁਮਰੇ ਸਾਥ ॥ 124 ॥

¹ਅ ਪੰਥੀ ਪਰਵਾਹਿ ²ਏ ਪੋਥੀ ਤਿਨਹਿ ³ਅ ਤੇ ਏ ਪੋਥੀ ਨਿਜ ਮਾਲਾ

ਬਾਬਕ ਕਉ ਆਗਯਾ ਕਰੀ ਤੋੜਾ ਤੁਪਕ ਸੰਭਾਰ ।
ਤਤ ਛਿਨ ਮਾਰੋ ਤਾਂਹਿ ਕੋ ਜੋ ਆਵੈ ਨਿਕਟਾਰ ॥ 125 ॥

ਚੌਪਈ

ਜਬ ਕਰਹੋ ਤੁਮ ਤੁਪਕ ਅਵਾਜ । ਸਭੀ ਜੁਧ ਕਾ ਭੇਜੋਂ ਸਾਜ ।
ਹੁਇ ਸੁਚੇਤ ਜਾਵਉਂ ਤੁਮ ਭਾਈ । ਕ੍ਰਿਪਾ ਸਿੰਧ ਅਸ ਬੈਨ ਅਲਾਈ ॥ 126 ॥
ਭੇਖ ਮੁਗਲ ਕਾ ਦੋਹਨ ਕਰੇ । ਜਾਇ ਮਹਲ ਤਰ ਹੋਏ ਖਰੇ ।
ਬੀਬੀ ਜੀ ਆਵਉ ਤਤ ਕਾਲਾ । ਤੁਮ ਈਹਾਂ ਹਮ ਭਏ ਬਿਹਾਲਾ ॥ 127 ॥
ਬੀਬੀ ਜੀ ਤਬ ਤਿਨ ਬਚ ਸੁਨੇ । ਰੂਪ ਦੇਖ ਤਿਹਾਂ ਮਾਥਾ ਧੁਨੇ ।
ਤੁਮਰੇ ਬੈਨ ਪਛਾਨੇ ਹਮ ਸਬ । ਰੂਪ ਤੁਮਾਰਾ ਦਿਖ ਨ ਸਕਉਂ ਅਬ ॥ 128 ॥
ਸ੍ਰੀ ਗੁਰ ਸਿਮਰਨੀ ਤਬੈ ਦਿਖਾਈ । ਬੀਬੀ ਮਨ ਪ੍ਰਤੀਤਿ ਤਬ ਆਈ ।
ਉਤਰ ਮਹਿਲ ਤੇ ਆਈ ਤਰੇ । ਕੁਲ ਪ੍ਰਹਤ ਤਬ ਬੰਦਨ ਕਰੇ ॥ 129 ॥
ਸਿੰਘੇ ਨੇ ਤਬ ਐਸ ਉਚਾਰਿਯੋ । ਚਲੋਂ ਸ਼ਿਤਾਬ ਨ ਦੇਰ ਸੁਧਾਰਿਯੋ ।
ਨਿਜ ਪਾਛੇ ਤਬ ਲਈ ਚੜਾਇ । ਚਲੋਂ ਸ਼ਿਤਾਬ ਸਿਮਰ ਗੁਰ ਪਾਇ ॥ 130 ॥

ਦੋਹਰਾ

ਮਲੇਛ ਬਾਤ ਕਛੁ ਬੀਚ ਤੇ ਬੋਰੀ ਕਹਉਂ ਸੁਨਾਇ ।
ਬਹੁਰ ਕਥਾ ਸ੍ਰੀ ਗੁਰ ਕਰਹੂੰ ਮਨ ਮਹਿ ਹਰਖ ਵਧਾਇ ॥ 131 ॥
ਬੀਬਨ ਮਹਿ ਭੂਲੇ ਫਿਰਹਿ ਢੁੰਢਤ ਗੁਰ ਅਸਥਾਨ ।
ਰੈਨ ਅੰਧੇਰੀ ਬਕਤ ਭੇ ਕਹੂੰ ਨ ਗੁਰੂ ਦਿਖਾਨ ॥ 132 ॥

ਚੌਪਈ

ਫਿਰਤ ਫਿਰਤ ਗੁਰ ਮੰਦਰ ਅਏ । ਸੁੰਨਾ ਮਹਲ ਨਿਹਾਰਤ¹ ਭਏ ।
ਗੁਰ ਕਾ ਮਹਿਲ ਨ ਕਿਨੈ ਪਛਾਨਾ । ਖਾਇ [ਮਿਠਾਈ]² ਸਭਿ ਮਨ ਮਾਨਾ ॥ 133 ॥
ਅਤਿ ਭੂਖੇ ਪੈਂਡੇ ਸ੍ਰਮ ਬਿਆਪੀ । ਖਾਇ ਮਿਠਾਈ ਗਾਂਠ ਲੈ ਪਾਪੀ ।
ਉਪਰ ਮੰਦਰ ਕਿਸੀ ਨ ਦੇਖਾ । ਚਲੇ ਪਠਾਨ ਮੁਗਲ ਅਰ ਸੇਖਾ ॥ 134 ॥
ਏਕ ਮੁਗਲ ਸੁ ਬਡੀ ਜਹਿ ਐਂਠਾ । ਦਰਸਨੀ ਦਰਵਾਜੇ ਪੈ ਬੈਠਾ ।
ਨੇਜਾ ਗਾਡਤ ਘੋਰਾ ਬਾਂਧ । ਬੰਦਗੀ ਕਰਤ ਜਾਨ ਨਿਜ ਆਂਧ ॥ 135 ॥
ਤਬ ਲਉ ਸਿੰਘਾ ਬਾਬਕ ਆਯੋ । ਕੋ ਹੈ ਰੇ ਤੁਮ ਕਹਾਂ ਸਿਧਾਯੋ ।
ਬਾਬਕ ਬੋਲਯੋ ਅਪਨੇ ਭਾਈ । ਚਲੇ ਸ਼ਿਤਾਬ ਅਸਵ³ ਦੌਰਾਈ ॥ 136 ॥
ਬੀਬੀ ਕੀ ਪਨਹੀ ਗਿਰ ਪਰੀ । ਘੁੰਘਰੀ ਸਾਥ ਸੁਨਹਿਰੀ ਜਰੀ ।
ਪਨਹੀ ਹੀ ਕਾ ਸੁਨ ਸਬਦੇ ਅਪਾਰਾ । ਤੁਰਤ ਮਲੇਛ ਭਯੋ ਅਸਵਾਰਾ ॥ 137 ॥

¹ਅ ਪੋਥੀ ਦੇਖਤ ਵਹੁ ²ਅ ਪੋਥੀ ਵਿਚੋਂ ³ਅ ਪੋਥੀ ਘੋਰੇ

ਦੋਹਰਾ

ਸਭ ਕੋ ਕੂਕ ਬੁਲਾਇਓ ਤੁਮ ਆਵੋ ਮਮ ਓਰ ।
 ਗੁਰ ਕਬੀਲੇ ਜਾਤ ਹਹਿ ਜੋ ਹਮਰੇ ਹਹਿ ਚੋਰ ॥ 138 ॥
 ਨੇਜਾ ਹਾਥ ਸੰਭਾਰ ਕੈ ਅਸਵ ਦੌਰਾਯੋ ਤਾਂਹਿ ।
 ਮਾਰਨ ਲਾਗੋ ਦੁਹੂੰ ਕੋ ਕਹਿ ਲਗ ਭਾਜਤ ਜਾਂਹਿ ॥ 139 ॥
 ਨੇਜਾ ਦੁਸ਼ਟ ਸੰਭਾਰ ਕਰ ਧਾਰ ਕੋਪ ਮਨ ਮਾਂਹਿ ।
 ਯਾਹਿ ਦੁਬੇਲੇ ਕੋ ਹਨੋਂ ਕਹਾਂ ਠੋਰ ਭਜ ਜਾਂਹਿ ॥ 140 ॥
 ਤਉ ਬੋਲਯੋ ਸਿੰਘਾ ਤਬੈ ਬਾਬਕ ਤੁਪਕ ਸੰਭਾਰ ।
 ਦੁਸ਼ਟ ਪਾਛ ਮਮ ਆਇਯੋ ਤੁਮ ਕਤ ਕਰੀ ਅਵਾਰ ॥ 141 ॥

ਛਪੈ

ਸੁਨਤ ਸਿੰਘੇ ਕੇ ਬੈਨ ਕੋਪ ਅਤਿ ਭਯੋ ਬਾਬਕ ਮਨ ।
 ਲੀਨੀ ਤੁਪਕ ਸੰਭਾਰ ਕਰੀ ਨਹਿ ਚਿੰਤ ਕਛੂ ਮਨ ।
 ਸਿਸਤ ਬਾਂਧ ਤਤਕਾਲ ਦੁਸ਼ਟ ਤਨ ਕੀਨ ਪ੍ਰਹਾਰਨ ।
 ਛੁਟਤੇ ਲਾਗੀ ਭਾਲ ਮੁਗਲ ਮੁਖ ਹਾਇ ਉਚਾਰਨ ।
 ਗਏ ਪ੍ਰਾਨ ਤਬ ਛੁਟ ਆਇ ਤਬ ਦੇਖ ਮਲੇਛਨ ।
 ਨਿਰਭੈ ਬਾਬਕ ਚਲਯੋ ਸਾਥ ਸਿੰਘਾ ਹਰਖਤ ਮਨ ॥ 142 ॥

ਚੌਪਈ

ਕ੍ਰਿਪਾ ਸਿੰਧ ਸੁਨ ਤੁਪਕ ਅਵਾਜਾ । ਸਭੈ ਜੁਧ ਕਾ ਭੇਜਿਓ ਸਾਜਾ ।
 ਬਿਧੀਆ ਭਾਨਾ ਅਤਿ ਬਲ ਸੂਰਾ । ਜਾਤੀ ਮਲ ਪਿਰਾਣਾ ਪੂਰਾ ॥ 143 ॥
 ਪੈਦੇ ਖਾਂ ਸੂਰਾ ਅਤਿ ਭਾਰੀ । ਦਯਾ ਸਿੰਧ ਕਰੀ ਦਯਾ ਅਪਾਰੀ ।
 ਪੰਚ ਬੀਰ ਇਹ ਦੀਨ ਪਠਾਈ । ਸਾਥ ਦੀਨ ਬਹੁ ਸੈਨ ਸੁਹਾਈ ॥ 144 ॥
 ਤਬ ਲੋ ਸਿੰਘਾ ਗੁਰੁ ਨਿਕਟਾਯੋ । ਪ੍ਰਭ ਚਰਨਨ ਤਬ ਮੌਲ ਝੁਕਾਯੋ ।
 ਦੀਨਾ ਨਾਥ ਹਰਖ ਮਨ ਲੀਨੋ । ਦਾਨ ਮਾਨ ਕਰ ਪੂਰਨ ਕੀਨੋ ॥ 145 ॥

ਦੋਹਰਾ

ਕ੍ਰਿਪਾ ਸਿੰਧ ਤਬ ਜਾਨਯੋ ਸਮਾ ਜੁਧ ਕਾ ਆਇ ।
 ਨਿਜ ਕੁਟੰਬ¹ ਤਬ ਤੋਰਿਓ ਸਭ ਹੀ ਬਿਧਿ ਸਮਝਾਇ ॥ 146 ॥

ਚੌਪਈ

ਚਿੰਤਾ ਮਨ ਮਹਿ ਕਛੂ ਨਾ ਕਰਉ । ਏਕ ਅਕਾਲ ਟੇਕ ਮਨ ਧਰਉ ।
 ਜਾਇ ਝਬਾਲ ਰਹੋ ਇਹ ਵਾਰਾ । ਤੁਰਕਨ² ਸਿਉ ਅਬ ਜੁਧ ਹਮਾਰਾ ॥ 147 ॥

¹ਅ ਪੋਥੀ ਪਰਿਵਾਰ ²ਦ ਪੋਥੀ ਮਲੇਛਨ

ਬੀਬੀ ਕੇ ਦੇਣੇ ਤਹਿ ਫੇਰੇ । ਜਾਹੁ ਸਿਤਾਬ ਜਾਨ ਬਚ ਮੇਰੇ ।

ਝਬਾਲ ਓਰ ਸਤਿਗੁਰ ਪਰਿਵਾਰਾ । ਚਲਾ ਦੁਖਤ ਮਨ ਚਿੰਤ ਸੁਧਾਰਾ ॥ 148 ॥

ਕਛੁਕ ਸਿਖ ਸਾਥ ਤਬ ਲੀਨੈ । ਸਤਿਗੁਰੁ ਚਰਨ ਜਿਨਾ ਮਨ ਭੀਨੈ ।

ਏਕ ਪਹਿਰ ਮਹਿ ਪਹੁੰਚੇ ਜਾਈ । ਚੜਿਓ ਦਿਵਸ ਤਹਿ ਅਵਸਰ ਪਾਈ ॥ 149 ॥

ਦੋਹਰਾ

ਤਾਂ ਪਾਛੇ ਸਤਿਗੁਰ ਜੀ ਬੋਲ ਸਿਖ ਇਕ ਲੀਨ ।

ਸਨਮੁਖ ਜਾਇ ਜਨੇਤ ਕੈ ਤੁਮ ਹੋ ਬੁਧ ਪ੍ਰਬੀਨ ॥ 150 ॥

ਜਿਹ ਠਾਂ ਮਿਲੈ ਜਨੇਤ ਤੁਮ ਮੋੜ ਝਬਾਲ ਲੈ ਜਾਹੁ ।

ਆਦਰ ਸੋ ਪੂਰਨ ਕਰੋ ਜਾਹੁ¹ ਦੇਰ ਨਹੀਂ ਲਾਹੁ ॥ 151 ॥

ਚੌਪਈ

ਨਮਸਕਾਰ ਕਰ ਸਿਖ ਸਿਧਾਯੋ । ਕ੍ਰਿਪਾ ਸਿੰਧ ਅਸ ਕੋਤਕ ਭਾਯੋ ।

ਤਬ ਅਕਾਲ ਕਾ ਸਿਮਰਨ ਕੀਨੋ । ਮਨ ਮਹਿ ਹਰਖ ਦਯਾਨਿਧ ਲੀਨੋ ॥ 152 ॥

ਦੋਹਰਾ

ਬਾਨੀ ਸਮਝ ਅਕਾਸ ਕੀ ਚੜਤ ਕਰੀ ਤਤਕਾਲ ॥

ਜਾਮ ਨਿਸਾ ਤਬ ਰਹਿ ਗਈ ਅਯੋ ਮਲੇਛਨ ਕਾਲ ॥ 153 ॥

ਦੁਹੁ ਦਿਸਨ ਮਾਰੂ ਬਜਾ ਸੂਰਨ ਕੇ ਮਨ ਰੋਹ ।

ਆਇ ਸਭੈ ਠਾਢੇ ਭਏ ਦਧ ਸੁਤ ਸਰ ਦਿਸ ਕੋਹ ॥ 154 ॥

ਕਥਿਤ

ਲੀਨੋ ਬਲ ਛੀਨ ਤਾਕੋ ਦੀਨ ਬੰਧ ਨਾਮ ਜਾਕੋ

ਦੀਨਨ ਕੇ ਨਾਥ ਗੁਰ ਗਰਬ ਪ੍ਰਹਾਰੀ ਹੈ ।

ਹੂੰ ਕਰ ਅਸਕਤ ਮਲੇਛ ਠਾਢੇ ਸਭ ਤਹਾਂ

ਸਿਖਨ ਪੈ ਕ੍ਰਿਪਾ ਸਿੰਧ ਕਰਨਾ ਨਿਜ ਧਾਰੀ ਹੈ ।

ਦੁਸ਼ਟਨ ਪ੍ਰਤਾਪ ਹਰਿਓ ਪੰਥ ਕੋ ਪ੍ਰਤਾਪ ਕਰਯੋ

ਐਸੀ ਇਛ ਦਯਾ ਨਿਧੀ ਮਨ ਮਹਿ ਬਿਚਾਰੀ ਹੈ ।

ਮਲੇਛ ਸੁ ਅਧੀਨ ਬਲ ਹੀਨ ਤਾਕੋ ਕਹਾਂ ਬਸ

ਸਕਤਿ ਸੁ ਤੇਜ ਹਰਿ ਲੀਨੋ ਸੁ ਮੁਰਾਰੀ ਹੈ ॥ 155 ॥

ਦੋਹਰਾ

ਨਿਜ ਸੂਰਨ ਆਇਸ ਕਰੀ ਕ੍ਰਿਪਾ ਸਿੰਧ ਰਣਧੀਰ ।

ਜਾਇ ਮਲੇਛਨ ਸੋ ਲਰੇ ਹਨੋ ਦੁਸਟ ਕੋ ਬੀਰ ॥ 156 ॥

ਚੌਪਈ

ਤਬ ਲੋ ਆਇਸੁ ਰਵਿ ਪ੍ਰਕਾਸਿਓ । ਸਕਲ ਨਿਸਾ ਤਮ ਛਿਨ ਮਹਿ ਨਾਸਿਓ ।

ਸਭੈ ਸੂਰ ਮਨ ਹਰਖ ਅਪਾਰਾ । ਸਭ ਲਰਨੇ ਕੋ ਭਏ ਤਿਆਰਾ ॥ 157 ॥

¹ਅ ਤ ਏ ਪੋਥ ਚਲਹੁ

॥ ਭੁਜੰਗਛੰਦ ॥

ਚਲਯੋ ਸੂਰ ਭਾਨੂੰ ਮਹਾ ਰੋਸ ਧਾਰਾ । ਲਏ ਢਾਲ ਖੰਡਾ ਸੁ ਤੀਖਨ¹ ਦੁਧਾਰਾ ॥
ਗੁਰੁ ਕੀ ਸੁ ਆਗਿਆ ਲਈ ਸਾਥ ਸੈਨਾ । ਕੁਪਿਓ ਬੀਰ ਐਸਾ ਮਨੋ ਹੈ ਤ੍ਰਿਨੈਨਾ ॥ 158 ॥

ਭਯੋ ਜਾਇ ਠਾਢਾ ਤਹਾਂ ਜੁਧ ਮਧੰ । ਕੁਪੇ ਖਾਨ ਸਾਰੇ ਦਿਖਾ ਬੀਰ ਸੁਧੰ ।
ਤਿਸੇ ਸਾਮੁੰਹ ਬੀਰ ਭਾਜੇ ਪਠਾਣੰ । ਦਈ ਸਾਥ ਸੈਨਾ ਹਜ਼ੂਰੰ ਜੁਆਣੰ ॥ 159 ॥

॥ ਰਸਾਵਲ ਛੰਦ ॥

ਕੁਪਿਓ ਬੀਰ ਭਾਨੂੰ । ਲਯੋ ਘੋਰ ਖਾਨੂੰ ।
ਸਭਾਰੀ ਕ੍ਰਿਪਾਣੰ । ਹਨੇ ਤਾਸ ਜੁਆਣੰ ॥ 160 ॥
ਸੁ ਭਾਨੂੰ ਸੰਭਾਰਾ । ਸੁ ਖੰਡਾ ਦੁਧਾਰਾ ।
ਉਭੈ ਤੇਗ ਬਾਹੈ । ਦੋਉ ਜੀਤ ਚਾਹੈ ॥ 161 ॥
ਰਿਸ ਖਾਨ ਸੂਰਾ । ਮਹਾ ਮਦ ਪੂਰਾ ।
ਬਜਾਏ ਨਿਸਾਨੰ । ਕੜਕੈ ਕ੍ਰਿਪਾਨੰ ॥ 162 ॥
ਹਠੀ ਸਸਤ੍ਰ ਮਾਰੈ । ਨਸੰਕਾ ਬਿਚਾਰੈ ।
ਕਰੈ ਤੇਗ ਮਾਰੈ । ਬਜੀ ਲੋਹ ਧਾਰੈ ॥ 163 ॥
ਨਦੀ ਮਝ ਪੂਰੈ । ਫਿਰੈ ਗੈਣ ਹੂਰੈ ।
ਸੁ ਜੋਗਨ ਕਰਾਲੀ । ਫਿਰੈ ਖਪਰਾਲੀ ॥ 164 ॥

ਪਾਧੜੀ ਛੰਦ

ਤਿਹ ਜੁਧ ਬੀਚ ਹਸੇ ਮਸਾਣਾ । ਨਿਟੇ ਗਜਿੰਦਰ ਫੁਟੇ ਚਵਾਣਾ ।
ਡਾਕਣ ਡਹਕ ਚਾਵਡ ਚਿਕਾਰ । ਖੋਲੈ ਖੜਕ ਬਜੇ ਦੁਧਾਰ ॥ 165 ॥
ਪਠਾਨੀ ਸੁ ਸੈਨ ਨਾਰੀ ਹਜਾਰ । ਹਰਯੋ ਏਕ ਸੂਰ ਖਾਨੰ ਅਪਾਰ ।
ਜੁਟੇ ਸੁ ਬੀਰ ਤਹਿੰ ਕੜਕ ਜੋਗ । ਫੁਟੇ ਕਿਰਪਾਣ ਕਟੇ ਸੁ ਅੰਗ ॥ 166 ॥

ਨਰਾਜ ਛੰਦ

ਤਬੈ ਪਠਾਨ ਕੋਪੀਯੰ । ਸੰਭਾਰ ਪਾਂਵ ਰੋਪੀਯੰ ।
ਸੁ ਭਾਨ ਸੂਰ ਭਾਰੀਯੰ । ਖੰਡਾ ਸੁ ਢਾਲ ਧਾਰੀਯੰ ॥ 167 ॥

ਭੁਜੰਗ ਛੰਦ

ਤਬੈ ਕੋਪ ਕੈ ਭਾਨੁ ਖੰਡਾ ਚਲਾਯੋ । ਲਗਯੋ ਖਾਨ ਸੀਸੰ ਸੁ ਹਰੂੰ ਲੁਭਾਯੋ ।
ਤਬੈ ਭਾਨ ਕਉ ਖੈਂਚ ਕੈ ਤੇਗ ਮਾਰੀ । ਜੁਝੇ ਬੀਰ ਦੋਈ ਸੁ ਆਪੰ ਸੰਝਾਰੀ ॥ 168 ॥

ਦੋਹਰਾ

ਪਠਾਨ ਜਬੈ ਜੁਝਤ ਭਯੋ ਸਹਸ² ਸੂਰ ਕੇ ਸਾਥ ।
ਸਈਯਦ ਤੇ ਆਵਤ ਭਯੋ ਲੀਏ ਸਹਸ ਭਟ ਸਾਥ ॥ 169 ॥

¹ਅ ਤੇ ਏ ਪੋਥੀ ਮਾਰੂ ²ਅ ਪੋਥੀ ਲਾਖ

ਕ੍ਰਿਪਾ ਸਿੰਧ ਤਬ ਐਸ ਦਿਖ ਭਾਨੂੰ ਚਰਿਤ ਬਿਸਾਲ ।
ਖਾਨ ਸਹਸ ਸੰਗ ਮਾਰ ਕੈ ਮੁਕਤ ਭਯੋ ਤਤ ਕਾਲ ॥ 130 ॥

ਭੁਜੰਗ ਪ੍ਰਯਾਤ ਛੰਦ

ਤਬੈ ਕੋਪ ਕੈ ਆਪ ਸਿੰਘਾਂ ਪਠਾਯੋ । ਲਏ ਪਾਂਚ ਸੈ ਸੂਰ ਖੇਤੰ ਸੁ ਆਯੋ ।
ਭਯੋ ਜੁਧ ਭਾਰੀ ਹਨੀ ਤਾਂਹਿ ਸੈਨਾ । ਹਨੀ ਸਿੰਘ ਸੈਨਾ ਜੁ ਸਯਦ ਰਿਸੈਨਾ ॥ 171 ॥
ਹਨਿਯੋ ਸੈਨ ਦੋਈ ਬਚਿਓ ਸੂਰ ਨਾਹੀ । ਸਭੂ ਦੇਵ ਸਯਦ ਸੁ ਘਾਵੈ ਚਲਾਈ ।
ਡਿਗੇ ਭੂਮਿ ਮਧ ਦੁਹੂੰ ਪ੍ਰਾਨ ਤਿਆਗੇ । ਗਯਉ ਸਿੰਘਾ ਸੁਰਗੰ ਪ੍ਰਭੂ ਦ੍ਰਿਗ ਆਗੇ
॥ 172 ॥

ਤਬੈ ਦੀਨਾ ਨਾਥ ਪਠੇ ਪੰਚ ਸੂਰੰ । ਦਏ ਸੂਰ ਸਾਥੰ ਮਹਾਂ ਜੁਧ ਪੂਰੰ ।
ਦਿਖੇ ਦੇਵ ਗੈਣੰ ਲੀਏ ਪੁਸ਼ਪ ਮਾਲਾ । ਫਿਰੈ ਜੁਧ ਹੂਰੰ ਸੁ ਜੋਗੰ ਕਰਾਲਾ ॥ 173 ॥

ਕੁੰਡਲੀਆ ਛੰਦ

ਸਪਤ ਸਹਸ ਸੂਰਾ ਪਠਿਓ ਖਾਨ ਰੋਸ ਮਨ ਠਾਨ ।
ਲੋਹ [ਗੜ]¹ ਪੁਰ ਧਾਏ ਸਭੈ ਬਾਜਤ ਭਏ ਨਿਸ਼ਾਨ ।
ਬਾਜਤ ਭਏ ਨਿਸ਼ਾਨ ਆਨ ਕਛੁ ਨਦਰ ਨਾ ਆਵੈ ।
ਮਾਰ ਹੀ ਮਾਰ ਪੁਕਾਰ ਸਭੈ ਭਟ ਕੂਕ ਸੁਨਾਵੈ ।
ਜਾਤੀ ਮਲਕ ਤਬ ਕੋਪ ਸਾਥ ਬਾਬਕ ਕਉ ਲੀਨੋ ।
ਹਨੀ ਦੁਸਟ ਕੀ ਸੈਨ ਜੁਧ ਭਾਰੀ ਤਹਿੰ ਕੀਨੋ ॥ 174 ॥

ਰਸਾਵਲ ਛੰਦ

ਪਠਾਨੀ ਸੁ ਸੈਨਾ । ਕਰੀ ਲੋਹ ਨੈਨਾ ।
ਦੁਹੂੰ ਓਰ ਦੂਕੇ । ਮੁਖੰ ਮਾਰ ਕੂਕੇ ॥ 175 ॥
ਸਭੇ ਤੇਗ ਮਾਰੈਂ । ਨ ਸੰਕਾ ਬਿਚਾਰੈ ।
ਪਿਰਾਣਾ ਰਿਸਾਯੋ । ਤੁਰੰਗੰ ਨਚਾਯੋ ॥ 176 ॥
ਲਗੇ ਘਾਵ ਅੰਗੰ । ਹਨੇ ਦੁਸਟ ਜੰਗੰ ।
ਬਡੀ ਸੈਨ ਗਾਹੀ । ਰਜੋਤੀ ਨਿਬਾਹੀ ॥ 177 ॥
ਗਜੀ ਰੈਣ ਕਾਲੀ । ਹੋਸੀ ਖਪਰਾਲੀ ।
ਕਹੂੰ ਬਾਜ ਮਾਰੇ । ਸੁ ਗਾਜੈ ਕਰਾਰੇ ॥ 178 ॥
ਰਚਿਓ ਜੁਧ ਸੁਧੰ । ਡਿਗੈ ਭੂਮਿ ਮਧੰ ।
ਨਭੰ ਯਾਨਿ ਆਯੋ । ਪਿਰਾਣਾ ਸਿਧਾਯੋ ॥ 179 ॥

ਦੋਹਰਾ

ਪਿਰਾਣਾ ਜਬ ਜੂਝਤ ਭਯੋ ਦਿਖ ਬਿਧੀਆ ਰਣਧੀਰ ।
ਪੈਦੇ ਖਾਂ ਕਉ ਸਾਥ ਲੈ ਤਬ ਆਏ ਦੋ ਬੀਰ ॥ 180 ॥

¹ਅ ਪੋਥੀ ਵਿਚੋਂ

ਚਾਚਰ ਸਮ ਸੂਰਾ ਭਏ ਮਚਿਓ ਜੁਧ ਅਪਾਰ ।
ਉਚ ਨੀਚ ਜੋਧੇ ਤਹਾਂ ਸਭ ਕੀਨੇ ਇਕ ਸਾਰ ॥ 181 ॥

ਨਰਾਜ ਛੰਦ

ਸੁ ਤ੍ਰਾਸ ਖਾਨ ਭਾਜੀਯੰ । ਬਸੇਖ ਲਾਜ ਲੀਜੀਯੰ ।
ਮੁਗਲਸ ਖਾਨ ਕੋਪ ਕੈ । ਰਿਸਿਓ ਸੁ ਸੂਰ ਓਪ ਕੈ ॥ 182 ॥

ਭੁਜੰਗ

ਤਬੈ ਖਾਨ ਪੈਦੇ ਕੀਓ ਕੋਪ¹ ਭਾਰੀ । ਹਨੇ ਸੂਰ ਸਰਬੰ ਮਹਾਂ ਤੇਜ ਧਾਰੀ ।
ਪੂਐ ਰੁੰਡ ਮਾਲਾ ਤਹਾਂ ਆਪ ਕਾਲੀ । ਫਿਰੈ ਸਿਆਲ ਮਾਤੇ ਹਸੀ ਖਪਰਾਲੀ ॥ 183 ॥
ਨਭੈ ਸੁੰਦਰੀ ਯਾਨ ਮਹਿ ਗੀਤ ਗਾਵੈ । ਬਚੈ ਜੁਧ ਸੁਰੰ ਸਭੈ ਐਸ ਭਾਵੈ ।
ਸਟਾ ਸਟ ਸੁਰੇ ਕਟਾ ਕਟ ਕੋਪੇ । ਫਟਾ ਫਟ ਬਾਹੇ ਲਟਾ ਲਟ ਲੋਟੇ ॥ 184 ॥

ਰਸਾਵਲ ਛੰਦ

ਗੁਰ ਬੀਰ ਧਾਏ । ਬਡੋ ਰੋਸ ਖਾਏ ।
ਕਰੀ ਤੇਗ ਬਰਖਾ । ਗਏ ਜੀਤ ਕਰਖਾ ॥ 185 ॥
ਮਲੇਛੀ ਸੁ ਸੈਨਾ । ਹਨੀ ਜੁਧ ਐਨਾ ।
ਨਦੀ ਸੁੰਨ² ਪੂਰੰ । ਫਿਰੀ ਗੈਣ ਹੂਰੰ ॥ 186 ॥
ਸਭੇ ਦੁਸ਼ਟ ਮਾਰੇ । ਗੁਰੁ ਸੇ ਉਚਾਰੇ ।
ਇਕੰ ਖਾਨ ਬਾਚਾ । ਮਹਾ ਮਤ ਕਾਚਾ ॥ 187 ॥

ਦੋਹਰਾ

ਕਹਾਂ ਤੀਕ ਬਰਨਨ ਕਰਉ ਮਚਿਓ ਜੁਧ ਅਪਾਰ ।
ਸੈਨ ਮਲਛੀ ਜੋ ਅਈ ਇਨ ਸੇ ਦਈ ਸੰਘਾਰ ॥ 188 ॥
ਮੁਗਲਸ ਖਾਂ ਸੂਰਾ ਬਚਿਓ ਮਨ ਮਹਿ ਅਤਿ ਬਿਸਮਾਨ ।
ਬਚੈ ਸੂਰ ਸਭ ਸਾਥ ਲੈ ਅਯੋ ਅਤਿ ਰਿਸ ਠਾਨ ॥ 189 ॥

ਚੌਪਈ

ਮੁਗਲਸ ਖਾਂ ਤਬ ਬਚਨ ਉਚਾਰਾ । ਹਰਿ ਗੋਬਿੰਦ ਸਿਉ ਜੁਧ ਹਮਾਰਾ ।
ਬਾਦਸ਼ਾਹ ਕਾ ਬਾਜ ਚੁਰਾਈ । ਪਠ ਹਨ ਸੈਨ ਕਹਾਂ ਛਪ ਜਾਈ ॥ 190 ॥
ਦਿਲੀ ਪਤਿ ਹੈ ਤਖਤ ਕਾ ਮਾਲਕ । ਤੁਮ ਕਤ ਕਰਾਂ ਤਖਤ ਜਿਮ ਬਾਲਕ ।
ਦੇਸ ਮੁਲਕ ਕਛ ਰਾਜ ਨਾ ਪਾਵੋ । ਪਾਤਸ਼ਾਹ ਕਤ ਆਪ ਸਦਾਵੋ ॥ 191 ॥
ਬਲਖ ਬੁਖਾਰਾ ਸਿੰਧ ਪਰਯੰਤ । ਸ਼ਾਹਜਹਾਂ ਪਤਿਸ਼ਾਹ ਅਨੰਤ ।
ਚਲੋ ਬਾਜ ਲੈ ਤੁਮਹਿ ਮਿਲਾਉਂ । ਤੁਮਰੇ ਸਭ ਅਪਰਾਧ ਛਿਮਾਉਂ ॥ 192 ॥

¹ਅ ਤੇ ਏ ਪੋਥੀ ਰਿਸ ²ਅ ਪੋਥੀ ਲੋਕੂ

ਕ੍ਰਿਪਾ ਸਿੰਧ ਤਬ ਐਸ ਉਚਾਰਾ । ਸੁਨੋ ਖਾਨ ਤੁਮ ਬਚਨ ਹਮਾਰਾ ।
ਪਾਤਿਸ਼ਾਹ ਹਮਰਾ ਬਲਵੰਤ । ਅਕਾਲ ਪੁਰਖ ਜਹਹਿ ਆਦਿ ਨ ਅੰਤ ॥ 193 ॥
ਤਾਜ ਬਾਜ ਤੁਮਰੇ ਸਭ ਲੇਨੇ । ਨਿਜ ਸਿਖਨ ਕਉ ਹਮ ਸਭ ਦੇਨੇ ।
ਨਾਸਵੰਤ ਤੁਮਰਾ ਹੈ ਸਾਹੁ । ਅਬਿਨਾਸੀ ਹੈ ਮਮ¹ ਪਤਿਸ਼ਾਹ ॥ 194 ॥

ਦੋਹਰਾ

ਮੁਗਲਸ ਖਾਂ ਕੋਪਾ ਤਬੈ ਨਾਸਵੰਤ ਸੁਨ ਸਾਹੁ ।
ਹਰਿ ਗੋਬਿੰਦ ਜਾਵੋ ਕਹਾਂ ਕਹੀ ਕਰਮ ਫਲ ਪਾਹੁ ॥ 195 ॥

ਚੌਪਈ

ਤਬ ਲੈ ਚਿਰੀ [ਚੁਹਕ]² ਕਰ ਬਾਨੀ । ਪ੍ਰਾਚੀ ਦਿਸ ਪੀਅਰੀ ਦ੍ਰਿਸ਼ਟਾਨੀ ।
ਨਿਸ ਪਤਿ ਜੋਤ ਤਬੈ ਕੁਮਲਾਈ । ਸ਼ਾਹਿ ਔਰ ਤਬ ਤਖਤ ਸੁਹਾਈ ॥ 196 ॥
ਤਬੈ ਖਾਨ ਇਹ ਬਾਤ ਉਚਾਰੀ । ਮੋ ਸੋ ਜੁਧ ਕਰੋ ਬਲ ਧਾਰੀ ।
ਦੀਨਾ ਨਾਥ ਸੁਨੇ ਤਬ ਬੈਨਾ । ਤਪਤ ਲੋਹ ਸਮ ਕੀਨੇ ਨੈਨਾ ॥ 197 ॥

ਭੁਜੰਗ ਪ੍ਰਯਾਤ ਛੰਦ

ਕ੍ਰਿਪਾ ਸਿੰਧ ਕੋਪੇ ਲਏ ਖਗ ਪਾਨੰ । ਤੁਰੰਗੀ³ ਨਚਾਯੋ ਮਹਾਂ ਤੇਜਵਾਨੰ ।
ਤਬੈ ਕੋਪ ਖਾਨੰ ਦੁਰਾਯੋ ਤੁਰੰਗਾ । ਲਯੋ ਸਾਥ ਸੂਰੰ ਗਹਿਓ ਖਗ ਨੰਗਾ ॥ 198 ॥
ਕ੍ਰਿਪਾ ਸਿੰਧ ਕੋਪੇ ਤਬੈ ਬਾਨ ਮਾਰਯੋ । ਲਗਿਓ ਖਾਨ ਘੋੜੇ ਸੁ ਸੁਰੰਗ ਸਿਧਾਰਯੋ ।
ਭਯੋ ਖਾਨ ਪਿਆਦਾ ਲੀਏ ਖਗ ਹਾਥੰ । ਗੁਰੂ ਭੂਮਿ ਆਏ ਬਡੇ ਕੋਪ ਸਾਥੰ ॥ 199 ॥
ਦਯਾ ਸਿੰਧ ਬੋਲੇ ਕਰੋ ਖਾਨ ਵਾਰੰ । ਤਬੈ ਕੋਪ ਕੈ ਖਾਨ ਕੀਨੋ ਸੁ ਵਾਰੰ ।
ਗੁਰ ਢਾਲ ਢਾਰੀ ਤਿਸੀ ਵਾਰ ਰੋਕਾ । ਭਯੋ ਖਾਨ ਬਿਸਮਹਿ ਗਯੋ ਵਾਰ ਫੋਕਾ ॥ 200 ॥
ਕਰੋ ਔਰ ਵਾਰੰ ਕ੍ਰਿਪਾ ਸਿੰਧ ਭਾਖਿਓ⁴ । ਕੀਓ ਖਾਨ ਵਾਰੰ ਸੋਈ ਰੋਕ ਰਾਖਿਓ ।
ਦਯਾ ਸਿੰਧ ਕੀਨੋ ਸੁ ਖੜਗੰ ਧਿਆਨੰ । ਮਹਾ ਜੁਧ ਜੇਤਾ ਸੁ ਬਿਦਯਾ ਨਿਧਾਨੰ ॥ 201 ॥

ਦੋਹਰਾ

ਦਯਾ ਸਿੰਧ ਤਬ ਕੋਪ⁵ ਕੈ ਕੀਨੋ ਖੜਗ ਪ੍ਰਹਾਰ ।
ਸੀਸ ਕਾਟ ਭੂਤਲ ਗਿਰਿਓ ਜੈ ਜੈ ਸਬਦ ਅਪਾਰ ॥ 202 ॥
ਮੁਗਲਸ ਖਾਂ ਮਾਰਿਓ ਜਬੈ ਕ੍ਰਿਪਾ ਸਿੰਧ ਰਣਧੀਰ ।
ਕ੍ਰਿਪਾ ਦ੍ਰਿਸ਼ਟ ਤਿਨ ਪਰ ਕਰੀ ਗਯੇ ਸੁਰਗ ਕੋ ਬੀਰ ॥ 203 ॥

ਚੌਪਈ

ਕ੍ਰਿਪਾ ਸਿੰਧ ਕਾ ਜੁਧ ਅਪਾਰੀ । ਬਰਨਨ ਕੀਨੋ ਬੁਧ ਅਨੁਸਾਰੀ ।
ਸਿਖੀ ਦਾਨ ਮੋਕਉ ਪ੍ਰਭੂ ਦੀਜੈ । ਭੂਲ ਛਿਮਾਪਨ ਹਮਰੀ ਕੀਜੈ ॥ 204 ॥
ਦਾਸ ਜਾਨ ਮਮ ਕਰੋ ਸਹਾਇ । ਆਗੋ ਕਹਉ ਪ੍ਰਸੰਗ ਬਨਾਇ ।
ਗਣਾਗਣ ਬੁਧ ਬਲ ਕੁਛ ਨਾਹੀ । ਬਿਰਦ ਲਾਜ ਰਾਖਹੁ ਅਪਨਾਹੀ ॥ 205 ॥

¹ਅ ਤ ਏ ਪੋਥੀ ਹਮਰੇ ²ਅ ਪੋਥੀ ਵਿਚੋਂ ³ਅ ਪੋਥੀ ਘੋਰਾ ⁴ਏ ਪੋਥੀ ਆਖਿਓ ⁵ਅ ਤੇ ਏ ਪੋਥੀ ਕਰੁਧ

ਦੋਹਰਾ

ਨਿਜ ਸੂਰਨ ਕਉ ਮੁਕਤਿ ਕਰ ਦਧਸੁਤਸਰ ਇਸਨਾਨ ।

ਜਾਇ ਝਬਾਲ ਫੇਰੇ ਦੀਏ ਐਸੇ ਕਹਉਂ ਬਖਾਨ ॥ 206 ॥

ਇਤਿ ਸ੍ਰੀ ਗੁਰ ਬਿਲਾਸੇ ਸ੍ਰੀ ਅੰਮ੍ਰਿਤਸਰ ਜੁਧ ਬਰਨਨੰ ਮੁਗਲਸ ਖਾਨ ਬਧਹਿ ਨਾਮ
ਦਸਮੋ ਧਿਆਇ ਸਮਾਪਤ ॥ ਸੁਭੰ ॥ ਬੋਲੋ ਵਾਹਿਗੁਰੂ ॥

ਅਧਿਆਇ ਗਿਆਰਵਾਂ

ਚੌਪਈ

ਮੁਗਲਸ ਖਾਂ ਜਬ ਬਿਸਤ¹ ਸਿਧਾਰੇ । ਭਾਜ ਬਚੇ ਜੇ ਤੁਛ ਵਿਚਾਰੇ ।
ਸ਼ਾਹਿਜਹਾਂ ਪੈ ਕਰੀ ਪੁਕਾਰ । ਮੁਗਲਸ ਖਾਂ ਰਣ ਗੁਰੂ ਸੰਘਾਰ ॥ 1 ॥
ਸ਼ਾਹ ਕੋਪ ਕੀਨਾ ਮਨ ਮਾਹੀ । ਖਾਂ ਵਜੀਰ ਤਬ ਬਚਨ ਅਲਾਹੀ ।
ਖੁਦ ਅਵਤਾਰ ਸਹੀ ਗੁਰ ਪੂਰਾ । ਔਰਨ ਸਮ ਨਹਿ ਸਮਝਹੁ ਸੂਰਾ ॥ 2 ॥
ਬੈਰ ਕੀਏ ਕਬ ਸਰ ਨਹੀਂ ਆਵੈ । ਕਰੈ ਵੈਰ ਸੋ ਜਨਮ ਗਵਾਵੈ ।
ਕਿਆ ਹੈ ਤੁਛ ਬਾਜ ਕੀ ਬਾਤ । ਐਸਾ ਤੁਮੈ ਕੀਨ ਉਤਪਾਤ ॥ 3 ॥
ਸ਼ਾਹਿਜਹਾਂ ਮਨ ਸਾਂਤ ਸੁ ਕੀਨੋ । ਬੈਰ ਭਾਵ ਸਭ ਹੀ ਤਜ ਦੀਨੋ ।
ਇਹ ਬਿਧ ਭਈ ਸ਼ਾਹ ਮਨ ਸਾਂਤਾ । ਸ੍ਰੀ ਸਤਿ ਗੁਰ ਕੀ ਸੁਨ ਅਬ ਬਾਤਾ ॥ 4 ॥

ਦੋਹਰਾ

ਕ੍ਰਿਪਾ ਸਿੰਧ ਨਿਜ ਸੂਰ ਦਿਖ ਸੁਖ ਪੁਛਿਓ ਤਬ ਆਪ ।
ਮੁਕਤਿ ਭਏ ਹੋ ਸਭੈ ਤੁਮ ਜਪੋ ਅਕਾਲਹਿ ਜਾਪ ॥ 5 ॥

ਚੌਪਈ

ਪਿਰਾਣਾ ਭਾਨੂੰ ਸੂਰ ਅਪਾਰੀ । ਸਿੰਘਾ ਬੀਰ ਹਤ ਜੁਧ ਮਝਾਰੀ ।
ਤਬ ਸਿਸਕਾਰ ਸਭਨ² ਕਾ ਕੀਨਾ । ਮਨ ਬਾਂਛਤ ਫਲ ਸਿਖਨ ਦੀਨਾ ॥ 6 ॥
ਕ੍ਰਿਪਾ ਸਿੰਧ ਤਬ ਐਸ ਉਚਾਰੀ । ਲੋਹ ਕੋਟ ਜੋ ਸੂਰ ਹਤਾਰੀ ।
ਤਿਨ ਕਉ ਮੁਕਤਿ ਕਰਉ ਅਬ ਜਾਈ । ਤਤ ਛਿਨ ਪਹੁੰਚੇ ਤਿਹ ਠਾਂ ਆਈ ॥ 7 ॥
ਸੰਗ੍ਰਾਮ ਭੂਮ³ ਦਿਖ ਹਰਖਤ ਭਏ । ਬਹੁਤ ਮਲੇਛ ਹਤ ਤਿਹ ਠਾਂ ਭਏ ।
ਬਿਧੀਏ ਕਉ ਤਬ ਨਿਕਟ ਬੁਲਾਈ । ਕ੍ਰਿਪਾ ਸਿੰਧ ਅਸ ਬਚਨ ਅਲਾਈ ॥ 8 ॥
ਜੋ ਮਮ ਸੂਰ ਹਤੇ ਇਹ ਠਾਂਈ । ਸਭ ਕੀ ਲੋਥ ਤੁਮ ਜਾਉ ਲਿਆਈ ।
ਬਚਨ ਸੁਨਤ ਬਿਧੀਆ ਤਬ ਧਾਯੋ । ਭਾਲ ਲੋਥ ਸਭ ਕੀ ਲੈ ਆਯੋ ॥ 9 ॥

ਦੋਹਰਾ

ਕ੍ਰਿਪਾ ਸਿੰਧ ਕਉ ਦ੍ਰਿਗਨ ਤੇ ਚਲਯੋ ਪ੍ਰੇਮ⁴ ਪਰਵਾਹੁ ।
ਨਿਜ ਸੂਰਨ ਕੋ ਨਾਮ ਲੈ ਗਦ ਗਦ ਸੁਰ ਹੂੰ ਜਹੁ ॥ 10 ॥

¹ਅ ਪੱਥੀ ਸੂਰਗ ²ਅ ਤ ਏ ਪੱਥੀ ਤਿਨ ਹੋ ³ਅ ਪੱਥੀ ਰਣ ਭੂਮੀ ⁴ਏ ਪੱਥੀ ਨੀਰ

ਨਿਜ ਰਸਨਾ ਤੇ ਜੋ ਭਨੈ ਪੇਖ ਪੇਖ ਕ੍ਰਿਪਾਲ ।
ਤਿੰਹ ਸੂਰਨ ਕੋ ਨਾਮ ਕਵਿ ਕਹਿਤ ਸੁਨੋ ਨਿਰਧਾਰ ॥ 11 ॥

ਸਵੈਯਾ

ਕ੍ਰਿਪਾ ਸਿੰਧ ਸੁ ਰਮਾਲ ਲਯੋ ਕਰ ਪੋਛਤ ਭਏ ਦ੍ਰਿਗ ਨੀਰ ਬਹਾਏ ।
ਭਾਈ ਨੰਦ ਆਨੰਦ ਕਰੋ ਮਮ ਤਿਆਗ ਕਹੋ ਤੁਮਹੋ ਕਹਿ ਹੇਤ ਸਿਧਾਏ ।
ਭਾਈ ਜੈਤ ਸੁ ਜੀਤ ਮਲੇਛਨ ਕਉ ਅਉ ਭਾਈ ਪਿਰਾਣਾਂ ਸੁ ਬੀਰ ਮਹਾਏ ।
ਭਾਈ ਤੋਤਾ ਤਿਲੋਕਾ ਥੇ ਸੂਰ ਬਡੇ ਮਮ ਹੇਤ ਇਨੈ ਨਿਜ ਦੇਹ¹ ਗਵਾਏ ॥ 12 ॥

ਦੋਹਰਾ

ਸਾਂਈ ਦਾਸ ਪੋੜਾ ਬਲੀ ਭਗਤੂ ਸੂਰ ਅਪਾਰ ।
ਅਨੰਤਾ ਬਲੀ ਅਨੰਤ ਥਾ ਹਮਰੋ ਪ੍ਰੇਮ ਪਿਆਰ ॥ 13 ॥

ਚੌਪਈ

ਨਿਹਾਲੂ ਤਖਤੂ ਏ ਬਡ ਸੂਰੇ । ਮੋਹਨ ਗੁਪਾਲ ਹਰਿ ਪ੍ਰਨ² ਕੇ ਪੂਰੇ ।
ਏ ਮਮ ਤੇਰਹਿ ਸੂਰ ਅਪਾਰੇ । ਮਮ ਨਮਿਤ ਇਹ ਸੂਰ ਸਿਧਾਰੇ ॥ 14 ॥
ਬਿਧੀਏ ਕਉ ਤਬ ਕਹਾ ਸੁਨਾਈ । ਕਉ ਜੀਵਤ ਹੈ ਦੇਖ ਬਨਾਈ ।
ਬਿਧੀਏ ਤਬ ਸਬ ਲੋਥ ਦਿਖਾਰੀ । ਮੋਹਨ ਗੁਪਾਲਾ ਸੁਸਕ ਨਿਹਾਰੀ ॥ 15 ॥
ਕ੍ਰਿਪਾ ਸਿੰਧ ਕਉ ਕਹਾ ਸੁਨਾਈ । ਦੂਇ ਜੀਵਤ ਮਹਾਰਾਜ ਗੁਸਾਈ ।
ਦੀਨਾ ਨਾਥ ਸੁਨੇ ਤਿੰਹ ਬੈਠਾ । ਹਰਖ ਪੂਰ ਭਰ ਆਏ ਨੈਨਾ ॥ 16 ॥
ਉਠ ਤਿਨ ਕਉ ਨਿਜ ਨੈਨ ਨਿਹਾਰੀ । ਕ੍ਰਿਪਾ ਸਿੰਧ ਬੈਠੇ ਨਿਕਟਾਰੀ ।
ਨਿਜ ਉਰ ਰਾਖਯੋ ਤਿਨ ਕਾ ਸੀਸਾ । ਦ੍ਰਿਗ ਜਲ ਧੋਯੋ ਮੁਖ ਜਗਦੀਸਾ ॥ 17 ॥

ਕਵਿਯੋ ਵਾਚ ॥ ਸਵੈਯਾ ॥

ਸੇਸ ਸਹਸ੍ਰ ਧਰੀ ਜਿਹਥਾ ਜਹਿ ਧਿਆਨ ਧਰੈ ਕਛੂ ਅੰਤ ਨਾ ਪਾਯੋ ।
ਜਾ ਚਤੁਰਾਨਨਿ ਔਰ ਖੜਾਨਨ ਖੋਜਤ ਹਰਿ ਕੇਬ ਥਾਹ ਨਾ ਆਯੋ ।
ਨਾਰਦ ਸਾਰਦ ਖੋਜ ਥਕੇ ਕਥਿ ਪਾਵਤ ਹਰਿ ਨ ਉਪਾਵ ਕਰਾਯੋ ।
ਸੋ ਗੁਰੁ ਪ੍ਰੇਮ ਧਰੇ ਮਨ ਮਹਿ ਨਿਜ ਸਿਖਨ ਗੋਦ ਲੀਏ ਹਰਖਾਯੋ ॥ 18 ॥

ਦੋਹਰਾ

ਪਤਿਤ ਪਾਵਨ ਇਹ ਬਿਰਦ ਹੈ ਦਾਸਨ ਦੁਖ ਨ ਦਿਖਾਇ ।
ਦਾਸ ਸੁਖੀ ਸੁਖ ਮਨ ਧਰੈ ਦਾਸ ਦੁਖੀ ਦੁਖ ਪਾਇ ॥ 19 ॥

ਚੌਪਈ

ਕ੍ਰਿਪਾ ਸਿੰਧ ਤਬ ਬਚਨ ਉਚਾਰੇ । ਮੋਹਨ ਗੁਪਾਲ ਮਮ³ ਕੋ ਸੁ ਪਿਆਰੇ ।
ਮਨ ਬਾਂਛਤ ਬਰ ਤੁਮ ਅਬ ਲੇਵੋ । ਜੋ ਮਾਂਗੇ ਸਬਹੀ ਤੁਹਿ ਦੇਵੋ ॥ 20 ॥

¹ਅ ਪੋਥੀ ਪ੍ਰਾਣ ²ਅ ਤੇ ਏ ਪੋਥੀ ਬਚਨ ³ਅ ਪੋਥੀ ਹਮ

ਕਹੋ ਤੋਉ ਸਭ ਕੋ ਦੇਹੁ ਜਿਆਈ । ਪ੍ਰਿਥੀ¹ ਰਾਜ ਤੁਮ ਭੋਗੋ ਭਾਈ ।
 ਮੋਹਨ ਤਬ ਅਸ ਬਚਨ ਉਚਾਰੀ । ਗਰੀਬ ਨਿਵਾਜ ਸੁਨੋ ਅਸੁਰਾਰੀ ॥ 22 ॥
 ਦੇਹ ਅਨਿਤ ਸਦਾ ਬਿਰ ਨਾਹੀਂ । ਰਾਜ ਭੋਗ ਸਭ ਨਾਸ ਦਿਖਾਈ ।
 ਅੰਤ ਸਮੇ ਹੇ ਦੀਨ ਦਿਆਲਾ । ਦਰਸ ਦੀਨ ਤੁਮ ਹੋਇ ਕ੍ਰਿਪਾਲਾ ॥ 22 ॥
 ਸਭੀ ਮਨੋਰਥ ਪੂਰਨ ਭਏ । ਦਾਸ ਜਾਨ ਤੁਮ ਦਰਸਨ ਦਏ ।
 ਕ੍ਰਿਪਾ ਸਿੰਧ ਤਬ ਐਸ ਉਚਾਰੀ । ਮਨ ਇਛਤਿ ਲੇਹੁ ਮੁਕਤਿ ਸੁਧਾਰੀ ॥ 23 ॥
 ਮੋਹਨ ਕਹਿਓ ਹੇ ਕ੍ਰਿਪਾ ਕੁਨਿੰਦਾ । ਹਮ ਕਉ ਮੁਕਤ ਨ ਹੋਇ ਅਨੰਦਾ ।
 ਮਨ ਭਾਵਤ ਸਭ ਕੋ ਵਰ ਦੀਜੈ । ਸਦ ਹਮ ਕੋ ਨਿਜ ਸੰਗ² ਰਖੀਜੈ ॥ 24 ॥
 ਜਹਾਂ ਅਵਤਾਰ ਪ੍ਰਭੂ ਤੁਮ ਧਰਉ । ਨਿਜ ਸੇਵਕ ਹਮ ਕਉ ਤੁਮ ਕਰਉ ।
 ਚਰਨਨ ਰਹੈ ਤਿਹਾਰੋ ਚਿਤਾ । ਮਨ ਮਹਿ ਹੋਇ ਸੁ ਭਗਤ ਅਮਿਤਾ ॥ 25 ॥

ਦੋਹਰਾ

ਬਚਨ ਜਬੈ ਐਸੇ ਸੁਨੇ ਦਯਾ ਸਿੰਧ ਗੁਰ ਦੇਵ ।
 ਹੁਇ ਪ੍ਰਸੰਨ ਕਹਿਨੇ ਲਗੇ ਸਭੈ ਬਚਨ ਕਉ ਭੇਵ ॥ 26 ॥

ਚੌਪਈ

ਭਗਤਿ ਤੁਮਾਰੇ ਹਿਰਦੈ ਬਸੈ । ਦੂਖ ਦਰਦ ਜਮ ਕੇ ਭੈ ਨਸੈ ।
 ਦਸਮ ਅਵਤਾਰ ਜਬੈ ਮੋਹਿ ਧਰਉਂ । ਅਪਨੇ ਸੰਗਿ ਤੁਮਹਿ ਸਭ ਕਰਉਂ ॥ 27 ॥
 ਐਸੇ ਵਚ ਸੁਨਿ ਕੇ ਗੁਰ ਕੇਰੇ । ਪੁਨ ਮੋਹਨਿ ਬੋਲੇ ਬਚ ਹੇਰੇ ।
 ਏਕ ਔਰ ਬਰ ਦੀਜੈ ਸਵਾਮੀ । ਸਭ ਘਟਿ ਘਟਿ ਕੇ ਅੰਤਰਜਾਮੀ ॥ 28 ॥
 ਬਾਜ ਤੁਰਕ ਕਉ ਦੀਜੈ ਨਾਹੀਂ । ਸਦਾ ਜੁਧ ਤਿਨ ਸੰਗਿ ਮਚਾਹੀਂ³ ।

ਸ੍ਰੀ ਗੁਰੋਵਾਚ ਚੌਪਾਈ

ਤਿਨ ਕਉ ਬਾਜ ਨਹੀਂ ਹਮ ਦੇਨਾ । ਤਾਜ ਬਾਜ ਤਿਨ ਤੇ ਸਭ ਲੈਨਾ ।
 ਦੇਸ [ਰਾਜ]⁴ ਮੈਂ ਤਿਨਕਾ ਲੈਹਉ । ਗਰੀਬ ਅਨਾਥਨਿ ਕੋ ਸਭ ਦੇਹਉਂ ॥ 29 ॥
 ਯੋਂ ਸੁਨ ਗੁਰ ਚਰਨਨਿ ਤਬ ਪਰੇ । ਕ੍ਰਿਪਾ ਸਿੰਧ ਮਨ ਹਰਖ ਸੁ ਧਰੇ ।
 ਉਠਹੁ ਉਠਹੁ ਹੇ ਪ੍ਰਾਨ ਪਿਆਰੇ । ਹਮ ਤੁਮਰੇ ਸਦਹੀ ਅਨੁਸਾਰੇ ।
 ਸਦਾ ਜੁਧ ਤੁਰਕਨ ਸਿਉ ਕੈ ਹੋਂ । ਅਤ੍ਰ ਪਤ੍ਰ ਸਿਖਨ ਕਉ ਦੇਹੋਂ ॥ 30 ॥
 ਯੋਂ ਸੁਨ ਕੈ ਸਭ ਭਏ ਪ੍ਰਸੰਨ । ਦਯਾ ਸਿੰਧ ਕਉ ਭਾਖਯੋਂ⁵ ਧੰਨ ।
 ਕ੍ਰਿਪਾ ਸਿੰਧ ਬਹੁ ਬਚਨ ਅਲਾਏ । ਸੋ ਮੋ ਪੈ ਨਹੀਂ ਜਾਤ ਸੁਨਾਏ ॥ 31 ॥

ਦੋਹਰਾ

ਸਬ ਬਿਰਤੰਤ ਜਬ ਹੀ ਸੁਨਿਓ ਬੋਲਿਯੋ ਮੋਹਨ ਰਾਇ ।
 ਕਿਹ ਠਾਂ ਕਰਹੋ ਜੁਧ ਪ੍ਰਭੂ ਮੋ ਕੋ ਕਹੋ ਸੁਨਾਇ ॥ 32 ॥

¹ਅ ਤੇ ਬ ਪੋਥੀ ਦੁਨੀ ²ਅ ਪੋਥੀ ਨਿਕਟ ³ਅ ਪੋਥੀ ਕਰਾਹੀਂ ⁴ਅ ਪੋਥੀ ਵਿਚੋਂ ⁵ਅ ਪੋਥੀ ਆਖਿਯੋ

ਮੋਹਨ ਕੀ ਬਿਨਤੀ ਸੁਨੀ ਬੋਲੇ ਦਯਾ ਮੁਕੰਦ ।
ਦੇਸ ਨਖਤੁ ਸਾਰ ਮਹਿ ਪਾਂਵਟ ਭੂਮ ਸੁਖ ਚੰਦ ॥ 33 ॥

ਸਵੈਯਾ

ਸੁੰਦਰ ਪਾਂਵਟ ਭੂਮਿ ਬਿਰਾਜਤ ਜਾਂ ਸਮ ਇੰਦ੍ਰ ਪੁਰੀ ਨਾ ਕੁਬੇਰਾ ।
ਤਿਹ ਠਾਂ ਤਨ ਤਿਆਗਤ ਹੈ ਜੋ ਨਰ ਪਾਵਤ ਹੈ ਸੋ ਪਰਮ ਪਦ ਮੇਰਾ ।
ਤਾਂਹਿ ਕੇ ਨਿਕਟ ਭੰਗਾਣੀ ਸਥਾਨ ਅਤਿ ਹੀ ਤਿੰਹ ਹੈ ਅਤਿ ਜੁਧ ਕਾ ਘੇਰਾ ।
ਪ੍ਰਥਮ ਸੁ ਜੁਧ ਕਰਉਂ ਤਿਹ ਠਾਂ ਮਮ ਆਗੇ ਹੁਇ ਜੁਧ ਕਰੋ ਤੁਮ ਤੇਰਾ ॥ 34 ॥

ਚੌਪਈ

ਤੁਮ ਤੇਰਹ ਕੇ ਨਾਮ ਇਹ ਹੈ ਹੈ । ਜਾਂਹਿ ਸੁਨਤ ਸਭ ਕੇ ਦੁਖ ਜੈ ਹੈ ।
ਜੀਤ ਮਲ ਸ੍ਰੀ¹ ਸਾਹ ਕਹਾਵੇ । ਗੁਲਾਬ ਚੰਦ ਮਾਹਰੀ ਸਦਾਵੇ ॥ 35 ॥
ਗੰਗਾ ਰਾਮ ਲਾਲ ਚੰਦ ਭਨੀਏ । ਮਾਹਰੁ ਦੁਆਰਾ ਰਾਮਾ ਗਨੀਏ ।
ਕ੍ਰਿਪਾਲ ਉਦਾਸੀ ਨੰਦ ਚੰਦ ਬਲੀ । ਮਾਮਾ ਕ੍ਰਿਪਾਲ ਚੰਦ ਅਰਿਦਲੀ ॥ 36 ॥
ਸਾਹਿਬ ਚੰਦ ਹਰੀ ਚੰਦ ਜਾਨੋ । ਏ ਨਿਜ ਤੇਰਹਿ ਨਾਮ ਬਖਾਨੋ ।
ਸਤਾਰਾ ਸੈ ਛਿਆਲੀਸ ਮਝਾਰਾ । ਜੁਧ ਭੰਗਾਣੀ ਹੋਇ ਅਪਾਰਾ ॥ 37 ॥

ਦੋਹਰਾ

ਪ੍ਰਿਥਮ ਜੁਧ ਇਹ ਠਾਂ ਕੀਓ ਤੁਮ ਤੇਰਹ ਮਮ ਸੂਰ ।
ਬਹੁਰ ਜੁਧ ਤਿਹ ਠਾਂ ਕਰਉ ਮਮ ਸੰਗ ਰਹਿ ਅਰਿ ਚੂਰ ॥ 38 ॥

ਚੌਪਈ

ਜੀਤ ਭਈ ਇਹ ਜੁਧ ਮਝਾਰੀ । ਹੋਈ ਫਤੇ ਇਹ ਠਾਂ ਸੁ ਅਪਾਰੀ ।
ਮੋਹਨ ਗੁਪਾਲ ਭੇਦ ਜਬ ਪਾਏ । ਪ੍ਰਾਨ ਤਿਆਗ² ਤਬ ਸੂਰਗ² ਸਿਧਾਏ ॥ 39 ॥
ਕ੍ਰਿਪਾ ਸਿੰਧ ਨਿਜ ਬਸਤ੍ਰ ਉਤਾਰੀ । ਸਭ ਸੂਰਨ ਕੇ ਉਪਰ ਡਾਰੀ ।
ਨਿਜ ਮਹਿਲਨ ਕੇ ਨਿਕਟ ਬਨਾਈ । ਚਿਖਾ ਕੀਨ ਸਭ ਕੀ ਮਨ ਲਾਈ ॥ 40 ॥
ਆਗੇ ਹੀ ਚੰਦਨ ਬਹੁ ਲੀਨੋ । ਸੋ ਸਭ ਚਿਖਾ ਮਾਝ ਧਰ ਦੀਨੋ ।
ਨਿਜ ਕਰ ਸਿਉ ਤਬ ਆਗ ਲਗਾਈ³ । ਕ੍ਰਿਪਾ ਸਿੰਧ ਦੀਨਨ ਸੁਖਦਾਈ ॥ 41 ॥
ਨਭ ਤੇ ਤੇਰਹਿ ਸੁੰਦਰ ਯਾਨਾ । ਗਾਵਤ ਸੁੰਦਰੀ ਅਨਿਕ ਬਿਧਾਨਾ ।
ਤਹਿ ਚੜ੍ਹ ਸੂਰੇ ਸੂਰਗ ਸਿਧਾਰੇ । ਮਨ ਬਾਂਛਤ ਬਰ ਲੇਹ ਅਪਾਰੇ ॥ 42 ॥

ਦੋਹਰਾ

ਕ੍ਰਿਪਾ ਸਿੰਧ ਆਏ ਤਹਾਂ ਸੁਧਾ ਸਰੋਵਰ ਮਾਨ ।
ਮਧਯਾਨ ਦਿਵਸ ਆਯੋ ਤਬੈ ਸਤਿਗੁਰ ਕੀਯੋ ਪਿਯਾਨ ॥ 43 ॥

¹ਅ ਪੋਥੀ ਸੰਗੋ ²ਅ ਤ ਏ ਪੋਥੀ ਸਚਖੰਡ ³ਅ ਪੋਥੀ ਦਿਖਾਈ

ਚੌਪਈ

ਅਕਾਲ ਬੁੰਗੇ ਅਰਦਾਸ ਕਰਾਈ । ਹਰਿਮੰਦਰ ਪੁਨਿ ਪਹੁੰਚੇ ਜਾਈ ।
 ਨਮਸਕਾਰ ਤਹਿ ਠਾਂ ਪੁਨ ਕਰੀ । ਬਾਰੰਬਾਰ ਹਰਖ ਏਹੁ ਧਰੀ ॥ 44 ॥
 ਬੇਦ¹ ਪ੍ਰਕ੍ਰਮਾ ਸਤਿਗੁਰ ਕੀਨੀ । ਦਿਜਨ ਦਾਨ ਬਹੁ ਭਾਂਤਨ ਦੀਨੀ ।
 ਹਰਿ ਮੰਦਰ ਗੁਰ ਆਇਸ ਪਾਈ । ਕ੍ਰਿਪਾ ਸਿੰਧ ਤਬ ਪਿਆਨ ਕਰਾਈ ॥ 45 ॥
 ਕ੍ਰਿਪਾ ਸਿੰਧ ਪੁਨਿ ਆਗਿਆ² ਕਰੀ । ਫਤੇ ਬੀਚ ਇਹ ਬਾਜੈ ਘਰੀ ।
 ਫਤੇ ਨਗਾਰੇ ਤਬ ਹੀ ਬਾਜੇ । ਭਾਟ ਕਲਾਵੰਤ ਜਸ ਬਹੁ ਸਾਜੇ ॥ 46 ॥

ਦੋਹਰਾ

ਸਤਿਗੁਰ ਚਲੇ ਝਬਾਲ ਕਉ ਮਨ ਮਹਿ ਹਰਖ ਅਪਾਰ ।
 ਤਤ ਛਿਨ ਜਾਂ ਪ੍ਰਾਪਤਿ ਭਏ ਸ੍ਰੀ ਗੁਰ ਨਿਜ ਪਰਿਵਾਰ ॥ 47 ॥
 ਪਹਿਰ ਦਿਵਸ ਜਬ ਹੀ ਰਹਯੋ ਕ੍ਰਿਪਾ ਸਿੰਧ ਪਰਬੀਨ ।
 ਦਾਸੈ ਨਿਕਟ ਬੁਲਾਇਕੈ ਆਗਯਾ ਐਸੀ ਕੀਨ ॥ 48 ॥

ਚੌਪਈ

ਜਹੁ ਸਿਤਾਬ ਦੇਰ ਨਹੀਂ ਲਾਵਹੁ । ਵਿਆਹ ਸਮਗ੍ਰੀ ਸਭੀ ਲਿਆਵਹੁ ।
 ਬਹੁ ਹਲਵਾਈ ਅਬੇ ਸਦਯੇ । ਭਾਂਤ ਭਾਂਤ ਪਕਵਾਨ ਤਲਯੇ ॥ 49 ॥
 ਦੌਰੇ ਦਾਸ ਤਬੈ ਸਿਰ ਨਾਈ । ਸਭੀ ਭਾਂਤ ਮਿਰਜਾਦ ਬਨਾਈ ।
 ਬਹੁ ਮੋਲਨ ਕੇ ਬਸਤ੍ਰ ਸੁ ਲੀਨੇ । ਸਭੇ ਸਾਜ ਪ੍ਰਭ ਇਕਠੇ ਕੀਨੇ ॥ 50 ॥
 ਅਨਿਕ ਕੜਾਹੇ ਤਹਾਂ ਚੜਾਏ । ਭਾਂਤ ਭਾਂਤ ਪਕਵਾਨ ਬਨਾਏ ।
 ਤੰਬੂ ਅਧਿਕ ਸੁ ਤਹਾਂ ਬਨਾਈ । ਕਨਾਤ ਚਾਂਦਨੀ ਗਨੀ ਨ ਜਾਈ । 51 ॥
 ਮੰਗਲ ਬਾਜੇ ਬਜਤ ਅਪਾਰਾ । ਗਾਵਤ ਸੁੰਦਰੀ [ਗੀਤ]³ ਹਜਾਰਾ ।
 ਨਿਜ ਕਾਰਜ ਸਭ ਦੀਨ ਵਿਸਾਰੀ । ਘਰ ਘਰ ਹੋਤ ਕੁਲਾਹਲ ਭਾਰੀ ॥ 52 ॥

ਦੋਹਰਾ

ਸੁਰਤੀਆ⁴ ਸੁੰਦਰ ਭੇਖ ਧਰ ਆਵਤ ਭਈ ਅਪਾਰ ।
 ਅਤਿ ਮੰਗਲ ਤਬ ਹੋਤ ਭਾ ਗਾਵਤ ਨਾਰਿ ਅਪਾਰ ॥ 53 ॥
 ਕ੍ਰਿਪਾ ਸਿੰਧ ਐਸੇ ਸੁਨਾ ਅਈ ਜਨੇਤ ਅਪਾਰ ।
 ਭਲੇ ਸਿਖ ਆਗੇ ਪਠੇ ਤਿਨ ਕਉ ਲੈਨ ਸੁਧਾਰ ॥ 54 ॥

ਭੁਜੰਗ ਛੇਦ

ਗੁਰ ਕੀ ਆਗਿਆ । ਸਿਖੀ ਪ੍ਰੇਮ ਪਾਗਿਆ ।
 ਚਲੈ ਐਸ ਧਾਈ । ਅਸੁੰ ਦੌਰ ਆਈ ॥ 55 ॥

¹ਅ ਪੌਥੀ ਚਾਰੁ ²ਅ ਤੇ ਏ ਪੌਥੀ ਆਇਸ ³ਅ ਪੌਥੀ ਦੇਵਤ੍ਰਯ

ਸੁਨੇ ਬਜਤ ਬਾਜੇ । ਜਨੇਤੰ ਸਮਾਜੇ ।
 ਸੁ ਤੂਤੀ ਮ੍ਰਿਦੰਗਾ । ਸੁ ਬਾਜਤ ਸੁਰੰਗਾ ॥ 56 ॥
 ਨਭੰ ਭੂਮਿ ਬਾਜੇ । ਜਨੇਤੰ ਸਮਾਜੇ ।
 ਸੁ ਆਗੁ ਮਿਲਾਏ । ਮਹਾਂ ਮੋਦੇ ਛਾਏ ॥ 57 ॥
 ਮਹਾਂ ਬੁਧ ਸੁਧੰ । ਮਿਲੇ ਆਪਿ ਮੰਧ ।
 ਸੁ ਜੰਵ ਅਪਾਰਾ । ਮਨੋ ਰੰਗ ਧਾਰਾ ॥ 58 ॥

ਦੋਹਰਾ

ਹੈ ਰਥ ਹਸਤੀ ਸਭ ਚਲੇ ਸੁੰਦਰ ਸੋਭਤ ਦੇਖ ।
 ਕਵੀ ਬੁਧ ਤਉ ਇਤੀ ਨਹਿੰ ਗਨਤੀ ਕਰੇ ਅਲੇਖ ॥ 59 ॥
 ਏਕ ਕੋਸ ਆਮਦਨ ਕਰੀ ਜਹਾ ਨ ਆਵਤ ਪਾਰ ।
 ਰੰਕ ਭੂਪ ਤਬ ਹੁਇ ਗਏ ਤਿਹ ਠਾਂ ਕਈ ਹਜ਼ਾਰ ॥ 60 ॥

ਚੌਪਈ

ਧਨ ਬਾਦਰ ਜਿਮ ਬਰਖਾ ਲਹੀ । ਭਿਛਕ¹ ਹੋਸ ਨਾ ਧਨ ਕੀ ਰਹੀ ।
 ਸਭ ਸੋਭਾ ਤਹਿੰ ਬਨੀ ਅਵਾਸਾ । ਸੁੰਦਰ ਮੰਦਰ ਮਹਿੰ ਦੀਓ ਵਾਸਾ ॥ 61 ॥
 ਲੋਕ ਨਗਰ ਸਭ ਦੇਖਨ ਆਵੈ । ਦੇਖ ਜਨੇਤ ਮਹਾਂ ਸੁਖ ਪਾਵੈ² ।
 ਦੁਲਹੁ ਕੀ ਸੁਨ ਸੋਭਾ ਹੇਰੀ । ਚਿਤ੍ਰ ਲਿਖੇ ਸਸਿ ਰਹਿਤ ਚਕੋਰੀ ॥ 62 ॥
 ਸਾਧੂ ਨਾਮ ਸੁ ਸੁੰਦਰ ਰੂਪਾ । ਮਾਨੋ ਸਭੀ ਜਗਤ ਕਾ ਭੂਪਾ ।
 ਵਿਦਯਾ ਗੁਨ ਸਭ ਸੀਲ ਅਪਾਰਾ । ਇੰਦ੍ਰੀਜਿਤ ਅਰ ਗਯਾਨ ਵਿਚਾਰਾ ॥ 63 ॥
 ਸਾਂਤਿ ਰੂਪ ਸੁੰਦਰ ਸਭ ਅੰਗਾ । ਰੂਪ ਦੇਖ ਤਿਹ ਲਜਤ ਅਨੰਗਾ ।
 ਲੋਕ ਵਿਚਾਰ ਕਰਤ ਬਹੁਤੇਰਾ । ਮਨਹੁ ਇੰਦ੍ਰ ਰਵਿ ਬਰਨ ਕਬੇਰਾ ॥ 64 ॥

ਦੋਹਰਾ

ਇਹ ਬਿਧ ਦੁਲਹੁ ਸੋਭ ਦਿਖ ਮਨ ਮਹਿ ਭਯੋ ਹੁਲਾਸ ।
 ਮਨਹੁ ਗਿਆਨ ਧਰ ਰੂਪ ਕਉ ਇਹ ਠਾਂ ਕੀਨ³ ਪ੍ਰਕਾਸ ॥ 65 ॥

ਚੌਪਈ

ਤਬ ਲੋ ਏਕ ਸਿਖ ਤਹਿੰ ਆਯੋ । ਸਭਨ ਸੁਨਤ ਤਿਹ ਬਚਨ ਸੁਨਾਯੋ ।
 ਮਹਾਰਾਜ ਜੰਵ ਕਹਿੰ ਤੇ ਆਈ । ਜਾਂਕੀ ਸੋਭਾ ਬਰਨਨ ਜਾਈ ॥ 66 ॥
 ਤਬੈ ਸਿਖ ਇਹ ਬੈਨ ਉਚਾਰੇ । ਮਾਲਵ ਦੇਸ ਡੱਲਾ ਨਗਰ ਮਝਾਰੇ ।
 ਸੁੰਦਰ ਜੰਵ ਇਹ ਤਹਿੰ ਤੇ ਆਈ । ਤਕਤ ਰਹੀ ਜਿਹ ਹੋਰ ਲੁਕਾਈ ॥ 67 ॥
 ਬਾਜੇ ਬਜਤ ਅਨੇਕ ਅਪਾਰਾ । ਭੂ ਨਭ ਭਯੋ ਸੁ ਮੰਗਲ ਚਾਰਾ ।
 ਕ੍ਰਿਪਾ ਸਿੰਧ ਤਬ ਪਠੀ ਬਟੋਰੀ । ਨਾਨਾ ਬਸਤ ਨ ਕਬਹੂੰ ਹੋਰੀ ॥ 68 ॥

¹ਅ ਪੋਥੀ ਭਖਾਰੀ ²ਅ ਤੇ ਏ ਪੋਥੀ ਹਰਖ ਵੇ ³ਅ ਪੋਥੀ ਕੀਓ

ਭਾਂਤ ਭਾਂਤ ਪਕਵਾਨ ਬਨਾਏ । ਦਿਖ ਸਬ ਹੀ ਮਨ ਹਰਖ ਧਰਾਏ ।
ਛਕ ਸਭਹਨ ਮਨ ਆਨੰਦ ਪਾਯੋ । ਧੰਨ ਧੰਨ ਗੁਰੁ ਮੁਖਹੂੰ ਅਲਾਯੋ ॥ 69 ॥

ਦੋਹਰਾ

ਕਿਹੁ ਲਗ ਬਰਨਨ ਹਉ ਕਰਉ ਬਨੀ ਸੁ ਸੋਭ ਅਪਾਰ ।
ਸੇਸ ਸਹਿਸ ਜਿਹਵਾ ਧਰੀ ਪਾਯੋ ਤਉ ਨਾ ਪਾਰ ॥ 70 ॥

ਸਵੈਯਾ

ਰਿਧਿ ਸਿਧੀ ਬੁਲਾਇ ਕੈ ਸੇਵ ਕਰੈ ਮਨਿ ਐਸ ਵਿਚਾਰ ਇਹੈ ਸਮਝਾਈ ।
ਆਈ ਹੈ ਜੰਵ ਅਪਾਰ ਸੁਨੋ ਤੁਮ ਦੇਹੁ ਦਿਖਾਇ ਸਭੈ ਸੁਖ ਪਾਈ ।
ਆਇਸ ਪਾਇ ਤਬੀ ਤਬ ਧਾਇ ਮਹਾਂ ਸੁਖ ਪਾਇ ਕਰੀ ਅਸ ਜਾਈ ।
ਦੇਵਨ ਮੰਦਰ ਬਾਗ ਬਗੀਚਨ ਸੁੰਦਰ ਸੇਜ ਰਚੀ ਸੁਖਦਾਈ ॥ 71 ॥

ਦੋਹਰਾ

ਮਨ ਬਾਂਛਤ¹ ਸੁਖ ਹੋਤ ਭਾ ਬਰਾਤਨਿ ਮਨ ਆਨੰਦ ।
ਮਨੋ ਬਸੇ ਸੁਰਲੋਕ ਮਹਿ ਮਿਟੀ ਸਕਲ ਦੁਖ ਦੁੰਦ ॥ 72 ॥

ਚੌਪਈ

ਜੇਤਕ ਜਗ ਕੀ ਰੀਤਿ ਕਰਾਈ । ਕ੍ਰਿਪਾ ਸਿੰਧਿ ਸਿਉ ਤਬ ਕਰਵਾਈ ।
ਤਬ ਲੋ ਘਰੀ ਪਾਂਚ ਨਿਸ ਗਈ । ਕੁਲ ਪਰੋਹਤ ਤਬ ਆਗਿਆ ਦਈ ॥ 73 ॥
ਮਹਾਰਾਜ ਅਬ ਦੇਰ ਨਾ ਕਰੋਉ । ਸਭੈ ਸਮਗ੍ਰੀ ਇਕਠੀ ਧਰਉ ।
ਸਮਾਂ ਵਿਆਹਿ ਕਾ ਪਹੁੰਚਿਓ ਆਈ । ਮਾਨੁਖ ਪਠਹੁ ਜਨੇਤ ਬੁਲਾਈ ॥ 74 ॥

ਦੋਹਰਾ

ਕਿਰਪਾ ਸਿੰਧਿ ਆਗਿਆ ਕਰੀ ਚਲੈ ਸਿਖ ਤਬ ਧਾਇ ।
ਜਾਇ ਬਰਾਤਨ ਕਉ ਕਹਾ ਮਨ ਮਹਿ ਹਰਖ ਨ ਮਾਇ ॥ 75 ॥

ਚੌਪਈ

ਦੁਲਹਿ ਭਯੋ ਬਾਜ ਅਸਵਾਰਾ । ਸੁਵਰਨ ਸਰਗਸਤ ਸੁ ਸੋਭ ਅਪਾਰਾ ।
ਬਾਜੇ ਬਜਤ ਅਨੇਕ ਸੁਰੰਗਾ । ਚਲੇ ਬਰਾਤੀ ਹਰਖਤ ਅੰਗਾ ॥ 76 ॥
ਕਿਰਪਾ ਸਿੰਧਿ ਕੀ ਆਗਿਆ² ਪਾਈ । ਮਣ ਦੀਪਕ ਬਹੁ ਭਾਂਤ ਜਗਾਈ ।
ਬੇਦੀ ਸੁੰਦਰ ਤਹਾਂ ਬਨਾਈ । ਵਿਚ ਵਿਚ ਮੁਕਤਾ ਦਾਮ ਸੁਹਾਈ ॥ 77 ॥
ਮਾਣਕ ਸੁੰਦਰ ਚੌਕ ਪੁਰਾਯੋ । ਰਿਧਿ ਸਿਧਿ ਮਨ ਭੀਤਰ ਭਾਯੋ ।
ਲਾਲਨ ਕੇ ਤਹਿ ਖਾਰੇ ਧਰੇ । ਜਾਹਿ ਨਿਰਖ ਸਬ ਕਾ ਮਨ ਹਰੇ ॥ 78 ॥
ਔਰ ਬਸਤ ਸੁੰਦਰ ਸਭਿ ਧਰੀ । ਜੇ ਕਬਹੂੰ ਨਹ ਸੁਵਨਨ³ ਪਰੀ ।
ਬੀਚਿ ਹੀ ਤੇ ਮਲੇਛ ਇਕ ਬਾਤਾ । ਸੁਨਹੁ ਜੁ ਤਿਸੈ ਕੀਯੋ ਉਤਪਾਤਾ ॥ 79 ॥

¹ਅ ਪੋਥੀ ਚਾਹਤ ਏ ਪੋਥੀ ਇਛਿਤ ²ਅ ਪੋਥੀ ਆਇਸ ³ਅ ਪੋਥੀ ਨੇਤ੍ਰੀ

ਦੋਹਰਾ

ਮਨ ਦੀਪਕ ਸੁੰਦਰ ਰਚੇ ਸੁਨਾ ਕੁਲਾਹਲ ਭਾਰ ।
ਕਿਲੈ ਨਿਕਟ ਇਹ ਕਿਆ ਕਰੈ ਮਨ ਮਹਿ ਤੁਰਕ ਵਿਚਾਰ ॥ 80 ॥

ਚੌਪਈ

ਕਰ ਵਿਚਾਰ ਤਿਨ ਤੁਪਕ ਸੰਭਾਰੀ । ਗੋਲੀ ਤਬੈ ਬੀਚ ਤਿਹ ਡਾਰੀ ।
ਤੋੜਾ ਲਾਇ ਸੁ ਐਸ ਵਿਚਾਰਾ । ਮਾਰਉ ਇਸੈ ਹਿੰਦੁ ਗੁਰ ਭਾਰਾ ॥ 81 ॥
ਸਿਸਤ ਬਾਂਧ ਤਿਨ ਤੁਪਕ ਚਲਾਈ । ਤੁਪਕ ਪਾਟ ਤਿਸ ਹੀ ਕੋ ਘਾਈ ।
ਜੈਸਾ ਕੀਨ ਤੈਸ ਫਲ ਪਾਯੋ । ਪਾਪੀ ਸੋ ਜਮ ਧਾਮ ਸਿਧਾਯੋ ॥ 82 ॥
ਬੋਲਿਯੋ ਸਿਖ ਗਰੀਬ ਨਿਵਾਜਾ । ਕੈਸਾ ਹੋਯੋ ਤੁਪਕ ਅਵਾਜਾ ।
ਕ੍ਰਿਪਾ ਸਿੰਧ ਸਭ ਭਾਂਤਿ ਸੁਨਾਈ । ਜਿਹਿ ਬਿਧਿ ਤੁਰਕਹਿ ਨਾਸ ਕਰਾਈ ॥ 83 ॥
ਕ੍ਰਿਪਾ ਸਿੰਧ ਅਸ ਬੈਠ ਸੁਨਾਵੈ । ਸਮਾ ਪਾਇ ਕਿਲਾ¹ ਢਹ ਜਾਵੈ ।
ਤਬ ਲੋ ਪਹਰ ਰਾਤ ਚਲ ਗਈ । ਸਬੀ ਜੁਵਤਿ ਮਨ ਹਰਖਤ ਭਈ ॥ 84 ॥

ਦੋਹਰਾ

ਦੂਲਹੁ ਪੁਨ ਆਯੋ ਤਬੈ ਸੁੰਦਰ ਡੀਲ ਸੁਹਾਇ ।
ਸਭ ਬਿਪ੍ਰਨ ਕਰ ਬੰਦਨਾ ਬੈਠਾ ਆਇਸ ਪਾਇ ॥ 85 ॥

ਚੌਪਈ

ਨਵ ਗ੍ਰਹਿ ਨਿਜ ਠਾਮ² ਸਿਧਾਏ । ਚਤਰਾਨਨ ਮਨ ਭੀਤਰ ਭਾਏ ।
ਬਿਪ੍ਰਨ ਸਭ ਗ੍ਰਹਿ ਪੁਜ ਕਰਾਈ । ਦੂਲਹੁ ਤੈ ਅਤਿ ਹੀ ਮਨ ਭਾਈ ॥ 86 ॥
ਬਿਪ੍ਰਨ ਕੰਨਯਾ ਬੋਲ ਪਠਾਈ । ਕਰ ਸਿੰਗਾਰ ਸਖੀ ਲੈ ਆਈ ।
ਸਭ ਬਿਪ੍ਰਨ ਕੀ ਆਗਿਆ ਪਾਈ । ਖਾਰੈ ਪਰ ਕੰਨਯਾ ਸੁ ਬੈਠਾਈ ॥ 87 ॥
ਬਿਪ੍ਰਨ ਤਬੈ ਬੇਦ ਧੁਨ ਕਰੈ । ਨਰ ਨਾਰਨ ਮਨ ਆਨੰਦ ਧਰੈ ।
ਸਾਸਤ੍ਰ ਰੀਤਿ ਤਬੈ ਸਭ ਕੀਨੀ । ਬਿਪ੍ਰਨ ਬਹੁਤ ਦਛਨਾ ਲੀਨੀ ॥ 88 ॥
ਲਾਂਵਾਂ ਲੀਨ ਤਬੈ ਮਨ ਲਾਈ । ਜੁਵਤੀ ਗਾਵਤ ਗੀਤ ਸੁਹਾਈ ।
ਗਾਵਤ ਜੁਵਤੀ ਲਾਂਵ ਅਪਾਰਾ । ਮਾਨੋ ਵਹਿਤ ਵੈਰਾਗਹਿ³ ਧਾਰਾ ॥ 89 ॥
ਲਾਗੀ ਸਭੈ ਲਾਗ ਨਿਜ ਪਾਈ । ਦ੍ਰਿਜ ਦਾਨਨਿ ਕੀ ਗਨਤ ਨ ਆਈ ।
ਵਿਵਾਹ ਸੰਪੂਰਨ ਜਬ ਹੀ ਭਯੋ । ਦੂਲਹੁ ਤਬੈ ਬਰਾਤ ਮਹਿ ਗਯੋ ॥ 90 ॥

ਦੋਹਰਾ

ਰਿਧਿ ਸਿਧਿ ਸੁਖ ਅਤਿ ਰਚੇ ਜੇ ਕਬਹੂੰ ਨ ਦਿਖਾਇ ।
ਸਭ ਕੇ ਮਨ ਮਾਯਾ ਹਰੇ ਤਿੰਹ ਸੁਖ ਰਹੇ ਲੁਭਾਇ ॥ 91 ॥

¹ਅ ਪੋਥੀ ਗੜ੍ਹੁ ਏ ਪੋਥੀ ਕੋਟ ²ਅ ਤੇ ਏ ਪੋਥੀ ਧਾਮ ³ਅ ਪੋਥੀ ਵੈਰਾਗ ਕੀ ਧਾਰਾ

ਚੌਪਈ

ਸਭ ਕੇ ਮਨ ਪ੍ਰਤੀਤ ਅਸ ਲਹੇ । ਸਾਤ ਦਿਵਸ ਹਮ ਇਹ ਠਾਂ ਰਹੇ ।
 ਦੁਲਹ ਕੋ ਮਾਯਾ ਨ ਵਿਆਪੀ । ਸਾਧੂ ਨਾਮ ਕੀਨ ਜਪ ਤਾਪੀ ॥ 92 ॥
 ਏਕ ਦਿਵਸ ਹਮ ਇਹ ਠਾਂ ਰਹੇ । ਸਾਧੂ ਸਦਾ ਸੁਧ ਮਤ ਰਹੇ ।
 ਹਰਿ ਗੋਵਿੰਦ ਰਿਧਿ ਸਿਧਿ ਨਿਵਾਸ । ਸਭ ਕੀ ਪੂਰਨ ਕਰੋ¹ ਸੁ ਆਸ ॥ 93 ॥
 ਬਿਤੀ ਰੈਨ ਤਮਚਰ ਤਬ ਭਾਗੇ । ਨਿਜ ਨਿਜ ਕਾਰਜ ਸਭ ਜਨ ਲਾਗੇ ।
 ਕ੍ਰਿਪਾ ਸਿੰਧ ਮਨ ਐਸ ਵਿਚਾਰੀ । ਬਿਦਾ ਬਿਰਾਤ ਕਰੋ ਤਤਕਾਰੀ ॥ 94 ॥
 ਰਿਧਿ ਸਿਧਿ ਆਗਿਆ ਗੁਰ ਦੀਨੀ । ਦਾਜ ਸਮੂਗੀ ਇਕਠੀ ਕੀਨੀ ।
 ਗਹਿਨੇ ਬਸਤ੍ਰ ਸੁ ਮੋ ਤਨਿ ਧਾਰਾ । ਹੈ ਰਥ ਹਸਤੀ ਅਨਿਕ ਪ੍ਰਕਾਰਾ ॥ 95 ॥
 ਦਾਸ ਦਾਸੀ ਦੀਏ ਬਹੁ ਸੰਗਾ । ਰਿਧਿ ਸਿਧਿ ਸਭ ਰਚੇ ਸੁ ਰੰਗਾ ।
 ਕਹਿ ਲਗ ਗਨਹੂੰ ਦਾਸ ਸਮਾਜਾ । ਦੀਨੋ ਜੋਉ ਗਰੀਬ ਨਿਵਾਜਾ ॥ 96 ॥

ਦੋਹਰਾ

ਕ੍ਰਿਪਾ ਸਿੰਧ² ਆਗਿਆ ਕਰੀ ਡੋਲਾ ਕਰਹੂੰ ਤਿਆਰ ।
 ਮਨ ਮਾਨਿਕ ਸੁੰਦਰ ਖਰਚੇ ਸੋ ਲਿਆਏ ਤਤਕਾਰ ॥ 97 ॥

ਚੌਪਈ

ਕ੍ਰਿਪਾ ਸਿੰਧ ਦੀਓ ਦਾਨ ਅਪਾਰਾ । ਸੇਸ ਥਕਤ ਜਿਹ ਕਰਤ ਸੁਮਾਰਾ ।
 ਮਾਨੁਖ ਕੀ ਕਿਆ ਬਾਤ ਚਲਾਵੈ । ਦੀਏ ਦਾਜ ਕੀ ਗਨਤ ਨਾ ਆਵੈ ॥ 98 ॥
 ਸਜ ਸਜ ਬਾਹਨ ਅਤਿ ਪ੍ਰਕਾਰਾ । ਚਲੀ ਬਰਾਤ ਬਜਾਇ ਨਗਾਰਾ ।
 ਸਾਧੂ ਤਬ ਗੁਰ ਚਰਨਿਨ ਪਰਿਯੋ । ਕ੍ਰਿਪਾ ਸਿੰਧ ਹਾਥ ਸਿਰ ਧਰਿਯੋ ॥ 99 ॥
 ਦੁਹੂੰ ਤਬੈ ਸਾਸ ਪਗ ਪਰਾ । ਦਈ ਅਸੀਸ ਹਾਥ ਸਿਰ ਧਰਾ ।
 ਬੀਬੀ ਵੀਰੋ ਕਰੀ ਤਿਆਰ । ਸਭ ਮਾਤਾ ਮਿਲ ਦਯੋ ਪਿਆਰ ॥ 100 ॥

ਦੋਹਰਾ

ਬਿਦਾ ਕਰਤ ਬੀਬੀ ਭਏ ਰੋਈ ਤਬੈ ਅਪਾਰ ।
 ਅਤਿ ਅਨੰਦ ਮਹਿ ਸੋਕ ਇਹ ਅਹੈ ਜਗਤ ਕੀ ਚਾਰ ॥ 101 ॥

ਚੌਪਈ

ਬਿਧਨੇ ਠਟੀ ਬਾਤ ਇਹ ਕੈਸੀ । ਸਮੇ ਹਰਖ ਕੋ ਹੋਵਤ ਜੈਸੀ ।
 ਕਹ ਆਨੰਦ ਕੋ ਸਮਾ ਅਪਾਰੀ । ਗਾਵਤ ਮਿਲ ਮਿਲ ਦੇਵਤ ਗਾਰੀ ॥ 102 ॥
 ਕਹਾ ਹਰਖ ਤੇ ਮਾਇ ਨ ਜਾਮੈ । ਕਹਾਂ ਐਸ ਉਤਪਾਤ ਸੁ ਤਾਮੈ ।
 ਕਿਧਹੂੰ ਜਗਤ ਕੀ ਰੀਤਿ ਦਿਖਾਈ । ਸ੍ਰੀ ਗੁਰ ਠਟੀ ਜਗਤ ਕੇ ਸਾਂਈ ॥ 103 ॥

¹ਅ ਪੱਥੀ ਕਰਹਿ ²ਅ ਤੇ ਏ ਪੱਥੀ ਨਿਧਾਨ

ਦੋਹਰਾ

ਜਗਤ ਰੀਤਿ ਸਭ ਕਰਤ ਭਏ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ।
 ਬੀਬੀ ਕੇ ਸੁ ਵਿਯੋਗ ਤੇ ਪਰੈ ਬੁੰਦ ਜਲ ਆਨ ॥ 104 ॥
 ਯਦਪਿ ਮਾਇਆ ਮੋਹਿ ਕੀ ਰੰਚਕ ਨਹੀਂ ਸੁਰੀਤਿ ।
 ਮਾਨੁਖ ਤਨ ਅਵਤਾਰ ਹੁਇ ਸਾਂਗ ਨਿਬਾਹਿੰ ਪ੍ਰੀਤਿ ॥ 105 ॥
 ਰੁਦਨ ਕਰਤ ਬੀਬੀ ਤਬ ਆਈ ਸਤਿਗੁਰ ਪਾਸ ।
 ਬਹੁ ਧੀਰਜ ਤਾਕੋ ਦੀਓ ਕ੍ਰਿਪਾ ਸਿੰਧ ਸੁਖਰਾਸ ॥ 106 ॥
 ਪੁਨ ਉਪਦੇਸ਼ ਕੇ ਬਚ ਕਹੇ ਕਰੀਓ ਪਤਿ ਕੀ ਸੇਵ ।
 ਈਸ ਜਗਤ ਕਉ ਪਤੀ ਹੈ ਔਰ ਨ ਤਿਹ ਸਮ ਦੇਵ ॥ 107 ॥

ਚੌਪਈ

ਸੁਨ ਬੀਬੀ ਮੈਂ ਤੁਝੇ ਸੁਨਾਂਊ । ਪਤਿ ਕੀ ਮਹਿਮਾ ਕਹਿ ਤਕ ਗਾਂਊ ।
 ਪਤੀ ਕੀ ਸੇਵਾ ਕਰਨੀ ਸਫਲੀ । ਪਤਿ ਬਿਨ ਔਰ ਕਰੈ ਸਭ ਨਿਫਲੀ ॥ 108 ॥
 ਯਾਂ ਤੇ ਪਤਿ ਕੀ ਸੇਵ ਕਰੀਜੈ । ਪਾਦ ਪਖਾਰ ਸੁ¹ ਪਾਨ ਕਰੀਜੈ ॥
 ਗੁਰ ਜਨ ਕੀ ਇਜ਼ਤ ਬਹੁ ਕਰਨੀ । ਸਾਸ ਸੇਵ ਰਿਦ ਮਾਂਹਿ ਸੁ ਧਰਨੀ ॥ 109 ॥

ਦੋਹਰਾ

ਇਸ ਪ੍ਰਕਾਰ ਧੀਰਜ ਦੀਯੋ ਦਯਾ ਸਿੰਧ ਕ੍ਰਿਪਾਲ ।
 ਮਹਿਮਾ ਕਹੇ ਸੁ ਕੌਨ ਕਵਿ ਸ੍ਰੀ ਗੁਰ ਦੀਨ ਦਯਾਲ ॥ 110 ॥
 ਦਯਾ ਸਿੰਧ ਤੇ ਬਿਦਾ ਹੋਇ ਗਈ ਸੁ ਜਨਨੀ² ਪਾਸ ।
 ਉਚੀ ਭੁਜਾ ਪਸਾਰ ਕੈ ਕੰਠ ਮਿਲੀ ਸੁਖਰਾਸ ॥ 111 ॥

ਚੌਪਈ

ਰੁਦਨ ਕਰਤ ਬੀਬੀ ਤਬ ਭਾਰੀ । ਸਿਖਯਾ ਦੀਨ ਮਾਤ ਸੁਭ ਚਾਰੀ ।
 ਪਤਿ ਕੀ ਸੇਵਾ ਕਰਨੀ ਚਹੀਏ । ਪੁਤ੍ਰੀ ਸਿਖਯਾ ਹਮਰੀ ਲਹੀਏ ॥ 112 ॥
 ਸੁਨ ਪੁਤ੍ਰੀ ਪ੍ਰਾਨਨ ਤੇ ਪਯਾਰੀ । ਜਿਸਤੇ ਬਸੈ ਬਿਤੈ ਸੁਖਕਾਰੀ ।
 ਕੁਲ ਕੀ ਬਾਤ³ ਚਿਤ ਮਹਿ ਧਰਨੀ । ਖੋਟੀ ਸੰਗਤਿ ਨਹੀਂ ਸੁ ਕਰਨੀ ॥ 113 ॥
 ਪ੍ਰਾਤੈ ਉਠ ਕਰ⁴ ਮਜਨ ਕਰੀਯੋ । ਗੁਰਬਾਨੀ ਸੋ ਮੁਖ ਤੇ ਰਰੀਯੋ ।
 ਪੁਨਾ ਔਰ ਵਿਵਹਾਰ ਜੋ ਹੋਈ । ਭਲੇ ਸੰਭਾਲਹੁ ਨੀਕੇ ਸੋਈ ॥ 114 ॥
 ਸੋ ਢਿਗ ਉਪਾਲੰਭ ਨਹੀਂ ਆਵੈ । ਐਸੀ ਭਾਂਤ ਸਰਬ ਸੁਖ ਪਾਵੈ ।
 ਸੁਨ ਪੁਤ੍ਰੀ ਮੈਂ ਕਉ ਸੁਖਦਾਈ । ਬੋਰੇ ਦਿਨ ਮਹਿ ਲੇਹੁ ਬੁਲਾਈ ॥ 115 ॥
 ਅਬ ਗੁਰ ਨਾਨਕ ਭਏ ਸਹਾਈ । ਨਹੀਂ ਤੋ ਵਿਘਨ ਪਰੈ ਸਮਦਾਈ ।
 ਘਰ ਕੀ ਸੋਜ ਸਭੀ ਲੁਟ ਗਈ । ਜਗਤ ਗੁਰੂ ਕੀ ਮਰਜੀ ਭਈ ॥ 116 ॥

¹ਅ ਪੋਥੀ ਚਰਨ ਧੰਦਿ ਕਰਿ ²ਅ ਪੋਥੀ ਮਾਤਾ ³ਅ ਪੋਥੀ ਕੁਲਿ ਮਰਯਾਦਾ ⁴ਅ ਪੋਥੀ ਅੰਮ੍ਰਿਤ ਵੇਲੇ

ਇਸ ਪ੍ਰਕਾਰ ਧੀਰਜ ਕੋ ਦੈਕੈ । ਮਾਤਾ ਮਿਲੀ ਸੁ ਬਹੁਰੀ ਰੋ ਕੈ ॥
ਅਹੈ ਪੁਤ੍ਰੀ ਨਵਲ ਕਸ਼ੋਰੀ । ਮਾਤਾ ਚਹੈ ਨ ਤਾਂਹਿ ਵਿਛੋਰੀ ॥ 117 ॥

ਦੋਹਰਾ

ਕ੍ਰਿਪਾ ਸਿੰਧ ਤਬ ਆਇ ਕੈ ਕਹੀ ਬਾਤ ਸਮਝਾਇ ।
ਬਿਗਾਨਾ ਧਨ ਧੀਆਂ ਬਨੀ ਕਾਹੋ ਕੋ ਦੁਖ ਪਾਇ ॥ 118 ॥
ਕ੍ਰਿਪ ਸਿੰਧ ਬਹੁਰੇ ਮਿਲੇ ਬੀਬੀ ਕੋ ਧਰ ਧੀਰ ।
ਬਾਤ ਕਰਤ ਗਦ ਗਦ ਭਏ ਚਲਯੋ ਨੈਨ¹ ਤੇ ਨੀਰ ॥ 119 ॥
ਬਾਬਾ ਗੁਰਦਿਤਾ ਮਿਲੇ ਮਨ ਮਹਿ ਮੋਹ ਅਪਾਰ ।
ਨੀਰ ਨੈਨ ਤੇ ਪਰਤ ਯੋਂ ਮਨੋ ਮੋਘ ਕੀ ਧਾਰ ॥ 120 ॥
ਭਗਨੀ² ਕੰਠ ਲਗਾਇ ਕੇ ਰੁਦਨ ਕੀਯੋ ਬਹੁ ਭਾਂਤ ।
ਦਿਖ ਅਵਸਰ ਉਤਸਾਹਿ ਕਉ ਬਹੁਰ ਸੰਭਾਰੀ ਬਾਤ ॥ 121 ॥

ਚੌਪਈ

ਕ੍ਰਿਪਾ ਸਿੰਧ ਕੀ ਆਇਸ ਪਾਇ । ਡੋਲਾ ਤਬੈ ਕਹਾਰ ਲਿਆਏ ।
ਬੀਬੀ ਕੋ ਤਬ ਦੀਨ ਚੜਾਇ । ਕ੍ਰਿਪਾ ਸਿੰਧ ਕੀ ਆਇਸ ਪਾਇ ॥ 122 ॥
ਮਾਤ ਦਮੋਦੀ ਮਿਲ ਬਹੁ ਰੋਈ । ਅਹੋ ਨਾਰਿ ਸਮ ਦੁਖੀ ਨ ਕੋਈ ।
ਪੁਤ੍ਰੀ ਸਦਾ ਧਰਮ ਮਹਿ ਰਹੀਯੋ । ਪਤਿ ਬਿਨ ਸੇਵ ਨਾ ਦੂਸਰ ਲਹੀਯੋ ॥ 123 ॥
ਬਹੁਰੋ ਮਿਲੀ ਸੁ ਸਭ ਪਰਿਵਾਰਾ । ਧਰ ਧੀਰਜ ਤਿਨ ਦੀਨ ਪਿਆਰਾ ।
ਦਯਾ ਸਿੰਧ ਕੀ ਆਗਿਆ ਪਾਏ । ਡੋਲਾ ਤਬੈ ਕਹਾਰ ਚਲਾਏ ॥ 124 ॥
ਸ੍ਰੀ ਗੁਰਦਿਤਾ ਸੰਗ ਸਿਧਾਰੇ । ਜਗਤ ਰੀਤਿ ਚਹੀਏ ਨਿਰਧਾਰੇ ।
ਬਰਬਸ ਕਰਕੇ ਪੁਨਾ ਹਟਾਏ । ਆਂਸੁ ਬਿਮੋਚਤ ਅਤਿ ਛਬਿ ਪਾਏ ॥ 125 ॥

ਦੋਹਰਾ

ਸਬ ਬਰਾਤ ਤਬਹੀ ਮਿਲੀ ਹਰਿ ਗੋਵਿੰਦ ਕਉ ਆਇ ।
ਲੈ ਆਇਸ ਸਭ ਹੀ ਚਲੈ ਪਗ ਪਰ³ ਸੀਸ ਨਿਆਇ ॥ 126 ॥

ਚੌਪਈ

ਦੁਲਹੁ ਤਬੈ ਉਤਾਇਲ ਆਯਹੁ । ਸ੍ਰੀ ਗੁਰੁ ਚਰਨਨ ਪਰ ਲਪਟਾਯਹੁ ।
ਕ੍ਰਿਪਾ ਸਿੰਧ ਤਬ ਭੁਜਾ ਗਹੀ ਹੈ । ਕੀਓ ਨਿਹਾਲ ਕ੍ਰਿਪਾ ਸੁ ਭਈ ਹੈ ॥ 127 ॥
ਤਬ ਸਾਧੂ ਕਰ ਜੋਰ ਉਚਾਰਾ । [ਬਿਰਦ]⁴ ਬਖਸੰਦ ਅਹੈ ਸੁ ਤੁਮਾਰਾ ।
ਅਰ ਅਪਨਾ ਇਕ ਸਬਦ ਸੁਨਾਯੋ । ਮਨੋ ਬਰਤੰਤ ਸਭੈ ਖੋਲ ਸੁਨਾਯੋ ॥ 128 ॥

॥ ਸਾਧੂਓ ਵਾਚ ॥

ਪੜ੍ਹਦਾ ਸਾਂ ਮੈਂ ਪਾਪਾਂ ਦੀ ਪਟੀ । ਬਹਿੰਦਾ ਕੂੜ ਕਪਟ ਦੀ ਹਟੀ ।
ਸਤਿਗੁਰ ਮੇਰੀ ਦੁਰਮਤ ਕਟੀ ਜਿਨ ਨਰਕਹੁ ਪਕੜ ਨਿਕਾਲਿਆ ॥ 1 ॥

¹ਏ ਪੋਥੀ ਨੋਤ੍ਰ ²ਅ ਪੋਥੀ ਮਾਤਾ ³ਅ ਪੋਥੀ ਚਰਨਹਿ ⁴ਏ ਪੋਥੀ ਵਿਚੋ

ਗੁਰੁ ਮੈਂ ਤਾਂ ਵਾਰਿਆ ਜੀ ਵਾਰਿਆ ॥ 1 ਰਹਾਉ ॥
 ਕੋਠੀ ਅੰਧੀ ਸੂਝੇ ਨਾਹੀਂ । ਗੋਤੇ ਖਾਂਦਾ ਮਾਯਾ ਮਾਹੀ ।
 ਸਤਿਗੁਰੁ ਸਚੇ ਨੋ ਸਾਲਾਹੀ ਜਿਨ ਚਾਨਣ ਕਰ ਵੇਖਾਲਿਆ ॥ 2 ॥
 ਦਾੜੀ ਤੇਰੀ ਨੂਰ ਝਮਕੈ । ਮਥਾ ਕੋਲਾਂ ਵਾਂਗੂ ਟਹਕੈ ।
 ਸਰਨ ਤੇਰੀ ਜਮ ਜੋਹਿ ਨ ਸਕੈ ਗੁਰੁ ਸੇਵਕ ਕੈ ਰਖਵਾਲਿਆ ॥ 3 ॥
 ਸਾਧੂ ਜਨ ਗੁਰੁ ਦਰਸਨ ਕੀਤਾ । ਧੋ ਚਰਨਾਮ੍ਰਿਤ ਗੁਰੁ ਦਾ ਪੀਤਾ ।
 ਨਾਮ ਦਾਨ ਗੁਰੁ ਪੂਰੇ ਦੀਤਾ ਗੁਰੂ ਅਮ੍ਰਿਤੰ ਨਾਮ ਪੀਆਲਿਆ ॥ 4 ॥

ਦੋਹਰਾ

ਕ੍ਰਿਪਾ ਸਿੰਧ ਸ੍ਰੀ ਸਤਿਗੁਰੁ ਸੁਨ ਕੈ ਬਚਨ ਰਸਾਲ ।
 ਪਰਮ ਮੋਦ ਮਨ ਮਹਿ ਭਏ ਭਾਖਯੋ ਸਾਧੂ ਨਿਹਾਲ ॥ 129 ॥
 ਬਿਦਾ ਕੀਓ ਸ੍ਰੀ ਸਤਿਗੁਰੁ ਚਾਲਿਓ^੧ ਧਾਰ ਆਨੰਦ ।
 ਆਇ ਮਿਲਯੋ ਜਾਨੇਤ ਸਿਉ ਸਾਧੂ ਪਰਮਾਨੰਦ ॥ 130 ॥

ਸਵੈਯਾ

ਧੀਰ ਧਰਯੋ ਪ੍ਰਭ ਜੀ ਮਨ ਮਹਿ ਤਬ ਆਵਤ ਭਏ ਨਿਜ ਡੇਰ ਮਝਾਰਾ ।
 ਬਿਨਤੀ ਸਭ ਸਿਖਨ ਐਸ ਕਰੀ ਪ੍ਰਭ ਜੀ ਹਰੀਏ ਹਮ ਸੰਸ ਅਪਾਰਾ ।
 ਦੀਨਨ ਨਾਥ ਸਨਾਥ ਕਰਉ ਹਮ ਯਾਹਿ ਸਥਾਨ ਕਹੋ ਬਿਸਥਾਰਾ ।
 ਕਿਹ ਕਾਰਨ ਤੇ ਇਹ ਬਿਆਹਿ ਕੀਓ ਤਜ ਕੈ ਰਾਮਦਾਸ ਪੁਰ ਕਰਤਾਰਾ ॥ 131 ॥

ਦੋਹਰਾ

ਸਿਖਨ ਕੀ ਬਿਨਤੀ ਸੁਨੀ ਸਤਿਗੁਰੁ ਭਏ ਕ੍ਰਿਪਾਲ ।
 ਸਭਿ ਬ੍ਰਿਤੰਤ ਕਹਿਨੇ ਲਗੇ ਗਦ ਗਦ ਹੂੰ ਤਤ ਕਾਲ ॥ 132 ॥

ਸਵੈਯਾ

ਐਸ ਉਚਾਰ ਸੁ ਕੀਨ ਪ੍ਰਭੂ ਮਮ ਸਿਖਨ ਕੋ ਨਹਿੰ ਦੀਨ ਮਿਠਾਈ ।
 ਇਹ ਕਾਰਨ ਕ੍ਰੋਧ ਭਯੋ ਹਮਰੋ ਮਨ ਮਲੇਛ ਸੰਘਾਰ ਬਨਯੋ ਤਬ ਆਈ ।
 ਬਚਨ ਜਥਾਰਥ ਹੋਤ ਭਏ ਇਹ ਕਾਰਨ ਤੇ ਅਏ ਤਾਹਿ ਸੁ ਧਾਈ ।
 ਇਸਥਾਨ ਕੀ ਸੋਭ ਬਧਾਵਨ ਕੇ ਹਿਤ ਸਤਿ ਸੁਨੋ ਮਮ ਬਾਤ ਅਲਾਈ ॥ 133 ॥

ਚੌਪਈ

ਸੁਨੀਏ ਸੰਗਤਿ ਮਨ ਚਿਤ ਲਾਈ । ਸਤਿ ਕਹਉਂ ਨਿਸਚੈ ਕਰ ਭਾਈ ।
 ਸਿਖ ਮੇ ਕਉ ਸਭ ਅਹਿੰ ਪਿਆਰੇ । ਸਭੀ ਕਾਜ ਮੋਹਿ ਸਿਖ ਸਵਾਰੈ ॥ 134 ॥
 ਸਿਖ ਅਪਰਾਧ^੨ ਨਾ ਸਹਉਂ ਕਦਾਪੀ । ਇਹੀ ਰੀਤਿ ਪੂਰਨ ਜਗ ਥਾਖੀ ।
 ਸਿਖ ਸਰੋਦਰ ਸਕੈ ਸੁ ਭਾਈ । ਸਿਖਨ ਮਹਿਮਾ ਸ੍ਰੀ ਮੁਖ ਗਾਈ ॥ 135 ॥

^੧ਏ ਪੋਥੀ ਗਮਨਿਓ ^੨ਅ ਪੋਥੀ ਅਪਮਾਨ

ਸਿਖ ਸਮਾਨ ਔਰ ਨਹੀਂ ਨਾਤਾ । ਸਿਖਨ ਕਰਤੇ ਸਵਰੇ ਬਾਤਾ ।
 ਕਹਾਂ ਤੁਛ ਥੀ ਵਹੁ ਮਠਿਆਈ । ਜੋ ਸਿਖਨ ਕੇ ਕਾਮ ਨ ਆਈ ॥ 136 ॥
 ਸਿਖ ਤ੍ਰਿਪਤਿ ਤੇ ਮੈਂ ਤ੍ਰਿਪਤਾਯੋ । ਸਿਖ ਮੈਂ ਮੇਰੇ ਰੂਪ ਸੁਹਾਯੋ ।
 ਥਾਂ ਤੇ ਲੁਟ ਗਈ ਸਰਬ ਮਿਠਾਈ । ਜੋ ਮੇਰੇ ਸਿਖਨ ਨਹਿ ਖਾਈ ॥ 137 ॥

ਦੋਹਰਾ

ਇਸ ਪ੍ਰਕਾਰ ਸ੍ਰੀ ਸਤਿਗੁਰ ਸਿਖਨ ਕੀ ਮਹਿਮਾ ਕੀਨ ।
 ਸ੍ਰੀ ਮੁਖ ਤੇ ਬਾਨੀ ਕਹੀ ਸਿਖ ਮੇਰੇ ਬਪੁ¹ ਲੀਨ ॥ 138 ॥
 ਪੁਨ ਸਥਾਨ ਮਹਿਮਾ ਕਹੀ ਸ੍ਰੀ ਗੁਰ ਹਰਿ ਗੋਵਿੰਦ ।
 ਜੋ ਇਹ ਠਾਂ ਦਰਸਨ ਕਰੈ ਮਿਟਹੈਂ ਪਾਪ ਬੁਲੰਦ ॥ 139 ॥

ਚੌਪਈ

ਸੁਨੋ ਸਿਖ ਸਭ ਹਮਰੇ ਪਿਆਰੇ । ਇਹੁ ਸਥਾਨ² ਕੀ ਉਪਮ² ਅਪਾਰੇ ।
 ਸੋਰਹ ਸੈ ਉਨੀਸ ਮੰਝਾਰਾ । ਜੇਠ ਛਬੀਸ ਸੁੰਦਰ ਵਾਰਾ ॥ 140 ॥
 ਬੀਬੀ ਕਾ ਹਮ ਦਯੋ ਬਿਆਹ । ਮਨ ਮੈਂ ਬਧੀ ਸੁ ਹਮਰੈ ਚਾਹ ।
 ਇਹੁ ਅਸਥਾਨੁ ਪੁਰਾਤਨ ਜਾਨੋ । ਤਾਂ ਮਹਿ ਭੇਦ ਨ ਰੰਚ ਪਛਾਨੋ ॥ 141 ॥
 ਜੇਠ ਛਬੀ ਸਮ ਮੇਲਾ ਹੋਇ । ਸੰਗਤਿ ਫਲ ਪਾਵੈ ਸਭ ਕੋਇ ।
 ਸਮਾਂ ਪਾਇ ਪਕਾ ਬਣ ਜਾਵੈ । ਮਾਣਕ ਚੌਕ ਸੁ ਨਾਮ ਧਰਾਵੈ ॥ 142 ॥
 ਜੋ ਇਛਾ ਕਰ ਇਹ ਠਾਂ ਆਵੈ । ਮਨ ਬਾਂਛਤ ਵਰ ਯਾ ਤੇ ਪਾਵੈ ।
 ਪੁਤ੍ਰ ਹੇਤ ਜੋ ਆਵੈ ਨਾਰੀ । ਪੁਤ੍ਰ ਹੋਇ ਤਿਨ ਕੇ ਸੁਭਚਾਰੀ ॥ 143 ॥
 ਸਮਾ ਪਾਇ ਇਹ ਕਿਲਾ ਢਹਾਵੈ । ਸਿਖ ਸੰਗਤ ਹਮਰੀ ਬਹੁ ਆਵੈ ।
 ਦੁਇ ਸੈ ਬਾਰਾਂ ਬਿਤ ਹੈ ਬਰਸਾ । ਇਸ ਕੀ ਮਹਿਮਾ ਹੁਇ ਹੈ ਸਰਸਾ ॥ 144 ॥
 ਅਠਾਰਹ ਸੈ ਇਕਾਨਵੈ ਜਾਵੈ । ਤਬੈ ਸਿਖ ਇਹ ਮੇਲਾ ਲਾਵੈ ।
 ਸੁਧਾ ਸਰੋਵਰ ਸੰਗਤ ਆਈ । ਮਨ ਬਾਂਛਤ ਬਰ ਯਾਂਤੇ ਪਾਈ ॥ 145 ॥
 ਏਸ ਥਾਨ ਕੀ ਉਪਮ ਅਪਾਰਾ । ਮੋ ਤੇ ਇਹੁ ਨਾ ਜਾਤ ਸੁਧਾਰਾ ।
 ਜੇਠ ਛਬੀਸੀ ਜੋ ਨਰ ਆਵੈ । ਜਥਾ ਸਕਤਿ ਆ ਪੂਜ ਚੜਾਵੈ ॥ 146 ॥
 ਰਿਧਿ ਸਿਧਿ ਤਿਨ ਕੈ ਰਹਿ ਲਾਈ । ਦੁਖ ਦਰਿਦ੍ਰ ਤਿਹ ਕਾ ਸਭ ਭਾਗੀ ।
 ਜੋ ਕੋਈ ਇਹਾਂ ਦਰਸਨ ਆਵੈ । ਮਨ ਬਾਂਛਤ³ ਬਰ ਯਾਂ ਤੇ ਪਾਵੈ ॥ 147 ॥

ਦੋਹਰਾ

ਸਭ ਤੀਰਥ ਇਸਨਾਨ ਤੇ ਜੋ ਫਲ ਹੋਇ ਅਪਾਰ ।
 ਸੋ ਫਲ ਇਹੁ ਦਰਸਨ ਲਹੈ ਮਨ ਮਹਿ ਸਤਿ ਵਿਚਾਰ ॥ 148 ॥
 ਸਹਸਰ ਸੁਰ ਭੀ ਮੇਲ ਕੈ ਕਰੈ ਜੋ ਕੋਉ ਦਾਨ ।
 ਸੋ ਫਲ ਈਹਾਂ ਪਾਇਗੋ ਦਰਸ ਕਰੈ ਜੋ ਆਨ ॥ 149 ॥

¹ਏ ਪੰਥੀ ਰੂਪ ²ਅ ਤੇ ਏ ਪੰਥੀ ਮਹਾਤਮ ³ਅ ਪੰਥੀ ਇਛਤ

ਚੌਪਈ

ਜਾਂਕੀ ਸੁਤਾ ਕੁਆਰੀ ਹੋਇ । ਢੂੰਢਤ ਪਤੀ ਨ ਪਾਵੈ ਜੋਇ ।
ਤਤ ਕਾਲ ਇਹ ਠਾਂ ਚਲ ਆਵੈ । ਦਰਸਨ ਕੀਏ ਕਾਮਨਾ¹ ਪਾਵੈ ॥ 150 ॥

ਦੋਹਰਾ

ਬੀਬੀ ਕੇਰ ਵਿਯਾਹ ਕੀ ਕਥਾ ਕਹੀ ਨਿਰਧਾਰ ।
ਭੂਲ ਚੂਕ ਮਮ ਬਖਸ਼ੀਏ ਦਾਸਨ ਦਾਸ ਵਿਚਾਰ² ॥ 151 ॥
ਆਗੇ ਯਹ ਕਥ ਹੋਇਗੀ ਕੌਲਾਂ ਹੋਇ ਉਧਾਰ ।
ਸਤਿਗੁਰ ਹਰਿ ਗੋਬਿੰਦ ਜੀ ਜਾਵਹਿ ਪੁਰ ਕਰਤਾਰ ॥ 152 ॥
ਤਾਰਨ ਤਰਨ ਇਸਨਾਨ ਕਰ ਪੁਨਹ ਖੰਡੂਰ ਨਿਹਾਰ ।
ਗੋਇੰਦਵਾਲ ਕਉ ਦੇਖਕੈ ਫਿਰ ਆਵਹਿ ਪੁਰ ਕਰਤਾਰ ॥ 153 ॥
ਸ੍ਰੀ ਸਤਿਗੁਰ ਕੀ ਕ੍ਰਿਪਾ ਤੇ ਪੂਰਨ ਭਯੋ ਧਿਆਇ ।
ਆਗੇ ਪੁਨ ਕਥ ਹੋਤ ਹੈ ਸੁਨੋ ਸੰਤ ਮਨ ਲਾਇ ॥ 154 ॥

ਇਤਿ ਸ੍ਰੀ ਗੁਰ ਬਿਲਾਸ ਬੀਬੀ ਕੋ ਵਿਆਹ ਬਰਨੰਨ ਨਾਮ ਇਕ ਦਸਮੇ ਧਿਆਇ
ਸਮਾਪਤੰ ਸੂਭ ਮਸਤ ॥ 11 ॥ ਵਾਹਿਗੁਰੂ ॥

¹ਏ ਪੌਥੀ ਵਰ ਕੋ ²ਏ ਪੌਥੀ ਨਿਹਾਰ

ਅਧਿਆਇ ਬਾਰੂਵਾਂ

ਦੋਹਰਾ

ਨਮੋ ਨਮੋ ਸ੍ਰੀ ਸਤਿਗੁਰੂ ਬਹੁਰ ਸਾਰਦਾ ਮਾਇ ।
ਬਚਨ ਗੁਰੂ ਜਸ ਵਿਘਨ ਹਰ ਮੇਰੀ ਕਰਹੁ ਸਹਾਇ ॥ 1 ॥

ਮਨੀ ਸਿੰਘੋਵਾਚ ॥ ਚੌਪਈ ॥

ਥੋਰੀ ਕਥਾ ਬਰਾਤ ਸੁਨ ਲੀਜੈ । ਆਨੰਦ ਧਾਰ ਚਲਤ ਸੁਖ ਲੀਜੈ ।
ਧਰਮਹਿ ਮਨ ਮਹਿ ਬਡ ਸੁਖ ਪਾਯੋ । ਗੁਰ ਰਸ ਮਗਨ ਚਲਤ ਸੁਖ ਘਾਯੋ ॥ 2 ॥
ਚਲਤ ਪੰਥ ਪਹੁੰਚੇ ਤਹ ਜਾਈ । ਮਲੇ ਨਿਕਟ ਬਾਜ ਸੁਨ ਪਾਈ ।
ਨੰਦ ਕੌਰ ਮਨ ਆਨੰਦ ਪਾਈ । ਅਬਲਾ ਗਾਵਨ ਹੇਤ ਬੁਲਾਈ ॥ 3 ॥
ਬਾਜ ਬਜਾਵਤ ਆਈ ਬ੍ਰਾਤਾ । ਹਰਖ ਨਗਰ ਦਿਖ ਪੁਲਕਤ ਗਾਤਾ ।
ਸਾਧੂ ਬੀਬੀ ਅੰਚਰ ਸਾਥਾ । ਜਾਇ ਮਾਤ ਕਉ ਨਾਯੋ¹ ਮਾਥਾ ॥ 4 ॥
ਮਾਤ ਵਾਰ ਜਲ ਕੀਓ ਪਾਨਾ । ਗਾਵਤ ਮੰਗਲ ਦੀਨੋ ਦਾਨਾ ।
ਸਦਨ ਪ੍ਰਵੇਸ਼ ਹਰਖ ਬਹੁ ਪਾਯੋ । ਦੇਖ ਸਨੁਖਾ ਰੂਪ ਸੁਖਦਾਯੋ ॥ 5 ॥

ਦੋਹਰਾ

ਮੋਹੀ ਅਬਲਾ ਰੂਪ ਦਿਖ² ਧੰਨ ਧੰਨ ਕੀਨ ਉਚਾਰ ।
ਰਾਈ ਵਾਰਤ ਸਾਸ ਦਿਖ ਜਨ ਇਹ ਲਾਗ ਨਿਹਾਰ ॥ 6 ॥

ਚੌਪਈ

ਕਰ ਦਰਸਨ ਅਬਲਾ³ ਸੁਖ ਪਾਯੋ । ਜੋ ਜੋ ਇਛ ਕੀਨ ਕਰਿ ਆਯੋ ।
ਜਹਿ ਤਹਿ ਗੁਰ ਜਸ ਹੋਤ ਅਨੰਤਾ । ਭਗਤ ਸਿੰਘ ਇਹ ਠਾਂ ਭਗਵੰਤਾ ॥ 7 ॥
ਮਨ ਮਹਿ ਐਸੇ ਕੀਨ ਬਿਚਾਰਾ । ਈਹਾਂ ਰਹਿਨ ਨਹਿ ਬਨੈ ਹਮਾਰਾ ॥
ਜਬ ਵਿਵਾਹ ਸੰਪੂਰਨ ਭਯੋ । ਚਿਤ ਕਾ ਸੰਸ ਸਭੀ ਮਿਟ ਗਯੋ ॥ 8 ॥
ਕੋਲਾਂ ਕੀ ਗਤ ਮਨ ਮਹਿ ਆਈ । ਤੀਨ ਦਿਵਸ ਤਕ ਰਾਰ ਰਹਾਈ ।
ਕੋਲਾਂ ਕੀ ਗਥ ਪਾਛੈ ਕਹੀ । ਅਬ ਸੋ ਕਹਉ ਉਹਾਂ ਜੋ ਰਹੀ ॥ 9 ॥
ਕੋਲਾਂ ਖੂਤਿ ਪ੍ਰਭੁ ਬਚਨ ਉਚਾਰੇ । ਕ੍ਰਿਪਾ ਸਿੰਧ ਪਰ ਪੀਰ ਨਿਵਾਰੇ ।
ਅਸਟ ਦਿਵਸ ਤੇ ਮਰਨਾ ਹੋਈ । ਯਾਂ ਮਹਿ ਸੰਸ ਨਹੀਂ ਅਬ ਕੋਈ ॥ 10 ॥

¹ਅ ਪੋਥੀ ਟੰਕਿਓ ²ਅ ਤੇ ਏ ਪੋਥੀ ਪਿਖ ³ਏ ਪੋਥੀ ਨਾਰਨਿ

ਹਾਥਿ ਜੋਰ ਬਿਨਤੀ ਅਸ ਕੀਨੀ । ਕੋਲਾਂ ਅਤਿ ਹੀ ਹੋਇ ਅਧੀਨੀ ।
ਹੇ ਪ੍ਰਭ ਦੀਨਾ ਨਾਥ ਸੁਆਮੀ । ਸਭ ਘਟਿ ਘਟਿ ਕੇ ਅੰਤਰਜਾਮੀ ॥ 11 ॥

ਦੋਹਰਾ

ਅੰਤ¹ ਸਮੇ ਮਮ ਦੇਹ ਕੇ¹ ਦਰਸਨ ਮੋਕਉ ਦੇਇ ।
ਪਤਿਤ ਪਾਵਨ ਤਵ ਬਿਰਦ ਹੈ ਸੋ ਸੰਭਾਰ ਜਸ ਲੇਇ ॥ 12 ॥

ਚੌਪਈ

ਕ੍ਰਿਪਾ ਸਿੰਧੁ ਏ ਬਚਨ ਸੁਨਾਈ । ਨਿਜ ਮਨ ਭੀਤਰ ਦਯਾ ਬਸਾਈ ।
ਸ੍ਰੀ ਸਤਿਗੁਰ ਅਸ ਬਚਨ ਉਚਾਰੇ । ਕੋਲਾਂ ਸਤਿ ਸੁਨਹੁ ਨਿਰਧਾਰੇ ॥ 13 ॥
ਆਠ ਪਹਿਰ ਆਗੇ ਤਵ ਪਾਸਾ । ਨਿਹਚੇ ਕਰਹੁ ਆਇ ਪ੍ਰਕਾਸਾ ।
ਅਸ ਕਹਿ ਬਿਦਾ ਸੁ ਤਬ ਹੀ ਕੀਨੀ । ਪੁਰ ਕਰਤਾਰ ਕੀ ਆਗਯਾ ਦੀਨੀ ॥ 14 ॥
ਸਤਿ ਬਚਨ ਰਿਦ ਧਰ ਸੋ ਗਈ । ਸੁਨੋ ਕਥਾ² ਜੋ ਆਗੇ ਭਈ ।
ਬੀਬੀ ਕਾ ਪ੍ਰਭ ਕੀਓ ਵਿਵਾਹੁ । ਕੋਲਾਂ ਬਚ ਸੁਨ ਧਾਰੀ ਚਾਹੁ ।
ਸਭ ਪਰਿਵਾਰ ਸੰਗ³ ਤਬ ਲੀਨੋ । ਪ੍ਰਭ ਜੀ ਤਬੇ ਪਿਆਨਾ ਕੀਨੋ ।
ਮਗ ਕੀ ਸੁੰਦਰ ਕਥਾ ਸੁਹਾਈ । ਤਰਨ ਤਾਰਨ ਪਹੁੰਚੇ ਤਬ ਆਈ ॥ 16 ॥

ਦੋਹਰਾ

ਮਾਨਸਰੋਵਰ ਤਾਲ ਸੁਭ ਸਭ ਅਘ ਕਰੈ ਸੰਘਾਰ ।
ਗੁਰ ਅਰਜੁਨ ਅਸਥਾਨ ਕੀ ਮਹਿਮਾ ਅਪਰ ਅਪਾਰ ॥ 17 ॥

ਸਵੈਯਾ

ਮਾਨ ਸਰੋਵਰ ਹੰਸ ਬਿਰਾਜਤ ਸੁੰਦਰ ਜਾਨ ਸੁਖੀ ਰਹਿ ਕਾਲਾ ।
ਤਾਰਨ ਤਰਨ ਇਸਨਾਨ ਕਰੇ ਨਰ ਕਾਗਹੁ ਹੰਸ ਹੋਵੈ ਤਤਕਾਲਾ ।
ਸ੍ਰੀ ਮੁਖ ਐਸ ਉਚਾਰ ਕੀਓ ਨਰ ਜੋ ਗ੍ਰਿਸਯੋ ਬਡ ਰੋਗ ਬਿਸਾਲਾ ।
ਸੋ ਨਰ ਆਇ ਸਨਾਨ ਕਰੈ ਤਬ ਸੁੰਦਰ ਦੇਹ ਲਹੈ ਤਤਕਾਲਾ ॥ 18 ॥

ਦੋਹਰਾ

ਪੂਰਬ ਦਿਸਾ ਤਲਾਵ ਕੇ ਬੈਠੇ ਪ੍ਰਭ ਰਣਧੀਰ ।
ਕਛੁਕ ਕਾਲ ਵਿਸ਼੍ਰਾਮ ਕਰ ਕੀਓ ਇਸਨਾਨ ਸਰੀਰ ॥ 19 ॥

ਚੌਪਈ

ਕੀਨ ਇਸਨਾਨ ਗੁਰੂ ਜੀ ਆਪ । ਗੁਰ ਮੰਤਰ ਕਾ ਕੀਨਾ ਜਾਪ ।
ਕ੍ਰਿਪਾ ਸਿੰਧੁ ਮਨ ਐਸ ਭਾਯੋ । ਤਤ ਕਾਲ ਪ੍ਰਸਾਦ ਮੰਗਾਯੋ ॥ 20 ॥
ਗੁਰ ਅਰਜੁਨ ਸਥਾਨ ਤਬ ਗਏ । ਅਤਿ ਪ੍ਰਸੰਨ ਮਨ ਅਪਨੇ ਭਏ ।
ਪ੍ਰਸਾਦ ਭੇਟ ਆਗੇ ਪ੍ਰਭ ਧਰੀ । ਹਰਿ ਗੋਵਿੰਦ ਅਤਿ ਬਿਨਤੀ ਕਰੀ ॥ 21 ॥

¹ਅ ਪੋਥੀ ਸਮਾ ਆ ਵਹਿ ਜਬੇ ²ਦ ਪੋਥੀ ਗਾਥ ³ਅ ਪੋਥੀ ਸਾਥ

ਚਾਰ ਪ੍ਰਕ੍ਰਮਾ ਸਤਿਗੁਰ ਕੀਨੀ । ਸੀਸ ਨਿਵਾਇ ਚਲੇ ਗੁਰ ਭੀਨੀ ।
ਸਭੇ ਸਾਥ ਕਉ ਸੰਗਿ ਪ੍ਰਭੂ ਲੀਨੋ । ਗੋਇੰਦਵਾਲ ਪਿਆਨਾ ਕੀਨੋ ॥ 22 ॥

ਦੋਹਰਾ

ਚਾਰ ਘਰੀ ਦਿਨ ਕੇ ਰਹੇ ਤਿਹ ਨਾਂ ਪਹੁੰਚੇ ਆਇ ।
ਸੁੰਦਰ ਸੁਭ ਅਸਥਾਨ ਪਿਖ ਡੇਰਾ ਕੀਨ ਬਨਾਇ ॥ 23 ॥

ਚੌਪਈ

ਨਗਰ ਲੋਕ ਐਸੇ ਸੁਨ ਪਾਇਯੋ । ਤੁਰਕ¹ ਮਾਰ ਗੁਰ ਈਹਾਂ ਆਇਯੋ ।
ਤਤ ਛਿਨ ਦੌਰੇ ਤਜ ਸਭ ਕਾਜਾ । ਕਰੀਏ ਦਰਸ ਗਰੀਬ ਨਿਵਾਜਾ ॥ 24 ॥
ਜਾਇ ਸਭਨ ਤਬ ਦਰਸਨ ਪਾਯੋ । ਦੁਖ ਦਰਿਦ੍ਰ ਸਬ ਸੰਸ ਮਿਟਾਯੋ ।
ਪ੍ਰਸਾਦ ਭੇਟ ਪ੍ਰਭ ਆਗੇ ਧਰੋ । ਅੰਚਰ ਡਾਰ ਗੁਰੂ ਪਗ ਪਰੇ ॥ 25 ॥
ਕੁਸ਼ਲ ਅਨੰਦ ਗੁਰੂ ਸਭ ਕੀ ਲਈ । ਪ੍ਰੇਮ ਪ੍ਰੇਮ ਸਭਹਨ ਕਹਿ ਦਈ ।
ਧੀਰਜ ਦੇ ਸੰਗਤ ਬੈਠਾਰੀ । ਚਲੇ ਬਾਵਲੀ ਗੁਰ ਕਰਤਾਰੀ ॥ 26 ॥

ਦੋਹਰਾ

ਕੜਾਹ ਪ੍ਰਸਾਦਿ ਤਤ ਛਿਨ ਭਯੋ ਗੁਰ ਕੀ ਆਗਿਆ² ਪਾਇ ।
ਸੋ ਪ੍ਰਸਾਦ ਲੈ ਕਰ ਬਿਖੈ ਕਰਿਯੋ ਦਰਸ ਹਰਖਾਇ ॥ 27 ॥

ਚੌਪਈ

ਗੁਰ ਨਾਨਕ ਮੁਖ ਸਬਦ ਉਚਾਰਾ । ਨੈਨ ਮੀਚ ਧਿਆਨ ਨਿਜ ਧਾਰਾ ।
ਅੰਤਰ ਧਿਆਨ ਏਕ ਚਿਤ ਕੀਨੋ ਪਾਂਚ ਗੁਰੂ [ਪ੍ਰਭੂ]³ ਦਰਸਨ ਦੀਨੋ ॥ 28 ॥
ਉਠਹੁ ਉਠਹੁ ਹੇ ਸੰਤ ਸਹਾਈ । ਬਲ ਪ੍ਰਤਾਪ ਤੁਮਰੋ ਅਧਿਕਾਈ ।
ਦੀਨਨ ਕੀ ਰਖਯਾ ਤੁਮ ਕਰੋ । ਮਲੇਛ ਪ੍ਰਤਾਪ ਛਿਨਕ ਮੈ ਹਰੋ ॥ 29 ॥
ਪਾਂਚ ਗੁਰੂ ਬਚ ਅਸ ਜਬ ਕਹੈ । ਹਰਿ ਗੋਬਿੰਦ ਸੁਨ ਆਨੰਦ ਲਹੈ ।
ਬਿਧੀਏ ਕਉ ਤਬ ਕਹਾ ਬੁਲਾਈ । ਸਭ⁴ ਕੁਟੰਭ ਕਉ⁴ ਲਿਆਵਹੁ ਜਾਈ ॥ 30 ॥
ਤਤਕਾਲ ਭਾਈ ਤਹਿ ਆਯੋ । ਸ੍ਰੀ ਸਤਿਗੁਰ ਜਹਿ ਓਰ ਪਠਾਯੋ ।
ਤੀਨ ਮਾਤ ਕਉ ਕਰੀ ਪ੍ਰਨਾਮ । ਪ੍ਰਭ ਜੀ ਕਹਯੋ ਸੁ ਕੀਨ ਬਖਾਨ ॥ 31 ॥

ਦੋਹਰਾ

ਸਭ ਕੁਟੰਬ ਬੰਦਨ ਕਰੀ ਹਰਿ ਗੋਵਿੰਦ ਕਉ ਆਇ ।
ਸ੍ਰੀ ਸਤਿਗੁਰ ਸਭ ਓਰ ਦਿਖ ਐਸੇ ਕਹਾ ਸੁਨਾਇ ॥ 32 ॥

ਚੌਪਈ

ਬਾਵਲੀ ਮਾਹਿ ਮਜਨ ਸਭ ਕਰੋ । ਜਨਮ ਮਰਨ ਕਉ ਦੁਖ ਸਭ ਹਰੋ ।
ਸ੍ਰੀ ਮੁਖ ਤੇ ਐਸੇ ਸੁਨਿ ਲੀਨੋ । ਸਭਨ ਜਾਇ ਤਿੰਹ ਮਜਨ ਕੀਨੋ ॥ 33 ॥

¹ਅ ਪੋਥੀ ਮਲੇਛ ²ਏ ਪੋਥੀ ਆਇਸ ³ਅ ਪੋਥੀ ਵਿਚੋ ⁴ਏ ਪੋਥੀ ਪਰਿਵਾਤਹਿ

ਦੋਹਰਾ

ਹਰਿਗੋਵਿੰਦ ਇਸਨਾਨ ਤਬ ਕੀਓ ਸੁ ਅਤਿ ਹਰਖਾਇ ।
ਗੁਰ ਮੰਤ੍ਰ ਜਪੁਜੀ ਪੜਿਓ ਇਕ ਚਿਤ ਧਿਆਨ ਲਗਾਇ ॥ 34 ॥

ਚੌਪਈ

ਬਹੁਰੋ ਚਲੈ ਮੋਹਨ ਚੋਬਾਰੇ । ਕੀਨ ਦਰਸ ਮਨ ਅਤਿ ਹਰਖਾਰੇ ।
ਪ੍ਰਭ ਜੀ ਬਹੁਤ ਬੇਨਤੀ ਕੀਨੀ । ਅੰਚਰ ਡਾਰ ਸੁ ਹੋਇ ਅਧੀਨੀ ॥ 35 ॥
ਬਹੁਰੋ ਮਨ ਮਹਿ ਅਤਿ ਹਰਖਾਏ । ਅਮਰ ਗੁਰੂ ਚੋਬਾਰੇ ਆਏ ।
ਹਰਿ ਗੋਵਿੰਦ ਬੇਨਤੀ ਬਹੁ ਕਰੀ । ਚਰਨ ਧੂਰ ਲੈ ਮਾਥੇ ਧਰੀ ॥ 36 ॥
ਸਤਿਗੁਰ ਮੰਜੀ ਦਰਸਨ ਪਾਏ । ਨਿਜ ਡੇਰੇ ਤਬ ਪ੍ਰਭ ਜੀ¹ ਆਏ ।
ਆਇ ਦੀਵਾਨ ਤਬੈ ਗੁਰ ਲਾਯੋ । ਸਭ ਸਿਖਨਿ ਗੁਰ ਦਰਸਨ ਪਾਯੋ ॥ 37 ॥
ਅਮਰ ਗੁਰੂ ਕੀ ਅੰਸ ਸੁ ਆਵੈ । ਭਾਂਤ ਭਾਂਤ ਪ੍ਰਸਾਦਿ ਲਿਆਵੈ ।
ਜੋ ਇਛਾ ਕੋਈ ਮਨ ਧਰੈ । ਸੋ ਪ੍ਰਭ ਜੀ ਤਹਿ ਪੂਰਨ ਕਰੈ ॥ 38 ॥

ਦੋਹਰਾ

ਬਾਬੇ ਨੰਦ ਕਾ ਸੁਤ ਅਯੋ ਨਾਮ ਸੁ ਸੁੰਦਰ ਜਾਹਿ ।
ਗੁਰ ਅਰਜਨ ਕੋ ਸਦ ਕਹਾ ਗ੍ਰੰਥ ਮਾਹਿ ਧਰ ਆਹਿ ॥ 39 ॥
ਪ੍ਰਸਾਦਿ ਭੇਟ ਆਗੇ ਧਰੀ ਸੁੰਦਰ ਮਨ ਹਰਖਾਇ ।
ਹਰਿਗੋਵਿੰਦ ਆਦਰ ਕੀਓ ਤਾਕੋ ਬਹੁ ਅਧਿਕਾਈ ॥ 40 ॥
ਬਹੁ ਬੰਦਨ ਸੁੰਦਰ ਕਰੀ ਹਰਿ ਗੋਵਿੰਦ ਨਿਕਟਾਇ ।
ਕ੍ਰਿਪਾ ਸਿੰਧੁ ਕਾ ਰੂਪ ਲਖ ਮਨ ਮਹਿ ਅਤਿ ਬਿਸਮਾਇ ॥ 41 ॥

ਭੁਜੰਗ ਛੰਦ

ਦੋਉ ਹਾਥ ਜੋਰੇ ਸੁਨੋ ਨਾਥ ਬਾਨੀ ।
ਛਿਮੋਂ ਭੂਲ ਮੇਰੀ ਮਹਾਰਾਜ ਗਿਆਨੀ ।
ਗੁਰੂ ਰੂਪ ਪਾਛੇ ਭਏ ਸਾਂਤ ਰੂਪੰ ।
ਸਭੇ ਸ਼ਸਤ੍ਰ ਸਾਜੇ ਬਨੈ ਰੂਪ ਨੂਪੰ ॥ 42 ॥
ਭਈ ਚਿੰਤ ਮੋਰੇ ਮਹਾਰਾਜ ਕਾਟੋ ।
ਬਡੇ ਦੁਸ਼ਟ ਜੋਹੀ ਤਿਸੈ ਆਪ ਫਾਟੋ ।
ਸੁਨੀ ਤਾਸ ਬਾਨੀ ਦਯਾ² ਸਿੰਧ ਬੋਲੇ ।
ਭਯੋ ਪਾਪ ਭਾਰੋ ਗਊ ਮੇਧ ਡੋਲੈ ॥ 43 ॥
ਧਰਾ ਰੂਪ ਧੰਨ ਸੁ ਮੇਧਾ ਪ੍ਰਕਾਰੀ ।
ਗਊ ਬ੍ਰਹਮ ਰਖਯਾ ਕਰੋ ਹੇ ਮੁਰਾਰੀ ।

¹ਅ ਪੋਥੀ ਸਤਿਗੁਰ ²ਅ ਪੋਥੀ ਕ੍ਰਿਪਾ

ਸੁਨ ਐਸੀ ਬਾਨੀ ਮਹਾਰਾਜ ਬੋਲੇ ।
 ਧਰੋ ਧੀਰ ਧਰਨੀ^੧ ਮੰਨ ਨਾਹਿ ਡੋਲੇ ॥ 44 ॥
 ਕਰੀ ਮੋਹਿ ਆਗਯਾ ਪ੍ਰਿਥੀ ਮਧ ਜਾਵੇ ।
 ਹਨੋ ਦੁਸ਼ਟ ਪਾਪੀ ਮਲੇਛ ਖਪਾਵੇ ।
 ਭਈ ਬਾਨੀ ਸ੍ਰੀ ਮਹਾਰਾਜ ਜੀ ਕੀ ।
 ਧਰਾ ਰੂਪ ਐਸੇ ਕਹੀ ਬਾਤ ਨੀਕੀ ॥ 45 ॥

ਦੋਹਰਾ

ਅਕਾਲ ਪੁਰਖ^੨ ਆਗਿਆ ਕਰੀ ਧਰਾ ਰੂਪ ਇਮ ਆਇ ।
 ਮਲੇਛ ਦੁਸ਼ਟ ਪਾਪੀ ਹਨਉਂ ਧਰਾ ਭਾਰ ਮਿਟ ਜਾਇ ॥ 46 ॥

ਚੌਪਈ

ਇਹ ਕਾਰਨ ਗੁਰ ਮੋਹਿ ਪਠਾਯੋ ॥ ਸਸਤ੍ਰ ਅਸਤ੍ਰ ਧਰ ਜਗ ਮਹਿ ਆਯੋ ।
 ਸੁਨ ਸੁੰਦਰ ਸਤਿਗੁਰ ਕੇ ਬੈਨਾਂ । ਹਰਖ ਪੂਰ ਆਏ ਦੋਉ ਨੈਨਾਂ ॥ 47 ॥
 ਹਾਥ ਜੋਰ ਗੁਰ ਚਰਨਨ ਪਰਿਓ । ਕ੍ਰਿਪਾ ਸਿੰਧੁ ਹਾਥ ਸਿਰ ਧਰਿਯੋ ।
 ਤੁਮ ਹੋ ਬਡੇ ਅਮਰ ਗੁਰ ਪੋਤੇ । ਦਾਸਨ ਦਾਸ ਸਦਾ ਹਮ ਹੋਤੇ ॥ 48 ॥
 ਬਾਬੇ ਨੰਦ ਕੀ ਬਾਮ^੩ ਸੁ ਆਈ । ਸੁੰਦਰ ਨਾਰੀ ਸਾਥ ਸੁਹਾਈ ।
 ਔਰ ਬਹੁਤ ਨਾਰੀ ਤਿਹ ਸੰਗਾ । ਰੂਪ [ਦੇਖ]^੪ ਜਹਿ ਲਜਤ ਅਨੰਗਾ ॥ 49 ॥
 ਹਰਿ ਗੋਵਿੰਦ ਕੀ ਪੂਜਾ ਕਰੀ । ਵਾਰਨੈ ਕਰ ਗੁਰ ਚਰਨਨ ਪਰੀ ।
 ਸੁੰਦਰ ਕੀ ਮਾਤਾ ਯੋਂ ਬੋਲੀ । ਪ੍ਰੇਮ ਸਿੰਧ ਕੇ ਮਾਂਹਿ ਝਕੋਲੀ ॥ 50 ॥
 ਹੋ ਪ੍ਰਭ ਦੀਨਾ ਨਾਥ ਸੁਹਾਈ । ਭਵਣ^੫ ਚਲਹੁ ਰਜਨੀ ਸੁਖ ਪਾਈ ।
 ਕਰੋ ਪੁਨੀਤ ਭਵਨ ਪ੍ਰਭੂ ਸੁਆਮੀ । ਘਟਿ ਘਟਿ ਕੇ ਤੁਮ ਅੰਤਰਜਾਮੀ ॥ 51 ॥
 ਪ੍ਰੀਤਿ ਦੇਖ ਤਿਨ ਕੀ ਪ੍ਰਭੂ ਬੋਲੇ । ਸਿਖ ਸੰਗਤਿ ਮਮ ਸੰਗਿ ਅਡੋਲੇ ।
 ਜਾਵਨ ਹਮਰੇ ਭਵਨ^੫ ਨਾ ਹੋਈ । ਤੁਮਰੀ ਕ੍ਰਿਪਾ ਸਦਾ ਸੁਖ ਸੋਈ ॥ 52 ॥

ਦੋਹਰਾ

ਸੁੰਦਰ ਕੀ ਮਾਤਾ ਕਹਿਓ ਨਹਿ ਜਾਵਉ ਤੁਮ ਨਾਥ ।
 ਤੀਨ ਨਾਰ ਤੁਮਰੀ ਜੋਈ ਸੋ ਭੇਜੋ ਮਮ ਸਾਥ ॥ 53 ॥

ਚੌਪਈ

ਦੇਖ ਪ੍ਰੀਤਿ ਪ੍ਰਭ ਜੀ ਯੋਂ ਕਹਿਓ । ਸਾਥ ਲੈ ਜਾਹੁ ਹਰਖ ਮਨ ਧਰਿਓ ।
 ਪ੍ਰਭ ਜੀ ਕੀ ਯੋਂ ਆਗਿਆ ਪਾਈ । ਮਾਤ ਦਮੋਦਰੀ ਕੇ ਢਿਗ ਆਈ ॥ 54 ॥
 ਮਾਤ ਨਾਨਕੀ ਅਰ ਮਰਵਾਹੀ । ਚਰਨ ਪਰੀ ਚਿਤ ਬਹੁਤ ਉਛਾਹੀ ।
 ਸੁੰਦਰ ਮਾਤ ਕਰ ਬਿਨਤੀ ਸੁਨੀ । ਔ ਪ੍ਰਭ ਕੀ ਆਗਿਆ ਮਨ ਮਨੀ ॥ 55 ॥

^੧ਏ ਪੋਥੀ ਅਵਨੀ ^੨ਅ ਪੋਥੀ ਪਰਮਾਤਮ ^੩ਏ ਪੋਥੀ ਦਾਰਾ ^੪ਅ ਪੋਥੀ ਵਿਚੋਂ ^੫ਅ ਪੋਥੀ ਸਦਨ

ਦੋਹਰਾ

ਦਾਮੋਦਰੀ ਔਰ ਨਾਨਕੀ ਮਰਵਾਹੀ ਸੰਗਿ ਲੀਨ ।
ਸੁੰਦਰ ਮਾਤ ਕੇ ਸੰਗ ਚਲੀ ਸੰਗਿ ਦਾਸੀ ਬਹੁ ਕੀਨ ॥ 56 ॥

ਚੌਪਈ

ਤਬੈ ਪ੍ਰਸੰਨ ਬਹੁਤ ਮਨ ਹੋਈ । ਨਾਰਿ ਨੰਦ ਚਿੰਤਾ ਸਭ ਖੋਈ ।
ਜਾਇ ਭਵਨ ਬਹੁ ਪਲੰਘ ਸਵਾਰੇ । ਸੇਜ ਬੰਦ ਜਹਿ ਸੋਭ ਅਪਾਰੇ ॥ 57 ॥
ਤੀਨ ਪਲੰਘ ਸੁੰਦਰ ਸਭ ਸਾਜੇ । ਤੀਨ ਮਾਤ ਤਿਹਿ ਉਪਰ ਬਰਾਜੇ ।
ਘਨੇ ਪਲੰਘ ਦਾਸੀ ਕਉ ਦੀਨੇ । ਸੁੰਦਰ ਮਾਤ ਹਰਖ ਮਨ ਕੀਨੇ ॥ 58 ॥
ਭਾਂਤ ਭਾਂਤ ਭੋਜਨ ਮੰਗਵਾਯੋ । ਹਾਥ ਜੋਰ ਸਭ ਕੋ ਅਚਵਾਯੋ¹ ।
ਨੰਦ ਨਾਰ ਬੀਜਨ² ਤਬ ਲੀਨੋ । ਤੀਨ ਮਾਤ ਕਉ ਪਵਨ ਸੁ ਕੀਨੋ ॥ 59 ॥
ਦਾਸੀ ਸਭ ਦਾਸੀ ਕਉ ਕਰਹੀ । ਪਵਨ ਬੀਜਨਾਂ ਹਾਥਹਿ ਧਰਹੀ ।
ਭੋਜਨ ਕਰ ਜਲ ਪਾਨ ਦਿਵਾਯੋ । ਤੋ ਸਭ ਕੋ ਬਿਸਰਾਮ ਕਰਾਯੋ ॥ 60 ॥
ਨੰਦ ਕੀ ਨਾਰ ਸੋਭ ਸਭ ਧਰੀ । ਸੁੰਦਰ ਨਾਰਿ ਸਾਥ ਤਿਨ ਕਰੀ ।
ਤੀਨ ਮਾਤ ਕੀ ਸੇਵਾ ਕੀਨੀ । ਅੰਚਰ ਡਾਰ ਸੁ ਹੋਇ ਅਧੀਨੀ ॥ 61 ॥
ਚਰਨ ਚਾਪ ਸੁੰਦਰ ਕੀ ਤਰਨੀ । ਬੀਜਨ ਕਰਤ ਨੰਦ ਕੀ ਘਰਨੀ ।
ਸੁੰਦਰ ਕੀ ਤਰਨੀ ਯੋ³ ਬੋਲੀ । ਹਾਥ ਜੋਰ ਕਹਿ ਬੈਨ ਅਮੋਲੀ ॥ 62 ॥
ਵਿਵਾਹ ਬੀਚ ਹਮ ਕੋ ਨਾ ਬੁਲਾਏ । ਕਾਰਨ ਕਰਨ ਬੁਬਾਲਹਿ ਆਏ ।
ਮਾਤ ਦਮੋਦਰੀ ਨੇ ਅਸ ਕਹਿਯੋ । ਸੁਨਿ ਪਯਾਰੀ ਮੋਹਿ ਭੇਦ ਨ ਲਹਿਯੋ ॥ 63 ॥
ਮਹਾਂ ਪੁਰਖ ਜੋ ਬਚ ਨਹਿ ਮਾਨੇ । ਸੋ ਦੁਖ ਪਾਵਤ ਸਤਿ ਹਮ ਜਾਨੇ ।
ਸਿੰਧ ਸੁਕਾਹਿ ਸੁਮੇਰ ਉਡਾਂਹੀ । ਮਹਾਂ ਪੁਰਖ ਬਚ ਨਹਿ ਮਿਟਾਂਹੀ ॥ 64 ॥

ਦੋਹਰਾ

ਇਹ ਸੁਨ ਤਬ ਪੂਛਤ ਭਈ ਸੁੰਦਰ ਤਰਨੀ ਆਪ ।
ਕੋਨ ਬਚਨ ਮੋੜੇ ਤੁਮੇ ਜਿਹ ਗੁਰ ਦੀਨ ਸ੍ਰਾਪ ॥ 65 ॥

ਸਵੈਯਾ

ਸਜਨੀ ਸਭੋ ਤੋਹਿ ਬਿਰਤੰਤ ਕਹਹੁ ਸੁਨ ਕਾਬਲ ਸੰਗਤਿ ਆਇ ਅਪਾਰਾ ।
ਤਾਹਿ ਨਮਿਤ ਪਠਯੋ ਗੁਰ ਸਿਖ ਮਿਠਾਈ ਲਿਆਉ ਤਬੈ ਤਤਕਾਰਾ ।
ਅਗਿਆਨ ਗ੍ਰਸੀ ਮਤ ਮੋਹਿ ਤਬੋ ਮਮ ਦੀਨ ਜਬਾਬ ਅਨੇਕ ਅਪਾਰਾ ।
ਤੀਨ ਸੁ ਬਾਰ ਪਠਯੋ ਗੁਰ ਸਿਖਹਿ ਸ੍ਰਾਪ ਦੀਓ ਸੁ ਮਹਾਂ ਦੁਖ ਭਾਰਾ ॥ 66 ॥
ਪ੍ਰਭ ਜੀ ਤਬ ਐਸ ਸ੍ਰਾਪ ਦੀਓ ਇਹ ਖਾਂਹਿ ਮਠਾਈ ਮਲੇਛ ਅਪਾਰਾ ।
ਤਉ ਹੀ ਲਉ ਫੌਜ ਮਲੇਛ ਅਈ ਸਖੀ ਕਿਆ ਕਹਉ ਜੋ ਭਯੋ ਸੰਕਟ ਭਾਰਾ ।

¹ਅ ਪੋਥੀ ਭੂਚਾਇਓ ²ਅ ਪੋਥੀ ਕਰ ਪਖਾ ³ਏ ਪੋਥੀ ਇਮ

ਅਰਧ ਨਿਸਾ ਮਮ ਭਾਜ ਪਈ ਤਬ ਰਾਤ ਹੀ ਰਾਤ ਝਬਾਲ ਨਿਹਾਰਾ ।
ਇਹੁ ਕਾਰਨ ਤੋਹਿ ਬੁਲਾਯੋ ਨਹੀਂ ਅਬ ਆਏ ਸਮੀਪ ਤੁਮਹਿ ਇਹੁ ਵਾਰਾ ॥ 67 ॥

ਦੋਹਰਾ

ਯੋਂ ਬ੍ਰਿਤਾਂਤ ਸਭ ਹੀ ਸੁਨਿਯੋ ਨੰਦ ਤਰਨੀ ਸਿਖ ਦੀਨ ।
ਭਰਤਾ ਅਰ ਭਗਵਾਨ ਮਹਿ ਕਛੂ [ਭੇਦ]¹ ਨਹਿ ਚੀਨ ॥ 68 ॥

ਚੌਪਈ

ਮਾਤ ਦਮੋਦਰੀ ਮਨੈ ਬਿਚਾਰੀ । ਨੰਦ ਤਰਨੀ ਨਿਜ ਬਡੀ ਨਿਹਾਰੀ ।
ਤਿਹ ਸਿਰ ਮਾਨ ਚਰਨ ਸਿਰ ਧਰਯੋ । ਨਿਜ ਨਿਜ ਪਲੰਘ ਸੈਨ ਤਬ ਕਰਿਯੋ ॥ 69 ॥
ਪ੍ਰਤਿ ਉਤਰ ਮਾਤਾ ਇਹੁ ਕਹਯੋ । ਜਥਾ ਬੁਧ ਬਲਿ ਮਨ ਮਹਿ ਲਹਯੋ ।
ਮਨੀ ਸਿੰਘ ਤਬ ਗਦ ਗਦ ਭਏ । ਦੁਖ ਕਲੇਸ² ਸਭ ਹੀ ਨਸ ਗਏ ॥ 70 ॥
ਏਕ ਮਹੂਰਤ ਅੰਤਰ ਭਏ । ਕਥਾ ਪ੍ਰਸੰਗ ਵਿਚਾਰਤ ਨਏ ।
ਭਗਤ ਸਿੰਘ ਅੰਚਰ ਗਰਿ ਡਾਰਿਓ । ਹਾਥ ਜੋਰ ਇਮ ਬਚਨ ਉਚਾਰਓ ॥ 71 ॥
ਮਹਾਰਾਜ ਮਮ ਦਾਸ ਬਿਚਾਰੀ । ਆਗੇ ਕਹੇ ਪ੍ਰਸੰਗ ਸੁਧਾਰੀ ।
ਕ੍ਰਿਪਾ ਸਿੰਧ ਕੀ ਕਥਾ ਅਪਾਰਾ । ਤੁਮੇ ਸੁਨਾਈ ਬਹੁ ਵਿਸਥਾਰਾ ॥ 72 ॥
ਚੰਦ ਕਿਰਨ ਸਮ ਬਚਨ ਤੁਮਾਰੇ । ਮਮ ਹਿਯ ਤਪਤ ਸੁ ਕਰਹਿ ਨਿਵਾਰੇ ।
ਕਥਾ ਅਮ੍ਰਿਤ ਸਮ ਪਾਨ ਕਰਾਹੀ । ਤ੍ਰਿਪਤਿ ਹੋਤ ਮੇਰਾ ਮਨ ਨਾਹੀ ॥ 73 ॥

ਦੋਹਰਾ

ਭਗਤ ਸਿੰਘ ਕੀ ਬੇਨਤੀ ਸੁਨੀ ਮਨੀ ਸਿੰਘ ਗਿਆਨਿ ।
ਧੰਨ ਧੰਨ ਮੁਖ ਤੇ ਕਹਿਯੋ ਬਡ ਨਿਹਚਾ³ ਤਿਹ ਜਾਨਿ ॥ 74 ॥

ਚੌਪਈ

ਭਗਤ ਸਿੰਘ ਤੁਮ ਸਮ ਨਹੀਂ ਕੋਈ । ਐਸੀ ਪ੍ਰੀਤਿ ਜਾਸ ਮਨ ਹੋਈ ।
ਹਰਿ ਗੋਬਿੰਦ ਕੀ ਕਥਾ⁴ ਅਪਾਰਾ । ਬ੍ਰਹਮਾ ਕਥੈ ਸੁ ਹੋਇ ਨਾ ਧਾਰਾ ॥ 75 ॥
ਜਥਾ ਬੁਧ ਬਲ ਕਹਉਂ ਬਖਾਨੀ । ਹਰਿ ਗੋਬਿੰਦ ਕੀ ਕਥਾ ਮਹਾਨੀ ।
ਸੰਸਾਰ ਸਿੰਧੁ ਤਾਰਨ ਕੋ ਤਰਨੀ । ਕੋਟ ਅਧਿਕ ਪਾਪਨ ਕੀ ਹਰਨੀ ॥ 76 ॥
ਅਬ ਸੁਨ ਆਗੇ ਕਥਾ ਪ੍ਰਸੰਗਾ । ਨਿਕਸਤ ਸੁਧ ਜਿਮ ਗੰਗ ਤਰੰਗਾ ।
ਤਬ ਲਉ ਅਰਧ ਜਾਮ ਨਿਸ ਗਈ । ਸੁੰਦਰ ਸਿਉ ਗੋਸ਼ਟ ਗੁਰ ਭਈ ॥ 77 ॥

ਦੋਹਰਾ

ਅਮਰ ਗੁਰੂ ਕਾ ਦਾਸ ਜੋ ਬਾਬਾ ਸਾਵਨ ਜਾਨ ।
ਤਿਸ ਕੋ ਸੁਤ ਕਾ ਸੁਤ ਜੋਈ ਪਰਮਾਨੰਦ ਪਹਿਚਾਨ ॥ 78 ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਦਰਿਦ ³ਅ ਪੋਥੀ ਭਰੋਸਾ ⁴ਅ ਪੋਥੀ ਗਾਥ

ਚੌਪਈ

ਤਿਸੇ ਸਮੇਂ ਸੋਊ ਚਲ ਆਯੋਂ । ਹਰਿ ਗੋਬਿੰਦ ਕਾ ਦਰਸਨ ਪਾਯੋਂ ।
ਪ੍ਰਸਾਦਿ ਭੇਟ ਆਗੇ^੧ ਪ੍ਰਭ ਧਰੀ । ਅੰਚਰਿ ਡਾਰਿ ਬਿਨੈ ਅਤਿ ਕਰੀ ॥ 79 ॥

ਦੋਹਰਾ

ਹਰਿ ਗੋਬਿੰਦ ਕੇ ਚਰਨ ਪਰ ਸੀਸ ਧਰਿਯੋਂ ਤਿਨ ਆਇ ।
ਨਿਜ ਕਰ ਗੁਰੂ ਉਠਾਇਓ ਕਰ ਆਦਰ ਅਧਿਕਾਇ ॥ 80 ॥

ਚੌਪਈ

ਪ੍ਰਭ ਜੀ ਤਿਸ ਕਉ ਨਿਕਟ ਬੈਠਾਈ । ਕਰ ਆਦਰ ਪੂਛਯੋ ਮਨ ਲਾਈ ।
ਹਾਥ ਜੋਰ ਤਿਨ ਐਸ ਉਚਾਰਾ । ਤੁਮਰੀ ਕ੍ਰਿਪਾ ਪ੍ਰਭ ਕੁਸਲ ਅਪਾਰਾ ॥ 81 ॥
ਤਹਿ ਛਿਨ ਲਾਗੀ ਗੁਰ ਨਿਕਟਾਯੋਂ । ਹਾਥ ਜੋਰ ਇਮ ਬਚਨ ਅਲਾਯੋਂ ।
ਪ੍ਰਸਾਦਿ ਤਿਯਾਰ ਪ੍ਰਭ ਜੀ ਭਯੋਂ । ਲਿਆਉ ਸ਼ਿਤਾਬ ਗੁਰੂ ਇਮ ਕਹਯੋਂ ॥ 82 ॥
ਤਤ ਛਿਨ ਦੌਰੇ ਸਿਖ ਤਹਿ ਬਾਰਾ । ਬਿਜੰਨ^੨ ਲਿਆਏ ਅਨਿਕ ਪ੍ਰਕਾਰਾ ।
ਆਵਤ ਗੁਰ ਭੋਜਨ ਜਬ ਦੇਖਾ । ਜੋਰ ਹਾਥ ਭੈ^੩ ਠਾਂਢ ਅਲੇਖਾ ॥ 83 ॥
ਚੌਕੀ ਪਰ ਭੋਜਨ ਧਰ ਦੇਏ । ਕ੍ਰਿਪਾ ਸਿੰਧ ਤਿਹ ਬੈਠਤ ਭਏ ।
ਲਾਂਗ੍ਰੀ ਤਬੈ ਪ੍ਰਸਾਦਿ ਵਰਤਾਯੋਂ । ਦਯਾ ਸਿੰਧ ਕੇ ਅਤਿ ਮਨ ਭਾਯੋਂ ॥ 74 ॥

ਦੋਹਰਾ

ਸੁੰਦਰ ਪਰਮਾਨੰਦ ਕਉ ਦੀਨੋ ਸ੍ਰੀ ਗੁਰ ਆਪਿ ।
ਹਾਥ ਜੋਰ ਆਗਿਆ ਦਈ ਛਕੋ ਗੁਰੂ ਕਰ ਜਾਪਿ ॥ 85 ॥

ਚੌਪਈ

ਕ੍ਰਿਪਾ ਸਿੰਧ ਤਬ ਭੋਜਨ ਕੀਨੋ । ਮਨ ਮਹਿ ਹਰਖ ਬਹੁਤ ਤਬ ਲੀਨੋ ।
ਹਾਥ ਸੁਚੇਤ ਗੁਰੂ ਜੀ ਕੀਨੋ । ਛਕ ਪ੍ਰਸਾਦਿ ਮਨ ਆਨੰਦ ਲੀਨੋ ।
ਸੁੰਦਰ ਕਉ ਪ੍ਰਭ ਐਸ ਅਲਾਯੋਂ । ਪਰਮਾਨੰਦ ਬਹੁਤ ਮਮ ਭਾਯੋਂ ।
ਨਿਜ ਗ੍ਰਿਹ ਜਹੁ ਨਿਸਾ ਬਹੁ ਗਈ । ਆਏ ਈਹਾਂ ਦੇਰ ਬਹੁ ਭਈ ॥ 86 ॥
ਹਾਥ ਜੋਰ ਸੁੰਦਰ ਅਸ ਕਹਿਯੋਂ । ਮਹਾਰਾਜ ਹਮ ਆਨੰਦ ਲਹਿਯੋਂ ।
ਆਜ ਨਿਸਾ ਤੁਮਰੇ ਢਿਗ ਰਹੋ । ਤੁਮਰੀ ਸੇਵਾ ਮਹਿ ਸੁਖ ਲਹੋ ॥ 87 ॥
ਕ੍ਰਿਪਾ ਸਿੰਧ ਦੁਇ ਪਲੰਘ ਮੰਗਾਏ । ਦੋਊ ਤਿਨ ਉਪਰ ਬੈਠਾਏ ।
ਤਬ ਲਉ ਜਾਮ ਏਕ ਨਿਸ ਗਈ । ਸੰਗਤਿ ਕਉ ਪ੍ਰਭ ਆਗਿਆ ਦਈ ॥ 88 ॥

॥ ਕੁੰਡਲੀਆ ਛੰਦ ॥

ਸੰਗਤ ਕਉ ਆਗਿਆ ਦਈ ਜਾਵੋ ਨਿਜ ਨਿਜ ਧਾਮ ।
ਸਤਿ ਨਾਮ ਰਿਦ ਮਹਿ ਧਰੋ ਹੋਇ ਹੈ ਪੂਰਨ ਕਾਮ ॥

^੧ਏ ਪੋਥੀ ਅਗੁ ^੨ਅ ਪੋਥੀ ਭੋਜਨ ^੩ਅ ਪੋਥੀ ਭਏ

ਹੈ ਹੈ ਪੂਰਨ ਕਾਮ ਧਾਮ ਸਭ ਸੰਗਤਿ ਚਾਲੀ ।
 ਸਤਿਨਾਮ ਰਿਦ ਧਾਰ ਮੋਹ ਮਲ ਸਗਲੀ ਗਾਲੀ ।
 ਨੈਨ ਨੀਂਦ ਨਹਿ ਪਰੇ ਗੁਰੁ ਮੁਖਹੂੰ ਉਚਾਰਹਿ ।
 ਰਿਦ ਮਹਿ ਐਸੇ ਪ੍ਰਤੀਤਿ ਕ੍ਰਿਪਾ ਸਿੰਧ ਸਭ ਕੋ ਤਾਰਹਿ ॥ 89 ॥

ਦੋਹਰਾ

ਆਰਤੀ ਸੋਹਲਾ ਤਬ ਪੜ੍ਹਿਯੋ ਦਯਾ ਸਿੰਧ ਰਣਧੀਰ ।
 ਏਕ ਚਿਤ ਜੋ ਦ੍ਰਿੜ ਕਰੈ ਬਿਆਪ ਨਾ ਕਾਲ ਸਰੀਰ ॥ 90 ॥

ਚੌਪਈ

ਤਬ ਪ੍ਰਭੂ ਜੀ ਨਿਜ ਪਲੰਘ ਬਿਰਾਜੈ । ਕੋਟ ਕਾਮ ਦਿਖ ਮਨ ਮਹਿ ਲਾਜੈ ।
 ਸੁੰਦਰ ਪਰਮਾਨੰਦ ਨਿਸ ਜਾਗੇ । ਕ੍ਰਿਪਾ ਸਿੰਧ ਪ੍ਰੇਮ ਰਸ ਪਾਗੇ ॥ 91 ॥
 ਸਿਖ ਦੋਇ ਤਬ ਗੁਰ ਨਿਕਟਾਏ¹ । ਸਤਿਗੁਰ ਸੇਵਾ ਮਹਿ ਚਿਤ ਲਾਏ ।
 ਏਕ ਸਿਖਨ ਬੀਜਨ ਕੋ ਕਰਹੀ । ਸਤਿਗੁਰ ਮੂਰਤ² ਰਿਦ ਮਹਿ³ ਧਰਹੀ ॥ 92 ॥
 ਦੁਤੀ ਸਿਖ ਪ੍ਰੇਮ ਮਨ ਧਰੈ । ਚਰਨ ਪਲੋਟਤ ਰਿਦੇ ਮਨ ਧਰੈ ।
 ਸੁੰਦਰ ਪਰਮਾਨੰਦ ਕਉ ਕਹਿਯੋ । ਧੰਨ ਭਾਗ ਇਹ ਸਿਖ ਕੇ ਲਹਿਯੋ ॥ 93 ॥

ਸਵੈਯਾ

ਜਾਹਿ ਨਮਿਤ ਤਪੀ ਤਪ ਸਾਧਤ ਨਾਰਦ ਸਾਰਦ ਅੰਤ ਨਾ ਪਾਯੋ ।
 ਸੰਕਰ ਐ ਚਤਰਾਨਨ⁴ ਜੁ ਬਹੁ ਪਾਠ ਪੜ੍ਹਿਯੋ ਹਰਿ ਹਾਥ ਨ ਆਯੋ ।
 ਖੋਜਤ ਖੋਜਤ ਹਾਰ ਪਰੇ ਨਿਤ ਨੇਤਿ ਹੀ ਨੇਤਿ ਸਭ ਮੁਨਿ ਗਾਯੋ ।
 ਸੋ ਗੁਰ ਚਰਨ ਰਿਦੈ ਧਰ ਆਜ ਸੁਭਾਗ ਜਾਗੈ ਸਿਖ ਪ੍ਰੇਮ ਗਾਹਯੋ ॥ 94 ॥

ਦੋਹਰਾ

ਪਰਮਾਨੰਦ ਜੀ ਤੁਮ ਸੁਨੋ ਇਹ ਸਮ ਕੋਇ ਨ ਆਜ ।
 ਇਹੁ ਸੁਖ ਸਮ ਕਉ ਸੁਖ ਨਹੀਂ ਕੋਟ ਬ੍ਰਹਮੰਡ⁵ ਕੋ ਰਾਜ ॥ 95 ॥

ਚੌਪਈ

ਚਰਚਾ ਕਰਤ ਪ੍ਰੇਮ ਮਨਿ ਭਰੇ । ਛਿਨ ਛਿਨ ਮਗਨ ਹੋਤ ਹਰਖਰੇ ।
 ਤਬ ਲਉ ਸਵਾ ਪਹਿਰ ਨਿਸ ਰਹੀ । ਸਤਿਨਾਮ ਕੀ ਸਰਤਾ ਬਹੀ ।
 ਪੁਰਸੋਤਮ ਹਰਖਤ ਪ੍ਰਭੂ ਉਠੈ । ਕ੍ਰਿਸ ਧਾਰ ਅੰਮ੍ਰਿਤ ਤਹਿ ਵੁਠੈ ।
 ਸਭੈ ਸੋਚ ਪ੍ਰਭ ਜੀ ਤਬ ਕਰੀ । ਕੀਨ ਇਸਨਾਨ ਰੀਤਿ ਸਭ ਧਰੀ ॥ 97 ॥

ਦੋਹਰਾ

ਗੁਰੂ ਨਾਨਕ ਅੰਗਦ ਗੁਰੂ ਅਮਰਦਾਸ ਚਿਤ⁶ ਮਾਨ ।
 ਰਾਮਦਾਸ ਅਰਜਨ ਗੁਰੂ ਤਹਿ ਕੋ ਕੀਨ ਧਿਆਨ ॥ 99 ॥

¹ਅ ਪੋਥੀ ਪਹਿ ਆਇ ²ਅ ਪੋਥੀ ਅੰਤਰਿ ³ਏ ਪੋਥੀ ਬ੍ਰਹਮੀ ⁴ਏ ਪੋਥੀ ਸ੍ਰਿਸਟਿ ⁵ਅ ਪੋਥੀ ਰਿਦ

ਚੌਪਈ

ਘਰੀ ਦੋਇ ਬਿਤੀਤਿ ਜਬ ਭਈ । ਕ੍ਰਿਪਾ ਸਿੰਧ ਤਬ ਆਗਿਆ ਦਈ ।
 ਵਰਸ ਕਰੋ ਰਾਗੀ ਸੁ ਬੁਲਾਵੋ । ਗੁਰ ਕੀ ਆਸਾ ਵਾਰ ਸੁਨਾਵੋ ॥ 99 ॥
 ਸਨਮੁਖ ਆਸਨ ਉਚ ਸੁਹਾਏ । ਸਨਮਾਨ ਸਹਿਤ ਰਾਗੀ ਬੈਠਾਏ ।
 ਪਲੰਘ ਤਰੇ ਸਤਿਗੁਰ ਤਬ ਰਾਜੈ । ਦੇਖ ਦੀਵਾਨ ਸਕ੍ ਮਨ ਲਾਜੈ ॥ 100 ॥

ਦੋਹਰਾ

ਪ੍ਰੇਮ ਧਾਰ ਨਿਜ ਮਨ ਵਿਖੇ ਰਾਗੀ ਸਬਦ ਅਲਾਪ ।
 ਅੰਮ੍ਰਿਤ ਸਰਤਾ ਤਹਿ ਬਹੀ ਗਏ ਦੁਖ ਅਰ ਪਾਪਾ ॥ 101 ॥

ਚੌਪਈ

ਰਾਗੀ ਭੋਗ ਵਾਰ ਕਾ ਪਾਯੋ । ਕ੍ਰਿਪਾ ਸਿੰਧ ਤਬ ਮੋਲ^੨ ਝੁਕਾਯੋ ।
 ਨਿਸ ਤਮ ਦੂਰ ਸੂਰ ਪ੍ਰਗਾਸਾ । ਨਿਖਤ ਲੋਪ ਨਿਰਮਲ ਆਕਾਸਾ ॥ 102 ॥
 ਹਰਿ ਗੋਬਿੰਦ ਨਿਜ ਸੈਨ ਬੁਲਾਈ । ਕਰੋ ਤਿਆਰੀ ਗਮਨ ਸੁਨਾਈ ।
 ਆਪ ਬਾਵਲੀ ਕੋ ਗੁਰ ਚਲੇ । ਸਾਬ ਸਿਖ ਤਬ ਲੀਨੇ ਭਲੇ ॥ 103 ॥
 ਸੇਵਕ ਤਬੈ ਤੁਰੰਗ ਲਿਆਏ । ਕ੍ਰਿਪਾ ਸਿੰਧ ਨਿਜ ਚਰਨ ਚਲਾਏ ।
 ਜਗ ਮਿਰਜਾਦਾ ਰਾਖੀ ਸੁਆਮੀ । ਘਟਿ ਘਟਿ ਕੇ ਪ੍ਰਭ ਅੰਤਰਜਾਮੀ ॥ 104 ॥
 ਦੀਨਾ ਨਾਥ ਹਰਖ ਮਨ ਕੀਨੋ । ਸੁੰਦਰ ਕਰ ਨਿਜ ਕਰ ਧਰ ਲੀਨੋ ।
 ਬਾਵਲੀ ਕਾ ਗੁਰ ਦਰਸਨ ਪਾਈ । ਚਰਨ ਧੂਰ^੩ ਨਿਜ ਮਸਤਕ ਲਾਈ ॥ 105 ॥
 ਸੰਗਤ ਕੋ ਆਗਯਾ ਗੁਰ ਦੇਈ । ਇਸਨਾਨ ਕਰੋ ਸਬ ਦੇਰ ਨ ਹੋਈ ।
 ਪੁਨ ਇਸਨਾਨ ਗੁਰੂ ਜੀ ਕੀਨੋ । ਦ੍ਰਿਸ਼ਨ ਦਾਨ ਬਹੁ ਭਾਂਤਨ ਦੀਨੋ ।
 ਬਾਬੇ ਗੁਰਦਿਤੇ ਕਰ ਜੋਰੇ । ਬਿਨਤੀ ਕਰਤ ਪ੍ਰਭੂ ਕੀ ਓਰੇ ।
 ਚੇ ਗੁਰ ਜੀ ਮਮ ਸੰਸ ਨਿਵਾਰਉ । ਜਿਹੋ ਲਗਿ ਤਰੇ ਜਗਤ ਦੁਖ ਭਾਰਉ ।
 ਬਾਵਲੀ ਕੀ ਮਹਿਮਾ ਗੁਰ ਕਹੋ । ਮੋ ਮਨ ਉਪਜਿਓ ਸੰਸਾ ਦਹੋ ।
 ਸ੍ਰੀ ਮੁਖ ਐਸ ਉਚਾਰੇ ਬਚਨਾ । ਬਾਵਲੀ ਕੀ ਭਾਰੀ ਹੈ ਰਚਨਾ ॥ 106 ॥

ਦੋਹਰਾ

ਚੌਰਾਸੀ ਪੌੜੀ ਰਚੀ ਅਮਰ ਗੁਰੂ ਕਰਤਾਰ ।
 ਜੋ ਕੋ ਨਾਇ ਜਪੁਜੀ ਪੜੈ ਸੋ ਤਰਹੈ ਸੰਸਾਰ ॥ 107 ॥

ਚੌਪਈ

ਪਾਠ ਚੌਰਾਸੀ ਜੈ ਨਰ ਕਰਹੈ । ਨਿਹਚੈ ਭਵ ਸਾਗਰ ਕੋ ਤਰਹੈ ।
 ਪੂਰਨਮਾਸੀ ਜੋ ਨਰ ਨਾਵੇ । ਮੁਕਤਿ ਭੁਗਤਿ ਸਭ ਘਰ ਲੈ ਜਾਵੇ ॥ 108 ॥

^੧ਏ ਪੋਥੀ ਦੁਖ ਸੰਤਾਪ ^੨ਅ ਪੋਥੀ ਮਾਥ ਏ ਪੋਥੀ ਸੀਸ ^੩ਏ ਪੋਥੀ ਰਜ

ਇਸ ਕੀ ਮਹਿਮਾ ਅਪਰ ਅਪਾਰਾ । ਨਿਜ ਕਰ ਰਚੀ ਅਮਰ ਕਰਤਾਰਾ ।
 ਕਿਸੀ ਕਾਜ ਕਉ ਮਜਨ ਕਰੈ । ਸੋ ਨਰ ਭਵ ਸਾਗਰ ਕੋ ਤਰੈ ।
 ਐਸੇ ਕਹ ਗੁਰ ਸੀਸਿ ਨਵਾਇਓ । ਨਮਸਕਾਰ ਕਰ ਸੀਸਿ ਉਠਾਯੋ ।
 ਪੁਨ ਸੁੰਦਰ ਕੋ ਬਚਨ ਬਖਾਨੇ । ਸੁੰਦਰ ਸੁਨੇ ਸਾਥ ਬਡਿ ਮਾਨੇ ॥ 110 ॥

ਜੋ ਅਸਥਾਨ ਗੁਰੂ ਕੇ ਜਾਨੋ । ਤਾਤਕਾਲ ਮੁਹਿ ਦਰਸ ਦਿਖਾਨੋ ।
 ਹਾਥ ਜੋਰ ਸੁੰਦਰ ਪ੍ਰਭ ਆਗੇ । ਚਲਯੋ ਸਾਥ ਲੈ ਗੁਰ ਬਡਭਾਗੇ ॥ 111 ॥

ਹਰਿ ਗੋਵਿੰਦ ਬੀਥਨ ਮਹਿ ਆਏ । ਅਨਿਕ ਲੋਕ ਤਬ ਦਰਸਨ ਪਾਏ ।
 ਤਬ ਸੁੰਦਰ ਇਹ ਭਾਤ ਉਚਾਰੇ । ਸ੍ਰੀ ਰਾਮ ਦਾਸ ਕੋ ਕ੍ਰਪਾ^੧ ਨਿਹਾਰੇ ॥ 112 ॥

ਧੁਜਾ^੨ ਅਧਿਕ ਤਹਿ ਉਪਰ ਰਾਜੇ । ਸੁਨਿ ਤਿਹ ਬੈਨ ਪ੍ਰਭ ਸੁਖ ਸਾਜੇ ।
 ਖਸਟਮ ਗੁਰੁ ਤਬੈ ਇਹ ਕੀਨੋ । ਕਰ ਬੰਦਨ ਚਰਨਾਮ੍ਰਿਤ ਲੀਨੋ ॥ 113 ॥

॥ ਭੁਜੰਗ ਛੇਦ ॥

ਚਲੇ ਆਪ ਦੀਦਾਰ ਚੰਬਾਰ ਕੇਰੈ । ਲਏ ਸਾਥ ਸੁੰਦਰ ਤਜੀ ਤਾਤ ਦੇਰੈ ।
 ਕੀਓ ਜਾਇ ਦੀਦਾਰ ਸਿੰਧ ਸੁਆਮੀ । ਦਯਾ ਸਿੰਧੁ ਬੋਲੇ ਸਭਾਸੰ ਪੁਜਾਮੀ ॥ 114 ॥

ਚੌਪਈ

ਪੁਨ ਪ੍ਰਭ ਚਲੇ ਦਰਸ ਕੇ ਕਾਰਨ । ਗੁਰ ਅਮਰਦਾਸ ਕਿਲੀ ਜਗ ਤਾਰਨ ।
 ਤਾਹਿ ਦਰਸ ਜਬ ਪ੍ਰਭੁ ਜੀ ਪਾਯੋ । ਦੀਨਾਨਾਥ ਧਰ ਹਰਖ ਮਹਾਯੋ ॥ 115 ॥

ਗੁਰੂ ਅਮਰਦਾਸ ਜਿਹ ਅਤਿ ਚਿਤ ਚਾਈ । ਗੁਰ ਰਾਮ ਦਾਸ ਕੋ ਦੀਨਾ^੩ ਗੁਰਾਈ ।
 ਜਬ ਪ੍ਰਭੁ ਜੀ ਤਿਹ ਦਰਸਨ ਕੀਨੋ । ਮਨ ਮਹਿ ਹਰਖ ਦਯਾ ਨਿਧ ਲੀਨੋ ॥ 116 ॥

ਸੁੰਦਰ ਕੋ ਗੁਰ ਕਹਾ ਸੁਝਾਈ । ਏ ਸਥਾਨ ਕਹੁ ਬਿਧਿ ਸਮਝਾਈ ।
 ਪਰਮਾਨੰਦ ਸੁਨ ਪ੍ਰਭੁ ਕੇ ਬੈਨਾ । ਕਰ ਮਨ ਚਿੰਤ ਭਰੇ ਦੋ ਨੈਨਾ ॥ 117 ॥

ਪਰਮਾਨੰਦ ਦਿਖਤ ਹਰਿ ਬੋਲੇ । ਪਰ ਰਿਦ ਜਾਨਨਹਾਰਿ ਅਮੋਲੇ ।
 ਜਿਹ ਕਾਰਨ ਨੈਨਨ^੪ ਜਲ ਆਵਾ । ਸਤਿ ਬਚਨ ਕਰ ਜੋਰ ਸੁਨਾਵਾ ॥ 118 ॥

ਦੋਹਰਾ

ਪਰਮਾਨੰਦ ਤਬ ਕਹਿਤ ਭਾ ਪਾਛਲ ਚਰਿਤ ਅਨੂਪ ।
 ਦਾਸ ਜਾਨ ਮਮ ਤੁਹਿ ਸਦਾ ਤੁਮ ਸਰਬਗ ਸਰੂਪ ॥ 119 ॥

ਚੌਪਈ

ਸ੍ਰੀ ਗੁਰ ਅਮਰਦਾਸ ਜਗ ਕਾਰਨ । ਰਚੀ ਬਾਵਲੀ ਜਗ^੫ ਨਿਸਤਾਰਨ ।
 ਤਾਂਕੇ ਸੁਤ ਦ੍ਰੈ ਮੋਹਰੀ ਮੋਹਨ । ਬਡੇ ਸੰਤ ਸਭ ਕਉ ਅਤਿ ਸੋਹਨ ॥ 120 ॥

^੧ਅ ਪੌਥੀ ਖੂਹ ^੨ਅ ਤੇ ਏ ਪੌਥੀ ਧਵਜਾ ^੩ਏ ਪੌਥੀ ਦੀਓ ^੪ਅ ਪੌਥੀ ਨੇਤ੍ਰਹਿ ^੫ਅ ਪੌਥੀ ਲੋਕ

ਤੁਮਰਾ ਬਾਬਾ ਰਾਮਦਾਸ ਭਿੰਨ । ਸੇਵ ਕਰੈ ਗੁਰ ਕੀ ਵਹੁ ਨਿਸ ਦਿਨ ।
 ਹਮਰੋ ਬਾਬਾ ਥਾ ਸਾਵਨ ਮਲ । ਸੇਵ ਕਰੈ ਪ੍ਰਭੂ ਕੀ ਸਭ ਆਯ ਦਲ ॥ 121 ॥
 ਰਾਮਦਾਸ ਬਿਨ ਸਭ ਮਨ ਲਿਆਵਹਿ । ਨਿਜ ਗੁਰਿਆਈ ਹਮੈ ਦਿਵਾਵਹਿ ।
 ਗੁਰ ਅਮਰ ਦਾਸ ਜਾਨ ਚਿਤ ਲੀਨੋ । ਪਰੀਖਿਆ ਹਿਤ ਅਸ ਕਾਰਨ ਕੀਨੋ ॥ 122 ॥
 ਚਹੁਅਨ ਕੋ ਗੁਰ ਕਹਾ ਬੁਲਾਈ । ਰਚੋ ਭੀਤ ਇਹ ਠਾਂ ਮਨ ਲਾਈ ।
 ਮੋਹਨ ਮੋਹਰੀ ਭੀਤ ਸਵਾਰੀ । ਅਮਰਦਾਸ ਪਿਖ ਦੀਨੀ ਗਾਰੀ ॥ 123 ॥
 ਹੇ ਮੁਗਧੋ ਇਹ ਕਿਆ ਤੁਮ ਕਰੀ । ਈਹਾਂ ਨੀਵ ਅਧਿਕ ਤੁਮ ਧਰੀ ।
 ਈਹਾਂ ਰਚੋ ਭੀਤ ਮਨ ਲਾਈ । ਤਬ ਤਿਨ ਤੈਸੇ ਕੀਨ ਉਪਾਈ ॥ 124 ॥

ਦੋਹਰਾ

ਤੀਨ ਬਾਰ ਐਸੇ ਰਚੀ ਦਿਖ ਅਪਮਾਨ ਗੁਰ ਕੀਨ ।
 ਬੇਪਰਵਾਹ ਗੁਰ ਜਾਨ ਕੈ ਭੀਤ ਤਿਆਗਿ ਤਿਨ ਦੀਨ ॥ 125 ॥

ਚੌਪਈ

ਮਮ ਬਾਬੇ ਤੈਸੇ ਬਚ ਤਿਆਗੇ । ਮਾਨਤ ਬਚਨ ਤਉ ਹੋਤ ਸੁਭਾਗੇ ।
 ਰਾਮਦਾਸ ਗੁਰ ਆਇਸ^੧ ਮਾਨੀ । ਸਪਤ ਬੇਰ ਤਿਨ ਭੀਤ ਰਚਾਨੀ ॥ 126 ॥
 ਗੁਰ ਅਮਰਦਾਸ ਦਿਖ ਕ੍ਰੋਧ ਲਿਆਵੈ । ਅਸ ਨਹਿ ਚਹੀ ਕਹਿ ਭੀਤ ਗਿਰਾਵੈ ।
 ਰਾਮਦਾਸ ਪੁਨ ਬਿਨਤੀ ਕਰੀ । ਦਾਸ ਜਾਨ ਬਖਸ਼ੋ ਇਹ ਘਰੀ ॥ 127 ॥
 ਹਮ ਮਾਨਸ ਸਦ ਭੂਲਨਹਾਰੇ । ਤੁਮ ਬਖਸਿੰਦ ਸੁ ਪਤਿਤ ਉਧਾਰੇ ।
 ਅਵਰ ਭੀਤ ਅਬ ਰਚਉ^੨ ਬਨਾਈ । ਕ੍ਰਿਪਾ ਸਿੰਧ ਕੈ ਜੋ ਮਨ ਭਾਈ ॥ 128 ॥
 ਛਲ ਬਿਹੀਨ ਸੁਨ ਤਿਨ ਕੀ ਬਾਨੀ । ਅਮਰ ਦਾਸ ਬੋਲੇ ਬਡ ਗਿਆਨੀ ।
 ਧੰਨ ਧੰਨ ਤੁਮ ਹੋ ਰਾਮਦਾਸ । ਗੁਰ ਨਾਨਕ ਤੁਮ ਰਿਦੈ ਨਿਵਾਸ ॥ 129 ॥

ਸਪਤ ਬਚਨ ਤੁਮ ਹਮਰੇ ਮਾਨੇ । ਸਪਤ ਗੁਰਿਆਈ ਦੀਨ ਮਹਾਨੇ ।
 ਸਪਤ ਗੁਰਿਆਈ ਤੁਮਰੇ ਹੋਵੇ । ਸਭ ਸਿਖਨ ਕੇ ਸੰਕਟ ਖੋਵੇ ॥ 130 ॥
 ਅਸ ਕਹਿ ਤਬ ਨਿਜ ਗਰੈ ਲਗਾਯੋ । ਨਿਜ ਪਦ ਅਭੈ ਸੁ ਤਾਹਿ ਦਿਵਾਯੋ ।
 ਪੈਸੇ ਪਾਂਚ ਨਲੇਰ ਮੰਗਾਈ । ਰਾਮਦਾਸ ਕਉ ਦੀਨ ਗੁਰਾਈ ॥ 131 ॥
 ਰਾਮਦਾਸ ਗੁਰ ਈਹਾਂ ਬਹਾਏ । ਅਮਰ ਦਾਸ ਗੁਰ ਬਚਨ ਅਲਾਏ ।
 ਪੂਰਬ ਬਚਨ ਸਤਿ ਅਬ ਭਏ । ਤੀਨ ਜਨਮ ਹਮਹੂੰ ਧਰ ਲਏ ॥ 132 ॥
 ਚੋਥੇ ਜਨਮ ਗੁਰ ਦੀਨ ਗੁਰਾਈ । ਤੁਮਰੀ ਬਸਤ ਤੁਮਹਿ ਘਰ ਆਈ ।
 ਅਸ ਕਹਿ ਤਬ ਗੁਰ ਮੋਲ^੩ ਝੁਕਾਯੋ । ਰਾਮਦਾਸ ਤਬ ਗੁਰੁ^੩ ਕਹਾਯੋ ॥ 133 ॥

^੧ਦ ਪੋਥੀ ਅਗਯਾ ^੨ਅ ਪੋਥੀ ਮਾਥ ^੩੬ ਪੋਥੀ ਸਤਿਗੁਰ

ਦੋਹਰਾ

ਇਹੀ ਚਿੰਤ ਮੋ ਮਨ ਭਈ ਜੇ ਬਾਬਾ ਬਚ ਮਾਨ ।
ਮਮ ਪ੍ਰਤਾਪ ਅਸ ਹੋਤ ਅਬ ਬਖਸ਼ਹੁ ਭੂਲ ਅਜਾਨ ॥ 134 ॥

ਸੋਰਠਾ

ਪਰਮਾ ਨੰਦ ਬਚ ਦੀਨ ਹਰਿ ਗੋਵਿੰਦ ਜਬਹੀ ਸੁਨੇ ।
ਭਏ ਕ੍ਰਿਪਾਲ ਪ੍ਰਬੀਨ ਤਿਸੈ ਦੇਤ ਅਸ ਬਰ ਭਏ ॥ 135 ॥

ਚੌਪਈ

ਬੁੰਗਾ ਹਮਰੇ ਤਖਤ ਅਕਾਲ । ਸਿਖਨ ਕੋਉ ਹਮ ਦੀਨ ਕ੍ਰਿਪਾਲ ।
ਤਹਿ ਸਿਖਨ ਕਉ ਮਿਲ ਸੁਖ ਪਾਵਹਿ । ਤੁਮਰੀ ਅੰਸ ਸੁ ਪੂਜ ਕਰਾਵਹਿ ॥ 136 ॥
ਸਭ ਸੁਖ ਭੋਗੈ ਅੰਸ ਤੁਮਾਰੀ । ਸਤਿ ਬਾਤ ਹਮਰੀ ਨਿਰਧਾਰੀ ।
ਅਸ ਕਹਿ ਮੰਜੀ ਸੀਸ ਨਿਵਾਯੋ । ਪਰਕਰਮਾ ਕਰ ਮਨਿ ਹਰਖਾਯੋ ॥ 137 ॥
ਬਹੁਰੇ ਥੰਮ ਕਾ ਦਰਸਨ ਪਾਯੋ । ਕ੍ਰਿਪਾ ਸਿੰਧੁ ਤਿਹ ਅਗ੍ਰ ਸਿਧਾਯੋ ॥
ਤਬ ਸੁੰਦਰ ਕਹਿ ਕ੍ਰਿਪਾ ਨਿਧਾਨਾ । ਇਹ ਤੁਮ ਪਿਤ ਕੇ ਜਨਮ ਸਥਾਨਾ ॥ 138 ॥
ਅਸ ਸੁਨ ਹਰਖ ਗੁਰੂ ਜੀ ਕੀਨੋ । ਮਨ ਮਹਿ ਦਾਨ ਦੀਨ ਅਤਿ ਭੀਨੋ ।
ਨਿਜ ਪਿਤ ਜਨਮ ਥਾਨ ਸੁਨ ਹਰਖੇ । ਕਰੀ ਇਛ ਫੂਲਨ ਨਭ ਬਰਖੇ ॥ 139 ॥
ਕਰ ਬਿਨਤੀ ਤਹਿ ਬਾਰੇ ਬਾਰਾ । ਦੀਨਾ ਨਾਥ ਗੁਰ ਅਗ੍ਰ ਸਿਧਾਰਾ ।
ਚੌਬਾਰੇ [ਬਾਬੇ]¹ ਮੋਹਨ ਕੇ ਗਏ । ਦਰਸਨ ਕਰ ਗੁਰ ਹਰਖਤ ਭਏ ॥ 140 ॥

ਸਵੈਯਾ

ਪ੍ਰਭ ਜੀ ਤਬ ਦੇਖ ਦਿਦਾਰ ਤਿਸੈ ਤਬ ਸੁੰਦਰ ਤੇ ਪੁਛ ਬਾਤ ਪੁਰਾਨੀ ।
ਇਸ ਕੀ ਬਿਧਿ ਅਗ੍ਰਜ ਮੋਹਿ ਕਹੇ ਤਬ ਸੁੰਦਰ ਸੁਧ ਸੁਨਾਤ ਕਹਾਨੀ ।
ਕਾਰਨ ਆਇ ਈਹਾਂ ਤੁਮਰੇ ਪਿਤ ਅਰਜਨ ਜੀ ਅਤਿ ਸੁਧ ਗਿਆਨੀ ।
ਸ੍ਰੀ ਮੁਖ ਛੰਤ ਰਚਿਓ ਇਹੁ ਠਾਂ ਅਤਿ ਬੈਠ ਸੁ ਮੰਦਰ ਉਚ ਮਹਾਨੀ ॥ 141 ॥

ਦੋਹਰਾ

ਕ੍ਰਿਪਾ ਸਿੰਧ ਅਸ ਬਚਨ ਸੁਨ ਸੁੰਦਰ ਧੰਨ ਉਚਾਰ ।
ਕਰ ਬੰਦਨ ਬਹੁ ਬਾਰ ਤਬ ਆਗੇ ਚਲੇ ਮੁਰਾਰ ॥ 142 ॥

ਸੋਰਠਾ

ਸੁੰਦਰ ਪਰਮਾਨੰਦ ਹਾਥ ਜੋਰ ਬਿਨਤੀ ਕਰੀ ।
ਹੇ ਪ੍ਰਭ ਸੁਖ ਮਾਕੰਦ ਦਰਸ ਕਰੋ ਗੁਰ ਥਾਨ ਜਹਿ ॥ 143 ॥

ਚੌਪਈ

ਗੁਰ ਅਮਰਦਾਸ ਜੀ ਬੀਬੀ ਭਾਨੀ । ਰਾਮਦਾਸ ਜੀ ਗੁਰ ਬਡ ਗਯਾਨੀ ।
ਇਨ ਕੇ ਦੇਹੁਰੇ ਜਹਾਂ ਸਥਾਨਾ । ਸੋ ਪਿਖੀਏ² ਪ੍ਰਭ ਕ੍ਰਿਪਾ ਨਿਧਾਨਾ ॥ 144 ॥

¹ਅ ਪ੍ਰਬੀ ਵਿਚੋਂ ²ਅ ਪ੍ਰਬੀ ਨਿਹਾਰੀਏ

ਅਸ ਬਚਨ ਸੁਨ ਭਏ ਪ੍ਰਸੰਨ । ਸ੍ਰੀ ਮੁਖ ਕਹਯੋ ਤਿਨੈ ਧੰਨ ਧੰਨ ।
 ਸੀਘਰ ਚਲਤ ਭਏ ਗੁਰ ਤਹਾਂ । ਗੁਰ ਅਮਰਦਾਸ ਤਨ ਦਾਹਿਯੋ ਜਹਾਂ ॥ 145 ॥
 ਹਰਿ ਗੋਵਿੰਦ ਗੁਰ ਬਿਨਤੀ ਕਰੀ । ਚਰਨ ਧੂਰ ਨਿਜ ਮਸਤਕ ਧਰੀ ।
 ਹਰਿ ਗੋਵਿੰਦ ਪੁਨ ਚਾਲੇ ਤਹਾਂ । ਗੁਰ ਰਾਮਦਾਸ ਕਾ ਦੇਹੁਰਾ ਜਹਾਂ ॥ 146 ॥
 ਨਮਸਕਾਰ ਕਰ ਬਾਰੰਬਾਰਾ । ਪਰਕ੍ਰਮਾ ਕਰ ਪ੍ਰਭ ਅਗ੍ਰ ਸਿਧਾਰਾ ।
 ਬੀਬੀ ਭਾਨੀ ਦੇਹੁਰਾ ਜਹਾਂ । ਕੀਨ ਪ੍ਰਨਾਮ ਪ੍ਰਭੂ ਪੁਨ ਤਹਾਂ ॥ 147 ॥

ਦੋਹਰਾ

ਤੀਰ ਬਿਪਾਸਾ ਕੇ ਭਏ ਸੁੰਦਰ ਗੁਰ ਅਸਥਾਨ ।
 ਈਹਾਂ ਸਿਖ ਨ ਕੋ ਰਹੈ ਭਏ ਸੁ ਬਹੁਤ ਹੈਰਾਨ ॥ 148 ॥

ਸੋਰਠਾ

ਪਤ੍ਰੇ ਖਿਲਰੇ ਦੇਖ ਪੰਛੀ ਕੀ ਬਿਠ ਤਿਹ ਪਰੀ ।
 ਕੀਨੋ ਬਚਨ ਅਲੇਖ ਸਮਾ ਪਾਇ ਸਰਤਾ ਬਹੈ ॥ 149 ॥

ਚੌਪਈ

ਲੋਪ ਬਿਪਾਸਾ ਇਨ ਕੋ ਕਰਹੈ । ਸਮਾ ਪਾਇ ਇਹ [ਦ੍ਰਿਸ਼ਟਿ]¹ ਨਾ ਪਰਹੈ ।
 ਐਸ ਬੈਨ ਕਹਿ ਸਿਖ ਬੁਲਾਯੋ । ਲਿਆਉ ਤੁਰੰਗ ਸੀਘਰ ਦ੍ਰਿਸ਼ਾਯੋ ॥ 150 ॥
 ਸੁੰਦਰ ਪਰਮਾਨੰਦ ਤਬ ਬੋਲੇ । ਹਾਥ ਜੋਰ ਕਹਿ ਬਚਨ ਅਮੋਲੇ ।
 ਪ੍ਰਭ ਜੀ ਈਹਾਂ ਕਰੋ ਨਿਵਾਸਾ । ਪੂਰਨ ਕਰੋ ਸਭਨਿ ਕੀ ਆਸਾ ॥ 151 ॥
 ਤਹਿ ਬਿਨਤੀ ਸੁਨ ਦੀਨ ਦਿਯਾਲਾ । ਭਏ ਪ੍ਰਸੰਨ ਬਹੁਤ ਕ੍ਰਿਪਾਲਾ ।
 ਧੀਰਜ ਤਿਨ ਕੋ ਦੀਨ ਅਪਾਰਾ । ਹਮਰੋ ਜਾਵਣ ਸੀਘ੍ਰੇ ਧਾਰਾ ॥ 152 ॥
 ਕੁਟੰਬ² ਹਮਾਰਾ ਇਹ ਠਾਂ ਰਹੇ । ਤੁਮ ਅਨੰਦ ਸਦ ਮਨ ਮਹਿ ਲਹੇ ।
 ਹਮ ਨੇ ਕਰਨੇ ਕਾਮ ਅਨੇਕਾ । ਤੁਮ ਮਨ ਧਾਰ ਸਦਾ ਬਿਬੇਕਾ ॥ 153 ॥
 ਬਚਨ ਅਮੋਲ ਗੁਰੂ ਕੇ ਜਾਨ । ਸੁੰਦਰ ਪਰਮਾਨੰਦ ਸੁਜਾਨ ।
 ਘਨੇ ਸਿਖ ਜੋ ਆਏ ਸਾਥਾ । ਸਭਨ ਨਿਵਾਯੋ ਗੁਰ ਪਗ ਮਾਥਾ ॥ 154 ॥
 ਸੁੰਦਰ ਕਉ ਗੁਰ ਐਸ ਉਚਾਰਾ । ਰਿਦਿ ਮੋਹਿ ਧਰੋ ਨਾਮ ਕਰਤਾਰਾ ।
 ਵਾਹਿਗੁਰੂ ਤੁਮਰੇ ਅੰਗ ਸੰਗਾ । ਸੁਧਾ ਪਾਨ ਕਰ ਨਾਮ ਅਭੰਗਾ ॥ 155 ॥

ਦੋਹਰਾ

ਸਭ ਕਉ ਪ੍ਰਭੂ ਆਗਯਾ ਦਈ ਜਾਵਹੁ ਨਿਜ ਨਿਜ ਧਾਮ ।
 ਅਮਰ ਗੁਰੂ ਰਿਦ ਮਹਿ ਧਰੋ [ਪੂਰਨਿ]³ ਹੂ ਹੈ ਕਾਮ ॥ 156 ॥

ਸੋਰਠਾ

ਚੜੇ ਤੁਰੰਗ ਮੁਰਾਰ ਗੁਰੂ ਨਾਨਕ ਕੋ ਧਿਆਨ ਧਰ ।
 ਬਿਪਾਸਾ ਉਤਰੇ ਪਾਰ ਅਗ੍ਰ ਚਲੇ ਸੰਗ ਸਿਖ ਬਹੁ ॥ 157 ॥

¹ਦ ਪੋਥੀ ਵਿਚੋਂ ²ਅ ਪੋਥੀ ਪਰਿਵਾਰ ³ਅ ਪੋਥੀ ਵਿਚੋਂ

ਰਸਾਵਲ ਛੰਦ

ਗੁਰੂ ਦੀਨ ਦਿਆਲਾ । ਅਨੰਦ ਬਿਸਾਲਾ ।
 ਮਲਾਹੁੰ ਸੁ ਬੋਲਯੋ । ਸੁੰਦਰ ਬੰਦ ਤੋਲਯੋ ॥ 158 ॥
 ਤਿਨੈ ਹਾਥ ਜੋਰੇ । ਮਹਾਰਾਜ ਮੋਰੇ ।
 ਕ੍ਰਿਪਾ ਆਪ ਕੀਜੈ । ਸਿਦਕ ਦਾਨ ਦੀਜੈ ॥ 159 ॥
 ਦੀਯੋ ਸਿਦਕ ਭਾਰੀ । ਗੁਰੂ ਅਵਤਾਰੀ ।
 ਧੰਨ ਬਹੁਤ ਦੀਨੋ । ਬਿਦਾ ਤਾਸ ਕੀਨੋ ॥ 160 ॥

ਦੋਹਰਾ

ਬਾਬੇ ਗੁਰਦਿਤੇ ਕਹਾ ਹੇ ਪ੍ਰਭੂ¹ ਦੀਨਾ ਨਾਥ ।
 ਗੋਇੰਦਵਾਲ ਨਿਹਾਰ ਕੈ ਮੋ ਮਨ ਭਯੋ ਸਨਾਥ ॥ 161 ॥

॥ ਕੰਠ ਅਭੂਖਣ ਛੰਦ ॥

ਹਰਿ ਗੋਬਿੰਦ ਕਹ ਭੇਦ ਕਹੋ ਤੁਹਿ । ਗੋਇੰਦਪੁਰੀ ਸਮਾਨਹਿ ਹੈ ਮੁਹਿ ।
 ਬਿਪਾਸਾ ਤੀਰ ਜੋ ਨਾਇ ਬਿਨਾਗਤਿ । ਸੋ ਤਰਹੈ ਜੋ ਲਹੈ ਚਰਨਾਮ੍ਰਿਤ ॥ 162 ॥
 ਚਾਰ ਪ੍ਰਕਾਰ ਘਨੀ ਸੰਗਿ ਸੈਨਾ । ਮਧ ਬਿਰਾਜਤ ਲਾਜਤ ਸੈਨਾ ।
 ਉਤ ਕੋਲਾਂ ਨਿਤ ਚਿੰਤ ਸੁਧਾਰੇ । ਰੈਨ ਦਿਵਸ ਸ੍ਰੀ ਗੁਰੂ ਸਮਾਰੇ ॥ 163 ॥
 ਜਜਰ ਭਯੋ ਝੁਰ ਝਾਝਰ ਜਿਉ ਤਨ । ਭਾਖਤ ਸ੍ਰੀ ਸੁਖ ਸਿੰਧੁ ਵਿਖੈ ਮਨ ।
 ਕਿਉਂ ਨਹਿ ਆਏ ਬੈਰ ਨਿੰਕਦਨ । ਸੋਭਤ ਕੰਠ ਅਭੂਖਣ ਛੰਦਨ ॥ 164 ॥

ਦੋਹਰਾ

ਗੁਰ ਅਰਜਨ ਜੀ ਜੋ ਰਚਯੋ ਸੁੰਦਰ ਪੁਰ ਕਰਤਾਰ ।
 ਅਰਧ ਜਾਮ ਦਿਨ ਕੇ ਰਹੇ ਪਹੁੰਚੇ ਤਹਾਂ ਮੁਰਾਰ ॥ 165 ॥

ਚੌਪਈ

ਪ੍ਰਿਥਮੇ ਬੰਭ ਜੀ ਦਰਸਨ ਆਏ । ਦੇਖ ਦਿਦਾਰ ਪ੍ਰਭੂ ਸੁਖ ਪਾਏ ।
 ਨਮਸਕਾਰ ਕਰ ਉਸਤਤਿ ਕਰੀ । ਆਨੰਦ ਬਹੁਤ ਭਯੋ ਤਹਿ ਘਰੀ ॥ 166 ॥
 ਏਕ ਘਰੀ ਗੁਰ ਬੈਠਤ ਭਏ । ਪੁਰ ਜਨ ਮਿਲ ਪੁਨ ਤਿਹ ਠਾਂ ਅਏ ।
 ਨਮਸਕਾਰ ਸਭਹਨ ਆਇ ਕਰੀ । ਮੋਹ ਫਾਸ ਸਭਹਨ ਕੀ ਹਰੀ ॥ 167 ॥
 ਕੁਸਲ ਅਨੰਦ ਗੁਰ ਕੀ ਸਭ ਲੈ ਕੇ । ਚਲੇ ਸਿਤਾਬ ਧੀਰ ਤਹਿ ਦੈਕੇ ।
 ਕੋਲਾਂ ਮਨ ਮਹਿ ਐਸ ਬਿਚਾਰੇ । ਮੋਹਿ ਬਿਸਾਰਿਓ² ਗੁਰੁ ਕਰਤਾਰੇ ॥ 168 ॥
 ਤਬ ਲਉ ਸਤਿਗੁਰ ਆਏ ਤਹਾਂ । ਕੋਲਾਂ ਬਸਤ ਰੈਨ ਦਿਨ ਜਹਾਂ ।
 ਕੋਲਾਂ ਸੁਨੈ ਅਏ ਗੁਰੁ ਤਬਹੀ । ਭੂਲੀ ਨਿਜ ਸਰੀਰ ਸੁਧ ਸਭਹੀ ॥ 169 ॥

¹ੲ ਪੋਥੀ ਗੁਰ ²ੲ ਪੋਥੀ ਤਿਆਗਯੋ

ਦੋਹਰਾ

ਸਨਮੁਖ ਆਵਤ ਦੇਖਕੇ ਕ੍ਰਿਪਾ ਸਿੰਧ¹ ਸੁਖ ਮਾਨ ।
ਹੈ ਪ੍ਰਸੰਨ ਉਡਿਓ ਚਹੈ ਪਹੁੰਚੇ ਕ੍ਰਿਪਾ ਨਿਧਾਨ ॥ 170 ॥

ਸੋਰਠਾ

ਅਤਿ ਕ੍ਰਿਸ ਤਨ ਭਯੋ ਪੀਰ ਕੋਲਾਂ ਅਤਿ ਹੀ ਪ੍ਰੇਮ ਸੋ ।
ਪ੍ਰਰਬ ਭਯੋ ਸਰੀਰ ਸਤਿਗੁਰ ਰੂਪ ਨਿਹਾਰ ਕੈ ॥ 171 ॥

ਚੌਪਈ

ਹੈ ਪ੍ਰਸੰਨ ਅਸ ਬਚਨ ਉਚਾਰੇ । ਹੇ ਪ੍ਰਭ ਦੀਨਾ ਨਾਥ ਮੁਰਾਰੇ ।
ਸਫਲ ਜਨਮ ਮੇਰਾ² ਅਬ ਭਯੋ । ਜਨਮ ਮਰਨ ਸੰਸਾ ਮਿਟ ਗਯੋ ॥ 172 ॥
ਅਸ ਕਹਿ ਗੁਰ ਚਰਨਨ ਤਬ ਪਰੀ । ਧੂਰ ਚਰਨਨ ਨਿਜ ਮਾਥੇ ਧਰੀ ।
ਉਠਹੁ ਉਠਹੁ ਸਤਿਗੁਰ ਅਸ ਕਹੇ । ਸਭੇ ਪਾਪ ਅਬ ਤੁਮਰੇ ਦਹੇ ॥ 173 ॥

ਚੌਪਈ

ਯਹਿ ਚਰਨਨ ਲਗ ਪਏ ਨਿਹਾਲਾ । ਹੇ ਪ੍ਰਭ ਕਿਉਂ ਛੋਡਿਉਂ ਤਤਕਾਲਾ ।
ਧੀਰਜ ਦੈ ਤਹਿੰ ਸੀਸ ਉਠਾਯੋ । ਕ੍ਰਿਪਾ ਸਿੰਧ ਅਸ ਬੈਠ ਅਲਾਯੋ ॥ 174 ॥
ਨਿਜ ਡੇਰੇ ਕਉ ਮੈਂ³ ਅਬ ਜਾਵਉਂ । ਭਲਕੇ ਮੈਂ ਤੁਮਰੇ ਪਹਿ ਆਵਉ ।
ਚਾਰ ਘਰੀ ਦਿਨ ਰਹਿ ਜਬ ਜਾਵੈ । ਤੁਮਰੇ ਅੰਤ ਸਮਾ ਤਬ ਆਵੈ ॥ 175 ॥

ਦੋਹਰਾ

ਸਤਿਨਾਮ ਮੰਤ੍ਰੁ ਜਪੋ ਸਭ ਬੰਧਨ ਕਉ ਤਿਆਗ ।
ਯਾ ਜਗ ਕੋਈ ਨਹਿੰ ਭਯੋ ਤੁਮਰੇ ਸਮ ਬਡ ਭਾਗ ॥ 176 ॥

ਚੌਪਈ

ਅਸ ਕਹਿ ਸ੍ਰੀ ਗੁਰ ਬੰਮ ਜੀ ਆਏ । ਪ੍ਰਨਾਮ ਕੀਨ ਧਰ ਹਰਖ ਮਹਾਏ ।
ਬਹੁਤ ਅਪਾਰ ਦੀਵਾਨ ਲਗਾਯੋ । ਸਬ ਸਿਖਨ ਮਿਲ ਦਰਸਨ ਪਾਯੋ ॥ 177 ॥

ਸਵੈਯਾ

ਆਵਤ ਸਿਖ ਅਪਾਰ ਤਹਾਂ ਗੁਰ ਦਰਸਨ ਮੈ ਜਿਨ ਕੀ ਮਤਿ ਭੀਨੀ ।
ਪੂਜ ਚੜਾਵਤ ਹੈਂ ਬਹੁ ਭਾਂਤਨ ਬਾਰਹਿ ਬਾਰ ਸੁ ਬੰਦਨ ਕੀਨੀ ।
ਰਾਗੀ ਸੁ ਗਾਵਤ ਰਾਗ ਤਹਾਂ ਬਹੁ ਆਸਹਿ ਰਾਗ ਜਿਨੈ ਚਿਤ ਚੀਨੀ ।
ਮਨ ਇਛਤ⁴ ਜੋ ਚਿਤ ਚਾਹਤ ਹੈ ਗੁਰੁ ਧਾਰ ਕ੍ਰਿਪਾ ਸਭ ਪੂਰਨ ਕੀਨੀ ॥ 178 ॥

ਦੋਹਰਾ

ਅਤਿ ਰੁਚ ਸਿਉ ਸੋਦਰ ਪੜਿਯੋ ਰਾਗੀ ਬੁਧਿ ਪ੍ਰਬੀਨ ।
ਸਾਧੂ ਪਾਠ ਰਹਿਰਾਸ ਕਾ ਕੀਨਾ ਹੋਇ ਅਧੀਨ ॥ 179 ॥

¹ਅ ਪ੍ਰੇਮੀ ਨਿਧਾਨ ²ਅ ਪ੍ਰੇਮੀ ਹਮਰਾ ³ਅ ਤੇ ਏ ਪ੍ਰੇਮੀ ਹਉ ⁴ਅ ਪ੍ਰੇਮੀ ਬਾਂਛਤ

ਝੁਲਨਾ ਛੰਦ

ਭੋਗ ਰਹਿਰਾਸ ਕਾ ਸੋ ਸੁਨਯੋ ਪ੍ਰਭੂ ਜੀ ਡੇਰੇ ਨਿਜ ਆਪਨੇ ਪਿਆਨ ਕੀਨਾ ।
 ਹਾਥ ਜੋਰ ਕੈ ਸਿਖ ਅਰਦਾਸ ਕੀਨੀ ਕ੍ਰਿਪਾ ਸਿੰਧ ਉਪਦੇਸ ਤਿਹ ਗਿਆਨ ਦੀਨਾ ।
 ਨਿਜੈ ਇਛ ਜੋਉ ਚਿੰਤ ਚਾਹਤੇ ਥੇ ਸਭੇ ਸੰਗਤੀ ਸਿਉ ਵੰਰ ਮਾਂਗ ਲੀਨਾ ।
 ਦਯਾ ਸਿੰਧ ਸੋ ਜਾਇ ਨਿਵਾਸ ਕੀਓ ਜੰਗ ਜਾਹਿ ਸਮਾਨ ਨਾ ਕੋਇ ਚੀਨਾ ॥ 180 ॥

ਦੋਹਰਾ

ਭੋਜਨ ਕੀਨੋ ਹਰਖ¹ ਸਿਉ ਸਤਿਗੁਰ ਦੀਨ ਦਯਾਲ ।
 ਪਲੰਘ ਬਿਰਾਜੇ ਕ੍ਰਿਪਾਨਿਧਿ ਦੀਨਾ ਨਾਥ ਦਿਆਲ ॥ 181 ॥

ਚੌਪਈ

ਏਕ ਜਾਮ ਨਿਸ ਰਹਿ ਦੋ ਘਰੀ । ਹਰਖ ਉਠੇ ਸਤਿਗੁਰ ਨਰ ਹਰੀ ।
 ਨਿਜ ਦਾਸਿਨ² ਸਿਉ ਬਚਨ ਉਚਾਰਿਯੋ । ਗੁਰ ਅਰਜਨ ਨਿਜ ਹਾਥ ਸਵਾਰਿਯੋ ॥ 182 ॥
 ਸਕ੍ਰ ਗੰਗ ਜਹ ਨਾਮ ਸੁਹਾਈ । ਕਰੋ ਇਸਨਾਨ ਤਹਾਂ ਮਨ ਲਾਈ ।
 ਤਤ ਛਿਨ ਸ੍ਰੀ ਗੁਰ ਪਹੁੰਚੇ ਤਹਾਂ । ਸਕਰ ਗੰਗ ਤੀਰਥ ਹੈ ਜਹਾਂ ॥ 183 ॥
 ਜਾਇ ਪ੍ਰਨਾਮ ਕੀਨ ਮਨ ਲਾਈ । ਸਭ ਸਿਖਨ ਮਿਲ ਬਚਨ ਅਲਾਈ ।
 ਸਕਰ ਗੰਗ ਕੀ ਕਥਾ ਸੁਹਾਈ । ਹੇ ਗੁਰ ਕਹੋ ਸਭੀ ਚਿਤ ਲਾਈ ॥ 184 ॥
 ਕਿਹ ਕਾਰਨ ਇਹ ਨਾਮ ਧਰਾਯੋ । ਕ੍ਰਿਪਾ ਸਿੰਧ ਨਿਜ ਮੁਖ ਜੋ ਗਾਯੋ ।
 ਤਿਹ ਬਿਨਤੀ ਸੁਨ ਗੁਰ ਤਬ ਬੋਲੇ । ਅੰਮ੍ਰਿਤ ਬਚਨ ਰਿਦੈ ਝਕ ਝੋਲੇ ॥ 185 ॥

ਦੋਹਰਾ

ਹਰਿਗੋਬਿੰਦ [ਗੁਰ]³ ਐਸੇ ਕਹਿਯੋ ਸੁਨੋ ਸਿਖ ਨਿਰਧਾਰ ।
 ਗੁਰ ਅਰਜਨ ਜੀ ਇਹੁ ਧਰਿਯੋ ਸਗਰ ਗੰਗ ਸੁਭ ਚਾਰ ॥ 196 ॥

ਸੋਰਠਾ

ਬੋਲੇ ਸਿਖ ਪ੍ਰਬੀਨ ਮਹਾਰਾਜ ਬਿਨਤੀ ਸੁਨੋ ।
 ਕੌਨ ਹੇਤ ਚਿਤ ਚੀਨ ਗੁਰ ਅਰਜਨ ਜੀ ਇਹ ਧਰਿਯੋ ॥ 187 ॥

ਚੌਪਈ

ਅਤਿ ਰੁਚਿਵਾਨ ਸੁਨੋ ਸਿਖ ਬੈਨਾ । ਧਾਰ ਕ੍ਰਿਪਾ ਬੋਲੇ ਸੁਖ ਐਨਾ ।
 ਸੁਨੋ ਸਿਖ ਇਕਚਿਤ ਮਨ ਲਾਈ । ਸਕਰ ਗੰਗ ਕੀ ਕਥਾ ਸੁਹਾਈ ॥ 188 ॥
 ਏਕ ਸਮੇਂ ਗੁਰ ਅਰਜਨ ਗਿਆਨੀ । ਦੀਵਾਨ ਲਾਏ ਬੈਠੇ ਇਹ ਥਾਨੀ ।
 ਆਯੋ ਵਿਸਾਖੀ ਮੇਲਾ ਭਾਰੀ । ਆਵਤ ਸੰਗਤਿ ਬਹੁਤ ਅਪਾਰੀ ॥ 189 ॥

¹ਅ ਪੌਥੀ ਪ੍ਰਮ ²ਅ ਤ ਏ ਪੌਥੀ ਸ਼ਿਵਕ ³ਅ ਤੋ ਏ ਪੌਥੀ ਵਿਚੋਂ

ਦੇਸ ਦੇਸ¹ ਕੀ ਸੰਗਤਿ ਆਵੈ । ਭਾਂਤ ਭਾਂਤ ਕੀ ਪੂਜ ਚੜਾਵੈ ।
 ਅਸਟ ਦਿਵਸ ਮੇਲੇ ਮਹਿ ਰਹੇ । ਨਰ ਨਾਰੀ ਮਨ ਆਨੰਦ ਲਹੇ ॥ 190 ॥
 ਤਬ ਲੈ ਏਕ ਸਿਖ ਤਹਿ ਆਯੋ । ਹਾਥ ਜੋਰ ਇਮ ਬਚਨ ਅਲਾਯੋ ।
 ਮਹਾਰਾਜ ਮੈ ਗੰਗਾ ਜਾਉ । ਕਰ ਇਸਨਾਨ² ਬਹੁਰ ਫਿਰ ਗਾਉ ॥ 191 ॥

ਦੋਹਰਾ

ਗੁਰ ਅਰਜਨ ਐਸੋ ਕਹਯੋ ਇਹ ਠਾਂ ਕਰ ਇਸਨਾਨ ।
 ਗੰਗਾ ਸਮ ਹੀ ਇਹੁ ਰਚਿਓ ਸਕਰ ਗੰਗ ਸੁਭ ਥਾਨ ॥ 192 ॥

ਸੋਰਠਾ

ਬੋਲਯੋ ਸਿਖਯ ਬਹੋਰ ਮਹਾਰਾਜ ਆਗਿਆ³ ਕਰੋ ।
 ਹੇ ਗੁਰ ਸਭ ਸਿਰਮੌਰ ਗੰਗਾ ਕੀ ਇਛਾ ਪਰੀ ॥ 193 ॥

ਚੌਪਈ

ਕ੍ਰਿਪਾਸਿੰਧ ਅਸ ਬਚਨ ਉਚਾਰੇ । ਸੁਨਹੁ ਸਿਖ ਏਹੁ ਬੈਨ⁴ ਹਮਾਰੇ ।
 ਸਤਿਨਾਮ ਜੋ ਰਿਦ ਮੈ ਧਰੈ । ਵਾਹਿਗੁਰੁ ਜਪ ਮਨ ਮਹਿ ਕਰੈ ॥ 194 ॥
 ਨਿਸ ਦਿਨ ਧਰੈ ਪ੍ਰਭੂ ਕਾ ਧਿਆਨਾ । ਕੋਟ ਗੰਗ ਫਲ ਲਹਿ ਸੋ ਜਾਨਾ ।
 ਤੀਨ ਬਾਰ ਸਤਿਗੁਰ ਇਮ ਕਹੇ । ਤਿਨ ਇਛਾ ਗੰਗਾ ਕੀ ਲਹੇ ॥ 195 ॥
 ਦਯਾ ਸਿੰਧ ਕਹਿ ਜਾਵੋ ਗੰਗਾ । ਹਮਰਾ ਗਡਵਾ⁵ ਲੈ ਨਿਜ ਸੰਗਾ ।
 ਗੁਰ ਅਰਜਨ ਕੀ ਆਗਿਆ ਪਾਈ । ਚਲਯੋ ਸ਼ਿਤਾਬ ਸਿਖ ਹਰਖਾਈ ॥ 196 ॥

ਭਾਈ ਮਨੀ ਸਿੰਘੋਵਾਰ ॥ ਦੋਹਰਾ ॥

ਭਗਤ ਸਿੰਘ ਗੁਰ ਢਿਗ ਤਬੈ ਬਿਨਤੀ ਸਿਖਨ ਕੀਨ ।
 ਗੁਰ ਅਰਜਨ ਜੀ ਬਚਨ ਅਸ ਮੋੜ ਸਿਖ ਕਿਮ ਦੀਨ ॥ 197 ॥

ਸੋਰਠਾ

ਸੁਨੋ ਸਿਖ ਨਿਰਧਾਰ ਕ੍ਰਿਪਾ ਸਿੰਧੁ ਇਛਾ ਕਰੀ ।
 ਮਹਿਮਾ ਕਠਿਨ⁶ ਅਪਾਰ ਸਕਰ ਗੰਗਾ ਕੀ ਤੁਮ ਸੁਨੋ ॥ 198 ॥

ਚੌਪਈ

ਸਾਤ ਦਿਵਸ ਮਹਿ ਪਹੁੰਚਿਓ ਗੰਗਾ । ਅਤਿ ਸੁਖ ਸਿਉ ਚਿਤ ਰਹਿਤ ਅੰਭਗਾ ।
 ਜਬ ਪੁਰਬੀ ਕਾ ਮੇਲਾ ਆਯੋ । ਇਸਨਾਨ ਕੀਨ ਧਰ ਹਰਖ ਮਹਾਯੋ ॥ 199 ॥
 ਪੁਨ ਸਤਿਗੁਰ ਕਾ ਗਡਵਾ ਲੀਨੋ । ਗੰਗਾ ਜਲ ਸਿਉ ਪੂਰਨ ਕੀਨੋ ।
 ਖੂਬ ਇਸਨਾਨ ਕਰਾਵਨ ਲਾਗਾ । ਛੁਟਿਓ⁷ ਹਾਥ ਸੇ ਕੰਪਨ ਪਾਗਾ ॥ 200 ॥

¹ਅ ਤੇ ਏ ਪੋਥੀ ਬਦੇਸ ²ਅ ਪੋਥੀ ਮਜਲ ³ਏ ਪੋਥੀ ਆਇਸ ⁴ਅ ਪੋਥੀ ਬਚਨ ⁵ਏ ਪੋਥੀ ਲੋਟਾ ⁶ਅ ਪੋਥੀ ਅਪਰ ⁷ਅ ਪੋਥੀ ਛੁਟਕਯੋ

ਤੈਸਾ ਗਡਵਾ ਮੋਲ ਇਕ ਲੀਨੋ । ਗੰਗਾ ਜਲ ਭਰ ਖੂਬ ਨਵੀਨੋ ।
 ਇਸਨਾਨ ਕਰਾਇ ਤੁਰੇ ਚਿਤ ਚਾਈ । ਗੁਰ ਦਰਸਨ ਕੀ ਇਛ ਬਧਾਈ ॥ 201 ॥
 ਕਿਤਕ ਦਿਵਸ ਮਹਿ ਪਹੁੰਚੇ ਤਹਾਂ । ਗੁਰ ਅਰਜਨ ਜੀ ਬੈਠੇ ਜਹਾਂ ।
 ਗੰਗਾ ਜਲ ਗਡਵਾ ਪ੍ਰਭ ਆਗੇ । ਧਰਿਯੋ ਪ੍ਰਸਾਦਿ ਸਭੇ ਛਲਿ ਤਿਆਗੇ ॥ 202 ॥
 ਬਾਰੰਬਾਰ ਬੰਦਨਾ ਕੀਨੀ । ਅੰਚਰ ਡਾਰਿ ਸੁ ਹੁਇ ਅਧੀਨੀ ॥
 ਅੰਤਰਜਾਮੀ ਗੁਰ ਤਬ ਜਾਨਿਯੋ । ਇਹ ਗਡਵਾ ਨਹੀਂ ਸੋ ਪਹਿਚਾਨਿਯੋ ॥ 203 ॥

ਦੋਹਰਾ

ਸ੍ਰੀ ਮੁਖ¹ ਐਸ ਉਚਾਰਿਓ ਸਿਖ ਸਿਉ ਦੀਨ ਦਿਆਲ ।
 ਇਹੁ ਗਡਵਾ ਹਮਰੋ ਨਹੀਂ ਸਾਚ ਕਹੋ ਤਤਕਾਲ ॥ 204 ॥

ਚੌਪਈ

ਹਾਥ ਜੋਰ ਸਿਖ ਐਸ ਉਚਾਰੀ । ਛਿਮਾ² ਕੀਜੀਏ ਭੂਲ ਹਮਾਰੀ ।
 ਗਡਵਾ ਬੀਚ ਪ੍ਰਵਾਹ ਗਿਰਾਯੋ । ਕਰ ਰਹਿਯੋ ਜਤਨ ਹਾਥ ਨਹੀਂ ਆਯੋ ॥ 205 ॥
 ਤਬ ਮੋਹਿ ਐਰ ਸੁ ਗਡਵਾ ਲੀਨੋ । ਗੰਗਾ ਜਲ ਸਿਉ ਪੂਰਨ ਕੀਨੋ ।
 ਸੋ ਅਗ੍ਰਜ ਤੁਮਰੇ ਮੋਹਿ ਰਾਖਯੋ । ਮਹਾਰਾਜ ਸਤਿ ਮੈ ਭਾਖਯੋ ॥ 206 ॥
 ਗੁਰ ਅਰਜਨ ਫਿਰ ਪ੍ਰਛਨ ਕਰਿਯੋ । ਗਿਰਿਯੋ ਜੋ ਪ੍ਰਵਾਹ ਮਾਹਿ ਪਰਯੋ ।
 ਤੇ ਗਡਵਾ ਹਮ ਇਹਾਂ ਕਢਾਵਹਿ । ਸਿਖ ਸੰਗਤਿ ਸਭ ਹੀ ਲਖ ਪਾਵਹਿ ॥ 207 ॥
 ਤਬ ਬੋਲਿਓ ਸਿਖ ਹੇ ਪ੍ਰਭੂ ਸੁਆਮੀ । ਘਟਿ ਘਟਿ ਕੇ ਤੁਮ ਅੰਤਰਜਾਮੀ ।
 ਗਡਵਾ ਸਤਿ ਪ੍ਰਵਾਹ ਮਹਿ ਗਿਰਿਯੋ । ਗੰਗਾ ਜਲ ਸਿਉ ਪੂਰਨ ਕਰਿਯੋ ॥ 208 ॥

ਦੋਹਰਾ

ਉਠ ਠਾਢੇ ਸ੍ਰੀ ਗੁਰ ਭਏ ਸਕਰ ਗੰਗ ਪਰ ਆਪ ।
 ਕਰਿਯੋ ਅਵਾਹਨ ਗੰਗ ਕੋ ਸਤਿਨਾਮ ਕਰ ਜਾਪ ॥ 209 ॥

ਸੋਰਠਾ

ਸੁਨਹੁ ਗੰਗ ਪਰਬੀਨ ਗੁਰ ਅਰਜਨ ਐਸੇ ਕਹਿਯੋ ।
 ਜੇ ਗਡਵਾ ਤੁਮ ਲੀਨ ਤਉ ਇਹ ਠਾਂ ਅਬ ਦੀਜੀਏ ॥ 210 ॥

ਚੌਪਈ

ਗੰਗਾ ਨਿਜ ਕੋ ਧੰਨ ਬਖਾਨੀ । ਯਾਦ ਕੀਨ ਮੋਕਉ ਗੁਰ ਗਿਆਨੀ³ ।
 ਮੇਰੇ ਬੀਚ ਬਹੁਤ ਅਘ ਪੂਰੇ । ਗੁਰ ਦਰਸਨ ਕਰ ਹੁਇ ਹਹਿ ਚੂਰੇ ॥ 211 ॥
 ਪ੍ਰਭ ਜੀ ਰਚਾ ਸੁ ਤੀਰਥ ਭਾਰੀ । ਸਕਰ ਗੰਗ ਜਿਹ ਉਪਮ ਅਪਾਰੀ ।
 ਤਿਹ ਸਿਉ ਮਿਲ ਅਬ ਪਾਵਨ ਹੋਵਉ । ਨਿਜ ਤਨ ਤੇ ਅਘ ਸਗਲੇ ਖੋਵਉ ॥ 212 ॥

¹ਅ ਪੋਥੀ ਸਤਿਗੁਰੂ ²ਏ ਪੋਥੀ ਬਖਸੋ ਸਤਿਗੁਰੂ ³ਅ ਪੋਥੀ ਸੁਆਮੀ

ਐਸ ਵਿਚਾਰ ਗੰਗ ਤਬ ਧਾਈ । ਸਕਰ ਗੰਗ ਕੇ ਬੀਚ ਮਿਲਾਈ ।
 ਕੂਪ ਬੀਚ ਤੇ ਬੁੰਬ ਨਿਕਸਾਨਾ । ਚਲਯੋ ਪ੍ਰਵਾਹ ਧਰ ਤੇਜ ਮਹਾਨਾ ॥ 213 ॥
 ਇਹ ਸੁਨ ਸਭੀ ਦੇਵ ਵਿਸਮਾਨੇ । ਦੇਖਨ ਆਏ ਚੜੇ ਅਤਿ ਯਾਨੇ ।
 ਦਿਖ ਸਿਖ ਸਭ ਅਸਚਰਜੀ ਭਏ । ਗੁਰ ਅਰਜਨ ਕੀ ਚਰਨੀ ਪਏ ॥ 214 ॥
 ਗੰਗਾ ਹਿਤ ਪ੍ਰੀਛਿਆ ਨਿਜ ਜਾਨੇ । ਗਡਵੇ ਬਹੁਤ ਸੁ ਤਹਾਂ ਦਿਖਾਨੇ ।
 ਮੋਹ ਭ੍ਰਮੀ ਬੁਧ ਗੰਗ ਵਿਚਾਰੀ । ਜੇ ਸਤਿਗੁਰੁ ਹੁਇ ਹੈਂ ਅਵਤਾਰੀ ॥ 215 ॥
 ਤੋ ਨਿਜ ਗਡਵਾ ਲੋਹਿੰ ਪਛਾਨੀ । ਤਬ ਸਮਝੋ ਹਉਂ ਗੁਰ ਬਡ ਗਿਆਨੀ ।
 ਗੁਰ ਅਰਜਨ ਸਭ ਜਾਨਨਹਾਰੇ । ਸ੍ਰੀ ਮੁਖ ਸਿਉਂ ਅਸ ਬਚਨ ਉਚਾਰੇ ॥ 216 ॥

ਦੋਹਰਾ

ਨਿਕਟ ਬੋਲ ਉਸ ਸਿਖ ਕਉ ਸ੍ਰੀ ਗੁਰ ਭਾਖੇ ਬੈਨ ।
 ਜੋ ਗਡਵਾ ਤੁਮਤੇ ਗਿਰਿਯੋ ਸੋ ਕਾਢੋ ਦਿਖਾ ਨੈਨ ॥ 217 ॥

ਸੋਰਠਾ

ਕੀਨੇ ਜਤਨ ਅਨੇਕ ਕਛੂ ਸਿਆਨ ਨਾ ਤਿਸ ਪਰੀ ।
 ਬਹੁਰੋ ਧਾਰ ਬਿਬੇਕ ਸ੍ਰੀ ਗੁਰ ਸਿਉਂ ਭਾਖੇ ਬਚਨ ॥ 218 ॥

ਚੌਪਈ

ਮਹਾਰਾਜ ਸੋ ਦ੍ਰਿਸ਼ਟ ਨਾ ਆਵਹਿੰ । ਵੈਸੇ ਗਡਵੇ ਧਹੁਤ ਦਿਖਾਵਹਿੰ ।
 ਗੁਰ ਅਰਜਨ ਤਬ ਐਸ ਉਚਾਰੀ । ਸੁਨਹੁ ਸਿਖ ਇਹ ਬਾਤ ਹਮਾਰੀ ॥ 219 ॥
 ਸਤਿਨਾਮ ਪੜ੍ਹ ਜਲ ਤੁਮ ਡਾਰੋ । ਛਲ ਗਡਵੇ ਸਭ ਲੋਪ ਨਿਵਾਰੋ ।
 ਤਬ ਸਿਖ ਸਤਿਨਾਮ ਪੜ੍ਹ ਮੰਤ੍ਰ । ਜਲ ਛਿਰਕਿਯੋ ਲੋਪੈ ਸੁਪਨੰਤ੍ਰ ॥ 220 ॥
 ਏਕੋ ਗਡਵਾ ਸੋ ਤਬ ਦੇਖਾ । ਸੋ ਲੈ ਧਰਯੋ ਅਗ੍ਰ ਆਲੇਖਾ ।
 ਪਰਸੋਤਮ ਪ੍ਰਭ ਹਰਖਤ ਭਏ । ਸਭ ਸਿਖਨ ਮਨ ਆਨੰਦ ਕਏ ॥ 221 ॥
 ਗੰਗਾ ਸ੍ਰੀ ਗੁਰ ਸਨਮੁਖ ਆਈ । ਹਾਥ ਜੋਰ ਇਮ ਬਚਨ^੩ ਅਲਾਈ ।
 ਹੇ ਗੁਰ ਬਖਸ਼ੋ ਭੁਲ ਹਮਾਰੀ । ਪਤਤਿ ਪਾਵਨ ਨਿਜ ਬਿਰਦ ਸੰਭਾਰੀ ॥ 222 ॥

ਦੋਹਰਾ

ਗੰਗਾ ਕੋ ਆਗਿਆ ਕਰੀ ਸ੍ਰੀ ਗੁਰ ਸਭ ਸੁਖ ਖਾਨ ।
 ਹਰੀਦੁਆਰ ਇਹ ਥਾਨ ਹੈ ਕਛੂ ਭੇਦ ਨਹਿੰ ਮਾਨ ॥ 223 ॥

ਸੋਰਠਾ

ਕਰਹੋ ਨਿਤ ਨਿਵਾਸ ਇਹ ਠਾਂ ਨਿਤ ਤੁਮ ਨੇਮ ਸਿਉ ।
 ਮਿਟੈ ਸਭੀ ਅਘਰਾਸ ਸੁਧ ਸਦਾ ਨਿਰਮਲ ਰਹੋ ॥ 224 ॥

^੧ਅ ਯੋਧੀ ਪਿਖ ^੨ਏ ਯੋਧੀ ਘਨ ^੩ਅ ਯੋਧੀ ਬਿਨੀ ਏ ਯੋਧੀ ਅਰੰਜ

ਚੌਪਈ

ਕਰ ਪ੍ਰਨਾਮ ਤਬ ਗੰਗ ਸਿਧਾਰੀ । ਚਲੀ ਜਾਤ ਗੁਰ ਉਪਮ ਉਚਾਰੀ ।
 ਧਰ ਆਨੰਦ ਗੁਰੂ ਤਬ ਬੋਲੇ । ਸੁਨੋ ਸਿਖ ਇਹ ਬਚਨ ਅਮੋਲੇ ॥ 225 ॥
 ਆਦਿ ਕਾਲ ਕਾ ਤੀਰਥ ਭਾਰੀ । ਇਸ ਕੀ ਉਪਮਾ¹ ਅਧਿਕ ਪ੍ਰਕਾਰੀ¹ ।
 ਪਾਛੈ ਸਕਰ ਗੰਗ ਇਹ ਨਾਮਾ । ਸਭੈ ਪੂਰ ਕਰਿ ਇਛ ਮੁਦਾਮਾ ॥ 226 ॥
 ਸਕਰ ਗੰਗ ਇਹ ਨਾਮ ਧਰਾਯੋ । ਗੰਗਾ ਤੇ ਹਮ ਅਧਿਕ ਲਖਾਯੋ ।
 ਜੋ ਬਾਂਛਾ² ਕਰ ਇਹ ਠਾਂ ਆਵੈ । ਮਨ ਬਾਂਛਤ ਬਰ ਸਭ ਹੀ ਪਾਵੈ ॥ 227 ॥
 ਪੁਤ੍ਰ ਹੇਤ ਜੋ ਆਵੈ ਨਾਰੀ । ਕਰਿ ਇਸਨਾਨ ਲੇਹ ਸੁਤ ਚਾਰੀ ।
 ਜਿਸ ਮਾਰਗ ਗਡਵਾ ਨਿਕਸਾਨਾ । ਤਿਸ ਕੀ ਉਪਮਾ ਜਾਨ ਮਹਾਨਾ ॥ 228 ॥
 ਕਰ ਇਸਨਾਨ ਦਰਸ ਤਹਿ ਕਰੈ । ਨਰਕ ਦੁਆਰ ਤਿਹ ਦ੍ਰਿਸ਼ਟਿ ਨਾ ਪਰੈ ॥
 ਗੁਰ ਅਰਜਨ ਤਬ ਕੀਨ ਇਸਨਾਨਾ । ਨਿਜ ਮਹਿਲੀ ਗਏ ਕ੍ਰਿਪਾ ਨਿਧਾਨਾ ॥ 229 ॥

ਦੋਹਰਾ

ਹਰਿ ਗੋਬਿੰਦ ਮੁਖ ਕੋਲ³ ਤੇ ਐਸੇ ਕੀਨ ਬਖਾਨ ।
 ਦ੍ਰਿੜ ਪ੍ਰਤੀਤਿ ਸਿਖਨ ਭਈ ਕੀਨੋ ਤਬੈ ਇਸਨਾਨ ॥ 230 ॥

ਸੋਰਠਾ

ਹਰਿ ਗੋਵਿੰਦ ਮਨ ਮਾਨ ਅੰਤਰ ਹੁਇ ਬਿਨਤੀ ਕਰੀ ।
 ਨਿਜ ਪਿਤ ਸਮ ਸਥਾਨ ਹੁਇ ਅਧੀਨ ਮਜਨ ਕੀਓ ॥ 231 ॥

ਚੌਪਈ

ਕੀਓ ਇਸਨਾਨ ਗੁਰੂ ਤਹਿ ਆਪ । ਗੁਰ ਮੰਤ੍ਰ ਕਾ ਕੀਨਾ ਜਾਪ ।
 ਨਿਜ ਮਨ ਮਹਿ ਬਹੁ ਹਰਖ ਧਰਾਈ । ਬੈਠ ਤਹਾਂ ਸਮਾਧ ਲਗਾਈ ॥ 232 ॥
 ਤਬ ਲਉ ਕਸਪ ਸੁਤ ਚੜ ਆਯੋ । ਨਿਸਪਤ ਲੋਪ ਅੰਧੇਰ ਲੁਕਾਯੋ ।
 ਸਭੈ ਉਲੂਕ ਭਾਜ ਤਬ ਗਏ । ਨਰ ਨਾਰੀ ਤਬ ਆਨੰਦ ਭਏ ॥ 233 ॥
 ਹਰਿ ਗੋਬਿੰਦ ਜਸ ਸਰ ਪ੍ਰਕਾਸਾ । ਮਲੇਛ ਅੰਧ ਸਭ ਹੀ ਹੁਇ ਨਾਸਾ ।
 ਪਾਪ ਉਲਕ ਸਭੈ ਨਸ ਜਾਵਹਿ । ਚੋਰ ਯਾਰ ਕੋਈ ਦ੍ਰਿਸ਼ਟ⁴ ਨ ਆਵਹਿ ॥ 234 ॥
 ਹਰਿਗੋਵਿੰਦ ਗੁਰ ਨੈਨ ਉਘਾਰੇ । ਕੋਟ ਭਾਨ ਜਨ ਚੜੈ ਅਪਾਰੇ ।
 ਆਨੰਦ ਚੌਕੀ ਗਾਵਨ ਲਾਗੇ । ਰਾਗੀ ਸਭੈ ਪ੍ਰੇਮ ਰਸ ਪਾਗੇ ॥ 235 ॥

ਦੋਹਰਾ

ਪਾਂਚ ਘਰੀ ਦਿਨ ਕੇ ਗਏ ਭੋਗ ਆਨੰਦ ਕਾ ਪਾਇ ।
 ਚਰਨ ਕੋਲ⁵ ਚੌਕੀ ਸੁਨੀ ਸਵਾ ਪਹਿਰ ਦਿਨ ਆਇ ॥ 236 ॥

¹ਏ ਪੋਥੀ ਬਹੁ ਵਿਸਥਾਰੀ ²ਅ ਪੋਥੀ ਇਛਾ ³ਏ ਪੋਥੀ ਮੁਖਾਰਬਿਦ ⁴ਅ ਪੋਥੀ ਮਜਰ ⁵ਅ ਪੋਥੀ ਕਮਲ

ਸੋਰਠਾ

ਅਯੋ ਸੁ ਲਾਂਗਰੀ ਧਾਇ ਬਹੁ ਪ੍ਰਕਾਰ ਭੋਜਨ ਲੀਏ ।
ਸਤਿਗੁਰ ਕੇ ਨਿਕਟਾਇ ਹਾਥ ਜੋਰ ਬਿਨਤੀ ਕਰੀ ॥ 237 ॥

ਚੋਪਈ

ਅਯੋ ਪ੍ਰਸਾਦਿ ਸੁਨਯੋ ਮਹਾਰਾਜ । ਇਹ ਸੁਨ ਉਠੇ ਗਰੀਬ ਨਿਵਾਜ ।
ਜਲ ਛਿਰਕਾਇ ਚੋਕੀ ਪਰ ਧਰਿਯੋ । ਬੈਠ ਗੁਰ ਮਨ ਆਨੰਦ ਭਰਿਯੋ ॥ 238 ॥

ਖਾਸ ਸਿਖ ਜੇ ਰਹਿਤ ਹਜ਼ੂਰੇ । ਪ੍ਰਸਾਦ ਦੀਓ ਤਿਨ ਕਉ ਗੁਰ ਪੂਰੇ² ।
ਔਰ ਸਭਕੋ ਲਾਂਗਰੀ ਵਰਤਾਯੋ । ਭੋਜਨ ਕੀਨ ਸਭਨ ਮਨ ਭਾਯੋ ॥ 239 ॥

ਭੋਜਨ ਪਾਇ ਤ੍ਰਿਪਤਿ ਸਭ ਭਏ । ਦੀਨ ਦਯਾਲ ਚੁਲਾ ਤਬ ਕਏ ।
ਸੁੰਦਰ ਭੂਮਿ ਸਕੁ ਦਿਖ ਲਾਜੈ । ਸਕਰ ਗੰਗ ਕੇ ਨਿਕਟਿ ਬਿਰਾਜੈ ॥ 240 ॥

ਪਰਸੋਤਮ ਪ੍ਰਭੂ ਭੂਮਿ ਬਿਰਾਜੈ । ਕੋਇ ਕਾਮ ਦਿਖ ਮਨ ਮੋ³ ਲਾਜੈ ।
ਕਰ ਬਿਸਰਾਮ ਉਠੇ ਪ੍ਰਭ ਸੁਆਮੀ । ਪਰ ਪੀਰੋ ਹਰਿ ਅੰਤਰਜਾਮੀ ॥ 241 ॥

ਦੋਹਰਾ

ਅਤਿ ਪ੍ਰਸੰਨ ਬੈਠੇ ਤਹਾਂ ਸਤਿਗੁਰ ਦੀਨ ਦਿਆਲ ।
ਏਕ ਸਿਖ ਤਹਿ ਆਇਓ ਨਿਜ ਮਨ ਭਯੋ ਬਿਹਾਲ ॥ 242 ॥

ਸੋਰਠਾ

ਸੁਨੀਏ ਦੀਨਾਨਾਥ ਧੇਨੁ ਸਭੀ ਹਮਰੀ ਹਨੀ ।
ਸਭ ਕੋ ਕਰਤ ਸਨਾਥ ਸੋਊ ਸਿੰਘ ਅਬ ਚਲ ਹਤੇ ॥ 243 ॥

ਚੋਪਈ

ਕ੍ਰਿਪਾ ਸਿੰਧ ਮੁਖ ਐਸ ਅਲਾਈ । ਸਭ ਬ੍ਰਿਤਾਂਤ ਮੋ ਕਉ ਸਮਝਾਈ ।
ਹਾਥ ਜੋਰ ਸਿਖ ਕਹਿਬੋ ਲਾਗਾ । ਗੁਰ ਪ੍ਰਸਾਦਿ ਸੋਕ ਸਭ ਤਿਆਗਾ ॥ 244 ॥

ਮਮ ਗ੍ਰਿਹ ਮਝੀ ਧੇਨੁ ਅਪਾਰੀ । ਪ੍ਰਾਤ ਭਈ ਬਨ ਮਾਂਝ ਸਿਧਾਰੀ ।
ਆਲਮਗੰਜ ਕੇ ਕਛੂ ਪਰੇਰੇ । ਗਾੜੋ ਬਨ ਜਹਿ ਜੀਵ ਘਨੇਰੇ ॥ 245 ॥

ਨਿਸ ਦਿਨ ਏਕ ਸਿੰਘ ਤਹਿ ਰਹੇ⁴ । ਸਭ ਜੀਵਨ ਕਉ ਹਨਾ ਸੁ ਚਹੇ ।
ਚਰਤ ਚਰਤ ਤਹਿ ਧੇਨੁ ਸਿਧਾਰੀ । ਦਿਖ ਧਾਯੋ ਤਬ ਸਿੰਘ ਬਲਾਰੀ ॥ 246 ॥

ਗਉਆਂ ਸਭੈ ਘੇਰ ਤਿਨ ਲੀਨੀ । ਕਛੂ ਮਾਰੀ ਕਛੂ ਘਾਯਲ ਕੀਨੀ ।
ਨਿਜ ਬਲ ਸਿਉ ਮਝੀ ਭਜ ਆਈ । ਮਹਾਰਾਜ ਮੈ⁵ ਸਾਚ ਸੁਨਾਈ ॥ 247 ॥

ਗੋ ਬ੍ਰਹਮਨ ਕੀ ਰਖਯਾ ਕਾਰਨ । ਧਰੀ ਦੇਹ ਤੁਮ ਖੇਦ⁶ ਨਿਵਾਰਨ ।
ਸ੍ਰੀ ਸਤਿਗੁਰ ਤਹਿ ਧੀਰਜ ਦੀਨੋ । ਦਾਨ ਮਾਨ ਕਰ ਪੂਰਨ ਕੀਨੋ ॥ 248 ॥

¹ਏ ਪੋਥੀ ਰੂਰੇ ²ਅ ਤੇ ਏ ਪੋਥੀ ਮਾਹਿ ³ਅ ਪੋਥੀ ਅਏ ⁴ਅ ਪੋਥੀ ਹਉ ⁵ਏ ਪੋਥੀ ਕਸਟ

ਦੋਹਰਾ

ਸ੍ਰੀ ਮੁਖ ਤਬ ਆਗਿਆ ਕਰੀ ਘੋੜਾ ਕਰੇ ਤਿਆਰ ।
ਸਸਤ੍ਰ ਅਸਤ੍ਰ ਬਾਂਧੇ ਸਭੀ ਚਲੇ ਸੁ ਸੂਰ ਅਪਾਰ ॥ 249 ॥

ਸੋਰਠਾ

ਤਬ ਲੋ ਅਯੋ ਤੁਰੰਤ ਸੂਰਜ ਅਸ ਜਹਿ ਲਾਜ ਦਿਖ ।
ਸੁੰਦਰ ਗੰਗ ਤਰੰਗ ਚਲਤ ਚਾਲ ਤੀਖਨ ਬਹੁਤ ॥ 250 ॥

ਚੌਪਈ

ਸ੍ਰੀ ਮੁਖ ਤੇ ਗੁਰ ਬਚਨ ਉਚਾਰੇ । ਖੇਲਨ ਚਲੇ ਸ਼ਿਕਾਰ ਪਿਆਰੇ ।
ਅਸ ਕਹਿ ਚਰਨ ਪ੍ਰਭੂ ਮਨ ਧਿਆਇ । ਸਸਤ੍ਰ ਅਸਤ੍ਰ ਨਿਜ ਕਮਰ ਛਕਾਇ ॥ 251 ॥
ਪਾਂਚ ਗੁਰੂ ਕਉ ਕੀਨ ਪ੍ਰਨਾਮੀ । ਭਏ ਸਵਾਰ ਤੁਰੰਗ ਸੁਆਮੀ ।
ਲਏ ਸਾਥ ਸੂਰੇ¹ ਬਹੁ ਭਾਰੀ । ਭਏ ਸਗਨ ਸਭ ਮੰਗਲਕਾਰੀ ॥ 252 ॥

ਭੁਜੰਗ ਛੰਦ

ਬਨੰ ਦੇਖ ਗਾੜੇ ਕੀਉ ਤੁਪਕ ਅਵਾਜਾ ।
ਸਭੇ ਜੀਵ ਭਾਜੇ ਸੁ ਮੂਜੀ ਨਿਲਾਜਾ ।
ਤਹਾਂ ਮ੍ਰਿਗ ਮਾਰੇ ਘਨੈ ਸੂਰ ਘਾਯੋ ।
ਗੁਰ ਸਨਮੁਖੇ ਸਿੰਘ ਦੌਰੇ ਸੁ ਆਯੋ ॥ 253 ॥
ਅਯੋ ਸਿੰਘ ਭਾਰੀ ਸੁ ਤੁੰਡ ਪਸਾਰੀ ।
ਸਭੈ ਸੂਰ ਕੇ ਅਸਵ ਭਾਜੇ ਸੁ ਭਾਰੀ ।
ਰਹੇ ਏਕ ਠਾਂਢੇ ਗੁਰੂ ਦੀਨ ਦਿਆਲਾ ।
ਰਹਿਯੋ ਠਠਕ ਸਿੰਘ ਸੁ ਗਰਜਿਯੋ ਕਰਾਲਾ ॥ 254 ॥
ਦੀਓ ਤਿਆਗ ਘਰਾ ਭਏ ਪੈਰ ਪਿਆਦੇ ।
ਤਿਸੈ ਏਕ ਦੇਖੈ ਸੁ ਏਕਲ ਮ੍ਰਿਜਾਦੇ ।
ਲਿਓ ਢਾਲ ਜਮਧਰ ਸੁ ਹਾਥੈ ਮੁਝਾਰੀ ।
ਕਹਿਯੋ ਸਿੰਘ ਕਉ ਵਾਰ ਕੀਜੈ ਸੁ ਭਾਰੀ ॥ 255 ॥
ਤਬੈ ਐਂਚ ਕੈ ਸਿੰਘ ਨੇ ਚੋਟ ਮਾਰੀ ।
ਸੋਊ ਢਾਲ ਰੋਕੀ ਪ੍ਰਾਕ੍ਸ ਸੰਭਾਰੀ ।
ਤਬ ਬੈਠ ਜਮਧਰ ਤਿਸੀ ਉਦਰਿ ਫੇਰਿਓ ।
ਡਿਗਾ ਭੂਮਿ ਪੈ ਹਰਿ ਗੁਰ ਧਿਆਨ ਜੋਰਿਓ ॥ 256 ॥

ਦੋਹਰਾ

ਧਾਰ ਰੂਪ ਸੁੰਦਰ ਤਬੈ ਕੇਹਰਿ ਚੜਿਓ ਬਿਬਾਨ ।
ਸਭ ਸਿਖਨ ਪ੍ਰਫਨ ਕਰੀਓ ਕੋ ਹੈ ਕ੍ਰਿਪਾ ਨਿਧਾਨ ॥ 257 ॥

¹ਅ ਤੇ ਦ ਪੋਥੀ ਬੀਰ

ਚੌਪਈ

ਤਬ ਕੇਹਰਿ ਸਬ ਭੇਦ ਪ੍ਰਕਾਸ਼ਾ । ਗੁਰ ਨਾਨਕ ਕਾ ਮੈਂ ਹੂੰ ਦਾਸਾ ।
 ਏਕ ਦਿਵਸ ਗੁਰ ਨਿੰਦਾ ਕਰੀ । ਤਾਂਤੇ ਸਿੰਘ ਦੇਹ ਮੈਂ ਧਰੀ ॥ 258 ॥
 ਗੁਰ ਸੇਵਾ ਕਾ ਇਹ ਫਲ ਹੋਯੋ । ਹਰਿ ਗੋਬਿੰਦ ਗੁਰ ਸੰਕਟ ਖੋਯੋ ।
 ਗੁਰ ਦਰਸਨ ਕਰ ਇਹ ਫਲ ਚੀਨੀ । ਅਮਰ ਦੇਹ ਹਮ ਧਾਰ ਨਵੀਨੀ ॥ 259 ॥
 ਅਸ ਕਹਿ ਚੜ ਬਿਬਾਨ ਸੋ ਗਯੋ । ਸਭ ਸਿਖਨ ਮਨ ਆਨੰਦ ਭਯੋ ।
 ਬਹੁ ਪ੍ਰਕਾਰ ਗੁਰ ਖੇਲ ਸਿਕਾਰਾ । ਹਨੇ ਜੀਵ ਗਏ ਸੁਰਗ ਅਪਾਰਾ ॥ 260 ॥
 ਕੋਲਾਂ ਕੀ ਕਥਾ^੧ ਮਨ ਮਾਹਿ ਆਈ । ਪ੍ਰੇਮ ਡੋਰ ਜਨ ਖੈਚ ਚਲਾਈ ।
 ਤਾਂਹਿ ਅੰਤ ਦਿਖ ਦੀਨ ਦਿਆਲਾ । ਖੇਲ ਸਿਕਾਰ ਮੁੜੇ ਤਤਕਾਲਾ ॥ 261 ॥

ਦੋਹਰਾ

ਏਕ ਜਾਮ ਦਿਨ ਕੇ ਰਹੇ ਸਤਿ ਗੁਰ ਦੀਨਾ ਨਾਥ ।
 ਨਿਜ ਮਹਲੀ ਪ੍ਰਾਪਤਿ ਭਏ ਕੋਲਾਂ ਕਰਨ ਸਨਾਥ ॥ 262 ॥
 ਅਤਿ ਪ੍ਰਸੰਨ ਕੋਲਾਂ ਭਈ ਸਤਿਗੁਰ ਰੂਪ ਨਿਹਾਰ ।
 ਬਾਰ ਬਾਰ ਬੰਦਨ ਕਰੀ ਸਤਿਗੁਰ ਰਜ ਸਿਰ ਧਾਰ ॥ 263 ॥

ਚੌਪਈ

ਆਨੰਦ ਸਿਉਂ ਤਹਿ ਲਗੀ ਸਮਾਧਾ । ਲਹਿਯੋ ਸੁ ਭਾਰੀ ਸੁਖਹੁ ਅਗਾਧਾ ।
 ਹਰੀ ਗੋਬਿੰਦ ਬੋਲੇ ਮੁਸਕਾਈ । ਤੁਮਰੇ ਅੰਤ ਸਮਾ ਅਬ ਆਈ ॥ 264 ॥
 ਚਾਰ ਘੜੀ ਤੁਮਰੇ ਹਹਿ ਪ੍ਰਾਨਾ । ਬਹੁਰੇ ਕਰਹਿ ਗਵਨ ਨਿਦਾਨਾ ।
 ਤਬ ਲਉ ਤੁਮਰੇ ਪਾਸ ਰਹਾਵਉ ਕਛੁ ਚਿੰਤਾ ਮਨ ਬੀਚ ਨਾ ਲਯਾਵਉ ॥ 265 ॥
 ਹਾਥ ਜੋਰ ਕੋਲਾਂ ਹੋਇ ਦੀਨ । ਭਾਖੇ ਬਚਨ ਸੁ ਹੁਇ ਅਧੀਨ ।
 ਕੋਨ ਪੁੰਨ ਮੈਂ ਪ੍ਰਭ ਜੀ ਕੀਨੋ । ਜਹ ਕਾਰਨ ਤੁਮ ਦਰਸਨ ਦੀਨੋ ॥ 266 ॥
 ਨੇਤਿ ਨੇਤਿ ਜਹਿ ਬੇਦ ਬਖਾਨੇ । ਤਪੇ ਤਪੀਸਰ ਭੇਦ ਨਾ ਜਾਨੇ ।
 ਤੁਰਕ ਦੇਹ ਮਮ^੨ ਮਹਾਂ ਮਲੀਨਾ । ਅੰਤ ਸਮੇਂ ਮੈਂ ਤੁਮ ਕਉ ਚੀਨਾ ॥ 267 ॥

ਦੋਹਰਾ

ਕੋਨ ਪੁੰਨ ਐਸਾ ਕੀਓ ਹੇ ਪ੍ਰਭ ਦੀਨਾ ਨਾਥ ।
 ਜਹਿ ਫਲ ਤੁਮ ਦਰਸਨ ਦੀਓ ਸੋ ਕਹਿ ਕਰੋ ਸਨਾਥ ॥ 268 ॥

ਸੋਰਠਾ

ਬੋਲੇ ਪ੍ਰਭ ਰਣਧੀਰ ਤੋਹਿ ਪ੍ਰੇਮ ਕੋ ਦੇਖ ਕੈ ।
 ਸੁਨੋ ਚਿਤ ਕਰ ਧੀਰ ਸਭ ਬਿਤ੍ਰੰਤ ਤੋ ਸਿਉ ਕਹਉ ॥ 269 ॥

^੧ਅ ਪੋਥੀ ਹਉਥਾ ^੨ਅ ਪੋਥੀ ਸਿਖ ^੩ਅ ਪੋਥੀ ਮੋਹਿ

ਸਵੈਯਾ

ਇੰਦ੍ਰ ਸਭਾ ਬਹੁ ਭਾਂਤ ਸੁਹਾਵਤ ਗੰਧਬ੍ਰ ਗਾਵਤ ਬੇ ਜਾਹਿ ਭਾਰੀ ।
ਉਰਬਸਿ ਨਾਮ ਤਹਾਂ ਤੁਮਰੋ ਤਹਿ ਨਾਚ ਕਰਹਿ ਸਭ ਮੋਹਤ ਕਾਰੀ ।
ਕਲਪ ਮੁਨੀ ਚਲ ਆਯੋ ਤਹਾਂ ਅਤਿ ਨਾਚਤ ਦੇਖ ਤੁਮੇ ਗੁਣ ਕਾਰੀ ।
ਅਪੁਨੇ ਚਿਤ ਬੀਚ ਸੁ ਯੋ ਤਲਫੇ ਇਕ ਵਾਰ ਦਿਖੇ ਮਮ ਓਰ ਪਿਆਰੀ ॥ 270 ॥

ਚੌਪਈ

ਤਿਹ ਪ੍ਰਤਿ ਤੁਮੇ ਨਾ ਦ੍ਰਿਸ੍ਟ ਪਸਾਰੀ । ਤਬੈ ਕੋਪ ਕੀਨਾ ਮੁਨਿ ਭਾਰੀ ।
ਹੇ ਦੁਸ਼ਟੇ ਤੁਮ ਭੂਮ ਹੀ [ਜਾਵੇ]^੨ । ਮਲੇਛ ਜਨਮ ਧਰ ਬਹੁ ਦੁਖ ਪਾਵੇ ॥ 271 ॥
ਤਬ ਤੁਮ ਹਾਥ ਜੋਰ ਹੋਇ ਦੀਨਾ । ਭਾਖੇ ਮੁਨਿ ਪ੍ਰਤਿ ਬਚਨ ਅਧੀਨਾ ।
ਬਚਨ ਅਮੋਘ ਤੁਮਰੇ [ਪ੍ਰਭੁ]^੩ ਸੁਆਮੀ । ਕਹੋ ਅੰਤ ਮੁਨਿ ਅੰਤਰਜਾਮੀ ॥ 272 ॥
ਕਪਲ ਮੁਨੀ ਆਨੰਦੇ ਭਯੋ । ਸ੍ਰਾਪ ਅੰਤ ਤੁਮ ਕੋ ਕਹ ਦਯੋ ।
ਗੁਰ ਨਾਨਕ ਕੇ ਬੰਸ ਮਝਾਰੇ । ਖਸਟਮ ਗੁਰ ਤੁਮ ਕਰੇ ਉਧਾਰੇ ॥ 273 ॥
ਜਾਇ ਜਨਮ ਕਾਜੀ ਗ੍ਰਿਹ ਪਾਵੇ । ਜੂਠ ਕੂਠ ਤੁਰਕਨ ਕੀ ਖਾਵੇ ।
ਰਾਮ ਪੁਤ੍ਰ ਲਵ ਸ਼ਹਿਰ ਲਾਹੋਰ । ਤਹਾ ਜਨਮ ਪਾਵੇ ਬਚ ਮੋਰ ॥ 274 ॥

ਦੋਹਰਾ

ਗੁਰੂ ਨਾਨਕ ਕੇ ਬੰਸ ਮਾਹਿ ਹਰਿ ਗੋਬਿੰਦ ਅਵਤਾਰ ।
ਜਬੈ ਭੁਜਾ ਤੁਮਰੀ ਗਹੈ ਨਿਹਚੈ ਹੋਇ ਉਧਾਰ ॥ 275 ॥

ਸੋਰਠਾ

ਮੁਨਿ ਉਰਬਸਿ ਤਵ ਨਾਮ ਕੋਲਾਂ ਤਿਹ ਠਾਂ ਹੋਇ ਹੈ ।
ਅੰਤ ਸਮੈਂ ਨਿਹਕਾਮ ਤੁਮ ਕੋ ਦਰਸਨ ਦੇਹਿਗੇ ॥ 276 ॥

ਚੌਪਈ

ਕਪਲ ਮੁਨੀ ਬਚ ਸਤਿ ਸੁ ਭਏ । ਸ੍ਰਾਪ ਖੇਦ^੪ ਤੁਮਰੇ ਅਬ ਗਏ ।
ਜਾਵੇ ਸੁਰਗ ਸੁ ਨਿਜ ਤਨ ਪਾਵੇ । ਉਰਬਸਿ ਅਪਨਾ ਨਾਮ ਸਦਾਵੇ ॥ 277 ॥
ਹਾਥ ਜੋਰ ਕੋਲਾ ਹੂੰ ਦੀਨ । ਕਹਿਯੋ ਪ੍ਰਭੂ ਰਛਯਾ ਤੁਹਿ ਕੀਨ ।
ਜਹਾਂ ਸੁਰਗ ਮਹਿ ਭੂਮਿ ਗਿਰਾਉਂ । ਤੁਛ ਬਾਤ ਤੇ ਸ੍ਰਾਪ ਸੁ ਪਾਵਉਂ ॥ 278 ॥
ਤਹਾਂ ਨਾ ਜਾਵਉ ਹਉ ਅਬ ਸੁਆਮੀ । ਤੁਮਰੀ ਸੇਵਾ ਕਰਉਂ ਮੁਦਾਮੀ ।
ਮੋਕਉ ਇਹੁ ਬਰ ਦੀਜੈ ਨਾਥ । ਦਾਸਨਿ ਪਦ ਦੈ ਕਰੋ ਸਨਾਥ ॥ 279 ॥
ਜਹਾਂ ਜਹਾਂ ਤੁਮਰੇ ਹੈਂ ਦਾਸ । ਤਹਿ ਠਾਂ ਹਮਰਾ ਕਰੋ ਨਿਵਾਸ ।
ਤੁਮਰੀ ਸੇਵਾ ਮਹਿ ਸਦ ਰਹਉਂ । ਜਨਮ ਮਰਨ ਦੁਖ ਸਗਲੇ ਦਹਉਂ ॥ 280 ॥

^੧ਏ ਪੌਥੀ ਤਹਿ ^੨ਏ ਪੌਥੀ ਵਿਚੋਂ ^੩ਏ ਪੌਥੀ ਵਿਚੋਂ ^੪ਅ ਪੌਥੀ ਕਸਟ

ਦੋਹਰਾ

ਤਥਾ ਸਤਿ ਬਚ ਤਬ ਭਾਖਿਯੋ ਕ੍ਰਿਪਾ ਨਿਧਿ ਕਰਤਾਰ ।
ਨਿਜ ਸਰੂਪ ਮਾਂਹਿ ਲੀਨ ਹੁਇ ਕੋਲਾਂ ਭਯੋ ਉਧਾਰ ॥ 281 ॥

ਸੋਰਠਾ

ਭਯੋ ਪ੍ਰਾਨ ਕੋ ਅੰਤ ਕੋਲਾਂ ਗੁਰ ਕੇ ਹੇਤ ਸਿਉ ।
ਜਾਂਹਿ ਸੁ ਪਾਵਤ ਸੰਤ ਸੋ ਬਰ ਗੁਰ ਤੇ ਪਾਇਯੋ ॥ 282 ॥

ਚੌਪਈ

ਧੰਨ ਭਾਗ ਕੋਲਾਂ ਕੇ ਜਾਨੋ¹ । ਬਾਤ ਕਰਤ ਜਿੰਹ ਪ੍ਰਾਨ ਬਿਹਾਨੋ ।
ਜਾਂ ਕੋ ਖੋਜਤ ਨਾਰਦ ਸਾਰਦ । ਅੰਤ ਨਾ ਪਾਵਤ ਬੁਧ ਬਿਸਾਰਦ ॥ 283 ॥
ਅੰਤ ਸਮੈਂ ਤਿਹਿ ਦਰਸਨ ਪਾਏ । ਕੋਲਾਂ ਸਮ ਨਹਿ ਕੋਈ ਗਾਏ ।
ਨਿਜ ਮਨ ਮਹਿ ਗੁਰ ਕੀਨ ਬਿਚਾਰੀ । ਮੁਸਲਮਾਨ ਕੀ ਨਾਰ ਹਕਾਰੀ ॥ 284 ॥
ਮ੍ਰਿਤ ਕਿਰਿਯਾ ਸਭ ਸਰਾ ਸੁ ਕਈ । ਕੋਲਾਂ ਦਫਨ ਕੀ ਆਗਯਾ ਲਈ ।
ਗੋਰ ਕਰੀ ਤਿਹ ਮਧ ਦਬਾਈ । ਬਾਗ ਬੀਚ ਗੁਰ ਤਬੀ ਸੁ ਆਈ ॥ 285 ॥

ਦੋਹਰਾ

ਕੋਲਾਂ ਕੀ ਗਥ ਸਭ ਕਹੀ ਦਯਾ ਸਿੰਧ ਬਚ ਸਾਰ ।
ਭੂਲ ਚੂਕ ਮਮ ਬਖਸ਼ੀਏ ਦਾਸਨ ਦਾਸ ਵਿਚਾਰ ॥ 286 ॥
ਆਗੇ ਇਹ ਗਥ ਹੋਇਗੀ ਉਪਜੈ ਅਨੇਕ ਤਰੰਗ ।
ਪੈਦੇ ਖਾਂ ਕੈ ਵਿਆਹ ਕੋ ਤਹਿ ਅਭਿਰਾਮ ਪ੍ਰਸੰਗ ॥ 287 ॥
ਇਤਿ ਸ੍ਰੀ ਗੁਰ ਬਿਲਾਸ ਕੋਲਾਂ ਕੈ ਉਧਾਰ ਬਰਨਨੇ ਨਾਮ ਦਾਦਸਮੇਂ ਧਿਆਇ ਮਸਤ
ਸੁਭ ਮਸਤ ॥ ਵਾਹਿਗੁਰੂ ॥

ਅਧਿਆਇ ਤੇਰਵਾਂ

ਦੋਹਰਾ

ਕਵਿ ਕੋ ਬੁਧਿ ਏਤੀ ਨਹੀ ਭਾਖਾ ਕਹੇ ਬਨਾਇ ।
ਕ੍ਰਿਪਾ ਸਿੰਧ ਨਿਜ ਬਿਰਦ ਦਿਖ ਹਮਰੀ ਕਰਹਿ ਸਹਾਇ ॥ 1 ॥

ਸੋਰਠਾ

ਸੁਨੀ ਐਸ ਜਬ ਗਾਥ ਮਨੀ ਸਿੰਘ ਬਡ ਗਿਆਨਿ ਤੇ ।
ਨਿਜ ਮਨ ਭਯੋ ਸਨਾਥ ਭਗਤ ਸਿੰਘ ਬਿਨਤੀ ਕਰੀ ॥ 2 ॥

ਚੌਪਈ

ਅਨਿਕ ਜਨਮ ਹਉਂ ਭਯੋ ਦੁਖਾਰੀ । ਚੋਰਾਸੀ ਲਖ ਜੂਨ ਭ੍ਰਮਾਰੀ¹ ।
ਸਫਲ ਜਨਮ ਅਬ ਹਮਰਾ ਭਯੋ । ਜਨਮ ਮਰਨ ਸਭ ਸੰਸਾਰੀ ॥ 3 ॥
ਆਗੇ ਕਹੋ ਪ੍ਰਸੰਗ ਸੁ ਭਾਰੀ । ਜੋ ਕੌਤਕ ਹੈ ਕੀਨ ਮੁਰਾਰੀ ।
ਭਗਤ ਸਿੰਘ ਕਹਿ ਚਰਨਨ ਪਰਿਯੋ । ਮਨੀ ਸਿੰਘ ਮਨ ਆਨੰਦ ਭਰਿਯੋ ॥ 4 ॥

ਸੋਰਠਾ

ਏਕ ਮਹੂਰਤ ਧਯਾਨ ਮਨੀ ਸਿੰਘ ਨਿਜ ਮਨ ਕੀਓ ।
ਸਤਿਗੁਰ ਚਰਿਤ ਗਿਆਨ ਸਭੀ ਸਮਝ ਤਬ ਭਾਖਿਓ ॥ 5 ॥

ਚੌਪਈ

ਕੋਲਾ ਪ੍ਰਾਨ ਅੰਤ ਜਬ ਹੋਈ । ਗੁਰ ਪ੍ਰਤਾਪ² ਸੰਕਟ ਸਭ ਖੋਈ ।
ਤਾਂਹਿ ਪ੍ਰੇਮ ਗੁਰ ਰਿਦੈ ਚਿਤਾਰੀ । ਨੀਰ ਚਲਯੋ ਨੈਨਨ ਤੇ ਭਾਰੀ ॥ 6 ॥
ਤਬ ਸਤਿਗੁਰ ਐਸੇ ਪੁਨ ਕੀਨਾ । ਬਹੁ ਧੀਰਜ ਨਿਜ ਮਨ ਕਉ ਦੀਨਾ ।
ਪੈਦੇ ਖਾਂ ਤਬ ਰੋਇ ਪ੍ਰਕਾਰੀ³ । ਹਾਇ ਮਾਤ ਤੁਮ ਕਹਾਂ ਸਿਧਾਰੀ ॥ 7 ॥
ਕ੍ਰਿਪਾ ਸਿੰਧ ਤਹਿ ਧੀਰ ਧਰਾਏ । ਕਛੁਕ ਕਾਲ ਇਹ ਭਾਂਤ ਬਿਤਾਏ ।
ਮੇਲਾ ਅਨਿਕ ਭਾਂਤ ਨਿਤ ਹੋਵੈ । ਗੁਰ ਦਰਸਨ ਕਰਿ ਸੰਕਟ ਖੋਵੈ ॥ 8 ॥

ਦੋਹਰਾ

ਜੋ ਇਛਾ ਮਨ ਮਹਿ ਕਰੈ ਸਤਿਗੁਰ ਦਰਸਨ ਆਇ ।
ਸਭੈ ਕਾਮ ਪੂਰਨ ਕਰਹਿ ਕ੍ਰਿਪਾ ਸਿੰਧ ਹਰਖਾਇ ॥ 9 ॥

¹ਅ ਪੌਥੀ ਭਟਕਾਰੀ ²ਅ ਤੋ ਦ ਪੌਥੀ ਕ੍ਰਿਪਾ ³ਅ ਪੌਥੀ ਉਚਾਰ

ਸੋਰਠਾ

ਕਰਮ ਕਾਲ ਕੀ ਬਾਤ ਸੁਨੋ ਸੰਤ ਚਿਤ ਦੇ ਸਭੈ ।
ਪੈਦੇ ਖਾਂ ਉਤਪਾਤ ਨਿਜ ਮਨ ਬੀਚ ਚਿਤਾਰਿਯੋ ॥ 10 ॥

ਚੌਪਈ

ਏਕ ਦਿਵਸ ਮਿਲ ਬੈਠ ਪਠਾਨਾ । ਨਿਜ ਨਿਜ ਬਾਤਾਂ ਕਰੇ ਬਖਾਨਾ ।
ਪੈਦੇ ਖਾਂ ਤਿੰਹ ਪ੍ਰਾਪਤ ਭਯੋ । ਸਭ ਪਠਾਨ ਮਨ ਆਨੰਦ ਲਹਿਯੋ ॥ 11 ॥
ਅਨਿਕ ਭਾਂਤ ਕੀ ਚਰਚਾ ਕਰੀ । ਨਿਜ ਨਿਜ ਸੋਭ ਸਭਨ ਅਤਿ ਰਰੀ ।
ਪੈਦੇ ਖਾਂ ਨਿਜ ਉਪਮ ਉਚਾਰੀ । ਮੇਰੇ ਸਮ ਨਹਿ ਕੋ ਬਲਿਕਾਰੀ ॥ 12 ॥
ਅੰਮ੍ਰਿਤਸਰ ਕਉ ਜੁਧ ਮੈਂ ਕੀਨੋ । ਨਿਜ ਬਲ ਫਤੇ¹ ਸਭਨ ਤੇ ਲੀਨੋ ।
ਜੇ ਹਮ ਤਹਾਂ ਨਾ ਜੁਧ ਕਰਾਵਹਿ । ਜੰਗ ਫਤੇ ਗੁਰ ਕਬਹੂੰ ਨਾ ਪਾਵਹਿ ॥ 13 ॥
ਕਿਆ ਕਹਿ ਹਉ ਨਿਜ ਬਲ ਕੀ ਗਾਥਾ । ਸਪਤ ਹਜ਼ਾਰ ਹਨਾ ਬਲ ਸਾਥਾ ।
ਭਾਰੀ ਬਲ ਦਿਖ ਉਪਮਾ ਕਰਹਿ । ਅਤਿ ਆਦਰ ਗੁਰ ਮੇਰਾ ਧਰਹਿ² ॥ 14 ॥

ਦੋਹਰਾ

ਗੁਰ ਸੈਨਾ ਮੇ ਕੋ ਨਹੀਂ ਮੇਰੇ ਸਮ ਬਲਿਕਾਰ ।
ਸਭੈ ਤੁਰਕ ਭੈ ਮਾਨਤੇ ਕੋਉ ਨਾ ਸਕੇ ਨਿਹਾਰ ॥ 15 ॥

ਸੋਰਠਾ

ਸੁਨੀ ਐਸ ਜਬ ਬਾਤ ਪਠਾਨ ਮਿਲ ਤਿੰਹ ਕਹਾ ।
ਰੇਤ ਅਧਿਕ ਤਪਤਾਤਿ ਰਵਿ ਬਲ ਛੁਦ੍ਰ ਨਾ ਜਾਨਹੀ ॥ 16 ॥

ਚੌਪਈ

ਕ੍ਰਿਪਾ ਸਿੰਧ ਮਨ ਕੀਨ ਬਿਚਾਰੇ । ਘਟਿ ਘਟਿ ਕੇ ਹਰਿ³ ਜਾਨਨਹਾਰੇ ।
ਪੈਦੇ ਖਾਂ ਕੋ ਮਾਨ ਨਿਹਾਰੀ । ਦੂਰ ਕਰਨ ਕੀ ਬਾਤ ਚਿਤਾਰੀ ॥ 17 ॥
ਭਲੇ ਪੁਰਸ਼ ਬਹੁ ਜਲਦ ਨਾ ਕਰੇ । ਸਨੇ ਸਨੇ ਤਿੰਹ ਕਾਟਨ ਧਰੇ ।
ਹਰਿ ਗੋਬਿੰਦ ਅਸ ਕੀਨ ਉਪਾਉ । ਪੈਦੇ ਖਾਂ ਕੋ ਵਿਵਾਹ ਰਚਾਉ ॥ 18 ॥
ਮੀਰ ਛੋਟੇ ਇਕ ਬਸੈ ਪਠਾਨ । ਜਾਂਕੀ ਸੋਭ ਸਕਲ ਜਗ ਜਾਨ ।
ਤਿੰਹ ਪੁਤ੍ਰੀ ਸਿਉ ਕੀਨ ਸਗਾਈ । ਪੈਦੇ ਖਾਂ ਮਨ ਭਈ ਬਧਾਈ ॥ 19 ॥
ਕਿਤਕ ਦਿਵਸ ਮੈ ਕੀਨ ਵਿਯਾਹੁ । ਪੈਦੇ ਖਾਂ ਮਨ ਬਧੀ ਸੁ ਚਾਹੁ ।
ਜਬ ਵਿਵਾਹ ਡੋਲੀ ਗ੍ਰਿਹ ਲਯਾਯੋ । ਨਰ⁴ ਨਾਰੀ⁵ ਮਿਲ ਮੰਗਲ ਗਾਯੋ ॥ 20 ॥
ਸੁੰਦਰ ਮੁੰਦਰ⁶ ਦੀਨ ਸਵਾਰੀ । ਮੀਰ ਛੋਟੇ ਬਹੁ ਭਾਂਤ ਸੁਧਾਰੀ ।
ਪੈਦੇ ਖਾਂ ਕੋ ਨਿਕਟ ਬੁਲਾਯੋ । ਦਯਾ ਸਿੰਧ ਇਹ ਭਾਂਤ ਸਿਖਾਯੋ ॥ 21 ॥

¹ਅ ਪੌਥੀ ਜੀਤ ²ਏ ਪੌਥੀ ਕਰਹਿ ³ਅ ਪੌਥੀ ਪ੍ਰਭੂ ⁴ਅ ਪੌਥੀ ਸਭ ਨਾਰਨਿ ⁵ਅ ਪੌਥੀ ਸਦਨ

ਦੋਹਰਾ

ਪੈਦੇ ਖਾਂ ਕਉ ਇਹ ਕਹਿਯੋ ਕ੍ਰਿਪਾ ਸਿੰਧ ਕਰਤਾਰ ।
ਬਚਨ ਮਾਨ ਮੋਰੇ ਬਸੋ ਨਿਜ ਗ੍ਰਿਹਿ ਆਨੰਦ ਧਾਰ ॥ 22 ॥

ਸੋਰਠਾ

ਰਚੇ ਸੁ ਸੁੰਦਰ ਗ੍ਰਿਹ ਮੀਰ ਛੋਟੇ ਬਹੁ ਭਾਂਤ ਕੇ ।
ਤਿਹ ਬਸ ਆਨੰਦ ਲੇਹ ਨਿਜ ਇਸਤ੍ਰੀ ਸਿਉ ਪ੍ਰੀਤਿ ਕਰ ॥ 23 ॥

ਚੌਪਈ

ਪੈਦੇ ਖਾਂ ਇਕ ਬਾਤ ਉਚਾਰੀ । ਮਹਾਰਾਜ ਪਰ ਪੀਰ ਨਿਵਾਰੀ ।
ਤੁਮਤੇ ਜੁਦਾ ਨਾ ਕਬਹੀ ਹੋਵਉਂ । ਕਰਿ ਦਰਸਨ ਦੁਖ ਸਗਲੇ ਖੋਵਉਂ ॥ 24 ॥
ਹਰਿਗੋਬਿੰਦ ਇਹ ਬਾਤ ਸੁਨਾਈ । ਨਿਜ ਗ੍ਰਿਹਿ ਬਸੋ ਸੁ ਆਨੰਦ ਪਾਈ ।
ਚੜੇ ਦਿਵਸ ਮਮ¹ ਨਿਕਟ ਸੁ ਆਵਉ । ਜਿਤਕ ਕਾਲ ਹਮ ਇਹਾਂ ਰਹਾਵਉ ॥ 25 ॥
ਮਾਯਾ ਭ੍ਰਮ ਮਾਨੇ ਤਿਹ ਬੈਨਾ । ਬਸਯੋ ਰੈਨ ਗ੍ਰਿਹਿ ਹੋਇ ਸੁ ਚੈਨਾ ।
ਚੜੇ ਦਿਵਸ ਗੁਰ ਨਿਕਟਿ ਪਧਾਰੇ । ਕ੍ਰਿਪਾ ਸਿੰਧੁ ਸਭ ਕਾਜ ਸਵਾਰੇ ॥ 26 ॥
ਭਾਂਤ ਭਾਂਤ ਗੁਰ ਖੇਲ ਸ਼ਿਕਾਰਾ । ਦੋਖੀ ਜੀਵ ਕਿਤਕ ਹਨ ਡਾਰਾ ।
ਦੀਨਨ ਕੀ ਰਖਯਾ ਨਿਤ ਕਰਹਿ । ਪਾਪੀ ਨਰ ਕੋਈ ਦ੍ਰਿਸਟ ਨਾ ਪਰਹਿ ॥ 27 ॥

ਦੋਹਰਾ

ਭਾਂਤ ਭਾਂਤ ਕੋਤਕ ਕਰਹਿ ਸ੍ਰੀ ਗੁਰ ਹਰਿ ਗੋਬਿੰਦ ।
ਪੁਰ ਕਰਤਾਰ ਜਸ ਪ੍ਰਗਟਿਓ ਸੀਤਲ [ਕਿਰਣੁ]² ਸੁ ਚੰਦ ॥ 28 ॥

ਸੋਰਠਾ

ਜਾਹਿ ਨਾ ਪਾਵਤ ਬੇਦ ਅੰਤ ਅਮਿਤ ਅਨੰਤਹੀ ।
ਸੋ ਧਰ ਰੂਪ ਅਛੇਦ ਦੀਨਨ ਕੀ ਰਖਯਾ ਕਰੈ ॥ 29 ॥

ਚੌਪਈ

ਕਿਤਕ ਦਿਵਸ ਇਹ ਭਾਂਤ ਬਿਤਾਏ । ਸਤਿਗੁਰ ਕੋਤਕ ਕਰਤ ਮਹਾਏ ।
ਕ੍ਰਿਪਾ ਸਿੰਧੁ ਕੇ ਚਰਿਤ ਅਧਾਰੂ । ਅਲਪ ਬੁਧਿ ਨਹਿ ਜਾਤ ਬਿਚਾਰੂ ॥ 30 ॥
ਭਗਤ ਸਿੰਘ ਸੁਨਿ ਹਰਖਤ ਭਯੋ । ਜਨਮ ਮਰਨ ਸੰਸਾ ਮਿਟ ਗਯੋ ।
ਮਨੀ ਸਿੰਘ ਗਥ ਔਰ ਬਿਚਾਰੀ । ਸੋ ਕਵਿ ਕਹਿਤ ਸੁਨੋ ਨਿਰਧਾਰੀ ॥ 31 ॥
ਦਯਾ ਸਿੰਧੁ ਸਤਿਗੁਰ ਕਰਤਾਰਾ । ਭਾਂਤ ਭਾਂਤ ਕੇ ਖੇਲ ਸ਼ਿਕਾਰਾ ।
ਏਕ ਦਿਵਸ ਮਨ ਐਸ ਬਿਚਾਰੀ । ਚਲਹਿ ਬਾਗ ਨਿਜ ਨੈਨ ਨਿਹਾਰੀ ॥ 32 ॥
ਪੈਦੇ ਖਾਂ ਨਿਜ ਸੰਗ ਲਵਾਏ । ਬਾਗ ਮਧ ਸ੍ਰੀ ਗੁਰ ਤਬ³ ਆਏ ।
ਕਾਰੀ ਘਨ ਘਟ ਬਿਰਛ ਉਪਾਰੀ । ਮਨੋ ਰੈਨ ਨਿਜ ਨੈਨ ਨਿਹਾਰੀ ॥ 33 ॥

¹ਅ ਪੋਥੀ ਹਮ ²ਏ ਪੋਥੀ ਵਿਚੋਂ ³ਅ ਪੋਥੀ ਸਤਿਗੁਰੂ

ਦੋਹਰਾ

ਭਾਂਤ ਭਾਂਤ ਹੋਵਤ ਤਹਾਂ ਮੋਰਨ ਸਬਦ ਅਪਾਰ ।
ਬਿਰਛਨ ਘਟਾ ਸੰਭਾਰ ਕੈ ਪਾਇਲ ਕਰੈ ਬਿਚਾਰ ॥ 34 ॥

ਸੋਰਠਾ

ਕੀਨੋ ਬਹੁਤ ਆਨੰਦ ਸਤਿਗੁਰ ਬਾਗ ਨਿਹਾਰ ਕੈ ।
ਬਾਗ ਨਿਸਾ ਗੁਰ ਚੰਦ ਕਹਿ ਲਗਿ ਉਪਮਾ ਕਵਿ ਕਹੈ ॥ 35 ॥

ਸਵੈਯਾ

ਫੂਲ ਸੁਫੇਦ ਨਿਖਯਤੁ ਬਿਰਾਜ ਅਰਾਕ ਸੁ ਸੁੰਦਰ ਰਾਹੁ ਸਹਾਈ ।
ਬਾਗ ਨਿਸਾ ਗੁਰ ਚੰਦ ਨਿਹਾਰ ਸੁ ਹਰਖ ਕੀਓ ਜਨ ਸੰਪਤ ਪਾਈ ।
ਖਾਨ ਪ੍ਰਸੰਨ ਭਯੋ ਮਨ ਮਹਿ ਉਪਮਾਂ ਬਹੁ ਬਾਰ ਬਿਨੈ ਅਤਿ ਗਾਈ ।
ਬਹੁਤ ਆਨੰਦ ਚਕੋਰ ਕੀਓ ਗੁਰ ਰੂਪ ਨਿਹਾਰ ਸੁ ਆਨੰਦ ਪਾਈ ॥ 36 ॥

ਚੌਪਈ

ਯੋਂ ਪ੍ਰਭ ਜੀ ਸਭ ਬਾਗ ਨਿਹਾਰਿਓ । ਫੂਲ ਪਤ੍ਰ ਦਿਖ ਆਨੰਦ ਧਾਰਿਯੋ ।
ਕਿਸੀ ਔਰ ਸੁਭ ਥਾਨ ਦਿਖਾਏ । ਬੈਠੇ ਗੁਰ ਧਰਿ ਹਰਖ ਮਹਾਏ ॥ 37 ॥
ਪੈਦੇ ਖਾਂ ਕੋ ਨਿਕਟ ਬੈਠਾਯੋ । ਬਾਗ ਉਪਮ ਤਬ ਸ੍ਰੀ ਮੁਖ ਗਾਯੋ ।
ਪੈਦੇ ਖਾਂ ਮਨ ਹਰਖ ਧਰਾਵਉ । ਹਮ ਸੋ ਚੌਪਰੋ ਖੇਲ ਮਚਾਵਉ ॥ 38 ॥
ਤਬ ਗੁਰ ਚੌਪਰ ਖੇਲ ਮਚਾਈ । ਭਾਂਤ ਭਾਂਤ ਕੇ ਦਾਵ ਧਰਾਈ¹ ।
ਪਰਤ ਦਾਵ ਸਤਿਗੁਰ ਜੋ ਮਾਂਗੈ । ਚਾਹਤ ਖਾਨ ਨ ਆਵਤ ਆਗੈ ॥ 39 ॥
ਤਬ ਲਉ ਏਕ ਪਠਾਨ ਸੁ ਆਯੋ । ਭਾਂਜ ਖਾਇ ਕਿਹੂੰ ਓਰ ਸਿਧਾਯੋ ।
ਤਿਸੀ ਠਵਰ ਸੋਈ ਚਲ ਆਇ । ਕ੍ਰਿਪਾ ਸਿੰਧ ਜਹਿ ਖੇਲ ਰਚਾਇ ॥ 40 ॥
ਮੁਸਾਹਿਬ ਬਡੋ ਸ਼ਾਹਿ ਕਾ ਜਾਨੋ । ਸ਼ਾਹਿਜਹਾਂ ਤਹਿ ਰਾਖਤ ਮਾਨੋ ।
ਸਭਾ ਮਧ ਜਬ ਹੀ ਚਲ ਆਵੈ । ਹਜ਼ਰਤ ਤਿਸ ਕੋ ਨਿਕਟ² ਬਿਠਾਵੈ ॥ 41 ॥

ਦੋਹਰਾ

ਸ਼ਾਹਜਹਾਂ ਮਨ ਕੋਪ ਕਰ ਦੀਨੀ ਸੈਨ ਅਪਾਰ ।
ਪਹਾੜ ਓਰ ਤਹਿ ਭੇਜਿਯੋ ਸਸਤ੍ਰ [ਅਸਤ੍ਰ]³ ਬਹੁ ਧਾਰ ॥ 42 ॥
ਚਲਯੋ ਖਾਨ ਤਹਿ ਪਾਇ ਕੈ ਬਹੁ ਜੁਧ ਕੀਨਾ ਤਾਂਹਿ ।
ਨਿਜ ਸੈਨਾ ਹਤ ਦੇਖ ਕੈ ਭਾਜਿਯੋ ਅਤਿ ਦੁਖ ਪਾਹਿ ॥ 43 ॥

ਚੌਪਈ

ਆਇ ਸ਼ਾਹਿ ਕੋ ਨਿਕਟ ਪ੍ਰਕਾਰਾ । ਹਜ਼ਰਤ ਰਾਜਾ ਬਲੀ ਅਪਾਰਾ ।
ਸੈਨ ਸਭੈ ਹਮਰੀ ਹਤ ਕੀਨੀ । ਮਮ ਮਾਰਨ ਕੀ ਆਗਿਆ ਦੀਨੀ ॥ 44 ॥

¹ਅ ਪੋਥੀ ਚਲਾਈ ²ਅ ਤੇ ਦ ਪੋਥੀ ਪਾਸਿ ³ਅ ਪੋਥੀ ਵਿਚੋਂ

ਭਾਜ ਨਿਕਟ ਮੈਂ ਤੁਮਰੇ ਆਯੋ । ਸਭ ਬ੍ਰਿਤੰਤ ਹਮ ਤੁਮੇ ਸੁਨਾਯੋ ।
 ਸਾਹਿਜਹਾਂ^੧ ਸੁਨ ਕੋਪ ਸੁ ਕੀਨੋ । ਬਹੁ ਧਿਰਕਾਰ ਤਿਸੀ ਕੋ ਦੀਨੋ ॥ 45 ॥
 ਸਾਹਿਜਹਾਂ ਤਬ ਐਸ ਉਚਾਰੀ । ਅਗੂ ਨੈਨ ਨਹਿ ਹੋਇ ਹਮਾਰੀ ।
 ਲਾਜ ਖਾਨ ਅਸ ਮਨ ਮਹਿ ਪਾਈ । ਠੌਰ ਤਿਆਗ ਕਿਤ ਔਰ ਸਿਧਾਈ ॥ 46 ॥
 ਕਰਤ ਵਿਚਾਰ ਖਾਨ ਮਨ ਭਯੋ । ਸ੍ਰੀ ਗੁਰ ਦਰਸ ਤਬੈ ਤਕ ਅਯੋ ।
 ਆਇ ਨਿਕਟ ਗੁਰ ਕੇ ਯੋ ਨਾਢਾ । ਨਖ ਸਿਖ ਤਿਸੈ ਮਾਨ ਬਹੁ ਬਾਢਾ ॥ 47 ॥

ਦੋਹਰਾ

ਗਰਬ ਪ੍ਰਹਾਰੀ ਸ੍ਰੀ ਗੁਰੂ ਰਹੇ ਆਪਨੇ ਧਯਾਨ ।
 ਚੋਪਰ ਖੇਲਤ ਪ੍ਰੇਮ ਸਿਉ ਕਰਤ ਦਾਵ ਮਨ ਮਾਨ ॥ 48 ॥

ਸੋਰਠਾ

ਖਾਨ ਓਰ ਨਹੀਂ ਚੀਨ ਤਬੈ ਖਾਨ ਰਿਸ ਧਾਰਿਕੈ ।
 ਕਹਿਯੋ ਮਾਨ ਨਹਿ ਕੀਨ ਬਡੋ ਗਰਬ ਜੁਤ ਮਾਨ ਏਹ ॥ 49 ॥

ਚੌਪਈ

ਤਬ ਪਠਾਨ ਮਨ ਐਸੇ ਆਈ । ਕਾਟ ਸੀਸ ਇਹ ਦੇਹੁ ਬਗਾਈ ।
 ਨਹਿ ਆਦਰ ਗੁਰ ਮੇਰਾ ਕੀਨਾ । ਅਸ ਕਹਿ ਤੇਗ ਧਾਰ ਕਰ ਲੀਨਾ ॥ 50 ॥
 ਨਿਜ ਮਨੇ ਮਹਿ ਅਸ ਕੀਨ ਸਲਾਹਾ । ਸਤਿਗੁਰ ਮਾਰਨ ਕੀ ਚਿਤ ਚਾਹਾ ।
 ਜਬ ਹੀ ਹਾਥ ਤੇਗ ਪੈ ਧਰਯੋ । ਕਛੂਕ ਖੈਂਚ ਬਹੁਤ ਰਿਸ ਪਰਿਯੋ ॥ 51 ॥
 ਫੇਰ ਕਟਾਖ ਦਿਖਾਇ ਗੁਰ ਪੂਰੇ । ਜਸ ਕ੍ਰੋਧ ਹੋਵਤ ਅਰਿ ਚੂਰੇ ।
 ਸ੍ਰੀ ਮੁਖ ਭਾਖੇ ਬੈਨ ਅਲਾਈ । ਤੁਮ ਨਿਜ ਕਉ ਹੈ ਸੂਰ^੨ ਕਹਾਈ ॥ 52 ॥
 ਜਹਾਂ ਤੇਗ ਮਾਰਨ ਕਾ ਥਾਨ । ਅਯੋ ਭਾਜ ਤਹਿ ਤੇ ਮਤਿ ਹਾਨ ।
 ਫਕਰਨ ਪਰ ਆਇ ਤੇਗ ਧਰਾਈ । ਨਿਜ ਤਨ ਕਾ ਕਿਉਂ ਨਾਸ ਕਰਾਈ ॥ 53 ॥

ਦੋਹਰਾ

ਹਾਥ ਤੇਗ ਤੁਮਰੇ ਰਹੇ [ਪ੍ਰਭੁ]^੩ ਜੀ ਹਨੇ ਪ੍ਰਾਨ ।
 ਮਾਨੀ ਕਉ ਨਹਿ ਥਾਨ ਹੈ ਨਿਮਾਨਿਆਂ ਕੇ ਗੁਰ ਮਾਨ ॥ 54 ॥

ਸੋਰਠਾ

ਸੁਨੇ ਬਚਨ ਅਸ ਕਾਨ ਕ੍ਰਿਪਾ ਸਿੰਧ ਅਸ ਗੁਰੂ ਕੇ ।
 ਅੰਤਰਜਾਮੀ ਜਾਨ ਆਰਤ ਹੋਇ ਗੁਰ ਪਗ ਪਰਾ ॥ 55 ॥

ਚੌਪਈ

ਛਿਮੋ ਭੁਲ ਹਮਰੀ ਹੈ^੪ ਸਵਾਮੀ । ਕ੍ਰਿਪਾ ਸਿੰਧ ਤੁਮ ਅੰਤਰਜਾਮੀ ।
 ਤੁਮਰੀ ਮਾਇਆ ਹੈ ਬਲਵੰਤਾ । ਜਾਹਿ ਭ੍ਰਮਾਯੋ ਅਤਿ ਮੁਹਿ ਜੰਤਾ ॥ 56 ॥

^੧ਦ ਪੋਥੀ ਬਾਦਸਾਹਿ ^੨ਅ ਪੋਥੀ ਬੀਰ ^੩ਅ ਪੋਥੀ ਵਿਚੋਂ ^੪ਅ ਪੋਥੀ ਪ੍ਰਭੁ

ਭੂਲ ਛਿਮਾਪਨ ਹਮਰੀ ਕੀਜੈ । ਨਿਜ ਚਰਨਨ ਕਾ ਦਾਸ ਕਰੀਜੈ ।
 ਆਰਤ ਹੁਇ ਘਿਘਿਆਨੋ ਜਬ ਹੀ । ਸਿਖਿਆ ਬਚ ਭਾਖੇ ਗੁਰ ਤਬ ਹੀ ॥ 57 ॥
 ਕਿਸੀ ਸੰਤ ਪਰ ਕੋਪ¹ ਨ ਕਰੋ । ਸਾਧ ਅਵਿਗਯਾ ਤੇ ਸਦ ਟਰੋ ।
 ਸੰਤ ਸਾਧ ਕੀ ਸੇਵਾ ਕਰੀਯੋ । ਸਤਿਗੁਰ ਓਟ ਸਦਾ ਚਿਤ ਧਰੀਯੋ ॥ 58 ॥
 ਸਤਿਗੁਰ ਸਿਖ ਖਾਨ ਤਬ ਹੋਯੋ । ਜਨਮ ਮਰਨ ਸੰਸਾ ਸਭ ਖੋਯੋ ।
 ਕ੍ਰਿਪਾ ਸਿੰਧ ਤਬ ਬਚਨ ਉਚਾਰੇ । ਜਾਹੁ ਖਾਨ ਨਿਜ ਸਦਨ ਮਝਾਰੇ ॥ 59 ॥

ਦੋਹਰਾ

ਖਾਨ ਕਹਿਯੋ ਅਤਿ ਦੀਨ ਹੂੰ ਹਉ ਚਰਨਨ ਕਾ ਦਾਸ ।
 ਬਾਦਸ਼ਾਹ ਮੁਹਿ ਤਿਆਗਿਯੋ ਕੈਸੇ ਚਲਉਂ ਸੁ² ਪਾਸ ॥ 60 ॥

ਸੋਰਠਾ

ਦਿਖਾ ਖਾਨ ਅਤਿ ਦੀਨ ਸਤਿਗੁਰ ਭਏ ਦਯਾਲ ਤਬ ।
 ਕਹਿਯੋ ਜਾਹੁ ਪ੍ਰਬੀਨ ਬਹੁ ਆਦਰ ਤੁਮਰਾ ਕਰੈ ॥ 61 ॥

ਚੌਪਈ

ਸ੍ਰੀ ਮੁਖ ਤੇ ਗੁਰ ਬਚਨ ਉਚਾਰੇ । ਜਾਇ ਖਾਨ ਨਿਜ ਸਦਨ ਮਝਾਰੇ ।
 ਮਨਸਬ ਤੁਮਰਾ ਅਧਿਕ ਸੁ ਹੋਵੈ । ਗੁਰੁ ਨਾਨਕ ਸਭ ਸੰਕਟ ਖੋਵੈ ॥ 62 ॥
 ਬਚਨ ਮਾਨ ਗੁਰ ਖਾਨ ਸੁ ਗਯੋ । ਆਗੁਲ ਚਰਿਤ ਸੁਨੋ ਜੋ ਭਯੋ ।
 ਬਾਦਸ਼ਾਹ ਜਬ ਖਾਨ ਨਿਹਾਰਿਯੋ । ਬਹੁਤ ਕੋਧ ਮਨ ਭੀਤਰ³ ਧਾਰਿਯੋ ॥ 63 ॥
 ਪਾਛੇ ਮਨ ਮਹਿ ਐਸ ਵਿਚਾਰੀ । ਖਾਨ ਸੂਰ ਥਾ ਮੁਝੇ ਅਪਾਰੀ ।
 ਕਿਆ ਭਯੋ ਏਕ ਵਾਰ ਭਜ ਆਯੋ । ਇਹ ਸਮ ਸੂਰ ਨ ਕੋ ਮਮ ਭਾਯੋ ॥ 64 ॥
 ਅਬ ਤਹਿ ਕੀ ਸੁਧ ਜਿਹ ਠਾਂ ਪਾਵਉ । ਕਰ ਸਨਮਾਨ ਤਿਸੈ ਗਹਿ ਲਯਾਵਉ ।
 ਤਾਹੀ ਸਮੇਂ ਕਿਸੀ ਨਰ ਕਹਿਯੋ । ਖਾਨ ਸਾਹਿ ਜੀ ਇਹ ਠਾਂ ਅਯੋ ॥ 65 ॥

ਦੋਹਰਾ

ਇਹ ਸੁਨ ਸਾਹਿਜਹਾਂ⁴ ਤਬੈ ਕਰਯੋ ਹਰਖ ਮਨ ਭਾਰ ।
 ਖਾਨ ਬੁਲਾਯੋ ਨਿਕਟ ਤਬ ਅਤਿ ਆਦਰ ਤਿਹ ਧਾਰ ॥ 66 ॥

ਸੋਰਠਾ

ਕੀਨੋ ਤਾਂਹਿ ਵਜ਼ੀਰ ਸਾਹਜਹਾਂ ਤਬ ਆਪਨੋ ।
 ਕ੍ਰਿਪਾ ਸਿੰਧ ਰਣਧੀਰ ਕੀਰੀ ਤੇ ਹਸਤੀ ਕਰਿਯੋ ॥ 67 ॥

ਚੌਪਈ

ਅਨਿਕ ਪਤਿਤ ਕਾ ਕੀਨ ਉਧਾਰੇ । ਦਯਾ ਸਿੰਧੁ ਸ੍ਰੀ ਗੁਰ ਕਰਤਾਰੇ ।
 ਨਿਹਕੰਟਕ ਸੇਵਾ ਗੁਰ ਕਰੈ । ਮਨ ਬਾਂਛਤ ਫਲ ਕਰ ਮਹਿ ਧਰੈ ॥ 68 ॥

¹ਏ ਪੋਥੀ ਕੋਪੁ ²ਅ ਤੇ ਏ ਪੋਥੀ ਤਿਸ ³ਏ ਪੋਥੀ ਅੰਤਰਿ ⁴ਏ ਪੋਥੀ ਪਾਤਸਾਹਿ

ਬਾਜੀ ਜੀਤ ਉਠੇ ਗੁਰ ਪੂਰੇ । ਜਾਸ ਉਪਮ ਸਭ ਜਗ ਭਰਪੂਰੇ ।
 ਨਿਜ ਡੇਰੇ ਸ੍ਰੀ ਗੁਰ ਜਬ ਆਏ । ਅਨਿਕ ਭਾਂਤ ਕੇ ਮੰਗਲ ਗਾਏ ॥ 69 ॥
 ਕ੍ਰਿਪਾ ਸਿੰਧ ਕੀ ਕਥਾ ਅਪਾਰੀ । ਸੇਸ ਰਟਤ ਨਹਿ ਆਵੈ ਪਾਰੀ ।
 ਅਨਿਕ ਸਿਖ ਤਾਰੇ ਨਹਿ ਅੰਤਾ । ਸ੍ਰੀ ਸਤਿਗੁਰ ਧਰਿ ਰੂਪ ਅਨੰਤਾ ॥ 70 ॥
 ਮੈ ਹਉ ਜੀਵ ਤੁਛ ਮਤਾ¹ ਮੇਰੀ । ਕ੍ਰਿਪਾ ਸਿੰਧ ਕੀ ਗਾਥ ਘਨੇਰੀ ।
 ਮੇਰੀ ਭੂਲ ਛਿਮਾਪਨ ਕਰੀਯੋ । ਪਤਿਤ ਉਧਾਰ ਬਿਰਦ ਚਿਤ ਧਰੀਯੋ ॥ 71 ॥

ਦੋਹਰਾ

ਹਰਿ ਗੋਵਿੰਦ ਗੁਰ ਕੇ ਚਰਿਤ ਜੋ ਸੁਨ ਹੈ ਮਨ ਲਾਇ ।
 ਚਾਰ ਪਦਾਰਥ ਘਰ² ਲਹੈ³ ਕਾਲ ਨਿਕਟਿ ਨਹਿ ਆਇ ॥ 72 ॥

ਚੌਪਈ

ਅਥਯੋ ਸੂਰ ਪੁਨ ਦਧ ਸੁਤਿ ਆਯੋ । ਮਦਨ ਨਾਰਿ ਮਨ ਆਨੰਦ ਪਾਯੋ ।
 ਖਿਰੇ ਨਖਤ੍ਰ ਮਨ ਹਰਖ ਧਰਾਈ । ਹਰਖ ਸਾਵਰੀ ਨਿਜ ਪਤਿ ਪਾਈ ॥ 73 ॥
 ਤੀਨ ਪਹਿਰ ਨਿਸ ਭਈ ਬਿਤੀਤਾ । ਜਾਗੇ ਗੁਰ ਸਦ ਮਨ ਭਵ ਜੀਤਾ ।
 ਸਭੀ ਸੋਚ ਕਰ ਮਜਨ ਕਰੀਯੋ । ਸ੍ਰੀ ਗੁਰ ਨਾਨਕ ਉਰ⁴ ਮਾਹਿ ਧਰੀਯੋ ॥ 74 ॥
 ਅੰਤਰ ਧਯਾਨ ਭਏ ਗੁਰ ਸੁਆਮੀ । ਪਰ ਪੀਰਾ ਹਰ ਅੰਤਰਜਾਮੀ ।
 ਰੈਨ ਬਿਤੀ ਪਹੁ ਪਾਟਤ⁵ ਭਈ । ਚੋਰ ਯਾਰ ਮਨ ਚਿੰਤਾ ਲਈ ॥ 75 ॥
 ਨਿਸਪਤਿ ਲੋਪ ਸੁ ਨਖਤ੍ਰ ਮਲੀਨੋ । ਜਥਾ ਰਾਜ ਗੈ ਹੋਏ ਅਧੀਨੋ ।
 ਸਭ ਸੰਤਨ ਮਨ ਭਯੋ ਹੁਲਾਸਾ । ਜਥਾ ਸੂਰ ਦਿਖ ਕਮਲ ਪ੍ਰਕਾਸਾ ॥ 76 ॥

ਦੋਹਰਾ

ਕ੍ਰਿਪਾ ਸਿੰਧ ਵਿਚਾਰਯੋ ਬਹੁ ਦਿਨ ਭਏ ਬਤੀਤ ।
 ਕਰਯੋ ਜੁਧ ਪੁਨ ਅਬ ਕਰਉ ਔਰ ਤੁਰਕ ਕੋਈ ਜੀਤ ॥ 77 ॥

ਸੋਰਠਾ

ਚੌਮਾਸਾ ਅਬ ਆਇ ਸਰਤਾ ਤਟ ਚਲੀਏ ਕਹੀ⁶ ।
 ਇਕ ਸਿਖ ਐਸ ਅਲਾਇ ਮਹਾਰਾਜ ਬਿਨਤੀ ਸੁਨੋ ॥ 78 ॥

ਕਬਿਤ

ਦੀਨਨ ਕੇ ਨਾਥ ਹੋ ਸਨਾਥ ਸਭੈ ਸਿਖ ਕੀਏ
 ਸਦਾ ਪਰ ਪੀਰ ਹਰ ਦਾਸ ਪ੍ਰਤਿਪਾਲ ਹੋ ।
 ਬੈਰਨ ਕੋ ਮਾਥ ਹੋ ਸੁ ਦਾਸਨ ਕੇ ਸਾਥ ਤੁਮ
 ਸਿਖਨ ਕੇ ਖੇਦ ਹਰਿ ਸਦਾ ਕਿਰਪਾਲ ਹੋ ।

¹ਏ ਪੋਥੀ ਬੁਧਿ ²ਅ ਪੋਥੀ ਤਹਿ ਮਿਲਹਿ ³ਅ ਪੋਥੀ ਰਿਦ ⁴ਏ ਪੋਥੀ ਫੂਟਤ

ਭੂਲੇ ਦੇਤੇ ਪਾਥ ਹੋ ਸੁ ਦਾਸ ਮੈ ਅਨਾਥ ਸਦਾ
ਮੋਰੇ ਗ੍ਰਿਹ ਚਲੋ ਪ੍ਰਭ ਕਰਤ ਨਿਹਾਲ ਹੋ ।
ਪਵਿਤ੍ਰ ਤੁਮੇ ਗਾਥ ਹੋ ਸੁ ਸੁਨ ਜਸ ਆਯੋ ਨਾਥ
ਕੀਜੀਏ ਸੁ ਸਿਖ ਮੋਹਿ ਕਟੋ ਆਪ ਜਾਲ ਹੋ ॥ 81 ॥

ਦੋਹਰਾ

ਤੀਰ ਬਿਪਾਸਾ ਕੈ ਬਸਤ ਬਾਘੇ ਹਮਰੋ ਗਾਂਵ ।
ਸ਼ਿਕਾਰ ਭੂਮਿ ਤਿਹ ਠਾਂ ਘਨੀ ਸੁੰਦਰ ਹੈ ਤਿਹ ਠਾਂਵ ॥ 80 ॥

ਚੌਪਈ

ਇਹ ਸੁਨ ਮੈਨ ਗੁਰੂ ਜੀ ਰਹੇ । ਹੋਰ ਸਿਖ ਤਬ ਬਚਨ ਅਲਏ ।
ਸੁੰਦਰ ਭੂਮਿ ਬਿਪਾਸਾ ਤੀਰਾ । ਰੁਹੇਲਾ ਨਾਮ ਸੁ ਥੇਹੁ ਗਹੀਰਾ ॥ 81 ॥
ਕਛੁਕ ਬਸਤ ਹੈ ਤਿਹ ਠਾਂ ਲੋਕ । ਬਿਪਾਸਾ ਤੀਰ ਹਰਖ ਸਭ ਸੋਕ ।
ਏ ਸੁਨ ਸ੍ਰੀ ਗੁਰ ਕੇ ਮਨ ਭਾਯੋ । ਪੈਦੇ ਖਾਂ ਤਬ ਬੋਲ ਪਠਾਯੋ ॥ 82 ॥
ਪੈਦੇ ਖਾਂ ਆਯੋ ਗੁਰ ਪਾਸ । ਹਾਥ ਜੋਰ ਤਿਨ ਕਰੀ ਅਰਦਾਸ ॥
ਮਹਾਰਾਜ ਕਿਆ ਆਗਿਆ¹ ਮੋਕੇ । ਸ੍ਰੀ ਗੁਰ ਕਹਿਯੋ ਬੁਲਾਯੋ ਤੋਕੇ ॥ 83 ॥
ਚੌਮਾਸਾ ਅਬ ਪਹੁੰਚਯੋ ਆਈ । ਸਰਤਾ ਤੀਰ ਰਹੈ ਹਮ ਜਾਈ ।
ਤੁਮ ਇਹ ਠਾਂ ਰਹਿ ਹੈ ਬਲਵਾਨਾ । ਮਮ ਸਿਖਯਾ² ਧਰਹੋ ਨਿਜ ਕਾਨਾ ॥ 84 ॥

ਦੋਹਰਾ

ਸੁਨੋ ਖਾਂਨ ਧਰ ਧਿਆਨ ਤੁਮ ਮਨ ਯੋ ਮਤਿ ਬਿਚਾਰ ।
ਲੋਕ ਸੁਖੀ ਪਰਲੋਕ ਗਤਿ ਮਾਨੋ ਸਿਖ ਹਮਾਰ ॥ 85 ॥

ਚੌਪਈ

ਤਾਤ ਮਾਤ ਸਮ ਸੇਵਾ ਕਰੋ । ਨਿਜ ਬਡ ਜਾਨ ਸੁ ਆਦਰ ਧਰੋ ।
ਸੰਤ ਸਾਧ ਕੀ ਸੇਵਾ ਕਰਨੀ । ਕਰਿ ਆਦਰ ਪਾਲੋ ਇਹ ਧਰਨੀ ॥ 86 ॥
ਨਿਜ ਨਾਰੀ ਬਿਨ ਭੋਗ ਨ ਕਰੋ । ਨਰਕ ਅਗਨ ਤੇ ਮਨ ਮੈ ਡਰੋ ।
ਸੁਧਾ ਸਰੋਵਰ ਮੈ ਜਬ ਜਾਵਉ । ਤਿਹ ਠਾਂ ਤੁਮ ਕੋ ਬੋਲ ਪਠਾਵਉ ॥ 87 ॥
ਅਬ ਤੁਮ ਇਹ ਠਾਂ ਰਹੋ ਬਲਾਰੀ । ਸਦਾ ਸੁਖ ਸਿਖ ਖਾਨ ਹਮਾਰੀ ।
ਬੋਲਯੋ ਖਾਨ ਗੁਰੂ ਜੀ ਸੁਨੋ । ਮੋਰੇ ਔਗਨ ਕਛੁ ਨਾ ਗਿਨੋ ॥ 88 ॥
ਮੈ ਹੂੰ ਦਾਸ ਚਲਹੂੰ ਤੁਮ ਸੰਗਾ । ਕਰੋ ਸੇਵ ਜਹਿ ਥਾਂ ਹੁਇ ਜੰਗਾ ॥
ਦਿਖਾ ਮਾਨ ਹੁਇ ਕ੍ਰਿਪਾ ਨਿਧਾਨਾ । ਹਰੋ ਮਾਨ ਸਬ ਇਹ ਮਨ ਮਾਨਾ ॥ 89 ॥

ਦੋਹਰਾ

ਨਿਜ ਮਾਯਾ ਆਗਯਾ ਕਰੀ ਸਤਿਗੁਰ ਅਤਿ ਰਣਧੀਰ ।
ਖਾਨ ਮਤ ਭ੍ਰਮ ਕੀਜੀਏ ਬਲਿ ਤਜ ਹੋਇ ਅਧੀਰ ॥ 90 ॥

¹ਅ ਪੋਥੀ ਆਇਸ ²ਏ ਪੋਥੀ ਉਪਦੇਸ

ਸੋਰਠਾ

ਗੁਰੁ ਮਾਯਾ ਬਲਵੰਤ ਸਭੈ ਦੇਵ ਜਹਿੰ ਬਸ ਕਰੇ ।
ਜਾਹਿ ਨਾ ਆਵਤ ਅੰਤ ਤਿੰਹ ਆਗੇ ਨਰ ਕਿਆ ਗਨੇ ॥ 91 ॥

ਚੌਪਈ

ਮਾਯਾ ਭ੍ਰਮ ਸਿਉ ਖਾਨ ਭ੍ਰਮਾਯੋ । ਕ੍ਰਿਪਾ ਸਿੰਧ ਸਿਉਂ ਬਚਨ ਅਲਾਯੋ ।
ਮਹਾਰਾਜ ਮੈ ਇਹ ਠਾਂ ਰਹਉਂ । ਤੁਮਰੀ ਆਗਿਆ ਨਿਸ ਦਿਨ ਗਹਉਂ ॥ 92 ॥
ਕਰਉਂ ਗ੍ਰਿਹਸਤ ਅਬ ਕੀਆ ਬਿਆਹਾ । ਅਤਿਸੈ ਮੇਰੇ ਮਨ ਮੈ¹ ਚਾਹਾ ।
ਪੁਨ ਤੁਮ ਆਗਿਆ ਕਰੀ ਕ੍ਰਿਪਾਲਾ । ਇਹ ਠਾਂ ਰਹਉ ਪ੍ਰਜਾ ਪ੍ਰਤਿਪਾਲਾ ॥ 93 ॥
ਸਤਿਗੁਰ ਕਹ ਤੁਮ ਇਹ ਠਾਂ ਰਹਉ । ਸਿਖਿਆ ਹਮਰੀ ਮਨ ਮੈ ਗਹਉ ।
ਯੋ ਸੁਨ ਖਾਨ ਭਯੋ ਪ੍ਰਸੰਨ । ਸ੍ਰੀ ਗੁਰ ਕੋ ਮਨ ਮਹਿ ਕਹਯੋ ਧੰਨ ॥ 94 ॥
ਪੁਨ ਸਤਿਗੁਰ ਮਨ ਐਸੇ ਆਯੋ । ਬਾਬਾ ਗੁਰਦਿਤਾ ਸੁ² ਬੁਲਾਯੋ ।
ਤਿਨ ਪ੍ਰਤਿ ਕਹਾ ਮਾਨ ਬਚ ਮੇਰਾ । ਗੋਇੰਦਵਾਲ ਜਾਹੁ ਤਜ ਦੇਰਾ ॥ 95 ॥

ਦੋਹਰਾ

ਸ੍ਰੀ ਗੁਰੁ ਕੀ ਆਗਿਆ ਸੁਨੀ ਗੁਰਦਿਤਾ ਬਡ ਗਿਆਨ ।
ਚਰਨ ਬੰਦ ਸ੍ਰੀ ਗੁਰੂ ਕੇ ਉਠਾ ਹਰਖ ਮਨ ਮਾਨ ॥ 96 ॥

ਦੋਹਰਾ

ਬਾਬਾ ਗੁਰਦਿਤਾ ਚਲਯੋ ਗੋਇੰਦਵਾਲ ਕੀ ਓਰ ।
ਕੁਛ ਉਤਰ ਨਹਿ ਤਿਨ ਕੀਓ ਜਾਨੇ ਬਚਨ ਅਮੋਰ ॥ 97 ॥

ਚੌਪਈ

ਗੋਇੰਦਵਾਲ ਮਹਿ ਪਹੁੰਚਿਓ ਜਾਇ । ਸਭ ਪਰਿਵਾਰ ਮਿਲ ਹਰਖ ਧਰਾਇ ।
ਤਬ ਲਉ ਬੀਬੀ ਵੀਰੋ ਆਈ । ਮਾਤ ਭ੍ਰਾਤ ਕਉ ਮਿਲ ਹਰਖਾਈ ॥ 98 ॥
ਸਭ ਪਰਿਵਾਰ¹ ਮਿਲ ਆਨੰਦ ਲੀਨੋ । ਗੁਰੂ ਸੰਦੇਸ ਬਾਬੇ ਨੇ ਦੀਨੋ ।
ਇਹ ਠਾਂ ਸਤਿਗੁਰ ਕਰੀ ਤਿਆਰੀ । ਬੋਲ ਸਿਖ ਮੁਖ ਕੀਨ ਉਚਾਰੀ ॥ 99 ॥
ਹਮਰੋ ਘੋਰਾ ਤੁਰਤ ਲਿਆਵਉ । ਚਲੋ ਸ਼ਿਤਾਬ ਦੇਰ ਨਾ ਲਾਵਉ ।
ਭਏ ਤਿਆਰ ਸਭੈ ਸਿਖ ਸੂਰੇ । ਗੁਰੂ ਪ੍ਰੇਮ ਜਹਿੰ ਚਿਤ ਭਰਪੂਰੇ ॥ 100 ॥
ਬ੍ਰਹਮ ਪਤਿ ਵਾਰ ਤ੍ਰਿਓਦਸੀ ਜਾਨੋ । ਕ੍ਰਿਪਾ ਸਿੰਧ ਤਬ ਕਰਾ⁴ ਪਿਆਨੋ ।
ਏਕ ਮਾਸ ਗੁਰ ਤਿਹ ਠਾਂ ਰਹੇ । ਬਹੁ ਕੌਤਕ ਕਰ ਆਨੰਦ ਲਹੇ ॥ 101 ॥
ਸਾਵਨ ਦੂਜੀ ਕਰੀ ਤਿਆਰੀ । ਦਯਾ ਸਿੰਧ ਸਤਿਗੁਰ ਅਵਤਾਰੀ ।
ਨਿਜ ਘੋਰੇ ਪ੍ਰਭੂ ਭਏ ਸਵਾਰਾ । ਚਲਯੋ ਤੁਰੰਗ ਪਵਨ ਤੇ ਭਾਰਾ ॥ 102 ॥

¹ਏ ਪੋਥੀ ਕੀ ²ਏ ਪੋਥੀ ਕਉ ³ਅ ਪੋਥੀ ਕੁਟੰਬ ⁴ਏ ਪੋਥੀ ਕੀਓ

ਸਵੈਯਾ

ਜੋ ਸਤਿਗੁਰ ਅਤਿ ਚਰਿਤ ਸੁਨੇ ਮਨ ਲਾਇ ਲਹੇ ਫਲ ਚਾਰ ਸੁਧਾਰੀ ।
 ਲਾਇ ਸੁ ਪ੍ਰੇਮ ਪੜੇ ਨਰ ਜੋ ਇਹ ਚਰਿਤ ਕੀਏ ਅਤਿ ਈਸ ਮੁਰਾਰੀ ।
 ਤ੍ਰਾਸ ਮਿਟੈ ਜਮ ਕੰਕਰ ਕਾ ਤਨ ਅਛਤ ਹੀ ਫਲ ਲੇਤ ਸੁਚਾਰੀ ।
 ਦਾਨ ਸਭੀ ਕਵਿ ਏਹੁ ਕਰੋ ਤੁਮ ਸੋਧ ਪੜੇ¹ ਛਿਮ ਭੂਲ ਹਮਾਰੀ ॥ 103 ॥

ਦੋਹਰਾ

ਹਰਿ ਗੋਬਿੰਦ ਕੇ ਚਰਿਤ ਅਤਿ ਸੁੰਦਰ ਗੰਗ ਸਮਾਨ ।
 ਇਹ ਸੁਨ ਸਭ ਅਘ ਕਉ ਹਰਹਿੰ ਵਹੁ ਹਰਿ ਕਏ ਸਨਾਨ ॥ 104 ॥
 ਆਗ ਯਹਿ ਕਬ ਹੋਇਗੀ ਸੰਤ ਸੁਨੋ ਨਿਰਧਾਰ ।
 ਭਗਵਾਨ ਘੋਰੜ ਕਉ ਮਾਰ ਕੈ ਕਰਹਹਿ ਜੁਧ ਅਪਾਰ ॥ 105 ॥

ਇਤਿ ਸ੍ਰੀ ਗੁਰੂ ਬਿਲਾਸ ਖਾਨ ਬਯਾਹ ਸਾਖੀ ਬਰਨੰਨ ਨਾਮ ਤੇਹਰਸੋਂ ਧਿਆਇ
 ਸਮਾਪਤ ਮਸਤ ਸੁਤ ਮਸਤ ॥ 13 ॥ ਵਾਹਿਗੁਰੂ ॥

ਅਧਿਆਇ ਚੌਧਵਾਂ

ਦੋਹਰਾ

ਨਮੋ ਨਮੋ ਸ੍ਰੀ ਸਤਿ ਗੁਰੂ ਬਹੁਰ ਸਾਰਦਾ ਮਾਇ ।
ਹਰੇ ਵਿਘਨ ਗੁਰ ਜਸ ਕਰਉ ਮੋਰੀ ਕਰੋ ਸਹਾਇ ॥ 1 ॥

ਚੌਪਈ

ਜਬ¹ ਪ੍ਰਭ ਭਏ ਤੁਰੰਗ ਅਸਵਾਰਾ । ਹੋਤ ਭਏ ਬਹੁ ਮੰਗਲ ਚਾਰਾ ।
ਬਾਂਵੇ ਤੀਤਰ ਸਨਮੁਖ ਧੋਨਾ । ਬਛ ਚੁਘਾਵਤ ਬਾਲ ਸੁਨੈਨਾ ॥ 2 ॥
ਬਹੁਰ ਮਿਠਾਈ ਕੁੰਭ ਸੁ ਆਯੋ ॥ ਗੁਰ ਸਨਮੁਖ ਅਤਿ ਹਰਖ ਧਰਾਯੋ ॥
ਸਾਰੇ ਹੋਨ ਲਗੇ ਸੁਭ ਸਗਨੰ । ਦੇਖ ਤਾਸ ਸਤਿਗੁਰੂ ਭਏ ਮਗਨੰ ॥ 3 ॥
ਫੌਜ ਅਪਾਰ ਗੁਰੂ ਕੀ ਚਾਲੀ । ਸਭੀ ਸੂਰ ਸਨਮੁਖ ਬਚ ਪਾਲੀ ।
ਮਸ ਸੈਨ ਸ੍ਰੀ ਗੁਰ ਇਮ ਰਾਜੈ । ਮਨੋ ਬ੍ਰਹਮਪਤਿ ਦੇਵ ਸਮਾਜੈ ॥ 4 ॥
ਬਾਜੇ ਬਜਤ ਅਨੇਕ ਪ੍ਰਕਾਰਾ । ਜਿਹ ਰਾਖੇ ਸ੍ਰੀ ਗੁਰੂ ਕਰਤਾਰਾ ।
ਪਹੁੰਚੇ ਸਤਿਗੁਰੂ ਸਰਤਾ ਤੀਰਾ । ਲਾਘਤ ਨਗਰ ਸੁ ਨਦੀ ਗੰਭੀਰਾ ॥ 5 ॥

ਦੋਹਰਾ

ਦੇਖ ਬਿਆਸਾ ਕਉ ਗੁਰੂ ਮਨ ਮਹਿ ਭਏ ਆਨੰਦ ।
ਦਿਖ ਸਰਤਾ ਹਰਖਤ ਭਈ ਜਸ ਦਧ ਦੇਖ ਸੁ ਚੰਦ ॥ 6 ॥

ਸੋਰਠਾ

ਨੌਕਾ ਬਹੁਤ ਮੰਗਾਇ ਪਾਰ ਭਏ ਸ੍ਰੀ ਗੁਰੂ ਤਬੈ ।
ਸੈਨਾ ਸਭੀ ਚੜਾਇ ਪਾਰ ਉਤਾਰੀ ਪ੍ਰੇਮ² ਸਿਉ ॥ 7 ॥

ਚੌਪਈ

ਜਾਹਿ ਨਾਮ ਭਵ ਸਿੰਧ ਤਰਾਹੀ । ਸੋ ਚੜ ਨਾਵ ਸੁ ਪਾਰ ਪਰਾਹੀ ।
ਮਾਨੁਖ³ ਬਪੁ ਕਰ ਅੰਗੀਕਾਰਾ । ਕਰਤ ਖੇਲ ਸ੍ਰੀ ਗੁਰੂ ਕਰਤਾਰਾ ॥ 8 ॥
ਰੁਹੇਲਾ ਗਾਂਵ ਗੁਰੂ ਜਬ ਚੀਨੋ । ਦੇਖ ਚੌਫੇਰ ਰਖਿ ਮਨ ਲੀਨੋ ।
ਏਕ ਓਰ ਕੁਛ ਲੋਕ ਬਸਾਹੀ । ਔਰ ਸਭੀ ਵੁਹ ਬੇਹ ਦਿਖਾਹੀ ॥ 9 ॥

¹ਅ ਪੋਥੀ ਗੁਰ ²ਏ ਪੋਥੀ ਪ੍ਰੀਤਿ ³ਏ ਪੋਥੀ ਮਾਨਸ

ਤਰਿਤ ਭਏ ਦੇਖ ਸੁਭ ਥਾਨਾ । ਖਬਰ ਲੀਨ ਸਭ ਕ੍ਰਿਪਾ ਨਿਧਾਨਾ ।
 ਬਹੁ ਸੁਭ ਸਗਨ ਭਏ ਤਿਹਿ ਕਾਲਾ । ਪਰਕ੍ਰਮਾ ਕਰਤ ਗੁਰੂ ਮ੍ਰਿਗ ਮਾਲਾ ॥ 10 ॥
 ਪੁਨ ਸਤਿਗੁਰੂ ਦੀਵਾਨ ਲਗਾਏ । ਦੇਖ ਪ੍ਰਤਾਪ ਲੋਕ ਸਭ ਧਾਏ ।
 ਜਾਇ ਖਬਰ ਸਭ ਹੀ ਕਹਿ ਦੀਨੀ । ਘੋਰੜ ਕਉ ਨਿਜ ਨਾਇਕ ਚੀਨੀ ॥ 11 ॥

ਦੋਹਰਾ

ਸੁਨਿ ਨਾਯਕ ਆਯੋ ਤਬੈ ਮਨ ਮਹਿ ਕੀਓ ਗੁਮਾਨ ।
 ਪ੍ਰਿਥਮ ਆਇ ਬੰਦਨ ਕਰੀ ਬਹੁਰੋ ਕੀਨ ਬਖਾਨ ॥ 12 ॥
 ਪਾਂਚ ਗੁਰੂ ਜੈਸੇ ਭਏ ਰਹੇ ਤੈਸ ਰਿਦ ਸਾਂਤ ।
 ਸਸਤ੍ਰ ਅਸਤ੍ਰ ਤੁਮਨੇ ਧਰੇ ਕਰਨ ਚਹੇ ਉਤਪਾਤ ॥ 13 ॥

ਚੌਪਈ

ਭਾਖਤ ਬਚਨ ਸੁ ਨਗਰ ਸਿਧਾਯੋ । ਸ੍ਰੀ ਗੁਰੂ ਕੇ ਮਨ ਐਸੇ ਭਾਯੋ ।
 ਰਚੀਏ ਇਹ ਠਾਂ ਸ਼ਹਿਰ ਅਪਾਰੀ । ਸੁੰਦਰ ਭੂਮਿ ਸਰਤਾ¹ ਨਿਕਟਾਰੀ ॥ 14 ॥
 ਮਹੂਰਤ ਕਾਢ ਟਕ ਗੁਰੂ ਲਾਯੋ । ਪਨਾਹ ਰਚੀ ਗੁਰੂ ਹਰਖ ਧਰਾਯੋ ।
 ਇਹ ਸੁਨ ਘੋਰੜ ਕੋਪ ਧਰਾਈ । ਕਟਕ ਬਚਨ ਤਿਨ ਐਸ ਅਲਾਈ ॥ 15 ॥
 ਸ਼ਾਹਿਜਹਾਂ² ਨਹਿ ਸੂਝਤ ਤੋਕਉ । ਕਿਆ ਮਨ ਆਈ ਹੈ ਕਹੁ ਮੋ ਕਉ ।
 ਆਪ ਹਿੰਦੂ ਕਾ ਗੁਰੂ ਕਹਾਵਹਿ । ਜੀਅ ਜੰਤ ਬਹੁ ਰੋਜ ਹਤਾਵਹਿ ॥ 16 ॥
 ਪਰਾਈ ਭੂਮਿ ਮਲ ਕਰ ਜੋਰੀ । ਨਿਜ ਕਰ ਕਿਉਂ ਨਿਜ ਗ੍ਰੀਵਾ ਤੋਰੀ ।
 ਜੇ ਚਾਹੋ ਨਿਜ ਪ੍ਰਾਨ ਉਬਾਰੇ । ਜਾਵਉ ਇਹ ਤੇ ਹੋਤ ਸਵਾਰੇ ॥ 17 ॥
 ਨਿੰਮਰ ਬਚਨ ਸਤਿਗੁਰੂ ਅਲਾਏ । ਤੁਮਰੀ ਭੂਮ ਤੁਮ ਪਾਸ ਰਹਾਏ ।
 ਚਾਰ ਦਿਵਸ ਵਿਸਰਾਮ ਕਰੇਗੇ । ਨਗਰ ਬਸਾਇ ਸੁ ਹਰਖ ਧਰੇਗੇ ॥ 18 ॥

ਦੋਹਰਾ

ਬਹੁ ਨਿੰਦਾ ਗੁਰੂ ਕੀ ਕਰੀ ਘੋਰੜ ਮਨ ਰਿਸ ਠਾਨ ।
 ਮੋਨ ਧਾਰ ਸ੍ਰੀ ਗੁਰੂ ਰਹੇ ਕਾਲ ਤਿਸੀ ਅਨੁਮਾਨ ॥ 19 ॥

ਸੋਰਠਾ

ਦਿਵਸ ਦੂਸਰੇ ਆਇ ਘੋਰੜ ਅਤਿ ਰਿਦ ਕੋਪ³ ਕਰ ।
 ਗੁਰੂ ਕਹਾ ਅਲਾਇ ਤੂੰ ਸੁ ਭਲਾ ਸਮਝੈ ਨਹੀਂ ॥ 20 ॥

ਚੌਪਈ

ਪਾਂਚ ਗੁਰੂ ਕੀ ਨਿੰਦਾ ਕੀਨੀ । ਗਾਰੀ ਬਹੁਤ ਗੁਰੂ ਕਉ ਦੀਨੀ ।
 ਕ੍ਰਿਪਾ ਸਿੰਧ ਮੁਖ ਬਚਨ ਉਚਾਰੇ । ਅਰੇ ਮੂੜ ਨਿਜ ਪ੍ਰਾਨ ਉਬਾਰੇ ॥ 21 ॥

¹ਅ ਧੋਬੀ ਨਦੀ ²ਏ ਧੋਬੀ ਪਾਤਸਾਹਿ ³ਏ ਧੋਬੀ ਕਰੋਧ

ਇਹੁ ਸੁਨ ਘੇਰੜ ਕੋਪ ਸੁ ਕੀਨੋ । ਸਾਹਜਹਾਂ ਭੈ ਗੁਰ ਕਉ ਦੀਨੋ ।
 ਅਜੈ ਨ ਸਮਝ ਦੇਸ ਤੇ ਕਾਢਿਯੋ । ਅਰਧ ਨਿਸਾ ਭਜ ਚਿੰਤਾ ਬਾਢਿਯੋ ॥ 22 ॥
 ਕ੍ਰਿਪਾ ਸਿੰਧ ਅਸ ਭਾਖੀ ਬਾਨੀ । ਸੁਨਹੁ ਗਵਾਰ ਮੂੜ ਅਭਿਮਾਨੀ ।
 ਸਾਹਜਹਾਂ ਜਾਨੈ ਹਮ ਜਾਨੈ । ਤੁਮ ਕਿਉ ਕਲਪ ਮੂੜ ਰਿਸ ਠਾਨੈ ॥ 23 ॥
 ਬਹੁ ਨਿੰਦਾ ਗੁਰ ਕੀ ਤਿਨ ਕੀਨੀ । ਕ੍ਰਿਪਾ ਸਿੰਧੁ ਤਬ ਆਗਿਆ ਦੀਨੀ ।
 ਮਾਰੋ ਇਸੇ ਨਾ ਦੇਰ ਲਗਾਏ । ਇਹੁ ਸੁਨ ਬਹੁਤ ਸਿਖ ਤਬ ਧਾਏ ॥ 24 ॥

ਦੋਹਰਾ

ਬਹੁ ਪਨਹੀਂ ਸਿਰ ਪੈ ਪਰੀ ਗਿਰਾ ਭੂਮਿ ਮੂਰਛਾਇ ।
 ਲਾਤ ਮੁਸਟ ਕਰ ਮਾਰਿਯੋ ਮਨ ਮਹਿ ਹਰਖ^੧ ਧਰਾਇ ॥ 25 ॥

ਸੋਰਠਾ

ਤਬ ਘੇਰੜ ਕੋ ਮਾਰ ਨਦੀ ਬੀਚ ਡਾਰਯੋ ਤਿਨੈ ।
 ਸਤਿਗੁਰ ਕੈ ਨਿਕਟਾਰਿ ਕਰ ਬੰਦਨ ਬੈਠੇ ਤਬੈ ॥ 26 ॥

ਚੌਪਈ

ਤਬ ਸਤਿਗੁਰ ਮੁਖ ਬਚਨ ਉਚਾਰੀ । ਮਾਰਾ ਦੁਸਟ^੨ ਚਨੌਤੀ ਡਾਰੀ ।
 ਸ਼ਹਿਰ ਪਨਾਹ ਸੁੰਦਰ ਤਬ ਰਚੀ । ਬਹੁ ਪ੍ਰਕਾਰ ਕੀ ਰਚਨਾ ਰਚੀ ॥ 27 ॥
 ਸਭ ਸੂਰਨ ਕਉ ਬੋਲ ਹਜੂਰੇ । ਭਾਖੇ ਬਚਨ ਸ੍ਰੀ ਗੁਰ ਪੂਰੇ ।
 ਭਲਕੇ ਜੁਧ ਹੋਹਿਗੋ ਭਾਰੀ । ਰਹੇ ਸੁਚੇਤ ਸਸਤ੍ਰ ਤਨ ਧਾਰੀ ॥ 28 ॥
 ਇਹੁ ਠਾਂ ਭਈ ਐਸ ਸਬ ਬਾਤਾ । ਅਬ ਸੁਨ ਘੇਰੜ ਕੋ ਉਤਪਾਤਾ ।
 ਘੇਰੜ ਪੂਤ ਜਬੈ ਸੁਨ ਪਾਇਓ । ਮੋਰੋ ਪਿਤ ਇਨ ਮਾਰ ਗਵਾਯੋ^੩ ॥ 29 ॥
 ਲੋਥ ਨਦੀ ਇਨ ਦੀਨੀ ਡਾਰੀ । ਰੋਵਨ ਲਾਗਿਓ ਹਾਇ ਪ੍ਰਕਾਰੀ ।
 ਪੁਨ ਮਨ ਮਹਿ ਤਿਨ ਐਸ ਬਿਚਾਰੀ । ਚਲਉ^੪ ਜਲੰਧਰ ਕਰਉ^੫ ਪ੍ਰਕਾਰੀ ॥ 30 ॥

ਦੋਹਰਾ

ਧਰਮ ਭ੍ਰਾਤ ਮੇਰਾ ਤਹਾਂ ਸੂਬਾ ਹੈ ਤਹਿ ਠੌਰ ।
 ਸੋ ਸੈਨਾ ਨਿਜ ਸੰਗਿ ਲੈ ਮਾਰ ਕਰਉਗਾ ਰੌਰ ॥ 31 ॥

ਸੋਰਠਾ

ਧਾਯੋ ਕਰ ਅਤਿ ਕ੍ਰੋਧ ਰਤਨ ਚੰਦ ਚਿੰਤਾ ਕੀਏ ।
 ਮਮ ਪਿਤ ਬਾ ਬਡ ਜੋਧ ਇਨੈ ਸੁਖਮ ਹੀ ਮਾਰਿਯੋ ॥ 32 ॥

ਚੌਪਈ

ਚਲਤ ਪੰਥ ਬਹੁ ਗਟੀ ਬਿਚਾਰੀ । ਮਾਯਾ ਭ੍ਰਮ ਸਿਉ ਜਤਨ ਨਿਹਾਰੀ ।
 ਚੰਦੂ ਕੋ ਸੁਤ ਕਰਮ ਚੰਦ ਜਹਿੰ । ਅਬ ਹੀ ਮਿਲਉ ਤਿਸੀ ਕੋ ਹਉ ਤਹਿੰ ॥ 33 ॥

^੧ਅ ਪੌਥੀ ਰੋਸ ^੨ਅ ਪੌਥੀ ਨੀਚ ^੩ਅ ਤੇ ਦ ਪੌਥੀ ਮੁਕਾਯੋ

ਤਾਂਸੋ ਪ੍ਰਿਥਮ ਸਲਾਹਿ ਰਲਾਵਉਂ । ਬਾਹਰੋ ਯਾ¹ ਸੂਬੈ ਪੈ ਜਾਵਉਂ ।
 ਐਸ ਜਲੰਧਰ ਪਹੁੰਚਿਓ ਆਈ । ਚੰਦ੍ਰ ਕਉ ਸੁਤ ਮਿਲਿਓ ਤਾਂਹੀ ॥ 34 ॥
 ਤਾਸਿਉਂ ਮਿਲਿਓ ਰੋਇ ਪੁਨ ਐਸੇ । ਬਨ ਮਹਿ ਲੁਟਿਯੋ ਅਤਿ ਧਨ ਜੈਸੇ ।
 ਤਿਨ ਪੁਨ ਕਹਾ ਧੀਰ ਤੁਮ ਧਾਰੋ । ਅਬ ਹੀ ਯਾਕੋ ਹਨਾ ਨਿਹਾਰੋ ॥ 35 ॥
 ਨਿਜ ਪਿਤ ਬਦਲਾ ਹਮ ਭੀ ਲੇਵਹਿ । ਜਾਇ ਸਾਹਿ ਪੈ ਸਭ ਕਹਿ ਦੇਵਹਿ ।
 ਦੋਈ ਰਲਿ ਸੂਬੈ ਪੈ ਆਏ । ਇਮ ਘੋਰੜ ਸੁਤ ਬਚਨ ਅਲਾਏ ॥ 36 ॥

ਦੋਹਰਾ

ਹੇ ਰਾਜਨ ਤੁਮ ਪੈ ਕਹਉਂ ਹਰਿ ਗੋਬਿੰਦ ਕੀ ਬਾਤ ।
 ਮਮ ਪਿਤ ਥਾ ਬਡ ਸੂਰਮਾ ਤਹਿ ਤਿਨ ਕੀਨੋ ਘਾਤ ॥ 37 ॥

ਸੋਰਠਾ

ਸੂਬੇ ਪੂਛੀ ਬਾਤ ਕਾ ਅਪਰਾਧ ਤੁਮ ਪਿਤ ਕੀਓ ।
 ਜਹਿੰ ਕਰ ਕੀਨਾ ਘਾਤ ਸੋਈ ਪ੍ਰਗਟ ਮੋ ਸਿਉ ਕਹੋ ॥ 38 ॥

ਚੌਪਈ

ਘੋਰੜ ਸੁਤ ਸਬ ਬਾਤ ਉਚਾਰੀ । ਮਹਾਰਾਜ ਸੁਨੀਏ ਚਿਤ ਧਾਰੀ ।
 ਰੁਹੇਲਾ ਭੂਮ ਸੁ ਰੋਕੀ ਸਬਹੀ । ਰਚਾ ਸ਼ਹਿਰ ਗੁਰ ਨਿਜ ਬਲ ਸਬਹੀ ॥ 39 ॥
 ਮੇਰਾ ਪਿਤਾ ਹਟਾਵਨ ਕੀਨੋ । ਤਾਂਕੋ ਮਾਰ ਤੁਰਤ ਤਿਨ ਦੀਨੋ ।
 ਕਛੂ ਅਪਰਾਧ ਪਿਤਾ ਨਹਿ ਕੀਓ । ਚੰਦ੍ਰ ਕੇ ਸੁਤ ਯੋ ਕਹਿ ਦੀਓ ॥ 40 ॥
 ਮੇਰੇ ਭੀ ਤਿਨ ਪਿਤਾ ਸੰਘਾਰਾ । ਮਨ ਭਾਵਤ ਕਰ ਟਰਤ ਨਾ ਟਾਰਾ ।
 ਸ਼ਾਹਜਹਾਂ ਕਾ ਬਾਜ ਚੁਰਾਯੋ । ਮੁਗਲਸ ਖਾ² ਹਤ ਭੂਮ ਗਿਰਾਯੋ² ॥ 41 ॥
 ਸ਼ਾਹਜਹਾਂ ਕਾ ਬੈਰੀ ਭਾਰੀ । ਮਾਰਉਂ ਤਿਸੈ ਸੋਕ ਸਭ ਟਾਰੀ ।
 ਤਬ ਸੂਬੇ ਮਨ ਐਸੀ ਆਨੀ । ਕਰਉਂ ਜੁਧ ਇਹ ਠਾਂ ਬਲ ਨਾਨੀ ॥ 42 ॥

ਦੋਹਰਾ

ਸ਼ਾਹਜਹਾਂ³ ਸਿਉਂ ਸਮਝਾਵਹਉਂ ਪਾਛੇ ਜੋ ਹੈ ਬਾਤ ।
 ਸਸਤ੍ਰ ਅਸਤ੍ਰ ਧਰ ਅਬ ਲਰਉਂ ਕਰਉਂ ਇਸੈ ਰਨ ਘਾਤ ॥ 43 ॥

ਸੋਰਠਾ

ਤਬ ਤਿਨ ਆਗਿਆ ਕੀਨ ਸੈਨਾ ਨੀਕੀ ਬੋਲ ਕੈ ।
 ਰਚਹੁ ਫੌਜ ਨਵੀਨ ਤਾਤਕਾਲ ਅਬ ਹੀ ਚਲਉ ॥ 44 ॥

ਚੌਪਈ

ਪੰਦ੍ਰਹ ਸਹਿਸ ਸੂਰ ਲੀਏ ਸੰਗਾ । ਸਸਤ੍ਰ ਅਸਤ੍ਰ ਬਾਧੇ ਸਭ ਅੰਗਾ ।
 ਕੁਛ ਬਾਏ ਕੁਛ ਦਾਏ ਕੀਨੇ । ਪਾਛੇ ਅਗ੍ਰ ਕਛੂ ਤਿਹ ਲੀਨੇ ॥ 45 ॥

¹ਅ ਪੋਥੀ ਪੁਨਾ ਮਮ ²ਅ ਪੋਥੀ ਮਾਰਿ ਖਪਾਯੋ ³ਅ ਪੋਥੀ ਸ਼ਹਿਨਸਾਹ

ਮਧ ਭਾਗ ਤਿਨ ਜਾਵਨ ਕੈਸੇ । ਦਾਸਰਥੀ ਪਰਵਾਰਨ ਜੈਸੇ ।
 ਚੰਦੂ ਸਾਹੀ ਸੁਤ ਤਹਿੰ ਸੰਗਾ । ਪ੍ਰੇਰਤ ਕਾਲ ਰੂਪ ਹੁਇ ਭੰਗਾ ॥ 46 ॥
 ਸੈਨ ਸੰਗ ਲੇ ਧਾਯੋ ਐਸੇ । ਕਾਲ ਜਮਨ ਜਨ ਹਰਿ ਪੈ ਜੈਸੇ ।
 ਸਭ ਕਾ ਕਾਲ ਪਹੁੰਚਯੋ ਆਈ । ਮਨਹੁ ਮਿਤ੍ਰ ਘਰ ਬੋਲ ਮੰਗਾਈ ॥ 47 ॥
 ਸਭ ਮਲੇਛ ਕੀਓ ਮਦਰਾ ਪਾਨਾ । ਭਾਖਤ ਬਚਨ ਕਠਿਨ ਅਨੁਮਾਨਾ ।
 ਕਹਾਂ ਗੁਰੂ ਹਹਿ ਹਮੈ ਬਤਾਵੋ ॥ ਹਮ ਹੀ ਮਾਰ ਤਾਹਿੰ ਘਰ ਆਵੋ ॥ 48 ॥

ਦੋਹਰਾ

ਸਗਰ ਪੂਤ ਕੀਓ ਕ੍ਰੋਧ ਜਸ ਕਪਲ ਮੁਨੀ ਧਰ ਧਿਆਨ ।
 ਲਾਤ ਪ੍ਰਹਾਰ ਤਾਂਕੋ ਕੀਓ ਭਏ ਭਸਮ ਅਗਿਆਨ ॥ 49 ॥

ਸੋਰਠਾ

ਤੈਸੇ ਧਾਏ ਕ੍ਰੋਧ ਫਰਹੁ ਫਰਹੁ ਜਾਵੈ ਕਹਾਂ ।
 ਹਰਿ ਗੋਵਿੰਦ ਬਡ ਜੋਧ ਏਕ ਨਿਮਖ¹ ਸਭ ਹਤ ਕਰੈ ॥ 50 ॥

ਅਰਧ ਪੁਜੰਗ ਛੰਦ

ਚਲੇ ਐਸ ਪਾਪੀ । ਮਹਾ ਦੁਸ਼ਟ ਜਾਪੀ ।
 ਮਲੇਛੀ ਸੁ ਸੈਨਾ । ਕਰੇ ਲਾਲ ਨੈਨਾ ॥ 52 ॥
 ਗੁਰੂ ਹਾਥ ਆਵੈ । ਸੁ ਜਾਨੇ ਨ ਪਾਵੈ ।
 ਚਲੇ ਦੇਰ ਤਿਆਗੀ । ਮਤਾਂ ਜਾਇ ਭਾਗੀ ॥ 52 ॥
 ਸੁ ਜੋਗਨ ਕਰਾਲੀ । ਚਲੀ ਖਪਰਾਲੀ ।
 ਮਧੀ ਦਿਵਸ ਆਏ । ਬਿਪਾਸਾ ਸੁਹਾਏ ॥ 53 ॥
 ਸੁ ਨੌਕਾ ਮੰਗਾਈ । ਚਢੇ ਤੁਰਤ ਧਾਈ ।
 ਸੁ ਸੈਨਾ ਅਪਾਰੰ । ਸੁ ਪਾਰੰ ਉਤਾਰੰ ॥ 54 ॥

ਚੌਪਈ

ਹੋਇ ਸੁਚੇਤ ਚੜੀ ਸਭ ਸੈਨਾ । ਤਪਤ ਤਾਂਬ੍ਰ ਸਮ ਕੀਨੇ ਨੈਨਾ ।
 ਪਹੁੰਚੇ ਸਤਿਗੁਰ ਨਿਕਟ ਸੁ ਜਾਈ । ਅਵਲ ਸੂਬੇ ਬਾਤ ਅਲਾਈ ॥ 55 ॥
 ਤੁਮ ਘੇਰੜ ਕੋ ਮਾਰ ਗਿਰਾਯੋ । ਹਜ਼ਰਤ ਭੂਮ ਪਰ ਡੇਰਾ ਲਾਯੋ ।
 ਅਬ ਤਕ ਮਿਲਾ ਨਾ ਤੋਕਉ ਸੂਰਾ । ਅਬ ਮੈਂ ਕਰਉਂ ਤੁਮਹਿ ਚਕ ਚੂਰਾ ॥ 56 ॥
 ਕਹਾਂ ਜਾਹੁ ਤੁਮ ਜਾਨ ਨਾ ਦੇਹਉ ॥ ਸਭ ਕੇ ਬਦਲੇ ਅਬਹੀਂ ਲੈਹਉ ।
 ਜਬ ਹੀ ਮਾਰ ਸਸਤ੍ਰ ਕੀ ਮਾਚੈ । ਤਬ ਜਾਨੋ ਬਲ ਹਮਰਾ ਸਾਚੈ ॥ 57 ॥

ਦੋਹਰਾ

ਅਬਦੁਲ ਖਾਂ ਸੂਬੈ ਤਬੈ ਕੀਨਾ ਐਸ ਬਖਾਨ ।
 ਕੋ ਹੈ ਰੇ ਗੁਰ ਹਰਿਗੋਬਿੰਦ ਜੋਉ ਭਯੋ ਅਜਾਨ ॥ 58 ॥

¹ਅ ਪੌਥੀ ਪਲ ਮਾਹਿ

ਸੋਰਠਾ

ਬੋਲੇ ਦੀਨਾਨਾਥ ਹਉ ਹੂੰ ਕਯਾ ਭਾਖੇ ਕੁਮਤ ।
ਸੈਨ ਮਲੇਛੀ ਸਾਥ ਤੂੰ ਆਯੋ¹ ਕਾਰਨ ਕਵਨ¹ ॥ 59 ॥

ਕੁੰਡਲੀਆ ਛੰਦ

ਅਬਦੁਲ ਖਾਂ ਬੋਲਾ ਤਬੈ ਤੈ² ਕੀਨਾ ਉਤਪਾਤ ।
ਚੰਦੂ ਸ਼ਾਹੀ ਕੋ ਹਨਾ ਸਕਾ ਨ ਕੋਊ ਸਾਧ ।
ਸਕਾ ਨਾ ਕੋਊ ਸਾਧ ਤੋਹਿ ਮਨ ਭਾਵਤ ਕੀਨੀ ।
ਬਹੁਰੇ ਲੀਨੋ ਬਾਜ ਜੁਧ ਕਰ ਪੀਠ ਨਾ ਦੀਨੀ ।
ਮੁਗਲਸ ਖਾਂ ਕਉ ਮਾਰ ਆਪ ਕੋ ਸੂਰ³ ਕਹਾਯੋ ।
ਇਹ ਠਾਂ ਘੇਰੜ ਮਾਰ ਕਿਸੀ ਤੇ ਭੈ ਨਹੀਂ ਪਾਯੋ⁴ ॥ 60 ॥
ਅਬ ਸਨਮੁਖ ਆਯੋ ਤੁਮੇ ਹਉ ਸੂਰਾ ਬਲਕਾਰ ।
ਜੁਧ ਕਰੋ ਕੈ ਮੁਰ ਚਲੋ ਸਸਤ੍ਰ ਅਸਤ੍ਰ ਸਭ ਡਾਰ ।
ਸਸਤ੍ਰ ਅਸਤ੍ਰ ਸਭ ਡਾਰ ਈਹਾਂ ਤੇ ਭਾਗੋ ਪਿਆਰੇ ।
ਬੋਲੇ ਕ੍ਰਿਪਾ ਨਿਧਾਨ ਸਸਤ੍ਰ ਹਮ ਕੈਸੇ ਡਾਰੇ ।
ਸੂਰਾ ਨਹਿ ਅਸ ਭਾਖ ਬਾਤ ਤੁਮ ਜੈਸੇ ਬੋਲੀ ।
ਬਹੁਰੇ ਜੈਸ ਆਵਾਜ ਪ੍ਰਥਮ ਲਾਗੇ ਤਨ ਗੋਲੀ ॥ 61 ॥

ਦੋਹਰਾ

ਸੂਰਾ ਅਸ ਭਾਖੇ ਨਹੀ ਯਹਿ ਮੂਜੀ⁵ ਕੀ ਬਾਤ ।
ਹਮਰੇ ਸਿਖ ਹਹਿ ਅਤਿ ਬਲੀ ਕਰਹਿ ਸਬਨ ਕਾ ਘਾਤ ॥ 62 ॥

ਰਸਾਵਲ ਛੰਦ

ਤਬੈ ਖਾਨ ਕੋਪਾ । ਕਰੀ ਆਪ ਓਪਾ ।
ਹਮੇ ਸੂਰ ਭਾਰੀ । ਬਡੋ ਜੁਧ ਧਾਰੀ ॥ 63 ॥
ਹਮੰ ਨਾਦ ਹੋਵੈ । ਤੁਮੰ ਠਾਂਢ ਜੋਵੈ ॥
ਦੁ ਸੁਏ ਸੁ ਸੈਨਾ । ਲਰੇ ਜੁਧ ਐਨਾ ॥ 64 ॥
ਪਾਛੇ ਮੋਰ ਤੋਰਾ । ਪਰੇ ਜੁਧ ਘੋਰਾ ।
ਗੁਰੂ ਬਾਤ ਮਾਨੀ । ਰਹੇ ਠਾਂਢ ਗਿਆਨੀ ॥ 65 ॥
ਗੁਰੂ ਸੂਰ ਬਾਂਕੇ । ਗਿਨੋ ਨਾਮ ਤਾਂਕੇ ।
ਜਟੂ ਸੂਰ ਜਾਨੋ । ਕਲਯਾਨਾ ਸੁ ਮਾਨੋ ॥ 66 ॥

ਦੋਹਰਾ

ਪਿਰਾਗਾ ਮਥਰਾ ਸੂਰ ਪੁਨ ਜਗਨਾ ਜੋਧ ਅਪਾਰ ।
ਪਰਸ ਰਾਮ ਮੋਲਕ ਬਡੋ ਸਕਤ੍ਰ ਸਤ੍ਰ ਸੰਘਾਰ ॥ 67 ॥

¹ਅ ਪੋਥੀ ਕਯਾ ਕਰਨ ਅਬ ²ਅ ਪੋਥੀ ਤੋਹਿ ³ਏ ਪੋਥੀ ਬੀਰ ⁴ਅ ਪੋਥੀ ਖਾਯੋ ⁵ਅ ਪੋਥੀ ਗੀਯੀ

ਸੋਰਠਾ

ਬਿਧੀਆ ਸੂਰ ਅਪਾਰ ਜਿਨੇ ਜੁਧ ਪਾਛੇ^੧ ਕੀਓ ।
ਅਕਬਰ ਸਤ੍ਰ ਸੰਘਾਰ, ਗੁਰ ਸੇਵਾ ਬਹੁ ਕਰੇਗੇ ॥ 68 ॥

ਚੌਪਈ

ਇਹ ਸੂਰੇ ਗੁਰ ਕੇ ਹਰਿ ਭਾਰੀ । ਬਡ ਜੋਧਾ ਹਤ ਭੂਮਿ ਬਲਾਰੀ ।
ਔਰ ਸੈਨ ਅਗਨਤ ਗੁਰ ਸੰਗਾ । ਜੁਧ ਬੀਚ ਸਭ ਰਹਤ ਅਭੰਗਾ ॥ 69 ॥
ਬਾਧਾ ਚੁੰਗ ਸੈਨ ਕਾ ਭਾਰੀ । ਦੇਖ ਮਲੇਛ ਡਰੇ ਭੈਕਾਰੀ ।
ਅਬ ਪ੍ਰਤਿਨਾ^੨ ਤੁਰਕਾਨੀ ਕਹਉਂ । ਜਹਿ ਹਤ ਫਤੇ ਗੁਰੂ ਜੀ ਲਹਉਂ ॥ 70 ॥

ਪਾਧੜੀ ਛੰਦ

ਅਬਦੁਲ ਖਾਨ ਸੂਬਾ ਨਵਾਬ । ਤਾਂ ਵਜ਼ੀਰ ਗਨ ਕਹਿ ਸਿਤਾਬ ।
ਗਨ ਕੇ ਸੁ ਪੁਤ੍ਰ ਔ ਮਿਤ੍ਰ ਤਾਹਿ । ਸੈਨਾ ਸੰਜੁਗਤਿ ਗਨ ਕੇ ਸੁਨਾਹਿ ॥ 71 ॥
ਮੁਹੰਮਦ ਸੁ ਖਾਨ ਬੈਰਨ ਵਜ਼ੀਰ । ਬਲਵੰਡ ਖਾਂ ਅਲੀ ਬਖਸ਼ ਧੀਰ ।
ਇਮਾਮ ਬਖਸ਼ ਸੂਰਾ ਅਪਾਰ । ਪਾਂਚੋਂ ਵਜ਼ੀਰ ਗਨ ਕਹਿ ਸੁਧਾਰ ॥ 72 ॥

ਦੋਹਰਾ

ਨਬੀ ਬਖਸ਼ ਕਰੀਮ ਬਖਸ਼ ਪੁਤ੍ਰ ਜਾਹਿ ਕੇ ਜਾਨ ।
ਮੁਹੰਮਦ ਯਾਰ ਘੋਰੇ ਸੁਨੋ ਮਿਤ੍ਰ ਤਾਹਿ ਅਨਮਾਨ ॥ 73 ॥
ਘੋਰੜ ਸੁਤ ਜੋ ਰਤਨ ਚੰਦ ਕਰਮਚੰਦ ਸੁਤ ਅੰਧ ।
ਚੰਦ ਸੁਆਹ ਸੁਤ ਜਾਨੀਏ ਜਿਨੇ ਬੈਰ ਬਡ ਰੰਧ ॥ 74 ॥

ਚੌਪਈ

ਅਬਦੁਲ ਖਾਨ ਕੇ ਏਹ ਸਬ ਸੂਰੇ । ਜਿੰਹ ਮਨ ਕ੍ਰੋਧ ਰਹਿਯੋ ਭਰਪੂਰੇ ।
ਪੰਦ੍ਰਹ ਸਹਸ ਲੀਨ ਸੰਗ ਸੈਨਾ । ਬਾਧਾ ਚੁੰਗ ਅਏ ਜੁਧ ਐਨਾ ॥ 75 ॥
ਦੋਉ ਤਰਫ ਸੂਰੇ ਬਲਕਾਰੀ । ਪੀਸਤ ਦਾਂਤ ਖੜੇ ਨਿਰਧਾਰੀ ।
ਇਕ ਟਕ ਸਨਮੁਖ ਗੁਰ ਕੇ ਜੋ ਹਹਿ । ਗੁਰ ਆਗਿਆ ਲੈ ਧਰਤ ਅਗੋਹਹਿ ॥ 76 ॥

ਭੁਜੰਗ ਛੰਦ

ਤਬੇ ਦੀਨਾ ਨਾਥੰ ਸੁ ਜਟੂ ਬੁਲਾਯੋ । ਲਏ ਹਾਥ ਸਾਂਗੀ ਗੁਰੂ^੩ ਪਾਸ ਆਯੋ ।
ਕਰੋ ਮੋਹਿ ਆਗਿਆ ਸੁਨੋ ਦੀਨ ਦਯਾਲਾ ।
ਦਿਜੈ ਮੋਹਿ ਥਾਪੀ ਲਰੋਂ ਜੁਧ ਆਲਾ ॥ 77 ॥
ਤਬ ਦੀਨਾ ਨਾਥੰ ਸੁ ਐਸੇ ਉਚਾਰੀ । ਹਨੋ ਦੁਸਟ ਪਾਪੀ ਹਨੋ ਸੈਨ ਭਾਰੀ ।
ਦਈ ਆਪ ਸੈਨਾ ਕਛੂ ਸੰਗ ਤਾਂਕੇ । ਪਰੇ ਅਸੂ ਦੋਰਾਇ ਭਾਰੀ ਸੁ ਵਾਂਕੇ ॥ 78 ॥

ਰਸਾਵਲ ਛੰਦ

ਜਟੂ ਸੂਰ ਭਾਰੀ । ਸੁ ਕੀਨਾ ਉਚਾਰੀ ।
ਗੁਰੂ ਕੀ ਸੁ ਆਗਿਆ । ਅਯੋ ਪ੍ਰੇਮ ਪਾਗਿਆ ॥ 79 ॥

^੧ਅ ਤੇ ਏ ਪੋਥੀ ਪਾਛਲ ^੨ਏ ਪੋਥੀ ਸੈਨਾ ^੩ਅ ਪੋਥੀ ਪ੍ਰਭੂ

ਅਵੋ ਸੂਰ ਕੋਊ । ਕਰੈ ਜੁੱਧ ਦੋਊ ।
 ਸੁਨੀ ਖਾਨ ਬਾਨੀ । ਸੁ ਜਟੂ ਬਖਾਨੀ ॥ 80 ॥
 ਕਰੇ ਲਾਲ ਨੈਨਾ । ਪਰਿਯੋ ਜੁਧ ਐਨਾ ।
 ਕਹੋ ਤਾਸ ਨਾਮੰ । ਸੁਨੋ ਬੁਧ ਧਾਮੰ ॥ 81 ॥

ਦੋਹਰਾ

ਮਹੰਮਦ ਖਾਨ ਵਜ਼ੀਰ ਕਉ ਭੇਜਾ ਤਬ ਹੰਕਾਰ ।
 ਏਕ ਸਹਸ ਸੈਨਾ ਦਈ ਤਾਂਕੈ ਸੰਗਿ ਸੁਧਾਰ ॥ 82 ॥
 ਸੋਈ ਆਇ ਠਾਢਾ ਭਯੋ ਤਬੈ ਜੁਧ ਅਸਥਾਨ ।
 ਚਾਰ ਘਰੀ ਯਕ ਜਾਮ ਤਬ ਰਹਿਯੋ ਦਿਵਸ ਅਨਮਾਨ ॥ 83 ॥

ਨਰਾਜ ਛੰਦ

ਤਬੈ ਸੁ ਕੋਪਓਪੈ ਦੇ ਵਜ਼ੀਰ ਬਾਨ ਮਾਰਿਯੋ ।
 ਜਟੂ ਸੁ ਸੂਰ ਦੇਖ ਕੈ ਨਭੰ ਸੁ ਕਾਟ ਡਾਰਿਯੋ ।
 ਜਟੂ ਸੁ ਬਾਨ ਮਾਰ ਕੈ ਹਨੀ ਸੁ ਸੈਨ ਤਾਸ ਕੀ ।
 ਮਚਾ ਸੁ ਜੁਧ ਭਾਰ ਹੀ ਡਰੀ ਸੁ ਸੈਨ ਪਾਸ ਕੀ ॥ 84 ॥
 ਜਬੈ ਸੁ ਸੈਨ ਤਾਸ ਕੀ ਦਈ ਜਟੂ ਸੰਘਾਰ ਕੈ ।
 ਰਹਾ ਸੁ ਏਕ ਸੂਰਮਾ ਮਹੰਮਦ ਪੁਕਾਰ ਕੈ ।
 ਪਰਾ ਵਜ਼ੀਰ ਦੌਰ ਕੈ ਅਨੇਕ ਬਾਨ ਮਾਰਯੋ ।
 ਹਨੇ ਸੁ ਸੂਰ ਸੰਗ ਜੇ ਤਬੈ ਜਟੂ ਹੰਕਾਰਯੋ ।
 ਦੋਊ ਸੁ ਸੂਰ ਭਾਰਯੋ ਧਏ ਸੁ ਤੇਗ ਹਾਥ ਲੈ ।
 ਸੁਤਗ ਜੁੱਧ ਧਾਰੀਯੋ ਸਭੀ ਸੁ ਅੰਗ ਮਾਥ ਕੈ ।
 ਗਿਰੀ ਸੁ ਤੇਗ ਹਾਥ ਤੇ ਕੀਓ ਸੁ ਜੁਧ ਮੁਸਟ ਕੋ ।
 ਪਰੇ [ਪ੍ਰਿਥੀ]^੨ ਸੁ ਮੂਰਛਾ ਉਠੇ ਸੁ ਕ੍ਰੋਧ ਧਾਰ ਕੋ ॥ 85 ॥

ਚੌਪਈ

ਇਹ ਬਿਧ ਦੋਊ ਸੂਰ ਕੀ ਕੋਪਾ । ਦੋਊ ਘਰੀ ਕਰ ਕੀਨਾ ਰੋਪਾ ।
 ਮਹੰਮਦ ਤਮਕ ਤੇਗ ਕੀ ਝਾਰੀ । ਜਟੂ ਤੇਗ ਤਾਂਹਿ ਪੈ ਡਾਰੀ ॥ 86 ॥
 ਦੁਹੰ ਜੁਧ ਤਬ ਕੀਨਾ ਭਾਰੀ । ਧੰਨ ਧੰਨ ਸਭ ਸੈਨ ਪੁਕਾਰੀ ।
 ਦੋਊ ਗਿਰੇ ਜੂਝ ਰਣ ਧਾਮਾ । ਗਏ ਸੁਰਗ^੩ ਪਰ ਪੂਰਨ ਕਾਮਾ ॥ 87 ॥
 ਜਟੂ ਗਿਰਾ ਦੇਖ ਗੁਰ ਸਵਾਮੀ । ਮਥਰਾ ਸੂਰ ਪਠਯੋ ਬਲ ਧਾਮੀ ।
 ਇਕ ਸੌ ਸੂਰ ਦੀਓ ਤਿਸ ਸੰਗਾ । ਰੂਪ ਦੇਖ ਜਿਹ ਲਜਤ ਅਨੰਗਾ ॥ 88 ॥

^੧ਅ ਪੋਖੀ ਰਕਤ ^੨ਅ ਪੋਖੀ ਵਿਚੋਂ ^੩ਏ ਪੋਖੀ ਬੈਕੁੰਠ

ਦੋਹਰਾ

ਤਬ ਕਾਇਰ¹ ਭਾਗੇ ਸਭੈ, ਰਹੈ ਸੂਰ ਸਭ ਠਾਂਢ ।
 ਤਬ ਸੂਬਾ ਦਿਖ ਤਾਸ ਕਉ ਨਖ ਸਿਖ ਅਤਿ ਰਿਸ ਬਾਢ ॥ 89 ॥
 ਦੁਤੀ ਵਜ਼ੀਰ ਭੇਜਾ ਤਬੈ ਬੈਰਮ ਖਾਂ ਜਿਹ ਨਾਮ ।
 ਦਈ ਸੈਨ ਸੰਗਿ ਪਾਂਚ ਸੈ ਅਤਿ ਸੂਰੇ ਬਲ ਧਾਮ ॥ 90 ॥

ਰਸਾਵਲ ਛੰਦ

(ਦੁ) ਸੂਰੇ ਸੁ ਜੋਧਾ । ਧਏ ਧਾਰ ਕ੍ਰੋਧਾ ।
 ਕਰੀ ਬਾਨ ਮਾਰੰ । ਨ ਸੰਕਾ ਬਿਚਾਰੰ ॥ 91 ॥
 ਲਏ ਹੁੰਡ ਮੁੰਡੰ । ਫਿਰੇ ਭੂਤ ਝੁੰਡੰ ।
 ਸੁਆਰੰ ਸੁ ਆਏ । ਸੁ ਮਾਸੰ ਖਵਾਏ ॥ 92 ॥
 ਘਰੀ ਏਕ ਮੰਧ । ਭਯੋ ਜੁਧ ਸੰਧ ।
 ਦੁਹੰ ਕੀ ਸੁ ਸੈਨਾ । ਹਨੀ ਜੁਧ ਐਨਾ ॥ 93 ॥
 ਰਹੇ ਦੋਇ ਜੋਧਾ । ਕਰਾ ਤਾਸ ਕ੍ਰੋਧਾ ।
 ਕੀਓ ਜੁਧ ਭਾਰਾ । ਰਹੀ ਨਾ ਸੰਭਾਰਾ ॥ 94 ॥

ਦੋਹਰਾ

ਗੁਰ ਚਰਨਨ ਕਾ ਧਿਆਨ ਕਰ ਮਥਰਾ ਭਯੋ ਸੁਚੇਤ ।
 ਤੇਗ ਹਾਥ ਗਹਿ ਤਬ ਹਨੀ ਕੀਨਾ ਤੁਰਕ ਅਚੇਤ ॥ 95 ॥
 ਮਥਰਾ ਤਬ ਰਣ ਸੈ ਭਈ ਬੈਰਮ ਖਾਂ ਕੋ ਮਾਰ ।
 ਰਣ ਥੰਭਾ ਜਨ ਹੈ ਬਨਾ ਮਨੋ ਸੋਭ ਤ੍ਰਿਪੁਰਾਰ ॥ 96 ॥

ਚੌਪਈ

ਬੈਰਮ ਖਾਂ ਤਬ ਦੇਖ ਬਲਾਰੀ । ਸੂਬੇ ਕੋਪ² ਕੀਨ ਤਬ ਭਾਰੀ ।
 ਇਮਾਮ ਬਖਸ਼ ਦੀਵਾਨ ਬੁਲਾਯੋ । ਸੰਗ ਸੈਨ ਦੈ ਤਾਂਹਿ ਪਠਾਯੋ ॥ 97 ॥
 ਕਹਿਯੋ ਕਿ ਮਾਰੋ ਇਸੈ ਬਨਾਈ । ਦੇਖਹੁ ਏਕਲ ਜੁਧ ਸੁਹਾਈ ।
 ਇਮਾਮ ਬਖਸ਼ ਕੀਨਾ ਮਨ ਕ੍ਰੋਧਾ । ਅਸਵ ਚੁਰਾਇ ਪਰਾ ਬਡ ਜੋਧਾ ॥ 98 ॥
 ਬਾਨ ਬੂਦ ਕੀਨੀ ਰਿਸ ਧਾਰੀ । ਮਥਰਾ ਦੇਖ ਕ੍ਰੋਧ ਧਰ ਭਾਰੀ ।
 ਨਿਜ ਬਾਨਨ ਸਿਉ³ ਬਾਨ ਕਟਾਨੇ । ਭਯੋ ਤੂੰ ਖਾਲੀ ਨਿਜ ਜਾਨੇ ॥ 99 ॥
 ਢਾਲ ਅਸਵ ਗਹਿ ਪਰਾ ਵੰਗਾਰੀ । ਅਤਿ ਬਲਿ ਸਿਉ ਬਹੁ ਸੈਨ ਸੰਘਾਰੀ ।
 ਇਮਾਮ ਬਖਸ਼ ਕਾ ਅਸਵ ਹਤਾਨਾ । ਘਾਇਲ ਭਯੋ ਸੂਰ ਬਲਵਾਨਾ ॥ 100 ॥

ਦੋਹਰਾ

ਸੈਨ ਮਲੇਛੀ ਸਭ ਹਨੀ³ ਸ੍ਰੀ ਗੁਰ ਕੇ ਪ੍ਰਸਾਦਿ ।
 ਦੋਊ ਸੂਰ ਤਬ ਹਤੇ ਪਰੇ ਮਾਰ ਮਾਰ ਕਰ ਜਾਪ ॥ 101 ॥

¹ਏ ਪੌਥੀ ਗੀਧੀ ²ਅ ਪੌਥੀ ਰਿਸ ³ਅ ਤੇ ਦ ਪੌਥੀ ਸਤਿਗੁਰ

ਸੋਰਠਾ

ਹਤੇ ਸੂਰ ਜਬ ਜਾਨ ਖਾਨ ਕ੍ਰੋਧ ਮਨ ਮਹਿ ਕੀਓ ।
ਭੇਜੇ ਮੁਗਲ¹ ਪਠਾਨ ਸੈਨਾ ਦੇ ਚਤੁਰੰਗਨੀ ॥ 102 ॥

ਅੜਿਲ

ਅਲੀ ਬਖਸ ਬਲਵੰਡ ਸੁ ਦੀਓ ਪਠਾਇ ਕੈ ।
ਭਾਰੇ ਦੋਇ ਦਿਵਾਨ ਲਰੇ ਤੁਮ ਜਾਇਕੇ ।
ਦਈ ਪਠਾਨੀ ਸੈਨ ਬੇਗ ਕਹਿ ਧਾਈਓ ।
ਹੋ ਸਭ ਸਤ੍ਰ ਕਰ ਘਾਤੇ ਬਾਂਧ² ਗੁਰ ਲਿਆਇਓ ॥ 103 ॥

ਕੁੰਡਲੀਆ

ਸੈਨਾ ਲੀਨੀ ਸੰਗ ਬਹੁ ਕੋਪਿਓ ਖਾਨ ਦੀਵਾਨ ।
ਘੋਰ ਸੈਨ ਗੁਰ ਕੀ ਲਈ ਜਯੋਂ ਬੇਲ ਦੁਮਛਾਨ ।
ਜਿਉਂ ਬੇਲ ਦੁਮਛਾਨ ਐਸ ਮੁਖ ਬਚਨ ਉਚਾਰੇ ।
ਰੇ ਮੂੜੇ ਅਗਯਾਨ ਕਾਹਿ ਨਹਿ ਆਪ ਸੰਭਾਰੇ ।
ਕਰੇ ਜੁਧ ਸਮੁਹਾਇ ਤੋਹਿ ਹਤ ਭੂਮਿ ਗਿਰਵਾਉਂ ।
ਤੋਹਿ ਗੁਰੂ ਕੋ ਬਾਂਧ ਜਾਇ ਬਡ ਮਨਸਬ ਪਾਵਉਂ ॥ 104 ॥

ਦੋਹਰਾ

ਸਭੀ ਸੂਰ ਬਿਨਤੀ ਕਰੀ ਸ੍ਰੀ ਗੁਰ ਕੇ ਨਿਕਟਾਇ ।
ਲੈ ਆਗਿਆ ਗੁਰ ਤੇ ਚਲੇ ਪਰੇ ਬੇਗ ਸਿਖ ਧਾਇ ॥ 105 ॥

॥ ਛਪੈ ॥

ਚਲਾ ਸੁ ਨਾਨੋ ਧਾਇ ਕਲਯਾਣਾ ਕ੍ਰੋਧ ਭਰ ।
ਜਗਨਾ ਕ੍ਰਿਸ਼ਨਾ ਜੋਧ ਸੁ ਮੋਲਕ ਹਰਖ ਧਰ ।
ਪਾਚਉਂ ਗੁਰ ਕੇ ਸੂਰ ਚਲੇ ਰਿਸ ਧਾਰ ਕੈ ।
ਸੈਨਾ ਲੀਨੀ ਸੰਗਿ ਸੁ ਪਰੈ ਵੰਗਾਰ ਕੈ ।
ਮਰੇ ਚਪਰ ਰਿਸ ਧਾਰ ਬਿਦਾਰੇ ਕੁੰਭ ਗਜ ।
ਬਹੁ ਸੈਨਾ ਹਤ ਕੀਨ ਬਚਾ ਸੋ ਜਾਤ ਭਜ ॥ 106 ॥

॥ ਰਸਾਵਲ ਛੰਦ ॥

ਤਬੈ ਸੂਰ ਧਾਏ । ਸਰੋਘੰ ਚਲਾਏ ।
ਕਰੈ ਲਾਲ ਨੈਨਾ । ਬਕੈ ਮਾਰ ਬੈਨਾ ॥ 107 ॥
ਬਡੀ ਤੇਗ ਝਾਰੈ । ਨ ਸੰਕਾ ਬਿਚਾਰੈ ।
ਪੁਏ ਰੁੰਡ ਮਾਲਾ । ਸੁ ਭੈਰੋ ਕਰਾਲਾ ॥ 108 ॥

¹ਮੁਗਲੀ ਮਲਕੂ ²ਅ ਪੋਥੀ ਪਕਰ

ਉਠੇ ਚਾਵ ਡਾਯੋ । ਭਖੇ ਮਾਸ ਘਾਯੋ ।
 ਫਿਰੈ ਸਿਆਲ ਮਾਤੇ । ਕਭੀ ਨਾ ਅਘਾਤੇ ॥ 109 ॥
 ਸੋ ਲੋਹੂ^੧ ਪਿਵੰਤੀ । ਕਿ ਜੋਗਨ ਹਸੰਤੀ ।
 ਭਯੋ ਜੁਧ ਭਾਰੀ । ਸਕੈ ਨਾ ਨਿਹਾਰੀ ॥ 110 ॥
 ਗਏ ਭਾਗ ਮੁੰਜੀ । ਜਿਨੈ ਥੋਰ ਪੁੰਜੀ ।
 ਕਰਾ ਜੁਧ ਭਿਯਾਨਾ । ਸੁ ਨਾਨੋ ਹਤਾਨਾ ॥ 111 ॥

॥ ਭੁਜੰਗ ਛੇਦ ॥

ਤਬੈ ਕੋਪ ਕੈ ਮੋਕਲੰ ਤੇਗ ਝਾਰੀ । ਹਤਾ ਏਕ ਦੀਵਾਨੰ ਸੈਨਾ ਹਤਾਰੀ ।
 ਬਲਵੰਡ ਮਾਰਿਓ ਸੁ ਜੋਧਾ ਅਪਾਰੰ । ਧੰਨ ਮੋਕਲੰ ਸੂਰ ਭਾਖੇ ਬਲਾਰੰ ॥ 112 ॥
 ਮਚਾ ਘੋਰ ਸੰਗ੍ਰਾਮ ਮੋਲਕ ਹਤਾਯੋ । ਨੰਭ ਸੁੰਦਰੀ ਲੈ ਚਲੈ ਸੂਰ ਭਾਯੋ ।
 ਤਬੈ ਸਿਆਲ ਲੋਥ ਸੁ ਭੀਤੈ ਬਨਾਈ । ਸਿਤੰ ਗੁਦ ਔ ਮੇਦ ਤਾ ਮਹਿ ਰਚਾਈ ॥ 113 ॥

ਚੋਪਈ

ਇਹ ਬਿਧ ਮਚਾ ਘੋਰ ਸੰਗ੍ਰਾਮਾ । ਕਹ ਲੋ ਗਨੋ ਸੂਰ ਕੇ ਨਾਮਾ ।
 ਅਲੀ ਬਖਸ਼ ਰਨ ਭੂਮਿ ਗਿਰਾਯੋ । ਵਾਹਿਗੁਰੂ^੩ ਜਸ ਸਿਖਨ ਗਾਯੋ ॥ 114 ॥
 ਸੈਨ ਮਲੇਛੀ ਦਈ ਸੰਘਾਰਾ । ਗਏ ਭਾਜ ਤਹਿੰ ਕਰੀ ਪੁਕਾਰਾ ।
 ਹਜਰਤ ਤੋਰ ਦੀਵਾਨ ਹਤਾਯੋ । ਗੁਰ ਸੈਨਾ ਬਡ ਤੇਜ ਧਰਾਯੋ ॥ 115 ॥
 ਜੇਉ ਭਾਜ ਕਰ ਰਣ ਤੇ ਆਏ । ਤੇ ਸੂਬੇ ਨਿਜ ਕਰਹਿੰ ਹਤਾਏ ।
 ਪਾਵਤ ਰੋਜ ਸੁ ਲੇਵਤ ਰੋਕੀ । ਅਏ ਭਾਜ ਜੁਧ ਸਮਾ ਬਿਲੋਕੀ ॥ 116 ॥

ਦੋਹਰਾ

ਤਬੈ ਖਾਨ ਮਨ ਕੋਪ ਕਰ ਨਿਜ ਸੁਤ ਲਏ ਹਕਾਰ ।
 ਸੈਨਾ ਤੇ ਤਹਿੰ ਭੇਜਿਯੋ ਸਾਬ ਮਹੰਮਦ ਯਾਰ ॥ 117 ॥
 ਲੈ ਆਇਸ^੪ ਨਿਜ ਪਿਤਾ ਤੇ ਚੜੋ ਬਜਾਵਤ ਬਾਜ ।
 ਗਜ ਗਾਹਨ ਬਾਂਧੀ ਸਭਨ ਕੀਨ ਜੁਧ ਕਾ ਸਾਜ ॥ 118 ॥

ਸਵੇਯਾ

ਮਾਰੂ ਬਜਾਇ ਚੜੇ ਰਣ ਕੋ ਸਭ ਸੂਰਨ ਕੇ ਚਿਤ ਚਾਇ ਲੜਾਈ ।
 ਧੂਰ ਕੈ ਪੂਰ ਅਕਾਸ਼ ਚੜੇ ਨਭ ਮੰਡਲ ਮੈ ਜਨ ਦੇਤ ਬਧਾਈ ।
 ਆਇਕੈ ਠਾਢੇ ਭਏ ਰਨ ਮਹਿ ਤਬ ਮਾਰਹਿ ਮਾਰ ਸੁ ਬਾਤ ਅਲਾਈ ।
 ਜੁਧ ਅਪਾਰ ਭਯੋ ਤਹਿ ਠਾਂ ਤਬ ਸੂਰਨ ਦੇਖ^੫ ਅਪਸਰਾ ਆਈ ॥ 119 ॥
 ਭੋਅ ਕਮਾਨ ਸਮਾਨ ਤੀਯਾ ਸਰ ਤੀਖਨ ਹੈ ਜਿਨਕੀ ਪਲਕੈ ।
 ਪਿਕ ਬੈਨਨਿ ਸੈਨ ਕਮਾਨ ਰਚੇ ਬਰਛੀ ਮੁਖ ਛੂਟ ਰਹੀ ਅਲਕੈ ।

^੧ਅ ਪੋਥੀ ਸ੍ਰੋਣ ^੨ਅ ਪੋਥੀ ਮਚਾ ^੩੮ ਪੋਥੀ ਸਤਿਗੁਰੂ ^੪੮ ਪੋਥੀ ਆਗਯਾ ^੫ਅ ਪੋਥੀ ਦੇਖਨਿ

ਸਭ ਜੋਬਨਵਾਨ ਮਹਾਂ ਮਦ ਸੁੰਦਰ ਘਾਇਲ ਬੀਰ ਕੀਏ ਚਿਲਕੇ ।
ਜੁਧ ਕਉ ਸੈਨ ਚਲੀ ਦੋਉ ਓਰ ਭਿੜੇ ਹਥਯਾਰਨ ਸਿਉ ਮਿਲਕੇ ॥ 120 ॥

ਚੌਪਈ

ਕਲਯਾਣੇ ਮਨ ਕੀਓ ਕ੍ਰੋਧਾ । ਸੈਨ ਮਲੇਛੀ ਹਨੀ ਸੁਜੋਧਾ ।
ਕੜਾ ਕੜੀ ਬਾਹੈ¹ ਕ੍ਰਿਪਾਨਾ । ਗਿਰ ਗਿਰ ਪਰਤ ਸੂਰ ਬਲਵਾਨਾ ॥ 121 ॥
ਬੜੇ ਪੁਤ੍ਰ ਤਬ ਖਾਨ ਰਿਸਾਯੋ । ਨਬੀ ਬਖਸ਼ ਜਹਿ ਨਾਮ ਧਰਾਯੋ ।
ਆਵਤ ਹਨੀ ਤੇਗ ਬਹੁ ਭਾਰੀ । ਕਲਯਾਣੇ ਕੇ ਸੀਸ ਮਝਾਰੀ ॥ 122 ॥
ਗਿਰਤ ਤਾਂਹਿ ਅਸ ਤੇਗ ਚਲਾਈ । ਨਬੀ ਬਖਸ਼ ਕੇ ਪ੍ਰਾਨ ਗਵਾਈ ।
ਇਹ ਬਿਧ ਦੇਖ ਤਾਂਹਿ ਕੋ ਘਾਤਾ । ਕਰੀਮ ਬਖਸ਼ ਦੌਰਿਓ ਬਖਯਾਤਾ ॥ 123 ॥
ਇਹ ਤੇ ਦੌਰਿਓ ਕ੍ਰਿਸ਼ਨਾ ਜੋਧਾ । ਲੀਏ ਹਾਥ ਸੈਹਥੀ ਅਰੋਧਾ ।
ਆਵਤ ਹਨੀ ਤਾਂਹਿ ਉਰ ਮਾਹੀ । ਕਰੀਮ ਬਖਸ਼ ਕੇ ਪ੍ਰਾਨ ਹਤਾਂਹੀ ॥ 124 ॥

ਦੋਹਰਾ

ਸਾਹ ਪੁਤ੍ਰ ਕਉ ਮਾਰ ਕੈ ਸੈਨਾ ਹਤੀ ਅਪਾਰ ।
ਕ੍ਰਿਸ਼ਨਾ ਰਣ ਜੂਝਤ ਭਯੋ ਗਯੋ ਸੁਰਗ ਤਤਕਾਰ ॥ 125 ॥

ਚੌਪਈ

ਦੇਖ ਮਹੁੰਮਦ ਯਾਰ ਸੁ ਧਾਯੋ । ਸਸਤ੍ਰ ਅਸਤ੍ਰ ਧਰ ਸੂਰ ਕਹਾਯੋ ।
ਇਹ ਤੇ ਜਗਨਾ ਸੂਰ ਰਿਸਾਨਾ । ਤਕ ਤਕ ਹਨੇ ਤਾਂਹਿ ਤਨ ਬਾਨਾ ॥ 126 ॥
ਦੁਹਿ ਦਿਸ ਬਾਨ ਬਰਖ ਬਹੁ ਸੋਹੈ । ਪਗ ਚਪਲਾ ਤਿਹ ਮਹਿ ਛਬਿ ਸੋਹੈ ।
ਸੂਏ ਦੁਹੁ ਸੈਨਾ ਹਤ ਡਾਰੀ । ਰਹੇ ਦੋਇ ਸੂਰੇ ਬਲ ਕਾਰੀ ॥ 127 ॥

ਰਸਾਵਲ ਛੰਦ

ਦੁਈ ਬੀਰ ਕੋਪੇ । ਰਣੇ ਪਾਵ ਰੋਪੇ ।
ਅਪੋ ਆਪ ਬਾਹੈ । ਰਣੇ ਜੀਤ ਚਾਹੈ ॥ 128 ॥
ਦੁਹੁ ਘਾਇ ਲਾਗੇ । ਰਸੇ ਰੁਦ੍ਰ ਪਾਗੇ ।
ਦੁਈ ਬੀਰ ਬਾਂਕੇ । ਸੁ ਆਛੋ ਨਿਸਾਂਕੇ ॥ 129 ॥
ਨਭੰ ਯਾਨ ਆਯੋ । ਕਿਸੂ ਨਾਂਹਿ ਭਾਯੋ ।
ਰਚੇ ਜੁਧ ਮਾਹੀ । ਕਰੇ ਜੁਧ ਬਾਹੀ ॥ 130 ॥
ਦੁਹੁ ਪ੍ਰਾਨ ਤਿਆਗੇ । ਸੁਆਮੰ ਨ ਜਾਗੇ ।
ਚੜੇ ਯਾਨ ਮਾਂਹੀ । ਬਿਕ੍ਰੰਠ ਸਿਧਾਂਹੀ ॥ 131 ॥

ਦੋਹਰਾ

ਪੁਤ੍ਰ ਮਿਤ੍ਰ ਹਤ ਦੇਖ ਕੈ ਕੀਨ¹ ਖਾਨ ਮਨ ਰੋਸ ।
ਆਪ ਚੜ੍ਹਤ ਭਯੋ ਜੋਰ ਦਲ ਬਢਾ ਸੂਰ ਮਨ ਜੋਸ ॥ 132 ॥
ਤਬੈ ਸਾਹਿ ਆਗਿਆ ਕਰੀ ਮਾਰੂ ਬਜੈ ਅਪਾਰ ।
ਸੂਰਨ² ਮੁਖ ਲਾਲੀ ਭਈ ਕਾਇਰ ਅਤਿ ਭੈ ਧਾਰ ॥ 133 ॥

ਚੌਪਈ

ਘੇਰੜ ਸੁਤ ਕੋ ਤਬੈ ਬੁਲਾਯੋ । ਸੁਨੋ ਮ੍ਰਿਤ ਹਮ ਸੁਤਹਿ ਹਤਾਯੋ ।
ਅਬ ਹਉ ਲਗਉਂ ਜਾਇ ਰਨ ਮਾਂਹੀ । ਕੈ ਜੀਤੋਂ ਕੈ ਮਾਰੋਂ ਤਾਂਹੀ ॥ 134 ॥
ਤੁਮਹੂੰ ਚਲੋਂ ਹਮਾਰੇ ਸੰਗਾ । ਮਮ ਦਿਸ ਹੋਇ ਕਰੋਂ ਤਹਿੰ ਜੰਗਾ ।
ਚੰਦੂ ਸਵਾਹੀ ਪੁਤ੍ਰ ਬੁਲਾਯੋ । ਆਦਰ ਸਿਉਂ ਨਿਜ ਪਾਸ ਬਹਾਯੋ ॥ 135 ॥

ਦੋਹਰਾ

ਦਸ ਹਜਾਰ ਸੈਨਾ ਹਤੀ ਸਭ ਵਜੀਰ ਹਤ ਪਾਇ ।
ਪੁਤ੍ਰ ਮਿਤ੍ਰ ਹਮਰੇ ਹਨੈ ਮੁਹਿਤੇ ਰਹਿਯੋ ਨ ਜਾਇ ॥ 136 ॥

ਚੌਪਈ

ਕਰਮਚੰਦ ਤਿਹ ਸੁਨਿ ਕੈ ਬੈਨਾ । ਤਪਤ ਲੋਹ ਸਮ ਕੀਨੇ ਨੈਨਾ ।
ਐਸੋ ਕਹੀ ਸਾਹ ਸਿਉਂ ਬਾਤਾ । ਚਲੋਂ ਤੁਰਤ ਅਰਿ³ ਕਰਹੋ ਘਾਤਾ ॥ 137 ॥
ਯੋ ਸੁਨ ਸਾਹਿਜਹਾਂ ਕੋ ਸੂਬਾ । ਭਯੋ ਸਵਾਰ ਮੋਨ ਰਿਸ ਰੂਪਾ ।
ਆਗੇ ਸਿਰ ਪਰ ਸਮਧਾ ਚੂਕੀ । ਮਿਲੀ ਅਗਨ ਕਹਿ ਪ੍ਰਾਨ ਸੁ ਮੂਕੀ ॥ 138 ॥
ਰੋਵਤ ਨਾਰੀ ਸਨਮੁਖ ਆਈ । ਬਹੁ ਪ੍ਰਕਾਰ ਅਪਸਗਨ ਜਤਾਈ ।
ਧਾਰ ਚਿੰਤ ਮਨ ਸਾਹਿ ਰਿਸਾਈ । ਮਾਰੂ ਕਹਯੋ ਬਜਾਵੋ ਭਾਈ ॥ 139 ॥

ਦੋਹਰਾ

ਇਹ ਪ੍ਰਕਾਰ ਆਵਤ ਭਯੋ ਸਾਹ ਮਨੈ ਕਰਿ ਰੋਸ ।
ਦੇਖ ਮਲੇਛੀ ਸੈਨ ਕਉ ਉਠਯੋ ਗੁਰ ਮਨ ਜੋਸ ॥ 140 ॥

॥ ਸ਼ੋਕਰ ਛੇਦ ॥

ਭਾਂਤ ਭਾਂਤ ਬਜਾਇ ਬਾਜਨ ਸੂਰ ਸੋਭਾ ਪਾਵਹੀਂ ।
ਸਾਜ ਮਾਜ ਸੁਵਾਰ ਹਸਤੀ ਅਗਰ ਗੁਰ ਕੇ ਆਵਹੀ ।
ਅਗਰ ਗੁਰ ਕੇ ਐਸ⁴ ਭਾਖੇਂ ਮੋਹ ਪ੍ਰਭ ਆਗਿਆ ਕਰੋਂ ।
ਤੋਹਿ ਚਰਨ ਪ੍ਰਤਾਪ ਬਲ ਤੇ ਜਗਤ ਸਭ ਸਤ੍ਰੁਨ⁵ ਹਰੋ ॥ 141 ॥

ਸਵੇਯਾ

ਪਹਿਰ ਨਵੀਨ ਪੁਸ਼ਾਕ ਕ੍ਰਿਪਾ ਨਿਧ ਪਹਿਰ ਸੰਜੋਇ ਤਬੈ ਸੁਖਦਾਈ ।
ਅਸਿ ਜਨੇਵ ਡਰਾ ਉਰ ਮਹਿ ਤਬ ਢਾਲ ਰੁਮਾਲ ਲਯੋ ਉਰ ਲਾਈ ।

¹ਅ ਪੋਥੀ ਧਰਾ ²ਏ ਪੋਥੀ ਬੀਰਨ ³ਅ ਤੇ ਏ ਪੋਥੀ ਗੁਰਿ ⁴ਅ ਪੋਥੀ ਆਇ ⁵ਏ ਪੋਥੀ ਵੇਰਨ

ਖੰਜਰ ਸਾਥ ਤਮੰਚਨ ਕੇ ਤਬ ਔਰ ਸੁ ਜਮਧਰ ਕਮਰ ਛਕਾਈ ।
 ਤੂਣ ਕਸਿਯੋ ਕਟਿ ਸਾਥ ਕ੍ਰਿਪਾ ਨਿਧ ਹਾਥ ਵਿਖੇ ਧਨ ਬਾਨ ਸੁਹਾਈ ॥ 142 ॥
 ਫੇਰਤ ਬਾਨ ਤਬੈ ਗੁਰ ਆਪਹ ਦਾਹਨੇ ਹਾਥ ਚੁਟਕੀ ਮਧ ਲਯਾ ।
 ਥਾਵੇਂ ਸੁ ਧਨੁਖ ਲਯੋ ਹਸ ਕੇ ਪੁਨ ਜਾਂਹਿ ਪਿਖੇ ਧਨ ਇੰਦ੍ਰ ਲਜਯਾ ।
 ਦੀਨਨ ਨਾਥ ਉਚਾਰ ਕੀਓ ਤਬ ਲਿਆਉ ਤੁਰੰਗ ਹਮੇ ਸੁਨ ਭਯਾ ।
 ਸਾਜ ਤੁਰੰਗ ਅਏ ਛਿਨ ਮਹਿ ਦਿਖ ਦਾਸ ਕਵੀ ਤਿਨ ਕੇ ਬਲ ਜਯਾ ॥ 143 ॥

ਦੋਹਰਾ

ਗੁਰ ਨਾਨਕ ਅੰਗਦ ਗੁਰੂ ਅਮਰ ਗੁਰ ਜਹਿ ਨਾਮ ।
 ਰਾਮ ਦਾਸ ਅਰਜਨ ਗੁਰੂ ਤਾਂਕੋ ਕੀਨ ਪ੍ਰਨਾਮ ॥ 144 ॥

ਸੋਰਠਾ

ਹਰਿ ਗੋਬਿੰਦ ਤਤਕਾਲ ਉਠੇ ਬੰਦ ਗੁਰ ਚਰਨ ਕੋ ।
 ਭਏ ਤੁਰੰਗ ਸਵਾਰ ਕਿਆ ਉਪਮਾ¹ ਤਾਂਕੀ ਕਹਉਂ ॥ 145 ॥

ਕਥਿੱਤ

ਉਪਮਾ ਅਪਾਰ ਕਛੁ ਆਵਤ ਨਾ ਵਾਰ ਪਾਰ
 ਜਾਂਕੀ ਗਤਿ ਦੇਖ ਖਰਾ ਨਾਥ ਸੁਕਚਾਵਹੀ ।
 ਮਨ ਸਮ ਬੇਗ ਜਾਂਹਿ ਉਪਮਾਂ ਕੋ ਕਹੋ ਤਾਂਹਿ
 ਦੇਖ ਘਨ ਘਟਾ ਮਾਨੋ ਮੋਰ ਏ ਨਚਾਵਹੀ ।
 ਜਗ ਮਗ ਜੀਨ ਕਰੈ ਬੀਰਨ ਕੇ ਤੇਜ ਹਰੈ
 ਅਨਿਕ ਮ੍ਰਿਦੰਗ ਧੁਨ ਸੁਨੈ ਸੁਖ ਪਾਵਹੀ ।
 ਕ੍ਰਿਪਾ ਸਿੰਧ ਇਛ ਜਹਾਂ ਜਾਵਤ ਸੁ ਅਸ ਤਹਾਂ
 ਫਤਹਿ ਗੁਰੁ ਧਾਰ ਅਬ ਬ੍ਰਹਮ ਲੋਕ ਜਾਵਹੀ ॥ 146 ॥

ਦੋਹਰਾ

ਕਿਆ ਉਪਮਾ ਤਾਂਕੀ ਕਹਉਂ ਜਹਿ ਪਰ ਗੁਰੂ ਅਸਵਾਰ ।
 ਦੀਨਨ ਕੀ ਰਛਯਾ ਲੀਏ ਧਰਾ ਮਨੁਸ਼ ਔਤਾਰ² ॥ 147 ॥

ਚੌਪਈ

ਮਾਰੂ ਬਜਤ ਸੁ ਅਨਿਕ ਪ੍ਰਕਾਰਾ । ਭਏ ਸਗਨ ਸਭ ਮੰਗਲ ਚਾਰਾ ।
 ਦਾਹਨ ਖੇਤ ਕਾ ਕੋਤਕ ਦੇਖਾ । ਨਕੁਲ ਦਰਸ ਤਬ ਕੀਨ ਅਲੇਖਾ ॥ 148 ॥
 ਤ੍ਰਿਵਿਧ ਸਮੀਰ ਚਲਤ ਸੁਖਕਾਰੀ । ਭਏ ਸਗਨ ਸਭ ਜੀਤ ਪ੍ਰਕਾਰੀ ।
 ਚੜੇ ਸੂਰ ਗੁਰੁ ਓਰ ਅਮਿਤਾ । ਪਰਸਪਰ ਕਰੈ ਤੁਰਕ ਅਬ ਜਿਤਾ ॥ 149 ॥

¹ਅ ਪੰਥੀ ਮਹਿਮਾ ²ੲ ਪੰਥੀ ਅਵਤਾਰ

ਦੋਹਰਾ

ਦੋਉ ਤਰਫ ਸੈਨਾ ਅਈ ਤਹਾਂ ਜੁਧ ਅਸਥਾਨ ।
 ਤਬ ਨਵਾਬ ਦਿਖ ਪੁਤ੍ਰ ਕੋ ਮਨ ਮਹਿ ਬਹੁ ਬਿਲਖਾਨ ॥ 150 ॥
 ਨਿਜ ਸੈਨਾ ਕਉ ਭੇਜਿਓ ਤਬੈ ਸਾਹ ਕਰਿ ਰੋਸ ।
 ਸੁਨ ਆਗਿਆ ਨਿਜ ਸਾਹ ਕੀ ਚਢਾ ਸੂਰ ਮਨ ਜੋਸ ॥ 151 ॥

ਰਸਾਵਲ ਛੰਦ

ਗੁਰੂ ਜੀ ਅਲਾਈ ; ਦੇਖੋ ਸੈਨ ਆਈ ।
 ਚਿਰੀਆ ਸਮਾਨੇ । ਭਏ ਏਕ ਠਾਨੇ ॥ 152 ॥
 ਜਵੋ ਕੋਈ ਸੂਰਾ । ਕਰੈ ਬਾਜ ਚੂਰਾ ।
 ਬਿਨੰਤੀ ਸੁਨਾਈ । ਹਜ਼ੂਰ ਸੁਧਾਈ ॥ 153 ॥

ਦੋਹਰਾ

ਪਰਸਰਾਮ ਸਕਤੂ ਤਬੈ ਬਿਨਤੀ ਕਰੀ ਅਪਾਰ ।
 ਮਹਾਰਾਜ ਆਗਿਆ¹ ਕਰੋ ਤਵ ਬਲ ਸਤ੍ਰ ਸੰਘਾਰ ॥ 154 ॥

ਰਸਾਵਲ ਛੰਦ

ਗੁਰੂ ਕੀਨ ਆਗਿਆ । ਚਲੇ ਪ੍ਰੇਮ ਪਾਗਿਆ ।
 ਕਛੂ ਸੈਨ ਲੀਨੀ । ਨਹੀਂ ਸੰਕ ਕੀਨੀ ॥ 155 ॥
 ਦੁਈ ਏਸ ਸੈਨਾ । ਕਰੈ ਲਾਲ ਨੈਨਾ ।
 ਤਬੈ ਬਾਨ ਮਾਰੇ । ਕਈ ਸੂਰ ਡਾਰੇ ॥ 156 ॥
 ਸੁ ਲੋਧੰ ਕਠਾਰਾ । ਬਹੀ ਲੋਹੂ² ਧਾਰਾ ।
 ਸਿਵਾ ਗੀਤਾ ਗਾਵੈ । ਕਿ ਮੁੰਡੈ ਬਜਾਵੈ ॥ 157 ॥
 ਕਹੂੰ ਬਾਜ ਮਾਰੋ । ਕਹੂੰ ਪੇਟ ਫਾਰੋ ।
 ਕਹੂੰ ਹੂਹ ਛੁੱਟੇ । ਕਹੂੰ ਸੀਸ ਢੁੱਟੇ ॥ 158 ॥
 ਨਦੀ ਸੁਣ ਪੂਰੇ । ਫਿਰੈ ਗੈਣ ਹੂਰੇ ।
 ਛਿਤੰ ਦੇਹ ਲਾਗੇ । ਫਿਰੈਂ ਸੂਰ ਪਾਗੇ ॥ 159 ॥

ਸੰਗੀਤ ਛੰਦ

ਕਾਗੜਦੰ ਕੋਪੀ ਸਾਗੜਦੰ ਸੈਨਾ । ਤਾਗੜਦੰ ਤਿਆਗਿਯੋ ਚਾਗੜਦੰ ਚੈਨਾ ।
 ਛਾਗੜਦੰ ਛੋਰੇ ਤਾਗੜਦੰ ਤੀਰੰ । ਮਾਗੜਦੰ ਮਾਰੇ ਦਾਗੜਦੰ ਬੀਰੰ ॥ 160 ॥
 ਫਾਗੜਦੰ ਫੀਲੰ ਛਾਗੜਦੰ ਛੁੱਟੇ । ਸਾਗੜਦੰ ਸੂਰੰ ਜਾਗੜਦੰ ਜੁਟੇ ।
 ਬਾਗੜਦੰ ਬਾਜੇ ਨਾਗੜਦੰ ਨਗਾਰੇ । ਜਾਗੜਦੰ ਜੋਧਾ ਮਾਗੜਦੰ ਮਾਰੇ ॥ 161 ॥

¹ਅ ਤੇ ਏ ਪੋਥੀ ਆਇਸ ²ਏ ਪੋਥੀ ਸੁਣ

ਦੋਹਰਾ

ਇਹ ਬਿਧਿ ਸੈਨ ਸੰਘਾਰ ਕਰ ਘਨੇ ਘਰਨ ਕੋ ਗਾਰ ।
ਪਰਸਰਾਮ ਸਕਤੂ ਤਬੈ ਪਰੇ ਧਰਨ ਮੁਰਛਾਰ ॥ 162 ॥
ਚੜ ਬਿਮਾਨ ਜੋਧੋ ਤਬੈ ਧਰੇ ਦੇਵ ਤਨ ਰੂਪ ।
ਦਿਖ ਬਿਧੀਆ ਬਿਸਮਹਿ ਭਯੋ ਮਨਹੁ ਇੰਦ੍ਰ ਵਰ ਭੂਪ ॥ 163 ॥

ਚੌਪਈ

ਤਬ ਬਿਧੀਏ ਯਉ ਬਿਨਤੀ ਕੀਨੀ । ਕ੍ਰਿਪਾ ਸਿੰਧ ਪੈ ਹੋਇ ਅਧੀਨੀ ।
ਮਹਾਰਾਜ ਸੂਰੇ ਦੋਇ ਮਾਰੇ । ਆਗਿਆ ਕਰੋ ਸੁ ਮੋਹਿ ਮੁਰਾਰੇ ॥ 164 ॥
ਦੀਨਾ ਨਾਥ ਕਹਿਯੋ ਹਸ ਬੈਨਾ । ਫਿਰ ਆਵੇ ਡੇਰੇ ਸੁਖ ਐਨਾ ।
ਇਹ ਸੁਨ ਭਾਈ ਕ੍ਰੋਧ ਧਰਾਯੋ । ਸਸਤ੍ਰ ਅਸਤ੍ਰ ਧਾਰੇ ਤਨ ਆਯੋ ॥ 165 ॥

ਅਜੂਬਾ ਛੰਦ

ਕ੍ਰੋਧਯੋ ਰਣ ਭਾਈ । ਸਰ ਝਰ ਲਾਈ ।
ਅਸੁ ਸਰ ਛੋੜੇ । ਜਣ ਨਭ ਓਰੇ ॥ 166 ॥
ਡਿਗੇ ਰਣ ਮਧੋ । ਅੱਧੋ ਅਧ ਅਧੋ ।
ਬਹੁ ਅਰਿ ਮਾਰੇ । ਡੀਲ ਡਰਾਰੇ ॥ 167 ॥
ਸੈਨਾ ਸਭ ਮਾਰੀ । [ਮਨ]¹ ਹਰਖ ਧਾਰੀ ।
ਸੁਤ ਚੰਦੂ ਗਹਿਆਨਾ । ਗੁਰ ਢਿਗ ਆਨਾ ॥ 168 ॥

ਤੋਟਕ ਛੰਦ

ਗੁਰ ਕੈ ਢਿਗ ਆਇ ਦਿਖਾਇ ਦੀਓ ।
ਦਿਖ ਨਾਥ ਤਿਸੇ ਬਹੁ ਮਾਨ ਕੀਓ ।
ਤਿਨ ਕੋ ਕਹਿ ਆਪ ਛਡਾਇ ਭਜਾ ।
ਅਤਿਹੀ ਚਿਤ ਮਾਝ ਬਸੇਖ ਲਜਾ ॥ 169 ॥

ਦੋਹਰਾ

ਜਾਇ ਸਾਹਿ ਸਿਉਂ ਅਸ ਕਹੀਏ ਸਭ ਸੂਰੇ ਬਲਕਾਰ ।
ਸਭੇ ਸੈਨ ਹਥ ਬਾਂਧ ਮੁਹਿ ਲੈਗਏ ਗੁਰੂ ਨਿਕਟਾਰ ॥ 170 ॥

ਚੌਪਈ

ਦਯਾ² ਧਾਰ ਗੁਰੂ ਮੋਕਉ ਛੋਰਿਓ । ਬਹੁ ਧ੍ਰਿਗਕਾਰ ਦੇ ਮੋਹਿ ਨਿਹੋਰਿਓ ।
ਅਬ ਤੁਮ ਚੜੇ ਦੇਰ ਨਹਿ ਲਾਵੋ । ਆਪ ਗੁਰੂ ਸਿਉਂ ਜੁਧ ਮਚਾਵੋ ॥ 171 ॥
ਅਬ ਜੋ ਰਣ ਤੇ ਚਲੈ ਭਗਾਇ । ਪਰੈ ਨਰਕ ਬਡ ਪਾਪ ਠਗਾਇ ।
ਏਹ ਸੁਨ ਚੜਾ ਸਾਹ ਧਰ ਕੋਪਾ । ਮਰਣ ਮਾਂਡ ਆਯੋ ਰਣ ਓਪਾ ॥ 172 ॥

¹ਅ ਪੋਥੀ ਵਿਚੋਂ ²ਅ ਤੇ ਦ ਪੋਥੀ ਮਯਾ

ਘੇਰੜ ਸੁਤ ਚੰਦੁ ਸੁਤ ਦੋਉ । ਅਗੂ ਕ੍ਰੋਧ ਧਰ ਆਏ ਸੋਉ ।
ਕ੍ਰਿਪਾ ਸਿੰਧ ਸਿਉ ਕਹਾ ਪੁਕਾਰੀ । ਆਵੇ ਜੁਧ ਕਰੋ ਬਲ ਧਾਰੀ ॥ 173 ॥

ਦੋਹਰਾ

ਐਸ ਬਚਨ ਜਬ ਹੀ ਸੁਨੇ ਕ੍ਰਿਪਾ ਸਿੰਧ ਅਨਭੰਗ ।
ਬਿਧੀਆ ਪਾਵ ਹਟਾਇ ਕੈ ਫੇਰਿਓ ਤਬੈ ਤੁਰੰਗ ॥ 174 ॥

ਕਲਸ

ਚਲਤ ਚਲ ਸੁੰਦਰ ਛਬਿ ਘੋਰਾ । ਠੌਰ ਠੌਰ ਤੀਛਨ ਚਹੂੰ ਓਰਾ ।
ਉਰ ਚੌਕੀ ਨੇਵਰ¹ ਘੁੰਘਰਾਰੰ । ਨਿਖ ਮਦਨ ਦੁਤ ਹੋਤ ਸੁਮਾਰੰ ॥ 175 ॥

ਤਿਭੰਗੀ ਛੰਦ

ਸੋਭਤ ਛਬ ਧਾਰੰ ਗੁਰੁ ਕਰਤਾਰੰ ਤਾਸ ਸੁਵਾਰੰ ਉਜਯਾਰੰ ।
ਕਲਗੀ ਸੁਭ ਸੀਸੰ ਜਣ ਦਿਨ ਈਸੰ ਮਨ ਰਜਨੀਸੰ ਭੈਧਾਰੰ ।
ਸੋਵਤ ਚਖ ਚਾਰੰ ਸੋਭ ਅਪਾਰੰ ਅਤਿ ਬਲਿ ਧਾਰੰ ਰਣ ਰੰਗੰ ।
ਜੈ ਜੈ ਧੁਨ ਕਰਹੀ ਪੁਹਪਨ ਡਰਹੀ ਵਿਵਧ ਉਚਰਹੀ ਜੈ ਜੰਗੰ ॥ 176 ॥

ਕੁੰਡਲੀਆ

ਇਹ ਬਿਧ ਫੇਰਤ ਅਸ ਕੋ ਹਰਿ ਗੋਬਿੰਦ ਬਲਵਾਨ ।
ਕੋਟ ਭਾਨ ਸਮ ਤੇਜ ਧਰ ਠਾਢੇ ਜੁਧ² ਸਥਾਨ ।
ਠਾਢੇ ਜੁਧ ਸਥਾਨ ਦੇਵ ਚੜ ਜੁਧ ਨਿਹਾਰਹਿ ।
ਧਾਏ ਧਰ ਮਨ ਕ੍ਰੋਧ ਗੁਰੁ ਸਮੁਹਾਇ ਹਕਾਰਹਿ ।
ਅਤਿ ਸਿਤ ਛਾਡੇ ਬਾਨ ਗੁਰੁ ਤਨ ਲਗੇ ਨਾ ਕੋਈ ।
ਪਰੈ ਟੂਟ ਮਧ ਬਾਨ ਧਾਰ ਰਿਸ ਛਾਡੇ ਜੋਈ ॥ 177 ॥

ਦੋਹਰਾ

ਘੇਰੜ ਸੁਤ ਰਿਦ ਧਾਰ ਕੈ ਗਹੇ ਤੇਗ ਨਿਜ ਹਾਥ ।
ਚੰਦੁ ਸੁਤੁ ਨਿਜ ਸੰਗ ਧਰ ਕੀਓ ਜੁਧ ਗੁਰਿ ਸਾਥ ॥ 178 ॥

ਰਸਾਵਲ ਛੰਦ ।

ਪਰੇ ਦੌਰ ਐਸੇ । ਪਤੰਗ ਸੁ ਜੈਸੇ ।
ਧਨੰ ਹਾਥ ਲੀਨੇ । ਗੁਰੁ ਕ੍ਰੋਧ ਕੀਨੇ ॥ 179 ॥
ਮਸੰ ਬਾਨ ਲਾਯੇ । ਸੁ ਐਚੰ ਚਲਾਯੇ ।
ਲਗਾ ਭਾਲ ਮਧੰ । ਡਿਗਾ ਹੋ ਬਿਸੁੱਧੰ ॥ 180 ॥

ਦੋਹਰਾ

ਇਹ ਪ੍ਰਕਾਰ ਦੋਖੀ ਹਨਾ ਘੇਰੜ ਸੁਤ ਮਤਿ ਕੂਰ³ ।
ਕਰਮਚੰਦ ਦੋਰਾਇ ਅਸ ਅਯੋ ਕ੍ਰੋਧ ਭਰਪੂਰ ॥ 181 ॥

¹ਅ ਪੌਥੀ ਨੂਪਰ ²ੲ ਪੌਥੀ ਸਮਰ ³ੳ ਪੌਥੀ ਮੂੜ

ਚੌਪਈ

ਹਰਿਗੋਵਿੰਦ ਆਵਤ ਸੋ ਪੇਖਾ । ਕਾਢ ਤਮਾਚ ਕਰਮ ਅਸੇਖਾ ।
 ਤਤ ਛਿਨ ਘੋਰਾ ਤਾਂਹਿ ਚੜਾਯੋ । ਤਬ ਲੋ ਦੁਸ਼ਟ ਨਿਕਟਿ ਚਲ ਆਯੋ ॥ 182 ॥
 ਆਇ ਨਿਕਟਿ ਤਿਨ ਤੇਗ ਨਿਕਾਰੀ । ਮਾਰਨ ਲਗੇ ਸੁ ਹਾਥ ਉਬਾਰੀ ।
 ਸ੍ਰੀ ਸਤਿਗੁਰ ਤਬ ਹਨਾ ਤਮਾਚਾ । ਲਾਗਤ ਚੋਟ ਗਿਰਾ ਨਬ ਕਾਚਾ ॥ 183 ॥
 ਗਿਰਤ ਭੂਮ ਸੁ ਨਰਕ ਸਿਧਾਯੋ । ਤਿਹੰ ਤਨ ਮਾਸ ਨਾ ਚਾਂਵਡ ਖਾਯੋ ।
 ਪਾਪੀ ਜਾਨ ਤਿਆਗ ਤਨ ਦੀਨੋ । ਇਹ ਕੇ ਭਖੇ ਹੋਏ ਦੁਖ ਜੀਨੋ ॥ 184 ॥
 ਤਬ ਨਬਾਬ ਦਿਖ ਸੁਰ ਹਤਾਏ । ਬਾਨ ਬਰਖ ਧਰ ਕ੍ਰੋਧ ਮਹਾਏ ।
 ਏਕ ਬਾਨ ਤਕ ਐਸ ਚਲਾਯੋ । ਕ੍ਰਿਪਾ ਸਿੰਧ ਕਾ ਅਸਵ ਹਤਾਯੋ ॥ 185 ॥

ਦੋਹਰਾ

ਦੀਨਾਨਾਥ ਰਿਸਾਇ ਕੈ ਹਨਾ ਏਕ ਤਬ ਬਾਨ ।
 ਨਬਾਬ ਅਸਵ ਤਨ ਲਾਗਿਯੋ ਗਏ ਨਿਕਸ ਤਬ^੧ ਪ੍ਰਾਨ ॥ 186 ॥

ਭੁਜੰਗ ਛੰਦ

ਤਬੈ ਖਾਨ ਕੋਪੰ ਪ੍ਰਿਥੀ ਮਧ ਆਯੋ । ਗੁਰੋ ਪੈਰ ਪਿਆਦੇ ਸੁ ਭੂਮੰ ਸੁਹਾਯੋ ।
 ਚਲੈ ਬਾਨ ਬੂੰਦੰ ਸਮੰ ਦੋਇ ਸੂਏ । ਬੁਲਾ ਖਾਨ ਐਸੇ ਜੋਈ ਪਾਛ ਮੂਏ ॥ 187 ॥

ਚੌਪਈ

ਆਜ ਸਬਨ ਕਾ ਬਦਨਾ ਲੇਵਉ^੨ । ਜੀਵਤ ਤੋਹਿ ਜਾਨ ਨਹੀਂ ਦੇਵਉ ।
 ਅਸ ਕਹਿ ਬਾਨ ਸੁ ਅਨਕ^੩ ਚਲਾਏ । ਭਯੋ ਤੁੰਨ ਖਾਲੀ ਪਛੁਤਾਏ ॥ 188 ॥
 ਤਬੈ ਤੇਗ ਗਹਿ ਪਰਾ ਵੰਗਾਰੀ । ਢਾਲ ਅਸਵ ਤਬ ਗੁਰੂ ਸੰਭਾਰੀ ।
 ਬਹੁ ਪ੍ਰਕਾਰ ਤਬ ਕੀਨਾ ਜੁਧਾ । ਪਰਸਪਰ ਲੜੇ ਧਾਰ ਮਨ ਕਰੁਧਾ ॥ 189 ॥
 ਕ੍ਰਿਪਾ ਸਿੰਧ^੩ ਤਬ ਕਹਾ ਪ੍ਰਕਾਰੀ । ਕਰੋ ਵਾਰ ਤੁਮਰੀ ਹੈ ਵਾਰੀ ।
 ਤਬੈਂ ਐਚ ਤਿਨ ਬੇਗ ਚਲਾਈ । ਹਾਥ ਮੂਠ ਤੇ ਤੇਗ ਗਿਰਾਈ ॥ 190 ॥

ਦੋਹਰਾ

ਤਬ ਪ੍ਰਭ ਐਸ ਉਚਾਰਿਯੋ ਅਬ ਕਰਹੁ ਮੈਂ ਵਾਰ ।
 ਹੁਇ ਸੁਚੇਤ ਕਲਮਾ ਪੜੋ ਕਰਹੁ ਤੋਰਿ ਸੰਘਾਰ ॥ 191 ॥

ਰਸਾਵਲ ਛੰਦ

ਤਬੈ ਐਂਚ ਮਾਰੀ । ਸੁ ਤੇਗੰ ਅਪਾਰੀ ।
 ਲਗੀ ਸੀਸ ਜਾਈ । ਪ੍ਰਿਥੀ ਮਧ ਆਈ ॥ 192 ॥
 ਗਿਰਾ ਭੂਮ ਮਧੰ । ਭਯੋ ਅਧ ਅਧੰ ।
 ਸੁਰੰ ਜੈ ਉਚਾਰਿਯੋ । ਪ੍ਰਿਥੀ ਭਾਰ ਟਾਰਿਓ ॥ 193 ॥

^੧ਅ ਪੋਥੀ ਤਿਸ ^੨ਏ ਪੋਥੀ ਅਨਗਨ ^੩ਏ ਪੋਥੀ ਨਿਧਾਨ

ਸੁ ਬਾਜੇ ਨਗਾਰੇ । ਫਤੇ ਕੇ ਅਪਾਰੇ ॥
ਹਨਾ ਦੁਸਟ ਦੋਖੀ । ਭਈ ਬਾਤ ਚੋਖੀ ॥ 194 ॥

ਦੋਹਰਾ

ਜੁਧ ਕਰਤ ਗੁਰ ਸਿਉ ਮੂਆ ਕਰਤ ਗੁਰੂ ਕਾ ਧਿਆਨ ।
ਦੇਵ ਦੇਹ ਤਬ ਪਾਇ ਕੈ ਗਯੋ ਗੈਨ¹ ਚੜ ਯਾਨ ॥ 195 ॥

ਚੌਪਈ

ਕ੍ਰਿਪਾ ਸਿੰਧ ਤਬ ਬਾਨ ਪ੍ਰਹਾਰੇ । ਬਚੇ ਤੁਛ² ਜੋ ਭਾਗ ਉਬਾਰੇ ।
ਪਰੇ ਸਿਖ ਪਾਛੇ ਤਹਿ ਧਾਈ । ਕਰਤ ਜੁਧ ਸੇ ਅ੍ਰਗ ਸਿਧਾਈ ॥ 196 ॥
ਲਰਤੇ ਲਰਤੇ ਸਾਂਝ ਸੁ ਭਈ । ਅਥਿਯੋ ਸੂਰ ਨਿਸ ਆਗਮ ਲਈ ।
ਰਾਕਾਪਤਿ ਨਿਜ ਤਖਤ ਸੁਹਾਯੋ । ਨਿਜ ਅਰ ਘਾਇ ਰਾਜ ਤਿਨ ਪਾਯੋ ॥ 197 ॥
ਤਬੈ ਸਿਖ ਪਾਛੇ ਕੋ ਮੁਰੇ । ਕ੍ਰਿਪਾ ਸਿੰਧ ਕੀ ਓਰ ਸੁ ਤੁਰੇ ।
ਪਰੀ ਲੋਥ ਬਹੁ ਜੁਧ ਮਝਾਰੀ । ਢੂੰਢਤ ਭਏ ਬਿਆਕੁਲ ਭਾਰੀ ॥ 198 ॥

ਦੋਹਰਾ

ਅਬਦੁਲ ਖਾਂ ਕਉ ਮਾਰ ਕੈ ਦੀਨਾ ਨਾਥ ਦਯਾਲ ।
ਤਿਸੀ ਲੋਥ ਕੇ ਨਿਕਟਿ ਹੀ ਬੈਠੇ ਸ੍ਰੀ ਗੁਰਕਾਲ ॥ 199 ॥

ਚੌਪਈ

ਸਤਿਗੁਰ ਕੇਰ ਮਸਾਲਚੀ ਆਏ । ਦੋਇ ਮਸਾਲ ਦੋਉਂ ਤਹਿ ਲਿਆਏ ।
ਦੇਖ ਪ੍ਰਕਾਸ਼ ਅਏ ਸਿਖ ਧਾਈ । ਤਬ ਗੁਰੁ ਤਾਂਕੋ ਕਹਾ ਸੁਨਾਈ ॥ 200 ॥
ਰਚੋ ਦਮਦਮਾ ਈਹਾਂ ਸੁਧਾਰੇ । ਖਾਨ ਲੋਥ ਧਰ ਰਚਾ ਅਪਾਰੇ ।
ਪੁਨ ਉਠਕੇ ਸਭ ਸੂਰ ਨਿਹਾਰੇ । ਕ੍ਰਿਪਾ ਸਿੰਧ ਅਸ ਬੈਨ ਉਚਾਰੇ ॥ 201 ॥
ਨਦੀ ਕੰਠ ਮੋਹਿ ਖਰਾ ਨਿਹਾਰਉਂ । ਸਭ ਕੀ ਲੋਥ ਬੀਚ ਨਦਿ ਡਾਰਉਂ ।
ਬੈਨ³ ਸੁਨਤ ਗੁਰ ਕੇ ਸਿਖ ਧਾਏ । ਸਭ ਸਿਖਨ ਕੀ ਲੋਥ ਲਿਆਏ ॥ 202 ॥
ਕਹਿ ਕਹਿ⁴ ਨਾਮ ਨਦੀ ਮਾਹਿ ਡਾਰੀ । ਹਰਿ ਗੋਬਿੰਦ ਤਬ ਐਸ ਉਚਾਰੀ ॥
ਸਭ ਤੁਰਕਨ ਕੀ ਲੋਥ ਲਿਆਵਉ । ਬੀਚ ਬਿਪਾਸਾ ਸਭ ਹੀ ਪਾਵਉਂ ॥ 203 ॥

ਦੋਹਰਾ

ਦੌਰ ਸਿਖ ਲਿਆਏ ਤਬੈ ਤੁਰਕਨ ਲੋਥ ਅਪਾਰ ।
ਨਦੀ ਬੀਚ ਡਾਰੀ ਸਭੈ ਚੌਦਾਂ ਸਹਸ ਬਿਚਾਰ ॥ 204 ॥
ਨਦੀ ਲੋਥ ਸਭ ਡਾਰ ਕੈ ਕ੍ਰਿਪਾ ਸਿੰਧੁ ਰਣਧੀਰ ।
ਨਿਜ ਡੇਰੇ ਇਸਥਿਤ ਭਏ ਨਿਜ ਦਾਸਨ ਹਰ ਪੀਰ ॥ 205 ॥

¹ਅ ਤੋ ਏ ਪੋਥੀ ਨਭ ²ਅ ਪੋਥੀ ਕਛੂ ³ਏ ਪੋਥੀ ਬਚਨ ⁴ਅ ਪੋਥੀ ਤਿਨ

ਸੋਰਠਾ

ਭਏ ਮੁਕਤ ਸਭ ਸੂਰ ਜੋ ਸਨਮੁਖ ਗੁਰ ਕੇ ਮੂਏ ।

ਪ੍ਰਭ ਜਸ ਜਗ ਭਰਪੂਰ ਗਾਵਤ ਮੁਨਿ ਜਨ ਦੇਵ ਸਭ ॥ 206 ॥

ਚੌਪਈ

ਹਰਿ ਗੋਵਿੰਦ ਕਾ ਜੁਧ ਮਹਾਨਾ । ਬਰਨਨ ਕਰਾ ਸੁਨਾ ਜਿਮ ਕਾਨਾ ।

ਜੋ ਇਹ ਪੜੇ ਸੁਨੇ ਮਨਿ ਲਾਈ । ਕਾਲ ਨਿਕਟ ਤਾਂਕੇ ਨਹਿ ਆਈ ॥ 207 ॥

ਇਹੈ ਧਿਆਇ ਗਥ¹ ਪੂਰੀ ਭਈ । ਆਗੇ ਔਰ ਸੁਨੋ ਗਥ ਨਈ ।

ਅਤਿ ਸੁੰਦਰ ਗੁਰ ਸ਼ਹਿਰ ਬਸਾਵਹਿ । ਚਾਰ ਸਿਖ ਕੀ ਸਾਖੀ ਆਵਹਿ ॥ 208 ॥

ਭੂਲ ਚੂਕ ਬਖਸ਼ੋ ਸਿਖ ਭਾਈ । ਛੰਦ ਸੋਰਠਾ ਲੇਹੁ ਬਨਾਈ ।

ਇਹ ਦਾਨ ਮੋਕਉ ਤੁਮ ਕਰੋ । ਕ੍ਰਿਪਾ ਸਿੰਧੁ ਜਸ ਨਿਜ ਦਿਨ ਰਹੋ ॥ 209 ॥

ਇਤਿ ਸ੍ਰੀ ਗੁਰ ਬਿਲਾਸ ਨਵਾਬ ਅਬਦੁਲ ਖਾਨ ਬਧਹ ਚੌਦਮੋਂ ਧਿਆਇ ਸਮਾਪਤ
ਮਸਤ ਸੁਭ ਮਸਤ ॥ 14 ॥ ਵਾਹਿਗੁਰੂ ॥

¹ਅ ਪੋਥੀ ਕਥਾ

ਅਧਿਆਇ ਪੰਦਰਵਾਂ

ਦੋਹਰਾ

ਸੁਨੋ ਸੰਤ ਮਨ ਦੇ ਸਬੇ ਗੁਰ ਕੇ ਚਰਿਤ ਅਨੰਤ ।
ਬਹੁ ਪ੍ਰਕਾਰ ਕੌਤਕ ਕਰਹਿ ਗਾਵਤ ਮੁਨਿ ਜਨ ਸੰਤ ॥ 1 ॥

ਚੌਪਈ

ਸਤਿਗੁਰ ਕ੍ਰਿਪਾ ਧਾਰ ਉਰ ਮਾਂਹੀ । ਕਹਉਂ ਕਥਾ ਸੁਨ ਜਿਮ ਮੋਹਿ ਪਾਈ ।
ਜਬੈ ਲੋਥ ਸਭ ਨਦ ਮਹਿ ਡਾਰੀ । ਜਲੰ ਜੀਵ ਧਰ ਹਰਖ ਅਪਾਰੀ ॥ 2 ॥
ਕਟ ਕਟ ਮਾਸ ਸੁ ਖਾਵਨ ਲਾਗੇ । ਕ੍ਰਿਪਾ ਸਿੰਧੁ ਗਥ ਕਹਉਂ ਸੁ ਆਗੇ ।
ਬਸੇ ਰੈਨ ਨਿਜ ਡੇਰ ਮਝਾਰੀ । ਕ੍ਰਿਪਾਸਿੰਧ ਸਾਹਿਬ ਅਵਤਾਰੀ ॥ 3 ॥
ਬਿਤੀ ਰੈਨ ਕਸਪ ਸੁਤ ਆਯੋ । ਆਇ ਆਪਨੇ ਤਖਤ ਸੁਹਾਯੋ ।
ਭਯੋ ਪ੍ਰਕਾਸ਼ ਸਭੀ ਨਰਾ ਜਾਗੇ । ਨਿਜ ਨਿਜ ਕਾਰਜ ਮਾਹਿ ਸਭ ਲਾਗੇ ॥ 4 ॥
ਸ੍ਰੀ ਸਤਿਗੁਰ ਮਨ ਕੀਨ ਵਿਚਾਰਾ । ਸ੍ਰੀ ਮੁਖ ਸਿਉਂ ਅਸ ਬਚਨ ਉਚਾਰਾ ।
ਖਾਸ ਸਿਖ ਤਬ ਬੋਲ ਹਜ਼ੂਰੇ । ਆਗਿਆ ਦੀਨ ਤਬੈ ਗੁਰ ਪੂਰੇ ॥ 5 ॥

ਦੋਹਰਾ

ਸਹਿਰ ਪਨਾਹ ਸੁੰਦਰ [ਰਚਓ ਦਰਬਾਜੇ ਰਖ]² ਪਾਂਚ ।
ਜਿਹ ਪਿਖ ਸਤ੍ਰ ਲਾਜਹੀ ਲਗੇ ਨਾ ਦੁਖ ਕੀ ਆਂਚ ॥ 6 ॥

ਚੌਪਈ

ਤਾਤਕਾਲ ਤਬ ਕਰੀ ਤਿਆਰੀ । ਲਾਇ ਮਜ਼ੂਰ ਪਨਾਹ ਸਵਾਰੀ ।
ਅਨਗਨ ਆਵੈ ਦੀਨ ਚਢਾਈ । ਬਹੁਤ ਦਰਬ ਦੈਂ ਦੇਰ ਨਾ ਲਾਈ ॥ 7 ॥
ਪੁਨ ਸਤਿਗੁਰ ਮਨ ਐਸੇ ਆਨੀ । ਘੇਰੜ ਗ੍ਰਿਹ ਹਨ³ ਕਰਉਂ ਮਦਾਨੀ ।
ਯਾਂਹਿ ਦੁਸ਼ਟ ਕੀ ਜੜ ਨਾ ਰਖਾਵਉਂ । ਹਨੋ ਮੂਲ ਦਧ ਖਾਰੇ ਪਾਵਉਂ ॥ 8 ॥
ਤਤ ਛਿਨ ਦੋਰੇ ਸਿਖ ਅਪਾਰਾ । ਢਾਹਿ ਤਿਨੈ ਗ੍ਰਿਹਿ ਕੀਨਾ ਛਾਰਾ ।
ਦੀਨਾ ਨਾਥ ਕੀਨ ਅਨਮਾਨਾ । ਧਰਮਸਾਲ ਸੋ ਰਚਿ ਇਹ ਥਾਨਾ ॥ 9 ॥
ਢਾਹ ਮਲੇਛ ਦੇਹ ਸੂਮ ਹੋਈ । ਤਾਂਤੇ ਜਤਨ ਕਰੋ ਅਬ ਸੋਈ ।
ਕਰ ਬਿਚਾਰ ਤਬ ਰਚੀ ਮਸੀਤ । ਜਿਹ ਪਿਖ ਕਰਹਿ ਬਹੁਤ ਹਿਤ ਪ੍ਰੀਤ ॥ 10 ॥

¹ਅ ਪੌਥੀ ਸਿਖ ²ਅ ਪੌਥੀ ਵਿਚੋਂ ³ੲ ਪੌਥੀ ਢਾਹਿ

ਤਬ ਲਓ ਪਾਵਸ ਪਾਇਓ ਜੋਰਾ । ਸੁੰਦਰ ਘਟਾ ਚੜੀ ਚਹੁੰ ਓਰਾ ।
 ਭਾਤ ਭਾਂਤ ਤਬ ਬਾਦਲ ਆਈ । ਬਰਖਾ ਕਰਤ ਅਧਿਕ ਝਰਿ ਲਾਈ ॥ 11 ॥
 ਤਾਂ ਮਹਿ ਕਟਾ ਸੋਭ ਪੁਨ ਕੈਸੇ । ਪਾਪੀ ਮਨੈ ਮਨੋਰਥ ਜੈਸੇ ।
 ਕਬੀ ਸੁ ਦੁਰਹਿ ਕਬੀ ਪ੍ਰਗਟਾਵਹਿ । ਪਾਪ ਦਰਬ ਜਸ ਥਿਰ ਨਾ ਰਹਾਵਹਿ ॥ 12 ॥
 ਬਿਪਾਸਾ ਨਦੀ ਬਹੁਤ ਉਮਗਾਹੀ । ਜਥਾ ਸਿਖ ਗੁਰ ਚਰਿਤ ਸੁਨਾਈ ।
 ਢਾਹਤ ਕੰਠੇ ਚਲੀ ਗਜੰਤੀ । ਗਦ ਗਦ ਹੂੰ ਮਨ ਕੋ ਮੋਹੰਤੀ ॥ 13 ॥

ਦੋਹਰਾ

ਦੀਨਾ ਨਾਥ ਦਿਆਲ ਪ੍ਰਭੁ ਅਤਿ ਅਨੰਦ ਚਿਤ ਧਾਰ ।
 ਹਮਰੇ ਘੋਰਾ ਹਤ ਭਯੋ ਸ੍ਰੀ ਮੁਖ ਕੀਨ ਉਚਾਰ ॥ 14 ॥
 ਲਾਹੋਰਾ^੧ ਜਾਇ ਲਿਯਾਇਯੋ ਇਸੇ ਜਿਹ ਕੀਮਤ ਅਤਿਯੰਤ ।
 ਐਸਾ ਘੋਰਾ ਹੋਇ ਜਹਿ ਦੇਵਹੁੰ ਦਰਬ ਅਨੰਤ ॥ 15 ॥

ਚੌਪਈ

ਕਹੋ ਸੰਕੋਚ ਨਾ ਕਰ ਬਿਸਤਾਰਨ । ਕ੍ਰਿਪਾ ਸਿੰਧ ਕੇ ਦਰਸਨ ਕਾਰਨ ।
 ਕਿਸੀ ਦੇਸ ਤੇ ਸੰਗਤਿ ਆਈ । ਚਰਨ ਕਮਲ ਗੁਰ ਭਵਰ ਲੁਭਾਈ ॥ 16 ॥
 ਨਾਨਾ^੨ ਭੂਖਨ ਬਸਨ ਅਪਾਰਾ । ਆਨੀ ਭੇਟ ਸੁ ਬਹੁ ਪ੍ਰਕਾਰਾ ।
 ਤਾਂ ਮੈਂ ਏਕ ਸਿਖ ਗੁਰ ਪਯਾਰਾ । ਨਾਮ ਸੁਭਾਗਾ ਪ੍ਰੀਤਿ ਅਪਾਰਾ ॥ 17 ॥
 ਹਰਿਗੋਬਿੰਦ ਕੀ ਭੇਟ ਲਿਆਯੋ । ਪਾਂਚ ਤੁਰੰਗ ਅਧਿਕ ਛਬ ਛਾਯੋ ।
 ਪਾਂਚ ਲਾਖ ਕੀ ਕੀਮਤ ਹੋਈ । ਉਚ ਨੀਚ ਜਾਨਤ ਸਭ ਕੋਈ ॥ 18 ॥
 ਦਯਾ ਸਿੰਧੁ ਦੀਵਾਨ ਲਗਾਏ । ਹਾਥ ਜੋਰ ਸਿਖ ਬਚਨ ਅਲਾਏ ।
 ਅਪਨੀ ਭੇਟ ਲੇਹੁ ਪ੍ਰਭ ਘੋਰੇ । ਕ੍ਰਿਪਾ ਦ੍ਰਿਸਟ ਧਾਰਹੁ ਮਮ^੩ ਓਰੇ ॥ 19 ॥

ਦੋਹਰਾ

ਜਬ ਤੁਰੰਗ ਸਤਿਗੁਰ ਪਿਖੇ ਅਤਿ ਅਨੰਦ ਚਿਤ ਧਾਰ ।
 ਮਨ ਬਾਂਛਤ ਤਬ ਬਰ ਦੀਯੋ ਸਿਖ ਕੋ ਧੰਨ ਉਚਾਰ ॥ 20 ॥
 ਚਾਲ ਛਾਲ ਸੁੰਦਰ ਕਰੈ ਫੇਰ ਤੋਰ ਗੁਰ ਦੇਖ ।
 ਸਾਜ ਜਰੀ ਸੁੰਦਰ ਬਨਯੋ ਕੀਨੋ ਬਚਨ ਅਲੇਖ ॥ 21 ॥

ਚੌਪਈ

ਬਿਧੀਏ ਕਉ ਗੁਰ ਅਸ ਫੁਰਮਾਈ । ਇਕ ਹੈ ਲੇਹੁ ਤੁਮੈਂ ਸੁਖ ਪਾਈ ।
 ਪੈਦੇ ਖਾਂ ਕਉ ਏਕ ਪਠਾਯੋ^੪ । ਦਯਾ ਸਿੰਧ ਮਨ ਐਸੇ ਭਾਯੋ ॥ 22 ॥
 ਸੁੰਦਰ ਘੋਰਾ ਏਕ ਪ੍ਰਬੀਨੋ । ਬਾਬੇ ਗੁਰਦਿਤੇ ਪਠ ਦੀਨੋ ।
 ਦੋਇ ਅਸਵ ਗੁਰ ਪਾਸ ਰਹਾਏ । ਚਲਤੁ ਚਾਲ ਸੁੰਦਰ ਛਬਿ ਪਾਏ ॥ 23 ॥

^੧ਅ ਪੋਥੀ ਲਵਪੁਰ ^੨ਏ ਪੋਥੀ ਬਹੁ ^੩ਅ ਪੋਥੀ ਹਮ ^੪ਅ ਪੋਥੀ ਭਿਜਵਾਯੋ

ਏਕ ਦਿਵਸ ਸਾਹਿਬ ਅਵਤਾਰੀ । ਸ੍ਰੀ ਮੁਖ ਸਿਉਂ ਤਬ ਕੀਨ ਉਚਾਰੀ ।
ਕੋਉ ਹੈ ਸਿਖ ਨਿਰਮਲ ਬੁਧ । ਕਰੇ ਪਾਠ ਅਤਿਸੈ ਸਭ ਸੁਧ ॥ 24 ॥
ਸਭ ਸਿਖਨ ਮਿਲ ਐਸ ਉਚਾਰੀ । ਸੁਧ ਪਾਠ ਹਮ ਕਰਹਿ ਸੁਧਾਰੀ ।
ਬਾਨੀ ਕੰਠ ਸੁ ਬਹੁਤ ਹਮਾਰੇ ; ਪੜਹਿ ਨੇਮ ਤੁਮ ਕਿਰਪਾ ਧਾਰੇ ॥ 25 ॥

ਦੋਹਰਾ

ਦਯਾ ਸਿੰਧ ਐਸੇ ਕਹਿਯੋ ਸੁਨੇ ਸਿਖ ਨਿਰਧਾਰ ।
ਸੁਧ ਪਾਠ ਜਪੁਜੀ ਕਰੈ ਸੋ ਤਰ ਹੈ ਭਵ¹ ਪਾਰ ॥ 26 ॥
ਸੁਧ ਪਾਠ ਕਰਿ ਜਪੁਜੀ ਮੋਹ ਸੁਨਾਵੈ ਕੋਇ ।
ਮਨ ਬਾਛਤ ਬਰ ਦੇਹੁ ਤਹਿ ਜੋਇ ਇਛ ਤਿਹ ਹੋਇ ॥ 27 ॥

ਚੌਪਈ

ਏਕ ਗੁਪਾਲਾ ਸਿਖ ਉਚਾਰੀ । ਹਾਥ ਜੋਰ ਤਿਨ ਬਚਨ² ਉਚਾਰੀ ।
ਨਿਜ ਦਾਸਹਿ ਜੇ ਆਗਿਆ ਕਰੇ । ਸੁਧ ਪਾਠ ਜਪੁਜੀ ਮੋ ਰਰੇ ॥ 28 ॥
ਨਿਜ ਮਨ ਮਹਿ ਤਿਨ ਐਸੇ ਧਾਰੀ । ਲੇਹੁ ਅਸਵ ਜਿਸ ਕੀਮਤ ਭਾਰੀ ।
ਸਵਾ ਲਾਖ ਜਹਿ ਸੁੰਦਰ ਸਾਜਾ । ਮੋ ਕਉ ਦੇਹਿ ਗਰੀਬ ਨਿਵਾਜਾ ॥ 29 ॥
ਕ੍ਰਿਪਾ ਸਿੰਧ ਤਬ ਅਸ ਫੁਰਮਾਯੋ । ਸਨਮੁਖ ਆਸਨ ਤਾਹਿ ਬੈਠਾਯੋ ।
ਤਾਕੇ ਕਹਾ ਪਾਠ ਤੁਮ ਕਰੋ । ਇਕ ਚਿਤ ਸੁਧ ਅਛਰ ਸਭ ਰਰੋ ॥ 30 ॥
ਸ੍ਰੀ ਗੁਰ ਕੀ ਤਬ ਆਗਿਆ ਪਾਏ । ਪੜਨ ਲਗੋ ਸਿਖ ਧਿਆਨ ਲਗਾਏ ।
ਸਤਿਨਾਮ ਜਬ ਮੁਖਹੁ ਉਚਾਰਾ । ਨਮਸਕਾਰ ਕਰ ਗੁਰ ਕਰਤਾਰਾ ॥ 31 ॥

ਦੋਹਰਾ

ਅਤਿ ਪ੍ਰਸਨ ਸਤਿਗੁਰ ਭਏ ਸੁਨਤ ਪਾਠ ਨਿਰਧਾਰ ।
ਨਿਜ ਮਨ ਮਹਿ ਐਸੇ ਕਹਾ ਕਿਆ ਦੇਵਉ ਇਹ ਵਾਰ ॥ 32 ॥
ਔਰ ਵਸਤ ਜਗ ਕੋ ਨਹੀ ਜੋ ਸਮਤਾ ਇਹ ਪਾਇ ।
ਨਿਜ ਗੁਰਿਆਈ ਤਖਤ ਜੋ ਦੀਜੈ ਇਸੇ ਬਠਾਇ ॥ 33 ॥

ਚੌਪਈ

ਅਛਰ ਸੁਧ ਪਾਠ ਜਬ ਕੀਨੋ । ਸੋ ਸੁਨ ਹਰਖ ਦਯਾ ਨਿਧ ਲੀਨੋ ।
ਜਬੈ ਸਿਖ ਮੁਖਿ ਕੀਨ ਉਚਾਰਾ । ਸਚ ਖੰਡ ਵਸੈ ਨਿਰੰਕਾਰਾ ॥ 34 ॥
ਨਿਜ ਜਾਨੂੰ ਤਬ ਸਤਿਗੁਰ ਚਾਯੋ । ਦੇਹੁ ਤਿਲਕ ਇਸ ਕਉ ਮਨ ਭਾਯੋ ।
ਤਬੈ ਸਿਖ ਇਹ ਚਿਤਵਣ ਕੀਨੀ । ਸਤਿਗੁਰ ਚਲੇ ਕਛੁ ਨਹਿ ਚੀਨੀ ॥ 35 ॥
ਲੇਹੁ ਅਸਵ³ ਮਮ ਇਛਾ ਧਾਰੀ । ਸੁੰਦਰ ਜਾਨ ਉਠੇ ਇਹ ਸਾਰੀ ।
ਮਨ ਕੀ ਮਨ ਮੋਰੇ ਅਬ ਰਹੀ । ਐਸ ਸਿਖ ਜਬ ਚਿੰਤਾ ਗਈ ॥ 36 ॥

¹ਅ ਤੇ ਏ ਪੋਥੀ ਭੂ ²ਅ ਪੋਥੀ ਬਿਨ ³ਅ ਪੋਥੀ ਕੋਤਲ

ਦੋਹਰਾ

ਨਿਜ ਮਾਯਾ ਕਉ ਸਮਝ ਕੈ ਬੋਲੇ ਗੁਰ ਕਰਤਾਰ ।
 ਅਚਲ ਰਾਜ ਦੇਵਨ ਲਗੇ ਕਿਆ ਕੀਨ ਇਹ ਕਾਰ ॥ 37 ॥
 ਦੁਇ ਪੌੜੀ ਬਾਕੀ ਰਹੀ ਜੇ ਤੁਮ ਸੁਧ ਉਚਾਰ ।
 ਗੁਰ ਨਾਨਕ ਕਾ ਤਖਤ ਜਉ ਸੋ ਲੋਤੇ ਤਤਕਾਰ ॥ 38 ॥

ਚੌਪਈ

ਗੁਰ ਨਾਨਕ ਕਉ ਤਖਤ ਅਭੇਵੇ । ਜਿਸ ਕਉ ਹੁਕਮ ਹੋਇ ਸੋ ਲੇਵੇ ।
 ਧੰਨ ਜਨਮ ਅਬ ਤੁਮਾਰਾ ਭਯੋ । ਜਨਮ ਮਰਨ ਸਗਲਾ ਦੁਖ ਗਯੋ ॥ 39 ॥
 ਜੋ ਤੁਮ ਮਨ ਮਹਿ ਇਛਾ ਧਾਰੋ । ਸੋ ਲੇਵੇ ਨਹਿ ਦੇਰ ਬਿਚਾਰੋ ।
 ਤਤ ਛਿਨ ਘੋਰਾ ਸੋਇ ਮੰਗਾਯੋ । ਸਵਾ ਲਾਖ ਜਿਹ ਕੀਮਤ ਪਾਯੋ ॥ 40 ॥
 ਸੋਈ ਅਸਵ ਅਰ ਦਰਬ ਅਪਾਰਾ । ਲੈ ਗੁਪਾਲ ਚਿਤ ਆਨੰਦ ਧਾਰਾ ।
 ਸਤਿਗੁਰ ਭੇਵ ਕਿਨੀ ਨਹਿ ਪਾਯੋ । ਨੇਤਿ ਨੇਤਿ ਮੁਖ ਚਾਰ¹ ਅਲਾਯੋ ॥ 41 ॥
 ਇਹ ਸਾਖੀ ਅਬ ਪੂਰੀ ਭਈ । ਆਗੇ ਸੁਨੋ ਔਰ ਕਥ ਨਈ ।
 ਸਤਿਗੁਰ ਚਰਿਤ ਅਨੇਕ ਪ੍ਰਕਾਰਾ । ਕਥਿਤ ਬੇਦ ਨਹਿ ਪਾਵਤ ਪਾਰਾ ॥ 42 ॥

ਦੋਹਰਾ

ਇਛ ਪੂਰੀ ਸਭ ਕੀ ਕਰੀ ਸੰਗਤਿ ਵਿਦਿਯਾ ਕੀਨ ।
 ਭੁਗਤਿ ਮੁਕਤਿ ਸਭ ਕੋ ਦਈ ਸੁਰਤਰੂ ਗੁਰ ਪਰਬੀਨ ॥ 43 ॥

ਚੌਪਈ

ਸੰਗਤ ਸੁਧਾ ਸਰੋਵਰ ਆਈ । ਸਨਾਨ² ਦਰਸ ਕਰ ਆਨੰਦ ਪਾਈ ।
 ਤਰਨ ਤਾਰਨ ਪੁਨ ਮਜਨ ਕੀਨੋ । ਕਰ ਦਰਸਨ ਮਨ ਮਹਿ ਸੁਖ ਲੀਨੋ ॥ 44 ॥
 ਪੁਨ ਸੰਗਤਿ ਮਨ ਐਸ ਵਿਚਾਰੀ । ਹਰਿਗੋਬਿੰਦ ਸਾਹਿਬ ਅਵਤਾਰੀ ।
 ਜਾਂਹਿ ਬਚਨ ਕਰ ਜਨਮ ਸੁ ਪਾਯੋ । ਸੋ ਅਸਥਾਨ ਨੇਰ ਅਬ ਆਯੋ ॥ 45 ॥
 ਚਲੇ ਸਭੇ ਤਿਹ ਦਰਸਨ ਕਰੀਐ । ਸਤਿਗੁਰ ਮੂਰਤਿ ਤਾਂਹਿ ਬਿਚਰੀਐ³ ।
 ਸਭ ਸੰਗਤਿ ਚਲ ਆਈ ਤਹਾਂ । ਸਤਿਗੁਰ ਬੀੜ ਰਹਤ ਹੈ ਜਹਾਂ ॥ 46 ॥
 ਸਾਹਿਬ ਬੁਢਾ ਦਾਸ ਗੁਰ ਭਾਈ । ਬੰਨੇ ਸਤਿਗੁਰ ਧਿਆਨ ਲਗਾਈ ।
 ਤਬ ਲਓ ਸੰਗਤਿ ਅਈ ਅਪਾਰਾ । ਬੰਦਨ ਕੀਨ [ਸ੍ਰੀ]⁴ ਗੁਰ ਕਰਤਾਰਾ ॥ 47 ॥

ਦੋਹਰਾ

ਭਾਂਤ ਭਾਂਤ ਭੇਟਾ ਧਰੀ ਸੰਗਤਿ ਹਰਖਤ ਹੋਇ ।
 ਦਰਸਨ ਕਰਿ ਸੁਖ ਪਾਇਓ ਚਿਤਵਨ ਰਹੀ ਨ ਕੋਇ ॥ 48 ॥
 ਪੁਨ ਭਾਈ ਤਿਹ ਪੂਛਿਓ ਕਹਿ ਤੇ ਆਵਨ ਕੀਨ ।
 ਹਾਥ ਜੋਰ ਸੰਗਤਿ ਤਬੈ ਸਭ ਪ੍ਰਸੰਗ ਕਹਿ ਦੀਨ ॥ 49 ॥

¹ੲ ਪੌਥੀ ਬ੍ਰਹਮਹਿ ²ਅ ਪੌਥੀ ਇਸਨਾਨ ³ੲ ਪੌਥੀ ਚਿਤਰੀਐ ⁴ਅ ਪੌਥੀ ਵਿਚੋ

ਚੌਪਈ

ਹਰਿ ਗੋਵਿੰਦ ਕੇ ਦਰਸਨ ਕਾਰਨ । ਹਮ ਥੇ ਗਏ ਸੁ ਜਨਮ ਸੁਧਾਰਨ ।
 ਬਿਪਾਸਾ ਤੀਰ ਰੁਹੇਲਾ ਗ੍ਰਾਮ । ਬਹੁ ਤੁਰਕਨ ਤਹਿ ਕੀਨ ਸੰਗ੍ਰਾਮ ॥ 50 ॥
 ਸੈਨ ਮਲੇਛੀ ਬਹੁ ਹਨ ਡਾਰੀ । ਨਿਜ ਦਾਸਨ ਕੀ ਰਛਯਾ ਧਾਰੀ ।
 ਇਹ ਸੁਨ ਬੁਢੇ ਹਰਖ ਧਰਾਯੋ । ਗੁਰਦਾਸ ਭਾਈ ਕਉ ਐਸ ਅਲਾਯੋ ॥ 51 ॥
 ਸੁਧਾ ਸਰੋਵਰ ਜੁਧ ਕਰਾਹੀਂ । ਜਬ ਕਾ ਸਤਿਗੁਰ ਪਿਆਨ ਕਰਾਹੀਂ ।
 ਤਬ ਕਾ ਦਰਸਨ ਨਹਿ ਹਮ ਪਾਯੋ । ਜੁਧ ਫਤੇ ਅਬ ਸੰਗਤ ਗਾਯੋ ॥ 52 ॥
 ਤਾਤੇ ਚਲੇ ਦਰਸ ਪ੍ਰਭ ਕਰੀਏ । ਚਰਨ ਧੂਰ ਨਿਜ ਮਸਤਕ ਧਰੀਏ ।
 ਗੁਰਦਾਸ ਭਾਈ ਤਬ ਮੁਖਹੂੰ ਅਲਾਯੋ । ਚਲੋ ਸ਼ਿਤਾਬ ਸੁ ਬਹੁਰ ਰਹਾਯੋ ॥ 53 ॥

ਦੋਹਰਾ

ਮਨ ਬਾਂਛਤ ਬਰ ਦੇ ਤਬੈ ਭਾਈ ਮੁਖਹੂੰ ਅਲਾਇ ।
 ਬਿਦਿਆ ਲੈ ਸੰਗਤਿ ਗਈ ਅਸਿ ਰਿਦ ਧਾਰ ਉਛਾਇ ॥ 54 ॥

ਚੌਪਈ

ਬੁਢਾ ਸਾਹਿਬ ਦਾਸ ਗੁਰ ਭਾਈ । ਚਲੇ ਦਰਸ ਮਨ ਆਨੰਦ ਪਾਈ ।
 ਭਾਈ ਅਜਿਤਾ ਜੋਧਾ ਜੀਵਾ । ਤੀਨੋ ਸਮਝ ਪ੍ਰੇਮ ਕੀ ਸੇਵਾ ॥ 55 ॥
 ਸਾਹਿਬ ਬੁਢੇ ਸਾਥ¹ ਸਿਧਾਏ । ਤਤ ਛਿਨ ਸੁਧਾ ਸਰੋਵਰ ਆਏ ।
 ਅਕਾਲ ਬੁੰਗੇ ਆਇ ਕੀਨ ਪ੍ਰਨਾਮਾ² । ਹਰਿ ਗੋਬਿੰਦ ਕਾ ਧਰ ਮਨ ਧਿਆਨਾ ॥ 56 ॥
 ਕਰ ਇਸਨਾਨ ਦਰਸ ਦਰਬਾਰਾ । ਪਰਕਰਮਾ ਕਰ ਵਡ ਆਨੰਦ ਧਾਰਾ ।
 ਗੁਰਮੰਤ੍ਰ ਕਾ ਜਾਪ ਸੁ ਕੀਨਾ । ਸ੍ਰੀ ਗੁਰ ਨਾਨਕ ਰਿਦ ਮਹਿ ਚੀਨਾ ॥ 57 ॥
 ਪਾਚਹੂੰ ਚਲੈ ਸੁ ਹਰਖ ਸਰੀਰਾ । ਰੁਹੇਲੇ ਓਰ ਬਿਪਾਸਾ³ ਤੀਰਾ ।
 ਇਹ ਗਥ ਸਭ ਗੁਰੁ ਅਗੂਜ ਭਾਖੀ । ਆਗੇ ਸੁਨ ਗੁਰੂ ਕੀ ਸਾਖੀ ॥ 58 ॥

ਦੋਹਰਾ

ਜਬ ਸੰਗਤਿ ਬਿਦਿਆ ਕਰੀ ਕ੍ਰਿਪਾ ਸਿੰਧ ਗੁਰ ਦੇਵ ।
 ਬਿਸਕਰਮਾ ਆਵਤ ਭਯੋ ਜਾਂਕੀ ਮਤ ਸੁ ਅਭੇਵ ॥ 59 ॥
 ਦੇਵ ਦੇਹ ਤਜ ਆਇਓ ਮਾਨਸ ਦੇਹ ਸਵਾਰ ।
 ਮਾਨਸ ਕਰ ਸਭ ਕਉ ਲਖੈ ਬਿਨ ਸਤਿਗੁਰ ਅਵਤਾਰ ॥ 60 ॥

ਚੌਪਈ

ਮੇਧਾਵੀ ਨਿਜ ਨਾਮ ਧਰਾਯੋ । ਚਰਨ ਕਵਲ ਤਕ ਗੁਰ ਕੇ ਆਯੋ ।
 ਆਇ ਡੰਡਵਤ ਕੀਨ ਪ੍ਰਨਾਮਾ । ਆਗੇ ਧਰੀ ਭੇਟ ਨਿਹਕਾਮਾ ॥ 61 ॥

¹ਅ ਪੋਥੀ ਸੰਗਿ ²ਏ ਪੋਥੀ ਪ੍ਰਕਰਮਾ ³ਅ ਪੋਥੀ ਬਿਯਾਸਾ

ਹਰਿ ਗੋਵਿੰਦ ਕੀ ਉਸਤਤਿ ਕੀਨੀ । ਤੁਮੇ ਧਰਾ ਤਨ ਗੋ ਹਿਤ ਚੀਨੀ ।
 ਤੁਮੀ ਰਾਮ ਹੈ ਰਾਵਨ ਮਾਰਿਯੋ । ਨਰਸਿੰਘ ਹੈ ਹਰਨਾਖਸ ਫਾਰਿਯੋ ॥ 62 ॥
 ਕੇਸਿ ਕੇਸ ਗਹਿ ਤੋਹਿ ਸੰਘਾਰਿਯੋ । ਮਾਨੁਖ^੧ ਬਪੁ ਅਬ ਤੋਹਿ ਸਿਵਾਰਿਯੋ ।
 ਹਤ ਮਲੇਛ ਧਰ ਰਖਯਾ ਕਰਹਉ । ਨਿਜ ਦਾਸਨ ਕੇ ਅਘ ਸਭ ਹਰਹਉ ॥ 63 ॥
 ਹਮ ਅਨਾਥ ਤਵ ਸਰਨੀ ਆਯੋ । ਤ੍ਰਾਹਿ ਤ੍ਰਾਹਿ ਦਿਖ ਨਿਜ ਬਿਰਦਾਯੋ ।
 ਕ੍ਰਿਪਾ ਸਿੰਧ ਬਡ ਆਨੰਦ ਲੀਨੋ । ਆਦਰ ਮਾਨ ਤਾਹਿ ਅਤਿ ਕੀਨੋ ॥ 64 ॥

ਦੋਹਰਾ

ਦਯਾ ਸਿੰਧ ਪੂਛੀ ਤਬੈ ਕੁਸਲ ਆਨੰਦ^੨ ਕੀ ਬਾਤ ।
 ਮੇਧਾਵੀ ਐਸੇ ਕਹਿਓ ਤੁਮ ਕੋ ਸਭ ਬਿਖਯਾਤ ॥ 65 ॥
 ਮੇਧਾਵੀ ਬਿਨਤੀ ਕਰੀ ਕੁਛ ਭਾਖੋ ਮੁਹਿ ਸੇਵ ।
 ਜਨਮ ਸਫਲ ਮੇਰਾ ਕਰੋ ਕ੍ਰਿਪਾ ਸਿੰਧ ਗੁਰ ਦੇਵ ॥ 66 ॥

ਰਸਾਵਲ ਛੰਦ

ਦਯਾ ਸਿੰਧ ਗਾਈ । ਸੁਨੋ ਬੁਧ ਰਾਈ ।
 ਰਚਓ ਨਗਰ ਆਛੋ । ਸੁ ਨਾਨਾ ਗ੍ਰਿਹਾਛੋ ॥ 67 ॥
 ਮਸੀਤੰ ਬਨਾਵੋ । ਬਡੀ ਸੋਭ ਪਾਵੋ ।
 ਤੁਮੇ ਯਾਹਿ ਗਿਆਨੋ । ਕਛੂ ਨਾਹਿ ਛਾਨੋ ॥ 68 ॥
 ਛਨ ਮਾਸ ਹੋਈ । ਕਰੋ ਵਾਸ ਸੋਈ ।
 ਦੀਯੋ ਬਿਤ ਭਾਰੀ । ਅਗਨੰਤ^੩ ਅਪਾਰੀ ॥ 69 ॥
 ਗੁਰੂ ਕੀ ਸੁ ਆਗਯਾ । ਸੁਨੀ ਪ੍ਰੇਮ ਪਾਗਯਾ ।
 ਬਚੈ ਸਤਿ ਗਾਈ । ਚਲਯੋ ਚਿਤ ਚਾਈ ॥ 70 ॥
 ਸੁ ਕੀਨਾ ਅਰੰਭਾ । ਰਚੇ ਭਾਂਤ ਥੰਭਾ ।
 ਸੁ ਬੀਬੀ ਅਪਾਰਾ । ਅਨੇਕ ਸਵਾਰਾ ॥ 71 ॥

ਦੋਹਰਾ

ਭਾਂਤ ਭਾਂਤ ਮੰਦਰ ਰਚੇ ਨਾਨਾ ਭਾਂਤ ਬਜਾਰ ।
 ਮਸੀਤ ਤਿਨੈ ਸੁੰਦਰ ਰਚੀ ਦੇਖ ਤੁਰਕ ਹਿਤ ਧਾਰ ॥ 72 ॥
 ਇਸੀ ਓਰ ਸ੍ਰੀ ਗੁਰ ਕਰਹਿ ਕ੍ਰਿਪਾ ਸਿੰਧ ਸੁਖ ਖਾਨ ।
 ਚਰਚਾ ਕਰਤ ਅਨੇਕ ਬਿਧਿ ਸੁੰਦਰ ਲਾਇ ਦੀਵਾਨ ॥ 73 ॥

ਸਵੇਯਾ

ਆਇ ਘਟਾ ਗਰਜੀ ਚਹੂੰ ਓਰ ਤੇ ਸੋਭਤ ਹੈ ਉਮਡੇ ਘਨ ਕਾਰੇ ।
 ਬਗ ਕੀ ਪੰਕਤੀ ਨਭ ਮਾਂਹਿ ਉਡੇ ਤਬ ਸੋਭਤ ਐਸ ਸੁ ਬਾਦਰ ਕਾਰੇ ।

^੧ਅ ਤੇ ਏ ਪੋਥੀ ਮਾਨਸ ^੨ਅ ਪੋਥੀ ਮੰਗਲ ^੩ਅ ਤੇ ਏ ਪੋਥੀ ਬੇਅੰਤ

ਸਿੰਧ ਕੇ ਤਾਤਨ ਮਾਲ ਬਨਾਇ ਮਨੋ ਘਨ ਸਿਆਮ ਨਿਜੰ ਉਰ ਧਾਰੇ ।
ਫੂਲਨ¹ ਹਾਰ ਡਰਾ ਉਰ ਮੋ ਮਨੋ ਕਾਲ ਕਾ ਰੂਪ ਕੇ ਬਾਦਰ ਕਾਰੇ ॥ 74 ॥

ਚੌਪਈ

ਸ੍ਰੀ ਮੁਖ ਸਿਉਂ ਗੁਰ ਐਸ ਉਚਾਰੀ । ਦੇਖੋ ਏਹ ਆਈ ਘਟ ਕਾਰੀ ।
ਤਬ ਲਉ ਬਰਖਾ ਭਈ ਅਪਾਰਾ । ਬਿਗਸੈ ਦਿਖ ਸਤਿਗੁਰ ਕਰਤਾਰਾ ॥ 75 ॥
ਬਰਖਾ ਕਰ ਤਬ ਬਾਦਰ ਗਏ । ਨਿਰਮਲ ਨਭ ਸੁੰਦਰ ਛਬਿ ਲਏ ।
ਏਕ ਜਾਮ ਜਬ ਹੀ ਦਿਨ ਰਹਾ । ਕ੍ਰਿਪਾ ਸਿੰਧ ਸਿਖਨ² ਸਿਉਂ ਕਹਾ ॥ 76 ॥
ਫਰਸ਼ ਕਰੋ ਦੀਵਾਨ ਲਗਾਈ । ਗੀਤ³ ਗਾਨ ਰਾਗੀ ਤਹਿ ਆਈ ।
ਕੀਨ ਫਰਸ਼ ਦੀਵਾਨ ਲਗਾਏ । ਕ੍ਰਿਪਾ ਸਿੰਧ ਤਬਹੀ ਤਹਿ ਆਏ ॥ 77 ॥
ਦੀਵਾਨ ਮਧ ਸੋਹਤ ਗੁਰ ਕੈਸੇ । ਦੇਵਨ ਮਧ ਹਰੀ ਹੁਇ ਜੈਸੇ ।
ਉਚ ਸੁਰਨ ਸਿਉਂ ਰਾਗੀ ਗਾਵਹਿ । ਕਿੰਨਰ ਗੰਧੂਬ ਦੇਖ ਲਜਾਵਹਿ ॥ 78 ॥

ਦੋਹਰਾ

ਬਹੁ ਸੁੰਦਰ ਦੀਵਾਨ ਲਗ ਹੋਵਤ ਰਾਗ ਅਪਾਰ ।
ਏਕ ਸਿਖ ਤਬ ਆਇਯੋ ਦਯਾਸਿੰਧੁ ਨਿਕਟਾਰ ॥ 79 ॥

ਕੁੰਡਲੀਆ

ਸਾਹਿਬ ਬੁਢਾ ਜੀ ਅਏ ਗੁਰਦਾਸ ਭਾਈ ਤਹਿ ਸੰਗ ।
ਔਰ ਤੀਨ ਸਿਖ ਸਾਥ ਹਹਿ ਜਹਿ ਪਵਿਤ੍ਰ ਮਨ ਗੰਗ ।
ਜਹਿ ਪਵਿਤ੍ਰ ਮਨ ਗੰਗ ਆਪ ਕੇ ਦਰਸ਼ਨ ਆਏ ।
ਸੁਨਤ ਸਿਖ ਕੇ ਬੈਨ ਕ੍ਰਿਪਾ ਨਿਧਿ ਕੇ ਮਨ ਭਾਏ ।
ਖਾਸਾ ਨਿਜ ਸਿਖ ਭੇਜ ਕਹਾ ਤਤਕਾਲ ਸਿਧਾਵੋ ।
ਪ੍ਰਿਥਮ ਬਦੰਨਾ ਧਾਰ ਤਾਹਿ ਤੁਮ ਮਮ⁴ ਢਿਗ⁴ ਲਿਆਵੋ ॥ 80 ॥

ਚੌਪਈ

ਬਚਨ ਸੁਨਤ ਗੁਰ ਕੇ ਸਿਖ ਧਾਈ । ਬੰਦਨ ਕੀਨ ਅਧਿਕ ਮਨ ਲਾਈ ।
ਹਾਥ ਜੋਰ ਸਿਖ ਐਸ ਉਚਾਰੇ । ਸਸਿਅਰ ਦੇਖਤ ਆਪ ਤਿਹਾਰੇ ॥ 82 ॥
ਸਾਹਿਬ ਬੁਢੇ ਐਸ ਸੁਨਾਈ । ਤਤਛਿਨ ਚਲੇ ਸੁ ਅਨੰਦ ਪਾਈ ।
ਦੂਰਹੁ ਦੇਖ ਉਠੇ ਰਣਧੀਰਾ⁵ । ਸਭ ਦੀਵਾਨ ਉਠ ਪੁਲਕ ਸਰੀਰਾ ॥ 83 ॥
ਪੁਲਕ ਗਾਤ ਗੁਰ ਆਨੰਦ ਪਾਏ । ਸਾਹਿਬ ਬੁਢੇ ਕੇ ਚਰਨ ਗਾਹਾਏ ।
ਸਾਹਿਬ ਬੁਢੇ ਗੁਰ ਪਗ ਗਹੇ । ਗੁਰ ਨਾਨਕ ਸਮ ਹੋ ਮੁਖ ਕਹੇ ॥ 84 ॥
ਸ੍ਰੀ ਮੁਖ ਕਹਿ ਹਮ ਤੁਮਰੇ ਸੇਵਕ । ਗੁਰ ਨਾਨਕ ਸਮ ਤੁਮ ਨਹਿ ਭੇਵਕ ।
ਏਕ ਰੂਪ ਦੋਊ ਦ੍ਰਿਸ਼ਟਾਵੋ । ਭਿੰਨ ਭਿੰਨ ਕਹਿ ਰੂਪ ਧਰਾਵੋ ॥ 85 ॥

¹ਏ ਪੋਥੀ ਕੁਸਮਹਿ ²ਅ ਪੋਥੀ ਸੰਗਤ ³ਅ ਤੇ ਏ ਪੋਥੀ ਬਾਨੀ ⁴ਏ ਪੋਥੀ ਮੋਹਿ ਪਾਸ ⁵ਅ ਪੋਥੀ ਬੀਰਾ

ਦੋਹਰਾ

ਪਰਸਪਰ ਬੰਦਨ ਤਬ ਕਰੀ ਦੋਉ ਉਠੇ ਸੁਖ ਖਾਨ ।
 ਗੁਰਦਾਸ ਭਾਈ ਅਤਿ ਹਰਖ ਸਿਉਂ ਲਗੇ ਚਰਨ ਗੁਰ ਆਨ ॥ 86 ॥
 ਭਾਈ ਅਜਿਤਾ ਜੀਵਾ ਤਬੈ ਜੋਧ ਅੰਚਰਾ ਡਾਰ ।
 ਚਰਨ ਕਮਲ ਗੁਰ¹ ਕੇ ਪਰੇ ਨਿਜ ਮਨ ਆਨੰਦ ਧਾਰ ॥ 87 ॥

ਅੜਿਲ

ਸਾਹਿਬ ਬੁਢੇ ਕਰ ਨਿਜ ਹਾਥ ਗਹਾਇਯੋ ।
 ਕ੍ਰਿਪਾਸਿੰਧ² ਨਿਜ ਆਸਨ ਤਾਂਹਿ ਬੈਠਾਯੋ ।
 ਇਕ ਆਸਨ ਪੈ ਦੋਈ ਸੋਭਾ ਪਾਵਹੀ ।
 ਹੋ ਦੇਖ ਸੁ ਬ੍ਰਹਮ ਪਤਿ ਸੂਰ ਸੁ ਮਨੈ ਲਜਾਵਹੀ ॥ 88 ॥

ਦੋਹਰਾ

ਬਹੁ ਪ੍ਰਕਾਰ ਸੋਭਾ ਧਰੇ ਦੋਈ ਗਿਆਨ ਸਰੂਪ ।
 ਬ੍ਰਹਮ ਜੀਵ ਸਮ ਭੇਦ ਨਹਿ ਕ੍ਰਿਪਾ ਸਿੰਧ ਨਭ ਰੂਪ ॥ 89 ॥
 ਰਹਿਰਾਸ ਪਾਠ ਸਿਖਨ³ ਕੀਓ ਇਕ ਚਿਤ ਧਿਆਨ ਲਗਾਇ ।
 ਕਰ ਅਰਦਾਸ ਬੰਦਨ ਕਰੀ ਚਰਨ ਕਮਲ ਚਿਤ ਲਾਇ ॥ 90 ॥

ਚੌਪਈ

ਸ੍ਰੀ ਸਤਿਗੁਰ ਕੀ ਆਗਿਆ ਪਾਏ । ਨਿਜ ਨਿਜ ਡੇਰੇ ਸਿਖ ਸਿਧਾਏ ।
 ਸਤਿਗੁਰ ਨਿਕਟ ਸੁ ਮਹਿਲ ਨਵੀਨੋ । ਸਾਹਿਬ ਬੁਢੇ ਡੇਰਾ ਦੀਨੋ ॥ 91 ॥
 ਪ੍ਰਸਨੋਤਰ ਬਹੁ ਸਬਦ ਕੇ ਕਰੇ । ਭਾਈ ਗੁਰੂ ਹਰਖ ਮਨ ਧਰੇ ।
 ਹਰਿਗੋਵਿੰਦ ਨਿਜ ਦਾਸ ਬੁਲਾਈ । ਸੇਵ ਕਰੀ ਤਿਨ ਕੀ ਮਨ ਲਾਈ ॥ 92 ॥
 ਸਾਹਿਬ ਬੁਢੇ ਸਾਥ ਸੁ ਭਾਈ । ਇਹੁ ਬਿਧ ਕਹਾ ਭੇਵ ਸਮਝਾਈ ।
 ਸ੍ਰੀ ਮੁਖ ਤੇ ਜੋ ਐਸ ਅਲਾਵਹਿ । ਤਤ ਛਿਨ ਕਰੋ ਸੁ ਹਰਖ ਧਰਾਵਹਿ ॥ 93 ॥
 ਇਮ ਕਹਿ ਪਲੰਘ ਬਿਰਾਜਿਤ ਭਏ । ਸ੍ਰੀ ਗੁਰ ਕੋਤਕ ਕਰਿ ਨਿਤ ਨਏ ।
 ਸਭ ਗਾਥ ਲਿਖਉਂ ਗ੍ਰੰਥ ਵਧ ਜਾਈ । ਤਾਂਤੇ ਕਹਉਂ ਸੰਛੇਪ ਬਨਾਈ ॥ 94 ॥

ਦੋਹਰਾ

ਕਸਪ ਸੁਤ ਆਵਤ ਭਯੋ ਦਧ ਸੁਤ ਰਾਜ ਬਿਹਾਇ ।
 ਨਿਸਾ ਗਈ ਅਹਿ ਆਇਯੋ ਨਿਜ ਪਤ ਜੁਤ ਬਲ ਪਾਇ ॥ 95 ॥

ਅੜਿਲ

ਸਾਹਿਬ ਬੁਢਾ ਭਾਈ [ਸਾਥ]⁴ ਸੁ ਤੀਨ ਬਰ ।
 ਮਜਨ ਕੀਨ ਬਿਪਾਸਾ ਅਤਿ ਚਿਤ ਹਰਖ ਧਰ ।

¹ਅ ਪੋਥੀ ਪ੍ਰਭੂ ²ਅ ਪੋਥੀ ਮਯਾ ਨਿਧਾਨ ³ਅ ਪੋਥੀ ਸੰਗਤਿ ⁴ਅ ਪੋਥੀ ਵਿਚੋਂ

ਕ੍ਰਿਪਾ ਸਿੰਧ ਜਸ ਗਾਵਤ ਡੇਰੇ ਆਇਯੋ ।
 ਬੈਠੇ ਗੁਰ ਜਹਿ ਆਪ ਦੀਵਾਨ ਲਗਾਇਯੋ ॥ 96 ॥
 ਸਾਹਿਬ ਬੁਢੇ ਕਉ ਦੇਖ ਸੁ ਮਨ ਮਹਿ ਹਰਖ ਧਰ ।
 ਲੀਨੋ ਨਿਕਟ ਬੈਠਾਇ ਤਾਹਿ ਪ੍ਰਨਾਮ ਕਰ ।
 ਤਾਹਿ ਸਮੇਂ ਨਿਜ ਦਰਸ ਸ੍ਰੀ ਗੁਰ ਹੈ ਕਰਿਯੋ ।
 ਹੋ ਸੋ ਨਰ ਜੀਵਨ ਮੁਕਤਿ ਜੁਗਤਿ ਭੀਤਰ ਭਯੋ ॥ 97 ॥

ਚੌਪਈ

ਕੀਰਤਨ ਹੋਤ¹ ਅਖੰਡ ਅਪਾਰਾ । ਚਰਚਾ ਕਰਤ ਗੁਰੂ ਕਰਤਾਰਾ ।
 ਮੇਧਾਵੀ ਤਬ ਗੁਰ ਨਿਕਟਾਇਯੋ । ਹਾਥ ਜੋਰ ਇਮ ਬਚਨ² ਅਲਾਯੋ ॥ 98 ॥
 ਮਹਾਰਾਜ ਸਾਹਿਬ ਅਵਤਾਰੀ । ਬਨਯੋ ਨਗਰ ਅਬ ਲੇਹੁ ਨਿਹਾਰੀ ।
 ਸਾਹਿਬ ਬੁਢੇ ਸੋ ਗੁਰ ਕਹੀ । ਪਿਖੋ ਨਗਰ ਚਲ ਆਨੰਦ ਲਹੀ ॥ 99 ॥
 ਭਾਈ ਗੁਰਦਾਸ ਚਲਯੋ ਪੁਨ ਸੰਗਾ । ਸਾਥ ਸਿਖ ਕਹਿ ਅਨਿਕ ਪ੍ਰਸੰਗਾ ।
 ਕ੍ਰਿਪਾਸਿੰਧ ਸਭ ਬੀਬਨ ਫਿਰਹਿ । ਦੇਖ ਨਗਰ ਮਨ ਆਨੰਦ ਧਰਹਿ ॥ 100 ॥
 ਜਬ ਮਸੀਤ ਗੁਰ ਨੈਨ ਨਿਹਾਰੀ । ਸਾਹਿਬ ਬੁਢੇ ਸਿਉਂ ਬਾਤ ਉਚਾਰੀ ।
 ਆਦਿ ਅੰਤ ਸਭ ਕਥਾ ਬਖਾਨੀ । ਜਹਿ ਨਮਿਤ ਕੀਓ ਜੁਧ³ ਮਹਾਨੀ ॥ 101 ॥

ਦੋਹਰਾ

ਸਭ ਪ੍ਰਸੰਗਿ ਸਤਿਗੁਰ ਕਹਯੋ ਸਾਹਿਬ ਬੁਢੇ ਪਾਸ ।
 ਜੋ ਨਰ ਆਇ ਇਹ ਠਾਂ ਬਸੈ ਸਭੈ ਪੂਰੇ ਹੈ ਆਸ ॥ 102 ॥

ਸਵਯਾ

ਭਾਈ ਗੁਰਦਾਸ ਉਚਾਰ ਕੀਯੋ ਦਿਖਯਾ ਸਮ ਇੰਦ੍ਰ ਪੁਰੀ ਨਾ ਕੁਬੇਰਾ ।
 ਲੰਕ ਨ ਸੰਕ ਲਜਾਇ ਮਨੈ ਪਿਖ ਪੰਕਜ ਜਾ ਪੂਰ ਲਾਜ ਸੁ ਹੇਰਾ ।
 ਧਾਮ ਹਰੀ ਕਛੂ ਤੁਲ ਹੈ ਯਾਹਿ ਕੇ ਸੰਕਤ ਮਾਨ ਸੋਊ ਦ੍ਰਿਸ਼ਟੇਰਾ ।
 ਕਿਆ ਉਪਮਾ ਕਵਿ ਯਾਹਿ ਕਰੈ ਗੁਰ ਪੂਰਨ ਧਾਮ ਕਟੈ ਜਮ ਫੇਰਾ ॥ 103 ॥

ਅੜਿਲ

ਸੁਵਰਨ ਖਚਤ ਨਗ ਜਰੇ ਕ੍ਰਿਪਾ ਨਿਧਿ ਧਾਮ ਕੇ ।
 ਸੁੰਦਰ ਸੋਭ ਅਪਾਰ ਪੂਰਨ ਸਭ ਕਾਮ ਕੇ ॥
 ਸਭ ਸਿਖਨ ਮਿਲਿ ਆਇ ਸੁ ਬਿਨਤਿ ਉਚਾਰੀਆ ।
 ਹੋ ਧਰੋ⁴ ਨਾਮ ਇਹੁ ਕੇਰ ਸਭਨ ਸੁਖ ਕਾਰੀਆ ॥ 104 ॥

ਦੋਹਰਾ

ਸਾਹਿਬ ਬੁਡਾ ਜੀ ਧਰਹਿ ਸਤਿਗੁਰ ਕਹਾਂ ਸੁਨਾਇ ।
 ਤਬ ਸਿਖਨ ਬਿਨਤੀ ਕਰੀ ਧਰਓ ਨਾਮ ਸੁਖ ਪਾਇ ॥ 105 ॥

¹ਅ ਪੋਥੀ ਹੋਵਹਿ ²ਅ ਤੇ ਦ ਪੋਥੀ ਬਿਨੈ ³ਅ ਪੋਥੀ ਸਮਤ ⁴ਅ ਪੋਥੀ ਗਯੋ

ਸਾਹਿਬ ਬੁਢੇ ਸਭਨ ਸਿਉਂ ਕੀਨੀ ਬੈਠ ਸਲਾਹਿ ।
ਸਭਿ ਮਿਲਿ ਐਸ ਬਿਚਾਰਿਯੋ ਨਾਮ ਗੁਰੂ ਚਿਤ ਚਾਹਿ ॥ 106 ॥

ਚੌਪਈ

ਪ੍ਰਭ ਜੀ ਕੇ ਸਭ ਅਗੂਜ ਆਏ । ਸਾਹਿਬ ਬੁਢੇ ਬਚਨ¹ ਅਲਾਏ ।
ਹਰਿ ਗੋਵਿੰਦਪੁਰ ਯਾਂ ਕਾ ਨਾਮਾ । ਬਸਹਿ ਧਨਾਢ ਸੁ ਅਚਲ ਮੁਦਾਮਾ ॥ 107 ॥
ਬਚਨ ਅਮੋਘ ਗੁਰੂ ਤਹਿ ਜਾਨਾ । ਸਭ ਸਿਖਨ ਸਿਉ ਐਸ ਬਖਾਨਾ ।
ਧੰਨ ਧੰਨ ਭਾਈ ਕੋ ਕਹਯੋ । ਨਗਰ ਨਾਮ ਸੁਨ ਆਨੰਦ ਲਹਯੋ ॥ 108 ॥
ਸਾਹਿਬ ਬੁਢੇ ਬਿਨਤਿ ਉਚਾਰੀ । ਮਹਾਰਾਜ ਸਾਹਿਬ ਅਵਤਾਰੀ ।
ਮੋਕਉ ਆਗਿਆ ਦੇਉ ਸਿਧਾਉਂ । ਦੀਜੈ ਦਰਸ ਹਉਂ ਜਬੈ ਬੁਲਾਉਂ ॥ 109 ॥

ਦੋਹਰਾ

ਜਬੈ ਸਿਖ ਮੈਂ ਭੇਜਹੋ ਤੁਮਰੇ ਨਿਕਟ ਸੁਧਾਰ ।
ਤਬੈ ਦਰਸ ਮੁਹਿ ਦੀਜੀਐ ਕ੍ਰਿਪਾ ਸਿੰਧ ਕਰਤਾਰ ॥ 110 ॥
ਭਾਈ ਗੁਰਦਾਸ ਮਨ ਮਹਿ ਕਹੈ ਰਹਉਂ ਕਛੂ ਇਹ ਠੌਰ ।
ਸਾਹਿਬ ਬੁਢਾ ਜਉ ਕਹਿਹਿ ਕ੍ਰਿਪਾ ਸਿੰਧ ਰਖ ਮੌਰ ॥ 111 ॥

ਚੌਪਈ

ਤਹਿ ਰਿਦ ਜਾਨ ਗੁਰ ਅਸ ਕਹਯੋ । ਭਾਈ ਗੁਰਦਾਸ ਈਹਾਂ ਤੁਮ ਰਹਯੋ ।
ਕੀਨ ਹਰਖ ਮਨ ਮਹਿ ਤਬ ਭਾਈ । ਸਾਹਿਬ ਬੁਢੇ ਆਗਿਆ² ਪਾਈ ॥ 112 ॥
ਚਰਨ ਬੰਦ ਗੁਰ ਕੇਰ ਸਿਧਾਏ । ਸਾਹਿਬ ਬੁਢਾ ਹਰਖ ਧਰਾਏ ।
ਸਾਥ ਅਜਿਤਾ ਜੀਵਾ ਭਾਈ । ਭਾਈ ਜੋਧ ਸੰਗਿ ਸੁਖਦਾਈ ॥ 113 ॥

ਦੋਹਰਾ

ਚਰਨ ਬੰਦ ਸ੍ਰੀ ਗੁਰੂ ਕੇ ਚਲੇ ਸੁ ਵਿਦਿਆ ਹੋਇ ।
ਰਾਮਦਾਸ³ ਓਰ ਚਾਰੇ ਚਲੇ ਬਿਦਾ ਕਰਤ ਗੁਰ ਸੋਇ ॥ 114 ॥
ਭਾਈ ਜੀ ਸ੍ਰੀ ਗੁਰੂ ਕਉ ਸਾਹਿਬ ਬੁਢੇ ਸਾਥ ।
ਬਿਦਾ ਕੀਨ ਪਾਛੇ ਮੁਰੇ⁴ ਜੋਰ ਪਰਸਪਰ ਹਾਥ ॥ 115 ॥

ਚੌਪਈ

ਸ੍ਰੀ ਸਤਿਗੁਰ ਨਿਜ ਡੇਰੇ ਆਏ । ਭਾਈ ਸਿਉਂ ਤਬ ਬਚਨ ਅਲਾਏ ।
ਸਾਹਿਬ⁵ ਬੁਢਾ ਪਰਉਪਕਾਰੀ । ਜਾਸ ਬਚਨ ਮਮ ਦੇਹ ਸਵਾਰੀ ॥ 116 ॥

ਦੋਹਰਾ

ਇਹ ਸਾਖੀ ਪੂਰੀ ਭਈ ਸੁਨੋ ਔਰ ਮਨ ਲਾਇ ।
ਸ੍ਰੀ ਸਤਿਗੁਰ ਕੀ ਕ੍ਰਿਪਾ ਤੇ ਕਹਿ ਹਉ ਸਭਨ ਸੁਨਾਇ ॥ 117 ॥

¹ਏ ਪੌਥੀ ਸੁਖਨ ²ਏ ਪੌਥੀ ਆਇਸ ³ਅ ਪੌਥੀ ਰਮਦਾਸਿ ⁴ਏ ਪੌਥੀ ਵਰਹਿ ⁵ਅ ਤੇ ਏ ਪੌਥੀ ਬਾਬਾ

ਚੌਪਈ

ਹਰਿ ਗੋਬਿੰਦ ਪੁਨ ਚੜੇ ਸ਼ਿਕਾਰਾ । ਸਾਥ ਸੂਰ¹ ਅਨਗੰਨਤ ਅਪਾਰਾ ।
 ਚੀਤੇ ਸੁਆਨ ਲੀਨ ਬਹੁੰ ਸੰਗਾ । ਤੁਪਕ ਬਾਨ ਧਰ ਲੀਨ ਨਿਸੰਗਾ ॥ 118 ॥
 ਬਾਜ ਸੁ ਜੂਹੀ ਜੁਰੇ ਲਿਆਏ । ਲਗਰ ਸਿਚਾਨੇ ਸਾਥ ਸੁਹਾਏ ।
 ਅਨਗਨ ਜਾਸ ਲੈ ਚੜੇ ਸ਼ਿਕਾਰਾ । ਫੇਰਤ ਅਸਵ ਸੂਰ ਅਸ ਧਾਰਾ ॥ 119 ॥
 ਜਾਇ ਧਸੇ ਗਹਿਬਰ ਬਨ ਮਾਹੀ । ਸਵਾਨ ਚੀਤ ਅਰ ਮਿਰਗ ਗਹਾਈ ।
 ਨਭ ਪੰਛੀ ਜੋ ਦ੍ਰਿਸ਼ਟ ਪਰਾਵੈ । ਬਾਜ ਸਿਚਾਨਾ ਮਾਰ ਗਿਰਾਵੈ ॥ 120 ॥

ਦੋਹਰਾ

ਬਹੁਤ ਭਾਂਤ ਖੋਲਤ ਭਏ ਸਤਿਗੁਰ ਤਾਂਹਿ ਸ਼ਿਕਾਰ ।
 ਜੇਉ ਜੀਵ ਨਿਜ ਕਰ ਹਨੇ ਭਏ ਮੁਕਤਿ ਤਤਕਾਰ ॥ 121 ॥
 ਪੁਨ ਪਾਛੈ ਸਤਿਗੁਰ ਰਹੇ ਬੈਠ ਦਮਦਮੈ ਆਇ² ।
 ਕਾਂਸੀ ਤੇ ਸੰਗਤਿ ਅਈ ਸਤਿਗੁਰ ਚਰਨ ਤਕਾਇ ॥ 122 ॥

ਚੌਪਈ

ਤਬ ਲੋ ਸੰਗਤਿ ਅਗਨਤ ਆਈ । ਤੀਰ ਬਿਪਾਸਾ³ ਕੇਰ ਸੁਹਾਈ ।
 ਇਕ ਸਿਖ ਜਹਿ ਕੀ ਨਿਰਮਲ ਬੁਧ । ਆਛੈ ਰਹੈ ਸਦਾ ਮਨ ਸੁਧ ॥ 123 ॥
 ਹਿੰਸਾ ਜੀਵ ਨਾ ਕਬਹੂੰ ਕਰਹੀ । ਮਦ ਮਾਂਸ ਪਰ ਦ੍ਰਿਸ਼ਟ ਨ ਧਰਹੀ ।
 ਸੰਗਤਿ ਕਉ ਤਿਹ ਕਹਾ ਬੁਝਾਈ । ਬੈਠੋ ਸਬ ਇਸਨਾਨ ਕਰਾਈ ॥ 124 ॥
 ਹਉ ਸਤਿਗੁਰ ਕੇ ਨਿਕਟ ਸੁ ਜਾਏ । ਦਿਖ ਆਵਉ ਕਸ ਮੌਜ ਬਨਾਏ ।
 ਅਸ ਕਹਿ ਮਨ ਮਹਿ ਹਰਖ ਧਰਾਈ । ਏਕਲ ਦਰਸ ਕਰਹੂੰ ਸੁਖ ਪਾਈ ॥ 125 ॥

ਦੋਹਰਾ

ਪਾਰ ਬਿਪਾਸਾ ਕੇ ਉਤਰ ਆਯੋ ਸ੍ਰੀ ਗੁਰ ਪਾਸ ।
 ਪ੍ਰਿਥਮ ਭੇਟ ਆਗੇ ਧਰੀ ਬੰਦਨ ਕੀਨ ਹੁਲਾਸ ॥ 126 ॥

ਚੌਪਈ

ਪੁਨ ਮਨ ਮਹਿ ਤਿਨ ਚਿੰਤਾ ਕੀਨੀ । ਸ੍ਰੀ ਸਤਿਗੁਰ ਕਿਹ ਕਾਰਜ ਲੀਨੀ ।
 ਏਕ ਹਾਥ ਪਰ ਬਾਜ ਧਰਾਏ । ਦੁਤੀ ਬਟੇਰਾ ਚੀਰ ਦਵਾਏ⁴ ॥ 127 ॥
 ਲੋਹੂ ਭਰੇ ਹਾਥ ਗੁਰ ਕੇਰੇ । ਅਸ ਨਹਿ ਸੁਨੇ ਨਾਂਹਿ ਹਮ ਹੇਰੇ ।
 ਗੁਰ ਨਾਨਕ ਕੀ ਗਾਦੀ ਭਾਰੀ । ਅਸ ਨਹਿ ਹਿੰਸਾ ਕਰਹਿ ਬਿਚਾਰੀ ॥ 128 ॥
 ਕਾਂਸੀ ਤਜ ਹਮ ਦਰਸਨ ਆਏ । ਆਗੇ ਹਿੰਸਾ ਕਰਤ ਦਿਖਾਏ ।
 ਇਹ ਬਿਧ ਗਟੀ ਸੁ ਚੜੇ ਉਤਾਰੇ । ਪਰਤ ਨਾ ਧੀਰ ਚਿਤੰ ਮਨ ਧਾਰੈ ॥ 129 ॥
 ਕ੍ਰਿਪਾ ਸਿੰਧ ਤਹਿ ਮਨ ਕੀ ਜਾਨੀ । ਕਿਆ ਚਿਤਵਉ ਭਾਖਉ ਮਨ ਮਾਨੀ ।
 ਤਬੈ ਸਿਖ ਕਹਿ ਤੁਮ ਸਭ ਜਾਨੋ । ਭੂਤ ਭਵਿਖ ਸਭੀ ਅਨਮਾਨੋ ॥ 130 ॥

¹ਅ ਪੋਥੀ ਸਿਖ ²ਅ ਪੋਥੀ ਮਾਹਿ ³ੲ ਪੋਥੀ ਬਿਯਾਸਾ ⁴ੲ ਪੋਥੀ ਖਵਾਏ

ਦੋਹਰਾ

ਦਯਾਸਿੰਧ¹ ਤਬ ਬਾਜ ਕਉ ਐਸੇ ਕਹਾ ਸੁਨਾਇ ।
ਨਿਜ ਸਾਖੀ ਸਭ ਸਿਖ ਕਉ ਦੀਜੈ ਆਪ ਬਤਾਇ² ॥ 131 ॥

ਚੌਪਈ

ਤਬੈ ਬਾਜ ਕਹਿ ਸੁਨਿ ਸਿਖ ਪਿਆਰੇ । ਤੋ ਪ੍ਰਤਿ ਕਹਿ ਹੈਂ ਗਾਥ ਅਪਾਰੇ ।
ਪਿਛਲੇ ਜਨਮ ਰਹਹੂੰ ਗੁਰ ਪਾਸਾ । ਰਾਮਦਾਸ ਗੁਰ ਕਾ ਮੈਂ ਦਾਸਾ ॥ 132 ॥
ਸ੍ਰੀ ਸਤਿਗੁਰ ਮਨ ਐਸੇ ਭਾਯੋ । ਕਿਸੀ ਕਾਜ ਕਉ ਮੋਹਿ ਪਠਾਯੋ ।
ਪੈਸੇ ਪਾਂਚ ਦੀਏ ਮਮ³ ਹਾਥਾ । ਚਲਿਯੋ ਨਾਇ ਗੁਰ ਕਉ ਹਉਂ ਮਾਥਾ ॥ 133 ॥
ਜਬ ਮੈਂ ਤੀਰ ਬਿਪਾਸਾ ਆਯੋ । ਤਤ ਛਿਨ ਨੌਕਾ ਮਧ ਬਿਠਾਯੋ ।
ਯਾਹਿ ਬਟੇਰਾ ਥਾ ਸੁ ਮਲਾਹਿ । ਮਜੂਰੀ ਮਾਂਗੀ ਇਨ ਮਮ ਪਾਹਿ ॥ 134 ॥
ਇਨ ਕਹਿ ਜੇਜੀਆ ਤੁਰਕਨ ਲਾਯੋ । ਪਾਵਲਾ ਲੇਹੁ ਤਾਂ ਪਾਰ ਲੰਘਾਯੋ ।
ਏਕ ਟਕਾ ਇਸ ਕਉ ਮੈਂ ਦੀਨਾ । ਇਨ ਨਹਿ ਲੀਨ ਕ੍ਰੋਧ ਮਨ ਕੀਨਾ ॥ 135 ॥

ਦੋਹਰਾ

ਤਬ ਹਉਂ ਅਤਿ ਬਿਨਤੀ ਕਰੀ ਪੈਸੇ ਪਾਂਚ ਦਿਖਾਇ ।
ਤੁਮ ਲੇਵੋ ਸਭ ਕ੍ਰੋਧ ਤਜ ਮੋਕਉ ਪਾਰ ਲੰਘਾਇ ॥ 136 ॥
ਨਦੀ ਮਧ ਨੌਕਾ ਗਈ ਕਰ ਰਹਿਯੋ ਜਤਨ ਅਨੇਕ ।
ਨਦੀ ਮਧ ਮਮ⁴ ਡਾਰਿਯੋ ਨਹਿ ਮਾਨਯੋ ਇਨ ਏਕ ॥ 137 ॥

ਅੜਿਲ

ਨਦੀ ਬੀਚ ਮਲਾਹਿ ਦੀਨ ਮਮ ਡਾਰ ਕੈ ।
ਦੇ ਰਹਿਯੋ ਪੈਸੇ ਪਾਂਚ ਸੁ ਬਿਨਤ ਉਚਾਰਕੈ ।
ਤਬ ਆਈ ਮਨ ਐਸ ਮੋਹ ਅਤਿ ਕ੍ਰੋਧ ਭਰ ।
ਹੋ ਚਕੀ ਖਾਵਉਂ ਮਾਸ ਇਸੀ ਤਨ ਕਾਟ ਕਰ ॥ 138 ॥
ਤਬ ਨਿਕਸੇ ਮਮ ਪ੍ਰਾਨ ਏਹੁ ਭੀ ਹਤ ਭਯੋ ।
ਧਰਮ ਰਾਇ ਕੀ ਪੁਰੀ ਗਯੋ ਮਮ ਇਹੁ ਗਯੋ ।
ਧਰਮ ਰਾਜ ਅਸ ਭਾਖ ਧਰੋ ਭਵ ਜਾਇ ਕੈ ।
ਹੋ ਗੁਰ ਸੇਵਕ ਗੁਰ ਨਿਆਵ ਕਰਹਿ ਹਿਤ ਲਾਇ ਕੈ ॥ 139 ॥

ਚੌਪਈ

ਇਹ ਕਾਰਨ ਤਨ ਬਾਜ ਧਰਯੋ ਹਮ । ਦੀਨਾਨਾਥ ਨਹਿ ਕੋਊ ਗੁਰ ਸਮ ।
ਏ ਸੁ ਬਟੇਰਾ ਅਹੈ ਮਲਾਹ । ਚਕੀ ਮਾਸ ਖਾਉਂ ਚਿਤਿ ਚਾਹ ॥ 140 ॥

¹ਅ ਤੇ ਏ ਪੌਥੀ ਕ੍ਰਿਪਾਨਿਧਿ ²ਅ ਪੌਥੀ ਸੁਨਾਇ ³ਅ ਪੌਥੀ ਮੋਹਿ ⁴ਅ ਤੇ ਏ ਪੌਥੀ ਬੀਚ ਮੋਹਿ

ਸੁਨ ਪਿਆਰੇ ਸਿਖ ਬਾਤ ਪ੍ਰਸਿਧ । ਅੰਤ ਕਾਲ ਚਿਤਵੈ ਹੋਇ ਸਿਧ ।
 ਸੇਵਕ ਨਿਆਇ ਗੁਰੂ ਜੀ ਕੀਨੋ । ਅਸ ਕਹਿ ਤਬੈ ਪ੍ਰਾਨ ਤਜ ਦੀਨੋ ॥ 141 ॥
 ਉਤਰੇ ਤਬ ਅਕਾਸ ਤੇ ਯਾਨਾ । ਸੁੰਦਰ ਦੋਇ ਖਚਤ ਬਿਧ ਨਾਨਾ ।
 ਪਾਰਖਦ ਬੇਦ ਲੈਨ ਤਹਿ ਆਏ । ਹਾਥ ਜੋਰ ਅਸ ਬਚਨ¹ ਅਲਾਏ ॥ 142 ॥
 ਯਾ ਪੈ ਚੜੇ ਬੈਕੁੰਠ ਸਿਧਾਰੇ । ਸ੍ਰੀ ਗੁਰ ਦਯਾ ਸੁ ਜਨਮ ਨਿਵਾਰੇ ।
 ਸੁੰਦਰ ਦੇਹ ਦੁਹੂੰ ਤਬ ਧਾਰੀ । ਰਵਿ ਸਸਿ ਸਮ ਸੋਭਾ ਤਿਹ ਧਾਰੀ ॥ 143 ॥

ਦੋਹਰਾ

ਉਸਤਤਿ ਕਰ ਜਾਤੇ ਭਏ ਕਰਨਾ ਸੀਵ² ਸੁ ਈਸ ।
 ਲਖ ਸਿਖ ਚੌਕ ਤਬੈ ਭਯੋ ਗਯੋ ਸੰਸ ਮਨ ਪੀਸ ॥ 144 ॥

ਤੋਟਕ ਛੰਦ

ਪੁਨ ਐਸ ਕਹੇ ਗੁਰ ਕੋ ਬਚਨੰ । ਨਹਿ ਜਾਨ ਸਕਉਂ ਤੁਮਰੀ ਰਚਨੰ ।
 ਮਮ ਜੀਵ ਬਸਯੋ ਅਗਯਾਨ ਬਲੀ । ਤੁਮ ਭੂਲ ਛਿਮੋ ਗੁਰ ਜੀ ਸਗਲੀ ॥ 145 ॥
 ਸਰਨਾਗਤਿ ਪਾਲ ਸਦਾ ਕਰਹੋ । ਨਿਜ ਦਾਸ ਕਲੇਸ ਸਭੇ ਹਰਹੋ ।
 ਅਸ ਭਾਖ ਪਰਾ ਗੁਰ ਕੇ ਚਰਨੰ । ਤੁਮਰੇ ਇਹ ਨਾਮ ਅਘੰ ਹਰਨੰ ॥ 146 ॥

ਚੌਪਈ

ਤਬ ਸਤਿਗੁਰ ਤਹਿ ਸੀਸ ਉਠਾਯੋ । ਭਾਂਤ ਭਾਂਤ ਤਹਿ ਧੀਰ ਧਰਾਯੋ ।
 ਪੁਨ ਕਹਿ ਤਤ ਛਿਨ ਸੰਗਤਿ ਲਿਆਵੋ । ਜਾਹੁ ਸ਼ਿਤਾਬ³ ਦੇਰ ਨਹਿ ਲਾਵੋ ॥ 147 ॥
 ਸੀਸ ਨਿਵਾਇ ਚਲਯੋ ਸਿਖ ਧਾਈ । ਸਭ ਸੰਗਤਿ ਸਿਉ ਬਾਤ ਅਲਾਈ ।
 ਸ੍ਰੀ ਸਤਿਗੁਰ ਪੂਰਨ ਹੈ ਪੁਰਖਾ । ਸਹੀ ਸਭੇ ਮੋਹਿ ਨੈਨਨ ਲਖਾ ॥ 148 ॥
 ਭਾਂਤ ਭਾਂਤ ਸਤਿਗੁਰ ਜਸ ਕਹਾ । ਜੋ ਤਹਿ ਨਿਜ ਨੈਨਨ ਥਾ ਲਹਾ ।
 ਇਹੁ ਸੁਨ ਸੰਗਤਿ ਆਨੰਦ ਲੀਨੋ । ਤਤਛਿਨ ਆਇ ਦਰਸ ਗੁਰ ਕੀਨੋ ॥ 149 ॥
 ਭਾਂਤ ਭਾਂਤ ਕੀ ਭੇਟ ਚੜਾਈ । ਕ੍ਰਿਪਾਸਿੰਧ ਅਗ੍ਰਜ⁴ ਮਨ ਲਾਈ ।
 ਅਨਗਨ ਵਸਤ ਸੁ ਦਰਬ ਅਪਾਰੀ । ਕੋ ਕਵਿ ਗਣਤੀ ਕਹੇ ਵਿਚਾਰੀ ॥ 150 ॥

ਦੋਹਰਾ

ਕੁਸਲ ਆਨੰਦ ਸਭ ਕੀ ਲਈ ਸ੍ਰੀ ਸਤਿਗੁਰ ਕਰਤਾਰ ।
 ਸਾਥ ਸਿਖ ਤਬ ਕਰਿ ਦਏ ਸੰਗਤਿ ਦੀਨ ਉਤਾਰ ॥ 151 ॥

ਸੌਰਠਾ

ਪੁਨ ਆਏ ਨਿਜ ਧਾਮ ਕ੍ਰਿਪਾ ਸਿੰਧ ਮਨ ਹਰਖ ਸਿਉਂ ।
 ਕਰ ਪੂਰਨ ਗੁਰ ਕਾਮ ਦਾਸਨ ਕੀ ਰਛਿਆ ਕਰਹਿੰ ॥ 152 ॥

¹ਅ ਪੋਥੀ ਬੰਨ ²ਅ ਤੇ ਏ ਪੋਥੀ ਨਿਧੀ ³ਅ ਪੋਥੀ ਅਭੀ ਤੁਮ ⁴ਅ ਪੋਥੀ ਸਨਮੁਖ

ਚੌਪਈ

ਪਰੀ ਰੈਨ ਤਬ ਸਸਿ ਪ੍ਰਗਟਾਯੋ । ਰਾਜ ਪਾਇ ਮਨ ਹਰਖ ਧਰਾਯੋ ।
 ਖੋਲ ਪ੍ਰਸੰਗ ਜਉ ਤੁਮਹਿ ਸੁਨਾਉ^੧ । ਗ੍ਰਿਥ ਬਢਨ ਤੇ ਅਧਿਕ ਡਰਾਉ^੨ ॥ 153 ॥
 ਤਾਂਤੇ ਕਹਉ^੩ ਸੰਕੋਚ ਸੁਧਾਰੀ । ਚੜ੍ਹਯੋ ਦਿਵਸ ਜਗ ਆਨੰਦਕਾਰੀ ।
 ਤਬ ਸੰਗਤਿ ਗੁਰ ਕੇ ਨਿਕਟਾਈ । ਵਿਦਾ ਮਾਂਗ ਗਰ ਅੰਚਰ ਪਾਈ ॥ 154 ॥
 ਦੀਨਾ ਨਾਥ ਵਿਦਾ ਤਬ ਦੀਨੀ । ਇਛਾ ਪੂਰ ਸਭਹਨ^੪ ਕੀ ਕੀਨੀ ।
 ਮਨ ਭਾਵਤ ਗੁਰ ਤੇ ਵਰੁ ਪਾਈ । ਤਹਿ ਤੇ ਸੰਗਤ ਤਬੈ ਸਿਧਾਈ ॥ 155 ॥

ਰਸਾਵਲ ਛੰਦ

ਭਈ ਗਾਥ ਪੂਰੀ । ਸੁਨੋ ਔਰ ਰੂਰੀ ।
 ਗੁਰੂ ਦੀਨ ਦਿਯਾਲਾ । ਬਿਠੈ ਕੈਸ ਖਿਆਲਾ ॥ 156 ॥
 ਮੁਖੰ ਆਪ ਗਾਈ । ਸੁ ਸਿਖੰ ਸੁਨਾਈ ।
 ਜਾਵੇ ਕੋਉ ਪਿਆਰਾ । ਦਿਜੈ ਕੋ ਹਕਾਰਾ ॥ 157 ॥
 ਪਠਿਯੋ ਸਿਖ ਏਕੰ । ਕਹੇ ਬਚਨ ਨੈਕੰ ।
 ਬਟਾਲੇ ਸੋ ਜਾਵੇ । ਨਿਤਾ ਨੰਦ ਲਿਆਵੇ ॥ 158 ॥
 ਸੁ ਭਾਗਵਤ ਭਾਰੀ । ਕਥਾ ਸੁ ਉਚਾਰੀ ।
 ਤਬੈ ਸਿਖ ਧਾਯੋ । ਵਟਾਲੇ ਪਹੁੰਚਾਯੋ ॥ 159 ॥

ਦੋਹਰਾ

ਨਗਰ ਲੋਕ ਤੇ ਪੂਛ ਕਰਿ ਨਿਤਾਨੰਦ ਗ੍ਰਿਹਿ^੩ ਜਾਇ ।
 ਸ੍ਰੀ ਮੁਖ ਸਿਉ^੪ ਆਗਿਆ ਕਰੀ ਸੋ ਸਭ ਦਈ ਸੁਨਾਈ ॥ 160 ॥
 ਭਾਗਵਤ ਪੋਥੀ ਸਾਥ ਲੈ ਚਲੋ ਸ੍ਰੀ ਗੁਰ [ਕੇ]^੫ ਪਾਸ ।
 ਕਥਾ ਸੁਨਾਵਉ ਪ੍ਰਭੂ ਕਉ ਧਨ ਲੇਵਹੁ ਜਿਤ ਆਸ ॥ 161 ॥

ਚੌਪਈ

ਯੋ ਸੁਨਿ ਪੰਡਤ ਤਿਆਰੀ ਕੀਨੀ । ਸਾਥ ਸਿਖ ਮਨ ਆਨੰਦ ਲੀਨੀ ।
 ਨਿਸਾ ਪੈਡ ਬਸ ਗੁਰ ਪਹਿ ਆਯੋ । ਸ੍ਰੀ ਸਤਿਗੁਰ ਕਾ ਦਰਸਨ ਪਾਯੋ ॥ 162 ॥
 ਬਹੁ ਆਦਰ ਸਤਿਗੁਰ ਤਿਹ ਦੀਨਾ । ਦਾਨ ਮਾਨ ਕਰ ਪੂਰਨ ਕੀਨਾ ।
 ਸ੍ਰੀ ਮੁਖ ਸਿਉ^੬ ਤਬ ਬਚਨ ਉਚਾਰਾ । ਪੰਡਤ ਜੀ ਸੁਨੀਏ ਨਿਰਧਾਰਾ ॥ 163 ॥
 ਭਾਗਵਤ ਕੀ ਤੁਮ ਕਥਾ ਸੁਨਾਵੋ । ਸਪਤ ਦਿਵਸ ਪੂਨ ਕਰ ਸੁਖ ਪਾਵੋ ।
 ਬਹੁਤ ਭਲੀ ਪਡੰਤ ਮੁਖ ਕਹੀ । ਪਰਾਇਨ ਧਰਿਯੋ ਸੁ ਆਨੰਦ ਲਹੀ ॥ 164 ॥

ਦੋਹਰਾ

ਭਾਦ੍ਰੋ^੭ ਸੁਦਿ ਥਿਤ ਦੂਜ ਜੈ ਧਰੀ ਕਥਾ [ਸੁਖ ਮਾਨ ।
 ਧਰ ਆਨੰਦ ਸਤਿਗੁਰ ਸੁਨਹਿ ਭਾਂਤ ਭਾਂਤ ਕੇ ਗਿਆਨ ॥ 165 ॥

^੧ਅ ਪੋਥ। ਡਰਪਾਉ ^੨ਅ ਪੋਥੀ ਸੰਗਤ ^੩੬ ਪੋਥੀ ਪਹਿ ^੪ਅ ਪੋਥੀ ਵਿਚੋ

ਤੀਨਿ ਪਹਿਰ ਹੋਵੇ ਕਥਾ ਸੰਗਤਿ ਸੁਨੈ ਅਪਾਰ ।

ਭਾਂਤ ਭਾਂਤ ਸ੍ਰੀ ਕ੍ਰਿਸ਼ਨ ਗਾਥ ਪੰਡਤ¹ ਕਰੈ ਬਿਚਾਰੈ ॥ 166 ॥

ਚੌਪਈ

ਏਕ ਦਿਵਸ ਅਸ ਕਥਾ ਉਚਾਰੀ । ਲਖ ਜੋਜਨ ਜਮ ਪੈਂਡ ਬਿਚਾਰੀ ।

ਸਨੈ ਸਨੈ ਨਰ ਪੈਂਡਾ ਕਰੈ । ਏਕ ਬਰਸ ਮਹਿ ਪਾਰ ਉਤਰੈ ॥ 167 ॥

ਪੰਡਤ ਜਬ ਅਸ ਰਾਇ ਪ੍ਰਕਾਸਾ । ਚਾਰ ਸਿਖ ਮਿਲ ਕੀਨ ਬਿਲਾਸਾ ।

ਭਾਈ ਸੁੰਦਰ [ਅਰੁ]² ਭਾਈ ਲਾਲਾ । ਭਾਈ ਮਈਆ ਔਰ ਨਿਹਾਲਾ ॥ 168 ॥

ਇਨ ਚਾਰੋਂ ਆਪਸ ਮਹਿ ਕਹਾ । ਪੰਡਤ ਰਾਹੁ ਦੂਰ ਬਡ ਕਹਾ ।

ਭਾਈ ਸੁੰਦਰ ਤਬੈ ਉਚਾਰਾ । ਕ੍ਰਿਪਾ ਕਰਹਿ ਜੇ ਗੁਰ ਕਰਤਾਰਾ ॥ 169 ॥

ਚਾਰ ਪਹਿਰ ਮਹਿ ਸਭ ਲੰਘ ਜਾਵਉ । ਸਤਿਗੁਰ ਦਇਆ ਖੇਦ³ ਨਹਿ ਪਾਵਉ ।

ਦੋਇ ਜਾਮ ਲਾਲੇ ਸੁ ਉਚਾਰੇ । ਏਕ ਜਾਮ ਮਈਆ ਨਿਰਧਾਰੇ ॥ 170 ॥

ਦੋਹਰਾ

ਭਾਈ ਨਿਹਾਲੇ ਤਬ ਕਹਾ ਜਉ ਗੁਰ ਹੋਹਿ ਕ੍ਰਿਪਾਲ ।

ਏਕ ਨਿਮਖ ਲੰਘ ਜਾਇ ਹੋ ਕਿਤਕ ਪੈਂਡ ਇਹ ਖਯਾਲ ॥ 171 ॥

ਆਪਸ ਮੈਂ ਜਬ ਅਸ⁴ ਕਹਾ ਸਿਖਨ ਅਪਨ ਬਿਚਾਰ ।

ਅਤਿ ਬਿਸਮਹਿ ਪੰਡਤ ਭਯੋ ਸਿਖਨ ਓਰ ਨਿਹਾਰ ॥ 172 ॥

ਅੜਿਲ

ਪੁਨ ਸਤਿਗੁਰ ਸਿਉ ਕਹੀ ਬਾਤ ਸਭ ਜਾਇ ਕੈ ।

ਮਹਾਰਾਜ ਸਿਖ ਭਾਖਤ ਐਸ ਬਨਾਇ ਕੈ ।

ਕੈ ਪੁਰਾਨ ਇਹ ਝੂਠ ਮਿਥਯਾ ਸਿਖ ਗਾਵਹੀ ।

ਹੋ ਚਾਰ ਜਾਮ ਮਧ ਨਿਮਖ ਪਾਰ ਕਿਮ ਜਾਵਹੀ ॥ 173 ॥

ਚੌਪਈ

ਸ੍ਰੀ ਮੁਖ ਸਿਉ ਗੁਰ ਕੀਨ ਉਚਾਰਾ । ਭਾਈ ਗੁਰਦਾਸ ਕਹੋ ਨਿਰਧਾਰਾ ।

ਤਬ ਭਾਈ ਗੁਰ ਆਗਿਆ ਪਾਏ । ਹਾਥ ਜੋਰ ਅਸ ਬਚਨ ਅਲਾਇ ॥ 174 ॥

ਸੁਨ ਪੰਡਤ ਏ ਵੇਦ ਪੁਰਾਨਾ । ਜਗਤ ਲੋਗ ਤਾੜਤ ਬਿਧ ਨਾਨਾ ।

ਗੁਰ ਸਿਖਨ ਪਰ ਬਲ ਨਹੀਂ ਪਾਵੇ । ਧਰਮਰਾਇ ਮਨ ਮਹਿ ਭੈ ਖਾਵੇ ॥ 175 ॥

ਸਰਬ ਕਲਾ ਗੁਰ ਨਾਨਕ ਕੋਰੀ । ਏਕ ਰੂਪ ਇਹ ਭੇਦ ਨ ਹੋਰੀ ।

ਗੁਰ ਨਾਨਕ ਕੀ ਸਿਖੀ ਭਾਰੀ । ਮੋਤੇ ਕਹੀ ਨਾ ਬਾਤ ਬਿਚਾਰੀ ॥ 176 ॥

ਜਿਤਨੋ ਬਲ ਹੋਵਤ ਹੈ ਮਾਹੀ । ਤਿਤਨੇ ਦੋਰਤ ਸੰਸਾ ਨਾਹੀ ।

ਇਨ ਸਿਖਨ ਮਹਿ ਬਲ ਹੈ ਐਸਾ । ਕ੍ਰਿਪਾ ਸਿੰਧ ਦੀਨਾ ਹੈ ਜੈਸਾ ॥ 177 ॥

¹ਅ ਤੇ ਏ ਪੋਥੀ ਕਹਹਿ ਬਿਸਤਾਰ ²ਅ ਪੋਥੀ ਵਿਚੋਂ ³ਅ ਪੋਥੀ ਕਸਟ ⁴ਅ ਪੋਥੀ ਇਮ

ਦੋਹਰਾ

ਜੇ ਸਤਿਗੁਰ ਕ੍ਰਿਪਾ ਕਰਹਿ ਨਿਮਖ ਨ ਲਾਗੇ ਜਾਤ ।
ਪ੍ਰਭ ਕ੍ਰਿਪਾ ਜਮ ਤੇ ਛੁਟੇ ਐਸ ਬਚਨ ਬਿਖਯਾਤ ॥ 178 ॥
ਸਤਿਗੁਰ ਮਹਿਮਾ ਅਗਮ ਹੈ ਮੈਂ ਤੇ ਕਹੀ ਨ ਜਾਇ ।
ਸੇਸ ਸਹਿਸ ਜਿਹਵਾ ਧਰੀ ਨੇਤਿ ਨੇਤਿ ਮੁਖ ਗਾਇ ॥ 179 ॥

ਚੌਪਈ

ਅਸ ਕਹਿ ਭਾਈ ਚਰਨਨ ਪਰਾ । ਕ੍ਰਿਪਾ ਸਿੰਧ ਕੇ ਆਨੰਦ ਭਰਾ ।
ਇਹ ਸੁਨ ਪੰਡਤ ਚਿੰਤਾ ਕੀਨੀ । ਜਗਤਿ ਪੂਜ ਗਤਿ ਮੈਂ ਨਹਿ ਚੀਨੀ ॥ 180 ॥
ਸਰਬ ਚਰਿਤ ਕੇ ਕਰਨੇਹਾਰੇ । ਤਾ ਸਿਉਂ ਕਹਿ ਹੋ ਕਥਾ ਉਚਾਰੇ ।
ਅਸ ਬਿਚਾਰ ਤਬ ਸੀਸ ਨਿਵਾਯੋ । ਤ੍ਰਾਹਿ ਤ੍ਰਾਹਿ ਗੁਰ ਸਰਨੀ ਆਯੋ ॥ 181 ॥
ਬਡ਼^੧ ਅਪਰਾਧ ਮੋਹਿ ਤੇ ਭਯੋ । ਤੂੰ ਕਰਤਾ ਤੂੰਹਿ ਕਥਾ ਸੁਨਯੋ ।
ਛਿਮੋਂ^੨ ਭੂਲ ਮਮ ਸਿਖ ਸੁ ਕੀਜੈ । ਸਿਦਕ ਭਿਛੋਂ^੩ ਮੋਕਉ ਪ੍ਰਭ ਦੀਜੈ ॥ 182 ॥
ਕ੍ਰਿਪਾ ਦ੍ਰਿਸ਼ਟ ਕਰਿ ਦੀਨ ਦਯਾਲਾ । ਸਿਖ ਕੀਯੋ ਪੰਡਤ ਤਿੰਹ ਕਾਲਾ ।
ਦਿਬ [ਦ੍ਰਿਸ਼ਟਿ]^੪ ਪੰਡਤ ਹੂੰ ਗਈ । ਏਕ ਨਿਮਖ ਜਮਰਾਹਿ ਦਿਖਈ ॥ 183 ॥

ਦੋਹਰਾ

ਤਬੈ ਪ੍ਰਭੂ ਆਗਿਆ ਕਰੀ ਕਰੋ ਕਥਾ ਨਿਰਧਾਰ ।
ਲੈ ਆਗਿਆ ਸ੍ਰੀ ਗੁਰੂ ਤੇ ਪੰਡਤ ਕੀਨ ਉਚਾਰ ॥ 184 ॥
ਭਾਂਤ ਭਾਂਤ ਹੋਵਤ ਕਥਾ ਨਿਤ ਨੌਤਨ ਨਿਰਧਾਰ ।
ਏਕ ਚਿਤ ਸੰਗਤਿ ਸੁਨੈ ਕ੍ਰਿਪਾ ਸਿੰਧ ਕਰਤਾਰ ॥ 185 ॥

ਚੌਪਈ

ਜਨਮ ਅਸਟਮੀ ਜਬ ਦਿਨ ਆਯੋ । ਮੰਗਲ ਦਰਬ ਗੁਰੂ ਮੰਗਾਯੋ ।
ਕਥਾ ਭਾਗਵਤ ਕੀ ਪੂਰੀ ਭਈ । ਸਭ ਸੰਗਤਿ ਮਨ ਆਨੰਦ ਲਈ ॥ 186 ॥
ਪੰਡਤ ਭੋਗ ਕਥਾ ਕਾ ਪਾਯੋ । ਸ੍ਰੀ ਸਤਿਗੁਰ ਬਹੁ ਦਰਬ ਚੜਾਯੋ ।
ਸੰਗਤਿ ਭੇਟ ਧਰੀ ਬਿਧਿ ਨਾਨਾ । ਆਨੰਦ ਹੋਵਤ ਅਨਿਕ ਵਿਧਾਨਾ ॥ 187 ॥
ਭੇਟ ਚੜੀ ਤਬਹੀ ਬਹੁ ਅਨਗਨ । ਪ੍ਰਤ੍ ਪ੍ਰਤ੍ ਲੋਂ^੬ ਖਾਹਿ ਸੁ ਬ੍ਰਹਮਨ ।
ਪੁਨ ਪੰਡਤ ਬਿਦਿਆ ਗੁਰ ਕੀਨੋ । ਸਿਖੀ ਦਾਨ ਤਿਸੀ ਕਉ ਦੀਨੋ ॥ 188 ॥
ਹਰਿ ਗੋਬਿੰਦ ਕੇ ਚਰਿਤ ਅਪਾਰਾ । ਨੇਤਿ ਨੇਤਿ ਮੁਖ ਚਾਰ ਉਚਾਰ ।
ਤੁਛ ਜੀਵ ਮਮ ਜੀਵ ਉਚਾਰੋ । ਛਿਮੋਂ ਭੂਲ ਨਿਜ ਦਾਸ ਬਿਚਾਰੋ ॥ 189 ॥

^੧ਅ ਪੋਥੀ ਹਮ ^੨ਅ ਤ ਏ ਪੋਥੀ ਘੋਰ ^੩ਅ ਪੋਥੀ ਦਾਨ ^੪ਅ ਪੋਥੀ ਵਿਚੋਂ ^੫ਅ ਪੋਥੀ ਲਗਿ

ਦੋਹਰਾ

ਅਬੈ ਧਿਆਇ ਪੂਰਨ ਕੀਓ ਸ੍ਰੀ ਸਤਿਗੁਰ ਪ੍ਰਸੰਗ ।
ਪੜੇ ਸੁਨੇ ਜੋ ਪ੍ਰੇਮ ਕਰ ਹੋਇ ਸੁਧ ਜਿਮ ਗੰਗ ॥ 190 ॥

ਆਗੇ ਯਹਿ ਕਥ ਹੋਇਗੀ ਜਾਵਹਿ ਗੁਰ ਰਮਦਾਸ ।
ਸਾਹਿਬ ਬੁਢਾ ਅੰਤ ਪਿਖ ਭੇਜ ਸਿਖ ਗੁਰ ਪਾਸ ॥ 191 ॥

ਇਤਿ ਸ੍ਰੀ ਗੁਰ ਬਿਲਾਸ ਚਾਰ ਸਾਖੀ ਬਰਨੰਨ ਨਾਮ ਪਰ ਦਸਮੇ ਧਿਆਇ ਮਸਤ ਸੁਭ
ਮਸਤ ॥ 15 ॥ ਵਾਹਿਗੁਰੂ ॥

ਅਧਿਆਇ ਸੋਲਵਾਂ

ਚੌਪਈ

ਸੁਨੋ ਸੰਤ ਅਬ ਕਥਾ ਉਚਾਰਉ । ਤੁਮਰੇ ਚਿਤ ਕਉ ਭਰਮ ਨਿਵਾਰਉ^੧ ।
ਹਰਿ ਗੋਬਿੰਦ ਕੋ ਚਰਿਤ ਅਨੰਤਾ ।^੨ ਪੰਕਜ ਜਾ ਸੁ ਪਾਵਤ ਨ ਅੰਤਾ^੩ ॥ 1 ॥
ਹਰਿ ਗੋਵਿੰਦ ਗੁਰ ਚਰਿਤ ਮਹਾਏ । ਦੋਇ ਮਾਸ ਗੁਰ ਇਹਾਂ ਬਿਤਾਏ ।
ਸਾਹਿਬ ਬੁਢੇ ਕਥਾ ਪ੍ਰਕਾਸਉ^੪ । ਜਿੰਹ ਬਿਧ ਸੁਨੀ ਦਯਾ ਨਿਧ ਪਾਸਉ^੫ ॥ 2 ॥
ਅਸੂ ਸੁਦੀ ਪੰਚਮੀ ਕੇਰੀ । ਦਰਸਨ ਕਰਯੋ ਗੁਰ ਅਰਜਨ ਕੇਰੀ ।
ਸਾਹਿਬ ਬੁਢਾ ਚਰਨਨ ਪਰਿਯੋ । ਗੁਰ ਦਰਸਨ ਕਰ ਆਨੰਦ ਭਰਿਯੋ ॥ 3 ॥
ਸ੍ਰੀ ਮੁਖ ਐਸੇ ਬਚਨ ਉਚਾਰੇ । ਸੁਨੋ ਬਚਨ ਭਾਈ ਨਿਰਧਾਰੇ ।
ਗੁਰ ਨਾਨਕ ਬਚ ਪੂਰੇ ਭਏ ! ਛਠਮ ਗੁਰੂ ਨੇਤ੍ਰੀ ਦ੍ਰਿਸਟਏ^੬ ॥ 4 ॥

ਦੋਹਰਾ

ਅਬ ਚਾਲੋ ਗੁਰ ਧਾਮ ਮੈ ਸਤਿਗੁਰ ਰੂਪ ਸਮਾਇ ।
ਹਰਿ ਗੋਬਿੰਦ ਬੁਲਾਇ ਗੁਰ ਨਿਜ ਸੁਤਿ ਬਾਹਿ ਫਰਾਇ^੭ ॥ 5 ॥
ਗੁਰ ਅਰਜਨ ਅੰਤਰ ਭਏ ਐਸ ਬਚਨ ਮੁਖ ਭਾਖ ।
ਸਾਹਿਬ ਬੁਢਾ ਹਰਖ ਧਰ ਨਿਜ ਤਿਆਰੀ ਚਿਤ ਲਾਖ ॥ 6 ॥

ਚੌਪਈ

ਏਕ ਸਿਖ ਤਬ ਲੀਨ ਬੁਨਾਈ । ਭਾਂਤ ਭਾਂਤ ਤਹਿ ਕਹਿ ਸਮਝਾਈ ।
ਹਰਿ ਗੋਵਿੰਦ ਗੁਰ ਪੈ ਤੁਮ ਜਾਵਓ । ਚਰਨ ਕਮਲ ਪਰ ਸੀਸ ਨਿਵਾਵਓ ॥ 7 ॥
ਪੁਨ ਕਹਿ ਸਮਾ ਅੰਤ ਮਮ^੮ ਆਯੋ । ਚਿਤ ਚਾਹਤ ਤਵ ਦਰਸ ਕਰਾਯੋ ।
ਜੈਸ ਦੋਪਤੀ ਕਰੀ ਸਹਾਇ । ਗਜ ਗ੍ਰਾਹ ਤੇ ਲੀਨ ਛੁਡਾਇ ॥ 8 ॥
ਤੈਸੇ ਅੰਤ ਸਮਾ ਮਮ ਜਾਨਾ । ਦੇਹੁ ਦਰਸ ਮੋਹਿ ਕ੍ਰਿਪਾ ਨਿਧਾਨਾ ।
ਅਸ ਬਿਨਤੀ ਕਰ ਸਿਖ ਪਠਾਯੋ । ਹਰਿ ਗੋਬਿੰਦ ਪੂਰ ਸੋ ਚਲ ਆਯੋ ॥ 9 ॥
ਸ੍ਰੀ ਸਤਿਗੁਰ ਕੇ ਸਨਮੁਖ ਜਾਈ । ਚਰਨ ਬੰਦ ਬਹੁ ਬਿਨਤ ਸੁਨਾਈ ।
ਅੰਤਰਜਾਮੀ ਗੁਰੂ ਅਵਤਾਰੀ । ਜਾਨ ਗਏ ਸਭ ਹੀ ਨਿਰਧਾਰੀ ॥ 10 ॥

^੧ਅ ਪੋਥੀ ਬ੍ਰਹਮਾ ਜਾਸੁ ਨ ਪਾਵਤ ਅੰਤਾ ^੨ਅ ਪੋਥੀ ਪਿਖ ਲਏ ^੩ਏ ਪੋਥੀ ਗਹਾਇ ^੪ਏ ਪੋਥੀ ਮੋਹਿ

ਦੋਹਰਾ

ਸਭ ਸਿਖਨ ਕੋ ਬੋਲ ਕਰਿ ਐ ਭਾਈ ਗੁਰਦਾਸ ।

ਸਾਹਿਬ ਬੁਢੇ ਯਾਦ ਕੀਯੋ ਸ੍ਰੀ ਮੁਖ ਕੀਨ ਪ੍ਰਕਾਸ ॥ 11 ॥

ਨਿਜ ਹੈ ਤੁਰਤ ਮੰਗਾਇਯੋ ਸਤਿਗੁਰ ਕ੍ਰਿਪਾ ਨਿਧਾਨ ।

ਨਗਰ ਲੋਕ ਸੁਨ ਪਾਇਓ ਸਤਿਗੁਰ ਕਰਤ ਪਿਆਨ ॥ 12 ॥

ਚੌਪਈ

ਨਗਰ ਲੋਕ ਤਜ ਕੇ ਸਭ ਕਾਜਾ । ਆਇ ਕਰਹਿ ਬਿਨਤੀ ਮਹਾਰਾਜਾ ।

ਹਮ ਭੀ ਤੁਮਰੇ ਸਾਥ ਸਿਧਾਵਹਿ । ਜਨਮ ਸੁਫਲ ਕਰ ਬਹੁ ਸੁਖ ਪਾਵਹਿ ॥ 13 ॥

ਹਮੇਂ ਨ ਤਯਾਗੋ ਤੁਮ ਬਿਨ ਦੁਖ ਹੋਈ । ਕਰਹੈ ਖੇਦ ਦੁਸਟ ਹੈ ਜੋਈ ।

ਕ੍ਰਿਪਾ ਸਿੰਧ ਮਨ ਆਨੰਦ ਪਾਯੋ । ਨਗਰ ਲੋਕ ਕਉ ਧੀਰ ਧਰਾਯੋ¹ ॥ 14 ॥

ਰਹੋ ਧਾਮ ਸੇਵਾ ਸਿਖ ਕਰੋ । ਸਤਿਨਾਮ ਰਿਦ ਮਹਿ ਤੁਮ ਧਰੋ ।

ਭਾਈ ਨਿਹਾਲੂ ਤਬੈ ਬੁਲਾਯੋ । ਸ੍ਰੀ ਮੁਖ ਸਿਉਂ ਅਸ ਬਚਨ² ਅਲਾਯੋ ॥ 15 ॥

ਨਗਰ ਲੋਕ ਕੀ ਰਛਯਾ ਕਰੋ । ਇਹ ਠਾਂ ਰਹੋ ਹਰਖ ਮਨ ਧਰੋ ।

ਕਛੁ ਸੈਨਾ ਤਿਹਿ ਸੰਗਿ ਕਰਾਈ । ਆਗਿਆ ਕਰੋ ਧਰਉਂ ਚਿਤ ਲਾਈ ॥ 16 ॥

ਦੋਹਰਾ

ਭਾਈ ਨਿਹਾਲੂ ਸੋਪਿਉਂ ਨਗਰ ਸੈਨ ਦੇ ਸਾਥ ।

ਕ੍ਰਿਪਾ ਸਿੰਧ ਪਯਾਨਾ ਕੀਓ ਔਰ ਸੁਨੋ ਤੁਮ ਗਾਥ ॥ 17 ॥

ਭਾਈ ਗੁਰਦਾਸ ਕਉ ਸੰਗ ਲੈ ਸਾਥ ਸੂਰ ਅਨਪਾਰ ।

ਹੈ ਸਵਾਰ ਸਤਿਗੁਰ ਭਏ ਕੋ ਕਵਿ ਸਕੈ ਉਚਾਰ ॥ 18 ॥

ਚੌਪਈ

ਚਲੇ ਚਾਲ ਨਾਗਰ ਕੇ ਨੈਨ । ਸੁੰਦਰ ਮਨੋ ਚਾਤਰੀ ਬੈਨ ।

ਭਵਾਨੀ ਬਾਹਨ ਕਿਧੋ ਸੁਹਾਯੋ । ਤੁਫੰਗ ਤੀਰ ਮਾਨੋ ਲਖ ਪਾਯੋ ॥ 19 ॥

ਕਿਧੋਂ ਅੰਜਨੀ ਪੁਤ ਚਲਿਯੋ ਹੈ । ਜੀਵਨ ਹਿਤੇ ਸ਼ਿਤਾਬ ਧਯੋ ਹੈ ।

ਕਿਧੋਂ ਗਰੜ ਦੌੜਿਯੋ ਬਲਵਾਨਾ । ਅਸ ਛਬ ਹੂੰ ਹਯ ਕ੍ਰਿਪਾ ਨਿਧਾਨਾ ॥ 20 ॥

ਸਤਿਗੁਰ ਰੂਪ ਦੇਖ ਸਭਿ ਮੋਹੈ । ਪੰਥੀ ਲੋਕ ਜੇਉ ਮੁਖ ਜੋਹੈ ।

ਨਾਮਦੇਵ ਕੇ ਦੇਹੁਰੇ ਆਏ । ਭਗਤ ਜਾਨ ਤਿਨ ਦਰਸਨ ਪਾਏ³ ॥ 21 ॥

ਉਤਰ ਤੁਰੰਗ ਤੇ ਕੀਨ ਪ੍ਰਨਾਮ । ਦਾਸ ਕਵੀ ਕਰ ਪੂਰਨ ਕਾਮ ॥

ਪੁਨ ਪ੍ਰਭ ਚਲੇ ਤੁਰਤ ਤਹਿ ਜਾਈ । ਰਮਦਾਸ ਓਰ ਮਨ ਆਨੰਦ ਪਾਈ ॥

ਦੋਹਰਾ

ਰੈਨ ਪੰਥ ਟਿਕ ਸ੍ਰੀ ਗੁਰੂ ਦਲੇ ਸੁ ਪ੍ਰਾਤਹਕਾਲ ।

ਨੌਮ ਥਿਤ ਰਮਦਾਸ ਮਹਿ ਪਹੁੰਚੇ ਗੁਰੂ⁴ ਕਿਰਪਾਲ ॥ 23 ॥

¹ਏ ਪੰਥੀ ਨਿਧਾਯੋ ²ਅ ਪੰਥੀ ਬੈਨ ³ਅ ਤੇ ਏ ਪੰਥੀ ਸੀਸ ਨਿਵਾਏ ⁴ਅ ਪੰਥੀ ਪ੍ਰਭ

ਪੰਥ ਕਥਾ ਜੇ ਕਵਿ ਕਹੈ ਬਾਢੇ ਗ੍ਰੰਥ ਅਪਾਰ ।
ਤਾਤੇ ਕਰਹੁ ਸੰਕੋਚ ਸਿਉ ਸੁਨਹੁ ਸੰਤ ਨਿਰਧਾਰ ॥ 24 ॥

ਚੌਪਈ

ਸਾਹਿਬ ਬੁਢੇ ਇਮ ਸੁਨ ਪਾਏ । ਧਾਰ ਕ੍ਰਿਪਾ ਸ੍ਰੀ ਗੁਰ ਹੈ ਆਏ ।
ਉਠਾ ਹਰਖ ਧਰ ਹਰਖ ਨ ਮਾਵੈ । ਚਲਾ ਲੈਨ ਗੁਰ ਚਲਯੋ ਨ ਜਾਵੈ ॥ 25 ॥
ਹਰਖ ਸਮੁੰਦ ਬੀਚ ਭਯੋ ਲੀਨਾ । ਰਹਿਯੋ ਬੈਠ ਕਛੂ ਦ੍ਰਿਸਟ ਨਾ ਚੀਨਾ ।
ਕ੍ਰਿਪਾ ਸਿੰਧ ਤਤਛਿਨ ਤਿਹ ਆਏ । ਬੁਢੇ ਲਗਾ ਸਮਾਧ ਲਗਾਏ ॥ 26 ॥
ਗੁਰੁ ਨਾਨਕ ਸਮ ਬੁਢਾ ਜਾਨਾ । ਚਰਨ ਗਹੇ ਤਬ ਕ੍ਰਿਪਾ ਨਿਧਾਨਾ ।
ਏਕ ਰੂਪ ਧਰ ਚਰਨ ਗਹਾਏ । ਦੁਤੀ ਰੂਪ ਤਿਹ ਹਰਿ ਪ੍ਰਗਟਾਏ ॥ 27 ॥
ਸਾਹਿਬ ਬੁਢਾ ਹਰਖਤ ਜਾਗਾ । ਚਰਨ ਕਮਲ ਗੁਰ ਕੇ ਰਸ ਪਾਗਾ ।
ਪਰਸਪਰ ਚਰਨ ਬੰਦਨਾ ਕਰੀ । ਚਰਚਾ ਕਰਤ ਮੁਕਤ ਕੀ ਘਰੀ ॥ 28 ॥

ਦੋਹਰਾ

ਸਾਹਿਬ ਬੁਢਾ ਸਾਥ ਲੈ ਸ੍ਰੀ ਗੁਰ ਗ੍ਰਿਹ ਕਉ ਆਇ ।
ਭਾਂਤ ਭਾਂਤ ਸੇਵਾ ਕਰੀ ਮਨ ਮੋ¹ ਹਰਖ ਨ ਮਾਇ ॥ 29 ॥
ਭਾਈ ਗੁਰਦਾਸ ਚਰਨੀ ਲਗੋ ਬੁਢੇ ਕੇ ਤਬ ਆਇ ।
ਕੁਸਲ ਆਨੰਦ ਤਹਿ ਪੂਛ ਕੈ ਬੈਠੇ ਆਇਸ ਪਾਇ ॥ 30 ॥

ਅੜਿਲ

ਸਾਹਿਬ ਬੁਢੇ ਕੇ ਚਰਨ ਸਿਖ ਸਭਹੀ ਪਰੇ ।
ਸਭਹਨ ਆਦਰ ਧਾਰ ਮਾਨ ਸਭ ਕਾ ਕਰੇ ।
ਸਾਹਿਬ ਬੁਢੇ ਹਰਖ ਅਧਿਕ ਚਿਤ ਧਾਰਿਯੋ ।
ਹੋ ਦਧ ਜਿਉਂ ਬਿਗਸੈ ਦੇਖ ਸਸੀ ਨਿਜ ਪਾਰਿਯੋ ॥ 31 ॥

ਚੌਪਈ

ਹਰਿ ਗੋਬਿੰਦ ਸਿਉਂ ਚਰਚਾ ਕੀਨੀ । ਭਾਂਤ ਭਾਂਤ ਮਨ ਆਨੰਦ ਲੀਨੀ ।
ਅਨਿਕ ਭਾਂਤ ਪ੍ਰਸਾਦਿ ਕਰਾਏ । ਗਨੇ ਨਾ ਜਾਹਿ ਅਧਿਕ ਮਨ ਲਾਏ ॥ 32 ॥
ਸਭ ਸਿਖਨ ਕੋ ਡੇਰਾ ਦੀਨੋ । ਸੁੰਦਰ ਮੰਦਰ ਸੋਭ ਨਵੀਨੋ ।
ਕ੍ਰਿਪਾ ਸਿੰਧ² ਨਿਜ ਪਾਸ ਰਹਾਏ । ਦਰਸ ਕਰੋ ਮਨ ਆਨੰਦ ਪਾਏ ॥ 33 ॥
ਸ੍ਰੀ ਸਤਿਗੁਰ ਤਬ ਭੋਜਨ ਕੀਨਾ । ਸਾਹਿਬ ਬੁਢੇ ਹਰਖ ਸੁ ਲੀਨਾ ।
ਪ੍ਰੇਮ ਭੋਜ ਰਸ ਅਨਤ³ ਪ੍ਰਕਾਰਾ । ਸ੍ਰੀ ਮੁਖ ਭਾਖਯੋ ਗੁਰ ਕਰਤਾਰਾ ॥ 34 ॥
ਤਬ ਸਿਖਨ ਕਉ ਭੋਜਨ ਦੀਨੋ । ਜਿੰਹ ਜਿੰਹ ਇਛੁ ਤੈਸ ਤਿਨ ਲੀਨੋ ।
ਸਭੇ ਤ੍ਰਿਪਤਿ ਹੋਇ ਡੇਰ ਸਿਧਾਏ । ਧਰ ਆਗਿਆ ਗੁਰ ਕੀ ਸੁਖ ਪਾਏ ॥ 35 ॥

¹ਅ ਪੋਥੀ ਮਾਹਿ ²ਅ ਤੇ ਏ ਪੋਥੀ ਨਿਧਾਨ ³ਅ ਪੋਥੀ ਅਨਿਕ

ਦੋਹਰਾ

ਸਾਹਿਬ ਬੁਢੇ ਨਿਕਟ ਤਬ ਹਰਖ ਸੈਨ ਭੂਅ ਕੀਨ ।
ਜਾਮ ਏਕ ਨਿਸ ਜਬ ਗਈ ਗੁਰ ਸਭ ਮਨ ਮਹਿ ਚੀਨ ॥ 36 ॥
ਬਚਨ ਤਬੈ ਗੁਰ ਅਸ ਕੀਆ ਹੇ ਸਾਹਿਬ ਮਹਾਰਾਜ ।
ਮਮ ਸਿਖਯਾ ਦੀਜੈ ਪ੍ਰਭੂ ਤੁਮ ਗੁਰ ਨਾਨਕ ਰਾਜ ॥ 37 ॥

ਬੁਲਨਾ ਛੰਦ

ਬੋਲੇ ਧਾਰ ਹੁਲਾਸ ਬਿਲਾਸ ਸੇਤੀ ਸਾਹਿਬ ਬੁਢਾ ਤੋ ਬਡੇ ਸੁਖ ਪਾਇ ਕੈ ਜੀ ।
ਤੁਮ ਬਡੇ ਰਣਧੀਰ ਅਧੀਰ ਨਿਜ ਅਰਿ ਕਰੋ ਲੋਹੁ ਪਿਤ ਬੈਰ ਸੁਖ ਪਾਇ ਕੈ ਜੀ ।
ਤੁਮ ਤਾਤ ਕਾ ਤਾਤ ਬਖਯਾਤ ਜਗ ਹੋਇਗਾ ਲੇਹਿ ਸਬ ਬੈਰ ਅਰ ਘਾਇ ਕੈ ਜੀ ।
ਤਿਸੈ ਸਿਖ ਬਲਵਾਨ ਜਹਾਨ ਪਰ ਬਲ ਧਰਹਿ ਪਾਇ ਹੈ ਰਾਜ ਸਿਰ ਲਾਇ ਕੈ ਜੀ ।
॥ 38 ॥

ਚੌਪਈ

ਆਦਿ ਨਰਾਯਨ ਰੂਪ ਅਪਾਰਾ । ਕਰੇ ਚਰਿਤ ਤੁਮ ਅਨਿਕ ਪ੍ਰਕਾਰਾ ।
ਮਾਨੁਖ ਸਵਾਂਗ ਤੋਹਿ ਅਬ ਭਯੋ । ਗੋ ਦ੍ਰਿਜ¹ ਰਖਯਾ ਹਿਤ ਭਵ ਲਯੋ ॥ 39 ॥
ਅਸ ਕਹਿ ਅਬ ਗੁਰੁ ਚਰਨਨ ਪਰਿਯੋ । ਕਰੋ ਰਛ ਮੁਹਿ ਅਸ ਬਚਰਿਯੋ ।
ਕ੍ਰਿਪਾਸਿੰਧ ਤਬ ਉਪਮ ਕਰਾਈ । ਸਾਹਿਬ ਬੁਢੇ ਕੀ ਮਨ ਲਾਈ ॥ 40 ॥
ਪਦ ਪੰਕਜ² ਬੁਢੇ ਕੇ ਗਹੇ । ਮੈ ਹਉਂ ਦਾਸ ਬਚਨ ਗੁਰੁ ਕਹੇ
ਜੋ ਮਮ ਸੇਵ ਕਹੇ ਸੋ ਕਹੂੰ । ਜੋ ਆਗਿਆ ਸ੍ਰੀ ਮੁਖ ਤੇ ਰਹੂੰ ॥ 41 ॥
ਬਾਬੇ ਬੁਢੇ ਐਸ ਉਚਾਰੀ । ਤੁਮ ਹੋ ਕ੍ਰਿਪਾਸਿੰਧ ਅਵਤਾਰੀ ।
ਮਮ ਸੁਤ ਬਾਂਹ ਗਹੇ ਸੁਖ ਪਾਇ । ਸਾਹਿਬ ਭਾਨੂ ਤਬੈ ਬੁਲਾਇ ॥ 42 ॥

ਦੋਹਰਾ

ਸਾਹਿਬ ਭਾਨੂੰ ਹਾਥ ਗਹਿ ਸੌਂਪਨ ਗੁਰੁ ਕੋ ਕੀਨ ।
ਦਯਾਸਿੰਧ ਕਰ ਪਕੜ ਕੈ ਸੀਸ ਧਾਰ ਨਿਜ ਲੀਨ ॥ 43 ॥
ਗੁਰ ਨਾਨਕ ਤੇ ਆਦਿ ਲੈ ਕ੍ਰਿਪਾ ਕਰਤ ਜਸ ਮੋਹਿ ।
ਤੈਸ ਕ੍ਰਿਪਾ ਇਸ ਪਰ ਕਰੈ ਸਾਹਿਬ ਭਾਨੂ ਤੋਹਿ ॥ 44 ॥

ਚੌਪਈ

ਇਹ ਬਿਧ ਚਰਚਾ ਭਈ ਅਪਾਰ । ਕਹਿ [ਹਮ]³ ਕਥੈ ਸਰਬ ਬਿਸਤਾਰ ।
ਤਬ ਲੈ ਜਾਮ ਏਕ ਨਿਸ ਰਹੀ । ਸਾਹਿਬ ਬੁਢੇ ਗੁਰ ਸਿਉਂ ਕਹੀ ।
ਅਬ ਤਿਆਰੀ ਮੌਰੀ ਤੁਮ ਜਾਨੋ । ਪਾਂਚ ਗੁਰੂ ਆਏ ਅਨਮਾਨੋ ।
ਅਸ ਕਹ ਬੁਢੇ ਕੀਓ ਇਸਨਾਨਾ । ਸ੍ਰੀ ਸਤਿਗੁਰ ਤਬ ਮਜਨ ਠਾਨਾ ॥ 46 ॥

¹ਅ ਤੇ ਏ ਪੌਥੀ ਬਿਪੁ ²ਅ ਪੌਥੀ ਚਰਨ ਕਮਲ ³ਏ ਪੌਥੀ ਵਿਚੋਂ

ਕਰ ਸਨਾਨ¹ ਬੈਠ ਤਬ ਗਏ । ਸਨਮੁਖ ਆਸਨ ਦੁਹੁਅਨ ਕਏ ।
ਜਪੁਜੀ ਪੜਨ ਲਗੋ ਮਨ ਲਾਈ । ਸਾਹਿਬ ਬੁਢਾ ਅਤਿ ਸੁਖਦਾਈ² ॥ 47 ॥
ਜਪੁਜੀ ਭੋਗ ਤਬੈ ਤਿਨ ਪਾਯੋ । ਪਾਂਚ ਗੁਰੂ ਤਬ ਦਰਸ ਦਿਖਾਯੋ ।
ਪਾਂਚ ਗੁਰੂ ਅਸ ਬਚਨ ਸੁਨਾਈ । ਧਰਮ³ ਧਾਮ ਚਾਲੋ ਸੁਖ ਪਾਈ ॥ 48 ॥

ਦੋਹਰਾ

ਸਾਹਿਬ ਬੁਢੇ ਹਰਖ ਸਿਉਂ ਪ੍ਰਿਥਮ ਬੰਦਨਾ ਕੀਨ ।
ਚਰਨ ਬੰਦ ਗੁਰ ਛਟਮ ਕੇ ਤਤ ਛਿਨ ਤਿਆਰੀ ਕੀਨ ॥ 49 ॥
ਕੁਸਾ ਡਾਰ ਆਸਨ ਕੀਓ ਨਵਮ ਦੁਆਰ ਕੋ ਸਾਧ ।
ਦਸਮ ਦਵਾਰ ਪ੍ਰਾਣ ਲਗੋ ਪਰਮ ਸਮਾਧਿ ਅਗਾਧ ॥ 50 ॥

ਚੌਪਈ

ਸਾਹਿਬ ਬੁਢੇ ਪ੍ਰਾਨ ਸਿਧਾਏ । ਪਾਂਚ ਗੁਰੂ ਸੰਗ ਅਤਿ ਸੁਖ ਪਾਏ ।
ਹਰਿ ਗੋਬਿੰਦ ਗੁਰ ਤਬ ਇਹ ਕੀਨੋ । ਰਾਗੀ ਬੋਲ⁴ ਨਿਕਟ ਤਬ ਲੀਨੋ ।
ਸ੍ਰੀ ਮੁਖ ਕਹਾ ਸਬਦ⁵ ਤੁਮ ਗਾਵੋ । ਪ੍ਰਥਮ ਵਾਰ ਆਸਾ ਕੀ ਲਾਵੋ ।
ਗਾਵਤ ਮਾਰੂ ਸਬਦ ਅਪਾਰਾ । ਸਾਂਤਿ ਵੈਰਾਗੀ ਚਾਲੀ ਧਾਰਾ ॥ 52 ॥
ਤਬ ਲਉ ਚੜ੍ਹਯੋ ਭਾਨ ਅਰ ਘਾਈ । ਭਯੋ ਪ੍ਰਕਾਸ ਅੰਧੇਰ ਵਿਹਾਈ ।
ਸ੍ਰੀ ਸਤਿਗੁਰ ਕੀ ਆਗਿਆ ਪਾਏ । ਭਾਂਤ ਭਾਂਤ ਤਬ ਦਰਬ ਲਯਾਏ ॥ 53 ॥
ਬਿਬਾਨ ਤਿਆਰੀ ਗੁਰਿ ਕਰਵਾਈ । ਜਰੀ ਬਾਦਲਾ ਬਹੁ ਬਿਧ ਲਾਈ ।
ਰਾਗੀ ਭੋਗ ਸਬਦ⁶ ਕਾ ਪਾਯੋ । ਸ੍ਰੀ ਗੁਰ ਤਿਨ ਕਉ ਐਸ ਅਲਾਯੋ ॥ 54 ॥

ਦੋਹਰਾ

ਮਾਰੂ ਡਖਣੇ ਵਾਰ ਕੋ ਅਬ ਗਾਵੋ ਸੁਰ ਉਚ ।
ਸਿਖ ਸੰਗਤਿ ਆਈ ਘਨੀ ਭਈ ਭੀਰ ਅਤਿ ਮੂਚ ॥ 55 ॥
ਏਕ ਓਰ ਸ੍ਰੀ ਗੁਰ ਲਗੈ ਦੂਜੋ ਭਾਨਾ ਸਾਥ ।
ਗੁਰਦਾਸ ਅਜਿਤਾ ਹਰਖ ਸਿਉ ਦੂਤੀ ਓਰ ਗਹਿ ਹਾਥ ॥ 56 ॥

ਚੌਪਈ

ਚਾਰੋ ਲੀਨ ਬਿਬਾਨ ਉਠਾਈ । ਦੇਵਾਂਗਨ⁷ ਸਭ ਦੇਖਨ ਆਈ ।
ਸੁਰਗ ਫੂਲ ਸਭ ਦੇਵਨ ਡਾਰੇ । ਬਾਜ ਬਜਾਏ ਅਨਿਕ ਪ੍ਰਕਾਰੇ ॥ 57 ॥
ਚੋਕੀ ਹੋਵਤ ਸਬਦ ਬਿਅੰਤਾ । ਕਿਉਂ ਨਾ ਹੋਹਿ ਜਿਹ ਗੁਰੂ ਭਗਵੰਤਾ ।
ਅਤਰ ਗੁਲਾਬ ਸੁ ਛਿਰਕ ਬਿਮਾਨਾ । ਸਭ ਕੇ ਮਨ ਵੈਰਾਗ ਮਹਾਨਾ ॥ 58 ॥

¹ਏ ਪੋਥੀ ਇਸਨਾਨ ²ਅ ਪੋਥੀ ਹੁਲਸਾਈ ³ਏ ਪੋਥੀ ਅਪਨੇ ⁴ਅ ਪੋਥੀ ਬੋਲਾਇ ⁵ਏ ਪੋਥੀ ਬਾਣੀ ⁶ਏ ਪੋਥੀ ਕੀਰਤਨ ⁷ਅ ਪੋਥੀ ਸਭਾ

ਧਨ ਅਰ ਧਾਮ ਕੀ ਪ੍ਰੀਤਿ ਵਿਸਾਰੀ । ਚਿਖਾ ਓਰ ਦਿਖ ਸੁਗਮ ਸਵਾਰੀ ।
 ਭਾਈ ਅਜਿਤੇ ਚਰਿਤ ਦਿਖਾਨਾ । ਸਭ ਕੈ ਸੀਸ ਛਤ੍ਰ ਦ੍ਰਿਸ਼ਾਨਾ ॥ 59 ॥
 ਚੰਦਨ ਭਾਰ ਬਹੁਤ ਤਬ ਲਿਆਇ । ਰਚੀ ਚਿਤਾ ਬਡ ਉਚ ਸੁਹਾਇ ।
 ਮੰਦਰ ਮਹਿ ਤਬ ਚਿਖਾ ਬਨਾਈ । ਮ੍ਰਿਤਕ ਕ੍ਰਿਯਾ ਸੋ ਸਭੀ ਕਰਾਈ ॥ 60 ॥

ਦੋਹਰਾ

ਚਿਖਾ ਉਪਰ ਜਬਹੀ ਧਰੀ ਸਾਹਿਬ ਬੁਢੇ ਦੇਹ ।
 ਹਰਿ ਗੋਬਿੰਦ ਕੇ ਨੈਨ ਤੇ ਚਾਲਿਯੋ ਨੀਰ ਸਨੇਹ ॥ 61 ॥
 ਸਾਹਿਬ ਭਾਨੂ ਨੈਨ ਤੇ ਚਲਿਯੋ ਨੀਰ ਪ੍ਰਵਾਹ ।
 ਸਾਹਿਬ ਭਾਨੈ ਸ੍ਰੀ ਗੁਰੂ ਤਬੈ ਲਗਾਯੋ ਦਾਹ ॥ 62 ॥

ਚੌਪਈ

ਹਰਿ ਗੋਬਿੰਦ ਗੁਰੁ ਲਾਇ ਦਿਵਾਨ । ਬੈਠਤ ਭਏ ਸੁ ਕ੍ਰਿਪਾ ਨਿਧਾਨ ।
 ਕਪਾਲ ਕ੍ਰਿਯਾ ਕਰ ਭਾਨਾ ਆਯੋ । ਲੈ ਗੁਰ ਸਾਥ ਇਸਨਾਨ ਕਰਾਯੋ ॥ 63 ॥

ਦੋਹਰਾ

ਕੀਰਤ^੧ ਸੋਹਲਾ ਤਬ ਪੜਿਯੋ ਇਕ ਸਿਖ ਪ੍ਰੇਮ ਲਗਾਇ ।
 ਕਰ ਅਰਦਾਸ ਬੈਠਤ ਭਯੋ ਸ੍ਰੀ ਗੁਰੁ ਆਇਸ ਪਾਇ ॥ 64 ॥

ਚੌਪਈ

ਪ੍ਰਸਾਦਿ ਵਰਤਾਇ ਨਿਜ ਡੇਰੇ ਆਏ । ਸੰਗਤਿ ਸਿਖ ਵਿਦਾ ਕਰਵਾਏ ॥
 ਸਾਹਿਬ ਭਾਨਾ ਸਭ ਪਰਿਵਾਰਾ । ਦੀਨਾਨਾਥ ਗੁਰੂ ਕਰਤਾਰਾ ॥ 65 ॥
 ਭਾਇ ਅਜਿਤਾ ਇਹ ਸਭ ਆਗੇ । ਹਾਥ ਜੋਰ ਬਚ ਕਹਿ ਅਨੁਰਾਗੇ ।
 ਮਹਾਰਾਜ ਚਲਿ ਸਾਥ ਵਿਮਾਨਾ । ਸੀਸ ਛਤ੍ਰ ਸਭ ਕੇ ਅਨੁਮਾਨਾ ॥ 66 ॥
 ਆਵਤ ਦੇਖਿਓ ਆਪ ਕੇ ਸੀਸ । ਕਿਆ ਇਹ [ਚਰਿਤ]^੨ ਭਯੋ ਜਗਦੀਸ ।
 ਸ੍ਰੀ ਮੁਖ ਸਿਉ ਤਬ ਬਚਨ ਉਚਾਰੇ । ਜਾਵਤ ਸਭ ਮਨ ਮਰਨ ਨਿਹਾਰੇ ॥ 67 ॥

ਦੋਹਰਾ

ਆਵਤ ਚਿੰਤਾ ਧਾਮ ਕੀ ਦਾਰਾ ਸੁਤ ਸਿਉ ਪ੍ਰੀਤਿ ।
 ਇਹ ਕਾਰਨ ਨਹਿ ਛਤ੍ਰ ਸਿਰ ਬਿਰਲਾ ਰਿਖਿ ਜਗਜੀਤ ॥ 68 ॥
 ਸਾਹਿਬ ਭਾਨੇ ਸਿਉ ਤਬੈ ਦੀਨ ਧੀਰ ਕਹ ਬਾਤ ।
 ਅਸਥਿਰ ਜਗ ਕੋਈ ਨਹੀਂ [ਸ੍ਰੀ]^੩ ਰਾਮ ਕ੍ਰਿਸ਼ਨ ਬਖਯਾਤ ॥ 69 ॥

ਚੌਪਈ

ਤਾਂਕੀ ਚਿੰਤ ਸਦਾ ਮਨ ਕਰੀਏ । ਅਨਹੋਨੀ ਹੋਇ ਸੁ ਚਿਤ ਬਿਚਰੀਏ ।
 ਜਗ ਮਾਹਿ ਰੀਤਿ ਚਲਿਤ ਇਹ ਆਈ । ਕਰਿ ਕਾਰਜ ਸਭ ਕੂਚ ਕਰਾਈ ॥ 70 ॥

^੧ਅ ਪੋਥੀ ਕੀਰਤਨ ^੨ਇ ਪੋਥੀ ਵਿਚੋਂ ^੩ਅ ਪੋਥੀ ਵਿਚੋਂ

ਸੌ ਜੀਵਤ ਜਿਹ ਜਸ ਜਗ ਮਾਂਹੀ । ਗਾਵਤ ਨਰ ਨਿਜ ਬੰਧ ਕਟਾਹੀ ।
 ਤਾਂਤੇ ਚਿਤ ਚਿੰਤਾ ਮਤ ਧਰੋ । ਨਿਜ ਪਿਤ ਜਸ ਪ੍ਰਗਟ ਸੁਨ ਬਰੋ ॥ 71 ॥
 ਕਰ ਉਪਦੇਸ਼ ਗਿਆਨ ਗੁਰੂ ਦੀਨੋ । ਸਾਹਿਬ ਭਾਨੋ ਦ੍ਰਿੜਤਾ ਕੀਨੋ ।
 ਔਰ ਪ੍ਰਸੰਗ ਕਹਿ ਅਨਿਕ ਪ੍ਰਕਾਰਾ । ਗੁਰੂ ਸੁਨਾਏ ਤਾਂਹਿ ਸੁਧਾਰਾ ॥ 72 ॥
 ਸਿਖ ਸੰਗਤਿ ਦੂਰੋ ਚਲ ਆਵੈ । ਸਾਹਿਬ ਭਾਨੋ ਕਉ ਸੁ ਬੁਲਾਵੈ ।
 ਸਾਰੋ ਦਿਵਸ ਬਰਤ ਹੀ ਰਾਖਯੋ । ਪਰੀ ਰੈਨ ਸ੍ਰੀ ਗੁਰੂ ਅਸ ਭਾਖਯੋ ॥ 73 ॥

ਦੋਹਰਾ

ਲਾਂਗਰੀ ਤਬ ਗੁਰੂ ਬੋਲ ਕੈ ਸ੍ਰੀ ਮੁਖ ਅਸ ਫੁਰਮਾਇ ।
 ਪ੍ਰਸਾਦਿ ਤਿਆਰ ਤਤ ਛਿਨ ਕਰਹੁ ਕਛੂ ਦੇਰ ਨਹਿ ਲਾਇ ॥ 74 ॥
 ਪ੍ਰਸਾਦਿ ਤਿਆਰ ਜਬਹੀ ਭਯੋ ਸਭ ਕੋ ਦੀਨ ਵਰਤਾਇ ।
 ਸਾਹਿਬ ਭਾਨੋ ਸਿਉਂ ਗੁਰੂ ਆਪ ਛਕਿਓ ਸੁਖ ਪਾਇ ॥ 75 ॥

ਚੌਪਈ

ਇਹ ਬਿਧਿ ਸਭਹਨ ਧੀਰ ਧਰਾਈ । ਕ੍ਰਿਪਾਸਿੰਧ ਮਨ ਆਨੰਦ ਪਾਈ ।
 ਕੀਰਤਨ ਹੋਤ ਅਖੰਡ ਤਹਾਂ । ਦਯਾਸਿੰਧ ਇਸਥਿਤ ਹੈ ਜਹਾਂ ।
 ਜਬ ਚੌਥੇ ਕਾ ਦਿਵਸ ਲਖਾਏ । ਮ੍ਰਿਤਕ [ਕ੍ਰਿਯਾ]¹ ਕਰ ਫੂਲ ਚੁਨਵਾਏ ।
 ਸਾਥ ਸਿਖ ਗੰਗਾ ਪਠ ਦੀਨੋ । ਅਨਗਨ ਦਰਬ ਸਾਥ ਤਿਨ ਲੀਨੋ ॥ 77 ॥
 ਪਰਚਾਵਣ ਕਰਣ ਸਿਖ ਬਹੁ ਆਵਹਿ । ਨਿਤ ਨੂਤਨ ਕਛੂ ਵਾਰ ਨਾ ਪਾਵਹਿ ।
 ਸ੍ਰੀ ਗੁਰ ਗ੍ਰੰਥ ਕਾ ਪਾਠ ਕਰਾਯੋ । ਭਾਈ ਗੁਰਦਾਸ ਕਰਤ ਸੁਖ ਪਾਯੋ ॥ 78 ॥

ਦੋਹਰਾ

ਇਹ ਬਿਧ ਭਏ ਬਿਤੀਤ ਤਬ ਕਿਤਕ ਦਿਵਸ ਸੁਖ ਪਾਇ ।
 ਤੇਰਵੇਂ ਕਾ ਦਿਨ ਆਯੋ ਸ੍ਰੀ ਗੁਰ ਅਸ² ਫੁਰਮਾਇ ॥ 79 ॥
 ਸਿਖ ਸੰਗਤਿ ਆਈ ਘਨੀ ਸ੍ਰੀ ਗੁਰ ਲਾਇ ਦਿਵਾਨ ।
 ਦੇਵ ਜਛ ਕਿੰਨਰ ਸਭੈ ਦੇਖਤ ਚੜੈ ਬਿਬਾਨ ॥ 80 ॥

ਚੌਪਈ

ਹਰਿ ਗੰਵਿੰਦ ਸ੍ਰੀ ਮੁਖ ਫੁਰਮਾਯੋ । ਭਾਈ ਭੋਗ ਗ੍ਰੰਥ ਕਾ ਪਾਇਯੋ ।
 ਕ੍ਰਿਪਾ ਸਿੰਧ ਗੁਰ ਤਬ ਇਹੁ ਕੀਨੀ । ਸਾਹਿਬ ਭਾਨੋ ਕੋ ਪਗ ਦੀਨੀ ॥ 81 ॥
 ਸਾਹਿਬ ਬੁਢੇ ਗਦੀ ਭਾਰੀ । ਬੈਠਾਯੋ ਤਹਿ ਪੁਰ ਸੁਖ ਧਾਰੀ ।
 ਤਬੈ ਰਬਾਬੀ³ ਆਨੰਦ ਗਾਯੋ । ਫੂਲਨ ਝਰਿ ਤਬ ਦੇਵਨ ਲਾਯੋ ॥ 82 ॥
 ਮਧ ਅਕਾਸ ਬਜਾਏ ਬਾਜੇ । ਭਾਰਤ ਫੂਲ ਸੁ ਅੰਜੁਲ ਸਾਜੇ ।
 ਇਹੁ ਬਿਧ ਭਯੋ ਸੁ ਮੰਗਲਚਾਰਾ । ਦੀਓ ਦਾਨ ਅਗਨੰਤ ਅਪਾਰਾ ॥ 83 ॥

¹ਅ ਪੰਥੀ ਵਿਚੁਂ ²ਅ ਪੰਥੀ ਇਸ ³ਅ ਪੰਥੀ ਕੀਰਤਨੀਏ

ਸਿਖ ਸੰਗਤਿ ਸਭਹੀ ਚਲ ਆਵੈ । ਸਾਹਿਬ ਭਾਨੇ ਕਉ ਸਿਰ ਨਯਾਵੈ ।
ਇਹ ਬਿਧਿ ਹਰਿ ਗੋਵਿੰਦ ਗੁਰ ਪੂਰਾ । ਕੋਤਕ ਕਰਤ ਅਨਿਕ ਗੁਰ ਸੂਰਾ ॥ 84 ॥

ਦੋਹਰਾ

ਏਕ ਦਿਵਸ ਸ੍ਰੀ ਸਤਿਗੁਰ ਸਸਤ੍ਰਨ ਕਮਰ ਕਸਾਇ ।
ਬਹੁਤ ਖੁਸ਼ੀ ਧਰ ਸਤਿਗੁਰੂ ਬੈਠੇ ਮਨ ਹਰਖਾਇ ॥ 85 ॥
ਇਕ ਮਾਈ ਆਈ ਤਬੋ ਅਤਿਸੈ ਹੋਇ ਬਿਮਾਨ¹ ।
ਸਤਿਗੁਰ ਪਹਿ ਬਿਨਤੀ ਕਰੀ ਧਰੀ ਭੇਟ ਸੁਖ ਮਾਨ ॥ 86 ॥

ਸਵੈਯਾ

ਜੋਰ ਕੈ ਹਾਥ ਕਰੀ ਬਿਨਤੀ ਪ੍ਰਭ ਪਟੀ ਬਸਉ² ਮਾਝੇ ਸੁਖਦਾਈ ।
ਜਟੀ ਸੁ ਜਾਤ ਸਿਧੂ ਹਮਰੋ ਕੁਲ ਦੇਸਾ ਹੈ ਨਾਮ ਕਿਵੈ ਦੁਖ ਜਾਈ ।
ਉਪਮਾ ਬਹੁ ਤੋਰ ਸੁਨੀ ਪ੍ਰਭ ਜੀ ਇਹ ਕਾਰਨ ਤੇ ਤੁਮਰੇ ਪਹਿ ਆਈ ।
ਦੀਨ ਦਿਆਲ ਨਿਹਾਲ ਕਰਹੁ ਮੁਹਿ ਆਸਾਵੰਤ ਕੀ ਆਸ ਪੁਜਾਈ ॥ 87 ॥

ਚੌਪਈ

ਮਹਾਰਾਜ ਮੇਰੇ ਸੁਤ ਨਾਹੀ । ਧਰ ਇਛਾ ਮੋਹਿ ਤੁਮ ਪਹਿ ਆਹੀ ।
ਮੇਰੀ ਚਿਤਵਨ ਪ੍ਰਭੁ ਜੀ ਹਰੇ । ਇਛ ਪੂਰ ਸੁਤ ਕੀ ਸੁ² ਧਰੇ² ॥ 88 ॥
ਦੀਨਾ ਨਾਥ ਕਹਾ ਮੁਸਕਾਏ । ਤੁਮਰੇ ਮਸਤਕ ਸੁਤ ਨਾ ਲਿਖਾਏ ।
ਯੋ ਸੁਨ ਵਿਮਨ ਭਈ ਵਹੁ ਮਾਈ । ਗੁਰਦਾਸ ਭਾਈ ਪਹਿ ਸੋਚ ਅਲਾਈ ॥ 89 ॥
ਭਾਈ ਪ੍ਰਛਿਓ ਕਿਉ ਤੁਮ ਚਿੰਤਾ । ਭਈ ਬਿਮਨ ਕਹਿ ਸਭ ਬੁਝੰਤਾ ।
ਮਾਈ ਕਹਾ ਪ੍ਰਭੁ ਫਰਮਾਇਯੋ । ਤੁਮਰੇ ਮਸਤਕ ਸੁਤ ਨ ਲਿਖਾਯੋ ॥ 90 ॥

ਦੋਹਰਾ

ਸੰਤ ਸਰਲ ਚਿਤ ਜਗਤ ਹਿਤ ਪਰਉਪਕਾਰੀ ਬਹੁ ਮੀਤ ।
ਦੀਨ ਦੇਖ ਤਿਹ ਮਨ ਦ੍ਰਵਯੋ ਕਹਿਯੋ ਬਚਨ ਤਬ ਨੀਤ ॥ 91 ॥

ਚੌਪਈ

ਸੰਤਨ ਕੀ ਇਹ ਰੀਤਿ ਸੁਹਾਈ । ਜਿਉਂ ਜਿਉਂ ਪਰਉਪਕਾਰ ਕਰਾਹੀ ।
ਦੀਨਨ ਹਿਤ ਨਿਜ ਤਨ ਪਰਹਰੈ³ । ਪਰਉਪਕਾਰ ਸਦਾ ਵਹੁ ਕਰੈ ॥ 92 ॥
ਤਬ ਭਾਈ ਅਸ ਬਾਤ ਸਿਖਾਈ । ਬਿਨਤ ਕਰੋ ਸ੍ਰੀ ਗੁਰ ਪਹਿ ਜਾਈ ।
ਧੁਰ ਦਰਗਾਹ ਕਲਮ ਤੁਮ ਹਾਥਾ । ਸੋ ਤੁਮ ਈਹਾਂ ਪੁਰਾਵਹੁ ਨਾਥਾ ॥ 93 ॥
ਅਸ ਸਿਖਯਾ ਸੁਨ ਦੇਸਾਂ ਮਾਈ । ਸ੍ਰੀ ਗੁਰ ਪਹਿ ਤਿਹ ਛਿਨ ਚਲ ਆਈ ।
ਜਿਸ ਸਿਖਯਾ ਭਾਈ ਜੀ ਦੀਨੀ । ਸੋ ਸਬ ਅਰਜ ਗੁਰੂ³ ਪੈ ਕੀਨੀ ॥ 94 ॥

¹ਅ ਤੇ ਏ ਪੋਥੀ ਨਿਮਾਨਿ ²ਅ ਪੋਥੀ ਤੁਮ ਕਰੋ ³ਅ ਤੇ ਏ ਪੋਥੀ ਸਤਿਗੁਰ

ਦੋਹਰਾ

ਅਬ ਕ੍ਰਿਪਾ ਕਰ ਪ੍ਰਭ ਲਿਖੋ ਕਲਮ ਤੁਮਾਰੇ ਹਾਥ ।
ਸੁਕੇ ਤੇ ਹਰਯਾ ਕਰੋ ਮੋਰੇ ਮਾਥ ਅਨਾਥ ॥ 95 ॥
ਬਹੁ ਪ੍ਰਸੰਨ ਸਤਿਗੁਰ ਭਏ ਤਹਿ ਕਉ ਧੀਰ ਧਰਾਇ ।
ਸਾਹਿਬ ਭਾਨੇ ਪਾਸ ਤਬ ਚਲਿਤ ਭਏ ਸੁਖ ਪਾਇ ॥ 96 ॥

ਚੌਪਈ

ਦੀਨਾ ਨਾਥ ਕਉ ਦੇਖ ਉਠੇ ਸਭ । ਕਰ ਸਿਉ ਕਰ ਗਹਿ ਬੈਠ ਗਏ ਤਬ ।
ਚਰਚਾ ਕੀਨੀ ਅਨਿਕ ਪ੍ਰਕਾਰਾ । ਪੁਨ ਆਏ ਨਿਜ ਡੇਰ ਮਝਾਰਾ ॥ 97 ॥
ਪਰੀ ਰੈਨ ਗੁੰਬਜ ਤਬ ਕਾਲੀ । ਨਿਸਚਰ ਜੀਵ ਫਿਰਤ ਦਿਨ ਟਾਲੀ ।
ਬਿਤੀ ਰੈਨ ਪੁਨ ਭਾਨੁ^੧ ਚੜਾਯੋ । ਭਾਗ ਉਲੂਕ ਅੰਧੇਰ ਬਿਹਾਯੋ ॥ 98 ॥
ਏਕ ਜਾਮ ਜਬ ਹੀ ਦਿਨ ਰਹਾ । ਨਿਜ ਸੂਰਨ ਸਿਉ ਸਤਿਗੁਰ ਕਹਾ ।
ਸਸਤ੍ਰ ਬਾਂਧ ਹੈ ਚਲੋ ਸਵਾਰਾ । ਖੇਲੈ ਬਨ ਮਹਿ ਜਾਇ ਸ਼ਿਕਾਰਾ ॥ 99 ॥
ਨਿਜ ਸਸਤ੍ਰਨ ਸਿਉ ਕਮਰ ਕਸਾਈ । ਭਏ ਸਵਾਰ ਪ੍ਰਭੁ ਹਰਖਾਈ ।
ਸਭੈ ਸੂਰ ਭਏ ਸੰਗ ਅਪਾਰਾ । ਚੀਤੇ ਸੁਆਨ ਸੰਗਿ ਬਹੁ ਨਾਰਾ ॥ 100 ॥

ਦੋਹਰਾ

ਤਬ ਮਾਈ ਬੋਲਤ ਭਈ ਸ੍ਰੀ ਗੁਰੁ ਸਨਮੁਖ ਆਇ ।
ਮਹਾਰਾਜ ਕ੍ਰਿਪਾ ਕਰੋ ਮੇਰੇ ਸੁਤ ਪ੍ਰਗਟਾਇ ॥ 101 ॥
ਸ੍ਰੀ ਮੁਖ ਤਬ ਐਸੇ ਕਹਾ ਤੁਮਰੇ ਸੁਤ ਨਹਿ ਲੇਖ ।
ਪੁਨ ਮਾਈ ਐਸੇ ਕਹਾ ਅਬ ਤੁਮ ਲਿਖੋ ਅਲੇਖ ॥ 102 ॥

ਸਵੈਯਾ

ਦੀਨ ਪਛਾਨ ਨਿਧਾਨ ਪ੍ਰਭੁ ਮੁਸਕਾਇ ਕਹਿਯੋ ਤੁਮਰੇ ਸੁਤ ਆਵੈ ।
ਦੇਸਾਂ ਕਹੈ ਪ੍ਰਤੀਤਿ ਦੇਹੋ ਪ੍ਰਭੁ ਦੇਹੁ ਲਿਖਾਇ ਹਮੈਂ ਦੁਖ ਜਾਵੈ ।
ਕਾਗਦ ਕਲਮ ਲਈ ਗੁਰ ਹਾਥ ਲਗੇ ਲਿਖ ਏਕ ਹੈ ਪਾਵ ਉਠਾਵੈ ।
ਏਕ ਤੇ ਸਪਤ^੨ ਭਏ ਤਬ ਹੀ ਗੁਰ ਐਸ ਕਹਿਯੋ ਸੁਤ ਸਾਤ ਲਹਾਵੈ ॥ 103 ॥

ਚੌਪਈ

ਸ੍ਰੀ ਸਤਿਗੁਰ ਕਹਿ ਜਾਹੁ ਨਿਜ ਆਲੈ । ਸਪਤ ਪੁਤ੍ਰ ਤੁਮਰੇ ਕੁਲ ਪਾਲੈ ।
ਸੁਨ ਗੁਰ ਬਚਨ ਸੁ ਆਨੰਦ ਧਰਿਯੋ । ਦੇਸਾਂ ਗੁਰ ਕਉ ਧੰਨ ਉਚਰਿਯੋ ।
ਧੰਨ ਧੰਨ ਕਹਿ ਗੁਰ ਪਗ ਪਰੀ । ਪ੍ਰਕਰਮਾ ਕਰ ਉਸਤਤਿ ਕਰੀ ।
ਤਬ ਦੇਸਾ ਨਿਜ ਦੇਸ ਸਿਧਾਰੀ । ਜਾਵਤ ਧੰਨ ਧੰਨ ਗੁਰੁ ਉਚਾਰੀ ॥ 105 ॥

^੧ਅ ਪੋਥੀ ਸੂਰ ^੨ਅ ਤੇ ਏ ਪੋਥੀ ਸਾਤ

ਸਾਤ ਬਰਸ ਮਹਿ ਸੁਤ ਸਭਾ ਭਏ । ਗੁਰ ਬਚ ਸਭ ਭਏ ਐਸੇ ਨਏ ।
ਕ੍ਰਿਪਾ ਸਿੰਧ ਪੁਨ ਚੜੇ ਸ਼ਿਕਾਰਾ । ਕੋਤਕ ਕਰਤ ਸੁ ਅਨਿਕ ਪ੍ਰਕਾਰਾ ॥ 106 ॥

ਦੋਹਰਾ

ਰਾਵੀ ਨਦਿ ਤੇ ਕਛੁ ਉਰੇ ਬੇਲਾ ਬਨ ਦਿਸ਼ਟਾਇ ।
ਤਿਹ ਸ਼ਿਕਾਰ ਖੇਲਯੋ ਪ੍ਰਭੂ ਜੀਵ ਜੰਤ ਬਹੁ ਘਾਇ ॥ 107 ॥

ਏਕ ਸਿਖ ਐਸੇ ਕਹਿਯੋ ਮੋਹਿ ਆਯੋ ਪ੍ਰਭੂ ਦੇਖ ।
ਗੋ ਹੱਤਿਆ ਦੋਖੀ^੧ ਕਰਹਿ ਬਨ ਮਹਿ ਪਾਪੀ ਭੇਖ ॥ 108 ॥

ਤੋਟਕ ਛੰਦ

ਜਬ ਐਸ ਸੁਨੇ ਸਿਖ ਕੇ ਬਚਨੰ । ਗੁਰ ਚਿਤ ਕਰੋਧ ਬਡੋ ਰਚਨੰ ।
ਤਿਹ ਕਉ ਅਗ ਰਾਖ ਸੁ ਜਾਤ ਭਏ । ਤਿਹ ਜੇਤਕ ਥੇ ਹਤ ਕੈ ਸੁ ਦਏ ॥ 109 ॥

ਭੁਜੰਗ ਪ੍ਰਯਾਤ ਛੰਦ

ਜਬੈ ਪਾਂਚ ਸਾਤੰ ਦਏ ਦੁਸ਼ਟ ਘਾਏ । ਸੁਨੋ ਦੀਨ ਦੋਖੀ ਤਬੈ ਔਰ ਆਏ ।
ਹੁਤੋ ਏਕ ਗਾਵੰ ਬਨੰ ਮਧ ਜਾਨੋ । ਜਬੈ ਦੁਸ਼ਟ ਪਾਪੀ ਨ ਪਾਪੰ ਸੰਕਾਨੋ ॥ 110 ॥
ਤਬੈ ਦੋਰ ਆਏ ਪਚਾਸੰ ਸੁ ਦੋਖੀ । ਹਨੇ ਤੀਰ ਗੋਲੀ ਕਰਹਿ ਮਾਰ ਚੋਖੀ ।
ਤਬੈ ਦੀਨਾ ਨਾਥੰ ਦਿਖੇ ਦੁਸ਼ਟ ਆਏ । ਹਨੇ ਤੀਰ ਤੀਖੇ ਕਈ ਦੁਸ਼ਟ ਘਾਏ ॥ 111 ॥
ਕਟਾ ਕਟ ਬਾਹੈ ਡਿੱਗੇ ਅੰਗ ਭੂਮੰ । ਬਡੇ ਘਾਇ ਲਾਗੇ ਡਿੱਗੇ ਪਾਪ ਝੂਮ ।
ਸਭੈ ਦੁਸ਼ਟ ਮਾਰੇ ਨਾ ਏਕੰ ਬਚਾਯੋ । ਤਿਨੈ ਝੁੰਡ ਬਾਸੈ ਸੁ ਆਗੰ ਲਗਾਯੋ ॥ 112 ॥
ਸੁ ਆਰੰਨ ਬੀਚੰ ਭਈ ਐਸ ਜੁਆਲਾ । ਮਿਟਾ ਪਾਪ ਅੰਧੇਰ ਮਾਨੋ ਕਰਾਲਾ ।
ਅਸੰ ਦੇਵ ਦੇਖਿਓ ਪ੍ਰਕਾਸੰ ਸੁਹਾਏ । ਨਭੈ ਫੂਲ ਡਾਰਹਿ ਜਸੰ ਗੀਤ ਗਾਏ ॥ 113 ॥

ਦੋਹਰਾ

ਜੋਊ ਧੇਨ ਦੁਸ਼ਟਨ ਹਨੀ ਸੋ ਧਰ ਰੂਪ ਅਪਾਰ ।
ਦਿਬ ਦੇਹ ਧਰ ਸੋ ਅਈ ਕ੍ਰਿਪਾ ਸਿੰਧ ਨਿਕਟਾਰ ॥ 114 ॥
ਹਾਥ^੨ ਜੋਰ ਬਿਨਤੀ ਕਰੀ ਮੈ ਹੂੰ ਭੂਮਿ ਅਨਾਥ ।
ਦੁਸ਼ਟ ਖੇਦ ਮੋ ਕਉ ਕਰਹਿ ਹਰੋ ਭਾਰ ਅਸਿ ਸਾਥ ॥ 115 ॥

ਛਪੈ

ਧਰਯੋ ਰੂਪ ਤੁਮ ਆਪ ਭਾਰ ਧਰਨੀ ਕੋ ਹਰਤਾ ।
ਆਏ ਦੇਵ ਪ੍ਰਤਖ ਇੰਦ੍ਰ ਆਦਿਕ ਸਿਵ ਸਕਤਾ ।
ਕੀਨੀ ਖਿਨੈ ਅਪਾਰ ਹਰੋ ਪ੍ਰਭ ਪ੍ਰਿਥਮੀ ਗਰਤਾ ।
ਉਨ ਤੇ ਬਡੇ ਸਿਕੰਦ ਮਹਾਂ ਭੁਜ ਸਾਚ ਉਚਰਤਾ ।

^੧ਅ ਪੋਥੀ ਸਤ ^੨ਅ ਪੋਥੀ ਪਾਪੀ ^੩ਅ ਤੇ ਦ ਪੋਥੀ ਦੋਇ ਕਰ

ਕਰੋ ਰਛਾ¹ ਪ੍ਰਿਥਮੀ ਪ੍ਰਭੂ ਪਾਪ ਭਾਰ ਤਤ ਛਿਨ ਹਰੋ ।
ਦੇਵ ਧੇਨ ਹਰਖਤ ਕਰੋ ਧਰਮ ਆਪ ਵਿਸਤ੍ਰੁਤ ਕਰੋ ॥ 116 ॥

ਸਵੈਯਾ

ਬੈਨ ਸੁਨੇ ਸਭ ਦੇਵਨ ਕੇ ਤਬ ਬੋਲਤ ਭਏ ਦਯਾ ਸਿੰਧੁ ਮਰਾਰਾ ।
ਭਾਰੁ ਨਿਵਾਰ ਕਰਹੁ ਕਛੁ ਆਪ ਸੋ ਔਰ ਕਰਹੁ ਉਪਚਾਰ ਕਰਾਰਾ ॥
ਰੂਪ ਧਰਹੁ ਦਸਵਾਂ² ਜਬਹੀ ਤਬ ਸਤ੍ਰੁ ਸੰਘਾਰ ਕਰਹੁ ਤਨ ਛਾਰਾ ।
ਪੰਥ ਬਨਾਇ ਹਨਾਇ ਮਲੇਛਨ ਰਛ ਕਰਹੁ ਧਰਨੀ ਹਰ ਭਾਰਾ ॥ 117 ॥

ਚੌਪਈ

ਐਸ ਬਚਨ ਜਬ ਦੇਵਨ ਸੁਨੈ । ਦੈ ਧੀਰਜ ਧਰਨੀ ਕੋ ਭਨੈ ।
ਅਬ ਤੁਮ ਧੀਰ ਧਰੋ ਅਰਗਾਈ । ਕਰਹੈ ਸਤਿਗੁਰ ਤੋਹਿ ਸਹਾਈ ॥ 118 ॥
ਅਸ³ ਕਹਿ ਭਏ ਲੋਪ ਸਭ ਦੇਵਾ । ਗੋ ਤਨ ਧਰ ਨਿਜ ਰੂਪ ਅਭੇਵਾ ।
ਹਰਿਗੋਬਿੰਦ ਗੁਰ ਕੀਓ ਪਯਾਨਾ । ਰਮਦਾਸ ਓਰ ਭਾਖਤ ਗਥ ਨਾਨਾ ॥ 119 ॥
ਹਾਥ ਜੋਰ ਸਿਖ ਪ੍ਰਛਤ ਭਏ । ਮਹਾਰਾਜ ਕਿਆ ਕੌਤਕ ਨਏ ।
ਕੋ ਸੀ ਧੇਨ ਔਰ ਕੋ ਆਏ । ਕ੍ਰਿਪਾਸਿੰਧੁ ਹਮ ਭੇਦ ਨਾ ਪਾਏ ॥ 120 ॥
ਸ੍ਰੀ ਮੁਖ ਕਹਿ ਜੋ ਧੇਨੁ ਹਤਾਈ । ਸੋ ਥੀ ਧਰਾ ਜਨਨਿ ਜਗ ਗਾਈ⁴ ।
ਪਾਪ ਭਾਰ ਸਿਉ ਬਿਹਬਲ ਭਈ । ਧੇਨ ਰੂਪ ਧਰ ਸਨਮੁਖ ਅਈ ॥ 121 ॥
ਸਭੇ ਦੇਵ ਇਹੁ ਕਾਰਨ ਆਏ । ਹਰੋ ਭਾਰ ਧਰ ਅਸ ਫੁਰਮਾਏ ।
ਏ ਬਿਧ ਭਾਖਤ ਕ੍ਰਿਪਾ ਨਿਧਾਨਾ । ਰਮਦਾਸ ਮਾਹਿ ਪਹੁੰਚੇ ਸੁਖ ਖਾਨਾ ॥ 122 ॥

ਦੋਹਰਾ

ਸਾਹਿਬ ਭਾਨੇ ਪਾਸ ਤਬ ਸਤਿਗੁਰ ਅਏ ਉਦਾਰ ।
ਕੌਨ ਕਵੀ ਉਸਤਤਿ ਕਰੇ ਮੂਰਤ ਅਪਰ ਅਪਾਰ ॥ 123 ॥
ਦੇਖ ਉਠਿਯੋ ਭਾਨਾ ਤਬੈ ਸਾਹਿਬ ਸ੍ਰੀ ਗੁਰ ਚੀਨ ।
ਨਿਜ ਆਸਨ ਤਬ ਛੋਰਿਯੋ ਪਗ ਬੰਦਨ ਪੁਨ ਕੀਨ ॥ 124 ॥

ਚੌਪਈ

ਇਕ ਆਸਨ ਪਰ ਦੋਊ ਬੈਠਾਏ । ਚਰਚਾ ਕਰਤ ਬਹੁਤ ਸੁਖ ਪਾਏ⁵ ।
ਸਾਹਿਬ ਭਾਨੇ ਬਚਨ ਉਚਾਰਾ । ਕਹੋ ਪ੍ਰਭੂ ਕਸ ਖੇਲ ਸ਼ਿਕਾਰਾ ॥ 125 ॥
ਸ੍ਰੀ ਗੁਰ ਤਬ ਸਭ ਬਾਤ ਉਚਾਰੀ । ਜਿਹ ਬਿਧ ਬਨ ਮਹਿ ਸਤ੍ਰੁ ਸੰਘਾਰੀ ।
ਸੁਨ ਕਰ ਭਾਨੇ ਹਰਖ ਧਰਾਯੋ । ਕ੍ਰਿਪਾਸਿੰਧੁ ਚਰਨਨ ਲਪਟਾਯੋ ॥ 126 ॥
ਪਰਸਪਰ ਸੁੰਦਰ ਬਾਤ ਉਚਾਰੀ । ਸੰਗਤਿ ਸਭ ਧੰਨ ਧੰਨ ਉਚਾਰੀ ।
ਪੁਨ ਸਤਿਗੁਰ ਨਿਜ ਡੇਰੇ ਆਏ । ਦਿਨ ਪਤਿ ਲੋਪ ਨਿਸਾ⁶ ਪ੍ਰਗਟਾਏ ॥ 127 ॥

¹ਏ ਪੋਥੀ ਰਛਯਾ ²ਏ ਪੋਥੀ ਦਸਮ ³ਅ ਪੋਥੀ ਇਮ ⁴ਅ ਪੋਥੀ ਮਾਈ ⁵ਅ ਤੇ ਏ ਪੋਥੀ ਹਰਖ ਏ ⁶ਏ ਪੋਥੀ ਨਿਸਪਤਿ

ਰਾਕਾ ਪਤਿ ਯੁਤ ਸੈਨ ਸੁਹਾਈ । ਬਿਚਰਹਿ ਨਿਸਚਰ ਜੀਵਨ ਖਾਈ ।
ਪੁਨ ਦਿਨ ਪਤਿ ਨਿਜ ਤਖਤ ਸੁਹਾਯੋ । ਜਰੀ ਸਿਪਰ ਧਰ ਮੁਖ ਸੁਖ ਪਾਯੋ ॥ 128 ॥

ਦੋਹਰਾ

ਭਾਜ ਗਏ ਨਿਸਚਰ ਸਭੈ ਨਿਸ ਪਤਿ ਲੋਪ ਦਿਖਾਇ ।
ਨਿਜ ਨਿਜ ਕਾਰਜ ਸਭ ਲਗੇ ਜਗਤ ਲੋਕ ਸੁਖ ਪਾਇ ॥ 129 ॥

ਕੁੰਡਲੀਆ

ਸਭ ਸਿਖ ਤਬ ਇਕਠੇ ਭਏ ਸਤਿਗੁਰ ਲਾਇ ਦਿਵਾਨ ।
ਸ੍ਰੀ ਮੁਖ ਸਿਉ ਐਸੇ ਰਰਿਓ ਸੁਨੋ ਸਭੈ ਦੈ ਕਾਨ ।
ਸੁਨੋ ਸਭੈ ਦੈ ਕਾਨ ਚਲੈ ਹਮ ਪੁਰ ਕਰਤਾਰੈ ।
ਗੁਰ ਨਾਨਕ ਅਸਥਾਨ ਜਾਨ ਰਾਵੀ ਨਿਕਟਾਰੈ ।
ਚਲੋ ਦਰਸ਼ ਕਰ ਤਾਹਿ ਜਨਮ ਸਫਲਾ ਨਿਜ ਕਰੀਏ ।
ਕਰ ਬੰਦਨ ਬਹੁ ਬਾਰ ਚਰਨ ਰਜ ਮਸਤਕ ਧਰੀਏ ॥ 130 ॥

ਚੌਪਈ

ਐਸੇ ਕਹਿ ਗੁਰ ਕੀਨ ਪਿਆਨਾ । ਸਾਹਿਬ ਭਾਨਾ ਸਾਥ ਸਿਧਾਨਾ ।
ਭਾਈ ਗੁਰਦਾਸ ਸੁ ਸਿਖ ਅਪਾਰਾ । ਗੁਰਸੰਗਿ ਚਲੈ ਦਰਸ ਕਰਤਾਰਾ ॥ 131 ॥
ਰਾਵੀ ਲਾਘ ਸੁ ਪਹੁੰਚੇ ਤਹਾਂ । ਗੁਰ ਨਾਨਕ ਕਾ ਅਸਥਲ¹ ਜਹਾਂ ।
ਪ੍ਰਸਾਦਿ ਭੇਟ ਧਰ ਬਿਨਤ ਉਚਾਰੀ । ਹਾਥ ਜੋਰ ਗਰਿ ਅੰਚਰ ਡਾਰੀ ॥ 132 ॥
ਪ੍ਰਕਰਮਾ ਕਰ ਤਬ ਦਰਸਨ ਪਾਏ । ਗੁਰ ਅੰਗਦ ਜਹਿ ਤਿਲਕ ਕਰਾਏ ।
ਤਿੰਹ ਮੰਜੀ ਕਾ ਦਰਸਨ ਪਾਯੋ । ਪਰਕ੍ਰਮਾ ਕੀਨ ਧੰਨ² ਮੁਖ ਗਾਯੋ ॥ 133 ॥
ਬਾਰੰਬਾਰ ਬੰਦਨਾ ਕੀਨੀ । ਦਰਸਨ ਕਰਿ ਮਨ ਆਨੰਦ ਲੀਨੀ ।
ਬਾਗ ਮਧ ਪ੍ਰਭਿ ਡੇਰ ਲਗਾਏ । ਹਰਿ ਗੋਬਿੰਦ ਗੁਰ ਅਤਿ ਸੁਖ ਪਾਏ ॥ 134 ॥

ਦੋਹਰਾ

ਧਰਮ ਚੰਦ ਆਯੋ ਤਹਾਂ ਪੋਤਾ ਨਾਨਕ ਕੋਰ ।
ਕ੍ਰਿਪਾਸਿੰਧ ਗੁਰ ਤਬ ਉਠੇ ਤਾਂ ਕੋ ਆਵਨ ਹੋਰ ॥ 135 ॥

ਅੜਿਲ

ਧਰਮ ਸਸੀ³ ਕੇ ਚਰਨ ਸ੍ਰੀ ਗੁਰ ਜਬ ਗਹੇ ।
ਨਿਜ ਆਸਨ ਬੈਠਾਇ ਨਿੰਮ੍ਹ ਹੁਇ ਬਚ ਕਹੇ ।
ਤੋਰ ਦਰਸ ਕੇ ਕਾਜ ਅਏ ਸੁਖ ਮਾਨ ਕੈ ।
ਹੋ ਚਰਨ ਕਮਲ ਤ੍ਰੈ ਪਰਸ ਦੁਖ ਸਭ ਹਾਨ ਕੈ ॥ 136 ॥

¹ਅ ਪੋਥੀ ਅਸਥਾਨ ²ਏ ਪੋਥੀ ਜਸ ³ਅ ਪੋਥੀ ਚੰਦ

ਕੁੰਡਲੀਆ ਛੰਦ

ਧਰਮ ਚੰਦ ਸੰਗ ਜੇ ਅਏ ਬੇਦੀ ਬੰਸ ਉਦਾਰ ।
 ਸਭ ਕੋ ਗੁਰ ਬੰਦਨ ਕਰੀ ਸਮਝਾ^੧ ਗੁਰੂ ਪਰਿਵਾਰ ।
 ਸਮਝੇ ਗੁਰੂ ਪਰਿਵਾਰ ਭਾਂਤ ਬਹੁ ਬਿਨਤੀ ਕੀਨੀ ।
 ਸਭਹਨ ਕੀਨ ਪ੍ਰਨਾਮ ਜੇਉ ਗੁਰ ਸੰਗ ਪ੍ਰਬੀਨੀ ।
 ਦਾਹਨਿ ਦਿਸ ਗੁਰ ਕੇਰ ਧਰਮ ਚੰਦ ਤਬੈ ਬਿਠਾਏ ।
 ਬਾਂਵੇ ਭਾਨਾ ਰਾਜ ਗੁਰੂ ਮਧ ਸੋਭਾ ਪਾਏ ॥ 137 ॥

ਦੋਹਰਾ

ਚਾਰ ਘਰੀ ਦਿਨ ਜਬ ਅਯੋ ਕੀਰਤਨ ਹੋਤ ਅਪਾਰ ।
 ਰਾਮ ਕਲੀ ਕੀ ਵਾਰ ਕੀ ਪੌੜੀ ਕੀਨ ਉਚਾਰ ॥ 138 ॥
 ਸਭ ਮਿਲ ਗਾਵਤ ਪ੍ਰੀਤਿ ਸਿਉ^੨ ਰਾਗੀ ਪੌੜੀ ਲਾਇ ।
 ਜਾਂ ਸੁਧਿਓ ਲਹਿਣਾ ਟਿਕਿਓ ਗੁਰ ਨਾਨਕ ਸੁਖਦਾਇ ॥ 139 ॥

ਚੌਪਈ

ਸਾਹਿਬ ਭਾਨੇ ਬਾਤ ਉਚਾਰੀ । ਹਾਥ ਜੋਰ ਸ੍ਰੀ ਗੁਰ ਨਿਕਟਾਰੀ ।
 ਦੀਨਾ ਨਾਥ ਦਯਾ ਤੁਮ ਕਰੋ । ਸੰਸਾ ਭਯੋ ਤਾਂਹਿ ਪਰਹਰੋ ॥ 140 ॥
 ਯਾਹਿ ਅਰਥ ਮੈਂ ਸਮਝੋ ਨਾਹੀ । ਟਿਕਿਓ ਲਹਿਣਾ ਸੁਧ ਕਰਾਈ ।
 ਯਹਿ ਸੰਸਾ ਹਤ ਕਰੋ ਨਿਹਾਲ । ਤੁਮ ਸਤਿਗੁਰ ਸਦਿ ਸਦਾ ਕ੍ਰਿਪਾਲ ॥ 141 ॥

ਸਵੇਯਾ

ਭਾਨੇ ਕੇ ਬੈਨ ਸੁਨੇ ਜਬ ਹੀ ਗੁਰ ਬੋਲ ਤਬੈ ਅਸ ਬੈਨ ਉਚਾਰੇ ।
 ਧਰਮ ਸਸੀ^੩ ਤਨ ਹੇਰ ਦਯਾਨਿਧ ਐਸ ਕਹਿਓ ਸੁਨੀਏ ਨਿਰਧਾਰੇ ।
 ਤੁਮਰੇ ਗ੍ਰਿਹ ਕੀ ਇਹ ਬਾਤ ਪ੍ਰਭੂ ਤੁਮ ਯਾਂਹਿ ਕੋ ਅਰਥ ਕਰੋ ਸੁਖ ਕਾਰੇ ।
 ਧਰਮ ਸਸੀ ਮੁਖ ਪੰਕਜ^੪ ਤੇ ਇਹ ਭਾਂਤ ਕਹਿਯੋ ਤੁਮ ਜਾਨਨਹਾਰੇ ॥ 142 ॥

ਦੋਹਰਾ

ਫਿਰ ਸਤਿਗੁਰ ਐਸੋ ਕਹਾ ਆਪ ਕਹੋ ਨਿਰਧਾਰ ।
 ਸੁਧ ਲਹਿਣਾ ਕੈਸੇ ਕੀਯੋ ਤਿਲਕ ਦੀਨ ਕਰਤਾਰ ॥ 143 ॥

ਸੋਰਠਾ

ਧਰਮ ਸਸੀ ਸੁਖ ਮਾਨ ਹਾਥ ਜੋਰ ਬਿਨਤੀ ਕਰੀ ।
 ਸੁਨੋ ਪ੍ਰਭੂ ਸੁਖ ਖਾਨ ਜੈਸੇ ਪਿਤ ਤੇ ਮੈ ਸੁਨਯੋ ॥ 144 ॥

ਚੌਪਈ

ਬੈਸਨੋ ਦੇਵੀ ਕਾ ਸੰਗ ਆਯੋ । ਗੁਰ ਨਾਨਕ ਕਾ ਦਰਸਨ ਪਾਯੋ ।
 ਇਹੁ ਥਾਂ ਰੈਨ ਬਸੈ ਤਿਹ ਲੋਗਾ । ਧਾਰ ਅਨੰਦ ਤਜੈ ਸਭ ਸੋਗਾ ॥ 145 ॥

^੧ਅ ਪੌਥੀ ਮਾਨ ^੨ਅ ਪੌਥੀ ਯੁਤ ^੩ਅ ਤੇ ਏ ਪੌਥੀ ਚੰਦ ^੪ਅ ਪੌਥੀ ਮੁਖਾਰਬਿੰਦ

ਲਹਣਾ ਨਾਮ ਤਿਹਣ ਤਿਹ ਜਾਤ । ਸ੍ਰੀ ਗੁਰ ਨਿਕਟ ਰਹਿਯੋ ਤਜ ਤਾਤ ।
 ਨਿਜ ਨਿਜ ਆਸ੍ਰਮ ਨਿਸ ਸਬ ਰਹੇ । ਲਹਿਣੈ ਮਨ ਮਹਿ ਆਨੰਦ ਲਹੇ ॥ 146 ॥
 ਸਾਰੀ ਨਿਸਾ ਦਰਸ ਗੁਰ ਕੀਨੋ । ਜਾਗਤ ਰਹਿਯੋ ਨੀਂਦ ਨਹਿ ਲੀਨੋ ।
 ਪਾਛੇ ਰਾਤ ਪਹਿਰ ਜਬ ਰਹੀ । ਬਾਰ ਬੁਹਾਰਤ ਨਾਰੀ ਲਹੀ ॥ 147 ॥
 ਸੁੰਦਰ ਰੂਪ ਨਿਕੇਤ ਨਿਹਾਰਾ । ਪੂਛਿਓ ਕੋ ਹੈ ਕਹੁ ਵਿਵਹਾਰਾ ।
 ਤਬ ਦੇਵੀ ਮੁਖ ਬਚਨ ਪ੍ਰਕਾਸੀ । ਗੁਰ ਨਾਨਕ ਕੀ ਮੈਂ ਹੋ ਦਾਸੀ ॥ 148 ॥

ਦੋਹਰਾ

ਜਿਹੰ ਦਰਸਨ ਚਾਲੈ ਤੁਮੇ ਸੋ ਮਮ ਇਹਾਂ ਬੁਹਾਰ ।
 ਆਦਿ ਨਾਰਾਇਨ ਬਪੁ ਧਰੇ ਖੇਲਤ ਇਹ ਸੁਖ ਕਾਰ ॥ 149 ॥
 ਚਰਨ ਕਮਲ ਰਜ ਸਿਰ ਧਰੁੰ ਗੁਰ ਨਾਨਕ ਕੀ ਆਇ ।
 ਬਾਰ ਬੁਹਾਰੋਂ ਨਿਤ ਹੀ ਜਨਮ ਸਫਲ ਨਿਜ ਪਾਇ ॥ 150 ॥

ਰਸਾਵਲ ਛੰਦ

ਇਮੇ ਬੈਨ ਗਾਏ । ਸੁ ਦੇਵੀ ਸੁਨਾਏ ।
 ਸੁਨੋ ਸੰਤ ਭਾਈ । ਸੁ ਚਿਤ ਲਗਾਈ ॥ 151 ॥
 ਗੁਰੂ ਸੇਵ ਕੀਜੇ । ਬਡੇ ਜਸ ਲੀਜੇ ।
 ਜੋਈ ਸੇਵ ਪਾਏ । ਸੁ ਜਨਮ ਨ ਆਏ ॥ 152 ॥
 ਸੋ ਮੈਂ ਹੂੰ ਪ੍ਰਸੰਨ । ਕਰੋਂ ਤਾਸ ਧੰਨ ।
 ਐਸੇ ਬੰਨ ਗੋਈ । ਸੁ ਦੇਵੀ [ਲੋਪੋਈ]¹ ॥ 153 ॥

ਚੌਪਈ

ਤਬ ਲਹਿਣੈ ਮਨ ਆਨੰਦ ਪਾਈ । ਕਰੋਂ ਸੇਵ ਸਤਿਗੁਰ ਮਨ ਲਾਈ ।
 ਤਾਤ ਮਾਤ ਕਾ ਸੰਗਿ ਤਜਾਯੋ । ਗੁਰੂ ਨਾਨਕ ਕੇ ਨਿਕਟ ਰਹਾਯੋ ॥ 154 ॥
 ਪ੍ਰਾਤ ਹੋਤ ਤਬ ਸੰਗਿ ਸਿਧਾਰਾ । ਸ੍ਰੀ ਦੇਵੀ ਕੇ ਦਰਸ ਉਦਾਰਾ ।
 ਇਕ ਚਿਤ ਲੈਹਣਾ ਸੇਵ ਕਮਾਵੈ । ਗੁਰੂ ਨਾਨਕ ਕੋ ਬਹੁਤ ਰਿਝਾਵੈ ॥ 155 ॥
 ਬੜੀ ਮਾਤ ਜੋ ਹਮਰੀ ਦਾਦੀ । ਦੇਖ ਸੇਵ ਇਸ ਸੋ ਬਿਸਮਾਦੀ ।
 ਸ੍ਰੀ ਗੁਰੂ ਨਾਨਕ ਨਿਕਟ ਸੁ ਜਾਏ । ਹਾਥ ਜੋਰ ਅਸ ਬਚਨ ਸੁਨਾਏ ॥ 156 ॥
 ਮਹਾਰਾਜ ਕਰੀਏ ਇਹ ਦਾਤ । ਦੋਖ ਦਰਿਦ ਨਿਜ ਤਨ ਬਖਯਾਤ ।
 ਨਿਜ ਸੁਤ ਕੋ ਗੁਰਿਆਈ ਦੀਜੈ । ਜਗਤ ਬੀਚ ਤੁਮ ਬਡ ਜਸ ਲੀਜੈ ॥ 157 ॥

ਦੋਹਰਾ

ਯਹਿ ਖਤੀ ਸੋ ਹਿਤ ਕਰੋ ਸੁਤ ਸਿਉ ਨੇਹੁ ਨ ਧਾਰ ।
 ਮੈਂ² ਮਨ ਮੈਂ ਬਿਸਮੈਂ ਭਈ ਕਿਯਾ ਕੌਤਕ ਕਰਤਾਰ ॥ 158 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਹਉ

ਚੌਪਈ

ਏਕ ਦਿਵਸ ਗੁਰੁ ਅਵਸਰ ਪਾਈ । ਦਾਦੀ ਸਾਥ ਲੀਨ ਹਰਖਾਈ ।
 ਸੁਤ ਸੇਵਕ ਸਭ ਹੀ ਸੰਗ ਲੀਨੇ । ਨਿਜ ਇਛਾ ਗੁਰੁ ਪਿਆਨਾ ਕੀਨੇ ॥ 159 ॥
 ਚਲਤ ਚਲਤ ਗੁਰੁ ਇਹ ਠਾਂ ਆਏ । ਬਡ ਉਜਾੜ ਸਭ ਹੀ ਸਮ ਪਾਏ ।
 ਪਾਂਚ ਕੋਸ ਇਹ ਪੁਰ ਤੈ ਜਾਨ । ਬੈਠੇ ਕ੍ਰਿਪਾ ਕਰਤ ਸੁਖ ਮਾਨ ॥ 160 ॥
 ਸੰਗਤਿ ਥੀ ਖੁਦਿਆ ਜੁਤ ਭਾਰੀ । ਸਭ ਮਿਲ ਐਸੇ ਕੀਨ ਪੁਕਾਰੀ ।
 ਚਲੋ ਨਗਰ ਪੁਰ ਭੋਜਨ ਲੇਵੋ । ਨਹੀ ਤਾਂ ਹਮ ਕੋ ਇਹ ਠਾਂ ਦੇਵੋ ॥ 161 ॥
 ਗੁਰੁ ਨਾਨਕ ਸ੍ਰੀ ਚੰਦ ਸਿਉ ਕਹਾ । ਚੜੋ ਬਿਰਛ ਪਰ ਭੋਜਨ ਲਹਾ ।
 ਸ੍ਰੀ ਚੰਦ ਐਸੇ ਤਬ ਭਾਖਿਯੋ । ਬਿਰਛ ਪਰ ਸੂਲ ਨ ਭੋਜਨ ਰਾਖਿਯੋ ॥ 162 ॥

ਦੋਹਰਾ

ਤਨ ਮਹਿ ਅਤਿ ਖੁਧਿਆ ਭਈ ਚਲੋ ਪੁਰੀ ਕੇ ਮਾਂਹਿ ।
 ਬਾਵਰ ਜਿਉਂ ਬਾਤਾਂ ਕਰੈ ਕਿਕਰ ਫਲ ਕੋ ਖਾਂਹਿ ॥ 163 ॥
 ਸ੍ਰੀ ਗੁਰੁ ਨਾਨਕ ਤਬ ਕਹਾ ਲਖਮੀ ਦਾਸ ਨਿਹਾਰ ।
 ਯਾਹਿ ਬਿਰਛ ਪਰ ਤੁਮ ਚੜੋ ਭੋਜਨ ਲੇਹੁ ਉਤਾਰ ॥ 164 ॥

ਚੌਪਈ

ਮੋਰੇ ਪਿਤ ਭੀ ਐਸੇ ਕਹਾ ॥ ਕੌਨ ਪਕਾਵਤ ਬਿਰਛ ਪਰ ਲਹਾ ।
 ਕਿਕਰ ਸੂਲੀ ਫਲੀ ਦ੍ਰਿਸ਼ਟਾਵਹਿ । ਕਹੁ ਤੋ ਭੋਜਨ ਕਹਿ ਤੇ ਲਿਆਵਹਿ ॥ 165 ॥
 ਤੁਮ ਤੋ ਬੇਪਰਵਾਹੀ ਕਰਹੋ । ਕਿਕਰ ਫਲ ਭੋਜਨ ਲੈ ਕਰਹੋ ।
 ਹਮਕੋ ਖੁਦਿਆ ਅਧਿਕ ਸਤਾਵੈਂ । ਚਲੋ ਨਗਰ ਸਭ ਭੋਜਨ ਖਾਵੈਂ ॥ 166 ॥
 ਦੁਹੁ ਸੁਤਨ ਨਿਜ ਬਚਨ ਨ ਮਾਨੇ । ਮਮ ਦਾਦੀ ਕੋ ਗੁਰੁ ਬਖਾਨੇ ।
 ਦੇਖੋ ਬਚਨ ਹਮਾਰੇ ਫੇਰੇ । ਸਨਮੁਖ^੧ ਉਤ੍ਰ ਦੇਵਤ ਮੇਰੇ ॥ 167 ॥

ਦੋਹਰਾ

ਗੁਰੁ ਨਾਨਕ ਭਾਖਿਯੋ ਬਚਨ ਲਹਿਣੇ ਕਉ ਸਮਝਾਇ ।
 ਪੁਰਖਾ ਯਾਂ ਪਰ ਤੁਮ ਚੜੋ ਭੋਜਨ ਦੇਹੁ ਮਹਾਇ ॥ 168 ॥

ਸੋਰਠਾ

ਸ੍ਰੀ ਗੁਰ ਬਚਨ ਸੁਨਾਇ ਤਾਤਕਾਲ ਲਹਿਣਾ ਉਠਿਯੋ ।
 ਪੰਗਤਿ ਸਭਨ ਬੈਠਾਇ ਬਿਰਛ ਚੜੇਰੇ ਤਾਂ ਸਮੈ ॥ 169 ॥

ਚੌਪਈ

ਧਾਇ ਚੜਿਓ ਲਹਿਣਾ ਕਿਕਰ ਕੇ । ਚਰਨ ਕਮਲ ਮਨ ਮਹਿ ਧਰ ਗੁਰ ਕੇ ।
 ਦੀਓ ਹਲੂਣਾ ਅਤਿ ਬਲਿ ਪਾਈ ॥ ਬਿਰਛ ਤੇ ਭੋਜਨ ਧਾਵਤ ਆਈ ॥ 170 ॥

^੧ੲ ਪੰਥੀ ਸਾਹਮਨੇ

ਜਿੰਹ ਜਿੰਹ ਜੈਸੀ ਇਛਾ ਕਰੀ । ਤਿੰਹ ਕਰ ਭੋਜਨ ਤੈਸਾ ਪਰੀ ।
 ਕਿਨਹੂੰ ਚਾਵਲ ਔਰ ਕੜਾਹਾ । ਮਾਸ^੧ ਪ੍ਰਸਾਦਿ ਦਾਲ ਕਿਨ ਚਾਹਾ ॥ 171 ॥
 ਭੋਜਨ ਕਰਤ ਤ੍ਰਿਪਤਿ ਸਭ ਭਏ । ਜਨ ਮਿਜਮਾਨੀ ਕਿਕਰ ਦਏ ।
 ਕਾਮਧੇਨੁ ਜਨ ਰੂਪ ਸੁਹਾਈ । ਗੁਰ ਨਾਨਕ ਗਥ ਲਖੀ ਨਾ ਜਾਈ ॥ 172 ॥
 ਲਹਿਣਾ ਉਤਰ ਚਰਨ ਗੁਰੁ ਪਰਾ । ਸਭ ਸੰਗਤਿ ਮਨ ਬਿਸਮੈਂ ਧਰਾ ।
 ਪੁਨਹ ਕਰਤਾਰ ਪੁਰੇ ਗੁਰ ਆਏ । ਨਰਅਨ ਹਾਰ ਚਰਿਤ ਸੁਖਦਾਏ ॥ 173 ॥

ਦੋਹਰਾ

ਇਹੁ ਪ੍ਰਸੰਗ^੨ ਪੂਰਨ ਭਯੋ ਔਰ ਸੁਨੋ ਨਿਰਧਾਰ ।
 ਪੱਖ ਰੁਤ ਆਈ ਤਬੈ ਸਤਿਗੁਰ ਕੀਨ ਉਚਾਰ ॥ 174 ॥

ਚੌਪਈ

ਏਕ ਪਰੀਖਯਾ ਐਸੀ ਕੀਨੀ । ਅਬ ਕਰਹੋਂ ਇਕ ਔਰ ਨਵੀਨੀ ।
 ਤਬ ਲੋ ਪਰੀ ਰੈਨ ਘਟ ਆਈ । ਬਿਜਲੀ ਚਮਕ ਬਡੀ ਛਬਿ ਦਾਈ ॥ 175 ॥
 ਛਮ ਛਮ ਬਰਖਾ ਹੋਤੁ ਅਪਾਰਾ । ਤੀਖਨਿ ਪਵਨ ਚਲਤ ਭੈਕਾਰਾ ।
 ਬੜੇ ਨਿਵਡ ਤਮ ਦ੍ਰਿਸ਼ਟ ਨਾ ਆਈ । ਗੁਰੂ ਨਾਨਕ ਮਨ ਐਸੇ ਭਾਈ ॥ 176 ॥

ਦੋਹਰਾ

ਜਬੈ ਰੈਨ ਆਧੀ ਗਈ ਸ੍ਰੀ ਗੁਰ ਨੈਨ ਨਿਹਾਰ ।
 ਸ੍ਰੀ ਸਸਿ^੩ ਨਿਕਟਿ ਨਿਹਾਰ ਕੈ ਐਸੇ ਕੀਨ ਉਚਾਰ ॥ 177 ॥
 ਬਸਤ੍ਰ ਹਮਾਰੇ ਮੈਲੇ ਹੋ ਜਾਵੇ ਧੋਇ ਲਿਆਇ ।
 ਮਮ ਤਾਯਾ ਬੋਲਿਓ ਤਬੈ ਨਿਸ ਅੰਧੇਰ ਬਿਹਾਇ ॥ 178 ॥

ਸਵੈਯਾ

ਹੋਤ ਪਰਾਤ ਬੁਲਾਇ ਕੈ ਧੋਬਨ ਲੇਹੁ ਧੁਵਾਇ ਅਬੈ ਕਿਮ ਜਾਵਹਿ ।
 ਕਾਲੀ ਨਿਸਾ ਬਰਖਾ ਅਤਿ ਹੋਵਤ ਚੋਰ ਮਿਲੈ ਕੋਉ ਖੋਸ ਲੈ ਜਾਵਹਿ ।
 ਮੋਰ ਪਿਤਾ ਕੋ ਬੁਲਾਇ ਕੈ ਸ੍ਰੀ ਗੁਰ ਐਸ ਕਹਿਯੋ ਸੁਤ ਧੋਇ ਲੈ ਆਵਹਿ ।
 ਮੋਰ ਪਿਤਾ ਤਬ ਐਸ ਕਹਿਯੋ ਮੈਂ ਜਾਉਂ ਤਬੈ ਜਬ ਰੈਨ ਬਿਹਾਵਹਿ ॥ 179 ॥

ਚੌਪਈ

ਪੁਨ ਲਹਣੇ ਕੋ ਨਿਕਟ ਬੁਲਾਈ । ਸਤਿਗੁਰ ਕਹਾ ਨਿਕਟ ਸਮਝਾਈ ।
 ਪੁਰਖਾ ਬਸਤ੍ਰ ਧੋਇ ਤੁਮ ਲਿਆਵਉ । ਮਨ ਬਾਂਛਤ ਫਲ ਸਭ ਤੁਮ ਪਾਵਉ^੪ ॥ 180 ॥
 ਸਤਿ ਬਚਨ ਕਹਿ ਤਤ ਛਿਨ^੫ ਗਯੋ । ਆਗੇ ਐਸ ਨਿਹਾਰਤ ਭਯੋ ।
 ਦਿਵਸ ਦੁਪਹਿਰ ਸੜਤ ਪਗ ਭਾਰੀ । ਬਸਤ੍ਰ ਧੋਇ ਗੁਰ ਉਪਮ ਉਚਾਰੀ ॥ 181 ॥

^੧ਏ ਪੋਥੀ ਮਹਾ ^੨ਅ ਪੋਥੀ ਗਾਥਾ . ^੩ਅ ਪੋਥੀ ਚੰਦ ^੪ਅ ਪੋਥੀ ਕਾਲ

ਬਸਤ੍ਰੁ ਧੋਇ ਨਿਜ ਡੇਰੇ ਆਯੋ । ਅਰਧ ਨਿਸਾ ਦਿਖ ਮਨਿ ਬਿਸਮਾਯੋ ।
 ਪਿਖ ਗੁਰ ਨਾਨਕ ਕੀਓ ਅਨੰਦਾ । ਸੁਤ ਕਉ ਕਹਾ ਦੇਖ ਸ੍ਰੀ ਚੰਦਾ ॥ 182 ॥
 ਤਬ ਲਹਿਣਾ ਗੁਰ ਚਰਨਨ ਪਰੇ । ਬਸਤ੍ਰੁ ਸਭੈ ਗੁਰ ਆਗੇ ਧਰੇ ।
 ਮਮ ਦਾਦੀ ਕਉ ਸ੍ਰੀ ਗੁਰ ਭਾਖੀ । ਦੇਖੀ ਇਹੁ¹ ਪੁਤ੍ਰਨ ਕੀ ਸਾਖੀ ॥ 183 ॥

ਦੋਹਰਾ

ਧਰਮ ਚੰਦ ਐਸੇ ਕਹਿਯੋ ਦੋਇ ਬਾਤ ਇਮ ਕੀਨ ।
 ਕਿਤਕ ਦਿਵਸ ਬੀਤੇ ਜਬੈ ਔਰ ਪਰੀਖਯਾ ਲੀਨ ॥ 184 ॥
 ਏਕ ਦਿਵਸ ਸ੍ਰੀ ਸਤਿਗੁਰੂ ਸਰਬ ਕਲਾ ਸਮਰਥ ।
 ਗੁਰ ਨਾਨਕ ਨਿਜ ਮੰਜ ਮਹਿ ਲੀਨ ਕਟੋਰਾ ਹਥ ॥ 185 ॥

ਚੌਪਈ

ਸੁਤ ਸੇਵਕ ਨਿਜ ਸੰਗ ਸੁ ਲੀਨੇ । ਨਿਜ ਇਛਾ ਮਹਿ ਪਯਾਨਾ ਕੀਨੇ ।
 ਚਲਤ ਚਲਤ ਪੁਨ ਆਏ ਤਹਾਂ । ਬਹੁਤ ਮਲੀਨ [ਚਲਹਾ]² ਥਾ ਜਹਾਂ ॥ 186 ॥
 ਅਤਿ ਮਲੀਨ ਦੁਰਗੰਧ ਬਹੁ ਆਵੈ । ਨਾਸ ਮੂੰਦ ਕਰ ਜੀਵ ਲੰਘਾਵੈ ।
 ਗੁਰ ਨਾਨਕ ਤਹਿ ਨਿਕਟਿ ਖਰੋਏ । ਜਲ ਮਲੀਨ ਜਾਤ ਨਹਿ ਜੋਏ ॥ 187 ॥
 ਤਾਂ ਮੈਂ ਦੀਨ ਕਟੋਰਾ ਡਾਰੇ । ਸ੍ਰੀ ਚੰਦ ਕਉ ਗੁਰ ਬੈਨ ਉਚਾਰੇ ।
 ਕਾਢ ਕਟੋਰਾ ਅਬਹੀ ਲਿਆਵੈ । ਮੁਖ ਮਾਂਗਯੋ ਬਰ ਤੁਰਤ ਸੁ ਪਾਵੈ ॥ 188 ॥
 ਤੇ ਤਿਨ ਕਹਾ ਇਹ ਚਲਹਾ ਮਲੀਨ । ਅਰ ਮਮ ਬਸਤ੍ਰੁ ਹੋਹਿ ਸੋ ਖੀਨ ।
 ਕਛੁਕ ਦਰਬ ਦੇ ਅਭੈ ਕਢਾਵਉਂ । ਇਸ ਕੇ ਨਿਕਟ³ ਨਾ ਹਉ ਕਬਿ ਜਾਵਉਂ ॥ 189 ॥

ਦੋਹਰਾ

ਛਤ੍ਰੀ ਹਮਰੀ ਬੰਸ ਹੈ ਹਮ ਤੁਮਰੇ ਪੁਤ੍ਰ ਉਦਾਰ ।
 ਚਲਹਾ ਮਲੀਨ ਦੁਰਗੰਧ ਬਹੁ ਇਹੁ ਤਉ ਕਾਮ ਗਵਾਰ ॥ 190 ॥
 ਮੇਰੇ ਪਿਤ ਕੋ ਗੁਰ ਕਹਾ ਐਸੇ ਬਚਨ ਸੁਨਾਇ ।
 ਹੇ ਸੁਤ ਇਹ ਛੰਨਾ ਕਢੋ ਮਨ ਮਹਿ ਹਰਖ ਧਰਾਇ ॥ 191 ॥

ਚੌਪਈ

ਮੇਰੇ ਪਿਤ ਭੀ ਐਸ ਪ੍ਰਕਾਸਾ । ਲੇਹੁ ਕਢਾਇ ਆਇ ਕੋ ਦਾਸਾ ।
 ਤੁਮ ਤੇ ਬੇਪ੍ਰਵਾਹ ਕਹਾਵੈ । ਮਲੀਨ ਚਲੇਹੁ ਮਹਿ ਹਮ ਕੋ ਪਾਵੈ ॥ 192 ॥
 ਗੁਰ ਨਾਨਕ ਤਬ ਐਸ ਬਿਚਾਰੀ । ਲਹਿਣੇ ਓਰ ਕਟਾਖ ਨਿਹਾਰੀ ।
 ਲਹਿਨਾ ਦੇਖ ਕਟਾਖ ਗੁਰ ਕੇਰੇ । ਪਰਾ ਦੋਰ ਕਛੂ ਲਾਇ ਨ ਦੇਰੇ ॥ 193 ॥
 ਪੁਸ਼ਾਕ ਤਾਂਹਿ ਬਹੁ ਮੋਲ ਧਰਾਈ । ਤਾਂਹਿ ਸੰਕ ਕਛੂ ਚਿਤ ਨ ਲਿਆਈ ।
 ਟੁਬੀ ਲਾਇ⁴ ਕਟੋਰਾ ਕਾਢਿਯੋ । ਗੁਰ ਨਾਨਕ ਬਡ ਆਨੰਦ ਬਾਢਿਯੋ ॥ 194 ॥

¹ਅ ਪੋਥੀ ਇਨ ²ੲ ਪੋਥੀ ਵਿਚੋਂ ³ੲ ਪੋਥੀ ਪਾਸ ⁴ਅ ਤੇ ੲ ਪੋਥੀ ਮਾਰਿ

ਲਹਿਣਾ ਤਬ ਗੁਰ ਚਰਨਨ ਪਰਿਯੋ । ਅਤਿ ਗੁਲਾਬ ਸਾਥ ਜਨ ਭਰਿਯੋ ।
ਤਬ ਗੁਰ ਨਾਨਕ ਬਾਤ ਸੁਨਾਈ । ਤੁਮ ਕਉ ਲਿਖੀ ਨਾ ਏਹੁ ਬਡਾਈ ॥ 195 ॥

ਦੋਹਰਾ

ਮਮ ਦਾਦੀ ਕਉ ਤਬ ਕਹਾ ਸ੍ਰੀ ਗੁਰ ਨਾਨਕ ਰਾਇ ।
ਸਤਿ ਗੁਰੀਆਈ ਕੋ ਧਰੈ ਮਮ ਸੇਵਕ ਸੁਖਦਾਇ ॥ 196 ॥
ਧਰਮ ਚੰਦ ਏਹ ਗਥ ਕਹੀ ਹਰਿਗੋਬਿੰਦ ਨਿਕਟਾਰ ।
ਤੀਨ ਬਾਰ ਇਹ ਭਾਂਤ ਕਰ ਲਹਿਣਾ ਸੁਧ ਸੁਧਾਰ ॥ 197 ॥

ਚੌਪਈ

ਹਰਿ ਗੋਵਿੰਦ ਗੁਰ ਕਥਾ ਸੁਨਾਈ । ਧਰਮ ਚੰਦ ਹਮ ਆਨੰਦ ਪਾਈ ।
ਸ੍ਰੀ ਮੁਖ ਤੇ ਕਛੁ ਔਰ ਸੁਨਾਵੈ । ਲਹਿਣੇ ਤਿਲਕ ਜੈਸ ਬਿਧ ਪਾਵੈ ॥ 198 ॥
ਧਰਮਚੰਦ ਕਹਿ ਸੁਨੋ ਦਯਾਲਾ । ਗੁਰ ਨਾਨਕ ਸੇਵਕ ਪ੍ਰਿਤਿਪਾਲਾ ।
ਤਿਨ ਕੀ ਗਥ ਕਛੁ ਲਖੀ ਨਾ ਜਾਈ । ਨੇਤਿ ਨੇਤਿ ਮੁਖਚਾਰ¹ ਬਤਾਈ ॥ 199 ॥
ਸੁਨੀ ਜੈਸ ਤੁਮ ਅਗੂ ਸੁਨਾਉ । ਹੋਇ ਭੂਲ ਮਮ ਬਖਸ਼ ਕਰਾਉ ॥
ਕਿਤਕ ਦਿਵਸ ਜਬ ਬੀਤਤ ਭਏ । ਗੁਰ ਨਾਨਕ ਤਬ ਏਕਲ ਭਏ ॥ 200 ॥
ਕਛੁ ਦੂਰ ਨਗਰ ਤੇ ਜਾਈ । ਬੈਠੇ ਤਹਾ ਸਮਾਧ ਲਗਾਈ ।
ਸੁਤ ਸੇਵਕ ਢੂੰਢਤ ਤਬ ਆਏ । ਚਰਨ ਕਮਲ ਗੁਰ ਸੀਸ ਨਿਵਾਏ ॥ 201 ॥

ਦੋਹਰਾ

ਸੁਤ ਸੇਵਕ ਕੋ ਦੇਖ ਕਰ ਆਗੇ ਕੀਨ ਪਯਾਨ ।
ਮੁਰਦਾ ਏਕ ਨਿਹਾਰਿਓ ਜਾਂਹਿ ਕ੍ਰਿਮ² ਤਨ ਖਾਨ ॥ 202 ॥
ਤਿਸੇ ਓਰ ਕੀ ਪਵਨ ਜਬ ਆਈ ਅਤਹਿ³ ਮਲੀਨ ।
ਸ੍ਰੀ ਗੁਰ ਕੇ ਪੁਤ੍ਰਨ ਦੰਹੂ ਨਾਸ ਮੁੰਦ ਕਰ ਲੀਨ ॥ 203 ॥

ਚੌਪਈ

ਗੁਰ ਨਾਨਕ ਗਤਿ ਅਗਮ ਅਪਾਰਾ । ਸ੍ਰੀ ਚੰਦ ਕਉ [ਤਿਨ]⁴ ਐਸ ਉਚਾਰਾ ।
ਹੇ ਸੁਤ ਯਹਿ ਮੁਰਦੇ ਕੋ ਖਾਵੈ । ਜੋ ਕੁਛੁ ਚਾਹੋ ਸੋਈ ਪਾਵੈ ॥ 204 ॥
ਤਾਏ ਕਹੀ ਮ੍ਰਿਤਕ ਏ ਦੇਹਾ । ਚਲਤ ਕ੍ਰਿਮ ਦੁਰਗੰਧਤ ਏਹਾ ।
ਜੇ ਮ੍ਰਿਤਕ ਕੋ ਅੰਗ ਛੁਹਾਵੈ । ਤਾਂਕੋ ਜਨਮ ਅਪਵਿਤ੍ਰ ਕਰਾਵੈ ॥ 205 ॥
ਤੁਮ ਭਾਖਤ ਹੋ ਯਾ ਕਉ ਖਾਵਉ⁵ । ਮੈਂ ਤੋ ਨਿਕਟ ਨਾ ਯਾ⁵ ਕੇ ਜਾਵਉ ।
ਐਸੇ ਕਹੀ ਜਬੈ ਤਿਨ ਬਾਨੀ । ਮੇਰੇ ਪਿਤਾ ਕਉ ਗੁਰੂ ਬਖਾਨੀ ॥ 206 ॥
ਹੇ ਸੁਤ ਮੁਰਦੇ ਕੋ ਤੁਮ ਖਾਵਉ । ਜਨਮ ਸਫੁਲ ਕਰ ਸੇਵ ਕਮਾਵਉ ।
ਤਬ ਤਿਨ ਕਹਾ ਇਹ ਮਿਤ੍ਰਕ ਦਿਖਾਈ । ਚਲਤ ਕ੍ਰਿਮ ਕਉ ਨਿਕਟ ਨ ਜਾਈ ॥ 207 ॥

¹ਅ ਪੌਥੀ ਬ੍ਰਹਮਹਿ ²ਏ ਪੌਥੀ ਕੀਟ ³ਅ ਪੌਥੀ ਬਹੁਤਿ ⁴ਅ ਪੌਥੀ ਵਿਚੋਂ ⁵ਏ ਪੌਥੀ ਇਕ

ਦੋਹਰਾ

ਹਮ ਨਹੀਂ ਜਾਨਤ ਕਸ ਕਹਿਓ ਤੁਮ ਅਸ ਬਚਨ ਉਚਾਰ ।
ਮਿਤ੍ਰਕ ਕ੍ਰਿਮ ਤਨ ਦੇਖ ਕੈ ਜਾਤ ਨਾ ਕੋ ਨਿਕਟਾਰ ॥ 208 ॥
ਪਸੂ ਜੀਵ ਜੋ ਬਨ ਬਸਹਿੰ ਸੋ ਨਹਿੰ ਇਸ ਕਉ ਖਾਂਹਿ ।
ਛਤ੍ਰਿ ਜਾਤ ਹਮ ਬੰਸ ਗੁਰੂ ਕੈਸੇ ਭਛ ਕਰਾਂਹਿ ॥ 209 ॥

ਚੌਪਈ

ਸ੍ਰੀ ਗੁਰ ਨਾਨਕ ਰੂਪ ਮੁਰਾਰੇ । ਲਹਿਨੇ ਓਰ ਕਟਾਖ ਨਿਹਾਰੇ ।
ਤਤਕਾਲ ਸੋ ਦਉਰਿਓ ਧਾਈ । ਦੇਖ ਕਟਾਖ ਗੁਰੂ ਜੀ ਪਾਈ ॥ 210 ॥
ਜਬ ਮੁਰਦੇ ਕਉ ਖਾਵਨ ਲਾਗਾ । ਕਿਆ ਦੇਖੈ ਲਹਿਣਾ ਬਡਭਾਗਾ ।
ਗਰਮ ਕੜਾਹ^੧ ਅਬੈ ਜਨ ਕੀਨੋ । ਧਾਰ ਆਨੰਦ ਤਹਿ ਭਛਨ^੨ ਕੀਨੋ ॥ 211 ॥
ਭਛਨ ਕਰ ਸ੍ਰੀ ਗੁਰ ਪਹਿ ਆਯੋ । ਗੁਰ ਨਾਨਕ ਤਬ ਬਚਨ ਅਲਾਯੋ ।
ਕਹੁ ਲਹਿਣਾ ਕਿਆ ਭਛਨ ਕਰਿਓ । ਹਾਥ ਜੋਰ ਲਹਿਣੇ ਤਬ ਰਰਿਓ ॥ 212 ॥
ਤੁਮਰੀ ਗਤਿ ਪ੍ਰਭੂ ਅਗਮ ਅਪਾਰਾ । ਤੁਛ ਜੀਵ ਹਮ ਕੈਸ ਨਿਹਾਰਾ ।
ਕੜਾਹ ਭੋਜ ਹਮ ਤਾਂਹਿ ਕਰਾਯੋ । ਕਛੂ ਨਹਿੰ ਮੁਰਦੇ ਅੰਗੁ ਲਖਾਯੋ ॥ 213 ॥

ਦੋਹਰਾ

ਸ੍ਰੀ ਗੁਰ ਨਾਨਕ ਸੁਤਨ ਕਉ ਐਸੇ ਬਚਨ ਅਲਾਇ ।
ਇਹੁ ਅਜਰ ਤੁਮ ਕਸ ਜਰਿਓ ਤੁਮ ਤੇ ਜਰਿਓ ਨ ਜਾਇ ॥ 214 ॥
ਮਮ ਦਾਦੀ ਕਉ ਸ੍ਰੀ ਗੁਰੂ ਐਸ ਕਹਾ ਸੁਨਾਇ ।
ਤੁਮ ਗੁਰਿਆਈ ਕਹਤ ਹੈ ਪੁਤ੍ਰਨ ਦੇਹੁ ਬਨਾਇ ॥ 215 ॥

ਚੌਪਈ

ਇਹੁ ਨਹਿ ਮਾਨਤ ਆਗਿਆ ਮੇਰੀ । ਚਾਰ ਗਾਥ ਨਿਜ ਨੈਨਨ ਹੇਰੀ ।
ਇਹੁ ਹੈ ਅਜਰ ਸੁ ਪਦ ਗੁਰਿਆਈ । ਬਿਖ ਸਮਾਨ ਇਹੁ ਜਰਿਓ ਨ ਜਾਈ ॥ 216 ॥
ਲਹਿਣੇ ਸਮਝ ਸੈਨ ਮਮ ਲਈ । ਪੂਛੋ ਇਸੇ ਕਾਹਿ ਤੁਮ ਖਈ ।
ਤਬ ਦਾਦੀ ਸੁਤ ਲਹਿਣਾ ਬੁਲਾਏ । ਅਤਿ ਆਦਰ ਸਿਉ ਪਾਸ ਬੈਠਾਏ ॥ 217 ॥
ਕਹੁ ਲਹਿਣਾ ਤੁਮ ਸਾਚ ਨਿਹਾਰੀ । ਕਿਆ ਖਾਇਓ ਤੁਮ ਕਹੁ ਨਿਰਧਾਰੀ ।
ਲਹਿਣਾ ਕਹਿ ਕੜਾਹ ਮੈਂ ਖਾਯੋ । ਸੀਤ ਗਰਮ ਅਤਿਸੈ ਮਨ ਭਾਯੋ ॥ 218 ॥
ਸੁਨਤ ਬਾਤ ਤਿਨ ਬਿਸਮੈਂ ਪਾਈ । ਧਰਮ ਚੰਦ^੩ ਅਸ ਬਾਤ ਅਲਾਈ ।
ਲਹਿਣਾ ਸੇਵ ਗੁਰੂ ਕੀ ਕਰੈ । ਨਿਸ ਦਿਨ ਨੈਨ ਨੀਂਦ ਨਹਿੰ ਧਰੈ ॥ 219 ॥

^੧ਅ ਪੋਥੀ ਪ੍ਰਸਾਦ ^੨ਅ ਪੋਥੀ ਛਕਨਾ ^੩ਏ ਪੋਥੀ ਸਸਿ

ਦੋਹਰਾ

ਕਿਤਕ ਦਿਵਸ ਬੀਤਤ ਭਏ ਬਰਖਾ ਭਈ ਅਪਾਰ ।
 ਜਲ ਥਲ ਤਬ ਇਕ ਸਰ ਭਯੋ ਤਬ ਮਨ ਆਨੰਦ ਧਾਰ ॥ 220 ॥
 ਮਮ ਦਾਦੀ ਗੁਰ ਕੋ ਕਹਾ ਖਬਰ ਖੇਤ ਕੀ ਲੇਹੁ ।
 ਖੜਾ ਬਹੁਤ ਜਲ ਹੋਇਗਾ ਪਰਾ ਬਹੁਤ ਹੈ ਮੇਹੁ ॥ 221 ॥

ਚੌਪਈ

ਦੇਖਨ ਖੇਤ ਚਲੇ ਗੁਰ ਦੇਵਾ । ਸਾਥ ਪੁਤ੍ਰ ਦੋ ਜਾਨ ਅਭੇਵਾ ।
 ਲਹਿਣਾ ਤਬੈ ਸਾਥ ਹੀ ਭਯੋ । ਚਰਨ ਕਮਲ ਗੁਰ ਕੇ ਮਨ ਦਯੋ ॥ 222 ॥
 ਜਾਇ ਖੇਤ ਗੁਰ ਦੇਖਯੋ ਜਬ ਹੀ । ਬਹੁਤ ਨਵੀਨ ਕਾਢਿਓ ਤਬ ਹੀ ।
 ਘਾਸ ਸਰਕੜਾ ਕਹੂੰ ਅਪਾਰਾ । ਗੀਲਾ ਚੀਕੜ ਸੋ ਬਹੁ ਭਾਰਾ ॥ 223 ॥
 ਤਾਂਕੀ ਪੋਟ ਬਧੀ ਗੁਰ ਨਾਨਕ । ਬਡੇ ਪੁਤ੍ਰ ਕੋ ਬਚਨ ਬਖਾਨਕ ।
 ਇਸ ਕਉ ਚਾਇ ਸੁ ਗ੍ਰਿਹਿ¹ ਪਹੁੰਚਾਵਹੁ । ਜੋ ਕਿਛ ਚਾਹੇ ਸੋ ਤੁਮ ਪਾਵਹੁ ॥ 224 ॥
 ਸ੍ਰੀ ਚੰਦ ਕਹਾ ਬੁਲਾਇ ਸੁ ਕਾਮਾ । ਅਬੈ ਪਹੁੰਚਾਉ ਲਾਇ ਨਾ ਜਾਮਾ ।
 ਚਿਕੜ ਚੋਵਤ ਘਾਸ ਮਲੀਨਾ । ਕਾਮ ਕਿਸੀ ਨਹਿ ਨੈਨਨ ਚੀਨਾ ॥ 225 ॥

ਦੋਹਰਾ

ਮੋਰੇ ਪਿਤ ਕੋ ਤਬ ਕਹਿਯੋ ਤੁਮ ਸੁਤ ਲੇਹੁ ਉਠਾਇ ।
 ਤਿਨ ਭੀ ਬਚ ਐਸੇ ਕਹਾ ਮੋਰੇ² ਚੁਕਿਓ ਨਾ ਜਾਇ ॥ 226 ॥
 ਚਿਕੜ ਚੋਵਤ ਯਾਹਿ ਤੇ ਮੋਰੇ ਬਸਤ੍ਰ ਅਪਾਰ ।
 ਮਮ ਲਜਿਆ ਆਵੈ ਘਨੀ ਇਹ ਤਉ ਕਾਮ ਚਮਾਰ ॥ 227 ॥

ਚੌਪਈ

ਨਿਜ ਗੁਰਿਆਈ ਬੋਝ ਬਿਚਾਰੀ । ਲਹਿਣੇ ਓਰ ਸੁ ਦ੍ਰਿਸ਼ਟ ਪਸਾਰੀ ।
 ਤਾਤਕਾਲ ਤਿਨ ਲੀਨ³ ਉਠਾਈ । ਕਛ ਸੰਕਾ ਨਹਿ ਮਨ ਮਹਿ ਆਈ ॥ 228 ॥
 ਆਗੇ ਆਗੇ ਸਤਿਗੁਰ ਭਏ । ਪਾਛੇ ਲਹਿਣਾ ਪੋਟ ਉਠਏ ।
 ਸਤਿਗੁਰ ਚਰਨ ਕਮਲ ਚਿਤ ਲਾਈ । ਤਨ ਮਨ ਦੇ ਅਤਿ ਹਰਖ ਧਰਾਈ ॥ 229 ॥
 ਚੋਵਤ ਚੀਕੜ ਬਸਤ੍ਰ ਅਪਾਰਾ । ਕੇਸਰ ਛਿਰਟਿਓ ਪ੍ਰਭੂ ਵਿਚਾਰਾ ।
 ਤਿੰਹ ਗੁਰਿਆਈ ਬੋਝ ਦੀਓ ਸਿਰ । ਕੇਸਰ ਡਾਰਿਓ ਗੁਰ ਨਾਨਕ ਬਰ ॥ 230 ॥
 ਸ੍ਰੀ ਗੁਰੁ ਨਾਨਕ ਡੇਰੇ ਆਏ । ਮਮ ਦਾਦੀ ਦਿਖ ਬਿਸਮਹਿ ਪਾਏ ।
 ਕਹਿਓ ਤੋਹਿ ਕਛੁ ਸੰਕ ਨਾ ਲਾਜਾ । ਕਹਿਯੋ ਕਰਤ ਕਿਉ⁴ ਜਗਤ ਅਕਾਜਾ ॥ 231 ॥

ਦੋਹਰਾ

ਆਇ ਜਾਇ ਨਹੀਂ ਦੇਖਤੋ ਇਸਕੈ ਬਸਤ੍ਰ ਨਵੀਨ ।
 ਚੀਕੜ ਭਰੇ ਸੁ ਘਾਸ ਕੀ ਪੋਟ ਸੀਸ ਇਸ ਦੀਨ ॥ 232 ॥

¹ਅ ਪੌਥੀ ਸਦਨ ²ਏ ਪੌਥੀ ਹਮ ਤੇ ³ਏ ਪੌਥੀ ਲੀਓ

ਸ੍ਰੀ ਗੁਰ ਨਾਨਕ ਤਬ ਕਹਿਯੋ ਮੋ ਸੁਤ ਕਹਾ ਨ ਮਾਨ ।
ਪਾਂਚ ਬਚਨ ਆਗੇ ਫਿਰ ਅਬ ਨਹਿ ਸਮਝ ਅਜਾਨ ॥ 233 ॥

ਚੌਪਈ

ਇਹੁ ਮੋਕਉ ਹੈ ਅਤਿਸੈ ਪਿਆਰਾ । ਤਾਂਤੇ ਬੋਝ ਸੀਸ ਇਹੁ ਧਾਰਾ ।
ਤੁਮ ਨਹਿ ਜਾਨੋ ਕਸ ਹਮ ਕਰਹਿ । ਸੁਤ ਨਹਿ ਸਮਝ ਕੈਸ ਹਮ ਧਰਹਿ ॥ 234 ॥
ਔਰ ਸੁ ਕਥਾ ਅਨੇਕ ਪ੍ਰਕਾਰਾ । ਤਾਂਤੇ ਬੋਝ ਸੀਸ ਇਹੁ ਧਾਰਾ ।
ਪਰੀਖਿਆ ਕਰੀ ਗੁਰੂ ਕਰਤਾਰਾ । ਯਹੀ ਬਾਤ ਮਨ ਮਾਂਹਿ ਬਿਚਾਰਾ ॥ 235 ॥
ਬਹੁਤ ਕਾਲ ਇਹੁ ਭਾਂਤ ਬਿਤਾਯੋ । ਅਬਚਲ ਬੈਕੁੰਠ ਧਾਮ ਸੁਹਾਯੋ ।
ਬਿਸਨ ਕਮਲ ਭਵ ਦੇਵ ਸਬਾਏ । ਕਬੀਰ ਆਦਿ ਜੇ ਭਗਤ ਕਹਾਏ ॥ 236 ॥
ਸਭ ਮਿਲ ਗੁਰੁ ਨਾਨਕ ਪਗ ਧੂਰਾ । ਬਿਨਤੀ ਕਰੀ ਸੁ ਜਾਇ ਹਜੂਰਾ ।
ਜਿਤਕ ਕਾਜ ਤੁਮ ਕਰਨਾ ਚਹਯੋ । ਕਰਹੁ ਸਭੀ ਮਨ ਆਨੰਦ ਲਹਯੋ ॥ 237 ॥
ਸਨਮੁਖ ਆਨ ਬਹੁ ਉਸਤਤਿ ਕਰੀ । ਕੋਨ ਕਵੀ ਜੋ ਮੁਖ ਤੇ ਰਰੀ ।
ਹਾਥ ਜੋਰ ਅਸ ਬਿਨਤ ਉਚਾਰੀ । ਹੇ ਗੁਰ ਨਾਨਕ ਸੰਕਟਹਾਰੀ ॥ 238 ॥

ਦੋਹਰਾ

ਜਗਤ ਕਾਜ ਸਭ ਹੀ ਕੀਏ ਕਲਜੁਗ ਕੀਓ ਉਧਾਰ ।
ਅਬ ਚਾਲੋ ਨਿਜ ਧਾਮ ਕੋ ਦੇਵਨ ਕਾਜ ਸਵਾਰ ॥ 239 ॥
ਅਸ ਕਹਿ ਭਏ ਸੁ ਲੋਪ ਸਭ ਗਏ ਸਭੇ ਨਿਜ ਧਾਮ ।
ਗੁਰ ਨਾਨਕ ਤਬ ਹੀ ਕੀਓ ਪੂਰਨ ਇਹ ਬਿਧਿ ਕਾਮ ॥ 240 ॥

ਚੌਪਈ

ਮਮ ਦਾਦੀ ਕੋ ਤਬੈ ਬੁਲਾਯੋ । ਸ੍ਰੀ ਚੰਦ ਲਖਮੀ ਦਾਸ ਸੁ ਆਯੋ ।
ਸ੍ਰੀ ਗੁਰ ਨਾਨਕ ਨਿਕਟ ਸੁ ਆਏ । ਆਦਰ ਸਿਉ ਗੁਰੁ ਪਾਸ¹ ਬੈਠਾਏ ॥ 241 ॥
ਸ੍ਰੀ ਗੁਰੁ ਨਾਨਕ ਗਦ ਗਦ ਭਏ । ਦੁਹੰ ਸੁਤਨ ਕੋ ਬਚਨ [ਅਲਏ]² ।
ਟੇਕੋ ਮਾਥ ਸੁ ਲਹਿਣੇ ਆਏ । ਨਿਜ ਕਉ ਜਾਨ ਬਡੋ ਹਮ ਭਾਏ ॥ 242 ॥
ਤਿਨੈ ਕਹਾ ਨਹਿ ਸੀਸ ਨਿਵਾਯੋ । ਚਰਨਬੰਦ ਤੁਮਰੇ ਸੁਖ ਪਾਯੋ ।
ਤੀਨ ਬੇਰ ਗੁਰ ਬਚਨ ਉਚਾਰੇ । ਤਿਨ ਉਤ੍ਰ ਇਹੁ ਬਿਧਿ ਕੇ ਸਾਰੇ ॥ 243 ॥

ਦੋਹਰਾ

ਇਹੁ ਖਤ੍ਰੀ ਹੈ ਜਾਤ ਕਾ ਹਮ ਨਹਿ ਟੇਕੈ³ ਮਾਥ ।
ਤੀਨ ਛੋਡ ਜੋ ਸਪਤ ਕਹਿ ਤਉ ਨ ਜੋਰੈ ਹਾਥ ॥ 244 ॥
ਦਾਦੀ ਮਮ ਨਿਜ ਮਹਿਲ ਕਤੇ ਸ੍ਰੀ ਗੁਰ ਨਾਨਕ ਭਾਖ ।
ਪਾਂਚ ਬੇਰ ਫਿਰ ਪ੍ਰਿਥਮਏ ਰਹਿਯੋ ਬਚਨ ਅਬ ਆਖ ॥ 245 ॥

¹ਅ ਪੋਥੀ ਨਿਕਟਿ ²ਅ ਪੋਥੀ ਵਿਚੋਂ ³ਅ ਪੋਥੀ ਨਿਵਾਵਹਿ

ਚੌਪਈ

ਮਮ ਦਾਦੀ ਤਬ ਬਚਨ ਉਚਾਰੇ । ਹੇ ਸੁਤ ਮਾਨੋ ਪਿਤ ਬਚਨਾਰੇ ।
 ਮਮ ਪਿਤ ਤਾਏ ਅਤਿ ਰਿਸ ਕੀਜੈ । ਖਤ੍ਰੀ ਚਰਨ ਸੀਸ ਕਿਮ ਦੀਜੈ ।
 ਹਮ ਗੁਰੂ ਨਾਨਕ ਤਨੈ ਕਹਾਵੈਂ । ਅਗੂ ਦਾਸ ਕਸ¹ ਸੀਸ ਨਿਵਾਵੈਂ ।
 ਇਮ ਸੁਨਿ ਸ੍ਰੀ ਗੁਰੂ ਬਹੁਰ ਅਲਾਯੋ । ਸਮਝ ਸਮਾ ਬਹੁਰੋ ਪਛਤਾਯੋ ॥ 247 ॥

ਦੋਹਰਾ

ਭਗਤ ਸਿੰਘ ਦੋਨੋ ਤਬੈ ਰਹੈ ਮੋਨ ਮੁਖ ਧਾਰ ।
 ਲਹਿਣੇ ਓਰ ਨਿਹਾਰ ਪ੍ਰਭ ਕੀਨੀ ਰੀਤਿ ਅਪਾਰ ॥ 248 ॥
 ਭੁਜ ਭਰ ਅੰਗ² ਲਗਾਇਓ ਅੰਗਦ ਨਾਮ ਧਰਾਇ ।
 ਪੈਸੇ ਪਾਂਚ ਨਲੇਰ ਧਰ ਬੰਦਨ ਰੀਤਿ ਕਰਾਇ ॥ 249 ॥
 ਗੁਰ ਅੰਗਦ ਮੁਖ ਸਿਉ ਕਹਾ ਕਹੈ ਰੀਤਿ ਨਿਰਧਾਰ ।
 ਸਵਾ ਜਾਮ ਨਿਜ ਜਾਗਨਾ ਮਜਨ ਨਾਮ ਉਚਾਰ ॥ 250 ॥
 ਨਿਜ ਕਉ ਨਾਂਹਿ ਜਨਾਵਣਾ ਮਨ ਨੀਵਾਂ ਸਦ ਹੋਇ ।
 ਜਗ ਮਿਖਯਾ ਭਗਵੰਤ ਪਦ ਪ੍ਰੀਤਿ ਸੇਵ ਰੁਚਿ ਜੋਇ ॥ 251 ॥

ਚੌਪਈ

ਦਯਾ ਸਿੰਧ ਗੁਰ ਰੀਤਿ ਉਚਾਰੀ । ਗੁਰੂ ਅੰਗਦ ਸੁਨ³ ਮਨ ਮਹਿ³ ਧਾਰੀ ।
 ਗੁਰ ਅੰਗਦ ਕੀ ਜੋਤ ਤਦਾਏ । ਗੁਰੂ ਨਾਨਕ ਸਮ ਭੇਦ ਨਾ ਭਾਏ ।
 ਸ੍ਰੀ ਚੰਦ ਅਬ ਲਖਮੀ ਦਾਸਾ । ਬਿਸਮ ਭਏ ਗੁਰ ਦੇਖ ਬਿਲਾਸਾ ।
 ਹਾਥ ਜੋਰ ਅਸ ਬਿਨਤ ਉਚਾਰੀ । ਹਮਰੋ ਹਾਲ ਕਹੈ ਨਿਰਧਾਰੀ ॥ 254 ॥

ਦੋਹਰਾ

ਸ੍ਰੀ ਗੁਰੂ ਤਬ ਐਸੇ ਕਹਾ ਤੁਮਰੇ ਦਰਬ ਅਪਾਰ ।
 ਕਲਹ ਸਦਾ ਤੁਮਰੇ ਰਹੇ ਪੂਜਯ ਤੁਮੇ ਸੰਸਾਰ ॥ 254 ॥
 ਲਹਿਣੇ ਕੋ ਅੰਗਦ ਕੀਓ ਮਮ ਨਿਜ ਅੰਗ ਲਗਾਇ ।
 ਅਪਨ ਠੌਰ ਗੁਰੂ ਏ ਕੀਓ ਬੁਢੇ ਤਿਲਕ ਕਰਾਇ ॥ 255 ॥

ਚੌਪਈ

ਸੰਬਤ ਪੰਦਰਾਂ ਸੈ ਛਿਆਨਵੇ । ਅਸੂ ਵਦੀ ਦਸਮੀ ਥਿਤ ਜਾਨਵੇ ।
 ਤਾਂ ਦਿਨ ਤਿਲਕ ਕੀਨ ਇਹ ਥਾਨਾ । ਕੁਸਾ ਡਾਰ ਤਬ ਕ੍ਰਿਪਾ ਨਿਧਾਨਾ ।
 ਇਹੁ ਅਸਥਾਨ ਬਿਰਾਜਤ ਭਏ । ਮਹਲ ਸੁਲਖਣੀ ਬਚਨ ਅਲਏ ।
 ਮਹਾਰਾਜ ਮੈਂ ਤੁਮਰੀ ਦਾਸੀ । ਮੋਕੋ ਆਗਯਾ ਕਰ ਅਬਿਨਾਸੀ ॥ 257 ॥
 ਸ੍ਰੀ ਗੁਰ ਨਾਨਕ ਐਸ ਉਚਾਰੀ । ਤੁਮ ਹੋ ਮੁਕਤਿ ਨ ਸੰਸ ਵਿਚਾਰੀ ।
 ਸਮਾ ਪਾਇ ਜਬ ਸੁਆਸ ਬਿਹਾਵਹਿੰ । ਤਜ ਇਹ ਦੇਹ ਮੁਕਤਿ ਹੋਇ ਜਾਵਹਿੰ ॥ 258 ॥

¹ਏ ਪੋਥੀ ਕਿਮ ²ਅ ਪੋਥੀ ਅੰਕ ³ਅ ਪੋਥੀ ਰਿਦਿ ਅੰਤਰਿ

ਏਕ ਜਾਮ ਜਬ ਨਿਸਾ ਰਹਾਈ । ਗੁਰੁ ਨਾਨਕ ਇਸਨਾਨ ਕਰਾਈ ।
ਜਪੁਜੀ ਮੰਤ੍ਰ ਏਕ ਚਿਤ ਗਾਯੋ । ਚਾਦਰ ਤਾਣ ਬਹੁਤ ਸੁਖ ਪਾਯੋ ॥ 259 ॥

ਦੋਹਰਾ

ਇਹ ਅਸਥਾਨ ਬਿਰਾਜਕੈ ਆਪ¹ ਸਰੂਪ ਸਮਾਇ ।
ਗੁਰ ਨਾਨਕ ਗਤਿ ਅਗਮ ਹੈ ਮੋ ਤੇ ਕਹੀ ਨ ਜਾਇ ॥ 260 ॥
ਸਭੀ ਉਧਾਰਿਓ ਜਗਤ ਜਹਿ ਨੀਚ ਉਚ ਨਿਸਤਾਰ ।
ਇਹ ਠਾਂ ਦੇਹ ਤਿਆਗ ਕੇ ਅਪਨੇ ਧਾਮ ਸਿਧਾਰ ॥ 261 ॥

ਚੌਪਈ

ਇਹ ਬਿਧ ਸੋ ਨਿਜ ਰੂਪ ਸਮਾਏ । ਅਮਰ ਅਜਰ ਨਿਜ ਆਸਨ ਪਾਏ ।
ਅਤਿ ਆਨੰਦ ਦੇਵਨਿ ਤਬ ਧਾਰਿਓ । ਉਸਤਤਿ ਕੀਨ ਸੋਕ ਸਭ ਟਾਰਿਓ ॥ 262 ॥
ਸ੍ਰੀ ਗੁਰੂ ਅੰਗਦ ਬੁਧ ਪ੍ਰਬੀਨੋ । ਰਾਗੀ ਬੋਲ ਸੁ ਕੀਰਤਨ ਕੀਨੋ ।
ਚੜਓ ਦਿਵਸ ਜਬ ਇਹ ਸੁਨ ਪਾਯੋ । ਮੁਸਲਮਾਨ ਤਬ ਏਕਠ ਧਾਯੋ ॥ 263 ॥
ਤਿਨੈ ਕਹਾ ਇਹ ਪੀਰ ਹਮਾਰੋ । ਦਫਨ ਕਰਹਿ ਨਹਿ ਸੰਸ ਵਿਚਾਰੋ ।
ਲਖਮੀ ਸਸਿ² ਸ੍ਰੀ ਚੰਦ ਉਚਾਰੀ । ਇਹੁ ਹਰਿ ਗੁਰ ਨਾਨਕ ਅਵਤਾਰੀ ॥ 264 ॥
ਦੇਹ ਦਾਹ ਹਮ ਇਨਕੀ ਕਰਹਿ । ਚਰਨ ਧੂਰ ਨਿਜ ਮਸਤਕ ਧਰਹਿ ।
ਝਗੜਾ ਬਹੁਤ ਤਿਨੈ ਤਬ ਕੀਨਾ । ਤੁਰਕ ਰਾਜ ਸਭ ਤਿਨੈ ਅਧੀਨਾ ॥ 265 ॥

ਦੋਹਰਾ

ਮੁਸਲਮਾਨ ਬਲ ਪਾਇਯੋ ਕਰਹੈ ਦਫਨ ਸੁ ਦੇਹ ।
ਲਖਮੀ ਚੰਦ ਸ੍ਰੀ ਚੰਦ ਕਹਿ ਹਮ ਸਿਸਕਾਰ ਕਰੇਹ ॥ 266 ॥
ਇਹ ਬਿਧ ਗੰਗਾ ਅਤਿ ਭਯੋ ਕੋ ਕਰ ਸਕੈ ਨਿਵਾਰ ।
ਏਕ ਪੁਰਖ ਤਬ ਆਇਯੋ ਧਰੇ ਰੂਪ ਸੁਭ ਚਾਰ ॥ 267 ॥

ਚੌਪਈ

ਦੁਹੁਅਨ ਕੋ ਤਿਨ ਕਹਾ ਬੁਝਾਈ³ । ਕਿਉਂ ਝਗਰਤ ਤੁਮ ਜੁਧ ਕਰਾਈ ।
ਭੀਤਰ ਚਲੋ ਤਹਾਂ ਕਿਆ ਭਯੋ । ਸ੍ਰੀ ਗੁਰ ਅਮਰ ਅਜਰ ਸਦ ਰਹਯੋ ॥ 268 ॥
ਬਚਨ ਮਾਨ ਦੋਊ ਤਹਿ ਗਏ । ਤਿਹ ਠਾਂ ਚਾਦਰ ਨਿਰਖਤ ਭਏ ।
ਬਿਸਮੈਂ ਭਏ ਦੇਖ ਅਸ ਬਾਤਾ । ਸਹੀ ਅਮਰ ਗੁਰ ਲਖਾ ਬਖਯਾਤਾ ॥ 269 ॥
ਚਿੰਤਮਾਨ ਦੋਈ ਤਬ ਖਰੇ । ਸ੍ਰੀ ਚੰਦ ਮੁਸਲਮਾਨ ਦੁਖ ਭਰੇ ।
ਤਿਸੀ ਪੁਰਖ ਭਾਖੇ ਬਚ ਅੰਸੇ । ਤਜੋ ਚਿੰਤ ਤੁਮ ਧੀਰਜ ਕੈਸੇ ॥ 270 ॥
ਚਾਦਰ ਅਰਧ ਅਰਧ ਤੁਮ ਲੇਵੋ । ਤੁਮ ਦਾਬੋ ਇਹੁ⁴ ਦਾਹ ਕਰੇਵੋ ।
ਚਾਦਰ ਅਰਧ ਅਰਧ ਤਬ ਪਾਏ । ਮੁਸਲਮਾਨ ਦਾਬਨ ਹਿਤ ਧਾਏ ॥ 271 ॥

¹ਅ ਤੇ ਏ ਪੋਥੀ ਨਿਜ ²ਅ ਪੋਥੀ ਚੰਦ ³ਏ ਪੋਥੀ ਸਮਝਾਈ ⁴ਅ ਪੋਥੀ ਤੁਮ

ਦੋਹਰਾ

ਭਯੋ ਪੁਰਖ ਤਬ ਲੋਪ ਵਹੁ ਝਗਰਾ ਐਸ ਨਿਬੇਰ ।
ਸ੍ਰੀ ਚੰਦ ਐਸੇ ਕੀਓ ਤਿਹ ਧਰ ਚਾਦਰ ਫੇਰ ॥ 272 ॥
ਅੰਤਰ ਤੇ ਬਾਹਰ ਅਏ ਧਾਰ ਚਿੰਤੁ ਮਨ ਮਾਹਿ ।
ਸਭਹੀ ਮਿਲ ਬਾਹਰ ਭਏ ਕਿਆ ਅਬ ਜਤਨ ਕਰਾਂਹਿ ॥ 273 ॥

ਚੌਪਈ

ਸ੍ਰੀ ਚੰਦ ਤਬ ਕਹਾ ਉਚਾਰੀ । ਹੇ ਅੰਗਦ ਤੁਮ ਕਰੋ ਬਿਚਾਰੀ ।
ਦਾਹਿ ਕ੍ਰਿਯਾ ਕਾਂਕੀ ਹਮ ਕਰੈ । ਦੇਹ ਲੋਪ ਚਾਦਰ ਦ੍ਰਿਸਟਰੈ ॥ 274 ॥
ਸੋ ਭੀ ਅਰਧ ਅਬੈ ਰਹਿ ਗਈ । ਮੁਸਲਮਾਨ ਆਧੀ ਹੈ^੧ ਲਈ ।
ਸ੍ਰੀ ਗੁਰ ਅੰਗਦ ਕਹਾ ਸੁਨਾਈ । ਦੇਹ ਨਹਿ ਲੋਪ ਸੋ ਪਰੀ ਦਿਖਾਈ ॥ 275 ॥
ਸ੍ਰੀ ਚੰਦ ਕਹਿ ਹਮ ਨਹਿ ਮਾਨਾ । ਚਾਦਰ ਧਰ ਆਏ ਤਿਹ ਠਾਨਾ ।
ਗੁਰ ਅੰਗਦ ਕਹਿ ਚਲ ਅਬ ਦੇਖੋ । ਪਰੀ ਦੇਹ ਗੁਰੁ ਰੂਪ ਅਲੇਖੋ ॥ 276 ॥
ਕਿਆ ਦੇਖਹਿ ਸਭਹੀ ਚਲ ਜਾਈ । ਚਾਦਰ ਤਰ ਗੁਰੁ ਦੇਹ ਰਹਾਈ ।
ਸ੍ਰੀ ਚੰਦ ਦਿਖ ਬਿਸਮੈ ਪਾਯੋ । ਭਗਤ ਸਿੰਘ ਤਬ ਪ੍ਰਸ਼ਨ ਕਰਾਯੋ ॥ 277 ॥

ਦੋਹਰਾ

ਸੰਸਾ ਮੇਰੇ ਮਨ ਭਯੋ ਹਰੋ ਭਾਈ ਜੀ ਬਚ ਭਾਖ ।
ਸੋ ਨਰ ਕੋ ਆਵਤ ਭਯੋ ਜਿਨੈ ਨਿਬੇਰੀ ਆਖ ॥ 278 ॥
ਔਰ ਸੰਸ ਪ੍ਰਭ ਇਹ ਭਯੋ ਸ੍ਰੀ ਗੁਰੁ ਨਾਨਕ ਦੇਹੁ ।
ਅੰਗਦ ਕੋ ਦ੍ਰਿਸੀ ਪਰੀ ਸ੍ਰੀ ਚੰਦ ਨਹਿ ਦ੍ਰਿਸਟੇਹੁ ॥ 279 ॥

ਚੌਪਈ

ਸੰਸਾ ਭਯੋ ਮੋਹਿ ਪ੍ਰਭ ਹਰੋ । ਅਗਯ^੨ ਜਾਨ ਗੁਰੁ ਕੋਪ ਨਾ ਕਰੋ ।
ਮਨੀ ਸਿੰਘ ਮਨ ਆਨੰਦ ਪਾਈ । ਭਗਤ ਸਿੰਘ ਕੀ ਉਪਮ ਕਰਾਈ ।
ਧੰਨ ਧੰਨ ਤੁਮ ਗੁਰ ਪਗ ਪ੍ਰੀਤੀ । ਸੁਨੋ ਕਥਾ ਸੁੰਦਰ ਗੁਰ ਰੀਤੀ ।
ਗੁਰ ਨਾਨਕ ਧਰ ਰੂਪ ਅਪਾਰਾ । ਝਗਰ ਨਿਬੇਰਿਆ ਦੁੰਹੁ ਮੰਝਾਰਾ ॥ 281 ॥
ਅੰਗਦ ਬਿਨ ਮਾਯਾ ਸਭ ਡਾਰੀ । ਚਾਦਰ ਹੀ ਸਭ ਕੋ ਦ੍ਰਿਸਟਾਰੀ ।
ਪ੍ਰਤਖ ਦੇਹ ਅੰਗਦ ਦ੍ਰਿਸਟਾਵੈ । ਔਰ ਕਿਸੀ ਕਉ ਨਦਰ^੩ ਨ ਆਵੈ ॥ 282 ॥
ਕਰ ਨਿਆਇ ਤਬ ਲੋਪ ਸੁ ਭਯੋ । ਗੁਰੁ ਅੰਗਦ ਅਸ ਕੋਤਕ ਕਯੋ ।
ਸ੍ਰੀ ਚੰਦ ਕਉ ਦੇਹ ਦਿਖਾਈ । ਮ੍ਰਿਤ ਕ੍ਰਿਆ ਸਭਹੀ ਕਰਵਾਈ ॥ 283 ॥

ਦੋਹਰਾ

ਮੁਸਲਮਾਨ ਦਾਬਨ ਕਰੀ ਚਾਦਰ ਅਧਿਕ ਤਦਾਇ ।
ਪੀਰ ਜਾਨ ਬੰਦਨ ਕਰਹਿ ਗੁਰੁ ਕੀ ਕਬਰ^੪ ਬਨਾਇ ॥ 284 ॥

^੧ਅ ਤੇ ਏ ਪੋਥੀ ਲੇ ^੨ਏ ਪੋਥੀ ਮੂੜੁ ^੩ਅ ਤੇ ਏ ਪੋਥੀ ਦ੍ਰਿਸਟ ^੪ਅ ਪੋਥੀ ਗੋਰ

ਮਮ ਤਾਏ ਮਿਲਕੈ ਤਬੈ ਸ੍ਰੀ ਗੁਰ ਅੰਗਦ ਨਾਲ ।
ਪ੍ਰਥਮ ਇਸਨਾਨ ਕਰਾਇਓ ਸੁੰਦਰ ਦੇਹ ਕ੍ਰਿਪਾਲ ॥ 285 ॥

ਚੌਪਈ

ਗੰਧੂਬ ਜਛ ਤਬੈ ਸਭ ਆਏ । ਕੀਰਤਨ ਕੀਨ ਅਧਿਕ ਮਨ ਲਾਏ ।
ਤਾਂਹੀ ਸਮੈਂ ਕੁਲਾਹਲ ਭਯੋ । ਸੋ ਮੋ ਪੈ ਨਹਿ ਜਾਤ ਕਹਯੋ ॥ 286 ॥
ਸ੍ਰੀ ਗੁਰ ਦੇਹ ਦਾਹ ਤਬ ਕੀਨੋ । ਇਹ ਠਾਂ ਸ੍ਰੀ ਗੁਰੁ ਬੰਦਨ ਕੀਨੋ ।
ਸ੍ਰੀ ਚੰਦ ਇਸਨਾਨ ਤਬ ਕੀਨਾ । ਸ੍ਰੀ ਗੁਰੁ ਅੰਗਦ ਸਾਥ ਪ੍ਰਬੀਨਾ ॥ 287 ॥
ਪੜ੍ਹ¹ ਸੋਹਿਲਾ ਪ੍ਰਸਾਦਿ ਵਰਤਾਯੋ । ਗੁਰੁ ਨਾਨਕ ਜੋ ਮੁਖ ਫਰਮਾਯੋ ।
ਧਰਮ ਚੰਦ ਪੁਨ ਔਰ ਉਚਾਰੀ । ਨਿਸ ਦਿਨ ਕੀਰਤਨ ਹੋਤ ਅਪਾਰੀ ॥ 288 ॥
ਜਬ ਤੇਰਵੇਂ ਕਾ ਦਿਵਸ ਸੁ ਆਯੋ । ਮਮ ਤਾਏ ਤਬ ਹੀ ਬਲ ਪਾਯੋ ।
ਨਿਜ ਬਲ ਸਾਥ ਪਾਗ ਤਬ ਲੀਨੀ । ਗੁਰੁ ਅੰਗਦ ਮਨ ਚਿੰਤ ਨ ਕੀਨੀ ॥ 289 ॥

ਸਵੈਯਾ

ਗੁਰੁ ਅੰਗਦ ਕੀ ਇਹੁ ਰੀਤਿ ਸੁਹਾਵਤ ਜਾਮ ਨਿਸਾ ਹਰਿ ਨੇਮ ਇਸਨਾਨਾ ।
ਮੰਤ੍ਰੁ ਸਦਾ ਸਤਿਨਾਮ ਰਿਦੈ ਉਪਦੇਸ਼ ਕਰਹਿ ਸਭ ਸਿਉ ਸੁਖ ਖਾਨਾ ।
ਸੀਲ ਅੰ ਸਾਂਤ ਗਿਆਨ ਸਦਾ ਉਰ ਈਰਖ ਛੋਭ ਨਾ ਰੰਚਕ ਠਾਨਾ ।
ਸ੍ਰੀ ਗੁਰ ਨਾਨਕ ਰੂਪ ਸੁਹਾਵਤ ਨਾਨਕ ਅੰਗਦ ਭੇਦ ਨਾ ਜਾਨਾ² ॥ 290 ॥

ਦੋਹਰਾ

ਅਹਿਨਿਸ ਕੀਰਤਨ ਸੋ ਕਰੇ ਭਗਤ ਸਿੰਘ ਗੁਰ ਪ੍ਰੀਤਿ ।
ਸਾਂਤ ਸੀਲ ਕੀ ਖਾਨ ਪ੍ਰਭ ਗੁਰੁ ਅੰਗਦ ਰਿਖ ਜੀਤਿ ॥ 291 ॥

ਚੌਪਈ

ਸਿਖ ਸੰਗਤਿ ਕੇਤੀ ਚਲ ਆਵੈ । ਗੁਰੁ ਅੰਗਦ ਕੋ ਸੀਸ ਨਿਵਾਵੈ ।
ਸ੍ਰੀ ਚੰਦ ਪੈ ਕੋਇ ਨ ਜਾਈ । ਗੁਰੁ ਅੰਗਦ ਕੋ³ ਪੂਜ ਚੜਾਈ⁴ ॥ 292 ॥

ਦੋਹਰਾ

ਸ੍ਰੀ ਚੰਦ ਲਖਮੀਦਾਸ ਦੋਇ ਭ੍ਰਾਤ ਤਬ ਈਰਖਾ ਕੀਨ ।
ਗੁਰੁ ਅੰਗਦ ਕੀ ਪੂਜ ਦਿਖ ਚਿੰਤਾ ਮਨ ਮਹਿ ਲੀਨ ॥ 293 ॥
ਸ੍ਰੀ ਗੁਰੁ ਅੰਗਦ ਐਸ ਤਬ ਮਨ ਮਹਿ ਕੀਨ ਵਿਚਾਰ ।
ਜਾਂਹਿ ਕਲਾ ਹਮ ਨਾ ਰਹੈ ਅਬ ਹਉਂ ਕਹੀਂ ਪਧਾਰ ॥ 294 ॥

ਚੌਪਈ

ਗੁਰੁ ਅੰਗਦ ਮਨ ਐਸ ਵਿਚਾਰੀ । ਇਹ ਠਾਂ ਛੋਡ ਚਲਉਂ ਕਹਿੰ ਧਾਰੀ ।
ਕਛੁ ਦਰਬ⁴ ਨਿਜ ਸੰਗ ਨਾ ਲੀਨੋ । ਓਰ ਖੁੰਡਰ ਪਿਆਨਾ ਕੀਨੋ ॥ 295 ॥

¹ਅ ਪੌਥੀ ਪਠ ²ਦ ਪੌਥੀ ਮਾਨਾ ³ਰਮ ਪੌਥੀ ਕੀ ਪੂਜ ਕਰਾਈ ⁴ਦ ਪੌਥੀ ਪਠ

ਤਿਹ ਠਾਂ ਜਾਇ ਜੋਤ ਬਿਸਤਾਰੀ । ਗੁਰੁ ਅੰਗਦ ਸਾਹਿਬ ਅਵਤਾਰੀ ।
 ਇਹ ਬਿਧ ਲਹਿਣਾ ਸੁਧ ਕਰਾਈ । ਤਿਲਕ ਦੀਨ ਸੁਭ ਬਾਤ ਸੁਨਾਈ ॥ 296 ॥
 ਗੁਰ ਅੰਗਦ ਤਬ ਕੀਨ ਪਯਾਨਾ । ਪਾਛੇ ਸ੍ਰੀ ਚੰਦ ਸੁਖ ਮਾਨਾ ।
 ਢਾਹਤ ਰਾਵੀ ਤਬ ਨਿਕਟਾਈ । ਸ੍ਰੀ ਚੰਦ ਦਿਖ ਚਿੰਤਾ ਪਾਈ ॥ 297 ॥
 ਗਾਗਰ ਕਾਢ ਇਹਾਂ ਤੇ ਲੀਨੀ । ਬਿਭੂਤ ਗੁਰੂ ਨਾਨਕ ਚਿਤ ਚੀਨੀ ।
 ਰਾਵੀ ਪਾਰ ਜਾਇ ਸੁਖ ਕੀਨੋ । ਗੁਰੂ ਨਾਨਕ ਦੇਹੁਰਾ ਰਚ ਲੀਨੋ ॥ 298 ॥

ਦੋਹਰਾ

ਅਬ ਤਿਹ ਠਾਂ ਹਮ ਬਸਤ ਹੈਂ ਕੋਸ ਤੀਨ ਪਰ ਜਾਨ ।
 ਇਹੁ ਠਾਂ ਭੀ ਦਰਸਨ ਕਰਉ ਹੇ ਪ੍ਰਭ ਕ੍ਰਿਪਾ ਨਿਧਾਨ ॥ 299 ॥

ਚੌਪਈ

ਆਗੇ ਤੁਮ ਸਭ¹ ਜਾਨਨਹਾਰੇ । ਧਰਮ ਸਸੀ² ਅਸ ਬਚਨ ਉਚਾਰੇ ।
 ਹਰਿ ਗੋਬਿੰਦ ਸੁਨ ਆਨੰਦ ਭਯੋ । ਹਾਥ ਜੋਰ ਅਸ ਬਚਨ ਅਲਯੋ ॥ 300 ॥
 ਜੋ ਤੁਮ ਕਹੋ ਸੇਵ ਸੋਈ ਕੀਜੈ । ਧਰਮ ਚੰਦ ਕਹ ਪ੍ਰਭ ਮਮ ਦੀਜੈ ।
 ਭੇਟ ਹਮਾਰੀ ਜੋ ਚਲਿ ਆਈ । ਹਮ ਗੁਰੂ ਨਾਨਕ ਐਸ ਲਖਾਈ ॥ 301 ॥
 ਮਾਨ ਸਹਿਤ ਇਮ ਬਚਨ ਅਲਾਏ । ਦਯਾ ਸਿੰਧ ਗੁਰੂ ਸੁਨ ਮੁਸਕਾਏ ।
 ਮੁਹਰ ਪਾਂਚ ਸੈ ਏਕ ਤੁਰੰਗਾ । ਭੇਟ ਦੀਨ ਗੁਰੂ ਧਾਰ ਉਮੰਗਾ ॥ 302 ॥

ਦੋਹਰਾ

ਧਰਮ ਚੰਦ ਮਨ ਹਰਖ ਸਿਉ ਪਾਇਓ ਦਰਬ ਅਪਾਰ ।
 ਲੈ ਆਇਸ ਸ੍ਰੀ ਗੁਰੂ ਤੇ ਡੇਰੇ ਓਰ ਪਧਾਰ ॥ 303 ॥

ਚੌਪਈ

ਮਾਨ ਸਹਿਤ ਤਿਹ ਕੀਨ ਪਿਯਾਨਾ । ਚਲਤ ਬੇਰ ਅਸ ਬਚਨ ਬਖਾਨਾ ।
 ਇਹ ਠਾਂ ਬਸ ਦਰਸਨ ਤਹਿ ਕੀਜੈ । ਕਹਾ ਗੁਰੂ ਹਮ ਦਰਸਨ ਲੀਜੈ ॥ 304 ॥
 ਧਰਮ ਚੰਦ ਨਿਜ ਗੋਹਿ³ ਸਿਧਾਯੋ । ਸ੍ਰੀ ਸਤਿਗੁਰ ਮਨ ਮਹਿ ਸੁਖ ਪਾਯੋ ।
 ਸਾਹਿਬ ਭਾਨਾ ਭਾਈ ਸਾਥ । ਚਰਚਾ ਕੀਨੀ ਦੀਨਾ ਨਾਥ ॥ 305 ॥

ਦੋਹਰਾ

ਤੀਨ ਰੈਨ ਤਿਹ ਠਾਂ ਰਹੇ ਸੁੰਦਰ ਪੁਰ ਕਰਤਾਰ ।
 ਦਯਾ ਸਿੰਧ ਮ੍ਰਿਜਾਦ ਧਰ ਹਰਿਗੋਵਿੰਦ ਅਵਤਾਰ ॥ 306 ॥

ਚੌਪਈ

ਬਹੁਰੋ ਸ੍ਰੀ ਗੁਰੂ ਕੀਨ ਪਯਾਨਾ । ਬੰਦਨ ਕੈ ਗੁਰ ਨਾਨਕ ਥਾਨਾ ।
 ਧਰਮ ਸਸੀ⁴ ਕੇ ਬੈਨ ਚਿਤਾਰਾ । ਚਾਲੇ ਡੇਰੇ ਓਰ ਮੁਰਾਰਾ ॥ 307 ॥

¹ਅ ਪੋਥੀ ਪ੍ਰਭ ²ਅ ਪੋਥੀ ਚੰਦ ³ਅ ਪੋਥੀ ਸਦਨ ⁴ਅ ਤੇ ਏ ਪੋਥੀ ਚੰਦ

ਭਾਈ ਭਾਨਾ ਸੰਗ ਸੁ ਜਾਨਾ । ਜੇਠੇ ਆਦਿ ਸੂਰ ਬਲਵਾਨਾ ।
ਚਰਚਾ ਕਰਤ ਪੰਥ ਤਹਿ ਆਏ । ਰਾਵੀ ਲਾਂਘ ਦਰਸ ਗੁਰੁ ਪਾਏ ॥ 308 ॥

ਦੋਹਰਾ

ਸ੍ਰੀ ਚੰਦ ਜਿਹ ਠਾਂ ਰਚਿਓ ਗੁਰੁ ਨਾਨਕ ਅਸਥਾਨ ।
ਧਰ ਪ੍ਰਸਾਦਿ ਭੇਟਾ ਤਹਾਂ ਕਰ ਬੰਦਨ ਸੁਖ ਮਾਨ ॥ 309 ॥

ਚੌਪਈ

ਚਾਰ ਪਰਕ੍ਰਮਾ ਕਰਾ ਪ੍ਰਭ ਸੁਆਮੀ । ਬੈਠੇ ਹਰਖ ਧਾਰ ਸੁਖ ਮਾਨੀ ।
ਤਬ ਲੋ ਧਰਮ ਚੰਦ ਸੁਨਿ ਆਯੋ । ਦੋਇ ਪੁਤ੍ਰ ਨਿਜ ਸੰਗਿ ਲਵਾਯੋ ॥ 310 ॥
ਮੋਹਰ ਚੰਦ ਮਾਣਕ ਸਸਿ^੧ ਨਾਮਾ । ਸੋਹਤ ਮਨੋ ਮਾਨ ਕਉ ਧਾਮਾ ।
ਦੂਰੋਂ ਦੇਖ ਉਠੇ ਗੁਰੁ ਸੂਰਾ । ਬੈਠੇ ਆਦਰ ਕੀਨ ਸੁ ਭੂਰਾ ॥ 311 ॥
ਹਰਿ ਗੋਬਿੰਦ ਗੁਰ ਚਰਨੀਂ ਲਾਗੇ । ਸਦਾ ਸਾਂਤਿ ਨਹਿੰ ਈਰਖਾ ਰਾਗੇ ।
ਧਰਮ ਚੰਦ ਮਨ ਮਾਨ ਅਪਾਰਾ । ਮੁਖ ਸਿਉਂ ਬੰਦਨ ਕੀਨ ਉਚਾਰਾ ॥ 312 ॥

ਦੋਹਰਾ

ਬਹੁ ਚਰਚਾ ਗੁਰੁ ਸਿਉ ਕਰੀ ਗੁਰੁ ਕਉ ਸੰਗ ਲਵਾਇ ।
ਦਰਸਨ ਟਾਲੀ ਕਾ ਕਰਿਓ ਸ੍ਰੀ ਚੰਦ ਕੀ ਜਾਇ ॥ 313 ॥

ਚੌਪਈ

ਧਰ ਪ੍ਰਸਾਦਿ ਸੁ ਤਹਾਂ ਮੁਰਾਰਾ । ਸਭ ਜੁਤ ਕੀਨ ਪ੍ਰਭੁ ਦੀਦਾਰਾ ।
ਦਯਾ ਸਿੰਧ ਪੁਨ ਡੇਰੇ ਆਏ । ਧਰਮ ਸਸੀ ਕੇ ਪੁਤ੍ਰ ਲਖਾਏ ॥ 314 ॥
ਪਾਂਚ ਪਾਂਚ ਸੈ ਮੋਹਰ ਦੀਨੀ । ਏਕ ਏਕ ਬਸਤ੍ਰ ਸੁ ਨਵੀਨੀ ।
ਧਰਮ ਸਸਿ ਕੋ ਬਹੁਤ ਧਨ ਦੀਨੋ । ਕ੍ਰਿਪਾ ਸਿੰਧੁ ਮਨ ਆਨੰਦ ਲੀਨੋ ॥ 315 ॥

ਦੋਹਰਾ

[ਧਰਮਚੰਦ ਮਨ ਮਾਨ ਧਰ ਨਿਜ ਕੋ ਬਡਾ ਬਿਚਾਰ ।^੩
ਲੀਓ ਦਰਬ ਮਮ ਹਰਖ ਧਰ ਅਪਨੇ ਧਾਮ ਪਧਾਰ ॥ 316 ॥]

ਚੌਪਈ

ਤਾਂ ਦਿਨ ਸ੍ਰੀ ਗੁਰ ਤਹਾਂ ਰਹਾਏ । ਕੀਤੇ ਚਰਿਤ ਅਧਿਕ ਸੁਖਦਾਏ ।
ਦਿਵਸ ਬਤਾਏ ਨਿਸਾ ਪ੍ਰਗਟਾਈ । ਗਈ ਜਾਮ ਮਨ ਆਨੰਦ ਪਾਈ ॥ 317 ॥
ਆਜਜ ਮਾਨ ਪਲੰਘ ਨਿਜ ਸੋਏ । ਰਤਪਤਿ ਕੋਟ ਦੇਖ ਛਬਿ ਮੋਹੇ ।
ਨਿਜ ਨਿਜ ਆਸਨ ਸਭੈ ਸੁਹਾਏ । ਮਿਲਕੈ ਚਰਚਾ ਗੁਨ ਪ੍ਰਭ ਗਾਏ ॥ 318 ॥
ਸਾਹਿਬ ਭਾਨਾ ਅਰ ਗੁਰਦਾਸ । ਜੇਠਾ ਬਿਧਿਆ ਧਾਰ ਹੁਲਾਸ ।
ਪਰਸਪਰ ਬੈਠੇ [ਚਰਚਾ]^੪ ਕਰਹਿ । ਸ੍ਰੀ ਗੁਰੁ ਕੇ ਗੁਨ ਮੁਖ ਸਿਉਂ ਰਰਹਿ ॥ 319 ॥

^੧ਏ ਪੋਥੀ ਕੀਨ ^੨ਅ ਪੋਥੀ ਚੰਦ ^੩ਏ ਪੋਥੀ ਵਿਚੋਂ ^੪ਅ ਪੋਥੀ ਵਿਚੋਂ

ਦੋਹਰਾ

ਸਾਹਿਬ ਭਾਨੇ ਅਸ ਕਹਾ ਭਾਈ ਕਉ ਸਮਝਾਇ ।
ਧਰਮਚੰਦ ਮਨ ਮਾਨ ਬਹੁ ਸ੍ਰੀ ਗੁਰ ਸਾਂਤ ਸੁਹਾਇ ॥ 320 ॥

ਚੌਪਈ

ਸ੍ਰੀ ਮੁਖ ਸਿਉਂ ਇਹ ਬਚਨ ਅਲਾਯੋ । ਭਗਤ ਸਿੰਘ ਇਹ ਭਾਈ ਸੁਨਾਯੋ ।
ਮਾਨ ਸਦਾ ਇਨ ਕੇ ਗ੍ਰਿਹ ਭਾਰੀ । ਪੌੜੀ ਤਿਹ ਪਰਥਾਇ ਉਚਾਰੀ ॥ 321 ॥
ਜਾਨ ਵਿੰਸ ਖਟ ਵਾਰ ਮਝਾਰਾ । ਤੇਤੀਵੀਂ ਤਹਿ ਅਰਥ ਸੁਧਾਰਾ ।
ਗੁਰ ਪ੍ਰੇਰੇ ਭਾਈ ਇਹ ਭਾਇ । ਭਗਤ ਸਿੰਘ ਨਿਜ ਮੁਖਹੁ ਅਲਾਇ ॥ 322 ॥

ਅੜਿਲ

ਬਾਲ ਜਤੀ ਸ੍ਰੀ ਚੰਦ ਮਾਨ ਬਹੁ^੧ ਪਾਇਯੋ ।
ਬਾਬੇ ਕਾ ਰਚ ਥਾਨ ਸੁ ਆਪ ਗਣਾਇਯੋ ।
ਲਖਮੀਦਾਸ ਹੂੰ ਪੁਤ੍ਰ ਧਰਮ ਸਸਿ ਜਾਨੀਏ ।
ਨਿਤ ਪੌਤਾ ਮਨ ਮਾਨ ਸੁ ਕਰ ਬਸੁ ਠਾਨੀਏ ॥ 323 ॥

॥ ਛਪੈ ਛੰਦ ॥

ਮੰਜੀ ਦਾਸ ਬਣਾਇ ਆਪ ਕਉ ਬੜਾ ਕਹਾਈ ।
ਦਾਤੂ ਸਿਖ ਸਿਯਾਸਣ ਸੇਵਾ ਗੁਰੁ ਬਿਹਾਈ ।
ਮੋਹਨ ਕਮਲਾ ਹੋਇ ਚੁਬਾਰਾ ਮੋਹਰੀ ਭਾਯੋ ।
ਮੀਣਾ ਪ੍ਰਿਥੀਆ ਜਾਨ ਚਾਹਿ ਬਡ ਲਾਲਚ ਲਾਯੋ ।
ਮਹਾਂਦੇਵ ਹਉਮੈਂ ਕਰੀ ਬੇਮੁਖ ਸਗ ਬੋਲਤ ਰਹੈਂ ।
ਚੰਦਨ ਗੰਧ ਨ ਬਾਂਸ ਕੇ ਬਿਯਾਰ ਤੀਨ ਨਿਸ ਦਿਨ ਬਹੈਂ ॥ 324 ॥

ਦੋਹਰਾ

ਭਗਤ ਸਿੰਘ ਭਾਈ ਤਬੈ ਪੌੜੀ ਐਸ ਉਚਾਰ ।
ਸਾਹਿਬ ਭਾਨਾ ਬਿਸਮ ਧਰ ਤਿਨ ਕੀ ਰੀਤਿ ਬਿਚਾਰ ॥ 325 ॥
ਪੁਨ ਭਾਈ ਕਉ ਅਸ^੨ ਕਹਾ ਗੁਰਕੀ ਰੀਤਿ ਸੁਨਾਇ ॥
ਭਾਈ ਸੁਨ ਹਰਖਤ ਭਯੋ ਦੁਤੀ ਸੁ ਪੌੜੀ ਗਾਇ ॥ 326 ॥

ਪਉੜੀ

ਆਦਿ ਗੁਰ ਇਹੁ ਰੀਤਿ ਕਰੀ ਗੁਰਦਾਸ ਭਯੋ ਗੁਰਦਾਸ ਕਹਾਇਆ ।
ਅਮਰਦਾਸ ਗੁਰ ਅੰਗਦ ਤੇ ਕਰਿ ਸੇਵਾ ਸਤਿਗੁਰ ਸੁਨਾਇਆ ।
ਅਮਰ ਗੁਰੁ ਤੇ ਰਾਮਦਾਸ ਧਰ ਸੇਵਾ ਸੇਵਕ ਗੁਰ ਭਾਇਆ ।
ਰਾਮਦਾਸ ਗੁਰ ਅਗਮ ਗਤਿ ਗੁਰੁ ਅਰਜਨ ਅੰਮ੍ਰਿਤ ਫਲ ਲਾਇਆ ।

^੧ਅ ਪੋਥੀ ਅਤਿ ^੨ਅ ਪੋਥੀ ਇਮ

ਹਰ ਗੋਵਿੰਦ ਗੁਰ ਤਾਂਹਿਤੇ ਪਰਮ ਪੁਰਖ ਆਦੇਸ ਕਰਾਇਆ ॥
ਗੁਰ ਕ੍ਰਿਪਾ ਤੇ ਸੁਝੇ ਨਹਿੰ ਲੁਕੈ ਲੁਕਾਇਆ ।

ਦੋਹਰਾ

ਅਸ ਪੌੜੀ ਭਾਈ ਤਬੈ ਮੁਖ ਤੇ ਕੀਨ ਉਚਾਰ ।
ਭਾਈ ਭਾਨੇ ਜੁਤ ਸਭੀ ਤਾ ਸਮ ਬੰਦਨ ਧਾਰ ॥ 328 ॥
ਹਰਿ ਗੋਵਿੰਦ ਕੇ ਚਰਿਤ ਕੀ ਚਰਚਾ ਕੀਨ ਬਤਾਇ ।
ਤੀਨ ਜਾਮ ਨਿਸ ਤਬ ਗਈ ਭਗਤ ਸਿੰਘ ਇਹ ਭਾਇ ॥ 329 ॥

ਚੌਪਈ

ਜਾਮ ਨਿਸਾ ਜਬ ਆਇ ਰਹਾਨੀ । ਹਰਖਤ ਉਠੇ ਪ੍ਰਭੂ ਗੁਰ ਗਿਆਨੀ ।
ਕੀਨ ਸੋਚ ਸਰ ਮਜਨ ਕੀਨੋ । ਬੈਠੇ ਆਪ ਧਿਆਨ ਸੁਖ ਲੀਨੋ ॥ 330 ॥
ਭਾਈ ਭਾਨਾ ਕਰ ਅਸਨਾਨ । ਆਇ ਪ੍ਰਭ ਕੋ ਬੰਦਨ ਠਾਨ ।
ਬਾਬਕਾ^੧ ਆਸਾ ਵਾਰ ਲਗਾਈ । ਪਾਇ ਭੋਗ ਰਵਿ ਤੇਜ ਧਰਾਈ ॥ 331 ॥

ਦੋਹਰਾ

ਸ੍ਰੀ ਸਤਿਗੁਰ ਪਿਆਨਾ ਕੀਓ ਕਰ ਬੰਦਨ ਗੁਰ ਥਾਨ ।
ਸਭ ਕੋ ਸੰਗ ਲਵਾਇਕੈ ਸਾਹਿਬ ਕ੍ਰਿਪਾ ਨਿਧਾਨ ॥ 332 ॥
ਲੈ ਵਿਦਿਆ ਸਸਿ ਧਰਮ ਤੇ ਚਲੇ ਪੂਰ ਕਰ ਆਸ ।
ਸਤਿਗੁਰ ਹਰਿਗੋਵਿੰਦ ਜੀ ਪਹੁੰਚੇ ਤਬ ਰਾਮਦਾਸ ॥ 333 ॥

ਚੌਪਈ

ਏਕ ਮਾਸ ਗੁਰ ਤਹਾਂ ਰਹਾਏ । ਸਾਹਿਬ ਭਾਨੇ ਪਹਿ ਸੁਖ ਪਾਏ ।
ਨਿਤ ਨੂਤਨ ਬਹੁ ਚਰਚਾ ਕਰਹਿ । ਨਿਜ ਮਨ ਮਹਿ ਬਡ ਆਨੰਦ ਧਰਹਿ ॥ 334 ॥
ਸਭ ਸੰਗਤਿ ਜਬ ਯਹਿ ਸੁਨ ਪਾਯੋ । ਦੀਪਮਾਲ ਕਾ ਮੇਲਾ ਆਯੋ ।
ਭਾਈ ਕਉ ਨਿਜ ਸੰਗਿ ਲਵਾਏ । ਸਤਿਗੁਰ ਪੈ ਅਰਦਾਸ ਕਰਾਏ ॥ 335 ॥
ਮਹਾਰਾਜ ਅਬ ਮੇਲਾ ਆਯੋ । ਪਾਂਚ ਦਿਵਸ ਮੈਂ ਜੋ ਪ੍ਰਭੂ ਭਾਯੋ ।
ਦਯਾਸਿੰਧ ਸੁਨ ਸੰਗਤਿ ਬਾਨੀ । ਬਹੁਤ ਭਲੀ ਨਿਜ ਮਨ ਮਹਿ ਜਾਨੀ ॥ 336 ॥
ਭਾਨੇ ਤੇ ਤਬ ਬਿਦਿਆ ਲੀਨੀ । ਹਰਿਗੋਬਿੰਦ ਤਬ ਹੋਇ ਅਧੀਨੀ ।
ਸਾਹਿਬ ਭਾਨੇ ਬਿਨਤਿ^੨ ਉਚਾਰੀ । ਸੰਗਿ ਚਲੈ ਤੁਮਰੇ ਸੁ ਮੁਰਾਰੀ ॥ 337 ॥

ਦੋਹਰਾ

ਸ੍ਰੀ ਗੁਰ ਤਾਂਕੋ ਅਸ ਕਹਾ ਰਹੋ ਇਹਾਂ ਸੁਖ ਸਾਥ ।
ਪਰਸਪਰ ਸੀਸ ਨਿਵਾਇਓ ਧਰਿਓ ਚਰਨ ਪਰ ਮਾਥ ॥ 338 ॥

^੧ਅ ਪੋਥੀ ਰਬਾਬੀ ^੨ਅ ਪੋਥੀ ਅਰਜ

ਚੌਪਈ

ਹਰਿ ਗੋਬਿੰਦ ਕੇ ਚਰਿਤ ਅਪਾਰਾ । ਪੂਰਨ ਭਯੋ ਧਿਆਇ ਸੁਖ ਸਾਰਾ ।
 ਪੜੇ ਸੁਨੈ ਜੋ ਨਰ ਮਨ ਲਾਈ । ਮਨ ਇਛਤ ਫਲ ਤਤਛਿਨ ਪਾਈ ॥ 339 ॥
 ਆਗੇ ਹੁਇ ਸੁ ਕਥਾ ਉਚਾਰੀ । ਦਧ ਸੁਤ ਜਾਵੈ ਗੁਰ ਅਵਤਾਰੀ ।
 ਕੋਤਕ ਅਨਿਕ ਕਹਾ ਲੋ ਗਾਉ । ਧੀਰਮਲ ਕਾ ਜਨਮ ਸੁਨਾਉ ॥ 340 ॥
 ਅਟਲ ਰਾਇ ਨਿਜ ਧਾਮ ਸਿਧਾਵਹਿ । ਗੁਰਦਾਸ ਭਾਈ ਗਥ ਸੁੰਦਰ ਆਵਹਿ ।
 ਰਵਿ ਮਲ ਕਾ ਕਰ ਵਿਆਹਿ ਉਦਾਰਾ । ਹਰਿਗੋਬਿੰਦ ਪਰ ਕਵਿ ਬਲਿਹਾਰਾ ॥ 341 ॥

ਦੋਹਰਾ

ਜਹਾਂ ਭੂਲ ਹਮਤੇ ਭਈ ਅਛਰ ਤਹਾਂ ਬਨਾਇ ।
 ਇਹੀ ਚਾਹਿ ਗੁਰ ਜਸ ਕਹੂੰ ਸੰਗਤਿ ਕਰਹੁ ਸਹਾਇ ॥ 342 ॥
 ਇਤਿ ਸ੍ਰੀ ਗੁਰ ਬਿਲਾਸ ਸਾਹਿਬ ਬੁਢਾ ਜੋਤੀ ਜੋਤ ਸਮਾਏ ਬਰਨੰਨ ਨਾਮ ਖੋੜਸੋ
 ਧਿਆਇ ਸੰਪੂਰਨ ਮਸਤ ਸੁਭ ਮਸਤ ॥ ਵਾਹਿਗੁਰੂ ॥

ਅਧਿਆਇ ਸਤਾਰ੍ਹਵਾਂ

ਦੋਹਰਾ

ਜਾਂਕੇ ਨਾਮ ਪ੍ਰਤਾਪ ਤੇ ਸਿੰਧ ਕਨੀ¹ ਸਮ ਹੋਇ ।
ਤਾਂਹਿ ਪ੍ਰਭੂ ਕਹਿ ਬੰਦਨਾ ਸਦਹੀ ਹਮਰੀ ਹੋਇ ॥ 1 ॥
ਹਰਿ ਗੋਬਿੰਦ ਗੁਰ ਅਗਮ ਕਥ ਕੀਨੇ ਚਰਿਤ ਅਪਾਰ ।
ਮੋਹਿ ਗੰਮ ਏਤੀ ਨਹੀਂ ਜੇ² ਸਭ ਕਹਉਂ ਸੁਧਾਰ ॥ 2 ॥
ਥਿਤਿ ਇਕਾਦਸ਼ ਕੇ ਦਿਵਸ ਸਤਿਗੁਰ ਕੀਨ ਪਿਆਨ ॥
ਤਿਸੀ ਦਿਵਸ ਪਹੁੰਚਤ ਭਏ ਸੁਧਾ ਸਰੋਵਰ ਆਨ ॥ 3 ॥

ਚੌਪਈ

ਦਯਾਸਿੰਧ ਜੁਤ ਭਾਈ ਆਏ । ਸੁਧਾ ਸਰੋਵਰ ਦਰਸਨ ਪਾਏ ।
ਏਕ ਸਿਖ ਗੁਰ ਆਗੇ ਤੋਰਾ । ਕਰਾਉ ਕੜਾਹ ਮਾਨ ਬਚ ਮੋਰਾ ॥ 4 ॥
ਅਰਧ ਜਾਮ ਤਬ ਦਿਵਸ ਰਹਾਈ । ਹਰਿ ਗੋਬਿੰਦ ਮਨ ਮਾਹਿ ਸੁਖ ਪਾਈ ।
ਆਗੇ ਧਰ ਪ੍ਰਸਾਦਿ ਪ੍ਰਭ ਆਏ । ਅਕਾਲ ਤਖਤ ਕਾ ਦਰਸਨ ਪਾਏ ॥ 5 ॥

ਦੋਹਰਾ

ਜਾਨ ਵਾਹਿਗੁਰੁ ਤਖਤ ਤਬ ਬੰਦਨ ਕਰ ਮਨ ਲਾਇ ।
ਅਰਦਾਸ ਕਰਾਈ ਹਰਖ ਸਿਉਂ ਪ੍ਰਕਰਮਾ ਬਹੁਰ ਸਿਧਾਇ ॥ 6 ॥

ਚੌਪਈ

ਪਰਕਰਮਾ ਕਰਿ ਹਰਿਮੰਦਰ ਆਏ । ਪ੍ਰਸਾਦਿ ਚੜਾਇ ਰਰਖ ਚਿਤ ਛਾਏ ।
ਬੇਦ³ ਪਰਕਰਮਾ ਕਰ ਸੁਖਦਾਈ । ਉਸਤਤਿ ਕੀਨ ਅਧਿਕ ਮਨ ਲਾਈ ॥ 7 ॥
ਬਹੁਰੋਂ ਕੀਨ ਸੁ ਦਰਸ ਨਿਸ਼ਾਨਾ । ਭਗਤ ਸਿੰਘ ਗੁਰ ਕ੍ਰਿਪਾ ਨਿਧਾਨਾ ।
ਦਾਨ ਅਤਿਥਿਨ ਕਉ ਬਹੁ ਦੀਨੋ । ਅਤਿ ਅਨੰਦ ਨਿਜ ਮਨ ਮਹਿ ਲੀਨੋ ॥ 8 ॥

ਦੋਹਰਾ

ਅਕਾਲ ਬੁੰਗੇ ਆਏ ਪ੍ਰਭੂ ਬੈਠੇ ਤਖਤ ਸੁਹਾਏ ।
ਨਗਰ ਲੋਕ ਆਏ ਤਬੈ ਚਰਨ ਬੰਦ ਸੁਖ ਪਾਇ ॥ 9 ॥

¹ਅ ਪੋਥੀ ਕਣੀ ²ਅ ਤੇ ਏ ਪੋਥੀ ਜਉ ³ਅ ਪੋਥੀ ਚਾਰ

ਦੀਨਾ ਨਾਥ ਵਿਚਾਰ ਕੈ ਦੋ ਸਿਖ ਲੀਨ ਬੁਲਾਇ ।
ਇਕ ਪਠਿਓ ਕਰਤਾਰ ਪੁਰ ਪੈਂਦੇ ਖਾਂ ਕੋ ਲਿਆਇ ॥ 10 ॥

ਚੌਪਈ

ਦੁਤੀ ਸਿਖ ਸਿਉਂ ਐਸ ਸਿਖਾਯੋ । ਗੋਇੰਦਵਾਲ ਕੁਟੰਬ¹ ਲੈ ਆਯੋ ।
ਸੁੰਦਰ ਕਉ ਕਹੀਯੋ ਇਹ ਆਵੈ । ਸਭ ਕੁਟੰਬ ਕਉ ਸਾਥ ਲਿਆਵੈ ॥ 11 ॥
ਬਚਨ ਮਾਨ ਤਤਛਿਨ ਸਿਖ ਧਾਯੋ । ਦੁਤੀ ਦਿਵਸ ਸਭ ਸੰਗ ਲਿਆਯੋ ।
ਸਭ ਪਰਵਾਰ ਗੁਰ ਚਰਨ ਲਗਾਯੋ । ਚਿਰ ਸੇ ਮਿਲੈ ਬਹੁਤ ਸੁਖ ਪਾਯੋ ॥ 12 ॥
ਸੁੰਦਰ ਤਬ ਗੁਰ ਕੇ ਢਿਗ² ਆਯੋ । ਪਗ ਪੰਕਜ³ ਨਿਮ੍ਰਤ ਲਪਟਾਯੋ ।
ਕੁਸਲ ਆਨੰਦ ਸਤਿਗੁਰ ਤਿਹ ਲਈ । ਤੁਮਰੀ ਕ੍ਰਿਪਾ ਤੇ ਸਭ ਸੁਖ ਠਈ ॥ 13 ॥
ਸਭ ਪਰਵਾਰ ਗੁਰ ਮਹਿਲੀਂ ਆਯੋ । ਲੈ ਆਗਿਆ ਗੁਰ ਕੀ ਸੁਖ ਪਾਯੋ ।
ਹਰਿ ਗੋਵਿੰਦ ਨਿਜ ਮਹਲੀਂ ਆਏ । ਕੁਸਲ ਆਨੰਦ ਸਭ ਕੀ ਤਬ ਪਾਏ ॥ 14 ॥

ਦੋਹਰਾ

ਬਾਬਾ ਗੁਰਦਿਤਾ ਮਿਲਯੋ ਸੂਰਜ ਮਲ ਅਣੀ ਰਾਇ ।
ਅਟਲ ਰਾਇ ਚਰਨੀ ਲਗੇ ਮਨ ਮਹਿ ਹਰਖ ਮਨਾਇ⁴ ॥ 15 ॥
ਬੀਬੀ ਵੀਰੋ ਤਬ ਅਈ ਮਨ ਮਹਿ ਹਰਖ ਧਰਾਇ ।
ਤੇਗ ਬਹਾਦਰ ਅੰਕ ਮਾਂਹਿ ਭ੍ਰਾਂਤ ਬਾਲ ਸੁਖ ਪਾਇ ॥ 16 ॥
ਸੁਖ ਸਾਗਰ ਤਹਿ ਸੀਸ ਪੈ ਦੀਨ ਪਿਆਰ ਹਿਤ ਸੰਗ ।
ਮਾਸ ਦਿਵਸ ਕੋ ਬਾਲ ਅਤਿ ਸੋਭਾ ਜਾਹਿ ਅਨੰਗ ॥ 17 ॥
ਕਛਕੁ ਕਾਲ ਧਰ ਗੋਂਦ ਮਹਿ ਦੀਓ ਸੁਤਾ ਕੇ ਅੰਗ ।
ਭ੍ਰਾਂਤ ਅੰਕ ਵੀਰੋ ਚਲੀ ਸੋਭਤ ਬਾਲ ਮੰਝਕ ॥ 18 ॥

ਚੌਪਈ

ਦੈ ਧੀਰਜ ਸਭ ਕਉ ਗੁਰ ਦੇਵਾ । ਕੋਤਕ ਕਰਤ ਅਨੰਤ ਅਭੇਵਾ ।
ਤਬ ਲੋ ਸੰਗਤ ਅਈ ਅਪਾਰਾ । ਧਰੀ⁵ ਚਾਹ ਗੁਰ ਹੇਤ ਦਿਦਾਰਾ ॥ 19 ॥
ਅਕਾਲ ਤਖਤ ਪਰ ਪ੍ਰਭੂ ਸੁਹਾਏ । ਰਵਿ ਸਸਿ ਦੇਖ ਰੂਪ ਸੁਕੁਚਾਏ ।
ਦੇਸ ਦੇਸ⁶ ਕੀ ਸੰਗਤਿ ਆਈ । ਭਾਂਤ ਭਾਂਤ ਕੀ ਪੂਜ ਚੜਾਈ ॥ 20 ॥
ਪੈਦੇ ਖਾਂ ਨਾਰੀ ਜੁਤ ਆਯੋ । ਮੇਲ ਦਿਵਸ ਚਰਨਨ ਲਪਟਾਯੋ ।
ਹਰਿ ਗੋਵਿੰਦ ਤਿਹ ਆਦਰ ਕੀਨੋ । ਕੁਸਲ ਆਨੰਦ ਕਰ ਭੇਰਾ ਦੀਨੋ ॥ 21 ॥

ਦੋਹਰਾ

ਕੌਲਾਂ ਕੇ ਗ੍ਰਿਹ ਬਾਸਯੋ ਸ੍ਰੀ ਗੁਰ ਆਇਸ ਪਾਇ ।
ਮੇਲਾ ਅਨਗਨ ਆਇਓ ਅਤਿ ਹੀ ਦਰਬ ਚੜਾਇ ॥ 22 ॥

¹ਏ ਪੰਥੀ ਪਰਿਵਾਰ ²ਅ ਪੰਥੀ ਪਾਸਿ ³ਏ ਪੰਥੀ ਸੀਸ ਨਿਵਾਇਯੋ ⁴ਏ ਪੰਥੀ ਬਵਾਇ ⁵ਅ ਪੰਥੀ ਮਨਹਿ ⁶ਏ ਪੰਥੀ ਬਦੇਸ

ਦਰਸ ਪਰਸ ਸ੍ਰੀ ਗੁਰੂ ਕਾ ਸੁਧਾ ਸਰੋਵਰ ਨਾਇ ॥
ਹਰਿ ਮੰਦਰ ਕਰ ਬੰਦਨਾ ਸਤਿਗੁਰ ਆਇਸ ਪਾਇ ॥ 23 ॥

ਦੋਹਰਾ

ਸਭ ਸੰਗਤਿ ਬਿਦਿਆ ਭਈ ਮੇਲਾ ਭਯੋ ਬਤੀਤ ।
ਪੈਦੇ ਖਾਂ ਬੂਝਤ ਭਯੋ ਹੇ ਗੁਰ ਤੁਰਕਨ ਜੀਤ ॥ 24 ॥

ਚੌਪਈ

ਜਿਹ ਪਰਕਾਰ ਸਭ ਤੁਰਕ ਹਤਾਈ । ਸੋ ਗੁਰ ਕਹਿ ਸੁਨ ਬਸਮੈਂ ਪਾਈ ।
ਸਪਤ ਸਹਸ ਮੈਂ ਭਾਖਤ ਹਨਾ । ਚੌਦਾਂ ਸਹਿਸ ਇਨੈ ਨਹਿ ਗਨਾ ॥ 25 ॥
ਸ੍ਰੀ ਗੁਰ ਕੇ ਪਗ ਸੀਸ ਨਿਵਾਯੋ । ਸਤਿਗੁਰ ਅਗਮ ਅਗਾਧ ਲਖਾਯੋ ।
ਨਿਜ ਗ੍ਰਿਹ ਬਸਯੋ ਦਾਰਾ^੧ ਤਹਿ ਸੰਗਾ । ਗ੍ਰਿਹਿ ਮਹਿ ਰਚੈ ਚਿਤਾਰ ਅਨੰਗਾ ॥ 26 ॥

ਦੋਹਰਾ

ਬਹੁ ਪ੍ਰਕਾਰ ਕੌਤਕ ਕਰਿਯੋ ਪੈਦੇ ਖਾਂ ਸੁਖ ਮਾਨ ।
ਕਛੁਕ ਕਾਲ ਤਿਹ ਦਾਰਾ ਕੋ ਤਬ ਹੀ ਭਯੋ ਅਧਾਨ ॥ 27 ॥

ਚੌਪਈ

ਸੁੰਦਰ ਸ੍ਰੀ ਗੁਰ ਆਗਿਆ^੨ ਲੈ ਕੇ । ਗ੍ਰਿਹ ਕੋ ਗਯੋ ਭਾਰ ਸੁਖ ਪੈ ਕੈ ।
ਦਿਸਾ ਮਾਸ ਜਬ ਗਏ ਬਿਤਾਈ । ਪੈਦੇ ਖਾਂ ਕੀ ਨਾਰ ਵਿਆਈ ॥ 28 ॥
ਕੰਨਯਾ ਭਈ ਭਾਰਿ ਸੂਮ ਪਾਯੋ । ਪੈਦੇ ਖਾਂ ਗੁਰ ਕੇ ਨਿਕਟਾਯੋ ॥
ਹਾਥ ਜੋਰ ਅਸ ਬਚਨ ਉਚਾਰਾ । ਬਿਨਤੀ ਸੁਨੋ ਮੋਰ ਕਰਤਾਰਾ ॥ 29 ॥
ਹੇ ਪ੍ਰਭ ਕੰਨਯਾ ਮਮ^੩ ਗ੍ਰਿਹਿ ਭਈ । ਸ੍ਰੀ ਮੁਖ ਸਿਉਂ ਗੁਰ ਆਗਿਆ ਦਈ ।
ਭਲਾ ਭਯਾ ਤਿਹ ਪਾਲਣ ਕਰੋ । ਕਛੁ ਚਿੰਤ ਚਿਤ ਮਾਹਿ ਨ ਧਰੋ ॥ 30 ॥

ਦੋਹਰਾ

ਪੈਦੇ ਖਾਂ ਨਿਜ ਗ੍ਰਿਹਿ ਗਯੋ ਸ੍ਰੀ ਗੁਰ ਹਸੇ ਅਪਾਰ ।
ਤਬ ਜੇਠੇ ਬਿਨਤੀ ਕਰੀ ਕਿਆ ਕੌਤਕ ਕਰਤਾਰ ॥ 31 ॥

ਚੌਪਈ

ਦਯਾ ਸਿੰਧ ਅਸ ਕੀਨ ਉਚਾਰਾ । ਪੈਦੇ ਖਾਂ ਗ੍ਰਿਹ ਕਲ ਅਵਤਾਰਾ ।
ਇਹ ਮਿਸ ਜੰਗ ਅਗ੍ਰ ਹੁਇ ਭੂਰੀ । ਮਲੇਛ ਨਾਸ ਬਹੁ ਹੋਇ ਜਰੂਰੀ ॥ 32 ॥
ਅਸ ਕਹਿ ਸ੍ਰੀ ਗੁਰ ਮੋਨ ਰਹਾਏ । ਸੁਨ ਜੇਠਾ ਮਨ ਆਨੰਦ^੪ ਪਾਏ ।
ਬਹੁਤ ਕਾਲ ਸੁਖ ਸੰਗ ਬਿਤਾਈ । ਭਾਖੁੰ ਕਥਾ ਗ੍ਰਿਥ ਬਢ ਜਾਈ ॥ 33 ॥
ਆਏ ਭਏ ਬਰਖ ਜਬ ਜਾਨੋ । ਸੁਧਾ ਸਰੋਵਰ ਬਹੁ ਸੁਖ ਠਾਨੋ ।
ਸਸਿ ਰਸਿ ਵਸ ਗੁਰ ਸੰਮਤ ਆਯੋ । ਤ੍ਰਿਯੋਦਸ ਚੇਤਰ ਦਿਵਸ ਬਿਤਾਯੋ ॥ 34 ॥

^੧ਅ ਪੌਥੀ ਨਾਰਿ ^੨ੲ ਪੌਥੀ ਆਇਸ ^੩ਅ ਪੌਥੀ ਹਮਰੇ ^੪ਅ ਤੇ ੲ ਪੌਥੀ ਬਿਸਮੈਂ

ਦੋਹਰਾ

ਤਿਸੀ ਦਿਵਸ ਸ੍ਰੀ ਸਤਿਗੁਰੂ ਬੈਠੇ ਕਿਸੀ ਖਿਆਲ ।
ਮਾਤ ਦਮੋਦਰੀ ਆਇ ਕੈ ਬਿਨੈ ਕਰੀ ਤਤਕਾਲ ॥ 35 ॥

ਚੌਪਈ

ਹੇ ਪ੍ਰਭੂ ਐਸੀ ਕਿਰਪਾ ਕਰੀਐ । ਐਸ ਗੁਰਦਿਤੇ ਮੁਖਹੂੰ ਉਚਰੀਐ ।
ਸ੍ਰੀ ਮੁਖ ਸਿਉ ਅਸ ਬਚਨ ਪ੍ਰਕਾਸ਼ਾ । ਜਾਇ ਗੁਰਦਿਤੇ ਕੇ ਤੁਮ ਪਾਸਾ ॥ 36 ॥
ਤਿਸ ਕੋ ਜਾਇ ਕਹੋ ਸੁਨ ਬਚਨਾ । ਜੋ ਕਰ ਹੈ ਸੁੰਦਰ ਬਡ ਰਚਨਾ ।
ਮੰਤ੍ਰ ਸਤਿਨਾਮ ਲਿਖ ਦੇ ਹੈ । ਨਿਜ ਇਸਤਰੀ ਕੋ ਤਬ ਸੁਤ ਹੂੰ ਹੈ ॥ 37 ॥

ਦੋਹਰਾ

ਮਾਤ ਦਮੋਦਰੀ ਤਹਿ ਆਈ ਨਿਜ ਸੁਤ ਬੈਠੇ ਜਾਇ ।
ਹੇ ਸੁਤ ਸਤਿਗੁਰ ਜੀ ਕਹਾ ਸਤਿਨਾਮ ਲਿਖ ਜਾਇ ॥ 38 ॥
ਤਬ ਬਾਬੇ ਬਚ ਮਾਨ ਕਰ ਐਸੇ ਕੀਨਾ ਕਾਜ ।
ਮੰਤਰ ਲਿਖ ਤ੍ਰਿਯ ਕੋ ਦੀਓ ਮੰਨਤੀ ਜਾਇ ਸੁਖ ਸਾਜ ॥ 39 ॥
ਬਾਬੇ ਜੀ ਏਸੇ ਕਹਾ ਪ੍ਰਿਥਮੇ ਕਰੋ ਇਸਨਾਨ ।
ਯਾਕੋ ਚੁਸੇ ਪ੍ਰੇਮ ਕਰ ਸ੍ਰੀ ਗੁਰ ਕਾ ਧਰ ਧਿਆਨ ॥ 40 ॥

ਚੌਪਈ

ਤਿਨੈ ਨ ਧਯਾਨ ਗੁਰ ਕੋ ਧਰਾ । ਨਹਿ ਪ੍ਰਿਥਮੇ ਤਿਨ ਮਜਨ ਕਰਾ ।
ਸਮੇ ਅਸਤ ਰਵਿ ਕੀਨਾ ਪਾਨਾ । ਭਯੋ ਅਧਾਨ ਹਰਖ ਮਨ ਠਾਨਾ ॥ 41 ॥
ਗੁਰ ਮਾਯਾ ਚਾਹੈ ਸੋ ਕਰੈ । ਦਯਾ ਸਿੰਧ ਅਸ ਕੋਤਕ ਕਰੇ ।
ਗੁਰ ਮਾਯਾ ਅਨੰਤੀ ਭਰਮਾਈ । ਸਿਖਿਆ ਬਾਰੇ ਕੇਰ ਬੁਲਾਈ ॥ 42 ॥
ਮਾਤ ਦਮੋਦਰੀ ਦਿਖ ਸੁਖ ਪਾਯੋ । ਮੇਲਾ ਨਿਕਟ ਵੈਸਾਖੀ ਆਯੋ ।
ਦਯਾਸਿੰਧ ਕੀ ਆਗਿਆ ਪਾਏ । ਬਾਬਾ ਪੁਰ ਕਰਤਾਰ ਸਿਧਾਇ ॥ 43 ॥

ਦੋਹਰਾ

ਲੈ ਆਗਿਆ ਤਬ ਮਾਤ ਕੀ ਨਿਜ ਨਾਰੀ^੧ ਸੰਗ ਧਾਰ ।
ਦਿਵਸ ਪਾਂਚ ਮੇਲੇ ਰਹੇ ਬਾਬਾ ਹਰਖ ਪਧਾਰ ॥ 44 ॥

ਚੌਪਈ

[ਪਥ]^੨ ਰੈਨ ਬਸ ਪਹੁੰਚਿਓ ਆਈ । ਪੁਰ ਕਰਤਾਰ ਹਰਖ ਮਨ ਪਾਈ ।
ਤਿਹ ਠਾਂ ਮੇਲਾ ਭਯੋ ਅਪਾਰਾ । ਗੁਰ ਸੁਤਿ ਜਾਨ ਭੇਟ ਅਨੁਪਾਰਾ ॥ 45 ॥
ਸੰਗਤਿ ਨਿਜ ਨਿਜ ਧਾਮ ਪਧਾਰੀ । ਮਨ ਇਛਤ^੩ ਫਲ ਪਾਏ ਚਾਰੀ ।
ਬਾਬੇ ਕੋਤਕ ਕੀਨ ਬਿਅੰਤਾ । ਚਰਨ ਸੰਤ ਨਾ ਆਵਤ ਅੰਤਾ ॥ 46 ॥

^੧ਅ ਤੇ ਏ ਪੋਥੀ ਦਾਰਾ ^੨ਅ ਪੋਥੀ ਵਿਚੋਂ ^੩ਏ ਪੋਥੀ ਬਾਂਛਤ

ਦੋਹਰਾ

ਦਿਸਾ ਮਾਸ ਪੂਰਨ ਭਏ ਆਯੋ ਮਾਘ ਸੁਖਦਾਇ ।
ਅਨੰਤੀ ਤ੍ਰਿਯੋਦਸ ਦਿਵਸ ਮਹਿ ਸੁੰਦਰ ਸੁਤ ਉਪਜਾਇ ॥ 47 ॥
ਰੂਪਵਾਨ ਗੁਨ ਖਾਨ ਪੁਨ ਧੀਰਜਵਾਲ ਸੁਜਾਨ ।
ਏਕ ਯਹੀ ਹੈ ਨਯੂਨਤਾ ਵਾਦੀ ਅਧਿਕ ਸੁ ਜਾਨ ॥ 48 ॥

ਚੌਪਈ

ਗੁਣ ਵਸੁ ਰਸ ਸਸ ਸੰਬਤ ਜਾਨੋ । ਕਰੂਰ ਸਮਾ ਸਨਿਵਾਰ ਪਛਾਨੋ ।
ਜਨਮਿਓ ਸੁਤ ਦਿਨ ਜਾਮ ਰਹਾਏ । ਮਿਲ ਨਾਰੀ ਬਹੁ ਮੰਗਲ ਗਾਏ ॥ 49 ॥
ਮਾਤ ਅਨੰਤੀ ਬਹੁਤ ਸੁਖ ਪਾਯੋ । ਦੇਖ ਪੁਤ੍ਰ ਨਿਜ ਖੇਦ¹ ਗਵਾਯੋ ।
ਬਾਬੇ ਦੀਨਾ ਦਾਨ ਅਪਾਰਾ । ਬਾਜੇ ਬਜਤ ਅਨੇਕ ਪ੍ਰਕਾਰਾ ॥ 50 ॥
ਬਾਬੇ ਦੇਖਿਓ ਪੁਤ੍ਰ ਸਰੂਪਾ । ਕੀਨ ਵਿਚਾਰ ਕਪਟ ਧਰ ਰੂਪਾ ।
ਧਰਿਓ ਧੀਰਮਲ ਨਾਮ ਤਦਾਇ । ਇਹ ਬਿਧਿ ਸੁਖ ਸਿਉ ਤਹਾਂ ਰਹਾਇ ॥ 51 ॥

ਦੋਹਰਾ

ਬਾਬੇ ਦਾਸ ਪਠਾਇਓ ਗੁਰ ਕੇ ਨਿਕਟ ਸੁਧਾਰ ।
ਆਇ ਦਾਸ ਗੁਰ ਪਗ ਪਰਾ ਬਿਨਤੀ ਕੀਨ ਅਪਾਰ ॥ 52 ॥

ਚੌਪਈ

ਬਹੁ ਪ੍ਰਸਾਦ ਕਰ ਅਗਰ ਧਰਾਯੋ । ਧੀਰ ਮਲ ਕਾ ਜਨਮ ਸੁਨਾਯੋ ।
ਸੁਨਤ ਪ੍ਰਭੂ ਮਨ ਮਹਿ ਸੁਖ ਪਾਏ । ਪ੍ਰਿਥੀ ਚੰਦ ਬਹੁ ਦੁਤੀ ਧਰਾਏ ॥ 53 ॥
ਭਗਤ ਸਿੰਘ ਮਾਤਾ ਪਗ ਲਾਗਾ । ਦਾਸ ਬਧਾਈ ਦੈ ਅਨੁਰਾਗਾ ।
ਮਾਤਾ ਸੁਨਤ ਪੁਤ੍ਰ ਸੁਤ ਹੋਯੋ । ਆਨੰਦ ਕੀਨ ਅਨਿਕ ਸੁਖ ਖੋਯੋ ॥ 54 ॥

ਦੋਹਰਾ

ਭਗਤਿ ਸਿੰਘ ਕਹ ਲਗ ਕਹੂੰ ਗਾਥਾ ਪ੍ਰਭੂ ਅਪਾਰ ।
ਸੇਸ ਥਕਤ ਕਛ ਵਾਰ ਨਹਿ ਸੂਚਨ ਕਹੀ ਸੁਧਾਰ ॥ 55 ॥

ਚੌਪਈ

ਬਾਬੇ ਪੁਤ੍ਰ ਲੀਨ ਭਵ ਪਾਏ । ਬੀਤੇ ਬਰਸ ਦੋਇ ਸੁਖਦਾਏ ।
[ਆਗੇ]² ਸੁਨੋ ਔਰ ਹੀ ਬਾਤਾ । ਅਟਲ ਰਾਇ ਜੀ ਕੀ ਬਖਯਾਤਾ ॥ 56 ॥
ਸੁੰਦਰ ਰੂਪ ਬਰਖ ਨਵਸਾਨੋ । ਜਾਕੋ ਦਿਖ ਰਤਿ ਨਾਹਿ ਲੁਭਾਨੋ ।
ਸੁਧਾ ਸਰੋਵਰ ਬਾਲਕ ਜੇਤੇ । ਮਿਲਿ ਮਿਲਿ ਖੇਡ ਕਰੈ ਘਰ ਤੇਤੇ ॥ 57 ॥

ਦੋਹਰਾ

ਸੁਧਾ ਸਰੋਵਰ ਮਾਹਿ ਬਸੇ ਸੁਇਨੀ ਸੁਤ ਬਹੁ ਰੂਪ ।
ਬਰਖ ਅਸ਼ਟ ਤਨੇ ਤਿਹ ਭਯੋ ਮਨੋ ਸੰਭ ਅਰ ਭੂਪ ॥ 58 ॥

¹ਅ ਪੌਥੀ ਕਸਟ ²ਅ ਪੌਥੀ ਵਿਚੋਂ

ਚੋਪਈ

ਖਿਦੋ ਖੁੰਡੀ ਤਾਂ ਸੰਗਿ ਖੇਲੈਂ । ਬਾਬਾ ਅਟਲ ਰਾਇ ਜਾ ਬੇਲੈਂ ।
 ਬਹੁਤ ਕਾਲ¹ ਜਬ ਬੀਤਤ ਭਯੋ । ਏਕ ਦਿਵਸ ਅਸ ਕੌਤਕ ਭਯੋ ॥ 59 ॥
 ਹੋਡ ਧਰਾਇ ਖੇਲ ਤਬ ਕੀਨੀ । ਬਾਬੇ ਅਟਲ ਜੀਤ ਸੋ ਲੀਨੀ ।
 ਜਾਨ ਅੰਧੇਰਾ ਕਹਿ ਅਸ ਬਾਤਾ । ਬਾਜੀ ਲੇਹੁ ਹੋਨ ਦੇ² ਪ੍ਰਾਤਾ ॥ 60 ॥
 ਸਾਹ ਪੁਤ੍ਰ ਨਿਜ ਸਦਨ ਸਿਧਾਯੋ । ਮਾਤ ਪਿਤਾ ਮਨ ਆਨੰਦ ਪਾਯੋ ।
 ਭੋਜਨ ਪਾਇ ਸੈਨ ਜਬ ਕੀਨੋ । ਨਿਕਸਯੋ ਸਰਪ ਬਾਲ [ਡਸ ਲੀਨੋ]³ ਕੀਨੋ ॥ 61 ॥

ਦੋਹਰਾ

ਬ੍ਰਹਮ ਮਹੂਰਤ ਜਾਨ ਕੈ ਉਠਾ ਸਾਹ ਸੁਖ ਧਾਰ ।
 ਨਿਜ ਸੁਤ ਲਾਗ ਜਗਾਵਨੇ ਮ੍ਰਿਤਕ ਪਰਾ ਨਿਹਾਰ ॥ 62 ॥
 ਹਾਇ ਹਾਇ ਕੀਨਾ ਤਬੈ ਸਾਹਿ ਚਿੰਤ ਦਧ ਲੀਨ ।
 ਸਭ ਪਰਵਾਰ ਰੋਵਨ ਲਗਾ ਕਹੋ ਮਾਤ ਕਿਨ ਲੀਨ ॥ 63 ॥

ਚੋਪਈ

ਬਾਬਾ ਅਟਲ ਜਬੈ ਪੁਨ ਜਾਗੇ । ਤਿਸੀ ਖੇਡ ਮਹਿ ਅਤਿ ਅਨੁਰਾਗੇ ।
 ਏਕ ਸਿਖ ਕਉ ਦੀਨ ਪਠਾਈ । ਸਾਹ ਪੁਤ੍ਰ ਕੋ ਲਿਆਵਹੁ ਜਾਈ⁴ ॥ 64 ॥
 ਸੁਇਨੀ ਖਤਰੀ ਸਾਹ ਅਪਾਰਾ । ਤਿਹ ਸੁਤ ਲੇਵਨਿ ਸਿਖ ਸਿਧਾਰਾ ।
 ਆਗੇ ਜਾਇ ਦੇਖ ਕਿਆ ਰੋਵੈ । ਕਹਿਯੋ ਸਰਪ ਇਹ ਪ੍ਰਾਨ ਵਿਰੋਵੈਂ ॥ 65 ॥
 ਤਬ ਸਿਖ ਆਇ ਅਟਲ ਸਿਉ ਭਾਖੀ । ਵਹ ਮਰਿ ਗਯੋ ਦੇਖਯੋ ਮਮ ਆਖੀ ।
 ਬਾਬੇ ਅਟਲ ਭਾਖ ਅਸ ਬਾਨੀ । ਚਲੇ ਜਾਇ ਹਮ ਖੇਲ ਮਚਾਨੀ ॥ 66 ॥
 ਚਲੋ ਐਸ ਕਹਿ ਬਚਨ ਅਟਲੇ । ਨਗਰ ਬਾਲ ਸੰਗ ਬਹੁਤੇ ਰਲੇ ।
 ਕੌਤਕ ਦੇਖਨ ਕਾਜ ਸਿਧਾਰੇ । ਅਟਲਰਾਇ ਜੀ ਜਾਤ ਪੁਕਾਰੇ ॥ 67 ॥
 ਤਹਾਂ ਜਾਇ ਅਸ ਬਚਨ ਉਚਾਰਾ । ਅਬ ਕਯੋਂ ਸੋਏ ਚਰਨ ਪਸਾਰਾ ।
 ਹਮਰੀ ਸੀਢ ਦੇਹ ਮਮ ਪਿਆਰੇ । ਨਹਿ ਸੋਵਨ ਕਾ ਸਮਾ⁵ ਨਿਹਾਰੇ ॥ 68 ॥

ਦੋਹਰਾ

ਸਾਹ ਪੁਤਰ ਤਬ ਹੀ ਉਠਿਓ ਗੁਰ ਸੁਤ ਆਗਿਆ⁶ ਪਾਇ ।
 ਉਠਤ ਅਟਲ ਸਿਉ ਹਰਖ ਜੁਤ ਬਹੁਰੋ ਖੇਡ ਮਚਾਇ ॥ 69 ॥
 ਐਸ ਬਾਤ ਜਬਹੀ ਪਿਖੀ ਬਾਲਕ ਪਿਤ ਅਰ ਮਾਇ ।
 ਧੰਨ ਧੰਨ ਤਬ ਹੀ ਕਹਿਯੋ ਸਭੈ ਨਗਰ ਸੁਨ ਪਾਇ ॥ 70 ॥

ਚੋਪਈ

ਅਟਲਰਾਇ ਕਾ ਜਸ ਪ੍ਰਗਟਾਯੋ । ਧੰਨ ਧੰਨ ਸਭਿ ਲੋਗਨ ਗਾਯੋ ।
 ਸਿਖਨ ਕੀਨ ਕਥਾ ਤਹਿ ਆਈ । ਹਰਿਗੋਵਿੰਦ ਬੈਠੇ ਜਹਿ ਜਾਈ ॥ 71 ॥

¹ਏ ਪੋਥੀ ਸਮਯ ²ਅ ਪੋਥੀ ਕਲ ³ਅ ਪੋਥੀ ਵਿਚੋਂ ⁴ਏ ਪੋਥੀ ਭਾਈ ⁵ਅ ਪੋਥੀ ਵਕਤ ⁶ਅ ਤੇ ਏ ਪੋਥੀ ਆਇਸ

ਸ੍ਰੀ ਗੁਰ ਬੈਠੇ ਤਖਤ ਅਕਾਲ । ਅਤਿ ਪ੍ਰਸੰਨ ਬਹੁ ਖੁਸ਼ੀ ਕ੍ਰਿਪਾਲ ।
 ਹਾਥ ਜੋਰ ਸਿਖਨ ਅਸ ਕਹਿਯੋ । ਬਾਬੇ ਅਟਲ ਪ੍ਰਭੂ ਜਸ ਲਹਿਯੋ ॥ 72 ॥
 ਸ਼ਾਹ ਪੁਤ੍ਰ ਥਾ ਮ੍ਰਿਤਕ ਜਵਾਯੋ । ਤਾਂਕੇ ਮਾਤ ਪਿਤਾ ਸੁਖ ਪਾਯੋ ।
 ਇਹ ਸੁਨਿ ਸਤਿਗੁਰ ਬਿਸਮੈ ਪਾਈ । ਕ੍ਰੋਧ ਭਯੋ ਮਨ ਮਹਿ ਤਬ ਆਈ¹ ॥ 73 ॥
 ਸ਼ਾਹਿ ਪੁਤ੍ਰ ਇਨਿ ਆਜ ਜਿਵਾਯੋ । ਮਰੈ ਤੁਰਕ ਕੋ ਅਬ ਦੁਖ ਪਾਯੋ ।
 ਪ੍ਰਭ ਕੈ ਸਾਥ ਸ਼ਰੀਕੀ ਧਰੈ । ਵਹੁ ਮਾਰੇ ਇਹੁ ਜੀਵਤ ਕਰੈ ॥ 74 ॥

ਦੋਹਰਾ

ਤਬ ਲੈ ਖੂੰਡੀ ਹਾਥ ਮਾਹਿ ਅਏ ਅਟਲ ਹਰਖਾਇ ।
 ਸਨਮੁਖ ਅਯੋ ਗੁਰੂ ਕੇ ਚਰਨ ਬੰਦ ਸੁਖ ਪਾਇ ॥ 75 ॥
 ਦੇਖ ਕ੍ਰੋਧ ਸਤਿਗੁਰ ਕੀਓ ਤਬ ਭਾਖੇ ਅਸ ਬੈਨ ।
 ਕਰਾਮਾਤ ਦੇਨੇ ਲਗਾ ਬਲ ਨਹਿ ਮਾਵਤ ਐਨ ॥ 76 ॥

ਅੜਿਲ

ਜੋਰ ਹਾਥ ਤਬ ਸਨਮੁਖ ਅਟਲ ਨਿਹਾਰਹੀ ।
 ਕ੍ਰੋਧ ਪੂਰ ਮੁਖ ਬਚਨ ਸੁ ਗੁਰੂ ਉਚਾਰਹੀ ।
 ਕੈ ਤੁਮ ਰਾਖੋ ਦੇਹੁ ਹਮੈ ਕੈ ਰਾਖਹੈ ।
 ਹੋ ਕਰਾਮਾਤ ਹੈ ਕਹਿਰ ਬਡੇ ਅਸ ਭਾਖਹੈ ॥ 77 ॥

ਚੌਪਈ

ਬਾਬੇ ਅਟਲ ਰਿਦੇ ਧਰ ਲੀਨੀ । ਕ੍ਰਿਪਾ ਸਿੰਧ² ਜੋ ਆਗਿਆ ਦੀਨੀ ।
 ਸ੍ਰੀ ਗੁਰੂ ਕੀ ਪ੍ਰਕਰਮਾ ਕਰਕੈ । ਬੰਦਨ ਕਰ ਚਲਯੋ ਸੁਖ ਧਰਕੈ ॥ 78 ॥
 ਸ੍ਰੀ ਗੁਰ ਸਨਮੁਖ ਉਤਰ ਨਹਿ ਦੀਨਾ । ਆਪ ਚਲਨ ਕਾ ਉਦਮ ਕੀਨਾ ।
 ਸੁਧਾ ਸਰੋਵਰ ਦੇਖਨ ਓਰੇ । ਬਹੁਤ ਉਜਾੜ ਕਹਿਤ ਚੌਫੇਰੇ ॥ 79 ॥

ਦੋਹਰਾ

ਸੁਧਾ ਸਰੋਵਰ ਨਾਇਕੇ³ ਜਪੁਜੀ ਪੜਤ ਤਦਾਇ ।
 ਤਹਾ ਜਾਇ ਅਤਿ ਹਰਖ ਸਿਉ⁴ ਨਿਜ ਕਰ ਕੁਸ਼ਾ ਡਸਾਇ ॥ 80 ॥

ਚੌਪਈ

ਗੁਰੂ ਧਿਆਨ ਕੀਨੋ ਤਬ ਸੈਨਾ । ਖੂੰਡੀ ਧਰ ਸਿਰ ਹੇਠ ਸੁਖੈਨਾ ।
 ਪ੍ਰਾਨ ਅੰਤ ਪਿਖ ਆਯੋ ਜਬਹੀ । ਜੋਤੀ ਜੋਤਿ ਸਮਾਏ ਤਬਹੀ ॥ 81 ॥
 ਫਿਰਤ ਸਿਖ ਇਹ ਭਾਂਤ ਲਖਾਈ । ਆਇ ਗੁਰ ਸਿਉ ਖਬਰ ਜਨਾਈ ।
 ਇਹ ਸੁਨ ਬਿਸਮ ਭਏ ਮਹਾਰਾਜ । ਤਿਤ ਕੋ ਚਲੇ ਗਰੀਬ ਨਿਵਾਜ ॥ 82 ॥

¹ਅ ਪੌਥੀ ਆਧਕਾਈ ²ਅ ਪਥ। ਨਿਧਾਨ ³ਅ ਪੌਥੀ ਸਨਾਨ ਕਰਿ

ਦੋਹਰਾ

ਐਸ ਖਬਰ ਜਬਹੀ ਸੁਨੀ ਸ੍ਰੀ ਗੁਰ ਕੋਪ ਨਿਵਾਰ ।
 ਰੋਵਤ ਸਭ ਆਏ ਤਹਾਂ ਮਿਰਤਕ ਅਟਲ ਨਿਹਾਰ ॥ 83 ॥
 ਮਾਤ ਨਾਨਕੀ ਅਤਿ ਦੁਖੀ ਹੈ ਸੁਤ ਪੁਤ੍ਰ ਉਚਾਰ ।
 ਮੋਹਿ ਛੋਡ ਸੁਤ ਕਿਹੋ ਗਏ ਕਿਉ ਨ ਖੇਡ ਇਹ ਵਾਰ ॥ 84 ॥

ਚੌਪਈ

ਸ੍ਰੀ ਚੰਦ ਹਰਦੇਈ ਆਇ । ਰੁਦਨ ਕੀਨ ਤਿਨ ਅਧਿਕ¹ ਮਹਾਇ ।
 ਹਰਿਗੋਵਿੰਦ ਮੁਖ ਬਚਨ ਉਚਾਰਾ । ਦੇਵ ਨੇਤ ਅਤਿ ਅਗਮ ਅਪਾਰਾ ॥ 85 ॥
 ਸ੍ਰੀ ਗੁਰੁ ਸਭ ਕੋ ਧੀਰਜ ਦੀਨੋ । ਭਾਵੀ ਪ੍ਰਬਲ ਐਸ ਬਚ ਕੀਨੋ ।
 ਦਮੋਦੀ ਮਾਤ ਮਰਵਾਹੀ ਰੋਵੈ । ਸ੍ਰੀ ਗੁਰ ਤੁਹਿ ਕਹਿ ਸਮਾਂ ਵਿਗੋਵੈ ॥ 86 ॥
 ਕਥਾ ਭਾਖ ਤਹਿ ਧੀਰ ਧਰਾਯੋ । ਬੋਲ ਰਬਾਬੀ² ਐਸ ਅਲਾਯੋ ।
 ਮਾਰੂ ਪੜਹੁ ਸਬਦ ਇਹ ਵਾਰਾ । ਕੀਰਤਨ ਭਯੋ ਅਖੰਡ ਅਪਾਰਾ ॥ 87 ॥

ਦੋਹਰਾ

ਦਯਾ ਸਿੰਧ ਆਗਿਆ ਕਰੀ ਚੰਦਨ ਭਾਰ ਮੰਗਾਇ ।
 ਸਭ ਸਿਖਨ ਬਿਨਤੀ ਕਰੀ ਸ੍ਰੀ ਗੁਰ ਨਿਕਟ ਤਦਾਇ ॥ 88 ॥

ਚੌਪਈ

ਸੁਨੋ ਪ੍ਰਭੂ ਸਾਹਿਬ ਅਵਤਾਰੀ । ਬਹੁਤ ਉਜਾੜ ਈਹਾਂ ਹੈ ਭਾਰੀ ।
 ਗਾੜੋ ਬਨ ਕਛ ਨਜ਼ਰ ਨਾ ਆਵੈ । ਕੋਇ ਨ ਨਰ ਇਹ ਠੌਰ ਰਹਾਵੈ ॥ 89 ॥
 ਸੁਤ ਸਿਸਕਾਰ ਨਾ ਇਹ ਠਾਂ ਕਰੋ । ਔਰ ਠੌਰ ਸੁੰਦਰ ਕਹਿ ਭਰੋ ।
 ਕ੍ਰਿਪਾਸਿੰਧ ਕਹਿ ਜਾਨ ਨ ਕੋਈ । ਯਹ ਸਮ ਉਤਮ ਠੌਰ³ ਨਾ ਹੋਈ ॥ 90 ॥

ਦੋਹਰਾ

ਇਹੁ ਕਾਂਸੀ ਹਮਰੀ ਭਈ ਕੋਲਾਂ ਸਰ ਨਿਕਟਾਰ ।
 ਬਸਤੀ ਬਹੁ ਹੋਵੈ ਇਹਾਂ ਉਤਮ ਠੌਰ ਅਪਾਰ ॥ 91 ॥
 ਰਮਦਾਸ ਪੁਰੀ ਤਜ ਦੇਹ ਕੋ ਇਹਾਂ ਕਰੈ ਜੋ ਦਾਹਿ ।
 ਯਮ ਗਣ ਨਿਕਟ ਨਾ ਆਵਹੀ ਅੰਤ ਪਰਮਪਦ ਪਾਇ ॥ 92 ॥

ਚੌਪਈ

ਰਮਦਾਸ ਪੁਰੇ ਕੀ ਠਾਣੇਦਾਰੀ । ਬਾਬੇ ਅਟਲ ਭਾਲ ਹਮ ਧਾਰੀ ।
 ਅਸ ਕਹ ਮਸਤਕ ਤਿਲਕ ਲਗਾਯੋ । ਅਟਲ ਰਾਇ ਕੈ ਸੋਭਾ ਪਾਯੋ ॥ 93 ॥
 ਮਿਤ੍ਰਕ ਕ੍ਰਿਯਾ ਚਾਹਿ ਸੁ ਕੀਨੋ । ਚੰਦਨ ਚਿਖਾ ਰਾਖ ਤਨ ਦੀਨੋ ।
 ਸ੍ਰੀ ਗੁਰ ਕਹਾ ਗਯੋ ਕਤਮਾਸਾਂ । ਸੁਨ ਕੈ ਸਿਖਨ ਕਰੀ ਅਰਦਾਸਾ ॥ 94 ॥

¹ਏ ਪੋਥੀ ਆਇ ²ਅ ਪੋਥੀ ਬਾਬਕ ³ਅ ਪੋਥੀ ਸਥਾਨ

ਨਉ ਦਿਨ ਅੱਸੂ ਕੇ ਸੁ ਬਿਤਾਂਏ । ਦਸਮੀ ਥਿਤੀ ਆਜ ਦਿਨ ਗਾਏ ।
 ਸ੍ਰੀ ਮੁਖ ਸਿਉਂ ਤਬ ਕੀਨ ਉਚਾਰਾ । ਇਹੁ ਠਾਂ ਦੇਹੁਰਾ ਬਨੈ ਅਪਾਰਾ ॥ 95 ॥
 ਇਹੁ ਠਾਂ ਦੇਹੁਰਾ ਬਾਬੇ ਸੋਹੈ । ਨੋ ਛਤਾ ਪਿਖ ਰਵਿ ਸਸਿ ਮੋਹੈ ।
 ਜਿਹ ਨਰ ਇਹੁ ਠਾਂ ਦਾਹਿ ਕਰਾਵੈ । ਬਾਬੇ ਅਟਲ ਪਾਸ ਸੋ ਜਾਵੈ ॥ 96 ॥

ਦੋਹਰਾ

ਭਗਤ ਸਿੰਘ ਸੰਮਤਿ ਸੁਨੋ ਸੋਰਾਂ ਸੈ ਵਸ ਜਾਨ ।
 ਪਾਂਚ ਔਰ ਅਸੂ ਸੁਖਦ ਮਾਸ ਨਵਮ ਦਿਨ ਮਾਨ ॥ 97 ॥
 ਬਰਸ ਜਾਨ ਨਵ ਜਗਤ ਮਹਿ ਉਮਰਾ ਅਟਲਿ ਭੁਗਾਇ ।
 ਤਾਂ ਦਿਨ ਦੇਹ ਤਿਆਗ ਕੈ ਅਪਨੇ ਧਾਮ ਸਿਧਾਇ ॥ 98 ॥

ਚੌਪਈ

ਦਸਮੀ ਥਿਤ ਜਾਨ ਸੁਖਦਾਈ । ਦਾਹੁ ਕ੍ਰਿਯਾ ਗੁਰ ਸਭੁ ਕਰਵਾਈ ।
 ਹਰਿਗੋਵਿੰਦ ਸ੍ਰੀ ਗੁਰ ਕਰਤਾਰਾ¹ । ਧੀਰਜ ਦੀਨ ਸਭੈ ਪਰਿਵਾਰਾ ॥ 99 ॥
 ਬਹੁਰੋ ਸ੍ਰੀ ਗੁਰੁ ਬਚਨ ਅਲਾਏ । ਇਹ ਕਾਂਸੀ ਗੁਰ ਕੀ [ਸੁਖਦਾਇ]² ।
 ਜਪ ਤਪ ਕਰੈ ਮੁਕਤਿ ਨਹਿ ਪਾਵੈ । ਇਹਾਂ ਦਾਹਿ ਫਿਰ ਜਨਮ ਨਾ ਆਵੈ ॥ 100 ॥

ਦੋਹਰਾ

ਈਹਾਂ ਹੋਇ ਸਮਾਧ ਬਹੁ ਖਾਲੀ ਜਿਮੀ ਨ ਕੋਇ ।
 ਕੈਸੇ ਪਾਪੀ ਹੋਇ ਨਰ ਈਹਾਂ ਮੁਕਤਿ ਸੋ ਹੋਇ ॥ 101 ॥
 ਕਰੈ ਪਾਪ ਭਰ ਜਾਮ ਜੋ ਈਹਾਂ ਅੰਤ ਜਰ ਆਇ ।
 ਸੁਧ ਦੇਹ ਕਉ ਧਾਰ ਹੈ ਅਟਲ ਰਾਇ ਪੈ ਜਾਇ ॥ 102 ॥

ਕੁੰਡਲੀਆ

ਕ੍ਰਿਪਾ ਸਿੰਧ ਭਾਖੇ ਬਚਨ ਐਸ ਦਯਾ ਕੇ ਸਾਥ ।
 ਏਕ ਸਿਖ ਤਬ ਆਇਓ ਪਾਂਚ ਪ੍ਰਸਾਦੇ ਲੈ ਹਾਥ ।
 ਪਾਂਚ ਪ੍ਰਸਾਦੇ ਹਾਥਿ ਆਇ ਗੁਰ ਚਰਨਨ ਪਰਿਯੋ ।
 ਸਤਿਗੁਰ ਭਏ ਪ੍ਰਸੰਨ ਸ੍ਰੀ ਮੁਖ ਐਸ ਉਚਰਿਓ ।
 ਪਕ ਪਕਾਇਆ ਭੋਜਨ ਈਹਾਂ ਬਹੁ ਆਇ ਹੈ ।
 ਸਭ ਕੀ ਇਛਾ ਪੂਰ ਸੁ ਅਟਲ ਕਰਾਇ ਹੈ ॥ 103 ॥

ਦੋਹਰਾ

ਜਸ³ ਕਾਂਸੀ ਮੈਂ ਤ੍ਰਿਪੁਰ ਜੀ ਮੁਕਤਿ ਕਰਹਿ ਅੰਤ ਕਾਲ ।
 ਤਸ ਇਹ ਪੁਰ ਰਮਦਾਸ ਕੈ ਕਰ ਹੈ ਅਟਲ ਨਿਹਾਲ ॥ 104 ॥

¹ਅ ਪੋਥੀ ਅਵਤਾਰਾ ²ਅ ਪੋਥੀ ਵਿਚੋਂ ³ਏ ਪੋਥੀ ਜਿਮ

ਚੌਪਈ

ਕਰ ਇਸਨਾਨ ਸ੍ਰੀ ਸਤਿਗੁਰ ਆਏ । ਬਠੈਤ ਭਏ ਦਿਵਾਨ ਲਗਾਏ ।
 ਕੀਰਤਨ ਭਯੋ ਅਖੰਡ ਅਪਾਰਾ । ਗੰਧਰਬ ਜਛ ਰਚਿਓ ਤਨ ਧਾਰਾ ॥ 105 ॥
 ਪੌੜੀ ਭੋਗ ਰਬਾਬੀ ਲਾਈ । ਦਯਾ ਸਿੰਧ ਕੀ ਆਗਿਆ¹ ਪਾਈ ।
 ਸੋਹਿਲਾ ਪੜੀਓ ਏਕ ਸਿਖ ਤਬਹੀ । ਆਗਿਆ ਕੀਨ ਸ੍ਰੀ ਗੁਰ ਜਬਹੀ ॥ 106 ॥

ਦੋਹਰਾ

ਕੜਾਹਿ² ਵਰਤਾਇ ਮਹਲੀ³ ਅਏ ਚਿੰਤਤ ਸਭ ਪਰਿਵਾਰ ।
 ਪਰਚਾਵਣੀ ਕਰ ਪੁਰ ਲੋਕ ਸਭ ਨਿਜ ਨਿਜ ਧਾਮ ਸਿਧਾਰ ॥ 107 ॥
 ਇਕ ਆਵਤ ਇਕ ਜਾਤ ਨਰ ਹਾਹਾ ਸ਼ਬਦ ਉਚਾਰ ।
 ਬਾਲਕ ਬੇ ਸ੍ਰੀ ਅਟਲ ਜੀ ਸੁੰਦਰ ਰੂਪ ਉਦਾਰ ॥ 108 ॥
 ਤਾਂਹਿ ਬਚਨ ਸੁਨ ਗੁਰੂ ਜੀ ਸ੍ਰੀ ਮੁਖ ਕਰਤ ਬਖਾਨ ।
 ਜਾਹਿ ਵਸਤ ਤਿਸਹੀ ਲਈ ਅਪਨੀ ਜਾਨ ਅਮਾਨ ॥ 109 ॥

ਚੌਪਈ

ਸ੍ਰੀ ਗੁਰ ਸਭ ਕਉ ਧੀਰਜ ਦੇਵਹਿ । ਨਿਜ ਮਨ ਬੀਚ ਬੜੇ ਸੁਖ ਲੇਵਹਿ ।
 ਤਬ ਲੋ ਸਾਹਿਬ ਭਾਨਾ ਆਯੋ । ਗੁਰ ਕੋ ਬਾਬੇ ਓਰ ਬੁਲਾਯੋ ॥ 110 ॥
 ਦਯਾ ਸਿੰਧ ਤਾਕੋ ਦੇ ਮਾਨਾ । ਆਵਾਗਵਨ ਬਾਤ ਜਗ ਜਾਨਾ ।
 ਬਹੁ ਚਰਚਾ ਕਰ ਪੁਸ਼ਪ ਚੁਨਾਏ । ਚੌਥੇ ਦਿਨ ਦਾਤੂ ਜੀ ਆਏ ॥ 111 ॥

ਦੋਹਰਾ

ਨਾਰੀ ਸੁਤ ਜੁਤ ਆਇਕੋ ਕੀਨਾ ਅਧਿਕ ਵਿਰਾਗ ।
 ਸ੍ਰੀ ਗੁਰ ਤਾਕੋ ਧੀਰ ਦੇ ਤਜੋ ਚਿੰਤ ਸੁਖ ਪਾਗ ॥ 112 ॥

ਚੌਪਈ

ਭਾਨੇ ਕੀ ਗੁਰ ਆਗਿਆ ਪਾਏ । ਗੰਗਾ ਕਉ ਤਬ ਪੁਸ਼ਪ³ ਪਠਾਏ ।
 ਬਾਬੇ ਅਟਲ ਪੁਸ਼ਪ³ ਕਉ ਪਾਈ । ਉਤਮ ਸਿਖਿ ਗੁਰ ਚਲਿਓ ਧਾਈ ॥ 113 ॥
 ਗੋਇੰਦਵਾਲ ਸਿਖ ਜਬ ਗਯੋ । ਸੰਦੇਸਾ ਸਭ ਸੁੰਦਰ ਕਉ ਦਯੋ ।
 ਅਟਲ ਬਾਤ ਸੁਨ ਬਿਸੈ⁴ ਪਾਈ । ਸੁੰਦਰ ਪਰਮਾਨੰਦ ਤਦਾਈ ॥ 114 ॥

ਦੋਹਰਾ

ਮੋਹਰੀ ਮੋਹਨ ਨੰਦ ਜੁਤ ਗੁਰੂ ਕੇ ਧਾਮ ਪਧਾਰ ।
 ਯਾ ਮਹਿੰ ਬੀਤੇ ਬਰਖ ਖਟ ਭਗਤ ਸਿੰਘ ਨਿਰਧਾਰ ॥ 115 ॥

ਚੌਪਈ

ਨਾਰੀ ਜੁਤ ਦੋਈ ਤਬ ਆਏ । ਸੁੰਦਰ ਪਰਮਾਨੰਦ ਤਦਾਏ ।
 ਗੁਰ ਗ੍ਰੰਥ ਕਾ ਪਾਠ ਰਖਾਯੋ । ਅਟਲ ਹੇਤ ਪ੍ਰਭ ਕੇ ਮਨ ਭਾਯੋ ॥ 116 ॥

¹ਅ ਪੋਥੀ ਆਇਸ ²ਦ ਪੋਥੀ ਪ੍ਰਸਾਦ ³ਅ ਪੋਥੀ ਫੁਲ

ਆਇ ਦੁਹੁ ਤਬ ਰੁਦਨ ਉਚਾਰਾ । ਪਰਮਾਨੰਦ ਸ੍ਰ ਚਿੰਤਤ ਧਾਰਾ ।
ਸ੍ਰੀ ਗੁਰੁ ਕਹਾ ਚਿਤ ਤਿੰਹ ਕੀਜੈ । ਅਨਹੋਨੀ ਹੋਵਤ ਜੇ ਭੀਜੈ ॥ 117 ॥

ਦੋਹਰਾ

ਧਰੋ ਧੀਰ ਤਾਂਤੇ ਰਿਦੇ ਜਗ ਕੀ ਗਾਥ ਵਿਚਾਰ ।
ਅਪਨੀ ਅਪਨੀ ਵਾਰ ਸਭ ਚਲਾ ਜਾਤ ਸੰਸਾਰ ॥ 118 ॥

ਚੌਪਈ

ਦਾਸ ਨਰਾਇਨ ਜੁਤ ਤ੍ਰੀਅ¹ ਆਯੋ । ਸਾਈ ਦਾਸ ਸੰਗਿ ਨਾਰਿ ਤਦਾਯੋ ।
ਮਾਤ ਗੰਗ ਕਾ ਬਯੋਗ ਧਰਾਏ । ਮਾਤ ਪਿਤਾ ਗੁਰੁ ਧਾਮ ਸਿਧਾਏ ॥ 119 ॥
ਦੁਆਰਾ ਨਾਰੀ ਜੁਤ ਤਬ ਆਯੋ । ਅਨਿਕ ਭਾਂਤ ਮਨ ਸ਼ੋਕ ਧਰਾਯੋ ।
ਸਭ ਮਿਲ ਕੀਨਾ ਰੁਦਨ ਉਚਾਰਾ । ਅਟਲ ਰਾਇ ਕਿੰਹ ਓਰ ਪਧਾਰਾ ॥ 120 ॥

ਦੋਹਰਾ

ਬਾਬਾ ਅਨੰਤੀ ਜੁਤ ਯੋ ਗੁਰਦਿਤਾ ਬਿਸਮਾਇ ।
ਧੀਰ ਮਲ ਸੁਤ ਅੰਕ ਮਹਿ ਕੀਨਾ ਰੁਦਨ ਮਹਾਇ² ॥ 121 ॥

ਚੌਪਈ

ਸਭ ਮਿਲ ਅਬਲਾ ਤਾੜਤ³ ਛਾਤੀ । ਚਲੀ ਵਿਰਾਗ ਨਦੀ ਸੁਖ ਘਾਤੀ ।
ਗੁਰਦਾਸ ਸਭਨ ਕਉ ਦੀਨਾ ਧੀਰਾ । ਉਪਜ ਬਿਨਸ ਜਗ ਬਨੈ ਸਰੀਰਾ ॥ 122 ॥
ਦਮੋਦਰੀ ਅਬਲਾ ਸਭ ਸਮਝਾਈ । ਕਾ ਹਿਤ ਚਿੰਤਾ ਕਰੋ ਮਹਾਈ ।
ਕਚੀ ਖਕੀ ਕ੍ਰਿਖੀ ਜਿਮ ਹੋਵੈ । ਕਾਟ ਕ੍ਰਿਸਾਨ ਚਿੰਤ ਨਹਿ ਜੋਵੈ ॥ 123 ॥

ਦੋਹਰਾ

ਤੈਸੇ ਪ੍ਰਭ ਕੀ ਕ੍ਰਿਖੀ ਨਰ ਬਾਲਕ ਬਿਰਧ ਜਵਾਨ ।
ਚਿੰਤ ਕਾਹਿ ਤਰਿ ਕੀਜੀਏ ਲੇਵਤ ਹੈ ਅਨੁਪਾਨ ॥ 124 ॥

ਚੌਪਈ

ਅਬਲਾ ਧੀਰਜ ਕੀਨਾ ਤਬ ਹੀ । ਦਮੋਦਰੀ ਬੈਨ ਸੁਨੇ ਇਮ ਜਬ ਹੀ ।
ਸ੍ਰੀ ਗੁਰੁ ਸਭ ਕੋ ਧੀਰਜ ਦੀਨਾ । ਕਥਾ ਸੁਨਾਇ ਅਧਿਕ ਸ੍ਰਮ ਖੀਨਾ ॥ 125 ॥
ਤੀਨ ਕਾਲ ਸਤਿਗੁਰ ਸੁਖ ਰੂਪਾ । ਨਰਹਰਿ ਕੋਤਕ ਕਰਤ ਅਨੁਪਾ ।
ਕੀਰਤਨ ਚੌਕੀ ਹੋਇ ਅਪਾਰਾ । ਬਿਧਿਆ ਪਾਠ ਗ੍ਰਿੰਥ ਹਿਤ ਧਾਰਾ ॥ 126 ॥

ਦੋਹਰਾ

ਤੇਰਵਾਂ ਦਿਵਸ ਨਿਹਾਰਿ ਕੈ ਸ੍ਰੀ ਗੁਰ ਅਸ ਫੁਰਮਾਇ ।
ਕੜਾਹ ਤਯਾਰ ਤਤ ਛਿਨ ਕਰੋ ਰਾਗੀ⁴ ਸਬਦ ਬੁਲਾਇ ॥ 127 ॥

¹ਅ ਪੋਥਾ ਦਾਰਾ ²ਦ ਪੋਥੀ ਅਧਿਕਾਇ ³ਦ ਪੋਥੀ ਪੀਟਤ ⁴ਅ ਪੋਥੀ ਬਾਬਕ

ਚੌਪਈ

ਕੜਾਹ ਪ੍ਰਸਾਦਿ ਸਭੀ ਲੈ ਆਏ । ਰਾਖਯੋ ਅਗੂ ਗ੍ਰਿਥ ਸੁਖਦਾਏ ।
 ਰਾਗੀ ਕੀਨਾ ਸ਼ਬਦ ਅਪਾਰਾ । ਕੀਰਤਨ ਭਯੋ ਅਖੰਡ ਉਚਾਰਾ ॥ 128 ॥
 ਤਬੈ ਸਮਾਗਮ ਭਯੋ ਅਪਾਰੀ । ਮਮ ਸੰਮਤ ਨਹਿੰ ਕਰਉਂ ਉਚਾਰੀ ।
 ਧਰਮਾ ਬੀਬੀ ਕਾ ਸੁਸਰਾਯੋ । ਧਰ ਬਿਸਮੈਂ ਗੁਰ ਧੀਰ ਧਰਾਯੋ ॥ 129 ॥

ਦੋਹਰਾ

ਬਿਧੀਏ ਕੋ ਆਗਿਆ ਦਈ ਪਾਇਓ ਭੋਗ ਸੁਧਾਰ ।
 ਸਭ ਸੰਗਤ ਬਿਨਤੀ ਕਰੀ ਸ੍ਰੀ ਗੁਰ ਕੀਨ ਉਚਾਰ ॥ 130 ॥
 ਕੜਾਹ ਪ੍ਰਸਾਦ ਵਰਤਾਇ ਕੈ ਬਿਧੀਏ ਕਉ ਧਨ ਦੀਨ ।
 ਕ੍ਰਿਪਾ ਸਿੰਧ ਸ੍ਰੀ ਸਤਿਗੁਰੂ ਤਬ ਅਸ ਕੋਤਕ ਕੀਨ ॥ 131 ॥

ਚੌਪਈ

ਕੜਾਹ ਪੁਸ਼ਾਕ ਲੈ ਸ੍ਰੀ ਗੁਰ ਆਏ । ਅਕਾਲ ਤਖਤ ਅਰਦਾਸ ਕਰਾਏ ।
 ਬੰਦਨ ਕਰ ਸ੍ਰੀ ਗੁਰ ਕਰਤਾਰਾ । ਆਵਤ ਭਏ ਸੁਖ ਆਪ ਮੁਰਾਰਾ ॥ 132 ॥
 ਕੜਾਹ ਪੁਸ਼ਾਕ ਅਰਦਾਸ ਕਰਾਈ । ਬਾਬੇ ਅਟਲ ਹੇਤ ਸੁਖ ਪਾਈ ।
 ਸ੍ਰੀ ਮੁਖ ਸਿਉ ਗੁਰ ਐਸ ਬਖਾਨਾ । ਹੋ ਪ੍ਰਭ ਤੁਮ ਨਿਜ ਲਈ ਅਮਾਨਾ ॥ 133 ॥

ਦੋਹਰਾ

ਪ੍ਰਕ੍ਰਮਾ ਕਰ ਮਹਿਲੀਂ ਅਏ ਮਨ ਮਹਿ ਆਨੰਦ ਪਾਇ ।
 ਰਾਮੇ ਦੁਆਰੇ ਕਉ ਤਬੈ ਸ੍ਰੀ ਗੁਰ ਵਿਦਾ ਕਰਾਇ ॥ 134 ॥

ਚੌਪਈ

ਸਾਹਿਬ ਭਾਨਾ ਵਿਦਾ ਕਰਾਯੋ । ਸੁੰਦਰ ਪਰਮਾਨੰਦ ਸਿਧਾਯੋ ।
 ਦਾਤੂ ਜੀ ਇਮ ਬਚਨ ਉਚਾਰਾ । ਬਿਨਤੀ¹ ਸੁਨਉ ਮੋਰ ਕਰਤਾਰਾ ॥ 135 ॥
 ਅੰਤ ਸਮਾ ਮੇਰਾ ਅਬ ਆਯੋ । ਆਇਸ ਕਰੋ ਮੋਹ ਸੁਖਦਾਯੋ ।
 ਸ੍ਰੀ ਗੁਰ ਕਹਾ ਤੋਹਿ ਤਨ ਮਾਹੀਂ । ਕਛੂ ਦਿਨ ਪ੍ਰਾਨ ਚਿੰਤ ਕਛੂ ਨਾਹੀ ॥ 136 ॥

ਦੋਹਰਾ

ਅਬ ਤੁਮ ਜਾਹਿ ਖੰਡੂਰ ਕਉ ਤਿਹ ਠਾਂ ਦੇਹ ਤਿਆਗ ।
 ਗੁਰ ਅੰਗਦ ਕਾ ਧਾਮ ਜੋ ਤਹਾਂ ਜਾਹੁ ਵਡ ਭਾਗ ॥ 137 ॥

ਚੌਪਈ

ਦਾਤੂ ਹਰਖ ਬੰਦਨਾ ਕਰੀ । ਕੀਨ ਪਿਆਨ ਜਾਨ ਤਿਹ ਘਰੀ ।
 ਖਡੂਰ ਜਾਇ ਕਛੂ ਦਿਵਸ ਬਤਾਇ । ਦੇਹ ਤਿਆਗ ਗੁਰ ਧਾਮ ਸਿਧਾਇ ॥ 138 ॥

¹ਅ ਪੋਥੀ ਅਰਜ

ਸ੍ਰੀ ਗੁਰ ਦਾਸ ਨਰਾਇਣ ਤੋਰਿਓ । ਧੀਰਜ ਦੈ ਬਹੁ ਭਾਂਤ ਨਿਹੋਰਿਓ ।
ਧਰਮਾ ਅਪਨੇ ਧਾਮ ਸਿਧਾਯੋ । ਸਾਂਈਦਾਸ ਗੁਰੁ ਨਿਕਟ¹ ਰਹਾਇਓ ।
ਏ ਬਿਧਿ ਬਾਬਾ ਅਟਲ ਸਮਾਏ । ਜੋਤੀ ਜੋਤਿ ਪਰਮ ਪਦ ਪਾਏ ।
ਪੜੈ ਸੁਨੈ ਜੋ ਨਰ ਮਨ ਲਾਈ । ਅੰਤ ਖੇਦ² ਤਜ ਗੁਰ ਪਦ ਪਾਈ ॥ 139 ॥

ਦੋਹਰਾ

ਸਾਂਈਦਾਸ ਗੁਰੂ ਰੂਪ ਕਾ ਚੇਖਤ ਤੇਜ ਅਪਾਰ ।
ਹਾਥ ਜੋਰ ਬਿਨਤੀ ਕਰੀ ਸੁਨੋ ਗੁਰੂ ਕਰਤਾਰ ॥ 140 ॥

ਚੌਪਈ

ਹੇ ਪ੍ਰਭ ਸੁੰਦਰ³ ਸੁਤ ਮ੍ਰਿਤ ਪਾਏ । ਤੁਮ ਆਨੰਦ ਸਿਉ ਸਦਾ ਰਹਾਏ ।
ਸ੍ਰੀ ਗੁਰੂ ਕਹਾ ਕਾਢ ਧਰ ਲੀਕਾ । ਪੁਨ ਮੋਟੇ ਭਾਖੋ ਨਿਜ ਜੀਕਾ ॥ 141 ॥
ਕਾਢ ਦੀਨ ਪੁਨ ਦਈ ਮਿਟਾਇ । ਸ੍ਰੀ ਗੁਰੂ ਕਹਾ ਕਛੁ ਸਮ ਧਾਇ ॥
ਸਾਂਈ ਦਾਸ ਕਹਿ ਖੇਦ ਨਾ ਕੋਈ । ਕਹਿ ਗੁਰ ਮੁਖ ਅਸ ਜਾਨੋ ਸੋਈ ॥ 142 ॥

ਦੋਹਰਾ

ਉਪਜ ਬਿਨਸ ਜਗ ਰੀਤਿ ਹੈ ਕਰਹਿ ਚਿੰਤ ਅਗਿਆਨ ।
ਹਮ ਕਉ ਸਦਾ ਆਨੰਦ ਹੈ ਸ੍ਰੀ ਗੁਰੁ ਨਾਨਕ ਧਿਆਨ ॥ 143 ॥

ਚੌਪਈ

ਦਰਸਨ ਕਰ ਸੰਗਤ ਮਲ ਹਰੈ । ਗੁਰਦਾਸ ਸੰਗ ਮਨ ਆਨੰਦ ਧਰੈ ।
ਧੀਰ ਮਲਕਾ ਰੂਪ ਦਿਖਾਇ । ਦਮੋਦਰੀ ਮਾਤ ਹੀਏ ਹਰਖਾਇ ॥ 144 ॥
ਕ੍ਰਿਪਾ ਸਿੰਧ ਤਹਿ ਰੂਪ ਦਿਖਾਏ । ਮਨ ਮੁਸਕਾਵਤ ਚਰਿਤ ਮਹਾਏ ।
ਤਬ ਲਉ ਮੇਲਾ ਨਿਕਟ ਸੁ ਆਯੋ । ਦੀਪਮਾਲ ਕਾ⁴ ਸਭ ਸੁਖ ਦਾਯੋ ॥ 145 ॥

ਦੋਹਰਾ

ਸੰਗਤਿ ਦੇਸਨ ਦੇਸ⁵ ਕੀ ਆਈ ਤਬੈ ਅਪਾਰ ।
ਗੁਰ ਅੰਚਰ ਪੂਜਾ ਕਰਹਿ ਸ੍ਰੀ ਗੁਰੂ ਕਰਹਿ ਦਿਦਾਰ ॥ 146 ॥

ਚੌਪਈ

ਅਟਲ ਓਰ ਸ੍ਰੀ ਗੁਰੂ ਬੁਲਾਇ । ਸਭ ਸੰਗਤਿ ਮਨ ਬਿਸਮੈ ਪਾਇ ।
ਸ੍ਰੀ ਗੁਰੂ ਗਿਆਨ ਕਥਾ ਕਹਿ ਤਾਂਹ । ਦੈ ਧੀਰਜ ਸੰਸਾ ਕਰ ਦਾਹ ॥ 147 ॥
ਮੇਲੇ ਦਿਵਸ ਭੀਰ ਬਹੁ ਹੋਈ । ਰਾਗੀ ਅਨਿਕ ਰਾਗ ਰਸ ਪੋਈ ।
ਤਖਤ ਰਾਜ ਗੁਰੂ ਕ੍ਰਿਪਾ ਨਿਧਾਨਾ । ਲਾਗਾ ਸੁੰਦਰ ਅਧਿਕ ਦਿਵਾਨਾ ॥ 148 ॥

ਦੋਹਰਾ

ਗੁਰਦਾਸ ਭਾਈ ਬਿਧੀਆ ਤਬੇ ਜੇਠੇ ਆਦਿਕ ਸੂਰ ।
ਬਾਬੇ ਅਣੀ ਅਨੰਤ ਜੁਤ ਬੈਠੇ ਸਭ ਸੁਖ ਪੂਰ ॥ 149 ॥

¹ਅ ਤੇ ਦ ਪੋਥੀ ਪਾਸ ²ਦ ਪੋਥੀ ਦੁਖ ³ਅ ਪੋਥੀ ਯੁਵਾ ⁴ਅ ਪੋਥੀ ਦੀਵਾਲੀ ⁵ਦ ਪੋਥੀ ਦੇਸ ਬਦੇਸ

ਚੌਪਈ

ਭਗਤ ਸਿੰਘ ਛਬ ਬਨੀ ਅਪਾਰਾ । ਲਗੇ ਦਿਵਾਨ ਅਧਿਕ ਸੁਖ ਕਾਰਾ ।
 ਸੂਰਜ ਮਲ ਤਬੈ ਚਲ ਆਯੋ । ਵੈ ਕਿਸੋਰ ਬਹੁ ਰੂਪ ਸੁਹਾਯੋ ॥ 150 ॥
 ਪੰਟ ਭੂਖਨ ਸੁੰਦਰ ਤਨ ਰਾਜਤ । ਰਵਿ ਸਸਿ ਦਾਮਨਿ ਦਿਖ ਛਬ ਲਾਜਤ ।
 ਸਭਾ ਹਰਖ ਦਿਖ¹ ਰੂਪ ਅਪਾਰਾ । ਦਯਾ ਸਿੰਧ ਗੁਰੁ ਤਨੈ ਅਪਾਰਾ ॥ 151 ॥

ਦੋਹਰਾ

ਕਰ ਬੰਦਨ ਗੁਰੁ ਢਿਗ ਤਬੈ ਸੂਰਜ ਮਲ ਬੈਠਾਇ ।
 ਪ੍ਰੇਮਚੰਦ ਖੜੀ ਤਬੈ ਉਠਿਓ ਹਰਖ ਮਨ ਪਾਇ ॥ 152 ॥

ਚੌਪਈ

ਗਰਿ ਅੰਚਰ ਅਸ ਬਚਨ ਬਖਾਨਯੋ । ਮਿਲੀ ਸੁ ਜਾਤ ਮੋਹਿ ਕੀ ਜਾਨਯੋ ।
 ਕਰਤਾਰ ਪੁਰੇ ਬਸਹੋ ਪ੍ਰਭ ਸੁਆਮੀ । ਮੋਰੀ ਇਛ ਪੂਰ ਸੁਖ ਧਾਮੀ ॥ 153 ॥
 ਸੁਤਾ ਮੋਹਿ ਗ੍ਰਿਹ ਬਰਖ ਪ੍ਰਮਾਨੋ । ਦਾਸਨਿ ਦਾਸ ਸੋ ਮੋ ਕੋ ਜਾਨੋ ।
 ਸੂਰਜਮਲ ਕੀ ਦਾਸੀ ਕੀਜੈ । ਇਹੀ ਦਾਨ ਮੋ ਕਉ ਪ੍ਰਭ ਦੀਜੈ ॥ 154 ॥

ਦੋਹਰਾ

ਕਰ ਪੰਕਜ² ਧੀਰਜ ਦੀਓ ਸ੍ਰੀ ਗੁਰ ਧੰਨ ਉਚਾਰ ।
 ਭਾਈ ਜੁਤ ਦੀਵਾਨ ਸਭ ਉਸਤਤਿ ਤਾਹਿ ਸੁਧਾਰ ॥ 155 ॥
 ਸ੍ਰੀ ਗੁਰੁ ਤਬੈ ਬੁਲਾਇਓ ਗਨਕ ਸਮਾ [ਤਿਹ]³ ਸੋਧ ।
 ਪ੍ਰੇਮ ਚੰਦ ਮਨ ਧਾਰ ਕੈ ਤਿਲਕ ਕੀਨ ਅਤਿ ਬੋਧ ॥ 156 ॥
 ਮੁਖ ਮਹਿ ਦੀਨ ਫੁਹਰਕਾ ਸੂਰਜਮਲ ਤਬ ਲੀਨ ।
 ਸ੍ਰੀ ਗੁਰ ਬਡ ਆਨੰਦ ਚਿਤ ਰੀਤਿ ਜਥਾ ਰੁਚ ਕੀਨ ॥ 157 ॥
 ਸੂਰਜ ਮਲ ਮਹਲੀ ਅਯੋ ਦੇਖ ਮਾਤ ਹਰਖਾਇ ।
 ਮਾਤ ਮਰਵਾਹੀ ਅਨੰਦ ਸਿਉ ਦੇਵਤ ਦਾਨ ਮਹਾਇ ॥ 158 ॥

ਸਵੈਯਾ

ਗਾਵਤ ਭਈ ਅਬਲਾ ਮਨ ਆਨੰਦ ਬਾਜਤ ਬਾਜ ਅਨੇਕ ਪ੍ਰਕਾਰਾ ।
 ਤੀਨ ਸੁ ਮਾਤ ਅਨੰਦ ਭਈ ਨਿਜ ਸਯਾਨ ਤਿਆਗ ਬਡੋ ਸੁਖ ਧਾਰਾ ।
 ਮੋਹਿ ਵਿਰਾਗ ਵਿਲਾਇ ਗਯੋ ਅਬ ਮੰਗਲਚਾਰ ਭਯੋ ਇਹ ਵਾਰਾ ।
 ਦੇਵਤ ਦਾਨ ਤਬੈ ਗੁਰ ਜੀ ਧਨ ਪਾਇ ਸਭੀ ਮੁਖ ਧਨ ਉਚਾਰਾ ॥ 159 ॥

ਦੋਹਰਾ

ਇਹ ਬਿਧਿ ਮੰਗਲ ਹੋਤ ਭਏ ਸਭ ਪੁਰ ਜਨ ਸੁਖ ਪਾਇ ।
 ਮੇਲਾ ਭਯੋ ਬਿਤੀਤ ਤਬ ਸੰਗਤਿ ਨਿਜ ਨਿਜ ਗ੍ਰਿਹ ਜਾਇ ॥ 160 ॥

¹ਅ ਪੋਥੀ ਪਿਖ ²ਅ ਤੇ ਏ ਪੋਥੀ ਕਮਲ ³ਅ ਪੋਥੀ ਵਿਚੋ

ਚੌਪਈ

ਪ੍ਰੇਮ ਚੰਦ ਨਿਜ ਨਗਰ ਸਿਧਾਯੋ । ਪੂਰ ਕਰਤਾਰ ਹਰਖ ਬਹੁ ਪਾਯੋ ।
ਸਭੀ ਬਾਤ ਪਰਵਾਰ ਸੁਨਾਈ । ਅਤਿ ਹਰਖਤ ਬਹੁ ਬਾਜ ਬਜਾਈ ॥ 161 ॥
ਸਾਂਈਦਾਸ ਗੁਰੁ ਆਇਸ¹ ਲੈ ਕੇ । ਰਾਮ ਜੁਤ ਮਨ ਆਨੰਦ ਕੈ ਕੈ ।
ਮਾਤ ਦਮੋਦਰੀ ਕੇ ਪਗ ਲਾਗਾ । ਲੈ ਆਇਸ ਗੁਰ ਕੇ ਪਗ ਪਾਗਾ ॥ 162 ॥

ਦੋਹਰਾ

ਚਰਨ ਲਾਗ ਸਭ ਮਾਤ ਕੇ ਗੁਰੁ ਆਇਸ ਕਉ ਪਾਇ ।
ਓਰ ਡਰੋਲੀ ਕੇ ਚਲਾ ਸੁਧਾ ਸਰੋਵਰ ਨਾਇ ॥ 163 ॥
ਬਾਬੇ ਗੁਰਦਿੱਤੇ ਤਬੇ ਆਗਿਆ ਗੁਰ ਕੀ ਲੀਨ ।
ਸੁਤ ਨਾਰੀ ਕੋ ਸੰਗ ਧਰ ਪਿਆਨਾ ਤਬਹੀ ਕੀਨ ॥ 164 ॥

ਚੌਪਈ

ਸਭੀ ਮਾਤ ਕੀ ਆਗਿਆ ਪਾਇ । ਬਾਬਾ ਪੂਰ ਕਰਤਾਰ ਸਿਧਾਇ ॥
ਪਾਛੇ ਸ੍ਰੀ ਗੁਰੂ ਕੋਤਕ ਕੀਨਾ । ਜਿਹ ਸੁਨ ਹੋਤ ਸਭੀ ਸੁਖ ਜੀਨਾ ॥ 165 ॥
ਏਕ ਦਿਵਸ ਭਾਈ ਗੁਰਦਾਸ । ਪੌੜੀ ਮੁਖ ਸਿਉ ਕੀਨ ਪ੍ਰਕਾਸ ।
ਜੈ ਜੈ ਗੁਰ ਅਪਨਾ ਸਵਾਂਗ ਪਸਾਰੇ । ਦੇਖ² ਰੂਪ ਸਿਖ ਸਿਦਕ ਨ ਹਾਰੇ ॥ 166 ॥

ਦੋਹਰਾ

ਭਗਤ ਸਿੰਘ ਪੈਂਤੀ-ਸੁਨੋ ਪੌੜੀ ਵਾਰ ਮਝਾਰ ।
ਕਹੀ ਦੋਇ ਵਿਸੇਕ ਤਬ ਸੁਨੋ ਅਰਥ ਨਿਰਧਾਰ ॥ 167 ॥

॥ ਛਪੈ ਛੰਦ ॥

ਮਾਤ ਕਰੈ ਬਿਚਾਰ ਦੇਖ ਸੁਤ ਨਾਂਹਿ ਪਚਾਰੇ ।
ਮਾਣਕ ਖਾਵੈ ਧੋਨ³ ਪੇਟ ਤਹਿ ਕੋਇ ਨ ਫਾਰੇ ।
ਜੈ ਪਤੀ ਪਰੈ ਘਰ ਹੰਢੇ ਨਾਰਿ ਸਤ ਅਪਨਾ ਰਾਖੈ ।
ਰਾਜ ਚਲਾਵੈ ਚਮ ਦਾਮ ਕਛ ਦਾਸ ਨ ਆਖੈ ।
ਦ੍ਰਿਜ ਨਾਰੀ ਮਦ ਪਾਨ ਕਰ ਦੇਖ ਲੋਕ ਲੂਝੇ⁴ ਕਹੀਂ ।
ਤੈਸ ਸਵਾਂਗ ਵਰਤੈ ਗੁਰੂ ਸਿਦਕ ਸਿਖ ਹਾਰੇ ਨਹੀਂ ॥ 168 ॥

ਦੋਹਰਾ

ਭਗਤ ਸਿੰਘ ਪੌੜੀ ਕਹੀ ਦੁਤੀਆ ਔਰ ਸੁਨਾਇ ।
ਭਾਈ ਜੀ ਮੁਖ ਸਿਉ⁵ ਕਹੀ ਸਿਖ ਸਾਬਤ ਪਰਥਾਇ ॥ 169 ॥

¹ਅ ਪੌਥੀ ਆਗਿਆ ²ਅ ਪੌਥੀ ਪੇਖ ³ਅ ਪੌਥੀ ਧੋਨ ⁴ਅ ਪੌਥੀ ਫੋਉ

ਸਵੈਯਾ

ਕੋਟ ਧਰਾ ਗੜ ਰਾਜਤ ਹੈ ਭੁਇ ਚਾਲ ਚਲੈ ਝਖ ਮੇਰ ਹਲਾਵੈ ।
ਜੈਸ ਉਜਾੜ ਸੇ ਲਾਗਤ ਹੈ ਦਵ ਘਾਸ ਜਰੈ ਨਹਿ ਕੋਇ ਬਚਾਵੈ ।
ਪਾਵਸ ਆਇ ਬਡੋ ਹੜ ਜਿਓ ਬੰਮ ਨਾਹਿ ਸਕੈ ਸਭ ਸੰਗ ਬਹਾਵੈ ।
ਬਿਗੜੀ ਨਭ ਪਾਟ ਲਗਾਵਤ ਜੋ ਨਰ ਕੂੜ ਸੋ ਸਾਬਤ ਨਾਹਿ ਰਹਾਵੈ ॥ 170 ॥

ਦੋਹਰਾ

ਤੈਸੇ ਸਾਂਗ¹ ਗੁਰੁ ਦੇਖ ਕੈ ਸਾਬਤ ਰਹੈ ਤਦਾਇ ।
ਬਿਰਲੇ ਬੰਦੇ ਐਸ ਜਗ ਭਾਈ ਮੁਖਹੁ ਅਲਾਇ ॥ 171 ॥

ਚੌਪਈ

ਦਯਾ ਸਿੰਧ ਗੁਰੁ ਐਸ ਸੁਨਾਈ । ਕੀਨ ਬਿਚਾਰ ਰਿਦੈ ਇਹ ਭਾਈ ।
ਬਡੋ ਮਾਨ ਭਾਈ ਮਨ ਆਯੋ । ਨਿਜ ਕਉ ਸਾਬਤ ਸਿਖ ਸੁਨਾਯੋ ॥ 172 ॥
ਤਾਂਤੇ ਪਰੀਖਯਾ ਯਾਂਕੀ² ਲੀਜੈ । ਮਾਨ ਪ੍ਰਹਾਰ ਬਡੋ ਇਸ ਕੀਜੈ ।
ਦਯਾ ਸਿੰਧ ਤਬ ਲਾਇ ਦੀਵਾਨ । ਭਾਖੇ ਬਚ ਪ੍ਰਭ ਕ੍ਰਿਪਾ ਨਿਧਾਨ ॥ 173 ॥

ਦੋਹਰਾ

ਜਹਾਂ ਅਸਵ ਬਹੁ ਮੋਲ ਕੇ ਕਹੇ ਕੋਇ ਮਮ ਆਇ ।
ਭੇਜ ਮੋਲ ਤਿਹ ਠਾਂ ਘਨੋ ਲੀਜੇ ਤੁਰਤ ਮੰਗਾਇ ॥ 174 ॥

ਚੌਪਈ

ਨਿਜ ਨਿਜ ਬੁਧ ਸੰਗਤ ਸਭ ਗਾਯੋ ! ਅਧਿਕ ਉਨ ਸੈ ਜਹਾਂ ਦਿਖਾਯੋ ।
ਏਕ ਸਿਖ ਅਸ ਬਚਨ ਉਚਾਰਾ । ਕਾਬਲ ਅਸਵ ਬਡੇ ਕਰਤਾਰਾ ॥ 175 ॥
ਬਹੁ ਕੀਮਤ ਕੇ ਤਹਾਂ ਤੁਰੰਗਾ । ਸੁਰਖੇ ਔਰ ਕੁਮੰਤ ਸੁਰੰਗਾ ।
ਸ੍ਰੀ ਗੁਰ ਸੁਨਤ ਐਸ ਸੁਖ ਪਾਯੋ । ਭਾਈ ਕਉ ਤਬ ਬਚਨ ਅਲਾਯੋ ॥ 176 ॥

ਦੋਹਰਾ

ਮਮ ਆਇਸ ਕਉ ਮਾਨਕੈ ਲੀਜੈ ਦਰਬ³ ਅਪਾਰ ।
ਅਸਵ ਲਿਆਵੋ ਦੋਇ ਤੁਮ ਕਾਬਲ ਤੇ ਸੁਖ ਧਾਰ ॥ 177 ॥

ਚੌਪਈ

ਸ੍ਰੀ ਮੁਖ ਕਹਾ ਸੁਨੋ ਚਿਤ ਲਾਇ । ਮਮ ਢਿਗ ਘੋੜੇ ਪ੍ਰਿਥਮ ਪਠਾਇ ।
ਕਰਉ ਪਸੰਦ ਮੋਲ ਤੁਮ ਲੀਜੈ । ਪਾਛੇ ਜਾਨ ਐਸ ਚਿਤ ਭੀਜੇ ॥ 178 ॥

ਦੋਹਰਾ

ਗੁਰੁ ਕੀ ਆਇਸ ਪਾਇ ਕੈ ਬਹੁ ਦਿਨ ਸੰਗਿ ਲਵਾਇ ।
ਦਯਾ ਸਿੰਧ ਭਾਈ ਤਬੈ ਕਾਬਲ ਓਰ ਸਿਧਾਇ ॥ 179 ॥

¹ਅ ਪੋਥੀ ਸ੍ਰਾਂਗ ²ਅ ਤੇ ਏ ਪੋਥੀ ਇਨਿ ³ਏ ਪੋਥੀ ਧਨ

ਚੌਪਈ

ਕਛੂਕ ਦਿਵਸ ਤਹਿ ਠਾਂ ਪਹੁੰਚਾਯੋ । ਹੈ ਖੋਜਨ ਸੇਤੀ ਮਨ ਲਾਯੋ ।
 ਦੂਢ ਸੁਦਾਗਰ ਦੇਖ ਤੁਰੰਗਾ । ਮਨ ਮਹਿ ਬਦਿਓ ਅਧਿਕ ਉਮੰਗਾ ॥ 180 ॥
 ਪਚਾਸ ਹਜ਼ਾਰ ਮੋਲ ਤਹਿ ਕੀਨਾ । ਭਾਈ ਸੁਨਤ ਹਰਖ ਚਿਤ ਲੀਨਾ ।
 ਇਹ ਬਿਧ ਤਾਂਸਿਉਂ ਬੈਨ ਸੁਨਾਏ । ਗੁਰੁ ਪੈ ਪਠਹੁ ਪਸਿੰਦ ਕਰਾਏ ॥ 181 ॥

ਦੋਹਰਾ

ਬਹੁਰੋ ਲੀਜੈ ਮੋਲ ਤੁਮ ਜੋ ਨਿਜ ਮੁਖਹੁ ਉਚਾਰ ।
 ਕਹਾ ਸੁਦਾਗਰ ਤੁਮ ਪਠਹੁ ਗੁਰ ਕੈ ਨਿਕਟ ਸੁਧਾਰ ॥ 182 ॥

ਚੌਪਈ

ਜੇ ਗੁਰ ਤੋਰ ਪਸੰਦ ਕਰਾਵੈ । ਲੇਹ ਮੋਲ ਨਹਿ ਅਸ ਧਰਾਵੈ ।
 ਭਾਈ ਤਬੈ ਤੁਰੰਗ ਪਠਾਏ । ਦਾਸ ਸੰਗ ਗੁਰ ਨਿਕਟ ਤਦਾਏ ॥ 183 ॥
 ਕੁਛਕ ਦਿਵਸ ਮਹਿ ਪਹੁੰਚੇ ਆਇ । ਸ੍ਰੀ ਗੁਰ ਦੇਖ ਅਸ ਹਰਖਾਇ ।
 ਸੁੰਦਰ ਹੈ ਹੈਸਾਲ ਬੰਧਾਏ । ਹਰਿਗੋਬਿੰਦ ਗੁਰ ਕੇ ਮਨ ਭਾਏ ॥ 184 ॥

ਦੋਹਰਾ

ਪਠੇ ਦਾਸ¹ ਸ੍ਰੀ ਗੁਰ ਤਬੈ ਪਹੁੰਚੇ ਕਾਬਲ ਜਾਇ ।
 ਸ੍ਰੀ ਗੁਰ ਕੀਨ ਪਸੰਦ ਹੈ ਐਸੇ ਕਹਾ ਸੁਨਾਇ ॥ 185 ॥

ਚੌਪਈ

ਤਬ ਭਾਈ ਨਿਜ ਦਾਸ ਪਠਾਏ । ਸੁਦਾਗਰ [ਅਪਨੇ]² ਨਿਕਟ ਬੁਲਾਏ ।
 ਮੁਖ ਸਿਉਂ ਕਹਾ ਦਰਬ ਅਬ ਲੀਜੈ । ਹਮ ਉਦਾਸ ਕਛੂ ਬਿਲਮ ਨਾ ਕੀਜੈ ॥ 186 ॥
 ਤਾਂਕੋ ਤੰਬੂ ਦਰ ਬੈਠਾਇ । ਭਾਈ ਭੀਤਰ ਆਪ ਸਿਧਾਇ ।
 ਗੋਨ ਖੋਲ ਕਿਆ ਨੈਨ ਨਿਹਾਰਾ । ਭਈ ਠੀਕਰੀ ਬਿਸਮੈ ਧਾਰਾ ॥ 187 ॥

ਦੋਹਰਾ

ਪਾਂਚ ਗੋਨ ਭਈ ਠੀਕਰੀ ਦਰਬ ਨਾ ਬੀਚ ਦਿਖਾਇ ।
 ਰਿਦੈ ਚਿੰਤ ਭਾਈ ਤਬੈ ਗੁਰ ਮਾਯਾ ਭਰਮਾਇ ॥ 188 ॥

ਚੌਪਈ

ਬਿਸਮੈਂਵੰਦ ਹੋਇ ਤਬ ਭਾਈ । ਗਟੀ ਰਿਦੈ ਬਹੁ ਭਾਂਤ ਧਰਾਈ ।
 ਤਹਾਂ ਦਰਬ ਨਿਜ ਹਾਥੈ³ ਪਾਯੋ । ਭਯੋ ਲੋਪ ਠੀਕਰੀ ਦਰਸਾਯੋ ॥ 189 ॥
 ਘੋੜੇ ਪਹੁੰਚ ਗੁਰੂ ਢਿਗ ਜਾਇ । ਤੁਰਕ ਰਾਜ ਵਸ ਨਾਂਹਿ ਚਲਾਇ ।
 ਏ ਨਹਿ ਛੋਡਹਿ ਦਰਬ ਹਜ਼ਾਰਾ । ਇਹ ਬਿਧ ਕੈਸ ਕਰਹੁ ਇਹ ਵਾਰਾ ॥ 190 ॥

¹ਅ ਪੋਥ: ਸਿਖ ²ਅ ਪੋਥੀ ਵਿਚੋਂ ³ਅ ਪੋਥੀ ਕਰ ਸਿਉ

ਦੋਹਰਾ

ਗੁਰੂ ਪਾਸ ਜਾਵਉਂ ਨਹੀਂ ਚਲਉਂ ਭਾਜ ਕਹਿ ਓਰ ।
ਮਾਯਾ ਭਰਮ ਗਿਨਤੀ ਕਰੈ ਉਠਾ ਚਿਤ ਅਤਿ ਸੋਰ ॥ 191 ॥

ਚੌਪਈ

ਸੌਦਾਗਰ ਕਉ ਅਸ¹ ਬਚਨ ਉਚਾਰੇ । ਕਹੂੰ ਬਿਲਮ ਦੇਹੂੰ ਦਰਬ ਅਪਾਰੇ ।
ਭੀਤਰ ਪੈਠ ਚਿੰਤ ਬਹੁ ਪਾਈ । ਪਾਛੇ ਤੇ ਤਬ ਸੰਨ ਲਗਾਈ ॥ 192 ॥
ਨਿਕਸ ਤਹਾਂ ਤੇ ਧਾਯੋ ਐਸੇ । ਪਵਨ ਬੇਗ ਤਰ ਪਾਤਰ ਜੈਸੇ ।
ਕਾਂਸੀ ਓਰ ਦ੍ਰਿਸ਼ਟ ਤਬ ਕੀਨੀ । ਬਿਨ ਪਦ ਤ੍ਰਾਣ ਚਿੰਤ ਅਤਿ ਕੀਨੀ ॥ 193 ॥

ਦੋਹਰਾ

ਸੁਦਾਗਰ ਤਬੈ ਬਿਚਾਰਿਯੋ ਗਯੋ ਸੁ ਜਾਮ ਬਿਹਾਇ ।
ਭਾਈ ਬੈਠ ਨਾ ਆਇਓ ਲੇਵਹੂੰ ਸੁਧ ਅਬ ਜਾਇ ॥ 194 ॥

ਚੌਪਈ

ਤਬ ਤੰਬੂ ਕੇ ਭੀਤਰ² ਆਏ । ਪਰਾ ਦਰਬ ਵਹੁ ਨਾਹਿ ਦਿਖਾਏ ।
ਦੇਖ ਸੰਨ੍ਹ ਤਹਿ ਬਿਸਮੈ ਪਾਈ ॥ ਲੀਨਾ ਅਪਨਾ ਦਰਬ ਗਿਨਾਈ ॥ 195 ॥
ਚਾਲੀ ਸਹਸ੍ਰ ਦਰਬ ਤਿਨ ਲੀਨਾਂ । ਬਾਕੀ ਸੌਂਪ ਦਾਸ ਕੋ ਦੀਨਾਂ ।
ਭਾਈ ਬਿਰਹਿ ਦਾਸ ਮਨ ਭਾਰੀ । ਬਿਸਮੈ ਚਿੰਤ ਅਧਿਕ ਮਨ ਧਾਰੀ ॥ 196 ॥

ਦੋਹਰਾ

ਜਾਨ ਕਛੂ ਨਹਿ ਕਹਿ ਗਏ ਭਾਈ ਸੰਨ੍ਹ ਲਗਾਇ ।
ਵਿਕਲ ਦਾਸ ਧਨ ਕਉ ਲੀਏ ਸੁਧਾ ਸਰੋਵਰ ਆਇ ॥ 197 ॥

ਚੌਪਈ

ਆਇ ਗੁਰੂ ਪਗ ਬੰਧਨ ਧਾਰੀ । ਅਗੂ ਧਰਯੋ ਧਨ ਜੋ ਵਧ ਸਾਰੀ ।
ਸ੍ਰੀ ਗੁਰ ਕਹਾ ਕੈਸ ਸ੍ਰਮ ਪਾਏ । ਭਾਈ ਬਿਨ ਏਕਲ ਤੁਮ ਆਏ ॥ 198 ॥
ਦਾਸਨ ਕਹਾ ਸੁਨਹੁ ਕਰਤਾਰਾ । ਭਾਈ ਜੀ ਇਕ³ ਓਰ ਪਧਾਰਾ ।
ਸਭ ਬ੍ਰਿਤੰਤ ਸ੍ਰੀ ਗੁਰਹਿ ਸੁਨਾਯੋ । ਅੰਤਰਜਾਮੀ ਅਗੂ ਲਖਾਯੋ ॥ 199 ॥

ਦੋਹਰਾ

ਬਹੁ ਧੀਰਜ ਤਾਂਕੋ ਦੀਓ ਸ੍ਰੀ ਗੁਰ ਮਨ ਮੁਸਕਾਇ ॥
ਗੁਰ ਨਾਨਕ ਮਾਯਾ ਪ੍ਰਬਲ ਜਹਿ ਭਾਈ ਭਰਮਾਇ ॥ 200 ॥

ਚੌਪਈ

ਹਰਿਗੋਬਿੰਦ ਗੁਰ ਬੰਦਨ ਧਾਰੀ । ਗੁਰ ਨਾਨਕ ਮਾਯਾ ਬਲਕਾਰੀ ।
ਦਯਾ ਸਿੰਧ ਗੁਰ ਚਰਿਤ ਅਭੇਵਾ । ਚਾਹੇ ਕਰੇ ਪ੍ਰਭੂ ਗੁਰ ਦੇਵਾ ॥ 201 ॥

¹ਅ ਪੋਥੀ ਇਮ ²ਅ ਪੋਥੀ ਅੰਦਰ ³ੲ ਪੋਥੀ ਕਿਸੀ

ਭਾਈ ਗਾਥ ਸੁਨਉ ਮਨ ਲਾਈ । ਬਿਨ ਪਦ ਤ੍ਰਾਨ ਚਲਤ ਦੁਖ ਪਾਈ ।
ਹਿਮ ਰੁਤ ਮਘਰ ਅਰਧ ਬਿਤਾਯੋ । ਸੀਤ ਅਧਿਕ ਭਾਈ ਦੁਖ ਪਾਯੋ ॥ 202 ॥

ਦੋਹਰਾ

ਭਗਤਿ ਸਿੰਘ ਕਛੂ ਦਿਵਸ ਮਹਿ ਪਹੁੰਚਿਓ ਕਾਂਸੀ ਜਾਇ ।
ਕਾਂਸੀ ਰਾਇ ਤਬਹੀ ਸੁਨੀ ਤਤ ਛਿਨ ਮਿਲਿਓ ਆਇ¹ ॥ 203 ॥
ਬਹੁ ਪੂਜਾ ਆਗੈ ਧਰੀ ਨਿਜ ਗਰਿ ਅੰਚਰ ਡਾਰ ।
ਹਰਿਗੋਬਿੰਦ ਕਾ ਸਿਖ ਥਾ ਕਾਂਸਿ ਰਾਇ² ਨਿਰਧਾਰ ॥ 204 ॥

ਚੌਪਈ

ਭਾਈ ਕਉ ਗੁਰ ਸਮ ਪਹਿਚਾਨੀ । ਬਾਰ ਬਾਰ ਬੰਦਨ ਤਿਨ ਠਾਨੀ ।
ਭਾਈ ਤਬ ਸੁਖਰਾਜ ਬੈਠਾਯੋ । ਕਾਂਸਿ ਰਾਇ² ਨਿਜ ਧਾਮ ਸਿਧਾਯੋ ॥ 205 ॥
ਰਾਜ ਸਿੰਘਾਸਨ ਸੁੰਦਰ ਜਹਾਂ । ਕਰ ਬੰਦਨ ਬੈਠਾਯੋ ਤਹਾਂ ।
ਕਾਂਸਿ ਰਾਇ² ਗੁਰ ਕੀ ਸੁਧ ਲਈ । ਅਤਿ ਅਨੰਦ ਭਾਈ ਕਹਿ ਦਈ ॥ 206 ॥

ਦੋਹਰਾ

ਅਧਿਕ ਬਿਰਹਿ ਭਾਈ ਰਿਦੈ ਨੀਂਦ ਪਰੈ ਨਹਿ ਨੈਨ ।
ਜੈਸੇ ਮੀਨ ਬਿਯੋਗ ਜਲ ਚੈਨ ਨਾਂਹਿ ਰਿਦੈ ਐਨ ॥ 207 ॥

ਚੌਪਈ

ਕਾਂਸਿ ਰਾਇ² ਕੋ ਭਾਈ ਕਹਾ । ਹਮ ਤੋ ਭਾਜ ਗੁਰੂ ਤੇ ਅਹਾ ॥
ਕੁਛ ਦਿਨ ਤੁਮ ਢਿਗ ਕਰੈ ਨਿਵਾਸਾ । ਕਾਂਸਿ ਰਾਇ² ਤਬ ਬਚਨ ਪ੍ਰਕਾਸਾ ॥ 208 ॥
ਭਵਨ ਨਾਰਿ ਸੁਤ ਰਾਜ ਸਬਾਹੀ । ਮੇਰੋ ਨਹਿ ਸਬ ਤੁਮਰੋ ਭਾਈ ।
ਮੈਂ ਤੋ ਜੀਵ ਦਾਸ ਗੁਰ ਕੇਰਾ । ਬਡੇ ਭਾਗ ਤਵ ਦਰਸਨ ਹੇਰਾ ॥ 209 ॥

ਦੋਹਰਾ

ਜੋ ਇਛੁ² ਤੁਮਰੀ ਸੋਈ ਕਰੋ ਮੋਰੀ ਇਛੁ ਪੁਰਾਇ ।
ਗੁਰ ਬਾਣੀ ਕਾ ਅਰਥ ਪ੍ਰਭ ਦੀਜੈ ਦਯਾ ਸੁਨਾਇ ॥ 210 ॥

ਸੋਰਠਾ

ਮਘਰ ਭਯੋ ਬਤੀਤ ਅਯੋ ਪੋਖ ਕਛੂ ਦਿਨ ਗਏ ।
ਕਾਂਸਿ ਰਾਇ² ਪ੍ਰਤੀਤਿ ਭਾਈ ਅਧਿਕ ਨਿਹਾਰ ਕੈ ॥ 211 ॥

ਚੌਪਈ

ਜਪੁਜੀ ਅਰਥ ਸੁਨਾਵਨ ਲਾਗਾ । ਪੌੜੀ ਏਕ ਰੋਜ ਰਸ ਪਾਗਾ ।
ਜੜਤ ਸਿੰਘਾਸਨ ਬਹੁ ਛਬਿ ਜਾਂਕੀ । ਜਾਂਕੋ ਦਿਖ ਰਵਿ ਕੀ ਜੁਤ ਛਾਕੀ ॥ 212 ॥

¹ਅ ਪੋਥੀ ਧਾਇ ²ਅ ਤੋ ਏ ਪੋਥੀ ਪਤਿ ³ਅ ਪੋਥੀ ਚਾਹਨਾ

ਤਾਂ ਪਰ ਭਾਈ ਬੈਠ ਸੁਹਾਵੈ । ਵਿਥਾਰ ਸਹਿਤ ਮੁਖ ਅਰਥ ਸੁਨਾਵੈ ।
 ਦਿਜ^੧ ਪੰਡਤਿ ਆਵਹਿ ਹਿਤ ਧਾਰਾ । ਲਗੈ ਦੀਵਾਨ ਅਧਿਕ ਵਿਸਥਾਰਾ ।
 ਏਕ ਦਿਵਸ ਦ੍ਰਿਸ਼ ਮਿਲ ਇਕਠਾਏ । ਇਕਾਂਤ ਸਮੈ ਭਾਈ ਪੈ ਆਏ ।
 ਸਭ ਮਿਲ ਕਹਾ ਸੰਭ ਪਦ ਲੀਜੈ । ਕਰਹਿ ਮੁਕਤਿ ਚਿਤ ਸੰਸ ਨਾ ਕੀਜੈ ॥ 213 ॥

ਦੋਹਰਾ

ਤੀਨ ਲੋਕ ਮੈ ਨਾਹਿ ਕੋ ਕਾਂਸੀ ਪੁਰੀ ਸਮਾਨ ।
 ਤੁਮ ਗੁਰ ਤੇ ਕਿਆ ਪਾਇਹੋ ਈਹਾਂ ਸੁ ਸਿਵ ਸ੍ਰੀ ਮਾਨ ॥ 214 ॥

ਚੌਪਈ

ਦਿਜ ਕੇ ਬੈਠ ਸੁਨੇ ਜਬ ਐਸੇ । ਭਾਈ ਕਹਾ ਸੰਭ ਪਦ ਐਸੇ ।
 ਨਾਰਿ ਤਿਆਗ ਨਿਜ ਕਰਤ ਕਰੂਪਾ । ਰਮੈ ਜਾਨ ਸੁੰਦਰ ਜਗ ਭੂਪਾ ॥ 217 ॥
 ਈਹਾਂ ਭੋਗ ਨਰਕ ਤਿਨ ਆਗੇ । ਕਾਲਕ ਦਾਗ ਤਾਹਿ ਮੁਖ ਲਾਗੇ ।
 ਤੈਸੇ ਤਜ ਗੁਰ ਸੇਵੇ ਔਰਾ^੨ । ਹਲਤ ਪਲਤ ਨਹਿ ਪਾਵੈ ਠੋਰਾ ॥ 218 ॥

ਦੋਹਰਾ

ਕਬਿਤੁ ਸੁਨਾਯੋ ਤਾਹਿ ਕੋ ਇਕਤਾਲੀ ਸਦ ਚਾਰ ।
 ਨਿਸਚਾ ਅਧਿਕ ਦਿਖਾਇਯੋ ਤਾਕੋ ਮਾਨ ਨਿਵਾਰ ॥ 219 ॥
 ਕਹੂੰ ਅਰਥ ਸੰਕੋਚ ਸਿਉ ਜਾਨੋ ਅਧਿਕ ਸੁਜਾਨ ।
 ਭਾਈ ਜੀ ਮੁਖ ਸਿਉ^੩ ਤਬੈ ਐਸੇ ਕੀਨ ਬਖਾਨ ॥ 220 ॥

ਸਵੈਯਾ

ਮਾਤ ਬਿਯੋਗ ਪਰੇ ਬਛੇਰਾ ਅਨ ਗਾਇ ਤਰੈ ਥਨ ਲਾਤ ਲਗਾਵੈ ।
 ਹੰਸ ਤਿਆਗ ਕੈ ਮਾਨ ਸਰੋਵਰ ਢੁੰਢ ਪਰੋਖ ਕੋ ਚੋਗ ਨ ਖਾਵੈ ।
 ਚਕ੍ਰਵਰਤੀ ਸੁ ਭੂਪ ਤਿਆਗ ਕੈ ਔਰ ਪੈ ਦਾਸ ਜੁ ਸੇਵ ਲਜਾਵੈ ।
 ਤੈਸ ਗੁਰ ਸਿਖ ਸੇਵ ਕਰੈ ਜਗ ਔਰ ਸੁ ਦੇਵਨ ਪਾਪ ਬਚਾਵੈ ॥ 221 ॥

ਦੋਹਰਾ

ਕਬਿਤ ਔਰ ਤਿਹ ਠਾਂ ਕਰੇ ਚਰਚਾ ਅਧਿਕ ਕਰਾਇ ।
 ਕਹੂੰ ਕਥਾ ਭਾਖਾ ਬਚੈ ਸੰਤ ਸੁਨਹੁ ਮਨ ਲਾਇ ॥ 222 ॥

ਚੌਪਈ

ਨਿਤ ਨੂਤਨ ਮੁਖ ਕਥਾ ਅਲਾਵੈ । ਰਿਦੈ ਬਿਯੋਗ ਅਧਿਕ ਤਪਤਾਵੈ ।
 ਪੋਖ ਬਿਤੀਤ ਮਾਘ ਜਬ ਆਯੋ । ਤਬ ਭਾਈ ਮਨ ਐਸੇ ਭਾਯੋ^੩ ॥ 223 ॥
 ਅਪਨੇ ਹਾਲ ਕਬਿਤ ਮੰਝਾਰਾ । ਭਗਤਿ ਸਿੰਘ ਨਿਜ ਮੁਖਹੂੰ ਉਚਾਰਾ ।
 ਜਾਨ ਪਾਂਚ ਸੈ ਵਿੰਸ ਪਿਆਰੇ । ਸੂਚਨ ਸੁਨੋ ਅਰਥ ਨਿਰਧਾਰੇ ॥ 224 ॥

^੧ਅ ਤੇ ਏ ਪੋਖੀ ਬਿਪ੍ਰ ^੨ਅ ਤੇ ਏ ਪੋਖੀ ਅਵਰਾ ^੩ਅ ਪੋਖੀ ਆਯੋ

ਕਬਿੱਤ

ਗਾਇ ਸੁਤ ਜਸ ਮਿਲ ਮਾਤ ਮਨ ਚਾਹਿ ਐਸੇ
ਕੁਦ ਬਿਲਲਾਇ ਗਰ ਬੰਦਨ ਬਸਾਇਨਾ ।
ਜੈਸੇ ਤੋ ਬਿਗਾਨ ਨਿਜ ਧਾਮ ਕੋ ਪਧਾਰ ਚਾਹੈ
ਜਾਨ ਪਰਧੀਨ ਚਿਤ ਚਿੰਤੁਵਤ ਜਾਇਨਾ ।
ਜੈਸੇ ਪਤ ਬਿਰਹਨੀ ਪਤ ਸੰਗ ਕੋ ਸਨੇਹ ਚਾਹੈ
ਦੇਖ ਅੰਕ ਲਾਜ ਅੰਗ ਅੰਗ ਮੁਸਕਾਇਨਾ ।
ਤੈਸ ਹਾਉਂ ਸਰਨ ਗੁਰ ਚਰਨਨ ਚਾਹਿ ਸਦਾ
ਆਇਸੁ ਬਿਦੇਸੁ ਬੁਧ ਅਤਿ ਬਲਲਾਇਨਾ ॥ 225 ॥

ਦੋਹਰਾ

ਔਰ ਅਧਿਕ ਬਿਨਤੀ ਲਿਖੀ ਬਿਰਹਿ ਜਾਨ ਅਧਿਕਾਯ ।
ਦਰਸ ਆਸ ਜੀਵਹੁ ਪ੍ਰਭੁ ਜਲ ਬਿਨ ਮੀਨ ਮਰਾਯ ॥ 226 ॥

ਸਵੈਯਾ

ਮੀਨ ਸਦਾ ਚਿਤ ਚਾਹਿਤ ਅਬ ਕੋ ਚਾਤ੍ਰਕ ਬੂੰਦ ਸਮਾ¹ ਚਿਤ ਚਾਹੈ ।
ਨੀਰਜ ਚਾਹਿ ਸਦਾ ਚਕਵੀ ਪੁਨ ਔ ਨਲਨੀ ਸਸਿ ਦੇਖ ਉਮਾਹੈ ।
ਅਗਰਜ ਤਾੜਤ ਹੈ ਸਭ ਹੀ ਵੁਹ ਪ੍ਰੀਤਿ ਨ ਤਯਾਗ ਸਦਾ ਰੁਚ ਆਹੈ ।
ਤੈਸ ਪ੍ਰਭੁ ਰਿਦ ਪ੍ਰੀਤਿ ਰਿਦੈ ਤੁਮ ਤਾੜਤ ਹੋ ਜਨ ਸਦ ਪ੍ਰੀਤਿ ਬਧਾਹੈ ॥ 227 ॥

ਦੋਹਰਾ

ਬਿਦੇਸ² ਮਾਂਹਿ ਵਿਆਕੁਲ ਸਦਾ ਹੈ ਪ੍ਰਭ ਜਾਨ ਅਨਾਥ ।
ਮੌਕੇ ਨਿਕਟ ਬੁਲਾਇਏ ਹੋ [ਪ੍ਰਭ]³ ਦੀਨਾਨਾਥ ॥ 228 ॥

ਚੌਪਈ

ਦਯਾ ਸਿੰਧ ਲਿਖਕੈ ਅਰਦਾਸ । ਪਠਯੋ ਸਿਖ ਸ੍ਰੀ ਗੁਰ ਕੇ ਪਾਸ ।
ਪਵਨ ਬੇਗ ਅਹਿ ਨਿਸ ਸਿਖ ਧਾਯੋ । ਪਾਤੀ ਬਾਹਨ ਕਿਧੋ ਬਨਾਯੋ ।
ਅਰਧ ਮਾਘ ਪਹੁੰਚਿਓ ਆਇ । ਸੁਧਾ ਸਰੋਵਰ ਦਰਸਨ ਪਾਇ ॥
ਕ੍ਰਪ ਨਹਾਇ ਕੀਨ ਅਸਨਾਨਾ । ਬਲ ਬਲ ਜਾਇ ਦਰਸ ਸੁਖ ਨਾਨਾ ॥ 230 ॥

ਦੋਹਰਾ

ਸ੍ਰੀ ਗੁਰ ਲਾਇ ਦੀਵਾਨ ਕਉ ਬੈਠੇ ਤਖਤ ਅਕਾਲ ।
ਸੋਦਰ ਚੌਂਕੀ ਹੋਤ ਤਬ ਸ੍ਰੀ ਗੁਰ ਸਦਾ ਕ੍ਰਿਪਾਲ ॥ 231 ॥

ਚੌਪਈ

ਤਬੈ ਸਿਖ ਗੁਰ ਕੇ ਨਿਕਟਾਯੋ । ਕਰ ਬੰਦਨ ਮਨ ਮਹਿ ਸੁਖ ਪਾਯੋ ।
ਭਾਈ ਕੀ ਪਾਤੀ ਪੁਨ ਦੀਨੀ । ਭਾਂਤ ਭਾਂਤ ਮੁਖ ਬਿਨਤੀ ਕੀਨੀ ॥ 232 ॥

¹ਅ ਪੋਥੀ ਸਦਾ ²ਏ ਪੋਥੀ ਪ੍ਰਦੇਸ ³ਏ ਪੋਥੀ ਵਿਚੋਂ

ਪਾਤੀ ਵਾਚ ਹਰਖ ਗੁਰ ਪਾਯੋ । ਅਬ ਭਾਈ ਮਨ ਮਾਨ ਗਵਾਯੋ ।
ਭਾਈ ਕੀ ਅਬ ਦਸਾ ਵਿਚਾਰ । ਹੀਯ ਉਮਰ ਸਦਾ ਭਗਤ ਪਿਆਰ ॥ 233 ॥

ਦੋਹਰਾ

ਭਈ ਸੁ ਰੈਨ ਬਿਤੀਤ ਜਬ ਅਯੋ ਭੋਰ ਸੁਖਦਾਇ ।
ਜੇਠਾ ਨਿਕਟ ਬੁਲਾਇ ਕੈ ਸ੍ਰੀ ਗੁਰ ਐਸ ਸੁਨਾਇ ॥ 234 ॥

ਚੌਪਈ

ਭਾਈ ਜੇਠਾ ਬੁਧ ਉਦਾਰੋ । ਯਾਹਿ ਸਿਖ ਕੈ ਸੰਗਿ ਸਿਧਾਰੋ ।
ਕਾਂਸ਼ੀ ਜਹੁ ਤਹਾਂ ਗੁਰਦਾਸ । ਤਾਂਕੋ ਲਿਆਵਹੁ ਹਮਰੇ ਪਾਸ¹ ॥ 235 ॥
ਲਗੈ ਦੀਵਾਨ ਰਾਇ ਜਬ ਆਵੈ । ਤਬ ਐਸੇ ਤੁਮ ਬਚਨ ਅਲਾਵੈ ।
ਕਾਂਸ਼ਿਰਾਇ ਗੁਰੂ ਚੋਰ ਤੁਮਾਰੇ । ਬਾਂਧ ਦੀਜੀਏ ਅਗਰ ਹਮਾਰੇ ॥ 236 ॥

ਦੋਹਰਾ

ਜੋ ਚਾਹੋਂ ਅਪਨਾ ਭਲਾ ਬਾਂਧ ਚੋਰ ਹਮ ਦੇਹੁ ।
ਮੁਸਕਾਂ ਅਪਨੇ ਹਾਥ ਸਿਉਂ ਨਾਂਹੀ ਬਡ ਦੁਖ ਲੇਹੁ ॥ 237 ॥

ਚੌਪਈ

ਭਗਤਿ ਸਿੰਘ ਜੇਠਾ ਪ੍ਰਬੀਨ । ਕਹੀ ਏਕ ਮਨ ਮਹਿ ਬਹੁ ਚੀਨ ।
ਕਰ ਬੰਦਨ ਸਿਖ ਸੰਗ ਸਿਧਾਯੋ । ਕਛੁਕ ਦਿਵਸ ਮਹਿ ਕਾਂਸ਼ੀ ਆਯੋ ॥ 238 ॥
ਲਾਗ ਦਿਵਾਨ ਅਗਰ ਤਬ ਭਾਰਾ । ਜਪੁਜੀ ਅਰਥ ਭੋਗ ਤਹਿ ਵਾਰਾ ।
ਭਾਈ ਭੋਗ ਕਥਾ ਜਬ ਪਾਯੋ । ਦਿਵਾਨ ਮਧ² ਜੇਠਾ ਤਬ ਆਯੋ ॥ 239 ॥

ਦੋਹਰਾ

ਭਾਈ ਕਉ ਬੰਦਨ ਕਰੀ ਮਨ ਮਹਿ ਮੁਖਹੂੰ ਅਲਾਇ ।
ਕਾਂਸ਼ਿਰਾਇ ਮੋ ਕਉ ਗੁਰੂ ਤੁਮਰੇ ਨਿਕਟਿ ਪਠਾਇ ॥ 240 ॥

ਚੌਪਈ

ਇਹ ਪਾਤੀ ਤੋ ਕਉ ਗੁਰ ਦੀਨੀ । ਮੁਖ ਸਿਉ ਕਹੀ ਸੁਨਹੂੰ ਚਿਤ ਚੀਨੀ ।
ਚੋਰ ਹਮਾਰਾ ਤੁਮਰੇ ਪਾਸ । ਬਾਂਧ ਪਠੋ ਤਿਸ ਹਮਰੇ ਸਾਥ ॥ 241 ॥
ਨਾਤਰ ਖੇਦ³ ਹੋਇਗਾ ਭਾਰੀ । ਕਾਂਸ਼ਿ ਰਾਇ ਭਰ ਬਾਤ ਉਚਾਰੀ ।
ਮਹਾਰਾਜ ਨਹਿ ਚੋਰ ਹਮਾਰੇ । ਗੁਰੂ ਹੂੰ ਕੈਸੇ ਬਚਨ ਉਚਾਰੇ ॥ 242 ॥
ਚਾਹੋ ਮੋਹਿ ਬਾਂਧ ਲੈ ਜਈਏ । ਮੋ ਕਉ ਚੋਰ ਨ ਦ੍ਰਿਸ਼ਟੀ ਪਈਏ ।
ਥਰਹਰਿ ਕਰੈਂ ਸਭੀ ਸੁਨ ਐਸੇ । ਗੁਰ ਕੀ ਗਤੀ ਸੁ ਅਧਭੁਤ ਐਸੇ ॥ 243 ॥

ਦੋਹਰਾ

ਭਾਈ ਆਨੰਦ ਧਾਰ ਕੈ ਗਰਿ ਅੰਚਰ ਕੋ ਡਾਰ ।
ਸਿੰਘਾਸਨ ਉਠ ਅਗਰ ਹੋਇ ਮੁਖ ਤੇ ਕੀਨ ਉਚਾਰ ॥ 244 ॥

¹ਅ ਪੋਥੀ ਅਪਨੇ ਸਾਥ ²ਅ ਤੇ ਏ ਪੋਥੀ ਬੀਚ ³ਅ ਪੋਥੀ ਕਸਟ

ਚੌਪਈ

ਸੁਨੋ ਰਾਇ ਗੁਰ ਕਾ ਹਉ ਚੋਰਾ । ਪਠੋ ਬਾਂਧ ਮੁਹਿ ਜਾਨ ਨਾ ਹੋਰਾ ।
ਸਭਾ ਸਹਿਤ ਪਿਖ ਰਾਇ ਅਲਾਯੋ । ਤੁਮ ਮੇਰੇ ਗੁਰ ਕੈਸ ਅਲਾਯੋ ॥ 245 ॥

ਦੋਹਰਾ

ਕਾਂਸ਼ਿ ਰਾਇ ਗੁਰ ਸਪਤ ਤੁਮ ਮਨ ਮਹਿ ਜਾਨ ਨ ਹੋਰ ।
ਮੁਸਕਾਂ ਬਾਂਧੋ ਮੋਹਿ ਕੀ ਬਾਂਧ ਪਠੋ ਕਰਿ ਚੋਰ ॥ 246 ॥

ਚੌਪਈ

ਐਸੇ ਸੁਨਿ ਰਾਜਾ¹ ਬਿਸਮਾਯੋ । ਉਠਾ ਬਿਸਮ ਵਸ ਨਾਂਹਿ ਚਲਾਯੋ ।
ਸਭਾ ਦੇਖ ਮੁਖਿ ਅੰਗੁਰੀ ਡਾਰੈ । ਐਸ ਅਚੰਭਾ ਨੈਨ ਨਿਹਾਰੈ ॥ 247 ॥
ਪਾਛੇ ਭੁਜਾ ਕਰਿ ਮੁਸਕ ਬੰਧਾਈ । ਬਿਸਮ ਰਾਇ ਕਾਂਸ਼ੀ ਕਾ ਪਾਈ ।
ਹਮ ਕਉ ਯਾਦ ਪ੍ਰਭੂ² ਜੀ ਕੀਨਾ । ਪਰੀਖਯਾ ਹਿਤ ਅਸ ਕੌਤਕ ਚੀਨਾ ॥ 248 ॥

ਦੋਹਰਾ

ਰਾਜਾ ਅਪਨੇ ਗ੍ਰਿਹ³ ਗਯੋ ਭਾਈ ਜੇਠੇ ਸੰਗ ।
ਰਾਜੇ ਬਿਨਤੀ ਅਸ ਲਿਖੀ ਭੇਟ ਦੀਨ ਬਹੁ ਅੰਗ ॥ 249 ॥
ਕੋਸ ਤੀਨ ਅਏ ਜਬੈ ਕਾਂਸ਼ੀ ਤੇ ਇਹ ਭਾਇ ।
ਭਾਈ ਜੇਠੇ ਜੋਰ ਕਰ ਐਸੇ ਕਹਾ ਸੁਨਾਇ ॥ 250 ॥

ਚੌਪਈ

ਧੰਨ ਧੰਨ ਭਾਈ ਗੁਰਦਾਸ । ਮੁਸਕਾ ਖੋਲ ਚਲੋ ਗੁਰੁ ਪਾਸ ।
ਭਾਈ ਕਹਾ ਚਲਹਿ ਹਮ ਐਸੇ । ਸ੍ਰੀ ਗੁਰ ਭਾਖ ਪਠੇ ਬਚ ਜੈਸੇ ॥ 251 ॥
ਜੇਠੇ ਕਹਾ ਤੋਹਿ ਸਮ ਨਾਹੀ । ਤੀਨਿ ਭਵਨ⁴ ਮਹਿ ਹੋਇ ਨਾ ਆਹੀ ।
ਜੈਸੀ ਸਿਖੀ ਤੋਹਿ ਕਮਾਈ । ਕਾਬਹੂੰ ਤੈਸ ਨਾ ਸੁਪਨ ਦਿਖਾਈ ॥ 252 ॥

ਦੋਹਰਾ

ਅਬ ਤੋ ਕਉ ਗੁਰੁ ਸਪਤ ਹੈ ਮੁਸਕਾਂ ਖੋਲ ਚਲਾਇ ।
ਸੁਧਾ ਸਰੋਵਰ ਨਿਕਟ ਤੁਮ ਲੀਜੈ ਬਹੁਰ ਬੰਧਾਇ ॥ 253 ॥

ਚੌਪਈ

ਭਾਈ ਕਹਾ ਭਾਇ ਤੁਮ ਜੈਸੇ । ਮੁਸਕਾਂ ਖੋਲ ਕਰੋ ਅਬ ਤੈਸੇ ।
ਜੇਠੇ ਮੁਸਕਾਂ ਮੋਚਨ ਕੀਨੀ । ਚਲੇ ਪੰਥ ਮਨ ਆਨੰਦ ਲੀਨੀ ॥ 254 ॥
ਬਿਨ ਪਦ ਤ੍ਰਾਣ ਚਲਤ ਦੋ ਗਿਆਨੀ । ਚਰਚਾ ਕਰਤ ਖੇਦ⁵ ਨਹਿ ਮਾਨੀ ।
ਫਲਗੁਨ ਆਧਾ ਤਥੈ ਬਤਾਯੋ । ਸੁਧਾ ਸਰੋਵਰ ਨਿਕਟ ਰਹਾਯੋ ॥ 255 ॥

¹ਅ ਪੋਥੀ ਰਾਇ ²ਏ ਪੋਥੀ ਗੁਰੂ ³ਅ ਪੋਥੀ ਮਹਲੀ ⁴ਅ ਪੋਥੀ ਲੋਦਨ ⁵ਏ ਪੋਥੀ ਕਸਟ

ਦੋਹਰਾ

ਜੇਠੇ ਭਾਈ ਕੀ ਤਬੈ ਮੁਸਕਾਂ ਤੈਸ ਬੰਧਾਇ ।

ਗਰਿ ਅੰਚਰ ਕੋ ਡਾਰਕੈ ਬਡ ਮਨ ਮੋ ਭੈ ਪਾਇ ॥ 256 ॥

ਚੌਪਈ

ਲਗੋ ਸੁ ਅਧਿਕ ਦਿਵਾਨ ਜਬਾਹੀ । ਅਕਾਲ ਤਖਤ ਗੁਰੁ ਬੈਠ ਸੁਹਾਈ ।

ਜੇਠਾ ਆਇ ਚਰਨ ਗੁਰੁ ਲਾਗਾ । ਬਿਨਤੀ ਕੀਨ ਅਧਿਕ ਰਸ ਪਾਗਾ ॥ 257 ॥

ਕਾਂਸਿ ਰਾਇ ਕੀ ਭੇਟਾ ਦੀਨੀ । ਪਾਤੀ ਦੇ ਬਹੁ ਬਿਨਤੀ ਕੀਨੀ ।

ਪੁਨ ਐਸੇ ਮੁਖ ਬਚਨ ਸੁਨਾਯੋ । ਮੁਸਕਾਂ ਬਾਂਧ ਭਾਈ ਪ੍ਰਭ¹ ਆਯੋ ॥ 258 ॥

ਦੋਹਰਾ

ਕੀਨ ਬੰਦਨਾ ਡੰਡਵਤ ਭਾਈ ਗੁਰੁ ਸਮੁਹਾਇ ।

ਜਬ ਦਰਸਨ ਗੁਰੁ ਕਾ ਕੀਆ ਮਾਯਾ ਤਬੈ ਬਿਲਾਇ ॥ 259 ॥

ਚੌਪਈ

ਦਯਾਸਿੰਧ² ਪ੍ਰਭ ਦ੍ਰਿਸ਼ਟ ਪਸਾਰ । ਸ੍ਰੀ ਮੁਖ ਸੁੰਦਰ ਬਚਨ ਉਚਾਰ ।

ਹਿਰਦੈ ਹਰਖ ਮੁਖ ਤਾੜਤ ਬੈਨਾ । ਭਗਤ ਸਿੰਘ ਭਾਖੇ ਗੁਰ ਐਨਾ ॥ 260 ॥

ਭਾਈ ਬੋਲ ਜੈਸ ਮਨ ਤੇਰੇ । ਚਿਰ ਸਿਉ ਅਯੋ ਲਾਇ ਬਹੁ ਦੇਰੇ ।

ਭਾਈ ਸੁਨਤ ਬੈਨ ਗੁਰਬਾਏ । ਸਵਾਮਿਨ ਬੇਨਤ ਬਚਨ ਅਲਾਏ ॥ 261 ॥

ਦੋਹਰਾ

ਜਾਨ ਪੰਚ ਸੈ ਵਿੰਸ ਖਟ ਸੂਚਨ ਅਰਥ ਸੁਨਾਇ ।

ਗਦ ਗਦ ਗੁਰੁ ਹੋਇ ਦੀਨ ਮੁਖ ਭਾਈ ਤਬੈ ਅਲਾਇ ॥ 262 ॥

ਸਵੈਯਾ

ਬੁੰਦ ਐ ਤੇਈ ਗੁਮਾਨ ਕਰੈ ਜਹਿ ਸੂਰਜ ਨਾਹਿ ਸੁਕ੍ਰਿਨ ਲਗਾਵੈ ।

ਪੰਖ ਅਉ ਧੂਮ ਉਡੈ ਨਭ ਕੋ ਪਿਖ ਅਗੂ ਅਗਾਧਿ ਰਿਦੈ ਸੁਕਚਾਵੈ ।

ਗੂਲਰ ਜੰਤ ਉਡੰਤ ਕਹੋ ਕਿਮ ਪੇਖ ਬ੍ਰਹਮੰਡ ਪ੍ਰਚੰਡ ਲਜਾਵੈ ।

ਤੂੰ ਕਰਤਾ ਹਮ ਜੰਤ ਕੀਏ ਤੁਮ ਭੋ ਪਹਿ ਬੋਲਨਿ ਕਿਉ ਬਨ ਆਵੈ ॥ 263 ॥

ਭੇਖਾਰਿ ਅਨਾਥ ਨਹੀਂ ਹਮਰੇ ਸਮ ਤੋ ਸਮ ਨਾਥ ਨਹੀਂ ਐ ਦਾਤਾਰੀ ।

ਦੀਨ ਅਗਿਆਨ ਨਹੀਂ ਅਤਿ ਮੋ ਸਰ ਤੋ ਸਰ ਦਿਆਲ ਨਾ ਆਨ ਵਿਚਾਰੀ ।

ਮੋ ਸਰ ਪਾਪ ਬਿਕਾਰ ਨਹੀਂ ਜਗ ਤੋ ਸਭ ਪਾਵਨ ਐ ਉਪਕਾਰੀ ।

ਔਗੁਣ ਸਿੰਧ ਹੋ ਤੂੰ ਗੁਨ ਸਾਗਰ ਜਾਤ ਅਧੋ ਪ੍ਰਭ ਓਟ ਤੁਮਾਰੀ ॥ 264 ॥

ਦੋਹਰਾ

ਐਸ ਭਾਖ ਗਦ ਗਦ ਭਯੋ ਪ੍ਰੇਮ ਪੁਲਕ ਹੁਇ ਦੀਨ ।

ਪਦ ਪੰਕਜ ਗੁਰ ਕੇ ਪਰਾ ਤ੍ਰਾਹਿ ਤ੍ਰਾਹਿ ਸੂਮ ਛੀਨ ॥ 265 ॥

¹ਮ ਪੋਥੀ ਗੁਰ ²ਅ ਪੋਥੀ ਕ੍ਰਿਪਾ

ਚੌਪਈ

ਸ੍ਰੀ ਗੁਰ¹ ਕਹਾ ਉਠਹੁ ਤੁਮ ਪਿਆਰੇ । ਗੁਰੂ ਨਾਨਕ ਤੁਮਰੇ ਦੁਖ ਟਾਰੇ ।
ਨਹਿ ਛੋਡੇ ਪਗ ਪ੍ਰਭ ਅਸ ਭਾਈ । ਇਹ ਲਗ ਸਿਲਾ ਮੁਕਤ ਭਵ ਗਾਈ ॥ 266 ॥
ਬੰਧਕ ਨਾਵਯਧ ਤਾਂਹਿ ਉਬਾਰਾ । ਹਨੂੰ ਭਵਹਿ ਸੇ ਰਿਦੇ ਮਝਾਰਾ ।
ਭਏ ਅਵਤਾਰ ਸਭੈ ਤੁਮ ਕੇਰੇ । ਬਰਨਤ ਮੁਨ ਜਨ ਗਾਥ ਘਨੇਰੇ ॥ 267 ॥

ਦੋਹਰਾ

ਹਉਂ ਅਨਾਥ ਸ੍ਰਮ ਪਾਇਕੈ ਲਗੋਂ ਚਰਨ ਇਨ² ਆਇ ।
ਦਾਸ ਬਿਰਦ ਰਖਯਾ ਕਰੋ ਲੀਜੈ ਪ੍ਰਭੁ ਬਚਾਇ ॥ 268 ॥

ਸਵਯਾ

ਦੀਨ ਦਯਾਲ ਕ੍ਰਿਪਾਲ ਭਏ ਮਨ ਪ੍ਰੇਮ ਭਏ ਹੀਅਰਾ ਹੁਲਸਾਯੋ ।
ਪੰਕਜ ਹਾਥ ਉਠਾਇ ਤਬੈ ਸਮੁਹਾਇ ਕੀਓ ਬਹੁ ਧੀਰ ਧਰਾਯੋ ।
ਨੀਰਜ ਹਾਥ ਤਿਸੈ ਮੁਸਕਾ ਪ੍ਰਭ ਖੋਲਤ ਭਏ ਕਵਿ ਭਾਵ ਦਿਖਾਯੋ ।
ਆਤਮ ਕਿੰਚਤ ਬੰਧ ਪਰੇ ਤੁਮ ਜਾਨ ਪਾਰਤਮ ਜੁ ਮੁਕਤਾਯੋ ॥ 269 ॥

ਦੋਹਰਾ

ਇਕ ਟਕ ਦੇਖ ਦੀਵਾਨ ਸਭ ਧੰਨ ਧੰਨ ਮੁਖਹੁ ਉਚਾਰ ।
ਗੁਰ ਸਮ ਗੁਰ ਨਹਿ ਦਾਸ ਕੋ ਭਾਈ ਸਮ ਨਿਰਧਾਰ ॥ 270 ॥
ਭਾਈ ਦੁਇ ਕਰ ਜੋਰ ਕੈ ਗਰਿ ਅੰਚਰ ਕਉ ਪਾਇ ।
ਸ੍ਰੀ ਗੁਰ ਕੀ ਉਸਤਤਿ ਕਰੀ ਛੰਦ ਭੁਜੰਗ ਬਨਾਇ ॥ 271 ॥

॥ ਗੁਰੂ ਜੀ ਦੀ ਉਸਤਤਿ ॥ ਭੁਜੰਗ ਛੰਦ ॥

ਸਦਾ ਦਾਸ ਪਿਆਰੇ ਪ੍ਰਭੁ ਦੀਨ ਹੋਤੋਂ । ਸਭੀ ਰੂਪ ਧਾਰੇ ਲਹੇ ਕੌਨ ਭੇਤੋਂ ।
ਮੁਰਾਰੀ ਪ੍ਰਭੁ, ਆਦਿ ਰੂਪ ਅਪਾਰਾ । ਗੁਰੂ ਪੰਚ ਰੂਪ ਤੁਮੀ ਆਪ ਧਾਰਾ ॥ 272 ॥
ਧਨੀ ਤੇਗ ਰਾਜੈ ਇਹੀ ਰੂਪ ਤੋਰਾ । ਹਨੇ ਪਾਪ ਦੋਖੀ ਕੀਓ ਜੁਧ ਘੋਰਾ ।
ਤਮ ਜੀਵ³ ਗ੍ਰਾਸੈ ਨਹੀਂ ਭੇਵ ਪਾਵਹਿ । ਸਦਾ ਨੇਤ ਬੇਦ ਮੁਖੰ ਚਾਰ⁴ ਗਾਵਹਿ
॥ 273 ॥

ਸਭੀ ਦੇਸ ਦੇਸ ਜਸੰ ਚੰਦ ਚਾਰਯੋ । ਹਰੀ ਘਾਮੰ ਦਾਸੰ ਮੰਨੰ ਸੰਸ ਟਾਰਿਯੋ ।
ਗ੍ਰਾਸਾ ਗ੍ਰਾਹ ਹਾਥੀ⁵ ਸੁਤੰ ਘ੍ਰਾਣ ਨੀਰੰ । ਲਏ ਕੂਕ ਕੀਨੀ ਦਏ ਆਪ ਧੀਰੰ ॥ 274 ॥
ਰਵੰ ਤਾਤ ਤਾਤੋ ਤ੍ਰਿਯਾ ਲਾਜ ਰਾਖੀ । ਤਥਾ ਲਾਜ ਮੇਰੀ ਰਖੋ ਬੰਧਨਾਖੀ ॥
ਤੁਮੇ ਸਿਧ ਜੋਗੀ ਤੁਰਾਤੀਤ ਗਾਵਹਿ । ਜਥਾ ਅਕਾਸ਼ ਪੰਖੀ ਨਹੀ ਅੰਤ ਰਾਵਹਿ ॥
275 ॥

ਦੋਹਰਾ

ਰਟੈ ਸੈਸ ਤੈਰੇ ਨਾਮ ਕੋ ਨੇਤਿ ਨੇਤਿ ਮੁਖ ਗਾਇ ।
ਧਰਾ ਧਾਮ ਪੂਰਨ ਪ੍ਰਭੁ ਹਮਰੀ ਕਰੋ ਸਹਾਇ ॥ 276 ॥

¹ਅ ਪੋਥੀ ਪ੍ਰਭੁ ²ਅ ਤੇ ਏ ਪੋਥੀ ਤੁਮ ³ਅ ਪੋਥੀ ਕਰ ⁴ਏ ਪੋਥੀ ਬ੍ਰਹਮਾ ⁵ਅ ਪੋਥੀ ਹਸਤੀ

ਚੌਪਈ

ਅਸ ਕਹਿ ਬਹੁਰ ਬੰਦਨਾ ਧਾਰੀ । ਮਨ ਮਹਿ ਆਨੰਦ ਕੀਨ ਮੁਰਾਰੀ ।
ਸ੍ਰੀ ਮੁਖ ਕਹਾ ਵਾਰ ਕਰ ਪੂਰੀ । ਦਹੁ ਪੌੜੀ ਆਗੇ ਭ੍ਰਮ ਦੂਰੀ ॥ 277 ॥
ਭਾਈ ਕਹਾ ਪ੍ਰਭੂ ਸੁਨ ਲੀਜੈ । ਵਹੁ ਪੌੜੀ ਮਧ ਨਾਂਹਿ ਰਖੀਜੈ ।
ਸ੍ਰੀ ਗੁਰ ਕਹਾ ਮਣੀ ਸਮ ਜਾਨੈ । ਦੂਰ ਨਾ ਕਰੋ ਧਰੋ ਮਨ ਆਨੈ ॥ 278 ॥

ਦੋਹਰਾ

ਤਾਂਤੇ ਜੋ ਪੌੜੀ ਰਚੀ ਹਮਰੇ ਅਗੂ¹ ਸੁਨਾਇ ।
ਭਾਈ ਸੁਨਿ ਗਦ [ਗਦ]² ਭਯੋ ਭਗਤ ਸਿੰਘ ਸੁਖ ਪਾਇ ॥ 279 ॥
ਦੋਇ ਪੌੜੀ ਮੁਖ ਤੇ ਰਚੀ ਪੈਤੀ ਵਾਰ ਸੁ ਅੰਤ ।
ਟੀਕਾ ਕੀਨਾ ਵਾਰ ਕਉ ਰਾਖਤੇ ਅਗੂ ਆਨੰਤ ॥ 280 ॥

ਸਵੈਯਾ

ਤਾਤ ਕੋ ਮਾਤ ਜੋ ਮਾਹੁਰ ਦੇਤ ਤੋ ਪਾਹੁਰ ਰਾਤ ਕੋ ਦਰਬ ਹਰਾਵੈ ।
ਬੋਰਤ ਨਾਵ ਕਿਧੋ ਕਰੀਆ ਪੁਨ ਵਾਹਰ ਲੈ ਆਯ ਪਰੈ ਸੂਮ ਪਾਵੈ ।
ਖਾਵਨ ਖੇਤ ਕੋ ਬਾਰ ਲਗੀ ਨ੍ਰਿਪ ਮਾਰਤ ਕਾਹਿ ਪੈ ਕੂਕ ਸੁਨਾਵੈ ।
ਸਵਾਂਗ ਕੀਏ ਗੁਰ ਪੂਰਨ ਸਿਖ ਭ੍ਰਮੇ ਤਿਸਕੇ ਵਸ ਨਾਹਿ ਰਹਾਵੈ ॥ 281 ॥
ਕਾਗਦ ਲੂਣ ਮਿਲੈ ਘ੍ਰਿਤ ਸਿਉਂ ਜਲ ਭੀਤਰ ਡਾਰ ਨਹੀਂ ਕਛ ਭੀਜੈ ।
ਬਾਤੀ ਤੇ ਤੇਲ ਮਿਲੈ ਨਿਸ ਜਾਗ ਉਡਾਇ ਪਤੰਗ ਸੁ ਡੋਰ ਗਹੀਜੈ ।
ਮਣਕਾ ਐ ਮਾਰ ਮੁਖੰ ਧਰ ਕੈ ਪੁਨ ਮਾਰ ਲੜਾਇ ਨਹੀਂ ਸੂਮ ਕੀਜੈ ।
ਰਾਜ ਬਿਹਾਇ ਮਿਟਾਇ ਦੁਖੰ ਨ੍ਰਿਪ ਜੈਸ ਪ੍ਰਭੂ ਬਿਨਤੀ ਸੁਨਿ ਲੀਜੈ ॥ 282 ॥

ਦੋਹਰਾ

ਤੈਸੇ ਅੰਦਰ ਸਵਾਂਗ ਕੇ ਸਾਬਤ ਸਿਖ ਤਦਾਇ ।
ਦੀਨਾਨਾਥ ਦਯਾਲ ਗੁਰ ਜਾਂਕੀ ਕਰੈ³ ਸਹਾਇ ॥ 283 ॥
ਐਸੇ ਕਹਿ ਚਰਨੀ ਪਰਾ ਪ੍ਰਭੂ ਅੰਕ ਮਹਿ ਲੀਨ ।
ਨਿਜ ਉਰ ਲਾਇ ਨਿਹਾਲ ਕਰ ਮਨ ਇਛੱਤ ਵਰ ਦੀਨ ॥ 284 ॥

ਅੜਿਲ

ਸ੍ਰੀ ਗੁਰ ਮਧਯ ਦਿਵਾਨ ਐਸ ਮੁਖ ਗਾਇਓ ।
ਭਾਈ ਸਮ ਨਹਿ ਸਿਖ ਔਰ ਮਮ ਭਾਇਓ ।
ਬੈਠੇ ਤਖਤ ਅਕਾਲ ਭੁਜਾ ਗਹਿ ਤਾਂਹਿ ਕੀ ।
ਹੋ ਤਾਂ ਕੋ ਨਿਕਟ ਬੈਠਾਇ ਸਾਚ ਰੁਚ ਜਾਂਹਿ ਕੀ ॥ 285 ॥

¹ਅ ਪੋਥੀ ਸਮੁਖ ²ਏ ਪੋਥੀ ਵਿਚੋਂ ³ਏ ਪੋਥੀ ਹੋਤ

ਸੰਗਤ ਸਕਲ ਦੀਵਾਨ ਲਗੋ ਪੁਨ ਆਇਕੈ ।
ਬਹੁ ਉਪਮਾ ਮੁਖ ਗਾਇ ਅਧਿਕ ਸੁਖ ਪਾਇ ਕੈ ।
ਭਾਈ ਸਭ ਕਉ ਧੀਰ ਦੇਖ ਮਨ ਹਰਖ ਧਰ ।
ਹੋ ਜੋ ਸੁਖ ਭਯੋ ਤਦਾਇ ਕਹਯੋ ਨਹਿ ਜਾਤ ਬਰ ॥ 276 ॥

ਦੋਹਰਾ

ਦਯਾ ਸਿੰਧ^੧ ਸ੍ਰੀ ਮੁਖ ਕਹਾ ਭਾਈ ਕੋ ਇਹ ਭਾਇ ।
ਪਰਮ ਪੁਰਖ ਅਰਜੁਨ ਗੁਰੂ ਤੁਮੇ ਨਿਦੇਸ ਕਰਾਇ ॥ 287 ॥

ਚੌਪਈ

ਬਾਣੀ ਜੇਤੀ ਕਹੀ ਸੁਧਾਰ । ਪੂਰਨ ਕਰੋ ਅਧਿਕ ਹਿਤ ਧਾਰ ।
ਕਰੋ ਬੀੜ ਇਕਠੀ ਸਭ ਪਯੋ । ਭਾਈ ਕਹਾ ਪ੍ਰਭੂ ਸੁਨ ਲਯੋ ॥ 288 ॥
ਗੁਰ ਅਰਜਨ ਮੋਹਿ ਆਗਿਆ ਕਰੀ । ਵਾਰ ਚਾਲੀਸ^੨ ਰਚੇ ਸੁਖ ਪਰੀ ।
ਪੰਚ ਤਤ ਰਸ ਰਚੇ ਕਬਿਤ । ਦੀਨੋ ਵਰ ਸੁਖ ਹੋਇ ਅਮਿਤ ॥ 289 ॥

ਦੋਹਰਾ

ਪੁਨ ਤੁਮ ਆਗਿਆ ਕਰਤ ਹੋ ਅਬ ਕਰਹੁ ਵਹੁ ਪੂਰ ।
ਭਗਤ ਸਿੰਘ ਪੂਰਨ ਕਰੀ ਬਾਣੀ ਸਭ ਦੁਖ ਚੂਰ ॥ 290 ॥

ਚੌਪਈ

ਕਥਾ ਪੂਰ ਭਾਈ ਕੀ ਹੋਈ । ਆਗੇ ਸੁਨਹੁ ਔਰ ਸੁਖ ਪੋਈ ॥
ਭਾਈ ਕਉ ਕਛੂ ਦਿਨਸ ਬਿਤਾਇ । ਸੁਧਾ ਸਰੋਵਰ ਗੁਰ ਢਿਗ^੩ ਆਇ ॥ 291 ॥
ਸੂਰਜ ਮਲ ਸਸੁ ਰਾਗ ਵਿਚਾਰੀ । ਪੁਤ੍ਰੀ ਨਿਜ ਗ੍ਰਿਹ ਬਰਸ ਬਿਚਾਰੀ ।
ਸਭ ਪਰਵਾਰ ਕੀ ਮੇਲ ਸਲਾਹ । ਦੇਹੁ ਵਿਵਾਹ ਅਧਿਕ ਚਿਤ ਚਾਹ ॥ 292 ॥

ਦੋਹਰਾ

ਸਾਹੈ ਚਿਨੀ ਦਿਵਜ^੪ ਦਈ ਅਸੀਰਬਾਦ ਕਹਿ ਬੈਨ ।
ਵਾਚ ਪ੍ਰਭੂ ਸੁਖ ਪਾਇਓ ਭਗਤ ਸਿੰਘ ਸੁਖ ਐਨ ॥ 293 ॥

ਚੌਪਈ

ਤਾਂਹਿ ਬਿਪ੍ਰ ਕਉ ਦੀਨਾ ਮਾਨਾ । ਦਾਨ ਮਾਨ ਕਰ ਕ੍ਰਿਪਾ ਨਿਧਾਨਾ ।
ਬਿਧੀਏ ਕੋ ਗੁਰ ਕਹਾ ਬੁਲਾਈ । ਆਇਸ ਕੀਜੈ ਬਾਤ ਬਨਾਈ ॥ 294 ॥
ਬਾਬਾ ਮਹਿਲੀ ਗਯੋ ਤਦਾਇ । ਤੀਨ ਮਾਤ ਕੇ ਪਗ ਲਪਟਾਇ^੫ ॥
ਅਨੰਤੀ ਅੰਕ ਪੁਤ੍ਰ ਪਗ ਲਾਗੀ । ਤੀਨ ਸਾਸ ਕੇ ਅਤਿ ਅਨੁਰਾਗੀ ॥ 295 ॥

ਦੋਹਰਾ

ਬਧੈ ਸੁਹਾਗਿ ਅਸੀਸ ਦੈ ਤੀਨ ਮਾਤ ਸੁਖ ਪਾਇ ।
ਬਾਬੇ ਸੂਰਜ ਮਲ ਕਾ ਸਾਹਾ ਤਬੈ ਸੁਧਾਇ ॥ 296 ॥

^੧ਅ ਪੋਥੀ ਕ੍ਰਿਪਾਨਿਧਿ ^੨ਅ ਤ ਏ ਪੋਥੀ ਉਨਤਾਲੀਸ ^੩ਅ ਪੋਥੀ ਮਹਿ ^੪ਅ ਪੋਥੀ ਬਿਪ ^੫ਅ ਪੋਥੀ ਸਿਰ ਨਾਇ

ਚੌਪਈ

ਤੀਨ ਮਾਤ ਜਬ ਆਨੰਦ ਪਾਯੋ । ਮਾਤ ਮਰਵਾਹੀ ਮੰਗਲ ਗਾਯੋ ।
 ਬਿਧੀਆ ਪ੍ਰਭੂ ਕੀ ਆਗਿਆ^੧ ਪਾਈ । ਬੋਲ ਬਜੰਤੀ ਦਰ ਬੈਠਾਇ ॥ 297 ॥
 ਤੂਤੀ ਡਫ ਸੁ ਬਾਜਤ ਢੋਲਾ । ਮ੍ਰਿਗ ਨੈਨੀ ਗਾਵਤ ਮ੍ਰਿਦੁ ਬੋਲਾ ।
 ਪਰੀ ਨਿਸਾ ਅਬਲਾ ਪੁਰ ਆਵਹਿ । ਕੋਕਲ ਕੰਠ ਉਚ ਸੂਰ ਗਾਵਹਿ ॥ 298 ॥

ਦੋਹਰਾ

ਦਯਾ ਸਿੰਧ ਮਹਲੀਂ ਅਏ ਦਿਨ ਕੇ ਵਾਸ ਸਦਾਇ ।
 ਖਾਨ ਪਾਨ ਸੁਧ ਤਾਹਿ ਕੀ ਲੀਨੀ ਦਾਸ ਪਠਾਇ ॥ 299 ॥

ਸਵੈਯਾ

ਗਾਵਤ ਰੈਨ ਮਿਲੀ ਅਬਲਾ ਮ੍ਰਿਗ ਸਾਵਕ ਨੈਨ ਸੁ ਕੋਕਲ ਬੈਨੀ ।
 ਰੂਪ ਲਸੈ ਰਤਿ ਰਾਜ ਕਿਥੋਂ ਸੁਰ ਨਾਰ ਲਜਾਇ ਸੁਭਾਇਨ ਦੈਨੀ ।
 ਸੰਤ ਸੁਨੋ ਕਵਿ ਕੀ ਬਿਨਤੀ ਸੂਮ ਪਾਵਤ ਨਾਰਿ ਮਹਾਂ ਸੁਖ ਲੈਨੀ ।
 ਗਾਵਤ ਪੁਤ੍ਰ ਵਿਵਾਹ ਪ੍ਰਭੂ ਸੁਖ ਚਾਹਿਤੇ ਸੁੰਦਰ ਏ ਸੁਖ ਦੈਨੀ ॥ 300 ॥

ਦੋਹਰਾ

ਸਾਰੀ ਨਿਸ ਮੰਗਲ ਭਯੋ ਕਹਿ ਤਕ ਕਰਹੁ ਬਖਾਨ ।
 ਤੀਨ ਮਾਤ ਅਤਿ ਹਰਖ ਸਿਉ ਦੇਤ ਦਾਨ ਤਜ ਸਿਆਨ ॥ 301 ॥

ਚੌਪਈ

ਦਾਨ ਮਾਨ ਕਰ ਪੂਰਨ ਕੀਨੋ । ਤੀਨ ਦਿਵਸ ਦ੍ਰਿੜ ਕੋ ਸੁਖ ਦੀਨੋ ।
 ਬਹੁਰ ਬਿਦੈਗੀ ਦੇ ਦ੍ਰਿੜ^੨ ਤੋਰਿਯੋ । ਭਾਂਤਿ ਭਾਂਤਿ ਕਰ ਬਿਨੈ ਨਿਹੋਰਿਯੋ ॥ 302 ॥
 ਪੁਰ ਕਰਤਾਰ ਚਲਾ ਦਿਜ ਧਾਈ । ਜਾਇ ਗੁਰੂ ਕੀ ਬਾਤ ਸੁਨਾਈ ।
 ਪ੍ਰੇਮ ਸਸੀ ਮਨ ਆਨੰਦ ਪਾਯੋ । ਗਾਵਤ ਅਬਲਾ ਬਾਜ ਬਜਾਯੋ ॥ 303 ॥

ਦੋਹਰਾ

ਇਹੁ ਠਾਂ ਗੁਰ ਆਗਿਆ ਕਰੀ ਅਨਗਨ ਵਸਤ ਮੰਗਾਇ ।
 ਬਿਧੀਏ ਆਦਿ ਬੁਲਾਇਕੇ ਉਤਮ ਦਾਸ ਤਦਾਇ ॥ 304 ॥

ਚੌਪਈ

ਬਹੁ ਹਲਵਾਈ ਅਬੈ ਬੁਲਯੋ । ਭਾਂਤ ਭਾਂਤ ਪਕਵਾਨ ਪਕਯੋ ।
 ਬਾਜੀ ਅਸਤ ਭਾਂਤ ਬਹੁ ਲੀਜੈ । ਔਰ ਸਮਗ੍ਰੀ ਏਕਠ ਕੀਜੈ ॥ 305 ॥
 ਬਿਧੀਆ ਉਤਮ ਜਾਨ ਗਿਆਨੀ । ਕਹੀ ਏਕ ਮਨ ਮਹਿ ਬਹੁ ਮਾਨੀ ।
 ਭਾਂਤ ਭਾਂਤ ਪਕਵਾਨ ਪਕਾਯੋ । ਜੇ ਕਬਹੂੰ ਨਹਿੰ ਨੈਨ ਦਿਖਾਯੋ ॥ 306 ॥

^੧ਅ ਤ ਏ ਪੋਥੀ ਆਇਸ ^੨ਅ ਪੋਥੀ ਬਿਪ

ਦੋਹਰਾ

ਨਿਤ ਨੂਤਨ ਮੰਗਲ ਭਯੋ ਬਾਜੇ ਬਜਤ ਮਹਾਇ ।
ਗਾਵਤ ਅਬਲਾ¹ ਭਾਂਤ ਬਹੁ ਮਿਲ ਮਿਲ ਝੁੰਡ ਤਦਾਇ ॥ 307 ॥

ਚੌਪਈ

ਅਸਤ ਬਾਜ ਬਿਧਿਏ ਪਹਿ ਆਇ । ਬਿਧੀਏ ਤਾਕੋ ਕਹਿਓ ਸੁਨਾਇ ।
ਬਾਜੀ ਅਸਤ ਬਨਾਵੋ ਐਸੀ । ਭਾਂਤ ਭਾਂਤ ਕੀ ਦੇਰ ਨਾ ਕੈਸੀ ॥ 308 ॥
ਏਕ ਸਹਸ੍ਰ² ਰੁਪਯਾ ਦੀਨੋ । ਆਤਸ਼ਬਾਜ ਪਿਯਾਨਾ ਕੀਨੋ ।
ਬਾਜੀ ਅਸਤ ਰਚੀ ਬਹੁ ਭਾਏ । ਸਰਗਸਤ ਬਾਜ ਨਗ ਮਾਣਕ ਲਾਏ ॥ 309 ॥

ਦੋਹਰਾ

ਭਾਂਤ ਭਾਂਤ ਪਕਵਾਨ ਤਬ ਭਏ ਤਿਆਰ ਬਹੁ ਭਾਇ ।
ਫਲਗੁਨ ਬੀਤਿਓ ਚੇਤ ਤਬ ਜਾਨੋਂ ਕਛੁਕ ਬਿਤਾਇ ॥ 310 ॥

ਚੌਪਈ

ਇਹੁ ਮੈਂ ਥੋਰੀ ਬਾਤ ਰਖੀਜੈ । ਇਛੁ ਦਾਸ ਕਵਿ ਪੂਰਨ ਕੀਜੈ ।
[ਤੈ]³ ਦਸ ਚੇਤ੍ਰ ਜਥੈ ਬਿਤਾਯੋ । ਮਾਤ ਦਮੋਦਰੀ ਕੇ ਮਨ ਭਾਯੋ ॥ 311 ॥
ਦਯਾ ਸਿੰਧ ਕੇ ਨਿਕਟ ਪਧਾਰੀ । ਗਰਿ ਅੰਚਰ ਮੁਖਿ ਬਿਨੈ ਉਚਾਰੀ ।
ਸ੍ਰੀ ਗੁਰ ਕਹਾ ਭਾਖ ਰਿਦ ਪਟ ਕੀ । ਕਹਾ ਮਾਤ ਜਾਨੋਂ ਘਟਿ ਘਟਿ ਕੀ ॥ 312 ॥

ਦੋਹਰਾ

ਹੇ ਪ੍ਰਭ ਤੁਮ ਸ੍ਰੀ ਮੁਖਿ ਕਹਿਯੋ ਨਿਜ ਤਾਏ ਕਾ ਨਾਮ ।
ਲੀਨੋ ਭਵ ਬਾਬੇ ਸਦਨ ਮਨਹੁ ਕਪਟ ਕਾ ਧਾਮ ॥ 313 ॥

ਚੌਪਈ

ਤਾਂਤੇ ਇਛੁ ਮੋਰ ਮਨ ਆਈ । ਪੂਰਨ ਕਰੋ ਪ੍ਰਭ ਸੁਖਦਾਈ ।
ਬਾਬੇ ਗ੍ਰਿਹ ਦੀਜੈ ਸੁਤ ਔਰ । ਸੁਖਦਾਯਕ ਸਭ ਕਾ ਸਿਰਮੋਰ ।
ਭਏ ਦਯਾਲ ਪ੍ਰਭ ਸੁਨ ਬੈਨਾ । ਭਾਖੇ ਬਚਨ ਪ੍ਰਭੁ ਸੁਖ ਦੈਨਾ ।
ਐਸੇ ਸੁਤ ਉਪਜੈ ਸੁਨ ਲੀਜੈ । ਗੁਰੁਅਨ ਗੁਰੁ ਜਗਤ ਸੁਖ ਦੀਜੈ ॥ 315 ॥

ਦੋਹਰਾ

ਬਾਬੇ ਅਸ ਕਉ ਜਾਇ ਕੈ ਆਇਸ ਮੋਹਿ ਸੁਨਾਇ ।
ਸਤਿਨਾਮ ਕੋ ਮੰਤ੍ਰ ਲਿਖ ਦੀਜੈ ਨਾਰ ਬਨਾਇ ॥ 316 ॥

ਚੌਪਈ

ਭਗਤਿ ਸਿੰਘ ਨਿਸ ਜਾਮ ਬਿਤਾਈ । ਬਾਬੇ ਕੇ ਢਿਗ ਮਾਤ ਸਿਧਾਈ⁴ ।
ਪ੍ਰਭ ਕੀ ਆਗਿਆ ਦਈ ਸੁਨਾਇ । ਤਤ ਛਿਨ ਮਾਨ ਕਰੀ ਸੁਖ ਪਾਇ ॥ 317 ॥

¹ਅ ਤੇ ਅ ਪੋਥੀ ਨਾਰਿਨ ²ਅ ਪੋਥ ਹਜਾਰ ³ਅ ਪੋਥੀ ਵਿਚੋਂ ⁴ਅ ਪੋਥੀ ਆਈ

ਸਤਿਨਾਮ ਲਿਖ ਮੰਤ੍ਰ ਉਦਾਰੀ । ਦੀਨਾ ਨਾਰਿ ਕੋ ਰੀਤਿ ਉਚਾਰੀ ।
ਕਰ ਮਜਨ ਗੁਰ ਲਾਇ ਧਿਆਨ । ਚੂਸੇ ਅਧਿਕ ਯਾਹਿ ਸੁਖ ਮਾਨ ॥ 318 ॥

ਦੋਹਰਾ

ਮਾਤ ਅਨੰਤੀ ਨਾਯ ਕੈ ਗੁਰ¹ ਕਉ ਧਯਾਨ ਲਗਾਇ ।
ਸਤਿਨਾਮ ਮੁਖ ਪਾਨ ਕਰ ਹਿਰਦੈ ਸਾਂਤਿ ਪਰਿ ਆਇ ॥ 319 ॥

ਚੌਪਈ

ਸਵਾ ਜਾਮ ਨਿਸ ਜਬੈ ਬਿਤਾਈ । ਭਯੋ ਅਧਾਨ ਮਾਤ ਹਰਖਾਈ ।
ਮੰਗਲ ਸਮਾ ਹੋਤ ਸੁਖ ਭਾਰੀ । ਸੁਰ ਕੀ ਅਪਸਰ ਮਨੋ ਸੁ ਝਾਰੀ ॥ 320 ॥
ਨਿਸ ਬਹਾਇ [ਸੂਰਜ]² ਜਬ ਆਯੋ । ਦਯਾ ਸਿੰਧ ਅਸ ਬਯੋਤ ਬਨਾਯੋ ।
ਭਾਜੀ ਲੀਏ ਤਖਤ ਦਰਬਾਰ । ਗਏ ਆਪਿ ਧਰ ਹਰਖ ਮੁਰਾਰ³ ॥ 321 ॥
ਬਹੁਰੋ ਮਨ ਮਹਿ ਕੀਨ ਬਿਚਾਰਾ । ਸਭ ਦਿਸ ਭਾਜੀ ਪਨੈ ਸੁਧਾਰਾ ।
ਉਤਮ ਦਾਸ ਬੋਲ ਢਿਗ ਲੀਨੇ । ਭਾਜੀ ਦੇ ਤਬ ਬਿਦਿਆ ਕੀਨੇ ॥ 322 ॥

ਦੋਹਰਾ

ਪ੍ਰਿਥਮ ਮੰਡਿਆਲੀ ਤੋਰਿਓ ਬਹੁਰ ਬਟਾਲੇ ਜਾਨ ।
ਗੋਇੰਦਵਾਲ ਖਡੂਰ ਪੁਨ ਡਲੇ ਡਰੋਲੀ ਮਾਨ ॥ 323 ॥

ਚੌਪਈ

ਸਭ ਕਉ ਤੋਰ ਬਹੁਰ ਮਨ ਆਈ । ਭਾਜੀ ਮੈਕੇ ਓਰ ਪਠਾਈ ।
ਸਾਹਿਬ ਭਾਨੇ ਨਿਕਟਿ ਪਠਾਯੋ । ਭਾਜੀ ਦੇ ਜੇਠਾ ਤਬ ਧਾਯੋ ॥ 324 ॥
ਸੁਧਾ ਸਰੋਵਰ ਮਾਹਿ ਬਸਾਵੈ । ਹਰੀ ਚੰਦ ਸਦ ਨਿਕਟ ਰਹਾਵੈ ।
ਮੰਗਲ ਨਿਤ ਪ੍ਰਤਿ ਹੋਤ ਅਪਾਰਾ । ਬਜਤ ਬਜੰਤ੍ਰ ਅਧਿਕ ਸੁਧਾਰਾ ॥ 325 ॥

ਦੋਹਰਾ

ਚੇਤ ਬੀਤੀਤਯੋ ਮਧ ਅਯੋ ਮੇਲਾ ਅਪਰ ਅਪਾਰ ।
ਮਨ ਬਾਛਤ ਫਲ ਪਾਇ ਕੈ ਸੰਗਤ ਸਗਲ ਪਧਾਰ ॥ 326 ॥

ਚੌਪਈ

ਵਿਸਾਖ ਮਾਸ ਦਿਨ ਪਾਂਚ ਬਿਤਾਯੋ । ਸਹਿਤ ਨਾਰਿ ਦੁਆਰਾ ਤਬ ਆਯੋ ।
ਜਾਨ ਸਸੁਰ ਗੁਰ ਬੰਦਨ ਧਾਰੀ । ਮਿਲੇ ਪਰਸਪਰ ਆਨੰਦ ਭਾਰੀ ॥ 327 ॥
ਮਾਤ ਮਰਵਾਹੀ ਮਾਤ ਮਿਲਾਇ । ਦਈ ਬਧਾਈ ਅਗ੍ਰ ਸਿਧਾਇ ।
ਬਧਾਈ ਸੁਨ ਭਾਗਣ ਸੁਖ ਪਾਯੋ । ਸੁਤਾ ਪੁਤ੍ਰ ਨਿਜ ਕੰਠ ਲਗਾਯੋ ॥ 328 ॥

ਦੋਹਰਾ

ਸਾਹਿਬ ਭਾਨਾ ਤਬ ਅਯੋ ਜੇਠੇ ਸੰਗਿ ਸੁਧਾਰ ।
ਸਹਿਰ ਵਟਾਲੇ ਤੈ ਅਯੋ ਰਾਮਾ ਜੂਤ ਨਿਜ ਨਾਰ ॥ 329 ॥

¹ਅ ਤੇ ਏ ਪੋਥੀ ਸ੍ਰੀ ਗੁਰੂ ²ਏ ਪੋਥੀ ਵਿਚੋਂ ³ਅ ਪੋਥੀ ਅਪਾਰ

ਚੌਪਈ

ਰਾਮਾ ਆਇ ਚਰਨ ਗੁਰ ਲਾਗਾ । ਦਈ ਬਧਾਈ ਅਤਿ ਅਨੁਰਾਗਾ ।
 ਦਯਾ ਸਿੰਧ ਦੀਓ ਬਹੁ ਮਾਨਾ । ਬਾਬੇ ਸਸੁਰ ਤਹਿ ਨਿਜ ਮਾਨਾ ॥ 330 ॥
 ਚਰਨ ਬੰਦਨਾਂ ਤਾਂਕੇ ਧਾਰੀ । ਦੇ ਅਸੀਸ ਰਾਮੇ ਜੁਤ ਨਾਰੀ ।
 ਤੀਨ ਮਾਤ ਕਉ ਬਹੁਰ ਮਿਲਾਈ । ਰਾਮੇ ਨਾਰ ਸੁਤਾ ਉਰ ਲਾਈ ॥ 331 ॥

ਦੋਹਰਾ

ਧੀਰ ਮਲ ਕਾ ਰੂਪ ਦਿਖ ਚਿਰ ਜੀਵਉ ਮੁਖ ਗਾਇ ।
 ਵਿਸਾਖ ਦਵਾਦਸ¹ ਦਿਨ ਗਯੋ ਸਾਂਈ ਦਾਸ ਤਦਾਇ ॥ 332 ॥
 ਤਾਂਹੀ ਛਿਨ ਸਾਧੂ ਅਯੋ ਪਦ ਪੰਕਜ ਗੁਰ ਲਾਗ ।
 ਕੁਸਲ ਅਨੰਦ ਗੁਰ ਪ੍ਰਛਿਓ ਮਾਤ ਪਿਤਾ ਸੁਖ ਪਾਗ ॥ 333 ॥

ਅੜਿਲ

ਸਾਧੂ ਕੁਸਲ ਅਲਾਇ ਸਭੈ ਤੁਮ ਮਯਾ ਸਿਉ ॥
 ਮਾਤ ਪਿਤਾ ਸੁਖ ਰੈਨ ਅਤਹਿ ਮਨ ਦਯਾ ਸਿਉ² ।
 ਤੀਨ ਮਾਤ ਕਉ ਸਾਧੂ ਤੁਰਤ ਮਿਲਾਇਯੋ ।
 ਹੋ ਦਈ ਅਸੀਸਾ ਮਾਤ ਹਰਖ ਮਨ ਪਾਇਓ ॥ 334 ॥

ਚੌਪਈ

ਦਾਸ ਨਾਰਾਇਨ ਖਤੀ ਜੁਤ ਆਯੋ । ਸੁੰਦਰ ਪਰਮਾਨੰਦ ਸੁਹਾਯੋ ।
 ਦਾਤੂ ਸੁਤ ਆਯੋ ਸਹਿ ਨਾਰੀ । ਆਦਰ ਸਬ ਕਉ ਦੀਨ ਮੁਰਾਰੀ ॥ 335 ॥

ਦੋਹਰਾ

ਸਭ ਸੋ ਆਨੰਦ ਬੂਝ ਕੈ ਆਸਨ ਦੀਓ ਅਪਾਰ ।
 ਕਹੂੰ ਕਥਾ ਅਤਿ ਗ੍ਰੰਥ ਬਚ ਤਾਂਤੇ [ਥੋਰ]³ ਨਿਹਾਰ ॥ 336 ॥
 ਭਗਤ ਸਿੰਘ ਮੰਗਲ ਭਯੋ ਸੇਸ ਬਕਤ ਨਹਿ ਪਾਰ ।
 ਕੈਸ ਗੰਮ ਮੇਰੀ ਕਹਹੂੰ ਕਿਨਕਾ ਮੇਰ ਉਚਾਰ ॥ 337 ॥

ਚੌਪਈ

ਵਿੰਸ ਪਾਂਚ ਅਹਿ ਮਾਸ ਬਿਤਾਯੋ । ਜਗਤ ਰੀਤਿ ਸਬਹੀ ਕਰਵਾਯੋ ।
 ਜੋ ਕਾਰਜ ਸ੍ਰੀ ਸਤਿਗੁਰੁ ਕਰੈ । ਭਾਂਨੇ ਕੀ ਆਇਸ ਅਨੁਸਰੈ ॥ 338 ॥
 ਸੁੰਦਰ ਜੀਵ³ ਤਿਆਰੀ ਕੀਨੀ । ਸਮਗਰੀ ਸਭ ਇਕਠੀ ਕਰ ਲੀਨੀ ।
 ਦਰਬਾਰ ਤਖਤ ਅਰਦਾਸ ਕਰਾਏ । ਦਯਾ ਸਿੰਧ ਮਨ ਅਤਿ ਸੁਖ ਪਾਏ ॥ 339 ॥

ਦੋਹਰਾ

ਸ੍ਰੀ ਮੁਖ ਆਇਸ ਅਸ ਦਈ ਤਤ ਛਿਨ ਸਜੋ ਬਰਾਤ ।
 ਸੁਨਿ ਆਇਸ ਸਭ ਹੀ ਭਏ ਬਾਜੇ ਬਜਤ ਸੁਹਾਤ ॥ 340 ॥

¹ਏ ਪੌਥੀ ਬਾਰਹਿ ²ਏ ਪੌਥੀ ਵਿਚੋਂ ³ਅ ਪੌਥੀ ਬ੍ਰਾਤ

ਚੌਪਈ

ਧੰਨ ਬਰਖਾਵਤ ਚਲੀ ਬਿਰਾਤਾ । ਰੰਕ ਪਾਇ ਸੁਖ [ਚਾਤ੍ਰਕ]¹ ਸਵਾਂਤਾ ।
ਪੁਰ ਬਾਹਰ ਇਕਠੇ ਸਭ ਹੋਏ । ਬਨੀ ਐਸ ਛਬਿ ਕਹੂੰ ਨ ਜੋਏ ॥ 341 ॥
ਸਾਂਈ ਦਾਸ ਸੰਗਿ ਗੁਰ ਲੀਨੋ । ਅਧਿਕ ਕੁਲਾਹਲ ਮਨ ਮਹਿ ਚੀਨੋ ।
ਕਈ ਭਾਂਤ ਕੇ ਅਸਪ ਸਿੰਗਾਰੇ । ਸੋ ਭੀ ਸੰਗ ਲੀਨੇ ਗੁਰ ਭਾਰੇ ॥ 342 ॥

ਦੋਹਰਾ

ਨਗ ਮਾਨਕ ਖਾਸਾ ਰਚਿਓ ਸ੍ਰੀ ਗੁਰ ਤਾਂਹਿ ਸੁਹਾਇ ।
ਸਾਂਈ ਦਾਸ ਸਮੁਹਾਇ ਗੁਰ ਉਪਮਾ ਕਹੀ ਨਾ ਜਾਇ ॥ 343 ॥

ਚੌਪਈ

ਸਾਹਿਬ ਭਾਨਾ ਗਜ ਅਸਵਾਰਾ । ਸਾਥ ਗੁਰਦਾਸ ਹਰਖ ਮਨ ਧਾਰਾ ।
ਚਲਤ ਅੰਬਾਰੀ ਦੁਤੇ ਸੁਹਾਏ । ਦਵਾਰਾ ਰਾਮ ਬਡੀ ਛਬਿ ਪਾਏ ॥ 344 ॥
ਨਰਾਇਨ ਦਾਸ ਹਰੀ ਸਸ² ਜਾਨੋ । ਰਾਜਤ ਰਥ ਕਿਆ ਉਪਮ ਬਖਾਨੋ ।
ਜਰਤ ਜੀਨ ਹੈ ਚਾਲ ਅਪਾਰਾ । ਸਾਧੂ ਭਯੋ ਤਾਂਹਿ ਅਸਵਾਰਾ ॥ 345 ॥
ਸੁੰਦਰ ਪਰਮਾਨੰਦ ਸੁਹਾਯੋ । ਚੜੇ ਸਾਜ ਹੈ ਬਡ ਸੁਖਦਾਯੋ ।
ਬਾਬਾ ਦਾਤੂ ਸੁਤ ਹੂੰ ਸਵਾਰਾ । ਬਣੀ ਧੀਰ ਮਲ ਮਸਤ ਅਪਾਰਾ ॥ 346 ॥

ਦੋਹਰਾ

ਗਹੀ ਭੁਜਾ ਅਣੀ ਰਾਇ ਕੀ ਬਿਧੀਆ ਰਥੈ ਚੜਾਇ ।
ਸ੍ਰੀ ਤੇਗ ਬਹਾਦਰ ਸੰਗ ਲੈ ਸੋਭਾ ਕਹੀ ਨਾ ਜਾਇ³ ॥ 347 ॥

ਚੌਪਈ

ਜੇਠਾ ਤੁਰੰਗ ਅਧਿਕ ਛਬ ਪਾਵੈ । ਇਤ ਉਤ ਚਾਲ ਚਲੈ ਮਨ ਭਾਵੈ ।
ਦੂਲੋ ਸੂਰਜ ਮਲ ਸੁਹਾਯੋ । ਜਰੀ ਜੀਨ ਤਰ ਹੈ ਛਬਿ ਦਾਯੋ ॥
ਪੀਤ ਪੋਸ਼ਾਕ ਸੋਹਤ ਤਨ ਐਸੇ । ਬਾਦਰ ਸੇਤ ਦਾਮਨੀ ਜੈਸੇ ।
ਦਯਾਸਿੰਧ ਇਹ ਭਾਂਤ ਸਿਧਾਈ । ਅਧਿਕ ਬਰਾਤ ਬੜੀ ਛਬਿ ਪਾਈ ॥ 348 ॥

ਦੋਹਰਾ

ਤੀਨ ਕੋਸ ਡੇਰਾ ਕੀਓ ਚਲੇ ਪ੍ਰਾਤ ਸੁਖ ਪਾਇ ।
ਲਾਘ ਬਿਪਾਸਾ⁴ ਗੁਰੂ ਜੀ ਡੇਰਾ ਕੀਨ ਬਨਾਇ ॥ 349 ॥

ਚੌਪਈ

ਜੋ ਆਵਤ ਪਾਵਤ ਮਨ ਭਾਯੋ । ਕਰ ਵਿਚਾਰ ਬਾਦਰਬਿਤ ਆਯੋ ।
ਨਿਸਾ ਬਿਹਾਇ ਭੋਰ ਕਰ ਪਯਾਨਾ । ਚਲੀ ਬਰਾਤ ਹਰਖ ਧਰ ਨਾਨਾ ॥ 350 ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਚੰਦ ³ਅ ਪੋਥੀ ਕਹਿ ਨ ਸਕਾਇ ⁴ਅ ਪੋਥੀ ਬਿਯਾਸਾ

ਚੜੇ ਜਾਮ ਦਿਨ ਡੇਰਾ ਲਾਯੋ । ਨਗਰ ਨਿਕਟ ਮਨ ਆਨੰਦ ਭਾਯੋ ।
ਤਿਹ ਠਾਂ ਕਰੀ ਸ਼ਾਂਤ ਕੀ ਰੀਤਾ । ਕੀਨ ਇਸਨਾਨ ਦਾਨ ਦੇ ਪ੍ਰੀਤਾ ॥ 351 ॥

ਦੋਹਰਾ

ਬਹੁਤ ਭਾਂਤ ਕਉ ਦਰਬ ਦੇ ਰਹਿਓ ਜਾਮ ਦਿਨ ਆਇ ।
ਪ੍ਰੇਮ ਚੰਦ ਆਗੂ ਪਠੇ ਕ੍ਰਿਪਾਸਿੰਧ ਨਿਕਟਾਇ ॥ 352 ॥
ਆਇ ਦਰਬ ਗੁਰੁ ਅਗੂ ਧਰ ਬਿਨਤੀ ਕੀਨ ਬਯੰਤ ।
ਮਹਾਰਾਜ ਭੀਤਰ ਚਲੋ ਧੀਰਜ ਦੀਨ ਅੰਨਤ ॥ 353 ॥

ਚੌਪਈ

ਆਇਸ ਕਰੀ ਬਾਜ ਬਹੁ ਬਾਜੇ । ਨਿਜ ਨਿਜ ਬਾਹਿਨ ਸਭੈ ਬਿਰਾਜੇ ।
ਛਾਰਤ ਬਿਤਾ ਬਰਾਤ ਸਿਧਾਰੀ । ਉਮਡ ਦੁਬ ਜਨ ਨਦੀ ਪਧਾਰੀ ॥ 354 ॥
ਚੰਕ ਰੂਪ ਹੁਇ ਦਾਰਦ ਖੋਯੋ । ਪੁਰ ਜਨ ਦੇਖ ਹਰਖ ਮਨ ਹੋਯੋ ।
ਨਿਜ ਮਹਿਲੀ ਗੁਰੁ ਡੇਰਾ ਪਾਯੋ । ਸਸੀ^੧ ਪ੍ਰੇਮ ਬਡ ਦਰਬ ਪਠਾਯੋ ॥ 355 ॥

ਦੋਹਰਾ

ਪਠੀ ਮਿਠਾਈ ਭਾਂਤ ਬਹੁ ਦਯਾ ਸਿੰਧ ਨਿਕਟਾਰ ।
ਅਰਧ ਜਾਮ ਨਿਸ ਪੁਨ ਗਈ ਮਿਲਨੀ ਹੇਤ ਸੁਧਾਰ ॥ 356 ॥

ਚੌਪਈ

ਚਲੇ ਮੁਖ ਸਾਉ ਗੁਰ ਸੰਗਾ । ਬਾਜ ਬਜਾਏ ਅਧਿਕ ਸੁਰੰਗਾ ।
ਸੂਰਜ ਮਲ ਅਸੂਨੀ ਪਰ ਰਾਜੇ । ਤੇਗ ਬਹਾਦਰ ਪਾਛ ਬਿਰਾਜੇ ॥ 357 ॥
ਸਰਗਸਤ ਸੀਸਿ ਸਮ ਛਟਾ ਸੁਹਾਵੇ । ਦਿਖ ਜੋਰੀ ਕਵਿ ਬਲ ਬਲ ਜਾਵੇ ।
ਆਤਸ਼ਬਾਜੀ ਅਗੂ ਚਲਾਈ । ਭਾਂਤ ਭਾਂਤ ਛਬਿ ਕਹੀ ਨ ਜਾਈ ॥ 358 ॥

ਦੋਹਰਾ

ਪ੍ਰੇਮ ਚੰਦ ਆਗੇ ਰਹਿਓ ਤਬ ਠਾਢਾ ਸਮੁਹਾਇ ।
ਇਹੈ ਭਾਵ ਕਵਿ ਕੇ ਭਯੋ ਸੁਨੋ ਸੰਤ ਮਨ ਲਾਇ ॥ 359 ॥

ਚੌਪਈ

ਸਿੰਧ ਮੇਲ ਹਿਤ ਨਦਿ ਚਲ ਆਯੋ । ਦੇਖ ਬਡਾ ਮਨ ਮਹਿ ਸੁਕਚਾਯੋ ।
ਐਸੇ ਬਾਜੀ ਅਸਤ ਚਲਾਵਹਿ । ਦਯਾਸਿੰਧ^੨ ਬਹੁ ਸੋਭਾ ਪਾਵਹਿ ॥ 360 ॥
ਅਮਿਤ ਬਿਤ ਗਰਿ ਅੰਚਰ ਪਾਯੋ । ਸਸੀ ਪ੍ਰੇਮ ਗੁਰੁ ਪਗ ਲਪਟਾਯੋ ।
ਹਾਥ^੪ ਕਮਲ ਗੁਰੁ ਤਾਂਹਿ ਉਠਾਇ । ਦੈ ਧੀਰਜ ਨਿਜ ਕੰਠ ਲਗਾਇ ॥ 361 ॥

ਸਵੇਯਾ

ਸਿੰਧ ਦਯਾ ਜਹਿ ਖੋਜ ਥੇਕੈ ਸਬ ਬ੍ਰਹਮ ਬਿਯਾਸ ਦੇ ਆਦਿ ਅਨੰਤਾ ।
ਰੋਮ ਰਖੀ ਸੁਰ ਜੋਨ ਮ੍ਰਿਗੀ ਸੁਤ ਆਦਿ ਕਵੀ ਕਛੁ ਪਾਇ ਨ ਅੰਤਾ ।

^੧ਅ ਪੋਥੀ ਧਨ ^੨ਅ ਪੋਥੀ ਚੰਦ ^੩ਅ ਪੋਥੀ ਕ੍ਰਿਪਾਨਿਧਾਨ ^੪ਦ ਪੋਥੀ ਹਸਤ

ਪੰਕਜਜਾ¹ ਸ਼ਿਵ ਨਾਹਿ ਸ੍ਰੀ [ਜਿਹੇ]² ਧਿਆਨ ਧਰੈ ਤਪ ਤਾਪਤ ਸੰਤਾ ।
ਸੋ ਪ੍ਰਭੂ ਦੇਹ ਧਰੇ ਸਸਿ ਪ੍ਰੇਮ ਕਉ ਕੰਠ ਲਗਾਇ ਕਵੀ ਬਲ ਜੰਤਾ ॥ 362 ॥

ਸੋਰਠਾ

ਨਰ ਦੇਹੀ ਕੋ ਪਾਇ ਐਸ ਪ੍ਰਭੂ ਨਹਿ ਧਿਆਇ ਜੋ ।
ਜਨਮ ਅੰਨਥਾ ਜਾਇ ਪਾਸ ਬਿਨ ਪੰਖ ਬਖਾਨ ਹੈ ॥ 363 ॥

ਦੋਹਰਾ

ਦੂਲੇ ਕੋ ਨਿਜ ਸੰਗ ਲੈ ਸਸੀ ਪ੍ਰੇਮ ਗ੍ਰਿਹਿ ਜਾਇ ।
ਜਨਵਾਸੇ ਸ੍ਰੀ [ਗੁਰ]² ਅਏ ਬਾਜੀ ਅਸਤ ਜਲਾਇ ॥ 364 ॥

ਚੌਪਈ

ਬਹੁਰੋ ਭੋਜਨ ਹੇਤ ਬੁਲਾਏ । ਚਲੀ ਬਰਾਤ ਬਾਜ ਬਹੁ ਵਾਏ ।
ਬਾਜੀ ਅਸਤ ਚਲਾਵਤ ਆਗੇ । ਭਾਂਤ ਭਾਂਤ ਕੀ ਅਤਿ ਅਨੁਰਾਗੇ ॥ 365 ॥
ਪਹੁੰਚੇ ਸਦਨ ਬੈਠ ਤਹਿ ਜਾਈ । ਖਟ ਰਸ ਭੋਜਨ ਭਏ ਤਦਾਈ ।
ਭੋਜਨ ਕਰਨ ਲਗੇ ਗੁਰ ਜਬਹੀ । ਗਾਰੀ ਦੇਨ ਲਗੀ ਤ੍ਰਿਯ ਤਬਹੀ ॥ 366 ॥

ਦੋਹਰਾ

ਲੈ ਲੈ ਨਾਮ ਸਮ੍ਰਗ ਕੋ ਗਾਰੀ ਮਧੁਰ ਅਲਾਇ ।
ਭੋਜਨ ਕਰਤ ਅਨੰਦ ਜੁਤ ਸਨੇ ਸਨੇ ਸੁਖ ਪਾਇ ॥ 367 ॥

ਚੌਪਈ

ਕਰਿ ਭੋਜਨ ਜਨਵਾਸੇ ਆਏ । ਬਹੁਰੋ ਲਾਵਾਂ ਹੇਤ ਬੁਲਾਏ ।
ਅਰਧ ਜਾਮ ਨਿਸ ਜਬੈ ਰਹਾਈ । ਸੁੰਦਰ ਸਮੇਂ ਲਗਨ ਸੁਖਦਾਈ ॥ 368 ॥
ਸਾਹਿਬ ਭਾਨੇ ਜੁਤ ਗੁਰੁ ਆਏ । ਔਰ ਮੁਖ ਸੁਹਾਏ ਜਨਵਾਸੇ ਸੁਹਾਏ ।
ਗੁਰੁ ਕੋ ਦੇਖ ਉਠੇ ਸਭ ਆਗੇ । ਬੈਠੇ ਪ੍ਰਭੂ ਚਰਨ ਅਨੁਰਾਗੇ ॥ 369 ॥

ਦੋਹਰਾ

ਬਿਬ ਖਾਰੇ ਸੁੰਦਰ ਜਰੇ ਰਵਿ [ਮਲ]³ ਏਕ ਸੁਹਾਇ ।
ਕੰਨਿਆ ਦੁਤੀ ਬਿਰਾਜਹੀ ਸੋਭਾ ਕਹੀ ਨਾ ਜਾਇ ॥ 370 ॥

ਚੌਪਈ

ਭਗਤ ਸਿੰਘ ਬੇਦੀ ਛਬਿ ਪਾਵੈ । ਦੇਖ ਸਮਾਜ ਕਵੀ ਬਲ ਜਾਵੈ ।
ਸੁਭ ਗ੍ਰਹਿ ਨਿਜ ਨਿਜ ਠੌਰ ਬੈਠਾਏ । ਸੰਭ ਪੁਤ੍ਰ ਨਿਜ ਰੀਤਿ ਕਰਾਏ ॥ 371 ॥
ਲਾਵਾਂ ਲੀਨ ਰੀਤਿ ਸੁਭ ਸਾਰੀ । ਵਿਰਹ ਪੂਰ ਮਿਲ ਗਾਵਤ ਨਾਰੀ ।
ਦੁਇ ਦਿਸ ਦੀਨ ਲਾਗ ਅਤਿਯੰਤਾ । ਸੁਨੈ ਸੰਤ ਜਹਿ ਪਰੈ ਨਾ ਅੰਤਾ ॥ 372 ॥

¹ਅ ਪੌਥੀ ਬ੍ਰਹਮਾ ²ਏ ਪੌਥੀ ਵਿਚੋਂ ³ਅ ਪੌਥੀ ਵਿਚੋਂ

ਦੋਹਰਾ

ਵਿਵਾਹ ਪੂਰ ਸ੍ਰੀ ਗੁਰੂ ਉਠੇ ਜਨਵਾਸੇ ਚਲ ਆਇ ।
 ਰਵਿਮਲ¹ ਤਹਿ ਠਾਂ ਹੀ ਰਹਯੋ ਦੇਖ ਤ੍ਰਿਯਾ ਬਲ ਜਾਇ ॥ 373 ॥
 ਸੰਮਤ ਸੋਰਹ ਸੈ ਸੁਖਦ ਛਿਆਸੀ ਮਾਸ ਵਿਸਾਖ ।
 ਸੂਰਜ ਮਲ ਫੇਰੇ ਲੀਏ ਵਿੰਸ ਸਪਤ ਅਹਿ ਲਾਖ ॥ 374 ॥

ਚੌਪਈ

ਚੜ੍ਹਯੋ ਭਾਨ ਅਬਲਾ ਬਹੁ ਗਾਵੈ । ਭਾਟ ਕਲਾਵਤ ਬਹੁ ਧਨ ਪਾਵੈ ।
 ਦੁਲੋ ਰੂਪ ਦੇਖ ਕੇ ਨਾਰੀ । ਬਲ ਬਲ ਜਾਇ ਅਧਿਕ ਸੁਖ ਧਾਰੀ ॥ 375 ॥
 ਤੇਗ ਬਹਾਦਰ ਰੂਪ ਅਪਾਰਾ । ਦੇਖ ਤ੍ਰਿਯਾ ਮਨ ਬਿਸਮੈ ਧਾਰਾ ।
 ਹੇ ਅਲਿ ਜੋਰੀ ਭ੍ਰਾਤ ਸੁਹਾਵੈ । ਅਧਿਕ ਰੂਪ ਰਤਿ ਨਾਥ ਲਜਾਵੈ ॥ 376 ॥
 ਸੁਭਿਖਾ ਖਤ੍ਰੀ ਲਾਲ ਸੁ ਨਾਮੁ । ਬੈਠੀ ਬੀਚ ਤਾਂਹਿ ਕੀ ਬਾਮੁ ।
 ਬਿਸਨ ਕੌਰ ਤਹਿ ਨਾਮ ਭਣਿਜੈ । ਕੋ ਅਬਲਾ ਤਿਹ ਪਟ ਤਰ ਦਿਜੈ ॥ 377 ॥

ਦੋਹਰਾ

ਤੇਗ ਬਹਾਦਰ ਰੂਪ ਦਿਖ ਮੋਹਤ ਭੀ ਤਿਹ ਵਾਰ ।
 ਐਸ ਬਾਤ ਚਿਤ ਮਹਿ ਧਰੀ ਸੁਤਾ ਸੁ ਸਾਕ ਨਿਹਾਰ ॥ 378 ॥

ਚੌਪਈ

ਤਾਹੀ ਛਿਨ ਉਠ ਸਦਨ ਸਿਧਾਰੀ । ਲਾਲ ਚੰਦ ਪਤਿ ਪਾਸ ਉਚਾਰੀ ।
 ਹੇ ਪ੍ਰਭਿ ਸੁਤ ਗੁਰੂ ਰੂਪ ਅਪਾਰਾ । ਸਾਤ ਬਰਖ ਬਪੁ ਤੇਜ ਅਪਾਰਾ ॥ 379 ॥
 ਪਾਂਚ ਬਰਸ ਨਿਜ ਪੁਤ੍ਰੀ ਜਾਨੇ । ਕਰੇ ਸਗਾਈ ਦੇਰ ਨ ਠਾਨੇ ।
 ਪਤਿ ਮਨ ਮਾਨ ਅਧਿਕ ਸੁਖ ਪਾਯੋ । ਉਤਮ ਦ੍ਰਿਜ ਨਿਜ ਨਿਕਟ ਬੁਲਾਯੋ ॥ 380 ॥

ਦੋਹਰਾ

ਬਿਨਤੀ ਅਧਿਕ ਅਲਾਇ ਕੈ ਸਭੈ ਬਾਤ ਸਮਝਾਇ ।
 ਗੁਰ ਢਿਗ ਬਿਪ੍ਰ ਪਠਾਯੋ ਅਯੋ ਅਧਿਕ ਸੁਖ ਪਾਇ ॥ 381 ॥

ਚੌਪਈ

ਅਸ਼ੀਰਬਾਦ ਕਹਿ ਸਨਮੁਖ ਹੋਯੋ । ਜੋਰ ਹਾਥ ਮਨ ਕਾ ਸੂਮ² ਖੋਯੋ ।
 ਸ੍ਰੀ ਗੁਰੂ ਕਹਾ ਕੌਨ ਬਿਧਿ ਆਏ । ਹੁਇ ਅਧੀਨ ਦ੍ਰਿਜ ਬੈਨ ਅਲਾਏ ॥
 ਸੁ ਭਿਖਾ ਜਾਤ ਲਾਲ ਚੰਦ ਨਾਮੁ । ਪਠਾ ਸਾਕ ਪੁਤ੍ਰੀ ਅਭਿਰਾਮੁ ।
 ਨਿਜ ਸੁਤ ਦਾਸਿ ਕਰਹੁ ਗੁਰ ਸਵਾਮੀ । ਤੁਮਰੇ ਬਿਰਦ ਦਾਸ ਕਰ ਕਾਮੀ ॥ 383 ॥

ਦੋਹਰਾ

ਦੈ ਧੀਰਜ ਗੁਰੂ ਤਾਹਿ ਕੋ ਅਪਨੇ ਨਿਕਟ ਬਿਠਾਇ ।
 ਧਰ ਅਨੰਦ ਗੁਰਦਾਸ ਕਉ ਕਹੀ ਬਾਤ ਸਮਝਾਇ ॥ 384 ॥

¹ਅ ਤੇ ਏ ਪੌਥੀ ਸੂਰਜਮਲ ²ਅ ਪੌਥੀ ਦੁਖ

ਚੌਪਈ

ਅਣ ਰਾਇ ਕੇ ਨਿਕਟ ਪਠਾਏ । ਗੁਰਦਾਸ ਬਿਪੁ ਦੋਈ ਚਲ ਆਏ ।
 ਦੇਖ ਇਕਾਂਤ ਅਗੂ ਧਰ ਧਿਆਨਾ । ਅਤਿ ਤਪ ਤੇਜ ਨ ਜਾਇ ਬਖਾਨਾ ॥ 385 ॥
 ਦਿਜ¹ ਭਾਈ ਕੋ ਬੰਦਨ ਧਾਰੀ । ਅਣੀ ਰਾਇ ਸਮ ਦ੍ਰਿਸਟ ਪਸਾਰੀ ।
 ਹਾਨ ਲਾਭ ਚਿਤ ਰੰਚ ਨ ਜਾਂਕੇ । ਸਦਾ ਪ੍ਰੇਮ ਰਹਿ ਨਿਸ ਦਿਨ ਛਾਂਕੇ ॥ 386 ॥

ਦੋਹਰਾ

ਉਸਤਤਿ ਨਿੰਦਾ ਜਾਹਿ ਸਮ ਦਯਾ ਧੀਰ ਬਲ ਖਾਨ ।
 ਪੰਚ ਸੂਰ ਜੀਤੇ ਬਲੀ ਜਹਿੰ ਵਸ ਜਗ ਸਭ ਆਨ ॥ 387 ॥

ਸਵੇਯਾ

ਕੰਚਨ ਲੋਹਿ ਸਦਾ ਸਮ ਜਾਨਤ ਆਨੰਦ ਸੋ ਗੁਨ ਭੇਦ ਪਛਾਨੈ ॥
 ਸਤ੍ਰੁ ਔ ਮਿਤ੍ਰ ਦੋਈ ਤੁਲ ਮਾਨਤ ਨਾਰਿ ਔ ਪੁਰਖ ਸਦਾ ਸਮ ਜਾਨੈ ।
 ਔਰ ਕੋ ਬਾਤ ਕਹੈ ਕਵਿ ਤਾਹਿ ਕੀ ਰੰਕ ਔ ਰਾਵ ਨ ਬਾਤ ਪਛਾਨੈ ॥
 ਰੈਨ ਦਿਨਾ ਅਲਮਸਤ ਰਹੇ ਅਣਿਰਾਇ ਸਦਾ ਹਰਿ ਨਾਮ ਬਖਾਨੈ ॥ 388 ॥

ਦੋਹਰਾ

ਐਸ ਰੂਪ ਕਉ ਦੇਖ ਕੈ ਦਿਜ ਮਨ ਬਿਸਮੈ ਪਾਇ ।
 ਹਾਥ ਜੋਰ ਬਿਨਤੀ ਕਰੀ ਕਹੀ ਬਿਨੈ ਅਸ ਗਾਇ ॥ 389 ॥

ਚੌਪਈ

ਜਗਤ ਰੀਤਿ ਤੁਮ ਕਰੋ ਸਗਾਈ । ਅਣੀ ਰਾਇ ਸੁਨ ਬਾਤ ਅਲਾਈ ।
 ਹਮ ਨਹੀਂ ਜਾਨਤ ਭੇਦ ਸੁ ਕੋਈ । ਸਗਾਈ ਨਾਮ ਕਾਹਿ ਕੋ ਹੋਈ ॥ 390 ॥
 ਕਹਾ ਬਿਪੁ ਤੁਮ ਕਰੋ ਵਿਵਾਹੂ । ਅਣੀ ਰਾਇ ਕਹਿ ਮੋਹਿ ਨ ਚਾਹੂ ।
 ਛੋਡ ਨਾਮ ਹਰਿ ਪਰੈ ਜੰਜਾਲਾ । ਬਹੁ ਦੁਖ ਰੂਪ ਜਾਨ ਦਿਜ ਆਲਾ ॥ 391 ॥

ਦੋਹਰਾ

ਉਤ੍ਰ ਪ੍ਰਸ਼ਨ ਅਨੇਕ ਕਰ ਮਾਨੀ ਬਾਤ ਨ ਕੋਇ ।
 ਹੋਰ ਮੋਨ ਮੁਖ ਧਿਆਨ ਧਰ ਰਿਦਾ ਨਾਮ ਪਰ ਹੋਇ ॥ 392 ॥
 ਦ੍ਰਿਜ ਭਾਈ ਉਠ ਗੁਰੁ ਪਹਿ ਆਏ । ਆਇ ਬਾਤ ਸਭ ਤਾਂਹਿ ਸੁਨਾਏ ।
 ਸ੍ਰੀ ਗੁਰ ਕਹਾ ਮਸਤ ਤਿਹ ਜਾਨੋ । ਮਤਵਾਲੇ ਨੈਨ ਨਾਮ ਰਸ ਮਾਨੋ ॥ 393 ॥
 ਤਬ ਲਉ ਸੂਰਜ ਮਲ ਸੁ ਆਯੋ । ਤੇਗ ਬਹਾਦਰ ਸੰਗ ਸੁਹਾਯੋ ।
 ਬੰਦਨ ਕਰ ਬੈਠੇ ਨਿਕਟਾਇ । ਅਧਿਕ ਰੂਪ ਛਬਿ ਕਹੀ ਜਾਇ ॥ 394 ॥
 ਤੇਗ ਬਹਾਦਰ ਕਾ ਦਿਖ ਰੂਪਾ । ਮੋਹਿਯੋ ਦ੍ਰਿਜ ਲਖ ਤੇਜ ਅਨੂਪਾ ।
 ਮਨ ਮਹਿ ਚਾਹ ਸਗਾਈ ਕਰੀ । ਯਾਂਕੇ ਤਿਲਕ ਭਾਲ ਹਉ ਕਰੀ ॥ 395 ॥

¹ਅ ਪੰਥੀ ਬਿਪੁ

ਦੋਹਰਾ

ਹਾਥ ਜੋਰ ਦਿਜ ਅਸ ਕਹਾ ਹੇ ਪ੍ਰਭੂ ਦੀਨਾ ਨਾਥ ।
ਤੇਗ ਬਹਾਦਰ ਕੀ ਕਰੋ ਦਾਸੀ ਜਾਨ ਅਨਾਥ ॥ 396 ॥

ਚੌਪਈ

ਭਾਈ ਕਉ ਗੁਰ ਕਹਾ ਸੁਨਾਇ । ਕਹੇ ਬਾਤ ਸਭ ਹੀ ਸਮਝਾਇ ।
ਭਾਈ ਤਬੈ ਬਾਤ ਸਮਝਾਈ । ਹੇ [ਗੁਰ]¹ ਕੀਜੈ ਆਪ ਸਗਾਈ ॥ 397 ॥
ਤੇਗ ਬਹਾਦਰ ਯੋ ਸੁਨ ਪਾਯੋ । ਬਾਲ ਮਸਤ ਅਸ ਬਚਨ ਅਲਾਯੋ ।
ਜੋ ਆਇਸ ਗੁਰ ਕੀ ਸੋ ਕਰੂੰ । ਕੋਨ ਜੰਤ ਹਮ ਨਾਹਿ ਉਚਰੂੰ ॥ 398 ॥

ਦੋਹਰਾ

ਬੋਲ ਗਨਕ ਸ੍ਰੀ ਗੁਰ ਤਬੈ ਕੀਨ ਰੀਤਿ ਸੁਭ ਜਾਨ ।
ਤੇਗ ਬਹਾਦਰ ਕਮਲ ਮੁਖ ਛੁਹਾਰਾ ਦੇ ਬਹੁ ਮਾਨ ॥ 399 ॥

ਚੌਪਈ

ਦਾਨ ਦੀਨ [ਦਿਜ]² ਵਿਦਾ ਕਰਾਯੋ । ਲਾਲ ਚੰਦ ਗ੍ਰਿਹ ਸੋ ਚਲ ਆਯੋ ।
ਆਨੰਦ ਬਾਜੈ ਅਧਿਕ ਬਧਾਈ । ਗਾਵਤਿ ਅਬਲਾ ਦੇਤ ਬਧਾਈ ॥ 400 ॥
ਇਹ ਠਾਂ ਸ੍ਰੀ ਗੁਰ ਬਾਜ ਬਜਾਵਹਿ । ਪਾਇ ਦਾਨ ਜੋ ਮਾਂਗਨ ਆਵਹਿ ।
ਸਸੀ ਪ੍ਰੇਮ ਸੇਵਾ ਬਹੁ ਕਰੈ । ਨਿਤਿ ਨੂਤਨ ਮਨ ਆਨੰਦ ਭਰੈ ॥ 401 ॥

ਦੋਹਰਾ

ਤੀਨ ਦਿਵਸ ਸ੍ਰੀ ਗੁਰ ਰਹੇ ਨਿਤ ਨੂਤਨ ਸੁਖ ਹੋਇ ।
ਚਤੁਰਥ ਦਿਨ ਪਯਾਨਾ ਕੀਓ ਜਾਨ ਲੇਹੁ ਸਭ ਕੋਇ ॥ 402 ॥

ਸਵੇਯਾ

ਦਾਜ ਦੀਓ ਜਿਹ ਵਾਰ ਨਾ ਆਵਤ ਤੂਖਨ ਪਾਟ ਹੈ ਧੋਨ ਅਪਾਰਾ ।
ਦਾਸੀ ਬਿਅੰਤ ਅਨੰਤ ਦਏ ਬਿਧ ਸਿਉ ਅਤਿ ਹੀ ਗਰਿ ਅੰਚਰ ਡਾਰਾ ।
ਪ੍ਰੇਮ ਸਸੀ ਹੁਇ ਦੀਨ ਮਹਾਂ ਕਰ ਜੋਰ ਦੋਈ ਮੁਖ ਬੈਨ ਉਚਾਰਾ ।
ਦੀਨ ਦਯਾਲ ਨ ਮੋਹਿ ਦੀਓ ਕਛੁ ਆਪਨੋ ਕਾਰਜ [ਤੁਮ]³ ਆਪ ਸਵਾਰਾ ॥ 403 ॥

ਚੌਪਈ

ਪੁਨਾ ਦਾਸ ਸਭ ਇਕਠ ਕਰਾਯੋ । ਮਣਸ ਨੈਨ ਤੇ ਨੀਰ ਬਹਾਯੋ ।
ਨਗਰ ਮਾਣਕ ਰਹਿ ਸੁੰਦਰ ਲਾਏ । ਡੋਲਾ ਐਸ ਕਹਾਰ ਲਿਆਏ ॥ 405 ॥
ਖੇਮ ਕੌਰ ਨਿਜ ਸੁਤਾ ਬਹਾਈ । ਪ੍ਰੇਮ ਚੰਦ ਬਹੁ ਧੀਰ ਧਰਾਈ ।
ਸੋਭਾ ਦੇਈ ਬਹੁ ਤਾਂਕੀ ਨਾਰ : ਸਭੇ ਕੰਠ ਮਿਲ ਦੀਨ ਪਿਆਰ ॥ 406 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਵਿਚੋਂ ³ਏ ਪੋਥੀ ਵਿਚੋਂ

ਦੋਹਰਾ

ਸਭ ਪ੍ਰਵਾਰ ਅਬਲਾ¹ ਮਿਲੀ ਕੀਨ ਰੁਦਨ ਸਿਖ ਦੀਨ ।
ਹੇ ਪੁਤ੍ਰੀ ਪਤਿ ਜਾਨੀਏ ਪਰਮੇਸਰ ਚਿਤ ਚੀਨ ॥ 407 ॥

ਚੌਪਈ

ਬਿਰਹ ਪੂਰ ਗਾਵਤ ਸੁਭ ਨਾਰੀ । ਦਯਾ ਸਿੰਧ ਨਿਜ ਸਦਨ ਪਧਾਰੀ ।
ਬਰਖਾ ਸਮ ਗੁਰ ਧਨ ਬਰਖਾਯੋ । ਸਨੁਖਾ ਪੁਤ੍ਰ ਕਉ ਸੰਗ ਲਵਾਯੋ ॥ 408 ॥
ਬੰਸ ਜੀ ਜਾਇ ਬੰਦਨਾ ਧਾਰੀ । ਧਰ ਭੇਟਾ ਬਹੁ ਅਗ੍ਰ ਮੁਰਾਰੀ ।
ਸਨੁਖਾ ਪੁਤ੍ਰ ਕਉ ਮਾਥ ਟਿਕਾਯੋ । ਚਲੇ ਹਰਖ ਬਹੁ ਬਾਜ ਬਜਾਯੋ ॥ 409 ॥

ਦੋਹਰਾ

ਨਿਜ ਨਿਜ ਬਾਹਨ ਸਭ ਚੜੇ ਧਨ ਡਾਰਤ ਸਭ ਧਾਇ ।
ਖਾਸੇ ਮਹਿ ਰਾਜਤ ਭਏ ਸ੍ਰੀ ਗੁਰੂ ਕਵਿ ਬਲਿ ਜਾਇ ॥ 410 ॥

ਚੌਪਈ

ਸਾਂਈ ਦਾਸ ਗੁਰ ਸਮੁਹਿ ਬਹਾਯੋ । ਪ੍ਰੇਮ ਦਾਸ ਪ੍ਰਭ ਕੇ ਮਨ ਭਾਯੋ ।
ਸਾਹਿਬ ਭਾਨਾ ਗਜ² ਅਸਵਾਰਾ । ਭਾਈ ਜੂਤ ਰਾਜਤ ਸੁਖ ਕਾਰਾ ॥ 411 ॥
ਔਰ ਸਭੈ ਨਿਜ ਨਿਜ ਚੜ ਯਾਨਾ । ਬਾਜ ਬਜਾਵਤ ਹਰਖਤ ਨਾਨਾ ।
ਡੋਲੇ ਪਰ ਏਤਾ ਧਨ ਡਾਰਿਯੋ । ਛਲਾ ਜਾਮ ਕਿਧਰੂੰ ਭ੍ਰਮ ਪਾਰਿਯੋ ॥ 412 ॥

ਦੋਹਰਾ

ਏਕ ਕੋਸ ਜਬ ਹੀ ਅਏ ਚੰਦ ਪ੍ਰੇਮ ਸੰਗਿ ਆਇ ।
ਸ੍ਰੀ ਗੁਰ ਤਿੰਹ ਧੀਰਜ ਦਯੋ ਕਹਿਯੋ ਪਾਛ ਗ੍ਰਿਹਿ³ ਜਾਇ ॥ 413 ॥

ਪ੍ਰੇਮ ਚੰਦ ਵਾਚ ॥ ਚੌਪਈ ॥

ਇਹੀ ਦਾਨ ਮੌਕੇ ਪ੍ਰਭ ਦੀਜੈ । ਛਿਮਾ ਭੂਲ ਮੇਰੀ⁴ ਪ੍ਰਭ ਕੀਜੈ ।
ਹੋਇ ਬੁੰਦ ਲਘੁ ਸਿੰਧੁ ਬੁਲਾਯੋ । ਚਾਹਤ ਮਮ ਤੁਮਰੇ ਢਿਗ ਆਯੋ ॥ 414 ॥
ਔਰ ਦਾਨ ਮੋਹਿ ਦੇਹੁ ਕ੍ਰਿਪਾਲਾ । ਦੀਜੈ ਮੋਹਿ ਚਰਨ ਰਿਦ ਆਲਾ ।
ਇਹ ਕਹਿ ਪਰਾ ਚਰਨ ਲਪਟਾਈ⁵ । ਤ੍ਰਾਹਿ ਤ੍ਰਾਹਿ ਮਮ ਕਰੋ ਸਹਾਈ ॥ 415 ॥

ਦੋਹਰਾ

ਦੇ ਧੀਰਜ ਗੁਰ ਤਾਂਹਿ ਕਉ ਵਿਦਾ ਕੀਨ ਗ੍ਰਿਹਿ ਓਰ ।
ਅਗ੍ਰ ਪਿਆਨ ਸ੍ਰੀ ਗੁਰ ਕੀਯੋ ਸੁਧਾ ਸਰੋਵਰ ਓਰ ॥ 416 ॥
ਬਿਆਸਾ ਲਾਘ ਸੁ ਰੈਨ ਬਸ ਬਾਜ ਬਜਾਇ ਸੁ ਆਇ ।
ਰਹਾ ਜਾਮ ਦਿਨ ਜਾਨੀਯੋ ਸੁਧਾ ਸਰਹਿ ਨਿਕਟਾਇ ॥ 417 ॥

¹ਅ ਪੌਥੀ ਨਾਰੀ ²ਅ ਪੌਥੀ ਰਥ ³ੲ ਪੌਥੀ ਮੁੜਿ ⁴ਅ ਪੌਥੀ ਹਮਰੀ ⁵ਅ ਪੌਥੀ ਘਰ ਧਾਈ

ਸੁਧਾਸਰੰ ਪ੍ਰਵੇਸ਼ ਕਰਿ ਅਕਾਲ ਤਖਤ ਪੁਨਾਮ ।
ਧਰ ਪ੍ਰਸਾਦਿ ਸ੍ਰੀ ਸਤਿਗੁਰੂ ਧਨ ਅਤਿ ਦੀਨਾ ਮਾਨ ॥ 418 ॥
ਨਿਸ਼ਾਨ ਦਰਸ ਦਰਬਾਰ ਪੁਨ ਧਰਿ ਪ੍ਰਸਾਦਿ ਸੁਖ ਧਾਰ ।
ਮਾਥ ਟਿਕਾਯੋ ਪੁਤ੍ਰ ਕਉ ਨੁਖਾ ਸਹਿਤ ਸੁ ਮੁਰਾਰ ॥ 419 ॥
ਬਾਰ ਬਾਰ ਬੰਦਨ ਕਰੀ ਦੀਨਾ ਨਾਥ ਦਯਾਲ ।
ਦੇਵਤ ਦਾਨ ਅਪਾਰ ਗੁਰ ਮਹਲੀ ਗਏ ਕ੍ਰਿਪਾਲ ॥ 420 ॥

ਸਵੇਯਾ

ਬਾਜ ਬਜਾਵਤ ਅਸਵ ਨਸਾਵਤ ਦਾਨ ਦਿਵਾਵਤ ਬਰਾਤ ਸਿਧਾਈ ।
ਮਾਤ ਲੀਯੋ ਕਰਮੰਡਲ ਆਬ ਕੋ ਆਨੰਦ ਧਾਰ ਹੀਏ ਦਰ ਆਈ ।
ਗਾਵਤ ਸਾਥ ਮਿਲੀ ਅਬਲਾ ਮਰਵਾਹੀ ਪੀਓ ਜਲ ਵਾਰ ਤਦਾਈ ।
ਡਾਰ ਦੀਓ ਧਨ ਕੁੰਭ ਕੇ ਭੀਤਰ ਗਾਵਤ ਨਾਰਿ ਸੁ ਦੇਤ ਬਧਾਈ ॥ 421 ॥

ਚੌਪਈ

ਸੁਨੁਖਾ ਦੇਖ ਅਬਲਾ¹ ਹਰਖਾਨੀ । ਮਾਨ ਦਾਨ ਬਹੁ ਦੀਨਾ ਆਨੀ ।
ਬਾਤ ਸੇਵ ਬਹੁ ਭਾਂਤ ਕਰਾਏ । ਅਸਟ ਦਿਵਸ ਸਬ ਰਹੇ ਤਦਾਏ ॥ 422 ॥
ਪੁਨ ਸਭ ਤੁਰੇ ਵਿਦਾਗੀ ਪਾਇ । ਦੁਆਰਾ ਭਾਗਨ ਹਰਖ ਤਦਾਇ ।
ਰਾਮਾ ਹਰਖ ਗਯੋ ਨਿਜ ਧਾਮਾ । ਦਾਤੁ ਸੁਤ ਸੁੰਦਰ ਬਹੁ ਮਾਨਾ ॥ 423 ॥

ਦੋਹਰਾ

ਪਰਮਾ ਨੰਦ ਕਉ ਸਾਥ² ਲੈ ਗਏ ਆਪਨੇ ਧਾਮ ।
ਦਾਸ ਨਰਾਇਨਿ ਪੁਨ ਗਯੋ ਹਰਖ ਸਦਨ ਜੁਤ ਬਾਮ ॥ 424 ॥

ਚੌਪਈ

ਚਰਚਾ ਕਰ ਬਹੁ ਆਨੰਦ ਪਾਯੋ । ਸਾਂਈ ਦਾਸ ਜੁਤ ਨਾਰਿ ਸਿਧਾਯੋ ।
ਸਾਧੂ ਭਾਨਾ ਨਿਕਟ ਰਹਾਏ । ਅਉਰ ਮੇਲ ਸਭ ਤੋਰ ਤਦਾਏ ॥ 425 ॥
ਤੇਗ ਬਹਾਦਰ ਭਈ ਸਗਾਈ । ਮਾਤ ਨਾਨਕੀ ਸੁਨ ਹਰਖਾਈ³ ।
ਵਿਵਾਹ ਪੂਰ ਪੁਨ ਮੋਰ ਪੁਰਾਯੋ । ਛਿਮੋ ਭੂਲ ਸੰਤਨ ਬਿਰਦਾਯੋ ॥ 426 ॥
ਬੋਰੀ ਗਾਥ ਅਉਰ ਸੁਨ ਲੀਜੈ । ਭੂਲ ਛਿਮਾਪਨ ਕਵਿ ਕੀ [ਕੀਜੈ]⁴ ।
ਸਾਹਿਜਹਾਂ ਆਯੋ ਹਰਖਾਇ । ਦਿੱਲੀ ਪਿਆਨ ਲਾਹੌਰ ਤਦਾਇ ॥ 427 ॥

ਦੋਹਰਾ

ਜਾਲੰਧਰ ਡੇਰਾ ਕੀਆ ਅਧਿਕ ਸੈਨ ਸੰਗ ਜਾਨ ।
ਅਬਦੁਲ ਖਾਂ ਕੋ ਪੁਤ੍ਰ ਜੋ ਮਿਲਯੋ ਭੇਟ ਦੈ ਆਨ ॥ 428 ॥

¹ਏ ਪੌਥੀ ਨਾਰਨਿ ²ਏ ਪੌਥੀ ਸੰਗਿ ³ਏ ਪੌਥੀ ਸੁਖ ਪਾਈ ⁴ਅ ਪੌਥੀ ਵਿਚੋਂ

ਅੜਿਲ

ਵਲੀ ਖਾਨ ਤਹ ਨਾਮ ਸਾਹਿ ਦਿਗ ਆਇਯੋ ।
 ਸੂਬਾ ਸੁਤ ਹੈ ਨਜ਼ਰ ਬਹੁਰ ਲੈ ਆਇਯੋ ॥
 ਪਾਤਸ਼ਾਹਿ ਪਾਹਿ ਬਿਨਤ ਤਹਿ ਐਸ ਕਰ ।
 ਹੋ ਹਜ਼ਰਤ ਮਮ ਪਿਤ ਘਾਇ ਗੁਰੂ ਬਡ ਕਹਰ ਧਰ ॥ 429 ॥
 ਕਹਾ ਸਾਹਿ ਕਹਿ ਹੇਤ ਕਹੀ ਸਮਝਾਇਕੈ ।
 ਰੁਹੇਲੇ ਰੋਕੀ ਭੂਮਿ ਅਧਿਕ ਬਲ ਲਾਇਕੈ ।
 ਘੇਰੜ ਸੁਤ ਜੁਤ ਮਾਰ ਮੋਹਿ ਪਿਤ ਘਾਇਯੋ ।
 ਹੋ ਰਚੇ ਸਦਨ ਤਹਿ ਆਪ ਸੁ ਸ਼ਹਰ¹ ਬਸਾਇਯੋ ॥ 430 ॥

ਦੋਹਰਾ

ਸੁਨਤ ਸਾਹਿ ਮਨ ਕੋਪ ਧਰ ਕਹਾ ਢਾਹ ਕਰ ਬੇਹੁ ।
 ਗੁਰੁ ਸੈਨ ਹਤ ਪਕਰ ਤਹਿ ਲਿਆਵਹੁ ਦੇਰ ਨ ਕੇਹੁ ॥ 431 ॥

ਚੌਪਈ

ਖਾਂ ਵਜੀਰ ਤਬ ਨਿਕਟ ਬੈਠਾਯੋ । ਹਾਥ ਜੋਰ ਅਸ ਬਚਨ ਅਲਾਯੋ ।
 ਹਜ਼ਰਤ ਬਿਰਥਾ ਕੋਪ ਨਹਿ ਕੀਜੈ । ਅਵਲ ਬਾਤ ਸਮਝ ਚਿਤ ਲੀਜੈ ॥ 432 ॥
 ਗੁਰ ਤੇ ਪੀਰ ਭੇਦ ਨਹਿ ਮਾਨਤ । ਹਿੰਦੂ ਤੁਰਕ ਏਕ ਸੈ² ਜਾਨਤ ।
 ਗੁਰ ਮਸੀਤ ਹੈ ਤਹਾਂ ਬਨਾਈ । ਸਦਨ ਖੁਦਾਇ ਚਾਰ ਇਨ ਪਾਈ ॥ 433 ॥

ਦੋਹਰਾ

ਚੌਦਾਂ ਸਹਸ ਸੂਰਾ ਬਲੀ ਬ੍ਰਿਥੈ ਇਨੈ ਮਰਵਾਇ ।
 ਸਾਹਿ ਸੈਨ ਕਛੂ ਕਾਮ ਨਹਿ ਪਰੀ ਮੋਹਿ ਮਨ ਆਇ ॥ 434 ॥

ਚੌਪਈ

ਹਜ਼ਰਤ ਜੇ ਆਇਸ ਤੁਮ ਕਰਹੁ । ਢਾਹਿ ਮਸੀਤ ਬੇਹੁ ਮਹਿ ਕਰਹੁ ।
 ਚਹੀਏ ਇਸ ਕਉ ਮੁਖਹਿ ਨ ਲਾਯੋ । ਇਨ ਪਾਪੀ ਬਡ ਧੌਹੁ ਕਮਾਯੋ ॥ 435 ॥
 ਸੁਨਤ ਮਸੀਤ ਸਾਹ ਹਰਖਾਇ । ਤਹਿ ਤੇ ਧਨ ਲੀਨਾ ਬਹੁ ਆਇ³ ।
 ਮਨਸਬ ਖੋਸ ਦੂਰ ਤਬ ਕੀਨਾ । ਓਰ ਲਾਹੌਰ ਪਿਆਨਾ ਕੀਨਾ ॥ 436 ॥

ਦੋਹਰਾ

ਅਗੂ ਕਥਾ ਇਹੁ ਆਇ ਹੈ ਬਾਬਾ ਸ਼ਹਿਰ ਬਸਾਇ ।
 ਸਰ ਸੰਤੋਖ ਸੁੰਦਰ ਕਥਾ ਅਮੀ ਸਰੋਵਰ ਆਇ ॥ 437 ॥

¹ਅ ਅਤੇ ਏ ਪੋਥੀ ਨਗਰ ²ਅ ਪੋਥੀ ਸਮ ³ਅ ਪੋਥੀ ਅਧਿਕਾਇ

ਤਰਨ ਤਾਰਨ ਕੋ ਮੇਲ ਕਰ ਬਹੁਰ ਛਾਪਰੀ ਜਾਨ ।
 ਚੋਲੇ ਗਾਥਾ ਹੋਇਗੀ ਛਿਮੋਂ ਭੂਲ ਕਵਿ ਦਾਨ ॥ 438 ॥
 ਗੁਰ ਨਾਨਕ ਕੈ ਧਾਮ ਕਉ ਭਾਈ ਹਰਖ ਪਧਾਰ ।
 ਮੱਧ ਗਾਥ ਬਹੁ ਹੋਇਗੀ ਪੜੈ ਸੁਨੈ ਫਲ ਚਾਰ ॥ 439 ॥
 ਇਤਿ ਸ੍ਰੀ ਗੁਰੂ ਬਿਲਾਸ ਸੂਰਜ ਮਲ ਕੋ ਵਿਵਾਹ ਬਰਨੰਨ ਨਾਮ ਸਪਤ ਦਮੋ
 ਧਿਆਇ ॥ 17 ॥ ਵਾਹਿਗੁਰੂ ॥

ਅਧਿਆਇ ਅਠਾਰ੍ਹਵਾਂ

ਦੋਹਰਾ

ਦਾਸ ਉਧਾਰੇ ਅਨਿਕ ਜਗ ਪਾਤਿਕ ਅਨਿਕ ਉਧਾਰ ।
ਤਾਂ ਗੁਰ ਨਾਨਕ ਕੇ ਨਮੋ ਜਿੰਹ ਕੀਰਤ ਜਗ ਸਾਰ ॥ 1 ॥

॥ ਭਗਤ ਸਿੰਘੇਵਾਚ ॥ ਸਵੈਯਾ ॥

ਆਜ ਅਨਾਥ ਸਨਾਥ ਭਯੋ ਮਮ ਬੈਨ ਅਮੀ ਗੁਰ ਚਰਿਤ ਸੁਨਾਏ ।
ਹੇ ਗੁਰੁ ਹੰਸ ਸਮਾਨ ਤੁਮੈ ਮੁਖ ਬੈਨ ਮਰੀਚ ਉਦੈ ਤਮ ਘਾਏ ।
ਤਾਂਹਿ ਪ੍ਰਕਾਸ਼ ਹੁਲਾਸ ਭਯੋ ਰਿਦ ਚਾਹਤ ਅਉਰ ਸੁਨੇ ਅਧਿਕਾਏ ।
ਪੂਰਨ ਹੋਤ ਨਹੀਂ ਰੁਚ ਆਪਨ ਚਰਿਤ ਅਪਾਰ ਨਹੀਂ ਤ੍ਰਿਪਤਾਏ ॥ 2 ॥

ਦੋਹਰਾ

ਹੇ ਪ੍ਰਭ ਮਮ ਅਘ ਜਾਨ ਕੈ ਕਛੁ ਰਿਸ ਰਿਦੈ ਨ ਠਾਨ ।
ਗੋਪ ਰਖੋ ਜਿਨ ਦਾਸ ਤੇ ਕੀਜੇ ਅਗੁ ਬਖਾਨ ॥ 3 ॥

ਚੌਪਈ

ਬਾਬੇ ਕਿਹ ਠਾਂ ਸ਼ਹਿਰ ਬਸਾਯੋ । ਮੇਰੇ ਮਨ ਅਤਿਸੇ ਭ੍ਰਮ ਪਾਯੋ ।
ਛੋਰ ਕਥਾ ਪ੍ਰਭ ਭਰਮ ਨਿਵਾਰੋ । ਦਾਸ ਜਾਨ ਕੀਜੇ ਉਪਕਾਰੋ ॥ 4 ॥
ਅਸ ਕਹਿ ਪਰਾ ਚਰਨ ਲਪਟਾਏ । ਮਨੀ ਸਿੰਘ ਧੰਨ ਧੰਨ ਮੁਖ ਗਾਏ ।
ਤੁਹ ਸਮ ਭਯੋ ਨ ਹੈ ਕੋਊ ਆਗੇ । ਸ੍ਰੀ ਗੁਰ ਚਰਨ ਕਮਲ ਰਸ ਪਾਗੇ ॥ 5 ॥

ਦੋਹਰਾ

ਐਸੇ ਕਹਿ ਅੰਤ੍ਰ ਭਏ ਰਿਦੈ ਸਿੰਧ ਮਤ ਬੋਰ ।
ਧਯਾਨ ਮਹੂਰਤ ਧਾਰ ਕੈ ਕਥਾ ਗੰਗ ਸਮ ਤੋਰ ॥ 6 ॥

ਚੌਪਈ

ਭਗਤ ਸਿੰਘ ਸੁਨੀਏ ਦੈ ਕਾਨਾ । ਕਥਾ ਗੋਪ ਅਤਿ ਗੁਹਜ ਬਖਾਨਾ ।
ਪਾਛਲ ਕਥਾ ਸੁ ਅਧਿਕ ਰਸਾਲਾ । ਏਕ ਸਮੇ ਗੁਰ ਨਾਨਕ ਦਿਆਲਾ ॥ 7 ॥
ਜਾਹਿ ਠੌਰ ਮੰਦਰ ਸਭ ਸੋਹੈ । ਗਿਰ ਉਪਰ ਮਨ ਬਾਂਛਤ ਮੋਹੈ ।
ਤਾਂਹਿ ਠੌਰ ਇਕ ਫਕਰ¹ ਰਹਾਵੈ । ਬੁਢਣ ਸ਼ਾਹਿ ਨਾਮ ਤਿਹ ਗਾਵੈ ॥ 8 ॥

¹ਅ ਪੋਥੀ ਫਕੀਰ

ਦੋਹਰਾ

ਕਰਤ ਮੌਜ ਤਿਹਿ ਨਾਂ ਅਏ ਸ੍ਰੀ ਗੁਰ ਨਾਨਕ ਦੇਵ ।
ਬਾਲਾ ਮਰਦਾਨਾ ਸੰਗ ਬਹੁ ਅਤਿ ਹੀ ਆਨੰਦ ਏਵ ॥ 9 ॥

ਚੌਪਈ

ਬੁਢਣ ਸਾਹਿ ਰਿਦੈ ਸੁਖ ਪਾਯੋ । ਦਰਸਨ ਤੇ ਭਰਮ ਸਕਲ ਨਸਾਯੋ ।
ਛੇਰੀ ਬਹੁ ਰਾਖੇ ਵਹੁ ਸਦ ਹੀ । ਕਰੈ ਭਛ ਪੈ ਰੁਚ ਹੋ ਜਬ ਹੀ ॥ 10 ॥
ਅਜਾ ਦੂਧ ਰਾਖਯੋ ਗੁਰ ਆਗੇ । ਅਚਹੁ ਖੀਰ ਬਚ ਕਹਿ ਅਸ ਰਾਗੇ ।
ਬਾਲੇ ਓਰ ਸੈਨ ਗੁਰ ਠਾਨੇ । ਕੀਓ ਭਛ ਬਾਲੇ ਮਰਦਾਨੇ ॥ 11 ॥

ਦੋਹਰਾ

ਬੁਢਣ ਸਾਹਿ ਅਸ ਦੇਖ ਕੇ ਕੀਨਾ ਬਚਨ ਬਖਾਨ ।
ਪੀਰ ਭਛ ਪੈ ਨਹਿ ਕੀਓ ਮੋਹ ਤੁਰਕ ਤਨ ਜਾਨ ॥ 12 ॥

ਚੌਪਈ

ਸਮਝ ਭੂਲ ਚਰਨੀ ਲਪਟਾਯੋ । ਤ੍ਰਾਹਿ ਤ੍ਰਾਹਿ ਨਿਜ ਮੁਖਹੁ ਅਲਾਯੋ ।
ਮੋਹਿ ਮੰਤ੍ਰ ਦੈ ਕੀਜੈ ਦਾਸਾ । ਛਿਮਹੁ ਭੂਲ ਪੈ ਅਚੋ ਹੁਲਾਸਾ ॥ 13 ॥
ਔਰ ਬਿਨਤ ਮੇਰੀ ਸੁਨਿ ਲੀਜੈ । ਉਤਮ ਠੌਰ ਪ੍ਰਿਥਮ ਦਿਖ ਲੀਜੈ ।
ਸੁੰਦਰ ਪੁਰ ਰਚਿ ਕੀਜੈ ਵਾਸਾ । ਕਰਹੁ ਦਰਸ ਕਿਆ ਤਨ ਭਰਵਾਸਾ ॥ 14 ॥

ਦੋਹਰਾ

ਔਰ ਅਧਿਕ ਬਿਨਤੀ ਕਰੀ ਪਰਾ ਚਰਨ ਲਪਟਾਇ ।
ਸ੍ਰੀ ਗੁਰ ਨਾਨਕ ਦਯਾਨਿਧ ਕ੍ਰਿਪਾ ਸਿੰਧ ਸੁਖਦਾਇ ॥ 15 ॥

ਚੌਪਈ

ਹਾਥ¹ ਕਮਲ ਤਹਿ ਸੀਸ ਉਠਾਯੋ । ਦਯਾਸਿੰਧ ਅਸ ਬੈਨ ਐਲਾਯੋ ।
ਧੰਨ ਧੰਨ ਭਵ ਤਨ ਤੁਮ ਸਾਰਾ । ਸੁਨੋ ਸਤਿ ਇਹ ਬੈਨ² ਹਮਾਰਾ ॥ 16 ॥
ਛਟਮ ਰੂਪ ਮੈ ਜਬੈ ਧਰਾਵਉ । ਹਰਿਗੋਬਿੰਦ ਨਿਜ ਨਾਮ ਕਹਾਵਉ ।
ਤਿਨ ਸੁਤ ਜੇਸਟ ਮੌਰ ਸਰੂਪਾ । ਆਵੈ ਤੁਮਰੇ ਨਿਕਟ ਅਨੂਪਾ ॥ 17 ॥

ਦੋਹਰਾ

ਜਬੈ ਆਇ ਪੈ ਮਾਂਗ ਹੈ ਤਬੈ ਸਤਿ ਬਚ ਮਾਨ ॥
ਦੀਜੈ ਪੈ ਮਮ ਰੂਪ ਲਖ ਸੰਸ ਨ ਮਨ ਮਹਿ ਠਾਨ ॥ 18 ॥
ਆਇਸ ਦੀਜੈ ਤਾਂਹਿ ਕਉ ਨਗਰ³ ਬਸਾਵੈ ਸੌਇ ।
ਛਠਮ ਰੂਪ ਕਾ ਦਰਸ ਕਰ ਪ੍ਰਾਨ ਅੰਤ ਤਬ ਹੋਇ ॥ 19 ॥

¹ਅ ਪੱਥ! ਕਰ ²ਏ ਪੱਥੀ ਬਚਨ ³ਅ ਤੇ ਏ ਪੱਥੀ ਨਗਰ

ਚੌਪਈ

ਤਾਂਤੇ ਅਬ ਨਹਿ ਦੂਧ ਅਚਾਵਹੁ । ਧਰੁ ਧੀਰ ਮਨ ਮੈਹਿ ਸੁਖ ਪਾਵਹੁ ।
 ਚਰਨ ਧੌਇ ਚਰਨਾਮਤ ਦੀਨੋ । ਸ੍ਰਵਨ ਸੁਨਾਯੋ ਮੰਤ੍ਰ ਪ੍ਰਬੀਨੋ ॥ 20 ॥
 ਸਤਿਨਾਮ ਕਾ ਮੰਤ੍ਰ ਸੁਨਾਇ । ਬੁਢਣ ਸ਼ਾਹਿ ਹਿੰਦੈ ਹਰਖਾਇ ।
 ਸਕਲ ਕਾਮਨਾ ਤਬੈ ਬਿਹਾਈ । ਗੁਰ ਨਾਨਕ ਪਦ ਪ੍ਰੀਤਿ ਲਗਾਈ ॥ 21 ॥

ਦੋਹਰਾ

ਗੁਰ ਨਾਨਕ ਚਰਚਾ ਕਰੀ ਤਾ ਸੰਗ ਅਨਿਕ ਪ੍ਰਕਾਰ ।
 ਪੁਨ ਪਯਾਨਾ ਤਹਿ ਤੇ ਕੀਓ ਸਤਿਗੁਰ ਰੂਪ ਮੁਰਾਰ ॥ 22 ॥

ਚੌਪਈ

ਬੁਢਣ ਸ਼ਾਹਿ ਰਿਦੈ¹ ਸੁਖ ਪਾਯੋ । ਗੁਰ ਨਾਨਕ ਕਾ ਧਿਆਨ ਧਰਾਯੋ ।
 ਗੁਰ ਗੁਰ ਕਰੈ ਔਰ ਨਹਿ ਭਾਵੈ । ਪ੍ਰੇਮ ਮਗਨ ਹੋ ਕਬਹੂੰ ਜਾਵੈ ॥ 23 ॥
 ਬਹੁਤ ਕਾਲ ਇਹ ਭਾਂਤ ਬਿਤਾਯੋ । ਛਠਮ ਗੁਰੂ ਸੁਤ ਦਰਸ ਸੁ ਪਾਯੋ ।
 ਨਿਸ ਦਿਨ ਰਿਦੈ ਦਰਸ ਮਮ ਦੀਜੈ । ਇਛਾ ਪੂਰਨ ਹਮਰੀ ਕੀਜੈ ॥ 24 ॥

ਦੋਹਰਾ

ਅਧਿਕ ਪ੍ਰੇਮ ਮਨ ਮਹਿ ਰਹੈ ਭਯੋ ਸੁ ਅਧਿਕ ਬਿਹਾਲ ।
 ਐਸੇ ਪੁਨ ਧਾਰਿਓ ਤਬੈ ਅਚਹੂੰ ਆਬ ਤਿਹ ਕਾਲ ॥ 25 ॥
 ਗੁਰ ਨਾਨਕ ਕਾ ਰੂਪ ਜੋ ਛਠਮ ਗੁਰੂ ਸੁਤ ਆਇ ।
 ਅਚੈ ਮਾਂਗ ਪੈ ਤਉ ਅਚਹੁ ਤਾਹਿ ਦਰਸ ਜਬ ਪਾਇ ॥ 26 ॥

ਚੌਪਈ

ਪ੍ਰੇਮ ਭਗਤ ਇਹ ਭਾਂਤ ਬਿਹਾਲਾ । ਭਗਤ ਸਿੰਘ ਤਹਿ ਇਛ ਰਸਾਲਾ ।
 ਜਬ ਵਿਵਾਹ ਸੁਤ ਨਿਜ ਗ੍ਰਿਹਿ ਆਏ । ਸੁਧਾ ਸਰੋਵਰ ਬਹੁ ਸੁਖ ਪਾਏ ॥ 27 ॥
 ਸਭੀ ਮੇਲ ਕਉ ਤੋਰ ਦਯਾਲਾ । ਕੀਨੇ ਚਰਿਤ ਅਧਿਕ ਕਿਰਪਾਲਾ² ।
 ਸਾਹਿਬ ਭਾਨੇ ਸੰਗਿ ਮੁਰਾਰਾ । ਚਰਚਾ ਕੀਨੀ ਅਨਿਕ ਪ੍ਰਕਾਰਾ ॥ 28 ॥

ਦੋਹਰਾ

ਬੁਢਣ ਸ਼ਾਹਿ ਕਉ ਪ੍ਰੇਮ ਅਤਿ ਦੇਖਿਓ ਮਨ ਤਹਿ ਵਾਰ ।
 ਬਾਬਾ ਨਿਕਟ ਬੁਲਾਇਓ ਕੀਨਾ ਬਚਨ ਉਚਾਰ ॥ 29 ॥

ਚੌਪਈ

ਹੋ ਸੁਤ ਆਇਸ⁴ ਮਾਨ ਹਮਾਰੀ । ਕਰੋ ਪਿਆਨ ਨਾ ਲਾਓ ਅਵਾਰੀ ।
 ਬੁਢਣ ਸ਼ਾਹਿ ਯਾਦ ਤੁਮ ਕਰੈ । ਤੀਰ ਸਤ੍ਰਦ੍ਰਵ ਗਿਰ ਕੁਛ ਪਰੈ ॥ 30 ॥

¹ਅ ਪੌਥੀ ਹੀਐ ²ਅ ਤੇ ਦ ਪੌਥੀ ਬਿਸਾਲਾ ³ਅ ਪੌਥੀ ਆਗਯਾ

ਬੈਠਾ ਤਾਂ ਪਰ ਲਾਇ ਧਿਆਨਾ । ਗੁਰ ਨਾਨਕ ਤਹਿ ਬਚਨ ਬਖਾਨਾ ।
ਇਛ ਤਾਹਿ ਕੀ ਪੂਰਨ ਕੀਜੈ । ਨਗਰ ਵਸਾਇ ਵਾਸ ਤਹਿ ਲੀਜੈ¹ ॥ 31 ॥

ਦੋਹਰਾ

ਗੁਰ ਨਾਨਕ ਕੀ ਰਹਤ ਹੈ ਤਾਂਤੇ ਧਰ ਇਹ ਨਾਮ ।
ਕੀਰਤਪੁਰ ਇਹ ਨਗਰ ਕਾ ਅਬ ਚਲ ਰਹੇ ਸੁਦਾਮ ॥ 32 ॥

ਚੌਪਈ

ਪਾਛੈ ਚਲ ਹਮਰੇ ਢਿਗ² ਆਯੋ । ਹਮਰੇ ਜੁਤ ਪੁਨ ਤਿਹ ਠਾਂ ਜਾਯੋ ।
ਬਾਬਾ ਅੰਤਰ ਜਾਨ ਸਭ ਗਯੋ । ਬੰਦ ਚਰਨ ਉਠ ਠਾਂਢਾ ਭਯੋ ॥ 33 ॥
ਪ੍ਰਕ੍ਰਮਾ ਕਰ ਗੁਰ ਮਹਲ ਸਿਧਾਯੋ । ਤੀਨ ਮਾਤ ਕੇ ਪਗ ਲਪਟਾਯੋ ।
ਆਇਸ ਲੈ ਤਿਹਿ ਕੀਨ ਪਯਾਨਾ । ਸਾਥ ਨਾਰ ਸੁਤ ਬਹੁ ਸੁਖ ਮਾਨਾ ॥ 34 ॥

ਦੋਹਰਾ

ਦਰਬਾਰ ਤਖਤਿ ਕਰ ਬੰਦਨਾ ਗੁਰ ਕੇ ਚਰਨ ਲਗਾਇ ।
ਪੁਨ ਸਭ ਕੋ ਬੰਦਨ ਕਰੀ ਮਨ ਮਹਿ³ ਬਹੁ ਸੁਖ ਪਾਇ ॥ 35 ॥

ਚੌਪਈ

ਤੁਰੰਗ ਜੀਨ ਧਰ ਭਯੋ ਅਸਵਾਰਾ । ਕੀਨ ਪਯਾਨ ਨ ਲਾਇ ਅਵਾਰਾ ।
ਮਾਤਾ ਮਾਤਾ [ਅਨੰਤੀ]⁴ ਰਥ ਪਰ ਰਾਜਤ । ਧੀਰਮਲ ਸੁਤ ਗੋਦ ਬਿਰਾਜਤ ॥ 36 ॥
ਪੰਥ ਰੈਨ ਵਸ ਕਰਤ ਪਯਾਨਾ । ਸੁਨਹੁ ਸੰਤ ਧਰ ਆਨੰਦ ਨਾਨਾ ।
ਤਹਿ ਠਾਂ ਬੁਢਣ ਸ਼ਾਹਿ ਚਿਤਾਰੈ । ਖਾਨ ਪਾਨ ਤਜ ਸ੍ਰਮਤ ਪੁਕਾਰੈ ॥ 37 ॥

ਦੋਹਰਾ

ਤਾਂ ਕੋ ਦੁਖੀ ਨਿਹਾਰ ਕੈ ਆਇ ਦੇਵ ਤਹਿ ਪਾਸ ।
ਬਾਬਾ ਆਪਨ ਨਾਮ ਧਰ ਮਾਂਗਯੋ ਦੂਧ ਹੁਲਾਸ ॥ 38 ॥

ਚੌਪਈ

ਦੇਖ ਰੂਪ ਮਨ ਮਹਿ ਸੁਕਚਾਵੈ । ਇਹੁ ਨਹਿ ਗੁਰ ਸੁਤ ਅਸ ਮਨ ਲਿਆਵੈ ।
ਗੁਰੁ ਨਾਨਕ ਅਸ ਬਚਨ ਪ੍ਰਕਾਸ਼ਾ । ਮੋਹਿ⁵ ਰੂਪ ਆਵੈ ਤੁਮ ਪਾਸਾ ॥ 39 ॥
ਇਹ ਤੋ ਬਾਤ ਮੋਹਿ ਲਖ ਪਾਈ । ਸੁਰ ਭਰਮਾਵਤ ਹੈਹਿ ਦੁਖਦਾਈ ।
ਐਸੇ ਨਿਤ ਦੇਵਾ ਚਲ ਆਵਹਿ । ਦੇਇ ਦੂਧ ਮੁਖ ਬਾਤ ਅਲਾਵਹਿ ॥ 40 ॥

ਦੋਹਰਾ

ਛੇਰੀ ਚਾਰਤ ਸਿੰਘ ਤਹਿ ਦੇਖ ਦਿਵਸ ਇਕ ਮਾਂਹਿ ।
ਗੁਰ ਨਾਨਕ ਕਾ ਦਾਸ ਜੋ ਸੁਰ ਬਲ ਨਾਹਿ ਪਰਾਇ ॥ 41 ॥

¹ਏ ਪੋਥੀ ਕੀਜੈ ²ਅ ਪੋਥੀ ਪਹਿ ³ਅ ਪੋਥੀ ਹਰਖ ਉਮਾਹਿ ⁴ਏ ਪੋਥੀ ਵਿਚੋਂ ⁵ਅ ਪੋਥੀ ਹਮਰੋ

ਚੌਪਈ

ਤਾਤ ਕਾਲ ਬਾਬਾ ਪਹੁੰਚਾਯੋ । ਤੀਨ ਰੈਨ ਮਗ ਮਾਂਹਿ ਬਸਾਯੋ ।
 ਆਗੇ ਦੇਖ ਲੋਟ ਧਰ ਮਾਂਹੀ । ਗੁਰ ਗੁਰ ਰਟਤ ਬੈਨ ਮੁਖ ਮਾਂਹੀ ॥ 42 ॥
 ਬਾਬੇ ਕਹਾ ਦੂਧ ਮਮ ਦੀਜੈ । ਗੁਰੁ ਸੁਤ ਜਾਨ ਮੋਹਿ ਮਨ ਲੀਜੈ ।
 ਬੁਢਨ ਸਾਹਿ ਸੁਨਿ ਨੈਨ ਉਘਾਰੇ । ਆਗੇ ਬਾਰਕ ਰੂਪ ਨਿਹਾਰੇ ॥ 43 ॥

ਦੋਹਰਾ

ਦੂਧ ਨ ਦੇਵਹੁੰ ਬਾਲ ਕਉ ਮੁਖ ਸਿਉ ਐਸ ਉਚਾਰ ।
 ਗੁਰੁ ਨਾਨਕ ਬਪੁ ਬਿਰਦ ਹੈ ਲੀਜੇ ਆਪ ਮੁਰਾਰ ॥ 44 ॥

ਚੌਪਈ

ਐਸੇ ਕਹ ਨਿਜ ਨੈਨ ਮਿਲਾਏ । ਬਹੁਰੇ ਬਾਬੇ ਬੈਨ ਅਲਾਏ ।
 ਉਠਹੁ ਪਯਾਰੇ ਡੇਰ¹ ਨਾ ਠਾਨਉ । ਮੋਕ ਤੇ ਅਧਿਕ ਖੁਧਯਾਰਤ ਜਾਨਉ ॥ 45 ॥
 ਨੈਨ ਉਘਾਰ ਦੇਖ ਵਹ ਕੈਸੇ । ਬਿਰਧ ਰੂਪ ਗੁਰੁ ਨਾਨਕ ਜੈਸੇ ।
 ਪੁਲਕਾਵਤ ਚਰਨੀ ਲਪਟਾਯੋ । ਧੰਨ ਧੰਨ ਨਿਜ ਮੁਖਹੁੰ ਅਲਾਯੋ ॥ 46 ॥

ਦੋਹਰਾ

ਤੋਰ ਪਾਤ ਡੋਨਾ ਕੀਓ ਤਾਂਮੈ [ਦੂਧ]² ਦੁਹਾਇ ।
 ਆਗੇ ਰਾਖਿਓ ਐਸ ਕਹਿ ਕੀਜੈ ਪਾਨ ਬਨਾਇ ॥ 47 ॥

ਚੌਪਈ

ਦਾਸ ਜਾਨ ਬਿਨਤੀ ਸੁਨਿ ਲੀਜੈ । ਅਮੀ ਸੀਤ ਕਛੁ ਹਮ ਕਉ ਦੀਜੈ ।
 ਬਾਰੇ ਹਰਖ ਪਾਨ ਪੇ ਕੀਨੋ । ਕਛੁਕ ਸੀਤ ਬੁਢਣ ਕੋ ਦੀਨੋ ॥ 48 ॥
 ਬੁਢਣ ਪੀਨ ਸੀਤ ਪੈ ਜਬ ਹੀ । ਤੀਨ ਕਾਲ ਸੁਧ ਉਪਜੀ ਤਬ ਹੀ ।
 ਉਸਤਤਿ ਕੀਨੀ ਅਨਿਕ ਪ੍ਰਕਾਰਾ । ਤੁਮ ਹੀ ਧਰੈ ਸਕਲ ਅਵਤਾਰਾ ॥ 49 ॥

ਦੋਹਰਾ

ਇਛੁ ਪੂਰ ਮੇਰੀ³ ਕਰੋ ਆਛੋ ਨਗਰ ਬਸਾਇ ।
 ਆਪ ਵਾਸ ਇਹ ਠਾਂ ਧਰੋ ਸੁੰਦਰ ਭੂਮਿ ਲਖਾਇ ॥ 50 ॥

ਚੌਪਈ

ਹਾੜ ਨੈਨ⁴ ਅਤਿ ਤਬੈ ਬਿਤਾਯੋ । ਬਾਬੇ ਸੁੰਦਰ ਬਯੋਤ ਬਨਾਯੋ ।
 ਤਰੇ ਪਹਾਰ ਦੂਨ ਸਭ ਹੇਰੀ । ਕੀਨ ਅਰੰਭ ਨਗਰ ਤਹਿ ਫੇਰੀ ॥ 51 ॥
 ਸਤਿਨਾਮ ਕਹਿ ਟਕ ਲਗਾਯੋ । ਕੀਰਤਪੁਰ ਤਹਿ ਨਾਮ ਧਰਾਯੋ ।
 ਸੁਣਤ ਨਾਮ ਬੁਢਣ ਸੁਖ ਪਾਇ । ਉਸਤਤਿ ਕੀਨ ਅਤਿ ਚਿਤ ਲਗਾਇ ॥ 52 ॥

¹ਏ ਪੋਥੀ ਬਿਲਮ ²ਅ ਪੋਥੀ ਵਿਚੋਂ ³ਅ ਪੋਥੀ ਹਮਰੀ ⁴ਏ ਪੋਥੀ ਦੋ ਇ

ਦੋਹਰਾ

ਭਗਤ ਸਿੰਘ ਕਛੂ ਦਿਵਸ ਮਹਿ ਤਿਹ ਠਾਂ ਸਦਨ ਬਨਾਇ ।
ਬਾਬੇ ਨਿਜ ਬਾਸਾ ਕੀਓ ਪਿਖ ਬੁਢਣ ਸੁਖ ਪਾਇ¹ ॥ 53 ॥

ਚੌਪਈ

ਬਾਬੇ ਤਹਿ ਮਨ ਮਹਿ ਸੁਖ ਪਾਯੋ । ਕੀਰਤਪੁਰ ਸੁਭ ਨਗਰ ਬਸਾਯੋ ।
ਸੁਧਾ ਸਰੋਵਰ ਕੀ ਸੁਨ ਗਾਥਾ । ਹਰਿ ਗੋਬਿੰਦ ਗੁਰੁ ਨਾਥ ਅਨਾਥਾ ॥ 54 ॥
ਕਰੇ ਚਰਿਤ ਜਹਿ ਵਾਰ ਨਾ ਪਾਰਾ । ਧਰਾ ਰੂਪ ਜਿੰਹ ਪਤਤਿ ਉਧਾਰਾ ।
ਸਾਹਿਬ ਭਾਨੇ ਬਿਨਤਿ ਉਚਾਰੀ । ਮੋਹਿ ਇਛ ਅਸ ਜਾਨ ਮੁਰਾਰੀ ॥ 55 ॥

ਦੋਹਰਾ

ਜਨਮ ਭੂਮ ਸੁਭ ਠੋਰ² ਜੋ ਸੋ ਮੋਕਉ ਦਰਸਾਇ ।
ਹਰਿ ਗੋਵਿੰਦ ਕੇ ਪੁਰ ਚਲਉ ਤਤ ਛਿਨ ਪਯਾਨ ਕਰਾਇ ॥ 56 ॥

ਚੌਪਈ

ਸਾਹਿਬ ਭਾਨਾ ਸਾਧੂ ਸੰਗਾ । ਜੇਠਾ ਬਿਧੀਆ ਸੂਰ ਅਭੰਗਾ ।
ਸਹਸ ਸੈਨ ਕੋ ਸੰਗ ਲਵਾਏ । ਪੈਦੇ ਖਾਂ ਨਿਜ ਸੰਗਿ ਪਠਾਏ ॥ 57 ॥
ਅਰਧ ਜਾਮ ਜਬਹੀ ਦਿਨ ਆਯੋ । ਹਾੜ ਪੰਚ ਅਹਿ ਦਿਨਸ ਬਿਤਾਯੋ ।
ਵਡਾਲੀ ਓਰ ਪਿਆਨਾ³ ਕੀਨੇ । ਚੀਤੇ ਸੰਗਿ ਸੁਆਨ ਬਹੁ ਲੀਨੇ ॥ 58 ॥

ਦੋਹਰਾ

ਜਾਮ ਦਿਵਸ ਜਬ ਹੀ ਰਹਯੋ ਪਹੁੰਚੇ ਤਹਾਂ ਮੁਰਾਰ ।
ਗੁਰ ਮਹਲੀ ਜਹਿ ਜਨਮ ਗੁਰੁ ਤਹਿ ਠਾਂ ਕੀਨ ਦਿਦਾਰ ॥ 59 ॥

ਚੌਪਈ

ਸਾਹਿਬ ਭਾਨੇ ਕੀਨ ਦੀਦਾਰ । ਅਤਿ ਆਨੰਦ ਨਿਜ ਮਨ ਮੈ ਧਾਰ ॥
ਸਾਧੂ ਆਦਿ ਸਾਥ ਬਹੁ ਲੀਨੇ । ਅਤਿ ਅਨੰਦ ਸਭਹਨਿ ਚਿਤ ਕੀਨੇ ॥ 60 ॥
ਸ੍ਰੀ ਮੁਖ ਸੁੰਦਰ ਬਚਨ ਅਲਾਇ । ਜਨਮ ਭੂਮਿ ਇਹੁ ਮੋਰ ਸੁਹਾਇ ।
ਇਹੁ ਬਾਸੀ ਨਰ ਜਥਾ ਸੁਹਾਵੈ । ਤਥਾ ਔਰ ਨਹੀ ਹਰਖ ਧਰਾਵੈ ॥ 61 ॥

ਦੋਹਰਾ

ਭਗਤ ਸਿੰਘ ਭੋਜਨ ਕੀਓ ਤਹਿ ਠਾਂ ਕਰਿ ਬਿਸ੍ਵਾਮ ।
ਮਧ ਦਿਵਸ ਰਵਿ ਤੇਜ ਧਰ ਪਰੀ ਅਧਿਕ ਤਬ ਘਾਮ ॥ 62 ॥

ਚੌਪਈ

ਡੇਢ ਜਾਮ ਦਿਨ ਜਬੈ ਰਹਾਯੋ । ਸੋਚ ਹੋਤ ਗੁਰੁ ਪਿਆਨ⁴ ਕਰਾਯੋ ।
ਜਾਇ ਛਿਹਰਟੇ ਦਰਸਨ ਕੀਓ । ਕੀਨ ਉਪਮ ਮਨ ਮੈ ਸੁਖ ਲੀਓ ॥ 63 ॥

¹ਅ ਤੇ ਏ ਪੋਥੀ ਹਰਖਾਇ ²ਅ ਪੋਥੀ ਥਾਨ ³ਅ ਤੇ ਏ ਪੋਥੀ ਗਮਨ ⁴ਏ ਪੋਥੀ ਗਮਨ

ਤਿੰਹ ਠਾਂ ਬੈਠੇ ਅਨੰਦ ਕਰਾਇ । ਕੀਨ ਸੋਚ ਮਜਨ ਅਧਿਕਾਇ ।
ਪਾਛੇ ਸਭ ਹੀ ਮਜਨ ਕੀਨੋ । ਦਰਸ ਪਰਸ ਕਰ ਆਨੰਦ ਲੀਨੋ ॥ 64 ॥

ਦੋਹਰਾ

ਗੁਰ ਮੰਤ੍ਰ ਕਾ ਪਾਠ ਕਰ ਬੈਠੇ ਲਾਇ ਦੀਵਾਨ ।
ਆਇ ਜਾਇ ਬਿਨਤੀ ਕਰਹਿ ਸੁਨਹੁ ਪ੍ਰਭੂ ਦੇ ਕਾਨ ॥ 65 ॥

ਚੌਪਈ

ਏਕ ਬੈਰਾਹਿ ਬੜੇ ਦੁਖ ਦੇਈ । ਕ੍ਰਿਖੀ ਉਪਾਰ¹ ਭਾਰ ਸ੍ਰਮ ਦੇਈ ।
ਡਰੇ ਨ ਕਾਹਿ ਝਾੜ ਤਰ ਰਹੈ । ਅਤਿ ਦੁਖ ਦੀਨਾ ਜਤਨ ਸੁ ਨਹੈ ॥ 66 ॥
ਸੁਨਤ ਬੈਨ ਗੁਰੁ ਬਚਨ ਅਲਾਯੋ । ਸਭ ਸੂਰਨ ਜੁਤ ਪਿਆਨ ਕਰਾਯੋ ।
ਆਗੇ ਦੇਖ ਸੁਰ ਖੁਨਸਾਨਾ । ਦੀਰਘ ਦੇਹ ਤੁੰਡ ਬਹੁ ਹਾਨਾ ॥ 67 ॥

ਦੋਹਰਾ

ਬਹੁ ਸੈਨਾ ਕੋ ਦੇਖ ਕੈ ਚਲਾ ਭਾਜ ਪੁਰ ਓਰ ।
ਪੈਦੇ ਖਾਂ ਜਾਵੈ ਨਹੀਂ ਸ੍ਰੀ ਗੁਰੁ ਕਹਾ ਨਿਹੋਰ ॥ 68 ॥

ਚੌਪਈ

ਪੈਦੇ ਖਾਂ ਤਿੰਹ ਪਾਛ ਸਿਧਾਯੋ । ਕਛੁਕ ਦੂਰ ਨਗਰ ਤੇ ਆਯੋ ।
ਪਾਛੇ ਹਟਾ ਸੂਰ ਰਿਸ ਧਾਰੀ ! ਖਾਨ ਅਸਵ ਕੋ ਚੋਟ ਪ੍ਰਹਾਰੀ ॥ 69 ॥
ਗਿਰਿਓ ਖਾਨ ਹੈ ਭਾਗ ਸਿਧਾਯੋ । ਤਬ ਲੋ ਹਰਿ ਗੋਬਿੰਦ ਨੀਅਰਾਯੋ ।
ਉਤਰ ਅਸਵ ਤੇ ਸੂਰ ਹਕਾਰਾ । ਮੂਜੀ ਕਿਹ ਠਾਂ ਜਾਤ ਪਧਾਰਾ ॥ 70 ॥

ਦੋਹਰਾ

ਸੈਨ ਛਾਡ ਸ੍ਰੀ ਗੁਰ ਭਏ ਏਕਲ ਅਗੂ ਨਿਹਾਰ ।
ਪਾਛੇ ਧਏ ਵੈਰਾਹ ਤਬ ਬੋਲ [ਸਬਦ]² ਭੈਕਾਰ ॥ 71 ॥

ਚੌਪਈ

ਸ੍ਰੀ ਗੁਰ ਚਰਮ ਤੇਗ ਕਰ ਧਾਰੇ । ਆਯੋ ਸੂਰ ਅਧਿਕ ਖੁਨਸਾਰੇ³ ।
ਆਵਤ ਤੁੰਡ ਤੇਗ ਗੁਰੁ ਮਾਰੀ । ਸੂਕਰ ਭਯੋ ਦੁਖੰਡ ਬਲਾਰੀ ॥ 72 ॥
ਜੈ ਜੈ ਬਚ ਸਭ ਸੈਨ ਅਲਾਏ । ਉਤਰ ਭੂਮਿ ਗੁਰ ਕੇ ਨਿਕਟਾਏ ।
ਦੀਰਘ ਦੇਹ ਵੈਰਾਹ ਨਿਹਾਰੀ । ਸਾਹਿਬ ਭਾਨੇ ਬਿਸਮੈ ਧਾਰੀ ॥ 73 ॥
ਕਰ ਬੰਦਨ ਚੜ ਯਾਨ ਸੁਹਾਯੋ । ਭਾਨੇ ਸਾਧੂ ਚਰਿਤ ਦਿਖਾਯੋ ।
ਭਾਨੇ ਕਹਾ ਕੌਨ ਨਹਿ ਜਾਨੋ । ਮੋਕਉ ਤੁਮ ਨਿਜ ਕਥਾ ਬਖਾਨੋ ॥ 74 ॥

ਦੋਹਰਾ

ਤਾਂਹੀ ਛਿਨ ਤਿਹ ਬਦਨ ਸੇ ਨਿਕਸੀ ਜੋਤ ਅਪਾਰ ।
ਕੀਨ ਪ੍ਰਕ੍ਰਮਾ ਗੁਰੁ ਕੀ ਸੁੰਦਰ ਸੁਰ ਤਨ ਧਾਰ ॥ 75 ॥

¹ਏ ਪੌਥੀ ਉਜਾੜ ²ਅ ਪੌਥੀ ਵਿਚੋਂ ³ਏ ਪੌਥੀ ਨਿਕਟਾਰੇ

ਸੂਰੋ ਵਾਚ ਚੌਪਈ

ਸਾਹਿਬ ਭਾਨਾ ਜੀ ਸੁਨ ਲੀਜੈ । ਗੁਰ ਅਰਜੁਨ ਕਾ ਸਿਖ ਲਖੀਜੈ ।
ਗੰਗ ਮਾਤ ਜਬ ਬੀੜ ਪਧਾਰੀ । ਬੁਢੇ ਨਿਕਟ ਬੈਨ ਗੁਰ ਸਾਰੀ ॥ 76 ॥
ਗਯੋ ਸੰਗ ਮੈਂ ਅਗੂ ਦਿਖਾਯੋ । ਬੁਢੇ ਭਾਜੜ ਐਸ ਅਲਾਯੋ ।
ਸੁਨਤ ਬੈਨ ਮੋਕਉ ਰਿਸ ਆਈ । ਐਂਠ ਨਾਕ [ਇਮ]¹ ਬੈਨ ਅਲਾਈ ॥ 77 ॥

ਦੋਹਰਾ

ਗਵਾਰ ਜਾਟ ਕੈਸੇ ਕਹਹਿੰ ਕਠਿਨ ਬੈਨ ਤੁਮ ਮਾਤ ।
ਹੁਇ ਘਾਈ ਭਾਜੜ ਕਹੈਂ ਸਮਝ ਨ ਅਪਨੀ ਜਾਤ ॥ 78 ॥

ਚੌਪਈ

ਸਾਹਿਬ ਬੁਢੇ ਤਬ ਰਿਸਧਾਰੀ । ਸ੍ਰਾਪ ਦੀਨ ਮੋ ਕੋ ਅਤਿ ਭਾਰੀ ।
ਸੂਕਰ ਸਮ ਕਿਆ ਨੀਚ ਪੁਕਾਰੇ । ਧਾਰੇ ਸੂਕਰ ਤਨ ਭੈਕਾਰੇ ॥ 79 ॥
ਤਬ ਮੈ ਕੀਨੀ ਅਗੂ ਪੁਕਾਰਾ । ਸ੍ਰਾਪ ਅੰਤ ਪ੍ਰਭ ਕਰੋ ਉਚਾਰਾ ।
ਸੰਤ ਕ੍ਰੋਧ ਜਲ ਬੂੰਦ ਸਮਾਨ । ਤੁਰਤ ਦ੍ਰਵੈ ਅਸ ਬਚਨ ਬਖਾਨ ॥ 80 ॥

ਦੋਹਰਾ

ਸੂਕਰ ਤਨ ਤੁਮ ਧਾਰ ਕੇ ਵਡਾਲੀ ਭੂਮਿ ਬਸਾਇ ।
ਕ੍ਰਿਖੀ ਉਪਾਰੋ² ਤਾਂਹਿ ਕੀ ਅਤਿ ਤਨ ਦੀਰਘ ਪਾਇ ॥ 81 ॥

ਚੌਪਈ

ਅਕਾਲ ਪੁਰਖ ਗੁਰੁ ਅਰਜੁਨ ਗ੍ਰੋਹਾ । ਧਰ ਅਵਤਾਰ ਆਇ ਨਰ ਦੇਹਾ ।
ਮਾਰਹਿ ਤੋਹਿ ਜਬੈ ਨਿਜ ਹਾਥਾ । ਕ੍ਰਿਤਿ ਕ੍ਰਿਤਿ ਤੂੰ ਤਬ ਹੋਹਿ ਸਨਾਥਾ ॥ 82 ॥
ਤਬੈ ਮ੍ਰਿਤ ਹੋਇ ਸੂਕਰ ਦੇਹੀ । ਧਾਰੀ ਇਹੈ ਅਧਿਕ ਸੁਖ ਲੇਹੀ ।
ਦੀਨ ਦਯਾਲ ਮੋਹਿ ਹਤ ਕੀਨਾ । ਪਰਮ ਧਾਮ ਗੁਰੁ ਵਾਸਾ ਲੀਨਾ ॥ 83 ॥

ਦੋਹਰਾ

ਭਗਤ ਸਿੰਘ ਅਸ ਭਾਖ ਕੈ ਗਯੋ ਧਾਮ ਗੁਰ ਸੋਇ ।
ਸਾਹਿਬ ਭਾਨਾ ਬਿਸਮ ਧਰ ਸਾਧੂ ਬਿਸਮੈ ਹੋਇ ॥ 84 ॥

ਚੌਪਈ

ਪਦ ਪੰਕਜ ਗੁਰੂ ਕੇ ਲਪਟਾਏ । ਉਸਤਤਿ ਕੀਨੀ ਤਬੈ ਮਹਾਏ ।
ਤਿਹ ਠਾਂ ਦਮਦਮਾ ਪ੍ਰਭੂ³ ਬਨਾਯੋ । ਸੂਕਰ ਤਨ ਜਹਿ ਭੂਮ ਹਤਾਯੋ ॥ 85 ॥
ਤਹਿ ਪਰ ਐਸੇ ਆਸਨ ਧਾਰ । ਸ੍ਰੀ ਮੁਖ ਕੀਨਾ ਬਚਨ ਉਚਾਰ ।
ਜੋ ਨਰ ਇਹਕਾ ਦਰਸਨ ਕਰੈ । ਜਾਏ ਧਾਮ ਗੁਰ ਸੁਰ ਤਨ ਧਰੈ ॥ 86 ॥

¹ਅ ਪੱਥੀ ਵਿਚੋਂ ²ਅ ਤੇ ਏ ਪੱਥੀ ਉਜਾੜੇ ³ਏ ਪੱਥੀ ਸਤਿਗੁਰੂ

ਦੋਹਰਾ

ਸਾਹਿਬ ਭਾਨੇ ਕਉ ਪ੍ਰਭੂ ਬਹੁਰੇ ਬਚਨ ਸੁਨਾਇ ।
ਬੁਢੇ ਕੀ ਜਿਹ ਨਰ ਤਬੈ ਨਿੰਦਾ ਕਰੀ ਮਹਾਇ ॥ 87 ॥

ਚੌਪਈ

ਪਸੁ ਪੰਖੀ ਮ੍ਰਿਗ ਬਹੁ ਤਨ ਪਾਏ । ਨਾਨਾ ਬਿਧ ਨਹਿ ਜਾਤ ਗਨਾਏ ।
ਬੁਢੇ ਐਸ ਠੌਰ ਰਿਖ ਜਾਨੋ । ਖੇਲ ਸ਼ਿਕਾਰ ਮੁਕਤ ਸਬ ਠਾਨੋ ॥ 88 ॥
ਇਮ ਕਹਿ ਸ੍ਰੀ ਗੁਰ ਮੋਨ ਰਹਾਏ । ਪੈਂਦੇ ਖਾਂ ਮਨ ਸੰਸ ਧਰਾਏ ।
ਸ੍ਰੀ ਗੁਰ ਤਾਂਕੋ ਨਿਕਟ ਬੁਲਾਯੋ । ਅਤਿ ਆਦਰ ਸਿਉ ਧੀਰ ਧਰਾਯੋ ॥ 89 ॥

ਦੋਹਰਾ

ਭਗਤ ਸਿੰਘ ਜੋ ਦਮਦਮਾ ਵਡਾਲੀ ਤੇ ਕਛੂ ਦੂਰ ।
ਨਰਕ ਨਹਿ ਤਿਹ ਦਰਸ ਤੇ ਹੋਤ ਸਭੈ ਅਘ ਚੂਰ ॥ 90 ॥

ਚੌਪਈ

ਚਾਰ ਘੜੀ¹ ਗੁਰ ਤਹਾਂ ਰਹਾਏ । ਬਹੁਰੇ ਹੋਤ ਸ਼ਿਕਾਰ ਸਿਧਾਏ ।
ਖਿਲਤ ਖਿਲਤ ਬਹੁ ਭਾਂਤ ਸ਼ਿਕਾਰਾ । ਹਨੇ ਜੀਵ ਕਰ ਮੁਕਤ ਹਜ਼ਾਰਾ ॥ 91 ॥
ਦੋਇ ਘਰੀ ਦਿਨ ਜਬੈ ਰਹਾਯੋ । ਸ੍ਰੀ ਸਤਿਗੁਰ ਕੈ ਮਨ ਮੈ ਭਾਯੋ ।
ਸੁਧਾ ਸਰੋਵਰ ਤਤ ਛਿਨ ਆਏ । ਤਖਤ ਅਕਾਲ ਬੈਠ ਛਬਿ ਪਾਏ ॥ 92 ॥

ਦੋਹਰਾ

ਲਾਗੋ ਅਧਿਕ ਦੀਵਾਨ ਤਬ ਕੀਰਤਨ ਹੋਤ ਅਪਾਰ ।
ਕਰ ਦਰਸਨ ਫਲ ਚਾਰ ਲਹਿ ਦਾਸ ਕਵੀ ਬਲਿਹਾਰ ॥ 93 ॥

ਸਵੈਯਾ

ਜੈਸ ਨਦੀ ਪਤਿ ਖੇਭ ਭਯੋ ਕਰ ਕਾਰਜ ਵੇਲ ਕੈ ਬੀਚ ਸਮਾਏ ।
ਤੈਸ ਗੁਰੂ ਜਗ ਕਾਰਜ ਕੈ ਸੁ ਵੈਰਾਹ ਤੇ ਆਦਿਕ ਜੀਵ ਹਤਾਏ ।
ਆਇ ਇਕਾਂਤ ਸੁ ਸਾਂਤਿ ਰਿਦੈ ਪ੍ਰਭ ਉਪਰ ਤਖਤ ਬਡੀ ਛਬਿ ਪਾਏ ।
ਪੂਰਨ ਇਛ ਕਰਹਿ ਜਨ ਕੀ ਪਿਖ ਦਾਸ ਕਵੀ ਗੁਰੂ ਕੇ² ਬਲ ਜਾਏ ॥ 94 ॥

ਦੋਹਰਾ

ਦਯਾਸਿੰਧ ਗੁਰ ਕੀ ਕਥਾ ਤੋਕਉ ਦਈ ਸੁਨਾਇ ।
ਬਾਬੇ ਨਗਰ³ ਬਸਾਯੋ ਸ੍ਰੀ ਗੁਰੂ ਚਰਿਤ ਮਹਾਇ ॥ 95 ॥
ਔਰ ਗਾਥ ਆਗੇ ਸੁਨੋ ਸਰ ਸੰਤੋਖ ਉਦਾਰ ।
ਸੁਧਾ ਸਰੋਵਰ ਸੁਭ ਕਥਾ ਪਾਤਕ ਅਨਿਕ ਉਧਾਰ ॥ 96 ॥

¹ਅ ਪੋਥੀ ਪਹਿਰ ²ਅ ਪੋਥੀ ਗੁਨ ਗਾਏ ³ੲ ਪੋਥੀ ਸਹਿਰ

ਚੌਪਈ

ਭਗਤ ਸਿੰਘ ਇਹ ਕਥਾ ਰਸਾਲਾ । ਪੜਤ ਸੁਨਤ ਕਲ ਕਾਲ ਨਿਰਾਲਾ ।
 ਦੇਕਾਦਸੀ ਤਬ ਆਇ ਨਿਮਾਣੀ । ਹਰਿਗੋਬਿੰਦ ਕੇ ਮਨ ਮਹਿ ਭਾਣੀ ॥ 97 ॥
 ਸਾਧੂ ਭਾਨੇ ਕੋਉ ਸੰਗਿ ਲੀਨੋ । ਮਜਨ ਹੇਤ ਪਿਆਨਾ ਕੀਨੋ ।
 ਬਿਧੀਏ ਆਦਿ ਲੈ ਦਾਸ ਸੰਗਿ ਧਾਰੇ । ਦੁਖ ਭੰਜਨ ਕੀ ਓਰ ਪਧਾਰੇ ॥ 98 ॥

ਦੋਹਰਾ

ਪ੍ਰਿਥਮ ਕੂਪ ਅਸਨਾਨ ਕੇ ਬੈਠੇ ਪ੍ਰਭ ਤਹਿ ਜਾਇ ।
 ਦੁਖ ਭੰਜਨ ਬੇਰੀ ਤਰੈ ਮਨ ਮਹਿ ਹਰਖ ਧਰਾਇ ॥ 99 ॥

ਚੌਪਈ

ਸਾਹਿਬ ਭਾਨੇ ਬਿਨਤ ਉਚਾਰੀ । ਹੇ ਪ੍ਰਭ ਬਿਨਤੀ¹ ਸੁਨੋ ਹਮਾਰੀ ।
 ਮੇਰੇ ਪਿਤ ਅਸ ਬਾਤ ਅਲਾਈ । ਦੁਖ ਭੰਜਨ ਕੀ ਉਪਮ ਮਹਾਈ ॥ 100 ॥
 ਕੀਨ ਇਸਨਾਨ ਕਾਗ ਹੋਇ ਹੰਸਾ । ਸੁੰਦਰ ਤਨ ਪਿੰਗਲ ਅਵਤੰਸਾ ।
 ਪਿੰਗਲ ਕੋਨ ਕਾਗ ਸੁਨ ਪਾਏ । ਭਏ ਹੰਸ ਮਮ ਧਾਮ ਸਿਧਾਏ ॥ 101 ॥

ਦੋਹਰਾ

ਛੋਰ ਕਥਾ ਸਭ ਹੀ ਕਹੇ ਕਾਰਨ ਯਾਹਿ ਬਨਾਇ ।
 ਗੋਪ ਰਖੋ ਜਿਨ ਦਾਸ ਤੇ ਜਿਹਿ ਸੰਸਾ ਭ੍ਰਮ ਜਾਇ ॥ 102 ॥

ਚੌਪਈ

ਸ੍ਰੀ ਗੁਰ ਕਹਾ ਕਥਾ ਬਹੁ ਜਾਨੋ । ਸੂਚਨ ਕਹੂੰ ਅਧਿਕ ਪਹਿਚਾਨੋ ।
 ਕਾਰਨ ਕਰਨ ਦੀਨ ਕੇ ਦਿਆਲਾ । ਸ੍ਰੀ ਸਤਿਗੁਰੁ ਗੁਰੁ ਅਮਰ ਕ੍ਰਿਪਾਲਾ² ॥ 103 ॥
 ਸੁਧਾ ਸਰੋਵਰ ਪਰਗਟ ਕਾਰਨ । ਆਇਸ³ ਕਰੀ ਸੁ ਜਗਤ ਉਧਾਰਨ ।
 ਰਾਮਦਾਸ ਕਉ ਅਸ ਫਰਮਾਯੋ । ਆਦਿ ਕਾਲ ਤੀਰਥ ਹਰਿ ਭਾਯੋ ॥ 104 ॥

ਦੋਹਰਾ

ਇਖਵਾਕ ਭੂਪ ਤੀਰਥ ਰਚਯੋ ਛਪਯੋ ਸਮਾਂ ਕਲ ਜਾਨ ।
 ਜਾਇ ਪ੍ਰਗਟ ਅਬ ਤੁਮ ਕਰੋ ਰਾਮਦਾਸ ਸੁਖਮਾਨ ॥ 105 ॥

ਚੌਪਈ

ਰਾਮਦਾਸ ਸੁਨ ਮਨਿ ਸੁਖ ਪਾਯੋ । ਅਮਰ ਗੁਰੂ ਕੇ ਪਗ ਸਿਰ ਨਾਯੋ ॥
 ਲੈ ਨਿਦੇਸ ਇਹ ਠਾਂ ਚਲ ਆਏ । ਗੋਇੰਦਵਾਲ ਤੇ ਮਨ ਹਰਖਾਏ ॥ 106 ॥
 ਸਰ ਸੰਤੋਖ ਅਬ ਜਹਾਂ ਸੁਹਾਵੈ । ਸਿੰਸਪਾ ਕੰਠ ਤਾਂਹਿ ਛਬ ਪਾਵੈ ।
 ਤਾਕੇ ਦਰ ਪਰ ਆਸਨ ਡਾਰੇ । ਰਾਮਦਾਸ ਗੁਰੂ ਬੈਠ ਮੁਰਾਰ ॥ 107 ॥

¹ਅ ਪੌਥੀ ਅਰਜ ²ਅ ਤੇ ਏ ਪੌਥੀ ਦਇਆਲਾ ³ਅ ਪੌਥੀ ਆਗਯਾ

ਦੋਹਰਾ

ਜਦਪਿ [ਸਭਿ]¹ ਬਿਧ ਜਾਨਤੇ ਤਦਪਿ ਨਰ ਅਨੁਹਾਰ ।
 ਸੁਧਾ ਸਰੋਵਰ ਜਾਨ ਕੈ ਖੋਦਨ ਲਗੇ ਸੁਧਾਰ ॥ 108 ॥
 ਲੰਕ ਸੀਆ ਰਾਵਨ ਹਰੀ ਜਥਾ ਰਾਮ ਸਭ ਜਾਨ ।
 ਤਦਪਿ ਕੋਤਕ ਕਰਨ ਹਿਤ ਗਿਰ ਬਨ ਢੂੰਢ ਅਜਾਨ ॥ 109 ॥

ਚੌਪਈ

ਜਦਪਿ ਸ੍ਰੀ ਗੁਰੂ ਜਾਨਨਹਾਰੇ । ਖੋਦਣ ਧਰਾ ਲਗੇ ਤਹਿ ਵਾਰੇ ।
 ਇਤਨੇ ਮਾਝ ਔਰ ਸੁਨ ਲੀਜੈ । ਕਾਗ ਹੰਸ ਜਿਮ ਸੁਧ ਲਖੀਜੈ ॥ 110 ॥
 ਮਦਰ ਦੇਸ ਇਕ ਗ੍ਰਾਮ ਸੁਧਾਰਾ । ਪਟੀ ਰਾਜ ਤੁਰਕ ਅਨੁਸਾਰਾ ।
 ਤਿਹੰ ਗ੍ਰਿਹ ਕੰਨਯਾ ਸਾਤ ਉਪਾਈ । ਰੂਪਵੰਤ ਛਬਿ ਕਹੀ ਨ ਜਾਈ ॥ 111 ॥

ਦੋਹਰਾ

ਖਟ ਕੰਨਯਾ ਕੋ ਤਾਂਹਿ ਨ੍ਰਿਪ ਕੀਨਾ ਜਥੈ ਵਿਆਹਿ ।
 ਸਪਤਮ ਰਹੀ ਕੁਆਰਿ ਤਨ ਉਰਝ ਜਾਂਹਿ ਪਿਖ ਮਾਂਹਿ ॥ 112 ॥

ਚੌਪਈ

ਏਕ ਦਿਵਸ ਸੰਗ ਅਲੀ² ਪਧਾਰੀ । ਸੰਤ ਸਭਾ ਸੁਭ ਅਗੂ ਨਿਹਾਰੀ ॥
 ਚਰਚਾ ਕਰਹਿ ਪਰਸਪਰ ਸੋਈ । ਰਿਜਕ ਦੇਤ ਸਭ ਕਉ ਅਤਿ ਸੋਈ ॥ 113 ॥
 ਬਿਨ ਹਰਿ ਔਰ ਨ ਰਾਖਨਹਾਰਾ । ਏਕ ਅਕਾਲ ਕਰੈ ਪ੍ਰਤਿਪਾਰਾ ।
 ਰਾਜ ਕੁਮਾਰੀ ਸੁਨਤ ਅਸਿ ਬੈਨਾ । ਭਈ ਸੁਧ ਮਨ ਆਯੋ ਚੈਨਾ ॥ 114 ॥

ਦੋਹਰਾ

ਛੋਟੀ ਅਪਨੀ ਮਾਇ ਢਿਗ ਬੈਠਤ ਐਸ ਅਲਾਇ ।
 ਸਭਨ ਸਾਰ ਹਰਿ ਰਾਖਤਾ ਅਹਿਨਿਸ ਕਰੈ ਸਹਾਇ ॥ 115 ॥

ਚੌਪਈ

ਖਟ ਕੰਨਯਾ ਮੁਖ ਐਸ ਅਲਾਵਹਿੰ । ਪਿਤਾ ਦੀਆ ਹਮ³ ਦਰਬ ਭੋਗਾਵਹਿੰ ।
 ਵਹੁ ਭਾਖਤ ਹਰਿ⁴ ਮੋਕਉ ਦੇਵੈ । ਬਿਨ ਹਿਰ ਸੁਧ ਨ ਕੋਈ ਲੇਵੈ ॥ 116 ॥
 ਭਗਤ ਸਿੰਘ ਸਤਿਸੰਗ ਸਧਾਰੀ । ਦ੍ਰਿੜ ਪਰਤੀਤਿ ਸੁ ਰਾਜ ਕੁਮਾਰੀ ।
 ਤਾਂਹਿ ਪਿਤਾ ਜਬ ਏਹ ਸੁਨ ਪਾਯੋ । ਮੋਕਉ ਤਿਆਗ ਯਾਹਿ ਹਰਿ ਭਾਯੋ ॥ 117 ॥

ਦੋਹਰਾ

ਮੂੜ ਰਾਇ ਜਾਨਤ ਨਹੀ ਸਭ ਘਰ ਹਰਿ ਹੀ ਧਾਰ ।
 ਰਾਜ ਮਾਨ⁵ ਨਿਜ ਸੁਤਾ ਕਉ ਕਰਤ ਭਯੋ ਅਸਰਾਰ ॥ 118 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਸਖੀ ³ਅ ਪੋਥੀ ਸਭ ਕਛੁ ਪਾਵਹਿ ⁴ਅ ਪੋਥੀ ਪ੍ਰਭੂ ⁵ਅ ਪੋਥੀ ਮਦ

ਚੌਪਈ

ਸਕਲ ਸੁਤਾ ਕਉ ਨਿਕਟ ਬੁਲਾਯੋ । ਸੁਨ ਭਾਨਾ ਅਸ ਬਚਨ ਅਲਾਯੋ ।
 ਕਰਹੁ ਸਤਿ ਤੁਮ ਕਹਿ ਤੇ ਪਾਵਹਿ । ਕਹਹਿ ਸੁਤਾ ਹਮ ਤੁਮਰੋ ਖਾਵਹਿ ॥ 119 ॥
 ਸਪਤਮ ਕਹਾ ਮੋਹਿ ਹਰਿ ਦੇਵੈ । ਖਾਂਇ ਦੀਆ ਤਿਹ ਮੁਹਿ ਸੁਧ ਲੇਵੈ ।
 ਮਾਨੀ ਰਾਵ ਕ੍ਰੋਧ ਉਪਜਾਯੋ । ਤਾਂਹਿ ਸੁਤਾ ਕੋ ਤਬੈ ਭੁਲਾਯੋ ॥ 120 ॥

ਦੋਹਰਾ

ਪਾਟ ਪਟੰਬਰ ਭਾਂਤ ਬਹੁ ਭੋਜਨ ਅਨਿਕ ਪ੍ਰਕਾਰ ।
 ਦੇਵੇ ਕੰਨਯਾ ਖਸਟ ਕਉ ਤਾਂਕੀ ਸੁਧ ਨਹਿ ਸਾਰ ॥ 121 ॥

ਚੌਪਈ

ਏਕ ਦਿਵਸ ਭੁਪਤ ਮਨ ਭਾਯੋ । ਨਿਜ ਮਨ ਐਸੇ ਬਯੋਤ ਬਨਾਯੋ ।
 ਸੁਤਾ ਵਿਆਹਿ ਯਾਹਿ ਤਿਹ ਦੇਵਉ । ਕੁਸਟ ਹੀਨ ਤਨ ਜਹ ਲਖ ਲੇਵਉ ॥ 122 ॥
 ਕਰਤ ਵਿਚਾਰ ਏਕ ਦ੍ਰਿਸ਼ਟਾਯੋ । ਪਿੰਗਲਾ ਕੁਸਟ ਖੇਦ ਤਨ ਪਾਯੋ ।
 ਸੁਤਾ ਵਿਆਹਿ ਤਾਹਿ ਕਉ ਦੀਨੀ । ਕਛੂ ਭੂਪ ਮਨ ਸੰਕ ਨ ਕੀਨੀ ॥ 123 ॥

ਦੋਹਰਾ

ਐਸ ਬੈਨ ਮੁਖ ਸਿਉ ਕਹੈ ਏ ਤੇਰਾ ਭਰਤਾਰ ।
 ਤੁਮ ਭਾਖਤ ਹਰਿ ਦੇਇ ਮੋਹਿ ਯਾਹਿ ਕਰੈ ਪ੍ਰਤਿਪਾਰ ॥ 124 ॥

ਚੌਪਈ

ਤਬ ਕੰਨਿਆ ਅਸ ਬਚਨ ਅਲਾਯੋ । ਸੁਨੋ ਪਿਤਾ ਇਹ ਸਮ¹ ਪਤਿ ਭਾਯੋ ।
 ਏ ਮੋਰਾ ਹਰਿ ਮੋਹਿ ਪ੍ਰਤਿਪਾਰੈ । ਨਿਸਚੈ ਖੇਦ² ਮੋਹਿ ਸਬ ਟਾਰੈ ॥ 125 ॥
 ਅਸ ਕਹਿ ਖਾਰੇ ਬੀਚ ਬੈਠਾਯੋ । ਕਰ ਬੰਦਨ ਨਿਜ ਸੀਸ ਉਠਾਯੋ ।
 ਨਗਰ ਨਗਰ ਪੁਰ ਮਾਂਗ ਅਘਾਵੈ । ਤਾਂਹਿ ਖਵਾਇ ਪਾਛ ਨਿਜ ਖਾਵੈ ॥ 126 ॥

ਦੋਹਰਾ

ਜਾਇ ਨਗਰ ਢਿਗ ਰਾਖ ਤਹਿ ਭਿਖਿਆ ਮਾਂਗ ਅਘਾਇ ।
 ਸ੍ਰਵੈ ਕੁਸਟ ਕ੍ਰਿਮ ਚਾਲਤੇ ਨੇਰੇ ਕੋਇ ਨ ਜਾਇ ॥ 127 ॥

ਚੌਪਈ

ਰਾਜ ਕੁਮਾਰੀ ਹਰੀ ਸਮ ਜਾਨੈ । ਪਤਿ ਪਰਮੇਸ਼ਰ ਭੇਦ ਨ ਮਾਨੈ ।
 ਸਤਿ ਸੰਗਤਿ ਨਿਹਚਾ ਜਿਹਿ ਆਯੋ । ਦਯਾਸਿੰਧ ਤਹਿ ਖੇਦ ਨ ਪਾਯੋ ॥ 128 ॥
 ਫਿਰਤ ਫਿਰਤ ਇਹ ਠਾਂ ਚਲ ਆਈ । ਭਾਈ ਭਾਨਾ ਸੁਨਹੁ ਤਦਾਈ ।
 ਖਾਰਾ ਯਾਹਿ ਬੇਰ ਤਰ ਰਾਖਾ । ਭਿਖਯਾ ਹੇਤਿ ਗਈ ਅਭਿਲਾਖਾ ॥ 129 ॥

¹ਅ ਪੋਥੀ ਮੋਹਿ ²ਦ ਪੋਥੀ ਕਸਟ

ਦੋਹਰਾ

ਨਗਰ ਤੁੰਗ ਤੁੰਯਾ ਹੇਰ ਕੈ ਗਈ ਤਹਾ ਤਬ ਧਾਇ ।
ਵਿਸਾਖੀ ਪੁਰਬੀ ਦਿਨ ਤਬੈ ਕੰਤਕ ਭਯੋ ਮਹਾਇ ॥ 130 ॥

ਚੌਪਈ

ਯਾਹਿ ਠੌਰ ਛਪੜੀ ਤਬ ਜਾਨੋ । ਅੰਮ੍ਰਿਤ ਕੁੰਡ ਤਾਹਿ ਪਹਿਚਾਨੋ ।
ਉਪਰ ਬੇਰ ਕਾਗ ਇਕ ਸੋਹੈ । ਆਯੋ ਦੁਤੀ ਟੂਕ ਮੁਖ ਜੋਹੈ ॥ 131 ॥
ਖੋਸਨ ਲਾਗ ਤਾਂਹਿ ਤੇ ਸੋਈ । ਲਰੇ ਪਰਸਪਰ ਅਤਿ ਰਿਸ ਹੋਈ ।
ਲਰਤ ਲਰਤ ਦੋਈ ਗਿਰ ਪਰੇ । ਛਪੜੀ ਮਧ¹ ਡੂਬ ਨਿਸਤਰੇ ॥ 132 ॥

ਦੋਹਰਾ

ਉਜਲ ਹੰਸ ਸਰੂਪ ਧਰ ਛੀਰ ਪੰਖ ਸੁਖ ਪਾਇ ।
ਮਾਨਸਰੋਵਰ ਕੋ ਚਲੇ ਦੋਉ ਹਰਖ ਗੁਨ ਗਾਇ ॥ 133 ॥

ਚੌਪਈ

ਤਿਹ ਪਿੰਗਲ ਇਹੁ ਚਰਿਤ ਨਿਹਾਰਾ । ਕਾਗ ਹੋਇ ਅਤਿ ਹੰਸਿ ਅਪਾਰਾ ।
ਮਨ ਮਹਿ ਐਸੋ ਕੀਨ ਵੀਚਾਰੂ । ਮਹਾਤਮ ਯਾਹਿ ਨੀਰ ਕੋ ਭਾਰੂ ॥ 134 ॥
ਕਰੇ ਇਸਨਾਨ ਮੋਹਿ ਸ੍ਰਮ ਜਾਈ । ਰਿੜਤ ਰਿੜਤ ਵਹੁ ਚਲਯੋ ਤਦਾਈ ।
ਦੋਇ ਅੰਗਰੀ ਘਾਸ ਗਹਾਏ । ਕੀਯੋ ਇਸਨਾਨ ਸੁ ਟੁਬਕੀ ਲਾਏ ॥ 135 ॥

ਦੋਹਰਾ

ਸੁਧ ਦੇਹ ਹੋਈ ਤਬੈ ਸੁੰਦਰ ਰੂਪ ਨਿਹਾਰ ।
ਕਿਧੋ ਬਰਨ ਸੁਰ ਭੂਪ ਹੈ ਸੋਭਤ ਰਾਜ ਕੁਮਾਰ ॥ 136 ॥

ਚੌਪਈ

ਦੋਇ ਅੰਗਰੀ ਬਾਹਰ ਰਹੀ । ਤਾਂ ਮਹਿ ਕੁਸ਼ਟ ਕਛੁਕ ਤਬ ਰਹੀ ।
ਔਰ ਦੇਵ ਤਨ ਭਯੋ ਸੁ ਤਬਹੀ । ਕੀਨ² ਇਸਨਾਨ ਹਰਖ ਧਰ ਜਬਹੀ ॥ 137 ॥
ਵਹੁ ਖਾਰੇ ਕੋ ਪਲਟ ਧਰਾਯੋ । ਉਪਰ ਬੈਠ ਅਧਿਕ ਸੁਖ ਪਾਯੋ ।
ਤਬ ਲੋ ਭਿਖਯਾ ਮਾਂਗ ਸੁ ਆਈ । ਰਾਜ ਕੰਨਯਾ ਦਿਖ ਸੁਕਚਾਈ ॥ 138 ॥

ਦੋਹਰਾ

ਮਨ ਮਹਿ ਅਤਿ ਰਿਸ ਧਾਰਿ ਕੈ ਭਾਖੈ ਤਾਂਹਿ ਅਸ ਬੈਨ ।
ਹੇ ਪਾਪੀ ਪਤਿ ਮਾਰ ਮਮ ਬੈਠ ਹਰਖ ਧਰ [ਚੈਨ]³ ॥ 139 ॥

ਚੌਪਈ

ਜਾ ਹਿਤ ਤੋ ਪਤਿ ਮੋਹਿ ਸੰਘਾਰਾ । ਹੇ ਨਹਿ ਬਨੋ ਤੋਹਿ ਕੀ⁴ ਦਾਰਾ ।
ਤੋਹਿ ਪਾਪੀ ਬਡ ਪਾਪ ਕਮਾਯੋ । ਮੋਰੇ ਪਤਿ ਪਰਮੇਸੁਰ ਘਾਯੋ ॥ 140 ॥

¹ਅ ਪੋਥੀ ਮਾਹਿ ²ਅ ਪੋਥੀ ਕੀਓ ³ਅ ਪੋਥੀ ਵਿਚੋਂ ⁴ਅ ਪੋਥੀ ਤੁਮਾਰੀ

॥ ਨਰੋਵਾਰ ॥ ਚੌਪਈ

ਮੈਂ ਵਹੁ ਜਾਨ ਸੰਸ ਨਹਿ ਕੀਜੈ । ਨਿਸਾਨੀ ਪਤੇ ਪੂਛ ਸਭ ਲੀਜੈ ।
ਛਪੜੀ ਕਾਗ ਹੰਸ ਹੋਇ ਨ੍ਹਾਏ । ਕੀਨ ਇਸਨਾਨ ਮੋਰਿ ਦੁਖ ਘਾਏ ॥ 141 ॥

ਦੋਹਰਾ

ਅੰਗਰੀ ਦੋਇ ਪਛਾਨ ਮਮ ਕਹਿਯੋ ਕੁਸ਼ਟ ਤੁਮ ਜਾਨ ।
ਅਬਲਾ ਮਾਨਤ ਨਾਂਹਿ ਕਛ ਸੁਨ ਭਾਨਾ ਰਿਸ ਠਾਨ ॥ 142 ॥

ਚੌਪਈ

ਭਯੋ ਸ਼ੋਰ ਹਲਵਾਹ ਤਿਹ¹ ਤਿਹ ਆਏ । ਪੂਛ ਜਾਟ ਕਿਆ ਸ਼ੋਰ ਮਚਾਏ ।
ਦੁਹੂੰ ਗਾਥ ਅਬਲਾ ਨਰ ਗਾਈ । ਅਪਨੀ ਅਪਨੀ ਸਗਲ ਸੁਨਾਈ ॥ 143 ॥
ਕਹਾ ਜਾਟ ਹਮ ਭੇਦ ਨਾ ਜਾਨੇ । ਝਗਰਾ ਉਲਟਾ ਤੁਮਹਿ ਮਹਾਨੇ ।
ਰਾਮਦਾਸ ਗੁਰੂ ਇਹ ਠਾਂ ਆਏ । ਵਹੀ ਸਿੰਸਪਾਤਰੂ ਤਰੇ ਸੁਹਾਏ ॥ 144 ॥

ਦੋਹਰਾ

ਖੋਦਤ ਤਹਿ ਠਾਂ ਤਾਲ ਕਉ ਤਹਾਂ ਜਾਹੁ ਤੁਮ ਦੋਇ ।
ਨਿਸਚੈ ਤੁਮ ਦੋਹਾਨ ਕਾ ਨਿਆਇ ਵਿਚਾਰਹਿ ਸੋਇ ॥ 145 ॥

ਚੌਪਈ

ਤਬ ਦੋਈ ਇਹ ਓਰ ਪਧਾਰੇ । ਰਾਮਦਾਸ ਗੁਰ ਜਾਇ ਨਿਹਾਰੇ ।
ਆਗੇ ਖੋਦਤ ਮਟੀ ਦਿਸਾਯੋ । ਤਾਂ ਮਹਿ ਜੋਗੀ ਬੈਠ ਸੁਹਾਯੋ ॥ 146 ॥
ਲਗੀ ਸਮਾਧ ਏਕ ਰਸ ਤਾਂਕੀ । ਦਸਮ ਦੁਆਰ ਬ੍ਰਿਤੀ ਤਹਿ ਵਾਂਕੀ ।
ਕਹੀ ਚੋਟ ਮਟੀ ਲਾਗੀ ਜਬਹੀ । ਛੁਟੀ ਸਮਾਧ ਬੋਲ ਵਹੁ ਤਬਹੀ ॥ 147 ॥

ਦੋਹਰਾ

ਕੋ ਹੈ ਖੋਦਤ ਮੋਹਿ ਤਨ ਮਜੂਰ ਠਠਕ ਸੁਨ ਬੈਨ ।
ਦਯਾ ਸਿੰਧੁ ਗੁਰ ਨਿਕਟ ਹੁਇ ਬੋਲੇ ਬਚ ਸੁਖ ਐਨ ॥ 148 ॥

ਚੌਪਈ

ਕੋ ਤੂੰ ਕਾ ਹਿਤ ਈਹਾਂ² ਬੈਠਾਯੋ । ਤਬ ਜੋਗੀ ਅਸ ਬੈਨ ਅਲਾਯੋ ।
ਕੌਨ ਸਮਾ ਤੁਮ ਕੌਨ ਉਦਾਰੇ । ਤਬ ਗੁਰ ਸੁੰਦਰ ਬੈਨਿ ਉਚਾਰੇ ॥ 149 ॥
ਕਲਜੁਗ ਸਮਾ ਅਮਰ ਗੁਰ ਦਾਸ । ਮੋ ਕਉ ਜਾਨੀ ਹੀਏ ਸੁ ਹੁਲਾਸ ।
ਰਾਮਦਾਸ ਮਮ ਨਾਮ ਭਣਿਜੈ । ਜੋਗੀ ਕਹਾ ਬੈਨ ਸੁਨ ਲਿਜੈ ॥ 150 ॥

ਦੋਹਰਾ

ਕਲ ਕੀ ਪਵਨ ਨ ਲਾਇ ਮਮ³ ਮੋਰੋ ਪ੍ਰਸਨ ਸੁਨਾਇ ।
ਇਹੁ ਜਗ ਝੂਠ ਕਿ ਸਾਚ ਹੈ ਸੰਤੋਖ ਕੈਸ ਬਿਧਿ ਪਾਇ ॥ 151 ॥

¹ਏ ਪੋਥੀ ਕਿਸਾਨ ²ਅ ਪੋਥੀ ਇਹ ਠਾਂ ³ਏ ਪੋਥੀ ਹਮੇ

ਚੌਪਈ

ਸ੍ਰੀ ਗੁਰ ਕਹਾ ਜਗਤ ਇਮ ਗਾਯੋ । ਮ੍ਰਿਗ ਤ੍ਰਿਸ਼ਨਾ ਜਿਮ ਨੀਰ ਲਖਾਯੋ ।
ਗੰਧੂਬ ਨਗਰ ਧੂਮ [ਗ੍ਰਹਿ]¹ ਜੈਸੇ । ਜਗਤ ਝੂਠ ਜਾਨੋ ਤੁਮ ਐਸੇ ॥ 152 ॥
ਤੀਨ ਕਾਲ ਜਿਹ ਬਾਂਧ ਨ ਹੋਈ । ਤਥਾ ਸਤਿ ਹਰਿ ਜਨ ਦੁਖ ਖੋਈ ।
ਨਾਮ ਸਤਿ ਹਰਿ ਕੇ ਜਨ ਧਿਆਵਹਿ । ਸਤਿ ਸੰਤੋਖ ਰਿਦੇ ਤਿਹ ਆਵਹਿ ॥ 153 ॥

ਦੋਹਰਾ

ਸੰਤੋਖ ਨ ਹੋਵੈ ਨਾਮ ਬਿਨ ਤੀਨ ਲੋਕ² ਕਉ ਰਾਜ ।
ਬਾਂਢੇ ਤ੍ਰਿਸ਼ਨਾ ਅਧਿਕ ਹੀ ਕਰੇ ਜਨਮ ਕਿਹ ਕਾਜ ॥ 154 ॥

ਚੌਪਈ

ਇਹੁ ਸੰਤੋਖ ਨਾਮ ਕੋ ਮਾਹੀ³ । ਬਾਲਮੀਕ ਸਿਵ ਨਾਮ ਸਲਾਹੀ ।
ਸੁਨ ਜੋਗੀ ਮਨ ਅਨੰਦ ਧਰਾਯੋ । ਪਟ ਉਘਾਰ ਗੁਰ ਦਰਸਨ ਪਾਯੋ ॥ 155 ॥
ਚਰਨ ਲਾਗ ਨਿਜ ਬਾਤ ਅਲਾਈ । ਕੁੰਭ ਜੋਨ ਕਾ ਦਾਸ ਕਹਾਈ ।
ਗੁਰ ਕੀ ਸੇਵਾ ਕਰੋ ਅਪਾਰਾ । ਜਬ ਪ੍ਰਭ ਭਏ ਰਾਮ ਅੰਤਾਰਾ⁴ ॥ 156 ॥

ਦੋਹਰਾ

ਪਿਤਾ ਬੈਨ ਕਰ ਬਨ ਅਏ ਲੀਏ ਭ੍ਰਾਤ ਸੀਆ ਸੰਗ ।
ਦਰਸਨ ਹਿਤ ਆਗੇ ਧਯੋ ਮਿਲੇ ਸਦਨ ਸਰਭੰਗ ॥ 157 ॥

ਚੌਪਈ

ਨਮੋ ਨਮੋ ਕਰ ਦਰਸਨ ਪਾਯੋ । ਤਬ ਹਉ ਐਸੇ ਬਚਨ ਅਲਾਯੋ ।
ਕਹਾ ਰਾਮ ਅਸ ਭ੍ਰਮ ਨਹਿ ਗਯੋ । ਉਤ੍ਰ ਪ੍ਰਤਿ ਉਤ੍ਰ ਬਹੁ ਭਯੋ ॥ 158 ॥
ਤਬ ਸ੍ਰੀ ਰਾਮ ਐਸ ਬਚ ਗਾਏ । ਤੁਮਰੇ ਮਨ ਅਤਸੈ ਭ੍ਰਮ ਪਾਏ ।
ਦੀਨ ਬਤਾਇ ਮੋਹਿ ਇਹ ਥਾਨਾ । ਭਾਖਯੋ ਲਾਵਹੁ ਯਾਹਿ ਧਯਾਨਾ ॥ 159 ॥

ਦੋਹਰਾ

ਕਲਜੁਗ ਮਹਿ ਧਰ ਦੇਹ ਕਉ ਮੇਟੈ ਭ੍ਰਮ ਸੁ ਤੁਹਾਰ ।
ਰਾਮ ਦਾਸ ਗੁਰ ਨਾਮ ਧਰ ਤੀਰਥ ਪ੍ਰਗਟ ਸੁਹਾਰ ॥ 160 ॥
ਰਾਮ ਨਾਮ ਮੋਰੋ ਅਬੈ ਰਾਮਦਾਸ ਕਹਿ ਸੋਇ ।
ਗੁਰੂ ਕਹਾਵੈ ਜਗਤ ਕਾ ਸੁਨੋ ਪ੍ਰਭੁ ਤੁਮ ਓਇ ॥ 161 ॥

ਚੌਪਈ

ਤਾਂਤੇ ਹੇ ਗੁਰ ਭਰਮ ਨਿਵਾਰਾ । ਤੁਮਹੀ ਧਰਾ ਰਾਮ ਅਵਤਾਰਾ ।
ਦੀਨ ਸੰਤੋਖ ਮੋਹਿ ਕਉ ਭਾਰੀ । ਤਾਂਤੇ ਤੀਰਥ ਰਚਉ ਮੁਰਾਰੀ ॥ 162 ॥
ਧਰ ਸੰਤੋਖਸਰ ਯਾ ਕਾ ਨਾਮਾ । ਮਨਸਾ⁵ ਪੂਰਨ ਕਰਹਹਿ ਕਾਮਾ ।
ਅਸ ਕਹਿ ਜੋਗੀ ਪ੍ਰਾਨ ਬਿਲਾਏ । ਦਯਾ ਸਿੰਧ ਅਸ ਕੀਨ ਤਦਾਏ ॥ 163 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਭਵਨ ³ਅ ਪੋਥੀ ਅਵਤਾਰ ਏ ਪੋਥੀ ਅਉਤਾਰਾ ⁴ਏ ਪੋਥੀ ਇਛਾ

ਦੋਹਰਾ

ਤਾਂਹਿ ਨੌਰ ਤਹਿੰ ਦਾਬ ਕੈ ਮਿਟੀ ਸੁ ਦਈ ਅਪਾਰ ।
ਧਰ ਸੰਤੋਖ ਸਰ ਨਾਮ ਤਹਿੰ ਕੀਨਾ ਬਚਨ ਉਦਾਰ ॥ 164 ॥

ਚੌਪਈ

ਸਮਾ ਪਾਇ ਪਕਾ ਬਨ ਜਾਵੈ । ਲਹੈ ਚਾਰ ਫਲ ਜੋ ਨਰ ਨ੍ਹਾਵੈ ।
ਸੁਨ ਭਾਨਾ ਇਤਨੇ ਮੈ ਆਈ । ਝਗਰਤ ਪਤਿ ਸਿਉ ਤ੍ਰਿਯਾ ਸੁਹਾਈ ॥ 165 ॥
ਨਿਜ ਨਿਜ ਬਾਤ ਦੁਹੂੰ ਕਹਿੰ ਦੀਨੀ । ਕਰ ਧਿਆਨ ਗੁਰ ਸਭ ਚਿਤ ਚੀਨੀ ।
ਸੁਰ ਤਰੂ ਸਮਾ ਸਿੰਸਪਾ ਜਾਨੈ । ਜਿਹ ਤਰੂ ਸ੍ਰੀ ਗੁਰ ਆਸਨ ਠਾਨੈ ॥ 166 ॥

ਦੋਹਰਾ

ਕਰੇ ਦਰਸ ਜੋ ਤਾਹਿ ਕਾ ਮਨ ਬਾਛਤ ਫਲ ਪਾਇ ।
ਦਯਾ ਸਿੰਧ ਤਹਿ ਤੇ ਉਠੇ ਦਾਸ ਕਵੀ ਬਲ ਜਾਇ ॥ 167 ॥

ਚੌਪਈ

ਸ੍ਰੀ ਮੁਖ ਤੇ ਭਾਖੇ ਬਚ ਐਸੇ । ਤਹਿ ਠਾ ਚਲੈ ਦੇਖ ਹਮ ਕੈਸੇ ।
ਸੁਨਿ ਭਾਨਾ ਇਹ ਠਾ ਗੁਰ ਆਏ । ਲਘੁ ਛਪੜੀ ਦਿਖ ਕੈ ਹਰਖਾਏ ॥ 168 ॥
ਤਿਹ ਨਰ ਕਉ ਅਸ ਬਾਤ ਅਲਾਈ । ਜੋ ਅੰਗੁਰੀ ਤੁਮ ਦੂਰ ਰਹਾਈ ।
ਬੋਰੋ ਸੋਇ ਬੋਰ ਤਹਿ ਤਬਹੀ । ਭਈ ਸੁਧ ਮਜਨ ਕਰ ਜਬਹੀ ॥ 169 ॥

ਦੋਹਰਾ

ਬਡ ਅਨੰਦ ਸਤਿਗੁਰ ਕੀਓ ਹਮ ਢੂੰਢਤ ਥੇ ਜਾਹਿ ।
ਸੁਧਾ ਕੁੰਡ ਇਹ ਪਾਇਓ ਜਿਹ ਦਰਸਨ^੨ ਅਘ ਜਾਇ ॥ 170 ॥

ਚੌਪਈ

ਸ੍ਰੀ ਗੁਰ ਕਹਾ ਭੇਦ ਨਹਿ ਕੋਈ । ਨਿਸਚੈ ਪਤਿ ਤੁਮਰਾ ਇਹ ਹੋਈ ।
ਤੁਮਰੇ [ਪਤਿ]^੩ ਤੀਰਥ ਕੇ ਨ੍ਹਾਇ । ਭਯੋ ਸੁਧ ਤਨ ਖੇਦ ਮਿਟਾਏ ॥ 171 ॥
ਸੁਨਤ ਨਾਰਿ ਮਨ ਮਹਿ ਸੁਖ ਪਾਯੋ । ਜਹਿ ਪਿਤ ਥਾ ਤਿਹ ਮਨੁਜ ਪਠਾਯੋ ।
ਸ੍ਰੀ ਗੁਰ ਚਰਨ ਆਨ ਸਿਰ ਨਾਯੋ । ਸਭ ਬ੍ਰਿਤੰਤ ਤਿਹ ਅਗ੍ਰ ਸੁਨਾਯੋ ॥ 172 ॥

ਦੋਹਰਾ

ਤੋਹਿ ਸੁਤਾ ਬਡ ਭਾਗ ਹੈ ਅਧਿਕ ਸੀਲ ਕੀ ਖਾਨ ।
ਜਾਕੇ ਸਤਿ ਪਤਿ ਸੁਧ ਕਰਯੋ ਯਾਹਿ ਮਹਾਤਮ ਆਨ ॥ 173 ॥

ਚੌਪਈ

ਪਤਿ ਜੁਤ ਸੁਤਾ ਭੂਪ ਲੈ ਗਯੋ । ਅਪਨਾ ਰਾਜ ਸਭੀ ਤਿਨ ਦਯੋ ।
ਤਪ ਹਿਤ ਗਯੋ ਆਪ ਬਨ ਮਾਹੀ^੧ । ਭਗਤ ਸਿੰਘ ਹਰਿ ਗਤਿ ਬਡ ਆਹੀ ॥ 174 ॥

^੧ਅ ਪੋਥੀ ਦਸ ^੨ਅ ਪੋਥੀ ਪਾਪ ਬਲਾਇ ^੩ਅ ਪੋਥੀ ਵਿਚੋਂ

ਰਾਮਦਾਸ ਗੁਰੁ ਟਹਿਲ ਕਰਾਹੀ । ਸੁਨਿ ਭਾਨਾ ਮਨ ਮੈ ਸੁਖ ਪਾਹੀ ।
ਪੂਰਨ ਤਾਲ ਖਟਾਯੋ ਐਸੇ । ਸੁੰਦਰ ਅਮੀ ਮਾਨਸਰ¹ ਜੈਸੇ ॥ 175 ॥

ਦੋਹਰਾ

ਅਮਰਦਾਸ ਗੁਰ ਨਾਮ ਪਰ ਧਰਿਯੋ ਨਾਮ ਸੁਖਦਾਇ ।
ਅੰਮ੍ਰਿਤਸਰ ਮਧ ਜੋਤ ਤਬ ਅਪਨੀ ਧਰੀ ਤਦਾਇ ॥ 176 ॥

ਚੌਪਈ

ਭਗਤ ਸਿੰਘ ਸੁਨ ਪ੍ਰਸਨ ਅਲਾਯੋ । ਹੇ ਗੁਰੁ ਮੇਰੇ ਮਨ ਭ੍ਰਮ ਪਾਯੋ ।
ਤੁਮ ਨਿਜ ਮੁਖ ਸੇ ਐਸ ਅਲਾਇ । ਰਾਮ ਦਾਸ ਗੁਰ ਕੀਨ ਨਯਾਇ ॥ 177 ॥
ਅੰਮ੍ਰਿਤਸਰ ਪੁਰ ਨਾਮ ਧਰਾਯੋ । ਹੇ ਗੁਰੁ ਮੇਰੇ ਮਨ ਭ੍ਰਮ ਪਾਯੋ ।
ਗੁਰੁ ਅਰਜਨ ਤਿਹ ਰਾਰ ਮਿਟਾਈ । ਧਰਿਓ ਨਾਮ ਇਹੁ ਅਟਲ ਕਰਾਈ ॥ 178 ॥

ਦੋਹਰਾ

ਹੇ ਗੁਰੁ² ਮੇਰੇ ਮਨ ਵਿਖੇ ਏ ਭ੍ਰਮ ਭਯੋ ਨਿਵਾਰ ।
ਮਨੀ ਸਿੰਘ ਸੁਖ ਪਾਇਕੈ ਐਸੇ ਕੀਨ ਉਚਾਰ ॥ 179 ॥

ਚੌਪਈ

ਬਾਤ ਜਥਾਰਥ ਸੋਈ ਜਾਨੋ । ਸਬਦ ਪ੍ਰਮਾਨ ਜਾਂਹਿ ਮੈ ਮਾਨੋ ।
ਤਾ ਮੈ ਕਹੈ ਪ੍ਰਮਾਨ ਨ ਕੋਈ । ਪ੍ਰਗਟ ਪ੍ਰਮਾਨ ਯਾਂਹਿ ਮੈ ਜੋਈ ॥ 180 ॥
ਜਬੈ ਰਾਰ ਤਿਹ ਦਈ ਮਿਟਾਏ । ਮੁਖ ਤੇ ਐਸੇ ਸਬਦ ਅਲਾਇ ।
ਰਾਗ ਗੁਜਰੀ ਮੋ ਬਿਬ ਜਾਨੋ । ਭਗਤ ਸਿੰਘ ਪ੍ਰਮਾਨ ਬਖਾਨੋ ॥ 181 ॥

ਦੋਹਰਾ

ਭਗਤ ਸਿੰਘ ਬਿਨਤੀ ਕਰੀ ਕਹੋ ਅਰਥ ਤਹਿ ਖੋਰ ।
ਮਨੀ ਸਿੰਘ ਕਹਿ ਅਰਥ ਇਹ ਸੁਨੋ ਮਾਨ ਬਚ ਮੋਰ ॥ 182 ॥

ਚੌਪਈ

ਰਾਮਦਾਸ ਗੁਰੁ ਸਬਦ ਉਚਾਰਾ । ਗੋਬਿੰਦ ਪ੍ਰੀਤਮ ਰਾਮ ਹਮਾਰਾ ।
ਸਤ ਸੰਗਤ ਕੀ ਜਬ ਸੁਧਿ ਆਵੈ । ਪ੍ਰਾਨੀ ਜਪਿ ਹਰਿ ਦਾਨ ਦਿਵਾਵੈ ॥ 183 ॥
ਭਾਈ ਮਮ³ ਮਨ ਗੋਬਿੰਦ ਮੋਹਿਯੋ । ਗੋਬਿੰਦ ਗੁਨ ਸਤਿ ਸੰਗਤਿ ਸੋਹਿਯੋ ।
ਸੁਖ ਸਾਗਰ ਹਰਿ ਭਗਤਿ ਸੁ ਪਾਵੈ । ਪ੍ਰਾਨੀ ਜਪ ਹਰਿ ਦਾਨ ਦਿਵਾਵੈ ॥ 184 ॥

ਦੋਹਰਾ

ਜਨ ਕੋ ਨਾਮ ਅਧਾਰ ਹੈ ਸੋਹਿਤ ਨਾਮੈ ਸਾਰ ।
ਭਾਗ ਹੀਨ ਸੁਨਿ ਦੁਰਮਤੀ ਨਾਮ ਸੰਗ ਰਿਸ ਧਾਰ ॥ 185 ॥

¹ਏ ਪੋਥੀ ਸਰੋਵਰ ²ਅ ਤੇ ਏ ਪੋਥੀ ਪ੍ਰਭੂ ³ਏ ਪੋਥੀ ਮੋਰੋ

ਚੌਪਈ

ਕਉਆ ਸਯਾਮ¹ ਨੀਚ ਮਤ ਹੋਈ । ਅੰਮ੍ਰਿਤਸਰ ਗੁਰੁ ਤਾਹਿ ਕਰੋਈ ।
ਬਿਗਸੈ ਖਾਇ ਪਰੀਖ ਮਲੀਨਾ । ਸਤਿਗੁਰ ਦਯਾ² ਦਾਨ ਕਰ ਦੀਨਾ ॥ 186 ॥
ਅੰਮ੍ਰਿਤਸਰ ਤਾਂਤੇ ਧਰ ਨਾਮਾ । ਤਬ ਗੁਰੁ ਐਸੇ ਸਤਿ ਬਖਾਨਾ ।
ਜਿਤ ਨ੍ਹਾਤੇ ਹੁਇ ਸੁਧ ਸਰੀਰਾ । ਕਾਗਹਿ ਹੰਸ ਸੁ ਹੋਇ ਸਰੀਰਾ ॥ 187 ॥

ਦੋਹਰਾ

ਨਾਨਕ ਤੇ ਜਨ ਧੰਨ ਹਰਿ ਵਡਭਾਗੀ ਵਡ ਭਾਲ ।
ਨਾਮ ਰਿਦੇ ਗੁਰੁ ਮਤ ਲਿਯੋ ਅਮੀ ਖੋਇ ਮਲ ਤਾਲ ॥ 188 ॥

ਚੌਪਈ

ਭਗਤ ਸਿੰਘ ਪ੍ਰਮਾਨ ਉਚਾਰਾ । ਰਾਮਦਾਸ ਗੁਰੁ ਮੁਖਹੁ ਉਚਾਰਾ ।
ਤਾਂਤੇ ਸ੍ਰੀ ਗੁਰੁ ਰਾਰ³ ਮਿਟਾਈ । ਅੰਮ੍ਰਿਤਸਰ ਯਹਿ ਨਾਮ ਧਰਾਈ ॥ 189 ॥
ਔਰ ਬਾਤ ਸੁਨ ਲੀਜੇ ਪਯਾਰੇ । ਗੁਰੁ ਅਰਜੁਨ ਜੇ ਸਬਦ ਉਚਾਰੇ ।
ਨਾਮ ਧਰਿਯੋ ਗੁਰੁ ਰਾਮਦਾਸ ਕਰ । ਸੰਤ ਸੁਨੋ ਰਾਮ ਦਾਸ ਸਰੋਵਰ ॥ 190 ॥

ਦੋਹਰਾ

ਰਾਮਦਾਸ ਸਰ ਨਾਮ ਧਰ ਗੁਰੁ ਅਰਜੁਨ ਸੁਖ ਪਾਇ ।
ਦੇਖਹੁ ਸ੍ਰੀ ਗੁਰੁ ਗ੍ਰਿਥ ਹੈ⁴ ਜੇਤਕ ਸਬਦ ਅਲਾਇ ॥ 191 ॥

ਦੋਹਰਾ

ਰਾਮਦਾਸ ਗੁਰੁ ਸਬਦ ਜੇ ਮੁਖ ਸਿਉ ਕੀਨ ਉਚਾਰ ।
ਅੰਮ੍ਰਿਤਸਰ ਤਿਹ ਨਾਮ ਧਰ ਸ੍ਰੀ ਗੁਰੁ ਗ੍ਰਿਥ ਮਝਾਰ ॥ 192 ॥

ਚੌਪਈ

ਤਾਂਤੇ ਸਮਝ ਰਾਤ ਏ⁵ ਭਾਈ । ਰਾਮਦਾਸ ਗੁਰੁ ਰਾਰ ਮਿਟਾਈ ।
ਸੁਨਿ ਭਾਨਾ ਭਾਖੀ ਬਚ ਜੈਸੇ । ਮਜਨ ਕਰਤ ਹੈਸ ਹੁਇ ਐਸੇ ॥ 193 ॥
ਤਾਂਤੇ ਇਹ ਦੁਖ ਭੰਜਨੀ ਨਾਮਾ । ਰਾਮਦਾਸ ਗੁਰੁ ਧਰ ਸੁਖ ਧਾਮਾ ।
ਗੰਗ ਪ੍ਰਿਯਾਗ ਗੋਮਤੀ ਨ੍ਹਾਏ । ਤਥਾ ਨਾਇ ਇਹ ਸਭ ਅਘ ਘਾਏ ॥ 194 ॥
ਸਾਹਿਬ ਭਾਨੇ ਆਨੰਦ ਪਾਯੋ । ਧੰਨ ਧੰਨ ਸ੍ਰੀ ਗੁਰੁ ਕਉ⁶ ਗਾਯੋ ।
ਸਾਧੂ ਆਦਿ ਸੁਨਤ ਸੁਖ ਪਾਇ । ਕਰਿ ਬੰਦਨ ਗੁਰ ਪਗ ਲਪਟਾਇ ॥ 195 ॥

ਦੋਹਰਾ

ਭਗਤ ਸਿੰਘ ਕੀਨਾ ਤਬੈ ਹਰਿ ਗੋਬਿੰਦ ਇਸਨਾਨ ।
ਪੁਨ ਮਜਨ ਸਭਹਨ ਕੀਓ ਸ੍ਰੀ ਗੁਰੁ ਕਰਿ ਬਹੁ ਦਾਨ ॥ 196 ॥

ਚੌਪਈ

ਗੁਰੁ ਮੰਤ੍ਰੁ ਜਪ ਧਿਆਨ ਮਹੂਰਤ । ਬਲਿ ਬਲਿ ਹੋਤ ਪੇਖ ਕਵਿ ਸੂਰਤ ।
ਚਰਚਾ ਕਰਤ ਆਏ ਦਰਬਾਰ । ਕੀਨ ਪਰਕਰਮਾ ਬੰਦਨਾ ਧਾਰ ॥ 197 ॥

¹ਅ ਪੋਥੀ ਕਾਲਾ ²ਏ ਪੋਥੀ ਮਯਾ ³ਅ ਪੋਥੀ ਝਗੜ ⁴ਅ ਪੋਥੀ ਮਾਹਿ ⁵ਅ ਪੋਥੀ ਮਮ ⁶ਅ ਤੇ ਏ ਪੋਥੀ ਮੁਖਹੁ
ਅਲਾਯੋ

ਦੋਹਰਾ

ਅਰਧ ਜਾਮ ਦਿਨ ਤਬ ਅਯੋ ਤਖਤ ਬਿਰਾਜੇ ਆਇ ॥
ਸੁਧਾ ਸਰੋਵਰ ਪੂਰ ਕਥ ਦਾਸ ਕਵੀ ਬਲਿ ਜਾਇ ॥ 198 ॥

ਚੌਪਈ

ਭਗਤ ਸਿੰਘ ਗੁਰ ਚਰਿਤ ਅਪਾਰਾ । ਨਿਤ ਨੂਤਨ ਕਰ ਅਨਿਕ ਪ੍ਰਕਾਰਾ ।
ਕੁਛ ਪ੍ਰਸੰਗ ਤੁਮ ਅਗੁ ਉਚਾਰੁੰ । ਐਸੇ ਕੋਤਕ ਮੋ ਕਉ ਸਾਰੁੰ ॥ 199 ॥
ਹਰਿ ਗੋਵਿੰਦ ਅਵਤਾਰ ਭਯੋ ਜਗ । ਜਾਸ ਚਰਿਤ ਸੁਨ ਜੀਵ ਕਾਲ ਠਗ ।
ਨੇਤਿ ਨੇਤਿ ਜਹਿ ਬੇਦ ਅਲਾਵੈ । ਕਹੈ ਤੁਛ ਹਮ ਕੈਸੇ ਪਾਵੈ ॥ 200 ॥

ਦੋਹਰਾ

ਜਨਮ ਉਧਾਰਨ ਕਾਰਨੇ ਸਿੰਧ ਚਰਿਤ ਗੁਰ ਜਾਨ ।
ਕਹੈ ਬੰਦ ਜਿਮ ਬੁਧ ਬਲਿ ਸ੍ਰੀ ਗੁਰੁ ਚਰਿਤ ਨਿਧਾਨ ॥ 201 ॥

ਚੌਪਈ

ਭਗਤ ਸਿੰਘ ਤਬ ਹਾੜ ਬਿਤਾਯੋ । ਨੀਮ ਸਕਲ ਧਰ ਮੰਗਲ ਛਾਯੋ ।
ਸੁਨੋ ਸੰਤ ਤਬ ਬਰਖਾ ਹੋਈ । ਗੋ ਧਰਨੀ ਸਗਲਾ ਸੁਮ ਖੋਈ ॥ 202 ॥
ਏਕ ਦਿਵਸ ਸੁਖ ਸਿੰਧੁ ਕ੍ਰਿਪਾਲਾ । ਬੈਠੇ ਆਨੰਦ ਧਾਰ ਦਇਆਲਾ ।
ਸਾਹਿਬ ਭਾਨੇ ਬਿਨਤ ਉਚਾਰੀ । ਸੁਨਹੁ ਪ੍ਰਭੁ ਜੀ ਇਛ ਹਮਾਰੀ ॥ 203 ॥

ਦੋਹਰਾ

ਜਹਾਂ ਬੀੜ ਸਤਿਗੁਰ ਕਹੀ ਮਮ ਪਿਤ ਜਹਾਂ ਰਹਾਇ ।
ਤਿਹ ਠਾਂ ਦਰਸ ਕਰਾਈਏ ਦਾਸ ਪ੍ਰਭੁ ਸੁਖਦਾਇ¹ ॥ 204 ॥
ਸਾਹਿਬ ਭਾਨੇ ਕੀ ਬਿਨੈ² ਸੁਨਤ ਗੁਰੁ ਸੁਖ ਧਾਰ ।
ਸਾਧੂ ਆਦਿਕ ਸੰਗਿ ਲੈ ਤਤ ਛਿੰਨ ਭਏ ਤਿਆਰ ॥ 205 ॥

ਸਵੈਯਾ

ਜਾਨ ਭਲੋ ਜੜ ਪਯਾਨ ਕੀਓ ਗੁਰੁ ਸਾਧ ਗੁਰਦਾਸ ਹੁਲਾਸ ਧਰਾਏ ।
ਹੇਤ ਸਿਕਾਰ ਕੇ ਸਾਥ ਲੀਏ ਸਭ ਮਹਾਬਲਿ ਸੂਰ [ਆਨੰਦ ਤਦਾਏ]³ ।
ਜਾਇਕੈ ਦਰਸ ਕੀਓ ਤਿਹ ਠਾਂ ਹਰਿ ਜਾ ਸੁਭ ਬਾਸ ਕਰੀਰ ਸੁਹਾਏ ।
ਧਰ ਭੇਟ ਬਿਨੈ ਸੁਖ ਸਾਗਰ ਬੰਦਨ ਕੀਨ ਤਬੈ ਸਭ ਹੀ ਹਰਖਾਏ ॥ 206 ॥

ਦੋਹਰਾ

ਭਾਨੇ ਆਨੰਦ ਬਹੁ ਕੀਓ ਸਾਧੂ ਬਿਨਤਿ ਉਚਾਰ ।
ਅਮਰ ਗੁਰੁ ਕਾਹਿ ਤੇ ਅਏ ਇਹ ਠਾਂ ਕਹੋ ਮੁਰਾਰ ॥ 207 ॥

¹ਅ ਪੋਥੀ ਸੁਖ ਪਾਇ ²ਅ ਪੋਥੀ ਅਰਜ ³ਅ ਪੋਥੀ ਵਿਰੋ

ਸ੍ਰੀ ਗੁਰੁ ਭਾਈ ਕਉ ਕਹਾ ਦੀਜੈ ਕਥਾ ਸੁਨਾਇ ॥
ਆਦਿ ਅੰਤ ਸਭ ਹੀ ਕਹੈ ਭਾਈ ਕਥਾ ਤਦਾਇ ॥ 208 ॥

ਚੌਪਈ

ਭਗਤ ਸਿੰਘ ਹਉਂ ਪਾਛ ਅਲਾਈ । ਸਗਲ ਗਾਥ ਤਉ ਕਉ ਸੁਖਦਾਈ ।
ਸਭਹਨ ਦਰਸ ਸੰਤ ਕਾ ਪਾਯੋ । ਭਾਨੇ ਆਦਿ ਸੁ ਹਰਖ ਧਰਾਯੋ ॥ 209 ॥
ਸਾਧੂ ਸੁਨਤ ਕਥਾ ਸੁਖ ਪਾਇ । ਦਯਾ ਸਿੰਧ ਕਛ ਕਾਲ ਬਸਾਇ ।
ਕਰ ਬੰਦਨ ਤਬ ਕੀਨ ਪਯਾਨਾ । ਬੀੜ ਓਰ ਗੁਰ ਕ੍ਰਿਪਾ ਨਿਧਾਨਾ ॥ 210 ॥

ਦੋਹਰਾ

ਚਰਚਾ ਕਰ ਬਹੁ ਪੰਥ ਮਹਿ ਪਹੁੰਚੇ ਤਿਹ ਠਾਂ ਜਾਇ ।
ਦਰਸ ਬੀੜ ਜਬਹੀ ਕੀਓ ਅਤਿ ਅਨੰਦ ਮਨ ਪਾਇ ॥ 211 ॥

ਚੌਪਈ

ਸਾਹਿਬ ਭਾਨੇ ਦਰਸਨ ਪਾਯੋ । ਅਤਿਹ ਨਿਵੜ ਤਰ ਫੂਲ ਸੁਹਾਯੋ ।
ਭਾਈ ਕਉ ਗੁਰਿ ਕਹਾ ਸੁਨਾਇ । ਸਾਹਿਬ ਬੁਢਾ ਕਹਾਂ ਬਸਾਇ ॥ 212 ॥
ਭਾਈ ਹਰਖਤ ਠੌਰ ਬਤਾਈ । ਝੁਗੀ ਰਚੀ ਜਹਾ ਸੁਖਦਾਈ ।
ਸ੍ਰੀ ਗੁਰ ਸਭ ਕਉ ਐਸ ਸੁਨਾਯੋ । ਰਚਓ ਸਥਾਨ ਈਹਾਂ ਸੁਖਦਾਯੋ ॥ 213 ॥

ਦੋਹਰਾ

ਭਾਈ ਭਾਨੇ ਜੁਤ ਗੁਰੁ ਅਤਿ ਆਨੰਦ ਮਨ ਪਾਇ ।
ਸਾਹਿਬ ਭਾਨੇ ਠੌਰ ਜਹਿ ਮੰਜੀ ਤਹਾਂ ਬਨਾਇ ॥ 214 ॥

ਚੌਪਈ

ਬੁਢੇ ਸਮ ਪੁੰਨ ਜਾਨ ਸਥਾਨਾ । ਦਯਾ ਸਿੰਧ ਗੁਰ ਬੰਦਨ ਠਾਨਾ ।
ਸਾਹਿਬ ਭਾਨੇ ਬੰਦਨ ਧਾਰੀ । ਹਰਖ ਸਭਨ ਪੁੰਨ ਬਿਨਤ ਉਚਾਰੀ ॥ 215 ॥
ਪੁੰਨ ਭਾਨੇ ਅਸ ਬਿਨਤਿ ਅਲਾਈ । ਬੀੜ ਕਥਾ ਪੂਛੀ ਮਨ ਲਾਈ ।
ਆਦਿ ਅੰਤ ਗੁਰ ਤਬੈ ਸੁਨਾਈ । ਅਕਬਰ ਫਤੇ ਜੈਸ ਬਿਧ ਪਾਈ ॥ 216 ॥

ਦੋਹਰਾ

ਭਗਤ ਸਿੰਘ ਸਭਹੀ ਕਥਾ ਤੋ ਕਉ ਪਾਛ ਸੁਨਾਇ ।
ਸਾਹਿਬ ਭਾਨੇ ਸੁਨਤ ਹੀ ਮਨ¹ ਮਹਿ ਆਨੰਦ¹ ਪਾਇ ॥ 217 ॥

ਚੌਪਈ

ਸ੍ਰੀ ਸਤਿਗੁਰ ਤਹਿ ਭੋਜ ਕਰਾਯੋ । ਭਾਂਤ ਭਾਂਤ ਸਭ ਕੇ ਮਨ ਭਾਯੋ ।
ਕਰ ਭੋਜਨ ਕੀਨਾ ਬਿਸਰਾਮਾ । ਦਯਾ ਸਿੰਧ ਸ੍ਰੀ ਗੁਰ ਸੁਖ ਧਾਮਾ ॥ 218 ॥

¹ਅ ਪੋਥੀ ਮਨਹਿ ਹਰਖ ਬਹੁ

ਜਬੈ ਜਾਮ ਦਿਨ ਆਨਿ ਰਹਾਯੋ । ਸ੍ਰੀ ਗੁਰੁ ਮਨ ਮੋ ਆਨੰਦ ਪਾਯੋ ।
ਸਭੀ ਸੋਚ ਮਜਨ ਤਹਿ ਕੀਨੋ । ਕਮਰ ਛਕਾਇ ਬਡੋ ਸੁਖ ਲੀਨੋ ॥ 219 ॥

ਦੋਹਰਾ

ਪੁਨਾ ਦਰਸ ਮੰਜੀ ਕੀਓ ਸ੍ਰੀ ਗੁਰ ਐਸ ਉਚਾਰ ।
ਆਇ ਦਰਸ ਜੋ ਨਰ ਕਰੈ ਲਹੈ ਸੁਗਮ ਫਲ ਚਾਰ ॥ 220 ॥

ਚੌਪਈ

ਖਸਟ¹ ਕੋਸ ਇਸਤੇ ਸੁਭ ਜਾਨ । ਸੁਧਾ ਸਰੋਵਰ ਕਉ ਪਹਿਚਾਨ ।
ਸਮਾ ਪਾਇ ਸੰਗਤਿ ਬਹੁ ਆਵੈ । ਸੁਧਾ ਸਰੋਵਰ ਕੀ ਸੁਖ ਪਾਵੈ ॥ 221 ॥
ਇਹ ਠਾ ਮੇਲਾ ਹੋਇ² ਅਪਾਰਾ । ਸੁਨ ਭਾਨਾ ਜਿਹ ਵਾਰ ਨ ਪਾਰਾ ।
ਸਾਹਿਬ ਭਾਨੇ ਕਾ ਅਸਥਾਨ । ਸੁਰ ਤਰੁ ਸਮ ਸਮਝਹੁ ਸੁਖਧਾਮ ॥ 222 ॥

ਦੋਹਰਾ

ਸ੍ਰੀ ਮੁਖ ਐਸ ਉਚਾਰ ਕੈ ਕਰਿ ਬੰਦਨ ਸੁਖ ਪਾਇ ।
ਦਯਾ ਸਿੰਧ ਪਯਾਨਾ ਕੀਓ ਬਾਜ ਹਾਥ ਛਬਿਦਾਇ ॥ 223 ॥

ਸਵੈਯਾ

ਸੇਤ ਪੁਸ਼ਾਕ ਧਰੀ ਤਨ ਸੁੰਦਰ ਸੇਤਹੀ ਬਾਜ ਲੀਓ ਕਰ ਸੋਹੈ ।
ਸੇਤ ਤੁਰੰਗ ਅਪਾਰ ਬਲੀ ਛਬਿ ਹੰਸ ਸਸੀ ਰਵਿ ਪੇਖ ਸੁ ਮੋਹੈ ।
ਉਜਲਤਾ ਸਭਹੀ ਜਗ ਕੀ ਪਿਖ ਨਾਰ ਨਵਾਇ ਲਜਾਇ ਨਾ ਜੋਹੈ ।
ਪੂਰਨ ਬ੍ਰਹਮ ਅਵਤਾਰ ਗੁਰੂ ਜਗ ਸੰਤ ਸੁਨੋ ਸਮਤਾ ਕਰ ਕੋ ਹੈ ॥ 224 ॥

ਚੌਪਈ

ਭਾਂਤ ਭਾਂਤ ਗੁਰ ਖੇਲ ਸ਼ਿਕਾਰਾ । ਮਾਰੋ ਜੀਵ ਸੁ ਮੁਕਤ ਪਧਾਰਾ ।
ਸੁਧਾ ਸਰੋਵਰ ਓਰ ਪਧਾਰੇ । ਭਗਤਿ ਸਿੰਘ ਕਛ ਲਾਇ ਨ ਵਾਰੇ ॥ 226 ॥
ਦੋਇ ਘਰੀ ਜਬਹੀ ਦਿਨ ਰਹਾ । ਪਹੁੰਚੇ ਤਖਤ ਗੁਰੂ ਸੁਖ ਲਹਾ ।
ਆਗੇ ਅਧਿਕ ਦਿਵਾਨ ਲਗਾਯੋ । ਦਯਾ ਸਿੰਧ ਕੇ ਮਨ ਮਹਿ ਭਾਯੋ ॥ 227 ॥

ਦੋਹਰਾ

ਬਹੁ ਕੰਤਕ³ ਜਗ ਕਰਤ ਹੈ ਸਤਿਗੁਰ ਦਯਾ ਸਮੁੰਦ ।
ਭਗਤ ਸਿੰਘ ਜਹਿ ਦਰਸ ਤੇ ਮਿਟੈ ਸਕਲ ਦੁਖ ਦੁੰਦ ॥ 228 ॥

ਚੌਪਈ

ਹਾੜ ਬਤੀਤ ਭਯੋ ਸੁਖਦਾਈ । ਸਾਵਨ ਆਯੋ ਘਟ ਉਮਡਾਈ ।
ਮੁਖ ਮਾਂਗੀ ਬਰਖਾ ਜਗ ਹੋਵੈ । ਜੋ ਦੀਨਨਿ ਕੇ ਸੰਕਟ ਖੋਵੈ ॥ 229 ॥

¹ਦ ਪੋਥੀ ਛਹ ²ਅ ਪੋਥੀ ਭਯੋ ³ਅ ਪੋਥੀ ਚਰਿਤ

ਅਧਿਕ ਦੀਵਾਨ ਏਕ ਦਿਨ ਲਾਯੋ । ਸ੍ਰੀ ਗੁਰ ਕੇ ਚਿਤ ਕੋਤਕ ਭਾਯੋ ।
ਸਾਹਿਬ ਭਾਨਾ ਐ ਗੁਰਦਾਸ । ਅਕਾਲ ਤਖਤ ਬੈਠੇ ਗੁਰ ਪਾਸ ॥ 230 ॥

ਦੋਹਰਾ

ਲਾਗੈ ਅਧਿਕ ਦੀਵਾਨ ਤਬ ਸ੍ਰੀ ਮੁਖ ਅਸ¹ ਫੁਰਮਾਇ ।
ਦੇਸ ਦੇਸ ਐਸੇ ਲਿਖਯੋ ਸੰਗਤਿ ਸਭ ਚਲ ਆਇ ॥ 231 ॥

ਚੌਪਈ

ਤਰਨਤਾਰਨ ਸਭਹੀ ਚਲ ਆਵਹਿ । ਦਰਸ ਪਰਸ ਮਨ ਵਰ ਪਾਵਹਿ ।
ਅਮਾਵਸ ਭਾਦੋਂ ਕੀ ਤਹਿ ਨਾਇ । ਕਰ ਦਰਸਨ ਮਨ ਇਛਤ² ਪਾਇ ॥ 232 ॥
ਭਾਈ ਅਸ ਗੁਰ ਆਗਿਆ ਪਾਇ । ਹੁਕਮਨਾਮੇ ਲਿਖ ਦਏ ਬਨਾਇ ।
ਸੁਧਾ ਸਰੋਵਰ ਕੇ ਨਰ ਨਾਰੀ । ਹਰਖ ਬੰਦਨ ਕਰ ਕਰਤ ਤਿਆਰੀ ॥ 233 ॥

ਦੋਹਰਾ

ਬਹੁ ਸੁਖ ਸਿਉ ਸਾਵਨ ਗਯੋ ਭਾਦੋਂ ਅਯੋ ਤਦਾਇ ।
ਸਭ ਪਰਵਾਰ³ ਕੋ ਸੰਗ ਲੈ ਸ੍ਰੀ ਗੁਰ ਪਿਆਨ ਕਰਾਇ ॥ 234 ॥

ਚੌਪਈ

ਤੀਨ ਮਾਤ ਰਥ ਤੀਨ ਸੁਹਾਇ । ਮਾਤ ਸੰਗ ਬੀਬੀ ਛਬਿ ਪਾਇ ।
ਤੀਨੋ ਸੁਤ ਰਵਿ ਅਣੀ ਸੁਧਾਰੇ । ਤੇਗ ਬਹਾਦਰ ਅਸੂ ਅਸਵਾਰੇ ॥ 235 ॥
ਮਾਤ ਮਰਵਾਹੀ ਸੰਗ ਸੁਹਾਇ । ਖੇਮ ਕੌਰ ਸੁਤ ਮਹਿਲ ਮਹਾਇ ।
ਦਰਬਾਰ ਤਖਤ ਅਰਦਾਸ ਕਰਾਈ । ਖਾਸੇ ਰਾਜ ਪ੍ਰਭੂ ਸੁਖਦਾਈ ॥ 236 ॥

ਦੋਹਰਾ

ਭਾਨਾ ਸਾਧੂ ਸੰਗਿ ਹੈ ਭਾਈ ਰਥਹਿ ਚੜਾਇ ।
ਬਿਧੀਏ ਆਦਿਕ ਸੁਆਰ ਹੁਇ ਗੁਰ ਸੰਗ ਪਿਆਨ ਕਰਾਇ ॥ 237 ॥

ਚੌਪਈ

ਭੋਰ ਹੋਤ ਗੁਰ ਕੀਨ ਪਯਾਨਾ । ਚੜੇ ਜਾਮ ਅਹਿ ਪਹੁੰਚ [ਸੁਜਾਨਾ]⁴ ।
ਤਰਨ ਤਾਰਨ ਦਰਸ ਜਬ ਪਾਯੋ । ਅਤਿ ਅਨੰਦ ਧਰ ਖੇਲ ਮਹਾਯੋ ॥ 238 ॥
ਪੂਰਬ ਦਿਸ ਨਿਜ ਠੌਰ ਵਿਚਾਰ । ਡੇਰਾ ਕੀਓ ਅਧਿਕ ਸੁਖ ਧਾਰ ।
ਦਵਾਦਸ ਦਿਨ ਗੁਰ ਅਗ੍ਰ ਸਿਧਾਏ । ਬਹੁ ਕੋਤਕ ਕਰ ਤਹਾਂ ਰਹਾਏ ॥ 239 ॥

ਦੋਹਰਾ

ਏਕ ਦਿਵਸ ਆਈ ਉਮਡ ਸੁੰਦਰ ਘਟਾ ਅਪਾਰ ।
ਕਰ ਇਸਨਾਨ ਬੈਠੇ ਗੁਰ ਭਾਨੇ ਬਿਨਤ⁵ ਉਚਾਰ ॥ 240 ॥

ਪੋਥੀ ਇਮ ¹ਅ ਪੋਥੀ ਬਾਂਛਤ ²ਇ ਪੋਥੀ ਕੁਟੰਬ ³ਅ ਪੋਥੀ ਵਿਚੋਂ ⁴ਇ ਪੋਥੀ ਕਹਿਯੋ

ਚੌਪਈ

ਹੇ ਪ੍ਰਭੂ ਜੀ ਪੂਰਬ ਉਪਮ ਉਚਾਰੋ । ਇਹੁ ਤੀਰਥ ਭਵ ਕੈਸੇ ਧਾਰੋ ।
ਕੌਨ ਹੇਤੁ ਗੁਰ ਇਹੁ ਠਾਂ ਆਏ । ਤੀਰਥ ਕੀਓ ਮੁਕਤਿ ਜਿੰਹ ਭਾਏ ॥ 241 ॥
ਬਨਿਯੋ ਕਛੁਕ ਨਹਿ ਪੂਰ ਬਨਾਯੋ । ਕਾਰਨ ਕੌਨ ਬਿਘਨ ਜਿਨ ਪਾਯੋ ।
ਭਗਤ ਸਿੰਘ ਗੁਰ ਆਨੰਦ ਪਾਇ । ਸਾਹਿਬ ਭਾਨੈ ਬਿਨਤ ਸੁਨਾਇ ॥ 242 ॥

ਦੋਹਰਾ

ਸ੍ਰੀ ਸਤਿਗੁਰ ਮੁਖ ਤੇ ਕਹੀ ਸੁੰਦਰ ਕਥਾ^੧ ਰਸਾਲ ।
ਸਾਹਿਬ ਭਾਨਾ ਜੀ ਸੁਨੋ ਗੁਰ ਅਰਜੁਨ ਕ੍ਰਿਪਾਲ ॥ 243 ॥

ਚੌਪਈ

ਏਕ ਸਮੇ ਚਲ ਪੁਰ ਕਰਤਾਰ । ਅਧਿਕ ਚਰਿਤ ਕਰ ਤਹਾਂ ਮੁਰਾਰ ।
ਗੋਇੰਦਵਾਲ ਪੁਨਾ ਚਲ ਆਏ । ਬਾਵਲੀ ਨਾਇ ਧਿਆਨ ਗੁਰ ਲਾਏ ॥ 244 ॥
ਦਰਸ ਦੀਓ ਗੁਰ ਅਮਰ ਤਦਾਇ । ਅਸ ਨਿਦੇਸ ਸ੍ਰੀ ਮੁਖਹੂੰ ਅਲਾਇ ।
ਸੁਧਾ ਸਰੋਵਰ ਪਿਤਾ ਤੁਮਾਰੇ । ਤੀਰਥ ਰਚਿਓ ਪੁਰ ਦ੍ਰਿਸ਼ਟਾਰੇ ॥ 245 ॥

ਦੋਹਰਾ

ਅਬ ਤੁਮ ਇਹ ਠਾਂ ਜਾਇ ਕੈ ਕੀਜੈ ਪ੍ਰਗਟ ਬਨਾਇ ।
ਮਾਨ ਸਰੋਵਰ ਤਾਲ ਰਚ ਧਰੋ ਨਾਮ ਮਨ ਭਾਇ ॥ 246 ॥

ਚੌਪਈ

ਤਾਲ ਮਧ ਹਰਿਮੰਦਰ ਕੀਜੈ । ਔਰ ਬਾਤ ਹਮਰੀ^੨ ਸੁਨ ਲੀਜੈ ।
ਮਦ੍ਰ ਦੇਸ ਕੇ ਮਧ ਉਦਾਰ । ਤੀਰਥ ਔਰ ਰਚੇ ਸੁਖਕਾਰ ॥ 247 ॥
ਸੰਸਾਰ ਸਿੰਧ ਜੋ ਛਿਨਕ ਤਰਾਵੈ । ਅਧਿਕ ਸੰਤਾਪ ਜੋਇ ਬਿਨਸਾਵੈ ।
ਤਾਰਨ ਤਰਨ ਨਾਮ ਤਿੰਹ ਧਰਹੁ । ਜਾਇ ਸਿਤਾਬ ਗੁਰ ਮਨ ਕਰਹੁ ॥ 248 ॥

ਦੋਹਰਾ

ਅਸ ਕਹਿ ਅੰਤ੍ਰ ਹਿਤ ਭਏ ਚੌਕ ਭਏ ਗੁਰਦੇਵ ।
ਗੁਰ ਆਇਸ ਮਨ ਧਾਰਿ ਕੈ ਇਹੁ ਠਾਂ ਅਏ ਅਭੇਵ ॥ 249 ॥

ਚੌਪਈ

ਉਤਮ ਠੌਰ ਪਿਖੀ ਇਹੁ ਜਬ ਹੀ । ਸੁਨ ਭਾਨਾ ਸੁਖਿ ਪਾਯੋ ਤਬ ਹੀ ।
ਸਤਿਨਾਮ ਕਹਿ ਟਕ ਲਗਾਯੋ । ਤਾਰਨ ਤਰਨ ਸੁ ਨਾਮ ਰਖਾਯੋ^੩ ॥ 250 ॥
ਆਵੇ ਦੀਏ ਚੜਾਇ ਅਪਾਰਾ । ਕਛਕ ਮਾਸ ਮਹਿ ਭਏ ਤਿਆਰਾ ।
ਸੰਗਤਿ ਦੇਸ ਦੇਸ ਕੀ ਆਵੈ । ਗੁਰ ਆਇਸ ਬਹੁ ਕਾਰ ਕਰਾਵੈ ॥ 251 ॥

^੧ਏ ਪੌਥੀ ਗਾਥ ^੨ਏ ਪੌਥੀ ਮੋਹਿ ਕੀ ^੩ਅ ਤੇ ਏ ਪੌਥੀ ਅਲਾਯੋ

ਦੋਹਰਾ

ਸੁੰਦਰ ਸਮਾਂ ਵਿਚਾਰ ਕੈ ਸਬੈ ਨੀਵ ਗੁਰ ਰਾਖ ।
ਏਕ ਸਿਖ ਤਬ ਹੀ ਅਯੋ ਸੁਨੋ ਤਾਂਹਿ ਕੀ ਸਾਖ ॥ 252 ॥

ਚੌਪਈ

ਕਰਿ ਕ੍ਰਿਤਿ ਗੁਰ ਦਰਸਨ ਆਵੈ । ਰੁਪਯਾ ਏਕ ਹਮੇਸ਼ ਚੜਾਵੈ ।
ਲਿਆਵੈ ਚਤ੍ਰ ਭਾਗ ਵੈ ਤਬ ਹੀ । ਨੀਵ ਰਾਖ ਸ੍ਰੀ ਸਤਿਗੁਰ ਜਬ ਹੀ ॥ 253 ॥
ਪਦਾ ਪੰਕਜ ਗੁਰ ਕੇ ਲਪਟਾਯੋ । ਗੁਰ ਅਰਜੁਨ ਤਹਿ ਧੀਰ ਧਰਾਯੋ ।
ਨਿਜ ਮਨ ਮਹਿ ਗੁਰ^੨ ਐਸ ਵਿਚਾਰੀ । ਚਤ੍ਰ ਭਾਗ ਅਬ ਤੀਰਥ ਧਾਰੀ ॥ 254 ॥

ਦੋਹਰਾ

ਕਾਰੀਗਰ ਸੁ ਮਜੂਰ ਲੈ ਦਈ ਉਸਾਰੀ ਲਾਇ ।
ਕਛੁ ਪੌੜੀ ਜਬ ਹੀ ਬਨੀ ਪਰਾ ਬਿਘਨ ਤਬ ਆਇ ॥ 255 ॥

ਚੌਪਈ

ਨਾਮ ਨੂਰ ਖਾਂ ਏਕ ਪਠਾਣ । ਆਯੋ ਗੁਰ ਢਿਗ ਧਰ ਬਹੁ ਮਾਨ ।
ਇਟਾਂ ਕਹਾ ਮੋਹਿ ਕਉ ਦੀਜੈ । ਰਚਉ ਸਰਾਇ ਮੋਲ ਤੁਮ ਲੀਜੈ ॥ 256 ॥
ਐਸੇ ਕਹਿ ਤਬ ਲਾਦ ਚਲਾਈ । ਗੁਰੁ ਕੋ ਭੈ ਕਛੁ ਰਿਦੈ ਨ ਪਾਈ ।
ਆਵੈ ਢੋਇ ਸਭੈ ਤਿਨ ਲੀਨੋ । ਰਚੀ ਸਰਾਇ ਅਧਿਕ ਚਿਤ ਚੀਨੋ ॥ 257 ॥

ਦੋਹਰਾ

ਦਾਸ ਪਠਾਏ ਗੁਰੁ ਪੈ ਲੇਹੁ ਮੋਲ ਤੁਮ ਆਇ ।
ਆਵੈ ਔਰ ਪਕਾਈਏ ਆਯੋ ਦਾਸ ਤਬ ਧਾਇ ॥ 258 ॥

ਚੌਪਈ

ਆਇ ਬਾਤ ਸਭ ਗੁਰਿਹਿ ਸੁਨਾਇ । ਖਾਨ ਬੁਲਾਏ ਮੋਲ ਲੈ ਜਾਇ ।
ਲੀਜੈ ਆਵੈ ਤੁਮ ਔਰ ਚੜਾਇ । ਸੁਨ ਭਾਨਾ ਗੁਰ ਅਸ ਫੁਰਮਾਇ ॥ 259 ॥

ਦੋਹਰਾ

ਜਾਂਹਿ ਮੋਲ ਇਟਾ ਲਈ ਖਾਨ ਅਧਿਕ ਬਲ ਲਾਇ ।
ਤੈਸ ਮੋਲ ਹਮ ਲੈਹਿਗੇ ਤੁਮਰੇ ਸਦਨ ਢਹਾਇ ॥ 260 ॥

ਚੌਪਈ

ਗੁਰ ਕਉ ਸਿਖ ਐਸ ਪ੍ਰਗਟਾਵੈ । ਢਾਹਿ ਸਦਨ ਕਉ ਇਟਾ ਲਿਆਵੈ ।
ਪੂਰਨ ਤਾਲ ਹੋਇਗਾ ਤਬ ਹੀ । ਇਟਾਂ ਲਾਗੁ ਆਇ ਇਹ ਜਬ ਹੀ ॥ 261 ॥
ਸੁਨਤ ਬੈਨ ਤਬ ਦਾਸ ਸਿਧਾਯੋ । ਗੁਰੁ ਕਉ ਸਭ ਬਿਰਤੰਤ ਸੁਨਾਯੋ ।
ਖਾਨ ਕੋਪ ਜੁਤ ਰਚੀ ਸਰਾਇ । ਅਤਿ ਦੀਰਘ ਤਾ ਮੋ ਗਚ ਲਾਇ ॥ 262 ॥

^੧ਏ ਪੋਥੀ ਚਰਨ ਕਮਲ ^੨ਅ ਪੋਥੀ ਪ੍ਰਭੂ

ਦੋਹਰਾ

ਕੋਸ ਅਚਾਈ ਤਾਂਹਿ ਤੇ ਨਾਮ ਨੂਰ ਦੀ ਜਾਨ ।

ਗੁਰੁ ਅਰਜਨ ਇਹ ਠੌਰ ਤੇ ਤਬ ਹੀ ਕੀਨ ਪਿਆਨ ॥ 263 ॥

ਸੁਧਾ ਸਰੋਵਰ ਜਾਇਕੈ ਤਬਾ ਹੀ ਟਹਿਲ ਕਰਾਇ ।

ਇਹ ਕਾਰਨ ਭਾਨਾ ਸੁਨੋ ਪੌੜੀ ਕਛਕ ਬਨਾਇ ॥ 264 ॥

ਅਬ ਪ੍ਰਸੰਗ ਕੇ ਮੇਲਬੇ ਨਮਿਤ ਲਿਖਾਰੀ ਕ੍ਰਿਤ ਕਿਛਕੁ ਪਾਠ

ਚੌਪਈ

ਪੰਥ ਖਾਲਸਾ ਪ੍ਰਗਟ ਭਯੋ । ਤਾਮੈ ਸਿੰਘ ਏਕ ਨਿਪਜਯੋ ।

ਰਣਜੀਤ ਸਿੰਘ ਤਹਿ ਨਾਮ ਧਰਾਯੋ । ਰਾਜ ਪ੍ਰਤਾਪ ਅਧਿਕ ਜਿਨ ਪਾਯੋ ॥ 1 ॥

ਤਹਿ ਭੂਪਤ ਨੇ ਸੁਨੀ ਸੁ ਬਾਨੀ । ਗੁਰੁ ਅਰਜਨ ਜੀ ਜੋਉ¹ ਬਖਾਨੀ ।

ਅਨਗਨ ਚੰਮੂ ਸੰਗ ਤਿੰਨ ਲੀਨੀ । ਸਰਾਇ ਨੂਰ ਦੀ ਜਹਿ ਠਾਂ ਚੀਨੀ ॥ 2 ॥

ਦੋਹਰਾ

ਬੇਲਦਾਰ ਬੁਲਵਾਇ ਕੈ ਢਾਹੀ ਸਰਬ ਸਰਾਇ ।

ਪੌਰ ਏਕ ਬਾਕੀ ਬਚਯੋ ਈਟਾਂ ਲਈ ਕਢਾਇ ॥ 3 ॥

ਈਟੈਂ ਸਰਬ ਉਠਾਇਕੈ ਤਾਰਨ ਤਰਨ ਪੁਰਾਇ ।

ਕਾਰੀਗਰ ਸੁ ਲਗਾਇਕੈ ਤੀਰਥ ਦੀਓ ਬਨਾਇ ॥ 4 ॥

ਚੌਪਈ

ਇਸ ਖਰਕਾਰ ਗੁਰੂ ਕੇ ਵਾਕ । ਪੂਰਾ ਕੀਓ ਸਿੰਘ ਨੇ² ਆਪ ।

ਯਹਿ ਸਾਖੀ ਸਿਖਨ ਤੇ ਸੁਨੀ । ਯਾਹੀ ਤੇ ਲਿਖ ਧਰੀ ਸੁ ਗੁਨੀ ॥ 5 ॥

ਚੌਪਈ

ਤਬ ਭਾਨੇ ਮਨ ਮਹਿ ਸੁਖ ਪਾਯੋ । ਪਦ ਪੰਕਜ ਗੁਰੂ ਕੇ ਲਪਟਾਯੋ ।

ਤਬ ਲੋ ਸੰਗਤ ਅਈ ਅਪਾਰ । ਗੁਰੁ ਆਗਯਾ ਸੁਨ ਮੇਲਾ ਭਾਰ ॥ 265 ॥

ਸੁਧਾ ਸਰੋਵਰ ਕੋ ਨਰ ਨਾਰੀ । ਆਏ ਉਮਗ ਨ ਲਾਇ ਅਵਾਰੀ ।

ਚੌਦੇ ਦਿਨ ਸੰਗਤ ਇਕਠਾਈ । ਭਾਂਤ ਭਾਂਤ ਕੀ ਭੇਟ ਲਯਾਈ ॥ 366 ॥

ਦੋਹਰਾ

ਕਰਤਾ ਸਭ ਮ੍ਰਿਜਾਦ ਕਉ ਮਨਹੁ ਸਿਖਾਵਤ ਰੀਤਿ ।

ਭਗਤ ਸਿੰਘ ਸ੍ਰੀ ਗੁਰੂ ਤਬੈ ਧਾਰ ਰਿਦੈ ਬਹੁ ਪ੍ਰੀਤਿ ॥ 267 ॥

ਪ੍ਰਾਤਕਾਲ ਸ੍ਰੀ ਗੁਰੂ ਜੀ ਬਿਤ ਅਮਾਵਸ ਜਾਨ ।

ਪ੍ਰਵਾਰ³ ਸੰਗ ਲੈ ਤਬ ਚਲੇ ਗੁਰੂ ਅਰਜਨ ਅਸਥਾਨ ॥ 268 ॥

¹ਅ ਪੋਥੀ ਜਿਸ ਆਖ ²ਅ ਪੋਥੀ ਸਰਕਾਰਹਿ ³ਏ ਪੋਥੀ ਕੁਟੰਬ

ਚੌਪਈ

ਪ੍ਰਸਾਦਿ ਭੇਟ ਧਰਾ ਅਗਰ ਆਪਾਰਾ । ਗਰਿ ਅੰਚਰ ਮੁਖ ਬਿਨਤਿ ਉਚਾਰਾ ।
ਜਹਾਂ ਬੈਠ ਦੀਵਾਨ ਲਗਾਯੋ । ਸੰਗਤਿ ਕੋ ਐਸੇ ਫੁਰਮਾਯੋ ॥ 269 ॥
ਆਵੇ ਕਰੇ ਦਰਸ ਗੁਰ ਬਾਨਾ¹ । ਸੰਗਤ ਅਈ ਅਧਿਕ ਸੁਖ ਮਾਨ ।
ਪੂਜਾ ਚੜੀ ਸੁ ਲਗੇ ਅੰਬਾਰਾ । ਭਗਤ ਸਿੰਘ ਜਿਹ ਵਾਰ ਨਾ ਪਾਰਾ ॥ 270 ॥

ਦੋਹਰਾ

ਲਾਗੋ ਅਧਿਕ ਦੀਵਾਨ ਤਬ ਸ੍ਰੀ ਮੁਖ ਅਸ ਫੁਰਮਾਇ ।
ਆਜ ਦਿਵਸ ਤੇ ਇਹ ਕਰੇ ਮਮ ਆਇਸ ਸੁਖ ਪਾਇ ॥ 271 ॥

ਚੌਪਈ

ਭਾਦ੍ਰੋਂ ਚੇਤ ਅਮਾਵਸ ਆਇ । ਇਹ ਠਾਂ ਨਾਇ ਮਨ ਬਾਂਛਤ ਪਾਇ ।
ਮਾਸ ਮਾਸ ਅਮਾਵਸ ਆਵੈ । ਇਹ ਠਾਂ ਨਾਇ ਚਾਰ ਫਲ ਪਾਵੈ ॥ 272 ॥
ਆਧਿ ਬਿਆਧ ਨਾ ਬਿਆਪੇ ਕੋਈ । ਕਰੈ ਇਸਨਾਨ ਅਮਾਵਸ ਜੋਈ ।
ਸੁਨ ਸੰਗਤ ਸਭ ਮਨ ਮਹਿ ਧਾਰੀ । ਕੀਨ ਇਸਨਾਨ ਨ ਲਾਇ ਅਵਾਰੀ ॥ 273 ॥

ਦੋਹਰਾ

ਤੀਨ ਦਿਵਸ ਅਤਿ ਅਨੰਦ ਸਿਉ ਸੰਗਤ ਰਹੀ ਤਦਾਇ ।
ਗੁਰੂ ਆਇਸ ਧਰ ਸੀਸ ਪੈ ਬਹੁਰੋ ਭਵਨ ਸਿਧਾਇ ॥ 274 ॥

ਚੌਪਈ

ਤਾਂ ਦਿਨ [ਮੇਲਾ]² ਹੁਇ ਅਤਿ ਭਾਰੀ । ਮਾਸ ਅਮਾਵਸ ਵਾਰ ਨ ਪਾਰੀ ।
ਭਾਦ੍ਰੋਂ ਚੇਤ ਅਮਾਵਸ ਜੋਈ । ਭਗਤ ਸਿੰਘ ਬਹੁ ਮੇਲਾ ਹੋਈ ॥ 275 ॥
ਸੰਗਤਿ ਗਈ ਸੁ ਨਿਜ ਨਿਜ ਧਾਮ । ਬਾਂਛਤ ਫਲ ਮਨ ਭਏ ਨਿਹਕਾਮ ।
ਤਾਂ ਦਿਨ ਸ੍ਰੀ ਗੁਰ ਤਹਾ ਰਹਾਏ । ਸਭ ਪ੍ਰਵਾਰ ਸੁੰਜਤ ਹਰਖਾਏ ॥ 276 ॥

ਦੋਹਰਾ

ਪੁਨ ਭਾਈ ਬਿਨਤੀ ਕਰੀ ਗੁਰ ਅਰਜਨ ਅਸਥਾਨ ।
ਚੋਲਾ ਦੁਆਦਸ ਕੋਸ ਹੈ ਚਲੋ ਪ੍ਰਭੂ ਸੁਖਮਾਨ ॥ 277 ॥

ਚੌਪਈ

ਭਾਈ ਕੀ ਸੁਨ ਬਿਨੈ ਮੁਰਾਰ । ਭਏ ਤਿਆਰ ਨ ਲਾਇ ਅਵਾਰ ।
ਕਰ ਮਜਨ ਬੰਦਨ ਕਰ ਪਯਾਨਾ । ਸਭ ਪ੍ਰਵਾਰ³ ਜੁਤ ਕ੍ਰਿਪਾ ਨਿਧਾਨਾ ॥ 278 ॥
ਭੋਰ ਹੋਤ ਗੁਰ ਪਯਾਨ ਕਰਾਈ । ਸਵਾ ਜਾਮ ਨਿਜ ਪਹੁੰਚੇ ਜਾਈ ।
ਗੁਰੁ ਸਥਾਨ ਢਿਗ ਡੇਰਾ ਪਾਯੋ । ਕਰ ਦਰਸਨ ਮਨ ਆਨੰਦ ਪਾਯੋ ॥ 279 ॥

¹ਅ ਪੋਥੀ ਅਸਥਾਨ ²ਅ ਪੋਥੀ ਵਿਚੋਂ ³ਅ ਪੋਥੀ ਕੁਟੰਬ

ਦੋਹਰਾ

ਗੁਰੁ ਆਏ ਜਬ ਹੀ ਸੁਨੇ ਆਸ ਪਾਸ ਪੁਰ ਲੋਕ ।
ਪ੍ਰਸਾਦਿ ਭੇਟ ਲੈ ਤਬ ਅਏ ਤਤ ਛਿਨ ਤਦ ਨਿਜ ਓਕ ॥ 280 ॥

ਚੌਪਈ

ਆਇ ਦਰਸ ਸ੍ਰੀ ਗੁਰ ਕਾ ਕਰਹਿ । ਪ੍ਰਸਾਦਿ ਭੇਟ ਗੁਰ ਆਗੇ ਧਰਹਿ ।
ਭਈ ਭੀਰ ਤਿਹ ਸਮੇਂ ਅਪਾਰਾ । ਦਰਬਾਰ ਦਰਸ ਹਿਤ ਚਲੇ ਮੁਰਾਰਾ ॥ 281 ॥
ਸਭ ਪਰਿਵਾਰ ਜੁਤ ਸਾਧੂ ਸਾਥ । ਭਾਨੇ ਕਰ ਗਹਿ ਦੀਨਾ ਨਾਥ ।
ਭਾਈ ਬਿਧੀਏ ਜੁਤ ਸਭ ਸੰਗਾ । ਚਲੇ ਸ੍ਰੀ ਗੁਰ ਧਾਰਿ ਉਮੰਗਾ ॥ 282 ॥

ਦੋਹਰਾ

ਪ੍ਰਸਾਦ ਭੇਟ ਆਗੇ ਧਰੀ ਨਿਜ ਗਰਿ ਅੰਚਰਿ ਡਾਰ ।
ਪਿਤ ਸਮ ਜਾਨ ਸਥਾਨ ਇਹ ਬਿਨਤੀ ਕੀਨ ਅਪਾਰ ॥ 283 ॥

ਚੌਪਈ

ਕਰ ਪ੍ਰਕਰਮਾ ਬੈਠੇ ਸੁਆਮੀ । ਭਗਤ ਸਿੰਘ ਸਨਮੁਖ ਗੁਰ ਧਾਮੀ ।
ਕਰ ਦਰਸਨ ਸਬ ਬੈਠ ਤਦਾਏ । ਲਗੇ ਦੀਵਾਨ ਅਧਿਕ ਤਬ ਆਏ ॥ 284 ॥
ਕੀਰਤਨ ਹੋਤ ਬਡੀ ਛਬਿ ਐਸੀ । ਮਾਨਹੁ ਬੈਕੁੰਠ ਠੋਰ ਸੁ ਤੈਸੀ ।
ਸਾਹਿਬ ਭਾਨੇ ਆਨੰਦ ਪਾਇ । ਹਾਥ ਜੋਰ ਇਹ ਬਿਨੈ¹ ਅਲਾਇ ॥ 285 ॥

ਦੋਹਰਾ

ਹੇ ਪ੍ਰਭ ਮੋਹਿ ਸੁਨਾਈਏ ਗੁਰ ਅਰਜੁਨ ਕਿਮ ਆਇ ।
ਸੁਧਾ ਸਰੋਵਰ ਆਇ ਕੈ ਯਾਹਿ ਠੋਰ ਮਨ ਭਾਇ ॥ 286 ॥

ਚੌਪਈ

ਸ੍ਰੀ ਗੁਰ ਸੁਨ ਮਨ ਮਹਿ ਬਿਸਮਾਏ । ਭਾਈ ਕਉ ਅਸ ਕਹਾ ਸੁਨਾਏ ।
ਤੁਮ ਥੇ ਸੰਗ ਸਾਥ ਤੁਮ ਜਾਨੋ । ਜੈਸ ਪਿਖੀ ਅਬ ਤੈਸ ਬਖਾਨੋ ॥ 287 ॥
ਭਾਈ ਕਹਿਤ ਪਿਖੀ ਹਮ ਐਸੇ । ਸੁਨ ਭਾਨਾ ਭਾਖਹੁ ਗਥ ਤੈਸੇ ।
ਗੁਰ ਅਰਜੁਨ ਸੰਗ ਕੀਨ ਰਾਰ । ਪ੍ਰਿਥੀਏ ਜਾਨੋ ਅਨਿਕ² ਪ੍ਰਕਾਰ ॥ 288 ॥

ਦੋਹਰਾ

ਜਾਨ ਈਰਖਾ ਤਾਂਹਿ ਕੀ ਮਾਤਾ ਸੰਗ ਲਵਾਇ ।
ਸੋਲਾਂ ਸੈ ਬੇਤਾਲ ਮਹਿ ਇਹ ਦਿਸ ਪਯਾਨ ਕਰਾਂਇ ॥ 289 ॥

ਚੌਪਈ

ਸਾਹਿਬ ਬੁਢਾ ਬਿਧੀਆ ਸਾਥ । ਔਰ ਦਾਸ ਮਮ ਸੰਗ ਅਨਾਥ ।
ਆਇ ਸਿਰਹਾਲੀ ਉਤਰੇ ਜਬਹੀ । ਪੁਰਜਨ ਮਿਲੇ ਭੇਟ ਲੈ ਤਬਹੀ ॥ 290 ॥

¹ਅ ਪੌਥੀ ਬਚਨ ਦ ਪੌਥੀ ਅਰਜ ²ਅ ਪੌਥੀ ਬਹੁਤ

ਸ੍ਰੀ ਗੁਰ ਕਹਾ ਠੌਰ ਮਮ ਦੀਜੈ । ਕਛੂ ਦਿਨ ਬਸੋ ਜਾਨ ਮਮ ਲੀਜੈ ।
ਪੁਰ ਜਨ ਕਹਾ ਠੌਰ ਨਿਜ ਜਾਨੋ । ਵਸਹੁ ਗੁਰੂ ਨਿਜ ਦਾਸ ਪਛਾਨੋ ॥ 291 ॥

ਦੋਹਰਾ

ਸੁਨ ਭਾਨੇ ਡੇਰਾ ਕੀਓ ਤਹਿ ਠਾਂ ਹਰਖ ਧਰਾਇ ।
ਬਸੈ ਦੋਇ ਦਿਨ ਪੁਨ ਭਯੋ ਕੌਤਕ ਤਹਾਂ ਮਹਾਇ ॥ 292 ॥

ਚੌਪਈ

ਗੁਰ ਢਿਗ ਸੰਗਤ ਅਗਨਤ¹ ਆਵੈ । ਰਹੈ ਭੀਰ ਅਤਿ ਪੂਜ ਚੜਾਵੈ ।
ਆਗੇ ਜੋਗੀ ਤਿਹ ਠਾਂ ਰਹੈ । ਪੁਰ ਜਨ ਕਰਤ ਮੁਖਹੂੰ ਜੋ ਕਹੈ ॥ 293 ॥
ਪੁਰ ਜਨ ਦਾਸ ਤਾਂਹਿ ਕੈ ਜਾਨੋ । ਜੋਗੀ ਦਿਖ ਗੁਰ ਕੋ ਖੁਨਸਾਨੋ ।
ਨਿਜ ਮਨ ਐਸੋ ਕੀਨ ਵਿਚਾਰੂ । ਮੋਰ ਮਾਨਤਾ ਘਟੀ ਅਪਾਰੂ ॥ 294 ॥

ਦੋਹਰਾ

ਡਿੰਭ ਪਸਾਰਿਓ ਗੁਰ ਕੇ ਅਨਿਕ ਮਾਨਤਾ ਹੋਇ ॥
ਪੂਜਾ ਕਰ ਗੁਰ ਕੀ ਸਬੈ ਮਮ ਢਿਗ² ਆਇ ਨ ਕੋਇ ॥ 295 ॥

ਚੌਪਈ

ਕੀਨ ਚਿੰਤ ਪੁਰ ਲੋਕ ਬੁਲਾਏ । ਕਪਟ ਭਰੇ ਇਮ ਬਚਨ ਅਲਾਏ ।
ਇਹ ਹੈ ਚੋਰ ਸ਼ਾਹਿ ਕਾ ਭਾਰੀ । ਨਸ ਆਇਓ ਤੁਮ ਨਿਕਟ ਗਵਾਰੀ ॥ 296 ॥
ਬਸੈ ਪੁਰੀ ਜੇ ਰੋਕਨ ਕਰੈ । ਡਿੰਭ ਪਸਾਰ ਠਗਤ ਸਭ ਨਰੈ ।
ਜਹਾਂਗੀਰ³ ਜੇ ਇਨ ਸੁਨ ਪਾਵੈ । ਲੂਟ ਸਦਨ ਬਹੁ ਖੇਦ ਜਨਾਵੈ ॥ 297 ॥

ਦੋਹਰਾ

ਤਾਂਤੇ ਇਸੇ ਨ ਰਾਖ ਤੁਮ ਦੀਜੈ ਇਸੈ ਉਠਾਇ ।
ਗੁਰ ਮਾਯਾ ਭ੍ਰਮਾਇ ਜਨ ਦਯਾਸਿੰਧ ਇਹ ਭਾਇ ॥ 298 ॥

ਚੌਪਈ

ਜੋਗੀ ਬੈਠ ਪੁਰੀ⁴ ਜਨ ਮਾਨੈ । ਹਮ ਕਉ ਜੋਗੀ ਸਾਚ ਬਖਾਨੈ ।
ਤਾਤ ਕਾਲ ਗੁਰੂ ਕੇ ਢਿਗ ਆਏ । ਕ੍ਰੋਧ ਪੂਰ ਇਮ ਬੈਠ⁵ ਅਲਾਏ ॥ 299 ॥
ਉਠੋ ਗੁਰੂ ਇਹ ਠੌਰ ਪਧਾਰੋ । ਇਹ ਠਾਂ ਬੈਠ ਨ ਭਿੰਡ ਪਸਾਰੋ ।
ਕਹਾ ਗੁਰੂ ਤੁਮ ਆਇਸ ਪਾਈ । ਤਬ ਹਉ ਇਹ ਠਾਂ ਬਾਸ ਕਰਾਈ ॥ 300 ॥

ਦੋਹਰਾ

ਅਬ ਤੁਮ ਭਾਖਤ ਕ੍ਰੋਧ ਬਚ ਤੁਮਰਾ ਦੀਨ⁶ ਨ ਕੋਇ ।
ਬਹੁਰ ਪੁਰੀ ਜਨ ਏ ਕਹਾ ਜਾਹੁ ਇਛੁ ਜਹਿ ਹੋਈ ॥ 301 ॥

¹ਅ ਤੇ ਏ ਬਹੁ ਚਲਿ ²ਏ ਪੋਥੀ ਪਰਿ ³ਮ ਪੋਥੀ ਪਾਤਸ਼ਾਹ ⁴ਅ ਤੇ ਏ ਪੋਥੀ ਨਗਰ ⁵ਅ ਪੋਥੀ ਬਚਨ ⁶ਏ ਪੋਥੀ ਲੀਨ

ਚੌਪਈ

ਭਗਤ ਸਿੰਘ ਬਚ ਕ੍ਰੋਧ ਅਲਾਯੋ । ਗੁਰ ਮਾਯਾ ਕਰਿ ਮਨ ਭ੍ਰਮਾਯੋ ।
ਲੀਏ ਸਵਾਂਗ ਕਰ ਕ੍ਰੋਧ ਮੁਰਾਰੀ । ਫੋਟ ਈਂਟ ਹਨ ਮੂਠ ਕਰਾਰੀ ॥ 302 ॥
ਚਾਰ ਭਾਗ ਗੁਰੁ ਚੌਦਿਸ ਮਾਰੇ । ਬੁਢੇ ਆਦਿ ਬਿਸਮ ਦਿਖ ਧਾਰੇ ।
ਬੁਢੇ ਤੁਰਤ ਕੀਏ ਇਕ ਥਾਇ । ਤੀਨ ਭਾਗ ਚਤੁਰਥ ਛਪ ਜਾਇ ॥ 303 ॥

ਦੋਹਰਾ

ਤੀਨ ਭਾਗ ਕਉ ਦੇਖ ਕੈ ਸ੍ਰੀ ਗੁਰ ਕਹਾ ਸੁਨਾਇ ।
ਬੁਢਾ ਜੀ ਤੁਮ ਕਿਆ ਕੀਓ ਬੁਢੇ ਬਿਨਤਿ ਅਲਾਇ ॥ 304 ॥

ਚੌਪਈ

ਤੀਨ ਭਾਗ ਪ੍ਰਭੂ ਜੀ ਇਕਠਾਏ । ਤੁਮ ਆਇਸ ਇਕ ਭਾਗ ਹਟਾਏ ।
ਐਸ ਸੁਨਤ ਗੁਰ ਬਚਨ ਉਚਾਰਾ । ਤੁਮ ਕੀਨੋ ਸਾਹਿਬ ਉਪਕਾਰਾ ॥ 305 ॥
ਤੀਨ ਦਿਸਾ ਇਹ ਕ੍ਰਿਖੀ ਉਪਾਵੈ । ਚਤੁਰਥ ਕਲਰ ਉਮਡ ਪਰਾਵੈ ।
ਏਕ ਓਰ ਕਲਰ ਅਬੁ ਜਾਨੋ । ਭਾਨਾ ਜੀ ਗੁਰੁ ਬਚਨ ਪਛਾਨੋ ॥ 306 ॥

ਦੋਹਰਾ

ਤਹਿਤੇ ਸ੍ਰੀ ਗੁਰੁ ਪਿਅਨਾ ਕਰ ਇਹ ਠਾਂ ਅਏ ਤਦਾਇ ।
ਇਹੁ ਪੁਰ ਭੈਣੀ ਨਾਮ ਥਾ ਆਯੋ ਪੈ ਨਿਕਟਾਇ ॥ 307 ॥

ਚੌਪਈ

ਸ੍ਰੀ ਗੁਰੁ ਕਾ ਬਹੁ ਸਿਖ ਪਛਾਨੋ । ਪਰਸਾਦਿ ਭੇਟ ਧਰ ਅਤਿ ਘਿਘਿਆਨੋ ।
ਹੇ ਗੁਰੁ ਇਹ ਠਾਂ ਕਰੋ ਨਿਵਾਸ । ਮੋਕਉ ਜਾਨ^੧ ਅਪਨਾ ਦਾਸ ॥ 308 ॥
ਸ੍ਰੀ ਗੁਰੁ ਕਹਾ ਠੌਰ ਮਮ ਦੀਜੈ । ਤਿਹ ਠਾਂ ਕਛੁ ਵਿਸਰਾਮ ਕਰੀਜੈ ।
ਕਹਾ ਪੈਂਚ ਸਭ ਠੌਰ ਤੁਮਾਰੀ । ਕੌਨ ਜੰਤ ਹਮ ਆਇਸ ਧਾਰੀ ॥ 309 ॥

ਦੋਹਰਾ

ਗੁਰੁ ਅਰਜੁਨ ਇਹ ਠਾਂ ਰਹੇ ਮਾਤ ਗੰਗ ਗ੍ਰਿਹਿ ਜਾਇ ।
ਪੈਂਚ ਨਾਰ ਸੁਖ ਪਾਇ ਬਹੁ ਕੀਨੀ ਸੇਵ ਤਦਾਇ ॥ 310 ॥

ਚੌਪਈ

ਆਛੇ ਸੁੰਦਰ ਪਲੰਘ ਡਸਾਇ । ਮਾਤ ਗੰਗ ਕਉ ਦੀਨ ਬਹਾਇ ।
ਪੈਂਚ ਨਾਰ ਮਨ ਆਨੰਦ ਪਾਯੋ । ਭਾਂਤ ਭਾਂਤ ਭੋਜਨ ਕਰਵਾਯੋ ॥ 311 ॥
ਪੈਂਚ ਨਾਰਿ ਮਨ ਬਹੁਰ ਵਿਚਾਰੀ । ਚੜਾ ਦਿਵਸ ਬਡ ਲਾਗ ਅਵਾਰੀ ।
ਕਰੋ ਜਤਨ ਗੁਰ ਖੁਧਿਆ ਲਾਗੀ । ਸੁਨ ਭਾਨਾ ਆਈ ਬਡਭਾਗੀ ॥ 312 ॥

^੧ਏ ਪੋਥੀ ਗੁਰ ^੨ਏ ਪੋਥੀ ਮਾਨਹੁ

ਦੋਹਰਾ

ਘ੍ਰਿਤ ਅੰ ਖਾਂਡ ਰਚਾਇ¹ ਕੈ ਚੂਰੀ ਰਚੀ ਤਦਾਇ ।
ਪੂਰ ਕਟੋਰਾ ਹਾਥ ਲੈ ਆਈ² ਪ੍ਰਭੂ ਨਿਕਟਾਇ³ ॥ 313 ॥

ਚੌਪਈ

ਪ੍ਰੇਮ ਪੁਲਕ ਗੁਰ ਕੇ ਪਗ ਲਾਗੀ । ਦਯਾਸਿੰਧ ਸਤਿਗੁਰ ਰਸ ਪਾਗੀ ।
ਗੁਰੂ ਨਾਨਕ ਕਾ ਧਿਆਨ ਧਰਾਏ । ਸ੍ਰੀ ਗੁਰ ਬੈਠ ਇਕੰਤ ਤਦਾਇ ॥ 314 ॥
ਸ੍ਰੀ ਗੁਰੂ ਕੋ ਖੁਦਿਆ ਕਛ ਹੋਈ । ਜਾਹਿ ਦੀਆ³ ਖਾਵਤ ਤ੍ਰੈ ਲੋਈ ।
ਮਾਈ ਕਉ ਅਸ ਬਚਨ ਉਚਾਰਾ । ਕਯਾ ਲਾਈ ਮਾਈ ਨਿਕਟਾਰਾ ॥ 315 ॥

ਦੋਹਰਾ

ਪ੍ਰੇਮ ਪੁਲਕ ਮਾਈ ਕਹਾ ਮੇਰੇ ਮਨ ਇਹੁ ਆਇ ।
ਬਡ ਅਹਿ ਭੋਜਨ ਕਉ ਅਯੋ ਕਛਕ ਪ੍ਰਭੂ ਮੁਖ ਪਾਇ ॥ 316 ॥

ਚੌਪਈ

ਅਸ ਕਹਿ ਛੰਨਾ ਅਗਰ ਧਰਾਯੋ । ਦੇਖ ਗੁਰੂ ਬਡ ਆਨੰਦ ਪਾਯੋ ।
ਕਰ ਭੋਜਨ ਮੁਖ ਬਚਨ ਉਚਾਰਾ । ਮਾਨੋ ਚੋਲਾ ਕੀਨ ਹਮਾਰਾ ॥ 317 ॥
ਸ੍ਰੀ ਮੁਖ ਸਿਉਂ ਤਬ ਸਬਦਿ ਅਲਾਯੋ । ਧਨਾਸਰੀ ਮਾਂਹਿ ਆਠ ਵਹੁ ਭਾਯੋ ।
ਭਾਖਹੁ ਅਰਥ ਤਾਂਹਿ ਸੁਨ ਲੀਜੈ । ਕਹੂੰ ਸੰਕੋਚ ਵਿਥਾਰ⁴ ਨ ਕੀਜੈ ॥ 318 ॥

ਸਵੈਯਾ

ਜਾਹਿ ਹਉਂ ਵਾਰ ਸਦਾ ਗੁਰ ਉਪਰ ਨਾਮ ਹਰੀ ਜਿੰਹ ਮੰਤ੍ਰ ਚੜ੍ਹੈਯਾ ।
ਬੀਚ ਉਦਿਆਨ ਮਹਾਂ ਤਮ ਜਾਹਿ ਮੈ ਮਾਰਗ ਸੀਧ ਜਿਨੈ ਦਿਖ ਲੈਯਾ ।
ਜੀਵਨ ਪ੍ਰਾਨ ਸਦਾ ਹਮਰੇ ਪ੍ਰਭ ਨਾਮ ਗੋਪਾਲ ਗੋਬਿੰਦ ਮਹੈਯਾ ।
ਲੋਕ ਦੁਹੁੰ ਸਦ ਰਖ ਕਰਹਿ ਮਮ ਚਿੰਤਾ ਸਦਾ ਸਭ ਲੋਕ ਸਹੈਯਾ ॥ 319 ॥
ਜਾਹਿ ਕੇ ਨਾਮ ਲੀਏ ਨਿਧਿ⁵ ਆਵਤ ਮਾਨ ਮਹਤ ਸਦਾ ਪਤਿ ਪੂਰੀ ।
ਜਾਹਿ ਕੇ ਨਾਮ ਲੀਏ ਅਘ ਨਾਸਤੇ ਦਾਸ ਰਹੇ ਪਦ ਪੰਕਜ ਪੂਰੀ ।
ਪੂਰ ਮਨੋਰਥ ਚਾਹਿ ਕਰਹਿੰ ਨਰ ਸੇਵ ਕਰਹਿੰ ਗੁਰ ਜਾਹਿ ਹਜੂਰੀ ।
ਪੂਰਨ ਬ੍ਰਹਮ ਸਦਾ ਅਪਰਮਪਰ ਨਾਮ ਲੀਏ ਜਮ ਭਾਗਤ ਦੂਰੀ ॥ 320 ॥
ਸੰਗ ਕਰੈ ਸਦ ਸੰਤਨ ਜੋ ਰਿਦ ਆਵਤ ਸਾਂਤ ਸਦਾ ਰਿਦ ਬੋਲਾ ।
ਸੀਤਲ ਭਾਵ ਸਦਾ ਸੁਖ ਤਾਂਹਿ ਕਉ ਮਾਰ ਹਨੇ ਪੰਚ ਬੀਰ ਕੇ ਟੋਲਾ ।
ਨਾਮ ਹੀ ਰਾਮ ਸੁ ਸੰਚਨ ਕੀਨ ਪੁਨ ਸੰਤਨ ਸੰਗ ਰਹਿਓ ਮਮ ਓਲਾ ।
ਨਾਮਹੁ ਹੀ ਇਹ ਭੋਜਨ ਹੈ ਗੁਰੂ ਨਾਨਕ ਜੀ ਕਰ ਸੁੰਦਰ ਚੋਲਾ ॥ 321 ॥

¹ਅ ਪੋਥੀ ਰਚਾਇ ²ਅ ਪੋਥੀ ਸਤਿਗੁਰੂ ਪਾਹਿ ³ਅ ਅਤੇ ਏ ਪੋਥੀ ਦਾਨ ⁴ਅ ਪੋਥੀ ਵਿਸਥਾਰ ⁵ਅ ਤੇ ਏ ਪੋਥੀ
ਜਿਧਿ

ਦੋਹਰਾ

ਸ੍ਰੀ ਮੁਖ ਸਬਦ ਉਚਾਰਿਓ ਇਹੁ ਭਾਨਾ ਜੀਅ ਜਾਨ ।
ਮਾਈ ਕੋ ਗੁਰੂ ਬਰ ਦੀਓ ਸ੍ਰੀ ਗੁਰ ਕ੍ਰਿਪਾ ਨਿਧਾਨ ॥ 322 ॥

ਚੌਪਈ

ਮਾਈ ਕੋ ਗੁਰੁ ਅਸ ਬਰ ਦੀਨਾ । ਤਬ ਆਈ ਜਹਿ ਮਹਿਲ ਪ੍ਰਬੀਨਾ ।
ਸ੍ਰੀ ਗੁਰੁ ਨਿਕਟ ਪੁਰੀ^੧ ਜਨ ਆਏ । ਲਗੋ ਅਧਿਕ ਦੀਵਾਨ ਤਦਾਏ ॥ 323 ॥
ਸ੍ਰੀ ਗੁਰੁ ਕੀਨਾ ਬਚਨ ਉਚਾਰ । ਨਗਰ ਨਾਮ ਕਿਆ ਕਹੋ ਸੁਧਾਰ ।
ਏਕ ਜਾਟ ਅਸ ਬੈਨ ਬਖਾਨੋ । ਭੈਣੀ ਨਾਮ ਪ੍ਰਭੂ ਇਹ ਜਾਨੋ ॥ 324 ॥
ਸ੍ਰੀ ਗੁਰ ਕਹਾ ਐਸ ਨਾ ਕਹੋ । ਚੋਲਾ ਨਾਮ ਯਾਹਿ ਕਾ ਲਹੋ ॥
ਤੀਨ ਬੇਰ ਤਿਨ ਬੈਨ ਹਟਾਏ । ਭੈਣੀ ਮੁਖ ਤੇ ਨਾਮ ਅਲਾਏ ॥ 325 ॥

ਦੋਹਰਾ

ਸਹਿਜ ਸੁਭਾਇ ਸ੍ਰੀ ਗੁਰੁ ਕਹਾ ਬਾਵਰ^੨ ਸੁਨ ਬਚ ਮੋਰ ।
ਚੋਲਾ ਯਾਕੋ ਨਾਮ ਹੈ ਤੁਮ ਭਾਖਤ ਮੁਖ ਔਰ ॥ 326 ॥

ਚੌਪਈ

ਭਗਤ ਸਿੰਘ ਵਹੁ ਕਮਲਾ ਹੋਯੋ । ਤਾਹੀ ਛਿਨ ਬਾਵਰ ਸਮ ਜੋਯੋ ।
ਉਠਾ ਪੈਂਚ ਕਰ ਜੋਰ ਤਦਾਏ । ਗਰਿ ਅੰਚਰ ਮੁਖ ਬਿਨੈ ਅਲਾਏ ॥ 327 ॥
ਹੇ ਗੁਰ ਕੀਜੈ ਛਿਮਾ ਉਦਾਰ । ਭਈ ਭੂਲ ਨਰ ਭੂਲਨਹਾਰ ॥
ਔਰ ਬਿਨੈ ਸੁਨ ਲੀਜੈ ਮੋਰੀ । ਆਇਸ ਧਰੀ ਸੀਸ ਹਮ ਤੋਰੀ ॥ 328 ॥
ਪ੍ਰਿਥਮ ਨਾਮ ਜਾਕਉ ਜੋ ਭਾਰੀ । ਸੋ ਹਮ ਕੈਸੇ ਦੇਵੇਂ ਟਾਰੀ ।
ਤੁਮ ਸਮਰਥ ਹੋ ਅੰਤਰਜਾਮੀ । ਪਾਰਬ੍ਰਹਮ ਪੂਰਨ ਪ੍ਰਭੂ ਸੁਆਮੀ ॥ 329 ॥

ਦੋਹਰਾ

ਆਗੇ ਭੈਣੀ ਨਾਮ ਥਾ ਸ੍ਰੀ ਮੁਖ ਚੋਲਾ ਗਾਇ ।
ਸਾਹਿ ਟਕੇ ਜਬ ਤਾਰਹੋਂ ਤਬ ਤਹਿ ਐਸ ਅਲਾਇ ॥ 330 ॥

॥ ਸ੍ਰੀ ਗੁਰੋਵਾਚ ॥ ਚੌਪਈ ॥

ਜਹਾਂਗੀਰ ਢਿਗ ਜਬ ਤੁਮ ਜਾਵੋ । ਤਿਹ ਠਾਂ ਚੋਲਾ ਨਾਮ ਸਦਾਵੋ ।
ਦਫਤਰ ਮਾਂਝ ਇਹੀ ਲਿਖ ਜਾਨੋ । ਧਰੋ ਧੀਰ ਨਹਿ ਸੰਸ ਪਛਾਨੋ ॥ 331 ॥
ਪੈਂਚ ਧੀਰ ਧਰ ਬਹੁਰ ਅਲਾਇ । ਹੇ ਪ੍ਰਭ ਜੀ ਇਹੁ ਖਿਮਾ ਕਰਾਇ ।
ਗੁਰੁ ਪ੍ਰੇਰੇ ਮਮ ਬੈਨ ਅਲਾਏ । ਏਕਲ ਬਾਵਰ ਏਕ ਰਹਾਏ ॥ 332 ॥

ਦੋਹਰਾ

ਕਬ ਕਬ ਬਾਵਰ ਹੋਇ ਹੈ ਕਬ ਹੋਇ ਸੁਧ ਸਰੀਰ ।
ਬਚਨ ਅਨਥਾ ਹੋਇ ਨਹਿ ਜਾਨ ਸਤਿ ਧਰ ਧੀਰ ॥ 333 ॥

^੧ਅ ਪੋਥੀ ਨਗਰ ^੨ਅ ਪੋਥੀ ਕਮਲੇ

ਚੌਪਈ

ਗੁਰ ਕੇ ਬੈਠ ਸਤਿ ਜੀਅ ਜਾਨੋ । ਬਾਵਰ ਏਕ ਤਾਂਹਿ ਕੁਲ ਮਾਨੋ ।
 ਅਬ ਤਕ ਪ੍ਰਗਟ ਜਾਨੀ ਅਤਿ ਗਾਥ । ਭਗਤ ਸਿੰਘ ਗੁਰੁ ਨਾਥ ਅਨਾਥ ॥ 334 ॥
 ਔਰ ਜਾਟ ਇਕ ਬਿਨੈ ਅਲਾਇ । ਹੇ ਗੁਰੁ ਜੂਹ ਜਾਟ ਬਲਿ ਪਾਇ ।
 ਹਮਰੀ ਧੋਨ¹ ਚਰਨ ਨਹਿ ਦੇਈ । ਮਾਰ ਹੱਟਾਇ ਜਾਇ ਤਹਿ ਦੇਈ ॥ 335 ॥

ਦੋਹਰਾ

ਸ੍ਰੀ ਮੁਖ ਤੇ ਐਸੇ ਕਹਾ ਬੁਹ ਜੂਹ ਅਬ ਜਾਨ ।
 ਇਹ ਚੋਲਾ ਓਲਾ ਗੁਰੁ ਚਰੇ ਧੋਨ ਸੁਖ ਮਾਨ ॥ 336 ॥
 ਦਯਾਸਿੰਧ ਬੁਹ ਨਗਰ ਥਾਂ ਅਤਿ ਦੀਰਘ ਬਲਕਾਰ ।
 ਭਈ ਜੁ ਗੁਰੁ ਬੈਠ ਸਿਉ ਚਰਿਤ ਧੋਨ ਸੁਖ ਧਾਰ ॥ 337 ॥

ਚੌਪਈ

ਕਰ ਦਰਸਨ ਗੁਰ ਬੈਠ² ਸੁਨਾਇ । ਸੁਨ ਭਾਨਾ ਪੁਰ ਜਨ ਸੁਖ ਪਾਇ ।
 ਤਬ ਲੈ ਭੋਜਨ ਭਯੋ ਤਿਆਰ । ਖਟ ਰਸ ਭੋਜਨ ਪਾਇ ਮੁਰਾਰ ॥ 338 ॥
 ਇਹ ਤਾਂ ਅਏ ਕਛੁਕ ਦਿਨ ਆਈ । ਟਕੇ ਲੈਨ ਹਿਤ ਆਇ ਸਿਪਾਹੀ ।
 ਪੈਂਚ ਗੁਰੁ ਢਿਗ ਬਿਨੈ ਅਲਾਈ । ਹੇ ਗੁਰੁ ਅਬ ਹਮ ਦਿਲੀ ਜਾਈ ॥ 339 ॥

ਦੋਹਰਾ

ਦਯਾਸਿੰਧ ਸ੍ਰੀ ਮੁਖ ਕਹਿਯੋ ਚੋਲਾ ਨਾਮ ਅਲਾਇ ।
 ਗੁਰੁ ਆਇਸ³ ਧਰ ਸੀਸ ਪੈ ਚਲਾ ਪੈਂਚ ਸੁਖ ਪਾਇ ॥ 340 ॥

ਚੌਪਈ

ਔਰ ਕਛੁਕ ਜਨ ਲੀਨੇ ਸਾਥ । ਟਕੇ ਲੀਨ ਸਭ ਅਪਨੇ ਹਾਥ ।
 ਦਿਲੀ ਜਾਇ ਮਿਲੇ ਦੀਵਾਨ । ਮੁਖ ਸਿਉਂ ਐਸੇ ਬਚਨ ਬਖਾਨ ॥ 341 ॥
 ਚੋਲੇ ਟਕੇ ਸਭੀ ਹਮ ਲਿਆਏ । ਦੀਵਾਨ ਦਫਤਰੀ ਅਗੂ ਅਲਾਏ ।
 ਬੋਲ ਦਰੋਗ ਤੋਹਿ ਹਮ ਜਾਨਤ । ਭੈਣੀ ਕੋ ਇਹ ਔਰ ਬਖਾਨਤ ॥ 342 ॥

ਦੋਹਰਾ

ਤਬੈ ਪੈਂਚ ਐਸੇ ਕਹਾ ਹਮ ਨਹਿ ਭੈਣੀ ਜਾਨ ।
 ਹਮ ਚੋਲ ਕੈ ਜਾਟ ਹਹਿ ਦਫਤਰ ਲਿਖਾ ਪਛਾਨ ॥ 343 ॥

ਚੌਪਈ

ਸੁਨਤ ਸਭੈ ਮਨ ਬਿਸਮੈਂ ਪਾਯੋ । ਹਮ ਨਹਿ ਚੋਲਾ ਅਗੂ ਸੁਨਾਯੋ ।
 ਜਹਾਂਗੀਰ⁴ ਢਿਗ ਤਬ ਚਲ ਆਏ । ਦਿਵਾਨ ਦਫਤਰੀ ਬੈਠ ਅਲਾਏ ॥ 344 ॥

¹ਅ ਪੋਥੀ ਗਉ ²ਅ ਤੇ ਏ ਪੋਥੀ ਬਚਨ ³ਏ ਪੋਥੀ ਆਗਯਾ ⁴ਅ ਤੇ ਏ ਪੋਥੀ ਪਾਤਸ਼ਾਹਿ

ਹਜਰਤ ਏਕ ਅੰਚਭਾ ਪਾਯੋ । ਭੈਣੀ ਜਾਟ ਸੁ ਟਕੇ ਲਿਆਯੋ ।
ਭਾਖਤ ਹਮ ਚੋਲੇ ਤੇ ਆਏ । ਚੋਲਾ ਹਮ ਨਹਿ ਕਾਨ¹ ਸੁਨਾਏ ॥ 345 ॥

ਦੋਹਰਾ

ਜਹਾਂਗੀਰ ਭੀ ਅਸ ਕਹਾ ਹਮ ਨਹਿ ਸੁਨਾ ਸੁ ਕਾਨ ।
ਖੋਜਹੁ ਦਫਤਰ ਨਾਮ ਦਿਖ ਲਾਗੇ ਦੇਖ ਦਿਵਾਨ ॥ 346 ॥

ਚੌਪਈ

ਬੀਸ ਸਹਸ ਦਫਤਰ ਮਹਿ ਦੇਖਾ । ਚੋਲਾ ਲਿਖਿਓ ਨਾਮ ਅਲੇਖਾ ।
ਪਾਸ ਪਾਸ ਪੁਰ ਨਾਮ ਅਲਾਵੈ । ਚੋਲਾ ਭੈਣੀ ਠੌਰ ਦਿਖਾਵੈ ॥ 347 ॥
ਜਹਾਂਗੀਰ ਮਨ ਬਿਸਮੈ ਪਾਇ । ਤਾਹਿ ਪੈਂਚ ਕਉ ਨਿਕਟ ਬੁਲਾਇ ।
ਕਹਾ ਸਤਿ ਕਹੁ ਪੈਂਟ ਅਲਾਯੋ । ਗੁਰ ਅਰਜੁਨ ਇਹ ਨਾਮ ਧਰਾਯੋ ॥ 348 ॥

ਦੋਹਰਾ

ਜਹਾਂਗੀਰ ਬੰਦਨ ਕਰੀ ਸੁਨਕੈ ਸ੍ਰੀ ਗੁਰ ਨਾਮ ।
ਸਮਰਥ ਪੀਰ ਮੁਖ ਸਿਉ ਕਹਾ ਸਭ ਬਿਧ ਪੂਰਨ ਕਾਮ ॥ 349 ॥

ਚੌਪਈ

ਚੋਲਾ ਸ਼ਾਹਿ ਤਿਸੀ ਕਉ ਦੀਨੋ । ਮਾਫੀ ਪਟਾ ਤਾਂਹਿ ਕਾ ਕੀਨੋ² ।
ਇਹ ਠਾਂ ਆਯੋ ਗੁਰੁ ਪਗ ਲਾਗਾ । ਉਸਤਤਿ ਕੀਨ ਅਧਿਕ ਰਸ ਪਾਗਾ ॥ 350 ॥
ਲੀਓ ਖੋਸ ਅਬ ਸ਼ਹਿ ਜਹਾਨ । ਸੁਨ ਭਾਨਾ ਪਾਪੀ ਬਲਵਾਨ ।
ਦੋਇ ਬਰਸ ਗੁਰੁ ਇਹਾਂ ਰਹਾਏ । ਸੁਧਾ ਸਰੋਵਰ ਬਹੁਰ ਸਿਧਾਏ ॥ 351 ॥

ਦੋਹਰਾ

ਸੁਨ ਭਾਨਾ ਜੈਸੇ ਪਿਖੀ ਤੈਸੇ ਦਈ ਸੁਨਾਇ ।
ਪ੍ਰਭ ਕੀ ਅਗਮ ਅਗਾਧ ਕਥ ਹਮਤੇ ਕਹੀ³ ਨ ਜਾਇ ॥ 352 ॥

ਚੌਪਈ

ਭਗਤਿ ਸਿੰਘ ਸੁਨ ਕਥਾ ਰਸਾਲ । ਸਾਹਿਬ ਭਾਨਾ ਭਯੋ ਨਿਹਾਲ ।
ਦਯਾਸਿੰਧ ਸੁਨ ਮੋਲ⁴ ਬੁਕਾਯੋ । ਧੰਨ ਧੰਨ ਭਾਈ ਕੋ ਗਾਯੋ ॥ 353 ॥
ਕਰ ਬੰਦਨ ਪ੍ਰਕਰਮਾ ਸੁਆਮੀ । ਡੇਰੇ ਆਏ ਹਰਖ ਸੁਖ ਧਾਮੀ ।
ਪੈਂਚ ਪੁਤ੍ਰ ਭੋਜਨ ਲੈ ਆਯੋ । ਤਤ ਕਾਲ ਪਟ ਰਸ ਨਿਕਟਾਯੋ ॥ 354 ॥

ਦੋਹਰਾ

ਸਭੀ ਆਇ ਚਰਨੀ ਲਗੇ ਸ੍ਰੀ ਗੁਰ ਕੁਸਲ ਅਲਾਇ ।
ਹਾਥ ਜੋਰ ਸਭਹਨ ਕਹਾ ਤੋਹਿ ਕ੍ਰਿਪਾ ਸੁਖ ਪਾਇ ॥ 355 ॥

¹ਅ ਪੋਥੀ ਕਭੀ ²ਅ ਪੋਥੀ ਲਿਖ ਦੀਨੋ ³ਅ ਪੋਥੀ ਕਥੀ ⁴ਦ ਪੋਥੀ ਸੀਸ

ਚੌਪਈ

ਦੈ ਆਇਸ ਭੋਜਨ ਵਰਤਾਯੋ । ਮਨ ਇਛਤ ਜੋ ਜਹਿ ਕੋ ਭਾਯੋ ।
 ਪਾਛੇ ਸ੍ਰੀ ਗੁਰ ਭੋਜਨ ਕੀਨਾ । ਸੁਤ ਪ੍ਰਵਾਰ¹ ਸਭਨ ਕੋ ਦੀਨਾ ॥ 356 ॥
 ਕਰ ਭੋਜਨ ਕੀਨਾ ਬਿਸਰਾਮ । ਦਯਾ ਸਿੰਧ ਸੁਖ ਸਿੰਧ ਅਕਾਮ ।
 ਬਾਬਕ ਰਬਾਬੀ ਔਰ ਅਨੰਤ । ਗੁਰੂ ਢਿਗ ਕੀਰਤਨ ਹੋਤ ਅਨੰਤ² ॥ 357 ॥

ਦੋਹਰਾ

ਬਹੁ ਸੁਖ ਸਿਉਂ ਸ੍ਰੀ ਗੁਰੁ ਰਹੇ ਤੀਨ ਦਿਵਸ ਤਹਿ ਠੌਰ ।
 ਚਤੁਰਥ ਦਿਨ ਪਿਆਨਾ ਕੀਓ ਗੋਇੰਦਵਾਲ ਕੀ ਓਰ ॥ 358 ॥

ਸਵੈਯਾ

ਬੰਦਨ ਕੈ ਪਿਤ ਕੈ ਦਰਬਾਰ ਮੁਰਾਰ ਪ੍ਰਭੂ ਪੁਰ ਲੋਕ ਬੁਲਾਏ ।
 ਧੀਰ ਦੀਓ ਸਭਕੋ ਸੁਖ ਸਾਗਰ ਪੈਂਚ ਕੀ ਨਾਰ ਮਹਾਂ ਸੁਖ ਪਾਏ ।
 ਸੁੰਦਰ ਤੇਵਰ ਕੀਮਤ ਭਾਰਿ ਕੇ ਮਾਤ ਕੋ ਤੀਨ ਦਏ ਹਰਖਾਏ ।
 ਏਕਾ ਸੁਤਾ ਗੁਰੁ ਕੀ ਤਿਨ ਦੈ ਅਤਿ ਜਾਹਿ ਕੇ ਸਾਥ ਸੁ ਮੋਤਿ ਜਰਾਏ ॥ 359 ॥
 ਮਾਤ ਆਨੰਦ ਕੀਓ ਪਿਖ ਕੈ ਵਰ ਦੇਤ ਅਸੀਸ ਸੁਹੇ ਤਵ ਸੰਗਾ ।
 ਬਾਮ³ ਸੁ ਜਾਤ ਭਈ ਨਿਜ ਧਾਮ ਕੋ ਲੋਕ ਪੁਰੀ ਪਿਖ ਧਾਰ ਉਮੰਗਾ ।
 ਬਾਹਨ ਰਾਜ ਸਭੀ ਨਿਜ ਆਪਨੇ ਪਿਆਨ ਕੀਓ ਸਭ ਆਨੰਦ ਰੰਗਾ ।
 ਕੋਸ ਅਏ ਗੁਰੁ ਤੀਨ ਦਯਾ ਨਿਧ ਅਗੁ ਅਸਥਾਨ ਪਿਖਿਓ ਗੁਰੁ ਚੰਗਾ ॥ 360 ॥

ਦੋਹਰਾ

ਉਤਰ ਅਸਵ ਤੇ ਗੁਰੂ ਜੀ ਅਧਿਕ ਬੰਦਨਾ ਕੀਨ ।
 ਕੀਨ ਬੰਦਨਾ ਸਭ ਤਬੈ ਬੈਠੇ ਬਹੁ ਸੁਖ ਲੀਨ ॥ 361 ॥

ਚੌਪਈ

ਜੋਰ ਹਾਥ ਸਾਧੂ ਤਹਿ ਬਾਰਾ । ਭਗਤ ਸਿੰਘ ਅਤਿ ਬਿਨੈ ਉਚਾਰਾ ।
 ਹੇ ਗੁਰੁ ਕਹੋ ਕਾਹਿ ਅਸਥਾਨ । ਏਕਲ ਕੋਇ ਨ ਪੁਰ ਢਿਗ ਜਾਨ ॥ 362 ॥
 ਸੁਨਤ ਬਿਨੈ ਪ੍ਰਭ⁴ ਭਏ ਦਿਆਲ । ਕਹੀ ਪੁਰਾਤਨ ਕਥਾ ਰਸਾਲ ।
 ਏਕ ਸਮੇਂ ਗੁਰੂ ਪੂਰਨ ਆਏ । ਆਦਿ ਗੁਰੂ ਨਾਨਕ ਸੁਖਦਾਏ ॥ 363 ॥

ਦੋਹਰਾ

ਮਰਦਾਨਾ ਬਾਲਾ ਸੰਗ ਲੀਏ ਸੁਭ ਠੌਰ ਨਿਹਾਰ ।
 ਧਰ ਆਨੰਦ ਬੈਠੇ ਪ੍ਰਭੂ ਸੋਭਤ ਨਗਰ ਅਪਾਰ ॥ 364 ॥

¹ਅ ਪੱਥੀ ਕੁਟੰਬ ²ਅ ਪੱਥੀ ਬੇਅੰਤ ³ਅ ਪੱਥੀ ਨਾਰਿ ⁴ਏ ਪੱਥੀ ਗੁਰ

ਸਵੈਯਾ

ਧੋਲਾ^੧ ਈਹਾਂ ਬਡ ਉਚ ਸੁਹਾਵਤ ਸੁੰਦਰ ਜਾਂਹਿ ਪਿਖੈ ਸੁਰ ਲਾਜੈ ।
 ਖਤ੍ਰੀ ਸੁ ਬੀਚ ਬਸਹਿੰ ਧਨ ਧਾਮ ਸੋ ਬੇਦੀ ਸੁ ਜਾਤ ਬਡੇ ਸੁਖ ਸਾਜੈ ।
 ਤਾਂਹਿ ਤਬੈ ਗੁਰੁ ਨਾਨਕ ਕੇ ਸੰਗ ਰਾਰ ਕਰੀ ਇਹ ਠੌਰ ਨ ਰਾਜੈ ।
 ਧਾਮ ਦਯਾ ਸਿੰਧ ਛਾਰ ਸੋਈ ਜੋਈ ਆਵਤ ਨਾਂਹਿ ਸ੍ਰੀ ਗੁਰੂ ਕਾਜੈ ॥ 365 ॥

ਅਡਿਲ

ਪਠੇ ਵਿੰਡ ਥਾ ਨਾਮ ਨਗਰ^੨ ਕਾ ਜਾਨੀਏ ।
 ਮਿਲ ਬੈਠੇ ਇਕ ਠਾਇ ਮੰਤ੍ਰੁ ਏ ਠਾਨੀਏ ।
 ਜਿਹੰ ਠਾ ਗੁਰ ਬਸਾਇ ਭੂਮ ਨਿਜ ਮਾਨ ਹੈ ।
 ਹੈ ਇਹ ਕੋ ਤੇਜ ਪ੍ਰਕਾਸ਼ ਹਮੇ ਕਉ ਮਾਨ ਹੈ ॥ 366 ॥
 ਤਾਂਤੇ ਯਾਹਿ ਉਠਾਇ ਵਾਸ ਨਹਿ ਪਾਇ ਹੈ ।
 ਆਏ ਕੀਨ ਉਚਾਰ ਠੌਰ ਤਜ^੩ ਜਾਇ ਹੈ ।
 ਜੇ ਭਲ ਆਪਨ ਜਾਨ ਪਿਆਨਾ ਕੀਜੀਏ ।
 ਹੋ ਇਹੁ ਠਾਂ ਡਿੰਭ ਪਸਾਰ ਇਕਠ ਕਰ ਲੀਜੀਏ ॥ 367 ॥

ਦੋਹਰਾ

ਅੰਮ੍ਰਿਤ ਬਚਨ ਸੁ ਸਾਂਤ ਕੇ ਆਗੇ ਗੁਰੂ ਅਲਾਇ ।
 ਕਛੂ ਨਹਿ ਲੇਵਤ ਤੋਹਿ ਕਾ ਹਮ ਨਿਜ ਮੌਜ ਰਹਾਇ ॥ 368 ॥

ਚੋਪਈ

ਬੇਦੀ ਪੁਨ ਰਿਸ ਬਚਨ ਉਚਾਰਾ । ਕੋਠਾ ਢਾਹਤ ਅਬੈ ਤੁਮਾਰਾ ।
 ਤੋ ਕਉ ਮਾਰ ਕਢੈਂਗੇ ਜਬਹੀ । ਤਬ ਜਾਨੋਗੇ ਜਾਨ ਨ ਅਬਹੀ ॥
 ਉਠੇ ਗੁਰ ਅਸ ਬੈਨ ਅਲਾਏ । ਹਮਰੋ ਕੋਠਾ ਸਦਾ ਰਹਾਏ ।
 ਤੁਮਰੇ ਸਦਨ ਛਾਰ ਮਿਲ ਜਾਵਹਿੰ । ਬਨੇ ਬੇਵ ਨਹਿੰ ਚਿੰਨ ਦਿਖਾਵਹਿੰ ॥ 370 ॥

ਦੋਹਰਾ

ਐਸੇ ਕਹਿ ਸ੍ਰੀ ਗੁਰ ਗਏ ਬਹੁਰ ਸਮਾ ਕੁਛ ਪਾਇ ।
 ਭਈ ਈਰਖਾ ਆਪ ਮਹਿ ਨਗਰ ਸਭੈ ਛਡ ਜਾਇ ॥ 371 ॥

ਚੋਪਈ

ਤਾਂਤੇ ਨਗਰ ਬੇਹੁ ਇਹੁ ਜਾਨੋ । ਸਤਿ ਬੈਨ^੪ ਗੁਰ ਨਾਨਕ ਮਾਨੋ ।
 ਜੇ ਸੰਤਨ ਕੋ ਖੇਦ ਧਰਾਵੈ । ਸੁਕ੍ ਰਾਜ ਸੋਇ ਛਾਰ ਮਿਲਾਵੈ ॥ 372 ॥
 ਹੋਇ ਰੰਕ ਸੰਤਨ ਕਰ ਸੇਵਾ । ਭੋਗ ਰਾਜ ਸੁਖ ਧਾਰ ਅਭੇਵਾ ।
 ਬੇਦੀ ਰਾਰ ਸਭਨ ਮਿਲ ਛਾਰਾ । ਸਾਧੂ ਹੇਤ ਕਹਿਓ ਨਿਰਧਾਰਾ ॥ 373 ॥

^੧ਏ ਪੋਥੀ ਧਵਲ ^੨ਅ ਪੋਥੀ ਸਹਰ ^੩ਅ ਪੋਥੀ ਛਡ ^੪ਅ ਪੋਥੀ ਬਚਨ

ਦੋਹਰਾ

ਏਹੁ ਗੁਰ ਨਾਨਕ ਨੌਰ ਹੈ ਅਬਚਲ ਸਦਾ ਰਹਾਇ ।
ਸੁਨ ਸਾਧੂ ਬੰਦਨ ਕਰੀ ਸਭ ਸੁਨਿ ਆਨੰਦ ਪਾਇ ॥ 374 ॥

ਚੌਪਈ

ਦੋਇ ਘਰੀ ਤਹਿ ਬੈਠ ਸਿਧਾਇ । ਭਗਤ ਸਿੰਘ ਗੁਰ ਅਗ੍ਰ ਤਦਾਇ ।
ਦੋਇ ਕੋਸ ਜਬ ਅਏ ਮੁਰਾਰੀ । ਗੁਰ ਅਰਜਨ ਕੀ ਨੌਰ ਨਿਹਾਰੀ ॥ 375 ॥
ਨਮਸਕਾਰ ਕਰ ਤਾਹਿ ਪਠਾਇ । ਜਾਮ ਦਿਵਸ ਤਬ ਲੋ ਚੜ ਆਇ ।
ਇਹੁ ਠਾਂ ਸ੍ਰੀ ਗੁਰ ਡੇਰਾ ਲਾਯੋ । ਕਰ ਨਿਦੇਸ ਭੋਜਨ ਵਰਤਾਯੋ ॥ 376 ॥

ਦੋਹਰਾ

ਸਾਹਿਬ ਭਾਨਾ ਦੇਖ ਤਬ ਸ੍ਰੀ ਗੁਰ ਨੌਰ ਤਦਾਇ ।
ਏਕਲ ਪੁਰ ਕਛੁ ਦੁਰ ਹੈ ਬੋਲੇ ਪਰੇ ਦਿਖਾਇ ॥ 377 ॥

ਚੌਪਈ

ਹਰਿ ਗੋਬਿੰਦ ਪੈ ਬਿਨਤ ਉਚਾਰੀ । ਹੇ ਗੁਰ ਨਗਰ¹ ਥੇਹ ਦ੍ਰਿਸ਼ਟਾਰੀ ।
ਗੁਰ ਅਰਜਨ ਇਹ ਠਾਂ ਕਿਮ ਆਏ । ਮੋ ਕਉ ਦੀਜੈ ਕਥਾ ਸੁਨਾਏ ।
ਗੁਰ ਆਇਸ ਭਾਈ ਕਉ ਦੀਨੀ । ਭਾਖੋ ਕਥਾ ਸਾਥ ਤੁਮ ਚੀਨੀ ।
ਭਾਈ ਬਿਧੀਏ ਸਿਉਂ ਵੁਰਮਾਇ । ਕਹੋ ਕਥਾ ਤੁਮ ਪੁਰੀ ਸਿਧਾਇ ॥ 379 ॥

ਦੋਹਰਾ

ਗੁਰ ਅਰਜਨ ਕੇ ਸਾਥ ਹਮ ਪੁਰ ਢਿਗ ਰਹਹਿ ਤਦਾਇ ।
ਤੋ ਕਉ ਮਾਲਮ ਗਾਥ ਸਭ ਜਿਹ ਬਿਧਿ ਪੁਰੀ ਦਿਖਾਇ ॥ 380 ॥

॥ ਭਾਈ ਬਿਧੀਚੰਦੋਵਾਚ ॥ ਚੌਪਈ ॥

ਕਰ ਬੰਦਨ ਬਿਧੀਏ ਅਸ ਗਾਇ । ਤੁਮ ਤੇ ਨਾਹੀ ਕਛੁ ਛਪਾਇ ।
ਕੇਵਲ ਮੋ ਕਉ ਦਾਸ ਪਛਾਨਾ । ਦੇਤ ਬਡਾਈ ਕ੍ਰਿਪਾ ਨਿਧਾਨਾ ॥ 381 ॥
ਤੁਮ ਹੋ ਸਭ ਕੀ ਜਾਨਨਹਾਰੇ । ਹਮ ਅਲਪਗ ਕਿਆ ਕਹੇ ਬਿਚਾਰੇ ।
ਤੁਮ ਸਰਬਗ ਸੁਆਮਿ ਸਭ ਕੇਰੇ । ਸਰਬ ਜਗਤ ਹਸਤਾਮਲ ਤੇਰੇ ॥ 382 ॥
ਤੁਮਰੀ ਮਹਿਮਾ ਅਪਰ ਅਪਾਰਾ । ਸਨਕਾਦਿਕ ਨਹਿ ਪਾਵਹਿ ਪਾਰਾ ।
ਸੇਸ ਸੁਰੇਸ ਮਹੇਸ ਨ ਜਾਨੈ । ਇੰਦਰ ਵਰਨ ਕੁਵੇਰ ਅਜਾਨੈ ॥ 383 ॥
ਜੈਸ ਪਿਖੀ ਤੈਸੇ ਮੋਹਿ ਗਾਉਂ । ਐ ਗੁਰੂ ਕੀ ਗਥ ਨਾਹਿ ਲਿਖਾਉਂ ।
ਸੁਨ ਭਾਨਾ ਅਰਜਨ ਗੁਰੂਦੇਵ । ਵਿਚਰਤ ਇਹ ਠਾਂ ਅਏ ਅਭੇਵ ॥ 384 ॥

ਦੋਹਰਾ

ਪੰਚ ਦਾਸ ਇਨ ਸੰਗ ਥੇ ਪਿਰਾਣਾ ਪੈੜਾ ਜਾਨ ।
ਜੇਠਾ ਔਰ ਲੰਗਾਹ ਭਨ ਪੰਚਮ ਮੋਹਿ ਪਛਾਨ ॥ 385 ॥

¹ਅ ਤੇ ਏ ਪੋਥੀ ਸਹਰ

ਚੌਪਈ

ਭਾਈ ਸੰਗ ਸੀਤ ਰੁਤ ਭਾਰੀ । ਪਰਤ ਮੇਘ ਚਲ ਤੀਖਨ ਬਯਾਰੀ ।
ਪਰੀ ਰੈਨ ਇਹੁ ਠਾਂ ਚਲ ਆਏ । ਪੁਰੀ ਰਮੰਯ ਛਬਿ ਕਹੀ ਨ ਜਾਏ ॥ 386 ॥
ਹਮ ਪਾਂਚਹੂੰ ਮਿਲ ਬਿਨਤਿ ਅਲਾਏ । ਚਲੋ ਪੁਰੀ ਪ੍ਰਭੂ^੧ ਜੀ ਸੁਖ ਪਾਏ ।
ਸ੍ਰੀ ਗੁਰੁ ਕਹਾ ਦੁਰ ਦ੍ਰਿਸ਼ਟਾਵਹਿ । ਮਧ ਪੁਰੀ ਜਨ ਦੁਸ਼ਟ ਬਸਾਵਹਿ ॥ 387 ॥

ਦੋਹਰਾ

ਹਮ ਪਾਂਚਹੁ ਪੁਨ ਮਿਲ ਕਹਾ ਦੀਰਘ ਸਦਨ ਦਿਖਾਇ ।
ਧੌਲ ਪਿਥੋ ਮੰਡਪ ਬਨੈ ਕੋ ਜਨ ਵਾਸ ਤਦਾਇ ॥ 388 ॥

ਚੌਪਈ

ਹਮ ਕੋ ਸ੍ਰੀ ਗੁਰ ਐਸ^੨ ਅਲਾਯੋ । ਪ੍ਰਿਥਮ ਜਾਇ ਤੁਮ ਠੌਰ ਦਿਖਾਯੋ ।
ਤਬ ਪਾਛੇ ਹਮ ਭੀ ਚਲੈ । ਸੁਨ ਭਾਨਾ ਪਾਂਚੋ ਮਿਲ ਹਿਲੈ^੩ ॥ 389 ॥

ਦੋਹਰਾ

ਭਾਈ ਗੁਰ ਕੇ ਨਿਕਟ ਰਹਿ ਨਗਰ ਖਾਨਪੁਰ ਨਾਮ ।
ਦੋਇ ਘਰੀ ਨਿਸ ਜਬ ਬਿਤੀ^੪ ਕਰ ਪ੍ਰਵੇਸ਼ ਹਮ ਆਨ ॥ 390 ॥
ਉਚੇ ਉਚੇ ਸੋਈ ਗ੍ਰਿਹਿ ਬੀਥੀ ਬਨੈ ਬਜਾਰ ।
ਮਾਨਹੁ ਨਗਰੀ ਇੰਦ੍ਰ ਕੀ ਬਹੁਰ ਦਯਾ ਬਿਨ ਛਾਰ ॥ 391 ॥

ਸਵੈਯਾ

ਉਚ ਅਟਾ ਘਟ ਬਾਤ ਸੁਲਾਵਤ ਬੀਚ ਹੁਕਾ ਕਰ ਪਾਨ ਪਠਾਨਾ ।
ਰਾਮ ਜਨੀ ਬਹੁ ਨਾਚ ਕਰਹਿ ਕਰ ਗਾਇਨ ਪਾਨ ਸੁਰਾ ਦੇ ਤਾਨਾ ।
ਠੌਰ ਹੀ ਠੌਰ ਪਿਖਾ ਅਸ ਕੌਤਕ ਆਦਰ ਮੋਹਿ ਨਾ ਕਾਹਿ ਬਖਾਨਾ ।
ਜਦਪਿ ਦੀਰਘ ਕੇਤ ਬਡੋ ਧਨ ਜਾਨ ਦਯਾ ਬਿਨ ਛਾਰ ਮਿਲਾਨਾ ॥ 392 ॥

ਦੋਹਰਾ

ਫਿਰੇ ਸਭੀ ਹਮ ਸਦਨ ਮਹਿ ਬਰਖਾ ਪਰਤ ਅਪਾਰ ।
ਕਾਹੂ ਆਦਰ ਨਹਿ ਕੀਓ ਸੁਨ ਭਾਨਾ ਤਹਿ ਵਾਰ ॥ 393 ॥

ਚੌਪਈ

ਤਬ ਹਮ ਚਲ ਸਤਿਗੁਰ ਢਿਗ^੪ ਆਏ । ਪੂਛ ਪ੍ਰਭੂ ਹਮ ਕਹਾ ਸੁਨਾਏ ।
ਸ੍ਰੀ ਗੁਰ ਕਹਾ ਚਲੋ ਤਬ ਤਹਾਂ । ਮਮ ਪਿਆਰਾ ਝੁੰਗੀ ਮਹਿ ਜਹਾਂ ॥ 394 ॥
ਸਾਤਹੁ ਚਲ ਇਹੁ ਠਾਂ ਸਭ ਆਏ । ਆਗੇ ਕੌਤਕ ਐਸ ਦਿਖਾਏ ।
ਭਾਈ ਹੇਮਾ ਗੁਰੂ ਗੁਨ ਗਾਵੈ । ਓਢ ਕਾਮਰੀ ਚੂਨ ਪੀਸਾਵੈ ॥ 395 ॥

^੧ਅ ਪੋਥੀ ਗੁਰੂ ^੨ਅ ਪੋਥੀ ਬਚਨ ^੩ੲ ਪੋਥੀ ਗਈ ^੪ਅ ਪੋਥੀ ਪਹਿ

ਦੋਹਰਾ

ਟੁਟ ਛਾਪਰੀ ਸੀਸ ਪੈ ਪਰਤ ਹੇਮ ਕੀ ਧਾਰ ।
ਭੀਤਰ ਚੋਵਤ ਬੁੰਦ ਨਹਿ ਜਾਨ ਸੰਤ ਕਰਤਾਰ ॥ 396 ॥

ਚੋਪਈ

ਗੁਰੁ ਅਰਜੁਨ ਮਨ ਆਨੰਦ ਪਾਯੋ । ਹੇਮੇ ਕਾ ਅਸਚਰਜ ਦਿਖਾਯੋ ।
ਕੀਨ ਪ੍ਰਵੇਸ਼ ਮਧ ਗੁਰ ਜਬਹੀਂ । ਚੋਕੇ ਉਠਾ ਹੇਮਾ ਪਿਖ ਤਬਹੀਂ ।
ਗਦ ਗਦ ਹੈ ਗਰਿ ਅੰਚਰ ਪਾਯੋ । ਗੁਰੁ ਅਰਜੁਨ ਕੇ ਪਗਿ ਲਪਟਾਯੋ ।
ਧੋਇ ਚਰਨ ਚਰਨਾਮ੍ਰਿਤ ਲੀਨਾ । ਅਤਿ ਆਨੰਦ ਮਨ ਮਹਿ ਤਬ ਕੀਨਾ ॥ 397 ॥

ਦੋਹਰਾ

ਸਭ ਕੈ ਪੁਨ ਪਗ ਧੋਇ ਕੈ ਹਰਖ ਕੀਓ ਜਲ ਪਾਨ ।
ਡਾਰ ਕਾਬਰੀ ਤਬ ਦਈ ਬੈਠੇ ਕ੍ਰਿਪਾ ਨਿਧਾਨ ॥ 398 ॥

ਚੋਪਈ

ਹੇਮਾ ਨਿਜ ਤਨ ਨਾਂਹਿ ਸਮਾਵੈ । ਕਰ ਦਰਸਨ ਗੁਰੁ ਬਲਿ ਬਲਿ ਜਾਵੈ ।
ਜੋਊ ਚੂਨ ਪੁਰ ਮਾਂਗ ਲਿਆਯੋ । ਸੋਈ ਪੀਸ ਪ੍ਰਸਾਦਿ ਕਰਾਯੋ ॥ 399 ॥
ਕਰ ਭੋਜਨ ਗੁਰ ਅਗ੍ਰ ਧਰਾਏ । ਦੇਖ ਪ੍ਰੇਮਾ ਗੁਰ ਬਲਿ ਬਲਿ ਜਾਏ ।
ਭੋਜਨ ਸਵਾਦ ਐਸ ਚਲ ਆਯੋ । ਸੁਨ ਭਾਨਾ ਹਮ ਕਰੀਂ ਨ ਖਾਯੋ ॥ 400 ॥

ਦੋਹਰਾ

ਬੇਰ ਖੀਚਰੀ ਖਾਇ ਜਿਸ ਸਾਗ ਬਿਦਰ ਕੋ ਜਾਨ ।
ਤਿਹ ਤੇ ਅਧਿਕ ਸੁਆਦ ਤਿਹ ਗੁਰੁ ਅਰਜੁਨ ਕਰ ਮਾਨ ॥ 401 ॥

ਚੋਪਈ

ਪਾਛੇ ਹੇਮੇ ਬਹੁ ਸੁਖ ਪਾਇ । ਸੀਤ ਪ੍ਰਸਾਦਿ ਗੁਰੁ ਕਾ ਖਾਇ ।
ਅਤਿ ਆਨੰਦ ਧਰ ਗਾਵਨ ਲਾਗਾ । ਚਾਪੀ ਕਰਤ ਅਧਿਕ ਰਸ ਪਾਗਾ ॥ 402 ॥
ਪ੍ਰੇਮ ਪੁਲਕ ਗੁਰੁ ਸਬਦ ਉਚਾਰਾ ॥ ਸੂਹੀ ਰਾਗ ਮਧ ਜੋ ਧਾਰਾ ।
ਚਾਲੀ ਏਕ ਸਬਦ ਸੋ ਜਾਨੋ । ਸੁਨ ਭਾਨਾ ਗੁਰੁ ਗ੍ਰਿਥ ਸੁ ਜਾਨੋ ॥ 403 ॥

ਦੋਹਰਾ

ਅਰਥ ਤਾਂਹਿ ਸੰਕੋਚ ਸਿਉ ਮਿਸ੍ਰਤ ਕਹਹੰ ਸੁਨਾਇ ।
ਭਗਤ ਸਿੰਘ ਸ੍ਰੀ ਮੁਖ ਤਬੈ ਐਸੇ ਕਹਾ ਅਲਾਇ ॥ 404 ॥

ਸਵੈਯਾ

ਜਾਨ ਭਲੀ ਇਹੁ ਛਾਪਰੀ ਜਾਂਹਿ ਮਹਿ ਸੁੰਦਰ ਸੰਤ ਗੁਰੁ ਗੁਨ ਗਾਏ ।
ਕਾਮ ਕਿਸੀ ਨਹਿ ਧੋਲ ਬਡੀ ਪਿਖ ਪਾਨ ਸੁਰਾ ਜਿਹਿ ਨਾਚ ਕਰਾਏ ।

¹ਏ ਪੋਥੀ ਪ੍ਰੀਤਿ ²ਅ ਪੋਥੀ ਦੇਹਰੁ

ਆਨੰਦ ਰੰਗ ਮਿਲੈ ਸਤਿ ਸੰਗਤ ਹੋਇ ਪ੍ਰਸੰਨ ਪ੍ਰਭੂ ਚਿਤ ਚਾਏ ।
 ਛਾਰ ਮਿਲੈ ਜਨ ਏਹੁ ਬਡਪਨ ਨਾਮ ਤਿਆਗ ਸਿਰੀ ਲਪਟਾਏ ॥ 405 ॥
 ਓਢ ਕੈ ਕਾਮਰੀ ਪੀਸਨ ਪੀਸਨ ਪੀਸਤ ਸ਼ਾਂਤ ਸੰਤੋਖ ਰਿਦੈ ਸੁਖ ਪਾਏ ।
 ਕਾਮ ਕਿਸੀ ਨਹਿ ਰਾਜ ਇਸੇ ਜਗ ਭੂਖ ਸਦਾ ਨਹਿ ਕੋਉ ਤ੍ਰਿਪਤਾਏ ।
 ਆਨੰਦ ਰੰਗ ਸਦਾ ਸੁਖ ਖਾਨ ਸੁ ਸੰਤ ਸੁਨੋ ਪੁਨ ਐਸ ਅਲਾਏ ।
 ਹਾਥ ਸਦਾ ਸਭ ਹੀ ਤੁਮਰੇ ਪ੍ਰਭ ਆਪ ਕਰੋ ਪੁਨ ਆਪ ਕਰਾਏ ॥ 406 ॥
 ਗੁਰ ਨਾਨਕ ਜੀ ਮਮ ਦਾਨ ਕਰਹਿ ਸਦ ਸ੍ਵਾਸ ਹੀ ਸ੍ਵਾਸ ਗੁਰੁ ਗੁਣ ਗਾਏ ।
 ਐਸ ਉਚਾਰ ਪ੍ਰਭੂ ਸੁਖ ਕਾਰ ਸੁ ਸੰਤ ਸੁਨੋ ਕਵਿ ਭੂਲ ਛਿਮਾਏ ।
 ਜਾਹਿ ਸੁ ਗੀਰ ਮੁਸਾਹਿਬ ਤਾਹਿ ਕੋ ਨਾਮ ਜਿਸੇ ਸਭ ਖਾਨ ਸੁ ਗਾਏ ।
 ਸ੍ਰੀ ਗੁਰੁ ਬੈਨ ਅਟਲ ਸੁ ਜਾਨਹੁ ਤਾਹਿ ਕਉ ਨਗਰ ਸੁ ਦੀਨ ਢਹਾਏ ॥ 407 ॥

ਚੌਪਈ

ਕਛੂ ਦਿਨ ਸ੍ਰੀ ਗੁਰੁ ਈਹਾਂ ਰਹਾਏ । ਹੇਮੇ ਨਿਕਟ ਅਧਿਕ ਸੁਖ ਪਾਏ ।
 ਗੁਰੁ ਅਛਤ ਹੇਮਾ ਤਨ ਤਯਾਗ । ਗੁਰੁ ਕੇ ਧਾਮ¹ ਗਯੋ ਵਡ ਭਾਗ ॥ 408 ॥

ਦੋਹਰਾ

ਗੁਰੁ ਅਰਜਨ ਤਬ ਜਾਤ ਭਏ ਇਹੁ ਤੇ ਪੁਰ ਕਰਤਾਰ ।
 ਸਾਹਿਬ ਭਾਨਾ ਜੀ ਕਹੂੰ ਜੋ ਮਮ ਨੈਨ ਨਿਹਾਰ ॥ 409 ॥

ਚੌਪਈ

ਸੋ ਇਹੁ ਹੈ ਗੁਰੁ ਅਰਜਨ ਥਾਨਾ । ਸੁਨ ਭਾਨੇ ਤਬ ਬੰਦਨ ਠਾਨਾ ।
 ਹਰਿ ਗੋਬਿੰਦ ਗੁਰ ਬਹੁ ਸੁਖ ਪਾਯੋ । ਅਤਿ ਅਨੰਤ ਜੁਤ ਮੋਲੁ² ਝੁਕਾਯੋ ॥ 410 ॥
 ਪੁਨ ਭੋਜਨ ਕਰ ਕੈ ਬਿਸ੍ਵਾਸ । ਕੀਨ ਸੰਕੋਚ ਡੇਢ ਰਹੇ ਜਾਮ ।
 ਘਟਿ ਘਟਿ ਜਾਨਨਹਾਰ ਮੁਰਾਰ । ਦਰਾਸਿੰਧ ਗੁਰੁ ਭਏ ਤਿਆਰ ॥ 411 ॥

ਦੋਹਰਾ

ਭਾਈ ਕਾ ਗੁਰੁ ਜਾਨ ਕੇ ਅੰਤ ਸਮਾ ਅਬ ਆਇ ।
 ਭਗਤ ਸਿੰਘ ਪਿਆਨਾ ਕੀਓ ਗੋਇੰਦਵਾਲ ਪਹੁੰਚਾਇ ॥ 412 ॥

ਚੌਪਈ

ਅਰਧ ਜਾਮ ਦਿਨ ਜਬੈ ਰਹਾਯੋ । ਬਾਵਲੀ ਢਿਗ ਗੁਰੁ ਡੇਰਾ ਲਾਯੋ ।
 ਤਾਤਕਾਲ ਮਜਨ ਤਬ ਕੀਨੋ । ਸਭ ਕੇ ਜੁਤ ਮਨ ਬਿਲਮ ਨਾ ਕੀਨੋ ॥ 413 ॥
 ਦਰਸ ਚੌਬਾਰੇ ਸੁਭ ਅਸਥਾਨ । ਆਏ ਡੇਰੇ ਕ੍ਰਿਪਾ ਨਿਧਾਨ ।
 ਪਰਮਾਨੰਦ ਸੁੰਦਰ ਤਬ ਆਏ । ਦਯਾ ਸਿੰਧ ਕੇ ਪਗ ਲਪਟਾਏ ॥ 414 ॥

¹ਅ ਪੋਥੀ ਸਦਨ ²ਅ ਪੋਥੀ ਮਾਥ ਏ ਪੋਥੀ ਸੀਸ

ਦੋਹਰਾ

ਕੁਸਲ ਪੂਛ ਗੁਰ ਤਾਂਹਿ ਕੀ ਤਬਹੀ ਲਾਇ ਦੀਵਾਨ ।
ਸੰਦਰ ਚੌਂਕੀ ਹੋਤ ਤਬ ਸੁਨਤ ਪ੍ਰਭੂ ਸੁਖ ਮਾਨ ॥ 415 ॥

ਚੌਪਈ

ਦਯਾਸਿੰਧ ਰਹਿਰਾਸ ਸੁਨਾਇ । ਸੁੰਦਰ ਸੇਵਾ ਕੀਨ ਮਹਾਇ¹ ।
ਭੋਜਨ ਦਾਣੇ ਕੀ ਤਹਿ ਸਾਰਾ । ਰੁਚ ਅਨੁਸਾਰ ਲਿਆਇ ਨਹਿ ਵਾਰਾ ॥ 416 ॥
ਕਰ ਭੋਜਨ ਕੀਨਾ ਤਬ ਸੈਨਾ । ਸੰਤ ਸੁਨਹੁ ਸ੍ਰੀ ਗੁਰ ਸੁਖ ਐਨਾ ।
ਭੋਢ ਜਾਮ ਨਿਸ ਜਬੈ ਰਹਾਈ । ਬੈਠੇ ਗੁਰ ਸਭ ਜਨ ਸੁਖਦਾਈ ॥ 417 ॥

ਦੋਹਰਾ

ਸੁੰਦਰ ਪਰਮਾਨੰਦ ਕਉ ਐ ਭਾਨੇ ਗੁਰਦਾਸ ।
ਇਨ ਸਭ ਕਉ ਗੁਰ ਸੰਗ ਲੈ ਬਾਵਲੀ ਅਏ ਹੁਲਾਸ ॥ 418 ॥

ਚੌਪਈ

ਪ੍ਰਥਮ ਸੌਚ ਕੈ ਮਜਨ ਕੀਨੋ । ਸਤਿਨਾਮ ਮਹਿ ਨਿਜ ਮਨ ਦੀਨੋ ।
ਕਰ ਇਸਨਾਨ ਭਾਈ ਕਰ ਧਿਆਨ । ਅੰਤ ਸਮਾ ਨਿਜ ਨਿਕਟ ਪਛਾਨ ॥ 419 ॥
ਪੰਚ ਗੁਰੂ ਤਬ ਦਰਸ ਦਿਖਾਏ । ਬੁਢੇ ਜੁਤ ਅਸ ਕਹਾ ਸੁਨਾਏ ।
ਧੰਨ ਧੰਨ ਭਾਈ ਗੁਰਦਾਸ । ਜਗ ਮਹਿ ਭਾਰੀ ਜਸ² ਪ੍ਰਗਾਸ ॥ 420 ॥

ਦੋਹਰਾ

ਸਭੈ ਕਾਜ ਪੂਰਨ ਭਏ ਅਬ ਚਾਲਹੁ ਗੁਰ ਪਾਸ ।
ਅਤਿ ਆਨੰਦ ਭਾਈ ਕੀਓ ਦੇਖ ਰੂਪ ਸੁਖ ਰਾਸ ॥ 421 ॥

ਚੌਪਈ

ਅਸ ਕਹ ਭਏ ਸੁ ਅੰਤਰ ਧਿਆਨਾ । ਅਤਿ ਅਨੰਦ ਭਾਈ ਮਨ ਮਾਨਾ ।
ਹਰਿ ਗੋਵਿੰਦ ਗੁਰ ਕੇ ਪਗ ਲਾਗਾ । ਬਿਨਤੀ ਕੀਨ ਐਸ ਰਸ ਪਾਗਾ ॥ 422 ॥
ਹੇ ਪ੍ਰਭ ਅੰਤ ਸਮਾ ਮਮ³ ਆਯੋ । ਪੰਚ ਗੁਰੂ ਮਮ³ ਦਰਸ ਦਿਖਾਯੋ ।
ਅਬ ਹਉ ਧਾਮ ਗੁਰੂ ਕੇ ਜਾਂਉ⁴ । ਹੇ ਗੁਰ ਤੁਮਰੀ ਆਇਸ⁴ ਪਾਂਉ ॥ 423 ॥

ਦੋਹਰਾ

ਦਯਾਸਿੰਧ ਸ੍ਰੀ ਮੁਖ ਕਹਾ ਜਾਹੁ ਗੁਰੂ ਕੇ ਧਾਮ ।
ਤਬ ਲੋ ਜਸ ਤੁਮਰੋ ਰਹੈ ਜਬ ਲੋ ਨਭ ਭੂ ਮਾਨ ॥ 424 ॥

ਚੌਪਈ

ਪੁਨ ਭਾਈ ਅਸ ਬਿਨਤ ਉਚਾਰੀ । ਮੋ ਕਉ ਜਾਨਹੁ ਦਾਸ ਮੁਰਾਰੀ ।
ਬਿਪਾਸਾ ਭਸਮ ਡਾਰ ਮਮ ਦੀਜੈ । ਸੇਵਕ ਜਾਨ ਮੜੀ ਨਹਿ [ਕੀਜੈ]⁵ ॥ 425 ॥

¹ਅ ਪੋਥੀ ਬਕਾਇ ²ਅ ਤੇ ਏ ਪੋਥੀ ਕੀਰਤ ³ਅ ਪੋਥੀ ਮੋਹਿ ⁴ਅ ਪੋਥੀ ਆਗਿਆ ⁵ਅ ਪੋਥੀ ਵਿਚੋਂ

ਤਥਾ ਸਤਿ ਬਚਨ ਗੁਰ ਕਹਾ ਸੁਨਾਈ । ਬਾਬਕ ਆਸਾ ਵਾਰ ਲਗਾਈ ।
ਭਾਈ ਜਪੁਜੀ ਪਾਠ ਸੁ ਕੀਨੋ । ਸੁਖਮਨੀ ਪਾਠ ਮਾਹਿ ਮਨ ਦੀਨੋ ॥ 426 ॥

ਦੋਹਰਾ

ਨਿਸਾ ਗਈ ਰਵਿ ਆਇਯੋ ਭੋਗ ਵਾਰ ਕਾ ਪਾਇ ।
ਰਿਦੈ ਕਮਲ ਗੁਰ ਰੂਪ ਕਉ ਭਾਈ ਤਬੈ ਧਰਾਇ ॥ 427 ॥

ਚੌਪਈ

ਭੋਗ ਸੁਖਮਨੀ ਕਾ ਤਬ ਪਾਯੋ । ਪਦ ਪੰਕਜ ਗੁਰ ਕੇ ਲਪਟਾਯੋ ।
ਭਾਈ ਕੇ ਤਬ ਪ੍ਰਾਨ ਬਿਲਾਏ । ਗੁਰ ਪਗ ਸੀਸ ਭਾਗ ਬਡ ਭਾਏ ॥ 428 ॥
ਪੰਚ ਗੁਰੂ ਬੁਢਾ ਜੀ ਆਏ । ਸੁੰਦਰ ਯਾਨ ਸੰਗਿ ਗੁਰੂ ਲਿਆਏ ।
ਕਰ ਬੰਦਨ ਭਾਈ ਸੁਖ ਪਾਇ । ਚੜਾ ਯਾਨ ਗੁਰ ਧਾਮ^੧ ਸਿਧਾਇ ॥ 429 ॥

ਦੋਹਰਾ

ਮ੍ਰਿਤਕ ਰੀਤਿ ਪਾਛੇ ਕਰੀ ਹਰਿਗੋਵਿੰਦ ਸੁਖ ਖਾਨ ॥
ਭਾਈ ਦੇਹ ਇਸਨਾਨ ਕਰ ਧਾਰੀ ਤਬੈ ਬਿਬਾਨ ॥ 430 ॥

ਚੌਪਈ

ਏਕ ਓਰ ਭਾਨਾ ਗੁਰ ਲਾਗੇ । ਬਿਧੀਆ ਜੇਠਾ ਬਿਬ ਰਸ ਪਾਗੇ ।
ਚਾਰੋ ਲੀਓ ਬਿਬਾਨ ਉਠਾਇ । ਆਗੇ ਬਾਬਕ ਸਬਦ ਅਲਾਇ ॥ 431 ॥
ਮਾਰੂ ਚੌਕੀ ਹੋਤ ਸੁਧਾਰਾ । ਭਗਤ ਸਿੰਘ ਛਬਿ ਬਨੀ ਅਪਾਰਾ ।
ਗੁਰ ਸੁਤ ਉਪਰ ਚੌਰ^੨ ਦੁਰਾਵਹਿ । ਔਰ ਦਾਸ ਬਹੁ ਸੰਖ ਬਜਾਵਹਿ ॥ 432 ॥

ਦੋਹਰਾ

ਡਾਰ ਫੁਲ ਸੁਰ ਤਾ ਸਮੇ ਤੀਰ ਬਿਪਾਸਾ ਜਾਇ ।
ਚੰਦਨ ਚਿਖਾ ਬਨਾਇ ਕੈ ਤਾਂ ਪਰ ਦੇਹ ਧਰਾਇ ॥ 433 ॥
ਨਿਜ ਕਰ ਲਾਬੂ ਲਾਇਓ ਦਯਾ ਸਿੰਧ ਕਰਤਾਰ ।
ਮਾਰੂ ਚੌਕੀ ਹੋਤ ਤਬ ਲਗਾ ਦੀਵਾਨ ਅਪਾਰ ॥ 434 ॥

ਚੌਪਈ

ਕਪਾਲ ਕ੍ਰਿਪਾ ਕਰ ਕੀਨ ਇਸਨਾਨਾ । ਤਿਲਾਂਜਲਿ ਦੀਨ ਅਧਿਕ ਹਿਤ ਮਾਨਾ ।
ਬੈਠ ਦੀਵਾਨ ਭੋਗ ਤਬ ਪਾਏ । ਪੜ ਸੋਹਿਲਾ ਪ੍ਰਸਾਦਿ ਵਰਤਾਏ ॥ 435 ॥
ਬਰਤਨ ਭਾਈ ਕਥਾ ਰਸਾਲ । ਡੇਰੇ ਆਏ ਪ੍ਰਭੂ ਮੁਰਾਰ ।
ਪ੍ਰਚਾਵਣੀ ਕਰ ਨਿਜ ਨਿਜ ਗ੍ਰਿਹ ਗਏ । ਚੌਕੀ ਸਬਦ ਅਨਿਕ ਬਿਧ ਭਏ ॥ 436 ॥

ਦੋਹਰਾ

ਚੁਨੇ ਪੁਸ਼ਪ ਦਿਨ ਚਾਉਥੇ ਭਸਮ ਬਿਪਾਸਾ ਪਾਇ ।
ਕਰ ਮਜਨ ਸ੍ਰੀ ਬਾਵਲੀ ਸਭ ਸਥਾਨ ਦਰਸਾਇ ॥ 437 ॥

^੧ਅ ਪੋਥੀ ਸਚ ਖੰਡ ^੨ਏ ਪੋਥੀ ਚਵਰ

ਸਵੈਯਾ

ਕੀਨ ਪਯਾਨ ਪ੍ਰਭੂ ਸੁਖ ਖਾਨ ਸੁ ਬਾਹਿਨ ਆਪਨੇ ਆਪ ਸੁਹਾਏ ।
ਮਾਂਗ ਵਿਦਾ ਗੁਰ ਨੰਦ ਕੈ ਨੰਦ ਤੇ ਪਰਮਾਨੰਦ ਕਉ ਧੀਰ ਧਰਾਏ ।
ਤਾਂਹਿ ਕੀ ਬਾਮ ਮਿਲੀ ਸਭ ਮਾਤ ਕਉ ਕੀਨੇ ਬਿਦਾ ਸਭ ਅੰਕ ਮਿਲਾਏ ।
ਪਾਂਛ ਹਟਾਇ ਸਭੀ ਸੁਖ ਸਾਗਰ ਪਿਆਨ ਕੀਓ ਗੁਰ ਅਗ੍ਰ ਤਦਾਏ ॥ 438 ॥

ਦੋਹਰਾ

ਅਰਧ ਜਾਮ ਦਿਨ ਕੇ ਚੜ੍ਹੈ ਚੁਨੇ ਪੁਸ਼ਪ ਕਰ ਪਿਆਨ ।
ਖਡੂਰ ਨਿਕਟ ਜਬਹੀ ਗਏ ਉਤਰ ਭੂਮ ਸੁਖ ਮਾਨ ॥ 439 ॥

ਚੌਪਈ

ਗੁਰ ਅੰਗਦ ਕੇ ਗਏ ਦਰਬਾਰ । ਧਰ ਪ੍ਰਸਾਦਿ ਬੰਦਨ ਬਹੁ ਧਾਰ ।
ਪ੍ਰਵਾਰ ਸੈਨ ਸਬ ਦਰਸਨ ਪਾਯੋ । ਦਾਤੂ ਸੁਨ ਕਰ ਤਉ ਹੀ ਆਯੋ ॥ 440 ॥
ਚਰਨ ਬੰਦ ਬਹੁ ਬਿਨੈ¹ ਅਲਾਈ । ਇਹ ਠਾਂ ਬਸਹੁ ਆਜ ਸੁਖਦਾਈ ।
ਸ੍ਰੀਘਰ ਕਹਾ ਗੁਰੂ ਹਮ ਜਾਵਹਿ । ਗੁਰੂ ਗ੍ਰੰਥ ਕਾ ਪਾਠ ਕਾਰਵਹਿ ॥ 441 ॥

ਦੋਹਰਾ

ਸੁਧਾ ਸਰੋਵਰ ਜਾਇਕੇ ਭਾਈ ਹੇਤੁ ਸੁਧਾਰ ।
ਮੋ² ਪਰ ਕ੍ਰਿਪਾ ਰਾਖੀਓ ਮਨ ਤੇ ਨਾਂਹਿ ਵਿਸਾਰ ॥ 442 ॥

ਚੌਪਈ

ਕਰ ਬੰਦਨ ਤਬ ਕੀਨ ਪਿਆਨਾ । ਸੁਧਾ ਸਰੋਵਰ ਓਰ ਨਿਧਾਨਾ ।
ਘਰੀ ਚਾਰ ਦਿਨ ਰਹਾ ਸੁ ਜਬਹੀ । ਸੁਧਾ ਸਰੋਵਰ ਪਹੁੰਚੇ ਤਬਹੀ ॥ 443 ॥
ਪ੍ਰਸਾਦਿ ਅਗ੍ਰ ਧਰ ਤਤ ਛਿੰਨ ਆਏ । ਤਖਤ ਦਰਬਾਰ ਦਰਸ ਤਬ ਪਾਏ ।
ਬਹੁਰੇ ਤਖਤ ਬਿਰਾਜੈ ਆਇ । ਪ੍ਰਵਾਰ³ ਸਭੀ ਨਿਜ ਮਹਲ ਸਿਧਾਇ ॥ 444 ॥

ਦੋਹਰਾ

ਨਗਰ ਲੋਕ ਆਏ ਤਬੈ ਭਾਈ ਓਰ ਬੁਲਾਇ ।
ਸਭ ਕਉ ਧੀਰਜ ਦੇਤ ਗੁਰ ਪ੍ਰਭ ਗਤਿ ਅਗਮ ਅਲਾਇ ॥ 445 ॥

ਚੌਪਈ

ਸੋਦਰ ਤਬ ਰਹਿਰਾਸ ਸੁਨਾਈ । ਦਯਾ ਸਿੰਧ ਦੀਨਨ ਸੁਖ ਦਾਈ ।
ਪਰੀ ਨਿਸਾ ਨਿਜ ਮਹਿਲ ਸਿਧਾਏ । ਭੋਜਨ ਕੀਨ ਪਲੰਘ ਪੌਢਾਏ ॥ 446 ॥
ਨਿਸਾ ਬਿਹਾਇ ਰਵੀ ਜਬ ਆਯੋ । ਬਿਧੀਏ ਕਉ ਗੁਰ ਐਸ ਅਲਾਯੋ ।
ਕਰੋ ਪਾਠ ਗੁਰ ਗ੍ਰੰਥ ਸੁਧਾਰਾ । ਭਾਈ ਹੇਤ ਨਾ ਲਾਇ ਅਵਾਰਾ ॥ 447 ॥

¹ਏ ਪੋਥੀ ਅਰਜ ²ਅ ਪੋਥੀ ਹਮ ³ਅ ਪੋਥੀ ਕੁਟੰਬ

ਦੋਹਰਾ

ਪਾਠ ਕਰਨ ਬਿਧੀਆ ਲਗੋ ਚੌਕੀ ਸਬਦ ਆਨੰਦ ।
ਨਿਤ ਨੂਤਨ ਢਿਗ ਹੋਤ ਹੈ ਤ੍ਰੋਦਸ ਦਿਵਸ ਬਿਤੰਤ ॥ 448 ॥
ਦਯਾ ਸਿੰਧ ਆਇਸ ਕਰੀ ਗੁਰੂ ਗ੍ਰੰਥ ਕਾ ਭੋਗ ।
ਬਿਧੀਏ ਪਾਯੋ ਹਰਖ ਸਿਉਂ ਭਾਈ ਕੇ ਹਿਤ ਜੋਗ ॥ 449 ॥

ਚੌਪਈ

ਦਈ ਪੁਸ਼ਾਕ ਤਖਤ ਦਰਬਾਰ । ਸ੍ਰੀ ਗੁਰ ਭਾਈ ਹੋਤ ਸਵਾਰ ।
ਕੜਾਹ^੧ ਵਰਤਾਇ ਦਾਨ ਬਹੁ ਦੀਨੋ । ਦਯਾ ਸਿੰਧ ਮਨ ਆਨੰਦ ਲੀਨੋ ॥ 450 ॥
ਪੂਰਨ ਭਈ ਗਾਥ ਏ ਜਾਨਹੁ ਏ । ਬਿਧ ਜੋਤੀ ਜੋਤਿ ਸਮਾਨਹੁ ।
ਸੌਰਹਿ ਸੈ ਛਿਆਸੀਏ ਮੰਝਾਰ । ਸੰਮਤ ਜਾਨੋ ਸੁਰ ਗੁਰ ਵਾਰ ॥ 451 ॥

ਦੋਹਰਾ

ਭਾਦ੍ਰੋਂ ਸੁਦੀ ਤਿਥ ਪੰਚਮੀ ਭਾਈ ਨਿਜ ਤਨ ਤਯਾਗ ।
ਗੁਰੂ ਨਾਨਕ ਕਾ ਧਾਮ ਜੋ ਤਹਾਂ ਗਯੋ^੨ ਵਡਭਾਗ ॥ 452 ॥

ਚੌਪਈ

ਭਾਈ ਵਿਰਹ ਸ੍ਰੀ ਗੁਰ ਪਾਈ । ਅਹਿਨਿਸ ਕਰਹਿ ਯਾਦ ਸੁਖਦਾਈ ।
ਭਾਨੇ ਸਿਉਂ ਚਰਚਾ ਬਹੁ ਕੀਨੀ । ਵਿਰਾਗ ਗਯਾਨ ਭਗਤ ਰਸ ਭੀਨੀ ॥ 453 ॥
ਸੁਧਾ ਸਰੋਵਰ ਕਰ ਇਸਨਾਨ । ਦਰਬਾਰ ਤਖਤ ਬਹੁ ਬੰਦਨ ਠਾਨ ।
ਭਗਤ ਸਿੰਘ ਗੁਰ ਆਇਸ ਪਾਇ । ਸਾਹਿਬ ਭਾਨਾ ਧਾਮ ਸਿਧਾਇ ॥ 454 ॥

ਦੋਹਰਾ

ਚਲਤ ਬੇਰ ਸਤਿਗੁਰ ਕਹਾ ਜਬ ਹਮ ਤੁਮੇ ਬੁਲਾਇ ।
ਆਵਹੁ ਤਹਿ ਤਜ ਦੇਰ ਕਉ ਕਛੂ ਬਿਲਮ ਨਹਿ ਲਾਇ ॥ 455 ॥

ਚੌਪਈ

ਆਇਸ ਮਾਨ ਗਯੋ ਰਾਮਦਾਸ । ਪਾਛੇ ਸ੍ਰੀ ਗੁਰ ਧਾਰ ਹੁਲਾਸ ।
ਭੂਖਨ ਹੈ ਦੈ ਬਸਤ੍ਰ ਅਪਾਰਾ । ਸਾਧੂ ਕਉ ਗੁਰ ਕੀਨ ਤਿਆਰ ॥ 456 ॥
ਕੀਨ ਉਪਦੇਸ਼ ਨਾਮ ਕੋ ਤਬ ਹੀ । ਦ੍ਰਿਸ਼ਟਮਾਨ ਮਿਥਯਾ ਪਿਖ^੩ ਸਭ ਹੀ ।
ਸਤਿਨਾਮ ਸਿਉ ਨਿਤਿ ਚਿਤ ਧਾਰਹੁ । ਮ੍ਰਿਗ ਜਲ ਸਮ ਏ ਜਗਤ ਨਿਹਾਰਹੁ ॥ 457 ॥

ਦੋਹਰਾ

ਔਰ ਬਾਤ ਮੋਰੀ ਸੁਨੋ ਕਾਹੂ ਨਾਹਿ ਸੁਨਾਇ ।
ਗੁਰ ਨਾਨਕ ਕੀ ਰੀਤਿ ਜੋ ਕੀਜੋ ਸੋਇ ਬਨਾਇ ॥ 458 ॥

^੧ਅ ਪੰਥੀ ਪੁਸ਼ਾਦ ^੨ਅ ਤੇ ਏ ਪੰਥੀ ਗਮਨਯੋ ^੩ਅ ਤੇ ਏ ਪੰਥੀ ਹੈ

ਚੌਪਈ

ਸਤਿਨਾਮ ਲਿਖ ਮੰਤ੍ਰ ਉਚਾਰ । ਨਿਜ ਗ੍ਰਿਹਿ ਦੀਜੈ ਅਤਿ ਹਿਤ ਧਾਰ ।
ਪਾਂਚ ਪੁਤ੍ਰ ਹੋਇ ਸਦਨ ਤੁਮਾਰੇ । ਤੇਜਵੰਤ ਹੁਇ ਬਲ ਅਨ ਪਾਰੇ ॥ 459 ॥
ਦਸਮ ਰੂਪ ਧਾਰਹੂੰ ਮੈਂ ਜਬ ਹੀ । ਪਾਂਚੋ ਮਿਲੈਂ ਮੋਹਿ ਸੰਗ ਤਬ ਹੀ ।
ਪ੍ਰਥਮ ਜੁਧ ਤੁਰਕਨ ਸਿਉ ਧਰਹਿੰ । ਮਮ ਅਗ੍ਰਜ ਬਡ ਸਮਰ ਸੋ ਕਰਹਿੰ ॥ 460 ॥

ਦੋਹਰਾ

ਗੋਪ^੧ ਰਾਖੀਏ ਬਾਤ ਇਹੁ ਕਰ ਗੁਰ ਨਾਨਕ ਧਿਆਨ ।
ਹਾਥ ਜੋਰ ਸਾਧੂ ਤਬੈ ਗੁਰ ਪਗ ਬੰਦਨ ਠਾਨ ॥ 461 ॥

ਚੌਪਈ

ਤੀਨ ਮਾਤ ਬੀਬੀ ਉਰ ਲਾਈ । ਦੇ ਸਿਖਿਆ ਪਤਿ ਸੇਵ ਕਮਾਈ ।
ਦਰਬਾਰ ਤਖਤ ਪਰ ਬੰਦਨ ਧਾਰ । ਸਾਧੂ ਤਤ ਛਿਨ ਭਯੋ ਤਿਆਰ ॥ 462 ॥
ਤੀਨ ਸਾਸ ਕੀ ਧਾਰ ਅਸੀਸ । ਗੁਰ ਸੁਤ ਮਿਲੇ ਸੁ ਅਧਿਕ ਜਗੀਸ ॥
ਬੀਬੀ ਕਉ ਪੁਨ ਭ੍ਰਾਤ ਮਿਲਾਏ । ਸ੍ਰੀ ਗੁਰ ਕੀਨੋ ਪਿਆਰ ਤਦਾਏ ॥ 463 ॥

ਦੋਹਰਾ

ਸਾਧੂ ਹੈ ਰਥ ਰੂੜ੍ਹ^੨ ਹੁਇ ਬੀਬੀ ਕੀਓ ਪਿਆਨ ।
ਮਲ੍ਹੇ ਕਉ ਸੁਖ ਪਾਇ ਕੈ ਸੁਨੋ ਸੰਤ ਸੁਰ ਗਿਆਨ ॥ 464 ॥

ਚੌਪਈ

ਭਯੋ ਧਿਆਇ ਇਹੁ ਪੂਰ ਉਦਾਰਾ । ਆਗੇ ਹੋਇ ਹੈ ਕਥਾ ਸੁਧਾਰਾ ।
ਸੁਧਾ ਸਰੋਵਰ ਤੇ ਕਰ ਪਿਆਨ । ਡਰੋਲੀ ਤਿਆਗਹਿੰ ਮਾਤ ਪ੍ਰਾਨ ॥ 465 ॥
ਸਾਧੂ ਰੂਪ ਚੰਦ ਕਥ ਆਵੈ । ਸੁੰਦਰ ਘੋੜੇ ਬਿਧੀਆ ਲਿਆਵੈ ।
ਸਮਰ ਪੁਨਾ ਹੋਇਗੋ ਭਾਰੀ । ਲਲਕਿੰਬਰ ਕੋ ਗੁਰ ਸੰਘਾਰੀ ॥ 466 ॥

ਦੋਹਰਾ

ਵਿੰਸ ਸਹੰਸ ਪੰਦ੍ਰਹੇ ਹੋ ਹੈ ਤੁਰਕ ਸੰਘਾਰ ।
ਬਾਲ ਕਵੀ ਕੀ ਬੇਨਤੀ ਕੀਜੈ ਰਛ ਮੁਰਾਰ ॥ 467 ॥
ਇਤਿ ਸ੍ਰੀ ਗੁਰ ਬਿਲਾਸ ਭਾਈ ਗੁਰਦਾਸ ਜੋਤੀ ਜੋਤਿ ਸਮਾਏ ਵਰਨਨੰ ਨਾਮ ਅਸਵ
ਦਸੋ ਧਯਾਯ ॥ 18 ॥ ਵਾਹਿਗੁਰੂ ॥

^੧ਅ ਪੋਥੀ ਗੁਪਤ ^੨ਅ ਪੋਥੀ ਅਰੂੜ ਏ ਪੋਥੀ ਸਵਾਰ

ਅਧਿਆਇ ਉਨ੍ਹੀਵਾਂ

ਦੋਹਰਾ

ਪਦ ਪੰਕਜ ਗੁਰ ਕੇ ਨਮੋ ਬਹੁਰ ਸਾਰਦਾ ਮਾਇ ।
ਸਿਧ ਕਰਨ ਸੰਕਟ ਹਰਨ ਮੇਰੀ ਕਰਹੁ ਸਹਾਇ ॥ 1 ॥

ਸੋਰਠਾ

ਭਰਾ ਸਿੰਧ ਗੰਭੀਰ ਛਟਮ ਗੁਰੂ ਜਲ ਅਗਮ ਹੈ ।
ਸੋ ਸ੍ਰੀ ਗੁਰ ਰਣਧੀਰ ਕਰੈ ਰਛ ਬਰਨਨ ਕਰਉ ॥ 2 ॥

ਚੌਪਈ

ਸਭੀ ਸੰਤ ਕਉ ਬਿਨਤ ਹਮਾਰੀ । ਹਉ ਅਜਾਨ ਮਤਿ ਮੰਦ ਅਪਾਰੀ ।
ਕਵਿਤਾ ਕਉ ਚਹਿ ਬੁਧ ਉਦਾਰਾ । ਕਾਬਿ ਕੋਸ਼ ਪਠ ਗ੍ਰੰਥ ਅਪਾਰਾ ॥ 3 ॥
ਹਉ ਜੜੀ ਬੁਧ ਸਮਹ ਨਹਿ ਕੋਈ । ਕਵਿਤ ਗਯਾਨ ਕੈਸੀ ਬਿਧ ਹੋਈ ।
ਸੰਤ ਸੰਗ ਏ ਬਾਤ ਸੁਨਾਈ । ਕਵਿਤਾ ਖੋਰ ਗੁਰੂ ਗੁਨ ਗਾਈ ॥ 4 ॥

ਦੋਹਰਾ

ਸੋ ਕਵਿਤਾ ਮਮ ਖੋਰ ਹੈ ਗੁਰੂ ਗੁਨ ਕਥੇ ਸੁ ਧਾਰ ।
ਨੀਰ ਪੂਰ ਵਕੂਤ ਨਦੀ ਸੋਭਤ ਕਾਟ ਕਿਨਾਰ ॥ 5 ॥

ਚੌਪਈ

ਸਾਧੂ ਬੀਬੀ ਜਬੈ ਪਧਾਰੈ । ਕਛੁ ਦਿਨ ਸੋ ਮਗ ਮਾਂਹਿ ਬਸਾਰੈ ।
ਪਹੁੰਚੇ ਮਲੇ ਸਦਨ ਮਝਾਰਾ । ਮਾਤ ਪਿਤਾ ਮਿਲ ਆਨੰਦ ਧਾਰਾ ॥ 6 ॥
ਭਗਤ ਸਿੰਘ ਏਹੁ ਠਾਂ ਗੁਰਦੇਵ । ਕੌਤਕ ਕਰਤ ਅਨੰਦ ਅਭੇਵ ।
ਚਾਰ ਮਾਸ ਸੁਖ ਸੰਗਿ ਬਿਤਾਏ । ਆਯੋ ਮਾਘ ਧਰ ਮੰਗਲ ਛਾਏ ॥ 7 ॥

ਦੋਹਰਾ

ਅਲਪ ਬਾਤ ਇਹੁ ਮੈ ਸੁਨਓ ਬਾਬੇ ਸ਼ਹਿਰ ਬਸਾਇ ।
ਕੀਰਤਪੁਰ ਧਰ ਨਾਮ ਤਿਹ ਤਹ ਠਾਂ ਰਹਿਤ ਤਦਾਇ ॥ 8 ॥

ਚੌਪਈ

ਕੋਤਕ ਇਹ ਠਾਂ ਅਨਿਕ ਕਰਾਏ । ਬਚੈ ਗ੍ਰੰਥ ਜੋਉ ਸਗਲ ਸੁਨਾਏ ।
ਮਾਘ ਤ੍ਰਿਉਦਸੀ ਦਿਵਸ ਬਤਾਯੋ । ਮਾਤ ਅਨੰਤੀ^੧ ਬਹੁ ਸੁਖ ਪਾਯੋ ॥ 9 ॥
ਬਾਵੇਂ ਅੰਗ ਫੁਰਕ ਸੁਖਧਾਰੀ । ਸੂਚਨ ਮੰਗਲ ਆਨੰਦ ਧਾਰੀ ।
ਸੁੰਦਰ ਸਮਾਂ^੨ ਅਧਿਕ ਸੁਖਦਾਈ । ਸੇਵਾ ਜਾਮ ਨਿਸ ਜਬੈ ਰਹਾਈ ॥ 10 ॥

ਦੋਹਰਾ

ਪਵਨ ਉਦਰ ਨਿਸਰੀ ਤਬੈ ਜਨਮ ਪੁਤ੍ਰ ਤਬ ਪਾਇ ।
ਬਡੋ ਤੇਜ ਜਨ ਰਾਜ ਹੈ ਸੋਭਾ ਕਹੀ ਨ ਜਾਇ ॥ 11 ॥

ਚੌਪਈ

ਮਾਤ ਅਨੰਤੀ ਪਿਖ ਸੁਖ ਪਾਯਓ । ਸਭ ਦਾਸਨ ਮਿਲ ਮੰਗਲ ਗਾਓ ।
ਕਰ ਆਇਸ ਬਹੁ ਬਾਜ ਬਜਾਏ । ਦੇਤ ਬਧਾਈ ਪੁਰ ਜਨ ਆਏ ॥ 12 ॥
ਬਾਬੇ ਆਇ ਪੇਖਯੋ ਸੁਤ ਜਬਹੀ । ਸਪਤਮ ਗੁਰ ਜਾਨਿਓ ਮਨ ਤਬਹੀ ।
ਹਰਿਰਾਇ ਤਬ ਨਾਮ ਧਰਾਇ । ਤੇਜ ਵੰਸ ਬਡ ਰੂਪ ਲਖਾਇ ॥ 13 ॥

ਦੋਹਰਾ

ਦਿਜਨ^੩ ਦਾਨ ਅਨਗਨ ਦੀਓ ਭੂਖਨ ਧੋਨ ਸੁਧਾਰ ।
ਰੈਨ ਬੀਤ ਅਹਿਪਤਿ ਅਯੋ ਮੰਗਲ ਭਏ ਜਗ ਸਾਰ ॥ 14 ॥

ਚੌਪਈ

ਬਾਬੇ ਲੀਨੇ ਦਾਸ ਬੁਲਾਇ । ਪਿਤ ਢਿਗ ਦੀਨੇ ਤੁਰਤ ਪਠਾਇ ।
ਕਛੁ ਦਿਨ ਸੋ ਮਗ ਮਾਹਿੰ ਬਸਾਏ । ਸੁਧਾ ਸਰੋਵਰ ਸੋ ਚਲ ਆਏ ॥ 15 ॥
ਬਾਬੇ ਬਹੁ ਪ੍ਰਸਾਦ ਪਠਾਯੋ । ਸੋਉ ਦਾਸ ਗੁਰੁ ਅਗ੍ਰ ਧਰਾਯੋ ।
ਕਰ ਬਿਨਤੀ ਸੁਤ ਜਨਮ ਸੁਨਾਵਾ । ਕਹਾ ਨਾਮ ਪਗ ਸੀਸ ਨਿਵਾਵਾ ॥ 16 ॥

ਦੋਹਰਾ

ਜਨਮ ਨਾਮ ਸੁਨ ਗੁਰੂ ਜੀ ਆਨੰਦ^੪ ਪਾਇ ਅਪਾਰ ।
ਮਨ ਵਿਚਾਰ ਐਸੇ ਧਰੀ ਗਾਹਕ ਚੀਜ ਵਡਾਰ ॥ 17 ॥

ਚੌਪਈ

ਦਾਸਨ ਕੋ ਬਹੁ ਦਰਬ^੫ ਦਿਵਾਏ । ਸ੍ਰੀ ਮੁਖ ਕਹਾ ਤੋਰ ਦੁਖ ਘਾਏ ।
ਮਾਤ ਦਮੋਦਰੀ ਜਬ ਸੁਨ ਪਾਯੋ । ਧਰ ਆਨੰਦ ਬਹੁ ਦਾਨ ਦਿਵਾਯੋ ॥ 18 ॥
ਮਾਤ ਨਾਨਕੀ ਤੇ ਮਰਵਾਹੀ । ਗਾਵਤ ਮੰਗਲ ਅਧਿਕ ਉਮਾਹੀ ।
ਦਾਨ ਅਤਿਥਨ ਕਉ ਬਹੁ ਦੀਨੋ । ਅਤਿ ਅਨੰਦ ਨਿਜ ਮਨ ਮੈ ਲੀਨੋ ॥ 19 ॥

^੧ਦ ਪੋਥੀ ਨੰਤੀ ^੨ਅ ਪੋਥੀ ਵਕਤ ^੩ਅ ਪੋਥੀ ਬਿਪ੍ਰਨ ^੪ਦ ਪੋਥੀ ਹਰਸ ^੫ਦ ਪੋਥੀ ਦਾਨ

ਦੋਹਰਾ

ਦਯਾ ਸਿੰਧ ਦੁਇ ਮਾਸ ਤਬ ਸੁਖ ਸਿਉ ਦਏ ਬਿਤਾਇ ।
ਚੇਤ ਮਾਸ ਕਛੂ ਦਿਨ ਗਏ ਪਾਤੀ ਗੁਰੁ ਢਿਗ ਆਇ ॥ 20 ॥

ਚੌਪਈ

ਸਾਂਈ ਦਾਸ ਬਹੁ ਬਿਨੈ ਲਿਖਾਈ । ਵਾਚ ਸ੍ਰੀ ਮੁਖ ਕੀਨ ਸੁਨਾਈ ।
ਹੇ ਪ੍ਰਭ ਦਯਾ ਮੋਹ ਪਰ ਕੀਜੈ । ਇਹ ਠਾਂ ਆਇ ਦਰਸ ਮਮ^੧ ਦੀਜੈ ॥ 21 ॥
ਮੇਲਾ ਈਹਾਂ ਵਿਸਾਖੀ ਕਰਉ । ਸਫਲ ਮਨੋਰਥ ਹਮਰੇ ਧਰਉ ।
ਵਾਚ ਪ੍ਰਭੁ ਮਨ ਮਹਿ ਸੁਖ ਪਾਯੋ । ਮਨ ਮਹਿ ਐਸ ਵਿਚਾਰ ਧਰਾਯੋ ॥ 22 ॥

ਦੋਹਰਾ

ਕੀਓ ਕਾਜ ਬਹੁ ਤੁਰਕ ਹਨ ਪੁਨ ਬਹੁ ਦੁਸਟ ਖਪਾਇ ।
ਸਾਂਹਿਜਹਾਂ ਰਿਸ ਹੋਤ ਨਹਿ ਖਾਂ ਵਜੀਰ ਸਮਝਾਇ ॥ 23 ॥

ਚੌਪਈ

ਤਾਂਤੇ ਇਹੁ ਤੇ ਕਰੋ ਪਿਆਨਓ । ਜਾਇ ਮਾਲਵੇ ਕਉਤਕ ਠਾਨਓ ।
ਦਾਸ ਮੀਤ ਕਾ ਕਰਹੁ ਉਧਾਰਾ । ਕਰਉ ਜਤਨ ਜਿੰਹ ਤੇ ਪਰ ਪਾਰ ॥ 24 ॥
ਅਸ ਵਿਚਾਰ ਨਿਜ ਮਹਿਲ ਸਿਧਾਇ । ਦਮੋਦਰੀ ਕਉ ਸੁਭ ਫੂਬਾਤ ਸੁਨਾਇ ।
ਤੋਰ ਭੈਣ ਪਾਤੀ ਪਠਿਆਈ । ਬੁਲਾਇਓ ਮੇਲੇ ਪਰ ਤੁਮ ਤਾਂਈ ॥ 25 ॥

ਦੋਹਰਾ

ਮਾਤ ਦਮੋਦਰੀ ਅਸ ਕਹਾ ਜੋ ਭਾਵਤ ਪ੍ਰਭ^੨ ਤੋਰ ।
ਸੋ ਕੀਜੈ ਤਹਿ ਠਾਂ ਚਲਉ ਉਮਗ ਹੀਆ ਸੁਨ ਸੋਰ ॥ 26 ॥

ਚੌਪਈ

ਤਬ ਲਉ ਚੇਤੁ ਅਰਧ ਬਿਤਾਯੋ । ਸ੍ਰੀ ਗੁਰੁ ਸਭ ਸਿਉ ਪਿਆਨ ਸੁਨਾਯੋ ।
ਤੀਨ ਮਹਲ ਗੁਰੁ ਸੈਨ ਬੁਲਾਰੀ । ਨਿਜ ਨਿਜ ਬਾਹਿਨ ਲਗੈ ਸਵਾਰੀ ॥ 27 ॥
ਐਸੇ ਸ੍ਰੀ ਗੁਰ ਕੀਨ ਬਿਚਾਰਾ । ਬਹੁਰੋ ਆਵਨ ਨਾਂਹਿ ਹਮਾਰਾ ।
ਅਸ ਵਿਚਾਰ ਸਭ ਕਉ^੩ ਸੰਗ ਲੀਨੋ । ਡਰੋਲੀ ਓਰ ਪਿਆਨਾ ਕੀਨੋ ॥ 28 ॥

ਕੁੰਡਲੀਆ ਛੰਦ

ਵਿੰਸ ਦਿਵਸ ਚੇਤੁ ਗਯੋ ਸ੍ਰੀ ਗੁਰ ਕੇ ਦਰਬਾਰ ।
ਧਰ ਪ੍ਰਸਾਦਿ ਬਿਨਤੀ ਕਰੀ ਸਬ ਨਿਜ ਸੰਗਿ ਪ੍ਰਵਾਰ ।
ਸਭ ਨਿਜ ਸੰਗ ਪ੍ਰਵਾਰ ਪ੍ਰਭੁ ਸੁਨ ਬਿਨਤ ਹਮਾਰੀ ।
ਆਵਨ ਫੇਰ ਨਾ ਹੋਇ ਸਦਾ ਮਨ ਚਰਨ ਮਝਾਰੀ ।

^੧ਅ ਪੋਥੀ ਹਮ ^੨ਅ ਪੋਥੀ ਗੁਰ ^੩ਅ ਤੇ ਏ ਪੋਥੀ ਸਭਹਨ

ਮੋਰੀ ਕਰਉ ਸਹਾਇ ਜਾਂਹਿ ਬਲ ਦੁਸ਼ਟੈ ਪਾਉਂ ।
ਉਪਜਿਓ ਗਾਹਿਕ ਚੀਜ ਤਾਂਹਿ ਦੇ ਨਿਜ ਪਦ ਪਾਉਂ ॥ 29 ॥

ਦੋਹਰਾ

ਬਾਨੀ ਤਬ ਐਸ ਭਈ ਸੁਨੀ ਪ੍ਰਭੂ ਨਿਜ ਕਾਨ ।
ਹਨੋ ਦੁਸ਼ਟ ਬਲ ਧਾਰ ਕੈ ਅਰੈ ਨ ਕੈ ਸਮੁਹਾਨ ॥ 30 ॥

ਚੌਪਈ

ਐਸੇ ਸੁਨਿ ਪ੍ਰਭ ਸੀਸ ਨਿਵਾਯੋ । ਦੈ ਨਿਦੇਸ ਪ੍ਰਸਾਦਿ ਵਰਤਾਯੋ ।
ਬੇਦ ਪ੍ਰਕਰਮਾ ਕਹ [ਸੁਖ]¹ ਪਾਇ । ਸਭ ਪਰਿਵਾਰ ਜੁਤ ਸੀਸ ਨਿਵਾਇ ॥ 31 ॥
ਬਹੁਰੇ ਆਏ ਤਖਤ ਅਕਾਲ । ਧਰ ਪ੍ਰਸਾਦਿ ਕਰ ਬਿਨੈ ਬਿਸਾਲ ।
ਨਗ ਮਾਨਕ ਲਗ ਅਧਿਕ ਸੁਹਾਇਓ । ਸੋ ਖਾਸਾ ਸ੍ਰੀ ਗੁਰੁ ਮੰਗਵਾਇਓ ॥ 32 ॥

॥ ਕੁੰਡਲੀਆ ਛੰਦ ॥

ਤਾਂ ਮਹਿ ਅਸਥਾਪਨ ਕੀਓ ਗੁਰੂ ਗ੍ਰੰਥ ਸੁਖ ਮਾਨ ।
ਚਾਰ ਸਿਖ ਕਾਂਧੇ ਲੀਓ ਸ੍ਰੀ ਗੁਰੂ ਬੰਦਨ ਠਾਨ ।
ਸ੍ਰੀ ਗੁਰੂ ਬੰਦਨ ਠਾਨ ਤਾਂਹਿ ਜਸ ਭਾਟ ਉਚਾਰਹਿ ।
ਅਤਿ ਜਸ ਗਾਵਤ ਪ੍ਰੇਮ ਸਾਥ ਨਿਝਰ ਸੁਰ ਧਾਰਹਿ ।
ਇਹ ਬਿਧਿ ਗੁਰੁ ਪਿਆਨਾ ਕੀਓ ਅਤਿ ਹੀ ਸੁਖ ਕੇ ਸੰਗ ॥
ਜਿਹੰ ਦਰਸਨ ਅਘ ਜਾਤ ਹੈ ਅਤਿ ਸੁਖ ਰੂਪ ਅਭੰਗ ॥ 33 ॥

ਚੌਪਈ

ਬਿਧੀਆ ਜੇਠਾ ਚਵਰ ਦੁਲਾਵਹਿ । ਔਰ ਦਾਸ ਮੁਖ ਸੰਖ ਬਜਾਵਹਿ ।
ਸ੍ਰੀ ਗੁਰੂ ਗ੍ਰੰਥ ਅਗ੍ਰ ਤਬ ਕੀਨੋ । ਪਾਛੇ ਸ੍ਰੀ ਗੁਰੁ ਪਿਆਨਾ ਕੀਨੋ ॥ 34 ॥
ਪਰਵਾਰ² ਸੰਗ ਗੁਰੁ ਪੁਤ੍ਰ ਉਦਾਰਾ । ਪੈਦੇ ਖਾਂ ਚਲ ਸੈਨ ਮਝਾਰਾ ।
ਮਾਤ ਦਮੋਦਰੀ ਚਲਤ ਅਲਾਇ । ਇਹੁ ਠਾਂ ਸੌਂਪ ਦਾਸ ਕੋ ਜਾਇ ॥ 35 ॥

ਦੋਹਰਾ

ਸ੍ਰੀ ਗੁਰੁ ਕਹਾ ਸੁ ਛੋਡ ਕੈ ਆਵਨ ਕੋਇ ਨਾ ਹੋਇ ।
ਅਨਾਥ ਸਿਖ ਸੇਵਾ ਕਰਹਿ ਗੁਰੁ ਸੇਵਕ ਜੋ ਕੋਇ ॥ 36 ॥

ਚੌਪਈ

ਭਗਤ ਸਿੰਘ ਗੁਰੁ ਕੀਨੋ ਪਯਾਨਾ । ਬਿਨ ਪਦ ਤ੍ਰਾਨ ਹਰਖ ਮਨ ਠਾਨਾ ।
ਪੁਰ ਬਾਹਰ ਹੁਇ ਬੰਦਨ ਧਾਰੀ । ਬਹੁਰ ਪਾਲਕੀ ਚੜੇ ਮੁਰਾਰੀ ॥ 37 ॥
ਤੀਨ ਮਾਤ ਰਥ ਚਲੀ ਤਦਾਇ । ਸਾਥ ਸਨੁਖਾ ਅਧਿਕ ਛਬਿ ਪਾਇ ।
ਰਾਮਦਾਸ ਪੁਰਿ ਜਨ ਸਭ ਸੰਗ ਲਾਗੇ । ਸ੍ਰੀ ਗੁਰੁ ਪਾਛੇ ਰਸ ਮੇ ਪਾਗੇ ॥ 38 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਕੁਟੰਬ

ਦੋਹਰਾ

ਪੁਰ ਜਨ ਐਸ ਵਿਚਾਰ ਕਰ ਲੀਓ ਗ੍ਰਿਥ ਗੁਰੁ ਸਾਥ ।
ਆਗੇ ਪਿਆਨ ਨ ਅਸ ਕਰੈ ਅਬ ਕਰ ਚਲੇ ਅਨਾਥ ॥ 39 ॥

ਸਵੈਯਾ

ਇਹੁ ਭਾਂਤ ਨਿਹਾਰ ਸਭੈ ਪੁਰ ਵਾਸਨਾ¹ ਬਯਾਕੁਲ ਭਏ ਤਜ ਕਾਮ ਸਿਧਾਵਹਿ ।
ਏਕ ਦੁਤੀ ਮੁਖ ਬਾਤ ਕਹੈ ਜਨ ਸਾਚ ਕਹਓ ਗੁਰੁ ਫੇਰ ਨਾ ਆਵਹਿ ।
ਏਕ ਕਹੇ ਫਿਰ ਆਵਹਿਗੇ ਜਸ ਅਗੁ ਪ੍ਰਭੂ ਕਹਿ ਝੂਠ ਅਲਾਵਹਿ ।
ਅਗਰ ਸੈਨ ਪਯਾਨ ਕਰਹਿ ਹਮ ਸੰਗ ਚਲੈ ਨਹਿ ਕੇਤ ਰਹਾਵਹਿ ॥ 40 ॥
ਮਾਤ ਵਿਯੋਗ ਕੀਓ ਪਰ ਭਾਵਨ ਭਾਵਤ ਨਾਹ ਤਜੈ ਸਦਨਾ ।
ਬੁਲਾਵਤ ਕਾਹਿ ਕੋ ਕੂਕ ਕੀਏ ਪਿਖ ਔਰ ਕਹਿਹਿ ਚਲ ਰੀ ਸਦਨਾ ।
ਮਾਤ ਬਹੋਰ ਨਾ ਆਵਹ ਰੀ ਅਬ ਦੂਰ ਗਈ ਤਜ ਕੈ ਸਦਨਾ ।
ਹੇ ਅਲਿ² ਮੰਗਲ ਗਾਵਹਿ ਗੀ ਫਿਹ ਦੇਖਹਿ ਨੈਨ ਕਬੀ ਸਦਨਾ ॥ 41 ॥

ਦੋਹਰਾ

ਨਰ ਨਾਰੀ ਐਸੇ ਫਿਰਹਿ ਬਿਆਕੁਲ ਡੋਲਤ ਚੀਤ ।
ਗ੍ਰਿਹ ਤਜ ਪੁਰ ਬਾਹਰ ਅਏ ਗਏ ਤਿਆਗ ਗੁਰ ਮੀਤ ॥ 42 ॥

ਸਵੈਯਾ

ਏਕ ਭਏ ਮਤ ਬਾਵਰ ਸੇ ਬਹੁ ਬੋਲਤ ਹਹਿ ਮੁਖ ਸੰਗ ਚਲਉ ਰੇ ।
ਛਾਰ ਕਰੋ ਗ੍ਰਿਹ ਕਾਜ ਕਿਸੀ ਨਹੀਂ ਨਾਰ ਤ੍ਰਿਆ ਤਜ ਸਾਥ ਚਲਉ ਰੇ ।
ਬਯਾਕੁਲ ਡੋਲਤ ਬੋਲਤ ਹੈ ਜਨ ਸੰਤ ਸੁਨਉ ਪਿਖ³ ਭਾਵ ਭਲੋ ਰੇ ।
ਦਾਸਰਥੀ ਬਨ ਪਯਾਨ ਕੀਓ ਸੁਨ ਪ੍ਰੀਤਿ ਪੁਰੀ ਮਨ ਜਾਨ ਦਲੋ ਰੇ ॥ 43 ॥
ਪਾਛ ਨਿਹਾਰ ਮੁਰਾਰ ਪ੍ਰਭੂ ਪਿਖ ਆਵਤ ਹਹਿ ਪੁਰ ਲੋਕ ਸਬਾਏ ।
ਪ੍ਰੀਤਿ ਅਪਾਰ ਬਨੀ ਜਿਨ ਕੋ ਮਨ ਠਾਂਢੇ ਭਏ ਸਭ ਹੀ ਮਿਲ ਆਏ ।
ਬੰਦਨ ਕੈ ਜਨ ਐਸ ਕਹਿਹਿ ਹਮ ਸੰਗਿ ਚਲਹਿ ਫਿਰ ਧਾਮ ਨਾ ਜਾਏ ।
ਉਪਦੇਸ਼ ਗੁਰੂ ਤਬ ਤਾਹਿ ਕੀਓ ਅਤਿ ਧੀਰਜ ਦੈ ਨਿਜ ਗ੍ਰਿਹ ਪਠਾਏ ॥ 44 ॥
ਮਾਤ ਕੋ ਨਾਰ ਮਿਲੀ ਸਭ ਹੀ ਪਦ ਪੰਕਜ ਲਾਗ ਕਰਹਿ ਬਿਨੀਆ ॥
ਮਾਤ ਸਭੀ ਹਮ ਸੰਗ ਚਲਹਿ ਕਛ ਸੇਵ ਕਰਹਿ ਕਛ ਜੋ ਗਨੀਆ ।
ਮਾਤ ਕਹਾ ਮੁਖ ਨਾਮ ਜਪੋ ਤਜ ਸੋਕ ਰਹੋ ਨਿਜ ਸੋ ਧਨੀਆ ।
ਹੇ ਅਲਿ⁴ ਨਾਹਿ ਬਿਯੋਗ ਕਰੋ ਮਮ ਪੁਤ੍ਰ ਵਿਵਾਹ ਬੁਲਾਵਨੀਆ ॥ 45 ॥

ਦੋਹਰਾ

ਪੁਰ ਨਾਰਨਿ ਧੀਰਜ ਦੀਓ ਤਬ ਸੁ ਸ੍ਰੀ ਗੁਰ ਮਾਤ ।
ਪਾਛ ਹਟਾਏ ਐਸ ਕਹਿ ਜਪੋ ਨਾਮ ਧਰਿ ਸਾਂਤ ॥ 46 ॥

¹ਅ ਪੌਥੀ ਵਾਸੀ ²ਅ ਤੇ ਏ ਪੌਥੀ ਸਖੀ ³ਏ ਪੌਥੀ ਦਿਖ ⁴ਏ ਪੌਥੀ ਸਖੀ

ਪੁਰ ਜਨ ਪੁਨ ਬਿਨਤੀ ਕਰੀ ਨਹੀਂ ਆਸਰਾ¹ ਕੋਇ ।
ਜਾਕੇ ਬਲ ਸੁਖ ਪਾਇ ਹਮ ਕੋ ਜਨ ਰਖਕ ਹੋਇ ॥ 47 ॥

ਚੌਪਈ

ਤਬ ਲੈ ਹਰੀ ਚੰਦ ਚਲ ਆਯੋ । ਗੁਰ ਵਿਰਹੈ ਨਿਜ ਧਾਮ ਨਾ ਭਾਯੋ ।
ਨਾਰੀ ਜੁਤ ਗੁਰੁ ਕੇ ਪਗ ਲਾਗਾ । ਰਹੀ ਨ ਸਯਾਨ ਵਿਰਹ ਰਸ ਪਾਗਾ ॥ 48 ॥
ਜਾਨ ਸਸੁਰ ਗੁਰ ਬੰਦਨ ਧਾਰੀ । ਧੀਰਜ ਦੀਓ ਸ੍ਰੀ ਪਰ ਡਾਰੀ ।
ਸਭ ਪੁਰ ਜਨ ਕੀ ਬਾਹਿ ਗਹਾਇ । ਸ੍ਰੀ ਮੁਖ ਕਹਿ ਇਨ ਕਰਓ ਸੁਹਾਇ ॥ 49 ॥

ਦੋਹਰਾ

ਸੁਤਾ ਪੁਤ੍ਰ ਕੋਉ ਮਿਲਤ ਹੀ ਲੈ ਪੁਰ ਜਨ ਤ੍ਰਿਯ ਸੰਗ ।
ਸੁਨੋ ਸੰਤ ਗ੍ਰਿਹ ਕੋ ਚਲਾ ਮਨ ਮਹਿ ਧਾਰ ਉਮੰਗ ॥ 50 ॥

ਚੌਪਈ

ਸ੍ਰੀ ਗੁਰ ਕੀਨਾ ਅਗਰ ਪਯਾਨਾ । ਸੁਨੋ ਸੰਤ ਧਰ ਆਨੰਦ ਨਾਨਾ ।
ਗੁਰ ਅਰਜਨ ਅਸਥਾਨ ਉਦਾਰਾ । ਤਹਿ ਬਿਨਤੀ ਅਤਿ ਕੀਨ ਅਪਾਰਾ ॥ 51 ॥

ਦੋਹਰਾ

ਚਲੇ ਹਰਖ ਸੰਗ ਸੈਨ ਲੈ ਅਗਰ ਗ੍ਰਿਥ ਗੁਰੁ ਧਾਰ ।
ਦੋਇ ਰੈਨ ਬਸ ਪੰਥ ਮਹਿ ਪਹੁੰਚੇ ਤਹਾਂ ਮੁਰਾਰ ॥ 52 ॥

ਚੌਪਈ

ਸਾਂਈ ਦਾਸ ਬਚ ਐਸ ਸੁਨਾਏ । ਗੁਰੁ ਗ੍ਰਿਥ ਜੁਤ ਸ੍ਰੀ ਗੁਰ ਆਏ ।
ਸਭ ਪਰਵਾਰ² ਹੈ ਲਯਾਏ ਸੰਗਾ । ਧਾਯੋ ਆਗੇ ਧਾਰ ਉਮੰਗਾ ॥ 53 ॥
ਪੁਰ ਬਹਾਰ ਸਭ ਹੀ ਚਲ ਆਯੋ । ਗੁਰੁ ਗ੍ਰਿਥ ਕਾ ਦਰਸਨ ਪਾਯੋ ।
ਬਹੁਰੋ ਸ੍ਰੀ ਗੁਰ ਕੇ ਪਗ ਲਾਗਾ । ਦਯਾ ਸਿੰਧ ਜਾਨੋ ਬਡ ਭਾਗਾ ॥ 53 ॥

ਦੋਹਰਾ

ਸਭੀ ਮਾਤ ਕੇ ਚਰਨ ਲਗ ਗਯੋ ਧਾਮ³ ਸੁਖ ਪਾਇ ।
ਉਤਮ ਗ੍ਰਿਹ ਗੁਰੁ ਹੇਤ ਜੋ ਤਹਿ ਠਾਂ ਵਾਸ ਕਰਾਇ ॥ 55 ॥

ਚੌਪਈ

ਰਾਮੋ ਮਿਲੀ ਮਾਤ ਕਉ ਆਇ । ਪ੍ਰੇਮ ਮਗਨ ਬਯਾਕੁਲ ਸੁਖ ਪਾਇ ।
ਸਾਂਈ ਦਾਸ ਸੇਵਾ ਕਰ ਐਸੀ । ਦ੍ਰਿਗ⁴ ਨਹਿ ਪਿਖੀ ਸੁਨੀ ਨਹਿ ਜੈਸੀ ॥ 56 ॥
ਸ੍ਰੀ ਮੁਖ ਸੁੰਦਰ ਬੈਨ ਅਲਾਏ । ਸਾਂਈਦਾਸ ਤੁਮਰੇ ਹਿਤ ਆਏ ।
ਸਾਂਈਦਾਸ [ਕਹਿ]⁵ ਕੀਓ ਨਿਹਾਲ । ਹਮ ਸਿਉਂ ਦੀਨ ਨ ਤੁਮ ਸਿਉਂ ਦਿਆਲਾ ॥ 57 ॥

¹ਅ ਪੋਥੀ ਟੇਕ ਹਮ ²ਅ ਪੋਥੀ ਕੁਟੰਬ ³ਏ ਪੋਥੀ ਸਦਨ ⁴ਅ ਪੋਥੀ ਆਖ ⁵ਅ ਪੋਥੀ ਵਿਚੋ

ਦੋਹਰਾ

ਐਸ ਅਨੰਦ ਨਿਤ ਪ੍ਰਤਿ ਕਰਹਿ ਚੇਤਰ ਦਿਵਸ ਬਿਤਾਇ ॥
ਵਿਸਾਖੀ ਕਾ ਮੇਲਾ ਅਯੋ ਸੰਗਤ ਅਈ ਮੁਹਾਇ ॥ 56 ॥

ਚੌਪਈ

ਸੁਨਹੁ ਸੰਤ ਮੇਲਾ ਹੁਇ ਭਾਰੀ । ਕਰ ਦਰਸਨ ਗੁਰ ਫਲ ਲਹਿ ਚਾਰੀ ।
ਸੰਗਤ ਨਿਜ ਨਿਜ ਧਾਮ ਸਧਾਰੀ । ਭਾਖਉਂ ਕਥਾ ਬਚੈ ਡਰ ਭਾਰੀ ॥ 59 ॥
ਇਕ ਸੰਗਤਿ ਆਵੈ ਇਕ ਜਾਵੈ । ਸਦਾ ਭੀਰ ਗੁਰੁ ਨਿਕਟ ਰਹਾਵੈ ।
ਸਾਂਈਦਾਸ ਮਨ ਆਨੰਦ ਐਸਾ । ਹਰੀ ਬਿੰਦੂ ਗ੍ਰਿਹ ਭਏ ਸੁਖ ਜੈਸਾ ॥ 60 ॥

ਦੋਹਰਾ

ਭਗਤ ਸਿੰਘ ਬੀਤਿਓ ਤਹਾਂ ਸੁਖ ਸਿਉਂ ਅਰਧ ਵਿਸਾਖ ।
ਸਰਵਰ ਮਹਿ ਗੁਰੁ ਸਿਖ ਕੀ ਸੁਨੋਂ ਹਰਖ ਧਰ ਸਾਖ ॥ 61 ॥

ਚੌਪਈ

ਪ੍ਰਾਤਕਾਲ ਗੁਰ ਚੜੇ ਸ਼ਿਕਾਰਾ । ਦਾਸ ਦੇਖ ਨਿਜ ਸਿਖਯ ਪਯਾਰਾ ।
ਸਭ ਘਟ ਜਾਨਤ ਛਪੀ ਨਾ ਕੋਈ । ਕਰਹਿ ਸਹਾਇ ਦਾਸ ਜਹਿ ਹੋਈ ॥ 62 ॥
ਨਗਰ ਸੋਇ ਤੁਕਲਾਣੀ ਜਾਨੋ । ਤਰਖਾਣ ਨਵਾਈ ਤਾਂ ਗ੍ਰਿਹਿ ਮਾਨੋ ।
ਸੰਧੂ ਨਾਮ ਤਹਾਂ ਕੋ ਗਾਯੋ । ਗੁਰ ਕੇ ਬਚਨ ਗ੍ਰਿਹਸਤ ਉਪਜਾਯੋ ॥ 63 ॥

ਦੋਹਰਾ

ਨਵਾ ਲੇਖ ਤਹ ਨਾਰਿ ਕਾ ਸ੍ਰੀ ਗੁਰ ਪਾਛ ਲਿਖਾਇ ।
ਸਿਖੀ ਗ੍ਰਿਹ ਤਿਨ ਕੇ ਭਈ ਪਤਿ ਮਨ ਦਿਯੋ ਹਟਾਇ ॥ 64 ॥

ਚੌਪਈ

ਭਗਤ ਸਿੰਘ ਸੁਨ ਬਿਸਮੈ ਭਾਈ । ਹੇ ਗੁਰ ਕਥਾ ਨ ਮੋਹਿ ਸੁਨਾਈ ।
ਪਾਛੇ ਕਿਹ ਬਿਧ ਲੇਖ ਲਿਖਾਯੋ । ਸਿਖੀ ਦਾਨ ਕੈਸ ਤਿਨ ਪਾਯੋ ॥ 65 ॥
ਮੋਕਉ ਦਾਸਨਿ ਦਾਸ ਪਛਾਨੋ । ਗੋਪ¹ ਰਖੋ ਜਿਨ ਪ੍ਰਗਟ ਬਖਾਨੋ ।
ਮਨੀ ਸਿੰਘ ਕਹਿ ਇਹੁ ਮਮ ਚੋਰੀ । ਕਥਾ ਰਸਾਲ ਪ੍ਰੇਮ ਰਸ ਬੋਰੀ ॥ 66 ॥

ਦੋਹਰਾ

ਸੁੰਦਰ ਗਾਥ² ਨਿਹਾਰ ਕੈ ਰਾਖੀ ਗੋਪ ਛਪਾਇ ।
ਦੇਖ ਪ੍ਰੇਮ ਤੁਮ ਕਹਤ ਹੋ ਤੁਮਰੇ ਅਗ੍ਰ ਬਨਾਇ ॥ 67 ॥

ਚੌਪਈ

ਸਤਰੇ ਸੰਮਤ ਜਬ ਗੁਰੁ ਆਏ । ਡਰੋਲੀ [ਬਾਬਾ]³ ਸੁਤ ਉਪਜਾਏ ।
ਤਾਂਹਿ ਸਮੇ ਕੀ ਗਾਥਾ ਜਾਨੋ । ਸੁੰਦਰ ਤੇ ਸੁੰਦਰ ਪਹਿਚਾਨੋ ॥ 68 ॥

¹ਅ. ਪੋਥੀ ਗੁਪਤ ਏ ਪੋਥੀ ਗੋਰਜ ²ਅ. ਪੋਥੀ ਕਥਾ ³ਏ ਪੋਥੀ ਵਿਰੋ

ਸੰਧੂ ਸਰਵਰ ਸੇਵ ਕਮਾਵੈ । ਤੁਕਲਾਣੀ ਪਿਤ ਮਾਤ ਰਹਾਵੈ ।
 ਗੁਰ ਅਰਜੁਨ ਕਾ ਸਿਖ ਪਛਾਨੈ । ਵਡੇ ਗ੍ਰਿਹ ਤਾਕੋ ਮਨ ਮਾਨੈ ॥ 69 ॥
 ਭਗਤ ਸਿੰਘ ਤਬ ਭਯੋ ਵਿਵਾਹ । ਦੁਇ ਦਿਸ ਮਨ ਮਹਿ ਅਧਿਕ ਉਛਾਹ¹ ।
 ਲੈ ਡੋਲੀ ਨਿਜ ਗ੍ਰਿਹ ਕੋ ਧਾਏ । ਰਹੀ ਜਾਮ ਨਿਸਿ ਪਯਾਨ ਕਰਾਏ ॥ 70 ॥
 ਦਿਵਸ ਘਾਮ ਡਰ ਕੀਨ ਪਯਾਨਾ । ਬਾਜ ਬਜਾਵਤ ਧਰ ਸੁਖ ਨਾਨਾ ।
 ਡਰੋਲੀ ਨਿਕਟ ਜਬੈ ਚਲ ਆਏ । ਗੁਰੂ ਢਿਗ ਆਸਾ ਵਾਰ ਲਗਾਏ ॥ 71 ॥

ਦੋਹਰਾ

ਸਿਖ ਸੁਤਾ ਧੁਨਿ ਰਾਗ ਕੀ ਸ੍ਰਵਨੀ ਸਬਦ ਸੁਨਾਇ ।
 ਅਸ ਵਿਚਾਰ ਮਨ ਮਹਿ ਕਰੀ ਕਸ ਗੁਰ ਦਰਸ ਕਰਾਇ ॥ 72 ॥

ਚੌਪਈ

ਸਿਖ ਸੁਤਾ ਅਸ ਬਾਤ ਅਲਾਈ । ਸੁਨੋ ਕਹਾਰ ਬੈਨ ਮਮ ਭਾਈ ।
 ਇਹ ਠਾਂ ਡੋਲੀ ਰਾਖ ਹਮਾਰੀ । ਕਰਉ ਬਿਨਤ ਧਨ ਦੇਵਉ ਵਾਰੀ ॥ 73 ॥

ਚੌਪਈ

ਕਹਾ ਕਹਾਰ ਕਵਨ ਤਵ² ਕਾਜ । ਸਿਖ ਸੁਤਾ ਕਹ ਗਰੀਬ ਨਿਵਾਜ ।
 ਇਹ ਠਾਂ ਮਮ ਗੁਰ ਸਬਦ ਸੁਨਾਵਤ । ਕਰਉ ਦਰਸ ਗੁਰ ਕੇ ਗ੍ਰਿਹ ਜਾਵਤ ॥ 74 ॥

ਦੋਹਰਾ

ਐਸੇ ਕਹ ਨਿਜ ਹਾਥ ਤੇ ਕੰਕਨ³ ਦੀਯੋ ਉਤਾਰ ।
 ਲੈ ਪ੍ਰਸਾਦਿ ਕਛੁ ਅੰਕ ਮਹਿ ਸ੍ਰੀ ਗੁਰੂ ਓਰ ਪਧਾਰ ॥ 75 ॥

ਚੌਪਈ

ਧਨ ਕੇ ਲੋਭ ਕਹਾਰ ਭੁਲਾਏ । ਲੈ ਕੰਕਨ ਮਨ ਮਹਿ ਹਰਖਾਇ ।
 ਸੰਧੂ ਬਰਾਤ ਪਿਤਾ ਤੇ ਆਦਿ । ਲਗੇ ਸੌਚ ਕਰ ਧਰ ਅਹਿਲਾਦ ॥ 76 ॥
 ਸਿਖ ਸੁਤਾ ਮਨ ਆਨੰਦ ਪਾਏ । ਤਤਛਿਨ ਗੁਰ ਕੇ ਨਿਕਟ ਸਿਧਾਏ ।
 ਆਗੇ ਲਾਗਯੋ ਅਧਿਕ ਦੀਵਾਨ । ਬੈਠਯੋ ਸ੍ਰੀ ਗੁਰੂ ਕ੍ਰਿਪਾ ਨਿਧਾਨ ॥ 77 ॥

ਦੋਹਰਾ

ਚੌਕੀ ਆਸਾ ਵਾਰ ਕੀ ਹੋਵਤ ਤਬੈ⁴ ਅਪਾਰ ।
 ਸਿਖ ਸੁਤਾ ਬੰਦਨ ਕਰੀ ਬੈਠੀ ਆਨੰਦ ਧਾਰ ॥ 78 ॥

ਚੌਪਈ

ਆਸਾ ਵਾਰ ਭੋਗ ਜਬ ਪਾਯੋ । ਸ੍ਰੀ ਗੁਰੂ ਬੀਬੀ ਓਰ ਦਿਖਾਯੋ ।
 ਬਿਧੀਏ ਕੋ ਅਸ ਕਹਾ ਸੁਨਾਈ । ਪੂਛੋ ਬੀਬੀ ਕਹਿ ਤੇ ਆਈ ॥ 79 ॥

¹ਅ ਪੋਥੀ ਉਮਾਹ ²ਅ ਪੋਥੀ ਤੋਹਿ ³ਅ ਤੇ ਏ ਪੋਥੀ ਕੰਗਣ ⁴ਅ ਪੋਥੀ ਤਹਾ

ਬਿਧੀਏ ਪ੍ਰਛ ਕਹੀ ਤਿਨ ਬਾਤਾ । ਦਰਸ ਹੇਤ ਆਈ ਜਗਨਾਥਾ ।
ਬਿਧੀਏ ਬਾਤ ਗੁਰੂ ਸਿਉਂ ਗਾਈ । ਹੇ ਪ੍ਰਭੂ ਤੁਮਰੋ ਸਿਖ ਬਸਾਈ ॥ 80 ॥

ਦੋਹਰਾ

ਗੁਰੂ ਵਡੇ ਪਹਿੰ ਨਾਮ ਹੈ ਆਪਲ ਜਾਤ ਤਖਾਨ ।
ਤਾਂਕੀ ਸੁਤਾ ਪਛਾਨੀਏ ਹੇ ਗੁਰੂ ਕ੍ਰਿਪਾ¹ ਨਿਧਾਨ ॥ 81 ॥

ਚੌਪਈ

ਸਰਵਰੀਏ ਹਹਿੰ ਮਮ ਸਸੁਰਾਰੇ । ਨਾਹ ਸਰਵਰੀ ਪਿਖ ਬਿਸਮਾਰੇ ।
ਏ ਸੁਨ ਭਏ ਪ੍ਰਸੰਨ ਕ੍ਰਿਪਾਲਾ । ਕੰਨਯਾ ਨਿਕਟ ਬੁਲਾਯ ਦਇਆਲਾ ॥ 82 ॥
ਸ੍ਰੀ ਮੁਖ ਐਸੇ ਬਚਨ ਅਲਾਯੋ । ਨਵਾਂ ਲੇਖ ਅਬ ਤੋਹਿ ਲਖਾਯੋ ।
[ਪਤੀ ਤੁਮਾਰਾ ਗੁਰਸਿਖ ਹੋਵੈ । ਨਾਮ ਜਪਤ ਸਗਲੇ ਦੁਖ ਖੋਵੈ ॥ 83 ॥]²

ਦੋਹਰਾ

ਪ੍ਰਸਾਦਿ ਅਗਰ ਗੁਰ ਕੇ ਧਰਾ ਕੰਨਯਾ ਸੁਨ ਹਰਖਾਇ ॥
ਦਯਾ ਸਿੰਧ ਸ੍ਰੀ ਮੁਖ ਕਹਾ ਸਿਖੀ ਤੁਮ ਗ੍ਰਿਹ ਆਇ ॥ 84 ॥

ਚੌਪਈ

ਸਿਖੀ ਦਾਨ ਦਯੋ ਗੁਰ ਪੂਰੇ । ਨਵਾਂ ਲੇਖ ਲਖੀਓ ਤਿਨ ਰੂਰੇ ।
ਸੰਧੂ ਪਿਤਾ ਬਾਤ ਸੁਨ ਪਾਈ । ਕੀਯੋ ਕ੍ਰੋਧ ਗੁਰ ਪੈ ਕਿਮ ਜਾਈ ॥ 85 ॥
ਭੂਲ ਨ ਨਾਮ ਗੁਰੂ ਕੋ ਲੇਈ । ਸਰਵਰ ਕੀ ਸਦ ਸੇਵ ਕਰੇਈ ।
ਸੰਧੂ ਤਾਂਕੇ ਪਾਛ ਪਠਾਯੋ । ਭਯੋ ਅਧਿਕ ਰਿਸ ਧਰ ਸੋ ਆਯੋ ॥ 86 ॥

ਦੋਹਰਾ

ਜਬੈ ਦਰਸ ਗੁਰ ਕਾ ਕੀਓ ਸੰਧੂ ਮਨ ਰਿਸ ਜਾਯ ।
ਤਜਿ ਕਰੋਧ ਮਨ ਸਾਂਤਿ ਧਰਿ ਪਦ ਪੰਕਜ³ ਲਪਟਾਇ ॥ 87 ॥

ਚੌਪਈ

ਸ੍ਰੀ ਗੁਰ ਕੀਯੋ ਗਯਾਨ ਉਪਦੇਸ਼ਾ । ਸੰਧੂ ਮਨ ਭ੍ਰਮ ਰਹਯੋ ਨ ਲੇਸਾ ।
ਚਰਨ ਧੋਇ ਚਰਨਾਮ੍ਰਿਤ ਲੀਨੋ । ਕੀਯੋ ਸਿਖ ਤਬ ਸਭ ਭ੍ਰਮ ਖੀਨੋ ॥ 88 ॥
ਸ੍ਰੀ ਗੁਰੂ ਸੁੰਦਰ ਬਚਨ ਉਚਾਰੇ । ਸਿਖੀ ਤੋਹਿ ਸਦਨ ਅਨਪਾਰੇ ।
ਬਡੋ ਭਗਤ ਉਪਜੇ ਸੁਤ ਤੇਰੇ । ਸਤਿ ਬੈਨ⁴ ਜਾਨਉ ਮਨ ਮੇਰੇ ॥ 89 ॥

ਦੋਹਰਾ

ਬਚਨ ਦਯਾ ਨਿਧਿ ਕੈ ਸੁਨੇ ਹਰਖ ਕੀਯੋ ਪਤਿ ਬਾਮ ।
ਲੇ ਆਇਸ ਕਰ ਬੰਦਨਾ ਧਾਰ ਰਿਦੈ ਗੁਰੂ ਨਾਮ । 90 ॥

ਚੌਪਈ

ਬਰਾਤ ਮਧ ਸੋਈ ਚਲ ਆਏ । ਗੁਰ ਗੁਨ ਗਾਵਤ ਹਰਖ ਧਰਾਏ ।⁵
ਨਿਜ ਨਿਜ ਯਾਨ ਚੜੇ ਪੁਨ ਤਬ ਹੀ । ਤੁਕਲਾਣੀ ਓਰ ਚਲੇ ਪੁਨ ਸਬ ਹੀ ॥ 91 ॥

¹ਅ ਤੇ ਏ ਪੋਥੀ ਕਰੁਣਾ ²ਅ ਪੋਥੀ ਵਿਚੋਂ ³ਅ ਪੋਥੀ ਚਰਨ ਕਮਤ ⁴ਅ ਤੇ ਏ ਪੋਥੀ ਬਚਨ ⁵ਅ ਪੋਥੀ ਆਏ

ਗਏ ਸਦਨ ਸਰਵਰ ਅਸਥਾਨਾ । ਮਾਥ ਟਿਕਵਾਨ ਚਲੇ ਤਖਾਨਾ ।
ਪਿਤਾ ਭਾਖ ਸੰਧੂ ਯੁਤ ਬਾਮਾਂ । ਕਰੋ ਬੰਧਨਾ ਹਰਖ ਮੁਕਾਮਾ ॥ 92 ॥

ਦੋਹਰਾ

ਲਾਤ ਪ੍ਰਹਾਰ ਸੰਧੂ ਕੀਯੋ ਇਹ ਬਿਧਿ ਬੈਨ ਉਚਾਰ ।
ਭਯੋ ਸਿਖ ਹਉਂ ਗੁਰੂ ਕਾ ਕਰਉਂ ਯਾਹਿ ਨਹਿ ਸਾਰ ॥ 93 ॥

ਚੌਪਈ

ਸਭ ਮਿਲ ਕਹਾ ਸੁਨੋ ਰੇ ਮੂੜੇ । ਸਤਿਗੁਰੁ ਨਾਮ ਲੇਹੁ ਰੇ ਮੂੜੇ ।
ਆਦਿ ਅੰਤ ਸਰਵਰ ਹਮ ਦਾਸਾ । ਕੁਲ ਕਲੰਕ ਤੁਮ ਕੈਸ ਪ੍ਰਕਾਸਾ ॥ 94 ॥
ਕਿਯੋ ਜਤਨ ਤਿਨ ਬੈਨ ਨਾ ਮਾਨਾ । ਸਭ ਮਿਲ ਐਸੇ ਕਹ ਅਨੁਮਾਨਾ ।
ਬਾਵਰ ਭਯੋ ਮੂੜ ਇਹ ਹੋਈ । ਸਰਵਰ ਲਾਤ ਪ੍ਰਹਾਰੈ ਜੋਈ ॥ 95 ॥

ਦੋਹਰਾ

ਭਗਤ ਸਿੰਘ ਕਹਿ ਤਕ ਕਹਓ ਦੇਵੈ ਸਦਨ ਮਝਾਰ ।
ਜਬੈ ਨਿਕਸ ਤਬਹੀ ਹਨੋ ਜੇਤੀ ਠੌਰ ਨਿਹਾਰ ॥ 96 ॥

ਚੌਪਈ

ਵਹੁ ਅਹਿ ਰਚੈ ਰੈਨ ਇਹ ਢਾਈ । ਮੁਕਾਮ ਠੌਰ ਨਹਿ ਕੋਈ ਰਹਾਈ ।
ਗੁਰੁ ਗੁਰੁ ਜਪੈ ਹਰਖ ਮਨ ਪਾਵੈ । ਮੁਕਾਮ ਸੁਨੇ ਜਹਿ ਜਾਇ ਢਹਾਵੈ ॥ 97 ॥
ਏਕ ਦਿਵਸ ਤਿਯ ਨਿਕਟ ਪਧਾਰਾ । ਕੀਓ ਸੰਗ ਮਨ ਕੀਨ ਬਿਚਾਰਾ ।
ਮੁਕਾਮ ਸੇਵ ਅਬ ਦੂਰ ਬਿਹਾਈ । ਏਕ ਭਗਤ ਗੁਰ ਸੁਧ ਰਹਾਈ ॥ 98 ॥

ਦੋਹਰਾ

ਜਬੈ ਭਗਤ ਕੋ ਨਾਮ ਲੈ ਤਬ ਬੀਰਜ ਮੁਕਤਾਯ ।
ਭਗਤ ਰੂਪ ਤਬਹੀ ਧਰਾ ਤਾਹਿ ਤਿਯਾ ਉਰ ਆਇ ॥ 99 ॥

ਚੌਪਈ

ਸੁਨੋ ਸੰਤ ਜਬ ਸਮਾ ਪੁਰਾਯੋ । ਸੁਦਰ ਸੁਤ ਤਹਿ ਕਉ¹ ਉਪਜਾਯੋ ।
ਸਾਂਤਿ ਧੀਰ ਗੰਭੀਰ ਉਦਾਰੀ² । ਦੇਖ ਰੂਪ ਮੋਹੀ ਸਭ ਨਾਰੀ ॥ 100 ॥
ਸਾਧੂ ਸੁਤ ਕਾ ਰੂਪ ਦਿਖਾਇ । ਹਰਖ ਨਾਰਿ ਜੁਤ ਕੀਨ ਮਹਾਇ ।
ਸਾਧੂ ਸ੍ਰੀ ਗੁਰ ਨਾਮ ਉਚਾਰੇ । ਐਸ ਸੁਨਤ ਸਬ ਈਰਖ ਧਾਰੇ ॥ 101 ॥

ਦੋਹਰਾ

ਤਬ ਤੇ ਬਾਲਕ ਭੂ ਲਿਯੋ ਬਰਖ ਬਾਲ ਜਬ ਹੋਇ ।
ਸੁਧਾ ਸਰੋਵਰ ਨਿਕਟ ਗੁਰ ਆਯੋ ਸਾਧੂ ਸੋਇ ॥ 102 ॥

¹ਅ ਪੋਥ. ਗ੍ਰਿਹ ²ਅ ਪੋਥੀ ਅਪਾਰੀ

ਚੌਪਈ

ਨਾਰੀ ਜੁਤ ਬਹੁ ਬਿਨੈ ਉਚਾਰੀ । ਬਾਲ ਨਾਮ ਤੁਮ ਧਰਉ ਮੁਰਾਰੀ ।
ਸ੍ਰੀ ਗੁਰ ਦੇਖ ਰੂਪ ਤਿੰਹ ਵਾਰਾ । ਰੂਪ ਚੰਦ ਸ੍ਰੀ ਮੁਖਹੂੰ ਉਚਾਰਾ ॥ 103 ॥
ਸੁਨਤ ਨਾਮ ਦੋਉ ਹਰਖਾਏ । ਲੈ ਆਇਸ ਬਹੁਰੇ ਗ੍ਰਿਹਿ ਆਏ ।
ਭਗਤ ਸਿੰਘ ਬੀਤੇ¹ ਬਹੁ ਬਰਖਾ । ਦਯਾ ਸਿੰਧ ਕਉ ਮਨ ਅਤਿ ਕਰਖਾ ॥ 104 ॥

ਕੁੰਡਲੀਆ

ਵਿਸਾਖ ਅਰਧ ਜਬਹੀ ਗਯੋ ਕ੍ਰਿਖੀ ਕਾਟ ਸੁਖ ਮੰਡ ।
ਤ੍ਰਿਖਾ ਲਾਗ ਤਾਕੋ ਘਨੀ ਧਰ ਕੂਨਾ ਜਲ ਜੰਡ ।
ਧਰ ਕੂਨਾ ਜਲ ਜੰਡ ਜਾਇ ਪਿਤ ਹਾਥ ਲਗਾਵੈ ।
ਸੀਤਲ ਜਲ ਗੁਰ ਜੋਗ ਐਸ ਮੁਖ ਬਾਤ ਅਲਾਵੈ ।
ਲਾਗੀ ਪਿਤ ਕ੍ਰਿਖੀ ਕਾਟ ਪੂਤ ਪੁਨ ਜਾਇ ਨਿਹਾਰੈ ।
ਹੋ ਪਿਤ ਸੀਤਲ ਨੀਰ ਜੋਗ ਗੁਰ ਐਸ ਉਚਾਰੈ ॥ 105 ॥

ਸੋਰਠਾ

ਕਾਹਿ ਨ ਅਚਿਯੋ ਨੀਰ ਪੂਤ ਪਿਤਾ ਪਿਤ ਪੂਤ ਭਨ ।
ਤਤ ਛਿਨ ਭਏ ਅਧੀਰ ਅਚੈ ਘਾਮ ਤ੍ਰਿਖਾ ਲਗੀ ॥ 106 ॥

ਦੋਹਰਾ

ਈਹਾਂ ਤੋ ਐਸੀ ਭਈ ਥੋਰੀ ਦਈ ਸੁਨਾਇ ।
ਕਥਾ ਸੁਨੋ ਅਬ ਗੁਰੂ ਕੀ ਜਿਹ ਬਿਧਿ ਮੁਕਤ ਕਰਾਇ ॥ 107 ॥

ਸਵੇਯਾ

ਹੋਵਤ ਪ੍ਰਾਤ² ਸਿਕਾਰ ਚਲੇ ਗੁਰੁ ਸੈਨ ਚਢੀ ਕਛੁ ਦੇਰ ਨ ਲਾਏ ।
ਖੇਲ ਸਿਕਾਰ ਤਬੈ ਸੁਖ ਸਾਗਰ ਜੇਤਕ ਜੀਵ ਹਨੇ ਮੁਕਤਾਏ ।
ਜੈਸ ਸਹਾਇ ਕਰੀ ਗਜ³ ਕੀ ਤਾਸ ਜਾਨ ਦਯਾ ਗੁਰੁ ਏਕਲ ਧਾਏ ।
ਏਕ ਗਯੋ ਬਿਧੀਆ ਗੁਰੁ ਕੈ ਸੰਗ ਸੈਨ ਸਭੀ ਬਨ ਮਾਹਿ ਭਰਮਾਏ ॥ 108 ॥
ਸਿੰਧ ਦਯਾ ਸਸਿ ਜਾਮ ਕੇ ਭੀਤਰ ਕੋਸ ਪਚੀਸ ਗਏ ਜਗ ਸਾਂਈ ।
ਜਾਇ ਨਿਹਾਰ ਦਸਾ ਤਿੰਹ ਕੀ ਰਵਿ ਪੰਕਜ ਪਾਇ ਵਿਰਹਿ ਮੁਰਝਾਈ ।
ਔਰ ਨਹੀਂ ਉਪਮਾ ਉਪਜੈ ਜਨ ਚਾਤ੍ਰਕ ਬੁੰਦ ਚਹੈ ਮੁਖ ਮਾਂਹੀ ।
ਅਸ ਸਵਾਰ ਉਤਾਰ ਪ੍ਰਭੂ ਜਨ ਭੂਮ ਅਏ ਨਹਿੰ ਦੇਰ ਲਗਾਈ ॥ 109 ॥

ਦੋਹਰਾ

ਪਿਤਾ ਪੂਤ ਕੇ ਬਦਨ ਮਹਿੰ ਡਾਰਿਯੋ ਜਲ ਗੁਰੁਦੇਵ ।
ਅਮੀ ਪਾਨ ਕਰ ਜਬ ਉਠੇ ਪੇਖੇ ਪ੍ਰਭੂ ਅਭੇਵ ॥ 110 ॥

¹ਅ ਪੋਥੀ ਗੁਜਰੇ ²ਅ ਪੋਥੀ ਭੋਰ ³ਅ ਤੇ ਏ ਪੋਥੀ ਗਜਰਾਜ

ਦਯਾ ਸਿੰਧ ਬਹੁਰੋ ਕਹਾ ਮੋਹ ਤ੍ਰਿਖਾ ਬਹੁ ਜਾਨ ।
ਮੋ ਕਉ ਨੀਰ ਅਚਾਈਏ ਆਪ ਰਹੋ ਸੁਖ ਮਾਨ ॥ 111 ॥

ਚੌਪਈ

ਸਾਧੂ ਕੂਨਾ ਹਾਥ ਗਹਾਯੋ । ਕ੍ਰਿਪਾ ਸਿੰਧ¹ ਕੋ ਨੀਰ ਅਚਾਯੋ ।
ਪਾਛੇ ਸੀਤ ਨੀਰ ਅਚ ਲੀਨੋ । ਰੂਪ ਚੰਦ ਸੁਤ ਕਉ ਪੁਨ ਦੀਨੋ ॥ 112 ॥
ਤੀਨ ਕਾਲ ਕੀ ਸੋਝੀ ਭਈ । ਪਿਤਾ ਪੂਤ ਚਿੰਤਾ ਮਿਟ ਗਈ ।
ਕਹਾ ਗੁਰੂ ਮਾਂਗੋ ਰੁਚ ਜੋਈ । ਸਾਧੂ ਜੁਤ ਸੁਤ ਆਨੰਦ ਹੋਈ ॥ 113 ॥

ਦੋਹਰਾ

ਕਰ ਵਿਚਾਰ ਐਸੇ ਕਹਾ ਪਦ ਪੰਕਜ ਰਹਿ ਪ੍ਰੀਤਿ ।
ਔਰ ਦਾਨ ਦੀਜੀਏ ਪ੍ਰਭੂ ਗੁਰ ਸਿਖੀ ਦੀ ਰੀਤਿ ॥ 114 ॥

ਚੌਪਈ

ਸਤਿ ਬਚਨ ਗੁਰ ਮੁਖਹੁ ਉਚਾਰੇ । ਸਿਖੀ ਤੁਮ ਗ੍ਰਿਹ ਸਦਾ ਸੁਧਾਰੇ ।
ਔਰ ਬਾਤ ਮੋਰੀ ਸੁਨ ਲੀਜੈ ॥ ਇਹ ਠਾਂ ਵਾਸ ਨ ਅਬ ਤੁਮ ਕੀਜੈ ॥ 115 ॥
ਏ ਜਨ ਤੁਮ ਸੰਗ ਈਰਖਾ ਕਰਹਿ । ਤਾਂਤੇ ਢਹੇ ਨਗਰ ਏ ਧਰਹਿ ।
ਚਲੋ ਨਗਰ ਤੁਮ ਔਰ ਸਵਾਰੋ । ਤਿਹ ਠਾਂ ਵਸੋ ਅਧਿਕ ਸੁਖ ਧਾਰੋ ॥ 116 ॥

ਦੋਹਰਾ

ਬਚਨ ਮਾਨ ਗੁਰੁ ਕੇ ਤਬੇ ਸਾਧੂ ਨਿਜ ਗ੍ਰਿਹ ਆਇ ।
ਨਿਜ ਨਾਰੀ ਕਉ ਸੰਗ ਲੈ ਅਯੋ ਗੁਰੁ² ਨਿਕਟਾਇ ॥ 117 ॥

ਚੌਪਈ

ਆਇ ਤ੍ਰਿਯਾ ਗੁਰੁ ਕੇ ਪਗ³ ਲਾਗੀ । ਦਯਾ ਸਿੰਧ ਜਾਨੈ ਵਡਭਾਗੀ ।
ਰੂਪ ਚੰਦ ਕਾ ਰੂਪ ਨਿਹਾਰਾ । ਦਯਾ ਸਿੰਧੁ ਮਨ ਆਨੰਦ ਧਾਰਾ ॥ 118 ॥
ਨਿਜ ਪੁਸ਼ਾਕ ਆਯੁਧ ਸਭ ਦੀਨੇ । ਰੂਪ ਚੰਦ ਮਨ ਆਨੰਦ ਲੀਨੇ ।
ਦਿਖ ਕੌਤਕ ਬਿਧੀਆ ਬਿਸਮਾਯੋ । ਧੰਨ ਧੰਨ ਸ੍ਰੀ ਗੁਰੁ ਕਉ ਗਾਯੋ ॥ 119 ॥

ਦੋਹਰਾ

ਜਾਮ ਦਿਵਸ ਜਬ ਲੋ ਰਹਾਂ ਢੂੰਢਤ ਸੈਨਾ ਆਇ ॥
ਧੇਨੁ ਤ੍ਰਿਖਾਤੁਰਿ ਆਇ ਜਿਮ ਦੇਖ ਨੀਰ ਪਰ ਧਾਇ ॥ 120 ॥

ਚੌਪਈ

ਆਇ ਸੈਨ ਗੁਰ ਕੈ ਪਗ ਲਾਗੀ । ਦਰਸ ਨੀਰ ਅਚ ਬਹੁ ਸੁਖ ਪਾਗੀ ।
ਸਾਧੂ ਕਉ ਗੁਰ ਐਸ ਉਚਾਰਾ । ਕਰੋ ਪਿਆਨ ਨ ਲਾਇ ਅਵਾਰਾ ॥ 121 ॥

¹ਅ ਪੋਥੀ ਸ੍ਰੀ ਸਤਿਗੁਰੂ ²ਅ ਪੋਥੀ ਪ੍ਰਭੂ ³ਅ ਪੋਥੀ ਚਰਨਨ

ਸ੍ਰੀ ਗੁਰ ਤਹਿੰ ਤੇ ਕੀਨ ਪਯਾਨਾ । ਸੁਤ ਤੀਯ ਜੁਤ ਸਾਧੂ ਸੁਖ ਮਾਨਾ ।
ਦਯਾ ਸਿੰਧੁ ਕੇ ਸੰਗ ਪਧਾਰੇ । ਰੂਪ ਚੰਦ ਅਸ ਕੋਤਕ ਸਾਰੇ ॥ 122 ॥

ਦੋਹਰਾ

ਪੁਸ਼ਾਕ ਗੁਰੂ ਕੀ ਸਸਤ੍ਰ ਜੁਤ ਲੀਨੀ ਸੀਸ ਉਠਾਇ ।
ਦਯਾ ਸਿੰਧੁ ਅਸ ਦੇਖ ਕੇ ਸ੍ਰੀ ਮੁਖ ਬਚਨ ਅਲਾਇ ॥ 123 ॥

ਚੌਪਈ

ਰੂਪ ਚੰਦ ਨਿਜ ਅੰਗ ਧਰਾਵੇ । ਕਾਹਿ ਭਾਰ ਨਿਜ ਸੀਸ ਉਠਾਵੇ ।
ਰੂਪਚੰਦ ਕਹਿ ਸੁਨਹੂੰ ਸਵਾਮੀ । ਰਾਵਰ ਬਸਤ੍ਰ ਸਸਤ੍ਰ ਸੁਖ ਧਾਮੀ ॥ 124 ॥
ਤੁਛ ਜੀਵ ਹਉ ਸਕਤਿ ਨ ਧਾਰਹੂੰ । ਕਰਉਂ ਪੂਜ ਸਮ ਤੋਹਿ ਨਿਹਾਰਹੂੰ ।
ਸੁਨਤ ਪ੍ਰਭੂ ਦਿਖ ਭਗਤ ਮਹਾਇ । ਦੀਨੋ ਵਰ ਇਹ ਸਤਿ ਸੁਨਾਇ ॥ 125 ॥

ਦੋਹਰਾ

ਤੁਮ ਰਸਨਾ ਸਮ ਤੇਗ ਕੇ ਕਤ ਤੁਮ ਆਯੁਧ ਧਾਰ ।
ਦਸਮ ਰੂਪ ਜਬ ਧਾਰਹੂੰ ਰਾਖਹੁ ਯਾਹਿ ਸੁਧਾਰ ॥ 126 ॥

ਚੌਪਈ

ਰੂਪਚੰਦ ਸੁਨ ਆਨੰਦ ਪਾਏ । ਚਤੁਰ^੧ ਕੋਸ ਤਬ ਹੀ ਚਲਿ ਆਏ ।
ਸੁੰਦਰ ਤਹਿ ਠਾਂ ਭੂਮ ਨਿਹਾਰੀ । ਡੇਰਾ ਕੀਨਾ ਤਹਾਂ ਮੁਰਾਰੀ ॥ 127 ॥
ਪਰੀ ਰੇਨ ਚਰਚਾ ਬਹੁ ਕੀਨੀ । ਭਾਂਤਿ ਭਾਂਤਿ ਕੀ ਆਨੰਦ ਲੀਨੀ ।
ਨਿਸਾ^੨ ਬਤੀਤ ਜਬੈ ਰਵਿ ਆਯੋ । ਹਰਿ ਗੋਵਿੰਦ ਗੁਰੁ ਬਯੋਤ ਬਨਾਯੋ ॥ 128 ॥

ਦੋਹਰਾ

ਸੁੰਦਰ ਸਮਾ ਨਿਹਾਰ ਕੈ ਸੁਭ ਗ੍ਰਹਿ ਲਗਨ ਸੁਹਾਇ ।
ਖੋੜਸ ਦਿਵਸ ਵਿਸਾਖ ਕੇ ਵਾਰ ਸਸੀ ਸੁਖਦਾਇ ॥ 129 ॥

ਚੌਪਈ

ਸਤਿਨਾਮ ਕਹਿ ਟਕ ਲਗਾਯੋ । ਸਾਧੂ ਕਉ ਅਸ ਬਚਨ ਅਲਾਯੋ ।
ਧਰੋ ਨਾਮ ਪੁਨ ਅਪਨੋ ਭਾਈ । ਸਾਧੂ ਕਹਿ ਸੁਤ ਨਾਮ ਧਰਾਈ ॥ 130 ॥
ਦਯਾ ਸਿੰਧੁ ਪੁਨ ਬਚਨ ਉਚਾਰਾ । ਭਾਈ ਰੂਪਾ ਨਗਰ ਨਿਹਾਰਾ ।
ਅਸ ਕਹਿ ਆਇਸ ਬਹੁਰੋ ਦਈ । ਰਚਓ ਸਦਨ ਪੁਨ ਦੇਰ ਨ ਕਈ ॥ 131 ॥

ਦੋਹਰਾ

ਹਮ ਭੀ ਬਹੁਰੋ ਆਇਕੈ ਕਛੂ ਦਿਨ ਈਹਾਂ ਬਸਾਇ ॥
ਦੈ ਧੀਰਜ ਪਿਆਨਾ ਕੀਓ ਸ੍ਰੀ ਗੁਰੁ ਜਨ ਸੁਖਦਾਇ ॥ 132 ॥

¹ਅ ਅਤੇ ਏ ਪੌਥੀ ਗੁਰ ²ਅ ਪੌਥੀ ਬਕ ^੩ਏ ਪੌਥੀ ਮਤ੍ਰ

ਚੌਪਈ

ਸਾਧੂ ਰੂਪਚੰਦ ਧਰ ਧੀਰਾ । ਸੁੰਦਰ ਨਗਰ ਤਹਿ ਰਚਾ ਗੰਭੀਰਾ ।
ਸ੍ਰੀ ਗੁਰੁ ਕੋਤਕ ਕਰਤ ਅਪਾਰਾ । ਖੇਲਤ ਬਨ ਮਾਹਿ ਅਧਿਕ ਸ਼ਿਕਾਰਾ ॥ 133 ॥
ਪੈਦੇ ਖਾਂ ਅਸ¹ ਬਾਤ ਅਲਾਈ । ਹੇ ਪ੍ਰਭ ਮੋਕਉ ਦਏ ਭਲਾਈ ।
ਹਮ ਢੂੰਢਤ ਤੁਮ ਜਾਇ ਨਿਹਾਰਾ । ਸ੍ਰੀ ਗੁਰੁ ਕਹਾ ਅਧਿਕ ਤੁਮ ਪਿਆਰਾ ॥ 134 ॥

ਦੋਹਰਾ

ਸੁੰਦਰ ਕਰਤ ਬਿਲਾਸ ਅਸ ਅਏ ਡਰੋਲੀ ਮਾਂਝ ।
ਭਗਤ ਸਿੰਘ ਸਭ ਕੋ ਮਿਲੇ ਅਥਯੋ ਸੂਰ ਪਰੀ ਸਾਂਝ ॥ 135 ॥

ਚੌਪਈ

ਤਹਿ ਠਾਂ ਕੀਨੇ ਚਰਿਤ ਅਪਾਰਾ । ਬੀਤ ਬਰਖ ਸੁਖ ਸੰਗ ਸੁਧਾਰਾ ।
ਮਿਲਨ ਹੇਤ ਬਾਬਾ ਚਲ ਆਯੋ । ਸੁਤ ਨਾਰੀ ਕਉ ਸੰਗ² ਲਵਾਯੋ ॥ 136 ॥
ਕੀਰਤਪੁਰ ਸਭ ਨਗਰ ਬਸਾਇ । ਛੋਡ ਦਾਸ ਤਹਿ ਠਾਂ ਸੌਂਪਾਇ ।
ਸ੍ਰੀ ਗੁਰ ਸੁਨੇ ਡਰੋਲੀ ਆਏ । ਸੀਧੇ ਮਗ ਆਯੋ ਹਰਖਾਏ ॥ 137 ॥

ਦੋਹਰਾ

ਕਛੁ ਦਿਨ ਰਹੇ ਮਧ ਮਾਸ ਕੋ ਅਯੋ ਡਰੋਲੀ ਮਾਂਹਿ ।
ਪਦ ਪੰਕਜ³ ਗੁਰ ਕੇ ਪਰਾ ਮਨ ਮਹਿ ਅਧਿਕ ਉਮਾਹਿ ॥ 138 ॥

ਚੌਪਈ

ਬੁਢਨ ਓਰ ਬਿਨਤਿ ਪੁਰ ਗਾਈ । ਦਰਸ ਚਾਹ ਰਹੈ ਸਦਾ ਗੁਸਾਈ ।
ਜਿਹ ਬਿਧਿ ਸੁੰਦਰ ਨਗਰ ਬਸਾਯੋ । ਕੀਰਤ ਪੁਰ ਕਉ ਚਰਿਤ ਸੁਨਾਯੋ ॥ 139 ॥
ਸੁਨਤ ਪ੍ਰਭੁ ਮਨ ਮਹਿ ਸੁਖ ਪਾਏ । ਧੰਨ ਧੰਨ ਸ੍ਰੀ ਮੁਖਹੂੰ ਅਲਾਏ ।
ਭਗਤ ਸਿੰਘ ਪੁਨ ਬਿਨੈ ਅਲਾਈ । ਹਰੀ ਰਾਇ ਸੁਤ ਅੰਕ ਸੁਹਾਈ ॥ 140 ॥

ਦੋਹਰਾ

ਪਦ ਪੰਕਜ ਗੁਰ ਕੇ ਪਰਾ ਸ੍ਰੀ ਮੁਖ⁴ ਦਈ ਅਸੀਸ ।
ਹਰੀਰਾਇ ਬਪੁ ਦੇਖਕੈ ਸਤਿਗੁਰ ਭਏ ਜਗੀਸ ॥ 141 ॥

ਚੌਪਈ

ਦੈ ਅਸੀਸ ਮਨ ਮਾਹਿ ਹਰਖਾਇ । ਤੀਨ ਮਾਤ ਯੁਤ ਪਿਤ ਹਰਖਾਇ ।
ਰਾਮੋ ਮਿਲ ਪੁਨ ਦਈ ਅਸੀਸ । ਚਿਰ ਜੀਵੈ ਸੁਤ ਤੋਰ ਜਗੀਸ ॥ 142 ॥

ਦੋਹਰਾ

ਸਾਂਈ ਦਾਸ ਸੁਖ ਅਧਿਕ ਧਰ ਬਾਬੇ ਅੰਕ ਮਿਲਾਇ ।
ਕੁਸਲ ਪ੍ਰਸਨ ਪ੍ਰਫੁਤ ਘਨੋ ਕਹਿ ਤਕ ਕਹਓ ਸੁਨਾਇ ॥ 143 ॥

¹ਅ ਪੋਥੀ ਇਸ 'ਅ' ਤੋਂ ਬ ਪੋਥੀ ਸਾਥਿ ²ਅ ਤੋਂ ਬ ਪੋਥੀ ਚਰਨ ਕਸਲ ³ਅ ਪੋਥੀ ਸਤਿਗੁਰ

ਚੌਪਈ

ਸਭ ਪ੍ਰਵਾਰ^੧ ਮਿਲ ਆਨੰਦ ਪਾਯੋ । ਮਿਲੈ ਸੂਰ ਸਭ ਅਨੰਦ ਧਰਾਯੋ ।
 ਤਬ ਲੋ ਅਨਗਨ ਸੰਗਤ ਆਈ । ਵਿਸਾਖੀ ਮੇਲਾ ਭਯੋ ਤਦਾਈ ॥ 144 ॥
 ਕਰ ਦਰਸਨ ਮਨ ਬਾਂਛਤ ਪਾਇ । ਸੰਗਤਿ ਨਿਜ ਨਿਜ ਧਾਮ ਸਿਧਾਇ ।
 ਨਿਤ ਨੂਤਨ ਗੁਰ ਖੇਲ ਸ਼ਿਕਾਰਾ । ਬਹੁ ਕੌਤਕ ਕਰ ਗੁਰੂ^੨ ਮੁਰਾਰਾ ॥ 145 ॥

ਦੋਹਰਾ

ਕਥਾ ਬ੍ਰਿਧ ਤੇ ਹਉ ਡਰਉ ਥੋਰੀ ਕਹਉ ਬਨਾਇ ।
 ਮਾਤ ਦਮੋਦਰੀ ਜੈਸ ਬਿਧਿ ਪਰਮ ਧਾਮ ਗੁਰ ਜਾਇ ॥ 146 ॥

ਚੌਪਈ

ਸੁਨੋ ਸੰਤ ਇਕ ਮਾਸ ਬਿਤਾਏ । ਸਾਵਣ ਅਯੋ ਅਧਿਕ ਸੁਖ ਦਾਏ ।
 ਮਾਤ ਦਮੋਦਰੀ ਕੀਨ ਇਸਨਾਨਾ । ਪਦ ਪੰਕਜ ਗੁਰ ਲਾਇ ਧਿਆਨਾ ॥ 147 ॥
 ਪਾਂਚ ਮਾਤ ਤਬ ਦਰਸ ਦਿਖਾਯੋ । [ਪੈਖੈ] ਸੋ ਜਿਹ ਧਿਆਨ ਰਹਾਯੋ ।
 ਮਾਤ ਸੁਲਖਣੀ ਖੀਵੀ ਸੰਗਾ । ਰਾਮੋ ਭਾਨੀ ਮਾਤਾ ਗੰਗਾ ॥ 148 ॥
 ਪਾਂਚੋ ਆਇ ਐਸ ਕਹਿ ਬਾਨੀ । ਚਲੋ ਧਾਮ ਨਿਜ ਔਧ ਬਿਹਾਨੀ ।
 ਭਯੋ ਜਗਤ ਮਹਿ ਤੁਮ ਜਸ ਭਾਰੀ । ਪੁਤ੍ਰ ਪੋਤ੍ਰੇ ਨੈਨ ਨਿਹਾਰੀ ॥ 149 ॥

ਦੋਹਰਾ

ਤਾਂਤੇ ਦੇਰ ਨ ਠਾਨੀਯੇ ਪਤਿ ਕੀ ਆਇਸ^੩ ਪਾਇ ।
 [ਹਮ]^੪ ਸੰਗ ਅਪਨੇ ਧਾਮ ਕਉ ਚਲੋ ਸੁ ਗਹੁਰ ਬਿਹਾਇ ॥ 150 ॥

ਚੌਪਈ

ਮਾਤ ਦਮੋਦਰੀ ਬਹੁ ਸੁਖ ਪਾਯੋ । ਸਭੀ ਮਾਤ ਕਉ ਧੰਨ ਅਲਾਯੋ ।
 ਪਾਂਚ ਮਾਤ ਹੁਇ ਅੰਤਰ ਧਿਆਨ । ਤਬ ਲੋ ਆਏ ਕ੍ਰਿਪਾ ਨਿਧਾਨ ॥ 151 ॥
 ਦਮੋਦਰੀ ਮਾਤ ਚਰਨ ਲਪਟਾਈ ॥ ਆਪ ਚਲਨ ਕੀ ਬਾਤ ਅਲਾਈ ।
 ਸਵਾਮੀ ਆਇਸ ਚਾਹੋਂ ਬਾਰੀ । ਦਾਸੀ ਜਾਨ ਨ ਲਾਇ ਅਵਾਰੀ ॥ 152 ॥

ਦੋਹਰਾ

ਦਯਾਸਿੰਧ ਆਇਸ ਕਰੀ ਜਾਹੁ ਹਰਖ ਨਿਜ ਧਾਮ ।
 ਚਲਤ ਅਪਨੀ ਵਾਰ ਸਭ ਕੋਇ ਨ ਕਰਸਿ ਮੁਕਾਮ ॥ 153 ॥

ਚੌਪਈ

ਸ੍ਰੀ ਸਤਿਗੁਰ ਕੀ ਆਇਸ ਪਾਇ । ਸਭ ਪ੍ਰਵਾਰ^੫ ਕਉ ਨਿਕਟ ਬੁਲਾਇ ।
 ਸਭ ਕਉ ਮਿਲ ਧਰ ਕੁਸਾ ਡਸਾਇ । ਸ੍ਰੀ ਗੁਰੁ ਧਿਆਨ ਹੀਏ ਮਹਿ ਆਇ ॥ 154 ॥

^੧ਅ ਪੋਥੀ ਕੁਟੰਬ ^੨ਅ ਤੇ ਦ ਪੋਥੀ ਪ੍ਰਭੂ ^੩ਅ ਪੋਥੀ ਆਗਯਾ ^੪ਅ ਪੋਥੀ ਵਿਚੋਂ ^੫ਅ ਤੇ ਦ ਪੋਥੀ ਕੁਟੰਬ

ਕੀਨ ਸੈਨ ਤਬ ਪ੍ਰਾਨ ਬਿਲਾਏ । ਪਾਂਚ ਮਾਤ ਸੰਗ ਪਿਆਨ ਕਰਾਏ ।
ਪਰਮ ਲਛੁ ਕਾ ਰੂਪ ਧਰਾਯੋ । ਅਰਧ ਭਾਗ ਨਿਜ ਧਾਮ ਸਿਧਾਯੋ ॥ 155 ॥

ਦੋਹਰਾ

ਸਸ ਖਟ ਅਹਿ ਕੁਲ ਵਸ ਤਬੈ ਸਾਵਨ ਸੁਦਿ ਅਹਿ ਜਾਨ ।
ਸਸੀ ਪੁਤ੍ਰ ਦਿਨ ਦਵਾਦਸੀ ਕੀਨਾ ਮਾਤ ਪਯਾਨ ॥ 156 ॥

ਚੌਪਈ

ਦੇਖ ਸਭੀ ਜਨ ਬਿਸਮਹਿ ਪਾਯੋ । ਸ੍ਰੀ ਗੁਰੁ ਮੁਖ ਸਿਉ ਐਸ ਅਲਾਯੋ ।
ਸੋਕ ਨ ਕੋ ਮਨ ਭੀਤਰ ਕੀਜੈ । ਜਪੋ ਨਾਮ ਤਾਕੋ ਸੁਖ ਦੀਜੈ ॥ 157 ॥
ਤਬ ਲੋ ਅਰਧ ਜਾਮ ਦਿਨ ਆਯੋ । ਬਾਬਕ ਮਾਰੂ ਸਬਦ ਸੁਨਾਯੋ ।
ਬਾਬਕ ਕਉ ਗੁਰੁ ਐਸ ਅਲਾਇ । ਮ੍ਰਿਤ ਰੀਤਿ ਤੁਮ ਕਰੋ ਸਬਾਇ¹ ॥ 158 ॥

ਦੋਹਰਾ

ਤੋ ਲੋ ਦਾਸ ਪਠਾਇਓ ਬਾਬੇ ਤਬੈ ਸੁਧਾਰ ।
ਮ੍ਰਿਤਕ ਰੀਤਿ ਸਭ ਹੀ ਕਰੀ ਸਤ ਸੁਨੋ ਤਿਹ ਵਾਰ ॥ 159 ॥

ਚੌਪਈ

ਮਾਤ ਨਾਨਕ ਐ ਮਰਵਾਹੀ । ਭਈ ਅਧੀਰ ਧੀਰ ਨਹਿ ਪਾਹੀ ।
ਰਾਮੋ ਪਤਿ ਜੁਤ ਬਿਰਹਿ ਧਰਾਇ । ਬਿਹਬਲ ਹੋਇ ਪਰੀ ਮੁਰਝਾਇ ॥ 160 ॥
ਗੁਰੁ ਆਯਸ ਰਚਿ ਸੁੰਦਰ ਯਾਨਾ । ਮਾਤ ਮਾਤ ਤਨ ਮਜਨੁ ਠਾਨਾ ।
ਬਿਬਾਨ ਮਧ ਮਾਤਾ ਤਨ ਪਾਇ । ਲੀਨੋ ਤਤ ਛਿਨ ਕੰਧ ਉਠਾਇ ॥ 161 ॥

ਦੋਹਰਾ

ਸੂਰਜ ਮਲ ਬਾਬੇ ਤਬੈ ਬਿਧੀਏ ਜੇਠੇ ਜਾਨ ॥
ਇਹ ਚਾਰਹੁ ਨਿਜ ਕੰਧ ਪੈ ਚਾਲੇ ਰਾਮ ਬਖਾਨ ॥ 162 ॥

ਚੌਪਈ

ਅਣੀ ਤੇਗ ਮੁਖ ਸੰਖ ਬਜਾਵਹਿ । ਧੀਰ ਮਲ ਪੁਨ ਚਵਰ ਦੁਰਾਵਹਿ ।
ਆਗੇ ਚਾਲਤ ਪ੍ਰਭੂ ਮੁਰਾਰਾ । ਮਾਰੂ ਚੌਕੀ ਹੋਤ ਸੁਧਾਰਾ ॥ 163 ॥
ਕਛੂਕ ਦੂਰ ਨਗਰ ਤੇ ਜਾਈ । ਚੰਦਨ ਕੀ ਤਹਿ ਚਿਖਾ ਬਨਾਈ ।
ਕਰੀ ਰੀਤਿ ਤਨ ਤਾਂਹਿ ਧਰਾਯੋ । ਬਾਬੇ ਨਿਜ ਕਰ ਲਾਬੂ ਲਾਯੋ ॥ 164 ॥

ਦੋਹਰਾ

ਸ੍ਰੀ ਗੁਰੁ ਲਾਇ ਦੀਵਾਨ ਤਬ ਚੌਕੀ ਸਬਦ ਸੁਨਾਇ ।
ਕਪਾਲ ਕਿਰਿਆ ਕਰ ਨਹਾਇ ਕੈ ਬਾਬਾ ਅਯੋ ਤਦਾਇ ॥ 165 ॥

¹ਦ ਪੋਥੀ ਬਠਾਇ

ਪਾਇ ਭੋਗ ਤਬ ਸਬਦ ਕਾ ਸੋਹਿਲਾ ਕੀਨ ਉਚਾਰ ।
ਕੜਾਹ¹ ਬਾਂਟ ਬਹੁ ਦਾਨ ਦੇ ਆਏ ਸਦਨ ਮਝਾਰ ॥ 166 ॥

ਚੌਪਈ

ਤਾਂ ਦਿਨ ਕੀਰਤਨ ਭਯੋ ਅਪਾਰਾ । ਕਿੰਨਰ ਜਛ ਮਨੋ ਤਨ ਧਾਰਾ ।
ਰਾਮੋ ਵਿਰਹ ਪਾਇ ਮਨ ਭਾਰੀ । ਕਰ ਵਿਚਾਰ ਪਤਿ ਪਾਸ ਪੁਕਾਰੀ ॥ 167 ॥
ਐਸ ਸਮਾ ਪਤਿ ਹਾਥ ਨ ਆਵੈ । ਬਿਰਹ ਬੈਨ ਗੁਰੁ ਦਰਸਨ ਪਾਵੈ ।
ਤਾਤੇ ਪਤਿ ਮਮ ਆਇਸ² ਦੀਜੈ । ਚਲਉਂ ਬਹਿਨ ਪੈ ਦੇਰ ਨ ਕੀਜੈ ॥ 168 ॥

ਦੋਹਰਾ

ਸਾਂਈ ਦਾਸ ਐਸੇ ਕਹਾ ਵਿਰਹ ਮਾਤ ਕਉ ਪਾਇ ।
ਪਯਾਰੀ ਜਾਨੋ ਸਤਿ ਇਹ ਮੋ³ ਤੇ ਰਹਯੋ ਨ ਜਾਇ ॥ 169 ॥

ਚੌਪਈ

ਸਾਰੀ ਨਿਸ ਇਹ ਭਾਂਤਿ ਬਿਤਾਈ । ਕਥਤ ਪਰਸਪਰ ਪ੍ਰੇਮ ਮਹਾਈ ।
ਭੋਰ ਹੋਤ ਗੁਰੁ ਦਰਸਨ ਪਾਇ । ਬਿਰਹ ਭੈਨ ਕਉ ਸਹਯੋ ਨ ਜਾਇ ॥ 170 ॥
ਪ੍ਰੇਮ ਮਗਨ ਰਾਮੋ ਤਨ ਤਿਆਗਾ । ਭਗਤ ਸਿੰਘ ਇਹ ਪਤਿ ਰਸ ਪਾਗਾ ।
ਪਯਾਰੀ ਵਿਰਹਿ ਪ੍ਰਾਨ ਸਮ ਜੋਗੀ । ਤਤ ਛਿਨ ਤਜੈ ਕੁੰਚ ਜਿਮ ਭੋਗੀ ॥ 171 ॥

ਦੋਹਰਾ

ਸਾਂਈ ਦਾਸ ਯੁਤ ਨਾਰਿ ਕਉ ਸੁੰਦਰ ਯਾਨ ਬੈਠਾਇ ।
ਸੁਨੋ ਸੰਤ ਗੁਰਧਾਮ ਕਉ ਜਾਤ ਭਏ ਸੁਖ ਪਾਇ ॥ 172 ॥

ਚੌਪਈ

ਬਿਸਮੈ ਭਏ ਦੇਖ ਨਰ ਨਾਰੀ । ਪ੍ਰੇਮ ਦੁਹੂ ਕਾ ਜਾਨ ਅਪਾਰੀ ।
ਗੁਰੁ ਆਇਸ ਬਾਬੇ ਕਉ ਦੀਨੀ । ਬਾਬੇ ਰੀਤਿ ਮਾਤ ਸਮ ਕੀਨੀ ॥ 173 ॥
ਬੋਰੇ ਤੇ ਲੀਜੇ ਬਹੁ ਜਾਨ । ਜਿਹ ਠਾਂ ਸ੍ਰੀ ਗੁਰ ਕ੍ਰਿਪਾ⁴ ਨਿਧਾਨ ।
ਦਮੋਦਰੀ ਕੇ ਜਬ ਪੁਸ਼ਪ ਚੁਨਾਏ । ਡਲੇ ਤੇ ਪਿਤ ਮਾਤਾ ਆਏ ॥ 174 ॥

ਦੋਹਰਾ

ਦੇਖ ਚਿਖਾ ਨਿਜ ਸੁਤਾ ਕੀ ਮਨ ਮਾਹਿ ਬਹੁ ਬਿਲਖਾਇ⁵ ।
ਅਧਿਕ ਧੀਰ ਗੁਰੁ ਦੇਤ ਹਹਿ ਬਿਰਹਿ ਭਾਰ ਬਲ ਪਾਇ ॥ 175 ॥

ਚੌਪਈ

ਰਾਮੋ ਪਤਿ ਜੁਤ ਤਜੇ ਪ੍ਰਾਨਾ । ਸੁਨਤ ਐਸ ਅਤਿਸੈ ਸ੍ਰਮ ਮਾਨਾ ।
ਦਯਾ ਕੌਰ ਕਹਿ ਰਹਯੋ ਨ ਜਾਈ । ਹੇ ਪਤਿ ਹਮਰੇ ਪ੍ਰਾਨ ਬਿਲਾਈ ॥ 176 ॥

¹ਅ ਪੋਥੀ ਪ੍ਰਸਾਦ ²ਅ ਪੋਥੀ ਆਗਯਾ ³ਅ ਤੇ ਏ ਪੋਥੀ ਹਮ ⁴ਅ ਪੋਥੀ ਮਯਾ ⁵ਅ ਤੇ ਏ ਪੋਥੀ ਬਿਲਲਾਇ

ਦਾਸ ਨਰਾਇਨ ਬੈਨ¹ ਅਲਾਏ । ਪਯਾਰੀ ਹਮ ਤੇ ਰਹਿਓ ਨ ਜਾਇ ।
ਅਸ ਕਹ ਤਤ ਛਿਨ ਤਜੈ ਪਰਾਨਾ । ਦਯਾ ਕੌਰ ਪਤਿ ਚਰਿਤ ਦਿਖਾਨਾ ॥ 177 ॥

ਦੋਹਰਾ

ਪਤਿ ਕੀ ਪ੍ਰੀਤਿ ਵਿਚਾਰ ਕੈ ਤਤ ਛਿਨ ਤਜੈ ਪਰਾਨ ।
ਜਗ ਜੀਵਨ ਤਹਿ ਸਫਲ ਹੈ ਤਣਕ ਵਿਰਹਿ ਨਹਿ ਠਾਨ ॥ 178 ॥

ਚੌਪਈ

ਦੋਊ ਤਨ ਤਜ ਗੁਰੁ ਗ੍ਰਿਹ ਧਾਏ । ਪਤਿ ਤ੍ਰਿਯ ਸੁੰਦਰ ਯਾਨਿ ਬੈਠਾਏ ।
ਪਿਖ ਸਭ ਹੀ ਜਨ ਬਿਸਮਹਿ ਭਏ । ਬਿਧ ਗਤਿ ਅਗਮ ਲਖੀ ਨਹਿ ਜਏ ॥ 179 ॥
ਮ੍ਰਿਤਕ ਰੀਤਿ ਗੁਰ ਆਪ ਸਵਾਰੀ । ਨਿਜ ਹਾਥਨ ਸਿਉ ਪੁਤ੍ਰ ਉਦਾਰੀ ।
ਦਾਹੁ ਆਦਿ ਕੀਨੀ ਸਭ ਰੀਤਿ । ਭਗਤ ਸਿੰਘ ਧਰ ਮਨ ਮਾਂਹਿ ਪ੍ਰੀਤਿ ॥ 180 ॥

ਦੋਹਰਾ

ਮਾਤ ਦਮੋਦ੍ਰੀ ਕੇ ਤਬੇ ਬਾਬਾ ਪੁਸ਼ਪ ਚੁਨਾਇ ।
ਕਰ ਮਜਨ ਨਿਜ ਸੰਗਿ ਲੈ ਆਏ ਸਦਨ ਤਦਾਇ ॥ 181 ॥
ਸ੍ਰੀ ਗੁਰੁ ਬਾਬੇ ਕਉ ਕਹਯੋ ਗ੍ਰੰਥ ਪਾਠ ਕਰਵਾਇ ।
ਬਿਧੀਆ ਤਬ ਕੈਸੇ ਕੀਓ ਚੌਕੀ ਸਬਦ ਅਲਾਇ ॥ 182 ॥

ਚੌਪਈ

ਸਾਂਈ ਦਾਸ ਰਾਮੇ ਕੇ ਫੂਲਾ । ਬਾਬੇ ਚੁਗੇ ਪੁਤ੍ਰ ਅਨਕੂਲਾ ।
ਜਾਨ ਸਸੁਰ ਨਿਜ ਸਾਸ ਲਖਾਇ ॥ ਸਭੈ ਸਮਗ੍ਰੀ ਪੁਸ਼ਪ ਚੁਨਾਇ ॥ 183 ॥

ਦੋਹਰਾ

ਪਾਂਚਹੁੰ ਕੇ ਸ੍ਰੀ ਗੁਰੁ ਤਬੇ ਦੀਨੇ ਪੁਸ਼ਪ ਪਠਾਇ ।
ਗੰਗਾ ਕਉ ਸੰਗਿ ਸਿਖ ਦੈ ਖਾਸੇ ਮਧ² ਧਰਾਇ ॥ 184 ॥

ਚੌਪਈ

ਸੁਨਤ ਅਚੰਭਾ ਸਭ ਜਨ ਪਾਵਹਿ । ਦੂਰ ਦੂਰ ਤੇ ਆਇ ਬੁਲਾਵਹਿ ।
ਹੋਤ ਰਾਗ ਨਿਤ ਨੂਤਨ ਭਾਰਾ । ਚਾਲਤ ਮਨੋ ਵਿਰਹ ਕੀ ਧਾਰਾ ॥ 185 ॥
ਜਿਉ ਜਿਉ ਸੁਨਤ ਲੋਕ³ ਚਲ ਅਏ । ਦੂਰ ਦੂਰ ਤੇ ਗਹੁਰ ਬਿਹਾਏ ।
ਹਰੀ ਚੰਦ ਨਾਰੀ ਜੁਤ ਆਯੋ । ਸੁੰਦਰ ਪਰਮਾਨੰਦ ਬਤਾਯੋ ॥ 186 ॥

ਦੋਹਰਾ

ਦਵਾਰਾ ਆਯੋ ਨਾਰਿ ਜੁਤ ਰਾਮੋ ਜੁਤ ਤੀਯ ਆਇ ।
ਹੁਇ ਬਿਸਮਹਿ ਸਬ ਬਾਤ ਸੁਨ ਏਕਠ ਪ੍ਰਾਨ ਬਿਲਾਇ⁴ ॥ 187 ॥

¹ਅ ਪੌਥੀ ਬਚਨ ²ਅ ਪੌਥੀ ਬੀਚ ³ਦ ਪੌਥੀ ਸੰਗਤ ⁴ਅ ਪੌਥੀ ਭਜਾਇ

ਚੌਪਈ

ਖਬਰ ਸੁਨੀ ਐਸ ਜਬ ਸਾਰ ॥ ਆਯੋ ਧਰਮਾ ਜੁਤ ਪਰਿਵਾਰ ।
ਬੀਬੀ ਮੁਖ ਸਿਉ ਐਸ ਅਲਾਵੈ ॥ ਕਹਾਂ ਮਾਤ ਮਮ ਨਾਹਿੰ ਦਿਖਾਵੈ ॥ 188 ॥
ਸ੍ਰੀ ਗੁਰੂ ਸਭ ਕਉ ਧੀਰ ਧਰਾਯੋ । ਦਿਨ ਤ੍ਰਿਯੋਦਸਿ ਸਭ ਹੀ ਢਿਗ ਆਯੋ ।
ਚੌਕੀ ਹੋਵਤ ਸਬਦ ਅਪਾਰਾ । ਬਿਧੀਏ ਕਉ ਗੁਰੂ ਐਸ ਉਚਾਰਾ ॥ 189 ॥

ਦੋਹਰਾ

ਭੋਗ ਸ੍ਰੀ ਗੁਰੂ ਗ੍ਰੰਥਿ ਕਾ ਪਾਵੋ ਡੇਰ^੧ ਨ ਲਾਇ ।
ਸਭ ਸਮਾਜ ਇਕਠਾ ਭਯੋ ਭਗਤ ਸਿੰਘ ਤਬ ਆਇ ॥ 190 ॥

ਚੌਪਈ

ਬਿਧੀਏ ਭੋਗ ਗ੍ਰੰਥਿ ਕਾ ਪਾਯੋ । ਦਯਾ ਸਿੰਧੁ ਤਬ ਸੀਸ ਨਿਵਾਯੋ ।
ਦਈ ਪਾਗ ਬਾਬੇ ਕਉ ਤਬ ਹੀ । ਆਨੰਦ ਧਾਰ ਜਾਨ ਮਨ ਸਬਹੀ ॥ 191 ॥
ਬਾਬਕ ਆਨੰਦ ਕੀਨ ਉਚਾਰਾ । ਬਾਂਟ ਕੜਾਹ ਬਡੋ ਸੁਖਧਾਰਾ ।
ਕਛੁ ਦਿਨ ਸਭ ਜਨ ਤਹਾਂ ਰਹਾਏ । ਬਹੁਰੋ ਨਿਜ ਨਿਜ ਧਾਮ ਸਿਧਾਏ ॥ 192 ॥

ਦੋਹਰਾ

ਸਭ ਕਉ ਧੀਰਜ ਦੇਹਿ ਗੁਰੂ ਵਿਦਾ ਕੀਓ ਤਿੰਹ ਵਾਰ ।
ਸੁੰਦਰ ਪਰਮਾਨੰਦ ਤਬ ਅਪਨੇ ਧਾਮ ਪਧਾਰ ॥ 193 ॥

ਚੌਪਈ

ਹਰੀ ਚੰਦ ਦਾਰਾ ਜੁਤ ਨਾਰੀ । ਪਤਿ ਜੁਤ ਬਾਬੇ ਸਾਸ ਪਧਾਰੀ ।
ਧਰਮਾ ਜੁਤ ਪਰਵਾਰ ਸਿਧਾਯੋ । ਬੀਬੀ ਕਉ ਗੁਰੂ ਧੀਰ ਧਰਾਯੋ ॥ 194 ॥
ਕੀਨ ਵਿਦਾ ਸਭ ਕਉ ਗੁਰੂ ਦੇਵ । ਪਾਛੇ ਐਸ ਵਿਚਾਰ ਅਭੇਵ ।
ਅਬ ਹਉਂ ਕਰਨਾ ਜੁਧ ਅਪਾਰਾ । ਪਠ ਪਰਵਾਰ^੨ ਸੁ ਪੁਰ ਕਰਤਾਰਾ ॥ 195 ॥

ਦੋਹਰਾ

ਬਾਬੇ ਕੋ ਸ੍ਰੀ ਗੁਰੂ ਕਹਾ ਸਭ ਕੋ ਸੰਗ ਲਵਾਇ ।
ਜਾਵੋ ਪੁਰ ਕਰਤਾਰ ਤੁਮ ਤਤ ਛਿੰਨ ਦੇਰ ਨ ਲਾਇ ॥ 196 ॥

ਚੌਪਈ

ਮਾਤ ਦਮੋਦਰੀ ਕਾ ਰਚ ਥਾਨ । ਬਾਬੇ ਤਤ ਛਿੰਨ ਕੀਨ^੩ ਪਯਾਨ ।
ਦੋ ਮਾਤਾ ਗੁਰੂ ਆਇਸ ਪਾਇ । ਚਲੈ ਹਰਖ ਸੋ ਆਨੰਦ ਛਾਇ ॥ 197 ॥
ਖੇਮ ਕੌਰ ਨੰਦ ਤੀਰਥ ਰਾਜੈ । ਚਾਰੋ ਸੁਤ ਗੁਰੂ ਅਸ੍ਰੂ ਬਿਰਾਜੈ ।
ਪੈਦੇ ਖਾਂ ਨਾਰੀ ਸੁਤ ਸੰਗਾ । ਗੁਰੂ ਆਇਸ ਲੈ ਧਾਰ ਉਮੰਗਾ ॥ 198 ॥

ਦੋਹਰਾ

ਭਾਢ੍ਰੋ ਕੇ ਦਿਨ ਦੂਸਰੇ ਗੁਰੁ ਆਇਸ ਕੋ ਪਾਇ ।
ਬਾਬੇ ਪਿਆਨਾ ਤਬ ਕੀਆ ਸਬ ਕਉ ਸੰਗਿ ਲਵਾਇ ॥ 199 ॥

ਚੌਪਈ

ਸ੍ਰੀ ਗੁਰੁ ਗ੍ਰੰਥ ਧਾਰ ਅਤਿ ਖਾਸੇ । ਬਾਬੇ ਕਉ ਅਸ ਬੈਨ ਪ੍ਰਕਾਸੇ ।
ਧੂਪ ਦੀਪ ਸੇਵਾ ਤੁਮ ਧਰੀਏ । ਗੁਰ ਨਾਨਕ ਸਮ ਸੇਵਾ ਕਰੀਏ ॥ 200 ॥
ਹਮ ਭੀ ਆਵਹਿ ਚਿੰਤ ਨ ਧਾਰੋ ॥ ਸਭ ਪਰਵਾਰ ਕੋ ਧੀਰ ਉਚਾਰੋ ।
ਅਸ¹ ਕਹਿ ਵਿਦਾ ਕਰਨ ਗੁਰੁ ਆਏ । ਏਕ ਕੋਸ ਪੁਨ ਪਾਛ ਹਟਾਏ ॥ 201 ॥

ਦੋਹਰਾ

ਗੁਰੁ ਗ੍ਰੰਥ ਕਰ ਬੰਦਨਾ ਸਭ ਕਉ ਧੀਰ ਧਰਾਇ ।
ਪੈਦੇ ਖਾਂ ਕਉ ਮਾਨ ਕਰ ਆਗਿਆ ਵਿਦਾ ਕਰਾਇ ॥ 202 ॥
ਪੰਥ ਮਾਂਹਿ ਬਸ ਹਰਖ ਸਿਉ ਪਹੁੰਚੇ ਪੁਰ ਕਰਤਾਰ ।
ਗੁਰ ਗ੍ਰੰਥ ਧਰਿਯੋ ਸਦਨ ਧੂਪ ਦੀਪ ਬਹੁ ਚਾਰ ॥ 203 ॥
ਸਭ ਪ੍ਰਵਾਰ ਮਨ ਆਨੰਦ ਪਾਏ । ਸੁਨੋ ਸੰਤ ਜਬ ਵਿਦਾ ਕਰਾਏ ।
ਦਯਾ ਸਿੰਧੁ ਗੁਰੁ ਗ੍ਰਿਹਿ ਪਹੁੰਚਾਏ । ਸੂਨਾ ਸਦਨ ਪੇਖ ਬਿਸਮਾਏ ॥ 204 ॥

ਦੋਹਰਾ

ਤੀਨ ਸਹੰਸ ਸੈਨਾ ਤਬੈ ਸਸਤ੍ਰ ਅਸਤ੍ਰ ਤਨ ਧਾਰ ॥
ਨਿਜ ਯਾਨ ਸਵਾਰ ਜਬ ਚੜੇ ਨਾ ਲਾਇ ਅਵਾਰ ॥ 205 ॥

ਚੌਪਈ

ਸ੍ਰੀ ਗੁਰੁ ਨਿਜ ਤਨ ਕਮਰ ਕਸਾਏ ॥ ਕਰ ਬੰਦਨ ਹਯ² ਚੜੇ ਤਦਾਏ ।
ਪੁਰ ਜਨ ਜਾਨ ਗੁਰੁ ਕਰ ਪਿਆਨਾ । ਜੋਰ ਜੁਗਲ ਕਰ ਬਚਨ ਬਖਾਨਾ ॥ 206 ॥
ਸਾਂਈਦਾਸ ਸੁਤ ਤਿਆ ਕਰ ਧਿਆਨਾ । ਤੁਮ ਕਰ [ਪਯਾਨ]³ ਹਮੇ ਦੁਖ ਘਾਨਾ ।
ਕੋ ਰਖਕ ਪ੍ਰਭੂ ਹਮਰਾ ਹੋਈ । ਕਾ ਪੈ ਕਰਹਿ ਅਰਜ ਦੁਖ ਖੋਈ ॥ 207 ॥

ਦੋਹਰਾ

ਸ੍ਰੀ ਮੁਖ ਤੇ ਆਇਸ ਕਰੀ ਸੁਨਹੁ ਸਭੈ ਚਿਤ ਲਾਇ ।
ਬਾਬੇ ਜਨਮ ਸਥਾਨ ਜੋ ਤਿਹ ਕੀ ਪੂਜ ਕਰਾਇ ॥ 208 ॥

ਚੌਪਈ

ਜੋ ਇਛਾ ਨਿਜ ਮੁਖਹੂੰ ਉਚਾਰਉ । ਕਰਹਿ ਪੂਰ ਸੋ ਇਛ ਤਿਹਾਰਉ ।
ਬਾਬੇ ਮਾਤਨ ਦਾਹ ਜਿਹ ਕੀਨੋ । ਤਹਿ ਸੁੰਦਰ ਦੋਹਰਾ ਰਚਿ ਦੀਨੋ ॥ 209 ॥

¹ਏ ਪੋਥੀ ਇਮ ²ਅ ਪੋਥੀ ਅਸ੍ਰ

ਜਾਨ ਮਾਤ ਸਮ ਪੂਜਨ ਕੀਜੈ । ਮਨ ਬਾਂਛਤ ਤਿਹ ਤੇ ਬਰ ਲੀਜੈ ।
ਸਤਿਨਾਮ ਰਿਦ ਧਾਰਿ ਅਭੇਵਾ । ਸਿਖ ਸੰਤਨ ਕੀ ਕੀਜੈ ਸੇਵਾ ॥ 210 ॥

ਦੋਹਰਾ

ਇਹ ਬਿਧਿ ਸਭ ਕਉ ਧੀਰ ਦੇ ਸ੍ਰੀ ਗੁਰੁ ਪਯਾਨ ਕਰਾਇ ।
ਭਾਈ ਰੂਪਾ ਨਗਰ ਜੋ ਤਹਿ ਕੇ ਓਰ ਤਦਾਇ¹ ॥ 211 ॥

ਚੌਪਈ

ਗੁਰੁ ਕੀ ਸੈਨਾ ਨਾਲ ਸੁ ਭਾਰੀ । ਬਲੀ ਏਕ ਤੇ ਏਕ ਅਪਾਰੀ ।
ਫੇਰਤ ਅਸੂ ਚਲਤ ਗੁਰੁ ਸੰਗਾ । ਪਦ ਪੰਕਜ² ਗੁਰੁ ਦੇਖ ਅਭੰਗਾ ॥ 212 ॥
ਪੰਥ ਰੈਨ ਬਸ ਪ੍ਰਾਤ ਪਯਾਨਾ । ਭਾਈ ਰੂਪੇ ਪਹੁੰਚਹਿ ਨਿਧਾਨਾ ।
ਆਗੇ ਰਚਿ ਸੁਭ ਨਗਰ ਸਵਾਰਾ । ਸਦੂ ਰੂਪੇ ਸਦਨ ਅਪਾਰਾ ॥ 213 ॥

ਦੋਹਰਾ

ਸਦੂ ਰੂਪੇ ਅਸ ਸੁਨਾ ਆਏ ਸ੍ਰੀ ਗੁਰੁ ਦੇਵ ।
ਹੁਇ ਅਗੂਜ ਬੰਦਨ ਕਰੀ ਦੀਨ ਵਾਸ ਕਰ ਸੇਵ ॥ 214 ॥

ਚੌਪਈ

ਪੁਨਾ ਨਗਰ ਸਭ ਠੌਰ ਦਿਖਾਯੋ । ਦੇਖ ਰੂਪ ਮਨ ਮਹਿ ਸੁਖ ਪਾਯੋ ।
ਰੂਪ ਚੰਦ ਕੀ ਭਗਤ ਦਿਖਾਇ । ਦਯਾ ਸਿੰਧੁ ਗੁਰੁ ਆਨੰਦ ਪਾਇ ॥ 215 ॥
ਬਿਧੀਏ ਕਉ ਗੁਰੁ ਐਸ ਉਚਾਰਾ । ਰੂਪ ਚੰਦ ਮਮ ਅਧਿਕ ਪਿਆਰਾ ।
ਤਾਂਤੇ ਦੇਹੁ ਸਿੰਘਾਸਨ ਭਾਰੀ । ਕਰਹਿ ਪੂਜ ਸਭ ਜਗ ਨਰ ਨਾਰੀ ॥ 216 ॥

ਦੋਹਰਾ

ਤਿਸੀ ਦਿਵਸ ਸ੍ਰੀ ਸਤਿਗੁਰੁ ਸੁੰਦਰ ਲਾਇ ਦੀਵਾਨ ।
ਸਿੰਘਾਸਨ ਉਚ ਬਨਾਇਕੈ ਸ੍ਰੀ ਮੁਖ ਬਚਨ³ ਬਖਾਨ ॥ 217 ॥

ਚੌਪਈ

ਭਾਈ ਰੂਪਾ ਆਇਸ ਮੋਰੀ । ਜਾਨ ਸਤਿ ਨਹਿ ਕਰਹੂੰ ਬਹੋਰੀ ।
ਗੁਰ ਨਾਨਕ ਕਾ ਧਿਆਨ ਧਰਾਵੋ । ਇਹ ਗਦੀ ਪਰ ਚਰਨ ਟਿਕਾਵੋ ॥ 218 ॥
ਬੇਦੀ ਤੋਹਣ ਭੱਲੇ ਜੈਸੇ । ਸੋਢੀ ਜੈਸ ਭਏ ਤੁਮ ਤੈਸੇ ।
ਦੇਗ ਚਲਾਵੋ ਕਰ ਗੁਰੁ ਧਯਾਨਾ । ਰੂਪ ਚੰਦ ਤਬ ਬਚਨ ਬਖਾਨਾ ॥ 219 ॥

ਦੋਹਰਾ

ਹੇ ਪ੍ਰਭੁ ਜਾਤ ਤਖਾਨ ਮਮ ਨੀਚ ਨਵਾਦੀ ਜਾਨ ।
ਹਉ ਅਨਾਥ ਤੁਮ ਅਸ ਕਹੋ ਕੈਸੇ ਕਰਉ ਪ੍ਰਮਾਨ ॥ 220 ॥

¹ਅ ਪੋਥੀ ਜਿਧਾਇ ²ਏ ਪੋਥੀ ਚਰਨ ਕਮਲ ³ਅ ਪੋਥੀ ਕੀਰੋ

ਚੌਪਈ

ਸੁਨਹੁ ਸੰਤ ਬਚ ਭਾਖ ਮੁਕੰਦਾ । ਨੀਚਹੁ ਉਚ ਕਰੈ ਗੋਬਿੰਦਾ ।
ਤੀਨ ਬੇਰ ਗੁਰੁ ਕਹਾ ਸੁਨਾਇ । ਪੁਨਾ ਭੁਜਾ ਗਹਿ ਦੀਯੋ ਬਹਾਇ ॥ 221 ॥
ਭਾਲ ਤਿਲਕ ਗੁਰੁ ਨਿਜ ਕਰ ਲਾਯੋ । ਪੁਨਾ ਸ੍ਰੀ^੧ ਮੁਖ ਐਸ ਅਲਾਯੋ ।
ਸਾਤ ਪੁਤ੍ਰ ਗ੍ਰਿਹ ਉਪਜਹਿ ਤੁਮਾਰੇ । ਸਾਤ ਸਾਤ ਅਗ੍ਰ ਪ੍ਰਗਟਾਰੇ ॥ 222 ॥

ਦੋਹਰਾ

ਜਬ ਲਗ ਆਯੁਧ ਧਰ ਨਹੀਂ ਨੀਲ ਨ ਅੰਗ ਲਗਾਇ ।
ਤਬ ਲਗ ਗੁਰੁ ਕੀ ਅੰਸ ਸਮ ਤੋਰਿ ਅੰਸ ਸੁਖ ਪਾਇ ॥ 223 ॥

ਚੌਪਈ

ਆਯੁਧ ਨੀਲ ਧਾਰ ਤੁਮ ਜਬ ਹੀ । ਮਿਲੈ ਤਖਾਨ ਪਾਨ ਤੁਮ ਸਭ ਹੀ ।
ਰੂਪ ਚੰਦ ਗੁਰ ਕੇ ਸੁਨ ਬੈਨਾ । ਭਗਤ ਸਿੰਘ ਮਨ ਆਯੋ ਚੈਨਾ ॥ 224 ॥
ਰੂਪ ਚੰਦ ਪਿਤ ਮਾਤ ਆਨੰਦਾ । ਧਰਯੋ ਤਿਲਕ ਭਾਲ^੨ ਦਿਖ ਚੰਦਾ ।
ਮਨ ਮਹਿ ਅਤਿ ਅਨੰਦ ਤਿਨ ਪਾਯੋ । ਸ੍ਰੀ ਗੁਰ ਕਉ ਧੰਨ ਧੰਨ ਅਲਾਯੋ ॥ 225 ॥

ਦੋਹਰਾ

ਰੂਪ ਚੰਦ ਸੰਧੂ ਤਬੈ ਕਰ ਸੇਵਾ ਸੁਖ ਪਾਇ ।
ਬਡ ਅਨੰਦ ਸ੍ਰੀ ਗੁਰੁ ਕੀਓ ਭਾਦ੍ਰੋਂ ਅਰਧ ਬਿਹਾਇ ॥ 226 ॥

ਚੌਪਈ

ਤਬ ਲੋ ਰਾਇ ਜੋਧ ਚਲ ਆਯੋ । ਨਾਰੀ ਜੁਤ ਗੁਰੁ ਪਗ ਲਪਟਾਯੋ ।
ਕਾਂਗੜ ਰਾਜ ਤਾਂਹਿ ਕਾ ਜਾਨੋ । ਧਾਰ ਭੇਟ ਅਤਿ ਹੀ ਘਿਘਿਆਨੋ ॥ 227 ॥
ਸ੍ਰੀ ਗੁਰ ਦੀਯੋ ਤਾਂਹਿ ਉਪਦੇਸਾ । ਨਾਰੀ ਜੁਤ ਭ੍ਰਮ ਦੂਰ ਕਲੇਸਾ ।
ਰਾਇ ਜੋਧ ਗੁਰੁ ਨਿਕਟ ਰਹਾਇ । ਗਈ ਨਾਰ ਗ੍ਰਿਹ ਆਇਸ ਪਾਇ ॥ 228 ॥

ਦੋਹਰਾ

ਸਿਖ ਸੁਤਾ ਬਡ ਭਾਗ ਹਰਿ ਰਾਇ ਜੋਧ ਕੀ ਨਾਰਿ ।
ਪਤਿਬ੍ਰਤਿ ਗੁਰੁ ਉਪਦੇਸ ਲੈ ਪਹੁੰਚੀ ਸਦਨ ਮਝਾਰ ॥ 229 ॥

ਚੌਪਈ

ਦਯਾ ਸਿੰਧ ਨਿਜ ਸੈਨ ਨਿਹਾਰੀ । ਚਾਹਿਤ ਯੁਧ ਬੀਚ ਰਿਸ ਧਾਰੀ ।
ਪਾਛੇ ਆਹਵ ਸ਼ਾਹ ਸੁਨਾਏ । ਕੀਨਾ ਕ੍ਰੋਧ ਵਜ਼ੀਰ ਹਟਾਏ ॥ 230 ॥
ਤਾਂਤੇ ਅਬ ਕੋ ਬਯੋਤ ਬਨਾਵੈ । ਖਾਂ ਵਜ਼ੀਰ ਨਹਿ ਨਿਕਟ ਰਹਾਵੈ ।
ਕਰੋ ਜਤਨ ਪੁਨ ਆਹਵ ਹੋਈ । ਤ੍ਰਿਪਤ ਬੀਰ ਮਨ ਕੇ ਸ੍ਰਮ ਖੋਈ ॥ 232 ॥

^੧ਅ ਪੋਥੀ ਸਤਿਗੁਰੂ ^੨ੲ ਪੋਥੀ ਮਾਥ

ਦੋਹਰਾ

ਮਨ ਮਹਿ ਐਸ ਵਿਚਾਰ ਕੈ ਚਰਚਾ ਕਰਤ ਮਹਾਇ ।
ਰਾਇ ਜੋਧ ਸਿਉਂ ਤਾਂ [ਸਮੈ]¹ ਮਨ ਮਹਿ ਹਰਖ ਧਰਾਇ ॥ 233 ॥

ਚੌਪਈ

ਕਾਬਲ ਕੀ ਸੰਗਤਿ ਬਹੁ ਆਈ । ਭਾਂਤਿ ਭਾਂਤਿ ਕੀ ਭੇਟਾ ਲਯਾਈ ।
ਦੋਇ ਮੁਖੀ ਸੰਗਤਿ ਮਹਿ ਜਾਨੋ । ਗੁਰੁਬਖਸ਼ ਰਾਇ ਤਾਰਾ ਸਸਿ² ਮਾਨੋ ॥ 234 ॥
ਧਰੀ ਭੇਟ ਗੁਰੁ ਦਰਸਨ ਪਾਯੋ । ਅਤਿ ਅਨੰਦ ਧਰ ਖੇਦ ਗਵਾਯੋ ।
ਸ੍ਰੀ ਗੁਰੁ ਕੁਸ਼ਲ ਪੂਛ ਸਭ ਕੇਰੀ । ਕ੍ਰਿਪਾ ਦ੍ਰਿਸ਼ਟ ਸਭ ਉਪਰ ਹੇਰੀ ॥ 235 ॥

ਦੋਹਰਾ

ਬਹੁਰੋ ਸ੍ਰੀ ਮੁਖ ਅਸ ਕਹਾ ਕੌਨ ਪੰਥ ਤੁਮ ਆਇ ।
ਕਹਾ ਰਸ ਸਸਿ ਆਇ ਜੇ ਅਪਨੀ ਕਥਾ ਸੁਨਾਇ ॥ 236 ॥

ਚੌਪਈ

ਹੇ ਗੁਰੁ ਸੰਗਤਿ ਕੀਨ ਪਯਾਨਾ । ਕਾਬਲ ਤੇ ਗੁਰੁ ਪਗ ਧਰ ਧਯਾਨਾ ।
ਸੰਗਤਿ ਆਇ ਲਾਹੌਰ³ ਸੁ ਜਬਹੀ । ਸਹਿਜਹਾਂ ਕਹਿਓ ਪੁਨ ਤਬਹੀ ॥ 237 ॥
ਰੋਜ ਜੁਮੇ ਸੈਨਾ ਸੰਗ ਧਾਰ । ਚਲਾ ਸਾਹਿ ਧਰ ਹੇਤ ਨਿਵਾਰ ।
ਸੁਨੋ ਪ੍ਰਭੂ ਸੰਗਤਿ ਮਨ ਆਇ । ਸ਼ਾਹ ਸੈਨ ਦਿਖ ਅਗਰ ਸਿਧਾਇ । 238 ॥

ਦੋਹਰਾ

ਗੁਰੁਬਖਸ਼ ਰਾਇ ਐਸੇ ਕਹਾ ਕੂਰ ਸਾਹਿ ਕਿਆ ਦੇਖ ।
ਮਮ⁴ ਗੁਰੁ ਸਾਚਾ ਪਾਤਸ਼ਾਹ ਕੀਜੈ ਦਰਸ ਹਮੇਸ ॥ 239 ॥

ਚੌਪਈ

ਤਦਪਿ ਸੰਗਤ ਠਾਢ ਰਹਾਈ । ਭਾਂਤਿ ਭਾਂਤਿ ਕੀ ਸੈਨ ਦਿਖਾਈ ।
ਸ੍ਰੀ ਗੁਰੁ ਕਹਾ ਮਧ ਤਹਿ ਸੈਨਾ । ਕੌਨ ਵਸਤੂ [ਦੇਖੀ]⁵ ਸਮ ਮੈਨਾ ॥ 240 ॥
ਤਾਰਾ ਸਸਿ ਤਬ ਬੈਨ ਅਲਾਏ । ਦੋਇ ਅਸਵ ਗੁਰੁ ਐਸ ਦਿਖਾਏ ।
ਰੂਪ ਚਾਲ ਦਿਖ ਕਾਮ ਲਜਾਵੈ । ਜਟਤ ਜੀਨ ਰਵਿ ਜੋਤ ਸਮਾਵੈ ॥ 241 ॥

ਦੋਹਰਾ

ਬਾਦਸ਼ਾਹ ਕੀ ਸੈਨ ਮਹਿ ਐਸ ਅਸਵ ਨਹਿ ਕੋਇ ।
ਸੰਗਤਿ ਮਨ ਐਸੇ ਕੀਓ ਗੁਰ ਲਾਇਕ ਇਹੁ ਹੋਇ ॥ 242 ॥

ਚੌਪਈ

ਤਿਨ ਪਰ ਸ੍ਰੀ ਗੁਰੁ ਹੋਇ ਸਵਾਰਾ । ਤਬ ਸੰਗਤਿ ਕਰ ਹਰਖ ਦਿਦਾਰਾ ।
ਤਬ ਲੋ ਸਬ ਸੰਗਤਿ ਸਮਝਾਈ । ਗੁਰੁ ਚਾਹ ਹੈ ਤਹਾਂ ਮੰਗਾਈ ॥ 243 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਚੰਦ ³ਅ ਪੋਥੀ ਲਬਪੁਰ ⁴ਅ ਪੋਥੀ ਮਹਿ ⁵ਏ ਪੋਥੀ ਵਿਚੋਂ

ਦਿਲਬਾਗ ਨਾਮ ਹੈ ਏਕ ਪਛਾਨੋਂ । ਗੁਲਬਾਗ ਦੂਸਰੋਂ ਨੀਰਜ ਜਾਨੋਂ ।
ਅਸ ਬਿਚਾਰ ਸੰਗਤਿ ਤਬ ਧਾਈ । ਸੁਧਾ ਸਰੋਵਰ ਦਰਸਨ ਪਾਈ ॥ 244 ॥

ਦੋਹਰਾ

ਕਰ ਮੰਜਨ ਦਰਸਨ ਕੀਯੋ ਆਯੋ ਖਡੂਰ ਤਦਾਇ ।
ਕਰ ਇਸਨਾਨ ਪੁਨ ਬਾਵਲੀ ਆਏ ਤੁਮ ਨਿਕਟਾਇ ॥ 245 ॥

ਚੌਪਈ

ਅਸ ਕਹ ਸੰਗਤਿ ਗੁਰੁ ਪਗ ਲਾਗੀ । ਭਗਤ ਸਿੰਘ ਭਗਤੀ¹ ਰਸ ਪਾਗੀ ।
ਸ੍ਰੀ ਮੁਖ ਐਸ ਕਹਾ ਦਿਆਲਾ । ਸਭ ਸੰਗਤਿ ਤੁਮ ਭਈ ਨਿਹਾਲਾ ॥ 246 ॥
ਕਛੁ ਦਿਨ ਸੰਗਤ ਗੁਰ ਢਿਗ ਰਹੀ । ਦਰਸ ਪਰਸ ਕਰ ਆਨੰਦ ਲਹੀ ।
ਬਹੁਰੋਂ ਸ੍ਰੀ ਗੁਰ ਆਇਸ ਪਾਇ । ਸੰਗਤਿ ਕਾਬਲ ਓਰ² ਸੁ ਜਾਇ ॥ 247 ॥

ਦੋਹਰਾ

ਮਨ ਬਾਂਛਿਤ ਬਰ ਪਾਇ ਕੈ ਸੰਗਤਿ ਹਰਖ ਅਪਾਰ ।
ਪਾਛੇ ਸ੍ਰੀ ਗੁਰ ਅਸ ਕਹਿਓ ਸੁਨੀਓ ਸੰਤ ਵਿਚਾਰ ॥ 248 ॥

ਚੌਪਈ

ਜਾਇ ਲਾਹੌਰ ਅਸਵ ਕੋ ਲਯਾਵੇ । ਦੇਖ ਸ਼ਾਹਿ ਮਨ ਰਿਸ ਉਪਜਾਵੇ ।
ਪੁਨ ਬਿਧੀਏ ਕੀ ਓਰ ਨਿਹਾਰਾ । ਸ੍ਰੀ ਮੁਖ ਤੇ ਅਸ ਬਚਨ ਉਚਾਰਾ ॥ 249 ॥
ਜੋ ਸੁੰਦਰ ਹੈ ਸੰਗਤ ਗਾਏ । ਕਰੋ ਜਤਨ ਕੌਤਕ ਤੇ ਲਯਾਏ ।
ਸੁਨਤ ਰੂਪ ਹੈ ਮਨ ਹਿਰ ਲੀਨੋਂ । ਜਾਇ ਤਹਾ ਜੋ ਬੁਧਿ ਪ੍ਰਬੀਨੋਂ ॥ 250 ॥

ਦੋਹਰਾ

ਹਾਥ ਜੋਰਿ ਬਿਧੀਏ ਕਹਾ ਧਰੋ ਹਾਥ ਜਿੰਹ ਸੀਸਿ ।
ਕੋਨ ਤੁਛ ਹੈ ਸ਼ਾਹਿ ਕੇ ਲਯਾਵਹਿ ਹਯਅਨ ਈਸਿ ॥ 251 ॥

ਚੌਪਈ

ਐਰਾਵਤ ਪੁਨ ਈਸ ਲਿਯਾਵਹਿ । ਗੁਰੁ ਆਇਸ ਜੋ ਸੀਸਿ ਧਰਾਵਹਿ ।
ਧਰ ਆਨੰਦ ਗੁਰੁ ਬਹੁਰ ਉਚਾਰੋਂ । ਬਿਧੀਆ ਤੁਮਹੀ ਤੁਰੰਤ ਪਧਾਰੋਂ ॥ 252 ॥
ਜਯੋਂ ਤਯੋਂ ਜਤਨ ਐਸ ਕੋਊ ਕੀਜੈ । ਸੁੰਦਰ ਅਸਵ ਜੈਸ ਬਿਧ ਲੀਜੈ ।
ਗੁਰ ਆਇਸ³ ਧਰ ਸੀਸ ਅਨੰਦਾ । ਕਰ ਬੰਦਨ ਚਾਲਿਯੋ ਅਰਿ ਚੰਦਾ ॥ 253 ॥

ਦੋਹਰਾ

ਚਾਰ ਦਿਵਸ ਭਾਦ੍ਰੋਂ ਰਹੇ ਬਿਧੀਏ ਕੀਨ ਪ੍ਰਯਾਨ ।
ਲਾਹੌਰ ਓਰ ਮਨ ਹਰਖ ਧਰ ਧਾਰ ਰਿਦੇ ਗੁਰੁ ਧਯਾਨ ॥ 254 ॥

¹ਅ ਤੇ ਏ ਪੌਥੀ ਸਿਮਰਨ ²ਅ ਪੌਥੀ ਦਿਸਾ ³ਅ ਪੌਥੀ ਆਗਯਾ

ਚੌਪਈ

ਤੀਨ ਰੈਨ ਮਗ ਮਾਂਹਿ ਬਸਾਯੋ । ਚੌਥੇ ਦਿਨ ਤਿਹ ਠਾਂ ਪਹੁੰਚਾਯੋ ।
ਤਬ ਲਉ ਦੋਇ ਘਰੀ ਦਿਨ ਰਹਾ । ਕਰ ਅਰਦਾਸ ਬਡੋ ਸੁਖ ਲਹਾ ॥ 255 ॥
ਲਾਹੌਰ ਪ੍ਰਵੇਸ਼ ਕੀਨ ਗੁਰ ਧਿਆਨਾ । ਜਿਹ ਠਾਂ ਜੀਵਨ ਰਹੈ ਤਿਖਾਨਾ ।
ਬਿਧੀਆ ਤਾਂਕੇ ਸਦਨ ਸਿਧਾਰਾ । ਗੁਰੁ ਸਿਖ ਜਾਨ ਕਰੈ ਉਪਕਾਰਾ ॥ 256 ॥

ਦੋਹਰਾ

ਬਿਧੀ ਚੰਦ ਕਉ ਦੇਖ ਕੈ ਮਨ ਮਹਿ ਹਰਖ ਧਰਾਇ ।
ਕੀਨ ਬੰਦਨਾ ਪਰਸਪਰ ਮਨ ਮਹਿ ਆਨੰਦ ਪਾਇ ॥ 257 ॥

ਚੌਪਈ

ਜੀਵਨ ਸੇਵਾ¹ ਕਰੀ ਮਹਾਇ । ਗੁਰੁ ਕੀ ਕੁਸਲ ਪੂਛ ਮਨ ਲਾਇ ।
ਬਿਧੀਏ ਗੁਰੁ ਕੀ ਕੁਸਲ ਬਤਾਈ । ਕਹ ਜੀਵਨ ਮਮ² ਭਾਗ ਮਹਾਈ ॥ 258 ॥
ਕੌਨ ਹੇਤ ਤੁਮ ਇਹ ਠਾਂ ਆਏ । ਕਾਰਨ ਭਾਖਯੋ ਗੁਰੁ ਬਿਹਾਏ ।
ਬਿਧੀਏ ਤਾਂਕੇ ਗੁਰੁ ਸਿਖ ਜਾਨ । ਸਭ ਕਾਰਣ ਕੀ ਬਾਤ ਬਖਾਨ ॥ 259 ॥

ਦੋਹਰਾ

ਅਸਵ ਲੇਨ ਹਿਤ ਆਇਓ ਕਹਿ ਠਾਂ ਅਸਵ ਰਹਾਇ ।
ਕਾਹਿ ਹੁਕਮ ਤਿਹ ਪਰ ਰਹੇ ਮੋਕਉ ਸਗਲ ਸੁਨਾਇ ॥ 260 ॥

ਚੌਪਈ

ਜੀਵਨ ਕਹਾ ਕਠਿਨ ਵਹੁ ਠੌਰਾ । ਕੌਉ ਨਾ ਪਹੁੰਚੇ ਗਮ ਕਿਆ ਚੌਰਾ ।
ਸੰਮਨ ਬੁਰਜ ਨਿਕਟ ਸਦ ਜਾਨੋ । ਸੋਧੇ ਖਾਂ ਤਹਿ ਦੌਗਾ ਮਾਨੋ ॥ 261 ॥
ਤਾਂਹਿ ਹੁਕਮ ਹੈ ਪਰ ਸਦ ਰਹੈ । ਹੋਵੈ ਸੋਇ ਮੁਖਹੂੰ ਜੋ ਕਹੈ ।
ਗੁਰੁ ਕਿਰਪਾ ਕਰ [ਸੁਗਮ]³ ਰਹਾਇ । ਔਰ ਜੰਤ ਕਉ ਤਿਹ ਠਾਂ ਜਾਇ ॥ 262 ॥

ਦੋਹਰਾ

ਅਸ ਚਰਚਾ ਬਹੁਬਿਧਿ ਕਰੀ ਪੁਨ ਭੋਜਨ ਕੋ ਪਾਏ ।
ਕੀਨ ਸੈਨ ਬਿਧੀਏ ਕਹਾ ਬਹੁਰੋ ਬੈਨ ਸੁਨਾਇ ॥ 262 ॥

ਚੌਪਈ

ਖੜੀਆ ਖੁਰਪੂ ਮੁਹਿ⁴ ਕਉ ਦੀਜੈ । ਜੀਵਨ ਕਹਾ ਚਾਹ ਜਿਤ ਲੀਜੈ ।
ਬਿਧੀਏ ਕਹਾ ਔਰ ਨਹੀਂ ਲੇਵਹੂੰ । ਪੜ ਮੰਤ੍ਰ ਘੜ ਮੌਕੇ ਦੇਵਉ⁵ ॥ 264 ॥
ਅਸ ਕਹਿ ਨੀਂਦ ਨੈਨ ਉਪਜਾਈ । ਜਾਗੇ ਜਬ ਨਿਸ ਜਾਮ ਰਹਾਈ ।
ਕਰ ਮਜਨ ਮੁਖ ਮੰਤ੍ਰ ਉਚਾਰਾ । ਜਪੁਜੀ ਜੀਵਨ ਅਤਿ ਹਿਤ ਧਾਰਾ ॥ 265 ॥

¹ਏ ਪੋਥੀ ਟਹਿਲ ²ਅ ਤੇ ਏ ਪੋਥੀ ਮੋਹਿ ³ਅ ਪੋਥੀ ਵਿਚ ⁴ਅ ਪੋਥੀ ਹਮ

ਚੌਪਈ

ਪੜ ਮੰਤ੍ਰ ਖੁਰਪਾ ਤਬ ਘੜਓ । ਪਿਖ ਆਨੰਦ ਮਨ ਬਿਧੀਏ ਧਰਿਓ ।
 ਭੋਰ ਹੋਤ ਤਿੰਹ ਘਾਸ ਸਿਧਾਯੋ । ਰਾਵੀ ਤਟ ਬਿਧੀਆ ਤਬ ਆਯੋ ।
 ਸੁੰਦਰ ਨੌਰ ਘਾਸ ਕੀ ਹੇਰੀ । ਘਨੋ ਸਬਜ ਲਰ ਛੂਟ ਘਨੇਰੀ ।
 ਅਤਿਅੰਤ ਸਬਜ਼ ਤਰਿਣ ਕੋ ਘਾਸਾ । ਖੁਰਪਾ ਪਕੜ ਖੋਦਤ ਭਏ ਜਾਸਾ ॥ 267 ॥
 ਸਤਿਨਾਮ ਕਹਿ ਖੋਦਿਓ ਘਾਹਾ । ਧੋਇ ਪੋਟ ਕਰ ਚੁਕਯੋ ਉਮਾਹਾ ।
 ਜਾਮ ਦਿਵਸ ਕੇ ਅਯੋ ਬਜਾਰ । ਸਭ ਜਨ ਹਰਖਤ ਘਾਸ ਨਿਹਾਰ ॥ 268 ॥

ਦੋਹਰਾ

ਪੂਛ ਮੋਲ ਨਰ ਤਾਂਹਿ ਕੋ ਭਾਖਤ [ਰੁਪਾ]¹ ਏਕ ।
 ਰਹਤ ਮੋਨ ਸਭ ਸੁਨਤ ਹੀ ਬਿਧੀਏ ਕੋ ਗੁਰ ਟੇਕ ॥ 269 ॥

ਚੌਪਈ

ਸਾਹਿ ਮਹਲ ਦਰ ਠਾਂਢਾ ਭਯੋ । ਚਲਤ ਚਲਤ ਬਿਧੀਆ ਤਹਿ ਗਯੋ ।
 ਸੋਧੇ ਖਾਂ ਤਬਹੀ ਨਿਕਸਾਯੋ । ਘਾਸ ਲੈਨ ਹਿਤ ਬਾਹਰ ਆਯੋ ॥ 270 ॥
 ਕੋ ਆਵਤ ਬਿਧੀਆ ਅਸ ਗਾਵੈ । ਸੋਧੇ ਖਾਂ ਜਨ ਤਾਂਹਿ ਸੁਨਾਵੈ ॥
 ਬਿਧੀਏ ਸੁਨ ਮਨ ਆਨੰਦ ਧਾਰਾ । ਜੀਵਨ ਕਹਾ ਸੁ ਨੈਨ² ਨਿਹਾਰਾ ॥ 271 ॥

ਸੋਰਠਾ

ਸੁਨੋ ਸੰਤ ਢਿਗ ਆਇ ਸੋਧੇ ਖਾਂ ਐਸੇ ਕਹਾ ।
 ਘਾਸ ਮੋਲ ਕਿਆ ਪਾਇ ਬਾਤ ਸਾਚ ਕਹੁ ਜੋਗ ਹੈ ॥ 272 ॥

ਦੋਹਰਾ

ਬਿਧੀਏ ਕਹਾ ਖਾਨ ਸੁਨ ਲੀਜੈ । ਜੋ ਤੁਮ ਦੇਹੁ ਸੋਈ ਹਮ ਲੀਜੈ ।
 ਸਾਚੇ ਪਾਤਿਸ਼ਾਹ ਹੈ ਹੇਤਾ । ਆਨਯੋ ਘਾਸ ਜਾਨ ਤੁਮ ਲੇਤਾ ॥ 273 ॥
 ਭਗਤ ਸਿੰਘ ਤਬ ਐਸੇ ਨਿਹਾਰੀ । ਭਏ ਮੋਹਤ ਜਨ ਮੋਹਨੀ ਡਾਰੀ ।
 ਘਾਸ ਸਹਤ ਢਿਗ ਸਾਹ ਸਿਧਾਏ । ਸੋਧੇ ਖਾਂ ਅਸ ਬੰਨ ਅਲਾਏ ॥ 274 ॥

ਦੋਹਰਾ

ਹਜ਼ਰਤ ਘਾਹੀ ਬੁਧਿ ਬਡ ਸੁੰਦਰ ਘਾਸ ਲਿਆਇ ।
 ਦੇਖ ਸਾਹਿ ਮਨ ਹਰਖ ਧਰ ਭਾਖਯੋ ਮੋਲ ਸੁਨਾਇ ॥ 275 ॥

ਚੌਪਈ

ਬਿਧੀਏ ਕਹਾ ਘਾਸ ਤੁਮ ਲੀਜੈ । ਹਜ਼ਰਤ ਯਾਹਿ ਮੋਲ ਕਯਾ ਦੀਜੈ ।
 ਕਹਾ ਸਾਹ ਕਿਆ ਨਾਮ ਤੁਮਾਰਾ । ਕਸੇਰਾ ਬਿਧੀਏ ਨਾਮ ਉਚਾਰਾ ॥ 276 ॥

¹ੲ ਪੋਥੀ ਵਿਚੋਂ ²ਅ ਤੇ ੲ ਪੋਥੀ ਨੇੜ

ਸ਼ਾਹੋ ਵਾਚ

ਯਾਕਾ ਮੌਲ ਸਹਸ ਦਿਨ ਲੀਜੈ । ਪੁਨਾ ਨੌਕਰੀ ਹਮਰੀ ਕੀਜੈ ।
ਰੁਪਯਾ ਰੋਜ਼ ਹੈ ਕੀਨ ਤੁਮਾਰਾ । ਘਾਸ ਲਿਆਇ ਸੇਵ ਹੈ ਧਾਰਾ ॥ 277 ॥

ਦੋਹਰਾ

ਪੁਨ ਬਿਧੀਏ ਐਸੇ ਕਹਾ ਜੋ ਤੁਮ ਆਇਸ ਹੋਇ ।
ਘਾਸ ਲੈਨ ਹਿਤ ਜਾਇ ਹਉ ਆਇ ਨ ਹਟਕੈ^੧ ਕੋਇ ॥ 278 ॥

ਚੌਪਈ

ਤਬੈ ਸ਼ਾਹਿ ਅਸ ਕੀਨ ਉਚਾਰਾ । ਸੋਧੇ ਖਾਂ ਰਾਖਹੁ ਤੁਮ ਸਾਰਾ ।
ਆਵਤ ਜਾਤ ਹਟਕੈ ਨਹਿ ਕੋਈ । ਤਾਂਹਿ ਕਹਾ ਜੋ ਆਇਸ ਹੋਈ ॥ 279 ॥
ਸੋਧੇ ਖਾਂ ਤਿੰਹ ਬਾਂਹ^੨ ਗਹਾਇ । ਆਇ ਅਸਪ ਸੋਧੇ ਸੁਖ ਪਾਇ ।
ਬਿਧੀਏ ਘਾਸ ਅਗਰ ਹੈ ਪਾਯੋ । ਅਸਪ^੩ ਹਰਖ ਧਰ ਤਤ ਛਿੰਨ ਖਾਯੋ ॥ 280 ॥

ਦੋਹਰਾ

ਸੋਧੇ ਖਾਂ ਸਭ ਕਉ ਕਹਾ ਇਹ ਕੋ ਹਟਕ ਨ ਕੋਇ ।
ਆਇ ਜਾਇ ਨਿਜ ਇਛ ਭਰ ਹੁਕਮ ਸ਼ਾਹ ਕਾ ਹੋਇ ॥ 281 ॥

ਚੌਪਈ

ਹੈ ਪਰ ਬਿਧੀਏ ਹਾਥ ਫਿਰਾਯੋ । ਦੋਉ ਅਸ ਮਨ ਆਨੰਦ ਪਾਯੋ ।
ਜਬ ਖੁਧਿਆ ਨਿਜ ਰਿਦੈ ਉਪਾਵੈ । ਜੀਵਨ ਗ੍ਰਿਹ ਚਲ ਭੋਜਨ ਖਾਵੈ ॥ 282 ॥
ਐਸੇ ਨਿਤ ਪ੍ਰਤਿ ਘਾਸ ਲਿਆਇ । ਅਹਿ ਨਿਸਿ ਸੇਵਾ ਕਰਤ ਮਹਾਇ ।
ਸੋਧੇ ਖਾਂ ਅਰ ਸੇਵਕ ਜੇਤੇ । ਦਿਖ ਸੇਵਾ ਕਰ ਆਨੰਦ ਲੇਤੇ ॥ 283 ॥

ਦੋਹਰਾ

ਸਭ ਜਨ ਕੀ ਸੇਵਾ ਕਰਹਿ ਦਿਖ ਹੈ ਸਭ ਸੁਖ ਪਾਇ ।
ਰਾਗ ਰੰਗ ਢਿਗ ਹੋਤ ਹੈ ਅਤਰ ਸੁਗੰਧ ਲਗਾਇ ॥ 284 ॥

ਚੌਪਈ

ਜਬੈ ਘਾਸ ਲੈ ਬਿਧੀਆ ਆਇ । ਦੇਖ ਅਸੂ ਤਾਕੋ ਹਿਨਨਾਇ ।
ਔਰ ਨਾ ਕੋ ਨਰ ਨੇਰੇ ਆਵੈ ॥ ਨਿਹਾਰੀ ਬਿਧੀਏ ਬਿਨਾ ਨਾ ਖਾਵੈ ॥ 285 ॥
ਬਾਦਸ਼ਾਹ ਸੌਂਧਾ ਹਰਖਾਯੋ । ਲਾਇਕ ਹਮ ਸੇਵਕ ਹੈ ਪਾਯੋ ।
ਜਬ ਹਜ਼ਰਤ ਹੈ ਦੇਖਨ ਆਵੈ । ਰਿਸ਼ਟ ਪੁਸ਼ਟ ਲਖ ਮਨ ਸੁਖ ਪਾਵੈ^੪ ॥ 286 ॥

ਦੋਹਰਾ

ਏਕ ਸਹਸ ਬਖਸ਼ੀਸ਼ ਤਬ ਬਿਧੀਏ ਕਉ ਦੈ ਜਾਇ ।
ਬਿਧੀਆ ਰਾਖ ਅਮਾਨ ਸਭ ਤਿਨ ਤੇ ਕਛੂ ਨ ਖਾਇ ॥ 287 ॥

^੧ਅ ਪੌਥੀ ਰੋਕੈ ^੨ਅ ਤੇ ਦ ਪੌਥੀ ਭੁਜਾ ^੩ਅ ਪੌਥੀ ਅਸੂ ^੪ਅ ਪੌਥੀ ਹੁਲਸਾਵੈ

ਚੌਪਈ

ਆਠ ਜਾਮ ਮੈ ਭੋਜਨ ਖਾਵੈ । ਜੀਵਨ ਸਦਨ ਜਬਹਿ ਰੁਚਿ ਆਵੈ ।
 ਕਰ ਬਾਤਾ ਸੇਵਾ ਬਹੁ ਕੀਨੇ । ਸੇਵਕ ਸਕਲ ਅਪਨੈ ਵਸ ਲੀਨੇ ॥ 288 ॥
 ਸੋਧੇ ਖਾਂ ਕਉ ਲੀਓ ਰਿਝਾਇ । ਜੋ ਭਾਖਤ ਬਿਧੀਆ ਹੋਇ ਜਾਇ ।
 ਇਹ ਬਿਧਿ ਅਸੂ ਮਾਸ ਬਿਤਾਯੋ । ਕਤਕ ਮਾਸ ਆਨੰਦ ਜੁਤ ਆਯੋ ॥ 289 ॥

ਦੋਹਰਾ

ਬਿਧੀਏ ਕੀਨ ਬਿਚਾਰ ਤਬ ਆਏ ਬਹੁ ਚਿਰ ਹੋਇ ।
 ਸੇਵਾ ਕੋ ਮਮ¹ ਨਹਿ ਅਯੋ ਕਾਮ ਨ ਕੀਨੋ ਕੋਇ ॥ 290 ॥

ਰਸਾਵਲ ਛੰਦ

ਮਨ ਐਸ ਧਾਰੀ । ਹਯੋ ਕੈਸ ਸਾਰੀ ।
 ਬਿਠੋ ਦਾਸ ਮਧੰ । ਚਲੀ ਬਾਤ ਸੁਧੰ ॥ 291 ॥
 ਅਯੋ ਆਪ ਗਾਥਾ । ਬਕੈ² ਪ੍ਰੇਮ ਸਾਥਾ ।
 ਬਿਧੀ ਐਸ ਗਾਈ । ਬਡੋ ਅਸੂ ਭਾਈ ॥ 292 ॥
 ਇਨੈ ਜੀਨ ਡਾਰੈ । ਕਿ ਖਾਲੀ ਨਿਹਾਰੈ ।
 ਸਭੀ ਦਾਸ ਬੋਲੇ । ਸੁਨੋ ਬੈਨ ਭੋਲੇ ॥ 293 ॥
 ਇਨੈ ਜੀਨ ਐਸਾ । ਦਿਖਾ ਨਾਹਿ ਕੈਸਾ ।
 ਤਿਨੋ ਕੀਮ ਵਾਰੀ । ਸਵਾ ਲਾਖ ਭਾਰੀ ॥ 294 ॥

ਦੋਹਰਾ

ਬਿਧੀਏ ਤਬ ਐਸੇ ਕਹਾ ਹਮ ਨੇ ਸੁਨਾ ਨ ਕਾਨ ।
 ਸਵਾ ਲਾਖ ਤੁਮ ਮੋਲ ਭਨ³ ਕਵਿ ਕਹ ਭਯੋ ਅਜਾਨ ॥ 295 ॥

ਸਵੇਯਾ

ਪਾਂਚ ਐ ਸਾਤ ਕੀ ਜਾਨਤ ਹਹਿ ਹਮ ਜਾਟ ਗਵਾਰ ਵਡੀ ਮਤ ਥੋਰੀ ।
 ਤਾਂਹਿ ਕੋ ਕੈਸ ਹੂੰ ਦੇਖ ਸਕਹਿ ਹਮ ਦਾਸ ਕਹਹਿ ਤੁਮਰੀ ਮਤ ਭੋਰੀ ।
 ਖਾਨ ਆਨੰਦ ਕਰੈ ਤੁਮਰੇ ਪਰ ਤਾਂਹਿ ਅਧੀਨ ਨਾ ਖੋਲਤ ਹੋਰੀ ।
 ਦਾਰ ਕਲੀਦ ਕਹੀ ਬਤੀਯਾਂ ਇਸ ਪਾਇ ਦਿਖਾਇ ਨਾ ਆਇਸ ਭੋਰੀ ॥ 296 ॥

ਦੋਹਰਾ

ਤਬ ਲੋ ਹੈ ਦੇਖਨ ਅਯੋ ਸੋਧੇ ਖਾਂ ਹਰਖਾਇ ।
 ਬਹੁ ਬਿਨਤੀ ਬਿਧੀਏ ਕਰੀ ਤਤ ਛਿਨ ਲੀਯੋ ਰਿਝਾਇ ॥ 297 ॥

ਚੌਪਈ

ਸੋਧੋ ਖਾਂ ਅਸ ਬੈਨ ਅਲਾਏ । ਕਸੇਰਾ ਕਹੁ ਕਿਆ ਰੁਚਿ⁴ ਉਪਜਾਇ ।
 ਕਹਿ ਬਿਧੀਆ ਏ ਇਛ ਹਮਾਰੀ । ਜੀਨ ਮੋਲ ਬਡ ਨਾਂਹਿ ਨਿਹਾਰੀ ॥ 298 ॥

¹ਅ ਪੋਥੀ ਮੋਹਿ ²ਅ ਪੋਥੀ ਕਹੈ ³ਦ ਪੋਥੀ ਕਹੁ ⁴ਅ ਪੋਥੀ ਇਛ

ਤਾਂਤੇ ਮੋਕਉ ਜੀਨ ਦਿਖਾਯੋ । ਲਾਇ ਕੈ ਅਸਪ ਰਾਖ ਪੁਨ ਲਾਯੋ ।
ਸੋਧੇ ਕਹਾ ਈਦ ਜਬ ਆਵੈ । ਪਾਇ ਜੀਨ ਤੁਮ ਹਾਥ ਅਘਾਵੈ ॥ 299 ॥

ਦੋਹਰਾ

ਪੁਨ ਬਿਧੀਏ ਐਸੇ ਕਹਾ ਪੁਨ ਨ ਜਾਇ ਬਿਸਾਹ ।
ਮੋਕਉ ਅਬ ਦੇਖਾਈਏ ਮੇਰੇ ਮਨ ਬਡ ਚਾਹ ॥ 300 ॥

ਚੌਪਈ

ਗੁਰੁ ਮਾਇਆ ਸੌਂਧਾ ਭਰਮਾਇਯੋ । ਬੋਲ ਕਲੀਦੀ ਅਸ ਫੁਰਮਾਇਯੋ ।
ਕਸੇਰਾ ਕਰਤ ਜੀਨ ਕੀ ਚਾਹ । ਦੇਹੁ ਦਿਖਾਇ ਮਿਟੇ ਮਨ ਦਾਹ ॥ 301 ॥
ਸੌਂਧਾ ਬਿਧੀਆ ਦਰ ਭਰਮਾਯੋ । ਕਲੀਦ ਲਿਆਇ ਤਹਿ ਤਬੈ ਕਢਾਯੋ ।
ਕਾਢ ਜੀਨ ਤਬ ਦਈ ਦਿਖਾਇ । ਦਿਖ ਬਿਧੀਆ ਮਨ ਮਹਿ ਹਰਖਾਇ ॥ 302 ॥

ਦੋਹਰਾ

ਮੁਖ ਸਿਉ ਬਿਧੀਏ ਅਸ ਕਹਾ ਤੁਮ ਭਾਖਤ ਨਗ ਲਾਇ ।
ਹਮ ਕੋ ਕੰਕਰ ਸੈਲ ਕੀ ਮਾਨਕ ਨਾਹਿ ਦਿਖਾਇ ॥ 303 ॥

ਚੌਪਈ

ਕਹਿ ਸੌਂਧਾ ਨਗ ਮਾਨਕ ਜੋਤੀ । ਬਹੁ ਕੀਮਤ ਕੇ ਏ ਬਡ ਮੋਤੀ ।
ਬਿਧੀਏ ਕਹਾ ਜਾਟ ਹਮ ਜਾਤ । ਸਿਟਾ ਕਹ ਨਗ ਮੋਤੀ ਖਾਤ ॥ 304 ॥
ਮਮ ਜਾਨ ਤਥਾ ਹੋਇ ਅਚੰਭਾ । ਦੇਖ ਜੀਨ ਏਹ ਕੇਵਲ ਦੰਭਾ ।
ਦਾਰ ਕਲੀਦ ਬੈਨ ਅਸ ਬੋਲਾ । ਸੁਨੇ ਬੈਨ ਜਾਨੇ ਇਹ ਭੋਲਾ ॥ 305 ॥

ਦੋਹਰਾ

ਬਿਧੀਏ ਕੋ ਸੋਧੇ ਕਹਾ ਭੀਤਰ ਧਰੋ ਬਨਾਇ ।
ਦੋਉ ਜੀਨ ਗਹਿ ਹਾਥ ਮਹਿ ਬਿਧੀਏ ਧਰੇ ਤਦਾਇ ॥ 306 ॥

ਚੌਪਈ

ਕੁੰਜੀਦਾਰ ਕੁਲਫ ਦਰ ਮਾਰਿਓ । ਬਿਧੀਏ ਕੌਤਕ ਸਕਲ ਨਿਹਾਰਿਓ ॥
ਠੌਰ ਕਲੀਦ ਰਾਖ ਇਹ ਜਾਨੀ । ਸੁਨੋ ਸੰਤ ਬਿਧੀਆ ਬਹੁ ਗਿਆਨੀ ॥ 307 ॥
ਮਨ ਮਹਿ ਐਸੇ ਬਯੋਤ ਬਨਾਯੋ । ਘਾਸ ਮਧ ਇਕ ਖੀਂਘਰ ਲਿਆਯੋ ।
ਅਰਧ ਨਿਸਾ ਤਮ ਗਾਢ ਨਿਹਾਰਾ । ਲੀਓ ਹਾਥ ਵਿਚ ਰਾਵੀ ਮਾਰਾ ॥ 308 ॥

ਦੋਹਰਾ

ਖੀਂਘਰ ਜਬ ਰਾਵੀ ਪਰਿਓ ਜਲ ਉਮਗਯੋ ਚਹੂੰ ਓਰ ।
ਬਾਦਸ਼ਾਹਿ ਬੇਗਮ ਜਗੇ ਪਰਾ ਨਗਰ ਬਡ ਸੋਰ ॥ 309 ॥

ਸਵੈਯਾ

ਕੋਊ ਕਹੈ ਕਿੰਗੁਰਾ ਗਿਰ ਟੂਟ ਕੈ ਭਾਖਤ ਕੋ ਗਿਰਿ ਭੀਤ ਪੁਰਾਨੀ ।
 ਬਾਲ ਮਿਸਾਲ ਨਿਹਾਰਤ ਭਏ ਤਬ ਜਾਗ ਉਠੇ ਸਭ ਹੀ ਅਭਿਮਾਨੀ ।
 ਆਇ ਕੈ ਦੇਖਨ ਸੋਇ ਲਗੇ ਨਹਿ ਦੀਖ ਕਹੂੰ ਕਹ ਮਛ ਸੁਮਾਨੀ ।
 ਤਾਂਹਿ ਨੇ ਚੋਟ ਕਰੀ ਬਲ ਸਿਉਂ ਨਹਿ ਜਾਨਤ ਭਏ ਬਡ ਮੂੜ ਗੁਮਾਨੀ ॥ 310 ॥
 ਸ਼ੋਰ ਪਰਾ ਘਟਕਾ ਜੁਗ ਲੋ ਤਬ ਸੋਇ ਰਹੇ ਸਭ ਹੀ ਮਤਵਾਰੇ ।
 ਐਸ ਦੁਤੀ ਦਿਨ ਡਾਰ ਦੀਓ ਮਣ ਦਇਕ ਖਿੰਘਰ ਹਾਥ ਉਭਾਰੇ ।
 ਦੀਰਘ ਸ਼ੋਰ ਭਯੋ ਨਦਿ ਮੈ ਸਭ ਜਾਗ ਉਠੇ ਦਿਖ ਨੀਂਦ ਉਘਾਰੇ ।
 ਜਾਗ ਮਿਸਾਲ ਨਿਹਾਰ ਸਭੀ ਦਿਸ ਨੀਰਜ ਚੋਟ ਸਭੀ ਚਿਤ ਧਾਰੇ ॥ 311 ॥

ਦੋਹਰਾ

ਦੋਇ ਚਾਰ ਦਿਨ ਅਸ ਕੀਯੋ ਜਾਗੇ ਨਰ ਦਿਖ ਲੋਇ ।
 ਬਹੁਰ ਜੀਵ ਜਲ ਜਾਨ ਕੈ ਜਾਗਤ¹ ਭਯੋ ਨ ਕੋਇ ॥ 312 ॥

ਚੋਪਈ

ਇਹ ਬਿਧਿ ਪੰਦਹ ਦਿਵਸ ਬਿਤਾਏ । ਖੀਂਘਰ ਡਾਰ ਸਭੀ ਪਤੀਆਏ ।
 ਕੋਇ ਨ ਜਾਗ ਤਬੈ ਅਸ ਕੀਨੋ । ਕੰਰਤ ਬਿਚਾਰ ਬਯੋਤ ਕੋ ਕੀਨੋ ॥ 313 ॥
 ਜਿਹੁ ਬਿਧਿ ਅਸੂ ਅਬੈ ਲੈ ਜੱਯੋ । ਇਹ ਠਾਂ ਐਸੋ ਚਰਿਤ ਦਿਖਯੋ ।
 ਤਬ ਲੋ ਹੈ ਸੇਵਕ ਥੇ ਜੈਤੇ । ਮਿਲ ਬੈਠੇ ਸਭਹੀ ਧਰ ਤੇਤੇ ॥ 314 ॥

ਦੋਹਰਾ

ਬਿਧੀਆ ਭੀ ਬੈਠਯੋ ਤਹਾ ਮੁਖ ਸਿਉ ਐਸ ਅਲਾਇ ।
 ਸੁਨਹੁ ਮੀਤ ਇਹ ਇਛ ਮੁਹਿ ਜੋ ਤੁਮ ਕਉ ਮਨ ਭਾਇ ॥ 315 ॥

ਚੋਪਈ

ਮੇਰੇ ਮਨ ਇਹ ਇਛ ਉਪਾਈ । ਤੁਮ ਕਉ ਖਾਣਾ ਕਰਉ ਬਨਾਈ ।
 ਪਰ ਖਾਣਾ ਬਿਧਿ ਨਾਂਹਿ ਬਸਾਵੈ । ਔਰ ਜਤਨ ਕਹਿ ਜੋ ਤੁਮ ਭਾਵੈ ॥ 316 ॥
 ਸਭ ਮਿਲ ਕਹਾ ਕੈਫ⁴ ਹਮ ਦੀਜੈ । ਬਿਧੀਏ ਕਹਾ ਹਰਖ ਧਰ ਲੀਜੈ ।
 ਜਾਇ ਬਾਰਨੀ ਅਬੈ ਲਿਆਉਂ । ਤੁਮ ਸਭ ਕੋ ਨਿਜ ਹਾਥ ਪਿਲਾਉਂ ॥ 317 ॥

ਦੋਹਰਾ

ਤੋ ਕਉ ਸਪਤ² ਖੁਦਾਇ ਕੀ ਭੋਜਨ ਕਰੋ ਨਾ ਕੋਇ ।
 ਅਵਲ ਅਚੀਏ ਬਾਰਨੀ³ ਪਾਛੇ ਜੋ ਰੁਚਿ ਹੋਇ ॥ 318 ॥

ਚੋਪਈ

ਅਸ ਕਹ ਬਿਧੀਆ ਸਹਿਰ⁵ ਸਿਧਾਯੋ । ਜੀਵਨ ਕੇ ਤਬਹੀ ਗ੍ਰਿਹ ਆਯੋ ।
 ਤਾਂਹਿ ਤੇ ਬੀਸ ਰੁਪਯੇ ਲੀਨੇ । ਗਯੋ ਕਲਾਲ ਸਦਨ ਜਿਹ ਚੀਨੇ ॥ 319 ॥

¹ਅ ਪੋਥੀ ਉਠਤ ²ਅ ਪੋਥੀ ਸੁਗੰਧ ³ਅ ਤੇ ਏ ਪੋਥੀ ਕੈਫ ਕੋ ⁴ਅ ਤੇ ਏ ਪੋਥੀ ਮਦ ⁵ਏ ਪੋਥੀ ਨਗਰ

ਦੋਹਰਾ

ਲਈ ਬਾਰਨੀ ਨਾਮ ਜਹਿ ਸਤਯਾਨਾਸ ਸੁਜਾਨ ।
 ਏਤੈ ਕੋ ਰਾਤ੍ਰੀ ਭਈ ਬਿਧੀਆ ਅਯੋ ਸੁ ਮਾਨ ॥ 320 ॥
 ਦੇਖ ਦਾਸ ਤਬ ਅਸ ਕਹਾ ਬਹੁ ਚਿਰ ਕਾ ਹਿਤ ਲਾਇ ।
 ਚੂੰਢ ਬਾਰਨੀ ਲਯਾਏ ਹਮ ਬਿਧੀਏ ਕਹਾ ਸੁਨਾਇ ॥ 321 ॥

ਚੌਪਈ

ਬਿਧੀਏ ਤਬ ਇਕ ਦਾਸ ਪਠਾਯੋ । ਰੁਪਯੇ ਦੈ ਬਹੁ ਮਾਸ ਲਿਆਯੋ ।
 ਬਾਤ ਕਰਤ ਨਿਸ ਜਾਮ ਬਿਤਾਈ । ਬਿਧੀਏ ਸਭ ਕਉ ਕੈਫ ਪਿਲਾਈ ॥ 322 ॥
 ਕੁਲਫਦਾਰ ਪਹਰੂ ਥੇ ਜੇਤੇ ॥ ਪੀਕੇ ਕੈਫ ਮਸਤ ਭਏ ਤੇਤੇ ।
 ਪਰੇ ਭੂਮਿ ਸੁਧਿ ਸਕਲ ਬਿਹਾਈ । ਮਾਨਹੁ ਭੂਤ ਪ੍ਰੇਤ ਲਗਾਈ ॥ 323 ॥

ਦੋਹਰਾ

ਅਧਮ ਬਾਰਨੀ ਜਾਹਿ ਤੇ ਜਿਹ ਪੀਵਤ ਸੁਧ ਜਾਇ ।
 ਹੋਤ ਭੂਪ ਸਮ ਪਸੂ ਕੇ ਸੂਖਮ ਅਰੀ ਤਿਹ ਘਾਇ ॥ 324 ॥

ਸਵੈਯਾ

ਸੰਤ ਸੁਨੋ ਤਿਹ ਕੀ ਬਤੀਯਾ ਜਗ ਭੂ ਪਤਿ ਹੋਇ ਬਡੇ ਅਰਿ ਜੀਤੇ ।
 ਅੰਧ ਭਏ ਮਦਰਾ ਮਦ ਤੇ ਨਿਜ ਰਾਜ ਬਿਹਾਇ ਛਿਨੇ ਛਿਨ ਰੀਤੇ ।
 ਗਯਾਨ ਔ ਧਯਾਨ ਸਿਯਾਨ ਬਡੇ ਨਰ ਹੋਤ ਪਸੂ ਸਮ ਬਾਰਨੀ ਪੀਤੇ ।
 ਸਿੰਧ ਦਯਾ ਤਸ ਦਾਸ ਗ੍ਰਸੇ ਬਿਨ ਬੰਧਨ ਤੇ ਅਪਨੇ ਵਸ ਕੀਤੇ ॥ 325 ॥
 ਲੀਨ ਕਲੀਦ ਤਬੈ ਬਿਧੀਏ ਮਨ ਆਨੰਦ ਹੈ ਦਰ ਕੋ ਮੁਕਤਾਯੋ ।
 ਜੀਨ ਨਿਕਾਸ ਪਵਾਇ ਤਬੈ ਦਰ ਰਾਖ ਕਲੀਦ ਬਡੇ ਸੁਖ ਪਾਯੋ ।
 ਫੇਰ ਕੈ ਹਾਥ ਤਬੈ ਹੈ ਉਪਰ ਸੰਤ ਸੁਨੋ ਤਬ ਜੀਨ ਡਰਾਯੋ ।
 ਬੰਦਨ ਖੋਲ ਲਗਾਮ ਦਈ ਕਰ ਜੋਰ ਤਬੈ ਗਰਿ ਅੰਚਰ ਪਾਯੋ ॥ 326 ॥

ਦੋਹਰਾ

ਹੇ ਗੁਰੂ ਕਰੋ' ਸਹਾਇ ਮਮ ਲੀਜੋ ਭੂਲ ਛਮਾਇ ।
 ਤੁਮਰੇ ਹਯ ਤੇ ਮੈ ਚੜ੍ਹਹੂੰ ਅਬ ਤਕ ਕੋ ਨਾ ਚੜ੍ਹਾਇ ॥ 327 ॥

ਚੌਪਈ

ਕੜਾਹ^੧ ਰੁਪਏ ਪਾਂਚ ਕਰਵਾਵਉਂ ਲੀਏ ਅਸ੍ਰੁ ਤੁਮਰੇ ਢਿਗ ਆਵਉਂ^੨ ।
 ਮੋਕੋ ਕੀਜੈ ਤੁਰਤ ਸਵਾਰਾ । ਦਾਸ ਜਾਨ ਨਹਿ ਕਰੋ ਅਵਾਰਾ ॥ 328 ॥
 ਅਸ ਕਹ ਬਿਧੀਆ ਭਯੋ ਸਵਾਰ । ਕਰੀ ਛਾਲ ਰਾਵੀ ਸਿਉਂ ਪਾਰ ।
 ਉਮਕਿਓ ਜਲ ਕੇ ਜੰਤ ਵਿਚਾਰੇ । ਰਹੇ ਸੋਇ ਸੁਨ ਕੇ ਮਤਵਾਰੇ ॥ 328 ॥

^੧ਅ ਪੋਥੀ ਹੋਹਿ ^੨ਅ ਪੋਥੀ ਪ੍ਰਸਾਦ

ਦੋਹਰਾ

ਤਾਂਤੇ ਜੋ ਮਦ ਪਾਨ ਕਰੀ ਬਿਰਥਾ ਜਨਮ ਸੁ ਜਾਇ ।
ਨਿਜ ਉਧਾਰ ਕੋ ਨਾ ਕੀਯੋ ਪਰਾ ਨਰਕ ਮਹਿ ਜਾਇ ॥ 330 ॥

ਚੌਪਈ

ਇਹਿ ਬਿਧ ਅੰਧ ਦਾਸ ਸਬ ਕੈ ਕੈ । ਬਿਧੀਆ ਗਯੋ ਅਧਿਕ ਸੁਖ ਪੈ ਕੈ ।
ਅਰਧ ਨਿਸਾ ਤਬ ਗੁਰੁ ਗੁਨ ਗਾਵੈ । ਚਲਤ ਪੰਥ ਕਛੁ ਖੇਦ ਨ ਪਾਵੈ ॥ 331 ॥
ਚਲਤ ਪੰਨ ਸਮ ਹੈ ਦਰਿਆਈ । ਜਲ ਥਲ ਜਾਨ ਏਕ ਸੇ ਭਾਈ ।
ਅਰਧ ਜਾਮ ਨਿਸ ਜਬੈ ਰਹਾਈ । ਭਾਈ ਰੂਪਾ ਤਹਿ ਜੂ ਆਈ ॥ 332 ॥

ਦੋਹਰਾ

ਦੋਇ ਕੋਸ ਜਬ ਹੀ ਰਹਾ ਉਤਰ ਅਸੂ ਪਰ ਆਇ ।
ਬਾਗ ਡੋਰ ਗਹਿ ਹਾਥ ਮਹਿ ਗਯੋ ਸੁ ਗੁਰ ਨਿਕਟਾਇ ॥ 333 ॥

ਸਵੈਯਾ

ਦੂਰਹੁ ਦੇਖ ਉਠੇ ਸੁਖ ਸਾਗਰ¹ ਜੈਸ ਹਨੂੰ ਗਿਰਿ ਰਾਮ ਦਿਖਾਯੋ ।
ਅਸੂ ਲੀਏ ਬਿਧੀਆ ਚਲ ਆਵਤ ਐਸ ਸ੍ਰੀ ਮੁਖ ਬੈਨ ਅਲਾਯੋ ।
ਦੋਰ ਤਬੈ ਗੁਰੁ ਕੇ ਪਦ ਪੰਕਜ ਆਨੰਦ ਕੈ ਬਿਧੀਆ ਲਪਟਾਯੋ ।
ਨੀਰਜ ਹਾਥ ਉਠਾਇ ਤਿਸੈ ਗੁਰੁ ਆਨੰਦ ਕੈ ਨਿਜ ਕੰਠ ਲਗਾਯੋ ॥ 334 ॥
ਸੰਤ ਸੁਨੋ ਕਵਿ ਕੀ ਬਿਨਤੀ ਜਹਿ ਢੂੰਢਤ ਦੇਵ ਰਿਖੀ ਜਨ ਸਾਰੇ ।
ਧਯਾਨ ਧਰੈ ਸਗਲੇ ਨਿਸ ਬਾਸਰ ਅੰਤ ਨ ਜਾਹਿ ਕੋ ਪੰਨ ਨਿਹਾਰੇ ।
ਸੋ ਪ੍ਰਭੁ ਦੇਹ ਧਰੈ ਕਲ ਮਹਿ ਮੁਹ ਭਾਖਤ ਕੀਨ ਬਿਧੀ ਉਪਕਾਰੇ ।
ਅੰਕ ਲਗਾਇ ਨਿਹਾਲ ਕੀਯੋ ਪ੍ਰਭੁ ਦਾਸ ਕਵੀ ਕਹਿ ਸੰਕਟ ਟਾਰੇ ॥ 335 ॥

ਦੋਹਰਾ

ਕੁਸਲ ਪੂਛ ਸੀ ਗੁਰੂ ਜੀ ਬਿਧੀਏ ਕਉ ਸੁਖ ਪਾਇ ।
ਕਹਿ ਬਿਧੀਆ ਤੁਮਰੀ ਦਯਾ ਦੋਖ ਨ ਕੋ ਨਿਕਟਾਇ ॥ 336 ॥

ਚੌਪਈ

ਸ੍ਰੀ ਗੁਰੁ ਦੇਖ ਅਸਵ ਸੁਖ ਪਾਯੋ । ਜੈਸ ਸੁਨਾ ਦ੍ਰਿਗ ਤੈਸ ਦਿਖਾਯੋ ।
ਆਗੇ ਨਾਮ ਤਾਂਹਿ ਦਿਲ ਬਾਗ ॥ ਜਾਨ ਭਾਈ ਗੁਰ ਧਰ ਬਡ ਭਾਗ ॥
ਸਕਲ ਦੀਵਾਨ ਜੋਧ ਤੇ ਆਇ । ਰੂਪ ਚੰਦ ਸੰਧੂ ਅਹਿਲਾਇ ।
ਕਠਿਨ ਠੋਰ ਜਿਹ ਪਹੁੰਚ ਨ ਕੋਈ । ਤਹਿ ਠਾਂ ਚੋਰੀ ਗਮ ਨਹਿ ਹੋਈ ॥ 337 ॥

ਦੋਹਰਾ

ਬਿਧੀਆ ਤਹਿਤੇ ਲਯਾਇ ਹੈ ਜਾਨ ਗੁਰੂ ਪ੍ਰਤਾਪ ।
ਮਾਨਹੁ ਮੂਰਤਿ ਮੋਹਨੀ ਦੇਖ ਅਸੂ ਹਰ ਆਪ ॥ 338 ॥

¹ਅ ਤੇ ਏ ਪੋਥੀ ਐਨਾ

ਚੌਪਈ

ਸ੍ਰੀ ਗੁਰੂ ਜੇਠੇ ਹੈ ਸੌਂਪਾਇ¹ । ਕਹ ਬਿਧੀਆ ਜੋ ਸੇਵ ਕਰਾਇ ।
 ਜੇਠੇ ਸੇਵਾ ਕਰੀ ਅਪਾਰਾ । ਬਿਧੀਏ ਤੇ ਦਸ ਗੁਨੀ ਸੁਧਾਰਾ ॥ 339 ॥
 ਸੋਦਰ ਭੋਗ ਨਾਥ ਅਹ ਗਯੋ । ਨਿਸਾ ਨਾਥ ਧਰ ਆਨੰਦ ਅਯੋ ।
 ਅਸਟ ਸੁਦੀ ਨਿਸ ਅਰਧ ਪ੍ਰਕਾਸ਼ਾ । ਭਗਤ ਸਿੰਘ ਗੁਰ ਕਰਤ ਬਿਲਾਸਾ ॥ 340 ॥

ਦੋਹਰਾ

ਏਹ ਗਾਥਾ ਐਸੀ ਭਈ ਅਬ ਤਹਿ ਕੀ ਸੁਨ ਬਾਤ ।
 ਭਯੋ ਭੋਰ ਤਬ ਏਕ ਨਹਿ ਹੈ ਦੇਖਯੋ ਉਤਪਾਤਿ ॥ 342 ॥

ਚੌਪਈ

ਹਾਇ ਹਾਇ ਕਹ ਗਯੋ ਤੁਰੰਗਾ । ਦਿਲਬਾਗ ਹਾਇ ਦਿਖ ਲਾਜ ਅਨੰਗਾ ।
 ਸੌਧੇ ਖਾਂ ਤਬ ਹੋਇ ਪ੍ਰਕਾਰਾ । ਸੁਨੋ ਸ਼ਾਹ ਹੈ ਕਹੀਂ ਪਧਾਰਾ ॥
 ਭੂਮ ਚੋਰ ਨਹਿ ਸ਼ਾਹ ਅਲਾਯੋ । ਕਿਧੋ ਦੇਵ ਤਹਿ ਆਨ ਹਰਾਯੋ ।
 ਖਰੇ ਪਾਹਰੂ ਗਮ ਨਹਿ ਚੋਰਾ । ਗਯੋ ਪਿਆਨ ਕਹਾਂ ਹੈ ਮੋਰਾ ॥ 443 ॥

ਦੋਹਰਾ

ਕਸੇਰਾ ਕਰ ਪੂਛਯੋ ਤਿਸੈ ਢੂੰਢਤ ਭੇ² ਤਬ ਜਾਇ ।
 ਆਇ ਸ਼ਾਹ ਸਿਉ ਅਸ ਕਹਾ ਘਾਹੀਂ ਕਹੀ ਸਿਧਾਇ ॥ 344 ॥

ਚੌਪਈ

ਗਯੋ ਅਸ੍ਰੁ ਦਿਖ ਸੋਇ ਪਧਾਰਾ । ਸ਼ੰਕਾ ਧਰ ਜਾਨੋ ਇਹ ਵਾਰਾ ।
 ਬਹੁਰ ਸ਼ਾਹ ਕਰ ਭਾਲ³ ਲਗਾਯੋ । ਹੇ ਖੁਦਾਇ ਹੈ ਕਹਾ ਸਿਧਾਯੋ ॥ 345 ॥
 ਸੌਧੇ ਖਾਂ ਕਉ ਕਹਾ ਸੁਨਾਇ । ਜੋ ਘੋੜੇ ਕਾ ਖੋਜ ਬਤਾਇ ।
 ਮੁਖ ਮਾਂਗਾ ਤਾ ਕੋ ਧਨ ਦੀਜੈ । ਏਕ ਵਾਰ ਹਯ ਕਹੀਂ ਸੁਨੀਜੈ ॥ 346 ॥

ਦੋਹਰਾ

ਆਵਤ ਭਏ ਖੋਜੀ ਤਬੈ ਖੋਜ ਨ ਨਿਕਸਾ ਕੋਇ ।
 ਮਹਾਪੁਰਖੁ ਕੀ ਲੀਕ⁴ ਜੋ ਕੌਨ ਲੰਘੇ ਨਰ ਹੋਇ ॥ 347 ॥

ਚੌਪਈ

ਇਹ ਠਾਂ ਸ੍ਰੀ ਗੁਰੂ ਕਰਤ ਬਿਲਾਸ । ਦੇਖਤ ਹੈ ਕੋ ਅਤਹਿ ਹੁਲਾਸ ।
 ਜੇਠੇ ਬਿਨਤਿ ਕਰੀ ਤਬ ਆਇ । ਨਿਹਾਰੀ ਦਾਣਾ ਅਸ੍ਰੁ ਨ ਖਾਇ ॥ 348 ॥
 ਨੀਰ ਨੈਨ ਤੇ ਚਲਤ ਅਪਾਰਾ । ਦੇਖਹੁ ਆਪ ਗੁਰੂ ਕਰਤਾਰਾ ।
 ਸ੍ਰੀ ਗੁਰੂ ਤਬ ਹੀ ਜਾਇ ਨਿਹਾਰਾ । ਜੇਠੇ ਜੈਸੀ ਕੀਨ ਉਚਾਰਾ ॥ 349 ॥

ਦੋਹਰਾ

ਰਾਇ ਜੋਧ ਐਸੇ ਕਹਾ ਥਕਤ ਪੈਂਡ ਬਹੁ ਹੋਇ ।
 ਦਯਾ ਸਿੰਧੁ ਕਹਿ ਥਕਤ ਨਹਿ ਪਯਾ ਵਿਛੋੜਾ ਜੋਇ ॥ 350 ॥

¹ਅ ਪੋਥੀ ਪਕੜਾਇ ²ਅ ਤੇ ਏ ਪੋਥੀ ਭਏ ³ਏ ਪੋਥੀ ਮਾਥ ⁴ਅ ਪੋਥੀ ਰੇਖ

ਚੌਪਈ

ਬਿਧੀਏ ਕਹਾ ਸੁਨਹੁ ਪ੍ਰਭੁ ਸਵਾਮੀ । ਸਭ ਘਟਿ ਘਟਿ ਕੇ ਅੰਤਰਜਾਮੀ ।
 ਹੈ ਗੁਲਬਾਗ ਤਹਾਂ ਬਿਬ ਜਾਨੋ । ਤਾਹਿ ਬਿਯੋਗ ਰਿਦੈ ਇਹ ਮਾਨੋ ।
 ਤਾਕੋ ਮਨ ਯਾਕੇ ਮਨ ਮਾਂਹੀ । ਤਾਂਹੇ ਦਾਣਾ ਘਾਸ ਨ ਖਾਂਹੀ ।
 ਸ੍ਰੀ ਗੁਰ ਸੁਨ ਹੈ ਓਰ ਨਿਹਾਰਯੋ । ਫੇਰ ਹਾਥ ਅਸ ਬੈਨ ਉਚਾਰਯੋ ॥ 351 ॥

ਦੋਹਰਾ

ਜਾਨ ਭਾਈ ਕਰ ਚਿੰਤ ਨਹਿ ਤੁਮਰੋ ਭਾਈ ਆਇ ।
 ਖਾਵੇ ਦਾਣਾ ਹਰਖ ਸਿਉ ਮਾਨ ਬੈਨ ਤਬ ਖਾਹਿ ॥ 352 ॥

ਸੋਰਠਾ

ਸ੍ਰੀ ਮੁਖ ਐਸ ਅਲਾਇ ਬਿਧੀ ਚੰਦ ਤੁਮ ਜਾਇ ਕੈ ।
 ਜਿਉਂ ਤਿਉਂ ਬਿਬ ਹੈ ਲਿਆਇ ਚਰਨ ਲਾਗ ਬਿਧੀਆ ਤਬੈ ॥ 353 ॥

ਦੋਹਰਾ

ਪਾਂਚ ਗੁਰੂ ਕੋ ਨਾਮ ਲੈ ਸ੍ਰੀ ਗੁਰ ਥਾਪੀ ਦੀਨ ।
 ਤਤ ਕਾਲ ਪਯਾਨਾ ਕੀਓ ਬਿਧੀ ਚੰਦ ਸੁਖ ਲੀਨ ॥ 354 ॥

ਚੌਪਈ

ਓਰ ਲਾਹੌਰ ਬਿਧੀ ਸਸਿ¹ ਆਯੋ । ਦੇਖ ਸਭੈ ਮਨ ਬਿਸਮੈ ਪਾਯੋ ।
 ਰਾਇ ਜੋਧ ਪੁਨ ਬਿਨਤਿ ਉਚਾਰੀ । ਹੇ ਗੁਰ ਇਛਾ ਪੂਰ ਹਮਾਰੀ ॥ 355 ॥
 ਇਹ ਤੇ ਤੀਨ ਕੋਸ ਗ੍ਰਿਹ ਜਾਨ । ਕਾਂਗੜ ਇਹ ਤੇ ਕਰੋ ਪਯਾਨ ।
 ਜਾਨ ਦਾਸ ਪਾਵਨ ਗ੍ਰਿਹ ਕੀਜੈ । ਚਰਨ ਧੂਰਿ ਮਸਤਕ ਮਮ ਦੀਜੈ ॥ 356 ॥

ਦੋਹਰਾ

ਰਾਇ ਜੋਧ ਕੀ ਬਿਨਤਿ² ਸੁਨ ਦਯਾ ਸਿੰਧ ਹਰਖਾਇ ।
 ਤਤਕਾਲ ਤਯਾਰੀ ਕਰੀ ਰੂਪ ਚੰਦ ਲਖ ਪਾਇ ॥ 357 ॥

ਚੌਪਈ

ਸੰਧੂ ਰੂਪ ਚੰਦ ਤਬ ਆਏ । ਹਾਥ ਜੋਰ ਅਸ ਬਿਨੈ ਅਲਾਏ ।
 ਹੇ ਗੁਰ ਹਮ ਭੀ ਸੰਗਿ ਸਿਧਾਵਹਿ । ਦਾਸਨ ਸਮ ਕਛੁ ਸੇਵ ਕਮਾਵਹਿ ॥ 358 ॥
 ਕਹ ਗੁਰ ਰੂਪ ਚੰਦ ਸੁਨ ਲੀਜੈ । ਇਹ ਠਾਂ ਵਾਸ ਸਦਾ ਤੁਮ ਕੀਜੈ ।
 ਦੇਗ ਚਲਾਇ ਗੁਰੂ ਗੁਨ ਗਾਇ । ਵਾਸ ਰਾਖੋ ਜਿਹਵਾ ਗੁਣ ਗਾਇ ॥ 359 ॥

ਦੋਹਰਾ

ਹਮ ਕੋਤਕ ਬਹੁ ਕਰੋਗੇ ਹਮਰੇ ਪਾਸ ਨ ਆਇ ।
 ਸਦਾ ਵਾਸ ਇਹ ਠਾਂ ਕਰੋ ਦੁਸ਼ਟਨ ਕੋ ਇਤ ਘਾਇ ॥ 360 ॥

ਚੌਪਈ

ਅਵਰ ਸਿਖ ਹਮਰੀ ਸੁਨ ਲੀਜੈ । ਕੋਇ ਮ੍ਰਿਤਕ ਕੁਲ ਰੁਦਨ ਨ ਕੀਜੈ ।
ਸਤਿਗੁਰ ਭਾਣੈ ਆਨੰਦ ਧਾਰੋ । ਸਤਿਨਾਮ ਮੁਖ ਮੰਤ੍ਰ ਉਚਾਰੋ ॥ 361 ॥
ਦਯਾ ਸਿੰਧ^੧ ਕੇ ਬੈਠ ਸੁਨਾਏ । ਸਧੂ ਰੂਪ ਚੰਦ ਹਰਖਾਏ ।
ਪਰੋ ਚਰਨ ਥਾਪੀ ਗੁਰ ਦਈ । ਨਿਸਚੈ ਓਟ ਗੁਰੂ ਕੀ ਭਈ ॥ 362 ॥

ਦੋਹਰਾ

ਰੂਪ ਚੰਦ ਮਾਤਾ ਅਈ ਸ੍ਰੀ ਗੁਰ ਕੇ ਪਗ ਲਾਗ ।
ਭਗਤ ਸਿੰਘ ਗੁਰ ਧੀਰ ਦੇ ਜਾਨ ਤਾਂਹਿ ਬਡ ਭਾਗ ॥ 363 ॥

ਚੌਪਈ

ਦੈ ਧੀਰਜ ਗੁਰ ਕੀਯੋ ਪਯਾਨਾ । ਕਾਂਗੜ ਓਰ ਸੈਨ ਸਜ ਠਾਂਨਾ ।
ਹੈ ਦਰਿਆਰੀ ਸੇਵਕ ਹਾਥ । ਸੋਭਤ ਜੀਨ ਜਿਗਾ ਜਹਿ ਮਾਥ ॥ 364 ॥
ਤੀਨ ਕੋਸ ਤਤ ਛਿਨ ਪਰ ਆਏ । ਰਾਇ ਜੋਧ ਕੇ ਸਦਨ ਦਿਖਾਏ ।
ਹਰਖ ਧਾਰ ਆਈ ਤਿਹ ਨਾਰੀ । ਅਨਿਕ ਭੇਟ ਪਦ ਪੰਕਜ ਧਾਰੀ ॥ 365 ॥

ਦੋਹਰਾ

ਸ੍ਰੀ ਗੁਰ ਤਹਿ ਡੇਰਾ ਕੀਓ ਉਤਮ ਠੋਰ ਨਿਹਾਰ ।
ਰਾਇ ਜੋਧ ਸੇਵਾ ਕਰੈ ਨਿਤ ਨੂਤਨ ਸੁਖ ਧਾਰ ॥ 366 ॥
ਇਹ ਗਾਥਾ ਐਸੇ ਭਈ ਬਿਧੀਏ ਕਹਾ ਸੁਨਾਇ ।
ਤੀਨ ਰੈਨ ਬਸ ਪੰਥ ਮੈ ਲਉ^੨ ਸਹਿਰ ਨਿਕਟਾਇ ॥ 367 ॥

ਚੌਪਈ

ਘਰੀ ਏਕ ਦਿਨ ਜਬੈ ਰਹਾਯੋ । ਕਰ ਬੰਦਨ ਗੁਰ ਧਿਆਨ ਧਰਾਯੋ ।
ਕਰਿ ਅਰਦਾਸ ਕੀਓ ਪਰਵੇਸਾ । ਗੁਰ ਕੈ ਨਾਮ ਨਹੀਂ ਦੁਖ ਲੇਸਾ ॥ 368 ॥
ਖਤੀ ਜਾਤ ਬਹੋੜਾ ਨਾਮਾ । ਕਰੈ ਬਜਾਜੀ ਸਿਖੀ ਧਾਮਾ ।
ਤਾਂਕੇ ਗ੍ਰਿਹ ਬਿਧੀਆ ਜਬ ਗਯੋ । ਗੁਰ ਸਿਖ ਜਾਨ ਬਡੇ ਸੁਖ ਲਯੋ ॥ 369 ॥

ਦੋਹਰਾ

ਮਿਲੇ ਪਰਸਪਰ ਹਰਖ^੩ ਸਿਉ ਆਨੰਦ ਕੁਸਲ ਅਲਾਇ ।
ਬਹੁਰੋ ਸ੍ਰੀ ਗੁਰੂ ਕੀ ਤਬੈ ਪ੍ਰਛੀ ਕੁਸਲ ਮਹਾਇ ॥ 370 ॥

ਚੌਪਈ

ਗਰਮ ਜਲ ਕਰ ਇਸਨਾਨ ਕਰਾਈ । ਨਾਰ ਬੁਲਾਇ ਪ੍ਰੇਮ ਅਤਿ ਪਾਈ ।
ਬਿਧੀਏ ਕੇ ਪਗ ਧੋਵਨ ਲਾਗਾ । ਭਗਤ ਸਿੰਘ ਪ੍ਰੇਮੀ ਰਸ ਪਾਗਾ ॥ 371 ॥

^੧ਅ ਪੰਥੀ ਕ੍ਰਿਪਾਨਿਧਿ ^੨ਅ ਪੰਥੀ ਲਾਹੌਰ ^੩ਅ ਤੇ ਏ ਪੰਥੀ ਪ੍ਰੇਮ

ਨੀਰ ਚਰਨ ਡਾਰਿਯੋ ਨਿਜ ਸੀਸਾ । ਕੀਯੋ ਪਾਨ ਮਾਨੋ ਰਿਦ ਸੀਸਾ ।
ਧੀਰਜ ਗਯਾਨ ਸਾਂਤ ਦਮ ਨੇਮਾ । ਰਿਦੇ ਵਸਾਇ ਨਾਮ ਕਹੁ ਖੇਮਾ ॥ 372 ॥

ਦੋਹਰਾ

ਸੁਨੋ ਸੰਤ ਰਜ ਚਰਨ ਕੀ ਬੜੇ ਭਾਗ ਮਿਲੇ ਆਇ ।
ਜੰਗਮ ਤੀਰਥ ਸੰਤ ਹੈ ਤਾਰਤ ਜਹਿ ਤਹਿ ਭਾਇ ॥ 373 ॥

ਚੌਪਈ

ਬਾਕੀ ਜਲ ਨਾਰੀ ਕਉ ਦੀਨੋ । ਪੁਨਾ ਭਵਨ ਨਿਜ ਸੰਚਨ ਕੀਨੋ ।
ਧਾਰ ਆਨੰਦ ਬਹੋੜਾ ਐਸੇ । ਰੰਕ ਰਾਜ ਤਿਲੋਕੀ ਜੈਸੇ ॥ 374 ॥
ਕਰ ਭੋਜਨ ਬਿਧੀਆ ਹਰਖਾਇ । ਬਹੁਰ ਬਹੋੜੇ ਬਿਨੈ ਅਲਾਇ ।
ਜੋ ਸੇਵਾ ਮਮ ਲਾਇਕ ਹੋਈ । ਭਾਖੋ ਜਾਨ ਦਾਸ ਮੁਹਿ ਸੋਈ ॥ 375 ॥

ਦੋਹਰਾ

ਬਿਧੀਚੰਦ ਐਸੇ ਕਹਾ ਇਹੀ ਸੇਵ ਮਮ ਆਇ ।
ਦੀਜੈ ਏਕ ਪੁਸ਼ਾਕ ਮਮ¹ ਹਿੰਦੁਸਤਾਨੀ ਲਯਾਇ ॥ 376 ॥

ਚੌਪਈ

ਕਹੋ ਬਹੋੜਾ ਤੁਰਤ ਮੰਗਾਉਂ । ਜਿਹ ਬਿਧਿ ਤੁਮਰੀ ਆਗਿਆ ਪਾਉਂ ।
ਅਸ ਕਹਿ ਬੈਨ ਨੀਂਦ ਉਪਜਾਈ । ਜਾਗੇ ਭਯੋ ਭੋਰ² ਸੁਖਦਾਈ ॥ 377 ॥
ਦਰਜੀ ਬੋਲ ਪੁਸ਼ਾਕ ਬਨਾਇ । ਤਤ ਕਾਲ ਕਛੁ ਦੇਰ ਨ ਲਾਇ ।
ਦੌਇ ਜਾਮ ਮੈ ਭਈ ਤਿਆਰਾ । ਪੀਨ ਪਿਰਾਹਨ ਏਕ ਇਜਾਰਾ ॥ 378 ॥

ਦੋਹਰਾ

ਧਾਰ ਪਿਰਾਹਨ ਕੰਠ ਮਹਿ ਦੀਰਘ ਲਘੁ ਲਘੁ ਜਾਨ ।
ਦੀਰਘ ਜਾਨ ਇਜਾਰ ਸੋ ਬੜੀ ਪਾਗ ਸਿਰ ਮਾਨ³ ॥ 379 ॥

ਸਵੈਯਾ

ਫਾਰ ਕੇ ਕੇਸ ਤਬੈ ਮਧਤੈ ਦੋਉ ਓਰ ਬੰਧਾਇ ਬੜੀ ਛਬਿ ਪਾਈ ।
ਹਾਥ ਵਿਖੇ ਸੰਗਲੀ ਧਰ ਕੈ ਸੁਭ ਦੀਰਘ ਡੀਲ ਰਹੈ ਮੁਰਝਾਈ ।
ਡਾਰ ਸ੍ਰੀ ਸਭ ਪੈ ਗੁਰੁ ਕੀ ਧਰਮਸਾਲ ਗਯੋ ਤਹਿ ਵਾਸ ਕਰਾਈ ।
ਭੋਜਨ ਕੈ ਤਹਿ ਠਾਂ ਅਹਿ ਆਠ ਨਿਵਾਸ ਕੀਓ ਗੁਰੁ ਕੇ ਗੁਨ ਗਾਈ ॥ 380 ॥

ਦੋਹਰਾ

ਕਛੁ ਦਿਨ ਮਘਰ ਤਲ ਗਯੋ ਬਿਧੀਏ ਕੀਨ ਵਿਚਾਰ ।
ਈਹਾਂ ਆਇ ਬਹੁ ਚਿਰ ਭਏ ਕਾਰਜ ਕਰਉ ਸੁਧਾਰ ॥ 381 ॥

¹ਅ ਪੱਥੀ ਮਹਿ ²ਏ ਪੱਥੀ ਪ੍ਰਾਤ ³ਏ ਪੱਥੀ ਬਾਨੁ

ਚੰਡੋਰਾ ਨਿਤ ਪ੍ਰਤਿ ਸ਼ਾਹਿ ਕਾ ਫਿਰੇ ਨਗਰ ਕੇ ਮਾਂਹਿ ।
ਜੋਇ ਸੋਧ ਕਰ ਅਸ੍ਰੁ ਕੀ ਚਾਰ ਲਾਖ ਦੈ ਤਾਂਹਿ ॥ 382 ॥

ਚੌਪਈ

ਬਿਧੀ ਚੰਦ ਇਹ ਭਾਂਤ ਸੁਨਾਯੋ । ਬਡ ਅਨੰਦ ਨਿਜ ਮਨ ਮਹਿ ਪਾਯੋ ।
ਭੋਰ¹ ਹੇਤ ਅਸ ਬਯੋਤ ਸਵਾਰਾ । ਹਿੰਦੁਸਤਾਨੀ ਭੇਸ ਸੁਧਾਰਾ ॥ 383 ॥

ਦੋਹਰਾ

ਲੈ ਸੰਗਲ ਨਿਜ ਹਾਥ ਮਹਿ ਚਿਤਵਤ ਕਰਤ ਵਿਚਾਰ ।
ਤੀਨ ਪਿਰਾਹਨ ਪਾਗ ਬਡ ਦੀਰਘ ਪਹਿਰ ਇਜਾਰ ॥ 384 ॥

ਚੌਪਈ

ਧਾਇ ਧਾਇ ਆਵਹਿੰ ਨਰ ਨਾਰੀ । ਆਗੈ ਪੀਛੈ ਭੀਰ ਅਪਾਰੀ ।
ਇਹ ਬਿਧਿ ਬਹੁਤ ਭੀਰ ਪਰ ਜਾਈ । ਕਿਲੇ ਨਿਕਟ ਬਡ ਆਨੰਦ ਪਾਈ ॥ 385 ॥
ਸੋਧੇ ਖਾਂ ਕਾ ਆਯੋ ਦਾਸਾ । ਕਰ ਮਜਨ ਹੈ ਧਾਰਿ ਹੁਲਾਸਾ ।
ਦੇਖ ਭੀਰ ਤਹਿੰ ਬੈਨ ਉਚਾਰੇ । ਇਹ ਠਾਂ ਕੋਨ ਅਚੰਭਾ ਧਾਰੇ ॥ 386 ॥

ਦੋਹਰਾ

ਆਗੈ ਹੁਇ ਤਿਹੈ ਰੂਪ ਦਿਖ ਸਨਮੁਖ ਮੁਕਰ ਧਰਾਇ ।
ਦੇਖਤ ਅਪਨੇ ਬਦਨ ਕੋ ਸੰਗਲੀ ਹਾਥ ਗਹਾਇ ॥ 387 ॥

ਚੌਪਈ

ਕਹਾ ਦਾਸ ਕਿਆ ਕਾਜ ਕਰਾਵੋ । ਸੰਗਲੀ ਹਾਥ ਅਚੰਭ ਧਰਾਵੋ ।
ਬਿਧੀਏ ਕਹਾ ਇਛ ਮਮ ਜਾਨੋ । ਖੋਜੀ ਗਨਕ ਮੋਹਿ ਕਉ ਮਾਨੋ ॥ 388 ॥
ਕਹਾ ਦਾਸ ਹਯ ਸ਼ਾਹ ਚੁਰਾਏ । ਕਹੋ ਖੋਜ ਕਹਿੰ ਠੌਰ ਸਿਧਾਏ ।
ਬਿਧੀਏ ਦੀਨੀ ਸੰਗਲੀ ਡਾਰ । ਦੇਖੋ ਨਭ ਕੋ ਭੂਮਿ ਨਿਹਾਰ ॥ 389 ॥

ਦੋਹਰਾ

ਜਹਾਂ ਅਸਵ ਹੈ ਸ਼ਾਹ ਕਾ ਦੇਵੋਂ ਠੌਰ ਬਤਾਇ ।
ਆਗੈ ਨਿਜ ਬਲਿ ਲਾਇਕੈ ਪਾਵਹਿੰ ਸ਼ਾਹ ਨ ਪਾਇ ॥ 390 ॥

ਚੌਪਈ

ਸੁਨਤ ਦਾਸ ਤਬ ਤੁਰਤ ਸਿਧਾਯੋ । ਸੋਧੇ ਖਾਂ ਕਉ ਜਾਇ ਸੁਨਾਯੋ ।
ਸੋਧਾ ਗਯੋ ਸ਼ਾਹਿ ਢਿਗ ਤਬ ਹੀ । ਭਾਖੀ ਬਾਤ ਦਾਸ ਕਹੀ ਸਭ ਹੀ ॥ 391 ॥
ਸੁਨਤ ਸ਼ਾਹਿ ਅਸ ਕਹਾ ਸੁਨਾਇ । ਲਯਾਵੋ ਤਾਂਹਿ ਨਾ ਦੇਰ ਲਗਾਇ ।
ਸੋਧੇ ਖਾਂ ਤਾਂਕੋ ਲੈ ਆਯੋ । ਹਿੰਦੁਸਤਾਨੀ ਭੇਸ ਸਹਾਯੋ ॥ 392 ॥

¹ਅ ਪੌਥੀ ਪ੍ਰਾਤ

ਦੋਹਰਾ

ਦਯਾ ਸਿੰਧ ਤੇ ਮੂੜ੍ਹ ਸਭ ਕੇ ਨ ਪਛਾਨੈ ਸੰਤ ।
ਜੋ ਚਾਹੈ ਸੋਈ ਕਰੈ ਗੁਰੁ ਮਾਯਾ ਬਲਵੰਤ ॥ 393 ॥

ਚੌਪਈ

ਆਇ ਸ਼ਾਹਿ ਸਿਉ ਕਹੀ ਜੁਹਾਰ । ਬਾਦਸ਼ਾਹਿ ਪਿਖ ਐਸ ਉਚਾਰ ।
ਦੇਸ ਨਾਮ ਕਹੁ ਕਾ ਹਿਤ ਆਯੋ । ਸੁਨ ਬਿਧੀਏ ਅਸ¹ ਬੈਨ ਅਲਾਯੋ ॥ 394 ॥
ਸਦਨ ਮਾਲਵੇ ਗ੍ਰਿਹ ਹੈ ਜਾਨ । ਆਯੋ ਤੁਮ ਪੈ ਝਗੜਾ ਠਾਨ ।
ਖੋਜੀ ਗਨਕ ਨਾਮ ਹੈ ਮੋਰਾ । ਜਗ ਮਹਿ ਸੁਨਾ ਅਧਿਕ ਜਸ ਤੋਰਾ ॥ 395 ॥

ਦੋਹਰਾ

ਤਾਂਤੇ ਤੁਮ ਢਿਗ ਆਇਓ ਬਹੁਰੋ ਸ਼ਾਹਿ ਅਲਾਇ ॥
ਕਰ ਹੈ ਤੋਰ ਨਿਆਇ ਸੋ ਅਪਨੋ ਨਾਮ ਸੁਨਾਇ ॥ 396 ॥

ਚੌਪਈ

ਤੀਨ ਬੇਰ ਜਬ ਸ਼ਾਹ ਅਲਾਯੋ । ਬਿਧੀਚੰਦ ਨਿਜ ਨਾਮ ਸੁਨਾਯੋ ।
ਸੁਨਤ ਸ਼ਾਹ ਮਨ ਆਨੰਦ ਕਈ । ਪਾਂਚ ਹਜ਼ਾਰ ਮਿਮਾਨੀ² ਦਈ ॥ 397 ॥
ਬਹੁਤ ਕੀਮਤੀ ਦੇਉ ਪੁਸ਼ਾਕ । ਬਹੁਰੋ ਕਹੇ ਹਰਖ ਧਰ ਵਾਕ ॥
ਬਿਧੀਚੰਦ ਹੈ ਖੋਜ ਬਤਾਵਉ । ਦੇਖ ਬਿਚਾਰ ਨਾ ਗਹੁਰ ਲਗਾਵਉ ॥ 398 ॥

ਦੋਹਰਾ

ਡਾਰ ਸੰਗਰੀ ਤਾਂ ਸਮੇ ਬਿਧੀਏ ਕਹਾ ਸੁਨਾਇ ।
ਦੇਖ ਖੋਜ ਤੋਉ ਅਸਪ ਕਾ ਦੇਵਓ ਨੌਰ ਬਤਾਇ ॥ 399 ॥

ਚੌਪਈ

ਬਾਦਸ਼ਾਹਿ ਪੁਨ ਐਸ ਅਲਾਏ । ਅਸਪ ਖੋਜ ਜੇ ਭਾਖ ਸੁਨਾਏ ।
ਚਾਰ ਲਾਖ ਤੋਕਉ ਮੈ ਦੇਉ । ਮਨਸਬਦਾਰ ਸੁ ਅਪਨ ਕਰੇਉ ॥ 400 ॥
ਕਰਓ [ਨਿਯਾਇ]³ ਔ ਹਮਹੂ ਤੋਰੋ । ਬਿਧੀ ਚੰਦ ਕਹਿ ਸੁਨ ਬਚ ਮੋਰੋ ।
ਇਹੀ ਦਵਾਇ ਹਮੇ ਕਉ ਦੀਜੈ । ਜਾਂ ਹਿਤ ਅਯੋ ਚੀਜ ਵਹਿ ਲੀਜੈ ॥ 401 ॥

ਦੋਹਰਾ

ਔਰ ਬਾਤ ਮੇਰੀ ਸੁਨਹੁ ਚਿਠੀ ਦੇਹੁ ਲਿਖਾਇ ।
ਚਾਰ ਲਾਖ ਹੈ ਖੋਜ ਕੇ ਕਿਆ ਵਸ ਨਾਹਿ ਦਵਾਇ ॥ 402 ॥

ਚੌਪਈ

ਚਿਠੀ ਸ਼ਾਹਿ ਤਬੈ ਲਿਖ ਦੀਨੀ । ਭਾਖਿਓ ਖੋਜ ਕਹੋ ਚਿਤ ਚੀਨੀ ।
ਗੁਰੁ ਮਾਯਾ ਜੈਸੇ ਭਰਮਾਵੈ । ਬਾਦਸ਼ਾਹ ਤਸ ਬੈਨ ਅਲਾਵੈ ॥ 403 ॥

¹ਅ ਪੱਥੀ ਇਮ ²ਏ ਪੱਥੀ ਸਿਜਮਾਨੀ ³ਅ ਪੱਥੀ ਵਿਚੋ

ਕਹਿ ਬਿਧੀਆ ਤਿਹਿ ਠੌਰ ਪਧਾਰਉਂ । ਜਹਾਂ ਚੋਰ ਹਿਰ ਅਸਪ ਨਿਹਾਰਉਂ ।
ਬਾਦਸ਼ਾਹ ਸੋਧੇ ਤੇ ਆਇ ॥ ਅਸ੍ਰੁ ਠੌਰ ਆਏ ਅਹਿਲਾਇ ॥ 404 ॥

ਦੋਹਰਾ

ਕਹਾ ਸ਼ਾਹ ਇਹੁ ਠੌਰ ਤੇ ਮੇਰਾ ਅਸਪ ਹਿਰਾਇ ।
ਬਿਧੀਏ ਸੁੰਘੀ ਠੌਰ ਤਬ ਆਗੇ ਪਾਛ ਤਦਾਇ ॥ 405 ॥

ਚੌਪਈ

ਡਾਰ ਸੰਗਰੀ ਗਨਨਾ ਗਨੀ । ਮੁਖ ਸਿਉ ਬਾਤ ਸਾਹਿ ਸਿਉ ਭਨੀ ।
ਹਉ ਗੁਰੂ ਸਿਖ ਝੂਠ ਨਹਿ ਗਾਉਂ । ਤੁਮ ਕਉ ਸਗਰੀ ਠੌਰ ਬਤਾਉਂ ॥ 406 ॥
ਏਕ ਸੰਦੇਹ ਮੋਹਿ ਮਨ ਹੋਈ । ਖਾਲੀ ਹਰਿਯੋ ਜੀਨ ਸਹਿ ਸੋਈ ।
ਕਹਾ ਸ਼ਾਹਿ ਹਿਰ ਜੀਨ ਸਮੇਤਾ । ਆਧੀ ਨਿਸਾ ਪਾਇ ਨਹਿ ਭੇਤਾ ॥ 407 ॥

ਦੋਹਰਾ

ਯਾਹਿ ਅਸ ਪਰ ਤੈਸ ਹੀ ਡਾਰੋ ਜੀਨ ਸਵਾਰ ।
ਮਾਯਾ ਵਸ ਤਿਨ ਡਾਰਿਯੋ ਸਮਝ ਨ ਭੇਤ ਗਵਾਰ ॥ 408 ॥
ਪੁਨ ਬਿਧੀਏ ਐਸੇ ਕਹਾ ਅਰਧ ਰਾਤ ਜਬ ਹੋਇ ।
ਤਬੈ ਖੋਜ ਯਹ ਭਾਸ ਹੈ ਮਿਥਯਾ ਨ ਮਾਨੋ ਕੋਇ ॥ 409 ॥

ਚੌਪਈ

ਕਹਾ ਸ਼ਾਹਿ ਤਾਮੈ ਬਡ ਦੇਰੀ । ਭਾਖੇ ਖੋਜ ਅਬੈ ਤੁਮ ਹੇਰੀ ।
ਬਿਧੀਏ ਕਹਾ ਰੈਨ ਅਬ ਪਾਉਂ । ਭਾਖਉਂ ਖੋਜ ਨ ਬਿਲਮ ਲਗਾਉਂ ॥ 410 ॥

ਸ਼ਾਹੋਵਾਚ ॥ ਦੋਹਰਾ ॥

ਅਸ੍ਰੈ ਹਮ ਪਾਵਹਿ ਨਿਸਾ ਸਵਾ ਲਾਖ ਦੇਹਿ ਭੋਹਿ ।
ਕਹਿ ਬਿਧੀਆ ਚਿਠੀ ਲਿਖੋ ਔਰ ਮਾਨ ਬਚ ਮੋਹਿ ॥ 411 ॥
ਪਾਤਸ਼ਾਹਿ ਚਿਠੀ ਦਈ ਬਿਧੀਏ ਕਹਾ ਸੁਨਾਇ ।
ਫੇਰ ਸਿਪਾਹੀ ਨਗਰ ਮੈ ਗ੍ਰਿਹ ਮਹਿ ਸਕਲ ਸਵਾਇ ॥ 412 ॥

ਚੌਪਈ

ਪੁਰ ਬਾਹਰ ਜਾਵੈ ਨਹਿ ਕੋਈ । ਮਾਰੋ ਕੁਲਫ ਸ਼ਹਿਰ ਦਰ ਜੋਈ ॥
ਪਾਤਸ਼ਾਹਿ ਨਿਜ ਦਾਸ ਪਠਾਇ । ਮਾਰ ਕੁਲਫ¹ ਸਭ ਹੀ ਦਰ ਆਇ¹ ॥ 413 ॥
ਬਿਧੀਏ ਸਭ ਕਲੀਦ ਸੰਭਾਰੀ ॥ ਪਾਤਸ਼ਾਹ ਸਿਉਂ ਬੈਠ ਉਚਾਰੀ ।
ਜਹਿ ਹੈ ਹਿਰਯੋ ਬੈਠ ਜਹਿ ਠੌਰਾ । ਬੈਠ ਤਹਾਂ ਮਾਨ ਬਚ ਮੋਰਾ ॥ 414 ॥

ਦੋਹਰਾ

ਸੰਮਨ ਬਾਰੀ ਜਾਇਕੈ ਬਾਦਸ਼ਾਹਿ ਬੈਠਾਇ ।
ਬਿਧੀਏ ਮਾਰਿਓ ਕੁਲਫ ਦਰ ਜੇਬ ਕਲੀਦੀ ਪਾਇ ॥ 415 ॥

ਚੌਪਈ

ਸੋਧੇ ਖਾਂ ਸਬ ਨਿਜ ਨਿਜ ਧਾਂਮ । ਕੁਲਫ ਮਾਰ ਜਨ ਭਏ ਮੁਕਾਮ ।
 ਮਾਨ ਸਾਹ ਡਰ ਬੋਲ ਨ ਬੈਨਾ । ਬੈਠਤ ਭਏ ਨਿਜੈ ਨਿਜ ਐਨਾ ॥ 416 ॥
 ਇਤਨੇ ਮਾਝ ਨਿਸਾ ਤਬ ਆਈ । ਅਥਯੋ ਸੂਰ¹ ਬਚ ਸਾਹ ਅਲਾਈ ।
 ਬਿਧੀ ਚੰਦ ਹੈ ਖੋਜ ਨਿਕਾਰੋ । ਦੇਰ ਕੌਨ ਹਿਤ ਅਬ ਤੁਮ ਧਾਰੋ ॥ 417 ॥

ਦੋਹਰਾ

ਹਾਥ ਜੋਰ ਬਿਧੀਏ ਕਹਾ ਕੀਜੈ ਸਾਹ ਦਵਾਇ ।
 ਮੋਰੇ ਮਨ ਇਹ ਇਛ ਹੈ ਦੋਨੇ ਅਸ੍ਰੁ ਮਿਲਾਇ ॥ 418 ॥

ਚੌਪਈ

ਪਾਤਿਸ਼ਾਹ ਏ ਬਾਤ ਬਿਚਾਰੀ । ਏ ਭਲ ਮਾਂਗਤ ਹੋਇ ਸੁਧਾਰੀ ।
 ਬਿਧੀਏ ਕਹਾ ਨਿਸਾ ਅਹਿ ਕੀਨੀ । ਸੁਨੋ ਸਾਹ ਹਮ ਨੈਨੀ² ਚੀਨੀ ॥ 419 ॥
 ਕਰੋ ਸੈਨ ਕਛੁ ਖੋਜ ਨਿਕਾਰਉ । ਤਬ ਤੋ ਕਉ ਹਉ ਪ੍ਰਗਟ ਉਚਾਰਉ ।
 ਬਿਧੀ ਚੰਦ ਕੀਨੋ ਕਛੁ ਸੈਨਾ । ਧਾਰ ਰਿਦੈ ਸ੍ਰੀ ਸਤਿਗੁਰ ਐਨਾ ॥ 420 ॥

ਦੋਹਰਾ

ਦੋਇ ਜਾਮ ਨਿਸ ਜਬ ਗਈ ਬਿਧੀਏ ਬੈਨ³ ਉਚਾਰ ।
 ਜਾਗ ਸਾਹਿ ਕਹਾ ਨੀਂਦ ਹੈ ਜਿਹ ਦੁਖ ਵਿਰਹਿ ਅਪਾਰ ॥ 421 ॥

ਚੌਪਈ

ਬਿਧੀਏ ਕਹਾ ਕੂਕ ਸੁਨ ਲੀਜੈ । ਪਾਛੈ ਦੋਸ ਨ ਹਮ ਕਉ ਦੀਜੈ ।
 ਖੋਜ ਨਿਕਾਸਨ ਕਾਮ ਹਮਾਰਾ । ਪਾਛੈ ਤੁਮ ਸਿਉ ਬਚਨ ਉਚਾਰਾ ॥ 422 ॥
 ਹਉ ਅਬ ਦੇਖਾ ਖੋਜ ਬਨਾਇ । ਜਹਾ ਅਸਪ⁴ ਲੈ ਚੋਰ ਸਿਧਾਇ ।
 ਕਹਾ ਸਾਹਿ ਸੋਧੇ ਕੋ ਬੈਨਾ । ਨਿਕਸਿਯੋ ਖੋਜ ਸੁਨੋ ਧਰ ਚੈਨਾ ॥ 423 ॥

ਬਿਧੀਚੰਦ ਵਾਚ ਦੋਹਰਾ

ਸੁਨੋ ਸਾਹ ਬਚ ਸਤਿ ਏ [ਅਸ੍ਰੁ]⁵ ਚੋਰ ਮੁਹਿ ਜਾਨ ॥
 ਹਉ ਘਾਈ ਪਾਛੈ ਲੀਓ ਖੋਜੀ ਬਨ ਅਬ ਮਾਨ ॥ 424 ॥

ਚੌਪਈ

ਸੁਨੋ ਚੋਰ ਇਹੁ ਅਸ੍ਰੁ ਤੁਮਾਰਾ । ਭਾਈ ਰੂਪਾ ਨਗਰ ਅਪਾਰਾ ।
 ਹਰਿ ਗੋਵਿੰਦ ਗੁਰ ਤਹਾ ਮੁਰਾਰਾ । ਮਾਲਵੇ ਮਧ ਸੁਨੋ ਨਿਰਧਾਰਾ ॥ 425 ॥
 ਅਵਲ ਘੋੜਾ ਤਿਹ ਢਿਗ ਜਾਨੋ । ਤਾਂਹਿ ਚੋਰ ਮੋਕਉ ਪਹਿਚਾਨੋ ।
 ਹੋਇ ਖੋਜੀ ਇਹ ਘੋੜਾ ਲੀਨੋ । ਡਾਰ ਜੀਨ ਤੁਮ ਮੋਕਉ ਦੀਨੋ ॥ 426 ॥

¹ਏ ਪੋਥੀ ਇਨਪਤਿ ²ਅ ਪੋਥੀ ਆਖਿਨ ³ਅ ਪੋਥੀ ਬਚਨ ⁴ਅ ਤੇ ਏ ਪੋਥੀ ਅਸ੍ਰੁ ⁵ਅ ਪੋਥੀ ਵਿਚੋ

ਦੋਹਰਾ

ਔਰ ਬਾਤ ਮੇਰੀ ਸੁਨੋ ਚੋਰੀ ਲੀਓ ਨ ਕੋਇ ।
ਮਮ ਲਹਿਣੇ ਮਹਿ ਹੈ ਲਏ ਗਿਣ ਲੇਖਾ ਮਮ ਜੋਇ ॥ 427 ॥

ਚੌਪਈ

ਹਜਾਰ ਬਤੀਸ ਨੌਕਰੀ ਕੇਰੇ । ਔਰ ਪਰਾਣ ਬਖਸ਼ ਤੁਮ ਹੇਰੇ ।
ਪਾਂਚ ਹਜ਼ਾਰ ਮਿਜ਼ਮਾਨੀ ਜਾਨੋ । ਅੰਬਰ ਏਕ ਲਾਖ ਪਹਿਚਾਨੋ ॥ 428 ॥
ਚਾਰ ਲਾਖ ਹੈ ਖੋਜ ਨਿਕਾਰੇ । ਸਵਾ ਲਾਖ ਅਹਿ ਨਿਸਾ ਸਵਾਰੇ ।
ਸਾਢੇ ਛੇ ਲਾਖ ਬਢ ਹੋਈ । ਹੈ ਬਿਬ ਜੀਨ ਪਾਂਚ ਕੇ ਜੋਈ ॥ 429 ॥

ਦੋਹਰਾ

ਪਾਂਚ ਲਾਖ ਪਹੁੰਚੇ ਹਮੇ ਜੀਨ ਅਸੂ ਜੁਤ ਆਨ ।
ਡੇਢ ਲਾਖ ਉਪਰ ਰਹੇ ਤੋ ਪਹਿ ਮੌਰ ਅਮਾਨ ॥ 430 ॥

ਚੌਪਈ

ਹੋਇ ਅਰਿਣੀ ਈਹਾਂ ਜੇ ਦੀਜੈ । ਨਹਿ ਦਰਗਾਹ ਜਾਹਿ ਹਮ ਲੀਜੈ ।
ਅਸ¹ ਕਹ ਸ੍ਰੀ ਗੁਰ ਕੀਓ ਧਿਆਨਾ । ਮਾਨ ਕੜਾਹ ਪਾਂਚ ਹਰਖਾਨਾ ॥ 431 ॥
ਕਰ ਅਰਦਾਸ ਬੰਦਨਾ ਧਾਰ । ਬਿਧੀਆ ਤਤ ਛਿੰਨ ਭਯੋ ਸਵਾਰ ।
ਕਹਾ ਸ਼ਾਹਿ ਸੌਂਧਾ ਗਹਿ ਲੀਜੈ । ਇਹੀ ਚੋਰ ਤੁਮ ਜਾਨ ਨ ਦੀਜੈ ॥ 432 ॥

ਦੋਹਰਾ

ਕਹਿ ਸੌਂਧਾ ਤਾਲਾ ਦੀਓ ਵਸਿ ਨਹਿ ਮੌਰ ਚਲਾਇ ।
ਰਾਵੀ ਮਾਹਿ ਕੁਜੀਆਂ ਡਾਰੀ ਬਿਧੀਏ ਕਹਾ ਸੁਨਾਇ ॥ 433 ॥

ਚੌਪਈ

ਸੀਘਰ ਮਿਲਨ ਚਾਹਿ ਜਿਹੰ ਹੋਈ । ਕਾਢ ਕਲੀਦ ਯਾਹਿ ਤੇ ਸੋਈ ।
ਅਸ ਕਹਿ ਘੋੜਾ ਤੁਰਤ ਟਪਾਯੋ । ਰਾਵੀ ਜਲ ਥਲ ਸਮ ਨਿਕਸਾਯੋ ॥ 434 ॥
ਚਲਤ ਪੰਥ ਗੁਰ ਬਾਣੀ ਗਾਵੈ । ਧੰਨ ਧੰਨ ਸ੍ਰੀ ਗੁਰਹਿ ਅਲਾਵੈ ।
ਘਰੀ ਦੋਇ ਦਿਨ ਜਬੈ ਰਹਾਯੋ । ਭਾਈ ਰੂਪਾ ਲਾਘਤਿ ਆਯੋ ॥ 435 ॥

ਦੋਹਰਾ

ਕਾਂਗੜ ਮਾਹਿ ਸ੍ਰੀ ਗੁਰ ਸੁਨੇ ਉਤਰ ਅਸੂ ਤਬ ਆਇ ।
ਗਹੀ ਬਾਗ ਨਿਜ ਹਾਥ ਮਹਿ ਪ੍ਰੇਮ² ਨ ਰਿਦੈ ਸਮਾਇ ॥ 436 ॥

ਚੌਪਈ

ਆਗੇ ਗੁਰ ਕੀਓ ਪਿਆਨ । ਬੈਠ ਸਾਹਿਬ ਲਾਇ ਦੀਵਾਨ ।
ਰਾਗ ਰੰਗ ਹੋਵਤ ਹੈ ਭਾਰੀ । ਜਹਿ ਦਰਸਨ ਫਲ ਪਯੋ ਚਾਰੀ ॥ 437 ॥

¹ਅ ਤੇ ਏ ਪੋਥੀ ਇਮ ²ਅ ਪੋਥੀ ਪ੍ਰੀਤਿ

ਬਿਧੀ ਚੰਦ ਕਉ ਆਵਤ ਦੇਖਾ । ਅਸੈਂ ਯੁਤਿ ਧਰ ਹਰਖ ਅਲੇਖਾ ।
ਉਠੇ ਅਗ੍ਰ ਹੁਇ ਆਨੰਦ ਪਾਇ । ਚੌਰ¹ ਬਿਧੀ ਗੁਰ ਪਗ ਲਪਟਾਇ ॥ 438 ॥

ਦੋਹਰਾ

ਪਦ ਪੰਕਜ ਦੁਇ ਹਾਥ ਮੈ ਸ੍ਰੀ ਗੁਰ ਲੀਓ ਉਠਾਇ ।
ਬਿਧੀ ਚੰਦ ਨਿਜ ਅੰਕ ਸਿਉ ਸਤਿਗੁਰ ਲੀਓ ਲਗਾਇ ॥ 439 ॥

ਸਵੈਯਾ

ਭਾਵ ਇਹੈ ਕਾਬਿ ਜਾਨ ਲੀਓ ਤਬ ਏਕ ਹੀ ਰੂਪ ਦੋਈ ਦ੍ਰਿਸ਼ਟਾਏ ।
ਮਨ ਆਤਮ ਸੌ ਪ੍ਰਮਾਤਮ ਭੇਦ ਬਿਹਾਇ ਮਿਲੇ ਅਤਿ ਹੀ ਹਰਖਾਏ ।
ਪ੍ਰੇਮ ਸਯਾਨ ਤਜੈ ਸਗਰੀ ਪਿਖ ਰਾਮ ਹਨੂੰ ਜਸ ਅੰਕ ਧਰਾਏ ।
ਤੋਹਿ ਰਿਣੀ ਗੁਰ ਬੈਨ ਕਹੈ ਉਪਕਾਰ ਕੀਓ ਪਰ ਮੋਹਿ ਮਹਾਏ ॥ 440 ॥

ਦੋਹਰਾ

ਬਿਧੀ ਚੰਦ ਜੋ ਇਛ ਤੈ² ਮਾਂਗੋ ਸੋ ਇਹੁ ਵਾਰ ।
ਕਹ ਬਿਧੀਆ ਤੁਮਰੀ ਮਯਾ ਇਛ ਪੂਰ ਕਰਤਾਰ ॥ 441 ॥

ਚੌਪਈ

ਤੈ ਦਰਸਨ ਸਭ ਇਛ ਬਿਹਾਈ । ਜਗ ਮੈ ਚਾਹ ਬਡੀ ਦੁਖ ਦਾਈ ।
ਏ ਸੁਨਿ ਸ੍ਰੀ ਗੁਰ ਆਨੰਦ ਪਾਯੋ । ਬਹੁਰ ਤਾਂਹਿ ਨਿਜ ਅੰਕ ਲਗਾਯੋ ॥ 442 ॥

ਦੋਹਰਾ

ਰਾਇ ਜੋਧ ਬਿਧੀਆ ਮਿਲੇ ਜੇਠਾ ਬਹੁਰ ਮਿਲਾਇ ।
ਕੁਸਲ ਪੂਛ ਮਿਲ ਪ੍ਰੇਮ³ ਸਿਉ ਆਨੰਦ ਕੁਸਲ ਅਲਾਇ ॥ 443 ॥
ਸ੍ਰੀ ਗੁਰ ਦੋਨੋ ਅਸ੍ਰੁ ਦਿਖ ਬਡ⁴ ਸੁਖ ਅਸ੍ਰੁ ਪਾਇ ।
ਤਬ ਬੂਝੀ ਗਾਥਾ ਗੁਰੂ ਦੁਤੀ ਕੈਸ ਹੈ ਪਾਇ ॥ 444 ॥

ਬਿਧੀਆਉਬਾਚ ॥ ਚੌਪਈ ॥

ਤੁਮ ਸਭ ਜਾਨਤ ਹੋਇ ਅਜਾਨ । ਪੂਛਤ ਹੇ ਗੁਰ ਮਯਾ⁵ ਨਿਧਾਨ ।
ਤੁਛ ਜੀਵ ਹਉਂ ਅਗ੍ਰ ਤੁਮਾਰੈ । ਕਰਹੁ ਛਿਮਾਇ ਧਾਰ ਸੁਖ ਧਾਰੇ ॥ 445 ॥

ਦੋਹਰਾ

ਚੌਰੀ ਲੀਏ ਨ ਅਸਪ ਹਮ ਨਿਜ ਬਲ ਲਹਿਣੇ ਲਾਇ ।
ਡੇਢ ਲਾਖ ਬਾਕੀ ਰਹਾ ਆਯੋ ਤਾਂਹਿ ਸੁਨਾਇ ॥ 446 ॥

ਚੌਪਈ

ਨਿਜ ਗਾਥਾ ਕਹਿ ਸਕਲ ਸੁਨਾਈ । ਘਾਹੀ ਖੋਜੀ ਜਿੰਹ ਬਿਧਿ ਭਾਈ ।
ਐਸੇ ਕਹਿ ਗੁਰ ਚਰਨਨ ਪਰਾ । ਤਬ ਸਤਿਗੁਰ ਮਨ ਆਨੰਦ ਧਰਾ ॥ 447 ॥

¹ਏ ਪੋਥੀ ਭਾਗ ²ਏ ਪੋਥੀ ਤੋਹਿ ³ਅ ਪੋਥੀ ਪ੍ਰੀਤਿ ⁴ਏ ਪੋਥੀ ਬਹੁ ⁵ਅ ਪੋਥੀ ਕ੍ਰਿਪਾ

ਬਿਧੀਏ ਕਰੀ ਮੰਨਨ ਥੀ ਜੋਈ । ਕੜਾਹ¹ ਕਰਾਯੋ ਤਤ ਛਿਨ ਸੋਈ ।
ਦਯਾਸਿੰਧ ਬਹੁਰੋ ਫੁਰਮਾਯੋ । ਏਕ ਸਹਸ੍ਰ ਕੜਾਹ ਕਰਾਯੋ ॥ 448 ॥

ਦੋਹਰਾ

ਨਗਰ ਲੋਕ ਚਲ ਦੂਰ ਤੇ ਆਵਤ ਗੁਰ ਨਿਕਟਾਇ ।
ਲੈ ਕੜਾਹ¹ ਦਰਸਨ ਕਰਹਿ ਜਾਤ ਗੁਰੂ ਗੁਨ ਗਾਇ ॥ 449 ॥
ਦਯਾਸਿੰਧ ਆਨੰਦ ਯੁਤ ਤਬ ਬਿਧੀਆ ਕਹ ਬੈਨ ।
ਹੇ ਪ੍ਰਭ ਆਵਤ ਹੈ ਅਰੀ ਕਰੋ ਜਤਨ ਹਤ ਐਨ ॥ 450 ॥
ਜਬੈ ਜੁਧ ਤੁਮਰਾ ਪਰੈ ਲਰੈ² ਕਾਹਿ ਕੀ ਓਟ ।
ਕਠਿਨ ਜੁਧ ਕੇ ਥਾਨ ਕੋ ਇਕੇ ਕਠਿਨ ਕੋ ਕੋਟ ॥ 451 ॥

ਜੋਧਰਾਇਓਵਾਚ ॥ ਚੌਪਈ ॥

ਹੇ ਗੁਰ ਕਿਲਾ ਕਠਿਨ ਨਹ ਕੋਈ । ਕਾਹੂੰ ਕੇ ਸੰਗਿ ਜਤਨ ਧਰੋਈ ।
ਅਧਿਕ ਉਜਾੜ ਆਬ ਜਹਿ ਹੇਰਾ । ਕਰਤ ਮੁਕਾਮ ਆਬ ਸਿਉ ਘੇਰਾ ॥ 452 ॥
ਹੋਇ ਤ੍ਰਿਖਾਤਰ ਭਾਜਤ ਬੈਰੀ । ਲੇਤ ਲੂਟ ਹਮ ਤਜ ਤਿੰਹ ਦੇਰੀ ।
ਸ੍ਰੀ ਗੁਰ ਕਹਾ ਠੌਰ ਅਸ ਕੋਈ । ਮੋਕਉ ਕਹੇ ਬਿਲਮ³ ਤਜ ਸੋਈ ॥ 453 ॥

ਦੋਹਰਾ

ਰਾਇ ਜੋਧ ਬਹੁਰੋ ਕਹਾ ਲਰਹਿੰ ਮਧ ਮਰਾਝ ।
ਬਹੁ ਉਜਾੜ ਮਧ ਨੀਰ ਹੈ ਸੁਨਹੁ ਗਰੀਬ ਨਿਵਾਜ ॥ 454 ॥

ਚੌਪਈ

ਇਹ ਤੇ ਕੋਸ ਦਿਸਾ ਪਹਿਚਾਨੋ । ਅਤਿ ਸੁਦਰ ਵਹੁ ਜਾਨ ਟਿਕਾਨੋ ।
ਨਿਸਾ ਜਾਮ ਦੁਇ ਬਾਤਨ ਗਈ । ਕਛ ਕੁ ਕਾਲ ਨਿੰਦਾ ਮ੍ਰਿਗ ਲਹੀ ॥ 455 ॥

ਦੋਹਰਾ

ਰਾਇ ਜੋਧ ਸੈਨਾ ਲਈ ਅਪਨੀ ਏਕ ਹਜਾਰ ।
ਸਹਸ ਤੀਨ ਸ੍ਰੀ ਗੁਰੂ ਜੀ ਤਤ ਛਿਨ ਭਏ ਤਿਆਰ ॥ 456 ॥

ਚੌਪਈ

ਬਿਧੀਆ ਅਸ੍ਰੁ ਸੁਹੇਲਾ ਲਯਾਯੋ । ਤਹਿੰ ਉਪਰ ਅਤਿ ਜੀਨ ਸੁ ਪਾਯੋ³ ।
ਸਾਜ ਅਸਵ ਲਯਾਏ ਤਿੰਹ ਵਾਰਾ । ਕਰ ਬੰਦਨ ਗੁਰ ਭਏ ਸਵਾਰਾ ॥ 457 ॥
ਅਰਧ ਜਾਮ ਨਿਸ ਜਬੈ ਰਹਾਈ । ਕੋਤਲ ਅਧਿਕ ਜਾਹਿ ਦੌਰਾਈ ।
ਜਾਨ ਭਾਈ ਤਾ ਮੈ ਅਸ੍ਰੁ ਰਾਜੈ । ਹੰਸਨ ਮੈ ਖਗ ਰਾਜ ਬਿਰਾਜੈ ॥ 458 ॥

ਦੋਹਰਾ

ਬਿਧੀਆ ਜੇਠਾ ਹੈ ਚੜੇ ਲੀਨ ਸੈਨ ਸੁਖ ਪਾਇ ।
ਹੈ ਸਵਾਰ ਸੋਹਤ ਗੁਰੂ ਦਾਸ ਕਵੀ ਬਲਿ ਜਾਇ ॥ 459 ॥

¹ਅ ਪੋਥੀ ਪ੍ਰਸਾਦ ²ਅ ਪੋਥੀ ਬਿਲੰਬ ³ੲ ਪੋਥੀ ਸੁਹਾਯੋ

ਬਹੁ ਉਪਮਾ ਗੁਰ ਅਸਵ ਕੀ ਕੈਸੇ ਕਹਹੂੰ ਅਪਾਰ ।
ਹਰ ਬਾਹਨ ਲਾਜਤ ਰਿਦੈ ਮਨ ਤੇ ਬੇਗ ਸੁਧਾਰ ॥ 460 ॥

ਚੌਪਈ

ਕਰਤ ਨਿਰਤ ਜਲ ਥਲ ਇਕ ਜਾਨੈ । ਮਨ ਸਾਰਤ ਹੈ ਤੁਰਤ ਪਛਾਨੈ ।
ਕਰਤ ਬਿਚਾਰ ਜੁਧ ਹਿਤ ਸਵਾਮੀ । ਅਰਧ ਜਾਮ ਦਿਨ ਚੜ੍ਹਿਯੋ ਸੁ ਜਾਮੀ ॥461॥
ਰਾਇ ਜੋਧ ਅਸ ਬੈਨ ਅਲਾਯੋ । ਵਹੁ ਮਰਾਝ ਲਹਿ ਰਾਵ ਸੁਭਾਯੋ ।
ਉਜਾੜ ਗਿਰਦ ਯਾਕੇ ਹੈ ਭਾਰੀ । ਕਾਚੋ ਤਾਲ ਭਰਾ ਅਤਿ ਬਾਰੀ ॥ 462 ॥

ਦੋਹਰਾ

ਸੋਨੋ ਸੰਤ ਸੂਦਨ ਕਹੀ ਗੁਰ ਕੀ ਕਥਾ¹ ਸੁਧਾਰ ।
ਤੁਰਕ ਗਾਥ ਆਗੇ ਸੁਨੋ ਜਿਹ ਬਿਧ ਕਰੀ ਪੁਕਾਰ ॥ 463 ॥

ਚੌਪਈ

ਜਬ ਬਿਧੀਆ ਲੈ ਅਸਪ² ਸਿਧਾਯੋ । ਪਾਛੇ ਸ਼ਾਹਿ ਬਡੋ ਦੁਖ ਪਾਯੋ ।
ਕੂਕ ਕਰੀ ਸਬਿ ਤਾਹਿ ਪੁਕਾਰੇ । ਮਾਨੋ ਪਿੰਜਰੇ ਮਾਹਿ ਸੁ ਡਾਰੇ ॥ 464 ॥
ਔਰ ਭਾਵ ਕਵਿ ਕਹਤ ਕਲੋਲੈ । ਰਾਖੋ ਕ੍ਰਿਪੀ ਮਨੈ ਪਰ ਓਲੈ ।
ਪਾਤਿਸ਼ਾਹ ਅਤਿਸੈ ਰਿਸ ਪਾਵੈ । ਅਧਰ ਪੀਰ ਵਸ ਨਾਹਿ ਚਲਾਵੈ ॥ 465 ॥

ਦੋਹਰਾ

ਸੋਧਾ ਤਾਕ ਕਉ ਫੇਰ ਕੈ ਨਿਕਸਯੋ ਅਤਿ ਬਲ ਲਾਇ ।
ਤਾਲੇ ਤੋਰੇ ਸਭਨ ਕੇ ਮਾਨਹੁ ਬੰਦਿ ਛੁਰਾਇ³ ॥ 466 ॥

ਚੌਪਈ

ਸੰਮਨ ਕਾ ਫੋਰਿਓ ਤਬ ਤਾਲਾ । ਦੇਖਿਓ ਭੀਤਰ ਸ਼ਾਹਿ ਬਿਹਾਲਾ ।
ਸੋਧੇ ਤਤ ਛਿਨ ਦਾਸ ਪਠਾਏ । ਤਾਲੇ ਸ਼ਹਿਰ ਸਭੇ ਮੁਕਤਾਏ ॥ 467 ॥
ਕਿਨ ਕੋ ਦੀਨੀ ਆਗ ਲਗਾਇ । ਕੋਉ ਢਾਹਿ ਦਰ ਬਾਹਰ ਆਇ ।
ਭਯੋ ਅਚੰਭਾ ਪੁਰ ਮਹਿ ਭਾਰੀ । ਅਸ ਕੋਤਕ ਨਹਿ ਅਗੂ ਨਿਹਾਰੀ ॥ 468 ॥

ਦੋਹਰਾ

ਇਹ ਬਿਧਿ ਨਿਸਾ ਬਿਹਾਇ ਸਭ ਭੋਰ ਭਯੋ ਰਵਿ ਆਇ ।
ਦਿਵਾਨ ਦਫਤਰੀ ਸਭ ਅਏ ਪਾਤਿਸ਼ਾਹ ਨਿਕਟਾਇ ॥ 469 ॥

ਸਵੇਯਾ

ਖਾਨ ਵਜ਼ੀਰ ਆਯੋ ਧਰ ਧੀਰ ਮੁਸਾਹਿਬ ਔਰ ਸਭੈ ਚਲ ਆਏ ।
ਸਾਹਿ ਬਿਹਾਲ ਭਯੋ ਤਬ ਹੀ ਰਿਸ ਪਾਇਕੈ ਬੈਨ ਕਹੈ ਇਹ ਭਾਏ ।

¹ਅ ਤੇ ਏ ਪੋਥੀ, ਗਾਥ ²ਅ ਪੋਥੀ ਅਸੂ ³ਏ ਪੋਥੀ ਛੁਡਾਇ

ਦੇਖਤ ਤੋਹਿ ਗਯੋ ਅਸ੍ਰੁ ਰੇ ਫਿਰ ਭਾਖ ਸਭੇ ਤੁਮ ਆਪ ਗਵਾਏ ।
 ਅਵਲ ਚੋਰ ਕੈ ਅਸਵ ਲੀਓ ਬਿਬ ਜੀਨ ਡਗਾਇ ਤਿਨੈ ਤੁਮ ਦਾਏ ॥ 470 ॥
 ਸ਼ਾਹਿ ਸੋ ਔਰ ਕਹੀ ਬਤੀਆ ਹਮ ਚੋਰ ਨਹੀਂ ਅਸ੍ਰੁ ਨੈਨ ਨਿਹਾਰਾ ।
 ਅਸ੍ਰੁ ਲੀਏ ਬਿਬ ਜੀਨ ਸਮੇਤ ਰਿਣੀ ਕਰਕੈ ਨਿਜ ਪੰਥ ਪਧਾਰਾ ।
 ਦੇਰ ਤਿਆਗ ਚਲੋ ਅਬ ਹੀ ਨਿਜ ਹਾਥ ਹਨੋ ਫਰਕੈ ਅਸ ਧਾਰਾ ।
 ਮੋਹਿ ਅਰੀ ਗੁਰੂ ਚੋਰ ਬਡੋ ਸਭ ਸੈਨ ਚਲੈ ਜਿਤਨੀ ਇਹੁ ਵਾਰਾ ॥ 471 ॥

ਦੋਹਰਾ

ਸ਼ਾਹਿਜਹਾਂ¹ ਕੀਨਾ ਤਬੈ ਕ੍ਰੋਧ ਅਧਿਕ ਖੁਨਸਾਇ ।
 ਹੋਇ ਤਯਾਰ ਚਾਹਤ ਚਲਾ ਦਿਖ ਵਜੀਰ ਬਿਸਮਾਇ ॥ 472 ॥

ਚੌਪਈ

ਖਾ ਵਜੀਰ ਇਹ ਬਾਤ ਵਿਚਾਰੀ । ਇਹ ਕੇ ਹਮਹੂੰ ਹੈਂ ਸੁਖਧਾਰੀ ।
 ਜੇ ਕਰ ਪਿਆਨ ਗੁਰੂ ਪਰ ਜਾਵਹਿ । ਨਿਸਚੈ ਜੀਤ ਨ ਤਿੰਹ ਤੇ ਪਾਵਹਿ ॥ 473 ॥
 ਜਾਤੇ ਸ਼ਾਹਿ ਆਪ ਨਹਿੰ ਜਾਈ । ਕਰਉਂ ਜਤਨ ਕੋ ਬਯੋਤ ਬਨਾਈ ।
 ਐਸੇ ਮਨ ਮੈ ਕੀਨ ਵਿਚਾਰਾ । ਖਾਂ ਵਜੀਰ ਅਸ ਸੁਖਹੁ ਉਚਾਰਾ ॥ 474 ॥

ਦੋਹਰਾ

ਸੁਨੋ ਸ਼ਾਹਿ ਬਿਨਤੀ ਕਰਉਂ ਤੁਮ ਕਤ ਹੋਤ ਤਯਾਰ ।
 ਅਲਪ ਗੁਰੂ ਕੀ ਸੈਨ ਹੈ ਨਹਿੰ ਕੋਊ ਕਿਲਾ ਨਿਹਾਰ ॥ 475 ॥
 ਹੋਵਤ ਸੈਨ ਨ ਜਾਇ ਤੁਮ ਕਾਬਲ ਬਲੀ ਸੁ ਬੀਰ ।
 ਦੀਜੈ ਆਇਸ² ਪਿਆਨ ਕਰ ਸੁਨ ਬਚ ਐਸ ਵਜੀਰ ॥ 476 ॥
 ਨਗਰ ਤੇਗ ਬੀੜਾ ਰਖਾ ਪਾਤਿਸ਼ਾਹ ਕਹਿ ਐਸ ।
 ਸੂਰਬੀਰ ਮਮ ਮੀਤ ਸੋ ਯਾਹ ਲਏ ਕਰ ਨੈਸ ॥ 477 ॥

ਸਵੈਯਾ

ਐਸ ਸੁਨਾਇ ਰਿਸਾਇ ਕਹਿਯੋ ਉਠ ਠਾਢ ਭਯੋ ਮਨ ਮੈ ਖੁਨਸਾਈ ।
 ਬੇਗ ਲਲਾ³ ਕਹਿ ਨਾਮ ਤਿਸੈ ਜਗ ਕਾਬਲ ਜਾਨ ਤਿਸੈ ਠਕੁਰਾਈ ।
 ਬੀੜਾ ਉਠਾਇ ਸੁ ਚਾਇ ਲੀਓ ਅਸ ਸ਼ਾਹ ਸਿਉ ਬੈਨ ਕਹੇ ਬਲ ਪਾਈ ।
 ਸੈਨ ਹਤੋਂ ਗੁਰ ਕੀ ਸਗਰੀ ਤਿੰਹ ਬਾਂਧ ਕੈ ਅਸ੍ਰੁ ਸਮੇਤ ਲਿਆਈ ॥ 478 ॥

ਦੋਹਰਾ

ਸਿਰੋਪਾਇ ਤਾਂਕੋ ਦੀਓ ਸੁਨਤ ਸ਼ਾਹਿ ਹਰਖਾਇ ।
 ਕਹਾ ਬੇਗ ਜਾਵੋ ਬਲੀ ਅਤਿ ਨਾ ਕਰੀ ਪਰਾਇ ॥ 479 ॥

¹ਅ ਪੱਥੀ ਪਾਤਿਸ਼ਾਹਿ ²ਅ ਪੱਥੀ ਆਗਯਾ ³ਏ ਪੱਥੀ ਲਲਾਬੇਗ

ਚੋਪਈ

ਚਾਰ ਬੀਰ ਤਿੰਹ ਸੰਗ ਉਠਾਏ । ਕੰਬਰ ਬੇਗ ਭ੍ਰਾਤ ਤਹਿ ਭਾਏ ।
ਦੁਇ ਸੁਤ ਕਾਸਮ ਸਮਸ ਮਾਨੋ । ਕਾਬਲ ਬੇਗ ਭਾਨਜਾ ਜਾਨੋ ॥ 480 ॥

ਦੋਹਰਾ

ਲਲਾ ਬੇਗ ਸਿਰਦਾਰ ਤਹਿ ਚਲੋ ਦਲੋ ਲੈ ਜਾਨ ।
ਪੰਦਰ ਬੀਸ ਸਹਸ੍ਰ ਤਬ ਬਜੇ ਨਗਾਰੇ ਆਨ ॥ 481 ॥
ਬਹੁਰ ਸਾਹ ਐਸੇ ਕਹਾ ਮਗ ਮੈ ਦੇਰ ਨ ਲਾਇ ।
ਗੁਰੂ ਸੈਨ ਹਤਿ ਪਕਰ ਤਹਿ ਹੈ ਜੁਤ ਮਮਾ ਢਿਗ ਲਿਆਇ ॥ 482 ॥

ਚੋਪਈ

ਸੁਨਤਿ ਐਸ ਰਿਸ ਸਿਉਂ ਕਰਿ ਪਿਆਨਾ । ਬਕੈ ਮਾਰ ਕਰ ਮਦਰਾ ਪਾਨਾ ।
ਰਹਾ ਜਾਮ ਦਿਨ ਜਬੈ ਪਧਾਰੇ । ਪੀ ਮਦਰਾ ਹੋਏ ਮਤਵਾਰੇ ॥ 483 ॥
ਅਰਧ ਨਿਸਾ ਚਲ ਉਤਰੇ ਪਾਪੀ । ਸ੍ਰਮਤ ਨੀਂਦ ਦ੍ਰਿਗ ਸਭ ਕੇ ਬਯਾਪੀ ।
ਭੋਰ ਹੋਤ ਚਾਲੀ ਇਮ ਸੈਨਾ । ਮਾਨਹੁ ਆਪ ਚਲੀ ਜਮ ਐਨਾ ॥ 484 ॥

ਦੋਹਰਾ

ਭਾਈ ਰੂਪਾ ਲਾਘ ਕੇ ਡੇਰਾ ਕੀਨਿ ਬਨਾਇ ।
ਏਕ ਦੂਤ ਆਗੇ ਪਠਾ ਦੇਖ ਗੁਰੂ ਬਿਧਿ ਆਇ ॥ 485 ॥

ਰਸਾਵਲ ਛੰਦ

ਗਯੋ ਦੂਤ ਧਾਈ । ਦਿਖੇ ਕੀ ਸੁ ਜਾਈ ।
ਗੁਰੂ ਸੈਨ ਬਾਕੀ । ਬਡੀ ਸੋਭ ਛਾਕੀ ॥ 486 ॥
ਘਿਰਾ ਨੀਰ ਕੁੰਡੰ । ਕੀਏ ਚਾਰ ਝੁੰਡੰ ।
ਨਿਸਾ ਜਾਮ ਬੀਤੀ । ਦਿਖੀ ਦੂਤ ਰੀਤੀ ॥ 487 ॥
ਕਹੇ ਬੈਨ ਹੋਰੀ । ਗੁਰੂ ਸਨ ਥੋਰੀ ।
ਹਮੈ ਸੈਨ ਭਾਰੀ । ਕਰੈ ਭਛ ਸਾਰੀ ॥ 488 ॥
ਗੁਰੂ ਸੈਨ ਬੀਰੰ । ਚਹੈ ਜੁਧ ਧੀਰੰ ।
ਸੁਨੇ ਬੈਨ ਐਸੇ । ਕਹੇ ਦੂਤ ਜੈਸੇ ॥ 489 ॥

ਭੁਜੰਗ ਪ੍ਰਯਾਤ ਛੰਦ

ਤਬੈ ਦੌਰ ਕੈ ਤਾਸ ਕਉ ਕੈਦ ਕੀਨੋ । ਹਨੀ ਲਾਤ ਮੁਸ਼ਟੰ ਬਡੋ ਖੇਦ² ਦੀਨੋ ।
ਗੁਰੂ ਸੈਨ ਥੋਰੀ ਬਕੈ ਬੈਨ ਐਸੇ । ਦਯੋ ਖੇਦ ਭਾਰੀ ਕਪੰ ਦੂਤ ਜੈਸੇ ॥ 490 ॥
ਤਬੈ ਦੂਤ ਦੀਨੀ ਗੁਰੂ ਕੀ ਦੁਹਾਈ । ਬਿਧੀ ਦੌਰ ਆਯੋ ਤਿਸੇ ਕੋ ਛਰਾਈ ।
ਗਹੀ ਬਾਹ ਤਾਂ ਕੀ ਗੁਰੂ ਪਾਸ ਆਏ । ਬਿਧੀ ਬਾਤ ਤਾਂਕੀ ਸਭੀ ਦੈ ਸੁਨਾਏ ॥ 491 ॥

¹ਅ ਤੇ ਏ ਪੋਥੀ ਮਹਿ ²ਅ ਪੋਥੀ ਦੁਖ

ਦੋਹਰਾ

ਦੇਖ ਦਰਸ ਤਬ ਗੁਰੂ ਦਾ ਦੂਤ ਸਾਂਤ ਮਨ ਹੋਇ ।
ਦੀਨ ਦਯਾਲ ਸ੍ਰੀ ਮੁਖ ਕਹਾ ਕਹੋ ਸੈਨ ਤੁਮ ਕੋਇ ॥ 492 ॥

ਚੋਪਈ

ਕਹਾ ਦੂਤ ਸੈਨਾ ਬਹੁ ਆਈ । ਪਾਂਚ ਸਹਸ੍ਰ¹ ਤੀਨਿ ਰਿਸ ਪਾਈ ।
ਤਾਂ ਮਾਹਿ ਪਾਂਚ ਬੀਰ ਬਲਕਾਰਾ । ਬੇਗ ਲਲਾ ਜਾਨੇ ਸਰਦਾਰਾ ॥ 493 ॥
ਹੇ ਗੁਰੁ ਮੇਰੇ ਮਨ ਅਸ ਆਵੈ । ਤੋਰਿ ਬੀਰ ਇਕ ਤਾਂਹਿ ਭਗਾਵੈ ।
ਸੰਤ ਸੁਨੋ ਸ੍ਰੀ ਗੁਰੁ ਮੁਸਕਾਏ । ਦੂਤ ਪਾਗ ਦੈ ਵਿਦਾ ਕਰਾਏ ॥ 494 ॥

ਦੋਹਰਾ

ਹਰਖ ਦੂਤ ਡੇਰੇ ਅਯੋ ਬੇਗ ਲਲਾ ਨਿਕਟਾਇ ।
ਕਹੀ ਬਾਤ ਗੁਰੁ ਸੈਨ ਕੀ ਜਾਨ ਬਲੀ ਅਧਿਕਾਇ ॥ 495 ॥

ਸਵੈਯਾ

ਗਰਜਤ ਸਿੰਘ ਸਮਾਨ ਬਲੀ ਗੁਰੁ ਸੈਨ ਮੈ ਸੂਰ ਬਡੇ ਬਲਕਾਰੀ ।
ਹੋਵਤ ਰਾਗ ਤੇ ਰੰਗ ਬਡੇ ਢਿਗ ਨੀਰ ਕੋ ਪੇਖ ਕੀਏ ਝੰਡ ਸਾਰੀ ।
ਬੋਰੀ ਸੀ ਸੈਨ ਹੈ ਸੈਨ ਸੀ ਸੂਰਤਿ ਆਵਤ ਹੈ ਮਨ ਐਸ ਵਿਚਾਰੀ ।
ਸਯਾਰ ਸਮਾਨ ਭਗੈ ਪ੍ਰਤਨਾ ਤਵ ਕੇਹਰ ਬੀਰ ਗੁਰੂ ਰਿਸ ਧਾਰੀ ॥ 496 ॥
ਦੂਤ ਕੇ ਬੈਨ ਸੁਨੇ ਜਬਹੀ ਅਸ ਬੇਗ ਲਲਾ ਮਨ ਕ੍ਰੋਧ ਕੀਓ ।
ਕਾਹੇ ਰੇ ਨੀਚ ਸਲਾਹ ਕਰੈ ਗੁਰੁ ਜਾਨਤ ਹਉ ਕਛ ਤੋਹਿ ਦੀਓ ।
ਸਯਾਰ ਸਮਾਨ ਕਹੈ ਪ੍ਰਤਨਾ ਮਮ ਮੋ ਸਮ ਬੀਰ ਨ ਜਾਨ ਬੀਓ ।
ਰੇ ਜੜ ਸੈਨ ਹਤੋਂ ਗੁਰੁ ਕੀ ਸਭ ਕਾਫਰ ਤੂੰ ਧਿਰਕਾਰ ਲੀਯੋ ॥ 497 ॥

ਦੋਹਰਾ

ਮਤਵਾਰਾ ਮਦ ਸਿਉ ਭਯੋ ਤਾਕੋ ਪਨਹੀ ਲਗਾਇ ।
ਤੂੰ ਉਪਮਾਂ ਗੁਰੁ ਕੀ ਕਰਹਿ ਕਾਫਰ ਭਯੋ² ਮਹਾਇ ॥ 498 ॥

ਰਸਾਵਲ ਛੰਦ

ਤਬੈ ਕਾਢ ਦੀਨੋ । ਬਡੋ ਖੇਦ ਕੀਨੋ ।
ਚਲਯੋ ਧਾਇ ਦੂਤੰ । ਸਮਾ ਪੌਨ ਪੂਤੰ ॥ 499 ॥
ਗੁਰੂ ਪਾਸ ਆਯੋ । ਸੁ ਉਚੰ ਸੁਨਾਯੋ ।
ਅਯੋ ਸਾਮ ਤੇਰੀ । ਰਖੋ ਲਾਜ ਮੇਰੀ ॥ 500 ॥
ਲਯੋ ਬੋਲ ਪਾਸੰ । ਗੁਰੁ ਕੈ ਬਿਲਾਸੰ ।
ਬਡੋ ਧੀਰ ਦੀਨੋ । ਤਿਸੇ ਮਾਨ ਕੀਨੋ ॥ 501 ॥

¹ਅ ਪੰਥੀ ਹਜ਼ਾਰ ²ਅ ਪੰਥੀ ਨੀਚ

ਕਹੀ ਜੋਧ ਬਾਨੀ । ਸੁਨੋ ਸੀਲ ਧਾਨੀ ।
 ਕਰੋ ਯਾਹ ਦੂਰੰ । ਰਖੋ ਨਾ ਹਜ਼ੂਰੰ ॥ 502 ॥
 ਪ੍ਰਭੂ ਧੀਰ ਕੇਤੰ । ਅਯੋ ਭੇਤ ਹੇਤੰ ।
 ਗੁਰੁ ਬੈਨ ਗਾਏ । ਜੁਈ ਸਾਮ ਆਏ ॥ 503 ॥
 ਤਿਸੈ ਨਾ ਹਟਾਏ । ਸਦਾ ਰਛ ਪਾਏ ।
 ਜਿਤੀ ਸੈਨ ਆਈ । ਦਿਖੇ ਆਜ ਘਾਈ ॥ 504 ॥

ਦੋਹਰਾ

ਪਾਛੇ ਯਾਂਕੋ ਤਿਲਕ ਦੇ ਤਾਹਿ ਨੋਰ ਹਰਖਾਇ ।
 ਮਨਸਬ ਪਾਵੈ ਸ਼ਾਹਿ ਤੇ ਕਾਬਲ ਰਾਜ ਕਰਾਇ ॥ 505 ॥

ਚੌਪਈ

ਸੁਨਤ ਹਸਨ ਖਾਂ ਆਨੰਦ ਪਾਯੋ । ਰਾਇ ਜੋਧ ਤਬ ਸੀਸ ਨਿਵਾਯੋ ।
 ਸ੍ਰੀ ਗੁਰੁ ਭਾਲ¹ ਤਿਲਕ ਤਿਹ ਕੀਨੋ । ਕਾਬਲ ਰਾਜਦੂਤ ਕੋ ਦੀਨੋ ॥ 506 ॥
 ਜੈਸ ਬਿਭੀਖਨ ਕੋ ਸ੍ਰੀ ਰਾਮ । ਭਾਲ¹ ਤਿਲਕ ਕੀਨਾ ਅਭਿਰਾਮ ।
 ਦੀਨ ਦਯਾਲ ਗੁਰੁ ਸਮ ਨਾਹੀ । ਦੇਖਹੁ ਖੋਜ ਤੀਨ ਪੁਰ ਮਾਂਹੀ ॥ 507 ॥

ਦੋਹਰਾ

ਡੇਢ ਜਾਮ ਨਿਸ ਜਬ ਗਈ ਸ੍ਰੀ ਮੁਖ ਐਸ ਉਚਾਰ ।
 ਰਾਇ ਜੋਧ ਬਿਧੀਆ ਸੁਨੇ ਸਭ ਕਉ ਕਹਿਯੋ ਸੁਧਾਰ ॥ 508 ॥
 ਰਹੋ ਸੁਚੇਤ ਸਬੈ ਤੁਮੇ ਇਤੇ ਮੁਗਲ ਸਭ ਆਨ ।
 ਅੰਧਕਾਰ ਤਹਿ ਜਾਨ ਕੈ ਬਲੀ ਮਸਾਲ ਮਹਾਨ ॥ 509 ॥

ਚੌਪਈ

ਲਲਾ ਬੇਗ ਮਸਾਲ ਜਗਾਈ ॥ ਹਨੀ ਨਗਾਰੇ ਚੋਟ ਤਦਾਈ ।
 ਦੁਇ ਦਿਸ ਮਾਰੂ ਬਜਤ ਅਪਾਰਾ । ਕਾਇਰ ਮੁਖ ਪੀਰੇ ਤਹਿ ਵਾਰਾ ॥ 510 ॥
 ਬੀਰ ਬਦਨ ਸਮ ਜਾਨ ਬਿਧੂਪਾ । ਰੁਦ੍ਰ² ਰਸ ਸਮ ਧਾਰ ਸਰੂਪਾ ।
 ਦਹੁ ਦਿਸਾ ਤੇ ਸੈਨਾ ਧਾਈ । ਲਗੀ ਹੋਨਿ ਤਬ ਅਧਿਕ ਲਰਾਈ ॥ 511 ॥

ਦੋਹਰਾ

ਬੇਗ ਲਲਾ ਆਇਸ ਕਰੀ ਕੋਊ ਸੂਰ ਅਬ ਜਾਇ ।
 ਆਹਵ ਕਰ ਗੁਰੁ ਸੈਨ ਸਿਉ ਮਾਰਤ ਤਾਂਹਿ ਫਿਰਾਇ ॥ 512 ॥

ਚੌਪਈ

ਕੰਬਰ ਬੇਗ ਕਹਾ ਹਉ ਜਾਂਊ । ਸੁਨੋ ਭ੍ਰਾਤ ਤਹਿ ਜੁਧ ਮਚਾਂਊ ।
 ਤੁਛ ਸੈਨ ਗੁਰੁ ਕੀ ਹਨ ਡਾਰਓ । ਭਾਖੋ ਜਾਇ ਕਾਲ ਕੋ ਮਾਰਓ ॥ 513 ॥

¹ਅ ਪੋਥੀ ਅਬ ²ਏ ਪੋਥੀ ਰੋਦ੍ਰ

ਬੇਗ ਲਲਾ ਕਹਿ ਦੇਰ¹ ਨ ਕੀਜੈ । ਜਾਇ ਭ੍ਰਾਤ ਬਡ ਆਹਵ ਲੀਜੈ ।
ਅਲਹ ਕਰੇ ਸਹਾਇ ਤੁਮਾਰੀ । ਆਵਹੁ ਜੀਤ ਨ ਲਾਇ ਅਵਾਰੀ ॥ 514 ॥

ਦੋਹਰਾ

ਲੈ ਆਇਸ ਬਡ ਭ੍ਰਾਤ ਕੀ ਕੰਬਰ ਬੇਗ ਸਿਧਾਇ ।
ਹਜਾਰ ਸਪਤ ਨਿਜ ਸੈਨ ਲੈ ਚਲਯੋ ਨਿਸ਼ਾਨ ਬਜਾਇ ॥ 515 ॥
ਚਲੇ ਧਾਇ ਤਬ ਮਾਰ ਕਹਿ ਮਾਰੋ ਗੁਰੂ ਪੁਕਾਰ ।
ਇਕੇ ਅਸੂ ਬਿਬ ਦੀਜੀਏ ਨਹੀਂ ਤਾਂ ਜੁਧ ਸੁਧਾਰ ॥ 516 ॥
ਹਸਨ ਖਾਨ ਗੁਰੂ ਕਉ ਕਹੀ ਬੇਗ ਲਲਾ ਕਾ ਭ੍ਰਾਤ ।
ਸੁਨ ਗੁਰ ਸੈਨਾ ਓਰ ਪਿਖ ਕਹਯੋ ਉਠੋ ਸਮੁਹਾਤ ॥ 517 ॥

ਭੁਜੰਗ ਛੰਦ

ਚਲਾ ਜੋਧ ਰਾਯੋ ਗੁਰੰ ਬੰਦਨਾ ਕੈ । ਸਹਸੰ ਨਿਜੰ ਸੈਨ ਕਉ ਸੰਗ ਲੈਕੈ ।
ਕਰੀ ਮਾਰ ਤੀਰੰ ਝਡੰ ਜੁਧ ਕੀਨੋ । ਬਡੋ ਅੰਧਕਾਰੰ ਤਿਸੇ ਖੇਦ ਦੀਨੋ ॥ 518 ॥
ਤਿਸੇ ਧਾਰ ਮਸਾਲ ਕੋ ਸੀਸ ਮਾਰਯੋ । ਤਕਯੋ ਤੀਰ ਤੀਖਾ ਸੁ ਕਾਟੰ ਉਤਾਰਯੋ ॥
ਭਯੋ ਅੰਧਕਾਰ ਹਨੇ ਤਾਤ ਪੂਤੰ । ਪਿਤਾ ਪੂਤ ਮਾਰੇ ਖਿਲੇ ਖੇਲ ਭੂਤੰ ॥ 519 ॥
ਫਿਰੈ ਜੋਗਨੀ ਭੂਤ ਪ੍ਰੇਤੰ ਸੁ ਆਵੈ । ਭਖੈ ਮਾਸ ਲੋਹੁ ਸੋ ਤਾਰੀ ਬਜਾਵੈ ।
ਘਰੀ ਤੀਨ ਮਧੰ ਸਭੈ ਸੈਨ ਮਾਰੀ । ਅਯੋ ਆਪ ਮਹ ਤਾਤ ਭ੍ਰਾਤੰ ਹਤਾਰੀ ॥ 520 ॥
ਰਹਾ ਕੰਬਰੰ ਏਕ ਜੋਧਾ ਰਹਾਯੋ । ਪਿਛੇ ਛੋਡ ਸੈਨਾ ਤਿਸੈ ਅਗ੍ਰ ਧਾਯੋ ।
ਤਿਸੇ ਸੰਗ ਬਾਨੰ ਸੁ ਜੁਧੰ ਅਪਾਰਾ । ਬਹੁਰ ਸੈਹਬੀ ਤਮਕ ਮਾਰੀ ਅਪਾਰਾ ॥ 521 ॥

ਰਸਾਵਲ ਛੰਦ

ਲਗੀ ਸਾਂਗ ਐਸੇ । ਸੁਤਾ ਨਾਗ ਜੈਸੇ ।
ਸੁ ਖੈਂਚੰ ਨਿਕਾਰੀ । ਬਡੀ ਸੋਭ ਧਾਰੀ ॥ 522 ॥
ਧਰੇ ਲਾਲ ਬਾਗੰ । ਮਨੋ ਖੇਲ ਫਾਗੰ ।
ਸੁ ਕੰਬਰ ਹਤਾਯੋ । ਗਿਰਾ ਭੂਮ ਆਯੋ ॥ 523 ॥
ਗਿਰਾ ਭੂਮਿ ਮਧੰ । ਹਨਾ ਜੋਧ ਸਧੰ ।
ਤਬੈ ਜੋਧ ਆਯੋ । ਸੁ ਬੈਰੀ ਹਤਾਯੋ ॥ 524 ॥

ਦੋਹਰਾ

ਰਾਇ ਜੋਧ ਸ੍ਰੀ ਗੁਰੂ ਕੇ ਪਦ ਪੰਕਜ² ਲਪਟਾਇ ।
ਕੰਬਰ ਸਪਤ ਹਜਾਰ ਜੁਤ ਤੋਹਿ ਕ੍ਰਿਪਾ ਤੇ ਘਾਇ ॥ 525 ॥
ਧਰਿਯੋ ਹਾਥ ਤਿੰਹਿ ਸੀਸ ਪੈ ਦਯਾ ਸਿੰਧ ਸੁਖ ਖਾਨ ।
ਧੰਨ ਧੰਨ ਸ੍ਰੀ ਮੁਖ ਸੋ ਕਹਾ ਤੋ ਸਮ ਬਲੀ ਨ ਆਨ ॥ 526 ॥

¹ਏ ਪੋਥੀ : ਬਿਲੰਬ ²ਅ ਪੋਥੀ ਚਰਨ ਕਮਲ

ਤੋਟਕ ਛੰਦ

ਤਬ ਰੈਨ ਬਿਤੀਤ ਭਈ ਸਗਰੀ । ਅਹਿ-ਨਾਥ ਅਯੋ ਨਿਕਸੋ ਨਗਰੀ ।
 ਤਬ ਉਚ ਸੁ ਠਾਨ ਨਿਹਾਰ ਪ੍ਰਭੂ । ਤਹਿ ਬੈਠ ਸੁ ਦੇਖ ਮਲੇਛ ਬਿਭੂ ॥ 527 ॥
 ਹਸਨ ਖਾਂ ਜਹਿ ਕਾਬਲ ਰਾਜ ਦੀਓ । ਤਬ ਤਾਹਿ ਕੋ ਪਾਸ ਬਠਾਇ ਲੀਓ ।
 ਦਿਖ ਕੰਬਰ ਭੂਮਿ ਗਿਰਾ ਜਬਹੀ । ਮਨ ਬੇਗ ਲਲਾ ਰਿਸ ਕੈ ਤਬਹੀ ॥ 528 ॥

ਰਸਾਵਲ ਛੰਦ

ਕਰੇ ਲਾਲ ਨੈਨ । ਕਹੇ¹ ਰੋਹ ਬੈਨ । ਹਤਾ ਬੀਰ ਮੇਰਾ । ਕਰਯੋ ਜੁਧ ਫੇਰਾ ॥ 529 ॥
 ਲਰੇ ਆਪ ਜਾਈ । ਚਲੇ ਪਾਸ ਭਾਈ । ਸੁਨੀ ਐਸ ਬਾਨੀ । ਸੁਤੰ ਕੰਬਰ ਮਾਨੀ ॥ 530 ॥

ਦੋਹਰਾ

ਬੇਗ ਲਲਾ ਸਿਉ ਅਸ ਕਹਾ ਸੁਨ ਤਾਯਾ ਬਲਵਾਨ ।
 ਮੁਰਿ ਹੋਵਤ ਚਿੰਤਾ ਕਰੇ ਆਹਵ ਕਰੇ ਮਹਾਨ ॥ 531 ॥

ਭੁਜੰਗ ਛੰਦ

ਪਿਤਾ ਬੈਰ ਪਾਉ ਕਹੀ ਐਸ ਬਾਨੀ । ਨਿਸ਼ਾਨੰ ਬਜਾਯੋ ਚਲਾ ਧਾਰ ਮਾਨੀ ।
 ਲਈ ਸਾਤ ਹਜਾਰ ਸੈਨਾ ਸੁਧਾਰੇ । ਧਏ ਦੀਨ ਦੋਖੀ ਬਕੇ ਮਾਰ ਮਾਰੇ ॥ 532 ॥
 ਪਿਤਾ ਲੋਥ ਦੇਖੀ ਪਰੀ ਧੂਰ ਪੂਰੰ । ਭਯੋ ਅੰਗ ਭੰਗੀ ਹੁਯੋ ਭਾਵ ਚੂਰੰ ।
 ਗੁਰੂ ਪ੍ਰਭ ਤਾਂਸਿਉ ਕਹੇ ਕੌਨ ਆਯੋ । ਸੁਤੰ ਕਬਰੰ ਸਮਸੰ ਬੇਗੰ ਗਾਯੋ² ॥ 533 ॥
 ਧਰੇ ਨੀਲ ਪਾਟੰ ਜਿਸੈ ਸਾਮ ਘੋਰਾ ॥ ਪਟਾ ਖੇਲ ਜਾਨੇ ਕਰੈ ਜੁਧ ਘੋਰਾ ।
 ਇਸੈ ਬੀਰ ਜਾਨੋ ਲਲਾ ਕੈ ਤੁਮਾਹੀ । ਪਤੰ ਸੈਨ ਸਹਸੰ ਸਪਤ ਜਾਨ ਵਾਹੀ ॥ 534 ॥

ਦੋਹਰਾ

ਹੇ ਗੁਰੂ ਸਨਮੁਖ ਆਇਓ ਪਠੋ ਸੂਰ ਕੋ ਜਾਇ ॥
 ਹਸਨ ਖਾਨ ਕੇ ਬੈਨ ਸੁਨ ਦਯਾ ਸਿੰਧ ਮੁਸਕਾਇ ॥ 535 ॥

ਚੌਪਈ

ਸ੍ਰੀ ਗੁਰੂ ਬਿਧੀਆ ਤਬੈ ਪਠਾਯੋ । ਕਰ ਬੰਦਨ ਮਨ ਹਰਖ ਧਰਾਯੋ ।
 ਸੰਗ ਪਾਂਚ ਸੈ ਸੈਨਾ ਲੈਕੈ । ਆਹਵ ਭੂਮਿ ਗਯੋ ਸੁਖ ਪੈਕੈ ॥ 536 ॥
 ਬੇਗ ਸੰਮਸ ਕੋ ਦਿਖ ਕਰ ਆਗੇ । ਬੈਨ ਕਹੈ ਬਿਧੀਏ ਰਸ ਪਾਗੇ ।
 ਰੇ ਬਾਲਕ ਦਿਖ ਪਿਤਾ ਸੰਘਾਰਾ । ਕਾਹਿ ਲਰਉ ਬਹੁ ਤਾਹਿ ਕੁ ਮਾਰਾ ॥ 537 ॥

ਦੋਹਰਾ

ਪਾਛੇ ਮੁਰ ਜਾਵੋ ਅਬੈ ਕਤ ਛੇਰਤ ਸਿਸ ਸਾਰ ।
 ਬੇਗ ਸਮਸਾ ਸੁਨਤ ਹੀ ਕੀਓ³ ਬਾਨ ਪ੍ਰਹਾਰ ॥ 538 ॥

¹ਅ ਪੋਥੀ ਬਕੈ ²ੲ ਪੋਥੀ ਅਲਾਯੋ ³ੲ ਪੋਥੀ ਕੀਨ

ਰਸਾਵਲ ਛੰਦ

ਸਿੰਸ ਜਾਨ ਐਸਾ । ਦਿਖਾ ਨਾਹਿ ਕੈਸਾ ।
 ਪਿਤਾ ਬੈਰ ਪਾਉਂ । ਸਭੈ ਸੈਨ ਘਾਉਂ ॥ 539 ॥
 ਮਚਾ ਜੁਧ ਭਾਰੀ । ਬਕੇ ਮਾਰ ਮਾਰੀ ।
 ਬਿਧੀ ਮਾਰ ਬਾਨੰ । ਸੁਪਾਰੰ ਪਰਾਨੰ ॥ 540 ॥

ਸਿਰਖੰਡੀ ਛੰਦ

ਮਾਰਤ ਬਿਧੀਆ ਸੈਨ ਸੁ ਤੇਗਾ ਹਾਥ ਲੈ ।
 ਸਿਵ ਗਣ ਸਮ ਨਹਿ ਚੈਨ ਇਤੇ ਉਤ ਧਾਂਵਦਾ ।
 ਲੁਝੇ ਰਣ ਮੈ ਮਾਰੇ ਅਨ ਗਨ ਸੂਰਮੇ ।
 ਡਿਗੇ ਅਸ ਛਬ ਧਾਰੇ ਰੰਭਾ ਬਾਗ ਜਿਉ ॥ 541 ॥
 ਹੂਰਾਂ ਦੇਖਨ ਆਈਆਂ ਚੋਬਾਂ ਬਜੀਆਂ ।
 ਮਿਲ ਮਿਲ ਸਿਵਾਂ ਵਧਾਈਆਂ ਆਮਖ ਖਾਇ ਕੈ ॥
 ਕਾਲੀ ਮੁੰਡ ਪੁਰਾਈਆਂ ਸਿਵ ਕੇ ਹਾਰ ਨੋ ।
 ਲੋਹੂ ਨਦੀ ਚਲਾਈਆਂ ਜੋਗਣ ਮਤੀਆਂ ॥ 542 ॥

ਤਿਲਕੜੀਆਂ ਛੰਦ

ਮਟਾਕ ਮਾਰੈਂ । ਝਟਾਕ ਝਾਰੈਂ ।
 ਕਟਾਕ ਚੋਟੈਂ । ਅਠਾਕ ਓਟੈਂ ॥ 543 ॥
 ਫਿਰੰਤ ਹੂਰੰ । ਸਰੰਤ ਸੂਰੰ ।
 ਭੜੰਤ ਪਤੰ । ਚੜੰਤ ਸਤੰ ॥ 544 ॥
 ਅਠਾਕ ਅੰਗੰ । ਭਟਾਕ ਭੰਗੰ ।
 ਬਟਾਕ ਬਾਣੰ । ਜਾਟਕ ਜਾਣੰ ॥ 545 ॥

ਭੜਬੂਆ ਛੰਦ

ਸਟਕੰਤ ਸੂਰੰ । ਬਰਕੰਤ ਹੂਰੰ ।
 ਬਬਕੰਤ ਬੀਰੰ । ਫੁਟਕੰਤ ਤੀਰੰ ॥ 546 ॥
 ਖਿਮਕੰਤ ਖੰਗੰ । ਉਠਕੰਤ ਅੰਗੰ ।
 ਬਬਕੰਤ ਬਾਹੰ । ਲਹਿਕੰਤ ਲਾਹੰ ॥ 547 ॥
 ਜੁਟਕੰਤ ਬੀਰੰ । ਭੁਟਕੰਤ ਭੀਰੰ ।
 ਉਛਕੰਤ ਤਾਜੀ । ਬਹੁਤੰਤ ਗਾਜੀ ॥ 548 ॥
 ਮੁਚਕੰਤ ਜੰਗੰ । ਗਿਰ ਤੰਤ ਅੰਗੰ ।
 ਸਸਕੰਤ ਸੈਨੰ । ਜਮ ਕੰਤ ਐਨੰ ॥ 549 ॥

ਦੋਹਰਾ

ਚਹੂੰ ਓਰ ਸੈਨਾ ਹਨੀ ਬਚਿਓ ਨ ਜੀਵਤ ਕੋਇ ।
ਦੋਉ ਸੂਰ ਠਾਂਢੇ ਲਰੈ¹ ਬਿਧੀ ਸੰਮਸਾ ਸੋਇ ॥ 550 ॥

ਭੁਜੰਗ ਛੰਦ

ਕੀਓ ਜੁਧ ਮੁਸ਼ਟੰ ਪਰੇ ਭੂਮਿ ਝੂਮੰ । ਲਰੇ ਕੋਪ ਕੈ ਕੈ ਹਟੇ ਨਾਹਿ ਉਮੰ ।
ਕਿਧੋ ਖੇਲ ਹੋਲੀ ਰਸੰ ਬੀਰ ਰਾਤੇ । ਹਨੇ ਮੁਸ਼ਟ ਅੰਬੀਰ ਲੋਹ ਪਰਾਤੇ ॥ 551 ॥
ਸੁਰੰ ਧੰਨ ਜੰਪੋ ਲਰੈ ਬੀਰ ਮਾਨੀ । ਬਿਧੀ ਤੇਜ ਹੋਯੋ ਤਿਸੇ ਤੇਜ ਹਾਨੀ ।
ਗਹਾ ਪਾਦ ਤੇ ਸੀਸ ਪੈ ਫੇਰ ਡਾਰਿਓ । ਇਕੰ ਜਾਘ ਦਾਬੀ ਦੁਤੀ ਖੈਂਚ ਮਾਰਿਓ ॥ 552 ॥
ਕਰਿਯੋ ਦੋਇ ਫਾਰੰ ਪਰਾ ਭੂਮਿ ਮਧੰ । ਪਰਾ ਸੰਮਸਾ ਬੇਗ ਅਧੋ ਸੁ ਅਧੰ ।
ਬਿਧੀ ਦੋਰ ਆਯੋ ਗੁਰੂ ਪਾਦ ਕੰਜੰ । ਪਰਾ ਖੇਮ ਕੈ ਕੈ ਸਭੀ ਖੇਦ ਭੰਜੰ ॥ 553 ॥

ਸਵੈਯਾ

ਭਾਰਿ ਆਨੰਦ ਕੀਓ ਸੁਖ ਸਾਗਰ ਲੋਹਿ ਛਿਟੀ ਤਨ ਤਾਂਹਿ ਨਿਹਾਰੀ ।
ਆਪ ਰੁਮਾਲ ਲੀਯੋ ਕਰ ਮਹਿ ਤਾਂਹਿ ਸਿਉ ਪੋਛ ਕੇ ਦੂਰ ਨਿਵਾਰੀ ।
ਕੀਨ ਨਿਗਾਹ ਜਬੈ ਤਿਨ ਉਪਰ ਹੋਇ ਅਖੇਦ ਸਭੈ ਦੁਖ ਟਾਰੀ ।
ਸਿੰਧ ਦਯਾ ਅਸ ਦੀਨ ਦਯਾਲ ਨਹੀਂ ਗੁਰ ਕੇ ਸਮ ਕੋ ਉਪਕਾਰੀ ॥ 554 ॥

ਦੋਹਰਾ

ਘਰੀ ਚਾਰ ਆਹਵ ਕੀਓ ਬਿਧੀ ਚੰਦ ਬਲਧਾਰ ।
ਸਮਸ ਬੇਗ ਜਬਹੀ ਹਨਾ ਦੇਖ ਲਲਾ ਬਿਸਮਾਰ ॥ 555 ॥

ਚੌਪਈ

ਤਾਂਹਿ ਭ੍ਰਾਤ ਕਉ ਤਬੈ ਪਠਾਯੋ । ਸਪਤ ਸਹਸ੍ਰ ਸੈਨ ਲੈ ਆਯੋ ।
ਆਹਵ ਭੂਮਿ ਦੇਖ ਬਹੁ ਮੂਏ । ਕੋ ਅਧ ਜੀਵਤ ਕੋ ਧਰ ਹੂਏ ॥ 556 ॥
ਪਿਤ ਮ੍ਰਿਤਕ ਦਿਖ ਕੈ ਤਬ ਭ੍ਰਾਤਾ । ਕਾਸਮ ਬੇਗ ਦੇਖ ਸਿਸ ਰਾਤਾ ।
ਹਸਨ ਖਾਨ ਗੁਰ ਕੇ ਸੰਗ ਕਹੈ । ਇਹ ਤਿੰਹ ਭ੍ਰਾਤ ਬੀਰ ਬਡ ਅਹੈ ॥ 557 ॥

ਦੋਹਰਾ

ਕਾਸਮ ਬੇਗ ਇਹ ਨਾਮ ਹੈ ਤਿਨ [ਸਹਸ੍ਰ]² ਸਿਰਦਾਰ ।
ਯਾਹਿ ਮਾਨ ਬਡ ਜਾਨੀਏ ਸ਼ਾਹਿ ਜਹਾਂ ਨਿਕਟਾਰ ॥ 558 ॥

ਭੁਜੰਗ ਛੰਦ

ਖਰਾ ਸਾਮੁਹੇ ਬੋਲ ਬੈਨੰ ਕਠੋਰੰ । ਬਲੀ ਬੀਰ ਕੋਈ ਪਠਿਯੋ ਯਾਹਿ ਓਰੰ ।
ਸੁਨੇ ਬੈਨ ਤਾਕੇ ਸਭੈ ਓਰ ਦੇਖਾ । ਦਯਾ ਸਿੰਧ ਜਾਨੋ ਬਿਲਾਸੀ ਅਲੇਖਾ ॥ 559 ॥

¹ਅ ਪੋਥੀ ਭਿੜੇ ²ਅ ਪੋਥੀ ਵਿਚੋਂ

ਬਿਧੀ ਹਾਥ ਜੋਰੇ ਸੁ ਜੇਠਾ ਦਿਖਾਯੋ । ਮਨੰ ਜੁਧ ਚਾਹੰ ਨਹੀਂ ਆਨ ਭਾਯੋ ।
ਗੁਰੂ ਕੀਨ ਆਗਯਾ ਪਰਾ ਪਾਦ ਸੋਈ । ਧਰਾ ਸੀਸ ਹਾਥੰ ਪ੍ਰਭੂ ਖੇਦ ਖੋਈ ॥ 560 ॥

ਦੋਹਰਾ

ਗੁਰ ਆਇਸ ਧਰ ਹਰਖ ਸਿਉ ਲੀਨ ਪਾਂਚ ਸੈ ਸੂਰ ।
ਭਾਰਤ ਸਿੰਘ ਜੇਠਾ ਚਲਿਯੋ ਅਧਿਕ ਜੁਧ ਰਸ ਪੂਰ ॥ 561 ॥

ਭੁਜੰਗ ਛੰਦ

ਪਿਤਾ ਭ੍ਰਾਤ ਬੈਰੰ ਹਨੇ ਤੋਹਿ ਪਾਉ । ਨਹੀਂ ਜਾਨ ਦੇਵੈ ਯੁਤੰ ਸੈਨ ਘਾਉ ।
ਪੁਨੰ ਬੈਠ ਐਸੇ ਸੁ ਜੇਠੇ ਅਲਾਏ । ਸੁਨੰ ਬਾਲ ਮੂਲੰ ਬਕੋ ਐਸ ਕਾਹੇ ॥ 562 ॥

ਸਵੈਯਾ

ਤੋਹਿ ਕਿਸੋਰ ਸੁਹਾਵਤ ਹੈ ਤਨ ਨਾਰਿ ਤੁਮੇ ਪਿਖ ਪੰਥ ਅਪਾਰਾ ।
ਜਾਇ ਰਮੇ ਕਤ ਜੁਧ ਕਰੇ ਤੁਮ ਆਹਵ ਤੇ ਤਨ ਜਾਤ ਗਵਾਰਾ ।
ਠਾਂਢ ਰਹੇ ਤੁਮ ਠਾਂਢੇ ਦਿਖੈ ਹਨ ਅਗ੍ਰਜ ਆਵਤੀ ਸੈਨ ਅਪਾਰਾ ।
ਤੋ ਸੰਗ ਏਕਲ ਜੁਧ ਕਰਉਂ ਤੁਮ ਆਹਵ ਤੇ ਮੋ ਤੋਹਿ ਸੰਘਾਰਾ ॥ 563 ॥

ਦੋਹਰਾ

ਕਾਸਮ ਬੇਗ ਸੈਨਾ ਪਠੀ ਅਪਨੀ ਸਪਤ ਹਜਾਰ ।
ਜੇਠੇ ਪਠੇ ਸੁ ਪਾਂਚ ਸੈ ਅਪਨੇ ਸੂਰ ਬਲਾਰ¹ ॥ 564 ॥

ਰਸਾਵਲ ਛੰਦ

ਦੁਸ੍ਰਏ ਬਲਾਰੀ । ਕਰੈ ਮਾਰੋ ਮਾਰੀ ।
ਕਰੈ ਬਾਨ ਮਾਰੰ । ਮਨੋਂ ਆਪ ਧਾਰੰ ।
ਛਟਾ ਤੇਗ ਗਰਜੈ । ਦਿਖੈ ਸੂਰ ਲਰਜੈ ॥ 565 ॥

ਦੋਹਰਾ

ਜਮਧਰ ਬਿਛੁਏ ਤੀਰ ਬਹੁ ਮਾਰਤ ਤੁਪਕ ਰਿਸਾਇ ।
ਸੂਰ ਸੁੰਦਰ ਨਭ ਯਾਨ ਲੈ ਰਾਹਿ ਬੀਚ ਬਰ ਪਾਇ ॥ 566 ॥

ਪਾਧੜੀ ਛੰਦ

ਚਾਵਡ ਚਿਕਾਰ ਮਾਤੇ ਸਿਯਾਰ । ਖੋਲੰ ਖੜਾਸ ਬਜੇ ਦੁਧਾਰ ।
ਤੁਪਕ ਤੜਾਕ ਉਠਤ ਕੜਾਕ । ਗਿਰ ਤੇ ਸੁ ਬੀਰ ਮੁਖ ਸਸਤ੍ਰ ਝਾਕ ॥ 567 ॥
ਧਰ ਧਿਆਨ ਹੂਰ ਬਰ ਹੈ ਸੁ ਬੀਰ । ਤਾ ਕਉ ਨਿਹਾਰ ਲਾਜਤ ਸੁ ਧੀਰ ।
ਮਾਰੀ ਸੁ ਸੈਨ ਚਲੀ ਸੋਨ ਧਾਰ । ਲੋਕਾਂ ਅਨੇਕ ਬਾਹੇ ਨਿਹਾਰ ॥ 568 ॥

ਦੋਹਰਾ

ਦੋਇ ਸੂਰ ਸੈਨਾ ਹਨੀ² ਬਚਿਯੋ ਸੂਰ ਨ ਕੋਇ ।
ਕਾਸਮ ਬੇਗ ਜੇਠਾ ਰਹਾ ਲੜੇ ਪਰਸਪਰ ਦੋਇ ॥ 569 ॥

¹ਅ ਤੇ ਏ ਪੋਥੀ ਬਲਕਾਰ ²ਅ ਪੋਥੀ ਕਟੀ

੮ ਲਸ ਛੰਦ

ਕਾਸਮ ਬੇਗ ਤੀਰ ਬਹੁ ਮਾਰੇ । ਭਾਈ ਜੇਠਾ ਮਗ ਹਨ ਡਾਰੇ ।
ਤਾਕ ਤੀਰ ਤਾਂਕੇ ਅੰਗ ਲਾਵਹਿ । ਬੇਧ ਤਾਂਹਿ ਤਨ ਪਾਰ ਪਰਾਵਹਿ ॥ 570 ॥

ਤਿਭੰਗੀ ਛੰਦ

ਤਨ ਪਾਰ ਪਰਾਵੈ ਬਡ ਛਬਿ ਪਾਵੈ ਨਾਂਹਿ ਮੁਰਾਵੈ ਰਸ ਰਾਤਾ ।
ਕਾਸਮ ਤਬ ਧਾਯੋ ਜੁਧ ਮਚਾਯੋ ਨਾਂਹਿ ਫਿਰਾਯੋ ਮਦ ਮਾਤਾ ।
ਕੋਕਲ ਸਮ ਬੈਨੰ ਮਨਹਰ ਲੈਣੰ ਅਟਕੀ ਗੈਣੰ ਬਹੁ ਹੂਰੰ ।
ਦੋਉ ਰਸ ਰਾਤੇ ਜੁਧਹਿ ਮਾਤੇ ਰਾਹਿ ਅਘਾਤੇ ਬਿਬ ਸੂਰੰ ॥ 571 ॥

ਕਲਸ ਛੰਦ

ਮੁਸ਼ਟ ਜੁਧ ਕਰ ਸਸਤ੍ਰ ਤਿਆਗੇ । ਦੋਉ ਰੁਦ੍ਰ ਰਸੈਂ ਜਨ ਪਾਗੇ ।
ਬਿਹਬਲ ਪਰੇ ਉਠਤ ਉਨ ਪਰਹੀਂ । ਧਨ ਧਨ ਨਭ ਮਹਿ ਸੁਰ ਕਰਹੀਂ ॥ 572 ॥

ਤਿਭੰਗੀ ਛੰਦ

ਨਭ ਮਹਿ ਸੁਰ ਕਰਹੀ ਪੋਹਪਨ ਡਰਹੀਂ ਆਨੰਦ ਭਰਹੀਂ ਜੈਤ ਕਹੇ ।
ਜੇਠਾ ਸੁਰ ਬਾਨੀ ਸੁਖ ਕੀ ਖਾਨੀ ਗੁਰ ਗੁਨ ਸਾਨੀ ਤੇਜ ਲਹੇ ।
ਤਾਂ ਕਉ ਗਹਿ ਪਾਦੰ ਧਰ ਅਹਿਲਾਦੰ ਸੀਸ ਸਮਾਦੰ ਭੂਮਿ ਹਨਾ ।
ਉਠ ਕੈ ਗਹਿ ਮਾਰਾ ਪੁਰ ਹੰਕਾਰਾ ਬਹੁ ਸ੍ਰਮ ਧਾਰਾ ਦੇਖ ਘਨਾ ॥ 573 ॥

ਦੋਹਰਾ

ਜਯੋਂ ਧੁਬੀਆ ਸਰਤੰ ਤਟੰ ਪਟ ਪਟ ਸਾਥ ਪਛਾਰ ।
ਤਿਉਂ ਕਾਸਮ ਗਹਿ ਜਾਂਘ¹ ਤੇ ਜੇਠੇ ਭੂ ਪਟਕਾਰ² ॥ 574 ॥

ਰਸਾਵਲ ਛੰਦ

ਛੁਟੇ ਤਾਂਹਿ ਪ੍ਰਾਨੰ । ਬਰਾ ਹੂਰ ਯਾਨੰ ।
ਸੁਰੰ ਲੋਕ ਪਾਈ । ਮੁਖੰ ਜੈਤ ਗਾਈ ॥ 575 ॥
ਧਰਾ ਜੇਠ ਰਾਜੈ । ਜਿਮੇ ਬੰਮ ਲਾਜੈ ।
ਕਿਧੋ ਸੰਭੂ ਸੋਭੰ । ਦਿਖੈ ਹੂਰ ਲੋਭੰ ॥ 576 ॥
ਲਲਾ ਬੇਗ ਆਯੋ । ਬੜੋ ਕੋਪ ਪਾਯੋ ।
ਲਈ ਸੈਨ ਸੰਗੰ । ਦਿਖੀ ਭੂਮ ਜੰਗੰ ॥ 577 ॥

ਦੋਹਰਾ

ਹਸਨਖਾਨ ਗੁਰੁ ਸਿਉ ਕਹਾ ਸੁਨੋ ਗਰੀਬ ਨਿਵਾਜ ।
ਬੇਗ ਲਲਾ ਆਯੋ ਅਬੈ ਆਪ ਜੁਧ ਕਰ ਸਾਜ ॥ 578 ॥

¹ਅ ਤੇ ਏ ਧੋਬੀ ਟਾਗ ²ਏ ਧੋਬੀ ਪਰ ਮਾਰ

ਚੌਪਈ

ਸਪਤ ਹਜ਼ਾਰ ਸੈਨ ਸੰਗ ਜਾਕੈ । ਏਕਲ ਜੇਠਾ ਕਰ ਜੁਧ ਥਾਕੈ ।
 ਸ੍ਰੀ ਗੁਰ ਕਹੈ ਸੈਨ ਕਛ ਮਾਰੇ । ਜੇਠਾ ਗੁਰ ਕੇ ਧਾਮ ਪਧਾਰੇ ॥ 579 ॥
 ਭ੍ਰਾਤ ਪੁਤ੍ਰ ਦਿਖ ਬਿਸਮੈ ਪਾਈ । ਵੇਗ ਲਲਾ ਨਿਜ ਸੈਨ ਪਠਾਈ ।
 ਆਇ ਸੈਨ ਘੇਰਾ ਅਸ ਪਾਯੋ । ਮਾਨਹੂੰ ਰਵਿ ਪਰ ਵੇਖ ਸੁਹਾਯੋ ॥ 580 ॥

ਦੋਹਰਾ

ਮਾਰ ਮਾਰ ਚਹੂੰ ਦਿਸ ਬਕੈ ਸੈਨਾ ਚਾਰ ਹਜ਼ਾਰ ।
 ਜੇਠਾ ਮਧ ਬਿਰਾਜ ਇਮ ਮਨੋ ਸੋਭ ਤ੍ਰਿਪਰਾਰ ॥ 581 ॥

ਸੰਗੀਤ ਛੰਦ

ਕਾਗੜਦੰ ਕੋਪੇ ਧਾਗੜਦੰ ਧਾਏ । ਪਾਗੜਦੰ ਪਾਪੀ ਅਗੜਦੰ ਆਏ ।
 ਤਾਗੜਦੰ ਤੀਰੰ ਮਾਗੜਦੰ ਮਾਰੇ । ਬਾਗੜਦੰ ਬੰਦੂਕ ਨੇਜਾਨ ਡਾਰੇ ॥ 582 ॥
 ਜਾਗੜਦੰ ਜੇਠਾ ਧਾਗੜਦੰ ਧਾਵੈ । ਚਾਗੜਦੰ ਚਕੰ ਸਮੰ ਸੋਭ ਪਾਵੈ ।
 ਮਾਗੜਦੰ ਮਾਰੇ ਸਾਗੜਦੰ ਸੂਰੰ । ਆਗੜਦੰ ਅਟਕੀ ਹਾਗੜਦੰ ਹੂਰੰ ॥ 583 ॥
 ਕਾਗੜਦੰ ਕਾਲੀ ਆਗੜਦੰ ਆਈ । ਮਾਗੜਦੰ ਮੁੰਡੰ ਸੁਮਾਲੰ ਪੁਰਾਈ ।
 ਚਾਗੜਦੰ ਚਾਲੀ ਨਦੀ ਸੋਨ ਐਸੇ । ਛਾਗੜਦੰ ਛੇਤ੍ਰੰ ਭਯੋ ਜੁਧ ਜੈਸੇ ॥ 584 ॥

ਦੋਹਰਾ

ਦੀਪਕ [ਸਮ]¹ ਜੇਠਾ ਭਯੋ ਤੁਰਕ ਪਤੰਗ ਸਮਾਨ ।
 ਲਰਤ ਮਰਤ ਛਿਨ ਬਿਲਮ ਤਜ ਆਹਵ ਭਯੋ ਮਹਾਨ ॥ 585 ॥

ਰਸਾਵਲ ਛੰਦ

ਘਰੀ ਦੋਇ ਮਧੰ । ਭਯੋ ਜੁਧ ਸੁਧੰ ।
 ਸਮੰ ਪੋਨ ਧਾਵੈ । ਅਰੰ ਸੀਸ ਘਾਵੈ ॥ 586 ॥
 ਸਭੈ ਸੈਨ ਮਾਰੀ । ਬਡੀ ਸੋਭ ਧਾਰੀ ।
 ਖਰਾ ਖੇਤ ਗਾਜੈ । ਦਿਖੇ ਰੁਦ੍ਰ ਲਾਜੈ ॥ 587 ॥

ਦੋਹਰਾ

ਬੇਗ ਲਲਾ ਦਿਖ ਕੋਪ ਕੈ ਛੋਡ ਸੈਨ ਨਿਜ ਧਾਇ ।
 ਰਹੇ ਠਾਂਢ ਪਾਲਾਇ ਨਹਿੰ ਅਸ ਕਹਿ ਜੁਧ ਮਚਾਇ ॥ 588 ॥

ਚੌਪਈ

ਬੇਗ ਲਲਾ ਮਾਰੈ ਬਹੁ ਬਾਨਾ । ਖੜਗ ਸਾਥ ਜੇਠਾ ਕਰ ਹਾਨਾ ।
 ਬਹੁਰੋ ਤਮਕ ਸੈਹਥੀ ਮਾਰੀ । ਆਵਤ ਮਗ ਖਗ ਸਿੰਊ ਕਟ ਡਾਰੀ ॥ 589 ॥

¹ਅ ਪੋਥੀ ਵਿਚੋਂ

ਹਾਥ ਤੇਗ ਗਹਿ ਤਬ ਰਿਸ ਪਾਯੋ । ਬੇਗ ਲਲਾ ਬਡ ਜੁੱਧ ਮਚਾਯੋ ।
ਦੋਉ ਬੀਰ ਅਧਿਕ ਛਬਿ ਪਾਵਹਿ । ਏਕ ਦੁਤੀ ਤਨ ਘਾਇ ਬਚਾਵਹਿ ॥ 590 ॥

ਦੋਹਰਾ

ਟੂਟ ਤੇਗ ਲਗ ਤੇਗ ਸਿਉ ਬੇਗ ਲਲਾ ਬਿਸਮਾਇ ।
ਸਸਤ੍ਰ ਹੀਨ ਦਿਖ ਤਾਂਹਿ ਕਉ ਜੇਠੇ ਤੇਗ ਤਜਾਇ ॥ 591 ॥

ਰਸਾਵਲ ਛੰਦ

ਕੀਓ ਮੁਸ਼ਟ ਜੁੱਧ । ਦੋਉ ਬੀਰ ਸੁੱਧ ।
ਦੋਉ ਬੀਰ ਧੀਰ । ਨ ਸੰਕਾ ਸਰੀਰ ॥ 592 ॥
ਪਰੇ ਮੂਰਛੈ ਕੈ । ਲਰੇ ਖੇਮਕੈ ਕੈ ।
ਭਯੋ ਜੁਧ ਭਾਰੀ । ਸੁਰੰ ਧੰਨ ਚਾਰੀ ॥ 593 ॥

ਸਵੈਯਾ

ਬੇਗ ਲਲਾ ਗਹਿ ਪਾਦ ਲੀਓ ਤਬ ਸੀਸ ਭ੍ਰਮਾਇ ਬੜੇ ਦੁਖ ਦੀਨੋ ।
ਡਾਰ ਦੈ ਭੂਮਿ ਸੁਚੇਤ ਭਯੋ ਪੁਨ ਲੀਨ ਤਬੈ ਬਦਲੋ ਰਿਸ ਭੀਨੋ ।
ਪਾਦ ਗਹਾਇ ਭ੍ਰਮਾਇ ਸਭੈ ਤਹਿ ਜੇਠੇ ਕੋ ਆਨ ਬੜੇ ਸ੍ਰਮ ਦੀਨੋ ।
ਤੇਗ ਗਹੀ ਪੁਨ ਹਾਥ ਤਿਸੈ ਰਿਸ ਕੈ ਬਦਲੋ ਸਭ ਹੀ ਤਬ ਲੀਨੋ ॥ 594 ॥

ਦੋਹਰਾ

ਹੁਇ ਸੁਚੇਤਿ ਜੇਠਾ ਉਠਾ ਛਾਤੀ ਮੁਸ਼ਟ ਪ੍ਰਹਾਰ ।
ਬੇਗ ਲਲਾ ਤਬ ਹੀ ਤਮਕ ਦੀਨ ਕੰਠ ਤਰਵਾਰ ॥ 595 ॥

ਚੌਪਈ

ਗੁਰੁ ਨਾਮ ਕਹੇ ਭਯੋ ਦੁਖੰਡਾ । ਭਗਤ ਸਿੰਘ ਜੇਠਾ ਬਲਵੰਡਾ ।
ਬੇਗ ਲਲਾ ਦਿਖਾ ਬਿਸਮੈ ਧਾਰੀ । ਰੋਮ ਰੋਮ ਗੁਰੁ ਨਾਮ ਉਚਾਰੀ ॥ 596 ॥
ਖਚ ਮਾਨਕ ਆਯੋ ਨਭ ਯਾਨਾ । ਗਾਵਤ ਸੁੰਦਰੀ ਮੰਗਲ ਗਾਨਾ ।
ਜੇਠਾ ਦੜ ਗੁਰਧਾਮ ਪਧਾਰਾ । ਬੇਗ ਲਲਾ ਸਭ ਚਰਿਤ ਨਿਹਾਰਾ ॥ 597 ॥

ਦੋਹਰਾ

ਮਨ ਮਹਿ ਐਸ ਵਿਚਾਰਿਓ ਗੁਰੁ ਕਉ ਸਤਿ ਖੁਦਾਇ ।
ਮਰੈ ਗੁਰੁ ਕਰ ਜਨਮ ਨਹਿੰ ਸੈਨਾ ਲਈ ਬੁਲਾਇ ॥ 598 ॥

ਸਵੈਯਾ

ਤੀਨ ਹਜਾਰ ਰਹੀ ਪ੍ਰਤਿਨਾ ਸੋਉ ਆਵਤ ਭੀ ਹਨ ਚੋਬ ਨਿਸ਼ਾਨਾ ।
ਦਾਸ ਕ੍ਰਿਪਾਲ ਨਿਹਾਰ ਪ੍ਰਭੁ ਕਰ ਆਹਵ ਦਾਸ ਗਯੋ ਗੁਰ ਥਾਨਾ ।

ਮੁਖ ਪੰਜਕ ਫੇਰ ਕੈ ਹਾਥ ਉਠੇ ਗੁਰੁ ਪਾਨ ਕ੍ਰਿਪਾਨ ਲੀਏ ਧਨ ਬਾਨਾ ।
ਐਸੇ ਨਿਹਾਰ ਪਰੋਹਤ ਕੋ ਸੁਤ ਕੀਨ ਬਿਨੈ ਮਮ ਜੁਧ ਦਿਖਾਨਾ ॥ 599 ॥

ਦੋਹਰਾ

ਮਲਕ ਜਾਤੀ ਬਿਨਤੀ ਕਹੀ ਹੇ ਪ੍ਰਭ ਮਮ ਜੁਧ ਦੇਖ ।
ਪੁਨ ਸਹਾਇ ਹਮਰੀ ਕਰੋ ਇਛਾ ਪੂਰ ਅਲੇਖ ॥ 600 ॥

ਪਾਧਰੀ ਛੰਦ

ਸੁਨ ਐਸ ਬਾਤ ਮਨ ਮਹਿ ਬਿਚਾਰ । ਭਵ ਲਯੋ ਮਾਨ ਕਰਹੋ ਨਿਵਾਰ ।
ਕੀਨੈਂ ਨਿਦੇਸ ਆਹਵ ਕਰਾਇ । ਗੁਰੁ ਪਾਦ ਬੰਦ ਉਠਿਓ ਰਿਸਾਇ ॥ 601 ॥
ਕਰ ਧਨੁਖ ਬਾਨ ਕੀਨਾ ਟੰਕਾਰ । ਤੁਰਕਾਨ ਸੈਨ ਕੋਪੀ ਅਪਾਰ ।
ਛੋਰੈਂ ਸੁਬਾਨ ਲਾਗੈ ਨ ਕੋਇ । ਨਭ ਪੰਥ ਰੋਕ ਬਾਦਰ ਸੁ ਹੋਇ ॥ 602 ॥

ਅਨਾਦ ਛੰਦ

ਦੌਰੇ ਤੀਰ ਰੁੱਕੇ ਗੈਣ । ਜਾਤੀ ਮਲ ਰਤੇ ਨੈਣ ।
ਛੁਟੇ ਬਾਣ ਮਾਰੇ ਸੂਰ । ਦੌਰੇ ਪ੍ਰਾਨ ਲੋਭੇ ਹੂਰ ॥ 603 ॥
ਤੇਗਾ ਹਾਥ ਦੌਰੇ ਐਸੇ । ਜੀਵੋਂ ਮਾਹਿ ਸਿੰਘ ਜੈਸੇ ।
ਮਾਰੀ ਸੈਨ ਸਾਰੀ ਜਾਨ । ਬਲ ਕੋ ਦੇਖ ਕੀਨਾਂ ਮਾਨ ॥ 604 ॥

ਚੌਪਈ

ਪੁਨ ਤੀਖੇ ਲੈ ਬਾਨ ਪ੍ਰਹਾਰੇ । ਬੇਗ ਲਲਾ ਕੀ ਓਰ ਪਧਾਰੇ ।
ਬੇਗ ਲਲਾ ਮਾਰੇ ਬਹੁ ਬਾਨਾ । ਨਭ ਮਹਿ ਬਾਨ ਜੁਧ ਕਰ ਨਾਨਾ ॥ 605 ॥
ਲਲਾ ਬੇਗ ਪੁਨ ਅਸ ਸਰ ਮਾਰਾ ! ਮੂਰਛਾ^੨ ਕਰ ਜਾਤੀ ਮਲ ਡਾਰਾ ।
ਹਨੂ ਗਿਰੀ ਕਰ ਮਾਨ ਕਰਾਯੋ । ਕੇਕਈ ਨੰਦਨ ਮਾਰ ਗਵਾਯੋ ॥ 606 ॥

ਦੋਹਰਾ

ਸ੍ਰੀ ਗੁਰੁ ਤਸ ਤਾਕੋ ਹਰਾ ਮਾਨ ਮੂਰਛਾ ਪਾਇ ।
ਦੇਖ ਦੌਰ ਸ੍ਰੀ ਗੁਰੁ ਅਏ ਚਹੁ ਦਿਸ ਅਸੂ ਨਚਾਇ ॥ 607 ॥

ਸਵੈਯਾ

ਭਾਲ ਜਿਗਾ ਦਿਖ ਲਾਜਤ ਹੈ ਸਸਿ ਛਾਜਤ ਕੰਜ ਪ੍ਰਭਾ ਮੁਖ ਕੀ ।
ਆਯੁਧ ਸਾਮ ਬਿਰਾਜਤ ਹੈ ਤਨ ਪੀਤ ਪੁਸ਼ਾਕ ਛਟਾ ਸੁਖ ਕੀ ।
ਫੂਲ ਡਰੈ ਸੁਰ ਜੀਤ ਹੀਏ ਧਰਜੀਤ ਉਚਾਰ ਕਰਹਿ ਰੁਖ ਕੀ ।
ਬੇਗ ਲਲਾ ਤਬ ਔਧ ਪੁਨੀ ਸਭ ਸੰਤ ਸੁਨਹੁ ਜਗ ਮੈ ਸੁਖ ਕੀ ॥ 608 ॥

^੧ਅ ਪੌਥੀ ਮ੍ਰਿਗਨ ^੨ਏ ਪੌਥੀ ਬਿਸੁਧ

ਰਸਾਵਲ ਛੰਦ

ਕਹੀ ਐਸ ਬਾਨੀ । ਗੁਰੂ ਤੇਜ ਵਾਨੀ ।
 ਲਰੋ ਮੋਹਿ ਸੰਗਾ । ਕਰੋ ਭਾਰ ਜੰਗਾ ॥ 609 ॥
 ਲਲੇ ਬਾਨ ਮਾਰਾ । ਸੁਤ ਪਾਸ ਨਯਾਰਾ ।
 ਗੁਰੂ ਬਾਨ ਡਾਰਿਯੋ । ਤਿਸੇ ਅਸ ਮਾਰਿਯੋ ॥ 610 ॥

ਦੋਹਰਾ

ਬੇਗ ਲਲਾ ਭੂ ਪੈ ਗਿਰਯੋ ਅਯੋ ਤੇਗ ਗਹਿ ਹਾਥ ।
 ਸ੍ਰੀ ਗੁਰੂ ਪਿਖ ਭੂ ਪਰ ਅਏ ਅਰਿ ਕਰ ਜਾਨ ਸਨਾਥ ॥ 611 ॥

ਸਵੈਯਾ

ਆਇ ਕੇ ਬੇਗ ਲਲਾ ਰਿਸਕੈ ਤਬ ਵਾਰ ਕੀਓ ਗੁਰੂ ਢਾਲ ਰੁਕਾਯੋ ।
 ਬੋਲ ਪੁਨਾ ਪ੍ਰਭੂ ਐਸ ਕਹਿਯੋ ਪੁਨ ਔਰ ਕਰੋ ਤਹਿ ਕੀਨ ਬਚਾਯੋ ।
 ਰੋਕ ਤਿਸੇ ਨਿਜ ਤੇਗ ਹਨੀ ਤਬ ਹੁੰਡਹਿ ਮੁੰਡਹਿ ਚੀਰ ਬਿਲਾਯੋ ।
 ਭੂਮ ਲਗੀ ਜਨ ਜੀਤ ਕਹੈ ਬਿਬ ਖੰਡ ਭਯੋ ਸੁਰ ਆਨੰਦ ਪਾਯੋ ॥ 612 ॥

ਸਵੈਯਾ

ਬੇਗ ਲਲਾ ਬਿਬ ਖੰਡ ਪਰਾ ਧਰ ਮਾਰ ਗੁਰੂ ਸਭ ਰੋਖ ਉਚਾਰੇ ।
 ਤਾਸ ਕੇ ਜੁਧ ਕਾ ਐਸ ਭਯੋ ਫਲ ਜੇਤਕੀ ਸੰਗਤਿ ਉਚ ਸਵਾਰੇ ।
 ਸੰਗਤਿ ਝੁਡ ਕਰੀ ਅਲ ਕੀ ਜਿਮ ਨਾਹਿ ਸ੍ਰੀ ਮੁਕਟ ਮਨ ਧਾਰੇ ।
 ਬੇਗ ਲਲਾ ਤਜ ਸੰਗ ਤਕੈ ਸਭ ਰੋਮ ਭਏ ਸੁਖ ਆਨੰਦ ਧਾਰੇ ॥ 613 ॥

ਦੋਹਰਾ

ਨਿਕਸ ਜੋਤ ਤਿਹੋ ਬਦਨ ਤੇ ਸੁਰ ਸੁੰਦਰ ਤਨ ਪਾਇ ।
 ਲੀਏ ਯਾਨ ਹੂਰੈ ਖਿਚੈ ਚਾਹਤ ਨਾਹਿ ਕਰਾਇ ॥ 614 ॥
 ਪਦ ਪੰਕਜ¹ ਗੁਰ ਬੰਦਨਾ ਬੇਗ ਲਲਾ ਤਬ ਕੀਨ ।
 ਭਿਸਤ² ਓਰ ਤਬਹੀ ਗਯੋ ਮਨ ਮਹਿ ਆਨੰਦ ਲੀਨ ॥ 615 ॥

ਚੌਪਈ

ਬਿਧੀਏ ਆਦਿ ਦੋਰ ਸਭਿ ਆਏ । ਭਾਖਤ ਜੈ ਜੈ ਪਗ ਲਪਟਾਏ ।
 ਬੇਗ ਲਲਾ ਹੋਇ ਮ੍ਰਿਤ ਨਿਹਾਰਾ । ਕਾਬਲ ਬੇਗ ਅਯੋ ਰਿਸ ਧਾਰਾ ॥ 616 ॥
 ਸਪਤ ਸਹੰਸ ਸੈਨ ਸੰਗ ਧਾਰੈ । ਮਾਰ ਮਾਰ ਕਰ ਵਾਇ ਨਗਾਰੈ ।
 ਗੁਰ ਪ੍ਰਭੂ ਆਵਤ ਕਉ ਸੂਰਾ । ਖਾਨ ਹਸਨ ਭਾਖੋ ਪ੍ਰਨ ਪੂਰਾ ॥ 617 ॥

¹ਅ ਪੰਥੀ ਚਹਨ ਕਮਲ ²ਏ ਪੰਥੀ ਬਹਿਸਤ

ਹਸਨਖਾਨੋ ਵਾਚ ਦੋਹਰਾ

ਬੇਗ ਕਾਬਲੀ ਨਾਮ ਹੈ ਤਾਂਹਿ ਭਾਨਜਾ ਜਾਨ ।

ਬੇਗ ਲਲਾ ਸਮ ਬਲੀ ਏ ਤਿੰਨ ਹਜ਼ਾਰ ਪਤਿ ਮਾਨ ॥ 618 ॥

ਚੋਪਈ

ਆਵਤ ਤਾਂਹਿ ਬਾਨ ਬਹੁ ਮਾਰੇ । ਮਾਰ ਮਾਰ ਮੁਖ ਬੈਨ ਉਚਾਰੇ ।

ਗਈ ਮੁਰਛਾ ਭਯੋ ਸੁਚੇਤ । ਜਾਤੀ ਮਲ ਧਾਯੋ ਜੁਧ ਹੇਤ ॥ 619 ॥

ਜਾਵਤ ਅਰਿ ਬਹੁਤੇ ਹਨ ਡਾਰੇ । ਜਾਟ ਕ੍ਰਿਖੀ ਜਿਮ ਕਾਟ ਸੁਧਾਰੇ¹ ।

ਜੋਧ ਰਾਇ ਬਿਧੀਆ ਪੁਨ ਧਾਯੋ । ਤੀਨੋਂ ਮਿਲ ਬਡ ਜੁਧ ਮਚਾਯੋ ॥ 620 ॥

੩ ਟਕ ਛੰਦ

ਰਣਕੰਪਤ ਸੂਰ ਲਰੇ ਸਭਹੀ । ਤਿਨ ਤੀਖਨ ਬਾਨ ਲਗੈ ਜਬਹੀ ।

ਤਹ ਗੀਧ ਘਨੀ ਮੰਡਰਾਇ ਰਹੀ । ਨਦ ਸ੍ਰੋਨਤ ਕੀ ਰਨ ਮਹਿ ਸੁ ਬਹੀ ॥ 621 ॥

ਰਨ ਲੋਥ ਘਨੀ ਇਕਠਾਵਤ ਹੈਂ । ਤਹ ਜੰਬਕ ਕੇਤ ਪਠਾਵਤ ਹੈਂ ।

ਸਿਰ ਗੂਦ ਸੁ ਮੇਦ ਲਗਾਇ ਗਨੋਂ । ਕਰਮਾਂ ਵਿਸ² ਕੇਤ ਬਨਾਇ ਮਨੋਂ ॥ 622 ॥

ਦੋਹਰਾ

ਤੀਨੋਂ ਬਹੁ ਸੈਨਾ ਹਨੀ ਬਚੇ ਸੂਰ ਕਛ ਜਾਨ ।

ਬੇਗ ਕਾਬਲੀ ਕੋਪ ਕੈ ਮਾਰੈ ਤੀਖਨ ਬਾਨ ॥ 623 ॥

ਰਸਾਵਲ ਛੰਦ

ਲਗੈ ਬਾਨ ਐਸੇ । ਗਿਰੰ ਪੰਖ ਜੈਸੇ ।

ਭਏ ਮੁਰਛਾਨੇ । ਅਸੰ ਭਾਵ ਜਾਨੇ ॥ 624 ॥

ਮਨੋਂ ਖੋਲ ਰਾਤੇ । ਸ੍ਰਮੰ ਨੀਂਦ ਮਾਤੇ ।

ਕਿਧੋ ਰਾਮ ਭ੍ਰਾਤੰ । ਭਰੇ ਸੋਕ ਗਾਤੰ ॥ 625 ॥

ਦੋਹਰਾ

ਅਹਰਾਵਣ ਸੋ ਜੁਧ ਕਰ ਰਾਮ ਭ੍ਰਾਤ ਮੁਰਝਾਇ ।

ਤਸ³ ਤੀਨੋਂ ਮੁਰਛਤ ਭਏ ਕਾਬਲ ਬੇਗ ਰਿਸਾਇ ॥ 626 ॥

ਭੂਜੰਗ ਪ੍ਰਯਾਤ ਛੰਦ

ਗੁਰੂ ਓਰ ਛਰੇ ਘਨੇ ਬਾਨ ਆਏ । ਪ੍ਰਭੂ ਬਾਨ ਮਾਰੇ ਮਗੀ ਮਾਂਹ ਹਟਾਏ ।

ਗੁਰੂ ਸੁਆਰ ਹੋਏ ਤਿਸੇ ਸੁਆਰ ਜਾਨਾ । ਕਰੋ ਜੁਧ ਭਾਰੀ ਕੀਓ ਤੀਖ ਬਾਨਾ ॥ 627 ॥

ਤਿਨੈ ਤਾਕ ਕੈ ਤੀਰ ਐਸਾ ਚਲਾਯੋ । ਗੁਰੂ ਅਸ ਮਾਥੇ ਲਗਾ ਖੇਤ ਆਯੋ ।

ਪ੍ਰਭੂ ਭੂਮਿ ਆਏ ਹਨਾ ਤੀਖ ਬਾਨਾ । ਤਿਸੇ ਅਸਪ ਮਾਰਿਓ ਅਏ ਭੂਮਿ ਜੁਆਨਾ

॥ 628 ॥

¹ਅ ਪੋਥੀ ਸੁ ਡਾਰੇ ²ੲ ਪੋਥੀ ਵਿਸਕਰਮਾ ³ੲ ਪੋਥੀ ਤਿਮ

ਦੋਹਰਾ

ਗੁਰੂ ਸੁਹੇਲਾ ਹੈ ਹਤਾ ਤਾਂਕੋ ਅਸੂ ਹਤਾਇ ।
ਲਰੈਂ ਪਰਸਪਰ ਦੋਨ ਹੀਂ ਦੁਹ ਦਿਸ ਬਾਨ ਚਲਾਇ ॥ 629 ॥

ਸਵੈਯਾ

ਕੋਪ ਕੀਓ ਰਨ ਕਾਬਲ ਬੇਗ ਸੁ ਓਰ ਗੁਰੂ ਸਰ ਤੀਖਨ ਮਾਰੇ ।
ਆਵਤੇ ਕਾਟ ਦੀਏ ਸਰ ਸਿਉ ਗੁਰ ਖੇਲਤ ਖੇਲ ਕਿਧੋ ਰਸ ਸਾਰੇ ।
ਫੇਰ ਮਲੇਛ ਬਡੋ ਕੁਪਾ¹ ਕੈ ਗਹ ਤੇਗ ਅਯੋ ਮੁਖ ਮਾਰ ਸੁਧਾਰੇ ।
ਖੇਲ ਪਰਾ ਗੁਰ ਸਾਥ ਮਨੋ ਤਿੰਹ ਵਾਰ ਕੀਓ ਪ੍ਰਭ ਢਾਲ ਰੁਕਾਰੇ ॥ 630 ॥

ਚੌਪਈ

ਤੀਨ ਵਾਰ ਗੁਰ ਤਾਂਹਿ ਗਹਾਏ । ਬਹੁਰ ਤੇਗ ਕਰ ਮਹਿ ਚਮਕਾਏ ।
ਹਨਾ ਸੀਸ ਬਿਬ ਖੰਡ ਪਰਾਯੋ । ਕਾਬਲ ਬੇਗ ਖੇਤ ਰਨ ਆਯੋ ॥ 631 ॥
ਧਰ ਸੁੰਦਰ ਤਨ ਯਾਨ ਚੜਾਇ । ਗਯੋ ਭਿਸਤ² ਕੋ ਗੁਰ ਗੁਨ ਗਾਇ ।
ਗਈ ਮੂਰਛਾ ਤੀਨੋ ਜਾਗੇ । ਬਿਧੀ ਜੋਧ ਦਿਜ ਜੁਧ ਰਸ ਪਾਗੇ ॥ 632 ॥

ਸਵੈਯਾ

ਆਇ ਲਗੇ ਗੁਰ ਕੇ ਪਦ ਪੰਕਜ ਜੀਤ ਭਈ ਰਨ ਹੋਇ ਉਚਾਰਾ ।
ਦੇਵ ਤਬੈ ਨਭ ਬਾਜ ਹਨੇ ਡਰ ਫੂਲ ਬਡੋ ਮਨ ਆਨੰਦ ਧਾਰਾ ।
ਜੀਤ ਨਿਸਾਨ ਬਜੈ ਤਬ ਹੀ ਕੁਛ ਤੁਛ ਬਚੇ ਸਤ ਏਕ ਗਵਾਰਾ ।
ਦਾਤਨ ਘਾਸ ਗਹਯੋ ਸਰਨਾਗਤ ਰਛ ਕਰੇ ਅਸ ਬੈਨ ਉਚਾਰਾ ॥ 633 ॥

ਸੋਰਠਾ

ਆਹਵ ਭੂਮ ਮਝਾਰ ਪੰਦਰਹ ਬੀਸ ਹਜਾਰ ਹਨ ।
ਬਚ ਸਤ ਏਕ ਗਵਾਰ ਦਯਾ ਸਿੰਧ ਗੁਰ ਇਛ ਸਿਉਂ ॥ 634 ॥
ਸੰਮਤ ਸਮ ਰਸ ਗਾਇ ਵਸ ਮਘਰ ਮਾਸ ਕੇ ।
ਖੌੜਸ³ ਦਿਵਸ ਬਿਤਾਇ ਤੀਨ ਜਾਮ ਆਹਵ ਭਯੋ ॥ 635 ॥

ਚੌਪਈ

ਡੇਢ ਜਾਮ ਦਿਨ ਜਬੈ ਰਹਾਯੋ । ਸ੍ਰੀ ਗੁਰ ਬਿਜੀਆ ਪਾਨ ਕਰਾਯੋ ।
ਕੀਨ ਸੰਚ ਮੁਖ ਬੈਨ ਉਚਾਰਾ । ਸੂਰ ਧਰੋ ਇਕਠੇ ਤੁਮ ਸਾਰਾ ॥ 636 ॥
ਦੌਰੇ ਸੂਰ ਲੋਥ ਇਕਠਾਏ । ਰਚਾ ਦਮਦਮਾ ਉਚ ਸੁਹਾਏ ।
ਸ੍ਰੀ ਗੁਰੁ ਜੇਠੇ ਓਰ ਨਿਹਾਰਾ । ਜੋਰ ਢਾਕ ਦੋ ਕ੍ਰਿਤ ਸਵਾਰਾ ॥ 637 ॥

¹ਅ ਤੇ ਦੁ ਪੋਥੀ ਰਿਸ ²ਦੁ ਪੋਥੀ ਬਹਿਸਤ ³ਅ ਪੋਥੀ ਸੌਰਹਿ

ਦੋਹਰਾ

ਦੀਨ ਦਾਨ ਪੁਨ ਸੈਨ ਜੋ ਅਪਨੀ ਦਾਇ ਕਰਾਇ ।
 ਤੁਰਕ ਸੈਨ ਰਚ ਦਮਦਮਾਂ ਤਹਿ ਠਾਂ ਉਚ ਬਨਾਇ ॥ 638 ॥
 ਪਾਂਚੋ ਜੋ ਉਮਰਾਉ ਥੇ ਧਰ ਉਪਰ ਸਭ ਜਾਨ ।
 ਅਰਧ ਜਾਮ ਦਿਨ ਤਬ ਰਹਾ ਬੈਠੇ ਕ੍ਰਿਪਾ ਨਿਧਾਨ ॥ 639 ॥

ਚੌਪਈ

ਅਬਦੁਲ ਢਾਢੀ ਸਨਮੁਖ ਆਯੋ । ਰਚੀ ਵਾਰ ਗੁਰ ਜਸ ਪ੍ਰਗਟਾਯੋ ।
 ਸ੍ਰੀ ਮੁਖ ਸੁੰਦਰ ਬੈਠ ਉਚਾਰੇ । ਇਹ ਸਥਾਨ ਕੀ ਸੋਭ ਅਪਾਰੇ ॥ 640 ॥
 ਜਸ ਕੁਰਛੇਤਰ ਤਸ ਏ ਜਾਨੋ । ਇਹੁ ਨਾਂ ਮਰੇ ਮ੍ਰਿਤ ਭਵ ਹਾਨੋ ।
 ਇਹੁ ਦਰਸਨ ਅਘ ਓਘ ਨਸਾਈ । ਗੁਰ ਕੇ ਧਾਮ ਸੁਗਮ¹ ਵਹੁ ਜਾਈ ॥ 641 ॥

ਦੋਹਰਾ

ਹਸਨ ਖਾਨ ਵਿਦਿਆ ਕੀਓ ਤਹ ਛਿਨ ਬਹੁ ਸੁਖ ਪਾਇ ।
 ਕਾਬਲ ਕਾ ਸੂਬਾ ਕਰਾ ਬਚਾ ਜੋ ਸੂਰ ਉਠਾਇ ॥ 642 ॥
 ਪਦ ਪੰਕਜ ਗੁਰ ਬੰਦਨਾ ਹਸਨ ਖਾਨ ਗੁਰ ਧਿਆਨ ।
 ਸੰਗ ਸੂਰ ਸਤ ਏਕ ਲੈ ਤਤ ਛਿਨ ਕੀਓ ਪਿਆਨ ॥ 643 ॥

ਚੌਪਈ

ਸੋਦਰ ਪੜ੍ਹ² ਰਹਿਰਾਸ ਸੁਨਾਏ । ਦਯਾ ਸਿੰਧ ਨਿਜ ਡੇਰੇ ਆਏ ।
 ਲੋਪਿਓ ਸੂਰ ਨਿਸਾ ਪ੍ਰਗਟਾਈ । ਭਯੋ ਧਿਆਇ ਪੂਰਨ ਦੁਖ ਹਾਈ ॥ 644 ॥
 ਜੋ ਨਰ ਪੜ੍ਹ ਪੰਚ ਅਰਿ ਜੀਤੇ । ਜਾਇ ਧਾਮ ਗੁਰ ਪ੍ਰਾਨਨ ਬੀਤੇ ।
 ਅਛਤ ਤਨ ਸੁਖ ਗੁਰੂ ਭੁਗਾਵੈ । ਏਹ ਧਿਆਇ ਜੋ ਪੜ੍ਹੇ ਸੁਨਾਵੈ ॥ 645 ॥

ਦੋਹਰਾ

ਮਹਾ ਤੁਛ ਕਵਿ ਦੀਨ ਜਨ ਮੂੜ ਬੁਧ ਅਗਿਆਨ ।
 ਛਿਮੋ ਭੁਲ ਮਮ ਸੋਧਕੈ ਬਖਸ਼ੋ ਕ੍ਰਿਪਾ ਨਿਧਾਨ ॥ 646 ॥

ਚੌਪਈ

ਸੁਨੋ ਸੰਤ ਇਹ ਕਥਾ ਰਸਾਲਾ । ਕੋਤਕ ਆਗੈ ਕਰ ਹਰਿ ਦਯਾਲਾ ।
 ਪੁਰ ਕਰਤਾਰ ਚਰਿਤ ਬਹੁ ਕਰੈਂ । ਬਿਧੀਏ ਗਾਥ ਪਾਛ ਕਛ ਰਰੈਂ ॥ 647 ॥
 ਤੇਗ ਬਹਾਦਰ ਹੋਇ ਵਿਵਾਹਾ । ਕੋਤਕ ਅਨਿਕ ਤਹਾਂ ਚਿਤ ਚਾਹਾ ।
 ਪੁਨਾ ਜੁਧ ਪੈਂਦੇ ਸੰਗ ਹੋਵੈ । ਘਨੀ ਸੈਨ ਤੁਰਕਾਨੀ ਖੋਵੈ ॥ 648 ॥

¹ਅ ਪੋਥੀ ਸਹਿਜ ²ਏ ਪੋਥੀ ਪਠ

ਦੋਹਰਾ

ਤੁਛ ਬੁਧ ਮਮ ਜਾਨ ਕੈ ਕੀਜੈ ਸੰਤ ਸਹਾਇ ।

ਇਹੈ ਚਾਹਿ ਦਾਰਿਦ ਹਨੋ ਅਹਿ ਨਿਸ ਗੁਰ ਗੁਨ ਗਾਇ ॥ 649 ॥

ਇਤਿ ਸ੍ਰੀ ਗੁਰ ਬਿਲਾਸ ਮਾਤਾ ਦਮੋਦਰੀ ਜੋਤੀ ਜੋਤ ਸਮਾਏ ਗੁਰੂ ਸਰ ਜੁਧ ਬਰਨਨੰ
ਨਾਮ ਉਨੀਸਵੇਂ ਧਿਆਇ ਸਮਾਪਤੰ ॥ 19 ॥ ਵਾਹਿਗੁਰੂ ॥

ਅਧਿਆਇ ਵੀਹਵਾਂ

ਦੋਹਰਾ

ਨਾਮ ਸੇਤ ਜਗ ਮਹਿ ਕੀਓ ਸਦਾ ਦੀਨ ਪਰ ਨੇਹ ।
ਤਾਂ ਗੁਰ ਨਾਨਕ ਕਉ ਨਮੋ ਬਿਮਲ ਬੁਧਿ ਵਰ ਦੇਹ ॥ 1 ॥

ਚੌਪਈ

ਭਗਤ ਸਿੰਘ ਗਾਥਾ ਸੁਖ ਦੈਨੀ । ਸੰਸੈ ਪਾਪ ਛੋਰ ਹਿਰ ਲੈਨੀ ।
ਪਰੀ ਨਿਸਾ ਗੁਰ ਸੂਰ¹ ਸੰਭਾਰੇ । ਏਕ ਏਕ ਕਉ ਪੂਛ ਸੁਧਾਰੇ ॥ 2 ॥
ਦ੍ਵਾਦਸ ਸਤਿਗੁਰ ਕੀ ਹਤ ਸੈਨਾ । ਰਾਇ ਜੋਧ ਅਤਿਸੈ ਜੁਧ ਐਨਾ ।
ਔਰ ਸੈਨ ਜੋ ਸੰਗਤ ਆਈ । ਹਤੀ ਜੁਧ ਸਭ ਬੰਦ ਕਟਾਈ ॥ 3 ॥

ਦੋਹਰਾ

ਮਲਕਾ ਜਾਤੀ ਬਿਧੀ ਪੁਨ ਰਾਇ ਜੋਧ ਅਤਿ ਭਾਰ ।
ਲਾਗੇ ਇਤ ਗੁਰ ਦ੍ਰਿਸ਼ਟ ਧਰ ਤਤ ਛਿਨ ਦਏ ਨਿਵਾਰ ॥ 4 ॥

ਚੌਪਈ

ਅਬਦੁਲ ਗੁਰ ਸੰਗ ਸਦਾ ਰਹਾਵੈ । ਗੁਰ ਜਸ ਉਠ ਬਹੁ ਵਾਰ ਸੁਨਾਵੈ ।
ਕਈ ਪ੍ਰਕਾਰ ਕੇ ਸਬਦ ਸੁਨਾਇ । ਸਦਾ ਏਕ ਰਸ ਗੁਰ ਗੁਨ ਗਾਇ ॥ 5 ॥

ਦੋਹਰਾ

ਕਰ¹ ਭੋਜਨ² ਬਿਸਰਾਮ ਕਰ ਦਯਾ ਸਿੰਧ ਸੁਖ ਧਾਮ ।
ਹੋਤ ਪ੍ਰਾਤ ਆ ਦਮਦਮੇ³ ਬੈਠੇ ਲਾਇ ਦਿਵਾਨ ॥ 6 ॥
ਜਾਨ ਭਾਈ ਏਕਲ ਰਹਾ ਭ੍ਰਾਤ ਹਤਾ ਜੁਧ ਮਾਂਹਿ ।
ਗਯੋ ਨਿਕਟ ਮਨ ਮਹਿ ਵਿਰਹ ਚਿਤ ਕੀ ਮੇਟ ਉਮਾਂਹਿ ॥ 7 ॥

ਚੌਪਈ

ਸ੍ਰਵਨ ਮੰਤ੍ਰ ਗੁਰ ਐਸ ਸੁਨਾਯੋ । ਵਿਰਹ ਮੇਟ ਜਗ ਵਿਖਾ ਦਿਖਾਯੋ ।
ਸੁੰਦਰ ਸੋਭੈ ਲਾਇ ਦੀਵਾਨ । ਬੈਠ ਦਮਦਮੇ [ਪ੍ਰਭ]³ ਕ੍ਰਿਪਾ ਨਿਧਾਨ ॥ 8 ॥
ਮਾਲਵ ਕੀ ਸੰਗਤ ਬਹੁ ਆਵੈ । ਕਰ ਦਰਸਨ ਬਹੁ ਪੂਜ ਚੜਾਵੈ ।
ਏ ਬਿਧ ਗਾਥ ਗੁਰੂ ਕੀ ਗਾਈ । ਅਬ ਸੁਨ ਕਥਾ ਔਰ ਸੁਖਦਾਈ ॥ 9 ॥

¹ਏ ਪੋਥੀ ਬੀਰ ²ਅ ਪੋਥੀ ਅਚ ਪ੍ਰਸਾਦ ³ਅ ਪੋਥੀ ਵਿਚੋਂ

ਦੋਹਰਾ

ਹਸਨ ਖਾਨ ਜਬ ਹੀ ਗਯੋ ਗੁਰ ਕੀ ਆਇਸ ਪਾਇ ।
ਤੀਨ ਰੈਨ ਬਸ ਪੰਥ ਮਹਿ ਬਹੁਰੋ ਹਰਖ ਬਢਾਇ ॥ 10 ॥

ਅੜਿਲ

ਆਗੇ ਮਨ ਮੈ ਐਸੇ ਸਾਹ ਵਿਚਾਰਹੀ ।
ਬੇਗ ਲਲਾ ਬਡ ਸੂਰ ਗੁਰੂ ਕਉ ਮਾਰਹੀ ।
ਦੋਊ ਅਸੂ ਜੁਤੇ ਆਇ ਸੈਨ ਤਿਹ ਘਾਇਕੈ ।
ਹੋ ਨਾਤਰ ਕਾਇਰ ਜਾਨਹੁ ਦੇਹੁ ਹਟਾਇਕੈ ॥ 11 ॥

ਦੋਹਰਾ

ਕਿਸੀ ਪੁਰਖ ਤਬ ਯੋ ਕਹੀ ਆਯੋ ਇਕ ਅਫਗਾਨ ।
ਸਾਥ ਸੂਰ ਸੌ ਏਕ ਹੈ ਅਯੋ ਜੁਧ ਕਹ ਜਾਨ ॥ 12 ॥

ਚੌਪਈ

ਕਹਾ ਸਾਹਿ ਅਬ ਦੇਰ ਨ ਕੀਜੈ । ਤਾਂਕੋ ਤੁਰਤ ਬੋਲ ਕੈ ਲੀਜੈ ।
ਖਾਂ ਵਜੀਰ ਨਿਸ ਦਾਸ ਪਠਾਏ । ਤਾਂਕੋ ਬੋਲ ਸਭਾ ਮੈ ਲਯਾਏ ॥ 13 ॥

ਰਸਾਵਲ ਛੰਦ

ਹਸਨੇ ਸੁ ਆਯੋ । ਸੁ ਬੰਦਨ ਕਰਾਯੋ ।
ਤਿਸੇ ਸਾਹ ਪੂਛਾ । ਕਹਾ ਤਾਂਹਿ ਸੂਛਾ ॥ 14 ॥

ਦੋਹਰਾ

ਹਸਨ ਖਾਨ ਬਹੁਰੋ ਕਹਾ ਏਕ ਅਸੂ ਰਨ ਘਾਇ ।
ਬੇਗ ਕਾਬਲੀ ਰੀਤਿ ਸਿਉ ਦੀਨਾ ਭਿਸਤ¹ ਪਠਾਇ ॥ 15 ॥

ਚੌਪਈ

ਹਤਾ ਅਸ ਦਿਖ ਗੁਰ ਰਿਸ ਪਾਈ । ਬੇਗ ਕਾਬਲੀ ਹੈ ਜੁਤ ਘਾਈ ।
ਸਭ ਸੈਨਾ ਏ ਭਾਂਤ ਸੰਘਾਰੀ । ਹਮ ਬੈਠੇ ਨਿਜ ਠੈਨ ਨਿਹਾਰੀ ॥ 16 ॥
ਸੁਨਤ ਸਾਹ ਮਨ ਬਿਸਮੈ ਪਾਈ । ਗੁਰ ਕੀ ਸੈਨਾ ਤੁਛ ਸੁਨਾਈ ।
ਤੀਸ ਸਹੰਸੂ ਪਾਂਚ ਸੌ ਸੈਨਾ । ਉਮਰਾਵਹਿ ਸੌ ਭੇਜੀ ਐਨਾ ॥ 17 ॥

ਦੋਹਰਾ

ਖਾਂ ਵਜੀਰ ਬਹੁਰੋ ਕਹਾ ਸੌ ਤੁਰੰਗ ਰਨ ਘਾਇ ।
ਪਠੀ ਸੈਨ ਜਾਂ ਹਿਤ ਪ੍ਰਬਲ ਮਿਖਾ² ਕੋਪ ਉਪਜਾਇ ॥ 18 ॥
ਗੁਰ ਨਾਨਕ ਬਖਸੀਸ ਹੈ ਤੋਹਿ ਬਡੇ ਕਰਿ ਰਾਜ ।
ਤਾਂ ਸਿਉਂ ਤੁਮ ਜੂਝਨ ਕਰੋ ਤੁਛ ਬਾਤ ਕੀ ਬਾਜ ॥ 19 ॥

¹ਅ ਪੋਥੀ ਬਹਿਸਤ ²ਅ ਪੋਥੀ ਸਿਬਯਾ

ਛੰਦ

ਗੁਰੰ ਸਮ ਨ ਕੋਈ । ਪ੍ਰਗਟ ਬਾਤ ਜੋਈ ।
 ਲਲਾਬੇਗ ਘਾਯੋ । ਸੁ ਭ੍ਰਾਤਾ ਹਤਾਯੋ ॥ 20 ॥
 ਤਾਂ ਬੰਸੰ ਉਪਾਰਾ । ਸੁ ਕਾਬਲ ਉਜਾਰਾ ।
 ਤਬੈ ਸਾਹ ਦੇਖਾ । ਹਸਨ ਖਾਨ ਪੇਖਾ ॥ 21 ॥
 ਵਜੀਰੰ ਸੁਣਾਏ । ਨ ਦੇਰੰ ਧਰਾਏ ।
 ਤਬੈ ਤਾਹਿ ਸੂਬਾ । ਕੀਓ ਤਾਹਿ ਖੂਬਾ ॥ 22 ॥
 ਸਿਰੋਪਾਇ ਦੀਨਾ । ਸਵਾ ਲਾਖ ਚੀਨਾ ।
 ਸੁ ਸੈਨਾ ਸੁ ਦੀਨੀ । ਤਬੈ ਸਾਹ ਭੀਨੀ ॥ 23 ॥

ਦੋਹਰਾ

ਸਾਹ ਸੈਨ ਦੇਕੈ ਤਬੈ ਕਾਬਲ ਓਰ ਪਠਾਇ ।
 ਹਸਨ ਖਾਨ ਪਯਾਨਾ ਕੀਓ ਦਯਾ ਸਿੰਧ ਗੁਨ ਗਾਇ ॥ 24 ॥
 ਸੁਨੋ ਸੰਤ ਜਗ ਮਹਿ ਨਹੀਂ ਗੁਰ ਸਮ ਗਰੀਬ ਨਿਵਾਜ ।
 ਤੁਛ ਸਿਪਾਹੀ ਜੰਤ ਥੇ ਦੀਓ ਅਧਿਕ ਗੁਰ ਰਾਜ ॥ 25 ॥

ਚੌਪਈ

ਦੀਓ ਰਾਜ ਗੁਰ ਕੋਨ ਮਿਟਾਵੈ । ਹੋਵੈ ਸੋਇ ਸ੍ਰੀ¹ ਗੁਰ¹ ਭਾਵੈ ।
 ਖਾ ਵਜੀਰ ਅਤਿਸੈ ਸਮਝਾਯੋ । ਬਾਦਸਾਹ ਮਨ ਬੈਰ ਮਿਟਾਯੋ ॥ 26 ॥
 ਭਾਖਯੋ ਕਹਾਂ ਅਸਪ² ਦਰਿਆਈ । ਜਾਂ ਹਿਤ ਏਤੀ ਸੈਨ ਪਠਾਈ ।
 ਇਹ ਤਬ ਸਮਝ ਸਭਨ ਮਨ ਧੀਰਾ । ਤਨ ਨਾਸੀ ਲਖ ਜਾਨ ਗੰਭੀਰਾ ॥ 27 ॥
 ਇਹ ਠਾਂ ਸ੍ਰੀ ਗੁਰ ਚਰਿਤ ਕਰਾਵਹਿ । ਬਨ ਮਹਿ ਅਧਿਕ ਸ਼ਿਕਾਰ ਖਿਲਾਵਹਿ ।
 ਅਸਟ ਦਿਵਸ ਗੁਰ ਤਾਂਹਿ ਰਹਾਏ । ਬਹੁਰੋ ਤਹਿ ਤੇ ਪਯਾਨ ਕਰਾਏ ॥ 28 ॥

ਦੋਹਰਾ

ਸਭਨ ਸੁਨਤ ਸ੍ਰੀ ਮੁਖ ਕਹਾ ਇਹੁ ਤੀਰਥ ਮਮ ਜਾਨ ।
 ਨਾਮ ਗੁਰੂ ਸਰ ਕਲਪਤਰੁ ਸਭ ਸੁਖ ਸੰਪਤ ਖਾਨ ॥ 29 ॥

ਚੌਪਈ

ਇਹੁ ਮਜਨ ਫਲ ਪਯੋ ਚਾਰ । ਕਰ ਦਰਸਨ ਨਹਿ ਪਰੇ ਸੰਸਾਰ ।
 ਅਸ ਕਹਿ ਸ੍ਰੀ ਗੁਰ ਕੀਓ ਇਸਨਾਨਾ । ਭਾਂਤ ਭਾਂਤ ਦੀਨਾ³ ਬਹੁ ਦਾਨਾ ॥ 30 ॥
 ਏਕ ਸਿਖ ਜਾਨ ਰਵਿਦਾਸੀ । ਸੇਵ ਦਮਦਮੇ ਸੌਪ ਬਿਲਾਸੀ ।
 ਸੁਹਨੀ⁴ ਦੀਪ ਈਹਾਂ ਤੁਮ ਕੀਜੈ । ਏਕ ਅਚਲ ਮਨੈ ਕਉ ਦੀਜੈ ॥ 31 ॥

¹ਅ ਤੇ ਏ ਪੋਥੀ ਪ੍ਰਭੂ ਥੀ ²ਅ ਤੇ ਏ ਪੋਥੀ ਅਸੁ ³ਅ ਪੋਥੀ ਕੀਨੋ ⁴ਏ ਪੋਥੀ ਝਾੜੂ

ਦੋਹਰਾ

ਪੂਰ ਕਾਮਨਾ ਸਗਲ ਏ ਜੋ ਤੁਮਰੇ ਮਨ ਮਾਂਹਿ ।
ਰਨਬੰਭਾ ਇਹੁ ਦਮਦਮਾ ਮੁਕਤ ਭੁਗਤ ਫਲ ਦਾਇ ॥ 32 ॥

ਚੌਪਈ

ਭਗਤ ਸਿੰਘ ਗੁਰ ਕ੍ਰਿਪਾ ਨਿਧਾਨਾ । ਸਕਲ ਸੈਨ ਜੁਤ ਕੀਨ ਪਯਾਨਾ ।
ਅਠ ਦਸ ਸੈ ਗੁਰ ਕੀ ਚਲ ਸੈਨਾ ॥ ਜੋਧ ਪਾਂਚ ਸੈ ਮੂਰਤ ਸੈਨਾ ॥ 33 ॥
ਜਾਨ ਭਾਈ ਸ੍ਰੀ ਗੁਰ ਅਸਵਾਰਾ । ਰਵਿ ਹੈ ਲਾਜਤ ਚਾਲ ਨਿਹਾਰਾ ।
ਕਰਤ ਬਾਤ ਕਾਂਗੜ ਮਹਿ ਆਇ । ਤਿਹ ਠਾਂ ਸ੍ਰੀ ਗੁਰੁ ਡੇਰੇ ਪਾਇ ॥ 34 ॥

ਦੋਹਰਾ

ਲੈ ਪ੍ਰਸਾਦਿ ਭੋਟਾ ਧਰੀ ਰਾਇ ਜੋਧ ਕੀ ਨਰਿ ।
ਪਦ¹ ਪੰਕਜ¹ ਗੁਰ ਕੇ ਪਰੀ ਮਨ ਮਹਿ ਆਨੰਦ ਧਰਿ ॥ 35 ॥

ਚੌਪਈ

ਸ੍ਰੀ ਗੁਰ ਦੀਨਾ ਧੀਰ ਅਪਾਰਾ । ਬਡ ਸੁਹਾਗ ਨਹਿ ਦੁਖ ਸੁਧਾਰਾ ।
ਪਰੀ ਰੈਨ ਕੀਨੀ ਬਹੁ ਸੇਵਾ । ਆਏ ਸਦਨ ਜਾਨ ਗੁਰ ਦੇਵਾ ॥ 36 ॥
ਛਿਤਨ ਰੋਰ ਨਿਜ ਸੈਨ ਨਿਹਾਰੀ । ਬਿਸਮੈਂ ਭਈ ਜੋਧ ਕੀ ਨਾਰੀ ।
ਰਾਇ ਜੋਧ ਸਭ ਬਾਤ ਸੁਣਾਈ । ਜੈਸ ਗੁਰੁ ਬਲ ਜੁਧ ਜਿਤਾਈ ॥ 37 ॥

ਦੋਹਰਾ

ਹੈ ਪਿਆਰੀ ਜਗ ਮਹਿ ਨਹੀਂ ਭਗਵਤ [ਸਮ]² ਅਸ ਕੋਇ ।
ਦੀਨ ਦਿਆਲ ਜਸ ਗੁਰੁ ਹੈ ਦਯਾ ਸਿੰਧ ਦੁਖ ਖੋਇ ॥ 38 ॥

ਸੌਰਠਾ

ਕਥਤ ਐਸ ਪਤਿ ਬਾਮ³ ਭਗਤ ਸਿੰਘ ਮੁਖ ਪਾਇਕੈ ।
ਤਬ ਕੀਨੋ ਬਿਸ੍ਰਾਮ ਉਠਹਿ ਹਰਖ ਲਖ ਪ੍ਰਾਤ ਕੋ ॥ 39 ॥

ਚੌਪਈ

ਭੋਰ ਹੋਤ ਸਾਧੂ ਚਲ ਆਯੋ । ਭਾਈ ਰੂਪਾ ਸਾਥ ਸੁਹਾਯੋ ।
ਆਇ ਗੁਰੁ ਪਦ ਪੰਕਜ ਲਾਗੇ । ਕਰ ਦਰਸਨ ਮਨ ਮਹਿ ਸੁਖ ਪਾਗੇ ॥ 40 ॥
ਆਨੰਦ ਕੁਸ਼ਲ ਪੁਛ ਪ੍ਰਭੂ ਸਵਾਮੀ । ਤੋਰ ਕ੍ਰਿਪਾ ਸੁਖ ਹੈ ਸੁਖਧਾਮੀ ।
ਭਲਾ ਭਯਾ ਬਹੁਤੇ ਅਰਿ ਮਾਰੇ । ਗਉ ਧਰਨੀ ਕੀ ਰਖਯਾ ਧਾਰੇ ॥ 41 ॥
ਚਾਹੋ ਨ ਖੇਦ ਦੁਸ਼ਟ ਹਨ ਡਾਰੋ । ਏਹੁ ਲਾਲਾ ਤੁਮ ਦੁਖ ਸਮ ਧਾਰੋ ।
ਚਰਚਾ ਅਨਿਕ ਕਰੀ ਗੁਰ ਸੰਗਾ । ਕੌਨ ਕਵੀ ਕਰ ਬਰਨ ਪ੍ਰਸੰਗਾ ॥ 42 ॥

¹ਅ ਪੋਥੀ ਚਰਨ ਕਮਲ ²ਅ ਪੋਥੀ ਵਿਚੋਂ ³ਅ ਤੇ ਏ ਪੋਥੀ ਨਾਰਿ

ਦੋਹਰਾ

ਤੀਨ ਦਿਵਸ ਸ੍ਰੀ ਗੁਰੁ ਰਹੇ ਰਾਇ ਜੋਧ ਨਿਕਟਾਇ ।
ਚਤੁਰਥ ਦਿਨ ਪਿਆਨਾ ਕੀਓ ਸਭ ਕਉ ਧੀਰ ਧਰਾਇ ॥ 43 ॥

ਚੌਪਈ

ਸਾਧੂ ਰੂਪ ਚੰਦ ਸੁਖ ਪਾਏ । ਲੈ ਆਇਸ ਪੁਰ ਓਰ ਸਿਧਾਏ ।
ਰਾਇ ਜੋਧ ਕਹਿ ਸੰਗ ਸਿਧਾਵਉ । ਪਦ ਪੰਕਜ ਕੀ ਸੇਵ ਕਰਾਵਉ ॥ 44 ॥
ਰਹੇ ਈਹਾਂ ਗੁਰੁ ਬੈਨ ਉਚਾਰਾ । ਸਤਿਨਾਮ ਜਪ ਮੰਤ੍ਰ ਉਦਾਰਾ ।
ਦਸਮ ਰੂਪ ਧਰ ਤੁਮ ਢਿਗ¹ ਆਵਓ । ਬੈਨ ਈਹਾਂ ਵਡ ਚਰਿਤ ਕਰਾਵਓ ॥ 45 ॥

ਦੋਹਰਾ

ਤਬ ਲਗ ਤਨ ਤੁਮਰੋ ਰਹੈ ਬਹੁਰ ਜਾਇ ਗੁਰ ਧਾਮ ।
ਸੰਤ ਸੇਵ ਨਿਸ ਦਿਨ ਧਰੋ ਕਰਓ ਸਦਨ ਬਿਸ੍ਵਾਮ ॥ 46 ॥

ਸਵੈਯਾ

ਗਿਆਨ ਦ੍ਰਿੜ੍ਹਾਇ ਸੁਨਾਇ ਕੈ ਮੰਤ੍ਰ ਰਾਇ ਤੀਆ² ਜੁਤ ਆਨੰਦ ਪਾਯੋ ।
ਭੇਟ ਚਲੀ ਅਨਪਾਰ ਉਪਾਰ ਕੈ ਸਿੰਧ ਦਯਾ ਪੁਨ ਪਿਆਨ ਕਰਾਯੋ ।
ਸੈਨ ਪਧਾਰ ਸ੍ਵਾਰ ਪ੍ਰਭੂ ਅਸ ਚਾਲ ਪਿਥੇ ਖਗ ਰਾਜ ਲੁਭਾਯੋ ।
ਪੰਥ ਬਸੈ ਨਿਸ ਤੀਨ ਦਯਾ³ ਨਿਧ ਪੁਰ ਕਰਤਾਰ ਤਬੈ ਨੀਯਰਾਯੋ ॥ 47 ॥

ਸੋਰਠਾ

ਬਾਜਤ ਬਾਜ ਅਪਾਰ ਭਾਟ ਕਲਾਵਤ ਧੁਨ ਕਰੈ ।
ਬਾਬੇ ਆਦਿ ਸੁ ਸਾਰ ਧਰ⁴ ਭੇਟਾ ਆਗੇ ਮਿਲਹਿੰ ॥ 48 ॥

ਦੋਹਰਾ

ਪੁਸ਼ਪ ਮਾਲ ਗਲ ਮੈਂ ਡਰੈ ਮਨ ਪੁਰ ਜਨ ਸੁਖ ਪਾਇ ।
ਧਰ ਪ੍ਰਸਾਦ ਬਿਨਤੀ ਕਰੀ ਅਤਰ ਅਧਿਕ ਛਿਨਕਾਇ ॥ 49 ॥

ਚੌਪਈ

ਸਨੈ ਸਨੈ ਗੁਰ ਅਗੂ ਚਲਾਵਹਿੰ । ਸਭ ਪੁਰ ਜਨ ਕਉ ਧੀਰ ਧਰਾਵਹਿੰ ।
ਇਹ ਬਿਧ ਨਿਜ ਮਹਲੀ ਪਹੁੰਚਾਏ । ਸ੍ਰੀ ਗ੍ਰੰਥ ਕਉ ਦਰਸਨ ਪਾਏ ॥ 50 ॥
ਧਰ ਪ੍ਰਸਾਦਿ ਬਹੁ ਬਿਨਤਿ ਉਚਾਰੀ । ਕਰ ਬੰਦਨ ਪੁਰ ਚਲੈ ਮੁਰਾਰੀ ।
ਸਭ ਸੰਗਤ ਤਿਹ ਪੀਛੈ ਜਾਵੈ । ਅਦਬ ਸਹਿਤ ਸਭ ਸੀਸ ਨਿਵਾਵੈ ॥ 51 ॥

ਦੋਹਰਾ

ਗਏ ਬਹੁਰ ਪਰਵਾਰ⁵ ਮਹਿ ਲਗੈ ਚਰਨ ਸਭ ਆਇ ।
ਦੋਉ ਮਾਤ ਚਰਨੀ ਲਗੀ ਸੁਨੁਖਾ ਸਹਿ ਅਧਿਕਾਇ ॥ 52 ॥

¹ਅ ਪੌਥੀ ਨਾਹਿ ²ਅ ਤੇ ਏ ਪੌਥੀ ਨਾਹਿ ³ਏ ਪੌਥੀ ਕ੍ਰਿਪਾ ⁴ਏ ਪੌਥੀ ਲੈ ⁵ਅ ਤੇ ਏ ਪੌਥੀ ਕ੍ਰਿਟੰਬ

ਬਾਬੇ ਕਉ ਸ੍ਰੀ ਮੁਖ ਕਹਾ ਸੇਨਾ ਕੀ ਸੁਧ ਲੇਹ ।
 ਇਛਾ ਜਿਹੇ ਕੀ ਸੋ ਕਰੋ ਮਨ ਇਛਤ ਸੁਖ ਦੇਹ ॥ 53 ॥
 ਮਾਤ ਚਰਨੀ ਬਿਧੀਆ ਲਗੋ ਮਿਲਿ ਬਾਬੇ ਕੇ ਅੰਗ ।
 ਬਹੁਰ ਮਿਲਿਓ ਰਵਿ ਅਣੀ ਕਉ ਮੂਰਤ ਦੇਖ ਮਯੋਕ ॥ 54 ॥

ਸੋਰਠਾ

ਮਨ ਇਛਤ¹ ਸੁਖ ਦੀਨ, ਬਾਬੇ ਗੁਰੁ ਆਇਸ ਧਰੀ ।
 ਸਕਲ ਸੈਨ ਰੁਚ ਚੀਨ, ਕਮੀ ਕੌਨ ਸ੍ਰੀ ਗੁਰੁ ਜਹਾਂ ॥ 55 ॥

ਚੌਪਈ

ਪੈਦੇ ਖਾਂ ਬਹੁਰੋ ਚਲ ਆਯੋ । ਦਯਾ ਸਿੰਧ² ਕੇ ਪਗ ਲਪਟਾਯੋ ।
 ਕੁਸਲ ਪੂਛ ਗੁਰੁ ਕੀਨੀ ਧੀਰਾ । ਬਿਧੀਆ ਅੰਕ ਮਿਲੇ ਸੁ ਗੰਭੀਰਾ ॥ 56 ॥
 ਜਾਤੀ ਮਲ ਸੂਰ ਥੇ ਜੇਤੇ । ਪੈਦੇ ਸਿਉ ਮਿਲ ਆਨੰਦ ਤੇਤੇ ।
 ਧਰੀ ਨਿਸਾ ਪੁਰ ਜਨ ਸਭ ਆਏ । ਧਰ ਪ੍ਰਸਾਦ ਪ੍ਰਭ³ ਦਰਸਨ ਪਾਏ ॥ 57 ॥

ਦੋਹਰਾ

ਬਿਧੀ ਚੰਦ ਸਭ ਕਉ ਤਬੈ ਆਹਵ ਗਾਥ ਸੁਨਾਇ ।
 ਸੁਨਤ ਗਾਥ ਉਸਤਤਿ ਕਰੀ ਪਦ ਪੰਕਜ ਲਪਟਾਇ । 59 ॥

ਚੌਪਈ

ਦੈ ਧੀਰਜ ਆਇਸ ਪ੍ਰਭ ਦੀਨੀ । ਪੁਰ ਜਨ ਮਨ ਮਾਹਿ ਆਨੰਦ ਲੀਨੀ ।
 ਦੀਪਮਾਲ ਬਹੁ ਭਾਂਤ ਕਰਾਈ । ਬਾਜੀ ਅਸਤ ਬਿਅੰਤ ਚਲਾਈ ॥ 60 ॥
 ਮਾਨਹੁ ਜੁਧ ਸੰਬਰ ਪਾਛੇ । ਮੰਗਲ ਭਯੋ ਅਧਿਕ ਰੁਚ ਆਛੇ ।
 ਏ ਬਿਧ ਮੰਗਲ ਹੋਤ ਅਪਾਰਾ । ਬਾਜਤ ਜੈ ਕੇ ਨੀਤ ਨਗਾਰਾ ॥ 61 ॥

ਦੋਹਰਾ

ਪੈਦੇ ਖਾਂ ਪੂਛਤ ਭਯੋ ਆਦਿ ਅੰਤ ਮਨ ਲਾਇ ।
 ਬਿਧੀ ਚੰਦ ਆਹਵ ਕਥਾ ਸਭ ਹੀ ਦਈ ਸੁਨਾਇ ॥ 62 ॥

ਚੌਪਈ

ਪੈਦੇ ਖਾਂ ਸੁਨ ਬਿਸਮੈ ਪਾਈ । ਬਡ ਸੈਨਾ ਤੁਰਕਾਨੀ ਘਾਈ ।
 ਜੇ ਹਉ ਹੋਤ ਗੁਰੂ ਕੇ ਸੰਗਾ । ਨਿਜ ਬਲ ਕਰਤ ਭਾਰ ਤਹਿੰ ਜੰਗਾ ॥ 63 ॥
 ਗੁਰੁ ਕੋ ਜੇਠਾ ਹੈ ਹਤ ਹੋਈ । ਜੈ ਮੇ ਜੁਧ ਵਿਖੇ ਨਹ ਜੋਈ ।
 ਬਿਧੀ ਚੰਦ ਕਹ ਬਲ ਅਸ ਭਾਈ । ਤੁਮਰੇ ਬਲ ਕੀ ਉਪਮ ਮਹਾਈ ॥ 64 ॥

ਦੋਹਰਾ

ਪਰ ਗੁਰੂ ਕੀ ਇਛਾ ਪ੍ਰਬਲ ਹੋਵਤ ਜੋ ਪ੍ਰਭ ਭਾਇ ।
 ਤੋ ਕਉ ਬਲੀ ਪਛਾਨ ਕੈ ਦੀਨਾ ਈਹਾਂ ਪਠਾਇ ॥ 65 ॥

¹ਅ ਪੌਥੀ ਬਾਛਤ ²ਅ ਤੋ ਏ ਪੌਥੀ ਕ੍ਰਿਪਾਨਿਧਿ ³ਅ ਪੌਥੀ ਗੁਰ

ਚੌਪਈ

ਕਰਤ [ਬਾਤੀ]¹ ਕਛ ਨਿਸਾ ਬਿਹਾਈ । ਭੋਜਨ ਕੀਨ ਤਬੈ ਜਗ ਸਾਂਈ ।
 ਕਰ ਭੋਜਨ ਗੁਰੁ ਆਇਸ ਪਾਇ । ਨਿਜ ਨਿਜ ਆਸ੍ਰਮ ਸਭੈ ਸਿਧਾਇ ॥ 66 ॥
 ਸ੍ਰੀ ਗੁਰੁ ਸੁੰਦਰ ਪਲੰਘ ਬਿਰਾਜੈ । ਦੇਖ ਅਨੰਗ ਤਾਂਹਿ ਛਬਿ ਲਾਜੈ ।
 ਮਾਤ ਨਾਨਕੀ ਔ ਮਰਵਾਹੀ । ਕਰਤ ਸੇਵ ਮਨ ਮਾਂਹਿ ਉਮਾਹੀ ॥ 67 ॥

ਦੋਹਰਾ

ਮਾਤ ਨਾਨਕੀ ਜੋਰ ਕਰ ਆਨੰਦ ਕੁਸਲ ਪੁਛਾਇ ।
 ਪੂਛਤ ਹੈ ਕਿਹ ਬਿਧ ਅਏ ਮੋਕਉ ਕਥਾ ਸੁਨਾਇ ॥ 68 ॥

ਚੌਪਈ

ਪੁਨਾ ਜੁਧ ਜਸ ਭਯੋ ਉਚਾਰੋ । ਦਾਸੀ ਜਾਨ ਗੋਪ ਨਹਿ ਧਾਰੋ ।
 ਭਗਤ ਸਿੰਘ ਪ੍ਰਭ ਆਨੰਦ ਪਾਇ । ਬਿਧੀ ਚੰਦ ਕੀ ਕਥਾ ਸੁਨਾਇ ॥ 69 ॥
 ਏਕ ਅਸ੍ਰ ਘਾਹੀ ਬਨ ਲਯਾਯੋ । ਬਨ ਖੋਜੀ ਹੈ ਦੁਤੀ ਚੁਰਾਯੋ ।
 ਪੁਨਾ ਜੁਧ ਬਹੁ ਭਾਂਤ ਮਚਾਇ । ਸੈਨ ਮਲੇਛੀ ਬਿਧੀਏ ਘਾਇ ॥ 70 ॥

ਦੋਹਰਾ

ਬਿਧੀਏ ਸਮ ਕਉ ਚੋਰ ਨਹਿ ਪੁਨਾ ਬਲੀ ਨਹਿ ਕੋਇ ।
 ਗੁਰ ਸੇਵਕ ਤਨ ਮਨ ਭਯੋ ਪਾਛੇ ਹੋਇ ਨ ਹੋਇ ॥ 71 ॥

ਚੌਪਈ

ਭਗਤ ਸਿੰਘ ਸ੍ਰੀ ਮੁਖਹੁ ਅਲਾਈ । ਬਿਧੀ ਚੰਦ ਕੀ ਉਪਮ ਮਹਾਈ² ।
 ਅਧਿਕ ਆਪ ਤੇ ਸੇਵਕ ਸੋਭਾ । ਮਨ ਅਪਨੇ ਤਿਹ ਸੇਵਾ ਲੋਭਾ ॥ 72 ॥
 ਮਾਤ ਨਾਨਕੀ ਸੁਨ ਗੁਰੁ ਬਾਨੀ । ਬਿਸਮੈ ਭਈ ਪ੍ਰੇਮ ਰਸ ਸਾਨੀ ।
 ਐਸ ਚੋਰ ਨਹ ਕਬ ਹੀ ਸੁਨਿਯੋ । ਸਭੈ ਦੇਖ ਤਹ ਅਸ ਸੁਖ ਮਨਿਯੋ ॥ 73 ॥

ਦੋਹਰਾ

ਕੀਨ ਸੈਨ ਸ੍ਰੀ ਗੁਰ ਤਬੈ ਮਨੀ ਸਿੰਘ ਪੁਨ ਗਾਇ ।
 ਭਗਤਿ ਸਿੰਘ ਬਿਧੀਆ ਸੁਨਓ ਅਵਲ ਚੋਰ ਮਹਾਇ ॥ 74 ॥

ਚੌਪਈ

ਅਦਲੀ ਮਿਲ ਚੋਰੀ ਛਡ ਦੀਨੀ । ਗੁਰੁ ਅਰਜੁਨ ਕੀ ਸਿਖਯਾ ਲੀਨੀ ।
 ਪਰਉਪਕਾਰ ਹੇਤ ਕਰ ਚੋਰੀ । ਅਪਨੋ ਲੋਭ ਧਾਰ ਨਹੀਂ ਭੋਰੀ ॥ 75 ॥
 ਭਗਤ ਸਿੰਘ ਪੁਨ ਬਿਨੈ ਉਚਾਰੀ । ਕਹੋ ਵਿਥਾਰ ਗਾਥ ਸੁਖਕਾਰੀ ।
 ਅਦਲੀ ਕੋ ਤਿਹ ਕੈਸ ਮਿਲਾਏ । ਕਰ ਚੋਰੀ ਪੁਨ ਜੈਸ ਤਜਾਏ ॥ 76 ॥

¹ਅ ਪੋਥੀ ਵਿਚੋਂ ²ਅ ਤੇ ਏ ਪੋਥੀ-ਅਧਿਕਾਈ

ਦੋਹਰਾ

ਕੋ ਸਥਾਨ ਤਿਹ ਸਭ ਕਹੋ ਗੁਰੁ ਕਉ ਕੈਸ ਮਿਲਾਇ ।
ਗੋਪ ਰਖੋ ਜਿਨ ਦਾਸ ਤੇ ਗਾਥਾ ਸਗਲ ਸੁਨਾਇ ॥ 77 ॥

ਚੌਪਈ

ਮਨੀ ਸਿੰਘ ਕਹਿ ਬਿਧੀਏ ਗਾਥਾ । ਚੋਰੀ ਕੀ ਸੁਨੋ ਹਿਤ ਸਾਥਾ ।
ਬਿਧੀਆ ਚੋਰੀ ਅਧਿਕ ਕਰਾਵੈ । ਭਾਂਤਿ ਭਾਂਤਿ ਕਾ ਦਰਬ ਹਿਰਾਵੈ ॥ 78 ॥
ਪੁਰ [ਸੁਲਤਾਨ]¹ ਗਯੋ ਇਕ ਵਾਰੀ । ਮਝੀਂ ਹਿਰੀਆਂ ਅਤਿ ਬਲਧਾਰੀ ।
ਮਝੀ ਕਾ ਖੰਧਾ² ਹਿਰ ਲੀਨੋ । ਨਿਜ ਪੁਰ ਓਰ ਪਿਆਨਾ ਕੀਨੋ ॥ 79 ॥

ਦੋਹਰਾ

ਪਾਛੇ ਲਾਗ ਗੁਹਾਰ ਬਡ ਚਲਤ [ਚਲਤ]² ਤਹਿ ਆਇ ।
ਕਛੂ ਫਰਕ ਦਿਖ ਖੋਜ ਕਉ ਚੇਲੇ ਕੇ ਨਿਕਟਾਇ ॥ 80 ॥

ਚੌਪਈ

ਬਿਧੀਏ ਪਾਛ ਗੁਹਾਰ ਨਿਹਾਰ । ਨਿਜ ਮਨ ਐਸੇ ਕੀਨ ਵਿਚਾਰ ।
ਭਾਈ ਅਦਲੀ ਅਗੂ ਨਿਹਾਰਾ । ਕਰ ਇਸਨਾਨ ਮੁਖ ਮੰਤ੍ਰ ਉਚਾਰਾ ॥ 81 ॥
ਬਿਧੀਆ ਤਾਂਹਿ ਚਰਨ ਕਉ ਲਾਗਾ । ਬਿਨਤੀ ਕਰੀ ਪ੍ਰੇਮ ਰਸ ਪਾਗਾ ।
ਕਹ ਅਦਲੀ ਗੁਰੁ ਅਰਜਨ ਦੇਵ । ਰਾਖੈ ਤੋਰੀ ਲਾਜ ਅਭੇਵ ॥ 82 ॥

ਦੋਹਰਾ

ਮਝੀ ਰਦ ਪ੍ਰਵੇਸ਼ ਕੈ ਆਇ ਗੁਹਾਰੂ ਧਾਇ ।
ਤਹਿ ਤਕ ਖੋਜ ਨਿਹਾਰਿਓ ਆਗੇ ਨਾਂਹਿ ਦਿਖਾਇ ॥ 83 ॥

ਚੌਪਈ

ਇਤ ਉਤ ਦੇਖਤ ਖੋਜ ਨ ਕੋਈ । ਬਿਸਮੈ ਭਏ ਸਕਲ ਜਨ ਸੋਈ ।
ਭਾਈ ਅਦਲੀ ਬਚਨ ਉਚਾਰਾ । ਰੇ ਜਨ ਕਿਆ ਢੂੰਢਤ ਇਹੁ ਵਾਰਾ ॥ 84 ॥
ਕਹਾ ਗੁਹਾਰੂ ਮਝੀ ਮੋਰੀ । ਹਿਰੀ ਸਗਲ ਸੁੰਦਰ ਕਹ ਚੋਰੀ ।
ਏਤਕ ਖੋਜ ਅਗੂ ਨਹਿ ਕੋਈ । ਬਿਸਮੈਵੰਤ ਯਾਹਤੇ ਹੋਈ ॥ 85 ॥

ਦੋਹਰਾ

ਭਾਈ ਅਦਲੀ ਅਸ ਕਹਾ ਏ ਮਝੀ ਰਦ ਮਾਂਹਿ ।
ਇਨ ਤੇ ਅਪਨ ਪਛਾਨ ਕੈ ਲੀਜੈ ਧਾਰ ਉਮਾਹਿ ॥ 86 ॥

ਚੌਪਈ

ਤਬੈ ਗੁਹਾਰੂ ਬੈਨ ਅਲਾਏ । ਮੋਰ ਸ਼ਾਮ ਏ ਬੂਰ ਦਿਖਾਏ ।
ਅਸ ਕਹ ਗਏ ਸਦਨ ਬਿਸਮਾਇ । ਪੁਨ ਅਦਲੀ ਅਸ ਬੈਨ⁴ ਅਲਾਇ ॥ 87 ॥

¹ਅ ਪੋਥੀ ਵਿਚੋਂ ²ਅ ਤੇ ਏ ਪੋਥੀ ਵਗ ³ਅ ਪੋਥੀ ਵਿਚੋਂ ⁴ਅ ਪੋਥੀ ਬਚਨ

ਬਿਧੀਆ ਇਹ ਗੁਰੂ ਕੀ ਵਡਿਆਈ । ਲੀਏ ਨਾਮ ਭੈ ਸਕਲ ਹਰਾਈ ।
 ਮਝੀ ਸ਼ਾਖ ਬੂਰੀ ਕਰ ਦੀਨੀ । ਐਸੇ ਗੁਰ ਹਮ ਕਹੀਂ ਨਾ ਚੀਨੀ ॥ 88 ॥
 ਕਹਿ ਬਿਧੀਆ ਚੋਰੀ ਤਜ ਦੀਜੈ । ਗੁਰ ਅਰਜਨ ਕੀ ਸਿਖਿਆ ਲੀਜੈ ।
 ਕਹਿ ਬਿਧੀਆ ਚਾਲਉਂ ਤਉ ਸੰਗਾ । ਜਹਿ ਗੁਰੁ ਕਰਤ ਚਰਿਤ ਸਮ ਗੰਗਾ ॥

ਦੋਹਰਾ

ਮਾਝੀ ਦੈ ਨਿਜ ਸੰਤ ਕਉ ਅਦਲੀ ਸੰਗਿ ਲਵਾਇ ।
 ਸੁਧਾ ਸਰੋਵਰ ਤਬ ਅਏ ਦੋਉ ਅਧਿਕ ਹਰਖਾਇ ॥ 90 ॥

ਚੌਪਈ

ਗੁਰੁ ਅਰਜਨ ਕੀ ਚਰਨੀ ਲਾਗੇ । ਭਗਤ ਸਿੰਘ ਦੋਈ ਰਸ ਪਾਗੇ ।
 ਅਦਲੀ ਕਹੀ ਬਾਤ ਸਮਝਾਇ । ਬਿਧੀਆ ਤਕ ਆਯੋ ਸਰਨਾਇ ॥ 91 ॥
 ਚਰਨ ਧੋਇ^੧ ਸ੍ਰੀ ਗੁਰੁ ਪਿਆਏ । ਸਤਿਨਾਮ ਕੋ ਮੰਤ੍ਰ ਸੁਨਾਏ ।
 ਦੈ ਸਿਖਿਆ ਮੁਖ ਸਾਚ ਅਲਾਇ । ਚੋਰੀ ਪਰਉਪਕਾਰ ਕਰਾਇ ॥ 92 ॥

ਦੋਹਰਾ

ਸੁਨ ਸਿਖਿਆ ਸ੍ਰੀ ਗੁਰੂ ਕੀ ਬਿਧੀਏ ਮਨ ਅਸ ਧਾਰ ।
 ਅਦਲੀ ਕਉ ਨਿਜ ਸੰਗ ਲੈ ਚੇਲੇ ਓਰ ਪਧਾਰ ॥ 93 ॥
 ਅਦਲੀ ਕੀ ਬਿਧੀਆ ਕਰੇ ਸੇਵਾ ਗੁਰ ਸਮ ਜਾਨ ।
 ਨਿਜ ਨਾਨਕ ਸਰਹਾਲੀ ਗਯੋ ਜਬ ਜਬ ਰੁਚ ਉਪਜਾਨ ॥ 94 ॥

ਚੌਪਈ

ਏਕ ਦਿਵਸ ਅਸ ਕੋਤਕ ਕੀਨੋ । ਜਾਸ ਸੁਨਤ ਮਨ ਆਨੰਦ ਭੀਨੋ ।
 ਇਕ ਦ੍ਰਿਸ਼ ਨਾਰ ਸੁਤਾ ਤਿੰਹ ਪਿਆਰੀ । ਵਰ ਲਾਇਕ ਅਤਿਸੈ ਸੁ ਕੁਮਾਰੀ ॥ 95 ॥

ਦੋਹਰਾ

ਗ੍ਰਿਹ ਮਹਿ ਦਰਬ ਨ ਦੇਨ ਕੋ ਬਡ ਚਿੰਤਾ ਮਨ ਪਾਇ ।
 ਬਿਧੀਏ ਕਾ ਜਸ ਸੁਨ ਅਯੋ ਪਰਉਪਕਾਰ ਕਰਾਇ ॥ 96 ॥

ਚੌਪਈ

ਬਿਧੀਆ ਆਗੇ ਧੋਨ ਸਥਾਨਾ । ਬੈਠੋ ਲਾਇ ਗੁਰੂ^੨ ਕਉ ਧਿਆਨਾ ।
 ਤਬ ਲੋ ਢਿਗ ਆਈ ਦ੍ਰਿਸ਼ ਨਾਰੀ । ਹਾਥ ਜੋਰ ਪੁਨ ਬਿਨਤ ਉਚਾਰੀ ॥ 97 ॥
 ਕਾਰਿ ਸੁਤਾ ਹਿਤ ਕਰ ਉਪਕਾਰਾ । ਕੋਟ ਯਗ ਸਮ ਫਲ ਨਿਰਧਾਰਾ ।
 ਬਿਧੀਏ ਕਹਾ ਕੇਤ ਧਨ ਚਾਹਾ । ਹੋਇ ਪਾਂਚ ਸੈ ਪਰ ਨਿਰਬਾਹਾ ॥ 98 ॥

ਦੋਹਰਾ

ਬਿਧੀ ਚੰਦ ਬਹੁਰੋ ਕਹਾ ਪ੍ਰਾਤ ਸਮੈ ਈਹਾ ਆਇ ।
 ਲੀਜੋ ਧਨ ਮਨ ਇਛ ਜਿਤ ਅਬ ਨਿਜ ਧਾਮ ਸਿਧਾਇ ॥ 99 ॥

^੧ਅ ਪੱਥੀ ਚਰਨਾਮ੍ਰਿਤ ^੨ੲ ਪੱਥੀ ਸਤਿਗੁਰ

ਚੌਪਈ

ਦਿਜ ਨਾਰੀ ਤਬ ਸਦਨ¹ ਪਧਾਰੀ । ਬਿਧੀਏ ਮਨ ਮਹਿ ਧਰਿ ਉਪਕਾਰੀ ।
ਤਾਂਹਿ ਸਮੇ ਬਾਤ ਸੁਨ ਪਾਈ । ਜਹਾਂਗੀਰ ਕੀ ਬੇਗਮ ਆਈ ॥ 100 ॥
ਚੁੱਬੇ ਕੇ ਪਤਣ ਤਿੰਹ ਡੇਰਾ । ਕਹ ਜਨ ਸੋਇ ਨੈਨ ਜਿਹ ਹੇਰਾ ।
ਤੀਨ ਕੋਸ ਸੁਨ ਬਿਧੀਆ ਧਾਯੋ । ਪਰੀ ਰੈਨ ਡੇਰੇ ਮਧ ਆਯੋ ॥ 101 ॥

ਦੋਹਰਾ

ਰੂਪ ਪਾਹਰੂ ਕਾ ਕਰਾ ਅਰਧ ਜਾਮਨੀ ਜਾਨ ।
ਅਯੋ ਪਲੰਘ ਬੇਗਮ ਜਹਾਂ ਗੁਰੂ ਗੁਰੂ ਮੁਖ ਗਾਨ ॥ 102 ॥

ਚੌਪਈ

ਤਹ ਸੰਦੂਕ ਧਨ ਕੇ ਬਹੁ ਪਰੇ । ਪਾਹਰੂ ਦੇਖਤੇ ਤਾਂਹਿ ਕੇ ਖਰੇ ।
ਸੰਦੂਕਨ ਕੋ [ਜਬ]² ਹਾਥ ਛੁਹਾਵੈ । ਤਤਕਾਲ ਤਾਲਾ ਖੁਲ ਜਾਵੈ ॥ 103 ॥
ਬਿਧੀਏ ਤਾਲੇ ਹਾਥ ਲਗਾਯੋ । ਤਾਹੀ ਛਿਨ ਸੋ ਭੂਮਿ ਗਿਰਾਯੋ ।
ਸੰਦੂਕ ਮਾਂਹਿ ਧਨ ਅਧਿਕ ਨਿਹਾਰਾ । ਭੂਖਨ ਜਰਤ ਵਾਰ ਨਾ ਪਾਰਾ ॥ 104 ॥

ਦੋਹਰਾ

ਬਸਤ ਪਾਂਚ ਸੈ ਕੀ ਲਈ ਜਿਤੀ ਇਛ ਤਹਿ ਜਾਨ ।
ਆਇ ਠੌਰ ਤਿੰਹ ਧਨ ਦੀਓ ਦਿਜ ਨਾਰੀ ਸੁਖ ਜਾਨ ॥ 105 ॥

ਚੌਪਈ

ਭੋਰ ਹੋਤ ਬੇਗਮ ਬਿਸਮਾਈ । ਬਸਤ ਪਾਂਚ ਸੈ ਕੀ ਕਹਿ ਠਾਂਈ ।
ਔਰ ਅਮੋਲਕ ਦਰਬ ਨ ਲੀਨੋ । ਐਸ ਬਿਚਾਰ ਪਿਆਨਾ ਕੀਨੋ ॥ 106 ॥
ਜਹਾਂਗੀਰ³ ਕੋ ਜਾਇ ਸੁਨਾਯੋ । ਚੋਰ ਨਿਸਾ ਮਮ ਦਰਬ ਹਰਾਯੋ ।
ਬਾਦਸ਼ਾਹ ਸੁਨ ਬਾਂਧ ਮੰਗਏ । ਦੂਰ ਨਿਕਟ ਪੁਰ ਜੇਤ ਸੁਨਾਏ ॥ 107 ॥

ਦੋਹਰਾ

ਕਰੀ ਤਾੜਨਾ ਅਧਿਕ ਤਬ ਦੀਜੋ ਚੋਰ ਬਤਾਏ ।
ਨਾਤਕ ਹਰੁ ਸੁ ਪ੍ਰਾਨ ਸਬ ਦੇਵਉ ਅਧਿਕ ਸਜਾਇ ॥ 108 ॥

ਚੌਪਈ

ਸੁਨਤ ਐਸ ਸਬ ਹੀ ਬਿਸਮਾਏ । ਸਰਹਾਲੀ ਜਨ ਐਸ ਅਲਾਏ ।
ਮਮ ਦੁਹਤਾ ਇਹ ਬਿਧੀਏ ਕਾਜ । ਚਲੋ ਤਾਂਹਿ ਢਿਗ ਰਾਖੈ ਲਾਜ ॥ 109 ॥
ਅਸ ਵਿਚਾਰ ਬਿਧੀਏ ਢਿਗ ਆਇ । ਕਹੀ ਬਾਤ ਬਹੁ ਜਨ ਦੁਖ ਪਾਇ ।
ਚਲੋ ਆਪ ਕੀਜੈ ਉਪਕਾਰਾ । ਬਿਧੀ ਚੰਦ ਬਚ ਮਾਨ ਪਧਾਰਾ ॥ 110 ॥

¹ਏ ਪੋਥੀ ਧਾਮ ²ਅ ਪੋਥੀ ਵਿਚੋਂ ³ਅ ਤੋਂ ਏ ਪੋਥੀ ਬਾਦਸ਼ਾਹਿ

ਦੋਹਰਾ

ਜਹਾਂਗੀਰ ਢਿਗ ਜਾਇ ਕੈ ਐਸੇ ਕਹਾ ਸੁਨਾਇ ।
ਕਾ ਹਿਤ ਪਕਰੇ ਸਕਲ ਜਨ ਮੋਕਉ ਚੋਰ ਲਖਾਇ ॥ 111 ॥

ਚੌਪਈ

ਦੇਖ ਸਾਹ ਅਸ¹ ਬੈਠ ਅਲਾਏ । ਕਾਹਿਤ ਬੋਰਾ ਦਰਬ² ਚੁਰਾਏ ।
ਕਹ ਬਿਧੀਆ ਮਮ ਗੁਰ ਸਿਖ ਜਾਨੋ । ਗੁਰ ਅਰਜੁਨ ਕਾ ਦਾਸ ਪਛਾਨੋ ॥ 112 ॥
ਤਿੰਹ ਸਿਖਿਯਾ ਹਿਤ ਪਰ ਉਪਕਾਰੀ । ਚੋਰੀ ਕੀਜੈ ਲੋਭ ਨਾ ਧਾਰੀ ।
ਬਿਪ੍ਰ³ ਸੁਤਾ ਕੇ ਹਿਤ ਕਰ ਚੋਰੀ । ਕੀਨੀ ਮਮ ਇਛਾ ਬੀ ਜੋਰੀ ॥ 113 ॥

ਦੋਹਰਾ

ਔਰ ਦਰਬ ਮਮ ਕਾਮ⁴ ਨਹਿ ਸੁਨਤ ਸਾਹਿ ਬਿਸਮਾਇ ।
ਗੁਰੁ ਅਰਜਨ ਕਾ ਨਾਮ ਸੁਨ ਧੰਨ ਧੰਨ ਮੁਖ ਗਾਇ ॥ 114 ॥

ਚੌਪਈ

ਦੀਏ ਛੋਡ ਸਭ ਨਿਜ ਪੁਰ ਆਏ । ਬਿਧੀ ਚੰਦ ਕਾ ਜਸ ਪ੍ਰਗਟਾਏ ।
ਤਾਂ ਦਿਨ ਤੇ ਬਿਧੀਆ ਗੁਰ ਸੰਗਾ । ਸਦ ਹੀ ਰਹੈ ਸੁ ਧਾਰ ਉਮੰਗਾ ॥ 115 ॥
ਐਸੀ ਗਾਥ ਅਨੇਕ ਪਛਾਨੋ । [ਬਵੈ]⁵ ਗ੍ਰੰਥ ਜੋ ਸਗਲ ਬਖਾਨੋ ।
ਭਯੋ ਭੋਰ ਜਬ ਨਿਸਾ ਬਿਹਾਈ । ਸੁਨੋ ਬਾਤ ਮਾਤਾ ਮਨ ਆਈ ॥ 116 ॥

ਦੋਹਰਾ

ਬਿਧੀਏ ਕੀ ਉਪਮਾ ਕਰੀ ਸ੍ਰੀ ਗੁਰ ਬਹੁ ਪਰਕਾਰ ।
ਲੇਹੂੰ ਪਰੀਖਯਾ ਤਾਂਹਿ ਕਛ ਲੀਨਾ ਨਿਕਟ ਹਕਾਰ ॥ 117 ॥

ਚੌਪਈ

ਬਿਧੀ ਚੰਦ ਮਾਤਾ ਪਗ ਲਾਗਾ । ਕਾਹਿਤ ਬੋਲ ਪੂਛ ਰਸ ਪਾਗਾ ।
ਮਾਤ ਨਾਨਕੀ ਬੈਠ⁶ ਉਚਾਰੇ । ਤੈਂ ਗੁਰੁ ਕੇ ਸਦ ਕਾਜ ਸਵਾਰੇ ॥ 118 ॥
ਸ੍ਰੀ ਮੁਖ ਕੀਨੀ ਤੋਰ ਬਡਾਈ । ਬਿਧੀ ਚੰਦ ਹੈ ਚੋਰ ਮਹਾਈ ।
ਤਾਂਤੇ ਤੋਕਉ ਨਿਕਟ ਬੁਲਾਯੋ । ਏ ਕੌਤਕ ਹਮਰੇ ਮਨ ਭਾਯੋ ॥ 119 ॥

ਦੋਹਰਾ

ਸਾਹਿ ਅਸਵ ਗੁਰ ਹਿਤ ਅਏ ਮਮ ਹਿਤ ਭੂਖਨ ਲਯਾਇ ।
ਜਰ ਚੂਨੀ ਬੇਗਮ ਸੁਖਦ ਰੰਕ ਨ ਕੋਇ ਦੁਖਾਇ ॥ 120 ॥

ਚੌਪਈ

ਬਿਧੀਏ ਕਹਾ ਸੁ ਆਇਸ ਦੀਜੈ । ਗੁਰ ਪ੍ਰਤਾਪ ਚਾਹੋ ਜਿਤ ਲੀਜੈ ।
ਅਸ ਕਹਿ ਪਦ ਪੰਕਜ⁷ ਲਪਟਾਯੋ । ਕਰ ਬੰਦਨ ਤਾਹੀ ਛਿਨ ਧਾਯੋ ॥ 121 ॥

¹ਅ ਪੌਥੀ ਇਸ ²ਦ ਪੌਥੀ ਧਨ ³ਅ ਤੇ ਦ ਪੌਥੀ ਦ੍ਰਿਸ ⁴ਅ ਪੌਥੀ ਚਾਹਿ ⁵ਅ ਪੌਥੀ ਵਿਚੋਂ ⁶ਅ ਪੌਥੀ ਬਚਨ
⁷ਅ ਪੌਥੀ ਚਰਨ ਕਮਲ

ਦੋਹਰਾ

ਕਛੂ ਦੂਰ ਪੁਰ ਤੇ ਅਯੋ ਮਗ ਮਹਿ ਐਸ ਸੁਨਾਇ ।
ਗੋਇੰਦਵਾਲ ਡੇਰਾ ਕੀਓ ਬੈਰਮ ਜਾਹਿ ਸੁਹਾਇ ॥ 122 ॥

ਚੌਪਈ

ਸੁਨਤ ਐਸ ਬਿਧੀਏ ਸੁਖਮਾਨਾ । ਨਿਕਟ ਕਾਜ ਕਰ ਕ੍ਰਿਪਾ ਨਿਧਾਨਾ ।
ਗੁਰੁ ਗੁਨ ਗਾਵਤ ਲਾਘ ਬਿਪਾਸਾ¹ । ਸੁਨੋ ਸੰਤ ਤਹਿ ਕੀਨ ਬਿਲਾਸਾ ॥ 123 ॥
ਪਰੀ ਨਿਸਾ ਸਭ ਬਯੋਤ ਨਿਹਾਰਾ । ਪਰੇ ਪਾਹਰੂ ਅਨਿਕ ਪ੍ਰਕਾਰਾ ।
ਸਾਰੀ ਨਿਸ ਵਸ ਨਹਿ ਚਲਾਯੋ । ਇਤਨੇ ਮਾਝ ਭੋਰ ਹੋ ਆਯੋ ॥ 124 ॥

ਦੋਹਰਾ

ਸਨਕਾਦਿਕ ਮਾਯਾ ਡਰੀ ਸਭ ਕਉ ਨੀਂਦ ਸਵਾਇ ।
ਬੇਗਮ ਕੀਓ ਪਿਆਨ ਤਬ ਨਿਜ ਯਾਨ ਬੈਠਾਇ ॥ 125 ॥

ਚੌਪਈ

ਤਬ ਬੇਗਮ ਹੁਇ ਗਜ ਅਸਵਾਰੀ । ਬੈਠ ਮਧ ਜਰੀ ਲਲਤ ਅੰਬਾਰੀ ।
ਜੇ ਭੂਖਨ ਬਹੁ ਮੋਲ ਧਰਾਏ । ਨਗ ਮਾਨਕ ਖਚ ਪ੍ਰੀਤਿ ਮਹਾਏ ॥ 126 ॥
ਸਪੰਦ ਤਾਂਹਿ ਉਰੁ ਤਰ ਰਾਖਾ । ਬਿਧੀਏ ਦਿਖ ਕੀਨੀ ਅਭਿਲਾਖਾ ।
ਇਤ ਉਤ ਦੇਖ ਗੁਰੂ ਗੁਨ² ਗਾਇ । ਗਹੇ ਲਾਸ ਗਜ ਚੜ੍ਹਿਯੋ ਜਾਇ ॥ 127 ॥

ਦੋਹਰਾ

ਲੈ ਸਪੰਟ ਤਹਿ ਉਰੁ ਤੋ ਤਤ ਛਿਨ ਗਹੁਰ ਬਿਹਾਇ ।
ਪਰਾ ਕੂਦ ਧਰ ਚਿੰਤ ਨਹਿ ਗਜ ਰਖ ਕੇ ਲਕ ਪਾਇ ॥ 128 ॥

ਚੌਪਈ

ਚੋਰ ਚੋਰ ਤਿੰਹ ਬਚਨ ਉਚਾਰੇ । ਇਤ ਉਤ ਦੇਖਤ ਭਏ ਮਤਵਾਰੇ ।
ਮਨ ਮਹਿ ਬੇਗਮ ਬਿਸਮੈ ਪਾਈ । ਐਸ ਚੋਰ ਨਹਿ ਨੈਨ ਦਿਖਾਈ ॥ 129 ॥
ਬਿਧੀ ਚੰਦ ਤਿੰਹ ਨਜ਼ਰ ਬਚਾਇ । ਲਾਘ ਬਿਪਾਸਾ ਗੁਰ ਗੁਨ ਗਾਇ ।
ਆਇ ਮਾਤ ਕਉ ਬੰਦਨ ਧਾਰੀ । ਭੂਖਨ ਆਗੇ ਧਰੇ ਅਪਾਰੀ ॥ 130 ॥

ਦੋਹਰਾ

ਦਿਖ ਭੂਖਨ ਬਹੁ ਮੋਲ ਕੇ ਜਰ ਨਗ ਤੇਜ ਅਪਾਰ ।
ਮਾਤ ਨਾਨਕੀ ਬਰ ਦੀਓ ਹੋ ਸੁਤ ਪਰਉਪਕਾਰ ॥ 131 ॥
ਸਦਾ ਭਗਤ ਤੁਮਰੇ ਰਿਦੈ ਸ੍ਰੀ ਗੁਰੁ ਰਹਹਿ ਦਯਾਲ ।
ਜਪੈ ਨਾਮ ਜਨ ਤੋਹਿ ਜੋ ਮਿਟੈ ਜਾਨ [ਕਲਿ]³ ਕਾਲ ॥ 132 ॥

¹ਅ ਪੋਥੀ ਬਿਪਾਸਾ ²ਅ ਪੋਥੀ ਸਤਿਗੁਰ ³ਦ ਪੋਥੀ ਵਿਚੋ

ਅੜਿਲ

ਸੁਨ ਬਿਧੀਏ ਬਚ ਮਾਤ ਭਾਰ ਸੁਖ ਪਾਇਯੋ ।
 ਲੈ ਆਇਸ ਸੁਖ ਪਾਇ ਗੁਰੂ ਪੈ ਆਇਯੋ ।
 ਪਗ ਪੰਕਜ ਲਪਟਾਇ ਹਰਖ ਬਹੁ ਪਾਇਕੈ ।
 ਹੋਰ ਪ੍ਰਭੂ ਮੁਸਕਾਇ ਚਰਿਤ ਲਖਾਇ ਕੈ ॥ 133 ॥

ਦੋਹਰਾ

ਏ ਬਿਧ ਕੀਨੋ ਚਰਿਤ ਬਹੁ ਬਿਧੀ ਚੰਦ ਉਪਕਾਰ ।
 ਸੁਨਹੁ ਸੰਤ ਕੇਤਕ ਲਿਖਹੁ ਆਵੈ ਨਾਂਹਿ ਸੁਮਾਰ¹ ॥ 134 ॥

ਚੌਪਈ

ਦਯਾ ਸਿੰਧ ਜਬ ਮਹਲੀਂ ਆਏ । ਮਾਤਾ ਭੂਖਨ ਸਕਲ ਦਿਖਾਏ ।
 ਬਿਧੀ ਚੰਦ ਕੀ ਕਰੀ ਬਡਾਈ । ਹੋ ਪ੍ਰਭੂ ਇਹ ਕੇ ਬਲ ਅਧਿਕਾਈ ॥ 135 ॥
 ਕਹਾ ਸ੍ਰੀ ਗੁਰੂ ਪਰੇ ਨ ਅੰਤਾ । ਬਿਧੀ ਚੰਦ ਕੀ ਸੋਭ ਬਯੰਤਾ ।
 ਮਾਤ ਨਾਨਕੀ ਭੂਖਨ ਚੀਨੇ । ਅਪਨੀ ਚਾਹਿ ਨ ਤਾਂ ਮੈ ਚੀਨੇ ॥ 136 ॥

ਦੋਹਰਾ

ਬਾਬਕ ਪੈਂਦੇ ਨਾਰ ਕਉ ਭੂਖਨ ਦੀਨ ਸੁਧਾਰ ।
 ਲੀਏ ਤਾਂਹਿ ਮਨ ਹਰਖ ਸਿਉਂ ਭਗਤ ਸਿੰਘ ਨਿਰਧਾਰ ॥ 137 ॥
 ਤਾਕੋ ਰੂਪ ਨਿਹਾਰ ਕੈ ਪੈਂਦੇ ਖਾਂ ਅਸ਼ ਕੀਨ ।
 ਕਰ ਨਿਕਾਹ ਨਿਜ ਸੁਤਾ ਕਾ ਤੁਰਤ ਤਾਂਹਿ ਕੋ ਦੀਨ ॥ 138 ॥
 ਸੋ ਤੁਮ ਸੁਨੋ ਵਿਕਾਰ ਚਿਤ ਕਥਾ ਸ੍ਰੀ ਗੁਰੂ ਜਾਨ ।
 ਛੋਟੇ ਮੀਰ ਅਫਗਾਨ ਬਸ ਜਾਂਹਿ ਨਾਮ ਅਸਮਾਨ ॥ 139 ॥
 ਤਾਕੋ ਕੰਨਯਾ ਦੇ ਦਈ ਪੈਂਦੇ ਖਾਂ ਚਿਤ ਧਾਰ ।
 ਰਾਖਯੋ ਤਾਂ ਹਿਤ ਧਾਰ ਕੈ ਕਲਾ ਬੀਜ ਨਿਰਧਾਰ ॥ 140 ॥

ਚੌਪਈ

ਰਾਖਯੋ ਸਦਨ ਭਾਰਿ ਸੁਖ ਪਾਯੋ । ਏਕ ਬਰਸ ਸੁਖ ਸੰਗ ਬਿਤਾਯੋ ।
 ਨਿਤਪ੍ਰਤ ਖੇਲਹਿ ਪ੍ਰਭੂ ਸ਼ਿਕਾਰਾ । ਉਤਰੇ ਆਪ ਹਰਨ ਮਹਿ ਭਾਰਾ ॥ 141 ॥
 ਬੁੰਦ ਮਾਤ੍ਰ ਕਛ ਗਾਥ ਅਲਾਈ । ਸਰਬ ਕਥਾ ਮਮ ਕਹੀ ਨ ਜਾਈ ।
 ਰਟਤ ਸੇਸ ਜਿਹ ਅੰਤ ਨ ਪਾਯੋ । ਨੇਤਿ ਨੇਤਿ ਮੁਖ ਚਾਰ² ਬਤਾਯੋ ॥ 142 ॥

ਦੋਹਰਾ

ਮੂੜ ਬੁਧਿ ਹਉਂ ਕਸ ਕਹੋਂ ਸ੍ਰੀ ਗੁਰੂ ਗਾਥ ਅਪਾਰ ।
 ਤੇਗ ਬਹਾਦਰ ਬਯਾਹ ਕੀ ਕਥਾ³ ਸੁਨੋ ਸੁਖ ਕਾਰ ॥ 143 ॥

¹ਅ ਤੇ ਏ ਪੋਥੀ ਵਾਰ ਨ ਪਾਰ ²ਅ ਪੋਥੀ ਬ੍ਰਹਮਹਿ ³ਅ ਤੇ ਏ ਪੋਥੀ ਮਾਥਾ

ਚੌਪਈ

ਉਤਮ ਮਾਸ ਮਾਘ ਜਬ ਆਯੋ । ਲਾਲ ਚੰਦ ਮਨ ਆਨੰਦ ਪਾਯੋ ।
 ਨਿਜ ਨਾਰੀ ਕਉ ਕਹਾ ਸੁਨਾਇ । ਪਯਾਰੀ ਬਾਤ ਸੁਨੋ ਮਨ ਲਾਇ ॥ 144 ॥
 ਬੋਰੀ ਬਾਤ ਸੁਨੋ ਮਨ ਲਾਈ । ਪ੍ਰਾਨ ਭਰੋਸਾ ਨਾਹਿ ਰਹਾਈ ।
 ਸੁਨੋ ਕੁਟੰਬ¹ ਗੁਰੁ ਇਹ ਠਾਂ ਆਏ । ਤਾਂਤੇ ਦੇਉ ਬਿਲਮ ਤਜ ਗਾਏ ॥ 145 ॥

ਦੋਹਰਾ

ਦੀਜੈ ਸੁਤਾ ਬਯਾਹ ਅਬ ਯਾਮਹਿ ਦੇਰ ਨ ਲਾਇ ।
 ਬਿਸਨ ਕੌਰ ਸੁਖ ਪਾਇ ਕਹਿ ਹੇ ਪਤਿ ਜੋ ਤੁਮ ਭਾਇ ॥ 146 ॥

ਚੌਪਈ

ਮੋਰੀ ਚਾਹਿ ਇਹੀ ਪਤਿ ਜਾਨੋ । ਹੇ ਪਤਿ ਯਾ ਮੈਂ ਦੇਰ² ਨਾ ਠਾਨੋ ।
 ਬਹੁਤ ਬਾਤ ਪਰਵਾਰ ਸੁਨਾਈ । ਸੁਨਤ ਬਾਤ ਸਭ ਕੇ ਮਨ ਭਾਈ ॥ 147 ॥
 ਉਤਮ ਦ੍ਰਿੜ³ ਤਬ ਲੀਨ ਬੁਲਾਇ । ਸੋਧਉ ਸਾਹਾ ਕਹਾ ਸੁਨਾਇ ।
 ਗਨ ਨਿਖਤ੍ਰ ਦ੍ਰਿੜ ਰਾਸ ਮਿਲਾਈ । ਭਲੋ ਮਹੂਰਤ ਗ੍ਰਹ ਲਖ ਪਾਈ ॥ 148 ॥
 ਬਿਪ੍ਰੁ ਸੋਧ ਅਸ ਬਾਤ ਅਲਾਇ । ਫਗਨ ਗ੍ਰਹ ਸਾਹਾ ਸੁਖਦਾਇ ।
 ਲਾਲ ਚੰਦ ਸਭ ਕੇ ਮਨ ਭਾਯੋ । ਲਿਖ ਪਾਤੀ ਗੁਰੁ ਨਿਕਟ⁴ ਪਠਾਯੋ ॥ 149 ॥

ਦੋਹਰਾ

ਪੁਰੀ ਮਾਂਹਿ ਤਤ ਛਿਨ ਗਯੋ ਵਿਪ੍ਰੁ ਪ੍ਰਭੂ ਨਿਕਟਾਇ ।
 ਆਗੇ ਲਗੇ ਦੀਵਾਨ ਬਹੁ ਸਤਿਗੁਰ ਅਤਿ ਛਬਿ ਪਾਇ ॥ 150 ॥

ਚੌਪਈ

ਦੈ ਅਸੀਸ ਦ੍ਰਿਗ ਬਾਤ ਉਚਾਰੀ । ਲਾਲ ਚੰਦ ਮੁਹਿ ਪਠਾ ਮੁਰਾਰੀ ।
 ਫਲਗੁਣ ਸੁਤਾ ਵਿਵਾਹ ਅਲਾਯੋ । ਦੈ ਪਾਤੀ ਤੁਮ ਨਿਕਟ ਪਠਾਯੋ ॥ 151 ॥
 ਅਸ ਕਹਿ ਦੈ ਪਾਤੀ ਹਰਖਾਇ । ਬਾਬੇ ਆਦਿ ਸਭਨ ਮਨ ਭਾਇ ।
 ਤਬ ਗੁਰੁ ਦ੍ਰਿੜ ਕਉ ਧਨ ਅਤਿ ਦੀਨਾ । ਤਬ ਗ੍ਰਿਹ ਆਨ ਸਭਨ ਕਹ ਦੀਨਾ ॥ 152 ॥
 ਮਾਤ ਨਾਨਕੀ ਔਰ ਮਰਵਾਹੀ । ਸੁਨ ਸਾਹਾ ਮਨ ਮਾਹਿ ਉਮਾਹੀ⁵ ।
 ਦੀਨ ਦਾਨ ਅਬਲਾ ਮਿਲ ਗਾਯੋ । ਦਯਾਸਿੰਧ ਅਸ ਬਯੋਤ ਬਨਾਯੋ ॥ 153 ॥
 ਬਿਧੀ ਚੰਦ ਕੋ ਨਿਕਟ ਬੁਲਾਇ । ਕਹੀ ਬਾਤ ਸਬ ਹੀ ਸਮਝਾਇ ।
 ਭਗਤ ਸਿੰਘ ਗੁਰੁ ਕੀ ਸੁਨ ਬਾਨੀ । ਬਹੁਤ ਭਲੀ ਬਿਧੀਏ ਮਨ ਮਾਨੀ ॥ 154 ॥

ਚੌਪਈ

ਬਿਧੀ ਚੰਦ ਆਗਯਾ ਕਰੀ ਬਾਜੇ ਬਜਤ ਬਯੰਤ ।
 ਦ੍ਰਿੜਨ ਦਾਨ ਬਹੁ ਭਾਂਤ ਦੈ ਬਯੰਜਨ ਬਨੈ ਅਨੰਤ ॥ 155 ॥

¹ਅ ਪੋਥੀ ਪ੍ਰਵਾਰ ²ਅ ਪੋਥੀ ਬਿਲੰਭ ³ਅ ਪੋਥੀ ਬਿਪ ⁴ਅ ਪੋਥੀ ਪਾਸਿ ⁵ਏ ਪੋਥੀ ਰਲਸਾਈ

ਚੌਪਈ

ਆਈ ਨਿਸਾ ਭਾਰ ਸੁਖ ਪਾਯੋ । ਗੁਰ ਤਰਨੀ ਮਿਲ ਮੰਗਲ ਗਾਯੋ ।
ਕੀਰ ਬਿਧੂਪ ਲਾਜ ਮ੍ਰਿਗ ਨੈਨੀ । ਪੁਰ ਨਾਰੀ ਗਾਵਤ ਪਿਕ ਬੈਨੀ ॥ 156 ॥

॥ ਤ੍ਰਿਭੁਗੀ ॥

ਗਾਵਤ ਪਿਕ ਬੈਨੀ ਮਨ ਹਿਰ ਲੈਣੀ ਅਤਿ ਸੁਖ ਦੈਨੀ ਰੂਪ ਮਹਾਂ ।
ਚੰਪਕ ਸਮ ਬਦਨੀ ਗਜ ਗਤਿ ਰਦਨੀ ਬਹੁ ਮਦ ਮਦਨੀ ਕੈਸ ਕਹਾ ।
ਰਾਜਤ ਰਤ ਨਾਰੀ ਸਾਚੇ ਢਾਰੀ ਸਸ ਮੁਖ ਸਾਰੀ ਭੌਂਹ ਲਖੇ ।
ਬੀਤੀ ਨਿਸ ਸਾਰੀ ਗਾਵਤ ਨਾਰੀ ਅਤਿ ਛਬਿ ਧਾਰੀ ਪ੍ਰੇਮ ਚਖੇ ॥ 157 ॥

ਦੋਹਰਾ

ਭਯੋ ਭੋਰ ਬਾਜੇ ਤਹਾਂ ਬਜੈ ਸੁ ਅਨਿਕ¹ ਪ੍ਰਕਾਰ ।
ਦਾਨ ਮਾਨ ਦ੍ਰਿਸ਼ ਕੋ ਦੀਓ ਕੀਨ ਵਿਦਾ ਤਿੰਹ ਵਾਰ ॥ 158 ॥

ਚੌਪਈ

ਬਿਪ੍ਰ ਅਧਿਕ ਮਨ ਮਾਹਿ ਹਰਖਾਯੋ । ਲਾਲ ਉਦਕ² ਕੇ ਗ੍ਰਿਹ ਚਲ ਆਯੋ ।
ਕਹੀ ਬਾਤ ਸੁਨ ਆਨੰਦ ਪਾਇ । ਲਲਾ [ਸਸੀ]³ ਅਤਿ ਹਰਖ ਧਰਾਇ ॥ 159 ॥
ਏਕ ਮਾਸ ਦਿਖ ਬਯਾਹ ਹਮਾਰੇ । ਲਾਲ ਚੰਦ ਤਬ ਬਯੋਤ ਸਵਾਰੇ ।
ਇਹੁ ਬਿਧ ਬਿਧੀਆ ਆਇਸ ਪਾਈ । ਕੜਾਹੇ ਅਨਗਨ ਦੀਏ ਚੜਾਈ ॥ 160 ॥

ਦੋਹਰਾ

ਕਾਢੇ ਬਹੁ ਪਕਵਾਨ ਤਬ ਭਾਂਤ ਭਾਂਤ ਬਹੁ ਭਾਇ ।
ਥੋਰੇ ਦਿਵਸ ਤਿਆਗ ਕੈ ਤਤਛਿਨ ਡੇਰ ਨਾ ਲਾਇ ॥ 161 ॥
ਲੈ ਭਾਜੀ ਗੁਰੂ ਥੰਮ ਜੀ ਭੇਜੀ ਅਧਿਕ ਸੁਧਾਇ ।
ਸਕਰ ਗੰਗ ਭਾਜੀ ਤਹੀ ਬਾਟੀ ਆਨੰਦ ਪਾਇ ॥ 162 ॥
ਪੁਨਾ ਸ੍ਰੀ ਗੁਰੂ ਦਾਸ ਕੋ ਨਿਕਟ ਕਹਿਯੋ ਸਮਝਾਇ ।
ਗੋਇੰਦਵਾਲ ਖੰਡੂਰ ਜੀ ਸੁਧਾ ਸਰੋਵਰ ਜਾਇ ॥ 163 ॥
ਪੁਨ ਜੰਡਿਆਲੀ ਮਹਿ ਪਠੀ ਬਹੁਰ ਬਟਾਲੇ ਜਾਨ ।
ਮਲੇ ਕਾਂਗੜ ਓਰ ਤਬ ਭਾਈ ਰੂਪੇ ਮਾਨ ॥ 164 ॥

ਚੌਪਈ

ਲੈ ਭਾਜੀ ਬਹੁ ਦਾਸ⁴ ਸਿਧਾਏ । ਸੁਨਤ ਸਭੀ ਮਨ ਮਹਿ ਹਰਖਾਏ ।
ਨਿਜ ਨਿਜ ਆਯਨ ਕਰੀ ਤਿਆਰੀ । ਧਰ ਆਨੰਦ ਸਭ ਤਜੀ ਅਵਾਰੀ ॥ 165 ॥

¹ਅ ਪੋਥੀ ਬਹੁਤ ²ਅ ਪੋਥੀ ਚੰਦ ³ਅ ਪੋਥੀ ਵਿਚੋਂ ⁴ਅ ਪੋਥੀ ਮਿਖ

ਬਿਧੀ ਚੰਦ ਸਭ ਬਯੋਤ ਸਵਾਰਾ । ਤਾਤਕਾਲ ਨਹਿ ਲਾਇ ਅਵਾਰਾ ।
 ਬਾਜੀ ਅਸਤ ਲਈ ਬਹੁ ਭਾਏ । ਨਿਤ ਦਹ ਬਾਜੇ ਬਜੇ ਸੁਹਾਏ ॥ 166 ॥
 ਸੰਗਤਿ ਧਾਇ ਦੂਰ ਤੇ ਆਵੈ । ਪਿਖ ਮੰਗਲ ਮਨ ਹਰਖ ਧਰਾਵੈ ।
 ਅਸ ਕੋਤਕ ਨਹਿ ਨੈਨ ਨਿਹਾਰਾ । ਜਨ ਮੰਗਲ ਇਹ ਠਾਂ ਬਪੁ ਧਾਰਾ ॥ 167 ॥

ਦੋਹਰਾ

ਮੰਗਲ ਜਨ ਮੰਗਲ ਭਯੋ ਮੋਹਿਤ ਜੇ ਲਖ ਨੈਨ ।
 ਸੁਰ ਨਾਰੀ ਗਾਵਤ ਜਹਾਂ ਮਨਹੁ ਰੂਪ ਕੋ ਐਨ ॥ 168 ॥

ਚੌਪਈ

ਪੁਰ ਨਾਰੀ ਮਿਲ ਬਾਤ ਉਚਾਰੈ । ਹੇ ਅਲਿ¹ ਹਮਰੇ ਭਾਗ ਅਪਾਰੈ ।
 ਏਹੁ ਠਾਂ ਬਯਾਹ ਗੁਰੂ ਸੁਤ ਕੀਨੋ । ਜਾਹਿ ਪਿਖੇ ਮਨ ਆਨੰਦ ਲੀਨੋ ॥ 169 ॥
 ਹੇ ਅਲਿ ਭਾਖ ਸਮਾਂ ਕਬਿ ਆਇ । ਗੁਰੂ ਸੁਤ ਕੀ ਮੁਖ ਲਾਵਾਂ ਗਾਇ ।
 ਵਹੁ ਭਾਖਤ ਅਲਿ ਸੰਸ ਨ ਕੀਜੈ । ਥੋਰੇ ਅਹਿ ਤਾਮੈਂ ਲਖ ਲੀਜੈ ॥ 170 ॥

ਦੋਹਰਾ

ਇਹ ਬਿਧ ਪੁਰ ਜਨ ਪਾਇ ਸੁਖ ਅਤਿ ਮਨ ਭਾਰ ਆਨੰਦ ।
 ਮਾਤ ਨਾਨਕੀ ਸੁ ਤਹਿ ਕਾ ਅਯੋ ਬਿਯਾਹ ਦਿਨ ਕੰਦ ॥ 171 ॥
 ਪਰਮਾਨੰਦ ਸੁੰਦਰ ਅਏ ਮਾਘ ਵਿੰਸ ਦਿਨ ਜਾਇ ।
 ਦਾਤੁ ਸੁਤ ਜੁਤ ਨਾਰ ਲੈ ਆਯੋ ਹਰਖ ਬਧਾਇ ॥ 172 ॥

ਸਵੈਯਾ

ਮਾਨ ਕੀਓ ਸੁਖ ਸਿੰਧ ਦਯਾ ਨਿਧਿ ਮਾਘ ਰਹਿਯੋ ਦਿਨ ਪਾਂਚ ਤਦਾਏ ।
 ਆਏ ਹਰੀ ਸਸਿ² ਨਾਰ ਲੀਏ ਸੰਗ ਐ ਪੁਰ ਨਾਰਿ ਮਿਲੇ ਬਹੁ ਆਏ ।
 ਜਾਨ ਤਿਸੈ ਸਸੁਰਾਰ ਪ੍ਰਭੂ ਲਖ ਬੰਦਨ ਕੈ ਦਏ ਵਾਸ ਮਹਾਏ ।
 ਬਾਬੇ ਜੀ ਕਾ ਸਸੁਰਾਰ ਅਯੋ ਬਡ ਆਨੰਦ ਕੈ ਸੁਖ ਭਾਰ ਜਨਾਏ ॥ 173 ॥

ਚੌਪਈ

ਮਾਤ ਨਾਨਕੀ ਮਾਤ ਮਿਲਾਇ । ਦਈ ਬਧਾਈ ਆਨੰਦ ਪਾਇ ।
 ਮਾਘ ਮਾਸ ਤਦ ਸਕਲ ਬਿਤਾਯੋ । ਤਬ ਲੋ ਦਵਾਰਾ ਤ੍ਰੀਅ³ ਜੁਤ ਆਯੋ ॥ 174 ॥
 ਸ੍ਰੀ ਗੁਰੂ ਕਰਹਿ ਮਾਨ ਸਭ ਕੇਰਾ । ਜੋ ਆਵਤ ਸੁਖ ਪਾਇ ਘਨੇਰਾ ।
 ਰਾਇ ਜੋਧ ਨਾਰੀ ਜੁਤ ਆਯੋ । ਸਾਧੂ ਤੀਯ ਜੁਤ ਸੰਗਿ ਲਵਾਯੋ ॥ 175 ॥

ਦੋਹਰਾ

ਸੁਨੋ ਸੰਤ ਦੇ ਮਾਨ ਗੁਰੂ ਪ੍ਰਥਕ ਪ੍ਰਥਕ ਬਹੁ ਭਾਇ ।
 ਬਿਬ ਮਾਤਾ ਸਭ ਨਾਰਿ ਕਾ ਆਦਰ ਕਰਤ ਮਹਾਇ ॥ 176 ॥

¹ਅ ਤੇ ਦ ਪੋਥੀ ਸਖੀ ²ਅ ਪੋਥੀ ਚੰਦ ³ਦ ਪੋਥੀ ਬਾਮ

ਚੌਪਈ

ਮਾਘ ਬੀਤ ਫਾਗਨ ਜਬ ਆਯੋ । ਨਰ ਨਾਰੀ ਮਿਲ ਮੰਗਲ ਗਾਯੋ ।
ਜੁਤ ਕੁਟੰਬ ਮਨ ਆਨੰਦ ਪਾਇ । ਆਯੋ ਧਰਮਾਂ ਗੁਰ ਸਮੁਹਾਇ ॥ 177 ॥
ਬੀਬੀ ਕੋ ਬਿਬ ਮਾਤ ਮਿਲਾਈ । ਦੈ ਪਯਾਰ¹ ਬਹੁ ਧੀਰ ਧਰਾਈ ।
ਦਮੋਦਰੀ ਤੇ ਮੋਹੁ ਦੁਗਨੋ ਧਾਰਾ । ਭਯੋ ਮੇਲ ਸਭਿ ਇਕਠ ਸੁਧਾਰਾ ॥ 178 ॥

ਦੋਹਰਾ

ਧਰਮੇ ਸਾਧੂ ਕਾ ਤਬੈ ਸ੍ਰੀ ਗੁਰ ਕੀਨਾ ਮਾਨ ।
ਪ੍ਰਿਥਕ ਪ੍ਰਿਥਕ ਸਭ ਮਾਨ ਦੈ ਸਾਹਿਬ ਕ੍ਰਿਪਾ ਨਿਧਾਨ ॥ 179 ॥
ਖੇਮ ਕੌਰ ਅਨੰਤੀ ਮਿਲੀ ਚਾਰੋਂ ਭ੍ਰਾਤ ਮਿਲਾਇ ।
ਬੀਬੀ ਕਉ ਬਹੁ ਧੀਰ ਦੈ ਅਬਲਾ² ਮੰਗਲ ਗਾਇ ॥ 180 ॥

ਚੌਪਈ

ਨਿਤ ਪ੍ਰਤਿ ਮੰਗਲ ਹੋਤ ਅਪਾਰਾ । ਰਾਗ ਰੰਗ ਕੋ ਵਾਰ ਨ ਪਾਰਾ ।
ਗਾਵਤ ਝੰਡ ਸਭੈ ਮਿਲੈ ਨਾਰੀ । ਘਰ ਘਰ ਹੋਤ ਕੁਲਾਹਲ ਭਾਰੀ ॥ 181 ॥
ਲਾਲਚੰਦ ਗ੍ਰਿਹ ਮੰਗਲ ਐਸਾ । ਜਨਕ ਰਾਜ ਗ੍ਰਿਹ ਪੇਖਯੋ ਜੈਸਾ ।
ਕਿਸੀ ਦੂਬ ਕੀ ਤੋਟਿ ਨ ਆਵੈ । ਜੋ ਆਵਤ ਮਨ ਬਾਂਛਤ ਪਾਵੈ ॥ 182 ॥

ਦੋਹਰਾ

ਪਾਂਚ ਦਿਵਸ ਫਲਗੁਨ ਗਯੋ ਰਹੇ ਚਤ੍ਰ ਦਿਨ ਜਾਨ ।
ਕਰੀ ਰੀਤਿ ਜਗ ਜੇਤ ਥੀ ਸਭੈ ਤਿਆਰੀ ਠਾਨ ॥ 183 ॥

ਸਵੈਯਾ

ਬਾਜਤ ਭੇਰਿ ਮ੍ਰਿਦੰਗ ਪਖਾਵਜ ਢੋਲ ਨਿਸ਼ਾਨ ਬਜੈ ਡਫ³ ਭਾਰੀ ।
ਤੂਤੀ ਬਜੈ ਸਰਨਾਹਿ ਘਨੀ ਪਿਖ ਦੁਵਾਰ ਕੁਲਾਹਲ ਹੋਤ ਅਪਾਰੀ ।
ਦੇਵ ਅਏ ਨਰ ਕੋ ਬਪੁ ਧਾਰ ਕੈ ਤਾਂਹਿ ਤ੍ਰਿਆ ਬਪੁ ਨਾਰ ਸਵਾਰੀ ।
ਆਨੰਦ ਕੇ ਮਿਲ ਮੇਲ ਸਭੀ ਜਨ ਜਾਨ ਤਜੀ ਪਿਖ ਮੰਗਲ ਸਾਰੀ ॥ 184 ॥
ਸੰਤ ਸੁਨੋ ਸਸ⁴ ਹੈ ਰਸਨਾ ਮਮ ਕੈਸ ਕਹੁੰ ਬਹੁ ਮੰਗਲ ਚਾਰਾ ।
ਸਾਰਦ ਸੇਸ ਗਨੇਸ ਥਕੇ ਪਿਖ ਮੂਢ ਬੁਧੀ ਕਵਿ ਕੈਸ ਉਚਾਰਾ ।
ਕਿਚੰਤ ਗਾਥ ਵਿਆਹ ਕਹੇ ਗੁਰੁ ਆਪਨੋ ਕਾਰਜ ਆਪ ਸਵਾਰਾ ।
ਦਾਰਦੀ ਮੋਹ ਹਿਰੈ ਸਗਰੋ ਪ੍ਰਭ ਦਾਸ ਕਵੀ ਗੁਰ ਕੇ ਬਲਿਹਾਰਾ ॥ 185 ॥

ਦੋਹਰਾ

ਬਡ ਆਨੰਦ ਪੁਰ ਮਹਿ ਭਯੋ ਫਲਗੁਨ ਗ੍ਰਿਹ ਅਹਿ ਜਾਇ ।
ਸਾਂਤ ਕਰਾਈ ਗੁਰੂ ਜੀ ਦਾਨ ਦੀਓ ਬਹੁ ਭਾਇ ॥ 186 ॥

¹ਦ ਪੱਥੀ ਅਜੀਸ ²ਅ ਪੱਥੀ ਨਾਰੀ ³ਅ ਪੱਥੀ ਬਹੁ ⁴ਅ ਤੇ ਦ ਪੱਥੀ ਇਕ

ਤੇਗ ਬਹਾਦਰ ਅੰਕ ਮਹਿ ਧਾਰੀ ਪੀਤ ਪੁਸ਼ਾਕ ।
ਮੁਕਟ ਸੀਸ ਸੋਭਾ ਬਨੀ ਲਾਜਤ ਪੇਖ ਸੁਨਾਕ ॥ 187 ॥

ਸਵੈਯਾ

ਨੈਨ ਅਪਾਰ ਨਿਹਾਰ ਸੁਸੀਲਹ ਖੰਜਨ ਕੰਜ ਮ੍ਰਿਗੀ ਸੁਤ ਹਾਰੇ ।
ਔਰ ਬਿਧੂਪ ਪਿਖੇ ਅਧਰਾ ਪੁਨ ਦਾਰਮ ਲਾਜਤ ਦਾਂਤ ਨਿਹਾਰੇ ।
ਕੀਰ ਔ ਕੰਬ ਲਜਾਇ ਘਨੇ ਬਨ ਓਰ ਤਬੈ ਮਨ ਸੰਕ ਪਧਾਰੇ ।
ਸੁਦਰ ਰੂਪ ਕਿਸ਼ੋਰ ਕੇ ਉਪਰ ਦਾਸ ਕਵੀ ਸਦਹੀ ਬਲਿਹਾਰੇ ॥ 188 ॥
ਬ੍ਰਾਤ ਤਿਆਰ ਅਪਾਰ ਬਨੀ ਛਬ ਬਾਜਤ ਬਾਜ ਅਨੰਤ ਅਪਾਰੇ ।
ਕੰਕਨ ਔ ਭੁਜ ਅੰਗਦ ਸੋਹਤ ਰਾਜਤ ਕੰਠ ਸੁ ਮੋਹਨ ਹਾਰੇ ।
ਮੋਹ ਰਹੇ ਪਿਖ ਕੈ ਨਰ ਨਾਰਨ ਮੋਹਤ ਭਏ ਅਲ ਭੌਂਹ ਨਿਹਾਰੇ ।
ਦੂਲਹ ਰੂਪ ਕਿਸ਼ੋਰ ਬਡੀ ਛਬਿ ਦਾਸ ਕਵੀ ਤਿਹੰ ਉਪਰ ਵਾਰੇ ॥ 189 ॥
ਬੀਤ ਗਯੋ ਅਹ ਆਨੰਦ ਕੈ ਵਸਿ ਰੈਨ ਅਈ ਪਿਖ ਬਾਤ ਉਮਾਹੀ ।
ਹੋਇ ਤਿਆਰ ਚਲੇ ਸਗਰੇ ਨਿਜ ਬਾਹਨ ਤਯਾਰ ਕੀਏ ਹਿਤ ਲਾਈ ।
ਮੁਖ ਬ੍ਰਾਤ ਚਲੇ ਤਿਹੰ ਨਾਮ ਸੁਨੋ ਅਤਿ ਹੀਂ ਜਹਿੰ ਰੂਪ ਅਨੂਪ ਲਖਾਈ ।
ਦਾਹਨ ਰੂਪ ਸਸੀ¹ ਛਬਿ ਪਾਵਤ ਮਧ ਗੁਰੂ ਛਬਿ ਭਾਖ ਲਜਾਈ ॥ 190 ॥

ਦੋਹਰਾ

ਬਾਂਏ ਪ੍ਰੇਮੀ ਜੋਧ ਰਾਇ ਜੀ ਲਜਤ ਪਿਖ ਜਹਿੰ ਦੇਵ ।
ਏ ਸਮਸਰ ਕੈਸੇ ਕਰੇ ਸ੍ਰੀ ਗੁਰੂ ਰੂਪ ਅਭੇਵ ॥ 191 ॥

ਚੌਪਈ

ਰਾਮਾ ਧਰਮਾ ਹਾਥ ਗਹਾਏ । ਦੁਵਾਰਾ ਹਰੀ ਚੰਦ ਹਰਖਾਏ ।
ਸੰਧੂ ਬਿਧੀਚੰਦ ਚਲ ਦੋਊ । ਬਾਬਾ ਸਾਧੂ ਹਰਖਤ ਸੋਊ ॥ 192 ॥
ਸੁਦਰ ਪਰਮਾਨੰਦ ਸੁਹਾਏ । ਸੂਰਜਮਲ ਦਾਤੂ ਸੁਤਿ ਭਾਏ ।
ਲਾਲਚੰਦ ਬਿਧੀਏ ਸੁਤ ਮਾਨੋ । ਅਣੀਰਾਇ ਮਿਲ ਆਨੰਦ ਠਾਨੋ ॥ 193 ॥

ਦੋਹਰਾ

ਜਾਤੀ ਮਲ ਤੇ ਆਦਿ ਲੈ ਬਿਪ੍ਰ ਔਰ ਚਲ ਬ੍ਰਾਤ ।
ਬਾਜਤ ਬਾਜ ਧਨ ਡਾਰ ਬਹੁ ਸੋ ਛਬਿ ਕਹੀ ਨ ਜਾਤ ॥ 194 ॥
ਤੇਗ ਬਹਾਦਰ ਸੋਹਿ ਤਬ ਘੋੜੀ ਚੜੈ ਤਦਾਇ ।
ਦੁਰਤ ਸੀਸ ਸਿਰਗਸਤ ਤਬ ਰਵਿ ਸਸਿ ਦੇਖ ਲਜਾਇ ॥ 195 ॥

ਚੌਪਈ

ਸਨੇ ਸਨੇ ਗੁਰੂ ਪੰਥ² ਪਧਾਰੇ । ਬਾਜੀ ਅਸਤ ਚਲੀ ਤਿਹੰ ਵਾਰੇ ।
ਰਸਨਾ ਏਕ ਕੈਸ ਛਬਿ ਗਾਵਉਂ । ਸੁਨੋ ਸੰਤ ਕਛ ਅੰਤ ਨਾ ਪਾਵਉਂ ॥ 196 ॥

¹ਅ ਤੇ ਏ ਪੌਥੀ ਚੰਬ ²ਦ ਪੌਥੀ ਮਗ

ਲਾਲ ਚੰਦ ਤਬ ਆਗੇ ਧਾਯੋ । ਭੂਖਨ ਪਾਟ ਮਿਠਾਈ ਲਿਆਯੋ ।
ਹੈ ਦਾਸੀ ਬਹੁ ਅਗੂ ਧਰਾਇ । ਗਰਿ ਅੰਚਰ ਲਾਗੋ ਪਗਿ ਆਇ ॥ 197 ॥

ਦੋਹਰਾ

ਦਯਾ ਸਿੰਧ¹ ਕਰ ਕਮਲ ਸਿਉ ਦੈ ਧੀਰਜ ਮਿਲ ਅੰਕ ।
ਭਗਤ ਸਿੰਘ ਬਡ ਭਾਗ ਸਿਉ ਮਿਲੇ ਪ੍ਰਭੂ ਤਜ ਸੰਕ ॥ 198 ॥

ਚੌਪਈ

ਕਰ ਮਿਲਨੀ ਮਨ ਆਨੰਦ ਪਾਯੋ । ਲਾਲ ਚੰਦ ਨਿਜ ਕੇਤ ਸਿਧਾਯੋ ।
ਦੂਲੋ ਕਉ ਨਿਜ ਸੰਗ ਲਵਾਇ । ਸਗਨ ਹੇਤ ਮਨ ਆਨੰਦ ਪਾਇ ॥ 199 ॥
ਬਾਜੀ ਅਸਤ ਚਲੀ ਤਬ ਐਸੇ । ਉਠਤ ਬਘੂਲਾ ਬੜਵਾ ਜੈਸੇ ।
ਬ੍ਰਾਤ ਸਿੰਧ ਪੁਰ ਨਾਰਿ ਦਿਖਾਇ । ਉਠੀ ਗਾਇ ਮਨ ਆਨੰਦ ਪਾਇ ॥ 200 ॥

ਦੋਹਰਾ

ਸੁੰਦਰ ਸਦਨ ਨਿਵਾਸ ਹੈ ਭੋਜਨ ਹੇਤ ਬੁਲਾਇ ।
ਬਾਜੀ ਅਸਤ ਚਲਾਇ ਬਹੁ ਬਾਜੇ ਬਜਤ ਮਹਾਇ ॥ 201 ॥

ਚੌਪਈ

ਜੁਤ ਬਰਾਤ ਬੈਠੇ ਗੁਰ ਜਾਇ । ਖਟ ਰਸ ਭੋਜਨ ਭਯੋ ਮਹਾਇ ।
ਭੋਜਨ ਲਾਗੀ ਕਰਨ ਬਰਾਤਾ । ਗਾਰੀ ਦੇਤ ਤਿਯਾ ਲਖ ਘਾਤਾ ॥ 202 ॥
ਸਨੇ ਸਨੇ ਤਬ ਭੋਜਨ ਕਰਹੀ । ਦਯਾ ਸਿੰਧ ਮਨ ਆਨੰਦ ਭਰਹੀ ।
ਕਰ ਭੋਜਨ ਜਨ ਵਾਸੇ ਆਏ । ਤਤ ਛਿਨ ਲਾਵਾਂ ਹੇਤ ਬੁਲਾਏ ॥ 203 ॥

ਦੋਹਰਾ

ਲੀਏ ਮੁਖੀ ਤਬ ਸ੍ਰੀ ਗੁਰੂ ਤਹਿ ਛਿਨ ਕੀਨ ਪਯਾਨ ।
ਸੁੰਦਰ ਬੇਦੀ ਜਹਿ ਰਚੀ ਤਹਿ ਬੈਠੇ ਭਗਵਾਨ ॥ 204 ॥

ਚੌਪਈ

ਖਾਰੇ ਪਰ ਦੂਲੋ ਛਬ ਪਾਵੈ । ਬਿਪ੍ਰ² ਸਕਲ ਸੁਰ ਪੂਜ ਕਰਾਵੈ ।
ਕੰਨਿਆ ਆਇ ਬੈਠ ਬਿਬ ਖਾਰੇ । ਦਾਸ ਕਵੀ ਜੋਰੀ ਬਲਿਹਾਰੇ ॥ 205 ॥
ਲਾਵਾਂ ਲੀਨ ਗਾਇ ਬਹੁ ਨਾਰੀ । ਦੀਨ ਲਾਗ ਸਭ ਰੀਤਿ ਸਵਾਰੀ ।
ਕਿਰਪਾ ਸਿੰਧ ਜਨ ਵਾਸੇ ਆਏ । ਤੇਗ ਬਹਾਦਰ ਤਹਾਂ ਰਹਾਏ ॥ 206 ॥

ਦੋਹਰਾ

ਸੰਮਤ ਸੋਰਾਂ ਸੈ ਸੁਖਦ ਔਰ ਉਨਾਨਵੇ ਜਾਨ ।
ਤੇਗ ਬਹਾਦਰ ਬਿਯਾਹ ਕਰ ਫਗਨ ਗ੍ਰਹ ਅਨੁਮਾਨ ॥ 207 ॥

¹ਅ ਪੋਥੀ ਕ੍ਰਿਪਾਨਿਧਿ ²ਅ ਪੋਥੀ ਦਿਜ

ਸੁਰ ਪਤਨੀ ਸੁਰ ਨਾਰਿ ਕਹਿ ਹੇ ਅਲਿ¹ ਦੂਲੋ ਜੈਸ ।
ਇਹੁ ਲਾਇਕ ਬਿਧਨਾ ਰਚੀ ਸੁਤਾ ਗੁਜਰੀ ਤੈਸ ॥ 208 ॥

ਚੌਪਈ

ਹੇ ਅਲਿ ਹਮਰੇ ਮਨ ਅਸ ਆਵੈ । ਇਹ ਜੋਰੀ ਜੁਗ ਚਾਰ ਰਹਾਵੈ ।
ਕਥਿਤ ਪਰਸਪਰ ਆਨੰਦ ਪਾਇ । ਰੂਪ ਰੰਮਯ ਲਖ ਅਬਲਾ ਆਇ ॥ 209 ॥
ਭਯੋ ਭੋਰ ਦੂਲੋ ਚਲਿ ਆਯੋ । ਬਰਾਤ ਮਧ ਗੁਰੁ ਦਰਸਨ [ਪਾਯੋ]² ।
ਭਗਤ ਸਿੰਘ ਹੁਇ ਮੰਗਲ ਚਾਰੀ । ਬੀਤੇ ਦਿਵਸ ਤੀਨ ਸੁਖ ਕਾਰੀ ॥ 210 ॥

ਦੋਹਰਾ

ਲਾਲ ਚੰਦ ਬਹੁ ਦਾਜ ਦੇ ਹੈ ਪਟ ਭੂਖਨ ਧੋਨੁ ।
ਦਾਸੀ ਦਰਬ ਅਨੰਤ ਦੇ ਮਨਸ ਨੀਰ ਜਨ ਨੈਨ ॥ 211 ॥

ਚੌਪਈ

ਹਾਥ ਜੋਰ ਗੁਰੁ ਪਾਵ ਗਹਾਏ । ਹੇ ਪ੍ਰਭ ਮੇਰੀ ਭੂਲ ਛਿਮਾਏ ।
ਜਾਨ ਰੰਕ ਮੁਹਿ ਨਾਹਿ ਵਿਸਾਰੋ । ਦੀਓ ਨ ਕਛੂ ਨਿਜ ਕਾਮ ਸਵਾਰੋ ॥ 212 ॥
ਸੁੰਦਰ ਡੋਲਾ ਬਹੁਰ ਮੰਗਾਯੋ । ਅਤਿ ਸੁੰਦਰ ਸਭ ਕੇ ਮਨ ਭਾਯੋ ।
ਬਿਸ਼ਨ ਕੌਰ ਨਿਜ ਸੁਤਾ ਬਹਾਈ । ਗੁਜਰੀ ਨਾਮ ਜਾਹਿ ਸੁਖਦਾਈ ॥ 213 ॥

ਦੋਹਰਾ

ਪਤਿ ਮਮ ਈਸ ਪਛਾਨ ਕੈ ਹੇ ਪੁਤ੍ਰੀ ਕਰ ਸੇਵ ।
ਪਤਿ ਪਰਮੇਸੁਰ ਜਾਨੀਏ ਔਰ ਤੁਛ ਲਖ ਏਵ ॥ 214 ॥

ਚੌਪਈ

ਅਸ ਕਹ ਡੋਲੇ ਮਾਹਿ ਪਠਾਈ³ । ਅਬਲਾ⁴ ਪੁਨ ਸਭ ਕੰਠ ਮਿਲਾਈ ।
ਤੇਗ ਬਹਾਦਰ ਕੋ ਕਰ ਪਿਆਰ । ਬਿਸ਼ਨ ਕੌਰ ਨਿਜ ਧਾਮ ਪਧਾਰ ॥ 215 ॥
ਡੋਲਾ ਕਾਂਧੇ ਚਾਇ ਕਹਾਰਾ । ਸ੍ਰੀ ਗੁਰੁ ਬਹੁ ਧਨ ਉਪਰ ਡਾਰਾ ।
ਬਾਜੇ ਬਜਾਵਤ ਬੰਮ ਜੀ ਆਏ । ਕਰ ਦਰਸਨ ਤਹਿ ਮਾਥ ਟਿਕਾਏ ॥ 216 ॥
ਬਹੁਰੋ ਸ੍ਰੀ ਗੁਰੁ ਮਹਲੀ ਆਏ । ਬਿਬ ਮਾਤਾ ਮਨ ਹਰਖ ਧਰਾਏ ।
ਅਨੰਤੀ ਖੇਮ ਕੌਰ ਤਿਆ ਆਨਾ । ਬੀਬੀ ਵੀਰੋ ਬਹੁ ਸੁਖ ਮਾਨਾ ॥ 217 ॥

ਦੋਹਰਾ

ਗਾਵਤ ਬਾਜ ਬਜਾਵਤੀ ਸਬ ਦਰ ਓਰ ਪਧਾਰ ।
ਤਾਂ ਸਮ ਭਯੋ ਅਨੰਦ ਜੋ ਕੈਸੇ ਕਹੂੰ ਉਚਾਰ ॥ 218 ॥
ਮਾਤ ਨਾਨਕੀ ਵਾਰ ਜਲ ਪੀਓ ਪਾਨਿ ਹਰਖਾਇ ।
ਕੁੰਭ ਮਾਂਹਿ ਧਨ ਡਾਰ ਬਹੁ ਗਾਵਤ ਸਦਨ ਸਿਧਾਏ ॥ 219 ॥

¹ਅ ਪੋਥੀ ਸਖੀ ²ਏ ਪੋਥੀ ਵਿਚੋਂ ³ਅ ਪੋਥੀ ਬੇਠਾਈ ⁴ਅ ਤੇ ਏ ਪੋਥੀ ਪੁਰ ਨਾਰਿ

ਚੌਪਈ

ਦੇਖ ਸਨੁਖਾ ਰੂਪ ਬਹੁ ਨਾਰੀ । ਧਰ ਆਨੰਦ ਹੋਵਤ ਬਲਿਹਾਰੀ ।
ਬੀਬੀ ਵੀਰੋ ਆਨੰਦ ਪਾਇ । ਪੋਖ ਰੂਪ ਤਹਿੰ ਬਲਿ ਬਲਿ ਜਾਇ ॥ 220 ॥
ਗਾਥਾ ਬਹੁ ਸੂਚਨ ਮੋਹਿ ਭਾਖੀ । ਬਦੈ ਗ੍ਰਿਥ ਭਾਖੇ ਸਭ ਸਾਖੀ ।
ਮੋਰੀ ਛਿਮਾ ਭੂਲ ਅਬ ਕੀਜੈ । ਅਧਿਕ ਜਾਨ ਅਪਨੇ ਚਿਤ ਲੀਜੈ ॥ 221 ॥

ਦੋਹਰਾ

ਰਹਿਯੋ ਮੇਲ ਕਛ ਦਿਨ ਤਹਾਂ ਪੁਨਾ ਵਿਦਾਇਗੀ ਪਾਇ ।
ਲੈ ਆਇਸ ਸ੍ਰੀ ਗੁਰੂ ਕੀ ਨਿਜ ਨਿਜ ਧਾਮ ਸਿਧਾਇ ॥ 222 ॥

ਚੌਪਈ

ਸੁੰਦਰ ਪਰਮਾਨੰਦ ਦਾਤੂ ਸੁਤ । ਹਰੀ ਚੰਦ ਦਵਾਰਾ ਨਾਰੀ ਜੁਤ ।
ਧਰਮਾ ਸੁਤ ਜੁਤ ਆਨੰਦ ਪਾਯੋ । ਰਾਮਾ ਨਾਰੀ¹ ਸਹਿਤ ਸਿਧਾਯੋ ॥ 223 ॥
ਬੀਬੀ ਜੁਤ ਨਿਜ ਧਾਮ ਸਿਧਾਏ । ਸਾਧੂ ਰੂਪ ਚੰਦ ਸੁਖ ਪਾਏ ।
ਰਾਇ ਜੋਧ ਜੁਤ ਕੀਨ ਪਯਾਨਾ । ਧਰਿ ਰਿਦੇ ਸ੍ਰੀ ਗੁਰੂ ਪਗ² ਧਿਆਨਾ ॥ 224 ॥

ਦੋਹਰਾ

ਕਥਾ ਅਧਿਕ ਸੂਚਨ ਕਰੀ ਸਤਿਗੁਰ ਪੁਤ੍ਰ ਵਿਵਾਹ ।
ਸੁਨੋ ਸੰਤ ਨਿਜ ਓਰ ਪਿਖ ਛਿਮੋ ਭੂਲ ਮਮ ਪਾਹ ॥ 225 ॥
ਫਲਗੁਨ ਬੀਤਯੋ ਚੇਤ ਪੁਨ ਬੀਤ ਵਿਸਾਖੀ ਆਇ ।
ਦੂਰ ਦੂਰ ਸੰਗਤ ਆਈ ਮਨ ਬਾਂਛਤ³ ਫਲ ਪਾਇ ॥ 226 ॥

ਚੌਪਈ

ਕੀਓ ਗੰਗਸਰ ਮਜਨ ਪਾਨਾ । ਬੰਮ ਜੀ ਸਦਰ ਧਾਰਿ ਸੁਖ ਮਾਨਾ ।
ਗੁਰੁ ਗ੍ਰਿਥ ਕਾ ਦਰਸਨ ਕੈ ਕੈ । ਦਯਾ ਸਿੰਧ ਕੀ ਆਇਸ ਲੈ ਕੈ ॥ 227 ॥
ਸੰਗਤ ਸਭ ਮਨ ਬਾਂਛਤ ਪਾਇ । ਨਿਜ ਨਿਜ ਧਾਮਿ ਚਲੀ ਸੁਖ ਪਾਇ ।
ਸੂਚਨ ਕਹੂੰ ਮਾਸ ਖਟ ਬੀਤੇ । ਸ੍ਰੀ ਗੁਰੂ ਕਰ ਬਹੁ ਚਰਿਤ ਪੁਨੀਤੇ ॥ 228 ॥

ਦੋਹਰਾ

ਦੀਪ ਮਾਲ⁴ ਮੇਲਾ ਅਯੋ ਸੰਗਤ ਵਾਰ ਨਾ ਪਾਰ ।
ਭਾਂਤ ਭਾਂਤ ਭੇਟਾ ਚੜੀ ਜਾਂਕੋ ਨਾਹਿ ਸੁਮਾਰ ॥ 229 ॥

ਸਵਯਾ

ਲਾਇ ਦੀਵਾਨ ਪ੍ਰਭੂ ਸੁਖ ਸਾਗਰ ਦੇਤ ਦਿਦਾਰ ਕਰਹਿ ਰੁਚ ਪੂਰੀ ।
ਮਧ ਸਿੰਘਾਸਨ ਉਚ ਸੁਹਾਵਤ ਤਾਂ ਪਰ ਗ੍ਰਿਥ ਗੁਰੂ ਸੁਖ ਮੂਰੀ ।

¹ਅ ਤੇ ਦ ਪੋਥੀ ਬਾਮਾ ²ਦ ਪੋਥੀ ਚਰਨ ³ਅ ਪੋਥੀ ਰਿਛਤ ⁴ਅ ਤੇ ਦ ਪੋਥੀ ਦੀਪਾਵਲੀ

ਪਾਠ ਕਰੈ ਬਿਧੀਆ ਮਨ ਆਨੰਦ ਸੰਗਤਿ ਪ੍ਰੀਤਿ ਸੁਨੈ ਭ੍ਰਮ ਦੂਰੀ ।
ਸੇਤ ਕਰਿਯੋ ਕਲਿ ਮਾਹਿ ਗੁਰੁ ਪੰਚਮ ਜਾਸ ਪੜੇ ਸੁਨੇ ਸੰਕਟ ਚੂਰੀ ॥ 230 ॥

ਦੋਹਰਾ

ਪਾਠ ਕਰਤ ਬਿਧੀਆ ਰਿਦੇ ਉਪਜੀ ਏਹ ਮਨ ਮਾਂਹਿ¹ ।
ਉਤਾਰ ਕਰਾਉ ਗ੍ਰੰਥ ਗੁਰੁ ਸ੍ਰੀ ਗੁਰੁ ਆਇਸ² ਪਾਹਿ ॥ 231 ॥

॥ ਭੁਜੰਗ ਛੰਦ ॥

ਤਬੈ ਐਸ ਕੀਨੋ ਰਿਦੈ ਮਹਿ ਵਿਚਾਰੰ ।
ਸੁ ਮੇਲਾ ਭਯੋ ਜਾਹਿ ਕੋ ਨਾ ਸੁਮਾਰੰ ।
ਚੜੀ ਭੇਟ ਅਪਾਰ ਦੀਪੰ ਜਗਾਏ ।
ਘਨੀ ਦੀਪ ਮਾਲਾ ਪਿਖੇ ਮੋਦ ਛਾਏ ॥ 232 ॥
ਗੁਰ ਪਾਇ ਆਗਿਆ ਫਲੰ ਲੀਨ ਚਾਰੀ ।
ਸਭੀ ਸੰਗਤੰ ਧਾਮ ਆਪੰ ਪਧਾਰੀ ।
ਬਿਧੀ ਚੰਦ ਦੇਖਿਓ ਸਮੰ ਅਰਜ ਕੀਨੀ ।
ਕਹੀ ਐਸ ਬਾਨੀ ਅਮੀ ਜੈਸ ਭੀਨੀ ॥ 233 ॥

ਸਵਯਾ

ਸਿੰਧ ਦਯਾ ਜਨ ਉਤਮ ਸੇ ਉਪਕਾਰ ਕਰੈ ਨਿਜ ਕਾਜ ਮਿਟਾਏ ।
ਬਿਕ੍ਰਮ ਔਰ ਦਧੀਚ ਕਥਾ ਅਤਿ ਮਧ ਪੁਰਾਣ ਸਭੈ ਸੁਰਿ ਗਾਏ ।
ਤੈਸ ਬਿਧੀ ਸਸਿ ਹੇਤ ਸਭੈ ਕਰ ਕੈ ਉਪਕਾਰ ਬਿਲੰਬ ਤਜਾਏ ।
ਸੇਸ ਸੁਰੇਸ ਦਿਨੇਸ ਗਨੇਸ ਤਿਸੈ ਉਪਮਾਂ ਨਹਿ ਪਾਰ ਪਰਾਏ ॥ 234 ॥

ਦੋਹਰਾ

ਬਿਧੀ ਚੰਦ ਕਰ ਜੋਰ ਕੈ ਠਾਢ ਭਯੋ ਸਮੁਹਾਇ ।
ਗਰਿ ਅੰਚਰ ਅਤਿ ਦੀਨ ਹੂੰ ਤ੍ਰਾਹਿ ਤ੍ਰਾਹਿ ਮੁਖ ਗਾਇ ॥ 235 ॥

ਚੌਪਈ

ਸਤਿਗੁਰ ਦੇਖ ਰਿਦੈ ਮੁਸਕਾਇ । ਸ੍ਰੀ ਗੁਰੁ ਐਸ ਬੈਨ³ ਅਲਾਏ ।
ਬਿਧੀ ਚੰਦ ਕਿਆ ਮਨ ਮਹਿ ਆਈ । ਭਾਖਓ ਤੁਰਤ ਨਾ ਦੇਰ ਲਗਾਈ ॥ 236 ॥
ਬਿਧੀਆ ਕਹਿ ਪ੍ਰਭੂ ਆਵਤ ਲਾਜਾ । ਤੁਮਰੋ ਨਾਮ ਗਰੀਬ ਨਿਵਾਜਾ ।
ਮੇਰੇ ਮਨ ਇਹੁ ਰੁਚ ਉਪਜਾਈ । ਹੋਵੈ ਜੋ ਤੁਮਰੇ ਮਨ ਭਾਈ ॥ 237 ॥

ਦੋਹਰਾ

ਭਾਈ ਬੰਨੋ ਜੀ ਕਰਿਓ ਸ੍ਰੀ ਗੁਰੁ ਗ੍ਰੰਥ ਉਤਾਰ ।
ਨਿਜ ਮਾਂਗਟ ਵਾਸੀ ਗਯੋ ਮਨ ਮਹਿ ਆਨੰਦ ਧਾਰ ॥ 238 ॥

¹ਅ ਤੇ ਏ ਪੋਥੀ ਚਾਹਿ ²ਅ ਪੋਥੀ ਆਗਿਆ ³ਅ ਪੋਥੀ ਬਚਨ

ਗੁਰੂ ਗ੍ਰੰਥ ਅਬ ਏਕ ਹੈ ਸੰਗਤ ਹੇਤ ਉਧਾਰ ।
ਹੇ ਪ੍ਰਭ ਜੇ ਆਇਸ ਕਰੋ ਕੀਜੈ ਦੁਤੀ ਤਿਆਰ ॥ 239 ॥

ਚੌਪਈ

ਭਗਤ ਸਿੰਘ ਗੁਰ ਮੋਨ^੧ ਰਹਾਏ । ਬਿਧੀ ਚੰਦ ਪੁਨ ਬਿਨਤ ਅਲਾਏ ।
ਤੀਨ ਬੇਰ ਜਬ ਬਿਨਤਿ ਉਚਾਰੀ । ਭਗਤ ਸਿੰਘ ਗੁਰੁ ਪਰਉਪਕਾਰੀ ॥ 240 ॥
ਸ੍ਰੀ ਮੁਖ ਕਹਿ ਭਾਇ ਜੋ ਤੋ ਕਉ । ਕੀਜੈ ਸੋਇ ਭਾਖ ਕਿਆ ਮੋ ਕਉ ।
ਪੂਰਨ ਹੋਇ ਵਿਥਾਰੈ ਨਾਂਹੀ । ਵਿਘਨ ਅਨੇਕ ਯਾਹਿ^੨ ਕੇ ਮਾਂਹੀ ॥ 241 ॥

ਦੋਹਰਾ

ਬਿਧੀ ਚੰਦ ਕਹ ਬਾਤ ਸੋ ਜੋ ਤੁਮਰੇ ਮਨ ਭਾਇ ।
ਸੁਨਤ ਐਸ ਮਨ ਹਰਖ ਕੈ ਪਦ ਪੰਕਜ ਲਪਟਾਇ ॥ 242 ॥

ਚੌਪਈ

ਪ੍ਰਭ ਕੀ ਬਾਤ ਗੰਭੀਰ ਨ ਜਾਨੀ । ਜਦਪਿ ਬਿਧੀ ਚੰਦ ਬਡ ਗਿਆਨੀ ।
ਤਤ ਛਿਨ ਕਾਗਦ ਲੀਏ ਮੰਗਾਇ । ਰਚਿ ਸੈਂਚੀਆਂ ਮਨਿ ਸੁਖ ਪਾਇ ॥ 243 ॥
ਲਿਖਨ ਹੇਤ ਤਬ ਲਾਇ ਲਿਖਾਰੀ । ਭਗਤ ਸਿੰਘ ਸੂਚਨ ਗਥ ਸਾਰੀ ।
ਅਉਰ ਚਰਿਤ ਗੁਰ ਜਾਨ ਅਪਾਰਾ । ਜਾਂਕੇ ਕਥਤ ਨਾ ਪਰੈ ਸੁਮਾਰਾ ॥ 244 ॥

ਦੋਹਰਾ

ਸੁਨੋ ਸੰਤ ਗਾਥਾ ਕਹੂੰ ਪੈਂਦੇ ਖਾਂ ਰਿਸਵੰਤ ।
ਨਟ ਸਮ ਕੋਤਕ ਕਰਤ ਪ੍ਰਭ ਜਾਕੋ ਨਾਮ ਅਨੰਤ ॥ 245 ॥

ਚੌਪਈ

ਬੀਤ ਮਾਸ ਖਟ ਆਈ ਵਿਸਾਖੀ । ਕਲਹ ਮੂਲ ਸੁਨੀਏ ਅਬ ਸਾਖੀ ।
ਦੇਸ ਦੇਸ ਸੰਗਤ ਬਹੁ ਆਈ । ਭਾਂਤ ਭਾਂਤ ਕੀ ਭੇਟਾ ਲਯਾਈ ॥ 246 ॥
ਦਛਨ ਦੇਸ ਬਿਚਛਨ ਜਾਨ । ਤਹਿੰ ਕੀ ਸੰਗਤ ਆਨੰਦ ਠਾਨ ।
ਆਈ ਗੁਰ ਢਿਗ^੩ ਦਰਸਨ ਕੀਨੋ । ਭਈ ਸਾਂਤ ਮਨ ਮਹਿ ਸੁਖ ਲੀਨੋ ॥ 247 ॥

ਦੋਹਰਾ

ਏਕ ਸੁਦਾਗਰ ਤਾਂਹਿ ਮਾਹਿ ਜੋ ਭੇਟਾ ਬਹੁ ਲਿਆਇ ।
ਸੁਨੋ ਸੰਤ ਤਾਂਕੀ ਕਥਾ ਸਾਈ ਦਾਸ ਲਖਾਇ ॥ 248 ॥

ਚੌਪਈ

ਸੁੰਦਰ ਲਾਗੋ ਅਧਿਕ ਦੀਵਾਨ । ਬੈਠੇ ਸਾਹਿਬ ਕ੍ਰਿਪਾ ਨਿਧਾਨ ।
ਰਵਿ ਮਲ ਅਣੀ ਰਾਇ ਸਮੁਹਾਈ । ਬੈਠੇ ਅਤਿ ਸੁੰਦਰ ਛਬ ਪਾਈ ॥ 249 ॥

^੧ਅ ਪੋਥੀ ਅਸਟ ^੨ਏ ਪੋਥੀ ਇਸੀ ^੩ਏ ਪੋਥੀ ਨਾਹਿ

ਬਾਂਏ ਪੈਂਦਾ ਅਤਿ ਬਡ ਸੂਰਾ । ਦਾਂਏ ਬਾਬਾ ਸਭ ਸੁਖ ਪੂਰਾ ।
ਪਾਛੇ ਧੀਰ ਮਲ ਛਬਿ ਪਾਵੈ । ਕਪਟਿ ਰੂਪ ਜਿਹ ਕੋਇ ਨਾ ਭਾਵੈ ॥ 250 ॥

ਦੋਹਰਾ

ਹਰੀ ਰਾਇ ਗੁਰ ਅੰਕ ਮਹਿ ਰਵਿ ਸਸਿ ਪੇਖ ਲਜਾਇ ।
ਲਾਲ ਚੰਦ ਬੀਜਨ¹ ਕਰੈ ਬਿਧੀਆ ਚੋਰ² ਦੁਰਾਇ ॥ 251 ॥

ਚੌਪਈ

ਬਾਬਕ ਕਰ ਕੀਰਤ ਮਨ ਲਾਇ । ਭਗਤ ਸਿੰਘ ਛਬਿ ਕਹੀ ਨ ਜਾਇ ।
ਦੇਖ ਸੁਦਾਗਰ ਆਨੰਦ ਧਾਰਾ । ਚਿਤ੍ਰਸੈਨ ਤਿਹ ਨਾਮ ਉਦਾਰਾ ॥ 252 ॥
ਦੇਖ ਦਰਸ ਬਹੁਰੋ ਮਨ ਲਯਾਇ । ਲੇਉ ਪਰੀਛਾ ਪੂਜ ਚੜਾਇ ।
[ਐਸੀ]³ ਬਾਤ ਰਿਦੈ ਮਹਿ ਚੀਨੀ । ਮੁਹਰੇ ਪੰਚ ਭੇਟ ਧਰ ਦੀਨੀ ॥ 253 ॥

ਦੋਹਰਾ

ਹਰੀ ਰਾਇ ਪਦ ਕਮਲ ਤੇ ਤਤ ਛਿਨ ਦਏ ਗਿਰਾਇ ।
ਚਿਤ੍ਰ ਸੈਨ ਬਿਨਤੀ ਕਰੀ ਹੇ ਪ੍ਰਭੂ ਮਨ ਕਿਆ ਆਇ ॥ 254 ॥

ਚੌਪਈ

ਦਯਾ ਸਿੰਧ ਮੁਖ ਬੈਨ ਉਚਾਰੇ । ਪਰ ਕਾ ਦਰਬ ਨਾਂਹਿ ਹਮ ਧਾਰੇ ।
ਮੋਹਿ ਦੂਬ ਦੇਵਹੁ ਸੁਧ ਸੰਗਾ । ਭਾਖੋ ਅਪਨੀ ਕਥਾ ਉਮੰਗਾ ॥ 255 ॥
ਚਿਤ੍ਰ ਸੈਨ ਮਨ ਆਨੰਦ ਪਾਯੋ । ਧੰਨ ਧੰਨ ਸ੍ਰੀ ਗੁਰ ਕੋ ਗਾਯੋ ।
ਹੇ ਪ੍ਰਭ ਸਭ ਸੰਕਟ ਮਮ ਟਾਰੇ । ਕਰੀ ਰਛ ਤੁਮ ਸਿੰਧ ਮਝਾਰੇ ॥ 256 ॥

ਦੋਹਰਾ

ਟਾਪੂ ਮੋਹਿ ਮੁਹਿ ਨਗਰ ਹੈ ਚਿਤ੍ਰਪੁਰੀ ਤਹਿ ਨਾਮ ।
ਸੁਨੋ ਪ੍ਰਭੂ ਅਤਿ ਰਮਯ ਹੈ ਤਹਾਂ ਜਾਨ ਮਮ ਧਾਮ ॥ 257 ॥

ਚੌਪਈ

ਤਹਿ ਤੇ ਲਾਦ ਜਹਾਜ ਚਲਾਯੋ । ਬੀਸ ਲਾਖ ਦਾ ਦਰਬ ਧਰਾਯੋ ।
ਔਰ ਦੇਸ ਚਲ ਕੀਓ ਵਪਾਰਾ । ਤੀਸ ਲਾਖ ਹੁਇ ਆਨੰਦ ਧਾਰਾ ॥ 258 ॥
ਤਬ ਹਉ ਤਹਿ ਤੇ ਕੀਨ ਪਯਾਨਾ । ਨਿਜ ਪੁਰ ਓਰ ਧਾਰ ਸੁਖ ਮਾਨਾ ।
ਅਯੋ ਜਹਾਜ ਸਿੰਧ ਕੇ ਮਾਹੀ । ਮਛ ਅਟਕਾਯੋ ਧਰ ਬਲ ਥਾਂ ਹੀ ॥ 259 ॥

ਦੋਹਰਾ

ਕੀਨੇ ਜਤਨ ਅਨੇਕ ਤਬ ਚਾਲਯੋ ਨਾਂਹਿ ਜਹਾਜ ।
ਤੋਹਿ ਦਾਸ ਬੈਠੋ ਪ੍ਰਭੂ ਤਾਂਹਿ ਰਖੀ ਮਮ⁴ ਲਾਜ ॥ 260 ॥

¹ਅ ਪੰਥੀ ਪਖਾ ²ਏ ਪੰਥੀ ਚਵਰ ³ਅ ਪੰਥੀ ਵਿਚੋਂ ⁴ਅ ਪੰਥੀ ਮੋਹਿ

ਚੌਪਈ

ਤਿਨੈ ਕਹਾ ਗੁਰ ਕੋ ਧਰ ਧਿਆਨਾ । ਮਾਨ ਭੇਟ ਕਰ ਸੰਕਟ ਹਾਨਾ ।
 ਤਬ ਹਉ ਤੁਮਰੋ ਧਿਆਨ ਧਰਾਇ । ਭੇਟ ਪਾਂਚ ਸੈ ਦਾਸੀ ਗਾਇ ॥ 261 ॥
 ਤਬ ਤੁਮ ਮੋਕਉ ਦਰਸ ਦਿਖਾਯੋ । ਤੋਰ ਜਹਾਜ ਖੇਦ¹ ਹਮ ਘਾਯੋ ।
 ਸੋ ਅਬ ਰੂਪ ਬਿਲੋਕਿਓ ਤੋਰਾ । ਪੂਰਨ ਭਯੋ ਮਨੋਰਥ ਮੋਰਾ ॥ 262 ॥

ਦੋਹਰਾ

ਔਰ ਬਾਤ ਇਹ ਠਾਂ ਸੁਨੀ ਹੈ ਆਯੁਧ ਜੋ ਲਿਆਇ ।
 ਤਾਂ ਪਰ ਗੁਰ ਕ੍ਰਿਪਾ ਕਰਹਿ ਭਵ ਸੰਕਟ ਮਿਟ ਜਾਇ ॥ 263 ॥

ਚੌਪਈ

ਤਬ ਹਉ ਢੂੰਡ ਏਕ ਹੈ ਲੀਨੋ । ਸੋਲਾਂ ਲਖ ਦੇ ਦਧ ਸੁਤ ਚੀਨੋ ।
 ਤਿਸ ਪੁਸ਼ਾਕ ਪੁਨ ਬਾਜ ਸਵੇਤਾ । ਆਨਿਯ ਚੀਰਾ ਮਾਨ ਧਰੇਤਾ ॥ 264 ॥
 ਖੰਡਾ ਯਕ ਜਹਿ ਕੀਮਤ ਭਾਰੀ । ਹੇ ਪ੍ਰਭ ਆਨਿਯੋ ਮਮ² ਹਿਤ ਧਾਰੀ ।
 ਲੀਜੇ ਹੈ ਗੁਰ ਅਪਨ ਅਮਾਨ । ਮੋ ਕਉ ਦਾਸਨਿ ਦਾਸ ਪਛਾਨ ॥ 265 ॥
 ਅਸ ਕਹਿ ਆਗੇ ਸਕਲ ਧਰਾਇ । ਮੁਹਰ ਪਾਂਚ ਸੈ ਧਰਿ ਸੁਖ ਪਾਇ ।
 ਗਰਿ ਅੰਚਰ ਪਦ ਪੰਕਜ ਲਾਗਾ । ਉਸਤਤਿ ਕੀਨ ਪ੍ਰੇਮ ਰਸ ਪਾਗਾ ॥ 266 ॥

ਦੋਹਰਾ

ਹਾਥ³ ਕਮਲ ਗੁਰ ਧੀਰ ਦੇ ਸ੍ਰੀ ਮੁਖ ਬਹੁਰ ਸੁਨਾਇ ।
 ਚਿਤ੍ਰ ਸੈਨ ਭਵ ਧੰਨ ਤੁਮ ਸਭ ਕੁਲ ਸੰਕਟ ਘਾਇ ॥ 267 ॥

ਚੌਪਈ

ਮਾਂਗਹੁ ਬਰ ਜੈਸੀ ਰੁਚਾ ਤੇਰੀ । ਚਿਤ੍ਰ ਸੈਨ ਕਹਿ ਇਛਾ ਮੇਰੀ ।
 ਤਵ ਸਿਖੀ ਮਮ ਰਿਦੈ ਬਸਾਵੈ । ਸਿਦਕ ਮਾਹਿ ਰੁਚਿ ਔਰ ਨ ਭਾਵੈ ॥ 268 ॥
 ਤਬਾਸਤਿ ਕਹ ਗੁਰੂ ਫੇਰ ਉਚਾਰਾ । ਜੋ ਤੁਮ ਮਿਲੇ ਨ ਪਰ ਸੰਸਾਰਾ ।
 ਚਿਤ੍ਰ ਸੈਨ ਸੁਨ ਆਨੰਦ ਪਾਯੋ । ਲੈ ਆਇਸ⁴ ਨਿਜ ਡੇਰੇ ਆਯੋ ॥ 269 ॥

ਦੋਹਰਾ

ਸ੍ਰੀ ਗੁਰ ਅਸਪ⁵ ਨਿਹਾਰ ਕੈ ਬਾਜ ਸਵੇਤ ਪੁਨ ਪੇਖ ।
 ਖੰਡਾ ਪੇਖ ਪੁਸ਼ਾਕ ਤਬ ਮਨ ਮਹਿ ਕੀਨ ਅਲੇਖ ॥ 270 ॥

ਚੌਪਈ

ਕਰਤ ਵਿਚਾਰ ਐਸੇ ਮਨ ਚੀਨੋ । ਬਾਜ ਸਵੇਤ ਬਾਬੇ ਕਉ ਦੀਨੋ ।
 ਦੈ ਆਇਸ ਯਾ ਕਉ ਰਿਦ ਧਾਰ । ਭੋਰ ਜਾਇ ਤੁਮ ਖੇਡ ਸ਼ਿਕਾਰ ॥ 271 ॥

¹ਅ ਤੇ ਏ ਪੌਥੀ ਦੁਖ ²ਏ ਪੌਥੀ ਹਮ ³ਅ ਪੌਥੀ ਕਰ ⁴ਅ ਤੇ ਏ ਪੌਥੀ ਆਗਯਾ ⁵ਏ ਪੌਥੀ ਅਸੂ

ਦੇਖਹੁ ਕਰੇ ਚੋਟ ਏ ਕੈਸੀ । ਬਾਬੇ ਕਹਾ ਕਰੇ ਰੁਚਿ ਜੈਸੀ ।
ਪੈਂਦੇ ਕਉ ਦੇ ਹੈ ਦਰਿਯਾਈ । ਸਿੰਧ ਪੁਤ੍ਰ ਛਬਿ ਕਹੀ ਨ ਜਾਈ ॥ 272 ॥
ਜੁਤ ਪੁਸ਼ਾਕ ਚੀਰਾ ਤਹ ਦੀਨੋ । ਦੇ ਖੰਡਾ ਤਹ ਆਨੰਦ ਕੀਨੋ ।
ਬਹੁਰ ਸ੍ਰੀ ਮੁਖ ਐਸ ਅਲਾਇ । ਓਡਹੁ¹ ਅੰਗ ਨਾ ਦੇਰ ਲਗਾਇ ॥ 273 ॥

ਦੋਹਰਾ

ਪੈਂਦੇ ਧਾਰ ਪੁਸ਼ਾਕ ਤਬ ਚੀਰਾ ਸੀਸ ਸੁ ਧਾਰ ।
ਖੰਡਾ ਧਾਰਿਯੋ ਅੰਕ ਮੈ ਸੋਭਾ ਬਨੀ ਅਪਾਰ ॥ 274 ॥

ਸਵਯਾ

ਦੇਖ ਪ੍ਰਭੂ ਮੁਖ ਪੰਕਜ ਤੇ ਮੁਸਕਾਇ ਕਹੇ ਅਸ ਬੈਨ² ਤਦਾਏ ।
ਧਾਰ ਪੁਸ਼ਾਕ ਆਵਹੁ ਢਿਗ ਮੋ ਸਦ ਅਸੁ ਚੜੇ ਇਹ ਚਾਲ ਦਿਖਾਏ ।
ਖਾਨ ਸਵਾਰ ਭਯੋ ਕਰ ਬੰਦਨ ਅਸੁ ਅਪਾਰ ਬਡੀ ਛਬਿ ਪਾਏ ।
ਤੀਖਨ ਬੇਗ ਚਲੈ ਸਮ ਪੌਨ ਕੇ ਦੇਖ ਪ੍ਰਭੂ ਅਸ ਬੈਨ ਅਲਾਇ ॥ 275 ॥

ਦੋਹਰਾ

ਵਾਇ ਬਘੂਲਾ ਅਸੁ ਜਨ ਨਾਰਦ ਰੂਪ ਮੁਹਾਇ ।
ਕਲਹ ਹੋਇ ਵਾਸਾ ਜਾਂਹ ਸੁਨ ਪੈਂਦਾ ਮਨ ਲਾਇ ॥ 276 ॥
ਬਾਬਾ ਜਾਇ ਸ਼ਿਕਾਰ ਕੋ ਆਵਤ ਭੋਰ ਨਿਹਾਰ ।
ਤਾਹਿ ਸੰਗ ਹੁਇ ਖੇਲੀਓ ਅਬ ਤੁਮ ਧਾਮ ਸਿਧਾਰ ॥ 277 ॥

ਸੋਰਠਾ

ਖਾਨ ਬੰਦਨਾ ਕੀਨ ਚਲ ਆਯੋ ਗੁਰੁ ਹਰਖ ਕੈ ।
ਅਧਿਕ ਮਾਨ ਮਨ ਕੀਨ ਮੋ ਸਮ ਆਨ ਨ ਜਗਤ ਕੋ ॥ 278 ॥

ਸਵਯਾ

ਖਾਨ ਗੁਮਾਨ ਕਰੈ ਮਨ ਆਪਨ ਜਾਵਤ ਪੰਥ ਨ ਮੋ ਸਮ ਕੋਈ ।
ਔਰ ਤਿਆਗ ਸਭੈ ਸੁਤ ਪੁਤ੍ਰਹਿ ਅਸੁ ਪੁਸ਼ਾਕ ਦੀਯੋ ਮਮ ਸੋਈ ।
ਤਾਹਿ ਤੇ ਜਾਨਤ ਹੋ ਗੁਰ ਸੈਨ ਮਹਿ ਮੋ ਸਮ ਸੂਰ ਬਲੀ ਨਹਿ ਜੋਈ ।
ਸੰਤ ਸੁਨੋ ਮਨ ਮਾਨ ਭਈ ਜੜ ਕੌਨ ਹਟਾਇ ਸਕੈ ਜਨ ਦੋਈ ॥ 279 ॥

ਦੋਹਰਾ

ਦਯਾ ਸਿੰਧ ਭਾਵੀ ਪ੍ਰਬਲ ਜਾਂਤੇ ਬਚਿਯੋ ਨ ਕੋਇ ।
ਰਾਵਨ ਸੁਰਪਤ ਸੰਕਰਾ ਨਾਹ ਸ੍ਰੀ ਸ੍ਰਮ ਪੋਇ ॥ 280 ॥

ਚੌਪਈ

ਰਾਮ ਕ੍ਰਿਸ਼ਨ ਭੂਪਤਿ ਜਨਮੇਜਾ । ਹਰੀ ਚੰਦ ਸ੍ਰਮ ਧਾਰ ਅਮੇਜਾ ।
ਭਾਰੀ ਕੁਰ ਪਾਂਡਵ ਹਨ ਸੈਨਾ । ਭਗਤ ਸਿੰਘ ਭੋਜੀ ਜਮ ਐਨਾ ॥ 281 ॥

¹ਅ ਪੋਥੀ ਲਾਵਹੁ ²ਏ ਪੋਥੀ ਬਚਨ ³ਅ ਪੋਥੀ ਰਾਜ

ਤਸ ਪੈਂਦੇ ਭਾਵੀ ਭ੍ਰਮਾਯੋ¹ । ਚਲਤ ਪੰਥ ਨਿਜ ਓਜ ਜਨਾਯੋ ।
ਆਗੇ ਤਹਾਂ ਦਮਾਦ ਮਿਲਾਯਾ । ਅਸ੍ਰ ਪੁਸ਼ਾਕ ਦੇਖ ਲਲਚਾਯਾ ॥ 282 ॥

ਦੋਹਰਾ

ਅਸਮਾਨ ਖਾਨ ਐਸੇ ਕਹਾ ਸੁਨੇ ਖਾਨ ਮੁਹਿ ਬੈਨ ।
ਪੁਸ਼ਾਕ ਅਸਪ² ਮੁਹਿ ਦੀਜੀਏ ਹਰੇ ਦੇਖ ਇਹ ਨੈਨ ॥ 283 ॥

ਚੌਪਈ

ਪੈਦੇ ਖਾਂ ਅਸ ਬਾਤ ਉਚਾਰੀ । ਦੀਏ ਮੋਹਿ ਗੁਰ ਆਨੰਦ ਧਾਰੀ ।
ਦੇਵਹੁੰ ਨਾਹਿ ਔਰ ਤੁਮ ਲੀਜੈ । ਕਹਾ ਦਮਾਦ ਮੋਹਿ ਏਹ ਦੀਜੈ ॥ 284 ॥
ਪੈਂਦੇ ਖਾਂ ਮਨ ਮਹਿ ਰਿਸ ਪਾਈ । ਹੇ ਬਾਬਕ ਜਾਹਲ ਦੁਖਦਾਈ ।
ਅਸ ਕਹ ਚਾਲਯੋ ਅਸਪ ਕੁਦਾਇ । ਛੋਟੇ ਮੀਰ ਫਿਰਿਯੋ ਗਿਰਦਾਇ ॥ 285 ॥

ਦੋਹਰਾ

ਖਾਂ ਅਕਾਸ ਗ੍ਰਿਹਿ ਜਾਇ ਕੈ ਆਗੇ ਸਾਸ ਸੁਨਾਇ ।
ਖਾਨ ਲਯਾਯੋ ਬਸਤ੍ਰ ਹੈ ਦੀਜੈ ਮੋਹਿ ਦਿਵਾਇ ॥ 286 ॥

ਚੌਪਈ

ਨਾਤਰ ਮਾਰ ਕਟਾਰੀ ਮਰਹੋ । ਲੀਏ ਬਿਨਾ ਨਹਿੰ ਦੇਹ ਉਬਰ ਹੋ ।
ਸਾਸ ਕਹਾ ਸੁਤ ਸੰਸ³ ਨਾ ਕੀਜੈ । ਆਇ ਖਾਨ ਲੈ ਸਭ ਤੁਮ ਦੀਜੈ ॥ 287 ॥
ਤਬ ਲੋ ਪੈਦੇ ਖਾਂ ਗ੍ਰਿਹਿ ਆਯੋ । ਬੈਠ ਪਲੰਘ ਮਨਿ ਆਨੰਦ ਪਾਯੋ ।
ਨਾਰੀ ਪਰਬਲ ਕਹੈ ਸੁਧਾਰੇ । ਪੈਦੇ ਖਾਂ ਨਹਿ ਨਾਹਿ ਸੁ ਧਾਰੇ ॥ 288 ॥

ਦੋਹਰਾ

ਪੈਂਦੇ ਕਉ ਨਾਰੀ ਕਹਾ ਹਮਰੇ ਬੈਨ ਸੁਨਾਇ ।
ਚੀਰਾ ਅਸਪ⁴ ਪੁਸ਼ਾਕ ਜੁਤ ਦੀਜੈ ਦੇਰ ਨ ਲਾਇ ॥ 289 ॥

ਚੌਪਈ

ਨਾਤਰ ਮਰੈ ਦਮਾਦ ਤੁਮਾਰਾ । ਅਪਜਸ⁵ ਹੋਇ ਸਕਲ ਸੰਸਾਰਾ ।
ਪੈਂਦੇ ਕਹੀ ਨਾਹਿੰ ਕਛੂ ਦੀਜੈ । ਗੁਰ ਬਖਸੀਸ ਔਰ ਨਹਿੰ ਲੀਜੈ ॥ 290 ॥
ਨਾਰੀ ਖੁਨਸ ਖੋਸ ਤਿਨ ਦੀਨੀ । ਚੀਰੇ ਜੁਤ ਪੁਸ਼ਾਕ ਤਹਿ ਚੀਨੀ ।
ਪੈਦੇ ਖਾਂ ਮਨ ਮਹਿ ਬਿਸਮਾਯੋ । ਖਾਂ ਅਸਮਾਨ ਅਧਿਕ ਹਰਖਾਯੋ ॥ 291 ॥

ਦੋਹਰਾ

ਕਲਾ ਸੁਤਾ ਤਿਹੰ ਸਦਨ ਮਹਿ ਪਰੀ ਆਨ ਬਿਨ ਚੈਨ ।
ਸਾਰੀ ਨਿਸ ਚਿੰਤਤ ਰਹਾ ਨੀਂਦ ਪਰੀ ਨਹਿ ਨੈਨ ॥ 292 ॥

¹ਏ ਪੋਥੀ ਉਲਝਾਯੋ ²ਏ ਪੋਥੀ ਅਸ੍ਰ ³ਅ ਪੋਥੀ ਸੰਕ ⁴ਏ ਪੋਥੀ ਅਸ੍ਰ ⁵ਅ ਪੋਥੀ ਅਪਕੀਰਤ

ਜੈਸ ਹਰਖ ਅਵਲ ਭਯੋ ਤੈਸ ਚਿੰਤ ਪੁਨ ਪਾਇ ।
ਘਾਇਲ ਸਮ ਗ੍ਰਿਹਿ ਮੈ ਰਹਾ ਢਿਗ ਭੋਰ ਨਾ ਆਇ ॥ 293 ॥

ਚੌਪਈ

ਖਾਂ ਅਸਮਾਨ ਬਾਂਧ ਸਿਰ ਚੀਰਾ । ਪਹਿਰ ਪੁਸ਼ਾਕ ਸੁ ਹਰਖ ਸਰੀਰਾ ।
ਖੰਡਾ ਧਾਰ ਅੰਕ ਸੁਖ ਧਾਰਾ । ਭਾਵੀ ਬਸ ਬਨ ਓਰ ਸਿਧਾਰਾ ।
ਚੜ ਹੈ ਹੇਤ ਸ਼ਿਕਾਰ ਸਿਧਾਯੋ । ਇਹ ਦਿਸ ਬਾਬੇ ਬਿਯੋਤ ਬਨਾਯੋ ।
ਗੁਰ ਆਇਸ ਲੈ ਹੇਤ ਸ਼ਿਕਾਰਾ । ਲੀਏ ਬਾਜ ਬਨ ਓਰ ਸਿਧਾਰਾ ॥ 295 ॥
ਯਾਦ ਕੀਓ ਪੈਂਦੇ ਨਹੀਂ ਆਯੋ । ਸਤਿਗੁਰ ਬੈਨ ਸ਼ਿਕਾਰ ਲਿਖਾਯੋ ।
ਬਾਬੇ ਏਕ ਸੁਕਾਬ ਦਿਖਾਇ । ਛੋਡਿਓ ਬਾਜ ਤ੍ਰਿਪਤਿ ਨਹੀਂ ਖਾਇ ॥ 296 ॥

ਦੋਹਰਾ

ਤ੍ਰਿਪਤ ਬਾਜ ਕਰ ਚੋਟ ਨਹਿ ਗਯੋ ਦੂਰ ਨਹਿ ਆਇ ।
ਆਗੇ ਖੇਲ ਅਸਮਾਨ ਖਾਂ ਤਿਹ ਦਿਖ ਲੀਓ ਗਹਾਇ ॥ 297 ॥

ਚੌਪਈ

ਦੇਖ ਬਾਜ ਮਨ ਮਹਿ ਸੁਖ ਪਾਯੋ । ਬਾਜ ਸੁਪੈਦ ਨਾ ਅਗ੍ਰ ਦਿਖਾਯੋ ।
ਮੋ ਕਉ ਦੀਨਾ ਆਪ ਖੁਦਾਇ । ਅਸ ਵਿਚਾਰ ਚਲਿਯੋ ਗ੍ਰਿਹਿ ਧਾਇ ॥ 298 ॥
ਜਾਇ ਸਾਸ ਸਿਉ ਐਸੇ ਕਹਾ । ਅਲਹਿ¹ ਬਾਜ ਦੀਓ ਅਤਿ ਅਹਾ ।
ਸਾਸ ਕਹਾ ਗ੍ਰਿਹਿ ਰਾਖ ਖਪਾਇ । ਹੇ ਸੁਤ ਕਾਹੂੰ ਨਾਹਿ ਦਿਖਾਇ ॥ 299 ॥

ਦੋਹਰਾ

ਪੈਦੇ ਖਾਂ ਦਿਖ ਬਾਜ ਕਉ ਮੁਖ ਤੇ ਬੈਨ ਸੁਨਾਇ ।
ਬਾਜ ਗੁਰੂ ਕਉ ਜਾਨ ਇਹ ਦੀਜੈ ਨਾਹਿ ਪਚਾਇ ॥ 300 ॥

ਚੌਪਈ

ਦੇਹੁ ਬਾਜ [ਮੈ]² ਗੁਰ ਪੈ ਜਾਊ । ਅਪਨੀ ਸਗਲੀ ਭੂਲ ਛਿਮਾਊ ।
ਕਹਾ ਦਮਾਦ ਦੀਨ ਤੁਮ ਖੋਯੋ । ਹਿੰਦੂ ਗੁਰ ਕਾ ਸੇਵਕ ਹੋਯੋ ॥ 301 ॥
ਤਿਨੈ ਸ਼ਾਹ ਕਾ ਬਾਜ ਚੁਰਾਯੋ । ਸਮਾ ਪਾਇ ਮੋਰੇ ਕਰ ਆਯੋ ।
ਅਬ ਨਹਿ ਦੇਵਉ ਕੈਸੇ ਹੋਈ । ਆਹਵ ਕਰਹੂੰ ਕਰੈ ਜੇ ਕੋਈ ॥ 302 ॥

ਦੋਹਰਾ

ਪੈਦੇ ਖਾਂ ਚਿੰਤਾ ਕਰੀ ਨਹਿ ਵਸ ਮੋਹਿ ਚਲਾਇ ।
ਮੀਰ ਸ਼ਿਕਾਰ ਆਵਤ ਭਏ ਦੂਢੰਤ ਬਾਜ ਤਦਾਇ ॥ 303 ॥

ਚੌਪਈ

ਪੈਦੇ ਖਾਂ ਕਉ ਐਸ ਅਲਾਯੋ । ਇਹ ਠਾਂ ਬਾਜ ਸ੍ਰੀ ਗੁਰ ਆਯੋ ।
ਖਾਂ ਅਸਮਾਨ³ ਕਹੀ ਅਸ³ ਬਾਨੀ । ਭਗਤ ਸਿੰਘ ਕਲ ਮਹਾਂ ਗੁਮਾਨੀ ॥ 304 ॥

¹ਏ ਪੋਥੀ ਖੁਦਾਇ ²ਅ ਪੋਥੀ ਵਿਚੋਂ ³ਏ ਪੋਥੀ ਇਸ

ਇਹ ਨਾਂ ਬਾਜ ਨਾ ਤੁਮਰੋ ਆਯੋ । ਦੇਖੋ ਤੁਮ ਕਿਹ ਓਰ ਸਿਧਾਯੋ ।
ਪੈਂਦੇ ਦੀਓ ਢੰਢੋਰਾ ਤਬਹੀ । ਪੁਰ ਮਹਿ ਬਾਜ ਨਾ ਦੇਖੀਓ¹ ਕਬਹੀ ॥ 305 ॥

ਦੋਹਰਾ

ਮੀਰ ਸ਼ਿਕਾਰ ਆਏ ਤਬੈ ਬਾਬੇ ਢਿਗ² ਬਿਸਮਾਇ ।
ਬਾਜ ਪੁਰੀ ਮਹਿ ਲੋਪਿਓ ਹਮਰੇ ਕਰ³ ਨਹਿ ਆਇ ॥ 306 ॥

ਚੌਪਈ

ਤਤ ਛਿਨ ਬਾਬਾ ਗੁਰ ਢਿਗ ਆਏ । ਕਰ ਬੰਦਨ ਬੈਠੇ ਨਿਕਟਾਏ ।
ਸ੍ਰੀ ਗੁਰ ਪ੍ਰਛ ਬਾਜ ਕੀ ਬਾਤਾ । ਕਹੋ ਕੈਸ ਪੰਖੀ ਕਰ ਘਾਤਾ ॥ 307 ॥
ਕਹ ਬਾਬਾ ਪੰਖੀ ਜਸ ਔਰ । ਤੈਸੇ ਬਾਜ ਗਯੋ ਕਹਿ ਓਰ ।
ਜਬੈ ਖੇਡ ਹਮ ਗ੍ਰਿਹ ਮੋ ਆਏ । ਆਗੇ ਯਕ ਸੁਰਖਾਬ ਦਿਖਾਏ ॥ 308 ॥

ਦੋਹਰਾ

ਤਾਂ ਪਰ ਛੋੜਿਓ ਬਾਜ ਮੈ ਚੋਟ ਕਰੀ ਨਹਿ ਕੋਇ ।
ਕਿਧੋ ਤ੍ਰਿਪਤ ਥਾ ਬਾਜ ਵਹੁ ਗਯੋ ਨ ਆਯੋ ਸੋਇ ॥ 309 ॥

ਚੌਪਈ

ਮੀਰ ਸ਼ਿਕਾਰ ਕਹੀ ਅਸ ਬਾਨੀ । ਪੈਂਦਾ ਛੋਟੇ ਮੀਰ ਗੁਮਾਨੀ ।
ਗਯੋ ਤਾਂਹਿ ਢਿਗ ਲੀਓ ਗਹਾਇ । ਆਗੇ ਜੋ ਪ੍ਰਭ ਕੋ⁴ ਮਨ ਭਾਇ ॥ 310 ॥
ਅੰਤਰਜਾਮੀ ਬਾਤ ਲਖਾਏ । ਲਖ ਭਾਵੀ ਮਨ ਮਹਿ ਬਿਸਮਾਏ ।
ਹਜ਼ੂਰ ਭੀਰ ਸੰਗਤ ਬਹੁ ਹੋਈ । ਸੰਗਤਿ ਆਇ ਜਾਇ ਦੁਖ ਖੋਈ ॥ 311 ॥

ਦੋਹਰਾ

ਪਾਂਚ ਦਿਵਸ ਸੰਗਤ ਰਹੀ ਪੁਨ ਗੁਰ ਆਇਸ⁵ ਪਾਇ ।
ਚਿਤ੍ਰ ਸੈਨ ਜੁਤ ਅਨੰਦ ਕੈ ਨਿਜ ਨਿਜ ਧਾਮ ਸਿਧਾਇ ॥ 312 ॥

ਚੌਪਈ

ਭੋਰ ਹੋਤ ਗੁਰੁ ਲਾਇ ਦੀਵਾਨ । ਸ੍ਰੀ ਮੁਖ ਐਸੇ ਬਚਨ ਬਖਾਨ ।
ਪਾਂਚ ਦਿਵਸ ਪੈਂਦਾ ਨਹੀਂ ਆਯੋ । ਪੁਸ਼ਾਕ ਅਸਪ ਲੈ ਮਾਨ ਧਰਾਯੋ ॥ 313 ॥
ਕਿਧੋ ਅਸੂ ਤੇ ਭੂਮਿ ਗਿਰਾਇ । ਧਰ ਲਜਾ ਨਹਿ ਇਹ ਨਾਂ ਆਇ ।
ਅਸ ਕਹਿ ਪ੍ਰਭ ਇਕ ਦਾਸ ਪਠਾਯੋ । ਛੋਟੇ ਮੀਰ ਤੁਰਤ ਚਲ ਆਯੋ ॥ 314 ॥

ਦੋਹਰਾ

ਪੈਂਦੇ ਕਉ ਐਸੇ ਕਹਾ ਚਲੋ ਸ੍ਰੀ ਗੁਰੂ⁶ ਪਾਸ ।
ਤਤ ਛਿਨ ਤੋਹਿ ਬੁਲਾਇਯੋ ਚਲਾ ਸੰਗ ਵਹੁ ਦਾਸ ॥ 315 ॥

¹ਅ ਪੋਥੀ ਪੋਖਿਓ ²ਏ ਪੋਥੀ ਪਹਿ ³ਅ ਪੋਥੀ ਹਥਿ ⁴ਅ ਤੇ ਏ ਪੋਥੀ ਤੁਮ ⁵ਏ ਪੋਥੀ ਆਗਯਾ ⁶ਅ ਪੋਥੀ ਸਤਿਗੁਰ

ਚੌਪਈ

ਚਿੰਤਾ ਜੁਤ ਬੈਠੇ ਜਸ ਆਗੇ । ਤੈਸ ਪਿਆਨਾ ਕੀਓ ਅਭਾਗੇ ।
 ਤੁਰਤ ਭ੍ਰੰਮ ਗੁਰਕੇ ਢਿਗ ਆਯੋ । ਮਨਹੁ ਮਾਨ ਕੋ ਰੂਪ ਧਰਾਯੋ ॥ 316 ॥
 ਕਰ ਬੰਦਨ ਬੈਠਾ ਸਿਰ ਨਾਇ । ਪੇਖ ਪ੍ਰਭੂ ਮਨ ਮਹਿ ਮੁਸਕਾਇ ।
 ਪੁਨਾ ਸ੍ਰੀ ਮੁਖ ਬੈਠ ਉਚਾਰਾ । ਜੁਤ ਪੁਸ਼ਾਕ ਚੀਰਾ ਨਹਿ ਧਾਰਾ ॥ 317 ॥

ਦੋਹਰਾ

ਖੰਡਾ ਧਾਰਨ ਅੰਕ ਮਹਿ ਅਯੋ ਭ੍ਰੰਮ ਹੈ ਤਿਆਗ ।
 ਆਇਸ ਹਮਰੀ ਮੇਟ ਕੈ ਕੈਸੇ ਭਯੋ ਅਭਾਗ ॥ 318 ॥
 ਕਾਲ ਬਲੀ ਸਭ ਪਰ ਰਹੇ ਅਪਨੇ ਨਾਮ ਛਪਾਇ ।
 ਕੂਰ ਬੁਲਾਯੋ ਤਾਹਿ ਤੇ ਸੁਨੋ ਸੰਤ ਇਹ ਭਾਇ ॥ 319 ॥

ਚੌਪਈ

ਪੈਦੇ ਕਹਾ ਤੁਰਤ ਚਲ ਆਯੋ । ਯੁਤ ਪੁਸ਼ਾਕ ਹੈ ਤਹਾਂ ਰਹਾਯੋ ।
 ਤੀਨ ਬੇਰ ਐਸੇ ਕਹਿ ਬਾਨੀ । ਅੰਤਰਜਾਮੀ ਮਨ ਪਹਿਚਾਨੀ ॥ 320 ॥
 ਸ੍ਰੀ ਮੁਖ ਕਹਾ ਬਾਜ ਤੁਮ ਲੀਨੋ । ਸਦਨ ਛਿਪਾਇ ਕੈਸ ਨਹਿ ਚੀਨੋ ।
 ਕਹਿ ਪੈਂਦਾ ਹਮ ਨਾਹਿ ਨਿਹਾਰਾ । ਤੁਮਰੇ ਢਿਗ¹ ਕਿਨ ਝੂਠ ਉਚਾਰਾ ॥ 321 ॥

ਦੋਹਰਾ

ਤੀਨ ਬੇਰ ਸ੍ਰੀ ਮੁਖ ਕਹਾ ਸਮਝ ਸਤਿ ਮੁਰ² ਬੈਠ ।
 ਕਹ ਪੈਂਦਾ ਮਮ ਕਾਮ ਨਹਿ ਕਰੇ ਲਾਲ ਤਬ ਨੈਨ ॥ 322 ॥

ਚੌਪਈ

ਸ੍ਰੀ ਗੁਰ ਬਿਧੀਆ ਨਿਕਟ ਬੁਲਾਯੋ । ਸੁਵਣ ਲਾਇ ਤਿਹ ਐਸ ਸੁਨਾਯੋ ।
 ਛੋਟੇ ਮੀਰ ਜਾਇ ਅਸ³ ਕੀਜੈ । ਚੀਰਾ ਬਾਜ ਤਹਾਂ ਤੇ ਲੀਜੈ ॥ 323 ॥
 ਤਤ ਛਿਨ ਆਇ ਦੇਰ ਨਹਿ ਹੋਈ । ਕਰ ਬੰਦਨ ਬਿਧੀਆਂ ਸੁਖ ਪੋਈ ।
 ਦੋਇ ਜਾਮ ਦਿਨ ਤਬ ਲੋ ਆਯੋ । ਪਹੁੰਚ ਬਿਧੀਏ ਸਭ ਬਯੋਤ ਬਨਾਯੋ ॥ 324 ॥

ਦੋਹਰਾ

ਤੀਛਨ ਘਾਮ ਨਿਹਾਰ ਕੈ ਭੀਤਰ ਰਖ ਅਸਮਾਨ ।
 ਸੋਯੋ ਪਲੰਘ ਡਸਾਇ⁴ ਕੈ ਨਿਕਟ ਨਾ ਕੋ ਨਰ ਆਨ ॥ 325 ॥

ਚੌਪਈ

ਬਿਧੀ ਚੰਦ ਮਨ ਮਹਿ ਸੁਖ ਪਾਯੋ । ਕਿਲੀ ਸਿਉਂ ਚੀਰਾ ਦ੍ਰਿਸ਼ਟਾਯੋ ।
 ਖੰਡਾ ਪਲੰਘ ਬਾਜ ਤਿਹ ਪਾਵੈ । ਅਤਿ ਸੁਪੰਦ ਸੁੰਦਰ ਛਬਿ ਪਾਵੈ ॥ 326 ॥

¹ਏ ਪੋਥੀ ਪਹਿ ²ਅ ਪਥੀ ਮਮ ³ਏ ਪੋਥੀ ਇਮ ⁴ਅ ਪੋਥੀ ਬਛਾਇ

ਤਤ ਛਿਨ ਖੰਡਾ ਲੀਓ ਉਠਾਈ । ਲੀਓ ਬਾਜ ਕਰ ਮਨ ਸੁਖ ਪਾਈ ।
ਜੁਤ ਪੁਸ਼ਾਕ ਚੀਰਾ ਤਬ ਲੀਨਾ । ਸ੍ਰੀ ਗੁਰ ਓਰ ਪਯਾਨਾ ਕੀਨਾ ॥ 327 ॥

ਦੋਹਰਾ

ਲੈ ਸਭ ਹੀ ਗੁਰ ਢਿਗ ਗਯੋ ਬੈਠਾ ਪ੍ਰਭ ਨਿਕਟਾਇ ।
ਪੈਂਦੇ ਕਉ ਸ੍ਰੀ ਮੁਖ ਕਹੇ ਬਹੁਰੇ ਬਚਨ ਇਹੁ ਭਾਇ ॥ 328 ॥

ਚੌਪਈ

ਅਜਹੂੰ ਸਮਝਹੁ ਕਛੂ ਨਹਿ ਗਯੋ । ਦੀਜੈ ਬਾਜ ਤੋਹਿ ਜੇ ਲਯੋ ।
ਮੋਹਿ ਦਿਖਾਇ ਬਹੁਰ ਤੁਮ ਲੀਜੈ । ਬ੍ਰਿਥਾ ਨਾਸ ਕਾਹੇ ਸੁਖ ਕੀਜੈ ॥ 329 ॥
ਕਹ ਪੈਂਦਾ ਹਮ ਦੇਖ ਨਾ ਨੈਨਾ । ਭਾਖੋ ਕੂਰ ਗੁਰੂ ਜੀ ਬੈਨਾ ।
ਮੋਕਉ ਸਪਤ ਚਰਨ ਗੁਰ ਕੇਰੀ । ਛਾਯਾ ਬਾਜ ਨ ਨੈਨਨ ਹੇਰੀ ॥ 330 ॥

ਦੋਹਰਾ

ਕਰੀ ਸਪਤ ਜੇ ਚਰਨ ਕੀ ਤੀਨ ਬੇਰ ਮਤਿ ਮੰਦ ।
ਭਗਤ ਸਿੰਘ ਭਾਵੀ ਤਿਸੇ ਹੀਏ ਧਾਰ ਬਡ ਦੁੰਦ ॥ 331 ॥

ਚੌਪਈ

ਬਿਧੀ ਚੰਦ ਕੋ ਕਹਾ ਸੁਨਾਈ । ਇਹੁ ਪਾਪੀ ਕਉ ਦੇਹੁ ਦਿਖਾਈ ।
ਬਿਧੀ ਚੰਦ ਸਭ ਤਬ ਦਿਖਾਏ । ਖੰਡਾ ਬਾਜ ਪੁਸ਼ਾਕ ਤਦਾਏ ॥ 332 ॥
ਸ੍ਰੀ ਗੁਰ ਕਹਾ ਦੇਖ ਰੇ ਪਾਪੀ । ਕਹਤੇ ਆਯੋ ਕੂਰ ਬਿਆਪੀ ।
ਲਾਲ ਨੈਨ ਪੁਨ ਐਸ ਅਲਾਯੋ । ਕਾਢ ਸਦਨ ਤੇ ਭਾਖ ਸੁਨਾਯੋ ॥ 333 ॥

ਦੋਹਰਾ

ਸ੍ਰੀ ਮੁਖ ਤਬ ਆਇਸ ਕਰੀ ਦੀਜੈ ਯਾਹਿ ਨਿਕਾਰ ।
ਗੁਰ ਨਾਨਕ ਮਸਨੰਦ ਪਰ ਬੋਲਤ ਕੂਰ¹ ਗਵਾਰ ॥ 334 ॥
ਗੁਰ ਆਇਸ ਕੋ ਸੁਨਤ ਹੀ ਦੋਰੇ ਸਿਖ ਬਿਯੰਤ ।
ਲਾਤ ਮੁਸ਼ਟਿ ਹਨ ਤਾਂਹਿ ਕੋ ਦੀਨਾ ਖੇਦ ਬਿਯੰਤ ॥ 335 ॥

ਚੌਪਈ

ਤਬ ਠਾਢਾ ਪੈਂਦੇ ਹੋ ਕਹਿਯੋ । ਸ਼ਾਹਿਜਹਾਂ² ਪੈ ਜਾਇ ਸੁ ਲਹਿਯੋ ।

ਸ੍ਰੀ ਗੁਰੋਵਾਚ

ਜੋ ਰੁਚ ਹੋਇ ਜਾਇ ਸੋ ਕੀਜੈ । ਨਿਜ ਕਰਨੀ ਫਲ ਤਤ ਛਿਨ ਲੀਜੈ ॥ 336 ॥
ਕ੍ਰੋਧ ਪੂਰ ਚਲ ਤਹਿ ਤੇ ਆਯੋ । ਨਿਜ ਪੁਰ ਓਰ ਪਯਾਨ ਕਰਾਯੋ ।
ਜਾਵਤ ਪੰਥ ਵਿਚਾਰਤ ਐਸੇ । ਪਾਪੀ ਕੇ ਮਨ ਉਪਜਤ ਜੈਸੇ ॥ 337 ॥

¹ਅ ਪੌਥੀ ਝੁਠ ਦ ਪੌਥੀ ਮਿਥਯਾ ²ਦ ਪੌਥੀ ਪਾਤਸ਼ਾਹਿ

ਗੁਰ ਕੇ ਗਰਿ ਨਿਜ ਅੰਚਰ ਪਾਉਂ । ਤਬ ਪੈਂਦਾ ਨਿਜ ਨਾਮ ਕਹਾਉਂ ।
ਯਾ ਵਿਧਿ ਗਈ ਕਰਤ ਮਗ ਜਾਵੈ । ਸਦਨ ਜਾਇ ਅਸ ਬਾਤ ਬਨਾਵੈ ॥ 338 ॥

ਦੋਹਰਾ

ਸੁਨੋ ਸੰਤ ਅਹਿ ਨਿਸ ਜਿਸੇ ਰਾਖਤ ਸ੍ਰੀ ਗੁਰ ਮਾਨ ।
ਤਾਂਹਿ ਹੀਆ ਅਸ ਫਟ ਗਯੋ ਹੋਨੀ ਕਰਤ ਨਿਦਾਨ ॥ 339 ॥

ਚੌਪਈ

ਅਗ੍ਰ ਦਮਾਦ ਹੋਤ ਬਿਸਮਾਦ । ਹਰਾ ਬਾਜ ਕਿਹ ਕਰ ਵਹੁ ਯਾਦ ।
ਤਬ ਲੋ ਪੈਂਦਾ ਚਿੰਤਤ ਆਯੋ । ਪੀਸ ਦਾਂਤ ਮਨ ਮਹਿ ਖੁਨਸਾਯੋ ॥ 340 ॥
ਖਾਂ ਅਸਮਾਨ ਪੂਛ ਸਭ ਭਾਖੀ । ਬਾਜ ਹਰਾ ਮਮ ਲਾਜ ਨਾ ਰਾਖੀ ।
ਅਬ ਗੁਰ ਤੇ ਨਿਜ ਬਦਲਾ ਪਾਉਂ । ਪਾਤਿਸ਼ਾਹ ਪੈ ਪਕੜ ਮੰਗਾਉਂ ॥ 341 ॥

ਦੋਹਰਾ

ਤਬ ਦਮਾਦ ਐਸੇ ਕਹਾ ਕਰੋ ਚਿੰਤ ਨਹਿ ਖਾਨ ।
ਚਲੋ ਸਾਹ ਪੈ ਦੇਰ ਤਜ ਰਾਖਤ ਮਮ¹ ਬਡ ਮਾਨ ॥ 342 ॥
ਲੈ ਗਏ ਬਾਜ ਚੁਰਾਇ ਕੇ ਜੇ ਦੇਖਤ ਮਮ ਨੈਨ ।
ਲੇਵਉ ਬਦਲਾ ਤਾਂਹਿ ਕੈ ਬਾਂਧ ਹਿਰੋਂ ਸਭ ਐਨ ॥ 343 ॥
ਧਰੋ ਧੀਰ ਤੁਮ ਚਿੰਤ ਤਜ ਤਬ ਪੈਦੇ ਕਹਿ ਐਸ ।
ਕਛੁ ਦਿਨ ਬੀਤੇ ਸਮ ਗਏ ਪਾਛੇ ਤੁਮ ਕਰ ਜੈਸ ॥ 344 ॥

ਚੌਪਈ

ਕੁਤਬ ਖਾਨ ਚਾਚੇ ਸੁਤ ਜਾਨੋ । ਮੋਹੇ ਭ੍ਰਾਤ ਅਤਿ ਮਨਸਬ ਮਾਨੋ ।
ਸੂਬਾ ਜਾਨ ਜਲੰਧਰ ਸੋਇ । ਥੋਰੇ ਬਰਸ ਯਾਹਿ ਮਹਿ ਹੋਇ ॥ 345 ॥

ਦੋਹਰਾ

ਚਲੋ ਤਾਂਹਿ ਪੈ ਭ੍ਰਾਤ ਸੋ ਅਵਲ² ਮੇਲ ਸਲਾਹ ।
ਬਹੁਰ ਜੁਧ ਗੁਰ ਸਿਉ ਕਰੈ ਮਿਟੈ ਤਬੈ ਤਨ ਦਾਹ ॥ 346 ॥

ਚੌਪਈ

ਅਸ ਵਿਚਾਰ ਹੈ ਤਾਂਹਿ ਚੜਾਯੋ । ਨਿਜ ਦਮਾਦ ਕਉ ਸੰਗ ਲਵਾਯੋ ।
ਜੇਤਕ ਗ੍ਰਿਹ³ ਦੁਆਬੇ ਅਫਗਾਨ । ਦੋ ਘਰੀਆਂ ਦੁਬਸੀ ਬਹੁ ਮਾਨ ॥ 347 ॥
ਪੈਦਾ ਸਭ ਕੇ ਸਦਨ ਪਧਾਰਾ । ਇਹ ਬਿਧ ਸਭ ਸਿਉਂ ਕਰਾ ਉਚਾਰਾ ।
ਹਿੰਦੂ ਗੁਰ ਸਭ ਕਉ ਦੁਖ ਦੇਵੈ । ਜੋ ਦੇਖੈ ਸਭ ਹੀ ਖਸ ਲੇਵੈ ॥ 348 ॥

ਦੋਹਰਾ

ਸਨੈ ਸਨੈ ਰੋਕਨ ਕਰੈ ਸਭ ਕੀ ਪੁਰੀ ਅਜਾਨ ।
ਭਏ ਮੂੜ ਤਵ ਸਮਝ ਨਹਿ ਤੁਮਰੋ ਕਰਤ ਨਿਦਾਨ ॥ 349 ॥

1 ਏ ਪੋਥੀ ਮੋਹਿ 2 ਅ ਪੋਥੀ ਪਹਿਲੇ 3 ਏ ਪੋਥੀ ਰਹਿ

ਚੌਪਈ

ਮਾਨ ਬਾਤ ਚਲੋ ਮੁਹਿ ਸੰਗਾ । ਜਾਇ ਸ਼ਾਹਿ ਪੈ ਕਰ ਪੁਨ ਜੰਗਾ ।
ਗੁਰ ਗ੍ਰਿਹ ਦਰਬ ਅਨੰਤ ਪੁਰਾਯੋ । ਲੇਹੁ ਲੂਟ ਜੇਤਕ ਮਨ ਭਾਯੋ ॥ 350 ॥
ਹਮ ਭੀ ਲੂਟਹਿੰ ਸੰਗ ਤਿਆਰੇ ! ਸਭੀ ਰੀਤਿ ਮਮ ਨੈਨ ਨਿਹਾਰੇ ।
ਦਯਾ ਸਿੰਧ¹ ਜਸ ਨੇਤ ਕਰਾਵੈ । ਹੋਵੈ ਸੋਇ ਅਵਰ ਨਹਿ ਭਾਵੈ ॥ 351 ॥

ਦੋਹਰਾ

ਭਲੀ ਮਾਨ ਅਫਗਾਨ ਜੇ ਪੈਦੇ ਸੰਗਿ ਤਿਆਰ ।
ਭਏ ਮੁਖਯ ਮਿਲ ਪਾਂਚ ਸੈ ਲੇਹੁ ਲੂਟ ਨਿਰਧਾਰ ॥ 352 ॥

ਚੌਪਈ

ਵਿਚਾਰਤ ਐਸ ਜਲੰਧਰ ਆਏ । ਕੁਤਬ ਖਾਨ ਕਉ ਜਾਇ ਮਿਲਾਏ ।
ਤਿਨੈ ਮਾਨ ਕੀਨਾ ਇਨ ਕੇਰਾ । ਪੈਂਦਾ ਕਹਾ ਓਰ ਮਮ ਹੋਰਾ ॥ 353 ॥
ਸੁਨੋ ਭ੍ਰਾਤ ਤਉ ਪੈ ਹਮ ਆਏ । ਚਲੋ ਸੰਗ ਨਿਜ ਦੇਰ ਮਿਟਾਏ ।
ਕੁਤਬ ਖਾਨ ਪੁਨ ਐਸੁ ਅਲਾਇ । ਬਾਤ ਭ੍ਰਾਤ ਮੁਹਿ ਕਹੁ ਸਮਝਾਇ ॥ 354 ॥

ਦੋਹਰਾ

ਕੌਨ ਬਾਤ ਇਕਠੇ ਭਏ ਚਲੇ ਕਾਹਿ ਕੀ ਓਰ ।
ਰਹਿਤ ਸਦਾ ਗੁਰ ਸਦਨ ਮਹਿ ਭਈ ਕੈਸ ਅਨਜੋੜ ॥ 355 ॥

ਚੌਪਈ

ਪੈਂਦੇ ਅਵਲ ਬਾਤ ਸੁਨਾਈ । ਜਾਂ ਕਾਰਣ ਮਨ ਮਹਿ ਖੁਨਸਾਈ ।
ਬਹੁਰੋ ਕਹਾ ਲਾਜ ਮੋਹਿ ਖੋਈ । ਲਾਤ ਮੁਸ਼ਟ ਹਨ ਗੁਰ ਰਿਸ ਹੋਈ ॥ 356 ॥
ਮੋਰੇ ਮਨ ਅਬ ਰਿਸ ਉਪਜਾਈ । ਚਲੋ ਸਾਹਿ² ਪੈ ਦੇਰ ਨਾ ਲਾਈ ।
ਲੈ ਪ੍ਰਤਿਨਾ³ ਤਿਨ ਕੀ ਬਹੁ ਸਾਥ । ਕਰਹੁ ਜੁਧ ਗੁਰ ਸਿਉ ਨਿਜ ਹਾਥ ॥ 357 ॥
ਤੁਮ ਭੀ ਹਮਰੇ ਸੰਗ ਪਧਾਰੋ । ਅਯੋ ਮਾਨ ਧਰ ਦੇਰ ਨਾ ਧਾਰੋ ।

॥ ਕੁਤਬਖਾਨੋ ਵਾਚ ॥

ਨਿਜ ਧਨ ਦੀਆ ਫੇਰ ਗੁਰ ਲੀਨਾ । ਕਾਹੇ ਰੋਸ ਤੋਹਿ ਮਨ ਕੀਨਾ ॥ 358 ॥

ਦੋਹਰਾ

ਤਾਂ ਪਰ ਜਾਵੋ ਸ਼ਾਹਿ ਪੈ ਤੋ ਕੋ ਬਨੈ ਨਾ ਐਸ ।
[ਲੋਨ]⁴ ਖਾਇ ਦੀਰਘ ਭਯੋ ਕਰੋ ਹਰਾਮੀ ਐਸ ॥ 359 ॥

ਚੌਪਈ

ਜੇ ਚਾਹੋ ਨਿਜ ਪ੍ਰਾਨ ਉਬਾਰੇ । ਪਰੇ ਸਾਮ ਗੁਰ ਨਾ ਸਰਮ ਧਾਰੇ ।
ਪੈਂਦੇ ਕਹਾ ਬਾਤ ਲਖ ਪਾਈ । ਤੁਮਰੇ ਉਦਰ ਕੜਾਹ ਬੁਲਾਈ ॥ 360 ॥

¹ਏ ਪੋਥੀ ਕਿਰਪਾਨਿਧਿ ²ਅ ਪੋਥੀ ਰਾਇ ³ਅ ਤੇ ਏ ਪੋਥੀ ਸੈਨਾ ⁴ਅ ਪੋਥੀ ਵਿਚੋ

ਕੁਤਬਖਾਨ ਕਹਿ ਸੁਨ ਮਮ ਬਾਤਾ । ਪਲਿਯੋਂ ਕੜਾਹ ਤੋਰ ਤਨ ਸਾਤਾ ।
ਸੁਨਤ ਐਸ ਪੈਂਦਾ ਨਿਹਰਾਯੋ । ਨੀਚ ਨੈਨ ਕਰ ਮਨ ਬਿਸਮਾਯੋ ॥ 361 ॥

ਦੋਹਰਾ

ਬਹੁਰ ਬਾਤ ਮੁਖ ਸਿਉਂ ਕਹੀ ਹਉ ਆਯੋ ਧਰ ਮਾਨ ।
ਆਗੇ ਤੁਮ ਐਸੇ ਕਹੋ ਭਯੋ ਦੀਨ ਤੇ ਹਾਨ ॥ 362 ॥
ਕੁਤਬ ਖਾਨ ਕਹਿ ਦੀਨ ਬਿਨ ਭਯੋ ਤੋਹਿ ਮਤਿ ਮੰਦ ।
ਜਾਂਹਿ ਦੀਆ ਖਾਵਤ ਰਹਾ ਤਾਸਿਉ ਮਨ ਧਰ ਦੁੰਦ ॥ 363 ॥

॥ ਪੈਦੇਖਾਂ ਵਾਚ ॥

ਸੁਨੋ ਭ੍ਰਾਤ ਹਮ ਦੀਨ ਕਉ ਕਬਹੂੰ ਨਾਹਿ ਤਜਾਇ ॥
ਅਸਪਾ¹ ਚੁਰਾਇ ਸ਼ਾਹਿ ਕੇ ਤਾਂਤੇ ਰਿਸ ਉਪਜਾਇ ॥ 364 ॥

ਚੌਪਈ

ਭਯੋ ਪਰਸਪਰ ਐਸ ਬਿਬਾਦਾ । ਜਨ ਰਾਵਨ ਘਟ ਕਾਨ ਸੰਬਾਦਾ ।
ਨੇਤ ਅਧੀਨ ਮਾਨ ਬਚ ਲੀਨੇ । ਕੁਤਬਖਾਨ ਬਹੁ ਧੀਰਜ ਦੀਨੇ ॥ 365 ॥
ਸੁਨ ਪੈਂਦੇ ਕਛ ਚਿੰਤ ਨਾ ਧਾਰੋ । ਹਉ ਤੁਧ ਲੇਤ ਪਰੀਛਾ ਭਾਰੋ ।
ਚਲੋ ਅਗੂ ਤੁਮ ਦੇਰ ਨਾ ਕਯੋ । ਆਵੋ ਪਾਛ ਜਾਨ ਜੀਅ ਲਯੋ ॥ 366 ॥

ਦੋਹਰਾ

ਗੁਰ ਬੈਰੀ ਬਡ ਸ਼ਾਹਿ ਕਾ ਹੈ ਹਰ ਸੈਨਾ ਘਾਇ ।
ਆਇਸ ਲੀਜੈ ਸ਼ਾਹਿ ਕੀ ਪੁਨ ਬਹੁ ਜੁਧ ਮਚਾਇ ॥ 367 ॥

ਚੌਪਈ

ਸੁਨ ਪੈਂਦੇ ਮਨ ਆਨੰਦ ਪਾਯੋ । ਧੰਨ ਧੰਨ ਤਿਨ ਮੁਖਹੂੰ ਆਲਾਯੋ ।
ਦਈ ਕਸਮ ਪੁਨ ਕੀਨੋ² ਪਯਾਨਾ । ਸਾਬ ਦਮਾਦ ਔਰ ਬਹੁ ਖਾਨਾ ॥ 368 ॥
ਏ ਬਿਧ ਮਾਸ ਵਿਸਾਖ ਬਿਤਾਯੋ । ਅਯੋ ਜੇਠ ਨਭਿ ਰਵਿ ਤਪਤਾਯੋ ।
ਪੈਂਦੇ ਧਰ ਆਨੰਦ ਸੁਖ ਠਾਨਾ । ਗਯੋ ਲਾਹੌਰ³ ਧਾਰ ਮਨ ਮਾਨਾ ॥ 369 ॥

ਦੋਹਰਾ

ਏਕ ਮਾਸ ਤਿਹੁ ਠਾਂ ਰਹਾ ਅਰਜੀ ਕਰੈ ਨਾ ਕੋਇ ।
ਖਾਂ ਵਜ਼ੀਰ ਰੋਕਨ ਕਰੈ ਸ਼ਾਹਿ ਨਿਕਟ ਚਲ ਜੋਇ ॥ 370 ॥

ਚੌਪਈ

ਖਾਂ ਅਸਮਾਨ ਲਾਇ ਬਲ ਹਾਰਾ । ਪੈਦੇ ਖਾਂ ਅਤਿਸੈ ਸ਼ੂਮ ਧਾਰਾ ।
ਤਬ ਲੋਂ ਕਾਹੂ ਐਸ ਸੁਨਾਯੋ । ਕੁਤਬ ਖਾਨ ਚਲ ਇਹੁ ਠਾਂ ਆਯੋ ॥ 371 ॥

¹ਅ ਪੰਥੀ ਅਸੂ ²ਮ ਪੰਥੀ ਕੀਓ ³ਏ ਪੰਥੀ ਲਾਹੌਰ

ਗਏ ਤਾਂਹਿ ਪੈ ਦੇਰ ਨਾ ਕੀਨੀ । ਅਪਨੀ ਬ੍ਰਿਥਾ ਭਾਖ^੧ ਸਭ ਦੀਨੀ ।
ਕੁਤਬਖਾਨ ਕਰ ਐਸੀ ਕੀਜੈ । ਮੁਰਗੀ ਏਕ ਮੋਲ ਤੁਮ ਲੀਜੈ ॥ 372 ॥

ਦੋਹਰਾ

ਸ਼ਾਹ ਮਹਲ ਤਰ ਹੋਇ ਕੈ ਅਰਧ ਨਿਸਾ ਜਬ ਜਾਇ ।
ਬੈਨ^੨ ਸਾਥ ਤਿਹੁ ਬਾਧ ਕੈ ਤਾਕੋ ਛੇਰ ਬੁਲਾਇ ॥ 373 ॥

ਚੌਪਈ

ਦੀਰਘ ਔਰ ਮਸਾਲ ਜਗਾਵਾ । ਬਾਧ ਬੈਨ ਸੇ ਉਚ ਸੁਨਾਵਾ ।
ਐਸੇ ਕੀਜੈ ਨਿਤ ਫਰਿਆਦਾ । ਸੁਬਾ ਸ਼ਾਹਿ ਤੋ ਕਉ ਕਰ ਯਾਦਾ ॥ 374 ॥
ਤਬ ਹਉਂ ਕਰੋਉ ਸਹਾਇ ਤੁਮਾਰੀ । ਭਲੀ ਬਾਤ ਪੈਂਦੇ ਮਨ ਧਾਰੀ ।
ਮੁਰਗੀ ਏਕ ਮੋਲ ਤਬ ਲੀਨੀ । ਜੈਸੇ ਕਹੀ ਤੈਸ [ਬਿਧਿ]^੩ ਕੀਨੀ ॥ 375 ॥

ਦੋਹਰਾ

ਦੀਰਘ ਬਾਲ ਮਸਾਲ ਬਹੁ ਦੈ ਅਫਗਾਨਨ ਹਾਥ ।
ਅਰਧ ਨਿਸਾ ਜਬ ਹੀ ਗਈ ਤਬ ਸਭ ਕੋ ਲੈ ਸਾਥ ॥ 376 ॥

ਚੌਪਈ

ਰਾਵੀ ਕੇਰ ਠਾਂਦ ਸਭ ਹੋਏ । ਸੰਮਨ ਤਰੇ ਖੇਦ^੪ ਸਭ ਖੋਏ ।
ਮੁਰਗੀ ਬਾਧ ਮਸਾਲ ਜਗਾਇ । ਕੀਨ ਫਰਯਾਦ ਉਚ ਬਹੁ ਭਾਇ ॥ 377 ॥
ਫੇਰ ਮੁਰਗੀ ਕੋ ਅਧਿਕ ਚਿਕਾਯੋ । ਭਯੋ ਪ੍ਰਕਾਸ ਅੰਧੇਰ ਬਿਹਾਯੋ ।
ਬੇਗਮ ਜਾਗ ਉਠੀ ਤਹਿ ਕਾਲਾ । ਐਸ ਸਮੇਂ ਕੋ ਭਯੋ ਬਿਹਾਲਾ ॥ 378 ॥

ਦੋਹਰਾ

ਹਟਕ ਪਾਹਰੂ ਤਾਂਹਿ ਕਉ ਬੇਗ ਮਸਾਲ ਜਗਾਇ ।
ਭਾਖ ਤੇਜ ਪ੍ਰਭ ਰਾਜ ਤੁਮ ਅਧਿਕ ਪ੍ਰਜਾ ਦੁਖ ਪਾਇ ॥ 379 ॥

ਚੌਪਈ

ਜਾਂਕੈ ਰਾਜ ਪ੍ਰਜਾ ਦੁਖ ਹੋਈ । ਤਾਂਹਿ ਕਿਆਮਤ ਠੌਰ ਨਾ ਕੋਈ ।
ਸ਼ਾਹੁ ਪ੍ਰਜਾ ਕੀ ਰਖਯਾ ਹੇਤ । ਕੀਓ ਖੁਦਾਇ ਨਾ ਹੋਇ ਅਚੇਤ ॥ 380 ॥
ਸੁਨਤ ਸ਼ਾਹਿ ਅਸ ਬੈਨ ਉਚਾਰਾ । ਕਰੋ ਨਿਯਾਇ ਭੋਰ^੫ ਨਿਰਧਾਰਾ ।
ਸ਼ਾਹ ਨਿਦੇਸ ਪਾਹਰੂ ਪਾਈ । ਉਚੀ ਸੁਰ ਤਿਹ ਧੀਰ ਧਰਾਈ ॥ 381 ॥

ਦੋਹਰਾ

ਰੇ ਜਨ ਹੋਵੈ ਭੋਰ^੫ ਜਬ ਆਵਹੁ ਦੂਰ ਨਿਕਟਾਇ ।
ਨਿਜ ਮਨ ਚਿੰਤਾ ਜਿਨ ਕਰੋ ਭੀਤਰ ਸਾਹ ਬੁਲਾਇ ॥ 382 ॥

^੧ਏ ਪੌਥੀ ਆਖ ^੨ਅ ਪੌਥੀ ਬਾਜ ^੩ਅ ਪੌਥੀ ਵਿਚੋਂ ^੪ਅ ਪੌਥੀ ਦੁਖ ^੫ਅ ਪੌਥੀ ਪ੍ਰਾਤ

ਚੌਪਈ

ਹਜ਼ਰਤ ਕਰਹੈ ਨਿਆਉ ਤੁਮਾਰਾ । ਪੈਂਦੇ ਖਾਂ ਸੁਨ ਆਨੰਦ ਧਾਰਾ ।
ਧਰ¹ ਆਨੰਦ ਨਿਜ ਡੇਰੇ ਆਏ । ਕੁਤਬ ਖਾਨ ਕੋ ਬਹੁਰ ਮਿਲਾਏ ॥ 383 ॥
ਸਕਲ ਬਾਤ ਤਹਿੰ ਦਈ ਸੁਨਾਇ । ਕੁਤਬਖਾਨ ਸੁਨ ਆਨੰਦ ਪਾਇ ।
ਐਸੇ ਕਹਾ ਚਿੰਤ ਨਹਿੰ ਕੀਜੈ । ਕਾਰਜ ਭਯੋ ਆਜ ਲਖ ਲੀਜੈ ॥ 384 ॥

ਦੋਹਰਾ

ਸਮਤ ਸੈਨ ਸਭਹਨ ਕੀਓ ਉਠੇ ਭੋਰ ਜਬ ਹੋਇ ।
ਕੁਤਬਖਾਨ ਚਲ ਸਾਹ ਪੈ ਤਤ ਛਿਨ ਦੇਰ ਨ ਕੋਇ ॥ 385 ॥

ਚੌਪਈ

ਬੈਠ ਸਾਹ ਬਡ ਸਭਾ ਲਗਾਈ । ਖਾਂ ਵਜ਼ੀਰ ਬੈਠਾ ਸੁਖ ਪਾਈ ।
ਔਰ ਮੁਸਾਹਿਬ ਸਭ ਇਕਠਾਏ । ਕੁਤਬਖਾਨ ਤਹਿੰ ਬੈਠ ਤਦਾਏ ॥ 386 ॥
ਲੈ ਦਮਾਦ ਬੈਠਾ ਤਬ ਜਾਇ । ਖਾਨ ਪਾਂਚ ਸੈ ਸੰਗ² ਲਵਾਇ ।
ਜਾਇ ਸਾਹ ਸਿਉ ਐਸ ਸੁਨਾਯੋ । ਪਾਹਰੂ ਹਜ਼ਰਤ ਵਹੁ ਨਰ ਆਯੋ ॥ 387 ॥

ਦੋਹਰਾ

ਨਿਸ ਕਉ ਕਰ ਫਰਿਆਦ ਜੋ ਅਬ ਜੋ ਆਇਸ ਹੋਇ ।
ਭੀਤਰ ਲਿਆਵੇ ਤਾਹਿ ਕਉ ਹਟਕ³ ਨਾ ਕੀਜੈ ਕੋਇ ॥ 388 ॥

ਚੌਪਈ

ਧਾਇ ਪਾਹਰੂ ਤਤ ਛਿਨ ਜਾਇ । ਪੈਂਦੇ ਕਉ ਸਭ ਬਾਤ ਸੁਨਾਇ ।
ਪੈਂਦੇ ਦੀਓ ਲੋਭ ਤਿੰਹ ਭਾਰੀ । ਪਾਂਚ ਹਜ਼ਾਰ ਅਧਿਕ ਹਿਤ ਧਾਰੀ ॥ 389 ॥
ਪਾਛੇ ਸਾਹ ਬੈਠ ਅਸ ਗਾਏ । ਸੁਨੋ ਵਜ਼ੀਰ ਬੀਤ ਨਿਸ ਜਾਏ ।
ਬਾਲ ਮਸਾਲ ਕੀਨ⁴ ਫਰਿਆਦ । ਪਰੀ ਨ ਨੀਂਦ ਰਹੇ ਬਿਸਮਾਦ ॥ 390 ॥

ਦੋਹਰਾ

ਖਾਂ ਵਜ਼ੀਰ ਐਸੇ ਕਹਾ ਸੁਨੋ ਸਾਹ ਮਮ ਬੈਨ ।
ਸਮਾਂ ਭਾਰ ਜੋ ਸੁਨਤ ਥੇ ਸੋ ਅਬ ਦੇਖਿਓ ਨੈਨ ॥ 391 ॥

ਚੌਪਈ

ਤ੍ਰਿਯੋਦਸ ਸਦੀ ਸੁਨਤ ਹਮ ਆਵੈ । ਪਿਤਾ ਪੂਤ ਸਿਉ ਧ੍ਰੋਹ ਕਮਾਵੈ ।
ਪਿਤਾ ਪੂਤ ਹਤ ਪਤਿ ਹਤ ਨਾਰੀ । ਕਰੈ ਸੁ ਧ੍ਰੋਹ ਹੋਇ ਬਿਭਚਾਰੀ ॥ 392 ॥
ਜਾਂਕੋ ਲੋਨ⁵ ਖਾਤ ਸਦ ਰਹੇ । ਤਾਂ ਸਿਉ ਬੈਰ ਬਾਦ ਬਡ ਲਹੇ ।
ਹਜ਼ਰਤ ਸੁਨਹੁੰ ਸਮਾਂ ਅਬ ਆਯੋ । ਸੁਨਤ ਦੂਰ ਅਸ ਨੈਨ ਲਖਾਯੋ ॥ 393 ॥

¹ਅ ਪੋਥੀ ਮਨ ²ਦ ਪੋਥੀ ਸਾਥਿ ³ਅ ਪੋਥੀ ਰੋਕ ⁴ਅ ਪੋਥੀ ਕੀਓ ⁵ਦ ਪੋਥੀ ਨਮਕ

ਦੋਹਰਾ

ਮਾਤਾ ਪਿਤਾ ਤੇ ਹੀਨ ਥਾ ਇਹੁ ਬਾਲਕ ਦੁਖ ਪਾਇ ।
ਰਖਕ ਕੋਇ ਨਾ ਯਾਰ ਕਉ ਆਯੋ ਗੁਰੁ ਸਰਨਾਇ ॥ 394 ॥

ਚੌਪਈ

ਸ੍ਰੀ ਗੁਰੁ ਇਹੁ ਪਰ ਰਹੇ ਦਯਾਲਾ । ਨਿਜ ਸੁਤ ਸਮ ਕੀਨੀ ਪ੍ਰਿਤਪਾਲਾ ।
ਦੇਤ ਗਿਰਾਸ ਬਦਨ ਨਿਜ ਹਾਥਾ । ਕਰਹਿ ਨੇਂਹੁ ਰਾਖਹਿ ਸਦ ਸਾਥਾ ॥ 395 ॥
ਦੀਰਘ ਭਯੋ ਬਾਤ ਕਰ ਐਸੀ । ਹਜਰਤ ਸੁਨਹੁ ਪਿਖੀ ਨਹ ਜੈਸੀ ।
ਤਾਂ ਪਰ ਦਾਦ ਹੇਤ ਅਬ ਆਯੋ । ਭਾਰੀ ਸਮਾ ਨਾ ਜਾਤ ਲਖਾਯੋ ॥ 396 ॥

ਦੋਹਰਾ

ਐਸੇ ਕਹਿ ਜਾਵਤ ਭਯੋ ਖਾਂ ਵਜ਼ੀਰ ਨਿਜ ਧਾਮ ।
ਭਯੋ ਭਰਮ ਹੀਯ ਸਾਹਿ ਕਉ ਕਹੁ ਭਾਈ ਨਿਜ ਕਾਮ ॥ 397 ॥

ਚੌਪਈ

ਪੈਂਦੇ ਕਉ ਪਾਵਰੂ ਲੈ ਸਾਬ । ਗਹਿ ਅਸਮਾਨ ਧਰਤ ਧਰ ਹਾਬ ।
ਆਇ ਸਾਹਿ ਸੋ ਕਹਾ ਸੁਨਾਇ । ਹਜਰਤ ਆਯੋ ਹੈ ਨਿਕਟਾਇ ॥ 398 ॥
ਕਰ ਬੰਦਨ ਪੈਂਦਾ ਬੈਠਾਯੋ । ਬਾਦਸ਼ਾਹ ਅਸ ਬੈਨ ਅਲਾਯੋ ।
ਕਹੋ ਤੋਹਿ ਦੁਖ ਦੇਵਤ ਜੋਈ । ਸੁਨ ਪੈਂਦੇ ਮਨ ਆਨੰਦ ਹੋਈ ॥ 399 ॥

ਦੋਹਰਾ

ਹਜਰਤ ਮਮ ਅਰਿ ਗੁਰੂ ਹੈ ਕਰੀ ਨੌਕਰੀ ਤਾਂਹਿ ।
ਮਾਂਗ ਛਿਮਾਹੀ ਹਉ ਜਬੈ ਮਾਰ ਰਿਦੇ ਤਿਨ ਚਾਹਿ ॥ 400 ॥

ਚੌਪਈ

ਅਯੁਧ ਸਸਤ੍ਰ ਖੋਜ ਹਮ ਲੀਨੇ^੧ । ਤੋਹਿ ਤ੍ਰਾਸ ਨਾਹਿ ਰੰਚਕ ਕੀਨੇ ।
ਦਈ ਦੁਹਾਈ ਤੁਮਰੀ ਜਬ ਹੀ । ਅਧਿਕ ਮਾਰ ਕੀਨੀ ਮਮ ਤਬ ਹੀ ॥ 401 ॥
ਹਜਰਤ ਸੁਨੋ ਗੁਰੁ ਗ੍ਰਿਹ ਮਾਂਹੀ । ਮੋ ਸਮ ਬਲੀ^੧ ਆਨ ਕੋ ਨਾਹੀ ।
ਤੀਨ ਜੁਧ ਕੀਨੇ ਮਮ ਭਾਰੀ । ਪ੍ਰਤਨਾ^੨ ਤੋਰ ਅਧਿਰ ਹਨ ਡਾਰੀ ॥ 402 ॥

ਦੋਹਰਾ

ਕਹਾ ਸਾਹ ਕਬ ਤੁਮ ਕੀਓ ਆਹਵ ਸੈਨ ਹਤਾਇ ।
ਕਹ ਪੈਂਦਾ ਜਾਨਤ ਸਭੀ ਮਮ ਬਲ ਨਾਂਹਿ ਛਪਾਇ ॥ 403 ॥

ਕੁਤਬਖਾਨੋਵਾਚ ॥ ਚੌਪਈ ॥

ਹਜਰਤ ਖਾਂ ਸਮ ਬਲੀ ਨਾ ਕੋਈ । ਆਹਵ ਹੇਤ ਅਯੋ ਹਨ ਸੋਈ ।
ਮੁਗਲਸ ਖਾਂ ਮਾਰਿਓ ਜੁਤ ਸੈਨਾ । ਸਪਤ ਸਹੰਸ੍ਰ ਪਠੀ ਜਮ ਐਨਾ ॥ 404 ॥

ਪੈਦੇ ਖਾਂਉ ਵਾਚ

ਹਜਰਤ ਪੁਨਾ ਜੁਧ ਕਰ ਭਾਰੀ । ਖਾਂ ਅਬਦੁਲ ਸੈਨਾ ਸੰਘਾਰੀ ।
ਤਿਹੰ ਠਾਂ ਜੁਧ ਮੋਹਿ ਕੀ ਹੋਈ । ਜੀਵਤ ਛਾਂਡਯੋ ਨ ਰਨਭੂਮਿ ਕੋਈ ॥ 405 ॥

ਦੋਹਰਾ

ਪੁਨਾ ਲਲਾ ਹਤ ਸੈਨ ਜੁਤ ਪੰਦ੍ਰਹ ਬੀਸ ਸੰਹਸ ।
ਗੁਰ ਸੈਨਾਂ ਮਾਹਿ ਜਾਨੀਏ ਏਕੋ ਮੋਹਿ ਅਵਤੰਸ ॥ 406 ॥

ਚੌਪਈ

ਜੀਤ ਜੁਧ ਸਦਹੀ ਹਮ ਹੋਈ । ਮੋ ਬਿਨ ਜੀਤ ਸਕੈ ਨਹਿ ਕੋਈ ।
ਨੌਕਰੀ ਮਾਂਗ ਗੁਰੁ ਰਿਸ ਕੀਨਾਂ । ਲਾਤ ਮੁਸ਼ਟ ਹਨ ਬਡ ਸ੍ਰਮ¹ ਦੀਨਾਂ ॥ 407 ॥
ਗੁਰੁ ਕਾ ਕੀਯੋ ਅਦਬ ਹਮ ਜਾਨੋ । ਕਰੀ ਨਾ ਸਮਸਰ ਭਾਰ ਲਜਾਨੋ ।
ਨਾਂਤਰ ਕਿਆ ਗੁਰੁ ਹਮਰੈ ਆਗੇ । ਤੋਰਤ ਮੁੰਡ ਜਾਨ ਕਚ ਤਾਗੇ ॥ 408 ॥
ਸੁਨੋ ਸ਼ਾਹ ਤੁਮਰੇ ਢਿਗ² ਆਯੋ । ਬਦਲਾ ਲੋਹਹੁ ਐਸ ਮਨ ਭਾਯੋ ।
ਰਹੇ ਅਸੁ ਤੇਰੀ ਹਤ ਸੈਨਾ । ਤੁਮਰੇ ਚੋਰ ਅਰੀ³ ਨਿਹ ਚੈਨਾ ॥ 409 ॥

ਦੋਹਰਾ

ਮੋ ਸੰਗ ਸੈਨਾ ਦੀਜੀਏ ਤਿਹ ਸੈਨਾ ਕਉ ਘਾਇ ॥
ਗੁਰੁ ਅੰਚਰ ਗਰਿ ਪਾਇਕੈ ਹੇ ਜੁਤ ਤੁਮ ਢਿਗ ਲਿਆਇ ॥ 410 ॥

ਚੌਪਈ

ਸੁਨਤ ਸ਼ਾਹ ਮਨ ਮਹਿ ਹਰਖਾਯੋ । ਘਰ [ਫੂਟਿਓ]⁴ ਨਿਹਚੈ ਅਰਿ ਘਾਯੋ ।
ਫੂਟ ਬਭੀਖਣ ਰਾਵਨ ਮਾਰਾ । ਫੂਟ ਪ੍ਰਹਿਲਾਦ ਪਿਤਾ ਹਨ ਡਾਰਾ ॥ 411 ॥
ਸੁੰਦਰ ਡੀਲ ਬਲੀ ਇਹੁ ਭਾਰੀ । ਅਯੋ ਫੂਟ ਅਬ ਨਾਂਹਿ ਵਿਗਾਰੀ ।
ਅਬ ਬਦਲਾ ਹੈ ਮਮ ਕਰ ਆਵੈ । ਨਿਹਚਹਿ ਪਕਰ ਗੁਰੁ ਕੋ ਲਯਾਵੈ ॥ 412 ॥

ਦੋਹਰਾ

ਬਾਦਸ਼ਾਹ⁴ ਮੁਖ ਤੇ ਕਹੇ ਸਭਾ ਮਧ ਅਸ ਬੈਨ ।
ਪੈਂਦੇ ਸੰਗ ਪਧਾਰ ਕੋਉ ਕਰ ਬਿਧੂਪ ਸਮ ਨੈਨ ॥ 413 ॥

ਚੌਪਈ

ਐਸੇ ਕਹਿ ਬੀੜਾ ਰਖ ਦੀਨੋ । ਪਾਨਨ ਕਾ ਅਤਿ ਹੀ ਰਸ ਭੀਨੋ ।
ਨਗਨ ਤੇਗ ਮ੍ਰਿਤ ਜੀਭ ਸਮਾਨਾ । ਜਿਹ ਮੂਜੀ ਦੇਖੇ ਮ੍ਰਿਤ ਜਾਨਾ ॥ 414 ॥
ਜਰੀ ਪੁਸ਼ਾਕ ਲਾਖ ਕੋ ਗਾਯੋ । ਸਿਰੋਪਾਉ ਪੁਨ ਬੈਨ⁵ ਅਲਾਯੋ ।
ਕੋ ਸੂਰਾ ਅਬ ਲੇਹੁ ਉਠਾਇ । ਆਹਵ ਹੇਤ ਨਿਸਾਨ ਬਜਾਇ ॥ 415 ॥

ਦੋਹਰਾ

ਸੂਬਾ ਬੈਠ ਪਿਸ਼ੌਰ ਕਾ ਕਾਲੇ ਖਾਂ ਤਹਿ⁶ ਨਾਮ ।
ਭ੍ਰਾਤ ਬੈਰ ਉਰ ਆਨ ਕੈ ਉਠਾ ਸ਼ਾਹ ਲਖ ਕਾਮ ॥ 416 ॥

¹ਅ ਪੋਥੀ ਦੁਖ ²ਏ ਪੋਥੀ ਪਹਿ ³ਅ ਪੋਥੀ ਵਿਚੋਂ ⁴ਏ ਪੋਥੀ ਸਾਹਿਜਹਾਂ ⁵ਪੋਥੀ ਬਚਨ ⁶ਅ ਪੋਥੀ ਜਿਹ

ਚੌਪਈ

ਮੁਗਲਸ ਖਾਂ ਕੋ ਭ੍ਰਾਤ ਪਛਾਨੋ । ਨੀਮ^੧ ਲਾਖ ਸੈਨਾਪਤਿ ਜਾਨੋ ।
 ਮੁਖ ਸਿਉਂ ਕਹ ਆਇਸ ਮਮ ਦੀਜੈ । ਹਜ਼ਰਤ ਸੁਨਹੂੰ ਵਿਲਮ ਨਹ ਕੀਜੈ ॥ 417 ॥
 ਪੁਨਾ ਮੀਤ ਅਬਦੁਲਾਹ ਮੋਰਾ । ਜਾ ਸਮ ਬਲੀ ਨ ਦੂਸਰ ਹੋਰਾ ।
 ਬਡੋ ਵਕੀਲ ਸ਼ਾਹ ਕਾ ਜਾਨੋ । ਬਿਬ ਹਜ਼ਾਰ ਸੈਨਾਪਤਿ ਮਾਨੋ ॥ 418 ॥

ਦੋਹਰਾ

ਖੋਜਾ ਅਨਵਰ ਨਾਮ ਤਹਿ ਬੈਰ ਮੀਤ ਕੋ ਧਾਰ ।
 ਉਠਿਓ ਧਾਰ ਰਿਸ ਮਨ ਵਿਖੇ ਸੁਨੋ ਸੰਤ ਤਹਿ ਵਾਰ ॥ 419 ॥

ਚੌਪਈ

ਕਾਲੇ ਖਾਂ ਤਬ ਐਸੇ ਕੀਨੋ । ਬੀੜਾ ਚਾਇ ਤੇਗ ਗਹ ਲੀਨੋ ।
 ਦੇਖ ਸ਼ਾਹਿ ਅਸ ਬੈਨ ਬਖਾਨਾ । ਕਾਲੇ ਖਾਂ ਨਿਜ ਹਨੋ ਨਿਸ਼ਾਨਾ ॥ 420 ॥
 ਪੈਂਦੇ ਕੇ ਤੁਮ ਸੰਗ ਸਿ ਜਾਵਓ । ਮਾਰ ਸੈਨ ਗੁਰ ਕੋ ਗਹ ਲਯਾਵਓ ।

ਕਾਲੇਖਾਨੋਵਾਚ

ਹਜ਼ਰਤ ਸੁਨੋ ਰਿਦੈ ਰਿਸ ਜੇਤੀ । ਸੁਰ ਸੈਨਾ ਹਤ ਕਾਢਹੂੰ ਤੇਤੀ ॥ 421 ॥
 ਅਸ ਕਹਿ ਤਤ ਛਿਨ ਕੀਨੋ ਪਯਾਨਾ । ਜੁਤ ਵਕੀਲ ਤਬ ਹਨੇ ਨਿਸ਼ਾਨਾ ।
 ਬਾਦਸ਼ਾਹ ਕੀ ਆਇਸ ਪਾਇ । ਸਿਰੋਪਾਇ ਲੈ ਚਲੈ ਸਿਧਾਏ ॥ 422 ॥

ਦੋਹਰਾ

ਬਾਦਸ਼ਾਹ ਪੁਨ ਹਰਖ ਕੈ ਸਿਰੋਪਾਵ ਦੋ ਦੀਨ ।
 ਪੈਂਦੇ ਅਰੁ ਅਸਮਾਨ ਕੋ ਤਤ ਛਿਨ ਵਿਦਿਆ ਕੀਨ ॥ 423 ॥
 ਕੁਤਬਖਾਨ ਕੋ ਦੇਖ ਕੇ ਕਹੇ ਸ਼ਾਹ ਅਸ^੨ ਬੈਨ ।
 ਤੁਮ ਭੀ ਜਾਵਹੂੰ ਸੰਗ ਏਹ ਦੇਖ ਜੁਧ ਇਹੁ ਨੈਨ ॥ 424 ॥

ਚੌਪਈ

ਪੈਂਦੇ ਕੀ ਤੁਮ ਕਰੋ ਸਹਾਇ । ਜੀਤਹੁ ਅਰਿ ਤਿਉਂ ਜਿਉਂ ਮਨ ਲਾਇ ।
 ਅਸ ਕਹ ਸਿਰੋਪਾਉ ਤਿਹ ਦੀਨੋ । ਕੁਤਬ ਖਾਨ ਕਉ ਵਿਦਾ ਸੁ ਕੀਨੋ ॥ 425 ॥
 ਕੁਤਬਖਾਨ ਮਨ ਆਨੰਦ^੩ ਪਾਯੋ । ਨਿਜ ਭਾਈ ਕੇ ਸੰਗ ਸਿਧਾਯੋ ।
 ਸਾਜ ਸੈਨ ਸਭ ਹੀ ਇਕਠਾਏ । ਅਤਿ ਪਾਪੀ ਨਹਿ ਕਿਸੇ ਜਨਾਏ ॥ 426 ॥
 ਪਾਂਚਹੁ ਸੂਰ ਸੈਨ ਦ੍ਰਿਸ਼ਟਾਇ । ਕਵਿ ਕੇ ਹੀਏ ਭਾਵ ਏਹੁ ਆਇ ।
 ਸਿੰਧ ਸਮਾਨ ਚਲੀ ਜਨ ਸੈਨਾ^੪ । ਬਡਵਾ ਸਮ ਗੁਰ ਪੁਨ ਜਮ ਐਨਾ ॥ 427 ॥
 ਹੈ ਗਜ ਸਾਜ ਪਯਾਦੇ ਲੀਨੇ । ਮਾਰ ਮਾਰ ਸਮ ਸਯਾਲ ਪੁਬੀਨੇ ।
 ਮਦਰਾ ਪਾਨ ਕਰਤ ਸਭ ਧਾਏ । ਚਲਹੁ ਸਿਤਾਬ ਗੁਰੂ ਗਹ^੫ ਲਯਾਏ ॥ 428 ॥

^੧ਅ ਪੋਥੀ ਅਰਧ ^੨ਅ ਪੋਥੀ ਯਾਹਿ ^੩ਅ ਪੋਥੀ ਹਰਖ ਸੁ ^੪ਅ ਪੋਥੀ ਬੰਨ੍ਹ

ਸੁਨੋ ਸੰਤ ਮੇਰੇ ਮਨ ਆਵੈ । ਕਿਧੋ ਸਗਰ ਸੁਤ ਸੈਨ ਦਿਖਾਵੈ ।
 ਦੀਰਘ ਡੀਲ ਬਲੀ ਸਭ ਜਾਨੋ । ਰਾਕਾ ਸਮ ਨਹਿ ਸੈਂਸਾ ਮਾਨੋ ॥ 429 ॥
 ਭਾਵੀ ਪ੍ਰੇਰ ਸਬਨ ਕਉ ਲਯਾਈ । ਦਯਾ ਸਿੰਧ¹ ਗਤ ਲਖੀ ਨਾ ਜਾਈ ।
 ਪੰਥ ਰੈਨ ਬਸ ਦੇਤ ਨਿਸ਼ਾਨਾ । ਪਹੁੰਚ ਜਲੰਧਰ ਬਹੁ ਸੁਖ ਮਾਨਾ ॥ 430 ॥

ਦੋਹਰਾ

ਭਗਤ ਸਿੰਘ ਡੇਰਾ ਕੀਓ ਤਹਿ ਨਾਂ ਮੇਲ ਸਲਾਹ ।
 ਖੋਜ ਜਨਾਵਰ ਤਬ ਪਠਾ ਭੇਤ ਹੇਤ ਕਰ ਚਾਹ ॥ 431 ॥

ਚੌਪਈ

ਤੁਰਕ ਸਾਥ ਏਹੁ ਸਗਰੀ ਭਾਰੀ । ਸੁਨਹੁ ਸੰਤ ਅਬ ਗੁਰੁ ਕੀ ਸਾਰੀ ।
 ਜਬ ਪੈਂਦਾ ਰਿਸ ਪਾਇ ਪਧਾਰਾ । ਜੋ ਕੌਤਕ ਕਰ ਪਾਛ ਮੁਰਾਰਾ ॥ 432 ॥
 ਨਿਤ ਨੂਤਨ ਸੰਗਤ ਬਹੁ ਆਵੈ । ਕਰ ਦਰਸਨ ਨਿਜ ਧਾਮ ਸਿਧਾਵੈ ।
 ਦੀਓ ਬਾਜ ਬਾਬੇ ਕੇ ਰਾਥ । ਬੈਠ ਸਿੰਘਾਸਨ ਦੀਨਾ ਨਾਥ ॥ 433 ॥

ਦੋਹਰਾ

ਤਾਂ ਸਮ ਜਹਿ ਦਰਸਨ ਕੀਯੋ ਬਹੁਰ ਗਰਬ ਨਹਿ ਮਾਤ ।
 ਪਰਮ ਧਾਮ ਵਾਸਾ ਭਯੋ ਧਾਰ ਗਿਆਨ ਰਿਦ ਸਾਂਤ ॥ 434 ॥

ਚੌਪਈ

ਏਕ ਦਿਵਸ ਅਸ ਕੌਤਕ ਹੋਯੋ । ਪਾਛੇ ਸੁਨਾ ਨ ਨੈਨਨ² ਜੋਯੋ ।
 ਕਾਬਲ ਤੇ ਸੰਗਤ ਬਹੁ ਆਈ । ਕਛੁ ਦਿਨ ਗੁਰੁ ਕੇ ਨਿਕਟ ਰਹਾਈ ॥ 435 ॥
 ਤਾਂ ਮਹਿ ਏਕ ਸਿੱਖ ਰੰਗ ਰਾਤਾ । ਕਕੂ ਨਾਮ ਜਾਨ³ ਬਿਖਯਾਤਾ ।
 ਇਹੁ ਸੁਤ ਨਾਮ ਅਨੰਤੀ ਜਾਨੋ । ਸੇਵਾ ਮਾਂਹਿ ਅਧਿਕ ਰੁਚ ਠਾਨੋ ॥ 436 ॥
 ਜਲ ਕੀ ਸੇਵ ਕਰੇ ਤਜਿ ਸੰਗਾ । ਦੇਗ ਸੇਵ ਕਰ ਧਾਰ ਉਮੰਗਾ ।
 ਤਾਂਕੇ ਲਾਂਗਰੀ ਅਸ ਸਮਝਾਵੈ । ਰਹੇ ਠਾਂਡ ਕੋਊ ਕਾਗ ਨਾ ਆਵੈ ॥ 437 ॥

ਦੋਹਰਾ

ਜਾਤਕ ਧਾਰ ਗੁਲੇਲ ਕੋ ਰਹਿਯੋ ਠਾਂਢ ਸਵਿਧਾਨ ।
 ਮੈਦਾ ਸੁਨਤ ਨਿਹਾਰ ਕੈ ਅਯੋ ਕਾਗ ਬਲ ਠਾਨ ॥ 438 ॥

ਚੌਪਈ

ਭਰੀ ਚੋਚ ਬਾਲਕ ਹਟਕਾਯੋ । ਬਹੁਰੋ ਕਾਗ ਧਾਰ ਰਿਸ ਆਯੋ ।
 ਪੁਨਾ ਚੋਚ ਭਰ ਬਾਲ ਨਿਹਾਰਾ । ਖੈਚ ਗੁਲੇਲ ਗੁਲੇਲਾ ਮਾਰਾ ॥ 439 ॥
 ਲਾਗੋ ਫਰ⁴ ਪਰ ਲਾਂਗ ਜਨਾਯੋ । ਉਡਾ ਨ ਜਾਇ ਕਾਗ ਦੁਖ ਪਾਯੋ ।
 ਦਯਾ ਸਿੰਧ ਭੋਜਨ ਜਬ ਕਰੈ । ਪਾਛੇ ਚੋਗ ਕਾਗ ਕੋ ਧਰੈ ॥ 440 ॥

¹ਏ ਪੋਥੀ ਕ੍ਰਿਪਾਨਿਧਿ ²ਅ ਪੋਥੀ ਆਖਨ ³ਅ ਪੋਥੀ ਤਾਹਿ ⁴ਏ ਪੋਥੀ ਪੰਖ

ਦੋਹਰਾ

ਜਬੈ ਚੋਗ ਡਾਰੀ ਪ੍ਰਭੂ ਆਏ ਕਾਗ ਬਹੁ ਧਾਇ ।
ਆਯੋ ਕਾਗ ਸੁ ਤਾਂਹਿ ਸੇ ਤਤ ਛਿਨ ਚਲਿਯੋ ਨਾ ਜਾਇ ॥ 441 ॥

ਚੌਪਈ

ਕ੍ਰਿਪਾ ਸਿੰਧ ਤਹਿ ਓਰ ਨਿਹਾਰਾ । ਤਾਂਹਿ ਦੁਖੀ ਲਖ ਬੈਨ ਉਚਾਰਾ ।
ਜਾਂਹਿ ਕਾਗ ਕੋ ਚੋਟ ਲਗਾਈ । ਬਹੁ ਸ੍ਰਮ ਪਾਇ ਰਸਾਤਲ ਜਾਈ ॥ 442 ॥
ਤਤ ਛਿਨ ਖੇਦ ਕਾਗ ਕਾ ਖੋਯੋ । ਨਭ ਦਿਸ ਗਯੋ ਆਨੰਦਤ ਹੋਯੋ ।
ਐਸ ਬੈਨ ਜਬ ਬਾਲ ਸੁਣਾਏ । ਧਾਰ ਚਿੰਤ ਅਤਿਹੀ ਸ੍ਰਮ^੧ ਪਾਏ ॥ 443 ॥

ਦੋਹਰਾ

ਜਾਇ ਪਿਤਾ ਢਿਗ ਬਚ ਕਹੇ ਸ੍ਰੀ ਗੁਰ ਦੀਓ ਸਰਾਪ ।
ਜਾਨ ਪਾਪ ਨਹਿ ਕਛੁ ਕੀਓ ਹੁਇ ਅਚੇਤ ਨਾਹਿ ਪਾਪ ॥ 444 ॥

ਚੌਪਈ

ਪਿਤਾ ਪੂਤ ਦੋਈ ਬਿਸਮਾਏ । ਦਾਰਦ ਭਯੋ ਅਧਿਕ ਸ੍ਰਮ ਪਾਏ ।
ਸੰਗਤ ਨਿਜ ਦਿਸ ਕੀਨੋ ਪਯਾਨਾ । ਗੁਰੁ ਗਨ ਗਾਵਤ ਹਰਖਤ ਨਾਨਾ ॥ 445 ॥
ਵੋਹ ਦੋਉ ਗੁਰ ਨਿਕਟ ਰਹਾਏ । ਕਹਾਂ ਜਾਇ ਹਮ ਸਾਮ ਤਜਾਏ ।
ਦੇਹੀ ਖੀਣ ਨਿਤਾ ਪ੍ਰਤਿ ਹੋਵੈ । ਸੁਤ ਕੋਉ ਦੇਖ ਪਿਤਾ ਦੁਖ ਹੋਵੈ ॥ 446 ॥

ਦੋਹਰਾ

ਸਿਖਨ ਪਹਿ ਬਿਨਤੀ ਕਰੈ ਮਮ ਸੁਤ ਕੋ ਬਖਸਾਇ ।
ਸਭੈ ਸਿਖ ਮਿਲ ਅਸ ਕਹਾ ਬਿਧੀ ਚੰਦ ਪੈ ਜਾਇ ॥ 447 ॥

ਚੌਪਈ

ਪਰ ਉਪਕਾਰ ਤੁਮੈ ਬਖਸਾਵੈ ! ਨਿਸਚੈ ਤੁਮਰੈ ਖੇਦ^੨ ਮਿਟਾਵੈ ।
ਸੁਨਤ ਤਾਂਹਿ ਮਨ ਆਨੰਦ ਪਾਇ । ਬਿਧੀ ਚੰਦ ਪੈ ਬਿਬ^੩ ਚਲ ਆਇ ॥ 448 ॥
ਤ੍ਰਾਹਿ ਤ੍ਰਾਹਿ ਕਰ ਬਿਨੈ ਉਚਾਰੀ । ਨਾਮ ਲਾਜ ਪਾਲੋ ਉਪਕਾਰੀ ।
ਕਾਗ ਪੁਤ੍ਰ ਕੀ ਬਾਤ ਸੁਨਾਈ । ਜਾਇ ਰਸਾਤਲ ਗੁਰੁ ਬਚ ਗਾਈ ॥ 449 ॥

ਦੋਹਰਾ

ਤਾਂਤੇ ਹਮ ਸਰਨੀ ਅਏ ਕੀਜੈ ਤੁਮ ਉਪਕਾਰ ।
ਮਮ ਸੁਤ ਕਉ ਬਖਸਾਈਏ ਪਾਵਨ ਪਤਿਤ ਵਿਚਾਰ ॥ 450 ॥

ਬਿਧੀਚੰਦੋਵਾਰ ॥ ਚੌਪਈ ॥

ਕਰਹੁ ਨਾ ਚਿੰਤ ਬਿਨਤ ਹਉ ਗਾਂਉ । ਜਿਉ ਤਿਉ ਤੁਮਰੈ ਸੁਤ ਬਖਸਾਂਉ ।
ਕਕੋ ਸੁਨਤ ਰਿਦੈ ਸੁਖ ਧਾਰਾ । ਬਿਧੀ ਚੰਦ ਗੁਰ ਨਿਕਟ ਪਧਾਰਾ ॥ 451 ॥

ਹੇਤ ਸ਼ਿਕਾਰ ਗੁਰੁ ਕਰਿ ਪਿਆਨਾ । ਚੀਤੇ ਸੁਆਨ ਸੰਗ ਬਹੁ ਮਾਨਾ ।
ਬਨ ਮਹਿ ਅਧਿਕ ਸ਼ਿਕਾਰ ਖਿਲਾਏ । ਛੋਟੇ ਮੀਰ ਨਿਕਟ ਬੈਠਾਏ ॥ 452 ॥

ਦੋਹਰਾ

ਬਿਧੀਏ ਸਮਾ ਨਿਹਾਰਿਓ¹ ਸ੍ਰੀ ਗੁਰ ਬੈਠਹਿ ਕ੍ਰਿਪਾਲ ।
ਨਿਜ ਗਰਿ ਅੰਚਰ ਪਾਇ ਕੈ ਬਿਨਤੀ ਕੀਨ ਉਤਾਲ ॥ 453 ॥

ਚੌਪਈ

ਦੇਖ ਦਯਾ ਨਿਧ ਮੁਖ ਮੁਸਕਾਏ । ਬਿਧੀ ਚੰਦ ਪ੍ਰਤਿ ਬੈਨ ਅਲਾਏ ।
ਭਾਖੋ ਕਿਆ ਮਨ ਰੁਚ ਉਪਜਾਈ । ਮਾਂਗਹੁ ਸੋਈ ਨਾ ਦੇਰ ਸੁਹਾਈ ॥ 454 ॥

ਬਿਧੀਏ ਉਵਾਚ ॥ ਦੋਹਰਾ ॥

ਹੇ ਪ੍ਰਭੂ ਤੁਮਰੋ ਨਾਮ ਹੈ ਪਾਵਨ ਪਤਿਤ ਕਰੰਤ ।
ਜੀਵ ਸਦਾ ਸਦ ਭੂਲ ਹੈ ਤੁਮ ਸਦ ਬਖਸ਼ ਕਰੰਤ ॥ 455 ॥

ਚੌਪਈ

ਸਿਖ ਪੁਤ੍ਰ ਕੀ ਬਾਤ ਸੁਨਾਈ । ਜਿਹ ਬਿਧ ਭਈ ਭਾਰ ਸੂਮ ਪਾਈ ।
ਹੇ ਪ੍ਰਭ ਬੈਨ ਅਮੋਘ ਤੁਮਾਰੋ । ਜਾਇ ਰਸਾਤਲ ਕਹਾਂ ਸੁਧਾਰੋ ॥ 456 ॥
ਰਸਾਤਲ ਸੋਇ ਪ੍ਰਭੂ ਮੁਹਿ ਦੀਜੈ । ਸਿਖ ਪੁਤ੍ਰ ਕਉ ਖਿਮਾਂ² ਕਰੀਜੈ ।
ਅਸ ਕਹ ਪਦ ਪੰਕਜ³ ਲਪਟਾਯੋ । ਸ੍ਰੀ ਗੁਰ ਤਾਂ ਕਉ ਧੰਨ ਧੰਨ ਗਾਯੋ ॥ 457 ॥

॥ ਸ੍ਰੀ ਗੁਰੋਵਾਚ ॥ ਦੋਹਰਾ ॥

ਗਈ ਰਸਾਤਲ ਤਾਂਹਿ ਕੀ ਤੁਮ ਕੋ ਸਦਾ ਅਨੰਦ ।
ਰਸਾਤਲ ਪਰ ਇਹੁ ਨਗਰ ਪੈ ਬਸੈ ਅਧਿਕ ਮਤ ਮੰਦ ॥ 458 ॥

ਚੌਪਈ

ਛੋਟਾ ਮੀਰ ਬੇਹੁ ਹੋਇ ਜਾਵੈ । ਬਿਧੀ ਚੰਦ ਅਹ ਕਛੁਕ ਬਿਤਾਵੈ ।
ਆਇ ਭੁਚਾਲ ਭਿਰੜ ਹੁਇ ਸਗਰਾ । ਉਪਰ ਚਲੈ ਪੰਥ ਕੋ ਦਗਰਾ ॥ 459 ॥
ਅਸ ਕਹ ਤਹਿ ਤੇ ਕੀਨ ਪਿਆਨਾ । ਸਦਨ ਆਇ ਪ੍ਰਭ ਕ੍ਰਿਪਾ ਨਿਧਾਨਾ ।
ਸੋਦਰ ਸਮਾਂ ਭਯੋ ਸੁਖਦਾਈ । ਲਗਾ ਦਿਵਾਨ ਅਧਿਕ ਬਹੁ ਭਾਈ ॥ 460 ॥
ਪਿਤਾ ਪੂਤ ਕੋ ਸੰਗ ਲਵਾਇ । ਬਿਧੀ ਚੰਦ ਗੁਰ ਕੈ ਢਿਗ ਜਾਇ ।
ਦੋਊ ਆਇ ਪਦ ਪੰਕਜ ਲਾਗੈ । ਭਗਤ ਸਿੰਘ ਜਾਨਉ ਵਡਭਾਗੈ ॥ 461 ॥

ਦੋਹਰਾ

ਪਦ ਪੰਕਜ ਨਿਜ ਧੋਇ ਕੈ ਸ੍ਰੀ ਗੁਰ ਤਾਂਹਿ ਪਿਲਾਇ ।
ਕਰੀ ਛਿਮਾ ਸਿਖ ਪੁਤ੍ਰ ਕੀ ਤਨ ਮਨ ਖੇਦ⁴ ਮਿਟਾਇ ॥ 462 ॥

¹ਅ ਪੋਥੀ ਵੀਚਾਰਿਓ ²ਅ ਪੋਥੀ ਮਾਫ ਦ ਪੋਥੀ ਬਖਸ਼ ³ਦ ਪੋਥੀ ਚਰਨ ਕਮਲ ⁴ਅ ਪੋਥੀ ਕਸਟ

ਚੌਪਈ

ਲੈ ਆਇਸ¹ ਨਿਜ ਧਾਮ ਸਿਧਾਏ । ਬਿਧੀ ਚੰਦ ਕੇ ਗੁਨ ਅਸ ਗਾਏ ।
 ਏ ਬਿਧ ਅਨਗਨ ਗਾਥ ਕਰਾਇ । ਦੋਇ ਮਾਸ ਸੁਖ ਸੰਗ ਬਿਤਾਇ ॥ 463 ॥
 ਅਯੋ ਹਾੜ ਕਛੁ ਦਿਵਸ ਬਿਤਾਯੋ । ਸੁਨਹੁ ਸੰਤ ਗੁਰ ਕੋ ਮਨ ਭਾਯੋ ।
 ਸਭ ਸੂਰਨ ਕਉ ਸੰਗ ਲਵਾਇ । ਸ੍ਰੀ ਗੁਰ ਹੇਤ ਸ਼ਿਕਾਰ ਸਿਧਾਇ ॥ 464 ॥

ਦੋਹਰਾ

ਚੀਤੇ ਸੁਆਨ ਅਨੰਤ ਲੈ ਜੁਰੇ ਬਾਜ ਅਪਾਰ ।
 ਲਗਰ ਸੀਚਾਨੇ ਬਹੁ ਲੀਏ ਸ਼ਸਤ੍ਰ ਅਸਤ੍ਰ ਤਨ ਧਾਰ ॥ 465 ॥

ਸਵੈਯਾ

ਜੀਨ ਪੁਸ਼ਾਕ ਸਵੇਤ ਧਰੀ ਪੁਨ ਰਾਜਤ ਅਸੂ ਸਵੇਤ ਸਵਾਰਾ ।
 ਸਵੇਤ ਹੀ ਬਾਜ ਲੀਓ ਕਰ ਪੰਕਜ ਮਾਨਹੁ ਹੰਸ ਦਿਖੈ ਸੂਮ ਧਾਰਾ ।
 ਉਜਲਤਾ ਸਬ ਲੋਕਨ ਕੀ ਸਮ ਪਾਵਤ ਨਹਿ ਸਸੀ ਪਯਹਾਰਾ ।
 ਤਾਤੇ ਨਮੋ ਗੁਰੁ ਪਦ ਰੇਨਹਿ ਚੜੇ ਪ੍ਰਭ [ਮੁਕਤਿ]² ਹੇਤ ਸ਼ਿਕਾਰਾ ॥ 466 ॥

ਦੋਹਰਾ

ਬਿਧੀ ਚੰਦ ਪਾਛੇ ਚਲੇ ਬਾਬਾ ਅਗ੍ਰ ਸਿਧਾਇ ।
 ਔਰ ਸੈਨ ਚਹੁ ਦਿਸ ਚਲੈ ਮਧ ਪ੍ਰਭੂ ਛਬਿ ਪਾਇ । 467 ॥

ਅੜਿਲ

ਜਾਨ ਭਾਈ ਅਤਿ ਬੇਗ ਪੰਨ ਸਮ ਜਾਇ ਹੈ ।
 ਰਵਿ ਹੈ ਹੰਸ ਐਰਾਵਤ ਭਾਰ ਲਜਾਇ ਹੈ ।
 ਡੇਢ ਜਾਮ ਦਿਨ ਰਹਾ ਸਿਖ ਦੋ ਆਇਕੈ ।
 ਹੋ ਦੌਰ ਪ੍ਰਭੂ ਪਦ ਕੰਜ³ ਗਹੈ ਸੁਖ ਪਾਇਕੈ ॥ 468 ॥
 ਦਯਾ ਸਿੰਧ ਭਏ ਠਾਢ ਧੀਰ ਦੈ ਤਾਂਹਿ ਕੋ ।
 ਪ੍ਰਫੁਤ ਕਹ ਤੇ ਆਇ ਕ੍ਰਿਤ ਕਰਵਾਇ ਕੋ ।
 ਕਹੈ ਸਿਖ ਸਖ ਮਾਨ ਸੁਧਾਸਰ ਆਨੀਏ ।
 ਹੋ ਹਮਾਰੀ ਜਾਤ ਤਖਾਨ ਮੁਸਬਰ ਜਾਨੀਏ ॥ 469 ॥

ਚੌਪਈ

ਦਯਾਸਿੰਧ ਸੁਨ ਮੋਨ⁴ ਰਹਾਇ । ਤਬ ਤਿਨ ਕਹਿ ਹਮ ਸੇਵ ਕਰਾਇ ।
 ਜੋ ਤੁਮ ਕਹੋ ਸੋ ਸੇਵ ਕਮਾਵੇ । ਸੁਨ ਗੁਰੁ ਉਤਰ ਦੈ ਨਹਿ ਭਾਵੇ ॥ 470 ॥
 ਕ੍ਰਿਪਾਸਿੰਧ ਕੇ ਮਨ ਕੀ ਜਾਨ । ਬਿਧੀ ਚੰਦ ਅਸ ਕੀਨ ਬਖਾਨ ।
 ਸੁਨਹੁ ਪਿਆਰੇ ਤੁਮ ਅਸ ਕੀਜੈ । ਸਫਲ ਹਾਥ ਅਪਨੇ ਕਰ ਲੀਜੈ ॥ 471 ॥

¹ਅ ਪੋਥੀ ਆਗਯਾ ²ਏ ਪੋਥੀ ਵਿਚੋਂ ³ਅ ਪੋਥੀ ਕਮਲ ⁴ਅ ਤੇ ਏ ਪੋਥੀ ਮਸਟ

ਏਹੁ ਸਰੂਪ ਜੁ ਨੈਨ ਨਿਹਾਰਾ । ਧਰੇ ਅਯੁਧ ਪ੍ਰਭ ਭਏ ਸਵਾਰਾ ।
ਨਖ ਸਿਖ ਸੁੰਦਰ ਰੂਪ ਸੁਧਾਰਾ । ਸੋ ਹਮ ਲਿਖ ਦੀਜੈ ਉਪਕਾਰਾ ॥ 472 ॥
ਬਿਧੀ ਚੰਦ ਕੇ ਬੈਨ ਸੁਨਾਇ । ਬਿਨੇ ਸੁਜਾਨ ਕਰੀ ਇਹੁ ਭਾਇ ।
ਸੇਸ ਸੁਰੇਸ ਦਿਨੇਸ ਨ ਪਾਵੈ । ਤੁਛ ਜੀਵ ਹਉ ਕੈਸ ਲਖਾਵੈ ॥ 473 ॥

ਦੋਹਰਾ

ਏਕ ਬਾਤ ਨਿਸਚੈ ਸੁਨੀ ਸਤਿ¹ ਸੰਗਤਿ ਮਹਿ ਜਾਇ ।
ਕੀਰੀ ਤੇ ਹਸਤੀ ਕਰਹਿ ਦਯਾ ਸਿੰਧ ਮਨ ਭਾਇ ॥ 474 ॥

ਚੌਪਈ

ਤਾਤੇ ਜੇ ਗੁਰੁ ਕ੍ਰਿਪਾ ਧਾਰਹਿ । ਮਮ ਸੁਤ ਲਿਖੇ ਨਾ ਲਾਇ ਅਵਾਰਹਿ ।
ਬਿਧੀ ਚੰਦ ਪੁਨ ਕੀਨੇ ਉਚਾਰਾ । ਹੇ ਸੁਤ ਲਿਖੇ ਨਾ ਲਾਇ ਅਵਾਰਾ ॥ 475 ॥
ਤਿਨੈ ਕਹਾ ਹਮ ਕੋ ਬਰ ਦੀਜੈ । ਗੁਰੁ ਮੂਰਤ ਜਾਤੇ ਲਿਖ ਲੀਜੈ ।
ਬਿਧੀ ਚੰਦ ਕਹ ਤੁਮ ਕਰ ਨੈਨਾ । ਸ੍ਰੀ ਗੁਰੁ ਵਸੈ ਰਿਦੈ ਧਰ ਚੈਨਾ ॥ 476 ॥

ਦੋਹਰਾ

ਪਿਤਾ ਪੂਤ ਹਰਖਤ ਭਏ ਤਤ ਛਿਨ ਕੀਓ ਉਪਾਇ ॥
ਜਾਮ ਮਧ ਸੂਰਤ ਲਿਖੀ ਹੈ ਜੁਤ ਜੈਸ ਦਿਖਾਇ ॥ 477 ॥

ਚੌਪਈ

ਸ੍ਰੀ ਗੁਰੁ ਬਨ ਮਹਿ ਖੇਲ ਸ਼ਿਕਾਰਾ । ਜੀਵ ਜੰਤ ਕਰ ਮੁਕਤ ਹਜ਼ਾਰਾ ।
ਕਹਿ ਲਗ ਗਨੈ ਗਨਨ ਨਹਿ ਆਵੈ । ਪਸੂ ਪੰਛੀ ਅਮਰਾਪਦ ਪਾਵੈ ॥ 478 ॥
ਏਕ ਜਾਮ ਗੁਰੁ ਖੇਲ ਸ਼ਿਕਾਰਾ । ਓਰ ਪੁਰੀ ਤਬ ਅਏ ਮੁਰਾਰਾ ।
ਕਾਹੂ ਨਰ ਅਸ ਅਗੂ ਸੁਨਾਯੋ । ਲੈ ਸੈਨਾ ਪੈਂਦਾ ਪ੍ਰਭੂ ਆਯੋ ॥ 479 ॥

ਦੋਹਰਾ

ਜਲੰਧਰ ਉਤਰੇ ਦੇਖ ਹਮ ਭਏ ਤੁਰਕ ਇਕਠਾਇ ।
ਕੀਜੈ ਪ੍ਰਭੂ ਉਪਾਵ ਕਉ ਦੇਖ ਅਯੋ ਹਉ ਧਾਇ ॥ 480 ॥

ਚੌਪਈ

ਮੁਖ ਪੰਕਜ ਗੁਰ ਬੈਨ ਅਲਾਏ । ਧਰੇ ਧੀਰ ਮਨ ਚਿੰਤਾ ਹਾਏ² ।
ਸ੍ਰੀ ਗੁਰ ਨਾਨਕ ਭਲਾ ਕਰਾਵੈ । ਹੋਇ ਖਾਕ ਜੋ ਧਰਿ ਰਿਸ ਆਵੈ ॥ 481 ॥
ਐਸੇ ਕਹਤ ਬਾਗ ਮਹਿ ਆਏ । ਅਰਧ ਜਾਮ ਦਿਨ ਤਬੈ ਰਹਾਏ ।
ਪੈਂਦੇ ਜੋ ਜਹਿ ਖੇਲ ਮਚਾਈ । ਚੋਪਰ ਕੀ ਤਹਿ ਖੇਲ ਗੁਸਾਈ ॥ 482 ॥

ਦੋਹਰਾ

ਲਾਗੋ ਅਧਿਕ ਦਿਵਾਨ ਤਹਿ ਸੋ ਨਕਾਸ ਚਲ ਆਇ ।
ਬਿਧੀ ਚੰਦ ਕਉ ਮਿਲ ਕਹਾ ਸ੍ਰੀ ਗੁਰ ਕ੍ਰਿਪਾ ਮਹਾਇ ॥ 483 ॥

¹ਅ ਪੋਥੀ ਗੁਰਿ ²ਅ ਪੋਥੀ ਕਾਏ

ਚੌਪਈ

ਬਿਧੀ ਚੰਦ ਨਹਿ ਹਮਰੋ ਚਾਵਾ । ਤੋਹਿ ਕ੍ਰਿਪਾ ਤੇ ਬਯੋਤ ਸਵਾਰਾ ।
ਅਸ ਕਹ ਗੁਰ ਮੂਰਤ ਦ੍ਰਿਸ਼ਟਾਈ । ਬਿਧੀ ਚੰਦ ਕੇ ਮਨ ਬਹੁ ਭਾਈ ॥ 484 ॥
ਅਤਿ ਆਨੰਦ ਨਿਜ ਮਨ ਮਹਿ ਪਾਯੋ । ਧੰਨ ਧੰਨ ਤਾਕਉ ਮੁਖ ਗਾਯੋ ।
ਬਿਧੀ ਚੰਦ ਗੁਰ ਆਗੇ ਰਾਖੀ । ਜਿਹਿ ਬਿਧ ਲਿਖੀ ਬਾਤ ਸਭ ਭਾਖੀ ॥ 475 ॥

ਦੋਹਰਾ

ਦੇਖ ਪ੍ਰਭੂ ਮਨ ਹਰਖ ਕੈ ਨਖ ਸਿਖ ਰੂਪ ਸੁਧਾਰ ।
ਹੈ ਨੀਰਜ ਜਸ ਤਸ ਲਿਖੀ ਮੂਰਤ ਅਪਰ ਅਪਾਰ ॥ 486 ॥

ਚੌਪਈ

ਭਗਤ ਸਿੰਘ ਦੋਈ ਬਡ ਭਾਗੇ । ਪਿਤਾ ਪੂਤ ਗੁਰ ਕੇ ਪਗ ਲਾਗੇ ।
ਤਾਹਿ ਸੀਸ ਧਰ ਕਰ ਵਰ ਦੀਨੋ । ਲਿਖੋ ਨਕਸ਼ਾ ਪਿਖ ਜੋ ਤੁਮ ਚੀਨੋ ॥ 487 ॥
ਪਿਤਾ ਪੂਤ ਮਨ ਆਨੰਦ ਪਾਯੋ । ਜਨਮ ਮਰਨ ਕਾ ਸੰਸ ਮਿਟਾਯੋ ।
ਨਿਜ ਦਰਸਨ ਮੂਰਤ ਨਿਜ ਚੀਨੀ । ਬਖਸ਼ ਬਿਧੀ ਸਸਿ ਕਉ ਗੁਰ ਦੀਨੀ ॥ 488 ॥

ਦੋਹਰਾ

ਦਯਾ ਸਿੰਧ ਸੁਖ ਪਾਇ ਬਹੁ ਬਿਧੀ ਚੰਦ^੨ ਮਨ ਐਸ ।
ਲੈ ਮੂਰਤ ਕੋ ਰੰਕ ਜਿਮ ਪਾਇ ਖਜਾਨੋ ਜੈਸ ॥ 489 ॥

ਚੌਪਈ

ਭਗਤ ਸਿੰਘ ਜਾਨਉ ਨਿਰਧਾਰ । ਬਿਧੀ ਚੰਦ ਕੀ ਅੰਸ ਉਦਾਰ ।
ਮੂਰਤ ਅਬ ਤਕ ਤਹਿ ਢਿਗ^੧ ਅਹੈ । ਕਰ ਦਰਸਨ ਮਨ ਬਾਛਤ ਲਹੈ ॥ 490 ॥
ਅਥ ਸੁਨ ਬਾਤ ਖਾਨ ਜੋ ਆਯੋ । ਕਾਲੇ ਖਾਂ ਗੁਰੁ ਨਿਕਟ ਪਠਾਯੋ ।
ਕਬ ਕਬ ਆਗੇ ਗੁਰ ਢਿਗ ਆਵੇ । ਖਾਂ ਵਜ਼ੀਰ ਤਬ ਤਾਹਿ ਪਠਾਵੇ ॥ 491 ॥

ਦੋਹਰਾ

ਖੋਜ ਜਨਾਵਰ ਮਨ ਵਿਖੇ ਐਸੇ ਕੀਨ ਵਿਚਾਰ ।
ਲੋਹੁ ਪਰੀਖਯਾ ਗੁਰ ਕੀ ਗੁਰੂ ਨਾਨਕ ਅਵਤਾਰ ॥ 492 ॥

ਚੌਪਈ

ਖੋਜ ਜਨਾਵਰ ਉਪਰ ਕੀਨੀ । ਕਪਟ ਧਾਰ ਮਨ ਮਹਿ ਪਤਿ ਚੀਨੀ ।
ਬਾਗ ਮਧ ਗੁਰ ਦਰਸਨ ਪਾਯੋ । ਰਾਖੀ ਨਜ਼ਰ ਪ੍ਰਭੂ ਮੁਸਕਾਯੋ ॥ 493 ॥
ਸੁਨੋ ਸੰਤ ਅਸ ਬੈਠ ਅਲਾਏ । ਸੁਨੋ ਖਾਨ ਜਿਹ ਜਗ ਫੁਟ ਜਾਇ ।
ਤੁਰਤ ਮ੍ਰਿਤ ਹੋ ਜਾਵੈ ਤਾਕੀ । ਨਿਹਚੈ ਲਖੋ ਸਤਿ ਬਚ ਜਾਕੀ ॥ 494 ॥

^੧ਅ ਪੋਥੀ ਚਰਨਨ ^੨ਅ ਪੋਥੀ ਸਸਿ ^੩ਅ ਪੋਥੀ ਗ੍ਰਿਹ

ਦੋਹਰਾ

ਗੁਰੁ ਨਾਨਕ ਗ੍ਰਿਹ ਅਗੰਮ ਹੈ ਕਰਾਮਾਤ ਬਹੁ ਜਾਨ ।
 ਤਾਂਹਿ [ਦੇਨ]^੧ ਸਮ ਕਹਰ ਕੇ ਕਯਾ ਗੀਦੀ ਮਨ ਠਾਂਨ ॥ 495 ॥
 ਧੰਨ ਧੰਨ ਕਹ ਖਾਨ ਤਬ ਕਹ ਪ੍ਰਭ ਖਿਮਾ ਕਰਾਇ ।
 ਸ੍ਰੀ ਗੁਰ ਦੀਓ ਹਟਾਇ ਤਬ ਨੈਨ ਸਮਾਨਹ ਆਇ ॥ 496 ॥

ਚੌਪਈ

ਖੋਜਾ ਅਨਵਰ ਬਿਸਮੈ ਧਾਰੀ । ਦਾਸੀ ਦੋਇ ਜੇਬ ਨਿਜ ਡਾਰੀ ॥
 ਸੰਗਤ ਤਬੈ ਦੇਸ ਕਿਹ ਆਈ । ਭਾਂਤ ਭਾਂਤ ਕੀ ਪੂਜ ਚੜਾਈ ॥ 497 ॥
 ਪਟ ਹੈ ਆਯੁਧ ਭੂਖਨ ਦਾਸੀ । ਲਗੇ ਅੰਬਾਰ ਅਗੂ ਅਬਿਨਾਸੀ ।
 ਦੇਖ ਖਾਨ ਮਨ ਬਿਸਮੰਹਿ ਪਾਈ । ਏ ਖੁਦਾਇ ਧਨ ਕਹਿ ਤੇ ਆਈ ॥ 498 ॥

ਦੋਹਰਾ

ਸਾਹਿਜਹਾਂ^੨ ਬਡ ਸਾਹਿ ਹੈ ਏਤਾ ਧਨ ਨਹਿ ਆਇ ।
 ਇਹੁ ਠਾਂ ਰੋਕ ਅਨਾਥ ਧਰ ਪੁਨ ਮੁਖ ਬਿਨੈ ਅਲਾਇ ॥ 499 ॥

ਚੌਪਈ

ਬਹੁਰ ਏਕ ਸਿਖ ਸੁਨਿਆਰਾ । ਚੌਪਰ ਭੇਟ ਜਰਤ ਤਹਿ ਧਾਰਾ ।
 ਸ੍ਰੀ ਗੁਰ ਤਾਂਕਉ ਦਿਖ^੩ ਹਰਖਾਏ । ਰਾਖਿਓ ਜਾਨ ਤਰੈ ਛਪਾਏ ॥ 500 ॥
 ਖੋਜ ਜਨਾਵਰ ਬਹੁਰ ਅਲਾਯੋ । ਸੁਨੋ ਪੀਰ ਕਿਆ ਮਨ ਮਹਿ ਭਾਯੋ ।
 ਹਮਰੀ ਭੇਟ ਨਾ ਦਾਸੀ ਲੀਨੀ । ਲੀਨੀ ਰੋਕ ਹੀਨ ਜੋ ਦੀਨੀ ॥ 501 ॥

ਦੋਹਰਾ

ਸੁਨਹੁ ਸੰਤ ਸ੍ਰੀ ਮੁਖ ਕਹਾ ਜਲ ਪੈ ਸਰ ਸਸਿ ਪ੍ਰੀਤਿ ।
 ਤੈਸ ਸਿਖ ਕੀ ਹੋਤ ਹੈ ਤੁਮ ਖਟਿਆਈ ਰੀਤਿ ॥ 502 ॥

ਚੌਪਈ

ਖਟਾਈ ਨਹਿ ਪੈ^੪ ਮਾਂਹਿ ਸਮਾਵੈ । ਜਦਪਿ ਜਤਨ ਅਨੇਕ ਕਰਾਵੈ ।
 ਪੁਨਾ ਜਨਾਵਰ ਐਸ ਅਲਾਯੋ । ਹੇ ਪ੍ਰਭੂ ਚੌਪਰ ਕਾਹਿ ਛਪਾਯੋ ॥ 503 ॥
 ਹਮ ਸੰਗ ਬਾਜੀ ਏਕ ਖਿਲਾਵੋ । ਉਪਰ ਸਰਤ ਕਾਹਿ ਕੀ ਲਾਵੋ ।
 ਸ੍ਰੀ ਗੁਰ ਕਹਾ ਐਸ ਨਹਿ ਧਾਰੀ । ਸਰਤ ਜ੍ਹਾਰੀ ਲਾਇ ਬਜਾਰੀ ॥ 504 ॥

ਦੋਹਰਾ

ਸਰਤ ਕਰਹੁ ਨਹਿ ਕਾਂਹਿ ਕੀ ਹਮ ਤਉ ਫਕਰ ਅਲਾਹ ।
 ਤੁਮ ਅਪਨੀ ਇਛਾ ਕਰੋ ਮੋਕਉ ਕਛੂ ਨ ਚਾਹ ॥ 505 ॥

^੧ਅ ਪੋਥੀ ਵਿਚੋਂ ^੨ਅ ਪੋਥੀ ਪਾਤਸ਼ਾਹਿ ^੩ਅ ਪੋਥੀ ਪਿਥ ^੪ਅ ਪੋਥੀ ਦੁਖ

ਚੌਪਈ

ਅਸ ਕਹ ਚੌਪਰ ਪ੍ਰਭੂ ਵਿਛਾਯੋ । ਖਾਨ ਪਾਂਚ ਸੈ ਦਾਵ ਲਗਾਯੋ ।
ਜਰ ਨਗ ਪਾਸੇ ਜੋਤ ਅਪਾਰਾ । ਮਾਨਹੁ ਅਰਕ ਕਿਰਤ ਤਨ ਧਾਰਾ ॥ 506 ॥
ਸ੍ਰੀ ਗੁਰ ਬਾਜੀ ਅਵਲ ਲੀਨੀ । ਖਾਨ ਅਧਿਕ ਮਨ ਚਿੰਤਾ ਕੀਨੀ ।
ਬਾਜੀ ਤੀਨ ਜਬੈ ਤਿਨ ਹਾਰੀ । ਖੋਜ ਜਨਾਵਰ ਮਨ ਰਿਸ ਧਾਰੀ ॥ 507 ॥

ਦੋਹਰਾ

ਪੰਦਰਾ ਸੈ ਮਮ ਹਾਰਿਓ ਸ਼ਰਤ ਰੁਪੈਯਾ ਜਾਨ ।
ਚੌਪਰ ਦੀਓ ਉਠਾਇ ਤਬ ਕਹਿਯੋ ਦੇਗ ਨਾ ਮਾਨ ॥ 508 ॥

ਚੌਪਈ

ਸ੍ਰੀ ਗੁਰ ਕਹਾ ਦੇਗ ਨਾ ਜਾਨੋ । ਮੋ ਕਉ ਫਕਰ ਅਲਾਹੀ ਮਾਨੋ ।
ਦੇਗ ਤੁਮਾਰੇ ਗ੍ਰਿਹ ਮੋ ਰਹੈ । ਭਾਖੇ ਸੋਇ ਰਿਦੈ ਜੋ ਅਹੈ ॥ 509 ॥
ਕਹਾ ਖਾਨ ਅਸ ਫਕਰ ਨਾ ਹੋਈ । ਤੁਮਰੇ ਸਮ ਜੇ ਮਾਲਮ ਕੋਈ ।
ਪਾਤਸ਼ਾਹ ਸਿਉਂ ਰਾਰ ਰਚਾਈ । ਬਾਜ ਅਸਵ ਲੈ ਸੈਨਾ ਘਾਈ ॥ 510 ॥

ਦੋਹਰਾ

ਰਾਖ ਸੈਨ ਹੈ ਪਰ ਚੜੈ ਭੋਗ ਜਗਤ ਕੇ ਭੋਗ ।
ਤੁਮ ਹੋ ਕਟਕ ਦਰੇਗ ਕੇ ਹੁਇ ਗੁਰ ਠਗਹਿ ਜਗ ਲੋਗ ॥ 511 ॥

ਚੌਪਈ

ਔਰ ਕਟਕ^੧ ਬਹੁ ਬੈਨ ਉਚਾਰੇ । ਧੀਰ ਸਿੰਧ ਨਹ ਮਨ ਮਹਿ ਧਾਰੇ ।
ਜਬੈ ਕਹਾ ਗੁਰ ਨਾਨਕ ਕੂਰ । ਭਏ ਫਕਰ ਤਬ ਗੁਰੁ ਰਿਸ ਪੂਰ ॥ 512 ॥
ਸ੍ਰੀ ਗੁਰ ਕਹਾ ਪਨਹੀ ਜੋ ਮਾਰੇ । ਅੰਤ ਖੇਦ^੨ ਨਾ ਨੈਨ ਨਿਹਾਰੇ ।
ਬਿਧੀਏ ਆਦਿ ਦੌਰ ਸੁਨ ਬੈਨਾ । ਪਨਹੀ ਮਾਰ ਲਾਲ ਕਰ ਨੈਨਾ ॥ 513 ॥

ਦੋਹਰਾ

ਹੁਇ ਬਿਸੁਧ ਸੁਧ ਨਹਿ ਰਹੀ ਭਯੋ ਮ੍ਰਿਤ ਸਮ ਜਾਨ ।
ਭਗਤ ਸਿੰਘ ਸ੍ਰੀ ਗੁਰੁ ਤਬੈ ਤਹਿ ਤੇ ਕੀਯੋ ਪਯਾਨ ॥ 514 ॥

ਚੌਪਈ

ਅਰਕ ਲੁਪਾਇ ਨਿਸਾਪਤ ਆਯੋ । ਨਖਤੁ ਅਤ੍ਰਾਸ ਬਡੀ ਛਬ ਪਾਯੋ ।
ਸੁਨਹੁ ਸੰਤ ਮਹਿਲੀਂ ਪ੍ਰਭ ਗਏ । ਜਾਤੀ ਮਲ ਬਚ ਤਬ ਕਏ ॥ 515 ॥
ਲੈ ਸੈਨਾ ਪੈਂਦਾ ਪ੍ਰਭ ਆਯੋ । ਤਹਿ ਵਕੀਲ ਹਿਤ ਭੇਤ ਪਠਾਯੋ ।
ਦੂਤ ਜਾਨ ਤਾਂਤੇ ਕਛ ਦੀਜੈ । ਜੀਤੀ ਸ਼ਰਤ ਛਿਮਾਂ ਕਰ ਦੀਜੈ ॥ 516 ॥

^੧ਅ ਪੌਥੀ ਕਟੂ ^੨ਅ ਪੌਥੀ ਕਸਟ

ਦੋਹਰਾ

ਸੁਨ ਬਿਨਤੀ ਦ੍ਰਿਸ਼¹ ਕੀ ਤਬੈ ਸ੍ਰੀ ਗੁਰੁ ਭਏ ਕ੍ਰਿਪਾਲ ।
ਬਖਸ਼ ਸ਼ਰਤ ਸਦ ਪਾਂਚ ਸੈ ਭੇਜ ਦ੍ਰੁਬ² ਤਤਕਾਲ ॥ 517 ॥

ਚੌਪਈ

ਭਗਤ ਸਿੰਘ ਨਿਜ ਕਰਨੀ ਕੇਰਾ । ਤਤ ਕਾਲ ਫਲ ਨੈਨਨ ਹੇਰਾ ।
ਜਾਂ ਸਿਉਂ ਲਹ ਮਧ ਕੈਟਭ ਬੀਤੇ । ਤੁਛ ਖਾਨ ਤਾਂਤੇ ਕਸ ਜੀਤੇ ॥ 518 ॥
ਜਦਪਿ ਗੁਰੁ ਸਿਉਂ ਖੇਲ ਮਚਾਈ । ਦਰਸਨ ਕੀਨ ਬਾਤ ਮੁਖ ਗਾਈ ।
ਤਤ ਛਿਨ ਤਾਂਕਾ ਖੇਦ ਮਿਟਾਯੋ । ਪਠਾ ਹਰਖ ਗੁਰੁ ਹਰਖਤ ਪਾਯੋ ॥ 519 ॥

ਦੋਹਰਾ

ਬਹੁਰ ਖਾਨ ਮਨ ਮਾਂਨ ਕੈ ਐਸੇ ਕੀਨ ਉਚਾਰ ।
ਸ਼ਰਤ ਛਿਮਾ ਕਰ ਬਿਤ ਪਠਾ ਮੋਕਉ ਬਲੀ ਨਿਹਾਰ ॥ 520 ॥

ਚੌਪਈ

ਤਤ ਕਾਲ ਪੁਨ ਦਾਸ ਪਠਾਯੋ । ਪੈਂਦੇ ਓਰ ਨ ਦੇਰ ਸੁਹਾਯੋ ।
ਗੁਰੁ ਕੀ ਸੈਨ ਤੁਛ ਸੀ ਜਾਨੋ । ਆਵੇ ਤੁਰਤ ਦੇਰ ਨਹਿ ਠਾਨੋ ॥ 521 ॥
ਪੈਂਦੇ ਓਰ ਗਯੋ ਤਬ ਦਾਸ । ਦਯਾ ਸਿੰਧ ਅਸ ਕੀਨ ਬਿਲਾਸ ।
ਸਭ ਕਉ ਸ੍ਰੀ ਗੁਰੁ ਕਹਾ ਸੁਨਾਏ । ਰਹੋ ਸੁਚੇਤ ਗੁਰੁ ਗੁਨ ਗਾਏ ॥ 522 ॥

ਦੋਹਰਾ

ਬਿਧੀ ਚੰਦ ਸੈਨਾ ਸਜੀ ਸਦ ਪੁਰਾਨ ਨਿਰਧਾਰ ।
ਔਰ ਸੈਣ ਸੰਗਤ ਆਈ ਜਾਨ ਸਭੀ ਬਲਕਾਰ ॥ 523 ॥

ਚੌਪਈ

ਧੀਰ ਮਲ ਕਰ ਕਪਟ ਕਮਾਈ । ਪਾਤੀ ਪੈਂਦੇ ਨਿਕਟ³ ਪਠਾਈ ।
ਤੁਮ ਕਉ ਕਾਢ ਸਦਨ ਤੇ ਦੀਨਾ । ਬੜੇ ਧ੍ਰੋਹਿ ਤੋਹਿ ਸੰਗ ਕੀਨਾ ॥ 524 ॥
ਆਵਹੁ ਤੁਰਤ ਬਿਲਮ⁴ ਨਹੀਂ ਕੀਜੈ । ਮੋਕਉ ਜਾਨ ਮੀਤ ਨਿਜ ਲੀਜੈ ।
ਲੇਹੁ ਖਜਾਨਾ ਕਿਲਾ ਸੁਧਾਰ । ਮੋ ਸੰਗ ਕੀਜੈ ਅਧਿਕ ਪਿਆਰ ॥ 525 ॥

ਦੋਹਰਾ

ਦਯਾ ਸਿੰਧ ਸੁਨ ਸੈਨ ਬਹੁ ਪਾਤੀ ਐਸ ਪਠਾਇ ॥
ਜੈਸੇ ਕੋ ਤੈਸਾ ਮਿਲੇ ਕਪਟ ਕਪਟ ਰਲ ਜਾਇ ॥ 526 ॥

ਚੌਪਈ

ਪੈਂਦੇ ਪਾਤੀ ਜਬੈ ਪਠਾਈ । ਧੀਰ ਮਲ ਹਿਤ ਧਾਰ ਪਠਾਈ ॥
ਅਤਿ ਅਨੰਦ ਪੈਂਦੇ ਮਨ ਆਯੋ । ਅਜਾ ਸਿੰਘ ਢਿਗ ਜਿਉਂ ਸੁਖ ਪਾਯੋ ॥ 527 ॥

¹ਅ ਪੋਥੀ ਬਿਪ੍ਰ ²ਦ ਪੋਥੀ ਧਨ ³ਅ ਪੋਥੀ ਪਾਸ ⁴ਅ ਪੋਥੀ ਬਿਲੰਬ

ਸੁਨਾ ਸੰਦੇਸ ਜਨਾਵਰ ਕੇਰਾ । ਆਇ ਸਿਤਾਬ¹ ਲਾਇ ਨਹੀਂ ਦੇਰਾ ।
ਤਤ ਛਿਨ ਸਾਜ ਸੈਨ ਸਭ ਧਾਏ । ਤਬ ਨਿਸਾ ਬਿਬ ਜਾਮ ਬਿਤਾਏ ॥ 528 ॥

ਦੋਹਰਾ

ਦ੍ਵਾਦਸ ਸੈਨ ਸੰਹਸ੍ਰ ਮਿਲ ਜਾਨ ਦਵਾਬੇ ਖਾਨ ।
ਹਜ਼ਾਰ ਏਕਾਦਸ ਔਰ [ਚਲ]² ਕੁਤਬ ਖਾਨ ਤੇ ਆਨ ॥ 529 ॥

ਚੋਪਈ

ਬਾਵਨ ਔਰ ਹਜ਼ਾਰ ਸਿਧਾਈ । ਕਾਲੇ ਖਾਂ ਵਰ ਜਾਨ ਤਦਾਈ ।
ਸਤ੍ਰ ਪਾਂਚ ਸੈਨਾ ਚਲ ਐਸੇ । ਮਿਲ ਟੀਂਡਨ ਨਭ ਧਾਵਤ ਜੈਸੇ ॥ 530 ॥
ਪੁਰ ਬਾਹਰ ਇਕਠੇ ਸਭ ਹੋਏ । ਕੀਨ ਸਲਾਹ ਮੰਤ੍ਰ ਸਭ ਜੋਏ ।
ਕਰ ਮਿਲਾਪ ਅਰ ਕਰੀ ਸਲਾਹ । ਮਦਰਾ ਪੀਵਤ ਚਲੇ ਤਦਾਹ ॥ 531 ॥

ਦੋਹਰਾ

ਪੀ ਮਦਰਾ ਭਏ ਭਾਵਰੇਂ ਬਕਤ ਅਟਪਟੇ ਬੈਨ ।
ਧਰਨੀ ਭਾਰ ਬਯਾਮ ਬਡ ਉੜੀ ਧੂੜ ਹੁਇ ਗੈਨ ॥ 532 ॥

ਸਵੈਯਾ

ਦੌਰ ਪਦਾਤ ਬੜੇ ਗਜ ਉਚ ਸੁ ਧਰ ਉਡੀ ਸਭ ਕੇ ਦ੍ਰਿਗ ਪੂਰੇ ।
ਰੋਦ੍ਰ ਸੁ ਭੀਮ ਸੁ ਮਾਰਤ ਭੀ ਤਬ ਹੀ ਧਰ ਚਾਲ ਅਯੋ ਬਡ ਘੂਰੇ ।
ਛੋਟੀ ਮੀਰ ਭਯੋ ਭਿਰੜ ਕੇ ਸਮ ਆਪਸ ਮਹਿ ਮਿਲ ਮੰਦਰ ਰੂਰੇ ।
ਸਤਿ ਭਏ ਗੁਰ ਕੇ ਬਚਨ ਤਹਿ ਪਾਇ ਰਸਾਤਲ ਕੀਨ ਸੁ ਕੂਰੇ ॥ 533 ॥
ਜੇਤਕ ਥੇ ਪੁਰ ਮਾਂਝ ਨਿਸਾ ਨਰ ਨਾਰਿ ਸਭੀ ਪੁਰ ਮਾਂਝ ਦਬਾਏ ।
ਮਾਨਹੁ ਬੀਜ ਮਲੇਛ ਹਨਾ ਗੁਰੁ ਕੌਤਕ ਕੈ ਜਗ ਹੋਨ ਨ ਪਾਏ ।
ਐਸੇ ਹੀ ਬਾਤ ਭਈ ਇਹ ਠਾਂ ਇਤ ਸੈਨ ਲੀਏ ਰਿਸ ਧਾਵਤਿ ਆਏ ।
ਜਾਂਇ ਕੈ ਅਗ੍ਰ ਵਕੀਲ ਮਿਲਿਯੋ ਸਬ ਬਾਂਤ ਕਹੀ ਨਿਜ ਹਾਲ ਬਤਾਏ ॥ 534 ॥

ਦੋਹਰਾ

ਪਾਂਚ ਬੀਰ ਮਿਲਿ ਸੈਨ ਲੈ ਠਾਂਢੇ ਪੁਰ ਨਿਕਟਾਇ ।
ਜਾਮ ਨਿਸਾ ਤਬ ਹੀ ਰਹੀ ਹਨ ਨਿਸ਼ਾਨ ਤਦਾਇ ॥ 535 ॥

ਚੋਪਈ

ਜਾਤੀ ਮਲਕ ਬਾਤ ਸੁਨ ਸੈਨਾ । ਆਯੋ ਗੁਰ ਢਿਗ³ ਭਾਖੈ ਬੈਨਾ ।
ਆਗੇ ਸ੍ਰੀ ਗੁਰੁ ਕੀਓ ਇਸਨਾਨਾ । ਬੈਠੇ ਨਿਜ ਸਰੂਪ ਧਰ ਧਯਾਨਾ ॥ 536 ॥
ਅੰਤ੍ਰਜਾਮੀ ਸਭ ਲਖ ਲੀਨੀ । ਪਠੀ ਧੀਰ ਮਲ ਪਾਤੀ ਚੀਨੀ ।
ਕਪਟਾਵਤਾਰ ਜਾਨ ਰਹਿ ਮੋਨਾ । ਗੁਰੁ ਨਾਨਕ ਰਚ ਮੋਟਤ ਕੋਨਾ ॥ 537 ॥

¹ਏ ਪੋਥੀ ਨਹਿ ਕਰਹੁ ਅਬੋਗ ²ਅ ਪੋਥੀ ਵਿਚੋਂ ³ਅ ਪੋਥੀ ਪਹਿ

ਦੋਹਰਾ

ਬਾਲ ਬਿਵਸਥਾ ਕਪਟ ਜੁਤ ਜੈਸੇ ਮੁਰ ਬੰਬੂਰ ।
ਜਿਹਿ ਕੁਲ ਬਾਂਵਨ ਚੰਦਨਹ ਤਹਿ ਉਪਜਤ ਜੰਬੂਰ ॥ 538 ॥
ਬਹੁਰ ਰਾਇ ਜੋਧ ਅਸ ਕਹਾ ਸੈਨ ਤੁਰਕ ਬਹੁ ਆਇ ।
ਹੇ ਪ੍ਰਭ ਬਨੈ ਉਪਾਵ ਕੋ ਅਬ ਨਹਿ ਦੇਰ¹ ਸੁਹਾਇ ॥ 539 ॥

ਚੌਪਈ

ਜਪੁਜੀ ਭੋਗ ਜਬੈ ਗੁਰ ਪਾਯੋ । ਐਸ ਸ੍ਰੀ ਮੁਖ ਬੈਨ ਅਲਾਯੋ ।
ਪਠ ਸੂਰ ਸੈਨਾ ਸੰਗ ਲੈਕੇ । ਲਖੂ ਬੀਰ ਜਾਇ ਸੁਖ ਪੈਕੇ ॥ 540 ॥
ਗੁਰ ਆਇਸ ਜਾਤੀ ਮਲ ਪਾਈ । ਲਖੂ ਬਲੀ ਪਠਾ ਸਮਝਾਈ ।
ਅਮੀ ਮਿਹਰ ਸੁਨ ਦੋਨੋ ਸੂਰੇ । ਸੈਨ ਪਾਂਚ ਸੈ ਦੇ ਪਠ ਪੂਰੇ ॥ 541 ॥

ਦੋਹਰਾ

ਤੀਨੋ ਮਿਲ ਸੰਗ ਸੈਨ ਲੈ ਗੁਰ ਆਇਸ² ਕੋ ਪਾਇ ।
ਚਾਲੇ ਆਹਵ ਕਰਨ ਕੋ ਅਥਿਕ ਨਿਸ਼ਾਨ ਬਜਾਇ ॥ 542 ॥

ਚੌਪਈ

ਕਾਲੇ ਖਾਂ ਮਨ ਮਹਿ ਰਿਸ ਪਾਈ । ਹਨਤ ਨਿਸ਼ਾਨ ਸੈਨ ਗੁਰ ਆਈ ।
ਜੇ ਅਫਗਾਨ ਦੁਆਬੇ ਆਇ । ਹਜ਼ਾਰ ਦ੍ਰਾਦਸ ਬੀਰ ਪਠਾਇ ॥ 543 ॥
ਹਮਲਾ ਕੀਯੋ ਬਜਾਇ ਨਿਸ਼ਾਨਾ । ਆਗੇ ਖੜੇ ਬੀਰ ਬਲਿਵਾਨਾ ।
ਆਵਤ ਰੋਕ ਬਾਨ ਬਹੁ ਮਾਰੇ । ਸਸੀ³ ਪ੍ਰਕਾਸ਼ ਸੀਸ ਕਟ ਡਾਰੇ ॥ 544 ॥

ਦੋਹਰਾ

ਤਪਕ ਬਾਨ ਬਰਛਾ ਲੀਏ ਆਹਵ ਭਯੋ ਅਪਾਰ ।
ਗੁਰੂ ਬੀਰ ਸਮ ਹਾਜ ਅਸ ਮਾਨੋ ਗਨ ਤ੍ਰਿਪੁਰਾਰ ॥ 545 ॥
ਚਾਰ ਘਰੀ ਆਹਵ ਭਯੋ ਸੈਨਾ ਹਤੀ ਅਪਾਰ ।
ਕਾਲੇ ਖਾ ਰਿਸ ਪਾਇ ਅਤਿ ਆਪਨੀ ਸੈਨ ਸੁਧਾਰ ॥ 546 ॥

ਭੂਜੰਗ

ਪਠੀ ਬੀਰ ਸਹੰਸੂ ਸੈਨਾ ਸਲਾਰੀ । ਰਹਾ ਠਾਂਢ ਆਪੰ ਬੜੇ ਮਾਨ ਧਾਰੀ ।
ਇਤੋਂ ਦੀਨ ਦਿਆਲੰ ਭਏ ਆਪ ਤਿਆਰੰ । ਸਜੇ ਆਯੁਧੰ ਜਾਨ ਭਾਈ ਸਵਾਰੰ ॥ 547 ॥
ਭਏ ਮਧ ਕੋਟੰ ਪ੍ਰਭੂ ਠਾਂਢ ਜਾਨੰ । ਸੁਭੇ ਪਾਸ ਬਾਬਾ ਧਰੇ ਸਸਤ੍ਰ ਪਾਨੰ ।
ਮਿਟਾ ਅੰਧਕਾਰੰ ਭਯੋ ਭਾਨ ਰਾਜੰ । ਸਭੈ ਸੂਰ ਹਰਕੇ ਲਗੈ ਲੋਕ ਲਾਜੰ ॥ 548 ॥

¹ਏ ਪੋਥੀ ਬਿਲੰਬ ²ਏ ਪੋਥੀ ਆਗਯਾ ³ਅ ਪੋਥੀ ਚੰਦ

ਦੋਹਰਾ

ਸੈਨ ਮਲੇਛੀ ਦੇਖ ਬਹੁ ਆਈ ਕੋਪ^੧ ਬਢਾਇ ।
ਬਿਧੀਏ ਜਾਤੀ ਮਲ ਕਉ ਦੇ ਕਛੁ ਸੈਨ ਪਠਾਇ ॥ 549 ॥

ਨਰਾਜ ਛੰਦ

ਸੁਪਾਨ ਬਾਨ ਧਾਰ ਕੈ । ਦਲੇ ਬਲੀ ਵੰਗਾਰ ਕੈ ।
ਸੁ ਮਾਰ ਮਾਰ ਭਾਖਹੀ । ਕਛੁ ਨ ਕਾਨ ਰਾਖਹੀ ॥ 550 ॥
ਸੁਪਾਂਚ ਸੂਰ ਮੇਲ ਕੈ । ਤੁਰਕਾਨ ਸੈਨ ਰੇਲ ਕੈ ।
ਪਰੇ ਮਲੇਛ ਕੋਪ ਸਿਉ^੨ । ਸੁ ਧਾਹ ਪੈਰ ਕੋਪ ਸਿਉ^੨ ॥ 551 ॥

ਦੋਹਰਾ

ਸੁਨੋ ਸੰਤ ਸਮਰਥ ਕੀ ਬਾਤ ਪ੍ਰਗਟ ਜਗ ਮਾਂਹ ।
ਅਲਪ ਸੈਨ ਸਮ ਲੋਨ ਕੈ ਲਰਹੈ ਧਾਰ ਉਮਾਂਹ ॥ 552 ॥

ਭੁਜੰਗ

ਤਬੈ ਖਾਨ ਕਾਲੇ ਕੀਯੋ ਕੋਪ ਭਾਰੀ ।
ਸਭੀ ਧਾਰ ਸੈਨਾ ਧਰਾ ਰੋਸ ਧਾਰੀ ।
ਭਯੋ ਤੀਨ ਠੋਰੇ ਬਡੇ ਜੁਧ ਜਾਨੋ ।
ਕਟੈ ਸੂਰ ਅੰਗੀ ਖਿਲੈ ਫਾਗ ਮਾਨੋ ॥ 553 ॥

ਦੋਹਰਾ

ਨਿਜ ਦਮਾਦ ਸੰਗ ਸੈਨ ਲੈ ਪੈਂਦੇ ਲਰਿ ਇਕ ਓਰ ।
ਜਾਤੀ ਮਲ ਪ੍ਰਤਾਪ ਗੁਰੁ ਕਰਹਿ ਜੁਧ ਅਤਿ ਘੋਰ ॥ 554 ॥

ਚੌਪਈ

ਕੁਤਬਖਾਨ ਲਰਹੈ ਇਕ ਓਰ । ਲਖੂ ਅਮੀ ਮਿਹਰ ਰਸ ਜੋਰ ।
ਸੁਨ ਵਕੀਲ ਕਾਲੇ ਖਾਂ ਜੋਧਾ । ਬਿਧੀ ਚੰਦ ਸਿਉ ਲਰ ਧਰ ਕ੍ਰੋਧਾ ॥ 555 ॥
ਹੈ ਗਜ ਹਤੇ ਹਤੇ ਤਿੰਹ ਸਾਰਾ । ਮਾਨਹੁ ਚਲੈ ਸ੍ਰੋਨ^੨ ਕੀ ਧਾਰਾ ।
ਚਾਵਡ ਸਯਾਲ ਮਾਸ ਮਦ ਰਾਤੇ । ਆਹਵ ਫਿਰੇ ਰੰਗ ਨਿਜ ਰਾਤੇ ॥ 556 ॥

ਰਸਾਵਲ ਛੰਦ

ਭਯੋ ਜੁੱਧ ਭਾਰੀ । ਰਹੀ ਨਾ ਸੰਭਾਰੀ ।
ਬਕੇ ਮਾਰ ਮਾਰੰ । ਪਰੀ ਲੋਹੂ ਧਾਰੰ ॥ 557 ॥
ਘਟਾ ਜਾਨ ਸਯਾਹੰ । ਚੜੀ ਯੋ ਸਿਪਾਹੰ ।
ਹਨੇ ਤੀਰ ਐਸੇ । ਸੁਤੰ ਨਾਗ ਜੈਸੇ ॥ 558 ॥

^੧ਏ ਪੋਥੀ ਕਰੋਧ ^੨ਅ ਪੋਥੀ ਖੂਨ ਏ ਪੋਥੀ ਰੁਧ

ਬਿਧੀ ਬਾਨ ਮਾਰੇ । ਸੁਪਾਰੰ ਪਧਾਰੇ ।
 ਦਿਜੰ ਤੇਗ ਧਾਰੀ । ਸੁ ਸੈਨਾ ਸੰਘਾਰੀ ॥ 559 ॥
 ਉਠੇ ਨਾਦ ਭਾਰੀ । ਕੁਪੇ ਛਤ੍ਰ ਧਾਰੀ ।
 ਮਨੋ ਮੇਘ ਵੁਠੇ । ਇਮੇ ਤੀਰ ਛੁੱਟੇ ॥ 560 ॥

ਸਵੇਯਾ

ਕਾਨ ਪ੍ਰਮਾਨ ਲੋ ਬੈਂਚ ਕਮਾਨ ਬਿਧੀ ਸਸ^੧ ਬਾਨ ਸੁ ਐਸ ਪ੍ਰਹਾਰਿਯੋ ।
 ਆਵਤ ਅਗ੍ਰ ਵਕੀਲ ਰਿਸਾਇ ਕੈ ਭਾਲ^੨ ਕੋ ਫੋਰ ਕੈ ਪਾਰ ਪਧਾਰਿਯੋ ।
 ਸਾਥ ਹੀ ਬਾਨ ਕੇ ਪ੍ਰਾਨ ਗਏ ਪਿਖ ਹੂਰ ਲੀਓ ਨਿਜ ਨਾਹਿ ਬਿਚਾਰਿਯੋ ।
 ਸੈਨ ਬਿਧੀ ਸਸਿ ਐਸ ਹਨਿ ਜਨ ਕਾਟ ਕ੍ਰਿਸਾਨ ਕ੍ਰਿਖੀ ਸੁਖ ਧਾਰਿਯੋ ॥ 561 ॥
 ਅੰਤਕ ਚਿੰਤ ਕਹੀ ਮਨ ਮਹਿ ਲਰ ਬੀਚ ਮਲੇਛ ਸੁ ਨਰਕ ਪਧਾਰੇ ।
 ਗੁਰੁ ਕੋ ਪਰਤਾਪ ਨ ਜਾਨਤ ਹੈਂ ਜੜ ਨਾਰਦ ਤਾਹਿ ਕਹਾ ਸ੍ਰਮ ਟਾਰੇ ।
 ਮਾਰ ਲੀਯੋ ਜੋਈ ਖੋਜ ਜਨਾਵਰ ਔਰ ਸੁਖਾਨ ਮਹਾਂ ਬਲਿਵਾਰੇ ।
 ਛੋਡ ਬਿਧੀ ਚੰਦ ਜਾਇ ਪਰਾ ਜਿਹ ਓਰ ਲਰੈਂ ਸਮ ਬੀਰ ਉਦਾਰੇ ॥ 562 ॥

ਦੋਹਰਾ

ਕਾਲੇ ਖਾਂ ਜਬਹੀ ਗਯੋ ਦੁਤੀ ਓਰ ਰਿਸ ਧਾਰ ।
 ਬਿਧੀਚੰਦ ਗੁਰੁ ਪੈ ਅਯੋ ਜੈ ਜੈ ਕੀਨ ਉਚਾਰ ॥ 563 ॥

ਚੌਪਈ

ਦੇ ਥਾਪੀ ਗੁਰੁ ਬਹੁਰ ਪਠਾਯੋ । ਧਾਰ ਕੋਪ^੩ ਆਹਵ ਮਹਿ ਆਯੋ ।
 ਠਾਂਢ ਮਦਾਨ ਭਲੀ ਦਿਖ ਠਾਹਰ । ਪਰਾ ਜੁਧ ਮਹਿ ਕਰ ਕੈ ਆਹਰ ॥ 564 ॥

ਦੋਹਰਾ

ਕਹ ਤਕ ਕਵਿ ਬਰਨਨ ਕਰੇ ਆਹਵ ਭਯੋ ਬਯੰਤ ।
 ਸ੍ਰੋਨ ਭਰੇ ਪਟ ਰਾਜਤੇ ਮਾਨਹੁ ਖੇਲ ਬਸੰਤ ॥ 565 ॥

ਚੌਪਈ

ਦੋਇ ਜਾਮ ਦਿਨ ਤਬ ਲੋ ਆਯੋ । ਪੈਂਦੇ ਗੁਰੁ ਕੀ ਓਰ ਤਕਾਯੋ ।
 ਛੋਡ ਅਕਾਸ ਜੁਧ ਕੇ ਤਾਂਈ ॥ ਅਯੋ ਦੌਰ ਨਿਜ ਅਸੂ ਕੁਦਾਈ ॥ 566 ॥
 ਆਵਤ ਸ੍ਰੀ ਗੁਰੁ ਤਾਂਹਿ ਨਿਹਾਰਾ । ਨਗਨ ਤੇਗ ਕਰ ਕ੍ਰੋਧ ਅਪਾਰਾ ।
 ਗੁਰੁ ਢਿਗ ਬੀਰ ਨ ਕਾਹ ਤਕਾਯੋ । ਸੁਨਹੁ ਸੰਤ ਅਸ ਬੈਨ ਅਲਾਯੋ ॥ 567 ॥

ਦੋਹਰਾ

ਹੇ ਗੁਰੁ ਤੁਮਰੋ ਬਲ ਕਹਾਂ ਰਹਿਯੋ ਠਾਂਢ ਪਛਹਾਰ ।
 ਅਬ ਨਿਜ ਬਦਲਾ ਪਾਇ ਹਉਂ ਹਮਰੋ ਵਾਰ ਸੰਭਾਰ ॥ 568 ॥

^੧ਏ ਪੋਥੀ ਚੰਦ ^੨ਏ ਪੋਥੀ ਮਾਥ ^੩ਏ ਪੋਥੀ ਕਰੋਧ

ਚੌਪਈ

ਸੁਨਤ ਸ੍ਰੀ ਗੁਰੁ ਮਨ ਮੁਸਕਾਏ । ਭਗਤ ਸਿੰਘ ਅਸ ਬੈਨ ਅਲਾਇ ।
 ਮੂੜ ਖਾਨ ਅਪਨੇ ਬਲ ਕੀਜੈ । ਚਿਤ ਕੀ ਹੋਸ ਰਾਖ ਜਿਨ ਲੀਜੈ ॥ 569 ॥
 ਤਬ ਪੈਂਦੇ ਰਿਸ ਤੇਗ ਚਲਾਈ । ਕਰ ਗੁਰੁ ਦਾਵ ਪਰ ਢਾਲ ਰੁਕਾਈ ।
 ਹਨੀ ਔਰ ਰੋਕੀ ਗੁਰ ਢਾਲਾ । ਪੈਂਦੇ ਖਾ ਮਨ ਭਯੋ ਬਿਹਾਲਾ ॥ 570 ॥

ਦੋਹਰਾ

ਅਧਿਕ ਕੋਪ ਮਨ ਧਾਰ ਕੈ ਕੀਓ ਤੀਸਰਾ ਵਾਰ ।
 ਭਗਤ ਸਿੰਘ ਕਰ ਮੂਠ ਰਹਿ ਪਰੀ ਟੂਟ ਤਰਵਾਰ ॥ 571 ॥

ਚੌਪਈ

ਪੈਂਦੇ ਖਾ ਸਭ ਹੀ ਸੁਖ ਖੋਏ । ਬ੍ਰਿਥਾ ਵਾਰ ਮਮ ਤੀਨੇ ਹੋਏ ।
 ਗੁਰੁ ਕੋ ਪਕਰ ਅਸ ਨਿਜ ਡਰਾਉਂ । ਨਿਜ ਸੈਨਾ ਕੀ ਓਰ ਪਧਾਉਂ ॥ 572 ॥
 ਅਸ ਬਿਚਾਰ ਬਿਬ ਹਾਥ ਪਸਾਰੇ । ਨਿਸਰ ਅਸੂ ਗਿਰ ਭੂਮ ਦੁਖਾਰੇ ।
 ਗੁਰੁ ਕੋ ਹੈ ਜੁਤ ਚਹਿ ਠਕਰਾਯੋ । ਦਯਾਸਿੰਧ ਚਹਿ ਮੂੰਡ ਉਡਾਯੋ ॥ 573 ॥

ਦੋਹਰਾ

ਚਲੇ ਸੁਮੇਰ ਨਾ ਚਲੇ ਗੁਰੁ ਏ ਕੋਤਕ ਤਿਹ ਜਾਨ ।
 ਆਹਵ ਦੇਖ ਅਨੰਤ ਜੁਤ ਤਹਿ ਛਿੰਨ ਕਰੈ ਨਿਦਾਨ ॥ 574 ॥
 ਬਾਏ ਹਾਥ ਗੁਰੁ ਜੀ ਹਨੀ ਚੋਟੁ ਤਾਂਹਿ ਕਰ ਭਾਲ ।
 ਪੈਂਦੇ ਖਾ ਭੂ ਪਰ ਗਿਰਾ ਉਠ ਕਹਿ ਬੈਨ ਕਰਾਲ ॥ 575 ॥

ਚੌਪਈ

ਛੋਡ ਅਸੂ ਗੁਰੁ ਭੂੰ ਪੈ ਆਏ । ਪੈਂਦੇ ਪ੍ਰਤਿ¹ ਅਸ ਬੈਨ ਅਲਾਏ ।
 ਹਮਰੇ ਵਾਰ ਰੋਕ ਕਰ ਖਾਨ । ਕਹ ਪੈਂਦਾ ਜੇਤਕ ਬਲ ਠਾਨ ॥ 576 ॥
 ਸ੍ਰੀ ਗੁਰੁ ਤੇਗ ਹਨੇ ਤਬ ਐਸੀ । ਹਨੇ ਤਾਰ ਸਬੁਨੀ ਗਰ ਜੈਸੀ ॥
 ਹੁੰਡ ਮੂੰਡ ਕਉ ਚੀਰ ਸਿਧਾਈ । ਲਾਗ ਭੂਮ ਜਨ ਫਤੇ ਕਰਾਈ ॥ 577 ॥

ਦੋਹਰਾ

ਕਹਾ ਗੁਰੁ ਕਲਮਾ ਪੜੋ ਪੈਂਦਾ ਗਿਰਤ ਅਲਾਇ ।
 ਹੇ ਗੁਰੁ ਮਿਲੀ ਸੁ ਤੇਗ ਤੁਮ ਕਲਮਾ ਰੂਪ ਸੁਹਾਇ ॥ 578 ॥

ਚੌਪਈ

ਐਸ ਸੁਨਤ ਮਨ ਮੋਹ ਉਪਜਾਯੋ । ਸ੍ਰੀ ਗੁਰੁ ਨੈਨ ਨੀਰ² ਬਹਿ ਆਯੋ ।
 ਛਾਯਾ ਕਰੀ ਢਾਲ ਕੇ ਸਾਥ । ਗੁਰੁ ਸਮ ਕੋਇ ਨਾ ਦੀਨਾ ਨਾਥ ॥ 579 ॥

¹ਅ ਪੋਥੀ ਕੇ ²ਅ ਪੋਥੀ ਭਰਿ

ਤਾਹਿ ਦ੍ਰਿਗਨ ਤੇ ਜੋਤ ਨਿਕਾਸੀ । ਦਯਾ ਸਿੰਧ ਕੇ ਮੁਖ ਮਹਿ ਬਾਸੀ ।
ਜਲ ਕਾਸਟ ਪਾਲਯੋ ਨਿਜ ਜਾਨ । ਬੋਰਤ ਨਾਹ ਘਨੋ ਹਿਤ ਠਾਨ ॥ 580 ॥

ਦੋਹਰਾ

ਤੈਸੇ ਗੁਰੁ ਛਾਯਾ ਕਰੀ ਅਪਨੇ ਰੂਪ ਸਮਾਇ ।
ਨਿਜ ਆਸੁੰ ਮੁਖ ਧੋਇ ਤਿਹ ਨਾਮ ਨਰਨ ਸਮ ਗਾਇ ॥ 581 ॥

ਚੌਪਈ

ਪਾਛੇ ਖਾਂ ਅਸਮਾਨ ਨਿਹਾਰਾ । ਪੈਦੇ ਖਾਂ ਗੁਰ ਓਰ ਪਧਾਰਾ ।
ਛੋਡ ਜੁਧ ਸੋ ਦੋੜਤ ਆਯੋ । ਆਗੇ ਪੈਂਦਾ ਮ੍ਰਿਤਕ ਦਿਖਾਯੋ¹ ॥ 582 ॥
ਬੈਠ ਗੁਰੂ ਤਾਂ ਪਰ ਕਰ ਛਾਯਾ । ਬਾਬਾ ਏਕਲ ਖਰੋ ਦਿਖਾਯਾ ।
ਬਾਬੇ ਓਰ ਗਯੋ ਮਤ ਹੀਨਾ । ਮਾਰੇ ਬਾਨ ਕੋਪ ਬਡ ਕੀਨਾ ॥ 583 ॥

ਦੋਹਰਾ

ਬਾਨ ਨ ਲਾਗਯੋ ਕੋਇ ਤਿੰਹ ਬਾਬੇ ਐਂਚ ਕਮਾਨ ।
ਸੁਨਹੂੰ ਸੰਤ ਤਿੰਹ ਭਾਲ ਮਹਿ ਹਨਾ ਏਕ ਰਿਸ ਬਾਨ ॥ 584 ॥

ਚੌਪਈ

ਲਾਗ ਬਾਨ ਤਿੰਹਿ ਪ੍ਰਾਨ ਬਿਲਾਏ । ਖਾਂ ਅਸਮਾਨ ਗਿਰਾ ਦੁਖ ਪਾਇ ।
ਬਾਬਾ ਨਿਕਟ ਤਾਹਿ ਕੇ ਜਾਇ । ਰੁਦਨ ਕਰਤ ਉਠਹੁ ਮੁਖ ਗਾਇ ॥ 585 ॥
ਰੁਦਨ ਸੁਨਤ ਗੁਰੁ ਗਏ ਤਿੰਹ ਪਾਸਾ । ਸ੍ਰੀ ਮੁਖ ਐਸੇ ਕੀਨ ਪ੍ਰਕਾਸਾ ।
ਬਾਬਾ ਕਾਹਿ ਤੁਮ ਰੁਦਨਾਵੇ । ਮੋ ਕਉ ਅਪਨੀ ਬ੍ਰਿਥਾ ਸੁਨਾਵੇ ।
ਬਾਬੇ ਕਹਾ ਖੇਲ ਹਮ ਸੰਗਾ । ਨਿਤ ਪ੍ਰਤ ਕਰ ਇਹ ਧਾਰ ਉਮੰਗਾ ॥ 586 ॥
ਅਬ ਹਿਤ ਧਾਰ ਅਯੋ ਢਿਗ ਮੋਰੇ । ਕਾਨੇ ਹਨੇ ਅਧਿਕ ਮਮ ਓਰੇ ।
ਮੈਨੇ ਜਾਨ ਪ੍ਰੀਤਿ ਅਧਿਕਾਈ । ਇਕ ਕਾਨੀ ਇਸ ਓਰ ਪਠਾਈ ॥ 587 ॥

ਦੋਹਰਾ

ਮਮ ਕਾਨੀ ਇਸ ਕੋ ਹਨੀ ਉਠਤ ਨ ਖਾਂ ਅਸਮਾਨ ।
ਕਹਿ ਗੁਰ ਇਹ ਤੋ ਮ੍ਰਿਤ ਹੈ ਲਾਗੋ ਤੀਖਨ ਬਾਨ ॥ 588 ॥

ਚੌਪਈ

ਸੁਨਤ ਐਸ ਬਾਬੇ ਬਚ ਭਾਖੇ । ਜਾਕੇ ਲਾਗੇ ਮ੍ਰਿਤ ਨਹਿ ਰਾਖੇ ।
ਹੋ ਪ੍ਰਭ ਅਪਨੇ ਆਯੁਧ ਲੀਜੈ । ਚਲੂੰ ਧਾਮ ਮਮ ਆਇਸ ਦੀਜੈ ॥ 589 ॥
ਅਸ ਕਹ ਆਯੁਧ ਸਗਲ ਉਤਾਰੇ । ਬਾਬਾ ਗਯੋ ਧਾਮ ਨਿਰਧਾਰੇ ।
ਅਟਾ ਝਰੋਖੇ ਮਾਤ ਨਿਹਾਰੇ । ਨਭ ਸੁਰ ਜੈ ਜੈ ਸਬਦ ਉਚਾਰੇ ॥ 590 ॥

¹ਅ ਪੌਥੀ ਪਾਯੋ

ਸੈਨਾ ਕਰੇ ਜੁਧ ਰਿਸ ਰਾਤੀ । ਜੋਗਣ ਪੀ ਪੀ ਰੁਧੁ^੧ ਅਘਾਤੀ ।
 ਚਾਂਵਡ ਸਿਆਲ ਭੂਤ ਕਿਲਕਾਰੀ । ਨਾਚਤ ਕਾਲੀ ਦੈ ਦੈ ਤਾਰੀ ॥ 591 ॥
 ਆਂਤ੍ਰਾ ਬੀਰ ਸੁਮੰਡ ਪਰੋਏ । ਸਮਹੁ ਸਾਰ ਜੋ ਜੂਝਤ ਜੋਏ ।
 ਏ ਬਿਧ ਭਯੋ ਘੋਰ ਸੰਗ੍ਰਾਮਾ । ਪਹੁੰਚੇ ਸੂਰ ਸੂਰ ਕੇ ਧਾਮਾ ॥ 592 ॥

ਦੋਹਰਾ

ਕੁਤਬ ਖਾਨ ਕੀ ਸੈਨ ਹਤ ਔਰ ਸੈਨ ਬਹੁ ਮਾਰ ।
 ਕੁਤਬ ਖਾਨ ਸੋ ਜੂਝ ਕੇ ਲਖੂ ਬੀਰ ਅਪਾਰ ॥ 593 ॥
 ਕੁਤਬ ਖਾਨ ਤਬ ਖੜਗ ਲੈ ਮਾਰੂ ਲਖੂ ਸੰਗ ।
 ਲਖ ਗਿ੍ਹਰ ਗੁਰੁ ਕੇ ਗਯੋ ਕਾਲੇ ਮ੍ਰਿਤ ਤਹਿ ਸੰਗ ॥ 594 ॥

ਚੌਪਈ

ਜਾਤੀ ਮਲ ਬਿਧੀ ਦੋਇ ਜੋਧਾ । ਕੁਤਬ ਖਾਨ ਕਾਲੇ ਖਾਂ ਕੋਧਾ ।
 ਚਾਰੇ ਲਰੇ ਬੀਰ ਰਸ ਰਾਤੇ । ਕੰਕ ਬੰਕ ਅਸ ਮਾਸ ਅਘਾਤੇ ॥ 595 ॥
 ਬਿਧੀ ਚੰਦ ਦਿਸ ਐਸ ਫਿਰਾਵੈ । ਦੇਖ ਪੁਜਾਪਤਿ ਚਕ੍ਰ ਲਜਾਵੈ ।
 ਸੈਨਾ ਅਧਿਕ ਮਲੇਛੀ ਮਾਰੀ । ਚਾਲੀ ਨਦੀ ਸੁੰਨ^੨ ਕੀ ਭਾਰੀ ॥ 596 ॥

ਦੋਹਰਾ

ਹੈ ਗਜ ਉਸਟਰ ਮ੍ਰਿਤ ਜੋ ਨਦੀ ਕੰਠ ਸੋ ਜਾਨ ।
 ਨੀਰ ਸੁੰਨ ਚਲ ਭਯੰਕਰਾ ਦਿਖ ਕਾਇਰ ਭੈਮਾਨ ॥ 597 ॥

ਚੌਪਈ

ਸੂਰ ਬਾਰ ਸੋ ਭਯੋ ਸਿਵਾਰਾ । ਫੇਨ ਪਾਗ ਚਲ ਛਤ੍ਰ ਉਖਾਰਾ ।
 ਅੰਗ੍ਰੀ ਮਸਤ ਮਾਰ ਭਜ ਜਾਨੋ । ਠਾਕੁ ਹੈ ਦੁਮ ਧੁਜਾ ਪ੍ਰਮਾਨੋ ॥ 598 ॥
 ਭਵਰੀ ਚਕ੍ਰ ਸੋ ਸੋਭ ਅਪਾਰੀ । ਜਾਂਘ ਬੀਰ ਬਲਜੰਤ ਉਦਾਰੀ ।
 ਮਲਕ ਬਿਧੀ ਮੁਖ ਮਾਰ ਅਲਾਈ । ਇਹ ਬਿਧ ਸੁੰਨਤ ਨਦੀ ਚਲਾਈ ॥ 599 ॥

ਦੋਹਰਾ

ਦੇਖ ਮ੍ਰਿਤ ਸਯਮ ਬੀਰ ਕੋ ਸ੍ਰੀ ਗੁਰੁ ਅਸ੍ਰ ਕੁਦਾਇ ।
 ਕਾਲੇ ਖਾਂ ਕੀ ਓਰ ਤਬ ਆਏ ਤਤ ਛਿਨ ਧਾਇ ॥ 600 ॥

ਚੌਪਈ

ਐਸ ਕੁਵੰਡ ਬਾਨ ਗੁਰੁ ਮਾਰਾ । ਕਾਲੇ ਖਾਂ ਹੈ ਸੁਰਗ ਸਿਧਾਰਾ ।
 ਕਾਲੇ ਖਾਂ ਮਨ ਕ੍ਰੋਧ ਉਪਾਯੋ । ਖੈਂਚ ਕਮਾਨ ਸੁ ਬਾਨ ਚਲਾਯੋ ॥ 601 ॥
 ਲਾਗ ਭਾਲ^੩ ਗੁਰੁ ਘਾਵ ਨਾ ਕੀਨੋ । ਰੰਚਕ ਮਾਸ ਬਾਨ ਮੁਖ ਲੀਨੋ ।
 ਜਵਰ ਤਿਲਕ ਮਾਨੋ ਗੁਰ ਧਾਰਾ । ਕਾਲੇ ਖਾਂ ਤਹਿ ਅਸ੍ਰ ਸਵਾਰਾ ॥ 602 ॥

^੧ਅ ਪੋਥੀ ਸੁੰਨ ^੨ਏ ਪੋਥੀ ਖੂਨ ^੩ਅ ਪੋਥੀ ਮਾਥ

ਦੋਹਰਾ

ਕਟਕ ਬੈਠ ਗੁਰੁ ਕੋ ਕਹੇ ਆਯੋ ਅਸ੍ਰੁ ਕੁਦਾਇ ।

ਤਮਕ ਤੇਗੁ ਗੁਰੁ ਕੋ ਹਨੀ ਸ੍ਰੀ ਗੁਰੁ ਢਾਲ ਰੁਕਾਇ ॥ 603 ॥

ਚੌਪਈ

ਪੁਨ ਗੁਰੁ ਅਪਨੀ ਤੇਗ ਚਲਾਈ । ਮੁੰਡ ਰੁੰਡ ਹੈ ਚੀਰ ਪਰਾਈ ।

ਭਯੋ ਮ੍ਰਿਤ ਕਾਲੇ ਖਾਂ ਸੂਰਾ । ਕੁਤਬ ਖਾਨ ਅਯੋ ਪੁਨ ਪੂਰਾ ॥ 604 ॥

ਆਵਤ ਤਾਂਹਿ ਬਾਨ ਬਹੁ ਮਾਰੇ । ਸ੍ਰੀ ਗੁਰ ਕਾਟ ਪੰਥ ਮੋ ਡਾਰੇ ।

ਪੁਨ ਗੁਰੁ ਐਸਾ ਬਾਨ ਚਲਾਯੋ । ਤਾਂਕੋ ਅਸ੍ਰੁ ਸਮੇਤ ਗਿਰਾਯੋ ॥ 605 ॥

ਦੋਹਰਾ

ਤਾਂ ਕੋ ਦੇਖ ਪਦਾਤ ਗੁਰੁ ਅਪਨੋ ਅਸ੍ਰੁ ਤਜਾਇ ।

ਅਰਧ ਜਾਮ ਦਿਨ ਤਬ ਰਹਾ ਗਹੇ ਤੇਗ ਤਬ ਧਾਇ ॥ 606 ॥

ਚੌਪਈ

ਕੁਤਬ ਖਾਨ ਰਿਸ ਖਗਾ ਪ੍ਰਹਾਰਾ । ਰੋਕ ਢਾਲ ਗੁਰੁ ਕੀਨਾ ਵਾਰਾ ।

ਭਾਰ ਮੁੰਡ ਇਮ ਕਾਟ ਗਿਰਾਯੋ । ਜਾਨ ਤੁਰੰਗ ਸੰਗ ਈਟ ਗਿਰਾਯੋ ॥ 607 ॥

ਪੁਨਾ ਬਾਨ ਹਨ ਸੈਨਾ ਮਾਰੀ । ਬਚਾ ਨ ਕੋਈ ਸੂਰ ਬਲਾਰੀ ।

ਪਾਂਚ ਸਾਤ ਮੂਜੀ ਭਜ ਬਾਚੇ । ਰਾਖੇ ਸੁਧ ਹੇਤ ਗੁਰ ਸਾਚੇ ॥ 608 ॥

ਦੋਹਰਾ

ਸਤ੍ਰੁ ਪਾਂਚ ਹਜ਼ਾਰ ਹਨ ਸੈਨਾ ਹੈ ਗਜ ਘਾਇ ।

ਗੁਰ ਸੈਨਾ ਹਨ ਸਾਤ ਸੈ ਸੰਗਤ ਸਯਮ ਰਨ ਆਇ ॥ 609 ॥

ਚੌਪਈ

ਸੁਨੋ ਸੰਤ ਜੇਤਕ ਰਨ ਆਏ । ਆਏ ਗੁਰੁ ਕੇ ਸਮੂਹ ਕਰਾਏ ।

ਭਏ ਮੁਕਤ ਭਵ ਸੰਸ ਮਿਟਾਯੋ । ਕੋਊ ਨ ਗਰਭ ਮਾਤ ਕੇ ਆਯੋ ॥ 610 ॥

ਏ ਧਿਯਾਇ ਜੋ ਪੜੈ ਸੁਨਾਵੈ । ਦੁਖ ਦਰਿਦ੍ਰ ਤਿਹ ਨਿਕਟ ਨਾ ਆਵੈ ।

ਸੰਪਤ ਸਦਨ ਤਾਂਹਿ ਗਿਹ ਛਾਜੈ । ਕਾਮ ਆਦਿ ਲੈ ਦਿਖ ਤਹਿ ਲਾਜੈ ॥ 611 ॥

ਦੋਹਰਾ

ਸੰਮਤ ਸੋਰਾਂ ਸੇ ਭਏ ਔਰ ਇਕ ਨਵ ਹਾੜ ।

ਗਏ ਵਿੰਸ ਅਹਿ ਜਾਨ ਮਤ ਆਹਵ ਭਯੋ ਸੁ ਗਾੜ ॥ 612 ॥

ਸਵੈਯਾ

ਭੂਲ ਛਿਮਾਂ ਕਵਿ ਕੀ ਕਰੀਏ ਸਭ ਸੰਤ ਸੁਨੋ ਲਖ ਢੀਠ ਗਵਾਰਾ ।

ਔਰ ਅਜਾਨ ਨਿਦਾਨ ਨਹੀਂ ਮਤ ਗਾਥ ਕਹੀ ਗੁਰੁ ਕੇ ਉਪਕਾਰਾ ।

ਗਾਂਥ ਪ੍ਰਸਿਧ ਸੁਨੀ ਜਗ ਮੈ ਤੁਮਰੇ ਸਮ ਨਾਹਿ ਕੋਈ ਹਿਤ ਧਾਰਾ ।
ਜੋਰ ਦੋਉ ਕਰ ਮਾਂਗਤ ਹਉ ਏਹ ਦਾਨ ਕਰੋ ਮਮ ਸੰਸ ਨਿਵਾਰਾ ॥ 613 ॥

ਦੋਹਰਾ

ਅਛਰ ਅਰ ਪ੍ਰਸੰਗ ਕੀ ਜਹਾਂ ਭੂਲ ਲਖ ਨੈਨ ।
ਸੋਧ ਬਨਾਵਓ ਧਾਰ ਹਿਤ ਸੰਤ ਛਿਮਾਪਨ ਐਨ ॥ 614 ॥
ਸੁੰਦਰ ਗਾਥ ਆਗੇ ਆਵੈ ਕਰਹਿ ਸਹਿਤ ਪਰਵਾਰ ।
ਗਮਨ ਸੁ ਕੀਰਤ ਪੁਰੀ ਮਹਿ ਪੁਨ ਬਾਬਾ ਸੁ ਸਿਧਾਰ ॥ 615 ॥
ਮਾਤ ਮਰਵਾਹੀ ਬਿਧੀ ਸਸਿ¹ ਦੇਹ ਤਿਆਗ ਕੈ ਜਾਂਹਿ ।
ਹਰਿ ਰਾਇ ਕਉ ਤਿਲਕ ਦੈ ਪੁਨ ਸ੍ਰੀ ਗੁਰੂ ਜੋਤਿ ਸਮਾਂਹਿ ॥ 616 ॥

ਦੋਹਰਾ

ਤਿਲਕ ਦੇਹ ਹਰੀ ਰਾਇ ਕਉ ਅਪਨੀ ਜੋਤ ਪ੍ਰਕਾਸ ।
ਅਚਲ ਧਾਮ ਨਿਜ ਜਾਇ ਹਹਿ ਸ੍ਰੀ ਗੁਰ ਧਾਰ ਹੁਲਾਸ ॥ 617 ॥
ਇਤਿ ਸ੍ਰੀ ਗੁਰੂ ਬਿਲਾਸ ਪੈਂਦੇ ਖਾਂ ਸੈਨਾ ਜੁਤ ਮ੍ਰਿਤ ਬਰਨੰਨ ਨਾਮ ਬੀਸਮੋ
ਧਿਆਇ ॥ 20 ॥ ਵਾਹਿਗੁਰੂ ॥

ਅਧਿਆਇ ਇੱਕੀਵਾਂ

ਸਵੈਯਾ

ਬੰਦਤ ਹਉ ਗੁਰੁ ਨਾਨਕ ਕੋ ਅਵਨੀ ਜਿਹ ਕੀਰਤਿ ਰਾਜ ਰਹੀ ਹੈ ।
ਜਿਹ ਨਾਮ ਲੀਏ ਅਘ ਬਿੰਦ ਟਰਹਿ ਤਰਨੀ ਸਤਿਨਾਮ ਕੀ ਭਾਰ ਬਹੀ ਹੈ ।
ਪੰਥ ਪ੍ਰਕਾਸ਼ਹਿ ਸੁ ਨਾਸ ਮਲੇਛਨ ਕੀਰਤਿ ਪੁੰਜਨ ਜਾਤ ਸਹੀ ਹੈ ।
ਨਮੋ ਸਦਾ ਵਿਘਨੰ ਹਰੀਏ ਕਰੀਏ ਰਿਦ ਵਾਸ ਹੁਲਾਸ ਮਹੀ ਹੈ ॥ 1 ॥

ਚੰਡ ਪ੍ਰਚੰਡ ਅਖੰਡ ਬਡੇ ਭੁਜ ਦੰਡ ਅਦੰਡ ਜਿਤੇ ਰਨ ਮਾਂਹੀ ।
ਸੰਭ ਨਿਸੰਭ ਸੇ ਜੀਤ ਨਿਸਾਚਰ ਭਾਰ ਨਿਵਾਰ ਧਰਾ ਸੁਖ ਪਾਂਹੀ ।
ਇਸ਼ਟ ਸਦਾ ਮਮ ਰਛ ਕਰੋ ਜਸ ਭਾਖਤ ਪੂਰਨ ਖੇਦ ਨਸਾਂਹੀ ।
ਨਮੋ ਸਦਾ ਪਦ ਪੰਕਜ ਕੋ ਮਮ ਦੇਹੁ ਸੁਮਤਿ ਕੁਮਤਿ ਮਿਟਾਂਹੀ ॥ 2 ॥

ਦੋਹਰਾ

ਅੰਬੁਜ ਪਦ¹ ਸਭ ਸੰਤ ਕੇ ਬੰਦਉ ਨਿਜ ਧਰ ਸੀਸ ।
ਬਿਨੈ ਸੁਨਤ ਕਵਿ ਦਾਸ ਕੀ ਰਛਾ ਕਰਹਿ ਜਗਦੀਸ ॥ 3 ॥

ਅਖਰ ਦਾਤਾ ਗੁਰੂ ਕੇ ਪਦ ਪੰਕਜ ਰਿਦ ਧਾਰ ।
ਹਰ ਗੋਵਿੰਦ ਗੁਰਦੇਵ ਕਾ ਬਰਨਓ ਜਸ ਸੁਖਕਾਰ ॥ 4 ॥

ਭਗਤ ਸਿੰਘੋਵਾਚ ॥ ਚੌਪਈ ॥

ਹੇ ਗੁਰ ਤੁਮਰੋ ਮੁਖ ਰਵਿਕੰਦਾ । ਕਿਰਨਾ ਬਚ ਮਮ ਦੇਤ ਆਨੰਦਾ ।
ਕਥਾ ਅਮੀ ਸਮ ਮੋਹਿ ਅਘਾਵੈ । ਮੋਰੇ ਹਿਯੋ ਅਧਿਕ² ਬਿਗਸਾਵੈ ॥ 5 ॥

ਤਾਂਤੇ ਮੁਕਉ ਦਾਸ ਪਛਾਨੋ । ਹੇ ਗੁਰ ਆਗਲ ਚਰਿਤ ਬਖਾਨੋ ।
ਜੁਧ ਪਾਛ ਗੁਰ ਕੈਸ ਕਰਾਵਹਿ । ਕੀਰਤਪੁਰ ਕਿਹ ਭਾਂਤ ਸਿਧਾਵਹਿ ॥ 6 ॥

ਮਨੀ ਸਿੰਘੋਵਾਚ ॥ ਦੋਹਰਾ ॥

ਭਗਤ ਸਿੰਘ ਤੋ ਸਮ ਨਹੀਂ ਭਵ ਮੋਕ ਉ ਦ੍ਰਿਸ਼ਟਾਇ ।
ਪ੍ਰੇਮ ਪ੍ਰੀਤਿ ਗੁਰ ਜਸ ਬਿਖੈ ਮਨ ਮਹਿ ਔਰ ਨ ਭਾਇ ॥ 7 ॥

¹ਅ ਪੌਥੀ ਚਰਨਕਮਲ ²ੲ ਪੌਥੀ ਬਹੁਤ

ਚੌਪਈ

ਏ ਸਿਧਾਂਤ ਕਥ ਜਾਨ ਰਸਾਲਾ । ਪਾਠ^੧ ਸੁਨਤ ਮਿਟ ਹੈ ਅਘ ਜਾਲਾ ।
 ਆਹਵ ਕਰ ਜਬ ਭਯੋ ਉਜਾਰਾ । ਲੋਪ ਸੂਰ ਨਿਸ ਨਖਤ੍ਰ ਉਜਾਰਾ ॥ 8 ॥
 ਜੇ ਕਾਇਰ ਥੇ ਭਾਜ ਬਚਾਏ । ਸਾਹ ਓਰ ਚਿੰਤਾਂਤਰ ਧਾਏ ।
 ਸ੍ਰੀ ਗੁਰ ਘਨੀ ਮਸਾਲ ਜਗਾਇ । ਬਿਧੀਏ ਆਦਿਕ ਸੰਗਿ ਲਵਾਇ ॥ 9 ॥

ਦੋਹਰਾ

ਪੈਂਦੇ ਆਦਿਕ ਸੂਰ ਜੇ ਜੋ^੨ ਜੂਝੇ ਰਨ ਮਾਂਹਿ ।
 ਕ੍ਰਿਪਾ ਦ੍ਰਿਸਟ ਸਭ ਓਰ ਦਿਖ ਕੀਏ ਮੁਕਤ ਸੁਖ ਪਾਂਹਿ ॥ 10 ॥
 ਸ੍ਰੀ ਗੁਰ ਸਭ ਸਿਉ ਸਮ ਦ੍ਰਿਸਟਿ ਅਰੀ ਮੀਤ ਨਹਿ ਕੋਇ ।
 ਅਮੀ ਮਿਹਰ ਸਸ ਲਖੁਜੀ ਤਾਂਕੋ ਦਾਹਿਤ ਜੋਇ ॥ 11 ॥

ਰਸਾਵਲ ਛੰਦ

ਚਿਤਾ ਉਚ ਕੀਨੀ । ਮਹਾਂ ਪ੍ਰੇਮ ਭੀਨੀ ।
 ਸਭ ਮੁਕਤਿ ਕੀਨੇ । ਸ੍ਰੀ ਗੁਰ ਪ੍ਰਬੀਨੇ ॥ 12 ॥

ਦੋਹਰਾ

ਇਹ ਬਿਧਿ ਬੀਤੀ ਨਿਸ ਜਬੈ ਦੋਇ ਜਾਮ ਨਿਰਧਾਰ ।
 ਕਰਖ ਹੀਆ ਗੁਰ ਕੋ ਲੀਆ ਸੁਨੋ ਸੰਤ ਤਿਹ ਵਾਰ ॥ 13 ॥

ਚੌਪਈ

ਬੁਢਣ ਸਾਹ ਗੁਰੂ ਗੁਨ ਗਾਵੈ । ਕਰਤ^੩ ਯਾਦ ਗੁਰ ਔਰ ਨ ਭਾਵੈ ।
 ਰਹੇ ਜਾਮ ਗ੍ਰਿਹ ਪ੍ਰਾਨ ਮਝਾਰਾ । ਹੇ ਪ੍ਰਭ ਕੀਜੈ ਨਾਹਿ ਅਵਾਰਾ ॥ 14 ॥
 ਤੁਮ ਗੁਰ ਨਾਨਕ ਦਰਸਨ ਦੀਜੈ । ਛਟਮ^੪ ਰੂਪ ਇਛ ਪੂਰਨ ਕੀਜੈ ।
 ਬਿਨਾ ਦਰਸ ਮਮ ਤਿਆਗੋ ਪ੍ਰਾਨ । ਸ੍ਰੀ ਗੁਰ ਅੰਤਰਜਾਮੀ ਜਾਨ ॥ 15 ॥

ਦੋਹਰਾ

ਜਾਨ ਲਗੇ ਗੁਰ ਸਵਾਰ ਹੋਇ ਬਿਧੀਏ ਕਹਾ ਉਚਾਰ ।
 ਕੀਰਤ ਪੁਰ ਪਿਆਨਾ ਕਰੋ ਤੁਮ ਨਿਜ ਧਾਮ ਪਧਾਰ ॥ 16 ॥
 ਤੋਹਿ ਉਡੀਕਤ ਗੰਗ ਸਰ ਹਮ ਤਹਿ ਦਰਸਨ ਠਾਨ ।
 ਕਰ ਆਇਸ ਏਹ ਭਾਂਤ ਕੀ ਚਾਲੋ^੫ ਕ੍ਰਿਪਾ ਨਿਧਾਨ ॥ 17 ॥

ਚੌਪਈ

ਬਿਧੀ ਚੰਦ ਗੁਰ ਮਹਲੀ ਜਾਇ । ਰਥ ਬਹਲਾਂ ਬਹੁ ਲਾਦ ਚਲਾਇ ।
 ਖਾਸੇ ਔ ਸੁਖਪਾਲ ਅਨੰਤਾ । ਜਰਤਕਾਰ ਨਗ ਕੀਨ ਬਿਅੰਤਾ ॥ 18 ॥

^੧ਅ ਪੌਥੀ ਪਠਤ ^੨ਅ ਪੌਥੀ ਜਿਤੇ ਜੋ ^੩ਅ ਪੌਥੀ ਕਰਹਿ ^੪੬ ਪੌਥੀ ਖਸਟਮ ^੫ਅ ਪੌਥੀ ਗਮਲੇ

ਬਿਧੀਏ ਸਭ ਕਉ ਦਈ ਸੁਨਾਇ । ਗੁਰ ਆਇਸ ਨਹਿ ਦੇਰ ਕਰਾਇ ।
ਸੁਨਤ ਸਭੇ ਤਿਆਰ ਤਦਾਏ । ਧਾਰ ਭੇਟ ਥੰਮ ਜੀ ਦਰਸਾਏ ॥ 19 ॥

ਦੋਹਰਾ

ਦੋਊ ਮਾਤ ਖਾਸੇ ਚੜੀ ਖੇਮ ਕੌਰ ਰਥ ਰਾਜ ।
ਸਾਥ ਗੁਰੂ ਜੀ ਸੋਭ ਧਰ ਨਿਰਖਤ ਰਤਿ ਪਤਿ ਲਾਜ ॥ 20 ॥

ਚੌਪਈ

ਬਾਬੇ ਰਥ ਚੜ ਆਨੰਦ ਧਰਾਯੋ । ਹਰੀ ਰਾਇ ਕੇ ਸਾਥ ਬਹਾਯੋ ।
ਸੂਰ ਅਣੀ ਅਰੁ ਤੇਗ ਹੈ ਰਾਜੇ । ਜਾਂਹਿ ਨਿਖ ਨਿਸਪਤਿ ਮਤਿ ਲਾਜੇ ॥ 21 ॥
ਬਿਧੀ ਚੰਦ ਕੀ ਨਾਰ ਤਦਾਏ । ਚੜੀ ਬਹਲ ਪਰ ਆਇਸ ਪਾਏ ।
ਪਤਿਬਰਤਾ ਪਤੀ ਧਰ ਹੇਤੂ । ਸਸੀ¹ ਲਾਲ ਜੁਤ ਹਰਖ ਨਿਕੇਤੂ ॥ 22 ॥

ਦੋਹਰਾ

ਚੜੇ ਪਿਤਾ ਸੰਗ ਸੋ ਚੜਾ ਔਰ ਦਾਸ ਬਹੁ ਜਾਨ ।
ਬਾਬਕ ਤੀਅ ਸਭ ਬਹਲ ਚੜ ਚਲੇ ਦੇਰ ਨਾ ਠਾਨ ॥ 23 ॥
ਜਾਤੀ ਮਲ ਆਦਿਕ ਚਲੇ ਸ੍ਰੀ ਗੁਰ ਦਰਸਨ ਪਾਇ ।
ਸਨੇ ਸਨੇ ਸੂਮ ਖੋਇਓ ਬਡ ਆਨੰਦ ਮਨ ਪਾਇ ॥ 24 ॥
ਕਛੂ ਦੁਬ ਨਹਿੰ ਸੰਗ ਲੀਓ ਸ੍ਰੀ ਗੁਰੁ ਓਰ ਸੁਧਾਰ ।
ਧੀਰ ਮਲ ਰਹਿ ਸਦਨ ਮੈ ਧਨ ਹਿਤ ਰਖਯਾ ਭਾਰ ॥ 25 ॥
ਧੀਰ ਮਲ ਬਹੁ ਬਿਨਤਿ ਕਰਿ ਨਿਜ ਮਾਤਾ ਕਉ ਰਾਖ ।
ਤਹਿੰ ਢਿਗ ਅਨੰਤੀ ਰਹਿਤ ਭਈ ਧਾਰ ਪੁਤ੍ਰ ਅਭਿਲਾਖ ॥ 26 ॥

ਚੌਪਈ

ਸ੍ਰੀ ਗੁਰ ਗ੍ਰੰਥ ਧੀਰ ਮਲ ਰਾਖਾ । ਮਾਂਗ ਬਿਧੀ ਸਸਿ ਧਰ ਅਭਿਲਾਖਾ ।
ਤਿਨੈ ਨਾ ਦੀਓ ਦੀਓ ਉਤਾਰਾ । ਬਿਧੀਚੰਦ ਜੋ ਬਿਯੋਤ ਸਵਾਰਾ ॥ 27 ॥
ਰਹਾ ਮਾਂਝ ਨਹ ਪੂਰਨ ਹੋਯੋ । ਭਗਤ ਸਿੰਘ ਗੁਰ ਕਾ ਬਚ ਜੋਯੋ ।
ਬਿਲਾਵਲ ਰਾਗ ਭੋਗ ਤਹਿ ਜਾਨੋ । ਭਗਤ ਸਿੰਘ ਦੇ ਸਬਦ ਪ੍ਰਮਾਨੋ ॥ 28 ॥

ਦੋਹਰਾ

ਭੂਪ ਸੁਤਾ ਕੇ ਕਾਰਨੇ ਭਯੋ [ਭੇਖ]² ਇਕ ਜਾਨ ।
ਦਯਾ ਸਿੰਘ ਇਹ ਪਰ ਰਹਾ ਤਾਂਹਿ ਭੋਗ ਪਹਿਚਾਨ ॥ 29 ॥

ਚੌਪਈ

ਲੀਏ ਸੈਂਚੀਆਂ ਕੀਨੋ ਪਯਾਨਾ । ਸਾਥ ਪਰਵਾਰ³ ਦੇਖ ਧਰ ਨਾਨਾ ।
ਜਾਇ ਗੰਗ ਸਰ ਦੁਸਨ ਕੀਓ । ਗੁਰ ਦਰਸਨ ਕਰ ਆਨੰਦ ਲੀਓ ॥ 30 ॥

¹ਅ ਪੋਥੀ ਚੰਦ ²ਅ ਪੋਥੀ ਵਿਚੋਂ ³ਏ ਪੋਥੀ ਕੁਟੰਬ

ਸ੍ਰੀ ਗੁਰ ਸਭ ਕੀ ਕਰੀ ਸੰਭਾਰ । ਬਿਧੀ ਚੰਦੈ ਅਸ ਬੈਨ ਉਚਾਰ ।
ਧੀਰ ਮਲ ਪ੍ਰਭ ਸਦਨ ਰਹਾਯੋ । ਨਿਜ ਮਾਤਾ ਸਿਉਂ ਨਹਿ ਸੋ ਆਯੋ ॥ 31 ॥

ਦੋਹਰਾ

ਔਰ ਸਕਲ ਆਏ ਪ੍ਰਭੂ ਸ੍ਰੀ ਪ੍ਰਭ¹ ਸੁਨ ਮੁਸਕਾਇ ।
ਬਿਧੀ ਚੰਦ ਅਵਤਾਰ ਲਖ ਪ੍ਰਿਥੀਆ ਕਪਟ ਮਹਾਇ ॥ 32 ॥

ਚੌਪਈ

ਤਬ ਲੋ ਰਹੀ ਜਾਮ ਨਿਸ ਜਾਨੋ । ਤੁਰਤ ਦਯਾ ਨਿਧ ਪਿਆਨਾ ਠਾਨੋ ।
ਬਲੀ ਮਸਾਲ ਸਜੀ ਪ੍ਰਕਾਸ਼ਾ । ਚਲਤ ਪੰਥ ਸਭ ਧਾਰ ਹੁਲਾਸਾ ॥ 33 ॥
ਚਲੈ ਯਾਨ ਸਭ ਪੈਨ² ਸਮਾਨਾ । ਸ੍ਰੀ ਗੁਰ ਸੰਗ ਧਾਰ ਸੁਖ ਨਾਨਾ ।
ਗਈ ਨਿਸਾ ਰਵਿ ਆਇ ਪ੍ਰਕਾਸ਼ਾ । ਪਸ ਪੰਥੀ ਮਨ ਧਾਰ ਹੁਲਾਸਾ ॥ 34 ॥

ਦੋਹਰਾ

ਸਕਲ ਸੈਨ ਪ੍ਰਵਾਰ³ ਕੋ ਲੀਨਾ ਸੰਗ ਸੁਧਾਰ ।
ਬਿਧੀਏ ਆਦਿਕ ਸਾਥ ਲੈ ਆਗੇ ਚਲੈ ਮੁਰਾਰ ॥ 35 ॥
ਏਕ ਜਾਮ ਦਿਨ ਜਬ ਅਯੋ [ਬੰਗੇ]⁴ ਗਰਾਮ ਨੀਯਰਾਇ ।
ਛੋਡ ਪੰਥ ਚਲ ਦਾਹਨੇ ਸੁੰਦਰ ਕੂਪ ਲਖਾਇ ॥ 36 ॥
ਛਾਯਾ ਬਡ ਤਹਿ ਸੋਭਤੀ ਤਹਿ ਜਲ ਪਾਨ ਸੁ ਕੀਨ ।
ਦੇਖ ਪਰਵਾਰ ਨਾ ਪਾਛ ਲਖ ਬਾਜੈ ਅਗ੍ਰ ਸੁਨੀਨ ॥ 37 ॥
ਬੰਗੇ ਨਾਘ ਅਨੰਦ ਸੇ ਸਵਾ ਜਾਮ ਦਿਨ ਆਇ ।
ਬਾਬਾ ਆਵਤ ਅਨੰਦ ਸਿਉ ਬਾਬਕ ਸਬਦ ਅਲਾਇ ॥ 38 ॥

ਚੌਪਈ

ਬਜਤ ਨਿਸ਼ਾਨ ਗੁਰੂ ਸੁਨ ਪਾਏ । ਬਿਧੀਟੇ ਪ੍ਰਤਿ ਅਸ ਬੈਨ ਅਲਾਏ ।
ਏ ਪਹਿਲਾ ਮੇਰਾ ਅਸਥਾਨ । ਕਰੈ ਦਰਸ ਜੋ ਧਰ ਸੁਖਮਾਨ ॥ 39 ॥
ਇਤਨੇ ਮੈ ਦੁਇ ਜਾਤਕ ਆਏ । ਚਾਰਤ ਧੇਨ ਦਰਸ ਗੁਰ ਪਾਏ ।
ਸ੍ਰੀ ਗੁਰ ਕਹਾ ਬਾਲਕ ਸੁਨ ਲੀਜੈ । ਰਚ ਸਥਾਨ ਇਹੁ ਠਾ ਸੁਖ ਕੀਜੈ ॥ 40 ॥

ਦੋਹਰਾ

ਐਸੇ ਕਹਿ ਪਿਆਨਾ ਕੀਓ ਬਾਲ ਦਰਸ ਗੁਰ ਪਾਇ ।
ਪਰੀ ਸੂਝ ਸੁਖ ਪਾਇਓ ਤਹਿ ਠਾ ਠੋਰ ਬਨਾਇ ॥ 41 ॥

ਚੌਪਈ

ਆਗੇ ਲਾਗੇ ਦੇਖ ਦੀਵਾਨ । ਹਰਖੇ ਸਾਹਿਬ ਕ੍ਰਿਪਾ⁵ ਨਿਧਾਨ ।
ਦਯਾਸਿੰਧ ਕਾ ਰੂਪ ਦਿਖਾਏ । ਸਭ ਜਨ ਉਠੇ ਹਰਖ ਮਨ ਪਾਏ ॥ 42 ॥

¹ਅ ਪੋਥੀ ਗੁਰ ²ਅ ਪੋਥੀ ਮਾਰੂਤਿ ³ਅ ਪੋਥੀ ਕੁਟੰਬ ⁴ਦ ਪੋਥੀ ਵਿਚੋਂ ⁵ਦ ਪੋਥੀ ਮਯਾ

ਚੌਪਈ

ਬੈਠੇ ਪ੍ਰਭੂ ਪਾਦ ਪਤ੍ਰ ਕੰਜਾ । ਸ੍ਰਮਤ ਪੰਥ ਸਗਲਾ ਤਬ ਭੰਜਾ ।
 ਚਾਰ ਘਰੀ ਤਹਿ ਠਾਂ ਹੁਇ ਰਾਗਾ । ਕੀਨ ਦਰਸ ਜਾਕੈ ਬਡ ਭਾਗਾ ॥ 43 ॥
 ਬਾਬਕ ਭੋਗ ਸਬਦ ਕਾ ਪਾਯੋ । ਕ੍ਰਿਪਾ ਸਿੰਧ ਤਬ ਮੌਲ¹ ਝੁਕਾਯੋ ।
 ਤਹਿ ਤੇ ਤਤ ਛਿਨ ਪਿਆਨ ਕਰਾਏ । ਨਿਜ ਨਿਜ ਯਾਨ ਸਭੇ ਚੜ ਧਾਏ ॥ 44 ॥

ਦੋਹਰਾ

ਨਾਘ ਕੋਹ ਪਿਖ ਦੂਣ ਕੋ ਸ੍ਰੀ ਗੁਰ ਭਏ ਅਨੰਦ ।
 ਚਲਤ ਸਤ੍ਰਦ੍ਰਵ ਹਰਖ ਸੋ ਮਨਹੁ ਕਟਤ ਭਵ ਫੰਧ ॥ 45 ॥

ਚੌਪਈ

ਨਾਘ ਸਤ੍ਰਦ੍ਰਵ ਉਤਰੇ ਪਾਰਾ । ਆਛੇ ਟਿੱਬਾ ਅਗ੍ਰ ਨਿਹਾਰਾ ।
 ਕਰੀ ਬੰਦਨਾ ਤਹਾ ਮੁਰਾਰੀ । ਬਿਧੀ ਚੰਦ ਦਿਖ ਬਿਸਮੈ ਧਾਰੀ ॥ 46 ॥
 ਹੇ ਪ੍ਰਭ ਇਹੁ ਠਾਂ ਔਰ ਨਾ ਕਈ । ਬੰਦਨ ਕਰੀ ਕਵਨ² ਕੋ ਜੋਈ ।
 ਮੌਕੋ ਕਹੋ ਕਾਹਿ ਕੋ ਥਾਨਾ । ਪ੍ਰਭ ਮੁਸਕਾਏ ਬੈਨ ਬਖਾਨਾ ॥ 47 ॥

ਦੋਹਰਾ

ਬਿਧੀ ਚੰਦ ਏ ਠੌਰ ਸਮ ਨਾਂਹਿ ਜਗਤ ਕੋਊ ਜਾਨ ।
 ਦਸਮ ਰੂਪ ਧਰ ਚਰਿਤ ਹਮ ਇਹ ਠਾਂ ਕਰਹਿ ਮਹਾਨ ॥ 48 ॥

ਚੌਪਈ

ਜਾਨ ਸਨਾਤਨ ਏ ਅਸਥਾਨਾ । ਦਾਸਰਥੀ ਇਹੁ ਠਾਂ ਤਪ ਠਾਨਾ ।
 ਬਿਧੀ ਚੰਦ ਸੁਨ ਮੌਲ³ ਝੁਕਾਯੋ । ਸ੍ਰੀ ਗੁਰ ਅਗ੍ਰ ਪਿਆਨ ਕਰਾਯੋ ॥ 49 ॥
 ਕੌਤਕ ਭਯੋ ਅਗ੍ਰ ਤਹ ਭਾਰੀ । ਸੁਨੋ ਸੰਤ ਗਥ ਗੁਰੂ ਅਪਾਰੀ ।
 ਲਘ ਸੰਕਾ ਹਿਤ ਪ੍ਰਭ ਉਤਰਾਏ । ਬਿਧੀ ਚੰਦ ਹੈ ਨੀਰ ਪਿਆਏ ॥ 50 ॥
 ਕਿਥੋਂ ਨੀਰ ਵਿਖ ਕੀਨਾ ਪਾਨਾ । ਅਚਵਤ ਹਰਤ ਲਏ ਤਿਹ ਪ੍ਰਾਨਾ ।
 ਹੈ ਦਰਿਆਈ ਚਾਲ ਬਿਅੰਤਾ । ਨਰ ਅਨਹਰ ਧਰ ਬਿਸਮ ਅਨੰਤਾ ॥ 51 ॥

ਦੋਹਰਾ

ਦੋਇ ਘਰੀ ਦਿਨ ਤਬ ਰਹਾ ਯਹਾ ਜਾਨ ਪਰਮਾਨ ।
 ਔਰ ਅਸ ਚੜ ਗੁਰੂ ਜੀ ਤਤ ਛਿਨ ਕੀਨ ਪਯਾਨ ॥ 52 ॥

ਚੌਪਈ

ਬਰਨਤ ਮਗ⁴ ਇਤਹਾਸ ਬਿਅੰਤਾ । ਜਿਹ ਪਿਖ ਮਨ ਪੁਨ ਲਜਤ ਅਨੰਤਾ ।
 ਕੀਰਤਪੁਰ ਪੁਰ ਮਨਹੁ ਸੁਰੇਸਾ । ਕਥਤ ਐਸ ਗੁਰ ਕੀਯ⁵ ਪ੍ਰਵੇਸਾ ॥ 53 ॥

¹ਅ ਪੌਥੀ ਮਾਥ ²ਅ ਪੌਥੀ ਨਿਮਹਿ ³ਅ ਤੇ ਦ ਪੌਥੀ ਸਾਧ ⁴ਦ ਪੌਥੀ ਪੰਥ ⁵ਅ ਪੌਥੀ ਕੀਨ

ਬੁਢਨ ਸ਼ਾਹ ਕੇ ਨਿਕਟ ਪਧਾਰੇ । ਦਯਾਸਿੰਧ ਨਹਿ ਲਾਇ ਅਵਾਰੇ ।
ਆਗੇ ਦੇਖ ਰੂਪ ਤਿੰਹ ਕੈਸਾ । ਮਾਨਹੁ ਬਾਲ ਝੰਡ ਧਰ ਜੈਸਾ ॥ 54 ॥

ਦੋਹਰਾ

ਸਮਾਧ ਲਾਇ ਤਬ ਧਿਆਨ ਗੁਰ ਧਰਤ ਤਾਂਹਿ ਤਬ ਆਂਨ ।
ਤਬ ਗੁਰ ਲਖ ਬੁਢਨ ਅਯੋ ਮਨ ਜਹਿ ਅਧਿਕ ਸੁਮਾਨ ॥ 55 ॥

ਚੌਪਈ

ਕੋਮਲ ਸੁਨਤ ਗੁਰੂ ਕੇ ਬੈਨਾ । ਬੁਢਣ ਸ਼ਾਹਿ ਪਾਇ ਮਨ ਚੈਨਾ ।
ਗਦ ਗਦ ਹੂੰ ਨਿਜ ਨੈਨ ਉਘਾਰੇ । ਪਰਾ ਚਰਨ ਅਸ ਬੈਨ ਉਚਾਰੇ ॥ 56 ॥
ਨੇਤਿ ਨੇਤਿ ਤੁਮਕੋ ਕਹਿ ਬੇਦਾ । ਅਜ ਅਬਨਾਸੀ ਰੂਪ ਅਭੇਦਾ ।
ਤੁਮਰੇ ਨਾਮ ਨ ਗਨਤੀ ਆਵੈ । ਕਥਿਤ ਸੇਖ¹ ਅਸ ਬੇਦ ਅਲਾਵੈ ॥ 57 ॥
ਜਬ ਜਬ ਹੋਇ ਬਡੋ ਛਿਤ ਭਾਰੂ । ਤਬ ਤਬ ਤੁਮ ਧਰ ਹੋ ਅਵਤਾਰੂ ।
ਨਰਹਰਿ ਬਾਵਨ ਰੂਪ ਤੁਮਾਰਾ । ਮਛ ਅਵਤਾਰ ਸੰਘਾਸੁਰ ਮਾਰਾ ॥ 58 ॥

ਦੋਹਰਾ

ਗੁਰ ਨਾਨਕ ਬਪੁ ਤੁਮ ਕੀਯੋ ਅੰਗਦ ਅਮਰ ਨਿਧਾਨ ।
ਰਾਮ ਦਾਸ ਅਰਜੁਨ ਤੁਹੀ ਛਟਮ² ਰੂਪ ਬਲਵਾਨ ॥ 59 ॥

ਚੌਪਈ

ਤੁਮ ਗੁਰ ਨਾਨਕ ਬਚਨ ਉਚਾਰੇ । ਛਟਮ³ ਰੂਪ ਕਰ ਮੋਹ ਦੀਦਾਰੇ ।
ਪ੍ਰਾਨ ਅੰਤ ਜਾਵਉ ਗੁਰ ਧਾਮ । ਸੋ ਪ੍ਰਭ ਭਏ ਪੂਰ ਮਮ ਕਾਮ ॥ 60 ॥
ਸੋ ਮਮ ਨੈਨਨ ਆਜ ਨਿਹਾਰਾ । ਆਯੁਧ ਧਰੇ ਸੁ ਰੂਪ ਮੁਰਾਰਾ ।
ਸ੍ਰੋਤ ਛੀਂਟ ਸਾਖ ਤਨ ਸੋਹੈ । ਬਾਲ ਮਨੀ ਜਨ ਅਤਿ ਮਨ ਮੋਹੈ ॥ 61 ॥
ਅਸ ਕਹਿ ਪਦ ਪੰਕਜ⁴ ਲਪਟਾਯੋ । ਦਯਾਸਿੰਧ ਗਹਿ ਕੰਠ ਲਗਾਯੋ ।
ਭਈ ਸੂਝ ਸੂਮ ਸਕਲ ਬਿਹਾਏ । ਤੀਨ ਕਾਲ ਕੋਤਕ ਦ੍ਰਿਸਟਾਏ ॥ 62 ॥

ਦੋਹਰਾ

ਬਾਬਾ ਜੀ ਤਬ ਲੋ ਆਇ ਬੈਠੇ ਬੰਦਨ ਧਾਰ ।
ਬੁਢਣ ਤਬ ਕਰ ਬੰਦਨਾ ਮਨ ਮਹਿ ਹਰਖ ਅਪਾਰ ॥ 63 ॥
ਦਯਾ ਸੰਜੁਤ ਸ੍ਰੀ ਗੁਰੁ ਕਹਾ ਤੁਮਰੇ ਨਿਕਟ ਰਹਾਇ ।
ਬਾਬਾ ਜੀ ਹਮ ਜਾਤ ਹਹਿ ਅਸ ਕਹ ਉਠੇ ਤਦਾਇ ॥ 64 ॥

ਚੌਪਈ

ਜਾਤੀ ਮਲਕ ਸੁ ਸਾਥ ਲਵਾਈ । ਉਤਰ ਕੋਹ ਤੇ ਗ੍ਰਿਹ ਮਹਿ ਆਈ ।
ਤਹਿ ਠਾਂ ਆਯੁਧ ਬਸਨ ਉਤਾਰੇ । ਕੀਨ ਇਸਨਾਨ ਨਾ ਲਾਇ ਅਵਾਰੇ ॥ 65 ॥

¹ਅ ਪੋਥੀ ਸੋਸ ²ਅ ਪੋਥੀ ਖਸਟਮ ³ਅ ਪੋਥੀ ਚਰਨਕਮਲ

ਘਰੀ ਚਾਰ ਨਿਸ਼ ਜਬੈ ਬਿਤਾਈ । ਕਰ ਭੋਜਨ ਦ੍ਰਿਗ ਨਿੰਦਾ ਪਾਈ ।
ਬਾਬਾ ਬਿਧੀਆ ਤਹਾਂ ਰਹਾਇ । ਬੁਢਨ ਸ਼ਾਹਿ ਨਿਕਟ ਸੁਖ ਪਾਏ ॥ 66 ॥

ਦੋਹਰਾ

ਬਹੁ ਚਰਚਾ ਕਰ¹ ਆਨੰਦ ਸਿਉ ਭੂਤ ਭਵਿਖ ਜੁ ਹੋਇ ।
ਬਿਧੀ ਚੰਦ ਬਿਨਤੀ ਕਰੀ ਅਤਿ ਅਧੀਨ ਮਨ ਹੋਇ ॥ 67 ॥

ਚੌਪਈ

ਬੁਢਣ ਸ਼ਾਹਿ ਬਿਨੈ ਸੁਨ ਲੀਜੈ । ਤੁਮ ਗੁਰ ਨਾਨਕ ਦਰਸਨ ਕੀਜੈ ।
ਵਰਖ ਪਾਂਚ ਸੈ ਉਮਰ ਤੁਮਾਰੀ । ਰਹੇ ਬਾਲ ਤਨ ਤਪ ਬਲਿਕਾਰੀ ॥ 68 ॥
ਤੀਨ ਕਾਲ ਹੁਇ ਗਾਥਾ ਜੋਈ । ਤੁਮ ਤੇ ਛਪੀ ਜਾਨ ਨਹਿ ਕੋਈ ।
ਇਹ ਤੇ ਪਾਂਚ ਕੋਸ ਥੇ ਆਯੋ । ਆਛੋ ਟਿਬਾ ਗੁਰੂ ਦਿਖਾਯੋ ॥ 69 ॥
ਕਰ ਬੰਦਨ ਸ੍ਰੀ ਮੁਖਹੁ ਬਖਾਨਾ । ਦਾਸਰਥੀ ਏਹੁ ਥਾਨ ਮਹਾਨਾ ।
ਪੁਨ ਕਹਿ ਦਸਮ ਰੂਪ ਜਬ ਧਾਰਉ² । ਏਹੁ ਠਾਂ ਅਨਗਨ ਚਰਿਤ ਵਿਥਾਰਉ³ ॥ 70 ॥
ਸੁਨੋ ਸ਼ਾਹ ਮੋਰੇ ਭ੍ਰਮ ਪਾਯੋ । ਕੋਨ ਸਮੇ ਤਪ ਰਾਮ ਕਰਾਯੋ ।
ਦਸਮ ਰੂਪ ਜਬ ਸ੍ਰੀ ਗੁਰੁ ਧਰ ਹੈ⁴ । ਕੌਤਕ ਕੋਨ ਕੋਨ ਜਗ ਕਰ ਹੈ ॥ 71 ॥

ਦੋਹਰਾ

ਦਾਸ ਜਾਨ ਸਭ ਹੀ ਕਹੋ ਗੋਪ⁵ ਰਖੋ ਜਿਮ ਸ਼ਾਹ ।
ਸੁਨੋ ਸੰਤ ਬੁਢਨ ਹੀਏ ਤਬ ਹੀ ਭਯੋ ਉਮਾਹ ॥ 72 ॥

ਚੌਪਈ

ਬੁਢਣ ਕਹੀ ਐਸ ਤਿੰਹ ਸਾਥ । ਬਿਧੀ ਚੰਦ ਜਾਨੋ ਤੁਮ ਗਾਥ ।
ਜਾਨ ਅਜਾਨ ਪੂਛ ਤੁਮ ਮੋ ਤੇ । ਜਗ ਮਹਿਛਪੀ ਨਾਹਿ ਗਥ ਤੋ ਤੇ ॥ 73 ॥
ਜਬੈ ਸੁ ਕੋਸਕ ਗੁਰ ਸੁਤ ਮਾਰੇ । ਵਸਿਸਟ ਸੁਨਤ ਮਨ ਚਿੰਤਾ ਧਾਰੇ ।
ਭੂਬਨ ਹੇਤ ਇਹਾਂ ਚਲ ਆਵਾ । ਰਾਮਾ ਇਹੁ ਸਤ [ਰੋਰ]⁶ ਚਲਾਵਾ ॥ 74 ॥
ਇਹਾਂ ਨ ਭੂਬ ਬਾਂਧ ਨਿਜ ਅੰਗਾ । ਜੂਹ ਤਹਿ ਆਇ ਸੁਰਾਮ ਅਭੰਗਾ ।
ਬੂਡ ਬਿਆਸ ਪਾਸ ਕਟ ਡਾਰੀ । ਨਾਘ ਬਿਪਾਸਾ ਭਯੋ ਸੁਧਾਰੀ ॥ 75 ॥

ਦੋਹਰਾ

ਨਾਮ ਸਤ੍ਰਦ੍ਰਵ ਇਹੁ ਭਯੋ ਚਲਤ ਠੌਰ ਸਤ ਜਾਨ ।
ਕਰ ਉਪਦੇਸ਼ ਬਸਿਸਟ ਸੋ ਰਾਮ ਤਹਾਂ ਤਪ ਠਾਨ ॥ 76 ॥

ਚੌਪਈ

ਤਿੰਹ ਸਮ ਉਤਮ ਠੌਰ ਨਾ ਕੋਈ । ਤੀਨ ਲੋਕ ਮਹਿ ਹੋਇ ਨਾ ਹੋਈ ।
ਸਹੀ ਅਕਾਲ ਛਠਮ ਗੁਰ ਜਾਨੋ । ਕਛੂ ਭੇਦ ਮਨ ਮਾਂਹਿ ਨਾ ਆਨੋ ॥ 77 ॥

¹ਅ ਪੱਥੀ ਕਰਹਿ² ਅ ਪੱਥੀ ਦਿਖਾਰਉ ³ਅ ਪੱਥੀ ਗੁਰਜ ⁴ਏ ਪੱਥੀ ਵਿਚੋ

ਹਰੀ ਰਾਇ ਸਪਤਮ ਗੁਰ ਹੋਵੈ । ਹਰੀ ਕ੍ਰਿਸ਼ਨ ਵਸ ਗੁਰ ਸਮ ਖੋਵੈ ।
 ਪੁਨ ਗੁਰ ਤੇਗ ਬਹਾਦਰ ਹੋਵੈ । ਪਟਣੇ ਜਾਇ ਸੰਗਤ ਦੁਖ ਖੋਵੈ ॥ 78 ॥
 ਸੰਮਤ ਸਤ੍ਰੁਹ ਸਤ ਜਬ ਹੋਈ । ਬੀਸ ਤੀਨ ਜਗ ਆਨੰਦ ਜੋਈ ।
 ਪੋਖ ਮਾਸ ਵਹੁ ਦਸਮ ਉਪਾਵਹਿ । ਸੁਰ ਧਰਨੀ ਦ੍ਰਿਜ ਹਰਖ ਧਰਾਵਹਿ ॥ 79 ॥

ਦੋਹਰਾ

ਪੁਨ ਆਵਹਿ ਲਖਨੌਰ ਕੋ ਕੀਰਤਿ ਪੁਰੀ ਦਿਖਾਇ ।
 ਆਨੰਦ ਪੁਰ ਤਿੰਹ ਠਾਂ ਰਚੈ ਮਾਖੋ ਦੈਤ ਪਲਾਇ ॥ 80 ॥
 ਬਾਲ ਚਰਿਤ ਬਹੁਰੋ ਕਰਹਿ ਸਾਹਿਬ ਕ੍ਰਿਪਾ ਨਿਧਾਨ ।
 ਵਿਵਾਹ ਤੀਨ ਕਰ ਆਨੰਦ ਸਿਉ ਕੌਤਕ ਔਰ ਮਹਾਨ ॥ 81 ॥

ਚੌਪਈ

ਨਵਮ ਰੂਪ ਦਿਲੀ ਕਰ ਪਯਾਨਾ । ਆਇ ਸੀਸ ਇਹੁ ਠਾਂ ਰਚ ਥਾਨਾ ।
 ਬੁੰਗਾ ਸਮਹੁ ਅਕਾਲ ਬਨਾਵਹਿ । ਕਮਰ ਕਸਾ ਗੁਰ ਦਸਮ ਕਰਾਵਹਿ ॥ 82 ॥
 ਮਾਤ ਬੈਨ ਕਰਹੈ ਪੁਨ ਪਯਾਨਾ । ਰਚੈ ਪਾਂਵਟਾ ਨਗਰ ਨਿਧਾਨਾ ।
 ਪੁਨ ਭੰਗਾਣੀ ਆਹਵ ਕਰਹੈ । ਔਰ ਨਦੈਨ ਜੁਧ ਕਉ ਧਰਹੈ ॥ 83 ॥
 ਪੁਨ ਆਨੰਦ ਪੁਰ ਆਹਵ ਹੋਈ । ਸਾਥ ਕੋਹੀਆਂ ਗਜਮਿਸ ਜੋਈ ।
 ਦੇਵੀ ਪੂਜ ਭੋਜ ਸਿਖ ਦੇਵੈ । ਕਰ ਦ੍ਰਿਜ ਰੋਸ ਮਾਨ ਤਿੰਹ ਕੇਵੈ ॥ 84 ॥

ਦੋਹਰਾ

ਕਲਮੋਟ ਜੁਧ¹ ਪੁਨ ਹੋਇਗਾ ਔਰ ਚਰਿਤ ਬਹੁ ਜਾਨ ।
 ਕਰਹਿ ਪਰੀਖਿਯਾ ਸ੍ਰੀ ਗੁਰੂ ਸਭ ਸਿਖਨ ਕੀ ਮਾਨ ॥ 85 ॥

ਚੌਪਈ

ਪੁਨ ਦਲ ਕੋਹ ਸਭੈ ਚਲ ਆਵਹਿ । ਕਰਹਿ ਸਪਤ ਢਿਗ ਡੇਰਾ ਪਾਵਹਿ ।
 ਨਿਤ ਨੂਤਨ ਆਹਵ ਹੋਇ ਭਾਰੂ । ਸਭ ਸਿਖਨ ਮਨ ਹੋਇ ਸੰਭਾਰੂ ॥ 86 ॥
 ਅਸਨ ਬਸਨ ਬਿਨ ਤਨ ਹੋਇ ਖੀਨਾ । ਜਾਨ ਮਿਰਤ ਕਰਹਹਿ ਮਨ ਬੀਨਾ ।
 ਲਿਖੈ ਬਿਦਾਵਾ ਤੁਮ ਗੁਰ ਨਾਂਹੀ । ਹਮ ਨਹਿ ਸਿਖ ਚਲੈ ਸਭ ਜਾਂਹੀ ॥ 87 ॥
 ਚਾਲੀ ਮੁਕਤੇ ਨਹ ਲਿਖ ਦੇਵੈ । ਭਾਰ ਭਰੋਸਾ ਗੁਰ ਪਗ ਲੇਵੈ ।
 ਸਾਹਿਬ ਰਾਮ ਕੌਰ ਸੁਤ ਚਾਰੂ । ਤੀਨ ਮਹਲ ਮਾਤਾ ਸਮ ਧਾਰੂ ॥ 88 ॥
 ਲਿਖੈ ਨਾਏ ਸਬ ਗੁਰ ਗਤਿ ਜਾਨਾ । ਕਰਤ ਜੁਧ ਗੁਰ ਕਰਹੈ ਪਯਾਨਾ ।
 ਦੋ ਲੱਖ ਤੁਰਕ ਸੈਨ ਮਗ ਆਵੈ । ਦਸਮ ਗੁਰੂ ਪਹਿ² ਘੇਰਾ ਪਾਵੈ ॥ 89 ॥

ਦੋਹਰਾ

ਚਾਲੀ ਮੁਕਤੇ ਸਾਥ ਗੁਰੂ ਆਹਵ ਕਰਤ ਸਿਧਾਇ ।
 ਭਗਤ ਸਿੰਘ ਗੁਰ ਗਤਿ ਬਡੀ ਕੋਊ ਨਹਿ ਸਕੈ ਲਖਾਇ ॥ 90 ॥

¹ਅ ਪੋਥੀ ਸਮਰ ²ੲ ਪੋਥੀ ਕੋ

ਚੌਪਈ

ਚਮਕੌਰ ਜਾਇ ਪੁਨ ਹੋਵੈ ਜੁਧਾ । ਮ੍ਰਿਤ ਪੁਤ੍ਰ ਦੋਇ ਲਰ ਧਰ ਕਰੁਧਾ ।
 ਸਰਹੰਦ ਭੀਤਿ ਦੇ ਗੁਰ ਸੁਤ ਆਵਹਿ । ਸ੍ਰੀ ਗੁਰ ਸੈਨ ਤੁਰਕ ਬਹੁ ਘਾਵਹਿ ॥ 91 ॥
 ਜੀਵਨ ਸਿੰਘ^੧ ਗੁਰ ਕਾ ਸਿਖ ਹੋਈ । ਗੁਰ ਸਮ ਰੂਪ ਭੇਦ ਨਾਹਿ ਕੋਈ ।
 ਤਾਂਕੇ ਅਪਨੀ ਠੌਰ ਬਹਾਇ । ਦੇ ਗੁਰਿਆਈ ਮਾਥ ਟਿਕਾਇ ॥ 92 ॥
 ਪਾਂਚ ਤੀਸ ਮੁਕਤੇ ਤਹਿ ਦੇਵੈ^੨ । ਪਾਂਚ ਸਿਖ ਅਪਨੇ ਸੰਗ ਲੇਵੈ^੩ ।
 ਮਾਛੀਵਾੜੇ ਪੁਨ ਪ੍ਰਭ ਜਾਇ । ਕਾਜੀ ਗ੍ਰਿਹ ਕਰ ਚਰਿਤ ਮਹਾਇ ॥ 93 ॥

ਦੋਹਰਾ

ਜਾਇ ਮਾਲਵੇ ਪੁਨਹ ਗੁਰੂ ਆਹਵ ਕਰਹਿ ਬਯੰਤ ।
 ਮੁਕਤੇ ਚਾਰ ਸੁ ਦੇਹ ਤਜ ਟੁਟੀ ਮੇਲ^੪ ਅਨੰਤ ॥ 94 ॥

ਚੌਪਈ

ਤਾਹਿ ਨਾਮ ਤਹਿ ਤੀਰਥ ਕਰ ਹੈ^੧ । ਨਾਮ ਮੁਕਤਸਰ ਅਤਿ ਸੁਖ ਧਰ ਹੈ^੨ ।
 ਪੁਨਾ ਜਾਇ ਦਮਦਮਾ ਸਵਾਰਹਿ । ਆਦਿ ਗ੍ਰੰਥ ਗੁਰ ਤਾਹਿ ਉਚਾਰਹਿ ॥ 95 ॥
 ਪੁਨਾ ਜਾਇ ਦੀਨੇ ਕੀ ਨਗਰੀ । ਮੇਲ ਸਲਾਹ ਸ੍ਰੀ ਗੁਰ ਸਗਰੀ ।
 ਜਫਰਨਾਮਾ ਸ੍ਰੀ ਮੁਖਹੁ ਅਲਾਵਹਿ । ਵਾਹਿਗੁਰੂ ਕੀ ਫਤੇ ਬੁਲਾਵਹਿ ॥ 96 ॥
 ਮ੍ਰਿਤ ਔਰੰਗਾ ਸੁਨ ਹੁਇ ਸ਼ਾਹ । ਤਾਰਾ ਆਜ਼ਮ ਧਾਰ ਉਮਾਹ ।
 ਬਨ ਬਘੌਰ ਗੁਰੂ ਆਹਵ ਕਰਹੈ^੩ । ਥਕੇ ਸੇਸ ਜੇ ਕੌਤਕ ਕਰਹੈ^੪ ॥ 97 ॥
 ਪੁਨ ਤਾਰੇ ਆਜ਼ਮ ਕਉ ਮਾਰੈ^੫ । ਸ਼ਾਹ ਬਹਾਦਰ ਰਾਜ ਬਹਾਰੈ^੬ ।
 ਪੁਨ ਪ੍ਰਵੇਸ਼ ਨਦੇੜ ਕਰੈਗੇ । ਠੌਰ ਪੁਰਾਤਨ ਜਾਨ ਧਰੈਗੇ ॥ 98 ॥

ਦੋਹਰਾ

ਛਠਮ^੧ ਰੂਪ ਨਿਜ ਦੇਹ ਧਰ ਜੇ ਕੌਤਕ ਜਗ ਠਾਨ ।
 ਦਯਾਸਿੰਧ ਕੋ ਦਸਮ ਗੁਰ ਸ੍ਰੀ ਮੁਖ ਸਕਲ ਬਖਾਨ ॥ 99 ॥

ਚੌਪਈ

ਦਸਮ ਗੁਰੂ ਕੇ ਚਰਿਤ ਬਿਯੰਤਾ । ਜੋ ਨਦੇੜ ਕਰ ਬਰਨਤ ਸੰਤਾ ।
 ਸੰਮਤ ਸਤ੍ਰੁਹ ਸੈ ਜਬ ਆਵੈ । ਅਰਧ ਸਹਸ ਬਿਤ ਔਰ ਗਨਾਵੈ ॥ 100 ॥
 ਕੌਤਕ ਸੁਦੀ ਪੰਚਮੀ ਜੋਈ । ਵੀਰ ਵਾਰ ਬਡ ਆਨੰਦ ਹੋਈ ।
 ਦਸਮ ਗੁਰੂ ਨਿਜ ਧਾਮ ਸਿਧਾਵਹਿ । ਬਿਧੀ ਚੰਦ ਨਿਜ ਰੂਪ ਸਮਾਵਹਿ ॥ 101 ॥

ਦੋਹਰਾ

ਜੇ ਬਿਧੀਆ ਚਿੰਤਾ ਕਰਉ^੧ ਸ੍ਰੀ ਗੁਰ ਚਰਿਤ ਸੁਧਾਰ ।
 ਬਢੈ ਗ੍ਰੰਥ ਮਨ ਮਹਿ ਡਰੋ^੨ ਸੂਚਨ^੩ ਕਰਓ ਉਚਾਰ ॥ 102 ॥

^੧ਏ ਪੋਥੀ ਸੰਗਤ ਸਿੰਘ ^੨ਅ ਪੋਥੀ ਗੰਢੇ ^੩ਅ ਪੋਥੀ ਖਸਟਮ ^੪ਏ ਪੋਥੀ ਸੰਖੇਪ

ਚੌਪਈ

ਬੋਰੇ ਤੇ ਅਨਗਨ ਪਹਿਚਾਨੋ । ਬਿਧੀ ਚੰਦ ਗੁਰ ਚਰਿਤ ਮਹਾਨੋ ।
 ਬੁਢਣ ਸ਼ਾਹ ਐਸ ਜਬ ਭਾਖੀ । ਭਵਿਖਤ ਦਸਮ ਗੁਰੂ ਕੀ ਸਾਖੀ ॥ 103 ॥
 ਬਿਧੀ ਚੰਦ ਬਡ ਆਨੰਦ ਪਾਯੋ । ਦੇਹਿ ਬਿਦੇਹ ਹੋਇ ਸੁਖ ਪਾਯੋ ।
 ਬਾਬੇ ਸਿਉਂ ਚਰਚਾ ਬਹੁ ਕਰੈ । ਸ੍ਰੀ ਗੁਰ ਚਰਿਤ ਸੁਨੇ ਮੁਖ ਰਰੈ ॥ 104 ॥
 ਏ ਬਿਧ ਨਿਸ ਬਿਬ ਜਾਮ ਬਿਤਾਈ । ਬੁਢਣ ਜਾਨ ਅੰਤ ਨੀਯਰਾਈ ।
 ਬਾਬੇ ਪ੍ਰਤਿ ਅਸ ਬੈਠ ਉਚਾਰੇ । ਛਿਮੋ ਦਾਸ ਲਖ ਰੂਪ ਮੁਰਾਰੇ ॥ 105 ॥

ਦੋਹਰਾ

ਇਹੀ ਦਾਨ ਦੀਜੀਏ ਪ੍ਰਭੂ ਤਿਨ ਪਦ ਰਜ¹ ਪ੍ਰੀਤਿ ।
 ਪ੍ਰਾਨ ਅੰਤ ਮੋਰਾ ਅਯੋ ਤਜ ਹਉਂ ਦੇਹ ਅਨੀਤ ॥ 106 ॥
 ਜਬ ਤੁਮ ਜੋਤੀ ਜੋਤਿ ਮਿਲ ਮਮ ਢਿਗ ਵਾਸ ਕਰਾਇ ।
 ਬਾਬੇ ਕਹਿ ਐਸੇ ਕਰਓ ਏ ਬਿਧ ਕਹਿ ਸੁਖਦਾਇ ॥ 107 ॥

ਚੌਪਈ

ਡੇਢ ਜਾਮ ਨਿਸ ਜਬੈ ਰਹਾਈ । ਇਹੁ ਬਿਧ ਚਰਚਾ ਕਰਤ ਮਹਾਈ ।
 ਇਹੁ ਦਿਸ ਸ੍ਰੀ ਗੁਰ ਸੋਚ ਕਰਾਯੋ । ਕੀਓ ਇਸਨਾਨ ਮੰਤ੍ਰ ਮੁਖ ਗਾਯੋ ॥ 108 ॥
 ਬੁਢਣ ਸ਼ਾਹ ਨਿਕਟ ਤਬ ਗਏ । ਪ੍ਰਾਨ ਅੰਤ ਤਾਕਾ ਪਿਖ ਲਏ ।
 ਬੁਢਣ ਦੇਖ ਹਰਖ ਮਨ ਪਾਯੋ । ਧੰਨ ਧੰਨ² ਸ੍ਰੀ ਗੁਰ ਕੋ ਗਾਯੋ ॥ 109 ॥
 ਪ੍ਰਾਨ ਅੰਤ ਦਰਸਨ ਮਮ ਦੀਨੋ । ਅਪਨਾ ਪ੍ਰਾਨ ਪੂਰਨ ਤੁਮ ਕੀਨੋ ।
 ਤੁਮਰੋ ਨਾਮ ਸੇਤ ਸੰਸਾਰੂ । ਕਾਮਾਦਿਕ ਰੋਗਨ ਹਨ ਡਾਰੂ ॥ 110 ॥

ਦੋਹਰਾ

ਸਿਦਕ ਨਿਰੰਤਰ ਮਮ ਰਹੇ ਪਦ ਪੰਕਜ³ ਤੁਮ ਕੇਰ ।
 ਦੇਹੁ ਦਾਨ ਰਹਿੰ ਸਦਾ ਨਹਿ ਅੰਤਰਾ ਫੇਰ ॥ 111 ॥

ਚੌਪਈ

ਦਯਾ ਸਿੰਧ ਪੁਲਕਤ ਕਹ ਬੈਠਾ । ਬੁਢਣ ਸ਼ਾਹਿ ਸਿਦਕ ਤੁਮ ਐਨਾ ।
 ਐਸੇ ਹੋਇ ਜੈਸ ਰੁਚ ਤੋਰੀ । ਔਰ ਬਾਤ ਸੁਨ ਲੀਜੈ ਮੋਰੀ ॥ 112 ॥
 ਰਹਹੁ ਸੁਚੇਤ ਨਾ ਤਿਆਗੋ ਪ੍ਰਾਨਾ । ਦੇਖਹੁ ਚਰਿਤ ਜਗਤ ਕੇ ਨਾਨਾ ।
 ਕਹੁ ਬੁਢਣ ਪੁਨ ਪ੍ਰਾਨ ਬਿਲਾਵੈ । ਐਸ ਸਮਾ ਫਿਰ ਹਾਥ ਨਾ ਆਵੈ ॥ 113 ॥
 ਜਹਿੰ ਢੂੰਢਤ ਤਪਸੀ ਮੁਨ ਜੋਗੀ । ਪਾਇ ਨਾ ਅੰਤ ਸਹਸ ਫਨ ਭੋਗੀ ।
 ਸੋ ਦ੍ਰਿਗ ਗੋਚਰ ਮੇਰੇ ਆਯੋ । ਹੇ ਪ੍ਰਭ ਐਸ ਸਮਾ ਕਬ ਪਾਯੋ ॥ 114 ॥

¹ਅ ਪੋਥੀ ਪੂਰ ²ਅ ਪੋਥੀ ਗੁਰ ਮੁਖਹੁ ਅਲਾਯੋ ³ਅ ਤੇ ਏ ਪੋਥੀ ਚਰਨਕਮਲ

ਅਪ੍ਰੇਮੇਯ ਅਨਵਦ ਅਬਿਨਾਸੀ । ਬਾਹਰ ਭੀਤਰ ਘਟਿ ਘਟਿ ਵਾਸੀ ।
ਮਹਾ ਵਾਕ ਵੇਦਾਂਤ ਅਲਾਵੈ । ਤੰਤ੍ਰ ਤਵ ਰੂਪ ਲਖਾਵੈ ॥ 115 ॥

ਦੋਹਰਾ

ਮੌਰੇ ਹੀਯ¹ ਵਾਸਾ ਕਰੋ ਇਹੁ ਪ੍ਰਭ ਰੂਪ ਤੁਮਾਰ ।
ਨਿਜ ਨੈਨਨ ਜੋ ਦੇਖਿਓ ਮਾਨੁਖ ਰੂਪ ਮੁਰਾਰ ॥ 116 ॥

ਚੌਪਈ

ਅਸ ਕਹ ਪਦ ਪੰਕਜ ਗੁਰ ਲਾਗਾ । ਤਜੈ ਪ੍ਰਾਨ ਬੁਢਨ ਬਡ ਭਾਗਾ ।
ਗਯੋ [ਯਾਨ]² ਚੜ ਗੁਰ ਕੇ ਧਾਮਾ । ਦਯਾ ਸਿੰਧ ਕਰ ਪੂਰਨ ਕਾਮਾ ॥ 117 ॥
ਤਬ ਲੋ ਰਹੀ ਜਾਮ ਨਿਸ ਜਾਨੋ । ਦਯਾ ਸਿੰਧ ਅਸ ਕੌਤਕ ਠਾਨੋ ।
ਬਾਬਕ ਆਸਾ ਵਾਰ ਲਗਾਈ । ਤਿੰਹ ਠਾਂ ਸੁਨਤ ਭਏ ਜਗ ਸਾਂਈ ॥ 118 ॥
ਬੀਤ ਨਿਸਾ ਕਸਪ ਸੁਤ³ ਆਇ । ਆਸਾ ਵਾਰ ਭੋਗ ਤਬ ਪਾਇ ।
ਗੁਰ ਆਇਸ ਬੁਢਣ ਕੀ ਰੀਤਿ । ਬਾਬਕ ਕਰੀ ਧਾਰ ਹੀਯ ਪ੍ਰੀਤਿ ॥ 119 ॥
ਬਹੁ ਬਨਾਇ ਲੀਏ ਸਭ ਸਾਥ । ਬੁਢਣ ਚਰਿਤ ਪੰਥ ਕਰ ਨਾਥ ।
ਅਏ ਨਕੇਤ ਪ੍ਰਭ ਮੁਸਕਾਵਤ । ਬਯੰਤ [ਬਯੰਤ]⁴ ਜਨ ਬੇਦ ਬਤਾਵਤ ॥ 120 ॥

ਦੋਹਰਾ

ਕੀਰਤਪੁਰ ਗੁਰ ਬਸਤ ਭਏ ਕਰਤ ਚਰਿਤ ਬਹੁ ਜਾਨ ।
ਭਗਤ ਸਿੰਘ ਬੋਰੀ ਸੁਨਹੁ ਪਾਛਲ ਗਾਥ ਬਖਾਨ ॥ 121 ॥

ਚੌਪਈ

ਪੁਰ ਕਰਤਾਰ ਜੁਧ ਕਰ ਨਾਨਾ । ਹਰਿ ਗੋਬਿੰਦ ਗੁਰ ਕੀਨ ਪਯਾਨਾ ।
ਧੀਰ ਮਲ ਗ੍ਰਿਹ ਦਰਬ ਸੰਭਾਰਾ । ਮਨ ਮਹਿ ਐਸੇ ਭਯੋ ਵਿਚਾਰਾ ॥ 122 ॥
ਲਿਖ ਪਾਤੀ ਢਿਗ ਸਾਹਿ ਪਠਾਵਉ । ਨਿਜ ਉਪਰ ਤਿੰਹ ਛਿਮਾ ਕਰਾਵਉ ।
ਦੋਇ ਚਾਰ ਦਿਨ ਕੀਓ ਮੁਕਾਮ । ਸਦਨ ਬੀਚ ਸੋ ਰਹੇ ਮੁਦਾਮ ॥ 123 ॥
ਬਾਦਸ਼ਾਹ ਕਉ ਮਿਰਤ ਸੁਨਾਈ । ਸਭ ਸੈਨਾ ਕੀ ਨਾਹਿ ਬਚਾਈ ।
ਸੁਨਤ ਸ਼ਾਹ ਮਨ ਬਿਸਮੈ ਪਾਯੋ । ਨਿਜ ਅੰਗ੍ਰੀ ਮੁਖ ਗਹੇ ਅਲਾਯੋ ॥ 124 ॥

ਦੋਹਰਾ

ਹਜ਼ਾਰ ਪੰਜ ਤ੍ਰੈ ਸੈਨ ਥੀ ਗੁਰ ਸੈਨਾ ਸੁਨਾ ਬੋਰ ।
ਖਾਂ ਵਜ਼ੀਰ ਬਿਸਮੈ ਭਈ ਜੁਧ ਜੀਤ ਗੁਰ ਘੋਰ ॥ 125 ॥

ਚੌਪਈ

ਖਾਂ ਵਜ਼ੀਰ ਕਹਿ ਸੁਨੋ ਸੁ ਸ਼ਾਹ । ਗੁਰ ਸਮ ਬਲੀ ਨ ਜਾਨੋ ਆਹ ।
ਤੀਨ ਬਾਰ ਤੁਮ ਅਗ੍ਰ ਨਿਹਾਰਿਯੋ । ਜੋ ਤੁਮ ਪਠਾ ਸੁ ਤਿਨੈ ਸੰਘਾਰਿਯੋ ॥ 126 ॥

¹ਅ ਪੋਥੀ ਰਿਦ ²ਦ ਪੋਥੀ ਵਿਚੋਂ ³ਅ ਪੋਥੀ ਦਿਨਕਰ ⁴ਅ ਪੋਥੀ ਵਿਚੋਂ

ਅਬ ਪੈਂਦਾ ਹੋਇ ਲੂਣ¹ ਹਰਾਮੀ । ਤੁਮ ਢਿਗ ਆਯੋ ਲੋਲਪ ਕਾਮੀ ।
 ਤੁਮ ਦੇ ਸੈਨ ਹਨੀ ਤਿਹ ਸੰਗਾ । ਦਮਾਦ ਭ੍ਰਾਤ ਜੁਤ ਕਰ ਬਹੁ ਜੰਗਾ ॥ 127 ॥
 ਨਾਰ ਸੁਤਾ ਗ੍ਰਿਹ ਪੁਰੀ ਦਬਾਏ । ਗੁਰੁ ਕੇ ਕੋਪ ਨ ਬਾਚਨ ਪਾਏ ।
 ਜੋ ਅਸ ਗੁਰ ਸਿਉਂ ਰਾਰ ਮਚਾਵੈ । ਨਿਹਚੇ ਜਮ ਕੋ ਸਦਨ² ਸਿਧਾਵੈ ॥ 128 ॥
 ਤੁਮ ਕੋ ਰਾਜ ਐਸ ਨਿਜ ਦੀਨੋ । ਮੁਸ਼ਟ ਭਾਂਗ ਲੈ ਦੇਰ ਨਾ ਕੀਨੋ ।
 ਕਰੀ ਰਾਰ ਤੁਮ ਤਿਸ ਸੰਗ ਭਾਰੀ । ਅਜੈ ਸਮਝ ਨਹਿ ਖੇਦ ਅਪਾਰੀ ॥ 129 ॥

ਦੋਹਰਾ

ਐਸ ਬਾਤ ਜਬ ਕਰਤ ਥੇ ਤਦ ਲੈ ਦੂਰ ਸੁ ਆਇ ।
 ਧੀਰ ਮਲ ਪਾਤੀ ਪਠੀ ਅਸ ਕਹ ਅਗੁ ਧਰਾਇ ॥ 130 ॥

ਚੌਪਈ

ਖਾਂ ਵਜ਼ੀਰ ਪਿਖ ਤੁਰਤ ਉਘਾਰੀ । ਵਾਰ ਪਤ੍ਰਿਕਾ ਬਿਸਮੈ ਧਾਰੀ ।
 ਗੁਰ ਸੁਤ ਨਿੰਦ ਸੁ ਐਸੇ ਕੀਨੀ । ਬਡ ਭੈ ਧਾਰ ਪਤ੍ਰਿਕਾ ਦੀਨੀ ॥ 131 ॥
 ਮਨ ਮਹਿ ਧਾਰ ਮੁਖਹੁ ਅਸ ਗਾਈ । ਸੁਨੋ ਸ਼ਾਹ ਪਾਤੀ ਅਸ ਆਈ ।
 ਜਿਹ ਤੁਰੰਗ ਹਿਤ ਕੀਨੀ ਰਾਰ । ਪੰਥ ਮਾਂਹਿ ਸੋ ਸੁਰਗ ਸਿਧਾਰ ॥ 132 ॥
 ਸਮਝ ਬਾਤ ਖਲੜਾ ਭਰ ਪੌਨਾ । ਨਾਂਹਿ ਬਿਸ਼ਾਸ ਕਰਤ ਕਬ ਗੌਨਾ ।
 ਤਾਂਤੇ ਅਬ ਤੁਮ ਕੀਜੈ ਐਸੀ । ਕਰੋ ਬੰਦਨਾ ਕਰਿ ਪਿਤ ਜੈਸੀ ॥ 133 ॥

ਦੋਹਰਾ

ਸੁਨਤ ਸ਼ਾਹ ਤਬ ਬੰਦਨਾ ਖਾਂ ਵਜ਼ੀਰ ਬੁਧਵਾਨ ।
 ਬ੍ਰਿਥਾ ਸੈਨ ਹੈ ਹਿਤ ਹਤੀ ਭਏ ਮ੍ਰਿਤ ਬਖਾਨ ॥ 134 ॥
 ਭਗਤ ਸਿੰਘ ਅਤ ਨਿੰਮ੍ਹ ਹੁਇ ਗਰਿ ਅਚਰ ਕੋ ਪਾਇ ।
 ਬਾਦਸ਼ਾਹ ਬਿਨਤੀ ਕਹੀ ਹੇ ਗੁਰੁ ਮੋਹਿ³ ਛਿਮਾਇ ॥ 135 ॥

ਚੌਪਈ

ਸੁਨੋ ਸੰਤ ਮਨ ਰਾਰ ਮਿਟਾਈ । ਸਦਾ ਸ਼ਾਹਿ ਗੁਰ ਕੇ ਗੁਨ ਗਾਈ ।
 ਤਾਂਹਿ ਦੂਤ ਕਰ ਅਸ ਲਿਖ ਦੀਨੋ । ਜੋ ਕਾਰਜ ਤੁਮ ਕਹਿ ਕਰ ਚੀਨੋ ॥ 136 ॥
 ਜੋ ਕਾਰਜ ਮਮ ਲਾਇਕ ਹੋਵੈ । ਪਠੋ ਲਿਖਾਇ ਬਿਲਮ ਨਹਿ ਜੋਵੈ ।
 ਲੈ ਕੇ ਪਾਤੀ ਦੂਤ ਸਿਧਾਯੋ । ਧੀਰ ਮਲ ਕੈ ਪਾਸ ਸੁ ਆਯੋ ॥ 137 ॥
 ਪਾਤੀ ਸੁਨਤ ਬਿਗਸ ਮਨ ਐਸਾ । ਕਪਟੀ ਮੀਤ ਕਪਟ ਮਿਲ ਜੈਸਾ ।
 ਏਹ ਠਾਂ ਭਈ ਬਾਤ ਏ ਜਾਨੋ । ਸੁਨੋ ਚਰਿਤ ਤਹਿ ਜੋ ਗੁਰ ਠਾਨੋ ॥ 138 ॥
 ਸੰਗਤ ਆਵਤ ਤਹਾਂ ਬਿਅੰਤਾ । ਚੜਤ ਪੂਜ ਜਿਹ ਪਰਤ ਨਾ ਅੰਤਾ ।
 ਮਧ ਕੋਹ ਗੁਰ ਖੇਲ ਸ਼ਿਕਾਰਾ । ਕਰਹਿ ਮੁਕਤ [ਪਸੂ]⁴ ਜੀਵ ਹਜਾਰਾ ॥ 139 ॥

¹ਦ ਪੋਥੀ ਨਮਕ ²ਅ ਪੰਥੀ ਸਿਉ ਨਰਕ ³ਅ ਪੋਥੀ ਭੂਲ ⁴ਅ ਪੋਥੀ ਵਿਚੋ

ਦੋਹਰਾ

ਕੀਰਤਪੁਰ ਕੀਰਤ ਬੜੀ ਇੰਦ੍ਰਪੁਰੀ ਅਲਕੇਸ਼ ।
ਲਾਜਤ ਬਰਨ ਨਿਸੈਸੁ ਪੁਰ ਪੰਕਜ ਪੁਤ੍ਰ ਮਹੇਸ਼ ॥ 140 ॥

ਚੌਪਈ

ਸੁਨੋ ਸੰਤ ਜਹਿ ਕੋ ਸੁਮਰਾਵੈ । ਸ੍ਰੀ ਗੁਰ ਤਹਿ ਪ੍ਰਤਖ ਸੁਹਾਵੈ ।
ਕੀਰਤ ਪੁਰ ਏ ਭਾਂਤ ਬਿਰਾਜੈ । ਸਭ ਸੋਭਾ ਜਾਂਕੋ ਪਿਖ ਲਾਜੈ ॥ 141 ॥
ਏਕ ਦਿਵਸ ਪਾਤੀ ਅਸ ਆਈ । ਏਕ ਸਿਖ ਬਹੁ ਦੂਰ ਪਠਾਈ ।
ਭੀਤਰ ਸਿਧ ਪੁਰੀ ਤਹਿ ਜਾਨੋ । ਲਿਖੀ ਬਿਨਤ ਭਾਰੀ ਘਿਘਆਨੋ ॥ 142 ॥
ਹੇ ਪ੍ਰਭ ਹਮ ਸਦ ਦਾਸ ਬਿਚਾਰੋ । ਈਹਾਂ ਆਇ ਪੁਰ ਸਗਰਾ¹ ਤਾਰੋ ।
ਵਾਚ ਪਤ੍ਰਿਕਾ ਪ੍ਰਭ ਮੁਸਕਾਏ । ਪ੍ਰੇਮੀ ਕਰਤ ਰਿਦੈ ਜੋ ਭਾਏ ॥ 143 ॥
ਬਿਧੀ ਚੰਦ ਕਉ ਕਹਾ ਸੁਨਾਇ । ਤੁਮ ਮਮ ਰੂਪ ਨਾ ਭੇਦ ਜਨਾਇ ।
ਤਹਾ ਜਾਇ ਦਰਸਨ ਤੁਮ ਦੀਜੈ । ਕਾਰ ਭੇਟ ਤਹਿ ਕੀ ਸਭ ਲੀਜੈ ॥ 144 ॥

ਦੋਹਰਾ

ਸਤਿਨਾਮ ਮੁਖ² ਮੰਤਰ ਧਰ ਗੁਰੁ ਆਇਸ ਕੋ ਪਾਇ ।
ਬਿਧੀ ਚੰਦ ਪਿਆਨਾ ਕੀਓ ਕਛੂ ਨ ਦੇਰ ਲਗਾਇ ॥ 145 ॥

ਚੌਪਈ

ਚਲਤ ਚਲਤ ਅਸ ਕੋਤਕ ਹੋਯੋ । ਆਗੇ ਸੁਨਾ ਨੈਨ ਨਹਿ ਜੋਯੋ ।
ਦੇਉ ਗਾਂਉ ਪੁਨ ਮਗ ਮਹਿ ਆਯੋ । ਦਖਨ ਪੂਰਬ ਸੰਧ ਸੁਹਾਯੋ ॥ 146 ॥
ਸੁੰਦਰ ਸ਼ਾਹ ਫਕਰ ਅਸਥਾਨ । ਦਿਖ ਬਿਧੀਏ ਮਨ ਹਰਖ ਧਰਾਨ ।
ਆਸਨ ਡਾਰ ਬੈਠ ਸ੍ਰਮ ਖੋਈ । ਸੂਕੀ ਨਿੰਮ ਹਰੀ ਤਹਿ ਹੋਈ ॥ 147 ॥
ਪੁਰ ਜਨ ਦੇਖ ਅਚੰਭਾ ਮਾਨਾ । ਕਹਤ ਪਰਸਪਰ ਨਰ ਤਪ ਖਾਨਾ ।
ਜਿਹ ਤਪ ਬਲ ਤਰੂ ਹਰਿਯਾ ਹੋਯੋ । ਸੂਕਾ ਬਰਖ ਘਨੋ ਹਮ ਜੋਯੋ ॥ 148 ॥
ਚਲਤ ਬਾਤ ਏ ਤਹਾਂ ਸੁਨਾਈ । ਜਹਿ ਬਨ ਮਹਿ ਸੁੰਦਰ ਤਪ ਲਾਈ ।
ਸੁੰਦਰ ਸ਼ਾਹਿ ਅਚੰਭਾ ਮਾਨਾ । ਕੇਹਰ³ ਚੜ ਆਯੋ ਤਪ ਥਾਨਾ ॥ 149 ॥

ਦੋਹਰਾ

ਮਨ ਮਹਿ ਕਰਤ ਵਿਚਾਰ ਸੋ ਮਮ ਤਪ ਬਲ ਅਧਿਕਾਇ ।
ਮਮ ਆਇਸ ਹਰ ਜੀਵ ਬਨ ਹਰ ਬਾਹਨ ਕਰ ਧਾਇ ॥ 150 ॥

ਚੌਪਈ

ਆਯੋ ਫਕਰ ਦੇਖ ਹੈ ਕੈਸਾ । ਹਰੀ ਨਿੰਮ ਮਮ ਸੁਨਾ ਨਾ ਐਸਾ ।
ਕੇਹਰ³ ਪਿਖ ਜੇ ਠਾਂਢ ਰਹਾਵੈ । ਕਰ ਧੀਰਜ ਜੇ ਨਾਂਹਿ ਪਲਾਵੈ ॥ 151 ॥

¹ਅ ਪੋਥੀ ਸਗਲੋ ²ਅ ਤੇ ਏ ਪੋਥੀ ਰਿਦ ³ਏ ਪੋਥੀ ਸਿੰਘ

ਤਬ ਹਉ ਜਾਨ ਅਲਾਹੀ ਬੰਦਾ । ਨਹ ਜਾਦੂਗਰ ਸਮਝੋ ਗੰਦਾ¹ ।
 ਐਸ ਬਿਚਾਰਤ ਮਗ ਮਾਹਿ ਆਯੋ । ਬਿਧੀ ਚੰਦ ਕੇ ਅਗੂ ਦਿਖਾਯੋ ॥ 152 ॥
 ਹਰੀ ਨਿੰਮ ਤਰ ਆਸਨ ਡਾਰਾ । ਬਿਧੀ ਚੰਦ ਬੈਠਾ ਸੁਖ ਧਾਰਾ ।
 ਪੁਰ ਜਨ ਘਨੇ ਦਰਸ ਕੋ ਆਵਹਿੰ । ਭਈ ਭੀਰ ਬਹੁ ਦਰਬ ਚੜਾਵਹਿੰ ॥ 153 ॥
 ਸੁੰਦਰ ਸ਼ਾਹ ਨਿਕਟ ਜਬ ਆਯੋ । ਭਾਗੇ ਲੋਕ ਅਧਿਕ ਭੈ ਪਾਯੋ ।
 ਬਿਧੀਆ ਏਕ ਬੈਠ ਤਹਿ ਰਹਿਯਾ । ਕੇਹਰ ਭੈ ਚਿਤ ਰੰਗ ਨਾ ਲਹਿਯਾ ॥ 154 ॥

ਦੋਹਰਾ

ਸੁੰਦਰ ਸ਼ਾਹ ਜਬ ਹੀ ਆਯੋ ਕੇਹਰ ਨਿਕਟ ਸਵਾਰ ।
 ਬਿਧੀਏ ਫੇਰ ਕਟਾਖਯ ਨਿਜ ਕੇਹਰ [ਕੇ]² ਓਰ ਨਿਹਾਰ ॥ 155 ॥

ਚੌਪਈ

ਜੜਵਤ ਭਯੋ ਚਲਾ ਨਹਿ ਜਾਵੈ । ਸੁੰਦਰ ਸ਼ਾਹ ਅਧਿਕ ਬਲ ਲਾਵੈ ।
 ਐਸੋ ਭਾਵ ਹੀਏ ਕਵਿ ਆਯੋ । ਸੁਨੋ ਸੰਤ ਹੰਤਾ ਧਰ ਆਯੋ ॥ 156 ॥
 ਸਿਲਾ ਸਮਾਨ ਭੂਮ ਸੋ ਜਾਨੋ । ਕੇਹਰ ਹੈ ਪਾਂਡਵ ਲਪਟਾਨੋ ।
 ਅਗਨ ਮੁਖੀ ਜੋ ਮਾਰ ਸੁਹਾਵੈ । ਜਸ ਨਹਿ ਸਨਮੁਖ ਦੀਪ ਜਾਗਾਵੈ ॥ 157 ॥
 ਪਟ ਬੀਜਨ ਰਵਿ ਕੋ ਡਰ ਦੇਵੈ । ਪੰਖੀ ਚਾਹਿ ਗਰੜ ਜਿਤ³ ਲੇਵੈ ।
 ਏ ਸਭ ਬ੍ਰਿਥਾ ਮਨੋਰਥ ਜਾਨੋ । ਕੋਟ ਬਿਧੀ ਸਮ ਬਿਧੀਆ ਮਾਨੋ ॥ 158 ॥
 ਤਾਕੋ ਕੇਹਰ ਤੁਛ ਡਰਾਵੈ । ਭਯੋ ਸਿਲਾ ਸੁੰਦਰ ਦ੍ਰਿਸ਼ਟਾਵੈ ।
 ਨਿਜ ਬਲ ਲਾਇ ਜਬੈ ਉਹ ਹਾਰਾ । ਨਗਨ ਪਾਉਂਦੂ ਹੈ ਅਗੂ ਪਧਾਰਾ ॥ 159 ॥

ਦੋਹਰਾ

ਤਾਂਤੇ ਉਤਰ ਅਧੀਨ ਹੋ ਨਿਜ ਗਰਿ ਅੰਚਰ ਡਾਰ ।
 ਬਿਧੀ ਚੰਦ ਕੇ ਪਗ ਪਰਾ ਉਸਤਿਤਿ ਕੀਨ ਅਪਾਰ ॥ 160 ॥
 ਬਿਧੀ ਚੰਦ ਕਰ ਕਮਲ ਸਿਉ ਤਾ ਕੋ ਬਦਨ ਉਠਾਇ ।
 ਦੈ ਧੀਰਜ ਚਰਚਾ ਕਰੀ ਸੰਸਾ⁴ ਦੀਓ ਮਿਟਾਇ ॥ 161 ॥

ਚੌਪਈ

ਸੁੰਦਰ ਸ਼ਾਹ ਕਰ ਬਿਨਤ⁵ ਬਹੋਰ । ਹਰ ਮੁਕਤਾਇ ਜਾਇ ਬਨ ਓਰ ।
 ਬਿਧੀ ਚੰਦ ਕਹ ਬੈਨ ਗੰਭੀਰਾ । ਸਤਿਨਾਮ ਕਹ ਡਾਰੋ ਨੀਰਾ ॥ 162 ॥
 ਸੁੰਦਰ ਸ਼ਾਹ ਨੀਰ ਤਹਿ ਡਾਰਾ । ਸਤਿਨਾਮ ਮੁਖ ਮੰਤ੍ਰ ਉਚਾਰਾ ।
 ਕੇਹਰ ਤਤ ਛਿਨ ਤਜੇ ਪਰਾਨਾ । ਸੁਰ ਸੁੰਦਰ ਹੋ ਚੜਾ ਬਿਮਾਨਾ ॥ 163 ॥
 ਬਿਧੀ ਚੰਦ ਕਉ ਬੰਧਨ ਧਾਰੀ । ਚਲ ਨਭ ਓਰ ਗਾਇ ਬਹੁ ਨਾਰੀ ।
 ਸੁੰਦਰ ਸ਼ਾਹ ਦੇਖ ਬਿਸਮਾਯੋ । ਪੂਛਤ ਰੇ ਜਨ ਕਹਾ ਸਿਧਾਯੋ ॥ 164 ॥
 ਸਿੰਘ ਦੇਹ ਕਿਹ ਕਾਰਨ ਪਾਈ । ਭਾਖੋ ਕਥਾ ਨ ਦੇਰ ਲਗਾਈ ।

¹ਏ ਪੌਥੀ ਮੰਦਾ ²ਏ ਪੌਥੀ ਵਿਚੋਂ ³ਅ ਪੌਥੀ ਜਿਣ ⁴ਅ ਪੌਥੀ ਸੰਕਾ ⁵ਏ ਪੌਥੀ ਅਰਜ

॥ ਸੁਰੇਵਾਚ ਚੋਪਈ ॥

ਹੇ ਸੁੰਦਰ ਤਉ ਸਮ ਨਹ ਕੋਈ । ਅਛਤ ਤਨ ਜਹਿੰ ਦਰਸਨ ਹੋਈ ।
ਕਿੰਨਰ ਰਾਜ ਮੋਹਿ ਪਹਿਚਾਨੋ । ਅਤਿ ਬਡ ਤੇਜ ਨ ਜਾਇ ਬਖਾਨੋ ।
ਏਕ ਸਮੇ ਦੁਰਬਾਸਾ ਆਯੋ । ਦੇਵ ਸਭਾ ਬਡ ਓਜ ਜਨਾਯੋ ॥ 166 ॥

ਦੋਹਰਾ

ਤਾਹਿੰ ਓਰ ਮੋਹਿ ਕੋਪ ਸਿਉਂ ਦੇਖੀ ਦ੍ਰਿਸ਼ਟ ਅਪਾਰ ।
ਤਾਹਿ ਸ੍ਰਾਪ [ਮੋਕੇ]¹ ਦੀਓ ਦੀਰਘ ਮਨ ਰਿਸ ਧਾਰ ॥ 167 ॥
ਅਰੇ ਦ੍ਰਿਸ਼ਟ ਕੇਹਰ ਸਮ ਕੋਪ ਕਰੇ ਤੂੰ ਜਾਨ ।
ਤਾਂਤੇ ਕੇਹਰ ਬਪੁ ਤੁਮੈ ਹੋਇ ਸਤਿਯ ਮਨ ਮਾਨ ॥ 168 ॥
ਤਬ ਮੈਂ ਬਿਨਤੀ ਬਹੁ ਕਹੀ ਤਹਾ ਸ੍ਰਾਪ ਕਬ ਅੰਤ ।
ਗੁਰ ਨਾਨਕ ਕੀ ਅੰਸ ਖਟ ਤਾ ਸਿਖ ਕਰੇ ਸੁ ਮੰਤ ॥ 169 ॥

ਚੋਪਈ

ਹਰੀ ਨਿੰਮ ਸੁਨ ਸੁੰਦਰ ਧਾਵੈ । ਤੁਮ ਪਰ ਚੜੈ ਸੁ ਓਜ ਜਨਾਵੈ ।
ਤੁਮ ਜੜ ਹੋਇ ਮੁਕਤ ਸੋ ਕਰ ਹੈ । ਸਤਿਨਾਮ ਕਹਿ ਨੀਰ ਸੁ ਡਰ ਹੈ ॥ 170 ॥

ਦੋਹਰਾ

ਚਲਤ ਪੰਥ ਗੁਰ ਢਿਗ ਅਯੋ ਕੀਰਤ ਪੁਰ ਸੁਖ ਪਾਇ ।
ਧਰੀ ਭੇਟ ਗੁਰ [ਅਗੁ]² ਸਬ ਬਿਨਤੀ ਕੀਨ ਮਹਾਇ ॥ 171 ॥

ਚੋਪਈ

ਦਯਾ ਸਿੰਧ ਮੁਖ ਧੰਨ ਅਲਾਯੋ । ਬਿਧੀ ਚੰਦ ਬਡ ਆਨੰਦ ਪਾਯੋ ।
ਬਿਧੀ ਚੰਦ ਕਹਿ ਮਯਾ ਤੁਮਾਰੀ । ਹੈ ਪ੍ਰਭ ਤੁਮਰੋ ਨਾਮ ਮੁਕਾਰੀ ॥ 172 ॥
ਜੇ ਹੈ ਮਾਨਕ ਬਿਧੀਏ ਆਨੇ । ਸਿਖਨ ਕਉ ਦੋ ਆਨੰਦ ਠਾਨੇ ।
ਇਹ ਬਿਧ ਸਿਉ ਕਛ ਦਿਵਸ ਬਿਤਾਏ । ਪਾਵਸ ਆਇ ਘਨ ਉਮਡਾਏ ॥ 173 ॥
ਤੀਰ ਸਤ੍ਰਦ੍ਰਵ³ ਸ੍ਰੀ ਗੁਰੁ ਜਾਵਹਿੰ । ਪੇਖ ਨਦੀ ਬਡ ਆਨੰਦ ਪਾਵਹਿੰ ।
ਚਾਹਤ ਕੰਢੇ ਚਲਤ ਗਜੰਤੀ । ਸਾਧ ਸੰਗ ਖਹਿ ਪਾਪੁਨ ਹੰਤੀ ॥ 174 ॥

ਦੋਹਰਾ

ਉਮਡ ਘਟਾ ਆਵੈ ਘਨੀ ਬਰਖਾ ਹੋਤ ਅਪਾਰ ।
ਸ੍ਰੀ ਗੁਰ ਖੇਲ ਸ਼ਿਕਾਰ ਬਹੁ ਬਿਚਰਤ ਆਨੰਦ ਧਾਰ ॥ 175 ॥

ਚੋਪਈ

ਪਾਵਸ ਬੀਤ ਨਿਮਲ ਆਕਾਸ਼ਾ । ਦਯਾ ਸਿੰਧ ਬਹੁ ਕਰਹਿੰ ਬਿਲਾਸਾ ।
ਅਸੂ ਮਾਸ ਸੁਖਦ ਤਬ ਆਯੋ । ਸ੍ਰੀ ਗੁਰ ਕੋਤਕ ਅਗਮ ਕਰਾਯੋ ॥ 176 ॥

¹ਅ ਪੋਥੀ ਵਿਚੋਂ ²ਏ ਪੋਥੀ ਵਿਚੋਂ ³ਅ ਪੋਥੀ ਸਤਿਲੁਜ

ਜਹਿ ਲਗ ਬਾਬੈ ਕੀਓ ਪਯਾਨਾ । ਅਪਨੇ ਧਾਮ ਧਾਰ ਸੁਖ ਮਾਨਾ ।
 ਸੁਨਹੁ ਸੰਤ ਸੋ ਕਥਾ¹ ਪ੍ਰਕਾਸ਼ਤੁੰ । ਮਯਾ ਗੁਰੂ ਮਨ ਧਾਰ ਹੁਲਾਸਉਂ ॥ 177 ॥
 ਗੁਰੁ ਦਰਸਨ ਕੋ ਸੰਗਤ ਆਈ । ਦੇਸ ਦੇਸ² ਕੀ ਗੁਰ ਗੁਨ ਗਾਈ ।
 ਸਭ ਦੇਵ ਮਨ ਮਹਿ ਧਰ ਹੇਤੂ । ਸੰਗਤ ਮਿਲ ਦਰਸਨ ਸੁਖ ਕੇਤੂ ॥ 178 ॥
 ਨਿਤਪ੍ਰਤਿ ਭੀਰ ਹੋਤ ਗੁਰਦੁਵਾਰੇ । ਕਰ ਦਰਸਨ ਫਲ ਪਾਵਤ ਚਾਰੇ ।
 ਏਕ ਸਿਖ ਅਤਿ ਹੀ ਰਸ ਮਾਤਾ । [ਦੇਖ]³ ਤੇਜ ਗੁਰ ਨਾਹਿ ਅਘਾਤਾ ॥ 179 ॥
 ਨੌਮੀ ਸੁਦੀ ਤਾਸ ਦਿਨ ਜਾਨੋ । ਅਤਿ ਵਿਰਾਗ ਮਹਿ ਲਾਇ ਦੀਵਾਨੋ ।
 ਰਹਾ ਤਬੈ ਘਰੀਆਂ ਦਿਨ ਚਾਰ । ਬੈਠੇ ਗੁਰ ਮਾਨੁਖ ਤਨ ਧਾਰ ॥ 180 ॥

ਦੋਹਰਾ

ਬਾਬਕ ਕਿੰਨਰ ਜਛ ਪੁਨ ਕਰਤ ਰਾਗੁ ਸੁਖ ਸੰਗ ।
 ਉਚੁ ਸਿੰਘਾਸਨ ਬੈਠ ਗੁਰ ਲਾਜਤ ਕੋਟ ਅਨੰਗ ॥ 181 ॥

ਚੌਪਈ

ਮਹਾ ਕਾਲ ਤਬ ਨਰ ਤਨ ਧਾਰਾ । ਕਰ ਉਸਤਤਿ ਹੈ ਪ੍ਰਭ⁴ ਕਰਤਾਰਾ ।
 ਦੀਨ ਭਗਤ ਸੰਤਨ ਸੁਖਦਾਈ । ਮੋ ਤੇ ਉਪਮਾ ਕਹੀ ਨ ਜਾਈ ॥ 182 ॥
 ਹਉਂ ਅਨਾਥ ਤੁਮ ਨਾਥ ਸਦਾਵੇ । ਤੁਮ ਪਾਵਨ ਹਉਂ ਪਤਿਤ ਕਹਾਵੇ ।
 ਹਉਂ ਗਰੀਬ ਤੁਮ ਨਾਮ ਨਿਵਾਜ । ਹਉਂ ਜਨ ਦੀਨ ਤੁਮੇ ਸਿਰਤਾਜ ॥ 183 ॥
 ਹਉਂ ਨਿਮਾਣ ਤੁਮਰੋ ਬਡ ਮਾਨ । ਹਉਂ ਨਿਤਾਣ ਤੁਮਰੋ ਬਡ ਤਾਣ ।
 ਮੋਹਿ ਚਾਹ ਪ੍ਰਭ ਪੂਰਨ ਕੀਜੈ । ਸੁਤਹ ਮੋਰ ਅਪਨੇ ਗ੍ਰਿਹ ਲੀਜੈ ॥ 184 ॥
 ਤੀਨ ਬੇਰ ਅਸ ਬਿਨੈ ਅਲਾਈ । ਰਹੇ ਮੋਨ ਸ੍ਰੀ ਗੁਰ ਚਿਤ ਲਾਈ ।
 ਨਰ ਸਮ ਐਸੇ ਬਚਨ ਅਲਾਯੋ । ਦੇਖੋ ਮੋਹ ਤੰਨ ਬਿਰਧਾਯੋ ॥ 185 ॥

ਦੋਹਰਾ

ਅਤਿ ਵਿਰਾਗ ਮਹਿ ਬੈਠ ਗੁਰੁ ਸੁਨਤ ਸਕਲ ਬਿਸਮਾਇ ।
 ਰਾਗ ਭੋਗ ਪਾਯੋ ਤਬੈ ਨਿਜ ਨਿਜ [ਸਦਨ]⁵ ਸਿਧਾਇ ॥ 186 ॥

ਚੌਪਈ

ਚਲਤ ਕਾਲ ਨਰ ਸਮ ਤਨ ਕੀਨੋ । ਅਧਿਕ ਸ਼ੋਕ ਮਨ ਅਪਨੈ ਲੀਨੋ ।
 ਮਮ ਅਨਾਥ ਨਿਜ ਰਿਦੈ ਵਿਚਾਰ । ਕੀਨ ਬਿਨੈ ਨਹਿ ਅੰਗੀਕਾਰ ॥ 187 ॥
 ਜਬ ਕਛ ਦੂਰ ਠੌਰ ਤੇ ਆਯੋ । ਆਵਤ ਬਾਬਾ ਅਗੂ ਦਿਖਾਯੋ ।
 ਚੜੇ ਤੁਰੰਗ ਅਤਹਿ ਛਬਿ ਸੋਈ । ਬਿਚਰਤ ਆਏ ਮੌਜ ਸਿਉ ਸੋਈ ॥ 188 ॥
 ਤਾਂਹਿ ਸਿਖ ਪਗ ਬੰਦਨ ਧਾਰੀ । ਬਾਬੇ ਦੀਨਾ ਧੀਰਜ ਭਾਰੀ ।
 ਚਿੰਤਾ ਜੁਤ ਦਿਖ ਦਯਾ ਸੁਮੰਦਾ । ਜਿਹ ਦਰਸਨ ਨਾਜਤ ਜਗ ਦੁੰਦਾ ॥ 189 ॥

¹ਅ ਪੌਥੀ ਗਾਥ ²ਅ ਪੌਥੀ ਬਦੇਸ ਦ ਪੌਥੀ ਪ੍ਰਦੇਸ ³ਅ ਪੌਥੀ ਵਿਚੋਂ ⁴ਅ ਪੌਥੀ ਗੁਰ ⁵ਅ ਪੌਥੀ ਵਿਚੋਂ

ਕਾਰਨ ਕੰਨ ਸੋਚ ਤੁਮ ਰਾਖੇ । ਧਰੋ ਚਿੰਤ ਕਿਆ ਮਨ ਅਭਲਾਖੇ ।
ਬ੍ਰਿਥਾ ਆਪਨੀ ਤਾਹਿ ਸੁਨਾਈ । ਨਿਮ੍ਰੀਭੂਤ ਬਿਨਤ ਬਹੁ ਗਾਈ ॥ 190 ॥

ਦੋਹਰਾ

ਦਯਾ ਧਾਰ ਬਚ ਅਸ ਕਹੇ ਸਭੇ ਸੁਨਤ ਧਰ ਧੀਰ ।
ਆਪਨ ਸੁਤਾ ਸੁ ਦੀਜੀਐ ਦੁਰਲਭ ਮਿਲਨ ਸਰੀਰ ॥ 191 ॥

ਚੌਪਈ

ਉਤ੍ਰ ਅਸਵ ਤੇ ਗਹਿ ਭੁਜ ਤਾਕੀ । ਬਾਬੇ ਭਾਲ ਮਨੋ ਛਬਿ ਛਾਕੀ ।
ਸਦਨ ਆਇ ਸਭ ਬਾਤ ਸੁਨਾਈ । ਦੋਊ ਮਾਤ ਕੇ ਹਰਖ ਧਰਾਈ ॥ 192 ॥
ਸੁਨੋ ਮਾਤ ਇਹੁ ਸਿਖ ਅਲਾਵੈ । ਦੇਵੈ ਸੁਤਾ ਮੋਹਿ ਇਹੁ ਭਾਵੈ ।
ਦੋਊ ਮਾਤ ਅਸ ਬੈਨ ਅਲਾਏ । ਹੇ ਸੁਤ ਕੀਜੈ ਦੇਰਿ ਮਤਾਏ ॥ 193 ॥
ਬਾਬਾ ਕਹਾ ਮਾਤ ਇਹੁ ਭਾਖੇ । ਹੋਇ ਪ੍ਰਾਤ ਸਬ ਕਰ ਅਭਿਲਾਖੇ ।
ਕਹਾ ਮਾਤ ਸੁਤ ਬਹੁ ਧਨ ਲੀਜੈ । ਤਤ ਛਿਨ ਸਗਲ ਤਿਆਰੀ ਕੀਜੈ ॥ 194 ॥
ਐਸੇ ਕਹੇ ਮਾਤ ਜਬ ਬੈਨਾ । ਮਹਾ ਕਾਲ ਮਨ ਪਾਯੋ ਚੈਨਾ ।
ਪਰੀ ਨਿਸਾ ਅਹਿ ਸਕਲ ਬਿਤਾਯੋ । ਖਿਰੈ ਨਖਤ੍ਰ ਸਸੀ¹ ਪ੍ਰਗਟਾਯੋ ॥ 195 ॥

ਦੋਹਰਾ

ਅਸ ਆਇਸ ਮਾਤਾ ਕਰੀ ਗਾਵਤ ਨਾਰ ਅਨੰਤ ।
ਭਾਵੀ ਪ੍ਰਬਲ ਦਿਖਾਇ ਹਿਤ ਕੌਤਕ ਕੀਨੋ ਬਯੰਤ ॥ 196 ॥

ਚੌਪਈ

ਕਛੁਕ ਦੂਰ ਮਹਲ ਤੇ ਜਾਨ । ਜਹਾਂ ਬੈਠ ਗੁਰੁ ਲਾਇ ਦੀਵਾਨ ।
ਤਾਂ ਨਿਸ ਰਹੇ ਤਹਾ ਪਹਿਚਾਨੋ । ਦਯਾਸਿੰਧ ਗੁਰ ਚਰਿਤ ਮਹਾਨੋ ॥ 197 ॥
ਹੋਤ ਰਾਗ ਬਿਬ ਜਾਮ ਰਹਾਯੋ । ਬਹੁਰੋ ਮਨ ਨਿੰਦਰਾ ਮਹਿ ਲਾਯੋ ।
ਨਿਜ ਨਿਜ ਸੈਨ ਸਬਨ ਤਬ ਕੀਨੋ । ਬੈਠ ਪਲੰਘ ਗੁਰੂ ਆਨੰਦ ਲੀਨੋ ॥ 198 ॥
ਕਰ ਚਾਪੀ ਬਿਧੀਆ ਰਸ ਮਾਤਾ । ਬਯੰਜਨ ਕਰੈ ਤਾਹਿ ਤਬ ਰਾਤਾ ।
ਘਨੇ ਦਾਸ ਬੈਠੇ ਢਿਗ ਜਾਨ । ਗਾਵਤ ਨਾਰੀ ਸੁਨ ਪ੍ਰਭ ਕਾਨ ॥ 199 ॥
ਸ੍ਰੀ ਮੁਖ ਤੇ ਅਸ ਬੈਨ ਅਲਾਏ । ਗਾਵਤ ਮਾਰੂ ਨਾਰ ਮਹਾਏ ॥
ਰੋਵਤ ਕਿਧੋ ਖੋਜ ਨਿਜ ਸੀਸਾ । ਭਾਖ ਦਾਸ ਕਿਆ ਕਹੁ ਜਗਦੀਸਾ ॥ 200 ॥

ਦੋਹਰਾ

ਏਤੋ ਗਾਵਤ ਨਾਰ ਬਹੁ ਬਾਬੇ ਰਚਾ ਵਿਵਾਹੁ ।
ਬਾਜੇ ਬਜਤ ਅਨੰਦ ਸਿਉ ਸਭ ਮਨ ਬਧੈ [ਉਮਾਹ]² ॥

¹ਏ ਪੋਥੀ ਚੰਦ੍ਰਮਾ ²ਅ ਪੋਥੀ ਵਿਚੋਂ

ਚੌਪਈ

ਪ੍ਰਾਤ ਹੋਇ ਸਭ ਹੀ ਹੁਇ ਕਾਜਾ । ਇਕਠੋ ਜਾਨ ਸਭੈ ਮਹਾਰਾਜਾ ।
 ਸ੍ਰੀ ਗੁਰ ਮੁਖਤੇ ਮਾਰੂ ਬੈਨਾ । ਹੇ ਪ੍ਰਭ ਹਮ ਕੋ ਪਰਤ ਨਾ ਚੈਨਾ ॥ 202 ॥
 ਸ੍ਰੀ ਗੁਰੂਮੁਖ ਤੇ ਬੈਨ ਅਲਾਏ । ਮੋ ਕਉ ਰੋਵਤ ਨਾਰ ਲਖਾਏ ।
 ਤੀਨ ਬੇਰ ਐਸੇ ਹੀ ਕਹਾ । ਸਭੀ ਦਾਸ ਮਨ ਬਿਸਮੈ ਲਹਾ ॥ 203 ॥
 ਦਯਾਸਿੰਧ ਪੁਨ ਮੈਨ ਰਹਾਏ । ਬਿਨ ਨੀਂਦਰ ਦ੍ਰਿਗ ਨੀਰ ਉਪਾਏ ।
 ਭਯੋ ਪ੍ਰਾਤ ਨਿਸ ਜਬੈ ਬਿਤਾਈ । ਬਾਬੇ ਆਇਸੁ ਐਸ ਅਲਾਈ ॥ 204 ॥
 ਸੁਨੋ ਦਾਸ ਸਭ ਹੀ ਮੁਹੇ ਬੈਨਾ । ਆਇਸ ਮਾਤ ਜਾਨ ਸੁਖ ਐਨਾ ।
 ਲੀਜੈ ਰੋਕ ਸਮਗ੍ਰੀ ਲਿਆਵੇ । ਮੁਹ ਵਿਵਾਹ ਨਹਿ ਦੇਰ ਜਨਾਵੇ ॥ 205 ॥

ਦੋਹਰਾ

ਬਾਬੇ ਕੀ ਆਇਸ ਸੁਨੀ [ਲੀਨਾ]¹ ਦਰਬ ਅਪਾਰ ।
 ਜਹਿ ਤਹਿ ਧਾਏ ਦਾਸ ਬਹੁ ਮਾਨ ਮਹਿ ਆਨੰਦ ਧਾਰ ॥ 206 ॥
 ਭਾਂਤ ਭਾਂਤ ਕੀ ਮੌਲ ਲੈ ਸਕਲ ਸਮਗ੍ਰੀ ਮੇਲ ।
 ਜੇਤਕ ਚਾਹਿ ਵਿਵਾਹੁ ਕੀ ਭਾਵ ਮਨ ਸਬ ਖੇਲ ॥ 207 ॥

ਸਵੈਯਾ

ਗਾਵਤ ਨਾਰ ਮਿਲੀ ਸੁਖ ਸੁੰਦਰ ਬਾਜਤ ਬਾਜ ਬਡੀ ਛਬ ਹੋਈ ।
 ਪਾਵਤ ਦਾਨ ਅਨਾਥ ਘਨੇ ਜਨ ਆਨੰਦ ਕੈ ਦਹ ਜਾਵਤ ਜੋਈ ।
 ਜਾਮ ਗਯੋ ਅਹਿ ਦੋਇ ਤਬੈ ਸਿਖ ਹੇਤ ਸਿਕਾਰ ਗਹੇ ਸੁਖ ਪੋਈ ।
 ਕਾਲ ਮਹਾ ਕਰ ਆਇਸੁ ਪ੍ਰਫੁਟ ਧੋਨ ਕੀਓ ਬਪੁ ਜਾਨ ਨਾ ਕੋਈ ॥ 208 ॥

ਚੌਪਈ

ਮਿਰਗ ਜਾਨ ਸਿਖ ਤੁਪਕ ਚਲਾਈ । ਲਾਗ ਧੋਨ ਕੇ ਪ੍ਰਾਨ ਬਿਲਾਈ ।
 ਕੋਹੀਆ ਰੂਪ ਸਕਲ ਸੁਧਾਰਾ । ਤਿਸਟ ਤਿਸਟ ਮੁਖ ਬੈਨ ਉਚਾਰਾ ॥ 209 ॥
 ਤਤ ਛਿਨ ਸਕਲ ਸਿਖ ਗਹਿ ਲੀਨੇ । ਹਨੀ ਧੋਨ ਤੁਮ ਬਡ ਦੁਖ ਦੀਨੇ ।
 ਭਾਖ ਕੋਹੀਆ ਤੋਕਉ ਮਾਰੇ । ਧੋਨ ਸੰਗ ਨਹਿ ਪ੍ਰਾਨ ਉਬਾਰੇ ॥ 210 ॥
 ਜੋ ਤੁਮ ਰਾਖ ਪ੍ਰਾਨ ਕੀ ਚਾਹਾ । ਧੋਨ ਜਿਵਾਇ ਖੇਦ ਨਹਿ ਪਾਹਾ ।
 [ਭਾਖ]² ਸਿਖ ਹੁਇ ਮ੍ਰਿਤ ਨ ਜੀਵੈ । ਤਬ ਤੁਰਕਨ ਅਤਿ ਦੁਖ ਸੋ ਥੀਵੈ ॥ 211 ॥

ਦੋਹਰਾ

ਸਿਖਨ ਤਬੈ ਪ੍ਰਕਾਰਿਯੋ ਬਾਬਾ ਜੀ ਤੁਮ ਆਇ ।
 ਦੇਖੈ ਨੈਨ ਵਿਵਾਹੁ ਤੁਮ ਦੀਜੈ ਗਾਇ ਜਿਵਾਇ ॥ 212 ॥

¹ਅ ਪੋਥੀ ਵਿਚੋਂ ²ੲ ਪੋਥੀ ਵਿਚੋਂ

ਚੌਪਈ

ਅੰਤਰਜਾਮੀ ਬਾਬੇ ਸਭ ਜਾਨੀ । ਸੇਵਤ ਸੇਵਕ ਬਿਨੈ ਪਛਾਨੀ ।
 ਉਠੇ ਤੁਰਤ ਤਹਿ ਓਰ ਸਿਧਾਏ । ਚੜ੍ਹ ਹੈ ਤਤ ਖਿਨ ਦੇਰ ਤਜਾਏ ॥ 213 ॥
 ਜਾਇ ਸ੍ਰੀ ਮੁਖ ਐਸ ਅਲਾਯੋ । ਕਾਹਿਤ ਕੋਹੀਏ ਸ਼ੌਰ ਮਚਾਯੋ ।
 ਸਿਖਨ ਕਉ ਕਾਹਿਤ ਦੇ ਖੇਦਾ । ਕਹਾ ਤਾਂਹਿ ਮਮ ਚਰਿਤ ਬਲੇਦਾ ॥ 214 ॥
 ਇਹ ਠਾਂ ਧੋਨ ਚਰਤ ਥੀ ਆਈ । ਮਾਰ ਤੁਪਕ ਇਨ ਸਿਖਨ ਘਾਈ ।
 ਤਉ ਇਨ ਤਜੈ ਧੋਨ ਜੇ ਜੀਵੈ । ਤੈਸੇ ਚਰੇ ਆਬ ਤਸਾ ਪੀਵੈ ॥ 215 ॥
 ਭਾਖੇ ਬੈਨ ਐਸ ਤਿਨ ਜਬਹੀ । ਬਾਬਾ ਉਤਰਿਓ ਅਸਵ ਤੇ ਤਬ ਹੀ ।
 ਕਰ ਨਵਲਾਸ ਨੀਮ ਕੋ ਜਾਨੋ । ਲਾਇ ਧੋਨ ਸਿਉ ਬੈਨ^੨ ਬਖਾਨੋ ॥ 216 ॥

ਦੋਹਰਾ

ਉਠੋ ਮਾਤ ਨਿੰਦਾ ਤਜੋ ਸੇਵਕ ਕਰੋ ਸਹਾਇ ।
 ਭਗਤ ਸਿੰਘ ਤਤ ਛਿਨ ਉਠੀ ਸੁਨਤ ਬੈਨ ਇਮ^੩ ਗਾਇ ॥ 217 ॥

ਚੌਪਈ

ਚਰਿਤ ਘਾਤ ਕੋ ਤੈਸ ਦਿਖਾਈ । ਸਗਲ ਹੀਏ ਅਤਿ ਹਰਖ ਧਾਈ ।
 ਸਗਲ ਸਿੱਖ ਤਤ ਛਿਨ ਮੁਕਤਾਏ । ਕਰ ਬੰਦਨ ਸੁਰ ਆਨੰਦ ਪਾਏ ॥ 218 ॥
 ਬਾਬੇ ਕੀ ਉਸਤਤਿ ਸਬ ਕਰਹੈ । ਧੋਨ ਜਿਵਾਇ ਪਰਸਪਰ ਰਰਹੈ ।
 ਦਯਾਸਿੰਧ ਢਿਗ ਕਾਹਿ ਸੁਨਾਈ । ਬਾਬੇ ਮ੍ਰਿਤਕ ਧੋਨ ਜਿਵਾਈ ॥ 219 ॥
 ਹਰਿਗੋਵਿੰਦ ਐਸੇ ਸੁਨ ਬਾਨੀ । ਬਾਬੇ ਕੀ ਢਿਗ ਮ੍ਰਿਤ ਪਛਾਨੀ ।
 ਕਰ ਬਿਧੂਪ ਸਮ ਅਪਨੇ ਨੈਨਾ । ਨਰਅਨ ਹਰ ਸਭ ਹੀ ਸੁਖ ਐਨਾ ॥ 220 ॥
 ਡੇਢ ਜਾਮ ਦਿਨ ਤਬੈ ਰਹਾਯੋ । ਦਯਾਸਿੰਧ ਢਿਗ ਬਾਬਾ ਆਯੋ ।
 ਲੋ ਨਵਲਾਸੁ ਨੀਮ ਕੀ ਹਾਥਾ । ਪਦ ਪੰਕਜ^੪ ਪਰ ਨਾਯੋ ਮਾਥਾ ॥ 221 ॥

ਦੋਹਰਾ

ਪੁਨ ਸਨਮੁਖ ਠਾਂਢਾ ਭਯੋ ਸ੍ਰੀ ਗੁਰ ਬੈਨ ਉਚਾਰ ।
 ਮ੍ਰਿਤ ਜਿਵਾਈ ਧੋਨ ਤੁਮ ਬਲ ਨਹਿ ਸਕੇ ਸੰਭਾਰ ॥ 222 ॥

ਚੌਪਈ

ਕਰਾਮਾਤ ਤੁਮ ਦੇਣੇ ਲਾਗੇ । ਐਸੇ ਕਰ ਜਗ ਲਾਗੇ ਠਾਗੇ ।
 ਦੋਇ ਤੇਗ ਗਹਿ ਕ੍ਰਿਪਾ ਨਿਧਾਨ । ਨਾਂਹਿ ਸਮਾਵਹਿ ਏਕ ਮਿਆਨ ॥ 223 ॥
 ਕੈਂ ਹਮ ਤਜੈ ਕੈ ਤੁਮ ਤਜ ਪ੍ਰਾਨਾ । ਸੁਨੋ ਸੰਤ ਜਬ ਐਸ ਬਖਾਨਾ ।
 ਬਾਬਾ ਸੁਨ ਅਸ ਪ੍ਰਭ ਕੇ ਬੈਨਾਂ । ਭਗਤ ਸਿੰਘ ਮਨ ਪਾਯੋ ਚੈਨਾ ॥ 224 ॥

^੧ਅ ਪੋਥੀ ਤਿਮ, ^੨ਅ ਪੋਥੀ ਬਚਨ ^੩ਦ ਪੋਥੀ ਯਹਿ ^੪ਅ ਪੋਥੀ ਚਰਨਕਮਲ

ਕਰ ਪਰਕ੍ਰਮਾ ਬੰਧਨਾ ਧਾਰੀ । ਦੀਓ ਨ ਉਤਰ ਸਮੁਹਿ ਮੁਰਾਰੀ ।
ਜਿਹ ਠਾਂ ਬੁਢਣ ਕੇ ਰਚ ਥਾਨਾ । ਬਾਬੇ ਤਿਹੀਂ ਢਿਗ ਕੀਓ ਪਯਾਨਾ ॥ 225 ॥

ਬੁਢਨ ਕਬਰ ਨਿਕਟ ਤਬ ਜਾਇ । ਬਾਬੇ ਸੁੰਦਰ ਠੌਰ ਦਿਖਾਇ ।
ਨਵਲਾਸੁ ਨਮਿਕੀ ਤਹਾਂ ਗਡਾਈ । ਆਪਣੇ ਕਰ ਤਹਿੰ ਕੁਸਾ ਡਸਾਈ ॥ 226 ॥

ਦੋਹਰਾ

ਪਾਂਚ ਗੁਰੂ ਸੁਤ ਲੇਨ ਕਉ ਆਏ ਹਰਖ ਧਰਾਇ ।
ਕਰ ਉਸਤਤਿ ਐਸੇ ਕਹਾ ਅਬ ਨਿਜ ਧਾਮ ਸਿਧਾਇ ॥ 227 ॥

ਚੌਪਈ

ਤਬ ਲੋ ਰਹਾ ਜਾਮ ਦਿਨ ਜਾਨੋ । ਬਾਬੇ ਧਿਆਨ ਨਿਰੰਤਰ ਠਾਨੋ ।
ਕੀਓ ਸੈਨ ਨਿਜ ਦੇਹ ਤਜਾਇ । ਪਰਮ ਧਾਮ ਨਿਜ ਰੂਪ ਸਮਾਇ ॥ 228 ॥
ਜੈ ਜੈ ਕਾਰ ਕਰਹਿੰ ਸੁਰ ਸਾਰੇ । ਭਰ ਭਰ ਅੰਜਲ ਫੂਲਨ ਡਾਰੇ ।
ਦੇਖ ਉਤਸਵ ਸਕਲ ਸੁ ਹਰੇਂ । ਬ੍ਰਹਮਾ ਸਿਵ ਆਦਿਕ ਜਸ ਟਰੇਂ ॥ 229 ॥
ਸਭ ਸੁਰ ਕਰਹਿੰ ਕਰਓ ਵਿਸ਼੍ਵਾਮ¹ । ਬਾਬੇ ਕਹੈ ਜਾਉ ਨਿਜ ਧਾਮ ।
ਏ ਬਿਧ ਬਾਬਾ ਧਾਮ ਸਿਧਾਯੋ । ਗੁਰ ਨਾਨਕ ਕੇ ਰੂਪ ਸਮਾਯੋ ॥ 230 ॥
ਢੂੰਢਤ ਦਾਸ ਪਾਛ ਤੇ ਆਏ । ਦੇਖ ਮ੍ਰਿਤ ਬਾਬਾ ਬਹੁ ਬਿਸਮਾਏ ।
ਹਾਇ ਹਾਇ ਕਰ ਰੋਇ ਪੁਕਾਰੇ । ਬਾਬਾ ਜੀ ਤੁਮ ਕਾਹਿ ਪਧਾਰੇ² ॥ 231 ॥

ਦੋਹਰਾ

ਆਇ ਗੁਰ ਢਿਗ ਅਸ ਕਹਾ ਹੇ ਪ੍ਰਭੁ ਬਿਸਮੈ ਹੋਇ ।
ਬਾਬਾ ਜੀ ਅਬ ਹੀ ਗਏ ਪਰਾ ਮ੍ਰਿਤੁ ਤਨ ਜੋਇ ॥ 232 ॥

ਚੌਪਈ

ਘਟਿ ਘਟਿ ਜਾਨਨਹਾਰ ਦਯਾਲਾ । ਕਬਹੂੰ ਨਾ [ਖੋਭ]³ ਸਦਾ ਕ੍ਰਿਪਾਲਾ ।
ਇਮ ਦਾਸਨ ਕੇ ਬੈਨ ਸੁਨਾਇ । ਚਲੇ ਤੁਰਤ ਮਨ ਮੋਹ ਉਪਾਇ ॥ 233 ॥
ਬਿਧੀਏ ਆਦਿਕ ਲੈ ਨਿਜ ਸਾਥ । ਚਲੇ ਤਹਾਂ ਕਉ ਦੀਨਾ ਨਾਥ ।
ਏਕ ਦਾਸ ਕਉ ਸਦਨ ਪਠਾਯੋ । ਦੋਇ ਮਾਤ ਕਉ ਜਾਇ ਸੁਨਾਯੋ ॥ 234 ॥
ਸੁਨਤ ਬਾਤ ਸਭ ਹੀ ਰੁਦਨਾਏ । ਮਾਤ ਭ੍ਰਾਤ ਸੁਨ ਤਿਹੀਂ ਠਾਂ ਆਏ ।
ਬਾਬੇ ਕਾ ਤਨ ਮ੍ਰਿਤ ਦਿਖਾਇ । ਧੀਰਜ ਮੇਟ ਸਭੀ ਰੁਦਨਾਇ ॥ 235 ॥
ਬਿਧੀ ਚੰਦ ਗੁਰ ਬੈਨ ਚਿਤਾਰੇ । ਭਏ ਸਾਚ ਹਮ ਨੈਨ ਨਿਹਾਰੇ ।
ਜੇ ਗਾਵਤ ਅਬਲਾ ਰਸ ਮਾਤੀ । ਸੌ ਰੋਵਤ ਅਪਨੀ ਹਨ⁴ ਛਾਤੀ ॥ 236 ॥

¹ਅ ਪੋਥੀ ਆਰਾਮ ²ੲ ਪੋਥੀ ਸਿਧਾਰੇ ³ੲ ਪੋਥੀ ਵਿਚੋਂ ⁴ੲ ਪੋਥੀ ਪਿਟ

ਦੋਹਰਾ

ਸਭ ਕਉ ਧੀਰਜ ਦੇ ਪ੍ਰਭੂ ਚੰਦਨ ਅਧਿਕ ਮੰਗਾਇ ।
ਕ੍ਰਿਤ ਕਰਾਈ ਰਾਇ ਹਰਿ ਤਿਹਿ ਠਾਂ ਚਿਖਾ ਬਨਾਇ ॥ 237 ॥

ਚੌਪਈ

ਬਾਬੇ ਦੇਹ ਚਿਖਾ ਪਰ ਰਾਖੀ । ਦੇ ਲਾਬੂ ਕਰ ਸੂਰਜ ਸਾਖੀ ।
ਬਾਬਕ ਮਾਰੂ ਸ਼ਬਦ ਉਚਾਰੇ । ਕੋਤਕ ਭਯੋ ਏਕ ਤਹਿ ਵਾਰੇ ॥ 238 ॥
ਬਾਬੇ ਜੋ ਨਵਲਾਸ ਬਡਾਈ । ਹਰੀ ਹੋਇ ਤਿਹ ਪਾਤ ਦਿਖਾਈ ।
ਦੇਖ ਸ੍ਰੀ ਮੁਖ ਬੈਨ ਅਲਾਯੋ । ਜੋ ਚਹਿ ਬਾਬੇ ਦਰਸਨ ਪਾਯੋ ॥ 239 ॥
ਦਰਸਨ ਕਰੇ ਨੀਮੰ ਏ ਜੋਈ । ਪਾਵੇ ਸੋ ਧਰ ਇਛਾ ਸੋਈ ।
ਬਿਧੀ ਚੰਦ ਕਉ ਬਹੁਰ ਸੁਨਾਇ । ਜਾਇ ਧਾਮ ਤੁਮ ਦੇਰ ਮਿਟਾਇ ॥ 240 ॥

ਦੋਹਰਾ

ਬਚਨ ਮਾਨ ਬਿਧੀਆ ਗਯੋ ਘਨੋ ਕੜਾਹ ਕਰਾਇ ।
ਕਛੂ ਦੇਰ ਲਾਗੀ ਨਹੀਂ ਦਯਾਸਿੰਧ ਨਿਕਟਾਇ ॥ 241 ॥

ਚੌਪਈ

ਸ੍ਰੀ ਗੁਰ ਲਾਯੋ ਅਧਿਕ ਦੀਵਾਨ । ਮਾਰੂ ਚੌਕੀ ਸੁਨਹਿ ਨਿਧਾਨ ।
ਮਧ ਕੜਾਹ^੧ ਉਚ ਬਾਂ ਰਾਖਾ । ਹੋਵਤ ਜੋ ਗੁਰੁ ਕੀ ਅਭਿਲਾਖਾ ॥ 242 ॥
ਕਪਾਲ ਕ੍ਰਿਯਾ ਕੀਨੀ ਹਰਿ ਰਾਇ । ਕਰ ਮਜਨ ਗੁਰ ਕੇ ਢਿਗ ਆਇ ।
ਗੁਰ ਨਾਨਕ ਜੇ ਰੀਤਿ ਠਹਿਰਾਈ । ਪਠ ਸੋਹਿਲਾ ਤਬ ਬਿਧੀਏ ਭਾਈ ॥ 243 ॥
ਕਰ ਅਰਦਾਸ ਕੜਾਹ ਵਰਤਾਯੋ । ਬਹੁਰ ਸ੍ਰੀ [ਗੁਰੂ]^੨ ਮੁਖ ਬੈਨ ਅਲਾਯੋ ।
ਆਂਧੀ ਬਰਖਾ ਹੋਇ ਅਨੰਤ । ਇਹੁ ਠਾਂ ਆਇ ਕੜਾਹ ਬਯੰਤ ॥ 244 ॥
ਐਸੇ ਕਹ ਗ੍ਰਿਹ ਓਰ ਪਧਾਰੇ । ਕਰ ਪ੍ਰਚਾਵਣੀ ਲੋਕ ਸਿਧਾਰੇ ।
ਸੋਰਹ ਸੈ ਸਮੰਤ ਪਰਕਾਸ਼ਾ । ਔਰ ਬਾਨਵੇ ਅਸੂ ਮਾਸਾ ॥ 245 ॥

ਦੋਹਰਾ

ਗਏ ਸਪਤ ਦਿਨ ਮਾਸ ਕੇ ਅਸੂ ਸਦੀ ਪਛਾਨ ।
ਜੋਤੀ ਜੋਤ ਸਮਾਇ ਤਬ ਬਾਬਾ ਜੀ ਸੁਖ ਮਾਨ ॥ 246 ॥
ਸ੍ਰੀ ਗੁਰ ਦਾਸ ਬੁਲਾਇ ਕੈ ਐਸੇ ਕਹਾ ਸੁਨਾਇ ।
ਧੀਰ ਮਲ ਢਿਗ ਜਾਇ ਤੁਮ ਤਤ ਛਿਨ ਦੇਰ ਨਾ ਲਾਇ । 247 ॥
ਰੈਨ ਦਿਨਾ ਚਲ ਪੰਥ ਮਹਿ ਜਾਵਓ ਪੁਰ ਕਰਤਾਰ ।
ਧੀਰ ਮਲ ਜੁਤ ਮਾਤ ਕੇ ਪੁਨ ਗੁਰ ਗ੍ਰਿਥ ਸੁਧਾਰ ॥ 248 ॥

^੧ਅ ਪੋਥੀ ਪ੍ਰਸਾਦ ^੨ਅ ਪੋਥੀ ਵਿਚੋਂ

ਚੌਪਈ

ਬਾਬੇ ਮ੍ਰਿਤ ਤਾਂਹਿ [ਦਸ]¹ ਦੀਜੈ । ਇਹ ਠਾਂ ਆਇ ਸ਼ੋਕ ਮਤ ਕੀਜੈ ।
 ਦੋਇ ਘਰੀ ਦਿਨ ਜਬੈ ਰਹਾਯੋ । ਕਰ ਬੰਧਨ ਸੋ ਦਾਸ ਸਿਧਾਯੋ ॥ 249 ॥
 ਸਗਰੀ ਨਿਸ ਅਹਿ ਪੁੰਨ ਨਿਸ ਚਾਲਾ । ਪਹੁੰਚਿਓ ਪੁਰ ਕਰਤਾਰ ਬਿਹਾਲਾ ।
 ਧੀਰ ਮਲ ਕਉ ਬੰਦਨ ਧਾਰੀ । ਭਾਖੈ ਕਹਿ ਤੁਮ ਬੈਨ² ਮੁਰਾਰੀ ॥ 250 ॥
 ਬਾਬਾ ਜੀ ਨਿਜ ਰੂਪ ਸਮਾਨੋ । ਤੋ ਕਉ ਸ੍ਰੀ ਗੁਰ ਐਸ ਬਖਾਨੋ ।
 ਨਿਜ ਮਾਤਾ ਜੁਤ ਇਹੁ ਠਾਂ ਆਵਓ । ਸ੍ਰੀ ਗੁਰੁ ਗ੍ਰਿਥ ਪਾਠ ਹਿਤ ਲਯਾਵਓ ॥ 251 ॥
 ਧੀਰ ਮਲ ਕਹਿ ਮੋਹ ਨ ਕਾਜਾ । ਤਜੈ ਧਾਮ ਲਾਗਤ ਮਮ ਲਾਜਾ ।
 ਸ੍ਰੀ ਗੁਰ ਗ੍ਰਿਥ ਕਹਾ ਨਹਿ ਦੇਵੁ । ਏਹੁ ਬਲ ਹਉ ਗੁਰਿਆਈ ਲੇਵੁ ॥ 252 ॥

ਦੋਹਰਾ

ਕਹਾ ਦਾਸ ਧਨ ਧਾਮ ਜੋ ਅੰਤ ਨਾ ਚਾਲਤ ਸਾਥ ।
 ਪ੍ਰਭ ਕੇ ਨਿਕਟ ਨਾ ਜਾਤ ਤੁਮ ਜੋ ਗੁਰ ਦੀਨਾ ਨਾਥ ॥ 253 ॥

ਚੌਪਈ

ਧੀਰ ਮਲ ਪੁਨ ਐਸ ਉਚਾਰੇ । ਦੀਨਾ ਨਾਥ ਝੂਠ ਬਚ ਸਾਰੇ ।
 ਗਯੋ ਭਾਗ ਧਨ ਧਾਮ ਤਜਾਇ । ਬਾਦਸ਼ਾਹ ਕਉ ਭੈ ਉਪਜਾਇ ॥ 254 ॥
 ਮੋਰੀ ਸੁਲਾ ਸ਼ਾਹ ਕੇ ਸੰਗਾ । ਜੇ ਹਉ ਜਾਉਂ ਹੋਇ ਪੁਨ ਜੰਗਾ ।
 ਹੁਏ [ਹਹਿ]³ ਸਭ ਧਨ ਧਾਮ ਹਮਾਰੇ । ਤਾਂਤੇ ਜਾਉਂ ਨਾ ਗੁਰ ਨਿਕਟਾਰੇ⁴ ॥ 255 ॥
 ਪੁਨਾ ਦਾਸ ਅਨੰਤੀ ਢਿਗ ਗਯੋ । ਸਭ ਪ੍ਰਸੰਗ ਤਿਹੰ ਭਾਖਤ ਭਯੋ ।
 ਪਤਿ ਕੀ ਮ੍ਰਿਤ ਸੁਨਤ ਬਿਸਮਾਈ । ਤਤ ਛਿਨ ਧੀਰ ਮਲ ਪਹਿ ਆਈ ॥ 256 ॥
 ਹੇ ਸੁਤ ਤੋ ਪਿਤ ਸੁਰਗ ਸਿਧਾਯੋ । ਤੁਝ ਲੇਵਨ ਹਿਤ ਦਾਸ ਪਠਾਯੋ ।
 ਚਲੋ ਪਿਤਾ ਕੀ ਕ੍ਰਿਤ ਸੁਵਾਰੋ । ਤੁਮ ਸੁਤ ਸ੍ਰੇਸ਼ਟ ਦੇਰ ਨਾ ਧਾਰੋ ॥ 257 ॥

ਦੋਹਰਾ

ਧੀਰ ਮਲ ਕਹਿ ਮਾਤ ਕਉ ਹਮਰੋ ਸਾਕ ਨਾ ਕੋਇ ।
 ਚਲਓ ਨਾ ਸਦਨ ਤਿਆਗ ਕੈ ਜਾਹੁ ਇਛ ਤੁਮ ਹੋਇ ॥ 258 ॥

ਚੌਪਈ

ਸੁਨ ਕੇ ਬੈਨ ਅਨੰਤੀ ਬਿਸਮਾਈ । ਦਾਸ ਸੰਗ ਚੜ ਕੈ ਰਥ ਧਾਈ ।
 ਰੈਨ ਦਿਨਾ ਚਲ ਪਹੁੰਚੇ ਤਹਾਂ । ਕੀਰਤ ਪੁਰ ਬੇ ਸ੍ਰੀ ਗੁਰ ਜਹਾਂ ॥ 259 ॥
 ਰੁਦਨ ਕਰਤ ਅਨੰਤੀ ਗ੍ਰਿਹ ਜਾਈ । ਦੋਉ ਸਾਸ ਕਉ ਤਬੈ ਮਿਲਾਈ ।
 ਸ੍ਰੀ ਗੁਰ ਲੀਏ ਰਾਇ ਹਰਿ ਸੰਗਾ । ਬਾਬੇ ਕੇ ਚੁਨ ਪੁਸ਼ਪ ਉਮੰਗਾ ॥ 260 ॥

¹ਅ ਪੋਥੀ ਵਿਚੋਂ ²੬ ਪੋਥੀ ਬਚਨ ³ਅ ਤੋ ਦ ਪੋਥੀ ਵਿਚੋਂ ⁴ਅ ਪੋਥੀ ਦਰਬਾਰੇ

ਜਾਇ ਦਾਸ ਤਬ ਬੰਦਨ ਧਾਰੀ । ਧੀਰ ਮਲ ਨਹਿ ਅਯੋ ਮੁਰਾਰੀ ।
 ਸ੍ਰੀ ਗੁਰ ਗ੍ਰੰਥ ਨ ਦੀਨਾ ਮਾਨੀ । ਕਠਿਨ ਬੈਨ ਕਹਿ ਘਨੇ ਗੁਮਾਨੀ ॥ 261 ॥
 ਹੇ ਪ੍ਰਭ ਅਨੰਤੀ ਏਹ ਠਾਂ ਆਈ । ਕਹਾ ਗੁਰੂ ਵਹੁ ਕਪਟੀ ਭਾਈ ।
 ਦਯਾਸਿੰਧ ਪੁਨ ਦਾਸ ਬੁਲਾਏ । ਐਸ ਕਹਿ ਸਭ ਹੀ ਸਮਝਾਏ ॥ 262 ॥
 ਸਾਹਿਬ ਭਾਨੇ ਢਿਗ ਤੁਮ ਜਾਇ । ਕਰ ਬੰਦਨ ਹਮਰੈ ਢਿਗ ਲਿਆਇ ।
 ਨਮਸਕਾਰ ਕਰ ਦਾਸ ਸਿਧਾਏ । ਕਛ ਦਿਨ ਭੀਤਰ ਤਹਿ ਪਹੁੰਚਾਏ ।
 ਪਿਖ ਰਾਮਦਾਸ ਪੁਰੀ ਸੁਖਦਾਈ । ਜਹਿ ਪੇਖਤ ਸੁਰ ਸਦਨ ਲਜਾਈ ॥ 263 ॥
 ਤਤ ਛਿਨ ਕੀਨੋ ਪੁਰ ਪਰਵੇਸ਼ਾ । ਜਾਇ ਅੰਜੁਲੀ ਕੈ ਆਦੇਸ਼ਾ ।
 ਬਾਬੇ ਜੀ ਕੀ ਮ੍ਰਿਤ ਸੁਨਾਈ । ਗੁਰ ਆਇਸ ਸਭ ਹੀ ਸਮਝਾਈ ॥ 264 ॥
 [ਸੁਨ]¹ ਭਾਨੇ ਮਨ ਭਯੋ ਬਿਰਾਗਾ । ਬਿਹਬਲ ਭਯੋ ਪ੍ਰੇਮ ਰਸ ਪਾਗਾ ।
 ਬਾਬੇ ਕਾ ਮਨ ਭਯੋ ਬਿਛੋਹਾ । ਦੇਹ ਦਰਸ ਦੁਰਲਭ ਜਗ ਸੋਹਾ ॥ 265 ॥
 ਨਿਕਟ ਵਟਾਲੇ ਸਬ ਚਲ ਆਏ । ਰਾਮੇ ਸਦਨ ਸੰਦੇਸ ਪੁਜਾਏ ।
 ਰਾਮਾ ਸੁਨਤ ਅਧਿਕ ਬਿਸਮਾਯੋ । ਨਾਰੀ ਜੁਤ ਵਹੁ ਸੰਗ ਸਿਧਾਯੋ ॥ 266 ॥
 ਭਗਤ ਸਿੰਘ ਭਾਗਣ ਪੁਨ ਦਵਾਰਾ । ਤਜੇ ਪ੍ਰਾਣ ਗੁਰ ਧਾਮ ਸਿਧਾਰਾ ।
 ਹਰੀ ਚੰਦ ਭੀ ਪ੍ਰਾਣ ਤਜਾਏ । ਭਯੋ ਵਰਖ ਗੁਰ ਪੁਰੀ ਸਿਧਾਏ ॥ 267 ॥
 ਸਾਹਿਬ ਭਾਨਾ ਪੰਥ ਸਿਧਾਵੈ । ਚਰਚਾ ਰਾਮੇ ਸੰਗ ਕਰਾਵੈ ।
 ਚਲਤ ਚਾਲ ਮਨ ਆਨੰਦ ਪਾਯੋ । ਹੀਰਤਪੁਰ ਸਭ ਨਗਰ ਦਿਖਾਯੋ ॥ 268 ॥
 ਕਰ ਬਿਨਤੀ ਕੀਨੋ ਪਰਵੇਸ਼ਾ । ਦੇਖ ਸੁਰਪੁਰੀ ਲਾਜ ਸੁਰੇਸ਼ਾ ।
 ਆਗੇ ਲਾਗੇ ਅਧਿਕ ਦੀਵਾਨ । ਚੌਕੀ ਸਬਦ ਹੋਤ ਬਹੁ ਜਾਨ ॥ 269 ॥

ਦੋਹਰਾ

ਦਯਾਸਿੰਧ ਦੁਇ ਰੂਪ ਪਿਖ ਸਾਹਿਬ ਭਾਨਾ ਆਇ ।
 ਸੁਤ ਰਾਮਾ ਪੁਨ ਸਾਥ ਹੈ ਉਠੇ ਲੈਨ ਕੋ ਜਾਇ ॥ 270 ॥

ਚੌਪਈ

ਪਰਸਪਰ ਚਰਨ ਬੰਦਨਾ ਕੀਨੋ । ਕੁਸਲ ਪ੍ਰਸੰਨ ਲਹਿ ਆਨੰਦ ਲੀਨੋ ।
 ਭਾਨੇ ਕੀ ਪ੍ਰਭ ਭੁਜਾ ਗਹਾਈ । ਮਧ ਦੀਵਾਨ ਬੈਠੇ ਗੁਰ ਆਈ ॥ 271 ॥

ਦੋਹਰਾ

ਬਾਬੇ ਕੀਨੋ ਚਰਿਤ ਜੋ ਸਤਿਗੁਰ ਦੀਓ ਸੁਨਾਇ ।
 ਸਾਹਿਬ ਭਾਨਾ ਸੁਨਤ ਹੀ ਰਾਮਾ ਮਨ ਬਿਸਮਾਇ ॥ 272 ॥

ਚੌਪਈ

ਬਾਬੇ ਸਾਥ ਆਇ ਗ੍ਰਿਹ ਮਾਈ । ਮਿਲੀ ਮਾਤ ਸਿਉ ਬਹੁ ਬਿਲਲਾਹੀ² ।
 ਮਾਤ ਮਰਵਾਹੀ ਧੀਰ ਧਰਾਵੈ । ਮਿਲ ਵਿਛਰਨ³ ਜਗ ਬਾਤ ਸੁਨਾਵੈ ॥ 273 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਕਲਪਾਈ ³ਅ ਤੇ ਏ ਪੋਥੀ ਸੰਜੋਗ

ਤ੍ਰਿਯੋਦਸ ਦਿਨ ਤਾਂਹੀ ਦਿਨ ਜਾਨੋ । ਭਯੋ ਸਮਾਜ ਇਕਨੁ ਬਹੁ ਮਾਨੋ ।
 ਰੂਪ ਚੰਦ ਗੁਰ ਕੈ ਢਿਗ ਆਯੋ । ਸਾਧੂ ਗੁਰ ਕੇ ਧਾਮ ਸਿਧਾਯੋ ॥ 274 ॥
 ਰਾਇ ਜੋਧ ਤਾਂਕੇ ਸੰਗ ਆਇ । ਬਾਬੇ ਮ੍ਰਿਤ ਸੁਨਤ ਬਿਸਮਾਇ ।
 ਦਯਾਸਿੰਧ ਦੀਨੀ ਬਹੁ ਧੀਰਾ । ਸਤਿ ਰੂਪ ਪਿਖ ਮ੍ਰਿਖਾ¹ ਸਰੀਰਾ ॥ 275 ॥
 ਜਾਨ ਸਮਾਜ ਸਭੀ ਇਕਠਾਇ । ਆਇਸ ਸ੍ਰੀ ਗੁਰ ਕਰੀ ਤਦਾਇ ।
 ਭੋਗ ਸੈਂਚੀਆਂ ਬਿਧੀਏ ਪਾਯੋ । ਸਭ ਸਮਾਜ ਨਿਜ ਸੀਸ ਝੁਕਾਯੋ ॥ 276 ॥

ਦੋਹਰਾ

ਸੁੰਦਰ ਪਰਮਾਨੰਦ ਜੀ ਤਬ ਲੇ ਪਹੁੰਚੇ ਆਇ ।
 ਧਰਮਾ ਜੁਤ ਪਰਿਵਾਰ ਕੇ ਬੀਬੀ ਸਾਥ ਸੁਹਾਇ ॥ 277 ॥

ਚੌਪਈ

ਦੇ ਆਦਰ ਗੁਰ ਸਭੈ ਬਠਾਏ । ਕੁਸ਼ਲ ਪ੍ਰਸੰਨ ਕਹਿ ਧੀਰ ਧਰਾਏ ।
 ਬੀਬੀ ਰੋਵਤ ਸਦਨ ਸਿਧਾਈ । ਗਏ ਭ੍ਰਾਤ ਕਹਿ ਕੋਹਿ ਤਜਾਈ ॥ 278 ॥
 ਮਿਲ ਮਾਤਾ ਤਹਿ ਧੀਰ ਧਰਾਯੋ । ਤਬ ਐਸੇ ਗੁਰ ਬੈਠ² ਅਲਾਯੋ ।
 ਧੀਰ ਮਲ ਕਰ ਕਪਟਨ ਚੀਨੋ । ਗੁਰੂ ਗ੍ਰੰਥ ਨਹਿ ਦੈ ਰਿਸ ਕੀਨੋ ॥ 279 ॥
 ਸਾਹਿਬ ਭਾਨੇ ਪੁਨਾ ਅਲਾਯੋ । ਹੇ ਪ੍ਰਭ ਧੀਰ ਮਲ ਨਹ ਆਯੋ ।
 ਤਾਂ ਤੇ ਲਾਇਕ ਅਬ ਹਰਿ ਰਾਇ । ਦੀਜੈ ਤਾਂ ਕਉ ਪਾਗ ਬੰਧਾਇ ॥ 280 ॥

ਦੋਹਰਾ

ਦਯਾਸਿੰਧ³ ਸ੍ਰੀ ਮੁਖ ਕਹਾ ਦੀਜੈ ਦੇਰ ਨਾ ਲਾਇ ।
 ਦਈ ਪਾਗ ਹਰਿ ਰਾਇ ਕੋ ਲਾਇਕ ਬੂਝ ਸਮਾਇ ॥ 281 ॥

ਚੌਪਈ

ਸਭ ਨੇ ਪਾਗ ਦਈ ਪੁਨ ਜਾਨੋ । ਲਗੇ ਅੰਬਾਰ ਹਰਖ ਬਹੁ ਮਾਨੋ ।
 ਕੀਰਤਨ ਭਯੋ ਵਾਰ ਨਹਿ ਪਾਰਾ । ਹਰੀ ਰਾਇ ਬਡ ਆਨੰਦ ਧਾਰਾ ॥ 282 ॥
 ਨਿਤ ਨੂਤਨ ਸੁਖ ਭਾਰੀ ਹੋਵੈ । ਬਲਿ ਬਲਿ ਜਾਇ ਨੈਨ ਜੋ ਜੋਵੈ ।
 ਸਤੁਦ੍ਰਵ ਨਦੀ ਨੀਰ ਚਲ ਐਸੇ । ਕਾਂਸੀ ਤੀਰ ਜਾਨਵੀ ਜੈਸੇ ॥ 283 ॥
 ਕਰ ਮਜਨ ਹਰਿ ਪਾਪ ਅਨੇਕਾ । ਦਰਸ ਪ੍ਰਭੂ ਪੁਨ ਧਾਰ ਬਬੇਕਾ ।
 ਐਸ ਠੌਰ ਤਜ ਚਲਾ ਨਾ ਜਾਵੈ । ਸਭ ਕਾ ਮਨ ਤਿਹ ਠਾਂ ਲਲਚਾਵੈ ॥ 284 ॥
 ਸੁੰਦਰ ਕੋ ਪ੍ਰਭ ਐਸ ਅਲਾਯੋ । ਦਾਤੁ ਸੁਤ ਨਹਿ ਇਹ ਠਾਂ ਆਯੋ ।
 ਸੁੰਦਰ ਕਹਾ ਸਭੈ ਤੁਮ ਜਾਨੋ । ਧੀਰ ਮਲ ਸਾਖਾ ਅਨੁਮਾਨੋ ॥ 285 ॥

¹ਏ ਪੋਥੀ ਸਿਖਿਆ ²ਅ ਪੋਥੀ ਬਚਨ ³ਅ ਤੇ ਏ ਪੋਥੀ ਕ੍ਰਿਪਾ ਨਿਧ

ਦੋਹਰਾ

ਭਏ ਮਿਤ੍ਰਤਾ ਤਾਂਹਿ ਸੋ ਤਾਂਤੇ ਅਯੋ ਨ ਸੋਇ ।
ਭਗਤ ਸਿੰਘ ਇਹ ਭਾਂਤ ਕੀ ਚਰਚਾ ਅਨਗਨ¹ ਹੋਇ ॥ 286 ॥

ਚੌਪਈ

ਸੁਨੋ ਸੰਤ ਜੇਤਕ ਥੇ ਆਏ । ਦਯਾਸਿੰਧ ਕੇ ਨਿਕਟਿ ਰਹਾਏ ।
ਏ ਬਿਧ ਅਸੂ ਮਾਸ ਬਿਤਾਯੋ । ਨਿਜ ਗ੍ਰਿਹ ਜਾਵਨ ਕਾਹਿ ਨ ਭਾਯੋ ॥ 287 ॥
ਤਬ ਗੁਰ ਖੇਲਹਿ ਕੇਹਰ² ਸ਼ਿਕਾਰਾ । ਵਿਚਰ ਕੰਦਰਾ ਮਾਹਿ ਮੁਰਾਰਾ ।
ਕਬ ਚਰਚਾ ਕਰ ਲਾਇ ਦੀਵਾਨ । ਸੁਨਤ ਸਬਦ ਪ੍ਰਭ ਕ੍ਰਿਪਾ ਨਿਧਾਨ ॥ 288 ॥
ਕਰਹਿ ਚਰਿਤ ਸੁਖਸਿੰਧ ਅਪਾਰਾ । ਸੁਨੋ ਸੰਤ ਜਿੰਹ ਨਾਮ ਮੁਰਾਰਾ ।
ਦੀਪਮਾਲ ਕਾ ਮੇਲਾ ਆਯੋ । ਸੰਗਤ ਆਇ ਘਨੀ ਸੁਖ ਪਾਯੋ ॥ 289 ॥
ਮੇਲਾ ਭਯੋ ਜਾਂਹਿ ਨਹੀਂ ਅੰਤਾ । ਚੜੀ ਭੇਟ ਬਹੁ ਭਾਂਤ ਅਨੰਤਾ ।
ਦੀਪਮਾਲ ਬਹੁ ਭਾਂਤ ਜਗਾਈ । ਮਨਹੁ ਨਖਤ੍ਰ ਨਭ ਭੂਮਿ ਸੁਹਾਈ ॥ 290 ॥

ਦੋਹਰਾ

ਮਨ ਬਾਂਛਤ ਫਲ ਪਾਇ ਕੈ ਸੰਗਤ ਗੀ³ ਨਿਜ ਧਾਮ ।
ਸਾਹਿਬ ਭਾਨੇ ਆਦਿ ਸਭ ਗੁਰ ਢਿਗ ਰਹੇ ਅਕਾਮ ॥ 291 ॥

ਚੌਪਈ

ਮਨਹੁ ਪ੍ਰੇਮ ਗੁਰ ਭਯੋ ਜੰਜੀਰਾ । ਰਾਖ ਬਾਂਧ ਵਹੁ ਸਕਲ ਸਰੀਰਾ ।
ਜੇਤਕ ਆਏ ਬੁਲਾਵਨ ਹੇਤੂ । ਬਹੁਰ ਨ ਗਏ ਹਟੈ ਨਿਜ ਕੇਤੂ ॥ 292 ॥
ਰਾਇ ਜੋਧ ਰੂਪੇ ਕੇ ਸਾਥ । ਚਰਚਾ ਕਰ ਬਹੁ ਦੀਨਾ ਨਾਥ ।
ਰਾਮਾ ਧਰਮਾ ਦੋਊ ਸੁਜਾਨ । ਤਾਂ ਸੰਗ ਚਰਚਾ ਕਰਹਿ ਨਿਧਾਨ ॥ 293 ॥
ਸੁੰਦਰ ਪਰਮਾਨੰਦ ਗਿਆਨੀ । ਬੋਲਤ ਸਦਾ ਪ੍ਰੇਮ ਰਮ ਬਾਨੀ ।
ਇਨ ਕੋਤਕ ਚਰਚਾ ਜੋ ਗਾਉਂ । ਗ੍ਰਿਥ ਬਢੇਨ ਤੇ ਅਧਿਕ ਡਰਾਉਂ ॥ 294 ॥
ਗੁਰ ਢਿਗ ਰਹੇ ਮਾਸ ਖਟ ਬੀਤੇ । ਕਹੋ ਚਰਿਤ ਕਰ ਆਨੰਤ ਪੀਤੇ ।
ਮੇਲਾ ਤਾਹਿ ਵਿਸਾਖੀ ਹੋਯੋ । ਸੰਗਤ ਘਨੀ ਅਧਿਕ ਸੁਖ ਪੋਯੋ ॥ 295 ॥

ਦੋਹਰਾ

ਲੰਗਰ ਭੋਜਨ ਭਾਂਤ ਬਹੁ ਖਟ ਰਸ ਸਵਾਦ ਅਪਾਰ ।
ਜੋ ਜਸ ਚਾਹੈ ਪਾਇ ਤਸ ਕਮੀ ਨਾ ਗੁਰ ਕੇ ਦਵਾਰ⁴ ॥ 296 ॥

ਚੌਪਈ

ਸਦਾ ਭੀਰ⁵ ਗੁਰ ਦੁਆਰ ਰਹਾਵੈ । ਇਕ ਸੰਗਤਿ ਆਵੈ ਇਕ ਜਾਵੈ ।
ਦਿਖ ਭਾਨਾ ਮਨ ਆਨੰਦ ਕਰਹੈ । ਬਲਿ ਬਲਿ ਜਾਇ ਅਧਿਕ ਸੁਖ ਧਰਹੈ ॥ 297 ॥

¹ਏ ਪੋਥੀ ਬਹੁਬਿਧੀ ²ਏ ਪੋਥੀ ਸਿੰਘ ³ਅ ਪੋਥੀ ਗਈ ⁴ਅ ਪੋਥੀ ਦਰਬਾਰ ⁵ਏ ਪੋਥੀ ਦਾਸ

ਵਿਸਾਖ ਬੀਤ ਪੁਨ ਜੇਠ ਬਿਤਾਯੋ । ਅਯੋ ਹਾੜ ਕੌਤਕ ਮਨ ਭਾਯੋ ।
 ਰਹੀ ਜਾਮ ਨਿਜ ਕੀਓ ਪਿਆਨਾ । ਮਾਤ ਮਰਵਾਹੀ ਲਾਇ ਧਿਆਨਾ ॥ 298 ॥
 ਮਾਤ ਦਮੋਦੀ ਜੁਤ ਤਤ ਮਾਤਾ । ਦੀਓ ਦਰਸ ਐਸੀ ਕਹਿ ਬਾਤਾ ।
 ਧਰਾ ਭੂਮਿ ਪਿਆਰੀ ਅਵਤਾਰਾ । ਧਰਨੀ ਸੁਤ ਪੁਰ ਭਾਰ ਨਿਵਾਰਾ ॥ 299 ॥
 ਪਰਮ ਧਾਮ ਅਬ ਅਪਨ ਸਿਧਾਵੋ । ਅਮਰ ਅਚਲ ਨਿਜ ਆਸਨ ਪਾਵੋ ।
 ਮਾਤ ਮਰਵਾਹੀ ਬੰਦਨ ਧਾਰੀ । ਕੀਨ ਦਰਸ ਨਿਜ ਕਰੀ ਤਿਆਰੀ ॥ 300 ॥

ਦੋਹਰਾ

ਕੀਓ ਯਾਦ ਸ੍ਰੀ ਗੁਰੂ ਕੋ ਤਤ ਛਿਨ ਅਏ ਦਿਆਲ ।
 ਕਰ ਮਾਤਾ ਪਗ ਬੰਦਨਾ ਭਾਖੈ ਬੈਨਾ ਰਸਾਲ ॥ 301 ॥

ਚੌਪਈ

ਹੇ ਪ੍ਰਭ ਸਕਲ ਮਾਤ ਥੀ ਆਈ । ਤਜੋ ਦੇਹ ਅਸ ਬਾਤ ਅਲਾਈ ।
 ਪ੍ਰਾਨ ਅੰਤ ਮੋਰਾ ਅਬ ਆਯੋ । ਦੁਰਲਭ ਤੁਮਰਾ ਦਰਸਨ ਪਾਯੋ ॥ 302 ॥
 ਅਬ ਆਇਸ^੧ ਪ੍ਰਭ ਚਾਹੁੰ ਤੁਮਾਰੀ । ਹੇ ਪ੍ਰਭ ਦੀਨਾ ਨਾਥ ਮੁਰਾਰੀ ।
 ਅਸ ਕਹ ਪਦ ਪੰਕਜ ਲਪਟਾਈ । ਦਯਾਸਿੰਧ ਅਸ ਬਾਤ ਅਲਾਈ ॥ 303 ॥
 ਪਿਆਰੀ ਤੁਮ ਨਿਜ ਰੂਪ ਪਧਾਰੋ । ਇਹ ਠਾਂ ਹਉਂ ਕਛ ਕਾਲ ਨਿਹਾਰੋ ।
 ਬਹੁਰ ਆਇ ਹਉ ਤੁਮਰੇ ਪਾਸਾ । ਚਿੰਤ ਨ ਕੀਜੈ ਧਾਰ ਹੁਲਾਸਾ ॥ 305 ॥
 ਮਾਤ ਮਰਵਾਹੀ ਆਨੰਦ ਪਾਯੋ । ਸੂਰਜ ਮਲ ਨਿਜ ਪੁਤ੍ਰ ਬੁਲਾਯੋ ।
 ਭਾਂਤ ਭਾਂਤ ਕੀ ਸਿਖਯਾ ਦੀਨੀ । ਹੇ ਸੁਤ ਪਿਤ ਆਇਸ ਕਰ ਭੀਨੀ ॥ 306 ॥

ਦੋਹਰਾ

ਪੁਨ ਪਰਵਾਰ^੨ ਸਭ ਬੋਲਾਇਕੈ ਸਭ ਕੋ ਧੀਰ ਧਰਾਇ ।
 ਗੁਰ ਮੂਰਤਿ ਹੀਯ ਧਾਰਕੈ ਸੁੰਦਰ ਕ੍ਰਿਸ਼ਾ ਡਰਾਇ ॥ 306 ॥

ਚੌਪਈ

ਕੀਓ ਸੈਨ ਤਜੈ ਮਾਤ ਪ੍ਰਾਨਾ । ਸੰਗ ਮਾਤ ਖਟ ਚੜੀ ਬਿਬਾਨਾ ।
 ਪਰਮ ਲਛ ਸਮ ਭਾਗ ਬਿਚਾਰੇ । ਡਾਰ ਫੂਲ ਸੁਰ ਜੈਤ ਉਚਾਰੇ ॥ 307 ॥
 ਏ ਬਿਧ ਅਪਣੇ ਰੂਪ ਸਮਾਈ । ਮਾਤ ਮਰਵਾਹੀ ਆਨੰਦ ਪਾਈ ।
 ਦੰਦਿ ਘਰੀ ਨਿਸ ਜਬੈ ਰਹਾਇ । ਸੁਨ ਕੰਨਿਆ ਪਿਖ ਰੁਦਨ ਉਠਾਇ ॥ 308 ॥
 ਸਭ ਕਉ ਭਾਨੇ ਧੀਰ ਧਰਾਯੋ । ਬਾਬਕ ਕੋ ਅਸ ਬੈਨ ਅਲਾਯੋ ।
 ਮਾਰੂ ਪੜੋ ਲਾਇ ਨਹੀਂ ਦੇਰਾ । ਅਸ ਕੌਤਕ ਨਹਿੰ ਨੈਨਨ ਹੇਰਾ ॥ 309 ॥
 ਬੀਤ ਨਿਸਾ ਰਵਿ [ਰਸਮ]^੩ ਪਿਆਰੀ । ਮ੍ਰਿਤ ਕ੍ਰਿਯਾ ਕਰਿ ਕਰੀ ਤਿਆਰੀ ।
 ਗੁਰ ਆਇਸ ਰਚ ਸੁੰਦਰ ਯਾਨਾ । ਲਾਇ ਬਾਦਲਾ ਜਰੀ ਸੁਥਾਨਾ ॥ 310 ॥

^੧ਅ ਪ੍ਰੇਮੀ ਬਚਨ ^੨ਅ ਪ੍ਰੇਮੀ ਆਰਯਾ ^੩ਅ ਤੇ ਏ ਪ੍ਰੇਮੀ ਕੁਟੰਬ ^੪ਏ ਪ੍ਰੇਮੀ ਵਿਚੋਂ

ਦੋਹਰਾ

ਮਾਤ ਨਾਨਕੀ ਨਾਰਿ ਮਿਲ ਤਬੈ ਕਰਾਇ ਇਸਨਾਨ ।
ਔਰ ਕ੍ਰਿਤ ਰਵਿ ਮਲ ਕਰੀ ਤਨ ਧਾਰ ਮਾਤ ਬਿਬਾਨ ॥ 311 ॥

ਚੌਪਈ

ਤਤ ਛਿੰਨ ਕਾਧੇ ਲੀਨ ਬਿਬਾਨਾ । ਸੂਰਜ ਮਲ ਬਿਧੀਆ ਮਨ ਮਾਨਾ ।
ਏਕ ਓਰ ਏ ਜੋਧ ਸਰੂਪਾ । ਹਰੀ ਰਾਇ ਕਰ ਚਵਰ ਅਨੂਪਾ ॥ 312 ॥
ਅਈ ਤੇਗ ਮੁਖ ਸੰਖ ਬਜਾਵੈ । ਸ੍ਰੀ ਗੁਰ ਭਾਨਾ ਅਗੂ ਸਿਧਾਵੈ ।
ਸੁਨੋ ਸੰਤ ਐਸੀ ਛਬਿ ਹੋਈ । ਡਾਰ ਫੂਲ [ਸੁਰ]¹ ਆਨੰਦ ਧੋਈ ॥ 313 ॥
ਤੀਰ ਸੁਤਦ੍ਰਵ ਚਿਖਾ ਬਨਾਈ । ਚੰਦਨ ਕੀ ਵਡ ਉਚ ਸੁਹਾਈ ।
ਗੁਰ ਆਇਸ ਤਿਹ ਰਾਖ ਬਿਮਾਨਾ । ਸ੍ਰੀ ਗੁਰੁ ਬੈਠੇ ਲਾਇ ਦੀਵਾਨਾ ॥ 314 ॥

ਦੋਹਰਾ

ਰਾਖ ਚਿਖਾ² ਪਰ ਮਾਤ ਤਨ ਸੂਰਜ ਮਲ ਤਦਾਇ ।
ਮ੍ਰਿਤਕ ਕ੍ਰਿਯਾ ਸਭ ਹੀ ਕਰੀ ਲਾਬੁ ਬਹੁਰ ਲਗਾਇ ॥ 315 ॥

ਚੌਪਈ

ਕਪਾਲ ਕ੍ਰਿਯਾ ਕਰਿ ਕੀਓ ਇਸਨਾਨਾ । ਆਇ ਬੈਠੇ ਤਬ ਮਧ ਦੀਵਾਨਾ ।
ਕੀਰਤਨ ਭਯੋ ਭੋਗ ਤਬ ਪਾਯੋ । ਪੜ ਸੋਹਿਲਾ ਕੜਾਹ³ ਵਰਤਾਇਓ ॥ 316 ॥
ਪੁਨ ਪ੍ਰਭ ਆਏ ਸਦਨ ਮਝਾਰਾ । ਬਰਨਤ ਸੁੰਦਰ ਤਹਿ ਸੁਖਕਾਰਾ ।
ਕਰ ਪ੍ਰਚਾਵਨੀ ਲੋਕ ਸਿਧਾਏ । ਸੁਨਹੁ ਸੰਤ ਸੰਮਤ ਮੁਖ ਦਾਏ ॥ 317 ॥
ਸੋਰਹ ਸਹਸ੍ਰ ਨਬੈ ਪੁਨ ਤੀਨ । ਹਾੜ ਮਾਸ ਅਹਿ ਰੁਤ ਸੁ ਚੀਨ ।
ਬਿਤ ਅਮਾਵਸ ਨਿਜ ਪੁਰ ਵਾਸਾ । ਮਾਤ ਮਰਵਾਹੀ ਧਾਰ ਹੁਲਾਸਾ । 318 ॥
ਪਾਛੇ ਕੀਰਤਨ ਹੋਤ ਅਪਾਰਾ । ਨਿਤ ਨੂਤਨ ਜਿਹ ਨਾਹਿ ਸੁਮਾਰਾ ।
ਇਹ ਬਿਧ ਸੋ ਸਮ ਦਿਵਸ ਬਿਤਾਏ । ਦਿਵਸ ਚਾਉਥੇ ਪੁਸ਼ਪ ਚੁਨਾਏ ॥ 319 ॥

ਦੋਹਰਾ

ਗੰਗਾ ਪਠਿ ਬਹੁ ਦਰਬ ਦੈ ਪੁਨਾ ਸੈਂਚੀਆਂ ਜੋਇ ।
ਤਾਂਹਿ ਪਾਠ ਬਿਧੀਆ ਕਰੈ ਮਨ ਮਹਿ ਆਨੰਦ ਹੋਇ ॥ 320 ॥

ਚੌਪਈ

ਨਿਤ ਨੂਤਨ ਹੁਇ ਰਾਗ ਅਨੰਤਾ । ਸੁਨਹੁ ਸੰਤ ਬਰਨੋ ਕਸ ਜੰਤਾ ।
ਤ੍ਰਿਯੋਦਸ ਦਿਵਸ ਕਉ ਭਯੋ ਸਮਾਜਾ । ਬੈਠ ਦਿਵਾਨ ਗਰੀਬ ਨਿਵਾਜਾ ॥ 321 ॥
ਪਾਇ ਭੋਗ ਤਹਿ ਦੀਨੀ ਪਾਗ । ਸੂਰਜ ਮਲ ਜਾਨੋ ਵਡਭਾਗ ।
ਸਭ ਮਿਲ ਦਈ ਪਾਗ ਸੁਖ ਸੰਗਾ । ਦੀਓ ਦਾਨ ਪੁਨ ਧਾਰ ਉਮੰਗਾ ॥ 322 ॥

¹ਅ ਪੋਥੀ ਵਿਚੋਂ ²ਅ ਪੋਥੀ ਚਿਤਾ ³ਅ ਪੋਥੀ ਪ੍ਰਸਾਦ

ਦੂਰ ਦੂਰ ਤੇ ਸੰਗਤਿ ਆਵੈ । ਦੇਵੈ ਪਾਗ ਦਰਸ ਸੁਰ ਪਾਵੈ ।
 ਗੁਰ ਕੇ ਚਰਿਤ ਅਨੰਤ ਅਪਾਰਾ । ਸਹਸ ਬਦਨ ਸੋ ਬਕਤ ਅਵਾਰਾ ॥ 323 ॥
 ਮਾਸ ਮਾਸ ਦਿਨ ਚਰਿਤ ਸੁਨਾਉਂ । ਬਡੇ ਗ੍ਰੰਥ ਅੰਤ ਨਹਿ ਪਾਉਂ ।
 ਸੂਚਨ ਪ੍ਰਤੀ ਸਭ ਕਥਾ ਬਖਾਨੀ । ਥੋਰੇ ਤੇ ਬਹੁ ਜਾਨਹੁ ਗਿਆਨੀ ॥ 324 ॥

ਦੋਹਰਾ

ਜਬ ਗੁਰ ਬੈਠ ਦਿਵਾਨ ਮਹਿ ਭਾਖਤ ਕਥਾ ਵੈਰਾਗ ।
 ਸਦਾ ਸੰਗ ਰਾਖੈ ਪ੍ਰਭੂ ਹਰੀ ਰਾਇ ਬਡਭਾਗ ॥ 325 ॥

ਚੌਪਈ

ਕਛ ਦਿਨ ਹੋਇ ਨ ਪ੍ਰਭੂ ਤੇ ਨਿਆਰਾ । ਹਰੀ ਰਾਇ ਮਨ ਸੇਵਾ ਧਾਰਾ ।
 ਸੂਰਜ ਮਲ ਮਾਨ ਬਹੁ ਦਿਖਾਵੈ । ਅਣੀ ਰਾਇ ਸਦ ਮਸਤ ਰਹਾਵੈ ॥ 326 ॥
 ਤੇਗ ਬਹਾਦਰ ਸਦ ਰਸ ਰਾਤਾ । ਕਾਹੂੰ ਸਿਉਂ ਨਹਿੰ ਭਾਖੈ ਬਾਤਾ ।
 ਭੋਜਨ ਕਰਹਿ ਸ੍ਰੀ ਗੁਰ ਜਬਹੀਂ । ਸਾਧੂ ਨਿਕਟ ਬੁਲਾਵੈਂ ਤਬਹੀਂ ॥ 327 ॥
 ਹਰਿ ਰਾਇ ਕੋ ਨਿਕਟ ਬਹਾਵੈਂ । ਸੀਤ ਭੋਜ ਦੇ ਹਰਖ ਧਰਾਵੈਂ ।
 ਸਦਾ ਵੈਰਾਗ ਗਿਆਨ ਕੀ ਚਰਚਾ । ਤਤ੍ਵ ਰੂਪ ਬਰਨ ਕਰ ਪਰਚਾ ॥ 328 ॥
 ਕੀਏ ਚਰਿਤ ਬਹੁ ਕੌਨ ਗਿਨਾਵੈ । ਬੀਤ ਮਾਸ ਦਸ ਸੰਗਤ ਆਵੈ ।
 ਦੇਸ ਦੇਸ ਸੰਗਤਿ ਅਨਪਾਰੀ । ਮੇਲਾ ਭਯੋ ਵਿਸਾਖੀ ਭਾਰੀ ॥ 329 ॥

ਦੋਹਰਾ

ਲਾਗੋ ਅਧਿਕ ਦੀਵਾਨ ਤਬ ਹੋਤ ਗੁਰ ਬਹੁ ਜਾਨ ।
 ਏਕ ਸਿਖ ਸੁਖ ਪਾਇ ਕੈ ਠਾਢਾ ਭਯੋ ਮਹਾਨ ॥ 330 ॥

ਚੌਪਈ

ਭਗਤ ਸਿੰਘ ਗਰਿ ਅੰਚਰ ਪਾਯੋ । ਜੋਰ ਹਾਥ ਅਸ ਬੈਨ ਅਲਾਯੋ ।
 ਹੇ ਪ੍ਰਭ ਦੀਨਾਨਾਥ ਗੁਸਾਈ । ਤੁਮਰੀ ਉਪਮਾ ਕਹੀ ਨ ਜਾਈ ॥ 331 ॥
 ਅਨੂਪ ਸਹਰਾ ਮਮ ਧਾਮ ਮੁਰਾਰਾ । ਗੰਗਾ ਤੀਰ ਜਾਨ ਕਰਤਾਰਾ ।
 ਦਯਾ ਰਾਮ ਮਮ ਨਾਮ ਅਨਾਥ । ਤੁਮ ਸਬ ਨਾਯਕ ਦੀਨਾਨਾਥ ॥ 332 ॥
 ਸਿਲਹਰੇ ਹਮਰੀ ਜਾਤ ਸੁਆਮੀ । ਤੁਮ ਘਟਿ ਘਟਿ ਕੇ ਅੰਤਰਜਾਮੀ ।
 ਮੇਰੇ ਸਦਨ ਸੁਤਾ ਰਿਖ ਜਾਨੋ । ਗੁਨਦਾਯਕ ਜਿਹ ਤੇਜ ਮਹਾਨੋ ॥ 333 ॥
 ਏਕ ਸਿੱਖ ਹਮਰੈ ਗ੍ਰਿਹ ਆਯੋ । ਸ੍ਰਵਨ ਸੁਤਾ ਤਿਹ ਮੰਤ੍ਰ ਸੁਨਾਯੋ ।
 ਸਕਲ ਸੁਤਾ ਮਮ ਐਸ ਅਲਾਵੈ । ਬਰੋਂ ਰਾਇ ਹਰਿ ਔਰ ਨਾ ਭਾਵੈ ॥ 334 ॥

ਦੋਹਰਾ

ਹੇ ਪ੍ਰਭ ਤੁਮਰਾ ਜਸ ਭਯੋ ਦੇਸ ਦੇਸ^੨ ਅਨ ਪਾਰ ।
 ਧਰ ਇਛਾ ਆਯੋ ਪ੍ਰਭੂ ਪੂਰਹੁ ਚਾਹਿ ਸੁਧਾਰ ॥ 335 ॥

^੧ਅ ਪੋਥੀ ਨਰਾਰ ^੨ਅ ਤੇ ਏ ਪੋਥੀ ਬਦੇਸ

ਚੌਪਈ

ਹਰੀ ਰਾਇ ਕੀ ਦਾਸੀ ਕੀਜੈ । ਮੋਰੀ ਸੁਤਾ ਸਾਤ ਪ੍ਰਭ ਲੀਜੈ ।
 ਦਯਾਸਿੰਧ ਅਸ ਬੈਨ ਅਲਾਇ । ਦਯਾਰਾਮ ਰਹਿ ਮੋਨ ਤਦਾਇ ॥ 336 ॥
 ਦਯਾ ਸਿੰਘ ਜਾਨੀ ਮਨ ਬਾਤਾ । ਨਾਰਦ ਦਾਤ ਸੁਤਾ ਕਹਿ ਸਾਤਾ ।
 ਕਰ ਪੰਕਜ¹ ਸਿਉਂ ਧੀਰ ਧਰਾਯੋ । ਦਯਾਰਾਮ ਕਉ ਧੰਨ ਅਲਾਯੋ ॥ 337 ॥
 ਦੈ ਆਦਰ ਤਹਿ ਨਿਕਟ ਬੈਠਾਇ । ਸਭ [ਕਉ]² ਸ੍ਰੀ ਮੁਖ ਐਸ ਅਲਾਇ ।
 ਸਾਹਿਬ ਭਾਨਾ ਜੀ ਸੁਨ ਲੀਜੈ । ਦੀਰਘ ਹੁਇ ਲਘੁ ਸਾਕ ਨ ਕੀਜੈ ॥ 338 ॥
 ਤਾਂਤੇ ਤਤ ਛਿਨ ਦਾਸ ਪਠਾਵੋ । ਧੀਰ ਮਲ ਕੋ ਈਹਾ ਬੁਲਾਵੋ ।
 ਭਾਨੇ ਪਾਤੀ ਤਬੈ ਲਿਖਾਈ । ਸਕਲ ਬਾਤ ਕਹਿ ਦਾਸ ਪਠਾਈ ॥ 339 ॥

ਦੋਹਰਾ

ਲੈ ਆਇਸ ਕਰ ਬੰਦਨਾ ਕੀਨਹੁ ਦਾਸ ਪਯਾਨ ।
 ਪਹੁੰਚਿਯੋ ਤਬ ਅਹਿ³ ਤੀਸਰੇ ਚਰਨ ਬੰਦਨਾ ਠਾਨ ॥ 340 ॥

ਚੌਪਈ

ਦੈ ਪਾਤੀ ਮੁਖ ਬਾਤ ਸੁਨਾਈ । ਦਯਾਸਿੰਧ⁴ ਅਸ ਤੋਹਿ ਅਲਾਈ ।
 ਗੁਰੁ ਕੇ ਧਾਮ ਪਿਤਾ ਤੁਮ ਗਯੋ । ਮਾਤ ਧਾਮ ਗੁਰੁ ਵਾਸਾ ਕਯੋ ॥ 341 ॥
 ਕਬੀ ਬਿਸ਼ਾਸ ਪ੍ਰਾਨਨ ਕੋ ਨਾਹੀ । ਹੇ ਸੁਤ ਤੋਕਉ ਐਸ ਨਾ ਚਾਹੀ ।
 ਏਹੁ ਠਾਂ ਆਵਹੁ ਧਾਰ ਉਮਾਹਾ । ਹੇ ਸੁਤ ਕਰਹੋਂ ਤੋਰ ਵਿਵਾਹਾ ॥ 342 ॥
 ਕਹਾ ਔਰ ਗੁਰ ਗ੍ਰੰਥ ਲਿਆਯੋ । ਲਿਖਾ ਅਰਧ [ਹਮ]⁵ ਔਰ ਲਿਖਾਯੋ ।
 ਹੇ ਸੁਤ ਸਭ ਧਨ ਧਾਮ ਤਿਹਾਰੇ । ਇਹ ਠਾਂ ਆਇ ਚਿੰਤ ਨਹਿ ਧਾਰੇ ॥ 343 ॥
 ਤੁਰਕ ਨੇਹੁ ਅਤਿਸੈ ਦੁਖਦਾਈ । ਗੁਰ ਸੁਤ ਹੋਇ ਐਸ ਨਹਿ ਭਾਈ ।
 ਅਤਿ ਪ੍ਰਬੀਨ ਤੁਮ ਬੁਧਿ ਅਪਾਰਾ । ਭਗਤ ਸਿੰਘ ਅਸ ਬਾਤ ਉਚਾਰਾ ॥ 344 ॥

ਦੋਹਰਾ

ਧੀਰ ਮਲ ਐਸਾ ਕਹਾ ਹਮ ਜਾਨਤ ਸਬ ਬਾਤ ।
 ਕਪਟ ਧਾਰ ਤੋਕਉ ਪਠਾ ਚਾਹਿ ਮੋਹਿ ਕਰ ਘਾਤ ॥ 345 ॥

ਚੌਪਈ

ਮੋਹਿ ਪਿਤਾ ਜਬ ਬਿਆਹ ਰਚਾਯੋ । ਦੀਓ ਨ ਕਰਨ ਤੁਰਤ ਵਹੁ ਘਾਯੋ ।
 ਤੈਸੇ ਮੋਕਉ ਚਾਹ ਸੰਘਾਰਾ । ਤੁਮਰੋ ਛਲ ਹਮ ਸਗਲ ਨਿਹਾਰਾ ॥ 346 ॥
 ਕਰਹੁ ਵਿਵਾਹ ਨਾ ਤਿਹ ਠਾਂ ਜਾਇ । ਅਧਿਕ ਦੂਬ ਢਿਗ ਈਹਾਂ ਕਰਾਇ ।
 ਔਰ ਗ੍ਰੰਥ ਗੁਰ ਕਬੀ ਨ ਦੀਜੈ । ਇਹੁ ਕੇ ਬਲ ਕੁਲ ਕੋ ਸੁਖ ਕੀਜੈ ॥ 347 ॥

¹ਅ ਪੋਥੀ ਕਮਲ ²ਦ ਪੋਥੀ ਵਿਚੋਂ ³ਅ ਪੋਥੀ ਦਿਨ ⁴ਅ ਪੋਥੀ ਕ੍ਰਿਪਾ ਨਿਧਾਨ ⁵ਦ ਪੋਥੀ ਵਿਚੋਂ

ਔਰ ਕਟਕ ਬਹੁ ਬੈਠ ਉਚਾਰੇ । ਮੂੰਦ ਕਾਨ ਤਬ ਦਾਸ ਪਧਾਰੇ ।
 ਆਏ ਦਾਸ ਗੁਰੁ ਨਿਕਟ ਸਿਧਾਏ । ਕਰ ਬੰਦਨ ਅਸ ਬੈਨ ਅਲਾਏ ॥ 348 ॥
 ਹੇ ਪ੍ਰਭ ਤਾਂਹਿ ਬੁਧਿ ਅਤਿ ਘੋਰਾ । ਭਾਖਭ ਆਗੈ ਬੈਨ ਕਠੋਰਾ ।
 ਸਕਲ ਬਾਤ ਤਾਂਕੀ ਸਮਝਾਈ । ਆਯੋ ਨਾਹਿ ਘਨੇ ਦੁਖਦਾਈ ॥ 349 ॥

ਦੋਹਰਾ

ਸਾਹਿਬ ਭਾਨੇ ਸਿਉ ਪ੍ਰਭੂ ਐਸੇ ਕੀਨ ਉਚਾਰ ।
 ਗੁਰ ਨਾਨਕ ਕੇ ਬਚਨ ਸਿਉ ਪ੍ਰਿਥੀਏ ਕੇ ਅਵਤਾਰ ॥ 350 ॥

ਚੌਪਈ

ਕਪਟ ਅਵਤਾਰ ਧੀਰ ਮਲ ਜਾਨੋ । ਗੁਰੁ ਨਾਨਕ ਜੋ ਆਇਸ ਠਾਨੋ ।
 ਤਾਂਤੇ ਮੇਲ ਨਾ ਯਾ ਸੰਗ ਕੀਜੈ । ਕਪਟੀ ਜਾਨ ਦੂਰ ਤਜ ਦੀਜੈ ॥ 351 ॥
 ਹਰੀ ਰਾਇ ਕੀ ਕਰਹੁ ਸਗਾਈ । ਉਤਮ ਦਿਜ^੧ ਅਬ ਲੇਹੁ ਬੁਲਾਈ ।
 ਸਾਹਿਬ ਭਾਨੇ ਬਿਪ੍ਰ ਬੁਲਾਯੋ । ਲਗਨ ਸੋਧ ਅਸ ਬੈਨ ਅਲਾਯੋ ॥ 352 ॥
 ਸੋਧ ਲਗਨ ਗ੍ਰਹਿ ਬਿਪ੍ਰ ਉਚਾਰਾ । ਉਤਮ ਸਮਾ ਜਾਨ ਇਹ ਵਾਰਾ ।
 ਤਤ ਛਿਨ ਕੀਨੀ ਰੀਤਿ ਬਨਾਇ । ਪਾਯੋ ਝੋਲੀ ਸਗਨ ਤਦਾਇ ॥ 353 ॥
 ਦਯਾ ਰਾਮ ਮਨ ਆਨੰਦ ਪਾਯੋ । ਭਾਲ ਰਾਇ ਹਰਿ ਤਿਲਕ ਲਗਾਯੋ ।
 ਧਾਰ ਆਨੰਦ ਸਭ ਦੇਤ ਬਧਾਈ । ਬਾਂਟਹਿ ਛੁਹਾਰੇ ਗਰੀ ਮਿਠਾਈ ॥ 354 ॥

ਦੋਹਰਾ

ਦੀਨੋ ਦਾਨ ਅਨੰਤ ਗੁਰੁ ਕੋਊ ਸਕੈ ਉਚਾਰ ।
 ਕ੍ਰਮੇਰ ਮੇਰ ਚਿੰਤਾ ਕਰੀ ਜਿਨ [ਮਮ]^੨ ਬਾਂਟਨ ਧਾਰ ॥ 355 ॥

ਸਵੇਯਾ

ਰਾਮ ਦਯਾ ਰਿਖ ਸਾਤ ਕਰ ਆਨੰਦ ਭਾਰ ਹੀਏ ਬਹੁ ਸੁਖ ਪਾਯੋ ।
 ਮੰਦਰ ਮਾਤ ਸੁ ਆਨੰਦ ਕੋ ਮਿਲ ਗਾਵਤ ਨਾਰਿ ਬਡੋ ਸੁਖ ਪਾਯੋ ।
 ਬਾਜ ਬਜੇ ਬਹੁ ਭਾਂਤਨ ਕੇ ਜਨ ਭੂਮਿ ਅਕਾਸ਼ ਕੇ ਬਾਦ ਮਿਲਾਯੋ ।
 ਭੂਪ ਭਯੋ ਜਨ ਰੰਕ ਗਯੋ ਜੋਊ ਤਾਂਹਿ ਕੋ ਮਾਂਗਨ ਫੇਰ ਨਾ ਆਯੋ ॥ 356 ॥
 ਤਿਲਕ ਬਿਰਾਜਤ ਭਾਲ ਮਹਿ ਸੁੰਦਰ ਰਾਇ ਹਰੀ ਗ੍ਰਿਹ ਮੇਂ ਚਲਿ ਆਏ ।
 ਅਨੰਤੀ ਸੁ ਆਨੰਦ ਪਾਇ ਮਹਾਂ ਮੁਖ ਚੁੰਮ ਘਨੇ ਬਿਤ ਬਾਂਟ ਕਰਾਏ ।
 ਨਾਨਕੀ ਮਾਤ ਅਘਾਤ ਨਹੀਂ ਬਹੁ ਵਾਰ ਕਰੈ ਮਿਲ ਨਾਰਿ ਸੁਹਾਇ ।
 ਬੀਬੀ ਸੁ ਆਨੰਦ ਪਾਇ ਘਨੇ ਮੁਖ ਗਾਵਤ ਮੰਗਲਚਾਰ ਤਦਾਏ ॥ 357 ॥

ਦੋਹਰਾ

ਦਿਜ^੩ ਭੋਜਨ ਅਨਗਨ ਕਰਹਿ ਘਨੀ ਦਛਨਾ^੪ ਪਾਇ ।
 ਦੇਤ ਅਸੀਸਾਂ ਰਿਖ ਦਿਜੈ ਚਿਰੰਜੀਵ ਭਵ ਗਾਇ ॥ 358 ॥

^੧ਅ ਅਤੇ ਏ ਪੋਥੀ ਬਿਪ੍ਰ ^੨ਅ ਪੋਥੀ ਵਿਚੋਂ ^੩ਅ ਪੋਥੀ ਬਿਪ੍ਰ ^੪ਅ ਪੋਥੀ ਦਖਨਾ

ਚੌਪਈ

ਮੰਗਲ ਭਯੋ ਤੀਨ ਦਿਨ ਭਾਰੀ । ਸੁਨੋ ਸੰਤ ਕਛ ਵਾਰ ਨਾ ਪਾਰੀ ।
 ਦਯਾਰਾਮ ਪਿਖ ਆਨੰਦ ਪਾਵੈ । ਦੇਖ ਰੂਪ ਗੁਰ ਬਲਿ ਬਲਿ ਜਾਵੈ ॥ 359 ॥
 ਹਾਥ ਜੋਰ ਪੁਨ ਬਿਨੈ ਅਲਾਇ । ਹੇ ਪ੍ਰਭ ਸਾਹਾ ਕਰੋ ਸੁਧਾਇ ।
 ਦਯਾ ਸਿੰਧ ਤਬ ਗਨਕ ਹਕਾਰਾ । ਸ੍ਰੀ ਮੁਖ ਐਸੇ ਕੀਨ ਉਚਾਰਾ ॥ 360 ॥
 ਹੇ ਦਿਜ ਸਾਹਾ ਸੋਧ ਸੁਨਾਵੈ । ਹੋਇ ਨਿਕਟ ਨਹਿ ਦੇਰ ਲਗਾਵੈ ।
 ਗਨਕ ਸੋਧ ਅਸ ਬੈਨ ਅਲਾਯੋ । ਹੇ ਪ੍ਰਭ ਸਾਹਾ ਸਫਲ ਦਿਖਾਯੋ ॥ 361 ॥
 ਹਾੜ ਸਪਤ ਦਸ ਦਿਨ ਜਬ ਜਾਵੈ । ਤਾਂ ਦਿਨ ਸਾਹਾ ਬੇਦ ਬਤਾਵੈ ।
 ਦਯਾ ਰਾਮ ਸੁਨ ਆਨੰਦ ਪਾਯੋ । ਲੈ ਆਇਸ ਨਿਜ ਧਾਮ ਸਿਧਾਯੋ ॥ 362 ॥

ਦੋਹਰਾ

ਤੀਨ ਤ੍ਰਿਯਾ ਥੀ ਤਾਂਹਿ ਕੀ ਸਪਤ ਸੁਤਾ ਸੁਖ ਖਾਨ ।
 ਦੋਇ ਦੋਇ ਸਿਯਾਮ ਏਕ ਕੇ ਘਨੋ ਦ੍ਰਬ ਗ੍ਰਿਹਿ ਜਾਨ ॥ 363 ॥

ਚੌਪਈ

ਜਾਇ ਧਾਮ ਸਭ ਬਾਤ ਸੁਨਾਈ । ਗੁਰੁ ਸੁਤ ਨੰਦਨ ਕਰੀ ਸਗਾਈ ।
 ਤੀਨ ਤ੍ਰਿਯਾ ਮਨ ਆਨੰਦ ਪਾਯੋ । ਸਾਤ ਸੁਤਾ ਸੁਖ ਭਾਰ ਉਪਾਯੋ ॥ 364 ॥
 ਕੀਨ ਅਰੰਭ ਬਾਜ ਦਰਬਾਜੈ । ਭਾਂਤ ਭਾਂਤ ਗ੍ਰਿਹ ਆਨੰਦ ਛਾਜੈ ।
 ਇਹੁ ਨਾਂ ਸ੍ਰੀ ਗੁਰੁ ਕੀਓ ਅਰੰਭਾ । ਪੇਖ ਹੀਆ ਅਤਿ ਮਾਨ ਅਚੰਭਾ ॥ 365 ॥
 ਬਾਜਤ ਤੂਤੀ ਔਰ ਮ੍ਰਿਦੰਗਾ । ਡਫ ਨਿਸ਼ਾਨ ਸੁ ਪੁਨਵ ਉਮੰਗਾ ।
 ਵਿਚ ਵਿਚ ਤੁਰਹੀ ਯੋ^੧ ਛਬ ਪਾਵੈ । ਸੂਰ ਮੰਗਲ ਗ੍ਰਿਹਿ ਪੇਖ ਲਜਾਵੈ ॥ 366 ॥
 ਰੰਗ ਰੰਗ ਬਰ ਅੰਬਰ ਧਾਰੀ । ਗਾਵਤ ਮਿਲੀ ਝੁੰਡ ਬਹੁ ਨਾਰੀ ।
 ਸੋਰਠ ਔਰ ਮਲਾਰ ਮਲਾਵੈ । ਔਰ ਕਾਨਰੈ ਤਾਨ ਬਜਾਵੈ ॥ 367 ॥

ਦੋਹਰਾ

ਸੁਨੇ ਜੋਇ ਰਹਿ ਅਟਕ ਮਨ ਖੰਜਨ ਦ੍ਰਿਗ ਪਿਕ ਬੈਨ ।
 ਦੇਵਤਿਆ ਮਿਲ ਗਾਇ ਸੋ ਨਾਰ ਰੂਪ ਕੀ ਐਨ ॥ 368 ॥

ਚੌਪਈ

ਨਿਜ ਭੀਤਰ ਐਸੇ ਕਹਿ ਨਾਰੀ । ਹੇ ਅਲੀਏ^੨ ਬਡ ਬਿਸਮਹਿ ਧਾਰੀ ।
 ਇਕਠੇ ਸਾਤ ਬਿਆਹ ਨਾ ਚੀਨੇ । ਸਾਤ ਨਾ ਕ੍ਰਿਸ਼ਨ ਦੁਆਪੁਰ ਕੀਨੇ ॥ 369 ॥
 ਔਰ ਦਰੋਪਤੀ ਪੰਚ ਭਤਾਰੀ । ਸਪਤ ਵਿਵਾਹ ਨਾ ਕਾਹਿ ਨਿਹਾਰੀ ।
 ਬਹੋਰੁ ਮਹਿਮਾ ਗੁਰੁ ਕੀ ਜਾਨ । ਗਾਵਤ ਨਾਰੀ ਬਹੁ ਸੁਖ ਮਾਨ ॥ 370 ॥

^੧ਏ ਪੋਥੀ ਦਿਮ ^੨ਅ ਤ ਏ ਪੋਥੀ ਸਖੀਏ

ਕਾਢ ਮਿਠਾਈ ਤਾਤ ਅਪਾਰ । ਬਿਧੀ ਚੰਦ ਸਭ ਬਯੋਤ ਸਵਾਰ ।
 ਬਾਜੀ ਅਸਤ ਭਾਂਤ ਬਹੁ ਲੀਨੀ । ਅਧਿਕ ਮੌਲ ਦੈ ਇਕਠੀ ਕੀਨੀ ॥ 371 ॥
 ਰਚ ਸਰਗਸਤ ਚੌਥ ਹਰ ਜਾਨੈ । ਜਰਤ ਚੁਨੀਆਂ ਤੇਜ ਮਹਾਨੈ ।
 ਦਧ ਸੁਤ ਝਾਲਰ ਅਤ ਛਬਿ ਧਾਰੇ । ਰਵਿ ਸਸਿ ਪੇਖ ਹੀਯੇ ਮੋਹਾਰੇ ॥ 372 ॥

ਦੋਹਰਾ

ਬੀਤਿਓ ਜੇਠ ਆਨੰਦ ਸਿਉਂ ਅਯੋ ਹਾੜ ਸੁਖਦਾਇ ।
 ਦਯਾ ਸਿੰਧੀ ਹਰਿ ਮੌਜ ਸਿਉਂ ਦੇਖ ਕਵੀ ਬਲ ਜਾਇ ॥ 373 ॥

ਚੌਪਈ

ਸਾਹਿਬ ਭਾਨਾ ਬਿਧੀਆ ਦੋਊ । ਇਨ ਆਇਸ ਮਹਿ ਚਾਲਤ ਓਹੂ ।
 ਏਕ ਕਾਜ ਨਿਜ ਮੁਖਹੂੰ ਅਲਾਵਹਿੰ । ਪਾਂਚ ਸਾਤ ਕਰ ਆਗੇ ਆਵਹਿੰ ॥ 374 ॥
 ਮਿਲ ਮਿਲ ਆਇ ਕੈਹੀਆਂ ਨਾਰੀ । ਉਤਰੇ ਧਾਰ ਬਜਾਵਤ ਤਾਰੀ ।
 ਦੇਖੈ ਆਇ ਮੋਹਿ ਮਨ ਮੋਹੀ । ਔਝੜ ਜੈਸ ਬਿਦੇਹੀ ਕੋਈ ॥ 375 ॥
 ਕਿਹ ਠਾਂ ਭੋਜਨ ਔ ਪਕਵਾਨਾ । ਪਾਵਤ ਜੋ ਰੁਚ ਅਪਨੀ ਜਾਨਾ ।
 ਦਯਾਸਿੰਧ ਢਿਗ ਹੋਵੈ ਰਾਗਾ । ਖੇਖਤ ਸੋ ਜਾਕੇ ਬਡਭਾਗਾ ॥ 376 ॥
 ਹਾੜ ਤ੍ਰਿਯੋਦਸ ਦਿਵਸ ਬਿਤਾਯੋ । ਰਚੀ ਬਰਾਤ ਪਯਾਨ ਕਰਾਯੋ ।
 ਜਗਤ ਰੀਤਿ ਜੋ ਹੁਤੀ ਅਪਾਰਾ । ਸੋ ਸਭ ਕੀਨੀ ਭਾਂਤ ਅਪਾਰਾ ॥ 377 ॥

ਦੋਹਰਾ

ਸਜ ਸਜ ਬਾਹਨ ਭਾਂਤ ਬਹੁ ਰੰਗ ਰੰਗੀਲੇ ਨੈਨ ।
 ਛਬੀਲੇ [ਬਹੁ]^੨ ਹੈ ਚੜੇ ਪੇਖਤ ਲਾਜਤ ਮੈਨ ॥ 378 ॥

ਚੌਪਈ

ਰਾਜਤ ਖਾਸੇ ਜਗਪਤਿ ਨਾਯਕ । ਔਰ ਸਵਾਰ ਹੁਇ ਦੋਇ ਪਾਇਕ ।
 ਦੂਲੇ ਘੋਰੀ ਰਾਜਤ ਐਸੇ । ਕਾਮ ਨਾਰਿ ਰਤਿ ਸੰਗਤ ਜੈਸੇ ॥ 379 ॥
 ਲਾਜਤ ਪੇਖ ਰੂਪ ਅਸ ਸੋਹੈ । ਪੇਖਤ ਚਾਲ ਸਭੋ ਮਨ ਮੋਹੈ ।
 ਦੂਲੇ ਅੰਬਰ ਪੀਤ ਸਵਾਰੇ । ਪੇਖਤ ਪੰਥੀ ਮੋਹਤ ਸਾਰੇ ॥ 380 ॥
 ਬਸਤ ਪੰਥ ਚਲ ਐਸ ਬਰਾਤਾ । ਬਸਤ ਬਾਜ ਸਭ ਪੁਲਕਤ ਮਾਤਾ ।
 ਸਨੇ ਸਨੇ ਚਲ ਪੰਥ ਮਝਾਰਾ । ਦਿਵਸ ਪਾਂਚਵੇ ਸ਼ਹਰ^੩ ਨਿਹਾਰਾ ॥ 381 ॥
 ਨਾਮ ਅਨੂਪ ਰੂਪ ਜਿਹ ਭਾਰੀ । ਪਾਵਨ ਗੰਗਾ ਤੀਰ ਪਧਾਰੀ ।
 ਦਯਾਰਾਮ ਬਾਜੇ ਸੁਨ ਬਾਜੇ । ਆਗੇ ਆਗੂ ਲੈਨ ਸੁ ਸਾਜੇ ॥ 382 ॥
 ਘਨੇ ਕਹਾਵਰ ਲਾਦ ਚਲਾਈ । ਭੂਖਨ ਅੰਬਰ ਡਾਰ ਮਿਠਾਈ ।
 ਦਧ ਚਿਰਵਾ ਉਪਹਾਰ ਅਪਾਰਾ । ਆਨੰਦ ਸੋ ਚਲਿ ਘਨੇ ਕਹਾਰਾ ॥ 383 ॥

^੧ਅ ਪੌਥੀ ਕ੍ਰਿਪਾਨਿਧਿ ^੨ਅ ਤੇ ਦ ਪੌਥੀ ਵਿਚੋਂ ^੩ਅ ਪੌਥੀ ਨਗਰ

ਦੋਹਰਾ

ਦੋਉ ਓਰ ਬਗ ਮੇਲ ਕੈ ਉਛਲੇ ਆਨੰਦ ਧਾਰ ।
ਮਿਲੇ ਹਰਖ ਧਰ ਆਪ ਮਹਿ ਆਗੇ ਧਰ ਉਪਹਾਰ ॥ 384 ॥

ਚੌਪਈ

ਜਿਤੋ ਦੁਬ ਗੁਰ ਆਗੇ ਆਯੋ । ਦੀਓ ਬਾਟ ਤਹਿ ਧੀਰ ਧਰਾਯੋ ।
ਬਾਜਤ ਬਾਜੇ ਆਮਦਨ ਕੀਨੀ । ਦਾਸੀ ਪਾਇ ਰੰਕ ਸੁਖ ਲੀਨੀ ॥ 385 ॥
ਭਏ ਭੂਪ ਮਨ ਆਨੰਦ ਪਾਯੋ । ਨਿਜ ਕੁਲ ਦਾਰਦ¹ ਸਗਲ ਮਿਟਾਯੋ ।
ਆਛੇ ਗ੍ਰਿਹਿ ਪਿਖ ਦੀਓ ਉਤਾਰਾ । ਜਾਂ ਮਹਿ ਸੁਖ ਬਹੁ ਭਾਂਤ ਸਵਾਰਾ ॥ 386 ॥
ਦੇਖ ਬਰਾਤ ਮੋਹਿ ਪੁਰ ਨਾਰੀ । ਪੇਖਤ ਆਇ ਸੁ ਕਾਮ ਵਿਸਾਰੀ ।
ਦਯਾ ਰਾਮ ਬਹੁ ਦਰਬ ਪਠਾਯੋ । ਬਾਟ ਦਯਾਨਿਧਿ ਸਭ ਸੁਖਦਾਯੋ ॥ 387 ॥
ਦਿਵਸ ਬੀਹਾਇ ਨਿਸਾ ਪ੍ਰਗਟਾਈ । ਗ੍ਰਿਹਿ ਗ੍ਰਿਹਿ ਮੰਗਲ ਦੀਪ ਜਗਾਈ ।
ਦਯਾਰਾਮ ਦਿਜ ਤਬੈ ਪਠਾਏ । ਸ੍ਰੀ ਗੁਰ ਮਿਲਨੀ ਹੇਤ ਬੁਲਾਏ ॥ 388 ॥

ਦੋਹਰਾ

ਨੀਮ ਜਾਨ ਨਿਸ ਤਬ ਗਈ ਸ੍ਰੀ ਗੁਰੁ ਭਏ ਤਿਆਰ ।
ਸਾਉ ਸਗਲੇ ਸੰਗ ਲੈ ਬਾਜੇ ਬਜਤ ਅਪਾਰ ॥ 389 ॥

ਚੌਪਈ

ਬਾਜੀ ਅਸਤ ਚਲਤ ਬਹੁ ਆਗੇ । ਦੇਖ ਪੁਰੀ ਜਨ ਸਭ ਸੁਖ ਪਾਗੇ ।
ਦੋਉ ਸੂਏ ਰਹਿ ਠਾਂਡ ਤਦਾਏ । ਬਾਜੀ ਅਸਤ ਮਧ ਛਬ ਪਾਏ ॥ 390 ॥
ਤਾਂਹਿ ਬਿਹਾਇ ਪਾਸਤੇ ਆਏ । ਦਯਾਰਾਮ ਬਹੁ ਭੇਟ ਧਰਾਏ ।
ਸੁੰਦਰ ਹੈ ਪਟ ਭੂਖਨ ਭਾਰੇ । ਧਾਰ ਅਸਰਫੀ ਅੰਚਰ ਡਾਰੇ ॥ 391 ॥
ਦਯਾ ਸਿੰਧ ਕੇ ਚਰਨੀ ਲਾਗਾ । ਭਗਤ ਸਿੰਘ ਜਾਨੋ ਵਡ ਭਾਗਾ ।
ਕਰ ਪੰਕਜ² ਸਿਉ ਪ੍ਰਭੂ ਉਠਾਯੋ । ਸੁਨਹੁ ਸੰਤ ਗੁਰੁ ਕੰਠ ਲਗਾਯੋ ॥ 392 ॥
ਦਯਾ ਰਾਮ ਬਹੁ ਬਿਨੈ ਅਲਾਈ । ਮੋਹੈਂ [ਅਨਾਥ]³ ਪ੍ਰਭ ਤੁਮ ਸਰਨਾਈ ।
ਕ੍ਰਿਪਾ ਸਿੰਧ ਬਹੁ ਦੀਨਉ ਧੀਰਾ । ਚਲਾ ਓਰ ਗ੍ਰਿਹ ਪੁਲਕ ਸਰੀਰਾ ॥ 393 ॥

ਦੋਹਰਾ

ਹਰੀ ਰਾਇ ਦੂਲੋ ਤਬੈ ਘੋਰੀ ਚੜੇ ਤਦਾਇ ।
ਸਰਗਸਤ ਝੂਲ ਪਿਖ ਸੀਸ ਪੈ ਇਨ ਕੋ ਸੰਗ ਲਵਾਇ ॥ 394 ॥

ਚੌਪਈ

ਰੀਤਿ ਹੇਤ ਨਿਜ ਕੇਤ ਸਿਧਾਯੋ । ਪੇਖ ਤੀਆ ਮਨ ਆਨੰਦ ਪਾਯੋ ।
ਹੇ ਅਲਿ⁴ ਦੂਲੋ ਰੂਪ ਅਪਾਰਾ । ਲਾਇਕ ਸੂਤ ਕੀਨ ਕਰਤਾਰਾ ॥ 395 ॥

¹ਅ ਪੋਥੀ ਦਰਿਦ੍ਰ ²ਅ ਪੋਥੀ ਕਮਲ ³ਏ ਪੋਥੀ ਵਿਚੋਂ ⁴ਅ ਪੋਥੀ ਸਖੀ

ਕਰਹਿ ਰੀਤਿ ਜਗ ਜੋ ਤਿਹ ਭਾਵੈ । ਭੇਖ ਰੂਪ ਸਭ ਹੀ ਬਲ ਜਾਵੈ ।
 ਇਹ ਦਿਸ ਸ੍ਰੀ ਗੁਰੁ ਬਾਜ ਬਜਾਏ । ਬਾਜੀ ਅਸਤ ਚਲਾਵਤ ਆਏ ॥ 396 ॥
 ਜਨਵਾਸੇ ਮਾਹਿ ਆਨ ਬਿਰਾਜੇ । ਆਏ ਹਰੀ ਰਾਇ ਛਬਿ ਛਾਜੇ ।
 ਪਠੇ ਬੁਲਾਇ ਭੋਜਨ ਕੇ ਹੇਤੂ । ਚਲੀ ਬਰਾਤ ਪਹੁੰਚ ਤਿਹ ਨਕੇਤੂ ॥ 397 ॥
 ਬੈਠੇ ਭੋਜਨ ਭਾਂਤ ਅਪਰ ਅਪਾਰਾ । ਆਗੇ ਰਾਖੇ ਭਰ ਕਰ ਬਾਰਾ ।
 ਜਬ ਬਰਾਤ ਕਰ ਭੋਜਨ ਲਾਗੀ । ਗਾਰੀ ਦੇਤ ਤਿਯਾ ਰਸ ਪਾਗੀ ॥ 398 ॥

ਦੋਹਰਾ

ਸਨੈ ਸਨੈ ਭੋਜਨ ਕਰੇ ਸੁਨ ਗਾਰੀ ਸੁਖ ਮਾਨ ।
 ਪਿਕ ਬੈਨੀ ਮ੍ਰਿਗ ਨੈਨ ਸੇ ਮਧੁਰ ਮਧੁਰ ਧੁਨ ਠਾਨ ॥ 399 ॥

ਚੌਪਈ

ਭੋਜਨ ਕੈ ਕੀਨੋ ਜਨ ਪਾਨਾ । ਲਾਵਾਂ ਸਮਾਂ ਨਿਕਟ ਪਹਿਚਾਨਾ ।
 ਦਯਾ ਸਿੰਧ ਤਿਹ ਠਾਂ ਬੈਠਾਏ । ਬਿਪ੍ਰਨ ਬੇਦੀ ਧਰੀ ਤਦਾਏ ॥ 400 ॥
 ਰਚ ਕਲਧੋਤ ਚੋਬ ਤਹਿ ਚਾਰੂ । ਦਧ ਸੁਤ ਝਾਲਰ ਗਿਰਦ ਅਪਾਰੂ ।
 ਅਤਿ ਸੁੰਦਰ ਜਹਿੰ ਸਭਾ ਬਨਾਈ । ਬੈਠੇ ਦੀਨਾ ਨਾਥ ਗੁਸਾਈ ॥ 401 ॥
 ਭਾਨੇ ਆਦਿ ਸਭੇ ਬੈਠਾਏ । ਹਰੀ ਰਾਇ ਗ੍ਰਿਹ ਪੂਜ ਕਰਾਏ ।
 ਖਾਰੇ ਸਵਰਨ ਮਨੀ ਸੁਖਕਾਰੇ । ਹਰੀ ਰਾਇ ਤਹਿ ਹਰਖ ਬੈਠਾਰੇ ॥ 402 ॥
 ਖਾਰੇ ਰਿਖ ਸਾਤੋ ਹੀ ਕੰਨਯਾ । ਅਵਧ ਸੀਲ ਸਤਿ ਕੀ ਸੁਭ ਧੰਨਯਾ ।
 ਭਗਤ ਸਿੰਘ ਤਰਿ ਸੋਭਾ ਭੀ ਐਸੀ । ਆਗੇ ਸੁਨੀ ਪਿਖੀ ਨਹੀਂ ਜੈਸੀ ॥ 403 ॥

ਅੜਿਲ

ਕੰਨਯਾ ਗ੍ਰਿਹ ਕਰ ਪੂਜ ਹਰਖ ਬਢਾਇਕੈ ।
 ਧਰ ਮੂਰਤ ਗ੍ਰਿਹ ਲੇਤ ਬੈਠ ਸੁਖ ਪਾਇਕੈ ।
 ਉਚ ਬੇਦ ਸੁਰ ਦਹਦਿਸ ਬਿਪ੍ਰ ਅਲਾਵਹੀ ।
 ਹੇ ਸੁਨੋ ਸਤ ਬਹੁ ਨਾਰੀ ਮਿਲ ਮਿਲ ਗਾਵਹੀ ॥ 404 ॥

ਦੋਹਰਾ

ਸਮਧਾ ਮਧ ਜਗਾਇ ਦਿਜ ਆਇਸ ਕਰੀ ਤਦਾਇ ।
 ਲੀਨੀ ਲਾਵਾਂ ਰਾਇ ਹਰਿ ਵਿਰਹ ਧਾਰ ਤਿਯ ਗਾਇ ॥ 405 ॥

ਸਵੈਯਾ

ਪੂਰ ਵਿਵਾਹ ਉਮਾਹ ਹੀਯੇ ਤਰ ਦਾਨ ਦੀਓ ਗੁਰ ਪੂਰਨ ਭਾਰੀ ।
 ਰਾਇ ਹਰੀ ਢਿਗ ਸਾਸ ਰਹੇ ਨਿਜ ਡੇਰ ਅਏ ਸੁਖ ਸਿੰਧ ਮੁਰਾਰੀ ।

¹ਅ ਪੋਥੀ ਭਈ

ਰੈਨ ਬਿਹਾਇ ਅਯੋ ਅਹਿ ਨਾਇਕ ਦੁਲਹੁ ਰੂਪ ਲਖਾਇ ਸੁ ਨਾਰੀ ।
ਮੋਹਿਤ ਹੋਇ ਪਰੇ ਛਿਤਪੈ ਸਜਨੀ ਅਸ ਰੂਪ ਨਾ ਕਾਹਿ ਨਿਹਾਰੀ ॥ 406 ॥

ਚੌਪਈ

ਮੁਕਟ ਸੀਸ ਸੁੰਦਰ ਅਸਰਾਜੈ । ਹੇ ਅਲ¹ ਕੋਟਿ ਰਵੀ ਪਿਖਿ ਲਾਜੈ ।
ਲਾਇਕ ਸੁਤਾ ਸਾਤ ਕੋ ਨਾਹਾ । ਕੀਓ ਬਿਧਾਤਾ ਧਾਰ ਉਮਾਹਾ ॥ 407 ॥
ਐਸੇ ਕਹਿ ਨਾਰੀ ਸੁਖ ਪਾਏ । ਸ੍ਰੀ ਹਰੀ ਰਾਇ ਜਨਵਾਸੇ ਆਏ ।
ਨਿਤ ਨੂਤਨ ਹੋਇ ਮੰਗਲ ਚਾਰਾ । ਤੀਨ ਦਿਵਸ ਦਿਖ ਆਨੰਦ ਧਾਰਾ ॥ 408 ॥
ਬਹੁਰੇ ਸ੍ਰੀ ਗੁਰ ਕਰਾ² ਪਯਾਨਾ । ਪੁਰ ਨਰ ਨਾਰਿ ਸੁਨਤ ਦੁਖ ਮਾਨਾ ।
ਦਯਾ ਰਾਮ ਦੇ ਦਾਜ ਅਨੰਤਾ । ਹੈ ਪਟ ਭੂਖਨ ਧੋਨ ਬਯੰਤਾ ॥ 409 ॥
ਮਹਖੀ ਘਨੀ ਅਲੰਕ੍ਰਿਤ ਕੀਨੀ । ਤੇਵਰ ਦਾਸੀ ਬਹੁ ਧਰ ਦੀਨੀ ।
ਏਕ ਏਕ ਕੋ ਅੰਤ ਨਾ ਆਵੈ । ਕੌਨ ਕਵੀ ਕਹਿ ਸਗਲ ਸੁਨਾਵੈ ॥ 410 ॥

ਦੋਹਰਾ

ਤਾਂਹਿ ਸੁਤਾ ਰਿਖ ਖਾਟ ਜੁਤ ਮਣਸੀ ਪੁਨ ਰੁਦਨਾਇ ।
ਜਾਨ ਸਮਾ ਵਹੁ ਵਿਰਹ ਕਾ ਪੇਖਤ ਮੋਹਿ ਉਪਾਇ ॥ 411 ॥

ਚੌਪਈ

ਦਯਾ ਰਾਮ ਡੋਲੇ ਅਨਵਾਏ । ਸੁੰਦਰ ਸਾਤ ਅਧਿਕ ਨਗ ਲਾਏ ।
ਸਾਤ ਸੁਤਾ ਤਿਹ ਮਾਂਹਿ ਬਹਾਈ । ਦੈ ਪਿਆਰ ਬਹੁ ਧੀਰ ਧਰਾਈ ॥ 412 ॥
ਦਯਾ ਰਾਮ ਕੀ ਤੀਨੋ ਨਾਰ । ਸੁਤਾ ਕੰਠ ਮਿਲ ਦੇਤ ਪਿਆਰ ।
ਏਕ ਅਨੰਤੀ ਦੂਜੀ ਜਵਾਲਾ । ਤ੍ਰਿਤੀ ਗੌਰਜਾ ਰੂਪ ਉਜਾਲਾ ॥ 413 ॥
ਸੁਤਾ ਅਨੰਤੀ ਦੋਇ ਬਖਾਨੇ । ਕਿਸਨ ਕੌਰ ਤੋਖੀ ਪਹਿਚਾਨੈ ।
ਜਾਨ ਜਵਾਲਾ ਕੀ ਦੋਇ ਕੰਨਯਾ । ਲੁਡਿਕੀ ਚੰਦ ਕੌਰ ਸੁਭ ਧੰਨਯਾ ॥ 414 ॥
ਔਰ ਗੌਰਜਾ ਪੁਤ੍ਰੀ ਤੀਨ । ਅਨੋਖੀ ਪ੍ਰੇਮ ਕੌਰ ਚਿਤਚੀਨ ।
ਰਾਮ ਕੌਰ ਏ ਸਾਤੋਂ ਜਾਨੈ । ਰੂਪ ਸੀਲ ਕੀ ਖਾਨ ਮਹਾਨੈ ॥ 415 ॥

ਦੋਹਰਾ

ਦਾਸੀ ਜੇਸਟ ਗੁਰੂ ਕੀ ਕੋਟ ਕਲਿਯਾਣੀ ਜਾਨ ।
ਸਾਤੋਂ ਸੰਗ ਵਹੁ ਭੀ ਚਲੀ ਅਧਿਕ ਰੂਪ ਕੀ ਧਾਮ ॥ 416 ॥
ਤੀਨ ਮਾਤ ਰਿਖ ਸੁਤਾ ਕਉ ਸਿਖਯਾ ਦੇਤ ਅਪਾਰ ।
ਬਹੁਰ ਬਹੁਰ ਮਿਲ ਅੰਕ ਸਿਉਂ ਪ੍ਰੇਮ ਨੀਰ ਦ੍ਰਿਗ ਢਾਰ ॥ 417 ॥
ਆਨ ਸੇਵ ਸਭ ਕੀ ਤਜੋ ਪਤਿ ਪਰਮੇਸੁਰ ਜਾਨ ।
ਹੇ ਪੁਤ੍ਰੀ ਕੀਜੋ ਸਦਾ ਸੇਵ ਨਾਹ ਮਨ ਮਾਨ ॥ 418 ॥

¹ਏ ਪੰਥੀ ਸਖੀ ²ਅ ਪੰਥੀ ਕੀਓ

ਚੌਪਈ

ਬਹੁਰ ਬਹੁਰ ਪੁਰ ਨਾਰਿ ਮਿਲਾਵੈ । ਮਿਲੈ ਅੰਕ¹ ਧਰਿ ਨੀਰ ਬਹਾਵੈ ।
 ਹਰੀ ਰਾਇ ਤਬ ਅਗੂ ਪਧਾਰਾ । ਪਾਛੇ ਡੋਲੇ ਚਾਇ ਕਹਾਰਾ ॥ 419 ॥
 ਸਾਤੋ ਡੋਲੇ ਬਡ ਛਬਿ ਪਾਵਹਿ । ਦਾਸੀ ਰਬ ਚੜਿ ਸੰਗਿ ਸਿਧਾਵਹਿ ।
 ਹਟਕ ਨਾਰਿ ਨਿਜ ਧਾਮ ਸਿਧਾਈ । ਦਯਾ ਰਾਮ ਬਹੁ ਬਿਨੈ ਅਲਾਈ ॥ 420 ॥
 ਹੋ ਪ੍ਰਭ ਛਿਮਾ ਮੋਹਿ ਪਰ ਕੀਜੈ । ਲਾਇਕ ਨਾਹਿ ਬੋਲ ਤੁਮ ਲੀਜੈ ।
 ਹੋਇ ਬੂੰਦ ਪ੍ਰਭ ਸਿੰਧ ਬੁਲਾਯੋ । ਭਈ ਭੂਲ ਸਰਨਾਗਤਿ ਆਯੋ ॥ 421 ॥
 ਡਾਰਿ ਅੰਚਰਾ ਗੁਰ ਪਗ ਪਰਾ । ਦਯਾਸਿੰਧ ਬਹੁ ਧੀਰਜ ਧਰਾ ।
 ਦਯਾਰਾਮ ਸਭ ਕੈ ਪਗ ਲਾਗਾ । ਕਰੁ ਬਿਨਤੀ ਅਤਿਹੀ ਰਸ ਪਾਗਾ ॥ 422 ॥

ਦੋਹਰਾ

ਦਯਾ ਰਾਮ ਨਿਜ ਧਾਮ ਕੋ ਆਇਸ ਲੀਏ ਸਿਧਾਇ ।
 ਨਿਜ ਨਿਜ ਬਾਹਨ ਸਭ ਚੜੇ ਖਾਸੇ ਪ੍ਰਭੁ ਸੁਹਾਏ ॥ 423 ॥

ਰਸਾਵਲ ਛੰਦ

ਬਜੇ ਭਾਰ ਬਾਜੇ । ਘਨੀ ਸੋਭ ਛਾਜੇ ।
 ਸਮੰਤ ਆਬ ਧਾਰੀ । ਘਨੋ ਬਿਤ ਡਾਰੀ ॥ 424 ॥
 ਤੁਰੰਗੀ ਨਚਾਵੈ । ਬੜੋ ਮੋਦ ਪਾਵੈ ।
 ਬਸੇ ਪੰਥ ਰੈਨੰ । ਧਰੇ ਖੇਮ ਐਨੰ ॥ 425 ॥
 ਮਹਾਂ ਦੀਨ ਜੋਊ । ਭਯੋ ਭੂਪ ਸੋਊ ।
 ਸੁਰ ਪੇਖ ਸਾਰੇ । ਭਏ ਮੋਹ ਵਾਰੇ ॥ 426 ॥
 ਘਨੇ ਫੂਲ ਡਾਰੈ । ਸੁ ਬਾਜੇ ਸੁਧਾਰੈ ।
 ਰਰੈ ਜੈਤ ਬਾਨੀ । ਮਹਾਂ ਪ੍ਰੇਮ ਸਾਨੀ ॥ 427 ॥

ਦੋਹਰਾ

ਬਸਤ ਪੰਥ ਸੁਖ ਪਾਇ ਬਹੁ ਕੀਰਤ ਪੁਰੀ ਦਿਖਾਇ ।
 ਡਾਰਤ ਧਨ ਪ੍ਰਵੇਸ਼ ਕੈ ਬਾਜੇ ਅਧਿਕ² ਬਜਾਇ ॥ 428 ॥

ਸਵੈਯਾ

ਬਾਜ ਸੁਨੇ ਗ੍ਰਿਹ ਮਾਤ ਜਬੈ ਮਨ ਆਨੰਦ ਸਿਉਂ ਸਭਿ ਨਾਰਿ ਹਕਾਰੀ ।
 ਨਾਨਕੀ ਮਾਤ ਬਡੇ ਸੁਖ ਸਿਉਂ ਮਿਲ ਗਾਵਤ ਮੰਗਲ ਬੈਨ³ ਪਧਾਰੀ ।
 ਅਨੰਤੀ ਸੁ ਆਨੰਦ ਲੀਨ ਕਮੰਡਲ ਨਾਲ ਮਿਲੀ ਬਰ ਗਾਵਤੀ ਨਾਰੀ ।
 ਆਨੰਦ ਸੋ ਦਰ ਓਰ ਚਲੀ ਸਭ ਆਪਸ ਮਹਿ ਮਿਲ ਦੇਵਤ ਗਾਰੀ ॥ 429 ॥

¹ਅ ਪੌਥੀ ਗਲੈ ²ਅ ਪੌਥੀ ਬਹੁਤ ³ਅ ਪੌਥੀ ਬਚਨ

ਦੋਹਰਾ

ਹਰੀ ਰਾਇ ਤਬ ਲੈ ਅਏ ਸਾਤ ਨਾਰਿ ਧਰ ਗੰਠ ।
 ਗਾਇ ਮਿਲੀ ਅਬਲਾ ਤਬੈ ਸਮ ਕੋਕਲ ਜਿਹ ਕੰਠ ॥ 430 ॥

ਮਾਤਾ ਅਨੰਤੀ ਵਾਰ ਜਲ ਕੀਓ ਪਾਨ ਹਰਖਾਇ ।
 ਡਾਰਿਓ ਧਨ ਬਹੁ ਕੁੰਭ ਮਾਂਹਿ ਮਨ ਮਾਂਹਿ ਬਹੁ ਸੁਖ ਪਾਇ ॥ 431 ॥

ਸਵੈਯਾ

ਗਾਵਤੀ ਧਾਮ ਚਲੀ ਸੁਖ ਸਿਉਂ ਅਤਿ ਮੋਦ ਮਹਾ ਸਭ ਕੇ ਹੀਯ ਛਾਯੋ ।
 ਸਾਤ ਹੀ ਨਾਰਿ ਕੇ ਰੂਪ ਨਿਹਾਰਿ ਅਪਾਰ ਮਹਾ ਸਸਿ ਪੇਖ ਲੁਭਾਯੋ ।
 ਹੇ ਅਲਿ¹ ਰੂਪ ਬਡੋ ਇਨ ਕੋ ਕਹਿ ਆਪਸ ਮੈਂ ਪਿਖ ਆਨੰਦ ਪਾਯੋ ।
 ਦੇਤ ਨਿਛਾਵਰ ਨਾਰਿ ਘਨੀ ਪਿਖ ਸਿੰਧ ਦਯਾ ਘਰ ਕਾਜ ਭੁਲਾਯੋ ॥ 432 ॥

ਦਾਸੀ ਸਰੂਪ ਮਹਾਂ ਅਲੀ ਰਾਜਤ ਛਾਜਤ ਕੰਜ ਸਸੀ ਬਦਨਾ ।
 ਭੋਂਹ ਕਮਾਨ ਤਨੀ ਰਤਿ ਨਾਇਕ ਜਾਂਹਿ ਪਿਖੇ ਅਤਿ ਮੋਹ ਗਨਾ ।
 ਹੇ ਅਲਿ ਰੂਪ ਅਨੂਪ ਲਖੇ ਇਨ ਕੋ ਹਰ ਰਾਇ ਮਨੋ ਸਦਨਾ ।
 ਯਾਹਿ ਅਧੀਨ ਰਹੈ ਸਦਹੀ ਅਲੀ ਨਾਹਨ ਸਾਤ ਧਰੇ ਮਦਨਾ ॥ 433 ॥

ਦੋਹਰਾ

ਆਨੰਦ ਗ੍ਰਿਹ ਅਨਗਨ ਭਯੋ ਆਵਤ ਪੁਰ ਮਿਲ ਨਾਰਿ ।
 ਦੇਤ ਬਧਾਈ ਹਰਖ ਸਿਉਂ ਗਾਵਤ ਸਦਨ ਪਧਾਰ ॥ 434 ॥

ਪਟ ਭੂਖਨ ਬਹੁ ਭਾਂਤ ਦੈ ਦਯਾਸਿੰਧ ਗੁਰਦੇਵ ।
 ਕੀਨਾ ਮਾਨ ਬਰਾਤ ਕਾ ਜਾਨ ਸਭੀ ਮਨ ਭੇਵ ॥ 435 ॥

ਚੌਪਈ

ਭਗਤ ਸਿੰਘ ਸਮੰਤ ਸੁਖਦਾਨੀ । ਸਸਿ ਖਟ ਗ੍ਰਹਿ ਪੁਨ ਬੇਦ ਬਖਾਨੀ ।
 ਹਾੜ ਦਿਸਾ ਰਿਖ ਦਿਵਸ ਬਿਤਾਇ । ਕਰਾ ਵਿਵਾਹ ਹਰਖ ਹਰਿ ਰਾਇ ॥ 436 ॥

ਵਿਵਾਹ ਕਥਾ ਸੂਚਨ ਏ ਭਾਖੀ । ਆਗੇ ਸੁਨੋ ਔਰ ਸੁਭ ਸਾਖੀ ।
 ਬਿਧੀ ਚੰਦ ਨਿਜ ਅੰਤ ਪਛਾਨਾ । ਕਛੂ ਦਿਨ ਰਹੇ ਕੀਨ ਅਨੁਮਾਨਾ ॥ 437 ॥

ਸੁੰਦਰ ਸਾਹ ਕੀ ਪ੍ਰੀਤਿ ਵਿਚਾਰੂ । ਪਾਛੈ ਤਿਨ ਕਰਯੋ ਤਕਰਾਰੂ ।
 ਸੋ ਬਿਚਾਰ [ਢਿਗ]² ਪ੍ਰਭੂ ਕੇ ਆਯੋ । ਪਗ ਪੰਕਜ³ ਗੁਰ ਕੇ ਲਪਟਾਯੋ ॥ 438 ॥

ਕੀਨੋ ਬਿਨੈ ਪ੍ਰਭ ਜਾਨੀ ਬਾਤਾ । ਅਬ ਗੁਰ ਧਾਮ ਬਿਧੀ ਸਸਿ ਜਾਤਾ ।
 ਪ੍ਰੇਮੀ ਜਾਨ ਸ੍ਰੀ ਮੁਖ ਕਹਾ । ਤੋਹਿ ਮੋਹਿ ਮੈ ਭੇਦ ਨਾ ਲਹਾ ॥ 439 ॥

¹ਅ ਪੋਥੀ ਸਾਖੀ ²ਅ ਪੋਥੀ ਵਿਚੋਂ ³ਏ ਪੋਥੀ ਚਰਨਕਮਲ

ਦੋਹਰਾ

ਸੁੰਦਰ ਸ਼ਾਹ ਚਿਤਾਰ ਤਵ ਚਲੋ ਤਾਂਹਿ ਕੇ ਪਾਸ ।
ਤਿਹੰ ਯੁਤ ਪ੍ਰਾਨ ਤਿਆਗ ਕੈ ਗੁਰ ਗ੍ਰਿਹ ਜਾਹੁ ਹੁਲਾਸ ॥ 440 ॥

ਚੌਪਈ

ਬਿਧੀ ਚੰਦ ਨਿਜ ਪ੍ਰਤ੍ਰ ਬੁਲਾਯੋ । ਲਾਲ ਚੰਦ ਤਬ ਹੀ ਨਿਕਟਾਯੋ ।
ਪ੍ਰਭ ਕੋ ਤਾਕੀ ਬਾਂਹਿ ਗਹਾਈ । ਤਾਂਕੋ ਐਸੇ ਕਹ^੧ ਸਮਝਾਈ ॥ 441 ॥
ਹੇ ਸੁਤ ਗੁਰੁ ਕੀ ਸੇਵਾ ਕੀਜੈ । ਅਹਿਨਿਸਿ ਪ੍ਰਭ ਕੇ ਨਿਕਟ ਰਹੀਜੈ ।
ਐਸੇ ਕਹ ਪੁਨ ਪਗ ਲਪਟਾਨਾ । ਲੀਓ ਅੰਕ ਪ੍ਰਭ ਕ੍ਰਿਪਾ ਨਿਧਾਨਾ ॥ 442 ॥
ਚਲਾ ਦ੍ਰਿਗਨ ਤੇ ਨੀਰ ਅਨੰਤਾ । ਬਿਹਬਲ ਭਏ ਪੁਲਕ ਭਗਵੰਤਾ ।
ਸ੍ਰੀ ਮੁਖ ਕਹੈ ਦੇਹ ਬਿਰ ਨਾਹੀ । ਦੁਰਲਭ ਮਿਲਨ ਯਾਹਿ ਕੋ ਆਹੀ ॥ 443 ॥
ਬਿਧੀ ਚੰਦ ਜਿੰਹ ਰੂਪ ਪਛਾਤਾ । ਜਾਨ ਮ੍ਰਿਖਾ^੨ ਜਗ ਨਹਿ ਮਨ ਰਾਤਾ ।
ਤਾਤੇ ਤੁਮ ਨਿਜ ਰੂਪ ਸੰਭਾਰੋ । ਮ੍ਰਿਖਾ ਸੋਕ ਜਗ ਦੂਰ ਨਿਵਾਰੋ ॥ 444 ॥

ਦੋਹਰਾ

ਐਸੇ ਕਹਿ ਬਹੁ ਧੀਰ ਦੈ ਕੀਓ ਵਿਦਾ ਤਿਹੰ ਵਾਰ ।
ਬਿਧੀ ਚੰਦ ਸੁਖ ਪਾਇ ਅਤਿ ਮਨ ਮਹਿ ਆਨੰਦ ਧਾਰ ॥ 445 ॥
ਸਾਹਿਬ ਭਾਨੇ ਆਦਿ ਜੋ ਸਭ ਕੋ ਬੰਦਨ ਕੀਨ ।
ਬਿਧੀ ਚੰਦ ਪਿਆਨਾ ਕੀਓ ਗੁਰ ਪਗ ਤਿਨ ਮਨ ਦੀਨ ॥ 446 ॥

ਚੌਪਈ

ਤਨ ਕੀ ਸੁਧ ਕਛੂ ਨਾਹਿ ਰਹਾਵੈ । ਗੁਰ ਰਸ ਮਗਨ ਚਲਾ ਮਗ ਜਾਵੈ ।
ਪਰੈ ਰੈਨ ਜਿਹੰ ਕਹਿ ਬਿਸਰਾਮਾ । ਲਖੇ ਏਕ ਸਮ ਸਹਿਰ^੩ ਗ੍ਰਾਮਾ ॥ 447 ॥
ਜਿਹ ਜਨ ਦਰਸਨ ਬਿਧੀਏ ਪਾਯੋ । ਜਠਰ ਜਨਨਿ ਕੇ ਬਹੁਰ ਨ ਆਯੋ ।
ਕਛੂ ਦਿਨ ਭੀਤਰ ਪਹੁੰਚਿਯੋ ਤਹਾਂ । ਦੇਤੂ ਗ੍ਰਾਮ ਸੁੰਦਰ ਥਾ ਜਹਾਂ ॥ 448 ॥
ਸੁੰਦਰ ਸ਼ਾਹ ਅਗੂ ਪਿਖ ਐਸੇ । ਧਿਆਨ ਨਿਸ਼ਟ ਜੋਗੀਸੁਰ ਜੈਸੇ ।
ਸਤਿਨਾਮ ਮੁਖ ਮੰਤ੍ਰ ਉਚਾਰੇ । ਸਦਾ ਨਿਰੰਤ੍ਰ ਖੰਭ ਨਾ ਧਾਰੈ ॥ 449 ॥
ਰਵਿ ਸੁਤ ਦੇਖ ਮ੍ਰਿਤ ਢਿਗ^੪ ਆਵੈ । ਗੁਰ ਪ੍ਰਤਾਪ ਬਲ ਨਾਂਹਿ ਪਰਾਵੈ ।
ਬਿਧੀ ਚੰਦ ਪਿਖ ਆਨੰਦ ਪਾਯੋ । ਉਠਹੁ ਉਠਹੁ ਅਸ ਬੈਨ ਅਲਾਯੋ ॥ 450 ॥

ਦੋਹਰਾ

ਹੇ ਗੁਰ ਪਿਆਰੇ ਮੀਤ ਮਮ ਮਿਲੇ ਮੋਹ ਭੁਜ ਧਾਰ ।
ਬੈਨ ਰਸੀਲੇ ਸੁਨਤ ਹੀ ਤਤ ਛਿਨ ਨੈਨ ਉਘਾਰ ॥ 451 ॥

^੧ਏ ਪੌਥੀ ਕਹਿਓ ^੨ਅ ਪੌਥੀ ਸਿਖਿਆ ^੩ਅ ਪੌਥੀ ਨਗਰ ^੪ਏ ਪੌਥੀ ਨਿਕਟ

ਚੌਪਈ

ਸੁੰਦਰ ਸ਼ਾਹਿ ਚਰਨ ਲਪਟਾਨਾ । ਅਤਿ ਆਨੰਦ ਸਿਉ ਬਚਨ ਬਖਾਨਾ ।
 ਤੁਮਰੀ ਦਯਾ ਸੋਕ ਮਮ ਨਾਸਾ । ਕਾਨ ਨਾ ਰਵਿ ਸੁਤ ਗੁਰ ਭਰਵਾਸਾ ॥ 452 ॥
 ਤਾਕੋ ਰੈਨ ਦਿਨਾਂ ਕਰ ਯਾਦ । ਕਬ ਆਵਹਿ ਮੋਰੇ ਅਹਿਲਾਦ ।
 ਆਜ ਮਨੋਰਥ ਪੂਰ ਹਮਾਰਾ । ਗੁਰ ਪ੍ਰੀਤਮ ਨਿਜ ਨੈਨ ਨਿਹਾਰਾ ॥ 453 ॥
 ਬਿਧੀ ਚੰਦ ਪਗ ਤਾਂਹਿ ਗਹਾਏ । ਮਿਲੇ ਅੰਕ ਦੁਇ ਭੁਜਾ ਮਿਲਾਏ ।
 ਏਕ ਆਸਨ ਬੈਠੇ ਪੁਨ ਚੌਊ । ਨਿਵੈ ਪਰਸਪਰ ਆਨੰਦ ਹੋਊ ॥ 454 ॥
 ਬਿਧੀ ਚੰਦ ਚਰਚਾ ਬਹੁ ਕਰ ਹੈਂ । ਸਬਦ ਗੁਰੂ ਨਾਨਕ ਮੁਖ ਰਰ ਹੈਂ ।
 ਪੁਰ ਜਨ ਘਨੇ ਦਾਸ ਗੁਰ ਕੀਨੇ । ਸਤਿਨਾਮ ਮੁਖ ਮੰਤ੍ਰ ਦੀਨੇ ॥ 456 ॥

ਦੋਹਰਾ

ਤਾਹਿ ਠੌਰ ਜਬ ਹੀ ਭਏ ਤੀਨ ਦਿਵਸ ਸੁਖ ਸੰਗ ।
 ਬਿਧੀ ਚੰਦ ਨਿਜ ਅੰਤ ਪਿਖ ਮਨ ਮਹਿ ਧਾਰ ਉਮੰਗ ॥ 456 ॥

ਚੌਪਈ

ਕੀਨ ਇਸਨਾਨ ਹਰਖ ਬਹੁ ਲੀਨੇ । ਸੁੰਦਰ ਸ਼ਾਹ ਤੈਸ ਹੀ ਕੀਨੇ ;
 ਜਪੁਜੀ ਪਾਠ ਕਰੈ ਸੁਖ ਪਾਇ । ਸਨਮੁਖ ਆਸਨ ਦੂਰ ਲਗਾਇ ॥ 457 ॥
 ਅੰਤ ਜਾਨ ਚਰਚਾ ਬਹੁ ਕਰੈ । ਕੇਵਲ ਪੂਰਾ ਰੂਪ ਮੁਖ ਰਰੈ ॥
 ਗੁਰ ਨਾਨਕ ਨਿਜ ਸਿਖ ਪਠਾਏ । ਲੇਵਨ ਸਿਉ ਬਿਧੀਏ ਕਉ ਆਏ ॥ 458 ॥
 ਭਾਈ ਗੁਰਦਾਸ ਅਰੁ ਪੈੜਾ ਆਯੋ । ਪਿਰਾਣਾ ਜੇਠਾ ਸੰਗ ਸੁਹਾਯੋ ।
 ਔਰ ਲੰਗਾਹ ਸੰਤ ਬਪੁ ਧਾਰਾ । ਬਿਧੀ ਚੰਦ ਕੇ ਨਿਕਟ ਪਧਾਰਾ ॥ 459 ॥
 ਬਿਧੀ ਚੰਦ ਪਿਖ ਆਏ ਸੰਤਾ । ਬਿਨਤੀ ਕੈ ਕਰਿ ਆਦਰ ਬਿਯੰਤਾ ।
 ਬਹੁਰੋ ਜਾਨ ਪ੍ਰੀਤਮ ਜੀ ਆਏ । ਲੇਵਨ ਮੋਹਿ ਨਾ ਦੇਰ ਸੁਹਾਏ ॥ 460 ॥

ਦੋਹਰਾ

ਭਾਈ ਗੁਰਦਾਸ ਬਹੁਰੋ ਕਹਾ ਬਿਧੀ ਚੰਦ ਜਗ ਚੰਦ ।
 ਗੁਰ ਸੇਵਾ ਕੀਨੀ ਘਨੀ ਮਨ ਮਹਿ ਧਾਰ ਅਨੰਦ ॥ 461 ॥

ਚੌਪਈ

ਪਾਂਚ ਗੁਰੂ ਅਬ ਤੋਹਿ ਬੁਲਾਯੋ । ਚਲੋ ਦੇਰ¹ ਤਜ ਐਸ ਅਲਾਯੋ ।
 ਬਿਧੀ ਚੰਦ ਤਬ ਬੰਦਨ ਧਾਰੀ । ਤਜੋ ਪ੍ਰਾਨ ਨਹਿ ਲਾਇ ਅਵਾਰੀ ॥ 462 ॥
 ਸੁੰਦਰ ਦੋਇ ਬਿਬਾਨ ਬਿਠਾਏ । ਵੈ ਪਾਂਚਹੁ ਕੇ ਸੰਗ ਸਿਧਾਏ ।
 ਜੈ ਜੈਕਰ ਸੁਰ ਅਗ੍ਰ ਮਿਲਾਏ । ਡਾਰ ਫੂਲ ਉਪਹਾਰ ਧਰਾਏ ॥ 463 ॥

ਏ ਬਿਧਿ ਗਯੋ ਧਾਮੇ ਗੁਰ ਕੇਰੇ । ਪਾਂਚ ਗੁਰੂ ਕੇ ਦਰਸਨ ਹੋਰੇ ।
ਕਰ ਉਸਤਤਿ ਬਹੁ ਬੰਦਨ ਧਾਰ । ਸਕਲ ਸਭਾ ਨਿਜ ਨੈਨ ਨਿਹਾਰ ॥ 464 ॥

ਦੋਹਰਾ

ਮਰਦਾਨਾ ਗਾਵਤ ਤਹਾਂ ਅਤਿ ਛਬਿ ਕਹੀ ਨਾ ਜਾਇ ।
ਨਿਜ ਪ੍ਰੀਤਮ ਪੈ ਬੈਠਿਓ ਗੁਰ ਨਾਨਕ ਜਸ ਗਾਇ ॥ 465 ॥
ਦੇਉ ਗ੍ਰਾਮ ਮਹਿ ਬਸਤ ਜੋ ਭਏ ਦਾਸ ਪੁਰ ਲੋਕ ।
ਸੁਨਤ ਐਸ ਦੋਰਤ ਭਏ ਤਜੇ ਤੁਰਤ ਨਿਜ ਓਕ ॥ 466 ॥

ਚੌਪਈ

ਗੁਰ ਸਮ ਤਾਂਹਿ ਰੀਤਿ ਸਭ ਕੀਨੀ । ਕੀਓ ਦਾਹ ਬਿਧੀਏ ਭੈ ਲੀਨੀ ।
ਭਾਦ੍ਰੋਂ ਸੁਦੀ ਅਸ਼ਟਮੀ ਕੋ ਦਿਨ । ਦੋਇ ਘਰੀ ਨਿਸ ਰਹੀ ਅਮੀ ਗਿਨ ॥ 467 ॥
ਪਾਛੇ ਸ੍ਰੀ ਗੁਰ ਰਹੈ ਉਦਾਸ । ਜੈਸ ਭੁਜਾ ਬਿਨ ਪੰਖ ਬਿਨਾਸ ।
ਨਰ ਸਮ ਬਾਰੰਬਾਰ ਚਿਤਾਰਹਿ । ਲਾਲ ਚੰਦ ਸਿਉ ਅਤਿ ਹਿਤ ਧਾਰਹਿ ॥ 468 ॥

ਦੋਹਰਾ

ਭਾਦ੍ਰੋਂ ਅਸੂ ਬੀਤਯੋ ਆਯੋ ਕਾਤਕ ਮਾਸ ।
ਬਾਬਕ ਤਜੇ ਪ੍ਰਾਨ ਜਿਮ ਸੁਨੀਯੋ ਸੰਤ ਬਿਲਾਸ ॥ 469 ॥

ਚੌਪਈ

ਕੀਰਤਨ ਕਰੈ ਸਦਾ ਗੁਰ ਆਗੇ । ਏਕ ਪ੍ਰੇਮ ਰਸ ਲੋਭ ਨ ਦਾਗੇ ।
ਦੀਪਮਾਲ ਆਗੇ ਅਹਿ ਏਕ । ਆਵਤ ਸੰਗਤ ਸਿਖ ਅਨੇਕ ॥ 470 ॥
ਲਾਗੋ ਦੀਰਘ ਤਬੈ ਦੀਵਾਨ । ਚੜੇ ਜਾਮ ਦਿਨ ਬਹੁ ਸੁਖਮਾਨ ।
ਲੇਵਨ ਆਯੋ ਤਬ ਮਰਦਾਨਾ । ਨਭ ਮਹਿ ਐਸੇ ਬੈਨ ਬਖਾਨਾ ॥ 471 ॥
ਹੇ ਬਾਬਤ ਗੁਰ ਦਰਸਨ ਕੀਜੈ । ਨਿਜ ਸੁਤ ਸੌਂਪ ਪ੍ਰਾਨ ਤਜ ਦੀਜੈ ।
ਬਾਬਕ ਪਿਖ ਨਿਜ ਸੀਸ ਝੁਕਾਯੋ । ਚਾਰ ਪੁਤ੍ਰ ਲੈ ਗੁਰ ਸੌਂਪਾਯੋ ॥ 472 ॥

ਦੋਹਰਾ

ਕਰ ਬੰਦਨ ਤਜ ਪ੍ਰਾਨ ਕਉ ਸਨਮੁਖ ਦੀਨ ਦਯਾਲ ।
ਭਗਤ ਸਿੰਘ ਤਿਹ ਸਮ ਨਹੀਂ ਐਸੇ ਪਿਖ ਜਗ ਆਲ ॥ 473 ॥

ਚੌਪਈ

ਦੇਖ ਸਕਲ ਮਨ ਬਿਸਮੈ ਮਾਨੀ । ਬਿਸਮੈ ਧਰ ਪੁਨ ਸਤੁਤਿ¹ ਬਖਾਨੀ ।
ਸ੍ਰੀ ਗੁਰ ਅਬਦੁਲ ਤਬੈ ਬੁਲਾਯੋ । ਕਰੋ ਕ੍ਰਿਤ ਸ੍ਰੀ ਮੁਖਹੁ ਅਲਾਯੋ ॥ 474 ॥
ਅਬਦੁਲ ਨਥੇ ਕ੍ਰਿਤ ਸਵਾਰੀ । ਬਾਬਕ ਸੁਤ ਸੋ ਮਿਲ ਹਿਤਕਾਰੀ ।
ਕਬਰ ਬਨਾਇ ਰੀਤਿ ਸਭ ਕੀਨੀ । ਤੀਰ ਸਤੁਦ੍ਰਵ ਬਹੁ ਸੁਖ ਲੀਨੀ ॥ 475 ॥

¹ਅ ਪੌਥੀ ਉਸਤਤਿ

ਬਾਬਕ ਨਾਰਿ ਸੋਕ ਬਡ ਕੀਨੋ । ਦਯਾ ਸਿੰਧ ਬਹੁ ਧੀਰਜ ਦੀਨੋ ।
ਕਰੋ ਨ ਚਿੰਤ ਪੁਤ੍ਰ ਤੁਮ ਚਾਰ । ਕਰਹੈ ਏਹੁ ਤੁਮਰੀ ਪ੍ਰਤਿਪਾਰ ॥ 476 ॥

ਦੋਹਰਾ

ਮਿਲਨ ਬਿਰਛਨ ਜਗ ਮੈ ਬਨਾ ਨਦੀ ਕਾਠ ਸਮ ਜਾਨ ।
ਐਸੇ ਕਥਾ ਅਨੰਤ ਕਹਿ ਧੀਰਜ ਦੀਓ ਮਹਾਨ ॥ 477 ॥

ਚੌਪਈ

ਪੁਨਾ ਰਾਗ ਬਾਬਕ ਸੁਤ ਕਰਹੈ । ਦਯਾ ਸਿੰਧ^੧ ਆਇਸ ਅਨੁਸਰ ਹੈ ।
ਅਬਦੁਲ ਢਾਢੀ ਵਾਰ ਲਗਾਵੈ । ਘਨੋ ਮੋਦ ਮਨ ਭੀਤਰ ਪਾਵੈ ॥ 478 ॥
ਵਿਰਾਗ ਉਪਾਸਨਿ ਗਯਾਨ ਮਹਾਨ । ਸਾਹਿਬ ਭਾਨਾ ਚਰਚਾ ਠਾਨ ।
ਰੂਪ ਚੰਦ ਬਹੁ ਚਰਚਾ ਕਰੈ । ਗੁਰ ਮੂਰਤ ਪਿਖ ਆਨੰਦ ਧਰੈ ॥ 479 ॥
ਕਾਤਕ ਮਘਰ ਪੋਹ ਬਿਤਾਯੋ । ਪਾਵਨ ਮਾਸ ਮਾਘ ਤਬ ਆਯੋ ।
ਦਯਾ ਸਿੰਧ ਦੇਵੈ ਬਹੁ ਦਾਨਾ । ਨਿਤਿ ਨੂਤਨ ਨਹਿ ਜਾਤ ਬਖਾਨਾ ॥ 480 ॥

ਦੋਹਰਾ

ਭਗਤ ਸਿੰਘ ਗੁਰ ਕੀ ਕਥਾ ਅਧਿਕ ਅਧਿਕ ਬਹੁ ਜਾਨ ।
ਸੁਨਹੁ ਗਾਥ ਜਿਹ ਬਿਧ ਤਜੈ ਜਾਤੀ ਮਲ ਪਰਾਨ ॥ 481 ॥

ਸਵੇਯਾ

ਤੀਰ ਸਤ੍ਰਦ੍ਰਵ ਹੇਤ ਇਸਨਾਨ ਗਯੋ ਸੁਖ ਮਾਨ ਸੁ ਮੋਦ ਬਢਾਯੋ ।
ਜਾਇ ਇਸਨਾਨ^੨ ਕੀਓ ਸੁਖ ਸਿਉਂ ਤਹ ਆਸਨ ਡਾਰ ਕੈ ਧਯਾਨ ਧਰਾਯੋ ।
ਮਾਘ ਕੋ ਮਾਸ ਪੁਨੀਤ ਮਹਾ ਬਿਤ ਜਾਨ ਦਵਾਦਸੀ ਆਨੰਦ ਪਾਯੋ ।
ਤਬ ਆਨ ਸਿੰਘਾ ਤਿੰਹ ਕੋ ਪਿਤ ਜੋ ਤਿਹ ਪਾਸ ਤਬ ਚਲ ਕੈ ਸੋਈ ਆਯੋ ॥ 482 ॥
ਆਇ ਕੈ ਮਧ ਅਕਾਸ ਤਬ ਅਤਿ ਸੁੰਦਰ ਜੋਤਿ ਬਢੀ ਛਬਿ ਛਾਜੈ ।
ਜਾਹਿ ਲਗੇ ਨਗ ਮਾਨਕ ਸੁੰਦਰ ਬੈਨ ਬਿਮਾਨ ਕਿਧਹੁ ਰਵਿ ਰਾਜੈ ।
ਰੀਤਿ ਬਿਬਾਨ ਮਹਾਨ ਜਿਸੈ ਛਬਿ ਤਾਤ ਕੇ ਹੇਤ ਅਯੋ ਸਸ ਸਾਜੈ ।
ਸਿੰਘਾ ਦਯਾ ਅਸ ਬੈਨ ਕਹੈ ਪੰਨ ਤਾਤ ਤੁਮੈ ਬਡ ਪੁੰਨ ਵਿਰਾਜੈ ॥ 483 ॥

ਦੋਹਰਾ

ਹੇ ਸੁਤ ਕੁਲ ਪਾਵਨ ਕਰੀ ਗੁਰ ਸੇਵਾ ਬਹੁ ਕੀਨ ।
ਤੋ ਸਮ ਕੋਇ ਨਾ ਜਗਤ ਮਹਿ ਹਲਤ ਪਲਤ ਸੁਖ ਲੀਨ ॥ 484 ॥

ਚੌਪਈ

ਆਯੋ ਨਿਕਟ ਲੈਨ ਹਉਂ ਤੇਰੇ । ਪਰਮ ਧਾਮ ਚਾਲੋ ਸੁਤ ਮੇਰੇ ।
ਜਾਤੀ ਮਲ ਬੈਨ^੩ ਸੁਨ ਜਬਹੀ । ਨੈਨ ਉਘਾਰ ਪਿਤਾ ਪਿਖ ਤਬਹੀ ॥ 485 ॥

^੧ਅ ਪੋਥੀ ਕ੍ਰਿਪਾਨਿਧਾਨ ^੨ਅ ਪੋਥੀ ਇਸਨਾਨ ^੩ਦ ਪੋਥੀ ਬਚਨ

ਕਰ ਬੰਦਨ ਅਸ ਬੈਨ ਅਲਾਯੋ । ਤਵੈ ਦਰਸਨ ਪਿਖ ਖੇਦ ਮਿਟਾਯੋ ।
 ਗੁਰ ਆਇਸ ਲੈ ਤਜਉ ਪ੍ਰਾਨਾ । ਰਹੋ ਠਾਂਢ ਤੁਮਰੇ ਗੁਨ ਗਾਨਾ ॥ 486 ॥
 ਅਸ ਕਹਿ ਦੋਰ ਪ੍ਰਭੂ ਢਿਗ¹ ਆਯੋ । ਹੋਵਤ ਰਾਗ ਦੀਵਾਨ ਲਗਾਯੋ ।
 ਨਿਜ ਸੁਤ ਬੋਲ ਘਨੀ ਸੁਖ ਦੈ ਕੇ । ਸੋਂਪ ਗੁਰੂ ਕਉ ਆਨੰਦ ਕੈ ਕੈ ॥ 487 ॥
 ਬਹੁਰੋ ਬਿਰਥਾ ਆਪ ਸੁਨਾਈ । ਆਯੋ ਪਿਤਾ ਲੈਨ ਜਗ ਸਾਈ ।
 ਤਬ ਗੁਰ ਕਹਾ ਜਗ ਮਿਥਯਾ ਜਾਨ । ਆਤਮ ਰੂਪ ਸਦਾ ਸਤਿਮਾਨ ॥ 488 ॥

ਸਵੈਯਾ

ਦੇਤ ਮੁਹਾਰ ਨਕੇਤ ਬਸੈ ਜਬ ਧਾਮ ਤਜੈ ਕਛ ਚਿੰਤ ਨਾ ਹੋਈ ।
 ਔਰ ਬਿਦੇਸ ਬਸੈ ਨਿਸ ਕੋ ਕਛ ਨੇਹੁ ਨਾ ਧਾਰ ਸੁਬਹਿ ਚਲ ਜੋਈ ।
 ਤੈਸ ਵਿਚਾਰ ਧਰੈ ਨਰ ਉਤਮ ਗਯਾਨ ਹੀਏ ਤਨ ਕੰਚ ਸਮੋਈ ।
 ਰੂਪ ਅਚਲ ਸਮਾਵਤ ਹੈ ਤਸ ਜਹੁ ਤੁਮੈ ਅਤਿ ਭੇਦ ਨਾ ਕੋਈ ॥ 489 ॥

ਚੌਪਈ

ਕਛੁਕ ਕਾਲ ਹਮ ਈਹਾਂ ਰਹਾਵਹਿੰ । ਤੁਮਰੇ ਢਿਗ¹ ਹਮ ਤੁਰਤ ਸੁ ਆਵਹਿੰ ।
 ਬੈਨ ਰਸੀਲੇ ਸੁਨ ਗੁਰ ਕੇਰੇ । ਜਾਤੀ ਮਲਕ ਭਾਰ ਸੁਖ ਹੇਰੇ ॥ 490 ॥
 ਪਰਾ ਚਰਨ ਧਰ ਹਿਯ ਮਹਿ ਰੂਪਾ । ਤਜੀ ਦੇਹ ਨਿਜ ਪਾਇ ਸਰੂਪਾ ।
 ਪਿਤਾ ਸੰਗ ਚੜ ਯਾਨ ਸਿਧਾਯੋ । ਗੁਰਕੇ ਧਾਮ ਭਾਰਿ² ਸੁਖ ਪਾਯੋ ॥ 491 ॥
 ਗੁਰ ਕੇ ਪਗ ਲਾਗਤ ਤਜ ਦੇਹੀ । ਅਸ ਦਿਖ ਸਭ ਜਨ ਬਿਸਮੈ ਲੇਹੀ ।
 ਸ੍ਰੀ ਗੁਰ ਕਹਾ ਨਾ ਬਿਸਮੈ ਧਾਰੋ । ਸਾਚ ਪ੍ਰੀਤਿ ਕੀ ਰੀਤਿ ਬਿਚਾਰੋ ॥ 492 ॥
 ਤਨਕ ਬਿਖੈ ਤਿਆਗੇ ਨਿਜ ਪ੍ਰਾਨਾ । ਪ੍ਰੀਤਮ ਬੋਲ ਦੇਰ ਨਹਿ ਠਾਨਾ ।
 ਐਸੇ ਕਹਿ ਸਭ ਹੀ ਸਮਝਾਏ । ਮਯਾ ਰਾਮ ਸਤਿ ਕ੍ਰਿਤ ਕਰਾਏ ॥ 493 ॥

ਦੋਹਰਾ

ਮ੍ਰਿਤ ਕਰਾਈ ਕ੍ਰਿਤ ਸਭ ਸੁੰਦਰ ਪਾਇ ਬਿਬਾਨ ।
 ਗਾਵਤ ਮਾਰੂ ਸਬਦ ਬਹੁ ਸਾਥ ਪ੍ਰਭੂ ਸੁਖ ਖਾਨ ॥ 494 ॥
 ਤੀਰ ਸਤ੍ਰੁਦ੍ਰਵ ਚਿਤਾ ਰਚ ਕੀਨ ਦਾਹ ਕੀ ਰੀਤਿ ।
 ਪੁਨ ਆਹੇ ਸਭ ਸਦਨ ਮਹਿ ਬਰਨਤ ਜਗਤ ਅਨੀਤਿ ॥ 495 ॥

ਚੌਪਈ

ਸਾਹਿਬ ਭਾਨੇ ਲਖਿਯੋ ਬਿਲਾਸ । ਦਯਾ ਸਿੰਧ ਮਨ ਰਹਤ ਉਦਾਸ ।
 ਚਾਹਿਤ ਏ ਤਨ ਤਜਨ ਸੁਹਾਯੋ । ਗੁਰ ਪਗ ਰਜ ਬਲ ਸਭੈ ਲਖਾਯੋ ।
 ਸਭ ਕੋ ਐਸੇ ਕਹਿ ਸੁਨਾਇ । ਕੀਜੈ ਦਰਸ ਸਮਾਂ ਬਿਤ ਜਾਇ ।
 ਗੁਰ ਮੂਰਤ ਪਿਖੇ ਨਿਜ ਨੈਨਾ । ਸੇਵਾ ਕਰੋ ਧਾਰ ਹੀਯੇ ਐਨਾ ॥ 496 ॥

¹ਅ ਪੌਥੀ ਪਹਿ ²ਅ ਪੌਥੀ ਪਹਿ ³ੲ ਪੌਥੀ ਅਧਿਕ

ਸਭ ਜਨ ਸੁਨਤ ਪ੍ਰੇਮ ਰਸ ਪਾਗੇ । ਕਰ ਦਰਸਨ ਗੁਰ ਸੇਵਾ ਲਾਗੇ ।
ਸਾਹਿਬ ਭਾਨਾ ਆਨੰਦ ਪਾਵੈ । ਗੁਰ ਸੰਗ ਚਰਚਾ ਅਧਿਕ ਕਰਾਵੈ ॥ 497 ॥
ਬੀਤ ਮਾਸ ਬਿਬ ਚੇਤਰ ਆਯੋ । ਪਾਵਨ ਜਾਨ ਪ੍ਰਭੂ ਮਨ ਭਾਯੋ ।
ਸੁਨੋ ਸੰਤਿ ਭਵ ਤਾਰਨ ਹੇਤੂ । ਕੀਨ ਚਰਿਤ ਜੋ ਦਯਾ ਨਿਕੇਤੂ ॥ 498 ॥

ਦੋਹਰਾ

ਸੁਦੀ ਚੌਥ ਚਰਚਾ ਕਰਤ ਰਹੇ ਤੀਨ ਨਿਸ ਜਾਮ ।
ਭਾਨੇ [ਆਦਿਕ]¹ ਬੈਠ ਸਭ ਗੁਰ ਢਿਗ ਹੀਏ ਅਕਾਮ ॥ 499 ॥
ਰਹੀ ਜਾਮ ਨਿਸ ਜਾਨ ਕਰ ਸ੍ਰੀ ਗੁਰ ਕੀਨ ਇਸਨਾਨ ।
ਜਪੁਜੀ ਪੜ ਗੁਰ ਮੰਤ੍ਰ ਕੋ ਗੁਰ ਨਾਨਕ ਕਰ ਧਯਾਨ ॥ 500 ॥
ਮਜਨ ਕਰ ਬੈਠੇ ਸਭੀ ਮੋਨ ਨਿਰੰਤਰ ਧਾਰ ।
ਜਪਤ ਜਾਪ ਅਜਾਪ ਮੁਖ ਮੂਰਤ ਪ੍ਰਭੂ ਨਿਹਾਰ ॥ 501 ॥

ਅੜਿਲ

ਸਕਲ ਦੇਵ ਤਬ ਆਏ ਹਰਖ ਬਧਾਇਕੇ ।
ਕਮਲਜ² ਸ਼ਿਵ ਸ੍ਰੀ ਨਾਹਿ ਸਕ ਸੁਖ ਪਾਇਕੇ ।
ਰਵਿ ਸਸਿ ਬਰਨ ਕੁਮੇਰ ਸੰਤ ਬਪੁ ਪਾਇਯੋ ।
ਹੋ ਆਇ ਬੰਦਨਾ ਕੀਨ ਸੁ ਐਸ ਅਲਾਇਯੋ ॥ 502 ॥
ਧਾਰ ਸਨਾਤਨ ਰੂਪ ਰਛ ਸੁਰ ਕੀਜੀਏ ।
ਕੀਨੇ ਚਰਿਤ ਅਪਾਰ ਜਗਤ ਸੁਖ ਦੀਜੀਏ ।
ਸ੍ਰੀ ਗੁਰ ਦੀਨਾ ਮਾਨ ਲਥੇ ਕਹਿ ਸੰਤ ਜੀ ।
ਹੋ ਬੈਠੋ ਖੇਦ³ ਨਿਵਾਰ ਕਹੋ ਹੀਯ ਮੰਤ੍ਰ ਜੀ ॥ 503 ॥

ਦੋਹਰਾ

ਸਭੈ ਸੰਤ ਤਾਕੋ ਲਖੈ ਦੇਵ ਨ ਜਾਨੈ ਕੋਇ ।
ਦਯਾ ਸਿੰਧ ਮਾਯਾ ਡਰੀ ਜਾਨ ਪ੍ਰਭੂ ਸੁਰ ਸੋਇ ॥ 504 ॥
ਅਗਰ ਦੇਵ ਗੁਰ ਹੋਇ ਕੈ ਕੀਨੀ ਬਿਨੈ ਮਹਾਇ ।
ਹਮ ਹੈ ਕਿੰਕਰ ਤੋਹਿ ਕੇ ਜੁਗ ਜੁਗ ਕਰੋ ਸਹਾਇ ॥ 505 ॥
ਹੋ ਪ੍ਰਭੂ ਅੰਤ ਨਾ ਪਾਇ ਕੋ ਅਲਖ ਅਭੇਵ ਤੁਮਾਰ ।
ਨੇਤਿ ਨੇਤਿ ਤੋਕਉ ਰਹੈ ਦੇਵਤੇ ਬੇਦ ਤੁਮ ਚਾਰ ॥ 506 ॥
ਨਮੋ ਨਮੋ ਪਦ ਕਮਲ ਕੋ ਜਾਕੋ ਬਲ ਅਧਿਕਾਇ ।
ਸੁਨੋ ਸੰਤ ਉਸਤਤਿ ਕਰੀ ਪ੍ਰਭ ਅਵਤਾਰ ਗਨਾਇ ॥ 507 ॥

¹ਏ ਪੋਥੀ ਵਿਚੋਂ ²ਅ ਪੋਥੀ ਬ੍ਰਹਮਾ ³ਅ ਪੋਥੀ ਦੁਖ

ਸਵੈਯਾ

ਹੇ ਜਗ ਨਾਯਕ ਹੇ ਸਭ ਪਾਇਕ ਘਾਇਕ ਦੇਵ ਅਰੀ ਦੁਖ ਟਾਰੇ ।
 ਹੋਵਤ ਪਾਪ ਜਬੈ ਧਵਨੀ ਸੁਰ ਪਾਇ ਮਹਾਂ ਦੁਖ ਅਗ੍ਰ ਪੁਕਾਰੇ ।
 ਧਾਰ ਦਯਾ ਤੁਮ ਕਾਟਤ ਹੋ ਧਰ ਰੂਪ ਪ੍ਰਭੂ ਸੁਖ ਸਿੰਧ ਮੁਰਾਰੇ ।
 ਜਾਹਿ ਤਹਾਂ ਸਗਲੇ ਜੁਗ ਅੰਤਰੁ ਦੇਵ ਧਰਾ ਕਰਿ ਰਛ ਮੁਰਾਰੇ ॥ 508 ॥
 ਦਾਨਵ ਹੁਇ ਜਬੈ ਸੰਖਾ ਸੁੰਰ ਬੇਦ ਹਰੇ ਸੁਰ ਧਾਮ ਛਿਨਾਯੋ ।
 ਭਾਰ ਦੀਓ ਦੁਸ਼ਟਾਤਮ ਤਾਂ ਦੁਖ ਦੇਵ ਬਿਨੈ ਤੁਮ ਅਗ੍ਰ ਲਖਾਯੋ ।
 ਮਛ ਸੁ ਤੁਮ ਅਵਤਾਰ ਕੀਓ ਪੁਨ ਦੀਰਘ ਹੋਇ ਸੰਖਾਸੁਰ ਘਾਯੋ ।
 ਬੇਦ ਉਧਾਰ ਕੀਏ ਸੁਰ ਕਾਜ ਦੇ ਅੰਤ ਸਭੈ ਜਗ ਕੋ ਸੁਖਦਾਯੋ ॥ 509 ॥

ਦੋਹਰਾ

ਕਛ ਰੂਪ ਤੁਮਨੇ ਕੀਓ ਦੇਵ ਅਦੇਵ ਸੁਦੀਨ ।
 ਤਾਂਹਿ ਸਹਿਤ ਕਰਨ ਕੋ ਕਛ ਤੁਮੇ ਬਪੁ ਲੀਨ ॥ 510 ॥
 ਕਾਢ ਲੀਨ ਸਭ ਰਤਨ ਜਬ ਨਿਧਾ^੧ ਤੇ ਅੰਮ੍ਰਿਤ ਆਨ ।
 ਬਹੁ ਬਿਰੋਧ ਕੇ ਨਾਸ ਹਿਤ ਨਰ ਨਾਰਾਇਣ ਮਾਨ ॥ 511 ॥
 ਮੋਹਨੀ ਰੂਪ ਧਾਰਾ ਤੁਮੇ ਜਾਹਿ ਦੇਖ ਸਭ ਮੋਹਿ ।
 ਅਮੀ ਦੇਵ ਕੋ ਦੇਤ ਭਏ ਮਦ ਸੁਦੈਤ ਦਿਖੋਹਿ ॥ 512 ॥

ਸਵੈਯਾ

ਹੋਤ ਭਯੋ ਹਿਰੰਨ ਅਸੁੰਰ ਪੁਨ ਜੀਤ ਲੀਏ ਸੁਰ ਓਜ ਜਨਾਯੋ ।
 ਮੋਰ ਕੈ ਸਿੰਗ ਅੰਗੁਸ਼ ਦੀਓ ਪਗ ਮੇਦ ਧਰਾ ਸੋ ਪਯਾਲ ਸਿਧਾਯੋ ।
 ਮਾਨ ਬਿਨੀ^੨ ਪੁਨ ਰੂਪ ਕੀਓ ਤੁਮ ਦਾੜ ਸੁ ਗਾੜੁ ਵਿਰਹ ਉਪਾਯੋ ।
 ਜਾਇ ਪਤਾਲ ਲਰਿਯੋ ਰਿਸ ਕੇਤਹਿ ਮਾਰ ਧਰਾ ਪੁਨ ਬੇਦ ਲਿਖਾਯੋ ॥ 513 ॥

ਰਸਾਵਲ ਛੰਦ

ਪੁਨਾ ਹਰਨਿ ਦੈਤੰ । ਤਿਸੇ ਦੇਵ ਐਤੰ ।
 ਸਭੈ ਜੀਤ ਡਾਰੇ । ਮਹਾਂ ਦੂਖ ਧਾਰੇ ॥ 514 ॥
 ਤਬੈ ਤਾਤ ਤਾਕੋ । ਜਿਸੇ ਰੱਖਿਆ ਕੋ ।
 ਪ੍ਰਹਲਾਦ ਸੁਜਾਨੋ । ਤਿਸੇ ਹੇਤ ਮਾਨੋ ॥ 515 ॥
 ਨੰਰੰ ਸਿੰਘ ਧਾਰੇ । ਹਰਨੋ ਸੁ ਫਾਰੇ ।
 ਕੀਓ ਤਾਹਿ ਨਿਰ ਭੈ । ਸਭੈ ਦੁਖ ਹਰ ਭੈ ॥ 516 ॥

ਚੌਪਈ

ਸੁਖ ਸਉ ਰਾਜ ਦੇਵ ਤਬ ਕੀਨਉ । ਅਧਿਕ ਤੇਜ ਰਾਖਸ ਪੁਨ ਲੀਨਉ ।
 ਲਾਗੇ ਦਾਨ ਜਗ ਕਰ ਭਾਰੀ । ਭਯੋ ਰਾਜ ਬਹੁ ਦੇਵ ਦੁਖਾਰੀ ॥ 517 ॥

^੧ਅ ਪੋਥੀ ਸਮੁੰਦ ^੨ਅ ਪੋਥੀ ਬਿਨਤ ਏ ਪੋਥੀ ਅਰਜ

ਜਗ ਮਹਿ ਬਲੀ ਨਾ ਕੋ ਸੁਰ ਪਾਵੈ । ਹੋਵਤ ਖੀਨ ਨਿਤਾ ਪ੍ਰਤਿ ਜਾਵੈ ।
 ਤਹ ਤੁਮ ਕੀਨੀ ਦੇਵ ਸਹਾਇ । ਬਾਵਨ ਰੂਪ ਧਰਾ ਜਗ ਆਇ ॥ 519 ॥
 ਬਲਿ ਰਾਜੇ ਕੇ ਨਿਕਟ ਸਿਧਾਯੋ । ਤਹ ਤੇ ਦਾਨ ਭੂਮਿ ਕਾ ਪਾਯੋ ।
 ਚਰਨ¹ ਅਢਾਈ ਭੂਮਿ ਮਿਨਾਇ । ਭੂਮਿ ਅਕਾਸ ਦੇਹ ਅਰਧਾਇ ॥ 520 ॥
 ਪਗ ਸਿਉ ਦਾਬ ਪਤਾਲ ਪਠਾਯੋ । ਦੀਓ ਰਾਜ ਤਿਹ ਦੁਆਰ ਬੈਠਾਯੋ ।
 ਚੋਬਦਾਰ ਹੂੰ ਤਹਾਂ ਰਹਾਵੋ । ਹੇ ਪ੍ਰਭ ਭਾਰੀ ਜਸ ਉਪਜਾਵੋ ॥ 521 ॥

ਦੋਹਰਾ

ਏ ਬਿਧ ਬਾਵਨ ਰੂਪ ਕੈ ਧਰਾ ਦੇਵ ਦੁਖ ਟਾਰ ।
 ਜੁਗ ਜੁਗ ਭਗਤਿ ਸਹਾਇ ਤੁਮ ਕੀਨੀ ਧਰਿ ਅਵਤਾਰ ॥ 522 ॥

ਸ਼ਵੇਯਾ

ਕਾਲ ਕੀਓ ਕਛ [ਖੇਮ]² ਪੁਨਾ ਸੁਰ ਛਤ੍ਰੀ ਹੋਤ ਭਏ ਜਗ ਸਾਰੇ ।
 ਦੇਵਤ ਨਾਹਿ ਬਲੀ ਸੁਰ ਕਉ ਤਬ ਰੂਪ ਧਰਾ ਪਰਸਰਾਮ ਮੁਰਾਰੇ ।
 ਬਾਂਹ ਸਹੰਸ ਨਰੇਸ ਹਨਾ ਜਗ ਛਤ੍ਰੀ ਵਾਰ ਇਕੀਸ ਹਤਾਰੇ ।
 ਭੂਮਿ ਦਈ ਤਬ ਬਿਪ੍ਰਨ ਕੋ ਪ੍ਰਭ ਦਾਸਨ ਕੇ ਦੁਖ ਦੂਰ ਨਿਵਾਰੇ ॥ 523 ॥
 ਹੇ ਪ੍ਰਭ ਰੂਪ ਧਰਿਯੋ ਬ੍ਰਹਮਾ ਤੁਮ ਪਾਪ ਨਿਵਾਰਨ ਹੋਤ ਦਯਾਲਾ ।
 ਬੇਦ ਪ੍ਰਕਾਸ ਹੁਲਾਸ ਕੀਓ ਜਗ ਪਾਪ ਕੋ ਨਾਸਕੈ ਪੁਨੰ ਉਜਾਲਾ ।
 ਅੰਤ ਨਹੀਂ ਤੁਮਰੇ ਸੁਖ ਸਾਗਰ ਤੋ ਸਮ ਔਰ ਨ ਦਾਸ ਕ੍ਰਿਪਾਲਾ ।
 ਮਾਧਵ ਕੇਸਵ ਨਾਮ ਤੁਮੇ ਪ੍ਰਭ ਦਾਸਨ ਰਛ ਸਦਾ ਕਿਰਪਾਲਾ ॥ 524 ॥
 ਦਾਨਵ ਹੋਤ ਭਯੋ ਤ੍ਰਿਪੁਰ ਪੁਨ ਦੇਵਨ ਕੋ ਦੁਖ ਦੇਤ ਬਿਅੰਤਾ ।
 ਤਬ ਹੀ ਤੁਮ ਰੂਪ ਕੀਓ ਸ਼ਿਵ ਕੋ ਕਰ ਸੂਲ ਲੈ ਆਹਵ ਕੀਨ ਅਨੰਤਾ ।
 ਮਾਰ ਲੀਓ ਤ੍ਰਿਪੁਰਾ ਪੁਰ ਬੇਧ ਕੈ ਅੰਧਕ ਨਾਸ ਕੀਓ ਤਹਿ ਸੰਤਾ ।
 ਦੀਨ ਦਯਾਲ ਅਵਤਾਰ ਇਕਾਦਸ਼ ਤੋਹਿ ਕੀਓ ਬਲਿ ਜਾਵਤ ਜੰਤਾ ॥ 525 ॥
 ਰੁਦ੍ਰ ਕੇ ਕੋਪ ਅੰਗਾਰ ਲੀਓ ਭਵ ਡਾਰ ਦੀਓ ਦਧਿ ਦੈਤ ਉਪਾਯੋ ।
 ਨਾਮ ਜਲੰਧਰ ਤਾਂਹਿ ਕੀਓ ਪੁਨ ਨਾਰਿ ਬਰੀ ਜਿਹ ਸੀਲ ਮਹਾਯੋ ।
 ਸੰਕ੍ਰ ਨਾਰਿ ਭੁਲਾਇ ਕੈ ਮਾਂਗਤ ਨਾਂਹਿ ਦਈ ਬਡ ਜੁਧ ਉਪਾਯੋ ।
 ਜੀਤ ਬਸਾਇ ਲੀਏ ਪੁਰ ਮੈ ਸੁਰ ਨਾਰਿ ਕੈ ਸੰਤ ਨਾ ਪੀਠ ਦਿਖਾਯੋ ॥ 526 ॥

ਦੋਹਰਾ

ਰੂਪ ਜਲੰਧਰ ਤਬ ਕੀਓ ਹੇ ਪ੍ਰਭ³ ਤੁਮ ਦੁਖ ਟਾਰ ।
 ਰਛ ਕਰੀ ਸੂਰਦਾਸ ਕੀ ਦਾਨਵ ਦੀਓ ਸੰਘਾਰ ॥ 527 ॥

¹ਅ ਤੇ ਏ ਪੋਥੀ ਕਰਮ ²ਅ ਪੋਥੀ ਵਿਚੋਂ ³ਅ ਪੋਥੀ ਗੁਰ

ਨਾਰਿ ਸਰਾਪ ਤੋ ਕਉ ਦੀਓ ਸਾਲਗ੍ਰਾਮ ਸਦਾਇ ।
 ਤੁਮ ਤੁਲਸੀ ਤਾਕੋ ਕੀਓ ਅਪਨੇ ਅੰਗ ਲਗਾਇ ॥ 528 ॥
 ਤੀਨ ਲੋਕ ਮਹਿ ਜਸਾ ਪ੍ਰਭੂ ਤੁਮਰੋ ਹੁਇ ਅਪਾਰ ।
 ਰੂਪ ਜਲੰਧਰ ਤੁਮ ਕੀਓ ਏ ਦੁਆਦਸ ਅਵਿਤਾਰ ॥ 529 ॥

ਚੌਪਈ

ਤ੍ਰਿਯੋਦਸ ਵਿਸਨ ਅਵਤਾਰ ਭਏ ਤੁਮ । ਆਦਿਤ ਸਦਨ [ਨਿਹਾਰ]^੨ ਭਾਰ ਤੁਮ ।
 ਦੇਵ ਰਛਕ ਦਾਨਵ ਨਾਸਾ । ਹੇ ਪ੍ਰਭ ਕੀਨਾ ਜਗ ਪਰਕਾਸ਼ਾ ॥ 530 ॥
 ਤੁਮਹੀ ਖੀਰ ਸਿੰਧ ਕਰ ਸੈਨਾ । ਸਰਪ ਲੋਟਤ ਪਗ ਸੁਖ ਕੇ ਐਨਾ ।
 ਤਬ ਤੁਮਰੇ ਮਨ ਕੌਤਕ ਭਾਏ । ਸਵਨ ਮੈਲ ਤੇ ਦੈਤ ਉਪਾਏ ॥ 531 ॥
 ਤਬ ਤੁਮ ਤਾ ਸਿਉਂ ਜੁਧ ਮਚਾਯੋ । ਅਤਿ ਪ੍ਰਾਕਰਮ ਬਲ ਤੇਜ ਲਖਾਯੋ ।
 ਪੰਚ ਹਜਾਰ ਬਰਖ ਨੈ ਹੋਏ । ਦੈਤ ਰੀਝ ਤੁਮਰਾ ਬਲ ਜੋਏ ॥ 532 ॥

ਦੋਹਰਾ

ਕਹਿਯੋ ਮਾਂਗ ਵਰ ਤੁਮ ਕਹਾ ਦੇਹੁ ਸੀਸ ਤਿਹੰ ਦੀਨ ।
 ਤਬ ਤੁਮ ਚਕ੍ਰ ਪ੍ਰਹਾਰ ਕੈ ਕਾਟ ਉਰ ਧਰ ਲੀਨ ॥ 533 ॥
 ਧਾਰਿਯੋ ਸੁਖ [ਐਸੋ]^੩ ਤੁਮੇ ਚਤ੍ਰ ਦਸਮੇ ਅਵਤਾਰ ।
 ਸੰਤ ਸਕਲ ਸੁਰ ਰਛ ਹਿਤ ਦੈਤਨ ਹੇਤ ਸੰਘਾਰ ॥ 534 ॥

ਸਵੈਯਾ

ਆਨੰਦ ਪਾਇ ਘਨੇ ਸੁਰ ਤੋ ਪੁਨ ਦਾਨਵ ਜਗ ਕਰੈਂ ਸੁਰ ਹਾਰੇ ।
 ਕੀਨ ਪੁਕਾਰ ਸੁਨੀ ਪ੍ਰਭ ਜੀ ਦੇ ਧੀਰ ਧਰੇ ਤਬ ਰੂਪ ਸੁਧਾਰੇ ।
 ਨਾਮ ਤੁਮੇ ਅਰਿ ਹੰਤ ਭਯੋ ਗੁਰ ਦਾਨਵ ਹੋਇ ਸਭੀ ਮਤ ਡਾਰੇ ।
 ਭਈ ਸੁਰ ਕੀ ਰਖਯਾ ਤਬਹੀ ਜਬ ਦਾਨਵ ਧਰਮ ਸੁ [ਦੂਰ]^੪ ਪਧਾਰੇ ॥ 535 ॥
 ਸ੍ਰਾਵਗ ਮਤ ਪੁਨਾ ਪਰਫੁਲੱਤ ਦਾਨ ਅਰੰਭ ਮਿਟੇ ਜਗ ਸਾਰੇ ।
 ਸੰਤ ਪੁਨਾ ਸੁਰ ਹੋਇ ਦੁਖੀ ਤਬ ਰੂਪ ਕੀਓ ਮਨੁ ਰਾਜ ਮੁਰਾਰੇ ।
 ਸਿੰਮ੍ਰਿਤ ਕੀਨ ਘਨੀ ਜਗ ਮੈ ਮਤ ਸ੍ਰਾਵਗ ਦੂਰ ਭਲੇ ਮਤ ਡਾਰੇ ।
 ਖੇੜਸਮੇ ਅਵਤਾਰ ਕੀਓ ਇਹੁ ਸੰਤਨ ਹੇਤ ਤੁਹੀਂ ਦੁਖ ਟਾਰੇ ॥ 536 ॥
 ਪਾਇ ਘਨੇ ਜਗ ਕੇ ਨਰ ਆਨੰਦ ਹੋਤ ਭਏ ਪੁਨ ਰੋਗ ਅਪਾਰੇ ।
 ਬਿਆਕੁਲ ਹੋਇ ਪੁਕਾਰ ਕਰੀ ਤਬ ਰੂਪ ਧਨੰਤ੍ਰ ਹੋਇ ਸੁਧਾਰੇ ।
 ਆਯੁਰਵੇਦ ਕੀਓ ਹਰ ਰੋਗਨ ਔਖਧ ਮੰਤ੍ਰ ਤੰਤ੍ਰ ਬਹੁ ਉਚਾਰੇ ।
 ਹੇ ਪ੍ਰਭ ਹਰੇ ਤੁਮ ਹੀ ਧਰ ਰੂਪ ਦਸੋ ਰਿਖ ਹੋਉਂ ਬਲ ਹਾਰੇ ॥ 537 ॥

^੧ਅ ਤੇ ਏ ਪੋਥੀ ਕੀਰਤਿ ^੨ਅ ਪੋਥੀ ਵਿਚੋਂ ^੩ਅ ਪੋਥੀ ਵਿਚੋਂ ^੪ਏ ਪੋਥੀ ਵਿਚੋਂ

ਹੋਤ ਭਯੋ ਦੈਤ ਕਤ੍ਰ ਬਲੀ ਪੁਨ ਭਾਰ ਭਯੋ ਉਤਮ ਦੇਵ ਦੁਖਾਰੇ ।
 ਰੂਪ ਕੀਓ ਰਵਿ ਕੋ ਤੁਮ ਹੀ ਤਬ ਨਾਸ ਕੀਓ ਤੁਮ ਖੇਦ ਨਿਵਾਰੇ ।
 ਦੀਰਘ ਕਾਹਿ ਭਯੋ ਪੁਨ ਦਾਨਵ ਬਾਨ ਪ੍ਰਜੰਤ ਬਡੈ ਅਹਿ ਸਾਰੇ ।
 ਤਿਨ ਕੋ ਤੁਮ ਨਾਸ ਕੀਓ ਤਬ ਹੀ ਇਹੁ ਧਾਰ ਦਸੋ ਵਪੁ ਰੂਪ ਮੁਰਾਰੇ ॥ 538 ॥

ਭਾਨ ਤਪੇ ਅਹਿ ਅੰਧ ਨਿਸਾ ਲਹਿ ਲੋਕ ਦੁਖੀ ਕ੍ਰਿਸ ਨਾਂਹਿ ਉਪਾਏ ।
 ਦੰਦਾਵਤਾਰ ਕੀਓ ਤਬ ਹੀ ਤੁਮ ਜੋਨ ਪਿਖੇ ਅਤਿ ਆਨੰਦ ਛਾਏ ।
 ਹੋਇ ਕ੍ਰਿਖੀ ਮਨ ਮਾਨ ਭਯੋ ਪੁਨ ਅੰਬਰ ਆਨ ਕਲੰਕ ਲਗਾਏ ।
 ਕੌਤਕ ਕੀਏ ਨਿਹਲੰਕ ਪ੍ਰਭੂ ਤੁਮ ਰੂਪ ਉਨੀਸਮੋ ਐਸ ਧਰਾਏ ॥ 539 ॥

ਰਾਵਨ ਹੋਤ ਭਯੋ ਪੁਨ ਰਾਕਸ਼ ਜੀਤ ਸਬੈ ਸੁਰ ਲੰਕ ਰਹਾਏ ।
 ਸਰਾਪ ਲੈ ਨਾਰਦ ਪਾਇ ਬਿਨੀ¹ ਸੁਰ ਦਾਸਰਥੀ ਤੁਮ ਰਾਮ ਕਹਾਏ ।
 ਸੀਆ ਬਰੀ ਬਨਬਾਸ ਗਏ ਪੁਨ ਰਾਵਨ ਮਾਰ ਸਭੈ ਅਰਿ ਘਾਏ ।
 ਕੌਤਕ ਏਕ ਅਨੇਕ ਕਰਹਿ ਸੁਨ ਆਨੰਦ ਵਿਸੰ ਅਵਤਾਰ ਧਰਾਏ ॥ 540 ॥

ਭੂਮਿ ਪੈ ਭਾਰ ਗਰੂਰ ਭਯੋ ਪਿਖ ਦੁਆਪੁਰ ਮਹਿ ਤੁਮ ਰੂਪ ਧਰਾਏ ।
 ਨਾਮ ਸ੍ਰੀ ਕ੍ਰਿਸ਼ਨ ਨੰਦ ਨੰਦਨ ਔ ਹਰਿਜੂ ਬਡ ਰਾਸ ਰਚਾਏ ।
 ਕੰਸ ਬਿਦਾਰ ਸੁ ਸਿੰਧਜਰਾ ਹਨ ਕਾਲ ਜਮਨ ਕੀ ਸੈਨ ਹਤਾਏ ।
 ਭਾਰਥ ਪਾਂਡਵ [ਰਛਯਾ]¹ ਕਰੀ ਅਵਤਾਰ ਇਕੀ ਸਮ ਜਾਨ ਸੁਹਾਏ ॥ 541 ॥

ਬਾਈਸਮੋ² ਅਵਤਾਰ ਧਰਿਯੋ ਜਿਹ ਨਾਮ ਸੁ ਅਰਜੁਨ ਨਾਮ ਕਹਾਏ ।
 ਕਵਚ ਨਿਵਾਂਤ ਹਨੇ ਤੁਮ ਹੀ ਪੁਨ ਪਾਵਕ ਰਛ ਕੈ ਕੈਰਵ ਪਾਏ ।
 ਕੈਰਵ ਜੀਤ ਕੈ ਧੰਨ ਲਈ ਬਹੁ ਸੇਵ ਕਰੀ ਤੁਮ ਕਾਨ੍ਹ ਰਿਝਾਏ ।
 ਭਾਂਜ ਔਰ ਗੰਗੇਵ [ਹਤਾ]³ ਦਰਯੋਦਨ ਜੀਤ ਕੈ ਰਾਜ ਧਰਾਏ ॥ 542 ॥

ਦੋਹਰਾ

ਬੰਧ ਅਵਤਾਰ ਧਰਿਯੋ ਤੁਮ ਕਲਜੁਗ ਰਖਯਾ ਹੋਤ ।
 ਸਿਲਾ ਰੂਪ ਤੁਮ ਅੰਤ ਨਹਿ ਜਾਨਤ ਮਾਨਸ ਏਤ ॥ 543 ॥

ਸਵੈਯਾ

ਘੋਰ ਕਲੂ ਜਬ ਆਇ ਘਨੋ ਨਰ ਨਾਰਿ ਸੁ ਸੰਕਰ ਬਰਨ ਕਰਾਏ ।
 ਸੂਦਰ ਰਾਜ ਮਹਾਂ ਦੁਸ਼ਟਾਤਮ ਚੰਡ ਜਪੈ ਪਿਖ ਪੇਖ ਰਿਸਾਏ ।
 ਦੈਤ ਘਨੋ ਦੁਖ ਦੇ ਦ੍ਰਿੜ ਕੋ ਤੁਮ ਤਉ ਵਿਸਵੋ⁴ ਅਵਤਾਰ ਧਰਾਏ ।
 ਕਲਕੀ ਕਰ ਰਛ ਤਿਸੇ ਦ੍ਰਿੜ ਕੀ ਹਨ ਪਾਪਨ ਕਉ ਜਗ ਪੁੰਨ ਸੁਹਾਏ ॥ 544 ॥

ਦੋਹਰਾ

ਏ ਅਵਤਾਰ ਚਉਬੀਸ ਤੁਮ ਅੰਤ ਨਹਿ ਜਹਿ ਜਾਨ ।
 ਰਖਯਾ ਕਰੋ ਸੁ ਦਾਸ ਕੀ ਕੈਸੇ ਕਹਉ ਬਖਾਨ ॥ 545 ॥

¹ਅ ਤੇ ਏ ਪੋਥੀ ਬਿਨਯ ²ਅ ਪੋਥੀ ਵਿਚੋਂ ³ਏ ਪੋਥੀ ਵਿਚੋਂ

ਸਵੈਯਾ

ਤੁਮ ਹੀ ਕਲ ਮੈ ਬਹੁ ਪਾਪ ਨਿਵਾਰਿਕੈ ਰੂਪ ਸ੍ਰੀ ਗੁਰੁ ਨਾਨਕ ਪਾਯੋ ।
 ਮੰਤ੍ਰ ਦੀਓ ਸਤਿਨਾਮ ਕੋ ਸੁੰਦਰ ਜਾਂਹਿ ਜਪੈ ਦੁਖ ਦੂਰ ਪਰਾਯੋ ।
 ਦਾਸ ਉਧਾਰ ਨਿਵਾਰ ਸਭੈ ਦੁਖ ਕੀਰਤ ਤੋਹਿ ਤਿੰਹੁ ਪੁਰਾ¹ ਛਾਯੋ ।
 ਰਖ ਕਰੋ ਸੁਰ ਦਾਸਨ ਕੀ ਜੁਗ ਜੁਗ ਪ੍ਰਭੂ ਤੁਮ ਰੂਪ ਸੁਹਾਯੋ ॥ 546 ॥

ਅੰਗਦ ਰੂਪ ਕੀਓ ਬਹੁਰੋ ਤੁਮ ਰੂਪ ਦੁਤੀ ਨਿਜ ਅੰਗ ਉਪਾਯੋ ।
 ਸੰਗਤ ਕੀਨ ਨਿਹਾਲ ਘਨੀ ਸਤਿਨਾਮ ਕਉ ਮੰਤ੍ਰ ਸਭੀ ਮੁਖ ਗਾਯੋ ।
 ਸੀਲ ਅਉ ਸਾਂਤ ਕੀ ਖਾਨ ਪ੍ਰਭੂ ਤੁਮ ਏਕ ਹੀ ਰੂਪ ਦੁਤੀ ਦ੍ਰਿਸ਼ਟਾਯੋ ।
 ਰਛ ਕਰੋ ਨਿਜ ਦਾਸਨ ਕੀ ਜੁਗ ਜੁਗ ਪ੍ਰਭੂ ਤੁਮ ਰੂਪ ਸੁਹਾਯੋ ॥ 547 ॥

ਅਮਰਦਾਸ ਗੁਰੁ ਪੁਨ ਰੂਪ ਕੀਓ ਤੁਮ ਦੀਪਕ ਤੇ ਜਨ ਦੀਪ ਜਗਾਯੋ ।
 ਜਾਂਹਿ ਸੁ ਬਾਵਲੀ ਤੀਰਥ ਕੈ ਜਹਿ ਦਰਸਨ ਤੇ ਨਹਿ ਜਨਮ ਲਹਾਯੋ ।
 ਔਰ ਬਿਅੰਤ ਕਰੈ ਜਿਹ ਕੋਤਕ ਜਿਨ ਦਾਸਨ ਹੇਤ ਸੁ ਮੰਤ੍ਰ ਧਰਾਯੋ ।
 ਅੰਤ ਨਾ ਸੇਸ ਲਹੇ ਤੁਮਰੋ ਜੁਗ ਜੁਗ ਪ੍ਰਭੂ ਤੁਮ ਰੂਪ ਸੁਹਾਯੋ ॥ 548 ॥

ਗੁਰ ਨਾਨਕ ਅੰਗਦ ਰੂਪ ਤੁਮੈ ਰਾਮਦਾਸ ਤੁਮ ਨਿਜ ਨਾਮ ਕਹਾਯੋ ।
 ਤੀਰਥ ਤੋਹਿ ਰਚਯੋ ਅਤਿ ਸੁੰਦਰ ਨਾਮ ਅਮੀਸਰ ਤਾਂਹਿ ਰਖਾਯੋ ।
 ਤਾਂਹਿ ਦਿਦਾਰ ਤੇ ਪਾਪ ਕਟੈ ਕਰਿ ਮਜਨ ਤੇ ਬਹੁ ਜੂਨ ਕਟਾਯੋ ।
 ਖੇਲ ਬਿਅੰਤ ਨਾ ਜਾਂਹਿ ਲਖੇ ਜੁਗ ਜੁਗ ਪ੍ਰਭੂ ਤੁਮ ਰੂਪ ਸੁਹਾਯੋ ॥ 549 ॥

ਤੁਮ ਹੀ ਗੁਰ ਪੰਚਮ ਦੇਹ ਧਰੀ ਭਵ ਸਾਗਰ ਹੇਤ ਉਪਾਵ ਕਰਾਯੋ ।
 ਨਾਮ ਕੋ ਸੇਤ ਗਿਰੰਥ ਕੀਓ ਤੁਮ ਜਾਂਹਿ ਪੜੇ² ਰਵਿ ਤਾਤ ਮਿਟਾਯੋ ।
 ਦਾਸ ਅਨੰਤ ਉਧਾਰ ਕਰਹਿੰ ਸਤਿਨਾਮ ਜਿਸੇ ਮੁੱਖ ਮੰਤ੍ਰ ਅਲਾਯੋ ।
 ਪੰਚ ਸ੍ਵਰੂਪ ਕੀਏ ਤੁਮਨੇ ਜੁਗ ਜੁਗ ਪ੍ਰਭੂ ਤੁਮ [ਸੁੰਦਰ]³ ਰੂਪ ਸੁਹਾਯੋ ॥ 550 ॥

ਸੁੰਦਰ ਰੂਪ ਕੀਓ ਜਬ ਖਸ਼ਟਮ ਮੀਰ ਅਰੁ ਪੀਰ ਧਰੀ ਸੁਖ ਪਾਯੋ ।
 ਮੁਗਲ ਪਠਾਨ ਸੁ ਨਾਸ ਕੀਓ ਅਤਿ ਦੁਸ਼ਟ ਸੁ ਘਰੇੜ ਆਦਿ ਸੁ ਘਾਯੋ ।
 ਪੈਂਦੇ ਖਾਨ ਸੁ ਮਾਰ ਤੁਮੇ ਪੁਰਸੋਤਮ ਨਾਂਹਿ ਤੋ ਅੰਤ ਲਖਾਯੋ ।
 ਦੇਵ ਆਏ ਸਰਨਾਗਤ ਜੋ ਤੁਮਰੀ ਜੁਗ ਜੁਗ ਪ੍ਰਭੂ ਤੁਮ ਭਯੋ ਸਹਾਯੋ ॥ 551 ॥

ਦੋਹਰਾ

ਕਰ ਉਸਤਤਿ ਸੁਰ ਦੀਨ ਹੈ ਪਰੇ ਚਰਨ ਲਪਟਾਇ ।
 ਅਤਿ ਪ੍ਰਸੰਨ ਸ੍ਰੀ ਗੁਰ ਭਯੋ ਦਯਾ ਸਿੰਧ ਸੁਖ ਪਾਇ ॥ 552 ॥

ਚੌਪਈ

ਮਾਂਗੇ ਵਰ ਸ੍ਰੀ ਮੁਖਹੂੰ ਅਲਾਯੋ । ਸੁਨਤ ਸਕਮਸੁਰ ਆਨੰਦ ਪਾਯੋ ।
 ਐਸੇ ਕਹਿ ਇਹ ਦੀਜੈ ਸੁਆਮੀ । ਤੁਮ ਘਟਿ ਘਟਿ ਕੇ ਅੰਤਰਜਾਮੀ ॥ 553 ॥

¹ਅ ਤੇ ਦ ਪੋਥੀ ਤੈਲੋਕੀ ²ਅ ਪੋਥੀ ਪਠੇ ³ਅ ਪੋਥੀ ਵਿਚੋਂ

ੴ

ਤੁਮ ਭਾਂਖਤ ਹੋ ਦਸਮ ਗੁਰੂ ਹੋਇ ਧਰਾ ਹਨ ਭਾਰ ।
ਤਾਂਤੇ ਤੁਮ ਨਿਜ ਗ੍ਰਿਹ ਰਮੋ ਅਪਨੋ ਰੂਪ ਸੁਧਾਰ ॥ 554 ॥
ਤਬ ਗੁਰੂ ਤਾਂਕੋ ਕਹਤ ਭਏ ਏਕ ਜਾਮ ਤੇ ਪਾਛ ।
ਤਨ ਤਜ ਚਲੂੰ ਸੁ ਇਛ ਤੁਮ ਕਰੂੰ ਜਾਨ ਸੁਭ ਸਾਛ ॥ 555 ॥
ਸਾਹਿਬ ਭਾਨੇ ਆਦਿ ਲੋ ਧਰ ਬਿਸਮੈ ਅਤਿਯੰਤ ।
ਹਾਥ ਜੋਰ ਬਿਨਤੀ ਕਰੀ ਕਉਨ ਅਏ ਪ੍ਰਭ ਸੰਤ ॥ 556 ॥

ਚੌਪਈ

ਸ੍ਰੀ ਮੁਖ ਕਹਾ ਦੇਵ ਬੇ ਆਏ । ਬ੍ਰਹਮਾ ਬਿਸਮ ਆਦਿ ਏ ਭਾਏ ।
ਮੋਕੇ ਆਏ ਲੇਨ ਸੁ ਜਾਨੋ । ਸਾਹਿਬ ਭਾਨਾ ਸਤਿ ਪਛਾਨੋ ॥ 557 ॥
ਤਜਹੂੰ ਦੇਹ ਅਬ ਦੇਰ ਨਾ ਲਾਵਹੂੰ । ਗੁਰੂ ਨਾਨਕ ਕਾ ਦਰਸਨ ਪਾਵਹੂੰ ।
ਅਸ ਕਹਿ ਰਹੇ ਮੋਨ ਜਗ ਸਾਂਈ । ਸਾਹਿਬ ਭਾਨੇ ਬਿਨੈ ਅਲਾਈ ॥ 558 ॥
ਹੈ ਪ੍ਰਭ ਮਯਾ¹ ਮੋਹਿ ਪੈ ਕੀਜੈ । ਦਿਬ ਦ੍ਰਿਸ਼ਟ ਹਮ ਕਉ ਭੀ ਦੀਜੈ ।
ਜਾਤੇ ਲਖੈਂ ਸਕਲ ਜੋ ਆਏ । ਧਰ ਆਨੰਦ ਤਿਹ ਦਰਸਨ ਪਾਏ ॥ 559 ॥
ਕਰਖ ਸ੍ਰੀ ਗੁਰ ਅਪਨੀ ਕੀਨੀ । ਦਿਬ ਦ੍ਰਿਸ਼ਟਿ ਤਾਂਕੋ ਗੁਰ ਦੀਨੀ ।
ਬੀਤੀ ਨਿਸਾ ਭੋਰ ਚੜ ਆਯੋ । ਪਸਰੀ ਜਉਨ ਅੰਧੇਰ ਬਿਹਾਯੋ ॥ 560 ॥

ਦੋਹਰਾ

ਹਰੀ ਰਾਇ ਬੈਰਾਗ ਮਹਿ ਸਉਚ ਹੇਤ ਮਜਨਾਇ ।
ਤਹਾਂ ਪੁਸ਼ਪ ਚੰਬੇ ਗਿਰੇ ਜਾਮੇਂ ਸਿਉਂ ਅਟਕਾਇ ॥ 561 ॥

ਚੌਪਈ

ਹਰੀ ਰਾਇ ਪਿਖ ਦਯਾ ਉਪਾਈ । ਇਨ ਮੇਰੋ ਕਹੁ ਕਾਹਿ ਗਵਾਈ ।
ਭਏ ਮ੍ਰਿਤ ਮਮ ਜਾਮੇ ਲਾਗ । ਅਸ ਕਹਿ ਘਨੇ ਰੁਦਨ ਮਾਹਿ ਪਾਗ ॥ 562 ॥
ਬੈਠੇ ਤਿਨ ਕੀ ਓਰ ਨਿਹਾਰਹਿ । ਕਰਹਿ ਰੁਦਨ ਸੁਰ ਉਚ ਪੁਕਾਰਹਿ ।
ਅਰਧ ਜਾਮ ਦਿਨ ਤਬ ਲੋ ਆਯੋ । ਲਾਗਰੀ ਭੋਜਨ ਤਯਾਰ ਸੁਨਾਯੋ ॥ 563 ॥
ਸ੍ਰੀ ਗੁਰੂ ਤਬ ਹਰੀ ਰਾਇ ਚਿਤਾਰੇ । ਗਏ ਕਹੀਂ ਬਹੁ ਲਾਏ ਅਵਾਰੇ ।
ਕਾਹੂੰ ਕਹਾ ਬਾਗ ਰੁਦਨਾਵੈਂ । ਰਹੈ ਉਠਾਇ ਭਾਖ ਨਹੀਂ ਆਵੈਂ ॥ 564 ॥
ਸੁਨਤ ਐਸ ਪ੍ਰਭ² ਤਤ ਛਿਨ ਆਏ । ਸਾਹਿਬ ਭਾਨਾ ਸੰਗ ਲਵਾਏ ।
ਆਗੇ ਦੇਖ ਦਯਾ³ ਕੀ ਮੂਰਤ । ਪੁਸ਼ਪ ਹਾਥ ਧਰ ਦੇਖੈਂ ਸੂਰਤ ॥ 565 ॥

ਦੋਹਰਾ

ਕਰਤ ਰੁਦਨ ਬਹੁ ਦੇਖ ਕੈ ਸ੍ਰੀ ਗੁਰ ਕੀਓ ਉਚਾਰ ।
ਕਾਹਿਤ ਕੀਜੈ ਰਦਨ ਤੁਮ ਬ੍ਰਿਥਾ ਸ਼ੋਕ ਤਨ ਧਾਰ ॥ 566 ॥

¹ਅ ਪੌਥੀ ਕ੍ਰਿਪਾ ²ਅ ਤੇ ਦ ਪੌਥੀ ਗੁਰ ³ਦ ਪੌਥੀ ਕਰੁਣਾ

ਚੌਪਈ

ਹਰੀ ਰਾਇ ਕਹਿ ਜਾਮੇ ਸੰਗ । ਭਏ ਮ੍ਰਿਤ ਇਹ ਪੁਸਪ ਅਨੰਗ ।
 ਹੇ ਪ੍ਰਭ ਹਮਰੇ ਨਾਂਹਿ ਵਿਗਾਰਾ । ਇਹ ਕਾਰਨ ਮੈ ਰੁਦਨ ਉਚਾਰਾ ॥ 567 ॥
 ਸ੍ਰੀ ਗੁਰੁ ਜਾਨ ਦਯਾ ਨਿਧ ਭਾਰੀ । ਗਹੀ ਬਾਂਹ ਦੇ ਧੀਰ ਅਪਾਰੀ ।
 ਏ ਸੁਨਤ ਸੁਤ ਚਰਨੀ ਪਰੈ । ਪਦ ਪੰਕਜ^੧ ਰਜ ਮਸਤਕ ਧਰੇ ॥ 568 ॥
 ਐਸੇ ਦੇਵਤ ਧੀਰ ਮਹਾਇ । ਚਲੇ ਸਦਨ ਕੋ ਸੰਗ ਲਵਾਇ ।
 ਉਤਦੂ ਮਧ ਪ੍ਰਭੂ ਜਬ ਆਏ । [ਪ੍ਰੀਤਿ]^੨ ਪੁਲਕ ਤਿਹ ਠਾਂ ਬੈਠਾਏ ॥ 569 ॥

ਦੋਹਰਾ

ਅਤਿ ਆਨੰਦ ਸਿਉਂ ਪ੍ਰਭੂ ਤਬ ਭਾਨੇ ਕੋ ਬਚ ਕੀਨ ।
 ਹਰੀ ਰਾਇ ਕੇ ਭਾਲ ਮੋ^੩ ਤਿਲਕ ਕਰੇ ਸੁਖ ਲੀਨ ॥ 570 ॥
 ਪੈਸੇ ਪਾਂਚ ਨਲੇਰ ਧਰ ਸ੍ਰੀ ਗੁਰ ਬੰਦਨ ਕੀਨ ।
 ਗੁਰੁ ਭਾਖ ਹਰਿ ਰਾਇ ਕੋ ਮਨ ਮਹਿ ਆਨੰਦ ਲੀਨ ॥ 571 ॥

ਚੌਪਈ

ਸਾਹਿਬ ਭਾਨੇ ਤਿਲਕ ਕਰਾਯੋ । ਗੁਰ ਹਰਿ ਰਾਇ ਭਾਲ ਛਬਿ ਛਾਯੋ ।
 ਉਮਰ ਬਰਸ ਦਸ ਅਤਿ ਸੁਖਦਾਇ । ਸੋਭਾ ਬਨੀ ਕਹੀ ਨਾਹਿ ਜਾਇ ॥ 572 ॥
 ਦਯਾਸਿੰਧ ਪੁਨ ਮੰਦਰ ਆਏ । ਐਸ ਬਾਤ ਸਭ ਹੀ ਸੁਨ ਪਾਏ ।
 ਮਾਤ ਨਾਨਕੀ ਬਿਸਮਹਿ ਧਾਰੀ । ਕਿਆ ਏ ਕੌਤਕ ਕੀਓ ਮੁਰਾਰੀ ॥ 573 ॥
 ਪ੍ਰਭੂ ਕੇ ਨਿਕਟ ਸਭੀ ਚਲ ਆਏ । ਜੋਤੀ ਜੋਤਿ ਸਮਾ ਲਖ ਪਾਏ ।
 ਪੁਰਸੋਤਮ ਪ੍ਰਭ ਭੋਜਨ ਕੀਨੋ । ਸਭ ਕੇ ਜੁਤ ਮਨ ਆਨੰਦ ਲੀਨੋ ॥ 574 ॥
 ਤਬ ਲੋ ਜਾਮ ਏਕ ਦਿਨ ਆਯੋ । ਦਯਾਸਿੰਧ ਅਸ ਕੌਤਕ ਭਾਯੋ ।
 ਬੋਲ ਸਭਨ ਕੋ ਲਾਇ ਦਿਵਾਨ । ਭਿੰਨ ਭਿੰਨ ਕਹਿ ਕ੍ਰਿਪਾ ਨਿਧਾਨ ॥ 575 ॥

ਦੋਹਰਾ

ਸਾਹਿਬ ਭਾਨੇ ਕੋ ਕਹਾ ਪੁਤ੍ਰੁ ਸੌਂਪ ਹਰਿ ਰਾਇ ।
 ਜਾਵੋ ਤੁਮ ਰਮਦਾਸ ਕੋ ਤਨ ਤਜ ਮਮ ਢਿਗ ਆਇ ॥ 576 ॥

ਚੌਪਈ

ਰਾਮੇ ਕੋ ਪੁਨ ਐਸ ਅਲਾਯੋ । ਜਾਇ ਧਾਮ ਤੁਮ ਪ੍ਰਾਨ ਤਜਾਯੋ ।
 ਪਰਮਾਨੰਦ ਸੁੰਦਰ ਕੋ ਭਾਖਾ । ਜਾਇ ਸਦਨ ਰਹੁ ਤੁਮ ਅਭਿਲਾਖਾ ॥ 577 ॥
 ਰਾਇ ਜੋਧ ਰੂਪ ਕੋ ਕਹਾ । ਜਪੋ ਨਾਮ ਗ੍ਰਿਹ ਮਾਹਿ ਚਲ ਰਹਾ ।
 ਧਰਮੇ ਕੋ ਪੁਨ ਕਹਾ ਸੁਨਾਇ । ਜਾਇ ਧਾਮ ਤੁਮ ਮਮ ਢਿਗ ਆਇ ॥ 578 ॥

^੧ਅ ਪੌਥੀ ਚਰਨ ਕਮਲ ^੨ਅ ਪੌਥੀ ਵਿਚੋਂ ^੩ਅ ਤੇ ਏ ਪੌਥੀ ਸਾਥ ਮੈ

ਸਾਧੂ ਕੋ ਦੀਨਉ ਪੁਨ ਧੀਰਾ । ਭੋਗ ਜਗਤ ਸੁਖ ਰਾਖ ਸਰੀਰਾ ।
ਲਾਲ ਚੰਦ ਕੋ ਆਇਸ ਦੀਨੀ । ਮੂਰਤ ਔਰ ਸੈਚੀਆਂ ਚੀਨੀ ।
ਤਿਨ ਕੋ ਸ੍ਰੀ ਗੁਰ ਐਸ ਅਲਾਯੋ । ਭਾਗ ਮਲ ਸੁਭ ਸਦਨ ਬਨਾਯੋ ।
ਸੁਰ ਸਿੰਗ ਤੁਮਰੇ ਹਿਤ ਤਹਿ ਜਾਵੈ । ਨਿਜ ਮਾਤਾ ਜੁਤ ਤਹਾ ਰਹਾਵੈ ॥ 580 ॥

ਦੋਹਰਾ

ਅਬਦੁਲ ਨਥੇ ਕੋ ਕਹਾ ਤੁਮ ਭੀ ਨਿਜ ਗ੍ਰਿਹ ਜਾਇ ।
ਕੌਤਕ ਦੇਖੋ ਜਗਤ ਕੇ ਕਛੂ ਕਾਲ ਸੁਖ ਪਾਇ ॥ 581 ॥
ਬਾਬਕ ਜਾਤੀ ਮਲ ਕੇ ਸੁਤ ਸਿਉਂ ਕੀਨ ਉਚਾਰ ।
ਅਮੀ ਸਰੋਵਰ ਜਾਇ ਰਹੁ ਮਨ ਮਹਿ ਆਨੰਦ ਧਾਰ ॥ 582 ॥
ਮਾਤ ਨਾਨਕੀ ਆਇ ਪੁਨ ਹਾਥ ਜੋਰ ਬਚ ਭਾਖ ।
ਸ੍ਰੀ ਗੁਰ ਕਹਿ ਜੋ ਇਛ ਤੁਮ ਕਹੋ ਦੇਰ ਨਹਿ ਲਾਖ ॥ 583 ॥
ਕਹਾ ਮਾਤ ਤੁਮ ਬਚ ਕਹੋ ਗ੍ਰਿਹ ਗੁਰਿਆਈ ਤੋਹਿ ।
ਦੀਨੀ ਤੁਮ ਹਰਿ ਰਾਇ ਕੋ ਅਸ ਸੰਸਾ ਮਨ ਮੋਹਿ ॥ 584 ॥
ਸ੍ਰੀ ਗੁਰ ਕਹਿ ਤੁਮ ਚਿੰਤ ਤਜ ਸਮਾਂ ਪਾਇ ਤੁਮ ਆਇ ।
ਤੁਮ ਸੁਤ ਨੰਦਨ ਅਮਿਤ ਬਲ ਸਭ ਜਗ ਕਰੈ ਸਹਾਇ ॥ 585 ॥
ਸੁਤ ਗੁਰਿਆਈ ਦੇਖ ਤੁਮ ਸੁਤ ਸੁਤ ਬਹੁਰ ਨਿਹਾਰ ।
ਬਹੁੜ ਤਿਆਗ ਨਿਜ ਪ੍ਰਾਨ¹ ਕਉ ਹਮਰੇ ਨਿਕਟ ਪਧਾਰ ॥ 586 ॥

ਸੋਰਠਾ

ਅਬ ਮਾਨੋ ਬਚਨ ਜਾਇ ਬਕਾਲੋ ਤੁਮ ਰਹੋ ।
ਤਿਹਿ ਠਾਂ ਬਸ ਤੁਮ ਸਦਨ ਸਤਿ ਗੁਰਿਆਈ ਤੋਹਿ ਹੁਇ ॥ 587 ॥

ਦੋਹਰਾ

ਮਾਤ ਨਾਨਕੀ ਅਨੰਦ ਕੈ ਸਤਿ ਬਾਤ² ਮਨ ਜਾਨ ।
ਸੂਰਜ ਮਲ ਕਰ ਜੋਰ ਕੈ ਪੁਨ ਅਸ ਬੈਨ ਬਖਾਨ ॥ 588 ॥

ਚੌਪਈ

ਹੇ ਪ੍ਰਭ ਕਿਆ ਆਇਸ ਹੈ ਮੋਕੋ । ਸ੍ਰੀ ਗੁਰ ਕਹਾ ਭਾਇ ਜੋ ਤੋਕੋ ।
ਗੁਰ ਹਰਿ ਰਾਇ ਜਾਨ ਕਰ ਸੇਵਾ । ਤੋਕੋ ਹੋਵੈ ਸੂਖ ਅਮੇਵਾ ॥ 589 ॥
ਗ੍ਰਿਹ ਮਹਿ ਦਰਬ ਵਾਰ ਨਹੀਂ ਆਵੈ । ਤੁਮ ਕੁਲ ਜਗ ਮਹਿ ਅਧਿਕ ਰਹਾਵੈ ।
ਸੂਰਜ ਮਲ ਭਾਰੀ ਸੁਖ ਪਾਏ । ਪ੍ਰਭ ਕੇ ਬੈਨ ਸਭਨ ਹੀਯ ਭਾਏ ॥ 590 ॥
ਅਣੀ ਰਾਇ ਰਹਿ ਮਸਤ ਨਾ ਬੋਲੈ । ਪ੍ਰਭ ਕੋ ਨਾਮ ਅਮੀ ਝਕ ਝੋਲੈ ।
ਪਾਚ ਗੁਰੂ ਤਬ ਹੀ ਲਉ ਆਏ । ਸਭ ਦੇਵਨ ਜੁਤ ਲਖ ਗੁਰ ਭਾਏ ॥ 591 ॥

¹ਅ ਪੌਥੀ ਤਨ ²ਅ ਤੇ ਦ ਪੌਥੀ ਬਚਨ

ਦੋਹਰਾ

ਪਾਂਚ ਗੁਰੂ ਸ੍ਰੀ ਮੁਖ ਕਹਾ ਕੀਏ ਪੂਰ ਸਭ ਕਾਮ ।
ਜਗ ਮਹਿ ਜਸ ਤੁਮਰਾ ਭਯੋ ਅਬ ਚਾਲੋ ਨਿਜ ਧਾਮ ॥ 592 ॥
ਹਰਿ ਗੋਬਿੰਦ ਉਸਤਤਿ ਕਰੀ ਨਮੋ ਨਮੋ ਕਹਿ ਨਾਮ ।
ਕਰੰ ਬੰਦਨਾ ਹਰਖ ਸਿਉਂ ਲਖ ਮੂਰਤ ਅਭਿਰਾਮ ॥ 593 ॥

ਚੌਪਈ

ਸਾਹਿਬ ਭਾਨੇ ਰੂਪ ਦਿਖਾਏ । ਪੰਚ ਗੁਰੂ ਜੁਤ ਦੇਵ ਸੁਹਾਏ ।
ਸਾਹਿਬ ਬੁਢਾ ਐ ਗੁਰਦਾਸ । ਦਿਖ ਬੰਦਨ ਕਰ ਧਾਰ ਹੁਲਾਸ ॥ 594 ॥
ਦਯਾਸਿੰਧ ਪੁਨ ਕੀਓ ਇਸਨਾਨ । ਪਹਿਰ ਪੀਤ ਪਟ ਆਨੰਦ ਠਾਨ ।
ਕੁਸਾ ਡਸਾਇ ਬੈਠ ਸੁਖ ਮਾਨ । ਗੁਰੁ ਹਰਿ ਰਾਇ ਸਮੂਹਿ ਅਰਾਮ ॥ 595 ॥
ਜੋ ਸਿਖਯਾ ਗੁਰ ਨਾਨਕ ਕੇਰੀ । ਸੋ ਦੀਨੀ ਸੁਖ ਸਿੰਧ ਘਨੇਰੀ ।
ਰਹੇ ਜਾਮ ਨਿਸ ਜਾਗਨ ਕੀਜੈ । ਮਜਨ ਨਾਮ ਵਿਖੇ ਮਨ ਦੀਜੈ ॥ 596 ॥
ਸਾਂਤ ਸੀਲ ਧਰ ਆਪ ਛਪਾਵੋ । ਸਤਿਨਾਮ ਮੁਖ ਮਤ੍ਰੇ ਅਲਾਵੋ ।
ਏ ਬਿਧ ਸਿਖਯਾ ਦਈ ਅਪਾਰ । ਗੁਰੁ ਹਰਿ ਰਾਇ ਹੀਏ ਸਭ ਧਾਰ ॥ 597 ॥

ਦੋਹਰਾ

ਪੁਨ ਸਭ ਕੋ ਸ੍ਰੀ ਗੁਰ ਕਹਾ ਸੁਨਹੁ ਭਾਰ^੧ ਸੁਖ ਪੋਇ ।
ਮੁਕਤਿ ਰੂਪ ਤੁਮ ਹੋਹ ਸਭ ਯਾ ਮਹਿ ਸੰਸ ਨਾ ਕੋਇ ॥ 598 ॥

ਚੌਪਈ

ਅਬ ਹਉਂ ਗੁਰ ਨਾਨਕ ਪੈ ਜਾਉਂ । ਕ੍ਰਿਪਾ ਸਿੰਧ ਤਾ ਦਰਸਨ ਪਾਉਂ ।
ਮਮ^੨ ਆਇਸ ਤੁਮ ਰੁਦਨ ਨਾ ਕੀਜੈ । ਕੀਰਤਨ ਨਾਮ ਵਿਖੇ ਮਨ ਦੀਜੈ ॥ 599 ॥
ਗੁਰ ਸਿਖਨ ਕੀ ਸੇਵਾ ਕਰੀਯੋ । ਏਕ ਟੇਕ ਗੁਰ ਨਾਨਕ ਧਰੀਯੋ ।
ਜੋ ਦਰਸਨ ਕਰ ਮੋਰਾ ਚਾਹੈ । ਹਰੀ ਰਾਇ ਗੁਰ ਦਰਸ ਉਮਾਹੈ ॥ 600 ॥
ਹਰੀ ਰਾਇ ਮਮ ਭੇਦ ਨਾ ਕੋਈ । ਜੋ ਇਛਾ ਕਰ [ਪਾਵਤ]^੩ ਸੋਈ ।
ਸੁਨ ਐਸੇ ਬੀਬੀ ਬਿਸਮਾਈ । ਬਿਹਬਲ ਭਈ ਭਾਰ ਸੁਮ ਪਾਈ ॥ 601 ॥
ਸ੍ਰੀ ਗੁਰ ਤਾਹਿ ਧੀਰ ਬਹੁ ਦੀਨੋ । ਆਦਿ ਸਕਤਿ ਤੁਮ ਸੋਕ ਨਾ ਚੀਨੋ ।
ਸੁਨ ਵੀਰੋ ਮਨ ਆਨੰਦ ਧਾਰਾ । ਬਹੁਰ ਸਭਨ ਮਿਲ ਬਿਨੈ ਉਚਾਰਾ ॥ 602 ॥

ਦੋਹਰਾ

ਹੇ ਪ੍ਰਭ ਹਮ ਉਪਦੇਸ ਦੇ ਕਰੇ ਰੀਤਿ ਜਗ ਸੋਇ ।
ਹਮ ਕੋ ਆਇਸ ਹੋਇ ਜੋ ਭਾਖ ਦਯਾ ਕਰ ਸੋਇ ॥ 603 ॥

^੧ਅ ਪੋਥੀ ਬਹੁਤ ^੨ਅ ਪੋਥੀ ਮੋਹਿ ^੩ਏ ਪੋਥੀ ਵਿਚੋ

ਚੌਪਈ

ਸ੍ਰੀ ਗੁਰੁ ਕਹਾ ਸੁਨੋ ਮਮ ਪਯਾਰੇ । ਏਹੁ ਉਪਦੇਸ਼ ਸਤਿ ਹੀਅ ਧਾਰੇ ।

ਮਾਰੂ ਮਹਲਾ ੫¹

ਚਾਂਦਨਾ ਚਾਂਦਨੁ ਆਗਨਿ ਪ੍ਰਭੂ ਜੀਓ ਅੰਤਰਿ ਚਾਂਦਨਾ ॥ ੧ ॥
ਆਰਾਧਨਾ ਅਰਾਧਨ ਨੀਕਾ ਹਰਿ ਹਰਿ ਨਾਮੁ ਅਰਾਧਨਾ ॥ ੨ ॥
ਤਿਆਗਨਾ ਤਿਆਗਨੁ ਨੀਕਾ ਕਾਮੁ ਕ੍ਰੋਧ ਲੋਭੁ ਤਿਆਗਨਾ ॥ ੩ ॥
ਮਾਂਗਨਾ ਮਾਂਗਨੁ ਨੀਕਾ ਹਰਿ ਜਸੁ ਗੁਰ ਤੇ ਮਾਂਗਨਾ ॥ ੪ ॥
ਜਾਗਨਾ ਜਾਗਨੁ ਨੀਕਾ ਹਰਿ ਕੀਰਤਨ ਮਹਿ ਜਾਗਨਾ ॥ ੫ ॥
ਲਾਗਨਾ ਲਾਗਨੁ ਨੀਕਾ ਗੁਰ ਚਰਣੀ ਮਨੁ ਲਾਗਨਾ ॥ ੬ ॥
ਇਹ ਬਿਧਿ ਤਿਸਹਿ ਪਰਾਪਤੇ ਜਾਕੇ ਮਸਤਕ ਭਾਗਨਾ ॥ ੭ ॥
ਕਹੁ ਨਾਨਕ ਤਿਸੁ ਸਭੁ ਕਿਛੁ ਨੀਕਾ ਜੋ ਪ੍ਰਭ ਕੀ ਸਰਨਾਗਨਾ ॥ ੮ ॥
ਇਸੀ ਸ਼ਬਦ ਦਾ ਪਾਠ ਕਰੀਜੈ । ਮਤਲਬ ਸਮਝ ਇਸੀ ਕਾ ਲੀਜੈ ॥ 604 ॥
ਦਯਾਸਿੰਧ² ਅਸ ਬਚਨ ਉਚਾਰਾ । ਦਯਾਸਿੰਧ ਪੁਨ ਬੰਧਨ ਧਾਰਾ ।
ਗੁਰ ਹਰਿ ਰਾਇ ਚਰਨ ਧਰ ਸੀਸਾ । ਤਜੀ ਦੇਹ ਸੁਖ ਸਿੰਧ ਜਗਦੀਸਾ ॥ 605 ॥
ਜੈ ਜੈ ਕਾਰ ਭਯੋ ਨਭ ਮਾਂਹੀ । ਡਾਰ ਫੂਲ ਸੁਰ ਗਾਵਤ ਤਾਂਹੀ ।
ਜੜ ਨਗ ਮਾਨਕ ਬੈਠ ਬਿਮਾਨਾ । ਪਾਂਚ ਗੁਰੂ ਸੰਗ ਪਯਾਨਾ ਠਾਨਾ ॥ 606 ॥

॥ ਛਪੈ ਛੰਦ ॥

ਦੁਰੇ ਚਵਰ ਬਹੁ ਭਾਂਤ ਸੰਖ ਧੁਨ ਹੇਤ ਬਿਯੰਤਾ ।
ਘਨੇ ਫੂਲ ਸੁਰ ਡਾਰ ਅਗੂ ਜਸ ਭਾਖਤ ਸੰਤਾ ।
ਜੇਤ ਜੇਤ ਕਹ ਸਭੀ ਸੁਰ ਆਨੰਦ ਧਾਰੇ ।
ਕੀਰਤਨ ਹੇਤ ਅਪਾਰ ਦਯਾਨਿਧ ਅਗੂ ਪਧਾਰੇ ।
ਏ ਭਾਂਤ ਸਭੈ ਉਸਤਤਿ ਕਰਹਿ ਬ੍ਰਹਮਾਦਿਕ ਸੁਖ ਪਾਇਕੈ ।
ਬਲ ਬਲ ਹੋਵੈ ਸਭੀ ਤਬ ਨੇਤਿ ਨੇਤਿ ਮੁਖ ਗਾਇਕੈ ॥ 607 ॥

ਦੋਹਰਾ

ਐਸੀ ਛਬਿ ਬਰਨਨ ਕਰੈ ਕੌਨ ਕਵੀ ਮਤ ਮਾਨ ।
ਸੁਨੋ ਸੰਤ ਹਉ ਬਾਲ ਕਵਿ ਬਖਸ਼ੋ ਮਯਾ ਨਿਧਾਨ ॥ 608 ॥

ਚੌਪਈ

ਏਕ ਰੂਪ ਸਭ ਹੀ ਗੁਰ ਦੇਵਾ । ਭਗਤ ਸਿੰਘ ਸੁਖ ਖਾਨ ਅਭੇਵਾ ।
ਉਸਤਤਿ ਕਰਤ ਦੇਵ ਚਲ ਆਗੇ । ਜਾਨ ਆਪ ਕੇ ਅਤਿ ਬਡ ਭਾਗੇ ॥ 609 ॥

¹ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਪੰਨਾ ²ਅ ਪੰਥੀ ਕਰੁਣਾਨਿਧ

ਇਹ ਬਿਧ ਜੋਤੀ ਜੋਤਿ ਸਮਾਏ । ਅਮਰ ਅਚਲ ਨਿਜ ਰੂਪ ਸਮਾਏ ।
ਸੰਮਤ ਸੋਰਹ ਸੈ ਸੁ ਪਚਾਵਨ । ਪੰਚ ਸੁਦੀ ਥਿਤ ਪੰਚਮ ਗਾਵਨ ॥ 610 ॥

ਦੋਹਰਾ

ਸਵਾ ਜਾਮ ਦਿਨ ਕੇ ਚੜੇ ਸ੍ਰੀ ਗੁਰ ਰੂਪ ਸਮਾਇ ।
ਸਾਹਿਬ ਭਾਨੇ ਆਇ ਲੈ ਸਭ ਮਨ ਬਿਸਮਹਿ ਪਾਇ ॥ 611 ॥

ਚੌਪਈ

ਸਭ ਕੋ ਭਾਨੇ ਧੀਰ ਧਰਾਯੋ । ਸੂਰਜ ਮਲ ਕੋ ਐਸ ਸੁਨਾਯੋ ।
ਤਜੈ ਦੇਹ ਪਿਤ ਕ੍ਰਿਤਿ ਸਵਾਰੋ । ਚਿੰਤਾ ਅਪਨੇ ਮਨ ਤੇ ਸਭ ਟਾਰੋ ॥ 612 ॥
ਰਵਿ ਮਲ ਕੀਨਾ ਤਬੈ ਇਸਨਾਨ । ਕ੍ਰਿਤ ਕਰੀ ਤਨ ਕ੍ਰਿਪਾ ਨਿਧਾਨ ।
ਸ੍ਰੀ ਗੁਰ ਦੇਹ ਇਸਨਾਨ ਕਰਾਯੋ । ਸੁੰਦਰ ਅਧਿਕ ਬਿਬਾਨ ਬਨਾਯੋ ॥ 613 ॥
ਜਰੀ ਬਾਦਲਾ ਅਨਗਨ ਲਾਇ । ਤਤ ਛਿਨ ਕਾਧੇ ਲੀਓ ਉਠਾਇ ।
ਰੂਪਚੰਦ ਭਾਨਾ ਇਕ ਓਰ । ਜੋਧ ਮਲ ਰਵਿ ਜਾਨ ਬਹੋਰ ॥ 614 ॥
ਢੁਰੇ ਚਵਰ ਬਹੁ ਬਾਜ ਬਜਾਏ । ਕਿਨਰ ਜਛ ਗਾਇ ਮਿਲਿ ਆਏ ।
ਮਾਰੂ ਰਾਗ ਹੋਇ ਅਤਿਅੰਤਾ । ਡਾਰਤ ਧਨ ਮਗ ਚਲੈ ਅਨੰਤਾ ॥ 615 ॥

ਦੋਹਰਾ

ਨਭ ਭੂਅ ਬਾਜੇ ਸਿਉ ਭਰਾ ਸੋਭਾ ਕਹੀ ਨਾ ਜਾਇ ।
ਤੀਰ ਸਤ੍ਰਦ੍ਰਵ ਜਾਇ ਕੈ ਚੰਦਨ ਚਿਖਾ ਬਨਾਇ ॥ 616 ॥
ਮਾਤ ਮਰਵਾਹੀ ਦਾਹ ਤਨ ਕਾਸੀ ਕੀਨ ਉਚਾਰ ।
ਪਤਾਲ ਪੁਰੀ ਤਿਹ ਨਾਮ ਹੈ ਸੁੰਦਰ ਰੂਪ ਨਿਹਾਰ ॥ 617 ॥

ਚੌਪਈ

ਇਹ ਠਾਂ ਦਾਹਿ ਜਿਸੇ ਨਰਾ ਹੋਈ । ਗੁਰੁ [ਕੈ]^੨ ਧਾਮ ਜਾਏ ਹੈ ਸੋਈ ।
ਸਭ ਕੋ ਭਾਨੇ ਐਸ ਸੁਨਾਏ । ਦਯਾਸਿੰਧ ਏ ਬੈਨ ਅਲਾਏ ॥ 618 ॥
ਰਾਖ ਚਿਖਾ ਪਰ ਸ੍ਰੀ ਗੁਰ ਦੇਹੀ । ਲਾਬੂ ਦੀਓ ਸੂਰਜ ਮਲ ਤੇ ਹੀ ।
ਸਾਹਿਬ ਭਾਨਾ ਲਾਇ ਦੀਵਾਨ । ਕੀਰਤਨ ਸੁਨਹਿ ਵਿਰਹਿ ਗੁਰ ਠਾਨ ॥ 619 ॥
ਭਗਤ ਸਿੰਘ ਹੋਇ ਰਾਗ ਅਪਾਰਾ । ਮਾਨਹੁ ਚਲੀ ਵਿਰਹ ਕੀ ਧਾਰਾ ।
ਕਪਾਲ ਕ੍ਰਿਆ ਕਰ ਕੀਨ ਇਸਨਾਨ । ਸੂਰਜ ਮਲ ਵਿਰਹੁ ਗੁਰ ਠਾਨ ॥ 620 ॥

ਦੋਹਰਾ

ਦਿਵਾਨ ਭੋਗ ਜਬਹੀ ਪਰਾ ਬਾਂਟ ਪ੍ਰਸਾਦਿ ਤਦਾਇ ।
ਬਰਤਨ ਕਥਾ ਸੁਧਾ ਮਯਾ ਅਤਿ ਚਿਤ ਸੋਕ ਬਧਾਇ ॥ 621 ॥

^੧ਅ ਪੋਥੀ ਕਾ ^੨ਅ ਪੋਥੀ ਵਿਚੋਂ

ਭਗਤ ਸਿੰਘ ਕਹਿ ਤਕ ਕਹੋ ਗੁਰੂ ਕੀ ਕਥਾ ਅਪਾਰ ।
ਇਹ ਸੂਚਨ ਤੋਂ ਪਹਿ ਕਹੀ ਦਯਾ ਸਿੰਘ ਨਿਰਧਾਰ ॥ 622 ॥
ਦਯਾਸਿੰਧ ਕੇ ਪੁਸ਼ਪ ਚੁਨ ਆਏ ਨਿਜ ਨਿਜ ਧਾਮ ।
ਜਹਿ ਜਹਿ ਗੁਰ ਆਇਸ ਦਈ ਜਪਤ ਗੁਰੂ ਮੁਖ ਨਾਮ ॥ 623 ॥

ਚੌਪਈ

ਸਾਹਿਬ ਭਾਨੇ ਕਾ ਸੁਤ ਜਾਨੋ । ਸਾਹਿਬ ਸ੍ਰਵਨ ਨਾਮ ਪਹਿਚਾਨੋ ।
ਸਾਹਿਬ ਭਾਨੇ ਬਾਂਹਿ ਗਹਾਇ । ਸਪਤਮ ਗੁਰ ਕਉ ਆਨੰਦ ਪਾਇ ॥ 624 ॥
ਰਾਮਦਾਸ¹ ਓਰ ਪੁਨ ਕੀਨ ਪਯਾਨਾ । ਸੁਨੋ ਸੰਤ ਧਰ ਆਨੰਦ ਠਾਨਾ ।
ਹਰਿ ਗੋਵਿੰਦ ਗੁਰ ਸਿਖ ਉਦਾਰੇ । ਤਾਂਕਉ ਆਵਤ ਨਾਂਹਿ ਸੁਮਾਰੇ ॥ 625 ॥
ਭਾਈ ਕਹਿਓ ਕਛੁਕ ਸੋ ਜਾਨੋ । ਵਾਰ ਇਕਾਦਸ ਮਾਂਹਿ ਪਹਿਚਾਨੋ ।
ਪੌੜੀ ਤੀਨ ਅੰਤ ਜੋ ਗਾਈ । ਛਠਮ ਗੁਰੂ ਜਹਿ ਭਏ ਸਹਾਈ ॥ 626 ॥
ਔਰ ਅਨੰਤ ਸਿਖ ਗੁਰ ਤਾਰੇ । ਭਗਤ ਸਿੰਘ ਕਛੂ ਨਾਂਹਿ ਸੁਮਾਰੇ ।
ਆਦਿ ਅੰਤ ਸਭ ਕਥਾ ਸੁਨਾਈ । ਛਠਮ ਗੁਰੂ ਕੀ ਜਨ ਸੁਖਦਾਈ ॥ 627 ॥

ਦੋਹਰਾ

ਸੋ ਇਹ ਪ੍ਰਸ਼ਨ ਤੁਮ ਥਾ ਕਰਾ ਸੋ ਸਭ ਦੀਆ ਸੁਨਾਇ ।
ਛਠਮ ਗੁਰੂ ਕੀ ਕਥਾ ਕਾ ਸੇਸ ਅੰਤ ਨਹੀਂ ਪਾਇ ॥ 628 ॥

ਚੌਪਈ

ਚਾਰ ਬੇਦ ਦਸ ਅਸ਼ਟ ਪੁਰਾਨ । ਆਗਮ ਖਟ ਬਯਾਕਰਨ ਬਖਾਨ ।
ਇਨ ਕੋ ਪੜ੍ਹ² ਤੀਰਥ ਸਭ ਨਾਏ । ਸੋ ਜਗ ਮਹਿ ਫਲ ਬਡ ਸਮ ਪਾਏ ॥ 629 ॥
ਤਿਹੰ ਤੇ ਸੋ ਗੁਨ ਫਲ ਤਿਹੰ ਹੋਈ । ਗੁਰ ਕੀ ਕਥਾ ਪੜ੍ਹੈ ਲਿਖੈ ਜਨ ਜੋਈ ।
ਸੁਨੈ ਵਿਚਾਰ ਹੀਏ ਜੋ ਧਾਰੈ । ਸੋ ਰਵਿ ਤਾਤ ਨਾ ਖੇਦ ਨਿਹਾਰੈ ॥ 630 ॥
ਧਿਆਇ ਇਕੀਸ ਪਾਠ ਜੋ ਕਰਹਿੰ । ਕੇਵਲ ਪਾਠ ਇਕ ਕੁਲ ਤਰਹਿੰ ।
ਭਗਤ ਸਿੰਘ ਮਨ ਆਨੰਦ ਪਾਇ । ਕ੍ਰਿਤ ਕ੍ਰਿਤ ਹੁਇ ਪਗ ਲਪਟਾਇ ॥ 631 ॥
ਮਨੀ ਸਿੰਘ ਕਹਿ ਆਨੰਦ ਧਾਰ । ਦਯਾਸਿੰਧ ਜਸ ਮੋਹਿ ਉਚਾਰ ।
ਸੋ ਸਭ ਤੋਂ ਕਉ ਕਥਾ ਸੁਨਾਈ । ਭਗਤ ਸਿੰਘ ਗੁਰ ਕੀ ਸੁਖਦਾਈ ॥ 632 ॥

ਦੋਹਰਾ

ਐਸੇ ਕਹਿ ਬਹੁ ਧੀਰ ਦੈ ਮਨ ਮਹਿ ਆਨੰਦ ਠਾਨ ।
ਮਨੀ ਸਿੰਘ ਤਬਹੀ ਕੀਓ ਨਿਜ ਪੁਰ ਓਰ ਪਯਾਨ ॥ 633 ॥
ਮਾਘ ਮਾਸ ਬਰਨਤ ਰਹੇ ਗੁਰ ਕੀ ਗਾਥ ਉਮੰਗ ।
ਸੁਨੋ ਸੰਤ ਐਸੇ ਸੁਖਦ ਮਿਲੈ ਜਾਂਹਿ ਸਤਿ ਸੰਗਿ ॥ 634 ॥

¹ਅ ਤੇ ਏ ਪੋਥੀ ਰਮਦਾਸ ²ਅ ਪੋਥੀ ਪਠ

॥ ਅਬ ਗੁੰਬ ਕਰਤਾ ਕੀ ਬਿਨਯ ॥

ਚੋਪਈ

ਬਾਰ ਬਾਰ ਬਿਨਤੀ ਹਉ ਗਾਉ । ਸਤਿ ਸੰਗਤਿ ਤੇ ਭੂਲ ਛਿਮਾਉ ।
 ਨੀਚ ਅਗਯਾਨਿ ਮਹਾਂ ਹਉ ਮਾੜਾ । ਛਲ ਕਪਟੀ ਸਭ ਕੂੜ ਪਸਾਰਾ ॥
 ਲੱਲਪ ਲੰਪਟ ਔਰ ਬਜ਼ਾਰੀ । ਮਮ ਅਵਗੁਨ ਕੇ ਨਹਿ ਸੁਮਾਰੀ ।
 ਐਸ ਜਾਨ ਮਮ ਕੋਈ ਨਾ ਰਾਖੈ । ਮੋਰੇ ਮਨ ਸੇਵਾ ਅਭਿਲਾਖੈ ।
 ਮਨੀ ਸਿੰਘ ਸੁਆਮੀ ਕਾ ਦਾਸ । ਧਰਮ ਸਿੰਘ ਜੀ ਬੁਧ ਪ੍ਰਕਾਸ਼ ।
 ਤਾਂ ਕਾ ਭਯੋ ਦਾਸ ਹਉ ਆਇ । ਤਿਨ ਮਮ ਕੀਨੀ ਅਧਿਕ ਸਹਾਇ ।
 ਸਿਖਯਾ ਦਈ ਮੰਤ੍ਰ ਗੁਰ ਦੀਨੋ । ਲਾਇਕ ਸਕਲ ਬਾਤ ਕਾ ਕੀਨੋ ॥ 1 ॥

ਦੋਹਰਾ

ਮਨੀ ਸਿੰਘ ਜਬ ਹੀ ਕਹੀ ਭਗਤ ਸਿੰਘ ਕੋ ਗਾਥ ।
 ਧਰਮ ਸਿੰਘ ਜੀ ਕਵਿ ਗੁਰੁ ਬੈਠ ਤਬੈ ਢਿਗ ਸਾਥ ॥ 2 ॥

ਚੋਪਈ

ਸੁਨੀ ਜੈਸ ਗੁਰ ਤਸ ਮਮ ਗਾਈ । ਮੋ ਪਰ ਕਿਰਪਾ ਕੀਨ ਮਹਾਈ ।
 ਆਇਸ ਕਰੀ ਛੰਦ ਰਚ ਲੀਜੈ । ਛੰਦ ਬੰਦ ਗੁਰ ਗਾਥਾ ਕੀਜੈ ।
 ਤਬ ਮੈਂ ਬਿਨੈ ਕੀਨ ਬਲ ਨਾਹੀ । ਇਨ ਕੀ ਬੁਧ ਚਾਤੁਰੀ ਨਾਹੀ ।
 ਤਬ ਮੁਹਿ ਸ੍ਰੀ ਗੁਰ ਐਸ ਅਲਾਇ । ਹਰਿ ਗੋਵਿੰਦ ਗੁਰ ਸ਼ਰਨੀ ਪਾਇ ।
 ਤਬ ਹਮ ਰਜ ਗੁਰ ਮਸਤਕ ਲਾਇ । ਉਦਮ ਕੀਨ ਗੁਰੂ ਗੁਨ ਗਾਇ ।
 ਅਵਲ ਸੁਨੋ ਛੰਦ ਪੁਨ ਕਰਹੋ । ਜਾਇ ਗੁਰੂ ਆਗੇ ਪੁਨ ਧਰਹੋ ।
 ਜੋ ਮਨ ਮਾਨ ਰਾਖ ਗੁਰ ਸੋਈ । ਪੁਨ ਹਉਂ ਕਰਉਂ ਭਾਖ ਗੁਰ ਜੋਈ ।
 ਜੇਨ ਮਾਸ ਸਸਿ ਉਦਮ ਕੀਨੋ । ਸੁਨੋ ਸੰਤ ਗੁਰੁ ਕਾ ਬਲ ਲੀਨੋ ।
 ਮਾਸ ਪੰਚ ਦਸ ਕਵਿਤਾ ਕੀਨੀ । ਗੁਰ ਪ੍ਰਸਾਦਿ ਅਧਿਕ ਸੁਖ ਲੀਨੀ ॥ 3 ॥

ਦੋਹਰਾ

ਸਤ੍ਰ ਸੈ ਬੀਤੇ ਤਬੇ ਬਰਖ ਪੱਝਤਰ ਜਾਨ ।
 ਸਾਵਨ ਮਾਸ ਬਾਈ ਸੁ ਦਿਨ ਗਯੋ ਸੁਖਦ ਪਹਿਚਾਨ ॥ 4 ॥
 ਸੁਦੀ ਪਖ ਦਿਨ ਪੰਚਮੀ ਸ੍ਰੀ ਗੁਰ ਕੇ ਪ੍ਰਸਾਦਿ ।
 ਪਾਇ ਭੋਗ ਗੁਰ ਗਾਥ ਕਾ ਕਰ ਕਵਿਤਾ ਅਹਿਲਾਦ ॥ 5 ॥
 ਨਾਮ ਜਾਨ ਸ੍ਰੀ ਗੁਰੂ ਕੋ ਕਵਿਤਾ ਜਿਹ ਬਲ ਕੀਨ ।
 ਪੁਰਸੋਤਮ ਜੀ ਧਰਮ ਹਰਿ ਮੋਹਿ ਦਾਸ ਤਿਨ ਚੀਨ ॥ 6 ॥
 ਪਰਤੱਖ ਹੋਤ ਗੁਰੁ ਦੇਵ ਕੇ ਸੇਵਕ ਮੋਹੇ ਨਿਨਾਮ ।
 ਤਾਤੇ ਜਾਨੋ ਦਾਸ ਕਵਿ ਸੰਤ ਪੁਰ ਮਮ ਕਾਮ ॥ 7 ॥

ਮਾਂਗੋ ਬਰ ਸਭਿ ਸੰਤ ਤੇ ਮੋਕੋ ਦਾਸ ਪਛਾਨ ।
 ਦੇ ਅਸੀਸ ਮਮ ਦਾਸ ਕੋ ਸਿਦਕ ਗੁਰ ਪਗ ਧਿਆਨ ॥ 8 ॥
 ਬਾਰ ਬਾਰ ਮੋਰੀ ਬਿਨੈ ਸੰਤ ਸਦਾ ਬਰਦਾਇ ।
 ਕਿੰਕਰ¹ ਅਪਨਾ ਜਾਨ ਕੈ ਕੀਜੈ ਅੰਤ ਸਹਾਇ ॥ 9 ॥

ਇਤਿ ਸ੍ਰੀ ਗੁਰ ਬਿਲਾਸ ਸ੍ਰੀ ਗੁਰੂ ਹਰਿ ਗੋਵਿੰਦ ਜੀ ਜੋਤੀ ਜੋਤ ਸਮਾਏ ਬਰਨੰਨ
 ਨਾਮ ਟਿਕੀਸਮੋ ਧਿਆਇ ਮਸਤ ਸੁਭ ਮਸਤ ਸਮਾਪਤ ॥ 21 ॥ ਵਾਹਿਗੁਰੂ ॥

ਲਿਖਾਰੀ ਕੀ ਬੇਨਤੀ

ਭਗਤ ਸਿੰਘ ਗਯਾਨੀ ਗੁਣ ਸਾਗਰ । ਗੁਰ ਜਸ ਕਥਹਿ ਮਹਾ ਰਤਾਨਗਰ ॥
 ਮਨੀ ਸਿੰਘ ਭਾਈ ਕੋ ਦਾਸਾ । ਧਰਮ ਸਿੰਘ ਕੀਨੋ ਗਯਾਨ ਪ੍ਰਕਾਸ਼ਾ ॥ 1 ॥
 ਮਨੀ ਸਿੰਘ ਧਰਮ ਸਿੰਘ ਗੁਰਭਾਈ । ਤਿਹ ਬਿਨੈ ਸੁਣ ਯਾ ਕਥਾ ਸੁਣਾਈ ॥
 ਧਰਮ ਸਿੰਘ ਗੁਰ ਆਇਸ ਦੀਨੀ । ਭਗਤ ਸਿੰਘ ਲਿਖਹੁ ਕਥਾ ਨਵੀਨੀ ॥ 2 ॥
 ਹਰਿ ਗੋਬਿੰਦ ਗੁਰ ਜੋਧਾ ਬਹੁ ਭਾਰੀ । ਕਥਾ ਲਿਖੀ ਹਿਤ ਪਰ ਉਪਕਾਰੀ ॥
 ਭਗਤ ਸਿੰਘ ਮਮ ਪੂਰਵਜ ਜਾਨਹੁ । ਜਾਹਿ ਲਿਖੀ ਯਾ ਕਥਾ ਮਹਾਨਹੁ ॥ 3 ॥
 ਤਿਹ ਗ੍ਰੰਥ ਲਿਖਹਿ ਗੁਰ ਸਾਖੀਅਨ ਕੇਰੇ । ਜਾਉ ਸਤਿਗੁਰ ਦ੍ਰਸੇ ਸਭਨ ਨਿਕਟੇਰੇ ॥
 ਹਰੀ ਸਿੰਘ ਮਮ ਨਾਮ ਪਛਾਨੋ । ਲਵਪੁਰ ਕਾ ਮੋਹਿ ਬਾਸੀ ਜਾਨੋ ॥ 4 ॥
 ਇਸ ਮਹਿ ਲਿਖ ਸਾਖੀ ਬਹੁ ਪਾਈ । ਪ੍ਰਸੰਗ ਮੇਲਵੇ ਰੁਚ ਮਨਹਿ ਬਢਾਈ ॥
 ਬਹੁ ਸਿਖਨ ਕਉ ਦੀਨ ਉਤਾਰੇ ॥ ਪਠੇ ਸੁਨਹਿ ਕਥਾ ਕਰਹਿ ਬੀਚਾਰੇ ॥ 5 ॥

ਦੋਹਰਾ

ਪੋਥੀ ਲਿਖੀ ਸੁਧਾਰ ਕੇ ਕੀਨੋ ਬਹੁ ਉਤਾਰ ।
 ਦੇਸ ਦੇਸ ਭੇਜਨ ਕੀਓ ਪਠੇ ਸਿੱਖ ਹਿਤ ਧਾਰ ॥ 6 ॥
 ਸ੍ਰੀ ਗੁਰ ਬਿਲਾਸ ਗ੍ਰੰਥ ਜੀ ਕਰਹਿ ਕਲਹਿ ਉਧਾਰ ॥
 ਸਰਕਾਰ ਪਯਾਨਾ ਤਬ ਕੀਉ ਲਵ ਪੁਰਹਿ ਮਝਾਰ ॥ 7 ॥
 ਸੋਕਗਾਨ ਮਨ ਬਹੁ ਭਯੋ ਕਲ ਨਾਰੀ ਬਹੁ ਭਾਂਤ ।
 ਥਰ ਥਰ ਮਹੀ ਕਾਪਤ ਫਰਹਿ ਕੋਇ ਨਾ ਸੁਨਹਿ ਬਾਤ ॥ 8 ॥
 ਭਜਹੁ ਨਾਮ ਹਰਿ ਗੋਬਿੰਦ ਕਉ ਅੰਤ ਸਹਾਈ ਹੋਇ ।
 ਯਹ ਜਗ ਏਕ ਸਹਾਇ ਹੈ ਸਦ ਰਹਯੋ ਨਹਿ ਕੋਇ ॥ 9 ॥
 ॥ ਬੋਲਹੁ ਵਾਹਿਗੁਰੂ ਵਾਹਿਗੁਰੂ ॥

¹ਅ ਪੋਥੀ ਦਾਸ

ਅੰਤਿਕਾ 1 ਅਰਥਾਵਲੀ

ਗੁਰਬਿਲਾਸ ਪਾਤਸ਼ਾਹੀ ਦੇ ਪੁਰਾਤਨ ਭਾਸ਼ਾ ਵਿਚ ਲਿਖੀ ਕਵਿਤਾ ਹੈ। ਇਸ ਵਿਚ ਵਰਤੇ ਗਏ ਕੁਝ ਕੁ ਅੱਖੇ ਸ਼ਬਦਾਂ ਦੇ ਅਰਥ ਪਾਠਕਾਂ ਦੀ ਸੁਵਿਧਾ ਲਈ ਅੱਖਰ-ਲਗਮਾਤਰ ਕ੍ਰਮ ਅਨੁਸਾਰ ਦਿੱਤੇ ਜਾਂਦੇ ਹਨ :—

(ੳ)

ਉਸਟਰ—ਉਠ। ਉਛਾਇ—ਉਤਸ਼ਾਹ। ਉਤਪਾਤ—ਝਗੜਾ, ਲੜਾਈ, ਅਸਾਂਤੀ। ਉਤਪਾਤਾ—ਬੇਚੈਨੀ, ਦੁਖ, ਉਪਦਰ। ਉਤਾਇਲ—ਉਤਾਵਲਾ। ਉਦਕ—ਜਲ, ਪਾਣੀ। ਉਦਾਰ—ਵਿਸ਼ਾਲ, ਸ਼੍ਰੇਸ਼ਟ। ਉਨਿ—ਉਣਤਾਈਆਂ। ਉਪਾਰੈ—ਖੋਲ੍ਹੇਗਾ। ਉਪਾਲੰਭ—ਉਲ੍ਹਾਂਭਾ। ਉਭੈ—ਦੋਵੇ। ਉਮਡਾਈ—ਘਟਾ ਚੜ੍ਹੀ ਹੋਈ। ਉਮਾਹਾ—ਚਾਅ। ਉਰ—ਦਿਲ, ਹਿਰਦਾ। ਉਰਲਾਈ ਛਾਤੀ ਨਾਲ ਲਾ ਲਿਆ। ਓਕ—ਘਰ। ਓਜ—ਤੇਜ, ਪ੍ਰਭੁੱਤਾ। ਓਪ—ਚਮਕਾ। ਓਪ ਕੈ—ਚਮਕ ਕੇ। ਉਮੰ—ਸਾਥੀ।

(ਅ)

ਅਸ—ਤਲਵਾਰ। ਅਸਪ—ਘੋੜੇ। ਅਸ੍ਰ—ਘੋੜਾ। ਅਸ੍ਰਨੀ—ਘੋੜੀ। ਅਸਗਰ—ਐਸਾ ਕਹਿ ਕੇ। ਅਸੂਆ—ਬਹੁਤ ਈਰਖਾ। ਅਹਿਪਤੀ—ਐਤਵਾਰ। ਅਹਿਲਾਦ—ਖੁਸ਼ੀ। ਅਕਾਮ—ਨਿਸ਼ਕਾਮ। ਅੰਕ—ਗੋਦੀ ਵਿਚ ਲੈ ਕੇ। ਅਖੈ—ਨਾਸ ਰਹਿਤ। ਅਗ—ਅਗਿਆਨੀ। ਅਗਨ ਪੌਨ—ਅਚਾਨਕ ਹਨੇਰੀ ਆ ਗਈ। ਅਗਵਾਨਨਿ—ਅਗੋਂ ਜਾ ਕੇ ਮਿਲਣ ਵਾਲੇ। ਅਗ੍ਰ—ਅੱਗੇ। ਅਗਰ ਘਰ। ਅਘ—ਪਾਪ। ਅਘਾਵੈ—ਤ੍ਰਿਪਤ। ਅੰਛਣ—ਵਹਿੜਾ। ਅਚਹੁ ਖੀਰ—ਦੁੱਧ ਪੀਓ। ਅਚੁੱਤ—ਅਟੱਲ। ਅਚੈ—ਪੀਵੇ। ਅਜ—ਅਜੂਨੀ। ਅਜਰ—ਜੋ ਜਰਨੀ ਔਖੀ ਹੋਵੇ। ਅੰਜਨੀ ਪੂਤ—ਹਨੂੰਮਾਨ। ਅਜਾ—ਬਕਰੀ। ਅਜਾਪਾਲ—ਬੱਕਰੀਆਂ ਪਾਲਣ ਵਾਲਾ, ਅਯਾਲੀ, ਆਜੜੀ। ਅਜੀਜ—ਪਿਆਰੇ। ਅੰਤਕ—ਮੌਤ, ਜਮਰਾਜ। ਅਤੰਤਾ—ਬਹੁਤ ਸਾਰੇ ਤਿਆਰ ਕੀਤੇ। ਅਤਿਸੈ—ਬਹੁਤ। ਅਥਿਓ—ਅਸਤ ਹੋ ਗਿਆ। ਅਥਿਤ—ਅਭਿਆਗਤ, ਜਾਚਕ। ਅਦੇਇ—ਨਾ ਦੇਣ ਯੋਗ। ਅਦੇਸ—ਨਮਸਕਾਰ। ਅਧਮ—ਨੀਚ। ਅਧਰਾ—ਹੇਠਲਾ। ਅਧਾਨ—ਗਰਭ। ਅਧੀਨੀ—ਨਿੱਮਰ ਹੋ ਕੇ। ਅਨੰਗ—ਕਾਮ ਦੇਵਤਾ। ਅਨਗਨ—ਅਣਗਿਣਤ। ਅਨਥਾ—ਉਲਟੀ। ਅਨਪਾਰ—ਬੇਅੰਤ। ਅਨਪਾਰੀ—ਬੇਅੰਤ। ਅਨਮਨ—ਉਦਾਸ। ਅਨਲ—ਅਗਨੀ। ਅਨਵਦ—ਦੋਸ਼-ਰਹਿਤ। ਅਨਵਾਏ—ਮੰਗਵਾਏ। ਅਨਾਥ—ਨਿਰਮਾਣ, ਬੇਮਾਲਕਾ। ਅਨੀਹ—ਇੱਛਾ ਰਹਿਤ। ਅਨੁਹਾਰ—ਸਮਾਨ, ਵਾਂਙੂ। ਅਨੁਜ—

ਛੋਟਾ ਭਰਾ । ਅਨੁਰਾਗ—ਪ੍ਰੇਮ, ਪਿਆਰ । ਅਨੁਰਾਗੇ—ਪ੍ਰੇਮ ਸਹਿਤ । ਅਨੂਪ—ਉਪਮਾ ਰਹਿਤ, ਸੁੰਦਰ । ਅਪ੍ਰਮਾਨ—ਪ੍ਰਮਾਣ ਰਹਿਤ । ਅਪ੍ਰਮੇਉ—ਜਿਸਦੀ ਮਿਣਤੀ ਨਾ ਹੋ ਸਕੇ । ਅਪਾਰੀ—ਬੇਸ਼ੁਮਾਰ । ਅਬਚਲ—ਸਦਾ ਕਾਇਮ ਰਹਿਣ ਵਾਲੀ, ਸਦੀਵੀ, ਅਮਰ । ਅਬਨਾਸ਼ੀ—ਜੋ ਕਦੇ ਨਾਸ ਨਾ ਹੋਣ ਵਾਲਾ ਹੋਵੇ । ਅੰਬਾਰਕਰੀ—ਹਾਥੀ ਦੀ ਅੰਬਾਰੀ । ਅਭਿਰਾਮ—ਅਨੰਦ ਭਰਪੂਰ, ਸੁੰਦਰ । ਅਭੇਦ—ਜਿਸਦਾ ਭੇਦ ਨਾ ਪਾਇਆ ਜਾ ਸਕੇ । ਅਭੇਵੇ—ਬੇਅੰਤ । ਅਮਲ—ਨਿਰਮਲ । ਅਮੀ—ਅੰਮ੍ਰਿਤ । ਅਮੋਘ—ਸਫਲ । ਅਮੋਰ—ਅੱਟਲ, ਅਮੋੜ । ਅਰਕ—ਸੂਰਜ । ਅਰਿ—ਵੈਰੀ । ਅਰੂੜ—ਸਵਾਰ । ਅਲਕੈਂ—ਜੁਲਫਾਂ । ਅਲਖ—ਜਿਸਦੀ ਗਤੀ ਨਾ ਜਾਣੀ ਜਾਏ । ਅਲਾਈ—ਕਿਹਾ । ਅਲਾਪ—ਗਲਬਾਤ, ਬੋਲਣਾ । ਅਲਿ—ਭੋਰੇ, ਸਹੇਲੀ । ਅਲੋਕ—ਅਲੌਕਿਕ, ਸੁੰਦਰ । ਅਵਸਤ—ਉਮਰ । ਅਵਗਤਿ—ਨੀਂਦ ਗਤੀ ਸਹਿਤ । ਅਵਤੰਗ—ਪਾਤਸ਼ਾਹ । ਅਵਨੀ—ਪ੍ਰਿਥਵੀ । ਆਸਾ—ਸੌਣਾ, ਛਟੀ । ਆਹਵ—ਜੰਗ । ਆਗਤ—ਚਲਦਾ । ਆਨਿਓ—ਲਿਆਂਦਾ । ਆਮਖ—ਮਾਸ । ਆਹਤ—ਆਤੁਰ, ਲਾਚਾਰ । ਅਰਥ—ਰਥਾਂ ਦੇ । ਆਯਸ—ਆਗਿਆ । ਆਯੁਹ—ਛੇਤੀ ਆਇਆ । ਆਯੁਧ—ਸ਼ਸਤ੍ਰ । ਆਰੰਨ—ਜੰਗਲ । ਐਠਾਯੋ—ਵਟਿਆ, ਚਾੜ੍ਹਿਆ । ਐਨ—ਘਰ ।

(ੲ)

ਇਕਠਾਣੀ—ਇਕੱਠੀਆਂ ਕਰਕੇ । ਇਜਾਰਾ—ਪਜਾਮਾ । ਇਦਾਨੀ—ਇਸ ਸਮੇਂ ।

(ਸ)

ਸਸ—ਚੰਦ । ਸਸਿਆਰ—ਚੰਦ੍ਰਮਾ । ਸਸੁਰਾਰੇ—ਸਹੁਰੇ ਨਾਲ । ਸਕ੍—ਨਦੀ । ਸਗ—ਕੁੱਤਾ । ਸੰਘਾਰੋ—ਮਾਰੋ । ਸਚਿਓ—ਸਾਜ ਲਵੇ, ਬਣਾ ਲਵੇ । ਸੰਤਤਿ—ਸੰਤਾਨ । ਸਤਿਯਾਤਮਾ—ਆਤਮ ਸੱਚ ਹੈ । ਸਦਨ—ਘਰ । ਸਦਾਕਾਲ—ਮੌਤ । ਸਧੂਚਾਪੀ—ਮੁੱਠੀ ਚਾਪੀ । ਸਨਾਥ—ਮਾਲਕ ਵਾਲਾ ਭਾਵ ਕ੍ਰਿਤਾਰਥ । ਸਨੁਖਾ—ਨੂੰਹ । ਸੰਪਟ—ਜੁੜੇ ਹੋਏ । ਸੰਬਾਦ—ਝਗੜਾ, ਵਾਦ-ਵਿਵਾਦ, ਵਾਰਤਾਲਾਪ । ਸੰਭ ਪਦ—ਸ਼ਿਵ ਜੀ ਦਾ ਮੰਤ੍ਰ । ਸੰਭਾਰ ਕੈ—ਜਾਣ ਕੇ । ਸਮ ਚਿਤ—ਇਕ ਚਿਤ, ਹਰਖ ਸੋਗ ਤੋਂ ਰਹਿਤ । ਸਮਤਾ—ਸਾਂਤੀ । ਸਮਧਾ—ਲਕੜਾਂ । ਸਮੁਹਾਇ—ਸਨਮੁਖ ਰਹਿੰਦੇ ਸਨ । ਸਮੁਰਾਵੈ—ਯਾਦ ਕਰੇ । ਸਮੇਜਾ—ਸਹਿਤ । ਸਮੋਧ—ਸੰਬੋਧਨ । ਸਯੰਦਨ—ਰਥ । ਸਯਾਲਨ—ਗਿਦੜਾਂ ਨੇ । ਸਰ ਈਸ਼ਾਣ ਕੌਣ—ਸਰੋਵਰ ਦੀ ਪੂਰਬੋਤਰੀ ਗੁੱਠ । ਸਰਜਾਲਾ—ਨੇਜੇ ਦਾ ਸਿਰਾ । ਸਰਤਾ—ਨਦੀ । ਸਰਦੂਲਹਿ—ਸ਼ੇਰ ਨੇ । ਸਰ—ਤੀਰ । ਸਰਮਾ—ਕੁੱਤਾ । ਸ੍ਰਮ—ਦੁਖ, ਥਕਾਵਟ । ਸ੍ਰੀ—ਮਾਇਆ । ਸੂਛਤ—ਆਪਣੀ ਇੱਛਾ ਅਨੁਸਾਰ । ਸਾਖ—ਸਾਖੀ, ਪ੍ਰਮਾਣ । ਸਾਮੰ—ਸ਼ਰਨ । ਸਾਮਾ—ਸ਼ਰਨ । ਸਾਰ—ਲੋਹਾ । ਸਾਰੰਗ—ਪਾਪੀਹਾ । ਸਾਰਤ—ਸੈਨਤ । ਸਾਰਦ—ਸਰਸਵਤੀ ਦੇਵੀ । ਸਿੰਸਪਾ—ਟਾਹਲੀ । ਸਿੰਗਲਾ ਦੋਪ—ਸ੍ਰੀ ਲੰਕਾ । ਸਿਤ ਤਿਖੇ । ਸਿਧਾਨਾ—ਗਏ । ਸਿਰਗਸਤ—ਛਤ੍ਰੀ । ਸਿਰਮੌਰ—ਸ਼ਰੋਮਣੀ । ਸਿਗਊਂ—ਠੰਢਾ ਕਰਾਂ । ਸੀਚ—ਵਰ੍ਹਦਾ ਹੈ । ਸੀਢ—ਬਾਜੀ, ਸ਼ਰਤ । ਸੀਲਵੰਤ—ਸ਼ਾਂਤ ਸੁਭਾਵ । ਸੀਵ—ਅੰਤ । ਸੀਵਾ—ਹੱਦ । ਸੁਸਕ—ਸਾਰ ਲੈਂਦੇ । ਸੁਕਾਵਰ—ਵਹਿੰਗੀਆਂ ਵਾਲੇ, ਕਹਾਰ ।

ਸੁਖਪਾਲ—ਪਾਲਕੀ । ਸੁਤਰੀ—ਉਠ ਉਪਰ ਰਖ ਕੇ ਵਜਾਉਣ ਵਾਲਾ ਨਗਾਰਾ । ਸੁਤਾ—ਧੀ । ਸੁਧਾ ਸਰੋਵਰ—ਅੰਮ੍ਰਿਤਸਰ ਸਰੋਵਰ । ਸੁਨਾਕ—ਸਵਰਗ । ਸੁਨੁਖਾ—ਨੂੰਹ । ਸੁਪਾਸਾ—ਲੰਘੇ । ਸੁਪੇਦ—ਹਿੰਦੂ ਵੇਸ । ਸੁਭਾ ਚਾਰ—ਚੰਗੇ ਚਾਲ ਚੱਲਣ ਵਾਲੀ ਔਰਤ । ਸੁਰ—ਦੇਵਤੇ । ਸੁਰਗਿੰਦੂ—ਸੂਰਗ । ਸੁਰਤਰਨੀ—ਅਪਛਰਾਂ । ਸੁਰ ਤਰੁ—ਕਲਪ ਬਿੰਦੂ । ਸੁਰਾਰੀ—ਦੇਵਤੇ । ਸੁਰਤ—ਕੰਨ । ਸੂਚਨ—ਸੰਖੇਪ । ਸੂਰ—ਸੂਰਜ । ਸੇਜ ਬੰਦ—ਪਲੰਘ ਦੇ ਵਿਛਾਉਣੇ ਨੂੰ ਪਾਵਿਆਂ ਨਾਲ ਖਿੱਚ ਕੇ ਬੰਨ੍ਹਣ ਵਾਲੀ ਸੂਤੀ ਜਾਂ ਰੇਸ਼ਮੀ ਰੱਸੀ । ਸੇਬਰ—ਸਿੰਮਲ । ਸੇਲੀ ਕਾਲੀ—ਉਨ ਦੀ ਰੱਸੀ ਜੋ ਫਕੀਰ ਆਪਣੀ ਟੋਪੀ ਜਾਂ ਪੱਗ ਉਪਰ ਬੰਨ੍ਹਦੇ ਹਮ । ਸੈਹਥੀ—ਬਰਛੀ । ਸੈਲ—ਪਥਰ । ਸ੍ਰੋਣ—ਖੂਨ । ਸੋਜੁ—ਸਾਮਾਨ । ਸੋਚ—ਇਸ਼ਨਾਨ ।

(ਹ)

ਹਕਾਰਾ—ਸੱਦਾ । ਹਤਿ—ਮਾਰ ਦਿੱਤੇ । ਹਨੇ—ਮਾਰੇ । ਹਨੇ—ਮਾਰਾਂਗਾਂ । ਹਯਸਾਲਾ—ਘੋੜ ਸਾਲਾ ਅਸਤਬਲ । ਹਯੇ—ਦਿਲ ਵਿਚ ਧਾਰਨ ਨਾਲ । ਹਰ—ਸੋਨਾ । ਹਰਖਾਈ—ਖੁਸ਼ ਹੋਏ । ਹਰਾਵੈ—ਚੋਰੀ ਕਰਵਾ ਦੇਣੇ । ਹਰਿ ਗਣ—ਹਰਿ ਦੇ ਸੇਵਕ, ਦੇਵਤਾ । ਹਰੀ—ਸ਼ੇਰ । ਹਰੈ—ਖਿਚ ਲਵੇ । ਹਲਾਹਲ—ਜ਼ਹਿਰ । ਹਲਵਾਹ—ਜੱਟ । ਹਾਕ—ਹੱਕ । ਹਿਤਿਕਾਰ—ਪਿਆਰ ਸਹਿਤ ਕਰੇਗਾ । ਹਿਨਨਾਇ—ਹਿਣਕੀ । ਹਿਵੈ ਘਰ ਬਾਧਨ—ਬਰਫ ਦਾ ਘਰ ਬਣਾ ਲਵਾਂ । ਹੇਤ—ਕਾਰਨ । ਹੇਰਾ—ਵੇਖ ਕੇ । ਹੈ—ਘੋੜਾ । ਹ੍ਰੈ—ਹੋ ਕੇ । ਹੁਲਸਾਇ—ਦਿਲ ਵਿਚ ਖੁਸ਼ ਹੋ ਕੇ । ਹੋਡ—ਸ਼ਰਤ ।

(ਕ)

ਕੰਠ ਮਾਲ ਮੁਕਤਾ—ਗਲ ਮੋਤੀਆਂ ਦੀ ਮਾਲਾ । ਕਤ—ਕਿਉਂ । ਕਤੰਚ ਮਾਤਾ—ਕਿੱਥੇ ਜਾਂ ਕੌਣ ਕਿਸੇ ਦੀ ਮਾਤਾ ਹੈ । ਕਤੇਬ—ਮੁਸਲਮਾਨੀ ਕਤੇਬਾਂ ਚਾਰ ਹਨ—ਕੁਰਾਨ, ਤੌਰੇਤ, ਜੱਬੂਰ ਤੇ ਅੰਜੀਲ । ਕੰਬ—ਹਾਥੀ । ਕਮਰ ਛਕਾਇ—ਕਮਰ ਕੱਸਾ ਖੋਲ੍ਹ ਕੇ । ਕਮਲਜ—ਬ੍ਰਹਮਾ । ਕਰਖ ਹੀਆ—ਦਿਲ ਖਿਚਿਆ । ਕਰਖਿਯੋ—ਖਿਚ ਲਿਆ । ਕਰਖੇ—ਕਰਦੀ ਹੈ । ਕਗਲ—ਡਰਾਉਣੇ । ਕੰਲੀਦ—ਕੰਜ । ਕਲੁ—ਕਲਜੁਗ । ਕਰਅੰਬੁਜ—ਹਸਤ ਕੰਵਲ ਵਿਚ, ਹਥ ਵਿਚ । ਕਲਾਹਲ—ਰੋਲਾ ਰੱਪਾ । ਕਾਇ—ਕਰ ਕੇ । ਕਾਸਟ—ਲੱਕੜੀ । ਕਾਜਾ—ਵਾਸਤੇ । ਕਾਂਜੀ ਪਯ—ਦੁਧ ਵਿਚ ਕਾਂਜੀ ਕਾਵਰ—ਵਹਿੰਗੀਆਂ । ਕਿੰਕਰ—ਦਾਸ । ਕਿਧੋ—ਜਾਂ । ਕ੍ਰਿਸ—ਕਮਜ਼ੋਰ । ਕ੍ਰਿਤ ਕ੍ਰਿਤ—ਕ੍ਰਿਤੱਗਯ । ਕਿਲ ਵਿਖ—ਪਾਪ । ਕੀਰ—ਤੋਤਾ । ਕੁਸਲ—ਸੁਖ-ਸਾਂਦ । ਕੁੰਕਮ—ਕੇਸਰ । ਕੁਚਹਿ—ਅਸਥਨ, ਥਣ । ਕੁਟਿਲ ਪ੍ਰਬੀਨਾ—ਵਲਾਂ ਛਲਾਂ ਵਿਚ ਚਤਰ । ਕੁਨਿੰਦਾ—ਕਰਨ ਵਾਲੇ । ਕੁੰਨੀ—ਤੋੜੀ । ਕੁਮਦਨ—ਗਤ ਨੂੰ ਖਿੜਨ ਵਾਲਾ ਫੁੱਲ, ਕਮਲ । ਕੁਵੰਡ ਬਾਨ—ਉਹ ਤੀਰ ਜੋ ਗੁੰਜਦਾ ਹੋਵੇ ! ਕੂਪ—ਖੂਹ । ਕੇਹਰ—ਸ਼ੇਰ । ਕੇਰ—ਕੰਢੇ । ਕੇਲ ਮਚਾਯੋ—ਮਖੌਲ ਦੀ ਖੇਡ । ਕੋਹ—ਪਗੜੀ । ਕੋਟ ਭਾਨ—ਕਰੋੜਾਂ ਸੂਰਜ । ਕੋਪ—ਗੁੱਸਾ । ਕੋਪਰ ਕਨਕ ਕਲਸ—ਸੋਨੇ ਦੇ ਥਾਲ ਤੇ ਘੜੇ । ਕੋਪਯੋ ਭਾਰੀ—ਬਹੁਤ ਗੁੱਸੇ ਹੋਏ । ਕੋਰ—ਕਰੋੜ ।

(ਖ)

ਖਗਰਾਜ—ਪੰਛੀਆਂ ਦਾ ਰਾਜਾ, ਖਗ ਨਾਇਕ—ਬਾਜ਼। ਖਚੇ—ਜੜੇ ਹੋਏ।
 ਖੰਜਨ—ਮਸ਼ੀਨ। ਖਟੁ ਕਰਮਾਂ—ਛੇ ਕਰਮ (ਯੋਗ ਕਰਨੇ, ਕਰਾਉਣੇ, ਵਿਦਿਆ ਪੜ੍ਹਨੀ,
 ਪੜ੍ਹਾਉਣੀ, ਦਾਨ ਦੇਣਾ, ਲੈਣਾ)। ਖਤੰਗ ਯੁਤ—ਤੀਰਾਂ ਸਹਿਤ। ਖਪਾਇ—ਲੁਕਾ ਕੇ,
 ਮਾਰ ਦਿੱਤੇ। ਖਾਸਾ—ਪਾਲਕੀ। ਖੀਨੋ—ਨਾਸ ਨਹੀਂ ਹੋਵੇਗਾ। ਖੁਧਿਆ—ਭੁਖ।
 ਖੁਨਸਾਯੋ—ਕ੍ਰੋਧ ਵਿਚ ਆਇਆ। ਖੇਪ—ਵਣਜ। ਖੇਮ ਸਾਂਤਿ—ਸੁਖ ਅਨੰਦ। ਖੜੋਸ
 ਵਰਖਨ—ਸੋਲਾਂ ਸਾਲ।

(ਗ)

ਗਸਤ—ਛਤ੍ਰ। ਗਹਾਏ—ਫੜ ਲਏ। ਗਹੁਰ—ਦੇਰ। ਗੰਜਨ—ਦੁਸ਼ਟਾਂ ਦਾ ਨਾਸ
 ਕਰਨ ਵਾਲੇ। ਗਟੀ ਬਿਚਾਰੇ—ਸੋਚਾਂ ਸੋਚੇ। ਗਣ—ਦਾਸ। ਗਣਾਗਣ—ਬੇਅੰਤ ਔਗੁਣ।
 ਗਥ ਸੂਛੀ—ਸੱਚੀ ਗੱਲ ਕਹੀ। ਗਦਾਇ—ਫਕੀਰ। ਗੰਧਰਬ—ਦੇਵ ਲੋਕ ਦੇ ਗਵਈਏ।
 ਗਨਕ—ਜੋਤਸ਼ੀ, ਪੰਡਤ। ਗਨਪਤੀ—ਵਿਸ਼ਨੂੰ ਭਗਵਾਨ। ਗੰਮਿ—ਪਹੁੰਚ। ਗਰਅੰਚਰ—
 ਗਲ ਵਿਚ ਪਲਾ ਪਾਕੇ। ਗਰਧਬ—ਖੋਤਾ। ਗਰਬਾਤ—ਹੰਕਾਰ। ਗ੍ਰਾਮ ਪਟਾ—ਇਕ ਪਿੰਡ
 ਜਾਗੀਰ ਵਜੋਂ ਲਿਖ ਦਿੱਤਾ। ਗਲਤਾਨਯੋ—ਭੁੱਖੇ ਹੋਏ। ਗਲੀ—ਧੂੜ, ਭਾਵ ਤੁਛ।
 ਗਾਛਹੁ ਪੁਤ੍ਰੀ—ਜਾਓ ਧੀਓ। ਗਾਡਰ—ਭੇਡਾਂ। ਗਾਂਡੀਵ—ਬ੍ਰਹਮਾ ਦਾ ਧਨੁਖ। ਗਾਥ—
 ਗੱਲ। ਗੁਰੁ ਪ੍ਰਗਵ—ਸ੍ਰੇਸ਼ਟ ਮਹਾਂ ਪੁਰਸ਼। ਗੈਣ—ਅਕਾਸ਼ ਵਿਚ। ਗੋਈ—ਕਹਿੰਦੀ ਹੈ।
 ਗੋ ਹਿਤ—ਪ੍ਰਿਥਵੀ ਦਾ ਪਿਆਰ। ਗੋਧੂਰ—ਸ਼ਾਮ। ਗੋਨ—ਬੋਰੀ।

(ਘ)

ਘੰਨ—ਬਦਲ। ਘਾਈ—ਮਾਰੀਏ। ਘਾਮ—ਤਪਤ। ਘ੍ਰਾਣ—ਸੁੰਭ। ਘ੍ਰਮ—
 ਮਸਤ।

(ਚ)

ਚਤੁਰਥ—ਚੌਥੀ। ਚਤੁਰੰਗਨੀ—ਚਾਰੇ ਅੰਗਾਂ ਵਾਲੀ ਸੈਨਾ, ਹਾਥੀ, ਘੋੜੇ, ਰਥ
 ਆਦਿ। ਚਤੁਗਨਨਿ—ਬ੍ਰਹਮਾ। ਚਪਲਾ—ਬਿਜਲੀ। ਚਮ੍ਰੁ—ਸੈਨਾ। ਚਰਨਾਬੁਜ—ਚਰਨ
 ਕੰਵਲ। ਚਰਮ—ਢਾਲ। ਚਰਿਤ—ਕਥਾ। ਚਾਤ੍ਰਿਕ—ਪਪੀਹਾ। ਚਾਰ ਪਦਾਰਥ—ਧਰਮ,
 ਅਰਥ (ਧਨ), ਕਾਮ (ਕਾਮਨਾ ਪੂਰਤੀ) ਤੇ ਮੋਕਸ਼ (ਮੁਕਤੀ)। ਚਾਵਡ—ਗਿਰਝਾਂ।
 ਚੀਨੀ—ਵੇਖ ਕੇ। ਚੁਪ ਮੁਦਾਮਾ—ਪੱਕੀ ਚੁਪ ਹੀ ਰਖੋ। ਚੌਂਸਠ ਬਿਦਿਆ—ਹਰ ਪ੍ਰਕਾਰ
 ਦੀ ਵਿਦਿਆ। ਚੌਂਪ—ਖੁਸ਼ੀ।

(ਛ)

ਛਟਾ—ਬਿਜਲੀ। ਛਾਕੀ—ਮਧੋਮ ਪੈ ਗਈ। ਛਾਨੋ—ਲੁਕਾਓ। ਛਾਰ—ਸਵਾਰ।
 ਛਾਜ—ਲਗਾ ਕੇ। ਛਾਯਾ—ਪਰਛਾਵਾਂ। ਛਿਤ—ਪਾਪ। ਛਿੰਤ—ਘਾਉ। ਛਿਮਾਪਨ—
 ਖਿਮਾ। ਛੀਜੀਏ—ਥਕਾਵਟ ਦੂਰ ਹੋਵੇਗੀ। ਛੀਰ—ਦੁਧ। ਛੁਧਾਵਾਨ—ਭੁੱਖੀ। ਛੇਰੀ—
 ਬੱਕਰੀ। ਛੋਬ—ਵਿਆਕੁਲਤਾ।

(ਜ)

ਜਉਨ—ਰੋਸਨੀ । ਜੰਗਮ—ਤੁਰਦਾ ਫਿਰਦਾ । ਜਗੀਸ—ਜਗਤ ਦਾ ਸੁਆਮੀ ।
 ਜੱਛ—ਗਵੱਈਏ । ਜਟਤ ਜੀਨ—ਜੜਾਉ ਕਾਠੀਆਂ । ਜਖਰ—ਗਰਭ । ਜਦਪਿ—ਭਾਵੇਂ ।
 ਜਦੁਗਈ—ਕ੍ਰਿਸ਼ਨ ਭਗਵਾਨ । ਜਨਵਾਸੇ—ਜੰਵ ਦਾ ਨਿਵਾਸ ਅਸਥਾਨ । ਜਫਰ—ਫਤਿਹ ।
 ਜੰਬਕ ਜੂਥ—ਗਿੱਦੜਾਂ ਦਾ ਟੋਲਾ । ਜਮਧਰ ਮਾਰੀ—ਕਟਾਰ ਮਾਰੀ । ਜਰੀ ਸਿਪਰ—
 ਸੁਨਹਿਰੀ ਢਾਲ । ਜਲਵੀਚੀ—ਜਲ ਦੀ ਲਹਿਰ । ਜਲੇਸੁਰ—ਜਲ ਦਾ ਦੇਵਤਾ ।
 ਜੂਰ—ਬੁਖਾਰ, ਤਾਪ । ਜਾਚਤ—ਮੰਗਦੇ ਹਨ । ਜਾਚਨ—ਮੰਗ । ਜਾਨਵੀ—ਗੰਗਾ ।
 ਜਾਨੂੰ—ਗੋਡਾ । ਜਾਮ—ਪਹਿਰ । ਜਿਗਾ—ਮਹਾਪੁਰਖਾਂ ਤੇ ਰਾਜਿਆਂ ਦੇ ਸਿਰ ਦਾ
 ਗਹਿਣਾ । ਜੀਨ—ਕਾਰੀ । ਜਿਮ ਖੀਨੋ—ਜਿਵੇਂ ਵਿਆਕੁਲ ਹੋ ਗਿਆ । ਜੁਹਾਰ—
 ਬੰਦਨਾ, ਨਮਸਕਾਰ । ਜੁਗਲ—ਦੋ । ਜੁਤ—ਸਹਿਤ । ਜੁਤ ਸਾਹ—ਬਾਦਸ਼ਾਹ ਸਮੇਤ ।
 ਜਰੈ—ਸੜਦੀ ਹੈ । ਜੇਤਕ—ਜਿੰਨੀਆਂ, ਜੋਵੈ—ਵੇਖਣਾ ।

(ਝ)

ਝੰਖਾਰਾ—ਬਾਰਾਂ ਸਿੰਗਾ । ਝੋਲ ਝੋਲ—ਰਿੜਕ ਕੇ ।

(ਟ)

ਟੀਕੋ—ਟਿੱਕੀ, ਭਾਵ ਗੁਰੂ ਨਿਯਤ ਕਰਵਾਵਾਂ ।

(ਠ)

ਠਾਢਾ—ਖੜਾ । ਠਾਨ—ਬਣਾਈਏ । ਠਯੋ—ਰਚਿਆ । ਠੌਰ—ਥਾਂ, ਟਿਕਾਣਾ ।

(ਡ)

ਡਸਾਈ—ਵਿਛਾਈ । ਡੰਜਾ—ਚਾਹ, ਇੱਛਾ । ਡਰ—ਪਾ ਕੇ । ਡਾਯੋ—ਡਾਇਣਾਂ ।
 ਡਾਰੂ—ਨਾਸ ਕਰ ਦੇਣ ਵਾਲੇ । ਡੀਲ ਕਗਰੇ—ਡਰਾਉਣੀਆਂ ਸ਼ਕਲਾਂ ਵਾਲੇ ।

(ਢ)

ਢਾਕ—ਬੱਧੇ ਹੋਏ ਕੈਦੀ । ਢਿਗ ਲੀਨੇ—ਕੋਲ ਸੱਦ ਲਏ ।

(ਤ)

ਤਸਕਰ—ਚੋਰ । ਤਟ—ਪਾਸ, ਕਿਨਾਰਾ । ਤਤਕਾਰ—ਛੇਤੀ । ਤਦਪਿ—ਫੇਰ
 ਭੀ । ਤਪਹਿ ਨਿਕੇਤ—ਤਪ ਅਸਥਾਨ । ਤਮ—ਅੰਨ੍ਹੇਰਾ । ਤਮਕ—ਕ੍ਰੋਧ । ਤਮਚਰ—ਰਾਤ
 ਦਿਨ ਫਿਰਨ ਵਾਲੇ । ਤਮਚਨ ਪਿਸਤੌਲ । ਤਰਨੀ—ਇਸਤ੍ਰੀਆਂ । ਤ੍ਰਸਤਿ—ਡਰ ਕੇ ।
 ਤ੍ਰਾਣ—ਨੰਗੇ । ਤਾਤ—ਪਿਤਾ । ਤਾਬੀਬ—ਹਕੀਮ । ਤਾਂਬੂ—ਤਾਂਬਾ । ਤਾਮ੍ਹ—ਤਾਂਬਾ ।
 ਤਰੋਵਰ—ਕਲਪ ਬਿਰਛ । ਤਾਵ—ਪਤਰਾ । ਤਾਤਤ ਛਾਤੀ—ਪਿਟਦੀਆਂ ਸਨ । ਤਿਹੰ
 ਵਾਰ ਉਸ ਵਾਰ, ਉਸ ਵੇਲੇ । ਤਿਮਰ—ਤਿਮਰਲਿੰਗ । ਤ੍ਰਿਭਵਣ—ਤਿੰਨ ਲੋਕ ।
 ਤ੍ਰਿਯਾ—ਇਸਤਰੀ । ਤਿਲਾਂਜਲ—ਜਲ ਦੀ ਚੁਲੀ ਦਾਨ ਕਰਨਾ । ਤੀਰ ਬਿਪਾਸ—
 ਬਿਆਸਾ ਦਰਿਆ ਦੇ ਕੰਢੇ । ਤੁੰਡੀ—ਮੂੰਹ । ਤੁਨੀਰ—ਭੱਥਾ । ਤੁਮ—ਤਮਾਸ਼, ਬਹੁਤ ਸਾਰੇ ।
 ਤਮਣ—ਟੋਲਾ । ਤੁਰਾ ਤੀਤ—ਤੇਰੇ ਤਿਆਗੀ ਸੰਤ । ਤੁਲਗ—ਤਰਨ ਵਾਲਾ ਆਸਰਾ ।
 ਤ੍ਰਸਨ—ਚੁਪ । ਤੁੰਨ—ਭੱਖਾ । ਤੁੰਬਰ—ਤੰਬੂਰਾ ਚੁੰ ਤਾਰਾਂ ਵਾਲਾ ਸਾਜ । ਤੇਵਰ ਪਾਟ—

ਰੇਸ਼ਮੀ ਤਿੰਨੇ ਕਪੜੇ । ਤ੍ਰੈ-ਗੁਣ—ਰਜੋ, ਤਮੋ, ਸਤੋ । ਤੋਇ—ਪਾਣੀ ।

(ਦ)

ਦਸੰਗਰੀਬ—ਦਸਾਂ ਸਿਰਾਂ ਵਾਲਾ ਭਾਵ ਰਾਵਣ । ਦਸਰਥੀ—ਸ੍ਰੀ ਰਾਮ ਚੰਦਰ ।
ਦਹਾ—ਨਾਸ ਹੋ ਗਿਆ । ਦਗਰਾ—ਰਾਹੀ । ਦਧ—ਸਮੁੰਦਰ । ਦਧ ਚਿਰਵਾ—ਦੁੱਧ ਦੇ
ਬਣੇ ਪਦਾਰਥ । ਦਯੋ—ਭੇਜੇ । ਦੁਮਛਾਨ—ਘੋਰ ਲੈਂਦੀ ਹੈ । ਦ੍ਰਵਤ—ਪੰਘਰ ਗਿਆ ।
ਦਲ—ਫੌਜ । ਦਾਹਿ ਅੱਗ । ਦਾਰਦ—ਗਰੀਬੀ । ਦਾਰਮ—ਅਨਾਰ । ਦਾਗ ਜੁਤ—
ਇਸਤ੍ਰੀ ਸਮੇਤ । ਦਿਨ ਸਸੀ—ਸੌਮਵਾਰ । ਦਿਨਪਤਿ—ਸੂਰਜ । ਦ੍ਰਿਗਨ—ਅਖਾਂ ।
ਦੀਨਨ—ਗਰੀਬਾਂ ਨੂੰ । ਦੁਆਦਸ—ਬਾਰਾਂ । ਦੁਸ਼ਨਾਮ—ਗਾਲੀਆਂ । ਦੁਕੂਲ—ਬਸਤ੍ਰ ।
ਦੁਖਹੀਤੀ—ਲੋਕਾਂ ਦਾ ਦੁਖ ਦੂਰ ਕਰੇਗੀ । ਦੁਖੰਡ—ਦੋ ਧੜ । ਦੁੰਦ—ਦ੍ਰੋਤਾ ਭਾਵ ।
ਦੁੰਦਭ ਵਾਵਹਿੰ—ਨਗਾਰੇ ਵਜਾਉਂਦੇ ਸਨ । ਦੁਤਿਆ—ਦੂਜੇ । ਦੁਧ ਸੁਤ—ਅੰਮ੍ਰਿਤ
ਸਰੋਵਰ । ਦੇਹਿ ਭੁਲਾਏ—ਦੇਹ ਬਦਲ ਲਈ । ਦੇਵ ਨੇਤ—ਵਾਹਿਗੁਰੂ ਦੀ ਰਜ਼ਾ । ਦੇਵ
ਬਧੂ—ਦੇਵਤਿਆਂ ਦੀਆਂ ਇਸਤ੍ਰੀਆਂ, ਅਪੱਛਰਾਂ ।

(ਧ)

ਧਰੇ ਪਰੇ—ਧਰਤੀ ਤੇ ਲੰਮੇ ਪੈ ਗਏ । ਧਰਨ—ਧਰਤੀ । ਧਰ ਪਾਤ—ਚਿੱਠੀ ਲੈ ਕੇ ।
ਧਰਾ—ਧਰਤੀ । ਧੜਬ—ਜਿਨਸ ਤੋਲਣ ਦਾ ਕੰਮ । ਧਾਮ—ਘਰ । ਧਾਰੋ—ਦਿਲ ਵਿਚ
ਸੋਚ ਲਵੇ । ਧੇਨਪਾਲ—ਗਊਆਂ ਚਾਰਨ ਵਾਲਾ, ਵਾਗੀ । ਧੂਮ ਧੂੜ । ਧੌਲ—ਮੰਦਰ,
ਮਕਾਨ ।

(ਨ)

ਨਕਾਸ—ਚਿਤ੍ਰਕਾਰ । ਨਕੀਬ—ਭੱਟ, ਵੰਸ ਦੀ ਉਸਤਤੀ ਕਰਨ ਵਾਲੇ । ਨਕੂਲ—
ਨਿਉਲਾ । ਨਖਤ—ਤਾਰੇ । ਨਗ—ਪਹਾੜ । ਨਦੀਨੇ—ਘਾਹ । ਨਫੀਰੀ—ਸ਼ਹਿਨਾਈ ।
ਨਭ ਬਾਨੀ—ਅਕਾਸ਼ਬਾਣੀ । ਨਿੰਮੂ—ਹੇਠਾਂ । ਨਰ ਹਰਿ—ਨਰਸਿੰਘ ਅਵਤਾਰ ।
ਨਰੀ—ਮਨੁੱਖ । ਨਵਸਤ—ਸੌਲਾਂ । ਨਵਨੀਤ ਸਮਾਨਾ—ਮਖਣ ਵਾਂਗ । ਨਯੂਨਤਾ—ਕਮੀ ।
ਨਾਈ—ਨਿਵਾ ਕੇ । ਨਾਸੰਕ ਗ੍ਰੀਵ—ਤੋਤੇ ਵਰਗੀਆਂ ਨਾਸਾਂ । ਨਾਕ—ਸੂਰਗ । ਨਾਗਰ—
ਸ਼ਹਿਰ ਦੇ ਲੋਕ । ਨਾਤਰ—ਨਹੀਂ ਤਾਂ । ਨਾਥ—ਸੁਆਮੀ । ਨਿਸ—ਰਾਤ । ਨਿਸਚਰ—
ਰਾਖਸ਼, ਭੂਤ । ਨਿਸਪਤਿ—ਚੰਦਰਮਾ । ਨਿਸ ਬਾਸਰ—ਰਾਤ ਦਿਨ । ਨਿਸਰ—ਚੌਫਾਲ ।
ਨਿਹਚੈਨਾ—ਨਿਸਚੈ ਕਰਕੇ । ਨਿਰਪਾਪ—ਪਾਪ ਰਹਿਤ । ਨਿਕਸ—ਨਿਕਲ ਕੇ । ਨਿਕਾਸ—
ਕੱਢ ਦਿੱਤਾ । ਨਿਕੇਤ—ਘਰ । ਨਿਖਤ—ਤਾਰੇ । ਨਿਖੰਜਨੋ—ਨਾਸ ਕਰਨ ਵਾਲਾ ।
ਨਿਛਾਵਰ—ਸਿਰ ਵਾਰਨੇ । ਨਿਦਾਨ—ਅੰਤ ਸਮੇਂ । ਨਿਦੇਸ—ਆਗਿਆ । ਨਿਧਾਸਨ—
ਬਿਰਤੀ ਦੀ ਇਕਾਗਰਤਾ । ਨਿਰਗੁਣ—ਗੁਣਾਤੀਤ, ਗੁਣ ਰਹਿਤ, ਪ੍ਰਭੂ ਦਾ ਉਹ ਰੂਪ ਜੋ
ਨਜ਼ਰ ਨਹੀਂ ਆਉਂਦਾ । ਨਿਰਜਾਸ—ਨਿਰਣਾ ਕਰਕੇ । ਨਿਰਧਾਰ—ਵਿਚਾਰ ਕੇ ।
ਨਿਰਬਾਣ—ਇਕ ਰਸ, ਲਗਾਤਾਰ । ਨਿਵਡ ਤਮ—ਗੂੜ੍ਹਾ ਅੰਨ੍ਹੇਰਾ । ਨਿਵਡ ਤਰ—
ਸੰਘਣੇ ਰੁੱਖ । ਨਿਵੇਦੈ ਨਮਸਕਾਰ । ਨੀਕ ਗਾਤਾ—ਅੱਛੀ ਗਤੀ । ਨੀਮ—ਅੱਧਾ ।
ਨੀਲ—ਨੀਲਾ, ਮੁਸਲਮਾਨੀ ਵੇਸ । ਨੀਰਜ—ਕਮਲ । ਨੁਖਾ—ਨੂੰਹ । ਨੁਖਰ—ਪੈਰਾਂ ਦਾ

ਗਹਿਣਾ, ਝਾਂਜਰ । ਨੇਤ—ਅਵਿਨਾਸੀ, ਜਿਸਦਾ ਕਦੇ ਨਾਸ ਨਾ ਹੋਵੇ । ਨੇਤ ਹੀ ਨੇਤ—
ਇਹ ਵੀ ਨਹੀਂ, ਇਹ ਵੀ ਨਹੀਂ । ਨੇਤਨ—ਨਵਾਂ ਹੀ ।

(ਪ)

ਪਹੁਨਾਈ—ਪਹੁਣਾਚਾਰੀ । ਪੰਕਜ ਸੁਤ—ਬ੍ਰਹਮਾਂ । ਪੱਖ ਦਿਵਸ—ਚੋਦਾਂ
ਦਿਵਸ । ਪੱਖ ਰਾਕਾਂ—ਚਾਨਣਾ ਪੱਖ ਪੂਰਨਮਾਸੀ । ਪਗ ਰਜ—ਚਰਨਾਂ ਦੀ ਧੂੜ ।
ਪਚ—ਸੜ । ਪਛਾਰਯੋ—ਪਟਕਾ ਮਾਰਿਆ । ਪਟ ਪਾਵੜੈ—ਮਕਾਨ ਅਗੇ ਵਿਛਾਇਆ
ਉਹ ਫਰਸ਼ ਜਿਸ ਉੱਤੇ ਪਹੁਣਾ ਪੈਰ ਧਰ ਕੇ ਲੰਘੇ । ਪਠ—ਭੋਜ ਕੇ । ਪਠਯੋ—ਭੋਜੀਏ ।
ਪਤਿ ਬਾਮ—ਪਤੀ, ਪਤਨੀ । ਪਦ—ਪਦਵੀ, ਚਰਨ । ਪਦ ਨੀਰਜ—ਚਰਨ ਕੰਵਲ ।
ਪਨਹੀ—ਜੁੱਤੀ । ਪਨਾਹਿ—ਫਸੀਲ । ਪਯਗਰਾ—ਦੁੱਧ ਵਾਂਗ ਉੱਜਲ । ਪਰਸ—
ਟੱਕੂਆ । ਪਰਜਨ—ਪਰਾਏ ਲੋਕ । ਪਰਮਾਨੰਦ—ਵਾਹਿਗੁਰੂ । ਪਰਮਾਰਥ—ਧਰਮ, ਬਾਣੀ
ਵਿਆਖਿਆ । ਪ੍ਰਹਾਰ—ਦੂਰ ਕੀਤਾ । ਪ੍ਰਕਾਸ਼ਾ—ਕਿਹਾ । ਪ੍ਰਕਾਸੀ—ਖੋਲ੍ਹ ਕੇ ਦਸੀ ।
ਪ੍ਰਚਾਵਣੀ—ਮਾਤਮ ਪੁਰਸ਼ੀ । ਪ੍ਰਜਾਪਤਿ—ਘੁਮਿਆਰ । ਪ੍ਰਤਿਨਾ—ਫੌਜ । ਪਰਬੰਧ—
ਸੁੰਦਰ ਕਾਵਿ ਰਚਨਾ । ਪ੍ਰਭੁਤਾਈ—ਵਡਿਆਈ । ਪ੍ਰਮਾਣ—ਮੰਨੇ ਪ੍ਰਮੰਨੇ । ਪ੍ਰਯੋਕ—
ਪਲੰਘ । ਪਲਾਹਿ—ਇਕ ਰੁੱਖ ਦਾ ਨਾਂ । ਪਾਇਸ—ਖੀਰ । ਪਾਇਕ—ਸੇਵਾਦਾਰ ।
ਪਾਇਨ—ਚਰਨਾਂ ਨੂੰ । ਪਾਹਨ—ਪੱਥਰ । ਪਾਕ—ਭੋਜਨ ਛਕਣ ਦਾ ਅਸਥਾਨ, ਪਵਿਤਰ ।
ਪਾਗਾ—ਮਗਰ ਹੋਇਆ । ਪਾਛੈ—ਪਿਛੈ । ਪਾਤੀ—ਚਿੱਠੀ । ਪਾਮਰ—ਕਮੀਨੀ ।
ਪਾਰਖਦ—ਦੇਵਤੇ । ਪਾਵਸ—ਬਰਸਾਤ । ਪਾਵਲਾ—ਚਾਰ ਆਵੇ । ਪਿਆਨਾ—
ਚਲਿਆ, ਤੁਰਿਆ । ਪਿਸਾਚ—ਭੂਤ । ਪਿਕ ਬੈਨਨਿ—ਮਿੱਠੇ ਬੋਲ । ਪਿਖਾ—
ਵੇਖਿਆ । ਪਿਰਾਹਨ ਖੁਲਾ ਚੋਲਾ । ਪੀਛੇ ਪਦ—ਪੁੱਠੇ ਪੈਰੀ । ਪੀਪਲਕਾ—ਕੀੜੀ ।
ਪੀਰੀ—ਫੱਕੀਰੀ । ਪੁੰਗਣ—ਉਤਮ, ਸ਼੍ਰੇਸ਼ਟ । ਪ੍ਰਜਾਰਿਆਂ—ਪੂਰੀ ਹੋਈ । ਪੁਨਰ—ਫੇਰ ।
ਪੁੰਨੀ—ਪੂਰੀ ਹੋ ਗਈ । ਪੁਰ—ਪਿੰਡ । ਪੁਰਸਾਰੋ—ਵੇਸ, ਪੀੜ੍ਹੀ, ਖਾਨਦਾਨ । ਪੁਰਜਨ—
ਪਿੰਡ ਦੇ ਲੋਕ । ਪੁਰੰਦਰ—ਇੰਦ੍ਰ । ਪੁਰੀ—ਸੱਚਖੰਡ । ਪੁਲਕ ਗਾਤ—ਖੁਸ਼ੀ ਵਿਚ ਸਾਰਾ
ਸਰੀਰ ਦੇ ਕੰਡੇ ਖੜੇ ਸਨ । ਪੁਲਕਾਵਲ—ਖੁਸ਼ੀ । ਪੁਰਬਵਤ—ਪਹਿਲੇ ਵਰਗਾ । ਪੇਲੇ—
ਫਾਹੀ ਲਾਉਂਦੇ ਹਨ । ਪੈ—ਦੁੱਧ । ਪੈਜ—ਇੱਜ਼ਤ, ਵਡਿਆਈ । ਪੈਨਾਵਨੀ—ਪ੍ਰਸ਼ਾਕਾਂ ।
ਪੈ ਯੋ—ਪਰ ਇਸ ਤਰ੍ਹਾਂ । ਪ੍ਰੇਖ ਪ੍ਰੇਖ—ਗੁਪਤ । ਪ੍ਰੇਖਾ ਪ੍ਰੇਖ—ਪਿਛੈ ਹੋਈਆਂ ਬਾਤਾਂ ।
ਪੋਟ—ਪੰਡ । ਪ੍ਰੇਦ—ਲੋਟ ਕੇ । ਪੌਰ—ਨੰਗਰ ਦਾ ਦਰਵਾਜ਼ਾ ।

(ਫ)

ਫਲੁਚਾਰ—ਚਾਰ ਫਲ (ਧਰਮ, ਅਰਥ, ਕਾਮ, ਮੋਖ) । ਫੀਲ—ਹਾਥੀ । ਫੋਟਕ—
ਪਾਟਕ, ਫੁੱਟ ।

(ਬ)

ਬਘੂਲਾ ਬੜਵਾ—ਅਗਨੀ ਭੜਕਦੀ ਹੈ । ਬਚ ਗਾਯੋ—ਬਚਨ ਕਿਹਾ । ਬਚਨਾਰੋ—
ਬਰਨ । ਬਜ਼—ਪੱਥਰ । ਬਜ਼ਾਰੀ—ਮਰਯਾਦਾ ਰਹਿਤ । ਬਟੇਰੀ—ਭੋਜਨ ਦੀ ਸਾਰੀ ਸਮਗ੍ਰੀ
ਭੇਜੀ । ਬਡ ਰੰਗ—ਕੋੜ । ਬਦਨ—ਚਿਹਰਾ । ਬੰਦਨ—ਬੰਨ੍ਹਿਆ । ਬਧਕ—ਸ਼ਿਕਰੀ ।

ਬਨਰਾਜ—ਸਾਰੀ ਬਨਸਪਤੀ। ਬਪ—ਸਰੀਰ। ਬੰਬੂਰ—ਕਿਕਰ। ਬਯੋਜਨ—ਪੱਖਾ। ਬਯੋਤ—ਵਿਉਂਤ, ਤਰੀਕਾ। ਬਰ—ਵਰਣਨ। ਬਰੰਤ—ਵਰਦੀਆਂ। ਬਰੰ ਬਰੂਹ—ਵਰ ਮੰਗ। ਬਲਭ—ਪ੍ਰੇਮੀ। ਬਲਾਰ—ਬਲੀ। ਬਾਸਕ—ਬਾਸਕ ਨਾਗ। ਬਾਜ—ਘੋੜਾ। ਬਾਜੰਤੀਅਨ—ਵਾਜੇ ਵਜਾਉਣ ਵਾਲੇ। ਬਾਮ—ਇਸਤ੍ਰੀ, ਘਰਵਾਲੀ। ਬਾਰਕ—ਵਾਰੀਆਂ। ਬਾਰੂ—ਰੇਤ। ਬਿੰਸ—ਬੀਸ, ਬਿੰਸ ਸਸ—ਇੱਕੀ। ਬਿਸਮਹਿ—ਅਸਚਰਜ। ਬਿਸਮਾਨ—ਹੈਰਾਨ। ਬਿਸਮੈ—ਹੈਰਾਨੀ। ਬਿਸਰਾਇ ਕੈ—ਭੁਲਾ ਦਿੱਤਾ ਹੈ। ਬਿਸਾਰਦ—ਪੰਡਤ। ਬਿਸਾਲ—ਮਹਾਨ। ਬਿੰਸੇਕ—ਵੀਹ। ਬਿਹਾਇ—ਦੇਰੀ ਤਜ ਕੇ। ਬਿਹਾਲਾ—ਵਿਆਕੁਲ। ਬਿਖਮਤਾ—ਕੋਧ ਵਾਲਾ। ਬਿਖਯਾਤ—ਪ੍ਰਗਟ। ਬਿੱਚਛਨ—ਗੁਣਵਾਨ ਵਿਦਵਾਨ। ਬਿਚਰਤ—ਫਿਰਦੇ ਸਨ, ਵਿਚਰਦੇ। ਬਿਗਸਏ—ਪ੍ਰਸੰਨ ਹੋਏ। ਬਿੰਜਨ—ਖਾਣੇ। ਬਿਤ—ਧਨ ਦੋਲਤ। ਬਿਦਰ—ਕ੍ਰਿਸ਼ਨ ਮਹਾਰਾਜ ਦਾ ਇਕ ਗਰੀਬ ਭਗਤ। ਬਿੰਦੂ—ਸਾਰੇ ਪਾਪ। ਬਿਧਤਯੁ—ਵਿਧੀ ਅਨੁਸਾਰ। ਬਿਧ—ਵੱਡੀ। ਬਿਧੂਪ—ਲਾਲ ਹੋਂਠ। ਬਿਨੀ ਬੈਨ ਟੇਰੇ—ਬੇਨਤੀਆਂ ਕੀਤੀਆਂ। ਬਿਪ੍ਰ—ਬ੍ਰਾਹਮਣ। ਬਿਬ—ਦੋ। ਬਿਬਖਾਰੇ—ਲਾੜੇ ਲਾੜੀ ਦੇ ਬੈਠਣ ਲਈ ਦੋ ਆਸਣ। ਬਿਭੂ—ਪ੍ਰਭੂ। ਬਿਮਨ—ਉਦਾਸ। ਬਿਮਲ—ਨਿਰਮਲ। ਬਿਮਾਨਾ—ਅਤਿਅੰਤ ਨਿਮਰ। ਬਿਮੋਚਤ—ਹੰਝੂ ਪੁੰਝਦਿਆਂ। ਬਿਯਾਰ—ਹਵਾ। ਬਿਰੰਚ—ਬ੍ਰਹਮਾ। ਬਿਰਦ—ਧਰਮ। ਬਿਰਦਾਇ—ਚਰਨਾਂ ਨੂੰ। ਬਿਲਛਤ—ਆਨੰਦ ਮਾਣਦੇ। ਬਿਲਮ—ਦੇਰ। ਬਿਲਾਇ—ਨਾਸ ਹੁੰਦਾ ਹੈ। ਬਿਲੋਕੀ—ਵੇਖ ਕੇ। ਬੀਜਨ ਕਰੇ—ਪੱਖਾ ਝੱਲੇ। ਬੀਥਨ—ਗਲੀਆਂ, ਬਾਜ਼ਾਰ। ਬੁੰਬ—ਜ਼ੋਰ ਦੀ ਜਲਧਾਰਾ। ਬੇਸਰੂ—ਖੱਚਰ ਤੇ। ਬੇਗ—ਝਟ ਪਟ। ਬੇਨ—ਬਾਜ। ਬੈਨ—ਬਚਨ। ਬੈਰ ਨਿਕੰਦਨ—ਵੈਰ ਭਾਵ ਨਾਸ ਕਰਨ ਵਾਲੇ। ਬੋਧ—ਬੁੱਤ, ਮੂਰਤੀ।

(ਭ)

ਭਗਤਿ ਵਛਲ—ਭਗਤਾਂ ਦੇ ਪਿਆਰੇ। ਭਗਨੀ—ਭੈਣ। ਭਵ—ਜਨਮ। ਭਵ ਹਨੇ—ਡਰ ਦੂਰ ਕਰ ਦੇਵੇ। ਭਵ ਸਿੰਧ—ਡਰਾਉਣਾ ਸੰਸਾਰ ਸਮੁੰਦਰ। ਭਯੋ—ਬਹੁਤ ਹੋਇਆ। ਭਾਖਾ—ਦੇਸ਼ ਭਾਸ਼ਾ। ਭਾਖੋ—ਵਰਣਨ ਕਰਨਾ। ਭਾਨ—ਸੂਰਜ। ਭਾਲ—ਮੱਥਾ। ਭਿਸਤ—ਬਹਿਸਤ। ਭਿਸਤਗੇ—ਸੂਰਗਵਾਸ। ਭਿੰਡ—ਪਾਖੰਡ। ਭ੍ਰਿਤ—ਦਾਸ, ਸੇਵਕ। ਭੀਤ—ਕੰਧ। ਭੁਗਤਿ—ਭੋਗ। ਭੁਵ ਨਭ—ਧਰਤੀ ਆਕਾਸ਼। ਭੂਸੁਰ—ਬ੍ਰਾਹਮਣ। ਭੂਖਤ ਕਰੀ—ਗਹਿਣਿਆਂ ਨਾਲ ਸ਼ਿੰਗਾਰੀਆਂ। ਭੂਖਨ ਬਸਨ—ਗਹਿਣ ਤੇ ਬਸਤਰ। ਭੂਧਰ—ਪਹਾੜ। ਭੂਰ—ਮੀਂਹ ਵਾਂਗ। ਭੇ—ਭਏ। ਭੋਗੀ—ਸੱਪ। ਭਯੋ ਸੁ ਗਾੜ—ਇਹ ਵੱਡਾ ਜੰਗ ਹੋਇਆ। ਭੋਨ—ਘਰ।

(ਮ)

ਮਉ ਕੀ—ਨਾਨਕਾ ਮੇਲ। ਮਸਨੰਦ—ਤਖਤ। ਮਹਾਇਓ—ਬਹੁਤ। ਮਹਾਯੋ—ਮਹਾਨ। ਮਹਿਖ—ਮੱਝ। ਮਹੇਸ਼—ਸ਼ਿਵ ਜੀ। ਮੰਚ—ਪਲੰਘ। ਮਜਨ—ਇਸ਼ਨਾਨ। ਮਝਾਰਿ—ਵਿਚ। ਮਤਿ ਕਾਮੀ—ਥੋੜ੍ਹੀ ਮਤ ਵਾਲਾ। ਮਦਕੇ ਮਾਤੇ—ਹੰਕਾਰ ਵਿਚ ਮਸਤ।

ਮਦਨ ਤਪਤ ਤੇ—ਕਾਮ ਦੇਵਤਾ ਦੀ ਅਗਨੀ ਤੋਂ । ਮਦ ਮਾਨਾ—ਹੰਕਾਰ ਕਰਕੇ ।
 ਮਦਰ ਦੇਸ—ਪੰਜਾਬ । ਮਧਿਆਨਾ—ਦੁਪਹਿਰ ਸਮਾਂ । ਮਨਸਬ—ਅਹੁਦਾ । ਮਾਨਕ—
 ਹੀਰੇ ਪੰਨੇ ਤੇ ਲਾਲ ਆਦਿ । ਮਨੀਖਾ—ਮਨ ਦੀ ਇੱਛਾ । ਮਨੀ ਪੰਚਾਨਨਿ—ਭਾਈ ਮਨੀ
 ਸਿੰਘ । ਮਯੰਕ—ਚੰਦ । ਮਯਾ—ਕ੍ਰਿਪਾ । ਮਰੀਚ—ਸੂਰਜ ਦੀ ਕਿਰਨ । ਮਲੀਨੀ—
 ਮਲੇਸ਼ । ਮਾਥਾ ਧੁਨਿਓ—ਫਿਕਰ ਹੋਇਆ । ਮਾਝ—ਵਿਚ । ਮਾਨੀ—ਹੰਕਾਰ । ਮਾਰ
 ਗੈਡਹ—ਪਖੰਡ ਖਲਾਰ ਕੇ । ਮਿਸਤਾਰੇ—ਉਸਦੇ ਬਹਾਨੇ । ਮ੍ਰਿਖਾ—ਝੂਠ ਮਿਥਿਆ ।
 ਮ੍ਰਿਗਿੰਦ—ਸ਼ੇਰ । ਮ੍ਰਿਤ ਕ੍ਰਿਤ—ਮ੍ਰਿਤਕ ਸੰਸਕਾਰ । ਮੀਰੀ—ਬਾਦਸ਼ਾਹੀ । ਮੁਸਵਰ—
 ਚਿਤ੍ਰਕਾਰ । ਮੁਸਾਹਿਬ—ਅਹਿਲਕਾਰ । ਮੁਕਤਾਏ—ਖੋਲ੍ਹ ਦਿੱਤੇ । ਮੁਕਰ—ਸ਼ੀਸ਼ਾ ।
 ਮੁਖੰਚਾਰ—ਬ੍ਰਹਮਾ । ਮੁਦਤ ਮਨ—ਪ੍ਰਸੰਨ ਚਿਤ । ਮੁਦਾਮਾ—ਪੱਕੇ ਤੌਰ ਤੇ । ਸਦੀਵੀ
 ਮੁਰਾਰੇ—ਵਿਸ਼ਨੂੰ ਭਗਵਾਨ ਜੀ । ਮੂਖ—ਮੂਰਖ । ਮੂਡ—ਸਿਰ । ਮੇਦ—ਧਰਤੀ । ਮੇਰ ਸਮ
 —ਸੁਮੇਰ ਪਰਬਤ ਜੇਡਾ । ਮੈਥੁਨ—ਇਸਤ੍ਰੀ ਭੋਗ । ਮੈਨ—ਕਾਮ ਦੇਵਤਾ । ਮੋਹਾਰੇ—ਮੋਹਿਤ
 ਹੁੰਦੇ ਸਨ । ਮੌਲ—ਸਿਰ ।

(ਯ)

ਯਯਦਾ—ਕਰਤਾਰ, ਪਰਮਾਤਮਾ । ਯਾਨ—ਰਬ, ਬਿਬਾਨ, ਅਰਬੀ ।

(ਰ)

ਰਸ ਪਾਗੇ—ਰਸਾਂ ਵਿਚ ਮਗਨ । ਰਸਾਲ—ਰਸਦਾਇਕ । ਰਖਯ—ਰਖਿਆ ।
 ਰੰਗ—ਪ੍ਰੇਮ । ਰੰਚ—ਰਤਾ ਭਰ । ਰਜ—ਧੂੜ । ਰਜਨੀ—ਰਾਤ । ਰਜੂਤੀ—ਰਾਜਪੂਤੀ
 ਸ਼ਾਨ । ਰਤਿ—ਕਾਮਦੇਵ ਦੀ ਇਸਤ੍ਰੀ । ਰੰਭਾ—ਕੇਲਾ । ਰੰਮਯ—ਸੁੰਦਰਤਾ । ਰਰੈ—ਕਹੇ ।
 ਰਵਿ—ਸੂਰਜ । ਰਵਿ ਸੁਤ—ਧਰਮ ਰਾਜ । ਰਵਿ ਦਿਨ—ਐਤਵਾਰ । ਰਾਜਤ—ਸਵਾਰ ।
 ਰਾਮ ਜਨੀ—ਵੇਸਵਾਵਾਂ । ਰਾਰ—ਝਗੜਾ । ਗਵਰ—ਆਪ ਦੇ । ਰਿਸ—ਕ੍ਰੋਧ । ਰਿਸਾਇ—
 ਗੁੱਸੇ ਵਿਚ । ਰਿਖ—ਲੜਕੀਆਂ । ਰਿਦਾ ਸਿਰਾਉਂ—ਦਿਲ ਠੰਡਾ ਕਰਾਂਗਾ । ਰਿਧ ਸਿਧ—
 ਸੱਭ ਕਰਾਮਾਤਾਂ ਤੇ ਸ਼ਕਤੀਆਂ । ਰੁਚਰ—ਸੁੰਦਰ । ਰੂਪ ਅਨਾਦਿ—ਰਬ ਰੂਪ । ਰੂਪਨੂਪ—
 ਅਸਚਰਜ । ਰੂਰੀ—ਸੁੰਦਰ । ਰੂਰੇ—ਸੁੰਦਰ । ਰੂੜ—ਸਵਾਰ । ਰੇਨਹ—ਧੂੜ ।
 ਰੋਕੀ—ਨਕਦ । ਰੋਖ—ਜੋਸ਼ । ਰੋਝ—ਨੀਲ ਗਾਂ । ਰੋਦਨ—ਰੋਣਾ । ਰੋਪੀਯੋ—ਪੈਰ
 ਗੱਡ ਲਏ ।

(ਲ)

ਲਹੰ—ਜਾਣਦੇ ਹੋ । ਲਗ—ਕਿਹਾ । ਲਖਾਈ—ਜਾਣ ਕੇ । ਲਘ ਸੰਕਾ—ਪੇਸ਼ਾਬ
 ਕਰਨਾ । ਲੰਪਟ—ਡੁੱਬੇ । ਲਪਟਾਨਾ—ਲਿਪਟਣਾ । ਲਲਤ—ਸੁੰਦਰ । ਲਾਬੋ ਡੀਲ—ਲੰਮੇ
 ਕੱਦ ਵਾਲਾ । ਲਿਲਾਰ—ਮੱਥੇ ਤੇ । ਲੇਵੇ—ਗੰਢੇ । ਲੈ ਨਵਲਾ—ਫੁਲਾਂ ਦੀ ਛਟੀ ।
 ਲੋਊ—ਲੋਕ । ਲੋਕਿੰਦ੍ਰ—ਦੇਵ ਲੋਕ । ਲੋਲਪ—ਲੋਭੀ । ਲੋਲਪ ਲੰਪਟ—ਵਿਸ਼ੇ ਵਿਕਾਰਾਂ
 ਵਿਚ ਲੀਨ । ਲੋ ਪੁਰ—ਲਾਹੌਰ ਤੋਂ ।

(ਵ)

ਵਕ੍ਰ—ਟੇਢੀ। ਵਖਯਸਥਲ—ਵੱਖੀ ਵਿਚ। ਵਛਲ—ਭਗਤਾਂ ਦਾ ਪ੍ਰੇਮ।
 ਵਨੀ ਪਟ—ਅੱਗ ਦੇ ਕਪੜੇ। ਵਾਮ—ਖੱਬਾ। ਵਾਰ ਸਸੀ—ਸੋਮਵਾਰ। ਵਿਸਕ—ਵੈਰ
 ਦੀ ਵਿਸ। ਵਿਸਟਾ—ਗੰਦਗੀ। ਵਿੰਸਤ—ਵੀਹਵਾਂ। ਵਿਸੂਰੇ—ਦੁਖ। ਵਿਕਲਪ—
 ਇਕਾਗਰ ਚਿਤ। ਵਿਖੇਪ ਘਬਰਾਹਟ। ਵਿਪਰਜੇ—ਉਲਟਾ, ਵਿਰੁੱਧ। ਵਿਰਕਤ—ਮੋਹ
 ਰਹਿਤ। ਵਿਰਹਿ—ਵਿਛੋੜਾ। ਵਿਰਾਮ—ਖੁਲ੍ਹਣਾ।

ਅੰਤਕਾ 2 ਸਹਾਇਕ ਗ੍ਰੰਥਾਵਲੀ

ਇੰਦਰ ਸਿੰਘ ਗਿੱਲ (ਸ)	-ਗੁਰ ਬਿਲਾਸ ਪਾਤਸ਼ਾਹੀ ਛੇਵੀਂ
ਸਮਸ਼ੇਰ ਸਿੰਘ ਅਸ਼ੋਕ (ਸ)	-ਸ੍ਰੀ ਗੁਰ ਸੋਭਾ-ਸੈਨਾਪਤੀ
	-ਸਾਡਾ ਹੱਥ ਲਿਖਤ ਸਾਹਿਤ
	-ਨਿਸ਼ਾਨ ਤੇ ਹੁਕਮ ਨਾਮੇ ।
ਸੁਰਿੰਦਰ ਸਿੰਘ ਕੋਹਲੀ (ਡਾ)	-ਪੰਜਾਬੀ ਸਾਹਿਤ ਦਾ ਇਤਿਹਾਸ
	-ਪੰਜਾਬੀ ਸਾਹਿਤ ਕੋਸ਼ (ਤਿੰਨ ਭਾਗ)
	-ਪੰਜਾਬ ਯੂਨੀਵਰਸਿਟੀ ਪੰਜਾਬੀ
	ਸਾਹਿਤ ਦਾ ਇਤਿਹਾਸ ।
ਹਰਿਭਜਨ ਸਿੰਘ (ਡਾ)	-ਗੁਰਮੁਖੀ ਲਿਪੀ ਮੇਂ ਹਿੰਦੀ ਕਾਵ੍ਯ
ਕਰਮ ਸਿੰਘ (ਹਿਸਦੋਰੀਅਨ)	-ਇਤਿਹਾਸਕ ਖੋਜ
ਕਾਨ੍ਹ ਸਿੰਘ (ਭਾਈ)	-ਮਹਾਨ ਕੋਸ਼
	-ਗੁਰ ਛੰਦ ਦਿਵਕਾਰ
	-ਗੁਰੂਸ਼ਬਦਾਲੰਕਾਰ
	-ਗੁਰਮੱਤ ਮਾਰਤੰਡ
ਗੁਰਮੁੱਖ ਸਿੰਘ (ਡਾ)	-ਗੁਰਬਿਲਾਸ ਬਾਬਾ ਸਾਹਿਬ ਸਿੰਘ ਬੇਦੀ
	-ਗੁਰੂ ਨਾਨਕ ਬੰਸ ਪ੍ਰਕਾਸ਼
ਗੰਡਾ ਸਿੰਘ (ਡਾ)	-ਸ੍ਰੀ ਗੁਰੂ ਸੋਭਾ ਕ੍ਰਿਤ ਸੈਨਾਪਤੀ
ਭਾਸ਼ਾ ਵਿਭਾਗ, ਪੰਜਾਬ	-ਗੁਰਬਿਲਾਸ ਪਾਤਸ਼ਾਹੀ ਛੇਵੀਂ
	-ਗੁਰਬਿਲਾਸ ਪਾਤਸ਼ਾਹੀ ਦਸਵੀਂ
ਰਤਨ ਸਿੰਘ ਜੱਗੀ (ਡਾ)	-ਦਸਮ ਗ੍ਰੰਥ ਦਾ ਪੌਰਾਣਿਕ ਅਧਿਐਨ
	-ਸਾਹਿਤ ਕੋਸ਼
	-ਪੰਜਾਬੀ ਸਾਹਿਤ ਸੰਦਰਭ ਕੋਸ਼
ਰਾਇ ਜਸਬੀਰ ਸਿੰਘ (ਡਾ)	-ਗੁਰੂ ਅਮਰਦਾਸ ਸ੍ਰੋਤ ਪੁਸਤਕ
ਵੀਰ ਸਿੰਘ (ਭਾਈ)	-ਅਸ਼ਟਗੁਰੂ ਚਮਤਕਾਰ (ਭਾਗ 3)